

**ARNOLDI VINNII J.C.
IN QUATUOR LIBROS
INSTITUTIONUM
IMPERIALIUM
COMMENTARIUS...**

Arnold Vinnen, Josè Maria Fonseca
de Evora





MAG 68



2

ARNOLDI
VINNII JC.

In Quatuor Libros

INSTITUTIONUM
IMPERIALIUM
COMMENTARIUS

Academicus, & Forensis.

JO. GOTTL. HEINECCIUS JC.

Recensuit, & Praefationem Notulasque adjecit.

TOMUS PRIMUS.



VENETIIS, MDCCXXXVI.

Ex Typographia Balleoniana.

SUPERIORUM PERMISSU, AC PRIVILEGIIS.

1 2 3 4 5 6 7 8 9 10 11 12

LECTORI

S. P. D.

J. O. GOTTL. HEINECCIUS.



UM multa à viris etiam doctissimis reprehendi solent in operosa illa ac præclara Justiniani legislatione; tum sæpenumero quibusdam mirari contingit, atque etiam stomachari, quod Imperator, illa perfecta, Jureconsultis leges interpretandi illustrandique facultate, tanquam aqua & igni, interdixerit, eosque ad conficienda admonitoria, *παράτιτλα* atque indices improvido consilio damnavit (a). Legum enim interpretationem tam credunt plerique necessariam, ut ea civitatem non facilius, quam ipsis legibus, carituram, officiumque Jurisconsultorum sine illa præclara facultate inane atque infructuosum reipublicæ futurum, arbitrentur. Qua fronte, inquirunt, JCr sustinebit nomen, qui leges nescit? Leges autem quo pacto scire se dixerit, qui verba earum tenet, non vim ac potestatem? (b) Vim denique ac potestatem legum an quisquam, quantacunque sit ingenii perspicacia, adsequetur, si non modo interpretationes nullæ exstent, verum etiam iis, qui hanc reipublicæ operam navare cupiunt, grave ex lege Cornelia iudicium imminet? (c) Accedit, quod quum nulla lex, nullumque SCrum, teste Juliano, (d) ita scribi possit, ut omnes, qui quandoque inciderint, casus comprehendant, imperfectam admodum ac veluti macilentam esse oporteret jurisprudentiam, nisi illi succus ac sanguis ex interpretatione prudentum accederet. Denique & experientiam, rerum omnium magistram, Romanos docuisse existimant, hac Jureconsultorum operam reipublicam carere non posse. Sane enim quid artificiosius unquam scriptum fuisse dicamus, quam illum XII. Tabularum libellum, cujus *νομοθεσιας βραχυνος η ἀπερίστωτος συγκεφάλω* & posteris, teste Diodoro Siculo (e) unice sunt admirati; quem Crassus apud Ciceronem (f) *omnibus omnium Philosophorum bibliothecis* anteposuit, quem denique Livius (g) *fontem universi publici privatiq; juris*; & Tacitus, (h) scriptor *πολιτικός*, *finem equi juris* vocare non dubitavit? Et tamen his legibus latis, statim coepit necessaria videri interpretatio prudentum disputatioque fori, (i) eique unice acceptum ferimus, quod jurisprudentia Romana in tam augustam atque admirabilem disciplinam effloruerit. Quod si autem ea JCrorum diligentia carere non potuit civitas, quum exiguum illud legum Decemviralium corpus, tam elegante atque absoluta brevitate verborum compositum, (k) in foro regnaret: qui fieri, quæso, posset, ut opus Justinianeum diffusissimum, atque ex innumeris variorum auctorum fragmentis consutum sine interpretum commentariis ab ullo mortali intelligatur? Quam multa enim in eo sunt subtilia? quam multa abstrusa? Quantum ubique veteris philosophiæ, quantum antiquitatis, quantum juris publici latet? Quam sæpe etiam contingit, ut leges quædam live vere, live in specieat pugnantes crucem figant viris doctissimis? Si autem & ii, qui haud mediocri doctrinæ ac litterarum prætidio instructi ad sacra illa accedunt, aliquando hæsitant, ac in tanta interpretationum copia Delio sibi natatore opus esse fatentur; quid illis contingeret, qui

2 2

omni

(a) Const. *Deo auctore*. §. 12. de concept. Drg. (b) L. 17. ff. de legib. (c) Const. *Tanta*. §. 51. de cons. Digest. (d) L. 10. l. 11. l. 11. ff. de legib. (e) Diodor. Sicul. lib. xxi. cap. 26. (f) Cic. *de Oratore* lib. i. cap. 41. (g) Liv. lib. iii. cap. 31. (h) Tacit. *Annal.* lib. iii. cap. 27. (i) L. 1. §. 3. ff. de orig. jur. (k) Gell. *Noct. Att.* lib. xx. cap. 1.

J. O. GOTTL. HEINECCI

omni interpretationis lumine destituti veluti illuni nocte per vastam legum silvam ire, ibique investigare juberentur artem æqui & boni, non minus occultam ac repertu difficilem, quam fatalem illam virgam fuisse fingunt, de qua Sibylla apud Virgilium: (a)

Latet arbore opaca

Aureus & foliis & lento vimine ramus,

Junoni inferna dictus sacer: hunc tegit omnis

Lucus, & obscuris claudunt convallibus umbrae.

Ita illam Justiniani providentiam nonnulli exagitant; nihilque rectius factum esse arbitrantur, quam quod iniquissimam istam sanctionem, quam Accursius (b) absfona interpretatione emollire cupiebat, tacitis suffragiis abrogarit æquior rerum æstimatrix posteritas.

Enimvero quamvis hæc sint dictu speciosa, tamen consideranti rem paullo accuratius, non adeo absurdum mihi videtur Justiniani consilium, quod illi quam maxime vituperandum existimant. Fuit sane illa non modo Justiniani, sed sapientissimorum quorumvis legislatorum sententia, non expedire reipublicæ subtiliores de legibus disputationes, hæcque potius memoriæ mandandas, factisque exprimentas, quam explicandas esse commentariis. Nulli olim Spartæ erant Jurisconsulti, nulli Labeones, Sabini, Juliani, qui Lycurgi leges interpretarentur: & nullus tamen populus Spartanos justitia ac disciplinæ severitate superabat: quum contra Romæ, atque apud ipsos Hebræos, ubi viri doctissimi in interpretandis legibus omnem operam industriamque collocabant, eo minus jus diceretur secundum leges, quo magis ferveret jurisprudentiæ atque eloquentiæ forensis studium. Nimirum ita comparata est legum ratio, ut quo simplices sunt ac pauciores, eo certius plerumque ac promptius ex iis jus dicatur, (c) quantoque magis cives videas τὰς τοὰς ἐμπιπλάαι γραμμάτων, porticus implere literis, tanto facilius eveniat, ut quemadmodum vis morborum pretia medentibus, sic fori tabes pecuniam caussidicis ferat (d). Et hoc ipsum profecto veritus Justinianus conticescere jussit Jureconsultorum oracula, calamisque scripturientium commentarios ferias indixit, ne, quod in antiquioribus factum est, per contrarias interpretantium sententias totum jus conturbaretur, (e) vel, ut alibi (f) consilii rationem reddit, ne verborum interpretum aliquod legibus adferret ex confusione dedecus, quod & in antiquis edicti perpetui commentatoribus factum, qui opus moderate confectum huc atque illuc in diversas sententias perducunt in infinitum distraxerint, ut pene omnis Romana sanctio fuerit confusa. Itaque experientia docuerat Justinianum, quantum detrimenti jus Romanum passum sit non modo à fori tintinnabulis, verum etiam ab antecessoribus, qui se gryphorum jurisprudentiæ interpretes profitebantur. Quæ enim fuerit horum hominum ante Justinianum conditio, non sine sale docet scriptor ejus ætatis gravissimus, Ammianus Marcellinus, (g) qui postquam eorum temporum caussidicos & jurisperitos in certas classes descripsit, de secunda ita judicat: *Secundum est genus eorum, qui juris professi scientiam, quam repugnantium sibi legum abolevere discidia, velut vinculis ori impositis reticentes, jugi silentio umbrarum sunt similes propriarum. Hi velut fata natalitia præmonstrantes, aut Sibyllæ oraculorum interpretes, vultus gravitate ad habitum composita tristiore, ipsum quoque venditant, quod oscitantur. Hi ut altius videantur jura callere, Trebatium loquuntur, & Cascellium, & Alfenum, & Auruncorum Sicanorumque jamdiu leges ignotas, cum Evandri matre abhinc sæculis obrutas multis. Et si voluntarie matrem tuam finxeris occidisse, multas tibi suffragari absolutionem lectiones reconditas pollicentur, si te senserint esse nummatum.* Quum itaque animadvertisset Imperator, ista interpretationum mul-

(a) Virgil. *Æneid.* lib. vi. v. 136. seq. (b) Gloss. ad l. i. §. 12. c. de ver. jur. enucl. Commentarios illi applicare. Scilicet faciendo & addendo novas leges, nam non prohibet exponi istas. Sed verius est, quod reprobat, ut statim patet. (c) Strabo *Geogr.* lib. vi. p. 179. (d) Tacit. *Annal.* lib. xi. cap. 6. (e) Const. Deo auctore §. 12. (f) Const. Tanta d. §. 21. (g) Ammian. Marcell. lib. xxx. cap. 4.

P R Æ F A T I O.

multitudine ac varietate ita jus omne turbatum esse, ut omnia vera falsa, justa injusta, æqua iniqua æque facile in foro defenderentur: an frænos iterum laxaret forensi isti atque academicæ licentiæ? an pateretur juri, à se in ordinem qualemcumque redactò, novis argutiis novas offundi tenebras? Nonne consultius erat, omnes Jureconsultorum commentarios ad Garamantas relegare, quam eidem, quo paulo ante defuncta erat, periculo de novo exponere rempublicam?

Quamvis autem ita consilii ratio constiterit Justiniano, nolim tamen ego, quemquam existimare, omnem, quæ nostris temporibus in interpretando illustrandoque jure collocatur, operam atque industriam inanem atque infructuosam mihi videri. Neque ego profecto ita censeo, neque illis Justiniani sanctionibus viris jurisprudentiæ gnaris calamos hodie è manibus extorqueri arbitror. Hanc modo summam jam facio cogitationum mearum, cum periculo haud levi conjunctam esse promissam illam jura interpretandi licentiam, adeoque nec æquitati nec prudentiæ refragari gravissimas illas Justiniani sanctiones. Sane quod cum periculo aliquo conjunctum esse arbitramur, id non statim proscribendum aut ab usu removendum dicimus: & quo facile caruerunt Justiniani tempora, quibus, uti ait Cujacius (a), jus omne clarius & in usu quotidiano erat positum, eo & nos non illico æque facile carebimus hac ætate, qua jus peregrinum, variis locis corruptum, & diuturna defuetudine obscuratum in Foris & Academiis penetravit. At quam caute ea interpretandi facultate utendum sit, quamque facile jus in tanta interpretum multitudine in summam ambiguitatem prolabatur, ipsi, qui jam inde ab Irnerii temporibus prodierunt, commentarii, mille plaustrorum onus, unumquemque docebunt. Sane quo plures evolveris, quantoque elegeris majores, tanto magis adparebit, id, quod generatim dixit Callimachus, (b) μέγα βιβλίον ἴσον τῷ μεγάλῳ κακῷ, de plerisque illis commentariis esse verissimum. Habebis Sardos venales, alios aliis nequiores: sed ut quisque erit amplior ac diffusior, ita pejor videbitur indoctiorque reliquis, ut fatendum sit omnino, beatam futuram fuisse jurisprudentiam, si nunquam in manus tam illotas incidisset, ratumque vel istis tantum temporibus fuisset edictum Justiniani, quod legis Cornelie pœnam irrogari jubet eam ineptis commentariorum consarcinatoribus. Quod ne cui gravius ac liberius dictum videatur, qualem esse oporteat bonum interpretem, & quales sint plerique, quos illi indoctæ doctorum turbæ debentus, commentarii, paucis ostendere juvabit. Multis profecto partibus pulcherrimum istud atque utilissimum interpretum officium absolvitur. Primum enim iis in id elaborandum est, ut ipsi iis instructi sint præsidii, quibus lucem obscuris fœnerare possint: deinde ut genuinam cujusque orationis sententiam eruant, ac demonstrent: tum porro, ut nec falsa doceant, nec ab arte sua aliena: postremo, ut ne rem minus obscuram confusa tractandi ratione & horrido, incomto, agrestique dicendi genere reddant obscuriorem. Has vero dotes in bono interprete admirantur omnes, sine his interpretem nec proficere quidquam nec operæ pretium facere censent. At interpretes ipsos, in quibus illæ præclaræ virtutes enituerint, non dicam illo Bartolistarum ævo, sed & post felicem illam temporum reparationem, reperies paucissimos, &

vix totidem, quot

Thebarum portas, vel divitis ostia Nil.

Primo enim, quod ad litterarum præsidia attinet, à quibus instructum esse oportere diximus interpretem, quis, quæso, tam est stolidus, ut ad intelligendum jus Romanum multum adjumenti nobis attulisse existimet eos, qui nec Græcas nec Latinas docti litteras, ubi in Græcum vocabulum incidunt, quasi oblata quadam gemma magica, exclamant: *Græcum est, non potest legi*; qui *jurisdictio* an *jurisdictio* dicendum sit, addubitant: quibus denique *vis* & *potestas* est *potestas violenta*, *violenta* autem *potestas*, quæ invito etiam tutori defertur? Quid deinde lucis

a 3

speres

(a) Cujac. præfat. paratist. Digest.

(b) Callimach. apud Athen. Dipnos. lib. XXI. p. 72.

spères ab illis tenebrionibus, qui rudes historiae ac antiquitatum, credere nos jubent, Augustum voluisse adoptare Germanicum, eoque refragante callide persuasisse cuidam Tiberio, ut ipse Germanicum adoptaret, seque ipsum sibi daret arrogandum: qui serio nobis narrat, ad bestias datos olim homines, *ut bestias deducerent, vel cum iis comederent, vel alia bestialia facerent*: patres conscriptos dictos, quod nomina eorum scripta fuerint in aliquo loco, *vel in corona capitis eorum*: ædituos fuisse præfectos vigilum, quique cum iis noctu urbem circumierint: stadia urbium esse, *octavam partem milliarii, quam Hercules cucurrerit uno anhelitu*: testamenta in procinctu facta dici, *quod succincte fierent*: libripendem esse *æstimatorem*, & libram æneam rem *æstimatam*, vel hereditatem, quia hæc tanquam libra dividatur in duodecim uncias: actionem Servianam esse a *servando* dictam, & innumera hujus generis alia, quæ ipse

Non sani esse hominis, non sanus juret Orestes?

Ne autem talia ex barbaro illo ævo & ex Accursii tantum ingenio profecta existimes, etiam post felicem litterarum *παλυσιστορίαν* haud pauca non multo meliora reperies in scriptis eorum, qui incredibilem sibi famam jurisprudentiæ studio pepererunt. Vix itaque est, quod Accursio succenseamus, quum & in melioris ævi commentariis, quorum auctorum nominibus nunc parco, legamus, Justinianum parte superioris Germaniæ subacta, Alemannici nomen adoptasse: leges Romanorum dividendas esse in consulares & decemvirales; Aediles quosdam vocatos *curules*, quod *curam* sacrarum ædium gesserint: legem Fulsiam Caniniam perlatam esse à quodam Fusio Caninio: filiosfamilias dici *in sacris paternis esse*, quia iis sancta esse debeat patris persona: *Deportare* esse, quasi extra portam civitatis dare: Claudium Imp. sanxisse, ut Coss. pupillis tutores *extra ordinem*, id est, non servato agnatorum proximorum ordine, darent: Imperatores dictos esse *Pios*, quod clericis admodum faverint: à consulibus nomina consequutas esse leges Hortensiam & Attiliam: Augustum triplicem libertinorum conditionem introduxisse: & quæ sunt hujus generis alia. Sexcenta enim his similia in commentariis Jctorum non proletariorum vel capite censorum, sed classicorum quoque animadvertes, si te eorum lectioni dederis. Hos vero an satis instructos ad hoc interpretandi munus accessisse credibile est? An non jure potius istis occlames:

Non tali auxilio, nec defensoribus istis

Tempus eget?

Quod deinde ad genuinam orationis sententiam attinet, eam non modo ex ipsis verbis, eorumque significatione, verum etiam ex conjunctis loco & tempore eruendam esse, ii omnes censent, qui sunt artis illius *ἐμπειρικῆς* paullo peritiores. Eo consilio olim Antistius Labeo, Jureconsultorum suæ ætatis facile princeps, teste Gellio (a) *in Grammaticam sese & dialecticam, litterasque antiquas altioresque penetraverat, & Latinarum vocum origines percallens ea præcipue scientia ad enodandos plerosque juris laqueos utebatur*. Quumque hodie libri nostri ex variis variorum fragmentis tanquam centones consuti sint, recte suspicati sunt viri quidam doctissimi, genuinam legum singularum speciem adsequi posse neminem, nisi qui comparatis inter se conjunctisque fragmentis, quæ ex eodem libro supersunt, omnibus, de quo juris capite ibi actum sit, in numero habeat. Sane hujus mysterii indicium jam pridem fecerunt viri quidam doctissimi, ejusque usum post Ant. Augustinum, Jac. Cujacium, P. Fabrum singulari diatriba Jac. Labritus; exemplis autem illustrissimis Jo. Gæddeus & Jac. Gothofredus ostenderunt, viri sane in arte nostra summi,

Quos aget penna, metuente solvi,

Pama superstes.

Sed quoruscunque vel olim vel hodie in tanta litterarum luce non infra Jcti dignitatem esse putat, litteras illas attingere, quibus se plane immergit Labeo? Quoruscunque se tantis exemplis excitari passus est, ad illud fragmenta inter se comparandi artifi-

(a) Gell. Noct. Attic. lib. XII. cap. 10.

P. R Æ F A T I O.

artificium? Tantum sane abest, ut istud adhibuerint interpretes, ut plerique illud hodiernum alto supercilio despiciant, & per contemptum adnumerent revelationibus (a). Permulum porro ad libros nostros intelligendos utilitatis adferre Græcos interpretes, res ipsa docet, & præclare demonstrat Car. Hannib. Fabrottus (b). Equidem, inquit Vir Doctissimus, non inficior, novos esse quosdam & παραρρήματα in Græcorum commentariis, sed hac fere leviuscula sunt præ iis, quæ verissime & diligentissime Græci nobis explanata reliquerunt. Et ut de ceteris taceam, quis nobis titulum de fidei commissariis hereditatibus fidelius & doctius explicavit, quam Theophilus noster? quis titulum de litterarum obligatione & titulum xii. Institutionis tertie feliciter enarravit, quam idem auctor gravissimus, ut adpellas Cujacius, interpretum facile præcipuus? Quis Latinorum, quæso te, Lector, Institutiones, hoc est, libellum aureum accuratius interpretatus est? Et paucis interjectis: Quantum profeceris Jac. Cujacius, oculus jurisprudentia, legendis & enucleandis Græcorum commentariis, ignorare non potest, nisi qui peregrinus est in ejus scriptis. Quam multa præclara, neque in scholis juris decantata, neque in doctorum commentariis protrita, hinc hauserit, sciens aequi & periti harum rerum iudices, iniqui vero & Græce linguae nescii dissimulant, aut, quod verius est, non vident: oculique eorum ad hunc solem suffunduntur. Sed quotusquisque JCrorum hodiernum Græca hæc attingit? Quotusquisque ejusmodi libris vel locum in bibliotheca concedit, vel quidquam inde in usus suos depromit? Exstat commentarius in Institutiones, satis tritus doctorum manibus, in quo ubi βασιλικὴν incidit mentio, auctor de iis non aliter loquitur, ac de opere sibi ignoto, ac jam pridem deperdito, & de quo nihil habeat, quod pro certo adfirmer, quam quod Basilica vocati sint libri, qui contineant leges ab Imperatoribus promulgatas & compositas. Alii, qui nihil ignorare videri volunt, Ottonis Taboris exemplum sequuntur, & Græculos illos nugivendulos nihil ad nos pertinere, fabulisque meris indulgere clamant. Quam multa itaque fugisse oportet plerosque interpretes, qui hoc insigne præsidium nullo loco habuerunt, famæque suæ metuerunt, si tam magnum ac memorabile facinus ausi, ad illa Græcorum oracula proficiscerentur? Quid porro de veritatis dicam studio, quo nihil prius, nihilque antiquius esse debebat interpreti? An tu illam feliciter repertam fuisse dicas veteribus, qui illam veritatem investigandi ratiocinandique artem sciebant cum ignatissimis? An a novis plus speres, qui Petri Rami dialecticæ innutriti, unum didicerant τὸ διχρημαῖον, id est, artem egregiam, quinque digitos in duos ordines distinguendi? An tu porro veritatem quæras in eorum commentariis, qui id sibi negotii datum credebant, ut omnia superiorum placita labefactarent ac subverterent, & quasi clavum clavo sic opinionem opinione trahentes eo demum rem perducerent, ut jam non difficile videatur sententias, etiam absurdissimas mille JCrorum testimoniis stabilire? Observavit Franc. Hotomannus, (c) celebrem illum, Andreæ Tiraquellum sæpe in libris suis, quos citationibus auctorum instructissimos edidit, postquam consentientia centum aut plurium doctorum suffragia accumularit, hanc aut similem orationem subungere: *Ut videas, amice Lector, nihil esse in jure nostro non ambiguum, & disputationibus ac controversiis involutum, volo tibi totidem, aut plures, recensere, qui sunt in opinione prorsus contraria, & sub hæc ingentem aliorum doctorum indicem pertexere, qui in alia omnia eant.* Quid vero veritatis studio utilitatis adferat illa discrepantium opinionum farrago, nisi ut perlecta illa idem sibi contingere videat, quod tribus consultis advocatis contigisse sibi queritur Demipho apud Terentium: (d)

Pecistis probe:

Incertior sum multo, quam dudum.

Accedit, quod quum inter omnes constet, veritatem non auctoritate doctorum, sed legum rationumque fundamentis niti; plerisque interpretantibus cura po-

a 4 tior

(a) Jac. Gothofred. *Præfat. Comm. ad Reg. jur.* (b) Fabrott. *Apol. pro Græcis*, edita cum *Exercitationibus* xii. Paris. 1639. (c) Hotom. *Antitribonian.* cap. xiv. (d) Terent. *Phorm.* Act. 11. scen. 4. v. 18.

tior semper fuerit glossæ, quam recta ratio legum & auctoritas. Hinc ubique in libellis hujusmodi doctorum turma in aciem educuntur, manatque hoc exemplum in fora, in quibus certam præsumunt victoriam, seque jactant magnifice, qui pro se Sandium, Christinæum, Vvesembecium, Schneidevvinum, Carpzovium, Mevium, vades dederunt. Quasi vero verissimum sit, quod plurimis videtur, & non æque facile sit, alium glossatorum exercitum conscribere, qui priori opponatur. Jam quod proximum inter virtutes interpretis posui, ut ne in rebus ab arte sua alienissimis occupetur, quanti momenti sit, nemini dubium esse potest. Quis enim philosophum ferret, qui de virtute disputaturus, quædam de primis mundi elementis præmitteret, deinde accurate explicaret, quid sit glacies, hinc porro, quot sint conjugationes, quotque partes orationis, subtiliter disquireret, ac demum in rem præsentem veniens, an sit virtus, quid sit, & quotuplex, brevissimis verbis attingeret potius, quam explicaret? Mirarer sane, si qui hunc philosophum audiunt, non, ut olim Abderitani, Hippocratem quendam arcesserent, qui homini nimis inepte stulto, primum crebram ambulationem, ad hoc betæ malvæque esum, postremo vomitum præscribat, & ita perpurgatum mittat Anticyras. Ast ita tamen disputare solent quidam non infimi subsellii juris interpretes, qui explicaturi titulos Justiniani, primum quærunt an instrumentis notariorum præmittenda sit invocatio nominis divini? num & Imperatoris nomen & titulus universus? an eligi possit Imperator, nisi origine Germanus? talisne fuerit Carolus M? an & Episcopum e gremio Ecclesiæ eligi oporteat? Hinc ad rem ipsam se accingentes disputant, fueritne Justinianus orthodoxus? an litteras norit? an & Latinam linguam percalluerit? unde triumphus nomen acceperit? an Imperator sit mundi dominus, provinciamque Romani imperii alienare possit? Valeatne ac rata sit donatio Constantini Magni? En egregiarum quæstionum farraginem, quibus enodatis, tunc demum intelligi à nobis existimant horribile istorum verborum secretum: *Imperator, Caesar, Flavius Justinianus, Alemannicus, Gothicus, Francicus, Germanicus, Anticus, Alanicus, Vandalicus, Africanus, Pius, Felix, inclitus, victor ac triumphator semper augustus, cupide legum juventuti S.* Idem in explicanda justitiæ definitione occupati, anxie quærunt, unde juris nomen descendat? cur titulus inscribatur de justitia & jure, ac non potius de jure ac justitia? quæ à Justiniano definiatur? divina, an humana? universalis, an particularis? commutativa, an distributiva? quare JCti sint sacerdotes justitiæ? an dentur casus pro amico? cur rectius dicatur voluntas suum cuique tribuendi, quam suum cuique tribuens? an JCtorum auctoritati cedere debeat auctoritas philosophorum? Tam egregia scilicet doctrinæ ubertas latet in definitione illa Justinianeâ, tantæque molis est, explicare decem illa verba: *Justitia est constans & perpetua voluntas jus suum cuique tribuendi.* Ludere quibusdam videbor, & quæstiunculâ nihil ad rem pertinentes fingere, quæ nemini interpretum in mentem venerint. Sed venisse illas in mentem non illi Bartoli & Baldi soboli, sed JCtis, qui patrum nostræque memoria floruerunt, celeberrimis, ex ipsorum commentariis demonstrare in proclivi esset, nisi vel suspicione aliis insultandi carere malletm. Ita vero leges interpretantibus, non difficile erit conjicere, quam nulla ips cura fuerit ordinis, quem semper sapientissimus quisque plurimi fecit. In tali enim quæstiuncularum sibi aemodum dissimulium farragine non magis ordini locus est, quam in rudi indigestaque mole, ex qua hoc universum efformavit Deus. Una vir elegantis ingenii, M. Antonius Muretus (a) de Glossatoribus disserens: *Qualem, inquit, nobis illi cujusque generis præceptorum farraginem reliquerunt? ut si quis sufficiens hordeum, triticum, viciam, legumina, in unum acervum conferat, non illius acervum horum commentariis existimens perturbatiorem fore. Mihi quidem, quum hoc inspicio, sapissime Ovidiana illa de Chao in mentem veniunt:*

Quæque erat & tellus, illuc & portus & aer.

Non aliter cum apud hos, ubi verbi causa de auctoritate magistratum agitur, dicetur

(a) Muret. lib. 11. Orat. 17.

P R Æ F A T I O:

cetur etiam aliquid de testamentis: ubi de emptione & venditione differitur, aliquid de pœnis, aut de auctoritate tutorum inferetur. Nihil est denique, quod certam sedem ac domicilium habeat, nihil, quod non alienissimo æque ac suo loco pertractatum reperiat. Inde ille crebra ex uno in alium locum reiectiones, quum te, quod hic agendum ac tractandum erat, id jubent ex alio petere, in quo tale quidquam agi, nunquam, nisi admonitus, divinare potuisses. Prorsus, ut si quis paterfamilias vestem non in vestiario, sed in arca panaria conderet, panem ex puteo hauriret, pisces in nemore, lepores in piscina inclusos haberet. Apud Aristotelem primo Physicorum recensetur opinio veterum quorundam, in quibus fuit & Anaxagoras, qui quidlibet in quolibet inesse dicebant, idque exprimebant hemistichio quodam, ut opinor Empedoclis: *πᾶν ἐν παντὶ μίχεται*. Hoc an in Physicis vere dicatur, viderint, qui illa tractant: de talium certe interpretum commentariis verissime dici potest. Hæc de glossatorum libris Muretus, quæ & in melioris ævi commentarios juridicos plerosque cadere re ipsa deprehendunt, qui istos inspexerint. Denique ultimam interpretis virtutem in sermonis puritate ac perspicuitate positam esse diximus. At nescio an & hanc extra Cujacii scholam adeo multi interpretes sint adsequuti. Quamvis enim depulsa vetere illa barbarie, purius scribere cœpissent viri docti; Jcutorum tamen libros adeo infecit illud Accursii abstinthium, ut si Papinianus in vitam rediret, nova ei addiscenda esset lingua, illos commentarios legere cupienti. Jcutorum enim laudem se sustinere posse plerique dubitant, nisi lingua Jureconsultorum, id est, barbara utantur. Hinc ubique *summant ampliant, subampliant, limitant, sublimitant, casuant*; ubique *resolutiones legum* & similes elegantias pollicentur, ubique *præcticas præcticas*, & præjudicia in *terminis terminantibus* & clausulam illam utilissimam *rebus sic stantibus* & sexcenta hujus generis alia tanquam mellitos verborum globulos spargunt, quibus condimentis si aliquid salis adspergas, elegantissima nimirum illa Brocardica quæ vocant, veluti: *casus voluntatis comprehendit sub se casum impotentie: ab actionibus ad interesse libera nos Domine; solus cum sola non præsumitur orare Pater noster*, & similia: tunc sane habebis verum venenum aqua Stygia dilutum, cujus halitu ipso bonæ mentes exanimantur. Tales sunt plerique, qui tabernas rumpunt, Jcutorum commentarii. Iis itaque an magna utilitas per tot sæcula allata sit reipublicæ, & an non melius eorum auctores operam in conficiendis indicibus Justiniani consilio collocassent, illi viderint, quorum non amant similes labra lactucas.

Quæquumita sint, singulari profecto ac præcipua laude digni videntur pauci illi, sed boni, quibus meliorem mentem indidit Deus, ut quæ in jure nostro sunt obscura atque ambigua feliciter illustrare ac distinguere conarentur. Quo in numero (quod ad Institutionum interpretationem attinet,) præter Cujacium, Giphanium, Janum à Costa & quosdam alios & ARNOLDUM VINNIUM Jureconsultum eximium, haud postremo loco ponendum arbitror. Sane ex quo me jurisprudentiæ dare cœpi, mihi ejus commentarius præ aliis placuit, & ad solidiorem doctrinam connitenti maximo fuit adjumento, ut, postquam aliis jura interpretari jussus eram, nullum fere librum auditoribus meis obnixius commendandum judicarem, quam commentarium Vinnii, ex quo ipse fructum ceperam uberrimum. Vix enim ulla est boni interpretis virtus, quæ non in Vinnio nostro eluxerit. Attulerat ad jurisprudentiam ea præsidia, quæ paullo rariora sunt in nostri ordinis hominibus, puta, haud vulgarem Latinarum Græcarumque litterarum facultatem, diffusam omnis ævi scriptorum lectionem, notitiam antiquitatum haud mediocrem, tantum denique ingenii ac judicii acumen, ut nec vulgaribus pragmaticorum sententiis ipsique Triboniano esset addictus, nec Cujacium, Ant. Fabrum, Rein. Bachovium, aliosque, ubi novi quid inferunt in artem, cæco impetu sequeretur, sed legum rationumque pondera ubique cum cura expendere, nulliusque auctoritate se pateretur in transversum agi. Deinde id quoque habet Vinnius noster, ut genuinam Justiniani sententiam ubique cum cura investiget, neque cum pudeat ex philologiarum latifundiis petere, quibus jurisprudentiam locupletaret. Et quamvis mysterium istud atque artificium leges ex eodem libro depromtas

com-

JO. GOTTL. HEINECCI

comparandi conjungendique facilius in pandectis & codice, quam in Institutionibus, usum suum exserat: nihil tamen reliqui fecit, ut, ex quibus auctoribus vel fragmentis singuli paragraphi descripti sint, & quomodo illi a suis auctoritatibus discrepent, quantum fieri potest, ostenderet, non ut haberet, ob quod insultaret Triboniano, (in quo mustaceo multi hodie quærent laureolam,) sed ut rationem ejus mutationis redderet candide. Laudanda quoque est Vinnii nostri opera, quam in conferenda Theophili paraphrasi posuit, sane quam utilissima. Quamvis enim plerisque vapulet hic Theophilus, & aliquando ab iis quoque, qui cum nunquam evolverunt, exagitur; permultum tamen lucis cum scænerare Institutionibus, Car. Hannibal Fabrotus, cujus verba quædam supra dedimus, pridem evicit. Et sane non hic nobis res est cum Theophilizze quodam, quem aliqui verbis quibusdam Cujacii (a) decepti Accursio faciunt juniorem, sed cum Theophilo, viro illustri, & Antecessore, cujus opera ipse Justinianus in consiciendis Institutionibus usus est. Hunc ipsum enim esse illum paraphrasten, multis argumentis constat. Primo Theophilum, Triboniani σωφρῆν, Antecessoris munere Constantinopoli functum novimus (b). Antecessorem autem etiam paraphrasten fuisse, inde adparet, quod in codicibus vetustis singulis libris illa subnectuntur: ἐπαρῶν ἡ ἀ(β γ δ) Ἰνστιτούων Θεοφίλου Ἀντικλιστῶν feliciter. Eundem deinde Constantinopoli vixisse, inde patet, quod ubicumque ejus facit mentionem, eam vocat ταύτην τὴν πόλιν, vel ταύτην τὴν βασιλεύσαν πόλιν, hanc urbem vel hanc regiam urbem (c), uti solent, qui urbis, in qua vivunt, meminerunt. Deinde, quum Theophilus Antecessor Justiniani temporibus floruerit: ejusdem ætatis esse paraphrastem nostrum, res ipsa docet. Quemadmodum enim omnes qui Justinianum antecesserunt, Imperatores Christianos ita describit, ut eos inter homines non amplius fuisse, statim adpareat, veluti ubi meminit Ζωόντος τῆς θείας λήξεως (d), itemque τῆς θείας λήξεως Ἰωάννου (e), ita Justinianus ipsi semper est θεοτάτου ἡμῶν δεσπότης, ἡμετέρου βασιλέως, δεσβεύατο ἡμῶν βασιλέως, ὁ μωράτατος ἡμῶν βασιλέως, sacratissimus Dominus noster, Imperator noster, Imperator noster piissimus, clementissimus noster Imperator (f), quemadmodum & Theodoram τὴν δεσβεύσαν ἡμῶν δεσποινῆν, piissimam dominam nostram (g), & constitutionem Justinianeam διάταξιν ἢ νόμον ἐξερῶνται, constitutionem nuper promulgatam (h) adpellat. Quæ sane omnia non sunt verba de principe dudum satis functo differentis. Accedit, quod Theophilus sæpe paraphrasi suæ intexit formulas antiquas & ritus veteris jurisprudentiæ proprios, quos quum judice Fabrotto (i) non aliunde, quam ex Caji, Ulpiani, aliisque veterum Juristarum libris, depromere potuerit, satis protècto manifestum est, eum ante commune istud illorum librorum naufragium vixisse, versatissimumque fuisse in istorum operum lectione. Quod denuo non in Theophilizem quendam, Græcum novum, sed in celeberrimum illum Scholæ Constantinopolitanæ Antecessorem, Theophilum, cadit. Denique, quod palmarium esse, vir eruditissimus, & collega olim conjunctissimus; Nicolaus Hieronymus Gundlingius (k) observavit, Theophili nostri paraphrasin jam Thalelaus laudavit, & ille quidem, quem cum Triboniano, Theophilo aliisque pandectas composuisse, easque postea ἀπὸ πόδα vertisse novimus. Quodcum & Fabrotus (l) viderit, mirum sane est, vium ipsum doctissimum Theophilum Justiniano non quidem multo juniorem, à Theophilo tamen pandectarum & Institutionum architecto diversum credidisse, quasi ipse paraphrastes ætatem suam non multis iisque luculentissimis prodiderit indiciis. Quod si itaque Theophilus noster fuit Justiniano σύγχρονος, ceu hætenus mihi videor demonstrasse; gratissimum procul dubio cupidæ legum juventuti fecit Vinnius, quod etiam diligenter consuluerit, & inde textum Institutionum vel stabiliverit, vel explicavit. Nec minus

(a) Cujac. Recitat. ad tit. Inst. de action. (b) Const. Tanta §. 9. de cons. Digest. (c) Theoph. §. 7. Inst. de fidei dat. (d) Theoph. §. 34. Inst. de act. (e) Theoph. §. 3. de donat. (f) Theoph. §. 1. de usuc. §. 2. de don. §. 7. quib. al. licet. §. 7. proam. (g) Theoph. §. ult. Inst. de usuc. (h) Theoph. §. ult. Inst. de usuc. (i) Fabrot. Prefat. ad Theoph. Inst. (k) Gundlingian. Pars. 1. Obs. 11. (l) Fabrot. ibid.

P R Æ F A T I O.

minus laudandum videtur singulare veritatis studium, quod idem ubique præ se tulit, dum manum ad scribendum adpulit. Rationibus enim solidis legumque auctoritate munivit omnia quæ docuit, nec in ullius juravit verba magistri. Tantum etiam abest, ut more glossatorum quævis convellere ac in dubium vocare studuerit vir doctissimus, ut pleraque istas lites erudite finiverit, & plerumque optimam maximeque legibus consentaneam elegerit opinionem, eamque ita firmarit, ut aliquando & invitos in sententiam suam pertrahere videatur. Ordo porro, quo utitur, ipsi rei quam maxime convenit. Textum explicat accurate, scrupulos, quos injici lectori posse prævidet, cum cura eximit: ipsam doctrinam, quæ quovis loco proponitur, egregie illustrat, nec dissimulat, quæ vel novis Justiniani constitutionibus vel desuetudine & moribus patriis mutata aliter in foro observantur. Nullos hic videbis excessus, ad rem nihil pertinentes, nullas quæstiones otiosas & intempestivas deprehendes: nec hic observabis à Vinnio, tanquam à coquo Plautino, diversa jura confundi. Nam ubique jus Romanum à moribus patriis accurate sejungit, & nihil facit reliqui, ut utriusque principia à lectore suo intelligantur. Denique & oratione utitur, non quidem calamistris intorta, sed pura tamen, & satis plerumque Latina, ut saltem non adfectasse videatur illam barbariem, qua plerosque Jctos commentarios suos inquinasse diximus. Quo gravior mihi fuit opera, quam à me vir integerrimus, novam hanc editionem meditatus, flagitavit. Quum enim intelligeret, me quædam margini exemplaris mei, ut fieri solet, adnotasse; non dubitavit à me petere, darem operanti, ut Vinnii hic commentarius & nitidior & emendatior prodiret. Et sanè nihil, quod mearum erat partium, prætermissem, si paullo plus temporis ad eam rem fuisset concessum. Quantum tamen à me præstitum putem, paucis accipe. Primo totum commentarium & relegi & recensui, & quidem ita, ut non modo aliquot millena sphalmata quæ in priorem editionem irreperant, sustulerim, sed & interpunctiones, antea viciosissimas, vel plane omisas, restituerim diligenter. Deinde Auctores, quos laudat Vinnius, plerosque evolvi, & ubi ipse solum librum expresserat, ego capita etiam & aliquando paginas adjeci, ne Lectori loca illa evoluturo istud querendi tædium esset devorandum. Præterea notulas quasdam seu additiones, quas a Vinnianis primis nominis mei litteris; Hein. distinxì, passim insertas animadvertes. Eas quum jam olim exemplaris mei margini allevissem, ideo edi passus sum, quia quarundam me ne nunc quidem pœnitet. Sunt eæ non unius generis. Quædam illa, quæ à Vinnio non adeo plene traduntur, suppleant: aliæ non satis accurate posita emendant: sunt etiam, quæ quasdam conjecturas de legibus à Vinnio vel emendatis vel explicatis proponunt Lectorisque judicio submitunt. Non existimo futurum, ut mihi id auso quisquam succenseat. Quæ enim injuria est, alieno libro adspargere notulas? Et quis facilius erit Lectori, cui mea haud placebunt, quam breves illas stricturas prætermittere, maxime quum & paucæ sint, nec adeo multis paginis librum reddant auctiorem? Si qua in re stilus lapsus sit, id in meliorem partem interpretabuntur; quibus aliquis candor inest, quum festinantibus operis pagellæ inter alias occupationes & in medio luctu domestico, descriptæ & sæpe vix relectæ Lugdunum transmittendæ fuerint. Emendationi præfuit ipse, qui sumtus fecit, vir integerrimus. Quumque is & ob sollertiam & ob linguæ intelligentiam par omnino sit huic operi, & jam plura ejus dexteritatis dederit documenta; res ipsa jam quoque ostendet, verissimum esse, quod scripsit poeta: (a).

Dominum videre plurimum in rebus suis.


Tu, Lector, fructu editione, omnibus anterioribus, si quid vivo, meliore, mihiq; Tua causa omnia volenti, fave, & ex voto Vale. Franequæ Frisiorum
x. Kal. Mart. c13 13 ccxxvi.

Illu.

(a) Phædr. lib. 11. fab. 8. v. 29.

Illustrissimis ac Potentissimis
HOLLANDIÆ ET WEST-FRISIÆ ORDINIBUS,
PATRIÆ PATRIBUS,
ARNOLDUS VINNIUS L. M.

Dedicat Consecratque.



UO primum tempore Jus civile publice profiteri, atque in celeberrima Academia vestra, Illustrissimi & Potentissimi Domini, libros Institutionum à Sacratissimo Principe Flavio Justiniano compositos interpretari coepi, simul commentario aliquo eosdem libros illustrare institui, non opulento aut accurato, sed qualiquali; utpote quem privato potissimum usui destinabam: & inharebat tum animo meo hæc opinio, libros istos non usque adeo obscuros esse, ut operosa alicujus explicationis lucem desiderarent. Verum ubi ad rem aggressus sum, & me accinxi, statim sensi, majus quiddam esse, quod inceperam, quam opinatus eram, neque tralatitia commentatione me posse desungi. Deceperat me auctoritas Jacobi Cujacii, clarissimi superioris ævi Jurisconsulti, qui in Observationibus suis de libris Juris nostri disserens, illos Institutionum tam planos & faciles sibi videri pronunciat, ut vix ullo interprete, aut utique nulla longiore interpretatione indigeant: in tantum, ut non vereatur damnare, tanquam ignobile otium, quicquid laboris in iis paulo prolixius explicandis ab hominibus nostri ordinis impensum est. Cæterum experimento didici, longe aliter se rem habere, fallacemque interdum esse etiam præstantissimorum virorum auctoritatem. Existimo autem, Cujacium (ut de summi viri judicio nihil amplius in præsentia dicam) ex sua potius facultate, quam ex vero rem æstimavisse. Nam profecto, si ex veritate eam æstimare volumus, nulla potest esse juris Justinianici pars, quæ interpretem magis desideret, quam ea, in qua omnia prope nude tradita sunt, & delibata dumtaxat, non exposita. Quantulum enim est, quod illic reperias, de quo non dubites, aut quod cognoscere cupienti non ad quærendum & cognoscendum relinquatur? Equidem scio, non eo magis nostram hanc operam à vellicatione tutam fore. Rem toties nunc actam ago, & quidem post tot Roscios, id est, post tot doctos interpretes, à quibus omnia, quæ ad hujus partis illustrationem afferri queant, jam pridem occupata, exhausta & consumpta esse dicuntur: & jam nunc audire mihi videor hanc multorum vocem, *Cui non dicitur Hylas puer?* &c. Sed ego vitiligatorum istiusmodi vanos morsus sulque deque habeo; & quidni liceat his reponere illud præstantissimi Medicorum, Πολλάκις ἡμῶν δὲ δοκῶσαν ἀρετὰ λύρα, ἔρῃ μακρὸς ἀκριβῶς ἐσπρῆσσαν. Plane enim quod ad interpretes attinet, etiam prolixiores eorum, quos damnaret Cujacius, multa passim aut non tangunt omnino, aut cursim trans-

D E D I C A T I O.

transmittunt, quorum tamen justa explicatio ad rei, de qua agitur; naturam intelligendam prorsus necessaria est. Ad hæc mihi curiose in omnia inquirenti non paucæ obortæ sunt difficultates, ab aliis, quos quidem videre mihi contigit, non animadversæ, aut minus feliciter expeditæ; aut consulto præteritæ, quas omnes & removendas putavi, & pro meo captu remove conatus sum: dumque singula ad vivum refeco (sunt autem sexcenta hujusmodi) in majorem etiam, quam ipsemet cogitaveram, molem hoc Opus excrevit; & eo quidem majorem, quo diligentius pleniusque & planius, quam quisquam antehac, cuncta tandem bona fide evolvi, excussi, & pertractavi. Accidit enim hic idem mihi, quod olim Eleusinam visentibus: nam ut illa semper aliquid servare solebat; quod revisentibus ostenderet; ita quotiescunque ad horum librorum mysteria perscrutanda accessi, semper aliquid observavi, quod nec ab aliis, nec à me ipso visum aut perceptum prius fuerat. Jam rumor nonnullus de hoc commentario nostro perreperat, & hortari cœperant amici, atque insistere, ut publici eum juris lucisque facerem, rati, fructum hujus laboris ad alios quoque pertinere, & in primis ad studiosam Legum Juventutem. Itaque ut primum Pandectarum interpretatio mihi mandata fuit, de vulgando eo cogitare cœpi, & quo comitator exiret, adjunxi etiam patriæ nostræ jura propria, aliarumque regionum peculiaria instituta, & cætera quæ nunc passim usu judiciorum certo recepta sunt, ab illo scripto Romanorum jure longe discrepantia: qua quidem ex re non parum præsidii, constantiæque & judicii statim capere poterunt, qui mox in foro atque inter causarum discrimina versabuntur. Ita dum urceum instituo, currente rota exiit amphora, id est, pro exili & qualicunque commentario, accuratus & bene saginatus, pro simplici geminus, Academicus & Practicus sive Forensis: quorum in altero cæteros omnes elegantia & doctrinæ varietate superare studui, in altero ubertate utilitatis. In eo autem totus pæne fui, ut excitata in legentibus veneratione antiquitatis, simul animis eorum instillarem desiderium atque amorem sapientiæ, justæque & solidæ cujusdam eruditionis: quod vel unum si affecutus fuero, operæ curæque pretium ponam. Cæterum cum primum hunc ingenii nostri partum in lucem emittere constituiissem, simul futurum speravi, ut vos, Illustrissimi & Potentissimi Domini, eum in vestræ Amplitudinis tutelam suscipere non gravaremini: atque idem nunc etiam futurum spero, votoque & cogitatione præsumo. In Academia vestra satus, satus atque editus est, nec est adeo informis. Qui primi vultum ejus comminus contemplati sunt, etiam nescio quid de lepore ac venustate ejus submurmurant; & quantum ex indole conjiciunt, commodis Juventutis natum ajunt, præsertim hoc sæculo, quo queruntur, sensim nobis obrepere barbariem, postquam prima & rudis adhuc ætas, nescio quo præpostero impulsu, statim atque a trivialis scientiæ magistris dimissa est, in Juris civilis studia cogitationes suas protrudere cœpit, nulloque aut rerum aut literarum instructa præsidio Jurisprudentiam, quæ scientiarum omnium maxima est, tanquam sordidum aliquod artificium addiscere.

Ita

D E D I C A T I O.

Ita dum vetus disciplina turbatur, & calentibus turbatorum aris primum esse incipit, quod est maximum, una nunc vertigine Quiritem fieri, momentoque turbinis tot Damas exire Marcos. Sed hæc querimonia, quamvis iusta, non est hujus loci. Sane foetus hic noster multis, iisque magnis & non vulgari eruditione præditis Viris visus est non indignus, quem pateremini sub auspiciatissimo vestri Nominis splendore in publicum prodire, atque in manus pervenire doctorum & doctrinam experientium hominum: quo etiam voto nunc eum summa cum animi summissione vobis offero dedicoque. Scribit Udalricus Zasius, primum togæ & seculi decus, eos, qui Jus civile excolunt & scriptis illustrent, lucubrationes suas recte riteque, & quasi quodam præcipui titulo, dedicare Principi; propterea quod ab eo, tanquam a fonte, leges omnes & jura emanant. Quæ ratione etiam mihi fas esse existimavi, nostras hæc ejusdem generis vigilias & meditationes iis consecrare, qui vicem Principis in Republica sustinent. Neque vero id novo magis more, quam veterum instituto facimus, qui ea, quæ de jure civili composuerant, Populo, penes quem summa rei erat, tradiderunt: sicut Sextum Ælium, clarissimum atque amplissimum virum, fecisse legimus, & ante eum Cnæum Flavium, Scribam Appii Claudii, unius è Decemviris, & cujus maximum consilium in Duodecim Tabulis scribendis fuit; atque hæc munera Populo gratissima fuisse. Nec dubito, quin Sextus Papyrius leges, quas sine ordine a Regibus latis in unum composuit, Tarquinio Regi obtulerit, apud quem summo in honore eum fuisse Pomponius indicat in historia de Origine Juris. Quibus ego argumentis in spem magnam adducor, fore, uti & vos, Illustrissimi & Potentissimi Domini, ea, quæ hic vobis offero, benigne accepturi sitis, auctoremque ea prosecuturi benevolentia, qua & Principes hæc studia complecti, & Populus fovere solent. Valete, Viri Batavæ Principes, & si quid votis possum, diu quam felicissime Rempublicam gerite. Ex museo nostro pridie Kalendas Martias clb lxxlii.

NOI RIFORMATORI

Dello Studio di Padova.

A Vendo veduto per la fede di revisione, ed approvazione del P. Fr. Tommaso Maria Gemari Inquisitore, nel Libro intitolato: *Arnoldi Vinnii J. C. in quatuor Libros Institutionum Imperialium Commentarius Academicus, & Forensis, Editio novissima expurgata*; &c. non esservi cosa alcuna contro la santa Fede Cattolica, e parimenti per attestato del Segretario nostro niente contro Principi, e buoni costumi, concediamo licenza, che possa essere stampato, osservando gli ordini in materia di Stampe, e presentando le solite Copie alle Pubbliche Librerie di Venezia, e di Padova.

{ Andrea Soranzo Proc. Rif.
! Pietro Grimani Kav. Proc. Rif.

Agostino Gadaldini Segret.

INDEX

I N D E X

RUBRICARUM SECUNDUM LIBRORUM ET TITULORUM ORDINEM.

LIBER I.

Tit. I.	D E <i>Iustitia & jure.</i>	pag. 5
2.	<i>De Jure Naturali, gentium & Civili.</i>	12
3.	<i>De Jure personarum continuatio.</i>	32
4.	<i>De Ingenuis.</i>	38
5.	<i>De Libertinis.</i>	40
6.	<i>Qui & ex quibus causis manumittere non possunt.</i>	44
7.	<i>De Lege Fusia Caninia tollenda.</i>	49
8.	<i>De his qui sui vel alieni juris sunt.</i>	50
9.	<i>De Patria Potestate.</i>	54
10.	<i>De Nuptiis.</i>	59
11.	<i>De Adoptionibus.</i>	78
12.	<i>Quibus modis Jus Patria Potestatis solvitur.</i>	87
13.	<i>De Tutelis.</i>	96
14.	<i>Qui Testamento Tutores dari possunt.</i>	100
15.	<i>De Legitima Agnatorum Tut.</i>	104
16.	<i>De Capitis Deminutione.</i>	107
17.	<i>De Legitima Patronorum Tutela.</i>	111
18.	<i>De Legitima Parentum Tutela.</i>	112
19.	<i>De Fiduciaria Tutela.</i>	112
20.	<i>De Atiliano Tutore, & eo qui ex Lege Julia & Titia dabatur.</i>	114
21.	<i>De Auctoritate Tutorum.</i>	119
22.	<i>Quibus modis Tutela finitur.</i>	122
23.	<i>De Curatoribus.</i>	125
24.	<i>De satisfactione Tutorum vel Curatorum.</i>	132
25.	<i>De excusationibus Tutorum vel Curatorum.</i>	137
26.	<i>De suspectis Tutoribus vel Curatoribus.</i>	148

LIBER II.

Tit. I.	D E <i>Rerum Divisione, & acquirendo ipsarum Dominio.</i>	155
2.	<i>De rebus Corporalibus & Incorporalibus.</i>	226

3.	<i>De Servitutibus rusticorum & urbanorum prediorum.</i>	229
4.	<i>De Usufructu.</i>	243
5.	<i>De Usu & Habitatione.</i>	257
6.	<i>De Usucapionibus, & longi temporis Prescriptionibus.</i>	265
7.	<i>De Donationibus.</i>	280
8.	<i>Quibus alienare licet, vel non licet.</i>	293
9.	<i>Per quas Personas cuique acquiritur.</i>	303
10.	<i>De Testamentis ordinandis.</i>	315
11.	<i>De Militari Testamento.</i>	343
12.	<i>Quibus non est permixtum facere Testamentum.</i>	353
13.	<i>De Exheredatione Liberos.</i>	362
14.	<i>De Heredibus instituendis.</i>	377
15.	<i>De Vulgari Substitutione.</i>	376
16.	<i>De Pupillari Substitutione.</i>	426
17.	<i>Quibus modis Testamenta infirmantur.</i>	426
18.	<i>De Inofficioso Testamento.</i>	439
19.	<i>De Heredum Qualitate & Differentia.</i>	456
20.	<i>De Legatis.</i>	472
21.	<i>De Ademptione Legatorum, & Translatione.</i>	532
22.	<i>De Lege Falcidia.</i>	534
23.	<i>De Fideicommissariis Hereditatibus.</i>	541
24.	<i>De singulis rebus per Fideicommissum relictis.</i>	558
25.	<i>De Codicillis.</i>	562

LIBER III.


Tit. I.	D E <i>Hereditatibus, quae ab intestato deferuntur.</i>	571
2.	<i>De Legitima Adgnatorum Successione.</i>	591
3.	<i>De Senatusconsulto Terrylliano.</i>	601
4.	<i>De Senatusconsulto Orficiano.</i>	607
5.	<i>De Successione Cognatorum.</i>	610
6.	<i>De Gradibus Cognationum.</i>	621
7.	<i>De Servili Cognatione.</i>	626
8.	<i>De</i>	

8. De Successione Libertorum.	628
9. De Assignmente Libertorum.	633
10. De Bonorum Possessionibus.	635
11. De Acquisitione per adrogationem.	645
12. De eo, cui Liberalitatis causa Bonna addicuntur.	648
13. De Successionibus sublati que fiebant per bonorum Venditiones, & ex Senatusconsulto Claudiano.	651
14. De Obligationibus.	653
15. Quibus modis re contrahitur Obligatio.	661
16. De verborum Obligationibus.	676
17. De duobus Reis stipulandi & promittendi.	692
18. De Stipulatione Servorum.	696
19. De Divisione Stipulationum.	698
20. De Inutilibus Stipulationibus.	761
21. De Pidejussoribus.	726
22. De Litterarum Obligationibus.	734
23. De Obligationibus ex Consensu.	739
24. De Emptione & Venditione.	740
25. De Locatione & Conductione.	756
26. De Societate.	767
27. De Mandato.	777
28. De Obligationibus, quae quasi ex contractu nascuntur.	788
29. Per quas Personas Obligatio acquiritur.	797

30. Quibus modis tollatur Obligatio.	799
--------------------------------------	-----

LIBER IV.

Tit. I. DE Obligationibus, quae ex Delicto nascuntur.	811
2. De Vi Bonorum raptorum.	828
3. De Lege Aquilia.	832
4. De Injuriis.	840
5. De Obligationibus, quae quasi ex delicto nascuntur.	850
6. De Actionibus.	854
7. Quod cum eo, qui in aliena potestate est, negotium gestum esse dicitur.	929
8. De Noxalibus Actionibus.	937
9. Si quadrupes pauperiem fecisse dicatur.	940
10. De his, per quos agere possumus.	942
11. De Satisfactionibus.	944
12. De Perpetuis & Temporalibus Actionibus, & quae ad heredes & in heredes transeunt.	948
13. De Exceptionibus.	953
14. De Replicationibus.	962
15. De Interdictis.	965
16. De Poena temere litigantium.	975
17. De Officio Judicis.	982
18. De Publicis Judiciis.	990





ARNOLDI VINNII, J. C.
IN LIBRUM PRIMUM
INSTITUTIONUM
IMPERIALIUM
COMMENTARIUS

Academicus & Forensis.
CUM NOTIS AD TEXTUM.

PROOEMIUM.

De Confirmatione Institutionum.

IN NOMINE DOMINI NOSTRI
JESU-CHRISTI.

IMPERATOR, CÆSAR FLAVIUS JUSTINIANUS, ALEMATICUS, GOTHICUS, FRANCICUS, GERMANICUS, ANTICUS, ALANICUS, VANDALICUS, AFRICANUS, PIUS, FELIX, INCLYTUS, VICTOR AC TRIUMPHATOR, SEMPER AUGUSTUS, cupidæ legum juventuti S.



MPERATOR] Hoc nomine etſi appellarentur omnes exercitus ductores *et ceteros, à quibus non sunt excepti*, propriè tamen id tribui solebat iis, qui re bene gesta hoc honoris titulo acclamatione militum vel decreto Senatus decorati essent. Post occupatam Rempublicam perpetuum Principis prænomen esse cœpit ex S. C. Honoratus ex Cic. Tacit. Sueton. Dion. Appian. VINN. Sed tamen Byzantini Imperatores plerique hoc cognomen dimiserant
Vinnius in Institut.

ante Justinianum nostrum, qui illud primus revocavit in usum, primus postliminio veluti renunciatus *juniorum auctoritate*, uti testatur Agathias lib. 6. p. 157. Ez. Spanhem. de *Usu & præst. num.* Tom. 2. Diff. 12. p. 403. HEIN.

CAESAR] cognomen familiæ in gente Julia, quod post C. Julium factum est hæreditarium Imperatorum. Procedente tempore, eodem nomine appellati & qui vivo Imperatore designati augustæ majestatis hæredes, l. 7. Cod. de malef. & machem Spartian. in *Ælio Vero*, ubi & hunc ipsum primum Cæsarem ea ratione appellatum testatur. Hodie Reges Romanorum vocantur. VINN. Ita quidem Spartianus in *Æl. Ver. cap. 2.* contra Aurel. Vict. cap. 12. in Trajano ab Hadriani demum adoptione divisa esse ait Cæsarem & Augusti nomina. Neuter accuratè. Omnes Principum liberi dicti sunt Cæsares, jam à Neronis temporibus. Domitianus, statim interfecto Vitellio, hoc nomen obtinuit. Tacit. *Hist. Lib. 3. cap. 86.* Hinc numi Titi & Domitiani Cæsarem apud Spanhem. *Tit. 11.*
A p. 351.

p. 351. Ita & Trajanus Cæsar consalutatus statim post adoptionem. Conf. Pagi *Crit. Bar.* ad ann. 69. & 97. Postea destinati Imperio Candidati dicti sunt *nobilissimi Cæsares*, quod nomen in numis Philippi junioris primum occurrit, at ante eum idem legitur in marmore Maximo Maximini filio dicato apud Gruter. p. CLI. §. vid. Ez. Spanh. *de usu & præstant. num.* Diss. 12. §. 2. p. 357. seq. HEIN.

FLAVIUS] A Vespasiano Imperatore hoc nomen manavit, quem è Flavia gente nova & ignobili fluxisse, Svetonius auctor est.

JUSTINIANUS] Nomen hoc Imperatoris nostri proprium fuit; idque etiam habuit ante adoptionem: ex quo apparet, non esse productum à nomine Justinii avunculi & patris adoptivi, ut quidam putant.

ALEMNICUS, GOTTHICUS, &c.] Agnomina à devictis, aut bello laceffitis gentibus ducta. Seneca l. 1. *de Clement.* 14. scribit, assentantem populum ambitiosæ majestati tribuisse, quidquid potuit congerere titulorum. VINN. Hunc morem devictarum gentium vocabula nominibus adscribendi jam pridem ante Justinianum servarant Imperatores. Solius Iudæici cognomen ob religionis odium & gentis contemptum adspersum est uterque Vespasianus. Ceterum hæ gentes omnes notæ sunt præter *Anticam*. Et hic plerisque interpretibus aqua hæsit. Verum non *Anticum* sed *Ponticum* legendum esse, rectè monuit *Ἰνδίου*, Spanhem. *ibid.* Diss. 12. §. 14. pag. 504. T. 2. *Lætos* enim *Abasgos* & *Tzanos* ad Pontum Euxinum subegerat. Unde & alibi dicitur *Læticus*. Nov. XLIII. HEIN.

FRANCISCUS] Theodibertum Francorum regem gravissimè tulisse refert Agathias, quod Justinianus, velut devicta gente Francorum, Francici titulum sibi sumpserat. Postea etiam Gepidicum & Longobardicum se dixit, quod eas quoque gentes irritavit. *Cujac. & Gros. ex Agathia*.

PIUS] Primus hoc cognomen obtinuit Antoninus Hadriani successor. Capitol. *in Antonin.* c. 2. Inde ad alios descendit. Justin. Nov. 78. c. 5. *Ἀντωνίνος ὁ πρῶτος ὁνομαζόμενος ἐκ τῆς πόλεως τοῦ Ἰουλιανοῦ καὶ τοῦ Μάρκου Ἰουλιανοῦ.* VINN. conferendos omnino Ezech. Spanhem. *Diss.* 12. §. 6. pag. 434. seq. T. 11. HEIN.

FELIX] Usurpavit hoc cognomen Commodus, ut historiarum testantur, quem plerique successores imitari appellationem hanc Justiniano tradiderunt. VINN. Ast hujus cognominis, jam suo tempore Imperatoribus dati, meminit Seneca Lib. 11. *de Clem.* c. 14. HEIN.

TRIUMPHATOR] Triumphasse legitur de Persis & Vandalis. Varro l. 7. *de ling.* scribit triumphare sic appellatum esse, quod cum Imperatore milites redeuntes clamitant per urbem in Capitolium eunti, *In triumphe, io*.

AUGUSTUS] Nomen hoc primum Octavio à Senato tributum: ductum ab eo, quod loca, in quibus augurator quid consecratur, augusta no-

minantur. Svet. *in August.* c. 7. Alii ab augendo imperio dictum putant: unde illud hodieque *Zu allen Zeiten Mehrer des Reichs.* Vvesemb. VINN. Eodem sensu Manassès in *Politiciis*: *Ἀύγουστος*, inquit, *ὁ ἀνέλεος*. Contra in Novell. 17. *de obsequiis*, redditur semper adorandus. HEIN.

Ut Plato legislationis tres vult esse partes, Proœmium, Legem, & Sanctionem; ita hujus Constitutionis eadem deprehenduntur membra. I. Proœmium, quo suum legislationis studium commendat, usque ad §. 3. II. Legislatio, usque ad §. pen. III. Sanctio. *Vvesemb. hic*.

De usu Armorum & Legum.

Imperatoriam majestatem non solum armis decoratam, sed etiam legibus oportet esse armatam, ut utrumque tempus & bellorum & pacis rectè possit gubernari: & Princeps Romanus non solum in hostilibus præliis victor existat, sed etiam per legitimos tramites calumniantium iniquitates expellat, & fiat tam juris religiosissimus, quam victis hostibus triumphator (*magnificus*.)

Armis decoratam] Imperator utrumque Reipub. tempus sine armorum ac legum præsidio rectè administrare non potest: in quam sententiam præclara quædam hic adpersa ab Horat. & Gros. ex Arist. Plat. Liban.

Legibus armatam] Munitam & instructam. M. Tullius l. 1. *de Off.* scribit, Lacedæmoniorum imperium multo plus Lycurgi legibus & disciplinæ debere, quam aut Pausaniæ, aut Lyfandri rebus gestis. *Parvi enim*, inquit, *c. 22. sunt foris arma, nisi sit consilium domi, &c.* Est autem hic *ἡρώδης* & *ἡ ἀντιόχεια πόλις*, tribuit armis decorari, legibus armari. Theoph. verbum pro verbo reddidit, *ἐκ τῆς ἀντιόχειας, ὡς πολεμικὴ πόλις*.

Victor existat] Sensus est apertus, Imperatorem non ex armis tantum, sed etiam ex legibus gloriosam sibi victoriam comparare.

Legitimos tramites] Earatione, quam leges præscribunt. Theophilus convertit, *ἐκ τῆς ἀντιόχειας*, legitimis inventis. Imperator non tantum hostibus debellandis, verum etiam calumniatoribus coercendis, victoris nomen adipiscitur.

Calumniantium] Pars pro toto; improbitas, quæ in judiciis versatur, de quo propriè verbum calumniandi intelligitur, pro omni, quæ in pacata civitate admittitur. Cicero 2. *de Repub.* *Vs Carneadi respondeatis, qui*
sept

sepe optimas causas ingenti calumnia ludificari solent.

Iuris religiosissimus] Iuris ad summam religionem observantissimus. Dion. Halicarn. lib. 5. *Κατασκευαστὴς τοῦ βασιλικοῦ δικαίου τὸς τοῖς ὑπομνηματισμοῖς.*

Magnificus] Absit hæc vox à veteribus libris, testib. Cujac. & Hotom. nec Theophil. agnoscit.

De bellis & legibus Justiniani.

1. *Quorum utramque viam cum summis vigiliis, summaque providentia, annuente Deo, perfecimus. Et bellicos quidem sudores nostros Barbarica gentes sub iuga nostra redactæ cognoscunt, & tam Africa, quam alia innumera provinciae post tanta temporum spatia, nostris victoriis à celesti Numine praestitis, iterum ditioni Romanae nostroque addita Imperio, protestantur. Omnes vero populi legibus tam à nobis promulgatis, quam compositis reguntur.*

1. *Utramque viam*] Justinianus & gloriam sibi peperit victis hostibus, & juris æquabilitatem inter cives suos retinuit.

Barbaricae gentes] Significat Persas in Syria, Vandalos in Africa & Italia, Gothos in Italia & Sicilia.

Redactæ] Vet. *deductæ*, & ita Cujac. & Hotom.

Innumera] Vet. *numerosæ*, id est, multæ; sic enim locuti sunt Cassiod. Oros. Eutrop. & alii Scriptores *οὐ πολλοί*, Theoph. tamen *ἀναριθμήτοις*.

Post tanta temporum spatia] Post annos 95. quibus Vandali Africam tenuerunt. L. 1. Cod. de offic. pref. Afric. adimplatur Procop.

Ditioni Romanae] Postquam sedes imperii Constantinopolim, (quæ antea Byzantium, postea etiam nova Roma,) translata fuit, Imperium Romanum à Constantino & Gallieno in duas partes divisum, orientalem & occidentalem & utrique parti suæ provinciae attributæ. Vinn. Non à Gallieno, sed à Galerio: nec in duas, sed in tres partes. Galerius enim Orientem, Constantinus transalpinas Provincias, Maxentius Italiam accepit. Eutrop. Lib. 19. c. 1. HEIN.

Promulgatis] Promulgatas suas, compositas alienas intelligit, id est, ex veteri jure in unum collectas & dispositas.

De Compositione Codicis & Pandectarum.

2. *Et cum sacratissimas constitutiones antea in luculentam ereximus consonantiam, tunc nostram extendimus curam ad immensa ceteris prudentie volu-*

mina, & opus desperatum, quasi per medium profundum euntes, celesti favore iam adimplevimus.

2. *In luculentam ereximus consonantiam*] Intelligit Codicem priorem, quem altero Imperii sui anno componi iussit 528. & anno insequenti edidit. In hunc, Principum Constitutiones vagæ per tres codices, Gregorianum, Hermogenianum, Theodosianum, dispersas collegit, *const. de nov. Cod. sac. & de Inst. Cod. confirm.* Sed eum non habemus. Post idem Codex iterum emendatus est, & multis locis recognitus, additis 50. decisionibus, quo hodie utimur. Vinn. Prior ille codex promulgatus vii. Id. April. anni DXXIX. dictus est Justinianæus. Nov. 66. c. 1. §. 1. Paul. Diac. Lib. 1. c. 25. Posterior, quo hodie utimur, dicitur Codex repetitæ prælectionis. *Const. de codic. emend. §. 3.* publicatus xvi. Kal. Dec. anni DXXXIV. HEIN.

Ad immensa veterum volumina] Quarto Imperii anno, Lampadio & Oreste Coss. 530. Pandectas componi iussit, ediditque, & confirmavit anno Imperii sexto, ipso 111. Cos. eodemque anno compositæ Institutiones & promulgatæ uno mense ante Pandectas: ut Pandectæ compositione priores sint Institutionibus, confirmatione posteriores. Codicem repetitæ prælectionis promulgavit anno proximo, ipso IV. & Paulino Coss. 534. Hæc perspicua sunt ex constitutionibus ad juris compositionem pertinentibus, Novellar. liber diem non habet.

Immensa volumina] Innumera veterum scripta, quæ in bis mille libros & aliquot centena millia versuum excreverant; l. *omnium*. §. 1. de concept. Dig.

Per medium profundum] Per medias difficultates. Liv. 31. c. 1. *Provideo animo in vastiorem altitudinem ac velus profundum inrehi.*

De tempore, auctoritatibus sine & utilitate compositionis Institutionum.

3. *Cumque hoc, Deo propitio, peractum est, Triboniano Viro magifico, Magistro, & Exquestore sacri palatii nostri, & Exconsole; nec non Theophilo & Dorotheo. Viris illustribus, & antecessoribus; (quorum omnium solertiam, & legum scientiam, & circa nostras iussiones fidem, iam ex multis rerum argumentis accepi-mus,) convocatis, mandavimus specialiter, ut ipsi nostra auctoritate, nostrisque suasionibus Institutiones componerent: ut liceat vobis prima legum cunabula non ab antiquis fabulis discere, sed ab Imperii splendore appetere: & tam aures quam animi vestri nihil inutile, nihilque perperam positum, sed quod in ipsis rerum obvi-neat arguentis, accipiant. Et quod pri-*

pius enim hujus unius, quam ceterorum omnium verba in his libris proferuntur.

Nostri] Benevolentiae significatio, ac sic plerumque praedecessores, qui nostrae fuerunt professionis, appellamus. *Scevola noster* apud Paulum & Triphonium saepe: apud Pomponium *Caius noster* l. pen. D. de stip. serv. Floruit sub Hadriano & Marco. l. 7. D. de reb. dupl. l. pen. D. ad Sc. Terryll.

Recognovimus] Id est, corrigendi causa diligenter & attentè legimus: Cic. pro Balb. cap. 5. *Nos Cn. Pompeji* iudicium de consilii sententia pronunciatum recognoscimus?

Constitutum robur eis accommodavimus.) His verbis indicatur Institutionum confirmatio. Unde haec praefatio Theophilo, *ἡ δὲ τῆς βουλῆς τῆς ἐκείνης*.

Adhortatio ad studium juris.

7. *Summa itaque ope, & alacri studio has leges nostras accipite: & vosmetipsos sic eruditos ostendite, ut spes vos pulcherrima foveat, toto legitimo opere perfecto, posse*

etiam nostram Rempublicam in partibus ejus vobis credendis gubernari; D.CP. XI. Kalend. Decemb. D. JUSTINIANO PP. A. III. COS.

7. *Summa ope & alacri studio*] Epilogus exhortatorius, ut in suasoriis usitatum, à spe & expectatione praemiorum. Cic. 1. de orat. c. 8. *Tergite, ut facitis, adolescentes, atque in id studium, in quo estis, incumbite, ut vobis honoris, & amicis utilitati, & Respub. emolumento esse possitis.*

D. CP. XI. KAL. DECEMB.] Id est. *Data Constantiniopoli XI. kalendas Decembris, Domino Iustiniano perpetuo Augusto tertium Consule.* In quibusdam libris. PP. quasi *Patre Patria*, quod ejus temporis consuetudo repudiat. Hottom. Vinn. Quamvis ex hac subscriptione pateat, Institutiones prius, quam Pandectas confirmatas, auctoritas tamen utriusque libri ab eodem die 3. Kal. Jan. dependet. L. 2. §. penult. C. de Vet. lur. enuel. Unde non semper Pandectae derogant Institutionibus: sed observandae sunt regulae B. Huberi in praed. ad h. l. §. 10. HEIN.

TITULUS I.

DE JUSTITIA ET JURE.

Concord. Lib. 1. Tit. 1. Dig.

1. *Partitio & series totius operis.*
2. *Institum vulgata distributio explicata.*
3. *Etiā universalem justitiā disciplinā civilis propositam.*
4. *Utrum justitiā in universalem & particularem distributio necessaria? sceptice.*
5. *Varia juris significata, & qua in significatione hoc verbum hic accipitur?*
6. *Summa eorum: quae hoc titulo traduntur.*

DUO haec in omni jure constituto insunt: jus ipsum seu lex, quae jubet & constituit; tum res, quae eo jure jubetur constituiturque: ac proinde universi juris tractatio duabus partibus continetur; quarum una est de jure constituyente, sive de legibus qua naturalibus, qua civilibus: altera de jure constituto, sive de eo, quod legibus sancitum cautumque est. Et quia prima natura quaestio est de jure constituyente, de eo etiam primo loco veteres tractaverunt: quod non modo in his Institutionum libris, sed etiam in Pandectis animadvertere licet. Nam prima quaestio proponitur atque absolvitur quatuor titulis in vestibulo sive ingressu Pandectarum; reliquo opere agitur de jure constituto. Idem & in Institutionibus nostris observatum est: siquidem duo priores tituli hujus libri primam quaestionem continent: reliqua parte operis altera quaestio, quae mul-

to latius patet, tractatur, atque *ἡ δὲ διατριβὴ* absolvitur, initio facto à discretionem materiae sive subjecti hujus scientiae: quae divisio in hac quaestione omnium prima est generalissima. Inscríbuitur hic titulus *de iustitia & jure*. Aristoteli & plerisque morales Philosophiae professoribus justitia duplex est, universalis, & particularis. Ad universalem pertinet tritum illud Poetae gnomologi;

Ἐν δὲ διατριβῇ τῶν ἀνθρώπων τὰς ἀρετὰς διδάσκει.

Comprehendit scilicet in se haec justitia etiam aliarum virtutum omnium officia, peculiari tamen cum respectu, quatenus nimirum illa necessaria sunt, aut conducunt ad perfectionem & conservationem civilis societatis, ut ne quid admittatur contra rationem aut honestatem, quod non admitti vel publice vel privatim interfit. Haec eadem justitia & legalis dicitur, propterea quod non minus late pateat quam ipsae leges, quae etiam sunt regula & norma hujus justitiae; unde à Cicerone l. 1. de legib. c. 15. definitur: *Obedientia scriptis legibus & institutis populorum*: ab Aristotele lib. 5. Eth. 1. *Obedientia erga omnes leges*. In summa haec justitia à virtute in genere non differt essentia, sed habet tantum, quod quando consideratur ut habitus animi, dicatur virtus simpliciter; quando ut civilis societatis conservatrix, justitia, auctore Michaele Ephesio ad d. loc. Arist. Virtutum

tium huic legali iustitiæ oppositum dicitur *ἀδικία*. Particularis iustitiæ duas species constituunt, quarum alteram *διανεμητικὴν* Aristoteles vocat, id est, *distributivam*; alteram *ἐναλλακτικὴν*, id est, *commutativam*. Distributiva respicit *ἕξιν*, quod quisque meretur, quod cuique convenit, sive id premium sit, sive pœna, sive honor, sive onus. Commutativa suum cuiusque propriè sumptum spectat, & alio nomine melius *ἐκδοτικὴν* à Philosopho appellatur: nam ut possessor rei meæ eam mihi reddat, non est *ἐκδοτικὴν*. & tamen ad eandem hanc iustitiam pertinet. Illud quoque perpetuum non est, quod pœneque tradiderunt, & iustitia commutativa respici proportionem simplicem, quam arithmetica vocant, à distributiva comparatam, quam appellant geometricam, quæ mathematicis & revera sola proportio est; neque enim per se iustitia commutativa à distributiva differ tali proportionum usu, sed objecto & materia circa quam versatur. Nam & contractus societatis expletur proportionem comparata; & si unus tantum apud inveniatur ad munus publicum obcundum, non alia quàm simplici commensione attributio sit: & contra, si quis de suo legare velit, distributiva iustitia uti solet, & merita considerare. l. 9. ff. pro soc. Sed & in delictis coercendis pœnarumque irrogatione modò arithmetica, modò geometrica proportio servatur: quod tamen totum est iustitiæ distributivæ. D. Grot. l. de iur. bell. & pac. c. 1. num. 8. Vitiū particulari iustitiæ oppositum *ἀδικία* dicitur, cuius verbi vim Latini per vocem *iniuriæ* ferè expriment. Disciplina civilis non dirigit internas animi functiones, & potissime versatur circa iustitiam particularem in ejus juris obedientiam animos formans, cuius executio in judiciis urgetur. Negari tamen non potest, quin interim quoque spectet iustitiam universalem, quæ omnium virtutum officia complectitur. Docet enim iustè vivendum esse secundum omnes leges; ipsaque adeo juris præcepta omnem speciem virtutis & honestatis continent, certè quatenus eò spectant, ut iustè vivatur, & civium inter se honesta sit societas, quod hic quaerimus. Et verò si legibus & legum latoribus proposita est universa virtus, ut sane est, cum beatitudo civilis sit universarum legum summa, teste Platone s. de legib. etiam legum scientiæ & consultis eadem proposita erit: neque enim minus latè patet officium Jurisconsulti in legibus interpretandis, quàm legislatoris in sancendis: totoque falluntur iudicio, qui officium Jurisconsulti cancellis forensium causarum circumscribunt. Utique illa: *Hominem mortuum in urbe ne sepelito, neve urito: rogum ascia ne polio: mulieres genas ne radunto, neve lessum funeris ergo habento*, & similia lege duodecim tab. cautæ, nullo modo ad iustitiam particularem referri possunt. Quod si quid in huiusmodi quaestione valere debet auctoritas Principis, ipse Justinianus Nov. 69. in

pr. disertè ait: *iustitiam illam, quæ singulis virtutibus assistit, easque ad debitum finem perducit, etiam finem esse legum prudentiæ*. Temperare mihi non possum, quin illud hic subjungam, esse qui vulgatam illam iustitiæ distinctionem negant esse necessariam; & simplicius esse contendunt, si unum tantum iustitiæ genus esse dicamus. Quod si verum est, sublata erit hæc disputatio. Hi ita disserunt. Ut singularum virtutum omnium, ita & iustitiæ unum genus esse, *ἐκδοτικὴν* *ἀδικία* *ἐναλλακτικὴν*, sicut ex contrario nec duo iniustitiæ genera sunt, sed unum tantum, sive *πλεονέκεια* dicas, sive *ἐλάττωσις*, utrumque enim omnem comprehendere iniustitiam, etiam ipsum Aristotelem docere: neque *ἐλαττωσις* & *πλεονέκεια* genera esse opposita, sed hanc illius speciem, hoc item & Aristotelem fateri. Ad hæc non simpliciter verum esse, quod reliqua iniustitiæ genera non tantum pugnent cum iustitiæ, verum etiam cum alia virtute, *πλεονέκεια* autem cum sola iustitiæ: quo maxime argumento ad distinctionem suam probandam utitur Aristoteles. Possè quidem in una actione cum alio vicio iniustitiam concurrere: ceterum nullas actiones iniustas, quatenus iniustæ sunt, cum alia virtute directo pugnare, sed cum iustitiæ dumtaxat: sicut nec ex contrario alia vicia cum iustitiæ, sed cum oppositis sibi virtutibus. Ut ecce: Qui adulterium committit, cum & iniustum esse, quod alienum violat thorum, & intemperantem propter expletionem libidinis. Jam verò violare thorum alienum, quod est iniustitiæ, non pugnare cum temperantia (quid enim, si quis quaestus sui causa id fecerit?) nec explere libidinem cum iustitiæ non magis, quàm si quis libidinis explendæ causa cum scorto congressus sit. Denique ex hoc etiam exemplo patere possè & *πλεονέκεια* eodem modo cum alia virtute committi: nam adulterium & *πλεονέκεια* esse sive iniurium, & intemperantem. Innumera verò afferri possè, quæ cum sint *ἀδικία*, & in speciem *πλεονέκεια* non cadant; cum nulla tamen alia virtute pugnent, quàm cum iustitiæ. Nam si quis è decem, quos habebat, sex servos testamento manumiserit: aut si minor viginti annis servum manumiserit, non dicta apud Consilium causa; utrumque iniustè facere, illum contra legem Fufiam Caniniam, hunc contra legem Æliam Sentiam: neutrum tamen iniurium esse, neutrum ignavè aut intemperanter facere. Si vir uxori quippiam donaverit: si fundum dotalem cum consensu uxoris alienaverit aut obligaverit: si scemina intercesserit: si filiosam pecunia mutuo data sit: si frater sororem adoptivam uxorem duxerit; hæc actiones omnes & similes iniustas esse, & legibus aut senatusconsultis improbari: nec tamen qui istas faciunt, iniurios dici possè, aut intemperantes, vel ignavos. Ceterum nihil in præsentia definitio. Juris vocabulum *πλεονέκεια* est: propria significatio una,

una; minus propriæ plures. Propriè jus dicitur naturæ aut populi, ejusve, qui vicem populi sustinet, iustum. Arguit id etymon ipsius vocabuli, quod à jubendo dictum esse vel ex eo liquet, quod veteres, auctore Festo, jura dixerunt iussa. In hac autem significatione passim usurpatur: veluti cum dicimus; Jure quid fieri; Juris rationem non pati; Contra jus esse: sic dicitur jus naturale, civile, prætorium. Cæteræ significationes minus propriæ; ut primò cum jus accipitur pro eo, quod jure continetur, & cuique tribuitur. Idque vel generatim, & indefinitè, ut in hisce formulis aut id genus aliis, cum dicimus: Jus suum cuique tribuere. Neque mortalium jus suum detrahi oportere: eodemque modo haud dubiè accipi debet, cum dicimus, jura sanguinis, agnationis, naturalia & adoptionis jura, nempe pro beneficiis sanguini, agnationi, naturæ adoptioni jure tributa. Vel specialiter pro facultate & potestate jure tributa, quod fit quoties verbis faciendi jus adjungitur; ut in definitionibus itineris, actus, viæ, usufructus, actionis, in quibus omnibus metonymia est continentis pro contento. Secundò cum jus accipitur pro juris arte per eandem figuram converso modo, ut in *L. 1. pr. hoc tit.* Tertiò cum accipitur pro loco, in quo jus redditur, ut cum dicimus *In jus vocare, In iure confessos pro judicatis haberi*: in quo idem serè tropus est, ut *in iure* adjuncti pro subiecto; *L. pen. eod.* Quòd si nunc quærat: Qua in significatione jus hoc loco accipi debeat, propriæ, an figuratæ? Constantè respondebimus: in propriâ. Arguit hoc ipsa materia, quæ & in hoc & in seq. titulo tractatur. Arguunt definitiones & divisiones, quæ utroque titulo & in *l. 1. eod.* traduntur: ut mirum sit inveniri qui seriò contendunt, jus hic pro juris arte accipiendum. Summa eorum, quæ hoc titulo tractantur, hæc est. Primùm traditur definitio justitiæ & jurisprudentiæ, quaque ratione ac via tyronibus hæc disciplina proponenda sit, indicatur. Hinc jam ea pars, quæ est de jure constituyente, inchoatur, tradunturque juris præcepta, juris civilis divisio, & subdivisio prius. Singula nunc videamus.

TEXTUS.

Definitio Justitiæ.

Justitia est constans & perpetua voluntas jus suum cuique tribuendi.

NOTÆ.

A Ucter hujus definitionis est Ulpian. *l. 10. D. hoc tit.*

Voluntas] Metonym. pro habitu voluntatis sive *ἔξω*, ut *ἔξω* *ἡ ἀρετὴ* ut *Paraphrasi.* ad 5. *Nicom.* c. 1.

Jus suum cuique] Objectum justitiæ est jus cujusque suum: finis, ut id quisque obtineat, id est, ut cuique quod ei debetur tribuatur. Delictis etiam debetur poena. Athanas. in syn. 8. ser. *ἡ δικαιοσύνη ἐστὶν τὸ δίδωαι ἑκάστῳ τὸ αὐτοῦ.* Plato *1. de Rep.* hunc finem exprimit his verbis, *τὸ ἑκάστῳ δίδωαι τὸ αὐτοῦ.*

Tribuendi] Aliàs *tribuens*, Theophil. *ἡ ἀρετὴ*. Cic. *5. de fin. c. 23.* *Affectio animi suum cuique tribuens, quæ justitia dicitur: & ita etiam alibi, lib. 1. de off. c. 4. & 2. ad Heren. c. 52. seq.*

COMMENTARIUS.

Voluntas] Scimus voluntatem esse potentiam naturalem, justiciam autem virtutem esse & habitum animi *ἡ ἀρετὴ* ac proinde qualitatem adventitiam. Falsum igitur dicat aliquis genus. Si respondemus, genus esse metonymicum, effectumque pro causa positum, voluntatem scilicet pro habitu, qui eam efficit; jam contra omnem Philosophiam omnemque rationem videbimus qualitatem acquisitam causam statuere qualitatibus & potentia naturalis. Verùm observandum est, non simpliciter pro genere voluntatem poni, sed *ἡ ἀρετὴ* voluntatem constantem & perpetuam. Ut velimus, à natura est; ut constanter, ab habitu. Potentia naturalis, quatenus promover habitum, ejus ex parte causa est: quatenus autem ipsa politur ac perficitur ab habitu, effectum.

Constans & perpetua] *ἡ ἀρετὴ*, *ἡ ἀρετὴ*, quæ verba justitiæ habitum ibi demum esse indicant, ubi perpetuò & constanter quis agit, atque ut Aristoteles loquitur, *ἡ ἀρετὴ ἡ ἀνισταμένη ἐξ ἑαυτῆς*. *2. Eth. 4.* Ne quis autem putet, vitiosum esse, quòd justitia definiatur per ejusmodi habitum, cujus homo non sit capax; res definiri solet non ad conditionem subiecti, sed qualis est essentia suæ: sicut ab Aristotele felicitas, à Platone Respublica, à Xenophonte Princeps, à Cicerone & Quintiliano Orator describitur. Eodem modo & justitia hic definitur, non ut inest huic vel illi subiecto, sed prout inesse debet justiciam proficienti: in abstracto, inquam, non in concreto. VINN. Hæc definitio Stoarum redolet, quam pleraque Jurisconsultorum scripta. Omnis autem virtus, adeoque & Justitia Stoicis in constante & perpetua voluntate posita videbatur. Cic. *Parad. 3. 1. Sen. Epist. 66. & 121. HEIN.*

Jus suum cuique tribuendi] *ἡ ἀρετὴ ἡ ἀνισταμένη ἐξ ἑαυτῆς*. Quod Dialectici docent, habitus definiri assumpto ad genus objecto & fine, id etiam in hac definitione observatum. Objectum justitiæ est jus cujusque suum; finis, ut id quisque obtineat, hoc est, ut cuique quod ei debetur, tribuatur. Delictis etiam debetur poena. Atque hunc finem simpliciter Plato expressit his verbis, *τὸ ἑκάστῳ δίδωαι τὸ αὐτοῦ*. *1. de repub.* Auctor propositæ definitionis est Ulpian. *l. Justitia 10. hoc tit. sit.* plenior &

planior hæc est: Justitia est habitus animi, per quem ita affecti sumus, ut suum cuique quantum in nobis est, tribuere velimus.

TEXTUS.

Definitio Jurisprudentiæ.

1. *Jurisprudentia est divinarum atque humanarum rerum notitia, iusti atque iniusti scientia.*

NOTÆ.

Jurisprudentia] Quæ & scientia & ars juris, & intelligentia, & civilis sapientia. His enim nominibus promiscuè uti solent qui populariter loquuntur.

Divinarum atque humanarum rerum] Subiectum: modus autem considerandi, quatenus de jure earum quaeritur; quem modum indicant verba sequentia, *iusti atque iniusti* M. Vv.

Scientia] Jurisprudentia est habitus intellectus: Justitia ut virtus moralis est habitus voluntatis. Hæc etiam definitio Ulpiani est d. l. 10. §. 2. D. hoc tit.

COMMENTARIUS.

Jurisprudentia] Disciplina nostra nunc scientia, nunc ars juris, nunc intelligentia, nunc civilis sapientia; hic prudentia appellatur: hisce enim nominibus promiscuè utuntur non Jurisconsulti tantum, sed etiam ceteri auctores, qui populariter loquuntur. At enim cum hæc disciplina sit habitus practicus: [est enim sine controversia pars Philosophiæ practicæ] si stricte loqui volumus, & ad certas habitus intellectuales species singula illa nomina cum Aristot. 9. Eth. 3. accommodare; solum nomen prudentiæ huic disciplinæ tum conveniet.

Divinarum atque humanarum rerum notitia] Hæc item descriptio Ulpianum auctorem habet l. iustitia. 10. §. 2. hoc tit. Genus in hac descriptione est notitia aut scientia; idem enim hæc duo significant. Differentia petitur à subiecto ejusque considerandi modo: unde & finis sponte sua intelligitur. Subiectum jurisprudentiæ sunt res divinæ & humanæ: modus considerandi, quatenus de jure earum quaeritur; scilicet ut norimus, an in iis, aut ad eas, & quatenus jus aliquod habeamus. Nam in hunc finem res dividuntur in eas, quæ divini, quæque humani juris sunt: quæ in commerciis atque extra commercia: quaeritur in rebus humanis, quæ publicæ, quæ privatae: & in his earum acquisitio, conservatio, alienatio, & id genus alia, quorum omnium tractatio ad Jurisconsultum pertinet. Hunc verò considerandi modum sequentia definitionis verba indicant, *iusti atque iniusti scientia* nempe hætenus res

divinas & humanas esse obiectum hujus scientiæ, quatenus ea, cum de jure harum rerum quaeritur, quid justum aut injustum sit, doceat. Quod si cui hæc explicatio subtilior videtur; ecce aliam magis popularem. Certum est, disciplinam civilem non tantum in privati, sed etiam in publici juris cognitione versari: publici autem juris cum pars sit divinum, l. 1. §. 2. hoc tit. merito ea rerum divinarum atque humanarum, hoc est, divini & humani juris notitia dicitur. Iusti, atque iniusti, id est, ejus, quod fas & jura sinunt, aut non sinunt, scientia. Sanè veteres juris Interpretes etiam sacris caeremoniisque Deorum præfuisse testis est historia. A Celso hæc disciplina ab officio eam profitentis elegantissime & brevissime describitur, *Arts equi & boni. d. l. 1. in pr.* Siquidem officium Jurisconsulti & prudentia illius tota in eo consistit, ut quid in re quaque æquum, quid iniquum sit, videre, tum discernere, & de eo respondere possit consilium sibi expectantibus. VINN. Hæc quoque definitio Stoica est. Stoici enim ita describere solebant Jurisprudentiam, Sen. Epist. 89. Quum verò inter Jureconsultos & Philosophos ~~comparatur~~ magna esset æmulatio, Merill. Observ. 1. 1. & illi sibi veræ & non simulatæ Philosophiæ studium tribuere solerent: Lib. 1. §. 1. ff. h. t. non dubitarunt definitionem Philosophiæ jurisprudentiæ tribuere, addita tamen differentia specifica: *iusti atque iniusti scientia.* HEIN.

TEXTUS.

De juris methodo.

2. *His igitur generaliter cognitis, & incipientibus nobis exponere jura populi Romani, ita videntur posse tradi commodissime, si primo levi ac simplici via, post deinde diligentissima atque exactissima interpretatione singula tradantur: alioqui si statim ab initio rudem adhuc & infirmum animum studiosi multitudine ac varietate rerum oneraverimus; duorum alterum, aut desertorem studiorum efficiemus, aut cum magno labore, sæpe etiam cum dissidentia (quæ plerumque juvenes avertit) serius ad id perducemus, ad quod leviori via ductus, sine magno labore & sine ulla dissidentia maturius perducere potuisset.*

NOTÆ.

Generaliter] Cursum, obiter, summarium, & *naplo*.

Levi ac simplici via] Tom. 1. d. crassa ac pingui Minerva. Præclarè Aristot. d. 1. 3. inquit, *ἀπὸ τοῦ ἀπλούτου καὶ ἀπὸ τοῦ ἐπὶ τῷ ἀπλούτῳ* *πρῶτον*

Elementa prima ducenda sunt & opus informandum, post utendum veris coloribus. Nec minus scitè Quintil. 1. *Inst. orat.* 2. *Ut Vascula*, inquit *vis angustis superfusum humoris copiam respiciunt, sensum autem influentibus complentur, sic animi puerorum.*

Diligentissima atque exactissima] Hoc ad summam scientiæ est necessarium, ut prius illud incipientibus magis convenit.

Duorum alterum] *Duo sunt hæc.* Quintilian. *Proam. lib. 8.* Incipientibus brevius & simplicius tradi convenit; aut enim difficultate institutionis tam numerosa atque perplexæ deserviri solent; aut eo tempore, quo præcipue alenda ingenia, ac indulgentia quadam enutrienda sunt, asperiorum tractatu rerum atteruntur.

Cum dissidentia] Cic. *in orat. c. 1.* *Perseus*, ne tandem studia multorum, qui desperatione debilitati experiri id nolunt, quod assequi se posse dissident.

COMMENTARIUS.

QUOD pictores facere solent, qui prius lineamenta prima ducunt & opus informant, post veris coloribus utuntur: id etiam in quavis arte docenda faciendum est. Primum enim *crasse & simpliciter*, postea *diligentius & subtilius* unumquodque tradendum. Illud incipientibus magis convenit; hoc ad summam scientiæ est necessarium.

Duorum alterum] Duplicem hujus rei rationem affert. Prima est. Ne difficultate initio proposita deterreantur animi adolescentum; voluntatemque discendi una cum spe perdiscendi abjiciant. Altera, ut maturius ad cognitionem hujus scientiæ ab hoc auditu patefacto perveniant; ad quam aut serius aut nunquam pervenirent (certè non sine magno labore aut dissidentia) si eo tempore, quo præcipue alenda ingenia, ac indulgentia quadam enutrienda sunt, asperiorum tractatu rerum atterantur; ut disputat Fabius in *proam. lib. 8. Inst. orat.* Commentariorum, quod ad incipientes attinet, eadem ratio. Cæterum qui jam aliquandiu hoc simplici cibo pasti sunt; iis nihil prohibet eundem paulò doctius conditum iterum apponere, novoque & piperato jure deficientem excitare appetentiam. Mihi animus est, uno promiscuo apparatu & frugaliter incipientes & opipare provectos nitide omnes excipere.

TEXTUS.

Juris præcepta.

3. *Juris præcepta sunt: Honeste vivere, alterum non ledere, suum cuique tribuere.*

NOTA.

3. *Juris præcepta*] Non regulæ artis Juris, ut

Hopper. & Contra sed dictata juris naturæ *et naturalis & quædam sunt*, insitæ & quasi consignatæ in animis nostris notionēs; ex l. 10. §. 1. D. *ead.*

Honestè vivere] Hoc præcepto vetantur omnia, quæ pugnant cum bonis moribus & publica honestate, etiam si non expressè prohibita. Est aliquid, inquit Cic. *pro Balbo*, c. 3. quod non oporteat, etiam si licet. *Fac. l. 144. de reg. jur.*

Alterum non ledere, suum cuique tribuere] Horum alterum ad personam alterius referri videtur: alterum ad res externas. Cic. 1. *de offic. c. 5.* *Justitia primum munus est, ut ne cui quis noceat*; deinde ut communibus utatur pro communibus, privatis ut suis. Sen. 3. *de benef. c. 14.* *Æquissima vox est, & jus gentium præ se ferens*; Redde quod debes.

COMMENTARIUS.

NON assentior Hoppero lib. 1. *de ars. jur.* nec Contio ad hunc §. qui præcepta hoc loco & apud *Ulp. l. 10. §. 1. eod.* pro regulis hujus artis posita putant. Siquidem præcepta artium principia sunt cognoscendi; ut definitiones & divisiones: atque ita non tres regulæ; sed una tantum proponeretur præceptorum juris distributio. Rectius præcepta hic accipimus generalia quædam dictata ac præscripta juris illius communis, quod semper æquum & bonum est, sive notionēs quædam à natura insitæ & quasi consignatæ in animis nostris *et naturalis & quædam sunt*. Et primum quidem, quod vitæ honestas præcipitur, intelligi oportet vetari facta omnia, quæ lædunt pietatem, verecundiam, existimationem nostram, & generaliter quæcumque pugnant cum legibus, bonis moribus, & publica honestate: in tantum ut etiam ab iis nonnunquam abstinendum sit propter honestatem, quæ legibus civilibus permixta, aut non expressè prohibita sunt, juxta tritum illud, *Non omne, quod licet, honestum est.* De quo multa præclare Pet. Faber ad l. *non omne*, 144. *de reg. jur.* Nimirum est aliquid, quod non oportet, etiam si liceat, ut bene Cicero *pro Balbo. c. 3.* Neque verò simplex hæc admonitio est, ut quibusdam videtur, sed verum atque efficax juris naturalis præceptum: licet hic aliquando claudicet & conniveat lex civilis; errantque adeo, qui cum hoc præcepto committunt lupanaria, quæ passim tolerari constat. *Idem est legis civilis, cujus latorem officii sui admoneant, ne vel boni causa mala fieri permittat.* Hoc enim prætextu hujusmodi conniventia excusari solet, quod propter redudantem in humana natura perversitatem quædam *etiam non decora ac salutaria, adeoque decreta spiritus damnata, toleranda sunt, ne majoris mali præbeat occasio.* Verba ferè sunt & ratio Imag. Leonis, qui usum usurarum, quas pater sultulerat, hoc obtentu non dubitat restituere. Nov. Leon. 81. Duo reliqua præcepta duo distincta munera justitiæ evidentè continent. Sic enim crasse

erasse ea accipio; ut secundum (*alterum non ledere* ,) ad personam alterius referatur, ne alicujus vitam, incolumitatem, libertatem, existimationem laedamus, aut violemus: tertium (*suum cuique tribuere*) ad res externas, ut ab alieno manus abstinemus, hoc est, res alterius non attrectemus aut minuamus; ut pariamur unumquemque rebus suis uti; ut reddamus quod alienum apud nos est. Cui explanationi consentaneum est quod scribit M. Tullius lib. 1. *Offic. c. 5.* *Iustitia primum munus esse, ut ne cui quis noceat: deinde ut communibus utatur pro communibus, privatis ut suis.* Plus iusto religiosi sunt, qui nec plura esse juris praecepta contendunt, nec pauciora. Nam & uno ex his tribus generaliter universum iustitiae munus comprehendi potest, ut in definitione iustitiae tertio praecepto duo priora comprehensa sunt: possunt & quaedam iustitiae munera aliis praeceptis, aut verbis specialius aut evidentius exprimi; ut *Deum colere, Parentes revereri, Patria servare*, &c. Nemo melius haec explicavit, quam Claudius Cantuuncula in doctissima sua paraphrasi. VINN. Sed & haec juris praecepta stoica sunt. Honestum iis ex quatuor virtutibus cardinalibus existere videbatur, *prudencia, temperantia, fortitudo & iustitia*. Honestè ergo vivere ad temperantiam pertinet; neminem ledere ad fortitudinem: suum cuique tribuere ad iustitiam; Prudentiae tamquam virtutis intellectualis, rationem non habuerunt iureconsulti. Est haec observatio viri eximii, Thomae in Not. ad Instit. h. t. HEIN.

TEXTUS.

De iure publico & privato.

4. *Huius studii duae sunt positiones; publicum, & privatum. Publicum ius est, quod ad statum rei Romanae spectat. Privatum est, quod ad singulorum utilitatem pertinet. Dicendum est igitur de iure privato, quod tripartitum est: collectum enim est ex naturalibus praeceptis, aut gentium, aut civilibus.*

NOTA.

4. *Duae positiones*] Id est, duo rhemata, partes, species, &c. &c. Ex Ulp. l. 1. §. 2. cod. Alii tres fecere species; sacrum; publicum; privatum. Aufon. in Idyll. 15. Sed Ulp. d. loc. sub publico etiam sacrum comprehendit. Bud. VINN. Frequenter iureconsulti veteres eas species, quae habent mixtam causam, negligunt, quasi confusas cum simplicibus, atque inde ejusdem rei modo tripartita, modo bipartita distributio est. Rem omnem confecit V. C. Ger. Noodt Probab.

1. 12. qui & hoc ipsum exemplum huc refert. Obs. 11. 21. HEIN.

Quod ad statum rei Romanae] Quod utilitate publicum est, non quod sola auctoritate; est enim haec divisio à fine sumpta, non à causa efficiente.

Ad singulorum utilitatem] Quod privatim ad cujusque civis rem pertinet familiarem. Quamquam & hoc per consequentiam publicè, & illud privatim utile.

Collectum ex naturalibus praeceptis &c.] Jus quo privati in civitate utuntur, tribus quasi ex fontibus in Remp. defluxit, natura, gentium institutis, & inventis cujusque civitatis.

COMMENTARIUS.

- 1 *Quot modis dicatur ius publicum.*
- 2 *Antonius Orator notatus.*
- 3 *Aristotelica juris civilis distributio explicatur.*
- 4 *Iustinianus immerito reprehensus à Rod. Agricola.*
- 5 *Ulpianus cum Gajo, &c. eo ciliatus.*
- 6 *Appellatione juris positivi quale ius significatur?*
- 7 *Optima juris privati divisio.*

Huius studii duae positiones] Studium figuratè pro iure, cui studetur: nam studium nullum publicum est, sed cujuslibet proprium & privatum. Positiones, id est, *rhemata*, partes, species, &c. &c. Est autem haec divisio sumpta ab objecto ac fine principali: & fortasse rectius tres species ponerentur, ut à Cicerone 1. de legib. & Aufonio in Idyll. *Divinum, publicum, & privatum*: aut si *exempla* magis arridet, dividi commodè potest in *divinum & humanum*; humanum deinde subdividi in *publicum & privatum*. Enimvero Ulpianum huius divisionis auctorem sub publico etiam divinum comprehendisse certum est: ait enim, *ius publicum in sacris, Sacerdotibus, & Magistratibus consistere*, l. 1. §. 2. hoc tit. Ceterum juris illius sacri, ut ethnici & impii, tractationem in &c. omiserunt Compositores Christiani. Quae autem de hoc iure extant in Codice Christianorum Imp. constitutiones eatenus recipiendae sunt, quatenus verbo Dei non repugnant. VINN. Studium pro arte itidem coarctè dicitur, uti ostendit Merill. *Observ. Lib. 1. c. 2.* Jus divinum humano oppositum, alioquin non est jus de rebus sacris, sed jus à Deo profectum: nec admodum concinna videtur illa *exempla*, immo nec necessaria quidem, quam ius sacrum sine dubio sit pars nobilissima iurispublici. HEIN.

Publicum ius est] Juris publici nomen non uno modo accipitur. Id, ne quem turbet, sciendum est, ius publicum saepe dici non à materia & fine, ut hoc loco, sed à forma aut causa efficiente; non quod utilitate publicum est, sed auctoritate. Ita accipitur in l. 3. de *cunct. Lex*

L. ex sententia 19. de test. sut. multisque aliis in locis. Item apud Terent. in *Phorm.* 11. 11. 65. *An ne id quidem adipiscar ego, quod ius publicum est?* In *L. quod 16 §. 1. ad leg. Falc.* dicitur retentio Falcidiz jure publico competere, in *L. damni 18 §. 1. de damnu. inf.* Usucapio jure publico contingere, hoc est eo jure, quod publicè sive publica auctoritate constitutum est. Eodem sensu & testamenti factio juris publici esse dicitur. *L. 3. qui testam. fac.* nimirum quia à lege est, seu publica legis auctoritate concessa. *L. 1. pr. vers. secundo. ad leg. Falc. l. verbis legis 120. de verb. sign.* Atque hæc omnia ad differentiam ejus juris, quod cuique privatim acquiritur ex conventionibus, quippe quæ parem cum legibus auctoritatem non habent; quod Papinianus sic expressit, *L. ult. de suis & legit. privatorum cautiones legum auctoritate non censentur.* Et quod passim legimus jus publicum privatorum pactis mutari aut infringi non posse. *L. ius publicum 38. de pact. l. Neratius 20. de relig. l. 15. §. 1. ad leg. Falc. l. neque pignus 45. §. 1. de reg. jur.* nihil aliud significat, quàm ex eo jure aut forma ejus juris, quod quæcumque de re publicè constitutum est; privatorum pactioibus nihil posse immutari, *d. leg. nec ex 27. de reg. jur.* Interdum & jus publicum accipitur pro jure, quod civium omnium ejusdem civitatis commune est. Nam quod Papinian. in *L. inter. 51. §. pen. de fidejuss.* & Zeno in *L. ult. C. de rest. in integ. commune appellant*, id eodem sensu publicum appellat Ulpian. *L. nihil consensu. 116. §. 1. de reg. jur.* itemque Imp. *L. 2. ne ux. pro mar. ad distinctionem*, ut videtur, juris singularis sive privilegii, quod certarum dumtaxat personarum proprium est. Hoc autem loco ab objecto & fine id solum jus publicum dicitur, quod ad utilitatem publicam, hoc est totius populi universum & conjunctum pertinet; non item ad singulos, nisi secundariò & per consequentiam. Nam quod publicè utile est, id non potest non utile esse privatim; quemadmodum ex privatorum utilitate publicam quoque per consequentias æstimamus, veluti cum dicimus, *Publice expedire, suprema hominum judicia exitum habere: Interesse Reip. ne quis res sua malè utatur*, aliaque id genus.

Rei Romana] id est, *Reipub Romana.* Virg. *6. Æneid. 7. 857. Hic rem Romanam magno curante tumultu sistet eques*, de Marcello loquitur. Ennius; *Moribus antiquis res stat Romana virisque.* Si vocem *Romana* detrahas; definitio erit generalis: sed hic adjecta ad differentiam aliarum civitatum, quæ cum Romana collatz, privatorum loco erant, *L. 15. & seq. de verba sign.* Vel potius, quia Justiniano tantum propositum est, jus Romanæ civitatis tractare, uti & Ulpiano, unde hæc sumpta sunt. Juris publici sunt, quæ pertinent ad religionis cultusque divini curam; ad pacis bellicque ordinationem; ad fines & magnitudinem imperii; ad jus legum ferendarum, privilegiorum irrogando-

rum; tributorum imperandorum; monetarum cudendarum: ad exercenda judicia; delicta coercenda; Magistratusque creandos, per quos hæc expediantur.

Quod ad singulorum] Jus privatum in hac divisione est, quod singulorum civium causa recta & principaliter comparatum est: Itaque & testamenti factio, & retentio Falcidiz, & usucapio, &c. hoc sensu sunt juris privati.

Dicendum est de jure privato] Juris publici tractatio difficilior atque sublimior Justiniano visa est, quàm ut tyronibus proponi debeat; ideoque nec nos plura de eo dicemus. Cæterum ut illud obiter moneam, quod locus postulare videtur, apparet ex hac juris divisione, itemque ex definitione jurisprudentiz, Antonium apud Ciceronem *L. 1. de orat. c. 48.* non Jurisconsultum, sed legulejum describere, *Qui legum & consuetudinis ejus, qua privata in civitate utuntur, & ad respondendum & ad agendum & ad cavendum peritus sit.* Præstantissimam scilicet hujus artis partem, juris publici scientiam, consultò præterit homo Jurisconsultorum gloriæ subinvidens, & iniquè de hac scientia judicans. VINN. Immo *Legulejus* non videtur, solius jurisprivati peritus, sed qui legum tantum gnarus, earum & rationem ignorat & adplicationem; quemadmodum, qui de sola adplicatione & praxi, quàm vocant, sollicitus, nullam accurationem juris notitiam præmittit, *rabula* vocari solet. Ita Cicero hæc vocabula accipit *Lib. 1. de Orat. cap. 46. & 55.* HEIN.

Tripartitum est] Divisio è causis efficientibus, id est, auctoribus juris, natura, naturali ratione, & civitate. Quamquam hic non tam dividitur jus civile, quàm principia ejus & origo indicatur, atque secernitur; ut verba collectum est ostendunt, & notat D. Vvesemb. Cæterum non est adeò absurdum, ut multi existimant, jus civile tamquam genus constituere, cujus species sint, naturale, gentium, & civile in specie: dummodò jus civile, quatenus in ea distributione ut genus consideratur, accipiat pro eo jure, quo quæque civitas in universum utitur; civile autem in specie, pro eo quod legislator à se constituit, & positivum passim appellatur. Eodem namque sensu Philosophus 5. *Eth. 7.* dividit jus πολιτικόν in γενικόν & νομιστικόν. Jus enim naturæ sive gentium communis omnium populorum fons est; unde hauriunt singuli, quod ad suæ civitatis mores accommodent; quamvis id non uno omnes modo faciant. Atque huc pertinet quod Gajus scribit in *L. omnes populi 9. hoc tit. Omnes populos partim communi omnium hominum jure uti. partim proprio*; quod Arist. *d. loc.* appellat κοινόν, & speciem facit τὸ πολιτικόν. Notat Justinianum Rod. Agricola *lib. 2. de invent. d. al.* quod dumtaxat jus privatum ex triplici illo jure collectum dicat, quasi hoc ipso negaret, jus publicum ex iisdem præceptis collectum esse.

se. Sed hoc minimè sequitur. Nam satis Justiniano visum est, causam & originem indicare ejus juris, de quo dicturus erat, nimirum privati; insuper habito, an ex iisdem præceptis etiam originem traheret jus publicum. Sed nec rectè dixeris naturam, sive jus naturale, ut id in specie accipiunt Justinian. & Ulpian. pro jure cum brutis communi, causam esse juris publici; quod & Baro rectè observavit. Nec tamen assentientiendum Mynsingero, qui cum Alciato. 1. *parerg.* 31. contendit, jus publicum tantum esse ex præceptis civilibus. Nam præterquam quod manifestum est, religionem erga Deum, l. 2. *hoc tit.* & imperia Magistratum per ea, quæ Aristot. 1. *polis.* 2. esse ex jure gentium, constat ipsos Romanos sacra, caeremoniasque suas, atque omnia ferè, quæ ad Magistratus aliaque jura publica pertinent, à plerisque Italix populis ac præsertim Hetrurix accepisse. De communi notitia de Deo locus est omni exceptione major apud Paulum ad *Rom. c. 1.* sunt & apud Cic. 1. *Tusc.* 8. 16. & 2. *de nat. Deor. c. 2.* & 15.

5 *Ex naturalibus præceptis aut gentium, aut civilibus*] De numero generum juris dissensisse Veteres videri possunt. Nam Ulpianus in l. 1. §. 2. *hoc tit.* quem hic sequitur Justinianus, tria genera ponit, naturale, gentium, & civile. Cajus in l. *omnes populi* 9. *cod.* duo tantum, commune, & proprium; neque Philosophi plura genera agnoscunt quàm naturale & positivum. Sed tantum in tractandi modo, non in re dissensio est: revera enim duo tantum sunt summa juris genera, naturale & civile seu positivum: sed in hac bimembri divisione primum genus duas priores species tripartitæ illic complectitur, in quas etiam deinde subdividi potest. Ulpianus enim brevitatis causa species unius generis cum altero genere uni-

ca divisione complexus est; quod ei familiare esse apparet ex l. 4. *hoc tit.* l. 5. *de pass.* Nomina quoque generis docendi causa, cum propria deficerent, speciebus indidit, jus naturale vocans, quod similitudine quadam hominicum cæteris animantibus commune est; gentium, quod humani generis proprium. Observandum autem est, non omnes, qui jus dividunt in naturale & positivum, hæc species eodem sensu opponere. Nam sunt, qui appellatione juris naturalis intelligunt quidem tum jus, quod hominibus cum brutis commune est, tum etiam jus gentium, quod primum vulgo appellant; sed jus gentium secundarium, speciem faciunt juris positivi, sicut & civilis; idque rationi magis consentaneum putant Vvesemb. *par. hoc tit. num. 15.* Greg. Lopez. *animad. c. 3.* D. Grot. 1. *manuduct. ad jurispr. Bat. c. 2.* item lib. 1. *de jur. bel. & pac. c. 1. nu. 9. & seqq.* Alii verò appellatione juris naturalis positivo oppositi complectuntur jus omne, quod non est à potestate civili, nec tantum jus gentium primum, sed etiam secundarium: quod & Veteres interdum faciunt; ut videre est in l. 1. *de acq. rer. dom. §. singulorum, infra de ver. div.* Sed sæpius tamen & hi jus naturale ex adverso juri gentium secundario opponunt: ut in §. 2. *tit. proxime sequentis infra de libertin. in pr. l. 4. hoc tit.* In divisione proposita etiam primario opponitur; quæ tamen oppositio vix ullum usum habet, ut demonstrabitur tit. seq. Optima divisio erit, si dicamus: Jus quoddam esse commune omnium gentium, aliud esse proprium cujusque civitatis. Quod commune est omnium gentium, partim nobis commune esse cum bestiis, partim proprium generis humani. Proprium generis humani, partim homini innatum, partim communi hominum consensu introductum.

TITULUS SECUNDUS.

DE JURE NATURALI, GENTIUM, ET CIVILI.

Summa eorum, quæ hic explicantur.

TEXTUS.

De jure naturali.

1 **H**oc titulo species juris privati, in quas supra §. *ult. præc. tit.* divisum est, Imperator singulatim persequitur & explicat. Quo peracto, juris civilis Romanorum, quod solum suscepit, tractationem aggreditur. Ac primum illud dividit ex alijuncto in scriptum & non scriptum: scriptum deinde subdividit in suas species, quas ordine item explicat. Postea jus civile à naturali distinguit ratione diversæ effectus. Ad extremum viam sternit ad rectam perceptionem juris constituti, proposita discretione materiæ, circa quam jus omne, quo utimur versatur.

Jus naturale est, quod natura omnia animalia docuit. Nam jus istud non humani generis proprium est, sed omnium animalium, quæ in cælo, quæ in terra, quæ in mari nascuntur. Hinc descendit maris atque fœminæ conjunctio, quam nos matrimonium appellamus: hinc liberorum procreatio, hinc educatio. Videmus enim cætera

tera quoque animalia istius juris peritia censeri.

NOTÆ.

Omnia animalia docuit] l. 1. §. 3. *D. de just. & iur.* Dicuntur verum hæc κατὰ φύσιν, eo quod quæ hujus juris sunt, etiam bruta faciant solo quidem impetu naturæ, cæterum cum similitudine sensus ac desiderii humani. Cic. in *Lal. c.* 8. Unde tales brutorum actus Arist. 9. *de hist. anim. cap.* 7. appellat *μυμήματα* & ἀνθρωπίνους ζωῆς. Proprie autem juris capax non est nisi natura utens præceptis generalibus. Grot. 1. *de jur. bell.* 1. Νόμος ἢ δὴ καὶ οὐκ ἀνθρωπίνους μόνον ἔχοντα πρὸς τὰς φύσεις. Plutarch. *Cat. maj.* In bestiis tantum apparet juris aliqua imago. Salmas. *de usur. cap.* 9.

Maris atque fæminæ conjunctio] Lactant. l. 6. c. 23. Cum excogitasset Deus duorum sexuum rationem, attribuit ipsis, ut se invicem appetere, & conjunctione gauderent, eaque ratione propagari & multiplicari genera possent.

Educatio] Cic. 1. *de off. c.* 3. Quemadmodum communis est animantibus conjunctionis appetitus, ita etiam quoque eorum, quæ procreata sunt. Nam, ut idem lib. 3. *de fin. c.* 19. Hæc inter se congruere non possent, ut procreari quidem natura velles, diligere autem procreata non curares. Huc vel maxime pertinet studium tuendi sui adversus vim illatam. Cic. 1. *de off. c.* 7.

Peritia censeri] Id est, haberi pro peritis hujus juris, eorum numero adscribi. Theoph. ἐν τῇ τῶν ζῴων τῶν πρὸς τὴν νόμον ἀναγκαστικῇ; id est, his qui hanc legem observant, adscriptis; quidam malunt, *perita*.

COMMENTARIUS.

- 1 *Animantia bruta proprie juris capacia non esse, & num. 4.*
- 2 *Parentes alere quo jure liberi teneantur.*
- 3 *Defensionem adversus vim illatam esse juris naturæ, & quatenus ea permissa remissive.*

1 **A** Nimalia bruta tam certum est esse juris expertia, quam certum est esse, ἀλογα, sive expertia rationis. Nam inter quos jus est, inter eos & ratio, & æquum, & bonum, & justitia, & lex, & societas sit necesse est. Arist. 5. *Eth.* 10. Inequis, in leonibus justitiam non dicimus, inquit Cicero lib. 1. *de offic.* Plutarchus in Catone Majore ait, Νόμος ἢ δὴ καὶ οὐκ ἀνθρωπίνους μόνον ἔχοντα πρὸς τὰς φύσεις, & aliàs etiam beatitudo caderet in bruta. Bene igitur D. Grot. 1. *de jur. bell. & pac. c.* 1. num. 11. Proprie juris capax non est nisi natura præceptis utens generalibus. Neque quisquam Philosophorum, quod sciam, aut Jurisconsultorum jus aliquod in bruta cadere tradidit, præter unum Ulpianum, ex cujus Institutionibus hæc descripsit Tribonianus,

ut apparet ex l. 1. §. 3. *de just. & iur.* Quomodo ergo Ulpianum cum cæteris conciliamus? Simplicissima eorum sententia est, qui per quamdam auxesin & figurate hæc à Jurisconsulto dici scribunt, propterea quod quæ hujus juris esse dicuntur, ea etiam bruta faciant, idque cum similitudine quadam sensus ac desiderii humani. Unde Aristoteles lib. 9. *de hist. animal. c.* 7. tales brutorum actus appellat *μυμήματα* & ἀνθρωπίνους ζωῆς, vitæ humanæ imitamenta. Cicero 2. *de finibus virtutum simulacra*. Nam ut in brutis apparent simulacra quædam rationis, ita etiam juris; ut idem Cicero testatur, & pluribus ostendit Plutarchus in libello, *ὅτι καὶ τὰ βέλτιστα ζῷα κοινωνοὶ τῆς δικαιοσύνης*. Platonis quoque doctrina est, naturam rem unamquamque perfectissimam facere voluisse; ac proinde in plantis sensus, in brutis rationis, in hominibus divinæ mentis vestigia expressisse. Neque aliud sensisse videri debet Plutarchus in libello cui titulus est, *τὰ ἀλογα λόγον ἔχοντα*, quod alioqui non careret contradictione. Eadem effectus est aliorum responsio, qui ajunt Jus naturale formaliter, id est, quoad rationem, non nisi in hominem cadere: materialiter autem, hoc est, quoad appetitum & instinctum naturæ, etiam in bruta: nempe, ut hoc explicant Covart. in c. *peccatum, de reg. jur. in 6. par. 2. rel. §.* 1. n. 4. & Ant. Fab. *jurisp. Papin. tit. 2. pr.* 1. jus naturale dici, quod circa ea versatur, quæ bruta solo instinctu & impetu naturæ faciunt; homines verò etiam cum ratione. Nam cum homo hæc facit, rationem in consilium adhibet, quam veluti ducem lucemque sequitur; cum bestia in iisdem agendis sola vi naturæ, & cæco impetu sine judicio ac ratione ducantur. A quem etiam modum disputat doctissimus Salmas. lib. *de usur. cap.* 9. eoque pertinet quod scribit Seneca lib. 2. *de Ira, c.* 16. animalibus pro ratione impetum, hominibus pro impetu rationem esse. VINN. Solum Ulpianum jus naturæ homini cum reliquis animalibus commune fingere putat Vinnius. Sed perperam. Fuit ea communis fere veterum Philosophorum doctrina. Jus naturæ exigere dicebant, ut secundum naturam vivamus. Natura est vel communis, vel homini propria. Ex illa jus naturale, ex hac jus Gentium derivabant. Præclare eam in rem ex mente Stoicorum differit Cicero *de finib. l.* 4. c. 9. Eleganter quoque Euripides: *Communis hæc lex stirpis est mortalium, Trabeas & ipsos in sui assensum Deus Feraxque, amare, quidquid est ex se satum. τὰ δὲ ἀλογα καὶ οὐκ ἔχοντα λόγον ἀνάγκη τῶν ζῴων*. In rebus aliis jure non uno utimur. HEIN.

Maris & fæminæ conjunctio] Huc pertinet quod in Lelio scribit Tullius: Hoc apparet, inquit, in bestiis, volucribus, agrestibus, natantibus, cicuribus, feris, primum ut se ipse diligant; (id enim pariter cum omni animante nascitur,) deinde requirant atque appetant ad quas se applicant ejusdem generis animantes: idque faciunt.

ciant cum desiderio & cum quadam similitudine amoris humani.

Procreatio, educatio] Quomodo modum communis est animantium conjunctionis appetitus, ita cura quoque eorum, quæ procreata sunt, ait idem Tullius 1. de offic. cap. 3. Justinianus in l. un. §. taceat. C. de rei ux. aff. Ipse, inquit, naturalis stimulus, id est, cupido, parentes ad liberorum suorum educationem hortatur. Et alibi. Filium vel filiam alere pati necesse est propter ipsam naturam l. ult. §. ipsum C. de bon. quæ lib. Et v. d. Hæc inter se congruere non possent, ut procreari quidem natura vellet, diligere autem procreata non curaret, ut scribit Cic. 3. de finib. cap. 19. Referunt huc quidam & alituram parentum; sed malè. Debentur quidem & parentibus alimenta, quod etiam proditum est vulgari proverbio *ἀνδραγαθόν*; sed parentum alimonia non ex eo jure est, de quo hic agitur, quod natura cetera quoque animalia docuit, inter quæ genitum gignenti alimenta non præbet. Verum ex alia naturæ lege, quæ humani generis propria est, & in proposita partitione jus gentium dicitur; nimirum ut causa gignens erga genitum afficiatur, ex communi naturæ instinctu est: ut genitum erga gignentem à naturali ratione, quæ pietatem & gratitudinem commendat, fac. l. 1. de just. & jur. l. nam & 15. de inoff. test. l. 7. §. 1. unde liberi. Ita cape locum Ciceronis in orat. de resp. arusp. cap. 27. ubi ait: Parentibus nos primum naturam conciliare; quos non alere nefarium sit. Et Valerii, qui lib. 5. c. 4. scribit, primam naturæ legem esse, diligere parentes. Quod autem de ciconia narratur; id ut singulare negligendum est. De quaestione quatenus parentes liberos, aut hi vicissim illos alere teneantur: & porro an frater fratrem, quæ hinc aliena, consulantur Schneid. hic n. 10. & seqq. D. Tulden. & Perez. ad tit. C. de alend. liber. Christin. vol. 3. dec. 143. add. D. Grot. 2. de jur. bell. & Pac. c. 7. n. 4. & seqq. Pet. Fab. 2. sm. 1. Nullius autem rei studium altius insitum est à natura omnibus animalibus, quàm studium tuendi sui adversus vim illatam. Hæc enim omni generi animantium à natura ante omnia tributum esse scribit M. Tullius 1. de Offic. cap. 4. ut se, vitam, corpusque tueatur, declinetque ea, quæ nocitura esse videantur. Unde liquet, fragmentum auctoris l. 3. de just. & jur. temerè à Triboniano subjectum esse l. 2. cod. consulaque exempla juris naturalis & gentium, contra quam propositum erat. Quamquam quidam in definitione duo extrema spectanda ajunt, tuitionem, & propulsationem injuriæ, quarum illam ad jus naturæ, hanc ad jus gentium referunt. Credo ego, Florentinum jus omnibus humani generis circumscripsisse. Quatenus & quibus conditionibus vim personis vel rebus nostris illatam propulsare permittum sit; ex recepta DD. sententia tradit Schneid. hic

n. 11. & seqq. Gail. 2. obs. 110. num. 13. & seqq. D. Tulden. ad tit. C. ad leg. Corn. de sicar. n. 5. Summa huc redit, ut ne vim propulsando ulcisci magis quàm tueri nos studeamus: deinde ut ne excedamus moderationem inculpatæ tutelæ. Tunc autem non excessisse intelligimur, cum aliter periculum evitare non potuimus, l. scientiam 45. §. pen. ad leg. Aqu. l. 1. C. unde vi. & ibi Don. Add. D. Grot. lib. 2. de jur. bell. cap. 1. ubi n. 3. rectè docet, jus defensionis per se ac primario nasci ex eo, quod natura quemque sibi commendat, non ex injustitia aut peccato alterius, unde periculum est; & ideo si corpus vi impetatur eum presentie periculo vitæ non aliter evitabili, licitum esse inferentem periculum interficere, etiam si ille peccato careat, puta infania aut insomniis agitetur, ut evenisse quibusdam levimus. Neque enim eo tolli jus se tuendi, cum sufficiat; quod ego non teneor id, quod ille intentat, pati, non magis quàm si bestia aliena periculum intentaret. Sed hæc & similia fortassis alibi latius. Illud repeto, quod superius dixi: si quando brutis animalibus justitia tribuitur; id fieri improprie ex quadam in ipsis umbrarationis atque vestigio; ac propterea plerosque disputationem juris naturalis finibus humani generis circumscribere. Vid. Pet. Fab. 2. sm. 1. Salmas. de usurp. cap. 2. Joan. Selen. lib. 1. de jur. nat. & gent. in vet. discipl. Hebræor. cap. 4. & 5. ubi etiam Hebræos laudat, qui & ipsi non ex jure aliquo, (quod totum versari volunt circa licitum atque illicitum) sed è propensione atque inclinatione tantum ajunt animantium ceterorum actus evenire. Sanè discrimen, quod Ulpianus facit inter jus, quod animantibus ceteris cum homine commune est, quod arctiori significato appellat naturale, & illud quod hominum proprium est, quod sæpè jus gentium nuncupatur; vix ullum usum habet. Quoniam utrum actus ipse, de quo Jus naturæ constituit, sit nobis communis cum aliis animalibus, ut proles educatio: an nobis proprius, ut cultus Dei; ad juris ipsam naturam nihil refert, §. pen. inf. cod.

TEXTUS.

Distinctio juris gentium & civilis à definitione & etymologia.

1. Jus autem civile à jure gentium distinguitur, quod omnes populi, qui legibus & moribus reguntur, partim suo proprio, partim communi omnium hominum jure utuntur. Nam quod quique populus sibi jus constituit; id ipsius proprium civitatis est, vocaturque jus civile, quasi jus proprium ipsius civitatis. Quod vero na-

turalis ratio inter omnes homines constituit; id apud omnes gentes peragere custoditur, vocaturque jus gentium, quasi quo jure omnes gentes utantur. Et populus itaque Romanus partim suo proprio, partim communi omnium hominum jure utitur. Quæ singula qualia sint, suis locis proponemus.

NOTÆ.

1. Quisque populus] Ex l. 9. de just. jur. populus scilicet alieno imperio non subiectus, alias juris condendi potestatem non habet, nisi quatenus ille cui pareat, concessit, l. 9. de leg. Rhod.

Vocaturque jus civile] Nempe in specie, quod à se civitas constituit: qualia multa in duodecim tabulis. Nam jus civile sumptum pro universo jure civitatis etiam jus naturale & gentium complectitur; quo sensu Aristotel. 5. Ethic. 7. dividit jus πολιτικόν in φυσικόν & νομικόν.

Naturalis ratio] Jus gentium non ex institutionis populorum æstimandum est, sed ex eo quod justum esse ipsa naturalis dicat ratio, id est, insita animis hominum notitia honesti & turpis, justi & injusti. V. G. Incesta, adulteria, furta, natura turpia & illicita sunt; etiam si gentes repertæ, in quibus hæc permixta aut non punita. Gell. 11. noct. Attic. 18. Alex. ab Alex. 1. Gen. dier. 24. Plato 1. de legib. Cic. 1. de legib. c. 16.

Apud omnes populos] Aut certe moratiores. Nam quid naturale sit, spectandum in his, qui bene secundum naturam se habent, non in depravatis, teste Arist. 1. Polit. 5. Videtur autem hic tantum definiri species juris gentium excellentium excellentior, quæ vulgo jus gentium primum.

COMMENTARIUS.

- 1 Populum alterius imperio subiectum leges condere non posse: & quatenus statuta.
- 2 Divisio juris civilis in merum & mixtum explicata & illustrata exemplis.
- 3 Jus gentium quod hic definitur, & ipsum revera naturale esse.
- 4 Vulgaris distinctio juris gentium in primum & secundarium defensa & explicata.

1 Quid quisque populus] Suis scilicet legibus & moribus vivens: nam si quæ civitas alterius imperio subiecta est; ea non plus juris habet in jure constituendo quam ille, cuius imperio subiecta est, concessit, l. de leg. Rhod. Hinc est, quod municipia meliore hac in re conditione erant quam colonie: quia municipiis concessum erat, ut suis

legibus & moribus uti possent; colonie autem jura institutaque omnia populi Rom. non sui arbitrii habebant. Gell. l. 16. c. 13. Ceterum statutorum condendorum quemlibet Magistratum in suo territorio jus habere tradunt DD. in l. omnes populi 9. hoc tit. unde hic locus descriptus est. Quæ tamen statuta non aliter valeant, quam si non derogent juri communi: & ut valeant, sciendum tamen est, non valere jure legis, sed salvum semper manere jus Superioris, ut pro auctoritate sua ea abrogare possit, l. 3. §. Divus 5. de sepulc. viol. Ufu quoque servari tradit Schneid. in §. constat. 3. inf. eod. ut statutorum confirmatio à Superiori petatur; quod & juri consentaneum cum Hieronym. de Cavallos censet D. Christin. volum. 2. decis. 55. num. 5. quamvis id necessarium non esse plerique tradiderunt. Apud nos sanè Magistratus inferiores jus statuta condendi non habent, nisi quatenus id à Principe, aut qui vicem ejus gerit, impetrant: alioqui necessaria est Superioris approbatio. D. Merul. lib. 1. tit. 4. cap. 5. D. Grot. 1. manud. cap. 2. De statutis, præter alios, videri possunt D. Nic. Burgund. ad consuet. Fland. tract. 1. Christin. vol. 2. dec. 2. 3. 4. 5. 54. 56. 57. & 59.

Vocaturque jus civile] In specie nimirum. Nam jus civile sumptum pro eo jure, quo in universum civitas utitur, etiam jus naturale & gentium, quatenus receptum est, comprehendit: eoque sensu obligationes, quæ ex contractibus juris gentium descendunt, dicuntur civiles; licet à legislatore civili nihil habeant præter approbationem, §. 1. inf. de oblig. Hoc igitur jus dicitur civile à causa efficiente, quæ est voluntas alicujus civitatis, aut ejus, qui jus legis ferendæ in ea habet, non communis gentium aut naturalis ratio. Ab Aristotele legitimum dicitur; vulgo positivum. Potest vero hoc jus amplioris doctrinæ gratia sic distinguere, ut aliud dicatur merum & simpliciter civile, quod pertinent leges omnes, quæ ideo tantum justæ sunt & obligant, quia à civili potestate sancitæ; cujusmodi sunt jura adoptionum, usucapionum, donationum inter conjuges; senatusconsulta Macedonianum, Vellejanum, Trebellianum; leges Ælia Sentia, Junia Narbana, Fufia Caninia, Voconia, Furia, Falcidia, & in multis capitibus lex duodecim tabularum: aliud mixtum, quod mixtum rectè dixeris, cum scilicet juri communi lex civilis aliquid addit aut detrahatur, aut quod illo jure indeterminatum est, determinat. Quo sensu, matrimonia, patria potestas, tutela, testamenti, successiones, actiones & id genus alia, juris civilis esse dicuntur; nempe quia certa & propria quadam forma à jure civili donata sunt, atque ita determinata, ut certus eorum usus sit, atque eorum cives tantum, exclusis ab eorum communione extraneis & peregrinis. Atque de hoc jure civili

li mixto accipiendum est quod scribit Ulpianus l. 6. de just. & jur. Cum additur aliquid aut detrahatur juri communi, jus civile efficitur: alioqui omnia ferè, quæ constituta sunt, juris merè civilis & positivi dicenda forent. Illud in universum verum est, juris civilis nomen non mereri, quod directè pugnat cum ratione juris naturæ, d. l. 6. in pr.

Naturalis ratio] Ait Imperator jus gentium esse, quod naturalis ratio inter omnes homines constituit. Unde sequitur, jus hoc non ex legibus aut institutis populorum æstimandum esse; sed ex eo quod justum esse dicitur ipsa ratio naturalis, id est insita animis hominum
3 notitia de honesto & turpi, justo & injusto. Quam ob causam & ipsum quoque jus naturæ passim appellatur, & æquum & bonum, & naturalis æquitas, & natura. Id quod notandum est adversus eos, qui negant quicquam naturæ justum esse, sed tantum lege & consuetudine: contra quos disputat Cic. 1. de legib. cap. 16. & Aristot. 5. Eth. 7. add. Platon. de legib. Laert. in Pyrrh. & Aristip. Exempli gratia, dicitur naturalis ratio, delicta, puta furta, adulteria, natura turpia esse & punienda, l. probrum 42. de verb. sign. l. 1. §. 3. de furt. Reperti tamen sunt, apud quos hæc flagitia permixta atque impunita fuerunt, vid. Gell. lib. 11. c. 18. Arnob. adv. gent. lib. 8. Alex. ab Alex. lib. 1. cap. 24. Alber. Gentil. 5. de nupt. c. 7. Jure gentium incestum committit, teste Paulo in l. ult. de rit. nupt. qui ex gradu ascendentium aut descendendum uxorem ducit: quod etiam saniores omnes Philosophi agnoscunt: nihilominus, ut Ovidius lib. 10. Metam. v. 332.

Gentes tamen esse feruntur.

In quibus & nato gentrix & nata parentis iungitur.

Harum, inquam, gentium barbari mores & pravam judicium efficere non possunt, ut id quod natura justum aut injustum, turpe aut honestum est, tale esse desinat: quomodo & Socrates disputat apud Xenoph. lib. 4. memorab.

Omnes Gentes] Aut certè moratiores. Nam naturale rectè dicitur, interprete Michaeli Ephesio ad Nicomachia, quod apud plerisque non corruptos aut praves, sed naturæ convenienter se habentes, obtinet. Et Arist. 1. polit. 5. quid naturale sit; spectandum ait in his, Quæ bene secundum naturam se habent, non in depravatis. Bellè Salinas. de usur. pag. 249. & seqq. Videtur autem Imperator hic tantum definire voluisse speciem juris gentium excellentiorem, nempe jus gentium primæ, ut id DD. appellant. Neque enim hæc definitio æquè accommodari potest juri gentium secundario, quod in §. seq. vers. nam usu. ita describitur, ut respectu juris primæ quodammodo positivum dici possit: quanquam cum etiam secundarium naturali ratione & iudicio nitatur, neque id apertè constitu-

tum, aut sanctione aliqua introductum sit, sed tacita tantum, communi tamen consensione gentium receptum; naturale quodammodo est, & à positivo socerni potest. Atque hoc etiam puto sentire Aristotelem d. l. 1. c. 4. ubi ait, esse quoddam jus gentium *καθ' ἑμμετρίαν*. Ut autem paucis explicem, quæ ratione Doctorum illa juris gentium distinctio in primæ & secundarium nitatur, 4 quod hic locus quodammodo flagitat; nata est ea distinctio ex duplici consideratione rationis, seu potius intellectus judicantis. Ut enim ratio, sicut Physici docent, vel simplex est & pura, quæ sine discursu judicat, & Græcis *καθ' ἑμμετρίαν* dicitur: vel composita & comparata, quæ per discursum munus suum exequitur, ex collatione diversarum rerum aliquid colligens, Græcis *διὰ λόγου* & *λογισμῶν*; ita & duplex est jus Gentium. Unum quod à simplici illa ratione fluit seu intellectu *καθ' ἑμμετρίαν*; cuius juris sunt cultus Dei; reverentia parentum, neminem lædere; suum cuique tribuere; ab alieno manus abstinere, aliaque ejusmodi principia practica, quibus ultro sine argumentatione aut demonstratione assentimur, & justa esse sine agitatione mentis intelligimus. Alterum quod à composita, seu intellectu *διὰ λόγου*, quod discursum & ratiocinationem habet, atque ex causa demum aliqua aut hypothesi & comparatione alterius rei justum esse intelligitur; cuius generis sunt ea omnia, quæ ad vitæ communis commoda conjungendasque inter se Respublicas & gentes à viris sapientibus excogitata in usum omnium gentium, aut plerarumque pervenerunt. Exempli habemus in §. seq. vers. nam usu. & elegans in l. 1. ff. de contr. empt. Quod jus à simplici illo intellectu est, primæ D. appellantur: quod à composito, secundarium: primum immutabile; secundum mutabile.

TEXTUS.

Ab appellatione & effectibus.

2. Sed jus quidem civile ex unaquaque civitate appellatur; veluti Atheniensium. Nam si quis velit Solonis vel Draconis ieges appellare jus civile Atheniensium; non erraverit. Sic enim & jus, quo Romanus populus utitur, jus civile Romanorum appellamus, vel jus Quiritum, quo Quirites utuntur. Romani enim à Romulo, Quirites à Quirino appellantur. Sed quoties non addimus nomen, cuius sit civitatis; nostrum jus significamus: sicuti quum Poetam dicimus, nec addimus nomen, subaudiuntur apud Græcos egregius Homerus, apud nos Virgilius. Jus autem gentium omni humano generi commune est.

est. Nam usu exigente & humanis necessitatibus, gentes humane jura quadam sibi constituerunt. Bella etenim orta sunt, & captivitates secute, & servitutes, quae sunt naturali juri contraria. Jure enim naturali omnes homines ab initio liberi nascebantur. Et ex hoc jure gentium omnes pene contractus introducti sunt, ut emptio & venditio, locatio & conductio, societas, depositum, mutuum, & alii innumerales.

NOTAE.

Usu exigente] Hujus igitur ex parte causa est usus & indigentia. Aristot. 1. polit. Unde Div. Chrysost. orat. 76. hoc jus appellat *ἡ ἀπὸ τοῦ χρὸς*, Inventum usus & temporis. Exemplo potest esse inventio nummi, cui causam praebuit difficultas permutationum, l. 1. D. de cont. empt.

Necessitatibus humanis] Hic locus confirmat receptam juris gentium distinctionem in primum & secundarium. Illud enim, de quo §. 1. non est cogitatum aut inventum usu exigente, sed nobiscum natum: qualia sunt: Deum colere, parentes revereri, neminem laedere, &c.

Naturali jure contraria] Ex hypothesi tamen & haec naturalem rationem habent, puta si vim nobis illatam armis repellamus.

Omnes pene contractus] Tò pene additum est *διὰ τὴν ἀνάγκην τοῦ χρόνου*. Sunt enim quidam jure civili introducti, l. 5. D. de just. & jur. veluti stipulatio, obligatio litterarum, donatio propter nuptias.

COMMENTARIUS.

- 1 Jus Romanum quasi gentium quoddam jus apud omnes coli.
- 2 Confirmatio distinctionis juris gentium in primum & secundarium.
- 3 Etiam inter ea, quae juris secundarii, distinctionem opus videri.
- 4 Bella & belli effecta quo ad spectum juri naturali contraria.

EX unaquaque civitate] Jus civile non retinet unum idemque nomen, sed à nomine ejus civitatis appellatur quae id constituit: ut in hoc quoque discrepet à jure gentium.

Solonis vel Draconis] Prior Draco leges Atheniensibus dedit, in quibus Aristot. 2. Pol. 10. scribit: nihil memorabile praeter poenarum acerbiteriam fuisse. Poena namque capitis fraudes prope omnes mulcabat. Unde Demadus illud laudatur; *ὅτι διὰ τὴν ἀνάγκην τοῦ χρόνου*, Draconis leges non atramento, sed sanguine scriptas fuisse. Plutarch. *Pinnius in Instit.*

in Solone. Solon deinde magna earum parte abrogata alias descripsit, quibus Athenienses felicissime sunt usi: vid. Aul. Gell. lib. 11. c. 18. VINN. Ante Draconem Atheniensibus leges scripsit Triptolemus, de quibus Porphy. 4. de abst. ab animal. p. 431. Postea circa Olympiad. 39. Draco, & Olymp. 46. anno 3. Solon leges tulerunt, de quibus Pandulph. Praetorius, Jo. Meursius, Des. Heraldus. HEIN.

Quirino Quirites] Plerique tradunt, patre facta inter Sabinos & Romanos placuisse, ut Romani etiam Quirites à Curibus, Tatii Sabinorum Regis patria vocarentur. Varr. 4. de ling. Dionys. Halicarn. lib. 2. Plutarch. in Romul. In aliis est; Romani enim à Quirino Quirites appellantur, Hotom. Cujac. Vvesemb. Cur Romulus dictus sit Quirinus triplicem causam assert Ovid. 2. Fastor.

Nostrium jus] *καὶ τὸ ἐθνικόν*. De Romani juris excellentia differit M. Tullius in persona Crassi lib. 1. de orat. c. 43. seq. Hodie jus civile Romanorum quasi gentium quoddam jus commune apud totam sere Europam observatur, utique in quibus causis propriae leges aut consuetudines deficiunt.

Sed & ad hujus juris normam dirigitur interpretatio quarumcumque constitutionum ac consuetudinum, quae illi manifestè non repugnant: ac tamen repugnent, tamen in ambigua facti specie ejusdem aequitatis mitigantur & ita coercentur, ut commune hoc jus quam minimum laedant, de quo doctè & acutè D. Diod. Tulden. in comm. hic cap. 3. plenè D. And. Gail. 2. obs. 33.

Usu exigente] Hic locus confirmat receptam juris gentium distinctionem in primum & secundarium; quamquam vitio non caret, quod Tribonianus non apertius distinctionem proponit. Primum enim non ab hominibus excogitatum aut introductum est, sed nobis ingenitum, quemadmodum & notitiae illae simplices, unde illud promanat, mentibus nostris divinitus insit, & in cordibus nostris insculptae sunt, etiam Apostolo teste cap. 2. ad Roman. Secundarium autem, quod Grotio 1. de Jur. bell. cap. 2. num. 4. est voluntarium) ab hominibus inventum est, & mentis quadam agitatione, comparatis inter se aliis atque aliis rebus, excogitatum ad communem vitae usum retinendamque gentium inter se societatem; ut hujus juris ex parte causa sit usus & indigentia, teste Aristot. 1. polit. Quamobrem rectè Div. Chrysostomus oration. 76. hoc jus ait esse *ἡ ἀπὸ τοῦ χρὸς*. Inventum temporis & usus; & hinc Dionysius Prusænsis *ἐθνικὸν νόμον* appellatur, multumque ad probationem hujus juris utimur auctoritate illustrium Historicorum. Hoc igitur jus non tam rationis luce exortum, quam rationationis ductu collectum est, & usu exigente accommodatum non tam naturae integre bonitati, quam cor-

raptæ necessitatibus: conjungitque Respub. & gentes inter se, quarum tacito quasi fœdere & conspiratione censetur. VINN. Rectius omnia coherent, si dicas, *jus naturæ esse jus Divinum per rectam rationem promulgatum*. Ab eo tunc non differt *jus Gentium*, nisi adplicatione. Eadem enim recte rationis dictamina prout vel memoriis hominum, vel integrarum gentium adplicantur, modò *jus naturæ*, modò *jus gentium* adpellantur. Quemadmodum verò *jus naturæ* vel *absolutum* est; vel *hypotheticum*: ita & *jus gentium* negotiis adplicatum *absolutum* à Doctoribus *primarium*; *hypotheticum-secundarium* dicitur. HEIN.

Gentes humane Non quòd legis sancientiæ causa gentes omnes in unum convenerint: sed quia illud *jus* propter communem utilitatem tacito consensu gentium approbatum & ab omnibus receptum est.

Bella orta sunt Etiam inter ea, quæ sunt *juris gentium* *secundarii*, aliqua distinctio faciendâ videtur. Nam initio simul atque societates humane constitutæ sunt, simul necesse fuit dominia distinguere, jura commerciorum introducere: bella autem postea orta sunt, utpote quæ malitia hominum & habendi libido introduxit, & consequenter etiam bellorum jura. Scitè Portius §. *præc. n. 3. Bella*, inquit, *sunt ex jure gentium non dispositivè, sed occasionaliter, distinctis dominis*.

Juri naturali contrariæ Bella, & hinc secutæ captivitates & servitutes, si per se spectentur, à ratione naturali prorsus aliena sunt: neque enim, quod utilitas omnium gentium exigit, societatem humanam bella tuerentur, sed oppugnant atque evertunt. Ex hypothesi tamen & hæc rationem naturalem habent. Etenim si vim & injuriam nobis aut sociis nostris illatam vi & armis defendamus, aut etiam vindicemus, captos hostes etiam in servitutem nostram redigamus, ut metu talis pœnæ improbi ab injuria in posterum abstineant, nemo opinor est, qui negabit hoc summa cum ratione fieri; de quo iterum & latius titulus seq.

Omnes penè contractus Tò penè additum *ἀλλὰ δὲν οὐκ οὐκ*, & est temperamentum Jurisconsultis familiare, qui passim hujusmodi particulari adjectione sibi cavere solent, quando quid generaliter enuntiant, aut definiunt; propterea quòd in jure generalis definitio plerumque periculosa est, *omnis definitio*. 202. *de reg. jur.* quod & Justinianus hic facit, respiciens haud dubiè ad *l. 5. de just. & jur.* ubi Hermogenianus scribit, quosdam contractus à jure civili introductos esse: quinam autem isti sint, non definit. Vultò quidem putant esse hos quatuor, stipulationem, obligationem litterarum, contractum emphyteuticum, & sponsalitiæ largitatem: sed quàm rectè, suis locis videbimus. Illud interim hic affirmare aulam, nullam obligationem dici

posse simpliciter & absolute esse *juris civilis*; sed *zavdæi duntaxat*, quatenus nimirum non nisi sub certo modo & forma ex consensu obligatio jure civili producitur.

Emptio & venditio, &c. Hæc certa auctoritate juris Auctorum probantur. Quamvis in quæstionibus, ubi rei veritas exquiratur (qualis hæc est, An aliquid sit *juris gentium*, nec ne) non tam Auctores, quàm rationum momenta in disputando querenda sunt; ut scribit Cicero *1 de natur. Dear. c. 7.* & posita hæc sunt extra potestatem legislatoris.

TEXTUS.

Divisio Juris in scriptum, & non scriptum, & subdivisio Juris scripti.

3. *Constat autem jus nesciri, quo utimur, aut scripto, aut sine scripto: ut apud Græcos ἢ νόμον οἱ μὲν ἔχουσιν, οἱ δὲ ἄγραφοι. Scriptum autem jus est lex, plebiscitum, senatusconsultum, principum placita, magistratuum edicta, responsa prudentum.*

NOTÆ.

3. *Quo utimur*] Abest à *l. 6. §. 1. D. de just. & jur.* unde hæc sumpta, nec Cujac. Horum. Vvesemb. agnoscunt.

Scripto aut sine scripto] Distributio juris civilis à forma & modo constituendi ex *d. l. 6. §. 1.* alterum enim expressè sancitur & scripto promulgatur, alterum tacito consensu utentium introducitur, *l. 32. pr. D. de leg.*

Apud Græcos] *Plat. lib. 7. de legib.* & apud Laert. *Arist. 1. Rethor. qui & 3. Eth.* meminit legum *ἢ τὰ γράμματα, & ἢ τὰ ἄγραφα*.

Scriptum] Subdivisio juris in sex species. Papinianus *l. 7. D. de just. & jur.* quinque tantum enumerat: sed ille archais *jus civile* accipit, eique prætorium ut speciem diversam opponit. Mox tamen Marcianus *jus honorarium vivam* appellat vocem *juris civilis*, *l. 8. Dig. eod.*

COMMENTARIUS.

1 *Scripturam non pertinere ad legis essentiam.*

2 *A quo tempore lex obligare incipit.*

Jus scriptum in divisione proposita non opponitur omni juri non scripto: nam & *jus naturale ac gentium* est *ἀγραφοί*; sed tantum ei juri, quod moribus & longa consuetudine introductum est: eodem enim sensu *jus* dividitur in *legem* & *consuetudinem*, legis voce latius accepta pro quavis parte *juris scripti*. Desum.

sumptus hic locus est ex l. 6. §. 1. & l. seq. de Just. & jur.

1. *Scripto aut sine scripto*] Distributio juris civilis ex accidenti & causa instrumentali. Nam formalis differentia legis sive ejus juris, quod opponitur juri non scripto aut consuetudini, non est scriptura, sed expressa voluntas & factio civilis potestatis: sicut è contrario consuetudo aut jus non scriptum formam & essentiam suam habet à tacita voluntate & consensu utentis populi, §. *sine scripto* 9. inf. cod. l. de quibus. 32. de legib. Hujus rei evidentissimum argumentum est, quod nec consuetudo in scripturam redacta lex sit, nec lex non scripta consuetudo. Lacedæmonii scriptis legibus usi non sunt, legibus tamen usi sunt, atque una *ἡ δὲ λακεδαιμονίων γὰρ ἡὲν ἦν* hæc erat, *μὴ γὰρ δὲ αὐτοὶ οὐκ ἐλάττωσαν, scriptis legibus non uti.* Plutarch. in *Lycurg.* p. 47. Atque ut è Romana Republica exemplum petamus, numquid lex erat, cum rogante Magistratu, *Veliss, libeatis Quirites, &c.* populus in tabellis respondisset, *Vis rogas?* Quod autem rei jam in esse suo constituta ex accidenti supervenit, id de illius rei essentia non est. At enim, inquires, sine quo lex non obligat, id utique est ei essentiale: sine scriptura autem non obligat, cum sine ea in notitiam populi pervenire non possit. arg. l. *leges sacrasissime.* 9. C. de legib. Ut de propositione nihil in præsentia dicam, falsam esse assumptionem evincit, tum exemplum prolatum, tum leges, quas diximus Lacedæmoniorum. Ratio quoque assumptionis falsa est. Quid enim? an non voce præconis quoque lex promulgari potest? & proinde certum est in l. *humanum* 8. Cod. de legib. faciliorem tantum promulgandi rationem proponi. Cur igitur legem appellamus jus scriptum? Quia nimirum postquam lata esset, scribi solebat, & scripto promulgari, aut in tabulis incisa publicè proponi, quo & cognosceretur facilius, & minore negotio probaretur. Moris quoque erat apud Romanos, ut qui legem ferre vellet, eam trinundino promulgaret, id est, de sua lege ad populum diceret, eamque scriptam publicè propositam haberet, quo potestas fieret populo cognoscendi otiosè, & ut inde liceret librariis describere, si qui vellet Legem apud se habere, ut liquet ex 2. Agraria. Planè si non alio modo promulgandi civitas utatur, quam per scripturam; potest dici, scripturam ad vim legis necessariam esse: neque enim ante lex vix vi sua constat, civesque ad observationem vel penam obligat, quam populo innotescere potuerit; quod sine promulgatione, sive publicatione aliqua fieri non potest, l. 7. cum 2. seqq. C. de legib. Perez. ad Cod. de legib. n. 18. An igitur lex statim ut publicata est obligat? Maximè: eoque jure utimur, extra quam si certum tempus nominatim lege comprehensum sit, ex quo vim capiat, ut sit interdictum, Nov. 57. in fin. Nov. 116. c. 1. Extat hæc constitutio quædam in *ἡ δὲ λακεδαιμονίων*, quæ in-

dulget spatium duorum mensium à die publicationis observandum in omnibus novis legibus, Nov. 66. c. 1. Verum ea constitutio rectè sic à plerisque accepta est, ut profit hoc spatium ad allegationem ignorantia, atque hæc interim præsumatur, non quin lex promulgata citius obstringat eum, in cujus notitiam ante pervenit. Quod si quis post lapsum ipsius temporis ignorantiam alleget, esse quidem adhuc audiendum, sed hac conditione, ut causam ignorantia, quam allegat, probet, per l. ult. de decr. ab ord. sac. Gudelin. §. de jur. nov. c. 2. add. Christ. vol. 2. dec. 52. n. 2. & seqq. VINN. *Scriptum* jus re vera idem est, ac promulgatum: non scriptum ac non promulgatum, Loquutio à Græcis desumpta, quibus *νόμος* non est leges scribere sed publicare. Hinc & Lycurgum *νόμος* ait Liban. p. 476. Tom. 1. quum tamen Lycurgi leges scriptura vulgatas non esse, satis constet. Plutarch. in *Lycurg.* p. 47. Hinc & jus civile à prudentibus invecum sine scripto venire & consistere dicitur, l. 2. §. 5. & 12. ff. de O. l. non, quod litteris consignatum non fuerit, sed quod non solemniter publicatum. Eodem modo Plato, apud Laert. *Lib. 3.* *νόμος* dividit in *νόμος* & *νόμος*, & hunc esse ait *νόμος* *ἡ δὲ λακεδαιμονίων*, qui in more vel consuetudine positus est. HEIN.

Scriptum autem jus] Subdivisio juris scripti, qui quidem ad juris præsentis auctoritatem non multum pertinet: omnia enim, quæ in libris nostris continentur, auctoritate Justiniani nuntur, l. 1. & 2. C. de vet. jur. enuel. Sed quoniam hæc confirmavit Justinianus, quia in veteri jure erant: ideo & hic & in *extare* voluit testimoniz ex jure priorum temporum, ut juris constituti historia intelligeretur.

TEXTUS.

De lege & plebiscito.

4. *Lex est, quod populus Romanus senatorio Magistratu interrogante (veluti Consule) constituebat. Plebiscitum est, quod plebs plebejo Magistratu (veluti Tribuno) constituebat. Plebs autem à populo eo differt, quo species à genere. Nam appellatione populi universi cives significantur, connumeratis etiam Patriciis & Senatoribus. Plebis autem appellatione sine Patriciis & Senatoribus ceteri cives significantur. Sed & plebiscita lege Hortensia lata non minus valere quam leges ceperunt.*

NOTÆ.

4. *Lex est*] Legis nomen hic strictissimè accipitur, aliud jus omne scriptum significat, op-

poniturque consuetudini, ut passim in libris nostris, & apud Cic. 1. de legib. c. 6. Saep̄ etiam non minus latè extenditur, quàm vocabulum juris; ut & *ius* apud Græcos.

Interrogante] Mallem *rogante*, ut quidam. Rogabat Magistratus populum his verbis, *Velitis, Iubeatis Quirites, &c.* Populus respondebat in tabella vel A. id est, *Antiquo*, vel V. R. id est, *Vti rogas*.

Veluti Consule] Item Dictatore & Prætorē, non etiam Censore. Addit Horomannus & Interregem; sed perperam. Nam Interregibus comitia habere ferendis legibus non licuit; ut patet ex 3. in *Rullum*, vid. Nic. Gruch. 1. de comitiis. Rom. 3.

Plebiscitum] *Ἀπὸ τοῦ* sciscere, & *πῶς ἔστι* id est, quod est decernere & constituere, non *ἀπὸ τοῦ* scire. Fabrot.

Veluti Tribuno] Alium Magistratum plebium rogationem ad plebem tulisse nemo prodidit.

Quo species à genere] Rectius dixisset, *quo pars à toto*. Populum enim est *συνδικτύον*, quod ex partibus suis plebe & Patriciis constat. Interdum tamen populum pro plebe dixerunt. Gloss. gr. lat. *σῶμα*, populus, vulgus.

Legē Hortensia] Primum lege Horatia secessione in Aventinum; deinde lege Hortensia, secessione in Janiculum. Cujacius ex Liv. & Plin. add. Gell. 15. cap. 27. VINN. Immo tres ordine leges eam in rem latæ sunt, *Horatia* Anno U. C. 306. Liv. III. 55. *Publia* A. U. C. 416. Liv. VIII. 12. Et denique *Hortensia* A. U. C. 466. Epit. Liv. lib. 11. Gell. XV. 27. HEIN.

COMMENTARIUS.

1. *Legis varia significationes.*
2. *Non omnibus Magistratibus senatoriis legibus ferendis comitia habendi ius fuisse.*
3. *Patricios genere semper, non ordine à plebeis distinctos.*

Sequitur singularum juris scripti partium explicatio: cui nos lumen aliquod ex antiquitatis memoria asseremus, cujus ignoratio crassos errores peperit.

1. *Lex est*] Legem à legendo dictam, scribit Cicero lib. 1. de legib. c. 6. Quoniam in lege ineſt vis delectus: jubet enim quæ honesta sunt, prohibetque contraria. Unde vocabulum legis non minus latè patet quàm juris: tam enim dicimus, lege naturæ quid concessum aut vetitum esse, quàm jure, ut apud Ciceronem passim; frequentissimè autem legem appellamus, quæ scripto sancit, quod vult; eaque popularis est hujus vocis significatio, teste eodem Cicero de l. 1. de legib. c. 6. Neque tamen omnis scripta sanctio arcto significatu lex est, sed ea tantum, qua universus populus obstringitur: nec alia de causa plebiscita initio leges dictæ non sunt,

quàm quod partem tantum civium obligabant. At post legem Hortensiam plebiscita non minus propriè leges appellata, quàm quæ populus centuriatim iussisset.

Senatorio Magistratu] Lex ferebatur comitiis centuriatis à Magistratibus, penes quos erant majora Reipublicæ auspicia, puta à Consule, Dictatore, vel Prætorē; non autem ab omnibus. Magistratibus senatoriis aut curulibus: non à Censore, Interrege, aut Aedilibus curulibus. Interreges quidem Magistratibus creandis centuriata comitia habere poterant: sed legibus ferendis habere iis non licuit; ut apparet ex 3. in *Rullum*, nimirum quia in interregno nihil prius cum populo agi licebat, quàm subrogati essent ordinarii Magistratus. Sed neque Censores centuriatis comitiis legem tulisse usquam legimus: cumque leges censorias apud Auctores reperimus, pro censorum subscriptionibus, ut Cicero pro *Cluentio* appellat, aut locationibus censoribus factis; ut 7. in *Verrem*, accipi debent. Populi tamen vocandi jus habuisse, ex iis, quæ de lustris condendiratione Livius commemorat, ostendi potest. Postremo nec Aediles curules ulla comitia habuisse usquam invenias, qui nec aliis jus agendi cum populo habuerunt, præterquam in multæ censatione; de quo vide Nic. Gruch. lib. 1. de comitiis Rom. c. 3. & lib. 2. c. 3. VINN. Præter Consules Dictatores & Prætores leges etiam tulerunt Magistratus majores extraordinarii reliqui, veluti *Tribuni militum consulari potestate*, & *decemviri*. De Censoribus subsisto, ob legem *Cæciliam* de fullonibus, à censore quippe latam, si credendum Plin. *Hist. N. XXXI. 17.* HEIN.

Interrogante] Rogabat Magistratus his verbis; *Velitis, Iubeatis Quirites, &c.* Populus, respondebat in tabella vel per litteram A, id est, *Antiquo*; vel per V. R. id est, *Vti rogas*, quod ex antiquorum plerisque locis intelligitur, vide *Agell. lib. 10. c. 20.*

Veluti Tribuno] Tribuni & Aediles plebeii proprii plebis Magistratus erant: sed Aediles rogationes ad plebem tulisse nemo prodidit. Plebiscita comitiis tributis, leges centuriatis aut curiatis ferebantur; qua de re antiquitatis studiosi consulant Car. Sigonium, & Nic. Gruchium, qui ex professo de comitiis Romanorum, & quæ res, quibus comitiis tractari solitæ, scripserunt; quædam & nos notavimus sub §. 1. *inf. de testam. ord.* VINN. Saep̄ tamen & leges tributum latas esse exempla docent quamplurima. Nam & majores magistratus senatorii tribus in suffragia mittebant. Exemplum est in lege *Quintia* apud Frontin. de *aqueduct.* & Reines. *Inscript. class. 7. §. 10.* HEIN.

Quo species à genere] Rectius dixisset, *Quo pars à toto*. Est quidem & genus quoddam totum, sed universale, & species pars generi subjecta; sed tale totum non est populus,

Ted *audax*, quod ex partibus suis, plebe & Patriciis constituitur.

3 *Sine Patriciis & Senatoribus*] Hæc ad rationem priorum temporum proponi videntur, quibus honores & dignitates omnes soli Patricii sibi vindicabant. Nam ex quo etiam plebi aditus ad Magistratus populi & in Senatum esse coepit, Senatores plebejis opponi desierunt. Sanè Patricii gente sive genere à plebejis semper distincti fuerunt. Dico genere: nam quod ad ordinem pro censu cujusque distinctionem attinet, certum est, multos è Patriciis familiis, puta qui equestrem aut senatorium censum non habebant, in ordine plebejo, & contra plurimos ex plebejis gentibus in ordine equestri aut senatorio fuisse. Quin olim etiam antequam ex censu maximo Senatores esse coeperunt, quod postremis temporibus factum esse scribit Plinius in *proam. lib. 14.* ipsi senatores, qui minimi census erant, inter pedites numerabantur, & suffragium si ferre vellent, in quinta classe suffragium dicere debebant, vide Gruch. *lib. 1. de comis. Rom. cap. 4.*

Legge Hortensia] Tribunitiis rogationibus initio pars tantum civium, non omnes adstringebantur. Primi L. Valerius & M. Horatius Consules, cum velut in controverso jure esset, tenerentur patres plebiscitis, legem centuriatis comitiis tulerunt, ut quod tributum plebs jussisset, populum teneret. Id factum anno ab urbe condita 304. secessione secunda in Aventinum, Liv. *lib. 3.* Idem postea confirmatum lege Hortensia lata à Q. Hortensio Dictatore secessione tertia in Janiculum, anno ab U. C. 367. Et iterum à Dictatore Q. Publio anno ab U. C. 413. vid. Liv. *lib. 8. Flor. in epit. 11. Gell. lib. 15. c. 27.* VINN. Ordo temporum hic planè perturbatus. Diximus supra ad Notas h. S. HEIN.

Non minus valere quam leges] Ita factum est, ait Pomponius l. 2. §. deinde 8. de orig. jur. ut inter legem & plebiscitum species interesset constituendi: potestas autem eadem esset. In summa ut plebiscita etiam leges revera & essent & appellarentur.

TEXTUS.

De Senatusconsulto.

5. *Senatusconsultum est, quod Senatus jubet atque constituit. Nam cum antelus esset populus Romanus in eum modum, ut difficile esset in unum eum convocari legis sancienda causa; equum visum est, Senaturn vice populi consuli.*

NOTÆ.

5. *Antelus esset populus*] Ita & in l. 2. §. deinde 9. D. de orig. jur. An autem hæc causa fuerit, an potius ambitio & astutia Cæsaris? Finnius in *Institut.*

rum, melius ex Tacit. 1. *annal. c. 15.* & Sueton. in *Tiber. cap. 30.* discas. Quibus modis Senatusconsultum fieret, vide Varronem apud Gellium l. 14. c. 7. In notis S. C. D. *Senatusconsultum decrevis.* Grot.

COMMENTARIUS.

1 *Quando & unde Senatus Juris condendi auctoritatem acceperis.*

CONSTAT, jus legis ferendæ stante adhuc Reipubl. solius populi, non Senatus fuisse: cui quidem, ut consilio publico, permissum erat de iis rebus, quæ ad constituendam Rempub. pertinebant, cognoscere atque decernere; sed ita, ut quæ majoris momenti viderentur, non aliter rata essent, quàm si ea aut populus aut plebs confirmasset. Polyb. l. 6. c. 12. Dion. Halic. l. 4. & 7. nec ullo senatusconsulto aut novum introductum aut vetus sublatum legimus: ac ne Julio quidem & Augusto imperantibus ulla hujusmodi senatusconsultorum mentio, sed legum tantum aut plebiscitorum. Ac proinde verissimum est, quod Bodinus l. 1. de republ. c. 10. scribit, Senatui Romano ab exactis urbe Regibus usque ad Tiberii Cæsaris dominatum leges jubere non licuisse, sed decreta tantum annua; quæ tamen nec populum nec plebem tenerent: & manifestè fallitur D. Connan l. 2. c. de senat. Senatui Romano tribuens perpetuam legis condendæ potestatem. Nam Dionys. Halic. d. lib. 4. expressè scribit, senatusconsulta nullam vim legis habuisse, nisi plebs ea probaret: & quæ populus probaverat, annua tantum fuisse, nisi rogatione ad populum vel ad plebem vim legis adipiscerentur. Quid igitur est, quod Jurisconsultus scribit in l. non ambigitur 9. de leg. Non ambigi Senatum jus facere posse? Non potuit integra adhuc Repub. sed tum demum posse coepit, cum comitia è campo ad Patres translata sunt; quod à Tiberio primum factum esse testatur Tacit. l. 1. *annal. c. 10.* Quippe Cæsar Dictator, auctore Suetonio, in Jul. c. 41. jus comitiorum non in totum populo ademerat, sed cum eo partitus erat. Atque idem jus bellis civilibus diu intermissum redaxerat Augustus; sic enim accipio quod idem Suetonius c. 40. in Aug. scribit; Augustum jus prius comitiorum reduxisse; eumque Suetonii sensum ex Dione adstruit Just. Lipsius, ego etiam ex verbis Taciti, quæ mox subjicit: Nam ad eam diem, inquit. nisi potissima arbitrio Principis, quedam tamen studiis tribuum fiebant. Ex eo igitur tempore legibus & plebiscitis quiescentibus senatus jus facere coepit: quamquam non tam propria auctoritate, quàm conniventia quadam & indulgentia Principum; quod vel unus Tacitus nos docere potest, & arguunt orationes Principum in Senatu haberi solitæ, in quas senatusconsulta fiebant. Tandem translato in Orientem imperio, mutataque penitus

reipub. forma, hæc potestas Senatus exolevit atque à Leone Philosopho etiam nominatim Senatui adempta est. Nov. Leon. 78.

Nam cum auctus] *Αὐτῶς*: at *ἡ αὐτὴ* *ἡ αὐτὴ*. Nam ex Livio lib. 1. cap. 17. Dionys. Halicarn. lib. 2. & 6. p. 392. discimus, senatusconsultorum primordia vetustissima esse: legemque jam inde ab urbe condita fuisse, quæ omnia in Senatus potestate ponebat, præter Magistratum creationem, legum lationem, & belli inferendi deponendique arbitrium. Sed fortassis hoc dicere Justinianus voluit; quod & Pompon. in l. 1. §. deinde. 9. de orig. jur. aucto populo in eum modum ut difficulter jam omnes convenire possent, necessitatem eò rem deduxisse, ut æquum visum fuerit etiam de iis rebus Senatum consuli, de quibus antea ad populum ferri solebat. Sed & hoc ipsum falsum esse, ex iis, quæ paulo ante diximus, manifeste liquet, Potestatemque populi ad Senatum translatam altutia Cæsarum, qui ut Tranquillus in Tiberio scribit c. 29. & seqq. Senatus potentiam augendo, suæ serviebant.

TEXTUS.

De Constitutione.

6. Sed & quod Principi placuit, legis habet vigorem: quum lege regia, quæ de ejus imperio lata est, populus ei & in eum omne imperium suum & potestatem concedat. Quodcumque ergo Imperator per Epistolam constituit, vel cognoscens decrevit, vel edicto præcepit, legem esse constat. Hæc sunt, quæ constitutiones appellantur. Planè ex his quædam sunt personales, quæ nec ad exemplum trahuntur, quoniam non hoc Princeps vult: nam quod alicui ob meritum indulget, vel si quam poenam irrogavit, vel si cui sine exemplo subvenit, personam non transgreditur. Aliæ autem cum generales sint, omnes procul dubio tenent.

NOTÆ.

6. Lege Regia] Ex l. 1. D. De constit. princ. Lex Imperii dicitur l. 3. C. de testam. De lege regia cognosce ex indice leg. Rom. Hotomanni.

Per Epistolam] Epistola est rescriptum Principis, quo de jure consulentibus respondet. Ut passim in locis.

Decretum] Decretum Principis dicitur, cum ipse de causa cognoscit & partibus auditis pronuntiat; ut in l. 3. D. De his quæ in test. del. & sequens Basilic. in Gloss. Basilic.

Edicto præcepit] Edictum est, cum Princeps motu proprio, *ἢ οὐκ ἔχοντες αὐτοὺς*, aliquid constituit ad honestatem & utilitatem subditorum. Theophil. & l. 3. C. de legib. & ferè ad præfectos prætorios hujusmodi constitutiones diriguntur; ut in l. 6. C. de secund. nupt. & similib. VINN. Immo & ad Præfides dirigebantur edicta, ut L. un. C. Theodof. de Senator. Lib. 6. tit. 31. quin & ad provinciales, veluti L. 17. C. Th. de eiron. Lib. 7. tit. 13. HEIN.

Personales] Hæc sunt quæ privilegia Latini dicuntur, eo quod veteres *privæ* dixerunt, quæ nos *singula* dicimus. Gell. 10. c. 20. Fest. in voce *privus*, & ibi Jos. Scal. in annot. aliàs jus singulare; l. 16. D. de legib. Hujusmodi sunt privilegia militum, doctorum, studiosorum, &c.

Pœnam irrogavit] Nempe graviores ordinaria propter exemplum. Obiter hic nota, privilegia non solum pro aliquo, sed etiam in aliquem ferri posse, ut in Milonem à Pompejo, à Clodio in Ciceronem lata sunt.

Personam non transgreditur] Non produci- tur hoc jus ad consequentias, l. 24. D. de legib. Non transit ad successores, l. 68. l. 196. de reg. jur.

COMMENTARIUS.

1. Lege regia jus omne populi privativè in Principem translaturum.
2. Genera constitutionum exposita.
3. Quid & quotuplices sint, tum quam vim habeant constitutiones personales & privilegia, & n. 5.
4. Privilegiorum rariorem usum esse in statu democratico, quàm in monarchico.
5. De rescriptis contra jus elicitis & de precibus sub & obreptitiis, nec non de moratoria præscriptione.

Lege Regia] Hæc eadem habet Ulp. l. 1. de constit. princ. Latam autem fuisse legem, idque sub Augusto, eamque secutum in eadem sententiam senatusconsultum, qua lege populi omnis potestas Principibus concessa, ipsique legibus soluti sunt, probatur testimonio Dionis, qui lib. 53. de Principibus loquens, *ἀλλοιωται*, inquit, *τῶς νόμοις ὡς αὐτὰ τὰ λατῖνα ῥήματα λέγει*, ut ipsa verba latina sonant. Quod non nisi de verbis alicujus legis accipi potest. Eadem est, quæ lex imperii dicitur; l. ex imperfecto, 3. C. de testam.

Ei, & in eum] Hæc verba in eum Theophil. Hotom. Vvesemb. interpretantur in se, quod nimis argutum. Probabile est, populum his verbis in formula legis usum ad ostendendam enixam suam voluntatem omne imperium suum *παρὰ τὸν αὐτὸν* transferendi. Fabrot. VINN. Aliæ exempla ubi omnia & in omnibus simili pleonasmo junguntur, collegit Ger. Noodt,

Noodt, *Obs.* 1. 3. qui rectè docet, si & in eum unum valere, probante hanc observationem V. C. Car. Andr. Dukero de *Lasin.* *Jct. Pet. p.* 324. HEIN.

3. *Omne imperium & potestatem*] Ergo populus non retinuit veterem potestatem, eamque cum Principe communicavit dumtaxat, sicuti illi sentiunt, qui populum non privativè, sed cumulativè potestatem suam in Principem contulisse contendunt: qui error in notissima Politicæ principia impingit, & manifestior est quàm ut refutari debeat. Non equidem nego jura majestatis ita dividi posse, ut non omnia in unum, quem Principem constituit populus, transferantur; sed quædam apud Optimates aut populum remaneant, atque ita temperatum ac mixtum fiat imperium: sed eadem jura majestatis & transferri & retineri nullo modo possunt. Nihil ad rem facit, quòd Principes ab invisis populo nominibus Regis aut Domini abstinerint, cum alio sub nomine regiam potestatem exercerent, auctore Dione *d. lib.* 51. quod non satis examinavit D. Gudelinus *lib.* 5. *de jur. noviss.* c. 2. multo autem minus jus illud imaginarium populi in suffragiis ferendis, aut illa in jure condendo precaria Senatus auctoritas. Manebant enim tunc temporis adhuc, ut inquit Tacitus *Vestigia morientis libertatis*. Et verissimè de populo Romano Juvenalis *Satyr.* 10.

Qui dabas olim

Imperium, fasces, legiones, omnia, nunc se Continet, atque duas tantùm res anxius optat, Panem & Circenses.

3. *Quodcumque ergo Imperator*] Constitutiones Principum non sunt unius generis. Distinctio à causa finali, hoc est, à scopo & intentione Principis sumenda. Etenim vel hoc aperte & directè Princeps agit, ut legem condant, & jus præscribat, quod sit non tantum, cum generaliter & motu proprio quid constituit ad usum subditorum, quæ species constitutionis edictum dicitur, & lex edictalis; *l. 6 c. de sec. nupt. cum simil.* sed etiam cum responderet Magistratibus de jure dubio consulentibus. Quamquam Theophilus hoc genus constitutionis epistolæ speciem facit: vel non agit id principaliter, ut jus aliquod in commune constituat, sed ut specie litem aliquam inter partes componat; & tamen propter excellentiam & dignitatem personæ constituentis id quod constituit, legis vigorem habet; *l. 1. §. 1. de conf. princ. l. ult. c. d. legib.* cum à judicibus res judicatæ aliis non noceant; *lit. c. res int. al. aff. vel jud. al. non noc.* ac ne sententiæ quidem lata in consistorio Principis, aut ab ipso quidem Principe, sed ad relationem & consultationem judicum; *l. 2. l. 1. c. de legib.* Vid. tamen Christin. v. l. 2. d. c. 63. n. 3. & seqq. & vol. 3. d. c. 111. n. 8. & 9. Posterioris hujus generis dux sunt species, epistola & decretum. Epistola propriè dicitur, cum privatis de jure suo

consulentibus Princeps rescribit. Decretum ~~improvisè~~ *improvisè* cum ipse de causa cognoscit, & partibus auditis sententiam pronuntiat: quem veterum Principum morem fuisse testantur historiæ AA. scriptores. Elegans exemplum habemus in *L. 3. de his quæ in test. del.* VINN. Alia exempla exstant in *L. 13. ff. quod met. caus. l. 41. ff. de inst. her.* Conf. Jac. Gothofr. ad *L. ult. c. Th. de offe. jud. omn.* ubi plenissimè de modo, quem principes in decernendo observabant. HEIN.

Quædam sunt personales.] Cum dixisset, non ea tantum quæ Princeps edicto præcepit, sed etiam quæ per epistolam constituit, cognoscens decrevit, vim etiam in aliis causis & personis habere: id nunc ex Ulpiano in *d. l. 1. §. 2. de conf. Princ.* sic temperat, nisi aliam esse voluntatem & sententiam Principis appareat: esse enim constitutiones quasdam personales, quibus jus singulare in certæ alicujus personæ gratiam constituitur. Hæ sunt quæ *privilegia* Latinis dicuntur, eo quòd Veteres *priva dixerunt*, quæ nos singula dicimus auctore A. Gellio *lib.* 10. c. 20. & Festo in voce *privus*, ubi Jos. Scal. in *annos. Offendit me*, inquit, quod apud Ciceronem pro hac voce *privatum* substituerint, ut in ea pro dom. c. 17. *Vetant leges sacræ, vetant 12. Tabulæ leges privis hominibus irrogari.* At hodie legunt *privatis*. c. 19. Idem 3. de leg. *Tantum majores in posterum providisse in privatos homines leges ferri noluerunt.* Cum Cicero scripserit, in *privos homines*. Subjicit enim *Id enim est privilegium.* Postea interpretatur: *ferri de singulis nisi centuriatis comisitis noluerunt.* Ait autem Justinianus, hujusmodi constitutiones personales sive privilegia aut jura singularia in exemplum non trahi, nec personam egredi: quoniam non ea mens sit Principis, qui solius puta Titii aut Sempronii causa aliquid constituit, ut id, quod ita constituit, in universum pro jure observetur, aut ad alios transferatur. Apparet verò ex ipsius verbis non agi hoc loco de privilegiis causæ aut rei, sed personæ, quibus sola personæ conditio locum facit: qualia sunt privilegia militum, doctorum, studiosorum, &c. Item immunitas certæ personæ tributis; *l. 1. §. 1. de jur. imm.* jus tacitæ hypothecæ, quod in exigenda dote mulieri indultum est in bonis mariti, & nominatim à Justiniano cum hoc privilegio, ut aliis creditoribus hypothecariis etiam tempore prioribus præferatur; *l. assiduis 12. c. qui pos. in prg.* Tale item beneficium est, quod parenti, patrono, marito, donatori, &c. concessum, ut in id tantum, quod facere possunt, condemnentur; *l. sunt qui, 16. & seqq. de re jud. l. 11. & seqq. sol. marr.* Hæc & similia personarum privilegia, deficiente persona, cui data sunt, statim simul deficiunt, aut extinguuntur, neque ad successores transeunt; *ad ill. l. in omnibus 68. l. privilegia 196. de reg. jur.* nisi id quoque nominatim privilegio cautum sit; *l. 4. de jur. imm.* At quæ privilegia magis causæ quàm personæ præstantur, ea hæredibus quoque & cæteris successoribus tribuuntur; *d. l. in omni-*

bus 68. & d. l. privilegia 196. de reg. jur. Cujus generis beneficia sunt immunitates generaliter locis aut civitatibus aut familiis datæ; l. 4. §. 3. de censib. inducitur temporis quæ judicatis indulgentur; l. tempus 29. de re jud. jus ante omne creditum deducendi impensas funeris; l. pen. junct. l. filiusfam. 31. §. ult. de rel. & sumpt. fun. &c. de quo adi D. Pet. Fab. ad d. l. in omnibus 68. & d. l. privilegia 196. de reg. jur. Christin. vol. 5. dec. 47. n. 30. & seqq. Usus privilegiorum, ut hoc obiter addam, frequentior est, ubi singuli regunt, quam ubi universi, propterea quod in statu populari major esse debet æqualitatis observatio. Quam ob causam etiam lege 12. tab. cautum fuit, Ne privilegia irrogarentur, teste Cic. pro dom. sua. quod Decem viros à Græcis accepisse ex oratione Demosthenis contra Aristocratem liquere potest. Cæterum hoc juris erat ordinarii: nam extra ordinem jure supremæ potestatis privilegia etiam à populo aliquando ferebantur; sed nonnisi centuriatis comitiis; Cic. 3. de legib. c. 19. Quale illud apud Romanos fuit, ut quis ante Magistratum capere posset, quam per leges licebat. Sic Athenienses cum injurati nullius testimonium admitteretur, soli Xenocrati remiserunt jusjurandum; Diog. Laer. in Xenocr.

Ob meritum indulsit] Tres personalium constitutionum species hoc loco proponuntur. Si quid Princeps alicui ob meritum indulsit; puta immunitatem ab oneribus publicis. Si quam prænam itrogavit; puta graviolem ordinaria propter exemplum. Si cui sine exemplo subvenit; puta gratiam delicti fecit. Ubi obiter notandum, privilegia non solum pro aliquo, verum etiam in aliquem ferri posse, ut in Milonem à Pompejo, in Ciceronem à Clodio lata sunt; Cic. pro dom. suo, c. 17. Illud hic prætereundum non est, non ut quisque privilegium à Principe impetravit, ita & continuo id valere. Nam primò rescripta Principum contra jus vel utilitatem publicam elicta à iudicibus improbari etiam ipsorum Imperatorum constitutionibus jubentur, extra quam si prosint petenti, & alium non lædant, vel crimen supplicantibus indulgeant; l. 3. & 7. C. de prec. imp. off. l. ult. C. si cont. jus vel util. pub. aut licet cum læsione alterius, moratoria dumtaxat præscriptio debitori permittatur; ut est in l. 2. C. de prec. imp. off. id est, exceptio dilatoria: exceptio, non qua perimatur actio, sed petitio & exactio in tempus certum differatur, spatium ad solvendum debitori dato; Brieven van respit. Quo tamen casu placet non aliter rescriptum valere, quam si fidejussio idonea super debiti solutione præbeatur; l. 4. c. de lit. quod & cautum Caroli V. edito 19. Maji 1544. art. 32. Secundò si Principi obreptum sit, celata scilicet veritate; vel subreptum expresso mendacio, rescripti fructu privari jubetur, qui id impetravit; l. 2. C. de legib. l. pen. C. si cont. jus vel util. pub. Utrumque ex voluntate & mente Principis sumptum est, qui non creditur aliquid velle contra utilitatem publicam concedere: aut aliter, quam

si preces veritate nitantur; l. 7. C. de div. rescript. l. pen. & ult. C. si cont. inf. & lib. Groenev. tract. de ll. abr. Gail. 1. obs. 14. Tuld. & Perez. post DD. comm. ad d. lit. C. si cont. jus vel ut. pub. Ant. Fab. C. suo ibid. defm. 1. Christin. vol. 2. decis. 74. & 76. exemplum in l. 1. ff. de natal. rescript. Hinc est, quod à Curiis rescripta ejusmodi aut rejici aut admitti, sive ut nunc loquuntur, interinari solent.

TEXTUS.

De Jure Honorario.

7 Prætorum quoque edicta non modicam obtinent juris auctoritatem. Hoc etiam jus honorarium solemus appellare: quod qui honores gerunt, id est, Magistratus, auctoritatem huic juri dederunt. Proponebant & Aediles curules edictum de quibusdam causis; quod & ipsum juris honorarii portio est.

NOTÆ.

7. Prætorum edicta] Jus prætorium introductum est adjuvandi vel supplendi & corrigendi juris civilis gratia; l. 7. §. 1. D. de iust. & jur. exempli in pr. & §. 1. infr. de bon. poss. §. 3. infr. de exh. lib. §. 9. infr. de her. que ab intest. §. 3. infr. de leg. agn. succ.

Non modicam auctoritatem.] Minorem tamen, quam species superiores. Nam edicta Prætorum non valebant auctoritate populi aut Principis, sed tantum ob honorem Magistratus, qui non tam conditor est juris novi, quam custos & interpret conditi, d. l. 7. §. 1. & seq. D. de iust. & jur. l. 2. §. 10. de orig. inv. l. 12. §. 1. D. de bon. poss. l. 1. in fin. D. ex quib. caus. maj.

Aediles curules] Ad distinctionem Aedilium plebis. Curabant ædes sanctas rectas esse, aquasundas, integros aquæ ductus, vias expeditas, Cic. 5. in Ferr. cap. 14. add. Liv. lib. 6. in fin. & 7. in pr. Varr. 4. de ling.

Juris honorarii portio.] Jus honorarium genus est, cujus species prætorium & ædilitium. VINN. Immo & proconsulare. Nam & edictum provinciale Magistratus in suis quosque provinciis proposuisse nemo ignorat. HEIN.

COMMENTARIUS.

- 1 Unde Prætori, & qualis condendi juris potestas.
- 2 Aediles Curules qui & unde disti.
- 3 Jus ædilitium quo sensu dicatur sub prætorio contineri.

Inter species juris civilis numeratur hoc loco & jus prætorium; quod tamen non raro ut species diversa juri civili opponitur. Sed non est

no-

horum in jure nostro; ut idem nomen nunc latius, nunc angustius accipiat; & quod per se positum nomen generis est, contrahatur ad certam speciem oppositam speciei ejusdem generis. Itaque cum jus civile à prætorio distinguitur; pet jus civile intelligitur, quod ex legibus, plebiscitis, senatusconsultis, decretis Principum, auctoritate prudentum venit: per prætorium, quod illius juris adjuvandi, supplendi, corrigendi causa Magistratus introduxerunt. Papinian. l. 7. de just. & jur. Unde autem Prætor juris condendi potestas? Neque enim Prætor aliud quam Magistratus fuit: juri dicendo, non condendo, quod majestatis est, præpositus; custos juris civilis, non arbiter; neque ulla lege talem potestatem Prætori datam uspiam legimus. Sic existimo, Prætores ab initio jure Magistratus edicta tantum proposuisse, de quibus rebus, & quomodo jus dicturi essent, l. 1. §. eodem tempor. 10. de orig. jur. Progressu autem temporis, non obnitate populo, hoc simul usurpasse, ut edicendo etiam jus constituerent: ut tamen edicta eorum minorem longè vim quam leges haberent, nec abrogare jus constitutum aut receptum possent, l. cum sponsus 12. §. 4. de Publ. in rem act. l. 12. §. 1. de bon. poss. sed tantum adjuvare, supplere, corrigere, l. 7. §. 1. de just. & jur. hoc est, rigorem juris civilis mitigare, & de iis, quæ legibus nec sancita nominatim, nec vetita essent, ex bono & æquo aliquid statuere, etiam præter rationem juris civilis. Nam certè plus hic licuisse Prætori, quam vel Jurisconsultis vel Judicibus privatis, agunt tot exceptiones & actiones, tot bonorum possessiones præter manifestam rationem juris civilis à Præторе introductæ, in quibus ante jus à Prætoribus constitutum nihil sibi sumere quisquam privatus potuit: atque hinc est, quòd edictum Prætoris nonnunquam lex appellatur, uti ab Ulpiano l. 1. §. 2. unde cog. & Cic. 3. Perrin. VINN. Vera hæc omnia, si de jure quæras. Neque enim quisquam dixerit, jus fuisse prætoribus, jura constituta abrogare. Sed ipso facto tamen abrogarunt, & fictionibus, novis inventis vocabulis, restitutionibus in integrum Jus antiquum mutarunt, uti docuimus in Antiquis. Rom. §. 24. h. e. Agnoscit hoc Dio Cass. Lib. 36. p. 21. referens, quòd Prætores ài τὰ γενέσθαι τῶν νόμων; ἀλλὰ τὰ μὲν αὐτὰ μὴ μεταβάλλειν. Ne quidem jura scripta servarint; sed ea mutaverint sæpenumero. HEIN.

Qui honores gerunt.] Jus honorarium ad honorem Prætorum nominatum esse, ait Papin. in d. l. 7. §. 1. quòd, qui honores gerunt, id est, magistratus, auctoritatem huic juri dederunt, ut hic Justinian. Proposuerunt quidem & alii Magistratus Censores, Consules, Tribuni, edicta, ut ex Cic. Gell. & aliis notum est: nec dubium, quin secundum ea jus dictum fuerit: attamen quia soli Prætores juris dicendi causa creati sunt, totaque ferè jurisdictio penes Prætores erat, hinc factum arbitror, ut jus omne,

quod à jurisdictione venerat, non minus prætorium quam honorarium appellaretur, atque appellatione prætorii etiam aliæ partes juris honorarii continerentur.

Ædiles curules] Curules, ad distinctionem 2 Ædiliū plebis; nam ædilitatem curulem patricium Magistratum fuisse constat ex Liv. inst. lib. 7. dec. 1. Ædiles autem dicti à potissima parte procurationis eorum, quòd ædes sacras & privatas fartas tectas esse curarent. Auctores Festus & Varro lib. 4. de ling. Lat. nam & alia ad munus eorum pertinebant, quæ recenset Cic. l. 5. in Perr. c. 14. & Gruch. lib. 1. de comit. Rom. De veriverbio vocis Curules, non magnopere laborandum: sive enim à curia, sive à curru, quo vehebantur, sive à Sella curuli, in qua sedebant, eam deducas, parum refert.

De quibusdam causis] De rebus, maximèque Mancipiis & jumentis venalibus, item de animalibus feris continendis, qua vulgo iter fit, edictum satis celebre & explicatum lib. 21. n. tit. 1.

Jus honorarii portio] Jus ædilitium appellatione juris honorarii propriè continetur, ut species appellatione generis. Sed & prætorii appellatio jus ædilitium continet: l. 5. in pr. de verb. oblig. non quidem verbi significatione, [neque enim Ædiles Prætores erant] sed sententia scribentis. Et hoc est, quòd Pomponius scribit in d. l. 5. prætorias stipulationes sic exaudiri oportere, ut in his etiam contineantur ædilitiæ; Nam & hæc, inquit, à jurisdictione veniunt; innuens id, quòd de prætoriiis tantquam principali earum specie dictum est, etiam dictum intelligi de reliquis, quarum interponendarum eadem sit causa & origo, jurisdictionis nimirum magistratus.

TEXTUS.

De responsis Prudentum.

8 *Responsa prudentum sunt sententia & opiniones eorum, quibus permissum erat de jure respondere: nam antiquitus constitutum erat, ut essent, qui jura publicè interpretarentur, quibus à Cesare jus respondendi datum est, qui Jurisconsulti appellabantur: quorum omnium sententia & opiniones eam auctoritatem tenebant, ut judici recedere à responsis eorum non liceret, ut est constitutum.*

NOTÆ.

8 *De jure respondere*] Cujac. Hotom. Vvel. ex libris veteribus, jura condere. Th. h. non dicit, sed ut rectè idem, prætoribus, per consultationem & responsum.

Antiquitus constitutum] Malo institutum, nullo

hæc enim lege id constitutum, sed more majorum institutum fuit: dictaque hæc pars in specie jus civile, l. 2. §. 5. *De orig. jur.*

A Casare] Primus D. Augustus constituit, ut ex auctoritate principis responderetur, d. l. 2. circa fin.

Quorum omnium] Aut utique plurium, l. 1. c. Theod. de Respons. prudent.

COMMENTARIUS.

Origo auctoritatis prudentum à capite accersita.

Postrema juris scripti pars sunt responsa prudentium. Cujus juris originem operæ est à capite accersere. Latis legibus 12. tab. quæ perbreves erant & obscuræ, cœpit (ut naturaliter evenire solet) ut interpretatio desideraret prudentum auctoritatem, necessariaque esset disputatio fori. Hæc disputatio atque hoc jus, quod sine scripto venit, compositum à prudentibus communi nomine appellabatur jus civile, hoc est, nomine generis ad speciem contracto. Hæc Pompon. l. 2. §. his legibus, 5. de orig. jur. Unde primò intelligimus, interpretationem juris dumtaxat prudentibus permissam fuisse, non juris propriè condendi potestatem: ac neque hanc earum interpretationem statim pro jure acceptam; sed ubi ea in foro agitata & recepta esset; quo respectu jus istud sine scripto introductum Pomponius ait: quod tamen pars est juris scripti, quatenus est ex interpretatione illius juris & legum sententia, argum. l. 6. §. 1. de verb. sign. ad quod declarandum habemus accommodatissimum exemplum, *infr. tit. de leg. patr. tut.* atque hoc sensu rectè opponitur consuetudini. Item jus illud sive receptas interpretum sententias compositas, hoc est, descriptas, atque in certum volumen collectas fuisse, neque ab iis judicem in judicando potuisse recedere; utpote quæ partem constituerent juris civilis, eoque nomine in specie etiam appellarentur. Atque ut obiter sciamus, ante tempora Augusti, quicumque studiorum suorum fiduciam habebat, de jure consulentibus publicè respondere poterat. Divus autem Augustus, quo major esset juris auctoritas, primus constituit, ut ex sua auctoritate responderetur. Post quod tempus peti pro beneficio, & à Principe jus respondendi dari cœpit, ut in d. l. 2. circa fin. idem Pompon. scribit; quam ob causam nonnulli existimant ex eo demum tempore responsa auctoritatemque Jurisconsultorum inter partes juris scripti numerari cœpisse. Nunc verba hujus §. inspiciamus.

Permissum erat de jure respondere] Hoc ad tempora liberæ Reipub. referri non posse, ex jam dictis liquiddò apparet: sed ad posteriora referendum, postquam nimirum D. Augustus hoc jus à Principe peti voluit. Fallitur Theo-

philus, dum putat, hoc jus à populo aut Senatu concessum fuisse.

De jure respondere] Veteres codices, (auctore D. Pacio) habent *Jura condere*, id est, *respondere*, non malè: nam & consulti quodammodo jus condebant: nempe, ut rectè Theophilus, *2^a ad legem de arb. citat. per consultacionem & responcionem*; quo sensu etiam juris conditores nonnumquam appellantur, l. nulla 23. c. de proc. l. si furiosi 2. c. de nupt. Cæterum, ut dixi, quod ita respondentes interpretando stabant, non ex propria eorum auctoritate statim valuit, aut vim legis habuit; sed tum demum habere cœpit, cum usu forensi receptum esset: errantque adeo toto judicio, qui tantam Jurisconsultis auctoritatem tributam fuisse existimant, ut novum etiam jus condere docuerint, per l. ult. c. de legib. ubi tamen nihil eis conceditur, quod antea non habuerint; sed tantum relinquitur pristina legum interpretandarum facultas, add. D. Gudelin. 5. de jur. nov. 2.

Constitutum erat] Malo *institutum*, ut nonnulli codices habent: nulla enim constitutione tale quid sancitum fuit.

Jurisconsulti] Item Jurisperiti, & prudentes, & auctores juris, modestiæ quoque causa juris studiosi appellari amabant: fortassis ad exemplum Pythagoræ, qui se non *σοφιστῆς* sed *φιλόσοφος* dici voluit. Itaque hæc appellatio communis est tam præceptorum, quam discipulorum & auditorum juris, l. 1. de off. assess. l. 9. §. 4. de pen. l. 4. de extr. cog. quibus in locis constat juris studiosos pro juris professoribus & assessoribus comitibusve judicum accipi, add. Cujac. 7. observ. 25. Rævard. 2. coniect. 10.

Quorum omnium] aut utique plurimorum; nam singulorum sententiis eam vim tribuere perquam absurdum, & videtur Justinianus, ut verba postrema hujus §. arguant, respicere ad constitutionem Theodosii, quæ extat in l. un. c. Theod. de resp. prud. VINN. Immo omnino omnium, quibus jus respondendi à Principe datum, opiniones & sententiæ judicem obligabant, eo modo, uti hodie in Germania sententiæ à collegiis judiciis conceptæ. Theodosii constitutio non ad responsa & sententias Jurisconsultorum, sed ad scripta veterum inter se dissentientia, in juridicis allegata pertinet. HEIN.

TEXTUS.

De Jure non scripto.

9. *Sine scripto jus venit, quod usus approbavit; nam diuturni mores consensu utentium comprobati legem imitantur.*

NOTA.

9. *Diuturni.*] Propria hæc sunt epitheta consuetudinis, ut dicatur diuturna, longa, inveterata: quanto autem tempore inducatur, jure nostro definitum non est.

Legem imitantur] Id est, legis vim & effectum habent, l. 32. & seq. D. de legib. Quin etiam plus valere, & in rebus majoris momenti versari leges, quæ moribus comprobatae sunt, quàm quæ scripto constant, testatur Aristot. 3. Polit. c. ult.

COMMENTARIUS.

1 *Juris non scripti seu longa consuetudine introducti quanta, & unde auctoritas, & n. 2. & 5.*

3 *Ad jus consuetudine introducendum opus esse probabili Superioris scientia.*

4 *Quantum tempus, quot actus & quales ad inducendam consuetudinem necessarii.*

6 *Applicatio Superioris divisionis ad jus civile Basilorum.*

7 *An plures species juris, quàm quæ memoratae: & de æquitate, & communi opinione.*

1 *In scripto*] De quibus causis scriptis legibus non utimur: id custodiri oportet, quod moribus & consuetudine inductum est, l. de quibus 32. de legib. Immo magnæ auctoritatis hoc jus habetur; quod in tantum probatum est, ut non fuerit necesse scripto id comprehendere; l. immo magna 36. eod. *Vsus est*, inquit alicubi Livius gravissimus juris censor, & explorator, ut non possit non æquum esse & utile, quod is probavit, sæpius facto periculo. Cui simile est, quod Aristot. 3. Polit. ult. scribit, plus valere, & in rebus majoris momenti versari leges, quæ moribus comprobatae sunt, quàm quæ scripto constant. Dicitur autem hoc jus non scriptum, non quod scribi non possit, sed quod scribi necesse non sit d. l. 36. Utique tamen utile est scripto id comprehendere ad lites & sumptus probationum minuendos, & videmus multarum regionum consuetudines non modò scriptas; sed etiam commentariis illustratas circumferri. Neque tamen idcirco consuetudo fit jus scriptum, quod legem appellamus: quia non ex scriptura, sed ex usu æstimatur; & facilius tantum probationis causa scripta intelligitur. VINN. Non fit jus scriptum per scripturam, quia non per modum legis publicatur. *Leges autem est Leges publicare.* Vid. supra ad §. 3. h. t. HEIM.

Consensu utentium] Nimirum tacito. Nam quemadmodum expressa sanctio legem facit, ita tacita populi voluntas consuetudinem; unde quoad vim & effectum inter hæc duo nihil interest. Quid enim refert, ait Julianus in d. l. de quibus 32. suffragio populus voluntatem suam

declaret, an rebus ipsæ & factis? Populum autem etiam hic intelligere debemus nullius imperio subiectum: nam quæ civitates alterius imperio parent, non magis tacito consensu consuetudinem introducere possunt, quàm expresso legem. Hinc quia ejusdem est legem tollere, cujus est condere, rectè rescriptum est in l. 2. C. quæ sit long. conf. legi à Principe latæ contraria consuetudine derogari non posse. Quamobrem etiam existimandum est, Julian. in d. l. de quibus 32. respexisse ad anteriora tempora, quibus populo adhuc jus suffragii erat, aut ad ea jura, quæ nondum sublato jure suffragii moribus introducta sunt; quale est pupillaris substitutio, l. 2. de vulg. & pub. subst. item querela inofficiosi testamenti, l. 8. in pr. de bon. poss. cont. tab. donationis inter virum & uxorem improbatio, l. 1. de don. int. vir. & ux. & si quæ sunt generis ejusdem. Fortassis etiam jura municipiorum consideravit, quæ suis legibus & moribus utebantur etiam sub Imperatoribus, ut notavi sup. §. 1. Evincit hoc ipsa Jurisconsulti disputatio, qui argumentatur à jure suffragii ad jus introducendi consuetudinem. Proinde in statu populari jus consuetudinis introducendæ, quæ instar legis sit, solus populus habere potest; in monarchico, aut Optimatum non item: sed in ea introducenda probabilis Principis aut Superioris scientia & patientia requireretur; ut rectè D. Vvesemb. par. de legib. n. 9. & D. Gudelin. l. 5. de jur. noviss. c. 2. per d. l. de quib. 32. & d. l. 2. C. quæ sit long. conf. est quod non requiratur scientia Superioris, communior opinio est, quam post Schneid. hic n. 2. probat D. Tulden. ad d. tit. C. n. 1. & in judicando secuta est suprema Curia Melchior, teste D. Christin. vol. 2. dec. 55. n. 5. & 6. neque D. And. Gail. 2. observ. 31. aut Myns. 6. obs. 41. & seq. hoc inter requisita consuetudinis numerant. Planè quatenus civitates statuta condere possunt, nec consuetudines statutis similes introducere prohibentur, aut ante statuta tacite abrogare.

Diuturni mores.] Propria hæc epitheta sunt consuetudinis, ut dicatur diuturna, longa, inveterata. Nam cum sensum tacito consensu populus inducatur, necesse est is consensus ex factis & tractu temporis arguatur. Et quia hoc respectu consuetudo facti est, probari quoque debet, atqui ad eam probandam multum confert; si ea judicio contradictorio aliquando firmata sit; l. cum de consuetudine 34. de legib. Quantum autem tempus & quot actus ad introducendam consuetudinem requirantur; inter interpretes non satis convenit. D. Connanus 1. comm. 10. & Hotom. hic, tantum tempus requirunt, quantum superstitum hominum nec ætas nec memoria comprehendit; per l. 1. §. ult. junct. l. 2. §. idem Labro 7. de æq. plur. arc. Vulgo, testibus D. Gail. 2. obs. 31. Myns. 6. obs. 41. Schneid. hic n. 5. Vvesemb. par.

par. de legib. num. 9. arbitrantur, consuetudinem induci decennio, aut tanto tempore, quanto jus aliquando præscribi potest. Verum, ut rectè D. Ant. Fab. *1. iurispr. 2. pr. 11.* notat, in hoc hi omnes errant, quod consuetudinem cum præscriptione juris confundunt. Præscriptio enim nullum jus acquirit nisi præscribendi, & in eos duntaxat, contra quos præscriptum est, & in tantum, in quantum præscribens possedit vel quasi. Consuetudo verò acquirit jus in universum omnibus & contra omnes in suo casu, quia cum sit lex quædam tacita, legem imitatur; *l. ult. C. quæ sit long. conf.* Quam ob causam cum D. Cujac. *20. obs. 1.* & Menoch. *consil. 543. nu. 20.* potius iudicis arbitrio hoc definiendum censeo, qui pro negotii qualitate modò longius, modò brevius tempus statuere possit, & quantumcumque tempus sufficere, modò adsit actuum frequentia, & uniformitas, ut Ant. Fab. *ad l. nam Imperator 38. de legib.* Et quoniam in consuetudine introducenda non hujus aut illius hominis vel etiam ordinis morem inspicere debemus, sed totius populi usum, eumque colligere ex iis, quæ non semel aut bis, sed frequenter circa eandem rem & controversiam observata sunt, *l. 1. C. quæ sit long. conf.* & observata tenaciter, hoc est, perpetuo similiter, *l. ult. C. eod.* non putarem ad inducendam consuetudinem duos actus sufficere, quantumvis judiciales & notorios, quæ communis est opinio probata item à Gail. & Myns. *dd. loc.* sed hoc etiam arbitrio iudicis relinquendum, ut cætera, quæ certo jure definita non sunt, *arg. l. 1. §. ult. de jur. delib. l. 9. C. de bon. auct. jud. poss.* Cujac. Menoch. Fab. *ubi sup.* eleganter D. Diod. Tulen. *in comm. ad hunc l. 1. ca. 4.* Illud majoris partis consensu & rectè receptum est, cum de consuetudine probanda quæritur, necesse non esse probare, eam aliquando firmatam fuisse iudicio contradictorio. Nam cum ea populi consensu inducatur, quid refert, quod non etiam intervenerit res iudicata? Quid si tam certum jus fuerit, ut de eo nunquam apud iudicem dubitatum sit: an non majoris auctoritatis id videri debet, quam quod in iudicio contradictorio approbatum? *l. immo magna 36. de legib.* Consilii igitur est, non necessitatis quod scribit Ulpianus in *l. 34. ad tit.* cum de consuetudine quæritur: primùm explorandum esse, an etiam contradictorio aliquando iudicio confirmata sit. Consilium dat, ut id fiat, quia illa exploratio utilis est probaturo consuetudinem, scilicet ut paratas habeat easdem illas probationes, quibus consuetudo tum probata est. Et secundùm hanc opinionem in Camera iudicatum testatur Gail. *2. obs. 31. n. 8.* add. Myns. *6. obs. 41. n. 15.* Schneid. *hic n. 6.* Christ. *vol. 4. dec. 187. n. 7.* & *seqq.* ubi plures citat, qui hanc sententiam defendunt, & communem asserunt. Ita quoque iudicatum refert Radelant. *Traject de c. 3. num. 4.*

5 *Legem imitantur.*] Id est, vim & effectum legis habent. Itaque non hic solus consuetudi-

nis effectus est, quod jus novum, de quo nihil ante cavebatur, inducat; sed etiam quod latam antea legem abroget; *§. pen. inf. cod.* Est & alius item consuetudinis effectus, in jure scripto nimirum interpretando. Nam si de interpretatione dubiæ alicujus legis quærat; monemur in primis inspiciendum esse, *Quo jure civitas retro in hujusmodi casibus usa sit;* optimam enim legum interpretem esse consuetudinem, *l. si de interpretatione 37. & l. seq. de leg. minimeque mutanda, quæ interpretationem certam semper habuerunt, l. minime 23. eod.*

Nos item in his regionibus aut scriptis legibus utimur, aut non scriptis. Leges scriptæ aut generales sunt, quæ ad omnes pertinent, & ubique locorum in hac provincia vim habent; aut speciales, quæ sunt propriæ alicujus loci, aut privilegia certis Corporibus, Collegiis, Civitatibus, aut Regionibus: itemque certæ alicui personæ aut pluribus unius generis, ut viduis, pupillis, pauperibus, &c. concessa. Generales leges soli sanciunt Ordines, aut Præfetti, quibus ea potestas sub nomine Comitum aut summorum magistratuum legitime delata est. Sed & sine hac delatione, Præfetto Provinciæ unâ cum Præfide aliisque Curix Provincialis Senatoribus jus est, de quibusdam causis leges ferre, nempe de iis quæ ad usum fori, morem judiciorum, ad lites tractandas atque expediendas, ad frustrationes & captiones scribarum, advocatorum, procuratorum, viatorum, &c. corrigendas pertinent, quippe quibus in hac parte cura reip. jam ab initio mandata fuit, Merul. *lib. 1. tit. 4. c. 3.* add. Christin. *vol. 2. decis. 51. n. 8.* & *decis. 65. n. 3.* & 4. nisi hæc Curix decreta speciales potius leges dicendæ cum D. Grot. *1. manud. 2.* Speciales leges non tantùm Ordines condunt, aut Præfetti, quos diximus, privilegiis ferendis, aut condendis statutis particularibus; verum etiam Prætores & Baillivi de sententia Magistratuum urbanorum legitime congregatorum in sua quisque civitate leges locales quas *Keuren* appellamus, condere possunt: item Baillivi cum potissimis agros colentium: (*Vvelgeboren Mannen*) Prætores pagani cum Scabinis in agris, & pagis de rebus ad jurisdictionem suam pertinentibus; quatenus nimirum jus condendorum statutorum ab iis, qui summæ Reip. præfunt, acceperunt. Leges non scriptæ sive mores aut inveteratæ consuetudines & ipsæ partim generales, qualis est communio bonorum inter conjuges: partim speciales, quale est jus retractus, quod in Rihnlandia, Delflandia, Kennemerlandia & agro Voornano observatur, D. Merul. *d. lib. 1. tit. 4. c. 1.* & *seqq.* Grot. *d. loc.* Quod si de re, de qua quæritur, nihil legibus aut moribus nostris definitum est, jus commune, hoc est, Romanorum, sequendum est: auctore D. Grot. *d. loc. ad Christin. vol. 1. decis. 343.* Gudelin. *lib. 1. de jur. v. c. 13.* & *lib. 3. cap. 13.*

Ethactenus quidem explicatæ sunt partes juris

ris civilis è Justiniano proposita. Sed an non plures poni debuerint, dubitari potest. Video enim, à nonnullis inter partes juris non scripti præter consuetudinem, quæ sola à Justiniano posita est, numerari etiam res judicatas, sive præjudicia, & æquitatem. Sed utrumque perperam. Nam etsi rerum, præsertim sæpius judicatarum, non vilis est auctoritas: vim tamen legis minimè habent, nec jus inducunt, quod inter alios, simili aut ejusdem generis controversia mota sequi necesse sit; *sic. C. res int. al. aff. aut jud. al. non noc. eoque pertinet, quod Imp. in l. nemo 13. C. de sent. & interl. rescribit; & vulgo dici solet; Non exemplis, sed legibus iudicandum esse. Christin. vol. 2. decis. 51. num. 5. & seq.* Sed nec æquitas propriè dicta hujus juris pars est. Est quidem *ἡ ἀρετή* quia scripta non est; sed non eo sensu ita appellari potest, quo jus illud constituit speciem juris civilis. Quod ut planius intelligatur, observandum est, nomen æquitatis dupliciter accipi; vel in genere pro æquo, quod cum omni jure conjunctum est; vel in specie pro eo, quod est à jure civili diversum. Generalis appellatio etiam juri civili convenit; nam omnibus legibus & juri civili æquitas aliqua inesse creditur, nomenque juris non meretur, quod ab omni æquitate destitutum est. Atque hoc sensu Cic. in Topic. c. 2. jus civile definit *ἀρετήν* constitutam *ἰς*, qui sunt ejusdem civitatis. In specie autem & propriè accepta æquitas juri opponitur: non scripto, ut male nonnulli, sed stricto. Hæc Græcis *ἐνδικία* dicitur, nostris etiam æquum & bonum, humanitas, benignitas: ab Aristotele 5. Eth. 10. definitur *ἐν ἀρχῇ καὶ ἐν ἰσχύϊ*, juris legitimi correctio. Cujus usu elucet cum in verbis legis ex sententia extendendis & ad casus similes producendis, ubi lex minus scripsit, plus voluit; tum in verbis restringendis, ubi ex sententia constat plus scripsisse legislatorem, minus voluisse: maxime verò in benigna legum interpretatione, earumque ad singulas facti species accommodatione; tali tamen, quæ ab expressa & manifesta legislatoris voluntate non recedat. Huc pertinet l. 10. & seq. de leg. item l. 17. & multa seqq. eod. Atque hinc etiam peti potest conciliatio l. placuit, de judic. cum l. 1. de leg. & l. prospexit 12. §. 1. qui & à quib. man. Gudelin. 5. de iur. Nov. c. 2. Christin. vol. 2. dec. 61. n. 3. & seqq. Non est ergo æquitas hæc species juris civilis, sed quid à jure civili diversum, consistens magis in arbitrio boni viri & judicis; unde & nonnunquam boni viri arbitratus & religio judicis appellatur. Quamobrem rectè Aristoteles d. loc. æquum & bonum comparat regulæ Lesbæ, quippe cum indefinitarum rerum & norma indefinita esse debeat, æquo & bono ita utendum esse ait, ut fabri camentarii & structores utuntur norma Lesbæ, quæ cum plumbea sit & flexibilis, eam struunt, cum usus est, accomodant, nec semper ad normam exigunt structuram: quod Guil. Budæus initio annot. pri. r. opulentiùs explicat. Ea

quæ de auctoritate communium opinionum hic disputari solent, in medio relinquo. Unum dico, etsi non vile esse debet, quod plures sentiunt, & id judicium integrius haberi, quod plurium sententiis comprobatur: Clem. r. vers. quod etiam de sent. excom. l. 1. in vr. de off. quest. non tamen usque adeo valere debere, ut in manifesto errore jus faciat, arg. leg. 2. C. quæ sit long. cons. vid. Menoch. 2. præsumpt. 71. nu. 24. & ibi citatos D. Diod. Talden. hic c. 7. latè Ossv. Hill. notat in Don. lib. 26. c. 2.

TEXTUS.

Ratio superioris divisionis,

10. Et non ineleganter in duas species jus civile distributum esse videtur. Nam origo ejus ab institutis duarum civitatum, Athenarum scilicet & Lacedæmoniorum, fluxisse videtur. In his enim civitatibus ita agi solitum erat, ut Lacedæmonii quidem ea, quæ legibus observabant, memoriæ mandarent: Athenienses verò ea, quæ in legibus scripta comprehendissent, custodirent.

NOTA.

10. Non ineleganter] Nec admodum tamen eleganter, ut apparet ex iis, quæ Hotom. & Bachou.

Lacedæmonii.] Lacedæmonii scriptis legibus uti non sunt, atque una *ἡ ἀρετή* καὶ ἡ ἐνδικία, hæc erat, *ἡ ἀρετή* καὶ ἡ ἐνδικία, scriptis legibus non uti Plutarch. in Lycurg. pag. 47.

COMMENTARIUS.

1 Error Triboniani notatus.

Exactis Regibus cœpit populus Rom. incerto magis jure & consuetudine uti quàm legē lata; donec placeret publica auctoritate decem constitui viros, per quos peterentur leges à Græcis civitatibus. Itaque legati Athenas missi, qui inclyras Solonis leges describerent, & aliarum civitatum Græcarum instituta, mores, juraque cognoscerent, Pomp. l. 2. §. ex assis 2. de orig. jur. Liv. l. 3. c. 31. seq. Hæ leges in 12. tabulis postea descriptæ leges decemviraes, & 12. tab. sunt appellatæ; fons omnis publici privatique juris, auctore eod. Livio. Ex quibus perspicuum est, jus scriptum sive leges Romanorum originem suam habere partim ex legibus, partim ex moribus Græcarum civitatum, & insigniter errare Tribonianum, qui jus scriptum Romanorum ab Atheniensibus, non scriptum à Lacedæmoniiis arcessit. Nam primum male confert leges non scriptas Lacedæmoniorum cum jure non scripto Romanorum: Neque enim

enim Lacedæmoniorum leges fuisse jus aliquod moribus introductum, quo sensu jus non scriptum hic accipi constat, & scripto, hoc est, legibus latis opponi: sed leges propriè dictæ & expressum sancitæ; quamvis eas non scribi, sed in memoria conservari voluerit legislator eorum Lycurgus. Secundò nec mores Lacedæmoniorum dici possunt originem dedisse juri non scripto Romanorum, non magis quàm mores Atheniensium aut aliarum Græciæ civitatum, unde legati Roma missi leges petierunt. Nam non minus mores quàm leges horum populorum, descripti in illis, quas dixi, duodecim tabulis lege de cœnivali perlata, partem juris scripti Romanorum constituerunt. VINN. Sed vereor, ne perperam dica scribatur Triboniano, ac si Romanos jus non scriptum à Lacedæmoniis; scriptum ab Atheniensibus accepisse statuat. Distinctionis potius *reus* in *esse* & *esse* originem ab his civitatibus derivat. Et sanè Lacedæmonii jure non scripto usi sunt, teste Plutarcho in *Lyc.* p. 47. quamvis alio sensu ac Romani. *Ejus* ergo in hoc §. usurpatur pro *eius rei*, nec ad jus civile referendum. HEIN.

T E X T U S.

Divisio Juris in immutabile & mutabile.

II. *Sed naturalia quidem jura, quæ apud omnes gentes peræque observantur, divina quadam providentia constituta, semper firma atque immutabilia permanent. Ea vero, quæ ipsa sibi quæque civitas constituit, sæpe mutari solent vel tacito consensu populi, vel alia postea lege lata.*

N O T A.

II. *Divina providentia.*] Quorum Deus inventor, disceptator, lator, ut loquitur Cic. Intelligit ergo jus gentium primævum, quod nobis ingentum; non secundarium, quod usu exigente inventum.

Immutabilia.] Jus naturale semper & ubique justum est, & fuit: unde nec quod hoc jure prohibetur, juberi potest; nec quod jubetur, vetari. Grot. 1. *manuduct.* 2. addi tamen ei aliquid potest, aut detrahi, l. 6. D. de *just. & jur.*

Tacito consensu.] Non tantum novum jus longo usu introduci potest; sed id etiam, quod ante lege aliqua constitutum erat, contrario usu abrogari, l. 32. D. de *legib.*

Alia postea lege lata.] Nam posteriores leges semper potiores sunt prioribus; l. ult. D. de *constitut.* Princ. Harin. lib. 1. tit. 1. Varro. lib. 8. de *lingua*: An non sæpe veteres leges abrogatæ novis cedunt?

C O M M E N T A R I U S.

- 1 *Jus naturale seu jus gentium primævum immutabile esse, non item jus gentium secundarium, nisi proportionaliter.*
- 2 *Immutabilitatem illam præcipuè apparere in notionibus divinis animis hominum impressis; quod exemplis declaratur.*
- 3 *Leges civiles etiam consuetudine contraria abrogari posse.*
- 4 *Expediatne leges aliquando mutari?*

EXposito jure tum naturali, cum civili, observataque utriusque differentia in causis efficientibus, non incommode hoc loco subjicietur alia quadam differentia, quæ in effectu cernitur.

Quasi divina providentia constituta.] Hoc est, quæ ab incorrupta ratione, à simplici illa notitia mentibus nostris divinitus impressa promanant. Jus quod nobiscum natum est, non à hominibus excogitatum, cujus Deus est inventor, disceptator, lator, ut loquitur M. Tullius lib. 3. de *repub.* Apud Xenophontem lib. 4. *memorab.* hujusmodi jura *divina* dicuntur. De jure igitur gentium primario, id est, eo, quod simpliciter naturale est, hæc accipienda sunt; non de secundario, quod usu exigente inventum. Nam diligenter distinguenda naturalia præcepta ab his, quæ pro certo statu dumtaxat naturalia sunt; jura multis populis seorsum communia ab his, quæ societatis humanæ vinculum continent. Sic vetera gentium jura circa bella & res bello captas, circa incrementa fluminum, &c. multum mutata hodie videmus. Sed & multa, quæ jus naturæ non jubet, sed permittit tantum, communi consensu prohiberi possunt; uti factum circa omnia sæpe *assumitur* de quo suo loco differemus uberius. Sanè etiam jus gentium secundarium *divinum* immutabile dici potest, utique multo difficilius tollitur, quàm jus civile.

Immutabilia.] Jus naturale semper & ubique justum est & fuit: nec aliud hîc, aliud Romæ, aliud Athenis, aliud nunc est, aliud posthac erit. Nam ut recta ratio insita à natura & diffusa in omnes constans est & sempiterna, ita & quod ea præscribit, semper atque ex se justum est atque immortale. Quamobrem nec quod hoc jure prohibetur, juberi potest, nec quod jubetur, vetari; rectè Grot. 1. *manud.* 2. & convenienter ei, quod scribit Jurisconsult in l. 6. de *just. & jur.* jus civile in totum à jure naturæ recedere non debere. Nec est contrarium, quod Jurisconsult. addit; jus civile non per omnia juri naturali servire, sed plerumque ei addere aliquid, aut detrabere. Nam illa additio aut detractio nihil aliud est, quàm generalium juris naturæ præceptorum ad usum moreque civium & formam Reip. specialis cum defectu accommodatio. Quod quamvis variis in locis diversumodè fiat, atque etiam in ap-
cal-

tando naturæ jura inflecti quodammodo videantur; immutabile tamen pertinet *ad auct. legum.* quod per se atque ex sui natura justum est, vimque suam perpetuam retinet in obligandis conscientis anticipata in animis nostris communes illæ, quas diximus, notiones, in quibus hæc constantia atque immutabilitas præcipue elucet. Covarr. *de matr.* p. 2. c. 6. §. 9. n. 7. bellè Michael. Ephes. ad 5. *Ethic.* Albert. Bolong. c. 16. *de lege, jure & aquis.* §. 16. Exemplis res fiet illustrior. Lex naturæ ita præscribit; *Deum colito; Liberi potestati patris subiecti sunt; Pacta conventa servato.* Hæc sunt æternæ legis perpetua decreta, & quæ nullo jure civili abrogari possunt. Tantum in modo applicandi, de quo lex naturæ nihil definit, varietas aliqua apparet propter varietatem constitutionum civilium; ut scilicet hoc vel illo ritu externo adhibito Deus colatur: ut patribus in liberos vel eadem, quæ dominis in servos, potestas sit, & quodcumque per filium acquiritur, id acquiratur patri: vel ut jus tantum pater habeat filium modicè & sine acerbitate castigandi, & contumacem expellendi domo; ut pacta etiam nuda efficaciter obligent, aut eam vim tantum habeant vestita, ut vulgò loquuntur. Ait Justinianus, nihil tam conveniens esse æquitati naturali, quam voluntatem domini rem suam in alium transferre volentis ratam haberi, §. *per traditionem*, 40. *inf. de rer. div.* At lex civilis occurrens temerariæ hominum liberalitati, cujus eos mox poenitere posset, modum huic rei in donatione præscripsit, eamque donationem, quæ quingentos solidos excederet, non aliter ratam esse voluit, quam si actis sit insinuata: §. 1. *inf. de donat.* Hoc, inquam, factum non mutatur jus naturale, sed adjuvatur, dum propter utilitatem civium (quod legislatores omnes spectant, tamen non idem semper constituent) aliquid ei adjicitur: aut si mavis, detrahitur, respectu scilicet præcepti generalis. Atque hoc est, quod DD. nostri ajunt, jus naturale *modificari, declarari, & provisionibus adjuvari posse*: sic enim loqui amant Jo. Fab. Aug. & alii ad hunc §. Sexcenta ejusdem generis exempla afferri possent (occurrunt enim in omnibus fere partibus juris civilis) sed hæc pauca è multis retulisse, puto rei declarandæ sufficere. Illud etiam sciendum est, esse quosdam quasi gradus principiorum practitorum & præceptorum naturæ, ac nonnunquam usavenire, ut inter se hæc concurrant, & invicem obtineant, verbi causa: Lex naturalis est; *Non occides*, est & altera ejusdem generis sed momentosior, quæ sui defendendi causa permittit aggressorem occidere. In hoc consensu lex inferior superiori cedat necesse est. Vvresemb. *par. de just. & iur.* n. 19.

3 *Tacito consensu* Quamobrem non tantum jus novum longo usu introduci potest, sed etiam id, quod ante lege aliqua constitutum erat, contrario usu abrogari. Atque hoc omnino consequens est rationi Juliani, qui in l. *de verb. sig.* 32. *de verb. sig.* nihil interesse scribit, suffragio populus volunta-

tem suam declaret, an rebus ipsis & factis. Ex eodem loco etiam hoc colligitur, quod supra diximus, cessante jure suffragii non tantum cessare jus populi in lege palam ferenda, verum etiam in consuetudine contra jus à Superiore constitutum introducenda: quoniam ejus solius est legem tollere, cujus est condere, ita cape l. 2. c. *quæ sit long. cons.* aut de consuetudine alicujus municipii, fac. l. 3. §. *Divus* §. 5. ff. *de sepulch. viol.*

Alia legelata Expediatne leges mutare, aut quando expediat; politicæ disquisitionis est: cujus tamen questionis decisionem suggerit Ulp. in l. 2. *de const. princ.* In rebus, inquit, novis constituendis evidens esse utilitas debet, ut recedatur ab eo jure, quod diu æquum visum est. Eaque consentiens est politicorum omnium sententia, Plato lib. 7. *de legib.* Aristot. 2. *pol.* 6. *in fine.* Bordin. 4. *de rep.* 3. Lips. 4. *pol.* 9. Conan. 1. *comm.* 2.

T E X T U S.

De objectis juris.

12. *Omne autem jus, quo utimur, vel ad personas pertinet, vel ad res, vel ad actiones. Et prius de personis videamus: nam parum est jus nosse, si persone, quarum causa constitutum est, ignorentur.*

N O T A E.

12. *Vel ad personas, &c.* Distributio ex objectis ad finem juris obtinendum accommodata, ex l. 1. *D. de stat. hom.* Omne jus redditur personis de rebus per actiones & judicia. M. VV.

C O M M E N T A R I U S.

Hoc §. transitus fit à jure constituyente ad jus constitutum, & methodica quædam via pro materiæ diversitate, circa quam illud versatur, ad hujus cognitionem sternitur, præeunte Cajo in l. 1. *de stat. hom.*

Vel ad personas &c. Distributio ex objectis, ut apparet, ad finem juris obtinendum accommodata. Finis juris, quod jam sæpe diximus, est suum cuique tribuere. Ut autem hunc finem consequamur, necesse est primum scire, quid sit suum cujusque; deinde qua ratione, si id ulterius non præstetur, ab invito obtineamus. Cognitionis ejus quod cujusque est, vel ex persona sumitur, vel ex rebus; sed ex jure, quod quisque vel conditione & statu personæ suæ habet, vel ratione rerum externarum. Conditione personæ multum inter se homines differunt: alii enim liberi sunt, alii serviliterum alii ingenui, alii libertini; alii patres familias, alii filii familias: patrum familias, alii in tutela, alii in curatore, alii in neutro eorum. Ac pro diversis hujusmodi qualitatibus diverso quoque jure in civitate continentur; quod quia

statum ac conditionem personæ sequitur, jus personarum appellatur: deque eo deinceps hoc primo libro disputabitur. In rebus externis quod cujusque est, id aut est jus reale, nempe dominium aliudve in rem aliquam jus; aut personale dumtaxat, uno nomine obligatio sive creditum. Illud D. Grotio est *Behering. hoc Inschuld. 1. manuduct. c. 1. & 2. c. 1. circa fin.* Nimirum ergo huc pertinent non tantum modi acquirendi domini aut juris alicujus in rem dominio proximi, modi acqui-

rendi res singulas aut per Universitatem: sed etiam modi contrahendarum & acquirendarum obligationum, & contra etiam horum omnium admittendorum aut infirmandorum ac distrahendorum rationes, agiturque de hoc jure *lib. 2. 3. & parte quarti usque ad tit. de assionib.* Obtinendi utriusque juris ratio est in actionibus, hoc est, juris nostri persecutionibus, sive id fiat in judicio, sive extra judicium auctoritate Magistratus, quod argumentum ultimo tractatur loco.

TITULUS TERTIUS.

DE JURE PERSONARUM.

Conc. Tit. 5. Lib. 1. Dig.

Continuatio. Quid hic persona, quid status, & jus personæ?

IN calce præcedentis tit. proposita fuit series & dispositio summarum partium, quæ deinceps hoc libro, & sequentibus singulatim tractantur. Initium fit à personis, quarum causa cætera constituta sunt. Is titulus ejusdem planè argumenti inscribitur *de statu hominum*. Unde intelligimus personam hic non qualitatem civis, sed hominis designare, aut potius hominem simpliciter: eamque appellationem tam servo competere, quàm homini libero: sicut & in jure passim etiam servo tribuitur, *l. 3. pr. ne quis cum qui in ins. vic. l. potestatis 215. de verb. sign. l. 22. de reg. jur.* Item jus personæ hic esse, quod statum & conditionem personæ sequitur: nam status ipse est Personæ conditio, aut qualitas, quæ efficit, ut hoc vel illo jure utatur; ut esse liberum, esse servum, esse ingenuum, esse libertinum; esse alieni, esse sui juris. Itaque status rationem causæ, jus effecti habet. *Vinn.* Jure veteri discrimen erat inter hominem & personam. *Homo* dicitur, cuicunque contingit in corpore humano mens humana. Et sic sola monstra negantur esse homines *l. 14. ff. de stat. hom.* At *persona* est homo, statu quodam veluti indutus. *Status* vel *naturalis* est, vel *civilis*. Quod ad naturalem, servus persona dicebatur; (uti in legibus ab auctore allegatis, & *princ. h. s.*) non quod ad civilem. Quia enim nec libertatis, nec civitatis, nec familiæ particeps erat servus, hinc res *mancipi*, *Ulp. fragm. tit. 19. §. 1. ingenuos* *Harmenop. Lib. VII. tit. 6.* Immo nullus *L. 32. ff. de R. I. sine capite, §. 4. Instit. de cap. dem.* denique *mortuus* *L. 209. ff. de R. I. habebatur.* *HEIN.*

TEXTUS.

Prima divisio personarum.

Summa itaque divisio de jure personarum hæc est, quod omnes homines aut liberi sunt, aut servi.

NOTÆ.

Jure personarum] In *tit. de statu hominum*, status rationem causæ, jus effecti habet, status est ipsa personæ conditio, jus, quod hanc conditionem sequitur.

Summa divisio] Id est, prima & principalis, vel generalissima, *quæta & dependens. 46. Basil. tit. 1.*

Liberi aut servi] Ex *l. 3. D. cod. Adscriptitios*, de quibus *lib. 11. Cod.* alii in liberorum, alii in servorum numero ponunt.

COMMENTARIUS.

- 1 *Adscriptitii* cujus conditionis habendi, & num. 3.
- 2 *Servi* diverso respectu ad primum & secundum juris objectum pertinent.

Summa] Id est prima & principalis, vel etiam generalissima; nam reliquæ sunt secundariæ aut speciales. De agricolis & adscriptitiis quæri solet, quibus comparandi? Et quod in re non dissimili respondet *Ulp. in l. 10. hoc tit.* etiam hic responderi potest: Ejus conditionis æstimandos esse, quæ in eis prævalet. Non enim una agrorum coloniis addictorum conditio fuit. Quidam eorum censiti erant, quidam non censiti: hi coloni, illi sere adscriptitii dicebantur.

tur. Adscriptitii quasi servi erant, peculiumque eorum ad dominum pertinebat: coloni liberi, ut coloni Palæstini, Thracenses. Illyricani, de quibus proprii *sin. lib. 11. C.* Adscriptitii tributarii erant, id est, capitis censum sive capitacionem præstabant: coloni non erant tributarii, reditus tamen certos pro solo domino terræ solvebant. Consule Cujac. *ad tit. C. de agric. & cens. Greg. Tholos. 14. syn. 10. & omnino Christin. vol. 5. decis. 86. & seq.*

2. *Servi*] Videmus igitur & hic in l. 3. *cod.* unde hæc sumpta, non solum liberos, sed etiam servos ad primum juris objectum referri, videlicet ad personas. Atqui servi non minus in dominio nostro & in commercio sunt quam reliqua, quæ in bonis habemus, adeoque quadrupedibus eos exæquat Cajus in l. 2. §. 2. *ad leg. Aquil.* Unde effici videtur, ut servi non ad personas, sed ad res referri debeant, non ad primum, sed ad secundum juris objectum. Sed nimirum duplex est servi consideratio, quæ res, quæ in commercio est, ut & reliquæ res nostræ; & quæ persona, quatenus puta cognatus dicitur, l. 14. §. 2. & *seq. de rit. nupt.* quatenus liber fieri, hæres institui, &c. contrahere, & dominum de peculio obligare, ipse iterum naturaliter obligari & alios sibi obligare potest, l. 14. ff. *de oblig. & act.* Prout igitur consideratur, ita vel ad primum, vel ad secundum objectum pertinet. VINN. Recte. Prout servo, tanquam homini, status vel naturalis tribuitur, vel civilis: & potest, & non potest persona vocari, & vel ad primum, vel secundum juris objectum referri. vid. supra Not. *ad rubr. h. t. & conf. L. 32. ff. de R. J.* HAIN.

3. In hisce & plerisque aliis Christiani orbis provinciis quamvis nulli amplius servi sunt; reperiuntur tamen adhuc homines conditionis adscriptitiæ, sive rustici glebæ addicti & quasi proprii illius loci, cui adscripti sunt; ut in Hannonia, teste D. Gudelino 1. *de iur. nov. 5.* in Burgundia & multis partibus Galliarum. Hi enim sunt quos vocant, *Gens de main morte, Homines manus mortuæ*, de quibus Chass. *ad consu. Burg. rubr. 9. §. 17.* Germania quoque ejusdem conditionis homines habet, quos appellant *propriis*, & libertis magis similes esse quam mancipiis, scribit D. Viglius ad §. *sed cum aliquis inf. de test. ord.* Christin. Latinis colonis eos comparat. *d. dec. 86. n. 18.* Sed vide Zaf. *lib. 1. sing. resp. c. 3. n. 75. & seqq. & l. 2. r. 7. n. 8.* Gail. *de pignorat. cap. 8.* VINN. Immo homines proprii Germanorum sunt verè servi, quamvis non conditionis Romanæ, sed Germanicæ, id est tales, quales jam olim in Germania deprehendit Tacitus de *Mor. Germ. cap. 21.* Glebæ vel prædio adscripti cum posteris, debent censum, operas, maritagium, mortuarium, vel præcipuum ex hereditate. Coerceri possunt à Dominis, sed non occidi. Nec omnia Dominis acquirunt, sed ea, quæ diximus. Cetera liberi, & jure connubii, & commerciorum & ipsius testamenti factionis gaudent. Vid. Porciess. *de statu & condit. serv. in Vinnius in Institut.*

Germ. Cels. Thomaf. & Herm. de homin. propr. HAIN.

TEXTUS.

Definitio libertatis.

1. *Et libertas quidem (ex qua etiam liberi vocantur) est naturalis facultas ejus, quod cuique facere libet, nisi si quid vi aut jure prohibetur.*

NOTÆ.

1. *Facere libet*] Effectus libertatis est, facere quodlibet, est enim potestas vivendi, ut velis. Cic. in *Paradox.* Aristot. 1. *pol. 9.* Zeno apud Laert. breviter, *ἐλευθερία αὐτονομία*, potestas pro jure suo agendi.

Nisi si quid vi] Finge nos vinciri, usum rerum nostrarum vi prohiberi, &c. hæc facultatem quidem faciendi impediunt, libertatem autem non minuunt.

Jure] Οὐ γὰρ ἐξ ὁμοίας τοῦ ζῆντος αὐτονομίας. Aristot. 1. *pol. 9.* Legum idcirco omnes servi sumus, ut liberi esse possimus. Cic. *pro Cluent. c. 53.* Indicat hanc exceptionem illud Persianum: *Sat. 5. Excepto si quid Masuri rubrica notavit.*

COMMENTARIUS.

Ex qua etiam liberi] Non ex vocabulo, sed ex re ipsa, quæ vocabulo designatur. Effectum à causa, concretum ab abstracto. Auctor hujus definitionis est Florent. in *lib. 4. hoc tit.*

Cuique facere libet] Differentia ab effectu sumpta. Effectus libertatis est facere quod libet: est enim potestas vivendi, ut velis, teste Cicerone in *Paradox.* & 1. *off. c. 21. n. 3.* Zenone apud Laert. breviter definitur *ἐλευθερία αὐτονομία*, potestas pro jure suo agendi. Ceterum quia hæc potestas partim vi impediri potest, partim legibus circumscripta est; additur exceptio, *Nisi quid vi aut jure*, &c. qua exceptione significatur, duabus rebus, quominus faciamus quod lubet, nos impediri, vi & jure; neque tamen eo minus liberos esse. Finge igitur nos usu rerum nostrarum vi prohiberi, finge vinciri; facultatem faciendi hæc impediunt, libertatem non imminuunt. Sed neque eo minus sua cuique constat libertas, quod quædam facere legibus prohibemur: nam quæ cum legibus & bonis moribus pugnant, ea ne facere quidem nos posse credendum est; ut præclare noster Papinian. l. *filii 15. de cond. inst.* Et divinè M. Tullius in *Cluentiana*, cap. 53. *Legum*, inquit *idcirco omnes servi sumus, ut liberi esse possimus.* Cui simile illud Arist. 1. *pol. 9.* Οὐ γὰρ ἐξ ὁμοίας τοῦ ζῆντος αὐτονομίας. Nimirum legis imperium non est ἀποτακτικόν, sed παλαστικόν. Qua propter obedientia, quæ legibus ultro præstanda, ut omnibus libertas sit incolumis, non pugnat cum libertate, sed eam tuetur; quamvis coerceat atque in gyrum rationis actiones cohibeat, ne licentius

evagetur; ut bene D. Vvesomb. hic, & D. Tulden. c. 2. VINN. Est & hæc definitio verè Stoica. vid. *Per. sat.* 5. 7. 88. & quæ ibi notavit Casaubonus Arrian. *Diss. Epictet. Lib. 11. c. 1.* Ita verò explicata, non est cur à quibusdam, Accursium sequutis, reprehendatur. Vetus enim & proba est uti ostendit Maran. in *Paratit. ad Tit. ff. de statu hom.* HEIN.

TEXTUS.

Definitio servitutis.

2. *Servitus autem est constitutio juris gentium, qua quis dominio alieno contra naturam subjicitur.*

NOTÆ.

1. *Constitutio*] Id est, res gentium constituta, causa pro effectu: sic thesaurus dicitur depositio pecuniæ; lege 31. §. 1. D. de acq. rer. dom. pro pecunia deposita.

Domínio alieno Unde Zenoni apud Laert. servitus definitur *ἐστὶν αὐτομαχίας*.

Contra Naturam] Contra communem illam omnium hominum conditionem, quam ab initio habuerunt à natura; lege 4. D. de just. & jur. lege 32. de reg. jur. *Quoniam si idcirco dicitur contra naturam*. Philost. Liberos & servos à natura procreari disputat Aristot. 1. pol. 3. & 4. sed alio sensu, nempe ingenio stupidos & corpore robustos à natura productos videri ad serviendum iis, qui ingenio valent, ministerio scil. œconomico. D. Heins. in *Epist. ad Georg. Richt.*

COMMENTARIUS.

Constitutio juris gentium] Causa pro effectu, res jure gentium constituta, non ordinatio, aut pars constituens. Tropus in hujusmodi verbalibus non inusitatus: sic enim & thesaurus dicitur depositio pecuniæ, l. nunquam 31. §. 1. de acq. rer. dom. pro pecunia deposita. Apud Laertium à Zenone definitur servitus, *ἐστὶν αὐτομαχίας*.

Contra naturam] Hoc est, contra communem illam omnium hominum conditionem, quam ab initio habuerunt à natura. Nam servi natura, id est, circa factum humanum, aut primævo naturæ statu nulli sunt; leg. 4. de just. & jure d. l. quod attinet 32. de reg. jur. quamquam justitiæ naturali non repugnat, ex pactione aut delicto servum fieri. Quod vere Aristoteles l. 1. pol. cap. 3. & 4. scribit servos quosdam nasci & natura esse; eo nihil aliud significat, quam quosdam, nempe ingenio tardos ac stupidos, corpore autem robustos, in hunc finem à natura productos videri, ut aliis, qui ingenio & ra-

tionem valent, servant, subjectione scilicet œconomica, ad ministeria domestica explicanda: qua de re copiosè & acutè disserit Clariss. Heinsius in *epist. ad Georg. Richt.*

TEXTUS.

Servi & mancipii etymologia.

3. *Servi autem ex eo appellati sunt, quod Imperatores captivos vendere, ac per hoc servare, nec occidere solent: qui etiam mancipia dicti sunt, eo quod ab hostibus manu capiantur.*

COMMENTARIUS.

1. *Captos jure belli quovis tempore occidi posse, non tamen salva interna justitia.*

2. Sigonius & Bachovius notati.

3. *Lava de captivis agentibus intraducta ut captivos libentius abstinerent à summo jure, quo captos interficere poterant.*

4. *Captivitatis jura in bello cum Mahumetanis adhuc servari: inter Christianos autem morem esse, ut captos liceat redimere.*

5. *In his regionibus servos adeo nullos agnosci, ut etiam illi, qui aliunde huc cum dominis veniunt, liberi fiant.*

Ex eo appellati] Eadem ratio nominis redditur à Florent. l. 4. §. 2. hoc tit. Pomp. l. pupillus 239. §. 1. de verb. sign. August. 19. de civ. Dei 15. Notat hic Aleiat. in d. l. 239. de verb. sign. cumque secuti Myns. & Schneid. hic, non licere hostem, postquam captus est, seque dedit, occidere, sed tantum arma adhuc tenentem, neque se volentem dedere. In dedititium autem scire nefas esse, neque id bonos Imperatores unquam permisisse; quanvis plerique statuant, etiam postquam captus est, seseque dedit, hostem jure occidi posse, donec intra præsidia nostra deductus sit: quia alioqui multa adhuc accidere possunt, ut iterum evadat, arg. l. in laqueum 55. de acq. rer. dom. Accuratius autem hac de re disputat D. Grot. l. 3. de jur. bel. c. 4. ubi multis adductis auctoritatibus ostendit, jure belli licere captos occidere, & quovis tempore licere, & eos, qui se dedere volunt, nec recipiuntur, immo & deditos sine ulla conditione. Cum autem Scriptores dicunt, id belli jure sicutum esse, non intelligunt tale jus, quod actum omni culpa liberet, sed facti impunitatem; ut si forte qui supplicem, aut se ultro dedentem interfecerit, in alio territorio deprehendatur, tamquam homicida puniri non possit, nec bellum ipsi ab alio talis facti nomine inferri. Cæterum etsi impune id fiat, laudabile tamen natura non esse, actumque hujusmodi carene inter-

interna iustitia, quoniam excedit modum laudendi naturaliter concessum: ideoque nec in foro animæ excusatum esse. Hinc Augustinum merito laudare Gothos, quod supplicibus & in templis persurgentibus perpercissent; *Illisum sibi esse judicantes, quod belli jure fieri licuisset*, lib. 1. de civ. Dei cap. 2. De illo inter omnes convenit, eos, qui vitam salvam pacti, sive in fidem recipiuntur, nec exteriori jure trucidari licere. Porro de temperamento circa jus interficiendi in bello captos ad eund. Grot. d. lib. 3. cap. 11. & 14. nonnulla etiam habet D. Tuldent. comm. ad Inst. tit. de his qui sui vel alien. jur. c. 3.

1 Imperatores] Non intelligit Principes Romanos, sed *seniores*, Belli duces *et maximos imperatores*, ut recte vertit Theoph. Quod hic ex Sigonio notat Bachovius, Imperatores dictos ab imperio militari, hoc est, jure belli gerendi; verum quidem est. Cæterum quod ex eodem Sigonio adjicit; hoc imperium militare Magistratui seorsum lege Curiata dari solitum, falsum est. Nam lex Curiata omnibus omnium annorum patriciis Magistratibus necessaria erat, non ad aliquod adventitium rei militaris imperium obtinendum, sed ad confirmationem sui Magistratus: ut religio auspiorum, quæ propriè & præcipuè in Curiarum suffragiis inerat, retineretur: quod vel ex una *orat. 2. in Rull.* intelligi potest, vid. Gruch. lib. 3. de comit. & in *refut. post. disp.* Car. Sigon. ubi multis testimoniis ex antiquitate petitis ostendit, Consules & Prætores potestatem administrandæ rei militaris jure sui Magistratus habuisse. VINN. Ita Vinnius noster Gruchium sequitur, secundum quem contra Sigonium à frequente eruditorum Senatu datum est. Legi de hac Sigonii & Gruchii lite meretur V. C. Græv. præfat. *Thesauri Antiqu. Rom. Tom. I.* HEIN.

3 Vendere ac per hoc servare solent] Non quòd hoc facere quasi ex pactione captores cogerentur; sed quia hoc suadebant commoda, quæ captivos servanrem gentium item jure sequebantur; nempe *quia nonnulli ex illis etiam erant, ut est in Basilic. quòd pertinet illud Horatii*, lib. 1. Ep. 16.

Vendere cum possis captivum, occidere noli.

Cæterum, ut ait Seneca in *Troad.* v. 333.

Lex nulla capto parci, aut parvam impedit.

Et Centurio Cæsaritanus Scipionem alloquens apud Hirtium de bel. Afric. Tibi, inquit, c. 45. *gratias ago, quòd mihi vitam incolumitatemque belli jure capto polliceris.* Similiter Cæsar Hædus significat, suo beneficio servatos, quos jure belli interficere potuisset; l. 7. comm. c. 41. Pluræjulsimodi reperies apud D. Grot. d. lib. 3. cap. 4. vid. tamen eundem d. l. 3. c. 11. & 14. ubi docet, quid hic victori liceat secundum iustitiam incertum. Non frustra autem jura ista in captivos servatos à gentibus introducta exemplo, bellorum civilium intelligi potest, in quibus plerumque videmus captos interfectos, quia

in servitutem redigi non poterant; l. si quis 21. §. 1. de capt. & postlim. quod & Plutarchus notavit in *vita Oshan.* & Tacitus lib. 2. *hiss. cap. 44.*

Manu capiuntur] Hæc notatio si vera est, dicendum erit, hoc nomen ad res ceteras translatum esse. Nam mancipium teste Isidoro 8. Orig. 4. Veteribus dicebatur quicquid manu capi, subdique potest; ut homo, equus, ovis: adeoque omne, quod per 25 & libram fiebat, in quo erant res mancipi, teste Varone in *fin. lib. 6. de ling.* Postea receptum, ut & prædia inter res mancipi referrentur, *Ulp. tit. 19. VINN.* Mancipari veteri jure rerum mobilium non plus poterat, quam manu capi posset, *Ulpian. fragm. Tit. 19. §. 6.* Revera ergo & mancipium & res mancipi & mancipatio nomen inde acceperunt, quod dominium acquireretur earum rerum, quæ manu capiiebantur. HEIN.

In Lusitania aliisque Hispaniæ partibus, & nonnullis aliis regionibus, quæ Turcis aut Scythis vicinæ sunt, vetera captivitatæ & belli jura adversus Mahumetistas adhuc exercentur; qui eadem acerbitate & Christianos tractant, quos bello capiunt. Ac mos est captos servos permanere, etiamsi religionem Mahumetis ejuraverint, eo quòd servum esse non adverteretur legi Divinæ; 1. ad Corinth. 7. 21. *Deuter. cap. 15. Exod. c. 21. Levit. c. 25.* ubi de formis servitutis apud Hebræos, add. Bodin. 1. de repub. c. 5. Connan. 2. comm. 1. circa fin. Inter Christianos autem jus istud gentium de captivis non observatur, apud quos licet res aliæ ex hostibus captæ capientibus acquiruntur, homines tamen capti servi capientium non fiunt, nec vendi possunt, aut ad operas urgeri, aliave patiendæ, quæ servorum sunt. Quippe Christianos lex charitatis rectius instituere debuit, quam ut à miseris hominibus interficiendis abduci nequirent, nisi minoris servitutis concessione. Atque hoc à majoribus ad posteros pridem transisse scripsit Gregoras, nec eorum fuisse proprium, qui sub Romano Imperio viverent, sed commune cum Thessalis, Illyriis, & Triballis, & Bulgaris. Et quod hac in parte Christiani, idem & Mahumetistæ inter se servant. Mansit tamen etiam inter Christianos mos captos custodiendi, donec pretio redimantur, ejus æstimatio in arbitrio victoris est, nisi certi aliquid convenerit: nam pactum semel pro redemptione pretium victor augere non potest, *Guid. Pap. quest. 113.* Humanitas etiam docet, non ultra intendi debere, quam deducto, ne egeat captus rebus necessariis: quandoque pactis hoc definitur, ut nunc inter milites mense suo stipendio. Ins autem captos servandi solet concedi singulis, qui ceperunt, extra personas eximie dignitatis: in hac enim Reipub. aut ejus capiti jus dant plerarumque gentium mores, testib. Bart. & Bald. in l. nam & Servius 21. de neg. gest. Boer. decis. 178. §. Grot. l. 2. de jur. bell. c. 7. num. 9. Porro in hisce

regionibus servos planè nullos habemus aut agnoscimus, adeo ut iudicatum sit à summo Concilio, quod est Mechilinæ, etiam eos servos, qui in Hispaniam empti cum dominis suis in has partes veniunt, in libertatem proclamari posse, liberosque fieri, sive libertatem iis, quamdiu hic sunt, iurisdictione defendi. In Gallia quoque servos, licet peregrinorum, ut primum regni fines penetraverint, eodem momento liberos fieri, exempla rerum iudicarum ostendunt. Vid. Bodin. 1. de rep. 5. Lovis Charond. et Pandett. du droitt. Franc. l. 2. c. 2. Gudel. 1. de iur. nov. 4. Franciscum Zypæum lib. 3. c. 2. n. 11. & seq. Christin. vol. 4. decis. 80. nu. 2. & seqq. Groenev. de ll. abr. ad h. 1. VINN. Itaque in Belgio & Gallia & servi ipso jure liberi sunt, eò adventantes. Ast in Germania non solum Dominis conceditur, ut possint homines proprios vindicare, etsi eò profugerint, ubi illa servitus non sit recepta: (vid. Dan. Mevii Consil. jurid. de statu & vindicatione hominum propr.) verum etiam quibusdam locis ipso jure sunt servi, quicumque peregrini eò adveniunt, commorandi & habitandi causa, veluti in Algonia, ubi ideo sæpe auditur paræmia: *Die Lufft macht eigen*, id est, ipse aer homines proprios facit. Hett. de homin. propr. Sect. 3. §. 3. Tale & olim fuit jus Vvildfangiatus in Palatinatu Electorali, & provinciis vicinis, de quo Londorp. Aff. publ. continuat. lib. 10. p. 126. HEIN.

T E X T U S.

Quibus modis servi constituuntur.

4. *Servi autem aut nascuntur, aut fiunt: nascuntur ex ancillis nostris: fiunt aut jure gentium, id est, ex captivitate, aut jure civili, cum liber homo major viginti annis ad pretium participandum sese venundari passus est.*

N O T A E.

4. *Nascuntur ex ancillis*] Ex Marcian. lege §. 5. 1. cod. Hi vernæ prudentibus dicuntur, de quo nomine vid. Fest. & Nonium. Eodem autem jure ex ancillis nati servi sunt; quo fata cedunt solo: mater enim solo comparatur, vis patris fato, Cujac.

Jure civili] Etsi servitus ex jure gentium originem habeat, sunt tamen modi quidam constituendæ servitutis etiam jure civili inventi; unus hic exprimitur; alios reperies apud Accurs. & Hotom.

C O M M E N T A R I U S.

1. *Cur ad natos ex servo ventre dominium porrectum.*

2. *Quibus modis jure civili servi fiebant.*

3. *Si quis spontanea subjectione se in servitutem det.*

EX ancillis nostris] Non ipsi tantum, qui capiuntur, servi fiunt; sed & posterius in perpetuum: nempe qui ex matre serva nascuntur. Et hoc est, quod Martianus dicit, jure gentium servos nostros fieri, qui ex ancillis nostris nascuntur; l. 5. §. 1. hoc tit. Placuit autem ad natos dominium ideo porrigi, quia alioqui si summo jure captores uterentur, illi ipsi nascituri non erant. Cui consequens est, ut nati ante calamitatem, nisi & ipsi capiantur, servi non fiant. Ideo autem natos maternæ esse conditionis gentibus placuit, quia serviles concubitus nec lege nec certa custodia erant constricti, ita ut nulla sufficiens præsumptio patrem indicaret. Acque ita capiendum Ulpiani illud: *Lex nature hæc est, ut qui nascitur sine legitimo matrimonio, matrem sequatur*; l. lex nature 24. hoc tit. id est, lex consuetudinis generalis ab aliqua ratione naturali ducta: quo modo juris naturalis vox abusive quadam interdum sumitur. VINN. Sed proprius servitutem vernarum deduxeris è jure accessio. Servi ex personis fiebant res mancipi, vid. supra ad rubr. Cujus est res, ejus & accessio. Et quidem partus sequebatur ventrem, uti in foetura animalium. HEIN.

Jure civili] Etsi servitus est ex jure gentium; sunt tamen nonnulli modi servitutis constituendæ ex jure civili. Unus hic exprimitur; sed plures fuisse constat: huc enim pertinent, qui servi pænæ afficiebantur atrocitate sententiæ, quorum crebra in libris nostris mentio. Item qui liberti ob ingratitudinem damnati patrono in servitutem traduntur; §. 1. inf. de cap. domin. haud secus ac ingrati liberi vocantur in potestatem parentum, l. un. c. de ingrat. lib. Erat ex Senatusc. Claudiano alius libertatis amittendæ modus, si libera mulier, domino denuntiante, se servo alieno junxisset, de quo inf. l. 3. tit. 13. Ulp. in fragm. tit. 11. ubi & alium modum indicat, cum incensus aliquis venisset, quod explicat Cicero pro Cæcin. in extremo orationis, Dionys. Halic. lib. 4. Sigon. lib. 1. de antiq. jur. civ. Rom. c. 14. Denique etiam in nexos magna fuit creditorum potestas, nec herili admodum absumilis, ad Liv. lib. 3. & 8. Gell. lib. 10. c. 1. Mercer. 1. opin. 9. D. Salmas. lib. de mod. us. c. 18. & seq. Cur igitur servi jure civili dicuntur incogniti? Nimirum quia in iis, quæ sunt juris civilis pro nullis habentur, nullam eorum communionem habent.

Liber homo] Ingenuus scilicet & sui juris, ut rectè monet Cujac. Neque enim patroni aut patris jus hoc pacto libertus aut filius intervertere possit; quod & Aug. & Fab. hic notant.

Pretii participandi causa] Modò & partem pretii verè acceperit, l. 1. quib. ad lib. proc. non lic. Et gnarus conditionis suæ; l. 2. si lib. ing. esse dic.

VCU-

venditus sit ignorantem conditionem venditi; l. 7. §. 2. de lib. caus. vid. Gloss. & Accurs.

Venditori passus sit Venditorem subornabant hominem improbum & has partes fabulæ lucriculæ alicujus gratia peragentem: simulabat is se suum servum vendere. Apud nonnullos usitata fuit voluntaria in servitutem datio, ut apud Germanos, qui novissimo alex. jactu de servitute contendebant; *Victus voluntariam servitutem adibat*, ait Tacitus de Morib. Germ. c. 24. Posidonius autem Stoicus in historiis narrat, multos olim fuisse, qui suæ imbecillitatis concitii sponte se aliis in servitutem darent, ut domini quidem ipsis providerent de necessariis, ipsi verò operam vicissim, quam possunt, præstarent. Quæ si res ita accipiatur in terminis naturalibus, nihil habet in se eximie acerbitalis, quoniam perpetua ista obligatio compensatur perpetua alimentorum certitudine, quam sæpe non habent qui diuturnas opera locant: unde sæpe accidit quod dixit Eubulus:

Εὐβουλος δ' ἀνὴρ μὲν οὐκ ἄνθρωπος καταφύγει
ἑμισίνην.

Quæritur autem hic DD. Possit ne quis apud nos perpetuo se obligare ad serviendum, aut operas suas locare, quæ servitutis quædam species videtur: nos autem servos non agnoscimus. Respondent omnes, posse: sed cum facti hæc promissio sit, solvendo id quod interest, promissorem liberari; l. 13. §. 1. de re jud. Adi de tota re D. Grot. lib. 2. de jur. bell. c. 5.

TEXTUS.

De libertinorum & servorum divisione.

5. In servorum conditione nulla est differentia: in liberis autem multa; aut enim sunt ingenui, aut libertini.

NOTÆ.

3. Nulla differentia] Servorum varia quidem ministeria, una tamen conditio est; l. 5. D. cod. id est, omnes æquæ servi sunt, *ἀδελφοὶ αὐτῶν ἀδελφῶν*; nihilque interest natus quis an factus servus sit, et si alius alio præstat, juxta vetus proverbium, *δούλος οὐκ ἔσται, δούλος οὐκ ἔσται*, l. polis. 4.

COMMENTARIUS.

- 1 Libertorum nullum amplius discrimen esse.
- 2 Civium apud nos quæ distinctio.

Nulla differentia] Servorum una conditio est; l. 5. in pr. hoc tit. si δούλος ἢ δούλος ἔσται. Micch. Attaliata, id est, omnes æquæ servi sunt, nihilque interest, utrum quis natus an

factus sit servus. Planè opere & ministeriis etiam servi inter se differunt; aliis enim honestior, ut atriensibus, dispensatoribus, amanuensibus, aliis minus honesta provincia mandatur: ut mediastinis, focariis, fornicatoribus; l. 15. §. itaque præior. 44. de in jur. l. 1. §. canpones. 5. nans camp. flab sed hoc cum totum sit arbitrii herilis, conditionem eorum non mutat. De variis servorum ministeriis & officiis scripsit Pet. Fabr. semestr. pag. 155. VINN. Et ex Instituto Laur. Pignorius de servis eorumque apud veteres ministeriis, & Tit. Popma de operis servorum. HAIN.

In liberis multa.] Nam primum interest, utrum quis natus, an factus sit liber, hoc est, utrum quis ingenuus sit, an libertinus: deinde utrum qui liber factus est, civis Romanus sit, an Latinus, Junianus, aut dedititius: & porro qui civis Romanus, suæ juris sit, an alieno juri subiectus: denique qui sui juris est, sitne in tutela vel curatione, an neutro eorum teneatur: quæ summa est eorum, quæ deinceps hoc primo libro tractantur. Prima autem & secunda distinctio vix ullum amplius usum habent. Nam cum libertinorum differentia à Justiniano sublata sit, & novissimo jure liberti etiam ingenuis per omnia (salvo licet jure patronatus) exæquati; Nov. 78. c. 1. & 2. nullum hodie superesse videtur ne inter liberos quidem discrimen; utique respectu conditionis liberæ, nam quoad civitatis & familiæ jura adhuc differunt. Et sic temperandum existimo, quod scribit D. Bachovius ad hunc locum. Hodie de liberis rectè dici videri, nulla in eorum conditione & statu differentiam esse. Apud nos sanè cum nulli sint servi, omnes ingenui dici possunt. Cæterum est generis nonnulla distinctio: alii enim nobiles sunt, qui certis privilegiis atque immunitatibus gaudent, alii ignobiles sive plebei. Ex nobili patre nati & matre ignobili patrem sequuntur, convenienter l. cum legessima 19 hoc tit. Christin. vol. 5. decis. 88. n. 12. Sed & Comitum ac Baronum liberi ex concubinis suscepti pro nobilibus habentur. Distinctio autem inter ecclesiasticos & sæculares sive laicos post receptam apud nos religionem reformatam pæne tota sublata est, D. Grot. l. 1. manud. 14. & 15. Sicubi adscriptitii sunt, ad eos manumissos jus d. Nov. 78. applicari posse, censet D. Gudelin l. 1. de jur. noviss. c. 6. in fin. De variis hominum generibus adi Franc. Zypæum in Ind. lib. 3. c. 1. VINN. Sed uti in Germania homines proprii ejusdem conditionis sunt, ac servi olim, quorum meminit Tacit. de mor. Germ. cap. 25. ita & hodie nunc in manumissis observatur, quod idem Tacitus de libertis veterum Germanorum ait: *Liberti non multum supra servos sunt*. Eadem enim fere præstant, ac homines proprii & in eo tantum melioris conditionis habentur; quod non amplius sunt glebæ adscripti, vid. Potgiess. de statu & condit. serv. in Germ. Lib. 3. HAIN.

LIB. I. TIT. IV.
TITULUS QUARTUS.
DE INGENUIS.

Cone. Tit. 14. Cod. Lib. 7.

Sequitur subdivisionis suprà posite per definitionem partium explicatio; & primò ingenuorum hoc tit.

T E X T U S.

De ingenui definitione.

Ingenuus est is, qui statim ut natus est, liber est; sive ex duobus ingenuis matrimonio editus; sive ex libertinis duobus; sive ex altero libertino & altero ingenuo. Sed & si quis ex matre nascitur libera, patre vero servo: ingenuus nihilominus nascitur; quemadmodum qui ex matre libera & incerto patre natus est: quoniam vulgo conceptus est. Sufficit autem liberam fuisse matrem eo tempore quo nascitur, licet ancilla conceperit. Et è contrario si libera conceperit, deinde ancilla facta pariat, placuit, eum qui nascitur liberum nasci: quia non debet calamitas matris ei nocere, qui in ventre est. Ex his illud questum est, si ancilla pragnans manumissa sit, deinde ancilla postea facta pepererit, liberum an servum pariat? Et Martianus probat liberum nasci; sufficit enim ei, qui in utero est, liberam matrem vel medio tempore habuisse, ut liber nascatur, quod & verum est.

N O T A.

Ingenuus] Antiqui ingenuos spuriiis opponebant, & patricios initio appellabant, eo quòd patrem ciere possent. Liv. lib. 10. cap. 8. Cincius apud Fest. in voce *Patricios*. Cæterum etiam jam olim qui liberi nati erant, ingenuos dictos fuisse, ex Plauto in *Milit. æd.* 4. scen. 1. v. 15. & *Pannul. æd.* 5. sc. 6. v. 8. constat, & aliàs quoque Latini ingenuum vocant quod nativum est, quomodo Lucretius *Ingenuos fontes*, Juvenalis, *Ingenuum topium* appellat. VINN. At neque ex Livii, neque ex Festi loco adparet, ingenuos olim oppositos fuisse spuriiis. Cincius apud Festum tantum observat, patricios olim dictos etiam ingenuos, fortassis, quia genus suum ab urbis primordiis recensere poterant. Apud Livium autem Decius ait, *patricium esse qui patrem ciere possit*, id verò & plebejos inge-

nuos posse, adeoque & patricios nihil esse, nihil ingenuos. nec Jure obniti, plebejos sacerdotia ambientibus. HEIN.

Statim ut natus] Ingenuus propriè est, qui nativam habet libertatem: eum tamen etiam, qui ingenuus pronuntiatum est, pro ingenuo accipere debemus; quia res judicata pro veritate habetur; l. 25. D. de stat. hom.

Matre libera] Quia qui nascitur sine legitimo matrimonio, conditionem matris sequitur; leg. 19. lege 24. D. de stat. hom.

Quoniam vulgo conceptus] His verbis indicatur ratio, cur dicatur ex incerto patre natus. Hotom. pro quoniam legendum putat, id est, qui. Theoph. *quoniam è matre conceptus*.

Martianus probat.] Ex Martiano l. 5. §. 2. & 3. D. de stat. hom. totus hic locus sumptus est. Is itaque liber nascitur, qui ex matre aut conceptionis, aut partus, aut medio tempore libera nascitur, quod favor libertatis extorsit. Paul. lib. 2. sent. 24. adde l. 18. D. de stat. hom. l. 4. C. de pæn.

C O M M E N T A R I U S.

Ingenuus est is.] Prima semper questio esse debet de verbis, licet de rebus potior sit, auctore Platone in *Craeylo*; & Quintilianus in *proem. lib.* 8. curam verborum, rerum vult esse sollicitudinem. Antiqui ingenuos spuriiis opponebant, & patricios initio appellabant: eo quòd patrem ciere possent; ut constat ex oratione P. Decii Muris apud Liv. lib. 10. cap. 8. & confirmat Cincius apud Festum in voce *patricios*. Cæterum etiam eos, qui liberi nati essent, jam olim ingenuos appellatos fuisse distinctos ab iis, qui facti erant liberi, ostendit locus Plauti in *Milit. æd.* 4. sc. 1. v. 15.

Quid? ea ingenua, an fessuca facta e serva libera est?

Et quod respondet Paestrio;

Vah, egone ut ad te ab libersina esse auderem intervinci,

Qui ingenuis satis respondere nequeas cupidis tui?

Eodemque sensu in *Pannulo*, *æd.* 5. sc. 6. v. 8. Adelphasium non semen *ingenua* dicitur. Atque hic hujus vocis apud Latinos usus est etiam in aliis rebus, quæ à natura sunt, & factitiis opponuntur. Sic enim Lucretius *ingenuos fontes*, Juvenalis *ingenuum topium* appellat. Verba Juvenalis *satyra* 3. v. 18. sunt;

Quam-

*Quanto praestantius esset
Numen aquae, viridi si margine clauderes
undas
Herba, nec ingenuum violatens marmora re-
phum?*

Quo loco tophum nativum disertè ingenuum vocat; nec ulla est translatio, contra quam existimat Britannicus. Ingenuus igitur propriè est qui nativam habet libertatem. Ceterum quia res iudicata pro veritate habetur, etiam ingenuum accipere debemus eum, qui ingenuus pronunciatus est; l. antepen. de stat. hom. Sed & jura ingenuitatis habent, salvo jure patronatus, qui jus aureorum annulorum à Principe impetraverunt; sit. de jur. aur. annul. & plenissimam ingenuitatem, qui à Principe natalibus restituti sunt, sit. de nat. rest. Hodie omnes liberi ex constitutione Justiniani Nov. 78. ingenui sunt, ut hæc quaestio, quæ olim propter prerogativas ingenuorum magni momenti erat, hodie nullius usus sit.

Matre libera] Partus extra nuptias conceptus matris conditionem sequitur; l. lex natura 24. de stat. hom. l. 3. C. sol. matr. Patrem sequi non potest, quia nullum habere intelligitur, cum is dumtaxat pater sit jure civili, quem nuptiæ demonstrant; l. 6. de his qui sui vel al. jur. l. 5. de in jus voc. Quid si natus sit ex ventre adscriptio? Placet adscriptitium nasci; l. de datus 21. C. de agric. & cens. lib. 11. In comitatu tamen Burgundiae hoc non observatur, sed natus ex manumortua & patre libero, aut manumortuo & matre ingenua, patris conditionem, non ventris sequitur; Christin. vol. 5. dec. 88.

Quoriam vulgo conceptus] Ratio cur dicatur ex incerto patre natus, nimirum quia mater cum pluribus consuevit. Hoc quidem de natis ex concubina dici non potest: sed tamen nec hi patrem habere intelliguntur quoad ea, quæ sunt juris civilis, & effecta justæ matrimonii; puta patriam potestatem, familiam, jura sacrorum: §. si adversus 12. inf. de nups. VINN. Immo ex concubina nati patrem, sed naturalem; spurii ne naturalem quidem habere intelliguntur, quia vulgo concepti. Unde S. P. in vetustis monumentis Plutarchus significare putat sine patre filium. Quæst. Rom. p. 316. HEIN.

Liberum nasci] l. 5. §. 2. de stat. hom. Is itaque liber nascitur, qui ex matre aut conceptionis, aut partus, aut medio tempore libera nascitur: quod parum ex ratione juris, parum propter favorem libertatis receptum

est; Paul. lib. 2. sent. 24. Potest & in universum hæc ratio dari, quod is, qui in utero est, quoties commodò ejus agitur, pro jam nato habetur; l. 7. l. pen. d. sit.

T E X T U S.

De servitute ac manumissione facti.

1. *Quum autem ingenuus aliquis natus sit, non officit ei in servitute fuisse, & postea manumissum esse: sapissime enim constitutum est, natalibus non officere manumissionem.*

N O T A.

Constitutum est] Plures extant hac de re constitutiones sub sit. C. de ingenuis manum. & eò pertinet l. 21. §. 1. D. de capt. & possim.

Natalibus] Theophil. xi di. 1. ingenuitati, veritati, & origini ingenuitatis, Paul. lib. 5. sent. 1.

Non officere] Non inurere notam libertatis conditionis.

C O M M E N T A R I U S.

IN servitute] Aliud est in servitute esse aliud servum esse: illud facti, hoc juris est. Sic aliud est in libertate esse, aliud liberum esse; aliud in possessione esse, aliud possidere; l. 10. §. 1. de acq. poss. Servus est, qui justam servitutem servit: in servitute esse dicitur, qui cum servus non sit, pro servo habetur. ut Pamphila in Andria Terentii.

Natalibus] Id est, xi di. 1. ingenuitati five nativæ conditioni, quam non vitiavit falsa servitutis opinio. Plures extant hac de re constitutiones sub sit. Cod. de ingenuis manum. Atque huc pertinet quod Ulp. in l. si quis 21. §. 1. de capt. & poss. scribit, bello civili captos & venundatos, posteaque manumissos, supervacue à Principe repetere ingenuitatem, utpote quam captivitate illa non amiserunt. VINN. Quæ ratio etiam valuit in filiis venundatis vel noxæ datis, & postea manumissis. Cic. pro Cæcin. c. 33. lib. 1. de orat. cap. 40. Paul. Rec. sent. l. 1. nec non in obærat, addictis creditor, qui libertatem recuperaverant. Quinctil. Inst. lib. 8. cap. 3. & Decl. 311. Nam & hi non libertini censebantur, sed ingenui. HEIN.

LIB. I. TIT. V.
TITULUS QUINTUS.
DE LIBERTINIS.

Summa Tituli.

Pars altera subdivisionis, quæ ad libertinos pertinet: qui quales sint, unde originem ducant, quibus modis ad hanc conditionem perveniant, & de diversa eorum qualitate, hoc sit. disputatur.

T E X T U S.

Definitio & origo libertinorum & manumissionis.

Libertini sunt, qui ex iusta servitute manumissi sunt. Manumissio autem est, de manu datio: nam quando aliquis in servitute est, manni & potestati suppositus est: & manumissus liberatur à domini potestate. Quæ res à jure gentium originem sumpsit: utpote cum jure naturali omnes liberi nascerentur, nec esset nota manumissio, cum servitus esset incognita. Sed postquam jure gentium servitus ingenuitatem invasis, secutum est beneficium manumissionis: & cum uno communi nomine omnes homines appellarentur; jure gentium tria hominum genera esse cœperunt: liberi; & his contrarium servi; & tertium genus libertini, qui desierant esse servi.

N O T A.

Libertini] Ex l. 6. D. de stat. hom. Appii Cæci temporibus & deinceps aliquandiu libertini dicti non ipsi, qui manumittebantur, sed ingenui ex his procreati, ut scribit Sueton. in Claud. c. 24. postea ipsi manumissi libertini dici cœperunt, & ex his procreati ingenui. Liberti & Libertini nomina sic differunt. Liberti nomen ad jus patronatus respicit, libertini ad personæ conditionem; l. 1. & ult. D. si ingen. esse dic. Libertus & patronus relativa sunt: libertinus & ingenuus contraria. Hotom.

Iusta servitute] Id est, quæ revera servitus sit, non opinione & errore tantum, addit Theoph. à ἰσχυρ, & legisima, quod non placet.

De manu datio] Reponendum ex Florent. De manu missio, id est, Datio libertatis; leg. 4. D. de justit. & jur. ut brevi sermonis compendio notetur & nominis definitio & rei.

Communi nomine] Apud Ulp. in d. l. 4. legitur, Pro naturali nomine; sensus est, cum

omnes homines natura liberi essent, ut nomen rei conveniat.

Liberi] Id est ingenui. Partem subdivisionis in divisione collocat, quod Ulpiano, à quo hæc sumpta, familiare; l. 9. D. de pass. l. 1. §. 2. D. de just. & jur.

C O M M E N T A R I U S.

Libertini sunt] Ex Cajo in l. 6. de stat. hom. attiquitus libertinos dictos scribit esse Transquillos in Claud. c. 24. non ipsos, qui manumitterentur, sed ingenuos ex his procreatos. Ex quo loco duo præterea colligas; nempe postea eos ipsos, qui manumitterentur, libertinos dici cœpisse; & qui ex his procreati essent, ingenuos. Notant hic plerique ex Laur. Valla lib. 4. c. 1. differentiam esse inter Libertinus & Libertus; illud esse relativum ingenui; hoc patroni; id est, voce Libertinus designari conditionem hominis ingenuitatis ex adverso oppositam; per Libertus autem significari privatum quemdam respectum ad patronum, cuius libertus, non libertinus dicitur, qui manumissus est. Illud leviusculum est, quod ibidem Valla notat, Libertinus esse adjectivum, Libertus substantivum. VINN. Nec tamen id discrimen semper observaverunt veteres, veluti in l. 4. de just. & iure, l. 26. §. 4. de bon. lib. l. 28. sed. si rectè se habet textus, vid. Ducker. de Latin. It. vet. p. 378. seq. HEIN.

Ex iusta servitute manumissi] Iusta, id est, quæ revera servitus sit, non opinione & errore tantum. Aliquando & sine manumissione dominorum servi libertatem recipiunt ex senatusconsulto aut constitutione aliqua; exempla suppeditat tit. ff. qui su. man. ad lib. perv. & tit. C. pro quib. c. serv. pro præm. lib. ac. Generalius itaque definiti potuisset: libertinos esse, qui desierunt esse servi; ut in calce hujus text. ex Ulp. l. 4. de just. & jur. unde reliqua hujus loci descripta sunt.

De manu datio] Reponendum ex textu Florentino, De manu missio, id est, Datio libertatis; d. l. 4. de just. & jur. ut brevi sermonis compendio notetur definitio & nominis & rei. De manu enim est; De potestate domini, Lucan. lib. 1.

In manibus vestris, quantus sis Cæsar, habetis.

Ingenuitatem] Vox hæc delenda est, censeo cum Bachov. ut quæ nec in vulgatis editionibus reperitur, nec est apud Ulpian. d. l. 4. unde hæc sumpta; neque eam agnoscunt Hotom. Cujac. Cont. Theophil.

Communi nomine] Aliàs, naturali nomine. Id est, cum omnes homines liberi essent; ut nomen rei

vel conveniat. Plura quæ huc pertinent, notavimus sup. ad tit. de jur. nat. gent. & civ.

T E X T U S.

Quibus modis manumittatur.

1. *Multis autem modis manumissio procedit: aut enim ex sacris constitutionibus in sacrosanctis Ecclesiis; aut vindicta; aut inter amicos; aut per epistolam, aut per testamentum; aut per aliam quamlibet ultimam voluntatem. Sed & aliis multis modis libertas servo competere potest, qui tam ex veteribus, quam ex nostris constitutionibus introducti sunt.*

N O T A.

Sacrosanctis Ecclesiis] Hic modus tribuendæ libertatis à Constantino introductus est; l. 1. & 2. Cod. de his qui in Eccles. man. & suffectus in locum ejus, qui olim fiebat lustrali censu. Vid. Sigon. leg. 1. de antiq. jur. civ. Rom. c. 14. add. Br. pers. hist. l. 1. c. 7. & Niceph. 7. c. 16.

Vindicta] Virgulam esse scribit Boet. in Topic. Cic. quam licitor jussu Magistratus manumittendi capiti imponebat. Festuca Plauto dicitur in Mil. Glor. act. 4. scen. 1. v. 15. & apud Plutarcho de sera num. vind. Nomen ductum à Vindicio creditur Vitelliorum servo, qui cum nobilium adolescentium conjurationem de Tarquiniis reducendis detexisset, primus hoc modo manumissus traditur, Liv. lib. 2. c. 5.

C O M M E N T A R I U S.

Multis autem modis] Olim tres tantum modos manumittendi fuisse, census, vindicta, testamento, ostendit argumentatio Ciceronis in Topic. c. 2. ab enumeratione partium: Si neque censu, inquit, neque vindicta, neque testamento liber factus est, non est liber. Accesserunt quidem postea & alii modi; veluti per epistolam, in convivio, inter amicos; sed his modis manumissis plena libertas non conferebatur; Ulp. & Cajus in inst.

In sacrosanctis Ecclesiis] A Constantino constitutum est, ut in Ecclesiis, hoc est in cœtu Christianorum, veluti in comitiis Ecclesiasticis teste populo & signatore Episcopo, manumissi justam libertatem consequerentur; tit. C. de his qui in Eccles. man. Quod genus manumissionis suffectum esse apparet in locum ejus, quæ olim per censum fiebat; cum servi lustrali censu in campo jussu dominorum inter cives Romanos censum profitebantur. Vid. Sigon. lib. 1. de antiq. jur. civ. Rom. cap. 14.

Vindicta] Virgulam esse scribit Boetius in Top.

Ciceronis, quam licitor jussu Magistratus manumittendi capiti imponebat: atque ab hac virgula hunc manumittendi modum appellatum Festuca Plauto dicitur in mil. glorios. act. 4. sc. 1. v. 15. Alii hunc modum sic dictum malunt à Vindicio Vitelliorum servo, qui primus dicitur vindicta liberatus, eo quod conjurationem nobilium adolescentium de Tarquiniis reducendis detexisset; auctore Livio lib. 2. c. 5. Tenebat dominus modò caput, modò aliud membrum servi, dicebatque; Hunc hominem liberum esse volo. Fest. in verb. manumitti; & cum dicto eum circumagebat significans, se ei potestatem facere abeundi quod vellet. Ad pertinent hæc Persii satyr. 5. v. 75.

— *Hæc steriles veri, quibus una Quirinem, Versigo facis.*

Et paulo post; v. 78.

Veneris hunc dominus, momento turbinis exis
Marens Dama.

Pluribus hæc explicant Marcell. ad d. satyræ, Brisslonius lib. 5. antiq. c. 11. Sigonius lib. 1. de antiq. jur. civ. Rom. c. 6. fac. Gallus Neapol. in apicib. leg.

Inter amicos, per epistolam] Inter amicos, adhibitis quinque testibus: per epistolam, à domino & quinque testibus subscriptam; l. un. §. 1. & 2. C. de Lat. lib. soll.

Aliam ultimam voluntatem] Puta codicillos. Consulto tamen miscere videtur justos manumittendi modos cum cæteris, quia ipse differentiam sustulit.

Aliis multis modis] Quorum plerique enumerantur in d. l. un. §. 3. & seqq. C. de Lat. lib. soll. Addant curiosiores tit. C. pro quib. c. servo pro proam. lib. acc. ff. qui sine man. ad lib. perv. C. si manc. ita ven. ne proffit. & si manc. ita. su. alien. l. nemini 24. C. de episc. aud.

T E X T U S.

Ubi & quando manumitti potest.

2 *Servi verò à dominis semper manumitti solent, adeo ut vel in transitu manumittantur; veluti cum Prætor, aut Præses, aut Proconsul in balneum vel theatrum eunt.*

N O T A.

2. *Semper*] Id est, omni die, sive festo, sive profesto, sive fasto, sive nefasto, & à doctis & iuris. Fabrot. in not. ad Theophil. l. 2. l. 8. C. de feriis.

C O M M E N T A R I U S.

In transitu.] Cum aut lavandi, aut gestandi, aut ludorum gratia prodeunt, prætor, proconsul, legatusve Caesaris, l. 7. de man. vind.

vind. Neque enim necesse est pro tribunali manumittere, cum hic actus sit voluntarie jurisdictionis, l. 2. de offic. procons. & præter approbationem & auctoritatem magistratus nihil desiderat.

TEXTUS.

De libertinorum divisione sublata.

3. Libertinorum autem status tripartitus antea fuerat: nam qui manumittebantur, modo maiorem & iustam libertatem consequiebantur, & fiebant cives Romani: modo minorem, & Latini ex lege Junia Norbana fiebant: modo inferiorem, & fiebant ex lege Ælia Sentia dedititii. Sed quoniam dedititiorum quidem pessima conditio jam ex multis temporibus in desuetudinem abierat: Latinorum vero nomen non frequentabatur; ideoque nostra pietas omnia augere, & in meliorem statum reducere desiderans, duabus constitutionibus hoc emendavit, & in pristinum statum reduxit. Quia & a primis urbis Roma cunabulis una atque simplex libertas competebat, id est, eadem, quam habebat manumissor; nisi quod scilicet, libertinus sit qui manumittitur, licet manumissor ingenuus sit. Et dedititios quidem per constitutionem nostram expulimus, quam promulgavimus inter nostras decisiones; per quas suggerente nobis Triboniano viro excelso Questore nostro antiqui juris altercationes placavimus. Latinos autem Junianos, & omnem, que circa eos fuerat, observantiam, alia constitutione per ejusdem Questoris suggestionem correximus, que inter Imperiales radiat sanctiones: Et omnes libertinos (nulli nec ætatis manumissi, nec domini manumittentis nec in manumissionis modo discrimine habito, sicuti antea observabatur) civitate Rom. decoravimus, multis modis additis, per quos possit libertas servis cum civitate Romana, que sola est in presenti, præstari.

NOTÆ.

3 Status tripartitus] Ulpian. in fragm. tit. 1. & 3. Cajus 1. Instit. tit. 1.

Cives Romani] Nempe qui vindicta, censu, testamento manumissi erant. Ulp. & Caj. ubi sup. Hos modos civiles & legitimos vocat Theoph.

Legge Junia Norbana] Qua cautum, ut ii servi, qui per epistolam aut inter amicos aut convivii adhibitione manumitterentur, non cives

Romani, sed eodem jure essent, quo ante bellum sociale Latini coloni, l. un. in pr. C. de Lat. lib. toll. ut neque connubii, neque testamenti, neque mancipii aut nexu, neque patriæ potestatis, &c. jura habuerint. Ulp. in fragm. variis locis. Poterant autem multis modis jure Quiritium augeri. Ulp. d. tit. 3. VINN. Quædam hic non satis accuratè traduntur. Nam primò non ante bellum tantum sociale erant coloni Latini, sed & postea, quum jam civitas Romana cum Italis esset communicata. Spanh. Orb. Rom. l. 9. Deinde omnino Latinis erat jus commercii & mancipationis cum civibus. Ulp. tit. 19. §. 4. Unde & familiæ emptores, & testes, & libripendes esse poterant. Id. Tit. 20. §. 8. Denique testari quidem non poterant, nec ex testamento capere. Ulp. Tit. 17. §. 1. licebat tamen eis fidei commissum capere. Id. Tit. 25. §. 6. HEIN.

Dedititii] Hi quoque Latini liberti fuere, sed conditione Latinorum dedititiorum, quos scil. populus Romanus post defectionem viros in deditionem acceperat. Scribit Suetonius Augustum cavisse, ne victus unquam tortusve ullo libertatis genere civitatem adipisceretur, c. 40. Add. Ulp. & Caj. ubi sup. VINN. Dedititios etiam Latinos libertos fuisse, legere me non memini. Ejusdem potius erant conditionis ac omnes populi dedititii cujuscunque nationis. Vid. Caj. Lib. 1. Inst. Tit. 1. §. 4. Jam id moneo, non ex lege demum Junia Norbana primum libertinos quosdam Latinæ conditionis fuisse, sed ex Lege etiam Ælia Sentia, eos nimirum, qui minores 30. annis testamento fuerant manumissi. Ulp. tit. 3. §. 3. HEIN.

Pessima conditio] Non multum distans à servientium specie, §. ult. inf. de succ. liber.

In meliorem statum] Aliud judicium Augusto fuit, qui magni æstimabat sincerum acque ab omni colluvione peregrini ac servilis sanguinis incorruptum servare populum. Suet. c. 40.

Simplex libertas.] Cic. pro Balb. c. 24. Dionys. Halic. lib. 4. p. 126. ubi Servium Tullium hujus instituti auctorem fuisse refert.

Ætatis manumissi] Vid. Ulpian. tit. 1. §. 7. Theophil. hic.

Decoravimus] Alii donavimus. Antoninus antea civitate data exæquaverat omnes ingenuos, l. 17. D. de stat. hom. Justinianus omnes libertinos, novissimè & libertinorum conditionem sustulit, data manumissis ingenuitate. Nov. 78. cap. 5.

COMMENTARIUS.

1 Latini liberti quo jure fuerint.

2 Quo jure dedititii.

3 Antoninum exæquasse omnes ingenuos, Justinianum omnes libertinos.

Ancea fuerat.] Hoc non est referendum ad tempora libere Reip. sed sequentia. Nam, ut auctor est Svetonius, primus Augustus, cum servorum manumissione contaminari civitatem Romanam videret (quod & Dionys. Halicarn. lib. 1. conqueritur) eos multis difficultatibus à libertate justa removit: deque numero & conditione & differentia eorum, qui manumittebantur, curiosè cavet. Hinc nata lex Ælia Sentia, hinc Fufia Caninia, de quibus postea. Hinc Junia Norbana, Silana & L. Norbana Coss.

Cives Romani.] Scilicet, qui censu, vindicta, testamento, non qui per epistolam, aut inter amicos manumissi erant. Ulp. & Cajus *in ipst.*

Latini in lege Norbana.] Qua cautum fuit, ut si servi, qui per epistolam, aut inter amicos, aut convivii adhibitione manumitterentur, non cives Romani, sed eodem jure essent, quo ante bellum sociale Latini coloni: quod significare voluit Justinianus l. un. in pr. C. de Lat. lib. toll. cum ait, *Latinos libertos ad similitudinem antiquæ Latinitatis, quæ in colonias deducta est, introductus esse.* Discimus autem ex Cicerone pro Cecinn. cap. 34. & pro domo sua, cap. 30. eos qui in Latinam Coloniam nomina dedissent, aut deducti, inque eam civitatem recepti essent, Romanam civitatem amisisse: & hoc quoque est, quod Boet. in Top. Cic. cap. 2. scribit, *Isia in Latinas colonias profectio media capitis diminutionem contingere.* Quæ cum ita sint, apparet eos neque connubii, neque testamenti, neque mancipii aut nexus, neque patriæ potestatis, neque tutelæ recipiendæ jura habuisse, ac proinde eadem quoque conditio Latinorum libertinorum fuit: quod etiam disertè variis in locis testatur Ulpian. in fragm. De Latinis libertis ita scribit Justinianus §. ult. inf. de success. libere. *Eos quidem ut liberos vitam peregrisse; atamen ipso ultimo spiritui simul animam atque libertatem amisisse; & quasi servorum, ita bona eorum jure quodammodo peculis patronos occurrasse, congruit.* l. 1. C. Theod. de petri. hered. Quemadmodum autem Latini coloni multis rationibus ad civitatem Rom. pervenire poterant, quas ex Liv. Appian. Cic. pro Cæc. pro Balb. pro dom. sua, collegit Gruch. lib. 2. de comit. ita & Latini liberti multis modis jure Quiritium augeri, quos recenset Ulpian. in fragm. tit. 3.

Ex lege Ælia Sentia ded. tit. 1.] Auctor hujus legis Augustus, latores Sext. Ælius & C. Sentius coss. Scribit etenim Svetonius Aug. cap. 40. Augustum cavisse, ne nullus unquam tortu, vel ullo libertatis genere civitatem adquiretur. Et existimare licet, libertos hosce deditionis eandem habuisse libertatem, quam populus Rom. Latinis illis reliquerat, quos post defensionem victos & in deditionem acceptos vitam quidem & imagine aliqua libertatis, ex humanitate donaverat, sed ut jure connubiorum & commerciorum multati ad jus civitatis nun-

quam pervenire possent: at sint hi quoque Latini liberti, sed conditione Latinorum deditiorum; add. Ulp. Caj. in Inst. Formulam deditionis descripsit Livius in deditione Collatinorum & Campanorum, lib. 1. c. 38. & 7. c. 31. VINN. Sed vide, quæ suprà ad notas diximus. HEIN.

In meliorem statum reduxit.] Non deest, quod contradici possit. Certè aliud iudicium Augusto fuit, qui magni existimabat sincerum atque ab omni colluvione peregrinæ ac servilis sanguinis incorruptum servare populum: civitatemque tam parè dabat, ut Livix pro tributario Gallo roganti civitatem negaverit, immunitatem obrulerit: affirmans se facilius passurum fisco detrahi aliquid, quàm civitatis Romanæ vulgari honorem. Sueton. in August. c. 40.

Primis cunabulis.] Hoc non ita dictum accipimus quasi jam inde ab urbe condita manumissi jus civium habuerint: sed ex quo manumissis jus civitatis communicatum est (quod factum est infante adhuc populo sub rege Servio Tullio), id diu postea observatum fuisse, mansisseque usque ad tempora Augusti, arg. eorum quæ tradit Dionys. Halic. lib. 4. p. 126. Et ergo ex illo tempore, quamdiu resp. stetit, una libertinorum omnium conditio fuit: nam omnes pari jure cives Rom. erant, & plena ac justa libertate fruebantur.

Libertinus sit.] Jure novissimo & hoc sustulit, data ingenuitate, salvo tamen manente jure patronatus. Nov. 78.

Ætatis manumissi.] Nam lege Ælia Sentia cavebatur, ut servus minor triginta annis testamento manumissus non civis fieret, sed Latinus esset; vindicta manumissus non aliter civis fieret, quàm si causa apud consilium probata fuisset teste Ulpiano in fragm. tit. 1. §. 12. De censu quid hic dicam non habeo: necesse tamen est, aut hunc actum nullum fuisse, aut eum, qui inter cives census esset, civem factum. Itaque dubito, an verum sit, quod generaliter definit Theophilus, servum minorem 30. annis, quoquo modo manumissum, Latinum fieri. VINN. De censu nihil Ulpianus, quia ejus tempore census lustralis ab usu recesserat. Nec dubium tamen, quin & censu manumissus, minor XXX. annis Latinus manserit. Eum enim non nisi triginta annorum civitate Romana potitum esse, docet Fragmentum regularum ex veteri l. 1., quod Pariatori legum Mos. & Rom. subjici solet §. 17. Conf. V. C. Schulting. ad Plb. tit. 1. §. 12. HEIN.

Dominus manumissentis.] Augustinus 3. emend. legendum censet dominus, ut hoc non ad ætatem domini referatur, sed ad qualitatem domini, quod & Grot. h. in flor. suat. probat, & Theophilum ita l. xlii arguunt verba paraphrasis, *si quis domum vel aliam rem suam manumiserit.* Dominorum enim alius in bonis, alius

ex jure Quiritium habebat: ille Latinum faciebat, hic civem. Ulp. in *fragm. tit. 1. §. 11.* & Theoph. *hic*. Quæ differentia à Justiniano sublata est *l. un. c. de nud. jur. Quir. toll.*

Civitate Romana decoravimus] Atqui jam multo ante omnes, qui in urbe Romana essent, ex constitutione Antonini cives Romanos effectos Ulp. prodidit *l. in orbe 17. de stat. hom.* Sed illa constitutio non pertinet ad eos, qui conditione personæ, sed natali loco & patria impediuntur, quominus essent cives Romani. Quæ res ut planissime intelligatur: Jus civitatis Romanæ olim raro, & non nisi bene meritis civitatibus dari solitum erat. Postea lege Julia datum est sociis & Latinis omnibus, qui arma deposuerant. Id factum initio belli socialis. Sigon. *lib. 3. de antiqu. jur. Ital. c. 1. & 2.* Gruch. *lib. 2. de comit. Rom.* Hoc autem beneficium intra terminos Italiæ continebatur, ut docet Cic. *pro Balb. cap. 21.* Progressu temporis quibusdam etiam provincialibus civitas data: & ad extremum omnibus, qui sub imperio Romano essent, constitutione Antonini. Antoninus ergo civitate data exæquavit omnes ingenuos: Justinianus sublata differentia manumissionis omnes libertinos: qui novissime & libertinos exæquavit ingenuis, salvo jure patronatus.

Nov. 78. quod positum est in obsequiis, operis, dono, munere & successione libertorum, *tit. ff. de jur. patron. & aliquot seqq. lib. seq.* Sunt & tacite quædam manumissionis species; veluti si dominus servum suum tutorem vel heredem scripserit, aut adoptaverit, *§. 1. inf. tit. prox. §. 1. inf. qui test. tut. dar. §. ult. inf. de adop.* alique complures, quas operæ pretium non est aut recensere, aut explicare; concessit eas Gudelin. *lib. 1. de jur. noviss. c. 4. VINN.* Addo [1.] Initio omnibus promiscuè civitatem datam, qui Romanam migrabant, etiam devictis gentibus, Liv. *lib. 1. cap. 8.* Cic. *pro Balbo, cap. 12.* Dionys. Halicarnas. *lib. 4. p. 226.* [2.] Deinde & civitatibus quibusdam jus civitatis datum, easque vocatas esse municipia Ez. Spanh. *orb. Rom. Ex. 1. 8.* [3.] Legem Juliam non sub initium, sed sub finem belli socialis latam Anno U. C. 664. eaque non omnibus Italis civitatem datam, sed iis, qui flagrante bello sociali in fide manserant. Appian. *de B. C. lib. 1. p. 379.* Cic. *pro Balbo, c. 21.* Vellej. *Pat. lib. 2. c. 16.* Reliqui enim paulo post lege Plautia jura civitatis acceperunt. Cicero *pro Archia c. 4.* Præter Lucanos & Samnites, qui anno 670. civitate donati. Epit. Liv. *lib. 84.* [4.] Reliqua omnia accuratè exsequuntur esse Spanh. *in orbe Rom.* HERN.

TITULUS SEXTUS.

QUI ET EX QUIBUS CAUSIS MANUMITTERE NON POSSUNT.

D. lib. 40. Tit. 9. C. lib. 7. Tit. 11.

Argumentum Tituli.

Igitur quod ex superiore tit. intelligi potuit, cum varii sint manumittendi modi, eadem tamen omnium vis atque effectus est, ut omnes manumissi liberi fiant & cives Romani. At enim hac manumissionum omnium exæquatione nihil derogatum est legi Æliæ Sentia, quæ quibusdam ex causis libertatem impediēbat; sed quibus ex causis illa eam impediēbat ante hanc exæquationem, ex iisdem etiam nunc obstat, quominus manumissi liberi fiant. Causæ duæ duobus hujus legis capitibus, quæ hic proponuntur & explicantur, comprehensæ; quorum primo cavetur: *Ne quis in fraudem creditorum manumittat, nisi forte servum unicum heredis habendi gratia;* altero: *Ne minoribus 20. annis aliter jus sis manumittere, quam iusta causa apud consilium approbata.* Et totidem ergo erunt superioris regulæ exceptiones.

TEXTUS.

Prius caput Legis Æliæ Sentia, de manumittente in fraudem creditorum.

Non tamen quicumque volenti manumittere licet: nam is, qui in fraudem creditorum manumittit, nihil agit: quia lex Ælia Sentia impedit libertatem.

NOTÆ.

Nihil agit] Igitur ita manumissi liberi non fiunt, & additur ratio, quia lex Ælia Sentia impedit libertatem, id est, liberos fieri prohibet, sicut in universum quod lege prohibente fit, ipso jure nullum est, *l. 5. c. de legib.* Quod sicubi legas libertatem revocari aut rescindi, id minus propriè dictum accipe: vid. respectu actus man-

numissionis, qui in suspensio est, donec constet de fraude, & an creditores suo jure uti velint. Legem hanc latam esse Augusti temporibus indicat Dio, lib. 55. p. 557. consule indic. leg. Rom. Hotom. Conn. lib. 2. comm. 6. 5. VINN. Bonæ frugis pleniora sunt, quæ de historia hujus Legis scripsit Henr. Noris. ad Censorph. Pis. Diss. 3. cap. 9. observandum, æque hac Lege impeditam esse manumissionem in fraudem patronorum Caj. Instit. l. 1. Tit. 1. §. 6. Alpien. Tit. 1. §. 15. Quod perperam è Legibus XII. Tab. derivat Oisellius. HEIN.

COMMENTARIUS.

Nihil agit] Nempe ergo ita manumissi liberi non fiunt; & ratio additur, quia lex Ælia Sentia impedit libertatem, hoc est, liberos fieri prohibet, l. in fraudem. 27. qui & a quib. man. sicut in universum quicquid lege prohibente sit, ipso jure nullum est, l. non dubium §. C. de legib. Quamobrem cum legimus libertates per legem Æliam Sentiam rescindi aut revocari, ut in l. §. 2. d. tit. l. 1. C. qui man. non poss. hoc minus propriè dictum accipiemus, & respectu actus manumissionis, qui non continuo & ab initio ipso jure nullus est, sed suspenditur, donec constet, fraudati sint creditores, necne: & si fraudati sunt, utrum jure suo uti velint: nam si non sint fraudati, aut fraudati jure suo non utantur, actus validus est, & manumissi retro liberi facti intelliguntur: si fraudati sint & jure suo utantur, perinde habetur atque si nulla manumissio intervenisset. Quamdiu autem hæc incerta sunt, scribit Paulus manumissos vi ipsa statu liberos esse, l. 1. de statu lib. Ipse autem manumissor & hæredes ejus nullo colore libertatem revocare possunt, l. §. C. de serv. pig. dat. man. fac. l. 3. qui & a quib. man. His addi potest & peculiaris ratio, quod libertas, quæ semel competit, non revocatur, §. semel 6. hoc tit. leg. 9. §. 1. de man. vind. Ex quibus omnibus manifestum est, errare D. Pacium, qui in notis marginalibus scribit, libertatem ipso jure non competere, retractari. Alia longè ratio est edicti, Quæ in fraud. cred.

TEXTUS.

De servo instituto cum libertate.

1. Licet autem domino, qui solvendo non est; in testamento servum suum cum libertate heredem instituere, ut liber fiat, hæresque ei solus & necessarius: si modo ei nemo alius ex eo testamento heres extiterit: aut quia nemo heres scriptus sit, aut quia is, qui scriptus est, qualibet ex causa heres ei non extiterit. Idque eadem lege Ælia Sentia provisum est, &

rectè. Valde enim prospiciendum erat, ut agentes homines, quibus alius heres extiturus non esset, vel servum suum necessarium heredem haberent, qui satisfactorius esset creditoribus; aut hoc eo non faciente creditores res hereditarias servi nomine vendant, ne injuria defunctus afficiatur.

NOTÆ.

1. Hæresque ei solus] Non tamen necesse est, solum heredem scriptum esse, sed neminem alium heredem existere, ne ex substitutione quidem, leg. 57. D. de hered. instit.

Injuria] Positum pro Ignominia, nam ignominiosum bona cujusquam propter æs alienum diyendi: cujus rei testis locuples Cicero pro Quint. cap. 15. Igitur ratio exceptionis hæc est, ut auctionis ignominia, qua alioqui defunctus oneraretur, potius derivetur in heredem servum.

COMMENTARIUS.

In capite legis Æliæ Sentia, Ne quis in fraudem creditorum manumissat, nominatim additur hæc exceptio; Nisi quis unum ex servis suis testamento liberum & heredem esse jussisset: quod quamobrem à lege provisum sit, mox dicitur.

Hæresque ei solus] Non quod necesse sit, solum eum heredem scriptum esse: sed si plures scripti sunt, cæteros deficere, & neminem alium heredem existere ne ex secundo quidem gradu; utique libero homine substituto, l. si is quis 57. de her. inst. nam si & alter servus secundo loco scriptus sit, solus primo loco scriptus hereditatem capiet: l. qui solvendo 60. d. tit. Quid si duo servi eodem gradu instituti? Invicem sibi obstant. Cæterum altero ante apertas tabulas mortuo, is qui superest, liber & hæres erit, l. 42. & seq. eod.

Necessarius] Ita dicitur, non quia hereditatem adire cogitur: sed quia sive velit, sive nolit, omnino post mortem testatoris protinus liber & hæres sit, §. 1. inf. de her. qual. & diff. ac proinde ipso jure, sicuti sui & necessarii hæredes, arg. l. furiosus 63. de acq. her. Hoc tantum interest, quod Prætor suis hæredibus potestatem facit abstinendi ab hereditate, necessariis non item, leg. necessarii 57. d. tit. de acq. hered.

Valde enim prospiciendum erat] Ratio exceptionis satis justa, videlicet ut famæ defuncti parcat, & auctionis ignominia, qua alioqui defunctus oneraretur, in heredem servum potius derivetur; qui duplici de causa hoc æquo animo ferre debet: Primum quia rem pretiosissimam & inestimabilem libertatem consequitur: deinde quia quicquid post mortem patroni sui acquirit, non est obnoxium creditoribus, si bonorum separationem petierit, quam impetrare potest,

test, si bona defuncti non attigerit, l. 5. r. *Inst. de her. qual. & diff. junct. l. 1. §. ult. de separ.* Falluntur ergo qui scribunt, servum heredem necessarium conveniri posse, si is postea ad meliorem fortunam pervenerit, exemplo eorum, qui bonis cesserunt; §. *ult. inf. de aff.*

Injuria] Hoc est, ignominia, quamvis enim edicto Prætoris de infamibus non notetur: oneratur tamen existimatio ejus, & facti infamiam non effugit is, cujus bona auctioni & hæstæ publicè subiciuntur: cujus rei locupletem testem habemus Ciceronem pro Quintio cap. 35.

T E X T U S.

De servoinstituto sine libertate.

2. *Idemque juris est, etsi sine libertate servus heres institutus est. Quod nostra constitutio non solum in domino, qui solvendo non est, sed generaliter constituit, nova humanitatis ratione, ut ex scriptura institutionis etiam libertas ei competere videatur: quum non sit verisimile, eum quem heredem sibi elegit, si prætermiserit libertatis dationem, servum remanere voluisse, & neminem sibi heredem fore.*

N O T A.

2. *Sine libertate*] Non libertate nominatim prohibita, sed omissa, nulla facta mentione libertatis.

Nostri constitutio] lege pen. C. de necess. serv. her. *inst. junct. pr. infr. de her. inst.*

Nova humanitatis ratione] Quia et si ex Veteribus quoque juris auctoribus quidam hoc ipsum probaverant, nunquam tamen obtinuerant; ut d. *pr. inf. de her. inst.* Cujac.

C O M M E N T A R I U S.

Nova humanitatis ratione] Primus Justinianus generaliter constituit, ut servus à domino simpliciter hæres institutus, & liber & hæres fiat: Veterum quidem, sed eorum paucorum sententiam secutus, quæ idcirco antea non obtinebat, l. pen. C. de nec. serv. her. *inst. junct. pr. infr. de her. inst.*

Quum non sit verisimile] Nam qui vult consequens, ut DD. hic notant, & in leg. 2. de *jurisd.* etiam antecedens velle intelligitur, huc quo ad illud consequens perveniri non potest: eademque ratione haud dubiè & Paulus & Acilicinus, quibus jam ante hæc sententia placuit, usi sunt. Verùm hæc ratio aliis non satis idonea visa fuit, fortassis ideo,

quia cum libertas sit aliquid majus & pretiosius ipsa hereditate, absurdum videatur per consequentiam hereditatis datæ libertatem servos defendere, rem longè majoris momenti. Rationem enim juris non pati, ut id, quod dignius est & magis principale, à re minus digna minusque principali vires capiat, per l. *quod per manus 10. ff. de jure Codicill.* Constitutio Justiniani ad adscriptitios, sicubi sunt, trahi potest: & sic etiam si quis homini proprio, ut vocant, feudum dederit, eo ipso & libertatem ei dedisse censet D. Tuldén. in *comm. hic cap. 3. VINN.* Fuere etiam, qui & libertatem datam præsumi oportere ajunt, si quis Turcam vel Paganum baptizari jubeat. Sed doctè hanc sententiam singulari dissertatione de *manumissione per baptismum* refellit celeb. Thomafius. HEIN.

T E X T U S.

Quid sit in fraudem creditorum manumittere.

3. *In fraudem autem creditorum manumittere videtur, qui vel jam eo tempore quo manumittit, solvendo non est; vel qui datis libertatibus desiturus est solvendo esse. Prævaluisse tamen videtur, nisi animum quoque fraudandi manumissor habuerit, non impediri libertatem, quamvis bona ejus creditoribus non sufficiant: sape enim de facultatibus suis amplius, quam in his est, sperant homines. Itaque tunc intelligimus impediri libertatem, cum utroque modo fraudantur creditores, idest, & consilio manumittentis, & ipsa re, eo quod bona ejus non sunt suffectura creditoribus.*

N O T A.

3. *In fraudem*] Descriptus hic locus est ex l. 10. D. qui & à quib. man.

Desiturus est solvendo esse] Species hæc sit: Sempronius, qui mille in bonis habebat, ac totidem debebat, servum in fraudem creditoris manumisit: quo facto 50. de bonis ejus decesserunt, ut jam creditores solidum consequi nequeant. Q. an impediatur libertas. R. Impediri cum Cajo in d. leg. 10.

Prævaluisse] Libertas non revocatur, nisi & fraudandi consilium manumissor habuerit, & creditores rei ipsa fraudentur: d. l. 10. leg. 1. C. qui man. non poss. In fideicommissaria tamen libertate solus rei eventus spectatur; l. 4. §. 19. in fin. D. de fideicom. lib. l. ult. C. eod.

COMMENTARIUS.

Definitur est solvendo esse] Descriptus hic locus est ex l. in fraudem 10. qui & a quib. man. Nimirum quia lex Ælia Sentia simpliciter loquitur de debitore, qui solvendo non est, quæsitum est, an lex etiam ad eum pertineat, qui datis demum libertatibus defiturus est solvendo esse, & placuit pertinere, d. l. 10. Ratio in promptu est, quia solvendo esse nemo intelligitur, qui solidum, quod debet,olvere non potest; l. solvendo 114. ff. de verb. sign. non potest autem, qui posse defuit.

Prævaluisse] Nisi hæc duo concurrant, ut & fraudandi consilium manumissor habuerit, & creditores eventu atque re ipsa fraudentur, libertas non revocatur; d. l. 10. l. 1. C. qui man. non poss. Quod & ipsum proculdubio ex sententia legis simpliciter loquentis acceptum est, non ratione aliqua speciali & favore libertatis, ut putat D. Vvesemb. sed communi, & ad revocationem ex edicto, *Quæ in fraudem creditorum*, etiam pertinente; de quo dicemus ad §. item si 6. inf. de aët. Creditoribus igitur agentibus incumbet probare, se & eventu fraudatos esse, & manumissorem animum fraudandi habuisse. Atque hic locus erit præsumptionibus, quibus fraus aut arguitur, aut abfuisse docetur, qua de re consulantur DD. hic & in d. §. 6. Cæterum hæc, quæ diximus, locum habent in libertate directo testamento data: in fideicommissaria autem solus rei eventus spectatur, l. 4. §. si in fraudem 19. in fin. de fideic. lib. l. ult. C. qui man. non poss. An quia ubi res adhuc integra est, & ab alio servus manumittendus, facilius visum est impediri libertatem? VINN. Probant plerique hanc rationem. vid. B. Hub. Disp. Iur. Fundam. 9. §. 10. HEIN.

De facultatibus suis amplius sperans] Plerumque homo humani ingenii vitio rei modicus, spei immodicus est: quod accidit frequenter his, qui transmarinas negotiationes & in aliis regionibus, quàm ubi ipsi morantur, per institores exercent. d. l. 10. qui & a quib. man. ex quo loco apparet, quod hic traditur, etiam ad libertates inter vivos datas pertinere, non ad testamentarias duntaxat, ut male post alios Schneid.

TEXTUS.

Alterum caput Legis Æliæ Sentia de minore viginti annis.

4. Eadem lege Ælia Sentia domino minori viginti annis non aliter manumittere permittitur, quàm si vindicta apud consilium, iusta causa manumissionis approbata fuerint manumissi.

NOTÆ.

4. Domino] l. 4. §. ult. & passim D. De manum. vind. Providere lex voluit, ne temere & sine certo animi iudicio servi libertate & civitate donarentur.

Apud consilium] Adhibebantur in consilium Romæ 5. Senatores, & 5. Equites, in provinciis 20. recuperatores cives Rom Ulp. tit. 1. §. 8. Theoph. hic. In notis D. S. C. de consilii sententia, Grot. in spars. Flar. Exerere consilium non potest, cui mandata est jurisdictio; l. 2. D. de off. ejus cui mand. jurisd. unde apparet, Magistratum non habuisse jus exercendi consilium vi suæ jurisditionis; arg. l. 1. pr. d. tit. VINN. Consilium ergo Romæ constituerunt Decemviri stitibus judicandis. V. C. Ger. Nood. de Jurisd. lib. 1. cap. 12. in provinciis frequens mentio οὐκ ἔστι, cujus & in sacris mentio fit Aët. 25. 12. HEIN.

COMMENTARIUS.

Alterum caput legis Æliæ Sentia fuit; Minoribus 20. annis non aliter manumittere jus esto, quàm causa iusta apud consilium approbata; l. 1. de manum. l. 11. & seqq. de man. vind. Providere lex voluit, ne temere & sine certo animi iudicio servi libertate & civitate donarentur.

Quàm si vindicta] Legendum cum D. Hotom. ex auctoritate librorum veterum. Quàm si dicta apud consilium iusta causa manumissionis, approbata fuerit manumisso; & ita Theoph.

TEXTUS.

Quæ sunt iustæ causæ manumissionis.

5. Iustæ autem causæ manumissionis sunt; veluti si quis patrem aut matrem, filiumve, filiamve, aut fratres sororesve naturales, aut pedagogum, aut nutricem, aut educatorem, aut alumnum, alumnamve, aut collectaneum manumittat, aut servum procuratoris habendi gratia, aut ancillam matrimonii habendi causa: dum tamen intra sex menses in uxorem ducatur, nisi iusta causa impediat: & servus, & qui manumittitur procuratoris habendi gratia, non minor decem & septem annis manumittatur.

NOTÆ.

5. Si quis patrem, &c. Finge filium, cum esset una cum parentibus naturalibus in ejusdem domini potestate, hæredem à domino insti-

institutum esse; hic filius, ut ceterarum rerum defuncti, ita & parentum suorum dominus efficitur. Iustissimam autem eos manumittendi causam habet, & ita porro.

Admumum] Quod fere in mulieribus usu venit, sed tamen in viris etiam receptum; l. 14. D. de man. vind.

Procuratoris] Plerique de procuratore ad negotia hunc locum accipiunt; Cujac. de procuratore ad judicia, ut & Fabrot. Bachovius de utroque, cui assentior.

Intra sex menses] Et exigitur prius iusjurandum; d. l. 13.

Iusta causa impediatur] Veluti si patronus Senator fiat in l. 23. D. de ript. nups.

Decem & septem] In d. l. 13. est decem & octo. Sed illic qui attingit annum XVIII. non minor XVIII. dicitur hoc loco non minor XVII. qui implevit XVII. Cujac.

COMMENTARIUS.

HÆc desumpta sunt ex l. iusta 9. l. si minor. II. & aliquot seqq. de man. vind. l. matrimonii 21. qui & a quib. man.

Procuratoris] Arbitror in genere hanc manumissionis causam iustam fuisse, etiam si minori 10. annis speciatim opus non esset procuratore ad iudicium; scilicet ut liber factus servus, tanto commodius officium procuratoris exercere tam in iudicio, quam extra iudicium posset. Itaque neque Cujacio assentior, qui lib. 12. obs. 16. locum hunc accipit de procuratore ad iudicium tantum, (neque enim satis iusta causa videtur, ut quis ob unam forte litem persequendam seruum suum manumittat) nec DD. vulgo, qui de procuratore ad negotia duntaxat; quasi minor 5. annis aliena litis procurator esse neutriquam possit: quod falsum est, l. cum mandato 23. de minorib. Sanè ad defendendum minor 25. annis procurator idoneus non est; l. minor. 51. de procur. VINN. Sed quum ad id, ut quis alterius nepotia extra iudicium procuret, nec libertate nec XVII. annorum ætate opus sit, arg. l. 7. §. 1. 2. & l. 8. ff. instit. H. magis est, ut de iudiciali tantum Procuratore loqui Imperatorem, cum Cl. Voetio existimemus. HEN.

Matrimonii habendi] Verbum habendi delendum esse, nemo, qui modò Latine sciat, negare poterit: nec in aliis reperitur, ut neque in l. 20. §. 2. hoc sit. nec in leg. 13. de man. vind. nec Theoph. agnoscit.

TEXTUS.

De causa semel probata.

6. Semel autem causa approbata, siue vera sit, siue falsa, non re. r. Etatur.

COMMENTARIUS.

Ex l. 9. §. 1. de mand. vind. Ratio est, quia lex Ælia Sentia non causam exigit nominatim, sed causæ dictionem; & hoc est, quod Marcian. ait in d. l. 9. §. 1. causæ probationi contradicendum esse, non etiam causam approbatam retractandam.

TEXTUS.

Abrogatio posterioris capitis Legis Æliæ Sentia.

7. Quum ergo certus modus manumittendi minoribus 20. annis dominis per legem Æliam Sentiam constitutus esset, eveniebat, ut qui 14. annos expleverat, licet testamentum facere, & in eo sibi heredem instituire, legataque relinquere posset, tamen, si adhuc minor esset 20. annis, libertatem servo dare non posset. Quod non erat ferendum, nam cui totorum suorum bonorum in testamento dispositio data erat; quare non similiter ei; quemadmodum alias res, ita & de servis suis in ultima voluntate disponere, quemadmodum voluerit, permittimus, ut & libertatem eis possit præstare? Sed quum libertas inestimabilis res sit, & propter hoc ante 20. ætatis annum antiquitas libertatem servo dare prohibebat; ideo nos mediam quodammodo viam eligentes, non aliter minori 20. annis libertatem in testamento dare servo suo concedimus, nisi 17. annum impleverit, & 18. attigerit. Quum enim antiquitas huiusmodi ætatis & pro aliis postulare concesserit; cur non etiam sui iudicii stabilitas ita eos adjuvare credatur, ut ad libertatem dandam servis suis possint pervenire?

NOTÆ.

7. Libertas inestimabilis res] Servum tamen libertate donare non est inestimabile domino, & alia haud dubiè ratio legis Æliæ Sentia fuit, & hæc nimirum, quod servi minoribus dominis faciliè blandis verbis aut aliis artibus persuadere possunt, ut se manumittant, vel pro turpis alicujus obsequii remuneratione; l. 2. C. si adv. lib. leg. 16. C. de lib. caus.

Mediam viam] Hinc inferunt posse quandoque iudicem in ambiguitate juris vel facti rem di-

dividere; utique hoc facere solent prudentes, ubicumque est *casus*, id est, perplexa quaestio, l. 9. D. *ut leg. nom. cau.* l. 40. D. *de her. inst.* Videndum tamen semper, quid suadeat ratio juris.

Pro aliis postulare] Leg. 1. D. *de postul.* Collectio tamen hæc minus bona est; adolescens ingressus annum XVIII. postulare potest, ergo & servum suum manumittere; sunt enim hæc planè diversa.

COMMENTARIUS.

Nam cui totum] Argumentatur à majori ad minus *argumentum*, cui quod plus est, licet, ei non debet quod minus est non licere, l. 21. *de reg. jur.*

Quum libertas inestimabilis res sit] Aliam rationem legis *Æliæ Sentiz* fuisse existimo, nempe quod servi junioribus dominis facile blandis verbis aut aliis artibus persuadere possunt, ut se manumittant, *arg.* §. 4. *sup. eod.* vel pro turpis alicujus obsequii compensatione. Est quidem libertas res inestimabilis, & ipsi servo *ut si quis servum suum liberaverit*; at servum libertate donare non est inestimabile domino, cui longè plus est, posse aliquem heredem instituere, prædium legare, quàm servo vilissimi pretii dare libertatem; licet ipsi servo majus sit libertatem accepisse, quàm hæreditatem aut prædium.

Idco nos mediam viam eligentes] Hinc inferunt, posse quandoque judicem in ambiguitate juris vel facti rem dividere, Cujac. 17. *obs.* 21. Theaur. *decis.* 19. Boer. *decis.* 239. Et sanè causa anceps per mediocritatem optimè dividitur, etiam Paulo teste in l. *filio* 7. *ut legat. nom. cau.* Sic cum de dominio speciei ex aliena materia factæ dissensio inter Sabinum & Proculum esset, Cajus in l. 7. §. *cum quis* 7. *de acq. rer. dom.* mediam sententiam secutus est, eamque probavit Justinianus, §. *cum ex aliena* 25. *inf. de rer. div.*

Et Tiberius Cæsar, cum servus ejus Parthenius tamquam ingenuus hæres scriptus esset, cum substituto Parthenii hæreditatem divisit, l. *& hoc* 41. *de her. inst.* §. *ult. inf. de vulg. subst.* Videndum tamen semper est, quid suadeat ratio juris.

Nisi 17. annum] Jure novissimo permittitur non minus libertates, quàm res alias testamento relinquere ea ætate, qua testamentum facere permissum est; masculis nimirum anno ætatis quarto decimo, feminis duodecimo, Nov. 119. c. 2.

Pro aliis postulare] Veteres ætatem 17. annorum idoneam rati sunt ad prodeundum in publicum & causas agendas: atque hac ætate & paulo majore fertur Nerva filius publicè de jure responsisse, l. 1. §. 3. *de postul.* Est autem, si liberè philosophandum est, vitiosa hæc collectio; Adolescens annum ingressus 18. pro alio postulare potest, ergo & servum suum testamento manumittere: sunt enim hæc planè diversa. Ne pigeat in transitu discere, pueros ingenuos usque ad annum ætatis decimum sextum prætexta puerili toga usos fuisse, ingressosque annum decimum septimum puram, quæ & virilis dicitur, sumpsisse: quo fere anno ad Oratorem aliquem deducebantur, quicum in forum descendentes annum unum patronos audiebant; quo assiduis auscultationibus confecto, causas ipsi agere, tamquam jam informati & non omnino rudes instituebant; funebres autem orationes etiam minore multo ætate habebantur: nam Augustus annum agens duodecimum pro concione aviam Juliam defunctam laudasse traditur. Sveton. in *Aug.* cap. 8. add. Card. Sigon. l. 3. *de judic.* c. 18. Hotom. *hic*. VINN. Immo anno ætatis XV. expleto, togam virilem sumpsisse adolescentes, eleganter & cum apparatu demonstravit Henr. Noris. *Cenotaph. Pisan.* Diff. 2. c. 4. HEIN.

TITULUS SEPTIMUS.

DE LEGE FUSIA CANINIA TOLLENDÆ.

Conc. Lib. 7. Cod. Tit. 3.

TEXTUS.

Lege Fusia Caninia certus modus constitutus erat in servis testamento manumittendis, quam quasi libertates impediens, & quodammodo invidiam, tollendam esse censuimus: quum satis fuerat inhumanum, vivos quidem licentiam habere totam suam familiam libertate donare, nisi alia causa impediens in Istituit.

pediat libertatem; morientibus autem hujusmodi licentiam adimere.

NOTÆ.

Lege Fusia Caninia] Lata hæc lex Augusti temporibus, ut ex Svetonio intelligimus c. 40. ubi & ratio legis indicatur. ne sc. concessa libera testamento manumittendi potestate, libertis & sordidis

D

dis

dis hominibus civitas Rom. contaminaretur: fustulit eam Just. l. un. C. hoc tit.

Certus modus] Certus numerus, quem in manumittendo excedere non liceret. Ulp. tit. 1. Caj. lib. 1. tit. 2. Paul. 4. sent. 14. Apud Vopiscum Tacit. cap. 10. legimus, Tacitum Imperatorem in testamento suo intra Caniniam mansisse. VINN. Nihil de testamento Vopiscus. Videtur potius Tacitus servos urbanos inter vivos manumisisse, & quum ultra centum non liberasset, existimasse Vopiscum, eum Lege Fufia Caninia impeditum fuisse, quasi ea lex ad manumissos inter vivos pertineret. Qua in re tamen magis forsitan erravit Vopiscus quàm Tacitus Imperat. HEIN.

COMMENTARIUS.

Certus modus] Id est, certus numerus definitus erat, quem in manumittendo excedere non licebat; vid. Ulp. tit. 1. Gajum lib. 2. tit. 1. Paul. 4. sent. 14. Ratio legis hæc fuit, ut ex Svetonio in Aug. cap. 40. intelligimus, ne concessa libera testamento manumittendi potestate, libertis & sordidis hominibus civitas Rom. contaminaretur. VINN. Conferendus locus Dionysii Halic. lib. 4. p. 228. de libertis pileatis patroni defuncti lecticam comitantibus. Ubi vera causa legis ea de re latæ. HEIN.

Testamento] Cur non etiam inter vivos? Nimirum quia & sine eo scopum suum lex assequitur. Nam metuendum non est, ut vivi & valentes tam profusè liberales simus, ut ea faciamus, quæ mox morituri; cùm rebus nostris jam non amplius uti nos posse credimus, liberalitatis laudem tum maximè

venantes. Pertinet huc insignis locus apud Dionys. Halicarn. lib. 4. p. 228. ubi scribit: *Multos se vidisse, qui profusa bonarum ambitione omnes servos suos testamento vel flagitiosissimos manumitterent, ut pileatis funus sequerentur.* Atque hic fere mos est legislatorum, ut ea sola prohibeant, quæ facile fieri posse existimant, non quæ difficulter; l. 4. in fin. ad sen. Vell. ubi eadem ratio redditur, cur Senatus intercessionem mulieris prohibuerit, non donationem, & videmus, quo facilius quid fieri potest, quod lex fieri non vult, eo strictius id vetari; ideo enim lex Julia fundum dotalem alienari vetat invita muliere, obligari etiam ea consentiente; inf. quib. al. non lic. in pr.

Totam familiam] Id est, ut Theophil. vertit, *adversus omnes vias omnes servos.* Servos enim unius domini familiam Veteres frequenter appellant, ut in tit. si fam. furt. sec. l. 9. de jurisd. l. illud 32. in pr. ad leg. Aq. l. opus 13. de op. leg. l. pronuntiatio 195. §. servitutum 3. de verb. sign. atque in urbanam & rusticam dividunt, l. Urbana 166. cod. Alias pleraque hujus vocis significationes habent in d. l. pronuntiatio.

Alia causa impedit] Puta si manumissor solvendo non sit, vel minor decem & septem annis.

Moribus adimere] Argumentatio ab actu inter vivos ad ultimam voluntatem, eaque *καταρχαίαν*. Quatenus hæc argumentatio procedat, & contra, bene docet D. Præses Evernard. Claud. Cant. in topic. & Myns. hic, certè non procedit, si legis Fufiæ spectemus rationem. Quæ hæc est, quod facilius in testamento manumittimus quàm inter vivos. l. 4. in fin. ad Senat. Vell.

TITULUS OCTAVUS.

DE HIS, QUI SUI VEL ALIENI JURIS SUNT.

Conc. D. Lib. 1. Tit. 6.

TEXTUS.

Altera divisio personarum.

Sequitur de jure personarum alia divisio. Nam quædam persone sui juris sunt, quædam alieno juri subiectæ. Rursus earum, quæ alieno juri subiectæ sunt, alie sunt in potestate parentum, alie in potestate dominorum. Videamus itaque de his, quæ alieno juri subiectæ sunt. Nam si cognoverimus, quenam iste persona sunt, simul intelligemus, quæ sui juris sunt; ac

prius inspiciamus de his, quæ in potestate dominorum sunt.

NOTÆ.

Alia divisio] Ex Cajo l. 1. D. hoc tit. hæc divisio personarum superiore divisione secretæ iterum in unum coguntur, quia de vi & effectu dominicæ potestatis adhuc erat cognoscendum.

In potestate] Varia est hujus vocis significatio, l. 215. D. de verb. sign. hic summam significat, *ἀνεξαρτήτως*, ut definit Theoph.

COM-

COMMENTARIUS.

Propōnitur hīc ex Cajo l. 1. *hoc sit*. alia personarum divisio: sed non sine vitio. Primum quia hāc ex summa illa, quae *sup. sit*. 3. tradita est, non deducitur: deinde quia de servis iam ante intellectum est, eos omnes esse juris alieni, ut nihil necesse fuerit rem eandem inculcare. Rectius fecissent Compositores, si hīc omīssis servis, quorum omnium eadem conditio est, liberorum hominum differentias, sicuti instituerant, §. *ult. dist. sit*. 3. porro persecuti essent, eosque subdivisissent in eos, qui sui, & qui alieni juris sunt, aut potius in patresfam. & filiosfam. ut Ulpian. l. 4. *hoc sit*. Excusantur tamen: quod cum de vi & effectu dominicae potestatis adhuc cognoscendum erat, ceteras superiore divisione personas in unum iterum coegerint.

Simul intelligimus] Ratio ex hoc principio logico petenda: *Contrariorum cognitio uno, cognoscitur & alterum*. Arist. 1. *Top.* 14. & 2. *cap.* 2. Ciceron. in *Top.* & 2. *de orat.* Non quod explicata & cognita una specie generis divisi, statim accuratē cognoscamus naturam speciei oppositae: sed quod illa cognita, intelligimus cetera, quae sub genere comprehensa sunt, ad species oppositas pertinere. Nam illud tantum in universum verum est, unum oppositum alterius cognitionem juvare in eo, quatenus oppositum est: quod pertinet illud Arist. 2. *Rhet.* *cap.* 12. τὰ ἐναντία ἀλλήλων μάλα καλῶς γινώσκει.

TEXTUS.

De jure gentium in servos.

1. *In potestate itaque dominorum sunt servi, quae quidem potestas juris gentium est; nam apud omnes peraeque gentes animadvertere possumus, dominis in servos vitae, necisque potestatem fuisse: & quodcumque per servum acquiritur, id domino acquiri.*

COMMENTARIUS.

1 *Ius vitae & necis neque omnes gentes usurpasse, neque iustitia interna licere servum occidere.*

1 **E**X quo jure servitus est, ex eodem & dominorum in servos potestatem esse, nemo est qui ambigat. Ceterum quod hic ex Cajo l. 1. §. 1. *hoc sit*. Justinianus refert; apud omnes gentes summum illud jus vitae & necis in servos usurpatum fuisse; de ma-

jore parte accipiendum est, deque eo, quod impune in servos fit ex rigore juris gentium. Nam apud multos populos jus hoc usurpatum non fuisse, sed servos humaniter tractatos, ut apud Parthos, Germanos, Hispanos, ipsosque adeo Græcos, testes sunt Justin. *lib.* 41. 2. Tacit. *de morib. Germ.* *cap.* 25. Athenæus *lib.* 6. Bodin. 1. *de repub.* §. Grot. 3. *de jure bell. & pac.* 14. Et agnoscunt omnes, multum distare id, quod impune in servum fit ex gentium jure, & id quod naturalis ratio fieri sinit. Cum in servum, inquit Seneca 1. *de Clem.* 18. omnia liceant, est aliquid, quod in hominem licere commune ius vetes. Et paulo ante; In mancipio, ait, cogitandum, non quantum illud impune pati possit, sed quantum tibi permittas equi bonique natura, quae parcere etiam captivis & pretio paratis jubet. Et verò si natura inter homines omnes cognationem quamdam constituit; l. 3. *de just. & jur.* consequens est, hominem in hominem sævire, nefas esse: ac proinde alienum ab omni humanitate, quamvis servum, hominem tamen occidere, aut crudeliter tractare. Apostoli dictum est: *Domini jus & quod equum est, servis præstare, gnari vobis quoque dominum esse in calis, ad Coloss.* 4. *vers.* 1. VINN. Hæc quidem omnino rectè se habent. Sed nunquam tamen veteres Dominis permisisse puto promiscuam, servos occidendi licentiam. Ea Dominis ob jus vitæ & necis non magis competebar, quàm summo imperanti, cui jus vitæ & necis est, non tamen occidendi vel sæviendi licentia. Nec plus periculi erat ne Dominus servos suos sine ratione occidere vellet, quàm ne quis equos occidat. Servi enim erant nobilissima pars patrimonii. HEIN.

Quodcumque per servum acquiritur] Hoc ut rationi juris gentium convenit; (nam qui in aliena non tantum potestate, sed etiam dominio est, nihil proprium habere potest: de quo plenius in §. *item vobis* 3. *inf. per quas pers. cuq. acq.*) ita nihil admodum iniquitatis habet; quoniam dominus vicissim ad alimenta servo præstanda obligatus est.

TEXTUS.

De jure Civium Romanorum in servos.

2. *Sed hoc tempore nullis hominibus, qui sub imperio nostro sunt, licet sine causa legibus cognita in servos suos supra modum sævire. Nam ex constitutione Divi Antonini, qui sine causa servum suum occiderit, non minus puniri jubetur, quàm si alienum servum occiderit. Sed & major asperitas dominorum ejusdem Principis constitutione*

coercetur. Nam Antoninus consultus à quibusdam Praesidibus provinciarum de his servis, qui ad adem sacram, vel statuam Principum confugiunt, praecepit, ut si intolerabilis videatur sevitia dominorum, cogantur servos suos bonis conditionibus vendere, ut pretium dominis daretur; & recte; expedit enim Reipublica, ne sua re quis male utatur. Cujus rescripti ad Aelium Martianum missi verba sunt haec: Dominorum quidem potestatem in servos illibatam esse oportet, nec cuiquam hominum jus suum detrahi, sed & dominorum interest, ne auxilium contra sevitiam, vel famem, vel intolerabilem injuriam denegetur iis, qui justè deprecantur. Ideoque cognosce de quærelis eorum, qui ex familia Junii Sabini ad sacram statuam confugerunt, &, si vel durius habitos, quàm æquum est, vel infami injuria affectos esse cognoveris, venire jube, ita ut in potestatem domini non revertantur. Quod si meæ constitutioni fraudem fecerit, sciat me hoc admissum adversus se severius executurum.

NOTÆ.

1. Sine causa] Descripta hæc partim ex l. 1. §. 2. partim ex l. 2. D. hoc tit.

Non minus puniri] Hoc significat, qui servum suum sine causa occidit, tam reum esse homicidii, quàm si alienum occidisset, & teneri publico judicio legis Corneliæ de sicariis: neque enim privato judicio legis Aquiliæ locus est, ubi sibi quis damnum infert.

Major asperitas] Modica tantum castigatio dominis permittitur; l. un. C. de emend. serv. adhibenda tamen etiam circa minores pœnas elementia; juxta illud in constitutionibus Clementis Romani, de emend. serv. & pœnis, & pœnia serv. Grot. ubi sup.

Adem sacram] Fana ethnicis pro asylis erant; Plaut. Rudens. Aff. 2. sc. 7. Virgines duæ Veneris sano sese adversus lenonis vim tuentur. Tac. 3. annal. cap. 60. Complebantur templa pessimis servitorum &c. Sublato Paganismo idem jus astat, templis Christianorum tributum; tit. C. de his qui ad Eccles. confug. Nov. 17. Hæc verba, ad adem sacram non sunt apud Ulp. Rufini tit. 3. nec in d. l. 2. hoc tit. nec Theophilus habet. VINN. Rufini Ulpianus, quod semel monendum, Vinnio est fragmentum Ulpiani apud pariatorem legum Mosi. & Rom. tit. 3. §. 3. Sed Licinianum Rufinum hujus collationis auctorem esse nondum constat. HEIN.

Statuum Principum] Statuæ quoque Principum his, qui ad eas confugissent, asyla

fuerunt; l. un. C. de his qui ad stat. princ. Judæorum populo sex civitates constitutæ erant, quò tuto confugerent, qui dæmonis sanguinem effudissent; Num. 35. 11. Deut. 19. Jos. 20. 2. & 3.

Bonis conditionibus] Justo pretio, ut in l. 12. D. de relig. Et ne dominus insensu duriores condiciones adjiciat; veluti ut ne manumittantur, ut tamquam fugitivi in vinculis habeantur. Th. & l. 25. de statu lib.

Expedit Reip.] Hæc sententia est apud Sospitum. Potest quis etiam abuti re sua, l. 25. §. 11. D. de her. per. Sed tamen providendum ne privati fortunæ suis abutendo noceant publico.

Dominorum interest] Alia ratio decidendi. Ne, si servi nullum sibi contra dominorum sevitiam auxilium paratum esse sciant, aut manus sibi inferant, aut in perniciem domini aliquid moliantur.

Severius executurum] Pro qualitate scilicet delicti extra ordinem in ipsum animadversurum. Nam certa pœna hic definita non est, Vves.

COMMENTARIUS.

- 1 Etiam circa minores pœnas in servos oportere adhiberi æquitatem.
- 2 Sicariis, adulteris, raptoribus, & similium criminum reis, jus asyli dandum non esse.
- 3 Potestatem, quam dominus in re sua habet, lege civili posse restringi.

Refert hic Justinianus ex Cajo & Ulpiano l. 1. & l. 2. hoc tit. Antoninum Pium modum posuisse potestati dominicæ, qua plerique immoderatè utebantur: quæ hujus potestatis moderatio ad jus naturæ sive internam justitiam jus illud exterius retrahit.

Sine causa] Nam ex causa licet; puta si servum in facinore deprehenderit, in quo reperiuntur etiam liberum occidere jus sit. VINN. Veluti si Dominus servum sibi insidiantem, vel in adulterio deprehenderit l. 53. §. 3. ff. de Leg. 1. l. 96. ff. de P. S. juncto §. 2. Instit. de Lege Aquil. & l. 24. ff. ad l. lul. de adulteriis. HEIN.

Non minus puniri jubetur] Hoc est, publico judicio legis Corneliæ de sicariis non minus obnoxius est & reus homicidii, quàm si alienum servum occidisset: nam lex Cornelia non distinguit, quis homo occisus sit; l. 1. §. 2. ad l. Cor. de sic. Utique privatum Aquiliæ judicium locum habere non potest, cum quis sibi damnum non alii infert.

Major asperitas] Modica autem castigatio dominis permittitur; l. unic. Cod. de emend. serv. & tamen etiam circa pœnas minores, puta verbera; in servos adhibenda est æquitas, immo & clementia. In constitutionibus, quæ

Cic-

Clementi Romano adscribuntur, legimus, *in Divina de deo, & in divinis, & in angelis locis*. Non opprimes servum, non dominaberis ei dure, ait lex divina de servo hebreo, Deuter. 15. quod nunc prolata vi proximitatis ad omnes servos debet extendi. Et Apostolus ad Eph. 6. dominis imperat, ne cum servis minaciter agant, eo argumento, quod & ipsi dominum in celis habeant, qui ad talia qualitatuum discrimina non attendat. Sed & operæ cum modo exigendæ sunt, & valetudinis servorum humanè habenda ratio, quod ipsum præter alia spectat lex divina in Sabbati institutione; nimirum ut laboribus aliquod daretur spiramentum. C. Plin. l. 5. epist. 19. sic ad Paulinum scribit: *Video quàm molliter tuos habeas, quo simplicius confitebor tibi, qua indulgentia meos trahes*. Est mihi semper in animo Homericum illud, *πατὴρ δὲ δεῖναι δὲ*, & hoc nostrum patrefamilias. In qua voce & Seneca veterum humanitatem observat: *Ne illud quidem videtis, inquit, quàm omnem invidiam majores nostri dominis, omnem contumeliam servis detraxerint. Dominum patrefamilias appellaverunt; servos familiares, epist. 47.* plura hujusmodi habet Grot. lib. 3. de jur. bel. & pac. cap. 14.

Ad ædem sacram] Ad fana seu templa Deorum, quò confugientes aras & signa Deorum amplecti solebant, Plaut. *Mosell. Act. 1. scen. 1. & Rudens. act. 2. scen. 7.* Virg. 2. *Aeneid.* eodemque & obzati adversus creditores, suspectique criminum capitalium receptabantur. *Tacit. 3. annal. c. 60.* & quia ab his locis neminem eripere fas erat; ideo *ædæ*, dicta sunt. Sublato paganismo Imp. Christiani idem jus etiam templis Christianorum tribuerunt; *sic. C. de his qui ad Eccl. conf. sed levioris tantum delicti suspectos recipi voluerunt, non ficiarios, adulteros, raptos, aut similia criminum reos; neque vis admissi, etiam vis admissi, jus asyli dari, Nov. 17. c. 7. Nov. 37.* convenienter legi Divinæ, quæ jubet homicidam ab altari abstrahi atque iis solum *ædæ* dari, qui *ædæ* sanguinem effuderint. *Exod. c. 21. v. 13. & seq. Num. 35. v. 6. & 11. Jos. c. 20. v. 2. & 3.* Cui etiam convenit, quod Thucydides, lib. 4. scribit, *ἡ δὲ δαυδαὶ ἀπαρτὰν τῶν ὁρίων τῶν ἑσπερίων*. Jure autem canonico, remotis solis nocturnis populatoribus agrorum, & publicis latronibus, cæteri cuicumque facinoris rei, immunitate ecclesiarum gaudent; *c. inter alia, 6. & c. fin. de immunit. eccles.*

Ad statum Principum] Statuæ etiam Principum his, qui ad eas confugissent, asyla fuere; *leg. 1. §. 1. de offic. præf. urb. l. unic. cod. de his qui ad stat. princ. conf.* quæ statuarum veneratio sanè antiqua est. Meminit Livius lib. 23. c. 10. statuæ Ptolomæi Regis apud Cyrenas, ad quam cum quidam Decius Magius Campanus, qui à Pœnis victus Carthaginem ducebatur, confugisset, manus hostium

evaserit. Plura de statu & imaginibus Principum vide apud Briffon. 4. antiq. 11.

Cogantur servos suos] Apud Græcos quoque servis durius habitis licebat *ἀγορὰν ἀγορᾶς*, ad venditionem proclamare; teste Plutarcho *de Lucianis*, aut certa pecunia se redimere; ut ex Plauti Casina discimus, quæ Comœdia Attica est. Simile exemplum extat in l. ult. si a par. quis man. de patre, qui filium, quem contra pietatem male afficiebat, manumittere cogitur.

Bonis conditionibus] Justo pretio: item ne gravis conditio venditioni à domino servus injuria apponatur; veluti, ut ne manumittantur; ut Italia exportentur; ut in vinculis semper habeantur. Theophil.

Vendere] Nemo rem suam vendere cogitur; l. *in vitum* 11. *Cod. de contr. empt. ac ne justo quidem pretio*; l. 9. *de aff. rer. am.* nisi id exigat utilitas publica, quæ hujus regulæ generalis est exceptio. Causæ impulsivæ variæ esse possunt; veluti ut tempore famis & annonæ caritatis cogantur divites & maximè negotiatores frumentum atque alia edulia justo pretio vendere; *per l. 1. §. cura. 11. de off. præf. urb. l. annonam. 6. de extraord. crim.* In servis hic est justa deprecatio auxilii contra sævitiam dominorum. Est & favore libertatis; §. ult. *infra. de donat.* Sed & favore religionis idem receptum, ut in specie l. 12. *in fin. de religiof.*

Pretium dominis daretur] Observandum etiam tunc, cum quis ex justa causa rem suam alienare cogitur, pretium ei reddendum esse.

Expedis enim Reipub.] Est quidem unusquisque rei suæ moderator & arbiter; l. *in re mandata* 21. *Cod. mand.* in tantum ut ea etiam abuti possit; l. *sed etsi* 25. §. *confusio* 11. *de har. per.* Cæterum interest Reipub. huic arbitrio modum à lege præscribi, ne privati fortunis suis abutendo, publico noceant. Accedit hic conditio personæ, quæ licet fortuna servus, homo tamen est, & jure naturæ domino æqualis. Nimirum Reip. institutio id secum fert, ut dominium quoddam habeat superius singulorum dominio ad necessitates, aut utilitates publicas; quod Grotius lib. 2. de jur. bell. & pac. cap. 2. & in *flor. spars. ad leg. Barbarius* 3. de off. *Præf.* appellat dominium eminens, & in hanc sententiam egregiè disputat Plato lib. 11. de legibus. Hinc est, quod Princeps etiam de bonis subditorum disponere potest, dirigendo eorum usum ad publicam seu communem utilitatem. Qua de causa etiam persæpe potestas, quam quisque dominus in re sua habet, lege civili restringitur ac terminatur.

Nec cuiquam hominum ius suum detrahi] Ratio dubitandi in hoc rescripto. Unde intelligimus, ne à Principe quidem posse cui-

D 3 quam

quam jus suum sine causa detrahi; de quo vid. Hotom. *Illustr. quest. cap. 1.*

Sed & dominorum interest] Alia decidendi ratio præter eam, quæ supra posita est, ad ipsos dominos pertinens; ne videlicet servi, si nullum sibi contra sævitiam auxilium paratum esse sciant, aut aufugiant, aut manus sibi afferant, aut in perniciem dominorum aliquid

machinentur. Cæterum ex iis, quæ supra disputavimus, abunde liquet, opus non esse, ut causa coercendæ dominicæ potestatis, summo gentium jure concessæ aliunde petatur quàm ex eo, quod ratio naturalis fieri sinxit, à qua longè abit absoluta illa & infinita potestas, quam pleræque gentes & cum his Romani usurpant.

TITULUS NONUS. DE PATRIA POTESTATE.

Lib. 8. Cod. Tit. 47.

Continuatio & argumentum Tituli.

Sequitur pars altera divisionis initio superioris tituli traditæ ad eos pertinens, qui sunt in potestate patria. Potestas hæc tribus modis constituitur; justis nuptiis; legitimatione; adoptione. Nuptiæ naturalem hujus potestatis causam continent; ideoque de hoc modo primo loco quaeritur: doceturque hoc titulo, quid sint nuptiæ; cujus juris sit patria potestas; qui quos in potestate habeant. De effectis hujus potestatis, quod Justinianus omisit, nonnihil nos dicemus in exægeſi, §. 2. *hæc sit.*

T E X T U S.

Summa Tituli.

In potestate nostra sunt liberi nostri, quos ex justis nuptiis procreavimus.

N O T A.

In potestate nostra] Ex Ulpian. in l. 3. D. de his qui sui vel alieni jur.

Iustis nuptiis] Nam ex injusta conjunctione nati in potestate patris non sunt; l. 23. & seq. D. de stat. hom. §. pen. infr. tit. seq. Denique in hoc negotio is solus pater habetur, quem nuptiæ demonstrant; l. 5. D. de in jus voc. In notis L. N. Q. *Iustis nuptiis quaeritur.* Grot.

COMMENTARIUS.

Ex iustis nuptiis] Nam, ut nuper diximus, liberi ex injusto matrimonio nati in potestate patris non sunt; l. 1. de stat. hom. adeoque nec patrem jure civili habere intelliguntur, sicut nec vulgo concepti; §. pen. seq. tit. Lege quidem naturæ matris conditionem sequuntur, ut scribit Jurisconsultus

in l. lex natur. 24. d. tit. sed eam formidant liberos in potestate non habeant; §. *famina* 10. infr. de adopt. sequitur, eos nec in potestate avi materni esse.

T E X T U S.

Definitio nuptiarum.

1. *Nuptia autem sive matrimonium est viri & mulieris conjunctio, individuum vite consuetudinem continens.*

N O T A.

1. *Nuptia*] Sic dictæ à nubendo, quod olim novæ nuptæ pudoris ergo caput obnubere flammeo solebant. Fest. Non. & alii.

Conjunctio] Consensu suscepta: nuptiæ enim non concubitus, sed consensus facit; l. 30. de reg. jur. l. 15. D. de cond. & dem.

Individuum, &c.] Modestinus. l. 1. D. de rit. nupt. *consortium omnis vite*, quo significatur non tantum domestica societas, sed etiam indivisus & promiscuus rerum omnium inter conjuges usus, rerum & corporum communicatio. Duar. c. 1. de nupt. Vera tamen inter conjuges non est bonorum societas.

Continens] Nempe voto & proposito contrahentium: nam eventus non semper respondet proposito.

COMMENTARIUS.

- 1 *Ad perficiendas nuptias præter legitimum contrahentium consensum nihil desiderari.*
- 2 *Non licet plures uxores eodem tempore habere.*
- 3 *Quo sensu nuptia dicantur individua consuetudo, & quæ gentes in ea perpetuò persisterint.*
- 4 *Quid vite consuetudine significetur.*
- 5 *De sponsalibus quædam notata digna.*

Nuptia

Nuptia sive matrimonium] Promiscuè fere hæc vocabula (*nuptia & matrimonium*) usurpantur. Sæpe tamen nuptias cum dicimus, intelligimus festivitatem & celebritatem nuptialis dici, ut in *l. pen. de donat. int. vir. & ux. l. sancimus 24. C. de nupt.* sicut & apud Græcos γάμος accipitur, *Ioan. cap. 2.* Illud translaticium est nuptias à nubendo dictas esse, eo quòd olim novæ nuptæ pudoris ergo caput obnubere flammeo solebant; idque Festus, Nonius & alii complures notant. Seneca in *Octavia*, de Poppæa Neroni nubente v. 702.

Velata summum flammeo tenui capus.

Conjunctio] Hoc generis loco ponitur: & simul causam efficientem denotat, nempe consensum, qui ut rerum, ita & vitæ societatem efficit. Est quidem principalis matrimonii finis sobolis procreatio, quam sine corporum conjunctione habere non possumus; unde etiam inter eas personas, quæ ad eam rem inhabiles sunt, nuptiæ non consistunt; *l. si serva, 39. §. 1. de jur. dot.* sed ad vinculum matrimonii consensu stabilitum nihil adjicit, juxta tritum illud: *Nuptias non concubitus, sed consensus facit; l. pen. de don. int. vir. & ux. lib. 15. de cond. & dem. l. nuptias 30. de reg. jur.* Sunt qui ad implendas nuptias jure Romano necessariam fuisse existimant solemnem illam deductionem mulieris in domum mariti, quæ veteribus usurpata fuit, aut nuptiarum festivitatem, per *l. 5. de rit. nupt. l. 15. de cond. & dem. l. 6. C. de donat. ante nupt. l. sancimus 24. C. de nupt.* Sed verius est, neutrum eorum ut necessarium desiderari; ut intelligere licet ex responso Scævola *l. pen. de don. int. vir. & ux.* & rescripto Theodosii *l. si donationum 22. C. de nupt.* nec admodum difficile est ad superiores locos respondere. Nam in *l. 5. de rit. nupt.* Jurisconsultus non docet, quomodo nuptiæ contrahantur; sed rationem ac formam tantum deductionis demonstrat. Quod autem Ulpian. in *l. 15. de cond. & dem.* ait, conditionem nuptiarum tunc impletam esse, cum uxor ducta est: & Justinian. *l. sancimus 24. C. de nupt.* conditionem nuptiarum non aliter impleri, quam si ipsa nuptiarum accedat festivitas; ex mente extraneorum sumptum est, qui cum nuptias alicujus futuræ nominant, ad sollemnitatem & celebritatem nuptiarum cogitationem referre solent. Sed & in re ambigua hoc ritu consensus declaratur, & nuptiæ ex deductione, aut festivitate intelliguntur perfectæ; quod tantum ostendere voluit Imp. in *d. l. 6. C. de donat. ante nupt.* Qui priscorum ritus in nuptiis adhiberi solitos velle cupit, legat Brisson. *lib. singul. de rit. nupt.* VINN. Consensus faciebat nuptias. Sed in manum non conveNiebat Uxor, nisi adhibito sollemni nuptiarum ritu, veluti confarreatione coemptione, usu. Denique & domum deductione opus erat, quoties non de voluntate ipsorum contrahentium, sed de explenda voluntate aut legislatoris, aut tertii cujusdam quærebatur, quales casus sunt in *l. 5. ff. de R. N. l. 15. ff. de*

Cond. & dem. l. 24. C. de nupt. apud Paull. *Rec. sentent. 11. 19. §. pen.* nec non in *l. 6. C. Theod. de siron*, ubi vide Jac. Gothofr. in *Comment. Tom. 11. p. 377.* HEIN.

Viri & mulieris] Nam duorum ejusdem sexus conjunctio detestanda est, & lege Dei, lege naturæ, legibus omnium gentium damnata. Ait, mulieris, *ἐκκλησία*, ad excludendam polygamiam, id est, nuptias cum pluribus uxoribus eodem tempore contractas: nam successivè plures uxores habere, aut quod idem est, matrimonio per mortem alterius soluto, aliam ducere, prohibitum non est; quod tamen & ipsum species est *πολυγαμία*. Igitur apud Romanos vetitum fuit, plures uxores eodem tempore habere; quod & aliarum quoque gentium moribus improbatum fuisse ostendimus *iss. seq. §. affinitatis 6.* ideque divinæ simul ac naturali legi convenienter; quia etsi non adversetur primis principiis, adversatur tamen conclusionibus juris naturalis: quod ego paucis, sed firmis rationibus confirmabo. Legi divinæ primæque institutioni matrimonii contrariam esse polygamiam, evincitur primum ex loco *Mat. 19. 8.* Nam argumentum, quòd ibi Christus utitur adversus divortium, *ab initio autem ita non fuit*, nullas vires habet, nisi hanc majorem præsupponat: Ita in matrimonio se res habere debet, quemadmodum in principio fuit. Assume jam: Atqui initio duo tantum conjuncti fuerunt in carnem unam, *Genes. 2. sub fin.* Ergo lege institutionis matrimonii duo tantum, id est, mas cum femina una conjungi debent. Eadem planè ratione & ex prima conjugii institutione licentiam polygamie damnat Malachias *cap. 2. vers. 14. & seq.* ut bene ostendit collega noster D. Joann. Coccejus in *ἑρμηνείᾳ Πρωφ.* Præterea *Levit. 18. 18.* polygamia expressè prohibetur, quòd Hebrææ linguæ peritissimi Junius & Tremellius firmissimis rationibus demonstrant, locum ex phrasí Hebræa ita vertentes: *Mulierem unam ad alteram ne assumis.* Tertiò, cum ceremonialia præcepta in novo Testamento abrogata fuerint, quæcumque Apostoli præcepta tradidere, moralia esse constat, cum in politica, tum in æconomia, & à singulis observanda: Atqui *1. Cor. 7. 2.* monogamia præcipitur iis, qui matrimonium expetunt: non potest enim, quod vult Apostolus, unaquæque mulier suum proprium virum habere, si communem cum aliis in polygamia habeat. Quod autem morale est, id à singulis observandum, & perpetui juris est; adeoque & in veteri Testamento obtinuit. Denique videmus primam institutionem conjugii sic exponi à Christo & Apostolo, ut duo solummodo in unam carnem coalescere censcantur, *Mat. 19. 5. & 1. Cor. 6. 16.* nec ante Lamechum Cainici generis hominem quemquam legimus plures simul uxores duxisse: ex quo intelligimus polygamiam sicut & reliquas corruptelas paulatim irrepsisse. Quorsum enim aliàs hoc in Lamecho expressè non aliter Moyses *Genes. 4. v. 19.* Sed & communis ratio polyga-

miam damnat, primùm quia mutuum conjugum amorem, quem singulares nuptiæ sovent, dividit: deinde quia fidem violat, qua alter alteri sese perpetua consuetudinis vitæ obligatione tradit, & corpus suum mancipat: unde merito Christus pronuntiat eum mœchari, qui vinculo prioris matrimonii non soluto, aliam uxorem ducit, *Matth. 19. 9.* Cui convenit illa Tertull. 4. *advers. Marc. manente matrimonio nubere adulterium est.* Postremò & ratio societatis exigat, ut quemadmodum uxor uni viro, ita vicissim vir uni uxori obstringatur & adhaereat, ut disputat Grot. 1. *manud. 3.* quamquam aliò abit l. 2. *de iure. bell. cap. 15.* Quamobrem concludendum est non licere plures uxores eodem tempore habere. Patrum antiquorum autem exempla nobis favere nequeunt: quia illi vel ex revelatione & dispensatione divina in polygamiam consenserunt: vel, ut nuper dicebam; cum polygamiam pugnet cum conclusionibus, non cum principiis juris naturæ, invaluit tunc licita consuetudo plures accipiendi uxores. Non enim ea, quæ contraria sunt mediatis conclusionibus ex principiis juris naturæ deductis, obligant, nisi aliqua lege vel Divina, vel humana superveniente, quæ nunquam aut revelatione aut alia via dispensata fuerit. Hujus autem dispensationis pro antiquis Patribus perspicuum argumentum adest Deut. 21. ubi quædam de Polygamis statuuntur, absque ullo prævaricationis & reprehensionis nœvo. Alioquin egregiè Apostolus adularetur Abrahæ, Jacob, & David, qui omnes pluribus uxoribus adhæserunt, & tamen illos Sanctos evulgat.

Individuum Verbum hoc, *individuum*, duobus modis accipitur: uno modo pro eo, quod commune adhuc est atque indivisum; quo sensu individua hæreditas dicitur à Modestino l. *sine 32. §. Lucius 6. de adm. tut.* & à Paulo individuum curæ officium; l. *Lucius 46. §. 1. cod.* Altero modo pro eo, quod dividi non potest; ut cum servitutes, obligationes, stipulationes individuas dicimus. Atque utraque significatio huic loco convenit: prima quidem simpliciter, ut ex iis, quæ mox dicemus, patebit; altera secundùm quid, videlicet respectu aliarum conjunctionum & societatum, quæ faciliè dividi, hoc est, separari, & pro arbitrio unius dissolvi possunt. Neque enim nuptiis passim renuntiare licet; adeoque Impp. Christiani non nisi ex gravissimis causis divortia admittunt; l. 3. *C. de Repud. Nov. 117. c. 8. & 9.* Dici etiam potest, conjugale vinculum ex proposito & voto contrahentium perpetuum atque individuum esse, licet ex accidenti aliquando contingat separatio, quod in definitione considerandum non fuit. Quòd si hæc res ad primam matrimonii institutionem, & ad eam, quam hic Deus sibi partem vindicat, exigatur, multo justius hæc conjunctio dicitur individua. Nam, ut Christus nos docet, initio conjugium sic à Deo institutum est, ut indissolubile esset. Et Deus interveniens personas conjungit. Quod autem Deus

conjungit, homo separare non debet, *Matth. 19.* quo etiam loco, & *Matth. 5.* prohibentur omnia divortia, præterquam quæ ex causa aut æqualis atrocitatis aut adulterii sunt. In illa autem, quam dixi, perpetua atque individua vitæ consuetudine Germanos perstitisse scribit Tacitus *de morib. Germ. c. 18.* Apud Romanos quoque à condita urbe usque ad annum 520. nullum inter virum & uxorem divortium intercessisse, testes sunt Dionys. Halic. lib. 2. Val. Max. lib. 2. cap. 1. Gell. lib. 4. c. 3. Primus Sp. Carvilius Romæ uxorem sterilitatis causa dimisit, ut iidem testantur. Procedente tempore divortia passim & sine ulla causæ redditione permixta, sed viris dumtaxat; ut arguit locus Plauti in *Mercat. act. 4. scen. 6.* Tandem etiam uxoribus, ut constat ex *tit. de divort. & repud.* Juvenalis *satur. 6.* notat mulierem quæ crebro divertendo, intra quinquenium octies viros permutaverat. VINN. Sed hæc ipsa divortiorum licentia apud Romanos argumento est, in definitione hac *individua vitæ consuetudinem* non opponi divortiis, sed separatæ æconomiz conjugum. Eorum enim erat communes habere penates, communem thalamum; & hinc Uxor domum ducenda. Eodem ergo sensu individua dicitur vitæ consuetudo inter Conjuges, quo amici dicuntur esse comites individui. Vid. Tacit. *Ann. lib. 6. cap. 10.* Et sic egregiè hæc definitio congruit alteri Modestini in lib. 1. ff. *de ritu nuptiarum.* HEIN.

Individua vitæ consuetudinem continens Adjunctum proprium, atque ex parte finis. His autem verbis existimo Justinianum significare non tantum domesticam societatem & conversationem, sed etiam rerum quædam communionem & indivisum rerum omnium inter conjuges usum, in summa rerum & corporum communicatione, *communio & omnia vitæ.* Atque hanc interpretationem adjuvat Modestinus l. 1. *de rit. nupt.* cum ait. *Nuptia sunt conjunctio maris & feminae, consortium omnis vitæ, divini & humani juris communicatio.* Nulla enim res est, sive divini, sive humani juris, quam conjux cum conjugē non communicet, cujusque inter eos salva honestate conjugii promiscuus usus esse non debeat. Unde Gordianus Imp. uxorem dicit suscipi sociam divini & humanæ domus; l. 4. *Cod. de crim. exp. her.* Quamquam fortasse Modestinus & Gordianus, cum ita loquuntur, aliò respiciunt, nempe ad sacra Paganorum, quæ domi sibi quisque & familiæ suæ habebat, quorum uxor fiebat socia. Meminit horum sacrorum Cic. 2. *de legib. Plaut. in Captiv. Plin. in Paneg. add. Duar. in 1. solus. mærim. de nupt.* Male nonnulli hæc definitionis verba referunt ad communionem bonorum: nam vera bonorum societas qualis in his regionibus, inter virum & uxorem nulla est, neque jure civili, neque jure canonico. Peck. *de testam. con. 2. cap. 1.* Covaruv. *de matr. p. 2. c. 7. §. 1.* Chassan. *ad consuetud. Burgund. rubr. 4. n. 4. & 16.* novissimè D. Lambert. Goris *advers. jur. vrb. 1. cap. 1.*

Nu-

9 Nuptias honestatis causa præcedere solent sponsalia, ita dicta à spondendo, quia moris fuit veteribus stipulari & spondere sibi uxores futuras; 2. *de sponsal.* Gell. l. 4. c. 4. unde etiam sponsæque appellatio nata est; l. 3. *ead.* Sunt autem sponsalia, ut Florentinus definit, mentio & promissio futurarum nuptiarum; l. 1. *ead.* Ait, *futarum nuptiarum*; liquidem unum tantum genus est sponsaliorum, mutua scilicet promissio de futuris nuptiis: quamvis enim jus canonicum duo genera constituat, unum eorum, quæ de futuro appellant, alterum, quæ de præsentī, c. *pen. & ult. 2. eod.* hanc tamen distinctionem Auctores juris civilis non agnoscunt, quibus sponsalia de præsentī sunt ipsum matrimonium jam mutuo consensu contractum; l. *nuptias* 30. *de reg. iur.* Sed neque juris canonici interpp. per sponsalia de præsentī, quæ vocant, negant contrahi matrimonium: sed tantum respectu matrimonii per conjunctionem corporum consummati hæc etiam sponsalia ab iis dicuntur; Panor. d. c. *pen. n. 2.* Covar. *despons. p. 1. c. 1. n. 6. & in c. omnis res 4. c. cum inissatur. 5. c. coniges 6. c. conjunx. 9. c. 27. q. 2.* Sponsus & sponsa de præsentī vocantur vir & uxor, ita tamen ut post copulam hæc sponsalia de præsentī indissolubilia sint quacumque potestate quoad vinculum: si verò conjunctio corporum nondum intervenerit, dissolvi possint Religionis monasticæ professione c. 2. & 7. *de convers. coniug.* Nostrates quoque uxorem ab sponsa hoc solo distinguunt, quod uxor post nuptialem benedictionem & conjunctionem thori dicatur, antea appelletur sponsa. Sponsaliorum de futuro hic effectus erat jure canonum, quod in matrimonium transirent per subsequentem corporum commixtionem inter sponsum & sponsam, c. *veniens* 15. *cap. is qui fidem* 30. *n. de sponsal.* quamvis canones isti decreto Concilii Tridentini abrogati sunt; sess. 24. c. 1. §. *qui aliter, de reform. matr.*

T E X T U S.

Qui habent in potestate.

2. *Jus autem potestatis, quod in liberos habemus, proprium est civium Romanorum: nulli enim alii sunt homines, qui talem in liberos habeant potestatem, qualem nos habemus.*

N O T A.

1. *Proprium civium Rom.*] Lege Romuli primum introductum, repetitum postea & confirmatum à Decemviris. Dionys. Halic. lib. 2. p. 96. sequ.

Talem potestatem] Significat etiam alias gentes habere in liberos potestatem, sed dissimilem, nempe patria potestas indefinitè considerata originem ex jure naturæ trahit. Plin. in panegy. Vis

& lex natura semper in ditione parentum esse liberos jussit, ut etiam Arist. 1. *pol.* 8.

Qualem nos] Immensam & planè *hæc* quæ continebat jus vitæ & necis, vid. Halic. ubi sup. l. 11. D. lib. & posthum. l. ult. C. hoc t. Sigon. l. 1. de jur. ant. civ. Rom. 10. quam alii ut tyrannicam repudiant, teste Simplic. ad Epicteti Enchirid. c. 7. Simile patrum jus apud Persas ut tyrannicum accusat Aristot. 8. *Nichomac.* c. 12. Et procedente tempore etiam apud Romanos jura patriæ potestatis multum imminuta. Vinn. Vel ideo rectè negat Justinianus ullos alios homines talem in liberos habere potestatem, qualem habebant Romani, quia patria Potestas revera erat Quiritarium dominium. Unde liberi ratione patris non erant personæ, sed res mancipi, quæ venundari, mancipari, vindicari immo & ob justam causam occidi poterat. Vid. celeb. Bynkershoek de jur. occ. lib. c. 1. HEIN.

C O M M E N T A R I U S.

- 1 *Quo sensu patria potestas dicatur propria civium Rom.*
- 2 *Jus patriæ potestatis per herili initio fuisse, sed sensim multis modis imminutum.*
- 3 *In his regionibus vetera patriæ potestatis jura ignorari.*

Certum, est, Justinianum hoc loco distinguere voluisse patriam potestatem à dominicâ, idque à causa efficiente. Nam §. 1. *præced.* 111. dominicam dixit esse juris gentium; hinc patriam dicit esse propriam civium Rom. sive juris civilis. Videamus, quàm rectè Juris civilis esse dicuntur non solum quæ sunt juris merè positivi, sed etiam ea, quæ mixti juris sunt, & secundum quid tantum civilis: quatenus scilicet cum alioqui originem ex jure naturæ aut gentium habeant; lex civilis certam eis formam dedit, novisque qualitatibus induca civium ea propria fecit, exclusis ab eorum communione peregrinis: quod pluribus docemus, & exemplis declaramus, §. 1. *sup. de iur. nat. gen.* Inter ea, quæ mixti juris sunt, numeranda est patria potestas, nam origo ejus non ex alio jure, quàm ex quo matrimonium, quæ prima & antiquissima paterni imperii causa est; nimirum marito ut capiti familiæ naturæ lege atque ordine competit imperium in omnem familiam, in uxorem, in liberos, in servos; quamvis non eod. imperii genere omnibus imperet. Nam, ut rectè & naturali rationi convenienter docet Aristot. 1. *pol.* c. 1. & 8. *Ethic.* 12. neque maritus uxorem, neque pater liberos servili imperio regere debet; sed uxorem & liberos, ut in Optimatum Republ. Magistratus cives suos: liberos autem *hæc*, ut Rex subditos; quos ut Rex amat, & ut ad eorum utilitatem omnia dirigit, ita & liberos ex se genitos amat pater, curam eorum gerit. iisque prodesse omnibus modis studet. Itaque patria potestas simpliciter & in genere considerata in-

ris

ris gentium est, adeoque dominica antiquior, & tanto antiquior, quanto matrimonium antiquius est bellis, & servitutibus. Vis & lex naturæ semper in ditione parentum esse liberos iussit, ait Plinius in *Paneg. Trajan.* At considerata in specie & definitè secundum leges & mores Romanorum, civilis est; & hoc sensu rectè opponitur potestati dominicæ, quæ meri est juris gentium; §. 1. *supr. præc. tit.* Ac tametsi Antonius modum dominicæ potestati posuit, non ideo tamen ea facta est juris civilis sive civium Rom. propria, ut falsò existimant Myns. Schneid. Vves. ad §. 2. *præc. tit.* quippe cum & peregrini idem semper jus habuerint: sed res tantùm revocata est ad rationem juris gentium primævi. Vid. quæ notamus sub d. §. 1. & 2. Esse autem hanc etiam mentem Justiniani, verba hujus §. non obscurè ostendunt. Nam hoc ipso quod ait, nullos alios homines talem potestatem in liberos habere, qualem cives Romani habent; satis significat, etiam alios homines habere potestatem in liberos, quamvis talem fortassis nulli habeant. Utrique qui formas vivendi Græciæ civitatibus considerunt, certum voluerunt esse modum patriæ potestatis ac finem; ut nimirum patribus tantummodo liceret liberos modicè castigare: qua via si nihil proficerent; ultimum erat, ut eos abdicarent, id est, nudos re omni domo expellerent: quæ abdicatio *ἀναίρεσις*; dicebatur, lib. 6. c. hoc tit. Eam autem potestatem alii annis terminabant, alii matrimonio, nonnulli publica in viros adscriptione; teste Dionys. Halicarn. lib. 2. p. 96. At Romanorum in liberos potestas neque finem habuit, nec modum. Non finem, quia in omne vitæ filii tempus producta fuit, etiamsi summos honores gessisset, & laudem singularis erga Rempublic. studii consecutus esset. Non modum, quia immensa fuit & planè *ἀσυστοία*. Nam primùm ex lege Romuli, repetita, postea & confirmata à Decem viris, filiusfam. in patris sui manu, potestate, mancipioque erat, habebatque pater jus in eum vitæ & necis, terque venundandi potestatem, in quo majus etiam jus patris, quàm domini fuit; auctore eodem Dionys. d. lib. 2. fac. l. in suis tit. de lib. & posthum. l. ult. c. de pat. pot. Quo tamen loco lapsus est in eo Constantinus, quod scribit, non licuisse patri filio eripere libertatem: nisi sic eum excusari placeat, quòd jus vendendi citius exolverit quàm vitæ & necis. Equidem plus hac in re tribuendum existimo testimonio accuratissimi antiquitatum Romanarum Scriptoris, qui Augusti temporibus floruit, quàm Byzantini. Quod verò *Ulp.* in l. 8. de his qui sui vel alien. iur. scribit, jus potestatis moribus receptum esse: id tantùm, ut ego existimo, verum est respectu quorundam effectuum, qui moribus vel introducti sunt, ut substitutio pupillaris; l. 2. de vul. & pup.

aut in imaginarios conversi, ut venundandi potestas. Præterea quemadmodum servus domino, ita filius omnia acquirebat patri; ut scribit idem auctor lib. 8. Sed jus illud vitæ & necis, vendendi, alienandi; mancipandi potestas, utpote à ratione juris naturæ, atque à pietate, in qua patris imperium consistere debet, l. 5. de leg. Pomp. de parricid. nimis longè recedens, merito postea displicuit, permisissimumque dumtaxat patri privatim filium castigare & corrigere: si verò quid tale filius admisisset, quod graviorem animadversionem desideraret, ad Magistratum rem deferri leges voluerunt; l. 3. c. de pat. pot. l. un. c. de emend. prop. l. 2. ad leg. Corn. de fidei. Ita paulatim asperi & duri Romanorum mores mitigari cœperunt Græcorum condimentis, ut videtur; à quibus cum bonarum literarum disciplinas accepissent, ad hanc sunt mansuetudinem morum facilitatemque revocati. Sed & jus acquirendi per filium multis modis imminutum est, de quo dicemus inf. tit. per quas pers. cuiq. acq. Alia quoque pleraque patriæ potestatis effecta procedente tempore multum imminuta sunt, ut suis locis indicabimus. Nobis verò vetusta potestatis patriæ jura planè incognita sunt, ac propterea apud nos effecta ejus omnia cessant, testibus D. Grot. 1. mand. 6. D. Gudelin lib. 1. de jur. noviss. cap. 14. Et sanè non difficile est id per inductionem demonstrare. Singula singulis notabimus locis. VINN. Non lapsus videtur Constantinus M. l. ult. c. de pat. pot. dum negat licuisse patri filio eripere libertatem. Libertatem enim pro ingenuitate accipit sensusque est, quamvis parentes in servitutem vendiderint liberos, non tamen iis ereptam esse ingenuitatem, si quidem manum illi non libertini fuerint facti, sed ingenui. Vide, quæ supra notavimus ad §. 1. *inst. de ingen.* Libertatem autem veteres sæpè pro ingenuitate dixisse vel ex l. 4. ff. de Inst. & iure adparet, ubi tria genera hominum referuntur, LIBERTI, & his contrarium SERVI, & tertium genus LIBERTI. HEIN.

T E X T U S.

Qui sunt in potestate.

3. Qui igitur ex te & uxore tua nascitur, in tua potestate est. Item qui ex filio tuo & uxore ejus nascitur, id est, nepos tuus & neptis, aq̃ue in tua sunt potestate; & pronepos & proneptis, & deinceps ceteri. Qui autem ex filia tua nascuntur, in potestate tua non sunt; sed in patris eorum.

Con-

COMMENTARIUS.

Qui ex filio suo] l. 4. de his qui sui vel al. jur. Ratio perspicua est. Quia in familia avi paterni nascitur: omnes autem, qui sunt ejusdem familiae, subjecti sunt familiae principi, qui hic est filii pater: & qui est in potestate alterius, alium in sua potestate habere non potest: l. sic evocatis 21. ad l. l. de adult. & ita deinceps l. 5. D. de his q. sui v. alien. jur.

Quo autem ex filia mea. Nati ex filia mea, non in mea, sed in patris sui potestate & familia sunt; l. cum legitima 19. de stat. hom. l. familiae 196. §. 1. de verb. sign. Unde quia mulier familiam suam non propagat, familiae suae finis dicitur: l. pronuntiatio 195. §. ult. d. sit. At, inquis, cum nuptiis filiafam. non solvatur ius patris potestatis, §. 1. inf. de senat. Tertyll. l. 2. §. 1. l. quatuor 29. solut. matr. l. 1. §. ult. de iniur. cum similib. cur non etiam is, qui ex filia mea nascitur, æquè est in potestate mea, sed in potestate

patris sui? Respondeo, id fieri & civili ratione, d. l. cum legitima 19. & naturali, si-ve potius juris gentium, argumento eorum, quæ ante diximus de jure ejus, qui caput est familiae. Adcoque pater elocando filiam, hætenus juri suo cedere intelligitur, sicut & plerisque aliis in rebus, de quibus alibi dicendi dabitur locus. Jure antiquo uxor, quæ in manum viri convenerat usu aut coemptione, in familiam & potestatem viri transibat: eratque ei filia loco, & jura suorum hæredum in familia nanciscebantur; matremque familias appellabant, cum alia uxores tantum essent, & matronæ dicerentur. Hoc igitur modo atque ritu si filiafamilias nupta in manum viri convenisset, in totum solvebatur jure & potestate patris. Si quis est antiquitatis studiosior, is Hotoman. adeat, qui quicquid ad accuratam hujus rei cognitionem pertinet, ex Cic. in Topic. cap. 3. & Boet. ibid. Dionys. Halicarn. lib. ant. 2. p. 95. Gell. lib. 18. cap. 6. Ulp. in fragm. tit. 9. diligenter collegit.

TITULUS DECIMUS.

DE NUPTIIS.

D. Lib. 23. Tit. 2. C. Lib. 5. Tit. 4. Novell. 74

Ratio ordinis & Argumentum Tituli.

Et si superiore Titulo de Nuptiis dici coeptum est, ut primo & præcipuo modo constituendæ patris potestatis: tamen cum ex iis, quæ ibi dicta sunt, nondum intelligamus, quæ sint iustæ nuptiæ, ex quibus nati denu sunt in potestate patris; ideo ejus rei tractatio hoc loco subjicitur, doceturque; ad iustas nuptias quæ res exigantur, quæ personæ quibus matrimonio jungi non possint, quæ pœna afficiantur qui adversus præcepta legum coeunt. Ad extremum & aliis constituendæ patris potestatis modus explicatur, quem Legitimationem nunc vulgo appellamus.

testate sunt: nam hoc fieri debere, & civilis & naturalis ratio suadet in tantam, ut iussus parentis præcedere debeat. Unde quaesitum est: an furiosi filia nubere, aut furiosi filius uxorem ducere possit. Quumque super filio variabatur; nostra processit decisio, qua permissum est ad exemplum filia furiosi, filium quoque furiosi posse & sine patris interventu matrimonium sibi conpulare secundum datum ex nostra constitutione modum.

NOTA.

Femina viri potentes] Matura viro dicitur, Theophilus ἀνδρὶ δυνάμει. Feminae post annos duodecim virum pati posse creduntur; l. 4. D. h. s. l. 10. D. de cond. & dem. l. pen. D. quand. dies leg. quippe qua ætate scæminarum incipit purgatio, teste Macrobius. d. loco. Cur in scæminis citius vis generationis incipiat, quàm in maribus, vid. Arist. 4. de gen. anim. cap. 6. Macrobius. 7. Saturn. 7.

Consensum parentum] Nuptiæ consistere non possunt de hoc jure, nisi consentiant omnes, id

TEXTUS.

Qui possunt nuptias contrahere.

Iustas autem nuptias inter se cives Romani contrahunt, qui secundum præcepta legum coeunt, masculi quidem puberes, feminae autem viri potentes; sive patres familiarum sint, sive filii familiarum; dum tamen, si filii familiarum sint, consensum habeant parentum, quorum in po-

Id est, qui coeunt, quorumque in potestate sunt; l. 2. D. hoc tit. l. 12. C. eod. consensum tamen non impedit obsequium reverentiae paternae debitum, l. 22. D. eod. Apud nos vero parentum consensus, etsi honestatis, non tamen necessitatis est.

Et civilis] Scil. patria potestas, in filiofamilias accedit & hæc, ne cui invito suus hæres agnascatur, §. 7. inf. tit. seq.

Et naturalis] Reverentia & obsequium naturæ lege parentibus omnibus debitum, l. 2. D. de just. & jur. quo tamen contempto nuptiæ non essent irritæ, nisi lex civilis adderet *δωδμήν ἀναγκαστικὴν*. l. 11. D. de stat. hom. l. 22. C. hoc tit. quam tamen non attendunt Authores Juris Canonici.

Præcedere] Justus, id est, voluntas sive consensus parentis præcedere debet, l. 25. §. 4. de acq. hered. ideoque non sufficit hic ratihabitio. Per l. 13. §. 6. ad leg. Jul. de adult. l. 11. D. de stat. hom. l. 6. C. hoc tit. sufficit autem vel tacitus consensus præcedens, aut concomitans; l. 5. C. eod. l. 7. §. 1. D. de sponsal. non enim velle debet pater, sed non nolle, id est, *συμμενῆν*. Sed vid. infr. in comment. n. 4. & seqq.

Ex nostra constitutione] Modus hic est, ut ex sententia curatoris ipsius furiosi, & nobiliorum totius familiae, itemque magistratus aut Episcopi ipsius Civitatis, de nuptiis statuatur, l. 28. C. de Episc. aud. l. 25. C. hoc tit.

COMMENTARIUS.

1 Quid in hoc argumento vocabulum justus significet?

2 De ætate coeuntium.

3 De eorum consensu.

4 De consensu parentum adhibendo.

5 Et quid de Jure Canonico.

6 Ratihabitio patris an efficiat, ut retro nuptiæ absque consensu ejus contractæ legitimæ fiant.

1 *Justus*] Justus variz sunt pro adjuncto significationes. Hoc loco justum idem significat, quod *ῥημιον*, legitimum: & justæ dicuntur nuptiæ, quæ secundum jura civitatis Romanæ inter puberes cives contrahuntur; eodem sensu, quo justum matrimonium in l. un. unde vir. & uxor. l. 13. de his quib. in indign. Sic justus liberi dicuntur legitimi, ad differentiam naturalium dumtaxat & vulgo qualitorum; l. 5. §. ven. l. 1. l. 12. de stat. hom. justus pater ad differentiam naturalis; l. lege illa 44. §. 3. hoc tit. justa uxor; l. si fenatori 31. eod. quæ legitima in l. 4. eod. In genere autem justæ nuptiæ habendæ, quæ secundum cujusque populi instituta contrahuntur.

Cives Romani] Igitur cum servis, Latinis, peregrinis, deportatis connubium non est,

Ulpian. fragm. tit. 5. §. 4. l. 3. C. de inc. nupt. Cic. in Top. Atque hinc responsum est, si quis rogatus hæreditatem restituere sine liberis decessisset, isque deportatus in insula liberos sustulisset, conditionem non defecisse; l. ex facto 17. §. ex facto 5. ad sen. Trib.

Masculi quidem puberes] Romanica demum ætate civibus suis matrimonia permiserunt; quæ natura apta esse creditur ad generandum; maribus post annum decimum quartum, quo tempore ipsam ætatem necessitate pubescere, & vim generationis moveri incipere, scribit Macrobius in somn. Scipion. l. 1. c. 6. & Arist. 7. pol. 16. exurgere *τὸ σπέρμα* *ἐπιέν*. sceminiis autem biennio maturius, quia post annum duodecimum virum pati posse creduntur, l. 4. hoc tit. l. 10. de cond. & demonstr. cujus diversitatis si quis rationem quærat, adeat Arist. 4. de gen. anim. c. 6. Macrobius 7. Saturn. 7. Ab hac autem determinatione legitimæ & matrimonio contrahendo idoneæ ætatis longè recedit Plato, qui 4. & 6. de legib. tricesimum annum masculis præscribit; longius etiam Aristot. 7. polit. 16. qui eos demum conjugii vult circa annum 36. sceminas autem anno 18. Juris Pontificii Auctores pubertatem metiuntur ex potentia coeundi, non ex numero annorum; cap. 3. §. fin. de despons. impub. qui tamen hodie ex generali consuetudine sequuntur definitionem juris civilis, quæ etsi non in omnes, in plerosque tamen quadrat, & Medicorum etiam ac Physicorum auctoritate fulcitur. Raro tamen hac ætate apud nos præsertim masculi matrimonio junguntur. In sponsalibus ætas definita non est: quapropter & à primordio ætatis sponsalia effici possunt, modò utraque persona sit infante major; l. in sponsal. 14. de sponsal. à quibus tamen facti puberes liberè recedere possunt; c. 7. & 8. de spons. impub. Vixit. Solebant & impuberes Romani Uxores ducere nondum viri potentes. Exempla exstant apud Gruter. Inscr. p. 788. 8. p. 815. 3. p. 824. 1. Tunc verò Nuptiæ hujusmodi non rescindebantur, sed tamen non prius justæ erant, quam conjuges justam ætatem attigissent. Hinc nec antea dos peti poterat l. 65. ff. de jur. dot. nec repudiata dabatur actio rei uxoriæ l. 17. §. 1. ff. de reb. ant. jud. post. l. 74. ff. de jur. dot. nec ea poterat legatum sub conditione nuptiarum exigere l. 10. pr. ff. de cond. & dem. Sponsæ ergo loco erat immatura, domum ducta; modò Sponsalia præcessissent, l. 32. §. 27. ff. de don. int. vir. & ux. junct. l. 9. ff. de spons. Legitima verò uxor tunc fiebat, quum apud virum expleisset duodecim annos l. 4. ff. de rit. Nupt. HEIN.

Consensum habeant parentum, quorum in potestate] Jure civili in nuptiis requiritur consensus, tum eorum qui coeunt, tum parentum, si quos habent, quorum sunt in potestate; l. 2. hoc

hoc sit, quod etiam in sponsalibus observatur; *l. 7. l. 11. cum seqq. de sponsalib.* Primum nuptiæ sine consensu coeuntium non consistunt, sicut nec alius ullus contractus sine consensu intelligi potest; *l. 1. §. 3. de pact.* Quid ergo si error intervenit? Distinguendum est: nam si talis sit error, qui consensum impedit, puta si quis erret in persona, putans Titiam esse, cum qua contrahit, cum sit Sempronia; hic error matrimonium vitiatur, *arg. l. si per errorem 15. de iurisd. l. 9. de cons. empt.* Nam quod Jacobus Liam pro Rachele suppositam retinuit, in eo non est usus summo iure; *c. quod autem c. 29. qu. 1. Lombard. 4. dist. 30.* Idem dicendum est, si erretur circa qualitatem essentialem, veluti circa potentiam generandi, aut necessitudinem, puta si ignorabatur esse amita aut soror, cum qua contractum est. At si circa accidentalia tantum erratum sit, verbi causa, si pauper est, quæ dives dicebatur, si capitosa, quæ morigera, si plebeja, quæ nobilis credebatur, &c. quoniam hæc vel adesse, vel abesse possunt salvo matrimonio, & hic in re ipsa iustus consensus est, ratum erit matrimonium, *d. c. quod autem, in fin. Covarruv. de matrim. p. 2. c. 3. §. 6. n. 2.* Illud autem, quod Innocentius tertius respondit, *c. tua nos 26. de sponsal.* si quis ut honestam mulierem ad turpia pelliceret, falsum nomen ementitus eam his verbis desponsaret, *Ioannes se sponsas*: & mulier hoc dolo imprudens illecta cum in illum tamquam sponsum consensisset, ei copiam sui fecit, si ille testetur nunquam sibi animum fuisse illam ducendi, ista verò petat fidem sibi datam præstari; non debere ex eo facto conjugium judicari, &c. non procedit in foro externo, in quo responderetur pro matrimonio: quia Ecclesia non iudicat de occultis. *Covar. de matr. p. 2. c. 2. n. 5. Sanchez tract. de matrim. lib. 1. disp. 9. & seqq.*

Consensus in hoc contractu etiam planè liber esse debet; *l. non cogitur 21. hoc sit. l. Titia 134. de verb. oblig. l. nec filium 12. l. neque 14. C. hoc sit.* Ideoque matrimonium per vim aut justum metum initum, ipso quoque iure nullum est; *d. l. 14. cap. significavit 2. x. de eo qui dux. in matr. cap. 14. & seq. x. de sponsal.* *Covar. d. part. 2. cap. 3. num. 5. Alb. Gentil. 3. de nupt. Christin. vol. 1. decis. 335.* Planè metus reverentialis sive obsequium reverentiæ paternæ debitum, à quo absumt verbera, vincula, minæ, matrimonium non impedit, uti nec consensus; *l. si patre 22. hoc sit. l. 7. l. 12. de sponsal.* *Covar. d. cap. 3. §. 6. n. 3.*
 4 Albert. Centil. d. lib. 3. cap. 11. quod tamen alii examinant. Qui in potestate parentis est, etiam illius consensum adhibere debet; *hoc textu, & lege 2. eod. m.* Sed & nepos quamvis in avi tantum potestate sit, patris tamen consensum adhibere debet; *l. 16. §. 1. eod. eadem scilicet ratione, ex eo consensus filii requiritur, si pater quasi ex eo nepotem adoptare velit, nempe ne invito filio suus hæres agnascatur; §. sed si quis 7. sit. seq. quæ ratio cum in nepte nubente cesset, cessat etiam decisiō; d. l. 16. §. 1. Casus,*

qui proponitur in *l. 3. eod. specialis est.* Quid ergo, si, oblata liberis honesta conditione, pater dissentiat, aut sine causa prohibeat filium uxorem ducere, filiamve nubere, aut dotem dare nolit? Hic Magistratus aditus partes suas interponet, patremque causa cognita coget in matrimonium consentire, & dotem dare; *l. capite 19. hoc sit.* Ait disertè, *quorum in potestate.* Unde intelligimus, nec matris consensum in liberorum nuptiis necessarium esse, nec patris in emancipatorum. Et de filio quidem emancipato hoc expressè scriptum est in *l. filius 25. hoc sit.* In filia verò emancipata id secus videri potest per *l. vidua 18. l. in conjunctione 20. C. eodem.* An dicemus excipi filiam emancipatam minorem 25. annis ob sexus & ætatis verecundiam? An, ut plerique, honestatis tantum causa præcipi, ut ea patris consensum expectet, sed id non esse necessarium? Sane & inatris, & propinquorum, & curatorum iudicium adhibere patre orbata iisdem constitutionibus jubetur, quorum tamen auctoritas in copulandis nuptiis necessaria non est; *l. 8. C. eod.* Sic sentio. Jus antiquitus fuit, ut pater filiam, quam in potestate habebat, pro arbitrio & cui liberet despondere posset; cuius rei exempla nonnulla apud Comicos & Historicos habemus. Neque filię à patre dissentendi licentia dabatur, nisi indignis moribus aut turpem sponsum ei pater elegisset; *l. 22. §. 1. de sponsal.* Emancipatam autem filiam patrem suo arbitrio nec despondere, nec elocare potuisse, adeoque nuptias, quas illa propria auctoritate contraxisset, non fuisse injustas, arguunt textus omnes, qui ejus tantum consensum requirunt, cujus in potestate sit, quæ nubit, aut qui uxorem ducit. Hoc autem jus in filia emancipata minore 25. annis ita postea mutatum & imminutum est, ut tam illa patris, quam pater illius voluntatem explorare debeat; *d. l. 20. C. hoc sit.* ita tamen ut si filia patris sententiæ repugnet, filia potius, quam patris voluntatem iudex sequi teneatur; *d. l. 18. C. eod.* Ex quo loco utique hoc colligitur, arbitrium emancipatæ non fuisse planè liberum. VINN. Videatur quæ Pontifex in *cap. tua nos 26. x. de spons.* & Aug. Barbosa *ad idem cap. & Laymann. Theol. Mor. l. 5. tr. 10. part. 1. c. 1. n. 11.* hanc decisiōem planè explodunt. HEIN.

[*Et civilis & naturalis ratio*] Suadet id ratio naturalis; nam proculdubio contra officium filius facit, & graviter peccat, qui sine consensu parentis nuptias contrahit: civilis autem ratio, ne patri invito suus hæres agnascatur. Synodus tamen Tridentina anathemate damnavit eos, qui consent, nuptias à filiis fam. sine consensu parentum contractas irritas esse, aut parentes eas ratas irritasve facere posse, dummodo coram proprio Parocho & duobus aut tribus saltem testibus celebratæ fuerint, ut latius declaratur ibidem. Quidquid antiquiores Canones hac de re statuerint, *c. aliter, c. nostrates, c. 30. q. 5. c. non omnis, c. honorantur, c. mulier, c. fin. cap. 32 q. 3. Cujac. ad rubr. de sponsal. Duar. c. 2. de nupt. ad sit. solut.*

matrim. Coras. 1. *misc.* 17. quamquam aliud visum Covar. *de matrim.* p. 2. c. 3. §. 8 Tulden. *comm. hoc tit.* c. 5. Perez *ad tit. cap. de nupt.* num. 16. qui cum Gloss. *in cap. sufficiat* 27. q. 2. & aliis, contendunt, non nisi honestatis gratia jure Pontificio consensum paternum desiderari, liberosque conscientiae vinculo dumtaxat obstrictos ad parentum consensum adhibendum: quod hodie certum est ex Trident. *sess.* 24. c. 1. *de res. matr.*

6 *¶* *Ut jussus parentis præcedere debeat*] Jussus, id est, consensus aut potius assensus parentis in nuptiis filiorumfam. adeo necessarius est, ut etiam præcedere debeat, neque ratihabitione patris retro legitimæ fiant; nimirum cum ratihabitione in iis tantum locum habeat, quæ non statim ipso jure nulla sunt, sed aliquo modo consistunt aut pendent; Dec. *ad l. semper* 60. *de reg. jur.* n. 16. non potest ea nuptias filii sine consensu patris contractas legitimas retro efficere: sed ex eo demum tempore justæ intelliguntur, ex quo eas ratas habuit pater; per *l. 11 de stat. hom.* l. *eos qui* 65. §. 1. *hoc tit.* l. 13. §. *si quis* 6. *ad leg. Jul. de adult.* l. 6. c. *hoc tit.* Nec obstat, quod liberi ex concubina suscepti, matrimonio cum ea postea contracto, legitimi fiant; §. *ult. inf. cod.* Nam veteribus omnis legitimatio incognita fuit, & quod de natis ex concubinato, consortio jure civili permissio, postea constitutum est, non debet extendi ad eos, qui nati sunt ex conjunctione vetita, & pro stupro habita. Quid ergo est, quod Justin. *in leg. ult. c. ad Sc. Mac.* præcipit, ut omnis ratihabitione retro operetur? Nempe Imp. illic non tam causas, in quibus locum habeat ratihabitione, quam naturam atque effectum ejus designat. Hodie tamen de hoc quidem jure dicendum videtur, patris consensum postea accedentem etiam retro operari, cum nunc concubinatus nullam præ alia illa conjunctione prærogativam habeat, & æquè improbatus sit. Et hoc usu apud nos servari asserunt, qui rem forensam tractant. Enimverò non præcisè requirimus, ut pater expressè consentiat, sed ut ne contradicat, aut dissentiat, gnarus eorum, quæ aguntur, *l. 7. §. 1. de sponsal.* l. 5. c. *hoc tit.* sicut è contrario & liberi jure civili consensisse intelliguntur, qui non evidenter dissentiant; *lege* 12. *de sponsal. lege si patre* 22. *hoc tit.* Itaque jussus hic tantum opponitur ratihabitioni. VINN. Quæ Vinnius hic cum Bachovio contra ratihabitionem disputat, non adeo firmo stare videntur talo. Nam primò quod negat ratihabitioni locum esse, in iis quæ ipso jure nulla sunt, id falsum videtur. Donatio enim inter virum & uxorem est ipso jure nulla *lib. 3. §. 9. ff. de don. inter vir & ux.* ratihabitione tamen convalescit. *l. 25. c. cod.* quemadmodum & testamentum, in quo filius præteritus, validum judicatur si filius in illa

voluntate adquiescat, *l. 17. ff. de injust. rupt. irrit.* Lex. 11. *ff. de stat. hom.* non agit de ratihabitione, sed de statu proli ignaro avo conceptæ. In *l. 65. ff. de R. N.* non magis matrimonium ob defectum consensus invalidum est, sed ob prohibitionem legis, quæ inter eum qui in provincia officium gerit, & mulierem provincialem stare non patitur matrimonium. Ergo nec ratihabitione ibi quidquam operatur, secus ac in matrimonio nondum consentiente patre contracto, ubi ratihabitione consensum retrahit. Quod etiam de reliquis legibus à Vinnio allegatis observandum. Denique à legitimatione rectè eatenus dicitur argumentum, quod quemadmodum liberi ante nuptias nati, his subsequenter ideo legitimi habentur, quia defectus prioris supplementum retrahitur ac si matrimonium semper fuisset, ita & post ratihabitionem patris liberi antea nati fiant legitimi, quia ratihabitione semper ad principium cujusque actus retrahitur *l. 16. §. 1. ff. de pign.* Unde & expirat monstrum illud, quod fingit Vvesemb. *ad l. 5. c. de nupt.* Spuriorum ex iustis nuptiis. Cum adparatu hæc Vinnii argumenta refellit, contrariamque sententiam probavit B. Huber. *Præl. ad Inst. hoc tit. §. 10. & ad ff. cod. §. 5.* HEIN.

TEXTUS.

Quæ uxores duci possunt vel non. De cognatis, ac priarum de parentibus & liberis.

1. Ergo non omnes nobis uxores ducere licet: nam à quarundam nuptiis abstinendum est; inter eas enim personas, quæ parentum liberorumve locum inter se obtinent, contrahi nuptiæ non possunt: veluti inter patrem & filiam, vel avum & neptem, vel matrem & filium, vel aviam & nepotem, & usque in infinitum. Et si tales persone inter se coierint, nefarias atque incestas nuptias contraxisse dicuntur. Et hæc adeo vera sunt, ut quamvis per adoptionem parentum liberorumve loco sibi esse coeperint, non possint inter se matrimonio jungi instantum, ut etiam dissoluta adoptione idem juris maneat. Itaque eam, quæ tibi per adoptionem filia vel neptis esse coeperit, non poteris uxorem ducere, quamvis eam emancipaveris.

NOTÆ.

Inter patrem & filiam] Intellige parentes & liberos etiam naturales tantum. Nam in contrahendis matrimoniis naturale jus & pudor inspicien-

ciendus est: contra pudorem autem est, filiam uxorem ducere; l. 14. §. 2. *D. hoc tit.*

In infinitum] Et ita cape *vers. 6. & 8. cap. 18. Levit.*

Nefarias atque incestas] in summo scilicet gradu. Nam in his tanta est turpitudine & fœditas, ut natura omnis à tali conjunctione abhorreat. Et hoc est incestum, quod jure gentium committi scribit Paul. l. ult. *D. hoc tit.* nec eo minus jus, quia à Persis contemptum, ut rectè Xenophon. 4. *memorab.* adde Philon. in *decal. lib. 1.* Cæterum & aliæ nuptiæ, quæ ratione cognationis aut affinitatis prohibentur, incestæ dicuntur; l. 39. §. 1. l. 95. *D. hoc tit. l. 5. de quest. l. ult. c. de incest. nups.* De nomine hoc vide Non. Isidor. *Fest.*

COMMENTARIUS.

- 1 *Genera cognationis exposita, ubi & de spirituali.*
- 2 *Parentum cum liberis conjugia incestuosa esse in summo gradu.*
- 3 *Ne dissoluta quidem adoptione filiam adoptivam ducere licere, & quare.*

EX iis, quæ hætenus dicta sunt, intelligimus, quatuor hæc concurrere debere, ut juxta habeantur nuptiæ: ut qui contrahunt sint cives Romani; quales apud nos omnes habentur: ut sint puberes: ut consentiant: ut si sint filii famil. consensum adhibeant parentum, quorum in potestate sunt; juxta ea quæ dicta sunt supra ex decret. Concilii Trident. in locis ubi receptum est. Quibus & quintum addi potest ex jure Pontificio & pia consuetudine; solennis illa post trinam promulgationem in Ecclesia nuptiarum benedictio. Hæc, inquam, si intervenerint, nuptiæ juxta esse censentur; si modò inter eas personas contractæ sint, inter quas nuptiæ consistere possunt. Nam etiam quædam personæ jure prohibentur inter se nuptias contrahere. Ut autem prohibeantur, fere fit ob turpitudinem conjunctionis, quæ turpitudine vel est à cognatione contrahentium, vel ab

- 1 *affinitate. Cognatio triplex est; merè naturalis; merè civilis; & mixta. Naturalis tantum est, quæ illegitimo coitu contrahitur: civilis dumtaxat, quæ per adoptionem constituitur: mixta est inter eos, qui ex iusto matrimonio procreati sunt, utroque videlicet jure concurrente, l. 4. §. 2. de grad. & affin. Speciem cognationis, quam Auctores juris Pontificii spirituales vocant, & esse volunt inter susceptorem & susceptam ex sacro Baptismate, cap. de cognat. spirit. Covar. de matr. p. 2. c. 6. §. 4. quam etiam probat Justinianus in l. si quis 26. circa fin. C. hoc tit. Pontifices Romani in sua & Græci in Orientali Ecclesia extenderunt usque ad septimum gradum, quasi major esset cognatio spiritualis necessitudine carnali, juxta dictum Synodi in Tryllo. Extat de ea re lib. 4. decretal. tit. 11. & lib. 3. iur. orient. idem caus. 30. per aliquot quæstiones. In Concilio autem Triden-*

tino, cum variè de hac prohibitione esset disputatum, & multi eam penitus tollendam censerent; placuit, impedimentum spiritualis necessitudinis restringi ad eam cognationem, quæ est inter susceptorem & susceptam, ejusque patrem & matrem; decret. de reform. cap. 2. sess. 24. VINN. Spiritualis illa cognatio ex mente canonistarum non modò ex baptismo nascitur, verum etiam ex confirmatione cap. 1. §. fin. de Cogn. spirit. in 6. immo & ex catechismo, quamvis eam cognationem non tam contractum quàm contrahendum matrimonium impedire existiment. c. 2. eod. n. 6. Porro hanc cognationem spirituales in paternitatem, quæ inter baptizantem & baptizatum, susceptorem & patrinum est, comparentur, quæ inter parentes baptizati & baptizantem vel susceptorem intercedit, & denique in fraternitatem qualem inter baptizatum & liberos baptizantis, nec non susceptorum contractam, dividere solent. Azpilcuet. Tom. 3. cap. 21. n. 36. & Vir summus Cujac. ad rubr. X. de sangu. & affin. HEIN.

Parentum liberorumve locum] l. nemini. 17. C. hoc tit. Commodius dixisset, inter parentes & liberos: nam & patrui & avunculi etiam parentum locum obtinent, l. sororis 29. hoc tit. Theophil. *Εἰς τὸ ἀδελφὸν ἢ κατὰ τὸν πατέρα.*

Nefarias atque incestas] In summo scilicet gradu. Nam in his tanta est turpitudine & fœditas, ut natura omnes à tali conjunctione abhorreant, & sua ipsorum conscientia redarguantur necesse sit; qui hæc naturæ jura violant: adeoque execrabiles habeantur, qui vel per ignorantiam hæc committunt. Hinc illæ Oedipodarum calamitates quibus plenæ tragædiæ & illæ fictæ apud inferos pœnæ; Homer. 11. *Odyss.*

Μοῖρα δ' Οἰδιπόδαο ἴδον καλὸν ἔπεισε δαῖτα.

Hinc Nero magis ob incestum quàm ob reliqua facinora detestabilis. De Parthis sic Lucanus.

—Cui fas implere parentem,

Quid reus esse nefas?

Adde Philonem Iud. in *decal. lib. 1.* Cæterum & aliæ nuptiæ, quæ ratione cognationis aut affinitatis prohibentur, incestæ, hoc est, incestæ & pollutæ (si Isidoro lib. 5. cap. 26. credimus) dicuntur; d. l. sororis 29. §. 1. l. etiam si 56. cod. tit. C. de incest. nups. An autem & illæ naturæ legi & honestati similiter repugnent, postea disputabimus. Earum certè, de quibus nunc agimus, naturalis prohibitio est. Quippe insita est in ipsis affectibus fuga quædam commixtionis cum parentibus & ex se natis: à qua etiam quædam animantia muta naturaliter abhorreant, à nonnullis proditum est. Seneca *Hippol. act. 3. v. 913.*

Fera quoque ipsæ Veneris evitant nefas,

Generisquæ leges inscius servat pudor.

Affertur & alia prohibitionis, eaque non parvi ponderis ratio, confusio communis cognationum normæ: quæ & ipsa naturæ legi atque ordini vehementer repugnat, & necessario conse-

quitur istam sanguinis inter parentes & liberos commixtionem. Horresco ad illud Oedipi apud Senecam *Thebaid. act. 1. v. 134.*

Avi gener, patrisque rivalis sui.

Frater suorum liberum & fratrum parens

Uno avia patris liberos peperit viro

Ac sibi nepotes. Monstra quis tanta explicet?

Item ad illa *Thyestis in Agamem. act. 1. v. 34.*

Versa natura est retro,

Avo parentem, (proh nefas) patri virum,

Natis nepotes miscui, noctis diem.

3 *Quamvis per adoptionem*] Respectu quoque cognationis merè civilis inter parentes & liberos nuptiæ prohibentur, nefasque esse existimatur, eam uxorem ducere, quæ per adoptionem filia neptisve esse cœperit: in tantum, ut et si per emancipationem adoptio dissoluta sit, idem juris maneat; *l. qui etiam 55. hoc tit.* Neque id mirum videri debet, quamvis omnia adoptionis jura per emancipationem solvantur; *l. in omni 13. de adopt.* Nam in nuptiis semper etiam pudoris & reverentiæ ratio habetur; *l. adoptivus 14. §. 2. hoc tit.* Patris autem persona tam sancta & reverenda filia esse debet, ut ad impediendas nuptias sufficiat aliquando patrem fuisse. Eadem fere ratione nec matrem patris adoptivi uxorem ducere non possum: nempe non propter civilem aliquam necessitudinem, quæ nulla inter nos; *l. qui in adoptionem 23. de adoption.* sed propter reverentiam, quam matri patris adoptivi propter patrem debeo, quamdiu in familia ejus sum; & tectum esset, me patris mei licet adoptivi fieri vitricum. Plane si per emancipationem soluta fuerit adoptio, nihil impedimento est, quominus eam uxorem ducere liceat; quoniam illa nunquam mihi avia loco fuit, sed extranea semper, *id. l. 23. de adopt. junct. d. l. 55. hoc tit.* At enim, inquires, nec patris adoptivi uxor matris loco est, *d. l. 23.* eam tamen ducere non licet, ne quidem post emancipationem *d. l. 14. pr. hoc tit.* Sed nimirum sufficiat eam aliquando novercæ loco fuisse, *d. l. 14.*

TEXTUS.

De fratribus & sororibus.

2 *Inter eas quoque personas, quæ ex transverso gradu cognationis junguntur, est quedam similis observatio, sed non tanta. Sanè enim inter fratrem sororemque nuptiæ prohibita sunt, sive ab eodem patre eademque matre nati fuerint, sive ab altero eorum. Sed si qua per adoptionem soror tibi esse cœperit, quamdiu quidem constat adoptio; sanè inter te & eam nuptiæ consistere non possunt; quum verò per emanci-*

pationem adoptio sit dissoluta, poteris eam uxorem ducere: sed & si tu emancipatus fueris, nihil est impedimento nuptiis. Et ideo constat, si quis generum adoptare velit, debere eum antea filiam suam emancipare; & si quis velit nurum adoptare, debere eum antea filium suum emancipare.

NOTÆ.

2. *Sive ab altero eorum*] Convenit *d. cap. 18. Lev. 9. 11.* Athenis tamen consanguineam ducere licebat, id est, sororem emancipatam, non autem emancipatam. Fabrot. ex *Philon.* Sed nec vulgo quæsitam sororem ducere licet, *lege 54. D. hoc tit.*

Quamdiu constat adoptio] Ex *Cajo l. 17. D. hoc tit.* Paulus apud *Ruffin.* Adoptiva cognatio impedit nuptias inter parentes & liberos omnimodo, inter fratres eatenus, quatenus capitis mutatio non intervenit.

COMMENTARIUS.

1 *Ostenditur firmis rationibus, legem divinam de non ducendis sororibus moralem esse & perpetui juris.*

EX transverso gradu] Linea in qua gradus cognationis ponuntur, vel directa est & perpendicularis, vel transversa. Directa est; vel ascendens, in qua sunt parentes, vel descendens, in qua sunt liberi. Transversa eos complectitur, qui ex latere veniunt: estque vel æqualis; eorum videlicet, qui pari gradu distant à communi parente, ut fratres & sorores, consobrini, patruales: vel inæqualis, cum alter altero à communi parente est remotior; ut patruus, avunculus, & fratris & sororis filii, & filia. In linea directa, ut jam dictum est, prohibitio est infinita: in transversa non item, quod nunc se confert Imperator.

Inter fratrem & sororem] In linea transversa æquali unus tantum gradus jure civili prohibitionem habet, nimirum fratrum & sororum nuptiæ; *l. nemini 17. C. hoc tit.* quas etiam à Deo interdictas non uno loco reperimus; *Levit. 18. 9. & 20. 17. Dent. 27. 20.* Quid ergo? an hæc interdictio sive lex de non ducendis sororibus & ipsa moralis est, perpetuamque & naturalem causam prohibitionis continet? Moralem esse & naturalem non dubito. Moveor, quod Deus ita per Moysen pronuntiat: *Qui acceperit sororem suam, nefariam rem operatus est, & in conspectu populi occidetur, Levit. 20. 17. & Dent. 27. 20. Maledictus, inquit, omnis, qui dormit cum sorore sua. Adeoque ex abominationibus, propter quas*

quas Cananæos Dominus extirpavit, hæc una fuit, *Levis. 18. circa fin.* qui tamen non aliam legem quam naturæ habuerunt. Plato quoque *lib. 8. de legib.* fratrum & sororum conjugia ait esse *μικραίνοντα, & θανάτου & αἰσχρῶν ἀρχαῖα*. Hinc esse, quod in tragædiis Macarei, cognito se cum sororibus rem habuisse, continuò mortem sibi consciscant, sceleris pœnas à se ipsis repetentes: Et Cicero *lib. 1. de divin.* commixtionem fratris & sororis *Nefarium stuprum* appellat. Lucianus in *Philop. ἀσχετὰν τὸν μίτον*. Quis verò hoc nos docuit? sola natura, quippe quæ omnes docet, sorori suæ misceri nefas esse, dum appetitum conjunctionis inter fratrem & sororem cadere non finit. Quis est enim, qui sororis suæ quantumvis formosæ nuptias aut stuprum appetat? Non Platonem modò, sed experientiam provoco. *Tam à me,* inquit ille apud Plaut. *Curcul. act. 1. sc. 1. v. 51. pudica est, quam si soror mea sit.* Neque aliam ob causam Abrahamus credidit se pro marito Saræ habitum non iri, quam si eam sororem suam esse diceret, *Genes. 12. 12. & 20. 12.* Denique non tantùm Romani, sed etiam alii populi, & omnis pœne Græcia, auctore Alex. ab Alex. *1. genial. diæ. 24.* nefandum putaverunt, iisdem parentibus genitos invicem incestis nuptiis detineri. Neque verò ideo minus hoc nefas est, quia Ægyptii & nonnulli alii populi id dicere voluerunt, suorum nimirum Numinum exemplo, cum Saturnus Opium, Jupiter Junonem, Osiris Isin duxerit: & quid ni hoc faceret, apud quos non solùm Philadelphi, verùm etiam Philometores fuerunt. Obijci solet dictum Thamaræ ad Amnonem fratrem consanguineum *Alloquere Regem; non enim denegabis me sibi. 2. Samuel. 13.* Resp. Sive hoc Thamaræ sciens commenta est, ut se præsentis periculo eriperet, sive revera credidit hoc quoque patri Regi licere; inde colligi non debet, aut Davidem id concessurum fuisse, aut rectè facturum, si concessisset. Illud alicujus momenti est, quod hæc nobis obijci potest, & verum esse constat ex sacra historia: oportuisse nimirum à primis illis hominibus sorores duci, cum aliæ mulieres non extarent. Respondent Theologi, id fuisse necessitatis & tacite divinæ dispensationis. Nam cum juberet Dominus propagari genus humanum, nec plures simul foeminas condidisset; satis intelligitur, hanc fuisse ipsius voluntatem, ut fratri ex sorore sobolem tollere fas esset; quod postea ipsa natura docuit non licere. Hoc ergo factum, ut Augustinus ait *lib. 15. de civitate Dei. cap. 16. Quanto est antiquius, compellente necessitate* (intellige necessitate ex illius temporis circumstantia) *tanto postea factum est damnabilius, religione* (id est, naturali averfatione) *prohibente.* Assert ibidem Augustinus etiam nonnullas alias causas, ob quas fratres & sorores conjungi non debeant, ut necessitudo inter plures diffundatur, serpatque & propagetur civium inter se charitas, quam sic extendi etiam Cicero docet, *5. de finib.* item ut

Pinnius in Instit.

evitetur illa cognationis & affinitatis confusio, quæ fratrum & sororum nuptias necessario sequitur. Sed hæ rationes tanti ponderis non sunt, ut quod contra sit, natura illicitum censi debeat. Consentit etiam in hac questione Covarr. *de matrim. p. 2. cap. 6. §. 10. num. 15.* D. Tulden. *ad hunc titulum, c. 6.*

Sive ab altero eorum] In nuptiis utrum frater sit germanus, an consanguineus vel uterinus dumtaxat: nihil interest, *Levis. 18. 9. 11.* immo nec vulgo quæsitam sororem ducere licet. *l. 54. ff. h. r.* In successione autem inter utrinque conjunctos arctior necessitudo habetur; *auth. itaque C. comm. de suc. ut & olim in eadem causa consanguineorum major ratio, quam uterinorum habebatur: vulgo autem quæsitorum extra successionem matris vix jus ullum.*

Quamdiu constat adoptio] Per adoptionem quæsitam fraternitas eò usque impedit nuptias, donec manet adoptio, aut naturalis filius in potestate. At si pater, vel me in potestate retento, filiam quam adoptaverat emanciparit, vel me emancipato, illam in potestate retinuerit, possumus matrimonio jungi, *l. per adoptionem 17. h. r.* quippe vinculo agnationis, quæ sola hæc nuptias impedit, soluto. Nam reverentiæ & honestatis respectus, qui dissoluta adoptione adhuc manet inter patrem quondam & filiam, hic nullus est.

Antea filiam suam emancipare] Alioqui dirimetur matrimonium, quod inter fratrem & sororem licet adoptivos non consistit; ut ex Theophilo Hotom. & Vvesemb. hic notant, & indicat. Triphon. in *l. non solùm 67. §. 3. hoc tit.* Nam ut dicamus matrimonium manere, & adoptionem potius nullam esse, quod D. Bachovius magis probat; nescio an ex ratione juris civilis defendi possit; quod cum nuptias inter sororem & fratrem adoptivum prohibet, generum tamen adoptari permittit; ex consequenti genero adoptato, nuptias perimi voluisse existimandum est, non adoptionem nullam esse. Vid. *tom. 1. juris Græco Rom l. 8. c. de adopt. γάμος λυτὸς, ὅτι κατὰ τὴν τῶν ἑδῶν γαμήλιον ὁδοῦταιται.* Theod. Balsam. *ad d. l. 67. ff. hoc tit.*

TEXTUS.

De fratris & sororis filia vel nepte.

3. *Patris verò, vel sororis filiam uxorem ducere non licet: sed nec neptem fratris vel sororis quis ducere potest, quamvis quarto gradu sint: cujus enim filiam ducere non licet, neque ejus neptem permittitur. Ejus verò mulieris, quam pater tuus adoptavit, filiam, non videris prohiberi uxorem ducere: quia neque naturali, neque civili jure tibi conjungitur.*

E No-

NOTÆ.

3. *Fratris vel sororis filiam*] Ex l. 17. D. hoc tit. l. 17. C. eod. l. ult. C. de incest. nupt. Ulpiani apud Ruffin. & in fragm. tit. 5. scribit permittum esse ducere filiam fratris, non etiam sororis. Hoc Claudius invexerat. Sueton. in Claud. c. 26. Tacit. 12. ann. c. 9. seq. Sed postea sublata est hæc differentia d. l. 7. Lege quoque divina non obscure hæc nuptiæ vetantur hoc ipso, quod prohibemur ducere amitam & materteram; Levit. 18. vers. 12. & 13. eadem enim ratio est.

COMMENTARIUS.

1. *Nuptias cum fratris aut sororis filia, & in unum versum inter personas transversæ lineæ, quæ parentum & liberorum loco inter se sunt, etiam divina lege prohibitas, atque hanc quoque legem moralem esse.*

Jure civili nuptiæ in lineæ transversa inæquali prohibitiæ sunt inter eas personas, quæ parentum liberorumve numero sunt; l. per adoptionem 17. §. 2. l. sororis 39. hoc tit. l. nemini 17. C. eod. l. ult. C. de incest. nupt. §. item amitam 5. inf. eod. & quidem in infinitum; l. nuptiæ 53. hoc tit. nam graduum numerus hic non magis consideratur, quam in lineæ recta inter ipsos parentes & liberos. Sed an huic prohibitioni per omnia consentanea sit lex divina veteris Testamenti; quaeritur. Ego equidem sic sentio; quamvis enim singula apud Moysen non sint expressa; tamen quibusdam positis, quæ paria sunt, pro expressis habenda: cum hoc flagitet ipsa ratio, ut de similibus similiter statuatur, nec in hac prohibitionem tam ad numerum graduum respiciatur, quam ad venerationem personarum. Cum igitur Dominus expressè vetet amitæ & materteræ nuptias; Levit. 18. vers. 12. & 13. intelligitur etiam vetare nuptias amitæ magnæ & materteræ magnæ, & deinceps ascendentium: item ἀδελφῶν nuptias fratris & sororis filiæ & deinceps ex his descendentium cum patruo & avunculo, & qui supra hos sunt. Atque hanc etiam prohibitionem perpetuam esse & partem legis moralis, ex iisdem fere argumentis evincitur, quibus fratris & sororis nuptias naturæ atq; honestati repugnare antea demonstravimus, in ea tamen dispensari potest, ex Trid. sess. 24. can. 3. Unum addam: Apud Romanos cum nulla adhuc lege nuptiæ cum fratris filia prohibitiæ essent; moribus tamen incestu habebantur; l. sororis 39. §. 1. l. etiam 56. hoc tit. Adeo ut ipse Claudius Imperator ausus non fuerit Agrippinam fratris sui Germanici filiam uxorem ducere, nisi extorto prius senatusconsulto, quo venia daretur talium conjugiorum: neque tamen reperti sunt,

quod mirum est, in libidiniosissima civitate, quod sequerentur exemplum excepto uno atque altero pessimo adulate; Sueton. in Claud. c. 26. Tacit. 12. annal. cap. 5. seq. ac postea senatusconsultum illud à Nerva sublatum est, teste Xiphilino. Sanè brevis hæc lex Nervæ fuit, ut & imperium ejus, & nuptiæ cum fratris filia ex edicto Claudii pro licitis iterum haberi cœperunt; nam auctore Capitolino, Antoninus Pius filiam suam fratri uxorem dedit; quod antea nondum sublato senatusconsulto & Titum fecisse Suetonius memorat. Domitian. c. 22. Ceterum quia Senatusconsultum illud sive edictum Claudii cum naturæ honestate pugnare videbatur, strictissime acceptum de sola fratris filia, non autem de filia sororis, teste Ulp. tit. 5. §. 6. aut quod magis puto, jam tempore mediæ jurisprudentiæ vim amiserat; argumento id, quod Cajus scribit, l. quinetiam 55. §. 1. hoc tit. fas non esse ducere neptem patris adoptivi ex filio; quanto igitur minus neptem veri patris & naturalis, seu veri fratris filiam ducere licuit? Ut ut est, tandem expressè edictum illud abrogatum est, & quidem à Principibus ethnicis Diocletiano & Maximiniano; l. nemini 17. C. hoc tit. adeo altè à natura leges istæ cordibus humanis inscriptæ sunt; congruit l. ult. C. de incest. nupt. art. 7. Ordin. pol. VINN. Lex 17. C. de Nupt. desumpta est ex Codice. Greg. lib. 5. tit. 1. §. 9. ubi ea multo integrior exstat. Ibi vero nihil de fratris, sed de sororis filia, quam distinctionem etiam admittit Ulp. tit. 5. §. 6. Ex quibus colligimus (1) l. 17. C. de nupt. à Triboniano, locum autem Caji lib. 1. Inst. tit. 4. §. 3. ubi & cum fratris filia matrimonium prohibetur, ab Aniano esse interpolatum. (2) Nervæ legem non hoc matrimonium cum fratris sed alterum cum sororis filia, quod ἀδελφῶν inhibuisse. (3) primos Nuptias cum fratris filia prohibuisse Constantinum & Constantem. l. 1. C. de incest. Nupt. HEIN. *Quamvis quarto gradu*] Hinc apparet, jure civili licitum fuisse ex quarto gradu lineæ transversæ uxorem accersere, excepta ea quæ parentis aut filiæ loco esset.

Cuius filiam, &c. Neque eius neptem] Hæc regula ad hypothesein revocanda est, cuius videlicet fratris aut sororis, de quibus agitur. Vera autem ratio est; quoniam parentum liberorumque invicem numero sunt: ut hic aliud spectandum sit, quam numerus graduum; §. item amitam 5. inf. l. nuptiæ 53. eod.

Neque naturalis, neque civilis] Non naturalis, quia cognata mea non est, cum adoptio non tribuat jus sanguinis: non civili, quia avunculus nemo fit per adoptionem; l. 12. in fin. eod. Quippe per adoptionem cum iis tantum personis necessitudo contrahitur, quæ si sanguine nos contingerent, nobis agnatæ essent; l. per adoptionem 23. de adopt.

TEX-

TEXTUS.

De Consobrinis.

4. *Duorum autem fratrum, vel sororum liberi, vel fratris, & sororis, conjungi possunt.*

COMMENTARIUS.

1. *Patruelium & consobrinorum nuptias neque civili neque divino jure prohibitas, quamquam Canones longius progressi.*

2. *Discrimen dinumerationis graduum inter jus civile & canonicum explicatum.*

1. **R**edit ad lineam transversam aequalem, in qua dicit, eos, qui in quarto gradu sunt, facta computatione civili, conjungi posse; nimirum fratris & sororis liberos: idemque traditur in l. 3. h. t. l. celebrandis 19. C. eod. scilicet quia hic cessat ratio, ob quam prohibeor neptem fratris ducere, quod ego illi parentis, illa mihi filiae loco sit. Lege quoque divina patruelium aut consobrinorum nuptiae interdictae non sunt; adeoque si exempla jus faciunt, tantum non expressè conceduntur; Num. 36. 11. Augustinus lib. 15. de civ. Dei, de connubiis consobrinorum agens ait, ea nec divinam legem prohibuisse, neque ad sua usque tempora humanam. Prohibuerat has nuptias Theodosius Major, ut scribit Aurel. Victor: sed legem patris filii Arcadius & Honorius sustulerunt, revocata prisci juris, ut inquit, auctoritate; d. l. celebrandis 19. C. hoc tit. Pontifices autem Romani longius progressi sunt, & conjungi vetuerunt non solum consobrinos, sed etiam sobrinos & eorum liberos, quos quarto gradu numerant, cum octo inter se distent; cap. non debet, de cons. & affin. Concil. Lateran. c. 50. cujus Concilii auctoritate Innocentius abrogavit priorum Pontificum decreta, qui usque ad septimum gradum nuptias inhibebant: hoc est, eorum, qui jure civili decimoquarto gradu invicem contingunt; c. progeniem, & seq. c. nulli, & seq. 35. q. 2. & 3.

2. Monet hic locus, ut discrimen dinumerationis gradum, quod est inter jus civile & canonicum, obiter explicemus; quippe quod ad causas matrimoniales solum pertinet: nam in successione civilibus computationem sequuntur etiam in terris Ecclesiae, teste Schneid. hic: & D. Tuldén. ad tit. Inst. de grad. cogn. Jure civili generata persona gradum adjicit, ut tot eo jure sint gradus, quot sunt generationes; §. hactenus 7. inf. d. tit. In linea recta aut ascenditur, quae idcirco ascendit appellatur, ordinemque parentum complectitur: aut descenditur; quae dicitur descendit, & ordinem deprehendit liberorum. In linea transversa huius collateralis

primum ascenditur, deinde descenditur. Exempli gr. ego genitus sum à patre meo: ecce unum gradum. Idem pater meus genuit Titium fratrem meum: ecce alterum; unde consequitur, fratres duobus gradibus inter se distare de jure civili. Par ratione si quaeras, quot gradibus à te distet patruus tuus, ascende primum ad avum vestrae cognationis communem auctorem, deinde iterum descende ad ejus filium, qui est patruus tuus, comperies eum tribus gradibus à te distare: & ita deinceps. Latius haec declarantur infr. de gradu cognat. Jus autem Pontificium aliter gradus dinumerat; cap. ad sedem, 35. quest. 5. Cujus juris regulae sunt. 1. In linea ascendentium & descendentium quot sunt personae, una dempta, tot sunt gradus: quae computatio in hac linea à computatione juris civilis in hoc tantum differt, quod Canones personas numerant, jus civile generationes. 2. In linea transversa aequali, quot gradibus alter distat à communi stipite, totidem utrique inter se distant. Exempli gr. Frater & soror distant inter se hoc jure uno tantum gradu, quia uno gradu distant à communi parente: & consobrinus ista computatione mihi est secundus, quia ab avo, qui communis utriusque nostrum fons est & origo, secundus numeror. 3. In linea transversa inaequali, quo gradu distat remotior à capite, eo gradu distant inter se. Igitur fratris mei filius secundo gradu à me abest, quia ille à patre meo avo suo duobus gradibus distat: & nepos fratris mei tertio, quia à patre meo ipse tertius est.

Conjungi possunt] Theoph. negativè reddit. i. dicitur non conjungi, quia sic in Oriente obtinebat. Nam post Justinianum sub Imp. Graecis haec matrimonia iterum improba fuerunt. Harmenop. l. 4. tit. 9. Actal. tit. 26. Marth. monach. tit. de grad. sept. consang. V. 188. De tota hujus juris historia conferendus est Jacob. Gothofr. ad l. un. C. Th. si nupt. ex rescr. pet. lib. 3. tit. 10. Tom. 1. p. 288. HBIN.

TEXTUS.

De amita, matertera, amita magna, matertera magna.

5. *Item amitam, licet adoptivam, ducere uxorem non licet. Item nec materteram: quia parentum loco habentur. Quae ratione verum est, magnam quoque amitam, & materteram magnam prohiberi uxorem ducere.*

COMMENTARIUS.

Hujus §. explicatio petatur ex iis, quae ad §. 3. sup. diximus.

Licet adoptivam] Hoc consulto hic additum,

in matertera omisum: nam matertera per adoptionem non magis fieri potest, quam avunculus; l. 12. §. ult. hoc tit. Eadem verba quoque repetenda sunt in amitam magnam; l. per adoptionem 17. in fin. eod. VINN. Sed turbat Cajus in l. 55. §. 1. ff. de ritu nupt. Ubine Patris quidem adoptivi materteram duci Uxorem posse statuit. Enimvero matertera patris adoptivi, huic loco parentis & hinc filio quoque adoptivo veneranda est, adeoque non magis duci potest, quam patris adoptivi vidua l. 14. pr. ff. hoc tit. Qualis respectus non est inter sororem patris adoptivi & filium ab eo adoptatum. HEIN.

T E X T U S.

De affinibus, & primùm de privigna, vel nuru.

6. Affinitatis quoque veneratione à quarundam nuptiis abstinere necesse est; ut ecce: privignam aut nurum ducere non licet, quia utraque filia loco sunt. Quod ita scilicet accipi debet, si fuit nurus aut privigna tua. Nam si adhuc nurus tua est, id est, si adhuc nupta est filio tuo, alia ratione uxorem eam ducere non poteris: quia eadem duobus nupta esse non potest. Item si adhuc privigna tua est, id est, si mater ejus tibi nupta est; ideo eam uxorem ducere non poteris, quia duas uxores eodem tempore habere non licet.

N O T Æ.

Privignam J Quæ sic dicta, quod genita, antequam mater secundo nuberet. Fest.

Quia duas uxores l. 2. c. de inc. nupt. l. 18. §. ad leg. Jul. de adul. Multæ quoque aliæ gentes virum unicæ mulieri copularunt. Dion. Halic. lib. 2. Raræ binæ in Occidente nuptiæ. De Germanis testatur Tac. de moribus Germ. c. 18. Valentinianus permittere voluit, Niceph. Callist. l. 6. 11. cap. 33. Jul. Poll. in obron. In Rep. Christiana tolerari non oportere evincunt, quæ apud Matth. c. 5. & 19. Marc. 10. Luc. 16. Pau. 1. Cor. 7. VINN. Valentiniani Consilium non feliciorum habuit exitum, quàm Julii Cæsaris, qui per Helium Cæcinam simile quid contaverat. Suet. l. 1. c. 52. Quin sunt qui illam narrationem de Valentiniano, cujus auctor Socr. H. E. lib. 4. c. 31. falsam judicant, in primis Tillemont dans l'histoire des Empereurs tom. 5. pars. 1. not. 28. p. 345. HEIN.

C O M M E N T A R I U S.

1 Licet affinitatis nulli propriè sint gradus; tamen quasi quosdam gradus affinitatis numerari posse, & num. 3.

2 Genera affinitatis à veteribus canonibus statuta, posteriorum Pontificum decretis moderari.

4 In linea recta affinitas eandem esse prohibitionem, quæ in eadem linea cognationis.

5 In linea affinitatis transverse quatenus se extendat prohibitio.

6 Interdicta Levit. 18. quæ affines spectant moralia esse.

7 Iure civili antiquo non videri inter affines transverse lineæ prohibitionem fuisse.

8 Polygamiam in Rep. Christiana non esse tolerandam.

H Actenus de nuptiis, quæ propter cognationem prohibentur. Cognationis simulacrum quoddam est affinitas: cujus ea etiam vis est, ut quosvis affines quibuscumque jungi naturæ honestas non patiat. Sunt autem affines viri & mulieris cognati, dicti ab eo, quod duæ cognationes, quæ inter se diversæ sunt, per nuptias copulantur, & altera ad alterius cognationis finem accedit, ut hæc leg. 4. §. 3. de grad. & affin. ubi nomina quoque affinitatis peculiariter recensentur. Gradus affinitatis propriè nulli sunt quia affines ab affinibus non generantur; d. l. 4. §. 5. nihil tamen prohibet, quominus quasi quosdam gradus affinitatis numeremus; sic enim & Paulus loquitur l. 10. pr. d. tit. dicamusque, quo gradu quispiam est cognatus marito, eo gradu esse affinem uxori & quasi cognatum, & contra. Veteres canones etiam genera affinitatis numerant, eaque tria: ut ecce: Uxoris meæ filius mihi est in primo genere affinitatis, illius uxor in secundo genere: mortui privigni meo, si illa nubat Titio, hic mihi erit in tertio genere affinitatis: sic uxoris meæ frater mihi est in primo genere affinitatis; uxor illius in secundo: quæ si mortuo marito alteri nubat, is mihi erit affinis in tertio genere. Non obstat quod Papinianus respondet in l. 15. hoc tit. uxorem quondam privigni conjungi matrimonio vitrici non oportere. Hoc enim non eam rationem habet, quod affines sunt; sed quod honestas & pudor naturalis non patiat, mecum matrimonium jungi uxorem ejus, qui mihi aliquando filius seu loco filii fuit propter matrem, quam in matrimonio habui. Similis quædam prohibitio est in leg. 14. pr. eod. Nasceatur affinitas ex unione viri & uxoris, qui cum matrimonio juncti unum sunt, necesse est vinculo isto etiam utrinque cum his connecti ipsorum cognatos, eodemque gradu, quo quis cognatus est marito, fieri uxori affinem & quasi cognatum: & ex contrario, quo gradu quis uxori cognatus est, eodem fieri affinem & quasi consanguineum marito; exempli gratia: in linea recta quia uxor mea uno gradu distat à patre suo, ab avo duobus, ego quoque à socero uno gradu, à proscro duobus distabo: idemque de cæteris tum ascen-

dentibus tum descendantibus statuendum. In linea transversa, quia maritus à fratre suo duobus gradibus distat, totidem distabit uxor à leviro. Quod ipsum quoque dicendum est de glorie, sororio, fratria. Item quia uxor mea à patruo suo vel avunculo tribus gradibus distat, ego quoque à soceri fratre vel sorore totidem gradibus abero; & sic deinceps. Videamus nunc quinam gradus affinitatis prohibiti, & anne iidem omnes, qui & cognationis.

- 4 In linea recta eadem jure civili prohibitio in affinitate, quæ in cognatione. Itaque nec socer aurum, nec socrum gener: nec vitricus privignam, nec privignus novercam ducere potest; *l. 14. §. ult. hoc tit. l. nemo. 17. C. cod. quod & Justinianus hoc & seq. §. docet, prohibitionis hanc rationem afferens, Quod invicem parentum & liberorum loco sunt; cui proinde consequens est, nec inter profoceram & pronurum, nec inter vitrici patrem & propriignam, & sic porro, nuptias licitas esse; d. l. 14. §. ult. *Levit. 18. vers. 8. 15. & 17.* Atque hanc etiam prohibitionem perpetuam esse & moralem, evincit locus Apostoli 1. *ad Cor. 5.* ubi tale stuprum ne inter gentes quidem nominari ait, ut quis uxorem patris habeat. Et M. Tullius in orat. pro Cluent. c. 6. cum socrum genero nupsisse narrasset, subdit; *O mulieris scelus incredibile, & præter hanc unam, in omni vita inaudium!* atque in hoc quoque nobis assentiuntur plerique Pontificiorum, Covar. *de matrim. p. 2. cap. 6. §. 10. num. 19.* In linea transversa æquali, neque frater uxorem defuncti fratris ducere, nec vicissim soror marito sororis nubere potest, nec maritus cum sorore uxoris, aut uxor cum fratre mariti conjungi, quoniam affinitate inter se sunt facti fratres & sorores; *l. 5. l. pen. & ult. Cod. de inc. nupt. facit. d. cap. *Levit. 18. vers. 16.** Quo loco cum fratris cum uxore fratris defuncti nuptiæ prohibeantur, prohibita quoque censei debet sororis cum marito sororis suæ conjunctio, ex ratione, quam affert Moses, quia inquit, fratris tui pudenda sunt: quod nihil aliud declarat, quam quia uxor fratris tui est, ut jam affinitate tu illi frater, illa tibi soror facta sit, quos conjungi naturæ honestas non patitur. In transversa affinitatis linea inæquali Dominus expressè apud Moysen, *d. ca. vers. 14.* vetat conjungi fratris filium cum uxore defuncti patris; cui consequens est: 1. nec sororis filium cum uxore defuncti avunculi conjungi posse. 2. nec patrum aut avunculum cum uxore filii fratris sororis. 3. nec amitam aut materteram cum marito filio fratris aut sororis. Sed an æquè ex consequenti prohibita intelligi debeant nuptiæ mariti cum amita aut matertera uxoris suæ, aut cum fratris vel sororis uxoris suæ, sive leviri aut gloris filia; nonnulli dubitant, propterea quod hæc conjunctio non videtur tam longè recedere ab honestate & verecundia, quam præcedentes illæ. Minus enim, ajunt, verecundum est patrum meum cum ea, quæ mihi aliquando uxor fuit, consuescere, & duos consan-*
- Pinnus in Lajisur.*

guineos cum eadem misceri, quam illum, qui amitam meam in matrimonio habuit, jungi cum sorore mea, & unum successivè cum duabus consanguineis. Atque ut putet aliquis, ordini naturæ minus convenire, ut quis ducat & maritali imperio subiciat amitam aut materteram uxoris suæ, quod illæ illi loco parentum sunt, hanc tamen rationem cessare in filia leviri aut gloris. At enim verò si in universum spectamus causam, ob quam nuptiæ in prædictis omnibus affinitatis gradibus prohibentur, videlicet quia vir & uxor in unum corpus coalescentes non amplius duo sunt, sed una caro; in universum etiam dicendum videtur, eosdem gradus affinitatis prohibitos censeri debere, qui prohibiti sunt in cognatione: & propositionem illam *Levit. 18. 6. Ad proximam sanguinis sui nemo accedas*, etiam ad affines, qui pro consanguineis sunt, pertinere, & tam latè patere, quam latè patet prohibitio inter sanguine junctos. *Basilii in epist. ad Diodorum.*

Planè ut non æquè graviter omnes peccant, nec puniendi sunt, qui prohibitam in ordine cognatorum ducunt: sed levius qui ex transversa, gravius qui ex recta linea uxorem sumunt: ita etiam gravius delictum est, ex recta affinitatis linea quam ex transversa uxorem sumere. Sunt verò etiam hæc interdicta, quæ affines transversæ lineæ spectant. moralia & perpetui juris. Neque enim Deus gentes ob singula facta cum singulis interdictis pugnancia punivisset, nisi in singulis peccassent contra jus naturæ. Notentur particulæ universales, quibus singulos casus designat legislator, cum idcirco gentes punitas subicit. At enim, inquires: si lex de non ducenda fratria *Levit. 18. 16.* perpetuam & naturalem causam prohibitionis habet; qui sit, quod fratria certo casu duci jubetur? *Deut. 21. 5.* Jus enim naturale est immutabile. Respondent doctiores Theologi: Jus naturale duplex esse; unum tale; ut absolute in se ac essentia sua æquum & iustum sit, quicquid eo continetur, ac proinde prorsus immutabile; alterum, quod æquitatem & justitiam continet in rerum natura sola Dei voluntate impressam, ut à creatura naturæ ductu approbaretur; ac posterius hoc jus uti à legislatoris voluntate dependet, ita & per eam aliquando ex causa peculiari mutari; sic quamvis jus naturæ vetet suum cuiquam auferre, Deum tamen de isto jure dispensasse, *Exod. 12. 35. 36.* quum Israelitis mandaret, ut Aegyptiis sua auferrent. Atque ita etiam forte Deus in Sanctis olim quædam matrimonia concessit propter sancti generis paucitatem. Eademque ratio est legis de fratria certo casu ducenda, excitandoque fratri sine sobole defuncto semine; videlicet ut in nomen primogeniti conservaretur familia, & primogenita Christi numquam intermoreretur significaretur. *August. quæst. 61. in Levit.* Quare juris Pontificii Interpretes asserunt, impedimenta hujusmodi non ita constringere in lege Evangelica sicut

in Mosaica, atque inde monet Sanchez de matr. lib. 8. disp. 6. nu. 11. & seqq. & lib. 7. disp. 52. num. 6. & seqq. nullos gradus consanguinitatis & affinitatis. Levit. 18. hodie esse prohibitos jure divino, nisi qui alias prohibiti sunt jure naturæ primævo; & consequenter Pontificem in omnibus illis dispensare posse. Apud veteres Romanos, ut hoc quoque obiter dicam, non videtur, transversa affinitatis linea prohibitionem habuisse: idque exemplo doceri potest, quod asserunt M. Tullius lib. 1. de divin. cap. 46. & Val. Maximus lib. 1. cap. 5. de Metello, qui mortua uxore Cæcilia, filiam sororis Cæcilie in matrimonium duxit: quod tamen neuter eorum ut novum refert. Quamvis autem aliquis dubitet, an hoc locum habuerit in hac linea in universum, puta si frater viduam fratris, vel patruus aut avunculus uxorem filii fratris aut sororis, vel contra filius fratris aut sororis uxorem patris aut avunculi ducere voluisset; tamen ego crediderim, apud Romanos jura affinitatis morte unius & conjugibus pro extinctis habita fuisse: utique si liberi ex eo matrimonio non superessent. Nam apud Plutarchum legimus, Marcum illum Crassum cognomento Divitem defuncti fratris viduam duxisse: neque hoc tamquam novum aut præter morem factum auctor commemorat. Nimirum ut nuptiis eam dissolvere voluerunt; salva tamen reverentia ex affinitate nata inter eas personas, quæ parentum & liberorum loco fuerant, arg. huius & seq. §. adeoque eadem fere ratio affinitatis fuit, quæ adoptionis, quæ & ipsa soluta, nuptiæ non impediuntur, nisi ob solam reverentiam inter eos, qui parentes & liberi fuerunt. Neque enim dubito, quin patruus adoptivam, & filiam fratris filius amitam adoptivam, soluta per emancipationem adoptione, ducere potuerit, cum nuptiæ etiam cum sorore adoptiva dissoluta adoptione consisterent. §. 1. sup. Sed profecto magnum discrimen est inter conjunctionem, quæ ex adoptione oritur, & eam quam parit affinitas. Adoptio merum juris civilis commentum est; affinitas verò etiam causam naturalem habet, quæ ex commixtione corporum nata nuptiis solutis adhuc permanet, quod pertinet illud Pontificis in c. 1. cap. 35. q. 1. Vno defuncto, in superstite affinitatem non deleri. VINN. Conjectura Vinnii quod Jura affinitatis morte unius conjugis extincta sint, nihil est verius. Confirmant illam non solum exempla à Vinnio & postea à V. C. Bern. Henr. Reinoldo Par. cap. 24. p. 196 seq. adducta, verum etiam edictum Constantini, Constantis & Juliani l. 2. c. Th. de incest. nupt. quo primum id mutatum. Ubi adde Gothofr. Tom. 1. pag. 296 HEIM.

Quia utraque filia loco] Regula juris civilis est, eos, qui in numero parentum aut li-

berorum sunt, conjungi matrimonio non posse; l. nuptia 53. hoc tit. cui regulæ locus est non tantum in cognatione, sed etiam in affinitate; l. 14. §. ult. eod. Et quamvis jure civili, ut supra diximus, id tantum obtinuisse videatur in recta affinitatis linea ob reverentia cujusdam & honestatis respectum, qui cessat in iis, qui ex transverso gradu invicem affines sunt; tamen & alias esse hujus prohibitionis causas, de quibus paulo ante diximus.

Si fuit nuptus sua] Ergo dissoluta demum affinitate huic prohibitioni locus est; quod & discrete exprimitur in §. seq. ibi; dissoluta demum affinitas. Qui locus conjecturam nostram adjuvat, mortem unius & conjugibus affinitatem diremisit; sed ob personarum venerationem & pudorem naturalem nuptias nihilominus interdictas fuisse inter eos, qui affinitate parentes & liberi fuerant. Utique causam prohibitioni dedit ante contracta affinitas.

Eadem duobus nupta] Unam apud plures nuptam & diametro pugnat cum recta ratione; quia (ut alia omittam, quæ dictu secunda) officit procreationi liberorum, qui principalis matrimonii finis est. Neque apud ullam gentem licitum unquam fuisse legimus, ut una mulier duobus aut pluribus viris nuberet. Tertull. adversus Marc. Manente matrimonio nubere adulterium est.

Duas uxores eodem tempore] Duas aut plures uxores apud unum nuptas esse, multi putant non pugnare cum naturali ratione, cum apud plerasque gentes id licitum fuisse legimus; adeoque ipse Deus hanc polygamie speciem populo suo permiserit. Sed non deest quod reponatur. Vide quæ dixi sub §. 1. sup. de patr. pot. Ut ut est; constat ex iis, quæ à Christo dicuntur apud Matth. 5. 32. & 19. 9. Marc. 10. 4. Luc. 16. 18. & quæ scribit Paulus 1. Cor. 7. polygamiam in Republica Christiana non esse tolerandam: quæ etiam multis gentibus improbata fuit. Rarè binæ simul in Occidente nuptiæ. Neque enim apud Romanos tantum constitutum fuit, ne quis binas eodem tempore uxores haberet, sed etiam apud Græcos, & jam tempore Cætopis Atheniensium Regis, vid. Pet. Fabr. 2. semest. 1. Germanos quoque nostros singulis uxoribus contentos fuisse, scribit Tacitus de morib. German. cap. 18. Sed & plures alias gentes virum unicæ mulieri copulasse testatur Dion. Halicarn. lib. 2.

TEXTUS.

De focru & noverca.

7. Sacrum quoque & novercam prohibitum est uxorem ducere: quia matris loco

eo sunt. Quod & ipsum dissoluta denum affinitate procedit: alioquin si adhuc noverca est, id est, si adhuc patri tuo nupta est, communi jure impeditur tibi nubere: quia eadem duobus nupta esse non potest. Item si adhuc sacrus est, id est, si adhuc filia ejus tibi nupta est; ideo impediuntur tibi nuptia, quia duas uxores habere non potes.

NOTÆ.

7. *Duas uxores*] Bigami pena capitalis est, Theophyl. *ἡ ἀποκρίσις τοῦ καὶ τὴν ἑτέραν γυναῖκα*. 60. Basil. l. 37. c. pen. & rectè: nam, ut ait Tertull. adv. Marc. Manente matrimonio nubere adulterium est, fac. l. 18. c. ad leg. Jul. de adult.

COMMENTARIUS.

HUjus §. & superioris eadem planè est sententia, ut nova explicatione non indigeat.

TEXTUS.

De comprivignis.

8. *Mariti tamen filius ex alia uxore, & uxoris filia ex alio marito, vel contra, matrimonium rectè contrahunt: licet habeant fratrem sororemve ex matrimonio postea contracto natos.*

8. *Mariti filius ex alia uxore*] Titius cum haberet filium ex conjuge defuncta, Semproniam uxorem duxit, quæ ex priore matrimonio filiam habebat. Quær. An inter filium Titii & filiam Sempronie nuptiæ consistant. R. Consistere. Ratio est. Quia nulla est inter comprivignos affinitas, utpote quæ ultra personas matrimonio junctas non extenditur. Vvelf.

Rectè contrahunt] l. 34. §. pen. D. hoc tit. l. 134. pr. de verb. oblig. neque Levit. 18. vers. 11. prohibentur nuptiæ ἀδελφικαὶ sed fratris, & sororis ἀδελφικὰς sive consanguineas.

COMMENTARIUS.

COgnati personarum, quarum interventu & copula contracta est affinitas, inter se nuptias contrahere non prohibentur. Et ratio est perspicua. Quia inter eos nulla est affinitas, utpote quæ ultra personas conjunctas non extenditur: hoc est, cognati quidem uxoris marito sunt affines, & contra cognati mariti affines uxori; sed ipsi cognati utriusque non sunt inter se affines: alioqui simulacrum cognationis latius pateret quàm ipsa co-

gnatio. l. 34. §. pen. hoc tit. l. 134. pr. de verb. oblig. Hinc igitur est, quodd inter comprivignos contrahi nuptiæ possunt, quodd pater & filius matrem & filiam, duo fratres duas sorores ducere non prohibentur. Quamquam hic rectè facturos arbitror, qui magis id quod honestum est, quàm quod licet, inspicient, ne ordo cognationis, ejus imago est affinitas, nimium perturbetur: quod fit si verbi causa, pater filiam filius matrem uxorem ducat. Putaverunt quidam nuptias comprivignorum vetari Lev. 18. 11. Ant. Matth. in not. hic, & D. Cyprian. Regn. in cens. Belg. Sed perspicuus error est. Illic enim non comprivignorum, ἀδελφικῶν, sed fratris & sororis consanguineas, id est, ab eodem patre ex alia & secunda uxore susceptæ prohibentur nuptiæ: de qua conjunctione nihil dictum erat vers. 9. ubi prohibentur nuptiæ sororis germanæ, & uterinæ dumtaxat. Verba Moysis sunt: *Τυρπιότητα filia uxoris patris tui, quam peperis patri tuo, & est soror tua, non revelabis.* In versione LXX. est, *ἐμψυχοῦσα ἀδελφίαν.* VINN. Sed error tamen non adeo perspicuus videtur. Quum enim in fontibus legatur כְּלִידָתָא participium activum non pas-

sivum כְּלִידָתָא vix potest textus aliter verti

quàm hoc modo: *Non deseges turpitudinem filia uxoris patris tui, quæ peperit patri tuo, tanquam sororem tuam.* HEIN.

Licet habeant fratrem, sororemve] Communi fratre aut sorore ex novo parentum matrimonio postea susceptis videri poterant arctius privigni conjungi; attamen ne id quidem nuptias eorum impedire, Papin. respondit leg. generali 34. §. 2. hoc titulo.

TEXTUS.

De quasi privigna, quasi nuru, & quasi noverca.

9. *Si uxor tua post divortium ex alio filiam procreavit; hæc non est quidem privigna tua: sed Julianus ab hujusmodi nuptiis abstinere debere ait. Nam constat, nec sponsam filii nurum esse, nec patris sponsam novercam esse: rectius tamen & jure facturos eos, qui ab hujusmodi nuptiis abstinerint.*

NOTÆ.

9. *Uxor tua post divortium*] Ex l. 12. §. 1. 2. & 3. D. hoc tit. Vix est, ut hujusmodi casus non existat. Sed & pridem apud Romanos desierunt bona gratia matrimonia dissolvi. De jure, quod antea obtinebat, Augustin.

Justin. 1. ad Valer. de nupt. & concup. 10. & de bon. conjug. 8.

Non est privigna] Ratio ex notatione verbi. Privignus enim dictus, quod prius quam mater secundo nuberet, genitus est. Fest. Græcis *οψών*.

Abstineri debere] Propter honestatem, quæ in conjunctionibus spectatur; leg. 42. D. hoc ritu: *in nris ydum & iudæis nō dicitur ydum & iudæis, add. & nō dicitur*, ut ajunt Interpretes canonum. Quod non vetat lex, hoc vetat fieri pudor. Fabrot.

Nec sponsam filii nurum] Propriè sponsa non est uxor; leg. 12. §. 1. & 2. hoc tit. Impropriè tamen appellatione uxoris sponsam quoque accipimus; l. 6. l. 8. D. de grad. & affin. Est enim sponsa quasi uxor, & sponsus quasi maritus. Tertul. de vel. virgin. Desponsata enim quodammodo nupta.

COMMENTARIUS.

- 1 Sponsalibus propriè non contrahi affinitatem.
- 2 Ex illegitima etiam conjunctione affinitatem nasci.

Superius dictum est, privignam tibi loco filix esse, eo quod mater tibi nupta est, nec posse te eam uxorem ducere, licet morte matris aut alio modo rite solutum sit matrimonium. Queritur igitur. Si uxor tua post divortium alteri nupserit, & ex eo filiam procreaverit; an ne eam quidem uxorem ducere possis? Ratio dubitandi, quia non est privigna tua, utpote genita postquam mater secundo nupsit. Nam ut Festus scribit; *Privignus inde dictus est, quod prius genitus sit, quam mater secundo nuberet.* (Græcis *οψών*.) aut si rem majoris quam notationem inspicere, nulla tibi affinitate conjuncta unquam fuit; quoniam nondum nata erat, cum matrem in matrimonio haberes. Sed tamen ab hujusmodi nuptiis abstinendum esse, rectè placuit; l. 12. §. 3. hoc tit. ob consuetudinem, quæ mihi cum matre fuit.

- 1 Nam constat, nec sponsam filii] Nudis sponsalibus propriè non contrahitur affinitas, sed nuptiis dumtaxat. Sponsalia enim nihil aliud sunt, quam mutus futurarum nuptiarum repromissio; l. 1. de sponsalib. quam liberè liceat infringere; l. 6. d. tit. l. 1. C. eodem, ac proinde, verbi causa, sponsa filii mei nurus mea non est, nec patris sponsa propriè noverca; l. 12. h. 1. Quid est igitur, quod Jurisconsulti respondent, nomine affinium etiam futuros conjuges comprehendi? l. 6. l. 8. de grad. & affin. l. 3. l. 4. de leg. Pomp. de parr. l. 13. §. 3. ad leg. Jul. de adulter. Nempe id minus propriè dici constat, & locum habere cum sponsalia adhuc durant, & spes est fore, ut matrimonium prope diem sequatur: solutis autem sponsalibus, & spe nuptiarum penitus sublata, nulla amplius intelligitur affinitas, de qua specie agitur hoc nostro §. & d. l. 12. ac solum honestatis causa nuptiæ

inter personas enumeratas prohibentur, edque pertinent; l. semper 42. hoc tit. l. semper 197. de reg. jur. Igitur quod non vetat lex, hoc vetat fieri pudor. Argumentatur autem Justinianus à comparatione minorum. Ecce profecto est, ut mihi multo minor sit cum sponsa filii mei necessitudo, quam cum illa quasi privigna: quippe cujus matrem in matrimonio habui: ex qua forte & liberos, qui illi fratres sunt, suscepi. At sponsam filius meus numquam attigit, ac fortassis ne vidit quidem: ut hic sola honestas causam prohibitioni præbeat, illic etiam corporum commixtio, quæ præcipuè in hoc negotio respicitur, & à Mose detectionis nomine honestè significatur. De eo ambigitur, an etiam ex illegitima conjunctione contrahatur affinitas? Sed dicendum est contrahi. Nam si ex quovis coitu, quantumvis illegitimo, nascatur cognatio, cur non etiam affinitas intelligatur? Sic certè à cognatione, quæ ex contubernio servorum descendit, affinitatem servilem Paulus arguit; l. 14. §. 3. hoc tit. Neque ob aliam causam, quam ob affinitatem, prohibetur filius patris sui concubinam uxorem ducere; l. 4. C. eod. aut in concubinato habere; leg. 1. §. 3. de concubin. Quod autem Modestinus respondit, l. 4. §. sciendum 8. de grad. & affin. affinitatem non nisi ex justis nuptiis oriri, de plena & perfecta affinitate intelligendum esse, vel ex eo liquet, quod eodem loco scribit, nec cognationem extra nuptias conjungi, contra quam ipse definit §. 2. eiusdem l. 4. Atque ita sentiunt Juris Canonici Interpretes, dum ex sponsalibus validis de futuro & ex concubitu illegitimo inducunt impedimenta dirimentia, quæ vocant justitiæ publicæ honestatis.

TEXTUS.

De servili cognatione.

10. Illud certum est, serviles quoque cognationes impedimento nuptiis esse, si forte pater & filia, aut frater & soror manumissi fuerint.

NOTÆ.

10. Serviles cognationes] Ex l. 14. §. 1. D. hoc tit. idemque observatur & in servilibus affinitatibus; d. leg. 14. §. 3. Nam in nuptiis naturale jus, & pudor inspicitur d. l. 14. §. 2. aliàs non facile ulla servilis videtur esse cognatio; l. 1. §. 2. D. unde cogn.

Manumissi] Nam servorum inter se nullum matrimonium est. Utiq; tamen nec servile contubernium inter has personas permissum. Vvelf.

CON-

COMMENTARIUS.

SI ex quavis etiam illegitima consuetudine nascitur cognatio, quæ nuptiis impedimento sit; l. nuptiis 57. & seq. hoc tit. consequens est, etiam ex servorum conjunctione cognationem huiusmodi nasci; l. 14 §. 2. eodem. Semper enim in contrahendis matrimoniis naturale jus & pudor inspicitur. Natura autem omnes homines æquales sunt: adeoque quod in cognationibus servilibus constitutum est, etiam in servilibus affinitatibus observatur; d. l. 14 §. 3.

Manumissi fuerint] Hoc non ita accipiendum est, quasi ante manumissionem patri filiam aut fratri sororem in contubernio habere liceat; sed ideo additum, quia de nuptiis hic queritur, quas constat, inter personas serviles non consistere de hoc jure. Planè quia servi ob conditionis vilitatem digni non habebantur, quos lex observaret, ideo nec leges, quibus pœna incestus aut adulterii constituta est, ad servos pertinere existimantur: ut proinde nec eadem severitate ob incestum aut violatum contubernium coercendi sint, quæ cives Romani & legum nexu juncti; l. 6. ad leg. Jul. de adul. l. servi 2; l. que adulterium 29. C. eod. Atque hoc est, quod Paulus scribit l. 10. §. 5. de grad. serviles cognationes ad leges non pertinere. Jure pontificio etiam inter servos matrimonium est, cap. 1. x. de conjug. serv.

TEXTUS.

De reliquis prohibitionibus.

11. *Sunt & alie persone, quæ propter diversas rationes nuptias contrahere prohibentur, quas in libris Digestorum seu Pandectarum ex jure vetere collectarum enumerari permisimus.*

COMMENTARIUS.

Sunt & alie persone] Quales sunt tutor vel curator, liberive eorum, qui cum pupilla vel adulta nuptias contrahere vetantur, ne videlicet eo pacto rationum redditio intervertatur; l. tutor. 36. & seqq. l. senatusconsulto 59. & seq. hoc tit. l. 1. & passim, C. de interd. marr. inter pupil. & tut. Item præses, vel qui officium in provincia administrat, provincialem uxorem ducere prohibetur; l. si quis 38. l. qui in provincia 57 hoc tit. l. un. C. si quac. præd. por. Lege quoque Julia vetatur senator ducere libertinam, aut quæ ipsa, cujusve pater artem ludicram fecerit; l. lege Julia 44. hoc tit. Quæ cum hodie non obtineant, non est operæ pretium plenius persequi; vid. Rittersh. lib. 1. diff. 20. num. 22. Zipz; not. jur. Belg.

de sponsal. pr. Groenew. de ill. abrog. C. si quac. præd. por.

TEXTUS.

De pœnis injustarum nuptiarum.

12. *Si adversus ea, quæ diximus, alii quicquid intulerint; nec vir, nec uxor, nec nuptia, nec matrimonium, nec dos intelligitur. Itaque ii, qui ex eo coitu nascuntur, in potestate patris non sunt: sed tales sunt (quantum ad patriam potestatem pertinet) quales sunt ii, quos mater vulgo concepit. Nam nec hi patrem habere intelliguntur: quum & iis pater incertus sit, inde solent Spurii appellari παρὰ τὸν ἀσπάρ, & ἀσπάρ, quasi sine patre filii. Sequitur ergo, ut dissoluto tali coitu, nec dotis, nec donationis exactioni locus sit. Qui autem prohibitas nuptias contrahunt, & alias pœnas patiuntur, quæ sacris constitutionibus continentur.*

NOTÆ.

12. *Nec vir nec uxor.*] Sunt enim hæc nomina ἐγγάμια, justii conjugii nomina. Pœna igitur communis omnium injustarum conjunctionum est, quod ipso jure tales nuptiæ nullæ sunt: sicut nec cætera consistunt, quæ contra leges fiunt; l. 5. C. de legib. VINN. Sanctionem hanc ex lege Papia Poppæa esse, pridem observavit Merill. *Observ. lib. 5. cap. 11.* & Jac. Gothofr. ad leg. Pap. Popp. cap. 4. Attamen hæc lex quamvis injustas pronuntiaret nuptias contra leges contractas, easdem tamen non rescindebat. Hinc nec vir nec uxor quidem intelligebatur, sed tamen non divellebantur. Dos non intelligebatur, sed ea tamen non nisi mortua muliere caduca fiebat. Ulpian. *Fragm. tit. 16. §. ult.* Primum ergo Oratione D. Marci cautum, ut inter huiusmodi personas nec Nuptiæ essent. l. 16. pr. ff. de R. N. l. 3. §. 1. de donat. int. vir. & ux. l. 42. §. 11. ff. de R. N. Ex eo ergo tempore huiusmodi Uxor ne retineri quidem poterat. HEIN.

Nec dos] Matrimonium quidem sine dote esse potest, at dos esse non potest sine matrimonio; l. 3. D. de jur. dot.

Quantum ad patriam potestatem] Comparatio natorum ex illegitimo matrimonio cum vulgo conceptis, quantum attinet ad patriam potestatem. In hoc spuriorum & injustorum liberorum par est conditio, quod sicut spurii pater incertus est; ita qui nascuntur ex injusto coitu, patrem non habere credantur, quoniam licet patrem demonstrare possint, cum tamen hæ-

habent, quem habere non licet; l. 23. D. de stat. hom.

Cum & iis] Cujac. legit, cum & is pater incertus est.

Quasi sine patre] Non quodd sine patre sint; sed quoniam vulgiva Venere natis pater incertus est. Spurius apud Romanos est proprium & primum nomen, sicut Sextus, Decius, &c. iisdemque notis & prænomen Spurius, & vulgo quæsitos designabant, nisi quodd illud ita notabant SP. hos S. P. interposito puncto. Hinc ex joco natum, ut vulgo concepti Spurii dicerentur; Plutarch. *quest. Rom. cap. 11.* VINN. Nescio an huc referenda sit elegans Inscriptio apud Grut. p. CCCCXXXIV. 4. ubi C. M. MERCIVS JANVARIUS dicitur SP. F. Non possunt hæ litteræ legi SPURIUS FILIUS, uti visum est Scaligero In Indice, quia non erat vulgo quæsitus, sed P. PACCHIANUARI FILIUS NATURALIS, ut ex ipsa inscriptione patet. E concubinis verò nati Spurii non dicebantur, nec parentes hoc vocabulum adscripsissent filio, in dignitate constituto, *Edili, Prætori, Dignitatis, & Quæstori iterum*. Neque hæ litteræ legi possunt Spurii filius. Pater enim naturalis dicebatur Publius, non Spurius. Consequens ergo est, ut veteri more à Plutarcho observato vocetur, S. P. FIL. id est sine Patre filius. HAIN.

COMMENTARIUS.

- 1 Refellitur error eorum, qui putant nuptias filiorumfamilias sine parentum consensu contractas accedente copula confirmari stando in hoc jure.
- 2 Extra nuptias quæsitos omnes quoad patriam potestatem pro vulgo conceptis & spurii haberi.
- 3 Dotis aut donationis nomine ob injustas nuptias data, caduca fieri.
- 4 Prohibitum nuptiarum pro varietate negotii & circumstantiarum varias esse penas.

Illegitimæ conjunctionis ex hoc jure duplex pœna: nam & ipso jure tales nuptiæ nullæ sunt, & præterea qui ita coeunt, pro qualitate delicti castigantur. Primum dicimus, hujusmodi nuptias ipso jure non subsistere, sicut nec cetera subsistunt quæ contra leges sunt; l. non dubium §. Cod. de legib. unde sequitur, quod hic ait Justinianus, nec virum, nec uxorem, nec matrimonium, nec dotem, in tali conjunctione intelligi; quippe quorum nominum usus in justis nuptiis dumtaxat. Dubitari autem non debet, quin primis hujus §. verbis, Si adversus ea, &c. contineantur etiam nuptiæ filiofamilias sine patris consensu contractæ, ut & ipsæ neuriquam de hoc jure consistant; l. 2. hoc

sis. fac l. dotis 68. de jur. dot. l. 13. §. si quis 6. ad leg. Jul. de adult. & liberi ex tali coitu suscepti injusti sint: quam in rem expressius textus est in l. 2. de stat. hom. Atque hic locus vel unus sufficit ad refellendum eorum errorem, qui contendunt, nuptias sine patris consensu contractas, utut ab initio irritæ sint & nullius momenti, accedente tamen corporum conjunctione confirmari. Ait Paulus d. l. 11. liberos ex tali consortio natos injustos esse. An igitur existimant, etiam sine conjunctione corporum liberos nasci? Quid porro tam absurdum est, quam dicere, concubitus rem sine matrimonio illicitam confirmare actum ipso jure nullum, hoc est, efficere, ut ratum & justum sit hoc jure matrimonium, quod contra hoc jus contractum est? Atque hoc tantum non fatetur Franc. de Amaya, Hispanorum Juris Consultorum disertissimus, lib. 1. observ. jur. cap. 4. num. 10. & 11. quamquam num. 12. & sequent. perperam Paulum interpretatur; quasi hoc Jurisconsultus sentiret, liberos conceptos ex matrimonio, quod quis sine patris consensu contraxit, natosque post mortem avi, hoc jure justos quidem non censeri ex tempore conceptionis, sed tamen tales esse à tempore nativitatis: quæ interpretatio tam à ratione juris quam à mente & verbis Jurisconsulti planè aliena est. Nec juvatur, sed refellitur illa ipsa l. 6. Cod. hoc tit. quam ad confirmationem interpretationis suæ vir doctissimus assert. Occasionem errori dedit responsum Ulpiani leg. 1. §. ultim. de liber. exhib. quo tamen loco manifestè loquitur Jurisconsultus de nuptiis ab initio voluntate patris contractis: qui postea genero offensus pro potestate sua filiam vult abducere, & nuptias rite contractas dissolvere. Neque enim nuptias illas, si contra leges initæ fuissent, Ulpianus appellaret de hoc jure concordans & liberis subnixum matrimonium. Sic etiam, quod apud Paulum 2. sentent. 19. §. 1. legimus, eorum, qui in potestate patris sunt, sine voluntate ejus matrimonii jure non contrahi, sed contracta non solvi; non ita accipiendum est, quasi ratum sit matrimonium, quod sine voluntate patris contractum est, loquendo de hoc jure; hoc enim disertè idem Paulus negat, d. l. 11. de stat. homin. & d. l. 2. hoc tit. sed si volente parte contractum sit, non ideo postea dissolvendum, quod pater in ea voluntate non perseveret; l. cum hic status 32. §. si facer. 19. de donat. inter vir. & uxor l. 5. C. de repud. D. Duar. ad tit. sol. matrim. cap. 2. de nupt. Et tamen etiam hoc casu pater justa causa interveniente filiam, licet renitentem & renitente genero, domum abducere potest; d. l. 5. Cod. de repud. Priscis temporibus etiam laxior hæc patris potestas fuit. In Scicho Plauti Antipho filias suas Panegyrim, & Pinacium ob hoc solum vult abducere, quod mariti paulo diutius abessent domo: ad quem Panegyris, act. 1. scen. 2. v. 73-74.

Ans

Aut olim, nisi tibi placebant, non datas oportuit:

Aut nunc non equum est abduci, pater, illisce absentibus.

Apud Nonium sic Afranius:

O indignum facinus adolescentis, optimas,

Bene convenientes, concordas cum viris,

Repente viduas faciat spurcitia patris.

In eandem rem Cujac. ad Nov. 22. adducit

6 Ennii locum, ubi ita queritur filia:

Inimica abs te afficior indigna, pater:

Nam si improbum esse Ctesiphonem existimaveras,

Cur me huic locabas nuptiis? Sin est probus,

Cur talem invitum invitam cogis linquere?

Quantum ad patriam potestatem] Comparatio eorum, qui ex injusto matrimonio nati sunt, cum iis, quos mater vulgo concepit, quoad patriam potestatem, cujus solius rei gratia hic de nuptiis queritur, & neutri de hoc jure quoad hunc effectum patrem habere intelliguntur: quoniam nemo, respectu eorum, qui sunt juris civilis, filius intelligitur, nisi qui ex viro & uxore natus est: l. 6. de his qui sui vel alien. iur.

Quum & iis pater incertus sit] Hæc verba non obscure innuunt, non tantum vulgo quæsitos incertum habere patrem, sed etiam eos, qui sunt ex injustis nuptiis procreati. Et vulgo quidem conceptos patrem demonstrare non posse certum est. Unde Diogenes conspicatus meretricis filium lapidem in turbam hominum conjicientem: *Cave, inquit, ne patrem ferias.* At nati ex ea, quæ cum uno tantum licet illicite rem habuit, non videntur dici posse habere incertum patrem; quod & verum est. Sed tamen, quantum ad patriam potestatem attinet (quod ideo etiam nominatim expressit Justinianus hic) non modò vulgaritè Venere concepti patrem habere non intelliguntur; verum etiam omnes, qui extra nuptias quæsitii sunt, licet patrem demonstrare possint, ex incerto tamen patre nati dicuntur, & pro vulgo quæsitis spuriisque habentur; l. vulgo 23. de stat. homin. l. 3. Cod. solut. matrimon.

Πατρι τὸν ἀσπίον] Apud Theophylum est, quasi *ασπίδων*, id est, sparsim, vulgo, promiscuè concepti, quod magis probò cum Vvesemb. & Hotom. Aliam hujus nominis rationem affert Plutarch. in quest. Rom. 11. Scribit enim, hanc appellationem inde natam esse, quòd Romani iisdem notis & prænomine *spurius* & vulgo quæsitos designabant nisi quòd illud ita notabant S. P. hos S. P. interposito puncto tamquam *sine patre*. Atque hinc est quod Hotom. & Vvesemb. pro eo, quod vulgo legitur *ἀσπίον*, quasi *sine patre filii*, substituerunt quasi S. P. i. e. *sine*

patre filii, quomodo & Theophilus legisse videtur.

Nec dotis, nec donationis] Quod dotis aut donationis propter nuptias ob injustum conjugium datum est, caducum fit, id est, fisco vindicatur; lib. 4. auth. incestas, Cod. de inc. nupt. l. necesse 52. l. dote 64. hoc tit. l. cum hic statuit 32. §. ult. de donat. inter vir. & uxor. Præterquam si qui aut errore accerimo, non affectato, neque ex levi causa decepti sunt, aut ætatis lubrico lapsi; d. leg. 4. C. de inc. nupt. In feminis etiam error juris excusatur, sed positivi duntaxat; eoque referimus l. 1. Cod. de cond. ob caus. dat. l. 7. C. de donat. inter virum & uxor. l. 2. §. 2. de his quibus ut indign. add. Sich. in d. l. 4. Christin. volum. 1. decis. 337. & volum. 3. decis. 119. n. 6.

Et alias penas] In magna delicti varietate variz quoque poenæ constitui debuerunt. Plurimum enim refert, an quis prohibitas juris gentium nuptias contraxerit, an jure civili duntaxat; sciverit, an ignoraverit; in facto erraverit, an jure; mas sit, an femina; major, an minor. Vid. l. ult. hoc tit. l. 4. l. 6. cum auth. seq. C. de inc. nupt. Nov. 12. l. unic. C. si quac. præd. por. quæ multam irrogat pecuniariam; infamiam; l. pen. C. de inserd. matrim. cum infamia poenam stupri; l. 18. C. de adult. si adulterium 38. pr. §. 1. & seqq. cod. & ibi Bart. & DD. add. Gloss. & DD. ad hunc locum Covar. de matrim. p. 2. c. 6. §. 8. Christin. volum. 3. decis. 119. Damhoud. prak. crimin. cap. 94.

TEXTUS.

De Legitimatione.

13. *Aliquando autem evenit, ut liberi, qui statim, ut nati sunt, in potestate parentum non sunt, postea redigantur in potestatem patris: qualis est is, qui dum naturalis fuerat, postea curie datus, potestati patris subicitur: nec non is, qui a muliere libera procreatus, cujus matrimonium minimè legibus interdictum fuerat, sed ad quam pater consuetudinem habuerat, postea ex nostra constitutione dotalibus instrumentis compositis in potestate patris efficitur. Quod & aliis liberis, qui ex eodem matrimonio fuerint procreati, similiter nostra constitutio præbuit.*

NOTÆ.

13. *Qui dum naturalis*] Natus ex concubina, non ex stupro, scorto, aut conjunctione legi-

logibus vetita; l. 44. C. de Episc. & cler. Nov. 74. cap. 6. Balsam. ad synod. Laodic. in quo errat Theophil. Nam concubina legibus cognita non est meretrix.

Tosia curia datus] In curiam cooptratus, curialis factus; l. 9. C. de nat. lib. Modus hic legitimandi manat ex constitutione Theodosii; l. 3. C. cod. & Leonis; l. 4. cod. deque eo latius agit Justinian. Nov. 89. cap. 2. & seqq. Causam præbuere onera curialium. Theophylact. in Marc. cap. 15. Sozom. 1. cap. 8.

A muliere libera] Id est, ingenua; l. 10. C. d. eis. Idem tamen est, si est libertina vel ancilla; Nov. 18. c. ult. Nov. 89. c. 8. Cujac.

Dotalibus instrumentis] Id est, nuptialibus, ut in d. l. 10. & alibi sepe. Tabulas autem necessarias esse arguunt quotquot sunt loci, in quibus de hac specie legitimacionis agitur. In constitutionibus Græcis appellatur *διαμνηστικὸν ὀπίσκειν*.

Quod & aliis liberis, qui postea] Cujac. legit; *Quod, si alii liberi ex eodem matrimonio fuerint procreati, &c.* ut sit sensus: Liberos antea susceptos à Justiniano æquari postea natos, ut posteriores in hæreditate patris potiores non sint, sed una eademque lance trutinentur; ut est in d. l. 10. Malim tamen legere cum Hotom. *Quod, nisi alii liberi nulli ex eodem matrimonio fuerint procreati, &c.* §. 2. inf. de her. que ab intest. de quo dubitatum fuit propter d. l. 10. constat ex l. 11. Cod. cod. ubi hæc quæstio deciditur. Ut ut est, beneficio Principali non indigent, qui ex iustis nuptiis procreati sunt. Introduxit postea Justinianus & tertium legitimacionis genus per rescriptum Principis; Nov. 74. cap. 2. Nov. 89. cap. 9 & 10. VINN. Nec Cujacii nec Hotomanni conjectura rem extricat. Eam expedit amplissimus Corn. van. Bynkersh. Obs. 2. 11. rescribi jubens: *Quod ut aliis liberis; qui ex eodem matrimonio fuerint procreati, similiter nostra constitutio præbuit.* Et ita hic §. planè congruit legi 10. C. de naturalibus lib. ad quam Justinianus hic respicit. HEIN.

COMMENTARIUS.

- 1 Objectum legitimacionis esse liberos naturales, nec tamen omnes, qui ita appellantur, aut appellari possunt.
- 2 Speciem legitimacionis per oblationem curia ab usu recessisse.
- 3 An nepos ex filio naturali per subsequens matrimonium avi, defuncto patre, avo fias legitimus.
- 4 Legitimacionem jure civili non procedere, nisi intervenientibus instrumentis nuptialibus; secus jure Can. quod mores hodierni sequuntur.
- 5 Matrimonium in articulo mortis contractum

apud nos iustum non haberi sine dispensatione.

6 De legitimacione per rescriptum Principis.

TRansit hic Imp. ad alterum modum constituendæ patriæ potestatis: quæ legitimatio dicitur, eo quod liberi extra nuptias suscepti hoc modo efficiuntur legitimi, & patri potestati subjiciuntur. Species legitimacionis tres sunt; nam aut per curiæ oblationem fit; aut per subsequens matrimonium; aut denique per rescriptum Principis: quarum duæ priores hic tantum proponuntur: tertius enim modus est ex legibus novellis. Sunt qui quartam speciem adjiciunt, Gudel. lib. 1. de jur. noviss. cap. 16. Perez ad tit. Cod. de nat. lib. num. 16. Nominationem filii in testamento aliove instrumento habente subscriptionem trium testium à patre factam; Nov. 117. cap. 2. unde auth. si quis C. de nat. lib. Sed ea probatio potius est matrimonii, & præsumptio pro liberis, non quod facti, sed quod nati sint legitimi; quam proprius modus legitimandi.

Qui dum naturalis] Objectum legitimacionis sunt liberi naturales: non omnes tamen qui ita appellantur, aut appellari possunt. Nam primum hæc non pertinent liberi ex iusto matrimonio nati, qui & ipsi nobis naturales sunt, & ita appellari solent, quando adoptivis opponuntur; pr. & §. sed si 7. eis. seq. §. 2. inf. de her. que ab intest. l. si pater. 29. l. non potest. 31. de adopt. Plerumque autem naturales liberi dicuntur, qui non sunt nati ex legitimo matrimonio; tit. tit. C. de nat. lib. Cæterum nonnulla hic inter patrem & matrem differentia est. Patri omnes sunt naturales, etiam ex illicitis & incestis nuptiis procreati, etiam vulgo quæsi, qui & matrâ succedunt ex S. C. Orficiano, §. pen. infr. de sen. Orf. Patri illi dumtaxat, qui ex concubina suscepti; arg. hujus §. DD. in l. pen. de concub. post. Gloss. ibid. Quod autem iidem DD. requirunt, ut mulier specie uxoris habeatur in domo, negantque in hoc argumento patri naturales esse qui foris suscepti sunt, aut etiam domi ex famula, usus non observat, adeoque apud nos meliore conditione non est concubina, quam quævis alia, quæ corporis sui potestatem alicui facit, teste D. Grotio 1. manu def. 12. Igitur qui ex stupro, aut alia conjunctione, quam leges improbant, nascuntur, patri hi naturales non sunt, sed similes illis, quos mater vulgo concepit; quos constat non esse objectum legitimacionis, cum nec patrem demonstrare possint: §. præc. Quamvis inspecta rei veritate, omnes qui ex nobis nati sunt, licet vulgo quæsi, nobis sunt liberi naturales: atque in iis, in quibus jus naturale inspicitur, ut in contrahendis nuptiis pro talibus habeantur; l. 14. §. 2. hoc tit. De natis ex contubernio servili nihil.

nihil attinet dicere; cum eorum nullam mentio fiat in hac materia. Melior tamen eorum conditio fuisse videtur quam natorum ex concubina: quia etiam jus succedendi iis datum est una cum liberis legitimis; *infr. de serv. cogn. in fin. pr.* Jure can. ut supra dictum est, etiam inter servos matrimonium est. Nobis ut servus incognita, ita & servile consortium. Objectum igitur legitimationis sunt liberi ex concubina nati: quod & legibus concubinatus permittitur, & ex eo nati certum patrem habent.

Post ea Curia datus] Primus legitimandi modus est oblatio Curia. Curia in municipiis & coloniis idem erat quod Romae Senatus, & Decuriones, qui Senatores; inde dicti, quod ex iis, qui in coloniam deducebantur, decima pars Consilio publico sive Curia adscribebatur, auctore Pompon. l. pupillis 239. §. decuriones. §. de verb. sign. In Imp. constitutionibus vulgo Curiales appellantur. Causam hujus legitimationis impulsivam fuisse Horum. scribit, inopiam Decurionum, eaque onera, quae huic ordini alioquin honorifico satis gravia incumbabant, quibusque mancipabantur: ita ut nec ipsi, nec eorum liberi inde eximi potuerunt, nisi certis modis; vid. l. 3. l. 4. l. 9. C. de natur. l. Naturalis quoque filia si curiali uxor à patre data cesset, jus filiafam. adipiscitur, d. l. 3. De hoc legitimandi modo latius agit Justinianus Nov. 89. cap. 2. & seqq. nobis incognitus est; atque ab usu eum recessisse testatur Mich. Grassl. §. successio quæst. 19. num. 19 Gudel. l. 1. de jur. nov. 16. in fin. D. Kinschot. de refer. gr. tr. 6. cap. num. 1. Christin. vol. 3. decis. 145. num. 18. VINN. Ita vulgo curia dationem interpretantur, ac si decuriones facti, essent illi liberi naturales, quos pater curia obulisset. Sed alii sunt curiales, alii decuriones. Hi in dignitate vivebant: illi curia erant obnoxii. l. 55. C. de decurion. adeoque curia serviebant l. 50. C. eod. periculo suarum facultatum l. 60. & 64. C. eod. & hinc nec alienare poterant paternae facultates. l. 4. C. de nat. liberis, nec militiae adscribi l. 17. C. de decur. nec conditionem propriam relinquere tot. tit. C. Th. de his qui condit. propr. reliqu. lib. 12. tit. 18. quæ conditio curialis etiam filios sequatur l. 7. C. Th. de decur. lib. 12. tit. 1. quin & qui curialis filiam duxerat, & hæres, non exstantibus liberis fuerat factus, curia mancipabatur. l. 124. C. Th. eod. Curia itaque obnoxii fiebant illegitimi, à patre oblatis, non statim decuriones, quos à curialibus ipse Jac. Gothofredus in parasitis ad. C. Th. tit. de decur. non satis distinxit vid. Merrill. Obser. lib. 7. cap. 26. p. 109. HEIN.

Nec non is, qui ex muliere libera] Secundus legitimationis modus est, cum pater concubinam, ex qua liberos naturales habet, uxorem ducit. Nuptiarum quidem per se hæc vis est, ut liberi ex iis nati legitimi sint & in potestate patris: sed ut ante nati nuptiis subsecutis legitimi hant, ex-

trinsecus nuptiis accedit, & à beneficio legis est, cuius solius potestate legitimi censentur. Vid. de hoc originis paternæ confirmandæ modo, l. 10. C. de natur. lib. Nov. 89. c. 8.

Cujus matrimonium minime interdictum] Hoc ex eo necessario efficitur, quod concubina uxor, ducenda est. Satis est autem, ut uxor esse possit, licet ad tempus impediatur: veluti si Præses provincialem in concubinato habuerit, & finita administratione provinciae eam uxorem ducat. *ult. de concub.* Nepotem etiam per subsequens avi 3 matrimonium defuncto jam patre legitimum avo fieri censent Covar. de matrim. p. 2. c. 8. §. 2. n. 22. & seq. Chassan. ad consues. Burgund. tit. de success. rubr. 8. §. 5. num. 42. & seq. Fachin. 3. contr. 56. D. Tulden. comm. hic c. 4. & ad tit. C. de natur. l. n. 4. Quod ego non video, quomodo procedere possit. Nam aut nepos & ipse naturalis est; & legitimus effici non potest ne patre quidem vivente, nisi pater ipse suam concubinam uxorem duxerit: inauditum autem est, filium naturalem succedere in locum patris sui, & perinde legitimum fieri, avo concubinam unde pater natus est uxorem ducente, ut ipse filius fieret, si viveret: aut natus est nepos ex iusta filii uxore; & legitima planè persona est, incognitaque jure nostro legitimationis ejus, qui jam legitimus est, ad solum effectum succedendi. Sed & filio defuncto sublatum est medium, per quod matrimonii ab avo contracti effectus ad nepotem pertingat: falsum enim est, quod præsupponunt, legitimationis hujus hanc esse vim, ut retrotrahatur tempus nuptiarum ad tempus nativitatis. Nam si hoc verum esset; necessario sequeretur, filium ex concubina natum in jure primogenituræ præferri filio postea suscepto ex legitima uxore mortua ante nuptias cum concubina contractas; de quo Tiraquel. de jur. primogen. quæst. 34. lo: Christen. diss. 3. de matr. quæst. 23. Item liberos etiam non consentientes legitimos fieri, contra Nov. 89. c. 11. Nihil in contrarium facit, quod quis nepotem adoptare possit, etiam si filium non habeat, §. licet. §. tit. seq. Nam à diversis nulla illatio est: & omnino matrimonium cum concubina non potest legitimare liberos nisi ex ipsa concubina natos, quæ & communior sententia est. Vid. Gail. 2. obs. 141. n. 9. Val. Forster. tr. de succ. ab int. lib. 1. quæ 1. quib. caus. h. off. cess. Bachov. in Treutl. vol. 1. disp. 2. thes. 7. VINN. Sequitur Vinnius Bachovium: sed utriusque argumentis jam satisfactum à B. Hubero in Præl. ad ff. lib. 1. tit. 7. §. 10. HEIN.

Dotalibus instrumentis] Dotalia instrumenta hic accipere debemus instrumenta quævis nuptialia, etiam si de dote danda nihil in iis cautum sit; alioqui sequeretur, natos ex paupere concubina, quæ dotem dare non possit, hoc modo legitimari non posse, quod perquam durum est. Et Justinianus l. 10. C. de natur. lib. promiscuè hisce vocibus utitur, & alibi sæpe hæc instrumenta nuptialia *γαμικά* *συμβόλαια* vocat duntaxat, §. 2. *infr. de hæ. ed. quæ ab int.* Nov. 74. pr. Quod autem in

in omnibus iis locis, in quibus de hac legitima-
tione agitur, horum instrumentorum perpetuo me-
minit, satis firmum argumentum est, iis non inter-
venientibus liberos ante natos non fieri legitimi-
mos. Verum quidem est, matrimonium solo
consensu perfici: sed hic non tam queritur de
matrimonio contrahendo, ejusve contracti pro-
pria vi & potestate, quam de effectu speciali le-
gitimationis, quem matrimonium non ex se, sed
legis auctoritate habet, quæ solemnitatem in-
strumentorum ad id desiderat: haud dubiè, ut
liquido & perpetuo constare possit, non tantum
an ea quæ concubina fuit maritali postea asse-
ctu & pro uxore habitata sit; verum etiam an liberi
& quinam legitimati sint, quod instrumento om-
nino inferendum, cum non alii, quam qui vo-
lunt legitimentur; *Nov. 89. c. 11.* Male igitur argu-
mentatur Ant. Matth. *coll. Inst. 2. disp. 1. thes. 25.*
Jure autem Can. instrumenta nuptialia interve-
nire necesse non est; *c. tanta. 6. n. qui fil. sint. legis.*
sicuti nec moribus nostris, D. Tuld. *comm. hic c. 11.*
Perez. *ad tit. C. de natur. lib. n. 9.* Christin. *vol. 1.*
decis. 310. n. 11. & seqq. quod tamen cum dicimus,
non excludimus publicas futurarum nuptiarum
denuntiationes, quæ in Ecclesiis ex scripto re-
citandæ; *art. 3. ord. pol.* Matrimonium etiam in
articulo mortis cum concubina contractum libe-
ros ex ea susceptos retro legitimos facit: Gail 2.
obs. 141. n. 8. D. Tuld. *ad tit. C. de natur. lib.* quod
tamen apud nos non procedit sine dispensatione
propter *d. art. 3. ordin. pol.*

Quod & aliis liberis, qui postea] Vitiosa procul dubio hæc lectio est. Quis enim dubitet, eos liberos, qui ex justis nuptiis procreati sunt, legitimos esse? Quamobrem cum Horom. lego: *Quod, etsi nulli alii liberi ex eodem matrimonio nati fuerint, &c.* de quo dubitari poterat propter constitutionem Justiniani in *l. 10. cod. de nat. lib.* & dubitatum fuisse constat ex *l. 11. cod. cod.* ubi hæc controversia deciditur, add. §. 2. *inf. de her. que ab intest.*

Tertium genus legitimatōnis postea accessit, nempe quæ sit per rescriptum Principis. Per rescriptum Principis legitimantur liberi naturales ad supplicationem patris qui legitimam prolem non habet, & concubinam uxorem vel non potest ducere, puta quia mortua sit, aut se subducat, vel non honestè potest, ob vitæ scilicet turpitudinem; *auth. præsterea, cod. de natu. lib. Nov. 74. cap. 2. Nov. 89. cap. 9. & 10.* vel ad supplicationem filii, si pater eum heredem instituit, vel testamento dixerit, desiderare se, ut natalibus restitatur; *d. cap. 10.* Potest sanè Princeps ex plenitudine potestatis filium naturalem legitimum facere, etiamsi pater legitimus liberos habeat, aut matrimonium cum matre inire possit. Cæterum non intelligitur Princeps id velle facere, nisi rescripto id nominatim comprehensum fuerit; *Myns. 1. obs. 31. Gail. 2. obs. 142. n. 8. Perez ubi sup. n. 12.* Planè non rescinditur legitimatio semel concessa, quamvis postea ex justo matrimonio soboles patri agnascatur; *D. Tuldén. ubi sup. num. 5* Hæc legitimatio tantum in bonis legitimantis tribuit legitumato, quantum liberis legitimis jus naturæ; *dec. sup. Cur. Holl. 10.* Cognatos autem non tangere, exceptis iis, qui in eam consentiunt; neque ad feuda pertinere, nisi id quoque nominatim cautum sit, notat *D. Grot. 1. manud. 12. add. Myns. 5. obs. 42. D. Kinschot. d. tract. 6. cap. 5. num. 2.* Paulo plenius de hac specie legitimatōnis, deque clausulis, quæ rescriptis inferi nunc solent, tractat *D. Gudelin. de jur. noviss. lib. 2. cap. 15. add. D. Christ. vol. 1. decis. 199. num. 18. & volum. 3. decis. 145. D. And. Gail. d. obser. 142. VINN.* Quæ de effectu, quod ad feuda, addidit Vinnius ea non obtinent, nisi princeps legitimans simul sit feudi dominus. Immo ne tunc quidem admittuntur legitimati, nisi deficientibus agnatis, quibus jus semel quæsitum sine injuria adimi nequit *2. Feud. 26. Schrad. Pars. 7. cap. 5. num. 23.*

TITULUS UNDECIMUS.

DE ADOPTIONIBUS.

D. Lib. 1. Tit. 7. C. Lib. 8. Tit. 48.

- 1 *Continuatio, & summa tituli: tum quid sit adop-
tio, & quàm antiqua ejus origo.*
- 2 *Hodie adoptionem ab usu recessisse: sed in Ger-
mania aliisque nonnullis provinciis receptam
unionem praelium, adoptionis quoddam sti-
mulacrum.*

EXpositi sunt in superiori titulo duo priores modi constituendæ patriæ potestatis; nuptiæ & legitimatio: sequitur nunc tertius, adoptio. Adoptio est actus legitimus, quo in jus & locum filiorum famil. adiscisci-

tem fere sunt, quæ *hoc tit.* tractantur. Primum dividitur adoptio in duas species, quæ suis definitionibus explicantur; tum docetur, qui adoptare adoptarive possint; postremò, quæ sit vis utriusque adoptionis ostenditur. Origo adoptionis antiquissima est. Non enim Romani solum, verum etiam Græci in solatium orbitatis filios sibi adsciscere solebant; ut ex Ægimetrico Isocratis, & Plutarcho in *Theses* liquet. Apud Hebræos quoque, & Assyrios, atque Ægyptios in usu fuisse adoptionem, testes sunt Joseph. 1. *antiq.* 15. Berof. *lib. 5. de florat.* Diod. Siculus 4. *Biblioth.* Moses à filia Pharaonis adoptatus traditur *Exod. cap. 2.* Nec Franci olim, nec Longobardi usum adoptionis ignorarunt; ut ex Paulo Diacono & Trithemio observavit Gregor. Tholosanus *lib. 10. synagm. cap. 6.* Cæterum hodie in hisce regionibus jure veteri adoptionis non utimur; nam adsciti à nobis non pro liberis, sed pro alumni sunt; hoc est eo loco, quo sunt liberi alieni, quos in nostros enutrimus: quos quidem nihil prohibet etiam hæredes instituere, ut quemlibet extraneum; liberorum autem jure non censentur, nec agnationis. Apparet hoc ex effectis: nam & nuptiæ inter hæc personas consistunt, sicut cum alumna jure civili; *leg. si quis 26. de nupt.* Quo tamen jure neque filia patri adoptivo, neque soror adoptiva fratri, qui in ejusdem patris potestate sit, nubere potest; §. 1. & 2. *tit. preced.* Et necesse non est eas hæredes instituere aut exheredare, ut jure Romano liberos adoptivos; §. *adoptivi 4. infr. de exher. lib.* Nec ad successionem ab intestato vocantur, vel ut liberi, vel ut agnati, aut cognati. De moribus harum regionum testatur Grot. 1. *manud. 6.* Gudelin. 1. *de iur. nov. 19.* Christin. *vol. decis. 185.* De consuetudine Galliarum Mansuer. *de probat. num. 34.* Tiraq. *tract. de retract. gloss. 8. §. 1.* ubi tradit, nec jus gentilitii retractus adoptatis competere, & Gregor. Tholos. *ubi sup.* Fallitur ergo D. Eguin. Baro, dum ea, quæ de adoptionibus jure Romano constituta sunt, adhuc valere debere ideo contendit, quòd nihil de iis comprehensum sit legibus Gallorum propriis, constetque inter Pragmaticos, quod jure proprio definitum non est, jure communi, hoc est Romanorum dirimi, quo etiam constitutiones Principum nos identidem remittunt. Etenim non minus de eo inter omnes Pragmaticos convenit, si quando Principes jubent, jus Roman. sequi ubi propriæ leges deficiunt; id ita accipiendum esse, ut locum dumtaxat habeat, si jus Romanum generali & manifesta consuetudine abrogatum non sit. Nam neque de servis quicquam cautum propriis plerarumque regionum legibus reperimus; an ergo idcirco dicemus servitutem ibi tacite approbatam censeri? Quod ideo monere visum est, ne quis in hujusmodi con-

troverfii hòc argumento sibi imponi patiatur. In Germania passim, & nonnullis aliis provinciis consuetudine recepta æstimatio quædam adoptionis, conjunctio sive unio prolium quæ conjuges ex diversis matrimoniis susceperunt. In hoc contractu & Magistratus auctoritas intervenire debet, & exacta cognitio adhiberi, præsentibus & consentientibus consanguineis, tutoribus & curatoribus, qui provideant, ne res ad concordie vinculum comparata discordiam inter liberos excitet in nimia facultatum inæqualitate; D. Andreas Gail. 2. *obs. 125.* VINN. Multa hic accumulat Vinnius, quæ vix admittenda sine Examine. Nam 1. quæ de Usu pragmatico adoptionis dicit, non dixerim, si quis hodie extraneum arrogaverit solemniter, illum hunc non filium, sed alumnum habiturum. In Germania saltem eo casu omnes effectus adoptionis & arrogationis obtinere & ipse observavi, & jam pridem exemplis docuit B. Strykius in *Usu ff. ad tit. de adop. & de Cap. minut.* Idem de Frisia nostra affirmat B. Huber. in *Prælect. ad Inst. hoc tit. §. 14.* Ubi itidem exemplum illustre. II. Vix puto in provinciis his, ubi postremis demum sæculis jus Romanum receptum est, querendum esse, an jus Rom. abrogatum? Sed an & quatenus in hac vel illa materia receptum sit? sic sane Jura de servis quæ exempli loco adfert Vinnius, non consuetudine apud nos abrogata, sed nunquam recepta sunt, quippe quæ non congruebant statui rerum publicarum septentrionalium. III. Unio prolium & in ipsa Germania rarissima, vix quidquam commune habet cum adoptione, quia non est modus constituendi patriam potestatem, sed pactum successorium, qualia inter Germanos plurima recepta sunt. HEIN.

TEXTUS.

Continuatio.

Non solum autem naturales liberi secundum ea, quæ diximus, in potestate nostra sunt, verum etiam ii, quos adoptamus.

NOTÆ.

Quos adoptamus] *leg. 1. D. hoc tit.* Ulpian. *tit. 8.* Est autem adoptio actus legitimus; *leg. 77. de regul. juris*, quo in locum filii adsciscimus eum, qui nobis extraneus est, ad eorum, qui liberos non habent, solatium inventus. Theoph. Græcis verbo significantiore dicitur *υιοθεσία*. Origo ejus antiquissima. Vid. Gregor. Tholos. 10. *synagm. cap. 6.*

COMMENTARIUS.

Filiosfamil. non solum natura, verum etiam adoptiones faciunt; l. 1. *hoc tit.* Per naturales liberos hoc loco intelligi oportet eos, qui sunt ex iustis nuptiis procreati: ea enim perpetua est naturalium liberorum significatio, cum opponuntur adoptivis, utpote legitimis tantum, & diversae ejusdem generis speciei; §. sed si 7. *infr. eodem*, §. adoptivi 4. *infr. de exhered. lib.* §. 2. *infr. de inoffic. test.* l. non potest 31. *hoc tit. l.* 2. §. liberi. 6. ad Senatusc. Tert. At cum naturales opponuntur legitimis in genere; qui legitimi non sunt, significantur, & naturales dumtaxat, §. ult. *tit. superioris*, *cor. tit. C. de natur. lib.* quod & in voce parentis aut patris naturalis similiter observandum.

TEXTUS.

Divisio adoptionis.

1. *Adoptio autem duobus modis fit: aut Principali rescripto, aut imperio Magistratus. Imperatoris auctoritate adoptare quis potest eos, easve, qui, quave sui juris sunt, quae species adoptionis dicitur adrogatio. Imperio Magistratus adoptamus eos, easve, qui, quave in potestate parentum sunt: sive primum gradum liberorum obtineant, qualis est nepos, neptis, pronepos, proneptis.*

NOTAE.

1. *Duobus modis*] Ex Cajo leg. 2. *D. hoc tit. Principal: rescripto*] Hoc stante Republica auctore populo fiebat comitiis curiatis. Gell. lib. 5. c. 19. Gruch. 3. *de comit. Rom.* 3. *Imperio Magistratus*] Apud quem est legis actio; leg. 4. *cod. leg.* 1. *Cod. cod. leg.* 3. *D. de officio procons.* Hæc species generis nomen retinet, ut sæpe aliàs, cum proprium nomen deest: Boet. ad *topie. C.* lib. 2. *Fis vero id sæpe, ut species iisdem nominibus nuncupentur, quibus & genera.*

COMMENTARIUS.

- 1 *Adrogationes olim non nisi auctore populo commissis curiatis fieri solitas: & ideo mutato statu Reip. Principis auctoritatem in hoc actu necessariam fuisse.*
- 2 *Adoptio in specie apud quos, quo ritu olim fieret, & quomodo nunc fiat.*

Dux sunt species adoptionis, quarum altera Adrogatio dicitur, altera, quia pro-

prio caret generis nomine, adoptio appellatur; quod in jure nostro frequenter uluvenit. Nam cum plura sint negotia quam vocabula; leg. 4. *de præscr. verb.* sæpe fit, ut verba, quæ vi sua generalem significationem habent, ex instituto loquentis certam speciem indicent; eam nimirum, quæ proprio nomine constituitur, & cui fere cum specie ejusdem generis, quæ proprium nomen habet, opponi aut apponi solet, ut observare licet in vocibus cognationis, servitutis, contractus, actionis, & sexcentis aliis. Adrogatio est adoptio eorum, qui sunt sui juris, facta auctoritate Principis. Duo igitur sunt hujus adoptionis propria: primum, quod eorum tantum est, qui sui sunt juris; alterum, quod fieri debet auctoritate Principis. Cur verò Principis auctoritas in hoc actu necessaria? Nimirum quia antea populi fuit. Nam jure à majoribus prodito. nemo qui sui juris erat in alienam potestatem transire poterat, nisi populus auctor fieret. Comitibus præbebantur curiata; arbitri erant Pontifices; formula hæc: *Velitis, jubetis, Quirites, uti L. Valerius L. Titio tam jure legeque filius fiet, quam si ex eo patre matreque familias eius natus esset; utique ei visæ necisque in eo potestas fiet, uti patri endo filio est.* Gell. 5. cap. 19. Gruch. 3. *de comit. Rom.* 3. Porro rogabatur & qui adoptabat, & qui adoptabatur: ille, An vellet eum quem adoptaret sibi justum filium esse; hic, An id fieri pateretur: unde & adrogationem dictam esse scribit Cajo l. 2. *hoc tit.* Et haud dubiè inde est, quod adrogari non potuit nisi jam vesticeps: nam impubes, quem investem dicebant, auctor in eam rem propter ætatem fieri non poterat, neque tutoribus tanta erat potestas, ut caput liberum fidei suæ commissum alienæ ditioni subjicerent. Et quia cum scæminis nulla comitiorum communio erat, nec mulier adrogari poterat; Gell. d. loc. Cic. *pro dom.* Hæc, inquam, stante adhuc Repub. Cujus statu mutato, quod jus populi fuit, Principes usurparunt, ex quorum rescriptis & scæminæ & impuberes etiam adrogari cæperunt; l. nec ei 16. *cum seqq. hoc tit.* Ulp. tit. 8. §. 4. Adoptio in specie eorum est, qui sunt in potestate, sitque auctore patre, qui in potestate habet: apud Magistratum, apud quem est legis actio; l. 4. *hoc tit. l.* 1. *C. cod. l.* 3. *de off. procons.* Legis actio est id, quod fit ex præscripto & forma legis cum solemnibus ad rem aliquam peragendam constitutis: quibus solemnibus peragendis, si lex Magistratum designaret; penes eum dicebatur esse legis actio. Cæterum etiam apud Principem rectè lege agi ostendit l. ult. *C. de his qui à non dom. man.* Et quemadmodum hujusmodi actus, cum sint voluntariæ jurisdictionis, quivis alius Magistratus apud se expedire potest, l. 4. *hoc tit. l.* 2. *de off. præ.* ita & Princeps tamquam summus Magistratus.

tus. Quod pertinet, quod de Augusto refert Suetonius, c. 64. & Lucium, inquit, adoptavit domi per assem & libram emptos à patre Agrippa. De hac specie adoptionis ita scribit Gell. diff. loc. Adoptantur, cum à parente, in cuius potestate sunt, tertia mancipatione in iure ceduntur, atque ab eo qui adoptat, apud quem legis actio est, vindicantur. Interveniebant tres mancipationes, sed duæ tantum manumissiones, l. ultim. Cod. hoc tit. Nam si filius ter venditus, tertio quoque manumissus fuisset, ut in liberorum emancipatione sui juris tertia manumissione factus esset. Itaque tertio ita vendebatur ac mancipabatur adoptatori, ut ei in iure cederetur, isque illum tamquam filium suum assereret, & iure Quiritium ad instar quodammodo servi vindicaret: quod ius patrem ex lege Quiritium habuisse testatur Ulpian. l. 1. §. 2. de rei vind. Cæterum tres hæ mancipationes & duæ manumissiones in filiorum duntaxat adoptionibus necessariae erant: filia autem & cæteri liberi una tantum mancipatione à potestate patris sui exibant, & potestati patris adoptivi subijcebantur, d. leg. ultim. Cod. hoc tit. Quæ omnia procedente tempore per imaginariam mancipationis solemnitatem expediri coeperunt, §. 6. tit. seq. Quæ & ipsa postea à Justiniano sublata, constitutumque, ut pater, qui liberos suos in adoptionem dare desiderat, hoc ipsum actis intervenientibus solummodo apud competentem iudicem manifestet præsentem eo, qui adoptatur, & non contradicente: nec non eo præsentem, qui adoptat, d. l. ult. & §. antepen. inf. eod. De mancipationis solemnibus studiosi antiquitatis consulant Boet. in Top. Cic. Rævard. cap. 16. ad leg. 12. Tab. Brisson. lib. 1. antiq. cap. 7. de legis actionibus, & lib. 4. antiq. cap. 20. VINN. Rectè quidem Vinnius rationem reddidit, cur arrogationes fieri oportuerit auctoritate Principis, quia nimirum antea auctoritate populi opus fuerit: sed cur populus olim iusserit arrogationes, & cur Pontificum quoque adhibita fuerit auctoritas, paucis addendum. Homo sui juris erat civis; adeoque caput de civitate non poterat eximi, nisi auctore populo. Deinde arrogatus fiebat hæres. Leges vero de hæreditate intestatorum non poterant nisi alia lege mutari, uti acute docuit o. adu Bynkershoek Observ. lib. 2. cap. 2. p. 113. Pontifices verò adhibebantur, non ob juris jurandi religionem, uti existimavit Jan. Vinc. Gravina de lege XII. tab. §. 85. p. 452. sed quia arrogatus particeps fiebat sacrorum gentilium: quæ notio Pontificum erat. Cic. pro domo cap. 13. Omnia hæc non erant necessaria, postquam Imperatores munia legum, magistratuum, immo & Pontificum ad se traxerant, nullo adversante. HEIN.

Vinnius in Insistur.

TEXTUS.

Qui possunt adoptare filiumfamilias, vel non.

2. Sed hodie ex nostra constitutione, cum filiusfamilias à patre naturali extraneæ personæ in adoptionem datur, iura patris naturalis minimè dissolvuntur; nec quicquam ad patrem adoptivum transit, nec in potestate ejus est: licet ab intestato iura successionis ei à nobis tributa sint. Si verò pater naturalis non extraneus, sed avo filii sui materno: vel si ipse Pater naturalis fuerit emancipatus, etiam avo vel proavo simili modo paterno vel materno filium suum dederit in adoptionem; in hoc casu quia concurrunt in unam personam & naturalia & adoptionis iura, manet stabile ius patris adoptivi, & naturali vinculo copulatum, & legitimo adoptionis modo constitutum, ut & in familia & in potestate hujusmodi patris adoptivi sit.

COMMENTARIUS.

Olim quavis adoptione ius patris naturalis extinguebatur: isque, qui in adoptionem etiam extraneæ personæ dabatur, in patris adoptivi familiam & potestatem transibat. Ex quo iure cum non levia incommoda consequi Justiniano viderentur, propterea quod fieri poterat, ut filius & patris naturalis successionem amitteret propter adoptionem, & patris quoque adoptivi, adoptione per emancipationem soluta, §. sed ea omnia 14. inf. de hæ. quæ ab intest. l. pen. Cod. hoc tit. (ego unum tantum casum invenio, nimirum si filius post mortem patris naturalis emancipatus esset, §. at hi 10. inf. d. tit.) His incommodis sic occurri posse credidit, si iura patris naturalis integra servarentur, quando filius extraneæ personæ in adoptionem daretur: quod & effecit constitutione sua, d. l. pen. Extraneam autem personam intelligit omnem, quæ extra lineam parentum sit: unde qui à patruo aut avunculo sunt, perinde haberi debent ac si à quovis extraneo adoptati forent.

Licet ab intestato iura success.] Hoc ei à Justiniano specialiter tribuitur. Cæterum impune à patre hujusmodi adoptivo præteriri potest, alio hærede instituto, d. l. pen. §. sed ne, 1. d. §. sed ea omnia. 14. inf. de hæ. quæ ab intest.

Etiam avo vel proavo simili modo paterno vel materno] Legendum: Etiam avo paterno, vel proavo simili modo paterno vel materno; non tam quia ita legitur in d. l. pen. unde hæc transumpta sunt, F quàm

quàm quoddam hanc lectionem flagitat manifesta ratio juris.

Legitimo adoptionis modo constitutum] In d. l. pen. legitur: *Legitimo adoptionis modo constitutum*. Notant hic Interpp. duo vincula fortius ligare, quàm unum. Sed aliud significare voluit Iustinianus, nempe, concurrente huiusmodi naturali vinculo cum civili adoptionis, cessare metum superioris incommodi.

TEXTUS.

De adrogatione impuberis.

3 Quum autem impubes per principale rescriptum adrogatur, causa cognita adrogatio fieri permittitur: & exquiritur causa adrogationis, an honesta sit, expediatque pupillo, & cum quibusdam conditionibus adrogatio sit: id est; ut caveat adrogator personæ publicæ (si intra pubertatem pupillus decesserit) restitutum se bona illis, qui si adoptio facta non esset, ad successionem ius venturi essent. Item non aliter emancipare eum potest adrogator, nisi, causa cognita, dignus emancipatione fuerit: & tunc sua bona ei reddat. Sed & si decedens pater eum exheredaverit, vel vivus sine iusta causa emancipaverit; jubetur quartam partem ei bonorum suorum relinquere, videlicet præter bona, quæ ad patrem adoptivum transtulit, & quorum commodum ei postea acquisivit.

NOTÆ.

3. *Causa cognita*] Causæ cognitio olim à collegio Pontificum, Cic. pro dom. c. 13. hodie à Magistratu exercetur, adhibito consilio propinquorum & tutoris auctoritate, l. 2. C. cod. l. ult. C. de auct. prest. in adrogatione puberum, etiam curatoris, l. 8. D. hoc tit. Quibus in rebus versetur, docet Ulp. l. 15. §. pen. & ult. l. 17. per tot. cod.

Persona publicæ] Manuscripti, Testibus Cujac. Hot. Pac. *Persona publicæ*, id est, Tabulario, Theophil. *ἐκ δημοσίου ἀρχαίου καὶ τοῦ τὰ βιβλ. ἀρχιστ.* Tabulario autem, non agnatis: quoniam certum est, quis tempore mortis pupilli proximior futurus sit, eique ab intestato successurus. Schol. Theophil. VINN. Addendus hic omnino Franc. Amaya. ad l. 3. C. de ab. scrib. logograph. lib. X. ubi quid sit tabulario satisfacere egregie explicat. HEIN.

Dignus emancipatione] Et hoc casu quartam, de qua mox, perdit, l. ult. D. si quid in fraud. patron.

Et tunc sua bona] Abusivè, ut sæpe alibi, pro *Bona ejus*; impuberis scil. adrogau. Pac.

Quartam partem] Ex constitutione D. Nij, l. 8. §. 15. D. de inoff. test. l. 1 §. 21. D. de coll. d. l. ult. si quid in fraud. patron. Est autem hæc secundum Gloss & DD. non omnium bonorum adrogatoris quarta, sed debita ab intestato portionis, arg. l. 8 §. 8. de inoff. test. Quod & Græcos sensisse argumento est, quod quadrantem in trientem mutaverunt ex novo jure. Fabrot.

Relinquere] Rectè *Relinquere*, ut intelligamus non prius eam deberi, quàm adrogator decesserit, d. l. 1. §. 21. de collat.

COMMENTARIUS.

- 1 In adrogatione impuberum quæ cognoscenda & excutenda.
- 2 Quid; cui caveat adrogator; tum ad quos ea res pertineat,
- 3 Num quartam, quæ vulgo D. Nij, sit quarta pars totorum bonorum adrogatoris, an portionis ab intestato impuberi debita; & si hoc; num etiam illa antea censi debet.

Impuberes antea adrogari non potuerunt, ut supra indicavimus; nunc autem possunt ex constitutione D. Antonini, auctore Ulp. in fragm. tit. 8. sed non aliter quàm causa apud Magistratum cognita, l. si paterfam. 15. §. 2. h. t. l. 2. C. cod. Causæ cognitio in multis vertitur. Primùm excutiendum; quæ sint facultates pupilli: quæ ejus qui eum adoptare volet; deinde cujus vitæ sit, & quibus moribus adrogator; tertio cujus ætatis; an non melius sit, eum de liberis procreandis cogitare, quàm ex aliena familia sibi filium accersere; ad hæc, num liberos habeat iustis nuptiis procreatos, quorum spem sine magna causa diminui non oportet; postremò etiam conjunctio spectatur, nec facile cuiquam pupillum adrogare permittitur, nisi quem vel naturali cognatione, vel alioqui sanctissima affectione duci appareat, d. l. 15. §. 2. l. 17. cod. Pleraque tamen hæc capita communia videntur fuisse cum puberum adrogationibus: ut illa de ætate, liberis, moribus & facultatibus adrogatoris. Certè olim apud Pontifices hæc etiam in adrogationibus excussa fuisse arguit locus Ciceronis in oration. pro dom. c. 13. Quid, inquit, est ius adoptionis, Pontifices? Nempe ut is adoptet, qui nec jam procreare liberos possit; & cum possit, sit expertum; tum ne qua calumnia, fraus, aut dolus adhibeatur. Causa autem nunc cognoscitur à Magistratu adhibito consensu propinquorum pupilli, l. 2. C. cod. & tutorum quoque auctoritate, l. ult. C. de auct. prest. In minorum quoque adrogatione post constitutionem Claudii, curatoris auctoritas intercedere debet, l. 8. cod.

Ut caveat adrogator personæ publicæ] Hoc propriè servatur in adrogatione impuberis. Caveat nimirum satisdato, id est, fidejussoribus datis, l.

non

non aliter 18. cum 2. seqq. cod. Caveat autem non ipsis, ad quos ea res perventura est; five quodd incerti sint; five quodd non omnes sunt ii, qui sibi stipulari possunt: sed personarum publicarum, hoc est, Tabulario five Scribae Curiarum aut Magistratuum municipalium, qui aliis stipulando acquirere possunt. Servos olim publicos fuisse, constat d. l. 18. l. 2. rempub. solv. for. l. ult. c. de serv. resp. man. Primi Arcadius & Honorius caverunt, ne servi Tabulario praeficiantur, l. 3. c. de tabul. lib. 10. ubi Cujac. Sed etsi omissa fuerit satisfactio, utilem nihilominus actionem in adrogatorem dari responsum est l. 19. §. 1. hoc tit.

Ad successionem eius venturi essent] Pars haec cautionis in d. l. 18. ita concepta est, Ad quos ea res perventura est, & in l. 19. seqq. Ad quos ea res pertinet: quibus verbis significantur non ii tantum, qui ad successionem impuberis venturi sunt, quales sunt haeredes impuberis, five illi ab intestato veniant, five secundis tabulis a patre pupillo dati: sed etiam legatarii & servi, quibus secundis tabulis legata aut libertates dantur: in summa omnes, ad quos aliquid perventurum fuisset, si adrogatus mansisset in suo statu, ad ill. Habet autem haec cautio locum, si adrogatus impubes decesserit, l. hoc autem 20. cod. adveniente vero pubertate evanescit, perindeque habetur, ac si jam pubes adrogatus esset: quo casu cautio non est necessaria, cum quivis pubes sui adhuc juris ipse testamentum facere, cognatosque excludere possit, l. 5. qui test. fac.

Dignus emancipatione Puta si quid commiserit adversus patrem adoptivum, propter quod merito e domo ejici aut exheredari posset. At quae causa est, quodd nihilominus tam impio filio bona sua restituuntur? Hotomannus existimat, id constitutum esse ad vitandam omnem improbitatis suspicionem, qua alioqui pater adoptivus facile onerari posset.

Decedens ex aedaverit] Intelligerem, sine justa causa: nam si justa exheredationis causa sit: non video, cur praeter bona sua aliquid recipere debeat aut plus, quam cum ex justa causa emancipatur. Sed obitare videtur responsum Ulp. in l. §. si quis 15. de inoff. test. & objici potest, quodd cum justam causam haberet adrogator, cum vivus non emancipaverit.

3 Quarta pars Hae quarta vulgo D. Pii appellatur: eamque Interpretes arbitrantur non esse quartam omnium bonorum adrogatoris, sed tantum portionis ab intestato impuberi debitae, nimirum eam ipsam ejusdemque quantitatatis, quae debetur aliis liberis, arg. d. l. §. quantam 8. de inoff. test. Et certe nulla dari ratio potest, quamobrem D. Pius meliorem esse conditionem voluerit adoptivorum, quam naturalium: aut emancipati exheredative quam ejus, qui sine nota in familia mansit; & haeredis, quem videlicet pater vel instituit, vel ab intestato haeredem reliquit datis fideicommissis, cui praeter quartam partem

debitae ab intestato portionis nihil deberi in confesso est. Plerique tamen Recentiorum secus sentiunt, propterea quodd textus simpliciter loquuntur de quarta bonorum, l. ult. si quid in fraud. patro. l. 2. c. hoc tit. Sed responderi potest; Etiam quartam portionis ab intestato debitae auctoritas quartam bonorum dici posse, sicut legitima liberorum; quae & ipsa quarta pars illius portionis est, quarta bonorum dicitur, l. 6. c. de inoff. test. Vel potius quia fere unus tantum adrogari solet, & nemo adrogare, nisi qui liberos non habeat, l. 15. in fin. l. nec ei 17. §. pen. hoc tit. De illo non convenit inter Interpretes, qui quartam hanc faciunt partem portionis ab intestato debitae, an haec quarta etiam aucta sit Nov. 18. Negat Mynsing. sed argumentis parum solidis. Ait: Quartam eorum dumtaxat d. Nov. auctam dici, quibus antea querela inofficiosi testamenti comperebat; adrogato autem non competiisse, d. l. 8. §. si quis 15. In quo fallitur. Nam certe ante D. Pii constitutionem non minus adrogato impuberi, quam ceteris querela competit: Divus autem Pius non minuit jus adrogati, sed auxit, ut ei querela jam non sit necessaria, sed proprio & meliori jure quartam sibi debitam obtinere possit d. l. 8. §. si quis 15. Hoc & Graecos sensisse argumento est, quodd illi τὴν τεταρτηνίαν, quod Theophilus, aut paraphrastes, hic retinuit, ex novo jure mutaverunt in τὴν τρίτην. Mich. Psel. Synops. Quod adjicit Mynsing. in correctoris nullam extensionem admittendam esse, quamvis par ratio subit, aut etiam major: verum non est praeterquam in iis constitutionibus, quae a ratione juris & aequitatis recedunt; quae de re, qui volent, consulat D. Praef. Everh. in topic. loc. 79. Itaque verior mihi videtur eorum sententia, qui hanc etiam quartam auctam esse censent, ne pupillo noceat, quod in favorem & commodum ejus constitutum est; D. Bachov. post Potc. & alios hic. Vinn. Quamvis non iniqua sit haec Bachovii, quam Auctor sequitur, sententia, probabilius tamen est D. Pium quartam omnium bonorum intellexisse, partim quodd semper in legibus quartae bonorum sit intentio, partim quodd ea non petebatur querela inofficiosi, sed actione familiaris ereiscundae. Vid. V. C. Schulzing. quae tit. de adopt. & emancip. Quae cum tantum hic conjicit Vinnius, eos quibus liberi essent, adoptare non potuisse, refellit Reinold. Par. cap. 42. p. 305. Et sunt sane exempla, quae Vinnio possunt opponi, qualia & ante Reinoldum collegit Cl. Perizon. Animadv. Hist. cap. 3. p. 125. seq. Sed idem tamen recte observat, id non nisi difficulter concessum & non caruisse reprehensione. Ego id nunquam fere privatis concessum putaverim impuberes arrogaturis: adeoque vix incidere potuisse questionem, quartane omnium bonorum, an portionis legitimae intelligenda sit in constitutione D. Pii? Hain.

T E X T U S.

De ætate adoptantis & adoptati.

4. *Minorem natu majorem non posse adoptare placet : adoptio enim naturam imitatur, & pro monstro est, ut major sit filius, quam pater. Debet itaque is, qui sibi filium per adoptionem aut adrogationem facit, plena pubertate, idest, decem & octo annis precedere.*

N O T Æ.

4. *Minorem natu*] Ex l. 15. §. ult. cum l. seq. l. 40. §. 1. D. cod.

C O M M E N T A R I U S.

Adoptio naturæ imago & similitudo quædam est, l. filio 23. de lib. & post. unde cum alia multa, tum hoc quoque provenit, quod majorem natu minor adoptare non possit, cum per naturam filius non possit esse major patre. Qua de causa Clodii adoptionem jure exagitat Cic. pro dom. cap. 13. *Falsus es, inquit, filius ejus* (Fonteji) *contra fas, cujus per ætatem pater esse potuisti; & similia mox sequuntur.*

Plena pubertate, idest, decem & octo annis] l. abrogato 40. §. 1. hoc titulo. Cur autem octodecim annis? Nam si nuptiæ post annum decimum quartum contrahi possunt; potest & quis filium habere ante hanc ætatem. Sed nimirum quia rarissime accidit, ut masculi ante annum octavum decimum ad plenam pubertatem perveniant, & liberos suscipiant; minor ætas in adoptione insuper habita est, juxta l. 3. 4. & 5. de legib. Myrsingeri ratio nulla est: Id ideo placere, quia in adoptionibus, in quibus res per electionem agitur, firmitate opus sit judicii, quasi non nisi anniculi aut bimuli adoptarent. Nimirum celsi pubertatis initium est anno 14. inf. quib. mod. tut. fin. maturitas tamen demum anno 18. l. abrogato 40. §. 1. hoc tituli. Paul. 3. sen. 4. atque hac ætate pubescunt etiam *si bestiae idcirco*. Theoph. In specie l. 14. pr. de alim. leg. est favor alimentorum.

T E X T U S.

De adoptione in locum nepotis; vel neptis, vel deinceps.

5. *Licet autem & in locum nepotis, vel neptis, pronepotis, vel proneptis, vel deinceps, adoptare, quamvis filium quis non habeat.*

N O T Æ.

5. *In locum nepotis*] Ex Paulo l. 37. hoc tit. Ulp. tit. 8. §. 6.

Quamvis filium non habeat] Sufficit enim habere filium posse, & per ætatem ex eo nepotem. Non enim actus, sed naturalis potestas inspicitur.

C O M M E N T A R I U S.

Quamvis filium quis non habeat] l. adoptare 37. l. adoptiones. 43. h. t. Dixeris, hoc pugnare cum eo, quod ante dictum est, adoptionem imitari naturam: Natura enim fieri non posse, ut quis nepotem habeat, qui filium non habet. At inquam, sufficit habere posse; hoc est ejus me ætatis esse, ut & filium & ex filio nepotem ea ætate habere potuerim. qua est is, quem filium adoptare volo. Nam & qui uxorem non habet, filium adoptare potest, quamvis sine uxore pater esse non possit, l. & qui 30. cod. Duplex igitur hic fictio est. De duplici fictione circa idem vid. Vaud. 1. quasi. 4.

T E X T U S.

De adoptione filii alieni in locum nepotis & contra.

6. *Et tam filium alienum quis in locum nepotis adoptare potest, quam nepotem in locum filii.*

C O M M E N T A R I U S.

Qui filius est patri naturali, potest per adoptionem nepos fieri patri adoptivo, & contra. Nam, ut bene Theophilus, necesse non est, ut qui adoptatur, eundem ordinem gradumque, quem apud patrem naturalem habet, servet apud patrem adoptivum.

T E X T U S.

De adoptione in locum nepotis.

7. *Sed si quis nepotis loco adoptet, vel quasi ex filio, quem habet jam adoptatum, vel quasi ex illo, quem naturalem in potestate habet; eo casu & filius consentire debet, ne ei invito suus hæres agnascatur. Sed ex contrario, si avus ex filio nepotem det in adoptionem, non est necesse filium consentire.*

N O T Æ.

7 *Si quis nepotis loco*] Ex Paulo l. 6. & l. 1. cod. Ne

Ne ei invito suus heres] Eadem ratione & nepoti uxorem ducenti etiam filius consentire debet, l. 16. §. 1. D. de rit. nupt.

COMMENTARIUS.

Filius consentire debet] Nimirum si nepos adoptetur quasi ex Lucio filio, verbi causa, natus. Nam si simpliciter adoptetur, & tamquam ex incerto filio, nullius consensus desideratur: quia tunc cessat ratio juris, quæ consensum requirit; de qua mox, l. adoptiones 43. & seq. hoc tit. Quid ergo, si nepotem adoptem tamquam ex Lucio filio meo natum, isque filius meus auctor non fuerit; an hæc adoptio planè nulla erit? an perinde habendum, ac si simpliciter facta fuisset? quod magis probo cum D. Contio l. si beres, l. et. in fin. arg. l. 11. hoc tit. Nam cum Jurisconsultus ibi de proposita specie hoc saltem respondeat, me mortuo non fore nepotem in potestate filii, satis indicat adoptionem quoad cætera valere.

Ne ei invito] l. 6. cod. Non videbatur consensus filii exquirendus propter jus potestatis, quod summum pater in filium habet. Sed nimirum vis adoptionis seu agnationis sui hæredis in id tempus confertur, quo patre mortuo filius jam sui juris & paterfamilias factus est.

Non necesse est filium] Quia nimirum nepos non in patris sui, sed in avi potestate est. Potestatis autem tanta vis fuit apud Romanos. ut avus nepotem, inconsulto filio (tamen id durum est) alii in adoptionem dare potuerit.

TEXTUS.

Qui dari possunt in adoptionem.

8. In plurimis autem causis adsimulatur is, qui adoptatus vel adrogatus est, ei, qui ex legitimo matrimonio natus est; & ideo si quis per Imperatorem, vel apud Praetorem, vel Praesidem provincie, non extraneum adoptaverit, potest eundem in adoptionem alii dare.

NOTÆ.

8. In adoptionem alii dare] Eodem jure, quo id permissum patri naturali.

COMMENTARIUS.

In principio hujus tituli dixi, non solum naturales liberos in potestate nostra esse, sed etiam eos, quos adoptavimus: unde sequitur, quemadmodum illi in adoptionem alii dari possunt: ita & hos posse. In adrogatione nihil mutatum; ac ne in adoptione quidem in specie sic dicta, quando non adoptatur extraneus. At *Pinnius in Instit.*

cum extraneus adoptatus est; is alii rursus in adoptionem dari non potest: cum ex constitutione Justiniani nihil juris in hunc pater adoptivus habeat, l. pen. C. hoc tit. §. 2. sup. cod. eamque ob causam verba hæc à Triboniano hic addita sunt, *Non extraneum*.

TEXTUS.

Si is, qui generare non potest, adoptet.

9. Sed & illud utriusque adoptionis commune est, quod & ii, qui generare non possunt, quales sunt spadones, adoptare possunt, castrati autem non possunt.

NOTÆ.

9. Quales sunt spadones] Quia hi sublato vitio corporis, liberis procreandis operam dare possunt, d. l. 2. §. 1. l. 40. §. 1. cod. & ideo uxorem quoque possunt ducere, l. 39 §. 1. D. de jur. dot. natura enim magis in homine generandi, & consuetudo spectanda est, quam temporale vitium; l. 9. D. de lib. & post. Spadones, si *utrumque* *virum* *magis* *imbeciles*, Gloss. jur. Interdum spadonum appellatione etiam castrati comprehenduntur, d. l. 39. §. 1. de jur. dot. l. 128. de verb. sign. & ibi Alciat.

Castrati non possunt] Neque enim in testes vim genitalem affundere queunt; neque remedio in his locus. Leo tamen permisit, Novell. 26.

COMMENTARIUS.

Qui generare non possunt] Id est, qui propter vitium aliquod, quod tamen sanabile sit, procreare non possunt; quales hic perhibentur esse spadones: quia quidem appellatione nonnumquam & castrati continentur, id est, intestes, aliique, quibus vis generandi in totum adempta, ut in l. si serva 39 §. 1. de jur. dot. l. 4. §. 2. ad leg. corn. de sic. l. spadonum. 128. de ver. sig. ubi Alciat. Cæterum non raro & in specie accipitur, atque ad eos coangustatur, qui ob impedimentum temporale, & quod tolli queat, generare non possunt. Ita usurpatur à Pomp l. 6. §. 2. de edil. edict. à Marcian. l. 14. §. ult. de man. vind. itemque à Cajo l. 2. §. 1. hoc tit. Glossæ juris: Spadones, si *utrumque* *virum* *magis* *imbeciles*. Imperator Leo etiam castratis adoptare permisit, ut injuriam illis illatam hoc solatio compensaret, Nov. 26. & seq.

TEXTUS.

Si fœmina adoptet.

10. Fœmina quoque adrogare non possunt, F 3 sunt,

sunt, quia nec naturales liberos in sua potestate habent: sed ex indulgentia Principis ad solatium liberorum amissorum adoptare possunt.

COMMENTARIUS.

Adrogatio & adoptio jure veteri in eo discrepabant, quod feminæ adrogari non poterant: quia, ut supra diximus, adrogatio auctore populo in comitiis fiebat, quorum nulla cum feminis communio. Adoptari autem non vetabantur. Nunc verò ex rescripto Principis etiam adrogari possunt, l. 21. hoc sit. Adrogare autem vel adoptare nec olim poterant, nec nunc possunt. Ratio redditur à Justiniano: quia nec naturales liberos in potestate habent; quasi diceret; absurdum esse, ut majorem vim habeat fictio quam rei veritas; adoptio quam natura. Claudicare tamen videtur hæc ratio in extraneo adoptante, in cujus potestate licet adoptatus non sit; tamen constat adoptio ex constitutione Justiniani §. 2. sup. cod.

Ex indulgentia Principis] l. si suspecta 29 §. quoniam. 3. de inoff. test. non tamen ut filium habeant in potestate, sed ut solatium orbitatis & hæredem. Duobus igitur casibus filios tantum facit adoptio; si femina jussu Principis adoptaverit; item si extraneus à patre naturali filium in adoptionem acceperit. Cæteri sunt filiifamilias.

Ad solatium liberorum amissorum] Transscriptum hoc ex l. 5. C. cod. & de viduis haud dubiè intelligendum: neque enim nuptis concedendum existimo, ut seorsum sibi liberos adoptent. Imp. Leo & sine hac conditione feminis adoptare permisit etiam virginibus. Nov. Leon. 27. quæ in Oriente recepta; Harmenop. lib. 2. tit. 8. §. 4.

TEXTUS.

De liberis arrogatis.

II. Illud proprium est adoptionis illius, quæ per sacrum oraculum fit, quod is, qui liberos in potestate habet, si se adrogandum dederit; non solum ipse potestati adrogatoris subicitur, sed etiam liberi ejus sunt in ejusdem potestate tamquam nepotes. Sic etenim D. Augustus non ante Tiberium adoptavit, quam is Germanicum adoptasset, ut protinus adrogatione facta inciperet Germanicus Augusti nepos esse.

NOTÆ.

II. Per sacrum oraculum] Per Principem;

l. 2. cod. per Principis rescriptum; l. 6. C. tit. Periphrasis est adrogationis.

Sed etiam liberi ejus] l. 15. l. 40. cod. mirum tamquam sequela, & unà cum patre adrogato capite minuuntur; l. 3. D. de cap. minut. quod in adoptione non similiter contingit; leg. 28. hoc tit.

COMMENTARIUS.

Quod hoc §. proponitur, proprium effectum est adrogationis; nempe non solum cum qui adrogatur, transire in potestatem patris adoptivi; sed etiam liberos, qui in ejus potestate erant, tamquam nepotes, l. adrogatio 40. cod. In adoptione autem hoc non similiter contingit, in qua is tantum transiit, qui adoptatur, non etiam liberi ejus. Ratio differentiarum in promptu est. Nam in adoptionem dantur filiifamilias, quorum liberi sunt in potestate alterius, nempe ejus qui in adoptionem dat: ideoque etiam in illius potestate remanent: l. liberum 28. cod. Adrogantur autem patresfamilias, qui cum ipsi liberos suos in potestate habeant; nihil mirum, si secum etiam illos in familiam & potestatem alienam transferant; l. pen. §. 2. de bon. poss. sec. tab.

Quam is Germanicum adoptasset] Dubitaverat Augustus, Germanicum sororis nepotem & cunctis laudatum rei Romanæ imponere, sed precibus uxoris evictus Tiberio Germanicum, sibi Tiberium adscivit, auctor Tacit. 4. annal. cap. 57. & Svetonius in Tib. c. 15. scribit; Tiberium prius coactum fuisse Germanicum adoptare, quam ipse ab Augusto adoptaretur. Simile exemplum habemus apud Capitolin. in Antonin.

TEXTUS.

De servo adoptato vel filio nominato à domino.

12. Apud Catonem bene scriptum refert antiquitas; Servos, si à domino adoptati sint, ex hoc ipso posse liberari. Unde & nos eruditi in nostra constitutione etiam cum servum, quem dominus actis intervenientibus filium suum nominaverat, liberum esse constituimus: licet hoc ad jus filii accipiendum non sufficiat.

COMMENTARIUS.

Apd Catonem] Parum refert, apud Marcumne Catonem principem familiz Porciz hoc scriptum fuerit. an apud filium ejus. Ambo sanè & Jurisconsulti fuerit, & liberos de

de jure civili reliquerunt: filius etiam plurimos, teste Pomp. l. 2. §. *post hoc* 38. de orig. jur. VINN. De Catonis filii scriptis ad jus pertinentibus conferendus Gellius. lib. 13. c. 18. Ejus & alias fit mentio in jure nostro l. 10. §. 1. ff. de Edil. edict. l. 44. ff. sol. matr. Grot. de vit. Ist. lib. 1. c. 5. HEIN.

Ex hoc ipso liberari] Satis apparet, his verbis Justinianum significare velle, servos à domino adoptatos, non jus filiorum, sed libertatem dumtaxat consequi: atque inutilem quidem esse hanc adoptionem, sed vim tamen manumissionis habere. Nec dissimile admodum est quod Ulpian. scribit: Inutilem accipilationem habere vim pacti sive utile pa-

ctum: l. 8. de accept. Vinn. Immo servum auctore Prætoris adoptatum, non solum libertatem, verum etiam jura filii consequutum esse, disertè scribit Gell. lib. 5. c. 19. Unde Justinianus non loqui videtur de adoptione servi, sed de casu, si dominus servum ad acta sorte filium vocarit. HEIN.

Nostra constitutione] Lun. §. 10. C. de Lat. l. toll. Actis intervenientibus] Id est, apud acta, coram Magistratu in jure l. 2. ff. de appell. l. 3. C. de fid. instrum. D. Hotomanus putat. necesse esse, ut dominus servum ad Magistratum deducat, & testato denunciet, se velle eum pro filio habere, utque acta super eo conficiantur.

TITULUS DUODECIMUS.

QUIBUS MODIS JUS PATRIÆ POTESTATIS SOLVITUR.

D. Lib. 1. Tit. 7. Novell. 81.

Ratio ordinis, & summa tituli.

MOS hic est perpetuus Jurisconsultorum, ut expositis iis, quæ ad constitutionem alicujus rei valent, subjiciant contraria, sive ea, quæ ad ejus imminutionem aut dissolutionem pertinent. Itaque cum hæcenus visum sit, quibus modis jus patriæ potestatis constituitur, rectè nunc subjiciuntur modi, quibus jus illud solvitur. Ejusmodi autem septem fere hoc titulo proponuntur, mors patris aut avi, deportatio, servitus pœnæ, dignitas Patricia, captivitas, emancipatio, adoptio.

T E X T U S.

Scopus & nexus. De Morte.

Videamus nunc, quibus modis ii, qui alieno juri sunt subiecti, eo jure liberentur. Et quidem quemadmodum liberantur servi à potestate dominorum, ex iis intelligere possumus, quæ de servis manumittendis superius exposuimus. Hi vero, qui in potestate parentis sunt, mortuo eo, sui juris fiunt. Sed hoc distinctionem recipit: nam mortuo patre, sane omnimodo filii filiaque sui juris efficiuntur: mortuo vero avo, non omnimodo nepotes nepresque sui juris fiunt; sed ita, si post mortem avi in potestatem patris sui recasuri non sunt. Itaque si moriente avo pater eorum vivit, & in potestate patris sui est; tunc post obitum avi

in potestate patris sui fiunt. Si verò is, quo tempore avus moritur, aut jam mortuus est, aut per emancipationem exiit de potestate patris; tunc ii, qui in potestatem ejus cadere non possunt, sui juris fiunt.

N O T Æ.

Jus patriæ potestatis] Abest Patriæ à vet. cod. teste Fabrot, & Theophil. simpliciter non dicitur.

Recasuri non sunt] Nepotes ex filio, mortuo avo, solent in potestatem patris sui recidere, l. 5. D. de his qui sui vel alien. jur. sed hoc ita, nisi ipse pater aut mortuus sit jam ante, aut emancipatus à patre suo, l. 41. D. de adop. Ulpian. tit. 10. §. 1. Cajus l. inst. tit. 6.

Per emancipationem exiit] Hoc Glossema esse ex lib. vet. notant Cujac. Hot. Fabrot. nam & aliis modis exire de potestate potest, nec Theoph. agnoscit.

C O M M E N T A R I U S.

MORTUO eo sui juris fiunt] Quum paterfamil. moritur, quotquot capita ei subiecta fuerunt, singulas familias incipiunt habere: singuli enim patrumfamil. nomen subeunt, etiam si pupilli sint & infantes, l. pronuntiatio 195. §. 2. de verb. sign. quod notandum.

Mortuo patre, sane omnimodo] Mortuo nimirum patre, in cujus potestate filii erant. Nam

qui in avi sui, non in patris potestate sunt, mortuo patre non efficiuntur sui juris, sed in potestate avi sui remanent: adeoque quasi agnascendo avo suo fiunt sui heredes, §. 2. *inf. de exh. lib. l. 13. de injust. rupt. testam.*

In potestatem patris sui recasuri non sunt.] Nepotes ex filio, mortuo avo, recidere solent in potestatem filii, hoc est patris sui, l. 5. *de his qui sui vel al. jur.* Sed hoc non est perpetuum. Nam si quo tempore avus moritur, & pater eorum aut jam mortuus sit, aut per emancipationem exierit de potestate patris sui; nepotes in potestatem patris sui non recidunt, sui juris fiunt. Quin etiam sufficit semel exiisse. Finge, filium, quem pater adoptaverat, in potestatem patris sui revertisse, puta à patre adoptatum esse; nepos retentus post mortem avi non recidit in potestatem patris sui, sed omnimodo sui juris efficitur, l. 6. pater 41. *de adopt.* Hi, quos dignitas suæ potestatis facit, jura legitima intacta retinent, eorumque filii post mortem avorum in eorum potestatem revertuntur, Nov. 81. c. 2.

TEXTUS.

De deportatione.

1. Cum autem is, qui ob aliquod maleficium in Insulam deportatur, civitatem amittit; sequitur, ut qui eo modo ex numero civium Romanorum tollitur, perinde quasi eo mortuo, desinant liberi in potestate ejus esse. Pariratione & si is, qui in potestate parentis sit, in Insulam deportatus fuerit, desinit esse in potestate parentis. Sed si ex indulgentia Principis restituti fuerint per omnia, pristinum statum recipiunt.

NOTÆ.

1. In insulam deportatur] Deportatio in Insulam, in locum aquæ & ignis interdictionis successit, l. 2 §. 1. D. de pæn. l. 3. D. ad leg. Jul. pecul. l. pen. in fin. de extraord. cogn. Briss. lib. 3. sel. antiq. cap. 5. VINN. Propriè dici non potest, deportationem successisse in locum Interdictionis aquæ & ignis, sed eidem superadditam esse, quanvis priore loquutione utantur veteres locis à Vinnio allegatis. Nam & deportatis aqua & igni esse interdictum patet ex Tacito *Annal. lib. 6. cap. 30. l. 1. §. 2. ff. de legat. 3.* Rem accuratè explicavit V. C. Schulting. ad Cajum, lib. 1. tit. 6. §. 1. p. 47. seq. HEIN.

Civitatem amittit] Unde deportati dicuntur peregrini, l. 6. §. 1. D. de her. instit. l. 1. Cod. eod. & *de iur. iur.* l. 1. §. 3. de legat. 3. l. 17. D. de pæn.

COMMENTARIUS.

[*In Insulam deportati*] Etiam deportatione patria potestas solvitur: nam cum hæc potestas propria sit civium Romanorum, §. 2. *sup. de patr. pot.* fieri non potest, ut qui civis Rom. non sit, filium habeat in potestate. Deportatio autem est capitis minutio, qua qui afficitur, in numero civium esse desinit, §. 2. *inf. de cap. dem.* ubi plura dicemus.

Perinde quasi eo mortuo] Nam intereunt homines non solum morte, verum etiam maxima & media capitis diminutione, l. verum. 63. §. ult. pr. sec. l. 1. §. filium 8. de bon. poss. cont. tab. quæ ob id vulgo mors civilis dicitur. Vitiosam autem apparet esse hujus loci constructionem: quæ constabit, si cum D. Hotom. legamus: *Ut eo, qui eo modo ex numero civium tollitur, perinde quasi mortuo &c.* transposito videlicet posteriore. *Eo.* VINN. Posset etiam una adjecta littera pro qui rescribi quia. Ita enim & Theophilus legisse videtur. HEIN.

Pari ratione] Nihil hic interest, filius deportatus sit, an pater; neque enim magis civis Romanus peregrinum in potestate habere potest, quam peregrinus civem Romanum. Ulp. tit. 10. §. 2. Theophil. hic.

Ex indulgentia Principis restituti] Nempe plenissimè & in integrum, l. 1. C. de sent. pass. Nam simplex & generalis restitutio pænæ tantum gratiam facit, reditumque in patriam concedit, add. l. 2. 6. 9. C. d. tit. & D. Tul. C. ibid. Christ. vol. 4. decis. 208.

TEXTUS.

De relegatione.

2. Relegati autem patres in Insulam in potestate liberos retinent, & liberi relegati in potestate parentum remanent.

COMMENTARIUS.

- 1 Cur deportati cives esse desinant, relegati non item.
- 2 Quo numero apud nos habendi banniti, seu quibus provincia interdictum est, & damnati ad tyrenes.

R Elegati, sive in Insulam, sive simpliciter certis provinciis interdicti, omnia sua jura retinent: nec refert, in perpetuum an ad tempus relegentur, l. 4. l. 7. §. 3. de interd. & vel. Sed & bona sua omnia retinent, nisi parte bonorum nominatim adempta in perpetuum relegentur, d. l. 4. d. l. 7. §. ad tempus 4. Quæ autem ratio est, quod deportati hæc omnia cum civitate amittant, relegati non item? Diversitas intelligi poterit ex verbis sententiæ & forma executionis.

nis. Nam deportati, perpetuo exilio multati, jubebantur compedibus vincti & navigio impositi à servis publicis constitutam in solitudinem avari: quæ condemnatio eos manifestè ad peregrinitatem redigit, & *idcirco* facit, l. sunt quidam 17. §. 1. de pæn. Relegatis autem dies præstitebatur, intra quem excederent. Moris enim erat ita pronuntiari: *Illum provincia illa Insulisque relego: excedereque debet intra illum diem*, d. l. 7. §. his qui 17. de int. & rel. Quæ sententia existimationem quidem civis minuit, sed non consumit, aut caput eximit de civitate, l. 5. §. 2. de extr. cogn. Nomen exilii commune est, exulesque non deportati solum, sed & relegati atque interdicti appellantur, l. 4. l. 5. de interd. & rel. l. 4. de pæn. l. intor. 2. §. 2. & l. seq. de excus. quippe omnes extra solum missi, sive solo patrio expulsi; unde exulem dici, auctores sunt Festus, Nonius & Quintil. declam. 336. Plerumque tamen & quasi propriè exilium de deportatione dicitur, quasi relegatio exilium propriè non sit, cum jus civitatis retineatur, l. 2. de p. bl. jud. Hinc & Ovidius se non exulem esse scribit, sed relegatum, l. 2. & 5. de tristib. Quod ad jus harum regionum attinet, plerique existimant, eos, quorum bona apud nos publicantur adjuncta provinciæ interdictione perpetua, similes deportatis habendos esse. Quibus autem ad tempus provinciæ vel civitatis alicujus finibus interdictur, relegatis comparandos. Idemque statuendum simili distinctione adhibita de damnatis ad trirèmes, Christin. vol. 5. decis. 52. in fin. Gudelin. 5. de jur. noviss. c. 15.

TEXTUS.

De servitute pænæ.

3. Pænæ servus effectus filios in potestate habere desinit. Servi autem pænæ efficiuntur, qui in metallum damnantur, & qui bestiis subiciuntur.

COMMENTARIUS.

Sis, qui civitatem retenta libertate amittit, liberos in potestate habere desinit, & mortui loco habetur; quanto magis, qui cum civitate simul & libertatem? Servitutem enim vel maxime mortalitati Veteres comparabant, l. quod attinet 32. l. servitutem 209. de reg. jur.

Pænæ servus] Pænæ servus dicitur, qui non alium dominum habet quàm ipsam quodammodo pænā, cui addictus est. Ideoque si quid tali servo legatum sit, pro non scripto esse, quasi non Cæsaris servo datum, sed pænæ, Marcian. respondit, l. sunt quidam 17. de pæn. Cæterum non solum servitute pænæ, cujus solius hic fit mentio, verum etiam quovis alio genere servitutis patria potestas solvitur; puta si liber homo major 20. annis ad pretium participandum se

venundari passus sit; aut si libertus ingratitude, nis convictus redigatur in potestatem domini, §. 1. inf. de cap. dem. Quominus qui ab hostibus capiuntur huc pertineant, facit jus postliminii, & lex Cornelia testamentaria, §. si ab hostibus §. inf. hoc tit.

Qui in metallum damnatur] In metallum vel in opus metalli damnari dicuntur, qui ad effodiendum metallum, cujus varia sunt genera, damnantur: quamquam inter eos, qui in metallum, & eos qui in opus metalli damnantur, differentia est in vinculis, quod huc non pertinet, l. 8. §. 4. & 6. de pæn. Diversa pænā fuit eorum, qui in opus publicum damnari dicuntur, l. ult. de effratt. Hi enim civitatem dumtaxat amittebant libertate salva, l. 17. §. 1. d. tit. quibus hodie nonnulli comparant, qui ad trirèmes damnantur.

Qui bestiis subiciuntur] Hi sunt, qui passim ad bestias damnati & ad bestias dati dicuntur (Dio. l. 58. *ut nris bestias in satrapiarum adhibitis appellat*) & statim consumuntur, hoc est, statim post damnationem feris obijciuntur. Sunt & qui damnati non statim consumuntur, sed populi voluptatibus reservantur, qui tamen & ipsi servi pænæ sunt; quales sunt, qui damnantur in ludum sive venatorium sive gladiatorium, d. l. 8. §. quicumq. 11. de pæn. l. un. C. Theod. ad leg. Fab. de quo vid. Budæ. in annot. post. Cujac. 13. obs. 10. Pet. Fab. 2. semest. 11. Postremò omnes, qui ultimo supplicio damnantur, confestim pænæ servos fieri existimo: hoc nimirum effectu, ut statim libertatem & civitatem perdant, arg. l. 12. l. qui ult. 29. de pæn. l. 6. §. sed etsi 6. de injust. rupt. test. Jure novissimo servitus pænæ sublata est, Nov. 22. c. 8. aush. sed hodie, C. de don. int. vir. & uxor. Cujus rei effecta ibidem notant DD. VINN. Rectè Vinnius existimat, omnes ultimo supplicio damnatos, factos esse servos pænæ: Quum enim civis extremo supplicio adici non posset, per legem Porciam, Liv. lib. 10. cap. 9. fingendum erat, eum, qui hujusmodi delictum commiserit, quod sanguine videretur expiandum, non esse civem. sed servum pænæ. Et hæc observatio viri eximii, Ger. Nood. Probab. lib. 3. cap. 12. HEIN.

TEXTUS.

De dignitate.

4. Filius familias si militaverit, vel si Senator, vel Consul factus fuerit, remanet in potestate patris: militia enim vel consularis dignitas de patris potestate filium non liberat. Sed ex constitutione nostra summa Patriciatus dignitas illico Imperialibus codicillis præstis filium à patria potestate liberat. Quis enim patitur, patrem quidem posse per emancipationis modum

dum potestatis sua nexibus filium liberare: Imperatoriam autem celsitudinem non valere, eum, quem patrem sibi elegit, ab aliena eximere potestate?

NOTÆ.

4. *Si militaveris*] l. 35. de vis. nupt. l. 5. & 6. de castr. pec. l. 7. C. de patr. pot. Senator] l. 18. in fin. D. de judic. l. ult. de har. pet. Quint. declam. 286.

Consularis dignitas] lib. 1. §. ult. de sen. M^{re}. Dion. Halic. lib. 2. pag. 96. sed hodie liberat, Nov. 81. ubi & alia dignitates excipiuntur, in pr. c. 1. & 3.

Summa patriciatus dignitas] Summa non quidem gradu, nam Consulatus major est, sed quia ad magnitudinem accedit dignitatis perpetuitas; Baro, & Cont. Extat constitutio in l. ultim. Cod. de consul. lib. 12. add. l. 3. Cod. eodem.

Codicillis praestitis] Vide Synes. epist. 127.

COMMENTARIUS.

1 Patricii sub Imp. Constantinopolitanis qui dicti.

21 *Si militaveris*] Milites multis privilegiis & prerogativis à Principibus donati sunt: nexu tamen patriæ potestatis jure sacramenti eos solvi noluerunt, l. 3. C. de castr. pec. l. 7. Cod. de patr. pot. Observandum obiter, militiam speciem quamdam fuisse dignitatis, atque inde factum, ut omnia fere officia etiam civilia militiæ postmodum dictæ sint.

Vel si Senator, vel Consul] Non obstat huic loco, quod dicitur in l. antepen. de his, qui sui vel al. j^{ur}. in publicis causis filium-familias haberi, veluti ut Magistratum gerat, &c. Hoc enim non significat, filium Consulatus aliove munere publico liberari patriæ potestate: sed patriam potestatem non obstat, quominus Consul puta, aut Prætor creetur, omniaque munia Magistratus sui obeat etiam repugnante patre, atque adeo etiam adversus patrem, l. 13. in fin. & l. seq. ad sen. Treb. Nonnihil huic faciunt quæ scribit Gel. 2. noct. Attic. 2.

Ex nostra constitutione] l. ult. C. de consul. lib. 12. Non tamen à Justiniano hoc primum constitutum videri potest, cum & apud Cassiodorum, qui ante Justinianum sub Theodorico Gothorum rege vixit, in form. Patriciatu, lib. 6. Var. cap. 3. hoc scriptum sit: *Leges*, inquit, tantam Patriciis dignitatem detulerunt, ut in sacris positus, cum hoc fuerit honore præcinctus, paternæ potestatis nexibus exuasur. Quod autem Justinianus in d. constit. Patriciatui tribuit; id postea produxit etiam ad alias dignitates, & ad eas omnes quæ à

Curia liberant: nominatimque idem jus concessit Consulatu, Præfecturæ prætorianæ, Præfecturæ urbiæ, Præturæ, Magisterio militum, & denique Episcopatu; Nov. 81. in pr. cap. 1. 3. VINN. Dum negat Auctor, Justinianum id privilegium patriciis primum tribuisse, Bachovium, ut solet, sequitur. Sed ejus argumentum parum stringit. Cassiodorus enim non solum sub Theodorico, sed & sub Athalarico, immo & Theodahado & Vigtige vixit, & negotia publica tractavit, adeoque Justiniani constitutionem, anno circ. 530. scriptam videre potuit. Præclarè id demonstravit V. C. Reinoldus var. c. 19. HEIN.

Summa Patriciatus dignitas] Stante Rep. Patricii dicebantur, qui eorum Senatorum progenies erant, quos Romulus creaverat. Antiquissimæ quoque cujusque Senatoriæ familiæ liberi ætate Livii Patricii in constitutionibus recentiorum Imp. accipiendi sunt. Nam translato Constantinopolim Imperio, cœpere Principes ex Senatoribus, qui curulibus Magistratibus functi erant, sibi consiliarios & quasi patres legere, quos Patricios dici placuit, quasi patres communes Reip. auctore Suida. Atque ex eo tempore Patriciatus nomen esse cœpit supremi consilii.

Codicillis praestitis] Codicilli apud Latinos inter alia significant diplomata, sive litteras Principales, quibus honores mandantur; ut apud Sveton. in Claud. cap. 29. & in l. admissantes 41. pr. de excus. tut. leg. 12. C. de dign. uti & hoc loco.

Quem sibi patrem elegit] Patricii Imp. Constantinopolitanis parentum loco erant: quæ parentis appellatio Claudiano lepidi joci materiam tribuit. Is enim in Eutropium Patricium, cujus bona publicata, & in fiscum coacta erant, sic ludit, lib. 2. in Eutrop. v. 49.

Dirēptas quid plangis ope, quas natus habebis?

Non aliter poteris Principis esse pater.

Quorum versum hic sensus est. Eutropium a quo animo adversum fortunæ casum, bonorumque suorum publicationem ferre debere, cum eo modo ad Principem, qui ei filii loco fuerit, & cujus ipse patens appellatus sit, ea pervenerint. Extat constitutio Imp. Arcadii & Honorii in C. Theod. tit. de pen. quæ hic Eutropius in Insulam Cyprum, quod bonis publicatis & adempta dignitate relegatus erat, deportari jubetur.

TEXTUS.

De captivitate & postliminio.

5. *Si ab hostibus captus fuerit parens, quamvis servus hostium fiat, tamen pendet jus liberorum propter jus postliminii: quia hi, qui ab hostibus capti sunt, si reversa fuerint, omnia pristina jura recipiunt: idcirco*

circo reversus etiam liberos habebit in potestate; quia postliminium fingit, cum qui captus est, in civitate semper fuisse. Si vero ibi decesserit, exinde ex quo captus est pater, filius sui juris fuisse videtur. Ipse quoque filius, neposve, si ab hostibus captus fuerit; similiter dicimus propter jus postliminii quoque potestatis parentis in suspensio esse. Dictum autem est postliminium a limine & post. Unde eum, qui ab hostibus captus est, & in fines nostros postea pervenit, postliminio reversum recte dicimus. Nam limina sicut in domo finem quemdam faciunt; sic & Imperii finem esse limen Veteres voluerunt. Hinc & limen dictum est quasi finis quidam & terminus. Ab eo postliminium dictum est, quia ad idem limen revertebatur, quod amiserat. Sed & qui captus, victis hostibus, recuperatur, postliminio reducere existimatur.

NOTÆ.

§. Pendet jus liberorum] In pendenti, in incerto est, l. ult. D. de sen. Mac. l. 12. §. 1. de capt. & postl. Non igitur tam captivitate patria potestas amissa restituitur, quam liberi finguntur in potestate etiam tempore captivitatis mansisse. Ulp. tit. 10. §. pen. Boet. in 10p. Cic.

In civitate semper fuisse] Alia effecta vid. in l. 1. §. ult. D. de sen. Mac. l. 6. §. ult. D. de invet. l. 22. §. 1. de capt. & postl. l. 13. cod.

Ipse quoque filius] l. 9. l. 10. l. 12. Cod. de postl. rev.

COMMENTARIUS.

1 Quando quis postliminio reversus intelligatur; cum quibus in locis postliminium sit

2 Quæ res postliminio recipiantur, aut redeant.

3 Jus patris ab hostibus capti non extinguatur, sed in suspensio esse.

4 De origine vocis postliminii.

1 **Q**uamvis servus hostium fiat] Constat, eos, qui ab hostibus capiuntur, jure belli servos hostium fieri, & consequenter definire liberos habere in potestate. Verum Romani, quicumque ex suis capti essent, servorum numero apud se haberi non debere censuerunt; nihil eorum cum effectu amittere, quæ aliis per servitutem amitti solent. Cumque fieri possit, ut capti ad suos reverterentur; fieri item, ut apud hostes decederent; in utrumque eventum captis prospexerunt: in illum fictione juris postliminii; in hunc fictione legis Corneliæ.

Qui si reversi fuerint] Pomponius reversum postliminio ait, qui intra præidia nostra esse

cepit, l. 5. §. 1. de capt. Paulus, cum fines nostros intraverit, l. postliminium 19. §. 3. cod. Sed ex paritate rationis consensus gentium rem eo perduxit, ut postliminium locum haberet, etiam si quis homo aut res, cui postliminium esse placuerat, pervenisset ad amicos nostros; ut loquitur d. loco Pompon. aut, ut Paulus exempli causa explicat, ad Regem socium vel amicum. Quibus in locis amici, aut socii intelligendi sunt non simpliciter, quibuscum pacem habemus, sed qui partes in bello easdem sequuntur: ad quos qui venerunt, ut Paulus loquitur, nomine publico tuti esse incipiunt; quæ de re pluscula D. Grot. 3. de iur. bell. & pac. 9. n. 2.

Omnia pristina iura] Puta civitatem, familiam, bona sive eorum dominium. Recte autem jura, l. 5. §. 1. l. in bello 12. §. 1. de capt. & postl. rev. nam ea, quæ facti sunt, postliminio non continentur: qualis est verbi causa possessio quæ idcirco interrupta captivitate non restituitur, l. denique 19. ex quib. ea. maj. l. cum heredes 23. §. 1. de acq. poss. Sicut autem postliminio reversus jura recipit, ita & in ipsum jura restituantur, l. 6. d. l. in bello. 12. §. cetera. 6. de capt. Neque homines solum, sed etiam agri, leg. si captivus. 20. §. 1. cod. adeoque quodvis jus solo adherens postliminium habet per l. 6. de rev. div. uti & loca sacra ac religiosa, l. cum loca. 36. de rel. At rebus mobilibus postliminium non est: exceptæ tamen naves longæ atque onerariæ; muli elitellarii; equi & equæ frenum patientes. Cic. in Top. Gall. Acl. apud Fest. Marcell. l. 2. princ. ff. de capt. Quamquam hodie, ut passim tradunt morum periti, nullæ res mobiles postliminio redeant, ne naves quidem, vid. Grot. d. cap. 9. num. 13. & seqq. D. Tulden. comment. ad tit. de rev. div. c. 30.

In civitate semper fuisse] Non igitur tam captivitate patria potestas amissa reverso patre restituitur, liberive captivitate patris sui juris facti, eo reverso, iterum in potestate ejus esse incipiunt, quod velle videtur D. Myns. quam pater fingitur retro in civitate fuisse, liberosque in potestate etiam tempore captivitatis retinuisse, d. l. in bello 12. §. 1. l. retro. 16. l. bona 22. §. 2. cod. l. 6. §. ult. de invet. Nec alioqui recte diceretur, statum liberorum pendere, aut in incerto esse; ut hic & d. l. in bello 12. & l. bona. 22. nec acta à filio esse in pendenti, l. 1. §. 1. de senat. Mac. sed jus patris & liberorum captivitate patris extinctum postliminio restitui: acta à filio tantisper rata esse; ac reverso patre infirmari. Non est autem levis momenti hæc fictio: nam inde est, quod, quæ filius medio tempore quæsit, pater reversus tamquam sibi quæsitâ occupare possit jure peculii, etiam defuncto pridem filio, l. pen. de suis & leg. her. inde quoque est, quod patre reverso denegatur actio creditori, à quo filius, dum

dum pater apud hostes est; mutuam pecuniam accepit, quasi contra S. C. credita sit, l. 1 §. 1. de S. C. Mac. Denique hinc est, quodd Ulp. respondit: Non posse ei, cujus pater in potestate hostium est, tutorem dari, l. 6. §. ult. de tutel. qui rectè utique daretur, si filii interim pro iis, qui sui juris sunt, haberentur. Deportati & restituti patris alia ratio, l. ult. §. 1. C. de sent. pass.

Exinde ex quo captus est] Hæc fictio est legis Cornelie, l. 12. qui testam. fac. §. ult. *enfr. quib. non est perm. fac. test.* eaque in omnibus partibus juris servatur, l. in omnibus 18. de capt.

Ipsæ quoque filius] Quapropter si verbi gratia in potestate fuit filius eo tempore, quo capiebatur; medio tempore patre mortuo, reversus suus hæres patri erit, l. 9. Cod. de post. rev.

A limine & post] De notatione nominis postliminii controversia olim fuit inter Scævola & Servium, teste Cic. in Top. Scævola junctum dicebat esse verbum à post quod reditum notat, & *limine*. Servius in eo nihil spectandum præter præpositionem post, reliquum productionis esse caudam, *liminium*. Sed rectè Scævola, cui & Festus assentitur. Nam limen & limes exitu tantum & flexionis modo differunt; origine autem (veniunt enim ab antiqua voce *limus*, quæ transversum significat) & primitiva notione idem sunt, sicut materia & materies, contagio, & contagies, &c. quamquam usu feriore factum est, ut limen magis ad privata, limes ad publica referretur. Sic Veteres *eliminare* dicebant è finibus ejicere, & exilium nominabant *eliminium*. Grot. d. cap. 9. in pr. Jos. Scal. *an. not.* in Fest.

Ab hostibus recuperatur] Ad jus postliminii nihil inter. it, quomodo captus revertatur, utrum dimissus, an vi vel fallacia. aut victis postea hostibus: sive ut Homerus *Odyss.* 14. *ἀδελφε, ἢ δὲ φίλῳ, ἢ ἀνδράδῳ, ἢ γυναῖκαδῳ*; ita tamen, si ea mente fuerit, ut illud non reverteretur, l. nihil inter. 26. ff. de capt. Et ideo Atilium Regulum, responsum est, non esse postliminio reversum, quia juraverat, Carthaginem se reversurum, leg. 5. §. 3. d. *sic*. Grot. d. *ut.* 3. cap. 9. Vinn. Immo & ad redemptos hoc jus pertinet, dummodo ei, qui redemit, lytrum fuerit redditum, l. 12. §. 7. l. 15. & l. 20. ff. de captiv. Hein.

TEXTUS.

De Emancipatione: item de modis & effectibus ejusdem.

6. Præterea emancipatione quoque desinunt liberi in potestate parentum esse. Sed emancipatio antea quidem vel per antiquam

legis observationem procedebat, quæ per imaginarias venditiones & intercedentes manumissiones celebrabatur, vel ex imperiali rescripto. Nostra autem providentia etiam hoc in melius per constitutionem reformavit: ut fictione pristina explosa, recta via ad competentes Judices, vel Magistratus parentes intrent, & filios suos, vel filias, vel nepotes, vel neptes, ac deinceps à sua manu dimittant. Et tunc ex edicto Prætoris in bonis ejusmodi filii, vel filie, vel nepotis, vel neptis, qui quæve à parente manumissus vel manumissa fuerit, eadem jura præstantur parenti, quæ tribuuntur patrono in bonis liberti. Et præterea si impubes sit filius, vel filia, vel ceteri; ipse parens ex manumissione tutelam ejus nanciscitur.

NOTÆ.

6. *Emancipatione*] Emancipatio hodie definiri potest actus legitimus, quo liberi à manu patris apud competentem judicem dimittuntur.

Judices vel Magistratus] *ἐκνομῶν* ne quis putet, judices hic intelligi pedaneos, apud quos lege agi non potuisse constat. Extat constitutio Justiniani in l. ult. c. de emanc. lib.

A Parente manumissus] Id est, emancipatus, *sic. si à par. quis man.* redigebantur enim liberi prius in servilem causam, licet postea in imaginariam dumtaxat, l. 3. §. 1. D. de cap. man.

Quæ tribuuntur patrono] Emancipatus à parente liberti exitum patitur, l. 1. l. si à par. quis man. puta in contra tabulas bonorum possessione, d. l. 1. & successione legitima, §. ult. *inf. de leg. agn. succ.* sed hoc mutatum, Nov. 118. cap. 2.

COMMENTARIUS.

1 *Vetus emancipandi ratio exposita.*

2 *Patroni & parentis emancipatoris comparatio.*

Alius modus solvendæ patriæ potestatis hoc §. proponitur, nempe emancipatio: eaque dicitur olim celebrata fuisse per imaginarias venditiones, & intercedentes manumissiones. Hoc autem ut penitus intelligatur; sciendum est lege Romuli cautum fuisse, atque à Decemviris postea in quartam tabulam relatum, ut si pater filium ter, filiam autem & ceteros liberos semel mancipasset, hoc est, vendidisset; manumissi postea ab emptore sui juris efficerentur: ille trina manumissione: hi unica. Ad cujus emancipationis imaginem, atque

atque usurpationem vetustatis postea institutum est, ut pater, simulato & dicis causa, accepto uno nummo, filium ter, ceteros liberos semel apud Magistratum venderet, contracta cum emptore fiducia, qui ob id pater fiduciarius appellabatur, ut is acceptos manumitteret: filium tres, ceteros semel, atque ita liberi juris ac potestatis fierent. Solebat autem pater naturalis sibi cavere de filio post tertiam mancipationem sibi remanipando, itemque de ceteris liberis sibi remanipandis, quo ipse potius eos manumitteret, & jura patroni consequeretur, quam extraneus manumissor sive emptor ille imaginarius. Atque hac cautione interposita in specie dicitur emancipatio fieri contracta fiducia, §. ult. inf. de leg. agn. success. Hæc ex Dionys. Halicarn. lib. 6. 2. Boet. in Top. Cic. Cajo lib. 1. §. 6. Vlpian. sit. 10. l. ult. & pen. Cod. de emanc. lib. Vinn. Ordinem aliquantulum turbasse videtur Vinnius. Pater filium primò vendebat, & mancipabat per 2s & libram. Emptor eundem manumittebat. Quum verò Manumissus ex lege Romuli in patriam potestatem recidere, pater eum iterum vendebat, emptor iterum manumittebat. Quum & ita recideret in potestatem patris, hic eum tertium mancipabat, addito contractu fiduciæ, ut Emptor eum remaniparet patri. Quo facto hic eum manumittebat, adeoque tanquam manumissor jura patronatus retinebat in filio. Vid. antiq. nostr. Rom. h. r. HEIN.

Ex imperiali rescripto] Hic modus emancipandi ab Imperatore Anastasio introductus est, qui etiam neglecta antiquæ emancipationis fabula, potestate ab Imperatore impetrata, ejusque rescripto apud Magistratum exhibito, liberos emancipari permisit, modò filius infante major consentiret: l. pen. C. de emanc. lib.

Etiā hoc in melius reformavit] Nimirum quòd Anastasius de precibus super emancipatione Principi offerendis ejusque rescripto prius impetrando constituerat; ut jam ex constitutione Justiniani emancipatio etiam fiat sola professione patris apud competentem judicem denuntiantis, se filium suo juri permittere. Extat constitutio l. ult. C. de emanc. lib.

Ad competentes Iudices vel Magistratus] Explicativè. Nam & Magistratus, qui tribunali aut jurisdictioni præsunt, Iudices appellantur, l. 1. de judic. sit. de reb. aut. iud. poss. & passim in constitutionibus posteriorum Imperatorum. Quod monéo, ne quis putet Iudices hic intelligi pedaneos, sive qui à magistratibus causis privatis cognoscendis & judicandis dabantur: apud quos lege agi non potuisse, plusquam manifestum est. Sed nec apud eum, cui mandata est jurisdictio, legis actionem fuisse, Marcian. & Vulp. testantur l. 2. §. 1. l. seq. de offic. precon. de quo plura ad §. 8. inf. cod.

A manu sua dimittant] Manumitti non tantum servi à domino, sed etiam filii & filizfamilias à patre dicuntur, pro emancipari, s. si à par. quis

man. propterea quòd jure antiquo in patris sui manu mancipioque erant, & venditi ac mancipati in servilem causam redigebantur, licet postea in imaginariam dumtaxat, l. 3. §. 1. de cap. min. Hinc emancipatus à parente liberti exitum pati dicitur, & parens patroni personam sustinere, leg. 1. d. sit. si à par. quis man.

Ex edicto Prætoris eadem jura] Nimirum ut parens exemplo patroni ad contra tabulas bonorum possessionem admittatur, si testamento factò ab emancipato præteritus sit, d. sit. si à par. quis man. Sed & jus legitimæ successionis huic patri à Justiniano datum est, perinde quasi contracta fiducia eum emancipasset: hoc est, ex lege fiduciæ sibi remanipatum manumississet, §. ult. inf. de leg. agn. succ. Et hoc ad similitudinem patroni, quem ad hæreditatem liberti intestato sine liberis mortui jam olim lex 12. tabularum vocabat, infr. de success. liberr. Non tamen usque adeo exæquatur patrono parens, ut etiam liberi ejus ad successionem aut contra tabulas bonorum possessionem veniant, l. 1. §. liberos §. si à par. quis man. aut ut etiam actio Calvisiana parenti detur, l. 2. eod. r. aut denique ut rectè stipuletur à filio operas, l. 4. eod. Jure authentico plenissimè de ratione succedendi cautum est, ex quo parens manumissor jure patroni quoad emolumentum successionis uti debuit, Nov. 118. cap. 2. Nov. 115. cap. 4.

Tutela ejus nanciscitur] Consequens erat eum onus tutelæ subire, qui speraret successionem, l. 1. de leg. tut. Agitur de hac tutela infr. sit. 18.

TEXTUS.

Si alii emancipentur, alii retineantur in potestate.

7. Admonendi autem sumus, liberum arbitrium esse ei, qui filium, & ex eo nepotem vel neptem in potestate habet, filium quidem de potestate dimittere, nepotem vero vel neptem retinere: & è converso filium quidem in potestate retinere, nepotem vero vel neptem manumittere: vel omnes sui juris efficere. Eadem & de pronepote & pronepte dicta esse intelliguntur.

NOTÆ.

7. Nepotem manumittere] Notandum est, in filio familias idem esse manumittere, ac ex potestate dimittere, sui juris efficere, emancipare.

COMMENTARIUS.

Totus hic locus descriptus est ex Cajo l. liberum 28 de adopt. Illud hic quæritur, an ejus quoque, qui à parente manumittitur, voluntas spe-

spectanda sit: an verò etiam invitus emancipari possit? Et puto idem hic dicendum quod de eo dicitur, qui patri in adoptionem datur, §. seq. l. neque absens 24. de adopt. l. 9. C. eod. nimirum, necesse non esse: ut expressè consentiat. Ceterum non oportere eum dissentire, aut contradicere, arg. l. pen. in fin. C. de emanc. lib. Nov. 89. c. 11. Paulus quoque lib. 2. sent. 25. in fin. scribit: Invitum filium familias non emancipari. An autem & quando qui tacet, consentire intelligatur: non est hujus loci disputare. Tractant tamen hanc questionem Jo: Fab. & Ang. & Myns. ad hunc locum.

TEXTUS.

De adoptione.

8. Sed & si pater filium, quem in potestate habet, avo vel proavo naturali secundum nostras constitutiones super his habitas in adoptionem dederit: id est, si hoc ipsum actus intervenientibus apud competentem Judicem manifestaverit, presente eo qui adoptatur, & non contradicente, nec non eo presente qui adoptat; solvitur quidem jus potestatis patris naturalis: transit autem in hujusmodi parentem adoptivum, in cujus persona & adoptionem esse plenissimam antea diximus.

COMMENTARIUS.

- 1 Antiquitus nentiquam alieno nomine lege agi potuisse: eamque naturam actus voluntariæ jurisdictionis retinuisse.
- 2 Actus voluntariæ jurisdictionis expediri non posse apud eum, cui jurisdictio mandata est.

Avo vel proavo naturali] Nam si extraneo in adoptionem datus sit, jura patris naturalis integra manent, l. pen. C. de adopt. §. 2. sup. eod. ubi dictum est.

Apud competentem judicem] Non apud judicem pedaneum, cujus nulla jurisdictio est: sed apud ipsum Magistratum, & eum, qui legis actionem habet; ut notavimus ad §. hujus tit. 6.

Et non contradicente] Hoc etiam paulo ante tetigi. Locus autem hic descriptus est ex l. ult. C. de adopt. facit. l. 9. ff. eod.

Nec non eo presente, qui adoptat] Absens adoptare non potest, leg. post mortem 25. §. 1. de adopt. quia, ut ait ibi Jurisconsultus, nemo per alium ejusmodi solemnitatem peragere potest. Atque eò pertinere arbitror, quod regula juris in genere definit: Neminem alieno nomine lege avere posse, leg. nemo 123. de regul. jur. Quod olim quidem commune

fuisse verisimile est omnium legis actionum & etiam earum, quibus cives inter se disceptabant, & quæ pertinebant ad contentiosam jurisdictionem, arg. pr. tit. de iis per quos agi poss. inf. lib. 4. sed postea proprium tantum quorundam esse cœpisse, & maxime eorum actuum, qui, quod inter volentes expediantur, dicuntur esse voluntariæ jurisdictionis; cujusmodi sunt manumissio, adoptio, emancipatio, quæ veterem naturam retinuerunt, l. 3. C. de vind. lib. 1. neque 24. & l. seq. §. 1. de adopt. etiam adoptio nova Justiniani; ut hic, & d. l. ult. Cod. de adopt. Idem quoque probabile est observatum fuisse in persona Magistratus. Existimo enim, nec hujusmodi actus Magistratibus mandari potuisse, neve mandata jurisdictione transisse in eum, cui mandata esset, contra quam DD. vulgo sentiunt, arg. l. 1. C. de adopt. l. 2. §. 1. l. 3. de off. proc. Ex quibus locis discimus, eæ, quæ sunt voluntariæ jurisdictionis, non nisi apud eum expediri posse, apud quem plena legis actio est: cum autem, cui mandata est jurisdictio, talem jurisdictionem non habere, adeoque omnino non esse apud eum legis actionem. Negotium tamen facit l. 17. §. 1. de man. vind. Cujac. 1. obs. 1. & 15. obs. 19. negationem inferit. Alii pro (apud legatum ejus) legunt (Caesaris) suspicantes errorem ex notis natum eius & Cas. VINN. Posterior emendatio non minus violenta, ac prior. Ego hic antinomial inter l. 17. §. 1. ff. de man. vind. & l. 2. & 3. ff. de off. proc. agnosco, in de forsan ortam, quod Tribonianus de legatis Caesarum pro consule dixerat. Facilis enim lapsus fuit in vocabulis, legatus pro consule & legatus pro consule. Ille mandata jurisdictione gaudebat, hic, tanquam præses provinciarum, propria, adeoque & legis actio apud illum erat. l. 2. & l. 17. ff. de off. præf. HEIN.

Transit autem in parentem adoptivum] Per adoptionem igitur non efficitur filius familias sui juris, sed vel in alienam familiam transit, vel remanet in potestate patris naturalis.

TEXTUS.

De Nepote nato post filium mancipatum.

9. Illud scire oportet, quod si murus tuus ex filio tuo conceperit, & filium tuum emancipaveris, vel in adoptionem dederis pregnantem murum tuum; nihilominus quod ex ea nascitur, in potestate tua nascitur. Quod si post emancipationem vel adoptionem conceptus fuerit; patris sui emancipati, vel avi adoptivi potestati subijcitur.

NEpos non ex nativitatibus, sed ex conceptionis tempore familiam sortitur: quia ex eo tempore jam in rerum natura esse creditur, l. 7. l. pen. de stat. hom. Ulp. tit. 5. §. 7. Sic & is qui conceptus est prius, quam pater Senatu moveretur, Senatoris filius intelligitur, l. 7. §. 1. de senat. Et responsum est, conditionem, Si sine liberis, defecisse, si ante deportationem patris liberi concepti sunt, licet postea edantur, l. ex facto 17. §. ex facto 5. ad sen. Treb.

TEXTUS.

An Parentes cogi possint, liberos suos de potestate dimittere.

10. Et quidem neque naturales liberi, neque adoptivi ullo pœne modo possunt cogere parentes, de potestate sua eos dimittere.

COMMENTARIUS.

1. Quibus modis more harum regionum parentum potestas solvitur?

Quemadmodum liberi, qui vel ab initio sui juris fuerunt, vel postea facti sunt, inviti in potestatem patris non rediguntur, l. ult. de his qui sui vel al. jur. Nov. 89. cap. 11. ita nec vice versa à liberis in potestate constitutis cogi parentes possunt, ut eos à potestate sua dimittant, l. non potest. 31. de adopt. l. nec avus. 4. C. de emanc. lib. ex quo loco etiam ratio hujus juris peti potest.

Pæne Ait, pæne, propterea quòd aliquando audiuntur qui emancipari desiderant, ut impubes, qui adoptatus est, pubes factus, l. nonnumquam 32. de adopt. Sed & alios, si justa causa sit, audiri æquum est; veluti si à patre ad turpitudinem adigantur, l. si leones 12. Cod. de episcop. aud. aut male contra pietatem afficiantur, l. ultim. si à par. quis man. Sed & is filium emancipare cogitur, qui legatum ea conditione sibi relictum

agnovit, l. si cui 92. de condit. & demonstr. Et jure novissimo etiam de potestate patris exeunt liberi, si pater incestus & nefarias nuptias contraxerit, Nov. 12. cap. 2.

Apud nos & in cætero Belgio singularis ille Romanorum in liberos potestas incognita est, ut jam aliquoties diximus. Sed & jus, quod parentes in liberos habent, propriis quibusdam modis solvitur: manente tamen semper naturali reverentiæ & obsequii debito. Primum enim moribus nostris exeunt liberi de potestate parentum, non tantum emancipatione illa expressa sive Justinianæ, cum apud Magistratum de manu dimittuntur; sed etiam tacito quodam emancipationis modo, permittente videlicet patre filium seorsum habitare, & mercaturam, aut opificium aliquod exercere: at hac ratione liberi potestate patria soluti hoc consequuntur, ut & bona sua ipsi administrare & in judicio consistere possint. Christin. d. vol. 4. dec. 186. num. 11. Grot. 1. manud. 6. Apud Frisios tamen hic modus receptus non est. D. Joan. à Sande lib. 2. tit. 7. defin. 6. Secundò nuptiis quoque sive matrimonio liberorum patris potestas solvitur: unde apud nos nulli liberorum sunt in potestate avi, Gudel. lib. 1. de jur. nov. cap. 13. Christin. in d. vol. dec. 185. num. 7. Grot. d. loc. quod secus fuisse jure Rom. ostendimus ad §. ultim. sup. de patr. potest. Tertiò desinunt liberi in potestate esse patris, si ei ut prodigo, curatore dato, bonis interdictum sit, Grot. d. loc. quod & ipsum jure Rom. incognitum est. Postremò si quid liberis obvenit, puta ex hereditatibus, legatisve aut donationibus propinquorum aut amicorum, earum quidem rerum cura, acque administratio patri competit, sed haud secus ac tutori, aut curatori; ideoque hoc jus etiam solvitur, ubi liberi ad eam ætatem pervenerint, qua curatio finiri solet; nempe anno ætatis eorum vigesimo quinto, Gudel. d. cap. 13. in fin. Tulden. com. hic cap. 2. Christin. d. decif. 186. num. 9. add. Guid. Pap. qu. 54. Boer. ad consuet. Bitur. de jur. pers. Pet. Greg. 11. syntagm. c. 10. Groenevv. de legib. abrog. ad hunc tit. Vnde Quæ de Frisia ex Sandio adspersit Vinnius cum iis jungenda, quæ tradit Huber. Prel. ad tit. Inst. & ff. de emancip. Hein.

TITULUS DECIMUSTERTIUS. DE TUTELIS.

Dig. tit. 1. lib. 26. & Novell. 72.

Ratio Ordinis.

Hucusque dictum est de iis, qui sunt juris alieni: quæ prima pars est divisionis supra posite sit. 8. Superest, ut ad eos nos conferamus, qui sui juris sunt; quos pars altera dictæ divisionis complectitur.

TEXTUS.

De Personis sui juris.

Transeamus nunc ad aliam divisionem personarum. Nam ex his personis, quæ in potestate non sunt; quædam vel in tutela sunt, vel in curatione; quædam neutro jure tenentur. Videamus ergo de his, qui in tutela, vel curatione sunt. Ita enim intelligemus cæteras personas, quæ neutro jure tenentur. Ac prius dispiciamus de his, qui in tutela sunt.

COMMENTARIUS.

1 Summa reliquorum hujus libri capisum.

Nam ex his personis] Eorum, qui sui juris sunt, quidam sunt in tutela; alii in curatione; cæteri neutro jure tenentur: quæ posterioris partis illius, quam dixi, divisionis subdivisio est. In hac autem parte prima exponitur, quid sit tutela; deinde species ejus singulæ ordine explicantur; tum de vi atque effectu tutelæ sine auctoritate tutorum porro agitur; ac mox de contrariis, & quibus modis tutela finitur. Inde ad curationem ac curatores progressio fit. Postremo tractatur de satisfactionibus; excusationibus, & suspicionibus, quæ utriusque muneris communia sunt.

In potestate non sunt] Patria sc. vel dominica, in qua qui sunt, non sui, sed alieni juris sunt: alioqui & tutela species quædam est potestatis, (quod verbum & alia plura significat, l. potestatis 215. de verb. signific.) sed quæ ad statum & caput ejus, qui in tutela est, non pertinet, nec ad commodum tutoris comparata est, sicut patria & dominica ad patris & domini. Pupillus enim non in manu aut familia tutoris, sed sui juris est; nec illi acquirit, sed sibi; ut loquitur Spartian. in Aureliano.

TEXTUS.

Tutelæ definitio.

2. *Est autem tutela (ut Servius definit) vis ac potestas in capite libero ad tuendum eum, qui per ætatem se ipse defendere nequit, jure civili data ac permissa.*

NOTÆ.

1 Vis ac potestas] Ita & §. seq. & Servius l. 1. hoc tit. Hæc duo quoque junguntur, §. 3. inf. de interd. l. 17. de legib. l. 7. cod. de cod. Cicer. 1. de nat. Deor. Gloss. Basil. δυνάμις, & ἐξουσία. Theophil. δυνάμις, & ἐξουσία. Jus & potestas; significatur autem verbis istis facultas & jus pro auctoritate quid faciendi.

In capite libero] ἀπαρχαὶ pro incaput liberum, ut in 12. tab. in eo pecuniæque ejus potestas esto; item in formula abrogationis. Gell. 5. 19. & Cic. pro dom. Caput autem liberum pro pupillo & persona, quæ sui juris est, d. cap. 19.

Per ætatem] In Florent. est Propter ætatem, leg. 1. cod. Propter ætatis infirmitatem. Ulp. tit. 11.

COMMENTARIUS.

Vis ac potestas] Ita & in l. 1. pr. D. cod. Generis loco ponitur vis ac potestas, quæ duo frequenter conjunguntur; ut in leg. scire 17. de legib. §. adipiscenda 3. inf. de interd. & significant δυνάμις ἐξουσία, sive facultatem aut jus pro auctoritate quid faciendi statuendive, tum in persona pupilli, tum in rerum pupillarum administratione, ἐμπουλία in verbo potestatis jam notata est.

In capite libero] Objectum tutelæ, & est vetus locutio, pro in caput liberum, ut in illo 12. tabularum: Si furiosus existas, agnatum gentiliunusque in eo pecuniæque ejus potestas esto. Item in formula abrogationis apud Agell. 5. cap. 19. Vtique ei vitæ necisque in eo potestas fiet. Caput autem liberum pro homine libero Veteres dicebant. Cicero 4. Verrin. Hic de capite libero indicabis. Liv. l. 31. cap. 21. Libera capita sine pretis dimisit. Hinc caput liberum facere apud Plaut. Mercat. act. 7. sc. 2. v. 41. seq. pro manumittere, & eos ple-
rum-

Namque, qui etiam sui juris essent, hoc verbo intelligebant: quomodo Agellius d. loco pupillum caput liberum appellat, id est, sui juris. Alii hæc verba ad tutorem referunt, quod etiam per me licet.

Ad tuendum eum] Hæc verba finem tutelæ indicant, & simul officium tutoris: nam ut tutela pupillorum gratia constituta est, ita & ad utilitatem eorum tota referenda. Distinguunt itidem tutelam à patria potestate, quæ magis ipsius patris causa comparata est, sicut & dominica domini, cuiusque vis non minus in coercendo, quam in tuendo filio posita est. Innuunt præterea, tutorem principaliter personæ dari, non certæ rei aut causæ, in quo differt à curatore, §. 4. seq. tit. junct. §. 2. inf. de curat.

Qui per ætatem se ipse defendere] His verbis distinguitur tutela à curatione: quippe quæ comparata est eorum omnium causa, qui rebus suis ipsi superesse non possunt, licet propter aliam causam, quam ætatem; ut sunt furiosi, prodigi, mente capti, & qui perpetuo morbo laborant, §. 3. & 4. inf. de curat. In Florent. est, *propter ætatem* Theoph. δὴ τὴν ἡλικίαν ἀνάγκη.

Iure civili] Clausula hæc ad definitionem necessaria non est, sed ideo adjecta, ne quis putet, hanc potestatem temere, & pro arbitrio à quibusvis posse usurpari, aut ad eos, qui non sunt cives Romani pertinere: nam tutela, licet ortum ex iure gentium trahat; ad jus tamen civile refertur eo modo, quo pleraque alia, ut nuptiæ, patria potestas, testamenta, & cætera id genus.

Data ac permessa] Datur legitima, hoc est, legitimi tutores immediate sine facto testatoris aut Magistratus à lege ad tutelam vocantur, l. 5. in pr. & l. 6. de lege tut. Permittitur, quæ prius data est aut testamento, aut à Magistratu, illa lege 12. tabb. l. 1. de test. tut. hæc aliis legibus & constitutionibus, inf. de Attil. tut. Atque hinc etiam peti potest aliqua tutelæ divisio tamquam à causa efficiente, partim proxima, partim remota. VINN. Ita quidem vulgo hanc definitionem Servii interpretantur. Sed quum Servius tutelam in genere definiat, quæ tempore illo non modo ad impuberes, sed ad fœminas etiam omnes, quæ in manum non convenerant, pertinebat: procul dubio Tribonianus eam aliquantulum mutavit. Puto itaque talem fuisse Servii definitionem: *Tutela est vis & potestas*, (potestas in fœmina; vis & potestas simul in pupillo,) *in capite libero, pupillo vel fœmina,* (ad tuendum eum eamve, qui quæve per ætatem vel sexus infirmitatem se defendere nequit, iure civili (vel expressè) data (uti tutela pupillaris,) vel permessa (& tacitè moribus invec̃ta, uti tutela fœminarum. Rem alibi demonstrabo. Jam id addo & Constant. Harmenopulum l. 5. c. 11. §. 1.

Vinnius in Insist.

ea quæ omissa à Triboniano suspicamur, restituisse dum ait. δὴ τὴν ἡλικίαν ἀνάγκη, ἢ δὴ τὴν ἀσθενείαν ἀνάγκη ἀντιπροσώπων. Aut ob ætatis infirmitatem aut rei gerendæ imperitiā permessa. Quis Harmenopulum ea in re auctores suos sequutum esse dubitet? HEIN.

TEXTUS.

Definitio & Ætimologia Tutoris.

2. *Tutores autem sunt, qui eam vim ac potestatem habent, exque ipsa re nomen acceperunt. Itaque appellantur tutores, quasi tutores atque defensores, sicuti Aeditui dicuntur, qui edes tuentur.*

COMMENTARIUS.

Vi eam vim ac potestatem] Si tutela est potestas ad tuendum eum, qui in tutela est, qui eam potestatem habet, rectè tutor dicitur, argumento à conjugatis.

Tutores sive tutores] Εἰς τοὺς λόγους, sive notatio verbi tutoris, l. 1. §. 1. eod. Tutela quoque idem erat Veteribus quoddam ius; sicut cautela idem quod cautio.

Sicuti Aeditui] Aedituus est ædis sacræ tutor, id est curam agens; auctore Festo. Veteribus dicebatur Aedituus, si Gellio credimus lib. 12. cap. 10. ἱεροδράκων vocat Scævola l. 20. §. 1. de ann. legat. VINN. Conferendus omnino V. C. Car. Andr. Dukerus de Latinis. IC. vet. p. 28. Ubi hanc etymologiam contra L. Vallæ criticam defensam videmus. HEIN.

TEXTUS.

Quibus testamento tutor datur,
& primum de liberis in
potestate.

3. *Permissum est itaque parentibus, liberis impuberibus, quos in potestate habent, testamento tutores dare. Et hoc in filios filiasque procedit omnimodo: nepotibus verò nepibusque ita demum parentes possunt testamento tutores dare, si post mortem eorum in potestatem patris sui non sunt recasuri. Itaque si filius tuus mortis tue tempore in potestate tua sit; nepotes ex eo non poterunt ex testamento tuo tutores habere, quamvis in potestate tua fuerint: scilicet quia mortuo te, in potestatem patris sui recasuri sunt.*

NOTÆ.

3. *Liberis impuberibus*] Etiam exhereditatis, l. 4. de test. tut. Nec obstat l. 73. §. 1. de reg. jur. Quoniam exhereditatio non extinguit jus sui hæredis, aut impuberem facit suæ potestatis, §. 4. inf. de pup. subst.

Quos in potestate habent] Tutela jure patriæ potestatis mandatur, l. 40. de adm. tut. l. 1. de test. tut. d. l. 73. §. 1. Itaque nec pater filio emancipato, nec mater liberis tutorem jure dare potest, sed opus est confirmatione, tit. de conf. tut.

Testamento] Codicillorum usu recepto, etiam codicillis testamento confirmatis dari tutores ceperunt, l. 3. de test. tut.

In potestatem patris] l. 1. §. ult. cod. Quippe tutorem habere non potest, qui est in potestate patris: nec dari, nisi suo hæredi, l. 73. §. 1. de reg. jur. junct. §. 2. inf. de har. qual.

Non poterunt ex testamento, &c.] Est tamen casus, ubi tutor utiliter datur nepoti, cujus pater superstes & in potestate, l. 10. §. 2. de test. tut.

COMMENTARIUS.

Species tutelæ tres sunt; testamentaria; legitima; & Attiliana sive dativa, quas nunc ordine persequitur, initio factæ à testamentaria, quæ reliquis duabus potior est, inf. tit. 15. in pr. l. 9. §. 1. in fin. de int. & rat. dist. sicut & in deferenda hæreditate potior causa est hæredum ex testamento quàm ab intestato, l. quamdiu. 39. de acq. har. l. 89. de reg. jur. Ait, permissum esse parentibus, liberis impuberibus, quos in potestate habent, testamento tutores dare, paucis verbis complectens & personam dantis & ejus, cui datur, & formam dandi sive modum. In persona dantis exigit, ut sit parens: in persona eorum, quibus datur, ut sint liberi, ut impuberes, ut sint in potestate dantis: sunt & qui quartum requirunt, ut hæredes instituuntur, contra expressum textum l. 4. de test. tut. & jus veteris patriæ potestatis, arg. §. 4. inf. de pup. subst. In modo dandi, ut detur testamento. Testamento autem datus etiam is accipitur, qui codicillis testamento confirmatis scriptus est, leg. 3. de test. tut.

In filios, filiasque, &c.] Lex duodecim tab. generali vocabulo liberorum usa est sine discrimine sexus aut gradus. Sive igitur sceminae sint, quibus tutor datus est, sive masculi, sive filii, sive nepotes, quia hi omnes appellatione liberorum continentur, §. ult. seq. tit. valet datio. Cæterum in nepotibus non aliter procedit, quàm si post mortem avi in potestatem patris sui non recidant: quippe tutorem habere non potest, qui est in potestate patris, hoc tit. in pr. Deinde nepos quamdiu

pater cum in familia præcedit, non est suus hæres avo, §. 2. inf. de har. qual. & diff. tutor autem dari non potest, nisi suo hæredi, l. quo tutela. 73. §. 1. de reg. jur.

TEXTUS.

De Posthumis.

4. *Quum autem in compluribus aliis causis posthumi pro jam natis habeantur; & in hac causa placuit non minus posthumis, quàm jam natis tutores dari posse, si modo in ea causa sint, ut, si vivis parentibus nasceremur, sui hæredes, & in potestate eorum fierent.*

NOTÆ.

4. *Pro jam natis*] Quoties de eorum commodo quaeritur; ut hic, l. 7. l. pen. de stat. hom. aliis autem non profunt nisi natis, l. 231. de verb. sign. exemplum in l. 2. §. 6. de exc. tut.

Sui hæredes, & in potestate] leg. 73. §. 1. de regul. jur. Nec minus tamen utilis est tutoris datio, si nati sint vivo patre, leg. 16. §. ult. de testam. tut.

COMMENTARIUS.

Quod de tutore liberis jam natis dando dictum est, id hic etiam ad posthumos producit, hoc est ad eos, qui tempore facti testamenti adhuc in utero sunt. Et ait Imp. etiam his testamento tutores dari posse hac ratione, quia qui in utero sunt, plerique juris articulis pro jam natis habentur: nempe quoties de commodo eorum quaeritur, ut in casu proposito, l. 7. & l. pen. de stat. hom. Poterat & à jure patriæ potestatis ratio peti, arg. §. 1. inf. de exhered. lib. §. 4. inf. de pup. subst.

Sui hæredes & in potestate] Nempe quemadmodum nemo liberis jam natis tutorem dare potest, nisi quos in potestate & in suis hæredibus, cum moritur habet; ita nec posthumis potest nisi iis, qui, si vivo parente nascerentur, sui hæredes & in potestate ejus futuri essent. Utrumque Q. Mucius patris complectitur. Nemo, inquit, potest tutorem dare cuicumque nisi ei, quem in suis hæredibus, cum moritur, habuit, habiturusque esset, si vixisset, l. quo tutela. 73. §. 1. de reg. jur. Est tamen casus, ubi tutor utiliter datur nepoti, cujus pater superstes in potestate est, l. 10. §. 2. ff. de test. tut.

TEX-

TEXTUS.

De Emancipatis.

5. Sed & si emancipato filio tutor à patre datus fuerit testamento; confirmandus est ex sententia Præsidis omnimodo, id est, sine inquisitione.

NOTÆ.

9. Emancipato filio] Idem est, si etiam non emancipato datus sit, codicillis non confirmatis, l. 1. §. 1. de conf. tut.

Omnimodo] Ita τὸ παντός, Vt plurimum d. l. 1. §. 2. interdum enim à voluntate patris recedet Prætor, leg. 9. & 2. seqq. cod. l. 4. de test. tut.

Sine inquisitione] & sine satisfactione, d. l. 4. d. l. 1. §. 2. l. 3. l. 6. cod. A matre autem datus filio instituto (nam exheredato à matre dari non potest, d. l. 4.) non satisfacit quidem, sed ex inquisitione confirmatur, l. 2. de conf. tut. d. l. 4. Ex l. 4. C. de test. tut. tollenda est negatio in illo loco, Quando autem eos hæredes (non) institueris. Cujac. Fabrot.

COMMENTARIUS.

- 1 Quibus ex rebus æstimandum, an tutor jure datus sit.
- 2 In quibus differat confirmatio tutoris à patre non recte dati, & dati à matre, vel extraneo.
- 3 Explicatio l. 4. C. de test. tut.
- 4 Confirmatos tutores non pro dativis, sed pro testamentariis habendos.
- 5 In his regionibus fere duo tantum esse genera tutorum, remissivè.

Emancipato filio] Didicimus tit. præc. §. præterea, 6. liberos per emancipationem potestate patris sui liberari; quamobrem pater non jure, neque ex præscripto legis 12. tab. tutorem dat filio emancipato: sed tamen qui ita non jure datus est, confirmatur auctoritate Magistratus, & quidem simpliciter, sive omnimodo, ut hic loquitur Justinianus, id est, sine inquisitione, sine idoneus, necne. Locus postulat, ut de confirmandis tutoribus paulo quàm hic factum est differamus accuratius. An tutor jure datus sit, ex hisce tribus potissimum æstimatur; ex persona dantis, si carens est; ex persona eorum quibus datur si sine liberi impuberes & in potestate dantis; ex modo dandi, si detur testamento aut codicillis testamento confirmatis, §. 3. sup. cod. Quapropter si quis alius, quàm parens tutorem dederit: aut parens quidem, sed dederit liberis licet impuberibus, qui in ejus potestate non sunt; aut non dederit testamento sive codicillis testamento confirmatis; datio ip-

so jure non valet. Cæterum cum reverentiæ, cum affectui eorum, qui impuberibus non legitime tutores dederunt, tributum est, ut quod deficit, à Magistratu repleatur, datique confirmantur, l. 1. §. 1. de conf. tut. Confirmatio autem hæc non est unius modi. Interest enim, an pater tutorem non jure dederit, an quis alius præter patrem. Judicio patris hoc datum, ut si is aut non jure testamento, aut codicillis non confirmatis, aut quocumque modo filio emancipato tutorem dederit, scriptus tutor simpliciter confirmandus sit, hoc est, sine inquisitione, & satisfactione ei remissa, hoc est, l. 1. §. 2. l. 3. l. 6. de conf. tut. nisi quod ex causa nonnumquam inquisitio fiat, ut in casibus l. 8. & 2. seqq. d. l. 4. de test. tut. l. 3. §. 2. de adm. tut. & quod in naturalibus liberis distinguitur, utrum pater, qui tutorem dedit, aliquid iis reliquerit, an nihil, l. 7. d. tit. l. ult. C. cod. Quod si alius quàm pater tutorem dederit; sive mater sit, sive patronus, sive extraneus quis; non aliter hic tutor confirmatur, quàm si & hæres impubes institutus sit, l. 4. de test. tut. l. 4. de conf. tut. Quæ etiam ratio est, cur datio sustineatur, d. leg. 4. de conf. tut. & inquisitio præcesserit, l. 2. l. 5. d. tit. l. qui in tutelam 28. §. 2. de testam. tut. Hoc interest, quod à matre datus satisfactione non oneratur, sed ab ipso Prætor ex inquisitione confirmatur, l. 2. de conf. tut. Ceteri fere remitti solent ad Magistratus municipales confirmandos, præstita satisfactione, l. 5. d. tit. Quod autem diximus, à matre datum tutorem non aliter confirmari, quàm si hæredem filium instituerit; ei obstat l. 4. C. de testam. tut. ubi & liberis non institutis à matre datum confirmari solere rescriptum est. Respondent nonnulli, hoc fieri solitum, non ex juris aliqua constitutione sed ex usu; quod non placet. Nam retenta lectione negativa, hæc erit rescripta sententia: quod tutor à matre liberis institutis testamento datus, rectè datus intelligatur, nec egeat confirmatione, secus si non institutis, id est, præteritis aut exheredatis dederit; quod aperte falsum est. Tollenda omnino in d. leg. 4. negatio cum Cujacio & Fabroto, ex illis verbis: Quando autem eos hæredes (non) institueris; quomodo, detracta scilicet negatione, & in quibusdam codicibus legi testatur Pacius: ita omnia & inter se & cum ratione juris optimè convenient. Ne quis ex eo, quod simpliciter dixerat Imperator, non posse matrem filiis testamento tutorem dare, nisi eos hæredes instituerit, putaret, cum eos hæredes instituerit, dationem sustineri ipso jure: mox quomodo hoc, quod dixerat, intelligendum sit, declarat: nempe etsi ne tunc quidem cum liberis institutis mater tutorem dat, ipso jure datio valeat; datum tamen à Præsidibus confirmari solere. Et sic bene quoque se habent illa sequentia, Nullo verò ex his interveniente, &c. nempe si aut mater non instituit

to filio tutorem dederit, aut instituto datus non sit confirmatus. Pater verò etiam filio exheredato jure tutorem dat, l. 4. l. 26. §. 2. l. 31. de test. tut. quoniam tam exheredatio jure patris potestatis sit, quàm delegatur tutela. Porro tutores ita confirmari sub eodem genere cum testamentariis comprehendi possunt. Primum quia perinde confirmari dicuntur, ac si ex testamento tutores essent, l. 3. eodem, nisi quòd à matre aut ab extraneo dati ex inquisitione confirmantur, quod naturam tutoris non mutat, argum. l. 8. & seqq. eod. Deinde quia confirmatio non pendet à voluntate & sola potestate confirmantis, sed magis in necessitate juris posita est: tenetur enim Prætor datum confirmare, & judicium defuncti, cujus proinde potissima ratio habetur, in confirmando sequi, l. 1. §. 1. eod. l. Resennius 32. de excus. Unde apparet, etiam ante quàm confirmantur, pro testamentariis quadantenus haberi, ut legitimis præferantur: & male ratiocinari eos, qui ob id,

quòd is qui confirmat aliquando dare censetur, per l. 130. de verb. sign. tutorem confirmatum pro dativo potius quàm testamentario habendum existimant; confundentes confirmationem necessariam cum ea, quæ tota pendet ab arbitrio & voluntate confirmantis. Denique testamentarius curator disertè appellatus, qui testamento datus confirmatus est, l. 7. rem. pup. salv. fore. Planè non omnes hujus tutelæ species æquè prope ad testamentariam accedunt; nec repugnet, si quis mixtam dici malit. Apud nos sere duo tantum sunt tutorum genera; unum eorum, qui testamento; alterum, qui à Magistratu dantur: nec refert, à patre an à matre dentur; testamento, an codicillis. Legitimorum autem tutorum vix apud nos usus est: quamquam ubi testamento de tutela nihil cautum est, solent & tenentur Magistratus audire cognatos pupilli proximos; atque ex iis, qui modò idonei sint, tutores creare. Vid. quæ notamus infr. in fin. tit. de leg. agn. int.

TITULUS DECIMUSQUARTUS.

QUI TESTAMENTO TUTORES DARI POSSUNT.

Conc. lib. 26. tit. 2. Cod. lib. 5. tit. 28.

Continuatio & argumentum Tituli.

Superiore Titulo dictum est de iis, qui testamento tutores dare & quibus possunt: quæ quidem sola spectantur, sed tunc tantum, cum is, qui datus est, & tutor esse possit; de quo nunc deinceps disputatur; & simul de modis testamento tutores dandi; deque intellectu atque interpretatione nonnullorum verborum, quibus testator in dando tutore usus sit.

TEXTUS.

Qui tutores dari possunt.

Dari autem tutor potest testamento non solum paterfamilias, sed etiam filiusfamilias.

COMMENTARIUS.

Sed etiam filiusfam.] Idque non testamento solum, sed etiam à Magistratu, leg. 7. de tutel. Nec obstat, quòd filiusfam. in potestate patris est: nam tutela, manus est publicum, inf. de excus. in pr. In publicis autem causis filiusfam. non sequitur jus patris, seu pro paterfam. habetur, l. 9. de his qui sui vel. al. jur. l. 14. ad Trib. Ac enim qui est in aliena potestate, alium in potestate habe-

re non potest, l. sic eveniet 21. ad leg. Jul. de adult. Verum hoc est, sed de eodem genere potestatis accipiendum.

TEXTUS.

De Servo.

1. Sed & servus proprius testamento cum libertate rectè tutor dari potest. Sed sciendum est, & sine libertate tutorem datum tacite libertatem directam accepisse videri, & per hoc rectè tutorem esse. Planè si per errorem, quasi liber, tutor datus sit, aliud dicendum est. Servus autem alienus pure inutiliter testamento datur tutor: sed ita, Quum liber erit, utiliter datur. Proprius autem servus inutiliter eo modo tutor datur.

NOTÆ.

1. Libertatem directam] leg. 31. §. 2. de testam. tut. l. penult. Cod. de nec. serv. man. Immo fideicommissariam, Cujac. Vult. Bach. per l. 9. C. de fideic. har. Resp. d. l. 9. accipienda de eo casu, quo servus tutor datus est codicillis, vel verbis precariis, veluti, *Pater &*

ut hæres, ut *Davus* sit tutor liberis meis, ut in l. 1. §. 2. de conf. tut.

Per errorem] Eo quod testator liberum esse putabat, cum esset servus, l. 22. de test. tut. l. 24. §. 9. de fideic. lib. *in eadem intentione dei tibi* *ut lib. aut. i. dia. d. p. ut ibi Græci.*

Servus alienus purè inutiliter] Intellige quoad verba & sententiam: nam illa datio *Davus* tutor esto, non est pura quoad sententiam, cum subaudiatur conditio, cum liber eris. Ita Cont. ne obstat, l. 10. §. ult. rod.

Proprius inutiliter eo modo] Nec hæres eo modo rectè instituitur, leg. 21. de cond. inst. quoniam quod in nostra potestate est, in casum conferri non oportet, l. 22. d. ult.

COMMENTARIUS.

I. *Peterum sententia consentaneum esse quod ait Justinian. servum proprium simpliciter tutorem datum directo liberum fieri.*

NON solum liberi homines testamento tutores dari possunt, sed etiam servi; quia & cum servis testamenti factio est, l. testamentum 21. de test. tut. §. in extraneis, inf. de her. qual. & diff. Disputatur autem hoc §. de triplici forma mandandæ servis tutelæ, tum propriis, tum alienis. Prima hæc est: *Davus* tutor & liber esto; secunda. *Davus* tutor esto; tertia; *Davus* tutor esto, cum liber eris. De prima specie in servo proprio nulla est controversia: in alieno favor pupilli & publicæ utilitatis libertatem fideicommissam servo defendit, ut nimirum hæres eum à domino emat & manumittat, l. 10. in fin. de test. tut. De secunda, quod quidem attinet ad servum proprium, Justinianus hunc directam libertatem tacite accepisse scribit ac per hoc rectè tutorem esse: quod & Paulus non obscurè indicat, l. quæro 32 in fin. d. ult. cum dicit, hoc ipso, quod à domino tutor datus est, libertatem quoque meruisse videri, eamque sibi vindicare posse, & ab adita hæreditate liberum esse. Tertia in alieno servo utilis: in proprio inanis & ludicra judicatur, tamquam si quis diceret, hæc res tibi empta sit, si voluero.

Directam] Directa libertas dicitur, quæ recta ex testamento ad servum transit sine alterius facto aut opera, §. 1. inf. de sing. reb. per fid. Putat Cujacius, eumque secuti Vultejus & Bachov. hoc à Justiniano primùm constitutum esse: sed eos refellit tum locus Pauli modò allegatus, tum quod Justinian. scribit, l. pen. c. de nec. serv. her. inst. jure civili jam ante inductum fuisse, ut si quis servum suum sine libertate tutorem dedisset: ex ipsa tutelæ datione libertatem ei imposuisse præsumatur. Deinde quod idem mox constituit in servo omnia libertate hærede instituto, quod antea non obtinebat, inf. de her.

Vinnius in Institut.

inst. in pr. nimirum ut hoc ipso, quod hæres institutus est, etiam libertas ei imposita videatur, ad exemplum servi simpliciter tutoris dati. Atqui servum simpliciter hæredem institutum, nemo est qui negare possit, directo ex testamento liberum fieri ex constitutione Justiniani. Postremò cui datur fideicommissaria libertas, is non nisi volens & petens sit liber. Servus proprius tutor datur necessariò. Non obstat quod dicitur in l. 10. in fin. de test. tut. nihil interesse, suum servum an alienum quis tutorem dederit. Hoc enim ad voluntatem dandæ libertatis non ad qualitatem datæ referendum est: siquidem servo alieno non nisi fideicommissaria defendi potest. Magis obstat l. test. 9. c. de fid. lib. Communis responsio est, eum locum accipiendum esse de eo casu, quo servus tutor datus est codicillis, vel verbis præcariis, veluti: *Peto à te hæres, ut Stichus sit tutor liberis meis.* Quod etiam verba d. l. *Per fideicommissum manumississe* significant. Per fideicommissum enim nihil aliud est quam verbis fideicommissi, quibus ut tutor esset petierat, arg. l. qui tutelam 28. §. 1. de test. tut. Franc. de Amayz nobilissimus Hispaniæ Jurisconsultus putat, Veteres ipsos hic inter se non convenisse, lib. 1. jur. obs. c. 7.

Per errorem] Quod liber putaretur: quo casu servo tutelam mandare voluisse nemo creditur, l. si quis 22. de test. tut. l. generaliter 24. §. si quis tutorem 9. de fideic. lib.

Purè inutiliter] Hoc est, absque conditione cum liber eris. Quid igitur est, quod Ulpian. ait d. l. 10. §. ultim. de test. tut. in hac datione semper inesse hanc conditionem, cum liber eris? An dicemus, hoc contra rationem juris benignè receptum esse? An potius sententiam testatoris inspiciendam, ut si hæc non refragetur, valeat: si manifestè repugnet, datio sit inutilis? d. l. 10. in fin. Quid enim si ita verbis purè datus est, ut nec sententia eum liberum esse testator voluerit, veluti si liberum eum esse jam ante existimavit? Et hoc verum est. VINN. Sed dicere malim, veteres hic dissensisse & Justinianum quidem eorum probasse sententiam, qui expressè addendam hanc conditionem existimabant. Tribonianum autem l. 10. §. ult. ff. de test. tut. incautè inseruisse Pandectis, quod & alias aliquando factum est. HEIN.

Proprius autem servus inutiliter] Nam perinde, ac si diceret testator, tutor esto, cum à Domino suo libertatem adeptus erit, quod cum Dominus ipse loquitur, apertè ludificari & nihil agere intelligitur, veluti si quis dicat, hæc res tibi empta est, cum eam tibi vendidero.

TEXTUS.

De furioso & minore 25. annis.

2. *Furiosus vel minor viginti quinque annis tutor testamento datus, tutor tunc erit, quum compos mentis, aut major viginti quinque annis fuerit factus.*

COMMENTARIUS.

Tutores testamento dari possunt, non solum qui tempore facti testamenti iam idonei sunt ad tutelam administrandam, verum etiam qui eo tempore idonei non sunt, modo tales sint, ut natura postea idonei fieri possint, quales sunt furiosi, & minores 25. annis.

Quum compos mentis] Proculo videbatur, furiosum testamento tutorem pure dari non posse, l. 10. §. 3. de test. tut. Et videri potest pater non satis serio agere, qui eum tutorem pure dat, quem scit tutelam gerere non posse. Sed placuit etiam hoc patri licere, quasi tacite sub hac conditione detur, ut tutor sit, cum sapere coeperit, d. l. 10. §. 3. l. 11. de tut. Medio autem tempore tutor aut curator à Magistratu dabitur, inf. de Attil. tut. §. 1. & inf. de curat. §. ult.

Major 25. annis] l. quero. 32. §. ult. de test. tut. Et hic interim usque ad legitimam dati tutoris ætatem alius à Magistratu dabitur, l. 10. §. si liberus 7. de excus. Recte autem hic monet D. Bachovius, ponendos esse terminos habiles, ut minor, qui tutor datus est, ejus sit ætatis, ut ante pubertatem pupilli annum 25. implere possit, alioqui dationem esse lusoriam, ac protinus à Magistratu tutorem dandum: quod sic accipe, si legitimum tutorem pupillus non habeat.

TEXTUS.

Quibus modis tutores dantur.

3. *Ad certum tempus, vel ex certo tempore, vel sub conditione, vel ante heredis institutionem posse dari tutorem non dubitatur.*

COMMENTARIUS.

1 *Servum, furiosum, minorem 25. annis, à Magistratu non recte tutorem dari, neque tutorem tempori aut conditioni adstringi.*

Etiam in modo testamento tutores dandi placet testatoris voluntatem servari. Itaque non solum pure, sed ex die etiam & sub

conditione tutorem recte dederit, ut qui datus sit, non ante sit tutor, quam dies aut conditio extiterit, & deficiente conditione tutor non sit. Potest & ad certam diem & usque ad certam conditionem tutor dari, ut finito tempore aut conditione existente tutor esse definat, leg. 8. §. 1. & 3. de test. tut. l. si adrogati. 14. §. 3. & ult. de tutel. §. 2. & §. pen. inf. quib. mod. tut. fin. & deficiente quidem aut finita tutela testamentaria, locus erit legitimo tutori, pendente Attiliano, leg. 11. de test. tut. junct. l. 9. §. 2. de tut. & rat. dist.

Vel ante heredis institutionem. 7 Apparet, hoc favore pupilli jam olim receptum fuisse. Poterat autem de eo dubitari, propterea quod jure veteri ante heredis institutionem legata inutiliter relinquebantur. Nunc autem nulla amplius dubitandi ratio est. §. 34. inf. de leg. Hic paucis admonendi sumus, ea quæ de servis furiosis, minoribus 25. annis tutoribus datis, itemque de tutore tempori aut conditioni adstringendo dicta sunt, omnia propria esse tutelæ testamentariæ, atque ex interpretatione verborum legis 12. *Vis quisque legasset*, &c. patri permittenda. Non eadem libertas Magistratibus data. Nam hi sub conditione tutorem dare vetantur, l. 6. §. 1. de tutel. Quamobrem nec servus, nec furiosus nec minor recte ab iis tutor dabitur, si sub conditione expressa, servus cum liber eris &c. si simpliciter & pure: nam & tunc eadem conditio perinde inesse creditur, atque si expressa esset, l. 10. §. pen. & ult. de test. tut. Cur tam variè? Nimirum quia ab officio Judicis aut Magistratus alienum est actus suos suspendere, atque imperfectos relinquere. Ideo enim aditur, ut in præsentem nobis officium atque auctoritatem suam, quam opus est, impertiat; quod & Jo. Fabro suboluit, qui ad hoc utitur arg. l. non quemadmodum 35. de indic. l. 1. §. biduum. §. quand. app. Aliam insuper rationem asserunt vulgo DD. quod tutore à patre sub conditione dato, Magistratus sit, pendente conditione pupillo prospicere; at si à Magistratu tutor sub conditione daretur, neminem adiri posse qui pendente conditione pupillo consulat. In eo autem Gloss. & DD. in d. l. 6. §. 1. errare existimo, quod putant, etiam Magistratum sub tanta conditione tutorem dare posse, per l. 11. de test. tutel. quippe quæ de tutela testamentaria omnino accipienda est, ut & Bart. eam accepit. Planè usque ad conditionem, sub qua tutor testamento datus est, à Magistratu interim alium tutorem tacite dari posse non ambigitur, §. 1. inf. de Attil. tut. d. l. 11. in pr.

TEXTUS.

Cui dantur.

4. *Certe autem rei vel causa tutor dari non*

Non potest: quia persone, non cause, vel rei tutor datur.

NOTÆ.

4. *Certe rei*] Ex Ulp. l. 1. & Marcian. l. 14. de test. tut. *Certe rei*, nec deductis rebus, d. l. 12. *ut i' expulsi' negyudtur* ut vertunt Græci. Esi datus fuerit, tota datio non valebit, l. 13. cod. Aliud juris est, si quis hæres certæ rei scribatur, l. 1. §. 4. de hæ. inst.

Non potest] Univerſo tamen patrimonio alicujus loci utiliter datur, l. 15. cod.

Personæ] Principaliter scil. nam per consequentiam etiam rebus pupilli dari intelligitur, l. 12. §. pen. de adm. tut.

COMMENTARIUS.

1 *Dispositioni huius §. apud nos locum non esse.*

Certe rei vel cause] Veluti Mævius, quia mercaturæ peritus est, tabernæ pupilli tutor esto: quia juris & consuetudinis forensis lites, & controversias persequatur.

Quia personæ] Datur enim tutor ad tuendum pupillum, §. 1. sup. tit. ideoque si ad certam rem aut causam datus fuerit, tota datio non valebit, l. 12. cum 2. seqq. de test. tut. quoniam tutoris officio non congruit. Non obstat l. 12. §. cum tutor. 3. de adm. tut. Aliud enim est certæ rei tutorem dare, aliud rebus pupilli omnibus tutorem datum præpositum intelligi. Nam cum personæ pupilli tutor datur; per consequentiam etiam rebus ejus dari intelligitur, quæ conditionem personæ sequuntur. Et verò si personæ pupilli consulendum est: necesse est, ut non tantum personæ & moribus pupilli, sed etiam rebus ejus tutor præponatur, d. l. 12. de test. tut. d. l. 12. §. cum tut. 3. de adm. tut. Atque in hoc præcipue differt tutor à curatore, qui rebus minoris principaliter datur, l. 8. Cod. de nupt. & ad unum certumque negotium rectè decernitur, §. 2. inf. de curat. l. 7. de tut. dat. Planè si tanto locorum intervallo disjunctum sit patrimonium, ut difficulter ab uno administrari queat, pupilli favore receptum est, ut rebus ita disjunctis, puta rei Africanæ, aut Syriacæ, tutor dari possit, l. 15. de test. tut. quo tamen casu singuli tutores in solidum dari intelliguntur, nec tam tutela dividi quam administratio. Una sanè superioris regulæ exceptio videtur, quodd impuberi ad hæreditatem adeundam, ut tutor detur ex causa permissum est, l. 9. de tut. dat. l. 10. de testam. tut. l. 17. §. 1. de appell. Mater quoque dicitur potius in rem quam in personam tutorem dare videri, l. 4. de test. tut. quasi nec verus tutor sit, qui ab eo datus est, qui jus dandi tutorem ex lege non habet. Apud nos hæc

juris Romani subtilitas non observatur: sed potest, auctore Grotio 1. manud. c. 7. tutor vel testamento vel à Magistratu etiam ad certam rem vel causam dari. Quoniam hodie sublata est tutorum & curatorum differentia, vid. inf. tit. de curat. Potest etiam à Magistratu dari ex die vel ad diem vel sub conditione (quod jure Romano solis parentibus permissum erat, §. præc.) modò ne pupillus unquam indefensus maneat. Illud etiam nunc manet, quodd tutor incertus nec testamento rectè detur, l. tutor. 20. l. tutor. 23. de test. tut. §. sed nec 27. inf. de leg.

TEXTUS.

De tutore dato filiabus, vel filiis, vel liberis, vel nepotibus.

5. *Si quis filiabus suis, vel filiis tutores dederit; etiam posthumæ, vel posthumæ dedisse videtur: quia filii vel filia appellatione & posthumus, & posthumæ continetur. Quodd si nepotes sint; an appellatione filiorum & ipsis tutores dati sint? Dicendum est, ut & ipsi quoque dati videantur, si modo liberos dixerit. Caterum si filios; non continebuntur. Aliter enim filii, aliter nepotes appellantur. Planè si posthumis dederit, tam filii posthumi, quam ceteri liberi continebuntur.*

NOTÆ.

5. *Si quis filiabus*] Ex Ulp. l. 5. & l. 6. de test. tut.

Etiam posthumæ] In legatis contra, l. 17. de legat. 1. quia legata liberis non ut liberis relinquuntur, sed ex affectione singulari erga hos vel illos: at tutor liberis, ut liberis, datur jure potestatis.

Aliter filii, aliter nepotes] Natura filium à nepote distinguit: & hic naturalem propriamque appellationem sequimur: quia ut ab ea recedamus, nulla justa est ratio; aliàs filii appellatione & nepos continetur, justa scil. interpretatione, l. 84. l. 201. l. 220. de verb. sign. Exempla in l. 59. de rit. nupt. l. 2. §. 23. ad Tertyl. l. 14. de senat. Mac. Filias tamen appellatione filiorum hic quoque venire placet, l. 16. de test. tut.

Posteri] Leg. posthumis, d. l. 6. & ita Theophil. & alii.

COMMENTARIUS.

1 *Appellatione liberorum venire omnes, qui ex nobis descendunt.*

2 *Filiorum appellatione in hoc argumento contineri & posthumos: nepotes non contineri, filias contineri. Et quæ horum omnium ratio.*

3 Appellatione posthumorum venire liberos omnes nascituros sive primi sive ulterioris gradus.

Voluntatis quaestio est, cum quaeritur, qui liberi appellatione filiorum, liberorum, posthumorum contineantur. Et de liberis, ut inde incipiam, nulla dubitatio est, quin ea appellatione omnes, qui ex nobis descendunt, contineantur; sive filii sint, sive nepotes, aut deinceps, sive jam nati, sive adhuc nascituri, *l. liberorum 220. de verb. sign.* Quamobrem si quis liberis tutores dederit, non solum filiis, sed etiam nepotibus, & qui infra eos sunt, dedisse intelligitur; uti ex Ulp. *l. 6. de test. tut.* Justinianus hoc loco refert; dummodo post mortem dantis in potestatem patris sui recasuri non sint, *§. 3. sup. tit.* De filiis duo hic quaeruntur; unum est, an eorum appellatione etiam posthumi contineantur: alterum, an & nepotes. De primo ait: *Si quis filiabus suis vel filiis tutores dederit; etiam posthumæ vel posthumo dedisse videtur: quia filii vel filiae appellatione & posthumus & posthuma continetur;* quod & Ulpian. respondet *l. 5. d. 1.* Cui tamen loco ob stare videtur quod idem Ulp. scribit *l. qui filiabus. 17. in pr. de legat. 1.* Eum, qui filiabus legavit, non intelligi posthumæ legasse, nisi & mentionem aliqua parte testamenti posthumæ fecerit. Sed hæc minimè repugnant. Tutor enim datur jure potestatis ut filiis & liberis; posthumi autem æquè filii & liberi sunt ac ceteri. Legata verò liberis non ut liberis relinquuntur, sed ex singulari affectione erga certos: quæ affectio in proposito erga posthumum non præsumitur; ita fere Angel. hic post *Gloss. in d. l. 17.* Alterum est utrum filiorum appellatione etiam nepotes veniant. Et ait, non venire. Quia aliud sit filius, aliud nepos: filius enim est, qui ex me & uxore mea natus est; nepos, qui ex filio meo: hoc idem & Ulp. *d. l. 6.* Quid ergo est, quod legimus in *l. filii 84. l. liberorum. 220. de verb. sign.* filiorum appellatione etiam nepotes ceterosque, qui ex nobis descendunt, contineri?

Nimirum ubi justa interpretatio id suadet, *l. justa 201. cod. tit.* Nam nec à proprietate verborum aliter recedendum est, *l. non aliter. 69. de legat. 3.* Exempla suppeditant *l. senatus. 59. de rit. nupt. l. 2. §. filiis 28. ad Terry. l. 14. de sent. Mac.* Et fingamus in proposito, testatorem filios non habere, sed nepotes tantum: aut finge, nepotes solos esse impuberes; dubitandum non est, quin filiorum nomine nepotes intellexerit, ne nihil egisse videatur: quod & Jo. Faber notat. At si filios testator habeat impuberes, nulla justa causa est, cur recedamus à proprietate sermonis, dicamusque, filiorum appellatione & nepotes eum complexi voluisse. Nam nepotibus fortasse magis expediat peculiarem tutorem habere legitimum vel dativum, quàm eum, qui à parente datus est, qui filiorum tutela satis sit implicitus atque occupatus. Cui adde, quòd hic agitur de gravando extraneo, cujus interfit, ne nimium oneretur. Illud hic omisum est, an appellatione filiorum etiam filiae contineantur. Responsum est, contineri, *l. 16. in pr. de test. tut.* quippe in toto jure pronuntiatio sermonis in sexu masculino ad utrumque sexum porrigitur, *l. 1. l. pronuntiatio. 195. de verb. sign.* De posthumis est in vers. *Planè si posthumis.* Et ait Imp. si posthumis tutor datus sit, tam filios posthumos, quàm ceteros liberos contineri. id est, ut rectè hoc accepit Theoph. contineri non tantum posthumos primi gradus, verum etiam secundi & ultiores: si modò in ea causa sint, ut si vivo testatore nascerentur, in potestate ejus futuri sint, neque testamentum rupturi, *l. 1. §. 1. de test. tut.* Quare necesse non est, ut cum Haloandro pro posthumis substituamus posteris, maxime cum apud Ulp. quoque *l. 6. cod.* unde hæc descripta sunt, *posthumis legatur;* & ut Bald. ibi notat, vox posthumi non distinguat gradus; ut filii, sed colligat, add. Don. 3. *comm. 4. D. Thuld. hic, c. 4. D. Jac. Coren. conf. 14.* ubi disputat, an vox Belgica *Kindt* aut *Kinderen*, tam latè pateat quàm Latina *liberorum*, ut & Saude *lib. 4. rer. jud. tit. 5. defin. 10.*

TITULUS DECIMUSQUINTUS. DE LEGITIMA AGNATORUM TUTELA.

Lib. 26. Tit. 4. Cod. lib. 5. Tit. 30.

Ratio ordinis, & argumentum Tituli.

Testamentariam tutelam excipit legitima. Ea est, quæ lege defertur iis fere, qui ad legitimam hæreditatem impuberis vocantur. Species hujus tutelæ quatuor; agnatorum; patronorum; parentum; & fiduciaria: quarum duæ priores propriè sunt legitimæ, *l. 1. hoc tit.* sequentes

duæ *arctiores*. Singulæ singulis titulis hic explicantur: in 7. & C. omnes uno. Hoc autem titulo exponitur species prima, quam agnatorum esse diximus; traditurque unde ea deferatur; quinam sint agnati; quando iis tutela deferatur: postremo subjicitur specialis quidam hujus tutelæ finiendæ modus.

TIT.

TEXTUS.

Summa.

Quibus autem testamento tutor datus non est; his ex lege duodecim tabularum agnati sunt tutores, qui vocantur legitimi.

NOTÆ.

Ex lege 12. tab. § l. 1. de leg. ent. ubi id summa providentia constitutum dicitur, ut qui sperarent successionem, iidem tuerentur bona, ne dilapidarentur. Lege autem Solonis non deferebatur agnatis, nisi remotioribus. Laert. in Solone contraria vid. ratione, quod fere quisque conetur, eum, quem proximus hæres insequitur, expungere, ut ait Pers.

COMMENTARIUS.

I Quid intersit inter agnatos & gentiles, gentem & familiam.

Quibus testamento] Semper enim legitimi tutores, ut supra quoque dictum est, cedunt testamentariis, l. 11. de test. tut. l. 9. §. 1. de tut. & rat. dist. sicut & legitimi hæredes iis, qui ex testamento vocantur, l. quamdiu, de acq. hæ. Et vulgo dici solet, provisio hominis facit cessare provisionem legis, per l. ult. c. de pact.

Ex lege 12. tab. agnati sunt tutores. Lex 12. tab. & ad hereditatem legitimam vocavit agnatos, atque iidem etiam tutelam legitimam detulit. Idque summa providentia à lege constitutum esse Ulp. scribit, ut qui sperarent successionem, iidem tuerentur bona, ne dilapidarentur, d. l. 1. hoc tit. Hæc autem tutelæ species ea est, quæ à Servio dicitur jure civili data, l. 1. de tutel. Etenim legitimos tutores nemo dat, sed lex eos tutores facit, l. 5. hoc tit. Hotomannus putat, etiam gentilium mentionem à lege factam. Et sanè in hereditate facta est; auctore Cornificio ad Heren. lib. 1. qui verba legis sic refert: Si paterfam. intestato moritur; familia pecuniaque eius agnatorum gentiliumque esto. Ut omnino verisimile sit, eodem modo post agnatos & tutelam gentilibus delatam fuisse. Quid intersit inter gentiles & agnatos, multi ante nos docuerunt. Dicam tamen obiter. Quod discrimen est inter gentem & familiam, hoc idem est inter gentiles & agnatos. Gens ex pluribus constat familiis, quæ singula cognominibus distinguuntur: nam ut nomen universæ genti commune est; ita cognomen proprium cujusque familiæ, quæ gente continetur. Qui ejusdem gentis sunt; gentiles: qui ejusdem familiæ; agnati dicuntur. Verbi causa, in gente Valeria sunt Corvini, Maximi, Messallæ, Flacci; hi omnes unam gentem Valeriarum constituunt: singuli singu-

las in ea gente familias; omnesque inter se gentiles sunt; singuli inter se etiam agnati. VINN. Restè tamen Cic. Topic. cap. 6. addit, gentiles esse non omnes, qui ejusdem nominis, sed qui ab ingenuis rivandi, & quorum majorum nemo servitutem servavit. Nam & libertos patronorum nomina adsumplisse, nemo ignorat. HEIN.

TEXTUS.

Qui sunt agnati.

1. Sunt autem agnati, cognati per virilis sexus cognationem conjuncti, quasi à patre cognati: veluti frater ex eodem patre natus; fratris filius; neposve ex eo; item patruus; & patrui filius; neposve ex eo. At qui per feminini sexus personas cognatione junguntur, agnati non sunt, sed alias naturali jure cognati. Itaque amita tue filius non est tibi agnatus, sed cognatus; & invicem tu illi eodem jure conjungeris: quia qui ex ea nascuntur, patris non matris familiam sequuntur.

COMMENTARIUS.

Per virilis sexus] agnati dicuntur, qui per virilis sexus personas cognatione juncti sunt, l. 7. hoc tit. §. 1. inf. de leg. agn. succ. l. 2. §. 1. de suis & leg. modò non sint capite minuti, & sint in familia, §. ult. inf. eod. Nihil autem refert, an natura quæsitæ sit agnatio, an adoptione, d. l. 2. §. 3. de suis & leg.

Veluti frater ex eodem patre] Masculos tantum ex agnatis hoc loco recenset: quia licet etiam femininæ quædam nobis agnatae sint, veluti soror ex eodem patre nata, amita, fratris filia; tutela tamen solis maribus jure communi detetur, l. 1. §. 1. hoc tit.

Naturali jure cognati] Cognationis nomen per se generale est: siquidem cognati dicuntur omnes, qui vel jure sanguinis, vel jure adoptionis nos contingunt; proinde & agnati. At idem nomen oppositum agnationi ad eam speciem cognationis contrahitur, quæ per femininas copulatur, l. 4. §. 2. l. ult. §. 1. & 2. de grad. & aff. Idem hic planè accidit, quod in nomine adoptionis notavimus sub §. 1. sup. de adopt. Agnati nostratibus dicuntur vande Smaert 27, cognati van de Spilzzy.

TEXTUS.

Quis dicatur intestatus.

2. Quod autem lex duodecim tabularum à intestato vocat ad tutelam agnatos, non hanc habet significationem; Si omnino non fecerit

ceris testamentum is, qui poterat tutores dare: sed si quantum ad tutelam pertinet, intestatus decesserit, quod tunc quoque accidere intelligitur, quum is, qui datus est tutor, vivo testatore decesserit.

COMMENTARIUS.

Quamvis ad tutelam] Disertè ait, quantum ad tutelam, ut & Jurisconsult. l. 6. hoc tit. nam ad hereditatem quod attinet, nemo intestatus decessisse intelligitur, qui testamento facto, unde heres postea exitit, decessit, *inf. de her. qui ab int. def. in pr.*

Viro testatore] Exempli causa positum arbitror. Quid enim si post mortem testatoris ante ceptam tutelam decesserit? Sanè non minus hoc quam illo casu rectè dicitur paterfam. quoad tutelam intestatus decessisse. Sed etsi tutor testamento datus post ceptam tutelam decesserit, vel in civitate esse desierit, nihilominus ad legitimam tutela redit, l. 6. hoc tit. l. 11. §. pen. & ult. de test. tut. Unde vel magis dicendum est, si ad certam conditionem vel ad certum tempus datus sit; existente conditione aut finito tempore ad legitimam tutelam reverti: quasi qui dedit pro parte intestatus, quod ad tutelam pertinet, decesserit. Planè si tutor testamento datus postea excusatus sit, aut remotus, placet, non legitimam succedere, sed in locum ejus alium à Magistratu dari, d. l. 11. §. 1. & 2. Diversi hujus juris non alia ratio occurrat, quam quòd illis modis ipso jure tutela finitur, & planè extinguitur: excusatione autem & remotione non item, sed interventu Magistratus, quasi ipso jure perinde quodammodo habeatur, ac si excusati ac remoti adhuc tutores essent.

TEXTUS.

Quibus modis agnatio vel cognatio finitur.

3. Sed agnationis quidem jus omnibus modis capitis deminutione plerumque perimitur: nam agnatio juris civilis nomen est, cognationis verò jus non omnibus modis commutatur, quia civilis ratio civilia quidem jura corrumpere potest, naturalia verò non utique.

COMMENTARIUS.

1 Tutelam legitimam minima capitis deminutione non amplius tolli.

2 In his regionibus vix usum esse legitimam tutelam: & quid moris cessante testamentaria?

Differt agnatio à cognatione etiam in eo, quòd agnatio quavis capitis deminutione etiam minima, tollatur, & consequenter jura agnationi tributa ut tutelæ & hereditates intereant, l. 7. de cap. min. l. 5. §. ult. hoc tit. Cognationis autem jus non mutetur, nisi maxima aut media capitis deminutio intervenierit. De quo amplius §. pen. seq. tit. qui hujus loci explicationem continet. Hanc autem inter agnationem & cognationem differentiam idcirco hoc loco proposuit Justinianus, ut aditum sibi patefaceret ad tractatum de capitis deminutione.

Utrumque] Additum propterea, quòd jus agnationis certis personis novis legibus datum interveniente minima capitis deminutione non perimitur: quippe quibus legibus hereditates & tutelæ sic deferuntur, ut personæ naturali nomine designentur; ut ecce, defertur hereditas ex Senatusconsultis matri & filio, d. l. 7. de cap. min. §. 2. *inf. de sen. Orfic. l. 1. §. 8. ad sen. Tert.* Constitutione quoque Anastasii, frater emancipatus neglecta capitis deminutione ad legitimam fratris vel sororis hereditatem & tutelam vocatur, l. 4. C. hoc tit. §. 1. *inf. de succ. cogn.* Justinianus & fratrum emancipatorum filios vocat, l. ult. §. 4. Cod. de legis. her. Novissimo autem jure cum in totum sublata sit agnationis & cognationis hac in parte differentia, pariterque cognati cum agnatis ad legitimam tum hereditatem tum tutelam vocantur, Nov. 118. cap. 4. & 5. consequens omnino est, legitimam tutelam minima capitis deminutione non amplius tolli.

Quia agnatio juris civilis nomen] Sicut & familia, cujus appendix est agnatio. Neque obstat, quòd etiam aliæ gentes familiarum & agnationum rationem habuerunt. Multa enim etiam apud alias gentes observantur, quæ tamen non sunt juris naturalis: quippe non ratione naturali, unde jus gentium æstimandum, l. 9. in fin. de just. & jur. constituta, sed civili duntaxat, argumento est adoptio, de qua *sup. tit. 11.* item usucapio, de qua *lib. 2. tit. 6.* tale etiam est jus agnationis.

Civilia jura corrumpere potest] Quod non sic accipiendum est, quasi minima capitis deminutione omnia jura civibus tributa amittantur; sed ea tantum, quæ familiæ illius sunt propria, è qua capite minutus exit.

Naturalia verò non utique] *Οὐ παντός*, non omnino. Th. non capitis deminutione minima. Pompon. l. 8. de reg. jur. nullo iure civili, id est, nulla juris civilis vel fictione, vel solemnitate, veluti emancipatione. Vid. §. pen. seq. tit.

Apud nos legitimæ tutelæ vix usus est, ut notavimus *sup. tit. de tutel. in fin.* præterquam in agro Voornano, juxta art. 74. statutorum illius agri confirmatorum à Carolo Quinto anno 1519. Ceterum cessante tutela testamentaria, Magistratus tu-

tutelar, sicubi est, aut qui juri dicundo præsunt, tutores (fere tamen proximos pupilli cognatos) creant. Ac ne pupilli diu indefensi maneant, tenetur parens superstes, aut eo tutelam suscipere recusante, duo è proximis per defunctum pupillo cognatis, intra certum tempus statuit, aut consuetudine locorum definitum, tutores à Magistratu peteres; qui cum de consilio eorum, atque etiam ex iis quod sine fraude pupillorum fiat, tutores eligit atque constituit. Quamobrem pater & mater, iisque deficientibus, avus & avia in tutela filiorum suorum & nepotum ceteris præsferuntur: quibus tamen contutor unus atque alter è cognatis defuncti proximis adjungendus est, patris & avi tutela perpetua est; matris & avia transitu ad secundas nuptias finitur: neque ad tutelam admittuntur, nisi prius beneficio Senatûs consulti Vellejani renuntiaverint, juxta

dispositionem juris civilis Romanorum, *auth. matri & avia & seq. C. quand. mul. tut.* Sed nec mater iterum vidua facta tutelam recuperat; uti judicatum refert Myns. 3. obs. 84. ad Jo. Gutierrez de tutel. p. 1. c. 8. & 9. Si ex parentibus nemo exstabit, tenentur ad minimum duo ex iis, qui pupillum proximè contingunt, unus per patrem, alter per matrem, simili modo tutores petere: atque hic quoque proximos tunc eligit Magistratus, aut si illi idonei non sint, qui proximè sequuntur, & ita deinceps. Demum si cognatorum nemo sit idoneus, alios ex inquisitione tutores creabit. Consule statuta tutelaria Rhynlandiæ art. 12. cum aliquos seqq. Grot. 1. manuducti 7. Christin. vol. 3. dec. 147. n. 4. & seqq. dec. 149. ubi refert, moribus Gallia & Mechliniensium matrem & aviam non renuntiare Vellejano.

TITULUS DECIMUS SEXTUS.

DE CAPITIS DEMINUTIONE.

Lib. 4. D. Tit. 3.

Continuatio & summa Tituli.

IN 2. hic locus inter restitutiones in integrum tractatur lib. 4. tit. 3. Justinianus autem cum in §. ult. sup. tit. docuisset, jus agnationis, ac proinde & tutelam legitimam quovis genere capitis deminutionis perimî; inde occasionem arripuit de ea re plenius separatim disputandi: quod facit hoc titulo; ubi primùm quid sit capitis deminutio definit; deinde diviso genere in suas species, itidem quæ sint singulæ, & quam vim habeant exponit; tum interpretatur quod in d. §. ult. dixerat, cognationis jus capitis deminutione non omnibus modis interverti; & tandem pro corollario docet, quo ordine agnatis tutela deferatur.

TEXTUS.

Definitio & divisio.

Est autem capitis deminutio prioris status mutatio. Eaque tribus modis accidit. Nam aut maxima est capitis deminutio; aut minor, (quam quidam mediam vocant) aut minima.

NOTÆ.

Prioris status mutatio] Græci *πρῶτος στατός*. Apud Paulum in leg. 1. cod. non est Prioris. Status hic est, quod à genere, à civitate, à rer. natura tribuitur, l. 3. de int. & releg.

nempe familia, civitas, libertas, l. ult. hoc t. *Tribus modis*] Aufon. Idyll. 11. *Triplex libertas, capitisque minutio triplex*, nimirum uno ex tribus illis, quæ dixi, amisso, contingit capitis deminutio, d. l. ult.

COMMENTARIUS.

Capitis deminutio] Verbi capitis varia est & multiplex acceptio, ut videre est apud Hotomannum & alios in Lexic. Hic significat personam locum aliquem ordine civium proprio obtinentem, quæ locum cum amittit, capite minui dicitur. Putatque Hotomannus, ad personam translatum esse, quod de ipso ordine propriè loquendo dici debeat; ut ecce: cum quis deportatur aut emancipatur, ordo civium aut agnatorum capite uno minuitur. V. n. Vocabulum hoc è censibus Rom. profluxisse, ostendimus in Antiqu. Rom. h. tit. Et sanè semper fere veteres ita loquuntur: *Censa sunt capita civium 260000.* Exempla passim apud Livium. Quoties itaque civis statum mutabat, nomen ejus è tabulis censualibus erat expungendum, adeoque civitas capite minuebatur, vel caput eximebatur de civitate l. 2. ff. de publ. indic. Hinc *caput* pro statu, & *capitis deminutio* pro status mutatione dici cœpit. HEIN.

Status mutatio] l. 1. hoc tit. l. 2. de in int. rest. Græci, *καταστάσις ἑαυτοῦ καὶ τῆς ἐκείνου*, Status quoque vocabulum multa significat: sed in hoc tractatu accipitur dumtaxat pro eo jure, quod

quod singuli in civitate habemus; nimirum libertatem, civitatem, familiam: quæ tria scitè Chremes apud Terentium in *Eunucho*, act. 4. scen. 7. v. 35. seq. his verbis complectitur, *Dico, eam esse liberam, civem Atticam, meam sororem.*

Tribus modis] Tot enim necesse est sint genera capitis minutionis, quot sunt quæ in persona cujusque civis considerantur, quorumque uno amissio, status ejus commutatur, l. ult. hoc tit. Qui duo tantum genera faciunt magnam & minorem; appellatione magnæ maximam & mediam, quæ hic etiam minor dicitur, comprehendunt; quod facit Ulpian. l. 1. §. si filius 4. de suis & legit. l. 1. §. capitis minutio 8. ad senat. Tertyll. item Callistratus leg. 5. §. ult. de extraord. cognit. VINN. Conf. quæ notavimus supra ad §. 4. de *Justitia & jure*. HEIN.

T E X T U S.

De maxima capitis deminutione.

1. *Maxima capitis deminutio est, cum aliquis simul & civitatem & libertatem amittit: quod accidit his, qui servi pœnæ efficiuntur atrocitate sententiæ: vel libertis, ut ingratis erga patronos condemnatis: vel his, qui se ad pretium participandum venumdari passi sunt.*

N O T A.

1. *Vel libertis*] Libertus ingratus jure libertatis exiit, & patrono in servitutum redigitur, l. 2. c. de libert. & cor. lib. quod & Attico jure obtinuit. Plat. 11. de legib. Plut. in *Solon*. usurpavit Claudius, Svet. in ejus vita c. 25.

C O M M E N T A R I U S.

Cum omnia amittamus quæ habemus, libertatem, civitatem, familiam; maximam capitis deminutionem pati dicimur, l. ult. hoc tit. Hoc autem iis semper accidit, qui servi efficiuntur: nam sublata libertate tolluntur quoque reliqua duo. Sic regulus capitis minor Horatio, id est, servus factus per captivitatem, lib. 3. arm. Odi 5. v. 42 De modis, quibus quis in servitutem redigitur, plenissime explicatum est §. pen. sup. de iur. pers. & nominationi de servitute pœnæ, in §. pœnæ servus 3. sup. quæst. mod. ius pat. pos.

Ingratia] Ita legit Pacius, alii *ingratis*. Hottomannus *ingratis*, ut subaudiatur crimine vel iudicio. Usurpavit hoc jus Imperator Claudius, teste Svetonio in ejus vita c. 25. Estque de eo tit. in c. de libert. & cor. lib.

T E X T U S.

de Media.

2. *Minor sive media capitis deminutio est, quum civitas quidem amittitur, libertas*

verò retinetur: quod accidit ei, cui aqua & igni interdictum fuerit: vel ei, qui in Insulam deportatus est.

C O M M E N T A R I U S.

1. *Cur fontibus olim aqua & igni interdici solitum?*

Libertas retinetur] l. 2. §. 1. l. 17. §. 1. de pen. l. 6. de interd. & releg. Objici solet locus Callistrati in l. pen. §. ult. de extr. cogn. Sed locus iste haud dubiè depravatus est, & pro *Veluti* legendum *Vel*; quomodo & in nonnullis codicibus legi testatur Accursius. Alb. Gentilis citra correctionem rem expedit lib. 3. l. 10. ex una particula *Veluti* duas faciens *vel uti*. Nimirum Callistratus sub magna capitis deminutione utramque, & qua libertas & qua civitas amittitur, complexus est; quod & aliis familiare esse paulo ante monuimus. Nisi quis malit cum Cujacio, locum illum de libertate ex jure Quiritium accipere, quasi jure Quiritium liber non sit, qui in numero Quiritium non est; ut disputat Cic. in fin. orat. pro *Cæcina*. VINN. Nihil est hac Cujacii sententia verius, alia erat libertas Juris gentium, alia Juris Quiritium; quam loculenter explicavimus in *antiq. Rom. ad pend. Lib. 1. §. 25. sequ.* illa capitis deminutione maxima: hæc & media eripiebatur. Liv. lib. 45. cap. 15. Præclare rem omnem confecit V. C. Ger. Noodt. *Obs. Lib. 1. cap. 11.* HEIN.

Cui aqua & igni] Jure à majoribus tradito non licuisse civem licet noxium, aut supplicio capitis afficere, aut libertatem ei, civitatemve adimere, multi tradiderunt; Cæsar oras. sua apud *Sallust. de bell. Catil.* Cicero in suis pro *Aul. Cæcin.* pro dom. sua pro *Corn. Balb.* Lactant. lib. 2. cap. 10. Cæterum cum ad disciplinæ publicæ vigorem omnino pertineat, delicta & scelera malorum hominum impunita non relinqui; inventa ratio est, qua civitate, salvo instituto majorum, expellerentur. Itaque aqua & igni fontibus interdici cæptum est, ut his duobus tamquam vitæ humanæ praesidiis destituti, si exitium sibi paratum vitare vellent, in exilium proficisci cogerentur, inque aliam civitatem profugere, in quam cum essent recepti, Romanam demum amittebant. Quibus igitur aqua & igni interdicebatur, iis quidem apertè vita non eripiebatur, ac ne civitas quidem, (liquidem nulla exilii facta mentione hæc pœna irrogabatur) sed tacitè tamen morte quodammodo multabantur, vique ipsa expellabantur civitate; cum solo aere vivere aut regi non possent: nec fas esset eos aut testo recipere, aut aqua & igni, cæterisque, quibus vita continetur, juvare; ut ex ead. orat. Ciceronis pro domo sua. cap. 29. & 81. liquet.

In insulam deportatus] Deportatio species exilii fuit atrocissima, cum scilicet quis ita damnabatur, ut bonis publicatis, nervo aut compedibus vincetus, & in navim impositus, à servis publicis in certam insulam deportaretur, ibique in per-

petuum concluderetur. Quæ poena manifesto caput eximitur de civitate, civesque ad peregrinorum conditionem rediguntur, l. 17. §. 1. de pen. l. 6. de ins. & releg. Non uno autem loco in libris nostris traditum est, deportationem in insulam in locum aquæ & ignis interdictionis successisse, l. 2. §. 1. de pen. l. 3. ad leg. Jul. pecul. l. pen. in fin. de extr. cogn. Itaque umbra vetusti juris adhuc re-tenta, aqua & igni interdictos nostri deportatos interpretantur, l. 1. §. hi quibus. 2. de legat. 3. l. 2. de publ. iud. eademque & in aliis locis illorum verborum interpretatio facienda est. Consule Brisson. lib. 3. sel. antiq. cap. 5.

TEXTUS.

De minima.

3. *Minima capitis deminutio est, quum civitas retinetur & libertas, sed status hominis commutatur: quod accidit in his, qui quum sui juris fuerint, cæperunt alieno juri subiecti esse, vel contra; veluti si filius familias à patre emancipatus fuerit, est capite deminutus.*

NOTA.

3. *Alieno juri subiecti esse*] Puta adrogati, eorumque liberi, l. 3. pr. eod. §. pen. supr. de adop. Item dati in adoptionem personæ non extraneæ, §. 2. sup. d. 1.

Emancipatus] Emancipatus capite minuitur, l. 8. in fin. cum l. seq. h. t. Quia, ut ait Paul. l. 3. §. 1. eod. emancipari nemo potest, nisi in servilem imaginariam causam deductus: alibi tamen rationem petit à familiæ mutatione, l. ult. eod. quod contingit etiam hodie, sublata licet imagine servitutis.

COMMENTARIUS.

1 *Quomodo intelligendum quod Plp. scribit, minimam cap. deminutionem salvo statu contingere.*

2 *Non solum adrogatos capite minus, sed etiam adoptatos, quamquam cum distinctione.*

3 *Emancipati cur capite minus dicantur: & numquam poss, imagine servitutis sublata, capite minus deservint.*

1 *Ed status hominis*] Minima capitis deminutio, sper quam salva civitate & libertate, status dumtaxat hominis mutatur, Ulp. de tutel. §. 12. Idem tamen Ulp. l. 1. §. cap. 118. ad N. C. Terryll. scribit, hanc capitis deminutionem contingere salvo statu, quæ videri possunt contradictoria. Et utique essent, si vocabulum status utroque loco eodem modo acciperet: nulla autem contradictio est, si eo vocabulo quod est *status*, non in eadem significatione utrobique utatur. Ergo rectè dicit, hanc capitis minutionem contingere salvo statu, sed statu publico, quem quis ut civis habet: rectè item eandem non contingere salvo statu, sed privato, quem quis habet in familia,

l. ult. hoc tit. In definitione autem pr. hujus tit. tradita, appellatione status utrumque continetur.

Qui quum sui juris] Qui se adrogandum dat, manifestè capite minuitur, quia caput suum in familiam & domum alienam transfert, l. pen. §. 2. de bon. poss. sec. tab. Liberos quoque, qui cum sequuntur, de quo dictum §. pen. sup. de adop. capite minui placet, quia & ipsi cum parente familiam mutant, l. 3. pr. hoc tit. Sed etsi filius famil. à patre in adoptionem detur, dicendum est eum capite minui, quia in alienam familiam transit, l. 4. §. pen. de grad. & aff. quod tamen ex constitutione Justiniani non aliter nunc contingit, quàm si à non extraneo adoptatus sit, de quo sup. §. 2. de adop. & §. antepen. sup. quib. mod. ius patr. potest.

A patre emancipatus] Emancipatos capite minui, jura agnationis & familiæ perdere, patri post emancipationem extraneos intelligi; tot locis proditum est, ut de eo dubitari non oporteat. 3 Cur autem emancipati capite minui dicantur, hanc rationem asserit Paulus d. l. 3. §. 1. hoc tit. quia in imaginariam servilem causam deducuntur. Unde plerique contendunt, hodie sublata in emancipationibus antiqua servitutis imagine, l. ult. C. de emanc. lib. §. præterea 6. sup. quib. mod. ius patr. pot. emancipatos capite non amplius minui: non magis quàm illi capite minuuntur, qui morte patris, aut accessione dignitatis sui juris fiunt, l. 1. §. ult. de senat. Mac. Nov. 81. cap. 1. Sed verendum, ne illa Pauli ratio & ipsa aliquid imaginarii habeat; certè adæquata non est. Nam primum constat, in adrogationibus nullas venditiones aut manumissiones intervenisse; & tamen adrogati liberique eorum capite minui dicebantur hoc solo, quòd familiam mutarent. Deinde si sublatis illis venditionibus emancipati capite non minuuntur; quid opus fuit, ut Anastasius liberis, qui sine isto ritu emancipantur, jura tutelarum & successionum nominatim conservaret, si parens manumissor id peteret? l. 11. C. de leg. her. Postremò si jura agnationis & familiæ non amitterentur, nisi interventu imaginarii illius contractus; necesse non erat Justinianum specialiter cavere, ut ii, quos dignitas patria potestatem eximit, eadem jura integra retinerent, d. Nov. 81. cap. 1. Quamobrem potius est, ut à familiæ mutatione rationem petamus, quod & ipse Paulus facit l. ult. hoc tit. Sic igitur sentio; etiam post venditiones illas sublatas rectè dici emancipatis contingere capitis deminutionem: propterea quòd non minus nova quàm veteri emancipatione familiam amitterent, & pro extraneis haberentur, ut ex iis, quæ jam dicta sunt, liquet. Cæterum jure novissimo, quo differentia agnationis & cognationis tum in successione, tum in tutelis penitus sublata est, Nov. 118. cap. 4. & 5. vix est, ut emancipatio inter genera capitis minutionis referri possit. VINN. Pauli ratio solida omnino videtur. Hinc quum Virgines Vestales à Pontifice caperentur: id tanquam singulare privilegium notat Gellius lib. 1. cap. 12. quod

quod capite sine emancipatione & sine capitis diminutione à patris potestate exierint. Rationes Vinnii, quibus Paullum oppugnat, non sunt maximi ponderis. Nam quod ad primam attinet, unius rei plures causæ esse possunt. Duo posteriora ex ipsis Anastasii & Justiniani legibus solvuntur. Nam quamvis si imaginarias venditiones sustulerint: voluerunt tamen, ut emancipationes Anastasiana & Justiniane ejusdem cum vetere effectus essent: perinde ac si venditiones istæ fuerint adhibitæ. HEN.

T E X T U S.

De servo manumisso.

4. Servus autem manumissus capite non minuitur: quia nullum caput habuit.

N O T A.

4. Servus capite non minuitur.] Servile caput nullum jus habet, d. l. 3. in fin. nullum jus, id est, nec familiam, nec civitatem, nec libertatem: sed demum post manumissionem hæc consequitur.

C O M M E N T A R I U S.

Servile caput nullum jus habet, & ideo nec minui potest; inquit Paulus, l. 3. in fin. eod. Quod igitur hic ait Justinianus, servum nullum caput habere; idem est ac si diceret, servum nullum jus habere aut locum in tribus illis, quæ civium propria esse diximus; libertatem inquam; civitatem; familiam: ad quæ tria in hoc tractatu capitis & status vocabula referuntur, quæ alioquin per se latius patent, & de persona servili etiam prædicantur, tit. de stat. hom. & sup. de jure pers.

T E X T U S.

De mutatione dignitatis.

5. Quibus autem dignitas magis, quam status permutatur, capite non minuitur, & ideo à Senatu motos capite non minui constat.

C O M M E N T A R I U S.

Dignitas quoque appellatione status generaliter continetur; ideoque qui Senatu vel alio ordine movetur, rectè dicitur circa statum dignitatis plecti, l. 5. §. 2. de extr. cogn. Sed quia ita moti exillimatio dumtaxat minuitur: cetera autem, quæ civem propriè constituunt, salva manent; idcirco in hoc argumento dicitur capite non minui, sed civis manere integri capitis, l. 3. ff. de senator.

T E X T U S.

Interpretatio §. ult. sup. tit. prox.

6. Quod autem dictum est, manere co-

gnationis jus etiam post capitis diminutionem; hoc ita est, si minima capitis diminutio interveniat: manet enim cognatio. Nam si maxima capitis diminutio interveniat; jus quoque cognationis perit: ut puta servitute alicujus cognati, & ne quidem si manumissus fuerit, recipit cognationem. Sed & si in insulam quis deportatus sit, cognatio solvitur.

N O T A.

6. Si minima capitis diminutio.] Ex. gr. Si L. Titius patruelis meus à patre suo emancipatus sit: agnationis jura amittimus, cognationis retinemus: & ideo ad mutuam successionem ex edicto unde cognati vocamur, §. 1. infr. de succ. cogn.

C O M M E N T A R I U S.

1. Jus sanguinis seu cognationis quod modis accipitur.
2. Manumissos non recipere cognationem servitutis amissam: at beneficio Principis restitutos recipere.

Redit Imp. ad id, quod §. ult. sup. tit. dixerat, cognationis jus non omnibus modis capitis diminutionis solvi, sicuti solvitur agnatio. Qua occasione oblata, simul de capitis diminutione, quo res ea planius intelligeretur, differendum putavit: docetque nunc, quod de cognatione dixit, eam capitis minutione non perinde ut agnationem periri, de minima accipiendum esse: maximam verò & mediam, utpote quæ mortalitati comparantur, l. verum 63. §. societas 10. pro soc. etiam intervertere jus cognationis.

Jus quoque cognationis perit.] Huic loco obviare videri potest quod dicit Pompon. l. 8. de reg. iur. Jura sanguinis nullo jure civili dirimi posse. Sed sciendum est, jure sanguinis sive cognationis bifariam accipi; vel planè naturaliter atque pro eo jure, in quo sola sanguinis conjunctio spectatur; vel pro jure, quod cognatis propter cognationem jure civili vel honorario deferretur. Illo modo si jus sanguinis accipias, nullo jure civili dirimi potest; ut ecce, jus civile efficere non potest, ut qui pater est, pater esse desinat; qui frater, desinat esse frater; ut nuptiæ inter patrem & filiam, inter fratrem & sororem constent. At posteriore modo acceptum certis personis adimi potest; ut puta potest jus civile efficere, ut ne filius patri, frater fratri certo casu succedat, aut ad bonorum possessionem unde liberi aut unde cognati vocetur. Nam hæc jura licet naturalia rectè dicantur propter rem, cui tribuuntur, quæ est naturalis cognatio: tamen quia inter cives tantum instituta sunt, etiam ad jus civile suo modo referuntur, l. 17. §. 1. de pæn. unde fit, ut etiam civili constitutione, hoc est, capitis dimi-

Deminutione, perimantur: excepta tamen ea, quæ salva civitate contingit.

2. *Ne quidem si manumissus.*] Is qui servus aliqua ratione factus est, cognationem manumissione non recipit; ac proinde ad bonorum possessionem unde cognati à Prætoribus non vocatur, leg. 1. §. 2. l. 7. unde cogn. & inf. de serv. cogn. in pr. Nam dominus quidem libertatem servo imponere potest, & jus suum remittere: jus autem cognationis, quod servitute amiserat, ei restituere non potest. Planè qui servi pœnæ effecti beneficio Principis restituuntur, etiam jus cognationis recipiunt, l. 1. §. 4. ad Trebell. l. 1. §. ult. l. 2. de bon. poss. contr. tab. Atque hoc quidem jure veteri obtinebat. Justinianus autem postea etiam libertinos ad similitudinem ingenuorum succedere voluit, §. 2. inf. de serv. cogn. & novissimè libertinos ingenuis per omnia exæquavit, excepto jure patronatus, Nov. 78.

Cognationem.] Hoc est, jus, quod propter cognationem, cum adhuc liber & in civitate esset, habebat. Cæterum ipsa cognatio aut sanguinis conjunctio servitute non extinguitur: quæ idcirco etiam nuptiis post manumissionem impedimento est, §. illud. 10. sup. de nupr.

In insulam deportatus.] Deportati quoque jura cognationis amittunt: sed à Principe restituti, per omnia pristinum statum recipiunt, §. 1. sup. quib. mod. jus pat. pot. solv.

T E X T U S.

Ad quos Agnatos tutela pertinet.

7. *Quum autem ad agnatos tutela pertineat; non simul ad omnes pertinet, sed ad eos tantum, qui proximior gradu sunt: vel si plures ejusdem gradus sunt; ad omnes pertinet: veluti si plures fratres sunt, qui*

unum gradum obtinent, pariter ad tutelam vocantur.

N O T A.

7. *Cum autem ad agnatos*] Ex Cajol. 9. D. de leg. tut.

C O M M E N T A R I U S.

Vi proximior gradu] Æquum enim est, ut illi onus tutelæ subeant, qui & ad successionem vocantur: vocantur autem soli agnati proximi, inf. de leg. agn. succ.

Ad omnes pertinet] Si plures sint agnati eodem gradu, pariter omnibus tutela defertur, l. 8. & l. 9. de leg. tut. nempe quia & ad hæreditatem omnes simul admittuntur, §. 5. inf. de leg. agn. succ. Quid ergo si aliqui ex proximioribus, vel etiam omnes mortui sint, vel capite minuti? Et quidem quamdiu unus adhuc superest, & in familia est, tutela penes eum remanet, per l. 3. §. 5. de l. tut. Cæterum si omnes decesserint, vel capite minuti sint, sequentes in tutelæ administrationem succedunt, d. l. 3. §. pen. Qua in re tutela legitima olim differbat à legitima agnatorum hæreditate, in qua placebat successionem non esse; hoc est: si proximi defecissent, in sequentium gradum non admitti, §. placebat. 7. inf. d. t. Enimverò nec in tutela semper admittitur successio: nam si proximus vel excusatus sit, vel remotus, sequentes non succedunt, sed in locum abeuntis alius à Magistratu datur, arg. d. l. 3. §. queri. 8. Idem dicendum videtur & si proximus, idoneus non sit ad tutelam gerendam, arg. §. pen. inf. de curat. l. non solum 10: §. si libertus. 7. de exc. quasi hic proximus gradus adhuc super sit. Novissima Justiniani constitutione legitima tutela cognatis juxta defertur ac agnatis, Nov. 118. c. 5. ut Platonis quoque lege cautum, ἀποδύεσθαι τὴν ἐγγύτητα ἥντιν ἐστὶν ἀπὸ τοῦ πατρὸς, lib. 11. de legib.

T I T U L U S D E C I M U S S E P T I M U S.

DE LEGITIMA PATRONORUM TUTELA.

Lib. 26. D. T. 4. Cod. lib. 5. Tit. 30.

Continuatio.

EX quatuor generibus, in quæ tutelam legitimam distribuimus, primum explicatum est; tutela agnatorum: alterum nunc sequitur, patronorum, qui & ipsi propriè legitimi tutores sunt ex ratione & mente legis 12. tab. leg. 1. l. 3. de leg. tut. junct. l. 6. §. 1. de verb. sign.

T E X T U S.

Ex ratione Leg. 12. Tab. quæ tutelam agnatis idcirco defert, quia hæredes ab in-

testato sunt, inductum est, ut patroni liberorum suorum tutelam susceperent, quæ ideo legitima dicitur. l. 3. D. de leg. tut.

Ex eadem lege duodecim tabularum, libertorum & libertarum tutela ad patronos liberosque eorum pertinet, quæ & ipsa legitima tutela vocatur: non quia nominatim in ea lege de hac tutela caveatur; sed quia perinde accepta est per interpretationem,

ac

Ne si verbis legis introducta esset. Eo enim ipso quod hereditatis libertorum libertarumque, si intestati decessissent, iusserat lex ad patronos liberosve eorum pertinere; crediderunt veteres & voluisse legem etiam tutelam ad eos pertinere: quum & agnatos, quos ad hereditatem lex vocat, eosdem & tutores esse iusserit; quia plerumque ubi successionis est emolumentum, ibi & tutela onus esse debet. Ideo autem diximus plerumque: quia si femina impubes manumittatur, ipsa ad hereditatem vocatur, quum alius sit tutor.

COMMENTARIUS.

Non quia nominatim] Lege 12. tab. patronis tutela defertur, non propalam aut nominatim & disertis verbis, quemadmodum agnatos lex vocat, sed per consequentias hereditatum, quæ ex ipsa lege patronis datæ sunt, l. 3. pr. de leg. tut. Ulp. de tutel. §. 2.

Per interpretationem] Prudentum scilicet, quibus permixtum erat leges publicè interpretari, & consulentibus de jure respondere, §. responsa prudentum, 8. sup. de jur. nat. gent. & civ. l. 2. §. his leg. §. de orig. jur.

Parinde accepta est] Verbum ac legibus, ait Ulp. sic accipiendum est, tam ex legum sententia, quam ex verbis, l. 6. §. 1. de verb. sign. Et Celsus; Scire leges, inquit, non est verba earum tenere, sed vim ac potestatem, l. ferre. 17. de legib.

Ubi successionis est emolumentum] Prudentum collectio fuit, patronos ideo ad tutelam libertorum à lege vocari, quia vocantur ad eorum intestatorum hereditatem, hoc argumento, quod non aliam ob causam tutela agnatis delata fuit, quam quod & ipsos ad hereditatem lex vocasset, l. 1. de l. tut. Rectè & naturæ juris convenienter, quo comparatum est, ut incommoda cujusque rei cum sequantur, quem sequuntur commoda, l. 10. de reg. jur. leg. un. §. pro secundo. 4. Cod. de ead. toll.

A femina manumittatur] Interdum alibi est hereditas, alibi tutela: quod fit, cum illi, qui ad hereditatem vocantur, non sunt idonei ad tutelam administrandam; ut puta si femina manumiserit, aut consanguinea sit pupillo, d. l. 1. §. 1. quippe tutela virile munus est, l. 16. l. ult. de tutel. l. 2. de reg. jur. Excipiuntur mater & avia, quibus liberorum suorum tutelam gerere tamdiu permittitur, donec ad secundas nuptias transierint: tamen conditione, ut inter gesta Senatusconsulti Vellejani auxilio renuntient, auct. matr. & avia cum auct. seq. C. quand. mul. off. tut.

TITULUS DECIMUS OCTAVUS. DE LEGITIMA PARENTUM TUTELA.

TEXTUS.

Exemplo patronorum recepta est & alia tutela, quæ & ipsa legitima vocatur: nam si quis filium aut filiam, nepotem aut neptem ex filio, & deinceps impuberes emancipaverit, legitimus eorum tutor erit.

COMMENTARIUS.

Tertia species tutelæ legitimæ parentum est, qui liberos impuberes contracta fiducia emancipant: id quod ex constitutione Justiniani semper fieri intelligitur, §. ult. de leg. agn. succ. l. ult. C. de emanc. lib. repete quæ notavimus ad §. præterea. 6. sup. quib. mod. ius pat. pos. Hæc autem tutela non eodem modo per interpretationem legis 12. tab. introducta est, quo

præcedens illa patronorum: neque enim ut lex patronos ad successionem libertorum vocat, ita & vocat parentes ad successionem liberorum emancipatorum; unde Ulpianus hanc tutelam non legitimam, sed fiduciariam appellat, l. ult. de tutel. §. 4. Cæterum quia ad similitudinem tutelæ patronorum jure civili introducta est, eo quod parens, qui filium manumittit, patroni personam induit, atque ob hoc ad legitimam filii, qui liberti patitur exitum, l. 1. si a par. quis man. hereditatem vocatur, l. 10. de suis & legit. l. 2. C. ad sen. Tert. §. ult. inf. de leg. agn. succ. obtinuit, ut etiam hæc tutela legitima potius diceretur quam fiduciaria: quasi & ipsa ad rationem legis duodecim tab. pertineret; quam etiam ob causam parens manumissor vicem dicitur legitimi tutoris sustinere, l. 3. in fin. de leg. tut.

TITULUS DECIMUS NONUS. DE FIDUCIARIA TUTELA.

TEXTUS.

Filiisfam. à patre manumissi pater tutor est legitimus: eo verò defuncto, frater tutor fiduciarius existit.

Est & alia tutela, quæ fiduciaria appel-

latur; nam si parens filium, vel filiam, nepotem, vel neptem, vel deinceps impuberes manumiserit, legitimam nanciscitur eorum tutelam. Quo defuncto, si liberi ejus virilis sexus existant, fiduciarii tutores filiorum suorum, vel fratris, vel sororis, vel

vel ceterorum efficiuntur. Atqui patrono legitimo tutore mortuo, liberi quoque ejus legitimi sunt tutores, quoniam filius quidem defuncti, si non esset à vivo patre emancipatus, post obitum ejus sui juris efficeretur, nec in fratrum potestatem recideret, ideoque nec in tutelam. Libertus autem, si servus mansisset, utique eodem jure apud liberos domini post mortem ejus futurus esset. Ita tamen hi ad tutelam vocantur, si perfectæ sint ætatis: quod nostra constitutio in omnibus tutelis & curationibus observari generaliter præcepit.

NOTÆ.

Filiorum suorum] Igitur & pater filii sui ab avo emancipati, contra quam existimant Cujac. Hotom. & Fabrot. Nam cum ad patrem quantumvis hæredem jus patronatus, quod avus in nepote habuit, non transeat, l. 1. §. 1. si à par. man. nec tutela, cui jus illud causam dedit, transire potest; consule Bacch. & nostra hic in Comm.

Si perfectæ sint ætatis] Vid. Bacch. ad §. 13. in f. de excusat. tut.

COMMENTARIUS.

Generali tutelæ legitimæ appellatione etiam fiduciariam complexi sumus sup. de leg. agn. tut. quia & ipsa vicem quadantenus legitimæ sustinet: ut enim tutores legitimi, ita & fiduciarii ipso jure tutores sunt, & excludunt Attilianos; unde & permixtè iisdem locis, quibus de legitimis tutoribus disputatur, etiam de fiduciariis quaeritur; ut hic & in Pand. l. 4. Cæterum quia hæc tutela nulla interpretatione referri potest ad legem duodecim tabularum; ideo non legitima, sed peculiari nomine fiduciaria appellata est: haud dubiè per abusionem vocabuli, quod cum in patre, cui alioqui soli id propriè convenit, non valuisse, ad liberos ejus quasi hæreditarium translatum est, inopia alterius nominis; ut rectè conficit D. Hotom. VINN. Propriè fiduciaria tutela fuit, quam per similitudinem patroni suscipiebat pater naturalis, qui remanipati sibi ab emptore filium manumiserat. Ulp. sis. XI. §. 5. Adeoque hoc nomen ei tutelæ competeat, quam superiore titulo legitimam parentum tutelam vocat Justinianus. Et sanè quum contractus fiduciæ inter patrem naturalem, & fiduciarium intercederet; vix excogitari potest ratio, cur fratrum potius tutela, quam parentum, vocanda sit fiduciaria. Cæterum hæc tutela non minus ex Interpretatione Legis XII. tabularum fuit, quam illa. Pater enim emancipans veluti patronus est, ergo frater emancipati patroni filius. Ergo ad eundem, mortuo patre, tutela pertinet. HEIN.

Filiorum suorum, vel fratris, vel sororis, vel ceterorum] Observandum hic est, tres fiducia-
Vinnius in Instit.

ria tutelæ quasi gradus à Justiniano poni, quorum primus est filiorum; alter fratris vel sororis; tertius ceterorum. Non igitur frater tantum fratris emancipati, aut patruus fratris filii, defuncto patre suo emancipatore & tutore legitimo, fiduciarii tutores sunt: sed etiam ipse pater filii sui ab avo emancipati, eo mortuo, non legitimus ut avus, sed fiduciarius tutor erit: contra quam Hotom. & Myns. existimant. Cur autem ne hic quidem legitimus sit; mox intelligitur.

Atqui patrono] Πάτρις. Videri enim poterat dicendum esse, hosce omnes esse tutores legitimos exemplo liberorum patroni, qui patrono legitimo tutore mortuo, legitimi sunt tutores liberti. Sed exemplum hoc dissimile est. Nam lex duodecim tab. non modò patronos, verum etiam liberos eorum ad legitimam successionem liberorum vocat, & consequenter etiam ad tutelam; eadem videlicet ratione, qua vocantur patroni. Pater autem aut frater filii sui aut fratris ab avo vel pater emancipati legitimi hæredes non sunt: nec igitur legitimi tutores, l. 1. unde legis. l. 5. unde cogn. Atque hæc ratio generalis est pertinens ad omnes personas, quas enumeravimus. Aliam etiam mox reddit Justinianus.

Quoniam filius quidem] His verbis occurritur propositæ objectioni. Ratio autem diverſi juris, quam hic Justinianus affert, particularis est, & claudicare videtur in nepote ab avo emancipato. Etenim nepos, si emancipatus non fuisset, post mortem avi in potestatem patris sui in potestate retenti recidisset; ideoque ex ratione Justiniani etiam in legitimam patris sui tutelam post mortem avi recidere debet. Nisi dicamus, in eo adhuc differentiam esse, quod ad liberos patroni jus patronatus jure hæreditario redit, ac proinde & tutela legitima, quæ jus illud sequitur; prorsus ut libertus, si servus mansisset, post mortem domini in potestatem liberorum ejus hæreditate pervenisset. At liberi non jure successionis, sed proprio patris jure in potestatem ejus recidunt: quippe qui & exhæredatus eandem potestatem retineat: neque ad patrem quantumvis hæredem jus patronatus, quod avus in nepote habuit, transit per l. 1. §. pen. si à par. quis man. ut mirum non sit, cum non succedere in tutelam, qui non succedit in jus patroni, aut in potestatem, quæ tutelæ causam dedit. Rectè autem hic notant Interpp. fiduciarios tutores esse defuisse, ex quo fratres emancipati ad legitimam fratrum tutelam ab Anastasio vocati sunt, l. 4. C. de legis. tut. Maximè verò jure novissimo, quo juris agnatici & cognatici discrimen hac in parte penitus sublatum est. Nov. 118. cap. 4. & 5.

Nec in tutelam] Subaudi, legitimam emancipatus recidit. Alioqui perspicuè falsum esset: nam ex fratribus in potestate retentis, patre mortuo, qui eorum ætatis perfectæ est, alterius fratris legitimus fit tutor. D. Hotomannus putat, totum hoc adventitium esse, atque à Glossatore annotatum.

H

Perfe-

Perfetta etas] l. ult. §. 4. C. de leg. her. Etatem autem perfectam appellat, qua completur virilis vigor, nempe annorum quinque & viginti, l. 1. §. 2. de min. l. 4. §. 8. de leg. sut. l. ult. C. cod. l. ult. C. de his

qui ven. etat. Quæ notat Cujacius, & Pacius exscripsit, olim ita jus fuisse, ut minores 25. annis legitimi & dativi tutores fierent &c. falsa esse ostendimus inf. de excus. §. item major. 13.

TITULUS VIGESIMUS.

DE ATTILIANO TUTORE, ET EO, QUI EX LEGE JULIA ET TITIA DABATUR.

D. Lib. 26. Tit. 5. C. Lib. 5. Tit. 34. & 36.

Continuatio & summa Tituli.

Progređitur nunc Imp. ad tertiam tutelæ speciem, nempe dativam sive Attilianam, cujus postrema ratio est; docetque, quibus ex legibus; à quo Magistratu; & quando tutores dentur. Postremo nonnihil attexit, quod ad tutores omnes & officium eorum in universum pertinet.

TEXTUS.

Jus antiquum, si nullus sit tutor.

Si cui nullus omnino tutor fuerat, ei dabatur in urbe quidem à Prætore urbano, & majore parte Tribunorum plebis tutor ex lege Attilia: in Provinciis vero à Præsidiibus provinciarum ex lege Julia & Titia.

NOTÆ.

Ex lege Attilia] Duo hîc notanda 1. jus dandi tutores non competere Magistratui vi suæ jurisdictionis, sed ex speciali legis concessione, l. 6. §. 2. D. de tut. 2. lege Attilia sublatum in hac causa fuisse jus intercedendi collegarum. Hotom.

Leges Julia & Titia] Unica hæc lex fuit, ut lex Julia & Papia; & quando aut à quibus lata sit, parum constat. VINN. Immo constat satis, eam legem latam esse anno V. C. 722. Cæsare Aug. III. & M. Titio. Coff. Vid. H. Vales. ad Excerpta Feiresc. p. 61. Attilianam contra anno 443. à L. Attilio Regulo, Tribuno plebis, [vid. Liv. lib. 9. cap. 30.] latam esse, demonstravimus in antiqu. Rom. h. 1. §. 9. HEIN.

COMMENTARIUS.

Nullus omnino] Neque testamentarius, neque legitimus, aut qui sub illis continetur, à Magistratu confirmandus & fiduciarius. Atque hæc species ex duabus summis, quæ locum Attiliano tutori faciunt, prima est. Altera est in §. 1. hujus ejusdem tituli. Dux autem causæ in hoc principio indicantur, quas ad constitutionem hujus tutelæ concurrere oportet: una

est remotior; nimirum leges Attilia, Julia & Titia, quæ quando aut à quibus latæ, parum constat: altera propinqua est; videlicet factum Magistratus, cui ex istis legibus jus dandi tutores competit; ut in urbe Prætori cum Tribunis plebis, in provinciis Præsidiibus earum. Unde dicimus, eos solos jus dandi tutores habere, quibus id nominatim lege aliqua concessum est, l. 6. §. 2. de tut.

Majore parte Tribunorum] id est, sex: erant enim decem, l. 2. §. 34. de orig. jur. Liv. lib. 3. cap. 30. Halicar. lib. 6. Hoc autem non sic accipiendum est, quasi Prætor unâ cum sex tribunis quem vellet tutorem dederit; sed quodd cum omnes Tribuni adhiberentur, ex sententia tamen majoris partis tutor creandus esset, sublato in hac causa jure intercedendi collegarum: cum alioquin vel unius è collegis intercessione impediri potuisset quod ceteri decrevisset, ut rectè hîc monet D. Hotom. & passim testatur Livius.

TEXTUS.

Si spes sit futuri tutoris Testamentarii.

1. *Sed etsi in testamento tutor sub conditione, aut ex die certo datus fuerat; quamdiu conditio, aut dies pendeat, ex iisdem legibus tutor alius interim dari poterat. Item si purè datus fuerat; quamdiu ex testamento nemo heres existeret, tandiu ex eisdem legibus tutor petendus erat: quid sinebat esse tutor, si conditio extiterat, aut dies venerat, aut heres extiterat.*

COMMENTARIUS.

- 1 Tutor ex certo die testamento datus cur statim non fiat tutor.
- 2 Cur placeat testamentariam tutelam in suspensio esse, quamdiu nemo heres ex testamento existit.
- 3 Quibus casibus accidas, ut inter mortem testatoris & aditionem hereditatis plusculum temporis intercedat.

4 Ali-

4 *Aliquando etiam ad adeundam hereditatem impuberi tutorem à Magistratu dandum.*

Hic alter casus proponitur, quo tutor à Magistratu datur; nempe si is, qui testamento datus est, impediatur, quominus in presentia tutelam capefferat. Sic enim in universum jus est, ut quamdiu speratur tutela testamentaria, legitima cesset, l. 11. de test. tut. Impedimenta hæc quatuor ex causis potissimum oriuntur; vel quod tutor testamento datus sit sub conditione; vel quod ex certo die; vel quod hæres institutus aditionem hereditatis protrahat; vel denique quod qui testamento datus est, ab hostibus captus sit, de quo § seq.

Sub conditione aut ex certo die] Ex d. l. 11. de test. tut. De conditione res certa est: quippe quæ actus omnes suspendit, §. 4. inf. de verb. obl. Dies quoque incertus pro conditione est, l. 1. §. 2. l. dies 75. de cond. & dem. De certo die iusta esse poterat dubitandi ratio. Nam sicut obligationi dies certus adiectus non impedit, quominus quod promissum est, presenti die debeat, §. 2. inf. de verb. oblig. ita & tutor ex die datus videri poterat statim tutor esse, ut jam alius tutor dari non posset propter regulam traditam §. pen. inf. de curat. Sed claudicat comparatio. Quippe ratio non patitur ut dicamus, eum tutorem esse, in quem nihil juris ante diem testator collatum voluit.

- 2 *Nemo hæres existeret*] Hoc idem traditur in l. 10. pr. de test. tut. & ratio est, quia quamdiu pendet aditio hereditatis, tamdiu quoque in suspensio sunt omnia, quæ in testamento scripta sunt; atque ut adita demum hereditate confirmantur; ita ea non adita una cum testamento corruunt, l. 9. d. tut. Potest autem fieri, ut inter mortem testatoris & aditionem hereditatis plusculum temporis intercedat, vel quod hæres sub conditione institutus sit, vel quod diebus cretionum aut jure deliberandi utatur. Cæterum hæc ad eum dumtaxat casum referri posse videntur, quo confirmatio testamenti pendet ab aditione hæredis instituti. Nam si filium impuberem, quem in potestate pater habet, tutore dato, simul hæredem instituit; is ut suus hæres & necessarius ipso jure hereditatem capit, §. 2. inf. de hæ. qual. Atque ut statim post mortem patris & ipso jure hæres existit, ita & tutela hoc ipso statim confirmatur, cum, ut Jo. Faber. loquitur, fuitas pro aditione sit, l. 14. de suis & leg. quod latius persequitur An. Fab. Jurispr. tit. qui test. tut. pr. 1. ill. 13. At si pater, patrem filio impubere cui tutorem dedit, exheredato, extraneum hæredem instituisse; dum hæres de adeunda hereditate deliberat; alius interim tutor à Magistratu petendus erit. Idem dicendum est, si pater filio emancipato, sive exheredato, sive præterito tutorem dederit: nam & confirmandus pro testamentario est. Necesse est autem prius testamentum confirmari aditione hereditatis, quam à Prætoris confirmetur, qui tutor datus est. Sed & si

pater filio emancipato hæredi instituto, aut mater liberis, aut extranei extraneis item hæredibus institutis tutorem dederint; adhuc à Magistratu tutor dandus est ad adeundam hereditatem, quoniam curatoris auctoritas ad hoc inutilis est, l. 9. de tut. dat. l. 19. de auct. tut. l. 17. §. 1. de appell. Verum hujusmodi species non videtur ad propositum pertinere, propterea quod Justinianus hic agit de tutore non ad unum aliquem actum, sed simpliciter dando.

Qui desinebat esse tutor] Pertinebat hoc ad modos, quibus finitur tutela Attiliana; de quibus agitur in §. 2. & pen. inf. quib. modis tut. finitur.

TEXTUS.

Si tutor ab hostibus sit captus.

2. *Ab hostibus quoque tutore capto, ex his legibus tutor petebatur; qui desinebat esse tutor, si is, qui captus erat, in civitatem reversus fuerat. Nam reversus recipiebat tutelam jure postliminii.*

COMMENTARIUS.

Ab hostibus capto] Idemque erat, si tutor legitimus apud hostes esset, l. 1. §. 2. de legit. tut. Nam propter incertum eventum tutoris redituri, quo plenius pupillo prospiceretur, tutorem potius quam curatorem dari placuit, arg. l. 17. §. 1. de appell.

Recipiebat tutelam] At quid si tutor captus apud hostes decesserit? Legitimus nimirum, hoc est, agnatus proximus tutelam in prætorio tutore finitam excipiet, arg. l. 9. §. 2. de tut. & rat. distr. l. 11. §. 1. de test. tut. Quæ ratione dicendum est, etiam legitimo tutore capto, atque apud hostes mortuo, eum, qui interim à Magistratu datus erat, tutorem esse desinere, atque ad insequentis gradus agnatos tutelam reverti.

TEXTUS.

Quanto & cur desierint ex dictis legibus tutores dari.

3 *Sed ex his legibus tutores pupillis desierunt dari, posteaquam primò Consules pupillis utriusque sexus tutores ex inquisitione dare ceperunt; deinde Prætores ex constitutionibus. Nam supradictis legibus, neque de cautione à tutoribus exigenda rem pupillis salvam fore; neque de compellendis tutoribus ad tutelæ administrationem quicquam cavebatur.*

NOTA.

3. *Primò Consules*] Quod à Claudio Cæsare institutum tradit Svet. cap. 23. Plin. 9. ep. 13. datum se à Consulibus tutorem Helvidii filia.

Ex inquisitione] Apud Theoph. vulgo legitur jurisdictionem; ad quem modum etiam Hottom.

tom. locum emendat: sed perperam, & in Mss. Th. est *inuniversaria*, teste Fabrot.

Prætores] Scil. soli absque Tribunis. Præto-rem tutelarem primus fecit M. Antonius Philos. Capitolinus in ejus vit. cap. 10.

Neque de cautione] Vid. inf. de satisf. tut. pr. & §. 3.

COMMENTARIUS.

1 *Que sit ratio cogendi tutores ad tutelam capessendam.*

Primo Consules] Primus Imperator Claudius, auctore Tranquillo, sanxit, ut pupillis extra ordinem à Consulibus tutores darentur. Quod jus videntur Consules aliquando etiam usurpasse, cum jam tutorum creatio ad curam Prætoris potissime pertineret: arguit certe id locus Modestini in l. 1. §. 1. de conf. tut. in verbis, *in t. n. utriusque iustitiae*.

Ex inquisitione] D. Hotom. reponit, *ex inquisitione*; quomodo etiam legisse videtur Theophilus, qui vertit *extra jurisdictionem*. Et sanè probabile non est, antea temere & sine ulla inquisitione tutores dari potuisse: quamquam necesse non est, textum ob id mutare; nam fortassis constitutionibus demum ratio inquirendi certo definita est. Discimus autem ex Modestino, quatuor potissimum in rebus eam consistere, ut inquiretur tutor creandus sitne vitæ frugi, & honestis moribus? sitne locuples? num se ingerere voluerit, ut crearetur? denique num pecunia data tutelam ambiat? l. scire oportet. 21. §. ult. de tut. & cur. dat.

Prætores ex constitutionibus] Jul. Capitolinus cap. 10. hoc tribuit M. Antonino Philosopho: *Prætores*, inquit, *tutelarem primus fecit*, cum ante tutores à Consulibus poscerentur, ut de tutoribus diligentius tractaretur. Atque hic iterum observandum, neque Consules, neque Prætores vi imperii aut Magistratus sui jus dandi tutores habuisse; sed tum demum habere cepisse, postquam id iis specialiter datum est constitutionibus Principum.

Nam supradictis legibus] Duplicem causam affert, cur tandem ex legibus Atrilia, Julia, & Titia tutores amplius dari non placuerit: una est, quia istis legibus nihil cavebatur de satisfactione à tutoribus exigenda, rem pupilli salvam fore: altera, quia nihil definiebant de compellendis tutoribus ad tutelæ administrationem: quod utrumque factum est constitutionibus. Neutrum autem proprium est hujus generis tutorum: nam cautio vel maximè ad legitimos pertinet, ut videbimus inf. de satisf. tut. Coactio verò omnium tutorum communis est. Coguntur autem extra ordinem remediis prætoris, videlicet mulæ ditione, aut capitis pignoribus, l. 1. de adm. tut. l. 3. C. de susp. tut. l. 9. de mun. & hon. §. pen. inf. de satisf. tut. Nostriis moribus certo loco addici solent cautionæ, sive diversoria, quæ forma compellendi & exequendi Fyslinge voca-

tur, & apud nos usitata est in præstatione facti; vid. art. 31. ord. just. & art. 14. cum 2. seqq. amp. Inst. cur. Compelli tamen & alia paratæ sive præsentaneæ executionis via possunt, si hoc consultius videbitur, art. 11. statut. Rhinland.

TEXTUS.

Jus Novum.

4. *Sed hoc jure utimur: ut Roma quidem Præfectus urbi, vel Prætor secundum suam jurisdictionem; in provinciis autem Præsides ex inquisitione tutores crearent, vel Magistratus jussu Præsidentum, si non sint magna pupilli facultates.*

NOTÆ.

4. *Secundum suam jurisdictionem*] Prætoris imperium muris urbis definiebatur, Præfecti urbis usque ad centesimum lapidem, l. 1. §. 1. de off. præf. urb.

Præsides] Hoc nomine hic videntur intelligi omnes, qui provincias regunt, non soli legati Cæsaribus, l. 1. D. de off. præf. junct. l. 1. D. de tut. dat.

Ex inquisitione] Quæ quibus in rebus consistat, docet Mod. l. 21. §. pen. & ultim. de tut. dat.

Magistratus] Intellige municipales, l. 3. d. tit. l. 2. §. 23. D. ad sen. Tersyll. Græci *ἀρχαῖς* appellant. Theoph. & Basil.

COMMENTARIUS.

1 *Jure Magistratus quæ competere dicantur, & quæ specialiter tribuantur.*

2 *Ea quæ jure Magistratus competunt, mandata jurisdictione transire: specialiter concessa non item.*

3 *Vocabulo jurisdictionis latè sumpto, etiam ea, quæ specialiter tribuuntur, non absurdè en referri.*

Præfectus urbi] Qua primùm lege tutoris dandi potestas Præfecto urbis data sit, non meminimus legisse: datam tamen constat, l. Titius 45. §. Roma. 3. de excus. l. 1. C. de tut. illust. Olim hic Magistratus juri dicundo constituebatur ad tempus, Regibus aut Magistratibus urbis profectis. Post cæpit constitui ad paucos dies tantum: quoad solemne sacrum feriarum Latinarum peractum esset. Primus Augustus præfecturam urbanam perpetuam fecit, teste Tacito 6. annal. cap. 10. 11. Auxilium deinde potestatem Præfecti Divus Severus, dataque ei cognitio de omnibus criminibus, non tantum in urbe, sed etiam in Italia, usque ad centesimum ab urbe lapidem, l. 1. de off. præf. urb. Consulatur Gruch. 2. de comit. 2. VINN. Immo jam ab Augusti temporibus cognitio aliqua de criminibus penes Præfectum prætorio fuisse videtur: Id enim velle puto Tacitum. l. c. verbis: *qui coerceret ferissia, & quod civium audacia turbidum, nisi vim metus*. Mox pleraque crimina à Præfecto

Ad urbem vindicata. Idem enim Tacitus *lib. 14. Annal. c. 41.* auctor est, Valerium Ponticum ignominia relegationis adfectum. quod reos. ne apud praefectum urbi arguerentur, ad Praetorem detulisset. *conf. Tacit. Hist. lib. 2. cap. 63. sequ. Dosithe. Epist. Hadr. cap. 7.* Unde Severus territorium tantum hujus jurisdictionis ad centesimum ab urbe lapidem protulisse videtur. HEIN.

Secundum jurisdictionem] Quod semel atque iterum in transitu diximus, tutoris dationem Magistratui non competere jure sui Magistratus, aut vi jurisdictionis, quam habet, sed ex speciali concessione vel legis vel Principis; id operae pretium est explicatius considerari: ita enim plane intelligimus, quid his verbis, *secundum jurisdictionem suam*, Justinianus significet; & simul utrum mandata jurisdictione, jus dandi tutores transeat, nec ne. Jure Magistratus competere proprie dicuntur, quae quisque Magistratus ex natura officii sui habet, sive ob id, quod propterea initio creatus est. Igitur quae Praetor habet ut Praetor, Praeses ut praeses, &c. jure sui Magistratus habere dicuntur Verbi causa, Praetor initio constitutus est ad hoc, ut in urbe juri dicundo praesset, *l. 1. §. cumque consules 27. de orig. jur.* Praetori igitur jure Magistratus sui competit jurisdictione & imperium, quod jurisdictioni cohaeret, in causis, de quibus, & inter personas, quibus jus reddere jussus est. His opponuntur quae specialiter lege aliqua vel constitutione Magistratui postea tributa sunt, *l. 1. de off. eius cui mand. cujusmodi est imperium, quod dicitur merum, d. l. 1. item actiones legis, quae in specie sic appellantur, ut adoptio, emancipatio, manumissio, arg. l. 2. §. 1. de off. praef. l. 1. de off. jur. d. l. 1. C. de adop. Paul. 2. sens. 25.* atque hujus quoque generis est tutoris datio, *l. 6. §. 2. de tutel.* Ex quo loco apparet, lege concedi non tantum ea dici, quae in causis singulis specialiter singulis conceduntur; puta Titio aut Mavio: sed etiam quae in universum tribuuntur, & sub nomine officii, puta Praetori, Praefidi, &c. Quae jure Magistratus competunt, natura sua insunt jurisdictioni, & ideo mandata jurisdictione transeunt; quae autem specialiter Magistratui concessa sunt, non transeunt; quia ea non ex natura officii sui habet, sed ex nova & adventita auctoritate, quae ad officium & jurisdictionem Magistratus, cui tributa sunt, necessario non pertinet, *l. 1. de off. eius cui mand. l. 8. de tut. & cur. dat. d. l. 2. §. 3. de off. praef. Ceterum si latius verbum jurisdictionis, aut haec verba, jure Magistratus, accipias, etiam ea, quae ita, uti diximus, Magistratui specialiter concessa sunt, ad officium ejus aut jurisdictionem pertinere haud absurdè dixeris, arg. l. 1. de jurisd. l. 3. pr. de pof. l. 3. §. 5. ind. sol. d. l. 2. §. 1. de off. praef. utique accessione novae auctoritatis plenius atque audacius officium ejus factum est. In latiori autem hac significatione accipiendum, quod hic dicitur, *secundum jurisdictionem*: quamquam haec verba & aliam interpretationem satis commodam admittunt; nimirum ut intelligamus, Praetorem non alio in loco tutorem*

Vinnius Instituit.

dare posse, quam in quo jurisdictionem habet, neque aliis personis, quam quae jurisdictioni ejus subiectae sunt, per *l. 1. in fin. l. 3. de tut. dat. l. ult. de jurisd. ut secundum jurisdictionem suam idem valeat, quod secundum territorium jurisdictionis suae*: puta Romae dumtaxat, aut in vicinis urbi municipiis, arg. *l. 5. de confirm. uni. D. Tulden. hie c. 3. post Mynf. & alios.*

Praefides, Generali nomine Praefidis & Proconsul & praefectus Aegypti, omnesque, qui provincias regunt, appellantur, *l. 1. de off. praef.* quibus item omnibus tutores dare permissum est, *l. 1. de tut. & cur. dat.* Specialiter autem Praefides dicuntur, qui alias legati Caesaris, *l. pen. ff. de ff. praef. nimirum qui mittebantur in provincias Principis, seu eas, quas Principes sibi reservaverant. De quo vid. Dion. lib. 53. Sueton. in Aug. cap. 47.*

Magistratus jussu Praefidis] Hoc non ita accipiendum est, quasi vi hujus jussus aut mandati Magistratus municipales tutores dare poterint: (nam iis quoque hoc jus specialiter datum est, *l. 3. de tut. dat.*) sed ideo dicitur, quia non ante hoc jus usurpare poterant, quam rem ad Praefidem, cujus primae partes erant, detulissent, isque eam, quod forte aliis negotiis avocaretur, nec magnae essent pupilli facultates, ad eos remisisset, *l. 1. §. si praef. 3. §. si curatores. 5. de mag. conv.* Nec admodum dissimile est exemplum Legati Proconsulis, qui mandata demum à Proconsule jurisdictione tutorem dare potest, *l. 13. junct. l. pen. de off. praef. nec tamen propter mandatam jurisdictionem, sed quia id ei specialiter datum est oratione Divi Marci, l. 1. §. 1. de tut. dat. ea nuncpe lege, ut id demum exercere possit, postquam ei mandata est jurisdictione, ut illa jurisdictionis delegatio tantum sit necessarium antecedens & causa sine qua non. VINN Mandari non poterat tutoris datio. Diserte enim Ulpianus *l. 8. ff. de tut. & cur. dat. Nec mandante praefide alius tutorem dare potest.* Unde rectè Vinnius ait, suo proprio jure magistratus municipales tutores dedisse, quia id illis concessum oratione D. Marci *l. 3. ff. eod.* at non simpliciter, sed si à Praefide tutorem dare jussi sint. Rem omnem praclare exposuit. V. C. Ger. Nood. de Jurisd. lib. 2. cap. 8. p. 127. HEIN.*

TEXTUS.

Jus Novissimum.

5. Nos autem per constitutionem nostram hujusmodi difficultates hominum refecantes, nec expectata jussione Praefidis, disposuimus, si facultates pupilli, vel adulti usque ad quingentos solidos valeant, defensores civitatum una cum ejusdem civitatis religiosissimo Antistite, vel alias personas publicas, id est, Magistratus, vel Juridicum Alexandrinae civitatis, tutores vel curatores creare: legitima cautela secundum ejusdem constitutionis normam praestanda; videlicet eorum periculo, qui eam accipiunt.

H 3

N o-

NOTÆ.

5. *Constitutionem*] Intelligit l. 30. Cod. de Episc. aud.

Quingentos solidos] Quod si pupilli majores sint quingentenariis; à Præsidibus dabitur tutor.

Defensores civitatum] De defensoribus civitatum vid. lib. 1. Cod. tit. 55. Nov. 15. *ὁ δὲ ἄνδρ' ἀνδρῶν*, Alc. 3. disp. 5.

Religiosissimo Anistite] *Εὐλαβιστὸς τῶν θεῶν*. Th. in constitutione, *δυναμισταῖς*, Deo charissimo.

Invidicum] Cui etiam olim data est legis actio, & jus tutores dandi, l. 1. §. 2. de off. jurid. *ἀντιδικτὸς* exponitur in Basil.

COMMENTARIUS.

Quod jure veteri obtinebat, ut Magistratus municipales non aliter recte tutores crearent, quam si id facere à præside jussi aut moniti essent; id ex parte à Justiniano mutatum est, constitutumque, ut si pupilli facultates non excedant summam 500. solidorum, liceat Magistratibus cum civitatis Episcopo tutores creare, Præsidis jussu non expectato, l. *sancimus* 30. C. de episc. aud. Ergo si majores sint pupilli facultates, jussu Præsidis, ut ante, expectandus erit.

Quingentos solidos] Solidum idem esse quod aureum, ex innumeris locis patet. Aureus centum continet valetque sestertios. Ergo quingenti aurei, sive solidi efficiunt quinquaginta H. S. millia; nostræ monetæ Carolenos bis mille quingentos. Vid. Brissou. & Hotoman. in *comm. de verb. sign.* Ex professo autem hanc rem tractant Budæus de *ass.*, & item Hotom. de *re nummaria*.

Vel alias publicas personas] Id est, Magistratus, quos singulæ civitates more suo, atque instituto habent. Cujacius scribit, constitutionem Justiniani exigere, ut legamus, vel aliis publicis personis, vel Magistratibus.

Invidicum Alexandrinæ civitatis] Cui etiam jam ante jus tutores dandi constitutione D. Marci datum fuit, l. 2. de off. jurid. & generaliter legis actio, l. 1. eod. tit.

Eorum periculo] Magistratuum nimirum minorum, quorum jam facta est mentio. Hi enim ut satisfactionem exigebant, ita & pupillis in subsidium tenebantur, *sic. de mag. conv.* §. 52. & ult. *inf. de satisf. tut.* quod nunc fere abiit in consuetudinem, ut illic notamus.

TEXTUS.

Ratio Tutelæ.

6. *Inpuberes autem in tutela esse naturali juri conveniens est: ut is, qui perfecta ætatis non sit, alterius tutela regatur.*

NOTÆ.

6. *Juri nature*] Tutela ortum à jure naturali sumptis: quippe cui juri omnino consentaneum

ut alterius prudentia regatur, qui ipse se defendere non potest. Cic. 1. de off. cap. 34. Incrementum autem & formam à jure civili.

COMMENTARIUS.

Tutela ex eorum numero est, quæ in genere & quasi in abstracto considerata, sunt juris gentium; in specie & concreto juris civilis. Nam ut ineuntis ætatis inscitia atque imbecillitas alterius provectionis prudentia atque arbitrio constituatur ac gubernetur, juri naturali conveniens est; Cic. 1. de off. cap. 34. Arist. 1. pol. quod & apud omnes gentes procul dubio observatur. At forma regendi, qualitas personæ tutoris, ejusque constituendi modus, potestatis, quam habet, circumscriptio; hæc omnia sunt juris civilis, prout quæque civitas ordinaverit.

Perfecta ætatis non sit] In calce §. ult. præc. cit. notavimus, perfectam ætatem in jure civili eam plerumque dici, quæ est annorum 25. Hic autem pinguius, non esse perfectæ ætatis, accipitur pro non esse puberem: quamquam etiam ad puberes minores 25. annis, quod hic dicitur, quadrare potest.

TEXTUS.

De tutelæ ratione reddenda.

7. *Quum ergo pupillorum pupillarumque tutores negotia gerant; post pubertatem tutela judicio rationem reddunt.*

NOTÆ.

7. *Post pubertatem*] Vel alio modo tutela finita, tit. D. de tut. & rat. distr. nisi autem finita sit tutela, tutelæ agi non potest, l. 4. pr. l. 9. §. 4. d. tit.

COMMENTARIUS.

1. *Moribus nostris tutores etiam singulis annis rationem reddere administrationis suæ.*

Hic locus obiter tutores admonet officii sui atque administrationis: quod in Pand. & C. copiosè explicatur *sic. de adm. tut. add. Grot. 1. man. 1. ar. 21. & seqq. statut. Rhynland.*

Post pubertatem] Quippe tutelæ agi non potest, nisi tutela finita sit, l. 4. de tut. & rat. distr. ejusque rei hanc rationem reddit Ulp. l. 9. §. & generaliter. 4. eod. i. quod absurdum sit, à tutore rationem administrationis negotiorum pupilli reposci, in qua adhuc perseverat: quam ob causam nec à curatore rationes curæ administratæ durante officio actione utili sive tutelæ sive negotiorum gestorum exigi possunt, l. 2. l. rationes 14. C. de adm. tut. Hoc dissimile est, quod curatores durante adhuc ratione singularum rerum nomine conveniri possunt, l. 16. §. 1. de tut. & rat. distr. l. cum curatore 26. de adm. tut. l. 1. §. 3. in fin. de cont. tut. aff.

Tu-

Tutela iudicio In omnibus, quæ fecit tutor, cum facere non deberet, item in his, quæ non fecit, tutelæ iudicio rationem reddit, præstando dolum, & culpam & quantam in suis rebus diligentiam, leg. 1. de tut. & rat. distr. nec potest hæc rationis reddendæ necessitas à patre testamento remitti, l. 5. §. Julian. 7. de adm. tut. quamquam inventarii solemnis confessio prohiberi potest, ne secreta patrimonii pandantur, leg. ult. §. 1. cod. de arb. tut. de quo vid. Montan. de iure tut. cap. 32. reg. 4. de confess. in v. nu. 98. &

seqq. Moller. 1. semest. 39: Rationem reddere nonstratibus est, Rehening. remissen, reliqua doen: idque facere nostro iure tutores tenentur non solum finita tutela, sed etiam quotannis; juxta ar. 44. dd. stat. & ea quæ in fin. d. cap. 9. notat Grot. quod etiam per universam Germaniam observatur ex constitutione Caroli V. teste Schneid. hic Vvesemb. par. de adm. tut. num. 3. & jure Canonum jam ante obtinuisse, arguit Clement. 2. de relig. dom. & cap. 1. de celer. agras. Zypæ nos. jur. Belg. de tut. vers. tut.

TITULUS VIGESIMUS PRIMUS. DE AUCTORITATE TUTORUM.

D. Lib. 26. Tit. 8. C. Lib. 5. Tit. 59.

Ratio dispositionis.

TRia potissimum sunt, in quibus gubernatio tutoris consistit; in persona pupilli tuenda; in rebus ejus gerendis; in auctoritate ei præstanda. Tutio educationem, institutionem, defensionemque pupilli continet. In rerum administratione tutoris officium est, ut omnia ex utilitate pupilli bona fide curet. Auctoritas ad ea pertinet, quæ pupillus ipse gerit; neque aliud est quàm probatio ejus, quod à pupillo vel cum pupillo geritur, l. 3. hoc tit. Duo priora hic omiſsa sunt, & fortasse consulto, quia eorum tractatio prolixior visa est, quàm ut operi Isagogico inferi debuerit. In Pand. autem & Cod. diligenter exposita sunt tit. de adm. tut. Tandem §. ult. sup. l. levis quædam mentio facta est administrationis & reddendarum rationum: unde tamen ordinis ratio petenda videtur & continuata tractationis, arg. ordinis Pand. Duo autem hic docet Justinianus; quibus in negotiis necessaria sit tutoris auctoritas, & quomodo interponenda.

TEXTUS.

In quibus causis sit necessaria.

Auctoritas autem tutoris in quibusdam causis necessaria pupillis est, in quibusdam non est necessaria, ut ecce, si quid dari sibi stipulentur, non est necessaria tutoris auctoritas: quod si aliis promittant pupilli, necessaria est tutoris auctoritas. Namque placuit, meliorem quidem conditionem licere iis facere etiam sine tutoris auctoritate, deteriore vero non aliter quàm cum tutoris auctoritate; unde in his causis, ex quibus obligationes mutue nascuntur, ut in emptionibus, venditionibus, locationibus, conductionibus, mandatis, depositis, si tutoris auctoritas non interveniat: ipsi qui-

dem, qui cum his contrahunt, obligantur, at invicem pupilli non obligantur.

NOTÆ.

Auctoritas tutoris Tutores vel negotia gerunt ipsi, vel pupillis negotium gerentibus auctoritatem interponunt. Ulp. l. 11. §. 24. id est negotium confirmant: hoc enim est auctorem fieri, l. 3. hoc tit.

Si quid dari sibi Pupillus, qui jam aliquem intellectum habet rectè sibi dari, sine tutore stipulatur, l. 9. pr. cod. §. 9. infr. de inus. stipul. l. 1. C. de auct. prest. aut aliquid sibi remitti, l. 2. D. de accept. & in universum quantum ad acquirendum non indiget tutoris auctoritate, l. 11. D. de acq. rer. dom.

Si aliis promittant Aut quid remittant, alienentve, l. 5. l. 9. hoc tit. §. ult. inf. quib. al. lic. aut hereditatem adeant, §. 1. inf. cod.

Meliorẽ conditionem facere Neque enim eis invidendum, ut rem suam augeant sine tutore, qui magis custos datus videtur pupillo, ne rem suam perdat. Fabrot.

Obligationes mutue Qui contractus cum aliis initi ultro citroque obligationem pariunt; initi cum pupillo sine tutoris auctoritate eos solum obligant, qui cum pupillo contraxerunt, l. 13. §. pro pen. D. de act. empt. l. 33. D. pro soc l. 1. §. ult. D. commod. à parte autem pupilli claudicant suavardymata.

COMMENTARIUS.

IN quibusdam causis necessaria] Ubi tutor ipse negotium gerit, supervacua est auctoritas. Ac pupillo gerente, quod aliquando necessarium est; puta si de servo manumittendo, aut de adeunda hereditate agatur, aut constituendo procuratore, §. 1. inf. cod. §. ult. inf. de curat. locus est auctoritati tutoris: eaque in quibusdam rebus, quæ à pupillo geruntur, necessaria est; in quibusdam non est. In quo hæc distinctio pro utilitate pupillorum

rum recepta est, ut ipsi contrahendo aut aliud gerendo, meliorem quidem conditionem suam facere possint etiam sine tutoris auctoritate; deteriore vero non possint, nisi cum tutoris auctoritate, leg. 9. hoc tit. leg. 28. de pact. l. 11. de acqu. rer. dom. Et rectè; nam ubi nullum incommodum metuitur, frustra expectatur tutoris auctoritas, quæ ad hoc solum comparata est, ut in metu periculi pupillo per eam consulatur. Quod si culpa tutoris in damnum inciderit pupillus, eo nomine tutorem obligatum habet iudicio tutelæ. Notandum autem est, hanc distinctionem pertinere ad pupillum infante majorem: nam infans ne tutore quidem auctore quicquam gerere potest, vid. inf. §. pupillus. 9. de inut. stip.

Si quid dari sibi stipulentur] Nullum enim periculum est, stipulari, inquit ille apud Plaut. in Pseudol. act. 4. scen. 6. v. 14. Idem est, si paciscantur aut stipulentur, ut id quod debent, iis remittatur aut acceptum feratur, d. l. 28. de pact. l. 2. de accept.

Aliis promittant] Aut rem suam alienent; actionem remittant; quod eis debetur, repudient; debitam pecuniam solvant, creditam accipiant, l. 3. l. 9. hoc tit. l. 11. de acqu. rer. dom. §. ult. inf. quibus al. lic.

Ex quibus obligationes mutue] Ex quibusdam contrahibus mutue obligationes, id est, ex utraque parte nascuntur, ut in emptione, locatione, mandato, societate, & aliis id genus: tam enim, verbi causa, obligatur emptor ad pretium solvendum, quam venditor ad rem præstandam. Ex quibusdam vero nascitur obligatio ex una parte tantum, ut in mutuo solus obligatur, qui accipit; in stipulatione, qui promittit, l. 19. de verb. sign.

Qui cum his contrahunt obligantur] Qui contractus cum aliis iniiri ultro citroque obligationem pariunt; hi, si cum pupillo contractum sit sine tutoris auctoritate, ab uno tantum latere constant, eosque solum obligant, qui cum pupillo contraxerunt, pupillos non item, l. Lelianus 13. §. anteq. de act. empt. Ratio hujus juris partim est favor pupillorum, partim quod qui cum pupillo contrahit, cujus ætatem aspectus ipse indicat, suæ temeritati id imputare debeat, per l. qui cum alio. 19. de reg. jur.

Non obligantur] Nisi in quantum locupletiores facti sunt, l. 1. l. 5. §. 1. hoc tit. Natura enim æquum est, neminem locupletari cum alterius jactura, l. 14. de cond. ind. An pupillus sine tutoris auctoritate ex conventionem saltem naturaliter aliquando obligetur, & quam vim ea obligatio habeat jure civili, disputamus inf. de inut. stip. sub. §. pupillus. 9.

TEXTUS.

Exceptio.

1. Neque tamen hereditatem adire, neque bonorum possessionem petere, neque here-

ditatem ex fideicommissio suscipere aliter possunt, nisi tutoris auctoritate, (quamvis illis lucrosa sit) ne ullum damnum habeant.

NOTÆ.

1. Neque hereditatem adire] Ex Cajo leg. 9. §. 3. hoc tit. cujus rei non alia ratio querenda, quam quod facto suo sine tutore se obligare non possunt, d. l. 9. pr. l. 8. D. de acqu. her. Non pertinet quidem hoc ad suos hæredes, beneficio tamen Prætoris abstinentium eadem causa, §. 2. inf. de her. qual. & diff. §. 3. inf. de her. que ab int. Neque bonorum possessionem, &c.] Bonorum possessionis & fideicommissi hereditatis eadem quæ hereditatis jure civili aut directo delatæ ratio, inf. lib. 3. t. 10. & lib. 2. t. 23.

COMMENTARIUS.

Hereditatem adire] Pupillus hereditatem sibi delatam sine tutoris auctoritate adire non potest, l. 9. §. 3. hoc tit. Cujus rei non alia ratio querenda, quam quod facto suo sine tutoris auctoritate se obligare non potest, l. 8. de acqu. her. d. l. 9. pr. hoc tit. At inquis, potest conditionem suam meliorem facere, etiam si tutor auctor non sit. Fateor, modò ne ipse obligetur; ideoque à parte pupilli claudicant τὰ συναλλάγματα. Fieri autem non potest, ut pupillus hereditate quæ sita non obligetur ut hæres creditoribus hereditariis & testamentariis; illis ut defuncti personam representans; his ipsa aditione hereditatis. Neque enim hic est, quod creditoribus aut legatariis imputetur, qui cum pupillo hærede non contrahunt, sed in eum incidunt, quod & Myns. observavit. Alià vulgo ratio assertur, periculum scilicet æris alieni, quò emergente incipiat damnosa esse hereditas: multa que insuper in hæredibus esse metienda, vexationem, negotiorum multitudinem, offensas, invidiam, l. 4. ad sen. Treb. Itaque quia iudicio animi hic opus sit, necessariam esse tutoris auctoritatem, l. 189. de reg. jur. Quæ ut vera esse fateamur, illud tamen adhuc relinquitur, cur non saltem favore pupillorum sustineatur hereditatis acquisitio, quatenus illis lucrosa sit. Loquimur autem de pupillis extraneis hæredibus, quippe quibus ad acquirendam hereditatem aditione opus sit: nam sui hæredes sine facto suo ipso jure hæredes fiunt etiam ignorantes, l. 8. de acqu. her. §. 2. inf. de her. que ab int. def.

Neque bonorum possessionem] Ob eandem mirum rationem, quia bonorum possessio vi ipsa nihil aliud est, quam hereditas, & in omnibus vice hæredum bonorum possessores habentur: de quo inf. lib. 3. tit. de bon. poss.

Hereditatem ex fideicommissio] Et hoc eandem rationem habet: nam cum restituta hereditate actiones omnes, quæ hæredi in hæredem competunt, ex S. C. Trebelliano transeant in fideicommissarium, si pupillus ex fideicommissio hereditatem susceperit; eo facto perinde obligabitur, ac si quamlibet hereditatem adiisset. De hære-

hædicommissariis hæreditatibus tractabitur inf. lib. 2. tit. 13.

Ne ullum damnum habeant] Melius meo iudicio Cujac. Hotom. Vvesemb. legunt, *quamvis illis lucrosa sit, nec nullum damnum habeat*, sine parenthesi: quomodo & apud Cajum legitur in Pand. & legisse etiam videtur Theophilus.

TEXTUS.

Quomodo interponi debet.

2. Tutor autem statim in ipso negotio præsens debet auctor fieri, si hoc pupillo prodesse existimaverit. Post tempus verò, vel per epistolam, aut per nuntium interposita auctoritas nihil agit.

COMMENTARIUS.

EXponitur hic modus seu forma interponendæ auctoritatis ex Cajo d. l. 9. §. tutor. s. h. sit. Hic modus, ut legitimus habeatur, duo desiderat; ut tutor in negotio, quod cum pupillo geritur, præsens sit; ut statim atque peractum est, auctor fiat. Præsentia ideo desideratur, ut certo cognoscat tutor, quid negotii, qua fide geratur: ac proinde non sufficit corpore præsentem esse, nisi & animo sit, & intelligat quale sit quod contrahitur, l. 14. eod. junct. l. 1. in fin. & l. 2. eod. Cur autem statim & quasi calente adhuc negotio auctor fieri debeat, hæc ratio est. Quia interpositio auctoritatis integrat quodammodo personam pupilli, qui per se contrahere non potest: efficitque, ut actus sustineatur, qui alioqui ipso jure invalidus ex intervallo non posset confirmari. Non est autem necesse, ut & is præsens sit, qui cum pupillo contrahit: potest enim ille aliquid vendere aut locare pupillo per epistolam, & tutor auctoritatem pupillo accommodare, d. l. 9. §. ult. Illud quoque sciendum est, auctoritatem semper purè à tutore interponendam esse, non conditionaliter, quamvis conditionaliter cum pupillo contrahatur, l. 8. eod. VINN. Ratio, cur præsens in ipso negotio statim auctoritatem interponere teneretur, hæc reddi potest propior, quod illa interpositio auctoritatis fuerit actus legitimus. Quod & inde patet, quod non admittat conditionem, l. 8. §. hoc sit. HEIN.

In ipso negotio præsens debet auctor fieri] Tutoris auctoritas perfecto negotio interponitur, ut disertè scribit Ulp. l. si quis 25. §. iussim. 4. de acq. her. Quamobrem hæc oratio vel sic resolvenda est, *tutor in ipso negotio præsens statim debet auctor fieri*. Ut intelligamus, & præsentiam tutoris in ipso negotio, dum adhuc geritur, requiri, & statim ut negotium perfectum est, auctorem fieri oportere; quod & arguit mox sequens illatio, *post tempus verò, &c.* Vel si hæc verba, *in ipso negotio* ad illa auctor fieri referre malis, in ipso negotio fieri intelligi debet, non quod sit: cum nihil

dum gestum est; (quid enim tum probet tutor?) sed quod sit, negotio quidem cum pupillo jam gesto, live tractatu præsentem tutore habito, sed statim & in continenti subsequitur, & tractatum illud concludit ac firmat. Sic in l. 1. de solut. in solutione live in re præsentem constituere dicitur, in quam causam solutum velit, qui statim atque solutum est, constituit. Cæterum hæc subtilitas hodie insuper habetur. Autumn. collas. iur. in d. l. 9. §. tut. s. VINN. Vulgo huic §. 2. h. s. opponunt l. 25. §. 4. ff. h. s. Ubi & perfecto negotio auctoritatem interponi posse, ait Ulpianus. Conciliationem tentavit Cujac. Obs. lib. 13. cap. 31. Gothofredus in Commens. ad Reg. iur. 29. p. 169. ipsum Ulpiani textum sollicitat, & pro perfecto negotio rescribi jubet *profecto negotio* Acura, sed minus necessaria correctio. Præsens tutor interponebat auctoritatem, sed perfecto negotio. Perfectum verò erat negotium, quando id peractum, à quo substantiam capiebat negotium, ex. grat. in stipulationibus ubi congruè à pupillo responsum fuerat, auctoritatem interponebat tutor tanquam perfecto jam negotio. Hinc elegans illa ac subtilis quæstio in Fragm. Regul. ex vetere l. 10 §. 15. utrum, si femina absens manumittat, tutor auctor fieri debeat, dum scemina scribat Epistolam, an, dum servus cognosset dominæ voluntatem? Dubium enim erat, quo momento libertas *inruptis*, peragatur, id est quo momento perfectum sit negotium? HEIN.

TEXTUS.

Quo casu interponi non potest.

3. Si inter tutorem pupillumque iudicio agendum sit: quia ipse tutor in rem suam auctor esse non potest; non prætorius tutor (ut olim) constituitur, sed curator in locum ejus datur: quo curatore interveniente iudicium peragitur; & eo peracto curator esse desinit.

NOTA.

3 Non prætorius tutor ut olim] Moribus receptum fuerat, ut hoc casu tutorem habenti tutor daretur. Ulp. l. 11. §. 23. propter solemnitatem iudiciorum, l. 19. hoc sit.

COMMENTARIUS.

Iudicio agendum sit] Nec plures sint tutores, alioqui nisi cum omnibus pupillo lis sit, unus ex iis auctor erit, l. si plures. 24. de test. tut. Intellige autem, si iudicio agendum sit de aliis rebus quàm de administratione tutelæ: nam tutelæ agi nisi finita tutela non potest, l. 4. de tut. & rat. distr.

In rem suam auctor esse non potest] Regula est, tutorem in rem suam auctoritatem accommodare non posse, l. 1. & 7. hoc sit. quemadmodum nec

nec iudex quisquam, aut testis in sua causa esse potest, l. 10. de iurisd. l. nullus. 10. de testib. Et in casu proposito hoc alioqui absurdi eveniret, ut idem in eodem negotio & actor esset & reus. At enim nihil prohibet auctoritas, quominus negotium per consequentias etiam tutori geratur, d. l. 7. quod exemplo declaratur, d. l. 1.

Non prætorius tutor] Prætorianum appellari scribit Ulpian. & moribus pupillo dari, qui cum tutore suo, legitimo iudicio agere vult, sit. 11. de tutel. §. moribus. 24. Hæc igitur exceptio fuit regulæ ejus quæ prohibet, tutorem ad certam rem vel causam dari, §. ven. sup. qui test. tut. item alterius qua traditur, §. interdum. 3 de curat. tutorem habenti tutorem dari non posse. Cur autem necesse fuit hoc casu tutorem dari? Nimirum quia judicia erant solemnia & ordinaria: ad ea autem quæ solemnitatem juris desiderant explicanda tutore auctore opus erat, l. curatorem. 19. hoc sit. l. cum in una 17. §. 1. de appell. l. ult. C. de in lit. tut. dand.

Curator datur] Postquam judicia extraordinaria esse cœperunt, sublato solemnī veterum formularum ritu, infr. sit. de succ. subl.

& sit. de interd. §. ult. & Cod. de form. & imp. subl. quæ per quemvis procuratorem expediri potuerunt, ad ea tractanda & curatorem dari sufficere visum est. Unde existimo, Tribonianum verbum *curatoris*, in locum *tutoris* subjecisse in ll. 3. 4. 5. de tutel. l. 24. de test. tut. & simil. loc. Jure novo hæc disputatio penè supervacua est, quo vetuit Justinianus debitorem creditoremve pupilli tutorem creari; eique, qui pupillo aut cui pupillus post cœptam tutelam debere cœpit, perpetuum curatorem adjungi voluit, Nov. 72. c. 1. & 2. Dixi autem penè: quia video plerisque hinc eximere tutores ex certa scientia testamento datos. DD. in auth. minoris, C. qui dar. tut. Schneid. hic num. 5. Montan. de tut. c. 9. nu. 67. & seqq. atque ita iudicatum refert A. Fab. C. sit. 20. lib. 5. def. 1. Sand. lib. 2. sit. 9. def. 1. Mynfingerus item excipit ex inquisitione datos; quod vix est ut probare possim. Illud constat, matrem & aviam non impediri debito aut credito, quominus filiorum suorum aut nepotum tutelam gerant, auth. ad hæc. C. quand. mul. off. tut. & multo igitur magis excipiendus pater & avus, ut curia Frisur censuit, teste Sand. d. lib. & sit. def. 2.

TITULUS VIGESIMUS SECUNDUS. QUIBUS MODIS TUTELA FINITUR.

Cod. lib. 5. Tit. 60.

Continuatio & methodica Tituli explicatio.

DISTUM est quibus modis tutela constituitur; quæ constituitur vis atque auctoritas: reliquum est ut videamus, quamdiu perseveret, quibusque modis ea finitur. Modi finiendæ tutelæ varii sunt, tum ex persona pupilli, tum ex persona tutoris, tum ex persona utriusque. Item quidam communes sunt omnibus tutelæ speciebus; quidam proprii quarundam, sicut ex progressu apparebit. In summa autem duorum horum modorum altero semper finitur, aut ipso jure, aut interventu Magistratus.

TEXTUS.

De Pubertate.

Pupilli pupillæque, cum puberes esse cœperint, a tutela liberantur. Pubertatem autem Veteres quidem non solum ex annis, sed etiam ex habitu corporis in masculis æstimari volebant. Nostra autem majestas, dignum esse castitate nostrorum temporum existimans, bene putavit, quod in feminis etiam antiquis impudicum esse visum est, id est, inspectionem habitudinis corporis, hoc etiam in masculos extendere. Et ideo

nostra sancta constitutione promulgata, pubertatem in masculis post decimum quartum annum completum illico initium accipere disposuimus: antiquitatis normam in feminis bene positam in suo ordine relinquentes, ut post duodecim annos completos viripotentes esse credantur.

NOTÆ.

Sed etiam ex habitu corporis] Priscus eum impuberem esse dicebat, in quem utrumque concurrat, & habitus corporis, & numerus annorum. Ulp. sit. 11. in fin.

Inspectionem habitudinis corporis] Sunt qui negent tale quid apud Romanos factitatum, & impudicam illam inspectionem corporum Romanis moribus indignam esse existimant.

Nostra constitutione] Extat in l. ult. Cod. quand. tut. vel cur. esse def. 2.

COMMENTARIUS.

1 Longè ante tempora Justiniani receptum fuisse, ut pubertas etiam in masculis ex annis æstimaretur.

2 Suspectum auctori esse, quod scribit Tribon. de nudorum corporum inspectione.

- 3 *Vim generationis in feminis citius incipere quam in maribus.*
- 4 *Tutelam muliebrem aliam fuisse ab hac pupillari faminarum.*
- 5 *Moribus harum regionum tutelam pubertate non finiri.*

Cum puberes esse. Primus modus finiendæ in persona pupilli tutelæ est pubertas, l. 1. C. quond. tut. vel cur. Hinc puberes etiam curatorem accipiunt, in suam tutelam venisse antiqua locutione dicuntur, *inf. de pup. subst. in pr. l. 8. §. 1. de bon. poss. sec. tab.*

Sed etiam ex habitu corporis. Fuere olim, qui pubertatem in masculis ex solo habitu corporis æstimabant. Proculejani eum puberem esse dicebant, qui quatuordecim annos explevisset: alii eum, in quem & habitus corporis & numerus annorum concurreret; teste Ulpian. *tit. 11. de suc. in fin.* Eam se controversiam sustulisse, abrogataque inspectione corporis pubertatem ex annis tantum æstimari voluisse, scribit Justinianus *hic*, & in l. ult. Cod. quond. tut. vel cur. Sed profecto longè ante Justinianum receptam fuisse Proculi sententiam, multis auctoritatibus probari potest. Nam Tertullianus, qui aliquot sæculis ante Justinianum vixit, in *lib. de veland. virg.* apertè testatur, Romanos pubertatem in annis, non in sponsalibus, aut nuptiis determinare: hoc est, ex annorum numero, non ex habitu corporis puberem judicare. Et Macrobius *lib. 7. Saturn. c. 7.* sic scribit, secundum iura publica duodecimus annus in femina, & quatuordecimus in puero definitis pubertatis ætatem. Idem in *somn. Scipion. lib. 1. c. 6.* ait, tutelam pueris post bis septem annos absolvi. Idque & Ulp. noster expressis verbis confirmat l. 2. de vulg. & pup. indeque est quod idem Ulpian. scribit, masculis post annum decimum quartum, feminis post duodecimum permitti testamentum facere, l. 5. qui test. fac.

Inspectionem habitudinis corporis. Numquam mihi persuaderi potest, inhonestam hanc corporis inspectionem apud Romanos usitatam fuisse: neque est Veterum quisquam, qui tam impudicæ rei meminerit. Quod autem in libris Iurisperitorum & apud Quintilianum *lib. 4. Inst. orat. 2.* legimus dubitatum fuisse, ex habitudine corporis an ex annis pubertas metienda esset; non de turpi aliqua nudorum corporum inspectione accipiendum est: sed de externo corporis aspectu & vigore; ut is ex quorundam sententia (quæ tamen non obtinuit) pubes haberetur, qui figura ac dispositione totius corporis liberorum procreationi idoneus videretur, *fac. l. 4. Cod. qui test. fac.* Etenim habitus sive habitudo. Latinis Scripto-
ribus *ὄψιμα* & formam corporis significat. Cic. *pro Cæl. c. 24.* Quinsus Metellus, cum flo-
reret integra ætate, optimo habitu, maximis vi-
ribus, Liv. *lib. 4.* Fædis corporis habitus, pal-

lore ac macie præempti. Terent. in *Eunuch. act. 2. scen. 3. v. 11.* Qui color, nitor, vestitus, quæ habitudo est corporis? Sic auctor ad Herenn. bonam corporis habitudinem appellat integram corporis constitutionem. Unde & eos qui obesiore erant corpore, habitiores dicebant, Terent. *Eunuch. act. 2. scen. 4. v. 22.* Si qua habitior paulo, pugilem esse aiunt. Plaut. *Epid. act. 1. scen. 1. v. 8.* Corpulentior hercle, atque habitior. Rævardus 4. var. 10. existimat, Triboniano imposuisse Platonem, qui *lib. 11. de legib.* convenientiam ætatis ad matrimonia definiri vult per judicem nudos omnino mares, nudatasque usque ad pubem feminas inspicientem; Tribonianumque ea, quæ de pubertate ex habitu corporis æstimanda apud Iurisperitos legerat, ex imaginaria illa Platonis lege interpretatum. In contrarium tamen moventur Hotomannus & Ant. Mathæus *Coll. Inst. 2. disp. 12.* auctoritate Quintiliani, qui *declam. 279.* scribit: nudari corpora puerorum, & ab iudicibus inspicere. Sed confictum hoc esse non dubito, ut fere fit in scholasticis exercitationibus. VINN. Similia olim mihi in mentem venire *lib. 1. Antiqu. Rom. hoc tit. §. 2. sequ. p. 224.* Sed vide tu, sis, Viri amplissimi Corn. Bynkersh. *obs. lib. 3. cap. 24.* Deinde ante Justinianum adeo certum non fuisse pubertatis terminum, vel inde patet, quod ipsi patres annum pubertatis liberis testamento præfinirent, modò decimum quartum, uti in l. 49. ff. de legat. 1. & l. 22. ff. quando dies leg. ced. modò decimum sextum, uti in l. 34. §. 2. ff. de leg. 3. l. 36. §. 1. l. 48. ff. de cond. & demonstr. l. 46. ff. ad SC. Trebell. modò decimum octavum, uti in l. 101. §. 1. ff. de cond. & demonstr. Et hinc est, quod Paulus Apostolus heredem pupillum sub tutoribus esse ait *1 Cor. 7. & 1 Cor. 14. v. 2.* Vid. Merrill. *Obs. lib. 3. cap. 16.* HEIN.

Post duodecim annos. Pubertatis anni maxi-
mè propter nuptias definiti sunt: ideoque cum
vis generationis in feminis citius incipiat
quàm in maribus, placuit eas etiam citius tu-
tela liberari. Et hoc est, quod Macrobius *lib. 1. in somn. Scipion. c. 6.* scribit, de tutela, inquit, fa-
mine propter vororum festinationem maturius bien-
nio, quàm pueri, legibus liberantur. Quod au-
tem generationi citius admoventur; id idem
Macrobius 7. *Saturn. 7.* infirmiori earum nature
adscribit: nam & exilia poma celerius mature-
scere, robusta serius. Physici etiam hanc ratio-
nem afferunt: quod facilius est pati, quàm age-
re; in generationem autem femina passivè se ha-
bet. In universum autem, ut scribit Aristot. 7.
de hist. animal. *ἡ θήκη τὰ δέξια ἢ ἀπὸ τῶν ὀφθαλμῶν ἢ
ἐκ τῆς ἀνδρίας καὶ ἀπὸ τῆς ἀνδρίας, ἢ τῆς ἀνδρίας.* Alia ab
hac pupillari faminarum tutela fuit muliebris,
de qua Ulp. in *fragm. tit. 11.* Nam & post pu-
bertatem mulieribus tutor dabatur, non ad ne-
goria earum administranda, sed ad auctorita-
tem præstandam in solemnibus & civilibus, vel
uti

luti ad iudicia; ad dictionem dotis; ad alienandas res mancipi. Ulp. d. loc. Nisi dicamus ex jure veteri hæc referri, quo jure mulieres perpetua tutela continebat, teste Boetio in *Top. Cic.* Nam non temere loca illa omnia, quibus traditur, tutelam in fœminis anno duodecimo finiri, & curatorem succedere, à Triboniano interpolata dixerim: quamvis id affirmet *Revard 2. var. 10.* Obstat enim locus Macrobiani modò citatus: & Boetius expressè de jure antiquo loquitur. Moribus harum regionum tutela pubertate non finitur: sed qui semel legitimè tutores dati sunt, etiam puberum rebus præsumunt usque ad justam eorum ætatem, hoc est, donec 25. annos impleverunt, *D. Gudelin. in fin. lib. 1. Christin. volum. 3. dec. 184. num. 14. & 16. & volum. 6. decis. 82. n. 9. Montan. de tutel. c. 37. num. 6. Groenev. de legibus abrog. hic: quod & in Germania generali consuetudine receptum esse testatur Gail. 2. obs. 96. Paul. Buius ad l. 1. num. 7. de tutel. & in pleraque Gallia, Baro hic.*

T E X T U S.

De capitis deminutione pupilli.

1. *Item finitur tutela, si adrogati sint adhuc impuberes, vel deportati: item si in servitutem pupillus redigatur, vel si ab hostibus captus fuerit.*

N O T Æ.

1. *Deportati*] Quia cives esse desinunt, §. 1. *supr. quibus mod. jus patr. pot.* Nota, etiam impuberes deportari posse, nempe qui sunt pubertati proximi & doli capaces, l. 111. de *reg. jur. l. 14. D. ad sen. Silan.*

C O M M E N T A R I U S.

Secundò finitur in pupillo tutela quavis capitis deminutione: sive enim adrogatus sit, sive deportatus, sive in servitutem redactus; tutela extinguitur, l. 14. pr. & §. 1. & 2. de *tut. unde hic locus descriptus est.* Miscetur autem hic modi, quibus & ex persona tutoris tutela finitur, §. 4. *infr. eod.*

Adrogati sint] Ratio est, quia desinunt esse sui juris, & in potestatem adrogatoris transfunt; nemo autem potest simul esse in tutela & in patria potestate, *sup. de tut. in pr.* Sed hoc moribus fere hodiernis non obtinet.

Vel deportati] Quod ob delictum iis contingere potest, qui sunt pubertati proximi, & doli capaces, l. *pupillum. 111. de reg. jur. §. pen. inf. de obl. quæ ex del.* Constat autem, deportatos peregrinæ conditionis fieri, ideoque pro mortuis in iis, quæ juris civilis sunt, qualis est tutela, haberi §. 1. *sup. quibus mod. jus patr. pot. sol. l. 7. §. 1. de ven.*

In servitutem redigatur] Puta si pupillus jam

doli capax ob ingratitude patrone iterum in servitutem tradatur: quo exemplo utitur Theophilus; idque fortiori ratione quàm si deportatus sit; quia cum civitate simul & libertatem amittit, §. 1. *sup. de cap. dem.*

Si ab hostibus captus] Cæterum eventus demum ostendet, an tutela hic omnimodo finita sit; nam postliminio reversus procul dubio recedit in tutelam.

T E X T U S.

De conditionis eventu.

2. *Sed etsi usque ad certam conditionem datus sit tutor testamento, æquè evenit, ut desinat esse tutor existente conditione.*

N O T Æ.

2. *Testamento*] Additum, quia à Magistratu ita non datur, l. 6. §. 1. *D. de tutor. l. 77. de reg. jur.*

Existente conditione] Veluti si Titius tutor testamento datus sit, usque dum uxorem ducet, & duxerit.

C O M M E N T A R I U S.

Usque ad certam conditionem] Vel usque ad certum tempus: nam ut ad certam conditionem testamento datus, existente conditione tutor esse desinit; ita datus ad certum tempus, finito tempore deponit tutelam, l. 14. §. ult. de *tut. l. 8. §. 1. & 2. de test. tut. §. pen. infr. hoc tit.* Hoc autem modo finitur tutela ex persona tutoris, & proprius est tutelæ testamentariæ, ut docemus *sup. qui test. tut. dar. §. 1.* Est & modus, qui huc pertinet, quo finitur tutela Attiliana. Nam si ex die aut sub conditione testamento tutor datus sit, is qui interim à Magistratu datus est, veniente die aut existente conditione, tutor esse desinit, §. 1. *sup. de Attil. tut. add. quæ ad §. ad certum tempus. 3. sup. qui test. tut. dar.*

T E X T U S.

De Morte.

3. *Simili modo finitur tutela morte pupillorum, vel tutorum.*

C O M M E N T A R I U S.

Hic modus & ad omnem tutelam & ad personam utriusque ex æquo pertinet: eò autem maxime spectat ut intelligamus, pupillo mortuo, ne ratione quidem bonorum, quæ post mortem supersunt, tutelam perseverare: mortuo tutore, hæredes ejus in tutelam non succedere, l. *ante pen. de tut. l. ult. §. 1. de mun. & bon. l. 4. §. 1. D. de tut. & rat. distr.*

TEXTUS.

De capitis deminutione.

4. *Sed & capitis deminutione tutoris, per quam libertas, vel civitas amittitur, omnis tutela perit. Minima autem capitis deminutione tutoris, veluti si se adrogandum dederit, legitima tantum perit: cetera non pereunt, sed pupilli & pupille capitis deminutio, licet minima sit, omnes tutelas tollit.*

NOTÆ.

4. *Legitima tantum perit*] Agnatorum scilicet hodie id non obtinet: quia jure novissimo in totum sublata est agnationis & cognationis differentia, pariterque cognati cum agnatis ad legitimam tum hereditatem, tum tutelam vocati, Nov. 118. cap. 5.

COMMENTARIUS.

PER quam libertas vel civitas] Hic modus solvendæ tutelæ communis est, ut notavi sup. ad §. 1. eandemque in tutore, quam in pupillo, rationem habet.

Legitima tantum tutela perit] Nimirum quia & perit agnatio, ob quam ea defertur, §. ult. supr. de leg. agn. tut. Legitima autem patronorum tutela huc nunquam pertinuit, Ulp. in fragm. tit. de tutel. §. 8. Porro jure novissimo nullam amplius legitimam tutelam minima capitis deminutione tolli, notavimus sub dict. §. ult. de leg. agn. tut.

Licet minima sit] Is qui in potestate Patris est, si perfectæ ætatis sit, non prohibetur tutor esse, supr. qui test. tut. dat. in pr. l. filiusfam. 9. de his qui sui vel al. jur. In tutela autem nemo esse potest, nisi qui sit sui juris. Atque hæc ratio est, cur pupillo adrogato tutela pereat, tutore non item.

TEXTUS.

De Tempore.

5. *Præterea qui ad certum tempus testa-*

mento dantur tutores, finito eo deponunt tutelam.

NOTÆ.

6. *Ad certum tempus*] V.g. ad biennium, l. 14. §. 3. D. de tutel.

COMMENTARIUS.

DIXI ad §. 2. *hujus tit.* Hoc autem modo quamvis tempore, ipso tamen jure tutela finitur. Etenim tutela non ullo jure propriè quæsito consistit: alioquin tempore ipso jure non finiretur, l. obligationem. 44. de oblig. & act. sed in facto personæ & administratione magis posita est. Quæ autem talia sunt, ut facta sunt temporalia, ita & ipsa cum factis incipere & finiri possunt: argumento sit usufructus, l. un. §. pen. quand. dies us. leg. ced.

TEXTUS.

De Remotione & Excusatione.

6. *Desinunt etiam tutores esse, qui vel remonentur à tutela ob id, quod suspecti visi sunt: vel qui ex justa causa se excusant, & onus administrandæ tutelæ deponunt, secundum ea, quæ inferius proponemus.*

NOTÆ.

6. *Se excusant*] In perpetuum, non ad tempus, §. 5. tit. seq. l. 16. D. de tut. dat.

COMMENTARIUS.

PROponuntur hic duo modi, quibus tutela finitur, non ipso jure, ut superioribus, sed interventu Magistratus: excusatio scilicet, & justa suspicio. Excusatio volentem liberat; suspicio invitum removet. Est verò major excusationum usus tutela delata, quam suscepta. Sed & quasi suspectus quis postulari & removeri potest, antequam incipiat tutelam gerere, de quibus suo iterum loco. De excusationibus est tit. pen. de suspectis tutoribus tit. ult. hujus libri.

TITULUS VIGESIMUS TERTIUS.

DE CURATORIBUS.

D. Lib. 27. Tit. 10. C. Lib. 5. Tit. 70.

Continuatio & summa Tituli: tum genera curatorum distincta.

TRansit nunc Imp. ad alterum membrum divisionis positæ in pr. supr. de tutel. quod eos complectitur, qui cum sui juris sint, curatorum tamen auxilio reguntur: exponitque promiscuè, quibus, & à quibus, quando, & quomodo curato. idetur. Scien-

dum autem est, duo esse genera curatorum: unum eorum, qui nulla personæ habita ratione, si res exigat, bonis constituuntur; puta vel debitoris laticantis, vel hæredis, qui in utero est aut domini, qui ab hostibus captus sit, tit. de cur. bon. dand. quod genus huc non pertinet: alterum eorum, qui certis

certis personis, quæ alieno auxilio indigent, dantur ad res earum administrandas; qui hujus sunt argumenti. Sunt autem & ipsi duorum generum: dantur enim vel propter ætatem ejus qui in curatione sit; vel propter animi aut corporis morbum. In priore genere sunt minores 25. annis: in posteriore furiosi, prodigi, mente capti, muti & surdi, & qui perpetuo morbo laborant. Quamobrem sic rectè definitur curatio: potestas jure constituta ad curandas res ejus, qui quoquo modo rebus suis superesse ipse non potest. Ex hac definitione facile intelligere poteris, & quæ communia sunt curæ cum tutela, & quæ discrepantia: maximè si cum ea conferas definitionem tutelæ, eaque, quæ ad illam illustrandam scripsimus sub §. 1. *sup. de tutel.* Cæterum & in processu pleraque iterum notanda erunt.

TEXTUS.

De adultis.

Masculi quidem puberes & femina viri potentes usque ad vicesimum quintum annum completum curatores accipiunt: quia licet puberes sint; adhuc tamen ejus ætatis sunt, ut sua negotia sibi non possint.

NOTÆ.

Ad vicesimum quintum annum] leg. 1. in fin. D. de min post quod tempus completur virilis vigor, quæ Grecis ἀνὴρ. bellè Cujac. ad d. l. 1.

Curatores accipiunt] Nisi ætatis veniam à Principe impetraverint, C. de his qui ven. æt. imp.

Negotia sua sibi] Et ideo quamvis qui in tutelam suam venit, sui potens est, *ut sibi* tamen est, *ut sibi* non. Fabrot. l. 20. D. de ris. nups. l. 8. Cod. eod.

COMMENTARIUS.

- 1 Cur tutela in feminis citius quàm in maribus finitur: cura eadem ætate in utrisque.
- 2 Quare femina biennio maturius quàm masculi ætatis veniam impetrare possint.
- 3 Quid consuetudine harum regionum circa utrumque illud receptum.
- 4 Quando dies capitis pro completo habeatur, & contra.
- 5 Cur placeat ætatem 25. annorum finem asserre curationi.
- 6 Cur tam curiosè de curatore adolescentibus dando caveatur, cum nihilominus si capti fuerint, in integrum restituantur.

Usque ad vicesimum quintum annum] Tutela in maribus tardius finitur quàm in feminis, quia feminae, ut superius dictum est, citius pubescunt. At cura in utrisque eodem tempore finitur: nimirum post annum vicesimum quintum. Et verò nulla ratio est, cur feminae maturius quàm masculi cura liberari debeant:

cum potius diuturniore cura continendæ videantur propter sexus fragilitatem, ob quam & in perpetua cura olim fuere. Et jure quidem ordinario ante hanc ætatem curatio non finitur. Cæterum adolescentes honestate morum præditi post annum vicesimum; feminae, quas morum honestas mentisque solertia commendat, post annum octavumdecimum, ætatis veniam à Principe impetrare possunt, ut ex eo tempore res suas sine curatoribus administrent; ac tum quidem in integrum non restituantur, l. 1. & 2. C. de his qui ven. ætat. Sed tamen in eo adhuc simili conditione cum cæteris minoribus sunt, quod immobilia sine decreto alienare aut obligare non possunt, l. 3. C. d. tit. Cur autem hoc ætatis biennio maturius conceditur? D. Bachovius negat solidam ejus rei rationem dari posse. D. Brederodius in not. ad Schneid. hanc asserit, quod quamvis judicium muliebre *in* infirmius sit virili; tamen quæ natura solertiores sunt, si ad virtutem pergant, celerius maribus prudentes fieri: propterea quod vehementiores multo in feminis affectiones sint, quàm in viris. Moribus patriæ non solum Princeps aut summus Magistratus, sed etiam Curia provincialis, ætatis veniam concedere solet, aliique judices ordinarii, quibus id facere jure legitimo competit: neque veniæ concessio continet jus prædia alienandi sine cognitione judicis, nisi & hoc ex magna causa, & quidem à supremo Magistratu expressè indultum sit, auctore Grot. 1. man. 10. vide Groenevv. de legib. abrog. ad tit. C. de his qui ven. ætat. & ibi alleg. Diximus quoque non multo ante, consuetudine harum regionum receptum, ut tutela demum finiat post perfectam ætatem eorum, qui in tutela sunt; hoc est, postquam egressi sunt annum vicesimumquintum. Apud nos enim ignoratur distinctio, quam jus civile Romanorum facit inter ætatem pupillarem, quæ sub tutela, & minorem, quæ in curatione sit. Unde & tutela ac cura uno communi nomine & promiscuè appellatur *Voogdie*, aut *Monberseap*, & tutores curatoresque *Voogden* aut *Monboirs*, pupilli & minores indiscriminatim *Vrezen*. Cæterum etiam ante eam ætatem tutela sive cura finitur, contracto scilicet matrimonio: quamquam tunc ex causa à judice ad tempus prorogari potest: quod & tunc locum habet, cum ætate finita est, Grot. d. loc. Statuto Leidenfium nemo suæ curæ esse incipit, nisi qui causa cognita à Magistratu tutelari dimissus, art. 141.

Completo] Curatio non finitur nisi anno vicesimo quinto exacto & completo. Hoc enim utile minori visum est, ut tempus à momento in momentum spectetur: nam si postremo vicesimi quinti anni die cepto aut nondum completo lapsus sit, poterit adhuc in integrum restitui, l. 3. §. minorem. 3 D. de minoribus. Ad quem locum Glossa notat diem ceptum pro completo haberi, quoties id alicui utile est, aut alioqui fa-

vota.

rorabile, ut in usufructu, l. 6. de usufructu. in testamenti fazione, l. 5. qui testam. fac. in manumissionibus, l. 1. de manumiss. quod etiam pertinet L. annicus, 134. de verb. sign. In honoribus quoque favoris gratia constitutum esse, ut annus inchoatus pro pleno habetur, l. 8. de man. & hon. Contra autem, ubi favorabile est, non numero dierum, sed momentis temporum annum dividi; diem coeptum pro completo non haberi, ut in temporalium actionum prescriptione, l. 6. de obl. & act. in vacatione tutelæ, l. 2. de excus. & in casu proposito; ita & Costal. ad l. 3. §. 2. de minor. Cur autem placeat ætatem 25. annorum finem asserre curationi; docet nos Ulp. l. 1. §. 2. d. tit. quia, inquit, post hæc tempus completur virilis vigor; convenienter sententiæ Physicorum, qui tradunt, anno vicesimo quinto, quo corpus crescere desinit, etiam animam ad summum perfectionis suæ gradum pervenire, eaque demum ætate evidentiæ vigoris animi & constantiæ mentis vestigia emergere; conquiescente scilicet illa humorum ac corporis perpetua agitatione ac perturbatione, cui adolescententes obnoxii. Quamobrem & iusta, perfecta, integra, robusta hæc ætas in libris nostris appellatur, Græcis αἰμαῖ dicitur. Pulchrè D. Cujac. de minor. in pr. add. Magir. 6. 7. hytiolog. 5. Quamquam igitur naturæ lege certa ex annorum numero perfectæ ætatis definitio non est, nisi αἰμαῖ, tamen ex his, quæ diximus, abundè pater arbitror, hanc ætatis iustæ definitionem non esse juris merè positivi, ut existimat Bachovius. VINN. Immo esse videtur juris merè positivi, nec magis naturalis ratio movit Romanos, ut anno ætatis XXV. minorennitatem finirent, quàm Saxones, ut anno XXI. Definitus hic annus videtur lege Lætoria, quæ ideo *quinavicenaria* dicitur Plauto in *Pseud. act. 1. scen. 3. v. 69.* Annum verò potissimum XXV. electum arbitror à Lætorio, quia vulgo Romani longissimum humanæ vitæ spatium C. annis circumscribebant, l. 56. ff. de usufr. Plin. lib. 7. *Hist. nat. cap. 4.* Sen. de brev. vitæ, cap. 3. Ejus ergo primum quadrantem juventuti tribuebat Lætorius, & hinc eandem anno ætatis XXV. finiri existimabat. Observationem hanc collegæ olim conjunctissimo Nic. Hieronymo Gundlingio, me debere lubens fateor. HEIN.

Adhuc capere ejus ætatis sunt] Constat inter omnes, ait Ulp. l. 1. pr. de min. fragile esse & infirmum hujusmodi ætate consilium, multorumque captionibus & insidiis expositum; ideoque Prætozem naturalem æquitatem secutum, auxilium adolescentibus adversus captiones polliceri, & in fin. d. l. 1. addit, ideo eos usque ad vicesimum quintum annum curatorum auxilio regi. Sed quid opus fuit de curatore adolescentibus dando tam curiosè cavere, cùm si capti fuerint; prætor eos in integrum se restitutum polliceatur, nec iis minus subveniat qui curatorem habentes eo auctore quid gesserint?

run? *ut. tit. C. si tut. vel. cur. int.* Nimirum magis decorum acque honestum visum est, in tempore occurrere & providere, ne minores capiantur, quàm ut assiduis implorationibus tribuna-
lia personent. Deinde quia id etiam minoribus tutius est & utilius, ne post vulneratam causam remedium querentibus impedimentum aliquod obiciatur, l. ult. C. in quib. caus. in int. rest. nec. Curatoris autem consilio & prudentia efficitur, ut non tam facile lædantur, nec necesse sit restitutionem in integrum toties postulare: quamquam si nihilominus læsi proponantur, auxilium iis prætor non denegat. Illud obiter monendi sumus, non tantum ætate curationem finire, sed aliis etiam ex causis, atque ex iisdem fere, ex quibus finitur tutela: denique similiter vel ipso jure, ut adrogatione adolescentis, morte, servitute, deportatione vel adolescentis vel curatoris, vel interventu Magistratus, ut excusatione, remotione.

TEXTUS.

A quibus dentur Curatores.

1. Dantur autem curatores ab eisdem Magistratibus, à quibus & tutores. Sed curator testamento non datur: datus tamen confirmatur decreto Prætoris vel Præsidis.

NOTÆ.

1. Testamento non datur] l. 6. D. de confirm. tut. l. 2. C. eod. L. 12. tab. permissum parenti non curatorem, sed tutorem testamento dare.

COMMENTARIUS.

A B eisdem Magistratibus] Igitur Romæ à præfecto urbis vel prætore: in provinciis à præsidibus; in municipiis aut agris municipiorum à magistratibus municipalibus, juxta distinctionem traditam, §. nos autem. 5. sup. de Attil. tut. l. 3. D. de tut. dat.

Testamento non datur] Idem traditur in l. 7. Cod. de test. tut. At quamobrem? Nimirum quia puberes, quibus solis curator datur, ipsi si velint res suas administrare possunt; de quo mox plura. Eademque ratio est, cur pater liberis suis puberibus substituere non possit: scilicet quia ea ætate ipsi sibi testamentum facere possunt, l. 2. de vulg. & pup.

Datus tamen confirmatur] Sive à patre, sive à matre datus sit: & confirmatur perinde ut tutor testamento non legitime datus, l. 1. in fin. l. 2. §. 1. l. 6. de conf. tut. l. 2. Cod. eod. ac proinde naturam sapit testamentarii, l. 7. ff. rem. pup. salv. Est autem credibile, hanc curatoris testamento dati confirmationem post constitutionem M. Antonini primùm introductam fuisse, qua cavit, ut omnes adulti curatores acciperent, secundum ea, quæ mox dicemus.

TEX-

TEXTUS.

Quibus datur.

2. Item invitati adolescentes curatores non accipiunt, præterquam in litem: curator enim & ad certam causam dari potest.

NOTÆ.

2. *Invitati adolescentes*] Et ideo ipsi soli sibi curatorem petere poterant, l. 1. §. ult. D. qui pet. tut. Ubi autem petentibus semel curator datus est, hujus curatoris auxilio usque ad annum 25. regi debent: ita cap. l. 1. in fin. D. de min.

Præterquam in litem] Sive minor sit actor, sive reus: quia legitimam personam per se standi in judicio non habent, l. 2. C. qui leg. pers. stand. in jud. Vide superius in comment. inf.

COMMENTARIUS.

1 *Adolescentes olim invitati curatorem non accepisse*; neque id mutatum consuetudine D. Marci.

2 *Responsio ad loca, quæ in contrarium afferuntur.*

Hic locus quamquam in foro nullum usum habet; (constat enim, adolescentes etiam invitatos hodiernis moribus curatores accipere) tamen ad juris Romani cognitionem multum conferre potest diligens ejus expositio. Ait, *invitati*. In quo primum secum pugnare Justinianus videtur, qui initio hujus tituli dixit, ideo minores 25. annis curatores accipere, quia ejus ætatis sunt ut negotia sua tueri non possint. Deinde cum Justiniano Ulp. qui in l. 1. §. ult. de min. expressè scribit, minoribus 25. annis rei suæ administrationem committi non debere, quamvis rem suam bene gerentibus. Accedit, quod ne Principes quidem, nisi petaro atque extra ordinem, minoribus rerum suarum administrationem indulgere soleant; auctore eodem Ulp. l. 3. pr. d. tit. Rævardus l. var. 17. & Cujac. in l. 1. de excus. socordiam Triboniani accusant, qui ex veteri jure legis Lætoriz hic repetiverit quod jampridem constitutione D. Marci abrogatum erat. Sed enim & ex responsis recentiorum Jurisconsultorum & ex posteriorum Imperatorum rescriptis manifestè evincitur, etiam post D. Marci constitutionem non omnes minores curatores accipere coactos. Veluti ex eo, quod Papinian. scribit, l. 13. in fin. de tut. dat. non nisi minoribus desiderantibus curatores dari solere. Et quod Modestinus l. 2. §. pen. & ult. qui pet. tut. non licere aliis curatores minoribus petere, sed ipsos minores dumtaxat sibi petere posse. Item ex eo, quod Imperatores Diocletianus & Maximianus Attiano minori rescribunt, l. 2. C. de in int. res. interesse, utrum is curatorem habeat, an non habeat; si habeat, contractum ab Attiano initum jure non subsistere; si non habeat, subsistere, implorandamque esse restitutionem in integrum. Denique non uno in loco invenias,

adolescentes sine curatoribus propositos, ut in l. 7. §. 2. de min. l. muso 43. §. 3. de proc. l. 1. l. 7. C. qui & tut. Vix hæc componi poterunt, nisi à capite rem arcessamus. Igitur cum lege 12. tabularum de curatoribus propter ætatem adolescentibus dandis nihil cautum esset, neque certum ullum remedium adversus captiones & circumscriptiones, quibus hæc ætas obnoxia, introductum; lata postea est lex Lætoria, qua & circumscriptioni adolescentum abunde provisum est, atque insuper permissum curatores adolescentibus dari; non promiscuè tamen, sed lascivioribus & dissolutius viventibus, aut qui ingenio nimis hebeti essent, mentisve suæ non satis compotes: & fortassis ob alias etiam causas, quas exprimere, & Magistratui probare debebant, qui curatorem iis dari postularent. Quod quoniam odiosum erat, & pudorem eorum, quibus curator dabatur, suggillabat; tandem M. Antoninus Philosophus de curatoribus ita statuit, ut omnes adulti curatores acciperent non redditis causis, auctore Capitolino in Marco, cap. 11. Horum autem verborum hunc esse sensum apparet, ut deinceps ex constitutione Antonini omnes adolescentes indiscriminatim curatores accipere possent, remissa necessitate allegandi & probandi causas, ob quas peterentur; quod exigebat lex Lætoria: non inquam, ut invitati acciperent, sed ut sine periculo estimationis, si vellent, curatorem habere possent. (Meminit legis Lætoriz etiam Cic. 3. de offic. cap. 15. & 3. de nat. Deor. cap. 30. Plautus in Pseud. act. 1. scen. 3. v. 69. quinam vicenariam appellat, ut nonnulli existimant. Nulla igitur ratio est, cur Triboniano incusamus oscitantiam, cum ne quidem post constitutionem Antonini invitati adolescentes curatores acceperint. Quid ergo respondemus ad ea, quæ huic sententiæ paulo ante objecimus? Nempe quod Imperator initio hujus tituli ait, puberes usque ad vicessimum quintum annum curatores accipere; de volentibus & petentibus accipiendum esse, arg. hujus §. junct. l. 2. §. pen. & ult. qui pet. tut. vel cur. cui & subiecta ab Imperatore ratio accommodanda est. Ulpianum autem l. 1. §. ult. de min. de effectu curæ jam constitutæ loqui; cujus ea vis sit, ut minores, quibus petentibus semel curator datus est, hujus curatoris auxilii usque ad annum 25. regi debeant; nec possit Magistratus eum, quem semel curatorem dedit, à munere suo remove, minoribusque ob id, quod jam amplius sub cura vivere non lubeat, rerum suarum administrationem restituere, arg. l. 2. & 3. in pr. eod. tit. ubi hujusmodi Magistratuum decreta ut ambitiosa Imperatores interpretantur, & improbant: quoniam solius Principis sit ætatis veniam concedere; adi & Franc. de Amaya lib. 1. obser. jur. cap. 9. VINN. Quum crucem figat hic paragra-phus viris doctissimis: rem exemplo Vinnii nostri à capite arcessemus. Legibus XII. tabularum soli furiosi accipiebant curatores.

Nam

Nam quamvis vulgo & prodigos addunt ob l. 13. ff. de cur. furios. §. 3. *Inst. hoc tit. & Ulpian. fragm. tit. 12. §. 1.* vix tamen dubitaverim, quin id intelligendum sit eodem modo, quo & legitima patronorum tutela è XII. tabulis repetitur §. un. de leg. patr. tut. Nam in l. 1. ff. de curat. furios. moribus id initio introductum esse scribitur, id est, ut ego interpretor interpretatione prudentum, qui furiosis adsimilabant prodigos, quia & ipsi furiosum rerum suarum faciebant exitum l. 12. §. 2. ff. de tut. dat. l. 1. pr. ff. de cur. fur. Quia ergo curatio quodammodo ignominiosa habebatur, ei non suberant adolescentes, nisi ipsi peterent, idque cautum fuerat lege Latoria. Vulgo equidem existimant, hac lege tantum adolescentibus dementibus & lascivis datos esse curatores; eamque sententiam ipse sequutus sum in *Antiq. Rom. l. 1. tit. 23. §. 6.* sed sic vix novi quid sanxisset M. Antoninus, quum jam pridem omnes dementes & prodigi curatores ex lege XII. tabularum earumque interpretamentis acceperint. Fefellit ergo plerosque locus Julii Capitolini in vita Marci, c. 10. *De Curatoribus* verò quum ante non nisi ex lege Latoria, vel propter lasciviam vel propter dementiam, darentur, ita statuit, ut omnes adulti curatores acciperent, non redditis causis. Verum non dicit Capitolinus, ex lege Latoria tantum dementibus & lascivis curatores datos esse, sed ante Antoninum fuisse trium generum curatores, alios ex lege Latoria datos esse adolescentibus, alios ob lasciviam ex moribus, alios ob dementiam ex legibus XII. tabularum. Addit deinde, quid novi sanxerit Antoninus, nimirum, ut omnes adulti curatores acciperent, non redditis causis. Ergo ex lege Latoria curatores accipiebant adolescentes non omnes, sed, qui peterent, & quidem causa probata. Adolescentes ergo non inviti accipiebant: sed petentes. Petendi verò plures esse causæ poterant, quia nemo temere cum minoribus vellet contrahere, & horum tamen interesset: ut contractus iniretur. Quum verò plerumque curatores peterent si quando contrahere vellent res alienum: sapienter additum fuerat legi Latoris, curatores iis datum iri redditis causis. Proculdubio enim inquisivit prætor, quod negotium explicaturus esset minor, & an expediret illi curatorem dari? Talis fuit lex Latoria. At aliter Marcus Imp. rationes iniit, qui omnes minores curatores accipere iussit, non redditis causis. Rectè ergo l. 33. §. 1. ff. de admin. & peric. tut. dicitur, officium tutorum, curatoribus constitutis, finem accipere. Rectè in l. 1. §. 3. ff. de min. omnes adolescentes in ætatem usque XXV. annorum curatorum auxilio regi, dicuntur. Ita enim omnino sese res habere cœpit post Marci constitutionem. Quid ergo de verbis Justiniani, qui invitos negat curatores accipere? An cum Rævardo lib. 1. var. cap. 17. inscitæ arguimus Tribonianum, juxta ex lege Latoria antiquum pro no-

Vinnius in Inst.

vo & recepto obtrudentem? Quasi verò verisimile sit, Tribonianum in re dupondis nota errare potuisse. An cum Vultejo §. nostrum de curatore in litem, vel cum Vinnio l. 1. ff. de min. de eo qui jam curatorem accepit, interpretabimur? At neutram conciliandi rationem verba admittere videntur. Potius dixerim, etiam post Marci constitutionem non nisi petentes accepisse curatores: eundem tamen imperatorem voluisse ut omnes acciperent. Prius ex l. 13. §. ult. ff. de tut. & cur. dat. l. 2. §. penult. & ult. ff. qui pet. tut. posterius ex Julio Capitolino patet. Invenienda ergo erat ratio, qua adolescentes veluti cogerentur curatores petere. Et id eo modo facile fiebat, quod non prius tutela finita crederetur, quam quis curatorem petiisset. Quò pertinent l. 33. §. 1. ff. de admin. & per. tut. & l. 5. §. 5. ff. eod. Non ergo obtrudebatur curator invitis; sed dabatur petentibus. Petere autem debebant omnes, quia non prius rerum suarum administrationem accipiebant, quam petiissent. His ambagibus opus videbatur, quia vulgo curatellæ minorum ignominiosi quid inesse videbatur, l. 3. C. de integr. rest. Atqui multi adolescentes, inquis, olim sine curatoribus res suas administrarunt: idque discimus ex l. 7. §. 2. ff. de min. & l. 3. C. de in integr. restit. Respondeo id ad factum, non ad jus pertinere. Nam & impuberes aliquando negligentia eorum, qui tutores petere tenebantur, sine custodibus erant, uti ex toto titulo qui petant tut. vel curat. colligimus: nec tamen inde sequitur, ut existimemus, in arbitrio fuisse impuberum, sine tutoribus agere mallerent, an custodi subesse. Hæc paullo prolixius, quia vulgo parum accuratè traduntur. HEIN.

Præterquam in litem] Sive litem minor intendat, sive excipiat, l. 2. C. qui leg. pers. stand. in jud. Quod ideo comparatum est, ne minoribus agentibus aut judicio conventis adversarius elusorio judicio lædatur, cum sententia adversus minores indefensos lata nullius momenti sit, l. contra §. 4. de re ind. Idem & in aliis rebus simili æquitatis ratione receptum, veluti si debitor velit aut cogatur minori solvere, l. 7. §. 2. de min. si is, qui tutor fuit, rationem administrationis suæ redderet, l. 7. C. qui pet. tut.

Ad certam causam] Duplex igitur hæc inter tutelam & curam differentia animadvertitur; una est, quod curator non detur invito, tutor invito detur, l. 6. de tut. & cur. dat. altera, quod curator ad certam causam dari potest, tutor non potest, §. certæ. 4. sup. qui test. tut. dar. Neutrum autem horum moribus hodiernis observatur, ut alibi ostendimus.

TEXTUS.

De furiosis & prodigis.

3. Furiosique & prodigi, licet majores

res vigintiquinque annis sint, tamen in curatione sunt agnatorum ex lege duodecim tabularum. Sed solent Romæ Praefectus urbi vel Praetores, & in provinciis Praesides, ex inquisitione eis curatore dare.

NOTÆ.

3. *Furiosi quoque*] l. 1. D. de cur. fur. Ulp. tit. 12. §. 1. Cic. 2. de invent. c. 50. & 3. Tusc. c. 5. *Prodigi*] Quibus dissolutè viventibus bonis interdictum, l. 6. de verbor. oblig. §. 2. inf. quib. non est perm. fac. testam. Ulp. d. loc.

COMMENTARIUS.

1 *Prodigone ipso jure, sive eo ipso, quod prodigus est, bonis interdictum intelligi debeat; an verò ad id requiratur sententia Magistratus.*

Non uti tutela quædam impuberum legitima est, ita & cura quædam minorum puberum. Tutela legitima agnatis proximis lege deferretur propter spem certam successione, l. 1. de leg. i. tur. Cura autem magis ob ætatem lege delata est, quia puberes testamentum facere, & præteritis agnatis quem velint sibi heredem instituere possunt. Unde jam intelligitur, cur ob furorem, vel prodigalitatem, à lege curatores dentur: nimirum quia furiosi & prodigi, qui non magis quàm impuberes testamentum facere possunt, certos habent agnatos, quos ideo & curatores esse lex voluit.

Licet maiores] Eo magis igitur, si minores sint. Nam lex omnes furiosos & prodigos, solis pupillis exceptis, in curatione agnatorum esse voluit. Cæterum postquam minores omnes ex oratione D. Marci curatorem accipere cœperunt, placuit curatorem minori 25. annis furioso, non ut furioso, sed ut adolescenti dari: non propter furorem, sed propter ætatem, l. 3. §. 1. D. de tutel. Quem locum non videtur inspexisse D. Bachov. sed principium dumtaxat d. l. 4. ex quo contrarium defendere conatur. Ant. Faber i. iurisp. 12. pr. 1. illat. 6. contendit, d. §. 1. Tribonianum esse, & à juris ratione alienum: nam cùm curator minoris, non personæ sed rebus detur; furiosi contra personæ, interesse furiosi, quasi furioso potius, quàm quasi adolescenti curatorem dari. Bella ratio. Credo, ne aliqui nuptiæ à furioso sine consensu curatoris contractæ ratæ sint; aut ex negotio gesto saltem cum auctoritate curatoris obligetur. Ex professo cum Fabro congregitur eximius Jurisconsultus Franc. de Amaya lib. 1. obs. iur. cap. 8.

Ex lege duodecim tabularum] L. 1. l. 12. de cur. fur. Ulp. tit. 12. §. 1. Verba legis recitat M. Tullius lib. 2. de invent. c. 50. & 3. Tusc. c. 5. *Si furiosus existat; agnatum gentiliūque in eo pecuniaque eius potestas esto.* Unde nonnulli existimant, legem de prodigo nihil nominatim cavisse, sed per

interpretationem ita acceptam esse propter successioneis emolumentum, quod ut furioso ita & prodigo mortuo, ex lege apud agnatos est, arg. tit. de leg. pass. tur. supra, quamquam apud nostros hujusmodi distinctio non reperitur. Prodigum definit Ulp. d. l. 1. eum, qui neque modum neque finem impensarum habet, sed bona sua dilacerando & dissipando profundit. Unde vulgo quæri sol. t; an prodigus intelligendus sit 1 qui factio talis est; an verò decretum Magistratus expectandum; hoc est; an ipso jure & lege 12. tabularum dissolutè & luxuriosè viventi bonorum administratio interdicta intelligatur; an verò tum demum. cùm talis esse sententia Magistratus declaratus est? Dicendum, eum, qui moribus talis est, qualis in d. l. 1. describitur, revera quidem & ethice prodigum esse: (nam vitia & virtutes non pendent ex cognitione & sententia judicis, sed propriam naturam & formam habent) cæterum quoad rerum suarum administrationem non ante politicè & effectu juris prodigum haberi, quàm ea administratio causa cognita decreto Magistratus ei adempta sit; cujusmodi decreti extat vetus formula apud Paul. 3. sent. 4. Nimirum bonorum administrationis ademptio sive interdictio non juris est, sed iurisdictionis; hoc est, nemini speciatim bonorum administrationem lex interdicat, ac ne potest quidem interdicere: sed generaliter interdicti jubet omnibus, idque auctoritate Magistratus, quos prodigos esse causa cognita constabit, eumque, cui bonis publicè interdictum est, vult esse in curatione agnatorum, Ulp. d. l. §. 1. fac. §. 2. inf. quib. non est perm. fac. test. l. 6. de cur. fur. qui tamen & lege interdicti bonis dicitur, d. l. 1. de cur. fur. l. 18. qui test. fac. l. 5. §. 1. de acq. her. propterea quòd lex id fieri jubet, & quia à lege curatorem & administratorem bonorum accipit. Bene igitur & rationi juris convenienter Horatius 2. serm. 3.

— *Interdicto huic omne adimat jus*

Prætor, & ad sanos abeat tutela propinquos.

Furiosi alia ratio est. Nam cùm furor per se emineat, ut furioso bonis à Magistratu interdiciatur, non requiritur: at verò an quis prodigus haberi debeat, ex multis & variis circumstantiis æstimandum est, de quibus Magistratum cognoscere & pronuntiare oportet, ne quis temere in hominem sui juris & liberalem forte magis quàm prodigum potestatem aliquam sibi usurpet, aut cuiquam probabilis ignorantia nocëat. Atqui, inquis, prodigus receptis sanis moribus, & cum frugalitate in gratiam reversus, definit ipso jure esse in curatione, d. l. 1. de cur. fur. Sed ne hoc quidem excludit cognitionem & declarationem Magistratus: utique necesse est, ut publicè & apertè de eo constet, uti communiter DD. nostri testè Angelo statuunt. Atque hoc etiam concedo: si quis contraxerit cum manifestè luxurioso, eoque, quem sciebat, pecuniam illico malè con-

consumpturum, dici posse, esse quod sibi imputet, arg. l. 8. pro empt. Vigl. in §. 2. inf. quib. non est perm. test. fac. Myns. hic. Gail. 2. obs. 51. Paul. Buf. ad l. 6. de verb. obl. Ant. Fab. C. suo. de cur. fur. des. 7. Decher. 2. diss. 8. n. 8. D. Tuld. hic §. 4. & ad l. 1. de cur. fur. Christin. volum. 1. de eis. 163. Nostri moribus semper requiritur sententia declaratoria ejusque publicatio, teste Grot. 1. manual. 11. add. Jod. Damhoud. c. 8. de tut. & cur. mun. num. 26.

Sed solent Romæ] L. 1. de cur. fur. l. 8. §. ult. de tut. & cur. dat. Qua tamen in re, quam minimum potest, Magistratus à lege duodecim tabularum recedit: nam aliis administrationem dare non solet, nisi agnati aut nulli sint, aut minus idonei, l. 13. de cur. fur. ut non absolutè hæc cura ex legitima facta sit honoraria.

TEXTUS.

De mente captis, surdis &c.

4. Sed & mente captis, & surdis, & mutis, & qui perpetuo morbo laborant, (quia rebus suis superesse non possunt) curatores dandi sunt.

COMMENTARIUS.

Mente captis] Furiosus utique & mente captus, hoc est, demens, sive amens: nam furor definitore Cicerone 3. Tuscul. est mentis ad omnia cecitas. Plerumque tamen separantur, ut in l. diem proferre 27. §. coram. §. de recept. arb. l. 2. de inoff. test. l. ult. §. 1. C. de adm. tut. uti & furor & dementia, l. 8. de tut. & cur. dat. l. 6. de cur. fur. mente captus dicitur alienus, furiosus manens, Cic. in Pison. cap. 20. Ego se non recordem, non furiosum, non mente captum, non tragico illo Oreste, aut Athamante dementiorem putem? Hoc autem distare furiosum à mente capto Interpp. nostri ducent, quod ille rabie quadam animi agatur, quales fabulæ memorant Athamantem, Herculem, Ajacem, Orestem; hic magis in quiete sit, nec ulla fere signa ostendat extrinsecus: quod vitium plerumque naturale & perpetuum est. Furiosorum autem duo sunt genera: nam in quibusdam morbus perpetuus est, & continua mentis abalienatio, in quibusdam remissionem & intervalla habet, l. 14. de off. pras. l. 12. §. 2. de judic. leg. si cum dotem 12. §. si maritus. 7. sol. matrim. leg. 6. C. de cur. fur.

Surdis & mutis] De surdis & mutis est in l. 8. §. 3. de tut. & cur. dat. generatim de omnibus, qui in ea causa sunt, ut superesse rebus suis non possint, l. 12. cod. tit. De excis nihil cautum: quippe qui rei suæ familiaris, si nihil aliud impediatur, satis bene præesse possunt.

TEXTUS.

De pupillis.

5. Interdum autem & pupilli curatores accipiunt, ut puta si legitimus tutor non sit idoneus: quoniam habenti tutorem tutor dari non potest. Item si testamento datus tutor, vel à pretore, aut praside, idoneus non sit ad administrationem, nec tamen fraudulentè negotia administret, solet ei curator adungi. Item loco tutorum, qui non in perpetuum, sed ad tempus à tutela excusantur, solent curatores dari.

NOTÆ.

5. Curator adungi] l. 10. §. ult. de excus. l. 13. de tut. l. 2. C. in quibus causis Tut. legitimo tutori etiam suspecto, l. 9. de suspect. tut. alibi tamen tutor appellatur l. 12. de tut. l. 14. & seq. de tutor. dat.

COMMENTARIUS.

Habenti tutorem tutor dari non potest] Regula juris civilis passim in hoc argumento tradita, l. idem fiet 27. de test. tut. l. cum jure 9. C. qui per. tut. l. si sororis. 9. C. qui dar. tut. &c. Cujus vera ratio est, quæ à Vvesembecio redditur quod cum tutor personæ pupilli & universo ejus patrimonio datus intelligatur, §. datus. 17. inf. de excus. hoc jus ei invito, quamdiu tutor manet, sine injuria adimi aut minui non possit, appposito alio tutore. Curator autem rectè adjungitur juvandi & sublevandi tutoris causa, & volenti ac petenti item tutori. Cæterum nullum usum hæc regula hodiernis moribus habet. Grot. lib. 1. introd. c. 7. & jure Romano non unam patitur exceptionem. Nam primò habenti tutorem tutor dari potest aliarum rerum, l. propter litem 21. §. ult. de excus. nempe patrimonii pupilli, quod in alia provincia habet, l. tutores 39. §. patrimon. 8. de adm. tut. Deinde si tutor furere cœperit, aut mutus vel surdus factus sit; complura senatusconsulta facta esse Cælius auctor est, ut in ejus locum alius tutor detur, l. pen. de tutel. Idem denique traditum est, si tutor Reip. causa abesse cœperit, aut ab hostibus receptus sit, aut relegatus, l. 12. & l. 15. cod. l. 1. & l. pen. C. in quibus cas. tut. hab. Quod tamen & ipsum in plerisque causis non est perpetuum: nam alibi legimus, ob morbum aut insaniam tutoris curatorem interim dari, l. 10. §. ult. de excus. item propter absentiæ eorum omnium, qui ad tempus excusantur, l. 15. & l. seq. de tut. & cur. dat. Existimo prætorem pro qualitate morbi aut diuturnitate absentiæ modò tutorem, modò curatorem dedisse, veteresque hisce nominibus promiscuè sæpe usos.

Nec tamen fraudulentè] Nam fraudulentè in

re pupilli versanti, non curator adjungitur, sed tutela interdicatur, l. 6. C. de susp. tut. §. ult. inf. eod. Hæc autem clausula in legitimo tutore omiffa est, cujus existimationi propter necessitudinem parcuritur, etiam si quid forte peccaverit; & curator ei potius adjungi solet, quàm ut notata fide à tutela removeatur, l. 9. de susp. tut.

Sed ad tempus] Quòd Reip. causa absint, l. 15 de tut. dat. aut ob aliam necessariam aut justam causam, l. 16. eod. In ejus autem locum, qui in perpetuum excusatur, alius tutor sufficitur, l. 11. §. 1. de test. tut. l. 1. C. in quib. ca. tut. hab.

T E X T U S.

De constituendo auctore.

6. Quòd si tutor vel adversa valetudine, vel alia necessitate impediatur, quominus negotia pupilli administrare possit, & pupillus vel absit, vel infans sit; quem velit auctorem, periculo ipsius tutoris prætor, vel qui provincie præerit, decreto constituet.

N O T A E.

6. Auctorem] Pomponius adiutorem tutelæ vocat, l. 13. §. 1. de tut.

Constituet] Id est, decernet editum, & nominatum à Tutore, & ob hæc causam et-

iam periculo tutoris, l. 24. de administr. tut. & l. 13. §. 1. de tut.

C O M M E N T A R I U S.

Non semper ex causis, quas diximus, tutori curator à Magistratu additur: sed solet decreto Prætoris auctor constitui periculo tutoris, quotiescumque aut diffusa negotia sunt, aut dignitas, vel ætas, aut valetudo tutoris id postulat, l. decreto 24. de adm. tut. quem adiutorem tutelæ appellat Pompon. l. 13. §. 1. de tut. Curator quoque ex iisdem causis similiter auctorem dat, l. unic. C. de aff. à tut. seu cur. dand.

Vel absit, vel infans sit] Nam si præsens sit & fandi potens; nihil necesse est prætorem adire auctoris decreto constituendi causa, cum pupillus ut dominus auctore tutore procuratorem constituere possit, d. l. decreto. 24. de adm. tut. l. 11. C. de proc.

Periculo ipsius tutoris] Quamvis tutor curatoris sibi adjuncti periculum non præstet: auctor tamen & adiutor tutelæ periculo tutoris constituitur, licet decretum interveniat, d. l. 13. §. 1. de tut. d. l. decreto. 24. de adm. tut. Hoc ideo, quia is qui nominat, idoneum esse promittere videtur, arg. leg. 1. de mag. conv. l. 4. §. 3. de fidei. & nominat.

TITULUS VIGESIMUS QUARTUS. DE SATISDATIONE TUTORUM VEL CURATORUM.

D. Lib. 27. Tit. 7. C. Lib. 5. Tit. 57.

*Continuatio, & Argumentum Tituli, cum summa plerorumque,
quæ tutela & curæ communia.*

Hæcenus dictum est de tutoribus & curatoribus distinctè, & separatim, expositumque, quæ tutelæ, quæ etiam curæ sunt propria. Quæ nunc sequuntur, satisfactio, excusatio, suspecti accusatio & remotio, promiscua sunt, & utriusque muneris communia. Quamobrem quæ forte de uno genere brevitatis causa dicemus, ea de altero quoque intelligenda sunt. Hic autem titulus, quamvis simplicem inscriptionem, duo tamen capita habet: unum est de satisfactioe à tutoribus in præparatione ad officium exigenda, cui respondet titulus in *rem pup. sal. for.* alterum de Magistratibus in subsidium conveniendis, de quo *iii. n. & C. de mag. conv.* Præter satisfactioem, & duæ alix res sunt, quæ hic omisse à tutoribus & curatoribus omnibus exiguntur, l. 7. de adm. tut. l. ult. C. arb. tut. l. tutores 24. C. de adm. tut. de quo adi Christ. vol. 3. dec. 151. n. 6.

& seqq. & dec. 163. num. 7. & seqq. Grot. 1. manud. 9. deinde ut jurent se rem ex fide atque ad utilitatem curæ suæ commissorum gesturos esse, Nov. 72. c. ult. unde auct. quod generaliter. C. de eur. fur. Ad hæc pro officio administrationis bona tutoris & curatoris pupillo adolescenti tacite pignori sunt obligata, l. pro officio. 20. C. de adm. tut. & ibi DD. Christin. d. decis. 151. Postremò in eo quoque eadem conditio est tutorum & curatorum, quòd bona pupilli minorisve immobilia, atque ex mobilibus quæ servari possunt, alienare eis non licet sine cognitione & decreto judicis, l. ex qua 22. C. de adm. tut. & ibi DD. add. Christin. d. dec. 151. cum seqq.

T E X T U S.

Qui satisfacere cogantur.

Ne tamen pupillorum pupillarumve, & co-
rum,

rum, qui quæve in curatione sunt, negotia à curatoribus tutoribusve consumantur vel diminuantur, curet Prætor, ut & tutores & curatores eo nomine satisfident. Sed hoc non est perpetuum; nam tutores testamento dati satisfacere non coguntur: quia fides eorum & diligentia ab ipso testatore approbata est. Item ex inquisitione tutores vel curatores dati satisfactione non onerantur: quia idonei electi sunt.

NOTÆ.

Eo nomine satisfident] Id est pupillum vel adultum datis fidejussoribus securum faciant, l. 1. & pass. D. rem pup. salu. for. hoc enim est satisfacere. Græci ἐγγυὰς παρέχουσιν. Prætoris stipulationes, qualis hæc est, cautionem pignoratitiam regulariter non admittunt, l. 7. de stip. prætor.

Testamento dati] Ut ex testamento confirmati l. 3. de conf. tut. paternum testimonium pro satisfactione sufficit, l. 7. §. 5. D. de cur. fur. neque enim tutor à patre nisi spectata fidei, & diligentia eligi solet, l. 36. de excus. Excipe casus l. 8. cum 2. seqq. de conf. tut.

Ex inquisitione] l. 4. C. de tut. qui sat. non ded. & regula est, ubi locus est inquisitioni, cessat satisfactio, l. 8. de cur. fur. l. ult. §. 7. de adm. rer. ad civ. persin. fides enim inquisitionis pro vinculo cedit cautionis, ut ait Pap. l. 13. in fine de tut. dat.

COMMENTARIUS.

- 1 Quando pignora in vicem satisfactionis admittantur.
- 2 Plures fidejussores unius tutoris beneficium divisionis non habere. At ex persona plurimum tutorum actionem inter fidejussores dividi.
- 3 Nullum esse genus tutorum, in quo non aliqui satisfaciendi lege soluti.
- 4 Quid circa satisfactionem, & nonnulla alia, apud nos observetur.

EO nomine satisfident] Satisfacere propriè est, si de jussoribus datis cavere, l. 1. qui satisfd. cog. Atque hoc prætoris stipulationes regulariter desiderant. l. prætoris 7. de prætor. stip. nimirum quia Prætor fere cavere jubet de eo, quod interest, nec certam æstimationem habet, ideo pignora dari noluit; cum sciri non possit, quæ & qualia deponenda sint. Sed & pignora multis casibus sunt obnoxia, multa etiam incommoda, & tediosam habent custodiam; quod notat Castr. ad d. l. 1. qui satisfd. cog. Quod si cautio pro re certa aut quantitate præstanda sit, etiam pignora amittit, l. 1 §. jubet. 9. de collat. l. 2. §. 3. quod legat. Itaque satisfacere tutelæ aut curæ nomine est, stipulanti pupillo vel adolescenti, sive alii, cui de ea re stipulan-

Vinnius in Institut.

dius est, promittere, se pupillum vel adolescentem indemnem præstaturum, datis in eam rem fidejussoribus, qui, quod tutorem ex ea causa præstare oportebit, spondeat: unde hæc cautio dicitur satisfactio de indemnitate pupilli vel adolescentis, & passim satisfactio rem pupilli vel adolescentis salvam fore. Si plures fidejussores & tutores dati sunt; singuli in solidum tenentur, & conveniri possunt: neque beneficium divisionis, quod ceteri fidejussores ex epistola D. Adriani habent, ad fidejussores tutoris pertinet, l. ult. rem. pup. salu. Cæterum ex persona plurimum tutorum inter fidejussores dividitur actio, l. 6. de fidei. & nomine l. 1. §. & siquidem. 11. de tut. & rat. distr. Pertinet verò hæc stipulatio etiam ad curatores furiosorum & prodigorum, l. 4. §. ult. rem. pup. salu. for. Et, siquidem tutor fuit, finita demum tutela committitur, atque exinde dies fidejussoribus cedere incipit: in curatore statim atque quæque res salva non esse cæperit, d. l. 4. §. 4. Porro quicquid in iudicium tutelæ venit, id etiam hac stipulatione continetur: ac proinde non tantum damna illata, sed etiam lucra neglecta, l. 9. d. tit. l. 1. de tut. & rat. distr. l. si tutor 15. de adm. tut. VINN. Rectè Vinnius, stipulationem pro tutore committi demum finita tutela. Ita enim disertè Ulp. l. 4. §. 4. ff. rem pup. salu. fore. Sed turbare videtur l. 11. ff. eod. ubi Neratius: Cum rem salvam fore pupillo caveatur, committitur stipulatio, si quod ex tutela dari fieri oportet, non præstetur. Unde quidem ajunt, stipulationem statim committi, tutore non præstante, quod cum facere oportebat, sed agi demum posse, finita tutela. Verum salva res est. Non agit Neratius de tempore, quo committatur stipulatio, sed de modo, quo committatur, adeoque ea conciliandi ratione non opus videtur. HEIN.

Sed hoc non est perpetuum] Hoc adeo perpetuum non est, ut exceptiones latius patere videantur, quam ipsa regula: nullum enim genus tutorum est, in quo non aliqui satisfaciendi lege soluti sint: testamentarii in universum, l. testamentum 17. de test. tut. l. 3. & 4. C. de tut. vel cur. qui sat. non ded. Ex legitimis eximuntur patroni, eorumque liberi, l. 5. §. 1. de leg. tut. Ex dativis, qui dantur ex inquisitione, hoc text. & l. pen. C. d. tit. At cur hos omnes à satisfactione immunes esse placuit contra utilitatem, ut videtur, pupillorum? Respondemus, nihil hic fieri contra utilitatem pupillorum, tantum ubi illis satis bene prospectum esse creditur, incivile visum est, satisfactionem exigi, virisque spectata fidei ac diligentia hoc onus imponi. Tales autem habendi sunt, qui vel testamento, vel ex inquisitione dantur, ob causas, quas mox exprimit Justinianus. Patrono autem liberisque ejus et si satisfactio remittitur, id tamen non fit nisi causa cognita, d. leg. 5. §. 1. de leg. tut. Parentem autem manumissorem vel maxime hac lege solutum esse convenit.

Tutores testamenti dati] Extra quam si facultatum dati à patre tutoris facta sit deminutio vel morum ante celata aut ignorata emergerit improbitas, vel inimicitiae cum patre exarserint, l. 4. de test. tut. l. 8. & 2. seqq. de conf. tut. Tutores quoque, qui non legitime testamento dati, aut omnimodo, aut ex inquisitione confirmandi sunt, satisfactione non onerantur; ceteri satisfaciunt, l. 1. §. 2. & aliquot ll. seqq. d. tit. §. ult. supr. de tutel. & ib. not.

Ab ipso testatore approbata] Quippe parentes nemini tutelam liberorum suorum committere solent nisi ei, cujus benevolentia, fides ac diligentia eis satis cognita perspectaque sit, l. amicissimos. 36. de excus. ut merito paternum testimonium pro satisfactione sufficere debeat, d. de creationibus 27. C. de Episc. aud. l. ult. §. 5. C. de cur. fur.

Quia idonei electi] Quamob causam fidem inquisitionis pro vinculo cautionis cedere, Papinian. scripsit, leg. si impuberi 13. in fin. de tut. & cur. dat. Olim apud nos nemo tutor idoneus sine satisfactione aestimabatur: verum hodie prudentiae & religioni eorum, qui rebus pupillaribus praesunt, ea res committitur, qui non solent satisfactionem à tutoribus exigere, contenti eorum jurejurando, praesertim si testamento dati sint, quod & passim alibi observatur. Joan. à Sande lib. 2. tit. 9. defin. 9. Extat formula jurisjurandi in stat. tutelae. Rhenland. art. 22. Quandoque ab uno ex pluribus tutoribus, cui singulariter administratio conceditur, fidejussores aut pignora, prout res postulat de consilio propinquorum pupilli exiguntur. Quae majoris momenti sunt, non nisi sciente & consentiente Magistratu pupillari tutores facere possunt, nisi is Magistratus testamento exclusus sit: quo tamen casu nihilominus suprema inspectio, re exigente, penes eos est, qui tribunali praesunt, vid. Grot. 1. manud. 9. ubi etiam tractat; an tutores, & quinam, mercedem administrationis petere possint; item, quando tutoribus liceat quaestorem constituere; & quaedam alia ad tutoris administrantis & quaestoris constituti officium pertinentia.

TEXTUS.

Quatenus satisfactio de iis, qui satisfacere non compelluntur, locum habere possit.

1. Sed etsi ex testamento vel inquisitione duo pluresve dati fuerint; potest unus offerre satisfactionem de indemnitate pupilli vel adolescentis, & contutori suo vel concutori praeferrri, ut solus administret: vel ut contutor aut concurator satis offerens preponatur ei, ut & ipse solus administret. Itaque per se non potest petere satisfactionem à contutore vel concuratore; sed offerre debet, ut electionem det concurato-

ri vel contutori suo, utrum velit satis accipere, an satisfacere. Quod si nemo eorum satis offerat, siquidem adscriptum fuerit à testatore, quis gerat, ille gerere debet: quod si non fuerit adscriptum; quem maior pars elegerit, ipse gerere debet, ut edito Praetoris caveatur. Sin autem ipsi tutores dissenserint circa eligendum eum, vel eos qui gerere debent; Praetor partes suas interponere debet. Idem & in pluribus ex inquisitione datis comprobandum est; id est, ut major pars eligere possit, per quem administratio fiat.

NOTAE.

1. Potest unus offerre] Unius ex pluribus tutoribus satisfactioni non obnoxiiis provocatione fieri potest, ut ceteri satisfactioni subiciantur, aut huic parato satisfacere administratio committatur, l. 17. & 2. seqq. de test. tut. cujus instituti rationem pete ex lege 3. §. 6. de admin. tut.

Si non fuerit adscriptum] Aut adscriptus gerere nolit: d. l. 3. §. 7.

Praetor partes suas interponere] Id est causa cognita statuere, quis tutelam geret, d. l. 3. §. 7. l. 14. §. 1. D. de solut. Sorte rem hic dirimi non placet, quia vertitur in praedictum alterius. Accurs.

COMMENTARIUS.

1 Provocatione unius ex pluribus tutoribus satisfactioni non obnoxiiis fieri posse, ut ceteri satisfactioni subiciantur.

2 Tutelam non tam commodè à pluribus, quam ab uno administrari: ideoque Praetori curae esse, ut administratio in unum derivetur, & quis in ea re ordo.

Hic locus exceptionem quamdam continet eorum, quae de tutoribus testamento aut ex inquisitione datis satisfactione non onerandis initio dicta sunt: nam etsi directo ab his satisfactio exigi non potest; si tamen plures sint huiusmodi tutores, provocatione unius fieri potest, ut ceteri satisfactioni subiciantur, si huic parato satisfacere administrationem committi nolint. Id quod summa ratione à Praetore introductum est. Nam cum periculum administratione non divisa commune sit omnium tutorum, & quod culpa unius male gestum est, alios quoque oneret, l. 6. in fin. C. arb. tut. l. pen. C. de div. tut. aequissimum est, ut ei, qui hoc incommodum metuit, soli administratio permittatur satisfactionem ad securitatem collegarum offerenti: aut si ipsi administrare malint, eadem conditione administrent, collegamque suum, qui satis obtulit, praestita cautione itidem securum reddant. Porro quoniam tutela non tam commodè à pluribus quam ab uno administrari solet,

solet, (quippe plures ad administrationem admissi sæpe dissensione aut æmulatione se invicem impediunt; sæpe etiam, ut ait Aristot. 2. pol. 2. mutua præsumptione & fiducia operæ alterius omnes cessant; utique unus facilius & actiones exercet & excipit) curæ Prætori fuit: ut quoad fieri posset, in paucos, vel unum potius, tutela derivaret, quàm ut ea per multos spargeretur, l. 3. §. apparet 6. de adm. tut. eleganter D. Tuld. cap. 3. & 4. hic. Hujus autem rei causa gradus complures Prætor fecit, quorum ordinem & numerum hic demonstrat Justinianus. Primus est, ut ei, qui ex pluribus satisfactioni non obnoxii satisfactionem offert, gestio committatur, l. 17. de test. tut. Proximus: si nemo satis offerat, ut ei committatur, quem testator gerere voluit: cui male primum locum desert Horom. d. l. 3. §. 1. de adm. tut. l. 14. §. 1. de solut. Tertius; si testator neminem designavit; ut is administret, quem major pars collegarum elegerit, d. l. 3. §. si non. 7. d. l. 14. §. 1. Quartus: si collegæ inter se dissentiant, ut tum Prætor partes suas interponat, & causa cognita ipse statuatur, quis tutelam gerere debeat, dd. ll. Sorte hic rem dirimi non placuit, quia vertitur præjudicium alterius, Gloss. in verb. partes. Enim verò hæc ita obtinent, ubi de tutelæ administratione uni aut paucis committenda agitur: nam si omnes gerere velint, aut tutelam inter se dividi vel in partes, vel in regiones, audiendi sunt, ne inviti alienum periculum subire cogantur, d. l. 3. §. pen. & ult. cum l. seq. de adm. tut. Idemque est, si omnes parati sint satisfacere, d. l. 17. de test. tut. ut tamen maxime idoneum Prætor eligere possit, l. quod si 18. d. tit. Porro nec iudicio testatoris semper in hac re statuitur, nec satis offerens semper præfertur ob causas, quas affert Ulpian. d. leg. 3. §. 3. de adm. tut. d. l. 17. §. 1. & 2. de test. tut.

Per se non potest petere] Dativus, vel testamentarius tutor sive curator à collega suo satisfacere non potest: sed offerre ei debet, utrum satis accipere velit, an dare, leg. 7. rem. pup. sal. for. Scilicet ita: aut satisda; aut satis accipe.

In pluribus ex inquisitione] Ex interpretatione videlicet edicti & oratione DD. fratrum: siquidem verba edicti ad testamentarios tantum pertinent, l. si nemo 19. §. 1. de test. tut. Illud hic prætereundum non est, etiam si uni administratio decernatur; non idcirco tamen honorarios tutores id est, eos qui non administrant, per omnia immunes esse à periculo tutelæ: sed excussis prius facultatibus ejus, qui gessit, etiam hos conveniri posse; quippe quorum munus sit observare actus tutoris gerentis, rationes inspicere, & male versantem suspectum facere, d. l. 3. §. 2. de adm. tut. D. Tuld. c. 4.

TEXTUS.

Qui ex administratione tutelæ, vel curationis tenentur.

2. Sciendum autem est, non solum tutores vel curatores pupillis, vel adultis, cæterisque personis ex administratione rerum teneri, sed etiam in eos, qui satisfactionem accipiunt, subsidiariam actionem esse, quæ ultimum eis præsidium possit afferre. Subsidiaria autem actio in eos datur, qui aut omnino à tutoribus vel curatoribus satisfacere non curaverunt, aut non idonee passi sunt caveri. Quæ quidem tam ex prudentum responsis, quàm ex constitutionibus imperialibus etiam in hæredes eorum extenditur.

NOTÆ.

1. Subsidiariam actionem] Qui in subsidium pupilli datur & adulti, excussis prius administratoribus, eorumque fidejussoribus. Vide fusius in commentario infra.

COMMENTARIUS.

1. Qui & quando præter tutores & curatores pupillis & minoribus teneantur, & quo quique ordine conveniendus.

Pars hujus tituli altera, in qua agitur de actione subsidiaria, quæ pupillis vel adultis cæterisque personis tamquam ultimum præsidium datur adversus Magistratus, qui satisfactionem exigere debent. Unde apparet, huic actioni locum non esse, ubi testamento vel ex inquisitione dati sunt tutores: sed usum ejus esse posse in legitimis tantum, aut simpliciter datis quos solos satisfactioni obnoxios esse diximus.

Subsidiariam actionem] Quæ ex re ipsa hoc nomen accepit, quia in subsidium pupillis datur, si à tutoribus eorumve fidejussoribus suum consequi nequeant: ut hæc actio ultimum eis sit periculum, & tamquam sacra anchora, l. 4. & 5. C. de mag. conu. Quo res melius intelligatur, sciendum est, primo loco conveniendos esse tutores eorumque hæredes: & si plures sint tutores, eum qui gessit, ejusque successores, l. tutores 39. §. in eum 11. de adm. tut. l. ult. C. de div. tut. quod si is solvendo non sit; hoc cæteros onerare. Si omnes gesserunt, unum eligi posse, & in solidum conveniri, l. 2. C. d. s. l. 6. arb. tut. sed electo tum triplici beneficio succurri; divisionis & cedendarum actionum, exemplo fidejussorum, l. 1. §. & siquidem 11. de tut. & rat. dist. d. l. 2. C. de div. tut. & insuper utili actione adversus contutores, si quid ex communi gestu non mandatis actionibus præstiterit, d. l. 1. §. & si forte 13. Si nemo gesserit, & omnes solvendo sint; electioni itidem locum esse, eumque, qui convenitur, excipere posse periculum, l. 4. li so-

li societatem : ceterum ut actiones sibi præstentur, frustra desiderare, *l. si plures* 38. de adm. tut. Quod si à Magistratu vel testatore in partes seu regiones divisa sit tutelæ administratio ; pro parte attributa quemque conveniendum esse, nisi ejus dolus aut culpa arguatur, quodd collegam suspectum non fecerit, aut fecerit quidem, sed collusoriè, aut eversis jam ejus facultatibus, *d. l. 2. C. de dim. tut. l. Lucius* 46. §. pen. de adm. tut. Conventione autem tutorum mutuum periculum non finitur: verum qui administravit, si solvendo sit, ejusque successores primo loco conveniendi, *l. ult. C. d. tit.* Porro & bona tutorum tum propter res gestas, tum propter non gestas pupillis esse obligata, *l. pro offic. 20. C. de adm. tut. Myns. Schneid. hic.* Atque hic pupillo consistendum, si à tutoribus satisfactum non est, quia testamento aut ex inquisitione dati. Si verò tales sint, ut satisfacere debuerint, nec exacta sit satisfactio, post tutores statim ad Magistratus venit, qui officium suum in exigendo neglexerunt; ut hoc text. Exactæ autem cautione, proxime post tutores hæredesque eorum conveniuntur dati fidejussores, iisque deficientibus hæredes eorum, *l. 3. de fidei. & nomin. & her. tut.* Atque ad extremum excussis omnibus & administratorum & fidejussorum bonis, si solidum pupillus nondum consecutus est; subsidia actio est in à Magistratus, qui satisfactionem acceperunt, *l. Lucius* 46. §. pen. de adm. tut. *l. 4. C. de Mag. conv.* Nonnumquam tamen prius ad Magistratus venit quam ad contutores: si nimirum his nihil imputari possit, quod vel satis à contutore non exegerint, vel suspectum eum non fecerint, vid. *leg. 1. §. usque adeo 15. de tut. & rat. dist. junct. l. 14. de adm. tut. l. 2. & 3. de Mag. conv. add. Vves. par. de adm. tut. num. 5. & de Mag. conv. per tot. Christin. vol. 3. decis. 156. num. 9.*

Non idoneè passus fuit cavere] Quoties vitiosè cautum est, non videtur cautum. *l. 6. qui satisf. cog.* Atque hic notant, paria esse, utrum quid non fiat, an non debito modo. Sed hoc interest, quodd ubi omnino cautum non est, statim Magistratus conveniri possunt: ubi cautum est, licet non idoneè, fidejussorum bonis prius excutienda sunt, quam ad Magistratus veniatur.

In hæredes] Non tamen similiter tenentur hæredes Magistratuum, ut ipsi Magistratus. Nam nec hæres tutoris negligentia nomine tenetur. Nam Magistratus quidem in omne periculum succedit; hæres ipsius doli tantum, & dolo proximæ culpæ succedaneus est, *l. 4. de Mag. conv. l. 2. C. cod.* Etenim si Magistratus tanta fuit negligentia, ut aut omnem cautionem omitteret, aut evidenter cum minus idoneis fidejussoribus contraheret; ipsum hoc casu loco fidejussoris habendum placuit; *l. 6. cod.*

T E X T U S.

Si tutor vel curator cavere nolit.

3. Quibus constitutionibus & illud exprimitur, ut nisi caveant tutores & curatores, pignoribus capitis coerceantur.

C O M M E N T A R I U S.

Pignoribus capitis] Pignora ideo dicuntur, quia aliquamdiu, & donec aliquid fiat, retinentur: eaque pars fuisse videtur multæ dictionis. Quod si in contumacia perseverent, removendi à tutela ut suspecti, *leg. 3. de susp. tut.*

T E X T U S.

Qui dicta actione non tenentur.

4. Neque autem Praefectus urbi, neque Praetor, neque Praeses provinciae, neque quisquam alius, cui tutores dandi jus est, hac actione tenebitur: sed hi tantummodo, qui satisfactionem exigere solent.

N O T A.

4. Qui satisfactionem exigere] In urbe scribae, in provinciis Duum viri, *l. ult. C. d. r. l. 3. §. ult. D. de pecul.*

C O M M E N T A R I U S.

1. An ipsi etiam Magistratus majores cautionem exigere potuerint.

2. Moribus hodiernis per exiguum actionis subsidium usum esse.

Vi tutores dandi jus est] Κατ' ἐξουσίαν, vel jus plenum & liberum, quale item habent Proconsules, ceterique, quibus provinciae regendae commissae, *l. 1. de tut. & cur. dat. l. 1. §. 1. D. de Mag. conv.* alioqui & Magistratus municipales jus dandi tutores habent, sed circumscriptum, aut pendens ab arbitrio & jussu majorum Magistratuum, *leg. 3. d. tit. junct. §. sed hoc jure & sup. de Attil. tut.* Locus hic descriptus ex *l. 1. §. 1. de Mag. conv.*

Qui satisfactionem exigere solent] Ut Magistratus & defensores civitatum οἱ ἀμυντικοί, & ἐκδικοὶ ἡ δὲ πλείων. Theophil. Item Scriba Praefidis vel Praetoris, *leg. ult. Cod. eodem.* At, exigere solent. Potuitne ergo & ipse Praetor cautionem exigere? Et potuisse non dubito, *leg. 2. & 3. rem. pup. salu.* Igitur & Praefides potuerunt: Nusquam tamen reperimus, in eos actionem subsidariam dari: sed contra, generaliter non dari: fortassis propter eminentiam dignitatis eorum: vel quia absurdum videtur, eis, qui

qui sine satisfactione tutorem dare poterant, fraudi esse, quod singulari erga pupillum affectu ducti, quo certius ei cautum esset, si de iustores exegerint. In his regionibus actioni subsidiariae vix locus est; ut supra quoque monuimus; neque in Germania usum ejus esse testatur Treutl. vol. 2. disp. 9. thes. 7. in Gallia quoque defuetudine abrogata ex Bugnion. libr. 1. de leg. abrog. satyr. 2. refert Gothofr. ad rubr. Cod. de Mag. conv. quod mi-

ror à Barone adnotatum non esse. Planè si quid dolo malo in satisfactione exigenda Magistratus fecisse convincantur, puta quod scientes & prudentes fideiussorem minus idoneum admiserint; hoc casu etiamnum eos teneri, tradunt D. Tuld. ad d. sis. Cod. num. 3. & Perez. ibid. num. 4. Christin. vol. 3. dec. 181. num. 4. & 7. Grænev. de ll. abrog. hic. Atque ita iudicatum referunt Bugn. præd. loc. Pap. lib. 10. tit. 4. artic. 10.

TITULUS VIGESIMUSQUINTUS. DE EXCUSATIONIBUS TUTORUM VEL CURATORUM.

D. Lib. 27. Tit. 1. C. Lib. 5. Tit. 62.

Ratio ordinis, & quadam apodictica.

Testamentum de excusationibus & suspectis tutoribus in postremum hunc locum rejecit Justinianus, cum ageret de modis, quibus tutela finitur, §. ult. sup. quib. mod. tut. fin. Hoc tit. agit de excusationibus, sequenti & postremo de suspectis. Utrumque autem etiam hoc argumentum promiscuum est, atque ex æquo ad tutores & curatores pertinet. Excusare se nihil aliud est, quam justam causam apud Magistratum allegare ad obtinendam à tutela, sive delata, sive suscepta, immunitatem. Ajo, sive delata, sive suscepta. Nam excusationum usus est & ante & post susceptam administrationem, ut ex sequentibus apparebit. Ajo, justam causam. Nam nisi excusatio justa atque ad eam rem constituta causa nitatur, non est audienda. Etenim tutela munus publicum est, cujus ea conditio, ut id, nisi justa causa asseratur, neque delatum detestari, neque susceptum deponi possit, l. 3. §. 1. & 4. l. 6. de mun. & hon. l. 1. & passim de vac. mun. l. 1. de adm. tut. Causæ excusationum variae sunt: hic octodecim fere enumerantur, plures in §. & Cod. hoc sis. Atque harum omnium quædam certæ sunt & legibus ita definitæ, ut simpliciter sint recipiendæ; cujusmodi sunt numerus liberorum, administratio fisci, absentia Reip. causa, &c. aliarum arbitrarum: quæ, causa cognita, à Magistratu vel recipi, vel rejici possunt; quales sunt verbi causa paupertas, adversa valetudo, imperitia litterarum.

TEXTUS.

De numero liberorum.

Excusantur autem tutores & curatores variis ex causis: plerumque tamen propter liberos, sive in potestate sint, sive emancipati. Si enim tres liberos superstites Roma quis habeat, vel in Italia quatuor, vel in provinciis quinque; à tutela vel cura po-

test excusari, exemplo ceterorum munerum: nam & tutelam & curam placuit publicum munus esse. Sed adoptivi liberi non profunt: in adoptionem autem dati naturali patri profunt. Item nepotes ex filio profunt, ut in locum patris sui succedant: ex filia non profunt. Filii autem superstites tantum ad tutelam vel curam muneris excusationem profunt: defuncti autem non profunt. Sed si in bello amissis sunt, quasitum est, an profint. Et constat, eos solos prodesse, qui in acie amittuntur. Hi enim qui pro Republica ceciderunt, in perpetuum per gloriam vivere intelliguntur.

NOTÆ.

Propter liberos] Ex Mod. l. 1. §. 2. & seqq. D. h. l. 1. C. qui num. lib. Vide superius in comm. inf.

Publicum munus] l. 1. §. 4. ult. §. 1. D. de mun. & hon. l. 9. de his qui sui vel alien. iur. nempe ratione necessitatis: propriè enim Reipub. munus non est, l. 6. §. 15. D. h. s. vide Comment.

Adoptivi liberi non profunt] Olim proderant; quem morem reprehendit P. Scipio apud Gell. 5. cap. 19.

Qui in acie amittuntur] l. 18. hoc sis. & ita cape Mod. in l. ult. de vac. mun. in bello amissus. Gell. 2. c. 15. aus bello amisit; non per causam belli in obsequio forte; sed in acie, in prælio: Sallust. In eo bello trecenti milites desiderati. Vide Comm.

COMMENTARIUS.

Propter liberos] Romanis studium fuit, ad matrimonia omnibus modis invitare, quod publicè interesset credebant iusta sobole repleti civitatem; quam ob causam & pœnis cœlibis, & maritos, quod liberos suscepissent, præmiis affecerunt: quod effectum maxime legibus Juliane maritan-

ritandis ordinibus, & lege Papia Poppæa, de quibus Cujac. ad l. 2. *hoc sit*. Liphius in comm. ad 3. *annal.* ad verba Taciti, de moderanda Papia Poppæa. Hotom. in descriptione legum Rom. Inter hæc præmia immunitas fuit à muneribus civilibus, l. 1. pr. l. 2. de *vac. mun.* ac proinde etiam à tutela & cura, l. 2. §. 2. *hoc sit*. l. 1. *Cod. qui num. lib.*

Sive emancipati l. 2. §. 3. *hoc sit*. l. 2. §. incolumes. 5. de *vac. mun.* quippe hæc immunitas non tam propter onus domesticum educationis liberorum conceditur, ut vulgo existimant, quam ut præmium & remuneratio *παλινδότης*. De jure trium liber. vid. Duar. 1. *disp.* 40. VINN. Et multo accuratiorem M. Vertran. Maurum de jure liberorum. HEIN.

Tres liberos Romæ, in Italia quatuor, &c. l. 1. C. qui nullib. se exc. Hinc apparet discrimen aliquod loci adhuc relictum fuisse inter Latinos, provinciales, ceterosque cives, qui urbem incolerent, etiam post constitutionem Antonini, in l. in orbe 17. de *stat. hom.* quamvis omnes ex ea constitutione effecti sint cives Romani, quod & alibi observare licet, §. per traditionem. 40. inf. de *rev. div.* & inf. de *ufuc.* in pr. itemque in pr. quib. al. lic. Quod autem de Roma hic dicitur, Schol. Th. transfert & ad novam Romam *τὴν Κωνσταντινουπόλιν*, & Thraciam *τὴν Θράκην*. VINN. Frustra hoc præmium parentum Vinnius refert ad reliquias diversorum jurium civitatis, Latii, & provinciarum. Hic enim non ad diversos status hominum respicitur, sed ad locum, ubi quisque habitaret. Hinc civem in provincias quinque; provincialem Romæ tres liberi excusabant. Simile privilegium pro diverso loco habitationis diversum est in l. 2. C. Theod. de *integr. restit.* Hinc nec *princ.* Inst. quib. al. licet, huc pertinet. Alia enim est Italia, aliud solum *Italicum*. Illa Alpibus & utroque mari finitur: hoc, ubicunque coloniarum Italici juris occurrebant, erat. Vid. V. C. Schulzing. *Jurisp. Ant.* p. 619. HEIN.

Exemplo cæterorum munerum] Personalium nimirum: nam à patrimonialibus muneribus, quæ rerum & possessionum propriè onera sunt, numerus liberorum non excusat, l. 2. §. 4. l. 10. & seq. de *vac. mun.* neque ab honoribus, muneribusque his coherentibus, d. l. 2. §. 1. nisi major sit, videlicet sexdecim liberorum, l. 1. §. 2. de *jur. imm.* aut minimum XII. l. si quis 24. C. de *decur.* quo tamen loco pro XII. substituendum esse XVI. existimat Cujac.

Publicum munus] Tutela propriè non est munus publicum: neque enim rem publicam, sed privatam pupilli tutor tractat: nec Reipub. peculiariter interest pupillis tutores dari, l. 2. §. pen. in fin. ad *municip.* sed per consequentias & impropriè loquendo: quia ad curam publicam pertinet orbos ac pupillos tueri ac defendere, l. 2. §. 1. qui per. tut. Hinc facile intelligitur, cur Modestinus neget, tutelam esse munus Reipub. l. 6. §. tutela 15. *hoc sit*. At quid si dicamus, ideo tutelam appellari munus publicum, qui a cui-

vis è populo non secus ac cætera munera publice injungi potest?

Adoptivi liberi non prosunt] Quod & generaliter traditum est, d. l. 2. §. 2. de *vac. mun.* Et ratio est, quia hæc beneficia patribus data sunt, qui numero civium Reipub. auxerunt. Meminit Tacitus 15. *annal.* cap. 19. Senatusconsulti facti tempore Neronis, quo cautum erat, ne liberi adoptivi ad præmia patrum prodesse.

In adoptionem dati prosunt] Ex quo manifestè liquet quod paulo ante diximus, hanc immunitatem magis esse beneficium *παλινδότης*, quam levamentum oneris domestici.

Nepotes ex filio] Scilicet demortuo, l. 2. §. non solum 7. *hoc sit*. nam ex filio emancipato nati, avo ideo non prosunt, quia ille ei prodest, & hi patri suo. Quod si plures sint ex uno filio nepotes, non singuli singula capita constituunt, sed unum universi: patremque omnes simul repræsentant, d. loc. quod & in cæteris muneribus obtinet, l. 3. C. de his qui num. lib. 17.

Ex filia non prosunt] Non quia in avi materni potestate non sunt: nam nec emancipari, nec in adoptionem dati in potestate patris manent, quos tamen prodesse constat, sed quia duobus prodesse non debent: prosunt autem patri suo aut avo paterno, l. 2. C. qui n. lib.

Superstites] l. 2. §. 4. *hoc sit*. l. 2. §. incolumes. 5. de *vac. mun.* quippe hi soli & Reipub. usui, & parentibus oneri sunt. Defuncti non prosunt, præterquam bello amissi, d. sit. Quod Ulp. l. bello 18. *hoc sit*. & Justin. hic; de iis accipi volunt, qui in acie seu in prælio & τὴν οὐρανὴν amissi sunt, propterea quod hi pro Reipub. cecidisse intelligantur, & in perpetuum per gloriam vivere. Unde cum ex statuto secundo-genitus in jure primogenituræ præferretur filio primogeniti præmortui; responsum est, hoc locum non habere, si in acie primogenitus occubisset. Ayala lib. 2. de *jur. bell.* c. 7. n. 21. Qui verò per causam belli in obsidione, præfidiis, castris abripiuntur, huc non pertinent, d. l. bello. 18. De iis, qui pro patria mortem oppetunt, præclare M. Tullius pro *Flanc.* cap. 37. & Philip. 9 cap. 2. Liv. lib. 25. cap. 38. Diod. Sic. lib. 15. ἀπὸ θανάτου σώματος ἀδιαιτοῦ μνήμας καταλείποντι. in *Lasbonaff. hortat.*

TEXTUS.

De administratione rei fiscalis.

1. Item divus Marcus in semestribus rescripsit, eum, qui res fisci administrat, à tutela & cura, quamdiu administrat, excusari posse.

COMMENTARIUS.

In semestribus] Crebra est semestrium D. Marci in libris nostris mentio. Auctor est Suetonius in *Aug.* c. 35. Augustum semestria Senatorum aliquot consilia sibi instituisse, cum quibus de negotiis ad frequentem Senatum referendis ante

tractaret. Dio. lib. 53. scribit, ex reliquo numero Senatorum quindecim ad hoc sorte lectos esse & *ἐκπέμπειν* : quod exemplum Marcus secutus videretur. Vid. Pet. Fab. in *præfat. semestr.*

Res fisci] Vel etiam rem privatam Principis, l. *administrantes* 41. hoc s. Huc referuntur & exatores tributorum, l. *exatores*. 10. C. *cod. colonos patrimoniales*, l. *ult. C. qui dar. tut. cæterosque*, quibus Princeps curam alicujus rei injunxit, l. *geomera*. 12. §. 1. l. *jurisperitos* 30. *cod.*

TEXTUS.

De absentia Reipublicæ causa.

2. *Item qui Reipublicæ causa absunt, à tutela, vel cura excusantur. Sed etsi fuerint tutores, vel curatores dati, deinde Reipub. causa abesse cæperint; à tutela vel cura excusantur, quatenus Reipub. causa absunt: & interea curator loco eorum datur, qui si reversi fuerint, recipiunt onus tutela; nam nec anni habent vacationem, ut Papinianus libro quinto responsorum scripsit: nam hoc spatium habent ad novas tutelas vocati.*

NOTÆ.

2. *Reip. causa absunt*] l. 1. C. *si tut. reip. caus.* l. 41. D. *h. tit.* Quinam reipub. caus. abesse dicantur, discite ex l. 3. l. 35. l. 38. D. *ex quib. caus. maj.* Vide *fufius & comment. infra.*

Ad novas tutelas vocati] Qui cùm Reip. causa abesseat, ad novas tutelas vocati sunt, reversi anni vacationem habent: sed munus ante susceptum statim resumere debet, l. 10. *pr.* & §. 2. l. 45. D. *h. tit.* l. 2. C. *si tut. reip. caus.*

COMMENTARIUS.

Reipub. causa absunt] d. l. *administrantes* 41. §. 1. hoc s. Reip. causa abesse dicuntur qui publici alicujus muneris vel officii causa, cui præsumunt, ab urbe profecti sunt, ut ex Modestino, Paulo, & Ulp. discimus, l. *abesse* 3. l. *qui mittuntur* 35. l. *si cui* 38. *ex quib. ca. maj.* Horum duo sunt peculiaria: nam cùm cæteri, qui propter solum officium aut Magistratum excusantur, susceptam tutelam deponere non possint, §. *seq.* eamque, à qua excusati erant, statim finito officio suscipere cogantur, arg. §. *præc.* l. *geomera*. 22. §. 1. & d. l. *administrantes* 41. hoc s. Utrumque contra est in iis, qui Reip. causa absunt: nam à suscepta, quamdiu Reip. causa absunt, excusantur: & si interim ad novam tutelam vocati fuerint, reversi anni habent vacationem; hoc *text.* l. 10. *cod.* Ubi Modestinus sic scribit: *ὅτι ὁ ἐξαιρούμενος διὰ τὴν δημοτικὴν ἀποστολὴν ἐκ τῆς ἐπιμετελείας τῆς πόλεως ἀφαιρούμενος ἐστὶν ἀνεπαρκὴς ἐπὶ τῇ ἐπιμετελείᾳ.* Ergo absentes municipii causa non videntur hanc anni vacationem habuisse, contra quam sentit Vvesemb.

TEXTUS.

De Potestate.

3. *Et qui potestatem aliquam habent, se excusare possunt, ut divus Marcus rescripsit: sed susceptam tutelam deferere non possunt.*

COMMENTARIUS.

Potestatis vocabulum apud nostros aliquando largè accipitur, ut iis etiam attribuitur, qui cùm Magistratus non sint, notionem tamen aut jurisdictionem aliquam habent, ut in edicto *Quod quisque juri*, & c. l. 1. §. 1. item in l. 3. §. *ult. de rec. arb.* l. 3. *in fin. ad leg. Jul. majest.* Sæpe item hæc vox significat publicam illam jubendi ac coercendi auctoritatem, quæ Magistratum est, sed omnium communis: ut idem sit Magistratus, potestas, & imperium. Et hoc est quod Paulus scribit, l. *potestatis*. 215. *de verb. sign.* potestatis vocabulo imperium in persona Magistratum significari: ac proinde in hac significatione verum est, etiam minores Magistratus imperium potestatemque habuisse. Nonnūquam etiam *καὶ ἐξουσίαν* soli Magistratus majores imperium & potestatem habere dicuntur; minores sine imperio & potestate esse, l. *nec magistratibus* 32. *de injur.* l. 2. *de in jus voc.* Atque in excellentiori hoc significato verbum potestatis hic accipiendum esse, ex eo perspicuum est, quod Aedilitas à tutela non excusat, l. *non tantum* 7. §. *is qui* 4. hoc s. Magistratus tamen civitatum, *καὶ ἐξουσίαν* ἔχει πόλεως, remissionem à tutela habuisse apertè testatur Modestinus. l. 6. §. *remittuntur* 16. *cod. add. Cujac. ad l. 4. in fin. cod.* Ant. Fab. 1. *jurispr. hoc tit. pr. 1. ill.* 3. Sed vix est, ut id hodie observetur, Bern. Autumn. *coll. jur. ad d. l. 6. §. 16.* VINN. Quamvis magistratus municipales à tutela excusari posse tradat Modestinus l. 6. §. 16. ff. *de excus.* ob stare tamen videntur l. 3. ff. *qui per. tut.* & l. 23. *pr. ff. de excus.* Ubi idem negari videmus; nisi Modestinum per *τὴν ἐξουσίαν* duumviros; Paulum & Ulpianum reliquos minores magistratus municipales intelligere dicas. Sanè & Romæ, cujus instituta fere imitabantur municipia, inter magistratus majores & minores distinguebatur, quoties de hoc privilegio erat quæstio. l. 17. §. 4. ff. *h. t.* HEIN.

Susceptam deferere non possunt] Magistratibus, qui ante se miscuerunt administrationi, vacatio à tutelis non conceditur, d. l. *non tantum* 17. §. *sanè*. 5. in quo differunt ab iis, qui Reipub. causa abesse coguntur; ut paulo ante dictum.

TEXTUS.

De lite cum pupillo vel adulto.

4. *Item propter litem, quam cum pupillo, vel adulto tutor vel curator habet, excusari non potest, nisi forte de omnibus bonis, vel hereditate controversia sit.*

NO

NOTÆ.

4. *Nisi forte de omnibus bonis*] Aut maxima eorum parte, l. 20. l. 21. eod. quo casu etiam utile pupillo nolentem se excusare à tutela removeri. d. l. 20. Vide in *Comment.*

COMMENTARIUS.

Justa causa excusationis non est, quodd litem aliquam cum pupillo tutor habeat: sed si iudicio agendum sit, quia tutor in rem suam auctor fieri non potest, curator interim ad hoc pupillo datur, qui iudicio peracto curator esse desinit, §. ult. de auct. tut. At si de omnibus bonis, plurimave eorum parte, aut de hæreditate lis sit, æquum est excusationem tutoris recipi, l. si pupillum 20. & l. seq. hoc tit. Immo utile pupillo, etiam nolentem se excusare à tutela removeri, d. l. si pupillum. Non tamen in quavis disceptatione hæreditatis simpliciter & sine cognitione causæ recepta fuisse videtur tutoris excusatio, ar. l. si ut allegas. 16. C. eod. Hodie tota hæc quæstio inutilis: nam *Novella Justiniani constitutione 72. c. 1.* vetatur quilibet creditor aut debitor pupilli tutor ejus esse. Dixi supra ad d. §. ult. de auct. tut.

TEXTUS.

De tribus tutelæ & curæ oneribus.

5. *Item tria onera tutela non affectata, vel cura, præstant vacationem, quamdiu administrantur: ut tamen plurimum pupillorum tutela, vel cura eorum bonorum, veluti fratrum, pro una computetur.*

COMMENTARIUS.

Nemo ita onerandus est alienis negotiis, ut sua ipsius negligere cogatur: adeoque & pupillorum interest, tutorem non nimis multis negotiis implicari. Quamobrem placuit tria onera tutelarum, vel tria onera curationum, vel tria onera permistarum tutelarum & curationum, quartæ tutelæ curationisve excusationem præbere, l. 2. §. ult. & l. seq. hoc tit. l. un. C. qui num. tut. Sufficere item visum est, tria ejusmodi onera esse in una domo; hoc est, unam familiam tria onera tutelarum aut curationum sustinere: ac proinde & tutelarum numerum, quas pater gerit, filio, & quas filius gerit, patri, & quas frater, fratri, qui in ejusdem patris potestate est, ad excusationem prodesse, l. 4. §. ult. eod. modò tutelæ, quas filii administrant, spectent ad periculum patris, l. 5. eod.

Non affectata] Tutelæ affectatæ in numerum tutelarum non cedunt, l. spadonem §. §. est autem 15. eod. d. l. un. C. qui num. tut. Itaque si quis lucrum captans ultro se tutelæ obtulit, siue tennem rōm xdgay suscepit, ut numerum trium

expleret, à quarta non excusabitur, d. §. est autem sic enim verba Modestini, ο' tutela ῥυοίματος ὑπὸν ποτε, interpretor, μετρίῳ, scilicet ἱσσοῦ, ἢ ὀλίγῳ ut non tutor pauper, quemadmodum Holoander vertit, sed pauperis tutor iis verbis significetur; quam interpretationem & Theophilus juvat: nam Curtius verba Theophili, ὑπὸν ποτε δὲ τελεῖται, perperam interpretatus est, tutelam opulentam, cum tenuissimam vertere debuerit; quod mirum est D. Gothofredum non animadvertisse.

Quamdiu administrantur] Id enim maxime consideratur in tantum, ut, si aut priorum pupillorum ætas prope pubertatem sit, aut eorum, quorum ad tutelam nunc primùm tutor vocatur, excusatio non detur, l. non tantum 17. hoc tit. Hinc quoque est, quodd in numerum tutelarum non placet cedere, si quis sit fidejussor tutoris, vel si Magistratus municipalis tutorem dedit, licet periculum eos spectet, & Magistratus in subsidium conveniri possit. Sed nec honorarius tutor periculum in numerum tutelarum imputat, l. spadonem. 15. §. si civitatis 9. eod. ad quem tamen quasi pars quædam administrationis pertinet: tenetur enim actus gerentis sollicitè observare, eumque si male versetur, suspectum facere, l. 3. §. 2. de adm. tut. Enimvero tutor, qui cessat in administratione tutelæ, eam ratione periculi in numerum trium computat, l. si is qui. 31. in fin. pr. hoc tit. l. si quis 60. de rit. nupt. nimirum quia qui cessat, principaliter tenetur, & suo nomine, perinde ac si gessisset.

Pro una computetur] Tria onera non ex numero pupillorum aut adolescentium computantur, sed ex diversitate patrimoniorum, rationumque & conficiendarum & reddendarum difficultate: nam si tres sint fratres confortes, hoc est, qui indivisum patrimonium habent, pro una tutela est: si tres dissortes, tres sunt tutelæ, l. 3. d. l. si is qui. 31. §. ult. hoc tit. Idemque est & in aliis siue cognatis siue extraneis confortibus aut dissortibus, d. §. ult. Sed & contra aliquando unus pupilli tutela ob eandem causam ad excusationem sufficere debet: si nimirum tam diffusa, negotiosa, & molesta sit, ut pro pluribus cedat, d. §. ult. cujus rei disquisitio fere est in arbitrio Prætoris tutelarum; ut ex eodem loco intelligitur, & hic notat Bachov. add. Cujac. ad d. l. 2. eod.

TEXTUS.

De paupertate.

6. *Sed & propter paupertatem excusationem tribui, tam divi Fratres, quam per se Divus Marcus rescripsit; si quis imparem se oneri injuncto possit docere.*

COMMENTARIUS.

Desumptus hic locus est l. 7. & l. post sumptam 40. §. 1. hoc tit. Est autem hæc excu-

excusatio ex iis quoque, quarum receptio aut repudiatio pendet à Magistratu, cuius de ea re cognitio est. Nam qui hac excusatione utitur, docere debet, se impari oneri injuncto, hoc est, tam tenuis & nullius fortunæ, ut vix sibi quærere possit vitæ necessaria: quod iudicem æstimare oportet, Myn. Schneid. Vvesemb. hic.

TEXTUS.

De adversa valetudine.

7. Item propter adversam valetudinem, propter quam ne suis quidem negotiis interesse possit, excusatio locum habet.

COMMENTARIUS.

ETHÆ causa ex earum genere est, quæ cognitionem Magistratus desiderant: neque enim quæcumque valetudo excusat, sed ea, quæ impedimento est, quominus quis suis rebus superesse possit, l. 10. in fin. l. pen. §. ult. hoc tit. l. un. C. qui morb.

TEXTUS.

De imperitiis litterarum.

8. Similiter eos, qui litteras nesciunt, esse excusandos, Divus Pius rescripsit: quamvis & imperiti litterarum possint ad administrationem negotiorum sufficere.

COMMENTARIUS.

LITTERAS pro ruditia aut humanitate sæpe accipi notum est. Propriè tamen litteræ elementa significant, l. 11. §. 3. de instit. act. l. 6. §. ult. de bon. poss. l. 1. §. sed ceterarum. 7. de var. & extr. cogn. Cic. pro Sylla c. 16. Litteræ posterisatis causa reperta sunt. Hinc nescire litteras dicuntur qui ne elementarii quidem sunt, hoc est, qui nec legere nec scribere didicerunt, l. 3. §. 2. de accus. l. hac consultißima 2. l. nostram 30. C. de testam. ut & è contrario scire litteras, qui scribere sciunt, l. pater 93 §. 1. de acq. her. l. discretis. 10. C. qui test. fac. Svet. in Claud. cap. 10. idque ex usu etiam aliorum auctorum, ut multis docet Duar. 1. disput. 3. & vel unum illud Neronis apophthegma ostendit, Velim nescire litteras; de quo Seneca 2. de Clem. c. 1. Eandemque loquendi formam etiam Græcis familiarem fuisse, argumento est vetus illud proverbium, quo Plato usus est 3. de legib. μήτις τῶν μὲν γεραιότερα εἶδεναι. Nec dubito, quin Just. hic & Paul. l. 6. §. ult. eod. eodem modo hac locutione utantur, ut nescire litteras iis sit, neque legere scire, neque pingere; & imperiti litterarum Justiniano ἀγένητοι, Modestino in d. §. idem quod ἀναφύκτοι. Nam dicere se studiis litterarum imbutum non esse, & ἀναφύκτος hic causari, sanè quàm ineptum est.

Quamvis & imperiti litterarum] Axioma discretum est, quamvis imperiti litterarum non sint negotiorum expertes, sramen à tutela sunt excusandi. Cui per connexum contradicere vide-

tur Paul. d. l. 6. §. ult. Si imperiti litterarum non sint negotiorum expertes, à tutela non sunt excusandi. Sunt qui particulam quamvis hoc loco notam esse volunt exceptionis, contra perpetuam & certum Latini sermonis usum. Alii nescire litteras, Paulo esse, non didicisse humaniores litteras, in studiis litterarum non esse versatum, quasi litterarum, hoc est politiores humanitatis expertes ad tutelam administrandam minus idonei videri debeant. Fabulæ. Puto etiam litterarum ignorantiam ad classem earum excusationum referendam esse, quæ arbitrio Magistratus nunc admittuntur, nunc rejiciuntur. Itaque quod Just. ait, imperitos litterarum esse excusandos; non ita accipi velim, quasi simpliciter & semper excusari debeant, sed causa cognita, si forte tutela diffusior atque negotiosior, ut propter rationum conficiendarum difficultatem ab imperito litterarum commodè administrari non possit, quamvis is ad res alias gerendas sit idoneus: nam ut memoriz omnia credat, ab eo exigi non oportet; nec satis rutilum, vicaria aliorum opera in commentariis, & ephemeridibus conscribendis uti. Quod si tutela non sit magni patrimonii ditior, aut aliàs satis expedita, cui gerendæ sufficiat quivis non hebeti ingenio, neque expert negotiorum; nulla ratio est, cur quis ob solam imperitiā litterarum ab ea excusetur. Atque ita Paulum tempera in d. l. 6. §. ult.

TEXTUS.

De inimiciis Patris.

9. Item si propter inimicitias aliquem testamento tutorem pater dederit; hoc ipsum præstat ei excusationem; sicut per contrarium non excusantur, qui se tutelam administraturos patri pupillorum promiserant.

COMMENTARIUS.

Propter inimicitias] Quo molestiam exhibeat inimico, τῷ ἐχθρῷ ἀντιπαραστήσει, ἀντιπαραστήσει; ut subiciatur libris & negotiis, d. l. 6. §. ult. de test. 17. Nam si testator bona mente eum tutorem dedit, cui inimicus antea, insensusque fuit; hoc ipso videtur facta gratiæ reconciliatio. Dicam plura inf. §. 11.

Non excusantur] Qui patri pupillorum tutorem se futurum promittit, nulla excusatione gaudet, quamvis aliàs excusare se jure possit, quasi excusationibus renuntiassè videatur, qui ita fidem suam obligavit, l. spadonem. 15. §. 1. hoc tit. l. ex sententia 29. de test. tut. Vinn. Sunt, qui inde novum fingunt tutelæ pactitiæ genus. Sed frustra. Ejusmodi enim tutor verè est testamentarius, quamvis promissio occasionem patri dederit, hunc tutorem dandi, & ita etiam intelligenda l. 29. fin. ff. de test. tut. In Germania tamen & illustria & privata exstant tutelæ pactitiæ exempla, de quibus B. Strykius in Vssuff. lib. 2. c. tit. 1. §.

1. §. 14. & collega conjunctissimus olim Petr. à Ludewig. in *Differ. jur. Rom. & Germ. in susel. differ.* 4. HEIN.

TEXTUS.

De ignorantia Testatoris.

10. *Non esse autem admittendam excusationem ejus, qui hoc solouitur, quod ignotus patri pupillorum sit, Divi fratres rescripserunt.*

COMMENTARIUS.

Ignotus patri] d. l. spadonem. 15. §. qui dixerit 14. excipiunt DD. post Glossam hanc, nisi quis dicat, se ibi domicilium non habere, ubi ad tutelam vocatus est, l. ult. §. ult. cod. Sed hoc genus est excusationis omnium commune.

Divi Fratres] Marcus Antoninus Philosophus, & Ælius Verus, T. Antonini Pii filii, Adriani nepotes, qui primi duo Augusti appellati, & factis consularibus sic inscripti sunt; auctore Spartiano in *Ælio Ver.* cap. 7. Appellantur & fratres Imperatores, l. fratres 33. de par. l. si adulterium 38. §. fratres. 4. ad leg. Jul. de adul. vid. Ant. Augustin. lib. sign. de excus. ad §. l. si adulterium 18. l. 6. hoc sit. & Cujac. ibid. Obiter addo, Divos à Juriconsultis appellari Imperatores, quia post obitum in Deos relati erant ea solemnitate, quam scribit Herodian. lib. 3. postquam & templa iis constitui, ac sacerdotes & sodales creari, & ludi fieri, omnesque divini honores decerni solebant; ut ex Tacito, Tranquillo, Spartiano, Capitolino, aliisque id genus Auctoribus discimus.

TEXTUS.

De inimicitia cum patre pupilli vel adulti.

11. *Inimicitia, quas quis cum patre pupillorum vel adultorum exercuit, si capitales fuerunt, nec reconciliatio intervenierit, à tutela vel cura solent excusare.*

NOTÆ.

11. *Cum patre pupillorum*] d. l. 6. §. 17. Paul. 2. sent. 27. Idem est, si cum pupillis vel adultis, l. 3. §. 11. D. de sup. tut. ubi Ulp. ait, etiam ob hanc causam removeri.

COMMENTARIUS.

2 *An homini Christiano conveniat ad excusationem tutelæ obtinere inimicitias,*

Nunc de inimicitia paulo pluribus & distinctius agamus. Ait, *inimicitias capitales, quas quis cum patre pupillorum exercuit, nisi intervenierit reconciliatio, solere excusare.* Inimicitias capitales intelligo quascunque graviores, quæ vel vitam, vel libertatem, vel existimationem petunt, arg. l. licet capitales. 103. de verb. sign.

Sunt qui existimant, hujusmodi excusationem minus convenire homini Christiano: neque enim rectè videri tutorem dicturum, non debere se cogi bene facere homini inimico & de se male merito, aut liberis ejus; quæ sententia ethnica fortassis conveniat, aut veteribus illis, quorum meminit Christus *Matth. c. 5.* qui legem Domini sic accipiebant, *Diliges proximum tuum, & odio habebis inimicum tuum.* Christianis & piis non convenit. Et sanè ita est, nisi ratio afferatur, cur inimicitia excusare debeant; qualis hic occurrit, videlicet, ut liceat sinistram suspicionem hoc obtentu vitare, & antevenire remotionem. Ait, *cum patre pupillorum.* Idem est si pupillis ipsis vel adultis inimicus sit, l. 3. §. si tutor. 12. de susp. tut. Ait, *nec reconciliatio intervenierit.* Reconciliatio aut apertè intervenit, ut si post ortas inimicitias in gratiam redierint, aut tacitè, si eum, cui pater justè insensus antea erat, postea testamento suo tutorem scripserit: nam si hoc bono animo fecerit, non ut litibus eum implicaret, injuriam ei hoc ipso remisisse videtur, l. 6. §. dat remissionem. 17. hoc sit. Planè si ipse pater causam inimicitias dedit: puta quòd eum, quem tutorem dedit, aliquando capitis accusaverit, aut insigni contumelia affecerit, ad excludendam excusationem necessaria est aperta reconciliatio, arg. §. seq. Nam illius est remittere injuriam, cui illata est. Ait, *solent excusare;* & merito: nisi enim hujusmodi tutores & curatores ultro se excusent, inviti removentur, d. l. 3. §. si tutor. 12. de susp. tut.

TEXTUS.

De status controversia à Patre pupilli illata.

12. *Item is, qui status controversiam à pupillorum patre passus est, excusatur à tutela.*

COMMENTARIUS.

Si tutor status controversiam à patre pupilli passus sit, id est, si eum pater in servitutem petierit, hoc par interdum, ac si capitis accusasset, l. 14. ff. de bon. libert. & hic tutor omnimodo excusandus, etiam si pater eum postea testamento tutorem dederit, ut jam diximus. Is etiam excusatur à tutela, qui talem controversiam moveret pupillo serio & bona fide, non dedita opera ne tutelam subeat, & calumnia causa, quod ex rescripto Marci & Veri (ita legendum esse textus Græcus ostendit) proponitur in l. 6. §. amplius 18. hoc situlo. VINN. Sed non solum ad statum libertatis restringendus videtur hic §. verum etiam si quis alterum civem, vel filiumfamilias negasset, huic tutela liberorum actoris obtrudi haud potuisse videtur. HEIN.

TEXTUS.

De ætate.

13. Item major septuaginta annis à tutela & cura se potest excusare. Minores autem viginti quinque annis olim quidem excusabantur: nostra autem constitutione prohibentur ad tutelam, vel curam adspirare: adeo ut nec excusatione opus sit. Quæ constitutione cavetur, ut nec pupillus ad legitimam tutelam vocetur, nec adultus: quum sit incivile, eos, qui alieno auxilio in rebus suis administrandis egere noscantur, & ab aliis reguntur, aliorum tutelam vel curam subire.

COMMENTARIUS.

1 Duplex Triboniani error in explicatione juris veteris animadvertitur.

Senes æquè ac Magistratus veteres reveriti sunt, leg. 5. de jur. immun. quæ reverentia consistebat in assurgendo, in loco dando, ac cedendo, domo deducendo, ac reducendo. Juvenalis satyr. 13. v. 34.

Credebant hoc grande nefas & morte piandum, Si juvenis vetulo non esset reverent.

add. Valer. li. 2. c. 1. Cic. 1. off. cap. 34. Gell. lib. 2. c. 15. Fuit etiam venerabilis senectus excusatione bonorum & vacatione munerum personalium. Ab honoribus excusabant anni 60. in urbe. Senec. de brev. vit. c. 20. Lex à quinquagesimo anno militem non cogit; à sexagesimo senatorem non citat. Idem tamen 2. Controv. 65. annos exigit. A decurionatu excusabant anni 55. l. non tantum. 11. de decur. à tutelis cæterisque muneribus personalibus anni 70. l. 3. de jur. immun. l. 2. hoc tit. l. 1. m. C. qui ætat. In l. ult. Cod. qui ætat. vel profess. li. 10. pro LV. legendum LXX. ut contextus ostendit, & monet Cujac. Cæterum hæc ita procedebant, nisi aliter consuetudo vel lex municipalis definiret, d. leg. non tantum. 11. l. 2. de vac. mun.

Major septuaginta annis] In immunitatibus cæptus annus pro completo non habetur: quamobrem ad vacationem tutelæ non sufficit ingressum esse, aut agere annum septuagesimum, sed egressum esse oportet, leg. 2. hoc tit. l. 3. de jur. immun.

Minores olim quidem excusabantur] Hic locus & constitutio Justiniani in l. ult. C. de leg. 1. multis imposuit. Constat, minorem 25. annis testamento tutorem rectè dari: sed ita durum perinde haberi, ac si sub conditione aut ex die datus esset, cum major 25. annis factus fuerit: ut interim nec tutelam administret, nec ullo effectu pro tutore habeatur, §. 2. sup. qui test. tut. l. quæro. 32. in fin. de test. tut. sed alius tutor, aut curator interim à Magistratu datur, qui tutor, aut curator esse definit, existente conditione, hoc est, post legitimam tutoris testamento dati ætatem, l. 10. §.

per. hoc t. §. 1. sup. de Attil. tut. Legitimos tutores nemo dat, sed lex eos facit tutores, l. 5. de l. tut. Atque uti quisque proximus est agnatus; ita ipso jure ex lege tutor est: quamvis potestas administrandi demum post perfectam ætatem ei deferatur, l. 16. §. 1. de tut. l. 4. l. 8. de leg. 1. Quare si agnatus pupilli proximus minor erit 25. annis, jure agnationis & successionis ex lege tutor est: sed quia jus administrandæ tutelæ ante justam ætatem non habet; curator interim ad hoc à Magistratu dabitur, §. ult. sup. de curat. d. l. 10. §. pen. Qui locus simul confirmat quod dixi, eum ipso jure pro tutore esse; alioqui non à Magistratu alius interim daretur, sed insequentis gradus agnati protinus in tutelæ administratione succederent, arg. l. 3. §. pen. de l. tut. Revise quæ scripsi ad §. ult. sup. de cap. dem. A Magistratu tutor sub conditione aut ex die dari non potuit, l. 6. §. 1. de tut. Ergo nec minor 25. annis: quippe cui dationi inest dies aut conditio, cum major erit, §. 2. sup. qui test. tut. l. 10. §. pen. & ult. de test. tut. Quapropter si tota datio non consistit, nec è tñ videretur pro tutore ullo effectu habebitur, ac ne quidem post ætatem tutor erit: ideoque consulto de testamentario & legitimo dumtaxat Modestinum d. l. 10. §. pen. de excus. locutum esse existimandum est. Nunc videamus, quid hic novi constituerit Justinianus. Ait minores 25. annis olim quidem excusatos fuisse: se autem de constitutione sua cavisse, ne omnino minor aut detur tutor, aut ad legitimam tutelam vocetur, d. l. ult. C. de l. tut. De legitimis & dativis loquitur constitutio: liberam patris voluntatem testamento de tutela caventis non coarctat. In ea autem constitutione atque hoc loco duplex Triboniani error in explicatione juris veteris animadvertitur. Unus est, quod putaverit jure veteri periculo minoris, cui legitima tutela delata erat, curatorem interim datum tutelam administrasse, ut patet ex ratione, quæ affertur in pr. constitutionis. alter, quod minorem à Magistratu tutorem dari posse crediderit, sed excusandum fuisse; quasi vel omitta excusatione ipse minor tutelam gerere potuerit, aut alius simul à Magistratu dandus fuerit, qui interim periculo minoris gereret. Quæ omnia tam absurda & à ratione juris veteris aliena sunt, ut mirum sit, Cujacium, Hotom. Vvesemb. ipsumque adeo custodem Triboniani Ant. Fabrum hic dormitasse. Quod si quid novi hic constitutum videri possit; erit illud unum, quod Bachovius existimat, ut jam non amplius agnato proximo, si minor sit, tutela legitima ullo modo deferatur; sed ea ætate insuper habita, soli ex agnatis proximis tutores fiant, qui sunt perfectæ ætatis; at si proximi omnes minores sint, ut sequentes vocentur: quos olim exclusos fuisse, ac ne durante quidem ætate proximi ad administrationem tutelæ admissos jam ostendimus. VINN. Ego verò non ausim Justinianum tam supinæ ignorantie arguere. Certissimum est, veteres non solum minores, sed & impuberes adinisse non solum ad tutelam testamentariam, verum etiam legitimam.

Clau-

Clarissimè id liquet ex Ulpian. *tit. 11. §. 20. & 22.* quamvis interea dum adolescerent, prætor alium tutorem daret, nisi se excusaret. Impubem à magistratu dari non potuisse facile concesserim: at de minore vix dubito, quum summa toga virili puberes ad officia virilia admitti solerent. Postquam verò hæc mutavit Justinianus, leges antiquiores Tribonianus juri novo more suo accommodavit, veluti *l. 16. §. 1. ff. de tut. l. 4. l. 8. ff. de legiti. tut. l. 1. ff. de fidejuss. & nominat. idque & Cujacius ad *tit. Inst. de fidej. tut. & V. C. Ant. Schulting. Jurispr. Antijustin.* p. 601. fatentur. Aliis argumentis Tribonianum contra Vinnium defendit B. Huber. *Digress. 1. 3. cap. 24. HERN.**

Nec pupillus] Si verum est quod diximus, agnatum proximum, quamdiu minor est, tutelam gerere non posse, ineptè atque inutiliter videtur quæri, an pupillus ad legitimam tutelam pupilli sit vocandus. Nam & si fingamus, alterum infantem esse, alterum pubertati proximum, exiguum tamen tempus superfuturum est administrationi. Et in l. 10. §. penult. non de impubere quæritur, sed de adolescente sive minore 25. annis: nam ἀπὸ τῆς, qui & ἀνδρὸς. Græcis non est ἀνδρὸς, sed νέος, hoc est, Adolescens, τῶν ἑβλῶν πρὸ ἀνδρῶν, ἡλικίῳ δὲ τῷ ἀνδρὶ πέντε ἐνιαυτῶν, ut passim apud Theoph. & Harmenop.

Quum incivile sit.] Hæc ratio nihil aliud efficitur videtur, quam ut ne minori tutelæ administratio permittatur. Atqui nec jure veteri ea minori permilla fuit. Sed ut dixi, falso credit Justinianus, periculo minoris interim tutelam ab alio administrari solitam: nam ideo se jus vetus mutasse scribit, ut cuique imminet pro sua tantummodo administratione periculum, ne alieno onere alius prægravetur. Itaque tutelam vel curam subire hoc loco dixisse existimari potest, pro eo, nempe periculum tutelæ ab alio administrandæ, sustinere.

TEXTUS.

de Militia.

14. *Idem & in milite observandum est, ut nec volens ad tutelæ onus admittatur.*

C O M M E N T A R I U S.

Milites armatz militiæ ad instar minorum, ne volentes quidem ad tutelam aut curam gerendam admittuntur, *l. 4. c. qui dar. tut. l. 8. c. de legat.* ne videlicet propter privata negotia à numeris & signis avocentur: quam ob causam nec procuratores esse possunt, *l. 8. §. 2. de procur.* nec aliena prædia conducere, *l. milites. 31. c. de loc. & cond.* Quatenus veterani, hoc est, qui militia honestè dimissi & sacramento soluti sunt, vacationem tutelarum habeant, copiosè disputatur *l. 8. §. 2. seqq. hoc tit.*

T E X T U S.

De Grammaticis, Rhetoribus, & Medicis.

15. Item Romæ Grammatici, Rhetores,
& Medici, & qui in patria sua has artes
exercent, & intra numerum sunt, à tutela
& cura habent vacationem.

COMMENTARIUS.

Studiorum liberalium professores, Grammatici, Sophistæ, Rethores, qui publicæ juventuti profunt: item Medici, quemadmodum à reliquis muneribus, ita & à tutela & cura vacationem habent, l. 6. §. 1. *hoc rit. & rit. c. de profess. & med. lib. 10.* Habent & Philosophi, d. l. 6. §. 5. Musicos, quamvis eorum ars ingenua sit & liberalis; non habere tradit Cujac. in d. l. 6. §. 1. allegans l. 4. c. de excus. mun. lib. 10. quo loco pro *Hydraule* videtur legisse *Musici*. Nec poetæ habent, l. 3. c. de profess. & med. licet divini spiritus mereantur. Legum quoque Doctores non habent, exceptis iis, qui Romæ docent, d. l. 6. §. legum 12. Cæterum ex Constitutione Constantini omnes habent, l. 6. c. de profess. & med.

Qui in patria sua] Professores & Medici ita de-
mum hac immunitate gaudent, si in patria sua
doceant aut medeantur, non in aliena. Est au-
tem duplex patria: una propria sive originalis:
altera communis, quæ est Roma, *l. Roma. §. 3.
ad municip.* Quamobrem qui Romæ docent,
etiam si Romani non sint, immunitatem habent,
l. 9. de vac. mun. sive salariati sint, sive non sint,
l. 6. §. Romæ 11. hoc tit. Atque hæc ex tribus una
est conditio ad obtinendam immunitatem neces-
saria, *d. l. 6. §. amplius. 9.*

Intra numerum sunt 7 *Conditio altera, non aliter enim hac immunitate fruuntur magistri studiorum, quam si probati decreto ordinis & numero constituto adscripti sint, d. l. 6 §. 4. l. 5. 7. & 8. C. de profess.* Certus enim numerus eorum, qui vacationem haberent, in unaquaque civitate lege definitus erat, *d. l. 6 §. 2. præterquam philosophorum, d. l. 6 §. 2. & 3. & 4. C. de philosophis, quem numerum excedere non licebat, d. l. 6 §. 3. nisi quis propter excellentiam præstantiamque doctrinæ, & d. l. 6 §. 2. & 3. & 4. C. de philosophis, immunitate supra numerum donaretur, d. l. 6 §. 2. & 3. & 4. C. de philosophis.* 10. Est & tertia conditio hæc omiſſa, ut bene & sedulo suo munere fungantur, seque adolescentibus utiles præbeant: alioqui denuo ab ordine reprobari possunt, *d. l. 6 §. 6. l. 7. l. 8. C. de profess. l. 11. §. 3. de mun. & hon.* Colligunt hinc DD. studiosos, qui graviter litteris non incumbunt, etiam si in catalogum relati sint, privilegiis scholarum gaudere non oportere; cessante scilicet ratione inductiva privilegiorum, secundum Aldobrand. *nu. 19. Schneid. num. 6. hic, quamquam vix est, ut hoc obtineat: consule VVames. cent. 1. cens. 20. Christin. vol. 5. decis. 36. & 49. num. 14. & seqq. Add. Groenevv. de ll. abrogat. ad l. 6. Pand. h. t. ubi & de usu hodierno.*

TEX-

TEXTUS.

De tempore & modo proponendi excusationes.

16. Qui autem se vult excusare, si plures habeat excusationes, & de quibusdam non probaverit; aliis uti intra tempora constituta non prohibetur. Qui autem excusare se volunt, non appellant; sed intra quinquaginta dies continuos, ex quo cognoverint se tutores vel curatores datos, se excusare debent, cujuscumque generis sint, id est qualitercumque dati fuerint tutores, si intra centesimum lapidem sint ab eo loco, ubi tutores dati sunt. Si verò ultra centesimum lapidem habitant, dirumeratione facta viginti millium diurnorum, & amplius triginta dierum: qui tamen, ut Scaevola dicebat, sic debent computari, ne minus sint quam quinquaginta dies.

NOTÆ.

16. Qualitercumque dati] Sive à Magistratu, sive testamento, sive lege: nam & legitimos tutores se excusare posse constat, l. 3. §. 8. D. de leg. tut. l. 1. C. cod. l. 9. C. qui dati sur. & prius dixerat, cujuscumque generis.

COMMENTARIUS.

- 1 Vtrum post constitutionem D. Marci adhuc immediate à dilatione tutelæ appellari poteris?
- 2 Ex quo tempore 50. dies, excusationi allegandæ constituti, currere incipiant?
- 3 An causa excusationis per procuratorem agi possit?
- 4 Etiam tutores legitimos excusari.
- 5 Proponendæ & disceptandæ excusationis quæ forma apud nos observetur.

Aliis nisi non prohibetur] Ex Marciano l. propter litem 21. §. 1. eodem. Est enim excusatio species quædam exceptionis: nemo autem prohibetur pluribus exceptionibus uti, l. 8. de exc. l. nemo 43. de reg. jur. Sed an qui plures excusationes habet, eas omnes simul proponere & contestari debeat; quæritur, & putat Gloss. hoc necesse non esse. Sed verius est, omnes initio contestari oportere, ne alioqui tutor negotii trahendi causas novas postea excogitet; & est textus in l. scire oportet. 13. §. scire autem 8. hoc titulo. Omnibus autem propositis, vel unam probare sufficit ad victoriam.

Non appellant] Hoc enim D. Marcus effecit. Nam cum antea non minus à delatione tutelæ quam alterius muneris appellaretur, Marcus Antoninus tutelam à cæteris muneribus ita secevit, ut tutor datus non amplius rectà à datione provocaret; sed si quas se habere putaret iustas excu-

sationis causas, eas intra præstituta tempora proponeret, quas si iudex rejecisset, tum demum licentiam appellandi haberet: qui verò ad alia muneris vocarentur, illi non aliter quam olim, hoc est, quam appellatione interposita, allegare possint causas immunitatis suæ, l. 1. §. 1. & 2. quand. appell. Igitur si qui sunt loci, in quibus tutores dati provocasse proponuntur, ut in l. 4. hoc tit. l. tutores 39. §. tutor 6. de adm. tut. l. 2. & pen. de tut. & cur. dat. l. 17. §. 1. de appell. illi non sic accipiendi sunt, quasi ab ipsa creatione appellationis appellassent, sed à reiectione excusationis intra præstitutum tempus allegatz. Neque obstat quod Modestinus scribit in l. 16. hoc tit. tutores etiam ei tra appellationem se excusare posse: aut quod idem Modest. l. 13. eod. & Impp. l. tutores 13. C. cod. tutores datos non necesse habere appellationem interponere, quasi, si velint, adhuc provocare possint. Nam huiusmodi collectiones ut semper necessariæ non sunt, ita hæc minimè hoc loco admittenda. Tutores necesse non habent appellare; ergo, si velint, possunt. Necesse enim non habent, ut olim ante constitutionem D. Marci: nunc ne possunt quidem, & frustra ante propositam & repulsam excusationis causam appellant, d. l. 1. §. 1. quand. app. Qui locus tam clarus est, distinguens hac in parte tutelam ab aliis muneribus publicis, ad quæ vocatus contra privilegium illico appellat, ut ex eo alii loci omnes sint declarandi. Atque hoc jure utimur, D. Tulden hic c. 11. & ad tit. C. cod. Christin. vol. 3. deesf. 171. num. 12. Perez. in Cod. hoc tit. num. 16. Grot. 1. mand. c. 7. Est verò hoc argumentum, nihil hic tutorum causa constitutum esse. Convenientius fortasse visum est atque æquius, ut qui tutorem dedissent, ipsi prius de causa excusationis summam cognoscerent, eamque vel acciperent, vel repudiarent: cum nihil eorum interfit, tutor ne ille sit, an alius, quam ut statim quasi rejecta causa excusationis, quam nunquam audiverunt, superior provocaretur. In tutoribus testamentariis & legitimis etiam hoc absurdum videtur. At in delatione alius muneris; puta si ab ordine aut dumviris aliquis decurio aut Scriba nominatus sit, quia eorum qui nominaverunt, interest nominatum munus delatum suscipere; ipsi quodammodo pars sunt, & in sua causa iudices constituerentur, si excusationes apud eos allegandæ & probandæ forent; quod hic notat Jo. Fab.

Intra quinquaginta dies continuos] Proponendæ & contestandæ excusationi 50. dies continui constituti sunt, l. 13. §. 1. & seqq. hoc titulo. peragendo negotio continui quatuor menses, l. quinquaginta 34. eod. Dicuntur dies continui, qui continuo, id est, *continuè*, continenter & sine interruptione nullisque exemptis currunt; ad discrimen utilium, è quibus subducuntur omnes dies quibus experiundi juris sui potestas non est, l. 2. de div. & temp. præf. de quo fortassis alibi plura.

Ex quo cognoverint] Quinquaginta dies excusationibus profitendis constituti tutoribus &

K

cura-

curatoribus non cedunt, ex quo dati sunt, sed ex quo cognoverint se tutores aut curatores datos esse, *d. leg. 13. §. quinquaginta. 9. leg. 6. C. cod. l. 3. de verbor. signific.* Atque ex eo tempore si cessent, suo periculo cessant, *l. 1. §. 1. de adm. tut.* ut tamen iis ignoscatur, qui valetudine aut vi tempestatis, aliave simili causa impediti constituto tempore non venerint, *d. l. 13. §. si enim. 7.* Porro nec antea quam à die cognitionis cedere existimo quatuor illos menses disceptando & finiendo excusationis negotio constitutos; ne aliqui contingat, ut prius finiatur tempus excusationis, quam incipiat; quod perquam esset absurdum. Nec est contrarium, quod Paulus in *d. l. 38.* menses illos ex die nominationis numerat. Nam Paulo eo loco idem dies est nominationis & cognitionis: quippe qui solum excludere vult tempus, quo allegata sit excusatio; quasi dicat, quatuor illos menses non currere à die propositæ excusationis, quod videri poterat, sed à die nominationis, cognitæ scilicet, non factæ. Ant. Fab. *1. jurispr. hoc tit. pr. 1. illat. 7.*

Se excusare debent] Non solum venire tutor, & adire judicem intra 50. dies decet, sed necesse est, ut intra id tempus se excuset; id est causam excusationis speciatim alleget & contestetur: quam et si forte mox non persequatur; nihil tamen magis ei obstat præscriptio 50. dierum, cum ad negotium peragendum ei adhuc supersint 70. dies: nisi *de quibusd. re. x. d. l. 1. hoc est, defunctoriè, perfusoriè, aut ut Contius vertit, dicis causa, adierit, ut desisteret statim, & adversarium traheret, d. l. 13. §. 8. x. d. l. 6.* Contestanda autem excusatio, vel in iure ad tribunal Prætoris, vel apud acta, vel *x. d. l. 1. hoc est, de plano, per libellum, d. l. 13. §. x. d. l. 10.* Nam et si tutor per libelli oblationem & subscriptionem non excusatur, *l. excusare 25. cod.* eo quod excusatio pro tribunali disceptanda & excutienda est, quia opus est decreto, per *leg. 9. §. 1. de off. proc. l. omnia 71. de reg. iur.* tamen ad submovendam præscriptionem contestatio vel per libellum facta sufficit. Illud non satis expeditum est, an & absens tutor excusari possit. Negat Accurs. quem sequuntur Pet. Fab. ad *l. nemo 70. de reg. iur.* & Ant. Fab. *d. illat. 7.* itemque Bachov. in *Trentl. volum. 2. disp. 9. th. 1. lit. B.* Mihi contraria sententia, quæ Cujacii est, verior videtur, per textum *l. tut. 19. C. de adm. tut.* Neque video quid obstat, quominus causa excusationis per procuratorem agatur. Opposita sunt *per libellum & pro tribunali*: non *per libellum & in præsentia*; nam præsens libellum offerre potest.

Cujuscumque generis sint, vel qualitercumque dati s. i.] Sive igitur testamento dati sint, sive à Magistratu, sive à lege ad tutelam vocati: nam & legitimos tutores excusari verius est, *l. 3. §. quæsi. 8. de leg. tut. l. si pupillum 20. hoc tit. l. 1. C. de leg. tut. l. si sororis. 9. C. qui dat. tut. arg. l. 1. §. 5. hoc tit.* Quibus locis eorum sententia manifestè refellitur, qui putant, legitimis tutores se excusare non posse, nisi & removeri possint, aut ad tempus

dumtaxat, quo in numero sunt Hotom. & Giphani. *hic.* Cujac. ad *d. l. 13.* VINN. Unde rectè Theophilus *ἐπεὶ οὗτοι οὐκ ἐκείνους ἀλλὰ τὸν αὐτὸν χρόνον*. Theophilum contra Cujacium & Giphanium accuratè defendit B. Huber. *Prel. ad Inst. h. 1. §. 20.* HEIN.

Intra centesimum lapidem] Ad professionem excusationis 50. dies dantur, si is, qui tutor datus est, sit in eadem civitate, vel intra centesimum lapidem: si ultra sit; ad veniendum dantur singulis dies in singula 20. millia, præterea 30. dies; itaut computatis itineris diebus & illis triginta, tutor non pauciores habeat quam quinquaginta; quod latius prosequitur Modestinus. *d. l. 13. §. 1. & seqq.* Obiter addo, lapidem pro milliario sive mille passibus accipi: quæ appellatio inde manavit, quod singula milliaria positæ singulis lapidibus, sive columnis lapideis spatiorum signa inscripta habentibus Tib. Gracchus, auctore Plutarcho in *Graccho p. 838.* distinxerat. Initium autem & finem omnes viæ Italiæ capiebant ab aurata illa columna, quæ Romæ in capite fori ad ædem Saturni posita erat, nimirum ab aureo illo urbis milliario monumentis veterum tantopere nobilitato. VINN. Addi ea de re debet Bergerius *de viis militaribus*, ubi hæc & alia plena manu feruntur. HEIN. In hisce regionibus proponendæ & disceptandæ excusationis hæc fere forma servatur, ut si quis tutelam sibi delatam suscipere detrectet, is intra tres septimanas, ex quo cognoverit se tutorem datum esse, competens Magistratus solito sessionum die adeat, ibique causas excusationis alleget probetque: quibus auditis & cognitis, sine mora negotium peragitur: & si iustæ ac solidæ videantur, excusato recusante, alius in locum ejus sufficitur: sin minus, rejecta excusatione tutori nominato onus tutelæ sententia Magistratus imponitur: à qua sententia, si iniqua tutori videbitur, provocare ei licet; sed interim alius ei & periculo ejus, si tandem succumbat, substituitur, vid. *art. 19. & 20. statut. Rhinland. Grot. 1. manud. 7.* De forma compellendi tutores ad tutelam capeiendam dictum est sub *§. 1. sup. de Attil. tut.*

T E X T U S.

De excusatione, pro parte Patrimonii.

17. Datus autem tutor ad universum patrimonium datus esse creditur.

C O M M E N T A R I U S.

ARbitror cum D. Hotomanno & Vvesemb. §. hunc mutilum esse, & decerprum ex Marciano, *l. propter liem 21. §. 2. hoc tit.* Hoc autem indicare velle Justinianum, tutorem, qui pro parte bonorum se excusat, audiendum non esse: quippe qui non parti bonorum, sed universo patrimonio datus intelligatur: cujus regulæ exceptio traditur *d. l. 21.* nisi se excuset, ne ultra centesimum lapidem in aliena provincia tutelam gerat.

T E X -

TEXTUS.

De excusationibus propriis Curatorum.
De Tutelæ gestione.

18. *Qui tutelam alicujus gessit, invitus curator ejusdem fieri non compellitur: in tantum, ut licet paterfamilias, qui testamento tutorem dedit, adjeceris se eundem curatorem dare; tamen invitum eum curam suscipere non cogendum, Divi Severus & Antoninus rescripserunt.*

COMMENTARIUS.

QUæ præcedunt causæ excusationum, tutelæ cum curatione communes sunt: sequuntur duæ propriæ curationis; quarum una proponitur hoc §. altera §. seq.

Curator ejusdem fieri non compellitur] Romanis ad excusationem curationis adulti satis visum est ejusdem pupilli tutelam gessisse, *l. curator. 20. c. eod.* Quasi nimis durum sit, gemino unius personæ onere premi: quod tamen jus apud nos & in aliis plerisque locis desuetudine abrogatum esse monuimus supra sub *tit. quib. mod. tut. fin. & de curat.*

Adjeceris, se eundem curatorem dare] Licet aliàs curator testamento datus à Prætorè confirmari solet, *sup. de curat. §. 1.* Excipiunt Veteres ob beneficium libertatis acceptæ libertum, quem patronus liberis suis tutorem & curatorem dedit, *l. 5. c. eod.* nisi de sua pecunia emptus & manumissus sit, aut ex fideicommissio libertatem acceperit: nam in hujusmodi liberos nihil juris patronus consequitur, excepto quòd sine venia in ejus ab iis vocari non debeat, *l. 14. §. 3. l. nequaquam. 24. hoc tit.*

TEXTUS.

De Marito.

19. *Idem rescripserunt: maritum uxori suæ curatorem datum excusare se posse, licet se immisceat.*

COMMENTARIUS.

1 *Quarum rerum uxoris maritus curator esse prohibetur?*

2 *Invisconsultos verbo excusandi saepe abusi.*

3 *Quæ hodiernis moribus mariti in bona uxoris possitas.*

ALtera causa excusationis propria curationis in marito uxori suæ, puta minori 25. annis, aut mente captæ curatore dato. Ait *curatorem datum*. At quorum bonorum? nam dotis etiam dominus jure civili maritus est, *infr. quib. alien. loc. l. dose. 9. Cod. de res vind.* Si de jure veteri quæritur; non est dubitandum, quin omnium quæ extra do-

tem mulier habet, quæ Græcis *παιδικα*, dicuntur, licet expressè usum earum rerum sibi non receperit, ac reservavit. Hoc enim causæ prohibendi convenit, quam mox afferemus, & sententiæ veterum constitutionum indistinctè loquentium, *l. 2. Cod. qui dat. tut. l. 4. l. licet 17. Cod. hoc tit. l. 3. Cod. de interd. matr.* Potuit sanè mulier, quæ perfectæ ætatis esset, marito rerum omnium, quas extra dotem haberet, administrationem committere, arg. *l. 8. C. de pact. conv. l. maritus. 21. Cod. de procur. l. pen. ad leg. Falcid.* Sed quæritur de uxore minore 25. annis, aut mente capta, quæ parapherna habeat: Huic, inquam, maritus eorum bonorum curator dari indistinctè jure veteri prohibetur, non receptiorum dumtaxat, ut male Myns. Hotom. Vvesemb. Nam ex novis demum constitutionibus est, quòd marito paraphernorum, quæ uxor specialiter non excepit, administratio permittitur, *l. 8. l. ult. C. de pact. conv.* quod hic annotare neglexit Tribonianus.

Excusare se posse] Sæpe nostri verbo excusandi abutantur, eosque etiam excusari ajunt; qui tutores aut curatores esse non possunt; ut cum dicunt, inimicitias capitales præstare excusationem, *Sidvrai & qvra iavvovis, §. inimicitia. 11. sup. l. 6. §. Sidvrai. 17. eod.* patru cum pupillo de hæreditate contendentis excusationem recipiendam, *l. si pupillum 20. eod.* luminibus captum, mutum, surdum, furiosum excusationem habere, *l. un. Cod. de morb.* Quos omnes tamen certum est, tutelam gerere non posse, *l. 3. §. si tutor 12. de susp. tut. l. licet 17. Cod. hoc tit.* cujus eadem effectu species est cum ea, quæ hic proponitur: nihil enim refert, uxori maritus, an focer nurui curator detur. Hoc autem loco Justinianum verbo excusandi abusum esse constat ex *l. 2. Cod. qui dat. tut. item ex l. 14. de cur. fur.* quæ aperte negant, maritum uxori curatorem creari posse. Quæ ideo moneb, ne quis putet in arbitrio mariti positum esse, aut se excusare, aut omiſsa excusatione curam uxoris suscipere: & in univèrsu ne quis credat, certum esse argumentum tutoris jure dati, quòd excusationem habere dicatur. In tantum autem maritus prohibetur uxori suæ curator constitui, ut si constitutus prudens se immisceat, infamiæ labem contrahat; sicut & illi infames fiunt, qui contra Senatusconsultum pupillam vel adultam sibi matrimonio jungunt; eadem enim utriusque prohibitionis ratio est, ne scilicet fraus administrationis regatur, dum uxor vel propter blanditias mariti nolet, vel propter metum ejus non audebit ab eo exigere rationes, *l. 4. l. licet 17. C. hoc tit. junct. l. 5. l. 7. Cod. de interd. matr. l. libertum 64. §. 1. de res. nups.* Dubito autem cum Bachovio, an hæc posterioribus constitutionibus consentanea sint.

Licet se immisceat] Qui excusare se potest, is si neglecta excusatione se miscuerit administrationi, postea se excusare volens non auditur, quasi juri suo tacitè renunciaverit, *l. non tantum. 17.*

§. 5. sane, hoc tit. l. 2. Cod. si tut. fals. alleg. Sed hoc locum habet in iis, qui tutores aut curatores recte dati sunt, quorum etiam propria est excusatio: nam qui tutores aut curatores esse non possunt, etiam si se immiscuerint, excusantur aut remouentur, l. 6. pupillum. 20. hoc tit. §. item major. 11. sup. eod. Atque hæc quidem jure Romanorum ita se habent. Cæterum moribus nostris uxor est in curatione & potestate mariti: potestque maritus bona uxoris etiam ea quæ extra communionem retinuit, non solum administrare, sed alienare quoque, aut obligare etiam sine uxoris consensu, nisi pactis antenuptialibus expressè aliter cautum fuerit, D. Neostad. obs. rer. jud. 9. in not. Grot. 1. manu. 5. Eademque fere & apud cæteros Europæ populos mariti in uxorem hodie potestas est, ut ex Vvesemb. Chassan. & Covar. refert Gudelin. lib. 1. de jur. nov. c. 8. & D. Tulden. ad tit. de curat. §. 1. sup. Apud Frisios administratio marito permessa, ali natio sine consensu mulieris non item, Sande lib. 2. tit. 4. def. 2.

T E X T U S.

De falsis allegationibus.

20. Si quis autem falsis allegationibus excusationem tutelæ meruerit, non est liberatus onere tutelæ.

N O T A.

20. Falsis allegationibus. Ubi adde, ex eo tempore, quo datus est, tutelæ obligatum esse.

C O M M E N T A R I U S.

Decretum, quo tutor, falsis allegationibus usus, absolutus est, ipso jure nullum est, neque cum periculo tutelæ eximit, l. 1. l. ult. Cod. si tut. fals. alleg. quod favore pupillorum ita constitutum esse credendum est. Nam regulariter sententia ex falsis allegationibus lata ipso jure non est nulla: sed adversus eam, si provocatum non sit, petenda est restitutio, arg. leg. Divus 33. de re judic. & 101. tit. C. si ex fals. instrument.

TITULUS VIGESIMUSSEXTUS.
DE SUSPECTIS TUTORIBUS
VEL CURATORIBUS.

D. Lib. 26. Tit. 10. C. Lib. 5. Tit. 43.

Continuatio & summa Tituli.

EX tribus, quæ ad tutores & curatores communiter attinentia Justinianus tractanda suscepit, duo exposita sunt, satisfactio, & excusatio. Superest tertium & ultimum, suspecti tutoris vel curatoris accusatio & remotio: quod hoc postremo hujus libri titulo nunc explicat. Ostendit autem strictim, unde ea accusatio descendat; qui, apud quos, & à quibus accusari possint; inde, qui sint suspecti, & quibus ex factis tales arguantur, & removeri debeant, docet; ac promiscuè, quæ hujus accusationis, remotionisque, sit vis, atque potestas.

T E X T U S.

Unde suspecti crimen descendat.

Sciendum est, suspecti crimen ex lege duodecim tabularum descendere.

C O M M E N T A R I U S.

Suspecti crimen ex lege duodecim tab.] Ex Ulpian. l. 1. §. 2. hoc tit. Eoque pertinere creditur quod Cicero scribit 3. de offic. cap. 19. Dolum malum etiam legibus fuisse vindictum ut tutelam duodecim tab. Crimen autem hoc loco, & apud Ulpian. pro criminatione sive accusatione poni certum est: neque insolens accepta

est hujus verbi significatio; sic enim accipitur in l. 7. de accus. l. 5. de calum. l. propter 21. de senat. consult. & apud Cic. pro Rose. Amerin. Tris sunt, inquit, quantum existimare possum, qui obstant hoc tempore Sexto Roscio; crimen adversariorum & audacia & potentia. Quamobrem licet Theoph. rectè verterit κατηγορίαι; causa tamen non erat, cur interpretem ejus Curium, novumque utriusque Theodori editorem Gotofredum carperet Bachov. quod in Latina versione crimen retinuerint.

T E X T U S.

Qui de hoc crimine cognoscunt.

1. Datum autem est ius removendi tutores suspectos Romæ Prætori; & in provinciis Præsidibus eorum, & Legato Proconsulis.

N O T A.

1. Legato Proconsulis] Jus removendi suspectos tutores Magistratibus competit vi suæ jurisdictionis: & ideo ea mandata, sive in specie sive in genere, transit in eum, cui mandata est l. 1. §. 3. & 4. hoc tit. ergo et si Præses mandaverit, quod male negat Cujac. l. 1. §. 11. D. ad sen. Turp. Nam ibi non excluditur qui mandata jurisditionem habet, sed Magistratus municipiorum

COM-

COMMENTARIUS.

2 Etiam apud eum, cui mandata est jurisdictio, suspectum postulari posse.

Datum est 7 Hoc non ita accipiendum est, quasi ius de suspectis tutoribus cognoscendi, eosque removendi, speciali aliqua lege aut senatusconsulto Prætoribus aut Præsidibus datum sit: quemadmodum cum dicimus, jus dandi tutores alicui datum esse, hoc sic accipimus, datum esse nominatim vel à Principe, vel lege, vel Senatu, l. 1. l. 2. de tut. & cur. dat. l. 6. §. 2. de tut. sed jus hoc removendi tutores Prætoribus & Præsidibus more concedi propter vim imperii, hoc est, iis competere vi & potestate Magistratus sui, sive jurisdictionis, ut de iudicis dandi licentia quam iidem Magistratus habent, scriptum est in l. cum prætor. 12. §. 1. de iudic. Etenim longè alia ratio est tutoris dandi, alia removendi. Datio tutoris jurisdictionis non est; quæ de causa nec mandari potest, dict. l. 1. §. 1. nec mandante. 8. de tut. & cur. dat. Cognitio de suspectis & remotio jurisdictionis est, eaque sive in specie sive in genere mandata, in eum, cui mandata est, transit, l. 1. in pr. de off. eius cui mand. l. 1. §. 4. hoc tit. Rursus jus dandi tutoris etiam Magistratibus municipalibus certa lege concessum est, l. 1. de tut. & cur. dat. §. 4. & 5. sup. de Attil. tut. At de suspecto cognoscere soli possunt Magistratus maiores, l. 1. §. suspecti 11. ad senat. Turpil.

Legat. Proconsulis 7 Legato quoque Proconsulis de suspecto cognoscendi jus est, non ut specialiter ei concessum, sicut tutoris datio oratione D. Marci, l. 1. §. 1. de tut. dat. sed tamquam consequens jurisdictionis à proconsule mandata, l. 1. §. 4. hoc tit. l. 4. de off. eius cui mand. est iurisdictio in qua lege quod Macer adjicit, propter utilitatem pupillorum, non sic accipiendum est, quasi utilitas pupillorum contra juris rationem hanc sententiam extorserit: sed quòd hic cum ratione illa generali, ex qua mandata jurisdictione eorum officium juris dicendi transit, etiam concurrat ex accidenti pupillorum utilitas; quorum scilicet interest, ut plures de suspecto cognoscere possint, ne diutius perfidus tutor in patrimonio pupilli grassetur. Pariratione & si Prætor mandaverit jurisdictionem, poterit apud eum, cui mandata est, suspectus postulari, d. l. 1. §. 4. vers. ergo. Idemque omnino dicendum, si Præses mandaverit. Nec est contrarium quod apud Marcianum l. 1. §. suspecti 11. ad senat. Turp. legimus, suspecti tutoris accusationem pro tribunali tantum examinari posse, & nullum alium de huiusmodi questione quam Præsidem posse pronuntiare. Nam cognoscente & pronuntiante eo, cui mandata est jurisdictio, ipse cui mandavit, cognoscere & pronuntiare intelligitur: & ille huius vice, non sua, fungit, l. 1. §. 1. l. 3. de off. eius cui mand. l. 1. §. 16. de iurisdict. l. 1. §. 1. quis à quo app. Solum excludere voluit Marcianus Magistratus inferior, s in municipiis & civitatibus, qui pro tribunali, ubi hæc questio disceptanda, non co-

Vinnius in Infinit.

gnoscunt, licet jurisdictionem aliquam habeant. Sic in l. ubicumque 105. de reg. iur. quæ etiam ad propositam speciem pertinet, cum Prætor designari dicitur, ubicumque causæ cognitio necessaria est, non excluditur is, cui à Prætoris jurisdictione mandata est: sed Duumviri, sive Magistratus municipales, quibus eaq, quæ majoris cujusdam potestatis sunt, facere non licet, l. 12. quæ 16. ad mun. iunct. l. 1. & 4. de dam. inf. Hodie etiam nostri Magistratus municipales, quos Scabinos appellamus; de suspectis tutoribus cognoscendi, eosque removendi jus habent.

TEXTUS.

Qui suspecti fieri possunt.

2. Ostendimus, qui possint de suspecto cognoscere; nunc videamus, qui suspecti fieri possint. Et possunt quidem omnes tutores fieri suspecti, sive sint testamentarii, sive non sint, sed alterius generis tutores. Quare etsi legitimus fuerit tutor, accusari poterit. Quid si patronus? Adhuc idem erit dicendum: dummodo meminerimus, fame patroni parcendum esse, licet suspectus remotus fuerit.

COMMENTARIUS.

Possunt quidem omnes tutores 7 Item omnes curatores, sive adolescentis, sive furiosi aut prodigi curam gerant, l. 3. §. 2. eod. sed & curator ventri datus suspectus postulari potest, dict. l. 3. §. 3. Locus hic descriptus est ex l. 1. §. ostendimus 5. eodem.

Quare etsi legitimus 7 Indicare videtur, facilius tutores testamentarios & dativos ut suspectos accusari & removeri posse quam legitimos, eosque, qui vinculo necessitudinis aut affinitatis pupillo conjuncti sunt: quibus potius curator adiungendus est, quam ut notata fide atque existimatione removeantur, l. si tutor. 9. eod.

Fame patroni parcendum 7 Quod de patrono hic dicitur, idem vel magis ad parentem pertinet: & fortassis ne postulari quidem suspectus parens potuit, sed simpliciter curator adiungendus fuit. Illud constat, liberto & filio semper honestam & sanctam personam patris, & patroni videri debere, l. liberto. 9. de obs. par. & patron. Atque hinc esse, quòd nullæ actiones famosæ, ac ne illæ quidem, quæ fraudis vel doli ullam mentionem habent, adversus parentes patronosve institui possint: sed ex quibus causis actio in alios famosa datur, ex iisdem adversus illos in factum detur, omiſsa doli mentione, l. non debet. 11. de dol. l. 1. §. 1. dat. l. 1. §. interd. 43. de vi & vi armata. quod in proposito proclive est, eo quòd hæc actio natura sua famosa non sit, vid. l. 3. §. ult. cum l. seq. & l. 9. hoc tit.

TEXTUS.

Qui possunt suspectos postulare.

3. Consequens est ut videamus, qui possint suspectos postulare. Et sciendum est, quasi publicam esse hanc accusationem, hoc est, omnibus patere. Quinimmo mulieres admittuntur ex rescripto Divorum Severi & Antonini: sed hæc sola, qua pietatis necessitudine ductæ ad hoc procedunt; ut puta mater, nutrix quoque & avia; potest & soror. Sed & si qua alia mulier fuerit, quam Prætor propensa pietate intellexerit, sexus verecundiam non egredientem, sed pietate productam non sustinere injuriam pupillorum; admittet eam ad accusationem.

NOTÆ.

3. Quinimmo mulieres] In tantum pupillorum gratia à consuetudine judiciorum recessum est. Pietatis necessitudine] Apud Ulpian. l. 1. §. 7. unde hæc sumpta, legitur pietate necessitudinis.

COMMENTARIUS.

Descripta hæc sunt ex Ulpiano, l. 1. §. consequens. 6. hoc tit. Ait, quasi publicam. quæ nota est improprietas. Revera enim hæc accusatio publica non est. Nam sive finem ejus spectes, non persequitur injuriam Reipub. illatam, sed pupillo; sive formam & exercitationem, non extra ordinem à Præfecto urbis aut Præsidibus de hoc crimine quaeritur, ut de criminibus publicis, l. ordo. 8. de publ. ind. l. 1. §. ult. de pæn. sed ut de re pecuniaria in privatis judiciis à Prætoribus vel Præsidibus, iisve, quibus ab his mandata est jurisdictio, arg. l. ult. de priv. del. Ad hæc qui publico judicio aliquem reum facit, is subscribere in crimen, quod intendit, debet, l. 3. §. 1. de accus. & desistens ab accusatione incidit in senatusconsultum Turpilianum: quorum neutrum est in postulatione suspecti, d. l. ult. de priv. del. l. 1. §. suspecti 11. ad Turpil. Cur igitur hæc accusatio dicatur publica? Nimirum quia publicæ similis est in eo, quod omnibus patet: quod publicum proprium est, §. 1. i. f. de publ. ind. Cui addi & alterum potest, quia & nullo accusante ipse Magistratus ex officio manifestè suspectum repellere potest, d. l. 3. §. præterea. 4. hoc tit. junct. l. 13. de off. præf. l. 1. in pr. C. de cust. reor. Christian. volum. 3. decis. 1. 7. num. 1.

Mulieres admittuntur] Contra morem judiciorum. Et notandum est, quod ad hanc accusationem admittantur non ex tantum mulieres, quæ pupillo necessitudinis aliquo vinculo junguntur; verum etiam quævis aliæ, quas modò commendat pietas & verecundia: ut intelligamus, majorem esse suspecti tutoris accusandi licentiam, quam criminis publici judicii intentan-

di: quippe cum mulieri permissum non sit publico judicio quemquam reum facere, præterquam si suam aut suorum injuriam persequatur, l. 1. & l. 2. de accus. l. de crim. 12. Cod. qui accusat. non poss. In tantum pupillorum gratia à consuetudine judiciorum deflectum est. Athenis quoque publica erat hæc actio, Jul. Poll. 8. cap. 6. quod ex Platonis lege descendit, l. 11. de legib. Usus autem non servat, vid. Groen. de ll. abrog. ad tit. ff. de pop. aff.

TEXTUS.

An Pubes vel impubes.

4. Impuberes non possunt tutores suos suspectos postulare: puberes autem curatores suos ex consilio necessariorum suspectos possunt arguere; & ita Divi Severus & Antoninus rescripserunt.

COMMENTARIUS.

Hæc eadem traduntur in l. 7. hoc tit. l. 6. C. cod. Ait, impuberes non possunt, &c. In postulandis suspectis tutoribus principaliter perpendendum est, an quid segniter aut fraudulenter gerant, l. 5. Cod. cod. in quo cum animi judicio opus sit, mirum non est, impuberes ad hanc accusationem non admitti, ut culpent mores tutoris sui, à quo ipsi regi debent. Sufficit, hanc accusationem omnibus patere, ipsumque adeo Prætorem per se tutorem repellere posse, l. 3. §. 1. in fin. & §. præterea. 4. cod.

Puberes autem curatores suos] In rebus, quæ privati judicii quaestionem habent, sicut pupillus auctore tutore, ita & adultus curatore consentiente litem & intendere & excipere debet, l. 2. C. qui leg. pers. Publica accusatio pupillis omnino non patet, l. 8. de accus. nisi quod eis speciatim concessum est, ut de consilio tutorum mortem patris exequantur, l. 2. §. 1. d. tit. Puberes verò et si ipsi regulariter publico judicio accusare non possunt, l. 4. C. de auct. præf. possunt tamen curatore auctore, si suam suorumve injuriam persequantur, l. si maritus 15. §. lex ultra 6. ad leg. Jul. de adult. l. 7. C. cod. l. 11. de accus. Gloss. in d. l. 4. C. de auct. præf. Quapropter si in hoc quoque accusationem suspecti similem esse volumus accusationi publicæ; videri poterit, nihil esse in proposito speciale: quia suam injuriam minor persequitur, qui curatorem suum suspectum facit.

Ex consilio necessariorum] Quorum in ea re præscriptum minor sequetur: quod si illi nolint in accusationem consentire, judicis à minore aditi officium erit videre, ne quid detrimenti minor capiat, arg. l. si cum dote 22 §. nec non 7. & ibi Bart. solut. matrimon. Canticuncula & Myns. hic.

TEXTUS.

Qui dicatur suspectus.

5. Suspectus autem est, qui non ex fide in l. m. gerit, licet solvendo sit, ut Julianus quo-

quoque scripsit. Sed & anteaquam incipiat tutelam gerere tutor, posse eum quasi suspectum removeri, idem Julianus scripsit: & secundum eum constitutum est.

COMMENTARIUS.

HOc §. in genere docet Imp. quis sit suspectus, & unde talis esse deprehendatur. Ait, suspectum esse, qui non ex fide tutelam gerit: quod sic accipiemus; non tantum si fraudulenter & callidè in rebus pupilli versetur, sive quaestus aut commodi causa res administret; sed etiam si negligentem aut segniter, neque ea integritate ac sollicitudine, qua oportet, l. 3. §. ult. hoc tit. l. 5. Cod. eod. Nec tutori quicquam prodest quod solvendo sit, quod satisdederit, vel nunc offerat: non enim ex patrimonio principaliter, sed ex moribus suspectus aestimandus est, l. 5. l. 6. eod. d. l. 5. c. eod. §. ult. inf. eod. & pupillo semper utilius est sic ei prospici, ut ab initio nullum damnum sentiat, quam ut postea labores de consequenda indemnitate, arg. l. ult. c. in quib. ca. in int. rest. non est nec. quod Papinianus noster sic expressit: Expedis pupillo rem suam salvam habere, quam tabulas rem salvam fore cautionis, d. l. 5. eod.

Anteaquam tutelam gerere incipiat] Puta si vel satisfacere nolit, l. 1. l. 3. c. de tut. qui sat. non ded. vel contumax sit, l. 3. c. hoc t. vel si ob ignaviam aut negligentiam non gesserit, aut dolo fecerit, quominus gereret, l. 4. §. ult. eod. & generaliter si qua justa causa sit, ob quam videatur rejiciendus, a. g. l. 3. §. si tutor 1. eod. VINN. Inprimis huc pertinet casus in §. 9. & 10. h. t. item mores, qui suspicionem negligentiae vel doli injiciunt. §. ult. h. t. HEIN.

TEXTUS.

De effectu remotionis.

6. Suspectus autem remorus, si videtur ob dolum, famosus est: si ob culpam, non aequè.

NOTA.

6. Ob dolum famosus] l. 1. D. de his qui not. infam. Debet aut in decreto causa significari: aliàs integra existimatione tutela abibit, l. 4. §. 1. & 2. D. hoc tit.

Ob culpam non aequè] Hoc est, segnitiam, negligentiam, ineptiam, rusticitatem, l. 3. §. ult. eod. Th. ad papianum. Quid si tutoris lata negligentia arguatur? Non videtur salva existimatione abire: quia ista prope fraudem accedit, l. 5. §. 1. eod. in doli crimen cadit, l. 5. §. 1. D. de obl. & aff. l. 3. D. de pos. VINN. Eleganter hanc l. 7. §. 1. ff. b. t. explicat B. Huberus ex l. 32. ff. de positi, quæ similiter distinguit, sine depositarius in suis rebus diligens, an supinæ & enormis socordix. Vid. Præf. ad Inst. hoc tit. §. 7. HEIN.

COMMENTARIUS.

- 1 Culpæ nomen & generale esse & speciale.
- 2 Genera culpæ obiter distincta atque exposita.
- 3 Ob latam culpam remorus an famosus fiat, & quid moribus nostris?

Accusationis finis est remotio. Cæterum pro qualitate causæ & admissi, alii simpliciter remonentur, alii cum nota infamiae, alii etiam aliter & nonnumquam gravius puniuntur. Qui salva aut notata existimatione removeantur, ostenditur hoc §. propriæ pœnæ adversus quos constitutæ sint, §. si quis tutor. 9. & 2. seqq. inf. eod.

Siquidem ob dolum] Ait, remotum ob dolum famosum esse, ob culpam non aequè. Dolum est quævis calliditas & machinatio ad alium circumveniendum adhibita l. 1. §. 2. de dol. Culpæ est omne factum, quo nocetur alteri injuria, sed a corruptis, id est, sine animo & proposito fraudandi. Etsi enim culpa generali significatione etiam dolum continet, Cic. lib. 1. de offic. cap. 26. Cavendum ne major pœna sit, quam culpa: & in l. Aquilia constat, culpæ nomine etiam dolum venire, l. 5. §. 1. junct. l. 30. §. pen. ad l. Aquil. in specie tamen accepta à dolo distinguitur, ut factum inconsultum à consulto & malitioso. Genera culpæ tria in jure nostro memorantur, lata, levis, levissima. Lata culpa est, non pro videre, curare, cavere, quod omnes, qui modò sensu communi præditi sunt, provident & intelligunt se curare debere, l. cedere diem. 213. §. ult. l. lata 123. de verb. sign. l. quod Nerva. 32. de pos. l. p. §. 2. de iur. & fact. sign. Atque hæc plerumque de pœnis dicitur culpa solo proxima, l. 8. §. 3. de præcar. l. 8. pr. de edend. l. 1. §. 2. si is qui rest. lib. Levis est ommissio diligentiae quam vulgo homines frugi in suis rebus adhibere solent, l. heredes. 25. §. non tantum. 16. fam. eris. l. 1. de tut. & ras distr. l. 8. §. 4. de obl. & aff. Levissima est ommissio ejus diligentiae, quam in suis rebus præstare solet diligentissimus paterfamilias, & fere per oppositum indicatur, cùm diligentia præstari dicitur simpliciter, l. 5. §. 2. commod. l. 23. de reg. jur. quod loco magis opportuno latius explicabitur. Culpæ autem nomine non intelligit hic Imperator culpam latam, sed leviolem: siquidem lata culpa, præterquam in crimine corporalem pœnam ingerente, l. 7. ad leg. Corn. de sicar. semper dolum interpretatione juris repræsentat, leg. magna 226. de verb. signif. d. l. quod Nerva. 32. de pos. l. 1. §. 1. si mens. fals. mod. l. 8. §. 3. de prec. l. 1. §. is quoque §. de ob. & aff. etiam in famosis, leg. 11. §. ult. de his qui notant. infam. leg. probrium 42. in fin. de verb. signif. adeoque etiam in actione pœnali, l. 1. §. 2. si is qui rest. lib. Unde etsi dolum tantum præstari dicitur, tamen ea appellatione etiam culpa lata intelligitur, l. contractus 23. de reg. jur. l. 5. §. 2. commod. §. pen. infr. quib. mod. re cont. ob. Nec movere debet, quod verbum culpæ hic simpliciter & sine distinctione dolo opponitur. Quotiescunque enim

hoc sit, aut quoties culpæ verbum absolute ponitur, toties in usu juris significatur levis dumtaxat, d. 1. §. 2. commod. l. 23. de reg. ur. l. 11. de neg. gest. l. 5. §. 3. de insur. l. 1. §. 1. sape 35. de pos. cum similib. Frustra igitur objicitur, quod in dubiis benigniora præferenda, l. semper 56. de reg. jur. quod pœnæ legum interpretatione molienda, l. pen. de pœn. odia restringenda, Cod. odia Pand. de reg. ur. in 6. Nam cum de sententia auctorum juris quaeritur, usus præcipue spectandus est, l. 7. §. 1. de sup. leg. De usur autem verbi hic quaeritur, non de eo producendo per interpretationem. Quod verò famæ & existimationis periculum exæquant cum periculo vitæ, ineptum esse apparet ex l. capitalium 28. de pœn. Sane causa famosa aliquando confertur cum capitali, ut in leg. 9. de man. vind. l. 9. §. 2. quod mer. ca. sed satis constat id fieri respectu certæ alicujus rei, in d. l. 9. intuitu causæ manumissionis apud consilium allegandæ & probandæ, in d. l. 3. §. 2. ratione metus vel electionis: quod huc non pertinet; non enim quid metuat aut eligat, sed quid mereatur tutor, quaerimus. Concludimus igitur, tutorem remotum infamem fieri, non solum si ob fraudem remotus sit, quod in tutela grassatus fuerit, aut sordide egerit vel perniciosè pupillo, aut aliquid interceperit ex rebus pupillaribus, l. 3. §. nunc videamus. §. hoc sit. verum etiam si ob latam negligentiam; puta quod in suis diligens, in rebus pupillaribus supinè & dissolutè negligens sit: quia talis negligentia prope fraudem accedit l. 7. §. 1. cod. & interpretatione atque effectu juris dolus est, d. l. quod Nerva. 32. de pos. l. magna 226. de verb. sign. Eos autem, qui ob levio rem culpam, segnitiam, rusticitatem, inertiam, simplicitatem, vel ineptiam remouentur, in ea causâ esse, ut integra existimatione tutela abeant, d. l. 3. §. ultimo, hoc sit. Quod & jam olim docuit Claud. Canticula contra plerosque interpretes, qui negant, latam culpam infamare: quo in numero etiam sunt Schneid. & Vvesemb. Planè mitior hæc sententia moribus nostris accommodatior est, quia veteris disciplinæ severitate multum descivimus: de quo queritur D. Tulden. in comm. hic cap. ult. Illud constat, causam remotionis decreto exprimendam esse, ut appareat de existimatione; nam si causam remotionis non significaverit decreto suo Prætor, fama remoti non læditur, l. 4. §. 1. & 2. cod.

T E X T U S.

De effectu accusationis.

7. Si quis autem suspectus postulatur, quoad cognitio finiatur, interdicitur ei administratio, ut Papiniano visum est.

C O M M E N T A R I U S.

Pendente causa cognitionis, interdicitur tutori administratio, atque alius interea in locum ejus in administratione rerum ordinatur, l.

eum quem. 7. C. hoc sit. ipsaque adeo postulatione suspecti etiam citra decretum id effici videtur, l. quod si 14. §. 1. in fin. de solut. Et rectè: nam ut suspectum non convictum in totum remove iniquum est, ita eum, qui in suspicionem lite instituta vocatus est, perseverare in administratione non expedit. Ajo, licet instituitur; neque enim protinus allegata causa suspicionis tutorem interim auferenda administratio; sed ita demum, si concurrant aliqua indicia, super quibus tutor auditus sit & litam contestatus: quod & DD. plerique tradiderunt, & probat Anton. Fab. C. suo defn. 2. de susp. tut.

T E X T U S.

Quibus modis cognitio finitur.

8. Sed si suspecti cognitio suscepta fuerit, posteaque tutor vel curator decesserit, extinguatur suspecti cognitio.

N O T A.

8. Extinguitur susp. cogn.] Sed & si alio modo tutela finita sit, cognitio suspecti solvitur, l. pen. D. cod. l. 1. C. cod. Si quid damni pupillus senserit, id sarciri potest actione tutelæ, l. 4. D. de tut. & var. disp. VINN. Ast quia hæc ratio cessat, si ob atrocius factum, & quod animadversionem acriorem mereatur, suspectus sit tutor: non abs re colligere mihi videor, hoc casu suspecti cognitionem, finita interim tutela, non extingui. HEIN.

C O M M E N T A R I U S.

I N hac postulatione nihil petitur, quod pupillo ex bonis tutoris adjudicetur, sed hoc tantum, ut tutor removeatur à tutela: quo remoto, si quid damni ex mala ejus administratione pupillus senserit, id sarciri potest actione tutelæ, cui ut locus fiat, actio suspecti instituitur: quoniam durante tutela agi non potest, l. 4. de tut. & var. disp. Quibus consequens est, finita quomodocumque tutela, solvi cognitionem suspecti, quamvis pridem receptam, l. pen. C. hoc sit. l. 1. Cod. cod. In quo item similis hæc accusatio videtur criminali, quæ ipsa cæpto licet iudicio regulariter morte rei extinguatur, l. ult. ad l. ult. mai. l. 1. l. 2. C. si reus vel accus. mors. Nam in causa civili, licet pœna quoque petatur, & iudicio semel inclusa salva semper permanet, atque in solidum transit in heredem, l. omnes. 26. de obl. & act. l. omnes. 139. de reg. jur. §. 1. inf. de perp. & temp. act.

T E X T U S.

Si tutor copiam sui non faciat.

9. Si quis tutor copiam sui non faciat, ut alimenta pupillo decernantur, cavetur pistola Divorum Severi & Antonini, ut in possessionem bonorum ejus pupillus mit-

tatur; & quæ mora deteriora futura sunt, dato curatore distrahi jubentur. Ergo suspectus removeri poterit, qui non præstat alimenta.

NOTÆ.

9. *Cebitum sui non faciat*] Latitans, dolo absens non iusta de causa. Ex l. 3. l. 7. §. 2. l. 2. D. hoc tit.

Ergo in suspectus] Bene ergo. Nam si non potest removeri, non est cur pupillus mittatur in possessionem, aut bonistutoris curator detur. Cujac.

COMMENTARIUS.

Quia alimenta pupillo non temere decernenda sunt, sed causa cognita, quam rem Prætor pro modo facultatum pupilli, quas tutor ex vero proferri iubetur, moderari & expedire debet, l. 3. ubi in edno. id est ad verius tutorem, quæ, ne alimenta pupillo decernantur, sui copiam non facit, propria pœna constituta est: eadem nimirum, quæ adversus debitores latitantes; ut pupillus rei servandæ causa in possessionem bonorum tutoris mittatur, quomodo mitteretur creditor in possessionem bonorum debitoris, qui absens non defenditur; ex edicto quibus ex caus. in poss. bon. ear. Quin & plus hic tribuitur pupillo quam aliis creditoribus: quippe quibus in possessionem missis, nuda tantum rerum debitoris custodia & observatio interim conceditur, l. 12. quib. ex caus. in poss. donec ob contumaciam perseverantis sui copiam non facere Prætor de consensu creditorum, curatore constituto, bona distrahi permittat, tot. tit. de cur. bon. dand. Pupillo autem in possessionem missio, simul quæ mora deteriora futura sunt ex bonis tutoris, dato curatore, distrahi jubentur: atque, ut arbitror, ut ex pecunia ex earum rerum venditione redacta pupillo interim alimenta constituantur. Quod si hoc remedio & edictis evocatus tutor vinci & adigi non possit, ut veniat, sui que copiam faciat; tum non tantum quasi contumacem, sed etiam ut suspectum removeri eum oportet; quod tamen & peritro & diligenti habita inquisitione faciendum esse monet Ulp. l. 7. §. pen. & ult. hoc tit. Atque hic quoque sensus est huius loci, & l. 3. §. ult. 14. cod.

TEXTUS.

Si neget alimenta decerni posse, vel tutelam redemerit.

10. Sed si quis præfens negat propter inopiam alimenta posse decerni, si hoc per mendacium dicat, remittendum eum esse ad Præfectum urbi puniendum placuit: sicut ille

remittitur, qui data pecunia ministerium tutela acquisierit, vel redemerit.

NOTÆ.

10. Alimenta posse decerni] A Præatore scilicet, cujus alimentorum decernendorum pro modo facultatum pupilli competit, l. 3. D. ubi pup. educ.

Ad Præfectum urbi] l. 3. §. 15. D. h. t. puniendum scil. extra ordinem & pœna corporali, ut in edno, quod est meri imperii; qualem potestatem Prætor non habet, sed Præfatus urbi: unde & ad hunc remissio fit, ut & alias l. 9. §. 7. D. de off. præf. urb. l. 2. D. de suspect. sur.

Data pecunia ministerium tutela] Cujac. restituit, Data pecunia ministeriis, tutelam redemerit, ex d. l. 3. §. 15. ministeriis; id est, officialibus & ministris Prætoris. VINN. Scriptum fuisse videtur, qui data pecunia ministeriis m. (id est, Magistratuum,) tutelam adquisierit in l. 2. enim §. 11. hoc tit. est: qui tutelam corruptis ministeriis prætoris redemerunt. Tribonianum ergo pro præatore substituisse arbitror magistratum, ex cuius vocis prima littera antecedenti vocabulo iuncta natum videtur vocabulum ministerium. HEIN.

TEXTUS.

De liberto fraudulenter administrante.

11. Libertus quoque si fraudulenter tutelam filiorum vel nepotum patroni gessisse probetur; ad Præfectum urbi remittitur puniendus.

NOTÆ.

11. Libertus quoque] Ex Ulpiano l. 2. D. hoc tit. l. 10. C. de adm. tut.

COMMENTARIUS.

Diximus non multo ante, tutores pro qualitate facti vel simpliciter removeri, vel cum familia, nonnumquam etiam gravius simul coerceri: quod fit in his delictis, si quis præfens negaverit, pupillo quasi inopia alimenta decerni posse, & datis pupillo advocatis mendacii convincatur; si quis tutelam corruptis ministeriis Prætoris redemerit; si libertus fraudulenter tutelam filiorum patroni gesserit: quæ tria his §§. proponuntur ex l. 2. & l. 3. §. sed si non 15. hoc tit. Sunt autem plura; ut si quis pretio accepto operam dederit, ut non idoneus tutor pupillo daretur; si consulto circa patrænonium edendum quantitatem minuerit: si evidenti fraude pupilli bona alienasse probetur, l. 10. §. solent. 7. de off. præf. urb. l. 9. de inst. l. 1. Nos omnes traditum est severiore animadversione indigere, quam ut sufficiat eis suspectorum infamia; ideoque ad Præfectum urbi solitis remitti extra ordinem puniendos, ad. loc. & pœna scilicet corporali;

li; nam multæ dicendæ jus etiam Prætoribus et ceteris, qui jurisdictionem habent, competit, l. 2. §. ultim. de judic. l. aliud est fraus 131. §. 1. de verb. sign. Graviorem autem omnem animadversionem, sive imperium, quod dicitur merum, Præfectura urbis sibi vindicavit, d. l. 1. de off. præf. urb. Apud nos quemadmodum criminum judicia exercentur, & puniuntur extra ordinem, qui delinquant; dicemus sub tit. ult. lib. 4.

TEXTUS.

Si suspectus satis offerat: & quis dicatur suspectus.

12. Novissime autem sciendum est, eos, qui fraudulenter tutelam administrant, etiamsi satis offerant, removendos esse a tutela: quia satisfactio tutoris propositum malevolunt non mutat, sed diutius grassandi in re familiari facultatem præstat. Suspectum etiam eum putamus, qui moribus talis est, ut suspectus sit. Enimvero tutor vel curator, quamvis pauper sit, fidelis tamen & diligens, removendus non est quasi suspectus.

NOTÆ.

12. Etiam si satis offerant] Expedit enim pupillo rem suam salvam tenere, quam habere

cautionem, l. 5. D. hoc tit. fac. l. ult. C. in quib. ca. in ins. rest.

Diutius grassandi] Ex Callistrato, l. 5. D. hoc tit.

Etiam eum] l. 8. D. eod. Vet. suspectum enim eum. Theoph. 749. Suspectum mores faciunt, non tenues facultates.

Quamvis pauper] Numquam paupertatis occasione suspectus postulari, aut ut suspectus removeri debet vir alioqui fidelis & diligens, l. 5. C. eod. Sed potest curator ei adungi, si substantia pupilli periclitetur, l. 6. C. eod. aut removeri ex eo capite, quod non satisfacet, l. 2. C. de tut. qui sat. non ded.

COMMENTARIUS.

Etiam si satis offerat] De eo dictum sub §. suspectus §. sup. eod. Ut autem neque divitiæ neque satisfactio tutorem à suspitione liberant; ita nec ex adverso eum onerat paupertas. Nam etsi pauperi, qui se imparem oneri imposito docere possit, vacatio tribui solet: §. sed & propter paupertatem. 6. cum præced. aut qui propter inopiam satisfacere non potest, removendus est, l. 3. Cod. de tut. qui sat. non ded. numquam tamen paupertatis occasione suspectus postulari, eoque nomine removeri debet vir alioqui fidelis & diligens. Ex moribus enim, non ex facultatibus suspectum argui convenit, l. 8. hoc tit. l. 5. Cod. eodem, l. si creditores 31. §. 1. reb. auct. jud. poss.

Finis Libri Primi.

ARNOL



ARNOLDI VINNII, J. C.
IN LIBRUM SECUNDUM
INSTITUTIONUM
IMPERIALIUM
COMMENTARIUS

Academicus & Forensis,
CUM NOTIS AD TEXTUM.

TITULUS I.
DE RERUM DIVISIONE, ET ACQUIRENDO
IPSARUM DOMINIO.

D. Lib. 1. Tit. 8. C. Lib. 41. Tit. 1.

Ratio ordinis, & summa tractationis de jure rerum.



Ognita hominum qualitate & differentia, expositoque eo jure, quod cuique pro conditione personæ suæ competit, quod ex tribus, circa quæ jus omne versatur, primum est, transit Imperator ad alterum, atque huic proximum, res externas; ut quod lex methodi exigit, ex ordine singula explicet, quo ea proposita sunt, §. ult. sup. de jur. nat. gens. Habet autem hic ritulus duplicem inscriptionem. *De rerum divisione, & De acquirendo ipsarum dominio.* Nimirum quæ duobus distinctis titulis in Pand. tractata sunt, ea in unum huc retulit Justinianus. Et quia in rebus, tantum cujusque est, quantum natura earum & conditio patitur; primo variè eas dividit, ut differentia earum cognita, jus quod in iis habemus, (qua consideratione rerum tractatio propria est Jurisconsulti) melius intelligatur. Deinde proponit & persequitur modos, quibus res, quæ singulis acquiri possunt, singulis acqui-

rantur, initio facto à rebus domini nostri aut similis in rem juris. Postremo tractat de obligationibus; idque demum *tit. 14. lib. 3.*

TEXTUS.

Continuatio & duplex rerum
divisio.

Superiore libro de jure personarum exposuimus; modo videamus de rebus, quæ vel in nostro patrimonio, vel extra patrimonium nostrum habentur. Quædam enim naturali jure communia sunt omnium, quædam publica, quædam Universitatis, quædam nullius, pleraque singulorum; quæ ex variis causis cuique acquiruntur, sicut ex subjectis apparebit.

NOTÆ.

In patrimonio] Id est, In bonis. In bonis autem

rem nostris non tantum sunt res corporales, verum etiam incorporales & jura, l. 49. de verb. sign. l. 52. de acq. rer. dom. Igitur & servitutes, l. 5. §. 9. D. de op. nov. nunt. tit. si us. per. & si serv. vind. & de itin. act. priv. l. 3. & 4. quæ in fraud. cred. Nec obst. l. 1. D. de usuf. leg. Quia ibi Paul. non disputat de jure aliquo constituto, sed demum constituendo: quod ait, in bonis non esse, quia dominus hujusmodi jus formale non habet; nec tamen extra bona, quia habet saltem causativè, ut loquuntur.

Quædam nullius] Intelligit res divini juris, quibus per excellentiam hoc tribuitur, ut dicantur nullius esse.

Pleraque singulorum] Nimirum res omnes, quæ in dominio nostro sunt, aut quasi dominio, aliaque in rem vel ad rem jura.

COMMENTARIUS.

1 *An detur tertium genus rerum, quæ neque in bonis nostris, neque extra bona sint.*

DE rebus] Quid rei appellatione, quæ alioqui generalis est hic significetur, docet nos objectorum juris distinctio: nempe quicquid est extra personam & actiones, quod hominis usui aut commodo esse possit, sive id divini juris sit, sive humani, sive publici, sive privati, sive corporale, sive incorporale, sive dominium, aut jus aliquod in rem à dominio diversum aut separatum, sive obligatio: nam & ea, ut res in bonis nostris, huc pertinet; quod pluribus ostendemus sub tit. de oblig. lib. 3.

Vel in nostro patrimonio, vel extra] Patrimonii nomine propriè significari videtur ea pecunia, quam liberi ex hereditate paterna accipiunt: cæterum consuetudine loquendi obtinuit, ut eo verbo intelligantur omnia, quæ quisque paterfamilias habet. Igitur in patrimonio esse & in bonis esse idem valent. Sunt quibus hæc divisio manca videtur, quasi constitui debeat & tertium genus rerum, quæ neque in bonis nostris, neque extra bona sint; cujus generis res, auctore Paulo l. 1. de usuf. leg. sint servitutes. Quo quidem ego nunquam quicquam audiui subtilius. Non erit in bonis nostris ea res, quæ bona nostra & patrimonium auget, l. 5. §. 9. de op. nov. nunt. quæ pro debito pignori mihi obligata est; juxta l. 12. de pign. quæ domino prædii dominantis magni sæpe constitit, & quam prædii servientis dominus magno velit redimere? cujus denique persequendæ & tuendæ causa actio, aliaque remedia jure prodita sunt, l. rem in bonis 52. de acq. rer. dom. l. bonorum 49. de verb. sign. junct. §. 2. i. f. de act. leg. 6. §. 1. & ult. si serv. vind. d. l. 5. §. 9. de op. nov. nunt. tit. de itin. act. priv. & aq. cor. & et. Cur igitur actione Pauliana revocantur servitutes per fraudem non utendo amissæ, l. 3. & 4. quæ in fraud. cred. cum id edictum

ad eos tantum pertineat, qui patrimonium suum in fraudem creditorum diminuunt, leg. 6. cod. Aut cur magis res cæteras incorporales in bonis esse dicimus quam servitutes? Veterum sanè nemo est, cui hoc in mentem venerit, ut diceret, servitutem alicui constitutam & quæsitam non esse in bonis ejus, cui constituta & quæsitæ sit: neque etiam Paulo, qui in d. l. 1. non disputat de jure aliquo alicui constituto, sed demum constituendo; cujus tamen disputatio posita est in mera subtilitate. Legavit aliquis usum aut usumfructum itineris per fundum suum. Negat Paulus id legatum subsistere: quia ratio juris non patitur, ut servitus servitutis constituatur; nec esse utile ex Senatusconsulto, quo cavetur, ut omnium, quæ in bonis sint, usufructus legari possit: quia id jus formaliter & separatum non habuerit: nam utique ut dominus jus habebat eundi in suo, poteratque id jus à dominio separare, alterique sub alia qualitate concedere, alium denique eo jure, servitute non constituta, uti volentem prohibere: unde fortassis addit, nec esse extra bona; tantum quia dominus, ut dixit, hujusmodi jus formale non habet, hoc est, separatum à jure dominico titulo servitutis, cum nemini res sua serviat, l. 5. si usuf. per. usus autem itineris tanquam juris separati & formalis legatus proponitur. Negat, legatum esse usum rei, quæ erat in bonis testatoris: quippe quæ nec erat quidem eo quo dixi modo, sed causativè tantum. Esse autem hanc disputationem de apicibus juris; Paulus ipse fatetur, cum legatum aut hujusmodi usus constitutionem admittendam censet beneficio cautionis à legatario præstandæ, de restituenda post mortem suam aut capitis deminutionem servitute. VINN. Immo ita nonnumquam loquebantur veteres de rebus corporalibus, quas & esse, & in dominio & in bonis esse negabant. Quis tamen animo intelliguntur & utilitatem præstant, hinc nec extra bona sunt. Vid. V. C. Ger. Noodt. Probab. lib. II. cap. 3. HEIN.

Quædam enim naturali jure communia] Non est nova hæc divisio, sed prioris illius explicatio: quæ eò pertinet ut intelligamus, ea, quæ singulorum sunt, in patrimonio haberi, quæ communia, publica, Universitatis, & maxime quæ divini juris sunt, extra patrimonium esse. Aptior ad docendum nonnullis videtur divisio Caji l. 1. b. 1. qui sic distinguit ut dicat, rerum alias esse divini juris, alias humani. Divini juris quæ sunt, nullius in bonis esse; veluti res sacras, religiosas, sanctas. Res humani juris, aut publicas esse, quæ & ipsæ nullius in bonis sunt: aut privatas, quæ singulorum; una generali appellatione rerum publicarum complectens, quæ hic in communes, publicas & Universitatis distinguuntur. Huic autem divisioni mox aliam subijcit, quod quædam res corporales sint, quædam incorporales: quæ à

Justi-

Justiniano demum traditur atque exponitur *tit. seq.* Apud Marcianum *l. 2. hoc tit.* divisio proposita uno membro mutilata traditur; ut liquet ex *l. 4. & 5. cod. VINN.* Marcianus in divisione sua non tam omisit res publicas, quam easdem communium nomine complexus est. Communes enim & publicæ sæpe pro iisdem habentur, *l. 24. ff. de damn. inf.* Unde non mutilata videtur *l. 2. ff. h. t.* sed à Triboniano in hoc §. paulo fufius explicata. Vid. Ger. Noodt. *Prob. Lib. 1. c. 7. HEIN.*

Pleraque singulorum] Hæc sunt, quæ privata dicuntur: nimirum res omnes quæ vel in dominio nostro sunt. aut quasi dominio, aliaque in rem jura à dominio separata, vel quæ adhuc nobis præstanda sunt ex obligatione. Unde non male nonnulli totius hujus argumenti tractationem ad duo potissimum capita referunt, quorum unum est de dominio, alterum de obligatione; domini appellatione jus omne, quod in rem habemus, complectentes.

TEXTUS.

De Aere, aqua profluente, mari, littore, &c.

1. *Et quidem naturali jure communia sunt omnium hæc, aer, aqua profluens, mare, & per hoc littora maris. Nemo igitur ad litus maris accedere prohibetur: dum tamen à villis, & monumentis, & ædificiis absteineat, quia non sunt juris gentium, sicut est mare.*

NOTÆ.

1. *Naturali jure communia*] Vocabulo generali hæc etiam publica dicuntur, definiunturque à Nerat. *l. 14. de acq. rer. dom.* Quæ à natura ad omnium usum prodita, in nullius adhuc dominium pervenerunt. Sumpta hæc ex *l. 2. §. 1. & l. 4. D. cod.*

Aer, aqua profluens, &c.] Aer & mare jure gentium divisa non sunt, sed relicta in suo jure & esse primævo; Jo. Fab. Immo nec dividi potuerunt; Grot. *de mar. lib. 2. c. 5.*

Littora maris] Sicut maris usus omnibus patet, *l. 13. D. comm. præd.* ita propter mare & littorum maris, *l. 4. & 5. §. 1. h. t.*

Dum tamen à villis] Quia sunt singulorum, qui ædificando occuparunt, *d. l. 4. & l. 6. h. t. l. 14. de acq. rer. dom. l. 4. ne quid in loc. publ.*

COMMENTARIUS.

1 *Rerum communium usum omnibus competere, barbarumque semper habitum, quemquam mortalium eo usu prohibere.*

2 *Multum hæc res differre ab iis, quæ nullius sunt, communi usui non attribui.*

3 *Quatenus quid harum rerum occupari possit:*

sum quantum hæc occupatio occupanti tribuat.

4 *De dominio maris, quod nunc sibi plerique ad aliquod spatium & per vicinos suos vindicant remissivè.*

5 *Qui recte gal navigantibus iure imponant?*

Quæ humani juris sunt, non privata aut singulorum propria, ea aut sunt omnium hominum communia; aut alicujus gentis sive populi, quæ in specie publica; aut certæ alicujus civitatis vel corporis quæ dicuntur, universitatis. Communia sunt, quæ à natura ad omnium usum prodita, in nullius adhuc ditionem aut dominium pervenerunt; ita generandi vocabulo definiuntur à Neratio *l. 14. h. t. de acq. rer. dom.* Huc pertinet præcipuè aer & mare, quæ cum propter immensitatem, tum propter usum, quem in commune omnibus debent, jure gentium divisa non sunt. sed relicta in suo jure & esse primævo; ut ait Jo. Faber. adeoque nec dividi potuerunt. Atque hoc est quod D. nostri ajunt, aerem & mare, cum sint incomprehensibilia, nullius populi bonis potuisse applicari; Jo. Fab. *§. littorum. 5. inf. cod. Grot. de mar. lib. 2. c. 5.* Item aqua profluens, hoc est, aqua jugis, quæ vel ab imbris collecta, vel è ventis terræ scaturiens perpetuum fluxum agit, flumenque aut rivum perennem facit. Postremo propter mare etiam littora maris, *l. 2. §. 1. l. 4. h. t.* In hisce rebus duo sunt, quæ jure naturali omnibus competunt. Primum communis omnium est harum rerum usus, ad quem natura comparatæ sunt, tum si quid earum rerum per naturam occupari potest, id eatenus occupantis sit, quatenus ea occupatione usus ille promiscuus non læditur. De usu aeris constat, quippe sine quo ne vivere quidem aut respirare quisquam potest. Aqua profluens ad lavandum, & potandum unicuique jure naturali concessa. Maris usus jure gentium liber est, atque ad navigandum, & piscandum ex æquo omnibus patet, *l. 3. §. 1. ne quid in loc. publ.* Unde si quis prohibeatur in mari piscari aut navigare, injuriarum actione prohibentem convenire potest, *l. 2. §. si quis. 9. d. tit. l. 13. §. ult. de injur.* Maris naturam littora sequuntur: ac proinde ad litus maris cuivis accedere licet, navem eò appellere, ac reficere, ejecta in tempestate, naufragiove amissa ibi excipere, retia siccare, & casam, in quam tantisper se recipiat, ponere, *l. 4. hoc tit. l. littora 51. de contr. empr. l. 1. c. de naufr. lib. 11.* Dum tamen à villis ædificiis & monumentis in littore extructis absteineat: quia non sunt juris gentium, *d. l. 4. hoc tit.* Est verò harum rerum usus adeo liber & promiscuus, ut barbarum semper, atque immane habitum sit, vel exterarum gentes ab eo arcere. Quamobrem merito de Pœnorum injuria sic queritur Orator Illioneus apud Virgilium *l. 1. divini operis. v. 543. seqq.*

Quod genus hoc hominum, quæve hæc tam barbara morem

Per-

*Permittis patria? Hospitio prohibemur arena.
Bella cunctis, primaque vetans consistere terra.
Idemque apud eundem lib. 7. v. 229. his vo-*
cibus affatur Regem Latinum:

Litusque rogamus

*Innocuum, & cunctis undamque auramque
patentem.*

Denique Latona apud Nasonem 6. metam. v. 349. sic alloquitur pueros Lyceos:

Quid prohibetis aquas? usus communis aquarum est.

Nec solem proprium natura, nec aera fecit,

Nec tenues undas; ad publica munera veni.

Dicit, hæc non esse natura propria: sicut Ulp. l. 13. comm. præd. natura omnibus patere, quia à natura ad communem usum genita sunt, nec in ullius adhuc dominium pervenerunt; Cic. 1. de Offic. cap. 6. Nerat. l. 14. hoc tit. Hæc igitur sunt illa, quæ veteres vocant communia omnium jure naturali, aut quod idem est, publica juris gentium, sicut & usum eorum modò communem, modò publicum vocant, l. pen. hoc tit. l. 2. §. 1. l. 4. ne quid in loc. pub. §. litorum. §. infr. hoc tit. cum similib. Quamquam verò etiam nullius esse, quod ad proprietatem attinet, rectè dicimus; multum tamen differunt ab his, quæ nullius sunt, communi usui non attributa, ut fœræ, pisces, aves: nam ista si quis occupet, in jus proprium transire possunt; illa verò totius humanitatis consensu proprietati in perpetuum excepta sunt propter usum, qui cum sit omnium, non magis omnibus ab uno eripi potest, quàm à te mihi quod meum est. Et hoc est quod Cicero dicit, inter prima esse iustitiæ munera. rebus communibus pro communibus uti. Scholastici dicerent, alia positivè esse communia, alia negativè; Thom. 1. 2. q. 94. art. 5. Cajetan tract. 17. quest. cap. 12. Covar. in cap. peccatum, de reg. jur. in 6. part. 2. §. 8. Intellexit hoc convivor apud Athenarum, cum mare commune esse dicit, pisces autem capientium fieri. Et in Plautina Rudente. act. 4. sc. 3. v. 36. servo dicenti, *Mare quidem commune certo est omnibus*, assentit piscator: addenti verò, *In mari inventum est, commune est*; rectè occurrit: *Meum quod rete, atque hami nacti sunt, meum potissimum est.* 3. Cæterum illa hæc addenda interpretatio est, ut si quid harum rerum natura occupari possit; id eatenus occupantis fiat, quatenus ea occupatione usus publicus sive communis non impeditur. Quod merito receptum est: nam cum ita se res habet, cessat exceptio, per quam fit, ut in jus proprium non transeant. Aer occupari non potest, nisi simul terra occupetur: sed neque mare, nisi forte exigua sui portione, quæ in fundum privatum admittitur; quo modo accipienda l. 14. de injur. aut ædificando jactis in id pilis, aut molibus; quod cum fit, locus, & ædificium ejus fiunt, qui ædificavit, l. 2. §. adversus 8. l. 3. §. 1. ne quid in loc. pub. l. ergo 30. §. ult. hoc tit. In littore vacuum quisque locum occupare per naturam po-

test, eumque occupando etiam suum facit, ut & id, quod in eo extruxerit, l. 6. pr. hoc tit. de rer. div. l. 14. l. quamvis. 50. eod. de acq. rer. dom. l. 1. §. si quod si 18. de op. nov. nunt. Etenim qui locus ita in mari aut littore occupatur, non simpliciter & absolute occupantis fit: sed dumtaxat interea dum occupat, dum ædificium manet: nam ædificio sublato; locus in pristinam causam quasi jure postliminii revertitur, d. l. 6. & d. l. 14. §. 1. l. præscriptio 45. de usucap. Sed neque simpliciter hæc occupatio & ædificatio concessa; verum, quod exigebat ipsa ratio juris gentium, cum hac conditione, si per eam publicus littoris aut maris usus non fiat deterior, d. l. 2. §. adversus. 8. l. 3. l. 4. ne quid in loc. publ. Neque jus gentium violari existimo, si hinc arceantur peregrini in littoribus, quæ populus aliquis imperio sibi vindicat. Natura enim non ad hoc propriè littora produxit, ut culibet semper & promiscuè jus esset partem eorum occupare, sed ut necessario maris usui inservirent, qui est navigatio; idque significari opinor verbis & per hoc, quæ non frustra hic expressa sunt, & in l. 2. §. 1. hoc tit. ideoque etiam hic usus jure gentium semper communis manet & indivisus, sicut ipsius maris; jus tamen, quod dixi, in littore ædificandi, divisum jure gentium intelligi debet, quatenus littora imperio divisa, & publica, facta sunt alicujus populi, arg. d. l. 3. ne quid in loc. pub. Ita sermè Baro ad hunc §. & d. leg. 2. Don. 4. comm. 2. & 9. Grot. 2. de jur. bell. & pac. cap. 3. num. 9. Idem fuse & eleganter cap. 9. mar. lib. add. Ant. Fabr. in ration. ad leg. 9. de leg. Rhod. Hodie Veneti maris Adriatici, Baltici Rex Daniæ, magnæ Britannix Rex maris circumflui dominium sibi vindicant. Cæterum hoc satis plerique damnant, imperium quidem in maris partem finisve vicinos usurpare posse concedentes, sed sine jure proprietatis aut dominii; tum quia natura mare commune esse jubet, non permittit tantum; tum quia ne dominii quidem capax est, resistens occupationi & possessioni, unde dominia rerum coeperunt, l. 1. §. 1. de acq. poss. D. Grot. d. c. 5. mar. lib. & d. c. 3. n. 13. de jur. bell. M. Anton. Peregrin. 8. de jur. fisci. n. 10. Alb. Gentil. de acq. mar. D. Tul. hic c. 7. Existimat tamen idem Grotius, d. c. 3. num. 10. non obflare jus naturæ, quo minus portio maris inclusa littoribus ejus populi propria fiat, cujus sunt littora, dum ea pars maris ad territorium comparati non major sit, quàm diverticulum maris comparatum ad magnitudinem fundi privati. Nuper verò Joannes Seldenus, vir sanè non vulgari eruditione præditus, tractatum edidit inscriptum *Mare clausum*, sive *De Dominio maris*, in quo summa ope ostendere conatur, mare ex jure naturæ seu gentium omnium hominum non esse commune, sed pariter dominii privati seu proprietatis esse capax, ac tellurem: cui paradoxo vix occurrì poterit ex Grot. d. c. 5. mar. lib. & 1. de jur. bell. cap. 2. num. 3. Illud constat,

stat, non facere contra jus naturæ aut gentium, qui recepto in se onere tuendæ navigationis adversus piraticas excursions, juvandaque per ignes nocturnos & brevium signa, vestigal æquum imposuerit: quale fuit Romanum vestigal Erythræum, de quo Strabo l. 17. & quod in ponto Byzantini exigebant *διαζώνιον*, quodque jam olim Athenienses exegerant in ponto eodem, memorante utrumque Polybio, Grot. d. cap. 3. num. 14. add. Cypoll. de serv. præd. russ. c. 26. Unde verè dicendum est, jure Venetos, aliosque præfatos Principes Marium dictorum dominium habere.

TEXTUS.

De fluminibus & portibus.

2. *Flumina autem omnia, & portus publica sunt: ideoque jus piscandi omnibus commune est in portu, fluminibusque.*

COMMENTARIUS.

1. *Quo sensu dicatur jus piscandi in flumine omnibus commune?*
2. *Non idem esse aquam profluentem, quod flumen.*
3. *Quo jure hodie flumina & portus, itemque piscatio censeantur?*

SECUNDUM genus rerum, quæ privati juris non sunt, publicæ in specie dicuntur, quæ quamvis & ipse in nullius dominium pervenerunt, imperio tamen divisæ sunt, & ditione ac potestate factæ alicujus populi. Ajo *ditione ac potestate*. Nam quæ populi sunt patrimonialia, ut metalla, salinæ, silvæ, agri vestigales, &c. ea quidem etiam publica dicuntur propter personam possidentis, l. 17. de ver. sign. l. 14. hoc tit. de acq. rer. dom. sed quia usu & jure, quo habentur, privata sunt, l. 2. §. hoc interdictionum 4. ne quid in loc. pub. ad institutam disputationem non pertinent. Hujus generis sunt flumina, portus, alveus fluminis, quamdiu à flumine occupatur, & ex parte ripæ.

Flumina omnia] Scilicet perennia, nam torrentia, quæ hieme tantum fluunt, æstate solibus exsiccantur, publica non sunt, l. 1. §. 3. de flum. ac ne flumina quidem propriè: ut rectè D. Don. 4. com. 3. contra Hotom. 8. obs. 4. Marcianus l. 3. hoc tit. cautè addidit voculam *perennè*; nempe *δια τὴν χρόνον*. Et quidem quæ flumina per eandem regionem tantum labuntur, unde originem ducunt, tota sunt illius regionis; quæ verò diversa imperia alluunt, per partes earum gentium sunt, per quarum ditiones profluunt in mare. VINN. Hinc si limites duarum provinciarum constituunt, communia habentur, adeoque & novæ insulæ, in hujusmodi fluminæ natæ, vel communes sunt vel alterutrius provinciæ propriæ, prout vel in medio flumine natæ, vel alterutri

ripa propiorès sunt: Ziegl. de jure Majestas. Lib. 2. cap. 15. HEIN.

Et portus] Portus est locus in mari, aut flumine conclusus ac munitus, quod importantur, & unde exportantur merces: quæ appellatione tamen continetur & statio, quæ est locus accommodatus ad naves recipiendas, ut tuto illic stare possint adversus injuriam prædonum ac tempestatum, l. portus 59. de verb. sign. l. 1. §. stationem 13. de flum. nostratibus cen. Bee. Veteribus propriè portus insulam notat, sive ædificium legitimo spatio atque ambitu à contiguis divisum, mercium impendendarum & conservandarum causa, & per synecdochen quamvis insulam sive domum, quæ proprio ambitu constat; ut in illo duodecim tab. Cui testimonium defuerit, interitis diebus ob portum obvagatum ito. Vid. Fest. in vocibus portus & insula. Cujac. Brechæ. Goed. ad d. l. portus.

Jus piscandi omnibus commune] Usus fluminis publicus est jure gentium, §. riparum. 4. inf. eod. l. 4. eod. ac proinde unicuique licet in flumine publico navigare & piscari, l. 1. ut in flum. publ. Idem usus est & portuum, ut hoc loco & d. l. 4. Ait, *omnibus commune est*, nempe omnibus iis, qui sunt ex populo, cujus fines flumen alluit, & quatenus alluit: ut in hoc distet hic usus ab earum rerum usu, quæ omnium hominum communes sunt; id quod ex præcedentibus satis colligi potest. Neque est quisquam, qui dubitet, quin usu navigandi aut piscandi in flumine exteri prohiberi possint. Notandum autem est discrimen fluminis & aquæ fluentis, unde usus utriusque nascitur diversitas. Flumen est totum quid, unumque & idem corpus, quod mille abhinc annis fuit, arg. l. proponebatur, 76. de judic. denique sub imperio eorum est, quorum finibus continetur. At aqua fluminis numero eadem non est, sed alia atque alia: & cum in perpetuo cursu sit, non magis loco contineri, aut cujusquam potestati subijci potest, quam aer & mare, quamdiu de medio cursu nihil de ea sumpseris. Hinc de usu judicandum. Flumine integro utimur ad navigandum, & piscandum; qui usus jure gentium divisus est, quatenus flumina ipsa imperio divisa sunt, ac proinde non communis est omnium hominum, sed publicus eorum dumtaxat. quorum finibus continetur. Aqua verò fluminis utimur ad lavandum, potandum, aquanda pecora: qui usus communis est jure naturali omnibus concessus; add. Jo. Fab. Baron. ad hunc loc. Don. 4. com. 2. De jure ædificandi in portu aut flumine nulla hic mentio. Et in portu quidem vix est, ut sine incommodo navigantium ædificari possit. In flumine autem publicè cuilibet licet ædificare & destruire: dum tamen hoc sine incommodo cujusquam fiat, l. fluminum 24. de damn. inf. l. 1. §. non autem. 12. & §. deinde. 19. de flum. Quo argumento adducor, ut credam etiam ædificatum fieri ædificantis, perinde ut ædi-

ædificata in littore aut vicino littoribus mari ædificantium sunt. Cæterum quia hoc jure jam non amplius utimur, non est operæ pretium pluribus de his disputare. Etenim flumina omnia navigabilia, & ex quibus sunt navigabilia, jam pridem à Frederico Imp. inter regalia relata sunt, c. *unic. quæ sunt regal. in usib. Feud.* eorumque proprietates facta Principis, vel populi, cujus ditione continentur; Bart. Jas. & alii l. *quominus. 2. de flum.* Quod tamen non obstat, quominus usus fluminis adhuc publicus manserit: nam & riparum, quarum proprietates privata est, usum esse publicum constat. Cæterum consuetudine locorum fere jam obtinuit, ut nemini liceat in flumine piscari, nisi qui jus illud vel emerit, vel conduxerit, vel alio titulo à Principe acceperit, vid. Cæpoll. de *serv. rust. præd. c. 42.* Schneid. *hic.* In hisce regionibus flumina omnia, quatenus finibus nostris continentur, lacus item, aliaque aquæ navigabiles, eorumque omnium alvei, hoc est, spatia, per quæ fluunt, aut quæ occupant, ripa quoque, quatenus majore parte anni aquis tegitur, populi est. Ac proinde Hollandi & Vvestrisii jus habent pro custodia fluminum vectigalia ac tributa imperandi, quippe usu eorum etiam exteris concessio. Jus piscandi quoque initio penes populum fuit, inde ad Principes translatus: ut nemo jam id juris habeat, nisi conceitui Principis, & certis limitibus ac legibus circumscriptum. Planè in Vvaterlandia, & quibusdam fluentis Kenne-merlandiæ piscatio semper libera fuit: & singulis civibus etiamnum jus est in flumine aut lacu navigabili hamo piscari; Grot. *lib. 2. manud. cap. 1. & 4.* Groenevv. de *ll. abrog. hic & ibi alleg.*

T E X T U S.

Definitio littoris.

3. *Est autem littus maris, quatenus hi-bernus fluctus maximus excurrit.*

N O T Æ.

3. *Est autem littus maris*] *Qua fluctus eludis.* Definitio *ἡ μὲν ἀγοστή.*

C O M M E N T A R I U S.

Hoc §. 2. & seqq. quædam diligentius explicat, quorum usus vel communis est, vel publicus. Atque ut intelligamus, quatenus littore uti omnibus liceat, quid sit littus primò definiendum putavit. Ait littus esse, quatenus hibernus fluctus maximus excurrit; quomodo & Cels. definit, l. *littus* 96. Javolen. l. 112. de *verb. sign.* & jam olim ante eos defini- verat Aquilius; teste Cic. in *Top. c. 7.* Quam definitionem & ipse Cicero post aliquando fortassis arbititer sumptus, secutus est: non enim primus hoc constituit, ut plerosque credidisse

Celsus refert. Aithibernus, quia hieme maxi- mè mare exæstuat: igitur littus est, quatenus fluctus maris elidit; atque hoc commune est omnium sicut & mare: siccum verò littus si- ve ora terræ, quæ æstuum marinorum acces- su non occupatur, populi regionis est.

T E X T U S.

De usu & proprietate riparum.

4. *Riparum quoque usus publicus est jure gentium, sicut ipsius fluminis. Itaque naves ad eas appellere, funes arboribus ibi natis re- ligare, onus aliquod in his reponere, cuilibet liberum est, sicut per ipsum flumen naviga- re: sed proprietates earum illorum est, quo- rum prædiis hærent: qua de causa arbores quoque in eisdem nata eorumdem sunt.*

C O M M E N T A R I U S.

1 Non ut littora maris, ita ripas conditionem fluminis sequi.

Ripa est id quod flumen continet, natu- ralem cursus sui rigorem tenens; ita de- finitur ab Ulp. l. 1. §. *ripa. 5. de flum.* Ait, *cursum naturalem*, ne quis putet, si quando flumen imbris vel nivibus auctum excreve- rit, ripas idcirco mutare. Paulus ait, ripam esse, quæ plenissimum flumen continet, leg. 3. §. 1. d. *tit.* ut significet, partem ripæ non esse spatium illud ripæ proximum, quod ali- quando flumine caloribus minuto æstivo tem- pore non occupatur. Apparet autem ex se- quentibus, ripam non tam angustè, ut non- nulli faciunt, accipiendam esse pro crepidi- ne, aut labro amnis, si ve pro sola extremi- tate alvei & terræ, quæ flumen continet, cujus extremitatis vix est ut ullus sit usus: sed aliquanto laxius pro spatio int. r flumen & vicina prædia interjecto, ut ripa incipere intelligatur, ex quo à plano ad flumen ver- git, d. l. 3. §. 2. de *flum.* quod & Pacius ob- servavit in analysi sua.

Ufus publicus est jure gentium] Usus riparum ita publicus est, ut fluminis: quinimmo ripæ usus nihil aliud est, quàm ipsius fluminis, cum per ripam flumine utamur. Ideoque quæ- cumque sunt interdicta ad tuendum usum pu- blicum fluminis, eadem sunt & conjunctim ad tuendum usum riparum, l. 1. & *passim tit. de flum. & tit. ne quid in flum. publ.* Ait, *jure gentium*: quasi dicat, hunc usum atque hanc servitutem ripis à natura impositam esse, ut omnibus, quibus flumine uti jure gentium licet, etiam ripis ad eum usum uti liceat, cum nec flumine aliter uti commodè possint.

Proprietates earum illorum est, quorum prædiis hærent] Hoc etiam disertè ait Cajus l. 5. *hoc tit.* item- que Pomponius ex sententia C. lli. l. *ergo* 30. §. 1. de *acq. rer. dom.* Unde Neratius scribit, eum, qui

in ripa fluminis ædificat, suum non facere, l. 15. *cod.* Quapropter quod Paulus ait, ripas fluminum publicas esse, l. 3. *de flum. de usu*, non de proprietate accipi debet. Nec enim audiendus est D. Hotom. qui Paulum à cæteris, & rectè dissensisse putat. Nam quod ait, eodem jure partes fluminis singulas censeri debere, quo totum flumen, quod ita publicum esse constat, ut nec proprietate cuiusquam sit, error est *sed et alia dicitur in l. 1. de flum.*, siquidem ripa pars fluminis non est, non magis quam continens contenti. Neque verò idem est ripa in flumine, quod littus in mari. Ripa flumini non subjicitur, ut littora subjiciuntur mari, & quotidianis accessibus ab eo occupantur. At inquit, cujus juris est alveus, ejusdem & ripas esse necesse est: certum autem est alveum proprietate nullius esse, l. 1. §. *simili modo* 7. *de flum.* l. 7. §. *quod si* 5. *de acq. rer. dom.* At inquam, ut diversa sit alvei & riparum conditio, flumen facit, quod alveum occupat, ripas non item. Quid quod nec alveus simpliciter publicus est, ne tunc quidem, cum adhuc à flumine tenetur; sed quatenus flumen non obstat, adhuc pars censetur vicinorum agrorum: alioqui quo jure insula, manente adhuc alveo, in flumine nata vicinorum fieret? quod utique & ripæ proprietatem arguit vicinorum esse; qua de re amplius sub §. *insula* 22. & seq. *inf. cod.* Rectè igitur Græci, Basil. 46. tit. 3. *τὰν ὄχθων τὰν ἐν τοῖς ποταμοῖς ἢ λίγυδων ἰσθμῶν, ἀνὰ τὴν ὁρίαν publicas* *l. 1. de acq. rer. dom.*

TEXTUS.

De usu & poprietate littorum.

5. Littorum quoque usus publicus est & juris gentium, sicuti & ipsius maris; & olid cuilibet liberum est, casam ibi ponere, in quam se recipiat, sicut retia siccare, & ex mari deducere. Proprietas autem eorum potest intelligi nullius esse; sed ejusdem juris esse, cujus & mare, & qua subjacet mari, terra vel arena.

NOTÆ.

5. Littorum quoque usus] l. 4. l. 5. §. 1. l. 6. h. t. atque omnibus patet, sicut & maris; Virg. 7. *Æneid.* 7. 229. *Litusque rogamus Innoceum*, & l. 7. 544. *Hospitio prohibemur arena.* ubi Serv.

Proprietas eorum nullius] A populo tamen aliquo occupata illius populi esse videntur, l. 3. *ne quid in loc. pub.*

Ejusdem juris, cujus mare] Littora mari subjiciuntur, & ab eo quotidianis accessibus occupantur, & ideo naturam ejus sequuntur, l. *pen. hoc tit.* Ripa autem, ut flumini non subjicitur, nec ejus pars est; ita nec per omnia conditionem ejus sequitur.

Vinnius in *Institus*.

COMMENTARIUS.

DE littorum usu & proprietate jam intellectum est. Cæterum unum adhuc notandum, quodd usum littorum dicit esse publicum, & juris gentium; ut intelligas, usum littorum publicum esse eo jure, quod commune est omnibus gentibus: quo scilicet significatu mare juris gentium esse dicit Cajus, l. 4. *hoc tit.* & Justin. §. 1. *supr. cod.* atque in hoc differre ab usu riparum, qui publicus quidem est jure gentium, sed non juris gentium, hoc est, non communis omnium hominum, sed eorum dumtaxat, quibus eo flumine uti jure gentium licet: cujus usus exteros communionem non habere antea demonstratum est. Eadem fere & Eguinari Baronis, & Julii Pacii sententia est.

Ejusdem juris, cujus & mare] Mare littora aliis usibus eripiendo sua fecit. Nam, ut ut ante quoque dictum est, littora mari subjiciuntur, & quotidie ab eo occupantur. Occupatum autem jus & conditionem occupantis sequi necesse est, l. *penult. hoc tit.* VINN. Adeo communia Romanis videbantur littora, ut fere cuivis liceret, non solum casas ibi ponere, in quas se reciperet, uti est in *hoc §.* 5. sed & palatia voluptatis causa exstruere. Et eò pertinent illa Horatii lib. 1. *ode* 11. *Quæ* [*hiems*] *nunc oppositis debilitat pumicibus mare.* Quæ verba egregiè illustrantur dans l'*histoire de l'Academie Royale des Inscriptions & belles lettres.* Tom. 2. p. 333. HEIN.

TEXTUS.

De rebus Universitatis.

6. Universitatis sunt, non singulorum, quæ in civitatibus sunt, theatra, stadia, & his similia, & si qua alia sunt communia civitatum.

COMMENTARIUS.

QUæ hic & apud Cajum l. 6. §. 1. *cod.* dicuntur universitatis, alibi etiam publica generali nomine appellantur; ut in l. 6. *de contr. empt.* §. 2. *inf. de innt. stip.* §. ult. *inf. de empt. & vend.* nimirum quia in publico civium usu habentur. Ea igitur, quæ in pecunia aut patrimonio civitatis sunt, quorum usus singulorum non est, huc non pertinent: quamvis & ipsa collata cum iis, quæ propria sunt singulorum, publica quoque dicantur, l. 7. §. 1. *quod cum* 7. *un. nom.* l. 15. & seq. *de verb. fig.* Universitatis autem appellatio latior est, quam civitatis: nam & collegia & societates, aliaque hujusmodi corpora continent, quibus permissum est ad exemplum Reipub. habere res communes, arcem communem, &c. l. 1. *quod cujusque un.* VINN. Rectè di-

L di-

distinguantur res universitatis & patrimonium civitatis. Horum enim usus non est singulorum, adeoque nec obligationes circa illa, tum activæ tum passivæ. Eò pertinet, l. 7. §. 1. ff. quod cujusque univ. nom. HEIN.

Si qua alia communia civitatum] Ut basilicæ, porticus, balnea, fora, prata & pascua publica, in quæ sc. pecudes immittere singulis civibus jus est: item si quæ collegii alicujus aut societatis communia sunt, veluti pergulæ, ambulacra, exedrae, peristyllia, insulæ, stabula, &c. Communis autem harum rerum usus non latius patet. quàm ut publicus sit eorum, qui sunt ejusdem civitatis aut corporis. Hoc enim & superioribus omnino consequens est, & cum instituto convenit ejus, qui ea publicavit; si alii utantur, id permissu civitatis fit. Nemo sanè dixerit, usum pascuorum publicorum adeo liberum esse, ut etiam non cives jus pascendi habeant. Ad hunc autem usum tuendum prodita est contra prohibentes actio injuriarum, l. 13. in fin. de injur. Pertinet huc illud M. Tullii 3. de finib. cap. 20. Theatrum commune cum sit, recte tamen dici posse, ejus esse eum locum, quem quisque occupavit, & 1. offic. cap. 17. Vix autem per quas omnibus iter debetur, publicæ sunt, non Universitatis. Cujac.

TEXTUS.

De rebus nullius.

7. Nullius autem sunt res sacrae, & religiose, & sanctæ: quod enim divini juris est, id nullius in bonis est.

NOTÆ.

7. Nullius in bonis] l. 6. §. 2. eod. & ideo hæc quasi nostra vindicare non possumus, l. 23. §. 1. D. de rei vind. nullius, nec proprietate, nec usu profano.

COMMENTARIUS.

QUæ res divini juris sunt, per excellentiam dicuntur nullius esse, scilicet ex comparatione earum rerum, quæ cum ipsæ nullius sint, usu tamen sunt singulorum, aut ita affectæ, ut in dominium singulis cedere possint. Etenim & quæ humani juris sunt publica omnia, quæ non in pecunia populi, sed in usu publico habentur, comparata cum iis, quæ singulorum sunt, nullius in bonis esse dicuntur, l. 1. hoc iss. l. 6. de contr. empt. At in rebus divini juris hoc amplius est, quod ne usus quidem earum singulorum est. Feræ quoque, bestię, volucres, pisces, &c. nullius sunt, si comparentur cum iis, quæ quisque jam actu habet ac possidet: at ea conditione sunt & natura, ut acquiri possint, & cedant occupanti, §. feræ 12. inf. eod. quod secus est in rebus divini juris. Etiam inter ea, quæ nullius

sunt, Cajus, d. l. 1. numerat res hæreditarias nondum adita hæreditate: quæ tamen effectu juris omni ex parte privatæ sunt, & hæreditatis esse finguntur, quæ tantisper personæ vicem sustinet, l. hæreditas 34. l. hæreditas 61. de acq. rer. dom. Res igitur divini juris sunt, quæ hominum potestati & promiscuo usui exemptæ, quodammodo in solius Dei jure ac potestate habentur; quarum tres species hic proponuntur, sacrae, religiose, sanctæ; quas singulas §§. deinceps expositorus est.

TEXTUS.

De rebus sacris.

8. Sacrae res sunt, quæ rite per Pontifices Deo consecratae sunt; veluti edes sacrae, & donaria, quæ rite ad ministerium Dei dedicata sunt: quæ etiam per nostram constitutionem alienari, & obligari prohibuimus, excepta causa redemptionis captivorum. Si quis autem auctoritate sua quasi sacrum sibi constituerit, sacrum non est, sed profanum. Locus autem, in quo ades sacrae sunt edificatae, etiam diruto edificio sacer adhuc manet, ut & Papinianus scripsit.

NOTÆ.

7. Donaria] id est divitiarum, ornamenta, Hesych. Macrob. 3. Sat. 11. id est cana, vasa sacra. Nov. 120. c. 10.

COMMENTARIUS.

- 1 Personam consecrantis qualem esse oporteat.
- 2 Donaria quæ Latinis dicta.
- 3 Sacra privata à publicis non forma consecrandi, sed fine distincta.
- 4 Profanum veteribus quid, & unde dictum.

RERUM divini juris diximus esse tria genera: eaque, ut re, ita etiam nominibus apud nostros distincta sunt: quæ distinctio etiam in schedis Festi reperitur. Alia est apud Macrobius 3. Saturn. 3. Plerique autem his nominibus indiscretè utuntur. Ait, res sacras esse, quæ rite per Pontifices Deo consecratae sunt. Quæ definitio duo maximè complectitur, formam consecrandi, & personam consecrantis. Formam indicat particula rite, id est, solemniter more & instituto majorum, publicè, non privatim, l. 6. §. sacrae. 3. l. 9. pr. eod. Gall. Alius apud Fest. in voce Sacer. Ovid. 1. fastor. v. 610. Tempia sacerdotum rite dicata manu. De ritu veteri consecrandi vid. Alex. ab Alex. 6 gen. 1. dier. 14. Connan. 3. comm. 1. Personam consecrantis oportet rebus sacris præesse: quales apud Romanos erant Pontifices, ita dicti à ponte subleio, quem, quod sacer æstimaretur, in aliqua parte labantem solis Pontificibus

bus reficere licebat, caesa victimâ & sacrificio perfecto. Reliquorum quoque sacrorum omnium curam atque potestatem penes collegium Pontificum fuisse constat: de quorum officio accuratè scribit idem Alex. ab Alex. 2. *genial.* 8. Quid Principes? Etiam eos curam sacrorum & religionum sibi sumpsisse, cum apud alios Auctores, tum apud nostros legimus, ut in *leg. 8. de rel. & sumpt. fun. l. ult. ut in poss. leg.* & nominatim jus dedicandi seu consecrandi, in *d. l. 9. hoc tit.* An quia & ipsi plerumque Pontifices? Id sanè testatur historia, & Dio. *lib. 53.* expressè scribit, Principes inter alios titulos etiam Pontificis maximi dignitatem assumpsisse, ut omnes religiones & sacrificia in sua haberent manu. An verò hoc ideo dicitur, quia, ut nonnulli volunt, sicut olim per legem Papiriam non licebat rem ullam injussu plebis consecrare, teste Cicer. *pro dom.* ita postea non licuit injussu Principis: ut Pontifex quidem consecraret, & solemnia perageret, sed jussu & auctoritate Principis præcedente: maximè si locus publicus consecrandus foret, *argum. d. l. 9.* Principes Christiani curam sacrorum Episcopis reliquerunt, aliosque ritus atque caeremonias sublati gentilibus substituerunt, quæ in dedicandis monasteriis, ecclesiis, domibus orationum observarent, vid. *Nov. 67. & Nov. 131. cap. 7.* Luculentum dedicationis templi extat exemplum *l. Reg. 8.*

Donaria] Non solum ædes aut locus consecrari possunt, sed res etiam mobiles, ut ex memorato Galli Ælii apud Festum loco apparet, & hic significat Justinianus verbo *donaria*: quo eum mobilia intelligere, puta vestes *vestes ornate*, vasa, aliaque utensilia divinis usibus dicata atque consecrata, ostendit *l. sancimus. 21. Cod. de sacros. eccl.* Neque hoc contra usum Latinorum scriptorum. Nam quæ Græci ἀνθήματα appellant ab ἀνθήματα, quod dicata Diis suspendebantur è tholis, columnis aut parietibus templi, ea Latini *donaria* dixerunt. Apud acrobium 3. 11. legimus: *Ornamenta sunt clypei, coronæ, & hujusmodi donaria.* Virgilius pro locis accepit, in quibus dona oblata reponuntur, *lib. 3. Georg. v. 533.*

..... *Et uris*

Imparibus ductus alta ad donaria currus.

Eamque propriam esse hujus verbi significationem notat Servius; cui suffragatur Cornelius Fronto: *Donum*, inquit, quod Diis datur, inde ubi dona ponuntur, *donarium* appellatur.

Excepta causa redemptionis captivorum] Item pauperum alendorum tempore famis, si ita premantur, ut vitæ eorum succurrendum sit, *diff. l. sancimus. 21.* Debitorum quoque Ecclesiæ causa, si creditores urgeant, nec aliunde debitum exsolvi possit, *auth. præterea. Cod. de sacros. Eccl.* *Nov. 120. cap. 10. c. aurum. 12. quæst. 2.* Bona Ecclesiastica huc non pertinent: quippe

quæ humanis usibus serviunt, alendis scilicet Ministris verbi, aut pauperibus; quamvis & ipsa causis quibusdam exceptis, prohibeantur alienari, *Nov. 7. add. Schn. id. hic. Gudelin. lib. 6. de jur. nov. cap. 13. & 14. Gloss. in c. semel 7. de reg. jur. in 6.*

Si quis auctoritate sua] Id est, non publicè sed privatim, *l. 6. §. sacra. 3. hoc tit.* Quæritur aliquis, cum Romanis nihil sacrum fuerit, 3 nisi quod publicè consecratum: qui fiat, quod nihilominus eos sacra habuisse privata legimus? Cic. 3. *de legib. l. 1. de rit. nupt. l. 9. §. 1. ad leg. Jul. pec. l. 4. C. de crim. exp. her.* Resp. Distinctio illa non à forma dedicandi, aut personis dedicantium, sed à fine sumpta est: quod privata pro salute familiæ, publica pro populo consecrabantur, vid. Rosin. 8. *antiq. tit. 6.* Potuit sanè quisque privatim suæ religionis causa aliquid Deo dedicare, quod pro sacro ipse haberet: verum id Pontifices Romani non æstimabant sacrum, ac proinde nulla obstringebat religione successores: quod ex eodem Gallo Ælio apud Festum discere possumus, & M. Tullio *lib. 12. epist. ad Attic. epist. 19. 34. & 35.* VINN. Accuratè distinguenda *sacra privata* Larium & Penatium, quæ & gentilia: & *sacra privata auctoritate constituta.* Illa legitima erant, ob legem XII. tab. *sacra privata perpetuo manento*: Fest. voce *sacra.* Hæc illegitima, ob periculum ne sacra peregrina inveharentur. Ill. Bynkersh. *de relig. peregr. diff. 2.* Illa erant juris pontificum: exinde est quod pontificum auctoritas intercederet in arrogationibus, confarreationibus &c. Hæc sacra non æstimabant pontifices. Si ergo privata auctoritate sibi quis sacrum constituerat, *quasi consecratum* censebatur, dum ad religionem patriam pertineret. Et eò referenda loca Ciceronis, *lib. 12. ad Att. Epist. 19. 35.* Sin religionem peregrinam sciret, profanum censebatur. Bynkersh. *ibid.* HEIN.

Profanum] Varro 5. *de ling. fana* ait nominata esse, quod Pontifices in sacrandò fani sunt finem: inde profanum, quod est ante fanum, id est, conjunctum fano. Trebatius profanum id propriè dici existimat, quod ex sacro vel religioso in promiscuum hominum usum conversum est. Macrobius autem *lib. 3. Saturn.* scribit, profanum omnes pæne consentire id esse, quod extra fanaticam causam sit, quasi porro à fano & religione secretum. Ut ut est, constat, nostros res profanas sacris & religiosis opponere solere.

Adhuc sacer manet] *d. l. 6. §. 3.* Ideoque venire non potest, *l. æde sacra. 73. de contr. empt.* Trajanus ad Plin. *lib. 17. epist. 76.* Si ædis sacra Claudii collapsa sit, religio eius occupavit locum. Planè quæ loca ab hostibus capta sunt, sacra esse desinunt: at ea calamitate liberata, quasi postliminio pristinum statum recipiunt, *l. cum loca 36. de religiof. Cic. phil. 9.*

L 3 T I X

TEXTUS.

De Religiosis.

9. Religiosum locum unusquisque sua voluntate facit, dum mortuum infert in locum suum. In communem autem locum purum invito socio inferre non licet: in commune verò sepulchrum etiam invitis ceteris licet inferre. Item si alienus ususfructus est, proprietarium placet, nisi consentiente usufructuario, locum religiosum non facere. In alienum locum consentiente domino licet inferre: & licet postea ratum non habuerit, quam illatus est mortuus, tamen locus religiosus fit.

COMMENTARIUS.

- 1 Antiquos privata sepulcra habuisse extra urbem in agris; hodie autem fere in urbemortuos sepeliri in locis publicè ad eam rem destinatis.
- 2 Cenotaphium, seu tumulum inanem, religiosum non esse.
- 3 Velocus religiosus fiat, necesse esse, ut is, qui mortuum infert, sit pleno iure dominus loci, & quadam consecratoria inde deducta.
- 4 Verba huius §. postrema tam commodum sensum habere, quam lectionem Codicis Flor. in Pand.

Religiosum] Generali huius verbi appellatione etiam sacra contineri arguit notatio vocis religio, sive à relegendo eam deducas cum Cic. 2. de natur. Deor. sive cum §. Sulpitio, ut auctor est Macrob. 3. Satur. 3. à relinquendo, sive à religando cum Lactantio 4. Inst. 28. Ac hic & passim in libris nostris strictius accipitur, & locum notat, ubi mortuus aut sepultus humatus est: quæ significatio & Festum Pompejum auctorem habet.

- [Unusquisque sua voluntate] Ad differentiam fieri. Locus sacer non fit, nisi publicè per Pontificem sacretur: religiosus fit propria cuiusque voluntate cadaver aut ossa inferentis in locum suum. Notandum hic in transcurso; antiquos privata sepulcra habuisse extra urbem in agris: nam in urbe mortuos sepelire lege vetitum erat; Cic. 2. de leg. cap. 3. l. 3. §. divus 5. de sepulc. viol. idque aliis etiam populis in morte positum fuit: qua de re consule Petr. Greg. lib. 33. Synagm. cap. 33. Quæ quisque sibi & familiæ suæ sepulcra constituerebat, familiaria dicebantur; quæ sibi & hæredibus suis, vel quæ paterf. jure hæreditario acquisierat, hæreditaria, l. 5. l. 6. in pr. de rel. & sumpt. fun. Hodie autem, ut notum est, locis publicis ad sepulturam utimur à Magistratu sepeliendis mortuis destinatis: cæmeteriis fere, aut ipsa etiam Ecclesiis, in quibus ta-

men privatum sepulchrum habere nihil vetat; quod & hæredibus relinqui, & ad usum sepulture etiam aliis vendi possit, Grot. 2. introd. c. 1. Mornac. in l. 4. C. de religiof.

[Dum mortuum infert in locum suum] His verbis docemur, duo esse necessaria, ut locus fiat religiosus; ut in eum mortuus inferatur; ut inferatur à domino loci. Primum non consecratione, aut verbis solemnibus locus religiosus efficitur, sed illatione mortui: unde sepulchrum ab Ulp. definitur, ubi corpus, ossave hominis condita sunt, l. 2. §. sepulchrum. 5. de relig. Ac ne totus quidem locus, qui sepulture destinatus est, corpore condito religiosus sit, sed quatenus conditum, aut humatum est, d. §. sepulchrum. 5. Ex quo efficitur, quod Divi fratres rescripserunt, Mausoleum inane sive monumentum purum memoriæ tantum causa factum, quod Græci κενὸν μνῆμα, & uno verbo κενότατον appellant, Suetonius cap. 1. in Claud. Tumulum honorarium, religiosum non esse, l. 7. hoc tit. l. 6. in fin. l. monumentum 42. de relig. licet contra senserit Marcianus, motus auctoritate Virgilii, ut ipse ait, l. 6. in fin. hoc tit. Nec dubium, quin iis Poetæ versibus, quos ex lib. 3. Aeneid. v. 303. citat D. Gothof. ubi de Andromache hæc ait Aeneas:

..... Manesque vocabat
Hæstorem ad tumulum, viridisque cespitem
inanem,
Et geminas, causam lacrymis, sacraverat
aras.

Similis locus est ejusdem Poetæ lib. 6. v. 150. ubi sic ad Deiphobum idem heros;

Tunc egomet tumulum Rhæto in litore inane

constitui, & magna Manes ter voce vocavi.

Denique si ossa hominis aut corpus conditum dumtaxat loco religionem afferunt, consequens est, ossibus, aut reliquiis effossis & translatis, locum religione solvi, l. cum in diversis 44. §. 1. de relig. quamquam effodere vel eruere non licet sine decreto Pontificum aut jussu Principis, l. 8. cod. Alterum, quod ad locum religione obstringendum necessarium esse diximus, est, ut is mortuum inferat, qui est loci dominus: neque sufficit pro parte indivisa dominum esse; aut nudam loci proprietatem habere, sed necesse est, ut is qui infert, dominus sit in solidum & pleno jure. Hinc deducuntur hæc consecratoria. 1. Nemini jus esse inferre in locum, qui in totum alienus sit; utique invito loci domino: nam consentiente eo inferre licet, & locus hac illatione religiosus fit, hoc §. in fin. l. 6. §. religiosum. 4. cod. 2. Non licere inferre in locum communem invito socio; hoc item text. l. 6. §. si quis. 6. comm. div. l. 2. §. 1. in fin. de rel. quod tamen sic computat Callistratus, ut aliquis ex sociis in communi loco etiam sine consensu cæterorum sepeliri possit, si non sit alius locus, ubi commodè sepeliatur, l. si plures 41. d. tit. De loco puro Jurisconsultos loqui apparet; nam

nam in communi sepulcro quin unus ex sociis etiam obnitentibus ceteris, sepeliri possit, nulla dubitatio est: quippe cum ad hunc ipsum usum is locus comparatus sit, d. l. 6. §. *pen. hoc tit. l. 1. §. si quis. 6. comm. & hoc text. 3.* Nam posse proprietarium invito fructuario inferre, aut locum religiosum facere, ut hoc item §. & l. 2. §. *si usumfructum. 7. de relig. l. locum. 17. de usufr.* Quorum omnium hæc ratio est, ne domini, socii, fructuarii conditio sine facto eorum deterior fiat, re commercio exempta. Planè si proprietatis dominus testatorem intulerit, qui usumfructum legavit, cum in alium locum inferri tam opportunè non posset; placeat locum religiosum fieri, d. l. 17. de usufr. d. l. 2. §. 7. de relig. 4. Postremò quod proprietario non licet invito eo, qui usumfructum habet, id multo minus huic licere debere, non concedente proprietario, d. l. 2. §. 1. & 7. VINN. Paucis noto, non semper verum esse quod n. 1. ad hunc §. notat Vinnius, locum factum religiosum non nisi quatenus corpus conditum aut humatum est. Plerumque enim religio occupabat certum spatium in frontem, & in agrum porrectum. Unde sæpe in marmoribus legimus: IN. FR. P. X. IN. AGR. P. XX. Conf. Horat. *Serm. lib. 1. Satyr. 8. v. 12.* Unde & illud spatium maceris includi consueverat. Barn. Brillon. *Antiqu. Lib. 3. cap. 15. & 16.* Sensus ergo l. 2. §. 5. ff. de relig. est, non totum agrum, ubi conditum cadaver, religiosum fieri, sed locum tantum, qui sepulcro destinatus, & certo spatio finitus sit. Interpretationem hanc ipsa necessitas defendit. Aliis enim apud Romanos, qui fere corpora cremabant, urna vix minimam agri partem religiosam reddidisset. HEIN.

Locum purum] Id est, qui humani juris est; βίαντος, profanum, d. l. 2. §. *purus. 4. & passim eod. tit.* Aliquando opponitur ædificato, ut in l. ult. in pr. de pign. act. Varro quoque l. 4. de ling. scribit, pura loca appellari areas in urbe.

Licet postea ratum non habueris] Ita vulgo hic legitur & apud Marcianum d. l. 6. §. *religiosum. 4. hoc tit.* unde hæc transcripta sunt. 4 Neque incommodum sensum habet hæc lectio: sufficit enim ab initio consensisse, cum quod semel placuit, postea displicere non possit, cap. *quod semel. de reg. jur. in 6. l. nemo potest. 75. eod. l. 5. c. de obl. & act.* In τ. autem Florentinis affirmativè hic locus legitur, *Licet postea ratum habueris*, nec minus rectè: ut sit sensus; Licet locus alienus, in quem sine consensu domini mortuus illatus est, ab initio religiosus non sit, tamen si is postea consenserit, locum religiosum fieri; quod hæc sit natura ratihabitionis, ut mandato comparetur, l. *semper 60. de reg. jur. c. ratihabitionem τ. eod. in 6.* Cæterum ut hoc quoque obiter addam, etsi illatione mortui in alienum locum locus non efficitur religiosus, non licet tamen domino propria aucto-

Vinnius in Instir.

ritate ossa illata, aut corpus tollere, l. 8. de relig. sed actio ei in factum datur, per quam is qui intulit, aut tollere id quod intulit, aut loci pretium præstare cogitur, l. 7. diff. tit. Pretio autem præstito non est dubitandum, quin locus religiosus fiat. VINN. Lectione Florentina nihil sanius esse potest. Qui enim dici possit, dominum factum non ratum habere, in quod initio consensit? Unde & in hoc §. legendum: *licet postea ratum habueris.* Nam ita & Theophilus legit, dum scripsit: *Sed & si quis infcio vel invito domino intuleris, & id ille cum rescisses, ratum habueris, fiet & ita locus religiosus.* HEIN.

T E X T U S.

De rebus sanctis.

10. Sanctæ quoque res, veluti muri, & porta civitatis, quodammodo divini juris sunt; & ideo nullius in bonis sunt. Ideo autem muros sanctos dicimus, quia pœna capitis constituta est in eos, qui aliquid in muros deliquerint. Ideo & legum eas partes, quibus pœnas constituimus adversus eos, qui contra leges fecerint, sanctiones vocamus.

N O T Æ.

10. Sanctiones vocamus] leg. 41. D. de pœn. Fest. in voc. Sanctum. Cic. *Verr. 6. Nisi legis sanctionem pœnamque recisasset.*

C O M M E N T A R I U S.

- 1 Sancti appellatio quàm latè pateat?
- 2 Rectè ne nostri etiam portas inter sanctas numerent?
- 3 An capite plectendi & qui muros municipiorum violant?

Certum est, longè latius patere appellationem sancti, quàm hic accipitur; idque vel ex Trebatio discere possumus, qui apud Macrobius 3. Saturn. 3. sanctum, ait, interdum idem esse, quod sacrum, idemque quod religiosum, interdum aliud, nimirum quod venerabile, incorruptum, inviolatum est: quod & Macrobius confirmat adductis aliquot locis Virgilii. Propriè autem sanctum dicitur, quod vel ab injuria hominum defensum atque munitum est, l. 8. hoc tit. Hinc Legati jure gentium sancti habentur, l. ult. de legation. item Reges: teste Cicero. *pro reg. Deiot.* Jure Romanorum tribuni plebis sacrosancti. Liv. lib. 2. c. 33. Fest. in verb. sacrosanctum. Aut quod sanctione quadam confirmatum atque subnixum est. Hinc leges & rogationes dicuntur sanctæ, quod eas impune transgredi non licet. Hinc denique muri quoque sancti, quia speciali sanctione contra violentum audaciam muniti atque confirmati sunt.

L 3 Vel-

Veluti muri & portæ civitatis] l. 1. *hoc tit. l. 2.* ne quid in loc. sacr. Et muros quidem consentiunt omnes esse sanctos. Cæterum de portis dissentire videtur Plutarchus, qui & tunc P. *quidam* muros *sanctos*, id est, sanctos esse scribit, portas non item, eo quod per eas cadavera effertantur, aliaque immunda per eas importentur, atque exportentur. Sed hoc ille longè alio sensu quam nostri; nimirum jus Pontificium ex libris ritualibus secutus. Quippe Romani in designanda urbe, adhibitis more Hetrusco certis saceris, muros aratro circumducebant, atque ambiebant: ubi verò portæ futuræ erant, id loci non fulcabant, ne quid religionis contraheret: sed aratrum suspendentes, portarum spatia relinquebant intacta. Consulatur Varo 4. de ling. c. 32. Lat. Alex. ab Alex. 6. gen. 14. Alciat. l. pupillus. 239. *urb. s. c. de verb. sign. Cæ. l. Rhodig. lib. 1. c. 5.* Hinc mœnia jure Pontificio sancta habebantur, portæ non item. At nostri portas ideo inter sancta numerant, quia eas non magis quam muros violare fas est, aut aliquid in eas delinquere.

Quodammodo] Rectè quodammodo *res divini juris*, Neque enim propriè hæ res divini juris sunt, ut res sacræ & religiøsæ, sed propter similitudinem, quam cum rebus sacris & religiøsis habent, divini juris esse dicuntur, quia scilicet nec ipsæ cujusquam sunt aut proprietate aut usu promiscuo. Fortassis tamen muri, quod auspiciato & solemni sacrificio signabantur, etiam propriè in rebus divini juris habiti sunt. Vid. Alciat. d. loc. Riccium vindiciar. jur. promiss. c. 7. qui ob id hunc locum ita distinguendum putat, *veluti muri & portæ civitatis quodammodo divini juris sunt.*

Ideo autem muros sanctos] Notatio verbi *sanctus*. Marcianus, l. 8. §. 1. *hoc tit.* à sagminibus Legatorum deducit, id est, verbis, seu herbis puris, quas Legati populi Romani ferre solebant, ne quis eos violaret. Sed quæ hic traduntur, & Festum auctorem habent in voce *sagmina*, & Aggenum Urbic. in comm. ad Frontin. qui utrumque & *sanctum* & *sagmina* à *sanciendo*, id est, confirmando, deducit. A sanguine tamen confectum esse hoc vocabulum, vel ex consuetudine sacrorum solemnium, quam Sallust. in *Cætilin.* commemorat, putat D. Hotomannus.

Quia pena capitis] Violare muros capitale est: sicuti si quis scalis admotis, aut qualibet alia ratione transenderit. Nam cives Romanos alià quàm per portas egredi non licet: cùm illud hostile & abominandum sit; nam & Romuli frater occisus traditur, quod murum transcendere voluerit. Hoc Pompon. l. ult. *hoc tit.* Marcus autem Tullius 3. de offe. c. 10. scribit, speciem utilitatis eò animum impulsisse Romuli, cui visum erat utilius, solum se, quàm cum altero regnare: *Omisit hic, inquit, & pietatem & humanitatem; & tamen muri causam opposuit, speciem*

honestatis neque probabilem neque idoneam. De muris municipiorum dubitatum est, an & qui eos violant, pœna capitis puniendi sint. Vulgo placet non esse; sed hujusmodi homines pro qualitate defecti arbitrio judicis extra ordinem plectendos, Bart. in d. l. ult. Ang. Mynf. Schneid. & alii *hic*. Quæ sententia sane benignior est. Nec obstat, quod etiam muri municipiorum sancti sunt, l. 8. §. 1. *hoc tit.* Neque enim quicquid sanctum est, ejus violatio continuo capite plectitur: aut quod capite non plectitur, sanctum non est. Satis enim est ad hoc ut sanctum sit, ut ab injuriis hominum defensum, aut sanctione aliqua subnixum sit, d. l. 8. in pr. l. 9. §. 3. *cod.* Sanè in bello si quis vallum transcendat, aut per muros castra ingrediatur, capite puniatur, l. 3. §. nec non 17. de remilit. vid. Gothofr. Buf. ad d. l. ult. & Autim. *ibid.* in conscr. jur. Franc.

Ideo & legum, & c. sanctiones vocantur] l. *sanctio* 41. de pan. Cic. in Verr. 5. Nisi legis sanctionem penamque recitasset. Inconcinna autem est illatio. Fortassis ab effectu ea pars legis, quæ pœna constituitur *sanctio* dicitur, speciatim *sanctio* dicitur, quia efficit, ut legi sua auctoritas & sanctitas constet, arg. d. l. 9. §. 3. *hoc tit.* nam generaliter leges ipsas sanctiones vocari, satis notum est. Scoliaſtes ad illud Horatii: *Sanctarum inscitia legum: Aut participium est à Sancio, id est, firmatarum: aut sanctarum, id est, sacrarum, ut factus sanctum dicitur & sacrum.*

TEXTUS.

De rebus singulorum.

II. Singulorum autem hominum multis modis res sunt. Quarundam enim rerum dominium nanciscimur jure naturali, quod, sicut dicimus, appellatur *jus gentium*: quarundam verò jure civili. Commodius est itaque à vetustiore jure incipere. Palam est autem, vetustius esse *jus naturale*, cùm cum ipso genere humano rerum natura prodidit. Civilia autem jura tunc esse ceperunt, quum & civitates condi, & magistratus creari, & leges scriberentur.

COMMENTARIUS.

- 1 Quæ in hac secunda parte hujus tituli possimum spectanda?
- 2 Derperam in hac disputatione dominio opponi commercium
- 3 Quid sit dominium, & quàm largè nonnumquam ea vox usurpetur?
- 4 Modos acquirendi jure gentium dominii ad duos commodè revocari.

Secunda pars hujus tituli, cui respondet titulus *De acquirendo rerum dominio*. Huc usque disputatum de differentia & jure earum rerum, quæ extra patrimonium sunt. Sequitur nunc alterum rerum genus, earum videlicet, quæ sunt in patrimonio: quæ ob id etiam privatæ dicuntur & singulorum propriæ. Hæ res variè item distingui possunt. Nam primò quædam sunt universales, quæ vel rationem totius habent ut hæreditas, universum alicujus patrimonium, vel generis ut fundus, homo, vestis: quædam singulares; ut hic fundus, hic homo, hæc vestis. Quædam item corporales sunt, quædam incorporales: de quibus *tit. seq.* Corporalium iterum quædam mobiles aut se moventes, quædam immobiles, *l. moventium 93. de verb. sign. l. 15. §. 2. de re jud.* Duo verò præcipuè hic nobis spectanda, id quod in hisce rebus singulorum est, ejusque acquisitio. Quod singuli in his rebus habent, id vel est jus in rem: vel jus ad rem. Jura in rem sunt hæc, dominium, (tum plenum, tum minus plenum, quod quasi dominium & utile vocant; qualia sunt jus emphyteuticum & superficiarium) usus, usufructus, jura prædiorum, jus possessionis, pignus sive hypotheca. Jus ad rem est, quod uno nomine dicitur obligatio sive creditum. Jus in rem D. Grotius est *beheerinc* jus ad rem sive in personam, *in-schult.* Idem jus in rem distinguit in jus possessionis; *besit rech*; & jus domini, vel quasi, quod *epgendam* vocat: eaque voce reliqua in re jura comprehendit, *lib. 2. mand. c. 1.* Doctissimus Diod. Tuldenus dominio non obligationem, sed commercium opponit. Non rectè, ut mihi videtur, in disputatione proposita. Nam commercium non est res externa, quæ in bonis nostris computatur, quam acquirere, alienare, legare, hæredibus nostris relinquere possumus, qualis est obligatio; sed jus personæ, quod non omnes, qui in civitate sunt, habent. Est enim jus emendi, vendendique aut potius jus contrahendi cum aliquo, *l. 5. de just. & jur. l. quod si minor 24. §. 1. de minorib. Ulp. tit. 19. §. 4.* Unde quæ res vendi, in stipulationem aut conventionem deduci non possunt, commercio dicuntur exemptæ. Denique obligatio, quæ ex maleficio oritur, etiam huc pertinet: at eam nolim dicere esse ex commercio. Nam commercii significatio apud Latinos tam latè non patet, quam apud Græcos *εὐμενέστατος*, ut tam *εὐμενέστατος*, quam *εὐμενέστατος*, complectatur. Quod ad acquisitionem attinet, ea quoque non est unius modi: aliter enim dominium & jura illa in re à dominio separata acquiruntur, aliter obligatio sive creditum, sicut ex progressu apparebit: in quo si forte methodi leges non satis accuratè Compositores observarint, id non tam in iis reprehendendum, quam sæculo condonandum est. De modis acquirendi domini ut præcipui & summi in rebus juris, initium faciunt. Dominium est plena in rem potestas, *§. ult. inf. de usufr. sive jus de re pro arbitratu sta-*

tuendi, *l. in re 21. C. mand.* Hoc idem jus à re quaesita proprietas dicitur, *leg. 7. §. ex diverso 12. l. 23. hoc tit. de acq. rer. dom. l. 12. §. 1. de acq. poss.* quamquam proprietatis vocabulo sæpe in jure nostro nuda proprietas significatur, à qua scilicet usufructus separatus est, ut passim in *tit. de usufr.* quod & in voce domini contingit, *l. 6. §. ult. C. de bon. qualib. & videntur Veteres dominium propriè de re corporali dixisse, arg. tit. Pand. de acq. rer. dom. & tit. Pand. & C. de rei vind.* ut tamen interdum largius eandem vocem acceperint de omni jure, quo res aliqua nostrâ est, ut in *l. 17. quib. mod. usufr. am. l. 10. §. 3. hoc tit. l. 3. si usufr. per.* quo loco & possessio de re incorporali simpliciter prædicatur, quam tamen propriam esse constat rerum corporalium. VINN. Quæ hic de speciebus juris in re disputat auctor doctissimus, altioris sunt indaginis. Non erat, quod seorsum inter jura in rem recenseret, usum, usufructum, jura prædiorum, quum sufficiat, nominalis *servitutem*. Deinde nescio, qui omitti potuerit jus hereditarium, quod jus in re esse patet ex *l. 9. l. 19. ff. de hered. petit. l. 1. §. fin. ff. si quadr. paup. l. 6. ff. de religiof.* Denique jus possessionis non esse jus in re, vel inde patet, quod amissa possessione locum non habet actio realis adversus quemcumque possessorem, sed remedium personale unde *vi l. 7. ff. de vi.* Vid. B. Huber. *Præl. ad Instit. lib. 4. tit. 15. §. 2.* Zach. Hub. *lib. 111. diff. 5. cap. 11. §. 17. sequi.* HEIN.

Modis modis] Privata nulla sunt natura, ait M. Cicero *lib. 1. de offic. c. 6.* sed aut veteri occupatione, ut qui quondam in vacua venerunt, aut victoria, ut qui bello potiti sunt:

Nam propria telluris herum natura nec illum, Nec me, nec quemquam statuit;

ut Horatius *lib. 2. sat. 2. v. 127. sequi.* Modi acquirendi multi sunt & varii, tum jure gentium, tum jure civili; qui tamen ad paucos memoriæ causa commodè revocari possunt; & mea quidem sententia, qui ex jure gentium sunt commodissimè ad duos. Quicquid enim jure gentium nobis acquiritur, id vel factio nostro seu occupatione acquirimus, vel vi & potestate rei nostræ. Occupationis enim species sunt non tantùm venatio, aucupium, piscatio; sed etiam specificatio, inventio, & apprehensio rerum, quæ nullius sunt, quæve dominum habere desierunt, quæ ex hostibus capiuntur, postremò etiam, quæ transferuntur voluntate domini; quæ omnia suis locis demonstrabimus. Vis ac potestas rei nostræ duplex est; ut quicquid ex re nostra nascitur, nostrum sit, ut quæcumque rei nostræ accedunt, rem nostram ejusque conditionem sequantur: quorum alterum generali nomine *factura* appellari potest, alterum accessio. VINN. Sed parum concinna hæc partitiō est. Rectius dixeris, modos acquirendi vel origina-

rios esse, vel *derivativos*. *Originarie* adquiri res, quæ in nullius sint dominio, & quidem simpliciter substantiam rei adquiri per OCCUPATIONEM. *Secundum quid*, quæ rei nostræ accedunt, per ACCESSIONEM. *Derivativum*, quo dominium ab uno ad alium transfertur, esse unicum, TRADITIONEM. Ad hos modos reliqui omnes commodè referuntur. HEIN.

Quod appellatur *jus gentium* Hoc ideo additum, ne quis putet, hic intelligi jus naturale, quod omnium animantium inter se commune est, sed quod proprium est generis humani; si- ve ut Cajus l. 1. hoc tit. explicat, id, quod ratione naturali inter omnes homines peræquè observatur. Et perpetuum hoc esse scribit Castrensis in l. 1. de pass. ut jus naturale, cum ad actus referatur, qui hominum proprii sunt, pro jure gentium seu humano accipiatur. Proprium autem hominis est habere in dominio. Quod autem ait Justinianus, hoc jus cum ipso genere humano proditum esse; id de jure gentium primævo rectè dicitur, de secundario non item: ex quo tamen sunt nonnulli acquirendi modi, de quibus hoc titulo agitur. Respexit fortassis Imperator formas rerum acquirendarum præcipuas, quæ ex illo jure antiquo originem habent. Cæterum & de jure gentium secundario, eoque quod pro certo rerum statu naturale est, hæc accipienda *ἐκ τῆς φύσεως*.

T E X T U S.

De occupatione ferarum.

12. *Fera igitur bestia, & volucres, & pisces, & omnia animalia, quæ mari, cælo, & terra nascuntur, simul atque ab aliquo capta fuerint, jure gentium statim illius esse incipiunt. Quod enim ante nullius est, id naturali ratione occupanti conceditur: nec interest feras bestias, & volucres utrum in suo fundo quis capiat, an in alieno. Plane qui alienum fundum ingreditur venandi aut aucupandi gratia; potest à domino, si is præviderit, prohiberi, ne ingrediatur. Quicquid autem eorum ceperis, consque tuum esse intelligitur, donec tua custodia coerceatur. Cum vero tuam evaserit custodiam, & in libertatem naturalem sese receperit, tuum esse desinit, & rursus occupantis fit. Naturalem autem libertatem recipere intelligitur, cum vel oculos tuos effugerit; vel ita sit in conspectu tuo, ut difficilis sit ejus persequutio.*

N O T Æ.

2. *In suo fundo, an alieno* Quocumque enim loco feræ sunt, dummodo sint in libertate naturali, nullius sunt. Hæc mirificè conveniunt cum

traditionibus Hebræorum; de quibus Seldenus de jur. nat. juxt. disc. Hebr. c. 4.

Prohiberi, ne ingrediatur Nam in prædio alieno invito domino venari non licet, l. 16. D. de serv. pr. russ. & si quis id fecerit, tenetur actione injuriarum, l. 13. §. ult. de injur. Cæterum captum nihilominus capientis fit; quia prohibitio conditionem animalis non mutat.

Difficilis Non tantum ergo, si impossibilis, ut male Accursius l. 5. pr. l. 44. cod.

C O M M E N T A R I U S.

1. *Vnde asserendum, utrum animal ferum sit, an mansuetum?*
2. *Feras etiam in fundo alieno captas fieri capientium, & quid de piscibus capsis in alieno stagno?*
3. *Quid si quis fundum alienum contra prohibitionem domini ingressus feram ceperit.*
4. *Venando capta non diutius nostra manere, quam quamdiu in potestate nostra sunt.*

EX modis rerum jure gentium acquirendarum primus & præcipuus est occupatio: quæ quam latè pateat ex iis, quæ paulo ante dicta sunt, intelligi potest. Hoc loco, & quatuor §. seqq. descriptis ex l. 3. & l. 5. cod. agitur de ea occupatione, quæ ferarum est, & venatio in genere appellatur: cujus species sunt, venatio quadrupedum, aucupium; piscatio. Igitur feræ bestiæ, quadrupedes, volucres, pisces, simul atque ab aliquo capta, hoc est, apprehensa & in manum ac potestatem alicujus reductæ sunt, jure gentium statim illius esse incipiunt. Estque hoc genus acquisitionis longè antiquissimum, ipsaque adeo lege creationis concessum, cap. 1. Genes. & Psalm. 8. Quæ & Stoicorum sententia est, teste Cicerone 1. offic. c. 6. & Aristotele 1. pol. 4. cum ajunt omnia, quæ in terris gignuntur, ad usum hominum naturam creasse.

Fera Ferum est, quicquid à cicure discretum est: nam feras generali nomine appellamus omnia animalia, quibus à natura vis infinita inhæta est liberè vagandi in terra, mari, aere; unde feras à ferendo dictas volunt, quod naturali suo impetu ferantur, vel quod è conspectu hominum se auferant in solitudines. Neque excludimus, quæ hominum commercio mansuefacta sunt. Nam utrum ferum sit animal, an mansuetum, ex natura asserendum est, non ex assuefactione, §. pavonum. 15. infr. cod. Cæteram quæ hoc §. traduntur, ad occupationem earum ferarum pertinent dumtaxat quæ vel à nullo adhuc occupatæ sunt, vel occupatæ naturalis suæ libertatis iterum factæ sunt compotes.

Cælo Cælum pro aere, ἡραν αἶψα, ἢ τὸ ἄνω ἰδιωτὴς ἰδοί, τὸν αἶψα ἡραν διακρίνει τὸ ὑπὸ τὸν οὐρανόν. Galen. comm. 2. in 2. Hipp. de morb. atque ita etiam sacri Scriptores accipiunt, Matt. c. 6. vers. 26. ἐμὲ τίθει εἰς τὸ πτεῖν τὸ ἡραν.

Quod

Quod ante nullius est] Modo ita affectum sit, ut alicujus esse possit: nam res, quæ commercio hominum exemptæ sunt, ut res divini juris & publicæ, satis constat, ad hanc regulam non pertinere, quamvis & ipsæ nullius sint: nec item res hereditarias, quas quamdiu hereditas adita non est, inter res nullius numerat, Cajus, l. 1. de ver. div. nam hereditas interim pro domino est, l. non minus. 31. §. 1. de hered. inst. Simile axiomati proposito est illud Quintiliani declam. 13. *Quod omnibus nascitur, industria præmium est.* Plaut. in Rudenz. act. 4. scen. 3. *Meum, quod res atque hami nasci sunt.*

Nec interest, utrum in suo fundo] Amplificatio regulæ positæ; nimirum etiam in fundo alieno capta capientium fieri; cujus amplificationis ratio non est obscura. Nam quocumque loco feræ sunt, dummodo sint in libertate naturali, nullius sunt, & consequenter transeunt in jus occupantis. Igitur & pisces, qui in alieno stagno sunt, & feræ, quæ in sylvis circumseptis vagantur: quoniam relicte sunt in naturali libertate, l. 3. §. item feræ 14. de acq. poss. Scio, hoc displicere Hotomanno & Vvesembecio. Sed profecto si pisces isti aut feræ à nobis non possidentur; quod disertè scribit Paul. d. hoc. consequens est, nec eorum nos dominos esse: cum hæc sit natura omnium ferarum, ut dominium earum nec acquiri sine possessione possit, nec retineri, quod vel unicus hic §. eos docere debuerat. Concedo tamen, spectandam hic esse locorum consuetudinem, ut & in aliis plerisque, quæ hujus argumenti sunt. Et nostro sæculo contraria opinio prævaluit, ut & feræ silvis privatis, & pisces stagnis inclusi, ut possideri, ita & in dominio esse credantur, Grot. 2. de iur. bell. & pac. 8. nu. 1. D. Tuld. hic cap. 17. quod veteres tum demum admittebant, si feræ vivariis, pisces piscinis inclusi forent, d. l. 3. §. item feræ. 14.

Potest à domino prohiberi] Quid si nihilominus ingressus sit, & feram ceperit? Vulgo placet, adhuc eam occupantis fieri, & rectè. Nam id regulæ superiori omnino consequens est. Non obstat, quod in prædio alieno domino invito venari non licet, l. 16. de serv. rust. præd. Nam prohibitio ista conditionem animalis mutare non potest, neque efficere, ut id quod captum est, fiat prohibentis: alioqui non nuda prohibenti actio injuriarum pateret, l. 13. §. ult. de injur. sed rei vindicatio & conditio furtiva, vid. Christ. vol. 5. dec. 84. n. 7. & seq. Excipit Angel. & post eum Cantiuncula, nisi fructus fundi in venatione, aucupio, & piscatione consistat, arg. l. venationem 26. de usufr. l. 9. §. aucupiorum. 5. de usufr. Sed enim si illa verè in fructu sunt, ne infcio quidem domino aut ingressum non prohibente capta capientis fieri. A communi sententia recedunt Cujac. 4. obs. 2. Vvesemb. ad Schneid. D. Tuld. hic cap. 16.

Ejusque tuum esse intelligitur, &c. Alia superioris propositionis amplificatio, videlicet eam etiam procedere, etsi fera jam ante capta sit ab aliquo, si ea in naturalem libertatem postea se re-

ceperit. Nam quod venando per occupationem acquisitum est, id non diutius nostrum manere, 4 quam quamdiu in potestate nostra & custodia sit: ubi verò evaserit custodiam nostram, & in laxitatem naturalem se receperit, desinere nostrum esse, & rursus fieri occupantis, l. 3. §. cod. Christ. d. dec. 84. n. 20. Quod ut singulare notandum est in dominio ferarum: nam aliarum rerum dominium etiam amissa possessione retinetur. Ceterum ne quis hic iudicii æquitatem desideret, placuit, ita demum custodiam prioris domini animal semel captum effugisse: & libertatem naturalem recepisse videri, si sic evaserit, ut vel oculos domini effugerit, vel sit quidem adhuc in conspectu ejus, sed ita, ut sine summa difficultate id persequi non videatur, d. leg. 5. in pr. l. Pomponius. 44. hoc tit. Quia in re quod bonus iudex arbitrabitur sequendum erit. Gloss. Porc. Cantiuncula hic.

TEXTUS.

De vulneratione.

13. *Illud questum est, an si fera bestia ita vulnerata sit, ut capi possit, statim tua esse intelligatur. Et quibusdam placuit, statim esse tuam, & consueque tuam videri, donec eam persequaris: quod si desieris persequi, desinere tuam esse, & rursus fieri occupantis. Alii verò putaverunt, non aliter tuam esse, quam si eam ceperis. Sed posteriorem sententiam nos confirmamus, quod multa accidere solent, ut eam non capias.*

NOTÆ.

13. *Non aliter quam si ceperis*] d. l. 5. §. 1. Non enim spe & animo feræ nostræ fiunt, sed manu & occupatione, l. 55. cod.

Multa accidere solent] Sicut est in adagio Græco, πολλά μὲν αἰτίαι πάλαι ἀλλοίαι, & γὰρ οἱ ἀνθρώποι Inter os & ossam multa intervenire possunt, Gell. 13. cap. 16.

COMMENTARIUS.

- 1 Non vulneranti, sed capienti feram concedi.
- 2 Cur cum fera statim ut capta est, nostra fiat, non statim quoque ut elapsa est, nostra esse desinat.
- 3 Quid moribus hodiernis circa capturam ferarum juris sit, ejusque defensio & interpretatio, n. 4. & 5.

F Vere ex prudentibus, interque eos Trebati, qui existimabant, feram bestiam, si ita à venatore vulnerata sit, ut capi posse videatur, statim venatoris esse, ejusque tamdiu manere, donec illam persequatur. Verum hæc sententia ideo displicuit, quia ex superiore regula, non vulneranti & persequenti, sed occupanti & capienti fera conceditur. Non potest autem dici, feram cepisse, qui spem tantum capiendi habet, cum in

ta accidere possint, quæ spem istam frustrentur, & ut fera evadat, l. 5. §. 1. *cod. de pœna venatorum*, ut in adagio Græco. Atque ita iudicatum refert Christin. vol. 5. *decis.* 84. n. 23. Grotius lib. 2. *man. cap.* 4. notat, cum qui feram ab alio excitatam capiat, quamvis dominus fera fiat, tamen ut inciviliter venantem eo nomine à ministris Saltuarii multari posse. Cur verò, inquis, cum fera statim ut capta est, nostra fiat, non & ex contrario semel capta, si postea elapsa sit, statim nostra esse definit, sed tamdiu nostra manet, quamdiu eam cum spe recuperandi persequimur? Nimirum quia possessio, ex qua dominia rerum jure gentium ceperunt, facilius retinetur, quam acquiritur. Ad acquisitionem non sufficit rem esse in conspectu nostro, ejusque apprehendendæ animum & spem aliquam habere: sed manu occupanda & corporaliter apprehendenda est, l. 1. §. 1. l. 3. §. 1. *de acq. vel amiss. poss.* Ad retinendam autem possessionem semel quæsitam solus animus sufficit, d. l. 3. §. *salvus* 11. l. 1. §. *quod vulgo* 25. unde vi: eumque animum tamdiu retinere intelligimur, quamdiu non vana spes est fore, ut mox rem recuperemus: at spe recuperandi sublata, jam animum quoque possidendi nos definire habere, *fac. d. l. 4. hoc sit. l. 6. §. ult. de acq. poss.* Nostro jure fiunt quidem feræ etiam occupantium; sed non promiscuè omnibus venari permissum est: nam Principes sibi sere hoc jus vendicarunt, saltem quoad certa genera animantium, certosque capiendi modos. Feras minores, puta lepores, cuniculos, nobilibus etiam capere licet certis anni temporibus, dum ne capiant in locis Principi specialiter reservatis: quod jus & nonnullis aliis ratione officii concessum, qui legibus saltuariis continentur. Aucupii laxior libertas, excepto quod longo tramite aucupari solius Principis jus est. De jure piscandi alibi à me dictum. Adi Grot. lib. 2. *manud. c.* 4. ubi latius hæc persequitur. Non solum autem legibus nostris, sed prope omnium Rerumpub & Regnorum constitutionibus modus venationis præscriptus est. Constitutione Federici Imperatoris vetantur rusticis retia, laqueos, aut alia instrumenta ad capiendas feras tendere, nisi ad urfos, apros vel lupos capiendos: quas bestias credibile est ideo exceptas esse, quia tanta earum diritas est atque immanitas, ut publicè interfit eas ab omnibus necari, lib. 2. *Feud. tit. de pace tenend.* 27. §. *si quis*. Jure Canonico venatione interdictum Clericis, ne hac voluptate capti cultum divinum deserant, c. 1. & 2. *de Cler. venat. lib. 5. decretal.* Sunt qui existimant, non posse citra injuriam lege civili aliquos impediri, ne feras capiant, captasque suas faciant, quoniam jure naturæ, quod immutabile est, hoc omnibus licet, Tiraq. *de Nobil. c.* 37. n. 144. Menoch. *conf.* 198. n. 18. lib. 3. & alii relati apud Fachin. lib. 1. *conar. c.* 4. Sed verius est posse. Est enim hoc jus ex jure naturæ permittente, non præcipiente ut semper liceat. Jam verò etsi lex civilis nihil potest præcipere quod jus naturæ prohibet, aut prohibere quod præcipit, potest tamen liber-

tatem naturalem circumscribere, & vetare quod naturaliter licebat, atque etiam ipsum dominium naturaliter acquirendum vi sua antevertere, D. Grot. 2. *de jur. bel. c.* 2. n. 5. & c. 3. n. 5. Quæ etiam est sententia Covarr. in *relect. c. peccatum. de reg. jur.* in 6. p. 2. §. 8. cum ait, feras, volucres, & cetera animalia jure naturæ non esse communia positivè & affirmativè, quia omnium propria sunt; sed negativè, quia nullius sunt, & jure naturali nulli sunt applicata: ac proinde posse lege humana uni potius quam alteri ex justa causa concedi. Non obstat igitur, quod sæpe in libris nostris legimus, jure naturæ liberum esse talia animalia venari. Hoc enim verum est, quamdiu nulla lex civilis intercedit, sicut leges Romanæ res multas reliquerunt in suo primævo statu, de quibus aliæ gentes aliud constituerunt. Cum autem lex civilis aliud constituit, eam observari debere jus ipsum naturæ dicat. Unde autem nata est tanta juris quondam communis mutatio? Opinor partim ex consensu populorum, qui jus venandi in compensationem curarum & gubernationis Principibus ultro reliquerunt: partim ex ipsorum Principum potestate, quibus visum sit, publicè expedire, ut communi licentiæ frænum injiceretur, tum ne tota tandem species multitudine venatorum vastaretur, tum ne rustici & plebei homines studio venationis ab agricultura, aut opificiis avocarentur: & fortassis ob alias etiam causas, quas videre est apud Vvesemb *parat. de acq. rer. dom.* Covar. *præd. loc. Fachin. 1. contr.* 1. Card. Tusc. *præf. concl. jur.* vol. 8. *lit. V. concl.* 41. Christin. vol. 5. *decis.* 84. num. 37. & seqq. Illud scire operæ pretium est, non acquisitioni animalis capti, sed juri venandi derogatum esse. Unde si homo plebejus, aut quis alius, cui jus venandi non est, feram venando ceperit, licet incidat in pœnam legibus constitutam, feram tamen nihilominus illius sit: & quamvis capta jubeatur capienti auferri, id non tam ideo fit, quia capientis facta non est, sed quasi ab indigno & pœnæ causa. Eadem planè ratione qua laquei, jaculi, aliaque id genus instrumenta venatoria hujusmodi hominibus adimuntur. Quod si verò id, quod ita captum est, alteri bona fide accipienti ex justa causa traditum sit, adimi hoc ei non poterit: neque enim furtivum, aut alienum possidet, ut ab eo vindicari queat. Neque dici potest pœnam legis mereri, qui nihil deliquit, nihil contra legem fecit, l. *aliud est fraus.* 131. *de verb. sign.* Huic non ablimile est, quod de fera in alieno fundo capta diximus, eam capientis fieri, quamvis in alieno venari invito domino non liceat. Ita Covarr. d. §. 8. num. 5. & seqq. Christin. *ubi sup. n.* 17. Gudelin. 2. *de jur. nov. cap.* 2. Zypæ *notab. jur. Belg. de jur. fife. & tit. de venat. ferar.*

T E X T U S.

De apibus.

14. Apium quasque fera natura est. Itaque apes, quæ in arbore una confederint,

anac-

Antequam à te alveo includantur, non magis tua intelliguntur esse quam volucres, quæ in arbore sua nidum fecerint: ideoque si alius eas incluserit, is earum dominus erit. Favos quoque si quos effecerint, extirpare quilibet potest. Planè integra re, si prævideris ingredientem fundum tuum, poteris eum jure prohibere, ne ingrediat. Examen quoque, quod ex alveo tuo evolaverit, eo usque intelligitur esse tuum, donec in conspectu tuo est; alioquin occupantis fit.

C O M M E N T A R I U S.

¶ Omnes apes natura feras esse, non eas solas, quæ rei rusticæ scriptores sylvestres appellant.

Quia de quibusdam animantibus dubitari poterat, si nate natura feras, an mansuetæ, & maxime de apibus, pavonibus, columbis, gallinis & anseribus, non abs re est, quod hoc loco nos Imp. docet, quo numero hæc animantia habenda sint. Ambigi primò potest de apibus, quippe quas Plinius tradit, nec mansueti generis esse, nec feri, lib. 11. nat. hist. cap. 5. Varro lib. 3. de re rust. c. 16. in feras & cicures distinguit, uti & Columel. lib. 9. Plinius d. lib. c. 18. in rusticæ sive sylvestres, & urbanas. Ulpianus noster l. 3. §. 1. fam. ere. videri potest hæc animalcula in genere mansuetorum habuisse, cum ex sententia Pomponii respondet, apes venire in judicium familiæ creiscundæ, quia in patrimonio nostro sunt, eamque, qui eas amovet, turpem committere. Paulus verò in eadem referas à cicuribus manifestè separat, l. si apes 26. de furt. Sed dubitandum non est, quin ut diversa sint apum genera, unæ tamen omnium sit natura, eaque fera & sylvestris; ut hic ex Cajo l. 5. §. 2. hoc tit. refert Justinianus. Liberè enim omnes feruntur & vagantur, nec raro locum & alvearia mutant, etiam quæ aliquamdiu incluse fuerant. Quamobrem licet Plinio videantur mixti esse generis, fortasse quiddam in iis quid observaret, quod naturam animalis mansueti sapiat; tamen in hoc quod tractamus argumento, pro feris omnino habendæ sunt. Nec obstat distinctio illa Varronis. Nam cum feras cicuribus non natura, sed loco separet, feras appellans, quæ pascuntur in sylvestribus, cicures, quæ in locis cultis habentur; satis apparet, cicures, eum vocare, non quæ natura tales sunt, sed cura hominum, cicuresque dixisse pro cicuratis, vel potius pro iis, quæ minus feras sunt, & occupatæ facilius mansuefiunt quàm sylvestres. Ulpianus autem d. l. 8. §. 1. fam. ere. aperte loquitur de apibus, quæ alveariis jam incluse ita assuescunt, ut ubi evolaverint, eundem locum sponte repetant: neque aliis apibus feras opponit Paul. d. l. si apes, 26. de furt. Constat autem, animalia, quæ ex feris mansuefacta, atque ita condonescunt, ut ex consuetudine abeant & redeant, cum de occupatione eorum quaeritur, quamdiu illam

consuetudinem retinent, eodem jure quo mansuetæ haberi. Unde rectè argumentatur Quintilianus declam. 13. apes, quæ ex alveariis nostris mane evolant, & vesperi domum sua sponte revolant, finemque laboris sui sole metiuntur; nostras esse. VINN. Rectè dicuntur apes feras naturæ esse, si bipartita est divisio in bestias feras, & mansuetas. At si easdem dividis in feras, mansuetas, & mansuefactas [uti sæpe unius ejusdemque rei modò bipartita modò tripartita divisio est: Vid. Cel. Noodt Probab. l. 1. cap. 12.] tum apes non sunt feras naturæ, quæ alveariis incluse evolant, & revolant. Et ita intelligendus videtur Ulpianus in l. 8. §. 1. fam. ere. Manifestum autem inter animalia fera & mansuefacta discrimen est. Illa sunt nullius, & hinc sunt occupantis, hæc sunt in dominio, & intercepta furtiva fiunt, quamdiu animum redeundi non deposuerunt, l. 1. §. 6. & l. 44. ff. de acqu. rer. dom. Hinc facile patet cur §. 16. infra h. t. negetur anserum & gallinarum feram naturam esse, quum tamen dentur & anseres, gallinæque feras naturæ. HEIN.

Antequam à te alveo includantur] Nam inclusio hæc occupatio est. Quæ autem animalia semel nostra facta sunt occupatione; ea tamdiu nostra manent, neque ab alio occupari possunt, quamdiu possessionem eorum retinemus, fac. l. 3. §. quidam 16. de acq. poss. Alveus autem est æreosus, puta ex vimine, aut inani cortice: favum ipsæ sibi apes conficiunt. Varr. de re rust. cap. 16.

Volucres quæ in arbore tua nidum fecerint] Quemadmodum volucrum in arbore tua nidificatio non efficit, ut aut ipsæ, aut pulli earum tui censi debeant; ita nec apium in arbore tua confessio facit, ut aut ipsæ, aut nova earum soboles tua efficiatur: sed ex regula superiore primo occupanti aut includenti cedunt. Quæ apium eadem & favorum ratio est, si quos forte in arbore tua fecerint, antequam à te alveis includerentur, d. l. si apes, 26. de furt.

Poteris eum jure prohibere] Eodem jure, quo prohibere potes, si prævideris, eum, qui vendendi causa tuum fundum velit ingredi, adversum quem, si te invito ingressus fuerit, prodita tibi est actio injuriarum, ut non multo antediximus ex leg. 3. §. ult. de injur.

Examen] Non solum vetus, sed & novum apum recens natarum, quæ ex alveariis ad novas sedes quaerendas à parentibus extrusæ sunt: nam si parentum fera natura est, necesse est & feram naturam esse prolis.

T E X T U S.

De pavonibus & columbis & cæteris animalibus mansuefactis.

15. Pavonum quoque & columbarum fera natura est: nec ad rem pertinet, quod ex consuetudine evolare & revolare solent:

nam & apes idem faciunt, quarum constat feram esse naturam. Cervos quoque quidem ita mansuetos habent, ut in silvam ire & redire soleant, quorum & ipsorum feram esse naturam nemo negat. In iis autem animalibus, quæ ex consuetudine abire & redire solent, talis regula comprobata est; ut eoque tua esse intelligantur, donec animum revertendi habeant. Nam si revertendi animum habere desierint, etiam tua esse desinunt, & sunt occupantium. Revertendi autem animum videntur desinere habere tunc, cum revertendi consuetudinem deseruerint.

NOTÆ.

15. Pavonum & columbarum] d. l. 5. §. 5. Sed hæc volucres facile cicurantur, & domibus adfuescunt, utique quæ natura minus feræ sunt, minusque abhorrent à consuetudine hominum. Vid. Varr. 3. de re rust. 7. Colum. l. 8. c. 15.

Revertendi consuetudinem deseruerint] Ulro, non si ab alio detenta, l. 8. §. 1. D. fam. etc. Hoc autem totum ex circumstantiis iudex æstimabit. Vvefemb.

COMMENTARIUS.

- 1 Pavones & columbas pro feris haberi, etsi non omnes aequè feram naturam habeant.
- 2 Moribus Gallorum & nostris animalia, quæ revertendi consuetudinem deseruerunt, non fieri occupantium.

Secundò eadem dubitandi ratio esse poterat de pavoniis & columbis, saltem quoad quædam genera. Nam pavones quod attinet. distinguunt rei rusticæ Scriptores pavones agrestes, qui in silvas & numerosa loca captant, ab iis, qui in prædiis pregati pascuntur. Varr. lib. 3. de re rust. & Columel. lib. 8. cap. 11. Idem Varro d. lib. cap. 7. Duo itidem esse genera columbarum tradit: unum agreste, quod habetur in turribus & columinibus villæ, unde & columbæ appellatae sunt; alterum clementius, quod cibo domestico contentum intra limina januæ pasci solet. Porro ex domesticarum & agrestium conjunctione nasci & miscellum tertium genus. Sed idem hic responderi potest quod de apibus, esse quædam genera pavonum, itemque columbarum, quæ natura minus feræ sunt, minusque ab hominum consuetudine abhorrent; pro feris tamen omnes haberi, quia facile volant, & cum agrestibus sese coniungunt. Cerrè Caus l. 5. §. pavonum. 5. hoc tit. & Justinianus hic simpliciter hæc aves earum numero adscribit, quæ sunt generis feri, quod & D. Grot. facit l. b. man. c. 4. Meminit quidem & pavonis mansueti Pompon. l. si pavonem. 37. de furt. sed opinor mansuetum dixisse pro mansuetfacto. Illud nullum argumentum est mansuetu-

dinis, quod hæc aves ex consuetudine evolare & revolare solent. Nam & apes idem faciunt & cervos, quorum utique fera natura est, ita assuescere posse constat, ut aliquid abeant, & sponte sua redeant domum. Exemplum cervi ita instituti à Tyrrhei liberis & præsertim Sylvia filia habemus apud Virgilium lib. 7. Æneid. & alterum cervæ Sertorianæ apud Plutarch. in Sertor. Fatendum tamen est, pavonibus & columbis hoc propensum naturale esse, & placidis in eo similiores quàm feris.

In iis autem animalibus] Natura videlicet feris, sed impossibile, si eis non sit in se ipsas mansuetudo, de quibus hic sermo est; nam in placidis, quæ hominum consuetudine natura gaudent, obtinet quod ex Cajo traditur §. seq.

Cum revertendi consuetudinem deseruerint] Quod ex circumstantiis iudex æstimabit. Neque enim placet eorum sententia, qui desuetudinem revertendi ex una & altera intermissione metiuntur, quamvis id plerique faciant, teste D. Vvesem. hic. Enimvero si quis, ver. gr. columbas, quæ ex columbariis nostris avolant & revolant, vetitistationibus averterit, itaut animum revertendi abjiciant, dubium non est, quin in factum actione teneatur, & captarum nomine etiam furti, l. 8. §. 1. fam. etc. Gallorum moribus animalia, quæ ex consuetudine abire & redire solent, dominorum esse non desinunt, nec sunt occupantium, quamvis custodiam nostram evaserint, & deseruerint animum revertendi; quod maxime in falconibus & accipitribus observatur. Jo Fab. hic. Autumn. coll. ur. Gall. ad l. 5. eod. Idemque de moribus nostris testatur Groenevv. de ll. abrog. hic. VINN. Jure germanico veteri, pavones, columbæ, immo & picæ & cornices mansuetæ mansuetis animalibus accensentur. VVeichb. art. 18. Et tamen sunt occupantium si citra dolum intra quatrimum domum non redierint. VVeichb. ibid. & jus prov. Suev. hic cap. 156 §. 1. Quæ juri Justiniano planè repugnant, De usu hodierno conf. Schilter. Exerc. 45. §. 19. HEIN.

TEXTUS.

De gallinis & anseribus.

16. Gallinarum autem & anserum non est fera natura; idque ex eo possumus intelligere, quod alia sunt gallinæ, quas feras vocamus, item alii sunt anseres, quos feros appellamus. Ideoque si anseres tui, aut gallinæ tuæ, aliquo modo turbati turbatæve evolaverint, licet conspectum tuum effugerint, quocumque tamen loco sint, tui tuæve esse intelliguntur; & qui lucrandi animo ea animalia detinet, furtum committere intelligitur.

CON-

COMMENTARIUS.

2 *Etiam ob gallinam vel anserem surreptum dari actionem furti.*

Postremo dubitatum de gallinis & anseribus: & harum avium naturam initio feram esse negat Justinianus, quod Cajus facit, l. 5. §. gallinarum 6. hoc it. Mox tamen & ille & hic earum duo genera faciunt: quorum alterum natura sit ferum & agreste, alterum mansuetum & placidum: eamque naturarum differentiam in omni fere genere animalium animadverti posse, testatur Plinius lib. 8. c. 53. De generibus anserum & gallinarum & natura cujusque scripsere idem Plin. lib. 10. c. 21. Varr. lib. 3. de re rust. c. 9. Columel. l. 8. c. 2. Pallad. lib. 1. c. 30.

Quocumque loco sunt, sui tuave] Regula generalis est, ad omne genus animalium mansuetorum pertinens, ea nostra manere, quamvis ita auferuntur, ut neque sint in conspectu nostro, & ubi ea sint ignoremus, vel quocumque modo hoc acciderit: neque enim in his occupationi locus est. Quapropter et si lupo ovem meam, exempli causa, rapuerit, ea mea esse non desinit, quod diu recipi potest; & si forte eam alius lupum canibus suis persecutus eripuerit, suam non faciet; sed reposcenti mihi restituenda est, l. Pomponius. 44. hoc it. Tres igitur regulæ pro triplici animalium differentia ex his, quæ hæcenus diximus, observentur. 1. Feras, quarum libertas vel numquam adempta est, vel quæ captæ in eam se receperunt, occupantis fieri. 2. Animalia mansueta, quocumque loco sint, nostra manere, neque occupatione cuiquam acquiri posse. 3. Mansueta ita ut abire & redire soleant, quamdiu eam consuetudinem retinent, jure mansuetorum censerentur; deposito revertendi animo; ut cæteras feras secundum regulam concedi occupanti.

Furtum committere intelligitur] l. 5. §. gallinarum. 6. d. l. Pomponius. 44. hoc it. quod & in mansuetis obtinet, si quis ea animalia, cum ex consuetudine abire & redire solitæ essent, interceperit, l. 8. §. 1. fam. etc. l. si pavonem. 37. de furt. Atque his omnibus locis traditum est, etiam actionem furti nomine competere: nempe quia hoc exigit ratio iustitiæ, quæ non ex quantitate, sed ex suis regulis debet æstimari. Cui contrarium non est quod legimus, actionem de dolo ob rem, vel summam minimam, veluti ob duos aureos, non dari, l. 9. in fin. cum 2. l. seqq. de dol. Siquidem actio de dolo, præterquam quod æquæ ac furti famosa est, remedium est extraordinarium, atque in subsidium duntaxat, si alia actio non sit, & res alicujus momenti esse videatur, comparatur, l. 1. §. si prætor. 4. de dol. VINN. Conferri tamen hic merentur quæ de furto rei minimæ eleganter differit Illustris Bynkersh. Observat. lib. 1. cap. 3. HEIN.

TEXTUS.

De occupatione in bello.

17. *Item ea, quæ ex hostibus capimus, jure gentium statim nostra sunt: adeo quidem, ut & liberi homines in servitutem nostram deducantur: qui tamen si evaserint nostram potestatem, & ad suos reversi fuerint, pristinum statum recipiunt.*

NOTÆ.

17. *Ex hostibus capimus*] l. 5. §. ult. l. 7. pr. cod. Aristot. 1. pol. 4. & 5.

Nostra sunt.] Jure gentium res hostium eodem loco sunt, quo res nullius, ac proinde eorum sunt, qui primi earum possessionem nacti sunt, l. 1. §. 1. D. de acq. poss. & tam res immobiles quam mobiles. Capiuntur intelligendi non tantum qui per se capiunt, sed etiam qui per alios. In actu belli publico & imperato singuli ut ministri operam navant, & Principi aut populo, qui ministerio eorum utitur, acquirunt: hinc præda & ager ex hostibus captus publicantur, l. pen. D. ad leg. Jul. pecul. l. 20. §. 1. D. de capt. Extra actum publicum singuli sibi capiunt; quia non capiunt ut ministri. Grot. 3. de jur. bell. c. 6.

COMMENTARIUS.

- 1 *Res hostium veteribus eodem loco fuisse, quo res nullius, & ideo iis concessas, qui primi earum possessionem adepti essent, vel per se, vel per alios.*
- 2 *Agrum hostilem, non nisi actu publico capi posse; ac proinde captum fieri publicum populi.*
- 3 *Moventia & mobilia, quæ in ministerio publico capiuntur, & ipsa fieri populi: aliàs eorum, qui manu capiunt; & quid hodie.*

Quod hic & apud Cajum l. 5. §. ult. cod. traditur, ea, quæ ex hostibus capimus, jure gentium statim nostra fieri, difficultate non caret. Nam alibi legimus, agrum ex hostibus captum publicari, l. 20. §. 1. de capt. & postlim. Bona captivorum in fiscum cogenda, l. divus 31. de jur. fisc. Captivos ab Imperatoribus vendi solere, l. 4. §. 2. de stat. hom. Qui prædam ab hostibus captam surripuit, lege peculatus teneri, l. pen. ad leg. Jul. pec. In corpore Canonum, distribui prædam publico arbitrio, c. dicat aliquis. c. 23. q. 5. Apud alios, manubias, id est, pecuniam ex venditione prædæ redactam per quæstores inferri in ærarium, Gell. lib. 13. cap. 23. Vellej. lib. 2. Cic. 3. pist. 7. Quæ omnia arguunt, ipsi populo, non singulis qui capiunt, res hostium acquiri. Et de agro ex hostibus capto omnes consentiunt, eum fieri publicum, sive populi. Sed quod attinet ad res mobiles, & se moventes, plerique putant. has primo ac jure ipso fieri singulorum, qui manu capiunt: cæterum Duci assignandas, qui

qui inter milites distribuat, Bart. in l. 28. de capt. Alex. & Iaf. in l. 1. de acquir. poss. Covar. in c. peccatum, p. 1. §. 1. m. 6. de reg. jur. in 6. Alii censent, hæc simpliciter acquiri singulis capientibus, Vaccon. à Vacun. lib. 2. cap. 25. Cujac. 19. obs. 7. Merenda simpliciter populo aut Principi, cui bellum geritur, lib. 2. contr. 22 Sed nulla harum sententiarum probanda. Potuit sanè consensu gentium utrumvis constitui, ut aut capta populo bellum gerenti, aut cuivis, qui manu caperet, in dominium cederent: sed quid voluerint querimus, Id verò nos docet Paulus ex Nerva filio, l. 1. §. 1. de acq. poss. nimirum, jure gentium res hostium hostibus esse non alio loco, quàm quo sunt res nullius, ac proinde eorum fieri, qui primi earum possessionem nacti sunt. Non distinguunt in hoc negotio inter res mobiles & soli; neque distinguere debuerunt. Nam quæ nullius sunt, siue immobilia sint, siue mobilia, semper fiunt capientium; sed tam eorum qui per alios quàm qui per se capiunt: neque enim servi tantum aut filiifamil. sed & liberi homines, qui venando, aucupando, piscando, margaritas legendo, operam suam addixerunt, statim ejus quod ceperunt, possessionem & dominium aliis acquirunt, iis scilicet, quibus operam navant: quippe quæ naturaliter acquiruntur, non modò per nosmetipsos, sed etiam per quemlibet alium, cujus ministerio utimur, acquirere possumus; locumque hic habet, quod dicitur, nihil interesse, utrum per se quis faciat, an per alium, l. ea quæ §. 3. hoc tit. l. 1. §. per procuratorem 20. leg. 3. §. 1. de acq. poss. Sic apud Græcos, qui in Olympiis certabant, præmia acquirerebant iis, à quibus mittebantur. Igitur res expedienda est cum D. Grotio 3. de jur. bell. 6. n. 10. & D. Tuldo. in comm. hic c. 29. distinctione facta inter actus verè publicos belli, & inter actus privatos, qui fiunt occasione belli publici; ut dicamus, per illos actus res acquiri populo, per hos primò ac directè privatis. Res soli, nisi publico actu, inducto exercitu, impositis prædiis, capi non solent: & ideo, ut Pomponius respondit, publicatur ager, siue publicus sit populi, qui ex hostibus captus sit, l. si captivus 20. §. 1. de capt. Solebant autem Romani, ut hoc obiter addam, agros ex hostibus captos aut totos publicare, aut partiri in virorem populum, aut per censores locare; interdum modico veteri possessori honoris gratia relicto, aut distrahere, aut assignare veteranis, aut certum iis vectigal imponere; quarum rerum passim in legibus, historiis, & agrimenforum commentariis testimonia extant, vid. l. 15. §. 2. de rei. vind. l. 1. de vi off. consule porro Brisson. 4. select. ant. 1. Pet. Fabr. 2. sem. 3. & 4. Connan. 3. com. 5. Mobilia verò & se moventia aut in ministerio publico capiuntur, aut extra illud. Priore casu etiam illa populi fiunt, cui hic singuli ut ministri operam navant, nam ut Ducibus exercitus prædæ dispensandæ aliquod arbitrium concessum fuerit, tamen actus sui rationem debebant populo: de quo latè Grot. ubi sup. n. 15. Posteriore au-

tem casu fiunt singulorum capientium, quia quod extra actum publicum capiunt, non intelliguntur capere ut ministri. Atque huc referendum est illud Cel. l. transfugam §. 1. §. 1. hoc tit. Quæ res hostiles apud nos sunt, non publicæ, sed occupantium fiunt. Quæ apud nos sunt, hoc est, bello exorto, apud nos deprehenduntur. Nam idem & in hominibus observabatur. Quam in rem insignis est locus Triphonini l. in bello. 12. pr. de capt. Verùm in pace, inquit, qui pervenerunt ad alteros, si bellum subito exarsisset, eorum servi efficiuntur, apud quos jam hostes suo fato (ita legendum, non suo facto, ut habent libri) deprehenduntur. Fato hoc adscribit Jurisconsultus, quia nullo suo merito in servitutem deveniunt: nam fato hujusmodi adscribere translatitium est. Tale illud Nævi: Fato fiunt Romæ Metelli Consules. Hinc etiam est, quòd si quid milites capiunt non in procinctu, aut in eo quod facere jubentur, sed in eo quod promiscuo jure, aut solo permisso faciunt, id sibi statim acquirunt: capiunt enim non ut ministri. Talia sunt spolia, quæ detrahuntur hosti in dimicatione singulari. Talia quoque, quæ procul ab exercitu in liberis & injussis excursibus capiunt. Nunc verò passim usurpatur, ut in direptionibus oppidorum & præliis suum quisque facit, quod cepit: in excursibus verò capta omnia hiant eorum, qui in comitatu sunt, inter ipsos pro dignitatis ratione partienda. VINN. Magnum hic discrimen inter militiam lectam & mercenariam, itemque eam quæ stipendia meretur, & quæ suo sumptu militat spe prædæ. Sed de his alii. Id queritur, an occupatio bellica verè sit modus acquirendi? Sanè enim, quod meum sit, ab alio non potest sine injuria eripi, quum tamen hosti semper jus sit, rem suam à me occupatam recuperandi. Dicendum itaque videtur, occupationem bellicam modum acquirendi esse ratione tertii; non ratione ipsius hostis, nisi accesserit hujus renunciatio in conditionibus pacis. HEIN.

[*Ut liberi homines in servitutem*] Hoc etiamnum in Lusitania aliisque locis Turcorum imperio vicinis observatur. Cæterum Christianarum pæne omnium gentium velut mutuo consensu comparatum est, ut capti etiam in bello justissimo libertatem retineant, eosque tamdiu dumtaxat retinere liceat, donec pretium redemptionis exsolverint; quod lib. 1. memini me fusius explicasse.

[*Præstinum statum recipiunt*] Igitur & ingenuitatem, quamvis apud hostes manumissi sint; nam ratio postliminii efficit, ut hic quoque locum habeat, quod sæpiissime constitutum est, natalibus non officere manumissionem, §. ult. sup. de ingen.

TEXTUS.

De occupatione eorum, quæ in littore inveniuntur.

18. Item lapilli, & gemma, & cætera, qua

que in littore maris inveniuntur, jure naturali statim inventoris sunt.

COMMENTARIUS.

Acquisitionis naturalis & quidem occupationis species est & inventio. Ea pro duplici objecto distingui potest in duo genera; nam aut earum rerum est, quæ nunquam nullius fuerunt, aut earum, quæ defuerunt habere dominum, quales sunt thesaurus, & res pro derelicto habitæ. De priore genere hic agitur, de altero in §. thesauros. 39. & §. pen. inf. eod.

Lapilli & gemmae] Margaritæ, conchyliæ, corallia, cæteraque, quæ in mari aut littore maris nata, nec ab alio ante occupata inveniuntur. l. 3. de rer. div. l. 1. §. 1. de acq. poss. Quod autem à mari productum non est, sed à navigantibus in tempestate ejectum, vel quod naufragio fluctibus in littus expulsum est; eorum permanet, qui ejecerunt, vel naufragium fecerunt, §. ult. inf. eod. Inter lapillos & gemmas hoc interesse ex Servio Ulpianus refert, l. cum aurum. 19. §. gemma. 17. de aur. arg. leg. quod gemmæ proprie dicantur lapides pretiosi, qui natura perlucidi sunt; lapilli, qui sunt contrariæ naturæ: quod discrimen etiam non usquequaque ab aliis Scripturibus observetur, nulla tamen ratio est, cur ob id Jurisconsultos rependat Valla. Vid. Alciat. lib. 4. de verb. sign. VINN. Nimirum gemmas lapillosque variè discernunt veteres. Modò gemmæ ipsi sunt uniones, *Lapilli* alii lapides pretiosi: V. C. Broukhus. ad Tribull. l. 1. Eleg. 9. modò gemmæ vocantur lapides pretiosi, lapilli minus pretiosi. Apul. in Florid. p. 346. modò gemmæ & lapilli accipiuntur promiscuè. Brod. Miscell. lib. 10. cap. 17. Sed hic non queritur, quid alias significant hæc vocabula, sed quomodo interpretanda sint in materia de legatis. Hic JCTis aliquid permittendum fuit. Vid. omnino. V. C. Carol. And. Dukeru de Latin. JCT. p. 299. sequ. HEIN.

Statim inventoris sunt] Inventio species est, ut diximus, occupationis. Non igitur ut quisque hæc videre cœperit, & notare oculis, ita statim ejus fient, quod quidam putant, sed necesse est, ut possessionem eorum nanciscatur, si mobilia sint, manu apprehendat, si immobilia, ea ingrediatur, l. 1. §. 1. & ibi Coras. n. 12. l. 3. §. 3. de acq. poss. Conuan. 3. comm. c. 3. Grot. mar. lib. cap. 2. Cæterum si quis non in totum præoccupaverit, sed inventorem jam apprehensioni operam dantem adjuverit; judicatum fuit, inventorem esse præferendum, Horat. Rovat. dec. Lucens. 23. D. Tulden. hic c. 13. Harum autem rerum dominium semel inventori quæsitum etiam amissa possessione retinetur, ut juris est in rebus omnibus, quæ dominio nostro subjæctæ sunt: exceptis feris bestiis, quæ ubi custodiam nostram evaserint, unâ cum possessione dominium nobis auferunt, quasi jure quodam postliminii in pristinam libertatem reversæ.

TEXTUS.

De fœtu animalium.

19. Item ea, quæ ex animalibus dominio tuo subjæctis nata sunt, eodem jure tibi acquiruntur.

COMMENTARIUS.

Quæcumque jure gentium acquiruntur, ea diximus in summa nobis acquiri duabus rationibus: factio, & occupatione nostrâ; rei nostræ potestate, ac beneficio. Rei nostræ hæc vis est, ut duo nobis tribuat: fœturam, hoc est, quicquid ex ea nascitur, aut provenit; & accessionem, sive quicquid ei accedit, itaut unitum ab ea trahatur: quæ distinctio docendi causa à nobis retinebitur. DD. vulgo utramque illam rei nostræ vim uno accessionis nomine comprehendunt, cujus deinde duo genera faciunt: discretam, puta fœtus animantium; & continuam, veluti alluvionem. Nonnulli, inter quos Cantuincula & Bachovius, etiam ea, quæ rebus nostris accedunt, aut ex iis nascuntur, genere quodam occupationis nobis querri volunt, non equidem verè, sed fictæ & commentitiæ; quasi illa quodammodo à re nostrâ, & per eam à nobis occupentur. Sed nihil opus est commentis, ubi sine illis res æquè intelligi potest. Mirro, quod hæc res etiam ignorantibus nobis acquiruntur, atque adeo invitis. Præsens hic §. ad fœturam pertinet; sequentes aliquot ad accessionem.

Ex animalibus nostris] Leg. 2. l. 6. hoc tit. Item partus editi ab ancillis nostris, §. pen. sup. de jur. pers. In summa quicquid res nostra ex se edit, sive ea mobilis sit, sive solida, id nobis hoc jure acquiritur: quamvis de solo fœtu animalium hic sermo. Et placet hæc statim ipso ortu nobis acquiri, etiam ignorantibus, & tantum non invitis: nimirum vi & potestate rei nostræ, sicut diximus. Planè autem eadem ratione fœtus animalium nostrorum nostri sunt, quæ nostra fiunt quæ in solo nostro nata sunt; nimirum, ut solum ipsum hæc nostra facit, non factio ulla aut plantatio undecumque profecta, l. qui scit. 25. de usur. l. 1. C. de rei vind. ita & animalia & ancillæ nostræ, quia instar soli sunt, ea, quæ conceperunt, nobis pariunt: nec vis maris inspicitur, quæ similis est factio, l. 1. §. 2. de rei vind. l. 7. C. eod. Atque ut fructus à solo nostro separati ideo nostri sunt, & manent, quia cum adhuc solo cohærebant, pars soli intelligebantur, l. 44. de rei vind. ita & fœtus ab animalibus nostris, & partus ab ancillis editi nostri manent, quia antequam edantur, portio sunt viscerum matris, l. 1. §. 2. de ventr. inspic. Adde, quod femina in alendo fœtu omnia confert de suo, quæ & ipsa interim à domino alenda sit. Et si igitur doctissimi. Grot. 2. de jur. bell. c. 8. n. 18. juri naturæ magis convenire putat, ut fœtus communicetur cum domino maris, si is non ignoretur; ego tamen in veterum sententiam concedo ob rationes, quas jam memoravi. VINN. Genuina hujus juris ratio fuit, quod JCTi, sequenti,

quati Stoicos, solum dicerent non animal, sed partem viscerum. Merill. *Observ. Lib. 1. cap. 16.* Quod principium, quamvis hodie deseramus, velideo tamen non sequimur sententiam Grotii, quod solum nullo modo concipi potest, tanquam pars patris. Conf. Pufendorf. *Lib. 4. de I. N. & G. cap. 7. §. 4.* HEIN.

T E X T U S.

De alluvione.

20. *Præterea quod per alluvionem agro tuo flumen adiecit, jure gentium tibi acquiritur. Est autem alluvio incrementum latens. Per alluvionem autem id videtur adiacere, quod ita paulatim adiacitur, ut intelligi non possit, quantum quoque temporis momento adiacitur.*

C O M M E N T A R I U S.

- 1 *Juri alluvionis locum esse in agris arcifiniis, non in agris limitatis, aut certa mensura comprehensis.*
- 2 *Quid de alluvionibus juris sit in his regionibus.*

Potestate rei nostræ etiam ea jure gentium acquirimus, quæ rebus nostris ita accedunt, ut iis cohæreant, atque ab iis trahantur: unde hoc genus acquisitionis accessio appellatur. Accessio hæc contingit, vel facta & opera hominis, de quo genere *inf. §. si tamen 26. & multis seqq. eod.* vel citra eam, naturali operatione & beneficio fluminis. Atque hoc modo quatuor rerum generatim nobis acquiruntur; quæ latenter per alluvionem à flumine agris nostris adiacuntur; quæ aperta vi fluminis de alieno avulsa cum prædio nostro unita sunt; insula in flumine nata; alveus à flumine relictus; quæ & totidem §§. ordine explicantur ex *Cajo l. 7. §. præterea. 1. & seqq. eod.* & primum quidem genus in textu proposito. In Cod. etiam tit. est *de alluvionib.*

- 1 *Agro tuo*] Arcifinio, scilicet, qui non alium finem ea parte habet quam naturalem, id est, ipsum flumen: nam agros limitatos alluvionem non habere, disertè traditum est *l. in agris 16. eod. & fac. leg. 1. §. si insula 6. de flum.* Quantum autem ex *d. l. 16.* colligere licet, ager limitatus dictus fuit ager ex hostibus captus, & deinde à populo vel Principe privatis ita possidendus datus, ut certis limitibus sive finibus jus possessoris circumscriberetur; ut sciretur, quod extra hosce fines esset, id publicum manere: sive quod accrevisset postea, id populo accrescere, vid. *Don. 4. comment. 27. Giph. ad d. l. 16. Connan. 3. comm. 5.* qui hunc locum præ cæteris illustrat ex *Aggen. & Jul. Frontino de qualis. agror. & controversia limit.* Limitatis agris similes sunt, qui certa mensura comprehenduntur; parique in hac re juris cum limitatis esse debent, ut jus alluvionis non habeant, cum possessores eorum ul-

tra assignatum modum nihil possidere possint, *Connan. d. loc. Grot. 2. de jur. bell. c. 8. n. 12.*

Flumen adiecit] Ad differentiam lacuum & stagnorum, in quibus jus alluvionis non agnoscitur. Etenim ut sola flumina fluxum & motum naturalem habent, quo fit, ut ripas suas & terminos sæpe mutant; ita & sola alluvionem admittunt. Lacus autem & stagna licet interdum crescant & decrescant; tamen quia terminos suos retinent, alluvionem natura non recipiunt, *leg. lacus 12. eod.*

Incrementum latens] Alluvionem dicit esse incrementum latens, cum quid ita paulatim & obscure prædio nostro adiacitur, ut sensu percipi non possit, quantum quoque temporis momento alterius prædio detrahatur, & adiacitur nostro, *ad hunc adiacere dicitur.* Ex quo crescit hujus acquisitionis æquitas: nimirum quod quæ alluvione accedunt, ita lentè & obscure detrahantur, ut intelligi non possit, si forte de his restituendis quæretur, quorum prius fuerit, aut quibus detracta. De alluvionibus ex professo scripserunt *Bart. p. 1. tractat. Tyberiad. & Baptista Aymus* tribus libris. In hac regione quid de alluvionibus juris sit, certa aut generali definitione comprehendere non potest. Principis nomine contenditur, alluviones ut sequelas & appendices fluminum jura esse solius fisci. Alii contra id negant, estque hæc res admodum dubia propter diversitatem consuetudinum & rerum judicatarum. Planè in meridionali parte Hollandiæ nemo pridem repertus est, qui jus alluvionis sibi vindicaret, nisi qui diceret, id à Principe sibi esse concessum, aut agrum assignatum eo jure, quo Princeps eum habebat, id est ad flumen usque: uti olim judicatum est de agris ad Mosam & Isalam sitis, quia & in litteris emancipationum & in libris censualibus semper dicti erant ad flumen pertingere. Illud constat, agros, qui à Principe alicui conceduntur, certa mensura definiti, jus alluvionis non habere, & quod extra eam mensuram alluvione accedit, id acquiri fisco. In Zelandia vasallus de alluvionibus non movetur controversia, ne iis quidem, qui de civilibus tantum judices dant: propterea quod cum jurisdictione simul acceperunt agrorum universitatem, salvo eo, quod privatis competit. Nam quoniam hi agri olim populi aut Principis fuerunt, aut à Principe siccati, vasalli idem juris consequuntur, quod populus aut Princeps habuit, vid. *Gro. 2. manud. 9. & lib. 2. de jur. bell. c. 8. n. 12. & 15. add. Gronov. de legib. abrog. hic.*

T E X T U S.

De vi fluminis.

21. *Quod si vis fluminis de tuo prædio partem aliquam detraxerit, & vicini prædio attulerit, palam est, eam tuam permanere. Planè, si longiore tempore fundo vicini tui haferit; arboreque, quas secum*

traxit, in eum fundum radices egerint; ex eo tempore videntur vicini fundo acquisita esse.

NOTÆ.

21. *Tuam permanere*] leg. 7. §. 1. D. hoc tit. Ratio est; quia manet eadem species, nec tua culpa aut negligentia, sed violentia fluminis avulsa est.

Radices egerint] Quod est argumentum coalitionis. Ceterum etsi nulla arbor in parte detracta fuerit; tamen postquam ea coaluit, & unitatem cum terra nostra fecit, nostra esse incipit, l. 9. §. 2. D. de damn. inf.

COMMENTARIUS.

1 In calce hujus §. pro videntur acquisite, &c. omnino legendum esse numero singulari, videntur acquisite, &c.

2 An postquam pars detracta coaluit, adhuc priori domino supersit actio ad pretium consequendum.

Proponitur hic altera accessionis species, quæ à flumine est, & earum rerum, quæ non latenter, sed vi fluminis aperta alieno prædio detractæ & in vicinum invectæ sunt. Hæc à superiore illa multum differt. Nam si pars terræ integra à vicino agro vi fluminis avulsa sit, & nostro prædio adjecta; ea non statim nobis acquiritur, ut acquiruntur quæ latenter flumen adjicit per alluvionem, sed quamdiu nondum coaluit, & unitatem cum terra mea fecit, manet ejus, cujus ante fuit: quia manet eadem species seu idem individuum, ut loquuntur, aut ut clarius loquar & nostro more, quia cum nondum coaluit, partem prædii mei non facit, ut ei cedere debeat. Ubi verò coaluit, & tamquam trabali clavo agro meo affixa est; jam ut pars fundo meo cedat necesse est, & mihi jure accessionis acquiritur. Hujus igitur acquisitionis flumen ex parte tantum causa est, & remotior: proxima & potissima coalitio.

1 *Videntur vicini fundo acquisite*] Locus mendosus est, & restituendus ex Pand. Florentinis, in quibus legitur numero singulari, *videtur vicini fundo acquisita*. l. 7. §. 2. hoc tit. quam lectionem flagitat ipse contextus, cum si numero plurativo legas, mutetur subiectum quæstionis. Non enim de arboribus cum parte fundi avulsis & translatis quæsitum fuit, sed de parte avulsa dumtaxat, & prædio alieno adjecta: cumque hac avulsione Justinianus & Cujus initio negent, partem illam statim amitti aut acquiri; quis non videt, quod mox subjiciunt de acquisitione, ubi pars detracta cum prædio, cui adjecta est, coaluit, de partis ipsius, non de arborum, si quæ forte simul avulsæ & translatae fuerint, (quamquam & ipsæ jus partis adjectæ sequuntur) acquisitione esse intelligendum? Et quid si nulla arbor in parte detracta fuerit? An dicemus, partem detractam sine arboribus coalescere & uniri cum prædio, *Pinus in Insula*.

cui adjecta est, non posse? An verò coalitionem hanc non mutare causam domini? Quorum alterum manifestè falsum est: alterum falsum esse ex Alseno nos docet Ulp. l. 9. §. 2. de damn. inf. quæ. Mirum est, Cujacium, Hotomannum, Pacium, aliosque, qui hunc locum *ολεσθησάντων*, ut vulgo legitur, legendum etiam contendunt, non considerasse. Igitur ut rem in pauca conferam, portio fundi, ita uti diximus detracta & nostro fundo adjecta, si tamdiu fundo nostro adhæserit, ut coaluerit cum eo, & quod argumentum est coalitionis evidentissimum, arbores, quas forte secum traxit, in fundum nostrum radices egerint; ex eo tempore nobis quæsitæ intelligitur. Alia quæstio est, an post coalitionem adhuc aliqua actio supersit priori domino saltem pretii consequendi gratia, cum iniquum videatur, quemquam locupletari cum alterius damno, quod sine culpa ejus contigerit: ut in proposito, in quo quæritur de parte agri non negligentia possessoris amissa, sed abrepta violentia fluminis, hoc est, vi majore, ne quis possessori obijcere possit, quod ripam suam tueri debuit. In contrarium tamen dici potest, partem abreptam, non statim ut abrepta est, & in fundum meum licet munere quodam fortunæ appulsa, meam fieri; sed post longum demum tempus, postquam tamdiu hæserit, ut jam cum terra mea unita sit; ac proinde ut prior possessor causetur violentiam amnis, obijci tamen ei posse, quod partem avulsam, cum posset, non vindicaverit, sed tamdiu passus sit eam hæreere fundo alieno, ut tandem cum eo coaluerit, & unum facta sit, ut ipse quodammodo eam alienasse videatur, sicut de eo responsum est, qui rem suam patitur usucapi, l. alienationis. 28. de verb. sign. ita ferme & D. Tulden. hic cap. 26. Planè qui factio alieno rem suam hoc jure inviti amiserunt, iis succurri solet, vel utili actione in rem, l. 5. §. 3. de rei vind. l. quæ ratione. 9. §. 2. hoc t. vel quæ actioni in rem subsidaria est, actione in factum, l. in rem 23. §. item quæcumque 5. de rei vind. pretii nimirum consequendi causa. Atque ita propemodum hæc quoque explicaverunt antiqui, teste Jo. Fabro. Glossa in d. l. 5. §. 3. de rei vind. parum sibi constat.

TEXTUS.

De Insula.

22. *Insula, quæ in mari nata est* (quod raro accidit) occupantis sit: nullius enim esse creditur. At insula in flumine nata, (quod frequenter accidit) si quidem mediam partem fluminis tænet, communis est eorum, qui ab utraque parte fluminis prope ripam prædia possident, pro modo scilicet latitudinis cujusque prædii, quæ prope ripam sit. Quod si alteri proximior sit parti, eorum est tantum, qui ab ea parte prope ripam prædia possident. Quod si qua parte divisum sit flumen, deinde infra unitum, agrum alicujus

M in

informam Insula redezerit; ejusdem permagnet is ager, cuius & fuerat.

NOTÆ.

22 *Occupantis fit*] d. l. 7. §. 3. *hoc sit*, juxta regulam *Quod ante nullius est, &c.*

Siquidem mediam partem, &c.] Insula in flumine nata communis est eorum, qui utrinque finitima prædia possident pro cuiusque prædii fronte ac modo, d. l. 7. §. 3. dum ne agri sint limitati, l. 1. §. 6. de flum.

Alteri parti proximior] Si insula cis aut ultra medium annum enata sit, siquidem contra frontem unius prædii, cui propior est, tota acquiritur hujus fundi domino; si ita ut fronti plurimum agrorum sit opposita, communis fit omnium, qui secundum eam ripam, in quantum insula porrigitur, habent, d. l. 7. §. 3. l. 29. l. 30. l. 56. eod.

In formam insula] *Ποταμὸν ὡς ἀπὸ τοῦ ποταμοῦ*. Igitur ager non mutat causam proprietatis circumluvione, d. l. 7. §. 4. l. 30. §. 3. eod. Sed & insula, quæ alveo non cohaeret, huc non pertinet. l. 65. §. 2. eod. ubi in §. ult. *pro si id, lege non si id*, ut præcedentiæ evincunt. V. Accurs. ibid.

COMMENTARIUS.

2 *Cur raro accidat, ut in mari insula nascatur?*

2 *Cur frequenter in flumine?*

3 *Insulam in flumine natam non publicam esse, sed privatam vicinorum possessorum.*

4 *Nec tantum proprietate, sed etiam usu.*

5 *Pro qua parte cuique vicinorum acquiratur.*

6 *Non occupationis, sed accessionis jure acquisitionem defendi.*

7 *Mores hodiernos hic variare.*

Tertium rerum genus, quod jure accessionis acquirimus, est insula in flumine nata vado cohaerens: de qua specie acquisitionis ex professo tractatur hoc §. Adspargitur initio aliquid de acquisitione insulae in mari natæ, uti & apud Cajum. 7. §. 3. eod. unde hic locus sumptus est: sed per occasionem dumtaxat; nec huc pertinet, sed ad primum genus acquisitionis juris gentium, occupationem.

1 *Quod raro accidit*] Partim, ut credibile est, propter nimiam maris altitudinem, partim propter perpetuam æstuum reciprocationem; unde fit, ut nec locus alvei marini facile siccus relinquatur, nec pars alvei extra mare attolli possit: nam si quid accessu attollatur, id recessu iterum deicitur & complanatur, efficitque jugis ista reciprocatio, ut eandem faciem fundus maris semper retineat. Terræ tamen motu interdum insulas in mari repente emergere testatur Plinius, veluti paria secum faciente natura, quæque hauserit hiatus, alio loco reddente: interdum æstem motu recedente mari novas terras in continente nasci, cum idem ille spiritus attollendo potens solo non valet erumpere; lib. 2. cap. 85. & 2. seqq. Grot. flor. spar. hic Fabrot. ad Theoph.

Quod frequenter accidit] Plinius d. cap. 85. scribit, fluminum investu id fieri: nimirum quia flumina fere limosa sunt, & multis plerumque locis vadosa, sæpe accidit, ut limus, quem secum trahunt, & alia limo illita vado hærescant & adglutinentur, quibus paulatim auditis, locus ille alvei tandem supra flumen eminere incipiat. Livius lib. 2. cap. 5. refert, cum Romani mediis caloribus campi Martii segetem messi maturam & cum stramento defectam (quia religiosum erat consumere) in Tiberim tenui tum aqua fluentem effudissent, insulam inde enatam esse firmam templis quoque & porticibus sustinendis. Sed neque constans est fluminis cursus, sicut est maris; neque ut mare fluxum & refluxum habet. Quæ omnia consideravit Pomponius l. 30. §. 2. *hoc sit*, cum scribit insulam in flumine fieri tribus modis; uno, cum agrum, qui alvei non fuit, amnis circumfluit; altero, cum locum aliquem, qui alvei esset, siccum relinquit, & circumfluere coepit; tertio, cum paulatim colluendo locum eminentem supra alveum fecit, eumque alluendo auxit. Ad hæc aliquando evenit quod Paulus notat; l. pen. §. eod. ut ex virgultis aliave qualibet levi materia in superficie fluminis conerescente insula existat, quæ ita sustineatur in flumine, ut solum ejus non tangat.

Si quidem mediam partem, & quæ sequuntur]

Tria fere sunt, quæ de acquisitione insulae in flumine nascetis quæri possunt; cui, quatenus, & quo jure seu qua juris ratione acquiratur. Cæterum sciendum est, non de omni insula, quæ in flumine nata aut à flumine facta sit, hæc quæri: sed de ea dumtaxat, quæ nata aut facta sit in alveo aut ex alveo fluminis. Nam primò causâ proprietatis non mutat is ager, qui cum alvei non esset, ab amne circumfluente, *Ποταμὸν ὡς ἀπὸ τοῦ ποταμοῦ*, in formam insulae redactus esset, d. l. 7. §. 4. d. l. ergo. 30. §. 2. *hoc sit, & hoc §. in fin.* Deinde quæ in flumine nata est sorte ex virgultis aliave materia, quam temere flumina ferunt, ita ut alveo non cohaereat, ea publica est, & ejusdem fere juris, cujus est ipsum flumen, d. l. pen. §. 2. eod. In Artesia non procul a sano S. Audomari lacus est, in quo insula aliquot fluitantes funiculo arboribus alligato, aut contis, quo libeat, impelluntur, attrahunturque, in quibus etiam boves aliæque pecudes pasci possunt. Quales & in Lydia, quas Calaminas vocabant, fuisse Plin. lib. 1. cap. 95. *nat. hist.* memorat. De sola igitur ea insula, quæ alveo fluminis cohaeret, siue lenta colluvione in eo enata sit, siue circumluvione partis, quæ alvei esset facta, quæritur primum, cui ea jure gentium acquiratur. Et ait Justinianus hic post Cajum, d. l. 3. §. 3. eod. eam fieri privatam eorum, qui prope flumen, in quo nata est, prædia possident: quod & Pompon. affirmat, d. l. 30. §. 2. eod. & Vlp. l. 1. §. 1. *insula. 6. de flum.* satisque intelligitur ex his, quæ disputantur à Paulo l. inter. 29. & Proculo, l. insula. 56. *hoc sit.* Cui tamen sententiæ contrarium est, quod apud Labeonem, l. pen. §. ult. eod. vulgo sic legitur: *Si id, quod in publico innatum*

aut inædificatum est, publicum est; insula quoque, quæ in flumine publico nata est, publica esse debet. Sed cum hoc è diametro pugnet cum superioribus locis, adeoque cum iis quoque, quæ ipse Labeo de proprietate insulæ disserit in §. *præced. d. l. pen.* quid dubitamus cum Hotomanno *lib. 1. obs. 13.* asserere, locum istum depravatum esse, & legendum: *Non si id, quod in publico innatum, &c.* ut hic sit sensus; quamvis id, quod in publico nascitur aut ædificatur, publicum fiat; (de ædificio in publico posito id testatur Ulpian. *l. 2. §. si quis. 17. ne quid in loc. publ.* nam ideo solarium ei imponitur) tamen insulam in flumine publico natam publicam non fieri, sed privatam; quod ipse Labeo jam aliquoties ante dixerat. Hotomannum temeritatis arguit Cujac. *14. obs. 11.* Sed ego Accursium etiam invenio testantem, eodem ferme modo legi & in veteribus nonnullis exemplaribus: atque ut hac auctoritate destituamur, non aliam lectionem admittit ratio juris, à qua toto cœlo aberrat Cujac. *d. loc. eumque secutus Pac. cent. 6. quæst. 93.* quamquam uterque de usu tantum Labeonem intelligit; de quo mox. Sunt qui hunc Labeonis locum accipiunt de eo casu, quo prædia prope ripam publica, puta si insula nascatur in Tyberi, eo alvei loco, quo Romanam interfuit. Sed argumentatio Labeonis huiusmodi restrictionem non videtur pati. Planè in agris limitatis huic acquisitioni locus non est, quia nec alluvioni, sed occupantis insula fit, *leg. 1. §. si insula 6. de flum.* Videamus nunc, insula in flumine nata quatenus vicinis possessoribus acquiratur. Et de eo duplex quæstio est; una, utrum proprietate dumtaxat, an vero etiam usu; altera, pro qua parte cuique vicinorum acquiratur, quæ pluribus communiter acquiratur. Ad primam quod atinet, sic omnino habendum, insulam in flumine publico natam, si vicina prædia alluvionis jus habent, non proprietate tantum, verum usu etiam dominis vicinorum prædiorum acquiri, ideoque eos solos sementem in ea facere, arbores plantare, fructus ibi natos percipere posse: nec si quid aliud in ea faciant, aut quid in eam immittant, id in publico ut in ripa fieri intelligi, *d. 6. leg. 1. §. si insula. de flum.* Et verò si usum Insularum publicum esse volumus, inutiles prorsus futura est eorum proprietates, *d. l. pen. §. 1.* neque quisquam est veterum, cui aliud in mentem venerit. Nam quod Paulus Labeonem reprehendit, quod scripserit, in insula fluminis, quæ propria nostra est, nihil esse publici, id non videtur satis bona fide facere: ut alibi nonnumquam, *l. ult. de leg. Rhod. l. ult. de usuc. l. pen. de furt. Pet. Fab. ad l. 145. de reg. jur.* Neque enim Labeo ignoravit, partes insulæ extremas, quæ vicem riparum circumcirca obtinent, usu publicas esse, ut juris est in continente: sed de insula respondit, non considerata insulæ ora extrema. Quid quod Paulus hac ipsa reprehensione tacite fatetur, verum esse quod Labeo dixerat eum trepidum dumtaxat excipit, cujus usum & riparum publicum esse dicit, videlicet ut na-

ves eò appellere, retia ibi siccare, funes arboribus ibi natis religare, aliaque id genus facere sicut in ora continentis, cuique liceat? quod Labeo non negaverat. Alterum, quod hic quæritur, est, pro qua parte insula vicinorum fiat. Et siquidem in medio fluminis alveo enata sit, communis sit eorum, qui prope utramque ripam possident: sin eis, aut ultra medium amnem, siquidem contra frontem unius prædii, cui propior est, tota acquiratur huius prædii domino; sin ita ut fronti plurium agrorum sit opposita, communis sit omnium, qui secundum eam ripam, in quantum insula porrigitur, habent, *hoc §. & d. l. 7. §. 3. eod.* Communem autem fieri insulam cum dicimus, non intelligimus, eam communem fieri pro indiviso, uti solemus, cum proprie loquimur, *l. 5. de stip. ser. l. 5. §. ult. de reb. cor. qui sub tus.* sed regionibus divisis pro fronte, hoc est, latitudine cuiusque fundi, quæ prope ripam sit; ut tantum quisque in ea habeat certis regionibus, quantum ante cuiusque eorum ripam esse, linea in directum per insulam transducta apparebit, *l. inter eos. 29. hoc tit.* Et quia frontem, non interiorem latitudinem, hic spectari placet, rectè respondit Pompon. *d. leg. ergo 30. pr. hoc tit.* Si interiorem partem fundi, ad cuius frontem insula, quæ accrevit, non respicit, vendidero, nihil ex ea insula pertinere ad emptorem: nimirum quia nec ab initio quicquam ejus futurum fuerat, si jam tum, cum insula nasceretur, partis venditæ dominus fuisset. Enim verò, quod insulæ meæ postea accedit, id incrementi, etiam si faciem insulæ mutet, meum tamen est, quia rei meæ accedit; ut ecce, insula contra frontem agri mei enata est, cujus latitudo non excedit regionem prædii mei, postea alluvione paulatim aucta processit contra frontem superioris & inferioris vicini, vel etiam propior esse coepit adversæ ripæ: quod alluvione postea accessit, id meum est, & ita Proculus respondit, *l. insula. 56. eod.* Similem rationem habent quæ Paulus disputat, *l. pen. §. pen. eod.* & idem Proculus *d. l. insula. 56. §. 1.* Hoc igitur constituto, insulam in flumine natam dominis vicinorum acquiri, restat ut videamus, qua juris ratione iis acquiratur. Nam video esse, qui jure quodam occupationis hoc fieri existimant; quod primi eam occupaturi videantur. Sed hoc nullo modo admitti debet, alioqui eadem ratione dicendum esset, etiam insulam in mari natam eorum fieri, qui prope littus prædia possident, & in flumine natam etiam eorum, qui ad ripam possident agros limitatos; quod utrumque falsum esse constat. Ego non aliam huius acquisitionis rationem esse arbitror, quam quod insula alvei pars sit, alveus pars censeatur vicinorum prædiorum; ac proinde ut alveus totus nudatus vicinis acquiratur, ita & partem ejus nudatam, id est, insulam in eo natam iisdem acquiri, jure scilicet accessionis. Et insulam quidem partem alvei esse constat. At absonum videri potest, quod alveum partem esse dicimus vicinorum prædiorum, cum alveus publicus sit eodem jure, quo ipsum flumen, *l. 1. §. simile. 7. de flum.*

flum. §. seq. inf. hoc tit. ut contra potius dicendum videatur, insulam quoque, quæ alvei pars est, publicam fieri oportere. Sed sciendum est, alveum non simpliciter publicum esse, sed quatenus à flumine tenetur, eoque per flumen populus utitur, nudatum flumine privatum fieri vicinorum: nihil autem interesse, ut Pomponius huic objectioni occurrens responderet, utrum de alvei solo mutato, an de eo, quod superfusum solo & terræ sit, quærat, hoc est, utrum quærat de toto alveo mutato & à flumine relicto, an de insula in alveo nata; quippe sufficere, ea parte, qua insula extitit, alveum à flumine non teneri, d. l. ergo. 30. §. 1. & 2. Neque verò flumen interfluens impedit, quominus insula vicinis ripæ agris per alveum jungatur atque accedat, non magis quàm via publica inter alveum & vicina prædia interjecta impedit, quominus alveus siccatus acquiratur his, qui secundum eam viam possident, l. Attius. 38. eod. Etenim ut via publica pars prædii vicini existimatur, d. l. Attius. 38. in fin. ita & alveus intermedius flumini subiectus. Atque hoc manifestissimum argumentum est, alveum etiam tum, cum adhuc flumine occupatur, partem quadamtenus censeri vicinorum prædiorum. Æquitatem porro hujus acquisitionis augent incommoda vicinorum: nam quantum loci insula occupat; tantum de locis finitimis flumen decerpit, iisque solis detrimento est, in quorum agros cursus ejus depellitur. De insula extat tractatus Bartoli, cujus in dimetiendo errores notarunt Mathematici. Buteo in lib. de fluv. insul. & Maginus 4. misel. 1. add. Czpoll. de serv. rust. præd. ca. 33.

7 Apud nos, quamquam videri poterat, insularum in flumine natarum eadem propemodum ratio esse, quæ est ejus, quod per alluvionem adjicitur; certius tamen hic est jus fisci quàm in alluvione, teste D. Grot. 2. manuduc. c. 9. Nec mirum, cum & alvei exsiccati eadem fere quæ alluvionis ratio sit; quem tamen constat, Principi olim assignatum fuisse, ut pleraque alia *ad flum.*, idemque in Gallia quoque observari, ex Bern. Autom. refert Cliristin. vol. 4. dec. 86. n. 7. In agro tamen Putteno ex veteri consuetudine prædio alluvionem habenti accedit id, quod possessor pedes gladium exsertum tenens pertingere potest. In Geldria moris est, ut vicinis possessoribus acquiratur id, quod plastro onerato adiri potest; addita tamen occupatione: alioqui fiscus prævertere potest, D. Grot. d. loc. VINN. Rationem juris Romani rectissime explicavit Vinnius. Si enim totus alveus derelictus privatorum sit, ut est in §. 23. non poterant non inferre J. Cti, & partem alvei flumine nudatam, id est insulam vicinorum fieri. At si de jure naturali quæstio est, aliter videtur statuendum. Partes enim ex vicinis agris avulsæ, ex quibus insula facta est, sunt nullius, non amplius vicinorum. Quum itaque accedant rei publicæ, id est flumini, insula quoque erat publica. Et ita pronunciari solet in Germania. Si flum. duo territoria separat: servatur definitio juris Romani. Conf. Schilt. 4 §. 19. Exorc. HERN.

TEXTUS.

De Alveo.

23. Quod si naturali alveo in universum derelicto, ad aliam partem fluere ceperit; prior quidem alveus eorum est, qui prope ripam ejus prædia possident, pro modo scilicet latitudinis cujusque agri, quæ prope ripam sit: novus autem alveus juris esse incipit, cujus & ipsum flumen est, id est, publicus. Quod si post aliquod tempus ad priorem alveum reversum fuerit flumen, rursus novus alveus eorum esse incipit, qui prope ripam ejus prædia possident.

NOTÆ.

23. Quod si naturali alveo] Ex diff. l. 7. §. 5. eod. in agris limitatis nec hoc obtinet, l. 1. §. 7. de flum.

Rursus novus alveus] Postulat hoc stricta ratio: sed æquitas sæpe aliud suggerit; & hoc significat Caj. d. l. 7. §. cum ait vix esse, ut hoc obtineat. Obtinet tamen aliquando, quod ex circumstantiis judicandum. V. d. l. 30. §. 3. leg. 38. h. t. l. 23. quib. mod. us. am.

COMMENTARIUS.

- 1 Alveum fluminis extra usum publicum existimari partem vicinorum prædiorum; & ideo siccatum prædiis cedere.
- 2 Si vicini agri limitati sint, primi occupantis alveum desertum fieri.
- 3 Pars alvei siccati quando apud nos privatorum fiat.
- 4 An aliquando priori domino alveus flumine eorum recedente restitendus?

Quarto & postremo eodem jure & ratione proximis possessoribus pro modo latitudinis cujusque prædii, quæ prope ripam sit, adjicitur alveus à flumine relictus: nempe vi & potestate prædiorum, quibus ipsis hæc acquisitio tributa propter vicinitatem & propter prædia, prædiorum dominis. Atque ut hic quoque paucis rationem hujus juris & acquisitionis tibi explicem; dixi paulo ante, alveum fluminis extra usum publicum à veteribus existimatum fuisse partem prædiorum vicinorum, quasi olim iis deductum; argumento esse, quod placet, insulam manente adhuc alveo in flumine natam vicinorum esse: quod profecto non fieret, nisi alveus, cui insula coheret, & ipse vicinorum prædiorum pars intelligeretur: nam prior est alvei ratio quàm Insulæ, quæ conditionem alvei ut pars ejus sequitur. Ad hanc sententiam confirmandam Don. 4. comm. 28. & Bachov. hic asserunt locum Pomponii l. ergo. 30. §. 1. hoc tit. Et sanè quidem rectè; sed non video comparationem illam similitudinem, quæ, quod illi fingunt, Pom-

Pomponius utatur, conferebat alveum cum ripa, aut solum alvei cum ripa solo. Simplex est Pomponii sententia, ripa solum privatum esse; eorum scilicet, qui prope ripam habent proprium: usum autem ejus publicum intelligi: & ideo cum exsiccatum est alveus, proximorum fieri, hoc est, solum ripae etiam usu proximorum esse incipere, quia jam populus eo non utatur, nempe solo ripae, de quo sermo institutus erat. Ceterum ratio hujus consolidationis non magis ad ripam quam ad alveum pertinet. Nam ut usus ripae, licet ea privata & vicini praedii pars sit, publicus est, propterea quod populus flumine uti sine ripa commodum non potest: ita & usus alvei, licet solum ejus privatum intelligatur, & pars praediorum quae ad ripam jacent, publicus est, quia sine alveo populus flumine uti non potest. Rursus ut ripae usus exsiccatum alveo ad proprietatem redit, quia jam populus ripa amplius non utitur: ita & usus alvei, quem flumen abstulit, recedente flumine ad proprietatem, quae penitus ablata non fuit, revertitur, quia jam alveo populus amplius non utitur. Hoc interest, quod proprietatis ripae aliqua potest esse utilitas, alvei, quamdiu à flumine tenetur, planè nulla: quae causa est, quod alveus non secus ac flumen ipsum publicus dicatur, l. 7. §. quod si. §. hoc tit. l. 1. §. simili. 7. de flum. & hoc tex. Juvant ius de hac acquisitione constitutum incommoda fluminum, quae multa & magna accole pati coguntur, inundationes, avulsiones agrorum &c. quae si vitare volent, ripas suas magno sumptu muniant necesse est. Ferant igitur & commoda fluminum, si quae sint, juxta regulam naturalis aequitatis, l. 10. de reg. jur. Ceterum quod in praecedentibus diximus, agros limitatos jus alluvionis non habere, ac proinde nec Insulam prope ripam eorum natam possessoribus jure vicinitatis acquiri, sed fieri occupantis; idem etiam obtinet in alveo relicto, si vicini agri limitati sunt, l. 1. §. simili. 7. de flum. Apud nos, ut jam intelleximus, alveus in totum derelictus fisco acquiritur: ac pars alvei siccata interdum privatis, si videlicet à populo, aut jus populi habentem, agrum ad flumen excurrentem qua talem acceperint.

Novus alveus ejus juris esse incipit, ejus est ipsum flumen. Sicut alveus flumine destitutus privatus sit, ita novus, quem sibi flumen fecit, sit publicus: nam impossibile est, ut alveus fluminis publici non sit publicus, ait Ulp. l. 1. §. simili. 7. de flumin. & l. 7. §. 5. Pertinet huc illud Pomponii in d. l. ergo 30. §. 3. hoc tit. *Flumina*, inquit, censuorum vice funguntur, ut ex privato in publicum adducant, & ex publico in privatum. Cui simile est, quod apud Cassiodorum legimus lib. 3. *variis*. *Agrimensor*, inquit, more vastissimi fluminis aliis spacia tollit, aliis rura concedit. Ita plerumque evenit, ut alios flumen ditet, alios pauperet. Lucanus.

*Illos terra fugit dominos, his rura colonis
Accedunt donante Pado.
Vinnius in Institut.*

Rursus novus alveus Nam ager ille, qui fuerat, debet esse, amissa propria forma: & cum praedii, non personis haec acquisitio tribuitur; non potest esse, qui vicinum praedium nullum habet, ratione vicinitatis quicquam in eo alveo sibi vindicare, d. l. 7. §. quod si tota. §. mod. Atque hoc quidem usque efficit stricta juris gentium ratio: sed vix est, ut id obtineat, inquit Cajus d. loco. Et utique non semper obtinere debet. Saepè enim aequi & boni ratio suadet, ut priori potius domino alveus restituatur, quam adjudicetur vicinis possessoribus. Scholiales Theoph. x. *de legibus* *Διότι τὸν πῶτον, καὶ δὲ φανερὸν ἀγρίων ἐστὶν ὁ ἀνὰ τὴν ἀναμειβόμενον.* De quo haud facile quid certi definiri potest, sed ex circumstantiis judicandum est. Finge, flumen relicto naturali alveo agrum alicujus occupasse (sive paulatim, sive non paulatim, nihil interest) ita ut novum hic sibi alveum quassile videatur; deinde nec ita multo post tempore in veterem locum subito atque eodem impetu, quo pertraxerat, se recepisse; exquisitum est, agrum recessu fluminis restitutum ad pristinum dominum reverti, licet formam agri impetus fluminis abstulerit, d. l. 7. §. quod si. §. in fin. d. l. ergo. 30. §. 3. hoc tit. l. si ager. 23. quibus mod. usufruct. am. quia hujusmodi occupatio non longe abest ab inundatione. At si flumen non eodem impetu, quo venit, discedat, sed lentè & minutatim recedendo, alluvione in pristinum locum redeat, spatium illud alvei, quod siccum post se sensim reliquit, non videtur priori domino restituendum, sed alluvione accrescere proximorum praediorum possessoribus, leg. *Assius*. 38. hoc tit. fac. l. 1. C. de alluv. Atque ob hanc causam arbitror Pomponium in d. l. ergo. 30. §. 3. & d. l. si ager. 23. consulto expressisse haec verba, *eodem impetu*. Bart. tract. de alv. Bald. in rubr. de rer. div. col. 9. Peregrin. 8. de jur. fife. nu. 59. D. Tuld. hic c. 25.

TEXTUS.

De Inundatione.

24. *Alia sane causa est, si cuius totus ager inundatus fuerit; neque enim inundatio fundi speciem commutat, ob id si recesserit aqua, palam est eum fundum ejus manere, cuius & fuit.*

COMMENTARIUS.

1. *Inundatio quid proprie sit, & quae ejus vis?*
2. *Quid circa inundationes apud nos receptum?*

Inundatio proprie est, cum flumen inturbibus vel nivibus, vel aqua alia ratione auctum in vicinos campos ita se effundit, ut nec ripas nec alveum suum mutet, l. 1. §. ripa. §. de flum. Hoc cum fit, ait Justinianus post Cajum, l. 7. §. aliud sane. 6. hoc tit. fundi proprietatem non amitti: & ideo recedente aqua, fundum, qui occupatus fuerat, non adijci vicinis possessoribus, sed ejus manere, cuius ante inundationem fuerat. Et addit hanc

rationem, quia inundatio fundi speciem non commutat, quasi dicat, non ut alveo facta propria formam ager amittit, ita & inundatione: quippe alveum fieri diuturno lapsu fluminis & lenta excavatione agri, ut jam plana ejus facies amplius non appareat: inundatione autem uno subitaneo impetu prædia invadi, atque aqua cooperiri duntaxat, non comminui, dissolvi aut excavari, aut formam amisisse dici possunt, d. l. 1. §. aliter. 9. de flum. Atque ut maximè summa pars agri in arenam dissolvatur, manet tamen solida pars fundi interior: & ut de qualitate aliquid mutet, substantiam non mutat non magis quam pars agri, quæ à lacu hauritur, cujus jus non mutari certum est. Igitur ad inundationes præsertim temporales & anniversarias non pertinet, quod vulgo dici solet, *Occupatum sequitur conditionem occupantis*. Gloss. l. pen. de rer. divis. Non obstat l. si agere. 23. quib. mod. us. am. quia non loquitur de simplici inundatione, cum flumen retento alveo extra ripas se effundit: sed cum deserto alveo toto impetu in agrum alicujus perumpit, quasi novum alveum quærens, hoc casu placet proprietatem agri ita amitti; ut restitatur, si non facto novo alveo flumen se receperit, uti in fin. Sup. §. demonstratum est. Obiter addo, quamvis inundatio causam domini non mutet, possessionem tamen nobis auferre, l. 3. §. Labro 17. l. qui universi. 30. §. 1. de acq. post. itemque ea jura, quæ in facto personæ posita sunt, ut usum & usumfructum, l. usufructus. 24. quib. mod. us. am. sed recedente aqua hæc omnia nobis restitui, d. l. 24. l. 1. §. si quis. 9. de itin. act. priv. De inundationibus, quæ crebræ apud nos sunt, hoc jure in hac regione utimur, ut derelictus habeatur is ager, qui per decem continuos annos meritis fuerit, si non aliqua extent signa continuata possessionis; quod in genere receptum apud nos non immerito est quod Romani rejiciunt, d. l. 21. quib. mod. us. am. Ut si aliter nequeat, vel piscando retineri possessio censeatur. Sed solebant Principes tempus præfigere, intra quod veteres agrorum possessores siccare agros & novo aggere munire deberent: quibus cessantibus, monebantur qui in eos agros jus pignoris habebant, deinde & hi, qui jurisdictionem aut imperium: qui si omnes in mora essent, eorum jus omne ad Principem deferrebat, atque is aut ipse agros siccabat, sui que patrimonii faciebat, aut aliis siccandos muniendosque dabat retenta parte. D. Grot. 2. manud. c. 9. & 2. de jur. bell. §. n. 10. consuls. 10. Bat. part. 2. consil. 26.

T E X T U S.

De Specificatione.

25. Quum ex aliena materia species ali qua facta sit ab aliquo, quæ solet, quis eorum naturali ratione dominus sit; utrum is, qui fecerit, an potius ille, qui materiam dominus fuerit; ut ecce, si quis ex alienis

olis, aut olivis, aut spicis, vinum, aut oleum, aut frumentum fecerit; aut ex alieno auro, vel argenteo, vel ære, vas aliquod fecerit; vel ex aliquo vino & melle mulsum miscuerit; vel ex medicamentis alienis exemplastrum aut collyrium composuerit; vel ex aliena lana vestimentum fecerit; vel ex alienis tabulis navem, vel armarium, vel subsestia fabricaverit. Et post multam Sabinianorum & Proculianorum ambiguitatem placuit media sententia existimantium: si ea species ad priorem & rudem materiam reduci possit; eum videri dominum esse, qui materia dominus fuerit: si non possit reduci; eum potius intelligi dominum, qui fecerit: ut ecce, vas conflatum potest ad rudem materiam æris, vel argenti, vel auri reduci: vinum autem, vel oleum, aut frumentum ad uvas, vel olivas, vel spicas reverti non potest: ac ne mulsum quidem ad vinum & mel resolvipoteest. Quod si partim ex sua materia, partim ex aliena speciem aliquam fecerit quis; veluti ex suo vino & alieno melle mulsum miscuerit; aut ex suis & alienis medicamentis exemplastrum aut collyrium; aut ex sua lana & aliena vestimentum fecerit; dubitandum non est, hoc casu eum esse dominum, qui fecerit: quum non solum operam suam dederit, sed & partem ejusdem materia præstiterit.

N O T A.

25. Media sententia] Causi d. l. 7. §. 7. hoc tit. Callistrati, l. 12. §. 1. Pauli l. 24. & 26. cod. Ulpian. l. 5. §. 1. D. de rei vind. sic & alias Auctores nostri medium sequuntur, l. 3. si pars bar. l. 25. D. de pign. act. §. ult. infr. de vul. subst. imitatione Stolicorum, qui ob id Servio creiscendi *utrum dederit vel non*: VINI: Vide hic omnino Merill. Obs. lib. 1. cap. 6. ex quo posteriorem hanc observationem petiit noster. HEIN.

Ad priorem materiam reduci] Quia tunc materia non interit, sed potenter manet, l. 24. hoc tit. l. 78. §. 4. de legat. 3.

Si non possit reduci] Quia hic materia consumitur atque extinguitur; & locum habet illud, *Dam incipit quod non erat, desinit esse quod fuerat*, l. 9. §. 3. D. ad exhib. l. 26. l. 27. §. 1. hoc tit. Interim & domino materia consultum actione in factum, qua consequatur estimationem, l. 23. §. 5. de rei vind.

Vinum vel oleum] Vinum & oleum sunt novæ species, quæ proprio nomine censentur, nec ad id quod esse desierunt; reduci possunt.

COMMENTARIUS.

1. Etiam hunc acquirendi modum ad occupationem referendum.
2. Speciem novam non acquirit faciens, nisi eam fecerit suo nomine & bona fide.
3. Quibus rationibus moti Proculus & Sabinus diversum senserint.
4. Media sententia auctorum distinctionem optima ratione niti.
5. Vinum & oleum non ita se habere ad uvas & olivas, ut frumentum ad spicas.
6. Etiam in specie facta partim ex materia aliena, partim ex materia facientis, inspiciendum, utrum ad priorem materiam reduci possit, necne.

Exponitur hic alius modus acquirendi jure gentium dominii. Speciei novæ ex aliena materia formatæ, quæ nunc vulgò uno nomine specificatio dicitur. Sunt qui hunc acquirendi modum ad accessionem referunt: sed perperam. Non enim nova illa species vi & potestate rei nostræ nobis acquiritur, cum ex aliena materia fiat, non ignorantibus nobis aut invitis: sed nostro ipsorum facto, qui rem alienam in aliam speciem transformavimus; adeoque inconcinnum est dicere, materiam accedere formæ, quoniam hæc illam, non illa hæc præsupponit.

3. Quapropter hic modus potius occupationis quædam species videri debet; cum id quod factum est, ideo fieri non concedatur, quia ante nullius erat, & tanquam occupanti, qui suo id nominasset. Unique quatenus obtinet sententia Nervæ & Proculi, l. 7. §. cum quis, in pr. hoc tit. l. 30. §. genera. 21. de acq. poss. Nam quatenus Sabinus sententia approbata est, aut ad accessionem res referri potest, aut potius dicendum, nullam tunc fieri novam acquisitionem, cum D. An. Contio 12. disp. 12. Vlt. Omnino specificatio pertinet ad Rationis videbatur ad accessiones, quia forma nova accederet ad materiam; vel contra materia ad formam; saltem quærebatur, forma an materia habenda sit pro principali? Proculus id affirmabat de forma, quæ ut philosophi ajunt, dare rei: Sabinus materiam plus deferbat, ex qua formam educi existimabat. Proculiani itaque Stoicos sequebantur, aut ex Sen. Epist. 98. acute probat Merill. Obs. Lib. 1. cap. 21. Hein.

2. Species aliqua facta sit? Nimirum nova & diversa à priore, ex qua ut ex materia facta sit posterior: nam verbi causa, lana aliena purpura tincta, non est nova species, l. sed si. 6. §. ult. hoc tit. neque etiam nova species existit ex duarum ejusdem generis materialium confusione, §. si duorum 27. inf. cod. Duo autem hic à Justiniano omnia sunt, quæ quo quæritio proponitur melius intelligatur, addenda duximus: unum est, si qui speciem fecit, eam t. e. sit suo nomine; alterum, si eam fecerit donat. Primum disertè expressit Cajus, l. 1. §. cum quis 7. & rationem manifestam hanc habet, quod possessio non acquiratur nisi

volentibus; eorum autem, quæ facta & opera nostra acquiruntur, nihil jure gentium acquiri possit, cujus acquisitio non coeperit à naturali possessione, l. 1. §. 1. de acq. poss. Proinde si alieno nomine species facta proponatur: si ejus non erit, qui materiam dominus fuerat; ejus erit, cujus nomine facta est, l. nisi 25. l. quicquid. 27. §. 1. hoc tit. De bona fide, quod item hic omisium dixi, nihil quidem disertè Cajus: sed id ex eo non obscurè colligitur, quod addit hæc verba suo nomine. Nam qui scit materiam alienam esse, in eadem causa haberi debet, ac si nomine domini materiam speciem fecisset, l. de eo. 12. §. 3. ad exhib. cui etiam operam suam donasse intelligendus est exemplo ejus, qui sciens in alieno solo ædificavit, §. ex diverso 30. inf. cod. fac. l. 4. §. si ex lana 20. de usuc. l. 14. §. ult. cod. de cond. furti. Atque hæc est communis quoque D.D. sententia, à qua cur D. Vvesemb. & Bachovius recesserint, causam non video.

Mulsus [Oĩvμιν, sive μιλξην, sit ex vino veteri, addito pauco melle. Hoc genere potioris usum se Pollio olim jactitabit annum centesimum excessisse. Nam cum à D. Augusto hospite interrogaretur, quam maxime ratione vigorem illum animi corporisque custodisset; respondisse fertur, Intus mulso, foris aleo. Plin. l. 22. nat. hist. cap. 24.

Emplastrum Medicamentum est in massam coactum, quod igni præmollicum vulneri inungitur: ab ἐμπλάστῳ, subigo, versando mollio, in massam formæ. Vid. Corn. Cellum l. 16. §. 2. 27. vulgo nunc unguentum vocant.

Collyrium Genus medicamenti, potissimum oculorum, ὁ ὅτι καλεῖται ὀφθαλμῶν, quod fluxum impedit, & sistat. Apocalyp. cap. 3. vers. 18. Κομῆσαι ὀφθαλμοὺς τοὺς ὀφθαλμοὺς οὗ, ἵνα ἴδῃς. Collyria illine oculis. Horat. 1. serm. satyr. 5.

Hic oculis ego nigra meis collyria lippus Illinere.

Sabinianorum & Proculianorum Fuere etiam olim diversæ & dissidentes Jurisconsultorum familiæ, auctores Attejus Capito & Antistius Labeo: qui primi cum velut diversas sectas fecissent, ille in iis, quæ à majoribus acceperat, perseverando; hic ingenii & doctrinæ fiducia plurima innovando, dissensionem successores eorum auxerunt, dum sui quisque magistri sententiæ tanquam oraculo religiosè adhereret. Capitori successit Massurius Sabinus, Sabino Cassius: Labioni successit Nerva, Nervæ Proculus. Atque inde appellati postea Sabiniani vel Cassiani, & Proculiani, l. 2. §. post hunc. 47. de orig. jur. Vlt. Adde: Proculi successor Pegafus, vir consularis, unde Pegasiani. Opponuntur itaque Proculiani & Sabiniani: Pegasiani & Cassiani. Conf. Gothofred. Manual. jur. cap. 6. p. 27. qui tamen Sabinianos non a Massurio Sabino, sed a Cælio Sabino, qui sub Vespasianis vixit, nomen accepisse statuit, adeo ut ibi invicem opponit Cassianos & Proculianos; Sabinianos & Pegasianos. HEIN.

Idem 26. *hoc tit.* Putat etiam D. Connan. 3. *comm.* 6. partem alteram responsi Miniciani reprehendi à Juliano, rationemque reprehensionis esse in postremis verbis, nam *proprietas totius navis carinae causam sequitur*, id est, eum, ait Connanus, qui navem carinando formavit. Nam carinam non semper infimum navis alveum significare; sed interdum poni pro ipso navis corpore, quod totum carinatum est: hoc est, pro totius navis forma, ut in l. 24. §. ult. de l. 1. arg. l. *proponatur*. 76. de *judic.*

Dubitandum non est *hoc casu &c.*] A comparatione majorum; in scholis dicerent, à minori probabilitate ad probabilitatem majorem; quasi dicat: si species, quam fecimus ex materia, quæ tota aliena est, nostra sit; multo magis nostra fieri debet, si facta sit pro parte etiam ex materia nostra. Est tamen & hic adhibenda superior cautio, si ea res ad priorem materiam reverti non potest: quippe generalis definitio est, ea quæ in sua iniuria redigi possunt, vires materię numquam effugere, l. in omnibus. 24. *hoc tit.* l. *quæritur*. 78. §. 4. de leg. 3. Atque hanc quoque esse mentem Justiniani, exempla proposita declarant. Cujus igitur erit hujusmodi species, si reduci possit? Nimirum suam quisque retinebit, & pro parte sua materiam vindicare poterit, arg. l. 5. §. 1. de rei vind. l. 12. §. 1. l. *quicquid* 27. §. ult. h. t. quæ & communis interpretum sententia est, à qua sine causa recedere mihi videntur Bachov. Borcholt. & D. Tulden. *hic c.* 41. Hos autem jure constituto, ne aut dominus materię, aut is qui materiam mutavit, queri possint; ille ubi materia extincta est, nam alieno sibi facto periisse: hic ubi ea mansit, se perdere operam bona fide impensam: uterque, contra naturam esse, ut quis ex re aliena locupletetur cum alterius detrimento; utrique consilium est illa actione in factum, qua consequatur æstimationem materię suæ; huic exceptione doli mali, qua opposita ei, qui speciem suam vindicabit, servet impensas à se factas, arg. l. in rem. 23. §. si id quod. 4. & seq. de rei vind.

T E X T U S.

De accessione.

26. Si tamen alienam purpuram vestimento suo intexuerit, licet pretiosior sit purpura, tamen accessionis vice cedat vestimento; & qui dominus fuit purpure, adversus eum, qui surripuit, habet furti actionem & conditionem; siue ipse sit, qui vestimentum fecit, siue alius. Nam extincta res licet vindicari non possit; condici tamen à furtivo & quibusque aliis possessoribus possunt.

N O T A.

26. Si alienam purpuram] Similis lectus est apud Paul. l. 26. §. 1. *hoc tit.* Ulp. l. 7. §. 2. D. ad exhib.

C O M M E N T A R I U S.

- 1 Accessionis quæ facta hominis contingit, quæ sint genera, & quæ proposita pertineat.
- 2 Explicatur definitionibus aliquot, qui, cui & quando accessionis vice cedat.
- 3 Quibus rebus differat hoc genus acquisitionis à specificatione.
- 4 Quomodo domino purpure & generaliter partitæ, quæ cessit, consulatur.
- 5 Vulgata hujus §. lectio defensa adversus D. Ant. Contium.

L Ocum hunc video à plerisque in transitu dumtaxat tractatum esse; dignus tamen est, qui propius consideretur & otiose. Et quia ad accessiones pertinet, repetenda animo est memoria eorum, quæ nuper diximus, videlicet quædam rebus nostris accedere beneficio fluminum velut à natura, quædam factis & opera humana. De iis, quæ à fluminibus accedunt, copiose jam tum disputavimus. Accessionis quæ ab hominibus est, docendi gratia, quo res tota perfectius cognoscatur, duo genera nunc facimus; confusionem & conjunctionem. Confusio est, cum dux materię liquidæ inter se & in unum corpus permiscetur, veluti cum vinum cum vino miscetur, argentum cum argento conflatur, de quo §. seq. Conjunctio est, cum res ita junguntur, ut cohereant, disiecta manente earum substantia: siue ita res aliene rebus nostris junctæ cohereant, ut iis quasi basibus innitantur, veluti quæ in solo nostro ædificantur, plantantur, seruntur, in chartis nostris aut tabulis scribuntur aut pinguntur, de quibus omnibus item postea: siue ita, ut sint tamquam additamenta aut ornamenta rei nostræ; ut si pes aut manus jungatur statuae, ansa scypho, gemma includatur auro, emblemata phialis injungantur, l. in rem. 23. §. 2. & §. de vind. l. sed si. 26. §. 1. *hoc tit.* l. 7. §. 2. ad exhib. l. cum aurum. 19. §. perveniamus. 13. de aur. arg. l. eodemque etiam pertinet, quod hic traditur de purpura vestimento intexta, d. leg. 7. §. 2. ad exhib.

Si tamen] Quod conjunctio illa segregativa respiciat, non video, nisi eo referas, quod cum in calce præcedentis §. dixisset, vestimentum quod quis partim ex sua, partim ex aliena materia fecit facientis esse, hoc loco aliquid addere Justinianus voluerit de vestimento, quod quis fecit ex sua quidem materia, eaque sola, sed cui ornando alieni aliquid adjunctum, attextum, aut intertextum est: licet id ad superiores rationes non pertineat. Neque enim purpura (quo exemplo hic imp. utitur) vestimento intexta pars est materię, ex qua vestimentum factum proponitur; sed aliquid, quod vestimento jam factis aut præparato ornatus causa additur atque accedit. Purpuram autem hic accipiemus, aut clavum purpure, aut prætextum, id est, segmentum, fimbriam, laciniam, limbam.

Licet pretiosior sit] Cum enim querimus, quid

quid cui cedat, non pretium spectamus, sed quid cuius rei ornandæ causa adhibeatur, ut accessio cedat principali, *l. cum aurum. 19. §. perveniamus. 13. de aur. argent. leg.* In universum autem sic de hac questione habeto. Quando duæ res, quarum unaquæque per se subsistere potest, ita junctæ sunt, ut cohereant, & unum corpus efficiant propriæ speciei ejusdemque nominis; semper pars inferior cedit præstantiori, ut is naturali ratione totius illius corporis dominus esse intelligatur, cujus & præstantior pars est. Si diversarum junctarum magnitudo est; ex magnitudine unius partis præstantia æstimatur: ut si statua pes aut manus, scypho fundus aut ansa, lecto fulcrum jungatur, *l. sed si. 26. §. 1. hoc tituli. l. 7. §. 2. ad exhib. l. in rem. 23. §. 2. 4. & 5. de rei vind.* adeoque etsi pars minor pretiosior sit, ei tamen cedit, cujus major est species, ut geminæ & margaritæ inclusæ auro, *diff. l. 19. §. 13. de aur. argent. leg.* purpura vestimento intexta; ut hic *& diff. leg. 7. §. 2. ad exhib.* Si eadem magnitudo est; ex pretio: si pretium quoque idem; placet neutrum alteri cedere, sed suam cujusque rem manere, *l. quicquid. 27. §. 2. hoc tit.*

Accessionis vice. Ut pars minor & inferior majori & præstantiori, sicut jam dictum est. Etenim jure speciei totum hoc corpus suum esse dicere non potest dominus majoris partis sive vestimenti, cum is neutram partem nunc primū fecerit, sed factas univerit duntaxat. Ex quo apparet, errare D. Gæd. in *l. 14. de verbor. significat.* qui putat, hæc etiam jure specificationis acquiri: & si, quod Gædæo placet, nova hic species facta intelligi debeat, ea non acquireretur facienti; quoniam partes junctæ separari, & ad id, quod prius fuerant, reverti possunt.

3 *Adversus eum, qui surripuit.* In hoc quoque ab acquisitione speciei factæ differt hæc acquisitio, quod species facta tantum volenti acquiratur, eique, qui eam suo nomine & bona fide fecit: jure accessionis pars juncta etiam ignoranti, etiam ei, qui alieno nomine aut mala fide junxit. Nulla enim in hac acquisitione ratio habetur personæ facientis aut junctæ, sed rerum junctarum duntaxat, quod notandum est contra Vvesembecium & Bachov. qui utriusque acquisitionis eandem esse actionem arbitrantur.

Sive ipse sit, qui vestimentum fecit, sive alius. Geminus à Justiniano casus proponitur; unus est, quod is, qui purpuram surripuit, ipse vestimentum fecit; alter, quo alius fecit, ad quem purpura surrepta postea pervenit. Et ait, dominum purpuræ adversus eum, qui surripuit, habere actionem furti & conditionem: ubi conditionem procul dubio intelligit furtivam, ut rectè Glossa notat: nam quod hæc conditio soli dicitur domino dari, *l. 1. de cond. furt. l. 14. §. qualis. 16.*

de furt. §. ultim. infr. de oblig. quæ ex del. hoc non ed pertinet, ut is, cui semel questita est, eam re perempta sine facto suo amittat: sed ut hinc excludantur ii, quorum periculo res alienæ sunt, quibus etsi furti actio, conditio tamen non competit, *diff. l. 14. §. 16.* Ut autem in universum intelligas, quomodo domino purpuræ, & generaliter parti quæ cessit, consulatur, sic mecum distinguo. Aut alienam purpuram vestimento suo quis intexit, aut suam vestimento alieno. Item aut bona fide id fecit, aut mala. Si alienam & bona fide, est adversus eum actio ad exhibendum, ut purpura separaretur, & tunc vindicaretur, *l. 7. §. 2. ad exhib. l. in rem. 23. §. 3. de rei vind.* Videndum tamen, an non audiri debeat bonæ fidei possessor pretium purpuræ offerens: maxime si ea sine manifesto ejus damno separari non possit. Illud questum est, an etiam bonæ fidei possessori purpura condici possit. Et puto posse, cum Barone & Vvesembecio, arg. ejus, quod in fine hujus §. dicitur, res extinctas à quibusvis possessoribus condici posse, & §. *nunc admonendi. 2. infr. quib. al. lic.* & nimirum conditione sine causa: nam etsi jure gentium propter accessionem dominus purpuræ factus sit, nulla tamen causa est, cur pretium lucretur, & cum aliena jactura locupletior fiat. Si mala fide intexit, datur adversus eum actio furti & conditio furtiva, hoc text. datur & ad exhibendum actio & vindicatio, tamquam adversus eum, qui dolo malo possidere desit, arg. *l. 1. in fin. l. 2. de sign. junct. l. fin. autem. 27. §. 3. l. qui pectore. 36. in pr. de rei vind. l. qui dolo. 111. de reg. jur.* Si quis autem suam purpuram intexit vestimento alieno, siquidem bona fide, potest & possidens vestimentum retinere, donec de purpura & sumptibus ei satisfiat, & omnia possessione ad exhibendum agere, ut purpura separaretur & vindicaretur, *d. leg. 23. §. 4. & diff. de rei vind.* Si mala fide, videndum, num dici possit, voluntate sua proprietatem rei amisisse, arg. §. *ex diverso. 30. infr. hoc tit.* Quæ de purpura diximus, eadem fere & in cæteris, quæ rebus nostris explendis aut ornandis similiter junguntur, locum habent, *l. 6. l. 7. §. 2. ad exhib. exceptis.* quæ junctæ sunt ferruminatione, quæ ne separata quidem vindicari possunt: ideoque eo casu in factum actio domino partis quæ accessit, necessaria, *d. leg. 23. §. item quæcumque. 5. de rei vind.* VINN. Subtiliter distinguit Paullus in *l. 23.* inter adserruminationem & adplumbaturam. Sed hanc distinctionem admisisse haud videtur Ulpianus, *l. 7. §. 2. ff. ad exhib.* Quin Pomponius in *l. 27. pr. ff. de acqu. rer. dom.* nec in adplumbatura, nec in adserruminatione concedere videtur vindicationem materiæ. Sic diversa principia sequuti videntur veteres, pro sua quisque secta, cui hærebant. Quodnam

nam momentum hujus questionis sit in pra-
xi, diximus jam ad §. antecedentem, verb.
media sententia. HEIN.

Nam extincta res] Licet purpura attexta
vestimento integra maneat, pro extincta ta-
men, quia vestimento cedit, habetur: sicut
gemma inclusa auro, aliaque, quæ res no-
stræ ad se per prævalentiam trahunt, salva eo-
rum substantia, *dist. l. 6. ad exhib. d. l. 23.*
§. 1. & 5. de rei vind. Unde Theophilus,
Δικ. inquit, ὁ ἀποκτείνων τὴν τοῦ ἀντιπρόσδου,
ὡς μὴ ἢ αὐτὸν καὶ τὸν αὐτοῦ, ἀλλ' ἵτις ἐστὶν
εὐνοῦσθαι.

Licet vindicari non possint] Directo; am-
issa videlicet earum proprietate, & nimirum
quamdiu coherent: nam quod de gemma in-
clusa annulo alieno responsum est, eam vin-
dicari non posse, sed posse agi ad exhiben-
dum, ut excludatur, & exclusa vindicetur,
l. 6. ad exhib. id locum habet in omnibus,
quæ similiter rebus nostris juncta accessionis
loco cedunt, *d. l. 23. §. 5. de rei vind.* Ten-
tari etiã potest, quod modò diximus, ad-
versus eum, qui mala fide junxit, utilem quo-
que in rem actionem esse, non tamquam ad-
versus eum, qui possideat, sed qui dolo malo
possidere desierit.

Et quibusque aliis possessoribus] A furibus et-
iam conditione furiva; ab aliis conditione
sine causa aut generali illa triticiaria, *l. 1. a.*
de condit. instic. Semper enim, ut diximus,
bonum & æquum est, pretium mihi restitui
ejus rei, quæ hoc jure ad alium sine facto meo
pervenit, & est arg. in *leg. 11. §. ult. l. si &*
me Titium. 32. de reb. cred. Ant. Contius ex
manu scriptis restituit: *Et quibusdam aliis pos-*
sefforibus: ut sit sensus: non tantum furibus
res consumptas condici posse, sed aliis etiam
possessoribus, qui furibus sunt similes, nimi-
rum iis etiam, qui rem mala fide possidebant
cum eam consumerent. At hi revera etiam fu-
res sunt, *§. furiva. 2. inf. de usuc.* Quamob-
rem de latione vulgata, quæ etiam Theo-
phili est, nihil mutandum censeo, quamvis
Contium sequatur Pacius in analysi sua pu-
tans, conditionem contra eos, qui bona fide
rem consumpserunt, non dari. Obiter & Theo-
phili error notandus, qui scribit, conditio-
nem furti etiam in eos dari, qui fures non
sunt, quod est *ἀδύνατον*, & miror à Fabrot. non
animadvertum.

T E X T U S.

De confusione.

27. Si duorum materia voluntate domi-
norum confusa sint, totum id corpus, quod
ex confusione fit, utriusque commune est:
veluti si qui vina sua confuderint, aut
massas argenti vel auri confuaverint. Sed
& si diverse materie sint, & id pro-

pria species facta sit, forte ex vino &
melle mulsam, aut ex auro & argento
electrum, idem juris est. Nam & hoc ca-
su communem esse speciem non dubitatur.
Quod si fortuito & non voluntate domi-
norum confusa fuerint vel ejusdem generis ma-
teria vel diversa, idem juris esse placuit.

C O M M E N T A R I U S.

- 1 Inter confundere & miscere quæ sit differen-
tia, cum signatè loquimur?
- 2 De effectu confusionis, & quantum rerum quo-
modo facta confusio communionem pariat?
- 3 Confusionem factam voluntate dominorum,
& propriè huc non pertinere.
- 4 In confusione fortuitas materias confusas commu-
nicari, si e ejusdem generis sint, sive diverse,
extra quam si deduci possint, & n. 6.
- 5 Quid juris, si unus è dominis confuderit al-
tero ignorante, aut tertius aliquis?

DUobus modis hominum facto per acces-
sionem rei alienæ ad res nostras nobis ac-
quiritur, conjunctione, & confusione. Con-
junctionis species est purpura vestimento at-
texta, ut diximus §. præc. De confusione dis-
putatur hoc loco: quæ quid sit primò viden-
dum; deinde quam vim ad acquirendum, &
unde habeat. Verba hæc confundere & misce-
re aut commiscere vi sua generalia sunt, de-
que omnibus in *ἁπλῶς* dicuntur, quæ quo-
vis modo permiscuntur; ut videre est etiam
apud nostros, *l. 7. §. voluntas 8. hoc tit. l. 3.*
§. ult. l. 5. pr. de rei vind. Caterum cum si-
gnatè & distinctè loqui volumus, confusio-
nem appellamus *μὴν ἐκπῶρ*, cum corpora li-
quida aut liquefacta invicem miscuntur; com-
mixtionem, *μὴν ἐκπῶρ*, cum sicca & solida,
quæ & discretæ maneant: quam nominum di-
stinctionem peperit diversi juris, quod in his
obtinet, ratio. Confundi igitur propriè res
dicuntur, quæ ita permiscuntur, ut una in-
grediatur alteram, & vicissim alterius partem
in se recipiat; veluti cum vinum cum vino
miscetur, aurum cum auro conflatur. Esse-
tus confusionis hic est, ut utrique domino
pars alienæ rei vice mutua acquiratur, idque
vi & potestàte rei cujusque, cogente natura
rem unam mutuo trahere alteram; unde ex-
istit totius corporis, quod ex confusione fit,
communio. Caterum neque quarumvis rerum
confusio communionem parit, neque facta quo-
vis modo. Summam tibi ecce. Omnis con-
fusio fit aut voluntate dominorum, aut citra
eam: & citra eam aut casu, (quæ tamen &
ipsa non sine facto hominum contingit; eo-
rum scilicet qui res in propinquò posuerunt)
aut voluntate unius tantum, sive etiam tertii
alicujus, puta Titii. Res, quæ confundun-
tur, aut sunt unius generis, aut diversorum.
Item aut tales sunt, quæ confuse separari
non

non possunt, aut quæ possunt separari. Nunc sic habet. Voluntate dominorum facta confusio sine ulla rerum distinctione communionem facit. Casu facta non, aliter, quam si res diduci non possunt. Facta unius voluntate tantum, aut a Titio, si materiae unius generis confusæ sint; quoniam nec diduci possunt, nec novam speciem constituunt. Jam videamus quid Imperator dicat, & singula consideremus accuratius.

Voluntate dominorum] Hæc species propriè huc non pertinet. Neque enim communionem hic inducit rerum confusio, sed mutua dominorum voluntas res suas confundendo tacitè communicantium, argumento est, quod etsi duo frumenta sua miscuissent, idem tamen juris, licet in dissimili genere mixtionis foret, §. seq.

Periurque commune est] Pro rata scilicet ejus materiae, quæ cujusque ante confusionem fuit, l. 3. §. ultim. de rei vind. Res autem communis propriè dicitur, quæ duorum aut plurium est, non quasi tota singulorum, (neque enim duorum in solidum res una esse potest, l. 5. §. ultim. commod.) sed singulorum pro partibus, iisque indivisis, l. 5. de ship. serv. l. 5. §. ultim. de reb. cor. qui sub sur. Itaque quæ partes ante confusionem singulorum erant separatim, post confusionem singulorum esse incipiunt conjunctim, ut jam intellectu magis quam corpore partes habeant, dist. l. 5. de ship. serv. nec possit amplius unus, quod suum fuit, ante confusionem separatim vindicare, sed partem duntaxat pro indiviso, puta dimidiam aut tertiam: sive, quod eodem recidit: agere communi dividundo, ut res dividatur, & pars rei divisæ dimidia aut tertia pro rata ponderis, quod contulit, restitatur: in quo & pretii rationem judex habebit, si unus pars pretiosior fuit, dist. l. 3. §. ultim. l. 4. l. 5. de rei vind. Et si forte res dividi commodè non possit, uni totam adjudicabit, eumque vicissim alteri condemnabit in certam summam pecuniæ, §. eodem §. infr. de offic. judic.

Sed etsi diversæ materiae sint &c.] Nihil refert, ejusdem generis materiae voluntate dominorum confusæ sint, an diversi. Nam & nova species, quæ naturaliter ex confusione diversarum materialium existit, veluti ex vino & melle confuso mulsum, ex massis auri & argenti confatis electrum; eorum communis sit necesse est, quorum consensu & voluntate materiae confusæ sunt, & vice mutua quod inde existit communicatum. Ex quo etiam efficitur, ut nihil intersit, materiae separari, & species facta in sua initia reduci possit, an non possit: quæ differentia spectatur, cum jure specificationis aliquid alicui acquiri volumus.

Electrum] Plinio est aurum, cujus quinta

portio argentum est. Secundas post aurum attribuit Homerus. 4. Odyss. ubi regiam Menelai laudantem introducit Telémachum à splendore primum auri, deinde electri: vers. 73.

Ἐπεὶ τ' ἀλάτῃ τε, ἃ ἀργύρῳ, ἰδ' ἐλέφαντι.

Vid. Plin. lib. 33. nat. hist. cap. 4. Strabon. lib. 30.

Quod si fortuito] Hæc confusionis species propria est hujus loci. Ait, in fortuita confusione idem juris esse, quod foret, si materiae dominorum voluntate confusæ essent: nimirum etiam totum id corpus, quod ex duorum materiis casu confusis existit, commune esse eorum, quorum materiae confusæ sunt; nec referre, ejusdem generis materiae sint, an diversæ, & ob id propria species facta sit: nam quod casu factum est, neminem sibi vindicare posse jure specificationis. Hoc item & Cajus d. l. 7. §. sed etsi 9. hoc tit. Observandum autem est, & hic, & apud Cajum exempla proponi earum duntaxat rerum, quæ confusæ diduci & separari non possunt, quippe quas communes facit ipsa necessitas & vis naturæ superior: nam confusio hæc eo rem deducit, ut unaquæque materia alteram in sese per omnia confusam & indiscretam habeat; unde evenit, ut vel minima pars unius partem alterius sibi habeat adjunctam, quam & necessario ad se trahat: atque hinc communitio. Quod si materiae, quæ forte confusæ, separari possunt, veluti si plumbum cum argento mixtum sit; nulla necessitas intervenit, ob quam fiat, ut una res alteram mutuo ad se trahat, sed cum ab artificibus separari possint, separabuntur: estque in eam rem non ut superiore casu, actio communis dividundo, sed ad exhibendum & in rem, l. 5. §. 1. de rei vind. & arg. l. lacus 12. §. 1. prim. hoc tit. Sed quid si non casu, nec tamen voluntate dominorum confusio facta sit, puta à Titio, vel ab uno ex dominis altero ignorante? quæ species hic omiffa. Et siquidem, verbi causa, Titius vinum Mævii cum suo confuderit, aut cum vino Sempronii. aliasve ejusdem generis materias miscuerit; adhuc probandum est, corpus, quod ex ea confusione sit, Titii & Mævii, aut Mævii & Sempronii commune esse: quia pristinam speciem continet, & res alium exitum naturaliter reperire non potest. Quod si diversi generis sint, quia hinc novi corporis species existit; ea tota Titii erit jure specificationis, si ad initia sua reduci non potest: si potest, suum cujusque manebit, dist. l. 5. §. 1. de rei vind. dist. l. lacus. 12. §. 1. hoc tit. vid. sup. §. cum ex aliena. 25. cod.

Idem juris esse placuit] Paraphrastes vertit negativè; ἢ τὸ αὐτὸ ἴσχυται. Et sanè non est idem juris per omnia: nam si materia casu confusæ separari possunt, nulla earum communio est, sicut jam diximus. Arbitror tamen

tamen contra Hotomannum, eodem modo hic legendum, quo legitur apud Cajum *diff. l. 7. §. sed & si. 9.* unde hæc descripta sunt nimirum affirmative, & utrumque locum ex aliis cum Accursio sic temperandum, si tales materiæ fortuito confusæ sint, quæ diduci non possint; cujus etiam generis exempla, nec alia à Justiniano & Cajo proposita sunt. Sed & Harmenopulus *lib. 2. tit. 1. dei rei* *εἰ ἀπορροαὶ ὅλως γινώσκων εἰδῶν*, affirmative legit, τὸ αὐτὸ ἡρώδης. VINN. Sed tamen, si facta confusione, species emerferit nullius usus v. g. si vinum & cervisia confusa sint, vix dubitandum, quin in foro confundens solus damnum sentire, alterique non partem novi istius liquoris, sed pretium rei suæ reddere veneatur. HBIN.

T E X T U S.

De commixtione.

28. *Quod si frumentum Titii frumento tuo mixtum fuerit, siquidem voluntate vestra, commune est: quia singula corpora, id est, singula grana, quæ cujusque propria fuerunt, consensu vestro communicata sunt. Quod si casu id mixtum fuerit, vel Titius id miscuerit sine tua voluntate, non videtur commune esse: quia singula corpora in sua substantia durant. Sed nec magis istis casibus commune sit frumentum, quam grex intelligitur esse communis, si pecora Titii tuis pecoribus mixta fuerint. Sed si ab alterutro vestrum totum id frumentum retineatur, in rem quidem actio pro modo frumenti cujusque competit: arbitrio autem iudicis continetur, ut ipse aestimet, quale cujusque frumentum fuerit.*

N O T Æ.

28. *Non magis istis casibus*] A simili, ubi tamen illud dissimile, quod pecora mixta facilius discerni possunt, quam grana, & ob id etiam singula vindicari, l. 23. §. 5. *vers. at in his. D. de rei vind.*

Quale cujusque frumentum] Vi igitur ipsa non alia hic sententia & restitutio, quam si frumentum verè commune esset, l. 3. §. ult. l. 4. *de rei vind.*

C O M M E N T A R I U S.

- 1 Commixtionem propriè dictam ad disputationem propositam non pertinere.
- 2 Responsum Iavolenti in l. 78. *de solut.* cum hoc textu conciliatum.
- 3 Comparatio mixtionis pecorum & frumentorum explicata.

Nihil est in hoc §. quod ad institutam, de accessione disputationem pertineat. Agitur de commixtione. Commixtio propriè est, cum corpora quæ miscentur, discreta manent, & suam singula speciem retinent, velut si frumentum cum frumento, nummi cum nummis, pecora cum pecoribus inter se miscantur. Hujus, inquam, commixtionis numquam ea vis est, ut peream potestate rei nostræ aliena nobis acquirantur, siue difficilis sit corporum mixtorum separatio, siue non sit: cum neutro modo fiat, ut aliquid sit in meo aut alieno, quod alterum ad se naturæ necessitate trahat.

Consensu vestro communicata] Quando duorum res voluntate dominorum commiscantur, communicantur illæ quidem sic, ut utrique domino pars alienæ rei vice mutua acquiratur: cæterum hoc non efficit commixtio aut accessio, sed tacita voluntas dominorum mutua traditione species suas communicantium, hoc text. d. l. 7. §. voluntas. 8. *ead. l. 5. de rei vind. l. 4. pro soc.*

Quia singula corpora in sua substantia durant] Hoc est, natura & essentia sua separata & discreta manent: ut proinde dici non possit, esse quicquam in hoc acervo Titii, quod tuum ad se trahere debeat, aut in totum, aut pro parte; aut quicquam esse tuum, quod debeat ad se trahere, quod Titii est. At sine horum alterutro nihil vestrum commune fieri potest in acervo frumenti casu aut sine voluntate unius vestrum commixti. Objici huic loco solet, quod Javolenus ex Cajo refert, nummos alienos in solutum datos creditoris accipientis fieri, si is eos ita miscuerit suis, ut discerni non possint, l. si alieni. 78. *de solut.* An dicemus idem esse in frumento, quod quis ex simili causa acceptum bona fide cum suo miscuit? At refragatur generalis definitio hujus loci, cum etiam ratio subjecta, & comparatio frumenti mixti & pecorum. Plerique putant, inter nummos & frumentum hoc interesse, quod nummi ita commixti, ut discerni non possint, pro consumptis habendi sint, frumentum non ante quam farina ex eo confecta sit: quippe rerum, quæ usu consumuntur, consumptionem æstimari ex consumptione ipsorum corporum: pecuniam autem numeratam intelligi consumi plerumque salvis nummorum corporibus, §. constituitur. 2. *inf. de usus.* Notum verò esse, consumptionem nummorum in creditum vel in solutum datorum causam dominii mutari, l. 13. l. non omnis. 19. §. 1. *in fin. de reb. cred.* Ita prope modum Accurs. quem sequitur communis DD. schola add. D. Cujac. 13. *observ. 28.*

Quam grex intelligitur esse communis] Exemplo pecorum alienorum gregi meo mixtorum docet, frumenta quoque sine voluntate dominorum mixta sua cujusque manere, neque in acervo facto quicquam esse commune: quippe eandem rationem esse singulorum granorum in acervo, quæ

quæ est singulorum pecorum in greges, utrumque esse corpus, non *divisum*, aut *commixtum*, sed *divisum*, cuius partes non cohereant, aut uno spiritu contineantur, sed quæ singulæ essentia sua maneant distinctæ, propriamque suam speciem retineant; ac proinde rationem juris non pati, ut hic magis quàm illic dominia confundantur, arg. l. *rerum mixtura*. 30. de usuc. junct. l. *in rem*. 23. §. 5. *vers. at in his. de rei vind.* Ceterum comparatio hæc illud habet dissimile, quod pecora aliena meis pecoribus mixta facile decerni possunt, & ob id singula vindicari, d. *vers. at in his*. grana autem commixta non item. Qua ratione putarem, ne voluntaria quidem pecorum mixtione gregem communem fieri, nisi id expressè actum proponatur.

In rem actio pro modo frumenti] Ubi res communis non est, cessat communi dividendo iudicium, l. 1. *com. div.* sicut in proposito. Ceterum nec grana ipsa, quæ cuiusque ante commixtionem fuerunt, vindicari poterunt, quia discerni & designari nequeunt: nec pars acervi; quod non licet nisi in acervo communi, sed quantum in acervo cuiusque fuit, atque etiam nunc est, l. 5. *pr. de rei vind.* Nec refragatur actionis in rem natura, quæ exigit, ut res, quæ petitur, designetur, l. 6. d. *tit.* Satis enim designari videntur grana petita hoc ipso, quod designantur certo loco atque acervo contenta & circumscripta. Tantum laborabitur in exitu iudicii & restitutionis.

Quale cuiusque frumentum] Igitur si unius frumentum fuerit pretiosius, officio iudicis continebitur, ut ejus quoque ratio habeatur, & hoc amplius ferat is, cuius frumentum pretiosius fuit, vel ex acervo, vel certæ pecuniæ adjudicatione; ut sic omni ex parte utrique satisfiat, arg. l. 4. *de rei vind.* §. *eadem* 5. *inf. de off. jud.* In summa, vi & effectus hic non alia iudicis sententia est & restitutio, quàm si acervus verè communis esset, l. 3. §. *ult. d. tit. de rei vind.* Quæ de confusione & commixtione diximus, ea hodieque omnia observantur.

TEXTUS.

De his quæ solo cedunt. De ædificatione in suo solo ex aliena materia.

29. Cum in suo solo aliquis ex aliena materia ædificaverit, ipse intelligitur dominus ædificii: quia omne quod solo inædificatur, solo cedit. Nec tamen ideo is, qui materia dominus fuerat, desinit dominus ejus esse: sed tantisper neque vindicare eam potest, neque ad exhibendum de ea re agere propter legem duodecim tabularum, quæ cavetur, ne quis tignum alienum ædibus suis junctum eximere cogatur, sed duplum pro

eo præstat per actionem, quæ vocatur De tigno juncto. Appellatione autem tigni omnis materia significatur, ex qua ædificia fiunt. Quod ideo provisum est, ne ædificia rescindi necesse sit, Quod si aliqua ex causa dirutum sit ædificium, poterit materiae dominus, si non fuerit duplum jam consequutus, tunc eam vindicare, & ad exhibendum de ea re agere.

NOTÆ.

29. Nec tamen, &c. desinit dominus esse] Ergo hoc casu qui ædificavit, dominus est ædificii, alius dominus materiae, ex qua constat, l. 7. §. 2. D. *de re jud. fac. l. 23. §. ult. D. de rei vind. leg. 13. de usuc.*

Neque ad exhibendum] d. l. 23. §. *pen. l. 6. D. ad exhib. l. 1. de tigno. junct.* nisi adversus malæ fidei ædificatorem, d. l. 23. §. *pen.* tamquam qui dolo malo fecerit quo minus possideat, d. l. 1. & l. 2. *de tigno. junct.*

Eximere cogatur] Ne scilicet ædificia rescindi necesse sit, ut mox sequitur. Potest igitur dupli præstatio evitari, si quis tignum eximere malit, & domino restituere; neque enim id facere prohibetur, dum ne ruina ædium deformetur publicus urbis aspectus, l. 2. C. *de ædific. priv.* Eadem lege prohibetur solutio tigni alienis vineis juncti, ne scilicet turbetur cultura vinearum, d. l. 1. *de tigno. junct.*

Si non fuerit duplum consecutus] In casu malæ fidei etiam consecutus fuerit. Nam qui sciens junxit, non liberatur præstatione dupli, sed est adversus eum extrinsecus adhuc rei vindicatio, l. 2. *de tigno. junct.* Penaliter enim eo casu hæc actio est.

COMMENTARIUS.

- 1 Non continuo eum, qui ædium dominus sit, dominum esse & singulorum signorum.
- 2 Actionem de signo juncto dari etiam in duplum adversus eum, qui bona fide junxit.
- 3 Præstationem dupli evitari posse tigni exemptione & restitutione.
- 4 Actionem de signo juncto, apud nos exolevisse.

Diximus non ita pridem, duobus modis contingere, ut res alienæ rebus nostris factis hominum accedentes nobis adjiciantur, confusione, de qua proximè loquuti sumus, & conjunctione. Conjunctionem appellamus, cum dux res ita junguntur, ut cohereant, & unum corpus constituent, integra manente rerum substantia. Duo quoque genera hujus conjunctionis fecimus: unum earum rerum, quæ junctæ nihil amplius habent quàm additamentum & expletionem ejusdem corporis, de quo genere dictum sub §. *si tamen*. 26. *sup.* alterum earum, quæ sic aliis junguntur, ut in eis tanquam in subiecto consistant,

ac sine his esse non possint; cujusmodi sunt hæc quinque, quæ nunc porro singula exequemur, in solo ædificata, plantata, sata, scripta in chartis aut membranis, picta in tabulis.

Quia omne, quod solo inædificatur, solo cedit] In conjunctione rerum, de qua agimus, uti naturali ratione præstantior existimanda est ea res, quæ per se consistere potest; inferior, quæ imponitur, & sine illa consistere non potest; ita & eadem ratione fit, ut hæc ab illa per prævalentiam trahatur, illique ut præstantior cedat: ac proinde utriusque dominus efficiatur, qui dominus fuerat præstantioris, *l. in rem. 23. §. 3. & 4. de rei vind.* Hæc ratio generalis est ad omnes species hujus conjunctionis pertinens. Ait, *omne, quod solo inædificatur*. Hæc prima species est hujus accessionis, atque de ea ita jus est. Omne ædificium, quamvis ex aliena materia, solo impositum, solo cedit, *d. l. 7. §. cum in suo. 10. hoc tit. d. l. in rem 23. §. pen. & ult. de rei vind. l. 2. de superfl. l. qui domum. 50. ad leg. Aquil. l. 2. C. de rei vind.* Idque siue dominus soli ex aliena materia ædificaverit in suo, siue è converso dominus materiæ ædificaverit in solo alieno, *d. l. 7. §. ex diverso. 12. hoc tit. & §. seq. eod.* Solo autem impositum accipi oportet etiam id, quod verbi causa supra parietem meum ædificatum est, *l. si supra. 28. hoc tit.* Cæterum ut rationi hujus juris locus sit, necesse est, ut id quod ædificatum est, solo cohereat. Nam si Titius exempli gratia horreum frumentarium ex tabulis ligneis factum mobile in prædio Seji posuerit; id non Seji erit, sed Titii, qui posuit, *l. Titius. 60. eod.*

Nec tamen is, qui materia dominus fuerat, desinit, &c.] Diximus, eum, qui ex aliena materia in suo ædificavit, dominum fieri ædificii: cui consequens videri poterat, eum, qui materiæ dominus erat, dominum ejus esse desinere; cum duo ejusdem rei in solidum domini esse non possint. Contra tamen & hic & apud Cajum scriptum est, materiæ dominum dominium idcirco non amittere, & quamvis stante ædificio dominum adhuc intelligi. Hoc ne quem offendant, sciendum est, pro diversa materiæ consideratione utrumque dici posse, & dominum ædificii materiæ quoque dominum effici, & materiam prioris domini manere. Et enim si tigna vel cæmenta consideremus ut juncta & connexa ædificio, hac consideratione quamdiu juncta manent, ipsius ædificii sunt, & domini totius: unde & dempta dicuntur in pristinam causam reverti, *l. habitator 50. de rei vind. facis l. sed si 26. §. 1. hoc tit.* At si animum à conjunctione avertas, & ædificio quasi insuper habito tigna consideres in se & ut seorsum substantiam suam habentia, non potest videri materiæ dominus jus suum amisisse: & ideo ea tigna, licet juncta, adhuc aliena ubique appellantur. Adeoque rectè nunc dicemus, aliud esse materiam, aliud ædificium: ædium quamdam universitatem intelligi; materiam, cæmenta, tigna, lapides, res esse sin-

gulas, quæ ob id jure universi non utique censentur. Hinc enim est, quod placet eum, qui universas ædes possidet, non videri singula cæmenta possidere, eoque nec usucapere, *l. in rem 23. §. ult. de rei vind. l. cum qui 23. de usuc. &* quod Ulpianus respondet, eum, qui insulam petiit, si victus postea cæmenta vel tigna petat, non videri idem petere, *l. 7. §. 2. de exc. rei jud* nimirum quod necesse non sit, eum, qui ædium dominus est, materiæ quoque dominum esse: quam rationem & ipse mox subjicit. Cæterum dubitandum non est, quin verum sit, quod D. Hotomæus hic notat, si ex aliena materia nova primum species facta fuerit, deinde novum id corpus ædificio inclusum; ejus id manere, cui jure specificationis quæsitum erat: verbi causa, tigna aut tabulas ex aliena arbore fabricatas & mox injunctas ædificio ejus esse & manere, qui tabulas fecit, *arg. l. sed si meis. 26. in pr. hoc tit.*

Neque ad exhibendum] Tignum alienum ædibus junctum lex duodecim tabularum non tantum vindicari prohibet, sed etiam solvi, ut proinde nec ad exhibendum de eo agi possit, *l. in rem 23. §. pen. de rei vind. l. 6. ad exhib. l. 1. de tign. junct.* in quo diversum jus tigni injuncti, & verbi causa gemmæ injunctæ annuo alieno: ea enim licet quamdiu coheret, vindicari nequeat; ad exhibendum tamen eo nomine agi potest, ut eximatur, & tunc vindicetur, *d. l. in rem. 23. §. item quæcumque. 5. de rei vind. d. l. 6. ad exhib.* Vide his quæ notavimus supra §. si tamen 16 hoc tit.

Ne quis tignum eximere cogatur.] Duplicem ego causam reperio cur lege duodecim vetita sit tigni alieni ædibus juncti vindicatio. Una est, ne ob id ædificia rescindi necesse sit, *l. 1. de tign. junct. l. 7. §. cum in suo. 10. h. tit. & hoc text.* altera, ne per hoc ruinis urbs deformetur; *l. 2. §. si quis 17. l. ult. ne quid in loc. publ. l. 2. C. de ædific. priv.* quarum illa principalis esse videtur, & rationem finis unicuique legi proposci habere, hæc *quædam* & illius administrum, de quo mox plura. Eadem leg. & solutio tigni alieni vineis juncti prohibetur, ne scilicet turberetur vinearum cultura, *l. 1. de tign. junct.*

Sed duplum pro eo præstet] Ne dominus materiæ queri posset, injuriam sibi fieri, quod res sua quamdiu ædificium manet, carere cogatur; data est in eum, qui junxit, actio de tigno juncto ad tigni æstimationem, & quidem in duplum, *l. 1. de tign. junct. l. in rem 23. §. pen. de rei vind. l. 6. ad exhib.* Nec dubito, quin ea actio in duplum etiam adversus eum danda sit, qui bona fide junxit: id enim textus fere omnes arguunt, qui de hac actione loquuntur. Nam primò, ut bene observavit D. Tuldenus c. 42. in eum hæc actio dari dicitur & hoc loco & apud Cajum, *d. l. 7. §. cum in suo 10.* adversus quem nec in rem nec ad exhibendum agi potest; quorum utrumque contra est in eo, qui sciens rem alienam junxit, *d. l.*

d. l. 7. §. cum in suo. 10. adversus quem nec in rem nec ad exhibendum agi potest, quorum utrumque contra est in eo, qui sciens rem alienam junxit, d. l. 23. §. pen. de rei vind. non quod sic conveniatur quasi possidens ut tignum restituat, sed ita quasi dolo malo fecerit, quominus possideat, aut restituere possit, ut pretium aestimetur iurejurando in litem, l. 1. in fin. de sign. junct. eod. que pertinet locus Pauli in leg. qui res 98. in fin. de solut. ubi ait, legem 12. tabularum sciscere, tignum ædibus junctum vindicari posse, sed solvi id prohibuisse, pretiumque ejus voluisse dari. Deinde nec hoc ad eum pertinet, qui mala fide junxit; quod denegatur domino materiæ vindicatio, non solum stante, sed etiam diruto ædificio, si jam ante per actionem de tigno juncto duplum sit consecutus: nam adversus eum, qui sciens junxit, ut furem, præter actionem dupli, extrinsecus adhuc est rei vindicatio, l. ult. de sign. junct. §. ult. inf. de oblig. quæ ex del. Huc item facit l. de eo. 63. de don. int. vir. & ux. nam cum ibi solus ille casus excipitur, quo tignum volente & sciente domino junctum est, satis significatur, in cæteris actioni de tigno juncto in duplum esse locum. Denique cur actionem de tigno juncto etiam adversus eum, qui bona fide junxit, lex duodecim dedisset, si dominus tigni nihil amplius per eam consequeretur, quam consecutus esset actione in factum, quæ sublata vindicatione adhuc supererat? d. l. 23. §. item quacumque. 5. de rei vind. Huic autem sententiæ duo obstat videntur. Primum est, quod lex de tigno furtivo locuta est, d. l. de eo. 63. de don. int. vir. & ux. d. l. 7. de sign. junct. alterum, quod iniquum videtur, eum, qui bona fide junxit, in duplum teneri. Quibus hæc reponimus. Primum etiam tignum, quod ab alio surreptum, ab alio bona fide junctum est, furtivum esse, vitio furti rem comitante. Ad hæc, legem 12. tabularum furtivi non ideo mentionem fecisse, quod nomine non furtivi agi in duplum noluerit, sed quia raro accidit, ut res alienæ mobiles, quæ in seipsis dominis ad alios perveniunt, in furti vitium non cadant, §. 2. inf. de usuc. unde nec Cajus, nec Justinianus, nec Paulus in d. l. 23. §. pen. de rei vind. furtivi mentionem faciunt, sed alieni dumtaxat, cum tamen id omnes proponant ex eadem lege. Postremo, nullam hic esse iniquitatem: nam & injuria, quæ domino materiæ fit, quod re sua carere cogitur, commodum aliquo pecuniario compensanda fuit, & pro duplo quod ille accipit, majus vicissim commodum consequitur, qui junxit; ne videlicet cogatur tignum eximere cum metu ruinæ ædium suarum. Sed & potest dupli præstationem effugere, si tignum eximere malit, & domino restituere; neque enim id facere prohibetur lege 12. tabularum, quippe qua cautum est, non ut ne domino tignum exime-

re liceat, sed ne quis id eximere cogatur, ne ædificia rescindere aut demoliri cum summo damno ædificantis necesse sit, hoc text. & apud Cajum d. l. 7. §. cum in suo. 10. hoc tit. l. 2. §. si quis. 17. l. ult. ne quid in loc. pub. Unde alii loci explicandi sunt, quibus traditur, legem prohibere, vetare, non permittere tignum solvi, l. 6. ad exh. l. 1. de sign. junct. l. qui res. 98. in fin. de solut. nimirum non tantum vindicationem, verum etiam actionem ad exhibendum his verbis legem tollere voluisse, argum. hujus §. & dist. l. 23. §. pen. de rei vind. l. 1. de sign. junct. Equidem fateor etiam publici decoris & ornamenti rationem hac in re habitam fuisse, ne scilicet ædium demolitione & ruinis ad spectus deformaretur; cæterum ut hæc consideratio extrinsecus legem moverit, non fuisse tamen causa, sive causam, cujus gratia tignum eximi vetuerit, non obscure ex eo colligitur, quod alioqui dicendum esset, numquam licere civibus ædificia sua demoliri, aut tignum inde eximere, quod falsum est, l. fin. autem 27. §. ultim. l. Iulianus. 37. de rei vind. l. 5. in fin. C. cod. l. pro voluptariis. 9. de imp. in res dos. Sed nec quævis tigni exemptio secum trahit ruinam ædificii: unde fortassis non improbabiler defendi possit, eundem fuisse scopum legis 12. tabularum, qui fuit senatusconsulti, quo cautum est, ne ea, quæ ædibus juncta sunt, legare liceat, neve negotiandi causa ædificia demoliri, aut marmora, columnas, aliave tigna detrahare, l. cætera. 41. §. 1. l. senatus. 43. de legat. 1. l. senatus. 52. de cont. empt. l. ult. de damn. inf. non alia de causa, quam ut ne integris ædificiis depositis publicis deformetur aspectus, l. 2. C. de ædif. priv. ac proinde quemadmodum in senatusconsultum non incidit, qui aliquid detrahit citra metum ruinæ; ita nec offendere legem antiquam, qui ut condemnationem dupli evitet, tignum eximere malit, modò id faciat sine periculo ruinæ. Ad hunc ferme modum disputat Bachovius hic. Mihi, ut verum fatear, frustra videtur lege prohiberi, quod sponte sua nemo nisi insanus facturus sit. Moribus harum regionum actio in duplum de tigno juncto exolevit, consuliturque domino materiæ actione in factum ad pretium consequendum, Grot. 2. introd. c. 10. Zipæ notis. jur. Belg. de rei vind. uti & jure antiquo ei consulebatur adversus dominum soli, qui ipse tignum non junxerat, sed ab alio forte junctum possidebat; nam in eum demum, qui convictus erat junxisse, in duplum dabatur actio, l. 1. in fin. pr. de sign. junct. VINN. Multæ hic nascuntur quæstiones non parum dubiæ, nos binas videbimus. Quæritur an actio de tigno juncto detur adversus bonæ fidei possessorem? Quamvis enim id adfirmet Justinianus; obstat tamen videtur [1] quod lex XII. tabularum tantum egerit de tigno furtivo, l. 1. §. 2. l. 2. ff. de sign. junct. l. 63. ff. de damn. inter vir. & ux. [2] quia hæc actio de tigno

quo juncto sit pœnalis, adeoque locum non habeat adversus eum, qui nihil deliquit. [3] quod Paulus, l. 98. §. ult. ff. de sol. diserte dicit adversus b. f. jungentem actionem dari in simplum. Sed resp. [1] XII. tabb. non abscisse meminisse tigni furtivi. Verba enim hæc servavit Festus: *Tignum junctum adibus vineæque concapES ne solvis*. Addidit Gothofredus. *Assi qui junxit, duplione damnatur. Tigna quandoque sarpta, donec demta erunt, vindicato*. Unde exempli tantum causa] Cui meminerunt tigni furtivi. [2] Quod hæc actio, quamvis pœnalis, etiam adversus b. f. jungentem datur, ratio est culpa, quæ & in b. f. jungentem cadere potest. Ita rectè B. Pagenstecher. in *Irner. inj. vulg. corr.* 34. §. 7. [3] In lege 98. de solus. non negatur duplum peti posse, sed pretium refundendum esse, censetur. Quæritur II. an jungens exempto tigno liberetur? Adfirmat noster: adfirmant alii. Sed legem XII. tab. prohibitive fuisse, patet ex l. 6. ad exhib. l. 1. de sign. junct. & l. 98. fin. de solus. Et ratio, ne urbs ruinis deformetur, vel ne ædificia dissolvantur, non admittit, ut dicamus in arbitrio esse jungentis, tignum extirpare, an duplum solvere malit, l. 63. de don. int. vir. & ux. loquitur de eo qui sciente & patiente domino junxit. HEIN.

Omnis materia, ex qua ædificia fiunt] Traditur hoc idem & in l. signi 7. ad exhib. l. sign. 62. de verb. sign. unde quidam ajunt regulam quoque & lapidem & testam, hoc amplius & calcem & arenam tignorum appellatione contineri: in vineis peticas & pedamenta, cæteraque vineis necessaria, d. l. 1. §. 1. de sign. junct.

Tunc eam vindicare] Etiam si post tempus usucapionis dissolutum sit ædificium: nam qui ædes possidet, non intelligitur singula tigna possidere, ut notatum sup. n. 1. l. 23. §. ult. de rei vind. l. 33. de acquir. poss. l. 23. de usuc.

T E X T U S.

De ædificatione ex sua materia in solo alieno.

30. *Ex diverso, si quis in alieno solo ex sua materia domum ædificaverit, illius fit domus, cujus & solum est. Sed hoc casu materia dominus proprietatem ejus amittit, quia voluntate ejus intelligitur esse alienata, utique si non ignorabat, se in alieno solo ædificare: & ideo licet diruta sit domus, materiam tamen vindicare non potest. Certe illud constat, si in possessione constituto ædificatore soli dominus petat, domum suam esse, nec solvat pretium materiae & mercedes fabricorum, posse enim per exceptionem doli mali repelli, utique si bona fidei possessor fuerit qui ædificavit. Nam scienti solum* *Vinnius in Insit.*

alienum esse, potest objici culpa, quod ædificaverit temere in eo solo, quod intelligebat alienum esse.

N O T A.

30. *Ex diverso*] Ex Cajol. l. 7. §. 12. D. hoc tit. *Si non ignorabat*] Nam si ignoravit, quamvis ædificium sequatur soli dominum, materiae proprietatem non amittit, & eam diruto ædificio vindicare poterit, l. 2. D. de rei vind.

In possessione constituto] Nam si non possidet, nulla ei actio in re prodita, qua pretium materiae aut sumptus consequatur, l. 33. D. de cond. ind. l. 14. D. de exc. dol. leg. 48. de rei vind. Cujacius tamen incerti conditionem dat, id est, possessionis.

Potest objici culpa] l. 37. De rei vind. Hoc tamen ei concedendum, ut sine læsione prioris status rei tollat quod posuit, d. l. 37. l. 5. Cod. eod.

C O M M E N T A R I U S.

- 1 Quantum ad materiam attinet, jus variare pro conditione personarum ex sua materia in alieno ædificantium.
- 2 Non semper eum, qui in alieno sciens ædificat, donandi animo ædificare intelligi.
- 3 Ædificatorem in possessione constitutum pretium materiae & impensas servare posse opposita doli mali exceptione.
- 4 Non possidenti nullam eo nomine actionem jure proditam.
- 5 An mala fidei possessor pretium materiae & impensas eadem ratione servare possit.

Explicatur hîc species superiori contraria. Illic quæsitum fuit de eo, qui ex aliena materia ædificavit in solo suo, hic quæritur de eo, qui ex sua materia ædificavit in solo alieno. De quo ex personis ædificantium & tempore variè constituitur, quantum quidem attinet ad materiam & impensas in ædificando factas: nam ad ædificii acquisitionem quod attinet, inter personas ædificantium nihil interest, sed illius semper fit domus cujus est solum, juxta regulam jam traditam & expostam, §. præced.

Vtique si non ignorabat] Quum non de ædificio ipso, sed aut de materia, aut de pretio materiae, aliisve impensis consequendis quæritur, non eadem omnium ædificantium in proposito ratio est: sed alia ejus, qui bona fide, dum suum putat, alia ejus, qui sciens prudens in alieno ædificavit. De materia ita jus est. Qui ex sua materia in alieno solo ædificavit bona fide; is quamvis ædificium quod posuit, solum sequatur, ac per hoc dominum soli, materiae tamen proprietatem non amittit, arg. hujus §. in verbis à me notatis. Et ideo licet manente ædificio nullam de materia neque actionem neque exceptionem habeat,

N qui-

quibus consequi possit, ut materia separaretur, & sibi reddatur propter legem 12. tab. de æstimatione tamen ei consultum est, de quo mox; & ædificio diruto poterit ipsam materiam vindicare, l. 2. C. de rei vind. Qui autem ex sua materia in alieno ædificavit mala fide, placet, cum proprietatem materiam amittere in tantum, ut ne diruto quidem ædificio eam vindicare possit. Cujus rei rationem hanc affert hic Justinianus post Cajum in l. 7. §. v. *diverso* 12. hoc 116. quod sua voluntate materiam intelligatur alienasse, id est, donasse domino soli. Nimirum hæc juris adversus eum, qui non ignorat se in alieno ædificare, præsumptio est, arg. l. 14. de donat. l. cujus per errorem. 53. de reg. jur. Ceterum si qua probabilis conjectura sit, ob quam videri possit, licet sciens, non tamen animo donandi ædificasse; dissoluto ædificio materiam vindicare non prohibetur, l. 2. C. de rei vind. Finge, aliquem in aliena area ædificasse, cujus bonæ fidei emptor fuit: verum ædificasse quo tempore jam sciebat alienam, negabo id eum animo donandi fecisse. Quippe cum spem haberet fore, ut aream usucaperet, arg. l. Julianus. 37. de rei vind. Finge, ædificasse in solo litigioso: dicam id sui juris possessionisque tuendæ causa fecisse, non animo donandi, per d. l. 2. C. eod. tit. Finge denique, colonum aut inquilinum ædificasse in area conductâ: dicam id factum esse, quo commodius re conductâ uterentur, aut in ea habitarent, non quod materiam domino donare voluerint, leg. dominus. 55. §. 1. locat. Sed et si quis mala fide in alieno ædificavit, dum ex materia item non sua, æquum est soluto ædificio materiam ad pristinum redire, arg. d. leg. 2. Atque hæc etiam communis Interp. sententia est. vid. Veseimb. Myns. Schneid. Canticum. hic Bald. Salic. Siehard. ad. d. leg. 2. Fachin. 1. contror. 55.

3 *Si in possessione constituto ædificatore, &c.* Cum igitur stante ædificio ædificator, cujuscunque generis sit, nullam, ut dictum est, actionem aut exceptionem habeat, qua materiam ipsam consequatur, quasi sum est de materiam æstimatione ceterisque impensis, quæ in ædificando factæ sunt, anne eas saltem ædificator remedio aliquo consequi possit? Acque hic iterum aliud atque aliud pro circumstantia temporis & conditione adinquantium servatur. Primum refert, possid. at ades ædificator, an non possid. at. Si possideat, placet, eum impensas servare posse per retentionem, opposita doli mali exceptione, si dominus ædificium vendit non oblata restitutione impensarum. Et hoc est, quod Jurisconfulti in d. l. 7. §. ex diverso 12. & imp. hic ajunt; *Si in possessione constituto ædificatore soli dominus petat domum suam esse, nec servat pretium materiam, posse eum per exceptionem doli mali repelli;* nimirum quia dolo malo facit & contra æquitatem naturalem, qui postulat cum alieno damno & injuria fieri locupletior; l. nam hoc naturalis. 14. de cond. ind. junct. l. 1. de dol. mal. exc. Un-

de etiam placuit, hanc exceptionem eo usque duntaxat dandam, quo res facta est pretiosior, l. in fundo. 38. de rei vind. & ita demum si fructuum ante litem contestatam perceptorum modum excedant, l. sumptus 48. eod. Nam qui suum tantum recipere vult, nihil dolo facit, l. nihil dolo. 129. de reg. jur. h. c. cludet cum aliena jactura locupletari, qui hoc tantum agit, ut pro quantitate fructuum perceptorum impensæ minuantur. Si non possidet, nulla ei actio jure prodita est, quæ pretium materiam aut sumptus a se factos consequatur. Id adeo ita esse, remitto actionum, quæ hic esse possint, declarabit. Vindicationem & actionem ad exhibendum sinit lex 12. tab. Actio de tigno juncto adversus eum solum comparata est, qui ipse tignum junxit, leg. 1. de tigno junct. In factum actio, de qua in l. in rem. 23. §. item quæcumque. 5. de rei vind. non datur adversus eum, cujus nullum factum intervenit. Sed nec actio hic esse pot. si negotiorum gestorum: quia qui in rem tamquam suam aliquid impendit, suum negotium, non alienum gerit; quæ ratione etiam ei denegatur repetitio, l. 5. C. de rei vind. Et generaliter omnibus, qui non sunt hoc animo, ut quid ab alio reperant, aut alium sibi obligent, l. 4. C. de neg. gest. l. in hoc. 4. §. 1. vers. diversum comm. divid. quippe actus agentium non operantur ultra eorum intentionem, l. non amittis. 19. de reb. cred. Postremo nec conditionem indebiti habere potest: nam ut disserit Jul. l. si in area 33. de cond. ind. qui possessionem ultro domino tradidit, nullum cum eo negotium gerit, nihil in eum confert: tantum quod suum est, dominus suo jure recipit. In quam rem extat & generalis definitio Pomponii, ex quibus causis retentionem quidem habemus, petitionem autem non habemus, ea si solverimus, repeti non posse, leg. ex quibus 51. d. tit. Sed non opus est hac inductione: de singulis si quis dubitet, constanter veteres omnes scribunt, nullo alio modo impensas in rem alienam factas servari posse quam per retentionem, opposita doli mali exceptione, si res a domino vindicetur, Papinian. l. sumptus 48. de rei vind. Julian. d. l. si in area. 33. de cond. ind. Paul. l. 14. de dol. mal. exc. Pompon. l. hæres 21. ad sen. Treb. Quamobrem cum hoc remedium nulli alii competere possit quam possidenti; nobis non licet contra manifestam rationem juris & textus expressos aliud excogitare, quo subveniatur etiam non possidenti, data scilicet ei ultro pro consequendis impensis actione, idque solo æquitatis obtentu, deficiente causa & fundamento, in quo actio radicetur, per l. 1. C. de legib. scilicet facilius alicui actione instituta per officium judicis succurritur in eodem judicio, quam ut inducatur actio, quæ non nisi ex certis principiis juris nascitur: ac proinde et si hic sit aliqua obligatio naturalis, quam inducit æquitas, tamen sola naturalis obligatio actionem non producit, nisi jure civili aut prætorio adjuvetur. Ant. Fab. 26. p. 9. & seq.

¶ *seq. Tim. Fab. anniv. disp. 13. lib. 3.* Existimat quidem D. Cujacius 10. *obs. 4.* posse non possidentem conditione incerti possessionem repetere, atque ita adhuc contra agentem opposita doli mali exceptione sumptus servare *arg. l. indubiti. 15. §. 1. l. qui exceptionem. 40. §. 1. de cond. ind.* Sed multum interest, utrum quis in rem alienam qua talem, & quam scit se restituere debere, ac proinde animo alium sibi obligandi impensas faciat, de quo casu dd. textus loquuntur: an suo nomine tanquam in rem propriam, qui casus hic proponitur, per text. in *d. l. 14. §. 1. comm. div. l. 5. C. de rei vind.* Fallitur quoque Martinus Glossator, eumque secutus Gord. in *leg. compensa. 79. de verb. sign.* dum non possidenti utilem actionem negotiorum gestorum dant, *arg. l. 9. §. 3. de neg. gest. l. 8. de pign. act. l. 7. §. ult. sol. matr.* Nam in *d. l. 6. §. 3.* agitur de eo, qui ad res alienas tanquam alienas gerendas accessit, licet eo animo, ut inde lucrum faceret, aut quasdam interverteret. In reliquis duabus de iis agitur, qui impensas fecerunt in rem, quam ex contractu & à domino acceperunt, quos certum est, vel actione contraria vel negotiorum gestorum sumptus in eam factos consequi posse; quod & vulgo hic notant DD. Non obstat nobis *l. 5. C. de rei vind.* ubi etiam malæ fidei possessor dicitur habere repetitionem necessariorum impensarum. Primum quia hic non de necessariis impensis quaeritur, sed de utilibus. Deinde quia ex eo, quod dicitur impensarum esse repetitio, non sequitur, illico eo nomine etiam esse actionem: sufficit enim repetitionem esse suo modo, per retentionem videlicet & exceptionem: quippe verbum repetitionis uti petitionis, etiam ad eum pertinet, qui exceptione utitur, *l. 1. de except. l. 15. rat. rem. hab.* neque aliter in *d. l. 5.* accipi potest, ubi agitur de edificatore constituto in possessione, D. Don. 10. *comm. 7.* post Cyn. Cast. Salic. in *d. l. 5.* Martiani tamen sententiam æquitatis commendatione nunc in iudiciis prævalere, saltem quatenus dominus locupletior factus est, scribit D. Carol. Molin. *ad consuet. Paris. tit. 1. §. 1. gloss. 3. num. 82. & seqq.* quod promptius admittendum in eo, qui bona fide in alieno edificavit, per *l. si & me & Titium 32. de reb. cred. Paul. Buf. ad l. 33. de cond. indeb. Diod. Tulden. hic cap. 58.* nam & hic diruto edificio materiam ipsam vendicare non prohibetur, add. Garz. *de expens. & meliorat. c. 1. n. 24. & c. 7.* Zypæ *not. jur. Belg. de rei vind.*

¶ *¶ si bona fidei possessor fueris &c.]* Non satis est ad servandas impensas, edificatorem in possessione constitutum esse, nisi facta sint bona fide: malæ fidei possessori hæc impensarum deductio denegata est, *l. Iulianus. 37. de rei vind. l. idque 35. §. 1. in fin. de act. empt. l. 5. C. de adif. priv.* Quibus consentaneum est quod scribit Papiasianus, *l. sumptus. 43. de rei vind.* Sumptus in prædium alienum factos peti quidem non posse, sed exceptione doli opposita per officium iudicis,

æquitatis ratione servari, si à bonæ fidei possessore facti sint; ut intelligamus in malæ fidei possessore, ne æquitatis quidem ratione eo pacto servari debere. Etenim si is item simili se exceptione tueri velit adversus dominum vendicantem, culpam ei objici posse, & à domino replicari, quod temere & sciens edificaverit in alieno solo, *hoc text. & l. 7. §. ex diverso. 12. cod. l. Iulianus. 37. de rei vind.* Denique sumptus per errorem factos hac ratione servari posse, *l. si autem. 17. §. ult. d. tit. qui improbe facti sunt, restituendos non esse, l. 5. C. de adif. priv.* Quid igitur est, quod Paulus scribit, *l. plane. 38. de her. pet.* Etiam in prædonis persona haberi rationem impensarum, ne petitor ex aliena jactura locupletetur? Non distinguam, ut vulgo, inter petitionem hæreditatis & specialem actionem in rem: neque enim adhuc ulla ratio mihi probabilis visa, cur in proposito hæc iudicia separentur: sed animadvertendum est, Paulum non simpliciter dicere, etiam prædonem impensas deducere, aut imputare, sive per retentionem opposita doli mali exceptione servare; verum in hujus quoque persona haberi rationem impensarum necessariarum & utilium. Quod sic omnino accipi debet, ut necessarias quidem deducat, (nam necessariorum impensarum deductio tributa est omnibus possessoribus, etiam qui mala fide possident, *l. 5. C. de rei vind.*) utiles vero, de quibus solis hic quaeritur, sine læsione rei tollat; *d. l. Iulianus. 37. de rei vind. l. 5. C. cod.* Nam ita quoque in prædonis persona utilium impensarum ratio habetur, quarum tollendarum stricto jure nulla ei potestas. Quid ergo, si nolit petitor pati, ut utiles impensas tollat? Potest sane id pro suo jure facere, *l. in fundo. 38. de rei vind.* sed hoc casu utiles quoque impense deducuntur, ne quod ait Paulus, ex assensu jactura petitor lucrum sentiat: quæ ratio in utilibus impensis hoc demum casu locum habet, non autem si paratus sit petitor pati, ut tollantur. Ita D. Ant. Fab. *conf. 1. & dec. 26. err. 8. & seqq.* cui in hoc assentior, licet D. Bachovius vulgaram inter petitionem hæreditatis & singularum rerum distinctionem magis probet, *not. ad Treutl. 1. disp. 14. thes. 19. & p. 2. disp. 20. thes. 6.* Alii, *d. l. 38.* restringunt ad impensas utiles & necessarias simul. Sed tunc nihil definierit Jurisconsultus, de utilibus tantum: & tam utiles simpliciter, quàm quæ simul necessariæ sunt, intellexisse Jurisconsultum, ostendunt exempla, quæ in *l. 39. cod. tit.* mox proferuntur: inter quæ & litis æstimatio servorum gratia soluta; quæ utique utilis tantum impensa est, non etiam necessaria. Quæstio universa de retentione rei ob sumptus in eam à possessore factos multas & magnas recipit varietates, cum ex personis possessorum & petitorum, cum ex causis & generibus sumptuum, quæ omnia figillatim persequi non est hujus loci. Vid. D. Donell. 20. *comm. 7.* Costal. in *l. in fundo 38. de rei*

vind. & l. si in area 33. de cond. ind. Menoch. rec. poss. rem. 15. num. 500. & seqq. Charond lib. 10. resp. 16. Garz. de expens. & meliorat. & alios allegatos à D. Christin. vol. 2. decis. 174.

T E X T U S.

De Plantatione.

31. Si Titius alienam plantam in solo suo posuerit, ipsius erit. Et ex diverso, si Titius suam plantam in Mevii solo posuerit, Mevii planta erit, si modo utroque casu radices egerit: ante enim quam radices egerit, ejus permanet, cujus fuerat. Adeo autem ex eo tempore, quo radices egerit planta, proprietates ejus commutatur, ut si vicini arbor ita terram Titii prefferit, ut in ejus fundum radices egerit, Titii effici arborē dicamus: ratio enim non patitur, ut aliter arbor esse intelligatur, quam cujus in fundum radices egerit. Et idcirca confinium arbor posita, si etiam in vicini fundum radices egerit, communis fit.

N O T A.

31. Si modo utroque casu radices] Quia ex eo tempore, non solum ut superficies solo adhaerescit, & cum solo unum corpus constituit, l. 40. D. de aest. empt. sed etiam ex solo alimentum trahit: unde nec eadem arbor, quae in alieno solo coaluit, manere intelligitur, nec denuo eruta ad priorem dominum revertitur, d. l. 26. §. 2. hoc tit. Ceterum Nerva, & Varus priori domino utilem in rem actionem dabant, l. 5. §. 3. de rei vind.

Communis fit] Non pro indiviso, sed pro regione cujusque praedii, l. 8. h. tit. eruta autem pro indiviso communis esse incipit, l. 19. comm. div. l. pen. pro soc. Itaque in d. l. 8. §. 1. pro & sunt pro indiviso communia praedia, legendum est, pro diviso. Cujac.

C O M M E N T A R I U S.

1. Proprietatem arboris transplantatae post coalitionem ita immutari, ut ne eruta quidem ad priorem dominum revertatur.

2. Quomodo priori domino consulatur de pretio plantae, primum ei, qui alienam posuit in solo suo, deinde & qui suam posuit in alieno.

3. Compositum cum Cajo & Iuliano conciliatum.

Secunda species cessionis proposita est plantarum positarum in alieno solo: de qua ita post Cajum in l. 7. §. ult. hoc tit. scribit Justinianus: Si Titius alienam plantam in solo suo posuerit, ipsius erit. Et ex diverso, si Titius suam plantam in Mevii solo posuerit, Mevii planta erit: si modo utroque casu radices egerit, ante enim quam radices egerit, ejus permanet, cujus fuerat. Titia-

sunt, quae his verbis docemur. Primum est, plantas in alieno solo positas ejus manere, cujus fuerant, usque dum radices egerint. Alterum, ex quo radices egerint, solo cedere, & incipere ejus esse cujus est solum. Tertium, nihil in proposita specie interesse, utrum quis in suo solo plantam alienam posuerit, an in solo alieno plantam suam. Ratio cessionis supra est exposita, cui etiam haec accedit, quod plantae non tantum in solo consistant, sed ubi radices egerint, etiam ex eo solo alimentum capiant & succum, citra quem vivere ac vegetari non possunt, l. sed si meis. 26. §. 2. hoc tit.

Si modo utroque casu radices egerit] Idem valet, si coaluerit, §. seq. & d. l. sed si meis. 26. §. 2. eod. l. hoc amplius. §. 5. Alfenus. 2. de damn. inf. Nam radicum immisione fit, ut plantae cum terra coalescant & uniantur, ut jam earum non sit separatim à fundo corpus, l. 2. Mucius 40. de aest. emp. Coaluisse autem & radices immisisse certum indicium est, si vivit adhuc & vegetatur arbor post id tempus, quo emori & exarescere poterat, & certius etiam, si quid ex se emittat, aut fructum ferat. Et sciendum est, proprietatem arboris transplantatae, ubi semel radices egerit, ita commutari, ut nec eruta postea ad priorem dominum revertatur, d. l. sed si meis. 26. §. 2. Quamobrem nec ei sic consultum est ut domino materiae, quae juncta est alieno edificio: quippe quam dominus, cum eadem maneat, & suo sensu ejusdem, diruto edificio vindicare potest, l. 2. C. de rei vind. arbor autem, quae in aliena terra coaluit, non manet eadem, sed fit alia & nova alieno novi soli alimentis, d. l. sed si meis. 26. §. 2. Hinc etiam est, quod qui plantam suam in alieno posuit, nec possidens retentionem habeat in hoc, ut positam sibi tollere liceat, cum nec separata ejus sit: quod contra est in eo, qui ex sua materia in alieno edificavit, l. si autem. 27. §. ultim. l. Iulianus. 37. de rei vind. l. 5. Cod. eod. vid. §. praec. Ceterum aequum est, adversus eum, qui alienam arborem in suum translulit, de pretio saltem priori domino arboris consuli, ne sic res ei pereat alieno facto, ut nec estimationem consequatur. Dabimus ergo ei actionem in factum ex definitione, l. in rem. 23. Si idem quaecumque. §. de rei vind. Varus & Nerva utilem in rem dabant, l. 5. de arbore. 3. d. tit. nimirum pretii consequendi gratia: nam directam in rem non habet, l. 9. §. Alfenus. 2. de damn. infest. Adversus eum, qui mala fide translulit, est etiam actio furti, & conditio furtiva, ut adversus furem, §. ult. inf. de obl. qua ex del. Est & vindicatio, & ad exhibendum, non quasi adversus possidentem, sed quasi qui deserit possidere, l. 1. in fin. & l. 2. de sign. junct. At si quis suam plantam posuerit in alieno, hic eadem obtinebunt, quae diximus de eo, qui ex-

sua materia in alieno ædificavit. Igitur si possessione excidit, nullam de pretio arboris aut sumptibus à se factis actionem habet: nam nec in factum dari potest; quia hæc est de damno alii dato: solum hoc ei relinquitur, ut si bona fide posuit, & adhuc in possessione est, æstimationem & sumptus servet per doli mali exceptionem, l. si quis sciens, 17. C. de rei vind. l. qua ratione, 9. in pr. hoc tit. Malæ autem fidei possessori culpa objici potest, quod temere plantam posuerit in solo, quod sciebat alienum esse, arg. §. præc.

Ut in ejus fundum radices egerit] Sic nimirum, ut tota jam ex terra Titii alatur: quod aliquando contingere potest; veluti si veteribus radicibus exarescentibus aut putrescentibus, novas arbor in vicini fundum projiciat, ita ut jam omne alimentum ex terra vicini dumtaxat trahat. Consultendi hic rei rusticæ studiosi. Illud à mente & verbis Justiniani planè alienum est, quod quidam scribunt, non veterem arborem, quæ in vicino fundo posita in Titii fundum radices egerit, Titii fieri; quasi impossibile sit, ut ea omnes radices in Titii fundum agat, sive ut tota inde alatur; sed novam, quæ forte ex ramis in terram Titii depressis exurgat. Ait enim Justinianus, proprietatem arboris commutari; quod omnino de vetere arbore, quæ ante vicini erat, accipiendum est. Et quod sequitur de arbore prope confinium posita, eam communem fieri, si in vicini quoque fundum radices egerit; non de alia accipi potest, quam quæ antea fuerat tota unius.

Si etiam in vicini fundum radices egerit, communis fit] Efficit hoc eadem ratio: sed hoc sic temperandum, si ea arbor in vicini fundum etiam integras aliquot radices egerit; nam si extremas tantum radicum partes in vicini fundum porrexerit, quamvis inde non nihil alimenti capiat, ejus tamen manet, cuius in fundo origo ejus fuit; eo quod radices 3 magis juxta arboris truncum spectandæ quam partes earum extremitatæ. Et ita Pomponius in l. 6. §. ult. arb. furt. cas. cum Cajo & Justiniano conciliandus. D. Pac. in analys. hic. VINN. Immo diversas fuisse adparet Caji & Pomponii sententias: Caji nec trunci nec ramorum rationem habet: Pomponius solius trunci. Germani fere ad ramos respiciunt; ut fructus in tantum sint communes, in quantum in utriusque fundum propendent rami. Jus Prov. Sax. Lib. 2. art. 51. Simile quid ex statuto Ultrajectino & moribus observari in provinciis Belgicis, notavit B. Huber. Præl. h. t. §. 41. HEIN.

Communis fit] Abusivè. Non enim pro indiviso communis fit, sed pro regione cujusque prædii, l. pro regione, 8. hoc tit. Cæterum eadem arbor etuta communis esse incipit pro indiviso tamquam partibus, quæ prius certis locis distinguebantur, jam invicem confusis. *Vinnius in Institut.*

Eademque ratio est lapidis in confinio nati, & inde postea exempti, l. arbor 19. comm. div. l. pen. pro soc. rectèque monet D. Cujac. hic in d. l. pro regione. 8. hoc tit. legendum esse, & sunt pro diviso communia prædia: non ut in codice Pisano legitur, pro indiviso. Et verò confinium non est nisi in fundis vicinis, qui finibus discreti sunt.

T E X T U S.

De Statione.

32. *Qua ratione autem plantæ, quæ terra coalescunt, solo cedunt, eadem ratione frumenta quoque, quæ sata sunt, solo cedere intelliguntur.* Cæterum sicut is, qui in alieno solo ædificavit, si ab eo dominus petat ædificium, defendi potest per exceptionem doli mali, secundum ea quæ diximus, ita ejusdem exceptionis auxilio tutus esse potest is, qui alienum fundum sua impensa bona fide consuevit.

N O T A.

33. *Bona fide consuevit*] Addendum hoc Cajo d. l. 9. pr. Nam bonæ fidei possessori tantum hæc exceptio competit, d. l. 11.

C O M M E N T A R I U S.

TERTIA species accessionis superiori planè similis est frumentorum, quæ in alieno fundo sata sunt: nemo enim unquam dubitavit, quin si in meo fundo tuum frumentum severim; segetes meæ fiant; & ex diverso, si tuum fundum meo frumento conseverim, tuæ fiant: non enim semen, quod injectum solo est, amplius inspicere placuit, sed solum, in quod injectum est, & corpus unde segetes nascuntur, l. qui scit. 25. in princ. & §. 1. de usur. Quibus autem modis domino plantæ, quæ in aliena terra coaluit, consulitur, iisdem & domino injecti seminis. Igitur si quis suum fundum alieno semine bona fide conseverit, non poterit dominus seminis alia actione quam in factum æstimationem consequi: adversus eum autem, qui idem fecerit malæ fide, est actio furti & condictio furtiva; est & in rem & ad exhibendum, ut adversus eum, qui dolo malo desit possidere. Quod si quis alienum fundum suis impensis conseverit, siquidem bona fide, is, si in possessione sit, poterit per retentionem impensas à se factas servare, opposita doli mali exceptione, si res vindicabitur, l. 9. pr. hoc t. possessione verò amissa, nullam impensarum nomine actionem habet. Si mala fide, ne possidens quidem, vel per retentionem quicquam servare potest, leg. si quis, 11. C. de rei vind. fac. l. qui alienum. 14. de donat.

TEXTUS.

De Scriptura.

33. *Litteræ quoque licet aureæ sint, perinde chartis membranisque cedunt, ac solo cedere solent ea, quæ inædificantur, aut inferuntur. Ideoque si in chartis membranisque tuus carmen vel historiam vel orationem Titius scripserit, huius corporis non Titius, sed tu dominus esse videris. Sed si à Titio petas tuos libros, tuasve membranas, nec impensas scriptura solvere paratus sis, poteris se Titius defendere per exceptionem doli mali, utique si earum chartarum membranarumve possessionem bona fide nactus est.*

COMMENTARIUS.

Hæc quarta species est huius generis accessionis. Ait, litteras licet aureas, chartis membranisque cedere, perinde ac solo cedunt quæ inædificantur aut inferuntur, ut nimirum totius corporis idem sit dominus, qui & chartæ aut membranarum fuit, eadem ratione, quæ superiora; quod scilicet velut in alieno solo positæ habeantur, ac necesse sit ei rei eas cedere, sine quâ esse non possunt: quæ Pauli ratio est huius generis accessionum omnium communis, l. in rem. 23 §. 3. de rei vind. Qui etiam alibi diserte affirmat, id quod in charta mea scriptum est, meum esse, l. 3. §. pen. ad exhib. Et si igitur litteræ aureæ sint, ut hic dicitur, & in l. 9. §. 1. end. chartisque longè pretiosiores, tamen accessionis vice chartæ cedant necesse est: ut & purpura, licet pretiosior sit, vestimento cedit, & superficies, quæ & ipsa plerumque pretiosior est solo. Contra hanc tamen acquirendi rationem disputat hoc loco D. Hotomannus. Ait, absurdam esse chartæ & soli, ædificii & scripturæ comparationem: non enim sicut area ædium, ita & chartam carminis vel historiarum in ea scriptæ partem esse. Chartam ex earum rerum numero censendam, quæ usu delentur; nam eam scriptura imposita quodammodo interire & consumi, atque ob id sufficere debere, si domino æquæ bona reddatur, aut solvatur ejus æstimatio. Sane perquam iniquum & absurdum videri, eum, qui forte rationes suas aut meditationes in aliena charta scripserit, quas plurimum ejus intersit cum aliis non communicari, scripturam amittere. easque chartas a domino vindicari posse. Et quid si inventarius sit aliudve instrumentum, in quo fortunæ alicujus positæ? Sed verum non est quod Hotomannus ait, chartam accessione litterarum perire aut consumi: totaque sua disputatione nihil aliud efficit, quàm quod in proposito, si forte tales species, qualium ille meminit, inciderint, ratio huius juris non præcisè servanda sit. Quis autem hoc neget? Hodie et-

iam totum hoc jus mutatum creditur, ut jam non amplius scriptura chartæ, sed charta scripturæ cedat, chartamque ad se per prævalentiam scriptura trahat, testis post alios Mynsing. hic. ex nostris Grotius lib. 2. manduc. c. 8. add. Diod. Tuld. hic c. 38.

Poteris se Titius defendere per except.] Scribentis, nisi chartam possideat, scriptura sua perit: nam neque vindicare eam potest, quia totum vendicaret, quod illius non est; nec ad exhibendum agere, ut scriptura separaretur, quod fieri non potest. In factum quoque actionem non habet magis quàm ceteri, qui in alieno quid posuerunt, quod solo cesserit: adeoque ipse suo sibi pacto scripturam adiunxit, dum chartæ adjicit, cujus dominus eam à re sua accipit, ut dominus soli à solo accipit ædificata & facta, l. si in area 33. de cond. ind. l. 1. C. de rei vind. Tantum exceptio doli bona fide possidenti relinquitur, ut per retentionem rei impensam scripturæ consequatur, d. l. 9. §. 1. hoc tit. nec aliter tamen, quàm si & scriptura utilis sit domino chartæ, ut ea recepta locupletior fiat propter scripturam, arg. l. in fundo 38. de rei vind. Ceterum non ut qui soli dominus est, alienam materiam aut plantam solo suo jungere potest: ita & qui dominus est chartæ, alienam scripturam chartæ suæ imponere. Quamobrem nec omnia, de quibus in superioribus, ad hanc speciem applicari possunt.

TEXTUS.

De pictura.

34. *Si quis in aliena tabula pinxerit, quidam putant tabulam picturæ cedere, aliis videtur, picturam (qualiscumque sit) tabulæ cedere: sed nobis videtur melius esse, tabulam picturæ cedere. Ridiculum est enim, picturam Apellis vel Parrhasii in accessionem vilissimæ tabulæ cedere. Unde si à domino tabulæ imaginem possidente is qui pinxit, eam petat, nec solvat pretium tabulæ; poterit per exceptionem doli mali submoveri. At si is qui pinxit, eam possideat, consequens est, ut utilis actio domino tabulæ adversus eum detur: quo casu si non solvat impensam picturæ, poterit per exceptionem doli mali repelli: utique si bonæ fidei possessor fuerit ille, qui picturam imposuit. Illud enim palam est, quod si is qui pinxit, surripuit tabulas, siue alius, competit domino tabularum furti actio.*

NOTÆ.

34. *Nobis videtur melius*] Amplectitur sententiam Caji in l. 9. §. 2. h. t. propter pretium picturæ, id est, propter dignitatem & præ-

stantiam artis. Igitur *luxuriosa* efficacior est pictura litterarum.

Qui pinxit eam petas] Recta sive directa vindicatione, quæ pictori ut domino competit, d. l. 9. §. 2. l. 9.

Utilis actio] Quæ etiam non domino quibusdam casibus datur, l. 5. §. 3. D. de rei vind.

COMMENTARIUS.

1 Cui in pictura à communi ratione acquirendi recessum?

2 Quid si non Apelles aliquis, sed inferioris notæ Pictor in aliena tabula pinxerit?

3 Quomodo succurratur domino tabulæ adversus Pictorem?

4 Quid si Pictor imaginem retinere malis, propterea tabulæ contra oblato?

5 In concursu adversus tertium possessorem uter preferendus?

6 Eum qui sciens in aliena tabula pinxit, ejusdem conditionis videri, cujus qui sciens in alieno solo ædificavit.

Quinta & postrema hujus generis species est pictura, quæ & ipsa ex eadem ratione tabulæ, cui imposita est, cedit. Neque quicquam de jure cessionis mutat pretium picturæ; alioqui dicendum esset, nec ædificium aræ, nec purpuram vestimento, nec litteras aureas chartis cedere debere: naturale enim est, ut adjunctum cedat subjecto, hoc est, ei rei, sine qua illud esse non potest, licet majoris sit pretii, ut disputat Paulus contra nonnullos veterum, qui de pictura contra sentiebant, l. in rem, 23. §. 3. de rei vind. Ceterum Justinianus hic insuper habita & auctoritate & ratione Pauli, veterum illorum, inter quos & Cæsius noster fuit, l. 9. §. 2. hoc tit. sententiam amplectitur, vultque nominatim quod iis placebat, in specie proposita subjectum cedere adjuncto, tabulam picturæ. Rationem si quæras, scribit Paulus d. loc. eos, qui in pictura à communi acquirendi ratione recedendum putabant, ita sensisse propter pretium picturæ: quamvis ei hæc ratio tanti visa non sit, ut ob id diversum jus in pictura statui debuerit. Et sane non est, si ea de solo pretio rei pictæ accipiatur: verum arbitror, veteres maxime pretium ipsius artis spectabile, cujus scilicet tanta sit dignitas, præstantia acque nobilitas, ut quæ ab ea profecta sunt, etiam prærogativam aliquam in re, de qua agimus, mereantur. Sanè vocis picturæ significatio id non impedit quippe quæ non minus ars ipsa pingendi, quam res aut tabula picta denotatur, veluti cum dicimus, certare pictura, docere, exercere picturam &c. Plin. lib. 35. c. 9. Certamen picturæ institutum est Corinthi ac Delphi. & eiusdem lib. c. 11. fuit Pamphili Mæcedonis. Auctoritate est etiam Sæxne, ut pueri in æneæ picturam spectarent. Quanto autem hæc ars in f. . . honore fuerit, vel ex eo æstima-

re licet, quod dignatione liberalium censeretur, & quidem in primo gradu: eamque solos ingenuos & honestos exercere fas esset, interdicto perpetuo, ne servitia docerentur, teste Plin. d. loc.

Aliis videtur, picturam, qualiscumque sit, tabulæ cedere] Hoc est, picturam, etiam quæ maximi pretii sit, & nobilissimam, cedere tabulæ cui imposita est, licet longè viliori. Inter hos autem & Paulus noster est, d. l. in rem, 23. §. 3. de rei vind. Cujus sententia cum aliis locis, à quibus commodè separari non potuit, in contextum forte irrepsit. Qui negant: Paulum ab aliis dissensisse, eos oportet esse egregios dissidentium opinionum conciliatores.

Picturam Apellis vel Parrhasii] Quid ergo, si non Apelles aliquis, aut Parrhasius, Zeuxisve aut Phidias, sed alius longè inferioris notæ pictor imaginem in aliena tabula posuerit? An dicemus, imaginem, quam ille pinxit, tabulæ cedere, quia Justinianus insignium tantum Pictorum mentionem facit? Mihi quidem non videtur ea mens esse Imperatoris, cum Cæsius, cujus sententiam hic sequitur & approbat, simpliciter pronuntiet, placere tabulas picturæ cedere, d. l. 9. §. 2. hoc tit. Et sanè non satis rationi convenit, ob excellentiam alicujus artificis jus in universum mutari, quod hic factum est. Quamobrem existimo, Justinianum exempli tantum causa insignium horum pictorum meminisse, in universum autem non artificis, sed artis præstantiam cum cæteris spectasse, ita propemodum & D. Tulden. hic c. 38. & Fabrot. ad Theoph. De Apelle, Parrhasio, aliisque primæ notæ pictoribus antiquis vid. Plin. dd. loc. Vm. Immo veram rationem attigisse videtur Em. Merillius, Obs. Lib. 8. cap. 28. quod per picturam fiat quædam specificatio. Eam rationem probari etiam video V. C. Schultingio ad Cæj. Inst. 2. 1. 4. p. 82. HEN.

Is qui pinxit eam petas, nec solvat pretium tabulæ] Ex sententia Justiniani & Cæj competit ei qui pinxit adversus dominum tabulæ recta vindictio. Hinc quia domino tabulæ etiam vice mutæ cavendum, ne cum re sua pretium quoque alieno facto amittat; placuit, eum, qui pinxit, non aliter in rem efficaciter experiri, quam si pretium tabulæ inferat, alioqui nocituræ ei doli mali exceptionem, d. l. 9. §. 2.

Consequens est, ut utilis actio domino tabulæ] At cui consequens? Nihil enim hætenus dictum, unde hoc consequatur. Immo ex eo, quod tabulam picturæ cedere dictum est, eumque qui pinxit dominum tabulæ fieri; contra potius colligas, priori tabulæ domino omnem omnino vindicationem negari. Verum arbitror, Justinianum hoc significare velle cum omnibus, qui rem suam sine facto suo hoc jure amittunt, actione aliqua succurratur, quæ si non rem, saltem pretium consequantur; æquissimum esse, ut subveniatur & domino tabulæ, qui rem suam similiter amisit;

sumque eo nomine variæ comparatæ sint actiones pro conditione rerum junctarum, veluti ad exhibendum, si separari possunt, l. 6. ad exhib. si non possunt, actio in factum, d. l. in rem. 23. §. item quæcumque. 5. de rei vind. nunquam etiam ex æquo & bono contra severitatem juris detur utilis in rem, ut in specie, leg. 5. §. de arbore. 3. cod. tit. quæ prope abest à nostra; placere etiam hanc eandem æquitate rationem domino tabulæ accommodari. Et sortassis hoc eo facilius, quia tabula eadem & integra manet, & hoc respectu etiam quodammodo ejusdem: nam & materia, quæ edificio juncta est, simili ratione ejusdem manere dicitur; nec dubito, quin deleta pictura aut inducta, in pristinam causam tabula redeat, & rectè possit à domino vindicari, arg. l. si habitator. 59. de rei vind. l. 2. C. cod. contra quam existimat Cantuincula.

Nec solvas impensam picturæ] Quid ergo, si pictor imaginem retinere malit, pretio tabulæ contra oblato? uter audiendus? Haud dubiò pictor: quippe qui juris auctoritate verus dominus factus etiam directam in rem adversus possessorem dominum tabulæ actionem habet, quæ scilicet efficaciter experiatur, etiam si possessor retinere malit, paratus solvere impensam picturæ, ut rectè post Glossam communiter Interpretes censent: quibus proinde etiam in eo assentior, quòd in concursu adversus tertium possessorem, cum qui pinxit domino tabulæ præferunt; licet D. Donellus lib. 4. comm. c. 36. contra disputet, neutrumque alteri vellet præferri, sed occupantis meliorem esse conditionem, in eo errans, quòd existimat, utilem in rem actionem in specie proposita ejusdem esse efficaciam, cujus est directæ, contra mentem Imperatoris & Jurisconsulti, quos manifestum est, sicut tabulam pictura cedere volunt, ita etiam Pictorem quam dominum tabulæ, actionem directam quam utilem potiore esse voluisse. Disputatio autem Fabri, quando actio utilis directæ præferatur, huc non pertinet: sed locum habet in actionibus in personam, aut ubi quis à domino jus aliquod dominum proximum habet, ut emphiteuta & superficiarius.

Utriusque bonæ fidei possessor fuerit, &c.] Num igitur ei, qui mala fide pinxit, hac parte juris nullo modo consultum est? Et adli quidem mali exceptio apertè hic possidenti denegatur, licet dominus tabulæ tabulam ab eo per actionem oblato pretio picturæ. Cæterum ommissa exceptione doli, poteritne saltem (quod Vvesembecio & Bachovio placere video) excipere de dominio tabulæ, atque ita vincere oblata tabulæ æstimatione, cum mala fides non impediatur, quominus histe modis per accessionem dominium quærat? §. si tamen 26. sup. eod. Mihi videtur Justinianus non obscurè ei, qui sciens in aliena tabula pinxit, eadem ratione exceptionem denegare, qua supra denegavit ei, qui sciens ædificavit in alieno so-

lo; nimirum quòd hic pictor operam suam & rem, quam contulit, sua voluntate amisisse intelligatur, sicut ille operam & materiam. Quòd si possidenti nullam damus exceptionem, multo minus amissa possessione erit ei in rem actio adversus dominum tabulæ, quamvis pretium offerat.

TEXTUS.

De fructibus bona fide perceptis.

35. Si quis à non domino, quem dominum esse crediderit, bona fide fundum emerit, vel ex donatione aliave qualibet justa causa æquè bona fide acceperit, naturali ratione placuit, fructus quos percepit, ejus esse pro cultura & cura: & ideo si postea dominus supervenerit, & fundum vindicet, de fructibus ab eo consumptis agere non potest. Ei verò qui alienum fundum sciens possederit, non idem concessum est, itaque cum fundo etiam fructus, licet consumpti sint, cogitur restituere.

NOTÆ.

35. *Vel ex donatione.*] Igitur malè distinguit Pac. inter possessorem ex causa onerosa & lucrativa.

Alia justa causa.] Idonea ad transferendum dominium, ut venditio, permutatio, donatio, &c.

Placuit fructus] Non industriales tantum, sed etiam naturales, *admodum* & *amplius*, l. 48. D. h. t. l. 78. D. de rei vind. l. 13. quib. mod. us. am. Nam b. f. possessor fructus jure soli percipit, atque eo jure, quod dominis prædiorum tributum; circ, qui agrum vestigalem habet, l. 25. §. 1. D. de usur. Obst. l. 45. D. d. t. Rest. intelligenda est de possessoribus, qui justum titulum non habent.

Fructibus consumptis] §. 2. inf. de off. jud. l. 4. §. 2. D. de fin. reg. Ex contrario igitur extantes omnes restituere tenetur: quod & traditam l. 22. C. de rei vind.

Qui alienum fundum sciens] Mala fidei possessor cum ipsa re etiam fructus, licet consumpti sint, restituere cogitur, d. l. 22. teneturque de extantibus rei vindicatione, de consumptis conditione, l. 3. C. de cond. ex leg.

COMMENTARIUS.

1. Quid sit fructus, & quatuorplex.
2. In persona acquirentis quæ spectanda.
3. Quando fructus percepti intelligantur.
4. Præcipuam & adequatam hujus acquisitionis causam esse possessoris bonam fidem.
5. Denegari possessori fructuum acquisitionem, ex quo cognovit rem alienam esse.
6. Nil in proposito interesse, titulo oneroso possideat quis, an lucrativo.

¶ Offine

- 7 Ostendunt multis cum rationibus, tum exemplis, qualitatem fructuum nihil de hac acquisitione mutare.
- 8 Pomponius cum aliis conciliatus.
- 9 Bonæ fidei possessorem fructus omnes consumptos lucrari, non consumptos restituere.
- 10 An bon. fid. possessor consumptorum fructuum nomine teneatur, quatenus ex iis locupletior factus est.
- 11 Quid circa præsentem disputationem in praxi obtineat.
- 12 Mala fidei possessorem, nullos fructus aut percipiendo suos facere, aut consumendo lucrari.

Modos acquirendi jure gentium commodioris doctrinæ gratia ita supra distinximus, quod quædam eo jure nobis acquirantur facto nostro & occupatione, quædam solius rei nostræ beneficio ac potestate: in quibus tamen explicandis ordinem à Compositoribus servatum hic sequi necesse fuit: & fere jam hi modi etiam speciatim à nobis expositi sunt, omnes quidem omnino & singuli, quibus sine facto nostro sola rei nostræ vi acquirimus: quibus verò facto nostro, paucis exceptis, scilicet inventione thesauri, & apprehensione rerum, quæ à dominis vel traduntur, vel pro derelicto habentur: de quibus adhuc postea dicendum. Ad neutrum autem horum modorum videtur referri posse acquisitionem fructuum ex re aliena bonæ fidei possessa perceptorum. Neque enim sunt bonæ fidei possessoris jure & potestate rei suæ, unde non nascuntur neque solo ipsius facto, puta cultura, cura, perceptione: nam eadem ratione fierent & malæ fidei possessoris, atque ab alio percepti, agrove ab alio confito, bonæ fidei possessoris non fierent, licet perceptio bonæ fidei possessori sit causa sine qua non. Denique nec ulla alia ratione videtur hæc forma acquisitionis defendi posse: nam eum inter cetera, quæ potestate rei nostræ jure gentium acquirimus, vel maxime sint fructus, qui ex re nascuntur, *l. qui scit. 25. in pr. & § 1. de usur. l. 1. & l. 6. hoc tit. 1. C. de rei vind. §. item ea. 19. sup. cod.* ejusdem quoque juris ratione convenire videtur, ut iidem fructus nostri maneant, etiam cum à re, unde extiterunt, separati sunt. Nam si fructus pendentes pars sunt fundi & ejus, qui fundi dominus est, *l. fructus pendentes. 44. de rei vind.* necesse est etiam separatos ejusdem manere: id enim est quod dicitur, meum esse, quod ex re mea superest, *l. solum. 49. §. 1. d. tit.* At res ita habet. Ceterum hæc acquisitio istius regulæ quædam exceptio est; placuitque hic rem ipsam potius, quæ acquiritur, & personas acquirentium quam modum formæve acquisitionis communem spectari. Tres igitur causæ sunt, quæ huic acquisitioni locum faciunt, res, quæ acquiritur, persona acquirentis, acquirendi ratio & modus. Res, quæ acquiritur, sunt fructus. Fructus, teste

Varone 4. de ling. à ferendo dictus est, ut sit omne id, quod res ferat. Vinn. Hæc non reperio

apud Varronem, qui *lib. 4. cap. 4. fruges & fructus* derivare videtur à fruendo, spicas à speculum a culmine. Ceterum fructus proprie dicuntur, ex ipso corpore obvenientes. Qui rei tantum occasione ad nos redeunt, proprie fructus non sunt *l. 121. ff. de V. S.* Interpretatione tamen & hæc pro fructibus habentur. Et ita intelligenda quæ apud auctorem sequuntur. Hein. Nostri, cum generalius loquuntur, appellatione fructus omnem redditum, omnem obventionem, omneque commodum, quod vel ex re nascitur, vel per causam rei percipitur, complectuntur. Hinc nata fructuum divisio in civiles & naturales. Civiles dicuntur, qui non ex corpore rei nascuntur, sed extrinsecus per occasionem rei jure percipiuntur, cujus generis sunt usuræ, mercedes, pensiones, redditus annui: unde nec proprie fructus sunt, *l. usuræ 121. de verb. sign. l. si navis. 62. de rei vind.* sed in fructu numerantur, quia vicem fructuum obtinent, *l. videamus. 19. l. usuræ. 34. l. pradium. 36. de usur. l. mercedes. 29. de her. pr. eorumque etiam ratio habetur in judiciis petitoriis, l. ancillarum. 27. §. 1. & 3. seqq. d. tit. d. l. si navis. 62. de rei vind.* Ceterum de illo genere hic non queritur. Naturales fructus sunt, quos natura ex re ipsa producit: eorumque duplex item potest esse consideratio; aut enim natura sola & sponte, sive sponte magis quam diligentia hominis proveniunt, ut poma, oleæ, nuges, lignum, fenum, aut natura quidem adjutrice, ceterum facto magis & industria hominum: quos quia natura non producit, nisi accedat labor & industria hominis, industriales vulgus Interp. appellavit, cujusmodi sunt segetes, legumina, aliaque in agris sata, *l. fructus. 45. de usur.* unde hæc distinctio petita. Huc item nonnulli referunt fœtus pecudum, lac, pilum, lanam, arg. *l. 7. §. non solum. 9. sol. matr. Vvesemb. hic Don. 4. comment. 25. Menoch. de arb. cap. 120. num. 16.* Et sane hæc absque cura & sumptu possessoris non proveniunt, sed tamen non ideo minus fructus naturales censeri oportere contendit Pinell. in leg. 2. C. de res. vend. p. 2. c. 4. num. 52. & D. Tulden. cap. 45. post Curtium. 2. conjest. ad frat. cap. 44. Ego cum Bartolo in *l. & ex diverso. 35. de rei vind.* Covar. 1. resol. 3. n. 6. existimarem, nonnihil hic tribuendum esse arbitrio judicis: quamvis id ad questionem propositam parum faciat. Ut ut est, de utroque hoc genere, sed solo disputatur hoc §. In persona acquirentis duo exiguntur, ut possideat, hoc est, animo & affectu dominantis rei teneat, *l. 13. §. 1. de publ. in rem aff.* ut possideat bonæ fidei, id est, justam causam habeat, ob quam existimet rem ad se pertinere, *l. qui à quolibet. 27. de cond. empt. l. bonæ fidei. 109. de verb. sign.* Modus horum fructuum acquirendorum est perceptio: nec interest, an ipse possessor eos percipiat, an alius suo nomine, non possessoris, *l. si fructuarius. 13. quib. mod. usufr. amittit. l. qui scit. 25. §. 1. de usur.* Percepti autem fructus intelliguntur, 3

simul atque à re qua tenebantur separati sunt. In fundo, cum se terra continere desierunt, veluti spica aut feno casis, uva adempta, excussa olea, nucibus & pomis defectis aut decerptis, licet nondum collecti aut aucti sint, frumentum nondum tritum, vinum aut oleum nondum factum, *d. l. si fructuarium. 13. & d. l. qui seir. 25. §. 1. l. si ejus 78. de rei vind.* In animalibus, cum sortus editus, hac expressum, lana detonsa est, *l. in pecudum 28. de usur. l. bona 48. in fin. hoc tit.* Nonnumquam tamen verbo percipiendi aliquid amplius designatur quam simplex illa, quam dixi, fructuum à re separatio; quomodo accipiendum quod Paulus scribit in *d. l. bona. 48. fructus bonae fidei possessoris fieri, etiam prius quam eos perceperit, nimirum prius quam perceperit plenè & perfectè, prius quam eos collegerit, avexerit, quam spicam triverit, uvas, olivas expresserit, d. leg. si ejus 78. de rei vind.* Tribuitur igitur hac acquisitio perceptioni. At quo jure, quave ratione? Naturali, ut ait Justinianus hic, nimirum propter culturam & curam possessoris percipientis. Sed enim neque sola hac acquisitionis hujus ratio est, neque præcipua, ut patet ex iis, quæ jam disputata sunt: & si culturæ tantum aut curæ ratio hic haberetur, hoc solum possessori concedendum esset, ut impensam & operam in colendo & curando præstitam imputeret, atque ad eum dimittaxat modum fructus deducere vel retinere possit si aliter ei restitutio non fiat.

Principalis verò ratio in persona possessoris querenda, ea est bona fides, quippe quæ facit, ut possessor pæne pro domino haberi debeat, *d. l. qui seir. 25. §. 1. de usur. d. l. bona fidei. 48. hoc tit.* hinc non tantum fructus, sed & cætera sibi omnia, quæ dominis tribuuntur eadem tribuuntur & bonæ fidei possessoribus: veluti amissa possessione actio in rem Publiciana, in his rebus quæ usucapi possunt, *§. namque si cui 4. inf. de act. 101. tit. de Publ. in rem act.* item quæ servi alieni & liberi homines bona fide possessi ex operis suis aut re possessoria acquirunt, *§. 4. vers. idem places infr. per quas pers. cuiq. acq.* In summa, bona fides tantumdem præstat possidenti, quantum rei veritas, quoties lex impedimento non est, ut ait Jurisconf. in *leg. bona fides. 136. de reg. jur. VINN.* Non ignotus hic Jctorum dissensus. Alii culturam & curam statuunt esse hujus acquisitionis causam: alii cum auctore nostro bonam fidem. Hinc illi industriales tantum, hi & naturales fructus b. f. possessori adquiri putant. Res clara videtur. Causa proxima est cultura & cura, id est qualiscumque cura rei impensa. Cultura enim & cura synonyma hic esse, pridem docuit V. C. Ger. Noodt *Prob. 11. 7.* At causa remota est bona fides. Hinc tamen bonæ & malæ fidei possessor eademem curam rei impendant: tamen hic fructus non acquirit, quia ipsi nec color nec jus colendi fuit. Rem eleganti loco ex Terentii Adelphi *act. v. scen. 3. v. 27.* illustrat laudatus Noodt *Comm. ad ff. tit. de rei vind. §. 197. Tom. R. Op.* An ergo &

naturales fructus acquirit b. f. possessor? Omnino, quia nullæ res quæ si non culturam, saltem curam aliquam exigat. HEIN.

Quem dominum esse crediderit] In hoc posissimum versatur bona fides. Nihil autem interest, putaverit eum dominum esse, qui non erat; an sciverit dominum non esse, & putaverit eum jus alienandi à domino aut lege habere, puta procuratorem aut tutorem esse, *l. bona fidei. 109. de verb. sig. l. ult. pro empt. d. 13. §. 1. & l. seq. de Publ. in rem act. l. qui à quolibet. 27. de cont. empt.* At enim si dominum esse existimet, necesse est, ut simul credat esse eum, cui rerum suarum alienatio non sit interdicta: nam si verbi causa à pupillo, quem dominum putet, rem emerit sine tutoris auctoritate, non videtur bona fide emisse, *d. l. 13. §. 1. de Public. d. l. quia quolibet. 27. de cont. empt.* Si tutorem putet, ut credat etiam se ab eo emere lege non prohibente, *d. leg. 13. §. 2. l. lex. qua 22. C. de adm. tut.* Si existimet procuratorem, ut putet, aut esse eum, cui nominatim de re tradendum sit; aut eum, cui libera negotiorum omnium administratio à domino permittitur, *l. iusjurandum 17. in fin. de iurejur. l. 9. §. nihil autem. 4. hoc tit.*

Aliave iusta causa] Nam cum numquam nuda traditio dominium transferat, non aliter existimare potest rem in se transferri, quam si iusta causa præcedat, propter quam traditio sequatur, *l. numquam. 13. hoc tit. d. l. 13. §. 1. de Public. in rem act.* Iustam autem causam appellat iustum titulum, ex quo si res à domino, eove, qui jus transferendi habet, traditur dominium statim in accipientem transiret, cuiusmodi causæ sunt emptio, donatio, dos, permutatio, legatum, iudicatum, novæ deditio, transactio, adjudicatio, *l. & seqq. de Publ. in rem act.* Nec sufficit putare, titulum intervenisse, si non intervenerit: nam ut falsa existimatio nostra usucapionem non perit, ita nec ad fructuum acquisitionem prodesse debet: nisi forte huic nostræ opinioni causam dederit iusta & probabilis facti ignorantia, vid. *inf. de usuc. §. error. 6.*

Æquè bona fide accepit] Neque sufficit, possessor rem ab initio bona fide accepisse, si postea cognoverit rem alienam esse: nam ex tempore, ut bonæ fidei possessor esse desinit, ita quoque denegatur fructuum acquisitio, *l. qui bona. 23. §. 1. hoc tit.* licet usucapio ipsius rei adhuc procedat, *l. pen. pro empt. l. un. C. de usuc. transf.* quippe in usucapione tantum una acquisitio est, & ideo in ea sufficit, vel initium possessionis iustum esse, in fructibus autem acquirendis, ut multe sunt acquisitiones, ita & in singulis bona fides spectanda, nec unum initium, ut in usucapione, sed singula momenta, *d. l. qui bona. 23. §. 1. l. bona fidei. 48. §. 1. hoc tit.* Contrarium tamen videri potest, quod scribit Julianus, *l. qui seir. 25. §. 2. de usur.* bonæ fidei possessor em etiam rem in percipiendis fructibus intelligi, qui postea cognovit rem alienam esse, quamdiu ex evicta non fuerit: nisi dicamus cum Gloſa & Bér. Julianum nihil aliud

significare voluisse, quàm hujusmodi possessorem, maiore interim in possessione percipiendi fructus, nec in ea perceptione ab eo, qui se dominum esse intendit, pendente lite, quamdiu de scientia nondum verè constat, turbari posse: ac re evicta, & legitimo iudicio ablata, si de restitutione & effectu acquisitionis quærat, retroversus malæ fidei possessorem intelligi, ex quo res ab eo petita est, atque exinde fructuum nomine teneri, ut quemvis malæ fidei possessorem: & sanè hoc probabilius est, quàm quod Baroni in hunc §. Copo lib. 2. de fruct. 1. 4. c. 5. D. Tuldeno hic c. 48. videtur, Juriscons. inter se dissensisse, Ait, *acceperis*: etenim aliter nec possidet, nec putare potest rem suam esse, licet conventio præcesserit, non enim nudis pactis, sed traditionibus dominia rerum jure gentium transferuntur, l. *traditionibus*. 20. l. *de pact.* Obiter addo, bonam fidem benigna juris interpretatione in possessore præsumi; atque inde esse, quòd non ipse possessor de bona sua fide docere cogatur, sed adversarius contrarium ostendere debeat, l. *quæres*. 18. §. 1. *de probat.* l. *pen. Cod. de evict.* D. Vvesemb. n. 4.

Fructus, quos percipis, ejus esse pro cultura & cura Cum in persona possessoris concurrunt ea, quæ diximus, placet, sola perceptione, adeoque sola separatione à re, qua tenebantur, fructus possessoris fieri. Non interest, quo titulo possideat, oneroso, an lucrativo: nam & eum, qui ex causa donationis rem accepit, diserte cum emptore in hac quæstione exæquat Justinianus. Sed neque fructuum conditio quicquam de hac acquisitione mutare videtur, & non tantum fructus industriales, sed naturales etiam ad hanc acquisitionis speciem pertinere. Nam generaliter atque indistinctè loquitur hic Imperator, & Jurisconsulti in l. *bonæ fidei*. 48. hoc tit. l. *si ejus*. 78. *de rei vind.* l. 13. *quib. mod. us. am.* Caji quoque ratio generalis est in l. *in pecudum*. 28. *de usur.* ideo nempe fœtum pecudum fieri bonæ fidei possessoris, quia in fructu est. Ait quidem Justinianus hic, fructus bonæ fidei possessoris fieri pro cultura & cura; at vix ulla res est, quæ sine cultura aut cura aliqua fructum ferat: coluntur enim agri, curantur pecora. putantur arbores, plantæ, oleæ attonderi & interradi gaudent, Plin. l. 15. c. 1 Sed & si qui fructus sine cultura aut cura proveniant, ut sylvæ exduæ, poma, nuces, alique fructus sylvestres, nihilo tamen minus huc pertinent. Nam ut non multo ante diximus, præcipua & adæquata acquisitionis fructuum ratio est bona fides possessoris, quæ efficit, ut tamquam dominus jure soli fructus percipiat: & consequenter etiam eos percipiendo suos facit, in quos neque culturam neque curam ipse impendit, l. *qui fecit*. 25. §. 1. *de usur.* tantum quia *ibi* *ne* *non* accidit, ut fructus sine cultura aut cura non proveniat: ratio hæc à Justiniano expressa est. Evincitur hoc quod dico etiam ex eo, quod mox subjicit de fructibus consumptis; ait enim, quos fructus possessor percipiendo suos fecit, de iis consumptis dominum

supervenientem & rem suam vindicantem agere non posse, hoc est, possessorem eos consumptos lucrari: ac lucratur consumptos omnes, l. 4. §. 2. *fin. reg. l. circum*. 22. *C. de rei vind.* §. 2. *inf. de off. jud.* ergo & perceptos interim suos omnes facit. Exemplis quoque demonstrari potest, non industriales tantum, sed etiam naturales fructus fieri bonæ fidei possessoris, simul atque à solo aut re, qua tenebantur separati sunt. Non asseram quod de fœtu pecudum, lacte, lana scribit Cajus in d. l. *in pecudum*. 28. *de usur.* & Paulus, in l. *bonæ fidei*. 48. §. *ult. hoc tit.* hos fructus statim fieri bonæ fidei possessoris: quia video esse, qui fructus pecudum pro industrialibus in hoc argumento habendos existimant, propterea quod, ut modò dicebamus, ex iis rebus producuntur, in quas possessori sumptus facere necesse sit; quamvis Cajus non aliam harum rerum acquisitionis rationem reddat, quàm quòd in fructu sint. Fortassis & uvas iidem ob eandem causam inter fructus industriales numerabunt, ideoque quòd uvam ademptam legimus, statim bonæ fidei possessoris fieri, negabunt huc pertinere. At certè oleam negare non poterunt esse vel maxime fructum naturalem, quippe quæ teste Plinio, lib. 15. cap. 1. nullam omnino culturam aut curam desideret. & Virgilius lib. 2. *Georg.* v. 420. *segg. de oleis* sic scribit:

*Contra, non ulla est oleis cultura, neque illæ
Procurram expectant falcem, vassosque tenaces,
Cum semel hæserunt arvis.*

Duobus autem locis manifestè proditum est, etiam oleam, mox cum percepta sive excussa aut lecta est, bonæ fidei possessoris acquiri, l. *si fructuarius*. 13. *quib. mod. us. am. l. si ejus*. 78. *de rei vind.* Fœnum quoque opinor nemo negabit fructum esse naturalem: at non minus fœnum quàm spicam simul atque à solo separatum est, bonæ fidei possessoris fieri, traditum est in d. l. 13. *quib. mod. us. am.* Postremò omnem dubitationem tollit locus Pauli in d. l. *bonæ fidei*. 48. hoc tit. in pr. ubi sic scribit: *Bonæ fidei emptor non dubie percipiendo fructus etiam ex aliena re suos interim facit, non tantum eos, qui diligentia & opera ejus proveniunt, sed omnes: quia quod ad fructus attinet, loco domini pæne est.* Nam Glossæ ad hunc locum interpretatio & DD. qui tam sequuntur, inter quos ex recentioribus etiam est D. Bachovius, inconcinna & violenta est. Hi illa Pauli verba *sed omnes*, ad fructus industriales coarctant, qui alterius quàm bonæ fidei possessoris opera proveniunt. Sed quis non videt, verbum *omnes* Paulo non ad operantes, sed ad fructus ipsos referri, eoque denotari fructus diversæ speciei, & qualitatis ab iis, quos dixerat opera possessoris provenire. Evincit hoc ipsum etiam ratio, quam mox subjicit, quia quod ad fructus attinet, bonæ fidei possessor loco domini pæne sit. Ejusmodi item est, quod Julian. scribit, bonæ fidei possessor fructus jure soli percipere, atque eo jure, quod domini prædiorum, eive qui agrum vestigalem habet, tributum est, d. l. *qui fecit*. 25. §. 1. *de usur.* unde

de satis manifeste apparet, præcipuam hujus acquisitionis causam non esse operam aut industriam possessoris, sed fructus omnes, qui ex solo nascuntur, etiam *deceptus* & *deceptus* eo pertinere. Et verò si percipiendo sibi acquirit etiam ab alio factos, in quos neque culturam, neque curam ullam impendit, cur non etiam naturales, quos plerumque cura illius facit, si non ut nascantur, saltem ut conserventur? Unus juris locus est, qui Interpp. adegit, ut in hac acquisitione fructus naturales ab industrialibus distinguerent, is est Pomponii, *l. fructus. 45. de usur.* Quærit eo loco de conjugæ possessore rei à conjugæ donatæ: & ait, conjugem fructus ex ea re perceptos illos tantum suos facere, qui ex operis ejus proveniunt: cæterum si pomum decerpserit, vel sylvam ceciderit, ejus cum fructum non fieri, sicuti nec cujuslibet bonæ fidei possessoris: quia non ex facto ejus is fructus nascatur. Hic Jurisconsultum satis apertè sic loqui arbitrantur, ut fructus naturales ad bonæ fidei possessorem non pertinere existimet; quod tamen non ita est. Non enim ait, nullius bonæ fidei possessoris cum fructum fieri, sed non cujuslibet: quæ enunciatio non est generalis, sed particularis, ut ostendit nota particularis attributionis, quæ hic est negatio universalis. Igitur in hac enuntiatione: *Non omnis aut non quilibet bonæ fidei possessor fructus naturales suos facit*, cum consequens non omni antecedenti attribuitur, sed solummodo ejus parti alicui, satis apparet, Pomponium non eodem jure in proposito omnes fidei possessores censere; & tacitè duo genera talium possessorum facere, unum eorum, qui fructus naturales suos non faciant, alterum, qui faciant. Atque ita est. Non enim omnis bonæ fidei possessor fructus naturales percipiendo suos facit, sed is solum, ut ante dictum est, qui justo titulo possidet, causamque justam habet, cur existimet rem ad se pertinere: qui autem justo titulo destituitur, quamvis in jure errans se dominum factum putet, naturales fructus suos non facit, ne cui juris ignorantia in compendiis prodest, *l. 4. l. 7. & 8. de jur. & fact. ign.* licet alioqui non malè, sed bonæ fidei possessor existimari debeat, quicumque dolo caret, etsi in jure errat, *arg. leg. ubi lex. 24. l. si fur. 32. §. 1. de usuc. leg. sed et si. 25. §. scire. 6. de her. pet. add. Goedd. ad l. bonæ fidei. 109. de verb. sign.* Nec sequitur: injustè seu titulo invalido possidet, ergo mala fide. Possessor prædii minoris sine decreto alienati possidet injustè, bona tamen fide possidet, si ignorans rem minoris esse, aut in jure errans rem emit, fructusque industriales propter bonam fidem suos facit, *l. 2. C. si quis ign. rem. min.* Talis etiam est possessor fundi dotalis à marito alienati; item rei litigiosæ, & qui à falso tutore emit, *l. 13. §. ult. de pub. in rem act.* Nam ubi lex impedimento est, bona fides in compendiis possessori non prodest, *d. l. 24. de usucap.* Toties autem impedimento est, quoties possessorem vult tenere, in quantum locupletior factus est, ut possessor

rem hereditatis, *l. 25. §. consuluit. 1. de her. per. item in casu l. 8. C. de don. int. vir. & ux. & denique qui ex ea causa possidet, quæ postea ad non causam redacta est, l. 3. de cond. indeb.* Atque de hoc genere bonæ fidei possessorum locus Pomponii accipiendus est: quippe qui & soli similes sunt iis, de quibus illic quæritur, & in lucis cæterorum bonæ fidei possessorum jure non censentur: ita ferme & Vvesemb. *hic* Pinel. ad *l. 2. C. de resc. vend. pars. 2. c. 4. n. 59.* Fachin. 1. *conrr.* 57. Paul. *Bul.* ad *d. l. 45.* Timæus *Fab. disp. anni vers. 14. thes. 5.* Tuld. *c. 50. hic.* VINN. Hunc locum alii aliter interpretantur. Ego ita censeo. Bonæ fidei possessor est, vel qui credit se dominum esse, vel qui & justam id credendi causam habet, puta justum titulum. De posterioris generis possessore bonæ fidei loquitur Imperator in hoc paragrapho, ut docent verba: *Bonæ fidei fundum emerit, vel ex donatione aliarum JUSTA CAUSA æquè bona fide acceperis.* Et hujusmodi b. f. possessor omnes fructus suos facit. At in hac *l. 45. ff. de usur.* Pomponius loquitur de marito, cui uxor feudum donaverat. Erat ergo maritus in bona fide sensu priore: putabat enim se dominum. At non sensu posteriore; quia nulla præcesserat justa causa. Nam donationes inter virum & uxorem manifesto ex legibus irritæ sunt. An itaque & hic omnes fructus suos facit? Minime, sed industriales tantum, non naturales. Illos enim donare potuit uxor, quia non sit pauperior, dum vir fructus suis operis & impensis acquirit. Hos donare non potuit. Jam verba Pomponii ita interpretor: *Si pomum decerpseris, vel ex silva cecideris: non fit ejus, sicut nec cujuslibet [id est ullius] bonæ fidei possessoris, [sive justa causa possidentis, & tamen se putantis dominum, qualis hic maritus est,] quia non ex facto ejus fructus nascitur, [adeoque cum uxoris damno locupletior fit,]* HEIN.

De fructibus ab eo consumptis agere non potest.] Hoc idem traditur §. 1. *inf. de off. jud.* & Paul. in *l. 4. §. 2. fin. reg.* ait, bonæ fidei possessorem fructus consumptos lucrari. Unde sequitur ex contrario, de non consumptis, hoc est, extantibus adhuc, licet à solo separatis, dominum agere posse, eosque bonæ fidei possessorem non lucrari: quod & expressè traditum est *l. certum. 22. C. de rei vind.* quam ob causam Africanus consumptos demum suos facere bonæ fidei possessorem scribit, *l. quæsitum 40. hoc tit. & Paul. l. 4. §. lana. 19. de usucap.* consumptos vel usucaptos: quia hi soli re evicta non restituantur. Dubitandum autem non est, quin ut omnes tam naturales quàm industriales consumptos bonæ fidei possessor lucratur, ita vice versa omnes tam industriales quàm naturales non consumptos teneatur restituere, *arg. hujus §. & de. loc.* Nam quòd maritus non restituit fructus industriales, licet adhuc extant in specie, *l. fructus. 45. de usur.* hanc rationem habet, quod maritus eos permittente jure sibi acquisivit ex voluntate uxoris donatricis. Ergo, inquires, falsum est, quod hæcenus probare conati sumus, sola

la perceptione fieri fructus bonæ fidei possessoris. Et verò falsum esset, si hæc eidem rei attribuerentur *usuræ*, & eadem ratione. Sed sciendum est, duplicem esse dominii acquisitionem; unam perpetuam & citra voluntatem aut factum domini irrevocabilem, alteram temporalem, & revocabilem ex causa superveniente, quæ dominii causam tollat; quale jus est maritis in re dotali, quod soluto matrimonio ab eo recedit, & hæredis fiduciarii, quod cedente die fideicommissi in fideicommissarium transit, item hæredis in re sub conditione legata, *l. non ideo 66. de rei vind. l. generaliter 29. §. 1. qui & à quib. man.* & tale quoque in proposito jus est bonæ fidei possessoris in perceptis necdum consumptis fructibus usque ad evictionem. Nimirum causa hujus acquisitionis præcipua est bona fides: quippe quæ efficit, ut possessor perinde quasi dominus jure soli fructus suos faciat, quamdiu de vero domino non constat: at eo superveniente at rem suam vindicante, jam causa illa, & simul jus, quod dixi, cessare incipit, cogimurque possessor fructus omnes, qui modò tempore evictionis extant, officio judicis restituere: neque enim sublato jure, quod in solo habebat, possessorem defendere potest, ut fructus retineat, sola ratio culturæ & curæ: sed ad id solidum prodesse, ut opposita doli malæ exceptione sumptus servet, consequaturque ut dominus aut pretium ejus, quod impensum est, solvat, aut si id nolit, patiatur sumptus cum fructibus pro rata pensari, proque illis partem fructuum possessorem retinere, *arg. d. l. si à domino. § 6. §. ult. de her. per.* Ipse Paulus non obscure hoc innuit *d. l. bona fidei. § 8. hoc tit.* illis verbis, *sus interrim facit*: ne quis credat, sola perceptione fructus sic fieri possessoris, ut numquam postea sint restituendi. Neque verò existimandum est, frustra constitutum esse, ut interim bonæ fidei possessor fructus sola perceptione suos faciat: nam & ratio bonæ fidei hoc exigit: nec sine effectu est; prodest enim bonæ fidei possessori ad hoc, ut si fructus ab alio percepti sint & possideantur, eos tamquam suos vindicare possit; tribuitque ei jus fructibus pro arbitrio suo utendi, eos pro utilitate aut necessitate familiæ distrahendi aut consumendi: cujus rei hic iterum effectus, ut domino rem suam evincenti consumptorum nomine non teneatur, quorum alioqui æstimationem restituere deberet. Nonnihil tamen hæc in re nobis negotii facit, quod Cajus respondet *l. in pecudum 28. de usur.* Ea quæ in fructu sunt, statim pleno jure fieri bonæ fidei possessoris & fructuarii: nam quod statim pleno jure acquiritur, id non potest dici consumptione dentum irrevocabiliter acquiri. Ad hoc igitur quid respondemus? Nimirum eum, qui cum de acquirendo agitur, dicit, bonæ fidei possessorem fructuum, simul ac percepti sunt, statim dominum fieri pleno jure aut in solidum, non continuo negare: *jur illud ex causa esse revocabile*: neque de eo laborare debuit Cajus in comparatione fororum pecudum cum partu anellæ, qui in fructu non est, ideo usucapione dentum

acquiritur. Sic idem Cajus *l. generaliter 29. §. 1. qui & à quib. man.* scribit, servum sub conditione legatum pendente conditione pleno jure hæredis esse: quem tamen constat deficiente demum conditione fieri hæredis irrevocabiliter. Illud non magni momenti est, quod bonæ fidei possessor dicitur idem jus habere, quod dominis prædiorum tributum est, & plus etiam juris quam habet fructuarius, *l. qui scit. 25. §. de usur.* Nam si hoc simpliciter verum esset, ne naturales quidem fructus extantes restitueret; & loquitur expressè Jurisconsultus de jure fructus ab initio acquirendi. De 10 consumptis porro quæsitum est, an non saltem bonæ fidei possessor ad restitutionem eorum teneatur, quatenus ex iis factus est locupletior. Et verius est eum non teneri. Nam primò textus omnes, qui de consumptis fructibus loquuntur, generaliter & sine ulla distinctione negant, eorum nomine bonæ fidei possessorem teneri, & Imp. in *l. certum. 22. C. de rei vind.* ajunt, eum teneri nomine extantium duntaxat, quasi de consumptis inquirendum non sit. Ad hæc tantum tribuit bonæ fidei possessori consumptio, quantum usucapio, *l. 4. §. lani 19. de usuc. at usucapitorum nihil restituitur.* Et postremo, quod bene notandum est, dicitur bonæ fidei possessor fructus consumptos lucrari, *l. 4. §. 2. fin. reg.* quod utique falsum esset, si eos, quatenus locupletatus esset, teneretur restituere: nemo enim sine lucro locupletatur. Non obstat, quod in judicio petitionis hæreditatis bonæ fidei possessor teneatur in quantum locupletior factus est, *l. sed & si 25. §. consuluit 11. l. illud 40. §. 1. de her. per. l. 1. C. cod.* Non enim eadem in proposito judicii universalis & rerum singularum petitionis ratio est. Nam petitio hæreditatis non tantum in rem est, sed etiam præstationes personales habet, *l. 7. C. de per. her. l. 25. §. 18. cod.* atque ut mitius cum possessore agitur in petitione hæreditatis, quam in rei singularis vindicatione, (quippe Senatus ita possessori pro hærede consuluit, ut si quid dilapidaverit aut perdidit, dum sua se re abuti putat, non teneatur) ita vicissim æquum est, ut præstet, si quid lucri ex hæreditate consecutus sit: eique sufficere debet, si damno non afficiatur, *d. l. 15. §. consuluit.* Ad hæc nec titulum habet possessor hæreditatis, & fructus ab eo percepti statim in numerum rerum hæreditarium recipiuntur, ipsamque augent hæreditatem, ut nec ab initio quicquam hic suum faciat, aut consumptum postea lucretur: unde fit, ut eodem jure quo ipsa corpora hæreditaria & fructus, petantur, atque in restitutionem hæreditatis veniant, *l. item veniunt 20. §. 3. l. post senatusconsult. 28. l. illud 40. §. 1. de her. per. l. 1. C. cod.* In particularibus autem judiciis non solent res in locum pretii aut contra succedere, *l. 7. in fin. qui per. in pign.* Nec multum ab similibus est ratio conditionis indebiti soluti, in quantum fructus veniunt jure obligationis & hoc quatenus is, qui accepit, ex his locupletior factus est, *l. indebiti 15. l. si non sortem 26. l. liberatur 12. l. in summa 65. §. pen. l. pen. de cond. ind. ita &c. & An. Fab. 4. c. 17. Diuall*
T. 1.

Tulden. hic c. 44. & seqq. Perez. ad tit. 4. de rei vind. n. 17. & seqq. Quod ad praxim attinet, testis est Pinel. in l. 2. C. de resc. vend. p. 2. c. 4. n. 60. ita nunc ubique in judiciis usu servari, ut possessor bonæ fidei in universum à fructibus ante inchoatum iudicium perceptis absolvatur, neque de consumptis unquam quærat, locupletior ex iis factus sit, neene. Sed & numquam inquiri de iis, qui similiter ante rem in iudicium deductam percepti sunt, utrum bonæ fidei possessor eos consumpserit, an verò adhuc extant, tantumque servari formam l. certum. 22. C. de rei vind. in fructibus perceptis post litis contestationem; quod & rationem habet, scilicet ut litium ambages vitentur; & placet D. Nic. Tuldeno in annot. ad prax. rer. civ. Damhoud. c. 104. num. 13. Idem quoque sentite videtur D. Grot. 2. manuduct. 6. cum scribit, bonæ fidei possessorem in perceptione fructuum similem esse fructuario, add. Groenev. de ill. abrog. ad leg. 22. Cod. de rei vind.

22. *Et verò qui alienum fundum sciens*] Fructuum jure soli acquisitione non tribuitur cuius possessori sed possessori bonæ fidei dumtaxat: nam malæ fidei possessor, ut nullum in solo habet, ita nec ullos fructus aut percipiendi interim suos facit, aut consumendo lucratur; sed cogitur cum ipsa re etiam fructus, licet consumpti sint, restituere, ut hic & d. l. 22. C. de rei vind. Sed neque per retentionem, opposita doli mali exceptione sumptus à se factos servare poterit, si res vindicabitur, arg. eorum, quæ tradimus sup. ad §. ex diverso. 30. & aliquot seqq. eod. exceptis sumptibus factis fructuum quærendorum gratia l. 36. in fin. & l. seq. de her. petiti. Nec illud refert, ab initio quis mala fide possederit, an postea possidere cœperit: Nam & hic ex eo tempore, quo cognovit rem alienam esse, fructus suos facere definit, l. qui bona. 23. §. 1. l. bona fidei. 48. §. 1. hoc tit. Postremò huc pertinent possessores omnes post litem contestatam, §. 2. inf. de off. iud. d. l. certum. 22. C. de rei vind. l. 2. C. de fruct. & lit. exp. l. 4. §. 2. fin. reg. quoniam post motam controversiam possessores omnes in causa fructuum pares sunt, & quasi prædones tenentur, l. sed & si 25. §. si ante. 7. de her. peti. l. nemo. 10. C. de long. temp. presc. ac proinde & si fructus à bonæ fidei possessore ante iudicium percepti sunt, sed post litem demum contestatam consumpti, nihilominus eo nomine eodemnabitur: quia id omne restituendum est, quod habiturus esset petitor, si tempore iudicii accepti restitutio facta fuisset, l. præerea. 20. de rei vind. l. 2. de usur. l. adiles. 25. §. ante pen. de adil. edict. In summa possessores malæ fidei, quales item habentur post litem inchoatam omnes, fructus omnes cum ipsa restituere debent, d. l. certum. 22. C. de rei vind. tenenturque eo nomine de extantibus rei vindicatione, de consumptis conditione, scilicet ad estimationem, quæ vice rei fungitur, l. 3. C. de cond. ex leg. l. 4. §. 2. fin. reg. l. 4. C. de crim. expil. her. Tenentur verò non tantum de perceptis, verum de iis quoque, qui non

percepti honestè percipi potuerunt: in quo persona non possessoris, sed petitoris spectatur; neque hic possessori patrocinari debet, quod titulo possideat: quippe titulus à dolo non excusat, negligentia autem possessoris dolosi domino nocere non debet, quominus consequatur, quod consequi potuisset, si ipsi licuisset rem possidere, vid. l. fructus. 33. l. si navis. 62. §. 1. de rei vind. l. 5. Cod. §. 2. inf. de off. iud. l. ait. prætor. 10. §. & fructus. 20. quæ in fraud. cred. l. 4. C. unde vi. l. sed et si. 25. §. 4. de her. peti. l. 1. C. cod. Copulib. 2. de fructib. tit. 4. c. 2. Buf. ad l. 20. de her. pet. Tulden. hic c. 53.

TEXTUS.

A fructuario & colono perceptis.

36. *Is verò, ad quem ususfructus fundi pertinet, non aliter fructuum dominus efficitur, quam si ipse eos perceperit. Et ideo licet maturis fructibus, nondum tamen perceptis decesserit, ad hæredes ejus non pertinent, sed domino proprietatis acquiruntur. Eadem fere & de colono dicuntur.*

NOTÆ.

36. *Si ipse perceperit*] Vel alius ejus nomine, l. 13. quib. mod. us. am. l. 25. §. 1. de usur. Quod si sponte deciderint, aut alius eos suo nomine separaverit, non ante ejus sunt, quam possessionem eorum nactus sit, l. 12. §. ult. de usur.

Ad hæredes ejus non pertinent] Hoc consequens est superiori, & apertè traditum in l. 13. quib. mod. us. am. l. 8. de ann. legat. erratque Cujac. hæredi fructus tribuens pro rata temporis, quo ususfructus stetit.

Eadem fere de colono] Fere non παρίσταται, ut putat Th. Nam hæres coloni in conditionem succedit, §. ult. inf. de locat. l. 10. C. cod. At in eo conveniunt, quòd colonus quoque non aliter fructus suos faciat, quàm si ipse eos perceperit, l. 60. §. 5. D. de locat. l. 61. §. 8. D. de furt. Non obstat, quòd furti actionem habet, l. 26. §. 1. d. t. Nam & fructuarius habet, l. 12. §. ult. de usufr. & omnes, quorum interest furtum factum non esse, licet domini non sint, §. 13. inf. de obl. quæ ex del. Igitur male Accurs. Myns. Pac. plus huc colono tribuunt, quàm fructuario.

COMMENTARIUS.

1 *Fructus, qui sponte deciderunt, aut quos alius suo nomine & re separavit, fructuarii demum fieri, etiam possessionem eorum nactus est.*

2 *Ius percipiendi fructus ad hæredem fructuarii non transire, licet majore parte anni ususfructus steterit, & fructuarius maturis jam fructibus decesserit: & cur non idem in fructibus rei dotalis.*

3 *Quid juris circa pensiones, si res fructuaria locata sit?*

*In quo colonus & fructuarius discrepent, aut
conveniant?*

Disputatio de fructibus à bonæ fidei possessoris perceptis occasione Justiniano dedit, ut de jure, quod hic fructuarius & colonus habent, ubi et aliquid subiceret. Hi in eo à bonæ fidei possessoribus differunt, quod fructus percipiunt ex voluntate domini, fructuarius jure servitutis sibi constituitur, colonus ex conventionione: unde nec perceptorum fructuum quicquam restituunt. Quia autem jus in solo non habent, nec possident, sed alieno tantum nomine rem tenent, §. de iis autem, 2. vers. fructuarius per quas pers. enique ac. §. possidere. §. inf. de interd. l. 10. l. 12. de acq. poss. non ut bonæ fidei possessores fructus acquirunt jure quasi domini aut soli, sed suo ipsorum dumtaxat facto & perceptione: quamquam hæc distinctio nostrorum morum simplicitati non convenit, ut notat D. Cyprian. Reg. cens. Belg.

Quam si ipse eos perceperit.] Fiunt quidem fructuarii etiam sola perceptione, hoc est, statim atque à solo, aut re qua tenebantur, separati sunt, puta spica aut sæno cæso, uva adempta, excussa olea, lana detonsa, lacte mulso. Cæterum non aliter quam si ipse eos, vel alius ejus nomine separavit, l. si fructuarius. 13. quib. mod. us. am. l. qui scit. 25. §. 1. de usur. Quod si sponte deciderint, aut alius eos suo nomine separaverit, non prius fructuarii fiunt, quam eorum possessionem nactus sit: unde si fur maturos fructus decerpserit, aut defecerit, domino fundi conditione tenetur, non fructuario, licet is actionem furti habeat, l. arborib. 11. §. ult. de usufr. quæ aliter se habent in bonæ fidei possessore, ut docuimus, §. præc. Planè in sortu animalium eadem fructuarii & bonæ fidei possessoris hic ratio est, statimque ut editus est, fructuarii sit, l. in pecudum, 28. de usur. quippe frustra expectes, ut separaretur, quod invita natura separari non potest: jubente ea satis separatur sine cujusquam facto.

Licet maturis fructibus, &c.] Hoc item consequens est ei, quod dixit. Nam si fructuarii non aliter fructus fiunt, quam si eos perceperit ipse vel alius ejus nomine, hæredi suo, quos non percepit, relinquere non potest: nec jus percipiendi fructus ad hæredem transit, quia morte fructuarii, ut omnia quæ personæ cohærent, extinguuntur, §. pen. inf. usufr. l. 3. §. ult. quib. mod. us. am. l. 8. §. 3. de lib. leg. quod iterum contra est in bonæ fidei possessore, qui jus, quod in solo habet, ad hæredem transmittit, d. l. qui scit. 25. §. 1. de usur. At ex contratio percepti omnes etiam immaturi pleno jure fructuarii fiunt, & ad hæredem ejus transeunt, l. si absente, 48. §. 1. de usufr. l. pen. de usufr. leg. Ait, maturis fructibus, nondum tamen perceptis. Eadem sententia est d. l. si fructuarius, 13. quib. mod. us. am. l. 8. de ann. leg. Quamvis igitur maxima parte anni usufructus steterit, & fructuarius suis impensis fundum fructuarium conseverit: si is melle nondum facta, licet segete messi

jam matura decesserit; nihil in eo, quod terra tenetur, hæres ejus juris habet, d. l. si fructuarius, 13. sed tantum deducet impensas fructuum quærendorum gratia factas; quia fructus non intelligitur, nisi quod deductis impensis superest, l. 7. sol. matr. Peck. lib. 5. de testam. coning. c. 24. n. ult. Nec iniquum videri debet, quod dominus fundi ad lucrum fructuarii labore & sumptu partum vocetur: quippe cum contra fructuario, quamvis minima parte primi aut postremi anni steterit usufructus, in solidum tribuantur fructus percepti, etiam pro ea parte, quæ usufructus non cooperat, aut postea finitus est, l. si pendentes, 27. de usufr. nec aliud usus horum temporum servat, contra quam censet D. Cyprian. ubi supra. Non obstat exemplum mariti in fructibus rei dotalis, quos placet soluto matrimonio dividi inter maritum aut ejus hæredes, & uxorem pro rata temporis, quo matrimonium stetit, siue fructus à marito sint percepti, siue non sint, l. 7. §. 1. & seq. sol. matr. l. un. §. cumque. 9. C. de rei ux. act. Etenim fructus dotis non ideo marito cedunt, quia eos percepit, sed propter onera matrimonii, quæ sustinere cogitur, l. 7. in pr. de jur. dot. l. pro oneribus 20. C. cod. Et igitur licet non perceperit, pro modo tamen temporis, quo matrimonium stetit, fructus dotis maritum sequi debent: quoniam tamdiu sustinuit onera matrimonii. Contra verò pro reliquo tempore, cujus onera non sustinuit, nihil ferre debet, licet fructus perceperit. D. Paul. Bus. ad d. l. 7. §. 1. & seq. sol. matrim. De pensione rei fructuariæ locata quæsitum, an si forte usufructus aliqua tantum parte anni steterit, eam nihilominus integram fructuarius hæresve ejus percipere debeat; an pro rata temporis dividi cum proprietario. Et refert, utrum res fructuario locata talis sit, unde singulis annis semel fructus nascitur, & percipitur, puta fundus; an talis, cujus fructus non in alio consistit, quam in ejus rei usu, siue commoditate, quæ ex eo usu quotidie percipitur, cujusmodi res sunt ædes, quarum fructus in eo est, ut inhabitentur; item servi, quorum fructus in operis. Fundo locato, si colonus fructus perceperit, merces totius anni debetur fructuario ejusve hæredi, etiam si usufructus finitus sit multo ante tempore, quam ea merces ex locatione pendi debebat, l. defuncta, 58. de usufr. In aliis verò rebus à fructuario locatis, quarum fructus in solo earum usu consistit, si intra tempora locationis usufructus interierit; non major ex parte pensio ad fructuarium hæredemve ejus pertinet quam pro rata temporis, quo usufructus mansit: quod superest, pertinet ad proprietarium; ut responsum est locatis operis servi, l. si operas, 26. d. ult. Cur tam variè? Nimirum quia fructuarius nec minus nec plus per conductorem consequi debet, quam si ipse re fructuaria usus esset. Igitur sicut fructuarius si fundum non locasset, ipse fructus percipisset, suosque omnes fecisset; ita pro fructibus, quos colonus, qui causam percipiendi ab eo habet, integros percepit, integra pensio ei debetur, quam & integram ad hæ-

hæredem transmittit, etsi nondum finito tempore locationis decesserit. Et convenienter si fructuarius decesserit, fructibus per colonum nondum perceptis, hæredi ejus nihil ex pensione debetur. Quod si decesserit parte fructuum percepta, parte nondum collecta, solutio pensionis fieri debet hæredibus fructuarii pro rata perceptorum: proprietario pro rata eorum, qui percepti non erant. Ubi verò pensio pro quotidiano rei usu debetur, non potest deberi longius, quam is usus præcesserit, nec longius is usus præcessisse dici, quam steterit usus fructus: & alioqui plus consequeretur fructuarius per inquilinum, quam si ipse re usus esset, quod est absurdum: eleganter D. Don. 10. comm. 9. estque hæc communis & usu recepta sententia. Vid. Joan. de Castilho tr. de usufr. 77. & seqq. Diod. Tuld. ad tit. de usufr. inf. c. 7. Paul. Buf. ad d. l. 58. de usufr. Christin. vol. 2. decis. 176. nn. 16. & ibi citat. Grot. lib. 2. introd. c. 39. diff. Cujac. 7. Feud. 30. & lib. 24. obs. 21.

Eadem fere & de colono dicuntur] Duo de fructuario dicta sunt, eum non aliter dominum fructuum fieri, quam si ipse eos perceperit, non alius, item mortuo fructuario fructus pendentes quantumvis maturos non ad hæredem fructuarii pertinere, sed acquiri domino proprietatis. Nunc ait, quæ de fructuario dicta sunt, ea fere & de colono dicenda esse. Tò fere non *transmittit*, ut putat Theophilus, sed cautè adjectum est, ne quis putet, eandem utriusque per omnia in proposito rationem esse. Nam certè longè alia causa est hæredis coloni, atque fructuarii. Non enim sicut morte fructuarii finitur usus fructus, ita morte coloni finitur conductio; sed mortuo intra tempora conductio- nis colono, hæres ejus in eam succedit, §. ult. inf. de locat. 10. C. cod. Et cum fundus conducatur mercede annua constituta pro modo fructuum, qui singulis in eo annis nasci solent, insignis injuria colono ejusve hæredi fieret, si locator pensionem simul & fructus perciperet: atque hinc etiam est, quod in prædiis rusticis, si tempore non expresse locatio facta sit, in annum facta intelligatur, per l. 13. §. ult. locat. Si quid igitur hic est, quod tam de colono quam de fructuario dici possit, illud sic necesse est, quod colonus similiter ut fructuarius non aliter fructus suos faciat, quam si ipse eos perceperit: sin autem alius eos suo nomine à terra separaverit, non colono, sed domino fundi acquiruntur, cui etiam ob id soli conditio competat; quod & verum est, apertèque traditum l. cum plures. 60. §. missem. §. locat. nec obscurè colligitur ex l. si servus 61. §. locavi. 8. de furt. Non est contrarium quod Paulus respondet, l. si apes. 26. §. 1. d. tit. de furt. colonum cum eo, qui fructus stantes surripuit, furti agere posse. Nam & fructuarius potest, l. 2. §. ult. de usufr. quippe furti actio omnibus competit, quorum interest furtum factum non esse, licet rei surreptæ domini non sint, §. furti. 13. inf. de obl. quæ ex del. l. cum qui. 14. §. qualis. 14. de furt. Nec aliò pertinet ratio Pauli, quam his ver-

his exprimit, quia ne primum decerpimus esset, eius esse capisset, quam ut ostendat, ideo actionem furti colono dari, quia ejus inter sit fructum ab alio decerptum non esse, eo quod coloni esse capisset, ut primum ab ipso esset decerpitus: Fallitur igitur Accursius, qui etiam hoc casu plus juris tribuit colono, quam fructuario, colonique fructus fieri existimat, quocumque modo à solo separati sint; traxitque in eundem errorem Myns. Schneid. & Pacium in not. marg. sed hic se corrigit in Analyfi. Aliud fanè ex parte dicendum videtur de colono partiaro, qui instar socii est, l. si merces. 25. §. vis. major. 6. locat. & proinde pro parte sua instar domini: idque innuere videtur Paulus d. l. 26. §. 1. cum dicit colonum, qui nummis colat; quod scilicet colonus partiarus fructibus à jure defectis aut decerpitis non modò actionem furti, ut is qui nummis colit, sed furti etiam conditionem pro parte sua habeat.

TEXTUS.

Quæ sunt in fructu.

37. In pecudum fructu etiam factus est, sicuti lac, pilus, & lana: itaque agni, hedi, & vituli, & equuli, & suculi, statim naturali jure domini fructuarii sunt. Partus vero ancilla in fructu non est; itaque ad dominum proprietatis pertinet. Absurdum enim videbatur, hominem in fructu esse: quum omnes fructus rerum natura gratia hominis comparaverit.

NOTÆ.

37. Statim naturali jure] Cajus, Statim pleno jure finis bonæ fidei possessoris & fructuarii. pleno jure, id est, plena & solida proprietate.

Partus in fructu non est] d. l. 28. §. 1. d. l. 68. de usufr. sed in fructu hominis operæ sunt, l. 3. & 4. de op. serv.

Absurdum videbatur] d. l. 28. §. 1. d. l. 68. eadem quoque Stoicorum sententia fuit, à quibus Auctores nostri fere imbuti. Lucret. Aliam rationem assert Ulp. l. 27. D. de hæc. per. quia ancillæ non ad hoc comparantur, ut pariant; sed ut serviant. Meminit hujus quæstionis Cic. 1. de fin. cap. 6.

COMMENTARIUS.

1 Ratio Caji, cur non placeat partum ancilla in fructu esse, examinata, & concinnior prolata ex Vlpiano.

Qua ratione & modo fructus suos faciat tum bonæ fidei possessor, tum fructuarius, ostensum est §§. proxime præcedentib. exemplo fructuum, qui in fundis aut agris nascuntur. Quoniam verò etiam hominum & pecudum suos fructus est, quem & ipsum bonæ fidei possessori & fructuario eadem ratione acquiri jure naturali con-

conveniens est, ideo ne quid hic dubii relinqueretur, & *capitulum* ostendere voluit, quoniam in hominum & pecudum fructu habenda sint, quæ non sint, & ait, in pecudum fructu non tantum esse lac, pilum & lanam, sed foetum etiam: atque ob id agnos, hædos, vitulos, equulos & fuculos statim ut editi sunt, naturali iure fructuarii fieri, addit Cajus, & bonæ fidei possessoris, l. in pecudum 28. de usur. est enim utriusque hic eadem ratio. In hominum autem fructu quæ sint, non definit: sed partum ancillæ negat in fructu esse; & ideo, inquit, ad dominum proprietatis pertinet, sicut & Cajus d. l. 28. §. 1. Nimirum uterque hoc significare voluit, non ut foetus in fructu pecudum est, ita & partum ancillæ in hominis fructu ponendum: in hominum fructu ea dumtaxat esse, quæ ex operis eorum percipiuntur, l. 4. de oper. serv. aut si quid acquirant ex re fructuarii, ejusve qui eos bona fide possidet, §. 4. & seq. inf. per quas pers. cuq. acq. ac proinde etiam hæc sola ut fructus fructuario & bon. fid. possessori acquiri: partum non acquiri, fructuario nunquam; bonæ fidei possessori non aliter, quam si eum usuceperit, d. §. 4. & seq. l. 4. §. si ante. 18. de usurp. & usucap.

Absurdum enim videbatur] Vetus fuit questio an partus ad fructuarium pertineret: cuius meminit Cic. 1. de finib. c. 6. ubi ait, principes civitatis P. Scævola & M. Manilius existimasse, hominem in fructu esse, Brutum dissensisse: cuius sententia obtinuit, teste Ulp. in l. vetus. 68. de usufr. 1. Cur autem non placuerit, partum in fructu esse, ejus rei hanc rationem reddit Cajus d. l. 28. §. 1. de usur. & Imp. hoc loco, quod absurdum visum sit, hominem in fructu esse, cum omnes fructus rerum natura gratia hominis comparaverit; quæ ratio ducta est ex contrariis: quasi dicant, natura non potest eadem res & fructus esse, & id quod fruitur: relata hæc sunt; relatorum unum numquam potest esse alterum. Etenim ut verum fatear, numquam hæc mihi ratio satis solida visa fuit. Cur enim magis absurdum, hominem in fructu hominis esse, quam hominem homini servire? Aut cum servos pecudibus Romanæ leges exæquent, l. 2. §. 2. ad leg. Aquil. cur cum in fructu pecudum foetus sit, absurdum est in fructu ancillarum partum esse? Nec est in his ulla *analogia*, Fructus hominis causa comparati sunt, & homo est in fructu hominis. Non enim hic idem eidem subjecto attribuitur, sed diversis. Quamobrem melior est, certe huic loco magis convenit, illa Ulpiani ratio sumpta à fine & usu, quia ancillæ non ad hoc comparantur, ut pariant, sed ut serviant, l. ancillarum. 27. de her. per. Id autem solum in fructu alicujus rei esse intelligitur, & ad fructuarium pertinere, quod percipitur ex eo usu, ad quem res parata est, vel natura, vel patrisfam. instituto, l. 7. §. 5. & seqq. l. 1. l. 11. l. 12. in pr. l. 13. §. 4. & seq. l. 15. de usufr. Quapropter, etsi nihil interesset, partus an in fructu sit, necne; ad proprietarium pertineat an ad fructuarium; uti neque ancillæ, quæ utique servire cogitur: ratio tamen habenda fuit honesti & decori, cavendumque, ne stupris viliteretur di-

Præmissa in Institutis.

gnitas humana, arg. l. iustissime 44. de edil. edict. Jam verò ancillas foetura gratia habere, quin turpe & probrosum sit, nemo negare potest. Cæterum nihil amplius efficit hæc ratio, quam ut ne partus fructuario aut bonæ fidei possessori acquiri debeat: in cæteris enim partibus juris, in fructu sive redditu aut causa etiam partus computatur, l. 8. l. 14. de usur. l. Falcidia. 24. §. 1. ad l. Falc. l. questum. 91. §. ult. de leg. 1.

TEXTUS.

De Officio fructuarii.

38. Sed si gregis usum fructum quis habeat, in locum demortuorum capitum ex foetu fructuarii submittere debet (ut & Juliano visum est) & in vinearum demortuarum vel arborum locum alias debet substituere. Rectè enim colere & quasi bonus paterfamilias uti debet.

NOTÆ.

38. Ex foetu submittere] Ex foetura gregem supplere, & sufficere prolem, d. l. 68. §. ult. cum 2. ll. seq. de usufr. huncque capita substituta domini, ea quibus substituuntur, fructuarii, d. l. 69. Basil. 16. tit. 1. in fin.

COMMENTARIUS.

1 Inter onera, quæ fructuario incumbunt, unum esse, ut rem fructuariam tueatur, & quid ea tutio desideret.

Longius à via digreditur Imperator; sequendum tamen, quocumque trahit. Cum fructus omnes, sive ex re nascantur, sive per causâ rei jure percipiuntur, fructuarii lucro cedant, æquum est, ut is vicissim onera rei fructuariæ adjuncta agnoscat, juxta regulam naturæ, l. 10. de reg. jur. Inter onera autem, quæ fructuario incumbunt, hoc unum est, ut rem fructuariam tueatur, l. usufructuarii. 44. de usufr. Hæc autem tutio cum exigat, ut rem quam accepit, integram & in suo statu conservet, quantum cura & reparatione fieri potest: ideo & curam ac diligentiam rei servandæ adversus imminencia pericula adhibere debet; & quidem talem, qualem diligens paterfamil. suis rebus adhibere solet, l. sed cum. 65. cod. l. 1. in fin. l. siqu. usufr. quem cau. & suo sumptu sarcire ac reparare, quæ vitii aliquid contraxerunt, aut discesserunt à priori integritate: puta si quid reficiendum est, facta recta præstare, animalia ægrota curare, gregem ex foetu supplere, in locum arborum demortuarum alias substituere: in summa rectè colere, atque ut bonus Paterfam. uti, l. 7. §. 2. & 3. l. 13. §. 2. l. agr. 18. l. siens. 45. l. sed cum. 65. l. vetus. 68. in fin. & 2. ll. seqq. de usufr. l. 7. C. cod.

Gregis usum fructum] Aut gregis; nam si non gregis aut universitatis usufructus nomine collectivo legatus sit, sed singulorum capitum, veluti centum ovium, nihil supplere cogitur fructuarii,

rius, l. quid ergo. 70. §. 3. de usufr. quippe in his, quæ numero certa sunt & designata, non est augmento locus: & tot sunt tunc usufructus, quot sunt capita fructuaria, quorum uno mortuo usufructus iste extinguitur.

Demortuorum capitum] Ait demortuorum. Ulpianus d. l. vetus. 68. in fin. de usufr. hoc ideo, quia si vi externa capita aliqua ex grege perierint, incendio puta, aut ruina stabuli, aut prædonum impetu; hos casus fructuarius præstare non debet, nec in locum amissorum alia substituere, arg. l. arbores. 59. de usufr.

Ex factu submittere] Ait ex factu. Neque enim de suo gregem supplere fructuarius cogitur, sed ex agnatis capitibus. hoc est, natis ex eodem grege, d. l. vetus. 68. in fin. de usufr. Proinde si ex grege nondum ulla nata sint prioribus demortuis, aut si oves abortierunt, aut sætus perierunt, priusquam submitti possent; nihil supplere debet fructuarius. In locum quoque eorum capitum, quæ vel senio, vel vitio corporis inutilia facta sunt, alia ex sætu submittenda, l. vel inutilius. 69. eod.

Submittere debet] Submissionis effectus hic, ut substituta capita statim domini fiant, sicuti post substitutionem priora sive demortua vel inutilia & vitiosa, sunt fructuarii. Hæc enim ex natura fructus definunt esse proprietarii, d. l. vel inutilium. 69. de usufr.

Vinearum demortuarum vel arborum] Ait hic item demortuarum, sicut Paulus l. agri. 18. eod. nimirum ideo, quia in locum arborum vi tempestatis everfarum alias substituere non tenetur, l. arbores. 59. eod. tit. quippe usufructuarius omnia quidem, etiam quæ sine culpa ejus contingunt, sed sola rei & interna incommoda ac detrimenta sustinet: quæ autem vi contingunt externa, nec à re ipsa proficiuntur, placet ad onus fructuarii non pertinere, ex regula & jure communi de casibus fortuitis, l. contractus. 23. de reg. jur. l. que fortuitis. 6. C. de pign. act. Ulpianus in l. 7. §. ult. de usufr. scribit, fructuarium cogi & adferere arbores: quod Græcis est ἀνελθεῖν, id est, forare medullam arboris sterilis, & in eam fecundæ calamum immittere; infitionis species pro genere. Qua forma Papinianus dixit adferere prolem pro adoptare, sicut scilicet inforatione surculus truncum adoptat, Cujac. 11. obs. 36. VINN. Elegans est hæc conjectura Cujacii: sed ex mea sententia non admodum solida. Adferere enim prolem, Papiniano est adoptare, non quia sic adoptans filium quasi inferat familiæ, sed quod adoptans vetere ritu filium adoptivum adferebat, id est, vindicabat formula illa nota: HUNC EGO HOMINEM EX JURE QUIRITUM MEUM ESSE AJO. EST ENIM MIHI EMTUS HOC AERE HAC ÆNEAQUE LIBRA. HEIN.

Reclle enim colere] Non satis officio suo fungi videri debet usufructuarius, si fundus utcumque colat, nisi eum ita colat, ut ne deterior fiat causa usufructus, omniaque faciat, quæ faceret in re

sua, sicut cautione fructuaria continetur, l. 1. §. cavere. 3. usufr. qui cau.

T E X T U S.

De inventione Thesauri.

39. *Thesaurus*, quos quis in loco suo invenerit, Divus Adrianus naturalem aquitatem sequutus ei concessit, qui eos invenerit. Idemque statuit, si quis in sacro aut religioso loco fortuito casu invenerit. At si quis in alieno loco, non data ad hoc opera, sed fortuito invenerit, dimidium domino soli concessit, & dimidium inventori. Et convenienter, si quis in Caesaris loco invenerit, dimidium inventoris, & dimidium esse Caesaris statuit. Cui conveniens est, ut si quis in fiscali loco, vel publico, vel civitatis invenerit, dimidium ipsius esse debeat, & dimidium fisci, vel civitatis.

N O T A E.

39. *In sacro aut religioso*] Utroque scilicet privato; nam & sacra quædam privata, l. 6. §. 1. D. ad leg. Jul. pecul. Aliud, si in hujusmodi locis publicis; ita cape l. 3. §. pen. D. de jur. fisc.

Sed fortuito] Ut puta si quis colendi agri causa fodiens humum aurum defossum inveniat, nullo adhibito perscrutandi studio, quod sine permisso domini merito vitium, d. leg. un. C. de thesaur. add. leg. 63. §. penult. & ultim. hoc tit.

Dimidium fisci] De variis moribus legibusque circa thesauros, vide eruditissimum Grot. 2. de jur. bel. 8. Peregrin. 4. de jur. fisc. c. 2.

C O M M E N T A R I U S.

- 1 *Thesauri* appellatione significari quasvis opes repositas: tum etiam ipsum locum, in quo asserantur, & ratio nominis.
- 2 In quaestione proposita quid eo verbo nostri intelligent, & quo referenda hæc acquisitio.
- 3 Locum proprium hic intelligi etiam eum, in quo alius usufructum habet: secus si jus emphyteusios aut feudi.
- 4 A Divis fratribus nihil mutatum esse ex eo jure quod de thesauro in loco sacro aut religioso reperto Divus Adrianus constituit.
- 5 Cur ceteræ res hujus generis etiam in alieno quaesita occupantium fiant; thesaurus non item, & n. 9.
- 6 Cur thesaurus non totus cedat inventori ut res ceteræ, quæ nullius sunt.
- 7 Distinctio rerum Caesaris, fisci, publicarum & civitatis.
- 8 Summa juris de thesauris constituti, & quid moribus hodiernis obtineat.

P Artes propositæ tractationis, quæ à Justiniano passim sparsæ sunt, commodioris doctrinæ causa ad duo summa capita revocari posse, ad occu-

Occupationem scilicet, & rei nostrae potestatem, supra diximus in explicatione, §. *singular.* 1. 1. & progressi ostendimus, singula, in quae incidimus, ad alt. rtrum horum capitum pertinere. Nihil quod nobis potestate rei nostrae quaeratur superest: ad factum & occupationem nostram pertinent inventio thesauri, apprehensio rerum, quae à dominis vel traduntur, vel pro derelicto habentur; in quibus porro explicandis hictitulus consumitur.

Thesaurus] Thesaurus Graecis & Latinis idem est, quod Persis *Saxa* nimirum qualibet divitiarum, quas in usum futurum asservavimus aut recondimus. Nam & pecunia nuper deposita, & cuius dominus non ignoratur, passim thesaurus appellatur etiam apud nostros, ut in *l. item Labeo* 12. *fam. etc. l. thesaurus* 15. *exhib. l. peregre* 44. *de acq. poss. ac de tali quoque thesauro accipiendo l. 3. ff. Neratius* 3. *d. tit. de acq. poss. ut rectè existimat Gothofredus, injuria notatus à Bachov. vid. Duar. ad d. §. Neratius* 3. Locus quoque, in quo opes asservantur, *πυλῶν* *θησαυρός*, thesaurus appellatur. *Plutarch. in Selen. Εὐδαμόνῃ αὐτῷ τῷ Σαραπείτῃ ἀνέκατ' αὐτὸν ἑξαδάκτυλον* Hinc per translationem. *Cic. 1. de orat. c. 9. memoriam dicit esse rerum omnium thesaurum.* Acque hæc significatio etiam rationi nominis convenit. Quamvis enim *Con. 3. comm. 4. & Don. 4. comm. 14. thesaurum inde dici putant, quod sit αὐγών, in crassimum sit repositus, ut sit δῖον sit αὐγών* propius tamen vero est, vocem esse conjunctam *αὐγών* & *θήσαυρος*, ut sit Conditorium pecuniarum. Hoc enim nomine veteres Graeci pecuniam vocabant, quae qui abundabat, *αὐγών*, dicebatur, teste Hesychio. Cæterum in quaestione de acquirendo rerum dominio, cum agitur de thesauro occupatione acquirendo, Jurisconsulti thesaurum appellant eam dumtaxat pecuniam, quae olim condita, nunc cum reperitur à quo condita aut cuius sit, ignoratur, *l. numquam* 3. *§. 1. hoc. tit. l. un. C. de thesaur. lib. 10. l. à iustore* 67. *de rei vind.* Convenienter nimirum argumento, quod tractant: cum non alius thesaurus sit idoneus, qui hoc modo acquiratur, quam qui dominum non habeat: nec repugnat communis & popularis loquendi consuetudo. Igitur in quaestione proposita thesaurus definitore Paulo in *d. l. 3.* est vetus quædam depositio pecuniarum, cuius non extat memoria, ut jam dominum non habeat. Cujus descriptioni similis est illa Leonis in *d. l. un. thesaurum* interpretantis, condita ab ignotis dominis tempore vetustiore mobilia; & *Castiodori lib. 6. var. c. 8. definitis depositivam pecuniam, quae longa vetustate competentes dominos amisit.* A quo hinc jam etiam liquet, thesaurum quoque pertinere ad regulam juris generalem de rebus nullius: quamquam non per omnia in thesauro occupando & nostro faciendo idem servatur, quod in cæteris rebus, quae nullius sunt. Nam cætera hujus generis res quovis loco occupatae totae sunt occupantis; thesaurus autem extra locum proprium repertus pro

parte tantum dimidia. Sed & res cæterae, quae nullius sunt, sunt occupantis, etiam si data opera quaerita sint in alieno; thesaurus in alieno quaeritus nullo modo. Quod quamobrem tam variè placitum, intelligitur non ita multo post.

Quos quis in suo loco inveneris] Sive data opera quaeritos, sive forte fortuna: tantum magicarum artes ad thesaurum in suo inveniendum prohibentur, quae & ubique excipi oportet, *d. l. un. C. de thes.* Ait in loco suo. Proprium locum accipere debemus etiam eum, in quo alius usufructum habet, *arg. pr. inf. de her. inst.* Proinde si in eo loco proprietarius thesaurum invenerit, in suo invenisse intelligi debet, & totum sibi quaerisse. Si alius, pars dimidia inventoris, pars altera proprietarii erit. Idemque dicendum est, si usufructuarius invenerit: quoniam thesaurus in fructu non computatur, *l. si is qui* 63. *§. 3. hoc tit.* Unde etiam est, quod thesaurus à marito in praedio dotali inventus, pro parte dimidia tantum mariti lucro cedat, pro altera dimidia sit restituendus, quasi in alieno inventus, *l. 7. §. si fundum* 12. *sol. matr. Moller. 4. sm. 27.* Ager autem vestigialis sive emphyteuticus magis est, ut emphyteuta proprius existimetur, ejusque, qui dominium utile, quam qui directum habet. Nam ad emphyteutam pertinet plenissima rei utilitas, & pari jure quo dominus rem tenet ac possidet; adeoque adversus ipsum etiam directum dominum utilem in rem actionem habet, *leg. sciendum* 19. *§. 1. qui satisf. l. 1. §. 1. si ag. vett. l. quis sit* 25. *§. 1. in fine de usur.* Longè igitur distat emphyteuta à fructuario: emphyteuta jus habet in corpore & substantia rei; fructuarius non item. Hinc est, quod fructuarius in edicto *Qui satisf. cog.* pro possessore non habetur: emphyteuta contra, *d. l. 15. §. 1. qui satisf. cog.* quod arborum vi ventorum dejectae ad emphyteutam pertinent, non ad fructuarium, *l. 12. de usus.* Siquid servo, in quo quis usufructus, legatum aut donatum sit, id non fructuario, sed domino proprietatis acquiratur, *§. 4. infr. per quas pers. cuiusque acq. si servo emphyteuta, ipsi emphyteuta.* Quam ob causam dubitandum non est, quin si ipse quoque emphyteuta in praedio in emphyteusum sibi concessio thesaurum similiter invenerit, totum eum sibi soli rectè vindicet: eademque planè ratio est Vasalli, qui thesaurum reperit in fundo feudali, *arg. c. un. de invest. de re alt. fac. lib. 2. feud. Myns. Schneid. Vves. post Gloss. & DD. comm. hic. Nic. Burgun. ad cons. Fland. v. 12. Christ. vol. 6. dec. 31. n. 19. & seqq.*

Adrianus naturalem aequitatem secutus] Hoc est secutus regulam juris naturae sive gentium de rebus, quae nullius sunt, occupanti concedendis, *§. fera* 12. *sup. cod.* Nimirum eum etiam thesaurus numeretur inter ea, quae nullius sunt, æquum esse censuit Adrianus, etiam in thesauro occupato regulam istam servari, & quidem per omnia, si quis invenisset amico Hercule in suo: quippe qui & alia ratione ita repertum vindicare posse videatur, vel tamquam beneficium &

commodum rei suæ, vel quod simile vero sit, eum à majoribus suis conditum esse: hæc enim ratio facit, ut in alieno reperti dimidium concedatur domino soli.

Idemque statuit, si quis in sacro aut religioso. Quod hic Adrianum constituisse refert Justinianus, id à fratribus Principibus civili ratione mutatum esse existimant Accurs. Ang. Porc. Fab. Schneid. hic Duar. de acq. rer. dom. c. 4. Don. 4. com. 14. Sic enim scribit Callistrat. l. 3. §. pen. de jur. fisci. Si in locis fiscalibus, vel publicis, religiosive, aut monumentis thesauri reperti fuerint, Divi fratres constituerunt, ut dimidia pars fisco vindicaretur.

Quam sententiam veram quidem esse fatetur Covar. in c. peccatum de reg. jur. in 6. p. 3. rel. §. 2. n. 3. sed ille constitutionem divorum fratrum à Justiniano iterum abrogatam contendit, qua parte illa derogaverat edicto divi Adriani. Neutrum probabile mihi videtur. Nam si edictum Adriani rescripto Antonini & Veri sublatum fuisset, utique non quid ille, sed quid hi de thesauris in loco sacro religioso inventis constituerent, Justinianus commemorasset: & cum simpliciter rescripserit edictum Adriani, non facta mentione rescripti fratrum Imperatorum, vix est, ut dici possit, hic aliquid novi juris ab eo constitutum esse. Arbitror, commodà explicatione d. l. 3. §. pen. cum hoc nostro §. conciliari posse: quamvis id neget Ant. Matth. Constituit Adrianus, thesaurum ejus esse, qui cum invenisset in loco suo: addidit, idem esse, etiam si in loco sacro aut religioso repertus sit; nimirum ejus itidem esse, cujus est fundus, in quo loca ista sunt, perinde quasi in suo adhuc reperisset. Nam etsi loca sacra & religiosa nullius verè in bonis sint: ejus tamen aliquatenus sunt, cujus in usu & fundo sunt, & quodammodo juris privati, arg. l. 9. & seq. de relig. l. sacrilegi. 9. §. 1. ad l. Jul. pec. l. in modicis. 24. de contr. empt. Neque potest sine injuria vel in Deos ipsos Deorum beneficio privari, qui vel ipsi, vel quorum majores partem fundi sui divinis usibus dicaverunt. Quid Divi fratres in d. l. 3. §. pen. de jure fisci? Constituerunt, inquit Callistratus, ut thesauri in locis fiscalibus vel publicis religiosive aut monumentis reperti, pro parte dimidia fisco vendicarentur. Titulus ipse & rerum conjunctio ostendunt, loqui Imp. de locis religiosis similibus publicis, in quibus scilicet fiscus jus habet, aut qui fisci quodammodo sunt, puta quod ad fiscum forte pervenerunt, juxta leg. 6. cod. tit. vel quæ publice civium funeribus destinata sunt, cujusmodi tenuiorum tumulos in suburbanis fuisse auctor est Aggen. Urbicus. In his locis eodem jure uti fiscum volunt, quo utitur in rebus publicis juris profani, aut quo utuntur privati in loco suo, sive profano, sive religioso. Et verò ob loci religionem aut sanctitatem nihil novi juris hic constitutum fuisse, argumento est, quod Leo Imp. in d. l. un. C. de thes. simpliciter distinguit, an quis in suo loco repererit, an in nō suo, nulla facta mentione sacri aut profani, quasi hoc nihil ad rem faciat. Idque ex Ælio Spartiano in Hadr. cap. 18.

etiam certius colligas, qui itidem sine ulla rerum distinctione refert, Adrianum de thesauris ita cavisse, ut si quis in suo reperisset, ipse potiretur: si quis in alieno, dimidium domino daret: si quis in publico, cum fisco aqualiter partiretur. Nulla igitur est pugna inter d. l. 3. §. pen. & hunc §. nostrum, quem de loco religioso privato accipi oportet, suadente id ipsum quoque rerum in eo conjunctione & discretionem: manifestèque labitur Barchovius, qui ob conjunctionem loci religiosi & sacri negat hanc interpretationem admitti posse, eo quod nulla loca aut ædes sacræ privata dici possint; hoc enim falsum esse, & sacella privata propriasque suas ædículas veteres habuisse, vel unus Paulus eum docere poterat in l. sacrilegi. 9. §. 1. ad leg. Jul. pec. ita propemodum & Conn. 3. Com. 4. Charond. 1. verisim. 21. Robert. rec. lect. 5. Canticum. & Vvesemb. hic. VINN. Addendus hic omnino Jac. Gothofred. ad l. 1. C. theod. de thesaur. Ubi tota hujus legislationis historia eruditè exponitur. HEIN.

Fortuito casu Thesaurus, quem inveni in loco meo, sive fortuitum sive quaesitum, meus est: si ille locus meus sacer est vel religiosus, non aliàs meus erit, quàm si fortunæ quasi movere mihi oblatus fuerit, nullo adhibito perferutandi studio: quod procul dubio ideo placuit, ne detur occasio violandorum sepulchrorum & aperiendi urnas defunctorum, si etiam studiosè quaesitum inventumque suum quisque faciat, sibi que habeat.

At si quis in alieno Cæteræ res, quæ nullius sunt, occupantium fiunt, etiam si data opera in alieno quaesitæ sint, ut de feris bestiis in fundo alieno investigatis & captis diximus: thesaurus in alieno quaesitus & inventus ne pro parte quidem sit inventoris, sed totus domino reddi jubetur, d. l. un. C. de thesaur. Ratio diversi juris hæc est, quod qui feram in alieno capit, aut rem puta pro derelicto habitam tollit, nihil fundo aut fundi domino nocet: ad thesaurum verò perveniri non potest sine effossionibus & manifesto damno fundi in cujus visceribus thesaurus abditus jacet. Aliena autem effodere sine permisso domini, inque iis latentes rimari oper merito vetitum, & poena, non præmio dignum, d. l. un. l. 2. C. theod. de thesaur.

Dimidium domino soli Thesaurus in alieno loco casu inventus, dum quis arat, aut quid aliud in eo operis facit, pro dimidio inventoris sit, pars altera dimidia conceditur domino soli, l. si sit. 63. §. pen. & ult. hoc tit. d. l. un. C. de thes. Cur verò, inquis, non totus cedit inventori, sicuti cæteræ ejusdem generis res occupantis totæ sunt loco quocumque occupatæ, ut feræ bestiæ, res pro derelicto habitæ, gemmæ & lapilli inventi in littoribus? Nimirum quia illæ feræ nullius sunt, thesaurus non est: quippe quem nemo eo animo abscondit, ut eum in numero rerum suarum esse nolit, sed ut tutiore loco custodiat; tantum ideo nullius esse dicitur, quia cujus sit non apparet: nam etsi dominum per rerum naturam habeat, hæredem scilicet ejus, qui eum defodit, quam-

quamvis per longissimam successionem primo domino succedentem apud nos tamen non habet, quia à nobis dominus ignoratur: ob quam incertitudinem itum est ad hanc partitionem, ut pars una inventori, pars altera domino loci adjudicaretur. Tamen enim pro inventore dici poterat, thesaurum ut rem nullius totum ei, qui invenit, tribui oportere. propterea quod de his, quæ non apparent, perinde judicandum sit, quasi non essent *l. in l. 77. de contr. empt.* dominum tamen loci & sua & par ratio defendit, qui contra sibi thesaurum vindicans dicere potest, nihil esse verisimilius, quam quod à majoribus suis profectus sit: in proprio enim, quia tutius, non in alieno thesauro condi. Ad hæc fundi, in quo tanto tempore asservatus est, quodammodo beneficium esse: quam ob causam cum Imp. Gratianus, Valentinian. & Theod. partem quartam dumtaxat domino loci assignassent, *l. 2. C. Theod. de thes. merito* Imp. Leo, abrogata eorum constitutione, ad æqualitatem partitionis & veterum constitutionum normam rem revocavit. VINN. Videtur ratio hujus divisionis inde repetenda, quod veteres disputarent, accessionis ne jure an inventionis vel occupationis adquiratur thesaurus. Prius placuit illis, quos hic sequitur Imperator: posteriori Paulo. *l. 31. §. 1. ff. de acqu. rer. dom.* Qui prius amittebant principium: totum thesaurum vindicabant domino fundi: qui posterius, inventori. Hadrianus utrumque conjunxit, & dimidium domino addixit, jure accessionis, dimidium inventori, jure occupationis rei pro derelicta habitæ. HEIN.

In Cæsaris loco, &c. Distinguit Imp. loca Cæsaris à locis fiscalibus, & hæc à publicis, publica à locis civitatis. Res Cæsaris dicuntur bona Principis patrimonialia. Res fisci sunt, veluti bona proscriptorum, vestigalia, commissa, bona caduca, quæ quidem & ipsa quasi propria & privata sunt Principis, *l. 1. §. 4. ne quid in loc. publ. sed ut Principis*, & ratione imperii. Publica loca appellat, quæ in usu publico sunt populi Romani, veluti aræ, insulæ, agri, viæ itineraque publica, *d. l. 1. §. 3.* Loca civitatis, quæ usibus civium in municipiis & singulis civitatibus deserviunt, *§. universitatibus. 6. sup. eod.* Quæ à publicis eodem sensu hic separat, quo Ulp. bona civitatis ab his, quæ populi Romani sunt, *l. 13. de verb. sign.* Spartianus in *Hadr. c. 18.* omnia ista loca designavit uno verbo Publici. Hæc obiter in præsentia, subtilius rerum Cæsaris, fiscalium, & publicarum discrimen exquiremus, *§. ult. inf. de us. 1.*

Dimidium fisci vel civitatis Sive in loco alieno privati alicujus, sive in loco Cæsaris, aut publico fisci vel civitatis thesaurus repertus sit, medietatem dumtaxat inventor consequitur, pars altera repertorum ad eum pertinet, qui loci dominus est, aut jus imperiumve in eo habet. Et quod diximus de loco privato, non aliter partem in eo reperti inventoris fieri, quam si fortuito & aliud agens invenerit, alioqui totum restituendum esse ei, cujus est locus: hoc non minus ob-

Pennius in Institus.

tinere debet in locis publicis, ut in his etiam consultata opera quæsitus & inventus similiter totus pertinet ad Principem vel civitatem. Non enim magis fas esse credendum est, publica loca effodere & scrutari, quam privata aliena, facit constitutio Federici *lib. 2. Feud. l. 56. quæ sint regal. in fin.* Quod si inventor partem thesauri ad fiscum pertinentem suppresserit, totum cum altero tanto cogitur solvere. Deferre autem se nemo cogitur, si pars fisco non debeatur, *l. 3. §. ult. de jur. fisc.*

Summa juris de thesauris editio D. Adriani constitui hæc est, ut si quis thesaurum in suo reperisset, sive quæsitum, sive nihil tale cogitans, totum sibi haberet: si quis in alieno, non data ad hoc opera, dimidium domino daret, partem alteram dumtaxat ipse consequeretur: si quis in loco publico, iudem non data opera, cum Principe aut civitate æqualiter partiretur. Si quis autem scrutatus in alieno sive privato sive publico thesaurum invenisset; is totum hunc domino loci, sive ad cujus curam vel imperium locus pertinet, reddere cogere tur. Ab hoc jure cum procedente tempore recessum esset, ut constat ex *sic. Cod. Theod. de thesaur.* reductum illud est à Leone Nepote, *l. un. C. Justin. eod.* iterumque vigore suo privatum, restitutum à Leone Philosopho Nov. Leon. 51. à Frederico nihil mutatum, *sic. quæ sint reg.* At nunc in plerisque locis thesauros, ut & alia pleraque à *stomora*, Principes sibi vindicant, & quidem in solidum, quocumque in loco reperti fuerint: estque id nunc jus commune & quasi gentium. Nam & in Germania, & Gallia, & Anglia, & Hispania, & Dania id observatur, teste D. Grot. 2. *de jur. bell. c. 8. n. 7. add. Peregr. lib. 4. de jur. fisc. c. 2.* Covar. in *relect. c. peccatum. de reg. jur. in 6. part. 3. §. 2.* Lebret. *lib. 3. de la souveraineté, c. 6.* Christin. *vol. 1. decis. 16.* Theodoricus quoque Rex thesauros quocumque loco repertos publico vindicari iussit: *Sine damno enim inquit, inventa perdit qui propria non amittit*: Calliodorus 4. *var. 34. & 61.* Apud nos tamen jus hoc incertum esse dicitur: nam patronos quidem fisci contendere, thesauros quocumque in loco inventos ad fiscum pertinere, ut in plerisque aliis regionibus nunc obtinere diximus; cæterum alios contra putare, sequendam nobis esse in hoc negotio constitutionem juris Romani: propterea quod neque quicquam de eo cautum reperitur legibus propriis; neque doceri possit, Romani juris vigorem apud nos desu. tudine usuque contrario enervatum, Grot. 2. *manud. ad Jurisp. Bat. cap. 4.* Itaque in hoc dubio contra fiscum facile responderim, *arg. l. non puto. 10. de jur. fisc. add. Groenevv. de l. abrog. hic.*

T E X T U S.

De traditione. 1. Regula ejusque Ratio.

40. Per traditionem quoque jure naturali res nobis acquiruntur: nihil enim tam conveniens est naturali aequitati, quam vo-

luntatem domini volentis rem suam in alium transferre, ratam haberi; & ideo cum juscumque generis sit corporalis res, tradi potest, & a domino tradita alienatur. Itaque stipendiaria quoque & tributaria pradia eodem modo alienantur. Vocantur autem stipendiaria & tributaria pradia, quae in Provinciis sunt; inter quae, nec non & Italica pradia ex nostra constitutione nulla est differentia: sed siquidem ex causa donationis, aut dotis, aut qualibet alia ex causa tradantur, sine dubio transferuntur.

NOTÆ.

40. *Per traditionem*] Ex Cajo l. 9. §. 3. h. t. Sola autem conventionione dominium non transferitur, veluti si inter nos convenerit, ut mea res esset tua, licet ex justa causa, puta, quia eam tibi vendidi, l. 20. C. de pact.

Nostri constitutione] d. l. un. C. de usucap. transf. ubi tollitur vetus rerum & dominiorum distinctio. Etiam autem Provinciales pleno jure domini non erant, habebant tamen jus aliquod dominio proximum, pradiaque sua alienare poterant, & heredibus relinquere, & servitutem his imponere, l. 3. C. de servit.

Ex causa] Nunquam enim nuda traditio dominium transfert: sed ita, si venditio aut alia justa causa, id est, titulus ad dominium transferendum habilis præcesserit, l. 31. h. t. saltem opinione tradentis.

COMMENTARIUS.

- 1 *Citra traditionem dominia rerum jure gentium non transferri; & quam rationem hoc habeat?*
- 2 *An ad transferendum dominium requiratur vacua possessionis traditio?*
- 3 *Responsum Triphonini sub tit. de fund. dot. expositum.*
- 4 *Traditione non transferri dominium, nisi justa causa saltem opinione tradentis præcesserit, propter quam traditio sequatur.*
- 5 *An & quando dissensio in causis tradendi & accipiendi impediat dominii translationem?*
- 6 *De veteri discrimine dominiorum nonnulla.*
- 7 *Quale jus olim possessores prædiorum provinciarum habuerint?*
- 8 *Stipendium & tributum univocè dici.*
- 9 *Provincialium qui vestigales, qui stipendiarii sive tributarii appellati?*

HÆc quoque acquisitionis species ad generalem occupationem referri debet: nam cum traditione rem acquiri dicimus, non intelligimus solum factum tradentis, sed ex effectu magis etiam rei traditæ acceptionem atque apprehensionem: quippe sine qua traditio non perficitur, hæc est, dominium non transferitur aut acquiritur, l. in omnibus. 55. de obl. & acti. Dissert

autem hic modus acquirendi à superioribus ejusdem generis, quod earum rerum, quæ nullius sunt, acquirendarum ratio præter apprehensionem nihil desiderat, quia occupantur sine cujusquam injuria, quæ ex hostibus capiuntur, invitis dominis ad nos transeunt jure belli: in specie autem proposita non satis est nanciscendi domini causa rem apprehendisse, nisi & voluntate domini in hoc tradita sit; quod omnino hic exigit ratio juris gentium, d. l. in omnibus. 55. l. 2. de his qui sui vel al. jur. l. id quod nostrum. 11. de reg. jur. Et quia nemo eo animo est, ut velit rem suam in alium transferre sine causa, inde est, quod cum in cæteris omnibus juris gentium acquisitionibus modus acquirendi idem sit & causa sive titulus; (verbi causa occupatio s. ræ bestiarum est & modus acquirendi & titulus) ea in hac specie perpetuo distinguantur. Modus acquirendi est traditio vel potius rei traditæ acceptio & apprehensio: titulus, veluti emptio, permutatio, donatio, cæteræque causæ, ex quibus re à domino tradita dominium in accipientem transit, sin minus jus usu capiendi, l. numquam. 31. hoc tit. l. 1. & seqq. de publ. in rem acti.

Per traditionem] Traditio vel vera est, quæ naturalis datio appellatur, l. non statim. 8. de pecul. & in re mobili est de manu in manum translatio, in re soli in possessionem inductio: vel ficta, quæ commoditatis causa fit, vel brevi manu, vel actu aliquo corporis, aut nota sive symbolo, quod veram traditionem repræsentet. Non minus verò ficta & symbolica traditio dominium in accipientem transit quàm vera & naturali, §. interdum. 47. & seq. inf. cod. At citra ullam traditionem nudis & solis pactis dominium non transferitur, etiam si id agatur in negotio gerendo, ut transeat: verbi causa, placuit inter nos, ut mea res esset tua; licet id placuerit ex justa causa, puta quia eam tibi vendidi, non ante tamen tua erit, quàm à me tibi tradita sit. Vid. l. traditionibus. 20. C. de pact. l. si ager. 50. de rei vind. l. quoties l. pen. C. cod. l. 6. C. de her. vel acti. vend. Cur verò ad dominium transferendum non placet sufficere nudam convenientium voluntatem? Nimirum quia nemo ex ratione juris gentium facto suo rem (sive ea nullius sit, sive alterius) acquirit, nisi cujus potestati & manui subiecta sit: quod ita quisque consequitur, si eam apprehenderit, si possessionem ejus nanciscatur, arg. l. 1. de acq. poss. Non aliter autem possessio rei alienæ apprehendi, & per eam potestati nostræ res subijci potest, quàm si dominus eam tradiderit, in cujus tamdiu potestate est & manet. Diss. tamen D. Grot. 2. de jur. bell. c. 6. & 8. contendens, ex ratione juris naturæ seu gentium nihil amplius ad translationem dominii requiri, quàm solam voluntatem domini rem suam alteri in hoc addicentis: jure autem & ratione civili institutum esse, securitatis dominiorum causa, & occurrendi temerariis alienationibus, ut tunc demum dominium à priore domino abeat, cum is alteri rem tenendam & possidendam tradiderit; quod quia à multis gentibus

Receptum, jus gentium improprie dicatur. Sed posito eo, quod diximus, & quæ veterum sanè omnium sententia fuit, traditione non nuda conventionione dominium jure naturali sive gentium acquiri, quæritur porro ab Interpp. est, an in proposito ad dominium transferendum sufficiat rem qualiter qualiter tradidisse, dum ea tradita sit vacua ab omni detentore, qui apprehensionem impediatur; an verò ad eam rem necesse sit tradere rei vacuum & plenam possessionem? Breviter. Antes ab alio possessa ita alicui tradi possit, ut dominium in eum transeat. Finge ita. Fundum tibi vendidi, qui ab alio bona fide possidebatur: & dum forte possessor peregre abesset, eum tibi tradidi dominii transferendi causa; tu in eum ingressus es eo animo, ut capias quod traditur, & dominus fias. Quæritur, an quia vacua possessio tradita non est, ac ne possessio quidem, nihilominus tibi fundus jure gentium acquiratur. Et putavi aliquando cum DD. Longobardis, Placent Joan. Azon. Accurs. Odofred. Bart. Bald. quos sequitur D. Don. 4. *Comment.* 19 acquiri: neque alienam absentis possessionem obstare domino, quominus ille rem suam transferat in eum, cui ejus rei corpus prehendum & tenendum datur sine cuiusquam impedimento. Cæterum nunc in contrarium moveor, & quidem maximè illa ipsa ratione, qua illi utuntur ad probandam necessitatem traditionis. Ajunt enim, ideo ad acquisitionem & translationem dominii necessariam esse traditionem, quia ratio juris gentium exigit, ut quod facto nostro acquiratur, prius potestati nostræ subjiciatur. At verò res potestati nostræ subiecta dici non potest, cujus plenam possessionem, eamque quæ avelli non possit, nacti non sumus, *l. non videtur 22. de acq. poss. l. 4. §. 1. de usufructu. l. 13. §. 1. de verb. sig.* Neque potest in nos transferri possessio iusta ejus rei, quam alius possidet, quamdiu possidet, & vel animo retinet possessionem, *l. 3. §. 1. ex contrario. §. 1. & §. 7. l. 6. §. ult. de acq. poss.* Sunt verò & alia hujus rei argumenta non pauca. Nam cum unum idemque genus sit, & actus idem traditionis qua transfertur dominium & præstatur causa usucapionis, *arg. l. 11. §. 1. de acq. emp. l. fundum. 48. §. 1. de ex. et. §. pen. infr. per quas pers. non magis convenit, re à domino tradita dominium transferri sine translatione possessionis, quam re tradita à non domino jus usucapiendi.* Ad hæc si dominium nobis acquiri potest directo sine possessione, poterit & per procuratorem eodem modo. Quid enim interest, mihi res tradatur an mea voluntate alteri meo nomine accipienti? Planè nihil, *l. res ista. 37. ad sen. Trebel.* At certum est, per procuratorem dominium nobis non acquiri nisi per consequentiam possessionis per eum nobis adeptæ, *l. traditio. 20. §. ult. hoc sit. d. §. pen. infr. per quas pers. l. 1. & l. 8. C. de acq. poss.* Quin etiam ipsa traditio non propter se, sed propter possessionem videtur requiri, cum ubi sine traditione possessio obtineri potest, traditio non desideretur, *l. 9. §. inter dom. 5. infr. eod.* His accedit & veterum manifesta auctoritas, quibus tra-

dere (cum de transferendo dominio quæritur) nihil aliud est, quam potestatem facere rei habendæ & possidendæ: traditio nihil aliud, quam possessionis datio atque translatio, *leg. 3. §. 1. de acq. emp.* Hinc illa re tradita, possessionem amitti, *l. si ager. 50. de rei vind. retenta possessione, nihil traditum intelligi, l. servi. 26. de pec. & comm. rei vind.* Huc denique pertinent textus, *l. cum res. 12. C. de probat. l. qui prædium. 17. C. de distr. pign. & maximè l. 8. C. de acq. emp. item l. hæc si. 47. de rei vind.* quo loco disertè scribit Paulus, non aliter dominium rei absentis nobis acquiri, quam si possessionem ejus nacti simus ex voluntate domini, etenim, inquit, nihil commune habet possessio cum dominio, *l. 12. §. 1. de acq. poss.* Quid tum postea? nam nec titulus sive causa, nec nuda apprehensio & detentio habet: quæ tamen illi ipsi in proposito requirunt, qui hoc obijciunt. Separata quoque est causa possessionis & usucapionis, *l. 2. §. 1. pro emp.* nemo tamen inde colligit, usucapionem sine possessione procedere. Nihil ad rem facit, quòd dominium retineri potest sine possessione. Non enim tam facile quid acquiratur, quam quæsitum semel retinetur. Possessio non acquiratur nisi animo & corpore; animo retinetur solo, *l. 3. §. 1. & §. saltus. 12. l. 6. in fin. de acq. poss.* Fere bestia non aliter nostræ sunt, quam si eas ceperimus: manent nostræ semel capte, quamvis effugerint, quamdiu cum spe recuperandi eas persequimur, *§. si res. 12. sup. eod.* Unus locus est, quo præcipue moventur qui dominium etiam sine possessione acquiri posse contendunt, *l. si fundum. 16. de fund. dot.* Ajunt in eo responso mulierem à Tryphonino proponi, quæ fundum, quem Titius possidebat, & prope jam usuceperat, marito in dotem dedit eo effectu, ut fundus dotalis fieret, atque ex eo tempore ad prohibitionem legis Julæ pertinere inciperet, maritoque acquireretur vindicatio: quæ omnia arguant, dominium istius fundi marito quæsitum fuisse, per *l. in rem. 23. de rei vind. junct. l. dot. 13. §. 2. de fund. dot.* cum tamen possessio acquiri non potuit, cum alius fundum possideret. Unde porro effici putant, fundi istius dominium simplici traditione ac nudo, brutoque corporis contractu in maritum translatum fuisse. Sed eorum, quæ colligunt, nihil ex isto responso necessario sequitur. Etenim in dotem quoque data dicuntur quæ non protinus tradita sunt, sed dari tantum destinata, *l. si rem. 14. & l. seq. de jur. dot.* & cur prædium dotale constitui minus rectè dicatur, quòd mulier instrumento dotali proficetur se in dotem dare, quam usufructus & jura prædiorum constitui dicuntur pactionibus & stipulationibus, *§. 1. infr. de usufr. §. ult. infr. de servit. præd.* Sed & jus vindicandi marito competere potest, nondum translato rei in dotem: data dominio, cessione videlicet actionis, *arg. l. §. ult. C. har. vend.* quam in specie à Triphonino proposita intervenisse sine actione in ipsam rem datam omnino credibile est, cum ipsam in dotem tradere, quam alter possidebat & tenebat, mulier non potuerit. Lex Julæ vetat alienari vel

usucapi fundum dotalem. Hæc prohibitio legis Juliae pertinet quidem maximè ad fundum jam traditum & marito acquisitum; quippe qui propriè dotalis est, d. l. dotale. 13. §. 2. de fund. dot. & dotalis constituitur, non qualiqua traditione, sed ea, quæ & possessionem transferat, leg. 5. in fin. sol. matrim. Cæterum, ut Tryphoninus significat, pertinet ea lex etiam ad fundum nondum traditum, sed doti tantum destinatum, aut instrumento promissum, translata actione ad dominium vindicandum: propterea credo, quod qui actionem ad rem vendicandam habet, prope abest ab eo, qui habet rem ipsam, l. qui actionem de reg. jur. Juvat hanc interpretationem locus ipse, in quo cum nulla fiat mentio traditionis, tum quod maritus dicitur fundum à Titio petere debuisse; argumento est Titium ipsum fuisse & mansisse in possessione, nihilque marito ne corporaliter quidem traditum & tenendum datum. Planè sufficit tradentem verè possidere, licet alius in possessione sit, hoc est, rem detineat; nam jus detentionis non impedire, quominus simplici traditione possessio & per eam dominium transferatur, ostendit l. 14. §. 1. de rei. sit. quæ in fraud. cred. Nec obstat, quod dicitur in l. 2. §. 1. de act. empt. vacuam possessionem emptori traditam non intelligi, si creditores bona possideant. Hoc enim ad obligationem venditoris pertinet, quæ hoc exigit, non taptum, ut res præstetur vacua ab omni vero possessore, sed etiam ab alio omni, qui jus aliud vel detentionem habeat, cujusmodi habent creditores, qui morante porro debitor, etiam secundum decretum petere & impetrare possunt. Illud meminisse oportet, disputare nos de acquirendo rerum dominio jure gentium: nam quin jure civili multis ex causis sine possessione acquiratur, veluti additione hæreditatis, agnitione bonorum possessionis, legati, fideicommissi, dubium non est. Utilitatis quoque causa jure singulari in quibusdam causis receptum, ut cui possessio non acquiritur, aut acquiri non potest, ei simplici apprehensione acquiratur dominium, eo qui tradit amittente possessionem, vid. l. acquiruntur. 10. §. 4. l. liber 19. junct. l. homo. §. 4. hoc sit. etiam in re sit. 32. cod. junct. l. peregre. 44. §. 1. de acq. poss. l. 13. de donat. add. Cont. lib. 1. disputat. 8. Horoman. illust. quest. 12. Bronch. 3. aff. 81.

Voluntatem domini] Est enim suæ quisque rei moderator & arbiter, l. in re mandata. 21. C. mand. Cæterum ut quis velle rem suam transferre intelligatur, duo hæc concurrere debent, ut sciat rem suam esse, quam transferre cogitat; ut justam causam habeat, cur velit, puta quia vendit, dare promisit, &c. Illud, quia nemo, qui errans in dominio rei suæ, suam esse ignorans eam pro aliena tradit, hoc animo est, ut eam transferat, l. si procurator. §. 5. hoc sit. arg. l. 1. §. 5. de jurisd. Ajo, in dominio rei suæ; nam si quis non erret in re sua, non in ea, de qua transferenda agitur; sed in re alia, puta in causa debendi; hic error alienationi non obstat: & ideo indebiti per errorem solu-

ti nulla vindicatio est. Hoc, quia nemo rem suam alicui tradit transferendi gratia, nisi causam habeat, cur id faciat. Hinc illud Pauli: *Numquam nuda traditio transferat dominium, sed ita si venditio aut alia justa causa præcesserit, propter quam traditio secuta sit.* l. numquam. 32. hoc sit. Nec dicat quisquam, id requiri superflue, cum si nulla causa adsit, præsumi debeat donatio, arg. l. Campanus. 47. de oper. lib. Quoniam hoc tunc solum locum habet, cum res consulto data est, l. cuius per errorem. §. 2. de reg. jur. Illud non refert, revera præcesserit causa, an opinione tradentis, ut patet in solutione indebiti. Sed quaestio est, si ego ex una causa tibi tradam, tu ex alia accipias; an hæc in causis tradendi & accipiendi dissensio impediatur dominii translationem. Et siquidem in tradente nulla sit causa dominii transferendi, vel in capiente nulla nanciscendi: ut si ego depenam apud te pecuniam, tu quasi mutuam aut donatam accipias, aut è converso, si ego tibi dem pecuniam quasi mutuam, tu quasi commodatam accipias ostentandi causa, certum est, dominium non transferri, l. si ego. 18. §. 1. de reb. cred. Non enim hic concurrat affectus ex utraque parte contrahentium, quem ad translationem dominii requirimus, l. in omnibus. §. 5. de obl. & aff. At si utrinque subesse existimetur causa idonea, ex qua dominium transferatur, veluti si tibi dem fundum tamquam à me debitum ex testamento, tu quasi ex stipulatu debitum accipias, vel si ego tibi tradam pecuniam donandi animo, tu accipias quasi creditam; hic quia ex utraque causa id pariter agitur ut dominium transferatur, puto traditionem efficacem esse: idque & Julianus generaliter probat, l. cum in corpus. 36. hoc sit. Videtur autem à Juliano dissentire Ulpianus in specie posteriore, cum pecuniam tibi dedi quasi donaturus, tu quasi mutuam accipis, d. l. si ego. 18. pr. de reb. cred. Primum negat hic esse donationem; sed hoc etiam ex sententia Juliani. Deinde ait, nec mutuam esse. Nec hoc quidem negaverit Julianus, quia mutuo data non est. Sed quod addit postea, *magisque nummos accipientis non fieri*; in eo dixeris eum dissidere à Juliano, qui generaliter definit, dissensum in causis transferendi non obstare translationi, cum in corpus quod traditur, consentimus, & hanc regulam etiam eodem exemplo declarat, d. l. cum in corpus. 36. quod proponitur ab Ulpiano d. leg. si ego. 18. de reb. cred. D. Convius, 1. disp. 9. & Bachov. in Treutl. disp. de mutuo, thes. 4. negant hoc dissidium componi posse: & sanè fieri non potest, quod Alciatus s. parerg. 15. Pac. 3. qu. 67. Gilb. Reg. 2. enans. ult. putant, diversas esse horum locorum species, pecuniam creditam apud Julianum interpretantes debitam, contra usum verborum & manifestum sensum Jurisconsulti. Si qua est componendi ratio, ea est, quam affert Coman. 3. comm. 7. & Don. 4. comm. 18. & ad d. l. si ego. 18. de reb. cred. nimirum verba hæc Ulpiani, *magisque nummos accipientis non fieri*, duplicem posse pati interpretationem. Possit sic accipi, ut nummi omnino

non:

non sicut accipientis. Posse etiam sic, ut non sicut perfecte, non irrevocabiliter, ex comparatione scilicet acquisitionis rei donatæ, arg. l. aliud est capere. 71. de verb. sign. leg. cum quis. 38. §. 3. de solut. sicut tamen eo effectu, ut etiam si adhuc extant, vindicari nequeant consumpti, nec efficaciter condici. Atque hoc posteriore modo verba Ulpiani accipienda esse propter generalem Juliani definitionem. Et videtur aliquo modo suadere hanc interpretationem etiam ratio ab Ulpiano subiecta, cum alia opinione acceperis, quippe qui donatum sibi tamquam mutuum accipit, non eo animo est, ut dominus non fiat, sed ut non fiat simpliciter & sine obligatione restituendi tantumdem, tamquam ex causa donationis. Fusius hæc exsequor lib. 2. sel. qu. c. 35.

Cujuscumque generis sit] Modò ne talis, cuius alienatio prohibita, ut fundi dotalis: aut ne causa ex qua traditur jure improbata, ut donatio inter virum & uxorem. Ait autem, *cujuscumque generis*, ut significet, non solas nunc res nec mancipi, ut olim, simplici traditione & nudo naturali actu pleno jure transferri: sed etiam res mancipi, cuiusmodi erant prædia & prædiorum jura in Italico solo, ferri, & quadrupedes, quæ dorso collove domantur, & olim non abalienabantur ex jure Quiritium sine actu civili, sine nexu aut cessionis in jure solemnitate, vid. Ulpian. tit. 19. in fragm. Rævard. ad leg. 12. tab. cap. 16.

Corporales res] Nam res incorporales propriè traditionem non recipiunt, l. 3. §. si iter. 2. de act. empt. l. servus. 43. §. 1. hoc tit. uti nec possessionem, l. 4. §. si viam. 27. de usurp. & usuc. Sed est in his, quod vice traditionis fungatur, patientia domini, & vice apprehensionis possessionisque sit usus illius, cui dominus hujusmodi jus quæsitum vult, l. ult. de serv. l. 3. in pr. de usurp. d. l. 3. §. si iter. de act. empt. l. 2. §. ult. de prec.

A domino] Qui scilicet liberam rerum suarum administrationem habeat. Nihil autem interest, utrum ipse dominus rem suam alicui transferendi causa tradat, an voluntate ejus alius, procurator puta, aut creditor, §. nihil autem. 42. inf. cod. §. 1. inf. quib. al. lic. aut etiam alii qui jure pro dominis habentur, ut tutores & curatores, l. bona fidei. 109. de verb. sign. l. non omni. 16. & l. lex. 22. C. de adm. int.

Tradita alienatur] Non minus videlicet pleno jure, quam si mancipata aut in jure cessa esset, sublato antiquo discrimine domini, l. un. C. de nud. jur. Quir. toll. Etenim duo antiquitus fuisse dominiorum genera, naturale unum, quod in bonis; alterum civile sive legitimum, quod ex jure Quiritium appellabatur, & vel nudum erat, vel plenum. Si, verbi causa, civis Romanus à cive Romano servum emisset, isque ei traditus esset, neque tamen mancipatus aut cessus in jure, neque ab eo possessus, is servus in bonis quidem emptoris erat; ex jure verò Quiritium non erat, sed eo jure manebat venditoris, quamdiu man-

cipatus, in jure cessus, aut usucaptus non esset. Jus hoc Quiritium sibi asseribat, qui vindicabat hac vulgata formula, *Hunc ego hominem ex jure Quiritium meum esse aio*, l. 1. de rei vind. Hinc & illa iudicis dati formula apud Cic. 4. in Verr. Cap. 12. *Si paret fundum Capenatem, quo de agitur, ex jure Quiritium P. Servili esse*, videbis Theoph. tit. de libert. Ulp. d. tit. 19. Brisson. 4. antiq. 23. Rævard. d. cap. 16. Erat autem ejus, qui in bonis habebat causa potior, quam domini ex jure Quiritiarum: nam si servus alterius in bonis, alterius ex jure Quiritium esset, ex omnibus causis acquirere ei, cujus in bonis erat, Ulp. d. tit. 19. §. penult. Quæ de causa Justinianus nudum hoc & inane Quiritium jus sustulit, d. leg. un. C. de nud. jur. Quir. toll.

Tributaria prædia eodem modo alienantur] Dixit, res omnes, cuiuscumque generis sint, traditione alienari, hoc est, ut omnes exponunt, non minus res mancipi quam nec mancipi. Hinc infert etiam, eodem modo alienari prædia provincialia. Atqui hæc prædia fuisse res nec mancipi: res autem nec mancipi etiam veteri jure nuda traditione abalienabantur, Ulp. d. tit. §. 6. Unde videtur ex contrario sic inferendum fuisse, *Itaque Italica quoque prædia eodem modo alienantur*. Verum aliò respicere Imperatorem, ex sequentibus apparet, ad exæquationem videlicet juris prædiorum provincialium & Italico, cuius ipse primus auctor est, l. un. C. de usuc. Olim agri & prædia in Provinciis non erant pleno jure possessorum, sed usu & fructu dumtaxat: summo autem jure propria erant populi Romani, quippe quæ prædia cum primùm jure belli una cum possessoribus in jus & ditionem populi victoris venissent, hoc est, publica facta essent populi Romani, sæpe provincialibus seu veteribus dominis denuo utenda & fruenda concedebantur, imposito annuo vectigali aut tributo in argumentum retentæ proprietatis aut summi juris. Unde est, quod prædia ista à possessoribus mancipio dari non poterant, nec ab aliis usucapi, sed longi dumtaxat temporis possessione illud quod dixi jus in iis acquiri; de quo uberius tit. 6. Poterat & nuda traditione jus idem in quovis alios transferri, salva scilicet semper manente proprietate populo aut Principi. Igitur quod de hisce prædijs ait, eodem illa modo alienari, sic accipiendum est, alienari plenè & perfecte, simpliciterque traditione transferri in accipientem verum & justum dominium: idem nimirum, quod nunc quisque dominus in re sua qualibet habet, sublata rerum & dominiorum distinctione, d. l. un. C. de nud. jur. Quir. toll. d. l. un. C. de usuc. transf. Atque hinc patet constitutione Antonini, qui provincialibus omnibus jus civitatis dedit, l. in orb. 17. de stat. hom. effectum non esse ut solum provinciale ejusdem juris esset cum solo Italico. Primus enim Justinianus differentiam sustulit, voluitque, eodem jure prædia omnia censeret, d. l. un. C. de usuc. transf. & hæc text. Obiter addo

addo jus illud vetus provincialium possessorum non fuisse jus personale, quale est usufructus: sed reale & proximum dominio, cuiusmodi est emphyteuticum, & quod vulgo appellatur dominium utile. Nam & possessiones suas heredibus relinquere, & cuius extraneo in iure cedere, Ulp. d. tit. 19. §. 8. Theoph. hic, & servitutem his imponere poterant, l. 3. c. de serv.

Sunt autem stipendiaria & tributaria pradia, quae in Provinciis] Nemo hinc colligat, pradia omnia, quae in provinciis erant, vestigalia fuisse. Certum enim est, multas civitates beneficio populi aut Principum jus habuisse Latii sive Italiae & sine eo iure colonias nonnullas provinciales & civitates immunes fuisse, l. 1. l. pen. l. ult. de censib. Cic. 3. in Verr. Plin. l. 3. nat. hist. c. 3. & 11. Sed hic sensus est, pradia, quae in Provinciis sunt, quae stipendium aut tributum pendunt, stipendiaria dici & tributaria, uti possessores eorum dicuntur stipendiarii & tributarii. Tributum, si Theophilo credimus, inferebatur Principi, stipendium populo. Hinc Provinciae Caesaris tributariae, populi stipendiariae. De quo tamen dubito, magisque puto verba ista dici oportere. Nam constat, Principes sensim sibi Provincias omnes seposuisse, neque diu ratam mansisse partitionem illam Provincialium quam cum populo Augustum fecisse refert Suet. c. 7. Certè tempore Iustiniani, ut fisci & aerarii, ita & stipendii & tributum nulla fuit differentia. In libris & aliquando separantur, ut in l. 7. §. 2. de usuf. leg. neque. 12. de imp. in res dor. l. aufertur. 46. §. qui compensationem de iur. fisc. Sed tamen omnino esse ex auctoritate Pomponii refert Ulpian. leg. si ager. 27. §. 1. de verb. sign. Stipendium, inquit, à stipe appellatum est, quod per stipes, id est, modica ara colligatur. Idem hoc etiam tributum appellari Pomponius ait. Et sanè, inquit, appellatur à contributione tributum, vel ex eo, quod militibus tribuatur, ita & Festus in voce Tributum. Varro autem l. 4. de ling. sic dictum scribit, quod tributum à singulis proportionem census exigebatur. Neque solum initio, ut ex Cic. Cael. Liv. Plin. Gellio discimus, stipendium & tributum promiscue appellata est ea pecunia, quae populo imperabatur & colligebatur in publicum, ut ex ea miles sustentaretur: sed etiam apud posteriores, Sueton. Eutrop. Sextum Ruffum, promiscuum eorumdem verborum usum reperias, ut observavit D. Cujac. 7. obs. 3. In eo sanè aliqua differentia est, quod plerumque stipendium, non tributum, appellamus & quod ex tributo militibus solvitur; unde stipendia facere &c. Petilius Cerealis apud Tacit. lib. 4. hist. cap. 74. Neque quies, inquit, gentium sine armis, neque arma sine stipendiis, neque stipendia sine tributis haberi queunt. Verum hoc ad praesentem disputationem non perti-

net. Illud verum esse ostendit antiquitas, quod D. Hotomannus hic notat, provincialium alios vestigales fuisse, alios stipendiarios, sive tributarios. Vestigales, qui incertum vestigal solvebant, ut deciman partem frugum: unde Decumani dicti, & eorum ager decumanus: de quibus multa Cicero 3. in Verr. Stipendiarios, qui certum vestigal in pecunia vel etiam in frumento pendebant. Quod & tributum seu stipendium, teste Cicerone 5. in Verr. stipendiarium dicebatur. Quamquam vestigalis appellatio latius patuit, easque etiam pecunias comprehendit, quae vel portorii, vel scripturae, vel salis, aut vicefimae nomine exigebantur, de quo in praesentia non quaeritur, l. ult. §. species 8. de publican. consule Sigon. 1. de iur. civ. Rom. 16. Freig. in lib. 3. Cic. in Verr. Gerd. ad l. inter publica. 17. §. 1. & l. si ager. 27. de verb. sign. VINN. Accurratius haec omnia exponit V. C. Petr. Burmannus de vestigalibus Populi Rom. qui hic omnino conferendus. HEIN.

TEXTUS.

2. Limitatio.

41. *Vendite verares & tradite non aliter emptori acquiruntur, quam si is venditori pretium solverit, vel alio modo ei satisfecerit, veluti expromissore aut pignore dato: quod quamquam caveatur lege duodecim tabularum, tamen recte dicitur & iure gentium, id est iure naturali, id est fisci. Sed si is qui vendidit, fidem emptoris sequutus fuerit, dicendum est, statim rem emptoris fieri.*

COMMENTARIUS.

1. Cur ex ceteris causis dominium traditione statim transeat, ex causa emptionis non aliter quam si pretium solutum sit, &c.
2. Satisfacere & solvere, item fideiubere, & expromittere, quomodo differant?
3. An praesumatur venditor fidem emptoris secutus ex eo, quod simpliciter rem tradiderit?
4. Ad translationem rerum immobilium quae iure civili Baravorum desiderantur?

Quod hic traditur, proprium est emptoris. Ex alia causa si quis rem suam sciens tradiderit, statim eam facit accipientis, neque amplius quicquam ad translationem dominii requirimus: in emptione vero & tertium exigitur, ut pretium solutum sit, aut necessitas ejus solvendi in praesentia remissa. Cur vero tam variè? Nimirum quia in ceteris, qui rem suam scientes ex iusta causa tradunt, veluti ex causa donationis, dotis, legati, &c. voluntas transferendi manifesta est:

diderit, & tradiderit; facit eam accipientis.

COMMENTARIUS.

1. Distinctio, quæ vulgo fit inter procuratorem, cui simpliciter rerum omnium administratio commissa est; & procuratorem cum libera, ut loquuntur, latè improbat.

Cum ad dominium traditione transferendum necesse sit, ut dictum est, ut res tradatur à domino, hoc nunc ex Cajo leg. 9. §. nihil autem 4. hoc tit. declarat Imp. atque sic esse accipiendum ait, ut nihil inter sit, utrum dominus ipse per se rem alicui tradat, an alius voluntate ejus: quippe quod quis per alium facit, dum ei mandat aut jubet ut faciat, id ipsum eum facere videri, leg. 5. §. 3. de adm. tut. l. 1. §. de iecisse 12. de vi & de vi arm.

Cui ejus rei possessio permessa est.] Hoc om. restituit, cui ejus res potestas permessa est, quod quidem sensum habet commodiorem: sed tota hæc adjectio abest à Cajo, & paraphrast. Græco. Unde suspicor, glossæ esse, quod in textum reptavit: ob eamque causam etiam à Cujacio hic omissum.

Si cui libera universorum negotiorum.] Si nominatim alicui mandatum sit, ut rem tradat, nemo ambigit, quin si mandato perseverante id faciat, dominium ejus rei transferatur in accipientem, l. solum 11. §. ult. de pign. act. leg. rescripta 37. in fin. pr. ad sen. Treb. l. fundi 33. de acq. poss. nec ulla hæc exceptio est: quoniam in speciali mandato non potest dubitari de voluntate domini. An autem & mandati generalis hæc vis sit, ut procurator, cui universorum bonorum administratio permessa est, possit rem ad administrationem suam pertinentem sine exceptione alienare, aut in alium transferre, quæri solet. DD. comm. duo genera ejusmodi procuratorum faciunt, unum eorum, quibus simpliciter rerum omnium administratio commissa est; alterum, quibus commissa est libera, nominatim sc. hoc adjecto, & procuratorem cum libera (sic loquuntur) etiam jus rem alienandi habere contendunt, modò ne id fiat animo donandi: cum autem, cui simpliciter administratio mandata est, nihil alienare posse præter fructus, aut res alias, quæ facile corrumpi possunt. Verùm hæc distinctio, ut commenticia & Veteribus incognita, à Duar. ad leg. 1. §. per procuratorem 20. de acq. poss. Don. 4. comm. 15. Vaud. 1. quæst. 47. & aliis nonnullis doctis viris rejicitur. Et verò si ex mandato æstimandum, quid cuique liceat in re aliena, dicendum omnino videtur, parem esse debere horum procuratorum potestatem; nec quod alteri non licet, id alteri in re dominica licere. Quid enim interest, simpliciter alicui bonorum universorum administratio mandata sit, an mandata adjecto verbo, libera? Non magis hæc differunt, quàm hæres simpli-

citer institutus, & institutus ex ass. Administratio quantumvis simpliciter tradita, nihilominus libera tradita intelligitur: quippe quam liberè exercere liceat in rebus omnibus, nec minùs liberè, quàm si specialiter de singulis mandatum esset, excepto si quid generali cujusmodicumque mandato non continetur: qualia sunt, donatio, leg. 7. de donat. manumissio, leg. servus 13. de manumiss. rei dominicæ pro alio obligatio, leg. 1. §. quæ res pign. dat. liberatio pignoris aut hypothecæ, leg. 7. §. 1. quib. mod. pign. solv. item quævis alia juris domini remissio, leg. mandato. 60. de procur. l. præses 12. C. de transact. alienatio quoque rerum domini, quam non exigit ratio administrationis, leg. procurator tutorum 63. de procur. junct. leg. 12. & ult. de cur. fur. l. procuratorem 16. Cod. de proc. l. 1. §. 1. de off. proc. C. f. Hinc cui simpliciter rerum gerendarum provincia demandata est, rem domini in judicium deducit, leg. 12. de pact. quod illis tantùm licet, qui domini loco habentur, leg. tutor. 22. & leg. 27. de adm. tut. potest exigere & accipere, leg. 11. de pact. l. qui hominum. 34. §. 3. de solus. creditoribus solvere, leg. qualibet. 87. eod. sit. novare, l. 20. §. 1. de novat. potest transigere, pacisci, iusjurandum deferre, d. l. præses 12. C. de transact. d. l. 12. de pact. l. iusjurandum. 17. §. ult. de iurejur. modò ea faciat in re dubia, & probationibus deficientibus, arg. l. tutor. 35. d. tit. de iurejur. Potest rem domini pignori dare, si mandatum accepit ab eo, qui sub pignoribus solebat mutuas pecunias accipere, l. 12. de pign. act. Potest vendere ea, quæ servando servari non possunt, leg. procurator. 63. de procur. & quatenus negotiorum exigit administratio, etiam alia quædam ob magnam utilitatem alienare, ar. l. 12. & l. ult. de cur. fur. Non debet plus licere ei, cui libera administratio permessa est: ut enim maximè libera sit administratio, tamen est nihil amplius. Quod igitur de hujusmodi procuratore traditur, posse eum aliud pro alio permutare, l. procurator. 58. de proc. hoc & in superiore verum est: in utroque autem sic accipiendum, si conditio & ratio administrationis id flagitet. Eodemque modo etiam accipi debet, quod hoc loco & apud Cajum, d. l. 9. §. 4. eod. relatam est, procuratorem cum libera rem ex negotiis sibi commissis vendendo & tradendo facere accipientis. Planè potest mandatum ita concipi, ut post generalem clausulam quædam etiam specialiter exprimantur: quæ alioqui aut non concessa, aut non tam planè concessa intelliguntur, ut in specie leg. creditor. 60. §. Lucius. 4. mand. Argumentum, quod ab administrationem peculii sumptum, ad distinctionem suam probandam DD. afferunt, nullum est, & distinctio administrationis peculii in simplicem, & liberam, ex leg. 10. Cod. quod cum eo qui in al. pot. ipsa quoque suspecta, confer. leg. si convenerit. 10. §. ult. de pign. act. leg. si quis. 41. §. ult. de rei vind. l. pen. §. 3. de div. & temp. præsc.

præf. l. 13. in fin. de cond. ind. l. libera. 48. pr. & §. 1. de pecul. l. ult. de novat. l. contra 28. §. 3. de pact. leg. 8. §. an pacisci. §. quib. mod. pign. Atque hoc etiam Vaudus animadvertit *d. loc.* qui etiam contendit, plus licere filiosam. aut servo liberam peculii administrationem habentibus in administratione rei peculiaris, quam procuratori universorum bonorum in rebus mandatis: propterea quoddam peculium est quasi proprium patrimonium servi filive familias à substantia & rationibus domini patrisve separatam atque abstractam, *leg. 5. l. peculium 39. de pecul.* quod longè diversum sit in procuratore. Ad hæc, unam eandemque servi & domini, unam patris & filii personam videri, *leg. 10. de opr. leg. l. ult. in fin. Cod. de impub. subst. §. 4. & §. post mortem 12. inf. de inut. stip.* Utcumque sit, certè alienationem ut donent, aut jus aliquando gratuito remittant, vi generalis mandati non habent, *l. 3. §. si servum 8. de do. int. vir. & uxor. l. 1. §. 1. que res pign. dat. l. 7. de donat. l. 3. §. 1. vers. si filiosam. de Sen. Mac. l. contra. juris. 28. §. 2. de pact.*

T E X T U S.

De quasi traditione. Si traditio ex alia causa præcesserit.

43. *Interdum etiam sine traditione nuda voluntas domini sufficit ad rem transferendam, veluti si rem, quam tibi aliquis commodaverit, aut locaverit, aut apud te deposuerit, postea aut vendiderit tibi, aut donaverit, aut dotis nomine dederit. Quamvis enim ex ea causa tibi eam non tradiderit; eo tamen ipso, quod patitur tuam esse, statim tibi acquiritur proprietas, perinde ac si eo nomine tibi tradita fuisset.*

N O T A.

43. *Perinde ac si eo nomine*] Fictio scilicet brevis manus, ut una actio hic occultetur, *leg. 3. §. pen. D. de don. int. vir. & ux.* Fingitur res ex prioris causa restituta, & ex posteriore donatio tradita.

C O M M E N T A R I U S.

Dictum est in explicatione §. *per traditionem*. 40. *sup. eod.* dominia rerum transferri non nudis pactis, sed traditione. Nihil autem interesse, an verè traditio fiat & naturaliter, an ficta & per representationem. Ficta traditionis usus in rebus incorporalibus necessarius est; utpote quæ naturam traditionem non recipiunt, *l. servus 43. §. 1. hoc tit. l. 10. de donat. l. si rem. 62. de vi&f. & hoc §.* dominium transferri nuda voluntate. Fictio sive cogitatio talis est: creditur res tibi commodata aut apud te deposita, domino, cui eam postea tibi vendidit aut donavit, restituta, atque ab eo mox ex ea causa tibi tradita. Quod à Consultis ideo excogitatum est, quia hoc modo celerius & sine inutili circuitu ad finem propositum

quapiam repræsentetur, vel res geratur brevi manu. De ea, quæ symbolo sit, dicitur §. proximo. Fictio brevis manus traditio sit, cum vel rem meam, quæ apud te sit, ex alia causa tibi vendo aut dono, ad quam speciem pertinent exempla hoc §. proposita ex Cajo *l. 9. §. interdum. §. eod. vel cum eum, qui mihi dare volebat, aut debebat, jussero tibi dare, l. 3. §. pen. & ult. de don. int. vir. & ux.*

Nuda voluntas] Non quæ planè & per se nuda sit, aut præter consensum nihil habeat, quemadmodum cum dicimus, ex pacto nudo actionem non nasci, nudum intelligimus, quod simpliciter nudum est. hoc est, tale, quod præter conventionem nihil causæ habeat ad obligandum eum, qui pactus est; *l. 7. §. 4. de pact. l. 10. C. eod.* Nam cum ne actio quidem ex hoc genere pacti competat ad dominium adipiscendum, plusquam manifestum est, dominium ex eo transferri non posse. Non etiam quæ nuda sit ab omni traditione: quomodo nuda pacta accipimus, cum traditionibus in genere opponuntur, *l. traditionibus. 10. C. de pact. & pignus nuda conventionem contrahi dicitur, quia convenit, ut res pignori sit sine ulla traditione, l. 1. de pign. aut. Sed nuda ex comparatione ejus rei, cui hoc loco opponitur, id est, nuda à vera & naturali traditione, quæ causam transferendi sequatur. Nam si nuda sit ab omni non tantum reali sed etiam ficta & symbolica traditione, sola voluntas dominium transferre non potest. Eodem sensu quarundam rerum possessio animo apprehendi dicitur, *l. ansep. de acq. poss.* nimirum oppositivè ad actualem & naturalem apprehensionem.*

Commodaverit, locaverit, aut apud te deposueris] Vel etiam pignori tibi dederit, *leg. 9. §. 1. de publ. in rem act.* Nec videberis causam possessionis tibi mutare, qui ne possidebas quidem, *l. 3. §. sed si. 20. de acq. poss.* Sed & si rem meam possideas, & eam tibi vendam, aut tibi habere jubeam, fiet tua, quamvis possessio apud me non fuerit, *l. si servus 21. §. 1. hoc tit. l. 10. de donat. l. si rem. 62. de vi&f.* Ad hoc genus fictæ traditionis etiam pertinent species, *l. 3. §. pen. & ult. de don. int. vir. & ux.* si id quod alius mihi dare volebat, jusserim Titio dari: quamvis fictio nonnihil dissimilis, & inter tres personas.

Perinde ac si eo nomine tibi tradita esset] Apparet. hic actum aliquem adseisci sive fingi, qui pro traditione sit; cum causam transferendi nulla sequatur traditio secundum ordinem naturæ: & ideo in proposito dicitur res pro tradita haberi, *d. l. si rem. 62. de vi&f. & hoc §.* dominium transferri nuda voluntate. Fictio sive cogitatio talis est: creditur res tibi commodata aut apud te deposita, domino, cui eam postea tibi vendidit aut donavit, restituta, atque ab eo mox ex ea causa tibi tradita. Quod à Consultis ideo excogitatum est, quia hoc modo celerius & sine inutili circuitu ad finem propositum

fitum perveniatur, *d. l. 3. §. pen. de don. int. vir. & ux.* Unde in simili; si debitorem meum iusserim tibi dare, fingitur brevi manu acceptum à me, & tibi datum, ut una actio hic occultetur, *d. l. 3. §. pen. & ult. l. licet. 43. §. 1. de jur. dot.* Eadem fictio intervenit & in iis, quæ singulariter circa pecuniam creditam recepta esse scribit Ulp. *l. singularia. 15. de reb. cred.* live res geratur inter tres personas, veluti si Titium pecuniam, quam mihi debebat, iusserim Sejo mutuo dare; five inter duas, puta si convenerit, ut pecuniam, quam tu mihi ex mandati causa debes, crediti nomine retineas. In utraque enim hac specie fingitur mihi data pecunia, & à me ad te aut ad Sejum profecta: quamquam Africanus stricti juris retentior fictionem istam non videtur admittere in specie posteriore, vid. *l. qui negotia. 34. mand. ejusque Interpretem Cuija. 8. ad African.* Sunt tamen qui putant, absentiam debitoris impedire fictionem brevis manus, quasi factum fingi non possit jure, nisi & per rerum naturam fieri potuerit, per *l. falsus. 43. §. 2. de furt.* & ideo Ulp. sententiam admittendam censet, si debitor præfens sit & paratus pecuniam numerare: Africanus, in debitore absente, aut qui pecuniam ad manum non habeat: quippe discrete Africanum loqui de eo, qui epistolam misit ad creditorem, ac proinde de eo, qui absit. D. Doni in *d. l. singularia. 15. de reb. cred. num. 22. & seqq.* Ut sit, hoc jure non utimur, ut absentia hujusmodi fictiones non impediat. Plura diximus *lib. 1. select. quest. 6. 40.*

TEXTUS.

De traditione clavium.

44. Item si quis merces in horreo depositas vendiderit, simul atque claves horrei tradiderit emptori, transfert proprietatem mercium ad emptorem.

NOTA.

44. Tradiderit emptori] Apud horreum, *diff. l. 74. in re præfenti, l. 1. §. penult. D. de acquir. possess.*

COMMENTARIUS.

HOC §. agitur de eo genere fidei traditionis, quæ nota aliqua aut symbolo veram repræsentat, cujus una species proponitur, si mercibus certo loco conclusis, quas dominus mihi traditas velit, claves ejus loci mihi tradantur, ex *diff. l. qua ratione 9. §. item si 6. hoc tit.* Sunt autem hujus generis & aliæ species, veluti traditio instrumenti, quo tradito res ipsa, de qua alienanda in eo agitur, tradita & translata intelligitur, *l. 1. c. de don.* Trabium & tignorum obagnatio pro eorum traditione valet, *leg. quod si. 14. §. 1.*

de per. & comm. rei vind. Item custodis appositio, si res non facile loco moveri possint propter magnitudinem ponderis, *l. antepen. de acquir. possess.* Potest & sine nota actus aliquis traditionem repræsentare: nam si in re præfenti & aperta dominus eam se mihi tradere dicat, ego sim hoc animo, ut velim possidere; hic placuit me possessionem nancisci oculis & affectu, perindeque hoc haberi, ac si pedem sinibus intulissem, corpore ac manu rem apprehendissem, *l. 1. §. pen. leg. quod meo. 18. §. 2. de acquir. possess.*

Simil atque claves horrei tradiderit] Clavibus horrei aut cellæ traditis, etsi merces inclusa (frumentum, vinum) oculis & sensibus non subjiciantur, earum tamen rerum possessio & dominium nobis acquiritur, haud secus ac si res ipsæ conditæ nobis traditæ essent, *diff. leg. qua ratione. 9. §. item si. 6. d. l. 1. §. penult. l. clavibus. 74. de contr. empt.* Ceterum hoc ita, si claves traditæ sint apud ipsam locum, in quo res conditæ sunt, *diff. l. clavibus. 74.* Nam & symbolica traditio esse debet, ut per eam res potestati nostræ statim subjiciatur: quod non fit, si alibi claves tradantur; & ideo rectè hoc expressit Theophilus *in præfati tit. apud.*

TEXTUS.

De Missilibus.

45. Hoc amplius, interdum & in incertam personam collata voluntas domini transfert rei proprietatem: ut ecce, prætores & consules, cum missilia jactant in vulgus, ignorant quid eorum quisque sit excepturus; & tamen quia volunt, quod quisque acceperit, ejus esse, statim eam dominum efficiunt.

COMMENTARIUS.

ET si regulariter in translatione domini non minus persona accipientis quam tradentis certa esse debet, ut affectus ab utraque parte contrahentium concurret, *l. in omnibus. 55. de obl. & act.* evenit tamen interdum, ut dominium per traditionem transeat in personam accipientis incertam, veluti cum missilia jactantur aut sparguntur in vulgus; quod exemplum hoc loco proponitur, & *l. 9. §. pen. eod.* etenim qui pecunias suas ita spargit aut projicit; in nullius certæ personæ destinationem fertur, & planè ignorat, quis quid earum rerum sit accepturus. Utique tamen quia palam est, velle cum quod quisque ex sparso apprehenderit id sibi habere; æquissimum est & naturali rationi consentaneum, ratam haberi domini voluntatem, arg. §. per traditionem. 40. *supr. eod.* Poterat videri, quod ita sparsum est pro derelicto habitum, & ideo apprehendenti cedere jure occupationis rerum

nullius. Sed magis est, ut ex voluntate domini traditum sibi accepisse dicamus: cum in eum finem pecunia sparsa sit, ut statim apprehenderetur, & quantum apprehensum esset, fieret apprehendentis, quo animo non est is, qui rem pro derelicto habet. VINN. Immo certissimum est, missilia nostra fieri non per traditionem, sed per occupationem, quia qui illa spargit, eorum dominio vero sese abdicat, antequam quis ea apprehenderit. Quorum dominio nos abdicavimus, ea sunt derelicta. Res pro derelictis habitæ cedunt occupanti. Nec ratio Vinnii aliud suadet. Omnes enim res pro derelictis habitæ eo fine abijciuntur, ut apprehendantur, & quantum quisque apprehenderit, fiat apprehendentis. Quo animo esse derelinquentem, cur neget auctor noster, equidem non video. HEIN.

Prætores & Consules] Desunt hæc apud Cæsum: & vix est ut reperias, Magistratus populi Romani, Consules, aut Prætores missilia sparsisse. Principes id factitasse legimus apud Sveton. in *August. c. 98. in Caligul. c. 18. in Neron. cap. 11.* Ut Consules sparserint, è Græcorum consuetudine fluxisse videtur: quam Marcianus non sine causa sustulit, l. 2. c. de consul. & non sparg. pec. l. 12. revocavit ad certum modum Justinian. Nov. 105. cap. 2. §. 1. qua constitutione permittitur volentibus Consulibus missilia spargere, & muneribus honorare populum, dum ne id sæpius faciant, quam septies in anno, & in septem processionibus; nec aurum populo spargant, quod soli datur imperio. Hæc constitutio iterum abrogatur à Leone, usufque missilium Consulibus in totum interdicitur, Nov. Leo. 94.

TEXTUS.

De habitis pro derelicto.

46. *Qua ratione verius esse videtur, si rem pro derelicto à domino habitam occupaverit quis, statim eum dominum effici. Pro derelicto autem habetur, quod dominus ea mente abjecerit, ut id in numero rerum suarum esse nolit: ideoque statim dominus ejus esse desinit.*

COMMENTARIUS.

- 1 *Quæ requirantur, ut res pro derelicto habita censeatur?*
- 2 *Pro derelicto habita statim nostra esse desinere: alterius autem non fieri, nisi possessio eorum apprehensa fuerit.*

Res pro derelicto habita statim nostra esse desinit, & nullius fit, ideoque secundum jus de rebus nullius occupanti conceditur. Pertinet igitur hic modus acquirendi ad inventionem, ut supra quoque monuimus §. *item lapilli*, 18. cod. Ad traditionem referri non

potest ut species superior: quia qui rem pro derelicto habet, quamvis intelligatur voluisse eam ejus fieri, qui primus eam sustulerit aut occupaverit, leg. 5. §. 1. *pro derel.* non tamen ea mente eam abijcit aut deserit, non laborat ut alius eam accipiat, quod facit is, qui pecuniam spargit. Sparsio species donationis est & liberalitas, qua, qui spargit, populum demereri studet: abiectione autem aut desertione hoc saltem agitur, ut ne res amplius in bonis sit.

Quod dominus ea mente abjecerit] Duo exigit hæc definitio ut res pro derelicto habita censeatur: primum ut quis rem suam amplius suam esse nolit: tum ut quam non vult amplius suam esse, eam abijciat aut deserat; alterutrum si desit, dominium non amittitur. Fac ergo rem à domino abijci, aut deserri, non ea tamen mente, ut eam à se amoveat, aut amplius suam esse nolit; nihil hic amittitur, §. *sequent.* Fac è converso nolle amplius suam esse; nisi eam abijciat, aut si immobilis est, ab ea discedat hoc animo, ut eam amplius habere nolit, dominus esse non desinit: in quo dominium differt à possessione, quæ solo animo amittitur, leg. si quis. 17. §. 1. de acquir. poss.

Ideoque statim dominus esse desinit] Res pro derelicto habita statim ut abjecta aut deserta est, nostra esse desinit: quia iisdem modis res desinunt esse nostræ, quibus nostræ fiunt, l. 1. *pro derel.* Unde rectè à Juliano notatur Proculus, qui putabat dominium rei pro derelicto habitæ tunc demum à nobis abire, cum ab alio occupata esset, l. 2. §. 1. *diff. sit.* Sic enim fieret, ut si quis eam rem furandi animo abstulisset, furtum commississe intelligeretur, quod est absurdum, leg. falsus. 43. §. 5. de furt. Quod si dominus non sit, à quo res derelicta est, non fit statim occupantis, sed poterit qui occupavit eam usucapere, l. 4. *pro derel.* Illud constat, pro derelicto habita, ut cætera quæ nullius sunt, non acquiri ei, qui primus ea videre cœpit & notare oculis, sed qui primus possessionem eorum nactus sit. Sic Acanthos Insula deserta adjudicata fuit Chalcidentibus, qui priores intraverant, non Andriis, qui priores jaculum immiserant, Plutarch. *question. Græc. 29.* Quoniam possessionis initium est corporis ad corpus adjunctio: qualis circa res mobiles maxime fit manibus; circa res soli pedibus, D. Grot. *mar. lib. cap. 2.* Sunt qui pro derelicto habita fisco nunc adscribenda tradunt, D. Cyprian. *Regn. cens. Belg. hic post Zypæ notit. jur. Belg. de jur. fisc.* quibus non assentior per ea, quæ nos ad §. 39. *sup. eodem & Groenevv. de ll. abrog. ibid.*

TEXTUS.

De jactis in mare levandæ navis causa.
Item de his; quæ de rheda cur-
rente cadunt.

47. *Alia sanè causa est earum rerum, quæ in tempestate levandæ navis causa ejiciuntur; hæc enim dominorum permanent: quia palam est, eas non eo animo ejici, quod quis ea habere nolit, sed quo magis cum ipsa navi maris periculum effugiat. Quæ de causa, si quis eas fluctibus expulsa, vel etiam in ipso mari natæ lucrandi animo abstulerit, furtum committit. Nec longè videntur discedere ab his, quæ de rheda currente non intelligentibus dominis cadunt.*

NOTÆ.

47. *Furtum commissit*] Hujus loci interpretem habes Ulp. d. l. 43. §. pen. & §. 4. cum aliquot seqq. D. de furt.

COMMENTARIUS.

- 1 *Quæ levandæ navis gratia ejiciuntur, non eo animo abiici videri, quod quis ea habere nolit.*
- 2 *Eum qui alienum quid in via jacens, lucri faciendi causa tollit; furti obstringi, licet ignores ejus sit.*
- 3 *Quid si nemo rem inventam post proclamationem repetat.*
- 4 *An præmium indicii honestè peti possit.*
- 5 *Quid circa res ejectas aut naufragio perditas hodiernis moribus obtineas.*

EX iis, quæ præcedenti §. dicta sunt, intelligi potuit, pro derelicto habendum non esse, quod dominus non ideo abiecit, quia amplius suum esse non vult, sed alia mente: ac proinde id ejus, qui abiecit manere, nec fieri apprehendentis. Id hoc §. declaratur exemplo rerum in tempestate levandæ navis causa ejectarum.

- 1 *Non eo animo ejici, quod quis ea habere nolit*] Qui oborta tempestate levandæ navis gratia res aliquas projiciunt, non hanc mentem habent, ut eas pro derelicto habeant; quippe si invenerint, abluros, & si suspicati fuerint, in quem locum ejectæ sunt, requisituros: sed ut levata nave maris periculum effugiant. Perinde igitur hoc est, ac si quis onere pressus in via rem abiecerit, mox cum aliis reversurus ut eam auferat, leg. 8. ad leg. Rhod. quam ob causam res ita jactas dominorum permanere, rectè hic concludit Justinianus cum Cajo in l. 9. §. *ali. hoc sit.* & Paulo leg. 2. in fin. ad leg. Rhod. fac. l. si quis merces. 7. pro derel. l. interdum. 21. §. de acq. poss. l. quæcumque. 58.

hoc sit. Cum his tamen Ulpianum committit Horomannus, existimans, cum à cæteris omnibus dissensisse, ac putasse, jactum fieri animo derelinquendi; aut saltem credendum esse, plerumque eo animo fieri, & quasi perituum sit, quod jactatur: sic enim scribit in l. falsus creditor. 43. §. pen. de furt. Respondet Vvesembecius, Ulpianum eo loco de jactu spontaneo loqui, de eo videlicet, qui simpliciter nec urgente ulla necessitate res aliquas in mare proicit: hunc in hac actione merè voluntaria credibile esse pro derelicto velle habere id, quod videtur ut perituum jactare. Quam responsionem, licet eam ut ineptam explodat Bachovius, locus ipse non parum juvat; nam ex fine d. §. pen. manifestum est, Ulpianum distinxisse inter id, quod simpliciter & non simpliciter jactatum sit.

Cum ipsa navi maris periculum effugiat] Mercator nunquam mercium suarum jacturam faceret, nisi speraret majus se malum hoc pacto declinaturum, mortem nimirum. Facit igitur hoc *ἐκ τῆς αἰτίας τοῦ θανάτου*, ut hæc actio mixta sit ex spontaneo & invito. Invita est, si causam spectes, quæ extrinsecus impellit, ut jactura fiat; spontanea, si causam proximam & principium internum, consilium mortis evitandæ. Quin etiam plus voluntarii quàm inviti hujusmodi actiones habent: nisi enim voluntate consentiente fierent, in exequendo ministerium non præberent membra corporis. Consule Aristot. 3. eth. 1.

Lucrandi animo] Secus est, si hoc animo, ut rem salvam faceret & restitueret domino, aut si putans, simpliciter sive sponte jactatam pro derelicto habitam, d. l. falsus creditor. 43. §. pen. & §. sed si. 6. de furt. Bene hoc intellexit Damones in Rudente Plautina, qui vidulum à servo suo in mari repertum alienum esse judicat, non suum, *act. 4. scen. 2.*

Quæ de rheda currente cadunt] Comparantur res in tempestate ejectæ cum his, quæ iter facientibus decidunt de curru, aut quæ imprudentibus excidunt in vias, quas certum est dominorum permanere, eumque qui alienum quid jacens in via lucri faciendi causa tollit, furti obstringi in tantum, ut nihil intersit, sciverit, an ignoraverit, ejus essent: nihil enim ad furtum minuendum facit, quod ejus sit ignoret, d. l. falsus. 43. §. qui alienum. 4. quippe cum omnes scire debeant, quod suum non est, hoc ad alios modis omnibus pertinere, l. ult. Cod. unde vi. At si non ut lucretur sustulit, sed redditurus ei, ejus id esse postea apparuerit, furti non tenetur. Proinde si nescit ejus sit, rectè probeque faciet, si libellum proponat continentem, invenisse se, & redditurum ei, qui suum id esse demonstraverit; hoc enim factum palam ostendit, se non tulisse eam rem animo furandi, d. l. falsus. 43. §. sed si. 7. & seqq. Quid ergo, si post hujusmodi libellum propositum, aut (sicubi con-

consuetudo) post insinuationem præconis voce factam, nemo sese offerat, qui rem inventam ut suam repetat? Poterit inventor, si pauper est, eam sibi ceu numere Dei collatam retinere: si dives est, bene & piè fecerit, si in usus & alimoniam pauperum eam convertat, ita Bart. ad d. l. falsus. 43. §. qui alienum. 4 Fab. Cantiunc. Schneid. hic. (Canonistæ cum Theologis dicerent, non tantum bene & piè, sed ex iustitiæ & conscientie debito faciendum.) Qui hoc obiter etiam tractant, an is, qui rem alienam invenit & indicavit, si nihil impensæ ejus gratia fecit, præmium indicii honestè petere possit. Et ajunt, non posse, quamvis ultro oblatum honestè accipiat, quod etiam satis aptè significat Ulp. d. l. falsus. 43. §. quid ergo. 9. ubi pro eo, quod in vulgatis editionibus omnibus atque in ipso etiam Pisano codice legitur; Quid ergo si, *ἀπορησάμενος*, qua dicunt, petat, &c. Budæus ex vestigiis exilibus antiqui exemplaris, ut ipse ait, restituit, Quid ergo, si ea que dicunt Græci *ἀπορησάμενος*, petat, sed nulla necessitate: nam *ἀπορησάμενος*, non minus Græcum est, quàm *ἀπορησάμενος*, atque ut hoc præmium indicie, ita illud præmium inventionis significat. Illud non ambigitur, posse, si res nondum reperta est, ejus perquirendæ nomine & peti honestè indicium & accipi, fac. leg. §. si tibi. 4. de condi. ob turp. ca. Hac eadem in causa sunt etiam bona naufragorum, & peculiaris etiam poena irreos, qui quid eorum in littus expulsum surripuerunt, nova lege constituta est publicatio omnium bonorum, *auth. navigia. C. de furt. quæ desumpta est ex constitutionibus Frederici Secundi de statutis & consuetudinibus contra Ecclesie libertatem editis tollendis, coll. 10.* De rebus in tempestate ejectis, aut naufragio perditis, inque litore inventis, aut extractis è mari, idem in hac regione antiquitus jus fuit, quod nunc Principum sæcularium fere omnium maris accolarum commune est, fisco statim ut vindicarentur; adeoque ipsa etiam fragmenta & tabulas quassatarum scopulisque illis arum navium. Cæterum aucta navigatione, inque dies magis magisque crescente; visum est, placitumque Ordinibus hujus Provinciæ, ut suas cuique res ruptas deperditasque repetero liceat; modò id faciat intra annum & sex septimanas, impensæque refundantur, quæ sorto factæ sunt ab harum rerum susceptoribus. Hoo tempore elapso publicantur, & fisco acquisitæ esse intelliguntur, *Placuit Vande zee-defren, Phil. 2.* qui tamen facile patitur eas redimi, Grot. 2. *manuduct. 4.* Graviter in præcipientem illam publicationem rerum ad littus ejectarum, *lib. 2. de repub. c. 10.* invehitur Bodinus: Barbarum id quidem, inquit, & antiquis inu-

sitatum, ut cuius opes ac fortuna naufragio misere perierint, & quem nostris opibus sublevare debeamus, ejus reliquias, quas ad littus ejectas bona fide restitui oportebat, turpe diripi patiamur. Sic tamen, inquit, vivitur, ut qui porcus habens, eam crudelitatem tum in civem tum in peregrinos exequantur. Ius quæris? Error ius facis; at si non peccatur errore, sed scientia; scelus est, quod erroris specie præstenditur. Mera sanè injuria est, nulla probabili causa præcedente suum alicui auferre: atque ob id antiquis semper religiosum fuit, bona naufragorum fisco addicere. Extat constitutio Constantini in C. *Iustin. iii. de naufrag. lib. 11.* in hæc verba: Si quando naufragio navis expulsa fuerit ad littus, vel si quando aliquam terram attingeris, ad dominum pertineat; fiscus meus sese non interponat. Quod enim ius habet fiscus in aliena calamitate, ut de re tam luctuosa compendium sectetur? Bene Euripides in Helena.

Ναυαγοῖς ἴσως ἔστιν, ἀνθρώπων ὄψιν.

Dion Prusænsis orat. 7. de naufragio locutus:

Μὰ τῷ οὐρανῷ, ὃ Ζεὺς, λαβὼν μὲν ἀπὸ δαίμωνος τοῦ πόντος ἀνθρώπων δυστυχίας. Potest etiam hic accommodari locus Cassiodori, *lib. 4. var. 7.* ubi sic scribit: Crudelitatis genus est, ultra naufragium velle deservire, & illos ad dispendia cogere, quibus inopem vitam probantur immania elementa dedisse: add. *auth. navigia. C. de furt. Gail. 1. obs. 8. Gudelin. lib. 5. de jur. nov. cap. 10. Christin. vol. 9. decis. 64. Grot. de jur. bell. & pac. lib. 2. cap. 7. in pr. Groenev. de legib. abrog. ad l. 1. C. de naufrag. & ibi alleg. Mornac. ad l. 2. in fin. l. 4. §. 1. l. 9. & ibid. not. nostras ad Pet. Peck. de l. Rhod. Doctis. Salmasius cap. 5. de mod. usur. putat, non Constantinum, sed Antoninum auctorem esse memoratæ constitutionis sub *ist. C. Iust. de naufrag.* id stylum ostendere, & veteres libros testari: nec relatam esse sub eod. tit. in Cod. Theodosianum, quod & D. Contius anteq. observavit. Ea autem constitutione Antoninum abrogasse legem Rhodiam, qua parte naufragia fisci esse, & ad publicanos pertinere sanxerat, *τὴν ναυαγία τῷ τριαντῷ ἴδ.* atque esse hanc constitutionem posteriorem rescripto ejusdem Antonini, quod extat in *leg. æt. l. 9. de leg. Rhod. quæ naufragos ad legem Rhodiam remisit.* Ostendit etiam; rescriptum istud multis modis corruptum esse, & in d. constitutione pro *Vel si quando reliquam terram attingeris*, ut omnes libri scripti habent, legendum, *Vel si quando reliqua terram attingeris.* Nec dubium, quin in d. leg. *ἀνθρώπων 9. de leg. Rhod. pro τῷ τῷ δυνάμειον*, ex ejusdem Salmasii sententia, quam & Grotius probat, reponendum sit, *ἀντὶ τῷ δυνάμειον*, id est, *τρίαντων*, à publicanis.*

TITULUS SECUNDUS.

DE REBUS CORPORALIBUS ET
INCORPORALIBUS.

Continuatio.

QUæ de acquirendo jure gentium dominio dicta sunt titulo præcedenti, ea pertinent dumtaxat ad acquisitionem rerum corporalium. Sunt autem & res quædam incorporales, quæ & ipsæ in patrimonio sunt, & suis quoque modis, prout earum fert natura, tum jure gentium, tum civili singulis acquiruntur. Non est igitur principalis divisio, quæ hoc titulo proponitur, sed subdivisio, quædam rerum privatarum, five earum quæ in bonis aut patrimonio sunt. Cajus hanc principali continenter subjecit, l. 1. §. 1. de rer. div. unde huc transtulit Justinianus.

TEXTUS.

Secunda rerum divisio.

Quædam præterea res corporales sunt, quædam incorporales. Corporales hæc sunt, quæ sui naturæ tangi possunt, veluti fundus, homo, vestis, aurum, argentum, & denique aliæ res innumerabiles. Incorporales autem sunt, quæ tangi non possunt, qualia sunt ea quæ in jure consistunt, sicut hereditas, usufructus, usus, & obligationes quomodo contractæ. Nec ad rem pertinet, quod in hereditate res corporales continentur: nam & fructus, qui ex fundo percipiuntur, corporales sunt: & id quod ex aliqua obligatione nobis debetur, plerumque corporale est, veluti fundus, homo, pecunia: nam ipsum jus hereditatis, & ipsum jus utendi fruendi, & ipsum jus obligationis incorporale est. Eodem numero sunt & jura prædiorum urbanorum & rusticorum, quæ etiam servitutes vocantur.

NOTÆ.

Quædam præterea] Totus hic titulus descriptus est ex Cajo l. 1. §. 1. D. de rer. div.

Pecunia] Hic apertè pecunia inter res corporales numeratur, ut & apud Cajum d. l. 1. & nihil notius est, quàm nummos aequè ac cetera corpora vindicari posse, l. 14. de reb. cred. §. ult. infr. quibus al. lic. Opponuntur interdum corpori, l. 46. D. de cond. ind. l. 5. pr. de imp. in rem dot. l. ult. de adim. leg. at tunc non omne corpus simpliciter, sed certum intelligi

debet, l. 68. D. ad sen. Treb. l. 10. D. de accept. & in quo præter corpus nihil consideratur.

Ipsam jus hereditatis] Cajus ipsum ius successionis, à quo & hereditas definitur successio in universum jus, quod defunctus habuit, l. 24. de verb. sign. sed hæc improprie. Nam succedere non hereditatis est, sed heredis. Hereditas autem est res acquisitioni subjecta, & quæ heredi per successionem acquiritur. Jus verò dicitur, quia universitatem denotat, patrimonium defuncti cum oneribus; non res singulas seorsum, l. 119. l. 208. d. iis. Hæc plena præ iis, quæ alii.

COMMENTARIUS.

- 1 Inter res corporales: etiam nummos rectè numerari.
- 2 Ea, quæ in jure consistere dicuntur, non esse mera entia rationis.
- 3 Quo sensu hereditas, usufructus, obligatio, jura dicantur, & rebus ipsis opponantur?
- 4 Hereditatem proprie neque successionem esse, neque ius succedendi, neque rem, quæ succedit, sed ius, quod per successionem acquiritur.
- 5 Jura prædiorum quo respectu servitutes dicantur?

Sui naturæ tangi possunt] Hoc est, quæ sub tactum cadunt, quas, si præsentem sint, corpore & manu apprehendere cæterisque sensibus percipere possumus. Ait autem, hujusmodi res esse fundum, hominem, &c. fundum, puta Tusculanum; hominem; Sticum; res; nimirum singulares & substantias primas. Nam secundæ substantiæ sive universalis à sensibus remota sunt Arist. 1. analyt. cap. 31. Utrum autem universalis sint merum opus intellectus & figmenta phantasiæ, an quid reale essentiam habens, & revera subsistens in rebus singulis; Philosophorum disputatio est. VINN. Sunt hæc verè stoica. Quum enim hi philosophi sensus omnes reducerent ad tactum; corpus definiebant, quod tangi possit: Sen. Epist. 106. Eadem corpora sola esse, affirmabant: corporales res non esse, sed intelligi. Cic. Top. cap. 5. Illa res vocabant, hæc jura. Quintilian. Inst. 10. Et inde facile patet, cur Paullus servitutes nec in bonis, nec extra bona esse dicat. HEIN.

Aurum, argentum] Non tantum rude, sed etiam signatum, nummi aurei aut argentei, licet contra disputet D. Hotomannus. illust. quest.

quest. 15. Nam oppositum est in opposito, siue contradictio in adjecto, si quis dicat argentum signatum corpus non esse. Spectatur quidem in pecunia maximè valor publicus, *l. de cont. emp.* & respectu hujus valoris nummus nonnumquam opponitur iis rebus, in quibus præter corpus nihil consideratur, ut in *l. quis hæredis. 46. de condit. ind.* Cæterum qui nummos & pecuniam negant aliud esse aut significare quàm valorem & quantitatem ipsius, illi vehementer falluntur. Utiq; enim & materialiter pecunia considerari potest, cum materia pecuniæ, argentum, aurum, fundamentum sit valoris; de quo bellè & doctè Salmasius *lib. de usur. pag. 455.* Et corpora etiam in pecunia cogitari posse, non quantitatem dumtaxat, testis est Papinian. *l. si is. 94. §. 1. de solut.* Quin Justinianus hoc ipso tit. & Cajus *l. 1. §. 1. de rer. div.* expressè pecuniam inter res corporales numerant. Denique quid notius est, quàm nummos æquè ac cætera corpora vindicari posse? Nihil me movet, quod apud Pomponium, *l. si pænæ. 19. §. 2. de cond. ind.* legitur: Si falso existimans me debere nummos solvere, qui partim alieni, partim mei fuerint, ejus summæ partem dimidiam, non corporum, me condicere. Nam & si frumentum meum cum alieno commixtum, cui non debebam, per errorem solvissem, responderet Jurisconsultus, non dimidiam partem corporum, sed quantitatis condicendum: neque tamen ex eo quisquam colligeret, frumentum rem esse incorporalem, sed habet hoc hanc rationem, quia confusum corpora mea & aliena solvi, non ut certa species, sed existimans me debere certam quantitatem. Quid quòd eo ipso quod ait, *me non condicere partem corporum*, fatetur corpora esse? Nihil etiam quod Ulpian. *leg. 5. in pr. de imp. in res d. 1.* scribit, diminutionem dotis per impensas necessarias fieri ipso jure, ubi non sunt corpora, sed pecunia. Neque enim corpora pecuniæ opponitur non corpori, sed eadem ratione, qua eodem loco corpora opponit corpori æstimato; quod utique nemo dixerit rem esse incorporalem; & nimirum, ut res quæ in specie restituendæ sunt, iis rebus opponuntur, quæ in genere functionem recipiunt. Constat enim, pecuniam esse rem fungibilem, cujusmodi res eodem jure ac obligatione in dotem dantur, qualis est in mutuo, ut scilicet soluto quandoque matrimonio, maritus non eadem corpora quæ accepit reddat, sed tantumdem, *l. res in dotem. 42. de jur. do.* Idem respondendum ad *l. ult. de adim. leg.* Alibi cautius summa aut numerata pecunia non simpliciter corpori, sed certo corpori opponitur, *l. si hæres. 68. pr. ad sen. Treb. l. 10. de accept.*

Qualia sunt, quæ in jure consistunt] Res omnes, quæ tangi aut demonstrari non possunt, sed animo tantum cerni atque intelligi, incorporales quidem sunt: verum non omnium earum rerum consideratio Jurisconsulti propria

est. Nam & Angeli, & spiritus, & Animæ res sunt incorporeæ. Illa quoque quæ à Cicerone in *Topic.* enumerantur, usucapio, tutela, gens, agnatio: quamvis harum rerum tractatio ad Jurisconsultum pertinet, non sunt tamen hujus loci, in quo de iis rebus agitur, quæ acquiri possunt, & patrimonium nostrum augent. Usucapio autem non est res, quæ acquiritur, sed causa & modus acquirendi, uti & gens & agnatio: gente enim & agnatione hæreditas obvenit. Tutela onus est & munus publicum. Quid est ergo, quod ait, *quæ in jure consistunt*? *Ius est*, inquit Vvesemb. *intellectus seu recta ratio.* Quæ igitur in jure consistunt, ut alia omnia, quæ sunt rationis, ea tantum intelliguntur, inquit, non sunt. Ita loquitur Vvesembec. quasi existimet, ea, quæ in jure consistere dicuntur, esse mera entia rationis & intentionalia dumtaxat; quomodo & D. Tuningius, qui ea dicit esse notiones & intelligentias, quas Platonici *Ideas* vocant; neque aliud judicium Donelli fuit *lib. 5. com. 1.* Sed quæso, quid tam absurdum est quàm dicere, hæreditatem, bonorum possessionem, usumfructum, servitutes prædiorum, pignus, obligationes, actiones, figmenta esse intellectus, natura nihil esse? Amabo te, si tibi luculenta hæreditas relicta sit, aut opulenti patrimonii ususfructus, somniumne esse putabis phantasiæ, aut ideam Platoniam? quamquam sunt *ἀφαιρέσιμα, ἢ ἀμυχανίεσα*. Sic autem habendum est, res hujusmodi in jure consistere dici, & his corpora opponi: non quia revera & natura non sint, aut extra considerationem juris non subsistant, sed quia à jure quodammodo existentiam suam, hoc est certam ac definitam formam acceperunt: quippe jus civile harum rerum naturam quasi pro arbitrio formare potest; cujusmodi potestatem in rebus corporalibus non habet. Atque hoc sensu accipiendum quod Fab. & Ang. tradunt, ea dici in jure consistere, quæ à jure substantiantur, creantur, & nominantur. Habent enim utique & veram essentiam, suntque omnino entia realia, sicut & quævis alia accidentia: ita propemodum & D. Bachovius.

Sicut hæreditas, ususfructus, usus, & obligationes] Hæc omnia hæc nus quidem rectè conjunguntur, quatenus jura sunt, siue res incorporeales. Cæterum dissimilis harum rerum ratio est quatenus rebus ipsis opponuntur; ut mox ostendemus. Hæreditas universitatem bonorum significat, in quæ hæres succedit, & quia appellatione sua universim bona omnia & jura defuncti, etiam quibus ille aliis tenebatur, comprehendit, hæc consideratione non incepte jus dicitur, *l. hæredis. 119. l. pecunia. 178. §. 1. l. bonorum. 208. de verb. sign.* Unde Papinian. *l. hæreditas. 30. de hæres. pr. hæreditas.* inquit, *etiam sine ullo corpore invis intellectum habet, add. l. 3. de bon. poss.* Obligatio quatenus à parte debitoris consideratur, jus non est, sed vincu-

verb. fig. Atque hoc sensu jus dici, corporibusque, quæ in hereditate sunt, opponi arbitror.

Eodem numero sunt & jura prædiorum] Servitutes prædiorum, etiam si corporibus accedant, incorporales tamen sunt: quippe pars prædii non pars prædii est, sed qualitas. *leg. 14. de serv. l. 4. in pr. si serv. vind. l. quid aliud. § 6. de verb. signific.* Quod autem ait, jura prædiorum etiam servitutes vocari, non sic intelligi oportet, quasi eadem prorsus sint jura, & servitutes: nam servitus propriè non jus sed juris privatio, & imminutio est, *l. 5. §. & belle. 9. de op. nov. nunt. verum quod re-*

lata inter se sunt, & illa vim habeant agendi, hæ patiendi significationem. In eo igitur, cui debetur, eundi puta facultas, jus dicitur; in eo, qui debet, servitus est, & juris imminutio. In illo servitus activè, in hoc passivè. *Vide.* Sunt itaque servitutes omnino jura prædiorum, puta dominancium, quia prædium prædio servit. Sed non omnia jura prædiorum sunt servitutes, quia & plura alia sunt prædiorum jura, ut bonitas, salubritas, amplitudo. *l. 86. de V. S. item jus venandi, coquendi cerevisiam, aliaque quæ nullam vicino prædio patiendi vel non faciendi necessitatem imponunt. Hein.*

TITULUS TERTIUS. DE SERVITUTIBUS RUSTICORUM ET URBANORUM PRÆDIORUM.

Dig. Lib. 8. Tit. 1. & 2. C. Lib. 3. Tit. 34.

- 1 *Servitutis, qualem hic intelligimus, definitio ejusque explicatio.*
- 2 *Species servitutis. Quid sit servitus prædii: quid ea requirat, de quo tamen latius, num. 4.*
- 3 *Omnes servitutes prædiorum perpetuum causam habere debere, & quid veteres per causam perpetuam intelligant.*

Servitutis & libertatis nomina etiam rebus inanimatis & brutis tribuuntur, sed per translationem, & longè alio significato, quàm cum personæ servire dicuntur in disputatione de statu hominum. Illic suo quæque domino persona servit: libera est, quæ dominum non habet: ac res servire dicuntur, non quæ domino suo serviunt, sed quæ domino suo non omnia officia præstare possunt, verùm quædam præstare coguntur alteri, & non domino: liberæ esse, quæ uni & soli domino omnia præstant, *quo fac. leg. qui vii. 90. de verb. sign.* Etenim quod ex re sua percipit dominus, id ei res ipsa ultra præstare videtur, libereque id facere, & cum quædam velut propensione voluntatis, quasi natura ita facta, ut id velit. Cùm autem pati cogitur, ut quædam commoda aliis percipiat, jam servire videtur, quasi amissa priore facultate, quæ ei pro libertate assignebatur. Vitiosa igitur planè est divisio, quæ servitus distribuitur in tres species; in merè personalem, merè realem, & mixtam. Nam merè personalis, quæ hominum est & sola propriè servitus una cum reliquis, quæ tantùm ad id sunt quod dicuntur, eidem generi ut species ejusdem subijci non potest. Igitur servitus, qualem hic intelligimus, est jus in re aliena alteri constitutum, quo dominus,

Annus in Institut.

quod huic alteri commodum sit, aliquid pati in suo, aut in suo non facere cogitur. Dicimus, servitutem esse jus, habita scilicet relatione ad eum, cui constituta est: & video in omnibus suis speciebus ita eam à nostris definiri, in itinere, actu, via, aquæ ductu, hoc sit. *in pr. & l. 1. de serv. præd. rust. in servitutibus prædiorum urbanorum, §. seq. & l. 2. de serv. præd. urb. in usufructu. pr. iii. seq. & l. 1. de usufr.* Per se autem servitus, & respectus ejus, à quo debetur, non jus est, sed juris privatio aut imminutio, *l. 5. §. 1. & belle. 9. de op. nov. nunt.* Ajo, esse jus, quo dominus aliquid pati in suo, aut in suo non facere cogitur, ex natura omnium servitutum, *l. quotiens. 15. §. 1. de serv.* Pati in suo, puta re sua utentem, fruentem, per fundum suum euntem, agentem, aquamve ducentem, signum in ædes suas immittentem. Non facere, veluti altius non ædificare, in suo non ponere, quod luminibus ædium nostrarum, aut prospectui officiat, &c. Planè enim ita servitus constitui non potest, ut quis aliquid cogatur facere in suo puta viridaria aut arbores prospectus nostri causa tollere, aut in suo pingere, quo amœniorem nobis prospectum præstet, *d. l. 15. §. 1.* obligatio hæc erit, non servitus constituta, & ideo prædio alienato, non sequetur actio novum possessorem, ut sit ubi servitus constituta est, *l. cum fundo. 36. de serv. præd. rust. l. neque. 19. quib. mod. us. am. sed in eum, qui id facere promisit, hæredemque ejus actio in personam dabitur, l. actionem. 25. de obl. & act. in id scilicet, quod interest, si non fiat quod promissum est: ut accidit in omni obligatione faciendi, l. 13. in fin. de re jud. leg. stipulationes. 72. de verb. obl. §. ult. inf. cod.* Una servitus oneris ferendi à

natura reliquarum nonihil degenerat, de qua dicemus §. 1. *inf. hac tit.* Quod adjeci de commodum, id finem servitutis respicit; neque enim ulla est servitus, quæ non commodi nostri causa constitutatur, aut certe alicujus amenitatis, *id. l. 1. in pr. de serv. l. 3. de aq. cor. & nst.* Non autem præcisè requiritur, ut præns sit utilitas, sed sufficit, natura tale jus esse, ut aliquando usui esse possit: quomodo cum D. Duareno accipienda l. *pen. de serv.* Porro species harum servitutum duæ sunt: quædam enim sunt rerum, sive prædiorum, quibus in usu juris generis fere nomen simpliciter tribuitur; quædam personarum. Sic autem distinguuntur non a re, quæ servitutem debet, sed ab ea re cui debetur. Prædiorum igitur sunt, quæ debentur prædiis: personarum, quæ personis, l. 1. *de serv. l. si mihi 20. §. ult. de serv. præd. rust. l. si quis 32. de usuf.* De servitutibus prædiorum agit hoc tit. de personalibus tit. proximo, & seq. Servitus prædii est, quæ prædio alieno imponitur ad vicini prædii utilitatem. Duo igitur hic prædia sint necesse est, quorum unius causa servitus constitutatur, alteri imponatur; unum dominetur, alterum serviat, l. 1. §. 1. *com. præd. §. 3. inf. hac tit.* Requiritur in his prædiis vicinitatem; neque in rusticis tantum, quod D. Vulcejus facit, & Joan. Superior. ad l. 3. *de serv.* verum etiam in urbanis, l. 5. §. 1. *de serv. præd. rust. l. si ades. 38. & l. seq. de serv. præd. urb.* Etenim vicinitatem non ex prædiorum conjunctione aut confinio; sed ex commoditate utendi metimur, ut intermedium prædium aut locus non officiat, si non impediat liberum usum servitutis, l. 7. §. ultim. l. ult. *de serv. rust. præd. l. 7. §. 1. com. præd. l. 1. de serv. præd. urb. l. 4. §. ult. si serv. vind. l. servitutes. 14. §. ult. de serv. l. si prins. 17. §. 3. de aq. plu. arc. Duar. & ad d. l. 14. §. ult. Don. 11. comm. 2. Capoll. 18. de serv. urb. præd. num. 2.* Omnes vero servitutes prædiorum, ut veteres definiunt, perpetuam causam habere debent, l. *foramen. 28. de serv. præd. urb.* Perpetuum illis est, quodcumque ex naturali causa oritur, et si non sit assiduum, ut ecce aqua pluvia ex naturali causa oritur, et si non assidue pluit, d. l. 28. quod enim naturaliter sit, perpetuum videtur; licet non fiat assidue, ut defectio Lunæ Arist. 1. *post. 8.* Sed & quod ex facto nostro oritur perpetuum habetur; si ejus causa prædium aut pars prædii parata est, ut sumi immissio, l. 8. §. *Arist. 5. si serv. vind.* Causam servitutis vocant id, cujus aut arcendi à nostro, aut in nostro habendi gratia servitus constituta est, verbi gratia, in stillicidio & aquæ ductu causa, ob quam hæ servitutes comparatæ sunt, est aqua: illic, ut ab ædibus nostris avertatur, hic, ut aqua ducatur, & in nostro habeatur, d. l. 28. l. 1. §. 4. *de font.* Interpretes vulgo dum distinguunt inter servitutes continuas & discontinuas, causam confundunt cum possessione.

Facile autem ex superiore definitione colligere est, servitutem prædii non intelligi, quæ constituta est in prædio quidem alieno, sed ei, qui prædium non habet, aut qui non habet vicinum, l. 5. §. 1. *de serv. præd. rust. l. Metela 14. §. ult. de alim. leg.* aut etiam ei, qui habet vicinum, si non sit constituta illius prædii causa, & revera prædio utilis, l. si ades. 38. *de serv. præd. urb. l. 6. in pr. & §. 1. de serv. præd. rust.* eoque pertinet quod scribit Paul. l. 8. *de serv. Ut pomum decerpere liceat, ut spatium, & canare in alieno possimus,* servitutem imponi non posse: nimirum quia hoc jus prædii nostri causa non constituitur, nec prædii nostri causam meliorem facit. Si quis igitur in suo tale quid faciendi jus alteri concesserit, id personarum servitutibus adscribendum. Inde quoque est, quod servitus prædii non intelligatur, si in constituendo persona demonstrata sit, cui soli ea præstetur, licet ad utilitatem quoque prædii constituta sit, l. 4. *de serv. præd. rust.* Ita nonnumquam ex accidenti fit, ut natura servitutis alteretur, add. Coras. ad d. l. 8. *Don. 9. comm. 21. Uves. varas. de serv. præd. rust. num. 3.* Porro autem ut prædia, vel rustica sunt, vel urbana, ita quoque & servitutes, quæ iis inhaerent, vel rustica sunt, vel urbana. Prædia rustica sunt loca ædificia vacua, in urbe area, ruri ager, l. *fundi 211. de verb. sign.* non enim loco, sed materia & genere distinguuntur, ut postea plenius intelligetur.

T E X T U S.

De servitutibus rusticis.

Rusticorum prædiorum jura sunt hæc: iter, actus, via, aqueductus. Iter est jus eundi, ambulandi, hominis, non etiam jumentum agendi, vel vehiculum. Actus est jus agendi jumentum, vel vehiculum. Itaque qui habet iter, actum non habet: sed qui actum habet, & iter habet, eoque uti potest etiam sine jumento. Via, est jus eundi & agendi & ambulandi, hominis; nam iter & actum via in se continet. Aqueductus est jus aquæ ducende per fundum alienum.

N O T A.

Ambulandi] Ire est transire, sive per alienum prædium in suum recta pergere: ambulare, animi gratia spatium in secessibus, eandemque viam ire & redire; quod tamen hic non ut jus aliquod principale consideratur, sed ut illius juris accessio, & ita non obstat l. 8. *D. de serv.*

Non etiam jumentum] Jumento vehi potest, jumentum, ἀνδραπόδων ὀχήματα, agere non potest.

Etiam sine jumento] Ex tacita voluntate & sententia constituentis, arg. l. 21. *de reg. jur. secus,* si contra expresse convenerit, l. 4. §. 1. *si serv. vind.*

Via in se continet] continet ut totum partes; arg. l. 13. §. 1. *D. de accep.* Itaque via per se intelligi

figi non potest sine jure eundi, &c. l. 13. *D. de servit.* nihilque mutandum in definitione viæ, quæ una præcedens utraque rectè comprehensa est. De differentiis actus & viæ, v. Cujac. 22. *obs.* 35. l. 7. l. 8. l. 12. §. 1. *de S. P. R.*

COMMENTARIUS.

- 1 Eum, qui iter habet, rheda vehi non posse, contra Capollam.
- 2 An spatiari voluptatis aut valetudinis causa, vel equum manu ducere gestandi gratia præratum.
- 3 Ei, qui actum habet, licere & armenta agere, nec tamen ideo pro jumentum reponendum armentum.
- 4 In definitione actus male D. Hotomannum pro vel vehiculum reponere non etiam vehiculum.
- 5 An actui infus & iter sine jumento.
- 6 In definitione viæ nihil mutandum; & quid inter viam, & actum intersit.
- 7 De aquaductu quædam observatu digna.

Servitutes rusticorum prædiorum sunt, quæ prædiis rusticis inhaerent. Sunt autem longè plures, quàm hic numerantur. D. Donellus 11. *com.* 6. doctrinæ causa ad tria genera eas revocat; nam ut eleganter & eruditè ostendit, aut eo pertinent, ut per alienum fundum ad nostrum perveniatur, eove quid accedat; aut ut quid ex vicino sumere liceat, quod ad usum prædii nostri aut pecorum, quæ prædii causa habentur, transferatur; aut ut prædium nostrum onere, quo intus premitur, exoneretur. Ad primum genus pertinent quatuor illæ, quas hic explicat Justinianus post Ulp. l. 1. *de serv. præd. rust.* secundi generis exempla sunt in §. 2. *infr.* & d. l. 1. §. 1. *cod.* tertii l. 2. §. 1. & 2. *cod.* item exemplum, quod proponitur l. 1. *quis 29. cod.* ut aquam aperto sulco educere in fundum vicini liceat. Singula fufius explicat Don. d. *cap.* 6. & 2. *seq.*

Iter est jus eundi, ambulandi] Jure eundi continetur & qui lectica aut sella, item qui equo vehitur, l. 7. l. 12. *cod.* parum enim referre visum est, suis pedibus quis utatur in eundo, an alienis. Quod autem Capolla *de serv. rust. præd. cap.* 1. n. 4. & 5. putat, eum qui iter habet, etiam rheda aut curru per duos equos vehi posse, modò rebus aliis rheda non oneretur, vereor ut defendi possit. Non enim par ratio est lecticæ, quæ à lecticariis gestatur, & currus, quem jumenta trahunt. Jumenta cum curru agere non est ire, nec ejus, qui iter habet, actum aut viam. Moribus nostris tres diversæ servitutes sunt, *viæpædis, rypædis, dresf*, id est, actus.

Ambulandi] Id est commeandi ultero citroque, eundi ad fundum nostrum & inde redeundi, quoties lubet. An igitur & spatiandi voluptatis aut valetudinis causa? Ita quidem D. Cujac. 22. *obs.* 35. Baro. hic Donn. 11.

comm. 6. Atqui ut spatiari liceat in alieno animi causa, prædii servitus imponi non potest: hoc enim personæ voluptatem respicit, non utilitatem prædii, l. 8. *de serv.* unde D. Hotomannus verbo ambulandi nihil aliud hic significari existimat, quàm commutationem obres prædio, iisve quibus illic morari necesse est, utiles aut necessarias. Puto tamen dici posse, ambulationem istam hic non cõsiderari, ut jus aliquod principale & per se, sed ut illius juris accessio-nem. Glossa verbum *ire* refert ad eum, qui vadit solus, *Ambulare* ad eum, qui it cum socio, quod & Capolla facit d. *cap.* 1. *num.* 7. & sequitur Schneid. hic n. 11. Sed si, quod uni concessum est, ad plures porrigimus, gravior fiet servitus: quæ ratione Glossam improbat Porcius hic, quamquam sanè is, qui iter habet, cum alio ire prohibendus non est, si comitatus alterius spectat ad utilitatem solius prædii, cui iter debetur, ut bene D. Buius ad l. 1. *de serv. præd. rust.* VINN. Eodem modo hic junguntur *ire, ambulare*, quo alias *uti frui, de lego, nexus mancipium, facta secta, rura casa, usus auctoritas*. Non hæc synonima, sed plerumque jungitur minori majus, uti exemplo *usus fructus* præclare docuit V. C. Ger. Noodt *de Usufr.* l. 1. *ire* est porro & ulterius pergere, & sere ad negotia persequenda, ambulare & animi, & nullius negotii causa spatiis factis in eadem vestigia reflectere. Aufon. Popma *de Differ. verb.* lib. 1. p. m. 30. Sensus itaque est, non necessitate finiri servitutem itineris, sed semper ire posse dominum prædii dominantis, siue id negotii causa faciat, siue voluptatis. Solius tamen voluptatis causa sibi stipulari jus ambulandi, omnino repugnaret fini servitutum. l. 8. *de serv.* HEAN.

Homines] Atqui diximus, eum qui iter habet, etiam jumento ire posse. Nimirum etiam in eo spectamus hominem, qui ministerio jumentum in eundo utitur, ut causam principalem, non ipsum jumentum per se. Quod si quæras, cur hominis hic mentio fiat, cum iter prædii servitus sit, non personæ: respondimus, ut hinc removeantur præcota, quæ & ipsa cum aguntur, ire dicuntur: deinde non designari hic quamlibet personam, sed qui prædium habeat, cujus nomine eat. Nam hæc servitutes non ideo prædiorum dicuntur, quia personæ non competunt, sed comparatione facta ad jura merè personalia, quia non alii competunt, quàm qui prædium habet.

Non etiam jumentum agendi] Ita & Ulp. l. 1. *hoc iter.* & Paul. l. 7. *cod.* Hoc autem hæc dubie accipiendum est de jumentis, quæ sarcinas portantes aguntur, aut ducuntur. Nam si quis pedes ire malens, in itinere descendat de equo, eumque manu ducat, cur id ei non liceat? aut cur per famulum non possit equus deduci ad dominum, ut reditus eum conscendat, & eques remeet? arg. l. 12. *cod.*

Actus est jus agendi jumentum vel vehiculum d.

l. 1. cod. Jumentum appellatione non contineri boves, identidem relatum & responsum est *l. adiles 38. §. jumentorum. 4. & 2. seqq. de ad. edict. l. legatis 69. §. antepen. de legat. 3. l. boves 89. de verb. sign. Paul. 3. sent. 6. Columella* quoque boves à jumentis, equis, asinis, mulis, passim segregat, ut *lib. 1. c. 6. lib. 6. c. 19.* An igitur ei, qui actum habet, non licebit boves agere, & generaliter armenta? Sanè verò. Difertè enim à Modestino scriptum est, actum esse, ubi armenta transire liceat, *l. 12. de serv. præd. rust.* Armentorum autem appellatione vel maxime boves continentur, *d. l. boves 89. de verb. sign. l. servis legatis 81. §. armento 2. de leg. 3.* Nec tamen idcirco necesse est, ut cum Hotomanno pro jumentum reponamus armentum contra fidem omnium exemplarium. Nam vel à arando jumentum vox hic accipi potest, ut & boves complectatur, eum & Indrius boves inter jumenta refert, *lib. 12. c. 1.* & ipse Columella etiam his ex ratione originis nomen jumentum tribuere videatur, sic enim scribit *l. 6. cap. 2. jumenta nomen à retraxerunt, quod nostrum laborem vel onera subvestando vel arando juvarent.* Jumentum igitur à d. d. q. s. v. n. l. u. s. v. n. Quid si dicamus, exempli dumtaxat causa jumentum mentionem factam? Ut enim reponas armentum, aut retineas jumentum, non continebitur verbis definitionis actus ovium, caprarum, & reliquorum minorum pecorum, quibus propriè gregis non armenti aut jumentum appellatio convenit, *d. l. 831 §. armento. 4. de legat. 3. d. l. 38. §. 4. de ad. edict. l. 1. §. ult. de rei vind.*

Vel vehiculum Hic iterum Hotomannus contendit legendum esse, non etiam vehiculum. Sed profecto nimis confidenter: non enim hoc tantum loco, verum etiam infinitis aliis jus agendi vehiculum actu contineri à veteribus traditum est, *d. l. 1. l. 7. l. 12. cod. l. 11. quemad. serv. am. idemque manifestè colligitur ex leg. 13. §. 1. de accept.* Nam si non actus, sed viæ proprium esset vehiculum agere; non debuit Juriconsultus liberare eum, qui viam promissit, si stipulator viæ iter & actum tantum accepto tulerit. At quo argumento convellere conatur, quod tam constanter traditur? Nimirum quia alioqui nulla futura sit inter actum & viam differentia. Sed hoc falsum esse ostendimus in explicatione definitionis viæ. Nihil Hotomannum juvat, quod scribit Pomponius *l. 13. de serv.* Si via concessa sit tam angusti loci demonstratione facta, ut jumentum dumtaxat duci possit, non etiam vehiculum, actum magis, quam viam, acquisitum videri. Non enim ut via semper & natura sua utrumque jus continet, & jumentum agendi & ducendi vehiculum, ita & actus; sed aliquando illud dumtaxat, non hoc, puta si vel expressè convenerit, ut actus esset sine juro agendi vehiculum, vel tacitè idem actum est, ut in specie *d. l. 13. de serv.* Atque hoc satis ostendunt verba ipsa hujus definitionis, qui-

bus actui non utrumque conjunctum, sed hoc vel illud disjunctum tribuitur. Itaque & Græci minus plene actum vertunt ἀπαξίνωσις, VINN. Rem expedivisse videtur Illustris Cornvan. Bynkershoek *Obs. IV. 7.* ubi docet, intelligi vehiculum quod agi solet, vel propelli, vel manu trahi, id est, curram trusatilem. Quod & spatium quatuor pedum postulat, quibus circumscriptum fuisse actum docet Varro de *L. L. IV. 4.* HEIN.

Ubi potest etiam sine jumento Traditur hoc idem & in *d. l. 1. cod. l. 2. quemad. serv. am. & verissimum esse docet l. qui usufructum 58. de verborum oblig.* Ubi Julianus refert, eum, qui actum stipulatus postea iter stipulatur, posteriore stipulatione nihil agere, sicuti qui decem, deinde quinque stipulatur. Quod & apud Ulpian. relatum est *l. 9. §. ult. de novat.* Falso, si actus tacitè non contineret etiam jus eundi sine jumento live iter separatim. Neque tamen hoc ita accipimus, quasi iter separatim sit de essentia ipsius actus, & sine eo actus consistere aut constitui non possit, sed hoc dicimus, & actu constituto regulariter, & ex tacita voluntate & sententia constituentis, etiam iter sine jumento concessum intelligi, arg. *l. non debet 21. l. in eo 110. de reg. ju. c. cui licet cod. in 6.* Atque ideo jus agendi dumtaxat, non etiam eundi, ambulandi, in definitione actus exprimitur. Ad hæc, si actus essentialiter etiam iter contineret, quo utimur sine jumento, nullius momenti esset conventio, ut actus sit sine itinere, contra *l. 4. §. 1. si serv. vind.* Non obstat, quod apud Paulum legimus, actu legato iter frustra adimi, *l. 1. de adim. l.* Nam ratio subjecta non obscure arguit loqui Juriconsultum de itinere, quo necessario utimur in ipso actu, cum jumentum aut vehiculum agimus. At enim, ideo iter frustra adimi, quia numquam actus sine itinere esse potest. Sed nec iter videri poterit ea ademptione detractum, quod sine jumento est, quia per se non est legatum; atque ita actus potius in natura sua, & qualis regulariter est, relictus. Planè si restator nominatim hoc iter ademerit, hoc est, expressè vetuerit ire sine jumento, nullus dubito, quin utilis sit ademptio, arg. *d. l. 4. §. 1. si serv. vind.* Et est in proposito eadem fere ratio itineris & actus, quæ usus & usufructus; nam etsi fructui usus inest, & ideo legato usufructui, usus ademptio nulla, *l. 14. §. 1. de uf. & hab. nihil tamen verat usum à fructu expresse separari, l. 5. §. 1. usufr. quem. cav.* Hinc jam liquet, quid de iudicio & usu Ant. Fabri sentiendum, qui *l. 1. conj. c. ult. verba hæc, eoque uti potest etiam sine jumento, tot locis expressè, damnare non veretur, ut emblemata imperiti interpretis, consult. Don. 11. com. 6. Duar. 1. disput. 31. Barcho. hic & in Treut. vol. 1. disp. 17. thes. 4.*

Via est jus eundi, agendi, ambulandi Via, ut mox subjicitur, iter & actum in se continet, hoc

est, ex itinere & actu essentialiter via constituitur arg. l. 13 § 1. de acceptis. l. 9. si serv. vind. ac proinde quicquid est in definitionibus itineris & actus, id una definitione via debuit comprehendere, quod & curiosè ab Ulp. l. 1. de serv. præd. rust. & Justinian. hic observatum est. Mirorque adeo viros doctissimos, Connan. 4. comm. 11. & Don. 11. comm. 6. pro verbo *eundi* reponentes *vehundi*, motus tantum vocis definitæ etymologia, quam Varro 4. de ling. à *vehendo* deducit, & analogia præcedentium definitionum: nam sic bis idem diceretur, cum verbum agendi etiam ventionem contineat, l. 4. §. 1. de serv. Quid igitur amplius est in via quam in actu? Primum hoc, quod via etiam iter in se *vehundis* contineat, ita ut sine jure eundi per se via intelligi aut constitui non possit; in quo specificè differt ab actu, qui potest esse sine itinere separato. Deinde etiam hoc, quod via nunquam esse potest sine jure ducendi vehiculum, actus potest, l. 13. de servis. Item quod qui viam habet, vel iter & actum separatim, vel utrumque simul iter & actum, vel uno verbo viam vindicare potest: qui verò actum habet, non potest neque iter separatim, neque iter & actum conjunctim, sed solummodo actum vindicare. Cujac. 22. obs. 37. fac. l. 11. §. 6. de exc. rei jud. Sunt & aliæ quædam differentie, sed minus principales: nam qui viam habet, etiam lapides & tigna trahere, & rectam hastam ferre, modò ne fructus lædatur, potest; quod ei, qui actum habet, non licere plerique existimaverunt, l. 7. de serv. præd. rust. & potest etiam sine his via constitui. Illud omnino ex accidenti est, quod actus & via aliquando differant latitudine, vid. l. 9. l. 13. §. 2. cod. add. D. Buf. ad l. 1. cod. Tuld. comm. hic 11. VINN. Nihil verius, quam in definitione viae pro *eundi* legendum esse *vehundi*. Alias nullum esset interviam & actum discrimen. Vide sis Viri Summi, Cornel. à Byrkersh. obs. 4. 7. HEIN.

Aqua ductus est jus aquæ ducendæ per fundum alienum d. l. 1. cod. Id fieri solet vel canalibus, sive tubis, aut ducto rivo per longitudinem depressio, quo aqua decurrat, l. 1. §. 2. de riv. Ducitur autem aqua aut publica aut privata. Publicam ducere, puta ex flumine publico, cuique licet nisi Imperator aut Senatus vetent, aut aqua sit in usu publico, puta si flumen sit navigabile, vel ex eo aliud navigabile fiat, l. 2. de flum. l. 10. §. ult. de aq. plur. arc. aut si periculum sit, ne exarescat, quamvis navigabile non sit, d. l. 1. §. non autem. l. 2. de flum. Sed neque ex castello, vel ex rivo, vel ex quo alio loco, qui aquam publicam suscipit, ducere fas est sine permisso Principis, l. 1. §. permittitur. 41. & 2. seq. de aq. quæd. In concedendo autem jure ducendi aquam privatam, sive fontis, sive fluminis, sive putealem, non tantum eorum, quorum in loco aqua oritur, verum eorum etiam, ad quos ejus aquæ usus pertinet, voluntas exquirenda est, id est, eorum quibus servitus aquæ debetur: quippe cum hic agatur de jure eorum minuendo, quod omnes

tangit, ab omnibus debet approbari, l. 8. de aq. plur. arc. junct. l. ult. C. de auct. præst. Illud hic generaliter tenendum, neminem posse aquam aut publicam aut privatam per fundum alienum in suum ducere, cui non sit hæc servitus constituta à domino illius fundi, l. quemadmodum. 29. §. 1. ad leg. Aquil. l. 2. Cod. de serv. meminim quoque posse ex suo aquæ ductu alteri commodare, nisi id nominatim convenerit, leg. ex meo. 24. l. cum essent. 33. §. 1. de serv. præd. rust. Item jus hoc ad certum usum prædii concedi oportere: nam si concessum sit ita, ut aqua quocumque duci possit; non fundi, sed personæ jus erit, l. pen. cod. l. 1. §. præterea. 12. de aq. quæd. Denique concedi posse ductum aquæ non tantum præsentis & fluentis, sed etiam quarendæ & nondum inventæ, l. Labeo. 10. cod. hoc sit. l. ult. si serv. vind. add. Velf. per hoc sit. nu. 2. Pet. Greg. 4. synag. 15. Tulden. commen. sup. de ver. div. c. 11. fusè Cypoll. de serv. rust. cap. 4. Christin. vol. 5. decis. 83.

TEXTUS.

De servitutibus urbanis.

I. Prædiorum urbanorum servitutes sunt hæc, quæ edificiis inherere, ideo urbanorum prædiorum dictæ, quoniam ædificia omnia urbana prædia appellamus, etsi in villa ædificata sunt. Item urbanorum prædiorum servitutes sunt hæc, ut vicinus onera vicini sustineat; ut in parietem ejus liceat vicino tignum immittere; ut stillicidium, vel flumen recipiat quis in aedes suas, vel in aream, vel in cloacam, vel non recipiat; & ne altius quis tollat aedes suas, ne luminibus vicini officiat.

NOTÆ.

[Item urbanorum] Ex Cajo l. 2. P. ubi & aliæ add. l. 1. l. 3. 4. 15. 16. cod.

Onera vicini Veluti si columna ædium tuarum onus ædium mearum ferat; & hic tu, cujus ædes serviunt, columnam reficere debes. l. 31. d. sit. l. 6. §. 2. si serv. vind. qua parte servitus hæc spuria, l. 15. §. 1. de servit.

Vel non recipias Aut meo jure stillicidium non recipio, aut jure servitutis: meo jure, si non lege civitatis cuique permillum obversa in alienum stillicidia habere: jure servitutis, si jure publico cuique permillum stillicidia sua in alienum avertere. Ita melius quam Cujac. & Pac. Quid differant stillicidium & flumen, disce ex l. 20. §. 3. & seq. de serv. urb. Varr. lib. 4. de lingua cap. 5.

COMMENTARIUS.

1. Perum non esse, quod quidam tradunt, sola ædificia habiendi causa parata urbanorum prædiorum numero censeri.

2. Præ-

- 2 Prædia eorumque jura, si non simpliciter, sed cum effectu juris considerentur, numquam loco distinguuntur, sed genere, usu, fine.
- 3 Quid intersit inter servitutem signi immittendi & oneri ferendi; item inter jus projiciendi, & protegendi?
- 4 Quid stillicidium, quid flumen.
- 5 De servitutibus stillicidiorum & fluminum, cum avertendorum, cum non avertendorum.
- 6 An jus altius tollendi sit aliquando servitus per se.
- 7 Confutatur lasi sententia Bachovii contendens, jus altius tollendi & non tollendi esse unam eandemque servitutem.
- 8 Plus esse in servitute ne luminibus officiasur, quam vel in altius non tollendi, vel luminum.
- 9 Cujacii & Duarenii opinio de servitute luminum refellitur.

Hoc §. agitur de servitutum prædialium specie altera, prædiorum scilicet urbanorum: & ait Imp. eas esse, quæ edificiis inherent, atque inde sic dictas, quia omnia ædificia urbana prædia appellamus, etsi in villa ædificata sunt: quod & alibi sæpe traditum, l. 1. com. præd. l. urbana familia. 166. l. urbana prædia. 198. de verb. sign. Nimirum, ut superius obiter monuimus, distinctio hæc prædiorum non à loco sumitur, sed à materia vel genere prædii, d. l. Sunt qui à fine sumptam putant, & ea sola ædificia prædiorum urbanorum numero esse, quæ parata sunt habitandi causa; horrea autem, quæ ruri ædificantur ad fructus reponendos & custodiendos, magis esse ut prædia rustica censeantur, Cæpoll. de serv. urb. cap. 11. n. 2. Myns. Vves. Vult. hic Broch. 1. aff. 95. Sed hoc rectè, meo judicio, quod ad propositam tractationem attinet, improbat Bachovius. Fac enim, alterum ex dominis, qui vicina aut contigua horrea habeant, alteri, cui forte ad grana à paleis repurganda statu venti opus sit, ut fieri potest, l. ult. §. 1. C. de serv. cessisse servitutem altius non tollendi, aut jus alteri constituisse rigni immittendi in parietem horrei sui. Hæc servitutes utique urbanæ dicendæ sunt, non rusticæ. Quid enim interest, horreum an aliud ædificium altius non extollatur? In constituendo, in amittendo omnia eadem, idem juris effectus in oppignerando, novo opere nunciando. Ratio autem non patitur, ut eadem specie servitus nunc urbana, nunc rustica dicatur. Non est contrarium, quod scribit Neratius l. 2. de serv. præd. rust. rustici prædii servitutem esse, licere altius tollere & officere prætorio vicini. Nam prætorium significat id ædificium, in quo dominus, si quando ruri est, habitat, separatum ab habitatione villici, ut constat ex Columella de re rust. lib. 1. cap. 6. & Palladio lib. 1. cap. 8. At tale prædium omnes urbanum esse fatentur. Atque ut demus, appellatione prætorii non tantum villam urbanam, sed aliquando etiam rusticam & fructuariam quoque significari, ut putat D. Goedeo quod Ulp d. l. 198.

de verb. sign. distinctionis causa, cum prætoria urbanis prædiis adnumerat, videtur addidisse, voluptati tantum deservientia; nemo tamen tam ineptus est, ut putet, Neratium d. l. 2. de serv. præd. rust. prætori appellatione intellexisse villam fructuariam aut horreum, quod utique non est subiectum servituti protegendi, cujus ille ibidem etiam mentionem facit. Cur igitur, inquis, Neratius servitutem prætorio impositam rusticam appellat? Nimirum quia ille arbitrio suo loquitur, non considerato juris effectu. Hoc ut perfectius intelligatur, sciendum, prædia eorumque jura dupliciter considerari posse; vel simpliciter, qua consideratione nihil prohibet ea loco distinguere, quod fecit Neratius; vel cum effectu juris, qua consideratione loco numquam distinguuntur. Cum quaeritur de jure taciti pignoris, quod domino tribuitur in investitis & illatis ab inquilino in prædium urbanum, non item in investitis à colono in prædium rusticum, d. l. 7. §. 1. in quib. cap. pign. tac. urbana prædia accipimus etiam tabernas, stabula, quæ non sunt in continentibus ædificiis, vel ipso Neratio teste, d. l. 4. §. 1. aliaque meritoria in villis & vicis. Villa autem fructuaria & habitatio villici in hac causa prædia rustica habentur, arg. d. leg. 198. de verb. sign. Item cum quaeritur de alienatione prædiorum pupillarium aut minorum 25. annis, quæ si rustica sint aut suburbana, oratione Severi sine decreto prohibentur alienari, l. 1. de reb. cor. qui subint. (quod constitutione Constantini ad urbana quoque prædia postea extensum est, l. 21. C. de adm. sur.) prædia à fine & usu distinguimus, & rusticæ quoque intelligimus hortos olitorios, & vinearios, qui in urbe sunt, & villas fundi causa & propter opus rusticum ædificatas: reliqua ædificia, stabula, meritoria, etsi ruri sunt, pro urbanis habentur, ut & horri ædificiorum, unde nihil aut parum reditus, & multo magis area, d. l. 198. de verb. sign. quo loco orationem illam Severi Ulpianus interpretatus est, Cujac. 7. obs. 24. Simili modo de servitutibus, cum simpliciter quaeritur, quorum prædiorum sint, loco idem ut prædia distinguere possunt, at cum quaeritur de vi & effectu juris in iis constituendis, acquirendis, amittendis, pignerandis, novo opere eorum nomine nunciando, (vide obiter l. 1. l. 6. de serv. præd. urb. l. 6. leg. 7. §. 1. comm. præd. l. 11. Gult. & l. seq. de pign. l. 5. §. & bell. 9. leg. 14. de op. nov. nunc.) loci ratio nulla habetur: sed quæ edificiis inherent, urbanæ: quæ locis puris, rusticæ dicuntur. Et quia hac consideratione neque ulla ædificia possunt esse subiectum servitutum rusticarum, nec loca ædificiis vacua subiectum urbanarum; hinc factum est, ut in proposito ædificia omnia, etiam quæ in villis & vicis sunt sive ad usum urbanum, puta ad habitandum, ad viatores recipiendos, aliumve quantum faciendum comparata sint, sive ad usum rusticum, ad fruges condendas & custodiendas, ad stabulanda pecora, prædia urbana habeantur: contra loca omnia ædificiis vacua, etiam area in urbe, & horri ad voluptatem comparati, prædia rustica, dicuntur.

inctione subjecti ad naturam servitutum accommodata. Hæc nescio an quisquam tam distinctè & lucidè. VINN. Ita facile intelligitur quod scribit Paulus. l. 3. ff. de serv. *Servitutes prædiorum alie in solo, alie in superficie consistunt.* In fundo servitutes prædiorum rusticorum l. 13. ff. de serv. præd. rust. In superficie servitutes prædiorum urbanorum. l. 20. ff. de serv. præd. urb. Nulla enim servitus prædii rustici utilitatem præstat ædificio, sed fundo: nulla urbana fundo, sed soli ædificio. Interim & ædificia quædam rustica dici posse, si soli usui æconomico destinata sunt, certum, puto, est ex l. 198. ff. de V. S. & locis Columellæ & Palladii, ab ipso auctore allegatis. HEIN.

Prædiorum urbanorum servitutes sunt hæc] Et longè etiam plures: sed harum commemoratio sufficit ad declarandum id quod dixerat, prædiorum urbanorum servitutes esse, quæ ædificiis inhærent. Donellus 11. *comm.* 4. etiam quæ huius sunt generis, in tres classes paritas est ex triplici earum fine: quædam enim comparatæ sunt ad ædes vicinas dilatandas, ut tigni immittendi, oneris ferendi, projiciendi, protegendi: quædam ad ædium interiorem commoditatem, vel uti aliud non tollendi, ne luminibus, ne prospectui officiantur: quædam denique ad ædes exonerandas, cujusmodi sunt jus cloacæ immittendæ, sumi immittendi, fluminis & stillicidii avertendi in aream alienam. Pretium fuit, digito saltem hoc indicasse.

Ut vicinus onera vicini sustineat, ut in partem ejus liceat tignum immittere] Proponuntur hæc servitutes, ut species diversæ: & sanè differunt gradu. In imponenda servitute tigni immittendi hoc agitur, ut ex nostro pariete liceat tignum, *ἐλάω τὸ δένδρον*, trabem immittere in parietem vicini, ita ut ibi requiescat, & vicini paries sustineat onus immissi, nihil amplius, l. *malum*. 242. §. 1. de verb. sign. In servitute autem oneris ferendi hoc amplius est, quòd vicinus columnam, aut parietem, cui oneri ferendo est, reficere tenetur, & idoneum oneri sustinendo præstare, l. *num.* 33. de serv. præd. urb. qua parte servitus hæc degenerat & spuria esse agnoscitur: quippe cum contra naturam servitutum hoc sit, ut quis cogatur aliquid facere in suo, l. 5. §. 1. de servit. Qua ratione quoque jam olim Gallus putabat, non posse ita servitutem imponi, ut quis & onus ferat, & parietem reficiat. Sed obtinuit Servi sententia contendentis posse, l. 6. §. 2. si serv. vind. id quod in specie proposita visum est, per consequentiam recipiendum esse jus, quod principaliter agitur. Agitur autem hoc, ut jus sit ædium meorum, onus in parietem vicini immittere: quæ servitus vix consistere potest, nisi paries reficiatur, & idoneus habeatur oneri ferendo. VINN. Ita fere omnes hanc servitutem vocant *spuriam*, *an malam*, *irregularem*: nescio an satis bene. Non videtur veteribus dubium fuisse, dominum prædii dominantis ordinariè debere parietem reficere: sed de eo disputarunt, an ejusmodi pactum

iniri oster, & dominus prædii servientis reficeret? Negabat Aquilius Gallus, quia esset contra naturam servitutis: sed adfirmabat Servius, cujus sententia prævaluit, ita explicata a Labeone, ut quia non homo, sed res serviat, liceret domino parietem derelinquere. l. 6. §. 2. ff. si serv. vindic. Servii itaque sententia non in universum statuit, parietem reficiendum esse a domino; sed tunc reficiendum esse, si hujusmodi pactum intercesserit, quale est illud: paries oneri ferendo, uti nunc est, ita sit. l. 33. ff. de serv. urb. præd. HEIN. Hujus ejusdem generis est jus projiciendi, l. 1. & l. 2. de serv. præd. urb. videlicet ut liceat ex nostro tignum projicere in aream alienam, hoc est, ita provehere supra solum vicini, ut nusquam requiescat præterquam in pariete nostro; sive id fiat ædificii supra id projectum ponendi causa, sive tegendi parietis, ut plurimum autem aliquid substruendi causa, puta meniani aut suggrundæ, d. l. *malum*. 242. §. 1. de verb. sign. nam quod tegendi parietis causa ad umbram faciendam emittitur, aut arcendos imbres a pariete, protectum in specie appellatur, d. l. 1. & 2. hoc tit. ita protectum a suggrunda distinguitur in edicto de his qui dei, vel effud. l. 5. §. prætor ait. 6. Crassus error est eorum, qui servitutem projiciendi interpretantur jus abjiciendi vel effundendi quid in aream alienam, aquam puta, vel quisquillas, Capollæ. 32. de serv. urb. Nulla enim talis servitus constitui potest, quæ quidem prædii sit, l. *foramen*. 28. hoc tit. Atque hunc errorem quoque notat Coras. 3. *misc.* ult. num. 8. & 9. Cæterum alium ille enarrat n. ult. ubi ne subordinatam quidem differentiam inter projectum & protectum agnoscit.

Ut stillicidium vel flumen quis recipiat, vel non recipiat] Hæc etiam servitutes sunt, quæ dicuntur stillicidiorum & fluminum, l. 1. de serv. præd. urb. Inter stillicidium & flumen hoc interest, quòd stillicidium est, cum aqua pluvia ex tecto stillatim & guttatim cadit, Drop; flumen, cum fluxu & per imam ædium partem more fluminis effunditur, *Πάτερλοσπ.* Varo. 4. de ling. cap. 7. Paul. l. servitutes. 20. §. 3. & seqq. de serv. præd. urb. Itaque stillicidii recipiendi servitus dicitur, qua vicinus ferre cogitur, ut aqua pluvia ex tecto meo in suas ædes casit; fluminis verò, qua pati cogitur, ut aqua eadem in alveum aut canalem recepta in suas ædes cum impetu feratur; unde hæc quàm illa gravior, & proinde Paul. d. l. servitutes. 20. §. stillicidium, 5. ait stillicidium inferius demitti non posse, ne gravior fiat servitus, & pro stillicidio flumen: alius tolli posse, quia levior commodus fiat, cum, quod ex alio, lenius cadat & inter dum vi venti directum non perveniat ad locum servientem. Duplex autem est stillicidii & fluminis servitus, ut ostendit hic locus & l. 2. col. una avertendi, altera non avertendi stillicidii aut fluminis: quarum illa comparata est ad ædes exonerandas, hæc ad interiorem ædium commoditatem pertinet. Avertendi stillicidii est jus stil-

stillicidia nostra derivandi in aedes aut aream vicini, ut vicinus stillicidium nostrum recipere cogatur in aedes suas, vel in aream aut in cloacam, *d. l. 2. & hinc text.* Stillicidia non avertendi jus est, quo vicinus stillicidium aedium suarum in aream vel cloacam vicini avertere prohibetur, aut non tenetur vicinus stillicidium vicini in suum recipere. Sanè quidem jure communi nemo cogitur stillicidia vicini recipere, licetque nobis jure libertatis rei nostræ vicinum prohibere, ne stillicidia sua in nostrum immittat. Cæterum in sicubi constitutio aedificiorum talis est, ut lege aut consuetudine civitatis unicuique permittitur sit stillicidia sua obversa habere in alienum, vicinique jure publico ea recipere cogantur; hic, si velimus nobis jus esse prohibendi vicinum stillicidia sua in nostrum avertere, necesse est, ut id jus vicinus nobis constituat, suæque rei hanc servitutem imponat: quod quamobrem & quam rectè dicatur, mox certius intelligetur, cum de servitutibus altius tollendi & non tollendi disputabimus. Similiter servitus fluminis avertendi est jus fluminis immitrendi in alienum: non avertendi servitus, qua vicinus flumen, quod aliqui lege vel consuetudine civitatis liceret, avertere in alienum prohibetur. Ita rectè Don 11. c. 5. Boet. & Tuning. *hic.* Aliis verò servitus stillicidii aut fluminis non avertendi est, quia vicinus avertere cogitur stillicidium, aut flumen aedium suarum in aream vicini, ut aqua in cisternam ejus recipiat, vel hortum irriget: qua constituta, agi possit cum domino aedium servientium, jusei non esse stillicidia avertere, atque ut regulas, canal sive aut tubulos, per quos aqua labitur, suis expensis reficiat. Capoll. *cap. 28. & seq. de serv. urb.* Pet. Greg. 4. *synagm.* 9. n. 7. Sed hoc minus placet: quia non pro commodo, sed pro onere passim habetur, stillicidium aut flumen alienum recipere: & præter naturam servitutum est, ut quis aliquid facere cogatur in suo.

Et ne alius quis tollat aedes suas? Hæc servitus ob eum maximè finem constituitur, ne luminibus vicini aedificando officiat. Nam cum unicuique jure naturæ in suo quidvis facere liceat, dum in alienum nihil immittat, *l. 8 §. Arist.* §. *si serv. vind.* cique consequens sit, posse unumquemque in area sua aedificare in infinitum, aedive antea positas alius tollere, etiamsi vicino incommodet, lumina ejus obscurando, quod & traditum est *leg. l. 1. §. 4. l. c. 24. de serv. præd. urb. l. 8. C. de serv.* hoc incommodum non aliter vitari potest, quam si à vicino impetremus, ut hanc suis aedibus servitutem imponat, ne altius tollantur: qua imposita, si nihilominus altius aedificet, jam rectè cum eo agam, jus ei non esse aedes suas alius tollere; quæ intentio est actionis confessoria, qua servitus hæc, quæ dicitur alius non tollendi, vindicatur, licet verborum figura videatur negatoria, *l. 4. §. ult. si serv. vind.* Crebra est hujus servitutis mentio, ut in *l. 2. l. 2. de serv. præd. urb. d. l. 4. §. ult. l. 7. §. 1. com.*

præd. Hic autem magna oritur difficultas. Nam si cuivis liceat aedes suas extollere, idque naturaliter & jure libertatis rei suæ, ut nulla in eam rem opus sit constitutione servitutis, qui sit, quodd inter servitutes prædiorum numeretur etiam jus altius tollendi? Hoc enim nullam videretur habere rationem: contraria quippe sunt libertas & servitus. Et si non licere altius tollere, servitutis est; licere altius tollere libertatis erit. Et tamen negari non potest, quin Veteres non minus jus altius tollendi quam non tollendi inter servitutes retulerint. Factum id compluribus locis à Paulo *l. 1. de serv. præd. urb. l. 7. §. 1. comm. præd.* à Cajo *l. 2. de serv. præd. urb.* Negatio, *l. 2. de serv. præd. rust.* Justiniano. *§. 2. inf. de æd.* Tota verò difficultas in eo est, ut exempla proferantur, quibus ostendatur, jus altius tollendi quandoque inter servitutes rectè numerari. Etenim huic rei demonstrandæ minimè idoneæ sunt quæ afferuntur à Glossa, Bart. & DD. *in l. 2. de serv. præd. urb.* quæ ipsis prima est: nec item quæ à Gloss. Dyn. Jaf. & aliis *ad §. 2. inf. de æd.* ut videre est in nostra illius loci interpretatione. Neque verum esse puto, quod Cujac. *V. vel. in d. §. 2. & Vult. 1. disc. 5.* contendunt, jure servitutis constitutæ aedes altius tolli, cum antea concessio aut longa quasi possessio quæesito contra vicinum jure altius non tollendi, rursus ei altius tollendi potestas conceditur. Hoc enim casu perinde res in pristinam libertatem redit, ac si pacto servitus remissa esset ut eodem loco abunde ostendimus. Primus veterum interpp. Jo. Faber. *in d. §. 2. rem vidit, & digito monstravit,* præcunte tamen Glossa *in l. qui luminibus. 11. de serv. urb. præd.* ut observavit Capolla & explicuit *c. 26. n. 2. de serv. urb.* sed ille longius excurrit, & multa aliena miscet. Rectius & apertius recentiores Zaf. Baro. Myns. Donel. Fabri vestigiis insistentes, sic rem proponunt & declarant. Si de potestate aedificandi in suo nihil jure publico cautum sit, jus aedificandi ajunt esse jus libertatis nostræ, & licere cuivis civi, suo & publico jure quam altissimè aedes sua tollere, etiamsi obscuraret vicinas. Si verò alicubi lege civitatis certa aedificiorum forma atque altitudo præscripta est, quam excedere aedificando invito vicino non liceat, hic jus aedificandi hætenus quidem adhuc liberum esse & juris publici, ut si intra definitum altitudinis modum consistatur, adhuc liceat aedificare cum incommodo vicini, *d. l. qui luminibus.* Cæterum si supra eam altitudinem aedes extollere, v. c. ad 5. vel. 6. pedes, velimus, quod jam jure publico invito vicino facere non licet, ut id nobis liceat à vicino impetrandum esse, *l. pen. §. 1. Cod. de ædif. priv.* eoque concessio jus altius tollendi vicino servitutem esse, utpote qui jam incipiat pati in suo, quod antea pati jure publico non cogebatur; nobis jus, sed imposititium & constitutum à vicino, quod vindicetur hac formula confessoria, *mihi jus esse aedes meas altius tollendi invito se. d. §. 2. inf. de æd.* ubi plenius hoc exposui, atque ex

Tacito aliisque Auctoribus, & textibus juris nostri demonstravi, etiam in ipsis urbibus in quibus sedes imperii fuit, Romae scilicet & Constantinopoli, jam olim certum fuisse ædificiorum altitudini præscriptum modum, ut mirum non sit, Jureconsultos ad statum illum respicientes jus altius tollendi inter species servitutum numerare. Adde, quod certo statu ædificiorum constituto, hæc servitus etiam quæri potest præscriptione, si videlicet quis contra veterem formam longo tempore ædificatum habuerit, & nec vi, nec clam, precario possiderit, l. 1. C. de serv. Poterat hic consisti, nisi nobis negotium faceretur Bachovius, qui in not. ad Treutl. vol. 1. disput. 17. thes. 2. & in comm. ad hunc §. 1. & §. 2. infr. de æd. hanc etiam Neotericorum sententiam penitus explodit contendens, jus altius tollendi & altius non tollendi, non duas, sed unam eandemque servitutem esse, quæ aut diversa consideratione diversis nominibus appelleretur, atque ex parte servitutem sibi asserentis dicatur jus altius non tollendi, ex parte negantis altius tollendi, aut potius jus altius tollendi improprie servitutum numero adscribi, atque ita appellari tantum respectu vicini, qui ne altius ædificante ipse contra ædificare & luminibus meis officere, jure constituta servitute, non potest. In summa, jus altius tollendi ex catalogo servitutum expungendum esse, & quoties ejus mentio fit, jus contrarium significari, videlicet altius non tollendi. Satis hercule confidenter videamus

7 quàm verè. Cajus l. 1. de serv. præd. urb. ex professo species urbanarum servitutum enumerans sic orditur: *Jura prædiorum urbanorum sunt, altius tollendi & officiendi luminibus vicini*; deinde subjungit, *aut non extollendi*. Hic, si Bachovio credimus, Jureconsultus non duo inter se distincta jura significat, sed unum dumtaxat, altius non extollendi, quod solum sit servitus. Pauli l. 7. §. 1. comm. præd. hæc verba sunt; *Servitus alienis ædibus imponi potest, ut altius tollere vel non tollere liceat*. Hoc Bachovius sic accipit, quasi alterum tantum Paulus expressisset, ut ne liceat altius tollere. Sed profecto si hoc Bachovio concedimus, summæ inscitæ insinulamur Jureconsultos, qui ex uno jure duo faciunt, atque inter se ut servitutes diversæ speciei tam aperte opponunt. Itaque, ut evidentius demonstramus errores Bachovii, putat ille, jus altius tollendi per se servitutem nunquam esse, sed hoc nomine appellari relatione facta ad vicinum, cujus ædibus imposita sit servitus altius non tollendi; propterea quod hac servitute mihi constituta jus altius tollendi, quod per se quidem semper sit libertatis, sed inutile mihi aliàs reddi vicino contra ædificante poterat, nunc pleniori jure, & effectu consequor. Hoc verò falsum esse ostendunt quotquot sunt loci, in quibus jus altius tollendi inter servitutes numeratur, ut in l. 2. de serv. præd. rust. d. leg. 2. de serv. præd. urb. d. l. 7. §. 1. comm. præd. §. 2. infr. de æd. l. 1. Cod. de serv. & aqua. Quibus omnibus locis

palam est, jus altius tollendi non ea ratione servitutem dici, aut ex eo æstimari, quod alter facere non potest in suo: sed ex eo simpliciter, quod alterum facientem jure impositio pati cogitur. Hoc enim ipsum, licere altius tollere, & officere luminibus vicini, jus prædii & servitus appellatur: jus respectu cui id facere liceat, servitus respectu vicini, qui id pati cogitur. Ac proinde sicut hujus juris controversia fiat, licebit ei hoc vindicare hac formula, *Ajo mihi licere ædes meas altius tollere*. Quæ & vi & verbis confessoria est, d. §. 2. infr. de æd. Idque evidentissime confirmatur d. l. 1. C. de servit. quo loco cum quæsitum esset, an in eum, qui contra veterem formam ædificasset, ut luminibus vicini officeret, competeret vicino actio negatoria, qua intenderet, jus non esse adversario ædes ita sublatas habere; respondet Imp. competere: sed addit hanc exceptionem, *nisi quis longo tempore ita ædificatum habuerit*. Quippe longi temporis consuetudinem vicem obtinere servitutis. Quod si igitur jus altius ædificandi contra formam ædificiorum præscriptione quæsitum servitus est, nobisque defendi & actione confessoria vindicari potest; idem quoque jus pactionibus eodem modo constitutum servitus erit, non jus libertatis; eoque nomine confessoria, non negatoria agendum. Miror autem judicium Bachovii, quibus argumentis probari existimat, jus altius tollendi pro jure impositio aut servitute censi non posse. Primum quia servitutum non ea natura est, ut aliquis faciat quid in suo, sed ut aut non faciat, aut alium facientem patiatur. Secundò quia omnis servitus efficit, ut prædium serviat: at ædes, quas ex pactione contra usitatum modum tollere licet, nullo modo dici posse servire. Postremò quia servitus omnis onus prædii est, jus dominantis augens, servientis minuens. At concessione juris altius tollendi etiam servienti prædio restitui libertatem. Manifestus enim in his omnibus error est *ἡ δὲ τὴν ἀρχὴν αὐτῆς ἐκ τῆς φύσεως*. Nam non quæritur, an jus altius tollendi contra præscriptum modum sit servitus in eo, cui id jus concessum est; hujus enim respectu jus est, quod servitutem facit nihil minus quàm servitus, & omnis servitus est in alieno; sed hoc, an non in eo, qui jus hoc alteri constituit, servitus sit, an non ille pati aliquid cogatur in suo, videlicet luminibus suis officari, quod antea pati jure publico non cogebarur; an non ille eo pacto suum prædium servire faciat, jus sui prædii minuat, alterius augeat. Hoc verò est, quod nos asserimus & abunde probasse existimamus. Stet igitur hæc sententia, jus altius tollendi nonnumquam esse jus libertatis nostræ, nonnumquam impositivum seu servitutem: active respectu ejus cui debetur; passive in eo qui debet. Utrum autem horum sit, ejus rei adjudicationem pendere ex eo, quod cuique jure publico in suo lacere ædificando liceat, aut non liceat.

Ne luminibus vicini officiat] His verbis non videtur hoc loco nova demonstrari servitus, sed

finit

finis propositæ: est enim hic præcipuus finis servitutis altius non tollendi, ne luminibus nostris officiat, qui ob id etiam plerumque simul exprimi solet, *l. 2. de serv. urb. l. 2. de serv. rust.* quamquam & alius dari potest, ne scilicet in ædes aut aream nostram prospectus pateat. Porro quod ait, ne luminibus officiat, sic accipiendum est; ne officiat altius ædificando; non etiam ne alio modo, veluti arbore posita, ut quàm minimum recedatur à libertate naturali. Quamobrem hoc plus erit in servitute, ne luminibus officiat, quàm in illa, ne ædes altius tollantur, *l. 12. l. inter. 15. & 2. seqq. de serv. præd. urb.* A servitute ne luminibus officiat, parum differre videtur servitus, quæ luminum dicitur: atque ut hæc magis respicit novam luminum constitutionem, ita illa conservationem eorum quæ jam sunt, *l. 4. cod.* Nisi forte dicendum sit, in servitute luminum hoc minus esse quàm in altera: quod qui hanc debet, altius ædificare non prohibeatur, aliaque facere, modò tantum luminis vicino relinquat, quantum ad usum diurnum sufficiat: qui autem servitutem debet ne luminibus officiat, nihil omnino facere possit, quo lumen minuatur, etiam si vicini ædes luminibus abundant: quæ sententia est Pauli Cætr. in *dist. l. 4. probata à Cæpoll. cap. 35 de serv. urb. arg. d. l. inter. 15.* & eodem teste communiter recepta. Aliter Cujac. *1. obs. 13. & Duar. 1. disp. 33.* servitutem luminum accipiunt, nimirum jus luminum nostrorum in alienum immittendorum, quo efficiatur, ut liceat nobis aperto pariete nostro fenestras in eo positas habere luminis excipiendo gratia. Sic enim illi interpretantur, quod Paulus scribit *d. l. 4. Luminum servitute constituta, id acquisitum videtur, ut vicinus lumina nostra accipiat.* Verùm hæc sententia impingit in notissimum illud juris principium, *Unumquemque in suo quidvis facere posse, vel cum incommodo alterius, modò in alienum nihil immittat, l. 8. §. Aristo. §. si serv. vind. l. 9. de serv. præd. urb. l. 8. C. de serv. & ao.* Neque enim in alienum quicquam immittit, qui suum parietem aperit, & in eo fenestram ponit: proinde suo quisque jure facere potest: licet id vicino molestum sit, nec ad eam rem indiget constitutione servitutis. Verborum autem Pauli, ut vicinus lumina nostra excipiat, non hic sensus est, qui à Cujacio & Duareno his affingitur, sed hic, ut ita excipiat, ne quid contra erigat in suo, quo lumina præcludantur: quod aliqui servitute non constituta suo jure facere possent, *l. 7. de serv. præd. urb.* Immo verò, inquit, qui fenestram in suo ponit, aliquid immittit in alienum, quod non licet citra constitutionem servitutis; immittit enim oculos. At testimonio Xenocratis, *ἡ δὲ διαίρεσις τῆς πύλης, ἡ τῆς οὐράς καὶ τῆς κεφαλῆς τῆς πόλεως, ἡ τῆς οὐράς καὶ τῆς κεφαλῆς τῆς πόλεως, ἡ τῆς οὐράς καὶ τῆς κεφαλῆς τῆς πόλεως*, auctor Plutarch. *lib. dei πολυπραγμ.* Ego verò judico, hanc objectionem indignam esse tantis viris, nec debuisse eos, quod à Xenocrate figuratè dictum est in homines curiosos, qui se ubique contra rationem officii ingerunt, abuti ad

demonstranda dogmata disciplinæ juris civilis. Nihil autem in contrarium facit *l. pen. cod.* Quia aperte loquitur de pariete communi, in quo constat nihil licere facere invito socio, *l. 8. l. quidam. l. 13. l. in re. 26. cod. l. Sabrinus. 28. com. div.* Illud constat, diversam esse à superioribus servitutem prospectu, seu ne prospectui officiat: nam servitute prospectus hoc continetur, ne quid nobis officiat ad gratiorem prospectum ac liberum, & cum lumen tantum sit ex loco superiore, prospectus ex locis inferioribus esse potest, *l. 3. l. 12. l. 15. & seq. de serv. præd. urb.* Sunt qui putant, etiam servitutem prospectus ut diversam gradu à servitute ne prospectui officiat, distinguendam esse, eadem scilicet ratione & proportionem, qua præcedentes luminum, & ne luminibus officiat. Moribus fere harum regionum aut legibus municipalibus vetamur fenestram facere, unde directo proximè & de plano prospiciatur in aream vicini, præscripto certo spatio, quo distare hujusmodi fenestræ à pavimento vel tabulato debeant.

T E X T U S.

De reliquis servitutibus rusticis.

2. *Inter rusticorum prædiorum servitutes quidam computari rectè putant aquæ hauritum, pecoris ad aquam appulsum, jus pascendi, calcis coquendæ, arene fodiendæ.*

N O T A.

2. *Pecoris ad aquam appulsum* Jus ad aquam & appellendi pecora, quæ fundi causa habentur, ad aquam alienam.

C O M M E N T A R I U S.

1. *Explicatur & emendatur locus Pliniani in l. Melia. 14. §. ult. de alim. legat.*

DOcendi ratio postulabat, ut hic §. protinus subjiceretur principio hujus tit. dilata tantisper tractatione servitutum urbanarum, cum à rusticis cœptum esset. Sed hoc tanti non est, ut ob id maledictis impetendus sit Tribonianus, quasi temetum, cum hæc scriberet, bibisset: nollemque cò protervix processisse etiam viros cetera incomparabiles. Verùm age. Ait Imp. inter servitutes rusticorum prædiorum rectè computari aquæ hauritum, pecoris ad aquam appulsum, &c. Aquæ hauritus est jus aquæ hauriendæ ex puteo, vel fonte vicini, ad prædii nostri vel familiæ rusticæ usum & commoditatem. Qui hauritum habet, iter quoque ad hauriendum habere videtur, si ei jus hauriendi & simul adeundi cessum sit, si hauriendi tantum. Sed et si tantum adeundi ad fontem, placuit inesse & hauritum. Cæterum ex flumine publico cum sine servitute cuivis haurire liceat, hauritus frustra conceditur, iter cedit debet, *l. 3. §. ult. de serv. præd. rust.* Cæpoll. c. 7. Pecoris ad aquam appulsum est jus ad aquam & appellendi pecora, quæ fructuum

Annus fundi causa habentur, ad aquam alienam. Utrumque autem hoc jus passim refertur inter servitutes prædiorum rusticorum, l. 1. §. 1. leg. 2. §. 1. l. 3. §. ult. l. 4. l. 6. in fin. de serv. præd. rust. Cæterum objici solet responsum Ulpiani l. 1. de alim. legat. quo loco aquæ haustus & pecorum ad aquam appulsus dicuntur esse servitutes personarum; sic enim in omnibus codicibus locus iste legitur; Nam & haustus aquæ & pecoris ad aquam appulsus est servitus personæ: tamen ei, qui vicinus non est, inutiliter relinquitur. Verum hic locus, si ullus in libris nostris manifestè corruptus est, idque cuius qui modo proprius eum consideret, facile erit deprehendere. Laborat autem duplici vitio. Primum quia mendosè interpunctus est; deinde quia omissa est negatio in postremis verbis; omninoque ita restituendus est: Nam & haustus aquæ & pecoris ad aquam appulsus est servitus; personæ tamen ejus, qui vicinus non est, non inutiliter relinquitur, vel detracta privativa, utiliter. Nisi etiam ita legamus, unde videtur. Nec sententia loci, nec ratio juris de his servitutibus constabit, nec quicquam in eo loco erit, quod cohereat. Consulebatur jure consultus de fideicommissio, quo aqua relicta erat ei, qui vicinus prædium non habebat; respondet, utile esse fidei commissum, nec ob stare, quod aqua hæc relicta proponebatur non possessori vicini prædii; nam quod personæ relinquitur, ut in proposito aqua, id non vicino quoque rectè relinqui, quantumvis tale sit quod regulariter jus prædii censetur. Argumento esse aquæ haustum & pecoris ad aquam appulsus, quæ cum natura sua servitutes prædiorum sint, tamen ei, qui vicinus non sit, utiliter constituentur: non utique ut jura prædii, sed personæ, quod etiam toties actum intelligitur, quoties res gesta est inter duos, qui vicinæ prædia non habent; quæ de re monuimus in explicatione rubricæ sub finem. VINN. Hæ servitutes modò sunt personales, modò prædiales. Personales, si non in usum vicini prædii, sed personæ constituentur: prædiales, si vicini prædio inserviunt. Id liquidum ex l. 4. ff. de serv. præd. rust. Hinc tolerari possunt verba Ulpiani in l. 10. ff. de alim. legat. Nam & haustus aquæ & pecoris ad aquam est servitus personæ: pro tamen autem legendum videtur nam nec. Nam nec ei, qui vicinus non est, inutiliter relinquitur. Ita verba præclare quadrant speciei, quam ibi tractat Ulpianus. HEIN.

Pecoris pascendi] D. l. 1. §. 1. l. 3. pr. l. 4. cod. servitus pascui dicitur, l. 6. in fin. cod. Est autem jus pascendi pecora in fundo alieno. Si plurium commune est, Jus compascui appellatur, l. pen. §. 1. si serv. vind. Hinc ager compascuus, in quo vicinis jus est communiter pascendi. Fest. in voce Compascuus. Cic. in Top. cap. 3. si compascuus est ager, licet compascere. Cæterum ita pecoris pascendi jus servitus prædii videtur, si fructuum fundi causa pecora habeantur, d. l. 4. cod. quod ita sit,

si sint boves aut jumenta, per quæ fundus colitur, diff. l. 3. in pr. Semper enim hoc tenendum est, servitutem prædii non posse constitui ultra quam ad prædium ipsum opus est, l. 5. cod. Idem tamen dicendum erit, si oves sint, aut vaccæ ad lac præbendum, butyrum, caseum conficiendum quibus ad victum familiæ rusticæ utamur. Qui servitutem pascui habet, aut pecoris appellendi, ei etiam talis constitui potest, ut tugurium ibi habere liceat, ut si hiems ingruerit, habeat, quod se recipiat, d. l. 6. in fin. cod. De jure pascendi, latè Capoll. cap. 9. de servit. præd. rust. Schneid. hic num. 28. & seqq.

Calcis coquenda, arena fodienda] D. l. 1. §. 1. item lapidis cadendi, cretæ eximenda, pedamentum ad vineam ex vicini prædio sumendi, d. l. 3. §. 1. & 2. l. 5. l. 6. cod. Omnes autem, quæ hujus generis sunt servitutes, eo pertinent, ut quid ex alieno sumere liceat, quod transferatur ad usum prædii nostri. Eo autem etiam illud contineri intelligitur, quod confertur in familiam rusticam & pecora, quæ fundi colendi causa habentur, d. l. 3. in pr. l. 4. l. 5. & 6. cod. Sed & si quid in alieno facere nobis commodum sit, quod pertineat ad fructus prædii nostri exprimendos meliusve habendos, placet, etiam ejus rei servitutem prædialem rectè constitui, quasi ad prædii utilitatem & hoc pertineat, quod pertinet ad fructus commodè ad usum habendos, quippe quorum causa prædium ipsum habetur. Hujus generis sunt jus præli sive torcularis, ut mihi liceat uvæ vineæ meæ aut olivas oliveti exprimere in tuo; jus area tua utendi ad exprimenda frumenta aut legumina; item ut fructus in vicini villa cogantur, coactique habeantur, l. 14. §. ult. de alim. leg. l. 3. §. 1. de serv. præd. rust.

TEXTUS.

Qui servitutem debere vel acquirere possunt.

3. Ideo autem hæ servitutes prædiorum appellantur, quoniam sine prædiis consistere non possunt. Nemo enim potest servitutem acquirere urbani vel rustici prædii, nisi qui habet prædium, nec quisquam debere, nisi qui prædium habet.

NOTÆ.

3. Ideo hæ servitutes] Ex Ulp. l. 1. §. 1. l. 6. comm. præd.

Nisi qui prædium habet] Nam & à prædiis debentur hæ servitutes, & debentur prædiis. Sed & vicinæ esse prædia oportet, l. 5. §. 1. P. R. l. 25. & seq. P. V. ut tamen inter medium prædium non officiat, si non impediatur usum servitutis, l. 7. §. ult. l. ult. P. R. l. 1. P. V. l. 1. P. V. leg. 7. §. 1. comm. præd.

COMMENTARIUS.

Agitur hic de subiecto five materia servitutum prædialium, id est, de rebus, in quibus consistunt, & à quibus ob eam causam nomen quoque acceperunt. Sunt autem hæ res non omnes, sed immobiles tantum, five res soli, quæ uno nomine prædia appellantur. Sive enim rem spectes, quæ servitutem debet, five id, cui debetur; utrinque prædia esse necesse est: hinc ut sit, cui imponatur servitus, illinc ut sit, cui acquiratur; unum ut serviat, alterum ut dominetur. Quamobrem nemo potest prædio servitutem vel imponere, vel acquirere, nisi qui habeat prædium, hoc est, qui prædii dominus sit, *leg. 1. §. 1. l. 6. comm. præd. & hoc text.* Domini autem appellatione etiam emphyteutam & superficiarium comprehendimus, tam in persona constituentis quam acquirentis, *l. 1. §. ult. de superficie. l. 1. §. 1. si ag. vñ.* Cæterum his obstat videtur quod traditur, *l. 10. de serv. præd. rust. l. si servitus. 23. §. 1. de serv. præd. urb.* futuro quoque ædificio, seu nondum ædificato servitutem vel imponi vel acquiri posse, siquidem ejus ædificii, quod nondum est, nemo potest dici dominus. Sed facilis responsio est, nimirum hic quoque constitutionem servitutis referri ad prædium, sed servitutis jus esse in suspenso, donec ædificium extruatur, in quo consistat, quasi sub tacita conditione constitutum. Eadem ratione & fidejussor dicitur futuræ obligationi accedere posse, *l. 6. §. ult. de fidejuss. §. 3. inf. eod.* non quidem hoc effectum, ut antequam reus debeat, fidejussor conveniri possit: sed ut demum fidejussio vim suam æquat, cum principalis obligatio, cujus illa accessio est, fuerit subsecuta, *l. fidejussor. 57. eod. sit.* De vicinate prædiorum & utilitate dominantis actum est sub rubricis.

TEXTUS.

Quibus modis servitus constituitur.

4. Si quis velit vicino aliquod jus constituere, pactionibus atque stipulationibus id efficere debet. Potest etiam quis testamento heredem suum damnare, ne altius tollat ades suas, ne luminibus vicini officiat: vel ut patiatar eum tignum in parietem suum immittere, stillicidiumve adversus eum habere: vel ut patiatar eum per fundum ire, ægere, aquamve ex conducere.

NOTÆ.

4. Pactionibus] Idoneis ad dominium transferendum. Non solis autem pactionibus servitutes nostræ sunt, *l. 3. D. de obl. & aff.* sed tunc, cum secuta est traditio naturæ harum rerum conveniens, *l. ult. D. de serv. l. 1. in fin. P. R. l. 11. §. 1. de publ. in rem. aff.* Pactiones tituli sunt & cause acquirendi remotiores: modus acquirendi &

causa proxima traditio, §. 40. *supr. de rer. divis. l. 20. C. de pact.*

COMMENTARIUS.

1. Communi prædio ab uno ex dominis neque constitui neque acquiri servitutem posse.
2. Non nudis pactionibus, quantumvis ad transferendum comparatis, servitutem acquiri, sed facto aliquo, quod traditionem repræsentet.
3. Suprema voluntate servitutem constitui ipso jure.
4. Quemadmodum usu & possessione nostra servitus capiat.
5. Explicatur latius, quod de constitutione & acquisitione servitutis dictum est n. 2. & refutatur singularis Bachovii opinio.
6. Quibus modis servitus amittatur.

Falso Myns. & Pac. existimant, hoc loci materiam tradi, ex qua servitutes prædiorum constituantur: conventio enim & ultima voluntas, non materiam ex qua, sed causæ efficientis rationem habent, cum sint servitutum constituendarum modi. Est autem insignis hic locus dignusque, in quo explicando plusculum operæ ponatur. Servitus prædii à lege non constituitur; sed potest re exigente à iudice constitui in iudiciis familiarum erciscundæ, & communi dividundo, in pluribus prædiis dividendis, unum uni, alterum alteri adjudicante, & unum alteri servum faciente, *l. item Labro. 22. §. 3. fam. erc. l. ut fundus. 18. com. div.* Extra hunc casum à solo prædii domino constituitur. Cæterum & longa quasi possessione nostra acquiritur. De domino jam aliquid dictum §. præc. addo nunc, hoc etiam exigi in constituyente, ut sit dominus prædii totius, non pro parte indivisa; communi prædio unum ex dominis ne pro parte quidem sua servitutem imponere possit, *l. 2. de serv. l. unus. 34. de serv. præd. rust.* nisi forte pariter omnes cedant: tunc enim omnes non alienæ, sed suæ parti servitutem imponunt. Quod si diverso tempore id fiat, novissima cessione superiores confirmantur, *l. 6. §. 1. l. ult. comm. præd. l. 11. de serv. præd. rust.* Benignè quoque propter conventionem receptum est, ut qui ante cessit, vetare ne uti jure cessio non possit, *d. l. 11.* Quæ omnia etiam in persona acquirentis servantur: nam nec acquirere quisquam prædio servitutem potest, nisi qui ejus prædii solus sit dominus, *l. 1. §. 1. l. 5. l. 6. in fin. l. 8. comm. præd. & in pluribus acquirentibus eadem distinctio est, quæ in pluribus constituentibus, d. l. 6. §. 1. l. ult. eod.* Constituitur à domino servitus duobus modis, conventionem, & ultima voluntate, *l. 5. de serv. l. possit. 16. comm. præd. & hoc text.* In conventionali constitutione duo ad acquirendam servitutem requiruntur: pactio ad transferendum comparata, cujusmodi est stipulatio, emptio, donatio, permutatio, *l. numquam. 31. de acquir. rer. dom. & traditio, seu id, quod traditionis vicem in re incorporali obtinet, puta inductio in prædium servum, aut usus acquirentis, & domini,*

con-

constituentis patientia, *l. ult. de serv. d. l. in fin. de serv. præd. rust. l. 11. §. 1. de Publ. in rem aff. per l. 3. in pr. de usufr.* Nam quemadmodum pactionis nudæ non ea vis est, ut rem corporalem nostram faciat, *l. traditionibus. 20. Cod. de pact.* ita nec per se sufficit ad acquirendam servitutem, *l. 3. de obl. & aff. d. leg. 11. de Publ. in rem aff.* Olim hic frequens erat cessio, *l. nemo 39. de serv. præd. urb. l. 3. §. 2. & 3. l. 11. per quem. 14. de serv. præd. rust. l. ult. com. præd.* & videtur ea necessaria fuisse in constitutione servitutum; quæ in eo constitunt, ut dominus aliquid non faciat in suo; puta ne ædes altius tollat; ne luminibus vicini aut prospectui officiat. Nam ejusmodi jura quomodo per usum & patientiam constitui possint, non video: aut sanè inductio in prædium hic etiam pro traditione fuit. Suprema voluntate servitus constituitur, cum ea alicui testamento legatur, *sit. de serv. leg.* in qua constitutione nihil præter voluntatem defuncti desideratur ad acquirendam servitutem, sed statim ei, cui legata est, absque ulla cessione aut traditione hæredis acquiritur, *l. ult. d. sit. l. si pariem. 19. §. 1. quem serv. am* Neq; distinguimus amplius inter servitutem legatam per vindicationem, & legatam per damnationem, vid. *notata §. 1. sit. seq.* Modus per usum ac possessionem nostram servitutem capiendi duplex. Unus communis cum usucapione rerum corporalium, si quis eam à non domino, quem dominum existimabat, constitutam per tempus legitimum continenter possederit, *l. ult. in fin. C. de præscr. long. temp.* Alter servitutum proprius, si nullo quidem titulo præcedente, cæterum nec vi, nec clam, nec precario, id est domino prædii servientis sciente & patiente, per continuum definiti temporis spatium servitute uti sumus, *l. 10. si serv. vind. l. 1. in fin. de acq. plur. arc. l. 1. & l. 2. C. hoc sit.* ut hic scientia & patientia domini loco tituli aut boni initii & traditionis sint possidenti, & longi temporis consuetudo vicem servitutis obtineat. In priore specie titulus necessarius est, uti semper cum initium possessionis est à non domino, *infr. de usuc. in pr.* sed tunc dominum nihil juvat ignorantia, *d. l. ult. C. de præscr. long. temp.* In posteriore scientiam exigimus, titulum non item, alioqui tradita statim sine usucapione acquireretur. Sententia communis, à qua frustra recedit D. Duar. 1. *disp. 34. add. D. Christin. vol. 3. decis. 177. nu. 4. & 5. & nostra lib. 1. select. quest. cap. 31.*

Pactionibus & stipulationibus] His verbis putandum non est, à constitutione servitutum excludi traditionem: sed eodem modo ac sensu hic accipienda sunt, quo accipi constat, cum usufructus similiter dicitur pactionibus & stipulationibus constitui, *§. 1. sit. seq.* nimirum non ut significetur id quod in constituendo extremum est, & excludatur traditio: sed ut monstrantur media & viæ, per quas hæc jura inducuntur. Extremum est, quo constituta servitus acquiritur. Id verò non est pactio aut stipulatio, sed traditio servitutis ex pactione præcedente. Pactiones ti-

Pinnius in Institus.

cili sunt, non modi acquirendi, *§. per traditionem 40. sup. de rer. div.* Cæterum quia traditio nihil transfert, nisi præcedat idonea conventio, sive causa, propter quam traditio secuta sit, *l. numquam. 31. de acq. rer. dom.* ideo pactionum & stipulationum meminit ut causarum acquirendi, & in constitutione servitutis traditione necessario præcedentium, non ut traditionem removeat. Quemadmodum ex contrario cum dominia rerum traditionibus acquiri dicuntur, *l. traditionibus. 20. l. de pact.* non propterea remouentur tituli sive cause acquirendi remotiores; sed extremum in acquirendo significatur, id est, modus acquirendi & causa proxima, uti & cum usufructus & servitutes dicuntur constitui per traditionem vel patientiam, *l. 11. §. 1. de Publ. in rem. aff. l. 1. in fin. de serv. præd. rust. l. 3. de usufr.* Hoc ideo diligentius monendum fuit, quia video, D. Bachovium in ea esse hæres. ut existimet, nudis pactionibus & promissionibus solis servitutes prædiales plenè perfecteque constitui, atque acquiri citra ullam traditionem aut cessionem: ac proinde etiam statim ut in conventionem deductæ sunt, actionem in rem competere. Quo quidem ego nihil unquam audiui, quod à ratione & auctoritate juris magis abhorreat. In toto enim jure modi acquirendarum obligationum distinguuntur à modis acquirendi res in obligationem deductas, sive corpora sint, sive servitutes. Modi, quibus obligatio quaeritur, sunt contractus & conventiones; quibus dominium rei in obligationem deductæ, traditiones, & in rebus incorporalibus ea facta, quæ traditionem diximus repræsentare. Si igitur stipulanti mihi viam aut iter promiseris, ex hac conventionem non acquiritur mihi jus eundi aut agendi, quod actione in rem confessoria vindicare possim, sed obligatio dumtaxat & actio personalis ex stipulatu, qua intendam, *se mihi viam aut iter dare oportere, l. 2. §. 1. & 2. de verb. obl. l. si unus. 19. de serv. præd. rust.* Tunc demum dominium servitutis nanciscor & actionem in rem, cum conventionem secuta est traditio naturæ rerum incorporalium conveniens, *l. ult. de serv. l. 1. in fin. de serv. præd. rust. l. 11. §. 1. de publ. in rem. aff. l. 3. de usufr.* Denique definitio tradita, *leg. 20. C. de pact.* traditionibus non nudis pactis dominia rerum transferri, generalis est, nec minus ad servitutum, quam rerum corporalium acquisitionem pertinet, *l. 3. de obl. & aff.* quo loco disertè de servitute idem quod de corpore Jurisconsultus definit, eam quaerita nobis ex contractu obligatione nostram non fieri, sed tantum debitorem obstringi ad eam nobis dandam aut præstandam. Quid erro est, quod Bachovium moverit in contrarium? Primum, quod hic ait Justinianus, pactionibus & stipulationibus servitutes constitui. At idem de usufructu quoque dicitur, *§. 1. sit. seq.* ad cujus tamen constitutionem fateatur Bachovius traditionem aut patientiam esse necessariam. Deinde quia Papinian. *l. 4. de serv.* scribit, servitutes ipso jure, neque ex tempore, ne-

Q

quc

que sub conditione constitui posse: ceterum si hæc adiciantur, vindicantem contra placita servitutem pacti vel doli exceptione repelli. Quasi ex eo necessario sequeretur, servitutem per solam promissionem constitui, & perinde sit, ac si Jurisconsultus dixisset, servitutem neque ex tempore neque sub conditione promitti posse. Vitiosa planè collatio, & falsa quæ sequitur propositio. Aliud enim est promittere, aliud constituere servitutem. Qui promittit, actu nihil juris in rem alteri constituit, nihil dat, sed obligat se, ut det. Nec potest ulla excogitari ratio, cur minus servitutes quam res ceteræ ex die aut sub conditione rectè promittantur, ut neque ante diem peti possint, neque antequam conditio extiterit, debeantur. Quævis est harum adjunctionem, §. 2. *inf. de verb. obligat. l. cedere diem. 213. de verb. signif. l. existimo. 98. de verb. obligat.* Ac constituere servitutem est actu eam imponere, & efficere, ut jam si qua sit prædictio, §. *præcl. 1. §. 1. comm. præd.* Quid verò Papinianus? Non ait, servitutem ex die aut sub conditione promitti non posse, sed non posse ipso jure constitui ex die aut sub conditione; id est, ut rectè Jo. apud Accurs. sic constitui, ut statim sit constituta & prædictio acquisita, sed adjecta die aut conditione, in quæ usus servitutis & vindicatio differatur. Quod certa ratione juris efficitur; nam cum servitus semel prædictio acquisita est, fieri non potest, quin à domino prædicti jure vindicetur, *l. 1. si serv. vind.* Ceterum ex æquitate juris prætorii est, quod placitum ope exceptionis servetur. Fefellit Bachovium, quod putavit, siquid præter pactionem aut promissionem ad constituendam servitutem desiderari posset, id esse solum usum ejus, cui constituitur, & patientiam constituentis: quibus sanè in specie à Papiniano proposita locus esse non potest, cum sint contradictoria, usu servitutem constitui, & usum servitutis differri. Sed nos jam ante ostendimus, etiam aliis modis ad conventionem accedentibus servitutem posse constitui & prædictio acquiri, per inductionem scilicet in fundum servum, & cessionem: qua cum Veteres fere semper usi sint in constituendis servitutibus, hoc ipsum satis argumenti est, sola conventionem constitui & imponi non potuisse. add. Connan. 4. *com. 8. Don. 11. com. 10. Paul. Buf. ad. d. l. 4.*

Heredem suum damnare, ne alius tollat, &c. vel ut patitur, &c.] Hæc descripta sunt ex Cajo, *l. potest. 16. com. præd.* Legati damnationis meminit, non quod servitus per vindicationem legari nequeat; contrarium enim docet *sir. de serv. leg.* sed aut exempli causa, aut quia servitutes omnes per damnationem legari possunt, per vindicationem non item: neque enim quæ in non faciendū posita sunt, per vindicationem legari posse videntur, veluti ne hæres alius ædes tollat, ne luminibus vicini officiat. His autem verbis, *ne tollat, ut patitur*, expressit naturam & substantiam servitutum, quæ duarum harum rerum consistit in altera, vel ut dominus aliquid

in suo non faciat, vel ut aliquid in suo fieri præciatur, *l. quotiens. 15. §. 1. de serv. de quo dictum sub vñr. VINN.* Rectè suspicatus est Vinnius noster, servitutes omnes legari potuisse per damnationem: non omnes per vindicationem; sed fallitur: dum hanc differentiam quærit in distinctione servitutum affirmatarum & negatarum, quum eam facilius reperire potuisset in servitutum prædictorum rusticorum & urbanorum discrimine. Per damnationem omnes res legari poterant, etiam quæ non erant testatoris: per vindicationem non nisi ex, quæ ex jure Quiritium testatoris fuerant. Ulpian. *Fragm. III. 24. §. 7. 8.* Jure Quiritium habebantur res mancipi. Et tales erant solæ servitutes prædictorum rusticorum, non idem urbanorum. Ulp. *Fragm. III. 19. §. 1.* poterant ergo hæc solæ per vindicationem legari. HEIN. Rectè fecisset Tribonianus, si hic aliquid subjecisset de amissione servitutum, juxta præscriptum *l. ult. de legib.* quod observavit in usufructu *sir. seq.* & passim in hoc libello. Suppleamus ergo quod hic deest. Amittitur servitus primùm, soluto jure auctoris, verbi gratia, si rei sub conditione legatæ imposita sit, & conditio extiterit, *l. 11. §. 1. quemad. serv. am. l. si fundus. 105. de cond. & dem.* Item si prædictio emphyteutico aut beneficiario imposita sit ab emphyteuta aut vasallo, & quo casu hæc prædicta ad dominum redeant, *c. 1. §. quid ergo. de invest. de re al. fall. in usib. Feud.* quippe resoluta jure dantis resoluta jus accipientis, ut notatur in *l. lege. 31. de pign.* Amittitur secundò remissione, tum aperta, *l. 14. §. 1. de serv. tum tacita*, puta si permiserit domino fundi servientis in loco serviente id facere, quo servitus imp. datur, *l. 8. quem. serv. am.* Tertiò amittitur confusione, cum prædicta confusa sunt, sive cum idem utriusque prædicti dominus esse ceperit, *l. si quis. 3. de serv. præd. urb.* Quod si partem tantum prædicti nactus sim, quod mihi aut cui ego serviam, placet servitutem non confundi *l. una. 18. l. 1. vers. via. l. 23. §. ult. de serv. præd. rust.* Vñf. *par. de serv. num. 9.* Cautiunc. hic. Sed & si cum mihi per plurium fundos servitus deberetur, unum tantum atque alterum, non omnes acquisiero, servitus per ceteros retinetur, *l. si cum. 15. quem serv. am.* Postremò finitur etiam non utendo; si videlicet nemo servitute usus sit, neque is cui debetur, neque poss. sior prædicti dominantis, amicusve aut hospes, &c. *l. usu. 20. cod.* aut si quis loco quidem usus sit, sed non jure servitutis; aut jure quidem servitutis, sed non servitute constituta, *l. 10. & seq. l. si quis. 18. l. ult. cod.* ceterum ita, si nemo usus sit per constitutum continuum tempus, *l. 7. cod. l. 1. de serv. præd. urb.* quod tempus est decem vel viginti annorum, *l. 13. c. de serv.* Enimvero si servitutis usus continuum aut quotidianum tempus non habeat, forte quia alternis annis aut mensibus constituta est, duplicato constituto tempore non utendo amittitur, *d. l. 7.* id est, adversus præsentem 20. annis, adversus absentes 40. Idemque & in longioribus intervallis pro-

ratio-

ratione & facultate utendi statuendum. Quicumque verò aut nostro aut prædii nomine usus sit, possessor mercenarius, hospes amicus, colonus, fructuarius, retinebimus servitutem, *d. l. usufr. 20. & 4. seq. quem serv. am.* Ad urbanatum servitutem amissionem etiam aliud præterea requiritur: has enim placet non aliter perire non utendo, quàm si vicinus simul libertatem ædium suarum usuceperit, veluti in servitute altius non tollendi, si per statum tempus altius sublatum habuerit ædificium, & insuper ipse per idem tempus ædes possederit, *d. l. 6. de serv. præd. urb.* Hoc ita tam va-

riè, quia cùm rusticarum usus positus sit in solo exercitio & facto ejus, cui debentur; solum quoque ejus non usum placet sufficere ad amittendam tempore servitutem. Contra urbanæ quia nihil exercitii habent, sed in sola ejus, qui debet, patientia consistunt, non utendo amitti nequeunt; ideoque non sufficit, sublatum esse opus, quod servitutis retinendæ causa habebatur, nisi simul is qui servit, hac occasione utens ad libertatem rei suæ usurpandam, aliquid contra servitutem moliat in suo, ut eleganter D. Connan-
4. comm. 12.

TITULUS QUARTUS.

DE USUFRUCTU.

D. Lib. 7. Tit. 1. C. Lib. 3. Tit. 33.

Continuatio. Varia servitutum personalium species: summa eorum, quæ hoc tit. tractantur.

HÆtenus de servitutibus rerum sive prædiorum: sequuntur servitates personarum sic dictæ, quia sunt jura personæ in aliena re constituta: si quidem ex re, cui servitus debetur, distinctio ista servitutum petita est, ut ostendimus initio tit. præ. Species servitutum personalium multæ sunt & varæ. Etenim sciendum est, etiam jura, quæ natura sua realia sunt, ita constitui posse, ut ex ea constitutione personæ tantum acquisita esse intelligantur, veluti si in constituenda persona demonstrata sit cui soli ea præstetur, *l. 4. de serv. præd. rust. l. Mela. 14. §. ult. de alim. leg.* vel si constituta sint ei, qui prædium non habet, aut non habet vicinum. Sed & servitus personæ constitui potest, ut pomum decerpere, ut spatium, ut cœnare in alieno liceat; quamquæ prædiis non prodest, *p. r. l. quoties. 15. in fin. de serv. l. 5. §. & b. l. e. 9. de op. no. v. nunt. l. 1. §. præterea. 12. & l. 1. pr. de aqua. quotid. d. l. Mela. 14. in fin. de alim. leg.* Coras. Duar. Costal. ad l. 8. de serv. Hotom. 8. obs. 20. Cyn. ad rubr. C. de usufr. post Pet. & Hugolin. Glossatores, utur D. Cujac. 24. obs. 22. id neget, & ejusmodi pactationibus non servitutem aliquam constitui & acquiri, accedente licet patientia constituentis, sed nudam ac simplicem obligationem, ut patiaris me in tuo ea facere, assere, secutus Gloss. Bart. Castr. in d. l. 8. de serv. Ceterum hæc & similes servitutes personales in-nominatæ sunt & irregulares: nisi eas ad usum referas ad certum modum constitutum, cum D. Donnell. 11. comm. 1. Nominatarum autem & vulgarium tres dumtaxat species sunt, usufructus, usus, & habitatio. Operæ enim servorum vix est, ut servitutibus personalibus adnumerari possint: tum quia non ex persona ejus, cui debentur, sed ex persona operarii æstimantur, hoc est, ex persona ejus, qui eas præstat, aut stant, aut intereunt, *l. 2. de oper. serv. l. 2. de usufr. leg.* quod & nomen operum satis ostendit: tum quia non juris sunt, ut

vindicari possint, sed totæ in actu & ministerio hominis consistunt, *l. 1. d. sit. de op. serv. Hotom. illust. quæst. 41. Cujac. 7. ad African. ad l. quæsitum. 37. hoc sit. de usufr.* Ceterum in plerisque usum vel usufructum imitantur, *l. 3. 4. 5. de op. serv. l. 2. de usufr. leg. l. 5. §. ult. usufr. quem. car.* Ex tribus autem istis, quas dixi, princeps species est usufructus: deque eo solo hoc titulo agitur; de usu & habitatione *sit. seq.* Quatuor autem hic ordine exequitur Imp. Primum docet, quid sit usufructus; deinde quibus modis constituatur; tum quibus in rebus consistat; postremò quibus modis finiatur.

TEXTUS.

Definitio usufructus.

Usufructus est jus alienis rebus utendi fruendi, salva rerum substantia. Est autem jus in corpore, quo sublato & ipsum tolli necesse est.

NOTÆ.

Alienis rebus] Hoc commune est omnium servitutum; nemini enim res sua servit, *l. 5. pr. §. usufr. per. l. 26. P. V.* Habet quidem & dominus jus utendi re sua, sed non separatim à jure dominico.

Quo sublato] Vel ita mutato, ut in alienam speciem & nomen transierit, *leg. 5. §. 2. 3. & ll. seqq. quib. mod. usufr. am.* Sumpta hæc ex *l. 1. & 2. eod.*

COMMENTARIUS.

- 1 Quid in definitione proposita verbo juris significetur?
- 2 Quid fructuario tribuat tum jus utendi, tum jus fruendi?
- 3 Quid juris sit, si fructuarius nondum perceptis

fructibus, aut mercede locationis nondum soluta, decesserit, remissum?

4 *Colonum, creditorem autem, legatarium proventus annui jus ad remansum, non in re habere.*

5 *Ususfructum formalem semper esse in re aliena: & quo sensu dicatur, in multis pars esse dominii.*

6 *Neque maritum, neque heredem fiduciarium, neque emphyteutam definitione contineri.*

7 *Quid his verbis definitionis, salva verum substantia, indicetur?*

8 *In fructu non esse, quod non percipitur ex eo usu, ad quem res parata est.*

9 *Cautionem fructuariam à testatore remitti non posse, ab heredem posse: & quid si fructuarius propter inopiam fideiussorem invenire non possit.*

10 *Quid sit res, quod dicatur, sublato corpore ususfructum tolli?*

[Usus alienis rebus utendi fruendi, &c.] Ex Paulo l. 1. hoc tit. Ait, est jus. Hoc sic nonnulli accipiunt, quasi dixisset, est servitus personalis, ut definitio contineat genus proximum definiti. Sed parum consideratè. Etenim inconcinnè & ineptè est ista locutio si dixerò, ususfructum esse servitutem utendi fruendi re aliena: quippe cum servitus sit in serviente, uti autem & frui ejus sit, cui servitus debetur, & actio servituti contraria. Jus vim agendi, servitus patiendi significationem habet. Animadvertere debuerant, servitutes omnes jura dici & definiri solere respectu ejus, cui constitutæ sunt tanquam personæ primariæ in hoc jure; atque eodem respectu etiam ususfructum definiri, habita scilicet relatione ad fructuarium. Verbum quoque juris adungi verbo faciendi, quod cum sit in usu perpetuo juris & omnium Latinè loquentium facultatem & potestatem eo vocabulo significari. Nec metuendum est, ne hac significatione admissa, definitio non reciprocetur cum re definita: nam potestatem hanc, sive jus, sequentia definitionis verba sic temperant, ut jura affinia satis hinc removeantur, & porro ex locis, ubi hæc definitio traditur, scilicet tractationis, sponte intelligitur, subaudiri oportere, jus hoc ex constituta servitute competere, & personæ fructuarii coherere.

[Utendi fruendi] Forma & finis. Duo autem hæc sere conjungi solent, *uti frui*, licet fructui usus inhi, nec interlit, fructus ad ususfructus legatur, l. per servum. 14. §. 1. de usu & hab. l. ansepen. de usufr. leg. nisi corpus, non jus demonstrare volumus, l. vacca. 43. de evict. His autem verbis à fructuario remouetur jus omne in rem, præter usum & fruitionem, rei fructuariæ alienatio, mancipiorum manumissio, 1. proprietatis oppignatio, l. 6. l. 9. C. hoc tit. Jus utendi hoc tribuit fructuario, ut rem fructuariam tractare & exerceat possit ad usum & commo-

ditatem suam, ut tamen id faciat secundum re conditionem, eamque exerceat ad eum usum, ad quem natura aut patrisfamilias instituto parata est. Etenim ædibus ut ædibus utendum ad inhabitandum, fundo ad fructum capiendum, servis ad operas, vestimentis ad induendum, cæteris rebus secundum suam naturam, extra quam qui utitur, abutitur: quod latius explicatur l. 13. §. ult. l. 15. §. 1. & seq. eod. Jus fruendi ei hoc tribuit, ut fructus omnes percipere possit, & percipiendo sibi acquirat, non naturales tantum, qui ex re fructuaria proveniunt, sive sponte, sive opera fructuarii; verum etiam civiles, qui per causam rei obveniunt, puta pretium venditionis, vecturas, mercedes locationis, &c. In summa, omnis redditus, omnis obventio, omnis utilitas, commodum omne, quod vel ex ipso corpore sive re fructuaria, vel occasione ejus percipitur, fructuarium sequitur, l. 7. l. 9. l. arbores. 39. §. 1. hoc tit. l. 13. quid. mod. us. am. l. qui scit. 2. §. l. in pecundum. 28. de usur. Atque hinc rectè colligunt DD. usufructu castri sive jurisdictionis concessio, posse usufructuarii antiquas investituras renovare: Menoch. lib. 1. conf. 66. ad eum pertinere multas & pœnas pecuniarias. emolumenta officii officialium: Schneid. ad §. 2. hoc tit. Molin. ad consuet. Paris. §. 1. Gloss. 1. n. 5. 1. Joan. del Castill. tract. de usufr. cap. 36. num. 29. post Bart. Jas. & alios antiquos, legato usufructu universitatis bonorum, cui jus patronatus annexum sit, jus præsentandi fructuario competere, Menoch. d. conf. num. 6. Molin. d. loc. num. 3. Castill. d. cap. 36. num. 35. ad usufructuarium proprietatis pertinere tantum canonem annuum, sed etiam, si stante usufructu res emphyteutica alienata sit, laudemium, Clar. §. emphyteusis. quest. 23. n. 5. Chass. ad consuet. Burg. rubr. 4. §. 6. nu. 1. Castill. d. cap. num. 45. Et secundum hos ipse aliquando ex facto consultus respondi, miratus Bachovium, qui hoc axioma damnat ut impossibile, ut dictu & auditu absurdum, not. ad Treult. vol. 1. diff. 16. thes. 11. Sed & apud nos à supremo Senatu judicatum est, bonorum omnium usufructu legato, etiam redditus vitalitios tamquam fructus lucro fructuarii cedere debere, teste D. Jacobo Coreno observ. ver. à supr. Sen. ind. 7. Cæterum quod alibi dictum, hoc loco repetendum est, fructuarii non aliter fructus fieri, quam si ipse eos perceperit aut alius ejus nomine: & ideo si maturis fructibus nondum tamen perceptis decesserit, hæredem ejus in iis, qui terra tenentur, nihil juris habere, §. 15. verò. 26. sup. de ver. div. l. 13. quib. mod. us. am. l. 8. de ann. l. An verò idem & in civilibus fructibus, puta usuris, mercedibus locationis, obtinere debeat, ut scilicet fructuario ante diem quo solvi debeant mortuo, nihil ad hæredem ejus pertineat; an pro rata temporis, quo usufructus stetit, inter hæredem ejus & proprietarium dividi debeant, dixi sub d. §. 15. verò. 26. De commodis quæ fructuarium sequuntur, quæ plura nosse desiderat, adeat Don. 19. comm. 7. & 8. Castill. cap. 36. & 37. tract. de usufr. Habet & colo-

colonus, & creditor *diversimodis*, facultatem utendi fruendi re aliena: ceterum illi jus tantum habent ad rem & in personam locatoris aut debitoris, hoc est, locatorem & debitorem ex contractu tantum sibi obligatos habent ad hoc, ut præstent uti frui licere; unde & iis actio eo nomine in personam dumtaxat competit, colono, ex conducto, l. 15. locat. creditori, in factum l. 11. §. 1. de pign. jus autem in rem, & quod proprium eorum dici possit, de quo hic quæri constat, nullum habent: quippe quod non acquiritur, nisi traditum ex iusta causa, ex qua dominium transferretur, cuiusque tuendi & obtinendi causa ad exemplum dominii vindicatio seu confessoria in rem actio prodita est, §. 2. inf. de act. Eadem & de legatario proventus annui dici possunt. Sed & hic ipse non fruitur, sed per manus hæredis redditum accipit, l. fundi. 38. de usufr. leg. l. libero. 21. pr. de ann. leg. Hotom. 1. illust. 24. Castill. d. tr. cap. 4. & 5.

Rebus alienis. Materia. Estque hoc commune omnium servitutum, ut sint in alieno: neque enim res sua ulli servit, l. in re. 26. de serv. præd. urb. l. 5. si usufr. per. Recte, inquit: at non ideo recta definitio, cum non omnis usufructus servitus sit, & in re aliena. Duo enim, inquit, sunt genera usufructus. Est quidam separatus à proprietate, quem, quod per se consistat, & formam propriam habeat separatam à proprietate, formalem Glossa & DD. vocant: est & alius conjunctus cum proprietate, qui, quia competit ex causa proprietatis, causalis vulgo appellatur. Quæ genera indicantur in l. si cum argum. 21. §. 3. de exc. res ind. l. 5. si usufr. per. l. qui usufr. §. 8. l. si tra. 126. §. 1. de verb. obl. Illum quidem dices habere eum, qui dominus non est, in re aliena: hunc autem habere dominum in re sua; ac proinde non posse non vitiosam esse definitionem, quæ minus contineat, quam definitum, videlicet alterum genus dumtaxat, usufructum formalem. Hæc objectio ne quem moveat, observandum est, verbo usufructus simpliciter aut absolute enunciato, in toto fere jure, & maxime in quaestione & tractatione de servitutibus, eum solum intelligi, qui à proprietate separatus est, non eum, qui alicujus est jure proprietatis; formalem, non causalem: eum, qui servitus est, non qui pars est juris dominici; quemadmodum appellationibus itineris, actus, viæ; aqueductus, tunc solum in jure utimur, cum ista per se habentur sine jure proprietatis: atque ex hoc usu definitionem ita conceptam esse, ut formali tantum conveniat, qui ut solus servitus est, ita & in aliena solus habetur. Neque vetus ista & magistralis distinctio usufructus in formalem & causalem vera est & genuina generis in species divisio, neque pro ea à DD. venditur: sed potius distinctio nominis *παλαιοῦ* in sua significata. vid. Vves. par hoc sit. nu. 4. Castill. d. tract. cap. 1. num. 16. Pinel. in l. 1. C. de bon. mat. part. 1. num. 10. Gomel. 2. res. 15. num. 2. & 3. Quod si porro quis urgeat, & usufructum etiam separatum in

re fructuarii esse contendat, quia pars domini dicitur, l. 4. hoc sit. in promptu responsio est; partem dici, non quod revera pars sit, cum sit servitus, l. re. 25. de verb. sign. sed quia in multis casibus, quos exprimit Paul. d. l. 4. vice partis fungitur, eodemque jure, quo dominium censetur, propter emolumentum quod continet, l. Marius. 66. §. fundo. 6. de legat. 2. & nimirum dictum hoc accipimus per comparationem ceterarum servitutum, quæ cum dominio tantam affinitatem non habent. Eò pertinet, quod in venditione bonorum etiam usufructum venire Ulp. scribit, quia appellatione domini fructuarius quoque contineatur, sententia scilicet edicti, l. 8. pr. de reb. ancl. jud. poss. quod fructuario de damno infecto caveatur, l. 13. §. superficarium. 8. de damn. inf. quod ad eum pertineat interdictum unde vi, l. 3. §. unde vi interdictum. 13. de vi & vi arm. quod ususfructus pro parte divisa vel indivisa constitui potest, l. 5. hoc sit. Sensit hoc Gloss. in d. l. 4. Latius explicuit D. Connan. 4. comm. 6. Postremo ut demus, usufructuarium respectu juris, quod habet, verè dominum dici posse, semper tamen in re aliena jus suum exercet. Quamobrem neque maritus, neque hæres fiduciarius, neque emphyteuta definitione continentur: quippe quorum omnium res ipsa propria est; quaque illi utuntur jure domini, quod habent, non jure usufructus à dominio separati. Maritum verum esse dotis dominum quamdiu constat matrimonium, infinitis locis traditum est, infr. quib. alien. lic. in pr. l. si prædium. 13. §. 2. de fundo. dot. l. 7. §. si rei. 3. de jur. dot. l. si prædium. 23. C. eod. Hinc & rei dotalis vindicatio marito tributa, l. docet. 9. Cod. de rei vind. & mobilium quoque alienatio, l. 3. §. 2. de suis & legit. l. 3. C. de jur. dot. auth. si ve à me. §. 1. C. ad sen. Vell Hæres quoque, qui rogatus est aliquid ex die aut post mortem suam restituere, interim ejus rei dominus est, non fructuarius, l. species. 15. de aur. arg. l. tantum, quia cedente die fideicommissi restituenda est, ideo de ea tamquam aliena nonnumquam juris conditores loquuntur, ut Justinian. l. ult. §. sed quia. 2. C. comm. de legat. sicut & de re dotali, quia & maritus temporale dominium habet, soluto matrimonio ad mulierem reversurum, l. 7. §. si fundum. 12. in fin. sol. matr. l. in rebus. 30. C. de jur. dot. De emphyteuta major potest esse dubitatio propter dominium directum, quod alius habet. Sed hoc non obstat, quominus & proprietatem quædam in re emphyteutica ratione emphyteuticæ considerari possit, ut & potest in re feudali respectu vassalli, 2. feud. titul. 47. & argumento est, quod emphyteuta potest uni scorsum usufructum rei emphyteutica legare, alteri deducto eo proprietatem, l. 1. pr. quib. mod. n. am. Joan. del Castill. tract. de usufr. cap. 39. num. 10. & 11. Quid quod emphyteuta etiam ipsum fundum emphyteuticum alteri vendere, donare, & obligare potest; servitutes ei imponere, & quidvis in eo extruere; contra ipsum quoque directum dominum it.

rem agere, non dico de jure separato, ut fructuarius in rem confessoria, sed de re ipsa? l. 1. & 2. *ag. vss.* ut plus etiam juris emphyteutæ quam domini in ipsa re habeant: quam ob causam etiam domini prædiorum emphyteuticorum appellantur, l. *possessores*. 12. C. de fund. parvum. lib. 11. Emphyteutæ simillimus est superficiarius l. 1. de superfi. d. l. 1. quib. mod. us. am.

Salva rerum substantia] Id est, si Theophilo & Giphano credimus, quamdiu res salvæ manserint. Ego verò hoc amplius hac adjectione proprium seu modum indicari arbitror, ut intelligamus, fructuarium ita uti & frui debere, ut rem salvam servet domino; ac proinde hac clausula fructuarium prohiberi, tum rem consumere, causamve proprietatis deteriore facere, tum in aliam formam rem transmutare. Finge igitur, ovium usumfructum relictum esse, non debet fructuarius eas occidere, ut carne vescatur: hoc enim pugnat cum natura ususfructus. Cui fundi ususfructus legatus est, non debet arbores frugiferas excidere, neque villam diruere, nec quicquam facere in perniciem proprietatis, l. 13. §. *fructuarius*. 4. hoc tit. Sed & si agrum non proscindat, vites non subserat, aquæductus corrumpi patiatur, non intelligitur salva substantia re uti, d. l. 13. §. 2. Ædium usufructu legato non mutabit dîxtas, vel atria, non diruet, & ædificabit nova, d. l. 13. §. *sed si ædium*. 7. nec si meliorem domini causam faciat, l. 7. in fin. l. 8. leg. usufructuarius. 44. eod. Nam quod traditum est, possit fructuarium causam proprietatis meliorem facere, d. l. 13. §. 4. hoc sic temperandum est, dum id faciat excolendo quod invenit, qualitate rei non immutata, d. l. 13. §. *sed si ædium*. 7. D. Diod. Tuld. cap. 4. hic. Illud quoque, quod superius leviter attigimus, explicatius considerandum est. Diximus, semper in usufructu usum inesse, l. 14. §. 1. de usu & hab. eumque, qui non secundum rei conditionem re utitur, non uti, sed abuti, l. *sed si quid*. 15. §. 1. hoc tit. Hoc autem eò pertinet, ut intelligamus, eum, qui sic utitur, nec rectè quidem frui, nec in fructu esse, quod non percipitur ex eo usu, ad quem res parata est. Hinc igitur fructuarii non erunt parvus ancillarum, l. *retut*. 68. eod. §. *in pecudum*. 37. sup. de rer. div. l. *in pecudum*. 28. de usur. non enim ancillæ ad hoc habentur, ut pariant, sed ut serviant, l. *ancillarum*. 27. de hæ. rei. Non pertinebunt ad fructuarium arbores grandes & frugifera, l. 11. l. 13. §. 4. hoc tit. nimirum quia non habentur, ut succidantur, sed vel ad fructum ferendum, vel ad ornatum umbramve præstandam. Hinc denique est, quod sylvam non exduam, aut quæ ut cædua à domino habita non est, fructuarius cædere non potest, l. 9. §. ult. eod. quamvis materiam ex ea succidere ad villæ refectionem & pedamenta in vineam sumere non prohibeatur, l. 10. l. 12. in pr. eod. ubi latè D. Paul. Bus. Ut igitur dominus securus esse possit de proprietate desiderante eo, fructuarius cavere cogitur, & usum se boni viri arbitrato, & cum ususfructus

ad eum pertinere desinet, restitutum quod inde extabit, d. l. 12. in pr. l. 1. & 101. tit. usufr. quem cav. quæ cautio satisfactio est, d. l. 13. l. 4. Cod. eod. l. 7. & ult. usufr. quem caveat. l. 8. §. tutor. 4. qui satisfactio. cog. & ad omnem usumfructum omnemque fructuarium (excepto patre fructuario adventitiorum, l. 6. §. non à 2. l. ult. §. fin. a. 4. Cod. de bon. que lib. item fisco per l. 1. §. si ad fiscum. 18. ut l. nom. cav. & casu, l. 9. §. 2. usufr. quem cav. & donatore omnium, aut partis bonorum retento usufr. per l. 19. §. 1. de re jud. cum simil.) pertinet, d. l. 12. hoc tit. d. l. 1. §. 1. & 2. l. 9. §. 1. usufr. quem caveat. In tantum, ut nec à testatore remitti possit, l. 7. C. ut in poss. l. dec. Cur. Holl. 20. Christ. vol. 2. dec. 175. num. 7. & seqq. ne scilicet amoto cautionis metu fructuarius invitetur ad delinquendum, & pro libidine sua in re fructuaria grassandum: sententia ac ratio communis. Vid. Clar. §. *testam. qu.* 64. Gail. 2. obs. 145. Joan. del Castill. tract. de usufr. cap. 15. Qui etiam aliam rationem affert, quod remissio illa quodammodo cum natura, ac sine ususfructus legati pugnare videatur. Illud eodem loco idem rectè notat, remissione cautionis facta à testatore non vitari ipsum legatum usufructus, sed eam pro non scripta habendam esse per l. 6. ut in poss. leg. Quod si cautio à testatore remitti non potest, nec poterit confessio inventarii, quæ est necessarium cautionis antecedens, Castill. d. loc. post DD. com. Planè ut cautio ab hærede remitti possit, rationis est, Accurs. Cyn. Bart. Salic. Sichard. ad l. 1. C. hoc tit. Pin. in l. 1. C. de bon. matern. p. 2. nu. 76. Gail. d. obs. 145. Castill. d. loc. num. 16. Christin. d. decis. 175. Putarem tamen, remissionem non ob stare hæredi, quominus cautionem postea ex causa exigat, ut hæc remissio tacitam in se habeat conditionem, si rectè utatur fructuarius; eoque jure utimur. Quod si fructuarius cavere non possit, eo quod propter inopiam fidejussorem idoneum non inveniat, an non humanum est, eum admitti oblata cautione juratoria? aut si eo modo non satis prospectum videbitur proprietario, an non res fructuaria apud virum bonum sequestranda est, aut eam retinere propriarius poterit, qui contra fructuario rectè caveat, ne pereat ultima voluntas defuncti? Placet in magna varietate eorum sententia, qui totam hanc rem boni judicis arbitrio permitrendam censent, qui ex personis & re, de qua agitur, tum ex facultatibus fructuarii dispiciat & constituat, quid in proposito debeat fieri, utrum cautio juratoria à proprietario recipienda, (ad quod tamen non facile eum compellet) an verò apud virum honestum res deponi, vel apud ipsum proprietarium remanere debeat, ut in omnem eventum & proprietario satis consultum sit, & fructuarius commodum percipiat; quod eum percipere omnimodo testator voluit. Licebit hic usurpare illud Ulpiani in l. 2. §. item Varus. §. in fin. de aq. pluv. arc. Hæc aquitas suggerit: etsi jure deficiamus, add. Castill. d. 17. c. 18. nu. ult. Gail. 2. obs. 47. Myns. 6. obs. 48. Fach. 8. consr. 40. Vvesemb. par. usufr. quæ. ca. nu. ult. Merend.

rend. §. contr. 47. Christin. d. decis. n. 13. & seqq. Sunt & alia onera, quæ fructuario incumbunt, puta si quid reficiendum sit, ut fartatecta præstet, cum distinctione tamen, quæ est in l. 7. §. 2. hoc tit. ut animalia ægrotæ curet, gregem ex agnatis capitibus suppleat, in locum arborum demortuarum alias substituat; rectè enim colere & quasi bonus paterfam. debet: quod & ipsum cautione fructuaria continetur, vid. §. sed si gregis. 38. sup. de rer. div. Hoc amplius etiam onera prædiorum agnoscere cogitur, ut tributa, vestigalia, pensationes, quæ prædiis imponuntur, l. 7. §. 2. l. si pendentes. 27. §. 3. hoc tit. vid. Castill. d. tract. c. 36. & seq. Christin. vol. 2. decis. 176. n. 1. & 2.

Est autem jus in corpore, quo sublato] Sublatum hic accipimus non omnino quod penitus & totum perit, sed quod esse desit id, quod ante fuit, cujus pristina facies mutata, quod ita vel ampliatum vel minutum est, ut in aliam speciem & nomen transierit, leg. §. §. pen. & deinceps, usque ad l. 13. quib. mod. us. am. Quod si totum corpus tollatur, ne dominium quidem proprietatisve remanet. De mutatione rei fructuarie plenius disputamus ad §. 3. hoc tit. in calce.

TEXTUS.

Quibus modis constituitur.

1. *Ususfructus à proprietate separationem recipit, idque pluribus modis accidit; ut ecce, si quis usumfructum alicui legaverit, nam heres nudam habet proprietatem, legatarius verò usumfructum. Et contra, si fundum legaverit deducto usufructu, legatarius nudam habet proprietatem, heres verò usumfructum. Item alii usumfructum; alii, deducto eo, fundum legare potest. Sine testamento vero si quis velit usumfructum alii constituere; pactionibus & stipulationibus id efficere debet. Ne tamen in universum inutiles essent proprietates, semper abscedente usufructu, placuit certis modis extinguere usumfructum, & ad proprietatem reverti.*

COMMENTARIUS.

1 Quot & quibus modis ususfructus constituitur & à proprietate separatur.

2 Ad constitutionem & acquisitionem ususfructus solam pactionem non sufficere, sed requiri etiam traditionem, seu factum aliquod traditionem repræsentans; testamento autem constitui ipso jure.

3 **P**luribus modis.] Ususfructus non uno modo à proprietate separatur, & alteri acquiritur. Nam & à lege quibusdam personis constituitur, ut patri in bonis filii adventitiis, leg. 6. l. ult. c. de bon. que lib. §. 1. inf. per quas pers. item patri emancipatori in parte dimidia bonorum adventitiorum filii emancipati, d. l. 6. §. 3. Cod. & §. 1. inf. d. s.

& à iudice in judiciis familiarum eriscundæ & communi dividundo, per adjudicationes scilicet & condemnationes, si res divisionem commodè non recipiant, leg. 6. §. officio. 10. comm. div. l. & puto. 16. §. 1. fam. erc. l. 6. §. 1. hoc tit. junct. §. 4. & §. inf. de off. iud. usu quoque nostro & longa quasi possessione, sicut reliquæ servitutes, & ususfructus nobis acquiritur; veluti si quis non dominus usumfructum nobis vendiderit, nos cum per legitimum tempus possederimus, l. ult. in fin. c. de præscript. long. temp. Hic duos tantum modos recenset Imp. eosque ipsos, quibus servitutes prædiorum constitui dixit in calce præc. ult. ultimam voluntatem, & stipulationes pactionesve.

¶ *ecce*] Formas legandi, quibus ususfructus constituitur, & à proprietate separatur, tres perspicue explicat: in quibus notandum, verba illa deducto usufructu non esse otiosa, sed expressa consulto, ut & in d. l. 6. hoc tit. l. 4. si usufr. per. Nam si uni ususfructus, alteri fundus simpliciter legetur, nominatim non expresso, detracto usufructu, ambo in usumfructum concurrent, l. si alii. 19. de usufr. leg. l. 6. de usufr. ear. ver. Neque obstat, quod traditur d. l. & puto. 16. §. 1. fam. erc. si iudex alii fundum, alii usumfructum adjudicaverit, non communicari usumfructum. Nam in judiciis divisoriiis hoc agitur, ut à communione discedatur, l. 1. cod. tit. Sed etsi uni usufructus, alteri nuda proprietate legata sit, nemo, opinor, dixerit, usumfructum communicari. Ac ne illud quidem morum nostrorum simplicitati convenit, quod in d. l. 19. de usufr. leg. traditur; si testator alii fundum, alii usumfructum ejusdem fundi legaverit, usumfructum contra mentem testatoris communicari, Groenew. ad d. l. 19. tract. de lib. abrog. Autum. conf. jur. ad d. l. 19. Cyprian. cens. Belg. hic.

Pactionibus & stipulationibus] l. 3. pr. cod. 2. Vide sup. §. ult. tit. præc. Pactionibus autem non nudis, sed vestitis, ut magistri loquuntur, iisque, quæ idoneæ sunt ad dominium ipsum transferendum, cujusmodi sunt emptio, permutatio, donatio. Potest ergo quisque dominus usumfructum rei suæ alteri vendere, aut donare, cedereve nuda proprietate retenta, aut rei nudam proprietatem retento usufructu, l. quod nostrum. 63. cod. l. quisquis. 28. c. de donat. potest & uni vendere vel donare usumfructum, deinde alteri proprietatem, quam retinuit. Cæterum etiam nuda pactione ususfructus rectè constituitur, si ea contractui vel conventioni legitimæ, aut traditioni divisionive in continenti adjiciatur, d. l. 28. c. de don. l. Seja. 42. de mort. cas. don. cod. arg. l. cum offens. 33. de serv. præd. rust. l. venditor. 13. comp. præd. l. in traditionibus. 48. de pæff. Quod autem de servitutibus prædialibus diximus, eas non acquiri pactionibus solis sine facto aliquo, quod traditionem repræsentet, hoc non minus ad acquisitionem ususfructus pertinet, l. §. de serv. l. 3. hoc tit. l. 3. de obl. & aff. a. g. l. traditionibus. 20. c. de pæff. Nam in universum tenendum est, quibus in causis ad rem corporalem acquirendam requiritur

traditio, in iisdem & ad res incorporales acquirendas requiri, quatenus fert earum rerum natura: ut in proposito traditus ususfructus intelligitur, si dominus, à quo est, ususfructuarius inducat in fundum, cumve patiat uti frui, d. l. 3. hoc tit. Testamento autem constituitur ususfructus ipso iure, ut hic ad acquirendum jus in re & vindicationem, non desideretur traditio hæredis, sed nuda voluntas sufficiat testatoris. Quod iure quidem veteri obtinebat dumtaxat, cum ususfructus legatus erat per vindicationem: nam per damnationem legatus facti hæredis præstatur, teste Paulo 3. sent. 6. At hodie idem utriusque legati effectus post exæquationem juris omnium legatorum, §. 2. inf. de legat. l. 1. C. comm. de leg. Ex quo apparet, Tribonianum incuria quadam actionem personalem cum confessoria confudisse, l. pen. C. hoc tit. quod & locus ipse palam arguit. De legato per damnationem ususfructus, accipe leg. 3. hoc tit. l. 2. si usufr. per. de legato per vindicationem, leg. 34. §. pen. de legat. l. 1. l. 10. l. si quis. 29. de us. leg. l. sed & qui. 25. §. ult. hoc tit. l. un. §. 2. qu. de us. leg. add. Pinel. part. 2. leg. 1. C. de bon. mas. num. 62. Castill. tract. de usufr. c. 9. VINN. Quod Vinnius hic contendit, Tribonianum in l. pen. C. de usufr. incuria quadam actionem personalem cum reali confudisse, temere dictum, nec in Tribonianum cadere videtur tam supina incuria. Quæstio erat inter veteres, non an ususfructus jam traditus & acquisitus non usu amittatur, id enim dubio carebat, sed an ususfructus promissus vel legatus, neglectus à stipulante vel legatario, ita non usu perimatur, ut ne actio quidem personalis remaneat. Einge Titio legatum esse ususfructum fundi Corneliani. Potuisset sane uti actione confessoria reali, ad ususfructum illum consequendum: sed Titius id non fecerat per tempus legitimum biennii, quo olim ususfructus rei immobilis non utendo amittebatur. Tunc sanè post hæc non poterat uti actione reali confessoria, quia ususfructus non utendo fuerat amissus. At quærebatur, an non ei superesset actio personalis ex testamento. Nihil ergo hic reperias, ex quo Triboniani eluceat incuria. HEIN.

Placuit certis modis extinguere] Negligitur hic iterum à Triboniano lex methodi, nisi manifestum est, eo quod separato ita ususfructu inutilis & ridicula videri poterat proprietas, cum paria sint, non habere dominium, & habere inutile. Transscriptus autem hic locus est ex Cajol. 3. §. 2. hoc tit.

TEXTUS.

Quibus in rebus constituitur.

2. Constituitur autem ususfructus non tantum in fundo & adibus, verum etiam in servis, & jumentis, & ceteris rebus: exceptis his, quæ ipso usu consumuntur. Nam hæc res neque naturali ratione, neque civili recipiunt ususfructum: quo in numero sunt vinum,

oleum, frumentum, vestimenta: quibus proxima est pecunia numerata: namque ipso usu assidua permutatione quodammodo extinguuntur. Sed utilitatis causa Senatus censuit, posse etiam earum rerum ususfructum constitui, ut tamen eo nomine hæredi utiliter caveatur. Itaque si pecunia ususfructus legatus sit; ita datur legatario, ut ejus fiat, & legatarius satisfat hæredi de tanta pecunia restituenda, si moriatur aut capite minuat. Cætera quoque res ita traduntur legatario, ut ejus fiant: sed æstimatis his satisfatur, ut si moriatur, aut capite minuat, tanta pecunia restituatur, quanti hæc fuerint æstimata. Ergo Senatus non fecit quidem earum rerum ususfructum, (nec enim poterat) sed per cautionem quasi ususfructum constituit.

NOTÆ.

2. Vinum, oleum] Harum rerum non usus, sed abusus est. Boe. in top. lib. 2. Primus his, quæ nobis utensilibus permanent: his verò abutimur, quæ nobis utensilibus pereunt.

Quodammodo] Expendendo & alienando: ita pecunia interire dicitur apud Corn. Nep. in Themist. cap. 2.

De tanta pecunia restituenda] Clausula cautionis fructuariæ de utendo boni viri arbitratu, l. 1. us. quem. cau. ad quasi usufr. non pertinet. & absurdum esset rei dominum talem cautionem præstare.

Si morietur aut capite min.] Non aliis modis quasi usufr. extinguere potest, l. 7. l. 10. d. tit.

Sed æstimatis] Aut cavebitur de rebus ejusdem qualitatis restituendis; quamquam illud certius & tutius, l. 7. de us. ear. rer.

Nec enim poterat] Naturalis enim ratio auctoritate Senatus mutari non potuit, l. 2. §. 1. eod.

COMMENTARIUS.

1. Cur rerum fungibilium ususfructus constitui non possit.

2. In hoc numero rerum non esse vestimenta, contra plerisque, & ipsum adeo Tribonianum, firmis rationibus ostenditur.

3. Quæ consideratione pecunia & quadam alia in hoc genere numerentur.

4. An cautio quasi fructuaria sit de substantiæ quasi usufructus.

7. Partes cautionis quasi fructuariæ exposita, & notatus insignis error My. singeri.

Hoc §. agitur de rebus, in quibus ususfructus constitui potest. Et sciendum est, in rebus omnibus, unde aliqua utilitas aut commoditas qualiscumque percipi potest, ususfructum constitui posse, siue immobiles sint, ut domus, fundus, siue mobiles, ut mancipia, jumenta, supellex &c. in quo differt ususfructus à servitutibus rebus,

libus, quæ tantum in prædiis consistunt. Sed & rerum incorporalium usufructus constitui potest, veluti nominum, l. 3. de usufr. ear. rer. ut fructuarius rem consecutus ea utatur. Potest & jurisdictionis, quam patrimoniale vocant, ut fructuarius multas & poenas pecuniarias tamquam fructus jurisdictionis percipiat. Schneid. hic post alios, quos supra citavi. Neque hic quasi usufructus est, ut putat D. Bachovius: certè non eo sensu sic appellari potest, quo earum rerum, quæ usu consumuntur, quasi usufructum esse dicimus; nam jurisdictionis non datur fructuario, ut ejus fiat proprietas, ideoque & eam ipsam finito usufructu restituere debet, eodemque modo cavere, quo fructuarius rei corporalis, quæ fructum recipit, fac. l. 1. de usufr. leg. Solæ excipiuntur res, quas utendo consumi necesse est, cujuscumodi sunt, vinum, oleum, frumentum, ceteræque res, quæ pondere, numero, mensura consistere, & in genere suo functionem recipere dicuntur, inf. quib. mod. re const. obl. l. 2. de reb. cred. Has res, ait Imperator, neque naturali ratione neque civili usufructum recipere: scilicet hæc est natura usufructus jusque de eo constitutum, ut si in re aliena, siue penes eum, qui dominus rei fructuaria non sit, isque jus habeat ea re utendi, fructusque ab ea separandi, aut commoda ob causam rei obvenientia percipiendi, ita ut interim res ipsa, cujus proprietas apud alium est, salva & integra maneat, caveatque fructuarius se eam finito usufructu restituendum: quorum nihil in res consumptibiles, hoc est, eas, quæ usu ipso consumuntur & pereunt, cadere posse manifestum est: quippe cum ex iis nulla utilitas percipi queat, nisi consumantur, nec consumi res possit, nisi ab eo, cujus propria sit.

Vestimenta] Temere atque inconsideratè Tribonianus inter res, quæ usu consumuntur, refert vestimenta. Non enim quæ longiore usu atteruntur, & detritu deteriora fiunt, usu consumi dicuntur; sed quæ utendo protinus tolluntur & delentur, quarumque non nisi in abusu usus est. Alioqui eadem ratione dicendum esset, mobilia fere omnia atque utensilia præsertim lintea, ut inappas, mancilia, toralia, eodem numero habenda atque ut vestimentorum, ita & harum rerum non verum, sed quasi usufructum esse: quod nemo dixerit; neque Ulp. l. 1. hoc tit. de usufr. ear. rer. quæ usufr. conf. cum ait, earum rerum quasi usufructum esse, quæ usu tolluntur vel minuuntur, intelligit res, quæ usu deteriores fiunt, sed quæ per partes consumuntur, veluti si cui usufructus aliquot modiorum frumenti legatus sit. Illud utique certum est, vestes non esse ex earum rerum numero, quæ in genere suo functionem recipiunt, quarumve datione in creditum ire possumus. Atqui non magis potest extra eas res esse quasi usufructus quam mutuum. Denique vestimenta in rebus, quæ usu delentur,

numeranda non esse verumque eorum usum arguit, quod alteri commodari, & locari possunt, quod secus est in iis, quæ ipso usu tolluntur, §. pen. inf. de loc. junct. l. 2. commod. in fin. Dicendum igitur omnino est, ut mancipiorum, jumentorum, suppellectilis, aliarumque rerum mobilium, licet usu atterantur, verus est & naturalis usufructus; ita & vestimentorum esse. Eapropter usufructu vestimentorum legato, non dabuntur ea legatario, ut ejus fiant, ut pro libitu ea consumere, iisve abuti possit, uti sit legato usufructu rerum fungibilium: sed ut iis utatur, quomodo vir bonus uteretur, leg. 15. §. & si. 4. hoc tit. quod veri usufructus proprium esse ostendit prima clausula cautionis, quæ in vero usufructu desideratur, l. 1. usufr. quem cau. neque satisfacit legatarius, se ejusdem generis vestes finito usufructu restituendum, aut earum æstimationem, ut sit in usufructu earum rerum, quæ usu consumuntur, l. 7. hoc tit. sed rem ipsam & speciem, quam accepit, l. 9. §. pen. usufr. q. cau. juxta alteram clausulam cautionis in vero usufructu receptæ. Neque enim hac parte cautionis continetur, ut promissor rem restituat non deteriorem, quam erat tempore constituti usufructus: satis enim est, si dolo aut culpa ejus deterior facta non sit; nulla verò culpa in eo est, qui utitur quod accepit in eam rem, in quam accipit, ut responsum est de re accomodata deteriore reddita sine culpa commodatarii, l. 10. in pr. commod. ideoque liberatur restituendo corpus, quod superest, aut post usum extrat, unde & in proposito formula cautionis non de re ipsa restituenda, sed de eo, quod inde extabit, fere concipi solet, l. 1. in pr. & §. ult. usufr. quem cau. Sed etiam tantum sit de re ipsa restituenda, idem tamen juris est, ut in hac ipsa specie, quam tractamus, Ulpianus ex Pomponio refert, d. l. 9. §. pen. usufr. quem cau. quod cum animadverteret Cantuacula, putavit, id nescio qua speciali ratione receptum esse in quasi usufructu vestimentorum. Accurcius errorem Triboniani duplici commento tegere conatur, uno in d. l. 15. §. 4. hoc tit. altero ad hunc §. Illic, ut ex verbis ejus colligitur, interesse existimat, utrum vestimentorum usufructus legatus sit tamquam quantitatis, hoc est, æstimatorum; an verò simpliciter, ut cujuscumque alterius corporis. Hoc casu fatetur verum usufructum relictum esse, & restitutione ejus, quod finito usu superest, legatarium liberari, per d. l. 9. §. pen. usufr. quem cau. Illo autem casu quasi usufructum vestium legatum videri, finitoque usufructu reddendam esse æstimationem: quod & Ar. tin. & Fab. sequuntur, eoque referunt hunc §. At hoc posito, jam non tam vestium quam ipsius pretii quasi usufructus erit, quod idcirco & solum restituendum, non vestes ejusdem generis: potestque hoc usuvenire & in aliis rebus æstimatorum utendis fruendis datis, haud ab simili ratione, qua species æstimari & in causam mutui con-

verti possunt, l. 11. §. cert. per. l. 8. C. pro cod. l. pro auro. 25. C. de usufr. Hoc igitur parum pro Triboniano facit. Locus ipse, unde distinctionem istam collegit Accursius, mendosus videtur, nempe d. l. 15. §. 4. hoc t. Neque enim dubito, quin verba illa, non sicut quantitatis usufructus legatur, intercepta sint, & ab imperito aliquo glossatore profecta, volente gratificari Triboniano: nam & constructionem turbant, & perplexum efficiunt sensum. Quod miror ante Bachovium neminem observasse. Alterum, quod Accursius ad defensionem Triboniani comminiscitur, est in explicatione hujus §. ubi duo genera vestium facit; unum temporalium; alterum perpetuum: atque inter hæc genera hoc discrimen ponit, quod in temporalibus fictus, in perpetuis verus usufructus consistat. Temporalium (de quibus solis hic Tribonianus loquatur) appellatione intelligit quotidianas: perpetuum, funebres & scenicas: quarum rarior usus. Verum huic distinctioni palam repugnat d. l. 15. §. 4. & inter quotidianæ & scenicæ vestis usufructum hoc tantum interesse eo loco & §. seq. docet Jurisconsultus, quod scenica à fructuario locari possit, quotidiana non item. Quamvis secundum Accursii distinctionem judicatum tradat Thesaur. dec. 80. nu. 1. vestium quotidianarum usufructu legato, cavendum esse de restitutione vestium in eadem bonitate, vel pretii illarum facta æstimatione. Si quid ad excusandum Tribonianum vel quæsito colore asseri potest, illud unum est, quod Don. 10. comm. 4. existimat, eum materiatum posuisse pro materia *metallorum*, vestimenta pro lana, unde vestimenta conficiuntur, vid. leg. pen. de usufr. ear. rer. VINN. Sed hoc duriusculum. Quis enim vestimenta dixerit pro lana? Paullo probabilius conjiciunt, qui inter vestimenta per modum quantitatis, & per modum corporum legata, & in illis quasi usufructum, in his verum esse arbitrantur, sed tamen nec id facile concipitur, velle aliquem vestimenta legare tanquam quantitatem. Erraverit itaque per nos Tribonianus. HEIN.

Quibus proxima est pecunia numerata] Generali pecuniæ appellatione continentur omnia, quæ in patrimonio sunt, l. 5. l. pecunia. 222. de verb. sign. & ideo ait, pecunia numerata. Qua voce tantum designantur nummi, hoc est, æs, aurum aut argentum signatum, five publica forma percussum, ut jam non tam usum dominiumque ex substantia præbeat, quam ex quantitate seu valore impositio, l. 1. de contr. empt. Auri autem vel argenti non signati quin usus esse sine abusu possit, veluti vasorum aureorum, vel argenteorum, non est dubitandum, l. ult. usufr. quem. cau. Quin & numismatum veterum aureorum vel argenteorum, quibus pro gemmis ad ornatum uti solent, usufructus rectè legatur, l. numismatum. 28. hoc tit. VINN. Plura de his numismatibus

dixit V. C. Ger. Noode Obs. 1. 5. Videntur veteres aliquando numismatibus pro gemmis usos in ornandis pueris, & puellis infantibus: quale quid etiamnum in Germania fieri novimus. HEIN.

Quodammodo extinguitur] Rectè, quodammodo: non enim ut vinum, oleum, frumentum utendo, ita pecunia permutando absumitur, & revera ac naturaliter perit. Ut enim pecuniam maximè cum re permutemus, solvamus, donemus alii; semper tamen manent ipsa corpora nummorum, nec usu delentur. At si spectamus eum, qui pecunia utitur alienando & expendendo, vi ipsa illi eo usu consumitur & perit. Tam enim eo casu dominus ac possessor esse desinit, quam si consumpsisset. Inter res, quæ usu consumuntur, numerandæ etiam quibus utimur ad medicamenta, ut pharmaca & odores, l. pen. de usufr. ear. rer. Item quarum ita usus est ad res alias conficiendas, ut nisi mutaræ ad ea res conferantur, ipsæ per se prope sint inutiles: qualis est lana, quæ ad vestimenta & stragula conficienda utimur, d. l. pen. ad quas res si confertur, ipso usu eam perire necesse est: quippe quæ prius nenda & in filum transformanda, deinde ex filo texendum id corpus, quod inde extare volumus, l. sed si meis. 26. de acq. rer. dom.

Præmissis causa Senatus censuræ] l. 1. & 2. de usufr. ear. rer. Quo latior esset morientium voluntas, effectum est Senatusconsulto, ut earum quoque rerum, quæ usu consumuntur, quasi quidam usufructus constitui possit, utque illi, qui nolent hujusmodi res pleno & perpetuo jure esse legatarii, usufructu earum legato id consequerentur. In quo constituendo cum Senatus favorem ultimæ voluntatis respexerit, ut apparet ex eo, quod tantum legati harum rerum usufructus hic mentio, tum hoc loco, tum tot. tit. cod. l. usufructu. 69. ad leg. Falc. item apud Ulp. tit. de legat. §. Senatus. 25. nusquam aliter constitui, non sine causa Horom. & Vves. cum Conan. 4. comm. 3. existimant, conventionem inter vivos non idem effici posse. Quamquam semel admissio & recepto in legatis harum rerum usufructu, nihil admodum video, quod obsteret, quominus id jus produci possit ad conventiones. Planè publica auctoritate opus fuit, ut ab initio introduceretur. VINN. Ignota est hujus SC. ætas & historia. Quam verò libera adhuc republica id jus ignoraretur: Cic. Topic. cap. 3. & tamen a Maturio Sabino ejus fiat mentio, l. 5. §. 1. ff. de usufr. ear. rerum, quæ usu conf. SC. hoc tempore Augusti vel Tibicii conditum esse, haud abs re coniecit doctissimus Schulting. ad Ulp. tit. 24. §. 27. p. 698. sequ. HEIN.

Heredi utiliter caveatur] Datis scilicet fidejussoribus: nam & hæc cautio satisfactio est, ut in vero usufructu, l. 8. l. 9. & 10. cod. l. 7. §. 1. usufr. quem caveat. & bis hoc eodem in loco

loco fit mentio satisfactionis. Remedio igitur cautionis introducto, cœpit hic quasi usufructus haberi, l. 2. §. 1. *hoc tit.* sive ut ait Justinian. in calce *huius §.* Senatus per cautionem quasi usufructum contituit, imaginem scilicet veri, ut hic quoque apud alium proprietas esse, apud alium usufructus quodammodo videri possit. Nam licet hæc res ita dentur legatario, ut ejus fiant consumendi causa; tamen propter cautionem, quæ in locum proprietatis rerum apud hæredem succedit, videntur adhuc alienæ, & legatarius usufructum dumtaxat earum habere: propterea quod finito usu eandem quantitatem, quam accepit, restituere debet. Est autem hæc cautio non minus necessaria in hoc usufructu quam alia illa in vero: neque magis quam illa testamento remitti potest, l. 1. C. de usufr. l. 6. in in poss. leg. Illud quæsitum, an cautio hæc sit de substantia hujus usufructus. Et si quidem hoc quæritur; an necessario præstanda sit, antequam res utendæ dentur, aut rebus traditis nihilominus exigi possit, res expedita est. Nam & in vero usufructu non ante res ipsa aut fructus transferuntur, quam præstita cautione illius usufructus propria, l. 13. de usufr. l. 4. Cod. eod. alioqui & res tradita vindicari, & omissa stipulatio condici potest, l. 7. usufr. quem. cau. Sin verò hoc, an forma quasi usufructus in cautione consistat, absurda est & inepta quæstio: cum non magis cautio, quæ in hoc quasi usufructu loco proprietatis est, forma hujus usufructus dici possit, quam proprietas veri & naturalis. Sed illud fortasse quæritur, an non quemadmodum verus usufructus nullus est sine proprietate, quæ ei ex adverso opponatur, ita nec quasi usufructus intelligi possit sine cautione, quæ vicem proprietatis subeat. Et certum est, nec quasi usufructum intelligi posse, nisi sit aliquid, quod repræsentet proprietatem: quod etiam facit cautio, ubi ea præstita est: cæterum ea ab hærede omissa, nihilominus usufructus intelligitur, atque inter jus exigendi cautionem, & finito usufructu condicendi quantitatem loco proprietatis potestate Senatusconsulti habebitur, l. 5. §. 1. *hoc tit.* ut ne eo quidem sensu cautio omnimodo necessaria sit, aut de substantia quasi usufructus. Hoc posito nemo dubitabit, quin cautio hæc ab hærede remitti possit, & fructuarium sine vitio possidentem etiam ante cautionem præstitam commodum rei sequi debeat, ut juris est in vero usufructu: accurate Pinel ad l. 1. C. de bon. matern. part. 2. nu. 77. & seqq. Castill. *tratt. de usufruct.* cap. 15. & 16. Planè eatenus, de substantia quasi usufructus cautio esse dici potest, quatenus consideratur ut per eam primum à Senatu introductus & constitutus. Obiter addo, generaliter cautum Senatusconsulto fuisse, ut omnium rerum, quæ in bonis sunt usufructus

legari possit, l. 1. l. 3. *hoc tit.* l. 1. de usufr. leg. l. usufruct. 69. ad leg. Falc. atque ex eo tempore, usufructu bonorum omnium legato, etiam earum rerum quæ usu consumuntur, usufructum legato contineri intelligi cœpisse, argum. l. uxori mea. 37. de usufr. leg. l. 1. Cod. de usufr. cum ante id Senatusconsultum alio jure Romani uterentur, ut constat ex loco M. Ciceronis in *Top. cap. 3.* ubi scribit: *Non debet ea mulier, cui vir bonorum suorum usufructum legaverit, cellis vinariis & oleariis plenis relictis, putare, id ad se pertinere.* Usus enim, inquit, non abusus relictus est. Add. Alciat. lib. 7. *parerg. cap. 2.* Mant. de conj. ultim. volunt. lib. 9. tit. 6. in pr. Castill. *diff. tratt. cap. 38. num. 10. & 11.* Menoch. lib. 4. de *presumpt.* 142. num. 14. Planè si rerum mobilium dumtaxat usufructus relictus sit, res fungibiles legato non contineri verius est, Castill. *diff. loc.*

De tanta pecunia restituenda, si morietur, aut capite minuetur] Cautio quasi fructuaria duas partes habet, quarum una est de restitutione, altera de restitutionis modo. Quippe clausula cautionis fructuariæ de utendo boni viri arbitrato ad quasi usufructum non pertinet, ut rectè. Castill. d. *tr. de usufr. cap. 15. num. 13. & 31.* contra communem. Ad restitutionem quod attinet, promittit fructuarius, se restitutum non eadem corpora, quæ accepit, quod consumptis iis fieri non potest: sed tantundem, sive pecuniæ usufructus relictus sit, sive vini, olei, frumenti, aut similibus rerum. Cæterum ut obviam eatur contentioni, quæ de rei qualitate incidere posset, commodius est in vino & rebus similibus eas res dari fructuario æstimatas, eumque certæ pecuniæ nomine cavere, l. 7. *hoc tit.* atque ita moderandum quod ait Justinianus, *his rebus æstimatis satisfari.* Pars hæc cautionis vel maxime facit, ut in his rebus velat quidam usufructus haberi incipiat. Nam quod res restitui debet, videtur aliena; & quod tantundem, videtur restitui res ipsa. Sunt enim hæc res ejus naturæ, ut in genere suo functionem recipiant, hoc est, idem inter se mutuo præstent, dum idem genus redditur, leg. 2. §. 1. de reb. cred. Apparet autem ex hac parte cautionis & obligatione fructuarii, errare Myns. qui putat, casus fortuitos & rei periculum, tam in quasi usufructu, quam in vero ad proprietarium pertinere: in quo errore & Bald. fuit. Quomodo enim liberabitur fructuarius peremptis rebus, quas non debuit? Promisit alias ejusdem generis aut æstimationem: promisit incertas: res incertæ perire non possunt. Sed & ipsa rerum proprietates in quasi usufructu revera transfertur in fructuarium. Ut omnino non videam, cur non idem hic obtinere debeat, quod in rebus mutuo datis, quarum periculum præstat qui accepit, §. 2. *inf. quib. mod. re cont. obligat.* Pars altera hujus cautionis est

est conditio restitutionis, quæ hunc usufructum etiam à mutuo separat. Ea hæc est, Si usufructuarius morietur, aut capite minuetur. Soli enim hi duo casus interponuntur, mortis & capitis diminutionis: quoniam rerum, quæ usu consumuntur, usus aliter amitti non potest, l. 9. hoc tit. l. 7. § 1. usufr. qu. cau. Nam cum harum rerum proprietas in fructuarium transeat, & hoc agatur, ut pro arbitratu suo iis utatur, & non easdem, quas accepit, sed alias ejusdem qualitatis restituat, non potest hic non utendo interitui aut mutatione rerum usufructus extingui. Capitis autem deminutionem accipimus maximam & mediam dumtaxat: nam jus vetus, quo usufructus omnis etiam minima capitis deminutione peribat, in hac quoque specie mutatum esse à Justiniano, non est ambigendum, l. pen. § ult. C. hoc tit. de usufr.

T E X T U S.

Quibus modis finitur.

3. Finitur autem usufructus morte usufructuarii, & duabus capitis deminutionibus, maxima, & media, & non utendo per modum & tempus; quæ omnia nostra statuit constitutio. Item finitur usufructus si domino proprietatis ab usufructuario cedatur, (nam cedendo extraneo nihil agitur) vel ex contrario, si usufructuarius proprietatem rei adquisierit: quæ res consolidatio appellatur. Eo amplius constat, si ædes incendio consumptæ fuerint, vel etiam terra motu: vel vitio suo corruerint: extinguí usufructum, & ne aræ quidem usufructum deberi.

N O T Æ.

3. Cedendo extraneo nihil agitur] Scil. in persona extranei & respectu intentionis cedentis. Cæterum nihilominus usufructus ad proprietatem recurrit, l. 66. D. de jur. dot. quod plenius probamus in comm.

Consolidatio] l. 3. § ult. l. 6. de usufr. acc. à solido jure, solida proprietate, l. 9. § ult. de acq. pl. arc. l. 26. sub fin. de usufr. leg. dicitur etiam consilio, l. 4. usufr. quem. cau.

Ne aræ quidem] leg. 5. § 2. quibus modis usufr. am. quia ædes amplius non sunt, aut nominantur: & ex contrario si aræ fructuariæ domus imposita sit, usufructus interit, d. l. 5. § 3. Similia habes, l. 10. § ult. l. ult. cod. Aliud juris est in legato ipsius rei: quippe legata proprietate nihil est in re legata, aut ex ea, quod legato non contineatur, l. 22. de leg. 1. § 18. inf. de leg. eademque ratio rei nexæ pignori, leg. 21. D. de pign. act.

C O M M E N T A R I U S.

1. An quemadmodum adrogatione, ita & adoptio-

ne & emancipatione jure veteri usufructus perierit?

2. Amitti posse usufructum non utendo per modum utendi constitutum, & quis non uti intelligatur?

3. Quanto tempore non utendo usufructus amittatur?

4. Usufructum extraneo cessum ad proprietatem statim reversioni, contra Vesp. Pinel. & alios?

5. Quando mutatione rei fructuariæ inferior species mutata aut non mutata intelligatur?

6. Cur placeat, usufructum aliquando mutatione rei extinguí etiam in partibus, quæ mutato toto supersunt, in cætero autem jure qualiscumque mutatio incidere, si quid adhuc restet, in eo idem jus, quod in toto fuerat, remanere?

Quid sit usufructus, quibus modis constitutur, quæ res usufructum recipiant, intellectum est: restat ultimum ut videamus, quibus modis finitur. De vero usufructu hoc nunc quaeritur. Et in universum finitur tribus ex causis. Aut soluto jure auctoris, veluti si in usufructum sub conditione legatum hæres interim alteri constituerit, & conditio extiterit, l. si sub conditione, l. 6. quib. mod. usufr. am. quod & in reliquo jure à domino constituto similiter accidit, l. lex velle gal. 31. de pign. Aut lege constitutionis, veluti si usufructu ad conditionem vel ad diem constituto, conditio extiterit, aut dies venerit, leg. 4. de usufruct. leg. un. § ult. quand. dies usufr. leg. ced. l. 5. leg. 1. Cod. de usufruct. Aut natura sua, idque vel ex persona fructuarii vel ex conjunctione usufructus cum proprietate, vel ex re ipsa, ut ex subjectis apparebit. VINN. Si accuratius loqui velis, dicendum erit, aliud esse usufructum FINIRI, aliud, eundem AMITTI. Finitur enim ita, ut repeti non possit: amittitur, ut repeti possit. Paull. Recept. Sent. lib. 3. tit. 6. § 28. sequ. Enitur itaque morte & tempore. Amittitur capitis minutione, rei mutatione, non usu, in jure cessione dominii comparatione. Sed hoc dicerimus negligunt Pandectæ. HEIN.

Morte fructuarii] Ex persona fructuarii triplici modo usufructus finitur. Primum morte ejus, sicut jura omnia, quæ personæ coherent, cum persona extinguuntur, l. 3. in fin. hoc tit. l. 3. Cod. de usufruct. l. 8. § 3. de lib. leg. l. quia tale 13. sol. matr. in servo mors domini; in filio superflite post obitum patris, ipsius filii; ante moruo, ipsius patris spectatur, quati duplici usufructu constituto, l. ult. Cod. de usufruct. Civitati aut municipibus usufructum relictum placet centum annos durare: quia is finis vitæ est hominis longævi; l. an usufructus, § 6. de usufr. l. 8. de usufr. leg. Enimvero si interim civitas eversa sit, aut aratrum patia, quasi morte usufructum habere desinit, l. si usufruct. 21. hoc tit. Adco autem morte finit-

finitur usufructus, ut licet qualicumque alia ratione amissus repeti possit, morte tamen non possit, nisi forte heredibus legetur, *l. 5. in pr. cod. quo facto non tam repetitur, quam novus constituitur in persona heredum*. Nec tamen si ita legatus sit, ad secundos successores pertinebit, sed primis defunctis finitur. Nam in re sui natura non transitoria ad heredes, heredis appellatio solum primum heredem non ulterius continet, ut notant *Interpp. ad l. heredis. 65. de verb. sign.* Ceterum male Cantiunc. Myns. Schneid. & Goed. ad *d. l. 65. num. 7.* putant, eandem hanc speciem tractari in *leg. cum antiquitas. 16. C. de usufr.* Cum nulla ibi quaestio sit de herede legatarii, sed testatoris: legatario enim non usufructus, sed proprietas legata proponitur, sicut Glossa & D. Gothofr. casum formant: quamvis ratio decidendi eadem sit, & in utraque specie tam manifesta, ut Justinianus haud facile mihi persuaserit, veterum quemquam hic hæsitasse. VINN. Omnino hic hæsitarunt veteres: nec probabile est, Justinianum doctrinas liquidas voluisse decidere, id est, cum larvis pugnari. Erant enim, qui utile putabant legatum fundi, cujus usufructum vellet testator apud heredem manere. Ita sanè sensisse videtur Cajus. *l. 6. ff. de usufr. & Julianus l. 4. ff. si usufr. petet.* Qui quum fuerint Sabiniani, probabile est, in alia omnia itum esse a Proculianis. Rem ita decidit Justinianus, ut legatum huiusmodi sit utile, & usufructus morte heredis finiat. Conf. Merill. ad *decis. Justin. 16. p. 308.* HEIN.

Capitis diminutione maxima & media] Hic alter modus est, quo finitur usufructus ex persona fructuarii & finiturus precedenti: liquidem & maxima mediaque capitis diminutione mors quædam contingit, nimirum civilis, dum illa libertatem, hæc civitatem adimit, *l. verum. 63. §. ult. pro suc. l. 1. §. pen. de bon. poss. cont. tab. l. antepen. de reg. iur. §. 1. & 3. sup. quib. mod. ius pat. pot. solv. cui consequens est, non magis usufructum his modis amissum repeti posse, quam amissum morte naturali*. Olim etiam amittebatur usufructus capitis diminutione minima, adrogatione scilicet, vel adoptione, aut emancipatione, teste Paulo *3. sent. 6. §. capitis.* & Justiniano *l. pen. §. ult. C. de usufr.* Atque ad hanc speciem tantum referri potest, quod de repetitione usufructus capitis diminutione amissi legimus cum alibi, tum præsertim *l. 3. hoc tit. in quo fallitur D. Coman 4. comm. 6.* Cur autem veteribus placuerit etiam ea capitis diminutione, quæ salva civitate contingit, usufructum amitti, ratio non tam obscura est ut plerisque videtur: utique in adrogatione obvia. Nam cum omnia, quæ sunt adrogati, facta adrogatione, ex ratione juris veteris acquirantur adrogatori, *l. 3. p. servam. 19. de adop. l. pen. §. 2. de bon. poss. sec. tab. decessit est, ut*

usufructus, qui in persona adrogati amplius consistere nequit, vel simul in adrogatorem transferatur, vel ad proprietatem redeat. Illud ratio juris non patitur: superest ergo, ut redeat ad proprietatem: quod & Justinianus indicat, *§. 1. infr. de acq. per adrog.* De adoptione & emancipatione idem dici non potest. Unde Bachovius existimat, jus illud vetus pertinuisse dumtaxat ad adrogationem. Sed tamen Paulus *d. loc.* expresse testatur etiam de adoptione, & de ea quidem in specie, quæ adrogationi opponitur. Ait enim, *Si ex adrogatione vel adoptione statum mutaveris*. Et Justinianus *d. l. pen.* etiam de emancipatione, & alioqui frustra dubitatum fuisset, an emancipatione filii usufructus per eum patri quaesitus extingueretur, *l. ult. C. cod.* Verum enim verò cum ex constitutione juris antiqui filiusfam. nihil proprium haberet præter castrense peculium, non potuit extra causam illius peculii de usufructu, quem filius ipse haberet, amittendo disputari. Solum potuit tunc, cum ex peculio castrensi usufructum sibi comparasset: nam emptæ ex peculio castrensi conditionem illius peculii sequuntur, *l. 1. C. de cast. pec. lib. 12.* cuiusmodi etiam speciem proponit Justinianus, *d. l. pen.* & ait, usufructum ex ea causa filio quaesitum per emancipationem, ex definitione juris veteris perisse: quod haud dubiè in adoptione quoque obtinuit, cum planè eadem sit utriusque in proposito ratio. Non enim alia de causa usufructus his modis intercidit, quam quia fructuarius, mutata familia & priore statu personæ, alius esse credebatur ab eo qui ante fuerat, redactus etiam antea in imaginariam servilem causam, *l. 3. §. 1. de cap. min. l. ult. C. de emanc. lib.* An verò usufructus, sic juris subtilitate extinctus, ex edicto de capite minutis restituendus fuerit, sicut pleræque obligationes eodem modo amissæ restituebantur, non definitio. Affirmat id quidem D. Bachovius: etenim neque jura omnia capitis diminutione amissa restituebantur, veluti tutelæ, hereditates legitimæ: & obligationes ideo Prætor restituebat, ne contra naturalem æquitatem alteri per alterum iniqua condicio inferretur. Emancipatus verò aut datus in adoptionem de facto alieno queri non possunt: est enim quod sibi imputent, quod scilicet passi sint se emancipari aut in adoptionem dari, cum id pati non cogerentur, *l. 9. de adop. l. pen. C. de emanc. lib.* Paul. *2. sent. 25.* Quocumque modores habet, constat, Justinianum jus vetus, quo usufructus capitis diminutione amittebatur, aboluisse, quantum attingit ad eam, quæ salva civitate contingit, *d. l. pen. §. ult.* & voluisse usufructum etiam simpliciter filio relictum, mortuo patre, etiam post emancipationem filii, in persona filii durare, *l. ult. C. cod.* Enimvero ita demum amittebatur capitis diminutione usufructus, si jam constitutus erat:

ceterum si ante aditam hereditatem aut ante diem usufructus cedentem quis capite minutus fuerat, non amittebatur, l. 1. §. 1. *hoc tit.* Item si unus usufructus relictus erat, non si plures, veluti si usufructus legatus fuisset in singulos annos, vel menses, vel dies. Hic enim quia commemoratio temporum repetitionis potestatem habet, l. 2. §. 1. *cod.* placebat, per singula tempora adjectam diem cedere, & illius anni, mensis, diei usufructum amitti, qui jam processerat, d. l. 1. §. ult. quarum rerum evidens jure veteri effectus fuit. Ex his, quæ dicta sunt, manifestum est, Tribonianum interpolasse l. 1. *de usufr. leg.* & verba illa, *ex magna causa*, quæ in calce sunt, responsio Jureconfulti assuisse. Ruffard. *in not. ad d. l. 1.* Cujac. *hic Castill. tract. de usufruct. cap. 66. num. 16.*

2. *Non utendo per modum*] Postremo finitur usufructus ex persona fructuarii non utendo: & siquidem omnino non usus est, nullum dubium est, quin pereat usufructus: sed queritur, an & non utendo per modum recte dicatur amitti, vel potius, an talis aliquis modus utenti in constituendo usufructu præstari possit, ad quem si non utatur fructuarius, usufructum amittat. Negat id Bachovius, erroris Tribonianum insinulans. At ego non video, cur non possit. Nam si verbi causa Titio legaverim usufructum ædium eo modo præscripto, ut æstate habitaret, isque habitaverit hieme; vel si filix usufructum alicui legaverim, ut certo tempore & modo silvam caderet, & ceciderit alio tempore & modo, per l. 2. *de acq. cor. l. 10. §. 1. & seq. l. 18. quem serv. am.* non videbitur usus, qui ad suum modum, *ἡ κατὰ τὸν νόμον*, usus non est. Non uti autem intelligitur, qui neque per se utitur, neque per alios, qui negotia ejus gerunt, aut quibus usufructum vendidit, locavit, gratis concessit, l. *non utitur. 38. de usufr.* Quid verò si nec isti utantur? Et interest, donatarius non utatur, an emptor conductorve: nam illo casu usufructus perit, hoc retinetur propter fruitionem pretii aut mercedis. Nam qui pretio fruitur, non minus habere intelligitur, quam qui utitur fructu principali re, d. l. *non utitur. 38. & 2. seqq.* Potest verò usufructus & pro parte non utendo amitti, l. 5. *d. tit. l. excepta. 14. l. placet. 25. hoc tit. quib. mod. us. am.* & cum quoque, qui usufructum habet, si usus tantum sit, non etiam fructus, placet usufructum amittere. Ceterum hoc ita, si ignorabat se usufructum habere, non si sciebat, l. *is qui. 20. eodem VINN.* Nec Bachovio jus fuisse videtur, erroris hic insinulare Tribonianum, nec auctori nostro ratio tradendi, usufructum non utendo ad certum modum amitti. Id enim nusquam docent jura nostra, nec hic docere videtur Tribonianus. Nam sane [1] *ut per modum* Latinis non est uti ad certum modum, secundum legem usufructuario præscriptam. Et [2]

Imperator hic se refert ad constitutionem suam, puta ad l. 16. *C. de usufr.* ubi tamen nihil de hoc modo amittendi usufructum. Accedit [1] quod non opus sit usufructu privari eos, qui jure suo abutuntur, quum cautio usufructuaria tunc committatur, eoque ipso satis consultum sit proprietario. Vidit hoc Vir eximius Ger. Noodt. *de usufr. lib. 11. cap. 9.* ubi verba *non utendo per modum & tempus explicat per figuram 7. d. d. 26.*, ut sensus sit, amitti usufructum, si quis non usus sit per modum temporis a Justiniano constituti. Ast existimo claram rem esse ex d. l. 16. *C. de usufr.* ubi Justinianus sanxit, ut usufructus expiraret præscriptione X. vel XX. annorum. En tempus. Quia autem præscriptio nulla est, nisi adsit continua possessio; facile patet, usufructuarium non utendo non amittere jus suum, nisi alter rem continuo & quiete possederit. Ergo non usus possidentis non nocet, sed talem esse oportet in usum, qui cum possessione non sit conjunctus. En modum. ta nos: quam recte, alii viderint. HAIN.

Et tempus] Quod diximus, non utendo finiri usufructum, id ita est, si fructuarius usus non sit per tempus constitutum, intra quod si quis usus non sit, placeat usufructum amitti. Id tempus, cum olim brevius esset, Justinianus revocavit ad ea spatia, quæ ipse præfinivit usucapionibus, l. *corruptionem. 16. pen. §. 1. C. hoc tit. de usufr.* Igitur rei mobilis usufructus amitteretur non utendo per triennium: rei immobilis per decem annos inter præsentēs, per viginti inter absentes, arg. l. *un. C. de usuc. transform. & inf. de usuc. in pr.* Atque hæc sanè temporum distinctio optimè convenit tum rationi juris, tum sententiæ quoque ipsius Justiniani in d. l. *pen. §. 1.* Ceterum secum ipse pugnare videtur, dum in l. *pen. C. de servis.* constituit, ut eodem tempore & rei mobilis & immobilis usufructus non utendo amittatur; & tamen quod subjicit de servitutibus prædiorum similiter non utendo amittendis, quia tantummodo solis rebus annexæ sint, hoc iis tantum commune est cum usufructu rerum immobilium, & ita dicitur, quasi in amittendo usufructu pro diversitate rerum tempora ante distinxisset.

Si domino proprietatis cedatur] Cum vel proprietarius voluntate aut facto fructuarii usufructum, vel fructuarius voluntate proprietarii proprietatem adipiscitur; ea res in specie a Justiniano consolidatio dicitur. In genere autem quævis usufructus cum proprietate conjunctio sive confusio consolidatio est. Nam & morte fructuarii, & capitis deminutione, & non utendo consolidatur usufructus cum proprietate, l. 3. *in fin. de usufr. accresc. §. seq. cod.* Est autem hæc species amissionis & ipsa ex natura usufructus. Nam cum in una & eadem persona proprietas & usufructus concurrunt, solidam unus proprietatem nanciscitur, neque

que amplius jus utendi fruendi separatim intelligi potest hoc est usufructus formalis, de quo hic quaeritur, perit.

Cedendo extraneo nihil agitur] Cedendo scilicet in jure: nam extra jus, etsi verbum cedere accipimus pro quovis modo concedere, aut jus aliquod alteri constituere, etiam fructuarium legimus posse ita jus suum cedere extraneo, ut patiatoreum uti frui, *l. usufructus. 57. sol. matrim.* & eum, cui habitatio legata est, posse eam alteri cedere, hoc est, locare, aut vendere, *l. cum antiquitas. 13. C. de usufr.* Diversi juris ratio mox indicabitur. Verba autem hæc, *nihil agitur*, Vvesemb. par. hoc tit. Pinel. 1. de bonis matern. p. 3. num. 39. Io. del Castill. tract. de usufr. cap. 69. num. 20. & seq. Bronch. 1. ass. 91. sic accipiunt, quasi dixisset Imp. cedendo extraneo usufructus non finitur, non redit ad dominum proprietatis, nec ad extraneum transit, nulli ea cessio aut damnum affert aut lucrum: quibus accedit & Ant. Matthæus. Verum ego existimo, quod & frequentius placuit, id quod hic dicitur, nihil agi, referendum esse ad intentionem cedentis & diversum exitum cessionis, quia usufructus in extraneum, qui cessus est, non transit, sive quia per cessionem extraneo factam non finitur transeundo, ut fit cum ceditur domino proprietatis: nihilominus tamen ex accidenti & præter mentem cedentis contingere, ut & hic finiatur, atque ad proprietatem redeat, cum à persona discedere sine interitu suo non possit, *l. vel si. 15. fam. erc.* Atque ita in terminis diserte responsum est à Pomponio, *l. si usufructus. 66. de jur. dot.* Quæritur eo loco, qua ratione usufructus in dotem marito datus à domino proprietatis, soluto matrimonio, mulieri sine fraude ipsius reddi possit, & ait Jureconsultus, à fructuario cedi non posse nisi domino proprietatis, & si extraneo cedatur, nihil ad eum transire, sed ad dominum proprietatis reversurum usufructum. Quia igitur in proposito cessio mulieri damnosa foret recurrente usufructu ad proprietatem, hoc consilii Jureconsultus dat, ut usufructus mulieri locetur, vel vendatur uno nummo: ita fore, ut ipso jure penes maritum remanente, facultatem fructuum percipiendorum mulier consequatur. Hoc responsum non satis pensulatè examinasse videntur auctores paulo ante memorati, dum negant, ex eo effici (quod nos dicimus) usufructum statim ut cessus est extraneo, ad proprietatem redire: sed hoc saltem, rediturum suo tempore, scilicet morte fructuarii aut aliis modis finitum. Nam hoc etiam futurum est, remedio, quod Jureconsultus suggerit, adhibito. Sed & quod ait, eo demum adhibito jus ipsum penes maritum remanere, certum argumentum est eo omisso non remanere. Postremo si non statim post cessionem cum proprietate usufructus conjun-

gitur, nullum mulieri præjudicium maritus cedendo faciet, consequeturque mulier id ipsum, quod quaerebatur, & quo nihil amplius desiderare potest, perceptionem fructuum, usque dum morte mariti usufructus finiatur. Quorsum igitur consilium Jureconsulti? Aut cur negat in proposito quicquam transire? Non est contrarium, quod fructuarium jus suum cuivis extraneo vendere, aut gratis etiam concedere potest; *§. 1. inf. tit. prox. l. 12. §. 2. l. non utitur. 38. de usufr.* Nam qui vendit usufructum, aut alteri concedit, non hoc agere intelligitur, ut jus omne totum, quod habet, à se dimittat, & transferat in alium, sed ut retento jure, quod ex constitutione personæ ejus inhæret, facultas tantum fructuum percipiendorum ad alium pertineat, quamdiu jus illud in persona sua durabit. Quod & ipsum etiam tunc obtinet, cum usufructus venditus est domino proprietatis, *l. Pomponius. 29. §. 1. hoc tit. quib. mod. us. am.* indeque est, quod finiri dicitur usufructus, non si vendatur proprietario, sed si cedatur. Quod nescio an quis alius animadverterit. Cessio autem vetus est & proprium alienationis genus, quæ fiebat in jure apud prætorem, quaque id agebatur, ut à cedente jus omne, quod habebat, penitus abiret, & transferretur in eum, cui cedebatur. Cujus meminit Cic. in Top. & Boet. ibid. item Vlp. in frag. tit. 11. & 19. Paul. 5. sentent. 6. Igitur in proposito, discedente per cessionem à persona cedentis fructuarii omni jure, quod ante habebat, duorum alterum evenire necesse est, ut aut in eum, cui cessus est, usufructus transeat, & novus constituatur fructuarium aut revertatur ad dominum proprietatis: illud ut fiat, ratio juris non finit: relinquitur ergo alterum, ut usufructus ad proprietatem recurrat, & consolidatione finiatur. Similia sunt, quæ de tutela & hereditate cessa, notat Ulpian. d. tit. 11. §. 6. & d. tit. 19. §. 13. Non adeo magni momenti sunt, quæ porro huic sententiæ obijciuntur, veluti quod ea, quæ personæ cohærent, facto ejus mutari non possunt, *l. ea quidem. 5. Cod. si man. ita fuerit alien.* Nihil enim minus hic verum est; alioqui ne ipsi quidem domino usufructus cedi posset. Item quod non præstent impedimentum, quæ de jure non sortiuntur effectum, cap. non præstat. de reg. jur. in 6. Siquidem novum non est, ut quæ de jure non sortiuntur effectum, quod aliis noceat, noceant tamen ei, qui fecit, *l. 3. qui & à quib. man. pr. sup. quibus ex ea. man. junct. l. 5. C. de serv. pign. dat. man. §. ult. infr. de donat. l. heres. 28. qui & à quib. man. junct. l. si quis inquilinos. 112. §. 1. de legat. 1. l. actione. 65. §. 3. pro soc. sufficitque ad hoc, peccatum esse ignorantia juris, licet delictum propriè non versetur, arg. leg. regula. 9. in pr. & §. si quis. 5. de jur. & fact. ign. l. cum quis. 10. C. de jur. & fact. ign. l. error. 9. Cod.*

9. *Cod. ad leg. Falc.* & passim alias. Quæ non valent, ut fiunt, puniuntur, quia non fiunt uti oportet, *sic. de his quæ ut indign. anf. tit. de jur. fife. & similib.* In summa, non est novum, ut quod de jure non sortitur effectum ratione unius, ut ei profit, sortiatur tamen respectu alterius, ut ei noceat. Exempla in *leg. planè. 34. pr. de legat. 1. l. licet 20. l. legatum. 24. §. 1. de adim. leg.* sicut nec illud, ut, qui male agit, nihil agere dicatur, *pr. Inst. quibus ex caus. man. junct. l. 5. de serv. pign. dat. man. l. 13. de donat. junct. l. 37. §. ult. de acq. rer. dom.*

[*Ne area quidem usumfructum debere*] Super-
vacuum foret monere, sublata re fructuaria
usumfructum extinguere, si nihil aliud eo si-
gnificaretur, quam finiri usumfructum interi-
tu totius rei. Sed sciendum est, hoc etiam
pertinere ad eas res, quarum species interior
& forma mutatur, licet post mutationem ple-
ræque partes maneant, quæ erant ejusdem
corporis, in quo usufructus consistebat: nam
& hic definit esse quod prius fuerat, perinde
usufructus extinguitur, ac si ea in totum sub-
lata esset, nullaque ejus pars amplius in re-
rum natura existeret. Quod multis verum ex-
emplis declaratur, *l. 5. §. pen. & ult. & porro us-
que ad l. 13. item l. pen. & ult. hoc tit. l. qui
usumfructum. 36. de usufruct.* Cæterum et si ma-
gna mutatio in re facta sit, si tamen ea prio-
rem rei speciem non prorsus tollat, placet
usumfructum manere, *l. 8. & 2. seqq. hoc tit. l. 1.
si cui. 53. de usufr.* Hoc igitur videndum,
quando mutatione rei facta, forma seu spe-
cies prior mutata intelligi debeat. Et de eo
statuendum ex mutatione nominis, tenenda-
que generalis hæc notio, si talis mutatio in-
ciderit, ut res propterea in aliud nomen trans-
seat, prius amittat, formam etiam rei muta-
tam censeret, & usumfructum interire; si post
mutationem vetus nomen maneat, non videri
speciem mutatam, atque usumfructum re-
tineri. Non sanè quia nomen quidquam per-
tineat ad substantiam rei, sed quia ex nomi-
ne, ut ex posteriori, quale quidque sit, in-
telligitur: à forma enim res nomen accipit,
eaque mutata iterum amittit, indeque est,
quod per nomina dicimur cognoscere & di-
gnoscere rerum naturas, auctore Platone in
Crayl. Ad priorem mutationis speciem perti-
net exemplum, quod hic & in *d. l. 5. §. pen.*
affertur de ædibus, quarum usufructus lega-
tus erat, sublatis: nam sublata superficie,
quia ædes amplius non sunt, aut nominantur,
forma rei mutata intelligitur: ideoque nec
aræ, quæ adhuc superest, licet pars ædium
fuerit, *l. domo 21. de pign. act. l. qui res. 98.
sub fin. de solut.* usufructus debetur. Ex con-
trario quoque si in area, cujus usufructus le-
gatus est, domus posita sit, ex mutato nomi-
ne rem mutatam intelligimus, & usumfru-
ctum interire, *d. l. 5. §. ult.* Similiter si qua-

drigæ usufructu legato, vel unus ex equis de-
cesserit, vel gregis usufructu legato numerus
ovium ad eam paucitatem redactus sit, ut
gregem non constituat, una cum nomine
quadrigæ aut gregis usufructus extinguitur,
l. quid tamen. 10. §. ult. l. ult. cod. Eadem-
que rationem habet, quod pecorum usufructu
relictò, si quæ pecora moriantur, adeo pe-
reat usufructus, ut nec carnis, aut corii su-
perfit, *l. pen. quibus mod. us. am.* Posterioris
generis exemplum est, si fundi usufructus le-
gatus sit, & villa diruta: nam hic cum no-
mine fundi, cujus villa tantum accessio est,
usumfructum manere placet, *l. 8. l. 9. & d. l. 10. in pr. cod.* Item si pars ædium in quibus
usufructus constitutus erat, licet maxima,
corruerit, pars tamen homogenea, quæ su-
perest, ut nomen ita & usumfructum retinet
etiam totius soli, *l. si cui. 53. hoc tit. de usufr.*
Quæritur autem hujus juris ratio, &
omnino cur placeat, vel aliquando usumfru-
ctum rei mutatione extinguere, & in iis etiam
partibus, quæ mutato toto adhuc extant: nam
in cætero jure generaliter atque indistinctè re-
ceptum est, ut re mutata, qualiscunque muta-
tio facta sit, si quid adhuc restet, in eo jus
idem, quod prius in toto constitutum erat,
remaneat. Ut ecce: insula legata combusta est,
area nihilominus vindicari potest, *l. si grege. 21.
de legat. 1.* Domus pignori obligata est, sub-
lata superficie area pignori obligata manet, *l. domo. 21. de pign. act. l. Paulus. 19. §. 2. de pi-
gnor.* Grex legatus est, & postea numerus ovi-
um in tantum decrevit, ut grex non intelliga-
tur, tamen capita, quæ supersunt, vindicari
possunt, *d. l. 21. de legat. 1.* Pecora legata mor-
tua, etiam si ex legati causa debentur,
l. quid ergo. 53. §. sed si. 5. de legat. 1. junct. l. solum. 49. de rei vind. l. 14. §. 2. de cond. furs.
Cur omnia contra in legato usufructu rei? Pro-
babile est, quod D. Bachovius responderet, (di-
cam autem, si possum, explicatius) ideo in pro-
posito aliud in usufructu, aliud in proprietate le-
gata placuisse, & usumfructum amitti, quia in-
cidente ea, quam dixi, mutatione, res amplius
cum usum præstare aut pati non potest, qui fuit
tempore testamenti facti & quem solum testator
legasse censeret debet, non alium quem aliquan-
do res mutata præbere posset: atque omnino fi-
nito eo usu, quem tunc res habebat, solidam
proprietatem ad eum pertinere voluisse, cui eam
nudam interim reliquerat. Constat autem, lon-
gè alium usum esse ædium, alium aræ, alium
gregis sive universitatis, alium singulorum ca-
pitum, alium pecoris, alium corii, *l. quid er-
go. 70. §. 3. de usufr.* Cum verò res ipsa aut
proprietas rei legatur, nihil est in re legata, aut
ex ea, quod dici possit legato non contineri.
Proprietas uniusmodi est, eadem totius & sin-
gularum partium: unde & toto dissoluto aut
mutato, partium, quæ supersunt, proprietatis
manet. Eademque ratio est rei nexæ seu pi-
gnori

ignori obligatz. Planè si universonum bonorum usufructus legetur, quæcumque in toto aliquo mutatio contingit, semper partis, quæ post mutationem manet, usufructus debetur, & talem qualem pati potest, præstabit, scilicet quia sub appellatione bonorum etiam separatim partis illius usufructus legatus est, l. quotiens. 34. §. ult. de usufr.

T E X T U S.

Si finitus sit.

4. Cum autem finitus fuerit totus usufructus, revertitur scilicet ad proprietatem, & ex eo tempore nuda proprietatis dominus incipit plenam in re habere potestatem.

N O T A.

4. Finitus fuerit totus] Disertè totus. Quippe qui inter se jus habent accrescendi, l. 1. & tot. tit. de usufr. accresc. Vide fufius in comment.

C O M M E N T A R I U S.

I Propria juris accrescendi inter plures in eundem usufructum conjunctus.

Totus usufructus] Cum usufructus in totum finitus est, ad proprietatem, unde discesserat, revertitur: atque ex eo tempore, qui ante formalis erat, causalis incipit esse, ut vulgus Interpp. loqui amat. Ait autem disertè, si finitus fuerit totus: nam si pro parte tantum, ita demum pro parte amissa ad proprietatem redit, si non plures in eundem usufructum conjuncti sunt, aut conjuncti omnes eum amiserunt, l. 1. pr. & §. 3. l. 3. de usufr. accresc. Conjuncti inter se jus accrescendi habent: de quo jure ex professo dicendum sub §. si eadem. 8. inf. de legat. tantum quæ propria

hujus juris sunt in usufructu hic obiter notabimus. Sunt autem maximè duo: unum est in parte deficiente, & accrescente, in quo hoc singulare, quod & quæsitæ & deinde amissæ jus accrescendi admittat, siue conjuncto accrescat, d. l. 1. §. 3. alterum in persona ejus, cui accrescit, ut & jus accrescendi habeat, qui suam partem vel non agnovit, vel agnitam amisit, l. 10. eod. quorum neutrum obtinet in proprietate pluribus legata, aut in pluribus hæredibus ad eandem hæreditatem vocatis. In his enim sic jus est, primum ut numquam unius portio, quam semel agnovit, alteri collegatario vel cohæredi accrescat; deinde ut ita demum deficientis seu legatarii seu hæredis portio accrescat alteri, si is portionem suam agnovit, & agnitam habet, d. §. si eadem. 8. l. qui ex duabus. 53. §. 1. de acquir. hæ. l. 3. §. ultim. & 2. ll. seqq. de bon. possess. l. si ex pluribus. 9. de suis & leg. hæ. l. un. §. his ita. 10. & seq. C. de ead. toll. Diversi juris rationem ex Celso & Juliano indicat Ulp. d. l. 1. §. 3. quia usufructus quotidie constituitur & legatur, non ut proprietas eo solo tempore, quo vindicari potest, hoc est, quo nondum quæsitæ est. Hæc una ratio utrumque hoc, quod proprium in usufructu esse diximus, efficit, ut scilicet & amissæ alteri conjuncto, utpote cui is adhuc legari intelligitur, accrescat, & accrescat etiam non agnoscanti vel amittenti portionem suam, quippe cui & ipsi ea portio, quam non amisit, adhuc legari intelligatur. Hinc illa veterum, usufructus non portioni, sed homini accrescit, l. 14. §. 1. de exc. rei jud. Item, portio fundi velut alluvio portioni, persona fructus accrescit. Papin. l. si Titio. 33. in fin. hoc tit. de usufr. Consul. Don. 10. comm. 23. Ioan. Suv. 1. de jur. accresc. 4. & Clariss. IC. B. M. D. Corn. Svanenburg. in libello suo posthumo de jur. accr. cap. 4.

TITULUS QUINTUS.

DE USU, ET HABITATIONE.

D. Lib. 7. Tit. 8. C. Lib. 3. Tit. 33.

Continuatio: quid sit usus, quid uti, quæ onera usufruario incumbant?

EX tribus servitutum personalium formis una & præcipua superiore titulo explicata est, usufructus: sequuntur duæ reliquæ usus & habitatio; ac de utraque conjunctim nunc agitur hoc in titulo. Primum de usu, quibus modis constituatur & amittatur, digito ostenditur; mox quid contineat, accuratè docetur exemplis usus fundi, ædium, servorum, pecorum; postremò tractatur de habitatione. Quo peracto, aperitur

Vinnius in Instit.

aditus ad modos acquirendi jure civili. Usus sic rectè definiemus, jus alienis rebus utendi, salva rerum substantia. Usus est jus, sicut & usufructus, & prædiorum quoque servitutes jura sunt, & dicuntur respectu ejus cui debentur. Est jus utendi, non etiam fruendi: nam fructui quidem usus inest, at usui fructus deest, leg. 14. §. 1. hoc tit. Uti, est rem tractare & exercere ad commoditatem aliquam ex ea percipiendam, quæ secundum rei condi-

R

tio-

tionem inde percipi potest. Atque hoc usus commune est cum usufructu, quod uterque in commoditate ex re percipienda versatur: verum hoc interest, quod nudus usus quotidiana utentis sufficientia & consumptione terminatur, usufructus omne rei emolumentum continet. Est igitur usus jus utendi dumtaxat, non etiam fruendi: sed de eo postea magis serio. Cetera definitionis etiam usufructui conveniunt: nam nec usus rei propriæ separatus intelligitur, & usufructus ita etiam uti debet, ut ne rem consumat aut transformet, causamve proprietatis deteriore faciat, eoque nomine cavere, scilicet adempta fructus causa, usurum se boni viri arbitratu, & cum usus finitus erit, restitutum quod inde extabit, l. 5. §. 1. l. pen. us. quem. cav. l. pen. §. 2. hoc tit. quod mirum est negare D. Giphanium. In aliis oneribus hæc distinctio placuit, ut si omnis fructus ad usufructum redit, etiam onera, puta tributa, & impensas refectionis culturæve, ferre debeat; si ad proprietarium, hunc onera sequantur; si vero ad utrumque, pro rata dividantur, l. si domus. 18. eid.

T E X T U S.

Communia de usufructu & usu.

Iisdem illis modis, quibus usufructus constituitur, etiam nudus usus constitui solet, iisdem illis modis finitur, quibus & usufructus definit.

COMMENTARIUS.

1. Quid inter usum & usufructum intersit, tum in constituendo, tum in amittendo?

AIt, iisdem modis nudum usum constitui solere, iisdemque modis amitti, quibus usufructus constituitur & definit, idemque traditur l. 3. §. ult. de usufr. & de constitutione, l. 1. §. 1. h. t. Constituitur igitur & nudus usus pactionibus & stipulationibus; maxime vero testamento, sicut & usufructus, §. 1. tit. præc. l. 3. l. 6. de usufr. tot. t. de usu. & usus. leg. Et testamento quidem ipso jure, pactionibus autem accedente facto seu traditione constituentis, puta si usufructum induxerit in fundum aut ædes, aut patiatum eum uti, d. l. 3. de usu. Sed & longa quasi possessione nostra usus acquiri potest sicut ceteræ servitutes omnes, l. ult. c. de præsc. long. temp. Amittitur morte usufructuarii, maximaque & media capitis deminutione, non utendo, consolidatione, interitu & mutatione rei usufructuariae, quibus scilicet modis usufructum extinguere constat, §. pen. 1. præc. Est tamen quod inter hæc duo & in constituendo & in amittendo intersit. In constituendo, quod usufructus etiam pro parte constitui potest, usus non æquè, l. 5. de usufr. l. usufr. 19. loc. cit. Etenim frui pro parte possu-

mus, uti pro parte non possumus, sed usus cuiusque semper in solidum est, d. l. 19. junct. l. 5. §. ult. com. Hoc autem est ex eo, quod usus tantum necessitati servit, & solo utentis facto ac consumptione terminatur, nihil relinquens quod dividi possit: in quo similis est servitutibus prædiorum, quæ & ipsæ, quia in solo usu consistunt, & facto terminantur individue, l. vic. 17. de serv. l. 1. §. si usufructus. 9. ad leg. Falc. Usufructus autem dividuus est: quia licet & ipse in facto ab initio consistat, facto tamen solo non terminatur, sed post se relinquit & fructuario adiicit fructus atque omnem rei utilitatem, cuius utique divisio esse potest, d. l. 1. §. 9. sed usufr. 81. ad l. Falc. Cujac. Don. & DD. vulg. ad l. stipulationes. 72. de verb. obl. Gomel. 2. ref. 10. num. 18. Castill. 17. de usufr. cap. 31. Ad hæc usufructum quoque constitui legimus in judiciis familiarum eriscunda & communi dividundo, si iudex alteri fundum, alteri usufructum adjudicaverit, leg. 6. §. 1. de usufr. l. 16. §. 1. fam. ere. l. 6. §. 10. comm. div. de usu nihil tale, non magis quam de servitutibus prædiorum. In amittendo hoc interest, quod usus amissus semper ad proprietatem redeat, numquam ad conjunctum, ut aliquando usufructus. Quinimmo plures in eundem usum conjungi non possunt: nam quæ ratione usus divisionem non recipit, eadem nec recipit communionem. Eapropter si duobus ejusdem rei usus legatus sit, nulla intelligitur conjunctio aut usus inter eos communio, nec concursu partes faciunt. Et ideo altero deficiente nihil alteri accrescit, sed quod omissum aut amissum est, statim ad proprietatem redit: ac neque communi dividundo iudicio locus est inter duos ejusdem rei usufructuos, l. 7. §. 10. eod. tit. nisi utili, arg. leg. 32. de stip. serv. & tum res ita transigitur ut uni usus totus adjudicetur, & is alteri vicissim condemnatur in præstationem partis æstimationis, leg. 10. §. 1. comm. div. aut ut utendi necessitas inter eos temporibus dividatur, per l. arbor. 19. §. ult. d. tit.

T E X T U S.

Quid intersit inter usufructum & usum fundi.

1. Minus autem juris est in usu quam in usufructu: nam is, qui fundi nudum habet usum, nihil ulterius habere intelligitur quam ut oleribus, pomis, floribus, feno, stramentis & lignis ad usum quotidianum utatur: inque eo fundo hactenus ei morari licet, ut neque domino fundi molestus sit, neque iis, per quos opera rustica fiunt, impedimento: nec ulli alii jus, quod habet, aut locare, aut vendere, aut gratis concedere possit.

potest: quoniam is, qui usumfructum habet, possit hac omnia facere.

N O T A E.

1. *Minus juris*] Id est, minus emolumentum: nam usus quotidiana utentis sufficientia & consumptione terminatur, leg. 12. §. 1. b. t. usufructus omnem rei utilitatem continet, leg. 7. leg. 9. D. de usufr. Denique fructuarius defruitur. Defrui est omnem rei fructum percipere. Fest.

Illestenus morari] l. 11. eod. sed explicata hæc ex l. 10. §. ult. l. 12. pr. eod.

Hæc omnia facere] l. 12. §. 2. leg. 38. leg. 67. D. de usufr. l. 8. §. ult. D. de per. & cum. rei vend. retento scil. jure, quod personæ ejus inheret, l. 66. D. de jur. dos.

C O M M E N T A R I U S.

1. *Usuarius etiam ex fructibus industrialibus sumere posse, quantum ad victum sibi sufficiat, & quâ conditione?*
2. *Modus huius juris proprius; & quâ largè aliquando cum usuariis agatur?*
3. *Quarum partium fundi possessio quodammodo penes usufructuarium.*
4. *Usuarium rem utendam alii locare aut vendere non posse: nisi forte ex conjecturis appareat, hoc quoque jus ei concessum.*
5. *Fructuarium posse jus, quod in re fructuaria habet, alteri locare, vendere, gratis concedere: retento sc. jure, quod ex constitutione personæ ejus inheret.*

HOC §. & 3. seqq. docet Imperator, quid rei cujusque usus contineat, & quibus in rebus discrepet ab usufructu: idque exemplo veterum declarat propositis ordine quatuor speciebus, usu fundi, ædium, servorum, pecorum: unde reliquarum rerum usus satis intelligi potest. Initio tradit generalem regulam, quæ ad rerum omnium usum ex æquo pertinet. Ait, minus juris esse in usu quàm in usufructu, id est, minus emolumentum, *ἔλαττον ἀξίας*; siquidem usus cujuscunque rei non plus commoditatis aut utilitatis tribuit, quam quantum usuario necessarium est, eique sufficit ad usum & consumptionem quotidianam, arg. hujus §. & l. plenum. 12. §. 1. eod. Usufructus autem extra hanc sufficientiam & consumptionem progreditur, omnemque utilitatem, commodum omne, quod quavis ratione exreperci potest, sine exceptione continet, vid. *tit. præc. in pr.* Denique & usus fructui inest, & ideo si usufructu legato, usus adimatur, placet nullam esse ademptionem: & si tibi usus, mihi usufructus legetur, concurrere nos in usu, l. per servum. 14. §. 1. & 2. hoc *tit.* In summa vivimus ad indigentiam, fruimur etiam ad compendium: uno verbo, fructuarius defruitur. Defrui dicebant antiqui, teste Festo, ut deamare, deperire, significantes omnem

fructum percipere. Planè in pecunia & cæteris rebus, quæ usu consumuntur, nihil interest, usus legetur, an usufructus: quia usus in his rebus tantum continet, quantum usufructus, l. 5. §. ult. l. 10. §. 1. de usufr. ear. *rem. quæ us. conf.* VINN. Quemadmodum autem minus juris est in usu, quam in usufructu; ita & minus oneris ei inest. In usufructu enim onera ferre usufructuarius, qui emolumentum omne capit, æquum est. In usu quia communia sunt commoda proprietarii & usuarii; onera quoque utriusque communia sunt, oportet. l. 18. ff. b. t. HEIN.

Oleribus, pomis, floribus, feno, stramentis & lignis] De his nulla fuit inter Veteres controversia. Dubitatum de foliis, oleo, frumento, frugibus: sed obtinuit contra Nervæ sententiam, ut etiam ex his usuarius sumere posset, quod ad victum sibi & familiæ suæ sufficiat, & generaliter ex omnibus, quæ in fundo nascuntur, d. l. 12. §. 1. b. t. Malim tamen eo loci pro foliis legere oleis, cum D. Cujac. in not. ad hunc loc. & 9. obs. 37. Don. 10. comm. 25. ut oleræ & oleum conjungantur cum cæteris, quæ majus proprietarii onus continent. Nam ineptum videtur atque iniquum, usum foliorum arborum denegare ei, cui pomis, feno, oleræ, lignis uti conceditur: & quod de usu foliorum ex Catone & Columella refert Rævard. conj. 4. pecora illis ali solita, hoc vel magis ad fenum pertinet. Stramenta quoque jumentis usui sunt & esui, & poma, & olera, familiæ domini rusticæ. Nullo autem colore, quod Jureconsultus de foliis indefinitè enunciat, trahi potest ad folia barbarica aut Indica, aut cum Zaf. par. hoc *tit.* n. 12. (unde transtulit Cantiumcula in paraphrasim suam) ad folia mori, quam fronde nova pubescentem depascuntur bombyces; aut palmæ, ex cujus foliis in quibusdam partibus lanam trahi, & validos funes in Oriente fieri testatur Plin. l. 13. cap. 4. & lib. 16. c. 24. Et cur non addiderunt scopas etiam è palma fieri solitas, quod ostendit Marcial. lib. 14. his versibus?

In pretio scopas testatur palma fuisse:

Sed pretium scopis nunc analesta dabunt.

Et fortassis hic usus non minus Europæ quam Asiaticæ & exoticæ fuit. Cæterum ita demum existimo, vinum, frumenta, & cæteras fruges in usum venire, si vindemiarius sementisque & arationis pro sua parte usuarius sumptus ferre velit, quod etsi nusquam scriptum est, humanitas tamen suggerit: & usu fundi relicto, si non major sit fructus, quam qui legatario usui sit, æquum est, ipsum solum onera culturæ sustinere, per l. si domus. 18. hoc *tit.* Manifestè autem fallitur Vvesemb. par. hoc *tit.* n. 2. dum simpliciter negat, usuarium uti posse frumento aut cæteris fructibus industrialibus, contra textum expressum in d. l. 12. §. 1. eod. & cur, cum impensas sementis præ-

bet, non utatur terræ matris largitione? VINN. Lektionem Florentinam l. 12. §. 1. ff. b. r. acriter defendit Guil. Fornerius, ostendens, ex foliis facta esse unguenta. Sed dubito, de his foliis sensisse Nervam. Jac. Cujacii conjectura ingeniosa est, sed codices MSC. non adducunt. In Charondæ quodam codice pro *foliis* lectum *doliis*. Et ita etiam Connanus edidit. Eam emendationem ego haud malam putarem, si commode dolia jungerentur stramentis, oleo, frumento, frugibus. Retineri itaque potest vulgata lectio *foliis*, quibus ruri haud raro utuntur, quæ sæpe substernunt pecoribus. Frondem, adeoque & folia, bubus dabant v. teres. Phædr. Lib. 2. Fab. 8. HEIN.

2. *Ad usum quotidianum*] Modus utendi hujus juris proprius, dum ex his omnibus sumat usufructus, quod ad victum sibi suisque sufficiat, non amplius, d. l. 12. §. 1. Quantum autem cuique sufficiat, id æstimandum ex dignitate & conditione utentis: neque enim ita usus restringendus est, ut non etiam pateat & honestati vitæ & dignitati. Quinetiam longius aliquando itur, & tam large cum usufructuario pro dignitate ejus agitur, ut his rebus non tantum cum familia, sed etiam cum convivis & hospitibus uti ei permittatur, hætenus tamen, ut oleo, frumento, & cæteris frugibus cum convivis & hospitibus utatur in villa: cætera, quorum non admodum grave onus est, si abundant in fundo, etiam in oppidum deferri huius rei gratia possunt, d. l. 12. §. 1. Enimvero necesse non est, sumere singulis diebus, quod in singulos eos sufficiat: sed ex penu, hoc est, ut ego interpretor, id est, quod ad penum pertinet, capere liceat, quod sufficiat in annum, quamvis eo modo fructus consumantur, quod facile evenire potest usu mediocri prædii relicto: nam usufructus prior semper ratio est, l. si alii. 42. de usufr. in usu domus & servi hoc accidit, ut nihil alii fructuum nomine supersit, l. fundi. 23. hoc tit. D. Tuld. comm. hic cap. 2. eademque causa est navis, vestimentorum, vehiculi, & similium rerum, quarum fructus in usu est. Cæterum, usufructuario intra annum mortuo, quod ex penu superest ad heredem ejus non pertinebit: dedit enim posse uti, neque usufructus fructus, quos decerpit, aut collegit, suos facit, aut perceptione dominium eorum acquirit, quod tribuitur usufructuario, sed tantum jus iis modicè utendi habet. Illud constat, non posse ei, qui usum habet, objici, quod pecuniis abundet, unde sibi quæ opus sunt aliunde, quam ex re usufructuaria comparare possit.

3. *Hætenus ei morari licet, ut neque domino fundi molestus sit*] Possessio earum fundi partium, quæ ad fructum ferendum comparatæ non sunt, quodammodo penes usufructarium est: placet enim, cum solum usum cellis vinariis & oleariis, dominum invito eo non usum, l. 10. in fin.

hoc tit. Deambulandi quoque & gestandi in locis ad eam rem paratis solus jus habet, d. l. 12. §. 1. eod. Prætorio autem, hoc est, villa urbana, sive domo, non fundi sed domini causa parata, non utetur, nisi & nominatim hujus usus relictus sit, & tum quidem utetur solus, d. l. 12. in. pr. Sed villam suo jure occupabit, & dominum illo venire prohibere poterit: tantum pati cogetur illic habitare colonum & familiam rusticam, quæ agrî colendi causa illie sit, sed nec impedire poterit quominus proprietarius ipse eo veniat ad fructus percipiendos, & per tempora fructuum colligendorum ibi habitet, d. l. 10. §. ultim. & d. l. 12. in. pr. Hinc explicandum, quod ex Cajo l. 11. eod. Justinianus hic tradit, hætenus usufructum in fundo morari posse, ut neque domino fundi molestus sit, neque iis, per quos opera rustica fiunt, impedimento.

Nec ulli alii jus, quod habet, locare aut vendere] Quod hic traditur, etiam ad aliarum rerum usum pertinet, l. 8. & d. l. 12. §. 4. & ult. eodem. Et hanc habet rationem, quod in usu spectatur persona ejus, cui relictus est, & modus familiæ ejus, ut pro conditione & dignitate sua utatur: quod fieri non potest, si alii venderet; nam emptoris alia potest esse consideratio & multum diversa à conditione usufructuarii. Id tamen cum hoc temperamento accipiendum est, nisi ex conjecturis appareat, testatorem jus quoque locandi aut vendendi usum concedere voluisse. Cujusmodi conjecturæ sumi possunt vel ex conditione legatarii, vel ex genere relictæ. Nam si aurigæ usus equorum legatus sit, cum testator sciret eum hujus esse instituti & vitæ, placet eum etiam locare equos posse: quia de hoc etiam usu testator videtur sensisse, & retulisse usum ad rationem vitæ legatarii, d. l. 12. §. 4. Si silvæ usus legatus sit, Adrianus statuit, fructum quoque legatum videri: quia nisi liceret cædere silvam & vendere, quemadmodum usufructuarii licet, legatarius nihil habiturus esset ex eo legato, l. pen. eod. Quod plerique sic acceperunt, si silva remotior sit ab oppido, ut, si cogatur legatarius ipse eam cædere, & quod excidit usus sui causa domum comportare, plus impensurus sit, quam si in propinquo ab aliis emeret: neque ita intelligendum, quasi legatario liceat cædere & vendere tantum, quantum solebat dominus, aut quantum fructuario licet, sed pro modo & ratione usus sui. In universum autem non esse invidendum usufructuario, Connanus 4. comm. 3. & Uvseimb. par. hoc tit. num. 3. existimant, si velit, fructus, quos usus sui causa jam percepit & collegit, alteri vendere aut donare.

Possit hæc omnia facere] Rem utendam fruendam alteri locare, vendere, gratis concedere, l. 12. §. 2. de usufr. etiam invito heredem, l. 67. eod. Græci δὲ ἀνεῖναι τὸν ἀναγίνωσκον, ἢ τὸν ἀναγίνωσκον αὐτῷ. Interpretes hoc restringunt ad nudam fruendæ com.

commoditatem: ceterum veteres amplius quid intelligere videntur, qui sic loquuntur, ut dicant, usufructuarium, jus, quod habet, l. 11. hoc tit. usufructum, l. non usitur. 38. cod. jus utendi fruendi, l. 8. §. ult. de per. & com. rei vend. posse alteri concedere, locare, vendere. Et illud tamen certum est, non posse fructuarium ullo modo alteri constituere usufructum, hoc est, novum in suum locum fructuarium substituere, nisi volente & sese accommodante domino proprietatis, l. usufr. 57. solut. matrim. Dicendum videtur cum domino Bachovio, duplex quodammodo jus fructuarium habere. Quorum unum merè personale est, ita infixum personæ ejus, cui usufructus primo constitutus est, ut ab eo avelli nequeat: unde etiam cum de amittendo aut finiando usufructu quaeritur, ejus solius persona semper spectatur, d. l. 8. §. ult. de per. & com. rei vend. Alterum reale consistens in usu & fructuatione rei fructuariæ, quod à fructuario abire & in alium transferri possit, licet à personali illo jure permanet, inque eo ita radiceatur, ut necesse sit cum illo extingui. Illustrat hanc distinctionem exemplo hæredis & creditoris, in quibus similiter jus gentium animadvertimus: unum, quod personale est, atque ossibus eorum, ut DD. loquuntur, inhæret, hæredi ex additione hæreditatis, creditori ex obligatione quaesitum; alterum reale in re quaesita aut debita. Illud in eo cernitur, quod qui semel hæres exitit, semper hæres maneat, ac proinde vendita hæreditate nihilominus actiones hæreditarias ipse exerceat & excipiat, d. 2. Cod. de her. vel de act. vend. creditor actione vendita jus ipsum agendi adhuc retineat, l. 3. C. de novat. Hoc in eo, quod hæres jus omne, quod in re habuit, in emptorem hæreditatis transfert, l. 2. in pr. & passim de her. vel act. vend. qui ob id vicem hæredis obtinere dicitur, d. l. 2. §. antepen. & utilibus etiam actionibus suo nomine experiri potest, ut & is, cui nomen venditum aut legatum est, l. si cum. 16. de pact. l. §. 7. 8. C. de her. vel act. vend. l. ex legato. 18. C. de legat. Potest igitur fructuarius, ut eò redeam, etiam jus quod habet in alium transferre: utique tamen non illud, quod ex constitutione personæ ejus inhæret; sed eo retento, quod extra personam ejus consistit, quod habet in re fructuaria. Cumque nullo modo efficere possit, ut totum jus quod habet à se habeat, atque in extraneum transferatur, ne hoc quidem agere voluisse in dubio censeretur; sed ubi causa sive titulus non obstat, sed appellatione usufructus aut juris utendi fruendi nihil amplius transferre, quam jure suo potest; veluti si locavit usufructum aut jus utendi fruendi, si vendidit, donavit, d. l. non usitur. 38. de usufr. l. 1. hoc tit. d. l. 8. §. ult. de per. & com. rei vend. De cessione autem in jure idem dici non potest, quia per eam necessario jus omne à cedente abibat, Vinnius in Institutis.

secundum ea, quæ tradita sunt sub §. pen. superioris tituli.

TEXTUS.

Ædium usus.

2. Item is, qui ædium usum habet, hactenus jus habere intelligitur, ut ipse tantum inhabitet; nec hoc jus ad alium transferre potest: & vix receptum esse videtur, ut hospitem ei recipere liceat, & cum uxore liberisque suis, item libertis, nec non personis aliis liberis, quibus non minus, quam servis utitur, habitandi jus habeat: Et convenienter, si ad mulierem usus ædium pertineat, cum marito ei habitare liceat.

NOTÆ.

2. Item is] Hic locus ex variis prudentum responsis consultus est, l. 2. l. 3. & aliquos seqq. hoc tit.

Vt hospitem recipere] Ex veteri more hospitii, quod inter privatos contrahebatur. V. Bud. ad Pand. in d. l. 6. §. 3. de off. procons. Salmaf. ad jus Assic. cap. 26. VINU. Præclara quoque est, quæ de jure hospitii exstat Joh. Schilteri dissertatio, addita cum ejus Manuductione philosophiæ moralis ad juris prudentiam. Nec tamen soli hic intelliguntur hospites illi gratuiti, uti hic statuisset videtur Vinnius: sed & mercenarii. l. 2. §. 1. l. 4. pr. ff. h. t. Id enim paullo post ipse Vinnius agnoscit in Commentario, ubi Bachovium, hæc verba ita interpretantem refellit. HEIN.

Nec non personis aliis] Tandem eò decursum, ut & inquilinum recipere possit, dum ipse quoque inhabitet, d. l. 2. §. ult. & pensionem percipere, l. 4. cod.

COMMENTARIUS.

1. Usuarium non prohiberi, dum ipse inhabitet, partem ædium, quam non occupat, alii locare.

Hoc §. ostenditur, quid contineatur usus ædium: latissime autem hoc declaratur, l. 2. §. 1. cum. 6. ll. seqq. & l. pen. §. 1. hoc tit. De eo nemo dubitavit, quin is, cui ædium usus legatus est, eas inhabitare possit: uti & illud quoque semper constitit, non posse usuarium habitationem alteri locare, vendere, aut gratis concedere, hoc text. & l. 8. cod. Circa eum aut. m, qui ipse inhabitet, quædam quaesita sunt. Veluti si ædes amplæ sint, & tam angustus usuarius ut eas totas simul occupare non possit, an non licet proprietario partibus iis, quæ vacabunt, uti? Sed placuit, non licere, quia cum usuarius jus utendi habeat, etiam si nunc non utatur, postea tamen cum voluerit, uti potest, & alio tempore partes illas occupare, d. l. pen. §. 1. Item,

R 3

an

an qui ipse inhabitet, possit in partem habitationis alios admittere? de quo mox in explicatione textus.

Nec hoc jus ad alium transferre] Qui usum ædium habet, neque locare, neque concedere habitationem, neque vendere usum potest, l. 8. hoc tit. quod non est speciale in usu ædium, sed ad aliarum quoque rerum usum pertinet, ut relatum sup. §. præc. Illud speciale est, quod usus hic locari, vendi, alteri concedi potest, ille non potest. Cæterum utentis nihil interest, usum ædium habeat, an usufructum; idque clarissimè patet ex locis suprâ citatis, & hoc §. junct. l. 15. eod. Quod autem diximus, eum qui usum ædium habet, non posse habitationem locare, aut alteri concedere, hoc ita est, si seorsum locet aut concedat sine se, d. l. 8. nam si ipse inhabitet, non prohibetur partem ædium, quam ipse non occupat, aut quia nimis spatiosæ, occupare non potest, alteri locare, ut pensionem percipiat, l. 4. hoc tit. quod Labeo dicebat, posse eum, qui ipse habitat, inquilinum recipere l. 2. in fin. eod. notatur à Proculo, quod inquilinum non bellè appellavit eum, qui cum alio habitat, d. l. 4. nam inquilinus propriè dicitur, qui in conductis ædibus habitat solus, l. res pignori. 37. de acq. rer. poss. l. 1. §. 1. l. 2. de migrand.

Et vix receptum esse videtur] Quod ait, vix receptum esse, ut is. qui ædium usum habet, hospitem recipere possit, sic accipiendum est, agrè quidem ab initio id receptum esse propter dubitationes veterum; tandem tamen obtinuisse, d. l. 2. §. 1. Ait ut hospitem recipere liceat. Eum qui ipse inhabitat, placuit etiam hospites recipere posse, d. l. 2. §. 1. sive gratuitum illis hospitium præstet, sive mercenarium, d. l. 2. §. 1. & d. l. 4. in pr. Nec audiendus Bachovius, qui verbo hospitis eos solos significari existimat, quibus more veterum ex singulari amicitia jus mutuum idestinet, hoc est, privati hospitii erat: de quo Bud. ad l. 6. §. 3. de off. procons. Salmas. ad jus Attic. c. 26. Planè etiam quemlibet extraneum convictorem recipere potest; tabernam tamen cautionariam ei exercere non licebit, quæ publicè viatoribus omnibus & peregrinis pateat, arg. l. 13. §. ult. de usufr.

Cum uxore liberisque suis, item libertis] Domus usu marito relicto, facile admissum fuit, ut maritus illic habitaret cum uxore liberisque suis, cum servis item, & famulis, id est, cum omni familia, d. l. 2. in pr. Quætionis autem fuit, an & cum libertis. Sed Labeo & Celsus etiam hos recipi posse admiserunt, d. l. 2. §. 1. Paulus & clientes l. 3. eod. Ita dicebantur homines liberi, qui se ad potentioris alicujus ductum applicabant, ut ejus patrocinio defenderentur in capite & fortunis, l. 7. §. 1. de capt. & poslim. susceptos posterior ætas vocavit. Consule Hotom. in lexie. Nec mi-

rum hoc admitti, cum etiam extraneus quilibet, ut jam dictum est, recipi possit, qui modo honesto cum eo, qui usum habet, habitaturus sit. VINN. De clientibus & susceptis Hotomanno accuratius egerunt Fr. Juretus ad Symmach. lib. 5 Ep. 39. Valesius ad Ammian. lib. 30. cap. 4. Jac. Gothofredus in Glossar. ad C. Theod. & Petr. Pithœus ad Parat. LL. Mos. & Rom. tit. 9 §. 3. Si peregrinus se ad civem Romanum tanquam patronum applicasset; patronus ei intestato succedebat, quod vocabatur JUS ADPLICATIONIS. Cic. de Orat. 1. 39. HEIN.

Cum marito vi habitare] Ne mulieri matrimonio carendum sit, cum uti vult domo, d. l. 4. §. 1. Sed et si usus ædium mulieri legatus sit ea conditione, si à viro divertisset; placuit tamen, cum viro habitaturam remissa ei conditione legati, d. l. 8. §. 1. Hoc amplius, si virgini, aut viduæ legatus sit, placuit & postea nubentem cum viro habitare posse, d. l. 4. §. 1. nec solum cum marito, sed & cum liberis, parentibusque & libertis, cum socero etiam habitaturam: atque eò usque processum, ut eosdem quos masculi, etiam mulieres recipere possint, d. l. 4. in fin. & l. 6. eod. Possunt ergo & hospitem, sed non aliter, quàm si is sit, qui honestè cum iis sit habitaturus, l. 7. eod.

TEXTUS.

De servi vel jumenti usu.

3. Item is, ad quem serviusus pertinet, ipse tantum opera atque ministerio eius uti potest: ad alium vero nullo modo jus suum transferre ei concessum est. Idem scilicet juris est & in jumento.

NOTÆ.

3. Ipse tantum opera] Non modò tamen ad ministerium suum, sed etiam liberorum suorum & conjugis, l. 12. §. pen. eod.

In jumento] *ἄρμα*, equo, bove, asino, v. d. l. 12. §. 3. & 4.

COMMENTARIUS.

Servorum usus est in eorum operis: est & in fructibus, hoc est, iis rebus, quæ per servos acquiruntur. Operis uti potest usufructarius in re qualibet nec tantum ad ministerium suum, sed etiam ad liberorum suorum, & conjugis, l. plenum. 12. §. pen. & ultim. hoc tit. dum tamen secundum conditionem servi: nam & à fructuario hoc agitur, leg. 15. §. 1. de usufr. Cæterum ipsum usufructarium uti oportet, non aliis operas locare, aut utendas concedere: quamquam parum refert, utrum utatur in re planè sua, an in opere alieno, quod ipse expediendum conduxerit, d. l. 12. §. ult.

R (21-

causam nec capitis diminutione (scilicet minima) olim amittabatur, d. l. pen. & d. l. 10. Ex constitutione autem Justiniani nec usus nec usufructus ita perit, l. pen. C. de usufr. ut jam hac in parte nulla amplius sit differentia: quod vix unus aut alter, quod sciam, admonuit.

Quasi proprium aliquod jus] Hoc est, species quædam servitutis personalis, quæ propriè neque usus est, neque usufructus, licet olim parum distaret ab usu, d. l. 10. Hodie per constitutionem Justiniani l. 13. C. de usufr. ad usufructum prope accedit. Sunt tamen qui negant, habitationem esse speciem servitutis personalis, & omnino servitutem esse: quoniam dux tantum personarum servitutes memorantur à Marciano, l. 1. de serv. Sed ille vel exempli causa duas istas dumtaxat recellit, vel sub usu etiam habitationem comprehendit, quia jure veteri habitatio effectum idem erat quod usus, auctore Ulpian. d. l. 10. Quod autem ajunt, de servitute tam personali, quam reali propositam esse agendi actionem in rem confessoriam, §. 2. infr. de act. cum autem, cui habitatio constituta sit, actionem tantum personalem habere, vel ex testamento, vel ex stipulatu, vel commodati, aut præscriptis verbis, eo quod habitatio non sit jus aliquod in re, vel ut illi loquuntur, non in dominio, sed in obligatione consistat; id quoque perperam dici existimo. Nam esse aliquod jus in rem, vel ex hoc ipso loco apparet: & argumento est, quod conjunctim cum usu & usufructu de hoc jure & hic & in Pand. & C. tractetur. Nullum autem certius argumentum est, habitationem servitutem & personæ esse, quam servitutis definitio, tum generalis, tum specialis personarum: est enim jus in re aliena alteri constitutum, quo dominus aliquid pati cogitur in suo, & jus constitutum personæ. Nec obstat, quod habitatio in factis potius quam in jure consistere dicitur, l. pen. de cap. min. Nam idem fere & de usufructu prædicatur, l. un. quand. dies us. leg. Dicuntur enim ista per extenuationem, non quod sint nuda facta: estque similis habitatio usufructui in dies aut menses singulos legato, d. l. pen. Si igitur is, cui in dies aut annos singulos usufructus legatus est, cum confessoria vindicare non prohibetur; cur non & confessoria pro habitatione competat ei, cui ea legata est? Nec verum est, quod Hermannus scribit, usum & usufructum servo aut filiofamilias legatum domino aut patri acquiri, habitationem non acquiri: idque liquet vel ex ipsa, quam citat, l. 9. quand. dies leg. eid. junct. l. 2. & 3. cod. Agnosco autem lubens sensus mei hebetudinem, qui videre non possum, quomodo id, quod de actione commodati aut præscriptis verbis ei, cui habitatio constituta est, danda profertur, probari possit ex l. 1. in fin. pr. commod. junct. l.

si gratis am. 17. in pr. de præf. verb. Illud quidem video, tractari illic de actione commodati aut præscriptis verbis danda domino ædium, qui habitationem commodavit, sive gratis alicui concessit. Sed qui hoc ad rem?

Quamquam habitationem habentibus, & etiam aliis locare] Hoc est, quamvis in hoc habitatio ex nostra constitutione usufructum imitetur, quod eam alteri locari permisimus, l. cum antiquitas. 13. C. de usufr. Poterit ergo & vendi & gratis alteri concedi, jure ipso apud eum, cui ab initio constituta est, manente, & secundum ea, quæ diximus §. 1. sup. cod. nihil enim interest: & puerile nimis, quod quidam ajunt, ideo habitationem vendi aut donari non posse, quia est jus personale. Nam eadem ratione nec usufructus vendi aut donari posset: & si nihil aliud obstaret, usus quoque locari aut vendi non prohiberetur: sed in usu spectatur conditio personæ usuarii & indigentia pro modo familiæ ejus: alius autem alio numerosiore familiam habet, & pluribus indiget, nec una omnium conditio, ut rectè D. Connan. 4. comm. 5. Putat Hermannus, etiam jure veteri habitationem commodari potuisse, licet usus non potuerit, per d. l. 1. commend. & d. l. 17. de præf. verb. Sed fallitur: non enim de habitatione jam alicui constituta, & ab eo, cui constituta est, alteri accommodata illic agitur, sed de commodata aut gratis alicui concessa demum à domino ædium: quomodo locos istos etiam acceperit D. Bachovius.

TEXTUS

Transitio.

6. *Hac de servitutibus, & usufructu, & usu, & habitatione dixisse sufficiat. De hereditatibus autem & obligationibus suis locis proponemus. Exposuimus summam, quibus modis jure gentium res acquiruntur: modo videamus, quibus modis legitimo & civili jure acquiruntur.*

NOTÆ.

6. *Legitimo & civili jure*] Antiquitatis studiosi consulant Budæ. in Pand. ad l. 2. §. & cum placuisset. 24. de orig. jur.

COMMENTARIUS.

DUplex transitio, & utraque perfecta: in epiloquio prioris respicitur ad *res. de reb. corp. & incorp.* hujus libri secundum; ubi cum non tantum servitutes prædiorum usus & usufructus inter res incorporales numerentur, verum etiam hereditas & obligationes, ac de servitutibus ut usufructu & usu hætenus tractatum sit; videri poterat, nunc protinus de hereditatibus & obligationibus dicendum esse: sed in propositione seu membro sequenti harum rerum tractatio-

tionem in alium locum reficit: tractationem de hereditate, quia adhuc agendum de modis, quibus res acquiruntur singulæ: susceptione autem hereditatis acquiritur bonorum universitas: tractationem de obligationibus, quia obligatio non est jus in rem, de cujusmodi jure acquirendo nunc quaeritur, sed ad rem duntaxat, pariens creditori actionem in personam, non vindicationem rei. In posteriori epilogo respicit ad §. *singularum*. 11. *sup. tit. 1. de rer. div.* quo loco recepit, se post expositos modos acquirendi jure gentium dicturum esse de iis modis, quibus dominium nanciscimur jure civili, quod est *in iuris*. Modi acquirendi jure civili, vel singulares sunt, vel universales. Singulares, quibus acquiruntur res singulæ: universales, quibus una acquisitione, tanquam per aversionem, acquiruntur bona alicujus universa: de quo genere acquisitionis agere incipit *infra*. §. *ult. tit. 9.* hujus libri. Modi acquirendi jure civili res singulas duo

tantum ab Imperatore exponuntur, usucapio *tit. seq. & donatio tit. 7.* Cur de legatis & fidei commissis, quæ huc alioqui pertinent, nunc non simul tractare voluerit, dicetur *d. §. ult.* Pertinent item huc & alii modi: veluti cum possessori attribuitur dominium rei, quam dominus vi eripuit aut invalit, §. *1. infra. vi bon. rap. l. 7. Cod. unde vi.* Cum uno ex duobus, qui à Principe munus acceperunt, moriente absque hærede, pars deficientis consorti accrescit, *l. un. Cod. si liberal. imp. soc. sin. hered. decis. lib. 10.* Item cum pupillo, & ecclesiæ acquiruntur res ex pecunia sua emptæ absque ulla traditione, *l. ult. C. de sacros. eccles.* Mancipatio, quam Cicero in *topie. traditionem nexu vocat*, & in jure cessio, de quibus Vlpian. *tit. 19. Boet. ad d. loc. Ciceronis*, jam tempore Justiniani exoleverant. Antiquitatis studiosi adeant D. Anton. Contium. 1. *disput. 12. clariss. Salama. c. 8. de usur.*

TITULUS SEXTUS.

DE USUCAPIONIBUS ET LONGI TEMPORIS PRÆSCRIPTIONIBUS.

D. Lib. 41. Tit. 3. C. Lib. 7. Tit. 31. & 33.

- 1 Non satis consideratè à D. Cujacio & aliis pro præscriptionibus hic repositi possessionibus.
- 2 Quibus in rebus olim usucapio & longi temporis præscriptio differebant?
- 3 Falli, qui putant usucapionem tantum esse rerum mobilium.
- 4 Quæ qua serie hoc titulo tractentur?

INTER acquisitiones juris civilis vel prima & præcipua est usucapio. Nam et si ea Græcis quoque non incognita fuit, eamque etiam Plato, *l. 12. de legib. p. 677.* in suam invenit rempib. tamen civili tantum ratione, non etiam purè aliqua naturali nescitur, ab eaque longius etiam, quàm cæteræ acquisitiones civiles recedit. Utrum autem quid juri civili adscribendum sit, an juri naturali, id non ex nudo usu populorum, sed ex eo, quod suggerit ratio naturalis, æstimandum est, §. *1. sup. de jur. nat. gent. & civil.* Usucapio definitore Modestino, *l. 3. hoc tit.* est adjectio domini per continuationem possessionis temporis lege definiti. Quid singula definitionis sibi velint, dicetur postea in explicatione, §. *distina. 7. inf. cod.*

[Longi temporis præscriptionibus] Qui hanc partem inscriptionis mutant, & pro longi temporis præscriptionibus, reponendum arbitrantur, longi temporis possessionibus, inter quos sunt Cujac. Hotom. Vvesemb. Tim. Faber, quod & Pacius probat, illi nec mentem Justiniani, nec quid hoc sit, agatur, satis animadvertere mihi videntur. Mens

Justiniani intelligitur ex eo, quod in principio commemorat constitutionem suam de usucapione transformanda; qua constitutione, cum duo diversa essent genera acquisitionis, usucapio, & longi temporis præscriptio, usucapionem ita transformavit, ut tamen utrumque in illo uno velut permixtum retinuerit: atque hoc etiam ex verbis inscriptionis intelligere nos voluit. Sic alibi quoque hæc duo conjungit, usucapionem aut longi temporis præscriptionem, §. *pen. inf. per quas pers. cuq. acq.* Conferuntur item, & conjunctim ista duo appellantur à Cajo, *l. qui alienam. 54. in pr. de evictio.* Hoc tantum interest, quod Cajus duo diversa acquirendi genera, ut tunc erant, significat, Justinianus unum & idem ex duobus istis à se conflatum: neque enim sustulit ille longi temporis præscriptionem, sed auxit, addita ei usucapione in solo provinciali. Sed neque agitur hoc titulo de possessione, nisi per occasionem, neque magis quàm de bona fide, aut justo titulo: sed de horum omnium concurrentium effectu, & acquisitione ipsa, quæ olim duplex erat, usucapio & longi temporis præscriptio: quam utramque, ut diximus, sic retinuit Justinianus, ut ex duabus unam fecerit. Erat verò triplex inter usucapionem & longi temporis præscriptionem discrimen, in rebus, in tempore, in acquisitionis effectu. Usucapio locum habebat in rebus immobilibus Italici soli tantum, in mobilibus omnibus. Præscriptio frequentabatur in prædiis duntaxat provincialibus. Usucapio rerum mobilium

anno

anno terminabatur, immobilium biennio. Præscriptio consummabatur decem annis inter præsentem, viginti inter absentes. Usucapio possessorem dominum efficiebat. Præscriptio possessori non dominium tribuebat, sed jus aliquod dominio simile & proximum, de quo dicam plenius postea. Hasce differentias subtulit Justinianus, servato uno discrimine rerum mobilium & immobilium, l. unic. C. de usuc. transform. Eorum error manifestior est, quam ut refelli debeat, qui hæc genera sic distinguunt ut dicant, usucapionem tantum esse rerum mobilium, longi temporis præscriptionem rerum immobilium, & vel unum hujus tit. principium hos refellit. Initio docetur, quæ res, quanto tempore, à quibus usucapiantur, deinde de rebus agitur, quæ usucapionem non recipiunt: tum de continuatione possessionis & conjunctione temporum: postremo de fisci traditione & præscriptione quadriennii fiscali.

T E X T U S.

Præcipua Usucapionis requisita. 1. Bona fides. 2. Possessio per tempus definitum continuata. 3. Justus titulus.

Jure civili constitutum fuerat, ut qui bona fide ab eo, qui dominus non erat, cum crederet eum dominum esse, rem emerit, vel ex donatione, aliave quavis justa causa acceperit, is eam rem, si mobilis erat, anno ubi que uno; si immobilis, biennio tantum in Italico solo usucaperet: ne rerum dominia in incerto essent. Et cum hoc placitum erat, putantibus antiquioribus, dominis sufficere ad inquirendas res suas præfata tempora, nobis melior sententia refecit, ne domini maturius suis rebus defraudentur, neque certo loco beneficium hoc concludatur. Et ideo constitutionem super hoc promulgavimus, quæ cautum est, ut res quidem mobiles per triennium; immobiles vero per longi temporis possessionem (id est, inter presentes decennio, inter absentes viginti annis) usucapiantur. Et his modis non solum in Italia, sed etiam in omni terra, quæ nostro imperio gubernatur, dominia rerum justa causa possessionis præcedente acquirantur.

N O T A.

Bona fide] In quo tempus traditionis inspicitur: at in emptione etiam, quo contrahitur l. 2. pr. D. pro empt.

Crederet dominum esse] Aut jus vendendi habere, puta procuratorem aut tutorem esse, l. 109. de verb. sign.

Biennio] Lex 12. tab. usucapionem fundi jubebat esse biennium; cæterarum rerum annum. Cic. pro Cæc. cap. 19. & 26. & in Top. cap. 4. de

quo vid. Bud. ad l. 63. D. de evict. Cont. 1. disp. 16. Salmat. cap. 8. de usur.

Iusta causa] Id est, iusto titulo: nam titulus est possessionis causa, l. 7. C. de acquir. possess. l. 24. C. de rei vind.

Dominia acquirantur] Rectè igitur adhuc definitur usucapio cum Modest. l. 3. D. hoc tit. adjectio dominii per continuationem possessionis temporis lege definiti.

C O M M E N T A R I U S.

1 *Auctoritatis verbo quid lex 12. tab. intellexerit.*

2 *In persona usucapientis quæ necessaria: & de bona fide.*

3 *De iusto titulo.*

4 *Cur prædialia provincialia usucapi non potuerint.*

5 *Juris de usucapione constituti ratio & defensio.*

6 *In incerto esse, an tempora usucapionis à Justiniano præstituta apud nos quoque observanda sint.*

Pro civili] Hoc plerique sic interpretantur perinde, ac si dixisset lege 12. tab. & verum est, ex hoc fonte jus usucapionum manare. Sed quod sequitur de distinctione locorum, ex lege 12. tab. esse non potest: quippe cum eo tempore, quo Decemviri legem tulerunt, populus Romanus pedem extra Italiam non haberet, adeoque angustissimis intra ipsum Italiz solum finibus Imperium Rom. contineretur. Credibile verò est, propagatis postea Imperii finibus, Jurisconsultorum disputatione prædialia Italici soli & provincialia jure auctoritatis distincta fuisse. Apud M. Ciceronem in Top. cap. 4. hæc leguntur: Quoniam usus, auctoritas fundi biennium est, sic etiam adium. At in lege ades non appellantur. Ex inorat. pro Cæcina, cap. 19. Lex usum auctoritatem fundi jubet esse biennium. Unde existimare licet, sic lege sancitum fuisse: Usus, auctoritas fundi biennium esto. Cæterarum rerum annus esto. Auctoritatis verbo multa & diversa significantur. Vulgata non tangemus. Venulejus l. ult. de evict. auctoritatem interpretatur actionem pro evictione. Quo sensu etiam accipitur apud Paul. 2. sent. 17. l. Seneca lib. 4. natur. quest. Ergo si mihi parum credis, Possidonius tibi auctoritatem promissit, id est, auctoritas. Scaevola l. ult. de pign. act. instrumentum auctoritatis appellat, quod primo dixerat instrumentum emptionis, nimirum instrumentum, quo de evictione promissum est, aut omnino instrumentum, quo probatio juris nostri, sive ut vulgo loquuntur, tituli acquisitionis continetur; cujusmodi tabulæ instrumenta ad probationem originis prædiorum appellantur, l. 24. Cod. de fideic. Sic apud M. Senecam lib. 7. contr. 6. quæ emptionis tabulæ primum, eadem post auctoritatis tabellæ nominantur. In lege Atinia, & in illo duodecim, Adversus hostem æterna auctoritas esto, verbo auctoritatis jus dominii significatur, aut jus vindicandi, Grot. in spar. flor. Sensus hic est, ne peregrinus dominium rerum nostrarum usucapione nobis eripere possit. Cicero pro Cæc. cap. 26.

26. *Aqueductus, huius, iter, actus à patre, sed rata auctoritas harum rerum omnium à iure civili sumitur. Rata auctoritas, id est, firmum ac fixum harum rerum ius. Eodemque significatu & Scævola hac voce usus est, l. ult. de aq. & aq. plur. In proposito quoque puto Decemviros nomine auctoritatis intellexisse ius legitimi domini, ut sit sensus, usus, qui auctoritatem, id est, iustum dominium fundi asserat, sit spatium biennii; qui ceterarum rerum, annus. Quod perinde est, ac si dixissent, Fundus biennium possessus usucapitor: ceteræ res annum possesse usucapiuntur. Cicero in ea de Arusp. resp. cap. 7. Multæ sunt domus iure optimo, sed tamen iure privato, iure hereditario, iure auctoritatis, iure mancipii, iure nexi. Iure auctoritatis periculum est hic significari ipsam usucapionem, siue ius legitimi domini per usucapionem quæsitum, non emptionem, quæ non mancipio facta est, ut vult doctissimus Salmas. lib. de usur. c. 8. Neque enim dici possum iure optimo domum habere, cuius ex iure Quiritium dominus non sum; & id. o jura legitima tantum Cicero commemorat. Idem vir doctissimus existimat legem 12. tab. verbo auctoritatis intelligere actionem pro evictione, cui Decemviri voluerint non ultra biennium patere locum in rebus soli, in mobilibus non ultra annum. At plerique omnes qui in conditione usucapiendi sunt, re evicta ante impletam usucapionem, actionem pro evictione non habent. Qui pro hærede, pro legato, pro derelicto, pro adjudicato, pro noxæ dedito, pro suo possidet, certo iure usucapit; & tamen si res intra tempora usucapionis evincatur, non est locus actioni ob evictionem, cuius hic periculum nemo præstat. Sed neque ipsa evictio, seu ius, quod dominus habet rem à possessore iudicio auferendi, intelligi potest: non enim eo principaliter hoc caput legis pertinet, ut sciamus, quid juris domino relinquatur intra annum, aut biennium, sed quid usus siue possessio anni, aut biennii tribuat utenti possidenti, nimirum rei possessæ legitimum dominium, ut patet ex definitione Modestini, l. 3. hoc tit. Videbis Budæ. ad l. Herennius. 63 de evict. Cont. 1. disp. 10 Don. 5. com. 20. & qui legem 12. tab. commentarius illustrarunt, Balduin. Hotom. Marcil.*

2. *Bona fide*] In persona ejus, quem usucapere volumus, hæc sunt necessaria; ut possideat, ut iuste, ut continenter, ut per tempus lege definitum: quorum unumquodque, ut sese offeret, ita explicabo. Quod hic traditur de bona fide, ad iusticiam possessionis pertinet: quemadmodum & illud, quod mox sequitur, de causa. Igitur ad usucapionem non sufficit possidere, nisi & bona fide possideas. Bona fides æstimatur ex eo, quod possessor putavit, cum, à quo rem accepit, dominum esse, aut ius transferendi dominium habere, ut proinde opinetur se quoque statim dominum esse, cum esse, l. bona fides. 109. de verb. sign. l. qui à quolibet. 27. de contr. empt. §. si quis. 35. sup. de rer. div. Hæc autem opinio necesse est, ut remota sit ab errore juris. Nam juris error acqui-

tere volentibus numquam prodest, l. 7. l. 8. de jur. & fact. sign. ac proinde nec possessori in usucapionibus, l. numquam. 31. pr. hoc tit. l. 1. §. si à pupillo. 15. pro empt. Ceterum sufficit, ab initio bona fide possessionem nancisci. Jure enim civili bene coeptam usucapionem non impedit scientia rei alienæ postea superveniens, l. un. Cod. de usuc. transform. l. bona. 48. §. 1. de acq. rer. dom. spectaturque in ea re initium traditionis, non contractus, l. si is. 15. §. ult. l. inflo. 44. §. 2. hoc tit. præterquam in emptione, in qua utrumque tempus inspicere placet, & quo contrahitur, & quo res traditur, l. 2. pr. pro empt. l. pen. hoc tit. Diversitatis rationem indicat Paul. in stipulatione d. l. 15. in fin. quia, inquit, concessum est stipulari rem etiam, quæ promissoris non sit, innuens, salva fide etiam scientes rem alienam stipulari nos posse: at non pati sinceram fidem, ut rem alienam sciens quis emat. Et id. o huic non præstat evictio, l. si fundum. 27. C. de evict.

Rem] Corporalem scilicet nam res incorporales, veluti servitutes, per se usucapionem non recipiunt, l. 14. de serv. l. servus. 4. §. 1. de acq. rer. dom. quippe in quæ non cadit possessio, in ea nec usucapio cadit. Ceterum est in his rebus locus acquisitioni longæ quasi possessionis, & effectus juris quasi usucapiuntur, l. ult. Cod. de præsc. long. temp. l. 1. si serv. vind. Vide quæ scripti ad §. ult. sup. de serv. Planè per consequentiam etiam veteri iure usucapiebantur, cum id prædium usucapere esset, cui servitus debetur. l. 10. §. 1. h. tit. quamquam revera nihil hic usucapitur, sed prædium suæ conditione sequuntur, l. via. 23. §. 2. de serv. præd. rust. de aliis rebus, quæ usucapionem non admittunt, dicam §. seqq.

Aliare iusta causa] Id est, iusto titulo, eoque qui idoneus sit ad transferendum dominium: eos enim, qui nullo iusto titulo possident, ratio juris dominium quærere non patitur, l. nullo. 24. Cod. de rei vind. l. 4. C. de præsc. long. temp. eademque prorsus in proposito ratio est domini transferendi, & transferendi conditionem usucapionis, l. numquam. 31. de acq. rer. dom. §. pen. inf. per quas pers. cuique acq. Iusta causa, aut à privatis est, aut à iudice, aut à Magistratu, aut à nullo, sed ab ipsa rerum conditione. A privatis, si quid ab his domini transferendi causa traditur, solvitur, datur, derelinquitur, l. 3. §. anteq. de acq. poss. cuius generis pleræque propriis sit comprehensæ in Pan... & C. A iudice in adjudicantibus; quæ sunt in iudiciis divisiis, si videlicet de alienis fundis tamquam communibus actum sit; l. si per errorem. 1. hoc tit. alioqui statim res ejus sit, cui adjudicata est §. ult. inf. de off. jud. A Magistratu quibus in causis possessionem transferre potest: siquidem iuste possidet, qui auctore Prætoris possidet, d. l. 3. in fin. l. 11. de acq. poss. A nullo, quæ sola occupatione, si nullius essent, statim nostra fierent. Hinc titulus possessionis speciali pro suo, l. 2. pro suo. Generaliter quidem etiam quisquis ex iusta causa possidet, pro suo possidet, l. 1. cod. verum ex speciali titulo certa usucapio; ex generali

rali nulla, nisi specialis aliqua causa, puta emptio, donatio, &c. præcesserit: nec sola existimatione nostra, sed revera, *l. Celsus. 27. hoc tit.* de quo plenius postea.

Si mobilis erat, anno ubique uno] Ubique, tam in provinciis, quam in Italia. Nam cum res mobiles solo non cohereant, loco distingui non potuerunt, & conditione sua omnes usucapionem recipiunt. Immobiliū autem quædam tales erant, ut usucapio in iis non haberet locum; quælia erant prædia provincialia, ut mox dicemus. Quodd autem brevius tempus usucapioni rerum mobilium præfinitum sit, quam immobiliū, id eam rationem habere putant, quod regulariter minus in illarum, quam harum amissione præjudicium vertitur: cum alioqui longius tempus possidere videatur usucapio rerum mobilium, utpote quæ occultari possunt, quam prædiorum. Sed hoc nihil est: nam occultatio illa vitio furti rem afficit, & usucapioni eximit. Non alia ratio est quam ea, quam hic indicat Justinianus post Cajum *l. 1. hoc tit.* quod veteres crediderunt, annum aut biennium domino sufficere ad inquirendas res suas: posse scilicet quemlibet patrem familias res mobiles uno semestri recensere, & altero quæ desiderantur querere: prædia uno anno lustrare, & quæ ab alio possessa invenerit, altero anno recuperare: quod & Varro *de re rust.* bono patriam. faciendum esse monet.

Immobilia tantum in Italico solo] Aut eo, quod jus Italici soli habebat. Nam & in provinciis fuere quædam prædia iuris Italici, videlicet coloniarum, quibus jus Italicum datum erat, *l. 1. de censib.* in quibus prædiis mancipationi & usucapioni locum fuisse dubitandum non est. His exceptis, prædia provincialia neque à possessoribus mancipio dari, neque ab alio usucapi olim potuerunt. Nimirum quia uterque hic modus acquirendi ex jure Quiritium erat, plenumque jus & dominium Quiritiarium continebat. Possessores autem prædiorum provincialium directi domini & pl. no jure non erant: sed jus summum domini populus Romanus sibi reservare consueverat, cum ea bello capta veteribus dominis restitueret, inque argumentum retenti juris annum iis vectigal imponeret. Cæterum jus, quod possessoribus relictum erat, ut id à domino juris statim in alios traditione transferri poterat; ita & à bonæ fidei possessore longi temporis possessione acquiri, ne semper inquietaretur: quæ acquirentio præscriptio dicebatur, *l. qui alienam. 14. in pr. de vi et vi. l. si duo. 13. § 1. de jure ur. Lei à quo. 21. hoc tit.* Erat autem jus tale, quod & exceptione defendere, & amissa possessione, utili actione prosequi, *d. l. 13. § 1. de jure ur. l. 8. c. de præscr. 30. ann.* hæreditibus denique relinquere, & in alios quosvis transferre licebat. Jus nimirum aliquod reale simile emphyteutico, quod proxime ad jus dominicū accedebat, & quod nunc vocarent dominium utile. Repetantur quæ notavimus, *sup. per transitionem. 40. de rer. divis.* Postquam autem Justinianus, quod præscriptioni de-

erat, ex usucapione supplevit, unumque genus acquisitionis ex duobus fecit; certum est, possessione longi temporis justum & directum dominium possessori acquiri.

Ne rerum dominia in incerto essent] Si jus de usucapione constitutum æstimeretur ex meritis præceptis juris naturæ sive gentium, defendi ab iniuritate non potest: sed quod ex iniquo habet, id contra singulos rependitur utilitate publica. Bono enim publico usucapio introducta est, ne scilicet diu rerum dominia in incerto essent, *l. 1. hoc tit.* quippe incertitudo domini facit, ut res quæque negligentius habeatur, agri minus diligenter colantur: parit lites & controversias, quibus occurrere publicè interest: atque ut occurratur, & litium aliquis sit finis, usucapio constituta est, *l. ult. pro suo. l. 2. in pr. de aq. & aqu. pluv. & ideo Cicero in orat. pro Cæcin. cap. 26.* usucapionem appellat *finem sollicitudinis & litium.* Plato. *12. de legib.* Hæc igitur causa legislatores movit, ut usucapionem introducerent: ut verò id fieret cum minima privatorum injuria, certa atque idonea tempora præstituerunt quæ abunde dominis sufficerent ad inquirendas res suas, easque sibi asserendas, & possessionem alterius interpellandam. Quod si facere negligent, & patiantur usucapi, suamet ipsorum voluntate quodammodo rem alienare videntur, *l. alienationis. 28. de verb. sign.* Quamquam etiam contra ignorantem rem suam ab alio possideri usucapio procedit, *l. un. Cod. de usuc. transfor. l. ult. c. de præscr. long. temp.* Privatum enim damnum, quod ex usucapione est, pensatur egregio publico, in quo vera & solida utilitas continetur, & cujus proinde prima ratio habenda. Atque hæc hujus acquisitionis defensio sit contra eos, quibus ea genere ipso injusta vi datur. Appellat sanè Justinianus præscriptionem *impium præsidium & improbam temporis allegationem*, *Nov. 9.* verum non simpliciter, sed quatenus eo præsidio homines scienter abutebantur contra constitutionem ipsius, & adversus bona & subsidia Ecclesiarum. Postea tamen constitutionem istam abrogavit, experimento doctus, eam ex usu Reipub. non esse, *Nov. 111. & 131. cap. 6. VINN.* Nec tamen defendi non potest usucapionis justitia, si respiciamus ad ejus fundamentum. Qui intra tantum temporis spatium, puta intra decem vel viginti annos rerum suarum nullam curam egit; is sane eas videtur pro derelictis habuisse: maxime quum res immobiles, earumque situs latere vix possint. Si dicas, domino defuisse occasionem vindicandi, quidni possessionem saltem denunciatione interrupit. Ei quidem, qui rem pro derelicta habet, animum esse debet & consilium derelinquendi, quale hic in domino esse negant sed justissime leges hujusmodi consilium præsumunt ex negligentia domini, intra tantum temporis spatium rem non vindicantis. Si enim justa ipsi causa sit, cur vindicare non potuerit, veluti abientia reip. causa, minor ætas &c. leges ipsi hæc negant restitutionem in integrum & usucapionem rescindunt. *HEIN.*

N.

Ne domini maturius rebus suis defraudentur] Id est, ne maturius res suas amittant, ne possessionibus suis citius, quam par est, cadant, ut est in d. l. un. Cod. de usuc. transform. Usus autem est verbo defraudandi propter duritiem legis antiquæ, quæ nimis angusto temporis spatio usucapionem terminabat, remque alienam excluso domino addicebat possessori. Cæterum quod propriè hoc verbum significat, per fraudem rem alienam intervertere, id neque lege antiqua possessori permissum fuit.

Constitutionem super hoc promulgavimus] Ea est l. un. C. de usuc. transform. qua lege, cum jam antea sustulisset antiquam distinctionem domini in bonitarium & Quiritarium, l. un. C. de nud. jur. Quir. toll. hoc insuper constituit, ut prædia provincialia eodem jure cum Italicis censerentur, atque æquè ut Italica eodemque effectu usucapi possent. Præterea tempora usucapionum tam in rebus mobilibus, quam in rebus soli in tantum prolongavit, ut nulla justa querimonia super sit, si tam longo tempore continuata possessio possessorem tueatur, eique dominium adiciat. Summa constitutio est, ut qui rem à non domino accepit ex justa causa & bona fide, eamque mobilem per triennium, immobilem per decem annos inter præsentem, per viginti inter absentes continenter possedit; is ejus rei dominus pleno jure efficiatur. Quod jus etiam hodie apud nos obtinere debere multi contendunt. Alii ad rerum immobilium præscriptionem sive usucapionem triginta requiri annos, aut tertiam sæculi partem existimant. Apud Zelandos adversus præsentem annis viginti, adversus absentes triginta annorum spatio res soli certo jure usucapiuntur, cap. 2. stat. Zeland. art. 2. In hoc autem nunc fere à jure civili recessum est, quod in præscriptione quantumvis longissimi temporis non tantum bonum possessionis initium requiritur, verum etiam bonæ fidei perseverantia, juxta scita juris Canonici, c. fin. x de præscript. cum jure civili sufficiat possessionem ab initio bona fide nancisci, nec bene cæpta usucapio aut præscriptio interpelletur incidente postea mala fide, d. l. un. de usuc. sr. quin nec bonum initium in præscriptione 30. annorum jura civilia desiderent, d. l. 3. l. 4. C. de præsc. 30. ann. Clarissimus Grotius lib. 2. manducet. ad jurispr. Bat. cap. 7. tradit, duplicem in hac regione usucapionem seu præscriptionem rerum soli in usu antiquitus fuisse, unam brevioris, alteram longioris temporis. Brevem fuisse unius anni & diei, eamque jure singulari multarum civitatum & agrorum tunc locum habuisse, cum prædium aliquod venditum esset interveniente auctoritate & cognitione Scabinorum aliorumve, qui jurisdictioni præstunt, idque prædium per illud tempus ab emptore sine interpellatione possessum esset. Longam fuisse tanti temporis, quantum tertia pars sæculi continet, id est annorum 33. & 4. mensium; cui locus erat in alienatione rei immobilis facta absque cognitione publica. Et hoc sequendum etiam-

num putat. De præscriptione tanti temporis juxta consuetudinem Geldriæ ex professo disserit doctissimus Lamb. Goris advers. jur. tract. 3. cap. 9. Vix autem est, ut aliquid certi secundum mores hodiernos hic definiri possit, vid. Groenevv. ad rubr. Cod. de præsc. 30. annor. & ibi laudat.

Decennio inter præsentem, viginti annis inter absentes] Explicat, quantum tempus intelligat per possessionem longi temporis, nimirum inter præsentem, id est, qui in eadem provincia sunt, l. ult. C. de præscr. long. temp. decem annos, inter absentes viginti. Atque ita sicut ex veteri usucapione effectum sumit & acquisitionem veri domini, ita ex veteri præscriptione sumit spatium temporis, atque id ad usucapionem omnium rerum immobilium transfert, efficitque ex duabus unam acquisitionis speciem, ut jam nulla amplius differentia inter præscriptionem & rerum immobilium usucapionem super sit; præscriptionem inquam longi temporis, quæ itidem ut usucapio titulum & bonam requirebat fidem: nam præscriptionis temporis longissimi, sc. 30. vel 40. annorum, alia ratio est, quæ solo temporis lapsu possessorem tuetur.

T E X T U S.

Quæ usucapi possunt, vel non. De his quæ sunt extra commercium; de servo fugitivo.

1. Sed aliquando, etiamsi maxime quis bona fide rem possederit, non tamen illi usucapio ullo tempore procedit: veluti si quis liberum hominem, vel rem sacram, vel religiosam, vel servum fugitivum possideat.

N O T A.

1 Liberum hominem, &c.] Quia hæc res omnem respuunt acquisitionem, nec in bonis esse possunt, l. 9. D. hoc tit. §. 2. infr. de inut. stip. Res quoque incorporales, veluti servitutes, natura sua usucapionem non recipiunt, l. 14. D. de serv. l. 43. de acq. rer. dom. Cæterum effectus juris diuturno usu & ipsæ quasi usucapiuntur, l. 10. si serv. vind. l. ult. C. de præscr. long. temp.

Servum fugitivum] Defenditur tamen possessor fugitivi 30. annorum præscriptione, per l. 3. & 4. C. de præscr. 30. ann.

C O M M E N T A R I U S.

Hoc §. & aliquot sequentibus disputatur de rebus, quæ etsi corporales sunt, usucapionem tamen non recipiunt: sed quia multæ, quæ in hoc numero sunt, hic non commemorantur, ecce tibi in summa omnes exhibebo. Quarumdam rerum ea natura est, ut omnem omnino acquisitionem, qualiscunque ea sit, respuant, & consequenter simul usucapionem: cujusmodi sunt, quæ commercio humano sunt exemptæ, ac proinde in bonis haberi non possunt, ut homo liber, res sacræ, religiosæ, sanctæ, publicæ populi aut civi-

civitatum, l. 4. l. 6. de cons. empt. l. 9. hoc sit. Quaedam etiam res sunt, quæ cum sint in bonis & acquiri possint, usucapi tamen non possunt, lege earum usucapionem prohibente. In hoc genere sunt res fisci, §. 4. inf. l. quamvis. 18. eod. res dominicæ, tit. C. ne rei dom. vel temp. vind. civitatum, Ecclesiarum, gerontocomiorum & locorum similia, l. 23. C. de sacrosanct. Eccles. Nov. 9. 111. & 131. cap. 6. res furtivæ & vi possessæ, §. seq. præditi contra legem Juliam datæ, l. bonæ. 48. de acquir. rer. dom. l. pen. de leg. Jul. rep. res pupillorum, dist. l. 48. l. 3. Cod. quibus non obstat. long. temp. præsc. quin nec præscriptio 30. annorum contra pupillos currit, l. 3. l. 3. Cod. de præsc. 30. ann. res minorum 25. annis, l. ult. Cod. in quib. ca. in ius. rest. bona adventitia filii fam. l. 1. §. 2. Cod. de annal. exc. fundus dotalis, cujus quoque alienatio lege Julia prohibita est, l. 4. de fund. dotal. hoc ipso etiam usucapionem prohibitam esse pro certo statuit Tryphoninus in l. si fundum, 16. eod. titul. Postremo res testamento alienari prohibita, l. 2. l. 1. Cod. pro empt. l. ult. §. fin. autem. 3. Cod. com. de legat. Jam pergamus.

Liberum hominem] Sola temporis longinquitate, etiam si sexaginta annorum curricula excesserit, libertatis jura non mutilari à Constantino rescriptum est, l. ult. Cod. de long. temp. præscr. quæ pro lib. Meminit Imp. 60. annorum, non quia longioris temporis lapsu libertati præscribatur; sed quia raro homines diutius vivunt. Etenim pæc centum annorum præscriptio hic suffecerit, ut bene istic Accurs. quoniam nulli omnino hic locus esse titulo potest. Possessores 30. annorum defenduntur exceptione temporis, quæ omnes excludit actiones, etiam si nec titulus probetur, nec bona fides, l. 3. l. 4. Cod. de præsc. 30. ann. Cæterum res ipsas, quæ possidentur, tales esse oportet, ut iusto titulo acquiri, & dominio nostro subijci possint.

Servum fugitivum] Hic servus pertinet ad prohibitionem §. seq. quippe qui sui ipsius furtum facere intelligatur, l. ancil. 60. de furt. l. 1. C. de serv. fug. Accursius putat, dominum ne 30. quidem annorum præscriptione excludi, eo quod possessionem fugientis servi retinet, l. 1. §. per servum. 14. l. rem quæ. 15. in fin. de acq. poss. Quod ineptum est. Nam cum de usucapione aut præscriptione quaeritur, necesse est ejusmodi casus ponatur, quo alius servi possessionem nactus sit. Hoc vero cum sit, dominus possidere desinit.

TEXTUS.

De rebus furtivis & vi possessis.

2. *Furtivæ quoque res, & quæ vi possesse sunt, nec si prædicto longo tempore bona fide possesse fuerint, usucapi possunt. Nam furtivarum rerum lex duodecim tabularum & lex Atilia inibent usucapionem: vi possessorum, lex Julia & Plautia: Quod autem dictum est, furtivarum & vi possessorum*

rerum usucapionem per leges prohibitam esse, non eo pertinet, ut ne ipse fur, qui ve per vim possidet, usucapere possint, (nam his alia ratione usucapio non competit; quia scilicet mala fide possident) sed ne ullus alius, quamvis ab eis bona fide emerit, vel ex alia causa acceperit, usucapiendi jus habeat. Unde in rebus mobilibus non facile procedit, ut bona fidei possessoribus usucapio competat. Nam qui sciens alienam rem vendiderit, vel ex alia causa tradiderit, furtum ejus committit. Sed tamen id aliquando aliter se habet. Nam si heres rem defuncto commodatam, aut locatam, vel apud eum depositam, existimans hereditariam esse, bona fide accipienti vendiderit, aut donaverit, aut dotis nomine dederit; quin is, qui acceperit, usucapere possit, dubium non est. Quippe quum ea res in furti vitium non ceciderit: quam utique heres, qui bona fide tamquam suam alienaverit, furtum non committat. Item si is, ad quem ancilla ususfructus pertinet, partem suam esse credens vendiderit, aut si donaverit, furtum non committit. Furtum enim sine affectu furandi non committitur. Aliis quoque modis accidere potest, ut quis sine vitio furti rem alienam ad aliquem transferat, & efficiat, ut à possessore usucapiatur. Quod autem ad eas res, quæ solo continentur, expedit, juxta procedit, ut si quis loci vacantis possessionem propter absentiam aut negligentiam domini, aut quia sine successore decesserit, sine vinanciscatur; quamvis ipse mala fide possiderat, (quia intelligit, se alienum fundum occupasse) tamen si alii bona fide accipienti tradiderit, poterit ei longa possessione res acquiri: quia neque furtivum, neque vi possessum acceperit. Abolita est enim quorundam veterum sententia existimantium, etiam fundi loci ve furtum fieri. Et eorum utilitati, quæ res soli possident, principalibus constitutionibus prospicitur, ne cui longa & indubitata possessio debeat auferri.

NOTÆ.

2. **Lex Atilia**] In Pand. Flor. Atilia l. 4. §. 6. l. 33. pr. hoc sit. l. 215. de verb. sign. Auctoritas, ait Grot. in spars. Flor. est jus vindicandi. VINN. Rectè hæc lex dicitur Atilia: non Atilia, uti apparet ex Gell. lib. 17. cap. 7. Ex quo etiam discimus, hanc legem antiquiorem esse temporibus Scævola, Bruti, Manilii, P. Nigidii, Jctorum. Vero simile itaque est eam latam A. U. C. DEVI. C. Cornelio Cethego, & Q. Minucio Raso Coll. à C. Atinio, Labeone, Tri-

Tribuno plebis. Steph. Vin. Pigh. *Annal. Rom. Tom. II. p. 255.* HEIN.

Ab eis bon. fid. emeris] Aut ab aliis, qui jam ante à fure aut violento possessore rem acceperunt.

Bon. fid. accipienti] Species : Cum Titius longo tempore abesset, fundumque suum incultum relinqueret, eum Sejus occupavit, ac mox vendidit, & tradidit Sempronio ignoranti fundum alienum esse. Hic etsi ipsi quidem Sejo non processisset usucapio propter malam fidem; procedet tamen Sempronio bonæ fidei possessori : quia neque furtivum, neque vi possessum accepit. VINN. Sunt hæc ex Theophili paraphrasi *h. §. descripta.* HEIN.

Quorundam sententia] L. 38. *h. t.* Inter hos, & Sabinum fuisse testatur Gell. l. 11. *C. ult.*

COMMENTARIUS.

1 *Aliquo casu qui sciens rem alienam vendit, furtum facere non videtur.*

2 *Emendationem Cujacii vers. Quod autem, non esse necessariam.*

F *Privatarum rerum lex 12. tab. & lex. Attinia*] Utriusque hujus legis etiam meminit Julian. l. non solum. 33. *in pr. hoc tit.* Verba legis Attiniae prodit Gell. lib. 17. c. 7. *Quod surreptum eris, eius rei æterna auctoritas esto.* Quorum verborum hic sensus est : ejus r. i. quæ surrepta est, dominium à domino numquam recedat : jus & potestatem habeat semper eam vindicandi ; nec ullo usu alteri acquiratur. Fabrot. Quam sententiam fuisse legis, ex eo liquet, quod lex ita accepta est, quasi interdiceret rei furtivæ usucapionem. Eademque sententia est ejus, quod apud Cic. lib. 1. *de offic. cap. 12.* legimus : *Adversus hostem æterna auctoritas esto.* Proculdubio autem lege Attiniae quædam addita sunt, de quibus prius lege duodecim nihil cautum fuerat : & Paulus legi Attiniae tribuit hoc caput, quod : *est de usucapienda re furtiva, cum in potestatem domini rediit, l. 4. §. quod autem. 6. hoc tit. l. potestatis. 215. de verb. sign.*

Vi possessorum lex Julia & Plautia] Leges hæc non uno tempore latæ : alioqui Julia Plautia diceretur sine copula, ut Plautia Papyria, Papia Poppæa, Junia Norbana, &c. sed Plautia de vi item Julia de vi, hoc caput habuerunt. Plautia de vi prior fuit lege Julia, unde & in Pand. præponitur, l. non solum. 33 § 2. *hoc tit.* Ait, *vi possessorum.* Vi possessa res sit oportet, ut usucapi nequeat : neque sufficit, vi aliquem de prædio dejectum esse, nisi qui deiecit, possessionem occupavit. Quod si ille ingressus non tuerit, sed alius in vacuum possessionem intraverit, poterit id prædium, etiam antequam in domini potestatem redeat, à bonæ fidei possessore usucapi, l. 4. §. si tu. 22. l. 32. §. 2. *ead.* VINN. Rectè notat Vinnius binas has esse leges : & tamen illarum, tanquam unius meminerunt leges nostræ etiam alibi, l. 33. §. 2. *ff. de usarp. & usuc. Plautia,* vel Plotia de vi lata est a M. Plautio Trib. pl. anno V. C. DCLXIV. Cn.

Pompejo Strabone & L. Porcione Catone Coss. Julia autem non alia est, quam illa de vi publica & privata a Julio Augusto lata. Vid. *Antiq. Rom. nostr. Lib. 2. tit. 6. §. 5. p. 405.* HEIN.

Quod autem dictum est] Superfluum hoc monere. Frustra enim prædictæ leges latæ fuissent, si nihil aliud caverent, quam ut ne fur ipse, aut qui per vim possidet, usucapere possent. Quippe qui nec ante legem Attiniam, aut Plautiam usucapere potuerunt certo jure propter malam fidem, quam manifestum est usucapioni semper oblii esse. Hoc tantum prospicere leges voluerunt, ne maleficio alienum causam daret rem alienandi.

Ne ullus alius, quamvis ab eis bona fide] Aut etiam ab aliis, qui jam ante à fure aut violento possessore rem acceperunt. Nam res cum suo vitio, quo ab initio affecta est, transit, l. 7. *C. pro empt. l. viiia. 11. C. de acq. poss.* Ut autem à bonæ fidei possessore usucapi possit, talem esse oportet, ut in se non habeat vitium, §. *novissimè. §. inf. eod.* Denique ubi lex simpliciter inhibet usucapionem, bona fides possidentis ad usucapionem rei nihil prodest, l. ubi. 24. *hoc tit.* Planè præscriptio triginta annorum dominum repellere : sic enim constitutum est de actionibus omnibus, siue in rem sint, siue in personam, ut triginta annorum jugi silentio præscriptione excludantur : usque ad 6, ut in rebus possessis hoc etiam ipsis malæ fidei possessoribus tribuatur, l. 3. l. 4. *C. de præsc. 30. ann.* quamquam id secta nostrorum temporum non admittit.

Vnde in rebus mobilibus non facile procedis] Quia rerum mobilium tantum, non etiam immobilium furtum fieri potest, inde colligit, usucapionem in rebus mobilibus difficilior, & rarius contingere, hoc argumento, quod res, quæ furto obnoxie sunt, etiam facile in furti vitium cadunt : quisquis enim rem alienam mobilem sciens quacumque ex causa alii tradit, eum furtum committere : quod etiam scriptum est l. 1. *C. pro empt. l. 2. C. pro donat.*

Qui sciens rem alienam vendiderit] Videamus, 1 an non aliquo casu hæc regula vitietur. Finge, hæredem rem defuncto commodatam, quam hæreditariam esse putabat, vendidisse, & tradidisse bona fide accipienti : emptorem, cum esset in conditione usucapiendi, cognovisse rem alienam esse. Constat, non interrumpi usucapionem : sed quæro, an si possessor eam rem, antequam usucapionem impleveret, alteri iterum vendiderit, furtum facere dicendum sit ? Es quidem, quamdiu res usucapta non est, aliena est, ut si verba regulæ præcisè sequamur, dicendum sit, furtum committi : sed puto, hoc in proposito non debere admitti ; & regulam procedere, cum quis ab initio scivit rem alienam esse : qui cum usucapere non possit, intelligitur vendendò rem velle intervertere domino : nam etsi sibi eam retineat intervertendi causa, furtum facit, l. *insciendo. 67. de furt.* At verò qui bonum initium habet, cum possit ipse continuando possessionem rem

rem usucapere, non potest videri furtum committere, si alteri eam tradat. Cujac. *ad l. 7. §. procurator. 6. pro empt.*

Sed tamen id aliquando aliter] Dixit modò, rerum mobilium difficilem esse usucapionem, idque probavit hac ratione, quòd res alienæ mobiles difficulter transferantur, quin in vitium furti cadant. Id nunc ostendit aliquando aliter se habere, & non uno etiam modo citra furtum accidere posse, ut res aliena alteri vendatur, aut donetur, ac proinde totidem modis fieri, ut à bonæ fidei possessore usucapi queat. Locus hic descriptus est ex Cajo *l. postest. 36. hoc tit.* non iisdem quidem verbis, sed idem significantibus, æquè claris ac perspicuis. Quod ideo moneo, quia Hotomannus scribit, Tribonianum hoc loco non satis ad suum negotium attentum fuisse, & verba hujus textus nihil significare. Mihi ipse Hotomannus, dum hæc scriberet, vigilasse non videtur.

Bona fide accipienti vendiderit, aut donaverit] Duos profert modos, quibus alienatio rei alienæ mobilis sit absque furto: utrumque ex Cajo *d. l. 36.* Unus hic est, si hæres rem defuncto commodatam, locatam, aut apud eum depositam existimans eam hæreditariam esse, tamquam suam alienaverit. De hærede ipso rem talem retinente nihil dicit, quia ad probandum, quod propositum erat, sine vitio furti aliquando rem alienam transferri posse, hoc nihil facit. Nos, an hæres ipse hujusmodi rem usucapere possit, videamus postea sub *§. diuturna. 7. inf. cod.*

Partum suum esse credens] Casus hujus generis alter. Partus ancillæ in fructu non est, sed ad dominum proprietatis pertinet, *§. in prendum. 37. sup. de rer. div.* Sed nec fructuarius usucapere partum potest, si ve sciat, partum alienum esse, si ve ad se pertinere putet; quia juris hic error est, qui possessori in usucapione non prodest, *l. numquam. 31. hoc tit.* Caterum si partum suum esse credens, forte errori causam præbente, quòd foetus pecudum ad fructuarium pertinet, alteri eum vendiderit, poterit à bonæ fidei possessore usucapi, *d. l. 36. §. 1.* quippe cum hic nihil sit in persona accipientis, quod usucapioni obstat, neque furti vitio res affecta sit: non enim si fructuarius ignorantia juris partum ut suum vendat, ideoque cum furtivum facit. Quippe cum furtum non committatur sine animo, & affectu furandi, qui in errante nullus est, *l. fursum. 37. cod. §. placuit. 7. inf. de ob. qua ex del. vulgatumque est, quamvis vel fatuam existimationem excusare à dolo, per l. 1. in fin. de absqueis, l. 14. C. ad l. Fab. de plag.*

Aliis quoque modis accidere potest] Alius modus est apud Cajum *d. l. 36. §. 1.* si quis sc. errore aliquo lapsus crediderit se hæredem esse, cum non esset. & rem hæreditariam alienaverit. Item alius apud Papinian. *l. mandatum. 57. mandat.* si hæres defuncti mandatarii quid distraherit animo exequendi, quod defunctus suæ curæ fecerat. Duo alii sunt apud Pompon. *l. 5. pro derel.* si quis id, quod pro derelicto habitum possidebat, ven-

diderit; item si quis rem vendiderit ab uxore sibi donatam: usque adeo, ut hic non obstat usucapioni, quòd emptor sciverit, rem in ea causa esse: quia quasi volente & concedente domino venditur, *d. l. 5. pro derel.*

Quod autem ad eas res, quæ solo continentur, expedit, ius ita procedit, ut si quis] D. Cujacius hunc locum sic restituit: *Quod autem ad eas res, quæ solo continentur, expeditius procedit, ut quis &c.* ut hæc phrasis, *Quod ad eas res, quæ solo continentur, sit elliptica, & intelligatur verbum attinet, & quia tunc nondum totius loci sententia constat, inter colon & conjunctionem discretivam quamvis ponit relativum qui.* Ut sit hæc sententia: *Expeditius procedit, ut quis sine vi nanciscatur rei alienæ immobilis possessionem, quam rei mobilis sine furto; ac proinde etiam facilius est, ut res immobiles à bonæ fidei possessore usucapi queant.* Quæ sententia quidem vera est; sed non ideo necesse est quicquam mutari. Nam & lectionis vulgatæ recta est, & aperta sententia, atque effectu pæne eadem, nimirum hæc: *Quod ad res immobiles attinet.* Pro quo Tribonianus dixit, *Expedit, ius ita procedere, ut si quis fundi, aut loci alieni possessionem nactus sit sine vi, licet mala fide de quo dubitari præcipue poterat: si eum locum aut fundum in alium bona fide accipientem transferre possit cum conditione usucapiendi, in qua ipse propter malam fidem non eras: quoniam neque vi possessionem accipitur, neque furtivum, cum rerum immobilium furtum fieri non intelligatur, lege fursum. 37. §. 1. & leg. seq. hoc tit.* unde hæc sumpta sunt. In re autem aliena mobili secus esse, quæ à sciente vendita in vitium furti cadat. Quamobrem causam non video, cur restitutio Cujacii quibusdam tantopere placeat. VINN. At quis vel barbaro avo ita loquutus est: *Quod ad hanc vim expedit: pro attinet?* Recte itaque Cujacius vidit hic ellipsin esse: *quod autem ad eas res quæ solo continentur, [scilicet attinet]* Recte etiam pro *expedit ius* rescriptit *expeditius*. Sed ego postremas syllabas: *expedit JUS* ex lege geminationis legendas puto: *expeditius ius ita procedere*, quo facto sine ulteriore emendatione totius loci sententia constat. HEIN.

Vacantis propter absentiam aut negligentiam] Simplex absentia domini possessionem vacuum non facit: quippe quam constat solo animo retineri, *l. 3. §. salus. 11. l. 6. §. 1. de acq. poss. §. possidere. §. infr. de interd.* Quapropter locus hic intelligendus est de absentia domini diuturna, rem suam penitus negligentis & relinquentis inculcam; & Cajus hoc expressit, *longo tempore, d. leg. fursum. 37. §. 1.* Illi perspicue errant, qui locum vacantem interpretantur à domino derelictum. Quippe res pro derelicto habita statim fit occupantis, *§. pen. sup. de rer. div.* qui verò hic vacuus dicitur, negatur etiam usucapi ab occupante posse, uti & in *l. quam rem. 38. cod.* Errat & Glossa, quod putat, quæ hic scripta sunt, correctæ esse per *l. ult. C. unde vi*, eoque nomine etiam

etiam vulgo reprehenditur. Non enim ideo quia Justinianus interdictum momentaneæ possessionis dedit adversus eum, qui vacantem possessionem occupavit, statim pronunciandum est, eum in cæteris quoque omnibus pro invasore & violento possessore habendum esse. Et potest aliquo casu etiam, ubi competit interdictum unde vi, locus esse usucapioni, *l. 4. §. si tu me. 22. l. non solum. 33. §. 2. hoc tit.* Adde, quod constitutio ista diutius anno ante Institutiones edita fuit ut ostendit subscriptio.

Sine successore decesserit] Ita etiam Cajus d. l. 37. §. 1. *ead.* Sine successore autem sic accipiemus, non tantum si quis decesserit sine ullo successore, sed etiam si certum successorem reliquerit, legitimum, aut testamentarium heredem, quamdiu is rerum hereditariarum possessionem nondum nactus sit. Et jacente quidem adhuc hereditate, nec furtum rei hereditariæ fieri, à Scævola proditum est, *l. 1. §. Scævola. 15. si is qui testam. lib.* Adita autem hereditate, etsi jura omnia ad heredem transeunt, possessio tamen ei non acquiritur, nisi naturaliter apprehensa fuerit, *l. cum heredes. 13. de acq. poss.* Quamobrem etsi quis vacantis fundi hereditarii possessionem sine vi occupavit, etiam ubi certus hæres est, eumque bona fide accipienti tradidit, procedet bonæ fidei possessori usucapio: quia neque furtivum neque vi possessum accepit. Neque obstat quod constitutum est, cæptam usucapionem à defuncto posse & ante aditam hereditatem impleri, *l. capiam. 40. hoc tit.* ut proinde non videatur posse rem interim ab alio possideri, quoniam duo eandem rem simul possidere nequeunt, *l. 3. §. ex contrario. 5. de acq. poss.* Hoc enim, ut alibi traditum est, tunc procedit, quando medio tempore possessio ab alio occupata non est, *l. possessio. 20. hoc tit. l. 6. §. ult. pro empt.* Deinde de re loquimur, quæ defuncti propria fuit, non quam ille possidebat tantum, & cœperat usucapere.

Abolita est sententia existimantium] In hac opinione etiam Malsurium Sabinum fuisse testatur Gell. l. 11. cap. ult. non quod ille credidit fundum locumve auferri, aut loco moveri posse, sed quia furtum à fraude dici putavit, vel, ut Varro quoque & Labeo, à furvo, quod clam & obscurè, & plerumque nocte fiat: æquè autem clam & per fraudem posse intercepti possessionem fundi, ac rei mobilis, aut se moventis. Sed verius est, furtum à ferendo seu auferendo dictum esse, aut potius à Græco *furtos*, per affinitatem litterarum, quod *εἰς τὸ κρυπτόν*, Græci dixere, *l. 1. de furt. §. 2. inf. de obl. quæ ex del.* Gell. lib. 2. cap. 8. quæ notatio non patitur, ut rei immobilis furtum fieri dicamus. Quin nec illud verum est, possessionem domino interverti, si quis clam fundum ingressus fuerit, *l. 6. §. 1. de acq. poss.* furtum autem est intervertio possessionis. Quod si revertem dominum non admisserit, jam vi intelligitur possidere, d. *loc.*

Fundi locum] Auctores nostri plerumque fundum à loco separant, *l. ex mille. 64. de evict.* Cælius in Instit.

l. 38. hoc tit. & hic Justinian. Per fundum sere integrum quid significant, agrum cum villa, ædificium cum area: per locum autem certam fundi portionem, *l. locus. 26. de acq. poss.* & plerumque agrum aut aream, qui loci sunt sine ædificio, in urbe area, ruri ager, *l. ager. 27. l. locus. 60. l. quæstio. 115. l. fundi. 211. de verb. sign.* Quamquam hæc non sunt perpetua, & loci significatio, sæpe generalior quam fundi etiam apud nostros, *l. 4. si serv. vind. l. 1. §. 4. und. vi.* Consulendi Alciat. Forn. Gædd. in *tit. de verb. sign.*

Principalibus constitutionibus] Tum quibus possessores rerum soli longi temporis, id est, 10. vel 20. annorum possessione defendantur, *tit. C. de præscr. long. temp.* quod tempus nunc ad rerum immobilium usucapionem translatum est: tum quibus 30. annor. præscriptione domini omnimodo excluduntur, *l. 3. & 4. C. de præsc. 30. ann.* Illud hic monendi sumus, Justinian. Nov. 119. c. 7. unde sumpta est *auth. male fidei, C. de præsc. long. temp.* hætenus juris ejus, de quo proximè egimus, constitutioni derogasse, ut si à possessore malæ fidei res alienata sit; non aliter ab eo, qui eam etiam bona fide accepit, usucapi aut longa possessione 10. vel 20. annorum acquiriti possit, quam si dominus sciverit, rem suam ab alio possessam esse, & toto eo tempore contestatus non sit: alioqui spectari iubet 30. annorum præscriptionem. Cæterum hoc procedere tunc tantum volunt, si eo ipso tempore, quo res alteri traditur, sciat is qui tradit rem alienam esse, & nec initium quoque bonum habuerit. Add. quæ notat D. Gothofred. ad d. *auth.*

TEXTUS.

De vitio purgato.

3. Aliquando etiam furtiva, vel vi possessa res usucapi potest; veluti si in domini potestatem reversa fuerit: tunc enim vitio rei purgato, procedit ejus usucapio.

NOTÆ.

3. In potestatem domini] Non utique ejus, cui surrepta est, *l. 4. §. 6. h. t. l. ult. de vi bon. rapt.* Igitur si creditori res surrepta sit, in domini potestatem redire debet, d. *l. 4. §. 6.* nisi dominus ipse surripuerit: ita accipe Paul. *l. ult. eod.* in potestatem domini rediisse videtur, cum possessionem ejus nactus est justè, ut avelli non possit, & tamquam suæ rei, d. *l. 4. §. 2.*

COMMENTARIUS.

1 Si res pignori data surrepta sit, utrius in potestatem redire debeat, ut vitium purgetur: dominine debitoris, an creditoris?

Rerum furtivarum vi possessarum contra legem Juliam datarum vitium purgatur, si in potestatem domini, aut prioris possessoris redierint: ex quo fit, ut jam iterum usucapi posse incipiant, *l. 4. §. quod autem. 6. l. ubi 24. §. 1. hoc tit.* S l. pen.

l. pen. de leg. lul. rep. Verbum potestatis in proposito possessionem significat, & potestatem habendi tenendique, *d. l. 4. §. tunc. 12.* Res vi possessa redire debet in potestatem ejus, qui dejectus est, ut maximè dominus non sit: neque enim aliter vitium violentiæ purgatur, quàm si dejectus ipse restituatur in possessionem, *fac. l. 6. §. 3. de precar.* Res contra legem repetundarum data necesse est ut revertatur in potestatem ejus, à quo profecta est, hæreditive ejus, *d. leg. pen. de leg. lul. rep.* Rei autem furtivæ vitium ut purgetur, in ipsius domini potestatem eam reverti oportet, *d. leg. 4. §. quod autem. 6.* quippe furtum in re furtiva solum dominum lædit: cui proinde soli etiam de re furtiva conditio competit, *§. ult. inf. de obl. quæ ex del.* Plane nihil interest, utrum in potestatem domini aut possessoris res pervenerit, an quocumque modo his satisfactum sit, *d. l. 4. §. sed & si. 13.*

1. si fur. 31. pr. cod. l. quamvis. 84. de furt. De re pignori data & surrepta creditori dubitari potest, in domini debitoris, an creditoris potestatem redire debeat, ut vitium purgetur, & usucapi possit: nam Paulus respondit, in domini potestatem eam redire debere, *d. l. 4. §. quod autem. 6.* Labeonis quoque eadem sententia est, *l. ult. cod.* Idem tamen Paulus *d. l. ult.* notas ad Labeonem scribens contra affirmat, rem pignori datam & surreptam usucapi posse, si in potestatem creditoris redierit. Sed hæc non magno negotio conciliari possunt. Refert enim, utrum debitor ipse, an alius rem creditori surripuerit. Posteriore casu semper necesse est, ut vitium purgetur, in potestatem debitoris rem reverti, *d. l. 4. §. quod autem. 6.* atque hoc etiam Labeo sensit. Priore autem casu purgatur reversa in potestatem creditoris, neque hoc Labeo negaret, fuitque semper extra omnem controversiam, atque à Paulo tantum indicatur, ut ostendat, posse aliquando pignus, quod in potestatem creditoris rediit, usucapi: quod Labeo non expresserat. Fuit autem, ut dixi, illud explorati juris: siquidem ratio aliqua esse debet purgandi vitii per reversionem rei in potestatem alterius quàm furis. Enim verò hoc amplius usucapionem admittebat Cassius, etiam si pignus à debitore surreptum & distractum in potestatem creditoris nondum pervenisset: eaque sententia etiam obtinuit, *d. l. 4. §. si rem. 21. l. 5. pro empt.* quamvis aliis, nec dubito quin Labeoni etiam & successoribus ejus, displicerit, & absurdum visum sit, ab eodem & fieri furtum, & furtum emendari: quorum sententia etiam expressè confirmari videtur *l. 6. C. pro empt.* Verùm Cujac. in *d. l. 4. §. si rem. 21.* ita distinguit. Aut debitor non tenente creditore pignus alii vendidit. & tunc ab emptore usucapi non potest, quia in ipsa venditione furtum committitur, nec post admissum furtum vitium purgatur re in potestatem non redeunte; ac de hoc casu loqui putat *d. l. 6. Cod. pro. empt.* aut tenenti creditori pignus aufert, & deinde vendit, & tunc ab emptore usucapi posse existimat: quoniam postquam furtum factum est, res in potestate debitoris fuit; atque hoc ostendere *d. l. 4. §. si rem. 21.*

hoc tit. & d. l. 5. pro empt. Illud constat, tractari in hac quæstione de re aliena, quæ à bonæ fidei possessore pignori obligata est, ut sit locus usucapioni pro emptore, *d. l. 5. pro empt.* Quamvis enim res aliena pignori non sit, inter ipsos tamen, qui contraxerunt, rata est pignoris conventio, per *l. 9. §. pen. l. si pignore. 22. §. 2. de pign. act.*

T E X T U S.

De re fiscali & bonis vacantibus.

4. Res fisci nostri usucapi non potest; sed Papinianus scripsit, bonis vacantibus fisco nondum nuntiatis, bonæ fidei emptorem traditam sibi rem ex his bonis usucapere posse, & ita divus Pius, & divi Severus & Antoninus rescripserunt.

N O T A.

4. Res fisci *l. 18. l. 24. §. 1. hoc tit.* Sunt & aliæ, ut res dominicæ, *C. ne rei dom. vel templ. civitatum, Ecclesiarum, gerontocomiorum, &c. de quibus l. ult. C. de fund. patrim. l. ult. C. de fund. rei priv. lib. 11. l. 23. C. de SS. eccl. Nov. 9. Nov. 111. Nov. 131. c. 6.* Res pupillorum, *l. 3. C. quib. non obstat. long. temp. præsc. minorum, l. ult. C. in quib. ca. in int. rest. præfidi contra leg. Juliam data, l. pen. de leg. lul. rep. l. 48. de acq. rer. dom. bona adventitia filiiam. l. 1. §. 1. C. de ann. exc. denique res prohibitz alienari aut lege aut testamento, *l. 2. Cod. pro empt. l. 16. de fund. dot.**

C O M M E N T A R I U S.

1. Hoc §. tolli videri præscriptionem quadriennii: quæ olim bonorum vacantium possessori dabatur adversus fiscum.

INter res, quæ juris constitutione usucapioni obnoxie non sunt, quarum summam complexus sum sub *§. 1. sup.* primum locum obtinent res fisci. *quamvis. 18. l. ubi. 24. §. 1. hoc tit. l. 2. C. com. de usuc.* Hoc autem privilegium rebus fiscalibus merito datum est, ne negligentia procuratoris fisci Principi noceat, qui aliis curis implicatur, & tot ac tanta negotia sustinet, ut de suis aut fisci rebus ipsi inquirendi otium non sit. Rerum patrimonialium eadem ratio est, quæ ob id etiam cum fiscalibus comparantur, *§. ult. cod.* Nullane igitur temporis defensio possessorem adversus fiscum tuetur? De fundis patrimonialibus & rei privatæ rescriptum est, possessores eorum 40 annorum præscriptione defendi, *l. ult. C. de fund. patrim. lib. 11. l. ult. C. de fund. rei priv. lib. cod.* Tantum hoc cavetur, ut ne adversus fiscum ea præscriptione hoc assequantur, ut in futurum à canone possessio sit immunis, *l. 6. Cod. d. tit.* Cæterum Justinianus, *l. ut inter. 23. Cod. de sacros. eccl. civitatibus* hoc privilegium dedit, ut adversus eas nulla procedat temporis præscriptio præterquàm 100. annorum: quo jure vel magis fiscum uti oportet. Idem jus eodem loco concedit etiam Ecclesiis: & confirmat *Nov. 9.*

verum abrogat iterum Nov. 111. & Nov. 131. c. 6. substituta pro 100. annorum 40. præscriptione: quibus posterioribus constitutionibus sublatum quoque intelligi debet jus civitatibus datum, l. 23. Cod. de sacros. Eccles. atque ita postremo in his rebus reditur ad præscriptionem 40. annorum. In causis fisci criminalibus, uti persecutio criminum, regulariter exceptione 20. annorum excluditur, l. querela. 12. C. ad leg. Corn. de fals. ita etiam persecutio bonorum damnati aut adnotati, quam fiscus habet: edque refero l. in omnibus. 13. de divers. temp. præscr. quamvis D. Cujac. eam accipiat de causis fisci civilibus, quas omnes scribit 20. annis exstingui, excepta causa commissi & bonorum vacantium, l. 2. C. de res. & comm. l. 1. §. 2. de jur. fisc.

Bona vacantibus] Bona vacantia dicuntur eorum, qui sine hærede decesserunt. Strabo lib. 17. Geograph. ad ianora vocat Hartenopolus & xaxop-jura, lib. 3. tit. 1. §. 18. Hæc ex lege Julia caducaria ad fiscum pertinent, l. quidam. 96. §. 1. l. filiusfam. 214. §. 2. de legat. 1. l. 1. de jur. fisc. l. 1. C. de quadr. præscr. lib. 1. C. de bon. vac. & c. Jus occupandi bona vacantia inter regalia numeratur, lib. 2. Feud. tit. que sint. regal. Erant autem certi delatores, qui huiusmodi bona aliamve rem ad fiscum pertinentem præmii alicujus gratia nuntiabant, tit. de jur. fisc. passim, similes fere antiquis quadruplato-ribus, de qua voce vide Fest. Bonorum vacantium numero habenda etiam bona caduca nondum nuntiata, ita dicta, quod in fiscum certis de cau-sis cadunt. Verum caduca pæne à Justiniano sub-lata sunt, l. un. C. de cad. toll.

Fisco nondum nuntiatis] Nempe à delatoribus, qui nuntiabant, aliquid cecidisse in fiscum, passim tit. de jur. fisc. de quo ex professo Gudelin. lib. 5. de jur. noviss. c. 10.

Usucapere posse] Opus tamen ad introducendam usucapionem rerum vacantium fuisse rescrip-tis, indicat hic locus, & d. l. 18. eod. quippe bona vacantia ad fiscum pertinent ipso jure, et si in pa-trimonio fisci non videantur computari, ante-quam nuntiata sunt, & fiscus ad ea animum ad-jecit. Videtur autem Justinianus hic tollere præ-scriptionem quadriennii, quæ bonorum vacan-tium possessori dabatur adversus fiscum post quadriennium agentem, l. 1. Cod. de quadrienn. præscr. l. 1. §. 2. de ur. fisc. l. 10. de div. temp. præscr. Nam o' im quidem hic sua utilitas & præscriptio-ni quadriennii & usucapioni anni aut biennii ad-versus fiscum fuit: præscriptioni in eo, quod fisco ea obstat sine consideratione bonæ aut malæ fidei possessoris: quippe cum hoc tempus actioni fisci præstitutum esset, uti quinquennium vindicandæ rei, quæ in commissum cecidisset, l. 2. Cod. de res. & comm. usucapioni in eo, quod breviori tempore impleatur. Si verò idem tem-pus in usucapione rerum immobilium vacan-tium adversus fiscum desideramus, quod alia-rum hujus generis rerum usucapioni Justinianus præstituit, poterit fiscus usque ad 10. annos quæstionem de his rebus movere, neque am-

plius finietur nuntiatio quadriennio. Et tamen vix dubito, quin hæc mens Justiniani fuerit: ar-gumentoque est, quod Tribonianus in l. quam-vis. 18. hoc tit. pro eo, quod Modestinus scripserat, usucapies, reposuit, diutina possessione capies: uti primæ notæ Scriptores omnes profi-tentur. Hæc vulgo intacta.

TEXTUS.

Regula generalis.

5. Novissime sciendum est, rem talem esse debere, ut in se non habeat vitium, ut a bona fidei emptore usucapi possit, vel qui ex alia iusta causa possidet.

COMMENTARIUS.

Conclusio superiorum. In summa autem hoc dicit, non sufficere possessori ad usucapio-nem, quod bona fide possideat, quod rem ex iu-sta causa seu titulo ad transferendum dominium idoneo acceperit, nisi res sit integra, & in se nul-lum vitium habeat, id est, talis sit, quæ neque na-tura, neque lege usucapioni exempta est, fac. l. ubi. 24. hoc tit. l. 5. C. pro empt. De possessione, quæ fundamentum est usucapionis & causa pro-xima, deque ejus continuatione, dicam ad §. diutina. 7. infr.

TEXTUS.

De errore falsæ causæ.

6. Error autem falsæ causæ usucapionem non parit; velut si quis, quum non eme-rit, emisse se existimans, possideat, vel quum ei donatum non fuerit, quasi ex do-nato possideat.

COMMENTARIUS.

Jam ante dictum est, nulla iusta causa pos-sessionis præcedente, usucapionem aut longi temporis præscriptionem non procedere, l. null. 24. C. de rei vind. l. 4. C. de præscr. long. temp. l. 6. Cod. de acq. poss. Hæ causæ in usu juris etiam tituli appellantur, l. ult. C. de usuc. pro hæc. d. l. nullo. 24. C. de rei vind. d. l. 4. Cod. de præscr. long. temp. Jultæ autem causæ possessionis sunt eadem, quæ & do-minii acquirendi, l. 2. §. 21. de acq. poss. ubi ple-ræque hujus generis commemorantur. Error au-tem falsæ causæ, id est, opinio iusti tituli usuca-pionem non parit, sed oportet titulum revera in-tervenisse: hoc est, non is, qui putat se emisse, sibi donatum aut legatum esse, cum non sit, pro em-ptore, pro donato aut legato usucapere potest, sed is solus, qui verè emit, cui res verè donata aut legata est, l. Celsus. 27. hoc tit. l. 1. pro donat. l. 2. & 3. pro legat. l. 7. pro derel. l. 1. §. ult. pro dor. quippe falsa nostra existimatio rei veritatem non mutat, l. 6. ad munic. Quidam tamen veterum censebant, in falsa opinione tituli admittendam esse usucapionem pro san: l. de errare eos Celsus ostendi. d. l. 27. Utitur autem hac ratione, quod ubi

ubi nihil emptum, nihil donatum aut legatum est, usucapio pro emptore, pro donato aut legato non valeat. Quæ ratio prima fronte inepta videri potest: nam illi, quos errare ait, non hoc dicunt, bonæ fidei possessorem, qui modò emptum, donatum aut legatum sibi existimet, etiam si nihil horum sit, pro emptore, prove donato aut legato usucapere posse, sed pro suo: quod ratio Celsi non videtur remove, quoniam & titulus pro suo iustus titulus est. Explicanda igitur est Celsi ratio, ut appareat, ex ea etiam effici, ut in proposito nec locus sit usucapioni pro suo. Titulus pro suo duplex est, unus specialis, qui ex sola conditione rei possessæ nascitur, & locum habet in his, quæ sola occupatione nostra fiunt, ex quo titulo certa usucapio, l. 2. pro suo. alter generalis, coharens cum aliis omnibus causis: ut eæ, qui bona fide, pro emptore, pro donato, prove legato possidet, is simul ex his causis etiam possidet pro suo: sed hic titulus generalis pro suo, pro iusto titulo possessionis non habetur, nisi concurrat alius specialis, cui ille adhaereat, l. 1. pro suo. Jam puto, intelligitur, quam vim ratio Celsi habeat; nimirum remoto alio titulo speciali, quem in proposito nullum esse in confesso est, admitti non posse generalem illum pro suo. Cæterum hoc totum sic acceptum est, ut iustus & probabilis error possessoris usucapioni non obstat, veluti, si servus aut procurator rem aliquam se emississe falso domino persuaserint, quam emendam illis mandaverat; in hoc errore possessor pro emptore usucapiet, quia in alieni facti ignorantia tolerabilis error est, leg. quod vulgo. 11. pro empt. l. ult. §. 1. pro suo. Potest & in nostro ipsorum facto talis error intervenire, ut usucapio non impediatur, l. 2. §. si a pupillo. 15. & §. seq. pro empt.

T E X T U S.

De accessione possessionis.

7. *Diutina possessio, quæ prodesse cæperat defuncto, & heredi & bonorum possessori continuatur, licet ipse sciat, prædium alienum esse. Quod si ille initium iustum non habuit, heredi & bonorum possessori licet ignoranti possessio non prodest. Quod nostra constitutio similiter & in usucapionibus observari constituit, ut tempora continuantur.*

N O T A.

7. *Diutina possessio*] Sine possessione usucapio non procedit, l. 25. h. t. Non autem præcisè exigitur possessionis continuatio in una eademque persona: sed receptum, ut etiam alienæ possessionis accessione uti liceat, l. 14 h. t. l. 2. §. 19. & seq. pro empt. l. 13. §. 1. & deinceps de acq. poss. l. 14. de div. & temp. præsc.

Heredi continuatur] l. 43. h. t. d. l. 2. §. 19. eadem ratione, quæ perseverat usucapere, qui postea

cognovit rem alienam esse, l. 43. §. 1. de A. R. D. nam hæres defuncti vice fungitur, l. 22. hoc tit.

Heredi non procedit] Quia etiam *diutina possessio*, hæres non tantum in virtutes, sed etiam in vitia defuncti succedit, l. 11. de div. & temp. præsc. l. 11. C. de acq. poss.

Et in usucapionibus] Sensus est, se constitutione sua cavisse, ut eadem temporis inter hæredem & defunctum continuatio observaretur & in usucapione à se reformatæ, & rerum quoque mobilium. Cujaciana transpositio non placet.

C O M M E N T A R I U S.

- 1 *Quid in hoc argumento sit possidere.*
- 2 *Possessionem legitimam temporis ad usucapionem definitam continuatam requiri.*
- 3 *Interrumpi possessionem duobus modis; & quis utriusque effectus.*
- 4 *Ad implendam usucapionem etiam alienæ possessionis accessione uti licere.*
- 5 *Iustam possessionem defuncti prodesse heredi etiam sciens rem alienam esse: injustam defuncti non prodesse licet ignoranti. Et quam rationem utrumque habeat.*
- 6 *Cujac. Presumb. Iusomannus confutatur: & quis sit sensus verborum, in calce huius §. ostenditur.*

IN primis eum, quem usucapere volumus, possidere oportet. Sine possessione ait Iuriconsultus, usucapio contingere non potest, leg. 25. hoc tit. Possidere in hoc argumento is solus intelligitur, qui animo dominantis rem tenet. Quamobrem hinc remouentur primùm, qui alieno nomine in possessione sunt, ut fructuarius, creditor, colonus, is cui res commodata, aut apud quem deposita est, leg. non solum. 33. §. qui pignori. 4. hoc tit. l. pen. §. 2. qui satisd. cog. §. 4. inf. per quas pers. §. p. possidere. §. inf. de interd. deinde etiam sequester, apud quem possessio deposita est: item is, cui possessio tradita est, ut eam postea restituat. Esi enim hi verè possident, l. licet. 17. §. 1. de off. l. si quis. 7. in fin. de acq. poss. tamen quoad effectum usucapionis pro possessoribus haberi non possunt: quia rem non ut suam, non animo domini tenent. Possidere autem oportet totum illud tempus, quod lege definitum est, rem mobilem triennium, immobilem decem aut viginti annos, & possidere continenter sine possessionis interruptione. Hinc rectè usucapio à Modestino definitur, adjectio domini per continuationem possessionis temporis lege definiti, l. 3. hoc tit. In computatione temporis hoc observatur, ut non à momento ad momentum computetur, sed dies postremus caput pro impleto habeatur, leg. 6. eod. Interrumpitur possessio duobus modis: uno naturaliter, veluti cum quis vi de possessione ejicitur, aut res nobis eripitur, l. 5. eod. l. 15. de acq. poss. altero civiliter per litis contestationem: hoc modo civiliter interrumpi possessionem dicimus, quia post litis contestationem verè & naturaliter possidere non desit.

definimus, & implemus usucapionem, l. 2. pro donat. l. 2. § ult. pro empt. sed impleta inter moras iudicii usucapio effectu juris victo possessori non prodest, sed rem restituere cogitur, perinde quasi non usucepisset, l. si post. 18. de rei vind. Naturalis interruptionis hanc vim fuisse constat, ut etsi quis amissam semel possessionem deinde recuperasset, ei priori, possessionis tempora ad usucapionem aut præscriptionem non prodesse, sed à recuperata possessione tempus denuo inchoaretur; & proinde etiam, quod ad bonam fidem possidentis attinet, initium possessionis recuperatae spectatum fuisse, l. 15. §. 2. hoc tit. l. 7. §. qui bona. 4. pro empt. Neque ex hoc iure quicquam mutatum. Litis autem contestatione usucapio non interpellabatur, sed, ut dixi, condemnato possessore erat inefficax: lite omissa erat efficax. At longi temporis præscriptio, quod facti esset, etiam plenè interrompebatur lite, ut nec lite omissa, ullius momenti esset, etiam si post omissam litem ex integro is, cum quo actum erat, longo tempore possedisset, l. 1. l. 3. l. nec bona. 10. C. de long. temp. præscr. l. nemo. 10. C. de acq. poss. Sed hæc differentia sublata est per l. pen. & ult. C. de annal. exc. l. un. C. de usuc. transfor. An ergo & mala fides simpliciter incidens, quæ usucapionem neutiquam interpellabat, l. bona. 48. §. 1. de acq. rer. dom. interpellavit præscriptionem longi temporis? Id quidem affirmat Cujacius in d. l. 2. §. ult. pro empt. Verum hoc nusquam scriptum est: nec eadem effecta, quæ litis contestationi tributa sunt, fuisse scientiæ rei alienæ simpliciter incidentis, argumento est tum vetus usucapio, tum etiam Justinianeæ, quæ non interruptitur ex posteriore alienæ rei scientiæ, d. l. un. C. de usuc. transfor. plenissimè tamen interruptitur litis contestatione, atque adeo libelli oblatione, ut expressè constitutum est leg. pen. & ult. C. de annal. except. Atque hæcenus igitur minus est in nova usucapione, quam in veteri fuit, quod nova dictis modis plenè interpellatur. Continuationem possessionis dum exigimus, non hoc præcisè exigimus, ut una eademque persona per totum legitimum tempus continenter possideat: sed receptum est, ut ad usucapionem & longi temporis præscriptionem implendam alienæ possessionis accessione uti liceat. Atque hoc tributum est, licet dissimiliter, de quo statim, tam successori rerum singularium, puta emptori, donatario, quam successori universi juris, ut hæredi aut bonorum possessori, hoc text. & §. seq. leg. 14. cod. leg. 2. §. si defunctus. 19. & seq. pro empt. leg. Pomponius. 13. §. 1. & seqq. de acquir. poss. l. de accessionibus. 14. de div. temp. præscr.

Licet ipse sciat prædium alienum esse. Quod si ille initium iustum non habuit] Hæc non ad quemvis successorem, sed ad successorem universi juris, hæredem, aut bonorum possessorem tantum pertinent. Duo autem hic traduntur: unum est, iustam possessionem defuncti prodesse hæredi, & procedere etiam hæres sciat rem

Papinianus in Insistit.

alienam esse, quod & traditur l. hæres. 43. hoc tit. l. 2. §. si defunctus. 19. pro empt. alterum, iustam possessionem defuncti hæredi non procedere, licet ignoret rem alienam esse, fac. l. cum hæres. 11. de div. temp. præscr. l. vitia. 11. C. de acq. poss. Utrumque eandem rationem habet, quia scilicet hæres personam & conditionem defuncti suscipit, ita ut una persona cum defuncto censeatur. Hoc enim posito, qualitas possessionis ex persona defuncti tantum æstimanda, ut illa vel prosit hæredi, vel noceat: prosit, si defunctus bonum initium habuerit, etsi hæres non habeat; noceat, si defunctus bonum initium non habuerit, etiam si hæres habeat: & perinde per omnia habeatur, ac si defunctus adhuc ipse possideret. Succedit itaque hæres non tantum in virtutes defuncti, sed etiam in vitia, nec ignorance sua ea excludit, ut ait Papinianus d. l. 11. de div. temp. præscr. & Imp. d. l. 11. C. de acq. poss. Vicia possessionum, inquit, à maioribus contracta, perdurant, & successorem auctoris sui culpa comitatur. Ex quo hoc amplius etiam intelligimus, errare eos, qui hæredem volentem uti accessione possessionis defuncti à semetipso inchoare possessionem, atque usucapionem præscriptionemve statuto tempore implere posse arbitrantur: quod ius tantum singularis est successoris, ut postea demonstrabitur. Nihil verò eorum opinionem juvat l. pen. pro hæred. Neque enim negamus, posse aliquando hæredem usucapere, quod defunctus non potuit: sed dicimus, non posse, quod defunctus vitiosè possedit. Ut ecce, potest hæres ex sententia plerumque veterum usucapere rem, quam putat hæreditariam esse, cum non sit, sed defuncto commodata, aut pignoriata, aut apud eum deposita; quomodo explicanda est d. leg. pen. nimirum quia nihil ex persona defuncti hic obstat hæredi, quominus ipse eam rem pro hærede usucapere possit: quamquam sunt, inter quos etiam Bachovius, qui nec hoc ipso casu usucapionem pro hærede admittunt, per l. 2. & ult. C. pro hæred. leg. 4. C. de præscr. long. temp. Sed hoc si sequimur delecti erunt tit. de usuc. pro hærede, possuntque d. l. 2. & ult. commodè accipi de iis, qui falso existimant se hæredes esse: & d. leg. ult. cum d. leg. 4. etiam de vero hærede, sed qui rem ex titulo ad usucapionem inhabili tenens, possessionis causam sibi mutare conatur, eamque rem obtentu, quasi hæreditaria esset, pro hærede usucapere; cuiusmodi species proponitur d. l. 2. §. 1. pro hærede. VINN. Titulus pro hærede qualis sit, adparet ex Pomponii verbis l. pen. ff. pro hæred. Plerique putaverunt, si hæres sim, & putem rem aliquam ex hæreditate esse, quæ non sit, posse me usucapere. Ponendus itaque casus, quo hæres sine mala fide vel sua vel defuncti rem alienam possidet. Tale exemplum est B. Pagenstecheri in Admonit. ad Pand. Part. 6. §. 160. si ovis Titii immiscuerit se Mævii defuncti gregi, inscio Mævio. HAIN.

Quod nostra constitutio similiter & in usucapionibus] Hunc versum transposuit Vvesembecius

cum securus auctoritatem Cujacii, qui putavit, cum non suo loco positum esse, & repouendum post §. *sequentem*; propterea quod Justinianus constitutione sua *l. un. Cod. de usuc. transf.* nihil novi caverit de continuatione possessionis defuncti & hæredis: sed quod ex rescripto Severi & Antonini tantum obtingebat in præscriptione longi temporis, ut inter emptorem & venditorem tempora conjungerentur, traxisse ad usucapionem, in qua olim successor singularis propter brevitatem temporis accessione possessionis auctoris sui non utebatur, per *leg. si ades. 32. §. 1. de serv. præd. urb.* In quo vix est; ut 6 Cujacio assentiri possim. Nam in *leg. id tempus. 14. hoc tit.* expressè etiam emptori & legatario prodesse dicitur tempus, quo venditor & testator possederunt; prodesse scilicet etiam ad usucapionem, de qua ex professo isto titulo agitur. Similiter Ulpian. in *l. Pomponius. 13. §. 1. & seqq. de acq. poss.* latissime disputans de accessione temporis, qua posterior possessor utitur ex persona auctoris sui, in tota illa disputatione nullius differentie meminit, quæ hæc in parte sit inter usucapionem, & longi temporis præscriptionem. Quin etiam disertissimis verbis scriptum à Paulo est, emptori tempus venditoris ad usucapionem procedere, *l. 2. §. pen. pro empt.* Hoc amplius Sævola etiam, emptorem servi uti accessione venditoris, *l. in accessionibus. 14. §. 2. de div. temp. præscr.* Atqui constat, res mobiles anno ubique usucaptas fuisse. Nec absurdum est, in ea temporis brevitate pari spatio duorum conjuncta possessione rem acquiri, quo unius, immo in duorum possessione domini conditio melior: quoniam tam in successore volente uti accessione bonum initium exigitur, quam in auctore ejus, cum unius usucapionem mala fides superveniens non interpellat. Hæc autem omnia Triboniano adscribere magnæ temeritatis est. Neque in *d. l. si ades. 32. §. 1. de serv. præd. urb.* agitur de emptore aliove, in quem ex justa causa possessio ab auctore translata est, quo demum casu locus est conjunctioni temporum; sed de eo, qui interpellata usucapione, propterea quod res simpliciter possideri desita esset, postea eandem rem possidere cepit. Quomodo igitur defendimus, quod Justinianus ait de conjunctione temporum à se introducta in usucapionibus, similiter ut in diutina possessione? Hotomannus existimat, totam hanc disputationem ante Justinianum nihil ad usucapionem pertinuisse, sed ad longi temporis præscriptionem dumtaxat: ac ne hæredi quidem tempora in usucapionibus continuata, sed id primum effectum esse constitutione Justiniani; idque esse, quod hoc loco Justinianus significet. Verum hanc sententiam falsam esse ostendunt quotquot sunt loci, quos modò citavimus: & de hærede hoc amplius jam ante obtinuit, ut nec scientia continuatio temporum in usucapione impediretur, *l. hæres. 43. hoc tit. l. 2. §. si defunctus. 19. pro empt.* idque locum haud dubie etiam habuit in usucapione rerum mobilium:

neque simplex scientia hæredis rem magis furtivam facit, quam si defunctus ipse ante implectam usucapionem rescivisset rem alienam esse. Quapropter omnino existimo, Justinianum, nisi forte quid falso sibi attribuerit, his verbis, *Quod nostra constitutio similiter & in usucapionibus, &c.* nihil aliud significare, quam se in usucapione à se reformatam nihil innovasse, quod attinet ad continuationem temporum inter defunctum & hæredem: sed eam observari voluisse etiam in sua usucapione & rerum quoque mobilium, ut ea antea observabatur, & maxime in diutina possessione, in qua frequentior erat propter longioris temporis spatium. Non meminit quidem nominatim defuncti & hæredis, sed tamen generaliter antecessoris & successoris cujusvis, quod satis est ad retinendum hunc versum in suo loco: ita propemodum & Car. Hannib. Fabrot. in not. ad Theoph. Hinc simul apparet, abuti hoc textu DD. qui eum adducunt ad probandum, usucapionem tantum esse rerum mobilium.

T E X T U S.

8. Inter venditorem quoque & emptorem conjungi tempora, Divi Severus & Antoninus rescripserunt.

N O T A.

8. Venditorem & emptorem] Ceterosque singularis rei successores, *l. 15. §. 10. & seq. de acq. poss. l. 5. l. 14. de div. præscr.*

Conjungi tempora] Modò uterque bona fide acceperit. Vide sup. in comment.

C O M M E N T A R I U S.

1 Quando successor singularis accessione possessionis auctoris sui uti possit.

2 Vitium auctoris successoris neque nocere, neque prodesse.

DE conjunctione temporum inter priorem possessorem, & universi juris successorem dictum §. *præc.* hic de eadem conjunctione agitur inter venditorem & emptorem, quod tamen jus ad ceteros quoque pertinet, qui alio titulo singulari etiam lucrativo rem acceperunt, puta ex causa donationis, aut legati, *l. id tempus. 14. pr. & §. 1. hoc t. l. Pomponius. 13. §. sed & 10. & seq. de acq. poss. l. 5. l. in accessionibus. 24. §. 1. de div. temp. præscr.* Scriptum hic simpliciter est, inter venditorem quoque, & emptorem tempora conjungi: an igitur eodem modo, quo inter defunctum & hæredem? Nequaquam: sed ita, si uterque bona fide rem acceperit. Proinde si emptor justum possidendi initium non habuerit, etiam si venditor habuerit, non uteretur emptor accessione venditoris, contra quam existimat Hotomannus: nam traditum est, vitiose possessioni nullam ne justam quidem posse accedere, *d. l. Pomponius. 13. in fin.* Quamquam diversum est in successione universi juris: de quo abun-

abunde §. *præc.* Ex contrario quoque vitiosa venditoris possessio non prodest iustæ possessioni emptoris: sed qui vult uti adminiculo ex persona auctoris, eo uti debet cum sua causa suisque vitiis, d. l. *Pomponius. 13. §. 1.* id est, eadem conditione eodemque iure, quo auctor uteretur. Denique hoc etiam traditum est, nec vitiosam possessionem accedere posse ei, quæ vitiosa non est, d. l. *Pomponius. 13. in fin.* Planè non nocebit successor, quod auctor ejus bono initio nixus resciviret alienam esse, antequam eam alienaret: quia, si non alienasset, ipse eam usucapere potuisset. Quid si successor accessione auctoris uti nolit, sed suæ tantum possessione tempora computare, an hic etiam vitium auctoris ultro nocebit successor? Placuit, quemadmodum vitium auctoris successor non prodest, si accessione uti velit, ita neque nocere, si accessione uti nolit: denique successorem per se usucapere posse, quod auctor usucapere non potuit, d. l. *5. de div. temp. præscr. 14. §. de auctoris. 27. de dol. exc. l. 4. C. de res vind.* quod tamen ex parte emendatum & temperatum est distinctione, quæ extat in *instent. male fidei. C. de præscr. long. tempor.* In hoc autem dissimilis item causa hæredis est, cui vitiosa defuncti possessio nocet, etiam si adminiculo ex personâ defuncti uti nolit: quippe qui tam in vitia quam in virtutes defuncti succedit, & eadem cum defuncto persona esse existimatur, l. cum hæres. 1. *de div. temp. præscr. vid. §. præced.* Loquimur autem de vitio personæ possessoris: nam quod vitium in re est, puta si res furtiva sit aut vi possessa, id generaliter successoribus omnibus nocet, §. *novissimè. 5. suprà. ubi. 24. cod. l. 7. C. pro empr.* Illud addo, si medio tempore alius possederit, interruptam esse possessionis continuationem, atque in ea re similes esse emptores universi juris successoribus, d. l. *Pomponius. 13. §. quæstium. 4. de acquir. possess. l. possessio. 20. hoc tit.*

TEXTUS.

De his qui à fisco, aut Imp. Augustæve domo aliquid acceperunt.

9. *Edicto divi Marci cavetur, eum, qui à fisco rem alienam emit, si post venditionem quinquennium præterierit, posse dominum rei exceptione repellere. Constitutio autem divæ memoria Zenonis bene prospexit iis, qui à fisco per venditionem, aut donationem, vel alium titulum accipiunt aliquid: ut ipsi quidem securi statim fiant, & victores existant, siue experiantur, siue convenientur: adversus autem sacratissimum ærarium usque ad quadriennium liceat iis intendere, qui pro dominio vel hypotheca earum rerum, quæ alienate sunt, præaverint, sibi quasdam competere*

actiones. Nostra autem divina constitutio, quam nuper promulgavimus, etiam de iis, qui à nostra, vel venerabilis Augustæ domo aliquid acceperint, hæc statuit, quæ in fiscalibus alienationibus præfata Zenoniana constitutionis continentur.

NOTÆ.

9. *Constitutio Zenonis*] L. 2. C. de quadr. præscr. Fisco hoc tributum, quo paratiores reperiat in subhastationibus emptores. Vvel.

COMMENTARIUS.

1. *Ærarium* etiam post occupatam Rempub. dictum pecuniam publicam, siue imperii; fiscum pecuniam Principis privatam, postea utrumque verbum promiscue usurpatum.
2. *Præscriptionem quadriennii* fiscalem, & veteri juri incognitam, & Canonibus improbatam: neque usu apud plebsque receptam esse.

Si post venditionem quinquennium] Mentio fit hujus edicti D. Marci l. ult. C. si adv. fisc. In hac autem præscriptione quinquennii nullam factam fuisse distinctionem inter bona aut mala fide quid à fisco accipientem apparet ex eo, quod alioqui melior conditio fuisset ejus, qui à privato emisset, quam qui à fisco: liquidem is, qui à privato bona fide rem emerat, ad summum biennio jam usucapiebat.

Constitutio Zenonis] Ea est l. 2. C. de quadrienn. præscr. Olim quinquennii præscriptione tuti erant qui quid alienam emerant à fisco. Hodie statim tuti sunt ex constitutione Zenonis, siue convenientur, siue ipsi amissa sorte rei possessione ultro agant. Fisco autem alienantem rem alienam, vel alii pignori obligatam datur præscriptio quadriennii, si post quadriennium eo nomine conveniatur à domino, aut creditore pignoratitio, d. l. 2. Quod ideo sic constitutum esse videtur, ut tanto facilius emptorem fiscus reperiat; tum etiam ne rescindatur venditio facta publica auctoritate: alioqui sanè durum atque iniquum esset domino aut creditori, jus vindicandi, aut persequendi rem suam, aut sibi nexam statim auferre, iisque objicere tam potentem adversarium.

Sacratissimum ærarium] Hic disertè fiscus appellatur ærarium Principis, uti & in l. 2. C. de quadr. præscr. Neque causam habet Horomannus, cur eo nomine Tribonianum reprehendat; & falsum est, quod scribit, ærarium esse rerum Principis privatarum, quibus scilicet ipsius patrimonium constet; fiscum verò cæterarum omnium, quæ sacræ largitiones, & sacri thesauri passim appellantur: eamque differentiam in d. l. accuratè observatam. Scimus, locum, ubi pecunia publica reponebatur; Romanis ærarium appellatum, eumque locum fuisse in æde Saturni, quod etiam Senatusconsulta deserebantur; testes passim Livius, alique Scriptores. Ipsam quoque pecuniam publicam ærarium dictam & *μνησιν*. Cic. 3. *Tusc. cap. 20. Et quidem C. Græchus*

ebus cum largitiones maximas fecisset, & effudisset ararium, verbis tamen defendebat ararium. Idem ad Attic. lib. 6. ep. 1. Ariobarzanes nullum ararium, nullum vestigial habebat. Illud quoque constat, post occupatam Rempub. ararium adhuc diu dictum fuisse pecuniam publicam sive imperii, & à fisco separatam: fiscum enim dixerunt pecuniam Imp. propriam ac privatam, cujusmodi erant bona damnatorum, caduca, vacantia, aliaque *idiotica*, quæ Principi deferebantur. Plinius in Panegy. Traiano dict. At fortasse non eadem severitate fiscum, qua ararium cohibes? Immo tanto majore, quanto plus tibi licere de tuo quàm de publico credis. Et paulo post. Quæ præcipua tuæ gloria est, sapius vincitur fiscus: cuius mala causa est numquam, nisi sub bono Principe. Ulpianus in l. 2. §. 4. *ne quid. in loc. publ. Res*, inquit, *fiscales quasi propria & privata Principis sunt*. Hinc ratio fisci idem quod ratio Principis & ratio privata, l. pen. C. de edend. l. 2. C. de priv. fise. Procedente tempore, distinctio illa ararii & fisci evanuit, ac utraque voce promiscuè usi sunt, unaque tantum sub Græcis Principibus distinctio usurpata, fisci & bonorum Principis patrimonialium: quod hic locus aperte ostendit, & unde desumptus est, l. ult. C. de quadr. præscr. Id autem inter res fiscales & patrimoniales intererat, quod etiam utraque Principis erant, illæ essent principis qualis, & ideo publicæ; hæc propriæ Zenonis, Justiniani, & ideo privatæ: unde & comites rerum privatarum dicti, quibus harum rerum curam demandata, sit. C. de off. com. rer. priv. qui antea procuratores patrimonii appellabantur, *locum servus*.

39. §. ult. de legat. 1. Planè vocabulo ararii aliquando latius usi sunt, ut eo etiam significarent res Principis privatas, veluti cum in leg. un. C. de quest. & magistr. offic. lib. 12. comitiva utriusque ararii dicitur, id est, sacri sive fiscalis, & privati. Qui fiscali præerat, in specie comes sacrarum largitionum & thesaurorum appellari videtur, l. 3. C. ubi senat. vel clariss. l. 2. C. ut dign. ord. serv. lib. 11.

Nostre autem divina constitutio 1 Intelligit l. ult. C. de quadr. præscr. qua constitutione quod Zeno de fisco statuerat, producit ad substantiam Principis privatam, ut scilicet etiam rerum patrimonialium emptor statim securus sit, & dominus quadriennii præscriptione excludatur. Affertque hanc constitutionis suæ rationem, quod cum omnia Principis esse intelligantur, sive res sint fiscales, sive privatæ Cæsaris; nulla, quod attinet ad harum rerum alienationem, differentia introducenda sit. Explodendi autem sunt qui hinc colligunt, omnia omnino & bona etiam subditorum propria esse Principis. Eadem constitutione etiam Serenissimæ Augustæ idem privilegium conceditur. Hoc jus atque hæc præscriptio fiscalis veteribus incognita fuit, uti liquet ex l. nes ullam. 13. §. ipsi si quis. 9. de her. pet. Jus Canonum eam improbat cap. placuit. 16. q. 3. nec apud nos recepta, Zypæ. notis. jur. Belgis. de præscript. Christin. vol. 4. decis. 82. nu. ult. ubi etiam alios allegat, qui tradunt, hunc §. & sit. C. de quadrienn. præscript. in usu non esse. Aliud tamen visum Groenevv. hic tract. de legib. abrog. arg. decis. 15. cur. Holland.

TITULUS SEPTIMUS.

DE DONATIONIBUS.

Dig. Lib. 39. Tit. 5. 6. C. Lib. 8. Tit. 54. Nov. 162.

- 1 Absolutam inter vivos donationem ad acquisitionem juris gentium pertinere.
- 2 Sine donatio modus acquirendi, an ritulus, sive causa.
- 3 Series hujus tituli.

U Sucapionem, de qua proximè egimus, esse modum acquirendi jure civili extra controversiam est: utrum autem donatio quoque eò pertineat, ambigitur. Et quidem absolutam inter vivos donationem, quæ traditione perficitur, & potissima donationis species est, nemo, opinor, tam est excors, qui jure civili adscribendam putet. Quid enim habet illa à jure civili, quod ad formam ejus aut perfectionem pertineat? Quid tam naturale est, quàm homine homini bene facere? Ad liberalitatem natura propensi sumus, testibus Cic. in Lat. & Sen. in lib. de benef. Antiquitas nihil aliud existimavit esse Deum, quàm prodesse mortalibus. De quo Desiderius noster in Chilsad. Ad hæc, nihil magis ra-

tionem naturali convenit, quàm voluntatem domini rem suam in alium transferentis ratam haberi, Demost. ad vers. Leptin. ex causa liberalitatis id fiat, an ex qua alia, nihil refert, auctore ipso Justiniano §. per traditionem. 40. sup. de rev. div. ubi nominatim etiam donationem refert inter causas acquisitionis juris gentium. An vel apud Sinas aut Japones credimus nullum esse exercitium liberalitatis, nullum donationis usum? At inquis, lex Cincia supra modum donare prohibuit: & nunc donatio excedens summam 500 solidorum insinuanda est. Quid tum postea? Lex Fusia Caninia vetuit ultra præscriptum numerum manumittere, an ideo manumissio ex jure civili est? Quarumdam rerum vetita est distractio, an idcirco emptio, venditio, contractus juris gentium non est, sed juris civilis? Planè cum necessitas insinuandi donationem, quæ excedit supra dictam summam, à jure civili sit, concedo, tantæ quantitatæ donationem, utpote quæ jam sola voluntate & traditione donantis non perficitur, pos-

posse referri inter modos acquirendi jure civili, arg. l. 6. de iust. & iur. ut tamen non meri juris civilis habeatur, sed mixti, & maximam adhuc partem naturalis: alix autem omnes, quæ quantitatem legitimam non excedunt, juris merè naturalis, siue gentium manent. Quomodo ergo defendimus methodum Justiniani? Nimirum si dicamus, Justiniano principaliter propositum esse tractare de donationibus impropriis, mortis causa, & propter nuptias: quæ ad jus civile non ineptè referuntur, ut postea palam fiet. Hoc autem ipsa series tractationis ostendit, cujus initium à mortis causa donatione capitur: cum alioqui converso modo de donatione vera & absoluta primo loco agendum fuisset, uti factum est in Pand. & Cod. Occurrit hic & aliud dubium, sit ne scil. donatio modus acquirendi domini, an solummodo titulus, siue causa, ut emptio, dos, permutatio. Nam ratio ordinis exigit ut dicamus, esse acquirendi modum: contra verò causam tantum acquirendi esse, probat d. §. per traditionem. 40. de ver. div. Verum hoc non adeo difficile expeditu est. Etenim donationis verbum duobus modis accipitur. Uno modo propriè pro ipsa donatione, quando scil. liberalitatis exercenæ gratia aliquid alicui tradimus, & acturum in accipientem transferimus, ut simul & causam tradendi & traditionem ipsam includat. Nam propriè donare nemo intelligitur, nisi qui & tradat: unde donare & dare promiscuè Jurisconsultus usurpat, l. 1. hoc tit. & donatio dicta quasi donatio, l. senatus. 35. §. 1. de mort. caus. don. unde & Papinianus l. 23. de donat. int. vir. & ux. donationem distinguit à stipulatione donationis causa facta. Altero modo metonymicè pro conventionione de dando, cum quis donationis causa aliquid promittit, l. 2. l. 12. l. cum quis. 22. eod. Priore sensu accepta donatio modus est acquirendi domini: posteriore non dominium, sed obligationem parit, rationemque contractus & tituli habet, d. l. 22. Plerique magno molimine magnas hic nugæ agunt. Vinn. Ast nescio, an ipse Auctorrem confecerit. Ego ita sentio. Tribonianus hic sequutus est proculdubio ordinem Caji. Ejus autem tempore donatio omnino erat modus acquirendi dominium civilis. Nam tunc ex lege Cincia de donis & muneribus non valebat donatio, nisi interveniret mancipatio solemnis & traditio. Fr. Brummer. ad l. Cinc. cap. 13. Conf. Novell. 162. cap. 1. Postea Antoninus Pius nudam voluntatem sufficere voluit in donationibus inter parentes & liberos, l. 3. C. Theod. de don. Idem de donationibus inter conjuges sanxit Antoninus Caracalla l. 32. §. 1. ff. de don. inter. vir. & uxor. Constantinus M. postea litterarum fide donationes fieri posse, concessit, modo postea sequeretur corporalis traditio, l. 1. C. Th. de don. Remisere has scripturas Theodos. & Valentinianus AA. sed ita, ut alia idonea documenta adhiberentur.

l. 29. C. de donat. Denique Justinianus & nudam promissionem valere iussit l. 35. & 37. C. de donat. Ex brevi hac juris hujus historia patet, rectè Cajum, aut quemcumque sequutus est Tribonianus, donationem retulisse inter modos acquirendi, eosque civiles, ob necessariam in donatione mancipationem, & traditionem. At minus rectè Tribonianus putavit hunc ordinem servari posse, quia saltem quædam donationis species, puta donatio mortis causa, huc referri possit. Conf. Averan. Interpret. Lib. 1. cap. 29. HBIN. Initio hujus tituli proponitur donationis divisio: deinde explicantur species, non omnes quidem, sed tres tantummodo, hoc ordine. Primum agitur de donatione mortis causa; deinde de donatione simplici inter vivos; tum de donatione propter nuptias. Ad extremum subjicitur modus antiquus acquisitionis civilis ex causa lucrativa per jus accrescendi.

TEXTUS.

De donatione.

Est & aliud genus acquisitionis, donatio. Donationum autem duo sunt genera; mortis causa, & non mortis causa.

NOTÆ.

Rubr. Donationibus] Donatio est, cum quid nullo jure cogente conceditur, l. 29. hoc tit.

Acquisitionis] Civilis scil. ut ordo arguit. Atcò tantum referendæ donationes improprie, mortis causa & propter nuptias, de quibus hic principaliter tractatur; non illa absoluta inter vivos. Nam res suas quibusque donare apud omnes gentes jus potestasque est, §. 40. sup. de ver. div. Demosth. adv. Leptin.

Donatio] Donatio propriè est doni datio, l. 1. D. h. t. l. 35. §. 1. D. de mort. caus. don. Estque modus acquirendi, quoniam & causam tradendi includit, & ipsam traditionem. Cum autem accipitur pro conventionione de dando tituli seu causæ tantum rationem habet, §. 40 sup. de ver. div.

Duo genera] Utriusque autem generis plures sunt species, leg. 8. D. h. t. l. 1. D. de mort. caus. don.

COMMENTARIUS.

RECTIOR fortassis erit divisio si dicamus, donationem aliam esse propriam, aliam impropriam; l. 1. hoc t. est enim donatio ex eorum generum numero, quæ æque dicuntur, nec pariter subiectis speciebus omnibus conveniunt. Donatio propria, quæ & vera atque absoluta, l. senatus. 35. §. 2. de mort. caus. don. est, cum quis solius liberalitatis gratia sic aliquid dat, ut statim velit accipientis fieri, neque ullo casu ad se reverti, d. l. 1. & d. l. senatus. 35. §. 2. Impropriz donatio.

tionia variz sunt species. Talis est donatio propter nuptias, de qua §. 3. *inf. cod.* Tales sunt donationes omnes, quæ sub modo, causa, conditione fiunt, *tit. C. de don. quæ sub modo.* & in speciem incidunt contractuum innominatorum, do ut des, do ut facias: item remuneratio. In quibus omnibus pro modo & quantitate retributionis propius aut longius à vera donatione receditur. Sic it. in quod honorarii nomine datur pro officio & opera præstita, & in factis, quæ locari solent, merces diceretur, in speciem mæ donationis non cadit. Quia donari non videtur, nisi quod nullo cogente conceditur, *l. donari. 29. hoc tit. v. xovis dicitur deditur.* Harmenop. lib. 3. tit. 1. Et hoc est, quod DD. tradunt, donationem remuneratorem propriè donationem non esse, per *l. hoc iure. 9. §. 1. l. Aquilini. 27. cod.* Talis denique donatio mortis causa, propterea quod ex casu resolvitur, atque adeo ex pœnitentia revocari potest.

T E X T U S.

De mortis causa donatione.

1. *Mortis causa donatio est, quæ propter mortis sit suspensionem, quum quis ita donat, ut si quid humanitus ei contigisset, haberet is, qui accipit, sin autem supervixisset, is, qui donavit, reciperet: vel si eum donationis pœnituisse, aut prior decesserit is, cui donatum sit. Hæc mortis causa donationes ad exemplum legatorum redactæ sunt per omnia. Nam cum prudentibus ambiguum fuerat, utrum donationis an legati instar eam obtinere oporteret; & utriusque cause quadam habebat insignia, & alii ad aliud genus eam retrahabant; à nobis constitutum est, ut per omnia fere legatis connumeretur, & sic procedat, quemadmodum nostra constitutio eam formavit. Et in summa mortis causa donatio est, quum magis se quis velit habere quam eum, cui donat, magisque eum, cui donat, quam heredem suum. Sic & apud Homerum Thelemachus donat Piroo:*

Πῖρος. ἢ γὰρ ἂν ἴδωμαι ὅπως ἔσται πῶς ἔργα
ἔσται ἡμῶν μνηστῆρες ἀγένοισι ἐκ μνηστῆρων
ἀδελφὰ καὶ φίλους, πατρὶδ᾽ ἀδελφὰ δδόντας
αὐτοῖς ἔχοντες βέλους ἰκανοὺς ἰσχυροὺς, ἃ τὰ αὖθις
εἰ δὲ ἂν ἴδωμαι ὅπως ἔσται ἢ, καὶ οὐκ ὀκνέω,
ἀλλ' ἴδωμαι καὶ χαρίεντος ὅσον οὐκ ὀκνέω χαρίεντος.

Hos versus sic vertere licebit.

Cum, Piroe, homines lateant secreta futuri,
Si me forte proci sceleratis ad Styga mittant
Infidels, patriasque velint exciscere prædas;
Hæc ego præ reliquis multis sibi cadere malim.

*Sin ego eos iustis prosternam cladibus ulior,
Hæc mihi tu gaudens media inter gaudia reddas.*

N O T A.

1. *Mortis suspensionem.*] Vel solam etiam cogitationem mortalitatis ex sorte humana, *l. 2. & aliquot seq. l. 35. §. 4. D. de mort. caus. don.*

Cum quis ita donat] Hoc expressio scil. etiam si in extremis vitæ quis constitutus sit: alioqui non tam mortis causa, quam moriens dedisse videtur, *l. 42. in fin. cod.*

Si quid humanitus] Quo verbo mors significatur, *l. 26. pr. de pos.*

Eam formavit] Ut quinque adhibeantur testes: qui numerus legitimus in omni ultima voluntate, excepto testamento, *l. ult. §. ult. C. de codicill.*

Quam Heredem suum] *l. r. d. l. 35. §. 1. D. h. 1.*

Apud Homerum] *Odyss. 17. v. 77.* Hic locus arguit, etiam mortis causa donationem rationem facti juris gentium esse.

C O M M E N T A R I U S.

1. *Ex verbis donatoris æstimandum an donatio facta sit ob suspensionem mortis: & citratalem suspensionem mortis quoque causa rectè donari.*

2. *Quibus in rebus similitudo hujus donationis & convenientia cum legatis cernatur.*

3. *Quibus in rebus dissimilitudo & discrepantia.*

Qua propter mortis sit suspensionem] Cum quid metu mortis vel ex presenti vel ex futuro periculo donatur, puta si donator gravi morbo laboret, si periculosam peregrinationem vel navigationem suscepturus sit, si iturus in militiam, si grassetur pestilentia, &c. *l. 2. & aliquot seq. l. senatus. 35. §. mortis. 4. hoc tit. de mort. caus. don.* Cæterum an propter mortis suspensionem donatio facta sit, ex verbis donatoris æstimandum est. Nec enim sufficit ad hanc donationem, à moriente aut in periculo mortis posito quid donatum esse, nisi verbis declaraverit, se ob metum propinquæ mortis donasse: alioqui non tam mortis causa quam moriens donasse censetur, *l. si mortis. 29. l. Seia. 42. in fin. cod. D. Tuld. com. hic cap. 4.* Hodie tamen in dubio mortis causa factam præsumi, & in Gallia sic iudicatum referunt Autum. *conf. jur. ad d. l. 4. & Bugn. lib. 5. de l. abrog. cent. 16. fac. l. falcimus. 43. cod.* etiam extra suspensionem ullius periculi & à sano atque in bona valetudine constituto mortis causa rectè donatur, sola cogitatione mortalitatis ex sorte humana, *d. l. 2. & d. l. 35. §. 4. cod.* Sed itidem verbis hoc declarandum, ne aliàs pura & simplex habeatur donatio. Quod si considerasset Hotomannus, abstinuisset, credo, à reprehensione jurisconsultorum, Juliani, Ulpiani, Pauli, neque tam

remere pronunciaſſet, nullam eſſe mortis cauſa donationem, cujus non mortis periculum cauſa ſit. Si Titio centum donavero præſtanda poſt mortem, donatio inter vivos eſt: nam tempus adjectum differendæ ſolutionis cauſa ad ſubſtantiam donationis non pertinet. Unde legi Falcidiae in ea donatione locus non erit, uti memini me ex facto conſultum reſponſiſſe. Add. Fachin. §. contr. 22. Non ſolum autem ſuæ mortis cauſa donare quis poteſt, ſed etiam aliterius, puta filii, fratris, ſororis, l. 11. l. mortis. 18. hoc tit. de mort. cauſ. don. l. 3. C. cod.

Quum quis ita donat] Dupliciter autem quis ſic donat, vel ut ſtatim rem faciat accipienſis, vel ut tunc demum, cum mors fuerit inſecura, d. l. 2. cod. Poſteriore caſu ad revocandam donationem competit donatori directæ in rem actio, ſive pœnitentia ductus donationem infringere velit, ſive periculum, quod metuebat, evaſerit, l. ſi mortis. 29. cod. Priore conditionem habet, l. ſenatus. 35. §. 3. cod. habet & utilem in rem adverſus quoviſ poſſeſſores leg. qui mortis. 30. cod. ſublatoque periculo aut præmortuo eo, cui donatum eſt, fortaiſſis etiam in rem directam, quaſi donatio ipſo jure reſoluta, d. l. 29. add. Gomez. 2. reſol. 4.

Si quid humanitus] Ανθρωπίνως. Si quid humanum l. 26. pr. de poſ. Veteres ominis cauſa ſic loquebantur, *Si quid mihi accideris*, ἰδὲ τι μου, ἰδὲ τι πέρημι, pro, *Si moriar*. l. 162. §. 1. de verb. ſign. Abinebant à mortis vocabulo tamquam ominoſo.

Sin autem superviſſet, &c.] Tribus caſibus mortis cauſa donatio ſit irrita; ſi donator ſalvus evaſerit; quod hic dicitur *ſuperviſſet*; ſi donationis eum pœnituerit; ſi donatario ſuperviſſet, l. mortis. 15. d. l. 29. & ſeq. cod. l. non omnis. 19. de reb. cred. Si ſalvus evaſerit, ſic accipe, licet donatarius adhuc vivat. Si ſuperviſſet donatario, ſic, eſt periculum adhuc duret, cujus contemplatione donatio facta. Planè ſi quis ſanus & valens extra ſuſpicionem alicujus periculi ſola cogitatione mortalitatis commotus donaverit; non puto irritam fieri donationem, ſi forte donator morbum aliudve periculum, in quod poſtea incidit, evaſerit: nam nihilominus cauſa donandi manet, Soar. in recept. lit. D. nu. 29. D. Tuld. comm. hic c. 5.

Ad exemplum legatorum redactæ ſunt per omnia] Fere ſcilicet: quam particulam mox etiam ipſe exprimit, cum conſtitutionis meminit, qua hæc exæquatio facta eſt. Intelligit autem l. ult. C. hoc tit. de mort. cauſ. don. qua quidem hanc donationem ad ſimilitudinem legatorum revocat: cæterum non ſimpliciter & per omnia, ſed *ad id* & maxime ratione effectorum. In aliis verò magna adhuc diſſimilitudo eſt: de quo habebimus, quod certo ſtatueamus, ſi res hæc inductione utrius-

que generis exemplorum declaratur. Similitudo hujus donationis & convenientia cum legatis in his cernitur. 1. Quòd quemadmodum in omni voluntate, quæ teſtamentum non ſit, quinque teſtes deſiderantur, l. ult. §. ult. Cod. de codicill. ita & in mortis cauſa donatione, idque ad ſolemnitatem actus, l. ult. Cod. hoc tit. 2. Quòd, ſicut legata à vivo teſtatore revocari poſſunt, nec quicquam ſuprema voluntate relictum valet, niſi poſt mortem relinquentis, ita & hanc donationem pro arbitrio revocare liceat, nec prius rata aut perfectæ habeatur, quàm mors donatoris inſecuta ſit, l. ſi mortis. 29. & l. ſeq. l. non videtur. 32. hoc tit. 3. Quòd, ſicut dominium rei legatæ ſtatim à morte teſtatoris tranſit in legatarium, ita res mortis cauſa donatæ nec ante traditæ ſtatim à morte donatoris in donatarium, l. 2. de Pub. in rem act. Hæc ſufficiunt, ut donatio mortis cauſa numeretur inter acquisitiones civiles. Illud autem falſum eſt, quod Gloſſa, Bart. Caſtr. in l. qui mortis. 30. hoc tit. tradunt, & ſequitur Gomez. 2. reſ. 4. n. 10. Dominium rei mortis cauſa donatæ ſtatim ut donatio facta eſt, tranſire, etiamſi traditio nulla ſecuta ſit. Nam ſive cum contractibus hanc donationem conferre placet, explorari juris eſt, ex contractu nullo citra traditionem dominium tranſferri; ſive cum legatis, conſtat, dominium rei legatæ demum poſt mortem teſtatoris in legatarium tranſire. 4. Quòd ſicut legatario ſubſtitui poteſt, ita & noſtro donatario, l. 1. C. cod. 5. Quòd hæc donatio perinde ut legata lege Falcidia imminuatur, l. ſej. 42. §. 1. hoc tit. l. 2. C. cod. 6. Quòd in ea locum habet jus accreſcendi inter conjunctos in eandem rem, l. un. l. hæc autem. 14. C. de cad. toll. Gomez. 1. reſol. 10. 3 nu. 7. 7. Quòd quemadmodum conjux conjugi legare, ita & mortis cauſa donare poteſt, l. 9. §. ult. & ll. ſeqq. de donat. int. vir. & ux. 8. Poſtremo quòd in hoc genere donationis non opus eſt inſinuatione, l. ult. C. hoc tit. Diſſimilitudo & diſcrepancia elucet in his. 1. Quòd mortis cauſa donatio ſci fieri poteſt, ut nullo caſu revocetur, l. ſi alienam. 13. de mort. cauſ. don. quod ſecus eſt in legatis, l. ſi quis. 22. de legat. 3. l. 4. de adm. legat. Quamquam fatendum eſt, talem mortis cauſa donationem naturam mutare, & effectum eſſe donationem inter vivos, l. ubi ita. 17. cod. Idque eleganter oſtendit D. Joan. Deckher diſſert. 1. n. 40. & ſeq. 2. Quòd donatio hæc ab additione hæreditatis ſicut legatum non pendet, ſed ſola morte confirmatur donantis, l. non videtur. 32. cod. ſat. l. 5. §. qui mortis. 17. de his quæ ut indig. Clar. lib. 4. §. donatio. qu. 5. nu. 2. 3. Quòd donatio in ſingulos annos una eſt, legatum tale multiplex: itaque illa ad hæredes pertinet; at primi anni legatum dumtaxat purum eſt, reliquorum conditionale, quod ad hæredem legatarii ante diem non trans-

transit, *l. senatus. 35. §. ult. hoc tit. l. 4. de ann. legat. 4.* Quodd in mortis causa donationibus, an quis capere possit, non donationis, sed mortis tempus inspicitur, *l. in mortis. 11. hoc tit.* cum in legatis etiam tempus facti testamenti spectetur, *§. in extraneis. 4. inf. de her. qual. 5.* Quodd donatio fit inter duos, legatum autem præter voluntatem unius testatoris nihil desiderat: unde legatum etiam in absentem & ignorantem conferri potest, donatio autem à præsentem in præsentem conferenda, *l. inter mortis. 38 hoc tit.* aut utique in absentem per nuntium aut litteras, ut sciat, & donationem accipiat, *l. 10. cod. Mantic. de conjeff. ult. vol. l. 8. 1. 1. nu. 36.* Quodd si quis absentem & ignorantem se donare quid simpliciter dixerit, defenditur donatio jure fideicommissi ex communi interpretum sententia. His de causis donatio hæc naturam contractus habere dicitur, *d. l. senatus. 35. §. 3.* unde etiam illud est, quodd filiusfam. consensu patris mortis causa donare potest, quamvis testamentum facere non possit, nec permittente patre, *l. sam. 11. 25. §. 1. cod. Vulgo DD. sic distinguunt,* donationem hanc habere naturam contractus, cum in esse producitur: effectu autem, & cum in esse producta est, rationem ultimæ voluntatis. Cæterum hoc per omnia verum non esse, tum numerus testium & remissio insinuationis liquido ostendit, tum quodd hæc donatio non pendet ab additione hæreditatis.

Cum prudentibus ambiguum fuerat] Familiare Justiniano est, cum quid quasi novum constituit, veterum Jurisconsultorum allegare ambiguitatem: in quo tamen sæpe fallitur & fortassis etiam hoc ipso loco. Sanè in responsis veterum nullum hujus ambiguitatis vestigium apparet. Tradunt illi, quodd hic à se factum ait Justinianus, donationes mortis causa ad exemplum legatorum esse revocatas, *l. Marcellus. 15. l. illud. 27. cod. l. 2. de Pub. in rem auct.* Mansit tamen adhuc nonnullum inter hæc discrimen, de quo inter omnes convenit, ut ex aliis locis patet: nec hoc discrimen à Justiniano sublatum est.

Magis se quis velit, habere, &c.] Ex Marciano, *l. 1. cod.* Estque hæc ratio, cur donationem mortis causa revocare liceat. In donatione inter vivos, qui donat, donatarium solum cogitat, atque illum quam se habere mavult: in donatione autem mortis causa, qui donat se primum & principaliter cogitat, atque amore vitæ recepisse potius, quam dedisse mavult. In summa, se potius habere vult quam cum, cui donat: illum deinde potius quam hæredem suum, *d. l. senatus. 35. §. 2. cod.*

Sic apud Homerum] *Odyss. 17. v. 77.* ubi Telemachum ex peregrinatione reversum, quam patris Ulixis conquirendi causa suscepit, Piraus, qui comes illi in peregrinatione fuerat, nomen, ut vasa illa aurea & argentea,

quibus Telemachus à Menelao donatus erat, quæque secum Piraus asportarat, quæsitum mittat; ancillis Telemachi se traditurum. Cui Telemachus in hanc sententiam respondet: Piraus, quoniam incertum est, qualis harum rerum exitus sit futurus, si me feroces proci domi ex insidiis necent, paternasque opes diripiant; malo te vasa hæc tibi habere quam illorum quempiam. Sin autem ego illis interitum asseram, tum vero tu lætus & gratulans mihi læto & gratulanti domum illa referes. Est & mortis causa donatio in *Alceste* Euripidis, ubi sic Hercules: *γυναικα τὴν δέ μοι σὺνταλῶσθαι,* &c. Adi de hac donatione Covar. rubr. de testam. pars. 3.

T E X T U S.

De simplice inter vivos donatione.

2. *Aliæ autem donationes sunt, quæ sine ulla mortis cogitatione fiunt, quas inter vivos appellamus, quæ non omnino comparantur legatis: quæ si fuerint perfectæ, temere revocari non possunt. Perficiuntur autem, quum donator suam voluntatem scriptis aut sine scriptis manifestaverit. Et ad exemplum venditionis nostra constitutio, eas etiam in se habere necessitatem traditionis voluit, ut, etiamsi non tradantur, habeant plenissimum & perfectum robur, & traditionis necessitas incumbat donatori. Et quum retro Principum dispositiones insinuari eas actis intervenientibus volebant, si majores fuerant ducentorum solidorum; constitutio nostra eam quantitatem usque ad quingentos solidos ampliavit, quam stare etiam sine insinuatione statuit. Sed & quasdam donationes invenit, quæ penitus insinuationem fieri minimè desiderant, sed in se plenissimam habent firmitatem. Aliæ insuper multa ad uberiores exitum donationum invenimus, quæ omnia ex nostris constitutionibus, quas super his exposuimus, colligenda sunt. Sciendum est tamen, quodd etsi plenissima sint donationes, si tamen ingrati existant homines, in quos beneficium collatum est; donatoribus per nostram constitutionem licentiam præstitimus certis ex causis eas revocare: ne illi, qui suas res in alios contulerint, ab his quamdam patientur injuriam, vel jacturam, secundum enumeratos in constitutione nostra modos.*

N O T Æ.

2. *Perficiuntur autem*] De primo gradu perfectionis intellige, unde obligatio, & actio,
no

non rei dominium, quod demum acquiritur præstatione promissi.

Nostri consuetudo] leg. 35. §. ult. C. cod. ubi pactio donationis causa factio verbis in præsens conceptis, veluti *dono tibi centum aureos*, eandem vim tribuit, quam habet stipulatio, ut ex eo obligatio & actio nascatur, contra regulam juris antiqui, leg. 5. §. 4. D. de pact. unde tale pactum hodie legitimum pariens conditionem ex lege per l. 6. d. tit.

Ad 500. solidos] Ad 100. primum l. 54. C. cod. novissime ad 500. l. pen. §. ult. C. cod. Sed d. finitum modum excedens ininuata non est, non in totum irrita, sed quatenus excedit, d. leg. 34. Nov. 162. cap. 1. §. ult. τὸ ὑπερβαῖν μὴ ἰσχυρὸν. Basl. 47. tit. 1.

Nostri constitutionibus] L. 33. d. l. 34. pr. §. 1. penult. & ult. l. ult. C. cod.

Ex certis causis] Insignis ingratitudinis, cuius generis causæ enumerantur quinque, leg. ult. C. d. 1. Plerique addunt & aliam, supervenientiam scil. liberorum, ex l. 8 C. cod. quæ tamen constitutio tantum de donatore patrono & liberto donatario loquitur, nec à Græcis extenditur. Basl. 47. tit. 2. Harm. 3. tit. 2. Vide fusius in comment.

COMMENTARIUS.

- 1 Plenus & planius exponitur, quomodo donatio inter vivos perficiatur.
- 2 Non ex quolibet pacto donationis causa factio obligationem ex constit. Iust. nasci.
- 3 Errare eos qui putant, simplex pactum donationis vi constitutionis Iust. parere actionem in rem.
- 4 Donationes, quæ insinuationem non desiderant, recensitæ.
- 5 Ad uberiores exitum donationum à Iustiniano quæ inventa?
- 6 Neque heredem donatoris revocare donationem, neque ab heredibus donataris revocari ob ingratitudinem ejus posse.
- 7 In l. si unquam. 8. C. de rev. don. constituitur singulare, quod non producendum ad consequens.

Agitur hic de donatione propria. Quæ alias vera, absoluta, & mera, l. senatus. 35. §. 2. de mort. ca. don. l. Aquilius. 27. hoc tit. alias simplex, l. si filia. 20. §. si pater. 3. fam. etc. l. cum multa. 20. C. de don. ant. nupt. l. pen. §. 1. C. de collat. alias directa, l. donatio. 35. hoc tit. C. de donat. alias inter vivos, ut hic & leg. ubi ita. 27. de mort. ca. don. appellatur. Descriptissimus hanc donationem initio huius tituli.

Quæ non omnino comparantur legatis] Hotom. Uvesemb. Giphani. omnino non; ita enim esse in veteribus libris, ut sit sensus, Donationes inter vivos nullo modo comparantur legatis. Quomodo etiam legisse apparet paraphrastem

Græcum, vertit enim *μὴ ἀντιπαραβάτω*. Et sunt sanè hæc donationes planè dissimiles legatis, neque natura, neque proprietatibus, neque forma, neque effectu ullam cum legatis societatem habentes. Pro tuenda tamen vulgata lectione hoc assertit Pacius, quod legatum & donatio hæc in eo conveniunt, quod in utroque sit causa lucrativa, & modus acquirendi peculiaris, Quod mihi futile & valde puerile esse videtur; cum nullæ res tam sint dissimiles, quæ non in uno aliquo aut altero comparari queant,

Temere revocari non possunt.] Mortis causa donatio temere, hoc est, pro arbitrio, facile, & sine causa revocari potest: quippe quæ hanc in se semper conditionem habet, ut revocari liceat. Vera autem donatio natura sua irrevocabilis est, i. *ἡ δὲ δὴν ἀναιδέως* ait Aristot. 4. top. 4. nam quod hanc etiam aliquando revocari licet; id ex accidenti est & factio donatarii pro beneficio insignem injuriam rependens, non ex intentione donantis, utpote qui sic donat, ut nullo casu velit ad se reverti, l. 1. hoc tit. l. ubi ita. 27. de mort. ca. don. Utrique tamen si præcivisset donator ingratum fore donatarium, abstinuisset dubio procul à beneficio: & hinc ortum jus revocandi, de quo sub finem huius §.

Perficiuntur autem, cum donator voluntatem suam] Poterat hæc res plenius & planius proponi, & poterat æquè paucis verbis. Ait, donationem inter vivos perfici, quam donator voluntatem suam declaravit: addendum fuerat, & donatarius eam voluntatem gratam ac ratam habuit. Neque enim donatio est sine acceptione, l. absenti. 10. hoc tit. l. hoc iure. 19. §. 2. cod. quippe datio acceptione confirmatur: nec potest videri datum, quod non est acceptum. Et rectè in illum locum Comici, *dos est decem talenta. Accipio, Verus Interpres, nisi, inquit, dixisset, accipio, dos non esset.* Perficitur donatio ex constitutione Iustiniani solo consensu, ut emptio & venditio: non est igitur perfecta habenda, antequam eam gratam habuerit donatarius, excepto casu comprehenso l. 15. C. de sacros. Eccl. favore Ecclesiæ. Denique in omni conventionione consensum mutuum intervenire oportet. VINN. Sed ex his locis vix probari potest acceptionis necessitas. Nam l. 10. & l. 19, §. 2. ff. de don. loquuntur de acceptione reali. Locus Terentii ex *Andr. Act. 5. scen. 4. v. 47.* non pertinet ad pactum donationis, sed ad contractum verbalem, qui veteribus dicebatur *dotis dictio*. Vid. *Antiqu. Rom. nostr. lib. 11. tit. 7. §. 4.* Immo nulla lege acceptionem hanc exigere pererudita dissertatione de differentiis juris Rom. & Germanici in donatione & acceptione docuit Vir Perillustis Jo. Petrus à Ludd. vig. Acad. Fridricianæ Cancellarius, & olim Collega mihi conjunctissimus. Neque tamen res ipsa ideo neganda, quum ex natura pactorum fluat, quod utrumque consentire oporteat in unum placitum, quod fieri aliter non potest, quam id quod dona-

donatur vel verbis, vel factis accipiendo, maxime quum non semper dona grata sint, & saepe locum habeat illud Severi: *Quæsi adita, d. i. adita, d. i. adita*. l. 6. § 3. ff. de off. procos. HEIN. Sed & perfectio, de qua hic agitur, primus tantum gradus perfectionis est, unde donatario acquiritur obligatio & actio, non rei donatæ dominium. Etenim verè & plenè demum perfici & consummatur donatio, doni & promissi præstatione. Eodem modo emptio perfici dicitur, simul atque de pretio inter emptorem & venditorem convenierit, §. 3. inf. de empt. & vend. At constat, eam non ante pro consummata haberi, quam res tradita & premium solutum sit. Videretur autem Justinianus hoc loco id tantum indicare voluisse, quod ipse constituit, ex nudo pacto, donationis obligationem introducens, l. si quis argentum. 35. C. hoc tit. contra regulam generalem juris antiqui, l. juris gentium. 7. §. sed cum nulla 4. de pact. Sic est; perficitur donatio aut traditione & præstatione rei donatæ, quæ vera perfectio est. Immo non prius propriè dicitur esse donatio, quam res, quæ donatur, detur ac tradatur. Nam ut ostendimus ad rubr. donatio propriè ipsam translationem rei significat, & potest etiam incipere statim à traditione, & perfici citra conventionem præcedentem. Aut conventionem, qua hætenus perfici dicitur, quatenus ea donatorem adstringit necessitate traditionis, donatarioque in eam rem comparata est in personam actio. Conventio hujus generis una tantum olim fuit stipulatio. Justinianus autem eandem vim tribuit etiam pacti nudi, d. l. si quis. 35. §. sed siquidem. 5. C. hoc tit. unde pactum donationis hodie pactum est legitimum, arg. l. 6. de pact. & ibi Cujac. Neque tamen ex quovis pacto donationis causa interposito obligationem nasci voluit Justinianus; sed ex eo tantum, quo quis in præsentia se donare dicit, verbis in præsentia non in futurum conceptis, veluti si quis dicat: *dono tibi centum aureos*. Hæc enim verba occurrunt in d. l. 35. si donaveris, si donationem faciat feceritve, ut vadat, quod donaveris. Quod si quis donaturum se pacto promittat; manebit etiamnum jus antiquum, nec ex tali nudo pacto obligabitur, per l. præcipimus. 32. in fin. C. de apud. l. sanimus. 27. C. de testam. add. Parlador. 2. rer. quotid. 3. nu. 9. D. Tulden. hic c. 2. Perspicuè autem errant Contius lib. 1. disp. 12. Gudel. lib. 2. de iur. noviss. c. 3. dum existimant, quod Justinianus constituit, donationem etiam nudo consensu perfici, hoc non tantum eo pertinere, ut donator, qui nondum tradiderit, necesse hab. at tradere; sed ut eo nomine etiam donatario competat actio in rem quasi simplici pacto dominium ei quæsitum sit. Non enim majorem vim Justinianus tribuit, neque tribuere debuit pacto, quam stipulationi. At si stipulatio intervenerit, veterem actionem ex

stipulatu relinquit: quæ utique cum in personam sit, arguit, dominium non esse translatum. Si omissa sit stipulatio, conditionem dat ex lege, d. loco, & apertius Nov. 162. cap. 1. Atqui nulla quoque conditio, quæ non sit actio in personam, §. appellamus. 15. inf. de act. Denique ipse supra §. per traditionem. 40. de ver. div. nominatim in proposita specie confirmat regulam traditam leg. traditionibus. 20. Cod. de pact. Traditionibus, non nudis pactis, dominia rerum transferri.

Ad exemplum venditionis.] Quemadmodum emptio venditio perficitur simul atque de re & pretio convenit, atque ex ea conventionem statim emptori acquiritur actio ex empto, quæ venditorem compellere potest ad rem tradendam, inf. de empt. & vend. in pr. & §. 3. ita ex constitutione Justiniani, simul ac donator sive scriptura, sive verbis quibusvis idoneis se quid donare declaraverit, etiam si nulla intervenerit stipulatio, acceptante donatario, donatio perfecta & efficax habetur, daturque donatario conditio ex lege, qua conventus donator rem tradere cogatur. Porro an sicut emptio venditio, ita etiam pactum donationis, sit contractus: item an ut donator, ita quoque & venditor rem præcisè tradere teneatur; an liberetur præstatione ejus, quod interest; inquirere non est hujus loci. Illud constat, non easdem esse præstationes donatoris & venditoris; donatorem ad dandum, venditorem simpliciter ad tradendum teneri: donatorem in quantum facere potest, venditorem in solidum condemnari: hunc teneri nomine evictionis, illum non item, l. 18. §. ult. hoc tit. Neque tamen ideo male donatio & venditio inter se, ut similia, comparantur. Nam in omni similitudine inspicendus est principalis scopus atque intentio ejus, quæ ea utitur: cui scopo si serviat, cætera similia sunt, an dissimilia, parum refert.

Insinuari actis intervenientibus volebant, &c.] Lex civilis neminem donare aut liberalem esse vetat: cæterum prospexit, ne cujuslibet summx aut quantitatis donatio statim rata esset. Et rectè: expedit enim Reipubl. ne quis temere patrimonium suum effusis largitionibus exhaustat; hoc enim est re suæ male uti, eamque perdere. Modum donationibus primum imposuit lex Cincia, qua eamdem Ulpianus tit. 1. scribit, ne supra certam quantitatem, quam tamen non exprimit; donare liceret, extra quam si conjunctis personis donaretur. Quod jus usque ad Constantini tempora duravisse videtur, per l. 3. C. Theod. hoc tit. Unde existimare licet, quantitatem lege Cincia definitam fuisse ducentorum aureorum: & donationem, quæ eam quantitatem excederet, actis fuisse insinuandam, hoc est, consignandam litteris publicis, quod Constantinus etiam custodiri voluit inter necessarias conjunctasque personas, l. 5. C. Theod. l. data. 27. C. hoc tit. Just.

Justinianus autem quantitatem auxit, primum ad trecentos, *l. sancimus. 34. C. cod.* deinde ad quingentos solidos *l. pen. §. ult. C. cod.* atque ad hanc usque quantitatem liberam donandi facultatem unicuique permittit, etiam sine donationis insinuatione. Si verò hanc summam donatio superaret, non aliter ratam eam esse voluit, quam si in acta publica relata esset. Neque tamen in eorum irritam esse iussit donationem, quæ summam definitam excedens actis inserta non esset; sed tantummodo quatenus terminos legis excederet, *d. l. sancimus. 34. Cod. hoc tit. Nov. 162. cap. 1. §. ult.* Atque ita in plerisque locis etiamnum utimur. Gomez. 2. *resol. cap. 4.* Perez. *C. h. 1. nu. 35.* Sande. *lib. 5. tit. 1. defm. 3.* VINN. Multa hic cumulat auctor, nec certa satis, nec accurata. Incertum modum a lege Cincia donationibus præfixum fuisse ducentorum aureorum: siquidem multo majores donationes à Plinio facta novimus ex ejus *Lib. 6. Epist. 25. & 32. Lib. 7. Ep. 14. & alibi.* Incertum ergo non minus, Constantianæ vel potius Constantium Chlorum in *l. 1. C. Th. h. 1.* legem Cinciam sustulisse, quam eam potius magis reddiderit rigidam, imposito insinuationis nec sitate. Plura in eam rem præter Jac. Gothofredum, & Fr. Brumerum notavit V. C. Schulzing ad Ulpian. *tit. 1. p. 161.* Ego id moneo, locum Arnobii *adv. gent. lib. 11. p. 91.* nec de hoc capite legis Cinciae videri intelligendum, nec de altero quod in donatione solemnitate mancipationis exigebat: sed de donis & muneribus à patrono causarum non accipiendis, quod aliquoties revocatum in usum, jam à Claudii temporibus coepit obsolescere. HEIN.

Usque ad quingentos solidos] Quæ summa nostra moneta efficere creditur 2500. Caroleos. Taxatur enim solidus, qui & aureus (ut patet ex innumeris locis, & collatione sequentium, *l. 5. §. prætor ait. 6. de his, qui off. vel de jec. cum §. 1. inf. de obl. qua, qua ex del. item l. pen. & ult. de in jus voc. cum §. ult. in fin. inf. de pæn. tem. lit. item l. 8. in fin. & l. 9. de inoff. cum leg. cum ex falsis. 47. de man. test.*) centum sestertiis, sive quinis Caroleis, aut duobus scutatis sive coronatis. Grot. *spars. flor.* Quamquam non idem perpetuo pondus, nec constans solidi æstimatio fuit. Qua de re consulendi Budæus de *ass. l. 3. & 5.* Hotom. de *re numm. cap. de numm. cur.* Covar. de *collat. vet. numism. cap. 1.* Dicitur verò est solidus, non quia ex puro & solido aureo erat; sed quia nummus erat integer, & ad differentiam semissium & tremissium, qui valebant dimidiam & tertiam solidi sive aurei partem.

Quæ insinuationem minime desiderans] Harum numero sunt donationes principales, quas scilicet vel Princeps facit, vel quæ Principi fiunt, *l. sancimus. 34. Cod. hoc tit.* item donatio propter nuptias, *Nov. 119.* ubi in vulgari

versione nomen sponsalitiæ largitatis sumptum pro donatione propter nuptias: nam in Græco est, *ἀντὶ τῆς δαίτης τῆς γάμου δότης*, &c. Postea distinctio aliqua adhibita, *Nov. 127. §. 2. anth. eo decursum, Cod. de don. ant. nupt.* Præterea si quid pro redemptione captivorum, pro restitutione ædium incendio aut ruina consumptarum, aut si quid fortissimis militibus donatum sit à militum magistris, quantumque sit pretii, quod donatum est, valet donatio, etiam si auctorum auctoritate non nitatur, *l. pen. in pr. §. 1. & 2. Cod. cod.* De donationibus, quæ ad pietatem respiciunt, dubitatum est, aliquone privilegio hodie uti debeant, an jure communi cæterarum donationum censerentur. Ratio dubitandi, quia cum adhuc cæteræ donationes, quæ trecentos solidos superarent, insinuationem desiderabant; in pias causas collatæ usque ad summam quingentorum solidorum stabant etiam sine insinuatione, *dist. l. 34. §. 1.* Unde dicendum videtur, postquam constitutum est, ut quævis donatio usque ad 500. solidos etiam sine monumentis valida sit, *d. l. pen. in fin.* privilegium, quod donationes in pias causas factæ habuerunt, proportionaliter producendum esse, atque hujus generis donationes etiam sine fide monumentorum subsistere debere minimum usque ad solidos septingentos. Communis tamen DD. in *l. illud. 19. C. de sacros. Eccles. & d. l. 34. hoc tit.* sententia est, donationum ad pias causas nullum amplius esse privilegium, sed in his idem, quod in cæteris observandum, ut si 500. solidos excedant, actis insinuare necesse sit, propterea quod Justinianus privilegium piæ causæ expressè non auxit, immo potius sustulisse videtur, *d. l. pen.* cum sancit, ut id, quod antea jus singulare erat piæ causæ, jus commune esset omnium donationum, quæ non simpliciter à necessitate insinuationis exemptæ sunt.

Alia insuper multa ad ulteriorem exitum donationum] Huc refero, quod Justinianus constituit, ut majoris summæ donationes, quæ actis inscriptæ non sunt, non omnino, sed tantum quatenus legitimam summam excedunt, vitentur, *d. l. 31. §. 1. hoc tit.* Item ut plurium donationum eidem, sed diversis temporibus factarum summæ non simul æstimentur, sed cujusque donationis separatim & distincte, utque idem fiat, cum annua quantitas donatur ad tempus vitæ donantis aut donatarii, *d. l. 34. §. pen. & ult.* Postremò quod rejici jussit verba, quæ in donationibus poni solita erant, *sestertii, nummi unius, assium quatuor*, &c. *l. ult. C. cod.* nam antea etiam in donationibus adhibenda erat imaginaria venditio, seu mancipatio, quoties scilicet res, quæ donabantur, erant mancipi: alioqui earum rerum dominium ex jure Quiritium in accipientem non transferebatur. Quam ob causam qui volebat donare, cogebatur simulare venditionem, & di-

& dicis causa unum nummum accipere, adi Cont. 1. disp. 16.

Si tamen ingrati] Simplex & mera donatio temere, ut supra dictum est, revocari non potest: non sola pœnitentia, ut donatio mortis causa; ac ne ob quamlibet quidem ingratitudinem donatarii. Ceterum si insignis sit illius ingratitudo, & talis, quæ sceleri affinis sit aut conjuncta, etiam hujusmodi donationem revocare merito & tamquam ab indigno auferre concessum est, l. ult. C. de revoc. don. Poteritque eo nomine vel judicis implorari officium, vel agi conditione ex d. l. ult.

Donatoribus licentiam præstimus] Donatoribus solis, non etiam hæredibus eorum, l. his solis, 7. d. l. ult. C. de rev. don. quippe actio, quæ adversus ingratos datur ad revocandam donationem, vindictæ cujusdam & ultionis injuriæ effectum habet, & ideo personalis est, atque actioni injuriarum in hoc similis: quam constat hæredi ejus, qui injuriam passus est, non dari, d. l. 7. junct. §. 1. inf. de perp. & temp. act. Nec in hæredes igitur ingrati danda erit, nec si ipsi ingrati, non donatarius, extiterint, arg. dd. ll. Quinimmo nec videtur rectè posse obijci ingratitudo successori ejus, cui donatum est: longèque alia est ratio feudi, quod non tantum primum investitum, verum etiam successores ejus ad certa officia præstanda obligat.

Ex certis causis] Quæ numero quinque exprimuntur d. l. ult. & nimirum hæ: si donatarius atroces injurias in donatorem effuderit: si illi impias intulerit manus: si vitæ ejus infidietur: si grandem facturæ molem substantiæ & bonis donatoris ingesserit: si conventiones donationi appositas implere nolit. Enim verò licet plures causas non enumeret Justinianus, atque ob eas tantummodo, quas exprimit, revocationem donationis permittat; assentiunt tamen communi DD. sententiæ, qui negant, similes & majores causas ob id excludi oportere, uti rectè iidem etiam admittunt causas alias exhæredationis præter eas, quæ enumerantur Nov. 115. cap. 3. de quo uberius inf. de inoff. testam. eoque jure utimur, Grot. 3. introd. c. 2. Additur à DD. & alia 7 causa revocandæ donationis, si scilicet donator post factam donationem liberos suscepit, per l. si unquam. 8. Cod. d. tit. Tametsi enim ea lex tantum loquatur de patrono & libertis, quorum propria & diversa prorsus in plerisque rebus ratio est, atque aliorum extraneorum; putant tamen, quorumcunque donationes eodem isto jure censendas, ut insperato succedens filiorum soboles irritam faciat donationem. Utuntur autem hoc argumento: quod donatio facta ab eo, qui liberos non habet, videatur in se continere tacitam conditionem, si liberi ipsi postea nati non fuerint, de quibus si cogitasset, donaturus fuisse credi non debeat; cum nemo præsumatur successiones alienas pro-

priis anteponere, per l. cum avus. 102. de cond. & dem. l. cum acutissimi. 30. Cod. de fideicom. Ego verò, etsi hæc sententia colorem aliquem humanitatis habere videtur, ausim affirmare, eam mentem Constantini, cujus est d. l. si unquam. 8. minime fuisse. Cur enim de patrono tantum locutus esset? An quia ex facto incidere, ut de donatione à patrono facta quæreretur? Atqui generalis est constitutio ad Præfectum prætorio, non ad patronum aliquem aut certam facti speciem directa. Quoties autem lex de certis personis loquitur, quibus aliquid beneficii tributum vult, certum est, legem ad alias personas non pertinere, l. si verò. 64. §. pen. sol. matr. l. quod constitutum. 21. de test. mil. Est verò etiam jus illud novum constitutum contra manifestam rationem juris communis, l. 5. C. de obl. & act. cum similib. ut interpretis non sit, ad alios casus & donatores extraneos id producere, l. quod verò. 14. delegib. ideoque nec à Græcis extenditur, Basil. 47. tit. 2. Harmen. 3. tit. 2. nec aliter l. 3. C. Theod. de revoc. donat. quæ eadem est cum d. l. 8. interpretatus est Anianus, qui Alarici Regis tempore floruit, multis annis ante Justinianum. Excutiantur omnes loci juris civilis, nullus invenietur, qui de jure revocandi donationem propter liberos donatori postea natos loquatur: ac ne apud Justinianum quidem, qui cum liberorum iura ubique non servaverit modò, verum etiam auxerit, utique hujus revocationis aliqua parte mentionem fecisset: certè ubi ex professo recenset causas revocandæ donationis, si hanc etiam pro causa generali haberi voluisset, omisurus non fuerat. Canones etiam contrarium ostendunt, c. ult. c. 17. q. 4. ubi Augustinus, laudans factum S. Aurelii Episcopi Carthaginiensis, quod reddidisset donatori ob liberos ei natos, quæ ille Ecclesiæ donaverat, In possessione, inquit, habebat Episcopus non reddere, sed jure fori, non jure poli. Perperam autem ad præsentem casum trahitur species dist. l. cum avus. 120. de cond. & dem. dist. l. cum acutissimi. 30. Cod. de fideic. Nam eadem ratione revocatio rei donatæ etiam concedenda esset ei, qui cum forte unum filium haberet, donavit, & postea plures suscepit: neque quod revocatur, liberis acquiritur, sed pleno jure ad patrem revertitur, ut jam is iterum liberum de eo disponendi arbitrium habeat. Quid quod amissa ex causa supervenientium liberorum revocatione donationis in quosvis etiam extraneos factæ nemo nisi liberis carens plenè & purè donare intelligeretur? Nam & ubi partis alicujus bonorum donatio facta est, constitutio locum habet; de quo opulentiùs nos lib. 2. sel. quest. c. 31. Procul dubio igitur de jure verior est sententia plerorumque Neotericorum, Connani lib. 5. comm. 10. Donell. ad dist. l. si unquam. Ant. Fab. 7. conject. 14. & 15. Bachovii in Trentl. disp. de donat. asseren-

rentium, in solis patronis hanc revocandæ donationis speciem à Constantino introductam atque approbatam esse: quamquam contraria sententia communis est, & in praxi obtinet, ut inter alios testantur Tiraquell. in *diēt. l. si unquam*. Mynsing. 5. obs. 83. & secundum hanc judicatum à Senatu Parisiensi, Papon. lib. 11. *synagm. titul. 1. de donat. §. 20. add. Christin. volum. 1. dec. 340. & vol. 4. dec. 193. cum allegat. Grot. lib. 3. introd. cap. 2.*

T E X T U S.

De donatione ante nuptias vel propter nuptias.

3. Est & aliud genus inter vivos donationis, quod veteribus quidem prudentibus penitus erat incognitum, postea autem à junioribus Divis Principibus introductum est, quod ante nuptias vocabatur & tacitam in se conditionem habebat, ut tunc ratum esset, cum matrimonium esset insecutum. Ideoque ante nuptias vocabatur, quod ante matrimonium efficiebatur: & numquam post nuptias celebratas talis donatio procedebat. Sed primus quidem Divus Justinus pater noster, cum augeri dotes & post nuptias fuerat permittum, si quid tale eveniret, & ante nuptias augeri donationem, & constante matrimonio, sua constitutione permisit: sed tamen nomen inconveniens remanebat, cum ante nuptias quidem vocabatur, post nuptias autem tale accipiebat incrementum. Sed nos plenissimo fini tradere sanctiones cupientes, & consequentia nomina rebus esse studentes, constituimus, ut tales donationes non augeantur tantum, sed etiam constante matrimonio initium accipiant: & non ante nuptias sed propter nuptias vocentur: & dotibus in hoc exequantur; ut quemadmodum dotes, constante matrimonio, non solum augeantur, sed etiam fiunt; ita & istæ donationes, quæ propter nuptias introductæ sunt, non solum antecedant matrimonium, sed eo etiam contracto augeantur, & constituentur.

N O T Æ.

3. Et constante matrim.] Dum ne propter nuptias donatio excedat quantitatem dotis, ne fraus fiat juri publico, quo donatio inter conjuges prohibetur, l. 1. & tot. tit. D. de don. int. vir. & ux. & C. eod. Extat Justin. constitutio in l. pen. C. de don. ant. nupt.

Nomen inconveniens] Quia poterat constante matrimonio augeri. Nunc ex sententia Justin. & augeri, & constitui potest.

Constituimus] L. ult. C. eod. alia extat Nov. 97. Mannius in l. situt.

ubi etiam præcipit, ut donatio propter nuptias doti omnino respondeat, tum in quantitate, tum in pactis.

C O M M E N T A R I U S.

- 1 Donationes, quæ inter sponsam, & sponsam fiunt, sensim ita formatas, ut veræ donationes, & juris gentium esse desierint.
- 2 Quid primum circa has donationes à Constantino constitutum?
- 3 Quid procedente tempore ab aliis, & num. 5.
- 4 Rei propter nuptias donatæ dominium revera in uxorem non transire.
- 5 Constitutionem Justin. de æqualitate dotis, & donat. propt. nupt. publica consuetudine revocatas.
- 7 In Belgio propriè neque donationum propter nuptias, neque dotis usum esse.

DOS & donatio propter nuptias genera sunt improprie donationis inter vivos. Docem ab antiquis inter donationes numeratam, testis est ipse Justin. l. ult. C. de don. ant. nupt. ut mirum sit, nihil de ea hoc loco tradi. Est autem dos donatio nomine uxoris in maritum collata ad onera matrimonii sustinenda, l. propter nuptias, 20. C. de jur. dot. Donatio propter nuptias vice versa est, quæ à parte mariti in uxorem, vel sponsi in sponsam confertur in securitatem dotis, & quasi remunerandæ dotis causâ: unde quæ ita donantur, à Græcis, *ἀντίδοτον* dicta sunt, hoc est, quæ vice mutua pro dote dantur, d. l. ult. in pr. Est igitur donatio propter nuptias veluti contraria dos mariti, hostimentum uxoris: *ἀντίδοτον* dotis uxoris: *δότης* in Basilicis. Hujus donationis origo & incrementum hic ostenditur.

Quod veteribus prudentibus penitus erat incognitum] Veteribus incognitæ non fuisse donationes ante nuptias, hoc est, quæ inter sponsam & sponsam liberalitatis & amoris gratia fieri solent, & juris gentium sunt: sed talis species donationis ante nuptias, qualis tempore Justiniani frequentabatur, veteribus incognita fuit; utpote quæ demum post translationem Imperii in Orientem excogitata est, sensimque ita formata, ut vera donatio & juris gentium esse desierit, factaque sit species donationis improprie, & quæ omnino sit juris civilis. Sciendum enim est prioribus temporibus donationes sponsalicias, hoc est, quæ à sponso in sponsam conferebantur, vel contra à sponsa in sponsum, (nam & hoc aliquando fiebat, l. 1. §. 1. D. hoc tit. l. 12. leg. 16. C. de don. ant. nupt.) habitas fuisse, non tamquam nuptiarum causâ, sed perinde ac si purè atque absolute factæ fuissent, eandemque earum fuisse vim, quam habent donationes cæteræ, quæ ex mera liberalitate fiunt, nullo scilicet ut casu ad donatorem reverterentur, d. l. 1. §. 1. l. 8. cum aliquot seqq. C. d. tit. Itaque ne eo quidem casu revocare hujusmodi donationem licebat, quò nuptiæ secutæ non essent, d. l. 1. §. 1. l. 2. & l. 12.

T

Cod.

Cod. d. tit. nisi ea lege nominatim facta esset donatio, aut id actum evidenter apparet, ut nuptiis non securis res donata redderetur. Postea ex constitutione Constantini hoc iure uti coeperunt, ut donatio omnis inter sponsum & sponsam facta intelligeretur tacitam in se habere conditionem futurarum nuptiarum, *l. cum veterum. 15. C. cod. tit.* Et optima sane ratio: nam donatio sponsi in sponsam merito praesumitur proficisci à singulari affectione, qua sponsam ut futuram uxorem complectitur, sine spe nuptiarum haud facile donaturus. Non est autem hac Constantini constitutione effectum, ut donatio interim in suspensio sit, donec nuptiae secutae fuerint: ita enim futurum esset, ut in eum casum incidere, à quo non posset incipere, nimirum, in donationem inter virum & uxorem *l. 4. C. cod.* quae iure civili semper prohibita fuit: sed ut non securis nuptiis resolvatur, uti antea fiebat, cum id expressè cautum fuerit, *diff. l. 1. §. 1. hoc tit.* Ceterum non in omnem eventum, quo nuptiae secutae non fuerant, repetitionem donati Constantinus concessit; sed ita distinxit, ut si per eum eamve, qui quaeve donationem accepit, steterit, quo minus nuptiae sequerentur, donatori aut donatrici conditio daretur ob causam dati causa non secuta: si vero per donantem factum esset, non solum donati esset retentio, verum etiam exactio, *diff. l. 15.* Quod si mors alterutrius spem nuptiarum sustulisset, tunc si quidem sponsa donasset, omnimodo & integri, quod donatum erat, repetitio foret, siue osculum intervenisset, siue non: at si sponsus; tum non aliter ipsi aut heredibus ejus jus esset repetendi totius, quod donatum esset, quam si osculum non intercessisset: interveniente vero osculo, partem tantum dimidiam repetere licere; *l. si à sponso. 16. Cod. cod.* quasi osculi iure augeatur jus sponsalium, & qui osculum accepit, quasi maritus sit, aut certè plus quam sponsus; non enim satis est *maritum osculo putari*, ut ait Fabius *declam. 279.* Porro nuptiis secutis nulla donati repetitio, sed res pleno iure atque irrevocabiliter ejus, cui donata erat, facta intelligebatur. Successit tandem donatio ante nuptias, de qua hic agitur, & quam Justinianus propter nuptias vocari voluit. Hac fit à solo sponso, & vi atque effectu multum à praecedentibus differt. Nam primum doti, cujus remuneratio quaedam censetur, in hoc similis est, quod quemadmodum uxor soluto matrimonio dotem recipit, *l. 2. sol. matr.* ita & vir donationem propter nuptias, *c. ult. x. de don. inter vir. & ux.* Deinde nec revera ex hac donatione dominium rei donatae transit in uxorem: sed alia jura consequitur, veluti juris specialis hypothecae: nam res donata propter nuptias pro securitate dotis mulieri speciatim obligata esse intelliguntur, *leg. ubi adhuc. 29. C. de jur. dot. Nov. 61. c. 1. &*

hic praecipuus hujus donationis finis est, ut dos mulieri sit cautior: unde rectè D. Vvesemb. notat, res propter nuptias donatas potius hypothecae subijci videri, quam verè alienari. Item hoc, ut viro temere divortium faciente donatio haec aut tota aut pro parte lucro uxoris cedat, in quo doti quoque responderet: nam mulier sine iusta causa divertens, & ipsa amissione dotis plectitur, *l. consensu. 8. §. haec nisi. 4. C. de repud.* Novissimè etiam hoc constitutum, ut quibus casibus maritus ex pacto dotem vel partem ejus lucratur, iisdem & uxor lucratur donationem propter nuptias partemve ejus, *Nov. 61. c. 1. Nov. 91. c. 2. Nov. 97. c. 1.* Doctores vulgo etiam dominium rerum propter nuptias donatarum uxori acquiri affirmant, quos sequuntur Schneid. *hic n. 5. & Gudel. 1. de jur. novis. 8. arg. d. leg. 29. Cod. de jur. dot. d. Nov. 97. c. 1. d. Nov. 61. c. 1. vers. 4 non enim.* Sed si mulier harum rerum domina efficitur, prorsus absurdè facit Justinianus, quod jus pignoris mulieri in his constituit: item quod nominatim marito interdicat harum rerum alienationem & oppignorationem, *Nov. 61.* nam nec pignus quisquam habere potest in re propria, nec rem alienam alienare, aut pignori obligare. Ratio quoque non patitur, ut hic idem de donatione propter nuptias, quod de dote, statuamus: neque enim necesse est, ut quemadmodum res in dotem datae marito traduntur, ita & possessio rei propter nuptias donatae transferatur in uxorem. Quod vel ex eo liquet, quod fructus ex re donata constante matrimonio percepti non uxori, sed marito acquirantur, ut rectè tradunt Schneid. *num. 4. Gomez. in l. Tauri. 50. & 3. seqq. num. 11. Duar. tit. sol. matr. C. de don. propt. nupt. arg. in d. l. 29. C. de jur. dot.* Nam si hos fructus mulierem sequi volumus, futurum est, ut maritus, qui solus onera matrimonii sustinet, careat omni commodo dotis, maximè postquam placuit, ut donatio propter nuptias doti & in quantitate & in pactis respondeat, *Nov. 97.* Planè Justinianus non putavit reprehendendos Judices, qui pro his rebus donatis mulieri aliquando accomodaverant actionem in rem post solutum matrimonium, *Nov. 61. §. 1.* sed locus ipse ostendit, eos hoc non fecisse ex ratione juris, neque directam in rem dedisse, sed utilem, quae aliquando etiam non dominis ex aequitate conceditur. Ita ferme & D. Bachov. *hic. VINN.* Immo non opus est postrema responsione. Nam quum ipse fateatur auctor, uxori in rebus propter nuptias donatis competere jus pignoris; quidni eadem habeat actionem in rem, puta quasi Servianam? An si mihi actio in rem competit, inde sequitur ut sim dominus? Idem dicendum *ad l. 29. C. de jur. dot.* ubi *vindicare* dicitur uxor donationem propter nuptias. *Vindicaciones* enim veteribus dictas esse actiones omnes in rem, vel ex *§. 15. Inst. de action.* manifestum est. HEIN.

[*A junioribus Divis Principibus*] Tempore Constantini hoc genus donationis ante nuptias adhuc incognitum erat; quippe qui hoc tantum introduxit, ut donatio ante nuptias, quæ antea pura habebatur donatio, tacitam haberet conditionem, si nuptiæ sequerentur, *l. 19. C. de don. ante nupt.* Secutis autem nuptiis, adhuc plenissimo jure quod donatum erat, manebat conjugis, qui accepisset: nec à sponso solum, verum etiam à sponsa Constantiniana ante nuptias donatio fiebat, *l. 16. C. eod.* Postea placuit, ut ad donatorem soluto matrimonio revertatur, *l. ult. C. eod.* At donatio, de qua hic agitur, à solo sponso fit, nec ita unquam, ut sponsæ aut uxori pleno ac perpetuo jure res donata acquiratur: alioqui non rectè Justinus permisisset, ut constante matrimonio augeretur; quoniam tali augmento incidisset in donationem inter virum & uxorem. Intelligit igitur haud dubiè Imperator Principes Constantino juniores, qui pro vetere ante nuptias donatione penitus novam hanc substituerunt, quæ à solo sponso vel viro fit propter dotem & in dotis securitatem, & quæ non solum nuptiis non securis nullius momenti est, sed nuptiis etiam securis & postea distractis resolvitur, re donata ad virum redeunte, vel potius apud eum remanente: quia, ut modò probavimus, mulier per hanc donationem nec propriè nec verè domina constituitur. A quibus autem introducta aut quo tempore primùm recepta sit, incertum est. Illud patet, sub Theodosio juniore & Valentiniano III. jam receptam fuisse, *l. consensu. 8. §. hæc nisi. 4. de repud.*

[*Primus Divus Justinus pater noster*] Initio donationes ante nuptias post contractum matrimonium nec incohari nec augeri poterant. Primus Justinus quem hic patrem suum Justinianus appellat, ut & *inf. §. pen. quib. non est perm. fac. test.* quoniam ab illo avunculo suo adoptatus fuit, permisit, ut aucta postmodum dote tunc etiam augeri posset præcedens ante nuptias donatio, *l. si constante. 19. C. de don. ante nupt.* Justinianus autem etiam inchoari hujusmodi donationes post nuptias permisit; *l. ult. C. eod.* Cæterum hæc ita, ut si post contractas nuptias fierent vel augerentur, dotis quantitatem minimè excederent, ne fraus fieret Senatusconsulto, quo inter virum & uxorem donatio prohibetur.

[*Sed etiam constante matrimonio initium accipiant*] Hoc à Justiniano constitutum, *d. l. ult. in pr. vers. simplices.* Adhuc donatio ante nuptias arbitraria erat, quævis dos data esset: poteratque aut nulla constitui, aut dote minor, majorve etiam si ante nuptias fieret, nec ulla requirebatur aut in partibus lucris, aut in quantitate, quæ utrinque conferebatur, æqualitas. Tantum pacta, quæ inter virum & uxorem fierent de lucranda dote aut rebus propter nuptias donatis ad partium æqualitatem

redigi cœperant. Sic enim à Leone constitutum erat; ut quantam partem stipulata fuerat mulier sibi lucro cedere ex ante nuptias donatione post mortem mariti, tantam maritus ex dote sibi stipularetur ab uxore, *l. ex morte. 9. C. de pact. conv. tam. sup. dot.* Cui Justinianus addiderat, si pacta lucrorum paria non esse cōringeret, ut major lucris pars ad minorem reduceretur, *l. 10. d. sit. d. l. ult. vers. simplices.* quæ confirmantur adhuc, *Nº. 12.* Tandem Justinianus, *Nº. 97.* unde sumpta *auth. æqualitas. C. de pact. conv. tam. sup. dot.* statuit, ut non partium solum æqualitas esset, verum etiam quantitas, atque omnimodo & in pactis stipulationibusque, & in ipsa etiam præstatione aut promissione, tam dotis quàm donationis ante nuptias æqualitas servaretur, utque dote vel donatione propter nuptias aucta vel deminuta, ad parem quantitatem altera vel augeretur, vel minueretur: ex quo amplius liberum non fuit donare vel non donare, aut minus dote donare. Cæterum hanc constitutionem cum sua exequatione & donandi necessitate jam pridem repudiavit publica consuetudo, ut notant *Accur. d. auth. æqualitas. Bald. Salic. in summa. d. l. ex morte. Schneid. hic n. 4. Gail. 1. obs. 36. n. 10.* Quia etiam *Cuiac. 5. obs. 4.* refert, donationes propter nuptias penitus ex usu sublatas esse. Sane in Belgio propriè neque donationum propter nuptias neque dotium usus est, quamquam bona, quæ mulier in matrimonium confert, dotem adhuc appellamus. Doarium autem sive dotalitium, quod moribus receptum, mera donatio est, quàm mortuo marito uxor percipit & lucratur: & ideo constante matrimonio neque constitui neque augeri potest, sed pactis antenuptialibus dumtaxat. Consultantur super hæc re D. Neostad *de pact. antenupt.* Ioan. à Sande. *lib. 2. tit. 4. fere per tot.* Grot. *lib. 1. manu duct. ad Bat. in resp. c. 5. & lib. 2. c. 11. cum. 2. seqq.* Per. Greg. *synagm. 11. c. 4.* Gudelin. *lib. 1. de jure noviss. c. 8.* De jure mariti in nobis uxoris & societate conjugali, idem *d. lib. 1. c. 7.* de jure superstitis conjugis & lucris nuptialibus, idem *d. l. 1. c. 11. l. add. D. Lamb. Goris advers. jur. tract. 1. fere per tot.* Quibusdam in locis certæ partis bonorum mariti usufructus pro doario uxori assignatur legibus municipalibus, vid. *Christin. vol. 1. decis. 73. 217. 273. & illic citat.*

[*Sed propter nuptias vocentur*] Justinianus donationem ante nuptias appellari voluit donationem propter nuptias: quoniam & augerem & fieri etiam post nuptias permissum sit, *l. ult. C. de don. ante nupt.* quod non est magni momenti: & verus nomen Rubrica Codicis retinuit. Rectius appellaretur donatio propter dotem, quod respondet vocabulo, quo Græci utuntur, quibus dicitur *ἀνὴρ καὶ γυνή*. Cæteroquin & dos propter nuptias donatio est, *d. l. ult.*

TEXTUS.

De jure accrescendi.

4. *Erat olim & alius modus civilis acquisitionis, per jus accrescendi, quod est tale: Si communem servum habens aliquis cum Titio, solus libertatem ei imposuerit, vel vindicta, vel testamento, eo casu pars ejus amittebatur, & socio accrescebat. Sed cum pessimum fuerat exemplo, & libertate servum defraudari, & ex eo humanioribus quidem dominis damnum inferri, severioribus autem dominis lucrum accedere; hoc quasi invidia plenum pio remedio per nostram constitutionem mederi necessarium duximus. Et invenimus viam, per quam manumissor, & socius ejus, & qui libertatem accepit, nostro beneficio fruantur, libertate cum effectu procedente, (cujus favore antiquos legum latores multa etiam contra communes regulas statuisse manifestum est) & eo, qui eam libertatem imposuit, sue liberalitatis stabilitate gaudente, & socio indemnitate conservata, pretiumque servi secundum partem dominii, quod nos definivimus, accipiente.*

COMMENTARIUS.

Alius modus civilis acquisitionis] Vel hinc apparet, superiores acquirendi modos inter acquisitiones civiles à Justiniano numerari. Subjicit autem hic pro conclusione alium civilis acquisitionis modus, sed antiquatum, & quem ipse jam antea abrogaverat, quo scilicet pars unius domini communem servum manumittentis socio quærebatur jure accrescendi. Quod jus donationi valde affine erat, quoniam & ipsum causa erat merè lucrativa: & quia dominium istius partis citra traditionem transibat ad socium, omnino hic modus pertinebat ad jus civile: estque casus quidam, quo jus accrescendi locum habebat extra causam ultimarum voluntatum. VINN. Sed suppetunt plures, veluti in usufructu *tit. ff. de usufr. accr.* & in socio liberalitatis imperialis. *l. un. C. si lib. imp. soc.* HEIN.

Vindicta, vel testamento] Meminit dumtaxat manumissi vindicta aut testamento: quia alio modo, puta per epistolam, aut inter amicos manumissus huc non pertinebat. Sic enim jus erat, ut quibus modis servum proprium manumittens civem Romanum faciebat, iisdem modis communem manumittens partem suam amitteret, eaque accresceret socio: quibus autem modis proprium manumittens Latinum

faciebat, ut iis modis communem manumittens nihil ageret, id est, neque Latinum faceret, neque partem suam amitteret, Ulpian. *tit. 1. de libert. §. communem. 18.* Paul. *4. sent. 12. in pr.* VINN. Immo ex Ulpiani loco patet, circa manumissos per epistolam aut inter amicos dissenisse veteres, & non omnes, sed plerosque tamen existimasse, manumittentem nihil egisse. Cui sententiæ & Paullus favet. HEIN.

Eo casu pars amittebatur] Nam cum ea à domino manumisso abiret, nec tamen aut libertas communi servo ab uno è dominis in præjudicium socii sui dari posset, aut quisquam pro parte servus pro parte liber esse, quoniam status hominis individuus est; necessario eveniebat, ut pars manumissoris, quippe quæ nullius esse non poterat, accresceret, accederetque socio: non absimili ratione, quæ placet, usufructum in jure cessum extraneo extinguere, & redire ad proprietatem, quod explicatum *§. pen. sup. de usufr.*

Per nostram constitutionem mederi] *leg. 1. C. de comm. serv. man.* ubi quod in solis militibus antea obtinebat, jus commune facit sancitque generaliter, ut servus communis ab uno è dominis manumissus liber omnino fiat, si manumissor alteri domino pretium suæ partis persolvere paratus sit. Neque inter modos manumittendi hic distinguendum, cum quævis manumissio nunc civem Romanum faciat, *§. 3. sup. de libert.* & generaliter loquatur. *Imp. d. l. 1. §. 1.*

Contra communes regulas] Jure communi nemo rem suam vendere aliove modo alienare cogitur, *l. in vitum. 11. C. de contr. emp. l. nec emere. 16. C. de jur. del.* Ab hoc jure in casu proposito recedendum putavit Justinianus propter favorem libertatis: neque hoc, ut novum, carpendum esse, cum etiam veteres jurisconditores multa pro libertate contra rationem juris constituisse notum sit, *l. generaliter. 24. §. si quis. 10. de fideic. libert.* Plures casus, quibus quis rem suam vendere cogitur, notavimus ad *§. ult. sup. de his qui sui vel al. jur.*

Quod nos definivimus] Ne de pretio partis domini non manumissoris contentio esset, Justinianus servorum pretia pro ætate atque artificio cujusque, quod exerceret, certa definivit, crescentque à decem solidis usque ad septuaginta, *d. l. 1. §. ne autem. 5. C. de comm. serv. man. l. ult. C. de cond. insert.* Quod tamen nonnulli non satis prudenter factum existimant, definitionemque pretii in singulis causis arbitrio Magistratus potius permittendam fuisse. Hujus *§.* nullum esse hodie usum intelligi potest ex iis, quæ diximus *leg. 1. tit. de jur. person.*

TITULUS OCTAVUS.

QUIBUS ALIENARE LICET, VEL NON LICET.

Confirmatio, atque argumentum tituli.

Explicati haftenus sunt plerique modi, quibus dominium rerum singularum nanciscimur tum jure gentium tum jure civili. In his praecipuus & modus maximè naturalis est, cum dominus rem suam ita alteri tradit ut eam velit fieri accipientis, §. *per traditionem*. 40. *sup. de rer. div.* Ceterum cum hoc non semper procedat, propterea quod non omnes, qui domini sunt, jus alienandi rem suam vel etiam administrandi habeant: deinde quia quandoque etiam contingit, ut is, qui dominus non est, dominium in accipientem transferat, eo quod alienandi potestatem à lege accipit; utrumque hoc Justinianus exemplis sibi declarandum putavit proprio titulo; quem idcirco etiam statim superioribus subjicit. In *princ. & §. ult.* proferunt exempla eorum, qui cum domini sint, jus tamen alienandi non habent; in §. 1. exemplum contrarium.

TEXTUS.

Summa tituli, de Marito, qui licet fundi dotalis dominus sit, tamen alienare nequit.

Accidit aliquando, ut qui dominus rei sit, alienare non possit; & contra, qui dominus non sit, alienandae rei potestatem habeat. Nam dotale praedium maritus invita muliere per legem Juliam prohibetur alienare; quamvis ipsius sit, dotis causa ei datum. Quod nos, legem Juliam corrigentes, in meliorem statum deduximus. Cum enim lex in solis tantummodo rebus locum habebat, quae Italicae fuerant: & alienationes inhibebat, quae invita muliere fiebant: hypothecas autem earum rerum etiam volente ea: utriusque remedium imposuimus, ut etiam in eas res, quae in provinciali solo posita sunt, interdicta sit alienatio, vel obligatio, ut neutrum eorum neque consentientibus mulieribus procedat: ne sexus muliebris fragilitas in perniciem substantiae earum convertatur.

NOTA.

Dotale praedium] Inaestimatum scilicet: nam aestimato in dotem dati alienatio marito permittitur, l. 10. §. 4. *D. de jur. dot. l. 50. l. 10. C. eod.* sicut & rei mobilis, l. 3. §. 2. *D. de suis & legit. 30. C. de jur. dot. au. h. sive à me. C. ad Sen. Vell.* *Veniunt in Institutum*

Sexus muliebris fragilitas] Ne fragilitate suae naturae in repentinam deducatur inopiam, d. l. *nn. §. 15.*

COMMENTARIUS.

- 1 Prohibitionem legis Juliae ad res dotales mobiles non pertinere, neque ad ullas aestimato in dotem datas.
- 2 Solum maritum verum iustumque rei dotalis dominum esse, plenissime probatur, remotis omnibus objectionibus.
- 3 Alienandi verbum quam late pateat ex sententia legis Juliae.
- 4 Cur lex arctius prohibuerit fundi dotalis oppugnationem quam alienationem?
- 5 Quantum mores nostri dissideant à jure scripto?

Dotale praedium maritus prohibetur alienare] Primum exemplum, quo ostenditur, eum qui dominus est, aliquando alienare non posse, propositum judicio dianctico syllogismi tertiae figurae partibus omnibus explicatis. Est verò partium mechatheſis, quae sublata apparebit syllogismus integer in Felapton. *Maritus praedium dotale alienare non potest; Maritus est dominus praedii dotalis; Ergo quidam rei dominus eam alienare non potest.* Ait praedium: ergo rei mobilis alienatio marito prohibita non est, quod etiam probant textus in l. 3. §. 2. *de suis & legit. l. 30. C. de jur. dot. l. ult. C. de serv. pign. das. man. au. h. sive à me. §. 1. C. ad Sen. Vell.* utique tamen hoc ita, si maritus solvendo est, l. 1. *C. d. sit. de serv. pign. &c.* nam alioqui in fraudem uxoris id facere censetur, quippe cui dos deberi incipit: ex quo constat, mariti facultates ad exactionem dotis non sufficere, etiam si matrimonium necdum solutum sit, l. *si constante. 24. sol. mar. l. si servum. 21. de manum. l. ubi 29. C. de jur. dot.* Praedium autem accipere debemus inaestimatum: nam quae res aestimato in dotem dantur, eas omnes, siye mobiles sint, siye immobiles, libere à marito alienari posse vel ex eo patet, quod soluto matrimonio non res ipsae, sed pretium siye earum aestimatio in restitutionem veniat judicio venditi, l. 10. §. *si ante. 4. de jur. dot. l. 5. l. 10. C. eod.* Utique si aestimatio facta sit venditionis causa: secus autem si facta sit tantum intermentis, i. taxationis causa, ut constat, quanti res sit, ut in l. 6. §. 7. *de jur. dot. l. 50. sol. matrim. l. 20. C. de jur. dot.* Errat verò procul dubio Vvesembecius contendens, maritum non alias res mobiles alienare posse, quam quae servando servari nequeunt, arg. l. *lex quae. 22. C. de adm. tut.* Longè enim plus juris maritus habet, quam tutor, & furilis collectio est

ex l. res in dotem. q2. de jur. dot. Rerum, quæ pondere, numero, mensura constant, maritus liberam alienationem habet; ergo extrarum rerum mobilium non habet. Atque hoc tantum Jurisconsultus ibi docere voluit, quantitatem in dotem dari eodem jure & obligatione, qualis est in mutuo.

[*Per legem Iuliam*] Quæ vulgo appellatur *Julia de fundo dotali*, l. 1. l. 4. de *fundo dot.* Tullit hanc legem Augustus: est enim ea ipsa, quæ de adulteriis & de pudicitia dicitur, ut constat ex *Paul. 2. sent. 21.* atque ex inscriptione multorum capitum sub d. *rit. de fundo dot.* quippe lex illa inter alia hoc etiam caput de fundo dotali habuit conceptum in hæc verba: *Fundum Italicum dotalem maritus invitæ uxore ne alienato, neve consentiente ea obligato, l. un. §. 6. cum lex. 15. C. de rei ux. act.* Adi Brisson. *lib. sing. ad leg. Jul. de adul.* ubi hujus legis capita, quæ quidem in libris nostris continentur, accuratè collegit & exposuit. Causa prohibitionis est favor dotium, quas mulieribus salvas esse etiam publicè expedire creditur, quo facilius iterum virum inveniant, l. 2. de *jur. dot.* Ac tamen si soluto matrimonio maritus, hæredesve ejus dotem restituere tenentur: præstat tamen, mulierem rem habere salvam, quàm in personam agere, per l. *plus cautio- nis. 25. de reg. jur. l. 5. de susp. tut.* Cæterum non de rebus dotalibus omnibus lex cavet, sed de prædiis duntaxat; utpote quorum alienatio mulieribus maximè damnosa esse potest propter harum rerum pretium. Sed & prohibita rerum mobilium alienatione, facile fieri posset, ut multæ deciperentur, magnaque inde sequerentur incommoda.

Quamvis ipſus ſit] Maritum eſſe rei dotalis dominum. innumeris locis & perſpicue prodic-
tum eſt, l. 1. §. 1. l. dot. 13. §. 2. de fund. dot.
l. 7. §. 3. de jur. dot. l. ſi pradium 23. C. cod. l.
quorſens. 47. §. ult. de pecul. &c. cauſamque do-
tis habilem eſſe ad transferendum dominium,
non ſecus ac venditionem, permutationem,
donationem, ſcriptum expreſſe eſt, §. per tra-
ditionem. 48. ſup. de ver. diu., & probat. tit.
Pand. pro dote. nam alias mulier rem alienam
marito ex cauſa dotis tradens non transferret
uſucapiendi facultatem, neque marito amiſſa
poſſeſſione daretur actio in rem publiciana,
l. 3. §. 1. de Pub. in rem act. Idem quoque
arguunt effecta juris dominici propria, qualia
ſunt, quòd maritus ſolus rem dotalem vindic-
et, l. dote. 9. C. de rei vind. quòd ſervus do-
talis hæres ab aliquo inſtitutus juffu mariti au-
adit, aut repudiat hæreditatem, l. ſervus. 58.
ſol. matr. quòd dotali ſervo libertatem dare po-
teſt, l. 3. C. de jur. dot. Quibus etiam hoc
argumentum accedit, quòd ne mortuo quidem
marito dominium rei dotalis ad uxorem rever-
titur, ſed una cum univerſitate tranſit in hæ-
redem mariti, d. l. 1. §. 1. de fund. dot. ut pro-
inde ex ratione juris veteris nec ad repetendam

dotem mulieri competeret actio in rem, sed tantum personalis rei uxoris, aut ex stipulatu. Postremo si maritus dominus rei dotalis non esset, quid opus fuit lege, qua marito interdiceretur fundi dotalis alienatio? Rectè igitur Græci in Basil. 47. tit. 1. *αγορεύειν τὴν γάμον ἐστὶν ἀνὴρ αὐτῆς*. Non pauca tamen huic sententiæ ob stare videntur, atque uxori non marito dominium dotis asserere. In l. *quamvis*. 25. de jur. dot. dos dicitur esse ipsius mulieris: alibi proprium mulieris patrimonium, l. 3. §. *ergo*. 9. de minor. l. in cum. 16. de rel. & sumpt. fun. l. 4. de collas. in l. 7. §. *si fundum*. 12. sol. matr. De fundo dotali differit Jurisconsultus, quasi de re aliena respectu mariti. Maritus in rebus dotalibus dolum & culpam præstat, l. in reb. 17. de jur. dot. Penes mulierem esse dicitur etiam fundi dotalis possessio, ut satisfacere ea de causa non teneatur, l. sciendum. 15. §. 3. *qui satisfd. cog.* Denique generaliter à Justiniano traditum est, res dotales in dominio uxoris permanere, l. in rebus. 30. C. de jur. dot. Hæc nostri non uno modo component. Donellus lib. 14. com. 4. putat, maritum rerum duntaxat æstimatarum & quantitatis in dotem datæ dominum esse, corporis inæstimate dati mulierem. Vultejus hic & l. disc. schol. 19. uxorem esse dominam rei dotalis, maritum dominum juris in ea re constituti. Vaudus, 2. var. quest. 3. & Joan. del Castil. de usufr. c. 4. marito nihil ferme tribuunt, præter jus rebus dotalibus utendi fruendi. Robertus. 3. sent. 18. dominium dotis marito concedit, proprietatem negat. Nonnulli dominium bonitarium penes maritum fuisse contendunt, Quiritarium penes uxorem, ut Perenot. 2. animad. 2. Alii contra, illud penes uxorem, hoc penes maritum, ut Hotom. hic. Cæterum nemo horum quicquam asserit, quod mihi probari potest. Donelli distinctio apertè vitiosa est: nam cum per se dotis constitutio sit titulus idoneus ad transferendum dominium, d. §. per traditionem. 40. necesse est, ut tam rei inæstimate in dotem datæ dominium in maritum transeat, quàm æstimate, aut si aliena res est, usucapiendi conditio; quod etiam disertè traditur l. 3. §. 1. de Pub. in rem act. Hoc tantum interest, quòd dominium mariti in re dotali non æstimatæ minus plenum nec perpetuum est, quippe cujus rei, si immobilis est, nec alienandæ, nec obligandæ jus habet, & quam ipsam soluto matrimonio restituere tenetur; nam quod dotis causa perpetua esse dicitur. l. 1. de jur. dot. id ad votum damnis referendum est, quod ea intentione datur, ut perpetuo apud maritum sit. At rei æstimate dominium plenissimè atque irrevocabiliter in eum transfertur, ita ut præter tantum debitor efficiatur, nisi forte electionem sibi mulier reserverit, l. 11. de fund. dot. l. 5. C. de jur. dot. aut intertrimenti duntaxat causa æstimatio facta sit, ut paulo ante notatum. Idemque est cum res fungibilis in dotem data est: perinde

enim tunc maritus obligatur, ac si mutuum accepisset, *l. res in dotem. 42. de jur. dot.* Quid quod admitta distinctione Donelli fatendum erit, dominium rei dotalis non aliter transferri, quam si venditio aut mutuum contractum sit? quod qui asserit, vi ipsa simpliciter negat, contra juris auctoritatem, rem ex causa dotis transferri, aut dotem esse justum titulum transferendi domini. Et vel unum hoc ad refellendum Donellum satis est, quod maritus dicitur dominus esse illius ipsius prædii, quod lege Julia vetatur alienare, *l. dotale. 13. §. 2. de fund. dot. & hoc text.* Etenim legis Juliae prohibitio ad fundum dotalem non æstimatum fere solum pertinet; ad æstimatum non pertinet, nisi uno illo & altero casu, quem supra indicavimus. Vultei quoque distinctio tolerari non potest, & à juris ratione nimium quam abhorret. Res ipsa in dotem data non jus aliquod in ea re mariti effici dicitur, *l. 7. §. si res. 3. de jur. dot.* prædium ipsum dotale mariti esse, dominium hujus prædii marito quæri, *d. l. 13. §. 2. de fund. dot. & hoc loc.* Quibus textibus atque aliis, quos supra adduximus, refutatur etiam opinio Vaudi & del Castill. Pluribus atque ex professo distinctionem Vult. confutat D. M. Lyclama. 7. membr. 26. Roberti merum commentum est, atque inauditum, alium dominium rei habere, alium proprietatem. Pere-notti sententia plus coloris habet: sed tamen & ipsam falsam esse existimo. Moveor, quod distinctio illa domini bonitarii & Quiritarii non pendet à titulo, aut causa acquirendi, sed à genere & modo, quo res in accipientem transferebatur. Potuit ergo maritus & ex jure Quiritium habere, puta, si mancipatio aut in jure cessio intervenisset: potuit & in bonis tantum, si simplex modo traditio facta esset, & res nondum usucapta, per ea, quæ Ulpian. tit. 1. de libert. §. qui tantum. 11. Ac dominium quidem bonitarium semper penes maritum fuit, Quiritiarium plenum non semper, nudum numquam, in quo perspicue errat Hotom. fac. l. 7. §. si res. 3. l. quamvis. 75. de jur. dot. l. Lucius. 21. §. 4. ad municip. Una hujus dissidii conciliatio est, eaque simplicissima, ut dicamus, solum maritum esse rei dotalis etiam inæstimate verum justumque dominum: ceterum quia hoc dominium mariti perpetuum non est, sed abiturum ab eo, solutoque matrimonio rediturum ad mulierem, (quippe cui maritus facto divortio, quod apud Romanos frequenter contingebat, dotem restituere cogitur) hujus dissolutionis ac futuræ restitutionis intuitu dotem videri non tam mariti, quam uxoris esse, & adhuc patrimonium uxoris appellari, deque marito considerato eodem eventu Jurisconsultos nonnumquam ita loqui tamquam de non domino, & quasi rei alienæ administratore, præsertim in *tit. sol. matrim.* Qua ratione etiam defendendum erit, quod Justinianus ait, sola legum subtilitate rei dotalis do-

minium in maritum transferri, naturaliter autem penes uxorem manere, *d. l. 30. C. de jur. dot.* Loquitur enim etiam de rebus æstimate, quas certo constat in patrimonium mariti transire, idque pleno etiam & perpetuo jure, *l. 6. C. eod.* Mirum verò non est, Justinianum sic loqui, dum scopo suo serviens colorem aliquem quærit constitutioni suæ, quæ contra rationem juris uxori pro rebus dotalibus tam æstimate, quam inæstimate concedit actionem in rem. Quod tamen cum D. Bachovio de utili in rem accipio, & quæ soluto demum matrimonio uxori detur in subsidium, ubi maritus solvendo non est.

In rebus, quæ Italice fuerant] In prædiis igitur provincialibus legi locus non fuit, sed potuit maritus ea libere alienare. Quod tamen absurdum merito videri potest: & maxime post constitutionem Antonini, qua provinciales omnes civitate donati sunt, *l. in orbe. 17. de stat. homin.* Nam etsi prædiorum provincialium summum jus, & dominium Quiritiarium penes possessores non erat; proximum tamen pleno dominio jus habebant, quod in quemvis alium transferre poterant, omniaque percipiebant prædiorum emolumenta, uno excepto, quod certum vectigal prædiis impositum quotannis solvere tenebantur. Cur igitur magis in Italia, quam in provinciis mulieribus prospectum, cum idem ubique sit, aut esse debeat, dotium favor? Existimo, non desuisse alia remedia, quibus nupturæ sibi in provinciis consulere potuerint. Lepidum verò est, quod Dionys. Gothofred. in notis ad Theoph. scribit, fundum extra Italiam situm per legem Juliam ne volente quidem uxore alienari potuisse. VINN. Immo nec opus fuit prohibere alienationem fundi dotalis provincialis, quippe ab emptore usucapi non poterat, adeoque soluto matrimonio semper poterat vindicari, quod secus se habebat in fundo Italico. *l. 17. ff. de statu hom.* huc planè non pertinet. Communicatio enim cum universo orbe Romano jure civitatis Romanæ, non ideo sublatum est discrimen soli Italici & provincialis, quod Justinianus demum abolivit. *l. un. C. de nud. jur. Quir. toll. l. un. C. de usucap. transform.* HEIN.

Alienationes inhibebat] Alienatio dicitur omnis actus, per quem dominium transfertur, *l. 1. C. de fund. dot.* Itaque non tantum distrahi fundus dotalis prohibetur, sed etiam donari, permutari, in solutum dari, legari: ac ne quidem si miles legaverit, ratum erit legatum propter legem Juliam, *l. dotalem. 16. de testam. mil.* Sed & usucapio quoque appellatione alienationis continetur, *l. alienationis. 28. de verb. sign.* & ideo ad hanc quoque speciem lex Julia pertinet, *l. si fundum. 16. de fund. dot. fac. l. si ab eo. 12. de usuc. l. 7. §. qui sciens. 5. pro empt.* Alienatum autem propriè non videtur, quod adhuc in dominio nostro manet, quamvis venditum rectè dicatur, *l. alienatum. 67.*

de verb. sign. Alienandi autem prohibitionem eos quoque casus comprehendere intelligimus, quibus jus aliquod in re à dominio separatim transfertur, *l. ultim. Cod. de reb. al. non alien.* Quare nec servitutem prædio dotali maritus imponere poterit, nec servitutes prædio debitas remittere, vel amittere, non utendo, *l. 5. de fund. dot.* Cui consequens est, libertatem servitutis urbano prædio dotali debita ex cessione patientiæ mariti non competituram, ne per hoc prædii conditio deterior fiat, *leg. 6. eod. tit.*

- 4 *Hypothecæ earum etiam volente ea*] Lex Julia alienationes prædiorum dotalium prohibuit, quæ invita muliere fiebant; oppignorationem etiam quæ fiebat ea consentiente, *l. unic. §. cum lex. 15. Cod. de rei ux. act.* Hoc ideo, quia facilius mulier adduci potest, ut consentiat obligationi, ubi nullum præsens periculum est, sed spes fore, ut maritus rem luat, quam alienationi consentiat, per quam rei ipsius dominium statim in alium transfertur. Quod igitur facilius mulier concessura erat, arctius lex, immo solum prohibere voluit: ut passim videmus ea sola legibus prohiberi, quæ facile fieri possunt, cum lex ea fieri non vult, non quæ difficulter. Hac ratione Senatusconsulto Vellejano mulieri pro alio se obliganti succursus est, non donanti, nimirum quia, ut inquit Jurisconsultus, facilius se mulier obligat, quam alicui donat, *l. 1. §. ad senat. Vellejan.* Eadem ratio fuit legis Fufiæ Caniniæ infinitam manumissionem in testamento prohibentis, non inter vivos, *sup. de leg. Fuf. Can.*

Utrique remedium imposuimus] Justinianus legis Juliæ prohibitionem primùm porrexit ad prædia provincialia, *dist. l. un. §. cum lex. 15. Cod. de rei ux. act.* quippe quorum nondum eadem causa, quæ Italicorum erat, quod effectum constitutione posteriore, *leg. un. Cod. de usucap. transf.* Deinde alienationem eodem modo, quo oppignorationem, prohibuit, ut nec illa vel consentiente muliere fieri posset: quod lex Julia permittebat, *dist. leg. unic. §. & cum lex. 15. vers. cum autem.* Hæc autem prohibitio in quibusdam casibus cessare creditur, quos collegit Christin. volum. 3. dec. 133. num. 20. & 28. cum seqq.

Ne sexus muliebri fragilitas] Ratio cur legi Juliæ hætenus derogarit, ut nec alienationem prædii dotalis, quæ cum consensu mulieris fit, valere patiatur; quia scilicet succurrendum putavit facilitati mulierum, quæ vel fragilitate sexus, vel mariti reverentia, aut amore ductæ facile rerum suarum alienationibus consensum accommodant, *et ideo dicitur in præfatione* *γυναικός Liban. Declam. 35.* Pontifices tamen hujusmodi alienationes, si jurato mulier consenserit, firmas manere præcipiunt, *c. cum contingat. x. de jurejur. c. licet mulieres. eod.*

in 6. Moribus harum regionum marito dominium rerum, quas uxor in matrimonium confert, non quaritur; sed nullis antenuptialibus instrumentis confectis bona omnia utriusque conjugum communia fiunt, ut alibi dictum. Cæterum si facta sit bonorum communio, siue ea pactioibus exclusa, licet marito pro jure potestatis, quam maximam apud nos in uxorem habet, res ejus alienare, aut obligare, neque in eam rem opus habet uxoris consensu, nisi ea quoque potestas nominatim pactis antenuptialibus restricta sit, aut impetrata bonorum separatio, *Neostad. de pact. antenupt. obs. 10. Grot. 1. introd. c. 5. & alii alleg. à Groenevv. hic, tract. de ll. abrog.* Contra verò mulieres nuptæ res suas obligandi, aut alienandi jus non habent: ac neque ex contractu sine consensu maritorum inito obligantur, nisi quatenus ea obligatio spectat victum & cultum familiæ. exceptis palam negotiantibus, quæ institutorum jure utuntur, atque in negotiatione, quam exerceant, se virosque suos obligandi potestatem habent, *D. Joan. à Sande. lib. 2. tit. 4. defin. 3. & 4.* Non ideo tamen minus in intercessionibus beneficio Senatusconsulti utuntur, *D. Neostad. obs. rer. jud. 18.*

TEXTUS.

De Creditore, qui licet non sit dominus, tamen alienare pignus potest.

1. *Contra autem creditor pignus ex pactione, quamvis ejus ea res non sit, alienare potest. Sed hoc forsitan ideo videtur fieri, quod voluntate debitoris intelligitur pignus alienari, qui ab initio contractus pactus est, ut liceret creditori pignus vendere, si pecunia non solvatur. Sed ne creditores jus suum persequi impedirentur, neque debitores temere suarum rerum dominium amittere viderentur, nostra constitutione consultum est, & certus modus impositus est, per quem pignorum distractio possit procedere: cujus tenore utrique parti creditorum, & debitorum satis abundeque provisum est.*

NOTÆ.

1. *Ex pactione*] Idem est, licet pactio nulla interposita, *l. 4. D. de pign. act.* neutrum autem procedit sine prævia denuntiatione, *l. 4. Cod. de distr. pign. l. 10. C. de pign.* Sed etsi convenerit, ne liceat vendere, adhuc tamen distrahi potest, modò trina præcesserit denuntiatio, *d. l. 4. de pign. action.*

Qui ab initio pactus] Aut etiam ex intervallo, *d. l. 4. D. de pign. action.* Itaque hic casus

Sus non magis huc pertinet, quam cum procurator voluntate domini rem alienat, §. 42. *supr. de rerum div.* Rectius huic referas tutores & curatores.

Nostra constitutione] *L. ult. Cod. de jur. dom. imp.* ubi nova forma distrahendi pignoris prolixè præscribitur, cui locus sit, cum de vendendo eo nihil nominatim convenit.

COMMENTARIUS.

1. *Unam saltem denuntiationem requiri, non tantum cum de pignore distrahendo non convenit, sed etiam cum convenit, ut vendere liceat.*
2. *Quid si dies solutionis adjecta, & solutio sua die facta non fuerit?*
3. *Formam vendendi pignoris à Justiniano præscriptam vix ullibi locorum observari.*

Hic ex diverso ostenditur, etiam eum aliquando, qui dominus non est, alienandæ rei potestatem habere, exemplo creditoris pignoratitii. Magis autem huc pertinent tutores & curatores, quibus res pupillorum suorum & adulatorum alienandi potestas non à domino, sed jure tributa est, *l. bonæ fidei. 109. de verb. sign.* quamvis his non quævis permissa alienatio, nec omnium rerum absque decreto. De quo vid. *l. 9. §. si cur. 5. l. 12. §. 1. l. tutor. 22. l. Lucius. 45. §. ult. de adm. tut. l. non omni. 16. l. lex quæ. 22. C. cod. l. 1. & pass. de reb. eor. qui sub tut.*

Ex pactione] Pertinet igitur hic locus ad alienationem pignoris conventionalis. At, *ex pactione*. Quid ergo si de distrahendo pignore nihil convenit? Adhuc eo jure utimur, ut distrahere liceat, *l. 4. de pign. aff.* Quin hoc ipsi naturæ pignoris inest. Atque hic casus potius ponendus fuerat, quam cum pignus alienatur ex conventionione atque expressa voluntate debitoris, per ea, quæ statim sequuntur. Immo tantum abest, ut pactio ad alienationem pignoris necessaria sit, ut etiam si nominatim contra convenit, ne liceret pignus vendere, adhuc tamen liceat, si modò ter (per justa intervalla, quod iudex arbitrat, *Negus. de pign. 1. membr. 6. part. principal. num. 4. Schneid. hic num. 3.*) prius debitori denuntiatum fuerit, ut solvat, & cessaverit, *d. l. 4. de pign. aff.* alioqui si numquam liceret vendere, creditori pignus esset inutile, ut adeo tale pactum sit contra naturam pignoris. Enimvero nec illo casu, quo nihil de distrahendo pignore actum est, absque præcedente denuntiatione pignus vendi potest, sed una tantum denuntiatio sufficere putatur, *argum. d. l. 4. de pign. aff. l. 3. Cod. de jur. dom. imp. l. 4. C. de distr. pign. l. debitoribus. 18. C. de adm. tut.* quamvis etiam hoc casu tres desiderare videatur Paulus 2. *sent. 13.* Hoc amplius putarem cum Castrensi, *add. l. 4. Negus. 1. membr. 6. part. pr. n. 1. Schneid. num. 2. contra Gloss. Salic. in l. 1. C. de distr. pign. Vvesemb. hic*, etiam tunc unam saltem denuntiationem requiri, cum expressè convenit, ut pignus vendere liceat; cum nec ante debitor

constituatur in mora. Estque in eam rem textus apertus in *d. l. 3. §. 1. Cod. de jur. dom. imp.* & jure quoque veteri sic obtinuisse liquet ex *l. debitoribus. 10. C. de pign. & d. l. 4. C. de distr. pign.* Sed illud interest, quod ubi de distrahendo pignore convenit, biennium post denuntiationem non expectatur, uti fit in duabus speciebus reliquis ex constitutione Justin. *d. l. 3. §. 1. C. de jur. dom. imp. Schneid. hic num. 3.* Sed quid dicendum de iis casibus, quibus mora contrahitur citra ullam interpellationem, puta si dies solutioni adjecta sit, & sua die solutio facta non fuerit? Hic enim adventu solius diei debitor in mora constituitur secundum communem sententiam, per *l. magnam. 12. C. de contr. stip. Negus. d. loc. & Schneid. hic nu. 1.* putant, hoc casu nulla opus esse denuntiatione, sufficereque ad licentiam vendendi pignoris nudam debitoris moram. Cui sententia patrocinari videtur *l. 8. §. 3. de pign. aff.* Sed humanius est ut dicamus, etiam hoc casu denuntiationem præcedere debere. Non enim protinus sequitur, ad debitorem constituendum in mora nihil aliud desideratur, quam ut dies venerit; ergo hoc etiam sufficit ad jus distrahendi pignoris. Quippe pignoris obligatio diversa est à principali: nec si ob moram debentur usuræ, & rei debitorum periculum in debitorem transfertur, ideo statim etiam nulla præcedente denuntiatione licebit vendere pignus in gravissimum præjudicium debitoris. Nec obstat *d. l. 8. §. 3. de pign. aff.* loquitur enim de jure vendendi pignoris, quod ex conventionione competit ob non solutam sua die pecuniam. Quo tamen & ipso casu non solum humanius, sed etiam tutius facturus est creditor, si futuram venditionem denunciet debitori, ut se fraudis suspicione liberet, nec dolo malo in ea venditione versatus quandoque dici possit, *l. 7. C. de distr. pign. l. 1. C. si vend. pign. agat. Bald. in l. 4. C. de distr. pign. Castr. in l. 4. de pign. aff. Ant. Fab. C. de suo de distr. pign. de fin. 13. add. Joan. à Sande rer. jud. lib. 3. tit. 12. de fin. 20.* Quid quod hoc ipsum, quod DD. pro certi juris regula ponunt, solo diei lapsu citra aliam interpellationem debitorem constitui in mora, non usque adeo certum est, & sunt, qui falsum existimant? Ferret, *tract. de mora. Chavond. 3. verisimil. 10. Bachov. in Trentl. disput. de usur. th. 7.* Quamquam horum argumentis solidè mihi respondisse videtur D. Guiliel. Masius *sing. opin. lib. 2. cap. 4.*

Quamvis eius ea res non sit] Pignus in bonis debitoris manet, *l. pignus. 9. C. de pign. aff.* non enim hoc contractu pignoris agitur, ut res alienetur, sed ut obligetur creditori in securitatem crediti.

Qui passus est, ut liceret] Hic igitur casus non magis huc pertinet, quam si procurator, cui id dominus specialiter mandavit, rem alteri venderet & tradiderit. Nihil enim interest, utrum ipse dominus rem alteri tradat domini transferendi causa, an voluntate ejus, §. *nihil. 4. sup. de rer. div.*

Nostre constitutionis consuetudo] Olim jus vendendi pignoris liberius fuit, quod Justinianus ita coercuit, ut nec creditores putaverit habere, quod conqueratur, & debitoribus justum spatium esse ad expediendam solutionem. Summa constitutionis Justinianæ, quæ est, *l. ult. C. de jur. dom. imp.* huc redit, ut si de vendendo pignore nihil convenerit (alioqui forma conventionis præscripta in distractione servanda est) jus sit creditori altero demum post denuntiationem anno id vendere. Si emptor non extet, debitorem ut moneat, ut intra certum tempus pignus luat, aut non apparenti tempus, quo id facere possit, per judicem præscribat. Hoc autem frustra tentato, ut possit creditor à Principe petere facultatem pro domino possidenti: quæ tamen impetrata, adhuc biennium debitori detur, ut interim debitum cum eo, quanti creditoris interest, quæsitæ pecunia persolvere, & pignus luere possit: eo vero tempore sine solutione transacto, creditor justus pignoris dominus efficiatur. Sed hæc forma vendendi pignoris vix ullibi locorum nunc observatur, vid. Bart. d. l. 4. de pign. act. & d. l. ult. C. de jur. dom. imp. Schneid. hic nu. 6. Baron. comm. part. 2. Christin. vol. 4. decis. 172. num. 3. & ibi citat. Antiqua ratio planior & simplicior hæc fuit, ut annua pignoris proscriptioe creditor ejus dominus efficereur, si debitor id non lueret. Moribus nostris vix convenit, ut creditor privata auctoritate pignus distrahat, sed distractio additione fieri solet auctoritate Magistratus, uti jure Rom. in iis pignoribus, quæ in causa judicati capiuntur, l. 2. C. si in caus. jud. pign. cap. in quibus quid juris sit, quid item in pignore prætorio, disce ex l. Divus. 15. §. 2. & seqq. de re jud. l. cum proponas. 9. C. de bon. aut. jud. poss. ff. cap. quoad consultationem. 7. de sentent. & re jud. Dyn. in l. si finita. 15. §. Julianus. 16. de damn. inf. Negus. d. loc. num. 7. & seqq. Christin. vol. 4. decis. 165. vid. Merul. lib. 4. tit. 100. cap. 1. num. 10. Neostad. decis. 90. sup. cur. Finis venditi pignoris est, ut ex pretio inde redacto creditori satisfiat: quod ultra consecutus est, id restituere debet, teneurque eo nomine actione pignoratitia: sicut vice versa in id, quod deest, creditori actio competit adversus debitorem vel fidejussorem ejus, l. 6. de pign. act. l. 9. §. 1. de distr. pign. l. 3. C. eod. Illud postremo sciendum est, si creditor ipse pignus non possideat, sed debitor vel alius, actione hypothecaria prius rem evincendam, ac tum distrahendam esse. Vvesemb. paras. de distr. pign. nu. 1. & 10.

T E X T U S.

De pupillo, quilibet dominus, non tamen sine tutoris auctoritate alienare potest.

2. Nunc admonendi sumus, neque pupillum, neque pupillam, ullam rem sine tutoris auctoritate alienare posse. Ideoque si mutuum pecuniam sine tutoris auctoritate alicui de-

derit, non contrahit obligationem: quia pecuniam non facit accipientis: ideoque vindicari nummi possunt, si ubi extant. Sed si nummi, quos mutuo minor dederit, ab eo qui accepit, bona fide consumpti sunt, condici possunt: si mala fide, ad exhibendum de his agi potest.

N O T A.

2. Ideoque si mutuum pecun.] A remotione generis ad remotionem speciei. Nam & mutui datio alienatio est, l. 2. §. 2. l. 16. l. pen. D. de reb. cred. d. l. 9. princ. de aut. tut. & in nativo suo significato, l. 1. Cod. de fund. dos. Ita Interpp. omnes & novissimè Fabrot. & Grot. in spars. flor.

Bona fide consumpti] Consumptio bona fide facta conciliat mutuum & conditionem parit, l. 19. §. 1. D. de reb. cred. Valetque hoc etiam in nummis alienis mutuo datis, l. 11. §. ult. cum. 2. ll. seqq. eod.

Si mala fide, ad exhibend.] Nam qui dolo malo consumpsit, pro eo est, ac si non consumpsisset. Dolus enim pro possessione est, l. 121. 150. de reg. jur.

C O M M E N T A R I U S.

1 Corpora, quæ mutuo dantur, alienari. De quo cum D. Salmasio sermo.

2 Nummi quando consumpti intelligantur.

3 Mutuum non confirmari consumptione nummorum facta mala fide.

4 Cur in casu consumptionis mala fidei tantum actionis ad exhibendum hic mentio fiat, emendato errore Cujacii?

Redit ad eos, qui, cum domini sint, alienare non possunt. Meminit porro unius pupilli, sed sunt in hoc numero plures: nam & puberes minores curatorem habentes huc pertinent, l. 3. C. de test. in int. l. lex quæ. 22. C. de adm. tut. item is, cui bonis interdictum est, qui, cum de eo obligando, aut alienando deminuendove ejus patrimonio agitur, in eadem causa cum furioso habetur, l. 6. de verb. obl. l. 12. in fin. de tut. dat. tum etiam cæteri, qui ob vitium morbumve corporis in curatione sunt, rerumque suarum administrationem non habent, de quibus in §. 4. sup. de curas. l. 8. §. 3. d. l. 12. in pr. de tut. & cur. dat. Filius quoque familiæ non potest alienare bona adventicia, quorum usumfructum pater habet, l. ultim. §. ipsum. 5. vers. Filiis. C. de bon. quæ lib. Interdum causa, ex qua res traditur, alienationem impedit, ut donatio inter virum & uxorem, Pand. & Cod. eod. titul.

Sine tutoris auctoritate alienare] Alienatio à pupillo facta sine tutoris auctoritate ipso jure nulla est; quippe cum nec obligare se pupillus sine tutoris auctoritate possit, l. 9. & passim de aut. tut. l. 11. de acq. rer. dom. Cæterum auctore tutore & obligari potest, modò infantiam excesserit, & res suas rectè alienat, d. l. 9. l. 5. de reg. iur. §. pen.

§. pupillus. 9. infr. de iur. stip. Res intellige, quatum alienatio sine decreto non est interdicta. Nam prædia pupillorum olim rustica, postea omnia, & res etiam mobiles, quæ sine detrimento servari possunt, absque decreto Magistratus alienari prohibita, l. 1. *et tot. tit. de reb. cor. qui sub tut. et tit. C. de prad. et al. reb. min. sine dec. non al. d. l. d. lex. que. 22. C. de adm. tut.*

Ideoque si mutuum pecuniam, &c. non contrahis obligationem] A genere ad speciem. Pupillus nullam rem sine tutoris auctoritate alienare potest: ergo nec mutuum pecuniam dando eam facit accipientis: quo fit, ut nec mutui obligatio contrahatur, nec conditio pupillo competat: siquidem mutui obligatio, nisi nummi accipientis fiant, non nascitur, l. 2. §. 2. *de reb. cred.* Supponit igitur Imp. id quod mutuo datur, alienari, seu mutui dationem esse speciem alienationis. Quod & alibi constanter traditum est, l. 9. *pr. de auct. tut. l. 16. l. pen. de reb. cred.* nec minus perspicuum, quum verum: quippe cum omnis actus, per quem dominium transfertur, verè & propriè sit alienatio, l. 1. *C. de fund. dot. & sine alienatione fieri non possit, ut dominium rei ab uno abeat, & per traditionem transferatur in alium.* Constat autem, corpora ipsa, quæ mutuo dantur, definire esse dantis, & fieri accipientis seu aliena, ita ut vindicari, aut ab eo advocari nequeant, l. 35. §. 1. *de donat.* Nec verò ideo minus alienantur, quia accipiens obligatur ad rem ejusdem generis restituendam, puta frumentum pro frumento, vinum pro vino. Quid enim refert ad alienationem ejus, quod datum est, utrum mihi, verbi causa frumentum ea lege datum sit, ut pro eo vinum aut oleum vicissim dem, uti sit in permutatione, aut frumentum ita datum, ut pro eo reddam aliud frumentum, ut sit in mutuo? Est igitur mutui datio alienatio in nativo suo significato: & ita Interpp. omnes, ac novissimè Fabrot. *ad Theoph. & Grot. in spec. flor.* De quo cum sermonem haberem cum summo atque incomparabili viro D. Claud. Salmasio, hætenus quidem mihi assensus est ut fateretur, corpus rei, quæ datur in mutuo, alienari: sed negabat, ex eo effici, mutuum alienationem esse nisi forte materialiter. Propriè autem & formaliter mutuum non posse dici alienationem, propterea quod in eo nulla contingeret alienatio datæ quantitatis, sive sortis, quæ diversum quid esset à data specie apud debitorem per eunte, & in qua propriè substantia mutui consisteret, uti rectè docuisset Car Molin *tract. de usur.* Et simul interventu aliorum sermo noster interruptus est. Pot. est autem admitti D. Salmasii sententia, si app. llatione mei & tui etiam obligationem & actionem comprehendas, ut sit interdum, l. 1. *quod certi. loc. repetitis. 44. de cond. ind. l. 6 §. apud Labronem. 6. qua in fraud. cred. l. 9. de verb. sign.* Propriè tamen loquendo nec ipsa fors nostra manet: nec enim quod nobis debetur, quod est in credito, propriè nostrum est, l. 27. §. 2. l. 34. *princ. de aur. arg. mund. arg. Boet. in Top. lib. 2. pecunia in nominibus debita non est nostra,*

sed debitorum. Et ita in l. 1. *de lib. leg.* Et ideo creditori non vindicatio sortis, sed tantum conditio datur, qua intendat, verbi causa, centum sibi dari oportere, nemo autem rem suam condicit, aut sibi dari oportere intendit, §. 14. *infr. de auct. l. ult. in fin. usufr. quem car.* Non male igitur mutuum à Cujacio definitur, alienatio pecuniæ sub lege reddendæ quantitatis ejusdem, *parat. C. si certi. pet.*

Vindicari nummi possunt, si ubi extant] Similis locus est in l. 11 §. ult. *de reb. cred.* At, inquires, de pupillo responsum est, cum nisi præsentem tutorem ne possessionem quidem, quæ naturalis est, alienare posse, d. l. 11. *de acq. rer. dom.* rationi autem juris non convenire, ut possidenti detur vindicatio adversus eum, qui nec natura possidet. Resp. ut vindicationi locus sit, satis esse rem ab alio quovis modo detineri & restitui posse, l. 9. *de rei vind.* adeoque pupillum, etsi animo definire possidere non potest, corpore tamen posse, atque in alium possessionem, quatenus facti est, sine tutoris auctoritate transferre, l. *possessionem. 29. de acq. poss.*

Bona fide consumpti] Non est mirum, nullos apud auctores plures & crassiores errores reperiri, quàm apud scriptores notarum: quippe quibus temporis non est vanno aut cribro utendi. Dion. Gothofredus ad l. 9. §. 2. *de auct. tut.* scribit, pecuniam in proposito intelligi consumptam, cum is qui accepit eam, alteri reddidit, aut in solutum dedit: utiturque argumento *non omnis. 19. §. 1. de reb. cred.* quo tamen loco hoc ipsum aperte negatur, & rectè. Nam datio in solutum apte creditum non facit, quo minus pecunia adhuc extet, & certo appareat. Quamdiu autem extat, & certo apparet, non potest dici consumpta; & apud quemcumque, aut ubicumque extat, in eadem causa & ejusdem manet, & à domino vindicari potest, ut proxime Imp. dixit. Quando igitur consumi intelligitur? Nimirum cum quis ea sic utitur, ut eo facto corpora ipsa nummorum, quæ data sunt, non appareant. Id verò contingit primam corporibus sublatis, veluti si quis ex accepta pecunia vas aliquod conflaverit: quo facto pecunia extinguitur. Neque obstat distinctio, §. *cum ea aliena. 25 sup. de ver. div.* Nam vas ex nummis aureis vel argenteis conflatum ad rude quidem aurum vel argentum reduci potest; ad priorem speciem sive monetam non potest. Plene possunt auctoritate Principis nummi ejusdem potestatis & eadem figura inde eudi, sed nova hæc moneta & species est, non illa, quæ prius fuerat. Deinde etiam corporibus nummorum integris manentibus, veluti si quis nummos acceptos ita aliis miscuerit, ut discerni non possint: nam etiam ea re eum qui accepit, dominum fieri placet, l. *si alieni. 78. de sol. Don. ad l. rogasti. 11. §. ult. d. t. n. 9. Ait, bona fide.* Quod ergo in d. l. *non omnis. 19. §. 1. de reb. cred.* & si qui sunt alii loci similes, dicitur simpliciter, si pupillus sine tutoris auctoritate credendi causa pecuniam dederit, consumpta ea nasci conditionem, id ex hoc loco junct.

junct. d. l. rogasti. l. 1. §. ult. d. tit. l. 9. §. 2. de auct. tut. sic interpretandum erit, si bona fide ab accipiente consumpta sit, ignorante scilicet, pupillum esse, qui credidit. Efficitque hoc etiam ratio juris; quia quæ dolo malo consumpta sunt, non alio loco jure habentur, quàm si adhuc extarent, nec consumpta essent, l. qui dolo. l. 3. l. 1. l. parem. l. 90. de reg. jur. ac promde cum malæ fidei consumptio consumentem dominum non faciat, nec mutuum ea consumptione confirmabitur, Don. d. loc. n. 7. Quod verò D. Bachovius putat non obitare malam fidem, quominus consumptione dominium quæatur, & tamen bona fide tantum facta consumptione, mutuum, quod ab initio non consistebat propter inutilem numerationem, convalescere; id mihi planè *arbitrari*, videtur. Et sententia Bachovii, quod per consumptionem & similes acquirendi modis dominium acquiratur, citra considerationem bonæ aut malæ fidei, etiam extra causam accessionis; supra à me refutata est sub §. cum ex aliena. 25. de rer. div.

Condictio possunt] Quod valet in nummis alienis mutuo datis, ut iis bona fide consumptis, ei, qui dedit, condictio detur tamquam ex mutuo, l. 11. §. ult. cum l. 11. seqq. de reb. cred. id valet & in ea pecunia, quæ dantis fuit, si is rei suæ alienandæ facultatem non habuit, qualis est pupillus. Quapropter si pupillus sine tutoris auctoritate crediderit, consumptis nummis & illi condictio nascitur, l. non omnis. 19. §. 1. de reb. cred. & omnino quæ translata ab initio pecuniæ vis est, eandem esse placet & bona fide consumptæ, quasi translata: unde rectè dicitur, quod ab initio non valebat ex numeratione confirmari pecuniæ consumptione bona fide facta. DD. in d. l. 11. §. ult. & d. l. 19. §. 1.

Si mala fide, ad exhibendum] Puto tamen & conditionem in proposito dari, non quidem quasi ex mutuo, quia consumptio malæ fide facta dominum non facit, ut paulo ante probavimus: sed conditionem sine causa, utpote quam constat etiam adversus prædilectum fructuum consumptorum nomine dari, l. 3. C. de condit. ex l. 1. 4. C. de crim. exp. her. Aut, ad exhibendum. Immo & in rem, inquit Cujacius: quoniam mala fides pro possessione est. Sed, inquit, in rem utilis est; ad exhibendum directæ: quare commodius agi ad exhibendum, quàm in rem. Quod falsum est & inconsideratè à Cujacio prolatum. Non enim magis fieri potest, ut contra eum, qui possidere desit, detur directæ ad exhibendum actio, quàm directæ in rem: cum ille non magis exhibendi, quàm restituendi facultatem habeat. Sed ut contra possidentem rem mobilem utraque directæ est, ita contra eum, qui dolo malo desit possidere, utraque utilis. Nam quod dolo pro possessione est, id non ex vero, sed ex interpretatione est & fictione juris, quæ utili tantum actioni locum facit. Cur igitur actionis ad exhibendum meminit dumtaxat? Quia utili iudicio ad exhibendum semper consequitur actor

id totum, quod sua interest, §. 1. inf. de off. jud. vel permittitur rei petitæ æstimatio ipsius jurejurando, ut sit in eadem actione directæ, si possessor per contumaciam rem non exhibeat: quo casu per jurejurandum in litem petitoris possessorem damnari certum est, l. 3. §. 2. ad exhib. Cum igitur præparatorio iudicio illud ipsum consequatur actor, quod rem vindicando consecutus esset, nihil superest, quod alia actione persequatur. Ita in simili Jurisconsultus, d. l. 11. §. ult. de reb. cred. Vindicari nummi possunt, si extant, aut, si dolo malo desinant possideri, ad exhibendum agi. Cujus loci lectionem frustra Donellus conatur emendare.

T E X T U S.

3. *At ex contrario omnes res pupillo & pupillæ sine tutoris auctoritate rectè dari possunt. Ideoque si debitor pupillo solvat, necessaria est debitori tutoris auctoritas: alioqui non liberabitur. Sed hoc etiam evidentissima ratione statutum est in constitutione, quam ad Casarienses advocatos ex suggestione Triboniani, viri eminentissimi, Quæstoris sacri palatii nostri, promulgavimus, qua dispositum est, ita licere tutori vel curatori debitorem pupillarem solvere, ut prius judicialis sententia sine omni damno celebrata hoc permittat. Quo subsecuto, si & iudex pronuntiaverit, & debitor solverit, sequatur hujusmodi solutionem plenissima securitas. Sin autem aliter quàm disposuimus, solutio facta fuerit, pecuniam autem salvam habeat pupillus, aut ex ea locupletior sit, & adhuc eandem pecunia summam petat, per exceptionem doli mali poterit submoveri. Quod si male consumpserit, aut furto aut vi amiserit, nihil proderit debitori doli mali exceptio, sed nihilominus condemnabitur: quia temere sine tutoris auctoritate, & non secundum nostram dispositionem solverit. Sed ex diverso pupilli vel pupillæ solvere sine tutoris auctoritate non possunt: quia id, quod solvunt, non sit accipientis: quum scilicet nullius rei alienatio eis sine tutoris auctoritate concessa sit.*

N O T A.

3. *Plenissima securitas*] Ita ut nec in integrum restitutionis sit locus: quod beneficium sola tutoris aut curatoris interveniens auctoritas non excludit, ut. C. si tut. vel cur. int.

Salvam habeat, aut locupletior] L. 15. l. 47. l. 66. D. de sol. l. 4. §. 4. de dol. excl. l. 4. D. de cond. ind. l. 57. de reg. jur. Non debet pupillus occasionem juris ad iniquum trahere cum detrimento alieno

compendium, l. pen. in fin. de reb. cor. qui sub tut. Quando locupletior factus intelligatur, & quo tempore id inspiciatur, discite ex l. 4. D. de except. d. l. 47. pr. & §. 5. de solut.

Male consumpserit] Th. videtur idcirco, per luxum prodegerit.

Aut vi] Deest in vet. lib. Cujac. Hotom. nec Th. habet.

Nullius rei alienatio] Argumento à genere ad speciem, quæ valida sit alienatio. Nota, & solutionem esse speciem alienationis, d. l. 9. §. 2. D. de auct. tut. l. pen. D. de reb. cred.

COMMENTARIUS.

1. *Debitorem pupillo sine tutoris auctoritate solvensem non liberari, licet dominium rei soluta transferat.*

2. *Pupillo, in quem solutio collata, rectè solvi etiam sine tutoris auctoritate.*

3. *Quid sit sensus verborum hujus §. ita licere tutori vel curatori, &c.*

4. *Adversus solutionem factam ex præscripto Justiniani pupillum aut adultum beneficio manuum non restitui.*

5. *Quid si nummus sine tutore aut iudice sibi solvitur, salvo habeat pupillus?*

6. *Cujus periculo sit pecunia, quam pupillus sine tutoris auctoritate credidit, aut in solutum dedit?*

Sine tutoris auctoritate dari] Pupillus quantum ad acquirendum non indiget tutoris auctoritate, l. 11. de acq. rer. dom. semper enim conditionem suam meliorem facere potest, sup. de auct. tut. in princ.

Idcirco si debitor] Hotom. & Vvesemb. pro ideoque, legendum censent, quamquam. Quia nulla hic conclusio ex præcedente propositione, sed diversæ causæ propositio, præcedentis regulæ exceptio: nisi hoc in præcedentibus dicamus subintelligi oportere, ut scilicet quidvis pupillo rectè detur sine tutoris auctoritate, cæterum hætenus, ut ex eo pupillus ipse neque obligari, neque obligationem alienare aut tollere possit. Alii hinc illationem fieri ajunt non ex proxima, sed ex superiore sententia §. præc. in pr. ubi traditum, pupillum nullam rem sine tutore alienare posse; huic enim esse consequens, ut nec sine tutoris auctoritate pupillo rectè solvatur. Quippe admissa solutione debitorem liberari, pupillumque obligationem & actionem, quam habebat, alienare aut perimere, l. pupillo. 15. de solut. Quod ut speciosius dicatur, ex duobus hisce §. unum faciunt. Vnde. Forsan scriptum fuerat: *Alioquin si debitor pupillo solvas*: idque liberarii vel qui emendationis curam in se susceperant, mutarunt in ideoque, quia *alioquin* paullo post videbant repelli. Sed pergamus. HEIN.

Si non solveris auctoritate tutoris, non liberabitur] Licet dominium rei soluta transferat. Nam quemadmodum qui cum pupillo contrahit, pupillo obligatur, quamvis pupillum sibi

non obliget, sup. de auct. tut. in pr. l. Julianus. 13. §. si quis. 29. de act. empt. ita qui cum pupillo obligationem vult distrahere solvendo, licet ea solutione dominium in pupillum transferat; se tamen à pupillo, qui per se neque contrahere, neque distrahere obligationem potest, non liberat, d. l. 15. de solut. l. 5. de reg. jur. Debet itaque debitor, si liberari velit, pupillo solvere cum auctoritate tutoris, vel ipsi tutori: nam & hoc casu æquè liberatio ipsi jure contingit, l. Lurcius. 46. §. tutela. 5. de adm. tut. Pupillum autem intelligimus creditorem: nam si pupillus solutionis causa tantum adjectus sit, hoc est solutio sive jus solvendi in eum collatum, puta si quis stipulatus sit tibi, aut Titio pupillo dari, promissor & sine tutoris auctoritate solvendo pupillo liberabitur, l. si stipulatus. 11. de solut. scilicet quia ex hujusmodi stipulatione nullum jus obligationis pupillo quaeritur. Et solutio sic accipitur, quasi ipsi creditori solutum esset, qui ita sibi solvi voluit, l. si ita stipulatus. 59. d. tit. de quo ex professo infra §. si quis alii. 4. de inur. stip.

In constitutione, quam ad Cæsarienses advocatos] Missa est hæc constitutio ad Joannem Præfectum Prætorio: intelligit enim leg. sancimus. 25. C. de admn. tut. quod ipsa verba istius constitutionis, quæ huc translata sunt ostendunt. Promulgata: tamen hinc dicitur ad Cæsarienses advocatos, nimirum quia ad interrogata eorum & consultationem emissæ est, ut arguunt multæ aliæ constitutiones, leg. ult. Cod. de pass. leg. si major. 12. Cod. de legis. hered. leg. si fidejussor. 27. Cod. de fidejuss. leg. optimam. 14. Cod. de const. stipul. junct. §. item. verborum. 12. infr. de inur. stip. quæ omnes ad diversas consultationes & quaestiones à Cæsariensi advocacy propositas scriptæ, & ad eundem Joannem P. P. missæ sunt; quippe cuius auditorio advocati Cæsarienses militabant. Intelligi autem advocatos, qui erant in urbe Cæsarea, non illa Cappadociæ, ut Balduinus, Cujac. & Fabror. existimant, sed Palæstinæ, perspicuum est ex dict. leg. si fidejuss. 27. C. de fidejuss. ubi eadem advocatio, quæ passim Cæsariensis, Palæstina appellatur.

Ita licere tutori vel curatori debitorem pupillarem solvere] Locutio implicata, quæ sic construenda & ordinanda est: *Ita licere* (id est, permissum, jus esse) *debitorem pupillarem solvere tutori vel curatori, &c.* *Solvere*, id est, numerare quod debetur. Theophilus *contra* dicitur *contra* dicitur. Anton. Fab. 13. conject. 12. & jurispr. 12. pr. 7. illar. 43. huic orationi alium sensum affingit, quasi ita scriptum esset; *ita licere tutori vel curatori debitorem pupilli, vel adulti absolvere & liberare* (qui scil. antea pupillo, aut adulto solvit sine tutoris aut curatoris auctoritate, vel cum adhuc tutorem aut curatorem non haberent) *si prius judicialis sententia, &c.* Sed præterquam quod hæc locutio non facile obvia, *solvere debitorem* pro liberare obligationem, quamquam unus & alter locus occurrit, in quo debitor solutus pro liberato dicitur, l. decem. 116. de verb. obl. l. si ex plur. videri.

TEXTUS.

De liberis in potestate.

1. Igitur liberi vestri utriusque sexus, quos in potestate haberis, olim quidem quicquid ad eos pervenerat (exceptis videlicet castrensibus pecuniis) hoc parentibus suis acquirebant sine ulla distinctione: & hoc ita parentum fiebat, ut etiam esset iis licentia, quod per unum vel unam eorum acquisitum esset alii filio vel extraneo donare, vel vendere, vel quocumque modo voluerant, applicare. Quod nobis inhumanum visum est & generali constitutione emissa, & liberis peperimus, & parentibus honorem debitum reservavimus. Sancitum etenim a nobis est, ut si quid ex re patris ei obveniat, hoc secundum antiquam observationem totum parenti acquiratur. Quae enim invidia est, quod ex patris occasione profectum est, hoc ad eum reverti? Quod autem ex alia causa sibi filiusfamilias acquisivit, huius usumfructum patri quidem acquirat, dominium autem apud eum remaneat: ne, quod ei suis laboribus vel prospera fortuna accesserit, hoc in alium perveniens, lucuosum ei procedat.

NOTA.

1. *Castrensibus pecuniis*] Quae primum filiisfamil. militibus concessa: postea etiam veteranis, seu militia missis, *pr. inf. quib. non est perm. sac. test.* Juven. sat. 16. v. 51. Postremo ad exemplum castrensis etiam quasi castrense peculium exceptum, quasi militum contemplatione litteratae militiae, *S. ult. inf. de mil. test.*

Sine ulla distinctione] Id est, peculium omne paganum pleno jure patri acquirebatur. Non distinguebant inter profectitium & adventitium, neque inter usumfructum & proprietatem.

Generali constitutione] L. 6. C. de bon. quae liber. qua quod circa bona materna & materni generis, item lucra nuptialia jam ante à diversis Principibus statutum erat, l. 1. & 2. C. de bon. mat. l. 1. 2. 6. & 7. C. Theod. l. 1. & 4. C. de bon. quae lib. ne *deusufructu* abiret, produxit ad bona omnia adventitia.

Honorem debitum] Th. τὸ ἐποφειλάμενον ἰσθλα-
Εἶναι, debitum reservavit, & vox honorem abundanter videtur Cujac. quoniam hic non agitur de honoris debito, sed acquisiti. Deest quoque in emendatissimis editionibus, teste Fabrot.

Usumfructum patri] Quidam etiam casus sunt quibus peculii adventitii plena proprietates filio acquiruntur, l. ultim. §. 1. Cod. de bon. quae lib. auth. excipiuntur, cum. 2. seqq. Cod. eod. Pecun-

lium adventitium, Εἶναι, ἰσθλαμεν, Gloss. lat. gr. quod aliunde, quam à patre obvenit, & quae *τὸν πατέρα*.

COMMENTARIUS.

1 Post occupatam demum Remp. filiisfamil. primum militibus, deinde etiam veteranis peculium castrense pleno jure concessum: procedente tempore, & quasi castrense.

2 Quid sit peculium filiisfamil. quos ejus species, & quid singula.

3 Translato in Thraciam Imperio, primum bonorum maternos, mox etiam materni generis, & lucrorum nuptialium, novissime omnium adventitiorum proprietatem filiisfamil. concessam, solo usufructu apud patrem relicto.

4 Quid moribus nostris, & Gallorum?

Exceptis castrensibus pecuniis] Florente Re-
publ. peculium filiisfamil. uniusmodi fuit. Nam ut servus domino, ita filius patri cuncta pleno jure acquirebat: idemque planè jus & in corpus & in bona liberorum pater habebat, quod dominus in servos; cuius rei inter alios testis locuples est Dionys. Halicarnassensis lib. 8. Romani, inquit, proprium nihil possident, quamdiu patres eorum in vita manent: sed & pecunia & corpora filiorum parentum potestati arbitrioque permessa sunt; omniaque parentibus acquiruntur quasi servi, ut *ἡμετέροις ὁ δόλος ἢ πατρί-
ποι*. Verum Imperatores ut premio aliquo adolescentes ad militiae labores invitarent, eorumque sibi conciliarent studia, castrense peculium filiisfamil. pleno jure concesserunt: primum militibus, postea etiam veteranis seu à militia dimissis, *inf. quib. non est perm. sac. teste in pr.* Ex quo filiisfamil. in hoc peculio jus ac vicem patrumfamil. obtinere coeperunt, l. 2. de senat. Mac. idque significat Juvenalis satyr. 16. v. 52. his versibus:

Nam quae sunt parva labore
Militiae, placuit non esse in corpore census,
Omne tenet cuius regimen pater.

Igitur quod ait, olim quidem, &c. excipiens peculia castrensis, id ad tempora Julii aut Augusti & sequentia referendum est, l. 1. de testam. mil. d. pr. inf. quib. non est perm. sac. test. Postremo, nec multo post ad exemplum castrensis peculii etiam quasi castrense peculium exceptum & filiisfamil. permissum est, *S. ult. inf. de mil. test.* Planè hactenus adhuc diu jus vetus patri conservatum fuit, ut si filius intestatus decessisset, bona castrensis pater jure peculii occuparet, l. 2. de cast. pec. de quo plura alibi. Vann. Jus in peculio castrensi eodem tempore concessum videtur filiisfamilias, quo militibus liberrima illa testamenti factio concessa est, cuius historiam habes in l. 1. pr. ff. de test. mil. Nec mutatum videtur quod pater bona filii intestati jure peculii occupet, si liberos vel fratres non reliquit. Nam & bonis publicatis, ea tanquam peculium penes patrem manent,

nent, l. 3. C. de bon. profer. Utrouque enim casu cessat favor filii familias militis, ob quem illi huiusmodi concessum est privilegium. HEIN.

Sine distinctione] Profectitii scilicet, vel adventitii peculii, proprietatis & ususfructus, inter quæ primus Justinianus est, qui differentiam generali lege introduxit. Ex his porro patet, quicquid filiusfam. habet, sive concessione patris, sive partem suo labore, aut aliena liberalitate collatum, id uno nomine peculium filii fam. appellari; atque hoc docendi gratia ex ratione novi juris in duo genera posse dividi, ut dicamus, peculium filii fam. esse vel militare, vel paganum; & utriusque iterum duas esse species inferiores; illius castrense & quasi castrense, huius profectitium & adventitium. Castrense est, quod per occasionem armatæ militiæ filius sibi acquisivit: quo quid contineatur, docent l. castrense. 11. de cast. pec. l. 1. C. cod. Quasi castrense est, quod in toga operam Reipub. navans paravit, puta ex professione liberalium artium, ex officiorum publicorum emolumentis, ex patrociniis causarum, & urbana illa inermique militia, l. ult. C. de inoff. testam. l. 4. l. advocatio. 14. C. de adv. div. iud. Liberalitatem quoque à Principe in filiumfam. collatam instar castrensis peculii haberi placuit, l. 7. C. de bon. quæ lib. in por. Utrumque hoc genus ita proprium filii fam. esse placuit, ut de eo statuere possit non secus, ac si paterfam. esset, d. pr. infr. quib. non est perm. sac. test. l. 1. §. nec castrense. 15. de collat. l. 2. de sen. Mar. Adde quæ notavimus sub §. ult. infr. de mil. test. Profectitium peculium est, quod à patre sive contemplatione patris ab aliis ad filium proficiscitur. Adventitium, quod aliunde filio obvenit, sive id laboribus suis acquisivit extra causam armatæ, aut togatæ militiæ, sive prospera fortuna ei accessit, puta ex maternis maternive generis hereditatibus, lucris nuptialibus, legatis, & hereditatibus amicorum, l. 6. C. de bon. quæ lib. & hoc text. in fin. Illud totum patri secundum antiquam observationem adhuc acquiritur; huius in universum proprietas filio data est constitutione Justiniani, solo ususfructu patri relicto; de quo mox fusius.

Alii filio vel extraneo donare] Consequens hoc omnino rationi antiqui juris. Nam cum utriusque huius peculii pleno jure pater dominus esset, licere utique etiam ei debuit pro arbitrio de utroque statuere, & quod labore Titii filii acquisitum esset, Mævio donare, vel in proprias rationes convertere. Hinc porro etiam est, quod pater mortuo peculium paganum omne, nisi legatum esset, fratribus conferendum erat, l. certum. 13. C. fam. ere. l. filia. 12. C. de collat. quod in adventitio mutavit Justinianus, l. ultim. C. d. ult. convenienter prioris suæ constitutioni, l. cum oportet. 6. C. de bon. quæ lib. in poss.

Generali constitutione emissa] Cum olim bona omnia adventitia non minus, quam profectitia pleno jure patris essent, Constantinus detraxit Pinnius in l. ult.

bona materna, quorum ususfructum tantum patri, filio proprietatem tribuit, l. 1. C. de bon. matern. l. 1. & l. 1. C. Theod. cod. Gratianus, Valentinianus, & Theodosius idem statuerunt de bonis materni generis, id est, ex materna cognatione delatis l. 6. C. Theod. cod. eosque secuti Arcadius & Honorius, l. 2. C. d. ult. l. 7. C. Theod. cod. Theodosius porro & Valentinianus, Leo & Anthemius, hoc etiam ad lucra nuptialia & sponsalicia produxerunt, l. 1. l. 4. C. de bon. quæ lib. Postremo Justinianus generali constitutione emissa, quacumque ex causa filio quid acquisitum esset, quod adventitio peculio attribueretur, id omne ejusdem juris esse voluit, d. l. cum oportet. 6. C. cod. ult.

Si quid ex re patris, hoc secundum antiquam observationem] In profectitio peculio nihil Justinianus mutavit: sed quicquid ex re patris filio obvenit, id totum vult patri acquiri secundum observationem juris antiqui. Planè potest nihilominus aliquid commodi ex concessione huius peculii ad liberos redire: nam & emancipatos sequitur, nisi nominatim ademptum sit, l. donatione. 31. §. 2. de don. & bonis patris publicatis, separatur & conservatur liberis, l. 3. §. sed utrum. 4. in fin. de minor. Ait, ex re patris, in dict. l. cum oportet. 6. ex substantia patris. Quid igitur dicemus, si quid filio obvenit, non quidem ex re aut substantia patris, sed patris occasione & contemplatione? DD. hic & in d. l. cum oportet. 6. id quoque peculii profectitii esse volunt, arg. l. si serv. 21. cum l. seq. de usufr. ubi quod servo fructuario relinquatur, aut donatur contemplatione fructuarii, id fructuario acquiri dicitur tanquam ex re ejus quæsitum, facis l. sed si plures. 10. §. in arrogato. 6. in fin. de vulg. & pup. subst.

Ususfructum patri acquirat, dominium apud eum remaneat] Dominium posuit pro nuda proprietate, rei & in d. l. cum oportet. 6. Hæc autem proprietatis concessio non tribuit filio jus eam sine patris consensu alienandi, l. ult. §. ipsum autem. 5. Cod. cod. Si ususfructus filio relictus sit, hic totus acquireretur patri; at eo mortuo redibit ad filium, l. ult. C. de usufr. Nonnumquam & plena proprietas filio acquiritur: quod Justinianus primo introduxit in hereditate, quam filius renuente patre adiisset, d. l. ult. §. 1. postea etiam in pluribus casibus; in rebus ea lege filio datis, ne ususfructus ad patrem perveniret; in hereditate fratris & sororis, ad quam una cum filio pater admittitur; item in iis rebus, quæ filio deferuntur ob delictum patris, qui divortium fecit sine causa, auth. excipitur, & 2. seqq. C. de bon. quæ lib. VINN. Immo & alii sunt casus, quibus plena filio proprietas acquiritur veluti si pater dolose versatus sit in bonis filio restituendis, l. 50. ff. ad SC. Treb. si princeps filiosfam. donarit, l. 7. C. de bon. quæ lib. HEIN. Moribus nostris & Gallorum adventitia omnia, sicut castrensia & quasi, filii sibi non patri & in solidum acquiruntur: in profectitiis tantum antiquum jus acquirendi per filium patri relictum est, Gudel. in de fa. lib. 1. lib. 1. c. 11. Chassan. in consuet. Burgund. §. 1. tit. Des enfans de plusieurs l. 11

de verb. sign. Alienandi autem prohibitione eos quoque casus comprehendere intelligimus, quibus jus aliquod in re à dominio separatim transfertur, *l. ultim. Cod. de reb. al. non alien.* Quare nec servitutem prædio dotali maritus imponere poterit, nec servitutes prædio debitas remittere, vel amittere, non utendo, *l. 5. de fund. dot.* Cui consequens est, libertatem servitutis urbano prædio dotali debitæ ex cessione patientiæ mariti non competituram, ne per hoc prædii conditio deterior fiat, *leg. 6. eod. tit.*

4 *Hypothecæ earum etiam volente ea*] Lex Julia alienationes prædiorum dotalium prohibuit, quæ invita muliere fiebant; oppignorationem etiam quæ fiebat ea consentiente, *l. unic. §. cum lex. 15. Cod. de rei ux. act.* Hoc adeo, quia facilius mulier adduci potest, ut consentiat obligationi, ubi nullum præsens periculum est, sed spes fore, ut maritus rem luat, quam alienationi consentiat, per quam rei ipsius dominium statim in alium transfertur. Quod igitur facilius mulier concessura erat, arctius lex, immo solum prohibere voluit: ut passim videmus ea sola legibus prohiberi, quæ facile fieri possunt, cum lex ea fieri non vult, non quæ difficulter. Hac ratione Senatusconsulto Vellejano mulieri pro alio se obliganti succursum est, non donanti, nimirum quia, ut inquit Jurisconsultus, facilius se mulier obligat, quam alicui donat, *l. 1. §. ad senat. Vellejan.* Eadem ratio fuit legis Fufiæ Caniniæ infinitam manumissionem in testamento prohibentis, non inter vivos, *sup. de leg. Fuf. Can.*

Virique remedium imposuimus] Iustinianus legis Juliæ prohibitionem primùm porrexit ad prædia provincialia, *dist. l. un. §. & cum lex. 5. Cod. de rei ux. act.* quippe quorum nondum eadem causa, quæ Italicorum erat, quod effectum constitutione posteriore, *leg. un. Cod. de usucap. transf.* Deinde alienationem eodem modo, quo oppignorationem, prohibuit, ut nec illa vel consentiente muliere fieri posset: quod lex Julia permittebat, *dist. leg. unic. §. & cum lex. 15. vers. cum autem.* Hæc autem prohibitio in quibusdam casibus cessare creditur, quos collegit Christin. *volum. 3. dec. 133. num. 20. & 28. cum seqq.*

Ne sexus muliebris fragilitas] Ratio cur legi Juliæ hætenus derogarit, ut nec alienationem prædii dotalis, quæ cum consensu mulieris sit, valere patiarur; quia scilicet succurrendum putavit facilitati mulierum, eæ vel fragilitate sexus, vel mariti reverentia, aut amore ductæ facile rerum suarum alienationibus consensum accomodant, *et si eis dotalis prædictio remanet* Liban. *Declam. 35.* Pontifices tamen hujusmodi alienationes, si jurato mulier consenserit, firmas manere præcipiunt, *c. cum contingat. x. de jurejur. c. licet mulieres. eod.*

in 6. Moribus harum regionum marito dominium rerum, quas uxor in matrimonium confert, non quæritur; sed nullis antenuptialibus instrumentis confectis bona omnia utriusque conjugum communia fiunt, ut alibi dictum. Caterum si facta sit bonorum communio, siue ea pactionibus exclusa, licet marito pro jure potestatis, quam maximam apud nos in uxorem habet, res ejus alienare, aut obligare, neque in eam rem opus habet uxoris consensu, nisi ea quoque potestas nominatim pactis antenuptialibus restricta sit, aut impetrata bonorum separatio, *Neostad. de pact. antenup. obs. 10. Grot. 1. introd. c. 5. & alii alleg. à Groenevv. hic, tract. de ll. abrog.* Contra verò mulieres nuptæ res suas obligandi, aut alienandi jus non habent: ac neque ex contractu sine consensu maritorum inito obligantur, nisi quatenus ea obligatio spectat victum & cultum familiæ. exceptis palam negotiantibus, quæ insistorum jure utuntur, atque in negotiatione, quam exercent, se virosque suos obligandi potestatem habent, *D. Joan. à Sande. lib. 2. tit. 4. defin. 3. & 4.* Non idcirco tamen minus in intercessionibus beneficio Senatusconsulti utuntur, *D. Neostad. obs. rer. jud. 18.*

TEXTUS.

De Creditore, qui licet non sit dominus, tamen alienare pignus potest.

1. *Contra autem creditor pignus ex pactione, quamvis ejus ea res non sit, alienare potest. Sed hoc forsitan ideo videtur fieri, quod voluntate debitoris intelligitur pignus alienari, qui ab initio contractus pactus est, ut liceret creditori pignus vendere, si pecunia non solvatur. Sed ne creditores jus suum persequi impedirentur, neque debitores temere suarum rerum dominium amittere viderentur, nostra constitutione consultum est, & certus modus impositus est, per quem pignorum distractio possit procedere: cujus tenore utrique parti creditorum, & debitorum satis abundeque provisum est.*

NOTÆ.

1. *Ex pactione*] Idem est, licet pactione nulla interposita, *l. 4. D. de pign. act.* neutrum autem procedit sine prævia denuntiatione, *l. 4. Cod. de distr. pign. l. 10. C. de pign.* Sed etsi convenerit, ne liceat vendere, adhuc tamen distrahi potest, modò trina præcesserit denuntiatio, *d. l. 4. de pign. action.*

Qui ab initio pactus] Aut etiam ex intervallo, *d. l. 4. D. de pign. action.* Itaque hic casus

Sus non magis huc pertinet, quam cum procurator voluntate domini rem alienat, §. 42. *supr. de rerum div.* Rectius huic referas tutores & curatores.

Nostra constitutio] *L. ult. Cod. de iur. dom. imp.* ubi nova forma distrahendi pignoris prolixè præscribitur, cui locus sit, cum de vendendo eo nihil nominatim convenit.

COMMENTARIUS.

1. *Unam saltem denuntiationem requiri, non tantum cum de pignore distrahendo non convenit, sed etiam cum convenit, ut vendere liceat.*
2. *Quid si dies solutionis adjecta, & solutio sua die facta non fuerit?*
3. *Formam vendendi pignoris à Justiniano præscriptam vix ullibi locorum observari.*

Hic ex diverso ostenditur, etiam eum aliquando, qui dominus non est, alienandæ rei potestatem habere, exemplo creditoris pignoratitii. Magis autem huc pertinent tutores & curatores, quibus res pupillorum suorum & adulatorum alienandi potestas non à domino, sed jure tributa est, *l. bona fidei. 109. de verb. sign.* quamvis his non quævis permissa alienatio, nec omnium rerum absque decreto. De quo vid. *l. 9. §. si cur. 5. l. 12. §. 1. l. tutor. 22. l. Lucius. 45. §. 1. de adm. tut. l. non omni. 16. l. lex qua. 22. C. cod. l. 1. & pass. de reb. cor. qui sub tut.*

Ex pactione] Pertinet igitur hic locus ad alienationem pignoris conventionalis. Ait, *ex pactione*. Quid ergo si de distrahendo pignore nihil convenerit? Adhuc eo jure utimur, ut distrahere liceat, *l. 4. de pign. aff.* Quin hoc ipsi naturæ pignoris inest. Atque hic casus potius ponendus fuerat, quam cum pignus alienatur ex conventionione atque expressa voluntate debitoris, per ea, quæ statim sequuntur. Immo tantum abest, ut pactio ad alienationem pignoris necessaria sit, ut etiam si nominatim contra convenerit, ne liceret pignus vendere, adhuc tamen liceat, si modò ter (per justa intervalla, quod iudex arbitrabitur, *Negus. de pign. 1. membr. 6. part. principal. num. 4. Schneid. hic num. 3.*) prius debitori denuntiatum fuerit, ut solvat, & cessaverit, *d. l. 4. de pign. aff.* alioqui si numquam liceret vendere, creditori pignus esset inutile, ut adeo tale pactum sit contra naturam pignoris. Enimvero nec illo casu, quo nihil de distrahendo pignore actum est, absque præcedente denuntiatione pignus vendi potest, sed una tantum denuntiatio sufficere putatur, *argum. d. l. 4. de pign. aff. l. 3. Cod. de iur. dom. imp. l. 4. C. de distr. pign. l. debitoribus. 18. C. de adm. tut.* quamvis etiam hoc casu tres desiderare videatur Paulus 2. *sent. 13.* Hoc amplius putarem cum Castrenf. *ad d. l. 4. Negus. 1. membr. 6. part. pr. n. 1. Schneid. num. 2. contra Gloss. Salic. in l. 1. C. de distr. pign. Vvesemb. hic*, etiam tunc unam saltem denuntiationem requiri, cum expressè convenit, ut pignus vendere liceat; cum nec ante debitor

constituatur in mora. Estque in eam rem textus apertus in *d. l. 3. §. 1. Cod. de iur. dom. imp.* & jure quoque veteri sic obtinuisse liquet ex *l. debitores. 10. C. de pign. & d. l. 4. C. de distr. pign.* Sed illud interest, quod ubi de distrahendo pignore convenit, biennium post denuntiationem non expectatur, uti fit in duabus speciebus reliquis ex constitutione Justin. *d. l. 3. §. 1. C. de iur. dom. imp. Schneid. hic num. 3.* Sed quid dicendum de iis casibus, quibus mora contrahitur citra ullam interpellationem, puta si dies solutioni adjecta sit, & sua die solutio facta non fuerit? Hic enim adventu solius diei debitor in mora constituitur secundum communem sententiam, per *l. magnam. 12. C. de contr. stip. Negus. d. loc. & Schneid. hic nu. 1.* putant, hoc casu nulla opus esse denuntiatione, sufficereque ad licentiam vendendi pignoris nudam debitoris moram. Cui sententia patrocinari videtur *l. 8. §. 3. de pign. aff.* Sed humanius est ut dicamus, etiam hoc casu denuntiationem præcedere debere. Non enim protinus sequitur, ad debitorem constituendum in mora nihil aliud desideratur, quam ut dies venerit; ergo hoc etiam sufficit ad jus distrahendi pignoris. Quippe pignoris obligatio diversa est à principali: nec si ob moram debentur usuræ, & rei debitorum periculum in debitorem transfertur, ideo statim etiam nulla præcedente denuntiatione licebit vendere pignus in gravissimum præjudicium debitoris. Nec obstat *d. l. 8. §. 3. de pign. aff.* loquitur enim de jure vendendi pignoris, quod ex conventionione competit ob non solutam sua die pecuniam. Quo tamen & ipso casu non solum humanius, sed etiam tutius facturus est creditor, si futuram venditionem denuntiet debitori, ut se fraudis suspicione liberet, nec dolo malo in ea venditione versatus quandoque dici possit, *l. 7. C. de distr. pign. l. 1. C. si vend. pign. agat. Bald. in l. 4. C. de distr. pign. Castr. in l. 4. de pign. aff. Ant. Fab. C. de suo de distr. pign. de fin. 13. add. Joan. à Sande rer. jud. lib. 3. tit. 12. de fin. 20.* Quid quod hoc ipsum, quod DD. pro certi juris regula ponunt, solo dici lapsu citra aliam interpellationem debitorem constitui in mora, non usque adeo certum est, & sunt, qui falsum existimant? Ferret. *traff. de mora. Charond. 3. verisimil. 10. Bachov. in Treutl. disput. de usur. th. 7.* Quamquam horum argumentis solidè mihi respondisse videtur D. Guiliel. Masius *sing. opin. lib. 2. cap. 4.*

Quamvis ejus ea res non sit] Pignus in bonis debitoris manet, *l. pignus. 9. C. de pign. aff.* non enim hoc contractu pignoris agitur, ut res alienetur, sed ut obligetur creditori in securitatem crediti.

Qui pactus est, ut liceret] Hic igitur casus non magis huc pertinet, quam si procurator, cui id dominus specialiter mandavit, rem alteri venderit & tradiderit. Nihil enim interest, utrum ipse dominus rem alteri tradat domini transferendi causa, an voluntate ejus, §. *nihil. 4. sup. de rer. div.*

Nostre constitutione consultum] Olim ius vendendi pignoris liberius fuit, quod Justinianus ita coercuit, ut nec creditores puraverit habere, quod conqueratur, & debitoribus iustum spatium esse ad expediendam solutionem. Summa constitutionis Justinianæ, quæ est, l. ult. c. de jur. dom. imp. huc redit, ut si de vendendo pignore nihil convenerit (alioquin forma conventionis præscripta in distractione servanda est) ius sit creditori altero demum post denuntiationem anno id vendere. Si emptor non extet, debitorem ut moneat, ut intra certum tempus pignus luat, aut non apparenti tempus, quo id facere possit, per iudicem præscribat. Hoc autem frustra tentato, ut possit creditor à Principe petere facultatem pro domino possidenti: qua tamen impetrata, adhuc biennium debitori detur, ut interim debitum cum eo, quanti creditoris interest, quaesita pecunia persolvere, & pignus luere possit: eo vero tempore sine solutione transacto, creditor iustus pignoris dominus efficiatur. Sed hæc forma vendendi pignoris vix ullibi locorum nunc observatur, vid. Bart. d. l. 4. de pign. act. & d. l. ult. c. de jur. dom. imp. Schneid. hic nu. 6. Baron. comm. part. 2. Christin. vol. 4. decis. 172. num. 3. & ibi citat. Antiqua ratio planior & simplicior hæc fuit, ut annua pignoris proscriptioe creditor ejus dominus efficeretur, si debitor id non lueret. Moribus nostris vix convenit, ut creditor privata auctoritate pignus distrahat, sed distractio additione fieri solet auctoritate Magistratus, uti jure Rom. in iis pignoribus, quæ in causa judicati capiuntur, l. 2. c. si in caus. jud. pign. cap. in quibus quid juris sit, quid item in pignore prætorio, discite ex l. Divus. 1. §. 2. & seqq. de re jud. l. cum proponas. 9. c. de bon. aut. jud. poss. ff. cap. quoad consultationem. 7. de sentent. & re jud. Dyn. in l. si finis. 15. §. Julianus. 16. de damn. inf. Negus. d. loc. num. 7. & seqq. Christin. vol. 4. decis. 165. vid. Merul. lib. 4. tit. 100. cap. 1. num. 10. Neostad. decis. 90. sup. cur. Finis venditi pignoris est, ut ex pretio inde redacto creditori satisfiat: quod ultra consecutus est, id restituere debet, tenerique eo nomine actione pignoratitia: sicut vice versa in id, quod deest, creditori actio competit adversus debitorem vel fidejussorem ejus, l. 6. de pign. act. l. 9. §. 1. de distr. pign. l. 3. c. eod. Illud postremo sciendum est, si creditor ipse pignus non possideat, sed debitor vel alius, actione hypothecaria prius rem evincendam, ac tum distrahendam esse. Vvesemb. paras. de distr. pign. nu. 1. & 10.

T E X T U S.

De pupillo, qui licet dominus, non tamen sine tutoris auctoritate alienare potest.

2. Nunc admonendi sumus, neque pupillum, neque pupillam, ullam rem sine tutoris auctoritate alienare posse. Ideoque si mutuum pecuniam sine tutoris auctoritate aliqui de-

derit, non contrahit obligationem: quia pecuniam non facit accipientis: ideoque vindicari nummi possunt, sicuti extant. Sed si nummi, quos mutuo minor dederit, ab eo qui accepit, bona fide consumpti sunt, condici possunt: si mala fide, ad exhibendum de his agi potest.

N O T A.

2. Ideoque si mutuum pecun.] A remotione generis ad remotionem speciei. Nam & mutui datio alienatio est, l. 2. §. 2. l. 16. l. pen. D. de reb. cred. d. l. 9. princ. de aut. tut. & in nativo suo significato, l. 1. Cod. de fund. dat. Ita Interpp. omnes & novissimè Fabrot. & Grot. in spars. flor.

Bona fide consumpti] Consumptio bona fide facta conciliat mutuuum & conditionem parit, l. 19. §. 1. D. de reb. cred. Valetque hoc etiam in nummis alienis mutuo datis, l. 11. §. ult. cum. 2. ll. seqq. eod.

Si mala fide, ad exhibend.] Nam qui dolo malo consumpsit, pro eo est, ac si non consumpsisset. Dolus enim pro possessione est, l. 131. 150. de reg. jur.

C O M M E N T A R I U S.

1 Corpora, quæ mutuo dantur, alienari. De quo cum D. Salmasio sermo.

2 Nummi quando consumpti intelligantur.

3 Mutuum non confirmari consumptione nummorum facta mala fide.

4 Cur in casu consumptionis male fidei tantum actionis ad exhibendum hic mentio fiat, emendato errore Cujacii?

Redit ad eos, qui, cum domini sint, alienare non possunt. Meminit porro unius pupilli, sed sunt in hoc numero plures: nam & puberes minores curatorem habentes huc pertinent, l. 3. c. de rest. in int. l. lex quæ. 22. c. de adm. tut. item is, cui bonis interdictum est, qui, cum de eo obligando, aut alienando deminuendove ejus patrimonio agitur, in eadem causa cum furioso habetur, l. 6. de verb. obl. l. 12. in fin. de tut. dat. tum etiam cæteri, qui ob vitium morbumve corporis in curatione sunt, rerumque suarum administrationem non habent, de quibus in §. 4. sup. de curat. l. 8. §. 3. d. l. 12. in pr. de tut. & cur. dat. Filius quoque familiæ non potest alienare bona adventitia, quorum usumfructum pater habet, l. ultim. §. ipsum. 5. vers. Filiis. c. de bon. quæ lib. Interdum causa, ex qua res traditur, alienationem impedit, ut donatio inter virum & uxorem, Pand. & Cod. eod. titul.

Sine tutoris auctoritate alienare] Alienatio à pupillo facta sine tutoris auctoritate ipso jure nulla est; quippe cum nec obligare se pupillus sine tutoris auctoritate possit, l. 9. & passim de aut. tut. l. 11. de acq. rer. dom. Cæterum auctore tutore & obligari potest, modò infantiam excesserit, & res suas rectè alienat, d. l. 9. l. 5. de ver. int. §. per

§. pupillus. 9. *infr. de iust. stip.* Res intellige, quantum alienatio sine decreto non est interdicta. Nam prædia pupillorum olim rustica, postea omnia, & res etiam mobiles, quæ sine detrimento servari possunt, absque decreto Magistratus alienari prohibita, l. 1. §. 101. *ist. de reb. cor. qui sub tut. & ist. C. de prad. & al. reb. min. sine dec. non al. d. l. dex. qua. 22. C. de adm. tut.*

Ideoque si mutuam pecuniam, &c. non contrahis obligationem] A genere ad speciem. Pupillus nullam rem sine tutoris auctoritate alienare potest: ergo nec mutuam pecuniam dando eam facit accipientis: quo fit, ut nec mutui obligatio contrahatur, nec conditio pupillo competat: siquidem mutui obligatio, nisi nummi accipientis fiant, non nascitur, l. 2. §. 2. *de reb. cred.* Supponit igitur Imp. id quod mutuo datur, alienari, seu mutui dationem esse speciem alienationis. Quod & alibi constanter traditum est, l. 9. *pr. de auct. tut. l. 16. l. pen. de reb. cred. nec minus perspicuum, quàm verum: quippe cum omnis actus, per quem dominium transfertur, verè & propriè sit alienatio, l. 1. C. de fund. dot. & sine alienatione fieri non possit, ut dominium rei ab uno abeat, & per traditionem transferatur in alium. Constat autem, corpora ipsa, quæ mutuo dantur, definire esse dantis, & fieri accipientis seu aliena, ita ut vindicari, aut ab eo advocari nequeant, l. 35. §. 1. de donat. Nec verò ideo minus alienantur, quia accipiens obligatur ad rem ejusdem generis restituendam, puta frumentum pro frumento, vinum pro vino. Quid enim refert ad alienationem ejus, quod datum est, utrum mihi, verbi causa frumentum ea lege datum sit, ut pro eo vinum aut oleum vicissim dem, uti sit in permutatione, aut frumentum ita datum, ut pro eo reddam aliud frumentum, ut sit in mutuo? Est igitur mutui datio alienatio in nativo suo significato: & ita Interpp. omnes, ac novissimè Fabrot. *ad Theoph. & Grot. in spars. flor.* De quo cum sermonem haberem cum summo atque incomparabili viro D. Claud. Salmasio, hætenus quidem mihi assensus est ut fateretur, corpus rei, quæ datur in mutuo, alienari: sed negabat, ex eo effici, mutuum alienationem esse nisi forte materialiter. Propriè autem & formaliter mutuum non posse dici alienationem, propterea quod in eo nulla contingeret alienatio datæ quantitatis, sive sortis, quæ diversum quid esset à data specie apud debitorem percipiente, & in qua propriè substantia mutui consisteret, uti rectè docuisset Car Molin *tract. de usur.* Et simul interventu aliorum sermo noster interruptus est. Pot. est autem admitti D. Salmasii sententia, si app. llatione mei & tui etiam obligationem & actionem comprehendas, ut sit interdum, l. 1. *quod cert. loc. l. repetitio. 44. de cond. ind. l. 6. §. apud Labronem. 6. qua in fraud. cred. l. 9. de verb. sign.* Propriè tamen loquendo nec ipsa fors nostra manet: nec enim quod nobis debetur, quod est in credito, propriè nostrum est, l. 27. §. 2. l. 34. *princ. de aur. arg. mund. leg. Boet. in Top. lib. 2. pecunia in nominibus debita non est nostra,**

sed debitorum. Et ita in l. 1. *de lib. leg.* Et ideo creditori non vindicatio sortis, sed tantum conditio datur, qua intendat, verbi causa, centum sibi dari oportere, nemo autem rem suam condicit, aut sibi dari oportere intendit, §. 14. *infr. de auct. l. ult. in fin. usufr. quem cap.* Non male igitur mutuum à Cujacio definitur, alienatio pecuniæ sub lege reddendæ quantitatis ejusdem, *paras. C. si cert. pec.*

Vindicari nummi possunt, sicubi extant] Similis locus est in l. 11 §. ult. *de reb. cred.* At, inquires, de pupillo responsum est, eum nisi præsentem tutorem ne possessionem quidem, quæ naturalis est, alienare posse, d. l. 11. *de acq. rer. dom.* rationi autem juris non convenire, ut possidenti detur vindicatio adversus eum, qui nec natura possidet. Resp. ut vindicationi locus sit, satis esse rem ab alio quovis modo detineri & restitui posse, l. 9. *de rei vind.* adeoque pupillum, etsi animo definire possidere non potest, corpore tamen posse, atque in alium possessionem, quatenus facti est, sine tutoris auctoritate transferre, l. *possessor. 29. de acq. poss.*

Bona fide consumpti] Non est mirum, nullos apud auctores plures & crassiores errores reperiri, quàm apud scriptores notarum: quippe quibus temporis non est vanno aut cribro utendi. Dion. Gothofredus ad l. 9. §. 2. *de auct. tut.* scribit, pecuniam in proposito intelligi consumptam, cum is qui accepit eam, alteri reddidit, aut in solutum dedit: utiturque argumento *non omnis*, 19. §. 1. *de reb. cred.* quo tamen loco hoc ipsum aperte negatur, & rectè. Nam datio in solutum aut creditum non facit, quo minus pecunia adhuc extet, & certo appareat. Quamdiu autem extat, & certo apparet, non potest dici consumpta; & apud quemcumque, aut ubicumque extat, in eadem causa & ejusdem manet, & à domino vindicari potest, ut proximè Imp. dixit. Quando igitur consumi intelligitur? Nimirum cum quis ea sic utitur, ut eo facto corpora ipsa nummorum, quæ data sunt, non appareant. Id verò contingit primùm corporibus sublatis, veluti si quis ex accepta pecunia vas aliquod conflaverit: quo facto pecunia extinguitur. Neque obstat distinctio, §. *cum ea aliena. 25. sup. de ver. div.* Nam vas ex nummis aureis vel argenteis conflatum ad rude quidem aurum vel argentum reduci potest; ad priorem speciem sive monetam non potest. Planè possunt auctoritate Principis nummi ejusdem potestatis & eadem figura inde cudi, sed nova hæc moneta & species est, non illa, quæ prius fuerat. Deinde etiam corporibus nummorum integris manentibus, veluti si quis nummos acceptos ita aliis miscuerit, ut discerni non possint: nam etiam ea re eum qui accepit, dominum fieri placet, l. *si alieni. 78. de sol. Don. ad l. rogasti. 11. §. ult. d. s. n. 9. Ait, bona fide.* Quod ergo in d. l. non omnis 19. §. 1. *de reb. cred.* & si qui sunt alii loci similes, dicitur simpliciter, si pupillus sine tutoris auctoritate credendi causa pecuniam dederit, consumpta ea nasci conditionem, id ex hac loco junct.

junct. d. l. rogasti. 17. §. ult. d. tit. l. 9. §. 2. de auct. tut. sic interpretandum erit, si bona fide ab accipiente consumpta sit, ignorante scilicet, pupillum esse, qui credidit. Efficitque hoc etiam ratio juris; quia quæ dolo malo consumpta sunt, non alio loco jure habentur, quam si adhuc exarent, nec consumpta essent, l. qui dolo. 131. l. perem. 170. de reg. jur. ac proinde cum malæ fidei consumptio consumentem dominum non faciat, nec mutuum ea consumptione confirmabitur, Don. d. loc. u. 7. Quod verò D. Bachovius putat non ob stare malam fidem, quominus consumptione dominium quærat, & tamen bona fide tantum facta consumptione, mutuum, quod ab initio non consistebat propter inutilem numerationem, convalescere; id mihi planè adversari, videtur. Et sententia Bachovii, quod per consumptionem & similes acquirendi modos dominium acquiratur, citra considerationem bonæ aut malæ fidei, etiam extra causam accessionis; supra à me refutata est sub §. cum ex aliena. 25. de rer. div.

Condici possunt] Quod valet in nummis alienis mutuo datis, ut iis bona fide consumptis, ei, qui dedit, condictio detur tamquam ex mutuo, l. 11. §. ult. cum 2. ll. seqq. de reb. cred. id valet & in ea pecunia, quæ dantis fuit, si is rei suæ alienandæ facultatem non habuit, qualis est pupillus. Quapropter si pupillus sine tutoris auctoritate crediderit, consumptis nummis & illi condictio nascitur, l. non omnis. 19. §. 1. de reb. cred. & omnino quæ translata ab initio pecuniæ vis est, eandem esse placet & bona fide consumptæ, quasi translata: unde rectè dicitur, quod ab initio non valebat ex numeratione; confirmari pecuniæ consumptione bona fide facta. DD. in d. l. 11. §. ult. & d. l. 19. §. 1.

Si mala fide, ad exhibendum] Puto tamen & conditionem in proposito dari, non quidem quasi ex mutuo, quia consumptio malæ fide facta dominum non facit, ut paulo ante probavimus: sed conditionem sine causa, utpote quam constat etiam adversus prædoneum fructuum consumptorium nomine dari, l. 3. C. de condici. ex l. 4. C. de crim. exp. har. Ait, ad exhibendum. Immo & in rem, inquit Cujacius: quoniam mala fides pro possessione est. Sed, inquit, in rem utilis est; ad exhibendum directæ: quare commodius agi ad exhibendum, quam in rem. Quod falsum est & inconsideratè à Cujacio prolatum. Non enim magis fieri potest, ut contra eum, qui possidere desit, detur directæ ad exhibendum actio, quam directæ in rem: cum ille non magis exhibendi, quam restituendi facultatem habeat. Sed ut contra possidentem rem mobilem utraque directæ est, ita contra eum, qui dolo malo desit possidere, utraque utilis. Nam quod dolus pro possessione est, id non ex vero, sed ex interpretatione est & fictione juris, quæ utili tantum actioni locum facit. Cur igitur actionis ad exhibendum meminit dumtaxat? Quia utili iudicio ad exhibendum semper consequitur actor

id totum, quod sua interest, §. 1. inf. de off. iud. vel permittitur rei petitæ æstimatio ipsius jurejurando, ut sit in eadem actione directæ, si possessor per contumaciam rem non exhibeat: quo casu per jusjurandum in litem peritoris possessorem dampnari certum est, l. 3. §. 2. ad exhib. Cum igitur præparatorio iudicio illud ipsum consequatur actor, quod rem vindicando consecutus esset, nihil superest, quod alia actione persequatur. Ita in simili Jurisconsultus, d. l. 11. §. ult. de reb. cred. Vindicari nummi possunt, si extant, aut, si dolo malo desinant possideri, ad exhibendum agi. Cujus loci lectionem frustra Donellus conatur emendare.

T E X T U S.

3. At ex contrario omnes res pupillo & pupilla sine tutoris auctoritate rectè dari possunt. Ideoque si debitor pupillo solvat, necessaria est debitori tutoris auctoritas: alioqui non liberabitur. Sed hoc etiam evidentissima ratione statutum est in constitutione, quam ad Casarienses advocatos ex suggestione Triboniani, viri eminentissimi, Quæstoris sacri palatii nostri, promulgavimus, qua dispositum est, ita licere tutori vel curatori debitorem pupillarem solvere, ut prius judicialis sententia sine omni damno celebrata hoc permittat. Quo subsecuto, si & iudex pronuntiaverit, & debitor solverit, sequatur hujusmodi solutionem plenissima securitas. Sin autem aliter quam disposuimus, solutio facta fuerit, pecuniam autem salvam habeat pupillus, aut ex eo locupletior sit, & adhuc eandem pecunia summam petat, per exceptionem doli mali poterit submoveri. Quod si male consumpserit, aut furem aut vi amiserit, nihil proderit debitori doli mali exceptio, sed nihilominus condemnabitur: quia temere sine tutoris auctoritate, & non secundum nostram dispositionem solverit. Sed ex diverso pupilli vel pupilla solvere sine tutoris auctoritate non possunt: quia id, quod solvunt, non sit accipientis: quum scilicet nullius rei alienatio eis sine tutoris auctoritate concessa sit.

N O T A.

3. Plenissima securitas] Ita ut nec in integrum restitutionis sit locus: quod beneficium sola tutoris aut curatoris interveniens auctoritas non excludit, ut. C. si tut. vel cur. int.

Salvam habeat, aut locupletior] L. 15. l. 47. l. 66. D. de sol. l. 4. §. 4. de dol. ex l. 14. D. de cond. ind. l. 57. de reg. jur. Non debet pupillus occasionem juris ad iniquum trahere cum detrimento alieno

om

ribus. 16. de accept. pugnat illa Fabri expositio manifestè & cum sententia & cum verbis Justiniani, quæ ille mirè torquet, ne videantur ob stare iis, quæ ex cerebro suo comminiscitur contra veram & receptam sententiam, quæ hæc est: Quamvis ipsi tutori ejusve auctoritate pupillo facta sit solutio, eaque solutione debitor ipso jure liberetur; nihilominus tamen pecunia male consumpta maleve collocata, parere pupillo, si tutor solvendo non sit, restitutionem in integrum, nisi sententia judicis intervenerit, l. 1. c. si adv. sol. l. 2. c. si int. vel cur. int. Vid. Gomez. 2. resol. 14. num. 4. Mauric. de rest. in int. cap. 176. & seq. Brisson. lib. 1. de sol. sect. 4.

Si prius judicialis sententia] Excipiuntur redditus annui & cæterarum rerum pensiones, quæ minoribus tutore aut curatore auctore, aut ipsi tutori curatorive etiam sine judice tuto solvuntur, dict. leg. sancimus. 25. c. de adm. int. Siquidem & molestum esset, quotannis adire judicem, & incommodum minori, diu differri solutionem ejus rei, unde fere ali sollet. Quod tamen & ipsum sic postea Justinianus temperavit, si non excederent metas biennii aut summam centum solidorum, leg. constitutionem. 27. c. d. int.

Sine omni damno] Id est, ut Theophilus interpretatur, *σὴν πᾶντ δαδῶν*, sine ullo scilicet sumptu aut impensis in judicium, scribarum, viatorumve mercedes. Nam iniquum esset, debitorem sumptu onerari ex persona creditoris.

Sequitur hujusmodi solutionem plenissima securitas] Ita ut nec adversus solutionem decernente judice factam beneficio ætatis in integrum restitui postulans audiat. Cui non obstat quod placeat, minorem etiam restitui contra factam ex decreto judicis venditionem, l. 11. c. de prad. min. Nam debitor ex necessitateolvere tenetur: emptor potest non emere. Jure veteri quoque hoc obtinuit, ut solutio decernente ac statuente judice facta à debitore minoris plenissimam liberationis securitatem pareret: & procedebat hoc ita, etiam si minori curatorem non habenti decernente judice solum esset. l. 7. §. 2. de minorib. Cæterum liberatio nihilominus ipso jure contingebat, si tutori vel curatori solutio facta esset, quantumvis sine judice: solum hic supererat adhuc metus aliquis restitutionis in integrum, si sorte pecunia male collocata, & tutor vel curator solvendo non esset. Post constitutionem autem Justiniani dicendum videtur, solutionem sine judice factam, aut ad liberationem ipso jure non prodesset, licet tutor vel curator intervenerit; aut si adhuc debitores ita liberari placet, minus quam olim hoc casu securos esse: quippe olim prius tutores & curatores actione ordinaria conveniendos fuisse, & demum si illi solvendo non essent, paruisse minoribus remedium extraordinarium. Hodie verò esse, quod de se querantur debitores, quod non solverint secundum præscriptum constitutionis Justinianæ.

Pecuniam autem salvam habeat] Etsi solutione sine tutore judiceve facta eandem pecuniam petere adhuc pupillus potest, aut ipso jure, aut per restitutionem in integrum; si tamen nummi salvi sint, eosque penes se domi pupillus habeat, iterum petentem eum doli mali exceptione debitor removebit, quod iniquum contra bona fidem lucrum capret, leg. pupillo. 15. de solut. l. bona fides. § 7. de reg. jur. l. pen. §. 1. de reb. cor. qui sub int. Eodemque modo consumptis nummis, si ex his locupletior factus iterum petat, exceptione repellatur, ne dicatur cum alieno detrimento, contra quam natura æquum est, l. 4. §. si quis. 4. de dol. mal. exc. l. in pupillo. 47. de solut. l. nam hoc. 14. de cond. ind. Quæ de causa ex omnibus eum negotiis cætenus teneri receptum est, quatenus patrimonium ejus auctum sit: ut nihil mirum, si solutione locupletatus iterum petens exceptione summoveatur, cum etiam ultro adversus eum factum locupletiore ex contractu negotiove gesto actio competat, l. 3. §. pupillus l. 6. in pr. de neg. gest. l. 5. in pr. & §. 1. de auct. tut. leg. naturaliter. 13. §. 1. de cond. ind.

Aus ex ea locupletior] Locupletior factus intelligitur, si ex pecunia soluta rem aliquam sibi comparavit, quam etiam nunc habet, l. 4. de except. aut si ea quovis modo in rem ejus versa sit, l. si pupilli. 66. de solut. Hoc amplius & si rem sibi necessariam ex nummis solutis pupillus emit, quam alioqui de suo empturus fuerat, licet ea ante litem contestatam perierit, quasi locupletior factus intelligitur; quia tantumdem de suo perditurus erat, etiam si nummos solutos non accepisset, leg. in pupillo. 47. §. 1. de solut. Utrum autem pupillus locupletior factus sit, necne, in hujusmodi quæstionibus eo tempore spectatur, quo agitur, seu tempore litis contestatæ, dict. leg. in pupillo. 47. §. 1. l. 4. de except. l. litis. 37. de neg. gest.

Quod si male consumpserit] Si pupillus, cui sine tutore aut judice solutum est, pecuniam salvam non habeat, neve ex ea locupletior factus sit, sed male, profuse, aut utramque consumpserit, non juvabit debitorem doli mali exceptio, sed iterum eandem summamolvere cogitur. Planè si pupillus partem adhuc salvam habeat, aut pars in rem ejus versa sit, hætenus proderit debitori doli mali exceptio, ne ultra condemnetur, quam pupillo abest. Ex his autem quæ disputata sunt intelligimus, quid sibi velit Accursius, qui in l. 7. §. 2. de minoribus, scribit, debitorem pupillarem solventem triplicem posse consequi liberationem, aut securitatem; plenam, plenioram & plenissimam. Plenam, si pupillo sine tutoris aut judicis auctoritate solverit, & pecunia pupillo iterum petenti salva sit, in rem ejus versa, ut hic & supra dd. ll. in quo effectum rei spectavit: nam vi ipsa debitor esse definit, qui exceptionem perpetuam sibi quæsit, l. 10. l. creditor. § 5. l. debitor. 108. de verb. sign. Plenioram, si solverit tutori ejusve auctoritate pupillo,

non

non interveniente iudicis sententia: quo casu quidem liberatio ipso jure procedat, ita tamen, ut relinquatur adhuc metus aliquis restitutionis in integrum, l. 1. *Cod. si advers. sol.* Plenissimam, si solutio facta sit auctoritate & decreto iudicis: quod cum factum est, etiam restitutionis metus omnis tollatur. Quæ eadem Bartoli in *in dist. l. 7. §. 1.* cæterorumque Interpretum distinctio est, ab Antonio Fabro multis quidem verbis, sed nulla probabili ratione improbata *lib. 17. conj. 13.*

Ex diverso, pupilli solvere sine tutoris auctoritate non possunt.] Quemadmodum pupillus mutuum dando non contrahit obligationem, quia pecuniam non facit accipientis; ita eadem ratione nec solvendo creditori suo quod debet liberatur. Cæterum quemadmodum consumptis nummis, quos mutuo dedit, conditio ei nascitur; ita & consumptis, quos dedit in solutum, contingit ei liberatio, l. non omnis. 19. §. 1. *de reb.*

cred. l. 9. §. 2. de auct. tut. l. 14. §. ult. de solut. Quid ergo, si nummi, quos pupillus sine auctoritate tutoris credidit, aut in solutum dedit, casu apud eum qui accepit, perierint? utrius periculum & jactura erit? Donellus in *d. l. 19. §. 1.* Azonem secutus pupilli periculum esse putat: quoniam ita jus sit, ut res pereat suo domino, l. 6. l. 9. *Cod. de pign. act.* Sed rectè cum *Gloss. & DD. comm. Zaf. ibid. num. 8.* contrarium defendit, ne quod favore pupilli introductum est, ut ne credendo aut solvendo dominium transferat, in perniciem ejus vertatur, contra l. quod favore. 6. *Cod. de legibus*, & quod dicitur, casus fortuitos spectare dominum; hanc exceptionem habere intelligi debet, nisi quis propter favorem dominus remaneat, aut jure singulari dominium non transferat. Hoc enim non debet conditionem accipientis meliorem facere: sed quoad cætera perinde habendum, ac si quis alius credidisset aut solvisset.

TITULUS NUNUS.

PER QUAS PERSONAS CUIQUE ACQUIRITUR.

G. Lib. 4. Tit. 27.

Ratio ordinis, & argumentum tituli.

Hic titulus totius superioris disputationis quamdam quasi ampliationem continet ostendens, non solum nobis acquiri *autem* per nosmetipsos; verum etiam per alios *supra*. Personæ, per quas acquirendi facultatem habemus, enumerantur in principio: ex qua enumeratione perspicuum est eos, per quos nobis acquiratur, oportere nobis subjectos esse: vel revera, ut sunt liberi nostri quos in potestate habemus; item servi, tum nostri, tum aliquatenus etiam alieni, in quibus usumfructum habemus: vel iuxta nostra opinione, ut sunt servi alieni & liberi homines, quos bona fide possidemus. De quibus singulis cum explicatum est, removetur hinc persona extranea, utpote per quam, excepta causa possessionis nihil acquiri possit: ac postremo ab acquisitione rerum singularum transigitur ad modos, quibus acquirimus res universas.

TEXTUS.

Summa.

Acquiratur vobis non solum per vosmetipsos, sed etiam per eos, quos in potestate habetis: item per servos, in quibus usumfructum habetis: item per homines liberos & per servos alienos, quos bona fide possidetis: de quibus singulis diligentius dispicimus.

NOTÆ.

Quos bonæ fide possidetis.] Ergo non tantum per eos, qui revera nobis subjecti sunt, acquirimus, sed etiam qui iuxta opinionem nostram.

COMMENTARIUS.

Acquiratur vobis.] In aliis libris hæc & quæ porro sequuntur, leguntur in prima persona, *acquiratur vobis*, &c. uti apud Cajum l. 11. *de acq. rer. dom.* unde hic titulus per magnam partem descriptus est: eoque modo etiam Theoph. hunc locum reddidit, & legendum censent Cujac. Baro. Vvesemb. Mihi utro modo legas, parum referri videtur.

In potestate.] Non dixit *in dominio*, sed generaliter, *in potestate*, ut uno verbo & filiosfam. & servos comprehenderet. Nam potestatis verbo, in persona liberorum patria potestas, in persona servi dominium significatur, *leg. potestatis. 215. de verb. sign. VINN.* Attamen & liberos æquè ac servos fuisse in dominio juris Quiritium certissimum est. Liberi enim poterant mancipari, tanquam res mancipi, *Caj. Inst. l. 6. §. 3.* poterant vindicari, l. 1. §. 2. *ff. de rei vindic.* poterat, iis surreptis, actio furti institui, l. 38. §. 1. *ff. de furti. Conf. Ill. Bynkersh. de jure occidendi, lib. c. 1. p. 145. HEIN.*

TEXTUS.

De liberis in potestate.

1. Igitur liberi vestri utriusque sexus, quos in potestate habetis, olim quidem quicquid ad eos pervenerat (exceptis videlicet castrensibus pecuniis) hoc parentibus suis acquirebant sine ulla distinctione: & hoc ita parentum fiebat, ut etiam esset iis licentia, quod per unum vel unam eorum acquisitum esset alii filio vel extraneo donare, vel vendere, vel quocumque modo voluerant, applicare. Quod nobis inhumanum visum est & generali constitutione emissam, & liberis peperimus, & parentibus honorem debitum reservavimus. Sancitum etenim a nobis est, ut si quid ex re patris ei obveniat, hoc secundum antiquam observationem totum parenti acquiratur. Quae enim invidia est, quod ex patris occasione profectum est, hoc ad eum reverti? Quod autem ex alia causa sibi filius familias acquisivit, huius ususfructum patri quidem acquirat, dominium autem apud eum remaneat: ne, quod ei suis laboribus vel prospera fortuna accesserit, hoc in alium perveniens, lucuosum ei procedat.

NOTAE.

1. *Castrensibus pecuniis*] Quae primum filiisfamil. militibus concessa: postea etiam veteranis, seu militia missis, *pr. inf. quib. non est perm. sac. test.* Juven. sat. 16. v. 51. Postremo ad exemplum castrensis etiam quasi castrense peculium exceptum, quasi militum contemplatione litteratae militiae, *S. ult. inf. de mil. test.*

Sine ulla distinctione] Id est, peculium omne paganum pleno jure patri acquirebatur. Non distinguebant inter profectitium & adventitium, neque inter ususfructum & proprietatem.

Generali constitutione] L. 6. C. de bon. quae liber. qua quod circa bona materna & materni generis, item lucra nuptialia jam ante à diversis Principibus statutum erat, l. 1. & 2. C. de bon. mat. l. 1. 2. 6. & 7. C. Theod. l. 1. & 4. C. de bon. quae liber. ne *ἀνέκδοτον* abiret, produxit ad bona omnia adventitia.

Honorem debitum] Th. τὸ ἐποφειλάμενον ἐφ' ἡμῶν, debitum reservavi, & vox honorem abundanter videtur Cujac. quoniam hic non agitur de honoris debito, sed acquisiti. Deest quoque in emendatissimis editionibus, teste Fabrot.

Ususfructum patri] Quidam etiam casus sunt quibus peculii adventitii plena proprietates filio acquiratur, l. ultim. §. 1. Cod. de bon. quae liber. auth. excipitur, cum. 2. seqq. Cod. eod. Pecun-

lium adventitium, *ἐξ ἑστέρας ἀνέκδοτον*, Gloss. lat. gr. quod aliunde, quam à patre obvenit, & quasi *ἀνέκδοτον*.

COMMENTARIUS.

1. Post occupatam demum Remp. filiisfamil. primum militibus, deinde etiam veteranis peculium castrense pleno jure concessum: procedente tempore, & quasi castrense.

2. Quid sit peculium filiisfamil. quot ejus species, & quid singula.

3. Translato in Thraciam Imperio, primum bonorum maternorum, mox etiam materni generis, & lucrorum nuptialium, novissime omnium adventitiorum proprietatem filiisfamil. concessam, solo usufructu apud patrem relicto.

4. Quid maribus nostris, & Gallorum?

Exceptis castrensibus pecuniis] Florente Re- publ. peculium filiisfamil. uniusmodi fuit. Nam ut servus domino, ita filius patri cuncta pleno jure acquirebat: idemque planè jus & in corpus & in bona liberorum pater habebat, quod dominus in servos; cuius rei inter alios testis locuples est Dionys. Halicarnassensis lib. 8. Romanus, inquit, proprium nihil possidens, quamdiu patres eorum in vita manens: sed & pecuniae & corpora filiorum parentum potestati arbitrioque permixta sunt; omniaque parentibus acquiruntur quasi servi, ut *ἀνέκδοτον* & *ἀνέκδοτον* *πᾶσι*. Verum Imperatores ut prämio aliquo adolescentes ad militiae labores invitarent, eorumque sibi conciliarent studia, castrense peculium filiisfamil. pleno jure concesserunt: primum militibus, postea etiam veteranis seu à militia dimissis, *inf. quib. non est perm. sac. test. in pr.* Ex quo filiisfamil. in hoc peculio jus ac vicem patrumfamil. obtinere coeperunt, l. 2. de senat. *Mac.* idque significat Juvenalis *satyr.* 16. v. 51. his verbis:

*Nam quae sunt parva labore
Militiae, placuit non esse in corpore census,
Omne tenet cuius regimen pater.*

Igitur quod ait, olim quidem, &c. excipiens peculia castrensia, id ad tempora Julii aut Augusti & sequentia referendum est, l. 1. de testam. mil. d. *pr. inf. quib. non est perm. sac. test.* Postremo, nec multo post ad exemplum castrensis peculii etiam quasi castrense peculium exceptum & filiisfamil. permissum est, *S. ult. inf. de mil. test.* Planè hactenus adhuc diu jus vetus patri conservatum fuit, ut si filius intestatus decessisset, bona castrensia pater jure peculii occuparet, l. 2. de cast. pec. de quo plura alibi. Vann. Jus in peculio castrensi eodem tempore concessum videtur filiisfamilias, quo militibus liberrima illa testamenti factio concessa est, cuius historiam habes in l. 1. *pr. ff. de test. mil.* Nec mutatum videtur quod pater bona filii intestati jure peculii occupet, si liberos vel fratres non reliquit. Nam & bonis publicatis, ea tanquam peculium penes patrem manent,

ment, l. 3. C. de bon. profcr. Utrouque enim casu cessat favor filii familias militis, ob quem illi huiusmodi concessum est privilegium. HEIN.

Sine distinctione Profectitii scilicet vel adventitii peculii, proprietatis & ususfructus, inter quos primus Justinianus est, qui differentiam generaliter lege introduxit. Ex his porro patet, quicquid filiusfam. habet, sive concessione patris, sive partum suo labore, aut aliena liberalitate collatum, id uno nomine peculium filii fam. appellari; atque hoc docendi gratia ex ratione novi juris in duo genera posse dividi, ut dicamus, peculium filii fam. esse vel militare, vel paganum: & utriusque iterum duas esse species inferiores; illius castrense & quasi castrense, huius profectitium & adventitium. Castrense est, quod per occasionem armatæ militiæ filius sibi acquisivit: quo quid contineatur, docent l. castrense. 11. de cast. pec. l. 1. C. cod. Quasi castrense est, quod in toga operam Reipub. navans paravit, puta ex professione liberalium artium, ex officiorum publicorum emolumentis, ex patrociniis causarum, & urbana illa inermique militia, l. ult. C. de inoff. testam. l. 4. l. advocatio. 14. C. de adv. div. iud. Liberalitatem quoque à Principe in filiumfam. collatam instar castrensis peculii haberi placuit, l. 7. C. de bon. quæ lib. in pos. Utrumque hoc genus ita proprium filii fam. esse placuit, ut de eo statuere possit non secus, ac si paterfam. esset, d. pr. infr. quib. non est perm. sac. test. l. 1. §. nec castrense. 15. de collat. l. 2. de sen. Mar. Adde quæ notavimus sub §. ult. infr. de mil. test. Profectitium peculium est, quod à patre sive contemplatione patris ab aliis ad filium proficiscitur. Adventitium, quod aliunde filio obvenit, sive id laboribus suis acquisivit extra causam armatæ, aut rogatæ militiæ, sive prospera fortuna ei accessit, puta ex maternis maternive generis hæreditatibus, lucris nuptialibus, legatis, & hæreditatibus amicorum, l. 6. C. de bon. quæ lib. & hoc text. in fin. Illud totum patri secundum antiquam observationem adhuc acquiritur; huius in universum proprietas filio data est constitutione Justiniani, solo ususfructu patri relicto; de quo mox fusius.

Alii filio vel extraneo donare Consequens hoc omnino rationi antiqui juris. Nam cum utriusque huius peculii pleno jure pater dominus esset, licere utique etiam ei debuit pro arbitrio de utroque statuere, & quod labore Titii filii acquisitum esset, Mævio donare, vel in proprias rationes convertere. Hinc porro etiam est, quod patre mortuo peculium paganum omne, nisi legatum esset, fratribus conferendum erat, l. certum. 13. C. fam. etc. l. filia. 12. C. de collat. quod in adventitio mutavit Justinianus, l. ultim. C. d. ult. convenienter prioris constitutioni, l. cum oportet. 6. C. de bon. quæ lib. in pos.

Generali constitutione emissa Cum olim bona omnia adventitia non minus, quam profectitia pleno jure patris essent, Constantinus detraxit Pinnius in l. ult.

bona materna, quorum ususfructum tantum patri, filio proprietatem tribuit, l. 1. C. de bon. matern. l. 1. & l. 1. C. Theod. cod. Gratianus, Valentinianus, & Theodosius idem statuerunt de bonis materni generis, id est, ex materna cognatione delatis l. 6. C. Theod. cod. eosque secuti Arcadius & Honorius, l. 2. C. d. ult. l. 7. C. Theod. cod. Theodosius porro & Valentinianus, Leo & Anthemius, hoc etiam ad lucra nuptialia & sponsalitia produxerunt, l. 1. l. 4. C. de bon. quæ lib. Postremò Justinianus generali constitutione emissa, quacumque ex causa filio quid acquisitum esset, quod adventitio peculio attribueretur, id omne ejusdem juris esse voluit, d. l. cum oportet. 6. C. cod. tit.

Si quid ex re patris, hoc secundum antiquam observationem In profectio peculio nihil Justinianus mutavit: sed quicquid ex re patris filio obvenit, id totum vult patri acquiri secundum observationem juris antiqui. Planè potest nihilominus aliquid commodi ex concessione huius peculii ad liberos redire: nam & emancipatos sequitur, nisi nominatim ademptum sit, l. donatione. 31. §. 2. de don. & bonis patris publicatis, separatur & conservatur liberis, l. 3. §. sed utrum. 4. in fin. de minor. Ait, ex re patris, in diff. l. cum oportet. 6. ex substantia patris. Quid igitur dicemus, si quid filio obvenit, non quidem ex re aut substantia patris, sed patris occasione & contemplatione? DD. hic & in d. l. cum oportet. 6. id quoque peculii profectitii esse volunt, arg. l. si serv. 21. cum l. seq. de usufr. ubi quod servo fructuario relinquatur, aut donatur contemplatione fructuarii, id fructuario acquiri dicitur tamquam ex re ejus quæsitum, facit l. sed si plures. 10. §. in atrogato. 6. in fin. de vulg. & pup. subst.

Ususfructum patri acquirat, dominium apud eum remaneat Dominium posuit pro nuda proprietate, uti & in d. l. cum oportet. 6. Hæc autem proprietatis concessio non tribuit filio jus eam sine patris consensu alienandi, l. ult. §. ipsum autem. 5. Cod. cod. Si ususfructus filio relictus sit, hic totus acquireretur patri; ac eo mortuo redibit ad filium, l. ult. C. de usufr. Nonnumquam & plena proprietas filio acquiritur: quod Justinianus primo introduxit in hæreditate, quam filius renuente patre adiisset, d. l. ult. §. 1. postea etiam in pluribus casibus; in rebus ea lege filio datis, ne ususfructus ad patrem perveniret; in hæreditate fratris & sororis, ad quam una cum filio pater admittitur; item in iis rebus, quæ filio deferuntur ob delictum patris, qui divortium fecit sine causa, auth. excipitur, & 2. seqq. C. de bon. quæ lib. VINN. Immo & alii sunt casus, quibus plena filio proprietas acquiritur veluti si pater dolose versatus sit in bonis filio restituendis, l. 10. ff. ad SC. Treb. si princeps filiosfam. donarit, l. 7. C. de bon. quæ lib. HEIN. Moribus nostris & Gallorum adventitia omnia, sicut castrensia & quasi, filii sibi non patri & in solidum acquiruntur: in profectitiis tantum antiquum jus acquirendi per filium patri relictum est, Gudel. de inoff. test. lib. 1. c. 11; Chassan. in consuet. Burgund. §. 1. tit. Des enfans de plaineur l. 13

liss ad vers. & fait les fruits. Pet. Gregor. *synagm.* 11. c. 8. num. 12. Enim verò quod provenit ex questu, aut opera liberorum, quos parentes enutrient, id pleno jure parentibus acquiritur, Grot. 1. *manuduct.* cap. 6. add. Groenew. *de leg. abrog. hic.*

T E X T U S.

De emancipatione liberorum.

2. Hoc quoque à nobis dispositum est & in ea specie, ubi parens emancipando liberos suos ex rebus, quæ acquisitionem effugiebant, sibi tertiam partem retinere, (si voluerat,) licentiam ex anterioribus constitutionibus habebat, quasi pro pretio quodammodo emancipationis: & inhumatum quiddam accidebat, ut filius rerum suarum ex hac emancipatione dominio pro tertia parte defraudaretur: & quod honoris ei ex emancipatione additum erat, quod sui juris effectus esset, hoc per rerum diminutionem decreveret. Ideoque statimur, ut parens pro tertia parte domini, quam retinere poterat, dimidiam non domini rerum, sed usufructus retineat. Ita etenim res intacta apud filium remanebunt, & pater ampliore summa fruetur, pro tertia, dimidia potiturus.

N O T A.

1. Liberos suos] Th. & vāda. Cujac. Hotoman. Fabrot. liberum suum, numero singulari, ut *infr. de serv. cogn. in pr. & l. 33. Cod. de inoffic. testament.* Aurel. Victor. cap. 26. Nerva Trajanum in liberi locum adoptavit.

Anterioribus constitutionibus] Intelligit l. 1. & 2. c. *Th. de matern. bon. quæ Constantini sunt*, l. 6. §. 3. c. *de bon. quæ lib.*

Pro pretio emancipationis] Quasi remunerationis gratia, d. l. 1. & 2. d. l. 6. §. 3. pro præmio delatæ emancipationis, l. 3. c. *de bon. matern.* nam emancipatio beneficium est querendorum bonorum, l. 1. si à pat. quis man.

Quod honoris] Honorificum est filio, suæ potestatis & caput familiæ evadere.

C O M M E N T A R I U S.

1 Cur, cum peculium profectitium, si pater id non ademerit, sequatur filium emancipatum, dimidia usufructus adventitiorum, etiam ex pretio non reservata, patrem?

Emancipando liberos suos] Cujac, Hotoman. Vvesemb. liberum suum, numero singulari: quomodo etiam loquitur Justinianus, *leg. si quis. 33. Cod. de inoffic. testam. & infr. de serv. cogn. in pr.* legitur, liberum vel liberos. Veteres autem semper in numero multitudinis ea voce usi sunt, & unum etiam filium filiamve liberos appellarunt, teste Gell. lib. 2. cap. 13. quod & Cujus confirmat, l. non est. 148. *de verb. signific.* ubi scribit,

non esse sine liberis, cui vel unus filius filiamve est. Hæc enim, inquit, enunciatio, *habet liberos, non habes liberos*, semper plurativo numero profertur, sicut & pugillares & codicilli. Glossa Græc. Lat. *liberi, liberi*, pluraliter tantum declinatur. Quod autem Valla lib. 3. elegant. 8. scribit, liberum pro filio se & apud Paulum & apud Cajum reperire, existimo esse *verum*, cumque Paulum & Cajum dixisse pro Modestino, & Ulpiano. Nam apud Modestinum l. *jus agnationis. 34. de pass. legit*, nolle suum liberum esse, ut vulgatæ editiones habent; sed Florentina nos docuit legendum, nolle suum esse. Apud Ulpianum, l. *nemo. 126. §. 1. de regl. jur. qui liberum adquisierit*. Sed & hic in Florentino Codice est, *qui liberum adquisierit*, quomodo procul dubio legendum. Meminit Valla etiam Quintiliani, sed nec locum, nec verba citat. VINN. Immo locus, ad quem respicit Valla est apud Quintil. in *Declam. II. Conf. VV. Cl. Muncker. ad Hygin. Fab. 9. & Duker de Latin. vet. JCI. p. 585. HEIN.*

Ex rebus, quæ acquisitionem effugiebant.] Id est, in iis bonis adventitiis, quorum proprietates filio non patri acquirebatur ex Græcorum Imp. constitutionibus: quo in numero erant bona materna & materni generis, item nuptialia, & sponsalicia lucra, ut notatum §. *præc.* Cave igitur intelligas peculia castrensia, aut quasi: nam eorum nihil apud patrem emancipatorem relictum fuisse ipse Justinianus aperte testatur, d. l. *cum oportet. 6. §. cum autem. 3. C. de bon. quæ lib.* unde hic §. descriptus.

Quasi pro pretio emancipationis] Constantinus l. 1. & l. 2. c. *Theod. de bonis matern.* censuit, æquum esse, ut filius patrem emancipatorem remuneraret, offerretque patri tertiam partem bonorum maternorum, quorum proprietatem liberis in potestate manentibus concesserat, aut ut jus esset patri tanta horum bonorum partem sibi retinere; idque pro honore & beneficio emancipationis in filium collato: quippe quo filius consequitur, & ut sui juris ac caput ipse familiæ esse incipiat, quod ei honorificum est; & ut pleno jure deinceps omnia possideat, sibi que acquirat, quod lucrosus. Et hoc est, quod Justinianus hic significat his verbis, *quasi pro pretio emancipationis*; quod in constitutione sua sic expressit, *quasi remunerationis gratia, diff. leg. cum oportet. §. 3.* Præmium delatæ emancipationis appellant Theod. & Valent. l. 3. *Cod. de bon. matern.*

Pro tertia parte domini, dimidiam usufructus] Justiniano duriusculum visum fuit, liberos specie honoris tam gravem jacturam rerum suarum pati, ut tertiam earum partem parens manumissor auferret, sibi que pleno jure haberet. Neque tamen æquum putavit, nihil omnino remunerationis invicem accepti beneficii liberos rependere. Qua de causa ipse sic statuit, ut pater pro tertia parte, quam ex prioribus constitutionibus de bonis filii maternis & lucris nuptialibus pleno & perpetuo jure domini retinebat, par-

rem dimidiam non dominii, sed usufructus consequeretur, idque locum haberet in cæteris quoque adventitiis, postquam hujus generis bona omnia ejusdem juris esse voluit. Ita factum, ut nec liberi quicquam de dominio rerum suarum amitterent, nec causam conquirendi haberent parentes, concessio iis pro præmio emancipationis fructu tantæ partis bonorum. Hoc autem ita obtinere Justinianus censuit, etiam si pater in emancipatione sibi hoc præmium non expresse reservavit, *diff. leg. cum oportet. §. 6. cum autem.* 3. cum tamen peculium profectitium, quod totum pleno jure patris est, filium emancipatum sequatur tamquam à patre tacite donatum, si pater id non ademerit, *l. donationes. 31. §. 2. de donat. arg. leg. si Stichus. 53. de pecul. l. unis. Cod. de pecul. ejus, qui lib. mer. §. si peculium. 20. infr. de legat.* Differentiæ rationem hæc affert Joan. Faber, quod præmium emancipationis est ex provisione legis, quæ patri prospexerit in peculio, cujus ille adimendi potestatem non habebat; in peculio autem profectitio nihil opus fuit provisione legis: quandoquidem ipse pater pro arbitrio suo de eo statuere possit, & qui hoc ipso, quod non adimit, concedere ita tacite intelligatur. Cui addit D. Bachovius, quod peculii profectitii naturalis possessio penes filium est, adventitii penes patrem, utpote usufructuarius: itaque illud, si ademptum non sit, quasi ultro à patre relictum & filio concessum intelligi: in hoc autem, quod pater ipse detinet, atque apud se habet, jus suum sibi servare velle, beneficioque uti, nisi inter emancipandum juri suo renunciaverit, vel donatione facta, hoc ab se in liberos transtulerit, *diff. l. cum oportet. §. 6. cum autem. 3.*

TEXTUS.

De servis nostris.

3. Item vobis acquiritur, quod servi vestri ex traditione nanciscuntur, siue quid stipulentur, siue ex donatione, vel ex legato, vel ex qualibet alia causa acquirant. Hoc enim vobis & ignorantibus & invitis obvenit. Ipse enim servus, qui in potestate alterius est, nihil suum habere potest. Sed si heres institutus sit, non alias nisi vestro jussu hereditatem adire potest. Et si vobis jubentibus adierit, vobis hereditas acquiritur, perinde ac si vos ipsi heredes instituti essetis. Et convenienter scilicet vobis legatum per eos acquiritur. Non solum autem proprietates per eos, quos in potestate habetis, vobis acquiritur, sed etiam possessio. Cujuscunque enim rei possessionem adepti fuerint, id vos possidere videmini. Unde etiam per eos usucapio, vel longi temporis possessio vobis accidit.

NOTÆ.

3. Et convenienter] Nempe regulæ initio posita, quod per servos nobis ex qualibet causa acquiritur etiam ignorantibus & invitis. Nam & hoc in legato obtinet: quippe quod lucrum tantum continet, non etiam damnum, ut hereditas *l. 32. D. mandat.*

COMMENTARIUS.

1. Cur per servos nobis acquiritur & ignorantibus & invitis?

2. Cur hinc excepta hereditas?

3. An possessio per servum domino ignoranti acquiritur quacunque ex causa?

Dictum hæc est, quatenus per liberos nostros acquiritur: sequitur de acquisitione per servos, in qua jus verus per omnia servatur traditum à Cajo, *l. 10. §. 1. & deinceps de acquir. rer. dom.* Et huc translatus, id tale est, ut quicquid servus acquirit, siue ex causa peculii, (quod in persona servi unius generis est, nempe quod permissu domini separatim à rationibus dominicis habet, *l. 5. §. ult. de pecul.*) siue extra eam quacunque ex alia causa, id totum acquirit domino.

Siue quid stipulentur] Suboscure hoc dictum videtur pro, siue quid ab se stipulatum per traditionem nanciscantur. Nam et si verum est, servos nostros stipulantes nobis obligationem ex stipulatione acquirere, *infr. per quas pers. obl. acq. §. 1. inf. de stip. serv.* sub hoc tamen titulo non queritur, per quas personas nobis obligatio acquiritur, sed dominium, siue proprietas, & possessio.

Ignorantibus & invitis] Etiam invitis. 32. de acq. rer. dom. *l. quemadmodum. 46. de jur. dot.* Hujus autem necessariæ acquisitionis non alia ratio querenda, quam quæ hic & apud Cajum de loc. relata est; nimirum, quia ipse servus, qui in alterius potestate est, nihil suum habere potest. Fit ergo hæc acquisitio ipso jure, ratione scilicet potestatis, quæ facit, ut ne momento quidem aliquo res subsistere possit in persona ejus, qui in potestate est, & per quem acquiritur; sed protinus & necessario acquiritur ei, qui in potestate habet, domino vel patri, (nam & filiusfam. quæ talis huc pertinet, *l. placet. 79. de acq. her.*) quorum etiam vicem in acquirendo servus ac filiusfam. sustinent, & quibuscum hæc una persona esse finguntur. Non obstat, quod dicitur, nolenti & invito beneficium non acquiri, *l. hoc jure. 17. §. 2. de donat. l. invito. 63. de reg. jur.* Non enim beneficii, sed juris ratio facit, ut sic domino per servum acquiritur. Quod si dominus id, quod sibi ita queritur, habere nolit, licet ei id repudiare aut abdicere. D. Tuningius, ut hanc objectionem effugiat, duos quasi gradus in hac acquisitione considerat, unum in persona acquirentis, istius acquisitionis initium, alterum in persona nostra, in qua progressus quidam numeretur. Adificiam quod attinet, ait, invitis nobis acquiri:

quoad progressum atque absolutionem, non nisi volentibus. Sed non est necesse, ut eo confugiamus, & sit hæc acquisitio in momento, d. l. placet. 79. de acq. her. frustraque alias exciperetur hæreditas.

Sed si heres institutus sit, non alias nisi vestro jussu 1. *su*] Exceptio proximè præcedentis regulæ. Hæreditas quidem & ipsa per servos nostros hæredes institutos nobis acquiritur; cæterum non eodem modo, quo ex cæteris causis per eos acquirimus, ut etiam ignorantibus nobis & invitis acquiratur, sed volentibus dumtaxat & jubentibus eos hæreditatem adire. Quod si jussu nostro non expectato adierint, nihil agunt, l. si quis. 29. §. jussum. 4. de acq. her. Hoc autem cur ita placuerit, minimè obscurum est, ne scilicet in potestate servi esset domini conditionem deteriore facere, ignorante eum obligando æri alieno hæreditario, quod sæpe excedit vires patrimonii defuncti, l. 6. d. tit. Illud enim notum est, eum, qui heres efficitur, non tantum acquirere, sed etiam obligari, & implicari oneribus hæreditariis.

Et convenienter vobis legatum] Convenientes non ei, quod proximè præcedit de acquisitione hæreditatis, quæ hoc proprium habere dicta est, ut non acquiratur per servum sine jussu domini; sed regulæ initio positæ. Quod per servos nobis acquiratur ex omnibus causis. Si ex causis omnibus, igitur & ex causa legati. Ex hac verò causa procul dubio etiam ignoranti & invito domino per servum acquireretur sicut ex cæteris, excepta hæreditate, l. etiam invitis. 32. de acq. rer. dom. Nam ratio exceptionis, quæ in hæreditate est, cessat in legato, quod purum semper & liquidum lumen affert, l. si hæreditatem. 32. mandat. Planè jejunæ quædam hic repetitio est de legato, quippe cujus jam in pr. hujus §. mentio facta; sed Tribonianus hunc locum ex Cajo d. l. 10. §. 1. de acq. rer. dom. describens, incautè initium illius §. interpolavit: nam Cajus legati non meminit nisi semel, & demum in calce d. §. 2.

Non solum proprietatem, sed etiam possessionem] An possessio per servum nobis acquiratur, causa est, cur dupliciter. Hæc enim res non juris, sed facti est, l. 1. §. 3. & 4. de acq. poss. l. denique. 19. ex quibus maj. ea autem quæ facti sunt, non transeunt ad dominum, sed in persona ipsius servi consistunt, l. qui heredi. 44. de mod. & dem. §. 2. inf. de stip. serv. ut proinde dicendum videatur, etiam possessionem in persona servi subsistere debere, nec domino per servum eam acquiri. Verum possessio non corporis tantum & facti est, sed etiam juris, teste Papin. in l. possessio. 49. §. 1. de acq. poss. aut potius, ut idem Papin. in pr. d. l. hoc exprimit, ita facti est possessio, ut cum de ea acquirenda, retinenda, aut transferenda agitur, plurimum ex jure mutuetur: inter quæ hoc etiam est, ut per eos nobis acquiratur possessio, per quos res extera, utique si nostro nomine possessionem apprehendant. Cum autem generaliter & simpliciter tum hic, tum apud Cajum d. l. 10. §. 2. de acq. rer. dom. scriptum sit, non solum proprietatem, sed etiam possessionem nobis per servos acquiri, &

cujuscunque rei possessionem adepti fuerint, id nos possidere videri; apud Ulp. l. si me. 34. §. ult. de acq. poss. hoc etiam amplius, servum meum ignorantem mihi possessionem acquirere: hinc Glossa & comm. DD. crediderunt, æquè per servum quacunque ex causa possessionem domino etiam ignoranti acquiri, ac res cæteras, excepta hæreditate. Sed verior est eorum sententia, qui in acquirenda per servum possessione purant, causam peculiarem ab aliis separandam, ut si quidem ex causa peculiari possessionem nactus sit, ea etiam ignoranti domino acquiratur; si extra causam peculii, non nisi scienti: quæ distinctio aperte proponitur, l. 1. §. item acquirimus. §. l. 3. §. cæterum. 12. l. quod servus. 24. l. peregre. 44. §. 1. de acq. poss. Sed & ratio diversitatis in eodem locis perspicue indicatur: nimirum cum ea possessionis conditio sit, ut non nisi animo & corpore acquiri possit, d. l. 3. pr. & licet corpore alieno, animo tamen non nisi nostro nobisque volentibus, d. l. 3. §. cæterum. 12. l. ea que. 53. de acq. rer. dom. Hunc animum nostrum in earum quidem rerum possessione, quas servi ex causa peculiari adipiscuntur, quodammodo & in genere saltem concurrere, eosque quasi voluntate nostra intelligi possidere, eo quod peculium eos habere permittimus; in rebus autem non peculiaribus nullam omnino voluntatem domini acquisitionem antecedere, ac propterea ad possessionem in his causis acquirendam specialem domini voluntatem certamve scientiam necessariam esse, d. l. peregre. 44. §. 1. Sic igitur temperandum erit, sicubi simpliciter, quemadmodum hic, scriptum legamus, per servos nobis acquiri possessionem, aut acquiri nobis ignorantibus, ut in d. l. 34. §. ult. cod.

Unde etiam per eos usucapio] Cajus d. l. 10. §. 2. hoc sic expressit; unde etiam per eorum longam possessionem dominium nobis acquiratur. In peculiaribus rebus uti ignorantibus nobis possessio acquiratur, ita receptum est, ut etiam ignorantes ex eadem causa usucapiamus: cum alioqui possessio ignorantibus nobis quæsitæ velut per procuratorem ad usucapionem non proficit, nisi postquam scientia nostra intervenierit, l. si emptam. 47. de usuc. l. 1. C. de acq. poss. quod plenius explicabimus sub §. pen. hujus tit.

TEXTUS

De fructuariis & bona fide possessoribus.

4. De iis autem servis, in quibus eammodo usumfructum habetis, ita placuit, ut quicquid ex re vestra, vel ex operis suis acquirunt, id vobis adjiciatur: quod verò extra eas causas consecuti sunt, id ad dominum proprietatis pertineat. Itaque si is servus heres institutus sit, legatariusve quid ei, aut donatum fuerit, non usufructuario, sed domino proprietario acquiratur.

N o

N O T A.

4. De iis servis] Ex l. 10. §. 3. de acq. rer. dom. l. 21. de usufr.

Ex operis suis] Puta si futor sit, aut pictor, aut faber, & pro opera huiusmodi mercedem acceperit, l. 16. de usufr. Quid si ex superioribus causis, nominatim domino proprietatis stipuletur, aut nomine ejus rem accipiat? acquirit domino proprietatis, leg. 25. §. 3. d. l. 1. 37. §. pen. de acq. rer. dom. Ceterum placet, fructuarium condicere id posse, l. pen. de stip. serv.

Hæres institutus, &c.] D. l. 10. §. 3. l. 47. l. 49. de acq. rer. dom. l. 25. pr. de acquir. hered. Excipe, nisi quid horum factum contemplatione fructuarii, l. 21. & seq. de usufr. quo casu servus ex re fructuarii, non opera sua fructuario acquirere intelligitur, l. 45. d. l. ne objici possit, quod aditio hæreditatis non sit in opera servili, d. l. 45. in pr.

COMMENTARIUS.

1. Cui acquirat servus fructuarius, si dicat, se domino proprietatis accipere ex re fructuarii?
2. Aditio nem hæreditatis non esse in opera servili, & quare.
3. Servum contemplatione fructuarii heredem institutum fructuario hæreditatem acquirere, & jussu ejus, non domini adire.

QUæ de quærendo per servos dominio aut possessione dicta sunt §. præ. ea locum habent, cum quis plenam in servo proprietatem habet. Quod si apud alium usufructus servi sit, apud alium nuda tantum proprietatem, hic ex duabus causis usufructuario per hunc servum acquiritur, ex re scilicet fructuarii, & servi operis; ex cæteris causis proprietario. Idemque juris servatur in eo, qui bona fide servit, ut ex iisdem causis acquirat bonæ fidei possessori, ex cæteris aut sibi, si liber est, aut domino, si servus: de quibus nunc porro sequitur.

Ex re vestra vel ex operis suis] L. 10. §. 3. de acq. rer. dom. l. si servi. 21. de usufr. Ex re fructuarii, veluti si servus, cum fructuarius eum dispensatorem fecisset, rem aliquam ex nummis fructuarii comparavit, aut rem fructuarii locavit, pecuniam sceneravit, &c. Hic enim res empta, merces locationis, usura, pecuniæ creditæ quærentur fructuario, l. 7. C. de rei vind. l. servus. 43. §. ult. de acq. rer. dom. Ex operis servi, verbi gratia, si futor sit, aut pictor, aut faber, atque ex huiusmodi aut simili opera alii præstita aliquid paravit, mercedem scilicet operæ, l. si operas. 26. de usufr. Sed quid, si dicat servus, se domino proprietatis accipere, quod ex re fructuarii ei traditur? Hoc casu totum domino proprietatis acquireret. Nam & nominatim stipulando domino proprietatis ex re fructuarii aut operis suis eidem acquireret, l. per servum. 37. §. pen. de acq. rer. dom. l. sed est. 25. §. questionis. 3. de usuf. Et facit hoc quidem ratio summi juris: ceterum quod

Pianinus in Instit.

ira domino proprietatis quæsitum est, placuit fructuarium condicere posse, l. pen. de stip. ser. Cur verò tantum ex duabus istis causis placeat acquiri fructuario, ratio hæc est, quod quæ ex istis causis acquiruntur, fructuum vicem obtinent, cætera in fructu non sunt.

Extra eas causas] Extra superiores causas habetur, quod servus fructuarius ex re pecuniave alterius consecutus est, puta ex peculio, quod à proprietario habet, aut si quid servo donatum legatumve sit, aut si hæres sit institutus. Idcirco placet, nihil horum per servum fructuario acquiri, sed omnia hæc acquiri domino proprietatis, d. l. 10. §. 3. l. servus. 43. leg. fructuario. 47. l. quod fructuarius. 49. de acq. rer. dom. l. si quis. 25. de acq. her. De hæreditate à quibusdam olim dubitatum est, propterea quod in aditione factum servi interveniat, l. liber. 19. de acq. rer. dom. & sine huiusmodi facto servi nec domino hæreditas acquiri possit. l. 3. Cod. de her. instis. Sed obtinuit, aditionem hæreditatis non esse in opera servili, l. aditio. 45. de acq. her. d. l. fructuarius. 47. de acq. rer. dom. & rectè. Nam aditio factum quidem est, sed opera non est: quippe cum opera non sit sine labore, qui in aditione nullus est. VINN. Posset & eadem reddi ratio, quam reddit Ulpianus, docens, partum ancillæ non esse in fructu, l. 27. pr. ff. de hered. petis. Quemadmodum enim ancillæ non ideo parantur, ut pariant; ita nec finis primarius est eorum, qui servos sibi comparant, ut hæreditates nobis adquirant. Usufructuarius autem capit tantum fructus ordinarios quoscunque. HEIN.

Si hæres institutus, legatumve quid ei, &c.] Hoc etiam generaliter sic traditum est, l. 10. l. 47. l. 49. de acq. rer. dom. l. 25. de acq. her. Alibi tamen hæc extat exceptio, nisi servus hæres institutus sit, legatumve quid ei, aut donatum fuerit contemplatione fructuarii: quod enim ita relictum datumve servo fructuario est, id per eum fructuario acquiri, non proprietario, l. si servi. 21. & l. seq. de usufr. Eademque distinctio probata est in specie non dissimili, l. facta. 63. §. si hæres. 4. ad sen. Trebell. & in terminis hominis liberi bona fide possessi; cuius in hac causa & servi fructuarii eadem ratio, l. aditio. 45. §. ult. de acq. her. Neque tam exceptio hæc est quam interpretatio & declaratio quædam superioris regulæ, quæ definit, nihil per servum fructuarium fructuario acquiri præterquam ex re fructuarii, aut ex servi operis. Docet nimirum ista distinctio, quod contemplatione fructuarii datum aut relictum est, extra illas duas causas non acquiri: quamvis enim hoc fructuario non acquiratur ex servi opera, intelligi tamen acquiri ex re fructuarii, cui qui donavit aut reliquit rem quæsitam voluit, diff. l. aditio. 45. §. ult. de acq. her. Ex quo etiam perspicuum est, falli Glossam, Jo. Fab. Cantiunc. hic. Bart. in d. l. 25. de acq. her. & quotquot sunt, qui scribunt, servum fructuarium, ut maxime contemplatione fructuarii hæres institutus sit, non posse hæreditatem jussu fructuarii adire,

V 3 cam-

eamque per aditionem directo acquirere fructuario, sed adeundam esse jussu proprietario, cui etiam stricta ratione hereditas acquiratur, sed restituenda fructuario conditione sine causa, ut in casu *l. pen. de stip. serv.* Fecellit eos, quod putaverunt, prius esse, ut aditio hereditatis contra expressi juris auctoritatem statuatur esse species operæ servilis, quam in casu proposito dici possit, servum jussu fructuarii adeuntem hereditatem fructuario acquirere. Quod non ita est: neque enim ex causa operæ servilis hæc acquisitio defenditur, sed ex capite altero, quia scilicet hoc casu servus ex re fructuarii acquirere intelligitur; ex qua causa vel maxime fructuario acquiri constat, *dist. leg. aditio. 4. §. ultim. de acq. hered.* Ubi ex hoc eodem fundamento Jurisconsultus defendit, liberum hominem bona fide à me possessum & mei contemplatione heredem institutum meo jussu adire, & mihi acquirere hereditatem posse. Bonæ fidei autem possessoris & fructuarii eadem planè in his quaestionibus ratio est, ut mox docebitur: censent Jaf. in *dist. l. 25. de acq. her.* Myns. Bach. hic. Movere autem neminem debet, quod quibusdam locis generaliter definitur, servum fructuarium jussu ejus, qui usumfructum in eo habet, adire hereditatem non posse, ut *dist. l. 25. in pr. & d. l. aditio. 45. §. pen.* Hujusmodi enim loci accipiendi sunt de servo simpliciter instituto, non contemplatione fructuarii: quo casu si per servum fructuario acquireretur hereditas, acquireretur extra superiores duas causas: quod ratio juris non permittit. Sic cum in hoc nostro §. & *dist. l. 10. §. 3. de acq. rerum dom.* generaliter scriptum sit, quod servo fructuario donatur, aut relinquitur, id acquiri proprietario: nemo tamen est qui neget, admittendum hic esse illam sive exceptionem, sive interpretationem, nisi quod servo donatum relictumve sit contemplatione fructuarii: quod alibi certo jure traditum est. Quod verò Paulus in *l. quod fructuar. 42. de acquir. rer. dom.* scribit, quod extraneus servo fructuario donat, indistincte soli proprietario acquiri; id non eo pertinet, ut excludat insignem & receptam distinctionem inter id, quod contemplatione fructuarii, aut simpliciter servo donatum est; sed eam, quam ipse in pr. istius legis proponit in fructuario donante. Planè ex generali horum locorum definitione evidenter evincitur, errare eos qui contendunt, quod servo fructuario donatur, aut relinquitur, in dubio præsumendum donatum aut relictum contemplatione fructuarii: quod tamen tamquam certum tradit D. Dionys. Gothofred. in annot. ad Schneid.

T E X T U S.

§. Idem placet & de eo, qui à vobis bona fide possidetur, sive is liber sit, sive alienus servus. Quod enim placuit de usufructuario, idem placet & de bonæ fidei possessore. Itaque quod extra istas duas causas acquiri-

tur, id vel ad ipsum pertinet, si liber est, vel ad dominum, si servus est. Sed bonæ fidei possessor, quamvis usuceperit servum, (quia eo modo dominus fit) ex omnibus causis per eum sibi acquirere potest. Fructuarius vero usucapere non potest: primum quia non possidet, sed habet jus utendi fruendi: deinde quia scit, servum alienum esse. Non solum autem proprietates per eos servos, in quibus usumfructum habetis, vel quos bona fide possidetis, aut per liberam personam, quæ bona fide vobis servit, vobis acquiritur; sed etiam possessio. Loquimur autem in utriusque persona secundum distinctionem, quam proxime exposuimus, id est, si quam possessionem ex re vestra, vel ex suis operis adepti fuerint.

C O M M E N T A R I U S.

1. An bonæ fidei possessor quod ex operis servi paratum extat, domino servum vindicanti restituere teneatur?
2. Verumne sit simpliciter, quod Justinianus ait, fructuarium non possidere?

DE iis, quos bona fide possidemus, idem jus est quod de servis fructuariis, ut scilicet qui bona fide alicui servit, sive servus alienus est, sive homo liber, quicquid ex re ejus, cui servit, acquirit, quicquid item ex operis suis, id acquirat ei, cui servit, & à quo bona fide possidetur, *d. l. 10. §. idem placet. 4. l. liber. 19. de acq. rer. dom.* Hactenus tamen quatenus possessor bona fide possidebit, & quamdiu ita possidebit: nam si scire cœperit, eum, qui bona fide servit, hominem liberum, aut alienum servum esse, continuo per eum acquirere posse desinit, *l. qui bona. 3. §. 1. l. quasitum. 40. eod.* Quod extra duas istas causas acquiritur, placet vel ad ipsum, qui bona fide possidetur, pertinere, si liber est, vel ad dominum, si servus est. Extra eas causas maxime est hereditas, legatum, donatiove, *d. l. liber. 19. l. homo. 14. eod.* Ceterum & in persona ejus, qui bona fide possidetur, recipiendum temperamentum superius, nisi quid donatum relictumve sit contemplatione bonæ fidei possessoris, cui hoc casu etiam ista acquiri placet, *l. aditio. 45. §. ult. de acq. her.*

Itaque quod extra istas duas causas] Quoniam, ut supra notavimus, istud in fructu non est: ea autem sola, quæ in fructu sunt, bonæ fidei possessoris sunt, uti & fructuarii, quæri potest in persona bonæ fidei possessoris, (in fructuarium enim hujusmodi quaestio non cadit) an quemadmodum is fructus ex fundo alieno perceptos & extantes adhuc vindicanti rem suam domino restituere tenetur, juxta ea quæ tradita & notata sunt, §. si quis. 35. sup. de rer. div. eodem modo etiam quod pecuniæ aut rei ex operis servi paratum extat apud eum, cui bona fide servit, domini-

domino servum evincti restituendum sit? Questionem propono de rebus ex operis servi possessoris quasitis: vix enim dubitari potest, quin quod ex re possessoris quasitum est, perpetuo atque irrevocabili jure possessoris efficiatur. At quæ possessori parantur ex operis servilibus, ea cum fructibus fundi comparari passim videas, l. qui scit. 25. §. 1. de usur. l. quasitum. 50. in fin. de acq. ver. dom. Existimo tamen, etiam hæc bonæ fidei possessori irrevocabili acquiri, eique cedere in compensationem alimentorum, aliarumque impensarum, quæ necessario in servum sunt, nec certo estimari queunt. Neque obstat prædicta comparatio: nam ex ea minime sequitur, eandem earum rerum & fructuum in omnibus rationem esse, & in d. l. quasitum. 40. conferuntur hæc cum fructibus consumptis, quos lucrari bonæ fidei possessorum certum est.

Sed bonæ fidei possessor quomodo usucapere? Bonæ fidei possessor usucapione perfecta quacumque ex causa per servum acquirit: quia usucapio pleno jure dominum eum facit. Hoc ad hominem liberum bonæ fidei possessum non pertinet: quippe: cuius nulla usucapio est.

Fructuarius usucapere non potest, &c.] Ait cum Cajo, d. l. 10. §. ult. de acq. ver. dom. usufructuarius usucapere non posse, idque duplici de causa, tum quia non possidet, tum propter malam fidem, quia scit, servum alienum esse. Horum autem vel alterutrum satis est ad impediendam usucapionem: utpote quæ nec sine possessione, nec sine bonæ fidei possessoris putantis rem suam esse procedere potest, ut demonstratum sup. tit. de usuc. Et de scientia quidem fructuarii res certa est: neque enim ignorare potest, se earum rerum, quarum usufructum habet, dominum non esse. Quin ipse alium dominum agnoscit, cum se fructuarius profectur. Quod verò simpliciter negatur possidere, non est sine omni scrupulo. Nam alibi contra dicitur possessor, & possidere, l. mi frui. 9. in fin. pr. & §. ult. §. usufr. per. & naturaliter possidere, l. naturaliter. 12. de acquir. poss. Sed hæc non sunt contraria: nam & colonus, & commodatarius, & depositarius naturaliter dicuntur possidere, l. 2. §. 1. pro hered. l. 2. §. neque colonus. 11. com. div. qui tamen alibi possidere absolute negantur, ullamve habere possessionem, l. 9. de rei vind. l. non solum. 33. §. 1. circa fin. de usucap. l. 6. §. 2. de precar. §. possidere. 5. inf. de interd. Nimirum nec hi nec fructuarius verè possident, id est, non possident civiliter, sed solummodo animo dominantis, sine qua possessione non procedit usucapio. Sed in possessione sunt nomine alieno, apud quem possessio remanet, & qui per illos possidere intelligitur, d. §. possidere. 5. inf. de interd. l. generaliter. 19. l. quod nro. 18. in pr. de acq. poss. l. 6. §. 2. de precar. Qui textus etiam in his terminis de fructuario loquitur: nec alia ratione dicitur, retentio usufructus species esse traditionis, quam quod qui retinet usufructum, designat sibi, & incipiat alii possidere. Itaque cum hanc naturaliter possidere,

aut possidere simpliciter dicuntur, impropria locutio est, quia corporalis tantum detentio significatur, l. possessio. 49. de acquir. poss. l. 1. C. com. de usuc. Verum enim verò licet fructuarius non possideat, tamen quia firmitus jus habet insistendi rei, atque omne rei emolumentum ad eum pertinet, ea res efficit, ut interdicta ei possessoria accomodentur; quæ cæteris, qui in possessione sunt tantum, denegantur, l. 3. §. unde vi. 13. de vi & de vi arm. l. ultim. uti possid. De quo pluribus agere hoc loco non licet.

Non solum proprietates, sed etiam possessio] L. 1. §. sed & 6. §. per eum. 6. l. possessio. 49. in pr. de acq. poss. Nimirum quia etiam possessionem pleno dominio servus acquirit ex omni causa, §. 3. sup. cod. Ita verò jus est, ut quæcumque per servum quacumque ex causa acquiruntur ei, qui plenum in eo jus habet, eadem placeat acquiri fructuario per servum fructuarius: & bonæ fidei possessori per eos, quos bonæ fidei possidet ex re illorum aut horum operis. Nihil ad rem pertinet, quod fructuarius servum non possidet: nam nec pater filium, d. l. 1. §. per eum. 6. de acq. poss. Sed nec procurator à nobis possidetur, nec tutor curatorve, per quos tamen possessionem nobis acquiri posse constat, d. l. 1. §. per procuratorem. 10. Hæc & quæ præcedentibus §§. tradita, quamvis apud nos usum non habent, qui servos non habemus, tamen diligentius exposui, quia in multis partibus non parum conducunt ad cognitionem juris civilis Romanorum.

TEXTUS.

De reliquis personis.

6. Ex his itaque apparet, per liberos homines, quos neque vestro juri subiectos habetis, neque bonæ fidei possidetis: item per alienos servos, in quibus neque usumfructum habetis, neque possessionem justam, nulla ex causa vobis acquiri posse. Et hoc est, quod dicitur, per extraneam personam nihil acquiri posse, excepto eo, quod per liberam personam (veluti per procuratorem) placet non solum scientibus, sed & ignorantibus vobis acquiri possessionem, secundum divi Severi constitutionem, & per hanc possessionem etiam dominium, si dominus fuerit, qui tradidit; vel usucapionem, aut longi temporis præscriptionem, si dominus non sit.

NOTÆ.

6. Sed & ignorantibus] L. 13. de acquir. ver. dom. l. 34. §. 1. leg. 49. §. ultim. de acq. poss. l. 1. C. cod. Utique tamen volentibus, ut ut ignoremus, quo tempore ex voluntate nostra possessio apprehendatur.

Per possessionem etiam dominium] Si tradita ab eo,

eo, qui dominus fuit, & dominium in nos transferre voluit, d. l. 13. l. 20. §. ult. de acq. rer. dom. l. 8. C. de acq. poss.

Vel usucapionem] Id est, usucapiendi occasionem, conditionem. Hoc interest, quod dominium etiam ignoranti mihi per procuratorem, cui nomine meo res tradita est, acquiratur: re autem à non domino tradita usucapiendi facultas demum acquiratur, ex quo scire coepi rem traditam esse, l. 47. de usuc. l. 1. C. de acq. poss. Nam usucapio bona fidem possidentis requirit, quam nemo dixerit cum habere, qui se possidere ignorat.

COMMENTARIUS.

- 1 Cur placeat, possessionem per extraneam personam acquiri posse, ius aliquod non posse?
- 2 Per consequentiam quaestio possessionis necessario etiam dominium nobis acquiri, aut usucapiendi conditionem; sed tunc demum, postquam scientia intervenit, n. 3.

Concludit ab enumeratione personarum, per quas acquiri huc usque docuit, quasi ab enumeratione partium, per extraneam personam nihil nobis acquiri posse. Sola causa excipitur possessionis, Personam extraneam vocat hominem liberum, qui neque juri nostro subiectus est, neque bona fide à nobis possidetur: tum servum alienum, in quo neque ususfructum habemus, neque justam possessionem. In summa, persona extranea in hoc argumento est, quæ vim instrumenti animati apud nos non obtinet.

Nihil acquiri posse] Neque dominium aliudve in re jus, neque obligationem, aut actionem, l. 1. C. hoc tit. l. 11. de obl. & aff. l. 3. in pr. quod vi aut clam. l. quo tutela. 73. §. ult. de reg. jur. l. stipulatio. 38. §. alteri. 17. de verb. obl. Cujus rei ratio est, quod jus civile ita comparatum sit, ut sibi quisque quod sua interfuit, negotium gerat, non alteri, d. l. 11. de obl. & aff. d. l. stipulatio. 38. §. alteri. 17. de verb. obl. At quas exceptiones hæc regula habeat in obligatione per extraneum acquirenda, & quid juris hodie hic obtineat, videbimus in §. 4. inf. de inut. stipul. VINN. At regulæ huic obstat videtur l. 15. ff. consit. pecun. ubi particulam salutarem NON intrudere non dubitat Fr. Hotoman. Observ. IV. 12. Sed perperam: quum ibi exceptio à regula occurrat, puta, quando quis ministerium tantum præbet. HERN.

Exceptio eo, quod per liberam personam placeat acquiri possessionem] Excipit possessionem, quam placuit per quemlibet nobis acquiri, qui eam nostro nomine apprehenderit, id est, hoc animo, ut velit nostro nomine possidere, d. l. 1. C. hoc tit. l. 1. C. de acq. poss. l. solutum. 11. §. pen. de pign. aff. l. traditio. 20. §. ult. l. ea quæ. 53. de acq. rer. dom. Qui locus etiam rationem suggerit, cur in possessione acquirenda singulariter hoc receptum sit, nimirum, quia possessio acquiritur actu naturali & corporali rei apprehensione; in quo facilius alteri operam navare & ministerium præstare

possumus quam in iis, quæ civiliter acquiruntur citra istiusmodi actum, puta stipulando aut contrahendo, relictumque agnoscendo. Et tamen hoc ipsum, ut per liberam personam possessio nobis quærat, propter utilitatem contra stricti juris rationem constitutionibus introductum videtur, d. l. 1. & l. 8. C. de acq. poss. d. l. solutum. 11. §. pen. de pign. aff.

Velut per procuratorem] Procuratorem intelligo cum Bart. in leg. qui mihi. 13. de donat. Ias. & Zaf. in l. 1. §. per procuratorem. 20. de acq. poss. non tantum qui speciale mandatum habet; sed etiam cui universorum bonorum administratio permessa est. Etenim cum procurator generalis & exigere possit, atque accipere, & emere, ac vendere, utique quatenus ratio administrationis hoc exposcit, §. nihil autem. 42. sup. de rerum div. cum ibi notat, hætenus non video, quid inter hunc & specialem procuratorem intersit. Planè extra causam administrationis ad acquirendam domino possessionem generale mandatum non sufficit; sed aut speciale requiritur, aut domini ratihabitio, l. communis. 42. §. 1. de acq. pos.

Non solum scientibus, sed & ignorantibus] Etiam ignorantibus possessionem per procuratorem nobis acquiri multis locis apertissime scriptum est, l. si procurator. 13. de acq. rer. dom. l. si me. 34. §. 1. l. possessio. 49. §. ult. de acq. poss. l. 1. C. eod. Cui non obstat quod dicitur in l. ea quæ. 53. de acq. rer. dom. per quemlibet volentibus nobis possessionem acquiri. Hæc enim non pugnant, ignorantibus posse acquiri possessionem, & non acquiri nisi volentibus. Ignorare possumus, quo tempore procurator noster possessionem apprehendat: quandoquidem autem hoc sit, nostra sit voluntate, qui ut apprehenderet mandavimus.

Et per possessionem dominium] Ut possessio nobis per procuratorem acquiratur, sic & per possessionem dominium, si incipiat ab eo, qui dominus fuit, & dominium in nos transferre voluit, d. l. 13. l. traditio. 20. §. ult. de acq. rer. dom. l. 8. C. de acq. poss. Etenim admissio eo, ut per liberam personam possessio nobis quærat, necessarium hoc consequens fuit, ut dominium quæreretur per possessionem prius quæsitam, si ea à rei domino transferendi domini causa tradita esset. Fieri enim non potest, quin is, qui rem ex justa causa, hoc est, idonea ad transferendum dominium, traditam à domino possidere coepit, dominus ejus rei statim efficiatur. Cum autem dicimus, possessionem & per hanc dominium per procuratorem nobis acquiri; non hoc intelligimus, acquiri hæc primum procuratori, à quo deinde ad nos transeant; sed ministerio procuratoris recta nobis acquiri possessionem, & per consequentiam quæsitæ possessionis eo casu, quod diximus, etiam dominium. Ex quo apparet, dominum esse & alienum, quod DD. plerique hic asserunt, ideo facilius dominium ministerio alieno quæri, quam obligationem, quia jura personalia & obligationes magis inhaerent ossibus hominum.

Vel Usucapionem] Id est, usucapiendi occasionem. Hoc enim perpetuum est, ut quo casu dominium statim acquiritur, si dominus sit, qui tradit dominii transferendi causa, eo casu acquiratur jus usucapionis, si dominus non sit. Prætermissa autem hoc loco à Triboniano est insignis inter hos casus differentia. Nam si is, qui procuratori meo rem meo nomine tradidit, dominus fuit, etiam ignoranti mihi dominium acquiritur, d. l. 13. de acq. rer. dom. Si non fuit dominus, usucapiendi conditio mihi non quæritur, nisi postquam scientia mea intervenierit, l. 1. C. de acq. poss. l. si emptam. 47. de usucap. l. possessio. 49. §. ult. de acq. poss. Hoc ideo, quia eum, quem usucapere volumus, non sufficit possidere, nisi & possideat bona fide, quam nemo dixerit eum habere, qui se possidere ignorat.

Aut longi temporis præscriptionem] Potuerat hoc omitti. Nam postquam ex duobus his generibus acquirendi, quæ prius fuerant, usucapione & præscriptione longi temporis, unum Iustinianus fecit, l. un. C. de usuc. transform. satis fuisset, alterutrum tantum meminisse, aut usucapionis, aut præscriptionis.

T E X T U S.

Transitio.

7. *Haftenus tantisper admonuisse sufficiat, quemadmodum singula res vobis acquirantur. Nam legatorum jus, quo & ipso singula res vobis acquiruntur; item fideicommissorum, ubi singula res vobis relinquuntur, opportuna inferiore loco referemus. Videamus itaque nunc, quibus modis per universitatem res vobis acquirantur. Si cui ergo heredes facti sitis, siue cuius bonorum possessionem petieritis, vel si quem adrogaveritis, vel si cuius bona libertatum conservandarum causa vobis addicta fuerint, ejus res omnes ad vos transeunt. Ac prius de hereditatibus dispiciamus. Quorum duplex conditio est. Nam vel ex testamento, vel ab intestato ad vos pertinent. Et prius est, ut de his dispiciamus, quæ ex testamento vobis obveniunt; quæ in re necessarium est, initium de testamentis ordinandis exponere.*

N O T A.

7. *Si cui heredes, &c.*] Ex modis acquirendi per universitatem, qui plures olim fuerunt, v. Cont. 1. disp. 12. soli manserunt hi quatuor, susceptio hereditatis, bonorum possessionis agnitio, infr. tit. 10. lib. 3. adrogatio, & libertatum conservandarum causa bonorum addictio, tit. 11. & 12. d. lib. 3.

- 1 *Verbis, per universitatem, non titulum acquirendi, sed rem qua acquiritur significari.*
- 2 *Ex veteribus acquirendi per universitatem modis solos superesse quatuor, quos Iustinianus commemorat.*
- 3 *Quid sis heredis?*
- 4 *Quibus modis deferatur?*
- 5 *Species acquisitionis per universitatem apud nos receptæ.*

EXpositis modis, quibus jure civili acquiruntur res singulæ, transit Imperator ad eos modos quibus eodem jure acquiruntur universæ, sive quibus acquirimus per universitatem. Non minus autem hic spectandi modi ipsi & causæ acquirendi, quam universitatis acquisitionis. Nam & legari & donari bonorum universitas potest, l. non amplius. 26. §. 2. de legat. 1. l. si unquam. 8. C. de revoc. donat. potest & vendi, tit. tit. de hered. vend. Sed tituli hi nihilominus natura sua singulares sunt, hoc est, comparati dumtaxat ad acquirendum res singulas: & ideo nec idem jus in universum acquirenti tribuunt, quod verbi causa hereditas, idque cernitur in actionibus directis tam activis, quam passivis. Modi ipsi acquirendi soli universales sunt natura sua, ad quos nunc se Princeps confert.

Legatorum jus, item fideicom. opportuniore inferiore loco] Occupat, & tacite removet, quod objeci poterat de perturbatione ordinis, quod scilicet in disputatione de acquisitione juris civilis rerum singularum non omnes acquirendi modos qui eo pertinent, exequatur, quod lex methodi videbatur exigere: sed parte eorum præterita, ad aliud generis intempestive transeat: nam legata & fideicommissa non minus ad prius istud genus acquisitionis pertinere, quam usucapionem & donationem. Id ergo se non ignorare significat, & consulto tractationem de legatis & fideicommissis in alium locum rejecisse, eumque, qui longè sit opportunior: nam originem eorum, causam communem, & exitum flagitare omnino, ut de iis demum tractetur cognito jure testamentorum, infr. de legat. in pr.

Per universitatem] Hoc est, quibus universum & una acquisitione acquirimus bona alicujus omnia, res omnes & jus universum alterius, non separatim res singulas. Ita enim paulo post. Si cui ergo heredes facti sitis, &c. ejus res omnes ad vos transeunt, & Cajus lib. 3. tit. 2. in pr. Per universitatem, ait, hoc est, simul omnia bona acquirimus hereditate, fac. l. hereditas. 62. de reg. jur. l. nihil aliud. 24. de verb. sign. l. 3. §. 2. de bon. poss. D. Vultejus putat, his verbis, per universitatem, titulum acquisitionis significari, non res acquirendas: sed oppido quam ineptè. Quis enim unquam fando audivit, titulo tribui universi-

veritatem, aut timorum quosdam dici universos? Multorum ista collectionem arguunt. Quæ affectio cum tantum rerum propria sit, nec tamen omnium, hinc est, quod res quædam dicuntur singulæ, quædam universæ, & rerum sive bonorum quædam universitas, non tituli. Cæterum quemadmodum actiones, quibus bonorum universitatem petimus, ex objecto appellamus universales, qualis est petitio hereditatis; quibus res singulas, qualis est rei vindicatio, singulares, aut speciales, l. 1. l. in speciali. 73. de rei vind. l. 1. ut responsum. 15. eod. de transact. ita & titulos, qui pertinent ad acquirendum per universitatem, id est, res alicujus universas, universales; qui ad res singulas, singulares dicimus. In summa universitas non est causa sive titulus, neque etiam modus acquirendi, sed illud ipsum quod acquiritur, veluti hereditas, quam sibi delatam acquirit hæres adeundo, S. ult. inf. de her. qual.

Si cui ergo hæres facti, &c.] Olim modi, quibus per universitatem acquiritur, complures erant. Septem enumerat D. Ant. Contius lib. 1. disp. c. 12. Ex quibus antiquati, successio per bonorum debitoris venditionem, & ea, quæ fiebat per redactionem liberæ mulieris in servitutem ex Senatusconsulto Claudiano, inf. tit. de succ. sublat. quæ fieb. per bon. vend. & ex Senatusconsulto Claud. Item in manum conventio seu coemptio, quæ itidem species erat successionis per universitatem. Nam olim cum mulier viro in manum convenisset, omnia, quæ mulieris erant, viri fiebant dotis nomine, teste M. Tullio in Topic. cap. 4. in quæto locum de ritu coemptionis vid. Boet. Solu-
 2 manserunt hi quatuor, quorum idcirco etiam mentionem tantum facit Justinianus, susceptio hereditatis, bonorum possessionis agnitio, adrogatio, libertatum conservandarum causa bonorum addictio. Annunieratur tamen his & successio fisci, bona damnatorum, vel eorum, qui sine hærede moriuntur, occupantis &c. l. de portat. 19. de interd. & rel. l. 1. & passim de iur. fisci item ingressus monasterii. Nam Justin. Nov. 1. c. 3. unde anth. ingressi. C. de sacros. Eccl. constituit, ut universa bona religionem ingressi acquirantur monasterio, extra quam si liberos habeat, inter quos substantiam suam dividere non prohibetur, una saltem parte sibi retenta, in quam monasterium succedat. Cæterum neque fisci, neque monasterii successio simpliciter universalis est, qualis est hæres, bonorum possessoris, &c. ut contra quæque agnoscere cogantur: licet enim teneantur respondere creditoribus, damnum tamen nullum sentiant, si bona non sufficiant, Nicol. Burg. ad consuet. Flandra tract. 13. n. 10. Ex quatuor autem modis per universitatem succedendi hic propositis unus est, per quem succeditur viventi, scilicet adrogatio: per cæteros succeditur defuncto.

Præ de hereditariis] In hoc explicando

pars reliqua hujus libri & novem priores tituli sequentis consumuntur, nisi quoddam tractatio de legatis & fideicommissis inseritur propter argumenti conjunctionem. Hereditas propriè nihil aliud est, quam universum illud jus, quod defuncto vel in defunctum tempore mortis ejus competebat. Hinc illa apud nostros hereditatis appellatio universitatem quamdam ac jûs successionis demonstrat, l. bonorum. 108. de verb. sign. Juris nomen est, & ideo damnosam quoque hereditatem continet, l. hereditatis. 119. l. pecunia. 178. §. 1. eod. Item hereditas etiam sine ullo corpore juris intellectum habet, ut loquitur Papinianus in l. hereditas. 50. de her. per. Atque ut ostendant, eum hæredem dici, qui succedit in universum demortui jus, suscipitque ejus rei commodum & incommodum, ideo hereditatem definiunt, esse successionem in universum jus, quod defunctus habuit, l. nihil. 24. de verb. sign. l. hereditas. 61. de reg. jur. Propriè enim successio & succedere hæres est, non hereditas: hereditas verò illud jus, quod per successionem hæres acquiritur, inf. tit. de acq. her. Atque ita ego definitionem istam explicare soleo, faciem prælucente Ulpiano in l. 3. in pr. de bon. poss. Diligentius hæc excussi sup. tit. de reb. corp. & incorp.

Vel ex testamento vel ab intestato] Acquisitio hereditatis duabus hisce rebus constat, delatione, & delatæ susceptione. Ex delatione est jus & titulus acquirendi, in susceptione modus. Et ideo non ante acquiri hereditas potest, quam cum delata est, l. si quis. 12. §. 2. de acq. her. & retro delata esse intelligitur, quam quis potest adeundo consequi, l. delata. 191. de verb. sign. Desertur autem hereditas aut testamento, aut lege ab intestato, l. 1. & 2. seqq. de her. per. unde hæredes alii testamentarii, alii legitimi: item hereditas testamentaria, & legitima, l. in plurim. 70. de acquir. her. l. 6. §. 2. quæ in fraud. cred. Sciendum autem est, primum agi hic de delatione hereditatis directæ: nam indirectæ, hoc est, per fideicommissum, non testamento tantum, sed etiam codicillis relinqui hereditas potest; nec solum testamento facto, verum etiam ab intestato: & id, cui ex fideicommissio restituta est hereditas, ex Senatusconsulto Trebelliano hæres loco habetur de quo demum inf. de fidei. her. qui est antepenultimus hujus libri. Deinde agi de hereditate, quæ desertur & acquiritur jure civili: ceteroquin jure prætorio & bonorum possessor esse hæres est, & bonorum possessio, quæ hic ab hereditate separatur, vi ipsa nihil aliud, quam hereditas, l. 1. 2. 3. de bon. poss. l. hereditatis. 138. de verb. sign. Tantum in tempore & modo acquirendi nonnulla dissimilitudo, ut videbimus suo loco inf. de bon. poss.

Quæ ex testamento adveniunt] Ordinarium fuit ante de judiciis testamentum, deinde de successione

sione ab intestato loqui, ait Ulp. *l. 1. si tab. test. nul. ext.* nimirum quia prior semperratio fuit hæreditatis testamentariæ, quam legitimæ. Nam verbis legis duodecim tabularum, *ut quisque legasset sua rei, ita jus esto*, sic confirmantur judicia testamentum, quamdiu hæc proferuntur, atque ex testamento adiri potest hæreditas: si ab intestato non deferatur, *l. quamdiu. 30. de acq. her.* Quoniam autem ad hoc ut testamento deferatur hæreditas & acquiri possit, requiritur, ut testamentum iustum sit, hoc est, secundum regulas & præcepta juris civilis ordinatum, ideo subicit, necessarium esse expositionem ejus rei ab ordinatione testamentorum inchoare.

§ Ex omnibus per universitatem acquisitionibus, quæ unquam apud Romanos fuerunt, sola apud nos in usu est ea, quæ sit per suspensionem hæreditatis; bonorum enim possessores nulli, sed hæredes omnes sunt & appellantur, qui vel ex testamento, vel ab intestato defuncto succedunt, eodemque modo omnibus jure civili Batavorum hæreditas acquiritur. Acquisitio quoque per adrogationem, ea, quam tribuebat pro conservatione libertatum bonorum addictio, nullum usum in his-

co regionibus habere possunt, cum nec adoptionis in totum ulla vis sit, nec servos agnoscamus, ut alibi relatum. Cæterum duæ aliæ species acquisitionis per universitatem moribus nostris receptæ, quas ignorat jus civile Romanorum; una per nuptias; altera per voluntatem supremam præmorientis conjugis. Nam ex consuetudine generali Hollandiæ & Vvest-frisiæ, nuptiis contractis, bona conjugum confunduntur & communicantur, nisi pactis antenuptialibus aliter cautum sit. Atque hinc stante matrimonio debita unius ex bonis alterius exsolvi possunt. Habetque locum hæc confusio etiam in nuptiis repetitis. Uti quæ tamen bona feudalia in hanc communionem non veniunt. Antiquitus quoque moris fuit, ut vidua liberos minores natu habens maneret in possessione, & quasi dominio communi familiæ, fructusque sola perciperet, pro quibus liberos communes aleret, usque dum filiorum natu maximus perfectæ ætatis factus esset: sed hodie hoc amplius non obtinet, nisi ultima voluntate aut etiam pactioibus id cautum reperitur, vid. D. Grot. *lib. 2. manducet. ad jurispr. Bat. c. 11. & 2. seqq.*

TITULUS DECIMUS.

DE TESTAMENTIS ORDINANDIS.

D. Lib. 28. Tit. 1. C. Lib. 6. Tit. 23. Nov. 66. 119. c. 9.

Genera testamentorum obiter exposta, & ratio ordinis Justiniani.

IN calce præcedentis tituli dictum est, cum quaeritur de acquirenda hæreditate, quæ dicatur testamento delata, in primis inspicendum esse, an testamentum valeat, & rite ordinatum sit; eamque ob causam etiam initium hujus tractationis à doctrina de testamentis ordinandis, sive de ratione & modo testandi Imperatorem capere. Cæterum cum hæc doctrina ad omnium testamenta non pertineat, sed ad paganorum dumtaxat, & ex his ad ea, quæ fide privata ordinantur, quorum scriptorum alia forma sit, alia non scriptorum; ut omnis confusio vitetur, prius genera testamentorum obiter secernemus, explicaturi deinde, quomodo singula fiant iis in locis, ubi hoc tangit Imperator. Testamentum in genere nihil aliud est, quam ultima voluntas, quæ quis hæredem sibi sive bonorum successorem deligit. Et geminæ ejus sunt species; unum commune civium Romanorum, quod paganicum appellatur: alterum proprium militum, quod ideo militare. Utrumque rursus vel scriptum est, vel non scriptum, seu nuncupativum, *S. ult. inf. cod. & S. 1. tit. seq.* Et commune sive paganicum iterum vel publica fide ordinatur, *l. omnium. 19. C. hoc tit.*

vel fide privata. Cum autem sola paganorum testamenta, quæ quidem fide privata fiunt, adstricta sint legibus, quæ ad solemnitatem ordinationis pertinent, militaria his omnibus soluta, sciendum est nihil eorum, quæ de his in consiciendo testamento observandis hoc loco & passim aliis ejusdem argumenti simpliciter traduntur, ad militaria testamenta pertinere; adeoque in toto jure, cum simpliciter testamentum nominatur, commune sive paganicum intelligi. Paganorum testamenta, ut rectè fiant, & jure civili rata sint, in hisce tribus positum est: in persona testantis; in forma testandi & modo; in rebus, quas testamentum necessario complecti debet. Quod Cajus in *l. 4. hoc tit.* sic expressit: *Si quaeramus, inquit, an valeat testamentum; in primis animadvertere debemus, an is, qui fecerit testamentum, habuerit testamenti factionem; deinde si habuerit, requiremus, an secundum regulas juris civilis testatus sit.* Regulæ verò istæ pertinent vel ad modum testandi, vel ad res, quas testamento, ut valeat, complecti necesse est. Atque hæc omnia etiam à Justiniano ordine tractantur: verum orditur ille à testandi modo. De personis testantium agit secundo loco, *inf. tit. 12. de rebus, quarum*

rum insertio ad vim testamenti necessaria, tit. 13. & 14. Recenset hic primam historiam causa antiquas atque absoletas testandi formas; deinde explicat, quo ritu postea testamenta fieri ceperint, primum per scripturam, deinde sine scriptura, voluntate palam nuncupata. Ceterum hæc omnia pertinent ad ea testamenta, quæ sunt fide privata. Publica autem fide si quis testari velit, (quod hic à Justiniano omis- sum) poterit id facere vel coram Principe per supplicationem, vel apud acta judicis aut municipium; & tunc neque testes, neque alia solemnitas desideratur, l. omnium. 19. C. hoc tit. & ibi Gloss. & DD. add. Mynsing. 6. obs. 29. Boet. dec. 228. Christin. vol. 4. dec. 7. num. 4.

TEXTUS.

Etymologia.

Testamentum ex eo appellatur, quod testatio mentis sit.

NOTÆ.

Testatio mentis] Allusio potius quam *ἐννοια*, cujusmodi nostris sæpe obrepunt, l. 1. de acq. pos. l. 1. de novat. l. 2. §. 2. de reb. cred. l. 35. §. 1. de mort. caus. don. Definitionem habes apud Modest. l. 1. D. hoc tit. Ulpian. tit. 20. Vide plura in comment.

COMMENTARIUS.

- 1 Non proponi hic veram testamenti notationem, sed allusione quadam etymologica ostendi rei & vocis convenientiam.
- 2 Definitio testamenti, qua Modestinus auctorem habet, examinata, & perfectiores producta.
- 3 Testamentorum usum generaliter consideratum esse ex jure gentium; specialiter ex jure civili.
- 4 Apud plerosque populos tam liberam non fuisse, neque etiam nunc esse, testandi & legandi potestatem, quam apud Romanos fuit.

1 **Q**uod *testatio mentis sit*] Allusione quadam etymologica ostendit rei & vocis convenientiam, imitatus S. Sulpitium, qui quo efficacius vim rei exprimeret, testamentum dixit esse verbum duplex compositum à contestatione mentis. Estque hujusmodi allusiva derivandi ratio omnibus auctoribus admodum familiaris: in jocis venustas delectat; in rebus seriis etiam utilitate sua, quam in re declaranda habet, commendabilis. Qualis est illa Ciceronis, qui lib. 1. de offic. cap. 6. fidem ex eo appellatam, scribit, quia fiat, quod dictum est. Item illa Augustini, quod *mentiri inde dictum*, quod sit contra mentem ire. Similis est illa apud Priscianum: *argumentatio dicta est, quasi arguta mentis oratio*. Apud nostros etiam crebro id genus occurrit. Talis est illa Pauli

& Labeonis, qui possessionem appellatam scribunt à sedium positione, l. 1. in pr. de acquir. poss. Et Ulp. qui ait, donationem nomen accepisse à nova obligatione, l. 1. de novat. Ejusdem generis inveniuntur & in leg. 3. de damn. inf. l. senatus. 35. §. 1. de mort. caus. don. l. 2. §. 2. de reb. cred. Nec absimilis est illa Celsi dicentis, jus à Justitia appellatum esse, l. 1. in pr. de just. & jur. Hæc autem & his similia, licet non dicantur ex vero, speciosam tamen veri arguendi vim habent, sicuti exempla & comparationes fictæ non minus arguunt, quam veræ. Nullamque omnino causam video, cur Servium allusionis propositæ auctorem carpat Aul. Gell. 6. noff. Attic. 12. aut in Justinianum tam inclementer invehat Valla l. 6. elegant. 36. ut dicat, eum explosam atque derisam etymologiam denuo inculcasse: dignus profecto ipse, qui sibillo explodatur. Quis enim nescit, testamentum esse verbum non compositum sed simplex? & si de vera ejus originatione quærat, dictum esse à testando? Quod autem convenit & verbo & simul rei, *testatio mentis*, fortuitum esse, nec in aliis verbis per hujusmodi formam productis idem evenire, atque ideo nec per similem allusionem declarari posse? Et irascor Gæddeo, qui in l. nomen. 164. de verb. sign. contendit, eandem hanc derivandi rationem etiam accommodari posse verbis *vestimentum*, *ornamentum*, *calceamentum*, & ejusdem productionis cæteris; lepida scilicet ratione, quia & sartor, sutor, &c. mentis judicio in opere faciundo utuntur, aut quia nemo sine mente se vestit, ornat, calceat. Et igitur si Gæddeo credimus, vestimentum ex eo appellatum rectè dici poterit, quod vestitio mentis sit, calceamentum, quod sit calceatio mentis: an igitur & incrementum, quod sit mentis excretio? Mallem dixisset, Cerberum se metuere, quam hæc tam temere atque inconsideratè effutisset. Apparet autem ex verbis hujus textus & disputatione Gellii, Justinianum & Servium non definitionem aut descriptionem aliquam testamenti, sive ipsius rei proponere voluisse, sed indicare rationem nominis, *ἐννοια*, *ἐπὶ ἐννοια*. Quæ & Theophili mens est, licet aliud videatur doctissimo Salmasio lib. de usur. c. 1. VINN. Rectè omnino auctor noster: cujus observationibus id adde, quod auctores nostri hic stoam suo more imitentur. Iis enim philosophis hujusmodi allusiones erant familiarissimæ. Cic. de offic. l. 1. c. 6. Seneca Epist. 88. Vidit jam hoc Vir eximius, Em. Merrill. Obs. lib. 1. cap. 10. & ante eum summus Cusacius. Observ. lib. 11. c. 37. Addenda etiam quæ hanc in rem contra Laur. Vallam disputant viri docti apud. Cl. Duker. de Latinis. vet. Jct. p. 23. sequ. & p. 462. Scip. Gentil. Orig. ad ff. & Ægyd. Menag. Amanit. jur. cap. 39. HEIN.

Descriptionem testamenti habemus apud Modest. 2.

destinatum l. 1. hoc tit. Testamentum, inquit, est voluntatis nostrae iuxta sententia de eo, quod post mortem suam fieri velis. Justam sententiam si accipimus solemnem, aut plenam, hoc est, integram & de omnibus bonis, (utraque enim significatio huic verbo convenit) hac nota satis removebuntur codicilli. Expressior tamen est illa Ulpiani in fragm. tit. 20. qui sic definit: Testamentum est mentis nostrae iuxta contestatio, in id solemniter facta, ut post mortem nostram valeat. Quod Modestinus voluntatis sententiam, Ulpianus contestationem dixit, uti & in l. qui testamento. 20. §. & veteres. 8. hoc tit. contestationem supremam: quoniam non est simplex voluntatis enuntiatio aut demonstratio, sed testata, hoc est, declarata & exposita apud eos, qui, ut testes essent, rogati sunt hoc modo: Hae uti in tabulis scriptae sunt, ita vos, Quirites, testor. Itaque testimonium perhibetis. Perfectissima autem erit definitio, si ita dicamus: Testamentum est suprema contestatio in id solemniter facta, ut quem volumus post mortem nostram habeamus heredem. Nam legata ad testamenti substantiam non pertinent, l. 1. §. 3. de hered. instit. Quæri hoc loco solet, cui juri adscribenda testamenti factio, utrum juri gentium, an civili? Dicendum est, si generaliter, simpliciter & indefinite usus testamentorum consideretur, eum esse ex jure gentium; si specialiter & definite, ex jure civili. Neque aliud interpp. sentiunt, cum originem testamentorum ad jus gentium referunt, formam ad jus civile; formam nimirum propriam & modum testandi peculiarem cujusque Reip. Nemo enim, opinor, tam ineptus est ut putet, rem ullam esse sine forma, aut simplicem & secundum jus gentium testandi rationem, qualis in militum testamentis cernitur, formam carere. Breviter, ut liceat mortis disponere de rebus suis, ex jure gentium est; ut non aliter liceat, quam hoc vel illo modo ex jure civili. Hujus rei non leve argumentum est, licet à posteriori concludat, quod apud omnes fere gentes in usu testamenti fuerint, sive jus cavendi de eo; quod quis post mortem suam fieri vellet. Philosophorum supremae aliquot voluntates refert Diog. Laertius in vitis Philosoph. Isaias Propheta annuntiat Ezechiae regi Judæ, ut domui suæ præcipiat, quasi mox morituro, 2. Reg. 20. & Tacitus de Germanis nostris, ut singulare aliquid notat, quod nullum apud eos testamentum esset lib. de morib. German. cap. 20. Idem quoque arguit, quod miles, qui secundum jus gentium testari creditur, deportatum heredem instituere potest, l. 13. §. 2. de testa. mil. junct. l. 17. §. 1. de pan. Et secundum hæc ad populum Constantinus; Nihil est, inquit, quod magis hominibus debeat, quam ut suprema voluntatis (postquam jam aliud velle non possunt) liber sit stylus, & licium, quod iterum non redit, arbitrium. l. 1. C. de sacros. Eccles. Repe-

riuntur tamen, qui testamenti factionem totum suo genere juris merè civilis esse contendunt, ac ne illud quidem nobis concedunt quod dicimus, rem ipsam simpliciter & per se consideratam esse juris gentium. Negant, rationi & simplicitati juris gentium convenire, ut quis disponat de re non sua: id autem enim facere ajunt, qui disponit in id tempus, quo dominus esse definit. Sed assumptio hæc falsa est. Non enim de re aliena, sed sua, nimirum eo tempore, quo adhuc dominus est, testator disponit, & quid fieri velit, ordinat; licet executionem voluntatis in tempus mortis suæ suspendat. Quod non magis pugnat cum ratione naturali, quam si quis bona sua omnia alicui donaret ea lege, ut ipse, quoad vivat, usum possessionemque eorum retineat. Nam, ut recte docet D. Grotius lib. 2. de jur. bell. & pac. cap. 6. num. 14. testamentum vi ipsa nihil aliud est, quam alienatio in mortis eventum ante eam revocabilis, retento interim jure possidendi ac fruendi. Ex eo quoque quod successio, quæ jure sanguinis ab intestato defertur, revera ex jure communi est; male colligas, alienum esse à ratione ejusdem juris, ultima voluntate de bonis suis cavere. Etenim ne illo quidem jure putandum est, defuncti bona simpliciter addici proximis, sed in defectum supremæ voluntatis ejus, qui dominus fuit, arg. §. per traditionem. 40. sup. de ver. dir. d. l. 1. Cod. de sacros. Eccles. quem naturæ legis ordinem etiam in deferenda hereditate lex duodecim tabularum secuta est. Reliqua, quæ contraobjiciuntur, parvi ponderis sunt, quale est illud quod Papinianus scribit, testamenti factionem non privati, sed publici juris esse, l. 3. hoc tit. Nam si jus publicum propriè accipimus, quod utilitate publicum est, ut in divisione juris proposita, §. ult. sup. de just. & jur. leg. 1. §. 2. Cod. testamenti factio juris privati est. Publici autem juris esse dicitur oppositivè ad contractus & conventiones, quia auctoritate publica est, l. 1. ad leg. Falc. l. verbis. 120. de verb. sign. nec ut contractus privati cujusque arbitrio, sed legum potestate regitur, l. ult. de suis & legit. her. quamquam & quæ ad jus publicum propriè pertinent, magnam partem ex moribus & institutis aliarum gentium Romani perierunt. Quod pluribus exposui ad d. §. ult. Neque majoris momenti est, quod de deportato profertur, eum nec testamentum facere, nec ex eo capere posse; l. 8. §. 1. hoc tit. l. 1. Cod. de her. inst. qui tamen omnia, quæ sunt juris gentium, retinet, l. sunt quidam. 17. §. 1. de pan. Nam nec matrimonium contrahere potest, nec patriam potestatem, nec tutelam, nec jus successionis cognationis tributum retinet. Nimirum est hæc omnia ex jure gentium tamquam ex communi fonte populus Romanus hausserit, propria tamen sibi fecit, & à communione eorum arcuit peregrinos. Neque enim hoc dicimus, testamentum esse juris

ris gentium, quo modo contractus & comeria juris gentium esse dicuntur; sed ex jure gentium & civili ita conflatum, ut, quamvis hic præcipue partes sunt juris civilis, & ob id etiam inter ea, quæ juris civilis sunt, testamentum numerandum; tamen numerandum inter ea, quæ mixti juris sunt, non quæ merè civilis & positivi: quoniam ex ratione juris gentium est, ut quis moriturus de bonis suis possit disponere: quo sensu etiam in institutionibus Græcis inter exempla juris gentium refertur *ἡ διαθήκη οὐκ ἐστὶν ἐκ τοῦ νόμου*. *tit. de jur. nat. gent. in pr.* Revise ad ea quæ sub §. 1. ejusd. tit. à nobis tradita sunt. Illud planè ridiculum est, quod ex eo, quod Tacitus scribit, apud Germanos suo tempore usum testamtorum non fuisse, nonnulli colligunt, testamenti factionem cum jure gentium non consentire. Nam usum quoque emptionis & venditionis Germanos ignorasse idem Tacitus eodem loco prodidit, cum apud eos nummus non esset, & cerebrosi hominis est, ex usu unius populi & rudis adhuc de jure gentium judicare, add. doctiss. Vigh. ad §. 2. *hoc tit. VINN.* Non adeo expedita res videtur, testamenti factionem esse juris gentium: sive per illud intelligas jus, quod naturalis ratio inter omnes homines constituit, sive quod usu & necessitate exigente homines inter se constituisse dicuntur. Nec rationes Vinnii id evincunt. Nam [1] multæ gentes condiderunt testamenta, sed non omnes. Non germani, Tac. *de mor. Germ. cap. 20.* non Athenienses ante Solonem, Plutarchi, *in Solon. p. 90.* non Hebræi, Seld. *de success. in bon. Hebr. cap. 24.* non Indi denique, veluti Siamenses, De la Loubere *du Royaume de Siam. T. 1. part. 2. ch. 7. n. 9.* Deinde [2] omnino rationi naturali repugnat, alicui jus esse statuendi de rebus suis ita, ut voluntas post mortem valere incipiat, ubi jam velle desit, & mors omnia solvit. Quod animadvertens vir acutissimus, Leibniti-
us in *novo methodo Jurispr. p. 56. sequ.* ad animarum immortalitatem confugit, ut sic perdurare voluntas mortuorum videatur, quod nimis dilutum est. [3] Nec donationis exemplum à Vinnio adductum quadrat. Nam qui donat inter vivos statim dominium transfert, quamvis sibi usum possessionemque reservet. [4] Grotii definitio non exhaurit naturam testamenti, de quo nobis quaestio est. Quis enim dixerit, testatorem, quoad vivit, tantum jus possidendi & fruendi sibi reservare, quum res suas vendere, donare, quin ipsam ultimam voluntatem mutare possit? Et quis dixerit, eam alienationem esse revocabilem, qua nihil alienantur, & quæ revocari potest, antequam valere coepit? [5] Denique nec usu & necessitate exigente testamenta inventa sunt, quum nulla necessitas fingi possit, quæ homines adgerit ad testandum, quum jam leges extent de successione, immo hæc testamenti factio

sæpe incommodis oneret rempublicam. Vid. Hert. *Elem. Polit. Part. II. sect. 11. §. 53.* HEIN.

Adjicio, & *rapidum*, multis visum, è Republica aliquando esse, nimiam testandi & legandi libertatem præcidere: præsertim in Optimatum statu, & hætenus ut ne cui liceat prædia paterna aut avita legare. Quin etiam Bodinus *lib. 5. de repub. cap. 2.* auctor est, solis Atheniensibus usurpatam fuisse infinitam legandi licentiam, eamque Decemviros à Solone acceptam in duodecim tabulas retulisse, & populo Romano proposuisse his verbis; *Ἰσὶς quisque legασσι τὰς αἰῶνας, ἴα ἰὺς ἐσθὺ, ἢ ῥέβρις* legis. 120. *de verb. signif.* Cæterarum autem gentium omnium unam legem fuisse, ne prædia testamento legare liceret: eoque jure adhuc Polonos, Danos, Suecos, aliosque populos uti. Nos scimus, idem fere etiamnum obtinere in Geldria, & Diœcesi Trajectina, locis Bataviæ nostræ proximè adjacentibus. Excepta apud nos sunt bona feudalia, quæ testamento dare, legare non licet sine indulgentia Ordinum hujus Provinciæ. At impetrata de his testandi licentia, potest vassallus feudum cui velit testamento relinquere, modo is cui relinquitur ex justo matrimonio procreatus sit. Et potest hoc facere etiam sine permisso ejus, qui proximus feudi dominus est sine consensu successorum feudi ab intestato. Simplex indulgentia non plus juris Vassallo tribuit, quàm ut semel de bonis feudalibus directo dispo-
nere possit vel instituendo vel legando: plures autem gradus faciendi potestas aut substituendi sive directo sive per fideicommissum non aliter competit, quàm si hoc quoque specialiter diplomate comprehensum fuerit, Groti. 2. *manduct. c. 41. & ib. Groenev. in not. not. tab. feud. §. 24.* Apud Ultrajectenses etiam simplex indulgentia potestatem substituendi tribuit, sed semel dumtaxat.

TEXTUS.

De antiquis modis testandi civilibus.

1. Sed ut nihil antiquitatis penitus igno-
retur, sciendum est, olim quidem duo genera testamentorum in usu fuisse; quorum altero in pace & otio utebantur, quod *calatis comitiis* appellabant: altero, cum in prælium exituri essent, quod *prociñctum* dicebatur. Accessit deinde tertium genus testamentorum, quod dicebatur *per as & libram*, scilicet quod per emancipationem, à est, imaginariam quamdam venditionem agebatur, quinque testibus & libri-
pende, civibus Romanis puberibus præsen-
tibus, & eo, qui familie emptor diceba-
tur. Sed illa quidem priora duo genera tes-
tamentorum ex veteribus temporibus inde-
fuit.

suetudinem abierunt: quod verò per æs & libram fiebat, licet diutius permanferit, attamen partim & hoc in usu esse defuit.

N O T A.

Calatis comitiis] Calato seu convocato per hñctorem curiarum populo, testamentorum confirmandorum causa: curiata enim hæc erant comitia, non centuriata, aut tributa. Gell. lib. 15. c. 27. Gruch. in præf. lib. de comit. In Glossis, calata comitia, *ex antiqua dñe cu stus ym dñp.* Vide infr. in comm.

Per emancipationem] Emancipare & mancipare propriè, est ære & libra vendere, & in dominium alicui tradere. Horat. Epist. 1. l. 2. v. 158. *Si proprium est, quod quis libra mercatur & ære.* Per translationem prædicatur de qualibet alienatione & subjectione. Plaut. Bacch. & Cercul. Cic. Phil. 2. & Cat. Ma.

Imaginariam venditionem] Imaginaria dicitur, quia pretium non interveniebat; sed *vñp xñp* sesteritius nummus, v. Cujac. 10. obs. 27.

Quinque testibus] Aderant præter libripendem testes quinque, cives Rom. puberes, certisque verbis hic actus perficiebatur. V. Ulpian. tit. 19. §. 2. & tit. 20. §. 1. & 8. l. Boet. in Top. ubi ex Cajo etiam formulam mancipationis refert, add. Salmaf. de usur. c. 8.

Familia emptor] Suet. Neron. cap. 4. *Familia emptor*, id est, hæreditatis; qui initio erat ipse hæres futurus, §. 10. inf. cod. postea autem alius ab hærede, manceps fiduciarius, qui hæredi familiam remanciparet. Theoph. quod Plutarcho lib. de serv. num. vind. absurdum videtur.

In desuetudinem] Causam te docebit Theoph.

C O M M E N T A R I U S.

- 1 *Comitiorum genera obiter exposita, & ostensum quibus comitiis testamenta fieri solebant.*
- 2 *De testamento, quod veteribus endo procinctu.*
- 3 *De testamento per æs & libram.*
- 4 *Quando superiora genera testamentorum in usu esse desierint.*

QUO ratio juris de forma & modo faciendorum testamentorum postea constituti facilius & perfectius intelligatur, necessarium putavit Justinianus, à primordio rem totam repetere. Et sunt sanè multa in jure novo & posterioribus temporibus constituta, quæ sine veteris notitia perfectè intelligi non possunt: idque non tantum in re hic proposita; sed etiam in plerisque aliis juris Justiniani partibus accidit. Accommodari huc potest illud Senecæ lib. 6. de benef. c. 1. *Etiam quod discere supervacuum est, prodest cognoscere.* Ait autem, primis temporibus duo genera testamentorum populo Romano in usu fuisse, quorum altero quod calatis comitiis dicebatur, utebantur in

pace & otio; altero, quod procinctum, cum in prælium procincti educerentur: accessisse autem postea & tertium genus, quod per æs & libram fiebat. Atque hujus rei etiam habemus etiam Aulum Gellium, qui lib. 15. noct. Attic. c. 27. sic scribit; *Tria genera testamentorum fuisse accipimus; unum, quod calatis comitiis in concione populi fieret; alterum, quod in procinctu, cum viri ad prælium faciendum in aciem vocabantur; tertium per familie emancipationem, cui æs & libra adhiberetur.* Idem quoque tradit Ulpian. in fragm. tit. 10.

Quod calatis comitiis appellabant] Tribonianus non satisfacit studiosis antiquitatis, dum hoc genus indicat, non exponit. Sed & interpretes paucis de eo agunt, nec explent desiderium hominis curiosi. Quamobrem ne quid antiqui moris ignoretur videndum est, quænam ista comitia, quæ Justinianus, Ulpianus & Gellius calata appellat, fuerint; & unde hoc iis solis nomen, quod videtur omnibus communiter convenire. Patet ex scriptis veterum, maxime Ciceronis, Livii & Dionysii Halicarnassensis, tria fuisse eaque diversa comitiorum genera; curiata, centuriata & tributa: quorum antiquissima curiata. Nam ex quo Curia primùm à Romulo instituta sunt, usque ad tempora Servii Tullii sexti Romanorum Regis omnia, quæ suffragiis populi à Regibus committebantur, curiatis comitiis peracta fuere: ut ex eo intelligi potest, quod necdum centuriæ, nec tribus erant, quæ suffragium dicere possent. Itaque non modo reges, sed ceteros etiam magistratus curiatis comitiis creatos fuisse interpretandum est, cum apud auctores reperimus, à populo eos creatos: & leges omnes, quæ ad illud usque tempus latæ sunt, curiatae fuerunt: & judicium Horatii à populo curiatis comitiis peractum est. At post classes à Servio rege institutas, tum duo cœperunt esse comitiorum genera, curiata, & centuriata: atque illis duobus tantum usus est populus usque ad judicium Corviani: qui fuit annus ab urbe condita 263. quo primùm instituta sunt tributa comitia; & curiata minus ex eo tempore frequentari cœperunt. Curiata comitia dicebantur, in quibus populus curiatum suffragium dicebat, hoc est, in quibus populus per curias divisus sententiam rogabatur; ut quod plures curiæ statuissent, id jussu populi diceretur: nec auspicio fieri poterant, nisi intra pomerium, idque in foro, adeoque in comitio. Centuriata erant, quibus populus per classium centurias divisus suffragium ferebat, ita ut suffragia colligerentur centuriatim, & quod plures centuriæ jussissent, id jus ratumque esset. Hæc intra pomerium haberi non poterant: locus ei destinatus erat campus Martius. Tributa comitia dicta, cum populus tributum sive per tribus divisus suffragium iniret, in quibus quod plures tribus jussissent aut vetuissent, spectabatur. Hæc autem

autem diversa fuisse à curiatis, argumento est, quod tribus à curiis semper diversæ fuerunt: quodque intra aut extra pomerium haberentur, nulla religio erat. Jus habendi comitia solis Magistratibus fuit, nisi de sacris esset agendum: & quidem solis patriciis & majoribus magistratibus curiata & centuriata; tributa etiam Tribunis plebis. Sacrorum autem causa Pontifices jus habuerunt vocandi comitia tam centuriata, puta creando Regi sacrificulo, quàm curiata: nam fallitur D. Vvesembecius, dum existimat, magistratus coegisse centuriata comitia, calata pontifices. Causæ habendorum comitiorum varix; ad creando magistratus aut confirmandos, ad leges ferendas, judicia exercenda, sacerdotes inaugurandos, detestationis sacrorum, adrogationum, & testamentorum faciendorum causa: nec tamen unæ omnium, nec eadem omnium omnibus temporibus. Singula exequi ad institutum non opus est: adeundi Nicol. Gruchius, & Carol. Sigonius, qui de comitiis Rom. scripserunt ex professo. Cum igitur præter ea, quæ diximus, nulla alia fuerint comitia, necesse est calata, quorum hic mentio fit, speciem unam ex his fuisse. Non fuisse autem centuriata: alioqui sequeretur, nec in urbe testari Quirites potuisse, nec omnino primis temporibus testari ante tempora Servii Regis, à quo primum centuriata comitia instituta sunt. Multo minus putandum est, hæc comitia tributa fuisse; quippe quorum usus nullus fuit ante iudicium Coriolani. Relinquitur ergo, ut curiata fuerint, quæ sola primis temporibus, cum in concione testamenta fiebant, in urbe haberentur. Idque etiam Gellius non obscure indicat loco superius citato, cum ait, iisdem comitiis calatis sacrorum detestationes & testamenta fieri solita. At ante legem Papyriam quæ vetuit, ædes, terram, aram consecrare injussu plebis, teste Cicrone *pro domo*, consecrationes à Pontificibus factas curiatis comitiis docet Gruch. *lib. 3. de comit. Rom. cap. 2.* Igitur quod in concione calatis comitiis testamenta olim fieri solita dicuntur, calatis comitiis, hoc est, convocato testamentorum confirmandorum causa populo, non centuriatim sive per centurias classium (ut D. Viglius existimat) neque per tribus, sed per curias, idque à collegio pontificum. Ex eo autem quod veteribus frequens usus erat verbi calō, quod Græcum, est, unde nomina calendæ, curia calabra, classis &c. Macrob. 1. *Satur. 15.* existimare licet, initio comitia omnia calata fuisse, sed postea cum id verbum in usu esse desit, nomen calatorum comitiorum in his tantum, quæ pro collegio pontificum haberentur, retentum esse, idque religionis & antiquitatis causa. Gellius sanè, *d. lib. 15. c. 27.* refert in Libro Lælii Felicis ad Q. Mucium primo scriptum esse, Labeonem scribere, calata comitia esse, quæ pro collegio pon-

tificum haberentur, aut regis sacrorum, aut flaminum inaugurandorum causa. Et paulo post, iisdem comitiis & testamenta condita. Ac credibile est, ideo pontifices testamentorum factionibus præfuisse, quia sacra, quæ ad eos pertinebant, una cum hereditatibus transferrentur. Vicem horum testamentorum exhibere scribit D. Viglius, quæ precibus Principi oblati inferuntur, juxta *l. omnium. 19. C. hoc tit.* Nam Principem post legem regiam quodammodo universum populum representare. Sed & testamentum, quod in acta magistratus municipumve refertur, ejus, quod calatis comitiis fiebat, quadantenus locum subit, quia & ipsum publica fide fit, & quasi totius civitatis, *d. l. omnium. VINN.* Quæ hic Vinnius perspicue refert, ea maximam partem rectè se habent, & plenius exponuntur à Gruchio & Sigonio. In eo tamen falli videtur [1] quod comitia calata testamentorum causa convocata putat. Convocabantur enim legum ferendarum magistratuumque creandorum causa, immo & ob alia negotia publica, bellum, pacem, judicia &c. Testamenta autem, nihil aliud tum erant quàm leges, rogatæ à magistratu, & curiarum suffragiis confirmatæ. Unde vocabulum *legare*, quasi legem ferre *vocabatur*, *Nov. 22. cap. 2.* legis modo relinquere. *Ulp. Fragm. tit. 24. §. 1.* Deinde nec id [2] admittendum videtur, quod testamenta principi oblata, vel in acta magistratus municipumve relata in testamentorum, quæ calatis comitiis facta sint, locum successisse existimat: quum complura ante sæcula obsolevisent comitia calata, testamentaque in iis fieri solita, quum hæc testamenta principi, vel magistratibus oblata invenirentur, HEIN.

[Quod procinctum dicebatur] Alterum testamenti genus antiquitus usurpatum, cum ad pugnam ituri essent, incerti an essent redituri, procinctum appellatum esse ait; pro quo malim in *procinctu*: nam testamentum ineptè procinctum dixeris; licet Theophilus quoque *procinctum* leat, ut verisimile sit, ita Tribonianum scripsisse. At enim veteres ita locuti non sunt, ut hoc epitheton ipsi testamento apponerent: sed procinctum militem, procinctum exercitum, procinctam classem dicebant, id est, multitudinem hominum ad prælium instructam & paratam; eo quod togis incincti olim pugnabant, quo expeditiores essent, teste Festo. Hinc *procinctus* pro exercitus. Ammian. *lib. 18. procinctus adveniens.* Testamenta autem, quæ pugnaturi instructa acie nuncupabant, *endo procinctu* vel in *procinctu* appellabant. Glos. Lat. Græc. *endo procinctu*, *ἐν τῷ ποταμῷ*. Lucilius Balbus apud Cic. 2. *de nat. Deor. cap. 3.* Itaque maxima Reipub. partes in his bella, quibus Reipub. salus continetur, nullis auspiciis administrantur, nulla perennia servantur, nulla ex acuminibus, nulli viri vacantur, ex quo in *procinctu* testamenta perierunt. Et *lib. 1.*

de *Gram. cap. 53.* apud eundem Antonius: Qui duos filios suos parvos tutela populi Romani commendasset, ac se, tamquam in procinctu testamentum faceret sine libra atque sabulis, populum Romanum infirmum dixisset illorum orbitati. Ita quoque Festus, Gellius, Ulpianus *ad loc.* Plutarchus in *Coriolan. p. 198.* ita hanc rem explicat: Erat eo tempore, inquit, mos Romanis praelium initurus scutaque sumpturis, *δεξιτερὰ καὶ ἀριστερά, πρᾶξι καὶ λόγῳ*, simulque *δικαίους ἀγῶνας*, testamenta sine scripto facere, & tribus aut quatuor audientibus heredem nuncupare. VINN. Immo in textu Plutarchi est *τετράριον*, qui conficiunt septem. Forte *εἰ*, pro *et* ponitur, particula copulativa pro disjunctiva. quod saepe & alibi fit. Vid. Jo. Strauch. *Lexic. partic. in voce Et.* HEIN.

- 3 Quod dicebatur per *as & libram*] *Ἀπαιτήσιον*: ut scribit Theophilus, hoc est inauspicatum veteribus visum fuit, sano & valente corpore testamentum facere velle, extra quam si praesens periculum foret, veluti si in hostem pugnandum esset, aut comitia testamentis faciendis ex professo haberentur: quod bistantium in anno, si eidem Theophilo credimus, fiebat. Sed cum hinc eveniret, ut ne aegrotantibus quidem semper libera esset testamenti factio; nec *ῥήσιον*, quibus nulla comitiorum communio era; teste Gellio *lib. 5. cap. 19.* ulla ratione testari possent; excogitata postea est tertia testandi ratio, secundum quam & quovis loco ac tempore, & foeminis etiam suprema judicia ordinare liceret. Hic modus testandi per *as & libram* dictus, quia per mancipationem, in qua *as & libra* adhibebatur, fiebat: unde haeres per *as & libram* apud Ciceronem *2. de legib.* Et sciendum est, Romanos primis temporibus *are* gravi atque argento rudi, non signato, usos fuisse pro pecunia, atque hanc appendere, non numerare solitos; signata pecunia deinceps post Pyrrhum Regem devictum uti coepisse, eamque numerare, auctore Plinio *lib. 33. cap. 3.* Verba tamen vetera etiam postea retenta sunt, ut *pendo*, *appendo*, *expendo*, nominaque ab his derivata; & imago quaedam vetusti moris in venditione atque alienatione rerum mancipi, quae uno verbo *mancipatio* dicitur, (Cicero in *Topic. cap. 10.* traditionem nexu vocat, propterea quod haec mancipationem sequebatur) nihil ut is, in quem haec res transferiebantur, eas emeret à domino *are & libra*, appenso ei *ἀσ καὶ λίβρα*, dicis causa, nummo uno. Atque hoc modo plenissimo & optimo jure dominium in accipientem transferrebat, pleno scilicet jure Quiritium; cum alioqui bonitarium dumtaxat transiret. Quo accomodandum illud Horatii. *Epist. lib. 11. ep. 2. v. 158.* *Si proprium est, quod quis libra mercatus & are est.* Aderant praeter libripendem quinque testes, cives Romani, puberes, certisque verbis hic actus perficiebatur, vid. Ulp. *tit. 1. §. 11. & tit. 19. §. 2. & Boet. in Top. Cic. lib. 3.* apud quem Plinius in *Institut.*

etiam extat mancipationis formula. *It*, inquit, qui *mancipio* accipit, *as* tenens ita dicit; Hunc ego hominem ex jure Quiritium meum esse aio, sique mihi emptus est hoc *are* atque libra. Deinde *are* percussit libram, indeque *as* ei dat, à quo *mancipio* accipit, quasi pretii loco. Ita rectè eum locum emendat vir omni praedicatione dignus, sed omni major, Cl. Salmas. *lib. de us. c. 8.* Traductum hoc postea & ad translationem universitatis bonorum, ut futurus successor familiam, id est, universam substantiam testatoris *ἐκτείνων* emeret, quo post mortem ejus hoc tamquam justo titulo bona possidere intelligeretur. Eadem quoque sollemnitas adhibita fuit in adoptionibus & emancipationibus liberorum, ut alibi vidimus. VINN. Immo vera ratio paullo altius repetenda, cur Romani testamenta condenda putarint per *as & libram*. Leges testabant de successione ab intestato. Leges privata cujusque voluntate mutari non poterant, *l. 38. ff. de pact.* sed alia lege opus erat, qua prior abrogaretur. Hinc testamenta olim fiebant in comitiis calatis, per modum legis. Posteaquam autem leges XII. tabularum cuivis concessissent libertatem testandi, lege notissima: Paterfam. uti legasset super pecunia tutela suae rei, ita jus esto: opus erat fictione quadam, ne privati hominis voluntate leges viderentur mutari. Itaque fingebant, testatorem hereditatem, tanquam rem mancipi vendere, addita secreta lege: Haec uti in his tabulis scripta sunt, ita do, ita lego, ita testor. Facem hic praefert Vir Illustr. Corn. van. Bynkerh. *Obs. lib. 2. cap. 2.* HEIN.

Quod per emancipationem] Ita quoque Theophilus, Aul. Gellius, *lib. 15. c. 27.* per familiam emancipationem. Nec video, cur potius legendum mancipationem: quod vult D. Bachovius. Etenim Veteres non minus verbo *emancipare*, quam *mancipare* utuntur, pro *mancipio* dare, tradere, vendere, alienare. Cicero de *Senect. cap. 2.* Ita senectus honesta est, si nemini emancipata est. Plaut. in *Bach. act. 1. Sc. 1. v. 67.* Nunc mulier tibi me emancipo, tuus sum. Horat. *epod. 9. v. 12.* Romanus (cheu posteri negabis)

Emancipatus famine

Fert vallum & arma miles.

id est, *ἀνδραποδὶς καὶ ζῴωνται*. Tranquillinus in *Oshone c. 4.* Cuidam cum vicino de patre finium litiganti adhibitis arbiter totum agrum redemit, emancipavitque. Plinius *lib. 7. epist. 18.* Agrum ex meis longè pluris exactori publico emancipavi. Cicero *2. Philipp. cap. 21.* Tum iste venditum atque emancipatum tribunatum consiliis vestris opposuit: quod tamen loco non ignoro etiam *mancipatum* legi.

Imaginariam quandam venditionem] Duabus de causis venditionem hanc imaginariam fuisse scribit Horbmannus: primum quia revera venditio non erat, sed liberalis bonorum omnium translatio, cum dicis tantum causa nummus unus appenderetur testatori: deinde quia familiae emptor,

ptor, in quem tamquam in heredem ea bona per mancipationem transferebantur, hæres non erat, sed alius ab hærede. At oportebat distinguere tempora: nam quo tempore hæc testandiratio primum introducta est, ipse hæres futurus familiam emebat: quod bis hoc loco testatur Theophilus, & intelligere licet ex §. *sed neque. O. i. fr. tod.* Progressu autem temporis, cum, ut credibile est, quod veterum simplicitas & probitas antea non consideraverat, experimentis compertum esset, eam rem testatori periculosam esse, atque insuper etiam causam odii in testatorem, invidiæ in heredem, legitimis successoribus sollemnitate adimplendæ causa familiæ emptor adhiberetur, sed qui, ut maniceps fiduciarius, hæredi seorsum in tabulis clausis scripto, mortuo testatore, familiam remanciparet. Cujus rei causam cum Plutarchus non intelligeret, in libro, cui titulus est, *De sera Numinis vindicta*, de Romanis loquens, sic scribit *ἡτοιμασθαι γὰρ ἑαυτοὺς, ὡς ἂν ἀποδιδόντες ἀλλήλοις. ἡτοιμασθαι δὲ πολλοὶ τὰς ἐλάας ὡς δοῦναι ἑαυτοῖς.* Transferantur huc verba Ulpiani ex tit. 20. §. 8. *In testamento, inquit, quod sit per æs & libram, dux res aguntur, familiæ emancipatio, & nuncupatio testamenti. Nuncupatur testamentum in hunc modum; Tabulas testamenti testator tenens, ita dicit; Hæc uti his tabulis cerisve scripta sunt, ita do, ita lego, ita testor; itaque vos Quirites testimonium perhibetote, quæ nuncupatio & testatio vocantur.*

Priora duo genera in desuetudinem abierunt.]

- 4 Recepto usu testamenti per æs & libram, priora illa duo minus frequentari cœperunt, paulatimque abiire in desuetudinem. Et quidem jam ætate Ciceronis perierant testamenta in procinctu, sicut ipse testatur, *lib. 2. de nat. Deor. cap. 3.* sed nec testamenta calatis comitiis arbitror diu postea mansisse: quod colligere mihi videor ex verbis Labeonis, qui apud Gellium d. l. 15. c. 27. sic scribit, *Isdem comitiis, quæ calata appellari diximus, & sacrorum desessatio & testamenta fieri solebant.* Utitur Labeo verbo temporis præteriti, ut intelligamus, olim ista fieri solita, suo autem tempore duo ista genera calatorum comitiis in usu amplius non fuisse: & perperam Bachovius ex eo, quod Labeo eodem loco scribit, tria genera testamentorum fuisse, in procinctu, calatis comitiis, per æs & libram, colligit, ætate Labeonis atque adeo Gellii testamenta calatis comitiis adhuc in usu fuisse; nam eadem ratione colligas, eodem tempore viguisse adhuc testamenta in procinctu; quod falsum esse constat ex d. loco Ciceronis. Illud utique certum est, tempore mediæ jurisprudentiæ comitiis testari delitum fuisse: testis Ulpian, in *fragm. d. tit. 20. §. 1.* VINN. Immo latis tabulis XII. delitisse testamenta in comitiis calatis fieri, verosimillimum est. Quis enim voluisset voluntatem suam submittere populi suffragiis

quam libere suoque arbitrio testari posset? Et quis maluisset publice & palam heredem nuncupare, quam jure uti legibus XII. tab. concessio? HEIN.

Quod verò per æs & libram, &c.] Priora illa duo testamentorum genera jam diu exoleverant, cum per æs & libram adhuc frequentarentur. Ulpianus d. loco scribit, suo tempore id solum in usu fuisse, nimirum ex testamentis, quæ ad jus civile pertinebant, scilicet prioribus illis duobus abolitis: nam secundum formam à prætore introductam, & juris mixti eo tempore testamenta quoque fieri solita, multis auctoritatibus doceri potest, l. *ad testium. 22. §. si quis. 4. l. pen. hoc tit. cum similib.* & apud Ciceronem quoque non uno in loco mentio sit testamentorum obsignatorum, Ait, *Partim & hoc in usu esse desit.* An hoc ideo dicit, quia familiæ emptor postea alius esse cœpit ab hærede? Sed hoc factum jam olim & stante adhuc Repub. Arbitror, Justinianum hoc significare voluisse, cum in testamento, quod per æs & libram fiebat, dux res antea agerentur, familiæ mancipatio, & nuncupatio testamenti, solemnitatem familiæ mancipandæ paulatim exolevisse: solum alterum, nuncupationem scilicet testamenti, sive solemnem voluntatis contestationem & quodammodo numerum testium, usque ad sua tempore mansisse, sicut apparet ex mixta testandi forma, qua posteritas uti cœpit, §. 3. *inf. eod.* quo loco hoc innuit ipse Justinianus. Illa mera somnia sunt, quæ à quibusdam asseruntur, ideo testamenta per æs & libram delitisse fieri, quia emptio ista bonorum testatoris visa sit esse contra bonos mores, & pactum de futura successione, quod votum caprandæ mortis inducat: neque enim vera emptio erat, aut hic ejus effectus, ut testamentum mutare non liceret, nec idem jam olim hæres, qui familiæ emptor: & Theophilus, quem ajunt eandem hujus desuetudinis rationem reddere, tantum indicat, cur alium emptorem familiæ, alium heredem esse placuerit: quamquam & ipse fallitur, dum id Justinianum hoc loco sentire existimat.

TEXTUS.

De antiqua testandi ratione Prætoria.

2. *Sed prædicta quidem nomina testamentorum ad jus civile referebantur. Postea vero ex edicto prætoris forma alia faciendorum testamentorum introducta est. Jure etenim honorario nulla mancipatio desiderabatur, sed septem testium signa sufficiebant: cum jure civili signa testium non essent necessaria.*

COMMENTARIUS.

1 *Nimie curiositatis esse velle indagare, cur in omnibus emancipationibus placuerit min-*

imum

num quinque testes adesse, confutatis plerumque rationibus.

AD *jus civile referebantur*] Opponitur hoc loco *jus civile prætorio*: quod cum sit, cæteras partes *juris civilis* intelligere debemus, quæ scilicet ex legibus, plebiscitis, Senatusconsultis, decretis principum, auctoritate prudentum veniunt, l. 7. de *just. & jur.* Sine ulla autem ratione est, quod D. Hotomannus cum *prætorio jure* hic comparari existimat id tantum *jus*, quod auctoritate prudentum, à quibus & formulæ aliæque solemnitates profectæ sunt, introductum est: nam testamentorum usus in comitiis & procinctu antiquior est ipsis 12. tabulis, quibus tamen posterius est *jus*, quod à consultis compositum est, & communi nomine appellatum civile, l. 2. §. *his legib. §. de orig. jur.* Et modi alienandi per nexum & mancipationem ex lege 12. tabularum descendunt. Planè imaginariæ mancipationes inventum sunt Jurisconsultorum; nec dubito, quin etiam testamentum per *æs* & libram, solemnitate mancipationis rerum singularum inter vivos producta, ad alienationem bonorum omnium per ultimam voluntatem.

Jure honorario nulla mancipatio desiderabatur, sed septem testium signa] Testandi ratio jure prætorio introducta, simplicior est atque expeditior, quàm illa *juris civilis* per nexum & imaginariam mancipationem, quippe cum prætor nihil aliud desideraret ad vim testamenti, quàm ut id septem testibus propositum atque ab iis obfirmatum esset. Licet enim tale testamentum jure civili non subsisteret propter defectum mancipationis: tamen prætor secundum illud bonorum possessionem scriptis in eo hæreditibus dabat, Ulpian. *tit. pen. §. 1. Ait, septem testium signa*. In eo quod jure civili fiebat per *æs* & libram, non plures testes necessarij, quàm quinque; qui numerus legitimus erat in omni emancipatione. Sed prætor, ut solemnitatem *juris civilis* contempserit, numerum tamen civium, quem adesse in testamentis oportebat, minui noluit: ideoque duos testes in locum libripendis & emptoris familiaris surrogavit. Simile huic est, quod apud Cajum. 1. *inst. tit. 6. §. 3.* legimus, *In emancipatione liberorum, cum antea quinque testes cum libripende & antefato intervenirent, postea pro libripende & antefato duos alios testes adhibitos, ut septem testium numerus impleatur.*

1 Nimirum autem curiositatis est, indagare vellet, cur placuerit in omnibus mancipationibus minimum quinque testes præsentem esse. D. Giphanius & Bachovius suspicantur, originem hujus quinarum numerum ductam à numero quinque classium, quas Servius Tullius instituit, atque ad hujusmodi actus confirmandos singulos testes à singulis classibus initio accessos fuisse, ut quodammodo coram universo populo celebrari viderentur; perinde quasi sunt

guli testes suam classem; universi populum universum repræsentassent. Nec ob stare ait D. Bachov. quod Dionys. Halicarnassensis scribit, non quinque, sed sex classes à Servio Rege institutas: nam sextam classem, quæ infimæ census erat, contemptam & nullo pene loco habitam fuisse. Mihi hæc conjectura doctissimorum virorum nulla probabili ratione nititur videtur. Nam si per quinque istos testes populum repræsentari veteres intellexissent, numerum istum non auxisset in suo testamento Prætor. Deinde voluntas populi non ex numero classium, sed centuriarum censebatur: nec quod plures classes, sed quod plures centuriæ jussissent, id ratum habebatur, unde si vel primæ classis centuriæ (quæ reliquam multitudinem tribus centuriis superabat) convenissent, secundæ aut inferiorum classium non vocabantur. Quapropter, si Bachovij rationem sequamur, potuit vel unus testis sufficere, ut actus coram majore parte centuriarum celebratus, videretur, civis maximi census, primam classem, hoc est, nonaginta & octo centurias repræsentans, vid. Dionys. Halicarn. lib. 4. Nec Festo classici testes, quos dictos ait, qui testamentis signandis adhibebantur, sunt testes ex singulis classibus collecti, sed cives Romani: eo quod cives omnes in classe aliqua censebantur, & qui classem non habebant, nec cives Romani erant: quomodo & Jos. Scaliger hoc accepit. Errat enim Calepinus, qui putat, per classicos testes Festum intellexisse homines primæ classis, aut primæ dignitatis: nam satis fuisse constat, si viri honesti essent & integræ famæ; quamquam antiqui etiam ita locuti sunt, ut classicos dicerent, non omnes, qui in classibus erant, sed primæ tantum classis homines: unde per translationem auctores classici appellati, primæ notæ, assidui, non proletarii scriptores. vid. Gell. l. 7. c. 13. & l. 19. c. 8. Sunt, qui ideo quinque testes adhibitos scribunt, quia totidem tribus populus constabat, Timæ. Fab. *disp. anniv. 18.* Hopper. *hic in not.* qui magnam antiquitatis ignoratione versantur. Nusquam enim invenias, populum unquam in quinque tribus divisum fuisse: quod quidem Faber etiam fatetur; sed existimat, à Romulo tres tribus factas, easque duplicatas à Tarquinio Prisco: itaque vice populi sex testes adhibitos, quorum tamen unus nomen ac munus libripendis assumeret. At enim si Livio credimus, nullæ tribus à Romulo factæ, quæ quidem universam multitudinem continerent: sed tres modo equitum centuriæ ex omni multitudine selectæ, quarum numerum Tarquinus, quia videbat equitem maximè suis viribus deesse, postea auxit. Et eodem auctore, primum factæ tribus quatuor à Servio Tullio partibus urbis distinctæ; quod & Dion. Halicarn. lib. 4. confirmat, quo loco etiam refert, Fabium scriptum reliquisse, agrum præ-

terea universum in viginti & sex partes divisum fuisse: quas tribus rusticis si cum urbanis conjungas, fient tribus triginta. Subjicit tamen, Venonium memoriz prodidisse, triginta & unam tribus sub Rege Servio fuisse. Libro autem septimo apud eundem de iudicio Coriolani sic scriptum reperimus: Cum una & viginti cum tribus Romæ essent, quæ missæ sunt in suffragium, novem habuisse Martium: à quibus absolutus est. Proinde longè maiorem numerum testium adhiberi oportet, si per eos tribuum numerum representari volumus, & post expletum triginta quinque tribuum numerum testes quinque & triginta. VINN. Non sanè absurdum est, quod de classibus suspicatur Bachovius. In mancipatione agebatur de dominio juris Quiritium transferendo, & hinc nihil videbatur æquius, quam ut Quiritium arbitrio res gereretur. Quirites tempore XII. tab. erant descripti in sex classes. Sed sexta classis ex proletariis & capite census constabat. Quum verò proletarii testes nullius auctoritatis haberentur, iisque opponerentur testes classici; probabile est, ideo sufficere creditum esse testes quinque, tanquam, qui totidem Quiritium classes repræsentarent. Id addo, mancipationis ritum esse XII. tabulis antiquiorem, cum in iis mentio illius fiat tanquam jam noti & recepti. Putarim a Servio inventum, qui & divisionis populi in classes auctor est. Eum enim leges de contractibus tulisse, docet Dionys. Hal. lib. 5. p. 278. unde & præcipuus sanctorum legum dicitur Tacito, lib. 3. *Annal. cap. 26. HEIN.*

Cum iure civili signa testium non essent necessaria.] In testamento, quod fiebat per æs & libram. In eo enim dux tantum res necessariae erant, familiae mancipatio, & nuncupatio testamenti, sive voluntatis testibus exhibitæ solemnitis contestatio, Ulp. *lit. 20. §. 8.* Quod postremum tamen tunc demum receptum videri potest, postquam cepit alius hæres scorsum in chartis vel tabulis scribi; alii familia palam mancipari: nisi forte ad ea legata referas, quæ ad familiae mancipationem non pertinebant. Auctor enim Theophilus est, testatorem post mancipationem mox ordinasse, quid post mortem fieri vellet, & familiae emptori sive hæredi dicere solitum, Huic volo dari fundum: illi domum; alii centum numismata.

TEXTUS.

De conjunctione juris Civilis & Prætorii.

3. Sed cum paulatim, tam ex usu hominum, quam ex constitutionum emendationibus cepit in unam consonantiam ius civile & Prætorium jungi, constitutum est, ut uno eodemque tempore, quod ius civile quodam-

modo exigebat, septem testibus adhibitis, & subscriptione testium, quod ex constitutionibus inventum est. & ex edicto Prætoris, signaculo testamentis imponerentur: ita ut hoc ius tripartitum esse videatur: & testes quidem, eorumque presentia, ano contextu, testamenti celebrandi gratia à iure civili descendant: subscriptiones autem testatoris & testium ex sacrarum constitutionum observatione adhibeantur: signacula autem & testium numerus ex edicto Prætoris.

NOTÆ.

3. *Septem testibus adhibitis.*] Specialiter rogatis, aut certioratis se ad testamentum adhiberi, d. l. 21. §. pen. Ex Nov. Leon. 41. quinque sufficiunt: quod ius in Oriente receptum fuit. Græci ad l. 5. D. si tab. test. *Hamm. lib. 3. tit. 1. §. 47. Basil. 35. tit. 1. & 3. & lib. 45. d. si civibus tab. test. studium dicitur adhibere debent.*

Quodammodo.] Nam ius civile quinque tantum testes exigebat, reliqui duo in vicem ponderatoris & familie emptoris à Prætoris substituti. VINN. Immo in civem ponderatoris vel libripendis & antestati. Vid. *Caj. Inst. lib. 1. tit. 6. §. 3. HEIN.*

Subscriptiones testatoris, &c.] Ita constitutum à Theodosio. l. 21. C. cod. additumque, si testator litteras ignoret, vel subscribere nequeat, octavum ut subscriptorem adhibeat. Adeo autem & subscriptio & simul obsignatio necessaria, ut alterutro omisso, testamentum vitietur, l. 21. §. 4. D. cod.

COMMENTARIUS.

1. *Recepto testamento mixto, quale hic describitur, non statim antiquata testamentum per æs & libram, neque vim testamenti prætoris evanescant.*

2. *Numerum septem testium requiri ad solemnitatem ordinationis, non cum quod obscurius dictum est, postea testator explens.*

3. *Subscriptiones testium jam tempore media jurisprudentie in usum fuisse.*

4. *Legge Cornelia testamentaria edictum Prætoris de obsignandis tabulis confirmatum.*

5. *In testamento scripto non exigi, ut testis intelligat sermonem testatoris.*

6. *Testes rogatos adesse oportere: nec non alia quedam scripto testamento cum nuncupatio communia.*

7. *Quid sit & uno contextu attestari: & nam contrahitur in testamento aut inter testandum celebrari queant.*

8. *An non obstante solemnitate alicujus omissionis voluntas testatoris obliget in foro conscientie.*

Tam

Tam ex usu hominum quam ex constitutionum emendatione] Sensus est, cum duo essent simplicia testamentorum genera, unum civile, alterum prætorium, usu hominum jus civile cum prætorio hac in parte coaluisse, atque inde mixtum extitisse testamenti genus ex utroque illo jure collectum, quod & constitutionibus postea probatum sit; addito, ut testator & testes omnes subscriberent: ut adeo forma conficiendi per scripturam testamenti, qua posterior ætas uti cœpit, quamque Justinianus hic describit, ex triplici jure conflata sit; ex jure civili antiquo, ex novo constitutionum Principalium, atque ex jure honorario. Per hoc tamen non statim antiquata fuit civilis ratio testandi per æs & libram, Ulpian. tit. 20. §. 8. neque prætorii testamenti vis aut usus sublatus: de quo sub §. non tamen. 6. infr. quib. mod. test. inf.

Pro eodemque tempore] Hæc subtilitas ex jure civili est, l. qui testam. 20. §. & veteres. 8. l. hæredes palam. 21. §. ult. hoc tit. l. cum antiquitas. 28. C. cod. Est enim ex jure civili, quod actus solennes & legitimi continui esse debent & uno contextu absolvi, l. continuis. 137. de verb. obl. l. 12. de duob. reis. Ait autem, quod jus civile quodammodo exigebat. Quodammodo, id est, ferre. Additum, quia ait, septem testibus adhibitis. Nam jus civile quinque tantum testes exigebat, reliqui duo pro libripende & familiæ emptore à Prætoribus substituti: & ideo paulo post juri civili adscribit dumtaxat actus continuitatem & testium præsentiam; numerum testium juri prætorio. Illud notandum est, numerum istum septem testium requiri ad solemnitatem ordinationis testamenti, sive cum de substantialibus, ut loquuntur, testamenti questio est: non autem ubi quod obscurius in testamento dictum scriptumve, post solemnitas testator explanat; veluti si cum Titio centum legasset, & multos Titios amicos haberet, postea declaraverit, de quo senserit, d. l. hæredes palam. 21. §. 1. hoc tit. Leo quinque testes sufficere voluit, Nov. Leon. 41. quod receptum in Oriente, Græc. lib. 45. Basil. tit. 1.

Subscriptione testium] Et testatoris, ut mox. Ita enim constitutum à Theodosio l. hac consuetissima. 21. C. cod. additumque, si testator litteras ignoret, vel subscribere nequeat, octavum ut subscriptorem adhibeat. Cæterum ex constitutione Justiniani, si testator propria manu totum testamentum conscripserit, idque se fecisse in tabulis specialiter expresse, nihil opus est vel ipsum vel alium ejus nomine subscribere, l. cum antiquitas. 28. §. 1. C. cod. Quo tempore, aut à quo primum Principe testium subscriptio introducta sit, incertum est. Illud constat, jam apud antiquiores ita jus fuisse, atque adeo ætate Jurisconsultorum Pauli & Ulpiani, l. ad testium. 22. §. 4. l. per. hoc tit. quos Papinianum assessores habuisse, à Lampridio proditum est.

Pinnius in Iustitia.

Ex edicto prætoris signacula] Ob signationem testium esse ex edicto Prætoris indicant l. si testamentum. 23. cod. §. non tamen. 6. infr. quib. mod. test. infirm. Ulpian. tit. 23. §. si septem. Quamobrem quod M. Tullius 3. Terr. meminit tabularum testamenti ob signatarum è lege, legem intelligens Corneliæ testamentariam, rectè D. Vvesembecius sic accepit, Syllam, quod jam ante ex edicto erat, lege sua comprehendisse, non ut edictum tolleretur, atque ex lege à se lata in posterum signa adhiberi velleret, sed potius ut auctoritatem edicti confirmaret. Ob signatio autem argumento certissimo est, scripturam jure prætorio necessariam fuisse, ut ob signationis illius subjectum cum jure civili, quod nec subscriptionem, nec ob signationem desiderabat, scriptura non omnino necessaria fuerit. Quamvis credibile sit, frequentius ob rei memoriam scripturam intervenisse: quod & tutius esse cœpit, postquam hæres emptor familiæ esse desit. Adeo autem & subscriptio & simul ob signatio necessaria est, ut deficiente alterutra testamentum injustum sit, l. ad testium. 22. §. si quis. 4. hoc tit. teneaturque falsi crimine tabellio, qui non utramque adhibendam curavit, l. jubemus. 29. in fin. C. cod.

Et testes quidem & eorum præsentia] Quod testium præsentiam requirit, non videtur esse proprium testium testamentariorum, sed commune omnium, qui ad actum aliquem celebrandum adhibentur. Non est autem satis corpore testes præsentibus esse, nisi & animo sint, intelligantque voluntatem testatoris. Neque tamen sermonis intelligentiam requirimus, sed placet sufficere, si vel sensu quis percipiat, cui rei adhibitus sit. Enim verò durare testes debent, donec suprema contestatio peragatur; invitos tamen retinere non licet: & si retenti sint, testamentum non subsistit, l. qui testamento. 20. §. antepen. & seq. cod. Ad hæc rogati adesse debent, aut saltem si alterius rei causa collecti sint, ante testimonium certiorari, se ad testamentum adhiberi, l. hæredes. 21. §. pen. cod. l. 21. C. cod. Neque hæc solemnitas, cum sit extrinseca, præsumitur intervenisse, etsi in testamento scriptum sit, præsentibus testibus infra scriptis: sed juxta communem sententiam probari debet, nisi additum sit, & cætera, aut notarius nominatim rogationis fecerit mentionem. Viv. comm. op. verb. testes tam in testamento. Farinac. lib. 2. de testib. tit. 6. Vafq. lib. 2. de succ. creat. §. 13. req. 8. num. 53. Græf. §. testamentum. qu. 58. Mant. 2. de conj. ult. vol. tit. 11. Hoc amplius & in conspectu testatoris, testimonii officio fungi necesse est, l. 9. C. cod. Quapropter non est satis, ut quidam tradiderunt, testes oculos esse, si testatorem ipsi non videant, forte velo aut cortina interjecta conspectum adimente, licet vocem ejus audiant: sed necesse est, ut faciem ejus videant, ne

qua fraus fiat, alio forte subornato, qui vocem testatoris imitando simulet; ut ille, de quo Cynus testatur in *d. l. 9.* qui obrepserat mulieri simulando vocem mariti. Estque hæc receptior interpretum sententia, teste Richardo in *d. l. 9. n. 2.* ubi tradit, Glossam in *l. 2. §. idem Labes. 3. de aq. plur. arc.* contrasentientem communiter reprobari, add. Clar. *§. testamentum. q. 59. Christin. vol. 4. dec. 7. n. 5. Grass. d. §. testamentum. q. 59. n. 4.*

7 *Vno contextu*] *Μία ὁψή, ἀδιαλείπτως*, uno eodemque die ac tempore, *l. hac consultiissima. 21. C. hoc tit.* nulloque actu ab instituto negotio alieno interveniente, *l. hæredes palam. 21. §. ult. hoc tit. d. l. 21. C. eod.* nisi forte talis sit actus, quem ratio morbi testatoris, vel necessitas naturæ efflagitet etiam in testibus: quod pluribus explicat Justinianus, *l. cum antiquitas. 28. Cod. eod.* ut tamen si quid supervenerit, ob quod aliquis è testibus diutius abesse cogatur, alius testis substitui debeat, *d. l. 28.* Cæterum hæc non eo pertinent, ut testator teneatur eodem tempore & testes adhibere, & testamentum scribere, vel dictare, ac finire: sed ad nuncupationem testamenti sive ipsam testationem & declarationem voluntatis, cum scilicet testamentum subscribendum & obsignandum testibus in eam rem adhibitis offertur: nam quin alio tempore testamentum conscribere, & scriptionem sæpius interrompere, alio verò testes ad solemnia adhibere possit, non ambigitur, *d. l. 21. C. hoc tit.* Cum igitur uno actus contextu testari oporteat, negotioque alieno aut ad testamentum non pertinente interposito actus ille interrumpatur, vitieturque testamentum; hinc facile colligere est, quid judicandum sit de quæstione, quæ vulgo moveri solet, an contractus celebrari intertestandum possint. Nam si contractus est actus extraneus & alienus à testamento, uti revera est; necesse est, actum testandi celebratione contractus interrumpi: veluti si testator, cum jam cœpisset ordinare testamentum, & necdum absolvisset, fundum aut rem aliam Titio vendere aut locare instituat. Quod si ita quæstio formetur, ut quæzatur, an possit contractus fieri in ipso testamento; ne hoc quidem admittendum videtur. Quippe cum contractus, qua talis, non intelligatur, nisi celebratus sit inter plures: at quæ testamento caventur, ab uno caventur testatore, atque ex unius illius voluntate stant & cadunt. Non obstat igitur, quod testamento libertum assignare licet, *leg. 1. §. 3. de assign. libert. §. ult. inf. eod. tit.* Siquidem assignatio liberti, licet propriè neque legatum sit, neque fideicommissum, *l. 7. d. tit.* vim tamen legati habet, dum jus patronatus, quod alioqui commune futurum erat, uni in solidum relinquatur. Sic pignoris, *l. non est mirum. 26. de pign. aff. duorum reorum, leg. 9. de duobus reis, usufructus, §. 1. sup. de usufr. servitu-*

tum, *§. ult. sup. de serv. præd. testamenti constitutio*, contractus non est. Neque enim cum hæc testator constituit, cum alio contrahit, neque etiam ullo modo naturam contractus aut conventionis sapit: sed ut cætera, quæ testamento caventur, legantur, aut relinquuntur, revocari possunt. Gravissima hic moveri solet quæstio, an si legitimus numerus testium adhibitus non fuerit, aliudve quid meræ solemnitatis in testamento omisum, veluti si testes rogati non sint, aut tantum subsignaverint sive subscripserint, non etiam obsignaverint, tale testamentum saltem in foro conscientiæ hæredem ab intestato, cui de voluntate testatoris constat, non obliget ad restituendam hæreditatem hæredi scripto, & ad legata præstanda. Obligare negat Domin. Soro lib. 4. de iust. & iur. quæst. 5. Clar. 3. sent. quæst. 90. Covar. in c. cum esset. 2. de test. Ajunt Ludov. Molin. de iust. & iur. tract. 2. disp. 81. Mantica lib. 2. de conj. ult. vol. tit. 14. Vasq. de success. creat. §. 1. n. 23. & seqq. & de success. progress. §. 3. n. 3. Diod. Tulden. C. de testam. n. 8. Christin. vol. 4. dec. 34. quibus assentior. Nam cum in foro conscientiæ sola veritas spectetur secundum simplicitatem juris naturalis, c. 1. dist. 1. sufficit ad conscientiam devinciendam, ut subsit aliqua obligatio. Qualis autem ea sit, civilis, ex qua etiam agi possit, an naturalis, quæ ad petendum in foro externo inefficax, nihil interest. At in quæstione proposita, si hæredibus certo constet de voluntate defuncti, nullamque fraudem intervenisse, ad quam avertendam solemnitas omnis juris civilis comparata est, non potest non subesse naturalis obligatio, *fac. leg. 2. C. de fideicom. leg. cum amplius. 84. §. 1. de R. l. leg. 5. §. si quis. 15. de don. int. vir. & uxor. §. ult. inf. de fideicom. hæc. l. ult. C. eod.* Quod etiam bene intellexit Plinius, qui ob id sæpiissime scripsit, voluntatem defunctorum, etiam si jure deficiatur, bonis hæredibus pro jure esse, *lib. 2. epist. 16. lib. 4. epist. 10. lib. 5. epist. 7.* Eoque pertinet & illud Senecæ; *Angusta innocentia est, secundum leges* (intellige civiles) *bonum esse.* Nimirum lex conscientiæ, quæ eadem & naturæ, legibus civilibus non mutatur, sed una & apud omnes eadem est & semper fuit, utpote cordibus omnium hominum divinitus inscripta. Hæc lex cum in corde loquatur, & dicet, voluntatem defuncti quamvis irritam, si juris solemnitatem respicias, servari oportere, utique qui eam non servat, contra conscientiam facit. Non obstat, quod lex civilis, quæ solemnitates introduxit, iusta est, & ad communem Reipub. utilitatem condita, ne quid scilicet falsitatis in ordinandis testamentis committatur. Nam in quæstione nostra præsupponimus, testamentum esse verum & sincerum, deque eo hæredi constare; quod solum in foro conscientiæ consideratur. Et ex

con-

converso igitur salva pietate retineri quoque poterit, saltem quamdiu ei non contradicitur, quod relictum est testamento propter deliquium solemnitatis alicujus jure civili invalido. Mant. & alii sup. Grot. lib. 3. de jur. belli & pac. cap. 7. num. 6.

T E X T U S.

Solemnitas addita à Justiniano.

4. Sed his omnibus à nostra constitutione propter testamentorum sinceritatem, ut nulla fraus adhibeatur, hoc additum est, ut per manus testatoris, vel testium, nomen heredis exprimat, & omnia secundum illius constitutionis tenorem procedant.

N O T A E.

4. Nomen heredis exprimat] l. 29. C. cod. quod tamen abrogatum Nov. 119. c. 9. ut jam summa solemnitas iterum ad ea redeat, quæ comprehensa §. preced. In quibusdam paganorum testamentis etiam de illa ipsa solemnitate aliquid remissum, l. 8. l. 21. §. pen. l. ult. Cod. cod. & tota fere in testamentis parentum inter liberos, d. l. 21. §. 1. & auth. quod sine C. cod. Nov. 107.

C O M M E N T A R I U S.

- 1 Quod hoc §. constituitur, pugnare cum principali fine testamenti scripti: tollere etiam id, quo hoc testamentum maxime differt à nuncupativo.
- 2 Quibus in testamentis paganorum, & quatenus solemnitates remissa.
- 3 Jure Canonum ut ratum sit testamentum, satis esse, duos testes cum Parocho adhiberi; quod mores hodierni fere sequuntur.

A Nostra constitutione] Extat in l. jubemus. 29. C. hoc tit. Jubeat autem Justinianus, ut præter ceteras solemnitates, quas supra commemoravimus, etiam hæc adhibeatur, ut testator nomen heredis vel in sua subscriptione aliave parte testamenti exprimat, vel coram testibus nuncupet, si litterarum imperitus sit, aut propter morbi acerbiteriam scribere nequeat. Quæ Justiniani constitutio prope est ut pugnet cum principali fine, ob quem testamenta per scripturam fieri initio utile visum fuit, scilicet ut testator securitatis suæ causa nomen heredis celare posset: & tabulas chartasve, in quibus scriptus esset, clausas vel involutas testibus signandas & subscribendas proponere: unde huic testamento nomen mystici. Tollitque adeo id, quo scriptum testamentum maxime differt à nuncupativo, cuius proprium est, ut præsentibus testibus nomen heredis nuncupetur, §. ult. inf. cod. l.

heredes. 21. pr. cod. Atque ideo etiam, ut opinor, quod & hic, & in d. l. jubemus. de suo Justinianum adhibuit, iterum dempsit ac remisit Nov. 119. c. 9. ut jam summa solemnitatis in testamento scripto requisitæ iterum ad ea redeat, quæ comprehensa sunt, §. præc. & apertius paulo constitutione Theodosii, l. hac consultiissima. 21. C. cod. Ex hac tamen solemnitate aliquid remissum est in quinque testamentorum generibus. 1. In testamento parentum inter liberos: siquidem hujusmodi voluntatem etiam ex testamento imperfecto valere placuit, d. l. 21. §. 1. C. hoc tit. & nuncupata quidem parentis voluntas omnimodo rata est, dum ea constet, ut de ceteris rebus, id est, saltem duobus testibus; scripto autem declarata, si & tempus testamenti facti, & nomina liberorum, & uncias, & res, quas inter liberos distributas velit, expresserit; idque clarè & plenè litteris, non notis aut signis, debetque parens aut ipse hæc scribere, aut saltem manu sua subscribere. Nov. 107. unde auth. quod sine. C. cod. & ib. DD. Clar. §. testamentum. quest. 8. Myns. 5. obs. 28. Gail. 2. obs. 112. Christin. vol. 4. dec. 7. & 8. Grot. 2. manu duct. 16. Deckher. dissert. 2. lib. 2. D. Jac. Coren. rer. jud. obs. 39. plenissime Gudelin. lib. 2. de jur. noviss. c. 5. add. nostra lib. 2. sel. quest. cap. 17. & seq. 2. In testamentis rusticorum, quibus permisum quinque testes adhibere, si plures non reperiantur, remissæ item subscriptiones si litterati desint, l. ult. C. cod. 3. In testamento quoque tempore pestis facto de solemnitate numero testium quid remittendum censerent Interpretes, vid. Myns. 1. obs. 96. Gail. 2. obs. 118. Poek. 3. de testam. conjug. 18. Præf. Everhard. Conf. 61. quod quidem rationem habet, utique si pestis sit vehemens, & testator ipse eo morbo laboret, Clar. §. testamentum. quest. 56. n. 3. Christin. vol. 4. decis. 6. n. 5. At jure nostro hoc tantum remissum hoc casu videtur, ut non necesse sit testes septem simul jungi, junctosque eodem tempore subscribere & signare, l. 8. C. hoc tit. quamquam contrarium passim usu receptum, teste Sande lib. 4. tit. 1. def. 4. & ibi cit. De moribus nostris ambigit Grot. 2. introd. c. 17. sed vide Groenew. de leg. abrog. ad d. l. 8. In omni testamento ad pias causas quævis voluptas suprema, vel coram duobus testibus testata Canonibus rata habetur, cap. velatum. 11. 2. hoc tit. Postremo in testamento posteriore, in quo scripti sunt heredes, qui ab intestato ad hereditatem vocantur, placuit sufficere quinque testium juratorum depositiones; ac infirmato priori testamento, posteriorem hanc valere voluntatem, non tamquam testamentum, sed tamquam voluntatem ultimam intestati, d. l. 21. §. pen. & ib. DD. C. hoc tit. In universum autem jure Canonico, ut ratum sit quolibet testamentum, sufficit duos testes cum Parocho adhibuisse, cap. cum esset. 10. n. cod.

Neque enim potest hic canon restringi ad testamenta ad plures causas, quod quidam faciunt propter *d. cap. relatum. cod.* Nam in *d. cap. cum esset.* Alexander tertius id in omni testamento generaliter constituit, nominationem improbatam constitutione juris civilis de septem testibus adhibendis, ut nimis longè recedentem ab eo, quod scriptum est: *In ore duorum vel trium testium stes omne verbum.* Et licet nonnulli existiment, causam nullam fuisse, cur Pontifex id, quod bene, ut ajunt, ad fraudes hominum avertendas, *l. ult. C. de fideic.* jure civili constitutum fuit, mutaret: tamen constitutionem Pontificiam usus fere probavit: qui & alias argè patitur nimis se longè abduci à simplicitate juris naturæ.

T E X T U S.

De annulis quibus testamenta signantur.

5. *Possunt autem omnes testes & uno annulo signare testamentum. Quid enim si septem annuli una sculptura fuerint, secundum quod Papiniano visum est? Sed & alieno quoque annulo licet signare testamentum.*

C O M M E N T A R I U S.

1. *Esit tutius est alieno annulo signantem in subscriptione id profiteri: tamen & eo omisso testamentum subsistere.*
2. *Quod hic de usu annuli alieni traditur, non pertinere ad personas publicas, quæ ex officio sigilla instrumentis appendunt.*
3. *Perum annulo dumtaxat testamenta signare liceat, an & alio instrumento characterem habente?*

Cum testes omnes testamentum solemne, quod per scripturam ordinatur, signare oporteat, questum est, an necesse sit, singulos testes singulis annulis & unumquemque proprio signare; an verò & uno possint omnes, & eo quoque alieno. Et placuit, posse omnes signare & uno annulo, qui scilicet unius ex testibus sit, & item alieno, qui nullius sit eorum, sed vel testatoris, vel alterius cujuscunque, *l. ad testum. 22. §. 2. cod. l. 12. C. cod.*

4. *Quod quamquam interpretes vulgo ex Durandi sententia sic temperant, ut existiment, debere eum, qui non suo, sed alieno annulo signat, id in subscriptione profiteri, ne in crimen falsi incidat; tamen ego Joan. Fabro & Viglio, quos etiam nunc plerique sequuntur, assentior, consentibus quidem tutius esse, si mentio ejus rei in subscriptione fiat: cæterum, & eo omisso, testamentum nihilominus subsistere putant propter simplicem & generalem definitionem juris civilis hoc loco & supra *ad l. traditam.* Penam verò non mereri, quod*

sit lege permittente, *l. Gracius. q. C. de adulter.* Sed & jus prætorium, quod præter signa testium nihil requirit, hac in parte non discerpere à jure civili. Igitur etiam facilius agnoscitur signum impressum annulo alieno, cum id in subscriptione annotatum est, cum tamen & sine eo recognosci possit, & vel ex eo etiam facile, quod quisque testis ex constitutionibus subscribere debet, qui & cujus testamentum signaverit, *l. pen. hoc tit.* non putaverim, vitari testamentum signatum annulo alieno, ob id, quod signator non adjecerit, annulo alieno se signasse. Unde tamen minimè efficitur, quod docuit Bart. in *l. 2. test. quem. aper.* mortuo uno ex testibus ante apertas tabulas, testamentum concidere. Nam cum inspectio sigillorum non pertineat ad formalem aliquam testamenti solemnitatem, sed ad probationem dumtaxat voluntatis, cur si ea aliunde probari queat, non sustineatur defectus iudicium? Et quid si unus è testibus mutus, surdus, cæcus aut furiosus factus fuerit? vid. D. Vigl. *ad §. sed cum. 7. hoc tit.* ubi multas contra Bart. allegat auctoritates. Planè quod hic de usu annuli alieni in signando traditur, trahendum non est ad personas publicas, quæ sigilla ex officio instrumentis appendunt, & verbi causa Notarios. Nam ab his præcisè requiritur, ut sigilla sua apponant, idque auctoritatis & fidei publicæ causa, atque ut in dubio ex unius cum altero comparatione cognosci possint. Nov. 73. c. 6. Testium autem in testamento non sigilla, sed obsignationem lex requirit, ut cum opus est, signum recognoscentes, se id apposuisse testificentur. Nam ita institutum fuit, ut cum ad aperiendas tabulas testamenti ventum esset, priusquam resignarentur, Prætor signatores convenire cogeret, & sigilla sua recognoscere, *l. 4. l. 7. testam. quem. aper.*

Quid enim si septem annuli una sculptura fuerint? Quasi dicat, nemini mirum videri debere, quod testibus permissum sit signare uno eodemque annulo. Fieri enim posse, ut septem annuli, quantumvis singuli singulorum sint, eandem habeant figuram, & *αὐτὸν χαρακτῆρα.* Neque tamen ob id minus testamentum consistere. Potest verò id etiam hodie contingere, veluti si plures ex eadem familia ad signandum adhibeantur, cum nunc agnatorum omnium eadem sint insignia, nec amplius nomen in circumferentia annuli signatorii poni soleat.

Sed & alieno annulo Qui scilicet nullius è testibus sit. Ex eo autem quod annuli plerumque mentio sit, non satis rectè colligitur, alio instrumento signatorio testamenta signari non potuisse: dici enim potest, idcirco id fieri, quia frequentius annulis veteres signabant. Et tamen de eo dubitatum fuisse, obtinuisseque, ut tantum annulo signare liceret, constat ex *l. ad testum. 22. §. signum. §. hoc sit.* quod ad scrupulosam

nam testandi subtilitatem Cujac. lib. 4. obs. 11. refert: alii etiam ad facilitatem probationis, quia notior sit character annuli, qui in digitis gestari solet. Sed ista ratio nullius pretii; nam & alieno annulo signare licet. Et quid si idem sit character instrumenti & annuli; tunc enim nullo modo dignosci poterit, utrum annulo, an alio instrumento signatum sit. Et puto, Jurisconsultum in d. l. 22. §. 5. annuli appellatione non tam intelligere figuram annuli geometricam, quam sculpturam; nec excludere voluisse instrumentum, quod eandem sculpturam cum annulo habeat, sed aliud signum impressum, diversum à characterem annuli: cujusmodi sorte instrumentis veteres usi ad alia, quam litteras aut tabulas obfigandas. Id quod etiam verba Jurisconsulti indicant: *variè enim*, inquit, *homines signant*. Quod omnino accipiendum est de varietate characteris, non de materia aut forma instrumenti signatorii geometrica. Etenim qui in signando eodem semper characterem utitur, licet diversis instrumentis, quibus insculptus est, non variè signat, sed uniformiter. Et quæso, si idem character est, quid interest, utrum instrumentum rotundum, an triangulum aut quadratum sit? aut quomodo id dignosci poterit? ac proinde etiam absurdum non est, si annulo signasse dicatur, qui signavit instrumento, quod characterem annuli insculptum habet. Quamobrem prope est, ut assentiar Baroni, Hotom. Vvesemb. ad hunc §. & Donello 6. comm. 8. qui locum Ulpiani in d. l. 22. §. 5. legendum putant, interposita negatione, & *magis est, ut non tantum annulo*. Quod & temperamentum subiectum, dum tamen habeat *χαρακτήρα*, quodammodo postulat. Et ita quoque Bartolus legisse videtur argum. summarii d. §. 5. & Joan. de Platea, qui istum §. citat ad probandum, quod scribit, non annulo tantum, sed alio quoque instrumento signatorio posse signari. Mich. Aretiaz. *synops.* l. 31. v. *δαντὺλῶς ἢ τοῖς βυδατῦνσι*. Atque ita & doctissi. Salmaf. lib. de modo usur. cap. 10. pagin. 456. Alii malunt, retenta lectione cum D. Comano, 9. comm. 2. Ulpianum intelligere de testibus, qui plura signa habent, unum in annulo, alterum & diversum in re alia impressum: ut hi potius annulo signare debeant, quam alio ullo instrumento; quia id signum, quod in annulo est, magis cuiusque proprium esse putatur, magisque notum & certum est. Hodie hæc quæstio supervacua est, cum testes subscripsisse sufficiat; signa eorum non requirantur, sed solum sigillum Notarii. Jac. Vervæy art. testand. c. 9. De more & modo signandi apud veteres usitato ad D. Salmaf. lib. de modo usur. c. 11. VINN. Cave aliquid mutandum, vel particulam salutarem non intrudendam existimes in l. 22. §. 5. ff. qui test. fac. poss. Nec enim codices addicunt, nec verba: dum tamen habeat *χαρακτήρα* id flagitant: dantur enim & annuli, qui non habent *χαρακτήρα*. Quod autem annulos abscessisse exigerent veteres, ejus rei rationem eandem lex videtur reddere. *Variè enim homines*

signant, inquit Ulpianus. Alio typo utebantur domi in signandis cellis pecuniariis, lagenis, cujus usus etiam patebat matribusfamilias: alio utebatur paterfamilias in obfignandis litteris & instrumentis, eumque fere annulo insculptum circumferebat. Loca veterum non adscribo. Adip. Lips. ad Tacit. Ann. 12. 2. & adde Suet. Aug. cap. 50. Non itaque annulus in l. 22. opponi videtur typario alterius formæ, sed alterius usus, veluti, quo domi ad signandas cellas utebantur. HEIN.

TEXTUS.

Qui testes esse possunt.

6. *Testes autem adhiberi possunt ii, cum quibus testamenti factio est. Sed neque mulier, neque impubes, neque servus, neque furiosus, neque mutus, neque surdus, neque is, cui bonis interdictum est, neque ii, quos leges jubent improbos intestabilesque esse, possunt in numerum testium adhiberi.*

NOTÆ.

6 *Neque mulier*] Hoc ex eo, quod in omni mancipatione testes tantum masculi admissi. Nam his verbis, *cives Rom. puberes*, mares significantur; add. Schol. Harm. lib. 1. tit. 6. §. 52.

Neque impubes] Livius apud Priscian. lib. 8. *Impubes libripens esse non potest, neque amtestari*, id est, neque testis fieri, passivè. Activè autem amtestari, est testem facere, *μαρτυρίδαι*. v. Salmaf. ad jus Attic. pag. 811.

Neque prodigus] Is, cui bonis interdictum est, l. 11. pr. D. cod. Bene Græci; *ὁ κλονήσας διατίθεται*, *ἢ τοῖς μαρτυρίαις διατίθεται*. 35. Basil. tit. 1.

COMMENTARIUS.

- 1 *Communem testium habilitatis notam esse, si sit cum is testamenti factio: & quid hoc sit?*
- 2 *Cur à testimoniis testamentariis arceantur mulieres?*
- 3 *Cur non admittatur surdus, cum adhiberi possit, qui sermonem testatoris non intelligat?*
- 4 *Verum cæcus adhiberi possit?*
- 5 *Qui dicantur intestabiles: & an hi quoque testamenti factionem passivam habeant?*

Non satis est, septem testes ad testamentum adhibitos esse, etiam conditionem cuiusque inspici, & non nisi idoneos admitti placuit. Et rectè: quippe cum fides testamenti non tam firmiter numero testium, quam auctoritate, per l. 3. §. 2. & 3. de testibus. Estque fere tota hæc tractatio de habilitate testium nuncupativo testamento cum scripto & mystico commu-

Cum

Cum quibus testamenti factio est] Hæc communis nota est testium habilitatis, si sit cum iis testamenti factio, id est, si hæredes instituti aut ex alieno testamento vel sibi vel alii acquirere possunt. Nam quatenus quis jus habet faciendi testamenti, non rectè dixeris esse tibi cum eo testamenti factionem, ut bene recentiores notant. Et propriè item loquitur Imperator, cum dicit, cum quibus testamenti factio est, non qui testamenti factionem habent: siquidem testamenti factio activæ significationis est, ut propriè dicatur testamenti factionem habere, qui faciendi facultatem habet, l. 3. l. 4. l. 8. in fin. l. is cui. 18. de leg. 1. § filiusfamil. 19. hoc tit. l. 1. §. exigit. 3. de bon. poss. sec. tab. l. 3. C. de apostat. At qui ipsi testamentum facere non possunt, sed tantum ex testamento capere, cum iis rectius dicitur esse vel haberi testamenti factio, ut in §. 2. inf. de her. inst. §. legari. 25. inf. de legat. l. non minus. 31. l. si alienum. 49. §. 1. de her. inst. l. 7. pro legat. quàm eos habere testamenti factionem. Quamquam hæc verborum proprietates perpetuo non observatur, ut videre est in leg. filiusfamil. 26. hoc tit. leg. ult. pro her. §. in extraneis. 4. inf. de hered. qual. quibus in locis testamenti factionem habere dicuntur etiam illi, qui tantum capere ex testamento possunt. Unde factum, ut docendi gratia interpretes testamenti factionem distinxerint in activam & passivam. VINN. Sed si exempla convenire debent regulæ; dicendum est, cum iis fuisse testamenti factionem, qui olim in comitiis adesse, & suffragium ferre de aliorum testamentis poterant. Cum iis enim etiam postea erat testamenti factio per æs & libram, non cum aliis. Ex hoc fundamento facile reddes rationem cur testes esse non potuerint mulieres, impuberes, servi, furiosi, quum tamen hæredes institui possint. HEIN.

Sed neque mulier, neque impubes, &c.] Enumeratio personarum, quas varias ob causas in testamento testes esse prohibentur, & quidem simpliciter in testamento cujuscvis. Cur mulier hic testis non admittatur, cum alias jus dicendi testimonii habeat, l. qui testamento. 20. §. mulier. 6. h. tit. l. ex ro. 18. de test. non una ratio reddi potest. 1. Quia cum certum numerum testium ad actum aliquem lex requirit, intelligitur requirere testes graves & omni exceptione majores, in quos judici non liceat postea inquirere: talis autem non est mulier. 2. Quia sexus muliebris non satis sagax creditur ad odorandas fraudes, quæ in subornandis testamentis strui solent. 3. Quia hic numerus testium non tantum requiritur ad probationem actus, sed etiam ad constitutionem: leges autem veteres, teste Scholiaste ad Harmenopulum, lib. 1. tit. 6. §. 52. in talis οὐκ ἔστιν ἡ μαρτυρία καὶ μαρτυρία τὰς γυναικας ἀποκλείουσι. In talis οὐκ ἔστιν ἡ μαρτυρία, hoc est, testimonia constitutiva, quæ faciunt, ut negotium constet, (Mercerus vertit commendatoria) opponit ἀποδεικτικὰ id est, demonstrativa, sive quæ adhibentur dumtaxat probationis causa. 4. Quia testatio supre-

mæ voluntatis non est actus repentinus, aut fortuitus, ut nihil necesse sit, ubi viri honesti haberi possunt, accire scæminas, per Nov. de testib. 90. cap. 1. Quibus rationibus item moveor ut credam, ne in codicillis quidem mulierem testem esse potuisse, contra quam sentiunt Vigl. & comm. DD. Mitto, quod solemnitas illa testandi ratio per familiæ mancipationem; unde qualitas testium, masculos tantum testes admisisse videtur, uti reliquæ quoque mancipationes & contractus, qui fiebant per æs & libram: & quod Romani turpe & verecundiæ sexus minimè conveniens putaverunt, scæminas cum viris hujusmodi negotiis interesse. Et hoc etiam moribus nostris consentaneum videtur. Groenev. de ll. abrog. hic, & §. ult. inf. de codicill. Cyprian. cens. Belg. Impubes testis non admittitur, propter imperfectum animi judicium: quam ob causam nec aliis in negotiis testimonium ejus recipitur, leg. 3. §. lege. 5. l. in viris. 19. §. 1. de testib. In causa autem testamenti hoc speciale esse existimatur, quod nec pubes factus testimonium pro testamento dicere possit, ad quod impubes adhibitus fuit, cum in aliis causis testimonii dictionem habeat post pubertatem de his, quæ impubes vidit: utique si testetur de iis, quæ verisimiliter ab impuberibus capi possunt, & quæ vidit, cum jam esset pubertati proximus. Joann. Fab. Vigl. hic. Oldend. part. 4. de testib. num. 12. ex sententia communi. Servum excludit conditio personæ, quia nullam juris civilis communionem habet, d. leg. qui testamento. 20. §. servus. 7. quæ ratio etiam peregrinos removet, l. fuit quidam. 17. §. 1. de pan. & nominatim lex desiderat cives Romanos. Furiosus nihil intelligit: ceterum si remissionem habet, poterit eo tempore adhiberi, d. l. qui testamento. 20. §. ne furiosus. 4. Mutus pro testimonio, quid actum sit, eloqui non potest. Surdus quid dicatur, sensu non percipit: immo nec moneri potest, quid testator acturus sit; plurimumque qui surdus, idem & mutus. Testes autem in dicendo testimonio interrogandi, per l. 1. testamentum quem. aper. nec testimoniis, sed testibus credendum, leg. 3. §. 2. de testib. Hinc etiam intelligitur, cur potius, quàm surdus, admittatur qui sermonem testatoris non intelligit: nimirum quia hic alia lingua moneri potest, cui rei adhibeatur, & ipse testimonium dicere; singula enim percipere nihil necesse est, dist. leg. qui testamento. 20. §. pen. utique cum testamentum per scripturam fit. Nam in nuncupativo hoc locum habere non puto, in quo totum negotium palam explicatur, auribusque & sermoni testium permittitur. De cæco nihil traditum. Sed non posse eum adhiberi, rectè censet Vvesemb. & Bachov. quoniam testatorem videre non potest, quod in omni testamento requiritur, l. 9. C. cod. nec signum recognoscere, quod in scripto, l. 4. & 7. testam. quem. aper. fac. l. 1. §. 5. vers. casum. de postul. Prodigis notam inurit administrationis bonorum interdictio, fidemque

testimonii eorum elevat : atque adeo in toto pane jure civili prodigi pro furiosis , & eadem conditione , qua furiosi , habentur , l. 1. de curat. fur. l. 12. in fin. de iur. dat. l. furiosi. 40. de reg. iur. Congruunt l. is cui lege. 18. in pr. hoc tit.

5 *Improbos intestabilesque*] Intestabilis dicitur, cui nec testamentum condere licet, nec testimonium alteri dicere : & cui vicissim nemo testimonium dicere tenetur, uti quisque tenetur civi honesto, si denunciatus sit, l. is cui. 18. §. 1. l. cum lege. 26. hoc tit. Ex Senatusconsulto intestabilis, qui ob crimen famosum damnatus est, d. l. 18. §. 1. l. §. §. si quis. 9. de injur. Ex constitutionibus, apostata & hæretici, l. 3. C. de apostat. l. 4. C. de hæret. & Manich. l. hæreticus. 44. C. Theod. de his qui sup. reb. Ex duodecim tabulis, antestatus & libripens, si postea testimonium perhibere detrectassent. Verba legis refert Gellius lib. 15. cap. 13. Quoi se fieris antestater, libripensve fueris, nei testimonium fariatur, improbus intestabilisque esto. Ita locum istum obscurum & depravatum antea restituit Marcilius, cap. 5. leg. duod. tab. quod male processerat Cujacio. De eo quaesitum, an is, qui intestabilis dicitur, nec hæres institui potuerit, aut alias ex testamento alieno capere : nam ceteros omnes, quos hic commemorat Justinianus, constat, testamenti factionem passivam habere. Et quidem hæreticis nominatum hæc tria denegantur, testimonii dictio, testamenti factio, successio tam ex testamento, quam ab intestato, dist. l. 3. C. de apostat. De aliis expressè cautum non est, ne hæredes instituantur. Ex eo tamen quod Cujus scribit, cum lege quis intestabilis esse jubetur, hoc etiam eo pertinere, ut ne ipsi dicatur testimonium, d. l. cum lege. 26. hoc tit. sequi omnino videtur, ut nec hæres institui possit. Neque enim arbitror defendi posse, testatori dumtaxat, non etiam hæredi, de cujus solius commodo agitur, testimonium perhiberi. Facit huc l. imperialis. 23. §. 3. C. de nupt. qua permittitur mulieribus scenicis post impetrationem principalis rescripti, & condere testamentum, & aliis succedere. Inde enim duo colligimus, & scenicas scēminas intestabiles habitas fuisse, & qui intestabiles essent, hæredes non potuisse institui. Itaque non satis accurati sunt compilatores, qui intestabiles cum superioribus, quos omnes hæredes institui posse constat, una exceptione à regula eximunt, quasi & ipsi alioqui ad regulam pertinere videantur.

T E X T U S.

De servo, qui liber existimabatur.

7. Sed quum aliquis ex testibus testamenti quidem faciendi tempore liber existimabatur, postea autem servus apparuit, tam Divus Adrianus Catoni, quam postea divi Severus & Antoninus rescripserunt, sub-

venire se ex sua liberalitate testamento, ut sic habeatur firmum, ac si, ut oportebat, factum esset : quum eo tempore, quo testamentum signaretur, omnium consensu hic testis liberi loco fuerit, nec quisquam esset, qui stans ei quaestionem moveret.

N O T A E.

7. Testamenti faciendi tempore] Hoc tempore inspicitur testium conditio, non tempore mortis testatoris, l. 22. §. eod. idque ex Principum liberalitate obtinuit etiam in habilitate putativa, ut loquuntur.

Omnium consensu] Totius civitatis, aut majoris patris civium. Quia ita se gerebat, ita agebat, sic muneribusungebatur, ut publicè liber à plerisque haberetur, arg. leg. 3. pr. de sen. Mac. facit, l. 1. C. h. t.

C O M M E N T A R I U S.

- 1 Conditionem testium tempore testamenti facti spectari : non nocere, si quid eis postea contigerit.
- 2 Idem observari in habilitate putativa.
- 3 Confutatur eorum error, qui putant, testamentum corrumpi, si quis à testibus ante apertas tabulas moriatur, aut inhabilis fiat.
- 4 Quid verba hæc, omnium consensu, hic significant ?

N On tantum numerus testium, sed eorum etiam qualitas & requisita conditio est de forma testamenti substantiali, ut loquuntur, non de forma probatoria dumtaxat : adeo ut si vel in uno è testibus hujusmodi qualitas deficiat, testamentum per se nullum sit. Enimvero conditionem testium inspicere placuit, cum testamentum signarent, non tempore mortis : nam si tempore testamenti facti tales omnes fuerint, ut adhiberi possint, nihil nocet, si quid postea eis contigerit, puta si quis postea servus factus sit aut intestabilis, furere coeperit aut prodigus esse ; l. ad testium. 22. §. 1. & ib. Cujac. hoc tit. Quid ergo si quis adhibitus sit, qui quidem adhiberi prohibetur, sed qui communi opinione pro tali testamenti tempore habebatur, qui adhiberi potest, puta si servus adhibitus sit, qui omnium opinione liber existimabatur, & cui nemo eo tempore status controversiam movebat ? Testamentum nihilominus sponte sua vitiosum & injustum est, nec communis error formam juris publici mutare potest. Ceterum quod per se momentum nullum habet, Imperatores ex humanitate sustineri voluerunt, atque ut Justinianus hic loquitur, ex liberalitate sua hujusmodi testamentis subvenerunt, ut perinde firma sint, ac si omnibus suis numeris ac partibus constarent : Ridiculum verò est, quod vulgo ex hoc loco colligunt, communem errorem jus facere : non enim error, sed in errore summa Principum auctori-

Autoritas jus hoc benignè & speciali favore ultimæ voluntatis constituit.

Tam Divus Adrianus Catoni (quidam Codices habent Catonio, Theophilus Catonio Vero) quam divi Severus & Antoninus Rescriptum Severi & Antonini non extat. Adriani est in l. 1. c. *hoc tit.* unde tamen non satis expeditum, quid juris esse debeat, si quis consignationis quidem tempore pro libero habitus sit, postea autem ante apertas tabulas in servitutem revocatus status controversiam passus fuerit. Nam Adrianus sua constitutione hoc tantum significat, si quis testis pro libero habitus sit tempore testamenti, cui usque ad tempus aperiendarum tabularum nemo status controversiam moverit, testamento non obesse debere, quod nunc hæc quaestio ei moveatur. Unde effici videtur, non idem esse, si jam eo tempore servum esse appareat. Sed dicendum est, aut verba Adriani non ita accepta esse, quasi casus iste semper in hisce quaestionibus requiratur, sed expressa, quia id in ea controversia forte acciderat, de qua consultus erat; aut constitutione Severi & Antonini rem plenius postea definitam. Sanè Jurisconsultus simpliciter ait, testium habilitatem tempore testamenti facti spectandam; quod postea accidit, non nocere, *diff. l. ad testium. 22. §. 1. hoc tit.*

2. Hoc autem non tantum pertinet ad habilitatem veram, sed etiam ad putativam: quippe quæ eandem vim ex Principum liberalitate habeat. Atque ut nihil præter hunc locum haberemus, is solum apertissime ostendit, satis esse, liberum quem existimari tempore faciendi testamenti: nec ex eo, quod postea esse apparuit, testamentum vitari. At dicat aliquis, cum signatores tempore aperiendarum tabularum sigilla sua apud prætorem recognoscere & pro testamento testimonium dicere debeant, l. 4. & seqq. *test. qu. aper.* an non ex eo necessario sequitur, testamentum corrumpi, si quis è testibus, qui, cum conderetur testamentum, pro libero adhibitus fuit, nunc, cum aperiendum est, servus appareat? *arg. l. 11. c. de testib.* quo loco scriptum est, servos testimonii dictionem in iudicio non habere. Non magis, inquam, quam si quis è testibus ante apertas tabulas vita functus sit, aut furiosus, cæcus, mutus
3. surdus, &c. factus. Nam, ut rectè D. Viglius, sigillorum ista inspectio requisita fuit, non ut formalis aliqua testamenti solemnitas, sed ad certiorum probationem voluntatis, & tunc, cum testes adhuc viverent, aut tales essent, qui testimonium perhibere signis inspectis & recognitis possent; testibus autem mortuis, aut inhabilibus ante id tempus factis, non idcirco statim voluntas defuncti concidit, cum adhuc aliis argumentis & conjecturis sigillorum fides confirmari possit, maxime accedente adminiculo subscriptionis testatoris & testium: nam manus cujusque & subscriptio pluribus nota esse solet; potestque etiam in dubio probari per litterarum comparisonem. Fufius hac de re disputat D. Viglius contra veteres juris interpretes, qui putavere, vel uno teste

ante aperturam tabularum mortuo, vel inhabili facto testamentum protinus irritum fieri; ostenditque, ex ea persuasione factum, ut vetus testandi forma pæne abolita sit, coeperintque curare homines, ut de testamentis instrumenta publica per Notarios fierent; quod olim fuit incognitum. At usitatum erat testamenta publicari, hoc est, actis insinuari, vel referri in acta publica; quod hæredes scripti fieri procurabant, ne si casu materia, in qua primum testamentum scriptum esset, intercidisset, proximi ab intestato negotium iis facerent. Nam publicatum testamentum priori scriptura casu amissa plenam fidem sine alio adminiculo faciebat, *vid. l. 2. c. l. testamenta. 18. c. hoc tit. & ibi D. Donell.* Quod autem de servo rescriptum est, id non dubito, quin rectè producat ad defectus aliarum quoque qualitarum, quæ in testibus testamentariis requiruntur, si eadem ratio est: puta si impubes adhibitus sit, qui pubes putabatur; mulier virili habitu virum simulans; prodigus, qui tempore conditi testamenti pro sano à plerisque habebatur. Idem enim favor, eadem benignitatis ratio testamentum, quod summo jure inutile, defendunt. Joseph. Ludovic. *commun. opin. 69. in 4. fallent.*

Omnium consensu Donell. in l. 1. c. *hoc tit.* consensum sive opinionem cæterorum testium intelligit. Quod non placet. Quid enim, si hi nesciant servum esse, aut status controversiam pati, quod alii omnes in civitate sciant? Neque magis verba *omnium consensu*, ad testes solos restringi possunt, quam illa, quæ mox sequuntur, *nec quisquam esset, qui status ei quaestionem moveret*, quæ itidem expressa sunt rescripto Adriani. *Omnium igitur consensu* sic potius accipiemus consensum omnium, qui in civitate sunt, opinione totius populi, aut certè majoris partis, quia publicè liber à plerisque habebatur, sic agebat, sic contrahebat, sic muneribusungebatur, *arg. l. 3. in pr. de sen. Mac. l. 3. §. 2. de testib.* Quam ob causam Jo. Fab. existimat, nec illud testamento notitium, si unus & alter è testibus sciverit conditionem illius, & tacuerit. Putatque hoc amplius, locum esse huic constitutioni, etiamsi plures ejusdem generis non idonei per ignorantiam adhibiti sint, *arg. d. l. 1. c. hoc tit.* quod & Bachovius videtur admittere, dum ne pauciores quam duo habiles sint & idonei. Latius hic exspatiantur DD. dum quaerunt, an gesta ab his, qui se pro scribis aut notariis gerunt, cum non sint, sed communi errore tales habeantur, & instrumenta ab his facta, valeant. Et sic vulgo distinguitur, ut referat, utrum alicui publica auctoritate hujusmodi persona per errorem imposita sit, an quis ipse sibi privatim eam assumpserit: illo casu valere quod gestum est, per l. 3. *de off. præst.* hoc casu acta non valere, & speciale esse, quod in casu hujus §. testamento succurritur, *vid. Sichard. ad d. l. 1. c. hoc tit. sub fin. Jason. ad d. l. 3. qui de eo disputat accuratissime.*

TEXTUS.

De pluribus testibus ex eadem domo.

8. Pater, nec non is, qui in potestate ejus est: item duo fratres, qui in ejusdem patris potestate sunt, utique testes in uno testamento fieri possunt: quia nihil nocet, ex una domo plures testes alieno negotio adhiberi.

NOTÆ.

8. Pater, nec non is, &c.] Ex l. pater. 17. D. de testib. ratio est in textu: add. l. 22. pr. hoc tit. Vlp. tit. 20. §. 5.

COMMENTARIUS.

Hic locus sumptus est ex l. pater. 17. de testib. add. l. ad testium. 22. pr. hoc tit. Vlp. tit. 20. §. 5. Dubitandi causa, ut mox indicatur, esse potest, quod plurimum ex una domo testimonium suspectum videatur, propterea quod hi facile colludere atque in unam eandemque meditatam sententiam conspirare possunt, & fac. l. 3. §. 1. de testib. Sed subjungitur solutio, nimirum tale nihil hic metuendum, ubi plures ex una domo testes adhibentur negotio alieno, unde nihil ipsi commodi sperent. Suspicionibus enim non usque adeo indulgendum esse, ut quisquam gratuito malus esse præsumi debeat. Quapropter quod dicitur in l. 6. de testib. testes idoneos non esse, quibus imperari potest, ut testes sint, rectè Glossa sic interpretatur, ut testes sint in causa imperantis, eoque pro se producentis. Ne quis putet, jus potestatis & filio imperandi obstare, quominus pater simul & filius in alieno negotio testes esse possint. Neque ambigendum est, quin filiusfam. etiam patre invito testimonii dictionem habeat, cum publica auctoritate testimonium denuntietur, cujusmodi in causis jura patris interquiescunt. arg. l. 9. de his qui sui vel al. jur. Illud etiam hic notandum, patrem & filium, item duos fratres, qui in ejusdem patris potestate sunt, in alienis negotiis (non enim in testamento dumtaxat hoc obtinet, d. l. 17. de testib.) diversarum personarum numero haberi.

TEXTUS.

De his qui sunt in familia testatoris.

9. In testibus autem non debet esse is, qui in potestate testatoris est. Sed si filius familias de castrensi peculio post missionem faciat testamentum, nec pater ejus rectè adhibetur testis, nec is, qui in potestate ejusdem patris est. Reprobatur enim in ea re domesticum testimonium.

NOTÆ.

9 Post missionem, &c. nec pater ejus, &c.] Aliud tamen placuisse videtur Ulpiano & Marcello, l. 20. §. 2. h. tit. ut bene animadvertit Hotom.

In potestate ejusdem patris] Frater scilicet testatoris ejusdem domus, non emancipatus.

Domesticum testimonium] Id est, eorum, qui ita conjuncti sunt, ut alter sit in familia & potestate alterius, & una cum eo fictione juris persona. Nam ut rectè Græci, *ὁμογενεῖς*, id est, *ὁμογενεῖς*, id est, *ὁμογενεῖς*, id est, *ὁμογενεῖς*. Non ex cognatione, sed ex coadnatione, quæ per patriam potestatem contingit. Eadem scilicet ratione, qua sui hæredes domestici; §. 2. infr. de hered. qual. in judiciis autem testes omnes domestici intelliguntur, qui de domo accusati producuntur, l. 3. C. de testib. l. 24. D. eod.

COMMENTARIUS.

1. Quomodo questio formanda in filio teste in testamento patris?
2. Quid obstat, quominus qui in potestate testatoris est, testis in ejus testamento esse possit? Et quid de filio emancipato, &c.
3. Cur in testamento filiusfam. post missionem de castrensi peculio testantis pater testis non admittatur, qui tamen ad tabulas filii emancipati rectè testis adhibetur?
4. Dissentire Justinianum in proposita specie ab Ulpiano & Marcello.
5. Domesticum testimonium hoc loco estimari ex unione personarum, quæ per potestatem contingit; etsi in aliis causis domestica testimonia interpretamur testimonia personarum domesticarum.

Hactenus de personis, quarum ea est inhabilitas, ut nullius in testamento testes adhiberi possint; sunt etiam quædam, quæ cum per se habiles sint, & rectè adhibeantur, non tamen rectè adhibentur in testamento omnium, idque ob causam aliquam privatam, quæ eas sibi in inhabiles facit. Causa hujus inhabilitatis duplex conjunctio testis & testatoris per potestatem, item negotium testamenti ad eum, qui testis adhibetur, pertinens. Prima hoc §. altera seq. explicatur.

Qui in potestate testatoris est] Igitur nec filius testatoris, nec nepos ejus ex filio, qui in potestate sit; nec is, quem testator ab hostibus redimerit. l. qui testamento. 20. in fin. pr. & §. 1. hoc tit. Sed enim cum constet, filium, qui in potestate sit, aut hæredem instituendum esse, aut nominatim exheredandum, silentio eo præterito testamentum ipso jure non consistere, absurda potest videri hæc disputatio. Nam fingamus, esse institutum, jam alia & propria ratione testis esse non poterit, quia hæres, §. seq. Fingamus, exheredatum, & nihil videretur obstare, quominus rectè testis

testis sit, qui sua se manu exheredem scribere potest, salvo testamento, non putavit. §. si quis. 6. de bon. poss. contr. tab. nec ulla hic metuenda techna, cum in suam nemio perniciem ingeniosus sit. Quod si dicas, durum videri, ut filius palam testis adhibeatur exheredationis & ingratitude suae; quid si testamentum, quo exheredatus est, clausum proponatur, in quo quid scriptum sit, à testibus omnibus ignoretur? ita enim in probro quaestio formanda est, ut jam illud obijci non possit. Quid est igitur, quod hic obstat, quominus filius testis sit? Nihil aliud, quam jus potestatis, quod fictionem quamdam unitatis personarum inducit inter eum, qui habet in potestate, & qui in potestate habetur, §. si quis. 4. inf. de ius. sup. l. ult. c. de impub. & al. subst. Quo fit, ut si alteri alter testimonium dicat, sibi quodammodo dicere videatur, quod subtilitas juris non patitur, ut post Viglium hic notant plerique recentiores, & est textus eo pertinens in §. seq. in fin. Addunt nonnulli, huc etiam referendum, quod generaliter placuit, idoneos testes non videri, quibus imperari potest, ut testes fiant, l. 6. de testib. Ego verò arbitror, definitionem istam valere tantum in testimoniis judicialibus; quamvis verum sit, hic quoque queri de adhibendo eo, cui imperari potest. Ait, qui in potestate. Igitur à contrario, qui in potestate testatoris non est, puta filius emancipatus, recte testis adhibetur, & pater vicissim in testamento illius; neque enim credendum est, verba illa frustra hic & ind. l. 10. expressa esse. Præterea cessat in emancipato ratio prohibitionis, vinculum scilicet unitatis, quod per emancipationem solvitur. Et vel magis igitur poterit quis testis esse in testamento matris & avi materni. Non obstat, quod parentes & liberi hoc ipso quod parentes & liberi sunt, invicem testes esse prohibentur, l. 9. de testib. l. 6. c. cod. Nam ista prohibitio pertinet tantum ad illa testimonia, ex quibus lucri aliquid accedere potest parenti vel filio, cui testimonium dicitur, qualia sunt testimonia judicialia, de quo paulo diligentius postea.

Sed si filiusfamil. post missionem &c. neque pater ejus recte adhibetur? Filiusfamil. testamentum facere non potest, præterquam si testetur de castrensi peculio. inf. tit. 12. ac proinde eo solo casu quaestio hæc locum habere potest, an pater ad testamentum ejus testis adhiberi possit. Sic autem hoc loco distinguitur, si filiusfamil. militans adhuc testamentum faciat de rebus castrensis, pater recte testis adhibeatur; si post missionem, non aequè. Cæterum quod ad priorem casum, amplius adhuc distinguendum existimo, utrum scilicet militans adhuc testamentum faciat jure militari in castris aut expeditione, an extra castra jure communi: ut illo demum casu pater recte adhibeatur propter libertatē, quæ militibus data est, in castris testandi facultatem; hoc autem casu non magis quam si testetur post missionem, arg. pr. & §. 1. tit. seq. & verba illa, post missionem, non ideo hic adjecta esse, quia ante

missionem filius testamentum faciens semper patrem adhibere possit; sed quia post missionem nunquam. Sed hic nobis occurritur exemplo emancipati, ad cuius tabulas patrem posse recte adhiberi diximus non alia ratione, quam quia emancipatus non est in potestate. At in eo, de quo quaerimus, nec filiusfamil. in potestate est; quippe qui in castrensi peculio vice patrisfamil. fungitur, l. 1. de sen. Mac. Huic objectioni ita fere responderi solet, multum interesse, utrum quis revera & sine exceptione sit paterfamil. & patri suo extraneus, qualis est filius emancipatus; an quis in re aliqua pro paterfamil. habeatur, manens revera paterfamil. & domesticus patri suo: qualis est, qui peculium castrense habet. Etenim peculii hujus concessionem non eximere filium de domo & potestate patris, §. 4. sup. quib. mod. jus pat. pot. solv. & consequenter non efficere, ut una persona cum patre censeretur desinat: tantum liberam filiosam, de iis rebus disponendi facultatem tribuere, & heredem etiam in iis instituendi, in quo patrisfamil. comparetur. Cæterum ut ipse pater propter vinculum unitatis, quod retinetur, hunc filium ad suum testamentum adhibere non potest, ita nec illius tabulis patrem adhiberi posse. Equidem fateor, hæc ita pro Justiniano, & si qui veterum fuerit, quos ille secutus est, speciosè disputari: video tamen, aliud placuisse Marcellum, cujus auctoritatem etiam Ulpianus secutus est in l. qui testamento. 20. §. 1. hoc tit. Itaque enim scribit: Per contrarium queri potest, an pater ejus, qui de castrensi peculio potest testari, adhiberi ab eo ad testamentum testis possit. Et Marcellus libro 10. Digestorum scribit, posse; & frater ergo poterit. Contraria omnino sententia & directo pugnat cum eo, quod hoc loco tradit Imperator, ut bene animadvertit D. Hotomannus. Nam quod cæteri interpretes, inter quos etiam Viglium & Bachovium esse video, Marcelli sententiam restringunt ad eum casum, quo filiusfamil. de peculio castrensi testatur jure militari sive privilegiato; nullo colore defendi potest. Primum quia tota tractatio illius tituli propria est testamenti solemnibus, ut proinde verisimile non sit, Ulpianum eo loco miscuisse quaestionem, quæ ad militaria testamenta pertineret, quod nulla alia in parte ejusdem tit. aut factum est, aut fieri oportuit. 2. Quia Ulpianus hanc quaestionem proponit oppositive ad præcedentem, quæ oppositio in dissimili genere testamenti planè inepta foret. Negaverat in §. 1. ejusdem l. 10. filium, qui in potestate est, testem esse posse in testamento patris. Hoc dictum omnes intelligunt de testamentis solemnibus, nec ad testamentum militare pertinere. Mox per contrarium quaerit, an pater ejus, qui de peculio castrensi testari potest, adhiberi ab eo ad testamentum testis possit; & ait, posse, ex sententia Marcelli. At hæc quaestio minime præcedenti contraria est, nisi de eodem genere testamenti, ad quod præcedens pertinet, accipiatur. 3. Notanda sunt verba Jurisconsulti. Non querit de

de testamento filiosum. militis aut in castris agentis, sed quaestionem generaliter atque indistincte proponit de omni filiosum. qui de castrensi peculio testari potest, at potest non solum miles in castris agens jure militari, sed idem etiam extra castra jure communi: potest eodem jure & veteranus seu militia missus. 4. De testamento jure militie factio ne dubitari quidem juste potest: quippe cum verba privilegii, quod militibus indultum est, *quomodo velint: quomodo poterunt*, l. 1. de testam. mil. facile hanc in personis testimonium differentiam absorbeant, & reciprocationem testimoniorum patris & filii admittant; immo ne testem quidem desiderent, ubi de militis voluntate constet: de quo amplius, §. 1. seq. tit. Et fortasse motus fuit Marcellus ea, quam dixi, ratione: quia placuit, filiosum in peculio castrensi pro patrefam. haberi, quasi ob id etiam diversam à patre personam in causa istius peculii sustinere debeat: id enim receptum est, cum de acquirendo ex causa hujus peculii agitur, in quo fere solo alioqui fictio illa, quod pater & filius pro una persona habeantur, locum habeat.

Ea in re domesticum testimonium] Mysticus horum verborum sensus est, ne quis ex his colligat, in aliis causis domestica testimonia non reprobari. Quin in causis judicialibus multo magis reprobantur, & tanto, quanto major est reprobationis causa. Sed nimirum hæc Justiniani sententia est, licet in testamentis de lucro, aut commodo ejus, qui testes adhibet, non agatur, ut sit in causis forensibus; ac proinde hic verendum non sit, ne propter affectionem aut reverentiam veritas celetur, quam ob causam etiam personæ conjunctissimæ & amicissimæ hic invicem jus dicendi testimonii habeant; nihilominus tamen domesticum in hac causa testimonium prohibitum esse, hoc est, eorum, qui ita conjuncti sunt, ut alter sit in familia & potestate alterius, & fictione juris eadem cum altero persona, unde cum alteri testimonium præstat, sibi quodammodo præstare videatur. Hac sola juris subtilitate testimonia in proposito vetari, non aliqua falsi suspicione propter cognationem, aut affectum. Atque hanc esse Justiniani sententiam, hic ipse locus satis perspicue indicat, quem idcirco etiam his verbis extendit Theophilus; *ἐὰν δὲ οἰκιστὴς*, inquit, *πατρὸς ἢ υἱὸς ἢ ἀδελφὸς ἢ ἀδελφὴ*: eademque fere ratione Justinianus, *inf. de her. qual. §. 2.* suos hæredes appellatos esse ait, quia domestici hæredes sunt, quibus opponit extraneos, id est, omnes, qui in potestate morientis non fuerunt. Cum igitur prohibendi hujus testimonii non alia causa sit, quam unio illa personarum, quæ per potestatem contingit, sequitur, inter eos, qui ita uniti non sunt, testimonia testamentaria licita esse, quamvis alioqui summa sit inter eos conjunctio aut charitas. Itaque & patrem recte testem adhiberi in testamento filii emancipati, avum in testamento nepotis ex filia, & contra, item virum in testamen-

to uxoris, multoque magis patronum in testamento liberti, & patremfam. in testamento mercenarii, & viceversa liberos & mercenarios in testamentis illorum; ac proinde errare interpretes, & inter hos Ant. Marthæum, qui testimonia testamentaria cum judicialibus confundunt. In judiciis nulli parentes & liberi invicem idonei testes, l. 9. de testib. l. 6. C. cod. suspecti omnes, quibus quovis modo imperari potest, l. 6. cod. qualis est etiam libertus in domo patroni degens; item qui mercede conducuntur, ut famuli & coloni in villis, aut id genus alii, qui domifamulantur. In his enim causis domestica testimonia interpretamur testimonia personarum domesticarum, hoc est, eorum omnium, qui de domo rei, qui in eos imperium habet, producantur, l. pen. de testib. fac. l. 11. §. *furti domestica*. 1. de pan. l. antepen. §. pen. C. de his qui ad eccl. conf. Discriminis ratio jam ante à me indicata hæc est, quod in cæteris causis agitur de commodo pecuniario ejus, cui testimonium dicitur, ut merito in his testes omnes rejiciantur, quos vel affectione, vel reverentia, aut obsequio veritatem relatueros, suspicio est: in testamento autem non de commodo testatoris, sed hæredis agitur, ut non tam illi, quam huic testimonium testes perhibeant.

T E X T U S.

De hærede, & his, qui sunt in ejus familia.

10. *Sed neque hæres scriptus, neque is, qui in ejus potestate est; neque pater ejus, qui eum habet in potestate; neque fratres, qui in ejusdem patris potestate sunt, testes adhiberi possunt: quia hoc totum negotium quod agitur testamenti ordinandi gratia, creditur hodie inter testatorem & heredem agi. Licet autem totum jus tale conturbatum fuerat, & veteres quidem familie emptorem & eos, qui per potestatem conjuncti fuerant, à testamentariis testimoniis repellebant: hæredi autem, & iis, qui per potestatem ei conjuncti fuerant, concedebant testimonia in testamentis præstare: licet ii, qui id permittebant, hoc jure minimè abuti eos debere suadebant; tamen nos eandem observationem corrigentes, & quod ab illis suasum est, in legis necessitatem transferentes, ad imitationem pristini familie emptoris, merito nec hæredi, qui imaginem vetustissimi familie emptoris obtinet; neque aliis personis, quæ ei (ut dictum est) conjunctæ sunt, licentiam concedimus sibi quodammodo testimonia præstare: ideoque nec ejusmodi veteres constitutiones nostro Codici inferri permittimus.*

N O T A E.

10. *Creditur hodie*] Sublata videlicet familiae mancipatione. Expende, quod ait, *totum*, ut hac ratione testimonium recipiatur legatarii & fideicommissarii. Cujac.

11. *Heredi autem*] Non tantum clam scripto; sed palam etiam nuncupato.

Prisina familia emptoris] Cujus testimonium ideo receptum non fuisse certum est, quia negotium testamenti palam & aperte cum eo ipso ut vero herede agebatur.

C O M M E N T A R I U S.

1. *Cur veteres fiduciarium familia emptorem a testimonio removerint, heredem admiserint?*

2. *An ad testamentum recte adhibeatur pater heredis, cujus in potestate non est, filiusve heredis emancipatus? &c.*

Causa privata altera, quae testem inhabilem facit, est negotium testamenti, quod cum teste agitur. Negotium testamenti dicitur id, cujus praecipue causa testamentum ordinatur, nimirum institutio heredis sive universi juris successoris. Nemo igitur testis adhiberi potest in eo testamento, in quo haeres scriptus est; quod ideo placuit, quia in testamento negotium heredis recta & principaliter agitur, utque is solus sit juris successor. Herede autem summo consequens fuit, ut una removeretur qui in potestate ejus est, & pater quoque, qui eum habet in potestate, & denique frater, qui cum eo in ejusdem patris potestate est, propter vinculum illud unitatis, de quo dictum §. *prae*.

Veteres familia emptorem repellabant: heredi autem concedebant] Certum est, olim, cum primum forma testandi per aes & libram inventa est, neque heredem, neque eos, qui per potestatem ei conjuncti erant, ad testimonium in testamento praestandum admissos fuisse: quippe cum negotium testamenti palam & aperte cum ipso herede ageretur. Nam, ut ostendimus in explanatione §. 1. *hujus tit.* initio ipse haeres futurus emebat familiam a testatore, isque eam heredi mancipabat, ut ille hoc tamquam iusto titulo bona post mortem testatoris pleno jure Quiritium consequeretur. Procedente autem tempore, ob causas, quas ibidem indicavimus, hoc mutatum fuit, institutumque, ut solemnitatis implendae causa familiae quidem emptor palam adhiberetur, sed alius ab herede & fiduciarius, qui heredi forte clam in tabulis scripto familiam remanciparet. Quo recepto, coepit familia emptor a dicendo in testamento testimonio summo-
ver, & haeres admitti; quasi negotium testamenti jam non tam cum herede, quam cum familia emptore gereretur, & absurdum sit, eum, cum quo negotium aliquod geritur aut contrahitur licet imaginariè, testis officio fungi. Atque hoc

etiam obtinebat, etsi haeres scriptum se non ignorabat. Cicero in orat. pro milon. cap. 18. *Cyri testamentum palam obsignari cum Clodio: & illum heredem & me scripserat*. Ceterum ab eo jure postea iterum recessum fuisse, arguit l. *qui testamento*. 20. pr. *hoc tit.* nisi locus ille à Triboniano interpolatus sit, aut de alio genere testamenti intelligendus, quam quod per aes & libram fiebat, accipiendus, arg. §. 2. *tit.* 20. Just. Vlpian. VINN. Immo, quum temporibus Ulpiani testamenta rarius facta videantur per aes & libram faciliore testandi ratione à Praetore inventa; non opus est, ut interpolatam à Triboniano existimemus d. l. 20. p. ff. *qui testam. fac. poss.* Commodè enim accipi potest de testamentis tunc frequentioribus, puta de praetoriis. HERN.

Minimè hoc jure abuti eos debere suadebant] Etsi testimonium heredis apud veteres licitum esse coepit, cum alius familiam emeret; existimabant tamen, minus verè eundem heredem facturum, si sciens se heredem scriptum esse, jure sibi concessio uteretur: quamobrem etiam suadebant, ut potius se excusaret, atque à testimonio, si pudori suo consulere vellet, abstineret. Non enim potuit locus esse huic suasioni, ubi quis haeres institutus esset, ignoraretur. Est autem illud omnino verisimile, sublata ratione testandi per aes & libram (quod factum creditur statim post translatum in Thraciam Imperium, arg. l. 15. c. *hoc tit.*) heredem amplius testem esse non potuisse in ullo testamento: quippe cum ex eo tempore negotium testamenti non tantum serio, sed recta etiam cum ipso herede agi coeptum sit, quod antea simulatè agebatur cum emptore familiae in testamento per aes & libram: quod etiam ratio initio hujus textus prolata, *Quia totum hoc negotium, &c. creditur hodie inter testatorem & heredem agi*, perspicue ostendit; ut adeo non admodum necesse fuerit, suasionem istam veterum in legis necessitatem à Justiniano transferri: quod tamen hic se fecisse profiteatur.

Neque aliis personis, quae ei, ut dictum est, conjunctae] Scilicet per potestatem, quod antea expressit: ea enim sola conjunctio efficit, ut omnes ita conjuncti pro una persona habeantur, atque ut tibi quodammodo, quod ait, testimonium praestent. Ex contrario igitur etiam hic rectè colligas, eos, qui in potestate heredis non sunt, puta liberos emancipatos, item patrem heredis, in cujus potestate non est, & fratres ejus, ad testimonium in proposito admitti posse. Nam cum hi omnes diversae sint ab herede personae; non potest dici, negotium testamenti propter heredem etiam cum his agi, eosve sibi aut in re sua testimonium dicere licet forte ex eo commodum aliquod herede mortuo consequi possint; nam nec legatariorum testimonium rejicitur, quamvis & ipsi in consequentiam lucrum ex testamento capiant. Faten-
dum tamen est, esse aliquid in personis heredi sanguine sic conjunctis, ob quod videri possint ad testimonium non admittendi, quod non sit in iis, qui testatori naturaliter conjunguntur, propter-
ca

rea quod, ut dictum §. *præc.* non de testatoris, sed hæredis commodò hic agatur, ut quamvis non testatoris, hæredis tamen parentes aut liberi suspicionem graventur. Verùm in contrarium considerandum est, ignorari plerumque, quis hæres scriptus sit, idque non tantùm cum signatur testamentum, sed etiam cum testes jubentur signa sua recognoscere, quod fit ante aperturam tabularum, l. 4. *test. quem aper.* Sed et si sciatur, quis hæres scriptus sit, aut si palam hæres nuncupatus, non putarem tamen, statim testamento obesse debere, quod dicantur inter testes adhibiti parens aut filius, aut frater hæredis (dempta conjunctione per potestatem.) Nam primo siquam suspicionem necessitudo inducit, ea facile reliquo testium numero deletur. Deinde etsi negotium hæredis in testamento agitur, is tamen non est onerandus, quia ipse testes initio ad hoc non adhibuit, sed testator; neque aliis testibus postea ad probandam testatoris voluntatem uti potest, quàm iis ipsis, qui adhibiti sunt, cum testamentum ordinaretur. In quam sententiam etiam D. Viglius inclinât,

TEXTUS.

De legatariis & fideicommissariis, & his qui sunt in eorum familia.

II. Legatariis autem & fideicommissariis, quia non juris successores sunt, & aliis personis eis conjunctis testimonium non denegamus: immo in quadam nostra constitutione & hoc specialiter ei concessimus. Et multo magis iis, qui in eorum potestate sunt, vel qui eos habent in potestate, hujusmodi licentiam damus.

NOTÆ.

II. Quia non juris successores] Non juris universi, sed rerum singularum, l. 9. §. 1. D. de edend. quorum gratia testamentum non ordinatur, sed universi successoris, id est, hæredis habendi causa. Itaque negotium testamenti cum solo hærede geritur, non cum legatariis: nisi forte per consequentiam; quod placet hic non attendi, confirmato testibus adhibitis ipso testamento, d. l. 14. Symmach. lib. 13. epist. 55.

Nostra constitutione] Non extat: sed Zenonis hac de re habemus in l. 22. C. hoc tit.

COMMENTARIUS.

- 1 Divinatorium esse, quod quidam prodiderunt, legatarios testes esse vetitos Senatusconsulto Liboniano, & contrarii juris primum auctorem fuisse Scævola.
- 2 Ratio Justiniani, cur legatariis & fideicommissariis jus testimonii non denegatur, expressa.
- 3 Afferuntur complures alie, & certiores.
- 4 Dispositionem hujus §. non tantùm in testamentis scriptis, sed etiam in nuncupatis ob-
servari in Institut.

sinere, confutata singulari opinione Anton. Fabri.

5 Fideicommissarios universales huc non pertinere.

Legatum aut fideicommissum testamento alicui relictum eum testem inhabilem in eo testamento non facit: sed placuit legatarios & fideicommissarios testes in testamento adhiberi posse, l. qui testamento. 20. in pr. hoc tit. fac. l. si quis. 14. de reb. dub. l. distantes. 22. C. hoc tit. Quo admissio jam eorum etiam, & quidem multo magis, testimonium recipiendum fuit, qui iis per potestatem conjuncti sunt. Dionys. Gothofredus in d. l. distantes. 22. scribit, olim legatarios & testes in testamento esse non potuisse ex Senatusconsulto Liboniano: Hotomannus hic, controvertens hoc jus fuisse, & primum Scævola ejus inducendi auctorem: atque existimat uterque, hoc ipsum esse, quod Plinius lib. 2. epist. ult. ut improbissimum genus falsi notat. Sed quis Gothofredum docuit, tale quid tantum fuisse Senatusconsulto Liboniano? Aut quis Hotomannum, fuisse Scævola contrarii juris primum auctorem? Non, si Scævola hoc jus comprobavit, ut testantur Arcadius & Honorius, l. 3. C. Theod. de testam. protinus sequitur, eum esse illius juris primum auctorem. Quis verò credat, si verum est, quod Gothofredus scribit, Scævola responsurum fuisse contra auctoritatem recentis Senatusconsulti? Plinius verò loco citato non illud improbum falsi genus appellat, si quis testimonium dicat in testamento, ex quo legatum caput, sed si quis ejusmodi technis, quibus usum esse scribit Marcum quemdam Regulum nequissimum omnium bipedum, aliisve malis artibus testatorem aggrediatur, & legatum extorqueat; quem eundem Regulum intelligit Juvenalis satyr. 1. v. 67.

Signator falso, qui se laetum atque beatum
Exiguas tabulis & gemma fecerat uda.

Cæterum locus ipse evidenter ostendit, jam tum legatarios testes rectè adhibitos, aut testibus legatum rectè datum. Quin etiam diu ante tempora Plinii hoc jus obtinuisse liquet ex d. leg. 14. de reb. dub. ubi auctoritate Trebatii illud defenditur.

Quia non sunt juris successores] Ratio à posteriori, ut videtur: unde intelligamus, non ut cum hærede, ita cum legatariis & fideicommissariis negotium testamenti geri; ac proinde non eodem modo hos ut illum à testimonio testamentario repellendos: quod enim dixit §. præc. negotium testamenti inter testatorem & hæredem geri, & ideo hæredem non debere testem adhiberi in eo testamento, in quo hæres instituitur; id hanc rationem habet, quia hæres universi juris successor est; quippe successoris universi juris habendi gratia testamentum ordinatur, ejusque d. signatio caput est & fundamentum totius testamenti. Uti igitur hæredis testimonium rejicitur ob id, quod negotium testamenti est negotium successoris ju-

Y riu,

ris, ita legatarii adinstitur, quia hoc negotium ad eum non pertinet, qui successor juris non est: ille removeretur ab illius negotii tamquam suæ rei testimonio; hic admittitur in illo negotio testis, tamquam in re aliena. Quod etiam significare videtur Marcianus in *d. l. 14. de reb. dub.* cum ait, ipsum testamentum confirmari testibus adhibitis, nempe universum illud negotium, quod inter testatorem & heredem de juris successione agitur, signatorum testimonio confirmari, non attento legato ex illa juris successione pendente. Sed esto: ne sint legatarii juris successores: legata ad constitutionem testamenti non pertineant: & hæcenus dicatur negotium testamenti ad legatarios non pertinere; fatendum tamen utique est, saltem aliquo modo etiam de re legatarii in testamento agi; quippe qui emolumentum ex testamento percipiendi spem habet, cujusque propterea peculiariter interest testamentum confirmari, ne relictum concidat *l. eam quam. 14. C. de fideicom.* Hoc ipsum verò satis causæ est ad arcendos à testimonio legatarios. Nam e. si non principaliter & recta in rem suam testimonia fiant, sed hæredis; per consequentiam tamen confirmati testamenti & hæreditatis adiæ hoc etiam ad ipsorum commodum pertinet: ac proinde, quod nemini concessum est, *l. nullus. 10. de testib. & C. eod. l. omnibus. 10.* in re & causa propria nihilominus testimonium dicunt: siquidem palam est, causam propriam esse eam, cujus emolumentum, aut damnum ad aliquem quoquo modo suo nomine pertineat, *l. 1. §. in propria. 11. quand. appell. DD. in d. l. omnibus. 10. & l. seq. C. de testib.* Quamobrem e. si ratio Justiniani hoc efficit, ut magis hæres repellendus sit, quam legatarius; tamen non satis idonea videtur, ut propter eam legatarius debeat admitti. Et verò ita est: nec dubitandum, quin certiore aliqua & speciali ratione hoc jus receptum fuerit; quamvis nulla præter hanc Justiniani in libris nostris aperte tradita invenitur. Interpretes complures assentunt. Prima est, quod numerus reliquorum testimonium & cæterarum rerum diligentissima observatio testimonium legatarii ab omni falsi suspicionem ruerit: neque tam ob testimonium legatarii, quam ob reliquorum, ad quos ea res non pertinet, legatum sustineatur. Secunda est, quod in proposito legatariis res sit cum hærede, qui cum hoc debeat testibus, quod testamento eorum testimonio confirmato ipse hæreditatem & bona universa defuncti consequitur, improbe facturus sit, si legatum aliquibus eorum relictum hoc prætextu præstare recuset, quod in re propria testimonium dixerint. Nam sive tempus facti testamenti sive aperti consideretur; testes de voluntate testatoris dumtaxat & suo facto deponunt: postea verò cum legatum petunt, cum solo hærede iis negotium est; qui non potest non improbe fidem derogare testimonio eorum, quorum fidem in sua causa securus est. Hanc attulit Bachovius, eaque mihi non minimi ponderis esse videtur. Et fortassis hoc potius est, quam quod an-

te dixi, quod Marcianus sensit in *d. leg. 14. de reb. dub.* cum ex Trebatii & Pomponii sententia legatum signatoribus sive testibus (nec enim hi diverſi sunt) relictum ideo valere scribit, quia ipsum testamentum testibus adhibitis confirmatur. His accedit & tertia, quod Veteres suprema ordinanturi amicis fere signatoribus utebantur, quibus amoris testificandi gratia nihil relinqui posse, durum sanè atque inhumanum esset. In quam rem elegans locus est Symmachi *lib. 10. epist. 55.* Quis, inquit, non familiarissimum quemque signandis adhibet, cum extrema conducuntur? Jam quid mirum est, si in oculis positus mereatur ali- quod monumentum religionis, qui meritis advocari? Porro ita disputat, ut si his legibus viveremus, ut tenuis honor, quo subscriptores ob amicitiam defunctus adspersit, legitimum posse abolere iudicium, inimicis signatoribus tutius uteremur: inanemque appellat calumniam & rem post humanam memoriam inauditam objectionem Bassiani cujusdam, qui hoc jus in dubium vocabat: facit *l. Pamphilo. 39. §. 1. de leg. 3.* Atque his ego rationibus adducor, ut credam, hoc jus non tantum in testamentis scriptis servandum esse, verum etiam in nuncupativis: licet dissentiant Duar. *ad tit. qui testam. fac. & Ant. Fab. decad. 66. err. 1. & seqq.* Equidem in testamento nuncupativo, quod uti nunc mos est, per Notarium in scripturam redigitur, ea res minorem dubitationem videtur habere: quia privatum legatarii testimonium publicæ personæ juvatur fide, Jo. Fab. Aretin. Imol. Vigl. Zypæ. not. jur. Belg. *de testam.* utut Groenevv. *de ll. abrog.* hic subsistat: sed in mera simplici nuncupatione causa est, cur dubites, cum hic testes recta tam de legato, quam de jure hæredis deponant; nullaque alia re testimonium juvetur, ut videri possit, perinde id habendum esse, ac si quis sibi aliquid in testamento adscribat, quod Senatusconsulto prohibitum est, *l. 14. in pr. ad leg. Corn. de fals.* Et tamen magis est, ut hic quoque testimonium legatarii admittatur, cum cæterorum testimonium fides suspicionem tollat, legataque ac fideicommissa etiam codicillis relinqui possint, in quibus constat, quinque testes sufficere: utut mutua hic futura sint testimonia, quod notat D. Hotom. add. Diod. Tul. *ad hunc tit. c. 9.* quamquam haud gravatè admiserim, nonnihil hic tribuendum religioni iudicantium. Singularis opinio est Ant. Fabri. *d. dec. err. 2.* qui putat, Nov. 1. c. 1. in totum ab hoc jure recessum esse, ut hodie nec in scripto testamento testimonia legatariorum & fideicommissariorum admittenda sint: quoniam Justinianus eo loco caverit contra veteris juris regulam, ut si scripti hæredes hæreditatem adire recusarent, ipsius legatariis & fideicommissariis potestas adeundi esset: unde colligit, jus testimonii dicendi nunc iis planè denegandum esse, locumque in iis nunc etiam habere rationem hujus §. Quia juris successores fieri possunt. Ego verò malim dicere, hoc curandum non esse, quia ex accidenti est. *Casus adveniens,* inquit

inquit Sxvola, non sunt computandi, l. 6. qui & a quib. man. & eleganter Græci; Οὐ γὰρ τῶν ἑσθῶν οὐκ αὐτοὶ δὲ τῶν ἀποτρίχων ἰσμεν. Planè locus hic accipiendus est de fideicommissariis particularibus: nam universalis fideicommissarius, id est, cui ex fideicommissio restituitur hereditas, loco hæredis est, & post Senatusconsultum pro succellore iuris habetur. §. 3. & 4. inf. de fideic. her. l. 1. l. 3. de fideic. her. per. D. Tulden. c. 8. in fin.

Quadam constitutione nostra] Calumniarum iniquitas sæpe flagitat, ut ea, quæ certo jure constituta sunt, novis subinde constitutionibus specialiter sint confirmanda; quod etiam in proposito accidit. Constitutio autem Justiniani, quo hic se refert, haud dubiè priori Codici inserta fuit. Ceterum omiſsa est in Codice repetita prælectionis edito post compositionem Institutionum, quem solum hodie habemus. Et inepti sunt, qui hic intelligi putant aut constitutionem Zenonis, leg. distansibus. 22. c. hoc it. aut responsum Jurisconsulti l. qui testamentum. 20. in pr. D. eod. quando enim ita loquitur Justinianus? At sæpe in his libris constitutionum meminit, quæ in posteriori Codice non habentur, ut in § sed nec. 27. inf. de leg. § pen. inf. de leg. agn. succ. §. 3. de sua. libert.

T E X T U S.

De materia, in qua testamenta scribuntur.

12. Nil autem interest, testamentum in tabulis, an chartis membranisque, vel in alia materia fiat.

N O T A.

12. In tabulis] Ligneis dolatis, & cera illitis. Hinc tabulæ testamenti, vel etiam tabulæ pro testamento, & lignum pro tabulis, leg. 19. de bon. poss. cons. tab. Juven. sat. 13. & 16. denique & cera pro tabulis. Suet. in Jul. c. 83. Horat. 2. sat. 5. Juven. sat. 15.

An in chartis] l. 1. l. 4. de bon. poss. sec. tab. De varia materia, qua veteres in scribendo usi. v. Plin. lib. 13. c. 11. & 12. Alex. Neap. 2. gen. dier. Hor. 4. obs. 1. Salmaf. de mod. usur. c. 10. Vinn. Addenda omnino Bern. Montfaucon Palæographia Græca, & quæ eadem de re disseruit Jo. Mabillon in æterno opere de Re diplom. l. 1. Hein.

C O M M E N T A R I U S.

1 Unde sit, quod ceram pro tabulis veteres dixerint.
2 Testamenta non notis, sed litteris scribenda esse.

A Ntiqui fere in tabulis ligneis testamenta & quaslibet cautiones scribere solebant. Ex quo est, quod prætores in edictis suis de testamenti tabulis tantummodo loquuntur: & quod bonorum possessio, quæ liberis præteritis da-

tur, vulgo dicitur dari contra lignum, l. quod vulgo. 19. de bon. poss. cons. tab. & inde Juvenalis satyr. 13. & 16. adulterinas & mendaces cautionum tabulas appellat vana chirographa ligni. Tabulæ autem illæ cera illitæ erant, litterasque stylo, primum ferreo, postea osseo, in iis exarabant, unde factum, ut etiam cera pro tabulis diceretur. Sueton. in Jul. cap. 83. Quatum Padium ex quadrante herodem assinit; reliquæ in iis exarant. Horat. 2. satyr. 5. & 13.

Sic tamen, in limittibus, quid prima secundo Cera velit notu.

Juvenalis sat. 19. Accipe penam, scribe, puer, id est accipe tabellas ceratas, aut ceratos pugillares, eoque nihil apud hunc poetam vitatius. Ceterum etiam alia materia usos fuisse constat, veluti chartis, membranæ, sive pergamenis, foliis & libris quarundam arborum, l. librorum, l. de leg. 3. add. Plin. lib. 13. c. 11. & 12. Alex. ab Alex. 2. gen. dier. 31. Hotom. 4. obs. 1. Si quis curiosior, is adeat D. Salmaf. lib. de mod. usur. c. 10. Quamvis autem prætor in dandis bonorum possessionibus tabularum dumtaxat mentionem faciat; non eo tamen minus bonorum possessionem peti posse placuit, si in alia materia, quæ ad scribendum idonea sit, figura tabularum testamentum scriptum fuerit, l. 1. de bon. poss. sec. tab. Atque adeo et si in charta deletitia & opisthographo, l. 4. rod. Hodie Notarii, qui fere in testamentis adhiberi solent, in conficiendis instrumentis pergamenis uti solent: quamquam si in charta papyracea scripserint, non ideo protinus existimandum sit, instrumentum nullum esse, aut partium jura lædi, ut hic D. Viglius notat. Illud quoque non refert, quo genere sermonis, quæ lingua quis testamentum conscribat, l. hac consultiſſima. 21. §. ult. l. quoniam. 55. c. de testam. Ceterum litteris, usque usitatis & legibilibus scribendum esse placuit, non signis obscurisve notis, l. 6. §. ult. de bon. poss. Utique tamen si per notas usitatas, quibus scilicet utimur in designanda quantitate, portio hæreditaria aut summa legati expressa fuerit, institutio aut legatum non vitabitur, l. 9. §. 4. de her. inst. Vinn. Quam tamen periculosa aliquando sit notarum interpretatio, exemplo Galbæ discimus, de quo Sueton. cap. 5. Observari ante omnes Liviam Augustam, cujus testamento pene dictus est. H. S. namque quingentis quum præcipuum inter legatariorum habuisset, quia NOTATA non perscripta erat, summa, hæredes Tiberio legatum ad quingenta revocante, ne hæc quidem accepit. Hein.

T E X T U S.

De pluribus Codicibus.

13. Sed & unum testamentum pluribus codicibus conficere quis potest, secundum obtinentem tamen observationem omnibus factis: quod interdum etiam necessarium est; velut si quis n. vigaturus & secum ferre

Et domi relinquere iudiciorum suorum contestationem velit; vel propter alias innumerabiles causas, quae humanis necessitatibus imminant.

N O T A E.

13 *Pluribus codicibus*] Pluribus exemplaribus, l. 47. de legat. 2. pluribus tabulis, l. 1. §. 6. l. ult. quae in testam. del. ut tamen omnia sint inter se testam. 3. unius tenoris & formae, ac solemnitatis, d. l. ult. & facta quasi testamentum; non unum quasi testamentum, aliud quasi exemplum seu *diptychon*, d. leg. 1. §. 7. de bon. poss. sec. tab. add. Salmas. ubi sup.

C O M M E N T A R I U S.

1. An ut unius testamentum in plures codices referri, ita & plurimum testamenta in unum codicem conferri possint?

Pluribus codicibus] Id est, pluribus exemplaribus, l. unum. 24. hoc tit. l. 1. §. si quis. 5. de bon. poss. sec. tab. aut pluribus tabulis, l. ult. quae in test. del. Ait, unum testamentum. Nemo enim paganus cum duobus testamentis decedere potest, sed prius semper rumpitur à posteriore. Testamentum verò, quod quis pluribus codicibus consignavit, atque eodem tempore solemniter complevit, unum atque idem testamentum est, l. 1. §. 6. de tab. exhib. l. ult. quae in test. del. Sed & si quis in duobus codicibus simul signatis alios atque alios heredes scripserit, & utrumque extet, ex utroque quasi ex uno competit bonorum possessio: quia pro unis tabulis habetur, & utrumque pro supremo, d. l. 1. §. sed & si. 6. sec. tab. quem locum eruditè interpretatur D. Salmas. cap. 10. de mod. usur. pag. 417. & seq. ubi & alia minus trita. An autem quemadmodum uni licet testamentum suum in plures codices referre, ita ex contrario pluribus liceat sua testamenta conferre in codicem unum, sive in unius chartae volumine suprema ordinare, unis iisdemque testibus septem ad eam rem convocatis, unoque contextu adhibito, quaesitum est. Negant Vigl. & Hotomannus, quibus assentior. Etiam ut uniuscujusque testamenti propria contestatio est, ita & proprium ac separatim instrumentum esse oportet: admissaque illa diversorum testamentorum conjunctione, corrumpatur necesse est subtilissimum testamenti negotium, quod totum uno perpetuoque contextu ac tempore perfici atque absolvi debet, nec alienos aut extraneos aliorum actus intervenire patitur, l. heredes. 21. §. ult. hoc tit. l. hac consultissima. 21. l. cum antiquitas. 28. C. eod. In casu pupillaris substitutionis patris quidem & filii testamentum conjungi potest, unisque septem testium signis obsignari: sed hoc ideo receptum, quia pro uno testamento habetur, l. patris. 20. de vulg. & pup. subst. ut vel ex eo intelligere liceat, singula testamentum singulas seorsum desiderare solemnitates. Dissimulatio comm. DD. quorum sententiam ex pro-

fesso contra Viglium tueretur Peckius lib. 1. de testam. conj. cap. 19. & usus probavit: hodieque usitatissimum inter conjuges est, ut simul & unis solemnibus adhibitis testentur, & tam inscriptis, quam per nuncupationem: quod etiam Novella quadam Valentiniiani permissum fuit, tit. de testam. l. 1. add. Gail. 2. obser. 117.

Secundum observantiam observationem] Si unius testamenti plures sint codices, potest ex unoquoque bonorum possessio peti, sed ita, si omnes sint authentici, id est, si facti sint tamquam testamentum, eodemque tempore adhibita omni solemnitate completi, d. l. ult. de his quae in test. del. Aliud namque juris est, si testator unum fecerit, non quasi testamentum, sed quasi exemplum sive copiam, ut vulgo loquuntur, d. l. 1. §. sed si. 7. secunda. tab. Quia si ex apographo sive descriptione bonorum possessio daretur, magna aperiretur fenestra improbis hominibus ad testamenta subjienda, fac. l. 2. de fid. instrum. Quid verò juris erit, si ex binis tabulis ejusdem testamenti unam testator deloverit, aut inciderit? Responsum est, ex integritate hereditatem adiri, aut bonorum possessionem peti posse; nisi hi, qui ab intestato venire desiderant, probaverint, hoc animo à testatore incisas, ut intestatus moreretur, d. l. ult. quae in test. del. Quid si eidem diversa summa legata sit, puta in alteris aurei quinquaginta, in alteris centum? Proculus respondit, heredi parcendum esse, & tantum quinquaginta deberi, l. Sempronius. 47. de legat. 2.

Quod interdum etiam necessarium] Kerd. 11: si videlicet quis veretur, ne si forte unum tantum exemplar fecerit, voluntas exitum non sic habitura: quippe cum unum instrumentum facile amitti, aut alias perire, occultari aut suppressi ab heredibus venientibus ab intestato possit, l. unum. 24. hoc tit. l. si in duobus. 10. §. ult. test. quem. aper.

T E X T U S.

De testamento nuncupativo.

14. Sed hac quidem de testamentis, quae scriptis conscribuntur, sufficiunt. Si quis autem sine scriptis voluerit ordinare jure civili testamentum, septem testibus adhibitis, & sua voluntate coram eis nuncupata, sciat, hoc perfectissimum testamentum jure civili, firmumque constitutum.

N O T A E.

14. *Voluntate nuncupata*] Palam & clare pronuntiata, ut à testibus exaudiri & intelligi possit, dd. ll. 25. eod. Suet. in vit. Horat. Decessit herede Augusto palam nuncupato. Scriptum testamentum etiam clausum offerri testibus obsignandum potest, celato nomine heredis, unde Justinus Graecis dicitur.

COMMENTARIUS.

- 1 Communia testamento scripto cum nuncupativo.
- 2 Qua inter præcipue alienum ab altero distet?
- 3 Veteres rarius heredem nuncupare solitos fuisse quam scribere, & quare?
- 4 Modi seu formæ testandi, quibus in hisce regionibus fere usimur.
- 5 An testamentum secundum statutum aut consuetudinem alienius loci factum etiam vim habeat extra illum locum?

HOC § breviter comprehensa est forma testandi sine scriptura, live per nuncupationem: quæ testandi ratio tota est à jure civili: nam prætorii testamenti præcipua solemnitas consistit in oblatione testium, cui sine tabulis locus esse non potest. Cæterum prætor ut cunctos juris civilis etiam secundum nuncupationem bonorum possessionem dat. l. 8. §. ult. sec. tab. l. 2. C. cod.

Septem testibus adhibitis.] Testamento nuncupativo quædam communia sunt cum scripto, veluti numerus testium, eorumque conditio, & testationis unus contextus. Oportet quoque hic æquè testes rogari, aut certè admoneri, cujus rei gratia collecti sint, l. heredes. 21. §. pen. hoc tit. l. hac consultißima. 21. §. per nuncupationem. 2. C. cod. Olim etiam necesse fuit, ut is, qui per nuncupationem testaturus erat, formalibus verbis testes præmoneret; se ideo eos convocasse, quod sine scriptura testamentum facere constituisset. Sed cum ex ipsa nuncupatione satis appareat, quæ forma quis testari cogitet, Justinianus id sustulit, in testamentis. 26. C. cod. Quid verò, si de eo dubitetur? Finge, unum aut alterum è testibus adhibitis, cum testator ex scheda, in qua memoriæ causa voluntatem exceperat, recitato testamento heredem pronuntiasset, sublignasse & subscripsisse. Et vulgo rectè placuit propter superfluam solemnitatem non debere vitiari testamentum, quod utique omissa ea in vim nuncupationis valiturum erat. Planè si constet, scripturam, quæ proferatur ad testamentum faciendum, paratam esse, aliud dicendum erit, l. ex ea. 29. hoc tit.

- 2 Et sua voluntate nuncupata.] In hoc maxime distat testamentum, quod sine scriptura fit, à testamento scripto: nam scripturam testamenti potest testator, si ita illi videbitur, clausam coram testibus proferre, testarique, suum hoc esse testamentum, celato nomine heredis: quam ob causam hoc testamentum mysticum dictum. Nuncupare heredem, est lingua & verbis pronuntiare: unde nuncupare heredem & heredem pronuntiare pro eodem usurpantur. l. si is qui. 25. hoc tit. Gloss. Basil. nuncupatio, inquit non à γινώσκω. Palam autem voluntas hic nuncupanda est: non utique publicè aut in propatulo, quod particula palam aliquando significat, veluti cum mulier dicitur palam corpore suo quæstum facere: sed clarè & intelligentè sic, ut à testibus exaudiri & intelligi possit, d. l. heredes. 21. in pr. hoc tit. d. l. hac consultißima. 21. §. per nuncupationem. 2. C. cod. Pinnius in Insistit.

C. cod. l. ult. de jur. cod. ita Suetonius in vita Horatii: Decessit herede Augusto palam nuncupato, cum urgente vi valetudinis non sufficeret ad obfignandas testamenti tabulas. Proinde quod in testamento scripto necessarium non est, l. qui testamento. 20. §. pen. hoc tit. in nuncupativo omnino necessarium putamus, ut testes intelligentiam habeant sermonis testatoris; quo etiam fac. l. coram. 209. de verb. sign. eoque jure hodie utimur. Fuit quidem etiam in scriptis testamenti usurpata nuncupatio: sed in his significat generalem illam testationem voluntatis, cum testator tabulas testamenti tenens apud eos, qui ut testes essent, rogati erant, testabatur, id suum testamentum esse, non nuncupationem heredis. Ulp. sit. 20. §. 8.

Perfectissimum.] Respectu scilicet effectus, quem non minorem habet, quam testamentum scriptum; quod alioqui ratione solemnitatis perfectius est. Etsi autem ratio testandi per nuncupationem longè expeditior est, quam per scripturam: tamen testamenta nuncupativa minus usitata veteribus fuisse, quam scripta argumento est, quod passim tabularum testamenti & heredium scriptorum in libris nostris mentio fit; raro nuncupationis. Cujus ego rei duplicem esse causam reor; tum quod in testamento scripto necesse non est pandere ea, quæ scripta sunt, quæ celari sæpe interest & ipsius testatoris & heredium cæterorumque, quibus aliquid relinquitur; quam utilitatem testamentum nuncupativum non habet: tum quia scripti testamenti fides subscriptionibus & signis testium confirmatur; ex quo fit, ut etiam si testes decesserint, ratum nihilominus illud maneat: nuncupativi autem testamenti fides tota pendet à depositione testium, quibus mortuis aut aliquibus eorum, cum non sint aut pauciores sint, quam requiruntur, qui fidei iterum possint, & in judicio testimonium dicere, necesse est irritam fieri defuncti voluntatem. Sed huic incommodo postea occursum est adhibito tabulario, qui voluntatem coram testibus nuncupatam acciperet, ac eam gestam scripturæ suæ auctoritate confirmaret: cujusmodi scriptura & instrumenta tabellionum sola per se citra novum testium adminiculum vim probandæ ultimæ voluntatis habent; nec tamen quod ita factum est, ideo mox definit esse testamentum nuncupativum, cum solius probationis gratia scriptura interveniat, non quod sit de substantia testamenti: quamquam non negaverim, habere hoc genus testamenti nonnihil, quod naturam scripti testamenti sapiat. De quo vide Sichard. in l. hac consultißima. 21. §. per nuncupationem. 2. num. 2. C. hoc tit. In his regionibus et si nemo vetatur antiquo more ac ritu Romanorum testamentum condere; duobus tamen potissimum modis testamenta confici solent; uno coram duobus decurionibus sive Scabinis & Secretario loci, in quo testamentum fit, si ve in agro sive in oppido, quæ forma testandi respondet publicationi testamentorum apud a-

ita iudicium vel municipum, l. omnium. 19. C. hoc tit. altero coram Notario & duobus testibus; qui modus fere solus est in usu vulgi. Gude- lin. de iur. nov. lib. 2. c. 5. Grot. lib. 2. introd. c. 17. Exheredatio liberorum hoc amplius requirit, ut testes sint Scabini: quod arguit formula iuramenti à Notariis ingressu muneris præstandi: & cautum edicto quodam Caroli V. Groenevv. de ll. abr. hic. Notarius testatorem nosse debet: sin minus, ipsi testes, quos id quoque testificari oportet. Voluntas voce nuncupata à Notario scripto comprehendi solet, & in protocollum referri; unde postea perenti testatori solemne instrumentum conficiatur. Quin usu etiam receptum est, ut Notarius receptam in scheda voluntatem testatoris ipse recitet, ac testibus prælegat, deinde testatorem interroget, an omnia bene perceperit, ita velis, ita jubeat, eamque supremam suam esse voluntatem agnoscat: atque approbante testatore, testamentum perfectum censetur, etiamsi neque testatoris neque testium subscriptiones aut signacula habeat. Groenevv. d. loc. D. Jac. Coren. obs. 10. In quo longè recessum est ab antiqua ratione testandi per nuncupationem, quæ pro forma requirebat, ut ipse testator singula pronuntiaret, nuncuparetque sua voce omnia, quæ post mortem suam fieri veller. Quod sanè eo diligentius observandum erat, quia ad perfectionem hujus testamenti nihil amplius ius civile desiderabat. Nunc autem admittitur prælectione aliena, facile testatori imponi potest. Quid enim si Notarius aliquid addiderit de suo, quod testator præsertim ægrotus non animadvertat? Hæc etiam vulgo nota sunt. Quæsitum est, an testamentum juxta alicujus loci consuetudinem aut statutum factum etiam vim habet extra illum locum: exempli gratia, testator ibi testamentum fecit, ubi coram duobus testibus & Notario testari licet, ut in hac nostra Batavia; quæritur, an valeat etiam in iis locis, ubi septem testes requiruntur, uti in Frisia, ubi sequuntur ius civile? Affirmant comm. DD. in l. 1. C. de sum. Trin. Viv. 1. opin. 36. Coraf. de iur. art. p. 3. cap. 13. Covar. 2. de sponsi. §. 7. num. 8. Costal. ad l. 6. de evict. Anton. Perez. in C. de testam. num. 21. & secundum hanc sententiam sæpissime iudicatum. Guid. Pap. decis. 162. Testaur. 1. quæst. for. 8. Myns. §. obs. 19. & 20. Gail. 2. obs. 123. Jo. à Sande lib. 4. tit. 1. defin. 14. Sunt tamen, qui in contrarium eant, & in quæstione proposita sic distinguendum arbitrantur, ut circa res quidem

mobiles & nomina admittenda sit communis interpretentia; at circa res soli spectandum ius ejus loci, in quo fixæ sunt. Quippe res mobiles, quoniam ubicumque sunt, ibi sunt ex voluntate domini, & pro libitu ejus transferri possunt, personam sequi, non leges locorum: immobilia verò, utpote quorum certus perpetuusque situs est, regi secundum constitutiones loci cuiusque possessionis, per l. 4. C. de iur. fisc. l. ult. de iurisa. Ita constanter Mansuer. in sua prax. tit. de success. Buf. ad l. 6. de evict. Nic. Burg. ad consuet. Flandr. tit. 6. Christin. vol. 2. decis. 3. 4. & 5. & vol. 4. decis. 5. & 10. Mihi prior sententiæ probabilior videtur, multumque referre, utrum statutum disponat circa solemnitatem alicujus actus, an circa rem, puta fundum locumve: quæ statuta in rem concipiuntur. Qualia sunt, quæ de successione ab intestato disponunt, rem ipsam haud dubiè afficiunt, ut ubicumque sit, ejus loci, ubi est, legibus obstringatur. Idemque habendum de statutis, quæ circa habilitatem personarum dispensando aliquid disponunt. Gail. d. lib. obs. 124. & alii, ubi sup. Coraf. dist. par. 3. cap. 14. Gomez. ad l. 3. Tauri. n. 20. Quæ autem statuta disponunt circa actus solemnitatem dumtaxat, cum neque rem afficiant, neque personam actum celebrantis, sed ipsam solummodo dispositionem, quæ sit in loco statuti vel consuetudinis, rationi & juri consentaneum est, ut ea vim suam exerant etiam ad bona alibi sita; quoniam actuum solemnitas ad eorum spectant jurisdictionem, in quorum territorio celebrantur, per l. 6. de evict. l. 3. in fin. de testibus, l. 2. C. quemad. test. ap. facit l. 9. & ult. C. hoc tit. & alias contra rationem juris testato decedere volenti plura testamenta essent condenda, aut, quod absurdum est, plurium locorum consuetudines in uno testamento exquirere oporteret, actumque unum atque individuum, qualis est testamenti, secundum diversa loca dijudicari. Peck. de test. conjug. lib. 4. c. 28. in fin. D. Joan. à Sande dist. de fin. 14. ubi contraria scitè expedit, & prudenter temperat novam quamdam distinctionem Fachinzi. Adde, quæ nos lib. 2. select. quæst. cap. 19. Planè si lex expressè testatores sequi jubeat ius loci, in quo bona sita sunt, aliud dicendum est. Talis est constitutio Principum Brabantiae emissæ anno 1611. cujus meminerunt Burgund. Christin. Tuld. C. h. §. & Perezius dd. loc.

TITULUS UNDECIMUS.

DE MILITARI TESTAMENTO.

Dig. Lib. 29. Tit. 1. C. Lib. 6. Tit. 21.

Ratio ordinis. Militare testamentum quid hic significet?

Diximus sub rubrica precedentis tituli, duo esse testamentorum genera. Unum commune omnium civium, quod paganicum dicitur; alterum militum proprium, quod ideo appellatur militare. Haecenus quae tradita sunt de ordinandis testamentis, ea solum pertinent ad testamenta paganorum: militaria, de quibus porro nunc agitur, legibus istis soluta sunt. Militaria autem testamenta hic non accipimus omnia, quae facta sunt à militibus, id est, iis, qui in numero relati sacramento tenentur; sed quae facta sunt jure militari. Possunt enim & milites jure communi testari, l. 3. hoc tit. immo debent, cum extra castra versantur: sed cum in expeditionibus occupari sunt, proprio jure & privilegiario testandi facultatem habent, neglectis legibus omnibus, quae ad solemnitatem condendorum testamentorum pertinent. Itaque testamentum militis sive militare in causa proposita id solum intelligitur, quod à milite factum est in expeditione, jure militum proprio.

T E X T U S.

In militum testamentis solemnitates remissae.

Supradicta diligens observatio in ordinandis testamentis militibus propter nimiam imperitiam eorum constitutionibus Principalibus remissa est. Nam quamvis ii neque legitimum numerum testium adhibuerint, neque aliam testamentorum solemnitatem observaverint, recte nihilominus testantur, videlicet cum in expeditionibus occupati sunt. Quod merito nostra constitutio introduxit. Quoquo enim modo voluntas ejus suprema inveniatur, sive scripta, sive sine scriptura, valet testamentum ex voluntate ejus. Illis autem temporibus, quae cura expeditionum necessitatem in aliis locis, vel suis adibus degunt, minime ad vindicandum tale privilegium adjuvantur. Sed testari quidem, etsi filii familiarum sint, propter militiam conceduntur: jure tamen communi eadem observatione & in eorum testamentis adhibenda, quam in testamentis paganorum proxime exposuimus.

N O T A E.

Nostra constitutio] l. pen. C. h. t. id tamen & antea obtinuisse videtur, l. 1. l. 15. C. cod.

Quoque modo] Sive in clypeo, sive vagina, sive in pulvere, etc. *et alio modo* l. 15. C. cod. Synopf. Attal. tit. 34.

Suis adibus] In nonnullis est sedibus, testibus Vigl. & Giphani. & ita Cont. Vves. Fabrot. Sedes militum ex adverso opponuntur expeditioni. Veget. l. 3. cap. 4. & ult. Th. 118. m. id est, ut Schol. 9. 3. infr. *et id est*, in stativis aut hybernis. Sed et sunt stationes, l. 18. C. de Episc. aud. loca, ubi milites otiose commorantur. Lapsus hic est Cujac. consult. 49.

Propter militiam] tit. proxime seq. Significat filios familias militantes idem jus habere, quod patres familias stipendia item merentes, ut in expeditionibus jure militari, alias jure communi de peculio castrensi testari possint.

C O M M E N T A R I U S.

1 Imperitiam militum non esse causam principalem privilegii militaris, sed periculorum summationem.

2 Militibus remissa omnia, quaecumque subtilitatem magis, quam naturalem rationem habent, sive ea ad constitutionem testamenti pertineant, sive ad infirmationem.

3 In hybernis aut praesidiis locatos jure privilegiario testandi potestatem non habere, & num. 5.

4 Vaginem, clypeum, pulverem militi charta loco esse posse, ensen pro calamo, sanguinem pro atramento, &c.

6 Etiam filios familias milites jure militari in castris testandi licentiam habere.

Propter imperitiam eorum] Causa beneficii, cujusmodi etiam mandatis inserta est eo capite, quod extat in l. 1. hoc tit. & rescripto Antonini, l. 3. C. cod. quibus locis hoc beneficium concessum traditur propter eorum simplicitatem: hoc enim est, propter imperitiam. Nam cum simplicitati ut plurimum adjuncta sit rerum imperitia, immo verò cum ex imperitia nascatur simplicitas; hinc factum, ut simplicitas Latine interdum significet imperitiam. Ut in illo Nasonis, Heroid. ep. 2. v. 63.

Fallere credentem non est operosa puellam

Gloria; simplicitas digna favore fuit.

Idem quoque significatur in l. ult. in pr. C. de int. delib.

delib. cum milites dicuntur arma magis, quam jura scire. Atque huc accommodari aliquo modo potest, quod Tacitus scribit in *vita Agricol. cap. 9. Castrensis jurisdictio obscurior est, ac plura manu agens, calliditatem fori non exerceat.* At enim verò non est hæc ratio adæquata, neque simplicitas militaris aut sola est hujus privilegii causa, aut principalis. Non solas alioqui enim & feminis & rusticis idem privilegium concedi oportuisset, & militibus concedi sine exceptione temporis aut loci, & cum procul dubio multi etiam legum & juris periti stipendia fecerint, hos excipi. Non principalis, quia extra castra & tempus expeditionis privilegio uti non possunt. Principalis verò causa est, quam Ulpian. expressit *l. un. de bon. poss. ex test. mil.* laborum & periculorum functio cum in expeditionibus & castris sunt, quo tempore armorum cogitatio, pericula imminencia, & sese continendi necessitas, omnem aliam de jure cogitationem adimit. Et ideo nec militibus alio loco aut tempore suo jure testari licet, & aliis quibusvis, quamvis non mereant, in hujusmodi periculis & hostico, aut procinctu deprehensis, si ibi decedant, jure militari, quoquo modo velint, quoquo modo possint, testari permissum, *d. l. un. l. ult. hoc tit. VINN.* Quum id privilegium militibus concessum sit ab eo tempore, quo jam mercenaria militia loco selectæ invaluerat, non inepte credideris, veram ejus causam esse, ut homines allicerentur ad militiam & eo lubentius nomina darent. HEIN.

Constitutionibus Principalibus] Primus Julius Cæsar, ut auctor est Ulpian. *leg. 1. hoc tit.* liberam militibus testamenti factionem concessit, cæterum eam concessionem ait fuisse temporalem: postea verò primum Titum, & post hunc Domitianum eandem libertatem iterum dedisse, ac demum plenissimam indulgentiam in milites collatam à Nerva, & qui eum secutus est, Trajano; exinde hoc perpetuo privilegio milites usos, ut quoquo modo testari essent, rata esset eorum voluntas.

Neque aliam testamentorum solemnitatem observaverint] Puta in continuatione actus, in rogatione, subscriptione, & signatione testium. Itaque quamvis uno contextu actus testari non sint, quamvis testes adhibiti rogati non fuerint, quamvis per scripturam testantes non curaverint tabulas subscribi aut signari, nihilominus tamen rectè testari intelliguntur: placetque, nudam voluntatem militum non minus pro testamento servari, quàm aliorum solemnem dispositionem, *l. 1. & passim hoc tit. & C. cod.* Porro autem non in eo dumtaxat consistit privilegium militum, quod testamentorum non sint adstricta legibus, quæ ad externas illas solemnitates, numerum, rogationem, subscriptionem, obsignationem testium pertinent: sed in cæteris etiam partibus, siue illæ ad constitutionem testamentorum pertineant, siue ad infirmationem. Quæcumque subtilitatem magis, quàm naturalem rationem habent, ea omnia militibus remissa sunt, ut in uni-

versum rectè definit Duar. *c. 4. ad hanc tit.* Proinde et si miles liberos, quos in potestate habet, sciens præterierit, *l. sicut. 9. & seq. C. hoc tit.* siue heredem ex die aut ad diem instituerit, siue alias pro parte testato, pro parte intestato deceaserit, *l. 6. in fraudem. 15. §. miles. 4. l. si duobus. 37. l. miles. 41. cod. l. 8. C. cod. siue eum, quicum testamenti factio non est, heredem fecerit, l. idem. 13. §. 2. cod. siue filio emancipato aut cuicumque extraneo in secundum eam directo substituerit, *l. 5. d. l. miles. 41. §. 4. cod.* siue hereditatem codicillis directo dederit, *l. militis. 36. cod.* siue solis liberis, non etiam sibi testamentum fecerit, *d. l. in fraudem. 15. §. pen. d. l. miles. 41. §. ult.* nihilominus rectè testatur, & voluntas ejus prout facit, custoditur. Lege Falcidia ultra dodrantem jure communi legare non licet, militibus licet, *l. si certarum. 17. in fin. hoc tit. l. 12. C. cod. l. 17. C. ad leg. Falc.* Jure communi numquam per se nuda voluntas testatoris ad infirmandum testamentum valet; invito eo multis modis infirmatur, *inf. quib. mod. test. inf.* Ex contrario sola militis voluntas ad infirmandum sufficit, *d. l. in fraudem. 15. §. 1.* invito autem eo, extra casum maximæ aut mediæ capitis diminutionis *l. 6. §. sed si quis. 6. & seq. de injust. rupt. test.* testamentum ejus non infirmatur. Non agnatione, aut quasi agnatione sui hæredis, *l. 7. & seq. hoc tit.* (quod tamen temperabis *ex l. 9. & d. l. militis. 36. §. 2. cod.*) non ipsius adoptione aut adrogatione, *l. miles. 22. & seq. cod. §. pen. inf. cod.* non alio denique testamento postea facto, firmo, do & prius valere voluerit, *l. quærebatur. 19. cod.* Hæc summa est; quædam diligentius executionetur inferius.*

In expeditionibus] Expeditio dicta, quod milites sint expediti ad conflegendum cum hoste, quandocumque casus ingruat. Itaque expeditio non est conflictus ipse, neque etiam tempus bellis, sed totum illud tempus, quo milites in armis procedunt, aut sunt adversus hostem, siue eum persequantur, siue eum imminenti expedit, intenti ad opportunitatem rei gerendæ, vel ut invadant, vel ut invadentem sustineant ac propulsent. Cassiodorus *1. var. 17. Hanc merito expeditionem nominavere majores, quia mens de votis præliis, non debet aliis cogitationibus occupari.* Præsidia, hiberna, cæteraque loca, in quibus militem extra castra commorari necesse est, sedes, appellantur. Veget. *l. 3. de re mil. c. 4. & ult. Sallust. in Jugurth. cap. 37. Milites mense Januario hibernis in expeditionem evocat.*

Quod merito nostra constitutio introduxit] *l. pen. C. hoc tit.* An igitur ante hanc constitutionem Justiniani, quamdiu milites in numeris manebant, quocumque loco & tempore jure proprio testari potuerunt? Id quidem Viglius affirmat: sed ego ambigo. Nam & in *l. 1. C. hoc tit.* quæ Antonini est & in *l. miles. 15. C. cod.* quæ est Constantini, expeditionis expressa firmitatio, & ratio privilegii, periculorum functio, quam affert Ulpian. *de bon. poss. ex test. mil.* cessat, cum in castris & expeditione non sunt. Putarem tamen, olim milites,

litæ, qui in provinciis habebantur, jure militari illic testari potuisse, quasi in expeditione. In exceptionibus quoque declinandis & petendis in integrum restitutionibus ea tantummodo tempora militibus prodesse Justinianus voluit, quæ in expeditione currunt, l. ult. C. de test. mil. d. ult. Cod. quibus non obicit. long. temp. præser.

Quoque enim modo voluntas ejus, sive scripta, sive non scripta] Et scripta quidem valebit etiam nullis testibus adhibitis: nuncupata duobus probari poterit. Quinimmo militi jamjam in hostem pugnaturæ vagina, clypeus, pulvis, humus, chartæ vel tabularum loco esse possunt, & notæ pro litteris, l. Lucius. 40. hoc tit. sanguis pro aramento, ensis pro stylo, penna, aut calamo, l. miles. 25. C. cod. Cæterum hoc casu crediderim alio quoque opus esse testimonio, ut de eo constare possit, cum vix sit, ut ex hujusmodi scriptura manus alicujus agnosci queat, aut per comparisonem litterarum probari. Est enim voluntas militis quomodocumque declarata rata est; ea tamen legitimis probationibus ostendi debet, d. l. Lucius. 40. quod & Jo. Faber notat.

Vel suis adibus] Ita etiam legitur in utraque modo allegata constitutione, & l. ult. C. de poss. rev. in Basilicis, teste Cujacio, & tunc idem dicitur, Theophilus pro eo habet, & tunc ἀποδοῦν αὐτοῖς τὸν τόπον. Sed etiam autem esse Romanus scribit quæ Latini *statio* appellant. Ant. Augustinus in l. 18. C. de Episc. aud. vertit *stationes*. Suidas *statio* esse tradit. Et ita etiam apud Rustium de legib. milit. pro *quartæ*. Ego existimo, Theophilum intelligere loca omnia, in quibus milites commorandi potius, quam pugnandi causa habentur, puta hibernacula, aut ubi in prædiis sunt, ἢ δὲ διὰ τὸν αὐτοῖς ἀνάγκη, (sic enim ipse interpretatur) donec expeditio aliqua suscipiatur. Sedes militum dicuntur, & ex adverso opponuntur expeditioni. Veget. lib. 3. c. 4. Ita exercitati & eruditi in sedibus milites, cum ad expeditionem ex diversis conveniant locis, &c. Idem eod. lib. cap. ult. Milites parati & armati in sedibus convigunt, in expeditionibus spes & præmia faciunt meliores. Atque hoc etiam loco non adibus, sed sedibus Contius & Vvesembecius legunt: quomodo nonnullos etiam codices habere Viglius & Giphanius testantur. Puto autem, falsum esse Cujacium, qui ex facto consultus consult. 4. respondit, milites etiam in hibernis & prædiis locatos ibidem jure privilegii sui testari posse. Nam qui sunt in hibernis aut prædiis nequaquam dici possunt esse in expeditione aut castris, quod tamen expressè requiritur & hoc loco & §. sed hætenus. 3. inf. eod. Cessante autem causa privilegii & ipsum cessat privilegium, per vulgat. VINN. Cum Cujacio faciunt & alii, veluti Heenon in Inst. h. t. Gothofr. ad l. pen. C. hoc. Struv. Exerc. ad ff. h. t. §. 4. Sed Vinnii tamen sen-

tentia magis consentanea est l. pen. C. hoc tit. junctæ. l. un. ff. de bon. poss. ex test. mil. Conf. Tim. Fab. Disp. Anniv. 18. §. 16. HEIN.

Et si filiosam, sint, &c. jure tamen communi] Ex his verbis Porcius colligit, filiosam, jure militari testari non posse: quo nomine merito reprehenditur à Viglio. Locus planus est & apertus. Restrinxerat ante privilegium militibus datum ad ea tempora, quibus occupati sunt in expeditionibus: ne quis verò ex eo putaret, milites & maxime filiosam, alio tempore non posse testari ullo modo, subjicit, posse quidem etiam milites extra castra & expeditionum occupationes testari, & posse etiam filiosam, de quibus solis, cum à privilegio militari recesseris, jussè dubitari poterat; sed non aliter omnes & filiosam, de castrensi peculio tunc posse, quam jure communi omnium civium Romanorum. Non igitur negat Imperator, filiosam, milites in expeditione occupatos jure militari testari posse, sed ait, eos etiam cum in expeditione non sunt, testari posse, verum tunc non aliter, quam jure communi, significans, eos idem jus utrobique habere, quod patresfam. stipendia merentes habent. Ex præcedentibus autem apparet, quam inepti sint, qui militibus ordinum quorundam, veluti Teutonicis, Rhodiis, aut Maltenibus, privilegium jure militari testandi asserunt, quasi nulla in hac causa ratio habita sit nudæ dignitatis, aut militæ honorariæ. Vid. Duar. in hunc tit. c. 3.

Paganorum] Pagani propriè dicti rustici, viliani, αὐδοῦται, seu vicani. Hic autem & passim in libris nostris opponuntur militibus, eoque nomine significantur omnes αὐδοῦται. Peculium pagani & castrense, in pagano & in castris ἀγροῦ καὶ πόλεως. A Scriptoribus Ecclesiasticis, & in constitutionibus Imp. Christianorum gentiles etiam pagani appellantur: quæ appellatio, ut credibile est, inde nata, quod cum urbes fere omnes sub Constantino fidem Christianam amplexæ essent, tamen adhuc diu post in agris & pagis hæret religio gentilis, & reliquæ ethnicismi. VINN. Alii paganos dictos Deorum cultores existimant, quod Christo non militent. Sed Vinnii ratio solida est. Nam & Orosius in præf. lib. 1. Ex locorum inquit, agrestium compitis & pagis pagani vocantur. Et Prudent. in Roman. v. 296. eos ideo vocat pago delictos, itemque pago implicitos, adv. Symmach. lib. 1. v. 620. HEIN.

T E X T U S.

Rescriptum D. Trajani.

1. Plane de testamentis militum dicitur Trajanus Catilio Severo ita rescriptis. Id privilegium, quod militibus datum est,

ut quoquo modo facta ab his testamenta rata sint, sic intelligi debet, ut utique prius constare debeat, testamentum factum esse, quod & sine scriptura & à non militantis quoque fieri potest. Si ergo miles, de cuius bonis apud te quæritur, convocatis ad hoc hominibus, ut voluntatem suam testaretur, ita locutus est, ut declararet quem vellet sibi hæredem esse, & cui libertatem tribueret; potest videri sine scripto hoc modo esse testatus, & voluntas ejus rata habenda est. Cæterum si (ut plerumque sermonibus fieri solet) dixit alicui; Ego te hæredem facio, aut: Bona mea tibi relinquo; non oportet hoc pro testamento observari. Nec illorum magis interest quàm ipsorum, quibus id privilegium datum est, ejusmodi exemplum non admitti. Alioqui non difficulter post mortem alicujus militis testes existerent, qui affirmarent, se audisse dicentem alicquem, relinquere se bona, cui visum sit. Et per hoc vera judicia subverterentur.

NOTÆ.

1. *Et à non militansibus quoque*] Ita quoque in d. l. 24. Fabrotus mavult, ut à non militansibus quoque, quomodo legisse videtur vetus instit. Interpretes Gallicus, qui est in Biblioth. Reg. Verba citat Fabrot. quod valde placet. Ut autem à non militansibus jure communi, ita à militansibus jure etiam privilegiatio.

Convocatis hominibus] Saltem duobus, per l. 12. D. de testib. etiam sine solemnī illa rogatione aut præmonitione, quæ jure communi necessaria, l. 21. §. pen. h. t. nam utique etiam sine ea constare potest de voluntate militis, quod solum requiritur. Et ideo scripta militis voluntas, etiam nullis testibus adhibitis rata est, per l. 1. in fin. per l. 25. §. 1. cod.

COMMENTARIUS.

- 1 In scripto militis testamento testibus opus non esse, in nuncupativo contra.
- 2 Quot testes à milite per nuncupationem testante adhibendi?
- 3 An rogatio testium testamento militari necessaria sit.

Divus Trajanus ita rescripsit] Recitatur hoc idem rescriptum à Florentino in l. Divus. 24. hoc tit. Sententia rescripti hæc est, voluntatem militis qualemcumque, etiam eam quam sine scripto protulit, pro testamento observari; cæterum prius esse, ut constet appareatque, serio atque animo testamenti faciendi militem verba pronuntiasse. Hoc ut doceatur,

ipsorum militum maximè interesse, ne vera & seria eorum judicia subvertantur.

Et à non militansibus quoque] Giphanius legendum putat dempta negatione, à militansibus, quia, ut ait, alienum sit hic agere de non militansibus. Sed ratio ista tanti non est, ut propterea à consentiente omnium Codicum lectione, quæ & Pandectarum Florentinarum auctoritate confirmatur, recedendum sit. Non militantium autem ideo mentio fit, ut ex eo, quod his concessum est, arguatur quod militansibus licere debeat. Argumentum à pari est: Si licet non militansibus sine scriptura testari (intellige secundum solemnitatem, quæ jure communi in testamento non scripto requiritur) etiam militansibus licere debet eodem modo testari, scilicet citra solemnitatem. Nam ut ex verbis rescripti patet, consultus fuit Trajanus de testamento militis, quod hæredes ab intestato eo prætextu impugnabant, quod id sine scriptura factum esset. Acque ita quoque Theophilus, quem falso Giphanius aliter legisse existimat. Fabrotus in not. ad Theoph. mavult legi, ut à non militansibus quoque. Quod valde placet. VINN. Sed sensus idem manet si ET retineas. Nihil ergo opus est emendatione. HEIN.

Convocatis ad hoc hominibus] Ex his constitutionis verbis triplex orta controversia est; una de necessitate adhibendorum testium in testamento militis; altera de numero; tertia de eorum rogatione. De prima assentior Viglio, Cujacio, Hotom. Bachov. scilicet interesse, utrum miles per nuncupationem & sine scriptura testetur, an per scripturam: in nuncupatione omnino testibus opus esse, quod etiam hic locus expresse exigit: & quomodo alioqui de voluntate militis voce prolata constare poterit? In scripto autem testamento, etsi nulli testes à milite adhibiti sint, ratam tamen esse militis voluntatem, utpote de qua per scripturam & manum ipsius testatoris, quæ legitima probatio est, constare potest. Nihil autem amplius exigitur, quàm ut de voluntate militis quocumque modo testata constet. De numero testium adhibendo à milite per nuncupationem testante sic sentio, neque unum testem (quod putat Theophilus) sufficere, neque plures exigi, quàm duos. Illud, quia constitutio plurali numero utitur, neque unius testimonium legitimum est, quale tamen omnimodo requiritur, l. Lucius. 40. hoc tit. Hoc, quia pluralis elocutio duorum numero contenta est, l. 12. de testib. Atque ex ratione juris gentium, quod solum in testamentis militum consideratur, ad probationem alicujus actus duorum testimonium sufficit. De rogatione testium, quod tertium erat, eam non existimo in militari testamento esse necessariam. Primum, quia rogatio illa est pura puta solemnitas: in militaribus autem testamentis solemnitates omnes remissæ: deinde quia hæc omnium

testimonii denuntiatione. Et qui de presentia
sua falso deponunt, eadem opera se vocatos
& rogatos esse mentientur.

TEXTUS.

2. Quinimmo & mutus & surdus miles
testamentum facere potest.

- 1 Natura surdos & mutos in militiam legi non posse.
2. Quem natura vocē & auditu privavit, eident denegasse & facultatem restandi.
- 3 Eos quoque qui casu aliquo muti & surdi facti sunt, suprema condere non posse, nisi scribere sciant.
- 4 Notatur oſcitantia compositorum.

Plerumque sermonibus fieri soles] Puta in conviviis, circulis, ac congressionibus familiarium, ubi nonnumquam leviter quædam effundimus, & jactamus magis, quàm serio agimus aut loquimur. Et male ergo hinc colligit Hotomannus, ut ratum sit & pro testamento servandum, quod miles nuncupavit, non tam pendere ex militis voluntate, quantumvis serio testibus exposita, quàm ex convocazione testium & testimoni denuntiatione. Cum hoc tantùm hinc rectè colligatur, non quemvis sermonem militis, quocumque loco eorum quibusvis prolatum pro testamento continuo habendum esse; sed inspiciendas esse circumstantias, nec aliter, quàm si ex his appareat, animum condendi testamenti militem habuisse, ratum esse oportere, quod pronuntiaverit. Arqui de eo etiam constare poterit sine

loqui à natura datum est, sententiam suam de eo, quod post mortem fieri velit, alteri explicare possit, qui, ut ipse Faber fatetur, ignorat quid sit testamentum? Ac proinde etiam hoc Fabio videtur, nobis autem à *Sueto*; cum, quod natura negavit, beneficio Principis concedi non possit. Quod cum, probè animadverteret Jason in *add. ad Pere.* locum hunc, repudiato exemplo communi, accipiendum credidit de iis militibus, qui ex accidenti, accepto puta vulnere, aut morbo aliquo in castris affecti, facultatem loquendi & audiendi amiserunt. Et quia pagani etiam casu aliquo mutis & surdis factis, si litteras sciant, testari concessum est, *dist. l. discretis. 10. C. qui test. fac.* privilegium militum isto vitio affectorum in eo consistere putat, quod iis, etiam si scribere nesciant, testari liceat, & heredem per notas aut signa demonstrare; quod etiam Cantuinculæ placere video. Verum enimvero qui litteris non potest, quibus ille notis certam dabit (hoc enim omnino necessarium est ex constitutione Trajani) voluntatis suæ supremæ significationem? Signis verò testari quemquam mortalium posse, uti nusquam traditum est, ita nec admittendum, ut possit. Nam cum nulla signa idonea sint ad voluntatem ultimam alteri certo significandam, in re tanti momenti fides habenda esset divinationi quorundam ineptorum hominum pro arbitrio suo hujusmodi signa temere interpretantium. Putaverunt igitur alii, nullum hic novum privilegium proponi, sed idem illud, de quo supra dictum, tantum porrigi ad eos milites, qui muti & surdi facti sunt, ut nimirum his etiam liceat ante causariam missionem in numeris manentibus jure militari testamentum facere, contemptis solemnitatibus juris communis, *d. leg. 4. hoc tit.* ne quis forte putaret, defectum sensus ac loquelæ solemnitate juris supplendum, aut quia ob id vitium mox dimittendi sunt, privilegio uti non posse. Sed nimis evidenter hoc loco novum privilegium profertur, quod ad personas militum & potestatem testandi, non tantum ad formam & remissionem solemnium pertinet. Ego arbitror, peccatum hic aliquid esse oscitantia Compilatorum. Certum est, olim paganum mutum aut surdum testamentum facere non potuisse, nisi ut liceret sibi facere specialiter à Principe impetrasset, *l. 7. qui test. fac.* militem autem mutum & surdum potuisse citra novam concessionem ex privilegio militari, *l. 4. hoc tit.* Nec minus hoc certum habeo, neque paganum mutum simul & surdum natum, aut factum quidem, sed qui scribere nesciret, hoc unquam ex speciali gratia obtinere potuisse, quippe qui nec petere hoc potuit, neque militem in casu simili habuisse ex privilegio. Justinianus primus generali lege surdis & mutis (exceptis iis, quos modò dixi) facultatem testandi dedit, *d. l. discretis. 10. C.*

qui test. fac. ex quo cum etiam pagani hoc jus habuerint, id inter privilegia militaria, ut olim, amplius referri non debuit. Cum igitur nihilominus appareat, id hoc loco factum esse à Compilatoribus, oportet eos, cum hæc vel ex responso Ulp. in *d. l. 4.* vel ex alio veteri Jurisconsulto describerent, non meminisse constitutionis illius Justinianæ: quæ tamen jam dudum edita erat, ut apparet ex subscriptione. Fallitur autem Bachovius, qui eam etiam priori Codici insertam fuisse opinatur, cum primum edira sit biennio post editionem illius Codicis, anno scilicet primo post consulatum Lampadii & Orestis. VINN. Justo sæpius compilatores vellicat Vinnius noster, & aliquando nihil tale meritos. Possunt surdi & muti pagani testari, si vitium sit discretum: milites etiam si conjunctum, dummodo, quid agant, intelligant. Illi non nisi in scriptis: hi & nota. Quidni enim miles vulneratus, amisso linguæ & aurium usu, præsentibus commilitibus, signis quibusdam evidentissimis ostendere possit, quas res suas cuivis relinquere velit, si rationis usus ipsi salvus sit? Denique nec opus est, ut id militibus vulneratis, mortuis ante missionem, concessum dicamus. Nihil enim impedit, ut questio hæc oriri non possit, si in eo periculo testatus miles missionem impetravit, & paulo post ex vulnere decessit. HERN.

T E X T U S.

De militibus & veteranis.

3. Sed hætenus hoc illis à Principali constitutionibus conceditur, quatenus militantes, & in castris degunt. Post missionem verò veterani, vel extracastra alii, si faciant adhuc militantes testamentum, communi omnium civium Romanorum jure id facere debent. Et quod in castris fecerint testamentum non communi jure, sed quomodo voluerint, post missionem intra annum tantum valebit. Quid ergo si intra annum quis decesserit, conditio autem heredi adscripta post annum extiterit? an quasi militis testamentum valeat? Et placeat valere quasi militis.

N O T A.

3. Veterani] Οἱ ἀπολυθέντες & ἀναστράτας. Suid. qui justam missionem legitimis impletis stipendiis consecuti sunt, *l. 2. D. de veteran. l. 1. C. de exc. vet. ἀπολυθέντες ἐν τῷ αὐτοῦ χρόνῳ.* Julian. *orat. 1. v. Lips. ad 1. annal. & 2. Hist. Tac.*

C O M M E N T A R I U S.

1 Falli tam eos, qui putant, hunc §. solum pertinere ad milites surdos & mutos militis missos

missos, quàm qui negant ad hos pertinere omnino.

- 1 *An & quatenus milites capitis damnati jure militari testandi licentiam retineant?*
- 3 *An hic pertineant qui successoribus acceptis militare desinunt?*

1 **N**ulla ratio est cur dubitemus, utrum hic §. cum superiore connectendus sit, referendusque solum ad milites mutos & surdos, an generaliter ad omnes militia missos. Quippe cum justior causa dubitandi sit de mutis & surdis propter incertitudinem voluntatis eorum quàm de reliquis; & quotquot sunt hac de re loci in Pand. illi generaliter loquuntur de omnibus, qui honestam vel causariam missionem meruerunt, *l. quod constitutum. 21. l. testamenta. 26. l. quod dicitur. 38. hoc tit.* neque absurdum est aut superfluum repeti, quod semel dictum est, si id fiat alterius rei significandæ gratia, quàm quæ præcessit, ut sit hoc loco. Sunt ex contrario qui putant, ea, quæ hic traduntur, ad mutos & surdos milites dimissos aut extra castra versantes non pertinere: sed eos etiam post missionem aut alibi degentes retinere facultatem jure militari testandi: quod, ut unus error plerumque plures parere solet, ex eo natum est, quod crediderunt, mutos & surdos milites, sive ita natos sive factos, etiam litterarum ignaros, jure militari testandi licentiam habere: quos si missos dicamus, non aliter testari posse, quàm jure communi. Negamus, eos ullo modo posse testari: quia nec possunt jure communi, *l. discretis. 10. C. qui test. fac. & hoc verissimum est: falsum autem quod pro vero assumunt, posse ejusmodi mutos & surdos jure militari testari, ut abunde probavimus §. præc.*

Post missionem vero] Huic rei obstare videtur, quod etiam is miles, qui capite damnatus est, jure militari testandi licentiam habet, *l. ex militari. 11. hoc tit.* qui tamen maxime pro misso & exauctorato haberi debet. Non unum est, quod hic respondeatur. Nam primum miles capite damnatus privilegium testandi non retinet, nisi id nominatim sententia comprehensum sit, *l. si quis. 22. §. 1. de legat. 3. aut petierit & impetraverit, ut sibi jure militari testari liceret, l. cum hic. 32. §. si miles. 8. de donat. int. vir. & uxor. l. 6. §. sed et si. 6. de injust. rupt. irr. test.* Deinde nec is miles retinet, qui ex delicto communi capite puniri meruit, sed tantum, qui ex militari, *ad. ll. & l. 1. de vet. & mil. success.* nec eo quovis: non eo, quo fidei sacramenti rumpant, *d. l. 11. hoc tit.* verum ex leviori aliquo: sunt enim multa militis delicta minus atrocia, quæ tamen ut capite puniantur, rigor disciplinæ militaris postulat. Denique testandi jus his tantum conceditur de bonis castrensibus, quæ non vindicantur fisco; sed ab intestato ad proximos cognatos pertinent, *d.*

l. 1. & l. 2. de vet. & mil. succ. quod cum uni- cuique permissum sit à successione sua excludere facto testamento, id militi etiam in propo- sita specie permitti placuit.

Intra annum, &c.] Testamentum in castris jure militiæ factum jus suum etiam post missionem intra anni spatium retinet, vel eo usque, dum institutionis conditio extiterit, *l. quod constitutum. 21. l. testamenta. 26. l. quod dicitur. 38. hoc tit.* De anni spatio hæc causa assertur, quod privilegia absentibus Reip. causa, quales etiam sunt milites, concessa post reditum usque ad annum perseverant, §. *item. 2. sup. de exc. tut.* De conditione hæc, quia conditio quandocumque existens retrotrahitur, atque exinde perinde habetur, ac si ab initio purè institutio facta fuisset, *l. si pupillus. 26. de cond. inst. l. 11. §. 1. qui pot. in pign. l. 8. de per. & com. rei vend.* Cæterum missionem intelligi oportet, vel honestam, quæ emeritis stipendiis indulgetur; vel causariam, quæ propter valetudinem. Nam eorum testamenta, qui ignominie causa missi sunt, statim desinunt militari jure valere, *d. l. testamenta. 26. hoc tit.* Consule de hoc *l. 2. §. 2. de his qui not. infam.* Lippium in *lib. 1. Annal. Taciti.* Quæritur est, an quod hic traditur etiam ad eos pertineat, qui non missione, sed successoribus acceptis militare desinunt, quales sunt duces exercitus, tribuni cohortium, aut legionum, vel præfecti: nam testari quidem hos omnes jure militari posse, quamdiu exercitui, legionibus, aut cohortibus, præsent, certum est, *l. tribunus. 20. l. Titius. 25. hoc tit. l. 4. C. cod.* Et Africanus respondit, non pertinere, sed statim atque successorem acceperint, horum testamenta jure militari valere delinere, *d. l. quod constitutum. 21. hoc tit.* Ait autem non pertinere, quantum ad verba constitutionum attinet, quæ de missis loquuntur, non quibus successor datur. Quid si igitur nos cum Cujacio ad *d. l. tract. 4. ad African.* tentemus, ex sententia constitutionum etiam ad hos beneficium illud pertinere? Cur enim verba legum captamus? Aut quid in proposito refert, utrum quis dimittatur, an successorem accipiat? Certè Ulpianus non dubitat edictum de iis, qui notantur infamia, quod de missis loquitur, ad eos extendere, quibus successores dantur, *d. l. 2. §. 2. de his qui not. infam.*

TEXTUS:

Si testamentum factum ante militiam.

4. *Sed & si quis ante militiam non jure fecit testamentum, & miles factus, & in expeditione degens resignavit illud, & quedam adjecit, sive detraxis, vel alias manifesta est militis voluntas hoc valere volentis, dicendum est, valere hoc testa-*

testamentum, quasi ex nova militis voluntate.

NOTÆ.

4. *Ante militiam*] Id est, qui cum adhuc paganus esset, non jure communi testamentum fecit.

Resignavit] Resignare est signatum aperire, *ἀνοίγειν*, l. 1. §. 36. *depos. leg. 6. testament. quem. ap.*

Manifesta militis voluntas] Utique igitur semper necesse est, ut miles postea factus tempore expeditionis nova aliqua testatione voluntatem declaret: alias id testamentum ad privilegia militaria non pertinebit, l. 9. §. 1. l. 20. §. 1. l. 25. *hoc tit.* Nec obstat l. 15. §. 2. *ead.* ibi, si militis voluntas contraria non sit. Hoc enim sic accipiendum, quasi JC. dixisset, si militis voluntas, quæ postea secuta est, priori non sit contraria, sed eam confirmet.

COMMENTARIUS.

1 *Testamentum non rite à pagano factum jure militia valere, si is, miles postea factus & in castris degens, recenti aliquo judicio priorem voluntatem comprobaverit.*

2 *Si nulla nova voluntatis declaratio intervenit, testamentum illud ad privilegia militum non pertinere.*

3 *Ulpianus secum & cum aliis conciliatus.*

Aliud privilegium militare spectans confirmationem testamenti ante militiam non jure ordinati, quod tale est: Si quis, cum paganus esset, testamentum non jure communi civium fecit, & postea cum militare cœpisset, in castris aut expeditione degens, quovis recenti judicio, & live voce live facto aliquo declaraverit, se id testamentum valere velle, valebit ex nova militis voluntate: atque ita videbitur testatus per relationem. Est verò hoc superiori omnino consequens: nam cum militi nuda voluntate testamentum facere permissum sit, ei etiam permittendum fuit, testamentum, quod ante militiam fecit, nuda voluntate postea comprobare: quoniam hæc militis voluntas testamentum est l. 1. in fin. *pr. l. in fraudem. 15. §. 2. hoc tit.*

Resignavit illud, & quædam adjecit. five detraxit, vel alias manifesta, &c.] Ad confirmationem testamenti, quod quis inutiliter ante militiam fecit, uti nihil amplius requiritur, quàm ut miles postea factus tempore expeditionis id valere voluerit; ita etiam necesse est, ut hoc nova aliqua testatione voluntatis declaret. Duo enim semper in omni militari testamento exigimus; ut de voluntate militis constet; ut in expeditione testatus sit. At in proposito neque de voluntate militis constare potest, si nulla nova testatio intervenierit; quin

potius tunc censendus est, priorem inutilem voluntatem, qualem esse sciebat, talem manere voluisse: nec dici potest in expeditione testatus, à quo neque factum quicquam est, neque dictum, quod ad probationem prioris voluntatis pertineat. Enim verò non præcisè requiritur, ut miles recentem voluntatem aperte & verbis declaret, sed sufficit, eam te aliqua & facto significari, unde commodè intelligi possit: cujusmodi facta sunt, si testamentum resignaverit, legeritque, ac rursus suo signo signaverit, si aliquid adjecerit, detraxerit, interleverit, induxerit, emendaverit. Alterutrum autem horum omnino necessarium est, ut hic locus aperte ostendit, & apertius adhuc Jurisconsultus, l. *Tribunus. 20. §. 1. eod.* disertè scribens, si nihil eorum, quæ diximus intervenerit, testamentum ad privilegia militum non pertinere: quibus similia leguntur in l. *quod dicitur. 38. §. 1. in fin. eod. l. 8. §. 4. de jur. eod.* Omnium autem apertissimus in hanc sententiam locus est Marcelli in l. *Titius. 15. hoc tit.* ubi sic scribit: *Testamentum, quod (Titius) ante tribunatum fecisset, nihil si postea ab eo factum dictum esse probaretur, ad jus commune pertinet. Constitutionibus enim Principum non militum testamenta, sed quæ à militibus facta sunt, confirmantur.* Cur igitur in re manifesta laboramus? Propter responsum Ulpiani, quod exat in l. *fraudem. 15. §. 2. eod. tit.* in hæc verba; *Testamentum ante militiam factum à milite, si in militia decesserit, jure militari valere, si militis voluntas contraria non sit, Divus Pius rescripsit.* Ecce, non novam hic voluntatis declarationem Jurisconsultus exigit, sed tantum ut nulla contraria voluntas secuta sit: atqui hoc etiam tunc fit, cum nulla omnino secuta est. An dicimus, Jurisconsultum loqui non de eo, qui cum paganus esset, testamentum fecit, sed de milite, qui testatus est ante militiam? Ita quidem Gloss. Jo. Fab. & alii. Sed ego hoc non capio, neque intelligo, quomodo miles dici possit ante militiam testamentum fecisse, nisi militem accipiat *κατ' ἀναγκην* qui nunc miles est, cum tempore facti testamenti esset paganus: nec illa Ulpiani verba, *testamentum ante militiam factum à milite*, aliter accipi debent aut possunt, quàm si dixisset, *testamentum à milite factum antequam miles esset*, seu cum adhuc esset paganus: quibus etiam verbis ille ipse utitur, idem hoc rescriptum D. Pii referens, in l. 1. §. 9. *eod.* Hoc cum animadverteret Franciscus Hotomannus, *ἀναγκάων* esse pronuntiavit, quem secutus est Ant. Matthæus. Verum enim verò si hic antinomiali admittimus ubi non admittemus? Mille loci sunt, in quibus major in speciem cum aliis pugna est, quàm in loco Ulpiani cum iis, quos antea allegavimus. Fatetur Hotomannus, Julianum, Marcellum, Paulum, atque adeo ipsum Justinianum hoc loco exigere argu-

argumenta recentis iudicii, & prioris apertam probationem: sed ait, ita jus vetus fuisse; novum autem constitutum esse à D. Pio sola taciturnitate, quasi perseverantia iudicii contento; quod jus proferatur ab Ulpiano: quam ob causam etiam Justinianum reprehendit, quod contra quam in proœmio recipit, jus obsoletum hic nobis obtulerit. Si à solo Juliano, qui cæteris antiquior fuit, id proditum esset, poterat videri speciem aliquam veri habere, quod Hotomannus dicit. Sed cum etiam Marcellus, quo consiliario usum esse D. Pium testis est Capitolinus, & post hunc etiam Paulus, qui assessor Papiniani, & Ulpiani in assessoria collega fuit, auctore Lampidio in *Alexand.* idem affirmant, nullus color relinquatur, qui opinioni Hotomanni prætexi queat. Utiq; enim nimis putidum est dicere, aut ignorasse eos jus, quod à D. Pio constitutum erat, aut contra expressam constitutionem Principis respondisse. Quin etiam ipse Ulpianus in *l. 9. §. 1. hoc tit.* disertè in hac eadem specie exigit prioris voluntatis expressam approbationem, idque, ut testatur, secundum D. Pii rescriptum. Ait enim, testamentum factum à pagano, qui postea militare coepit, jure militari valere, si miles factus hoc maluit, ut à D. Pio rescriptum est. Quid verd hoc aliud est, quàm si dixisset, si miles factus indicio aliquo novæ voluntatis ostenderit, se id velle valere? Significantiore certè sunt verba Jurisconsulti, quàm ut de simplici silentio, aut voluntate in mente retenta intelligi possint. Atqui idem rescriptum est, idemque auctor, qui ejus meminit in *d. l. fraudem. 15. §. 2. cod.* ut proinde eundem utrobique etiam sensum esse, licet verba diversa sint, oporteat. Quod cum dicimus, hoc dicimus, verborum in *d. l. 15. §. 2. si militis voluntas contraria non sit*; & illorum in *d. l. 9. §. 1. si hoc maluit miles*; unam eandemque esse sententiam, quemadmodum ab uno eodemque prolata esse constat ad rem eandem significandam. Plus nimirum sensit Jurisconsultus in *d. l. 15. §. 2.* quàm scripsit: quod cum manifestum sit tum ex aliis locis, tum ex *d. l. 9. §. 1.* quæ est ipsius Ulpiani, cur verba urgemus, quæ & ipsa insuper ambigua sunt, & sic quoque accipi possunt, non ut nulla nova voluntas exigatur, sed ut saltem aliqua, quæ tamen priori contraria non sit, sed eam confirmet? Quamobrem miror, quid Hotomanno & Ant. Matthæo, summis aliqui viris, in mentem venerit, quod eos, qui ajunt, Ulpianum & secum & cum cæteris de re proposita convenire, contentionis quàm veritatis cupidiores esse, tam præcipientes pronuntiaverint.

T E X T U S.

Si adrogatus, vel emancipatus:

5. Denique & si in adrogationem datus fuerit miles; vel filiusfamilias emancipatus est, testamentum ejus quasi ex nova militis voluntate valet; nec videtur capitis diminutione irritum fieri.

N O T A.

3. Quasi ex nova militis voluntate] *l. 12. cod.* ut capitis diminutione secuta, voluntas repetita censeatur: nam jure communi requiritur nova voluntatis declaratio, *l. 11. §. 2. sec. tab.*

C O M M E N T A R I U S.

Jure communi testamentum irritum fit etiam minima capitis diminutione testatoris, puta si se adrogandum dederit, *§. 4. inf. quibus modis test. inf.* militare non item. Sed & si filiusfamil. miles à patre in adoptione datus fuerit aut emancipatus, placet testamentum ejus valere, nec capitis diminutione irritum fieri, *l. miles. 22. & l. seq. hoc tit.* Ut autem huic quæstioni locus sit, oportet, testamentum factum statuatur de bonis castrensis: nam filius quidem familias de aliis bonis testari non potest; pater autem familias, etsi potest, si tamen de omnibus bonis testatus sit, necesse est tale testamentum infirmari per adrogationem: quippe cum quicquid extra peculium castrense est, id acquiratur patri adrogatori: qua de causa etiam Jurisconsultus in *l. 23. hoc tit.* expressè meminit militis de castrensisbus dumtaxat rebus testati. Quamvis autem quod hoc loco & *d. l. 12. & l. seq.* proponitur, inter privilegia militaria referatur: idem tamen postea, neglecta subtilitate juris, productum videtur ad veteranos jure communi de bonis castrensisbus testantes, *l. 1. §. exigit. 8. de bon. poss. sec. tab. l. 6. §. ult. de injust. rupt. testament.*

T E X T U S.

De peculio quasi castrensi filiisfam. testari permissum, sed jure communi.

6. Sciendum tamen est, quod, cum ad exemplum castrensis peculii, tam anteriores leges, quàm Principales constitutiones, quibusdam quasi castrensis dederam peculia, & horum quibusdam permissum fuerat etiam in potestate degentibus testari, nostra constitutio id latius extendens permiserit omnibus, in hujuscemodi peculius testari quidem, sed jure communi. Cujus constitutionis tenore perspecto, licentia est, nihil eorum, quæ ad præfectum jus pertinent, ignorare.

NO.

NOTÆ.

6. *Nostri Constitutio*] d. l. ult. C. de inoff. test. l. ult. C. qui test. fac.

COMMENTARIUS.

¹ *Privilegium jure militari testandi etiam nostri temporis militibus competere.*

DE differentia & qualitate peculii filiorumfamil. actum sup. §. 1. per quas pers. cuiq. acq. hic tantum quædam monentur propter id peculium, quod ad exemplum castrensis filisfam. concessum fuit, olim eorum quibusdam dumtaxat cum potestate de eo testandi, à Justiniano cum eadem potestate omnibus, l. ult. C. de inoff. test. l. ult. C. qui test. fac.

Anteriores leges] Pandectas intelligo cum Cujacio. Etenim etiam ea, quæ legibus continentur, de hoc quasi castrensi peculio non esse ex lege aliqua ad populum lata, sed ex constitutionibus, argumento est, quod ipsum peculium castrense, cujus exemplo comparatum est quasi castrense, ex constitutionibus est. In Pandectis autem non semel tantum, aut ad summum iterum, ut falso Mynsingerus existimat, sed sæpius hujus quasi castrensis peculii mentio fit, ut in l. 1. §. in filii. 6. ad senat. Trib. l. 3. §. dari. 5. de bon. poss. l. 1. §. nec castrense. 15. de collat. l. filiusf. 7. §. ult. de donat. VINN. Rectè Vinnius negat, peculium quasi castrense esse ex lege libera rep. condita, si de vocabulo quæstio sit. Id enim omnino inventum ad exemplum peculii castrensis. Res ipsa tamen locum habuit in virginibus Vestalibus, Flaminibus, Dialibus, aliisque sacerdotibus, qui veteri ritu capiebantur. Gell. lib. 1. cap. 12. Hi enim licet patriæ potestati subessent, tamen poterant de peculiiis suis testamentum condere. Dicuntur quidem patria potestate exiisse: Ulp. Frag. tit. X. §. 5. sed Gellius addit: *sine copitis deminutione*, ne eos jura familiæ amisisse existimes. Quum itaque hoc privilegium sacerdotum admodum simile fuerit ei, quod postea constitutionibus principum filiis familias in peculio quasi castrensi datum novimus: non absurde existimari poterit, has *anteriores leges* hæc scribenti vel Triboniano, vel Cajo, vel alii cuicumque veteri Jcto, antiquitatis gnaro in animo fuisse. HEIN.

Quam principales constitutiones] Constitutiones intelligit recentiorum Imperatorum, qua-

rum quædam etiam extant in posteriore Codice, l. velut. 7. Cod. de assess. l. 4. C. de adv. div. jud. 1. l. un. C. de cast. omn. palat. pec. l. ult. C. de cast. pec. lib. 12.

Es horum quibusdam] Veluti consulibus, proconsulibus, legatis & præsidibus provinciarum, ceterisque in universum omnibus, qui positi erant in eminentiore aliquo dignitatis aut administrationis gradu: patronis verò causarum, memorialibus, agentibus in rebus, magistris liberalium artium, archiatis, & id genus aliis in tam ampla dignitate non constitutis, ea quidem, quæ hujusmodi operanti Reipub. navantes paraverant, plena proprietate concessa fuerunt, ut hæc etiam patre mortuo quasi peculium quoddam castrense præciperent: cæterum jus de his rebus testandi iis datum non fuit, l. ultim. Cod. de inoff. test. Hinc apparet, non satis validum esse argumentum, quo nonnulli filiisfamilas jus testandi defendunt etiam in peculio adventitio iis casibus, quibus plena ejus proprietas illis concessa est: de quo amplius sit. proxime seq.

Testare quidem, sed jure communi] d. l. ult. C. de inoff. test. d. l. ult. C. qui test. fac. Quare filiisfamil. omnes, qui quasi castrense peculium habent, idem per omnia in eo jus habent ex constitutione Justiniani, quod filiisfam. veterani in peculio castrensi: jure autem militari testari non possunt: hoc enim privilegium illis solis tributum est, qui sub armata militia stipendia merent: neque simpliciter, sed tunc, cum expeditionum laboribus occupantur, ut inepti sint, qui hoc extendunt ad alias militiæ species, togatæ scilicet aut alias imaginariæ, cujus crebra mentio in tribus posterioribus libris Codicis. Illud nihil refert, utrum quis pedes mereat, an eques. In classibus omnes nautæ & remiges milites sunt, l. un. §. 1. de bon. poss. ex test. mil. Quidam negaverunt, privilegia jure militari testandi competere militibus nostrorum temporum, eo quod vetus ratio legendi & ritus assumendi militem in desuetudinem abiit. Sed hoc argumentum nullius momenti est: durat enim nihilominus causa privilegii, laborum & periculorum functio, cum in expeditionibus sunt, ubi armorum strepitus vocem juris civilis eos audire non patitur, Vigl. ad rubr. hic. Gail. 2. obs. 118. Vaud. 1. 9. 55. Christin. volum. 4. decis. 3. Siehard. ad rub. C. h. t. n. 9. Grals. §. substitutio. quæst. 66. Grot. 2. introd. 7. Perez. C. de test. mil. in fin.

TITULUS DUODECIMUS.

QUIBUS NON EST PERMISSUM FACERE
TESTAMENTUM.

Dig. Lib. 28. Tit. 1. C. Lib. 6. Tit. 22.

¹ *Te testamentum conficitur, quoniam in persona testantis requirantur.*

² *Damnatos capite olim certo jure testandi facultatem amisisse.*

³ *An novellis legibus ab eo jure recessum.*

Reditus ad jus commune. Dissertit tit. 10. de forma & modo testandi: progreditur nunc ad personam testantis: quod est alterum ex tribus illis,

quæ in omni testamento considerata esse diximus sub rub. d. tit. In persona testantis duo exiguntur: unum est, ut conditione sit civis Romanus; quod indicat primum & secundum caput legis Falcidiz, l. 1. ad leg. Falc. Proinde testamentum facere non possunt peregrini, ad peregrinitatem redacti, ut deportati, l. 8. §. 1. & 2. h. 1. qui test. fac. l. 1. §. 2. de legat. 3. nam servi aut capiti ab hostibus, d. l. 8. §. ult. l. filiusfam. 16. hoc tit. §. ult. inf. eod. nec obfides, nisi eis permittatur, l. 11. eod. Ac ne is quidem, qui de statu suo & conditione incertus est, testari potest, l. 14. & seq. eod. l. 1. in pr. de legat. 3. Alterum est, ut sit sui juris, uno verbo paterfam. de quo statim in pr. hujus tit. Qui patresfamilium sunt, omnes testamentum facere possunt, exceptis iis, qui voluntatem suam recto certoque judicio significare aut exprimere nequeunt, de quibus in §. 1. & 3. seqq. nec non aliis quibusdam, quos lex ob delictum admissum, aut apostasiam hæreticæ nominationi testari vetat, l. 1. cui. 18. §. 1. l. cum lege. 26. hoc tit. l. 3. C. de apostat. l. 4. C. de hæret. & Manich. l. 6. & auct. seq. C. de incest. nupt. Olim omnes capitali crimine damnati certo jure testamenti factionem amittebant, quoniam statim atque sententiam passi essent, libertatem & civitatem perdebant, d. l. 8. §. ult. l. 6. §. sed & 6. de injust. rupt. test. l. 12. l. qui ultimo. 29. de pen. Ajo damnati: nam si quis indemnatus, quantumvis post accusationem & in custodia decessisset, ejus testamentum valebat, l. 9. hoc tit. uti & damnati appellatione interposita, medioque tempore pendente appellatione testati & defuncti, leg. 13. §. ult. eod.

³ Quæritur autem, an novellis legibus, Nov. 17. c. 12. Nov. 22. cap. 8. item. 134. cap. ult. unde auct. sed hodie. C. de don. int. vir. & ux. & auct. bona. C. de bon. præscript. ab eo jure recessum sit? Nam his constitutionibus & servitus pænæ tollitur, & bona capite damnatorum non publicantur, extantibus liberis & parentibus. Sed tamen quia eis bona adimuntur,

Pinnius in Institut.

& in liberos vel parentes transferuntur, ne hodie quidem eos testari posse dicendum videtur, D. Tulden. hic cap. 6. add. Salicet. in d. auct. sed hodie. Vasq. 3. contr. illust. 96. Grassi. §. testamentum. quest. 26. Clar. §. testamentum. quest. 21. Jac. Vervey tract. de art. testam. cap. 4. ubi notat, in his regionibus damnatos capite, quorum bona publicata non sunt, testamenti factionem retinere.

TEXTUS.

De filiofamilias.

Non tamen omnibus licet testamentum facere. Statim enim ii, qui alieno juri subiecti sunt, testamenti faciendi jus non habent: adeo quidem, ut quamvis parentes eis permiserint, nihilo magis jure testari possint: exceptis iis, quos antea enumeravimus, & præcipue militibus, qui in potestate parentum sunt: quibus de eo, quod in castris acquisiverunt, permissum est ex constitutionibus Principum testamentum facere. Quod quidem jus ab initio tantum militantibus datum est tam ex auctoritate Divi Augusti, quam Nervæ, nec non optimi Imperatoris Trajani: postea vero subscriptione divi Hadriani etiam dimissis a militia, id est, veteranis concessum est. Itaque si quidem fecerint de castrensi peculio testamentum, pertinebit hoc ad eum, quem heredem reliquerunt. Si vero intestati decesserint, nullis liberis vel fratribus superstitis, ad parentes eorum jure communi pertinebit. Ex hoc intelligere possumus, quod in castris acquisierit miles, qui in potestate patris est, neque ipsum patrem adimere posse, neque patris creditores id vendere vel aliter inquietare, neque patre mortuo cum fratribus commune esse: sed scilicet proprium esse ejus, qui id castris acquisierit: quamquam jure civili omnium, qui in potestate parentum sunt, peculia perinde in bonis parentum computentur, ac servorum peculia in bonis dominorum numerantur; exceptis videlicet iis, quæ ex sacris constitutionibus & præcipue nostris propter diversas causas non acquiruntur. Præter hos igitur, qui castrense pecu-

Z

liam,

lium, vel quasi castrense habent, si quis alius filiusfam. testamentum fecerit, inutile est, licet sue potestatis factus decesserit.

NOTÆ.

Qui alieno juri subiecti] Filiisfam. testamentum facere non possunt, l. 6. h. t. l. pen. C. cod. & olim quidem vel ideo non poterant, quia nihil suum habebant. Ulp. tit. 20. §. 9. Hodie non possunt, quia ne nunc quidem quicquam pleno jure tamquam patresfam. habent, excepto peculio castrensi & quasi; de quo ob id etiam testari iis permissum. Testandi autem facultas solis patribusfam. lege concessa: *Paterfam. uti legasset*, &c. Cic. ad Heren. lib. 1. cap. 13.

Quamvis parentes permiserint] Quia testamenti factio juris publici est, l. 3. h. t. id est, ei soli competit, cui jure publico permilla. Ex quo efficitur, ut nec consentiente patre codicillos facere, legatumve aut fideicommissum relinquere filiusfam. possit, l. 6. §. 3. de jur. cod. l. 15. §. 1. de mort. caus. don.

Jurecommuni] Id est, jure hæreditario, post liberos & fratres intestato mortui, ut est in textu, l. 3. l. 4. C. de bon. que lib. jure novissimo à liberis solum, non etiam à fratribus parens excluditur. Nov. 118. c. 2. Explodendum igitur, quod Cujac. Pac. Fabro. in margine notant, jure communi, id est, jure patrio, jure peculii, ex veteri & rogato jure in l. 2. de cast. pec.

Proprium ejus esse] Ita ut in eo vice patrisfam. fungatur, l. 2. de SC. Mac. quod jus & quasi in castrensibus ei postea tributum §. ult. tit. sup.

Quamquam jure civili] Oratio perplexa & sententia tamen Justiniani ex iis quæ antecedunt & mox subjiciuntur, satis manifesta. Vide comment.

COMMENTARIUS.

- 1 Cur filiisfamilias testamenti factionem non habent?
- 2 Cur ne patre quidem consentiente recte testentur, cum ita mortis causa recte donent?
- 3 An testamentum à filiofam. factum cum consensu patris propter adscriptam clausulam, ut id valeat cujuscumque ultimæ voluntatis vi, saltem sustineatur in vim donationis causa mortis?
- 4 Intestato filio mortuo, peculium castrense jure Codicis ad patrem non redisse jure peculii; sed liberis & fratribus non extantibus, jure successionis ad eum devolurum.
- 5 Peculio pagano adventitio cum castrensi communia.
- 6 Plenius ac planius quam vulgo ostenditur, filiumfam. ne de iis quidem adventitiis testari posse, quorum fructus patri non quaritur.

7 An de his codicillos facere, aut sine patris consensu mortis causa hæc donare possit?

8 Quid hic moribus harum regionum receptum?

Qui alieno juri subiecti] Lex duodecim tabularum liberam testandi facultatem civibus concedens præcisè ac definitè de patribusfam. locuta est. Extat integrum legis caput apud auctorem ad Herennium lib. 1. c. 13. in hæc verba; *Paterfamilias uti legasset super familia pecuniæ suæ, ita jure esto*. Ex eo, quod Decemviri hoc jus nominatim concesserunt patribusfam. hoc est, civi Romano, qui sui juris est, satis intelligitur, idem eos filiisfam. permittere noluisse. Quinimmo non potuerunt nisi ridiculè testandi facultatem permittere iis, qui nihil suum habebant, de quo testari possent: quippe notum est, filiosfam. olim omnia patribus, quorum in potestate erant, pleno jure acquisivisse; quæ etiam ratio, cur filiisfam. testari non possint, reddita est ab Ulpian. in fragm. tit. 20. §. filiusfam. 9. duratque eadem etiam nunc. Quicquid enim hodie filiisfam. proprium est, in eo non ut filiusfam. sed ut paterfam. consideratur. Et peculium quidem castrense & quasi castrense sub qualitate patrisfam. ei plenissimo jure concessum est: ceterum & in adventitio quadantenus vicem patrisfam. sustinet: cum alioqui ne proprietar quidem hujus peculii penes eum esse posset, pugnatque cum conditione filiisfam. aliquid proprium habere. Hoc autem posito, filiosfam. jus testamenti faciendi non habere, consequens est, eos nec legatum aut fideicommissum relinquere, aut codicillos facere posse: quippe quæ iis demum permilla sunt, qui & testamentum condere possunt. l. 2. de legat. 1. l. 1. §. 2. de legat. 3. l. 6. §. pen. de jur. cod. Denique in his etiam locum habet ratio Ulpiani, quod filiisfam. nihil habent proprium.

Quamvis parentes eis permiserint] L. 6. cod. Atque hoc etiam ut confectarium ex superiori deducitur. Etenim permissio illa patris non efficit ut filiusfam. incipiat esse paterfam. Lex autem duodecim tab. non aliis, quam patribusfam. testandi potestatem concessit: eoque pertinet quod Papinianus scribit l. 3. cod. Testamenti factio non privati sed publici juris est, hoc est, jus testamenti faciendi non privatorum auctoritate, sed jure publico & legibus cuique tribuitur. Adde, quod ne sic quidem filiosfam. quicquam acquiritur, de quo testari, aut in quo heredem habere possit. Ex quo jam etiam efficitur, ut nec consentiente patre codicillos facere, legare aut fideicommissum relinquere valeat. Eadem enim utrobique ratio est. An igitur filiosfam. nec mortis causa donare volente patre permittendum? Ita videri potest, cum mortis causa donationes per omnia fere ultimis voluntatibus comparentur, §. 1. sup. de donat. l. ult. C. de mort. caus. don. Placuit tamen, posse filiumfam. permittente patre mortis causa dona-

donare: nimirum quia donatio mortis causa, etli in plerisque jure ultimæ voluntatis censetur, in quibusdam tamen naturam negotii inter vivos & contractus habet, *l. senatus. 35. §. 3. de mort. co. don.* maximeque in eo, quod eam perficiendam traditione aut conventionione opus est, ut pluribus ostendimus in *d. §. 1.* ac proinde hætenus etiam eodem jure cum conventionibus haberi, hoc est, privatorum arbitrio regi debet, perindeque habendum, ac si pater ipse per interpositam filii personam donasset, in eoque usus esset filii ministerio. *l. 9. §. 2. de donat.* Atque hanc ob causam, etli filii quoque persona in hac donatione spectatur, tum in ea perficienda, tum infirmenda, putarem tamen, etiam patrem eam revocare posse, cum Bart. in *l. 2. §. 1. de donat.* Ang. & Jo. Fab. hic. Nam quod traditum est de testamentis, ea non debere pendere ex alieno arbitrio, *l. illa infirmatio. 32. de her. inst.* protinus ad mortis causa donationes trahendum non est. Non obstat iis, quæ diximus, argumentatio Ulpiani in *l. 1. §. 1. de tut. & rat. distr.* concludentis, ei, cui testamenti factio permessa non est, nec permittendum esse mortis causa donare. Procedit enim ista argumentatio in patrefamil. qui bona propria habet, sed testari non potest propter ætatem & defectum iudicii, qualis est pupillus, de quo etiam Jurisconsultus loquitur. Hinc jam illud quaesitum est, si filiusfamil. testamentum cum consensu patris condiderit adscripta clausula: *si non valeat jure testamenti, valeat jure codicillorum, aut cujuscumque ultimæ voluntatis vi*, num in hac specie voluntas filii sustineri debeat saltem in vim donationis causa mortis? Et vulgo placuit, debere: quoniam appellatione ultimæ voluntatis etiam mortis causa donatio continetur, & in proposito clausula illa, *aut cujuscumque ultimæ voluntatis*, in nulla alia specie ultimæ voluntatis verificari potest, quam in donatione mortis causa: quæ utique patris consensu facta valet, ut jam demonstratum est. Ita D. Vigl. hic n. 10. Clar. §. donationis. quasi. 6. n. 8. Thesaur. decis. 150. Fachin. 5. contr. 64. VINN. Cæterum in eo, quod ne permittente quidem patre testari potuerunt filii familias, deterior fuisse videtur eorum conditio, quam servorum, quos permittentibus dominis condidisse quasi testamenta, docet exemplum apud Plin. lib. 8. Epist. 16. HEIN.

Exceptis iis, quos antea enumeravimus] Qui scilicet castrense & quasi castrense peculium habent. In his enim bonis filiusfamil. beneficio Principum testamenti factionem habuerunt, *§. ult. præ. tit. l. ult. C. de inoff. test. l. pen. & ult. C. hoc tit. l. 7. §. ult. de donat.* & quoad cætera quoque in hoc peculio plenissimo jure patrumfamil. usi sunt, *l. 2. de Sen. Mac. l. 4. de judic. excepto* quod intestati morientes in eo etiam exitum filiorumfamilias patiebantur, *leg. 2. de cast. pecul.* de quo mox uberius.

Quod jus ab initio tantum militibus, &c.] Refert Imperator, quibus gradibus ad summum ejus juris, quod filiam. in castrensis habent, pervenit. Initium ejus Augusto tribuit. (Ulpianus Julio, *l. 1. de test. mil.*) progressum Nervæ & Trajano, (Ulpian. *d. loco* etiam Titi & Domitiani meminit) patetque ex illo Juvenalis sat. ult. v. 52.

Solis præterea testandi militibus jus

Vivo patre datur, &c.

sub Domitiano idem obtinuisse: consummationem Hadriano: quippe illi militibus tantum, hic etiam veteranis de eo, quod in castris acquisiverunt, cæteroque peculio, quod militæ beneficio adepti sunt, *l. 11. de cast. pec. vivis parentibus*, quorum in potestate sunt, testandi facultatem dedit, ita ut quod antea solum militum erat, id bonorum privilegium rescripto Hadriani factum sit. Illud interest, quod veteranis non nisi jure communi, militibus etiam suo, id est, militari jure, testamentum facere permissum est. Veterani autem dicebantur, qui vel exauctorati sub vexillo adhuc retinebantur, cæterorum immunes, nisi propulsandi hostis; vel qui confectis legitimis stipendiis protinus dimissi erant, *apertius dicitur videri*. Consule commentaria D. Lipsii in lib. 1. Annal. Taciti, ubi & de annis legitimæ militæ.

Ad parentes eorum jure communi pertinet] Ut patet in peculio castrensi vivente filio nihil juris habuerit, ipsique filio concessum, in eo, quem vellet, hæredem sibi instituere; tam diu jus vetus hætenus patri conservatum fuit, ut filio intestato mortuo, jure peculii etiam bona castrensia ad patrem redirent, eademque hoc casu adhuc esset conditio castrensis peculii & pagani, nec in illo magis, quam in hoc filiusfamil. hæredem ab intestato haberet. *l. 2. l. 9. l. 14. de cast. pec.* Cæterum huic juri posteriorum Principum constitutionibus derogatum est; & primum liberis militis aut veterani intestato mortui, deinde fratribus bona castrensia jure hæreditatis delata, & tertio ordine parentibus: id quod hic locus aperte ostendit, atque ex eo etiam perspicuum est, quod filiusfamil. etiam in bonis adventitiis, maternis & materni generis, lucrisque nuptialibus, eodem hæredes habere placuit, *l. 3. l. 4. C. de bon. qua lib. l. ult. C. comm. de success.* quibus tamen in bonis plus patri relictum, quam in castrensis. Igitur quod hic Imp. ait, filiorumfamil. intestato decedentium bona castrensia, non extantibus liberis aut fratribus, ad parentes pertinere jure communi, non sic accipiendum est, ut Cujac. Hotom. Pacius, Fabrotus, & s. re quotquot sunt, fecere, jure peculii secundum jus antiquum, quo filii morte etiam peculium castrense, non quasi hæreditas, sed quasi peculium & quasi a patre profectum ad patrem redibat; verum jure successionis seu hæreditatis, quæ tertio loco parentibus

tribus ab intestato desertur ex constitutionibus Principum, novo quidem, sed communi jure. Nam si jure peculii ea bona adhuc ad patrem redire oporteret; nemo in iis patri præponi posset, ac nec cuiquam deferri possent jure hæreditario; sed pater tamquam jam olim sua & à se profecta statim occuparet: nisi quis putet cum Viglio dici posse, liberis aut fratribus supersticibus jus patris quiescere; illis autem deficientibus, pristinum jus patri integrum relinqui. Sed hanc interpretationem prædictæ constitutiones non ferunt, quæ omnes loquuntur de jure & ordine successionis; add. quæ scripsi ad §. ult. inf. de leg. agn. succ. Plurimum verò interest, utrum dicamus, jure peculii, an hæreditario ad patrem hæc bona pertinere: quippe illo casu, mortuo filio, ipso jure apud patrem remanent, quasi perpetuo ipsius fuerint; hoc casu sine additione nec acquiri, nec transmitti possunt: illo casu, peculio tantum tenus creditoribus filii respondere tenetur; hoc, in solidum, nisi inventarium confecerit, §. 5. inf. de her. qual. illo denique casu matrem excludit, hoc casu non item. Hodie jus liquidum est, atque hæc disputatio penitus sublata. Constat enim ex Nov. 118. bona filii- fam. live castrensia, live pagana adventitia non amplius jure peculii, sed hæreditatis patri deferri; nec jam ordine tertio sed secundo, ita ut cum eo mater simul & fratres defuncti admittantur.

Ex hoc intelligere possumus &c.] Subjiciuntur hic quædam alia jura, quæ filiusfam. in castrensi peculio habet, & nimirum hæc tria; primum, quod hoc peculium ita filii proprium est, ut pater id ei adimere non possit: alterum superiori consequens, quod creditores patris id vendere aliove modo inquietare nequeant: tertium, quod patre mortuo, id filius præcipuum habeat, nec cum fratribus communicare, aut his conferre cogatur. Quæ cuncta, aliaque plura etiam jure veteri obtinebant. Nam, ut ante dictum est, filiusfam. in castrensi peculio in omnibus jure patrisfam.ungebatur, tantum intestatus tamquam filiusfam. decedebat, l. 2. de sen. Act. l. 4. de judic. l. 4. de cast. præ. junct. l. 2. cod. Quæ autem hic traduntur, olim erant castrensis peculii propria: hodie verò castrensi cum pagano adventitio sunt communia: nam nec adventitia bona pater filio nunc adimere potest: & quod olim in castrensibus juris erat, ut fratribus non conferrentur, l. 1. §. nec castrense. 15. de collat. idem hodie obrinet & in adventitiis, l. ult. C. cod. sit. In solo profectitio peculio nihil mutatum est, sed quemadmodum id totum patris mansit, ita potest filio id pater adimere: ita patre mortuo cum fratribus communicandum: ita filius patri debet, ut id creditores paterni sibi habeant. Nam quando ab Ulp. traditum est l. 3. §. sed utrum. 4. in fin. de minorib. si patris bona à fisco propter debitum occupata

sunt, peculium profectitium filio ex constitutione Claudii separari, id specialis humanitatis est. Princeps dum jus fisci minuit, suum minuit: at alteri jus quæsitum auferre non debet, l. 2. de his qui sui vel al. jur. & fortassis debitum &c. &c. Jurisconsultus accepit pro debito ex causa delicti damnato patre. Nullam certe rationem habet, quod D. Viglius putat, ex causa delicti peculium à fisco occupari, ac non ex causa debiti: longè enim major ratio est, ut peculium filii separaretur patre damnato, quam cum fisco venit ut verus creditor: quippe cum in pæna nec privilegium habeat, sed creditoribus postponatur, l. 11. l. in summa. 17. l. quod placuit. 37. de jur. fise. l. un. C. pæn. fiscal. cred. præf. lib. 10. Ergo, inquis, non fisco, sed filio damnato patre actione de peculio conveniendus est, contra quam responderet idem Ulpian. l. 1. §. 4. quand. act. de pec. ann. Respondeo, fisco etiam ea actione teneri, sed tunc cum filius peculium repudiavit: alioqui conventum exceptione se tueri, & creditores ad filium remittere posse.

Quamquam jure civili omnium, qui in potestate] Perplexè & salebrosè hæc traduntur. Jure civili antiquo filiusfam. omnia patri acquirebat haud secus ac servus domino, uti dictum est §. 1. sup. per quas pers. primus Augustus excepit peculium castrense, aut potius milites in causa hujus peculii; Hadrianus etiam veteranos: mox & quasi castrense peculium exceptum: procedente tempore etiam adventitium, & præcipue constitutionibus Justiniani: non tamen ut per omnia eodem jure peculium adventitium apud filium esset, quo castrense & quasi castrense, sed ut ille ejus proprietatem, pater usumfructum regulariter haberet. d. §. 1. l. cum pater. 6. C. de bon. qua lib.

Præter hoc igitur, qui castrense peculium vel quasi] Quamvis non tantum castrense & quasi castrense peculium, sed quædam etiam bona filii adventitia ex constitutionibus patri non atquirantur, atque à Justiniano in universum adventitiorum omnium proprietates filio concessæ sit: in duobus tamen istis generibus dumtaxat jus testamenti faciendi ei permissum, non item in tertio. Non habet hæc res dubitationem, cum, quod regulare est, filius tantum nudam proprietatem in peculio adventitio habet, pater usumfructum: sed cum sint quidam casus, quibus filio plena & solida proprietates acquiruntur, anne tunc quidem de his bonis testari possit, non satis convenit. Casus unus jam tum erat, cum Institutiones componerentur. Nam in l. ult. C. de bon. qua lib. sic à Justiniano constitutum est, ut si filio hæreditas aut legatum fidei vel commissum delatum sit, & pater filio consentire nolit, ut hæreditatem adeat, aut relicta agnoscat, filius propria auctoritate patre invito id facere possit, & sibi hoc factum, quod relictum est, in totum acquirat. Novellis constitutionibus plures hujusmodi species introductæ. Idem etiam obtinere placuit

in rebus filiosam. ea lege datis, ut ne usufructus ad patrem perveniat: item in hereditate fratris aut sororis, ad quam una cum filio pater admittitur: postremo etiam in iis rebus, quæ filio deferuntur, patre divortium faciente sine causa, *amb. excipitur. cum. 2. seqq. de bon. que lib.* An igitur ne his quidem casibus filio permissum de peculio adventitio testari? Sunt qui putant, permissum esse, & Triboniano hæc scribenti in mentem non venisse *h. ult. §. ipsum autem. §. vers. filius autem. C. d. tit. ubi Justinianus duntaxat eo casu, quo apud patrem usufructus est, filium de bonis adventitiis testari non permittit: inde enim à sensu contrario colligunt, in altera specie adventitiorum id ei licere. Probabilis sanè collectio, nisi ipse Justinianus postea mentem suam clarè exposuisset. Nam cum hæc ipsa questio jam tum ætate Justiniani, nec multo post emissam *d. l. ult.* exorta esset, ipse nova constitutione edita dubitationi occurrat, quæ est *l. pen. C. qui test. fac.* qua declarat, minimè sibi in constitutione nuper à se promulgata propositum fuisse, filiisfam. in bonis adventitiis permittere testamenti factionem, sive cum consensu, sive sine consensu patris bona possideant, ac proinde sive nudam sive plenam eorum proprietatem habeant; sed in hoc antiquam legem per omnia servari jubet. Conferantur inter se constitutiones; perspicuè apparebit, alteram alterius explicandæ, & *d. l. pen.* tollendi erroris gratia, cui verba *§. 5. d. l. ult.* causam dederant, scriptam esse. Non enim alia lex per eam, quam *in d. l. pen.* ait à se promulgatam esse, intelligi potest, quam in qua extat distinctio illa, cujus meminit, & ad quam se refert *in d. l. pen.* utrum scilicet filius bona possideat cum consensu, an sine consensu patris: at illa distinctio extat in una *d. l. ult.* nusquam alibi. Sed quid querimus amplius? Negat expressè *in d. l. pen.* se jus testandi filio permittere in bonis, quæ possidet sine consensu patris: atqui horum plenam proprietatem filio *in d. l. ult.* concesserat, neque erat tunc alius casus, quo usufructus in hoc genere peculii ad patrem non pertinebat. Ad hæc jubet circa filiorumfam. testamenta per omnia observari legem antiquam: nulla verò lege antiqua filiosam. testamentum facere permissum, præterquam de bonis castrensis & quasi castrensis: neque concessio plenæ proprietatis mutat qualitatē peculii, quæ ex sola causa acquirendi æstimatur. Ridiculi autem sunt, qui per legem antiquam intelligunt ipsius Justiniani aliquam constitutionem, nominatim illam ipsam, quam explicat, *lib. ult. C. de bon. que lib.* Non potuit, nisi absurdissimè, antiquam appellare, quam initio *d. l. pen.* proficitur nuper à se promulgatam, nec ullas suas ipsius leges antiquas, cum nulla tunc esset biennio aut triennio vetustior. Novissimo jure et si filiosam. quædam alia ejusdem generis bona pleno*

Pavinius in Institut.

jure proprietatis concessa sunt; nullibi tamen jus de iis testandi ei datum legimus. Nov. 117. permittitur filio de hujusmodi bonis quovis modo disponere: at in Græco est *δουλεύει*, quod testamenti factionem non comprehendit: & sine eo etiam apertissimum est eo loco intelligi tantum dispositionem inter vivos & liberam horum bonorum administrationem; quippe cum hæc dispositio ei tantum permittatur, qui perfectæ ætatis est, hoc est, filiosam. majori 25. annis: cæteroquin curatores ei dari jubentur; cum tamen minor 25. annis etiam curatorem habens, post annum decimum quartum testamentum facere possit, *l. 5. hoc tit.* At, inquit, quod conceditur inter vivos, id multo magis licere debet in ultima voluntate, *arg. tit. de leg. Fuf. Can. toll.* Respondeo, hanc propositionem nec perpetuo veram esse, de quo vide Everhard. *in Top.* & procedere tantum in objecto præsupposita habilitate personæ, quæ deficit in filiosamil. Sic etiam non procedit in filiosam. argumentum ductum à jure plenæ proprietatis, quasi eo jure concessio omnia concessa intelligantur, quæ patrifam. in re sua, ut ejus liberrimo moderatori & arbitro, permissa sunt. Patet hoc ex eo, quod filiisfam. patroni causarum, magistri liberalium artium, &c. etsi plenam proprietatem peculii quasi castrensis olim habebant, jus tamen de eo testandi ante Justinianum non habuerint, *§. ult. præc. tit.* Nimirum ut dictum est in pr. qualitas filiisfam. obstat, quominus testari possit: ut autem possit de castrensi & quasi castrensi peculio, non ex eo est, quod simpliciter plena ejus proprietas filio concessa; sed quia placuit id cum habere sub qualitate patrifam. ut etiam de eo testari posset. Nihil movet, quod filius in hac specie adventitiorum heredem ab intestato habet: nam & in altera specie, cum nuda ejus est proprietas, habet. Potest ex lege heredem habere, etsi sibi heredem facere non potest; & in casu Nov. 22. cap. 26. ponendi sunt termini habiles filii emancipati: alioquin sequeretur, etiam de iis adventitiis filium testari posse, quorum usufructus ad patrem pertinet. Postremo nullam admodum causam video, cur filiosam. testandi facultas in una specie adventitiorum concedatur, in altera denegetur: nam sola usufructus à proprietate separatio impedire non potest, quo minus jus sit de proprietate testandi, *inf. de her. inst. in pr. l. recte dicimus. 25. de verb. sign.* Atque hæc etiam communis est interpp. sententia. Porro hoc constituto, filiosam. de bonis adventitiis testamentum facere non posse, tractari tamen adhuc potest, an non saltem de his bonis codicillos facere possit, cum heredem in his bonis ab intestato habeat, quem onerari posse fideicommissio constat, *§. præterea. 10. inf. de fideicomm. her.* Sed magis est, ut nec codicillos facere possit, propter regulam juris: *Qui non potest facere testamentum, nec potest*

2 3

codi-

edictillos, l. 6. §. pen. de jur. cod. l. 1. §. 2. de legat. 3. Quem lex ei heredem dedit, eum omnino omnia bona, quæ post mortem relinqueret, habere voluit, & quasi addixit: tum vi ipsa non multum interest, heredem sibi quis testamento instituat, an per fideicommissum alicui hereditatem suam restitui jubeat. Planè mortis causa donationem in bonis, de quibus agimus, filio permittendam esse existimarem, & quod alias patris consensu potest, l. tam is. 25. §. 1. de mort. ca. don. id ei hîc licere etiam sine consensu patris, arguunt. Nov. 117. & eorum, quæ diximus in exegefi verborum hujus pr. Quamvis parentes eis permiserint. Diss. Anton. Fab. decis. 43. er. 6. & seqq. ubi nec in bonis castrensibus donationem mortis causa filiofamil. concessam fuisse contendit, contra expressum textum in l. 7. §. ult. de donat. vid. Div. Guil. Mas. lib. 6. sing. opin. cap. 6. & seq. ubi ex professo argumenta omnia Fabri diluit.

Licet suæ potestatis decesseris] l. si filiusfam. 19. hoc tit. Est autem hoc jus generale, ut si quis tempore testamenti facti non habuerit testamenti factionem testamentum ab eo factum non valeat, etsi postea testamenti factionem habere coeperit, §. seq. leg. 4. cod. l. 1. §. exigir. 8. de bon. possell. sec. tab. obtinetque hîc etiam regula Catoniana, l. 1. de reg. Cat. l. quod initio. 29. de reg. jur. Interpretes communiter duos casus excipiunt, quibus filiusfam. rectè etiam de bonis adventitiis testetur, utique consentiente patre; si quid relinquat in pios usus; si liberos suos heredes faciat: illic voluntatem filii sustineri favore piæ causæ, hîc favore liberorum. Tiraquel. de priv. piæ caus. cap. 78. Clar. §. testamentum. quest. 5. Tulden. hic cap. 11. Jac. Vervvey. arr. test. cap. 4. fac. cap. 4. de sepul. in 6. Christin. vol. 4. decis. 4. num. 6. ubi in casu posteriore nec consensum patris requirit. Moribus harum regionum libere omnes, qui modo ea ætate sunt, quæ testamentum condi potest, de bonis maternis cæterisque adventitiis omnibus rectè testantur, neque consensu patris ad eam rem opus est. D. Elbert. Leonin. lib. 6. emend. cap. 3. in fin. Perez. c. qui test. fac. nu. 10. Groenevv. de ll. abrog. hic, & ibi laudat. quod & in Hispania obtinet, leg. 5. Tauri & ibi Gomez. atque in Germania quoque receptum, utique si liberi seorsum à patre habitent; Reusner. par. 2. c. 23. n. 26. de testam. De Gallia idem testatur Lud. Charond. in memorabil. In Frisia tamen etiam in hac parte obtinet jus civile. D. Ioan. à Sande lib. 4. tit. 1. de fin. 1. VINN. Quod de Germania ex Reusnero monet, nihil ad rem facit. Per separatam enim æconomiam, quam hîc Reusnerus intelligit, liberi exire intelliguntur patria potestate. Ergo ibi tunc non testantur tanquam filiifamilias de peculio adventitio, sed tanquam patresfamilias de pecunia & re sua. HEIN.

TEXTUS.

De impubere & furioso.

1. *Præterea testamentum facere non possunt impuberes; quia nullum eorum animi iudicium est. Item furiosi; quia mente carent. Nec ad rem pertinet, si impubes postea pubes, aut furiosus postea compos mentis factus fuerit, & decesserit. Furiosi autem si per id tempus fecerint testamentum, quo furor eorum intermissus est, iure testati esse videntur: certè eo, quod ante furorem fecerint, testamento valente. Nam neque testamentum rectè factum, neque ullum aliud negotium rectè gestum, postea furor interveniens perimit.*

NOTÆ.

1. *Præterea] l. 5. h. t. l. 19. §. 1. de capr. & possl. adde & alios ex l. 8. 9. 10. & 11. D. h. t. Postea pubes, &c.] Propter regulam, ut jam diximus, Catonianam. Aliud negotium] Adeo ut ne matrimonium quidem furore superveniente solvatur, l. 8. de his qui sui vel ab. jur.*

COMMENTARIUS.

1. *Impuberes nec tutores auctores testamentum facere possunt.*
2. *Testamentum à furioso factum tempore dilucidi intervalli sustineri. Et quid si de eodubitatur?*
3. *Cum furor postea incidens, &c. testamentum antea factum non visset, capitis minutio visset?*
4. *Quando locus sit regulæ, Quæ ab initio rectè constituta sunt, resolvi, cum in eum casum pervenerunt, unde incipere non possunt?*

Q*uia nullum eorum animi iudicium est] Impuberes intelliguntur, qui nondum annum ætatis decimum quartum compleverunt, id est, qui nondum ad supremum anni decimi quarti diem pervenerunt. In feminis annus est duodecimus, l. 5. hoc tit. Horum aut nullum esse animi iudicium, nimirum nullum plenum ac solidum, nullum tale, quale requiras in eo, qui de omnibus facultatibus suis una perpetua dispositione statuere cogitat. An igitur non saltem tutore auctore impuberi permittendum testamentum facere, uti potest eo auctore res suas alienare, hereditatem adire, bonorum possessionem petere, aliaque facere, etsi perfectum animi iudicium requirant, ut hîc etiam quod impuberis iudicio deest, tutoris prudentia suppleatur? Nequaquam. Nam aliarum actionum periculum tutores præstant, & finita tutela earum rationem pupillis eorumve heredibus reddunt; hujus verò reddere non possunt. Deinde testamenta non arbitrio alieno,*

non

non precaria, sed ipsorum testatorum prudentia fieri debent, ne quid temere & inconsulto per aliorum molimina in præjudicium familiarum & agnationis statuatur, & alieni potius, quam cognati, cognati remotiores potius, quam proximi, hæreditatem consequantur. Quin tutores, si hanc potestatem iis permittimus, semper operam dabunt, ut non alii, quam à quibus lucrum sperant hæredes instituantur. Puberes autem testamenti factionem habere placuit statim à decimo quarto aut duodecimo anno completo, nec curatoris in eo consensum intervenire, d. l. 5. hoc tit. l. Aurelio. 20. §. 1. de lib. leg.

Item furiosi] Furiosi quid à mente captis differant, docui sup. tit. de curat. §. sed & 4. Nimirum furiosum quidem omnem & mente captum esse sive dementem; ac contra non omnem mente captum esse & furiosum, cumque mente captus à furioso distinguitur, ut plerumque fit, cum intelligi, qui cum sana mente non sit, in quere est, nec, ut furiosi solent, agitur & fertur præcept. Exterum nihil refert in ullo actu aut negotio, demens quis sit simpliciter, an ad dementiam accedat & furor: constatque, quamvis furiosi tantum hic mentio fiat, ad omnes, qui mente carent, hæc pertinere. l. 2. l. Titia 13. in fin. de inoff. test.

Quo furor intermissus est] Furiosus per id tempus, quo furor intermissus est, testamentum jure facere potest, l. 9. Co hoc tit. quemadmodum & testis tempore intermissionis recte adhibetur, l. qui testamento. 20. §. 4. hoc tit. Ceterum ut valeat testamentum, necesse est, ut id uno eodemque tempore remissionis perficiat: nam si cepto testamento & necdum perfecto, furor eum iterum invaserit, nihil actum est, etiam si postea remisso denuo furor, id quod cepit, perficiat, d. l. 9. Quid si profectatur testamentum conditum à furioso, quem certum est habuisse dilucida intervalla, incertum autem sit, quo tempore id fecerit? Et si quidem id ita ordinatum fuerit, ut quivis paterfamilias sanæ mentis sic dispositurus fuisse iudicaretur, pro testamento respondendum & credendum intervalli tempore factum De Viglius censet, cui allentior. Pertinet hæc quod Val. Maximus lib. 7. cap. 8. refert de Tuditani hominis certæ ac notæ insanie testamento; quod à centumviris confirmatum ait, magis quid scriptum esset in tabulis, quam quis scripsisset, considerandum existimansibus, add. Boet. decis. 23. num. 81. Myns. 4. obs. cont. 2. Mantie. de conj. ult. val. lib. 2. cap. 2. n. 7. Christin. vol. 4. dec. 4. n. 8. Diod. Tuiden. comment. hic, cap. 3. Grassi §. testamentum. qu. 21.

Eo, quod ante fecerint, testamento valente] in d. l. qui testamento. 20. §. 4. hoc tit. Similiter nec interdictio bonorum succedens, nec auditus sermonisve amissio testamentum antefactum vitiant, §§. seqq. l. 6. §. 1. l. is cui. 18. cod. Palam igitur est, his casibus unum tantum

tempus inspicere testamenti facti, ac sufficere eo tempore testatorem habuisse testamenti factionem, etsi tempore mortis non habuerit. Proinde cum Jurisconsultus in l. 1. §. exigit. 8. de bon. poss. sec. tab. ait, prætorem exigere, ut is ex cuius testamento bonorum possessio petatur, utroque tempore jus testamenti facendi habuerit, & cum faceret testamentum, & cum moreretur, intelligere debemus, cum non hoc velle bonorum possessionem ex testamento non dari, si testator tantum tempore testamenti facti jus testandi habuerit, sed non dari, si habuerit tantum tempore mortis, non etiam tempore conditi testamenti, ut exempla illic proposita ostendunt. Sic autem jus est in mutatione, quæ salvo statu & fortunis testatoris contingit, cujusmodi sunt superioræ. Quod si qua mutatio postea inciderit, per quam capite testator minuatur, puta si servus fiat, in insulam deportetur, si se adrogandum det, testamentum infirmatur, atque irritum fit, §. 4. inf. quib. mod. test. inf. l. 6. §. irritum. 5. & seqq. de inoff. rupt. test. & ratio manifesta est. Quippe his modis non tantum amittitur testamenti factio, sed etiam conditio personæ testatoris sic mutatur, ut omnino testamentum habere non possit, ac ne hæredem quidem. Furiosus vero & prodigus, etsi testamentum facere non possunt, nihil tamen prohibet, quo minus hæredem ex testamento antea facto habeant, & præcedens eorum voluntas exitum sortiatur.

Neque aliud negotium recte gestum] De matrimonio idem traditur, l. 8. de his qui sui vel al. jur. In cæteris quoque negotiis quia idem juris sit, dubitandum non est, sive rem suam ante furorem alienaverint, de quo nemo ambigit; quoniam negotia perfecta & penitus consummata nullo eventu infirmari possunt: sive stipulanti aliquid promiserint, aut alias se obligaverint, licet hic aliquid desit ad consummationem negotii: sed hoc à curatore expediri potest. Neque enim in omnibus probata est sententia eorum, qui ea quæ ab initio recte atque utiliter constituta sunt, resolvit putaverunt, cum in eum casum incidissent, à quo incipere non poterant, l. exstimo. 98. l. pen. §. 2. de verb. obl. l. in ambigui. 85. §. 1. de reg. jur. §. ex contrario. 14. inf. de legat. sed tunc tantum cum casus incidentis impedit, quominus quod ceptum est, perfici atque ad finem suum perducatur, ut evenit incidente capitis deminutione testatoris. Quæ de re fortassis pluscula ad d. §. ex contrario. 14.

TEXTUS.

De prodigo.

1. Item prodigus, cui bonorum suorum administratio interdicta est, testamentum facere non potest: sed id, quod ante fecerit,

2. 4. ni,

rit, quam interdictio bonorum suorum ei fiat, ratum est.

COMMENTARIUS.

Qui bona sua profundunt, nec modum, nec finem impensarum habentes prope a furiosis absunt. Planè enim quod ad bona ipsorum pertinet, furiosum fatium exitum, ut inquit Jurisconsultus *l. his qui. 12. in fin. de int. dat. ab his.* quam ob causam placuit, huiusmodi hominibus bonorum administratione interdicti: qua interdictione & testamenti factio ipsis adempta intelligitur; quippe qui non sanioris iudicio, quid de rebus suis post mortem fieri velint, statuturi creduntur, quam eas tractarent, si libera earum administratio ipsis permetteretur. *l. cui. 18. hoc tit.* Puberum minorum 25. annis non eadem ratio est: neque enim his bonorum administratio interdicta est, ut malè Don: ad *leg. 6. de verb. obl. n. 9.* sed si velint, curatores accipiunt; quibus quidem tum administratio permittitur, nec iam amplius ipsis minoribus, sed in hunc maxime finem, ne minores in contrahendo circumveniantur, quod in testamento non metuitur.

[*quod ante fecerit*] *d. l. is cui. 18.* Testamentum enim, quod interdictione vetustius est, eadem ratione valere debet, qua quod factum est ante furorem. Imperator Leo Nov. 39. prodigo permittit *ad exemplum d. n. m. s.* ea facere, quæ ipsi conducunt; & ratum quoque testamentum ejus esse jubet, in quo mores prodigi non apparent. Quod Viglio videtur naturalem æquitatem habere. Forte id' admittendum fuerit, si quædam non levia argumenta saniorum morum præcesserint; per. *l. 1. de cur. fur.* Vide Sande *lib. 4. tit. 1. defin. 3.* Groenevv. *de ll. abr. hic.* Hic autem locus confirmat, quod supra *§. furiosi. 3. de curat.* asseruimus, prodigum, quod attinet rerum administrationem & effecta juris civilis, non statim censeri eum, qui ipso facto prodigus est, sed tunc demum, cum ei bonorum administratio interdicta est: interdici autem non ipso jure, sed causa cognita decreto magistratus.

TEXTUS.

De surdo & muto.

3. Item surdus & mutus non semper testamentum facere possunt. Utrique autem de eo surdo loquimur, qui omnino non exaudis, non qui tardè exaudis. Nam & mutus is intelligitur, qui eloqui nihil potest, non qui tardè loquitur. Sepe enim etiam literati homines variis casibus & audiendi & loquendi facultatem amittunt. Unde nostra constitutio etiam his subvenit, ut certis casibus & modis secundum normam

ejus possunt testari, aliæque facere, quæ eis permessa sunt. Sed si quis post testamentum factum adversa valetudine, aut quolibet alio casu mutus aut surdus esse cæperit, ratum nihilominus manet ejus testamentum.

COMMENTARIUS.

Olim etsi quis mutus tantum erat, aut surdus, testamenti faciendi jus non habebat, nisi specialiter à Principe impetrasset, ut sibi testari liceret, *l. 7. hoc tit. junct. l. pen. §. 1. unde cogn.* cujus juris ratio significatur à Paulo *lib. 3. sent. 4.* quia: neque mutus testes rogare potest; neque surdus audire testimonium perhibentes. Undè cum nemo quicquam à Principe impetrare possit, nisi qui ei preces suas aut voce aut scripto potest exponere, sequitur, eos mutos, qui scribere nesciebant, omnino testari non potuisse. Justinianus, quod singulare & personale jus erat, jure commune fecit, & generaliter surdis omnibus, vel mutis testamentum facere permisit, (cum aliquo tamen temperamento) ut jam amplius necesse non sit singulos id' precibus impetrare *l. discretis. 10. C. hoc tit.* Sic verò ille constituit, ut si quis mutus & surdus simul sit, siquidem natura, is omnino testamentum facere non possit: si casu, ut possit; si modo ante litteras didicerit; ut scripto voluntatem supremam exprimere queat. At si quis tantum mutus sit, aut surdus tantum, siue tales sine natura, siue morbo, his jure testari liceat eodem modo, quo per rerum naturam voluntatem suam declarare possunt aut scripto aut lingua. Quod ne muto quidem tantum, qui litteras nesciat, testamenti factio hac constitutione permittitur, confirmat id', quod modò dicebamus, eum, qui talis sit, nec à Principe testandi licentiam obtinere posse. Illud in eadem constitutione absurdum est, quod Justinianus credidit, eum, qui surdus natus est, loqui posse, & articulatam vocem edere; cum nihil tam cerum sit, quam ei, cui auditus à natura negatus est, & sermonis usum ablatum; nec esse naturaliter surdos, qui non iidem sint & muti. Quod etiam Plinius testatur *lib. 10. cap. 69.* Alex. Aphrodisi. *problem. 1. 138.*

[*Qui omnino non exaudis, &c.*] Hæc plana sunt. Notum enim est, eum, qui tardè, aut difficulter exaudis, non surdum, sed surditatem dici, *ἀκούων*, subsurdum: & eos, qui graviter, aut *ἀκούων* loquuntur, non mutos, sed balbos, balbos, *μυνηδαι*, appellari: mutos autem dici elingues & sandi impotentes, *ἀλάλοι*. Planè mui etiam illi habendi sunt, qui *ἀλάλοι* loquuntur, hoc est, sine ulla certæ significatione vocis, *ἀλάλοι* *ὅτι* *leg. mutum. 9. do adl. edict. l. 7. in fin. de supell. leg.*

[*Sed si quis post testamentum factum, &c.*] Ob eandem rationem, ob quam placere diximus testari

testamentum furiosi, aut prodigi, quod furore aut interdictione bonorum vetustius est, non infirmari.

TEXTUS.

De cæco.

4. Cæcus autem non potest facere testamentum nisi per observationem, quam lex Divi Justinii patris nostri introduxit.

COMMENTARIUS.

IN cæco nihil est, ob quod testamentum facere prohibeatur: nam testes accire ac rogare potest, & audire sibi testimonium perhibentes. Quapropter & olim testamentum facere potuit. Paul. 3. sent. 4. & nunc quoque potest. Cæterum forma nunc accuratior præscripta, & quædam singularia in testamento cæci, ut fraus omnis, cuius hic major metus, evitetur, constituta sunt lege illa Justinii, quæ hic commemoratur, & extat l. hac consultißima. 8. C. hoc tit. Sententia legis est, ut cæcus heredem nuncupaturus (ineptum putavi monere, cæcum non aliter quàm per nuncupationem testari posse) præter numerum testium ordinarium adhibeat & tabularium, aut si tabularii copia non sit, alium octavum testem, qui voluntatem nuncupantis scriptura excipiat, cui deinde testes omnes & tabularius subscribant, eamque obsignent, ut sit in testamentis scriptis, aut si prius testamentum suum scripto comprehendit curavit, ut tabularius coram testibus eam scripturam palam legat, eaque lecta cæcus testetur hanc suam voluntatem esse; deinde omnes subscribant & signent. Ubi hæc singularia notanda. 1. Quod non sufficit voluntatis nuncupatio, nisi & scriptura accedat. 2. Adhibitio octavi testis, qui testamentum scribat, aut antea scriptum recitet. 3. Quod istestis debeat esse tabularius publicus, si ejus copia est. 4. Omnium subscriptio & subsignatio.

TEXTUS.

De eo, qui est apud hostes.

5. Ejus, qui apud hostes est, testamentum, quod ibi fecit, non valet, quamvis redierit. Sed quod, dum in civitate fuerat, fecit, siue redierit, valet jure postliminii; siue illuc decesserit, valet ex lege Cornelia.

NOTÆ.

5. Quamvis redierit] l. 8. h. t. nam postliminio non vitatur Cætonis regula. Codicilli autem scripti in captivitate ab eo, qui in civitate testamentum fecerat, eo reverso convalescunt, quia principium eorum jam in civitate constitutum erat, nempe testamentum, quo confirmati sunt, l. 1. §. 1. de capt. & postlim. simile est in hac, cod.

Ex lege Cornelia] Postliminii & legis Corneliae fictio in omnibus partibus juris servatur, passim D. & C. cod. v. §. 5. sup. quib. mod. jus patris pat.

COMMENTARIUS.

1. Esi testamentum apud hostes factum jure postliminii non convalescat, codicillos tamen ibi factos convalescere.
2. Hodie in orbe Christiano hujus §. usum non esse, præterquam secundum quosdam, si qui à Turcis, &c. capti fuerint.

Qui apud hostes est] l. 8. hoc tit. Ratio manifesta est. Quia captus jure belli servus sit hostium; ut autem testamentum consistat, necesse est testatorem jus testandi habere, cum testamentum facit; nec postliminio vitatur regula Cætoniana. Sed nec obides, nisi eis permittatur, testamentum facere possunt, quia velut pignoris jure tenentur, & fiscus eorum bona occupat. l. 11. hoc tit. l. Divus. 31. de jur. fisc. Qui autem à prædonibus capiuntur, quia liberi manent, l. 19. §. 2. de capt. & postlim. testamenti factionem retinent, ut & illi, qui apud externos legatione funguntur. l. 11. in pr. & §. 1. hoc tit. & ibi. Cujac. add. Grass. §. testamentum. qu. 25. Vasq. 3. cons. 103. num. 1. VINN. Immo & capti in bellis civilibus, l. 21. §. 1. ff. de capt. & postlim. Hi enim non fiebant servi, sed proscribebantur, quod est inventum Sullæ. Vellej. lib. 11. 28. HEIN.

Sed quod, dum in civitate, &c.] Testamentum ante captivitatem rectè factum, etsi ipsa irritum sit captivitate, fictione tamen juris sustinetur. Est autem duplex in hac re fictio; postliminii, & legis Corneliae, l. 6. §. pen. de injust. rupt. test. illa, si captus redierit, locum habet; hæc si in captivitate decesserit. Illa fingit retro in civitate testatorem fuisse; hæc retrò in civitate decessisse. Imperatores in l. 9. C. de postlim. rev. inconsideratè tribuunt legi Corneliae, quod est juris postliminii. Quærat autem aliquis, cur cum postliminio reversus fingatur semper in civitate fuisse, & ita habeatur, ac si medio tempore nulla captivitas intercessisset, non convalescat postliminio testamentum, quod quis tempore captivitatis fecit? Resp. quia quod non est ante captivitatem, id nec postliminium habere potest. Non obstat, quod codicilli in captivitate scripti ab eo, qui in civitate testamentum fecerat, eo reverso, jure postliminii convalescant; nam eorum principium & firmamentum jam in civitate constitutum est; nimirum ipsum testamentum, quo confirmati sunt, l. in bello. 12. §. codicilli. §. de capt. & postlim. hæc ratione placuit, si uxor cum marito capta fuerit, eaque in captivitate ex marito emixa sit, etiam liberos ibi natos jus postliminii habere, & reversos cum parentibus iustos liberos esse, l. Divus. 15. d. 1. nimirum quia nati sunt ex matrimonio in civitate legitime contracto. Illud nullius momenti est, quod Aretinus monet, esse regulam, media tempora non nocere. l. 6. §. 2. l. si alio.

num. 49. §. 1. de her. inst. §. in extraneis. 4. inf. de her. qual. ac proinde videri supervacuum fictionem juris postliminii ad testamenta conservanda. Quippe illa definitio ad heredem pertinet, non ad testatorem, cuius testamentum amissa civitate stare non potest. Fallitur autem Aretinus, dum responder, procedere regulam, si medio tempore status testatoris mutatus non fuerit. Error hic perspicuus est, d. l. 6. §. 2. & statu non mutato, quæ, rogo, potest esse dubitandi ratio? Porro non in hac tantum parte juris, sed etiam in cæteris omnibus & postliminii & legis Corneliæ fictio servatur, l. 5. §. 1. d. l. in bello. 12. §. 1. retro. 16. l. in omnibus. 18. & passim de Capt. & postlim. & C. eod. §. si ab hostibus. 5. sup. quib. mod. jus pat. per. solv. Postliminio æquiparatur restitutio capite damnati, l. 6. Si pen. de injust. rupt. test.

Ex lege Cornelia J. L. lege Cornelia. 12. hoc tit. Hæc lex mortis & captivitatis tempora conjungit. Id est, fingit, eum qui apud hostes decessit eo tempore quo captus est decessisse, civem & familiam habentem. Quo tempore, aut quo auctore lata sit, non liquet. Quod D. Viglius putat latam esse primo bello Punico ab aliquo ex familia Scipionum, conjectura est, nec satis probabilis. VINN. Immo probabilius est, legem hanc Corneliam non aliam esse ac illam Cor-

nelii Sullæ testamentariam, cuius meminit Cic. in Verr. lib. 1. cap. 42. Et ita Hotomanno quoque videtur. Potuit ea lex & de postliminio aliquid sanxisse, adeoque fortassis culpa vacare Imperatores in l. 9. C. de postl. reversis, ubi inconsiderate legi Corneliæ tribui ait Vinnius quod sit juris postliminii. Postliminii sanè jus non solum moribus, sed & legibus constitutum dicitur. l. 19. ff. de capt. & postlim. HEIN. Hodie in orbe Christiano nullus hujus §. usus est, nisi in iis, qui à Turcis aut id genus aliis Barbaris capti sunt. Nam cum, quod olim tantum obtinebat in bellis civilibus, leg. si quis. 21. §. 1. de capt. & postlim. nunc inter Christianos consuetudine generali invaluerit, ut bello capti servi hostium non fiant, sed liberi & cives manent, ac jus sit pretio eos redimere, poterunt etiam dum apud hostes sunt testari, arg. l. 13. hoc tit. Alc. ad l. hostes. 18. de verb. sign. Duar. ad tit. qui test. fac. pag. 318. Grass. de qu. 25. Zypæ not. in Belg. de testam. Sande lib. 4. tit. 1. defn. 2. Nonnulli idem juris habere etiam à Turcis captos existimant. Covar. c. precat. p. 2. §. 11. n. 6. Cyprian. Conf. Belg. Groen. de ll. abrog. hic. Illud etiamnum observatur, quod transfuga jus testandi non habeat, quoniam jura civium amittit, nam hostium numero habetur, l. postliminium. 19. Suransuga. 4. de capt. & postl. Jac. Vervvey. 2. test. c. 4. Sande ubi sup.

TITULUS DECIMUSTERTIUS.

DE EXHÆREDATIONE LIBERORUM.

D. Lib. 28. Tit. 2. C. Lib. 6. Tit. 28. 29. Nov. 115.

Ratio ordinis, & argumentum tituli.

Hæcenus de personis, quibus jure publico potestas testamenti faciendi data aut denegata est; item de modo testandi, sive externi testamenti solemnitatibus, comparatis ad firmandam testationis fidem. Sequitur tertium res, quas in ipso testamento inseri & caveri oportet, ut justum ratumque habeatur; quam intrinsecam testamenti solemnitatem appellare possumus. Estque duplex; una communis omnium testatorum, hæredis scilicet institutio; altera quorundam dumtaxat propriarum, & maxime parentum, qui liberos in potestate habent, videlicet eorum liberorum exhæredatio; si ipsi hæredes non instituuntur: de quo idcirco etiam inter cætera, quæ ad ordinanda testamenta necessario desiderantur, præcipiendum fuit, l. inter cætera. 30. hoc tit. de lib. & posth. her. inst. vel exhæred. Existimaverat aliquando Hotomannus, inscriptionem hujus tituli corrigendam esse, legendumque, De institutione vel exhæredatione liberorum: quod & Vvesembecius tacite securus est. Verum postea idem Hotomannus ab hac sua sententia recessit. Mihi quidem nulla mutatio necessa-

ria videtur. Cæterum si secundum priorem sententiam Hotomanni inscriptio concipiatur, non eo minus probaverit, quod ostendit in eod. ejusdem argumenti in r. & d. leg. inter cætera. 30. In præcepto quoque legis disjunctio est; Pater filium, quem in potestate habet, aut heredem instituit, aut nominatim exhæredato. Exhæredare est, eum, qui aliqui hæres futurus erat, ab hæreditate repellere. Et de solis suis hæredibus propriè dicitur, qui nisi removerentur, ipso jure hæredes existent, & vivo adhuc patre quodammodo domini existimantur, l. in suis. 11. hoc tit. de extraneis per abusum nem. Jure civili antiquo non erat in omnibus liberis, etiam iis, qui in potestate erant, & sui hæredes, exhæredatio æquè necessaria, nec omittæ idem semper effectus: ritu quoque variabat pro sexu, pro gradu, prout nati jam liberi, aut nondum nati essent tempore facti testamenti; quæ omnia diligenter hic Imperator exequitur: deinde subjicit, quid ipse novi juris constituerit. Ad extremum agit de præteritione, quæ vim exhæredationis habet. Continet autem hic titulus principia magna-

FINIS

tum & difficillimarum questionum juris, qua veteris, qua novi, eoque diligentem atque accuratam desiderat partium omnium interpretationem.

TEXTUS.

Jus vetus de liberis in potestate.

Non tamen, ut omnino valeat testamentum, sufficit hac observatio, quam supra exposuimus: sed qui filium in potestate habet, curare debet, ut eum heredem instituat, vel exheredem eum nominatim faciat. Alioquin si eum silentio praterierit, inutiliter testabitur: adeo quidem, ut si vivo patre filius mortuus sit, nemo haeres ex eo testamento existere possit: quia scilicet ab initio non constiterit testamentum. Sed non ita de filiabus & aliis per virilem sexum descendentibus liberis utriusque sexus antiquitatis fuerat observatum: sed si non fuerant scripti haereses scriptaeve, vel exheredati exheredatave, testamentum quidem non infirmabatur, jus tamen accrescendi eis ad certam portionem praestabatur. Sed nec nominatim eas personas exheredare parentibus necesse erat, sed licebat inter ceteros hoc facere. Nominatim autem quis exheredari videtur, si ita exheredetur; Titius filius meus exhaeres esto: sive ita: Filius meus exhaeres esto, non adjecto proprio nomine, scilicet, si alius filius non extet.

NOTAE.

De exheredatione] Exheredatio est hereditatis lege datæ ademptio: unde solis de suis haeredibus proprie dicitur, de aliis per abusionem. Aliis hereditas deferitur tantum, suis etiam datur. §. 2. inf. de her. qual.

Non sufficit hac observatio] In modo se testandi & solemnitatibus comparatis ad firmandam testationis fidem, de quo sup. tit. 10.

Vel exheredem faciat] De quo idcirco etiam inter cetera, quæ ad ordinanda testamenta pertinent, præcipiendum fuit, l. 30. ff. de lib. & post.

Inutiliter testabitur] d. l. 30. Planè si filius patri superstes bonis paternis se abstineat, voluntas ex bono & æquo sustinebitur, l. 17. de injust. rupt.

Vivo patre mortuus] l. 7. h. t. propter regulam Catonianam, l. 1. de reg. Cat. l. 29. l. pen. de reg. jur.

Non ita de filiabus, &c.] Diversi juris rationem indicat Ulp. l. 8. §. 1. de injust. rupt.

Nominatim autem] v. l. 1. l. 2. & 3. D. h. t.

COMMENTARIUS.

- 1 Filio, qui in potestate est, praterito, testamentum jure civili prorsus inutile & nullius momenti esse: ac quasnor consecraria inde deducta.
- 2 Filia & nepotibus ex filio prateritis, jure antiquo testamentum subsistisse, dato his jure accrescendi scriptis haeredibus.
- 3 Ad quam portionem hæc persona praterita scriptis haeredibus accreverint?
- 4 An eas prateritas ad bonorum possessionem contra tabulas prator admiserit?
- 5 Filiam & nepotes ex filio exheredatos, licet non nominatim neque jus accrescendi habuisse, neque a pratore ad contra tab. bon. possessionem vocatos: modo cetera leges exheredationis observatae fuissent.
- 6 An testamentum, in quo filius prateritus est, prorsus inutile sit & jure pratorio.
- 7 Filio praterito se abstinente pratorem habere rationem testamenti, etiam cum extranei instituti sunt.

Refertur hic differentia, quæ in re proposita olim observabatur in sexu & gradu liberorum jam natorum. Meliore ceteris jure erat filius in potestate constitutus: siquidem hic solus à patre necessario aut hæres instituendus aut exheredandus erat, ut testamentum subsisteret, quod alioquin jure civili prorsus inutile erat & nullius momenti, l. inter cetera. 30. hoc tit. l. filio. 17. de injust. rupt. test. & hoc text. Huic autem juri consequens est, primum, quod etiam hic expressit Justinianus, ex tali testamento hæredem non posse existere, etiamsi filius prateritus vivo adhuc patre decesserit propter regulam Catonianam, quæ sic definit: *Quæ institutio inutilis foret, si statim post testamentum factum decessisset testator, ea non debet ideo valere, quia diutius vixerit, l. 1. de reg. Cat. l. pen. de reg. jur. §. an servo. 32. inf. de legat. & generaliter quod initio vitiosum est, non potest tractatu temporis convalescere, l. quod initio. 29. de reg. jur. §. 2. de inut. stip. 2.* Per hujusmodi testamentum non rumpi id, quod antea à patre legitimè factum est, l. 7. h. t. §. 1. & pen. inf. quib. mod. test. inf. 3. Non sustineri hoc testamentum ob id, quod pater filio legatum quantumvis amplum reliquerit: nam utrum filius prateritus sit, nec ne, non ex legati datione, sed ex institutione aut exheredatione æstimatur, prateritique omnes in hac materia habentur, qui neque hæredes instituti, neque, ut oportet, exheredati sunt, §. eadem. 12. inf. de her. ab int. 4. Quod etiamsi filius vel ante testamentum vel in ipso testamento prateritioni consenserit, nihilo tamen magis subsistere possit. Verum enim non est, quod Clar. §. testamentum. qu. 45. n. 3. existimat, jus hoc ob solum favorem filii constitutum esse, cui ille renunciare possit. Immo forma paterni testamenti jure publico præscripta id modis omnibus exigebat: quod jus privatorum consensu muta-

mutari non potest, l. 3. *hoc tit. junct. leg. jus publicum*. 38. de *pass. cum simil.* Vid. tamen Ant. Fabr. C. suo de *lib. præs. defn.* 6. Christin. vol. 4. dec. 19. n. 4.

Exheredem enim nominatim facias] Non quævis exheredatio summovebat liberos ab hereditate patris, sed quæ rite facta esset: non rite exheredati pro præteritis habeantur. l. 8. §. 1. *cont. tab.* In ritu autem discrimen non faciebat sexus, aut gradus, nisi quod hoc propriè in filio observandum erat, ut nominatim exheredaretur, quod in reliquis non erat necessarium, ut statim audiemus. Cicero lib. 1. de *Orat.* c. 38. *Quem pater neque heredem neque exheredem scripsit nominatim.* VINN. Ex hoc loco patet, jam Ciceronis ævo ab usu quodammodo recessisse promiscuam illam exheredandi prætereundique liberos libertatem, quæ olim ante & post XII. tabulas competebat. Vid. l. 11. ff. de *lib. & postum.* Liv. lib. 1. cap. 34. Adde V. C. Schulting. *Jurisp. vet. antejustin.* p. 638. HEIN.

Sed non ita in filiabus & aliis per virilem sexum descendantibus, cap. 38.] Non uti olim filio, ita & filia, aut nepote nepoteve ex filio (ex filia nati huc non pertinent, §. ult. *infra. eod.*) præteritis testamentum inutile erat, sed firmo manente testamento jus accrescendi ad certam portionem his dabatur, ut, quasi & ipsi scripti scriptæve essent, numerum hæredum augerent, l. ult. C. *hoc tit.* Vlp. tit. 22. §. 12. 15. & 16. Accrescebant autem hæ personæ hæredibus scriptis cum damno, hoc est, portionem hereditatis accrescendo iis auferebant; ut longè diversum hoc jus fuerit ab eo jure accrescendi, quo res accrescunt; quod fit cum emolumento, cum scilicet non petentium partes accrescunt petentibus, seu portio omissa portioni agnitæ; de quo, volente Deo, tractabimus §. si eadem. 8. *infra. de legat.* At quam partem hæredibus institutis accreverint, docet Ulp. d. l. 22. §. ex suis. 14. *Scriptis*, inquit, *hæredibus accrescunt, suis quidem hæredibus in partem virilem, extraneis in partem dimidiam*; atque ita quoque Cajus lib. 2. tit. 3. §. 1. Theoph. *hic.* Et notandum est, ita jus fuisse, non tantum cum soli aut sui aut extraneis scripti essent, sed etiam cum permixtim. Finge, extraneum una cum filio æquis partibus heredem institutum; hic filia, si præterita erat, singulis accrescebat ad virilem. Quod si plures extranei pluresque sui scripti fuerant, extraneis, accrescebat ad dimidiam, suis ad virilem. Item si duo filii, unus extraneus, huic ad semissem, illis ad trientem: atque ita ex accidente eveniebat, ut plus consequeretur filia præterita quàm filius, aut filii instituti; quod apertè ostendit locus Pauli 3. sent. 4. ubi ita scribit: *Filio & extraneo æquis partibus hæredibus institutis si præterita accrescat, tantum suo accedat; quantum extraneo. Si vero duo sint filii instituti, suis tertiam, extraneis dimidiam tollit.* Cum igitur filiabus & nepotibus ex filio præteritis hoc remedio consultum fuerit jure civili, quaeritur, an etiam eo omisso bonorum possessionem contra tabulas petentes admiserit

prætor? Et D. Bachovius putat, magis esse, ut prætor eos excluderet: quod perspicuè falsum est. Etenim prætorem nihil aliud considerasse legimus, quàm an liberi præteriti essent, an exheredati, summotisque exheredatis, præteritos omnes, insuper habito discrimine sexus & gradus, admisisse, l. 1. *in pr.* & §. 1. de *bon. poss. cont. tab.* *junct. l. 2. sec. tab.* Quod & Justinianus significat, §. *sed hæc. 5. infra. eod.* cum ait, prætores in dandis bonorum possessionibus jus successionis ab intestato, quod liberi omnes sine discrimine sexus, aut gradus ex lege duodecim tabularum habent, secutos. Sed quid argumentis opus est? Textus est apertus in l. ult. *circa pr. C. hoc tit.* verba sunt *Ex prætore autem habebat*, (filia præterita) *contra tabulas bonorum possessionem in totum*, & iterum paulo post: *Cum enim per contra tabulas bonorum possessionem, vel jus accrescendi, semissem substantia filia præterita accipiebat, &c.* Ait autem nunc *semissem*, quia ante dixerat, constitutione Antonini beneficium prætoris coarctatum fuisse ad quantitatem portionis, quam jure civili filia præterita accipiebant, scriptis hæredibus accrescentes. At cur filius præteritus testamentum valere non patiebatur, filia & nati ex filio non rumpebant? Differentiæ rationem suboscure indicat Ulp. l. 8. §. 1. de *injust. rupt. test.* *Filia vel nepos, inquit, quia, cum emancipantur, una emancipatione exeunt de potestate, testamentum non rumpunt.* Quorum verborum hic sensus est, mirandum non esse, si jus civile facilius præteriti filiam nepotemve ex filio patiat, quàm filium: quippe filium arctiore necessitudine eo jure constringi cum patre, quàm filiam aut nepotem cum patre aut avo; id ex eo constare, quod ille tribus demum mancipationibus & manumissionibus, hi una de potestate exeunt: videlicet, quæ notavimus ad §. *præterea. 6. sup. quib. mod. jus pat. pot. solv.*

Licebat inter ceteros hoc facere] Græci docuerunt hoc sc. modo, *Titius filius meus heres esto: ceteri exheredes sunt.* Gregor. Naz. in suo testamento, οὐδὲν ἄλλο πλὴν τούτου διατάττω. Effectus hic erat, ut ita exheredati exheredatæve scriptis hæredibus non accrescerent, quod præteritis tribuebatur, ne à prætore contra tabulas ad bonorum possessionem vocarentur, l. 8. *cont. tab. in pr.* Tantum supererat, ut testamentum inofficiosum dicerent, si nec quartam debitæ portionis accipissent. l. 8. §. *quoniam. 8. de inoff. test. l. ult. C. hoc tit.* Cæteras leges exheredationis, Ut purè fiat, l. 3. §. 1. *eod. junct. l. sed sub. 18. cont. tab. ut simpliciter*, non ex re certa, l. cum *quidam. 19. hoc tit.* ut ab omnibus gradibus, d. l. 3. §. 2. & *seqq. eod. vid. D. Perez in C. hoc tit. n. 9. & 10.* etiam in filiabus & natis ex filio locum habuisse existimo, iisque neglectis, non rite exheredationem factam & pro præteritione habitam fuisse. Illud constat, non eo minus exheredationem rite factam ex ratione juris veteris intelligi, & testamentum subsistere quod causa exheredationis testamento expressa non est, cujuscumque generis sint liberi exheredati;

datis; ac proinde etiam prætoris beneficium hic cessare, solamque relinqui exhæredatis querelam inofficiosi. An verò id à Justiniano mutatum sit Nov. 115. cap. 3. alibi disputabimus.

Si alius filius non exstet] Nam si plures sint filii, benigna interpretatione potius à plerisque responderetur, nullum exhæredatum esse, l. 2. *hoc sit*. Demonstratio autem ac definitio sufficit, quamvis nomen taceatur, aut etiam filium dicere pater pepercerit; veluti si ex Seja natum dixerit, aliterve eum descripserit, vel cum convictio, l. 3. *pr. cod.* Nam sermo omnis, ut in universum dicam, quo dilucidè designatur persona, de qua quis loquitur, exhæredationem nominatim facit, arg. l. *nominatim*. 34. de cond. & dem. Summa igitur discriminis, quod inter liberos jam natos fuit, hæc est; quod præterito filii testamentum infirmabat; quod non nominatim exhæredatus pro præterito habebatur: at ceteri præteriti manente testamento scriptis hæredibus accrescebant, & quamvis non nominatim exhæredati, tamen si cætera observata essent, pro rite exhæredatis habebantur. Nondum me hinc abire sinunt interpretes. Illud prius investigandum est, an ut testamentum, in quo filius est præteritus, nullum est jure civili, ita quoque vim nullam habeat jure prætorio? Et video, maximam partem censere tale testamentum neutro jure subsistere, atque in totum tam jure prætorio, quàm civili improbari, Cyn. Bald. Castr. in l. 2. C. de bon. poss. cons. tab. Clar. §. testamentum. qu. 43. n. 1. Gomez. 1. var. res. c. 11. n. 5. quam sententiam prolixè tuetur Ant. Fab. 9. conj. 14. & de ad. 37. err. 5. & 6. Argumentum eorum præcipuum est, quod in casu proposito etiam prætorio jure succedatur ab intestato, hoc est, filio præterito deur bonorum possessio unde liberi, l. ult. *hoc sit*. l. 1. §. ult. si tab. test. null. ext. quasi nec prætor hic ulla tabulas agnoscat. Sed verior est sententia Gloss. in d. l. 2. C. cons. tab. quam & Bart. *ibid.* probat; item D. Vigl. hic. Govean. 1. var. deff. 5. Vas. 3. contr. illustr. 100. & lib. 2. de succ. creat. §. 28. num. 138. & seqq. tale testamentum jure prætorio nullum non esse. Rationes hæc sunt. 1. Quoniam filius præteritus rectè petit bonorum possessionem contra tabulas, l. 1. de bon. poss. cons. tab. §. 1. si de bon. poss. ut proinde necesse sit tabulas aliquas jure prætorio intelligi. 2. Quia scriptis in eo testamento hæredibus datur bonorum possessio secundum tabulas, l. 2. in pr. de bon. poss. sec. tab. ubi prætor dicitur hunc ordinem servare, ut primo velit ad liberos præteritos pertinere bonorum possessionem contra tabulas, mox si inde occupata non sit, judicium defuncti sequatur, & scriptos admittat secundum tabulas. 3. Quod in danda bonorum possessione secundum tabulas hoc tantum prætor consideret, an testamentum septem testium signis signatum sit, licet solemnia quædam jure civili requisita defint, Vlp. *sit*. 28. §. *etiam si*. 6. 4. Quia prætor vix majorem suorum quàm emancipatorum rationem habet: quod ex

eo patet, quod etiam emancipatos institui aut exhæredari jubet, §. 3. *inf. cod.* & tamen si præteriti sint, testamentum jure prætorio subsistit. 5. Huc fac. l. *posthumus*. 12. in fin. pr. l. *filio*. 17. de injust. rupt. test. l. 12. §. 1. de bon. poss. cons. tab. Ad argumentum autem modo propositum commodè responderi potest, prætorem ita esse proprii juris auctorem, ut simul etiam sit custos juris civilis, quod etiam sequatur, si quando potentius jus est ejus qui jure civili vocatur. Nec magis absurdum videri debet, eo jure dici testamentum valere, quo etiam succeditur ab intestato, quàm bonorum possessionem secundum & contra tabulas eodem jure dari. Nimirum non uno modo nec simul omnibus prætor consulit, sed successive: & quia prior ac potentior est conditio liberorum præteritorum in petenda bonorum possessione contra tabulas, hos prius admittit: quod si illi decesserint, aut petere neglexerint, nihil absurdi se facturum putavit, si tunc scriptis hæredibus daret secundum tabulas. Quin & suos præteritos, qui jure civili testamentum nullum dicere possunt admittit ab intestato ex capite unde liberi, ut custos & administer juris civilis, l. ult. *hoc sit*. l. 1. §. ult. unde liberi. Planè si filius præteritus ultro se bonis paternis abstineat, hic jam fatentur interpretes, prætorem hujus testamenti rationem habere, & scriptis in eo hæredibus dare bonorum possessionem secundum tabulas, quamvis subtili juris civilis ratione non eo magis consistat, l. *filio*. 17. de injust. rupt. test. idque procedit ex sententia majoris partis, si scripti sint, qui remoto filio rem ab intestato auferre possent, si extranei, teste Claro d. *quæst.* 43. n. 3. Verissima sententia, sed à plerisque aut non intellecta aut non bene explicata. Veram esse ostendunt cætera, quæ disputavimus, tum evidentissimè d. l. 2. in pr. sec. tab. quo loco Jurisconsultus scribit, prætorem velle, si bonorum possessio contra tabulas à liberis præteritis occupata non sit, eam secundum tabulas reverti ad hæredes scriptos, sine ulla qualitatibus eorum distinctione. Ita verò est. Prætor ut simpliciter scriptis hæredibus bonorum possessionem pollicetur, ita petentibus eam denegare non potest: sed sæpe accidit, ut ea sine re sit & inutilis; tum etiam in modo & effectu haud parum interest, extranei scripti sint, an qui amoto filio ab intestato succederent. Etenim sciendum est, bonorum possessionem secundum tabulas aut cum re dari, hoc est, cum effectu, ut is, qui accepit, bona retineat; aut sine re, cum alius jure civili evincere hæreditatem possit, Vlp. *sit*. 23. §. si septem. 5. & *sit*. 28. §. ult. Finge ergo, scriptum hæredem in petenda bonorum possessione præterisse filium, qui præteritus erat, bonorum possessio, quam petens à prætore accepit, efficietur sine re, si proximus ab intestato siue extraneus scriptus sit, ubi scilicet filius jure suo uti velit; quippe cujus jus potentius est, quàm hæredis scripti, etiam ipsi prætori. Et ideo ne res sit sine effectu, solet sere prætor differre secundum tabulas dare, d. l. 2. sec. tab. Finge, filium præ-

teri-

retitum jure suo non uti, sed hereditate patris abstinere; hic quidem etiam extranei heredes in tabulis scripti secundum eas bonorum possessionem petere possunt: ceterum & hæc sine re futura est, si agnati proximi hereditatem jure civili vindicabunt ab intestato, Ulp. d. tit. 23. §. si septem. 5. Verum enim est, eo jure testamento nullum esse. Sed & prætorem existimo proximos hic prælaturos ex edictis *Vnde legitimi*, & *Vnde cognati*. Quapropter rarissimè & uno dumtaxat casu fit, ut extranei bonorum possessionem cum re consequantur, si videlicet proximi ab intestato suo jure uti nolent, quæ causa est, quod in hac disputatione conditio additur in fin. pr. d. l. posthumus. 12. de injust. rupt. test. si bonorum possessio data fuerit ei, qui rem ab intestato auferre possit. Atque ad hunc ferme modum etiam disserit D. Bachov. in §. non tamen. 6. inf. quib. mod. test. inf. Ant. Fab. parum hic sibi constat, ut videre est lib. 1. conjest. 19. & lib. 9. c. 14.

TEXTUS.

De posthumis.

1. Posthumi quoque liberi vel heredes institui debent, vel exheredari. Et in eo par omnium conditio est, quod & filio posthumus, & quolibet ex ceteris liberis, sive fæminini sexus sive masculini, præterito, valet quidem testamentum, sed postea agnatione posthumi sive posthuma rumpitur, & ea ratione totum infirmatur. Ideoque si mulier, ex qua posthumus aut posthuma sperabatur, abortum fecerit, nihil impedimento est scriptis heredibus ad hereditatem adeundam. Sed fæminini quidem sexus persona vel nominatim vel inter ceteros exheredari solebant: dum tamen, si inter ceteros exheredarentur, aliquid eis legaretur, ne viderentur præterita esse per oblivionem. Mascululos vero postumos, idest, filios & deinceps, placuit non aliter rectè exheredari, nisi nominatim exheredarentur, hoc scilicet modo, Quicumque mihi filius genius fuerit, exheres esto.

NOTÆ.

1. Posthumi] Posthumi, vel potius postumi, ut scribendum docet Grot. spars. flor. sup. ad tit. qui test. iur. dar. dicuntur, qui post mortem patris nascuntur, l. 6. de inoff. test. l. 2. §. 1. de injust. rupt. Plutarch. in Coriol. & Syl. Amm. Marcell. lib. 21. Vxorē prægnantem reliquit, unde edita posthuma.

Totum infirmatur] Nec hoc mutatum Nov. 115. c. 3. ut falso existimat Pac. Igitur posthumi cujuscumque sexus aut gradus præteriti agnascendo rumpunt: filia & nepotes præteriti non

rumpunt, sed accrescunt scriptis: filius præteritis testamentum valere non patitur, l. 1. l. 3. l. 8. §. 1. de injust. rupt. l. 30. h. t. Quod si posthumus præteritus vivo patre natus decesserit, datur scripto heredi bonorum possessio secundum tabulas. l. 12. de injust. rupt.

COMMENTARIUS.

- 1 Cur in posthumis non distinguatur sexus & gradus quoad necessitatem exheredandi?
- 2 Cur placeat posthumis præteritis testamentum ab initio valere?
- 3 Quam rationem habeas, quod filia posthuma inter ceteros non rectè exheredabatur absque legato?
- 4 Quam item, quod nepotes posthumis etiam nominatim exheredandi?

D ictum est de liberis suis heredibus, qui tempore testamenti facti jam nati sunt; sequitur de posthumis; quo verbo hic intelliguntur omnes, qui nondum nati sunt eo tempore, quo parens testamentum condit, quamvis eo adhuc vivo postea nascantur, l. 3. §. 1. l. 12. in pr. de injust. rupt. test. Inter hos & liberos jam natos quadruplex discrimen hic animadvertitur. Primum est, quod posthumis præteritis, cujuscumque gradus aut sexus sint, testamentum ab initio jure consistat, cum præterito filio superstitē testamentum injustum sit & nullum, l. 1. & d. l. 3. §. 3. de injust. rupt. Secundum, quod posthumi omnes, sive masculi sive fæminæ, si heredes non instituantur, exheredandi sunt; præteriti agnascendo testamentum rumpunt, & totum infirmant; filia autem nata & nepotes ex filio præteriti non rumpunt, sed scriptis heredibus ad certam portionem accrescant; ut dictum §. præc. Tertium, quod posthumis filiabus inter ceteros exheredatis, pater aliquid legare cogitur; jam natis non item. Quartum, quod posthumi masculi non tantum primigradus, sed etiam inferiorum, nominatim exheredandi sunt; quod non est necesse in nepotibus tempore testamenti natis.

Valet quidem testamentum, sed postea agnatione rumpitur.] In hoc cernitur differentia filii posthumi præteriti & jam nati, qui præteritis testamentum subsistere non patitur: item filiarum, nepotumque posthumorum & superstitum, qui præteriti testamentum non rumpunt, l. 8. §. 1. de inju. test. Cajus lib. 2. l. 3. §. 2. Cur verò sexus & gradus non æquè in posthumis distinguitur, ut in liberis natis, placetque non minus agnatione filia posthumæ præteritæ, aut nepotis quàm filii; testamentum rumpi? Nimirum cum benigne atque humaniter, quoad fieri potest, de parentum in liberos voluntate sentiendum sit; judicarunt consulti, testatorem vel ignorasse conceptionem vel conceptum & nondum editum per oblivionem præterisse. Ad hæc incertum est, filius in utero sit, an filia.

Abortum fecerit] Hinc petenda ratio, cur posthumus

humo præterito placeat testamentum ab initio valere: nimirum quia fieri potest, ut non nascatur, abortum faciente muliere, ex qua sperabatur, *l. 1. de post. her.* Atque hætenus ergo nec pro nato habetur; frustra quoque obijciatur, cum, qui in utero est, quoties de commodo ejus agitur, pro eo qui in rebus humanis sit, haberi, *l. 7. l. pen. de stat. hom.* Nullum enim hic incommodum sentit, cum statim ut editus est, testamentum rumpat, & regula ista sic temperanda est, si modo postea nascatur: tunc enim fictione juris nativitas retrahitur. Quamdiu vero quis in utero est, propriè nondum homo vel animal est, *l. 9. §. 1. ad l. Falc.* sed spes tantum animantis, *l. 2. de mort. inf.* nec in potestate patris antequam nascatur, *l. ult. de collat.* ac proinde qui mortuus editus est, neque natus, neque procreatus videtur, quia numquam filius appellari potuit, *l. qui mortuus, 29. de verb. signific.* Sed et si mulier monstruosum aliquid aut prodigiosum enixa sit, placet testamentum non rumpi, *l. 3. C. de post. her.* quia liberi non sunt, qui contra formam humani generis procreantur, *l. 14. de stat. hom.* Sed *femini quidem sexus persona, &c.* Quamquam ad necessitatem exheredandi quod attinet, par omnium posthumorum conditio erat, nec sexus in posthumis distinguebatur; in forma tamen exheredationis aliqua erat jure antiquo differentia inter mares posthumos & feminas: nam illi omnes non nisi nominatim rectè exheredabantur, hæ poterant & inter ceteros. At enim si inter ceteros exheredatæ essent, non aliter rectè exhereditatio facta intelligebatur, quam si quid eis legatum fuisset, *Ulp. tit. 22. §. posthumus.*

3. 21. Qua in re etiam elucet insignis differentia inter exheredationem posthumarum & filiarum superstitum: hæ enim & sine legato inter ceteros exheredari poterant, illæ non poterant, ne, ut ait hic Imp., viderentur præteritæ per oblivionem. Quippe pro posthuma dici potest, generalem clausulam ad eam non pertinere, cum potius præsumendum sit patrem ignorasse eam esse in utero; & ideo ignoracione potius præteritæ, quam clausula illa, *inter ceteros*, voluisse exheredari: uti semper benignè judicandum est de patrum erga liberos voluntate, quoad facultas fert. De filia autem superstite, quam natam pater novit, dubitari non potest, quin pater cogitaverit, & tacitè eam comprehenderit sub simplici & indeterminata exheredatione; uti & de posthuma, cui inter ceteros exheredatæ legatum relinquit, quod præsumptionem oblivionis penitus tollit. Ex his autem, quæ modo dicta sunt, manifestum est, rectè judicare D. Cujacium ad *l. 4. hoc tit. de interpolatione principii*, *l. 3. de in just. rupt.* & quod Ulpian, scripserat, *Posthumæ virilis sexus nominatim exheredandi sunt*, Tribonianum, ut inserviret constitutioni Justiniani, de qua dicendum infra §. *sed hæc*, sic unmutasse, *Posthumæ per virilem sexum descendentes.*

Filios & deinceps Certum est, verbo *deinceps*

intelligi nepotes posthumos ex filio, & eos quidem solos, qui nati sui hæredes futuri sunt: nam alii testamentum non rumpunt, licet in potestate avi nascantur, puta quorum pater adhuc vivit, & in potestate patris sui est, §. *seq. l. 13. de in just. rupt.* Ait, *non aliter rectè exheredari, nisi nominatim.* Igitur nec si legatum adscriptum fuerit, valebit ne in nepote quidem exhereditatio, non nominatim, sed inter ceteros facta. Atque hæc jam notandum, primo diversum jus hoc in parte observatum fuisse in nepotibus nascituris & natis. Etenim natos jam nepotes non tantum nominatim, sed inter ceteros quoque exheredare licebat: quoniam & salvo testamento præterire: ejusdemque omnino conditionis erant, cujus & superstitis filix, §. *præc. Ulp. d. tit. 22.* Nepotes autem posthumi utriusque meliores: quippe qui non modo non præteriri, sed nec inter ceteros tuto poterant exheredari. Quæ juris varietas non aliam rationem habet, quam eam, quæ modo dicta est, filiam posthumam à nata separari. Deinde notanda etiam differentia inter posthumos nepotes & posthumas filias, quæ inter ceteros rectè exheredabantur, utique legato honoratæ; cum nepotis posthumi exhereditatio nominatim faciendæ esset, nec sufficeret inter ceteros exheredatos legatum adscripsisse. At enim inquires, cum nepotes nati eodem jure cum filiabus natis uterentur, cur non similiter placuit, nascituris eodem jure uti, quo utebantur filix nascituræ? JASON aperte, & cum eo tacitè VIGLIUS, fatentur, se hujus rei rationem ignorare: & sanè, quod D. Hottomannus putat, ubi legatum adscriptum est, non potest esse locus benignæ præsumptioni de alia voluntate parentis, quasi hunc posthumum nepotem non tam excludere voluisse videri debeat, quam per errorem præterivisse. Una illa ex pluribus, quas affert D. Vvesemb maxime probabilis est, quod etsi legatum avus adjecerit, nisi tamen nominatim posthumum nepotem exheredaverit, videri possit & debeat de posthuma filia potius nascitura (quæ inter ceteros cum adjectione legati exheredari solita erat) quam de posthumo masculo cogitasse, spe propagationis nominis & familiæ suæ: cujusmodi voluntatis conjecturam non admittunt nepotes nati. Quid ergo est, quod Ulp. *d. tit. 22. §. nepotes. 22.* scribit, nepotes & pronepotes, ceterosque masculos posthumos præter filium, vel nominatim, vel inter ceteros cum adjectione legati exheredandos: sed tutius tamen esse nominatim eos exheredari, atque id observari magis? Nimirum ex ratione juris, quod nepotes & filias fere eadem vult esse conditione, *l. 8. §. 1. de in just. rupt.* postea & nepotes posthumos sicut filias posthumas exheredari; ceterum propter benignam illam, quam dixi, in dubio voluntatis interpretationem aliud receptum fuisse; VINN. Acutior est ratio hujus discriminationis, quam affert V. C. Schulting. ad Ulpian.

pian. l. c. p. 641. quod jus circa feminas constitutum originem debeat rationibus Voconianis. Hein.

Quicumque mihi filius] Positum exempli causa: ne quis ex hoc loco colligat, nepotem appellatione filii contineri etiam in re odiosa. Utendum autem necessario generali demonstratione, cum speciali nomine aut signo posthumus demonstrari nequeat. An adhuc hodie posthumi, & praesertim post Nov. 115. c. 3. exheredari cum aliquo effectu possint, alibi videmus.

TEXTUS.

De quasi posthumis.

2. Posthumorum autem loco sunt & hi, qui in sui heredis locum succedendo quasi agnascendo sunt parentibus sui heredes: ut ecce, si quis filium, & ex eo nepotem neptemve in potestate habeat, quia filius gradu praecedit, is solus iura sui heredis habet; quamvis nepos quoque & neptis ex eo in eadem potestate sint. Sed si filius ejus vivo eo moriatur, aut qualibet alia ratione exeat de potestate ejus, incipit nepos neptisve in ejus locum succedere, & eo modo iura suorum heredum quasi agnatione nanciscitur. Ne ergo eo modo rumpatur ejus testamentum, sicut ipsum filium vel heredem instituere, vel nominatim exheredare debet, ne non iura faciat testamentum; ita & nepotem neptemve ex filio necesse est ei vel heredem instituere, vel exheredare, ne forte eo vivo, filio mortuo, succedendo in locum ejus nepos, neptisve, quasi agnascendo rumpat testamentum. Idque lege Julia Velleja provisum est: in qua similis exheredationis modus ad similitudinem posthumorum demonstratur.

NOTAE.

2. Quamvis nepos quoque] §. 2. inf. de her. que ab int. §. 2. inf. de her. qual. & ideo firmum manet avi testamentum, in quo hic nepos praeteritus, si vivo filio nec capite minuto, avus decesserit, l. 6. pr. de injust. rupt. l. 7. si tab. test.

In ejus locum succedere] Successio haec velut quaedam agnatio est, propterea quod successione in locum sui heredes fiunt.

Leges Julia Velleja] Cujus legis caput secundum, relatum in d. l. 29. §. 30. interpretati Cajus d. l. 13. & Justinianus hic. In casu d. l. 29. §. pen. qui ad neutrum caput legis seorsum pertinet, Julianus quoque induxit, ne rumpatur testamentum, quasi duobus capitibus legis commisit; bellè Fabrot. ad Theoph.

COMMENTARIUS.

- 1 Quasi posthumorum varia genera.
- 2 Qui agnascendo, qui succedendo seu quasi agnascendo rumpant?
- 3 Cur plus tributum nepos quasi posthumus, quam filius aut nepos, qui tempore testamenti avo proximus est?
- 4 Jus antiquum circa institutionem, & exheredationem posthumorum.
- 5 Quid Gallus Aquilinus circa nepotis posthumi institutionem introduxerit?
- 6 Quid lex Velleja permiserit non permissum jure antiquiore?

SI cui religio est scribere posthumus, is per me licet sine H. scribat postumus, cum Cujac. l. 3. obs. 4. & in comment. ad l. Gallus. 29. hoc s. Illud tamen tenendum est, postumos à veteribus propriè dici eos, qui post mortem patris nascuntur, testibus Vlp. l. 3. §. 1. de injust. test. Varro. lib. 4. Fest. lib. 15. Plutarchus quoque in Sylla scribit, postumos à Romanis appellatos & de veteri & patris sui & matris sui & avae & avi sui, uti & in Coriolano. Et ideo Graecis interpretibus dicti νεκρῶν, quod mortis parentum tempore in utero fuerint. At post legem Juliam Vellejam, qua & alii liberi, inque nati vivo adhuc parente testatore, heredes instituendi aut exheredandi sunt, ne agnascendo aut succedendo testamentum rumpant instar posthumorum, ceperunt duo quodammodo esse posthumorum genera; unum eorum, qui verè & propriè posthumi sunt & dicuntur, videlicet qui nascuntur post mortem parentum; alterum qui impropriè & secundum quid, nempe quoad effectum rumpendi testamentum, si non sint instituti aut exheredati, quos quasi postumos & postumos Vellejanos appellare possumus. Sed & in his, qui post factum testamentum adoptantur, quæ in manum conveniunt, in filio, qui ex prima secundave manumissione in potestatem patris revertitur, similitudo quædam agnationis suorum heredum est, & praeteriti instar posthumorum testamentum rumpunt, Vlp. sit. 23. §. 2. Cajus lib. 2. sit. 3. §. 4. l. filio. 23. hoc sit. junct. §. 1. inf. quib. mod. test. inf. Est & posthumus Cornelianus, qui capto ab hostibus patre natus est in civitate: de quo in l. 15. de injust. rupt. test. l. qui bona. 22. §. ult. de capt. & postlim. Ant. Fab. 10. conj. 9. & 10. ubi disputat, an hic posthumus & Vellejanus dici possit. Descriptus fere ad verbum hic locus est ex Cajo l. posthumus. 13. de injust. rupt. test.

In suis heredis locum succedendo, quasi agnascendo] Nepotes praeteriti, qui demum post factum testamentum nascuntur patre mortuo, avo testatore superstitite, non succedendo in locum patris & sui heredis, sed agnascendo testamentum rumpunt. Nascuntur enim sui heredes, non fiunt successione, & ideo pertinent ad caput primum legis Vellejae, quod Imp. hic non tangit. At illi, de quibus hoc loco & in d. l. 13. sermo est, & sci-

scilicet qui jam nati sunt, quo tempore avo testamentum facit, sed quibus pater & suus hæres obstat, quominus & ipsi jura sui hæredis habeant, illi inquam præteriti, si vivo adhuc avo pater eorum suus hæres esse desierit, testamentum rumpunt succedendo, hoc est, subeundo locum patris prædefuncti aut emancipati; non agnascendo (quoniam agnasci proprie dici non possunt, qui ante testamentum nati sunt,) sed quasi agnascendo, propterea quod successione in locum sui hæredis sui hæres hunc; nimirum quemadmodum velut posthumus aut posthumi loco habetur, qui in jus sui hæredis succedit, ita & successio ejus velut quædam agnatio. Illi ad primum legis Vellejæ caput pertinent, l. 29. §. 12. h. t. h. ad secundum d. l. 29. §. 13. l. 13. de injust. rupt.

Quia filius gradu præcedit] Fieri potest non in persona filii, sed in persona nepotis, ut in avi potestate sit, nec tamen inter suos hæreses numeretur, eo quod pater eum in causa successionis præcedat: neque enim ad hoc ut quis jus sui hæredis habeat, sufficit in potestate esse, nisi simul proximum à defuncto gradum obtineat, hoc est, nemo eum in suo ordine antecedit, §. 2. inf. de her. qual. & diff. §. 2. inf. de her. qua ab int. Et ideo nepos, quem pater præcedit, nec exhæredari ab avo debet, sed firmum manet avi testamentum, in quo hic nepos præteritus est, si vivo filio & in eodem statu manente avus decesserit, l. 6. in pr. de injust. rupt. l. 7. unde lib.

Sed si filius vivo eo moriatur] Filio de familia sublato, statim nepos ex eo in locum & gradum ejus succedit, atque ita succedendo in familia avi jus sui hæredis quasi agnatione nanciscitur: quimpropter si eo se tempore præteritum deprehendat, exemplo posthumi testamentum rumpit. Unde qui filium atque ex eo nepotem in potestate habet, ei, si omnino securè testari velit, necesse est etiam hunc nepotem similiter ut filium hæredem instituere vel exhæredare: alioqui si contingat filium vivente adhuc patre suo mori, aliave ratione de familia exire, nepos mox patris locum occupans testamentum rumpet.

Ita & nepotem neptemve ex filio] Plus igitur 3 tribuitur huic nepri, quam filix, quæ præterita jure antiquo testamentum non rumpit, sup. cod. in pr. Hoc ne cui mirum videatur, animadvertendum est agi hic de nepte, quam pater tempore facti testamenti præcedebat, & quæ postea in illius sublato locum succedit instar posthumæ. Itaque quod juris erat in filia posthuma, ut præterita testamentum rumpere, id procedendum erat ad hanc neptem, quasi posthumam, simili conjecturâ pieratis, quippe quam, ut credi par est, hæredem avus fecisset, si tempore testamenti primum ab eo gradum obtinisset. Eademque ratio est, cur neptis hæc meliore etiam conditione sit, quam nepos, qui tempore testamenti avo proximus est: quod cum non animadvertet D. Viglius, credidit, in pr. h. tit. jus an-
Plinius in Institut.

tiquum referri, quod postea lex Velleja abrogaverit, insigni & manifesto errore: Illud quoque notandum, quod particula *nominatim*, quæ in propositione hujus comparationis exprimitur, non repetitur in redditione, uti nec in d. l. 13. de injust. rupt. Id quod consulto factum est, ut intelligamus, neptem quidem cum filio comparari in exhæredatione, quod ad necessitatem; at non in qualitate aut modo exhæredandi. Et enim cum neptis ex filio adscendens in locum patris utatur jure posthumæ, sufficere debet indefinitè eam exhæredari, utique cum adjectione legati: quandoquidem non plus juris habet filia posthuma. Enimvero nepotem, quem posthumi jure uti placuit, eadem forma, qua filium, exhæredandum esse arguunt, quæ Imperator dixit in talce §. præc.

Lex Julia Velleja provisum est] Legis hujus duo præcipua capita fuisse docet nos Scævola l. Gal-
lus. 29. §. nunc de. 11. & seqq. hoc tit. quorum uno permissum fuit, institui posthumos etiam alienos dummodo sui nascerentur, licet vivo adhuc testatore: altero cautum, ne nepotes in locum sui hæredis succedentes testamentum rumpere, in quo ipsi instituti essent, vel exhæredati; cujus posterioris capituli explicatio à Justiniano hoc loco tradita est verbis Caji in l. posthumorum. 13. de injust. rupt. 108. Nihil adhuc intelligimus, nisi sciamus, cur in eas res lata fuerit lex Velleja, & quid ea permiserit non permissum jure antiquiore. Exponam autem paucis quid in re obscura sentiam. Cum lege duodecim tabb. ita cautum esset: *Vis quisque legassit sua rei, ita jus esto*, l. verbis. 120. de verb. sign. hæc legis verba, *nisi legassit*, sic prudentes interpretati sunt, uti quisque certo consilio ac judicio statuerit, decreverit, aut imperaverit, quid de re pecuniaque sua post mortem suam fieri velit. Absurdum enim visum fuit, eam testatoris voluntatem jus facere aut ratam haberi, quæ nec consilio nec judicio certo regeretur. Hinc ex sententia legis persona incerta, hoc est, quam incerta opinione animo suo testator subiciebat, neque hæres institui, neque legatum ex testamento capere poterat; §. incertis. 25. de legat. inf. Vlp. sit. 21. §. 3. ubi & eandem hanc ejus rei rationem reddit, quoniam certum esse debet consilium testantis. His porro consequens est, nec eum, qui in utero est, ex ejusdem legis sententia hæredem potuisse institui, utpote qui & ipse persona incerta habebatur, aut ut Theophilus loquitur §. alienus. 26. inf. de legat. *Ita ut sit incertum negotiorum*; propterea credo, quod incertum est, an nasciturus aliquando sit necne masculus, an femina; unus, an plures nasciuri. Et quamquam quod ad legitimas hæreditates posthumus pro jam nato semper habitus est, l. pen. de stat. hom. id tamen ob rationem, quam diximus, non obtinebat in hæreditate testamentaria. Cum igitur ea ratione eveniret, ut sive institutus, sive exhæredatus, sive præteritus esset is posthumus, qui suus hæres testatoris nasciturus erat, testamentum agnascendo rumpere, & in

totum voluntatem testatoris everteret; paulatim disputatione fori introductum ad conservanda suprema hominum judicia, ut & in testamentaria successione posthumi sui, hoc est, qui si tempore testamenti nascerentur, inter suos hæredes futuri & præteriti testamentum quomodo rumpantur essent, pro natis haberentur, instituique atque exheredari possent: quod *Cajus* quodammodo significat *lib. 2. tit. 3. §. 2.* ubi de institutione & exheredatione posthumorum agens ait, in ea etiam re legitimè conceptos pro natis haberi. In alieno posthumum nihil visum, cur à ratione juris veteris recederetur; quippe ejus institutio necessaria non est, cum natus testamentum numquam rumpat. At cumvero quia fieri potest, ut qui tempore testamenti alienus est, suus tamen nascatur, atque ita rumpat, (nam cum quaeritur, an testamentum agnatione rumpatur, non conceptionis tempus, sed nativitatis inspicitur,) *Gallus Aquilius* induxit, (non legem ferens, ut perperam *Viglius*, sed quod nemo ante eum observaverat ostendens) posse etiam eos posthumos, & nimirum nepotes, qui testamenti quidem tempore alieni sunt, subducto autem patre sui hæredis avo nascerentur, hæredes institui sine fraude ejus juris, quo placebat, posthumos alienos hæredes institui non posse. Quam in rem concepit hujusmodi formulam, *Filius meus hæres esto. Si filius meus vivo memorietur: tunc si quis mihi ex eo nepos post mortem meam in decem mensibus proximis, quidam filius meus morietur, natus erit, hæres esto.* *l. Gallus. 29. h. t.* Dices, nepotem hic institutum esse posthumum alienum. Fatebor, si simpliciter consideretur ut posthumus; quia si tempore testamenti facti nasceretur, non esset suus hæres avo testatori. Negabo, si ut posthumus *Aquilianus*, sive, eo modo, quo à Gallo instituitur, qui institutionem hujus nepotis confert in id tempus, quo suus erit: ea vis est articuli *tunc*, quod temporis extremitatem significat, *l. 4. §. 1. de cond. & dem.* Hoc igitur modo consideratus, non alienus, sed suus est, & salva ratione juris veteris juxta formulam *Aquilianam* instituitur. Adhuc posthumi vivo testatore nati institutio inutilis erat. Etenim cum ut posthumos hæredes instituere liceret, eatenus dumtaxat receptum esset, quatenus testamentorum favor & necessitas postulabat, eorum, qui vivo testatore nascuntur, institutio non videbatur necessaria: quamvis enim & ipsi non eo minus testamentum rumpant; licebat tamen testatori aliud testamentum condere. & rei suæ de integro prospicere. Porro nec is posthumus, qui tempore testamenti alienus erat, purè poterat institui; hoc enim ut fieri posset, *Gallus* non induxerat, neque adeo inducere poterat salva ratione juris. Postremo neque nepotis, quem filius præcedebat, nati ante testamentum factum instituique efficiebat, quominus in patris remoti locum postea succedens testamentum rumpere: fortassis quia visum est non sufficere, institutum esse tamquam extraneum eum, qui tempore mortis testatoris reperitur suus. Tandem

etiam in istis omnibus testamentorum securitati & prospectum est lege *Julia Velleja*; cujus legis, ut ante quoque diximus, duo capita fuerunt, quorum primo permittitur eorum posthumorum institutio, qui vivis nobis sui nascituri sunt, ut etiam purè institui possint; capite altero cavetur, ne nepotes jam nati tempore testamenti facti succedentes vivo testatore in locum sui hæredis testamentum rumpant, in quo ipsi sunt instituti aut exheredati, *d. l. Gallus. 29. §. nunc de. 11. cum seqq. h. t.* Plura qui nosse desiderat, adeat commentaria, quæ in *d. l.* extant doctissimorum hominum, *Salamonii*, *Goveani*, *Cujacii*, *Duareni*, *Alciati lib. 3. paradox. 2. 1. & seqq. Ant. Fab. lib. 9. conj. per m. & multis, capp. lib. 10.* sed nostra hæc ut præluceant. *Vinn.* Obiter mone re visum, hanc legem propriè non dici *Juliam Vellejam*, uti in hoc §. & apud *Ulpian. tit. 22. §. 19.* scriptum reperimus, sed *Juniam Vellejam*, *l. 10. §. 2. ff. de test. tut. l. 13. ff. de injust. vapt. irr.* Unde auctores sunt *Junius Silanus* & *Vellejus Tutor Coss.* quibus & *SC. Vellejanum* tribuitur, *l. 2. §. 1. ff. ad SC. Vell. Add. laudat. Schulting. ad Ulpian. l. c. p. 640. Ham.*

T E X T U S.

De emancipatis.

3. Emancipatos liberos jure civili neque hæredes instituere, neque exheredare necesse est: quia non sunt sui hæredes. Sed prætor omnes tam fœminini sexus, quam masculini, si hæredes non instituantur, exheredari jubet; virilis sexus nominatim; fœminini vero inter ceteros: quia si neque hæredes instituti fuerunt, neque ita, (ut diximus,) exheredari, promittit eis prætor contra tabulas testamenti bonorum possessionem.

C O M M E N T A R I U S.

- 1 Emancipatos sub colore quodam suis patris à prætore vocari ad bonorum possessionem.
- 2 Prætorum in modo exheredandi secutum distinctionem sexus & gradus, quam jus civile fecit.
- 3 Absurdum non esse, quod filia emancipata melioris conditionis jure prætorio fuerint, quàm non emancipata jure civili.

Quia non sunt sui hæredes] Liberi emancipati excunt è familia & potestate patris, §. præterea, 6. sup. quib. mod. jus pat. pos. solv. ac sui juris ita effecti propriam familiam habere incipiunt; *l. pronuntiatio. 195. §. 2. de verb. sign.* Itaque sus omne, quod in familia patris antea habebant, amittunt: desinunt esse sui hæredes & agnati, quos solos ad successionem ab intestato lex vocat propter familiarum conservationem: denique pro alienis & extraneis jure civili habentur, *l. 6. §. 1. de bon. poss. l. 7. de cap. min. §. 3. infr. de hæ. qual. §. emancipati. 9. infr. de hæred. ab int.* Quo polito

turali, §. 20. *inf. d. 1.* Hoc enim casu, ne utriusque parentis exciderent successione, voluit prætor, eos jus naturale liberorum recuperare, l. 4. §. 1. *tab. 11st.*

COMMENTARIUS.

1. *Insignis error Hotomanni notatur.*
2. *Jura liberorum adoptivorum emancipatione in totum dissolvitur.*
3. *Adoptatos, quamdiu sunt in familia adoptiva, jus liberorum in familia patris naturalis non habere.*
4. *Emancipatos à patre adoptivo jus familia naturalis, quod emancipati beneficio prætoris habent, recuperare.*

Cum adoptio æquè liberis adoptatis tribuat jus & nomen filiorumfamil. suorumque hæredum, ac natura naturalibus, l. 1. & passim, de adopt. §. 2. *inf. de hæ. quæ ab int. l. 5. C. de suis & leg. cum similib.* consequens omnino est, ut ipsi non minus, quàm liberi naturales hæredes institui debeant, aut exheredari; atque ut præteriti idem jus habeant circa parentum testamenta infirmenda, quod naturales habent, l. 1. in *pr. cons. tab.* Naturales autem liberos hic intelligimus eos, qui ex justis nuptiis procreati sunt: sic enim passim in collatione adoptivorum appellantur, ut notavimus ad *pr. supr. de adopt.* Cæterum legitimati quoque appellatione naturalium continentur: quippe quibus eadem jura per omnia data sunt, quæ habent ii, qui ab initio ex legitimo matrimonio nati sunt, d. §. 2. *inf. de hæ. ab int. Nov. 89.* De his dictum §. ultim. *sup. de nupt.*

Secundum ea, quæ de naturalibus exposuimus.] Et igitur filii adoptivi nominatim exheredandi, nepotes & filix vel inter ceteros. Item filio adoptivo præterito, aut non rite exheredato, testamentum ipso jure nullum est; filia & nepote præteritis, firmum manet, sed præteriti institutis hæredibus accrescunt ad eam portionem, ad quam præteritæ filix & nepotes naturales, secundum ea, quæ tradita sunt *initio hujus tituli.* Dormitavit ergo Hædomannus, cum putavit, majus jus fuisse filix adoptivæ, quàm naturalis; quasi illius præteritio testamentum rupisset, hujus non rupisset, per l. 8. in *pr. de in iust. rupt. test.* Alioqui certè vidisset, Ulpianum loqui eo loci, non de præteritione filix, quæ jam ante à testatore adoptata fuerat, quàm testamentum faceret; verum de adoptata vel adrogata demum post factum testamentum: quæ cum utatur jure posthumæ, & in posthumis sexus non distinguatur, quod ad effectum rumpendi attinet, §. 2. *supr. cod. testamentum rumpit quasi agnatione sui hæredis.*

Emancipati à patre adoptivo neque jure civili, &c.] Jura liberorum adoptivorum non diutius durant, quàm quamdiu constat adoptio; ea per emancipationem dissoluta, nullum amplius jus habent, sed penitus extranei sunt patri quon-

dam adoptivo, sive jus civile spectes, quia deserant esse sui hæredes: sive honorarium, quia & nomen liberorum amiserunt, ut cesset ratio naturalis & æquitas edicti, l. 4. unde liberi, l. 1. §. & *sup. 6. l. 3. §. 2. cons. tab.* Et igitur nec testamentis factis præteriti contra tabulas admittuntur, hoc text. & §. eadem, 12. *inf. de hæ. quæ ab int.* nec ad bonorum possessionem unde liberi ab intestato, l. 1. §. liberos, 6. d. l. 4. unde lib. §. minor ex p. 11. & d. §. eadem, 12. *inf. de hæ. ab int.*

Quamdiu sunt in adoptiva familia, extraneorum numero.] Liberi adoptati, quamdiu sunt in familia adoptiva, jus liberorum non habent in familia patris naturalis; sed huic interim intelliguntur esse extranei, non tantum jure civili, verum etiam eo jure, quod pertinet ad edictum prætoris. Etenim prætor abunde eos habere censuit in familia patris adoptivi, cui jure civili succedunt, unde jacturam bonorum patris naturalis sarciant; absurdum autem esse, unum atque eundem jus filii cum effectu succedendi obtinere in bonis duorum patrum. Quamobrem qui in adoptiva familia sunt, quo tempore naturalis parens moritur, ii præteriti, neque jure civili testamentum nullum dicere possunt, neque jure prætorio bonorum possessionem contra tabulas petere, neque quasi liberi ab intestato, §. *at hi. 10. cum seqq. inf. de hæ. ab int. fac. l. ult. unde lib.* tantum tertio ordine hoc casu admittuntur ut cognati, §. admonendi, 13. d. *ist.*

Cum emancipati fuerint ab adoptivo patre, tunc incipiunt, &c.] Quoniam emancipati à patre adoptivo nihil in ejus familia juris retinent, uno modo relatum est, ne utriusque parentis successione fraudentur, voluit prætor, eos jus familia naturalis recuperare, d. l. 4. unde lib. hoc est, eo jure haberi, ac si à vero & naturali patre emancipati essent; inque eo statu semper mansissent, ut nisi hæredes instituti, aut exheredati fuerint, bonorum possessionem contra tabulas petere possint. Nec interest, utrum qui à naturali parente in adoptionem datus sit, an qui emancipatus ab eo ipse se adrogari sciverit, postea iterum à patre adoptivo emancipetur; dum tamen vivo adhuc parente naturali. Quod omnino addendum est d. §. *at hi. 10. inf. de hæ. quæ ab int. def.*

TEXTUS.

Jus novum.

5. *Sed hæc quidem vetustas introducebat. Nostra vero constitutio inter masculos & feminas in hoc jure nihil interesse existimans, quia utraque persona in hominum procreationem simili pectore officio fungitur, & lege antiqua duodecim tabularum omnes similiter ad successionem ab intestato vocabantur, quod & prætoris postea sequuti esse videntur: ideo simplex ac simile jus, & in filiis & in filiabus & in cæteris descendenti-*
bus

bus per virilem sexus personis, non solum jam natis, sed etiam posthumis, introduxit, ut omnes siue sui siue emancipati sint, vel heredes instituantur, vel nominatim exheredentur: & eundem habeant effectum circa testamenta parentum suorum infirmenda & hereditatem auferendam, quem filii sui vel emancipati habent, siue jam nati sint, siue adhuc in utero constituti, postea nati sint. Circa adoptivos autem filios certam inducimus divisionem, quæ in nostra constitutione, quam super adoptivis tulimus, continetur.

NOTÆ.

5. *Nostra constitutio*] L. 4. C. h. t. ex qua petenda interpretatio hujus §.

Legē 11. tabularum] L. 14. C. de legiti. her. ubi hæc eadem iisdem fere verbis exponuntur.

Per virilem sexum] Quippe matri & avo materno in causa institutionis & exheredationis liberi extranei sunt tam jure prætorio, quam civili, inf. §. ult.

Ut omnes] Tam filix & nepotes neptesque, quam filii, & tam nascituri, quam jam nati. Tollitur igitur hæc differentia, quæ oriebatur ex sexu & gradu tam in suis sup. in pr. quam emancipatis, sup. §. 3. tam in jam natis, quam in posthumis, §. 1. sup. Differentia autem inter suos & emancipatos non tollitur, hoc est, emancipati liberi non exæquantur suis, ut & ipsis præteritis testamentum jure non subsistat.

In utero constituti] Ut filix posthumæ non nominatim exheredatæ agnoscendo rumpant, licet legatum acceperint: quod secus erat jure antiquo, §. 1. sup.

COMMENTARIUS.

- 1 *Sublatio differentie circa effectum præteritionis, & modum exheredationis liberorum, ratione sexus.*
- 2 *Eorundem circa eadem exæquatio ratione graduum.*
- 3 *Sublatio discriminis, quod circa eadem erat in sexu inter posthumos.*
- 4 *Falli qui putant hoc §. tolli differentiam suorum & emancipatorum.*
- 5 *Quid novi circa liberos adoptivos induxerit Justinianus?*

HUc usque relatio juris antiqui: sequitur novum introductum constitutione Justiniani, quæ extat, l. ult. C. h. t. qua ille constitutione sustulit veterum in re, de qua disputamus, differentiam sexus & gradus liberorum, natorum & posthumorum, iussitque omnes, siue mares sint, siue feminae, siue filii, siue nepotes, siue jam nati, siue adhuc nascituri, æquabiliter vel institui vel exheredari, siue de jure civili quæretur, siue de jure prætorio. Triplicem autem hoc loco causam affert, qua motus, novum hoc

Pinnius in Institut.

jus constituerit; quæ tamen in summa una est, favor sexus femine.

Quia utraque persona simili natura officio] Prima ratio introducendi novi juris, quod feminae in procreatione liberorum eodem cum maribus officio naturæ funguntur. Et ideo in constitutione sua insurgit in auctores istarum differentiarum, quasi naturæ accusatores existant: quæcur, inquit, non totos masculos generavit, ut unde generentur, non fiant? Cæterum ut demus hoc verum esse, & utique hoc verum est, naturam utroque sexu ad conservationem humani generis æqualiter indigere: ratio tamen hæc tanti non est, ut propter eam jus vetus tamquam iniquum mutari debuerit: sanè non ideo dicendus est naturam accusare, qui masculos à feminis in successione parentum siue testamentaria siue ab intestato secernit: alioqui & ipse naturæ auctor accusandus fuerit, qui filio superstiti à successione patris excludit filiam. Num. 27. v. 8. Sunt enim & alia, maximeque jura familiæ & agnationis, ob quæ meliore conditione mares esse in causa successionis, quam feminas, iniquum non est.

Et lege antiqua 11. tab. omnes similiter] Ratio aliter, qua argumentando à successione ab intestato ad testamentariam novi sui juris æquitatem commendat. Notum autem est, leg. 11. tab. in successione liberorum ab intestato nullum discrimen in sexu agnoscere, filiasque non minus, quam filios ad hereditatem intestati parentis vocare. Quin & nepotes neptesque ex filio, qui in potestate sunt, si filius suus hæres esse debet, l. 1. §. 2. & 4. de suis & legis. §. 2. & 6. inf. de her. ab int. & tamen distinctio inter sexum & gradum testamento facto est ex ratione ejusdem legis, arg. l. 8. §. 1. de injust. rupt. test. & certè plus est evertere testamentum, quam jus succedendi ab intestato habere. Ait, *Quod & prætores postea secuti videntur*; scilicet in danda bonorum possessione ab intestato. Nam testamento facto filiabus inter cæteros exheredatis contra tabulas bonorum possessionem nec prætor dedit, non magis quam emancipatis aut filiabus posthumis, quibus inter cæteros exheredatis legatum adscriptum erat, §. 1. & 3. sup. junct. l. 8. in princ. cons. tab.

Et in filiis & in filiabus & in cæteris, non solum jam natis, sed etiam posthumis] His verbis tollitur tota illa veteris juris differentia circa effectum præteritionis & formam exheredationis, quæ præcedentibus §§. ex eo jure relata est. Et primum exæquantur liberi in sexu, (pertinent autem hæc exæquationes ad utrumque jus, prætorium, & civile) jubenturque tam filix, quam filii, si hæres non instituantur, nominatim exheredari: præteritis, aut non nominatim exheredatis datur idem jus ad infirmandum patris testamentum, quod filii sui vel emancipati præteriti aut non nominatim exheredati, illi jure civili, hi jure prætorio habent. Filiabus igitur, quæ in potestate sunt, præteritis, jus testa-

A 2 3

men-

mentum nullum dicendi; emancipatis evertendi per bonorum possessionem contra tabulas. Itaque quod in *pr. hujus tit.* ex jure veteri traditum est, filiabus, quæ in potestate erant, præteritis testamentum non fuisse nullum, sed præteritis salvo testamento ad certam portionem accrevisse hæredibus scriptis, hæc jam abrogatur, & testamentum jubetur esse inutile. Uti & illud, quod eodem loco refertur, potuisse & inter cæteros filias hæc exheredari, eo scilicet effectu, ut & jus civile eas repelleret à jure accrescendi, & prætor bonorum possessione contra tabulas, *l. 8. cons. tab.* Nullumque aliud remedium eis superesse præter unum querelæ inofficiosi, *arg. d. l. 8. junct. §. ult. inf. hoc tit.* Nunc enim post constitutionem Justiniani, etsi exheredatæ sunt, dum tamen non nominatim, sed inter cæteros, testamentum jure civili non magis subsistit, quam si filius inter cæteros exheredatus sit; patebitque eis, ut præteritis, etiam prætorium, quod dixi, remedium, cessante querela inofficiosi testamenti, *d. l. 8. §. 1. cons. tab. junct. §. 2. inf. de inoff. test.* Denique & illud, quod prætori satis erat ad denegandam filiabus emancipatis bonorum possessionem contra tabulas, si inter cæteros essent exheredatæ: nunc enim tamquam præteritæ à prætore admittendæ sunt instar filiorum emancipatorum, quos non nominatim exheredatos pro præteritis & olim prætor habuit,

2 *§. emancipatos, sup. cod.* Secundo tollitur differentia graduum, liberique secundi gradus & inferiorum æquantur liberis primi gradus, hoc est, nepotes & deinceps per virilem sexum descendentes filii, quoad utriusque juris effectum. Ac proinde quemadmodum filii sui, ita & sui nepotes deinceps vel instituendi sunt, vel nominatim exheredandi, iisque præteritis aut non nominatim exheredatis perinde testamentum ipso jure nullum erit, ac si filius, qui in potestate est, præteritus aut non nominatim exheredatus esset: cessatque jus vetus accrescendi, quod manente testamento nepotibus quoque suis præteritis dabatur, *d. pr. hujus tit.* & prætor etiam generali tantum clausula exheredatos tamquam præteritos nunc agnoscit. Deinde ut filio emancipato non instituto, neque nominatim exheredato, prætor dat bonorum possessionem contra tabulas; ita &

3 natis ex eo, quæ pater eos non præcedit. Per *l. 3. in pr. & §. 3. cons. tab.* Terio tollitur differentia inter natos & posthumos, & simul, quæ in sexu quoque erat inter ipsos posthumos, jubenturque & filiz postumæ & nepes ex filio institui, aut nominatim exheredari, perinde ut liberi jam nati & posthumi masculi: idemque jus datur filiabus & neptibus posthumis præteritis, vel non specialiter exheredatis, quod posthumi masculi habent, scilicet ut agnascendo testamentum rumpant, etiam si legatum acceperint: quod secus erat jure veteri, *§. 1. sup. cod.* quo jure cum nec prætor bonorum possessionem contra tabulas daret, *d. l. 8. cons. tab.* necessaria hoc casu erat posthumis feminis querela inofficiosi testamenti,

§. 2. inf. de inoff. test. nunc autem & jure civili tamquam præteritæ rumpunt, & à prætore non negliguntur. Atque hanc esse hujus loci sententiam, cum sequentia demonstrant, tum apertissime *d. l. ult. ver. sancimus, & seq. C. hoc tit.*

¶ Omnes sive sui, sive emancipati sint, &c.] 4
Hallucinatur Bart. in *auth. ex causa. C. hoc tit.* & cum eo fere interpretes vetustiores, qui teste Curtio Jun. in *d. auth. num. 43.* & Jul. Claro *§. testamentum. quest. 42. n. 2.* tolli quoque hoc loco putant differentiam liberorum suorum & emancipatorum. Palam enim est, his verbis, *ut omnes sive sui sive emancipati, eundem habeant effectum, quem filii sui vel emancipati habent*, non comparari emancipatos cum suis, sed cum filiis suis cæteros suos liberos, cum filiis emancipatis cæteros emancipatos eorumque masculorum liberos, cum sexu virili sexum foemineum, cum gradu primo gradus inferiores: ac proinde non hoc velle Justinianum, ut emancipati sublata necessitate auxilii prætorii redigantur ad conditionem filiorum suorum; verum ut filiz, nepotes, nept., & deinceps per virilem sexum descendentes, redigantur ad conditionem filiorum, sui & suæ ad suorum, & jus, quod illi habent jure civili, alii alizve ad emancipatorum, & jus, quod illi habent jure prætorio: ut sui suæve, præteriti præteritæve, aut nominatim non exheredati exheredatæve, ad instar filii sui testamentum ipso jure evertant, alii alizve ad instar filii emancipati per contra tabulas bonorum possessionem stare hoc non patiantur. Quibus fere verbis ipse Justinianus utitur in *d. sua constitutione, ver. sancimus.* Thalelæus ad *l. 1. §. 1. C. comm. de man. libi, in aliis pane omnibus nulla est inter liberos differentia. Καὶ οὕτως, τὸ ἐξ ἑστέ, ἰστέον αἱ πρὸς ἐλευθέρους, præteriti ἡυδαῖοι ἀποκρίσεις παραδίδωκεν αὐτὸν διὰ τὸ αὐτὸ, αἱ δὲ ἐμμαναπῶντες ἀπὸ τῶν ἐλευθέρων.* Nihil pro Bart. facit, quod Justinianum impulset ad novi juris constitutionem simplex & æquale liberorum jus in successione ab intestato. Immo contra. Nam ut in causa intestati lex duodecim tab. non distinguebat sexum & gradum in suis, prætor non distinguebat in emancipatis; ita nunc similiter in causa testamenti eandem vult servari simplicitatem jure civili in suis, jure honorario in emancipatis. Igitur nec in successione ab intestato par conditio emancipatorum & suorum fuit, nec par hæc facta est à Justiniano. Et alioqui sequeretur, nepotem ex filio emancipato in potestate retentum post constitutionem Justiniani non potuisse amplius succedere in locum patris sui, & jura suorum hæredum nancisci in familia avi, nec ab avo præteritum rumpere testamentum. Quæ omnia perspicue falsa esse constat. Et demum longo tempore post in successione ab intestato Justinianum emancipatos suis exæquare se apparet, ex *Nov. 118. c. 1.* quæ tamen exæquatio sic r. etè accepta est, ut nihil amplius tribuat emancipatis, quam ut jure civili hereditatem capere possint citra beneficium prætoris; non ut ipso jure, ut sui, hæredes existant; sed

ut

ut fiant hæredes hæreditatem adeundo, sicut extranei; nec tamen hoc trahendum esse ad successionem testamentariam, inde colligo, quod testamentum ipso jure evertere majus aliquid sit, quam ut non suis hæredibus præteritis concedi debeat.

Circa adoptivos certam induximus divisionem] *L. pen. C. de adopt.* Cujus sententia refertur §. 2. *sup. de adopt.* Et iterum plenius §. *sed ea. 14. inf. de her. que ab intest.* Quid quamobrem hic Imperator constituerit, tribus verbis indicabo. Olim qui à patre naturali in adoptionem dabantur, transibant sine ulla distinctione in familiam & potestatem patris adoptivi: unde quamdiu constabat adoptio, pro extraneis erant patri naturali, in tantum ut nec à prætore jure liberorum censerentur, sed cognatorum dumtaxat. Emancipati autem à patre adoptivo recipiebant jus naturale liberorum, quod beneficio prætoris habent emancipati à patre naturali, dum in eo statu manent: cæterum hoc ita, si vivo adhuc patre naturali emancipati erant, non si post mortem ejus, ne legitimis aut scriptis hæredibus semel delata aut quæsitæ hæreditas auferretur, §. *et hi. 10. inf. de her. ab int.* Unde cum fieri posset, ut hic filius utriusque patris hæreditate excideret; patris naturalis, quod eo moriente adhuc esset in familia adoptiva; & simul etiam patris adoptivi, si postea emanciparetur; huic incommodo à Justiniano occursum est, cautumque, ne liberi à patre naturali in adoptionem dati jus successionis, aliudve jus ullum in familia ejus amittant, neve transeant in potestatem patris adoptivi, extra quam si avus nepotem ex filio emancipato in adoptionem acceperit. Hoc constituto, jam per se intelligitur ei, qui extraneum adoptaverit, nullam necessitatem imponi hunc vel instituendi vel exhæredandi, sive jus civile, sive prætorium consideres, sive etiam extraordinarium remedium querelæ inofficiosi; sed patri naturali, in cujus potestate manet: qui autem nepotem adoptat, eum debere hunc instituere vel nominatim exhæredare, perinde ut antea juris erat in omnibus adoptivis; & denique hunc nepotem patri suo naturali interim pro extraneo esse, §. *præc.* Hæc autem ad nos non pertinent, quibus adoptionum jura incognita, vid. *sup. de adopt.* Sed neque necessitatem exhæredandorum liberorum naturalium, si hæredes non instituantur, agnoscimus; quoniam suos hæredes non habemus: valetque in his regionibus testamentum ipso jure, etiamsi filius in eo præteritus sit: eique dumtaxat succurritur remedio querelæ inofficiosi. Gudelin. *lib. 2. de jur. nov. c. 5.* Grot. *lib. 2. manud. c. 18. de quo plura alibi.*

T E X T U S.

De testamento militis.

6. *Sed si in expeditione occupatus miles testamentum faciat, & liberos suos jam natos vel posthumos nominatim non exhæreda-*

verit, sed silentio præterierit non ignorans an habeat liberos, silentium ejus pro exhæredatione nominatim facta valere, constitutionibus Principum cautum est.

NOTÆ.

6. *Constitutionibus Principum*] Gordiani in d. l. 9. & Philippi in l. 10. C. de test. mill.

C O M M E N T A R I U S.

1. *An testamentum militis subiaceat querelæ inofficiosi.*

Militibus jure militari testantibus non solum remissæ sunt solemnitates illæ externæ, numeri testium, rogationis, obsignationis, subscriptionis, contextus, quas cives omnes jure communi testamentum facientes observare tenentur: sed etiam intrinseca hæc, quæ ad parentes testantes pertinent, liberorum scilicet vel institutio vel exhæredatio: placerque, præteritionem militis, dum non ignoret se liberos habere, aut uxorem prægnantem esse, obtinere vim exhæredationis, l. 9. & l. seq. C. de test. mil. ad quem effectum respiciens Ulp. dixit, militem silentio exhæredare, l. 12. de bon. libert. Ait, *in expeditione occupatus.* Igitur extra & citra expeditionis necessitatem si miles testamentum faciat, quia id juxta regulas juris communis ordinare debet, præteritio ejus pro exhæredatione non erit, neque civili jure, neque prætorio. Non obstat, quod rescriptum est l. 9. C. de inoff. test. filios queri non posse de inofficioso testamento militis vel jure militari, vel civili facto. Nam ut de inofficioso agi possit, necesse est, ut testamentum rectè factum sit, & jure subsistat: at testamentum jure communi factum non subsistit, in quo liberi præteriti sunt, aut si de emancipatis quærat, necesse est, ut prætor eos non agnoscat; si de posthumis, ut nati non rumpant, §. 2. inf. de inoff. test.

Non ignorans, an habeas liberos] Quod militis præteritio pro exhæredatione habeatur, voluntati ejus tributum est, quæ sola testamentum sustinet, & pro jure servatur, l. 1. de test. mil. l. 1. C. eod. Ut autem voluntas exhæredandi obscura non est, ubi qui scit se habere liberos, iisque silentio præteritis alios hæredes instituit; ita contra deesse illa voluntas intelligitur, ubi cum id nesciret, forte quod falso rumore perlatum esset, eos in rebus humanis esse desisse, alios scripsit. Quod ex communi parentum omnium erga liberos affectu sumitur, quasi, quod omnino credendum est, si scivisset se habere liberos, eos ipsos, non alios sibi hæredes scripturus fuisset, d. l. 9. & l. seq. C. eod. tit. l. si filiusfam. 33. §. 2. eod. Quapropter pro diversitate liberorum per ignorantiam à milite præteritorum, aut testamentum hoc nullum dici poterit, aut rescindetur remedio prætorio, aut rumpetur agnatione, & in tantum, ut nec legata ex eo præstanda sint, l. militis. 36. §. 2. de test. mil.

Pro exhæredatione nominatim facta] Sequitur ergo,

ergo, nec liberos suos scienter à patre milite præteritos testamentum posse nullum dicere, nec emancipatos admitti ad bonorum possessionem contra tabulas, nec posthumum præteritum agnascendo rumpere. An ne igitur saltem querela inofficiosi dabitur, quod unum est exheredatis periculum? Nequaquam, *l. si instituta. 27. §. 2. de inoff. testam. l. 9. l. testamentum. 24. l. ult. c. cod.* Planè legitimam eos petere posse per conditionem ex lege, *argum. auth. Presbyteros. c. de Episc. & Cler. Glossa & Cyn. in d. l. 9. tradiderunt.* Hoc autem totum jus, cum sit singulare & militum duntaxat ex privilegio, nulla ratio est, quamobrem cum Claro *§. testamentum. q. 40. n. 6. Grassi. §. testamentum. q. 7. n. 3. & interp. vulgo dicamus id sublatum esse. Nov. 115. c. 3. generalique constitutione etiam milites, & militaria testamenta contineri, hoc est, eos etiam jure militari testantes redigi ad conditionem institutionis & exheredationis liberorum. Quod etiam D. Viglius hic post Lud. Roman. in d. l. 9. observavit, & tandem re diligenter inspecta probat D. Tulden. in c. de test. milit. n. 6. item D. Perez. *ibid. n. 12. addi. Vasq. lib. 3. de succ. creat. §. 24. n. 51.**

T E X T U S.

De Testamento matris, aut avi materni.

7. *Mater vel avus maternus necesse non habent liberos suos aut heredes instituere, aut exheredare: sed possunt eos silentio omittere. Nam silentium matris aut avi materni, & ceterorum per matrem adscendentium tantum facit, quantum exheredatio patris. Neque enim matris filium filiamve, neque avo materno nepotem neptemve ex filia, si eam eamve heredem non instituat, exheredare necesse est, sive de jure civili queramus, sive de edicto prætoris, quo prætor præteritis liberis contra tabulas bonorum possessionem promittit: sed aliud eis administratum servatur, quod paulo post vobis manifestum fiet.*

N O T A.

7. *Silentium matris, &c. tantum facit*] Et hoc etiam si mater ignoraverit se liberos habere. Sed hoc casu legata & libertates non intercidunt, quia color dementiæ hæc obtendi nequit. *l. 17. §. ult. & l. seq. de inoff. test.*

Sive de jure civili] Quo jure soli sui hæredes præteriti, sive quod nunc idem valet, non nominatim exheredati testamentum tollunt aut rumpunt, *§. 5. sup.*

Edicto prætoris] Quo liberi emancipati, sive qui sui esse desierunt, præteriti, vocantur ad contra tabulas bonorum possessionem: non qui nec

fui sunt, nec esse desierunt, *d. §. 5. l. 1. l. 4. §. 2. cons. tab.*

C O M M E N T A R I U S.

- 1 *Quod matris præteritio vim exheredationis habeat, id facere conditionem liberorum.*
- 2 *Propter eandem conditionem præteritos à matris antiquum scriptis accrescendi non habuisse.*
- 3 *Explicatur locus Pauli l. 4. §. 2. cons. tab.*
- 4 *Quod nunc sit illud administratum, cuius in calce hujus text. fit mentio?*

Q UOD militis præteritio vim exheredationis habet, ex privilegio est; quod matris & avi materni, facit liberorum conditio, qui matri & avo-materno jure civili pro extraneis sunt, *§. 3. inf. de her. qual.* Nimirum lex civilis, quæ magis familiarum conservationem spectavit, quam naturam, non eodem modo materna bona liberis addidit, ut paterna; non sic, ut filius maternæ quoque dotis, viva adhuc ea, dominus quodammodo existat, uti bonorum patris est. Quapropter si ea alium heredem instituat filio præterito, nullam, quod ad eam legem attinet, injuriam filio facit, cum suum ei non adimat, & ideo frustra etiam requiratur exheredatio: immo nec propriè dici possit filium exheredare, cum exheredare sit suam filio hereditatem adimere; siquidem ubi non est habitus, ibi non potest esse privatio. Igitur quia mater suos hæredes non habet, & nepotes ex filia non sunt sui hæredes avo, ideo silentium matris & avi materni tantum facit, quantum exheredatio patris. Et hoc, etiam si ignoraverint se liberos habere, contra quam in milite prætereunte jus est. *l. si instituta. 27. §. ult. & l. seq. de inoff. test. facit hinc l. 4. §. 2. de bon. poss. cons. tab. l. nulla. 13. de suis & leg. her.*

Sive de jure civili] Quia, ut diximus, non sunt sui hæredes, hoc est, non tales, qui vivo adhuc parente jus aliquod habeant, quod post mortem illius in eis continetur, nisi expressè exheredes esse iussi sint, *in suis. 11. hoc tit.* Quamobrem nec ad jus civile antiquum pertinent, quo solus filius suus præteritus testamentum infirmabat, ceteri liberi, sed sui item duntaxat, præteriti, portionem scriptis hæredibus accrescendo auferebant *sup. pr. hujus tit.* nec ad jus novum, quo omnes quidem liberi sui, sed soli præteriti, sive quod nunc idem valet, non nominatim exheredati, nullum dicunt aut rumpunt, *§. sed hæc. 5. sup. cod.*

Sive de edicto prætoris] Paulus *l. 4. §. 2. cons. tab.* scribit, edictum contra tabulas bonorum possessionis non pertinere ad testamenta feminarum, addita hac ratione, quia feminæ suos hæredes non habent. Quæ tamen ratio videri potest non esse sufficiens: non enim ad suos tantum hæredes, sed etiam ad emancipatos, quos constat suos hæredes non esse, & vel maximè, id edictum pertinet; utpote quorum causa principaliter comparatum est, *§. 3. sup. cod.* Verum

3 amplius quid significare Paulus voluit, nempe edictum istud non pertinere ad eos liberos non suos, qui & numquam sui fuerunt: matrem autem, ut suos hæredes non habet, ita nec posse definire habere: quod idcirco etiam à Cajo expressum videtur *l. nulla. 1. de suis & legis. hær.* Nimirum prætor, quo minimum à ratione juris civilis recederet, eorum dumtaxat, qui ex masculis progeniti essent, rationem habuit, & jus fuitatis, quod emancipatis abstulerat capitis diminutio, rescissa ea restituit, *l. 6. §. 1. de bon. poss.* Atque ita jus à se introductum specie quadam fuitatis coloravit, cujusmodi colore tegere ex fœminis natos non potuit.

4 Aliud eis adminiculum servatur. Poniſſet totidem verbis adminiculum istud indicare. Intelligit autem querelam inofficiosi testamenti. Quod remedium cum initio tantum competere liberis, qui eo, quod à patre exhæredati essent, neque civili jure, neque prætorio testamentum turbare poterant, *l. 8. in pr. cont. tab.* postquam ex Senatusconsulto Orficiano

etiam matris successio liberis delata est, datum quoque est exhæredatis, sive, quod hic eandem vim habet, præteritis à matre, suadente id eadem pietatis ratione. Agitur de hoc remedio *inf. tit. 18.* quo loco simul discemus, id etiam parentibus iniquè exhæredatis, vel præteritis, nonnumquam & fratribus dari. Cætera quoque in eundem locum examinanda rejicimus, quæ ab interpretibus disputari solent; veluti an adhuc *post Nov. 115. c. 3.* præteritis matris & per matrem adscendentium pro exhæredatione sit: an liberis à patre præteritis testamentum adhuc sit irritum, tum quoad legata & cæteros articulos, quàm quoad institutionem: an formæ exhæredationis aliquid adjectum, quo non observato testamentum, quod jure veteri substitisset, nunc sit nullum; aliaque ex eodem fonte manantia: & postremo etiam jus harum & vicinarum regionum, quod etiam à novissimo Justiniano, quoscumque interpretes sequare, multum ostendemus recedere.

TITULUS DECIMUSQUARTUS. DE HÆREDIBUS INSTITUENDIS.

D. Lib. 28. Tit. 5. C. Lib. 6. Tit. 24.

Ratio dispositionis, & argumentum tituli.

Dictum hæctenus de iis rebus, quas parentes cavere debent & testamento suo complecti, si id justum ratumque esse velint: sequitur nunc ipsum testamenti formale, hæredis scilicet institutio. Ea caput & fundamentum testamenti esse dicitur, *§. ante. 34. inf. de legat.* propterea quod sine ea testamentum consistere non potest. Dicitur & testamentum ex ea sola robur ac firmamentum capere: quia ad vim testamenti nihil aliud requiritur, quàm ut quis hæres institutus sit: utique extra necessitatem instituendi aut exhæredandi certas personas. Inde dictum, cum, qui neque legaturus quid est, neque quemquam exhæredaturus, posse tribus verbis testamentum facere, ut dicat, *Lucius hæres esto. l. 1. §. 3. hoc tit.* Hæredem instituere est scribere vel nuncupare testamento, quem tibi velis honorum & universi juris successorem esse. Quibus verbis institutio fiat, parum refert, modo per ea liqueat voluntatis intentio, *l. quoniam. 15. C. de testam.* quo loco Constantinus abrogat differentiam, quam faciebat antiquitas inter verba directa & inflexa, auctore Ulpian. *tit. 21.* Titulus hic noster tres partes continet, quarum in prima agitur de iis, qui hæredes institui possunt; in altera de quota hæreditatis, quam vel unus vel plures instituti habere debeant

ex ratione juris, aut voluntate defuncti: in tertia de forma seu modo instituendi atque iis, quæ institutioni bene aut perperam adji-
ciuntur.

T E X T U S.

Qui possunt hæredes institui.

Hæredes instituere permissum est tam liberos homines, quàm servos; & tam proprios, quàm alienos. Proprios autem olim quidem secundum plurium sententias non aliter, quàm cum libertate, rectè instituere licebat. Hodie verò etiam sine libertate ex nostra constitutione eos hæredes instituere permissum est. Quod non per innovationem induximus, sed quoniam equius erat, & Atilicino placuisse Paulus suis libris, quos tam ad Masurium Sabinum, quàm ad Plautium scripsit, refert. Proprius autem servus etiam is intelligitur, in qua nudam proprietatem testator habet, alio usumfructum habente. Est tamen casus, in quo nec cum libertate utiliter servus à domina hæres instituitur, ut constitutione divorum Severi & Antonini caveatur. Cujus verba

verba hec sunt: Servum, aquiterio maculatum, non jure testamento manumissum ante sententiam ab ea muliere videri, quæ rea fuerat ejusdem criminis postulata, rationis est. Quare sequitur, ut in eundem à domina collata hæredis institutio nullius momenti habeatur. *Alienus servus etiam is intelligitur, in quo usumfructum testator habet.*

NOTÆ.

Hæredes instituere] Scribere, vel nuncupare, l. 1. §. 1. D. eod. Est autem hæredis institutio caput & fundamentum testamenti, §. 34. *inf. de legat.* neque enim sine ea testamentum potest consistere, §. 2. *inf. de fid. har.* Quibus verbis nunc fiat, parum refert, modo per ea liqueat voluntatis intentio. l. 15. C. de testam.

Quam alienos] Si modo eorum servi sint, quos ipsos hæredes instituere possumus: nam ex persona domini cum servis testamenti factio est. d. l. 31. Ulp. *sir.* 22. §. 8. l. 12. §. 2. de legat. 1.

Sine libertate] Ita & *sup.* §. 2. qui & ex quib. caus. man. id est, omiſſa libertatis datione. Constitutio extat in l. pen. C. de serv. nec her.

Non per innovationem] Quia jam olim idem quibusdam placuerat, ut mox subjicit. Quod autem obtinet, ex nova est Justiniani humanitate. Ita concilia hunc locum cum d. §. 2.

Adulterio maculatum] Apud Marcian. l. 48. hoc *sir.* unde hic locus descriptus, legitur accusatum. Sed legendum arbitror maculatum, ut hic; nec obstat l. 8. C. ad leg. Jul. de adul. Græci quoque εὐχρηστικὰ ἢ τὴν μοιχείαν, non ἀνευσεμεινῶς. Et ad l. 1. C. qui non poss. ad lib. ἀνευσεμεινῶς ἢ τὴν μοιχείαν, suspectum, &c.

COMMENTARIUS.

- 1 Qui olim & in quantum hereditatem capere non potuerint?
- 2 Qui & in quantum hodie hæredes instituuntur?
- 3 Institutionem servi alieni sustineri ex persona domini, proprii ex consequentia libertatis.
- 4 Quid juris in servo communi ab uno è domini hærede instituto?
- 5 Quid in instituto à domino nuda proprietatis?
- 6 Quam rationem habeat casus specialis hic relatus?
- 7 Quid si servus hæres institutus sit à fructuario?

TAm liberos homines, quam servos] Τὸ ἐπιδοῦν, nam dicendum potius erat, tam servos, quam liberos, hoc est, non minus servos, quam liberos; quomodo hoc expressit Cajus l. non minus. 31. hoc *sir.* quoniam de liberis res certior. De liberis autem hominibus nihil

amplius hic traditur, quam quod hæredes institui possunt. Et an ergo possunt omnes promiscue & sine exceptione? nequaquam. Nam primum illi soli ex hominibus liberis institui possunt, qui sunt cives Romani: peregrini non possunt, siue semper tales fuerint, siue per sententiam severitatem ad peregrinitatem redacti sint. l. 6. §. 2. hoc *sir.* l. 1. C. eod. fac. l. sunt quidam. 17. §. 1. de pen. Peregrinorum numero erant & dediticii; erat & Latinus Junianus, nisi quod hic capere hereditatem poterat, si mortis testatoris tempore civis Romanus factus esset, Ulp. *sir.* 22. §. 1. & 2. Cæterum Justinianus differentias libertinitatis sustulit, data libertinis omnibus civitate, §. ult. *sup. de libert.* Sed nec qui cives sunt, omnes institui aut olim poterant, aut nunc possunt. Lege Voconia cautum erat, ne qui census esset, virginem, neve mulierem supra quadrantem suorum bonorum hæredes institueret. Cic. Verrin. 3. de præ. urb. & in orat. pro Balb. Dio. lib. 56. Gell. lib. 20. c. 1. Lege Julia de maritandis ordinibus vetabantur cælibes, nisi qui genere essent proximi, quicquam ex testamento civis Romani capere. Ulp. d. *sir.* §. 2. ita tamen, nisi intra centum dies legi parerent, hoc est, matrimonium contraherent: idem Ulp. *sir.* 17. Eadem lege vetabantur orbis plus capere ab extraneo, quam dimidiam partem eorum, quæ relicta erant; pars altera fiebat caduca, id est, fisco cedebat. Lege decimaria non amplius conjugum ex conjugis testamento capere licebat, quam relictorum partem decimam; idem Ulp. *sir.* 15. & seq. Hinc natæ cautiones illæ de instituendis in tempus capiendæ hereditatis iis, qui vel omnino quicquam, vel solidum ex testamento capere legibus istis prohibebantur. vid. l. in tempus. 62. l. qui non val. 78. §. ult. hoc *sir.* l. cum ei. 42. l. si Titio. 55. §. 1. de legat. 2. l. 6. l. 11. de vulg. & pup. subst. l. 16. §. si qui. 15. ad senat. Trib. l. 13. §. ult. de jur. fisc. cum similib. quæ nisi hinc lucem accipiant, intelligi non possunt. Postea poenæ cælibatus, orbitatis, & legis decimariæ sublatae sunt, l. 1. & l. 2. C. de infirm. pen. calib. Qui autem incestis nuptiis sese polluerunt, illi nec hodie aut se mutuo, aut propudiosam sobolem instituere possunt. l. 6. C. de incest. nupt. nec mulier adulterum suum, aut hic illam, l. 13. l. 14. de his quæ ut indign. Add. D. Christin. vol. 1. decis. 200. Liberi naturales ex concubina nati, qui olim non minus quam cæteri cives, non ab extraneis tantum, sed etiam à patre, idque in solidum, hæredes institui poterant, l. Lucius. 45. de vulg. & pup. l. 16. §. 1. de his quæ ut indign. l. ult. de jur. delib. (vid. Palzoth. de nosh. spurisq. fil. c. 35. & seq. & contra sentientes Alciat. 4. parerg. 5. Anton. Fab. jurisp. tit. 9. pr. 2. ill. 1.) ex constitutione Justiniani Nov. 89. c. 12. unde aush. licet. Cod. de nat. liber. unicam tantum unciam ex patris testamento capere possunt, si super-

superstites sint liberi legitimi: octo uncias, si soli superstites testatori parentes. Qua in re mitior Justinianus erga liberos naturales fuit quam Constantinus, l. 1. c. de natur. lib. aut etiam Arcadius, & Honorius, l. 2. c. eod. vid. Grals. §. institutis. 1. quæst. 7. Palæot. d. loc. Constitutione Leonis & Anthemii vetatur conjux conjugi secundo plus relinquere, quam uni ex liberis prioris matrimonii, & quidem cui minimum relinquit, l. hac edictali. 6. c. de sec. nupt. Porro Principum Christianorum constitutionibus vetantur hæredes institui apostatae, l. 3. c. de apostat. item hæretici, l. 4. c. de hæret. & Manich. quod tamen non de omnibus, qui pro orthodoxis habiti non sunt, accipiendum esse arguit constitutio Justiniani Nov. 115. c. 3. ubi *ἐκκλησιαστικῶν* ponit inter justas causas exheredationis & exclusionis à successione ab intestato. Rationis autem est, ut qui ab intestato succedere potest, etiam hæres recte instituitur. Hæc non debuerat Tribonianus intacta relinquere, qui de servis tam accuratè discessit.

3 *Et tam proprios, quam alienos*] Cum servis qua servis non est testamenti factio, sed quatenus per eos hæreditas perventura est ad cives Romanos, aut ipsi cives futuri. Igitur in servo alieno persona domini spectatur, & sustinetur institutio, si dominus civis Romanus sit, & jus capiendæ hæreditatis habeat, perinde quasi ipse per servum institutus esset, l. non minus. 31. l. si paterfam. 40. hoc tit. l. 10. de acq. rer. dom. Quod si mihi cum domino non sit testamenti factio, puta quia peregrinus est, aut capere ex meo testamento vetatur, nec cum servo ejus erit, arg. l. non minus. 31. hoc tit. fac. l. 12. §. 2. de legat. 1. l. si Titio. 55. §. 1. de legat. 2. Ulpian. tit. 22. §. alienos. 8. Vide tamen, quæ notavimus ad §. in extraneis. 4. infr. de hæ. qual. & diff. In servo autem proprio institutio eadem ratione defendi non potest, ut scilicet dicamus eam sustineri ex persona domini: quippe qui ipse testator est; sed aut nulla erit, aut si eam valere volumus, necesse est, ut simul consequatur libertatem.

Olim non aliter, quam cum libertate, hodie etiam sine libertate] Plerique veterum in ea sententia fuere, ut putarent servum proprium non aliter recte hæredem institui, quam cum libertate, non ausi per consequentiam datæ hæreditatis libertatem servo defendere ob rationem, quam indicavimus sup. qui & ex quib. ea. manum. §. 2. Justinianus verò etiam omiſſa libertatis datione institutionem valere voluit, & perinde haberi, ac si simul liber esse jussus esset, l. pen. c. de nec. serv. hæ. quod cum humanitas & favor libertatis suadet, tum etiam voluntati testatoris consentaneum est: quippe qui hoc ipso quod servum suum hæredem esse vult, non obscurè significat, velle se etiam, ut liber sit; cum absque eo nec hæreditatem ob-

tinere possit. Et cur, quod in servo proprio tutore sine libertate dato veteres admiserunt, ut hoc ipso, quod tutor datus est, libertas quoque ei imposita videatur, l. quarto. 32. §. 2. de test. tut. §. 1. sup. qui test. tut. dat. non admittatur itidem in servo simpliciter hærede scripto eadem voluntatis conjectura? Ita argumentatur Justinianus d. l. pen. In tutore dato accedit quidem & favor pupilli, l. 10. §. ult. de test. tut. Cæterum quem testator hæredem instituit, eum vicissim majore prosequitur affectu atque honore, quam quem liberis tutorem dat. Enimverò consequentiam legati vel fideicomissi servo proprio sine libertate relictæ libertas servo non defenditur, d. l. pen. §. illo. 2. quantumvis & legatum sine libertate inutile sit, l. servus. 76. hoc tit. neque enim hic idem favor est, & ex d. constitutione Justiniani voluntas testatoris aliquo modo exitum habere potest.

Quod non per innovationem] Supra tamen §. 2. qui & ex quib. caus. man. proficitur, se id nova humanitatis ratione constituisse. Utrumque suo sensu verum est. Nihil innovavit, quatenus spectamus sententiam paucorum, inter quos & Atilicinus fuit, quibus jam olim, quod hic constituitur, placuit. At novum jus constituit, quatenus spectamus id, quod receptum erat ex plurium sententia, qui negabant, servum proprium sine libertate hæredem institui posse, Ulp. tit. 22. §. 7. 12. & sententia istius abrogationem. VINN. Adeo verum videbatur, servum nisi libertatem plenam consequutum, institui non posse, ut nec servus, quantum in bonis erat, institui posset, quamvis cum libertate. Manumissus enim testamento, liber quidem fiebat, sed Latinus, adeoque nec hæres esse poterat, nisi intra centum dies jura Quiritium impetrasset. Ulpian. tit. 22. §. 8. HEIN.

Proprius autem servus etiam, &c. in quoniamdam proprietatem] Servus proprius vel in solidum est, sive unius domini proprius, vel pro parte, & pluribus proprietate communis: & iterum vel proprius est pleno jure, vel nudatenus proprietate. Videamus ergo, an quod hic constitutum est de servo proprio hærede instituto, etiam ad servum communem ab uno è dominis institutum, & ad eum quoque, in quo alius usumfructum habet, pertineat? De communi servo ita jus vetus fuisse constat, ut si unus è dominis libertatem ei imposuisset, eo casu pars ejus amitteretur, & socio accresceret, §. ult. sup. de donat. ac proinde socio quoque hæreditas acquisita fuit, si is servus simul hæres ab altero institutus fuisset: Justinianus autem, quod soli milites ex speciali concessione habebant, videlicet ut liceret militi servum communem libertate donare, eo effectu, ut socius hoc casu partem suam vendere teneretur & accipere pretium, voluit jus esse commune omnium civium, l. 1. pr. & §. 1.

§. 1. *C. de comm. serv. man.* Post quam constitutionem certum est, servum communem, quem unus est dominus & liberum & heredem esse iussit, & libertatem & hereditatem consequi, pretio patris, quam alter in eo habet, oblato. At nihil definit constitutio de servo communi simpliciter ab uno heredem instituto, non facta mentione libertatis. An dicemus & hic libertatem perinde pro adscripta haberi, ac si servus in solidum proprium heres simpliciter institutus sit, arg. huius loci? Et id quidem D. Viglio placere video. Sed vereor, ut defendi possit. Nam ut omittam tritum illud de non admittenda extensione in correctoriis, verba ipsa constitutionis in fin. §. 1. & hoc moriturus dixerit, extensionem istam non ferunt, ut bene observavit D. Bachovius. Et quia ratione partis, quam socius habet, servus alienus est, quidni quod responsum est de legato servo communi relicto, totum id ad socium pertinere? *l. verum. 63. §. si servo. 9. pro soc. l. Plautus. 47. in pr. ad leg. Falc.* idem dicimus de servo communi heredem simpliciter instituto, socium nimirum per eum servum videri institutum, & heredem fieri? VINN. Rectè. Nam dum heres institutus est servus communis hereditatem totam acquirit domino socio: dum sine libertate institutus, servus ipse pro parte fit heredis, qui in jus defuncti succedit. Fr. Balduino, Tribonianismum observanti in *l. 63. §. 3. ff. pro soc.* jam respondit Vir Clarissimus Schultingius ad Ulpianum pag. 637. HEIN.

5 De servo, in quo testator nudam proprietatem, alius usumfructum habet, ait hoc loco Justinianus, eum etiam proprium intelligi testatoris, idque convenienter rationi juris, *l. rectè dicimus. 25. de verb. sign.* Et ergo etiam hic servus à domino nudæ proprietatis heres institutus, sive cum libertate sive simpliciter, ex constitutione Justiniani & liber & heres erit, *d. l. pen. C. de nec. serv. her. inst.* Neque enim quod de servo communi simpliciter instituto diximus, socium per eum heredem fieri, locum habet in fructuario, cui hereditas acquiri non solet, §. *de iis. 4. supr. per quas pers.* Quid ergo fiet de fructuario? An liber factus nihilominus operas fructuario interim præstare tenebitur, atque ex re ejus acquireret, quamdiu durat ususfructus; an verò pretio ususfructus dato defungeretur? Illud, si sequimur constitutionem *l. 1. C. comm. de man.* Hoc, si putamus, ad hunc servum etiam pertinere, quod paucis tempore post de communi servo constitutum est, *l. 1. C. de com. serv. man.*

Est tamen casus, &c.] Refertur hic ex *l. his verbis. 48. §. 1. hoc sit.* casus singularis, quo servus proprius heres institui non potest, ne cum libertate quidem, cui locus est in muliere adulterii postulata. Hæc prohibetur, servum suum suspectum criminis ante finitam cognitionem manumittere: quod ideo provisum

est, ne mancipium per manumissionem questionem subducatur, *l. prospexis. 12. qui & d. quib. man.* Cum igitur lex manumissionem & libertatem impediat, nec institutio heredis in huiusmodi servum collata valere potest. Ait, *servum adulterio maculatum*, id est, suspectum, fama & opinione vulgi inquinatum: siquidem duos adulterii reos simul marem & feminam ex eadem causa fieri lex Julia vetabat; ordine tantum peragi poterant, *l. 8. C. ad leg. Jul. de adul.* ac proinde etiam in *d. l. 48. §. 1.* unde hæc sumpta sunt, eodem modo ut hic legendum esse arbitror: non ut ibi, *adulterio causatum*. Theophilus vertit, *εραχον βεβα τῆ μαρτυρίας*, obnoxium, implicitum, non dixit, *καταγομένην*.

Alienus servus, in quo usumfructum, &c.] Igitur hic servus à fructuario heres institutus, nec heres nec liber erit, sed hereditatem acquireret proprietario, ad instar servi planè alieni, §. *seq. vers. alienus quoque*. Et verò post mortem fructuarii finitur ususfructus, & consolidatur cum proprietate. Sed etsi liberum simul eum esse iusserit, adhuc idem dicendum est: quoniam alieno servo libertas inutiliter datur: neque huc accommodari potest pars constitutionis Justinianæ, *l. 1. vers. si autem. C. comm. de man. de servo à vivente fructuario manumisso*, ne scilicet is cogatur servire proprietario, quamdiu constat ususfructus; quia, ut dictum est, morte fructuarii jus illius omne extinguitur.

TEXTUS.

Si servus heres institutus in eadem causa manserit, vel non.

1. Servus autem à domino suo heres institutus, siquidem in eadem causa manserit, sit ex testamento liber, heresque ei necessarius. Si verò à vivo testatore manumissus fuerit, suo arbitrio adire hereditatem potest: quia non sit heres necessarius, cum utrumque ex domini testamento non consequatur. Quod si alienatus fuerit, iussu novi domini adire hereditatem debet, & ea ratione per eum dominus sit heres: nam ipse alienatus neque liber, neque heres esse potest, etiam si cum libertate heres institutus fuerit: destitisse enim à libertatis datione videtur dominus, qui cum alienavit. Alienus quoque servus heres institutus, si in eadem causa duraverit, iussu ejus domini adire hereditatem debet. Si verò alienatus fuerit ab eo, aut vivo testatore, aut post mortem ejus, antequam adeat, debet iussu novi domini adire. At si manumissus est vivo testatore,

vel

vel mortuo, antequam adeat, suo arbitrio adire potest hereditatem.

NOTÆ,

1. *Desiisse à libertatis datione*] Quod si testator etiam postea redemerit, reviviscit libertas & institutio, l. 9. §. 16. l. 50. *cod.* Hinc autem intelligimus regulam iuris civilis traditam l. 13. §. 1. *de lib. & posth.* solum procedere, cum servum in eadem causa manet.

Iussu novi domini] l. 62. §. 1. *de acq. her. l. 2. §. ult. de bon. poss. ser. tab.* ubi hereditatem sive bonorum possessionem cum domino ambulare Ulpian. ait.

COMMENTARIUS.

1. *Servo proprio hærede instituto, quis circa acquirituram hereditatem institutionis effectus?*
 & *num. 2.*

3. *Quid circa idem instituto servo alieno?*

HOC constituto, non minus servos posse hæredes institui, quam homines liberos, porro nunc quaeritur de effectu institutionis servi circa acquisitionem hereditatis, primum in servo proprio, deinde & in alieno. In utroque autem ita distinguitur, ut referat, utrum in eadem conditione servus transierit, an non manserit, propterea quod vel manumissus sit, vel alienatus. De servo proprio hærede instituto ait: *Siquidem in eadem causa manserit, sit ex testamento liber hæresque necessarius.* In eadem causa, hoc est, in eadem conditione servitutis, ut neque à domino post factum testamentum manumissus, neque alienatus fuerit. *Hæres necessarius*, ideo sic dictus, quia sive velit, sive nolit, post mortem domini proxinus liber & hæres sit, §. 1. *inf. de her. qual.* Quod cum in eorum gratiam initio institutum esset, qui cum solvendo non essent, ignominiam bonorum venditionis in hæredes suos derivare, quam suæ memoriæ reservare malebant, §. 1. *sup. qui ex quib. ca. man. postea* generaliter obtinuit, ut ostendit hic locus. Ratio autem hujus rei haud dubie hæc est, quod cum honori testatoris nonnihil decedat, si repudietur ejus hereditas, visum sit, id servo licere non debere, in quem testator simul cum hereditate contulit inestimabile beneficium libertatis. Quin etiam ex constitutione juris civilis libertas & hereditas ira conjuncta sunt, ut neutrum separatim servo adiri possit, neque libertas sola, neque sola hereditas, l. 13. §. 1. *de lib. & posth.* l. 6. §. ult. l. 1.

Quod si à vivo testatore manumissus, &c.] Casus contrarius, quo scilicet servus proprius hæres institutus in eadem conditione non manserit, duplex est, vel quia post factum testamentum manumissus est: vel quia alienatus.

2. *Manumissus suo arbitrio hereditatem adibit:*

quia non sit hæres necessarius, qui hereditatem dumtaxat, non etiam libertatem ex testamento domini consequitur, l. *antepen. hoc tit. l. 6. §. 3. cod.* Utique tamen probè facturus est, si pro beneficio libertatis ante adeptæ hanc gratiam patrono referat, ut suscipiat ejus hereditatem. Alienatus nec liber nec hæres sit, etiam si cum libertate hæres fuerit institutus: hoc enim ipso quod alienatus est, mutata voluntas domini & revocata datio libertatis intelligitur, ut jam perinde haberi debeat, ac si jam tempore testamenti facti alienus fuisset; ac proinde jubenti novo domino hereditatem acquireret, l. 9. §. servus. 16. l. servum. 50. *hoc tit. l. servo. 47. de cond. & dem. l. quasitum. 91. §. 3. de legat. 1.* Enimvero si testator eum postea redemerit, reviviscit, ut ita dicam, libertas & institutio, d. l. 9. §. 16. d. l. 50. *hoc tit.* Hinc autem intelligimus regulam juris civilis traditam l. 13. §. 1. *de lib. & posth.* tunc solum procedere, cum servus in eadem causa manet: nam si alienatus fuerit, necesse est fateri, inutilem esse libertatis dationem: quod & Viglius notat.

Alienus quoque servus] Supra dictum est, etiam servum alienum hæredem institui posse: ceterum sustineri institutionem non ex persona servi, sed ex persona domini, civis scilicet Romani, quasi ille ipse mediatè per servum institutus videatur. Nimirum ut servi etiam hac in re dominis suis utiles esse possint, receptum est, ut persona dominorum iis ad tempus accommodetur, eum alioqui cum servis non sit testamenti factio, l. *non minus. 31. h. t. l. debitor. 82. §. 2. de legat. 2.* Nunc hinc idem de effectu istiusmodi institutionis quaeritur, quemadmodum paulo ante quaeritum fuit de effectu institutionis servi proprii.

Si in eadem causa, &c.] In alieno servo hærede instituto, idem casus distinguuntur, qui in proprio: nam aut mansit in eadem causa, & dominum suum hæredem facit, nempe si iussu ejus adierit, §. 3. *sup. per quas pers.* aut non mansit, vel quia alienatus est, & jubenti ei domino hereditatem acquirat, ejus impotestate est tempore aditionis, l. *Anistim. 62. §. 1. de acq. her. l. 2. §. ult. de bon. poss. ser. tab.* quo loco jurisconsultus ait, hereditatem sive bonorum possessionem ambulare cum domino: vel quia manumissus est, quo casu suo arbitrio hereditatem adire sanque sibi acquirere potest, Ulpian. *tit. 22. §. 13.* Et igitur licet persona domini in hujusmodi institutionibus inspicatur, ut sit cum servis testamenti factio, videtur tamen simul & persona servi ratio haberi, fac. l. *debitor. 82. §. 2. de leg. 2. l. 5. de serv. legat. l. si paterfam. 40. hoc tit.* Illud notandum est, servum alienum cum libertate frustra hæredem institui in tantum, ut etsi is postea testatoris esse caperet, nihil magis liber aut hæres fiat, l. *si alienum. 49. hoc tit.*

TEXTUS.

De servo hereditario.

2. *Servus etiam alienus post domini mortem recte heres instituitur: quia & cum hereditariis servis testamenti factio est. Nondum enim adita hereditas persona vicem sustinet non heredis futuri, sed defuncti, cum etiam ejus, qui in utero est, servus recte heres instituitur.*

NOTÆ.

2. *Post domini mortem*] Non ita, Stichus post mortem Titii domini sui heres mihi esto, ut male Th. sed ita, Stichus servus Titii defuncti heres mihi esto.

Nondum adita hereditas persone vicem] Ratio dubitandi, quia tempore facti testamenti servus nullus est, l. 64. hoc tit. Ratio decidendi, quia jacens hereditas persone defuncti locum interim obtinet, & pro domino habetur, l. 31. §. 1. cod. l. 34. l. 61. de acq. rer. dom. inf. de stip. serv. in pr.

Non heredis futuri, sed defuncti] id. loc. cum simil. Immo non defuncti, sed heredis futuri, l. 14. de nov. Solve: hereditas qua jacens considerata defunctum representat, ut actus ex persona ejus vires capiat, l. 52. h. r. l. 33. §. ult. de acq. rer. dom. adita vero videtur retro representasse personam heredis, cui soli eventui inspecto acquiritur, de pr. inf. de stip. serv. fac. l. 73. §. 1. de verb. obl. l. 28. §. ult. l. 35. de stip. serv.

Ejus, qui in utero est, servus] Hoc eandem plane rationem habet, l. 64. hoc tit.

COMMENTARIUS.

1. *Diversa consideratione recte dici, jacentem hereditatem representare & personam defuncti, & personam heredis.*

2. *Cum servus posthumi alieni heres institui potuerit, ipse posthumus alienus non potuerit?*

Cum servi alieni institutio, ut dictum est, sustineatur ex persona domini, quaeritur est, an servus alienus recte heres instituitur etiam post mortem domini, hoc est, servus hereditarius? Dubitandi causa ex eo, quod in proposito persona domini, qui nullus est tempore facti testamenti, l. ejus servum. 64. hoc tit. servo accommodari non possit. Placuit tamen nihilominus, recte hunc servum heredem institui, quasi per interpositam hereditatem a defuncto adhuc, ut ita dicam, personetur: quippe hereditatem jacentem defuncti locum interim obtinere, & pro domino tantisper fictione juris haberi, l. non minus. 31. §. 1. hoc tit. l. hereditas. 34. l. hereditas. 61. de acq. rer. dom. l. 13. §. 2. ad l. Aquil. l. 15. de inter. in jur. l. 9. C. de pos. cum similib.

Non heredis futuri, sed defuncti] Hoc totidem quoque verbis traditur de l. 24. de acq. rer. dom. alibi simpliciter dicitur, hereditatem obtinere defuncti locum, d. l. 31. h. r. & inf. de stip. serv. in pr. Apud Pomponium tamen contra scriptum legimus, hereditatem interim sustinere personam heredis, l. novat. 24. in fin. de novat. quod & ratio juris efficere videtur. Siquidem qui postea heres exitit, ex mortis tempore defuncto successisse intelligitur, live quod idem valet, retro agitur, hereditas, quamvis postea adita, & cum tempore mortis continuatur, l. heres. 54. de acq. her. l. omnis. 138. l. omnia. 193. de reg. jur. Sunt qui putant, non satis inter veteres hac de re convenisse, inter quos & D. Hotomannus est. Nolim ego temere eo decurrere. Videamus, an non utrumque recte dici possit, hereditatem representare & personam heredis & defuncti, diversa consideratione. Etenim si eventum spectamus adita hereditatis, persona heredis representari recte dicitur: hac enim consideratione servus hereditarius recte stipulatur heredi futuri, l. si de re. 28. §. ult. l. servus. 57. de stip. serv. nullumque vim habere dicitur stipulatio servi hereditarii, nisi adita sit hereditas, l. interdum. 73. §. 1. de verb. obl. Item per servum acquiri hereditati, & per hoc etiam heredi postea facto, inf. de stip. serv. in pr. At si inspicimus tempus illud, quo servus hereditarius heres instituitur, nimirum jacens hereditatis, si actum valere volumus, necesse est, dicamus, hereditatem sustinere personam defuncti, neque enim actus in suspensio esse potest: & incertum est, an is, qui scriptus est, unquam heres exiturus sit: idque Casus significat l. in eo. 33. §. ult. de acq. rer. dom. cum ait, quoties servus hereditarius stipulatur, vel per traditionem accipit, actum ex persona defuncti vires sumere. Eademque consideratione Paulus in l. servus. 52. hoc tit. servum hereditarium institui posse ait, si modo testamenti factio cum defuncto fuerit, licet cum herede instituto non sit: Et igitur hereditas, qua jacens considerata defunctum representat, adita, retro videtur representasse personam heredis.

Cum etiam ejus, qui in utero est, servus] Confirmat quod de institutione servi alieni post mortem domini dixerat, exemplo servi, cujus dominus in utero est, live servi posthumi alieni, nam & hunc servum ait recte heredem institui. Javolenus contra, hoc ex illo probat, l. ejus servum. 64. hoc tit. Hic iterum videtur obstrare ratio juris, utique veteris, quo jure posthumus alienus heres institui non potuit, inf. de bon. poss. in pr. Hoc enim posito, consequens omnino esse videtur, nec servum hujus posthumi recte heredem institui, cum, ut jam aliquoties dictum, testamenti factio cum servis ex persona domini introducta sit. Sed animadvertendum est, servum hic dici ejus

ejus qui in utero est respectu habito ad casum, quo is natus & hæres factus erit: institutionem verò vires capere non ex persona ejus, qui in utero est, sed defuncti, cum quo sufficit, testamenti factionem fuisse, etiam si cum hærede scripto non sit, *l. servus. 73. hoc tit.* Ad hæc in universum institutio servi alieni non ita comparata est, ut institutus semper dominum, in cuius potestate est tempore facti testamenti, hæredem faciat; nam alienato eo novus dominus hæres sit; manumissus ipse ad hæreditatem admittitur: quod & tunc obtinet, cum servus ejus, qui capere non potest, institutus est, *l. servus. 73. de acq. her.* atque hinc clarissime patet, verum esse quod diximus sub §. præc. in his servorum institutionibus etiam servorum, qui instituuntur, personam spectari.

TEXTUS.

De servo pluvium.

3. *Servum autem pluvium, cum quibus testamenti factio est, ab extraneo institutus hæres unicuique dominorum, cuius jussu adierit, proportionis dominii acquirit hæreditatem.*

NOTÆ.

3. *Ab extraneo*] Ab uno ex dominis institutus acquirit cæteris per *l. 63. §. 8. pro soc. l. 49. ad leg. Falc.*

COMMENTARIUS.

DE servo communi hærede instituto ab uno ex dominis egimus in explicatione principii hujus tit. sub fine: hic agitur de servo pluvium qui hæres institutus est ab extraneo. Ait, hunc servum unicuique dominorum, cuius jussu adierit, hæreditatem acquirere, idque non pro parte virili, sed dominica. Jussu domini præcedere debere constat, ac sine eo servum hæreditatem adeundo nihil agere, de quo sub §. 2. *sup. per quas pers.* Quid ergo, si unius jussu adierit? Ne sic quidem hunc interim pro majore parte, quam dominica, hæredem faciet: cæterum sociis postea non jubentibus adire, tacito jure partes ei accrescent, *l. servus. 67. de acq. her. add. l. ult. de vulg. & pup. l. si servus. 50. de legat. 1. §. ult. inf. de stip. serv.*

Cam quibus testamenti factio] Hoc additum, quia, ut jam sæpe diximus, quos ipsos hæredes instituere non possumus, eorum nec servos possumus, *l. non minus. 31. hoc tit.* Exceptio, quod servi eorum, qui non absolute incapaces sunt, sed *mod. et duntaxat*, ejusmodi olim erant faminx, orbi, exlibes, vid. *sup. pr.* instituti ab eo, ex cuius testamento domini capere non possunt, & antequam do-

minorum jussu hæreditatem adeant, alienati novum dominum hæredem faciant, manumissi ipsi ad hæreditatem admittantur, modo nihil in fraudem legis factum sit, *l. si servus. 82. de acq. her. fac. l. si Titio. 55. §. 1. de legat. 2.*

TEXTUS.

De numero hæredum.

4. *Et unum hominem, & plures, usque in infinitum, quot quis hæredes velit, facere licet.*

NOTÆ.

4. *Usque in infinitum*] *Et cæterum.* Th. Sententia est, certum numerum hæredum instituendorum nemini præscriptum esse, sed totum hoc arbitrio testantis permitti.

COMMENTARIUS.

Usque in infinitum] *Et cæterum.* Infinitum autem accipe pro indefinito incertoque hæredum numero, non pro multitudine, quæ extremis careat; quomodo & alibi sæpe hoc verbum usurpatur, *l. qui restituit. 68. §. 1. de rei vind. l. 4. §. 2. de in lit. jur.* Sensus igitur hujus §. est, posse testatorem tot hæredes instituere, quot ei placuerit: nimirum certum numerum hæredum instituendorum nemini lege præscriptum esse, sed totum hoc arbitrio testantis permitti. Inepti autem sunt, qui ex hoc loco colligunt, posse quem instituere omnes homines, qui in mundo sunt. Talis enim institutio exitum reperire non potest, neque est hominis, qui suæ mentis est compos. vid. Gomez. 1. var. resol. 2. n. 2. Planè illud crediderim defendi posse cum D. Viglio, rempub. institutam videri, si quis simpliciter cives universos instituerit, & valere hujusmodi institutionem, quando permissum est rempub. aut civitatem hæredem instituere. Non enim idem hic semper Jus obtinuit. Legimus, reges aliquot ceteros populum Romanum sibi hæredes instituisse. Idem fecit & Flora meretrix. Plinius verò *lib. 5. epist. 7. ad Calvissium* scribit, palam esse, nec hæredem institui, nec percipere Rempub. posse. Ab eo jure postea interdum recessum: confer Ulpian. *tit. 22. §. 5. & tit. 24. §. 26. l. 2. l. senatus. 20. de reb. dub. l. omnibus. 26. ad sen. Treb. l. civitatibus. 122. de legat. 1. l. 12. C. hoc tit.* VINN. Poterat respublica institui jure gentium. Et talis hæreditas fuit Attali populo Romano relicta. Talis & Volcatii Moschi, exulis, relicta Massiliensibus. Tac. *Ann. l. 4. cap. 43.* Pertinuit itaque hæc prohibitio ad municipia, quæ jure civili tenebantur, non ad civitates *amiciant.* Præclara sunt quæ in hanc rem discriit amicissimus olim collega Nic. Hier. Gund. *Diss. de principe hæredis cap. 3. §. 2. seq. HEIN.*

T E X T U S.

De divisione hereditatis.

5. Hereditas plerumque dividitur in duodecim uncias; quæ assis appellatione continentur. Habent autem & hæ partes propria nomina ab uncia usque ad assem, ut puta hæc, sextans, quadrans, triens, quincunx, semis, septunx, bes, dodrans, dextans, denux. Non autem utique semper duodecim uncias esse oportet: nam tot uncia assen efficiunt, quot testator voluerit: & si unum tantum quis ex semisse verbi gratia heredem scripserit, totus as in semisse erit. Neque enim idem ex parte testatus, & ex parte intestatus decedere potest, nisi sit miles, cujus sola voluntas in testando spectatur. Et è contrario potest quis in quantascumque voluerit plurimas uncias suam hereditatem dividere.

N O T Æ.

5. In duodecim uncias] Hæc solemnitas est hereditatis distributio, l. 13. §. 1. h. t. quia perfectus est numerus duodenarius. Diod. Sic. eclog. 40. Galen. d. cui an. pec. nat. & med. quædam sunt similitudines. Hermias in Thæd. Plat. de deib. prædicat. Aristid. de pur. add. Cujac. ad d. l. 13. Duar. 2. disp. 36. Fabrot. ad Theoph.

Non semper duodecim uncias] Non est necesse, ut semper distributio fiat in 12. uncias: sed potest testator vel in plures vel in pauciores uncias hereditatem dividere, d. l. 13. §. 1. 2. 3. & ult. l. 18. cod. l. 13. C. de lib. & post. Paul. 3. sent. 4. Potest & in partes naturales dividi, puta in duas dimidias, tres tertias, &c. l. 2. §. 7. de collat. l. 6. de acq. her.

Unum ex semisse] Vel ex una aliqua alia parte hereditatis. Idemque est, si quis institutus ex re certa, veluti ex fundo: perinde enim habetur, ac si rei mentio facta non esset, l. 1. §. 4. l. 9. §. 13. h. t. l. 41. in fin. de vulg. & pup. nisi cohæredem habeat indefinite aut ex parte hereditatis scriptum, tunc enim legatarii loco est, l. 13. C. hoc sit.

Ex parte testatus] l. 7. de reg. jur. Ex postfacto (autem vi ipsa pro parte quis intestatus fieri potest, rescisso vid. pro parte testamento, l. 15. in fin. l. 24. de inoff. test.

Nisi sit miles] Miles etiam ab initio pro parte tantum testatus decedere potest, l. pen. §. 2. de ejus. pec. l. 6. l. 19. de test. mil. l. 2. C. cod. quippe qui hic duorum velut hominum personam sustineat, l. 17. §. 1. cod. Igitur si miles unum tantum v. g. ex semisse heredem scripserit, quantum ad alterum semillem intestatus decessisse intelligitur, & locus fiet le-

gitimis hæredibus, l. 19. l. 37. de test. mil. & ita etiam in specie, l. 6. cod.

C O M M E N T A R I U S.

1 Assis, ejusque partium usus, quam frequens & quibus in rebus fuerit?

2 Licere testatori in quot voluerit partes hereditatem distribuere.

3 Quod unus tantum, vel ex certa parte hereditatis, vel ex certa re institutus, omnium bonorum heres fiat, magis esse ex subtilitate juris, quam ex defuncti voluntate.

4 Quam rationem habeat, quod in civili non patitur eundem testato & intestato decedere.

5 An testator possit prohibere jus accrescendi?

6 In militaribus testamentis regula superiorum non esse locum.

7 Quantum mores hodierni diffideant à jure civili Romanorum?

Sequitur pars altera hujus tit. in qua agitur de eo, quod vel unus vel plures hæredes scripti ex ratione juris & voluntate testatoris consequantur: quæ res ut commodius proponi, & perfectius intelligi possit, ante docere voluit, in quot partes hereditas plerumque dividatur, civili scilicet, & solemnī distributione, earumque partium indicare nomina, quæ ea in numerato haberent studiosi disciplinæ juris; idque fecit verbis Ulpiani in l. si servum. 50. §. ult. hoc sit.

In duodecim uncias, quæ assis appellatione.] As in re numeraria est minimus æris nummus. Hinc illa, ad assem reddere, ad assem omnia perdere. Cum sermo est de ponderibus, de divisione hereditatis aut fundi; solidum, id est, totum quid sive integrum significat, constans ex duodecim uncias, & nimirum idem, quod in ponderibus libra aut pondo. Unde illa, ex asse possidere, l. pen. qui satisd. cogn. in assem vindicare, l. post emancipationem. 40. §. 1. de legat. 3. Hæres ex asse, pro quo etiam libella dixit Cicero lib. 7. ad Attic. epist. 2. edit. Vistor. & alia plura ejusdem generis. Scribit Voluf. Merianus lib. de ponderib. in. pr. necessariam cognitu esse assis in suis partes distributionem, non solum propter institutionem plurium hæredum, sed etiam propter innumera alia. Etenim assis ejusque partium & omnino numeri duodenarii frequentissimus apud Romanos usus fuit, non tantum in hereditatibus, ponderibus aut mensuris; verum etiam in divisione corporum, veluti fundi, l. 8. de rei vind. l. minor. 39. §. 2. de evict. item rerum incorporalium, ut obligationum & actionum, §. si quis una. 9. inf. de fideic. her. Usuras quoque Romani partibus assis distinguebant, easque partiebantur in uncias, sextantes, quadrantes, trientes, quincunces, semisses, beses, &c. ut videre est l. 7. §. quæ autem. 10. in fin. l. Titium. 47. §. 4. de adm. int. l. liberio. 21. §. 4. de ann. legat. l. 3. §. ult.

§. ult. ad leg. Falc. l. creditor. 102. §. ult. de solut. l. eos. 26. §. 1. C. de usur. Sed & astrologi res omnes revocant ad duodecim partes, menses, horas, signa, latitudinem signorum: quod notat Cujac. *ad l. 13. hoc tit.* Causam usus hujus numeri, quæ à Jurisperitis tradita non est, Duarenus *lib. 2. disp. 36.* ex Galeno profert, nimirum quia nullus alius numerus in tot partes tam commodè dividatur; & *§8. τριον τρεν, & διμυον, & τετρατον, & πεντετον, & δεκατον.* Locutus Galeni integer refertur à Duareno.

Habens hæc partes propria nomina.] Refert jam propria nomina partium assis, contentus initium fecisse ab uncia, cum Ulpianus *l. 50. §. ult. hoc tit.* licet & ipsa uncia in partes minutiones dividi possit, veluti in duas semuncias, in tres duellas sive binas sextulas, in quatuor sicilicos, in sex sextulas; in 24. scriptula; de quibus idem Metian. *d. loc. ubi cum vocabulis simul notas partium proponit.* Varro *lib. 4. de ling. Lat. sub fin.* nominum rationem reddit, originemque explicat Voluf. Metian. *de ponderib.* sed melius Salmas. *de mod. usur. pag. 251.* illud sciendum est, hæreditatem etiam dividi in partes naturales, veluti in duas dimidias, *l. 2. §. si duo. 7. de collat.* in tres tertias, in quatuor quartas, *§. videamus. 8. inf. cod. in sex sextas, l. fin. 76. de acq. hæ.*

² *Quot testator voluerit*] Licet solemnitis & usitata assis distributio in duodecim partes sive uncias, uti dictum est, fiat: potest tamen paterfam. eam distributionem non sequi, atque in tot partes unciasve hæreditatem distribuere, in quot voluerit, sive in plures sive in pauciores, *l. 13. §. 1. 2. 3. & ult. hoc tit.* Proinde si, verbi causa, tres hæredes scripserit singulos ex quincunce, rata est patrifam. voluntas, ut substantiam suam partiri in quindecim uncias. Et si duos tantum, unum ex triente, alterum ex quadrante, hæredes scripserit, videbitur in partes septem hæreditatem divisisse, *d. l. 13. §. ult. l. Sabinus. 18. cod. l. 13. in pr. de lib. & posth.* Atque hac eadem ratione defenditur quod rescriptum est in *l. 3. C. de test. mil.* militem, quia filiam ex uncis duabus, uxorem ex una uncia instituisset, nec de residuis portionibus quicquam significasset, in tres partes videri voluisse hæreditatem dividere: non autem pro parte testatum, pro parte intestatum decedere; quamvis id militi concessum sit. Sive autem plures, sive pauciores partes testator fecerit: tacito jure in duodecim semper hæreditas resolvitur, *d. l. 13. §. 1. hoc tit.* VINN. Non absque videtur viri doctissimi A. A. Pagenstecheri conjectura in *Aphor. jur. hoc tit. §. 109.* hanc assis distributionem arcessentis à ritu testandi per æs & libram: saltem as videtur datus pro asse hæreditatis. Eo verò quum totas as hæreditatis emeretur: posses inde & rationem reddere antiqui axiomatis: *nemo potest*

Pavus in l. fin. l.

pro parte testatus, pro parte intestatus decedere. HEIN.

Si unus ex semisse, totus as in semisse] Quando unus tantum hæres scriptus est, licet ex certa parte hæreditatis, puta triente, semisse, vel etiam minima, is perinde ac si toto asse institutus esset, omnium bonorum hæreditatem consequitur. Cæterum magis, ut opinor, ex ³ subtilitate juris & propter regulam, qua nemini partim testato partim intestato decedere permittitur, quæ etiam mox pro ratione subjicitur, quàm ex voluntate defuncti, quæ non tam facile ejusmodi interpretationem admittit, ubi unus tantum non dato cohærede ex parte aliqua scriptus est, quàm ubi plures ex pluribus. Nam si, verbi gratia, tres singuli ex uncia scripti sunt, commodissimè dicitur, arbitraria distributione testatorem usum, atque in tres partes æquales universam hæreditatem divisisse: quod secus est, si unum tantum institutum proponat in quadrante sive quarta hæreditatis parte. Quamobrem licet illo casu propter libertatem distribuendi & communem voluntatem idem obtineat in testamento militis, quod in testamentis paganorum, *l. 3. C. de test. mil.* hoc tamen casu diversum jus esse propter d. regulam, quæ non militum, sed paganorum potestatem coercet, & uno tantum hærede in certa assis parte instituto à pagano, hanc partem reliquas ad se trahere; si à milite, residuum hæredes ab intestato laturos, rectè judicavit D. Viglius: quod & in Græcis Institutionibus disertè expressum est, & tantum non etiam in *l. quærebatur. 19. de test. mil.* Quod si quis solus institutus fuerit, non ex parte aliqua hæreditatis, sed ex re certa, puta ex fundo, perinde quasi simpliciter ac sine ulla rei mentione scriptus esset, & hic bonorum omnium hæreditatem obtinebit, *l. Cohæredi. 41. in fin. de vulg. & pup.* Nam cum harum rerum quedam inter se pugna sit; successionis universi juris, cujusmodi est hæreditas, & acquisitionis rei singularis, potestate juris detrahatur rei mentio, & hæredi sic, quasi universaliter institutus esset, succurrit, *l. 1. §. 4. l. 9. si duo. 13. hoc tit.* Sed & hoc secus se habet in testamento militis: quoniam & ipsum est ex subtilitate juris, atque ex vi superioris regulæ, quæ ad militaria testamenta non pertinet, *l. 6. de test. mil.*

⁴ *Ex parte testatus, ex parte intestatus*] Jus nostrum non patitur, inquit Pomponius, eundem in paganis testato & intestato decessisse, *l. 7. de reg. jur.* quasi hæc duo, testatus & intestatus, inter se naturaliter pugnent, tamquam agentia & negantia, & ideo eidem inesse, aut de eodem subiecto verè pronunciari non possint, ex regula logicorum de oppositione. Et quidem sine manifesta & naturali rerum pugna dici non potest, unum atque eundem in totum aut secundum eandem partem & testatum & intestatum decessisse: at nihil prohibet lex oppositio-

Bb

qm

quominus dicamus, eundem testatum & intestatum decessisse, non secundum idem, sed secundum partes diversas. Verum ut hic quoque pugna sit, efficit subtilitas juris civilis, per quam hæres fingitur repræsentare & sustinere personam defuncti: quæ repræsentatio, ut est totius personæ, ita & totalis, atque ut est unus, ita & uniformis esse debet: hoc est, ut defunctus pro parte repræsentari non debet, ita nec debet per hæreses diverſi generis partim ex testamento partim ab intestato: sed quisquis hæres est, debet in totum subire locum & vicem demortui, eumque repræsentare uno ac simplici successionis genere, vel in totum ex testamento, vel in totum ab intestato. Et hoc est, quod scribit M. Tullius lib. 2. de invent. cap. 21. *unius pecunia plures dissimilibus de causis hæreses esse non posse: nec unquam factum esse, ut ejusdem pecunie alius testamento, alius lege hæres esset.* Cujus rei hanc rationem affert Gomez. 1. resol. 3. n. 3. & 10. n. 27. quod absurdum sit, per qualitates contrarias, quæ in uno & eodem homine natura esse non possunt, unum & eundem per fictionem, quæ naturam imitatur, §. *minorem.* 4. sup. de adops. l. 5. de acceptil. repræsentari, vid. & D. Hotom. hic. Ego autem arbitror, naturaliter in d. l. 7. de reg. jur. positum esse, pro eo quod recepti passum moris erat, ut & alibi interdum, l. 16. §. 4. de minor. l. 22. §. ult. locat. Et sic quoque capiendum Ulpiani illud, *lex natura hæc est, ut, qui nascitur sine legitimo matrimonio, matrem sequatur.* Id est, lex consuetudinis generalis deducta ab aliqua ratione naturali, l. 24. de stat. hom. Nam regula ista è solis Romanorum moribus pendet, neque apud alios populos locum habet, ac ne apud ipsos quidem Romanos in testamentis militum. Ex hac porro regula descendit, quamquam non tamquam ex causa proxima aut adæquata, jus accrescendi inter plures hæreses testamentarios, videlicet ut uno deficiente, pars ejus accrescat cæteris, qui hæreses extiterunt, l. un. C. §. *his ita.* 10. de cad. toll. l. *liber homo.* 59. §. 3. hoc tit. Planè illud fieri potest, ut qui ab initio in totum testatus decessit, cujusque hæreditas semel ex testamento adita fuit, ex accidenti & post facto pro parte intestatus vi ipsa efficiatur, hæredique scripto portio emolumenti auferatur, rescisso pro parte testamento per querelam inofficiosi, l. 15. in fin. l. circa. 24. & l. seq. §. 1. de inoff. test. Cæterum hoc regulam non subvertit: quippe cui satisfactum est, si ejus, qui testamento jure ab initio facto decessit, hæreditas ex testamento adita fuerit: ad ea, quæ postea fiunt, non pertinet, per l. pen. §. 2. de cast. pec. Et igitur si quis solus ex certa parte institutus sit, is nihilominus in integrum alsem potestate juris vocatur. Sed quid si testator adscripserit, nolle se, ut hæres scriptus reliquas partes ferat, & jus accrescendi expressè prohibuerit? Et quidem quemadmodum nemo sine observatione legum

testamentum condere potest, l. 4. qui test. fac. l. pen. §. 1. de cast. pec. ita nemo quoque in suo testamento cavere potest, ne leges in eo locum habeant, l. nemo. 55. de legat. 1. ut illud omnino manifestum sit, testatorem nulla cautione efficere posse, ut contra regulam juris civilis dissimiliter ei succedatur, & ex testamento & simul ab intestato. Alterutrum ergo dicamus necesse est, vel cum Bart. in l. 9. §. si duo. 13. hoc tit. & in l. si quis. 29. ad SC. Treb. totum testamentum ob eam prohibitionem collabi: utique tamen hæreses ab intestato teneri quasi ex fideicomisso partem testamento expressam restituere hæredi scripto, vid. Gomez. 1. resol. 10. n. 10. & seq. vel, ratio manente testamento, prohibitionem insuper habendam, residualque partes, quantumvis vidente testatore, accrescere hæredi instituto. Quæ sententia rationi juris magis consentanea est, ut ex iis, quæ jam dicta sunt, perspicue patet, & numero etiam suffragiorum vincit, testibus Vigl. hic Clar. §. *testamentum.* 9. 74. Christin. vol. 4. decis. 12. n. 6. Non obstat huic sententiæ, quod Ulpianus in l. 9. §. si duo. 13. hoc tit. scribit, & Vasquius lib. 1. de succ. creat. §. 3. num. 6. objicit, institutos ex certis rebus, quasi simpliciter instituti sint, hæreditate potiri, nisi voluntas patrisfam. manifestissime refrageretur: quippe qua clausula non hoc Jurisconsultus significat, si testator prohibuerit reliquam hæreditatem accrescere institutis, ob id aut viciari institutionem, aut partes eas relinquendas legitimis successoribus: sed quod scripti ex inæqualibus partibus certæ rei, qui alioqui ex ratione juris ex æquis partibus hæreses forent, perinde ac si nec res nec partes nominatæ essent, d. l. 9. §. si duo. 13. & l. seq. in manifesta testatoris voluntate hæreses ex inæqualibus partibus fiant, atque ex iis proportionaliter, quas in rebus certis expressit, veluti in specie ab Ulpiano proposita, unus ex triente, alter ex besse, quæ partes nominantur in fundo: atque inducetur hæc inæqualitas non tam ipso jure, quam officio arbitri familiæ eriscundæ, l. ex facto. 35. in pr. eod. Est tamen & media sententia, quam proponit & tuetur Salicetus in l. 13. C. de her. inst. & à qua non abhorret doctissimus Bachovius, nimirum prohibitionem supra dictam non efficere quidem, quominus hæres scriptus ipso jure ex asse hæres fiat: cæterum hanc ejus vim esse, ut hæres ille partes reliquas, quas accrescere testator noluit, tamquam ex fideicomisso teneatur restituere iis, qui ab intestato ad hæreditatem ejus venissent, ducto argumento à simili, quale proponitur l. 7. l. 17. & l. si quis. 29. ad sen. Treb. & §. 3. inf. quib. mod. test. inf. Et hæc sententia mihi quoque non adeo displicet: quoniam favet voluntati morientium, salva ratione juris: eoque accommodari potest clausula in d. l. 9. §. si duo. 13. de qua paulo ante. Mediam sententiam exco-

gita-

gitavit & Viglius noster: sed ille dum servare cupit voluntatem testatoris, manifestè facit adversus rationem juris, comminiscendo tacitam legitimorum hæredum in partibus, quas testator scriptum hæredem habere noluit, institutionem: qualis institutio jure nostro penitus incognita est: quod cum nec ipsa dissimulare audeat, mihi argumento est, cum quoque omnino & sine cunctatione in Saliceti opinionem transiitum fuisse, si quis modo ea proposuisset.

- Nisi sit miles, cujus sola voluntas*] Quæcumque subtilitatem magis, quàm naturalem rationem habent, ea in militaribus testamentis eorumve interpretatione locum non habere ostendimus supra *tit. de mil. test.* Inter hæc autem est & regula proposita, quæ prohibet, eundem ex parte testato & intestato decedere: & ideo de paganis tantum eam concepit Pompon. l. 7. de reg. jur. Igitur si miles, verbi causa, unum ex fundo hæredem scripserit, non detrahitur potestate legis mentio fundi, sed quantum ad residuum patrimonium intestatus decessisse intelligitur, & locus sit legitimis hæredibus, l. 6. de test. mil. l. 2. C. cod. Quod & tunc obtinere credimus, quando unum hæredem scripsit ex parte aliqua hæreditatis, per l. querebatur 19. d. tit. Sed etsi plures hæredes instituerit & unus omiserit hæreditatem, pars omissa ad alios non redibit, sed deferretur hæredibus ab intestato, nisi contraria ostendatur militis voluntas, l. si duobus. 37. cod. Et quod juris est in portione bonorum, hoc idem obtinet & in temporis spatio, ut usque ad certum tempus vel ex certo tempore hæredem miles instituere possit, ut quo tempore hæres scriptus non est, intestati hæreditas deferatur, l. 15. §. 4. l. miles ita. 41. in in pr. cod. vid. Duar. ad tit. de test. mil. cap. 4. Sich. ad l. 1. 2. & 3. C. cod. In Belgio generali consuetudine passim receptum est, ut unicuique liceat partim testato, partim intestato decedere contra dispositionem juris Romani. D. Grot. 2. man. cap. 18. Gudelin. 2. de jur. noviss. cap. 5. Christin. vol. 1. decis. 51. num. 48. & seqq. & decis. 312. & vol. 4. decis. 10. num. 3. Zypæ. not. jur. Belg. de testam. in pr. Unde quaesitum est, an per hoc censeri debeat abolitum quoque esse jus accrescendi? Et quidem ubi unus tantum ex re certa vel parte aliqua hæreditatis institutus est, non magis hic moribus nostris residuum accrescet hæredi scripto, quàm jure civili Romanorum in eadem specie ex testamento militis; sed ad hæredes ab intestato pertinebit, arg. l. 6. l. querebatur. 19. de test. mil. l. 2. C. cod. idque etiam faciemur Christin. decis. 312. & Gudelin. d. loc. quoniam, ajunt, in hujusmodi casibus jus accrescendi non conjunctione aut voluntate testatoris, sed ex legis potestate proficiscitur. Idemque haud dubiè censuerunt, si plures quidem scripti sint, sed ex partibus inæqualibus; idque propter inæqualitatem patrimonii, quæ etiam jure Rom. accretionem im-

pedit inter collegatarios. De quo sub §. si eadem. 8. inf. de legat. Ego idem dixerim, etsi singulis singulæ partes æquales datæ, & pars aliqua vacet, veluti si tres scripti singuli ex quarta bonorum parte; videlicet partem vacantem hic non accrescere scriptis, sed jure intestati ad legitimis hæredes pertinere. Sed & si, verbi gratia, plures simpliciter instituti sunt, aut in eandem partem hæreditatis vocati, & unus defecerit, adhuc dicendum videtur, non aliter partem deficientis jure consuetudinario cæteris accrescere debere, quàm si ex verisimilibus saltem conjecturis appareat, eam fuisse voluntatem defuncti, cujus rei probatio cohæredibus incumbat, ne contra voluntatem defuncti pro parte omissa intestati, aut exitum intestati passi, plus ad eos redeat, quàm eis datum est. Hanc enim interpretationem in eadem specie veteres secuti sunt in testatore milite, l. si duobus. 37. de test. milit. cui non obstat l. 1. C. cod. quia ibi ex parte hæres institutus proponitur, qui & ipse militi ab intestato successurus erat; nimirum frater militis: & ideo nisi alij hæredes ab intestato probent, militem noluisse ea bona, de quibus quaeritur, ad fratrem institutum pervenire, portio deficiens hac ipsa ratione ad fratrem pertinebit: quia pro ea parte miles intestatus decessit. Cæterum contraria sententia prævaluit hac ratione, quasi jus accrescendi in proposito non descendat ex potestate juris, sed ex voluntate testatoris, quæ ex sola conjunctione æstimetur, D. Grot. 2. manuduct. c. 23. Gudelin. d. c. 7. Christin. d. decis. 51. n. 48. ac plerisque persuasum fuit, etiam olim in testamentis militum, quamvis hi pro parte testati & pro parte intestati decedere poterant, id obtinuisse, nisi hæredes legitimi de contraria voluntate testantis docuissent, arg. l. 1. C. de test. mil. in dubio enim hanc præsumptionem fuisse; quod miles uti voluerit jure communi. Qui perspicuus error est: nec veterum hanc sententiam fuisse apparet ex d. l. 37. Nam posito, quod jus accrescendi ideo in militis testamento cessat, quia militi concessum, ut possit pro parte testato & pro parte intestato decedere, etiam ubi jure communi id permissum est, idem est dicendum, vid. Ant. Fab. dec. 72. err. 5. & 6. Don. in d. l. 1. C. de test. mil. Duar. d. cap. 4. Vasq. lib. 2. de succ. prog. §. 15. num. 110. & lib. 3. de succ. creat. §. 24. n. 41. & multis seqq.

T E X T U S.

De portionibus singulorum hæredum. Si testator assem non diviserit, aut partes in quorundam persona non ultra assem expresserit.

6. Si plures instituantur hæredes, ita demum in hoc casu partium distributione cessat.

ria est, si nolit testator, eos ex aequis partibus heredes esse. Satis enim constat, nullis partibus nominatis, ex aequis partibus eos heredes esse. Partibus autem in quorundam personis expressis, si quis alius sine parte nominatus erit, siquidem aliqua pars assis deerit, ex ea parte heres sit. Et si plures sine parte scripti sunt, omnes in eandem partem concurrunt. Si vero totus aut completus sit, ii, qui nominatim expressas partes habent, in dimidiam partem vocantur, & illo, vel illi omnes, in alteram dimidiam. Nec interest, primus, an medius, an novissimus sine parte heres scriptus sit: ea enim pars data intelligitur, quae vacat.

NOTAE.

6. Nullis partibus nominatis, ex aequis] l. 9. §. 12. h. t. fac. l. 19. §. ult. de leg. 2. Illud tamen tenendum, conjunctos unius tantum personae potestate fungi, v. g. si testator ita dixerit, Titius heres esto, Sejus & Marcius heredes sunt. Aut si, Titius & fratris mei filii heredes sunt. Hic conjuncti unum semissem, Titius alterum habebit, l. 15. pr. l. 59. §. 2. h. t. l. 34. de leg. 1. l. un. §. 10. C. de cad. toll. nisi celeritatis gratia conjunctio facta doceatur, l. 66. h. t.

Si vero totus as completus] l. 17. pr. §. 3. & 4. cod. Breviter, qui sine parte scriptus est, vacantem portionem vel alium assem occupat, l. ult. sec. tab.

In dimidiam partem] Id est, in semissem reducta ratione ad solemnem assis distributionem: alias in alterum assem; eadem enim portio est.

COMMENTARIUS.

1 Inter institutos sine partibus pariter hereditatem dividi, etiam si testamento non facto inaequaliter fuissent successuri.

2 Quantum, expleto dupondio, qui sine parte scriptus est, habere debeat?

3 Perperam Hosomannum in l. 17. §. ult. hoc tit. pro triente substituere vellent.

4 Qua in re error Hosomanni maxime conspicuus?

Intelleximus, quid juris sit, si unus tantum heres scriptus proponatur: nimirum eum & solem heredem fore, atque ex toto asse, non tantum si simpliciter aut sine parte scriptus sit, verum etiam si ex parte dimittat hereditatis, atque adeo, si ex certa aliqua re. Pergit nunc hoc §. 1. & 2. seqq. docere Imperator, quid fiat pluribus heredibus institutis, quasque in portiones singuli vocati intelligantur? Distinguendi autem, ut ex progressu apparet, tres articuli. Primus est, si plures instigui sint sine definitione partium:

alter, si quidam ex certis partibus hereditatio institui, quidam indefinite seu sine partibus tertius, si omnes partibus expressis.

Nullis partibus nominatis ex aequis partibus.] Hic primus articulus est, qui omni caret scrupulo propter evidentiam voluntatis testatoris, qui, si institutos voluisset impariter succedere, partes utique expressisset, l. 9. §. heredes. 12. hoc tit. qua de causa idem quoque servatur in re, pluribus non expressis partibus legata. l. 19. §. ult. de legat. 1. Quin etiam eandem voluntatis interpretationem, aequalemque partitionem sequimur, etsi qui sine partibus instituti sunt, non facto testamento in stirpes aut portionibus inaequalibus, ab intestato fuissent successuri: quia testamento facto, jam non jure proximitatis aut representationis veniunt, sed titulo & jure institutionis ex iudicio & voluntate defuncti, cui legitimae successionis per testamentum suum derogare voluisse credendus est, nisi ex conjecturis contrarium elici possit. Ita post alios Uvesemb. hic & in parat. cod. n. 6. Mantic. de conject. ult. vol. lib. 4. tit. 11. n. 11. Illud in universum tenendum, si conjuncti & disjuncti commixti sint, conjunctos unius personae potestate fungi, l. plane. 34. de legat. 1. l. un. §. his ita. 10. vers. fin. verò. C. de cad. toll. veluti in hac institutione: Titius heres esto: Sejus & Marcius heredes sunt; semissem Titius & tantum solus feret, quantum duo conjuncti Sejus & Marcius, l. liber homo. 59. §. 2. hoc tit. Conjuncti etiam, & vel maxime sunt, qui nomine colectivo instituuntur, l. 13. in pr. cod. l. ult. in fin. C. de impub. & al. subst. de cujus conjunctionis potestate Mantic. d. loc. num. 12. & 2. seqq. Valq. lib. 3. de succ. prog. §. 21. num. 33.

Partibus in quorundam personis expressis.] Hic articulus secundus est, & complectitur tres casus: nam partes adscriptae aut non exaequant assem, aut exaequant, aut superant: duo priores hic tractantur; tertius §. 8. Primum quod attinet, ait, si partibus in quorundam personis expressis adhuc aliquid assis deerit, id quod superest, eum vel eos, quibus pars apposta non est, habituros, verbi causa, si duo scripti sint ex quadrantibus, tertium sine parte scriptum, quod ex asse reliquum est, & nimirum semissem, ablaturum. Hoc & Ulpian. l. item quod. 17. in pr. cod. atque omni dubio hic item casus caret. Secundus est, si partes nominatae assem exaequant sive expleant; de quo sic breviter hic Imperator; Si totus as completus sit, ii qui nominatim expressas partes habent, in dimidiam partem vocantur: & ille vel illi omnes in alteram dimidiam. Nimirum cum asse expleto alius sine parte heres scriptus est, hic, quia ad nullam residuam assis partem restringi potest indefinite scripti institutio, verisimile est, testatorem ad novum assem sive ad dupondium transire voluisse, atque in uncias 24. hereditatem distribuere. Et consequenter ergo qui sine parte scri-

præ est, in aliam aliam alsem venit aut si plures, omnes in eundem, d. l. 17. §. 3. & 4. vel si dupondius ad alsem revocetur, quo respexit Justinianus, venient indefinitè scripti in semissem; eadem enim utrobique proportio est. Similiter si quis dupondium distribuerit, & tertium sine parte herodem scripserit; ad tripondium transitum fecisse intelligitur: & ideo qui sine parte institutus est, in tertium alsem venit, live re ad unum alsem revocata in trientem, §. 8. *inf. cod.* eaque mens est Jurisconsulti in d. l. 17. §. ult. cum ait, distributo dupondio sine parte scriptum non in alium alsem, sed in trientem venire, non in alium alsem oppositum dupondio ad alsem prius revocato, live qui distributione testatoris ad solemnem unius assis rationem redacta efficiat semissem totius hereditatis, ut ille solus tantum capiat, quantum alii omnes, uti fit, cum quis sine parte scribitur expleto asse, de qua specie tractaverat, §. 3. & 4. sed in eam partem dumtaxat, quæ ratione ad unum alsem revocata, efficiat illius assis trientem, atque in distributione testatoris live in tripondio uni assis live 12. tantum uncias *ἀνὰ μέρος* respondeat. Non est igitur ferenda Francisci Hotomanni confidentia, qui locum istum Jurisconsulti mendosum esse contendens pro *trientem* reponi vult *tresem*, vel *tripondium*; quasi Jurisconsultus ita scripsisset, *Qui dupondio distributo sine parte institutus est, non in alium alsem, sed in tressem venit.* Quæ oratio manifestè aut in totum falsa est, aut implicat contradictionem. Falsa, si tressem accipimus pro tribus assibus conjunctum live pro uncias 36. in quas tota hereditas divisa proponitur: sic enim foret, ut totam ferret solus, qui sine parte scriptus est. Contradictionem habet, si eadem vox accipiat discretim pro asse tertio aut uno ex tribus. Nam huic enunciationi: *Qui dupondio distributo sine parte scribitur, non venit in alium alsem,* aperte contraria est illa: *Qui dupondio distributo sine parte scribitur, venit in tressem,* si hoc est in tressem venire, in novum, in alium, in tertium alsem venire. Quid est verò, quod Hotomannum impulit, ut textum hoc modo mutaret? Nimirum ut juvaret abnormem quamdam sententiam, cujus junior adhuc auctor fuit, & quam refreuit jam senior, summaque ope defendere conatus est, lib. 8. obs. c. 2. Putavit Hotomannus, quemadmodum, asse completo, is, qui sine parte nominatus est, in alterum alsem venit, æque ad unum alsem revocata aufert semissem, simili modo, impleto dupondio, cum, qui sine parte scriptus est, tripondio ad alsem revocato semissem ferre debere: nec rationem pati, ut hic tantum trientem, ille semissem ferat. Igitur Hotomannus cum huic opinioni suæ videret obstare d. locum Ulpiani scriptum manifestissimè in contrarium, lectionem loci ex cerebro suo mutavit, ut pro *in trientem venit*, *Pannius in Instit.*

in tressem venit. Quæ verba, si Hotomanno credimus, significabant, aufert proportionem suam indefinitam ex tresse 18. uncias. Sed nihil est, quod cum ratione aut proportionem magis pugnet, quàm hæc Hotomanni opinio: nec hilum proficit mutata lectione: quippe cum in tressem venire duobus tantum modis quis dici possit, & iis, quos paulo ante indicavi; miror, vitum alias acutissimum non potuisse videre harum rerum minime obscuram dissimilitudinem. Quo plures in partes res quæque discerpitur, eo minus singuli ex toto ferant necesse est. Accidit hoc item in distributione hereditatis: ac proinde si hereditas distributa fuerit in uncias live partes 36. ut in questione proposita, cum exhausto dupondio aliquis sine parte hæres scribitur, non potest nec debet, is, cui pars adscripta non est, tantum ex toto, hoc est, ex hereditate consequi, quantum is, qui asse solum exhausto similiter sine parte scriptus est, ubi hereditas divisa est solummodo in uncias 24. Quid enim tam manifestum est, quàm minores esse uncias in tripondio, quàm in dupondio atque in hoc iterum minores, quàm in asse, omninoque ratione ad alsem solemnem reducta, unam unciam proportionem respondere duabus in dupondio, tribus in tripondio live tresse? Sumamus exempla facillima, & prope puerilia cum Hotomanno. *Primus ex 12. uncias hæres esto. Secundus hæres esto.* Hic secundus sine parte institutus habebit duodecim uncias. *Primus ex duodecim uncias. Secundus item ex 12. uncias hæres sumo. Tertius quoque hæres esto.* Hic tertius itidem habebit 12. uncias, sed quæ in asse juris non tantum efficiant, quantum casu priori: illic enim singulæ semunciam, hic binas solum sextulas live tertiam unciam partem valent. Error Hotomanni in reductione & detractionibus faciendis maxime conspicuus est. Is in proposita specie Tertio sine parte scripto initio nihil, Primo & Secundo singulis partis suæ dimidiam detrahit, id est, uncias sex de duodecim, quot singulis adscriptæ, ut efficiat dupondium; in quo cum Tertius 12. Primus & Secundus singuli 6. tantum uncias habere reperiantur, ita dupondium deinde ad alsem revocat, ut Primo iterum & Secundo singulis partis suæ, quam in dupondio iis reliquerat, dimidia, id est, ternæ uncie detrahantur, Tertio senæ, ut unum hic semissem solus; alterum illi duo conjunctim consequantur. Quod minime ferendum est. Nam cum Tertius interpretatione juris non minus in certam partem vocetur, quàm duo illi, in quorum persona partes expressæ sunt, & vocetur in partem partibus expressis æqualem, æqualem quoque detractionem cum cæteris pati debet: ideoque in proposito si tres asses distributos ad unum redigere volumus, binæ reductiones, totidemq; gradatim & pares in singulorum portionibus detractiones fiant. Prima sit tripondii ad dupondium,

dium, in qua singulis detrahenda pars tertia, id est, uncia 4. altera dupondii ad assem, in qua singulis, ut as relinquatur, detrahenda est dimidia. Denique eadem *ἀνάλογος* ratio est, cum dupondio superato, aliquis sine parte scribitur, & cum dupondio non superato, sed expleto tantum: itaque ut illic in id, quod tertio assi deest, sine parte scriptus vocatur, l. Sabinus. 18. eod. ita hic integrum quidem assem tertium, at nihil amplius capere debet: add. Ant. Fabr. 5. conj. 20. Bachov. in Transl. 701. 2. disp. 11. thes. 4.

T E X T U S.

Si pars vacet, aut exuperet.

7. Videamus, si pars aliqua vacet, nec tamen quisquam sine parte sit heres institutus, quid juris sit; veluti si tres ex quartis partibus heredes scripti sunt. Et constat, vacantem partem singulis tacite pro hereditaria parte accedere, & perinde haberi, ac si ex tertiis partibus heredes scripti essent. Et ex diverso, si plures heredes scripti in portionibus sint, tacite singulis decretere; ut si verbi gratia quatuor ex tertiis partibus heredes scripti sint, perinde habeatur, ac si unusquisque ex quarta parte heres scriptus fuisset.

N O T A E.

7. Ex quartis partibus] Id est, singuli ex quadrante, seu tribus uncis. Et ita quoque, quod mox sequitur, ex tertiis partibus, id est, ex trientibus sive uncis quatuor.

C O M M E N T A R I U S.

1 Explicatur constitutio Justiniani in l. 23. C. de legat.

Hic locus pertinet ad articulum tertium, cum heredes omnes instituti sunt ex certis partibus. In hoc articulo si testator solemnem assis distributionem secutus, non pauciores, neque plures partes sive uncias fecerit, quam duodecim: nihil est, de quo dubitari possit. Tantum si pauciores vel plures fecerit, & juxta rationem juris ad duodecim distributionem revocare volumus, quæri potest, quantum cuique adjici vel detrahi oporteat? Placuit autem, adjectionem vel detractionem non æqualiter & in partes viriles fieri, sed pro rata ejus partis, quæ cuique adscripta est. l. 13. §. 2. & seqq. hoc tit.

Si tres ex quartis partibus, &c.] Hoc est, si tres instituti sint singuli ex quadrante sive ex tribus uncis. Ait, vacantem partem. Id est, quadrantem reliquum, sive tres uncias, quæ assi defunt. Pro hereditaria parte. Hoc clarius apparet, cum adscriptæ sunt partes

inæquales; veluti si testator ita dixerit, Titius ex quadrante, Mævius ex semisse heredes sumo. Hic enim ex tribus uncis, quæ assi explendo defunt, una Titio, duæ accrescunt Mævio, d. l. 13. §. 3. perinde ac si ille ex triente, hic ex besse scriptus esset. Accrescunt autem partes residuæ singulis necessario & eadem ratione, quæ uni heredi ex parte scripto reliqua hereditas accrescit; quia scilicet juris ratio non patitur, ut eidem partim ex testamento partim ab intestato succedatur.

Si quatuor ex tertiis partibus, &c.] Hoc est, si quatuor instituti sint, singuli ex triente sive ex uncis quatuor. Tacite singulis decretere. Pro parte item hereditaria, ut quadrantem singuli in asse ferant. Et igitur si duo scripti sint, Primus ex 12. Secundus ex 6. uncis, Primus ex sententia veterum habebit hereditatis bessem, Secundus trientem, d. l. 13. §. sed si. 4. hoc tit. Et *ἀνάλογος*, si Primus ex 12. Secundus ex 8. aut 9. scripti sint; portio Primi major erit sesquuplo vel epitrito, quam Secundi: à qua tamen Veterum sententia videtur recessisse Justinianus, l. cum questio. 23. C. de legat. nisi dicamus cum Donell. lib. 6. tom. c. 22. interesset, utrum asse sive duodecim uncis Primo relictis, mok semis aut sex uncis Secundo relinquuntur simpliciter, an sex uncis aut dimidia nominatim ejusdem rei aut totius quod relictum est. Et hoc posteriore casu locum dumtaxat esse constitutioni Justiniani, qui & initio speciem ita proponit; priore non item. In quo Donello assentiōr: nam prior casus, de quo nulla inter veteres dissensio, Justiniani decisione non indigebat. Illud addo, posse & aliam rationem in re proposita iniri, ut progressus fiat ad dupondium, & singulis pro portione hereditaria accrescat, quod dupondio deest. Sed & tot partes, quot à testatore factæ sunt, in divisione servari possunt, ut singuli suas ferant, l. 15. §. ult. l. si ita. 47. §. 1. leg. ex uncis. 87. hoc tit. VINN. Constitutio Justiniani binas tractat species. Priore ponitur, Titium fundum Cornelianum uni legasse in solidum, deinde alteri partem ejusdem dimidiam. Hic Sabiniani sequendam putabant proportionem geometricam. l. 80. ff. de leg. 1. l. 13. ff. de lib. & posthum. l. 47. ff. de her. instituend. Proculiani autem præferebant proportionem arithmeticam. Hinc illi priori legatario bessem; alteri trientem; hi utrique partes æquales adjudicabant. Quorum sententiam probat Justinianus. Posterior species ponit, Titium fundum Cornelianum bis legasse uni, deinde semel alteri, vel eundem fundum primum Mævio separatim; deinde Mævio & Sempronio conjunctim legasse; hic denuo quidam priori bessem, posteriori trientem; alii utrique partes æquales adjudicabant, ob eandem rationes. Horum sententiam Justinianus confirmat. Merill. in l. Decis. c. 29. p. 372. Nullo modo ergo hæc constitutio adversatur doctrinæ hujus

huius §. in quo non de legato, sed de asse hereditario quæstio est. HEIN.

TEXTUS.

Si plures uncie, quam duodecim, distributæ sunt.

8. Et si plures uncie, quam duodecim distributæ sint, is, qui sine parte institutus est, quod dupondio deest, habebit. Idemque erit, si dupondius expletus sit. Que omnes partes ad assem postea revocantur, quamvis sint plurimum unciarum.

COMMENTARIUS.

1 Casus aliquot hic omitti recensentur.

Rectius hic §. subjectus foret §. 5. propter convenientiam propositorum in utroque casuum, qui ad eundem articulum, atque ex tribus, in quos præsens disputatio divisa est, ad secundum pertinent, nempe cum quidam definite, quidam indefinite scripti sunt, ut in explicatione nostra illic videre licet.

Quod dupondio deest] Eadem ratio est in secundo asse, quæ in primo: & ideo quemadmodum asse non expleto, is, qui sine parte scriptus est, vocatur in id, quod deest assi, ita si testator superato asse, dupondio tamen non expleto, sine parte hæredem scripserit, is quod ex dupondio deest, habebit, ad quem testator assem excedens transire intelligitur, l. 18. hoc tit. Quamobrem si ita scripserit, *Primus ex uncis VIII. Secundus item ex VIII. hæredes sunto. Tertius hæres esto.* Hic Tertius item octo uncias, quot dupondio defunt, feret. Eadem ratione, si ita scripserit, *Primus ex sex; secundus ex octo hæredes sunto. Tertius hæres esto.* Tertius decem quæ supersunt in dupondio habebit, l. ex uncis. 87. hoc tit. Quod si partes, uti fit, ad unum assem revocamus, in priori specie, singuli trientem, in posteriore Primus quadrantem, Secundus trientem, Tertius sine parte scriptus quincuncem feret.

Idemque erit, si dupondius expletus sit] Expletus videtur dixisse pro superato: neque enim hic de expleto asse aut dupondio quæritur, sed de superato; qui casus ab illo diversus est: quamquam utriusque eadem ratio, l. 17. §. ult. cod. & tam is, qui, asse aut dupondio expleto, alium sine parte hæredem facit, ad dupondium vel tripondium creditur transisse, quam is, qui id fecit asse aut dupondio jam superato; ut quemadmodum hic sine parte scriptus in id, quod dupondio aut tripondio deest, vocatus intelligitur, ita illic in novum, hoc est, secundum aut tertium assem. Sunt & alii casus, qui ad institutam disputationem pertinent, à Triboniano omitti, & fortassis de industria: veluti 1. si quis solus institutus sit,

non simpliciter aut ex parte hereditatis, sed ex re certa, puta ex fundo: quam institutionem valere placet, quasi mentio fundi facta non esset, & institutum bonorum omnium hereditatem consequi, l. 1. §. 4. hoc tit. l. cohæredi. 41. in fin. de vulg. & pup. de quo dixi §. 5. sup. cod. 2. Si plures instituti omnes item ex re certa: atque hoc casu similiter mentio rei & partium quoque nominatarum potestate legis detrahatur, etiam tunc cum ex partibus rei inæqualibus instituti sunt, nisi aliud suadeat manifesta voluntas testatoris: tunc enim partium expressio valebit ad rerum divisionem, ut officio iudicis familiæ erescundæ pro rata portionis, quam cuique in rebus assignavit testator, hereditas singulis adjudicetur, l. 9. §. si duo. 13. l. 10. junct. l. ex facto. 35. in pr. cod. 3. Si plures instituti, eorumque quidam ex re certa, quidam simpliciter aut ex parte hereditatis. Hoc casu placuit, solos hæredes fieri, qui simpliciter aut ex quota, uti loquuntur, scripti sunt, ex re singulari scriptos legatariorum loco esse, l. 13. c. cod. Cur verò tam variè? Nimirum ideo, quia ubi soli sunt instituti ex re certa, hic si testamentum subsistere volumus, atque ex eo, quod utique testator voluit, deferri hereditatem, necessario detrahenda est rei mentio, cum hæc simul stare non possint, hæredem esse, hoc est, universi juris successorem, & rem tantum obtinere singularem. At verò cum concurrunt cum his alii rectè hæredes scripti vel indefinite, vel ex certa parte hereditatis, nulla necessitas cogit, ut mentionem rei, ex qua unus aut plures scripti sunt, detrahamus, cum rem illam habere possint tamquam ex legato, idque salva ratione juris & defuncti voluntate, quæ per cohæredes simpliciter vel ex parte scriptos sustinetur. Planè si hæredes universitatis defecerint, quod adire hereditatem noluerint, aut ante mortui sint; tunc ex communi opinione Doctorum in d. l. 13. idem per omnia erit, ac si instituti ex re singulari ab initio soli fuissent: quamvis nonnulli hanc sententiam non aliter admittant, quam si cohæredes defecerint vivo adhuc testatore, quos sequitur Bachovius hic vid. Gomez. 1. resol. 10. n. 13. Grals. §. institutio. q. 22. n. 3.

TEXTUS.

De modis instituendi.

9. Hæres & purè & sub conditione institui potest: ex certo tempore, aut ad certum tempus non potest; veluti, post quinquennium, quam moriar; vel, ex Calendis illis; vel usque ad Calendas illas hæres esto. Denique diem adjectum haberi pro supervacuo placet, & perinde esse, ac si purè hæres institutus esset.

Ab 4

No-

9. Sub conditione] *V. C. Titius heres esto, si Mariam uxorem duxeris.* Hic institutio in pendentem est, & si quidem extiterit conditio, vires capit, ac conditionis eventus retrahitur ad tempus mortis, ut perinde habeatur, ac si purè facta esset institutio: si conditio defecerit, institutio evanescit, deferturque hereditas ab intestato, *l. 26. de cond. inst. fac. l. 8. de per. & com. rei vend. l. 11. §. 1. qui pos. in pign.*

Ex certo tempore, &c.] Ratio est, quia regula, quæ vetat, eundem in pagano testato & intestato decedere, etiam in spatio temporis locum habet, *l. 41. de test. mil. l. 2. C. cod. ubi quod traditur, est ex prærogativa privilegii militaris.* Cessat autem in conditione, cuius eventus retrahitur. Conditionem facit etiam dies incertus, *l. 75. de cond. & dem.*

Vsq. ad Calendas] Occurrit hic etiam specialis ratio, quia juri nostro non convenit temporalem heredem habere, *l. 7. §. 10. de minor. l. 88. h. t.*

COMMENTARIUS.

- 1 Captatoria institutio quæ veteribus dicta?
- 2 Suos heredes omnes sub alia conditione institui non posse, quam quæ in eorum sit potestate.
- 3 Diem certum institutioni appositum, sine ut terminum à quo, sine ut terminum ad quem, pro supervacuo haberi.
- 4 Cur dies certus institutioni adjectus ut terminus à quo non suspendat institutionem, similiter ut adjecta conditio?
- 5 Moribus hodiernis hujusmodi subtilitates insuper haberi.
- 6 In testamentis diem omnem incertum conditionem facere.
- 7 An si cui bonorum omnium usufructus legatus sit, & post mortem ejus alius heres institutus, legatum valeat?

Hic se nunc offert tituli hujus pars tertia, in qua tractatur de forma & modo heredes instituendi, deque iis, quæ institutioni utiliter vel inutiliter adjiciuntur: sed non omnia, quæ eo pertinent, Imp. tangit, contentus, quæ præcipua sunt, de conditione & die adjectis quædam indicasse. Ante quorum explicationem monendi sumus, ad formam institutionis omnino pertinere, ut ea verbis fiat, iisque idoneis, ut ex iis liquere possit voluntatis intentio; quamvis quibus verbis fiat, imperativis sive directis, an inflexis, nihil referat, *l. 15. C. de test. & ibi DD.* Deinde ita fieri debere, ut de persona heredis certo constare possit, vel ex nomine, vel ex indubitabili signo: alioqui vitiosa institutio, *l. 9. in pr. junct. §. si quis. 2. & seq. in tempus. 62. §. 1. hoc tit. l. 4. C. cod.* Item inutilem esse institutionem, si testator non certo consilio heredem scribat, aut

quid alienum capiet. Unde improbara veteribus tum institutio, quæ in alienam voluntatem confertur, veluti si quis dixerit, *Quos Titius volueris, heredes sunto. l. illa institutio. 42. l. si quis. 68. cod.* tum captatoria, quæ sit captandæ alienæ hereditatis causa, cum testator suam hereditatem tamquam in hamo defert, ut alleget alienam; puta hoc modo, *Quæ ex parte Titius me heredes faciet, ex eadem mihi heres esto, l. captatorias. 70. cum l. seq. cod. l. captatoria. 64. de legat. 1.* cujusmodi institutiones etiam in testamentis militum improbantur, *l. 11. C. de test. mil.* Hoc autem modo concepta institutio valet, *Quæ ex parte Titius me heredem faciet, ex eadem heres esto.* Quoniam in præteritum collata est, neque ad captandum, sed ad remunerandum comparata, *l. illa autem. 71. l. Clement. 81. §. 1. h. tit.* Sed nec institutiones, quæ mutuis affectionibus judicia provocaverunt, pro captatoriis habentur, *d. l. captatorias. 70. cod.* Valent itaque laud dubiè & mutue conjugum institutiones. D. Tuldeq. in *C. de test. mil. n. 9.* ubi obiter refellit Joz. Dechkerum hanc sententiam oppugnantem *lib. 1. differt. 7.* De captatoria institutione eleganter Menoch. *confil. 408. Ant. Fab. C. suo de her. inst. defin. 71. post Cujac. 16. obs. 17.* Duar. *c. 3. hoc tit.* Nunc accedamus ad explicationem textus. Vinn. Sed reliquorum omnium industriam superavit Vir Illustris, Corn. van Bynkersh. de *captator. instit.* quæ dissertatio inter reliqua ejus opuscula habetur. HEIN.

Sub conditione institui potest] Conditiō est adjectio, quæ in futurum eventum, quod dari aut fieri volumus, suspenditur: eaque vel possibilis est, vel impossibilis. Impossibilis inutiliter institutioni adjicitur, & pro non scripta habetur, de qua mox: possibilis utiliter, ut suspendatur interim institutio, atque existente conditione vires capiat, perindeque habeatur ac si purè facta esset: deficiente evanescat, & hereditas deferatur ab intestato. Solus persona filifam. excipitur, qui vetatur sub alia conditione heres institui, quam quæ in illius potestate sit, nisi sub contraria conditione exheredetur, ne, si conditio deficiat, reperiat contra legem præteritus, *l. 4. §. 1. l. jam dubitari. 88. hoc tit. l. 15. l. ultim. de cond. inst.* Tantumdem nunc dicendum de cæteris liberis, qui in potestate sunt & sui heredes, postquam hi omnes filiosfam. exæquari, *§. 5. sup. tit.* Falluntur ergo DD. qui putant, ita nunc juris esse, ut si suus heres in incerto eventum institutus sit, institutio non vitietur, sed potestate juris detrahatur conditio usque ad portionem legitimam, quæ gravari prohibeatur ulla dispositione moram aliudve onus afferente, per *l. quoniam. 42. C. de inoff. test.* Non enim animadvertunt, agi isto loco non de liberis institutis, sed exheredatis, quibus aliquid pro legitima relictum sit. Nam Justinianus cum in *l. omni modo. 30. & l. seq. C. cod.* jussisset cessare querelam inoffensiosæ, si quid libe-

ris omnino relictum esset, supplerique, si minus relictum, quod legitimæ deest, mutato veteri jure, quo querela non excludebatur, nisi aut tota legitima portio relictæ esset, aut si minus, adjecta clausula, ut si quid deesset, id boni viri arbitratu repleretur, in d. l. *quoniam*. 42. Quæ mox sequitur, superiores sanctiones temperat, easque sic vult obtinere, ut liberi portionem legitimam plenam consequantur, & sine ullo gravamine aut mora. Novissimè voluit & titulo institutionis legitimam relinqui, Nov. 115. c. 3. de quo plura tit. 18.

Ex certo tempore aut ad certum tempus non potest] Hujus rei explicatio plus difficultatis habet. Ait, *Ex certo tempore*, &c. quibus verbis tacite innuitur differentia temporis sive dici certi atque incerti, & quæ hæc traduntur, non ad utrumque, sed ad alterum tantummodo; certum scilicet, pertinere. Ita est. Dies aut est certus, aut incertus. De incerto illico videbimus. Certum dicimus, cum certum est & venturum esse, & quando venturus sit. Hic dies bifariam institutioni forte apponi potest; vel ut terminus à quo, veluti, *Post quinquennium, quàm moriar hæres esto*; vel ut terminus ad quem, veluti, *Usque ad quinquennium hæres esto*. Neutro autem modo apponitur utiliter. Et hoc est, quod Imp. ait, hæredem ex certo tempore vel ad certum tempus institui non posse: non quod adjectione dici in totum vitietur institutio, sed quod dies ut vitiose adjectus rejiciatur & habeatur pro non scripto: ita enim se statim explicat, cum ait, diem adjectum pro supervacuo haberi, & perinde esse, ac si purè institutio facta sit. Breviter Jurisconsultus, l. *hæreditas*. 34. hoc tit. *Hæreditas* inquit, *ex die*, vel *ad diem non rectè datur, sed vitio temporis sublato, manet institutio*. Quod dies tollitur, benevolentia est, ne pereat ultima defuncti voluntas. Quod die non sublato subsistere nequeat institutio: ex regula, qua vetatur idem in paganis testato & intestato decedere, proposita & à nobis exposita §. *hæreditas*. 5. sup. cod. Neque enim ad portionem bonorum tantum, verum etiam ad temporis spatium ea regula pertinet, l. *miles ita*. 41. in pr. de test. mil. Peculiaris quoque ratio est, cum dies adjectus tamquam terminus ad quem; quia juri nostro non convenit, temporalem hæredem habere, sed is, qui semel hæres exitit, semper hæres maneat necesse est, l. 7. §. *sed quod*. 10. de minoribus. l. *si qui*. 88. hoc tit. De altero illo quaerit aliquis, cur cum hæres ex certo die instituitur, non æquè placeat suspendi institutionem, & antequam dies veniat, nullum interim hæredem esse, ac cum quis instituitur sub conditione, & quid intersit, ita scribam, *Titius post quinquennium hæres esto*, an, *Titius hæres esto, si uxorem duxerit*? Hoc interest. Conditionis ea est vis ac natura, ut actum omnem, cui adjectus, jurisque effectum suspendat, ea deficiente nihil actum ne intelligatur, existente perinde habeatur, ac si ab initio res sine conditione gesta esset, l. 8. de ger. & conom. res vend. l. 11. §. 1. qui post. de

pign. Proinde cum hæres sub conditione institutus est, in pendentia est tota dispositio testatoris, & siquidem defecerit conditio, nulla dispositio facta intelligitur, statimque defertur hæreditas ab intestato; si existerit, eventus ejus retrotrahitur ad tempus mortis, ut quod sub conditione dispositum est, purè dispositum intelligatur, l. *si pupillus*. 26. de cond. inst. Dies verò certus diversæ naturæ est, primum in hoc, quod nunquam suspendit vim aut effectum juris; tantum ad hoc utiliter rei alicui, veluti legato aut stipulationi adjicitur, ut remoretur executionem, §. 2. infr. de verb. obl. l. *cedere diem*. 213. de verb. sign. l. 17. de reg. jur. l. *si dies*. 21. quand. dies legat. Quod si ergo hæres ex certo tempore institutus ante id tempus hæres esse impediatur, dies operabitur præter & contra suam naturam suspensio juris effectus, ideoque statim potius admittendus, præsertim cum certum sit, diem exiturum esse, quod secus est in conditione. Ita post Jacob. de Aret. Bart. & Bald. disputat Gomez. 1. resol. 2. n. 8. Deinde & in eo differentia est, quod dies non ita, ut conditio, existens retrotrahi potest, hoc est, quod aditio post diem existentem facta non potest conjungi & continuari cum tempore mortis testatoris, quam tamen continuationem jus requirit, l. *hæres*. 54. de acq. hæred. l. *omnis*. 128. de reg. jur. nisi toto intermedio tempore subducto: nam si id tempus manere volumus, ut adjectum utiliter, jam non suspendimus institutionem, ut nullus interim hæres sit; sed causæ intestati interim locum facimus; quod juris ratio non patitur. Nostri & Gallorum mores hujusmodi subtilitates averfantur: sed ubi receptum est, ut unicuique pro portione bonorum & testato & intestato decedere liceat, ita & ad tempus quisque hæredem facere potest, & ex certo tempore, ut aut post tempus, aut antequam dies veniat, intestati hæreditas deferatur; quod jure civili Romanorum solummodo ex privilegio obtinebat in testamentis militum, l. 15. §. 4. l. *miles*. 41. in pr. de test. mil. vid. notat. sub §. *hæreditas*. 5. sup. cod. Hæc dicta sunt de die certo. Dies incertus, aut prorsus & simpliciter talis est, cum scilicet neutrum horum apparet, nec an venturus sit, nec quando; veluti si ita testator dixerit, *Titius hæres esto, cum consularum inieris; cum uxorem duxeris*, aut secundum quid, cum alterutrum incertum est, & vel ignoratur, an venturus sit dumtaxat; veluti si ita scriptum sit, *Titius, cum eris annorum quatuordecim, hæres esto*; vel tantum quando venturus sit, qualis est dies mortis cujusquo. Et extraxi de die incerto generalis definitio Papiniani in hæc verba: *Dies incertus conditionem in testamento facit*. l. *dies*. 75. de cond. & dem. Cujus definitionis hæsententia est, ut conditio testamento adjecta non detrahatur, sed suspendit dispositionem, ita & dies incertus; atque ut existente demum conditione vires accipit dispositio, ita & existente demum die incerto. Et siquidem vel utrumque ignoretur, an dies venturus sit, & quando; vel etiam unum il-

lub,

lud, an sit venturus; dubium non est, quin huiusmodi dies pro conditione sit, *l. si dies. 21. & l. seq. quand. dies leg.* At si certum sit, exiturum esse, ignoretur autem quando; hic referre puto, utrum dies appositus sit extraneo, an ipsi hæredi. Si extraneo, puta hoc modo, *Titius hæres esto, cum Sempronius morietur*, diem pro conditione esse; quia fieri potest, ut hæres scriptus ante Sempronium moriatur: quo argumento tale legatum conditionale esse defenditur, *Hæres meus, cum morietur, Titio decem dato, l. 1. §. 2. de cond. & dem. l. 4. in pr. quando dies leg.* Si verò ipsi hæredi adscriptus sit, veluti, *Titius, cum morietur, hæres esto* non puto conditionem facere: quia nec si legatario adscribatur; facit *d. l. 4. §. 1. l. hæres meus. 79. in pr. de cond. & dem.* & ideo institutioni adjectum quasi diem certum, qui vivente adhuc hærede omnimodo exiturus sit, detrahendum esse, institutionemque pro pura habendam: quæ & communis interpp. sententia est in *l. 9. c. hoc tit.* teste Gomez. 1. *resol. 2. n. 11.* Illud apertè falsum est, quod hoc loco scribit Bachovius, tale legatum, *Titio, cum morietur, decem do, lego*, conditionale esse, contra textus expressos, in *d. l. hæres meus. §. 79. de cond. & dem. & in d. l. 4. §. 1. quand. dies leg. ced.* Singularis casus institutionis ex die incerto est, cum quis instituitur in tempus capiendæ hereditatis, *l. in tempus. 62. h. t.* qui tamen casus à doctioribus omnibus restringitur ad eos, qui non simpliciter incapaces sunt, sed secundum quid: quales sunt orbi, cælibes; quos proculdubio hæredes instituere licet, cum liberos susceperint, cum uxores duxerint. Angelo absurdum non videtur etiam deportatum sic institui, cum restitutus erit. Utique rectè idem Angelus responsum illud Jurisconsulti in *d. l. in tempus. 62.* sic temperandum existimat, ut locum habeat cum incapacitas est ex parte instituti dumtaxat, non etiam simul ex parte testatoris: nam spurium hoc modo, *cum capere poteris, à patre institui non posse.* De illo quaesitum est, si, verbi gratia, 7 uxori bonorum omnium usufructus legatus sit, & post mortem ejus Titius hæres institutus, an legatum valeat? Et multis visum est, tale legatum esse inutile, quoniam dies usufructus legati non prius cedit, quam hereditas adita sit, *l. un. §. 2. quand. dies usufr. leg. ced. l. 2. & 3. quand. dies legat. l. un. §. libertatis. 6. c. de cad. toll.* in proposito autem hereditas adiri nequit, quamdiu uxor vivit, eo quod dies incertus pro conditione est; nec potest confirmari legatum usufructus adita post mortem uxoris hereditate, quia usufructus morte extinguitur. Pluribus tamen visum est valere, quibus assentior. Etenim in casu proposito institutio hæredis conditionalis non est, sed purè in proprietate facta ex mente testatoris intelligi debet, utpote qui legatum purè deberi voluit, nec credendus est elegisse viam, per quam dispositio ejus evetatur, contra *l. Gallus. 29. §. 1. de lib. & post. l. 3. de test. mil.* Poterit itaque hæres institutus statim hereditatem adire, eamque transmittere, quia mortis tempus adjectum non est ad

infringendam institutionem, sed ne hæres intermurbet uxorem in usufructu. Quid si hæres institutus adire vivente uxore nolit? Possè eam in casu proposito de facto uti & frui Baldus respondit in *l. extraneum. 9. c. hoc tit.* Sed tutius est, ut iudicis officium super hoc imploret, vide Covar. 2. *var. res. 2. num. 5. Gail. 2. obs. 143. n. 2. Grass. §. legatum qu. 23. n. 2. Mantie. de conj. ult. vol. lib. 4. tit. 5. n. 12. Jo. del Castill. *tratt. de usufr. c. 8. n. 23. & seq.* D. Jac. Coren. *consil. 15.**

TEXTUS.

De conditione impossibili.

10. *Impossibilis conditio in institutionibus & legatis, nec non in fideicommissis, & libertatibus, pro non scripta habetur.*

NOTÆ.

10. *Impossibilis conditio*] Cui similis, quæ quid continet, quod pugnat cum bonis legibus aut moribus, *l. 14. & seq. de cond. inst.* perplexa tamen, & vitiat institutionem, *l. 16. cod. VINN.* Ast propriè conditio impossibilis conditio non est, quia actum non suspendit ab incerto eventu: immo potius eventus est certissimus. HEIN.

COMMENTARIUS.

- 1 *Conditionem æquam, aut difficilem propter personam cui apposta est, qualitatem, &c. pro impossibili non haberi.*
- 2 *Ultimas voluntates appositione conditionis impossibilis non vitari; conventiones contra: & eorum tam variæ.*
- 3 *Dispositionem huius §. auctore Grotio, non contrariare moribus nostris.*
- 4 *Conditioni impossibili similem esse eam, quæ quid turpe continet, & ideo hanc quoque pro non scripta haberi in ultimis voluntatibus.*

Impossibilis conditio est, definitore Justiniano, cui natura impedimento est, quo minus existat; veluti, *Si digito calum terigeris, §. si impossibilis. 11. infr. de iur. stip.* Sed & quæ facta natura, & per se possibilia sunt, possunt casu aut adiectione temporis fieri impossibilia; veluti, exigere pecuniam, monumentum facere, Gadibus Romam pervenire, sunt *duvata*; at exigere pecuniam à se, monumentum post mortem testatoris in tri-duo proximo facere, biduo Gadibus Romam pervenire, *adusata*. Sive autem per se conditio possibilis sit, sive propter circumstantiam aliquam, hoc jure utimur, ut sub tali conditione facta institutio non vitietur, sed evanescat conditio & pro non scripta habeatur, *l. 1. l. 6. l. mulier. 20. de cond. inst.* nisi forte conditio sit *æquæ*, sive talis, quæ efficiat, ut ipsa institutio impossibilis, aut potius perplexa, atque inexplicabilis sit, ita ut voluntas defuncti exitum reperire nequeat: cuiusmodi conditio institutionem vitiat, *l. si Titius.*

inst. 16. de cond. inst. Sed & in alia quavis ultima voluntate, puta legato aut fideicommisso, conditio impossibilis pro non scripta est, *l. 12. §. 1. l. ab omnibus. 104. §. 1. de legat. 2. l. 5. §. 4. quamd. dies leg.* generaliter enim quicquid in testamento scriptum impossibile est, placet nullam vim habere: *leg. su. Maria. 45. hoc tit. l. 3. de condit. & dem.* Planè conditio difficilis huc non pertinet, quantumvis propter personam, cui appositam est, qualitatem aliamve causam videatur impossibilis: sed nisi conditioni pareatur, relictum in testamento non capitur. Finge libertatem servo relictam hac conditione, *Si hæredi milles dederis.* Hic non detrahetur conditio, sed inutilis erit datio libertatis ut responsum est à Paulo, *l. 4. §. 1. de statu lib.* Idem juris est, si in tam longum tempus conditio collata sit, ut eo tempore, is cui libertas datur, vivere vix possit, veluti si servo quatuor annos nato libertas detur, cum erit annorum centum: de quo vid. Franc. Amaya lib. 2. obs. iur. cap. 11. Alio autem jure utimur in stipulationibus & conventionibus: quippe quæ nullius momenti sunt, & in totum vitiuntur apposita conditione impossibili, *§. si impossibilis. 11. inf. de iust. stip. l. 7. de verb. obl. l. non solum. 31. de obl. & act.* ubi etiam diversi juris indicatur ratio: nimirum quia manifestum est, eos, qui in contrahendo apponunt aut apponi patiuntur conditionem, quam sciunt esse impossibilem, non esse hoc animo, ut se aut alios sibi obligent, sed joculari, ludere, omnino ea cogitatione esse, ut nihil agi existiment. At testatorem in ordinatione supremæ voluntatis, in re tam seria & cogitatione mortalitatis, serio agere & non ludere voluisse, quod in speciem impietatis cadit, credendum est, sed mendum potius ei excidisse, quod favore ultimæ voluntatis corrigitur, & tollitur à lege, ne id hæredi fraudi sit, cui nihil imputari potest, nare alia bene rectèque constituta evertantur, *arg. l. 1. de cond. inst.* D.

3 Grotio videtur, hanc interpretationem minus convenire moribus nostris: nam cum in his regionibus omnem supremam dispositionem interpretamur secundum id, quod propius vero est sensisse testatorem, nobis hujusmodi institutionem potius pro ridicula & nulla habendam esse, ut etiam ipsi Romani in cæteris causis id intellexerunt, dempta ultima voluntate. Impossibili conditioni similis est conditio turpis, quam interpretes vulgo ut speciem impossibili subjiciunt, & appellant impossibilem de jure. Ea est, quæ quid continet, quod pugnat cum pietate, bonis legibus, aut moribus. Nam, ut bene & piè Papinianus noster in *l. filius. 15. de cond. inst.* *Quæ facta ledunt pietatem, existimationem, verecundiam nostram, & generaliter, quæ contra bonos mores sunt, ea nec facere nos posse credendum est.* Et ideo etiam si quid ejusmodi testamento insertum sit, id perinde ac si quid impossibile adscriptum esset, placet pro non scripto haberi, *l. conditiones. 14. de cond. inst.* veluti, *Si ab hostibus patrem suum non redemeris: Si parentibus patronove suo alimenta non præstiteris.* Paulus scribit, hujusmodi con-

ditiones remittendas esse, *l. 9. d. sic.* quod effectus juris eodem recidit: rapitur enim semper hæreditas legatumve perinde, ac si adjectæ non essent. Planè filius, qui in potestate est, sub tali conditione hæres scriptus, testamentum patris infirmat, ac si conditio non esset in ejus potestate, *d. l. 15. cod.* quod etiam ad cæteros suos hæredes nunc transferendum est per ea, quæ *sup. §. præ.* Pacta quoque & stipulationes turpi conditione appositæ nullius momenti sunt, ut juris esse diximus, cum his apponitur conditio impossibilis de facto, *l. generaliter. 16. l. stipulatio. 61. de verb. obl. l. 4. C. de iust. stip.*

TEXTUS.

De pluribus conditionibus.

11. Si plures conditiones in institutionibus adscriptæ sunt, si quidem conjunctim, ut puta, si illud & illud factum fuerit, omnibus parendum est: si separatim, veluti, si illud, aut illud factum erit, cuilibet conditioni obtemperare satis est.

COMMENTARIUS.

Docent nos Dialectici, copulatæ orationis partes omnes veras esse oportere, si ea vera esse ponatur: totam autem falsam esse, si vel una pars falsa sit. Cui conveniens est, quod hic scribit Justinianus, si plures conditiones conjunctim institutioni adscriptæ sint, omnibus parendum esse, ut scilicet verificetur tota enuntiatio, & institutio purificetur: quod & Paulus tradidit, *l. 5. de cond. inst.* & Scævola de stipulatione eodem modo concepta, *l. si quis. 129. de verb. obl.* Atque, omnibus parendum est. Parere, obtemperare dicimur conditioni, quando eam implemus, & propriè hæc enuntiantur de ea conditione, quæ posita est in nostra potestate, quam quoties volumus, implere possumus, nonnumquam tamen & ad earum conditionum impletionem referuntur, quæ posite sunt in eventu, ut *in l. 2. de cond. & dem.* Et sic quod hic traditur, pluribus conditionibus conjunctim adscriptis, omnibus parendum esse, etiam ad plures conditiones, quæ ex casu pendent, copulatas pertinere, sciendum est, nec sufficere ad delationem hæreditatis, unam existere aut impleri, sed omnium impletionem expectandam: quippe cum non minus in hanc speciem, quam in præcedentem illam prædictum axioma Logicorum quadret, & utique ex æquo conveniat ratio Pauli in *d. l. 5. de cond. inst.* quod plures conditiones conjunctim scriptæ unius loco habeantur; ideoque merito à reliquis interpretibus notatus est Accursius, quod putaverit, ex pluribus conditionibus casualibus conjunctim apposis sufficere extitisse unam; *arg. l. si plures. 17. cod.* sic. quæ huc non pertinet, sed loquitur de pluribus institutionibus factis sub diversis conditionibus, repetita scilicet ejusdem

dem institutione in diversa parte testamenti, D. Vigl. hic.

Si separatim, cuilibet, &c.] d.l. 5. de cond. inst. d.l. si quis. 139. de verb. obl. & ratio est, quia disjunctiva oratio unius partis veritate contenta est; unde regula juris Pontificii, *In alternatis sufficit alterum adimpleri*, reg. 70. in 6. Cujacius legit *cui libet*, voce divulgata, id est cui placet. Theoph. *et de fiduciis*. Illud addo, ex casu pendentes conditiones omnimodo impleri oportere: quæ autem in potestatem nostram conferuntur; etiam tunc pro impletis haberi, cum per alium fiat, quominus impleantur, veluti si quis ita institutus sit, *Si Sejam uxorem duxeris*, & ea nolit nubere, l. 5. §. item si. 5. quand. dies leg. l. juve. 24. de cond. & dem. l. in jure. 161. de reg. jur. & ibi doctissime Pet. Fabr.

TEXTUS.

De his, quos nunquam testator vidit.

12. *Si, quos nunquam testator vidit, hæredes institui possunt; veluti si fratris filios peregrinantes; ignorans, qui essent, hæredes instituerit. Ignorantia enim testantis inutilem institutionem non facit.*

COMMENTARIUS.

1 Moribus multorum locorum nunc ad substantiam testamenti hæredis institutionem non desiderari: quibusdam in locis ne locum quidem habere.

Etiam qui nobis ignoti sunt, hæredes à nobis institui possunt, modo ne ex alio capite sint incapaces, puta quia peregrini, l. extraneum. 9. c. hoc tit. l. quidam. 46. eod. Poterat duplex hic esse dubitandi causa, tum quod certum esse debet consilium testatoris, certaue persona institui, Vlp. rit. 22. §. 3. tum quod eos scire hæredes institueri solemus, quorum merita affectionem nostram provocaverunt, l. 9. pro soc. Verum enim verò ubi testatoris voluntas in personam aliquam certam destinata est, incertum ejus consilium incer-

tave institui persona dici nequit; licet circa accidentia personæ, puta nomen, faciem, incertitudo sit: & potest quis etiam erga ignotum ita affectus esse, ut optime ei velit, vel propter sanguinis necessitudinem, ut in exemplo proposito, vel propter famam virtutis eruditionisve.

Peregrinantes] Peregrini, non peregrinantes, hæredes institui vetantur, l. 1. c. hoc tit. Notissima autem est inter hæc duo differentia: peregrini enim civibus opponuntur. Jam verò Romani privato jure constituerunt, ne quisquam, qui civis non sit, jus capiendæ hereditatis habeat. Qui autem ex civibus peregrinantur, hoc est, peregre degunt, extra patriam suam in peregrinis regionibus versantur, studiorum forte aut quæstus gratia, vel ut diversos hominum mores cognoscant, urbesve videant opulentas, cum hi ci- ves esse non desinant, nulla ratio est, cur non à suis domi hæredes institui possint, licet de facie testatori noti non sint. Cujacius legit *peregrinantes*, dictione divisa: quomodo in omnibus quoque libris manuscriptis legi testatur Hotomanus, quos quidem videre illi contigit; atque, cum ista lectione consentire & Theophilum; quo tamen nomine reprehenditur à Bachovio, quasi lectori imponat, cum etiam Theophilus habeat, *et si hæres institutus*. Verum si bona fide agit Bachovius, necesse est, valde oscitanter Theophilum ab eo inspectum esse: quippe cum Theophilus non proponat fratrem ipsum *et si hæres institutus*, hæredem institutum, sed liberos ex fratre, cum peregre ageret, procreatos. Multorum locorum legibus aut moribus nunc ita comparatum est, ut hæredis institutio ad substantiam testamenti non videatur necessaria, quo sensu hodie testamenta appellamus: nam & id testamentum dicitur, in quo relictis tantum legatis, nulla hæredis institutio facta est. Joan. de Castillo Sotomayor *tratt. de usufr. c. 60.* Quin etiam secundum quarundam civitatum leges ne locum quidem in testamentis habet hæredis institutio. Sic enim dicunt leges Parisiensem, Aurelianensem, Gandavensem, Contracensem, &c. quod tamen ita passim accipitur, ut si hæres institutus sit, pro legatario tantum is habeatur. D. Gudehn. lib. 2. de jur. Nov. c. 5. D. Chistin. vol. 1. decis. 247. num. 8. & decis. 305. num. 17. & seqq.

TITULUS DECIMUSQUINTUS.

DE VULGARI SUBSTITUTIONE.

Dig. Lib. 28. Tit. 6. C. Lib. 6. Tit. 25. & 26.

- 1 Ratio ordinis, simul quam varîe verbum substitutionis à nostris usurpetur?
- 2 Divisio substitutionis in directam & fideicommissariam; ac utriusque speciei explicatio.
- 3 Nomine substitutionis simpliciter posito, intelligi directam: quæ & perfectius definitur.
- 4 Vulgaræ divisiones substitutionis notantur: ostendunturque, commodissime eam dividi in duo genera dumtaxat.

5 Summa eorum, quæ hoc tit. explicantur.

Postquam ea omnia Princeps tradidit, quæ ad testamenta rectè ordinanda & hæredum institutionem pertinent, reliquum videbatur, ut proxi-

propterea disputaret, quibus modis testamenta recte ab initio ordinata postea infirmantur. Ceterum cum testatori permittitur sit, non tantum heredem testamento instituere, sed etiam in locum deficientis heredis instituti alios heredes substituere, ut primo gradu deficiente saltem ex secundo heredem testamentarium habeat; nonnunquam & cum sibi fecit, simul alii testamentum & heredem facere, hanc partem, quæ substitutiones continet, prius exequendam putavit. Quid in genere sit substitutio, vix commodè una generali definitione explicari potest: utuntur enim ea voce juris auctores non tantum cum loquuntur de institutione secundi heredis, verum etiam cum de secunda datione legati, l. 6. C. de legat. item cum agunt de fideicommissis tum hereditatis tum rerum singularium, ut videre est in l. coheredi. 41. §. 1. hoc tit. de vulg. & pupill. cum proponebatur. 64. l. cum pater. 77. §. pen. l. Titia. 87. §. 2. de legat. 2. l. heredes. 57. §. 1. & 2. ad Sen. Treb. l. 14. C. de fideic. l. 6. C. de insti. & subst. Atque hinc vulgo substitutio dividitur in directam & fideicommissariam. Directa est, quæ fit verbis directis & civilibus; vel heredem heredi substituendo, veluti, *Titius heres esto: Si Titius heres non erit, Sejus heres esto*; vel legatarium legatario; veluti, *Titio fundum Cornelianum do, lego: Si Titius fundum, quem ei legavi, non ceperit, eundem fundum Sejo do, lego. l. ult. heredibus. 90. de legat. 1.* Nam hæc quoque directa substitutio est, & ideo legatum agnoscere primo legatario evanescit, l. 6. C. de legat. Fideicommissaria est, quæ fit verbis precariis, cum scilicet testator vel heredem institutum rogat, ut hereditatem partemve hereditatis aut re aliquam alteri restituat, vel legatarium, aut fideicommissarium, ut restituant, quod eis relictum est. Fideicommissaria substitutionis mentio fit cum alibi, tum in locis istis omnibus, quos modo allegavi directæ, directis & civilibus verbis factæ, in l. 7. l. 15. hoc tit. l. 5. l. 7. C. de impub. & al. subst. l. 4. C. de fideicom. §. pen. inf. de codicill. Neque tamen vindicare velim hanc divisionem ut perfectam, accipiat saltem ut generis est, & eo pertineat, ut varium vocis usum, quem in iure habet, intelligamus. Illud equidem certum est, nomen substitutionis simpliciter positum in usu juris (sive propriè sive per excellentiam) solam denotare substitutionem directam, atque eam, quæ hæres heredi substituitur; unde passim videmus, substitutionem opponi fideicommissis, l. 6. §. Titius. §. ad Sen. Treb. l. iuvener. 39. §. 3. de adm. tut. l. cum pater. 77. §. volo. 13. de legat. 2. cum similibus, quorum etiam tractatio proprium locum atque hinc satis longè remotum occupavit circa finem huius libri; in Pand. lib. 36. cum de substitutionibus agatur lib. 28. Igitur, quod ad propositum attinet, si quaeratur, quid sit substitutio, ea sic licet definatur: Substitutio est secundo vel ulteriore gradu facta institutio; vel brevius & simplicius, est secundi heredis institutio, l. 1. Lex facta. 41. §. Luc. 2. in fin. hoc tit. Nam omnem substitutum veteres

secundum heredem vocant, licet longa serie substitutio facta sit, & quis tertio vel quarto vel ulteriore etiam gradu locove scriptus reperiat, habito scilicet respectu non ad ordinem scripturæ, sed successionis: & quia omnis substitutus collatus cum eo, cui substituitur, & ex cuius personæ relatione nomen substituti accipit, semper secundus est. Vulgo hæc ratio affertur, quia omnis institutio, quæ fit post primam & in locum primi heredis deficientis rectè dicatur secunda; quemadmodum secundæ nuptiæ dicuntur, quæcumque contrahuntur post primas. VINN. Non usquequaque vera est hæc Vinnii observatio. Qui enim substituti substitutis, si subinde vocati heredes tertii, quarti, quinti: non secundi. Hinc *testorum heredum* meminit Sueton. in *Claud. cap. 6.* HEIN. Species substitutionis alii plures, alii pauciores faciunt. Doctores communiter quinque, vulgarem, pupillarem, exemplarem, breviloquam, & compendiosam. Exemplarem vocant substitutionem mente capti: breviloquam, quam alii melius reciprocam, cum heredes instituti invicem substituuntur: compendiosam, quæ verborum hoc compendio, *Quandocumque decesseris, comprehendit plures substitutionum species, plures casus & tempora: veluti si pater ad eum modum substituerit filio impuberi, continebitur hic & vulgaris & pupillaris, & si forte filius mente captus sit, etiam exemplaris; postremo militaris quoque privilegiata, si miles sit, qui substituit, Gomez. 1. resol. 7. & 8. Grass. §. substitutio. q. 3. q. 51. & multis seqq. Sichard. in l. 8. C. hoc tit. Ant. Merend. 4. cons. 6. Duarenus autem ad hunc r. cap. 3. & Soar. ad Gomez. 1. resol. 3. ponunt hæc quatuor, vulgarem, pupillarem, quasi pupillarem, & militarem, reiectis breviloqua & compendiosa, ut modis substituendi, non speciebus substitutionis. Longè rectius nostro quidem iudicio Vigl. Myns. Horom. lib. Dattel. 6. com. 23. duas duntaxat species statuunt, vulgarem, & pupillarem, ad quarum alterutram formas omnes substituendi referunt, & species revocant. Etenim si genera substitutionum à casuum differentiis distinguenda sunt, plura poni non debent quam duo; sicut nec plures sunt casus, in quos fit substitutio, quam hi duo, unus, si institutus hæres non erit, qui casus primus dicitur, & est conditio vulgaris substitutionis, alter, si hæres erit, qui secundus, & proprius pupillaris, l. 4. l. Lucius. 25. h. ad l. 8. C. end. potestque substitutio exemplaris, quam vocant, *diaktylos* referri ad pupillarem, & commodiore nomine appellari quasi pupillaris, de qua agitur §. 1. r. seq. Compendiosa & reciproca diversæ substituendi formulas denotant conceptas semper in primum vel secundum aut utrumque casum. Quod autem miles si impuberi vel etiam extraneo in secundum quoque casum directæ substituere potest, abnormis atque ex privilegio est: neque ob id necesse est separatam speciem constituere. Ceterum nec hæc ipsi bipartita divisio alia est, quam generis homonymi: quippe sola vulgaris*

garis substitutio propriè substitutio est, pupillaris non tam substitutio, quàm institutio prima, utpote per quam substitutus non testatori succedit & gradu secundo, sed pupillo & gradu primo tamquam ab ipso primo loco institutus. Ant. Me-send. 4. cont. 6. n. 12. & 13. Obtinuit tamen, ut & hæc diceretur substitutio, quia secundo loco fieri debet post institutum patri hæredem, ut declarat Ulp. l. 2. in fin. hoc tit. five quia substitutio impuberis pars est & sequela testamenti paterni, §. liberis. 5. tit. seq. Hæc studiosis juris præmonstrare operæ duxi, ne doctorum scripta adeuntes in vestibulo hærent aut offenderent. Præsenti in titulo agitur de substitutione vulgari, paucis sanè & parcè pro materiæ amplitudine & subtilitate. Proponuntur primo formulæ five modi aliquot vulgariter substituendi; post aliquid aspergitur de effectu, ut sciamus quas in partes, nullis substitutionis adscriptis, substituci vocari intelligantur, & quatenus extendenda substitutio. Dicitur vulgaris à vulgari & usitato substituendi modo, vel quia vulgo & promiscuè omnibus hæredibus à quovis testatore fieri potest. Quid ea sit, jam pæne cognitum habemus, mox autem certius intelligetur exposito casu & vi conditionis huius substitutionis propriæ.

T E X T U S.

De pluribus gradibus hæredum.

Potest autem quis in testamento suo plures gradus hæredum facere; ut putat, si ille hæres non erit, ille hæres esto. Et deinceps in quantum velit testator, substituere potest: ut novissimo loco in subsidium vel servum necessarium hæredem instituere possit.

N O T Æ.

Substitutione] Substitutio est secundæ vel ulterioris hæredis institutio, l. 1. hoc tit. Est autem duplex, una vulgaris, quæ cuivis à quovis testatore fieri potest in hunc casum, si priore gradu institutus hæres non erit: altera pupillaris, quæ à parentibus fit liberis impuberibus, quos in potestate habent, in casum contrarium, si filius institutus hæres erit, & intra pubertatem decesserit: ad quam speciem etiam referri potest & illa mente capti, de qua §. 1. tit. seq. Fideicommissariæ substitutiones huc non pertinent; de quibus inf. tit. 23.

Novissimo loco in subsidium] Defunctorum interest, ut habeant successores, l. 6. de interr. in jur. fac.

C O M M E N T A R I U S.

- 1 Substitutionem in codicillis factam sustineri in vim fideicommissi.
- 2 Gradus hæredum non ex scripturæ ordine, sed ex successionis serie, quam testator fecit, assequi.
- 3 Conditionem hanc, si hæres non erit, consue-

& casum impotentia & voluntatis: & an uno horum expresso contineatur & aliter?

- 4 Conditionem, si hæres non erit, diversimodè accipi pro diversa qualitate hæredum & personæ instituti.
- 5 Summ hæredem, accepto vulgari substituto, esse necessario fieri voluntarium, salva tamen qualitate sui hæredis.
- 6 Substitutionem vulgarem in suo hærede non operari in casum impotentia, sed voluntatis & abstinentia.

In testamento] Rectè in testamento, ut & Mar-cian. l. potest. 36. cod. unde hæc descripta: nam in codicillis ut institui hæres non potest, ita nec substitui; siquidem & substitutio institutio est, & utroque modo hæreditas directo datur; quod in codicillis non licet. §. pen. inf. de codicill. l. quod per manus. 10. de jur. cod. Sciendum tamen est, etsi substitutio in codicillis facta non valeat jure directo, benigna tamen interpretatione sustineri in vim fideicommissi, quasi hæredes legitimi rogati videantur, hæreditatem substituto restituere. Sententia communis & usu recepta non doctorum tantum auctoritate, verum etiam legum, l. Scævola. 76. ad Sen. Trebell. l. illud. 13. §. 1. de jur. cod. l. ult. §. 1. C. cod. Atque hanc eandem etiam, eum in contrarium multa disputasset, amplectitur D. Viglius, & pro axioma quodam esse jubet, multarum questionum arbitror.

Plures gradus hæredum] Hoc est, plures hæredum ordines, ut alii scribantur primo, alii secundo, alii loco tertio, & ita deinceps, l. 2. §. deferretur. 4. de bon. poss. sic. tab. In qua dinumeratione non scripturæ ordo, sed successionis spectari debet; ut ecce, in hac formula, *Titius hæres esto, si Sejus hæres non erit. Sejus hæres esto.* Sejus, qui ordine scripturæ secundus est, gradu & ordine delata hæreditatis est primus, Titius secundus, ac promde substitutus. l. si ita. 28. de her. inst. l. 2. §. pen. & ult. hoc tit. Nec verò etiam cohæredis adjectio gradum facit, sed omnes cohæredes uno eodemque gradu habentur, & ideo simul ad successionem ex testamento adiunguntur, quemadmodum ad successionem ab intestato vocantur omnes, qui eodem gradu cognationis sunt. Ubi autem gradus à testatore facti sunt, tum scripti impediuntur simul hæredes esse, l. cum in testamento. 37. de her. inst. nec substituto locus est, quamdiu admitti potest prior hæres institutus, l. 3. l. quamdiu. 69. de acq. her. idque omnino postulat ordo graduum pro affectu erga hæredes à testatore descriptus, apud quem ut priore amoris gradu institutos esse apparet, quàm substitutos, ita dubium non est, quin ad illos malit, quàm ad hos hæreditatem suam pervenire.

Si hæres non erit] Hic casus primus dicitur, & est conditio vulgaris substitutionis propria. Non semper autem hic casus plena oratione exprimitur, ut fit hoc loco; sed sæpe uno verbo substituendi significatur, ut si testator ita dicat, *Titius hæres esto*; aut pluribus institutis ita, *res-*

que invicem substituo. Casus autem iste, *Si heres non erit*, generalis est, continens in se & casum voluntatis, ut loquantur, *si heres esse nolit*; & impotentia *si non potueris heres esse*. *fac. l. si quis. 56. sol. matr.* Uterque casus speciatim exprimitur *l. 3. C. de her. inst.* Sub casu impotentia iterum sunt inferiores & veluti species infimæ veluti, *si mortuus sit*, *si decesserit*. Quorum omnium cum sit diversa ratio, non facile admittendum est, quod ex communi DD. sententia Gomez. 1. var. resol. 3. n. 10. refert & probat, uno casu speciali expresso, aut voluntatis duntaxat, aut impotentia, alterum interpretatione supplendum esse; & perinde habendum, ac si uterque expressus esset: & manifestè obstat huic sententia *lib. 10. de lib. & post.* Sanè non dixerim, eum, qui expressè & specialiter substitutus est in casum deportationis hæredis instituti, intelligi debere etiam substitutum in casum mortis. Quod autem in institutione nepotis Aquiliani casus mortis per interpretationem produciatur ad casum deportationis & similia, mirum non est: quoniam omnium ex sententia Galli eadem ratio est, *l. Gallus. 29. §. & quid. 5. d. 116.* Idemque responderi potest de substitutione facta impuberi filio, in qua placet casum primum seu vulgarem expressum extendi etiam ad alterum seu pupillarem non expressum; & conerà: nimirum sumptum hoc ex conjectura voluntatis, ut pluribus docebimus *tit. seq.* quamquam non tam prudentum interpretatio hoc jus introduxit, quam specialis constitutio D. Marci *l. 4. hoc tit. add. Cujac. ad d. l. 10. de lib. & post. Duar. c. 9. hoc tit.* Porro conditio hæc, *Si heres non erit*, pro diversa qualitate hæredum personarum institui & ipsa diversimodè accipitur. In extraneo hærede, qui sui juris sit, hoc significat, si neque sui hæreditatem acquisierit, neque alium mutata conditione hæredem fecerit. In ejusdem qualitatis hærede, qui alieno juri subjectus est eodem sermone hoc significatur, si neque ipse heres erit, neque hæreditatem ei, cujus in potestate est, acquisierit, *§. ult. inf. eod.* ubi hac de re latius atque ex professo. In suo hærede eadem formula hoc significat, si se paterna hæreditate abstinerit, si cum effectu hæres non existerit, eo quod se bonis paternis immiscere noluerit. Nam etsi suus hæres ipso jure hæres existit, & ideo non esse sine hærede dicitur, qui suum hæredem, licet se abstinentem, habet, *l. cum quasi. 30. §. sed & si 30. de fideicom. liberi.* cujus rei notabilis effectus indicatur in specie *l. ult. de acq. her.* tamen cum de excludendo substituto quæritur, & vi atque interpretatione horum verborum, *Si filius mihi heres non erit*; ex voluntate substituentis, quam jus civile hic sequitur & approbat, non nuda ista existentia, sed immixtio filii cum aditione hæredis extranei comparanda est; alioqui ne substitui quidem filio in istum casum posset: nam si nullo modo efficere filius potest, ut non sit hæres, frustra ei substitutus datur in eum casum, quo hæres non sit, quo procul dubio continetur etiam casus voluntatis. Ac dicendum omnino videtur

suum hæredem, qui in vulgarem casum substitutum accepit, ex necessario hærede fieri voluntarium, & id quidem ex ratione ipsius juris civilis, quo scilicet patri permittitur necessitatem istam ut in suum solius favorem introductam remittere, & quam etiam tacite remisisse intelligatur, dato filio in vulgarem casum substituto, ut quod alias filius non habuisset nisi jure prætorio, abstinendi nimirum licentiam, id nunc habeat jure proprio acceptum à patre, ac proinde ex jure civili; per *l. 11. de cond. inst. l. jam dubitari. 86. de her. inst.* Doctores vulgo contendunt, per vulgarem substitutionem in totum tolli jus suitaris, *arg. d. l. 12. & l. 18. de lib. & post. Grass. §. substitutio. quest. 9. num. 3.* sed hoc nullo modo admitti potest; alioqui nec in pupillari substitutione expressa unquam inesse posset vulgaris, nec in vulgari pupillaris; & transmissio, quæ solius suitaris ante legem Theodosii effectus erat, per vulgarem substitutionem eo tempore fuisset impedita; quæ omnia falsa sunt, priora duo manifestè, tertium *arg. l. un. §. 5. & §. cum autem. 13. C. de cad. toll.* ubi Justinianus demum substitutum vult admitti, cum desint personæ, quæ hæreditatem non aditam transmittunt ex lege Theodosii, quæ unica est sub *tit. C. de his qui ante ap. tab. her. transm.* nimirum jus transmittendi, quod soli antea sui hæredes & simpliciter habebant, etiam in casu substituti extendens ad personas d. lege Theodosii comprehensas. Et verò, quod omnino considerandum, in persona sui hæredis duæ hæ sunt qualitates diversæ, necessarium esse, & suum esse, quarum hac salva, aut saltem vulnerata tantum, illa tolli potest, uti factum videmus edicto prætoris, quo manente suitate data est abstinendi potestas. Concludendum ergo, substitutionem vulgarem in suo hærede non operari in casum & speciem impotentia, sed in casum voluntatis & abstinentia duntaxat; utique si filius patri superstes fuerit: nam si is vivo adhuc patre decesserit, nullis liberis relictis, qui quasi agnascendo testamentum rumpant; dubium non est, quin substitutioni locus sit. *Zaf. tract. subst. cap. 1. in quarto effectu. Gomez. 1. resol. 3. n. 15. 16. & 24. Bachov. in Tract. vol. disp. 11. thes. 7. Christ. vol. 5. decis. 16. num. 4. D. Jo. à Sande lib. 4. tit. 3.* Illud quoque mihi planè persuadeo, abstinente filio suo hærede, substitutum hæredem fieri jure civili, hoc est, directo ex substitutione venire, & hæreditatem adire posse ex vi formulæ, *Si filius mihi heres non erit, Sempronius heres esto*; quamvis hoc non placeat Anton. Fabro, qui substitutum non ipso jure hæredem fieri, sed à prætore tantum ad bona admitti contendit, *decad. 32. err. 7.*

Novissimo loco servum necessarium] Qui omnino legitimas successiones impedire atque in omnem casum sibi vult prospicere, ne intestati exitum faciat; is poterit in defectum priorum servum suum postremo loco instituere hæredem necessarium, quod illi quoque facere solent, quibus facultates suæ suspectæ sunt, ut auctionis infæ-

famiam, quam metuunt deficientibus voluntariis hæredibus, modis omnibus à se avertant, & quod in alios non potuerunt, in servos tandem transferant, §. 1. *infr. de hæ. qual.* Quid si servus non loco novissimo, sed intermedio substitutus sit, aur ipsi primo instituto substitutus datus? Putarem contra Viglium cum Jo. Fabro, defendi posse, dominum videri servo remisisse ad eundi necessitatem, dando ei substitutum in eum casum, quo hæres non esset, utique si substitutus hæreditatem adire paratus sit, *arg. l. 12. de cond. inst.*

T E X T U S.

De numero hæredum in singulis gradibus.

1. *Et plures in unius locum possunt substitui, vel unus in plurimum, vel singuli in singulorum, vel invicem ipsi, qui hæredes instituti sunt.*

C O M M E N T A R I U S.

Complures sunt formæ substituendi. Substituuntur vel extranei, vel ipsi hæredes instituti. Prior species variatur quatuor modis; nam & singuli singulis, & plures pluribus, & plures uni, & pluribus unus substitui potest. Secundus modus hoc loco, & apud Marcianum, *l. potest. 36. §. 1. eod.* omisus est forte de industria, quia eadem illius quæ primi ratio est. Illud autem in his omnibus tenendum, ut substitutis locus fiat, necesse esse, ut antea primo gradu instituti defecerint, quocumque casu ex superioribus modis substitutio facta proponatur; hoc enim perpetuo exigit natura & ratio substitutionis, adeo ut nulla etiam videatur esse causa dubitandi, ne in postremo quidem casu, ubi unus pluribus substitutus sit. Nam qui ita loquitur, *Octavius & Nonius hæredes sunt, si non erunt, Decius esto*; is utique aperte significat, se velle, institutos & ambos & singulos substituto præferri, atque hunc non aliter admitti, quàm si neuter illorum hæres fuerit; quod ipsum disertè quoque traditum est *l. 4. C. de monu. & al. subst.* Quare vix est, ut credam, apud veteres juris auctores de eo dubitatum fuisse, quamvis id persuasum fuerit Justiniano, *l. pen. C. d. tit.*

Vel invicem ipsi *l. cum testamento. 37. §. 1. de hæ. inst.* Hæc est substitutio, quam Modestinus reciprocam vocat, *l. 4. §. 1. hoc tit.* Papinianus mutuat, *l. cum proponebatur. 64. de legat. 2.* exemplum extat apud Suetonium in *Tiberio c. ult.* Doctores vulgo appellant breviloquam vocabulo non satis rei conveniente; neque enim ex verborum brevitate attimatur, sed ex reciprocatione formulæ, quam nihil prohibet longiore oratione concipere, ut fecit Theophilus, & notavit D. Viglius. Modus autem substituendi est, non species substitutionis, ut superius diximus, & pupillari quoque convenit, *d. l. 4. §. 1. hoc tit.*

T E X T U S.

Quam partem singuli substituti accipiant, si partes in substitutione expressæ non sint.

2. *Et si ex disparibus partibus hæredes scriptos invicem substituerit, & nullam mentionem partium in substitutione habuerit, eas videtur in substitutione partes dedisse, quas in institutione expressit: & ita divus Pius rescripsit.*

N O T A.

2. *Ex disparibus partibus* Species: *Octavius ex uncia hæres esto, Nonius ex besse, Decius ex quadrante; eosque invicem substituo.* Hic repudiante Decio, dividetur quadrans in novem partes, ex quibus octo feret Nonius, unam Octavius. *l. 24. eod.* Male exemplum posuit Th. in duobus hæredibus invicem substitutis; verum tamen est quod dicit, & male carpitur à Pac.

D. Pius rescripsit *l. 1. Cod. eod.* congruunt *l. 5. & d. l. 24. D. eod.*

C O M M E N T A R I U S.

1. *Hæredes ex imparibus partibus institutos, atque invicem simpliciter substitutos ex substitutione in partes hæreditarias vocatos intelligi: & quomodo hæc regula semperanda* *l. n. 2.*

Pluribus hæredibus etiam ex certis partibus institutis, si unus simpliciter substitutus fuerit, hic illis deficientibus totum assem ex substitutione feret: si plures pluribus eodem modo substitutis, singuli ex partibus æqualibus hæredes erunt, licet inæquales adscriptæ sint institutis, quippe cum hic discerni non possit, quis cui substitutus sit. At si singuli singulis, tum eam quisque partem habebit, quæ adscripta primo, cui substitutus est. Dubium quoque non habet, si testator hæredes institutos mutuo substituens in substitutione easdem partes nominatim servari voluit, quas in institutione expressit, aut si alias partes in substitutione fecit, quin voluntas servanda sit. Sed hoc quaesitum est in substitutione reciproca, si testator hæredes ex imparibus partibus institutos invicem simpliciter substituerit hoc est, nullarum in substitutione partium mentione facta, utrum in partes viriles, an in hæreditarias ex substitutione vocati intelligi debeant. Et D. Pius voluntatem testatoris in hac substitutione sic interpretatus est, ut videatur testator eos vocasse in porciones hæreditarias, hoc est, ex iisdem partibus substituisse, ex quibus instituti sunt, *l. 5. d. si plures. 24. hoc tit. l. 1. C. eod. & hoc text.* Optima sanè ratio: neque enim verisimile est, testatorem plures eos fecisse in gradu secundo, quàm in primo; cum substitueret, quàm cum institueret: ut proinde partes, quæ in institutione expressæ sunt, repetitæ videri debeant in substitutione; qua

qua eadem ratione etiam legata ab institutis relicta & substitutis repetita esse intelliguntur, *L. lices Imp. 74. de legat. 1. & clausula quoque siue conditio in institutione appositae in substitutione repetita, utique si eadem sit, aut par utrobique ratio, arg. l. 14. de legat. 1. l. 1. C. de impub. & al. sub. Ant. Fab. C. sua. sis. 7. defin. 3. Christin. vol. 4. decis. 13. n. 7.*

Invicem substitueris] In duobus heredibus invicem substitutis huic quaestioni locus esse non potest: siquidem uno ex duobus deficiente, alterum semper, quod reliquum est habere oportet, & in solidum heredem fieri. Sed minimum tres institutos eosque invicem substitutos ponamus necesse est; verbi causa, uti Ulpianus speciem proponit, *d. l. 24. hoc sit*, si unus ex uncia, secundus ex besse, tertius ex quadrante sit institutus, repudiante tertio in novem partes dividetur quadrans, feretque octo partes, qui ex besse institutus est, unam partem, qui scriptus ex uncia. Manifestum igitur est, male omnino Theophilum hunc locum interpretatum esse, dum in duobus institutis invicemque substitutis exemplum posuit.

Quas in institutione expressit] *Vlp. d. l. 24. hoc sic temperat, nisi alia mens fuerit testatoris.* Quibus verbis interpretes denotari & excipi putant etiam casum, quo non simpliciter & tribus verbis omnes invicem substituuntur, aut quidam sub appellatione heredum alicui ex cohæredibus, puta hoc modo, *Si Titius heres non erit, quisquis erit, ex parte quoque Titii esto, aut, Ceteri, quos primo loco scripsi, sunt*: sed repetitis in substitutione propriis singulorum nominibus, veluti hoc modo, *Titius ex quincunce, Mævius ex triente, Sempronius ex quadrante heredes sunt. Si Titius heres non erit, Mævius & Sempronius ex parte quoque Titii heredes sunt.* Hic secundum communem sententiam Mævius & Sempronius in portione deficientis Titii viriles, hoc est æquales non hereditarias partes habebunt: idque ex non obscura voluntate testatoris, qui in substitutione propria cujuscunque nomina repetens, jam non ad partes in institutione datas, sed ad personas & numerum substitutorum substitutionem retulisse dicendus sit, *arg. l. nonnumquam. 25. ad sen. Treb. l. si heredes. 124. de legat. 1. l. si communis. 37. de stip. serv.* Atque hanc sententiam etiam D. Viglius probat, ac præceptoris suo D. Francisco Curtio, cui ea displicebat, propterea quod Jurisconsultus in *d. l. 24. hoc sit*, requirit voluntatem evidenter expressam, respondet, expressionem propriorum nominum ex interpretatione prudentium vim expressæ voluntatis in hujusmodi quaestionibus habere. Idem probandum est, si testator æquale onus substitutis imposuit, per *l. quosiens. 23. ad sen. Treb. Gloss. in l. 1. C. de imp. & al. sub. Gomez. l. res. 5. n. 20. D. Tulden. comm. hic. cap. 1. Christin. vol. 4. decis. 13. n. 7.*

Papinianus in l. si sit.

TEXTUS.

Si cohæredi substituto alius substituat.

3. *Sed si instituto heredi, cohærede substituto dato, alius ei substitutus fuerit, Divi Severus & Antoninus sine distinctione rescripserunt, ad utramque partem substitutum admitti.*

NOTÆ.

3. *Sed si instituto heredi*] Species: *Primus & Secundus heredes sunt*: Si P. heres non erit, S. heres esto: si S. heres non erit, Tercius heres esto. Verius est, in utramque partem hic Textum substitutum esse, *l. 27. l. 41. eod. ex quo jure hæc regula fiat: Substitutus substituto intelligatur etiam substitutus instituto.*

Sine distinctione] Id est sine distinctione mortis & scripturæ, ut nihil intersit, prior substitutus post institutum, an ante decesserit; nihil quoque utrum ante primam substitutionem secunda facta sit, an postea hoc modo: *Primus & Sec. heredes sunt*: si S. heres non erit, Tercius heres esto. Si P. heres non erit, S. heres esto, *l. 41. pr. eod.*

COMMENTARIUS.

1. *An in specie hic proposita utraque pars defuncta jure substitutionis ad sec. substitutum pertineat?*

2. *Scævola cum Papiniano conciliatur.*

SI paterfamilias Titio & Mævio heredibus institutis, Titium Mævio sine reciprocatione substituerit, & Titio Sempronium, certum est, deficientis Titii partem non accrescere Mævio cohæredi Titii, sed ad Sempronium jure substitutionis pertinere: quippe cum verba illa, *Si Titius heres non erit*, generalia sint, & utrumque casum complectantur siue heres non erit ex institutione, siue non erit ex substitutione. Cæterum hæc species huc non pertinet. Et male Hotomannus tali exemplo usus est ad hujus loci declarationem. Hic enim non tantum quaeritur de parte ejus, qui cohæredi suo substitutus alium substitutum accepit, sed etiam de parte cohæredis, cui ille alius expressè substitutus non est, & nimirum si uterque defecerit, an pars utriusque ad illum uni tantum substitutum jure substitutionis pertineat. Quod hic affirmatur, & in *l. si Titius. 27. l. cohæredi. 4. in pr. hoc sit*. Ex hoc igitur jure hæc regula fiat: *Substitutus substituto intelligatur etiam substitutus instituto.*

Sine distinctione ad utramque partem] Si scilicet neuter heres extiterit. Videamus primum de partibus: deinde explicabimus, quid illud sit, quod ait, sine distinctione. De partibus dubitari poterat, non an ambæ ad substitutum pertineant, sed an pertineant jure substitutionis tamquam ad substitutum utrique. Nam si, verbi causa, Mævius, cui Titius cohæres & substitutus datus est, ante Titium defecerit, Sempronius Titio substitutus

C c de fi-

deficiente deinde Titio, ad utramque quidem partem sine dubio admittitur, sed ideo ad partem quoque Mævii dixerit aliquis, non quod huic quoque substitutus intelligatur; sed quia vel deficientis Mævii pars Titio cohæredi, cui Sempronius substitutus jam prius accrevit, vel quia nunc ipsi accrescit Sempronio. Verum prius illud nullo modo dici potest, quia deficientium portiones non accrescunt aliis, quam qui ex sua parte hæredes extiterunt, *l. un. §. his ita. 10. C. de cad. toll.* unde portio portioni accrescere dicitur instar alluvionis, *l. si Titio. 33. in fin. de usufruct.* Quod si Titium hæredem exstitisse ponimus, expiravit substitutio, *l. §. C. de impub. & al. subst.* Posterius teste Viglio visum est nonnullis veterum interpretum, ut Dyno, Jo. Fabro, atque ex recentioribus Lancelloto Polito, qui, etsi dicatur Sempronius in utramque partem in specie propo- sita substitutus, neutrquam tamen dici posse contendi, revera substitutum esse Mævio. Sed merito DD. communiter, quos & Viglius sequitur, hoc improbant. Quæ enim potest esse dubitandi ratio, si dicamus, partem Mævii accrescere Sempronio, cui etiam accresceret, etsi Titius Mævio substitutus non esset? Et igitur aut frustra & ineptè talis casus proponitur, quo Titius cohæredi substitutus est, aut hoc operabitur substitutio Titii, ut Titio substitutus etiam ei, cui Titius substitutus est, tacitè substitutus esse intelligi debeat. Atque hoc ipsum satis apertè docet hoc loco Justinianus, cum ait, substitutum ad utramque partem admitti; admitti videlicet eodem jure atque ex substitutione, de qua sola hic disputatur, & quia, ut disertè ait Jurisconsultus in *d. l. 27. hoc tit.* in utramque partem substitutus intelligitur. Sed quid refert, ex substitutione an jure accrescendi dicamus portionem etiam Mævii Sempronio deferri? Nihil quidem admodum in casu proposito. Sed finge, præter Titium & Mævium, Cajum quoque hæredem institutum, hic jam Sempronio proderit, jure substitutionis deferri portionem Mævii, ut excludat Cajum, quem non excluderet in jure accrescendi. Illud non animadverto, quomodo huc applicari possit, quod præterea Bachovius notat, jus accrescendi sequi hæredem ejus, qui portionem suam agnovit, quantumvis ante decesserit, quam ipsi quicquam accresceret; substitutionem autem ad hæredem non transmitti, *l. 9. de suis & leg. l. cotiens. 81. de acq. her.* Quid autem illud est, quod ait Imp. *2. jure distinctione admitti?* Nimirum hoc explicandum ex responso Papiniani, *l. cohæredi. 41. in pr. hoc tit.* Primum nihil interesse ratione ordinis scripturæ, utrum ante primam substitutionem secunda facta sit, an postea, veluti in hoc exemplo, *Titius & Mævius hæredes sunt: si Titius non erit, Sempronius esto; si Mævius non erit, Titius esto.* Secundo nihil interesse, utrum prior substitutus post institutum, an ante decesserit. Sed hic Papiniano objicitur Scævola, *l. qui habebat. 47. cod. Species*, quam ibi Scævola proponit, est hujusmodi; qui filium & filiam impuberes habebat,

instituto filio hærede filiam exhæredavit; & si filius intra pubertatem decessisset, filiam eidem substituit: filia, si, antequam nuberet, decessisset, uxorem suam, item sororem. Et respondet, si filia impubes prior decesserit, deinde frater ejus impubes, hæreditatem filii ad uxorem & sororem testatoris jure substitutionis non pertinere. Accursius, quem bona pars DD. sequitur ait, Scævola sic respondisse, quia in casu illic proposito secunda substitutio jam extincta erat pubertate filia; sic enim ille locum legit: *cum filia pubes prior decesserit*. Et quia sciebat, apud alios legi *impubes*, (quomodo textus quoque Pisanus & Noricus habent) notat, *olim impubes, nunc pubes*. Sed in tali casu non debebat Jurisconsultus distinguere, cum nec si post institutum substitutus jam pubes & hæres factus decesserit, ex secunda substitutione quisquam admitti possit. Bachovius putat in pupillari substitutione diversum jus esse, aut saltem in specie, *d. l. 47.* ubi pupillo non cohæres substituitur, sed filia exhæredata, eandem voluntatis interpretationem non admitti, ut scilicet substituti substitutæ videantur etiam substituti instituto. Atque idem adhuc dicendum videtur favore pupilli, ad cujus utilitatem pertinere creditur, ut substitutum habeat, *l. Julianus. 42. de acq. her.* Deinde si in pupillari substitutione alio jure utebantur, cur non simpliciter Jurisconsultus respondet, hæreditatem instituti jure substitutionis ex secunda substitutione non deferri? Nisi compositorum socordia adscribendum, quod responsum Scævola in Pandectas retulerint, cum rescripto Imp. Severi & Antonini distinctio illa, qua Scævola utitur, sublata esset, mallem cum Viglio dicere, Imperatorum rescriptum loqui de duabus partibus unius hæreditatis, Scævola respondisse de duabus hæreditatibus, ad quas rescriptum illud temere producendum non sit, sed in quibus vetus distinctio adhuc obtineat, utrum prior substitutus ante, an post institutum decesserit.

T E X T U S.

Si quis servo, qui liber existimabatur, instituto substitutus fuerit.

4. Si servum alienum quis patrem familias arbitratus hæredem scripserit; & si hæres non esset, Mævium ei substituerit; isque servus jussu domini adierit hæreditatem, Mævius substitutus in partem admittitur. Illa enim verba, Si hæres non erit, in eo quidem, quem alieno juri subjectum esse testator scit, sic accipiuntur: Si neque ipse hæres erit, neque alium hæredem effecerit: in eo vero, quem patrem familias arbitratur, illud significant, si hæreditatem sibi velei, cujus juri postea subjectus esse cœperit, non acquirerit. Idque Tiberius Caesar in persona Parthenii servi sui constituit.

No

NOTÆ.

In partem admittitur] *Th. n. serv. substitut.*, rectè pars enim *in* posita dimidiam significat, *l. 43. de usufr. l. 164. §. 1. de verb. sign.* In specie *d. l. 40.* Sempronius cohæres servo substitutus fuit: & ideo unum semissem Sempronius habet ex institutione, alter semis inter eum & dominum servi instituti dividitur: add. quæ ibi not. Gothofr.

Subiectum esse testator scis] Et hoc casu in totum excluderetur substitutus, *l. 7. de acq. her.* sed in proposito propter falsam opinionem & incertitudinem voluntatis testatoris, media via electa est, ut alias sæpe.

Tiberius Casar] Pompon. *l. 41. de her. inst.*

COMMENTARIUS.

- 1 Si filiusfam. hæres institutus sit, eique, si hæres non esset, substitutus datus, utrum repudiante filio, pater, an substitutus admittendus?
- 2 Pleraque alie quæstiones, quæ hic tractari solita, obiter excussa & definitæ.
- 3 Verum in casu hic proposito inter dominum instituti & substitutum hæreditas ex æquo dividenda, an sit, ut ille dodrantem, hic quadrantem dominæ ferat?

IN explicatione præ huius tit. diximus, hæc verba, *Si hæres non eris*, in persona patrisfamil. significare, si nec ipse hæres erit, nec alium hæredem mutata postea conditione fecerit. In eo, qui alieno juri subiectus est, eodem sermone hoc significari, si vel ipse hæres non erit, vel ei, cuius juri subiectus est, hæreditatem non acquisierit. Et igitur si paterfam. hæres institutus in eum casum substitutum accepit, *Si hæres non eris*, isque vel in eodem statu manens sibi hæreditatem acquisierit, vel mutata ante testatoris mortem conditione, servus aut filiusfam. factus, dominum aut patrem hæredem fecerit, in solidum excludetur substitutus. Similiter si servus aut filiusfam. hæres instituti & in casum, quo hæres non erunt, substitutum acceperint, & aut ipsi mutata conditione ante mortem testatoris sibi hæreditatem acquisierint, aut in eo statu manentes dominum aut patrem hæres fecerint, substitutus eodem in totum repellitur, *l. si paterfam. 40. de her. inst. l. 7. de acq. her. l. 5. c. de imp. & al. subst. & hoc text.* Cæterum hoc ita, si testator non ignorabat, eum, quem hæredem instituit, in aliena esse potestate: nam si patremfam. esse putabat, qui servus alienus erat, hic propter falsam opinionem & incertitudinem voluntatis testatoris media via electa est, ut substitutus cum domino servi in partem admittatur, *d. l. 40. & seq. de her. inst. & hoc §.* Nam ex ratione juris dominus solus admittendus videbatur, cum magis sequendum id, quod in veritate est, quam quod in opinione. Pro substituto autem facit præsumpta voluntas testatoris, qui non videtur domino confutere voluisse eum hæredem instituens, quem ignorabat dominum habere. Quæsitum est, si

filiusfam. hæres institutus, eique hac conditione, si hæres non foret, substitutus datus sit, utrum repudiante filio, pater, an substitutus admittendus. Duarenus in *comm. ad hunc tit. c. 10.* pro patre respondet: Viglius ad hunc §. pro substituto. Ego cum Viglio censeo, substitutum patri præferendum, quippe cum ille ex manifesto iudicio testatoris veniat, hic non item: tum etiam, quia repudiante filio, existit conditio substitutionis, quæ in extraneo hærede instituto, qui alieno juri subiectus est, hunc sensum habet, si neque ipse hæres erit, neque eum, cuius in potestate est, hæredem fecerit, quorum neutrum sit in proposito, *l. 1. c. de her. inst.* Ad hæc si cohæres filio datus repudiante filio patrem excludit, quanto magis substitutus? Constat enim, jus substitutionis potentius esse jure accrescendi, *l. 2. §. si duo. 8. de bon. poss. sec. tab.* In contrarium movetur Duarenus his rationibus. Primum quia Justinianus, *l. ult. §. 2. c. de bon. que lib.* filio repudiante, jus adeundi patri concedit, perinde ac si ipse institutus esset. Sed respondemus, constitutionem istam ut exorbitantem cancellis suis continendam, neque extendendam esse in præjudicium ejus, qui venit ex testatoris expresse iudicio, substituti videlicet: quem utique magis testator dilexit, quam patrem, cuius contemplatione institutio facta non præsumitur, sed amore filii duntaxat. Conservare quodammodo voluntatem defuncti voluit Justinianus, non evertere; & vulgatum est, provisionem hominis facere, ut cesset provisio legis; adeoque non dubito, quin etsi cohæres filio pater datus esset, nihilominus tamen, filio repudiante, & substituto excluderetur, *d. l. 2. §. si duo. 8. sec. tab.* Aliud argumentum ducit Duar. à conditione substitutionis, quam putat non minus repudiante, quam adente filio deficere, propterea quod repudiatione sua patrem hæredem faciat, *arg. d. l. ult. §. 2. c. de bon. que lib.* junct. *l. si paterfam. 40. de her. inst. & hoc nostr. §.* Verum in hoc manifestè errat: nam etsi per occasionem repudiationis filii pater hoc consequitur, ut ipse hæreditatem filio delatam adire possit; non tamen hoc consequitur per filium, sed beneficio legis, quod cenare debet, ubi testator ipse alium hæredem sufficit. Per filium ergo, qui repudiavit, pater hæres non fit, sed sua ipsius aditione, ex persona propria vi constitutionis Justinianæ, quæ eum habet pro instituto, ubi scilicet alius à testatore non vocatur: nam voluntatem testatoris modis omnibus factam ac testam leges omnes conservant. Non aliter autem dominus aut pater per servum aut filium hæres existere possunt, aut hi illos hæres facere, quam adeundo: repudiando autem nequaquam, *l. 7. de acq. her. l. 3. c. de her. inst. & hoc text.* & alioqui etiam quivis hæres institutus hæreditatem recusans adire dici posset eos, qui ab intestato veniunt hæres facere, & cohæres cohæredem; atque ita fieret, ut fere semper excluderetur substitutus contra manifestam voluntatem testatoris. Nec movere debet quod Ulpian. respondet, filium repudiando patri non nocere,

l. 13. §. 3. de acq. her. Hoc enim non eam sententiam habet, filio repudiante patrem nihilominus per eum heredem fieri; sed repudiationem filii non obstare, quominus filius jubente postea patre adhuc adeat. Postremo hoc modo argumentatur Duarenus. Si pater & filius una eademque persona censentur, *l. ult. c. de imp. & al. subst.* nihil referre debet, utrum filius ipse hæres institutus, an pater hæreditatem adeat. Sed non animadvertit, hoc argumentum in se retorqueri posse, hoc modo: Si pater & filius una persona censentur, filio per repudiationem ab hæreditate remoto, etiam pater ejus remotus intelligi debet. Verum hujusmodi fictionibus juris non est abutendum ad evertendas voluntates defunctorum, quæ in testamentis totum faciunt, *l. ex facto. §. 5. rerum. 3. de her. inst.* Ita cum Viglio sentiunt & Salicet. *in d. l. ult. c. de bon. que lib. Polit. de vulg. subst. Fachin. 4. cont. 63. Ant. Fab. decis. 33. err. 7. Don. 6. comm. 24. Bachov. in Treutl. vol. 2. disp. 1. thes. 7. dissentiunt cum Duar. Bart. in l. 1. hoc tit. Gloss. Cyn. Castr. in d. l. ult. Merend. 4. cont. 8. Grass. §. substitutio. qu. 9. num. 4.* Solent & alix quæstiones hoc loco agitari, quas obiret excutiemus, nam instituti ratio non patitur, ut singula exequamur accuratè. Prima est, utrum indigno aliquo hærede instituto, eique substituto dato in casum, quo hæres non erit, fiscus potior sit, an substitutus, hoc est, utrum in proposito fiscus hæreditatem indigno auferat, an locus sit substituto? Ego cum Duar. *d. cap. 10. & DD. comm. Grass. d. qu. 9. n. 8.* pro fisco contra substitutum responderem, per text. in *l. cum quidam. 12. & jus regulare 1. tit. de his que ut indign. neque poena instituti hæredis debet esse præmium substituti, ut generaliter definit Papinian. l. si sequens. 15. de Senat. Silan.* Non idem juris est in institutione planè incapacis, puta deportati, nam talis institutio cum pro non scripta habeatur, *l. 1. c. de her. inst.* testamentum à substitutione exordium capiet, *arg. l. 3. §. uli. de lib. & post.* Alia quæstio est, ut præferendus, substitutusne, an is, in quem extra causam substitutionis hæreditas non adita transmittitur. Jure veteri sui hæredes potestate nudæ existentie hæreditatem trans mittebant in hæredes quoscunque, *l. 3. c. de jur. del. l. 8. c. de suis & leg. her.* Ex constitutione Theodosii liberi omnes delatam sibi à parentibus hæreditatem transmittunt ad descendentes suos, *l. un. c. de his qui ant. apert. tab.* Est item & tertium genus transmissariorum, in quos non hæreditas, sed jus deliberandi transfertur ex lege Justiniani, *l. cum in antiquioribus. 19. c. de jur. del.* Pro triplici ergo hac transmissariorum differentia primo quaeritur, si suus hæres, qui in casum, quo hæres non foret, substitutum accepit, antequam se bonis parentis immiscuisset aut abstinuisse, mortuus sit, utrum vi solius existentie hæreditatem transmittat ad successores suos, an admittendus potius substitutus. Et communis quidem sententia est, substitutum admittendum excluso transmissario sive hærede instituti, quoniam substitutio vulgaris perimat jus suicitatis.

Sed hoc perspicue falsum est, ut ostendimus *supra in nos. sub fin. pr. eod.* ubi plenissime probavimus, jus suicitatis in proposito salvam manere, licet necessitas remissa intelligatur, neque substitutionem vulgarem in suo hærede operari in casum impotentie, sed abstinentie dumtaxat. Insignis verò error est Jo. Deckheri *lib. 1. Dissert. 14. n. 43.* assertantis, ideo per vulgarem substitutionem tolli transmissionem, quæ ex jure suicitatis est, quia suus hæres institutus non aliter ex testamento hæres sit, quàm si se immisceat. Notissimi enim juris est, suos hæredes tam ex testamento, quàm ab intestato statim acque ipsi jure hæredes existere, *§. 2. inf. de her. qual. l. 1. §. qui sunt. 7. si quis omiff. ca. sess. l. 3. c. de jur. delib.* vid. Ant. Fab. *dec. 34. err. 4.* Secundo, utrum substitutio potior, an transmissio ex constitutione Theodosii, *d. l. un. c. de his qui ant. ap. tab.* Hic item pro transmissario contra substitutum responderem per *l. un. c. cum autem. 13. c. de cad. toll.* ubi jus transmittendi, quod ante sui hæredes soli & simpliciter habebant, etiam in casu substitutionis Justinianus diserte extendit ad personas lege Theodosiana comprehensas. Duar. *d. c. 10. Ant. Fab. d. err. 4.* estque hæc sententia etiam communiter recepta. Grass. *d. quæst. 9. num. 3.* neque Jo. Deckcherus, *ubi supra.* quicquam assert, quod me in contrarium trahat. Tertio, utrum transmissio juris deliberandi ex lege Justiniani *d. l. cum in antiquioribus. 19. c. de jur. del.* excludat substitutionem, an hæc illam. Hic ego pro substituto responderem contra transmissarium Justinianum, cum Salic. *in d. leg. 19. Ant. Rip. in l. 1. hoc tit. Zaf. tract. subst. cap. 1. in tertio eff. ver. tertiz species.* Polit. *de vulg. subst. num. 9. & seqq.* Anton. Fab. *d. decis. err. 5. Deckher. d. dissert. num. 44.* neque enim nova & exorbitans constitutio facile extendi debet cum injuria tertii, qui pro se habet & provisionem hominis & simul voluntatem legis; potestque locus Justiniani *d. l. un. c. §. 5. junct. §. cum autem. 13. c. de cad. toll.* qui in contrarium adducitur, commodè referri & restringi ad duas priores species transmissionis, ut propriè verba Imperatoris accipiantur, & de his solis, qui ipsam hæreditatem transmittunt. Diss. hic. Duar. *d. c. 10. & DD. comm. Gomez. 1. ref. 3. num. 25. Grass. d. quæst. 9. num. 3. Christl. vol. 4. decis. 17. num. 2. Fachin. 4. cont. 62.* Postremo quaeritur, quid juris sit, si institutus beneficio ætatis contra aditionem restitutus sit. Quæstio hæc omnium est difficilissima. Sententia communis est, convalescere substitutionem, *arg. l. ex contractu. 44. de re jud. l. 1. §. antepen. l. 2. §. si bonorum. 10. ad senat. Tertyll. Gloss. Salyc. Cyn. & alii in l. 5. c. de impub. & al. subst. & hanc sequuntur Anton. Fab. 3. conject. 4. Don. 6. com. 24.* Sed contraria de jure verior videtur, per *d. l. 5. & textus perspicuos in l. ult. de success. edict. l. 7. §. sed quod Papinianus. 10. & ibi Cujac. & Paul. Buf. de minoribus.* Neque temere beneficium restitutionis extra personam minoris in alterius favorem porrigi debet. Zaf. *tract. subst. cap. 1. vers. secundo imitate.* Duar. *d. cap.*

esp. 10. Ant. Merend. 4. contr. 9. Bachov. in *Trensl.* volum. 2. disput. 11. lib. 7. Perez. ad tit. C. de imp. & aliis subst. num. 7. Utrum autem excluso substituto hæreditas ad legitimum successorem pertineat, quod placet Duar. Bachov. & Merendæ an fisco locus fiat, quod Cujacio, Busio, in medio relinquimus. Nunc ad institutum redeamus.

Mævius in partem admittitur Non exprimit in quotam: & ita quoque simpliciter scriptum est in l. & hoc. 41. de her. inst. hæreditatem dividi inter dominum instituti & substitutum. Sed utrum ex æquo, ut dimidiam partem hæreditatis dominus, dimidiam item substitutus ferat; an ut ille dodrantem, hic quadrantem dumtaxat, ut Gloss. & DD. comm. voluerunt? Non ambigo, quia ex æquo. Quomodo hunc locum & Theophilus interpretatus est. Et interpretandum esse vel hoc unum argumento esse debet, quod partis nomen, nisi quid aliud adjiciatur, semper dimidiam significet, l. nomen. 164. §. 1. de verb. sign. l. etiam. 43. de usufr. Et rogo, in re dubia, ubi paria in utramque partem argumenta afferuntur, quam rationem vel in speciem habere potest inæqualis ista distributio? Quinimmo si partes inæquales faciendæ, substituto potius favendum erat, cui & verba & voluntas testatoris suffragantur, quàm domino, qui mera tantum ratione juris nititur, & de quo testator cogitare non potuit, cum eum institueret, quem ingenuum putabat. Obstat ramen huic sententiæ d. l. si paterfam. 40. de her. inst. ubi Julianus in hac ipsa specie aliam partitionem facit, & duos vult semisses fieri, ita ut alter semis inter dominum & substitutum æquis portionibus dividatur; cumque de altero semisse nihil definiat, eum domino plerique assignaverunt. D. Cujacius existimat, pro alter semis, ut in extremo d. l. 40. legitur, legendum æs, mendumque natum ex errore notarum. Alciatus 2. disput. 2. scribit, se in veteri exemplari ita legisse in pr. d. l. eique, si hæres non esset, Sempronium cohæredem substitueris. Quam lectionem verba in calce ejusdem responsi posita mirè juvant. Ait enim Julianus: Igitur in hoc casu duo semisses fiunt. Cur, ait, in hoc casu, nisi ut significet, se talem casum proposuisse, cui conveniret hæc divisio? nempe quando servo, qui liber putabatur, cohæres substitutus est; in aliis autem non

idem juris esse. Igitur in casu à Juliano proposito de uno semisse ambigi non poterat; quippe quem Sempronius ex institutione accipit, non dominus servi: de altero poterat; & hunc, Julianus ait, dividi oportere inter dominum servi & Sempronium. Et merito, quia in hunc tantum semissem erat substitutus. Atque ita nunc cordatiores omnes sentiunt, quorum pars emendationem Cujacii, pars Alciati lectionem probant, aut quod ipse addit, intelligunt, in re ipsa consentientes. Planè si manifestè appareat, testatorem per eum, quem opinionis errore liberum esse credens hæredem instituit, ad alium quemquam hæreditatem pertinere noluisse, conditio substitutionis extitit, & soli deferretur hæreditas substituto, l. 3. C. de her. inst. VINN. Cui non dictus Hylas? Metamen nec cum Cujacio nec cum Alciato rem fiteor. Rem paucis dicam. In illa l. 40. ff. de her. inst. manifestò sunt duæ species. Prior hæc est: Paterfamilias instituerat Titium servum, quem ingenuum putaverat, eique substituerat Sempronium. Titio jussu domini adeunte, quærebatur, an Sempronius esset in partem admittendus? & respondit Julianus: *Potest dici, Sempronium in partem hæreditatis* (puta dimidiam, quæ quota non expressa ordinariè intelligitur, l. 164. §. 1. ff. de usufr. l. 43. ff. de usufr.) *admitti*. Additaratione, pergit Julianus: *Quæ adiectio ad EOS pertinet, qui paterfamilias hæredes scripti, postea in servitutem deducti fuerint*. Igitur IN HOC CASU semisses fiunt, ita ut alter SEMIS inter eum, qui dominus instituti hæredis fuerit, & substitutum æquis portionibus dividatur. Et hæc manifestò est altera species. Paterfamilias instituerat Titium, tunc ingenuum, sed postea deductum in servitutem, substituto ei Mævio. Quærebatur, Titio jussu Domini adeunte, an & hic substitutus in partem admittendus sit? Respondit, admittendum: sed non in dimidiam, sed in quadrantem. Domini enim Titii ideo hic melior videbatur conditio, quod non, ceu in priore casu, testator circa hæredis statum erraverat. Simile quid in mentem venit Marco Lyklamæ in *Membranis*, & Osyv. Hilligero in *Donell. enucleat.* De Parthenio, & utrum is Tiberii an Titi servus fuerit, elegans, & erudita est *disquisitio* in Gundlingianis Tom. 6. part. 30. art. 3. ff. 445. sequ. HEIN.

TITULUS DECIMUSEXTUS.
DE PUPILLARI SUBSTITUTIONE.

D. Lib. 28. Tit. 6. C. Lib. 6. Tit. 26.

*Unde hac substitutio dicatur pupillaris, & quo adpectu substitutio.
Simul argumentum tituli.*

Sequitur directæ substitutionis species altera, quæ à subjecto dicitur pupillaris, quia scilicet solis fit pupillis, non ut prior illa promiscuè quibusvis. Et si autem is demum pupillus dicitur, qui cum impubes sit, in potestate patris esse debeat, *l. pupillus. 239. de verb. sign.* tamen quia vis omnis testamenti, & substitutionis confertur in mortem testatoris, id est, in id tempus, quo filius pupillus futurus est, rectè hoc respectu pupillaris vocatur. Prior illa vulgaris, ut bene observavit D. Viglius, verè substitutio est, sive secunda institutio, qua testator in casum, quo primo gradu institutus hæres futurus non est, alium sibi hæredem facit; ac proinde per quam succeditur ipsi testatori. Hæc autem non eam substitutio est, quam institutio prima: quippe per quam non ei, qui testamentum fecit, & gradu secundo succeditur, sed pupillo, cui testamentum factum est, & gradu primo, perinde ac si ipse pupillus sibi hæredem fecisset. Quod evidentius apparet in substitutione exheredati. Quamobrem merito Hotomannus à Bachovio notatur, quod ille inverso modo vulgarem substitutionem magis institutionem, pupillarem autem propriè censet esse substitutionem. Cur verò, cum pupillaris propriè substitutio non sit, eo tamen nomine à veteribus appelletur, dixi præcedente titulo, nempe sic appellatur ex comparatione hæredis paterni, eo quod pater sibi prius, deinde secundo loco filio hæredem instituere debet, & non à testamento filii incipere, *l. 2. in fin. hoc tit.* Porro substitutio pupillaris, ut genus est, dividi potest in propriam seu veram, & quasi, seu exemplarem. Utraque fit in eum casum, quo institutus hæres erit; propria fit liberis impuberibus, si hæredes extiterint, & intra pubertatem moriantur; quasi seu exemplaris fit mente captis, si hæredes extiterint & decesserint in eadem mentis alienatione. Summa eorum quæ hoc tit. traduntur, hæc est. In principio docetur, qui quibus pupillariter, & qua forma substituunt? quis hujus rei effectus? & unde illud manarit? Inde agitur de substitutione quasi pupillari, sive mente capti: & mox effectus pupillaris substitutionis reperitur: dein parentibus formidolosis tuta monstratur substituendi ratio. Hinc jam amplius, quibus pupillariter substitui possit, declaratur: tum proponitur generalis quædam & communis forma: ac postremò sequuntur contraria.

T E X T U S.

Forma, effectus, origo, & ratio pupillaris substitutionis.

Liberis suis impuberibus, quos in potestate quis habet, non solum ita, ut supra diximus, substituere potest, id est, ut si hæredes ei non extiterint, alius sit ei heres: sed eo amplius, ut si hæredes ei extiterint, & adhuc impuberes mortui fuerint, sit eis aliquis heres: veluti si quis dicat hoc modo: Titius filius hæres mihi esto. Et si filius mihi hæres non erit; sive hæres erit, & prius moriatur; quam in suam tutelam venerit, id est, antequam pubes factus sit; tunc Sejus hæres esto. Quo casu, siquidem non extiterit heres filius, tunc substitutus patri sit heres: si verò extiterit heres filius, & ante pubertatem decesserit, ipsi filio sit heres substitutus. Nam moribus institutum est, ut quum ejus ætatis filii sint, in qua ipsi sibi testamentum facere non possunt, parentes eis faciant.

N O T Æ.

Quos in potestate] Et ideo nec mater liberis suis, nec pater filio emancipato pupillariter substituere potest, *l. 2. h. t.* Sed nec avus nepoti ex filio, quem in potestate habet, nisi ex formula legis Vellejæ, *Si filius me vivo suus heres esse decesserit, &c. d. l. 2.* Oportet autem & testamenti & mortis tempore impubem in familia esse, *l. 4. t. §. 2. cod.*

Veluti si quis] Formula gemellæ substitutionis. Verum ex D. Marci Constitutione substitutio simplex aut vulgaris aut pupillaris, id est, quæ alterutro casu expresso fit, in utrumque casum facta intelligitur, *l. 4. hoc tit. fac. l. 2. & l. 4. C. cod.* Olim de expressa pupillari, an vulgarem tacite contineret, quæsitum in Curiano judicio, de quo Cic. multis locis, & Quintil. 7. c. 7.

Sive heres erit, &c.] Hæc est conditio substitutionis pupillaris, & casus secundus dicitur.

Si non extiterit] Quod etiam tunc accidere intelligendum est, cum impubes patri superstes hæreditate paterna abstinet: ne nudum nomen hæredis noceat substituto, *arg. l. 67. pr. de rit. nupr. l. 68. de l. 1.* Non rectè igitur Theoph. hic.

Si extiterit heres] Hic casus propter utilitatem pupilli extitisse intelligitur, etiam si bonis paternis

vernis se abstineat, l. 12. h. t. l. 42. de acq. her. l. 28. de reb. auct. jud. & hoc est, quod vulgo interpp. dicunt, nudæ sui hæredis existentie vi confirmari tabulas pupillares. fac. l. 44. de re jud. l. 41. de acq. her.

Ipsi filio sit hæres] Non tantum in bonis, quæ à patre obvenierunt, sed etiam quæ aliunde, l. 10. §. 5. h. t. exclusis filiis legitimis hæredibus, & ipsa etiam matre, l. 8. §. 5. de inoff. test. c. 1. 2. de testam. in 6.

Moribus institutum] Ita & Ulp. l. 2. h. t.

COMMENTARIUS.

- 1 Neque patrem liberis emancipatis pupillariter substituere posse, neque matrem liberis omnino.
- 2 Nepoti, licet in potestate constitutus, quem pater antecedit, pupillariter substitui non posse, nisi ex formula legis Vellejæ.
- 3 Verum, ut valeat substitutio pupillaris, necesse sit, liberos in potestate esse, & cum sit substitutio, & cum pater moritur, an satis sit, tales esse tempore mortis?
- 4 Exponitur locus Ulpiani in l. 2. in fin. pr. hoc tit.
- 5 Vulgari casu ex testamento, etiam pupillarem contineri, nisi voluntas testatoris aperte refragetur.
- 6 An ex converso, expresso casu pupillaris, consineatur & vulgaris?
- 7 Responsum Javoleni expositum in l. patris. 28. de reb. auct. jud.
- 8 Quando accidat, ut pupillus hæres non existat, & substitutus vi formulæ vulgaris admittatur?
- 9 Quando intelligatur pupillus patri hæres existisse hoc effectu, ut mortuo intra pubertatem, hæres ei fiat pupillariter substitutus?
- 10 Per substitutionem pupillarem excludi hæredes omnes legitimus, etiam matrem.
- 11 Excludi matrem à substituto pupillari etiam quoad legitimam.
- 12 Offenditur idem juris esse & in pupillari tacita, cum reservatione obiectorum.
- 13 Cur pupillo expedire visum sit, testamentarium à patre hæredem accipere?

Liberis impuberibus] L. 2. in pr. eod. puberibus in tantum non licet, ut etiam si ab initio facta impuberi substitutio sit, pubertatis tamen adventu vis ejus extinguatur, §. pen. inf. eod. Cur autem solis liberis impuberibus hoc modo substitui permissum sit, in hac huius §. dicitur.

In potestate] Etenim patriæ hoc datum potestati est: & ideo pater filio emancipato ita substituere non potest, d. l. 2. in pr. multoque minus mater liberis suis. Nam quod in specie l. si mater. 33. eod. pupillares tabulæ appellantur, quas mater filio impuberi fecit, ex eo minimè concludendum est, posse & matrem liberis impuberibus pupillariter substituere. Proponitur enim mater filio impuberi substitutionem fecisse non in casum secundum, si hæres erit, sed in primum, si hæres non erit. Vulgaris igitur illa, non pupilla-

ris substitutio est. Pupillares autem tabulas illas Africanus appellavit, primum ratione objecti, quia substitutio facta filio, dum adhuc esset in ætate pupillari: deinde quia substitutio conferatur in mortem impuberis, & in ea specie effectum quodammodo substitutionis pupillaris habet, saltem quod attinet ad bona matris, ut rectè monet, atque hoc Africani responsum temperat Cujac. 2. ad African. Consilium hoc prudentum fuit, à quibus excogitata quoque est cautio & velut ratio quædam, qua cum vi & effectu pupillaris substitutionis etiam filio emancipato substituatur, l. cum ex filio. 39. hoc tit. add. Duar. ad hunc tit. cap. 14. Non satis autem est, liberos in potestate esse, nisi simul proximum in familia testatoris gradum obtineant, hoc est, sui hæredes sint testatori: nam si, verbi causa, pater nepotem antecedit, non poterit avus hic nepoti pupillariter substituere, quia post mortem avi recasurus est in potestatem patris sui, d. l. 2. in pr. quo fit, ut jam non propter ætatem, aut quia impubes, testamentum facere non possit, aut hæredem ex testamento habere: sed quia filius iam, cui nec puberi testamentis acciendi jus est, & de ejus successione jure veteri omnino queri non potuit. Planè ex formula legis Vellejæ etiam nepotibus, quos pater præcedit, substitui potest, d. l. 2. in pr. ut sic avus testetur: *Filius hæres esto. Si filius me vivo suus hæres esse desierit, tum qui mihi ex eo nepos est, hæres esto. Si nepos hæres erit, & intra pubertatem decedat, deus hæres esto.* Quæ nepotis institutio fit ex secundo cap. legis Vellejæ, l. Gallus. 29. §. sequenti. 130. de lib. & post. De illo queritur, utrum, ut substitutio pupillaris valeat, necesse sit liberos in potestate esse utroque tempore, & quo fit substitutio, & quo pater moritur, an verò tales esse sufficiat saltem tempore mortis? Accurs. Bart. in d. l. 2. & vulgo interpp. Grassi. §. substitutio. quest. 23. num. 5. sufficere credunt, qualitatem illam adesse tempore mortis. Doctissimi Jurisconsulti superiores avi, Polit. Zaf. Govean. in d. l. 2. Vigl. hic. num. 7. Covar. in cap. Raynut. de testam. §. 5. num. 2. Duar. comm. ad hunc tit. cap. 14. Don. 6. comm. 25. contra, utrumque tempus spectandum contendunt, tam id, quo fit substitutio, quàm quo testator moritur; quibus assentior. Nam & verba juris de hac substitutione constituti conferuntur in tempus præsens substitutionis, & cum qualitas aliqua requiritur ad constitutionem alicujus actus, ea inesse debet eo tempore, quo actus geritur, l. si alienum. 49. §. 1. de her. inst. §. in extram. 4. in fr. de her. qual. tritumque est, quod ab initio non consistit, ex postfacto non posse convalescere. Accedit præterea textus satis clarus in l. coheredi. 41. §. 2. hoc tit. Verba sunt; *Si quis ex his mortis quoque tempore non fuit, in familia, substitutio pupillaris fit irrita.* Quibus verbis Jurisconsultus aperte significat, præter tempus mortis aliud quoque esse, quo oporteat impuberes esse in familia; hoc autem tempus non aliud intelligi potest aut debet, quàm id, quo fit substitutio.

tutio. Pro contrariæ sententiæ firmamento adducitur d. l. 2. in fin. pr. ubi sic Ulpian. scribit, *Sed si extraneum quis heredem scripserit, poterit ei substituere, si modo eum in locum nepotis adoptaverit, aut adrogaverit, filio præcedente.* Ex hoc loco Accurs. & Bart. probari putant, satis esse ad pupillarem substitutionem, si vel tempore mortis tantum in potestate reperitur, cui substitutio facta est. Mihi verò contrarium hoc ipso loco non obscurè significare Ulpian. videtur, nempe prius oportere extraneum nepotis loco adoptari, quam substitutio fiat; aut enim, poterit ei substituere, si eum in locum nepotis adoptaverit. Ut autem locus planius intelligatur, licebit paulo altius rem repetere. Docuerat Jurisconsultus, quemadmodum nepotibus, quos patres præcedunt, tunc in primum casum substitui posset, hoc est, ita substitui, ut non evanesceret substitutio: nimirum eos vel institui oportere vel exheredari, ne in locum suorum heredum succedentes, (quo uno casu effectum habet substitutio,) præteriti rumpant testamentum, & per consequens extinguatur pupillaris substitutio. Institui autem oportere ex consilio & formula legis Vellejæ; aliter institutum haberi pro præterito. Mox subjicit, extraneum ex formula legis Vellejæ institui nihil necesse esse, vulgarique saltem modo institutum & succedentem postea in locum sub heredem non rupturum testamentum. Quæ est sententia l. filio. 27. §. 1. de lib. & post. ac proinde extraneo impuberi heredi vulgariter substituto, & postea in locum nepotis quasi ex filio adoptato, rectè, (potest enim & ex intervallo hoc fieri, l. si quis. 16. §. 1. hoc tit.) substitui: eam quippe institutionem sufficere, ne successione, quasi præteritus, rumpat; cum si post adoptionem institutio facta sit, non aliter ea valeat, quam si facta fuerit ex formula legis Vellejæ: sive enim nepos, quem pater antecedit, naturalis sit, sive adoptivus, semper ex præscripto legis Vellejæ institui debet, alioqui præteritus censetur. Quæ de re abunde dictum in exegeci §. 2. sup. de exher. lib. Cum igitur hic quærat de eo, qui extraneus sit, non tempore substitutionis, sed institutionis; tantum abest, ut hic locus confirmet contrariam sententiam, ut eam etiam refellat. Non possum ergo non mirari Bachovium, qui hanc explicationem, quæ tam apertè & verbis & menti Jurisconsulti ac rationi juris per omnia convenit, divinatoriam appellat. Illa, quæ ipse pro tuenda communi sententia affert, nihil aliud esse, quam meras divinationes, facile quivis animadvertere poterit.

Relusè si quis, &c.] Formula mixtæ & gemellæ substitutionis, quæ à Modestino duplex dicitur, quia utrumque casum complectitur, & substitutionis vulgaris & pupillaris, l. 1. §. 1. hoc tit. Atque olim quidem, ut credibile est, qui sibi & liberis suis in utrumque casum prospectum vellet, ex consilio Jurisconsultorum disjunctiva hæc formula usi fuerunt; vel quia ex plurium sententia substitutio non operabatur ultra casum ex-

pressum, vel quia ob diversitatem sententiarum rerumque judicatarum id incerti adhuc juris erat. Postea autem Impp. Marci & Severi constitutione introductum, ut si pater impuberi filio in alterum casum substituisset, in utrumque casum substituisse intelligeretur, l. 4. in pr. eod. Primum igitur, quod positum est extra omnem controversiam, vulgari casu expresso continebatur etiam pupillaris; veluti si pater impuberi filio heredi instituto ita substituat, *Si filius heres non erit, Titius esto.* Hic enim placet, Titium etiam in hunc alterum casum & si filius heres erit, & impubes decesserit, tacitè substitutum videri d. l. 4. in pr. nisi voluntas testatoris apertè refragetur, l. 4. C. eod. Etenim quod pupillaris substitutio hic quoque admittitur, id fit ex sola conjectura voluntatis, quæ hinc ducitur, quod credibile sit, eum, qui aliquem sibi heredem esse voluit, si filius non esset, voluisse quoque eundem esse heredem filio, si filius heres esset, & intra pubertatem moreretur: utroque enim casu pariter substitutum dilexisse videtur, nec sibi magis prospexisse, quam impuberi filio; cui etiam utile esse creditur, heredem à patre accipere, l. Julianus. 41. de acq. her. In voluntate autem testatoris manifestè contraria hujusmodi conjecturis non utimur. Quapropter si ille vel nominatum alium in secundum casum substituit, vel in conditione vulgaris substitutionis personam comprehendit, cui pupillari substitui nequeat, hic qui in primum casum substitutus est, minimè intelligi debet substitutus quoque esse in casum secundum contra manifestam voluntatem testatoris, qui aut expressè in secundum casum substitutum dedit, §. 3. inf. eod. aut in conditione substitutionis eum adjecit, cui in secundum substitui non potest; quod cum sit, palam est, testatorem in eum duntaxat casum substitutionem fecisse, quo utrique heredum substitui poterat, d. l. 4. §. 2. d. Lucius. 45. hoc tit. d. l. 4. C. eod. Porro etiam vice versa expresso casu substitutionis pupillaris dicimus contineri & casum vulgaris. Cæterum hic nobis litem movent Pollit & subst. pupill. quest. 8. n. 39. Vigl. hic n. 19. Ant. Fab. dec. 32. err. 9. & 10. pauci (quamquam nonnullos alios Viglius laudat) sed magni viri. Hi multis in contrarium disputant, ac seriò contendunt, in substitutione pupillari expressè vulgarem tacitè numquam contineri. Nos quidem numero interpp. nobiscum sentientium longè superiores sumus, sed hoc parum est, nisi legum auctoritate vincimus & ratione. Videamus ergo, an in hac quoque parte nobis cedere debeant. Auctoritate defendimur duplici: primum verbis ipsis constitutionis Impp. Marci & Severi relatis à Modestino d. l. 4. in pr. quæ hæc sunt: *cum pater impuberi filio in alterum casum substituisset, in utrumque &c.* Non ait Jurisconsultus, cum pater in primum casum, quomodo Impp. loqui debuerant, si tantum in vulgari casu expresso pupillarem contineri significare voluissent, sed cum in alterum casum, hoc est, unum ex duobus sine ulla distinctione, primus & secundus tantum express-

pressus fuerit. Secundo & evidentius auctoritate ejusdem Modestini in terminis questionem hanc proponentis & decidentis in *d. l. 4. §. 2.* Qui duos habebat filios, unum puberem, alterum impuberem, utroque hærede instituto, puberem impuberi substituit in eum casum, quo impubes hæres existeret, & intra pubertatem moreretur, ait Jurisconsultus, hoc casu fratrem puberem in utrumque eventum substitutum videri. Quod autem in fine ejusdem responsi monet, ad evitandam omnem questionem cautius facturum patrem, si in utrumque casum expressè impuberi substituat, hoc apparet eum facere propterea quod in specie mutæ substitutionis, qualem ille proposuerit, nimirum cum uterque alteri substituitur, filius impubes puberi vulgariter, pubes impuberi pupillariter, voluntatis questio moveri posset, an non quemadmodum pater in unum duntaxat casum, hoc est, in vulgarem puberi substituit, ita vicissim in unum quoque casum tantum, hoc est, in pupillarem videri debeat impuberi substituisse. At hujusmodi questioni post D. Marci constitutionem locus non est, cum non uterque alteri in casus diversos, sed uni duntaxat, cui in utrumque casum substitui potest, substituitur alter, sive solum in primum, sive solum in secundum casum. Denique à ratione non magis alienum est, hanc inducere voluntatis conjecturam, quod substitutus in secundum casum videatur etiam substitutus in primum, quàm quod in primum substitutus intelligitur quoque substitutus esse in secundum. Immo fortior voluntatis conjectura pro illo, quàm pro hoc, quod etiam D. Christin. *vol. 4. decis. 15. n. 4.* notat. Nam cum pater filium hæredem instituit, quem etiam sperat sibi hæredem fore, & bona, quæ relicturus est, consecuturum, eum, quem filio hæredi factò substituit, & ad quem consequenter mortuo filio pariter cum bonis filii postea quæsitis sua quoque pertinere voluit, magna causa præsumptionis est, patrem voluisse etiam filio hærede non existente, sibi hæredem esse in suis solius bonis: quæ præsumptio tanto major in hoc casu, quàm in superiore, quanto magis apparet, testatorem dilexisse eum, quem una cum suis bonis filii quoque bona, si quæ postea obvenierint, habere voluit, quàm eum, quem expressè sibi tantum hæredem fecit. Ex quo vel solo nullo negotio refelli possunt rationes eorum, qui contra sentiunt; nam auctoritate quidem illi nulla niuntur, nisi quod Ant. Faber nobis objicit Javolenum in *l. paterfam. 28. de reb. 7 auct. jud. poss.* Quo tamen loco longè aliam questionem Jurisconsultus tractat; nimirum an creditoribus paternis in substitutum impuberis, qui patris se hæreditate abstinent, actio detur, sive an substitutus æ alienum patris agnosceat & creditoribus ejus respondere teneatur, an verò hæreditates, quas nuda existentia pot-

state juris civilis conjunxit, possit separare. Quod si inde colligit Faber, substitutum impuberi in casum pupillarem, pupillo abstinentem, hæreditatem patris adire non posse vi atque tacite substitutionis vulgaris, eadem ratione collegeris, nec legitimos hæredes abstinente pupillo posse patris hæreditatem cernere. Et quidni præsupponendum esse dici possit, in questione à Javoleno proposita substitutum quoque repudiasse manifestè damnosam hæreditatem, utcumque virtute tacite substitutionis vulgaris sibi delatam? Ac mihi, quod ad istam questionem attinet, idem sensisse videtur Javolenus quod successor ejus Julianus, cujus sententia ut pupilli utilitatem impugnans notatur à Marcello & Ulpian. *l. Julianus. 42. de acq. her.* Agitata fuit questio nostra jam olim in judicio centumvirali inter hæredes legitimos Coponii cujusdam & M. Curium, cujus rei Cicero multis in locis, & Quintilian. *lib. 7. inst. orat. c. 7.* meminerunt. Coponius posthumum hæredem instituerat, eique, si antequam in tutelam suam veniret, decessisset, Curium hæredem substituerat. Cum posthumus natus non esset, exorta de hæreditate controversia est inter hæredes testatoris legitimos & substitutum. Q. Mucius defendit, legitimis hæredibus locum esse factum, quoniam Curius ita substitutus erat posthumus, si posthumus impubes moreretur; jam verò posthumum ne natum quidem esse, ac proinde d. fecisse conditionem substitutionis. Mucio contradixit L. Crassus, atque iisdem argumentis, quibus nos usi sumus, probavit Centumviris, M. Curium nihilominus ex substitutione hæredem esse oportere. Quod judicium, ut communem sententiam vindicat ab illis, quas Vigl. & Fab. proferunt, absurditatis, ita ipsum, cum res adhuc dubia maneret, propter auctoritatem, ut credibile est, Q. Mucii, constitutione Imp. Marci & Severi confirmatum est. Planè in substitutione ex hæredato facta eandem interpretationem non esse admittendam facile concedam.

Quam in suam tutelam venerit.] Antiqua locutio, qua veteres pupillarem ætatem significabant, hoc est, eam, quæ tutorum potestati subjecta est: nam pubertate tutela finitur; & post eam ætatem adolescens suæ tutelæ esse incipit, quamvis curatorum adhuc auxilio regatur. Utitur hac loquendi formula M. Tullius, cum alibi sæpe, tum *lib. 1. de Orat. & lib. 2. de invent.* Nostrum passim, Javolen. *l. cum ex filio. 39. hoc sit. Nerat. l. pater filio. 54. de her. inst.* Julian. *l. 8. §. 1. de bon. poss. sci. sab. Paul. l. si filiam. 51. de legat. 3.* Prætor in edicto suo *l. 5. §. 2. quib. ex caus. in possess.*

Si quidem non extiterit hæres filius, tunc substitutus patri sit hæres] Quando ergo accidit, ut pupillus hæres non existat, & substitutus vi vulgaris formulæ patri hæres fiat? An tunc solum,

solum, cum pupillum ante patrem defungi contingit, an verò etiam tunc, cum patri superstes, paterna hereditate abstinuit? Et Theophilus quidem scribit, ex verbis formulæ vulgaris tunc solum substitutum venire, & patri heredem fieri, cum filius, vivo adhuc patre, mortuus est. Ego verò censo, etiam tunc, cum impubes patri supervixit, & expressè bonis paternis se abstinuit, posse substitutum defendere ex substitutione patris hereditatem sibi delatam, conditionemque hanc, *Si heres non erit* ex mente testatoris explicandam, ut ea existisse intelligatur, non cum quis nudo nomine tenus, sed re ipsa & cum effectu hæres factus est. Sic Jurisconsulti in *l. non solum. 67. de rit. nupt. l. si post. 63. de legat. 1.* aperte negant, filium, qui se abstinuit, heredem existisse. Nam licet etiam is, qui se abstinuit, jure civili adhuc pro hærede habeatur, unde dicitur non esse sine hærede, qui suum heredem, licet se abstinente habet, *l. cum quasi. 30. §. sed & si. 10. de fideicom. lib.* atque hæres etiam sua habeat effecta: *l. 12. hoc tit. l. filius. 41. cum l. seq. l. ult. de acq. her. l. paterfam. 28. de reb. auct. jud. poss.* tamen in proposito nudum nomen hæredis sive nudam illam existentiam considerare non oportet; alioqui nullo modo vulgariter suo hæredi substitui posset. Et cum, ut docuimus initio *tit. præc.* conditio ista, *Si heres non erit*, etiam casum voluntatis contineat, & consequenter tamquam conditio potestativa necessitatem tollens filium hac in re ad instar redigat hæredis voluntarii, per *l. 4. in pr. l. jam. dubitari. 86. de hered. instis. l. 12. de cond. inst.* ut jam pro concessa sibi à patre potestate suo arbitrio velle aut nolle possit, & citra beneficium prætoris jure civili se abstinere; sanè in casu nostro hereditas pro acquisita neutriquam haberi debet. Rep. quæ notavimus ad *d. princ. præc. tit.*

Si verò extiterit heres filius.] Videamus item, quando filius patris hæres existisse intelligatur cum hoc effectu, ut filio intra pubertatem mortuo, hæres ei fiat pupillariter substitutus. Et certè juris est, si filius decesserit post immixtionem, substitutum admitti, heredemque fieri filio. Nec dubitatur, quin idem juris sit, si filius mortuus sit non declarata voluntate sua super immixtione aut abstentione. Verùm, illud bellissimè queritur, an etiam filio, qui expressè abstinuit, intra pubertatem mortuo, substituto pupillari locus fiat, & quod dicitur, nuda hæredis sui existentia confirmetur tabulæ patris & pupilli? Dixeris enim, nudam existentiam vim istam habere non posse, ac proinde substitutum in proposito excludi: quem si admittimus, nudæ existentie tribuimus vim additionis: cui consequens hoc absurdum est, suo hæredi frustra in vulgarem casum substitui, cum vulgaris substitutio adire hereditate expiret. Ad hæc cum dicamus, in

substitutione vulgaris verba hæc, *Si filius heres non erit*, ex mente substituents patris sic accipienda esse, si immiscere se paternæ hereditati noluerit, etiam ex contrario quæ sunt pupillaris substitutionis, *Si filius heres erit*, sic accipi oportebit, si bonis patris se immiscuerit: ut utrobique immixtio, non nuda existentia cum additione conferatur. Quibus etiam accedit, quod apud Julianum relatum est, si duo fuerint à patre instituti cum filio impubere, eidemque substituti, necesse esse ad tabulas patris confirmandas unum ex iis hereditatem patris adire, *l. 11. §. 1. ad sen. Treb.* Ceterum quominus ita statuamus, impeditur textu expressio *l. 12. hoc tit.* item his locis, *l. Julianus. 42. de acq. hered. l. paterfam. 28. de reb. auct. jud. poss.* ubi disputant Jurisconsulti, an pupillo, qui abstinuit bonis patris, mortuo substituto concedi debeat separatio bonorum patris & filii, ut ex substitutione pupilli tantum hereditatem adeat. Stulrè & ineptè, si substitutus abstinente pupillo nullo modo ex substitutione venire potest. Dicendum ergo omnino est, etiam in casu præsentis, cum pupillus abstinuit, ex substitutione pupillari hereditatem deferri substituto, nudæque sui hæredis existentie vi confirmari tabulas pupillares: quod etiam perspicuè probat *l. ex contractu. 44. de re jud. l. filius. 41. de acq. her.* Nec verò adeo absurdum videri debet, quod in substitutione pupillari vim additionis tribuimus existentie; in vulgari autem non nudæ existentie, sed immixtioni: non enim necesse est, ut nomen hæredis aut existentie in utriusque substitutionis conditione eodem modo explicetur aut accipiatur. Nam ut concedamus, etiam in pupillari substitutione patrem his verbis, *Si filius mihi heres erit*, de hærede, qui cum effectu hæres futurus sit, cogitasse: ratio tamen juris & favor pupilli postulant, ut sola existentia quoad effectum, de quo querimus, pro additione habeatur, & sustineantur tabulæ pupillares. Planè si filio datus sit cohæres extraneus, vulneratur suitas, ut loquitur Porcia ad *tit. de Attil. tut.* atque hic quia vires testamenti à cohærede quoque pro parte pendunt, ad confirmationem tabularum & substitutionis pupillaris non sufficit, filium sola potestate juris pro parte sua heredem existisse, sed si hic se abstinuerit, ut tabulæ valeant, necesse est, ut patris hereditas ab extraneo adeatur, *d. l. 11. §. 1. ad sen. Treb.* Atque ita quoque explicanda *l. 2. §. 1. hoc tit.* Etenim sui hæredis nuda existentia, quæ fit *ex artum*, & ipso momento mortis paternæ, non potest in solidum confirmare testamentum, ubi eodem tempore adest hæres alius, qui adire potest, vid. Bart. in *l. 12. hoc tit. & d. l. 11. §. 1. ad Treb.* qui meo iudicio feliciter hæc expedit, quam vel Cujac. 26. *obs. 1.* vel Ant. Fab. *dec. 31. err. 8.* add. Bachov. in *Trentl. vol. 2. disp. 12. thes. 3.*

Ipse filio sit heres substitutus] Et in tantum succedit, quantum filii fuit, cum is moreretur, sive à patre obveniret, sive quaesitum aliunde. Testamentum enim pupilli hic est, in quo testator non suis bonis, sed impuberis heredem substituit *l. sed si. 10. §. ad substitutos. §. hoc sit.* Excipitur substitutus adrogati, ad quem nihil amplius ex substitutione pertinere potest, quam quod ad impuberem pervenit ex bonis aut beneficio adrogatoris, *d. 10. §. in adrogato. 6.* Quia verò ex notissima ratione juris quamdiu ex testamento defertur hereditas, aut saltem spes est fore, ut deferatur, heredes ab intestato succedere non possunt, certum est, legitimos pupilli heredes, id est, eos omnes, qui citra substitutionem pupillo ab intestato successuri fuissent, à substituto hereditatem admittente excludi, & consequenter etiam matrem pupilli: quamquam de ea ratio est, cur dubitetur. Nam mater præ reliquis legitimis heredibus hanc prærogativam habet, quod à liberis præterita testamentum eorum inofficiosum dicere possit, aut ex *Nov. 115.* ipso jure evertere, utique si vera est communis opinio; quod nunc non disputo. Cum igitur mater hoc jus habeat, cum liberi per se testamentum faciunt, videri potest idem jus etiam tunc matri competere, cum non liberi ipsi sibi, sed pater eis testamentum faciat: nam quod quis ex persona & nomine alieno faciat, majorem vim habere non potest, quam haberet, si ille ipse id fecisset, cujus nomine factum proponitur, *l. minor. § 1. §. 1. de proc. l. 13. §. pen. de damn. inf. l. 10. C. de her. inst. c. quod per alium de reg. jur. in 6. cum similib.* Contrarium tamen dissentit ab Ulpiano responsum *l. 8. §. 5. de inoff. test.* est, nempe matrem impuberis non posse testamentum inofficiosum dicere, adjecta hac ratione, quia pater hoc ei fecit: quibus verbis hoc significare voluit Jurisconsultus, querelam inofficiosi testamenti hoc colore instituendam, quasi non sanæ mentis fuerit, qui testamentum ordinavit: hujus autem rei pupillum argui non posse, quia ipse testamentum non fecit, uxori verò contra mariti testamentum querelam non competere: quæ ratio etiam admissa communi DD. opinione accommodari potest ad jus novum. Quicquid enim novi juris à Justiniano constitutum est, id eo tantum pertinet, sicut ipse testatur ut præteritionis & exheredationis amoveatur injuria, quæ nulla matri à pupillo illata. Neque verò pater, cum liberis suis testamentum facit, testatur ex persona & nudo nomine liberorum, sed jure proprio atque ex persona sua, vi scilicet & potestate juris patrii. Hoc ipsum manifestè quoque confirmat *l. 9. C. hoc sit.* quo loco Justinianus prohibet admitti querelam contra substitutionem mente capti, idque ait se constituere ad exemplum substitutionis pupillaris. Negata querela consequens omnino est,

matrem à substituto pupillari excludi etiam quoad legitimam: idque constitutione Bonifacii VIII. nominatim expressum est *cap. 1. in fin. de testam. in 6. Licet filius,* inquit Pontifex, *testamento suo matrem portione jure natura debita privare non possit: pater tamen in testamento, quod filio impuberi facit, potest.* Bocerius comment. ad hunc. §. putat, matrem, etsi per querelam rescindere testamentum non potest, alia tamen via legitimam consequi posse, nimirum conditione ex lege; quoniam generaliter cautum est, ex bonis liberorum matri legitimam esse relinquendam, *l. omnimodo. 30. l. quoniam. 32. C. de inoff. test. Nov. 1. in pr.* Sed jam probavimus, id verum esse, quando liberi ipsi testantur, non cum pater pro suo jure iis testamentum facit. Neque assentiri possum Menochio, qui *lib. 4. præsumpt. 38.* existimat, excludi quidem matrem à legitima, quantum ad bona patris attinet; non autem quoad bona filii: siquidem pater in testamento, quod filio impuberi facit, non tam de suis, quam impuberis bonis disponit, & exheredato quoque dat substitutum. Atque illud omnino fixum esse debet, qui suo jure queri de inofficioso non potest, quamvis ex testamento nihil consecutus sit, cum nec petere posse legitimam, ut bene disputat Fachin. *lib. 4. contr. 42.* & est communis hæc opinio, Gomez. 1. res. 4. n. 7. Vasq. *lib. 2. de succ. prog. §. 11. n. 24. Grals. §. substitutio quæst. 12. n. 5.* Porro si hoc obtinemus in substitutione pupillari expressa, nulla ratio est, cur non idem statuamus in tacita, quæ vulgari expressa continetur. Nam cum ex constitutione Impp. Marci & Veri hic non minus testamentum atque ex eo heredem pupillus habeat, quam si expressè in casum quoque pupillarem substitutum accepisset, ratio juris efficit, ut nemo, sive mater sit, sive quis alius, ad legitimam pupilli successionem venire possit, aut per querelam testamentum evertere. Quæ sententia, etsi à DD. comm. improbata est, tamen aperte satis confirmatur à sensu contrario in *l. 2. C. hoc sit.* in qua Impp. respondent, ideo in specie illic proposita matrem admitti, quia testator, filio impubere, & aliis, quibusdam personis non ejusdem conditionis heredibus institutis & invicem substitutis, non intelligitur sensisse de alio casu, quam qui in omnium persona locum habere potest, id est, de vulgari tantum: quo non obscure significatur, si personis omnium uterque casus conveniret, aliud respondendum esse: quo etiam faciunt *l. Lucius. 45. hoc sit. l. 4. C. rod. Sed duo loci hic nobis obijciuntur l. præcibus. 8. C. hoc sit. l. ult. C. de inst. & subst.* Ad priorem expedita responsio est, constitutionem D. Marci non pertinere ad testamentum militis, de quo loquitur *d. l. 8.* quippe militum testamentum non reguntur legibus aut constitutionibus; sed ex nuda, simplici, ac prout verbis expressa est,

voluntate æstimantur, l. 6. C. de test. mil. ut proinde in horum testamentis vulgaris expressa non contineat tacitam pupillarem: idemque esset, etsi non mater in specie illic proposita & decisa, sed frater aut alius pupilli legitimus hæres fuisset. In l. ult. C. de inst. & subst. hic casus proponitur: Testator posthumum & uxorem hæredes scripsit, & si posthumus natus non esset, Mævium sibi hæredem esse voluit. Natus est posthumus, & impubes superstitite matre decessit. Papinianus & Ulpianus putaverunt, voluntatis esse quæstionem, & matrem potius quam substitutum ad successionem impuberis admittendam: & secundum eos Justinianus quæstionem sic decidit, ut nolit substitutionem istam vim tacitæ pupillaris habere adversus matrem, id est, si posthumus natus impubes viva matre decesserit: sin illa prior mortua sit, valere adversus cæteros. Quis verò non videt, hujus constitutionis speciem & rationem singularem esse, ac proinde non facile ad alios casus porrigendam? Ostendunt hoc verba, in hac specie, in huiusmodi casu, & quo colore alioqui Pap. & Ulp. post constitutionem D. Marci voluntatis hic esse quæstionem respondissent? Credibile autem est, Jurisconsultos & Imp. in casu, ut propositus est, considerasse primum, quod mater ex parte hæreditatis & ipsa instituta fuit, posthumoque cohæres data, etsi posthumum nasci non contingeret. Hinc enim non levis conjectura pro matre oritur, quod scilicet testator uxorem suam, quam ita dilexit, ut eam sibi quoque cum filio hæredem esse voluerit, minime credendus sit voluisse excludere à luctuosa hæreditate filii. Deinde quod substitutio facta proponitur, non in casum illum generalem & germanum substitutionis vulgaris, si filius posthumus hæres non erit, sed in casum specialem, & nominatim in hunc, si posthumus natus non erit. Unde iterum nova conjectura pro matre, nimirum non temere, ubi mater in medio est, & præsertim cohæres posthumum data, hunc casum, si posthumus natus non erit trahendum esse ad oppositum, si posthumus natus fuerit, & impubes decesserit: ne fiat contravoluntatem testatoris, qui non videtur, eum, quem posthumum substituit, & sibi hæredem designat nominatim in eum casum, quo posthumus natus non fuerit, & quo existente nec mater, nec filius, nec hæreditas filii intelligi potest, etiam in contrarium casum, si natus fuerit posthumus, & viva matre decesserit, ipsi posthumum hæredem esse voluisse, exclusa matre à luctuosa filii hæreditate. Proinde concludimus, pro substituto semper respondendum esse, etiam cum mater in medio est, sive de expressa, sive de tacita pupillari quærat, quoties ex certis aut probabilibus conjecturis colligi non potest, voluntatem testatoris refragari: ita & Vigl. hic. Don. ad l. 3. C. hoc tit. Vaud. 1. quæst. 44. Ant. Fab. 15. conj. 9. &

seq. & dec. 33. err. 5. latè Vasq. 2. de succ. prog. §. 15. n. 55. & seqq. Diss. Gloss. & DD. comm. in d. l. 9. Gomez. 1. ref. 4. r. 8. Covar. in cap. Raynntius. 2. de test. §. 4. n. 6. Fachin. 4. contr. 40. & 41. D. Tulden. comm. hic cap. 3. & ad C. hoc tit. Perez. ibid. n. 26. & 27. Christin. vol. 4. decis. 15. n. 5. Ubi etiam refert, Supremum Senatum Mechliniensem aliquando censuisse, per substitutionem in pupillo factam, ne expressam quidem, matrem hodie legitima privari posse. Sed hoc opinor ex eo est, quia in Belgio utique in plerisque Belgii provinciis, substitutioni pupillari planè non est locus; de quo pluscula sub §. ult. infr. cod.

Moribus institutum] Vulgari substitutio confirmatur lege 12. tabb. his verbis: *Qui quisque legasset super pecunia sua*. Pupillaris ad eam legem non pertinet: quippe in qua pater non de sua pecunia suisve bonis, sed alienis, id est, liberorum, disponit, l. 10. §. ad substitutiones. 5. hoc tit. sed substitutio hæc moribus introducta est, l. 2. in pr. hoc tit. & quod patri lege 12. tabb. permissum erat in tutela, ut liberis impuberibus in potestate constitutis testamento tutorem daret, hoc consuetudine paulatim tractum ad pecuniam quoque & fortunas liberorum, ut in his patri liceret liberis in ea ætate, qua ipsi testamentum facere non possunt, testamento hæredem dare, continuata vi patris potestatis, etiam quantum ad bona liberorum attinet, post mortem patris usque in eam ætatem, qua jam ipsi liberi sibi testamentum facere possent, id est, usque ad eorum pubertatem, qua adveniente substitutio expiraret. Atque hoc ipsum in gratiam ipsorum impuberum introductum est, quibus non solum honorificum, sed etiam utile visum, hæredem testamentarium, & eum, qui patris iudicio datus esset, habere, l. 42. de acq. hæ. Ob id autem potissimum utile, quod ea ratione fiat, ut agnatorum insidiis minus exposita sit vita pupilli, quamdiu ignoratur, quis ei successor futurus sit, propter quam causam cavere olim patres solebant, ne pupillares tabulæ, vivo adhuc & impubere filio, aperirentur, §. fin. autem. 3. infr. cod. VINN. Vulgo quidem negant pupillarem substitutionem esse ex XII. tabulis propter l. 2. pr. ff. de vulg. & pupill. substitution. ubi ejus origo MORIBUS adscribitur, quum contra vulgaris disertè ex XII. Tabulis manasse dicatur in l. 10. §. 5. ff. cod. Sed non pugnant illa, moribus aliquid introductum, & tamen ex XII. tabulis esse, quum in illas migrasse *patres vel mater vel materve idcirco vel agnatus idcirco*, testetur Dionys. Hal. lib. 2. p. 56. & lib. 10. p. 6-6. Sanxerant Decemviri; *Paterfamilias nisi legasset super pecunia suelave sue rei, ita ius esto*. RES ratione patris erant & liberi, qui & mancipari poterant Caji Instit. lib. 1. tit. 6. §. 3. & vindicari l. 1. §. 2. ff. de rei vind. quin iis surreptis locum habebat actio furti.

furti. l. 38. §. 1. ff. de furt. Quemadmodum itaque tutela testamentaria est ex XII. tabulis, quia paterfamilias potest legare de tutela sua rei; ita ejusdem originis erit pupillaris substitutio, quia Decemviri paterfamilias concesserant legare super pecunia sua rei. HEIN.

TEXTUS.

De substitutione mente capti.

1. Qua ratione excitati, etiam constitutionem posuimus in nostro Codice, qua prospectum est, ut si qui mente captos habeant filios, vel nepotes, vel pronepotes, cujuscunque sexus, vel gradus, liceat eis, etsi puberes sint, ad exemplum pupillaris substitutionis certas personas substituere: sin autem resipuerint, eandem substitutionem infirmari sancimus: & hoc ad exemplum pupillaris substitutionis, qua, postquam pupillus adoleverit, infirmatur.

NOTÆ.

1. Constitutionem] l. 9. Cod. de impub. & al. subst. olim opus erat speciali privilegio, l. 43. hoc tit.

¶ si qui habeant filios] Licet non habeant in potestate, d. l. 9. ibi, qui vel qua, testatori vel testatrici.

COMMENTARIUS.

- 1 Qua ratione & consilio exemplaris substitutio introducta?
- 2 Utrouque parente supersite & exemplariter substituente, patris potius quam matris substitutionem ratam esse.
- 3 Substitutionem exemplarem etiam ad furiosos & prodigos, adeoque ad mutos & surdos quoque posse porrigi.
- 4 Etiam impuberibus mente captis & a patre, in cujus potestate sunt, exemplariter recte substitui.
- 5 Eum quoque, qui exemplariter vult substituere, debere sibi prius testamentum facere.
- 6 Si plures sint mente capti liberi vel fratres, posse vel unum ex his substitui.
- 7 An etiam exheredatis exemplariter substitui possit?
- 8 An substitutio exemplaris per resipiscentiam infirmata rursus recipiat redemptum morbo?

HOC si agitur de substitutione mente capti, quæ pupillari substitutioni finitima est, atque ejus species quædam imperfecta: unde à nonnullis quali pupillaris dicitur. Veteres interpp. exemplarem vocant, eo quod ad exemplum pupillaris introducta est. Sciendum verò, ante tempora Justiniani neque legibus neque moribus licuisse parentibus liberis

suis puberibus testamentum facere sive substituere prætextu vitii alicujus, sive animi sive corporis, ob quod ipsi testamentum facere non poterant, nisi, ut id sibi liceret, specialiter à Principe impetrassent, l. ex factis. 43. hoc tit. quod quia vel non semper impetrari, aut non sine magna molestia poterat, humanum tamen videbatur, Justinianus jura regulare fecit, atque ex privilegiario commune, datæ parentibus potestate, quantumvis non impetrata à Principe licentia, liberis suis mente captis, licet puberes sint, ad eum modum substituendi, quo jam antea ex more recepto parens filio impuberi substituere poterat, nimirum in eum casum, quo hæredes existerent, & in eadem constitutione mentis decederent, l. humanitatis. 9. C. hoc tit. Utriusque hujus substitutionis similitudo & dissimilitudo ostenderetur in progressu.

Qua ratione] Nimirum eadem illa, quam modo dixit causam fuisse comparandæ atque in mores inducendæ substitutionis pupillaris. Hoc enim significat, eadem ratione, qua antea receptum fuit, ut parentes liberis impuberibus testamentum facerent, quia sc. liberi ipsi propter ætatem sibi facere non poterant, se excitatum permisisse parentibus substituere liberis etiam puberibus, qui non sanæ mentis sunt, & ob eam causam ipsi testari non possunt. VINN. At non planè eadem est substitutionis ratio. Pupillaris enim dicitur nititur patria potestate; exemplaris vero illa parentum naturali. Quare illa fit a solo patre; hæc ab utroque parente. HEIN.

¶ si qui] Sine distinctione sexus aut gradus aut potestatis parentum: ne quis ex similitudine substitutionis pupillaris hoc ad eos parentes tantum referat, qui liberos habent in potestate. Etenim substitutio hæc non ex ratione aliqua juris civilis, sed ex sola humanitate, affectione, pietate & cura parentum erga liberos introducta est, quæ eadem est in omnibus parentibus, d. l. 9. quod tamen timidiùs diceremus, nisi ipsi legis verbis parentibus omnibus eadem potestas tribueretur; parentibus, qui vel qua testatur; testatori vel testatrici. Poterit igitur & mater hoc modo substituere, & avia, & pater, filio emancipato. Quod si mente capto uterque parens supersites sit, rationi juris consentaneum est, ut patris potius, quam matris substitutio rata sit, ut rectè Valsq. lib. 2. de succ. prog. §. 17. n. 39. & seq. Doni 6. comm. 27. Quamvis receptum magis, ut cujusque substitutio valeat in bonis ab eo profectus, teste Sichardo in d. l. 9. n. 8. quod etiam probant D. Perez. in Cod. hoc tit. n. 31. & D. Fuld. in comm. h. r. c. 10. Sed hoc neque naturæ hujus substitutionis communi cum pupillari videtur convenire; nam utraque fit bonis liberorum omnibus: & insolens est, aliquem cum duobus testamentis decedere; quamquam fortassis subtilitatem istam mores

hodierni non usque adeo curent. Atque hæc est prima hujus substitutionis & pupillaris differentia.

Mente captus] Furiosum quoque mente captum esse, id est, lumine mentis carere, certum est. Sed usu veterum mente captus à furioso distingui solet, & furiosus dici, qui rabie quadam agitur; mente captus, qui in quiete magis est, nulla fere signa ostendens extrinsecus: & dementia plerumque vitium naturale est ac perpetuum; furor sæpe remissionem ac intervalla morbi & sanitatis habet. Hinc dubitatum aliquando, an quæ de mente capto constituta sunt, ad furiosum per interpretationem sint producenda: quæ dubitatio circa hunc quoque §. & d. l. 9. incidit, propterea quod utrobique mente capti tantum Justinianus meminit. Et verò potest aliquando justa esse causæ dubitandi, veluti cum D. Marcus permisisset filio mente capto uxorem ducere, exorta apud veteres dubitatio fuit, an id quoque ad furiosi filium porrigendum esset; quoniam in mente captis nullæ sunt morbi induciæ, furiosi autem plerumque intervallis quibusdam sensu saniores sunt, quod tempus expectandum videri poterat: quam tamen dubitationem sustulit Justinianus, producta D. Marci constitutione ad furiosi quoque filium, l. si furiosi. 25. C. de nupt. Ceterum in proposito non video, quæ possit esse dubitandi causa, cum omnino hic eadem ratio sit utriusque; & furore intermisso, liberis ipsis, si in potestate non sint, testari permixtum, ac testamentum paternum abolere. Fac. l. ex facto. 43. in pr. vers. nam & si hoc sit. l. 2. C. de cur. furios. ubi furiosus & mente captus pro eodem ponuntur. Et rectè igitur Theoph. veritè, *μυμνήσκοντες ὅτι οὐ διαφέρουσιν*. Quinimmo putem, constitutionem Justiniani ad prodigos, atque adeo surdos & mutos quoque liberos porrigendam: quo casu ipsi testari non possunt: quæ & communis sententia est, fundata in constitutionis humanitate & ratione, quæ his omnibus convenit, nimirum ut qui ipsi sibi testamentum facere non possunt, parentes eis faciant, quodque olim non licebat nisi ex privilegio, nunc liceat jure communi, Gomez. r. res. l. 6. n. 2. & 4. Covar. in c. Raym. §. 6. n. 1. Grass. §. substitutio. quest. 44. n. 4. & 6. quamvis aliud visum Viglio hic. Govean. in d. l. ex facto. 43. hoc sit. D. Tuld. in comm. hic. c. 10. Perez. in C. cod. n. 30. arg. l. quod verò. 14. de legib. cui occurri potest ex D. Præfide loco. 79. n. 18. & seqq. Planè ad phreneticos constitutionem non pertinere tradunt comm. DD. & probat Vasq. d. §. 17. num. 108. per verb. constitutionis perpetuo. Grass. d. quest. 44. n. 3.

Vel nepotes] Eadem autem conditio hic exigitur, quæ in substitutione impuberum, ut nepotes, quibus exemplariter substituitur, post mortem testatoris non sint recasuri in pote-

statem patris sui, l. 2. hoc sit. Nam & hæc substitutio testamentum liberorum est. Qui autem sunt in potestate, nec testamentum nec heredem ex testamento habere possunt, l. pen. & ult. C. qui test. fac. Quare & si mater substituit, mortua ea, superstitie patre mente capto, evanescet substitutio secundum plerumque: ego arbitrarer, quamdiu pater vivit, ne concedendum quidem matri esse, ut substituat, de quo latè Vasq. 2. de success. prog. §. 17. n. 43. & seqq.

Et si puberes sint] Secunda differentia, quæ principalis est inter hanc substitutionem & pupillarem. Ait, *et si puberes*. Licetne ergo etiam impuberibus exemplariter substituere? De patre, qui emancipavit, non queritur, nec de matre substituere volente, quoniam in his terminis sola exemplaris locum habet: sed de patre, in cujus potestate est impubes mente captus. Ratio dubitandi orta à simili. Quemadmodum enim curatio agnatorum, in qua lex 12. tabb. jubet esse furiosos, ad impuberes non pertinet, qui ex jure ordinario in tutela sunt, l. 3. de tutel. ita videri potest, nec pertinere ad eos hæc extraordinaria substitutio, cum pater jure ordinario his substituere possit pupillariter. Sed non sunt hæc similia: nam finita tutela succedit, & administrationem bonorum puberis suscipit curator, quem lex aut Magistratus tutori subrogat, ut in omnem eventum hic furioso prospectum sit: finita autem substitutione pupillari, & durante adhuc mentis alienatione, non succedit exemplaris substitutio, neque quisquam est, qui heredem mente capto dare queat. Quamobrem magis est ut dicamus posse matrem etiam exemplariter filio substituere, ut daret ex substitutio etiam post pubertatem, quamdiu manet eadem mentis constitutio, ita & Duran. in tit. de vulg. & pup. c. 19. & DD. comm. Vasq. d. §. 17. n. 68. Grass. d. §. 9. 41. Dissent. D. Pacius in not. marg.

Ad exemplum pupillaris substit.] His verbis significatur, licere patri filio mente capto substituere in casum secundum, *si filius heres erit*, ut receptum est in pupillari. Deinde etiam debere patrem, qui exemplariter substituit, sibi prius testamentum facere, sibi que in eo heredem instituere, quam filio substituat, perinde ut in substitutione pupillari, §. liberis. 5. infr. cod.

Certas personas] Differentia tertia. In substitutione pupillari licet impuberi filio quovis substituere, etiam fratribus ejus præteritis: in substitutione mente capti non licet: sed in hac primum liberi, si quos habet, dein his non extantibus, fratres mente capti substituendi sunt: demum si nec fratres erunt, permixtum substituere quemlibet, d. l. 9. C. hoc sit. Et notandum, quod in constitutione adjicitur, non esse necesse, si plures sint mente capto liberi aut fratres, ut substituantur omnes, sed facis

factis esse, vel unum ex iis substitui; ut valeat substitutio, licet reliqui non sint exheredari: nihil enim de cæteris exheredandis exprimitur. Sed & impune posse præteriri, ex eo licet intelligere, quod adversus substitutionem denegatur querela inofficiosa: quod tamen in liberis mente captis vix est ut ab iniquitate defendi possit, vid. Vasq. d. §. 17. n. 55. & seqq. Sed de parentum erga liberos affectione benignius præsumamus, avumque testatorem nepotibus præteritis tantumdem de propriis bonis in compensationem relicturum. Inducitur vulgo ex verbis d. constitutionis & alia dissimilitudo. Nam impuberibus pupillariter substitui potest, etsi nihil eis relinquatur, dummodo exheredentur: mente captis non aliter substitui concedit constitutio, quam si legitima eis relicta fuerit: & cum igitur hodie legitima liberis relinquenda sit titulo institutionis, Nov. 115. non aliter testamentum paternum consistere, aut querelam inofficiosa evadere plerique existimant, quam si liberi in eo hæredes instituti fuerint, saltem in parte aut ex re aliqua; quo casu si minus legitima relictum sit, id quod deest, eos consecuturos conditione, ex l. 30. c. de inoff. nimis enim supersticiosos esse, qui negant subsistere testamentum, nisi tota legitima relicta sit. Concludunt igitur, exheredato non recte exemplariter substitui, neque rationem humanitatis pati, ut afflicto addatur afflictio. Bart. in l. 43. n. 18. hoc tit. DD. comm. in l. 9. c. eod. Grals. d. §. 9. 44. n. 5. Quibus assentiri non possum. Nam cum etiam liberi furiosi à patre exheredari possint, l. 27. c. de Episc. aud. l. ult. §. 5. c. de cur. fur. quod sic accipiendum est, ut possint etiam efficaciter, quamvis nihil eis relictum sit, modo exheredentur ex causa ingratitude ante furorem commissæ, quod Bart. quoque d. loc. n. 19. & DD. comm. concedunt: Vasq. de succ. creat. §. 21. n. 256. non video, cur non & his exheredatis possit exemplariter substitui. Sanè verba constitutionis non refragantur. Nam quod de legitima relinquenda adjicit Justin. id non eo pertinet, ut si illa relicta non sit, testamentum ipso jure sit nullum, sed quod alias per querelam inoff. possit everti: cujus querelæ ne hodie quidem vis ulla, ubi ob justam causam ingratitude testamentum insertam hæres docere potest, exheredationem factam esse: & quod novissime Imp. voluit, legitimam relinqui tit. institutionis, id non hunc habet sensum, si ita relicta non sit, utcumque rite facta sit exheredatio, testamentum ipso jure non subsistere, sed tunc per querelam posse subverti: de quo uberius inf. tit. 18. Duar. ad hunc tit. c. 20. Covar. in c. Raynautius. §. 6. n. 2. & 3. Bocer. hic. n. 21.

Sin autem resipuerint, infirmari] Deficiente minimè conditione hujus substitutionis: ut enim pupillaris substitutionis hæc propria est,

Si filius impubes decesserit; ita exemplaris hæc propria, *Si mente captus in eadem constitutione mentis decesserit*: ac proinde ut illa pubertate, ita hæc finitur resipiscencia: quomodo veteres quoque principalia rescripta interpretati sunt, quibus specialiter aliquibus concessum erat, liberis puberibus ob infirmitatem aliquam, propter quam ipsi testari non poterant, testamentum facere: iniquum enim esset, testamenti factionem adimere homini sani sensus & mentis, l. ex facto. 43. hoc tit. ubi indicatur alius quoque modus, quo hæc substitutio infirmatur, sui hæredis agnatio. Quid autem si filius in eadem mentis abalienationem reciderit? Zafius tract. subst. exempl. post Baldum & Salicet. in d. l. 9. c. hoc tit. distinguit inter modicum & longum intervallum, ut illo casu duret, hoc evanescat substitutio, quod & Covar. in d. c. Raynautius. §. 6. n. 11. probat. Perezus ad eund. tit. c. n. 33. indistinctè negat umquam convalescere. Vasquius contra convalescere, ait, sed ita, quasi interim non extinctam, idque etiam si filius tempore mortis paternæ adhuc sit sanæ mentis, lib. 2. de success. progress. §. 17. n. 48. & seqq. quæ etiam est communis opinio secundum Jason. & alios à Vasq. & Covar. allegatos. Ratio juris suadet, ut dicamus, cum Donel. 6. comm. 27. siquidem filius vivo adhuc patre in eundem morbum reciderit, magis esse, ut substitutio duret, arg. l. 6. §. 2. de her. inst. §. 4. inf. de her. qual. nisi forte per id tempus, quo sanæ mentis fuit, ipse testamentum fecerit, per §. 1. sup. quib. non est perm. fac. test. Quod si tempore mortis testatoris sanæ mentis fuerit, evanescere substitutionem, arg. l. coheredi. 41. §. 2. hoc tit. Quæ etiam sententia videtur D. Viglii hic. n. 19. male in contrarium allegati à D. Perezio. Add. Mant. de conj. ult. lib. 5. c. 16. n. 24. & seqq.

T E X T U S.

Proprium pupillaris substitutionis.

2. Igitur in pupillari substitutione secundum præfatum modum ordinata duo quodammodo sunt testamenta, alterum patris, alterum filii; tamquam si ipse filius sibi heredem instituisse: aut certe unum testamentum est duarum causarum, id est, duarum heredarum.

C O M M E N T A R I U S.

Redit Imp. ad institutam initio disputationem de substitutione pupillari. Ait, in ea substitutione duo quodammodo esse testamenta; quæ verba capienda non sunt. Etenim non hic eorum sensus est, in pupillari substitutione, quatenus sola & per se spectatur, duo esse testamenta; quæ oratio implicaret contradictionem: quippe in pupillari substitutione

tione soli pupillo hæres datur, cujus idcirco etiam testamentum dicitur, licet patrem auctorem habeat, l. 20. *hoc tit.* & *passim*: ea verò pars, qua impubes ipse aut alius hæres instituitur, patris testamentum constituit, nulloque modo appellari potest substitutio pupillaris. Sed ita accipienda sunt, ut simul comprehendatur ipsa impuberis institutio secundum formulam in pr. traditam: quod ostendunt verba secundum præfatum modum ordinata. Hoc sensu rectè dicitur, duo hic quodammodo testamenta esse, alterum patris, alterum filii. Hinc enim est, quod utriusque morse expectanda, quod duæ aditiones necessariae, l. 2. §. 1. *hoc tit.* l. 11. §. 1. *ad Trebell.* duplex item apertura tabularum, si pupillares seorsum obsignatae, l. 8. *test. quem. aper.* quod pater una hora sibi, altera filio hæredem facere potest, l. 16. §. 1. *hoc tit.* sibi per scripturam, filio per nuncupationem, & contra, d. l. *patris.* 20. *cod.* l. 8. *in fin. sec. tab.* quod filio substitutus, eo abstinente, non cogitur paternis creditoribus respondere, l. *Julianus.* 42. *de acq. hered.* & apparet hoc luculentius in substitutione exheredati.

Vnum testamentum duarum causarum] Rectè quoque, sed sensu diverso, unum hic esse testamentum dicitur, l. 2. §. *prim.* 4. d. l. *patris.* 20. *hoc tit.* l. *patremfam.* 28. *de reb. auct. jud. poss.* nimirum, tum ratione causæ efficientis, quia unum dumtaxat auctorem habet; tum formalis, quia unica solemnitate contentum, veluti unis septem testium signaculis, d. l. 20. tum ratione subsistentiæ, quia pupillare testamentum per se non subsistit, sed paterni accessio est, quo rupto, rescisso, aut irritato facto, simul concidit, d. l. 2. §. 1. l. 10. §. 3. l. 16. §. 1. *cod.* l. 11. *test. quemad. ap.* §. 5. *inf. hoc tit.* Atque hinc est, quod in tabulis patris & filii una Falcidia servatur, l. 11. §. *quod vulgo.* 5. *ad leg. Falc.* quod juri accersendi locus est inter patris & pupilli tabularum legatarios ut inter re conjunctos, l. *planè.* 34. §. *sed si.* 10. *de legat. 1.* & si quæ sunt alia generis ejusdem. Consulatur D. Hotomannus, qui singula accuratè persecutus est.

TEXTUS.

Alia forma substituendi pupillariter.

3. *Sin autem quis ita formidolosus sit, ut timeat, ne filius suus pupillus adhuc ex eo quod palam substitutum acceperit, post obitum ejus periculo insidiarum subiaceat, vulgarem quidem substitutionem palam facere, & in primis testamenti partibus ordinare debet: illam autem substitutionem per quam, si hæres extiterit pupillus, & intra pubertatem decesserit, substitutus vocatur, separatim in inferioribus partibus*

scribere debet, eamque partem proprio lino propriaque cera consignare: & in priore parte testamenti cavere, ne inferiores tabule vivo filio & adhuc impubere aperiantur. Illud palam est, non ideo minus valere substitutionem impuberis filii, quod in iisdem tabulis scripta sit, quibus sibi quisque heredem instituisset: quamvis pupillo hoc periculosum sit.

NOTÆ.

3. *Proprio lino*] Vide *comment. infra.* *Exempla substitutionis pupillaris factæ in ima cera, siue ultima parte tab. habes in l. ult. de fidej. libers.* l. 8. §. *ult. sec. tab.*

In priore parte cavere] Et si non cavit, voluisse tamen intelligitur, qui separatim obsignavit tabulas pupilli, l. 3. *test. q. ap.*

COMMENTARIUS.

Quia substitutio hæc pupillo periculosa videtur, consilium hoc loco parentibus datur, ut eam in ima parte tabularum scribant, linoque proprio trajecto constrictam obsignent, caveantque, ne vivo & adhuc impubere filio aperiantur.

Periculo insidiarum subiaceat] Vulgaris substitutio rarius periculum liberis impuberibus creat quia adita hæreditate spes omnis successionis substituto præcidiitur. Potest tamen & ipsa causam præbere insidiis. Apud Ciceronem in *orat. pro Cluent.* cap. 21. legimus, mulierem quamdam Milesiam, accepta à secundis hæredibus pecunia partum sibi medicamentis abegisse: cujus rei meminit Triphon. l. *Cicero.* 39. *de pen.* Citius autem periculum metuitur à substituto pupillariter, si is mortuo patre pueri custode, se esse substitutum cognoscat: hic enim majorem occasionem habet vitæ pupilli struendi insidias, eumque, antequam pubescat, è medio tollendi. In cujusmodi seculus impulsus hac occasione fuit tutor ille, qui in Sergius Galba ob id cruce affectus: nimirum quod pupillum, cui substitutus hæres erat, veneno necasset. Sueton. in *Galb.* cap. 9. Scilicet ea vulgo est hominum improbitas, ut spe luculentæ hæreditatis aut similis lucri, quod post obitum alienjus se percepturos, certo sciunt, facile impellantur ad affectandam illius mortem. Notum est illud Persianum *satyr.* 2. v. 12. de improbo insidiatore pupilli, cui hæres substitutus erat:

— *Pupillam veninam, quem proximus hæres impello, exungam.*

Eodemque pertinent illa Horatii l. 2. *satyr.* 5. v. 48.

Arripe officiosus, & ne scribare secundus Hæres, ne si quis casus puerum egerit Orco, In vacuum venias.

Primis testamenti partibus] Tabulæ testamenti in plures partes dividi possunt, singulæque partes seorsum obsignari, ita ut priores sine poste-

posterioribus commodè aperiri & resignari queant. Primam testamenti partem Horatius d. *Satyr.* 5. v. 53. sequi primam ceram vocat, sicut Tranquillus in *Iulio* c. 83. partes inferiores, imam ceram. Cicero *Perr.* 3. extremam ceram codicis. Quod intelligendum est è consuetudine veterum Romanorum, qui in tabulis ceratis scribere solebant. Quamvis interdum etiam chartis & membranis uterentur, §. *nihil autem*. 12. *sup. de testam. ord.* consule D. Salmas. *lib. de mod. usur.* c. 11.

Separatim in inferioribus partibus] Exempli substitutionis pupillaris factæ in infima sive novissima parte testamenti habemus apud Marcell. *L. ult. de fideic. lib.* Paul. *L. ult. ad sen. Treb. Ulp. l. 8. test. quem. ap.* quo loco etiam hoc scribit Jurisconsultus, prætorem non pati sine causæ cognitione aperiri tabulas pupillares, quas separatim ignotas testator relinquit, quamvis expressè non caverit, ne experiantur: quia sc. prætor existimat, id nullo modo è re pupilli futurum esse.

Proprio lino] Significat, testamenti tabulas diverso lino ita ligandas esse & complicandas, ut lino inciso singulæ per se commodè aperiri possint. Lini, quo tabulæ ligantur, mentio fit plerisque locis, *L. Aurelius*. 28. §. 1. *de lib. leg.* l. 1. §. pen. & *ult. de bon. poss. sec. tab. l. pen. C. de testam.* apud Lucian. in *Timone*, Sueton. in *Neron.* cap. 17. *Adversus falsarios tunc primum repertum, ne tabulæ nisi per lino, ac ter lino per foramina trajecto obsignarentur.* Add. Alciat. 4. *parad.* 6. Cajus 2. *inst.* 4. §. 3. de hac cautela sic scribit: Sed pupillaris substitutio ita secreta esse debet, ut ad notissimam substitutus pervenire non possit, ne visa pupilli substitutus aliquas infidias moliasur. Nam in extrema pagina testamenti fieri debet, ut pars illa, in qua pupillaris substitutio scripta est, quamdiu pupillus annos pubertatis egredietur, obsignata permaneat, & prior pars testamenti, in qua hæres scriptus est, referatur.

Cavere, ne inferiores tabulæ aperiantur] Pupillares tabulas aperiri plerumque vetabat parens, *l. 3. C. quemadmodum testam. ap.* aut venisse intelligebatur, si seorsum eas signatas reliquisset, *l. 8. ff. cod.* Quæsieris, quid juvet, hanc adhibuisse cautionem, cum qui in vulgarem casum impuberi à patre substitutus est, etiam in casum pupillarem substitutus esse intelligatur ex constitutione D. Marci, *L. 4. hoc sit.* Nam facta palam substitutione vulgari, etiam si altera celetur, in idem incommodum incidi; quia substitutus ignorare non potest, mortuo impubere, se ei hæredem fore ex tacita pupillari. Sed facilis est responsio, nimirum ex conjectura voluntatis hoc introductum, ut substitutioni vulgari expressè, pupillaris infit: in voluntate testatoris manifestè contraria secus esse, d. *leg.* 4. §. 2. & *l. 4. C. cod.* Neque enim unquam in re manifesta, aut ubi de voluntate constat, præsumptionibus aut con-

Pinnius in Institut.

jecturis locus est, *l. continuus*. 137. §. 1. *in fin. de verb. obl.* Quamobrem cum in casu præsentis ex prioris testamenti parte constet, testatorem expressè aliquem filio substituisse in imis tabulis, quas filio vivo & adhuc impubere aperire vetuit, nihil certi sibi promittere substitutus potest de successione pupilli, cum scire non possit, ipsumne an alium testator in secundum casum substituerit.

Non idcirco minus valere] Igitur Justinianus hic non imperat, sed suadet. Consilium est, non præceptum, & ut Græci εἰς νόμον, ἀλλὰ παρακλήσιν; neque enim eo minus valet pupillaris substitutio, quod scripta est in eisdem tabulis, quibus testator sibi hæredem instituit. Quin etiam sibi in tabulis testamentum facere pater potest: filio impuberi per nuncupationem substituere, *l. 8. in fin. sec. tab. l. patris*. 29. §. 1. *h. l.*

T E X T U S.

Quibus substituitur.

4. *Non solum tamen heredibus institutis impuberibus liberis ita substituere parentes possunt, ut si hæredes eis extiterint, & ante pubertatem mortui fuerint, sit eis hæres is, quem ipsi voluerint: sed etiam exheredatis. Itaque eo casu, si quid exheredato pupillo ex hereditatibus, legatibus aut donationibus propinquorum atque amicorum acquisitum fuerit, id omne ad substitutum pertinebit. Quæcumque diximus de substitutione impuberum liberorum, vel heredum institutorum, vel exheredatorum, eadem etiam de posthumis intelligimus.*

N O T A.

4. *Sed etiam exheredatis*] *l. 2. §. 2. l. 10. §. 5. hoc sit.* Ulpian. *tit.* 13. §. 7. quia pater non suis bonis substituit, sed impuberis, videlicet jure potestatis, *d. l. 10. §. 5.* quo & tutorem dat, *l. 4. de test. tut.* Formula: *Titius hæres esto: filius exheres.* Si filius impubes moriatur, *Sempronius ei hæres esto.*

Ex hereditatibus legatisve, &c.] *d. l. 10. §. 5.* Non tamen potest pater ab exheredato legatum relinquere, *l. 41. §. 3. h. tit.* neque à substituto exheredati, *l. 41. §. 3. de test. mil.* Legatum onus est: hæredem habere non est.

Etiam de posthumis] *l. 2. cod. exempl. in l. 46. h. l. ult. C. de insti. & subst.*

C O M M E N T A R I U S.

1 Formula substitutionis pupillaris exheredato facta.

D d 2 Ma

3. Male in vulgatis codicibus interpungi l. miles.
41. §. 4. de test. milit.
3. Patrem ab exheredato filio ejusve substituto legare non posse.
4. An exheredatio extinguat jus suicitatis? Questio subtilissima.

Sed etiam exheredatis] Non ait, præteritis, quia sic testamentum patris ipso jure nullum esset, l. p. de inust. vult. l. inter cetera. 30. de lib. & posth. Exheredatis autem rectè substituitur, l. 1. §. 2. l. 10. §. ad substitutos. §. hoc sit; nimirum jus hoc substituendi, ut & tutores dandi, non ab institutione hæredis; sed à potestate patris pendet: quippe non suis bonis, sed impuberis substituit; quo argumento utitur Ulp. d. l. 10. §. 5. Quamobrem et si hodie bonorum adventitiorum proprietas patri non quæritur, non eo tamen minus substituere filio exheredato poterit. Neque in eo injuria fit exheredato, quod pater ei hæredem dat: quin potius ad utilitatem pupilli hoc spectare creditur, l. Julian. 42. de acq. hæ. fac. l. 6. in pr. de interrog. in jur. Sed quibus verbis hæc substitutio concepienda est? Non enim potest concipi eadem formula, qua utimur in substitutione filii hæredis instituti: Si hæres eris, & intra pubertatem decederis. Nimirum posterior tantum hujus conditionis pars exprimenda. Formula hæc sit: Titius hæres esto; Filius exheres. Si filius impubes moriatur, Sempronius ei hæres esto. Ex quo apparet, veram hæc substitutionem nullam esse, ac ne vix quidem coloratam, ut monui initio hujus tit. Vinn. Sed hoc ipso confirmatur sententia nostra, quod hæc testamenti factio sit ex XII. tabulis. Quamvis enim substitutio hæc nec vulgaris dici possit, nec pupillaris: eam tamen admittendam putarunt Romani, quia sic quoque paterfamilias testatur de pecunia suæ rei. Hein.

- Pupillo ex heredisatibus legatisve] Nam uti modo dictum est, non suis sed impuberis bonis testator substituit. Turbavit hic multos vitiosa lectio l. miles. 41. §. 4. de test. mil. Sic enim is locus in vulgatis codicibus legitur: Exheredato miles & emancipato filio substituere potest. Verum hoc jus in his exercebitur, quæ ab ipso ad eum, cui substituit, pervenerunt: non etiam in his, quæ habuerit, vel postea acquisierit. Quod si exheredato filio à milite substitutus ea tantum accipit, quæ à testatore perfecta sunt; nihil amplius ei tribuendum, si substitutus sit a pagano. Ceterum alia omnia ratio juris efflagitat: nec responsum istud, si ita legas, defendi potest à summa absurditate. Quod cum animadverteret D. Viglius, ausus est, quamquam nullius in fretus codicis auctoritate, locum aliter interpungere, dictioneque exheredato, in calcem præc. §. transposita, novum sic inchoare, Miles, & emancipato filio, &c. quam viri doctissimi & prudentissimi inter-

punctionem postea compertum est Pisani codicis auctoritate confirmari.

Ad substitutum pertinebis] Hoc igitur certo constitutum est, licere patri substituere filio impuberi etiam exheredato, atque ex hac substitutione ad substitutum pertinere adventicia exheredati emolumenta. Sed hac occasione duo quæsitæ sunt; primum, an quemadmodum pater exheredato rectè substituit, ita etiam ab eo legatum aut fideicommissum rectè relinquat: alterum, an à substituto exheredati legatum aut fideicommissum dare valeat. Primum quod attinet, placet, patrem à filio, quem exheredavit, legare aut fideicommissum relinquere non posse, l. coheredi. 41. §. 3. hoc sit. Alia enim ratio est substitutionis, alia legatorum sive fideicommissorum. Legata & fideicommissa onera sunt: ac proinde aliis imponi non possunt, quàm iis, quos defunctus honoravit, & tantum pro modo relicti, d. l. coheredi. §. 3. l. 1. §. sciendum. 6. de legat. 3. l. 9. C. de fideic. Substitutio verò onus nullum continet, (neque enim onus est hæredem habere,) sed est provisio pertinet ad commodum ipsius pupilli. Atque hinc quoque judicandum de altero. Nam si ab exheredato legari non potest, nec poterit à substituto ejus. Ratio enim non patitur, ut plus juris habeat testator circa personam substituti, quàm habet in eo, cui substituit, l. qui fundum. 87. §. qui filios. 7. vers. dices aliquis. ad leg. Falc. l. ab exheredati. 126. de legat. 1. Planè quemadmodum filius exheredatus, si legatum vel fideicommissum à patre accepit, fideicommissum itidem à patre gravari potest, d. l. coheredi. §. 3. ita & eo casu poterit substitutus, si juris rationem spectes, l. 5. §. 1. de legat. 3. Contrarium tamen in odium exheredationis constituit Justinianus, l. cum quidam. 24. C. de legat. ut bene observavit D. Viglius. Ne olim quidem, ut hoc obiter addam, legari à substituto exheredati poterat, quantumvis legatum etiam amplum à patre accepisset, l. miles. 41. §. 3. de test. mil. nimirum quia ex ratione juris veteris legata à legatario ejusve hærede non rectè relinquebantur, ac bene fideicommissa. inf. de sing. reb. per fideic. rel. in pr. d. l. 5. §. 1. de legat. 3.

Eadem etiam de posthumis intelligimus] Quæstionem, an hodie post Nov. 115. c. 3. posthumus exheredari, & consequenter, an ei exheredato substitui possit, alio loco reservamus. Illud pro coronide hic indagare lubet, verumne sit, quod nonnullis visum est, per exheredationem tolli jus suicitatis. Nam si hoc verum est, concidit in totum doctrina hujus §. quandoquidem suis tantum hæredibus substitui potest, l. 2. in pr. hoc sit. Verum autem esse, hisce argumentis probari videtur. Primum, si exheredati ne hæredes quidem sunt, nec sui hæredes dici possunt: cum non entis nulla sit qualitas; atque ut in scholis ratiocinantur,

ab

ab est secundi adjecti ad est tertii adjecti valat consequentia negando. Hæredes autem non esse, testatur Jurisconsultus l. 1. §. pen. de suis & legit. Ratio enim juris manifesta est, quia nec ex testamento nec lege eis desertur hæreditas, ut plenius ostendimus in §. cum autem. 7. inf. de hæ. que ab int. Secundo inter suos hæredes numerari non potest, qui pro mortuo habetur; ac exheredatus habetur pro mortuo, l. 1. §. sed & si. 3. de conjug. cum emanc. lib. Postremo sui hæredis jus per exheredationem dicitur abscissum esse, l. 9. §. 2. de lib. & post. Ex contrario verò non tolli per exheredationem jus suicitatis, duobus argumentis perspicue evincitur. Unum petunt est à definitione. Nam si sui hæredes sunt liberi omnes defuncti, qui eo tempore, quo moritur, in potestate illius sunt, & primum in familia locum obtinent: non potest non filius exheredatus eo tempore inter suos hæredes numerari, nisi dicamus, quod inauditum est, exheredatione solum fuisse jus patriæ potestatis. Nec mihi objeceris, jus suicitatis non ex eo solum xliari, quod quis in potestate sit, & primum gradum in familia teneat; verum etiam, & maxime ex causa successione: exheredatum autem à successione excludi. Etenim quamdiu pater vivit, exheredationis nulla vis est, eoque etiam mortuo, adhuc in irritum redigi potest, desinito vel rescisso per querelam inofficiosi patris testamento, l. filium. 20. in princ. tab. ut proinde jus filii sui hæredis per exheredationem sublatum fuisse dicere non possit. Alterum argumentum sumitur ab effectis suicitatis propriis. Primum ex eo, quod, ut hoc §. docetur, filio exheredato recte pater pupillariter substituit. Sum autem hæredem esse oportet, cui ita substituitur, l. 2. hoc sit. Secundo, quod cum tutor testamento dari non possit nisi ei, quem quis in suis hæredibus, cum moritur, habuit, l. quo tutela. 73. §. 1. de reg. jur. recte nihilominus detur exheredato, l. 4. de test. in p. Tertio, quod exheredati filii persona obstat nepoti, quominus suus hæres fiat avo, & præteritus quasi agnascendo rumpat avi testamentum, l. 6. pro de injust. rupt. test. l. 7. unde l. b. Si enim per exheredationem perimeretur jus suicitatis, nepos proximus occuparet locum patris, atque in sui hæredis locum succedendo avi testamentum rumpere, non secus ac is rumpit, cujus pater mortuus aut emancipatus est, §. 2. sup. de exher. lib. l. 13. de inj. rupt. Postremo à jure quoque suicitatis procedit, quod filio, qui in potestate est, exheredato, ad transmittendam querelam nec honorum possessio, nec aditio hæreditatis necessaria est. Cur enim alioqui contra filium emancipatus nisi ista fecerit, non videtur litem præparasse? l. 7. de inoff. testam. Neque verò adeo difficilis responsio est ad argumenta duo posteriora, quibus diximus probari videri, exheredatione jus sui hæredis planè extingui.

Etenim quod Ulpian. ait d. l. 1. §. sed & si. 5. de conjug. cum emanc. lib. patrem exheredatum pro mortuo haberi, verum quidem est, non autem simpliciter, sed quod ad illud editum de quo agitur, attinet; ne scilicet pater emancipatus exheres factus impediatur, quominus nepos in potestate retentus & præteritus bonorum possessionem contra tabulas solus petat aut si concurrat patruus, partem bonorum dimidiam consequatur; cum si pater exheredatus non fuisset, ex edicto filio jungeretur. Eodem modo responderi potest ad d. l. 9. §. 2. de lib. & post. jus filii eo loco abscissum dici comparative, respectu sc. ejus, qui apud hostes est, cujus jura omnia in suspensio retinentur propter spem possibilibus. Aut si magis placet emendatio Ant. Fabri. 10. cons. 12. pro illis verbis, filius jure, lege, illius jure: ut hoc referatur ad nepotem, cujus sanè jus per exheredationem patris penitus abscissum est in tantum, ut nec defuncto ante aditam hæreditatem patre ad successionem avi admittatur, d. l. 9. §. 2. d. l. 6. de injust. rupt. test. l. 7. unde lib. quæ emendatio eo probabilior est, quia & sententiæ Jurisconsulti locus sic restitutus melius convenit, & lectio loci mirè variat, ut videre est apud Accurs. Bart. Alciat. & in editione Robert. Stephani. Majorem difficultatem habet argumentum, quod primo propositum fuit: utique enim cum verum sit, exheredatum morienti patri hæredem non existere, consequens est, nec suum esse, quo tempore pater moritur: alioqui necessario potestate juris statim hæres existeret, & obstarat hæredi instituto, quominus ipse directo hæres esse & jure civili hæreditatem cernere posset, arg. l. nli. de acq. hæ. quod falsum esse patet ex d. l. 6. in pro de injust. rupt. test. l. filium. 20. de bon. poss. cont. tab. Quamobrem sic omnino statuendum arbitror, vivo adhuc patre, cui testamentum mutare licet, exheredationem non impedire, quominus filius exheredatus adhuc inter suos hæredes habeatur: atque ideo nepotibus ex se natis obstat, quominus in locum ipsius & gradum ascendat. Sed & post mortem patris, quamdiu adhuc ab intestato succedere potest, pro suo interim haberi, quoniam rescisso aut deserto patris testamento si hæres nihilominus patri existit, perinde ac si nulla exheredatio intervenisset, d. l. filium. 20. cons. tab. l. 8. §. pen. de inoff. testam. Verum enim verò si exheredatio confirmata fuerit aditam ex testamento hæreditate, hac consideratione exheredatus amplius pro suo haberi non potest, cum verum sit, eum patri suum hæredem non existisse, nec existere posse, d. l. 1. §. pen. de suis & legit. add. Gonz. 1. res. 11. n. 9. Hotom. 9. obs. 10. Ant. Fab. 9. cons. ult. Christian. vol. 4. decis. 16. n. 4. Bachov. hic. add. Val. Reimer. decis. 6. disp. 1. obs. 4.

TEXTUS.

Pupillare testamentum sequela paterni.

3. *Liberis autem suis testamentum nemo facere potest, nisi & sibi faciat; nam pupillare testamentum pars & sequela est paterni testamenti: adeo ut si patris testamentum non valeat, nec filii quidem valebit.*

NOTÆ.

3. *Nisi & sibi faciat*] d. l. 2. §. 1. Immo nisi sibi prius faciat, deinde filio, nec converso modo à filii testamento incipiat, d. l. 2. §. 4. & ult. utique si ex intervallo diversisque tabulis sibi pater heredem scribat, & filio substituat, quod facere potest, l. 16. §. 1. l. 20. §. 1. cod. Ceterum si conjunctim, eodem tempore, ac contextu utrumque fiat licet ordinem convertere, veluti si ita scribat, *Si filius meus intra pubertatem decesserit, Sejus heres esto: Si filius heres esto*, d. l. 3. §. 5.

Nec filii valebit] Fac. ratio in l. 129. §. 2. l. 178. de reg. jur. c. accessorium. 42. cod. in. 6. Patro tamen hodie tabulas pupillares non infirmari, quamvis exheredatus querelam inoff. testamenti obtinuerit per Nov. 115. c. 3. in fin.

COMMENTARIUS.

- 1 Patrem prius sibi debere testamentum facere, deinde filio, nec converso modo à filii testamento incipere: nisi conjunctim unoque textu utrumque fiat.
- 2 Patris testamento non subsistens, & filii nullum esse, aut convertere.
- 3 Cum rescisso per querelam testamentum patris substitutus pupillaris concidat, petita contab. bonorum possessione non item?
- 4 Inter novissimo etiam expugnato per querelam testamentum patris, salvam manere substitutionem pupillarem.

Permissum quidem patri est, suo testamento perfecto, alio tempore filio testamentum facere, l. 16. §. 1. hoc sit, aut sibi per scripturam, filio per nuncupationem, vel contra, l. patris. 20. cod. & vel instituto filio vel exheredato. Ceterum necessariam omnino est, ut sibi quoque heredem faciat, qui filio vult facere, l. 2. §. 1. cod. Incongruens enim visum est, eum, qui ipse intestatus decedere cupit, filio suo heredem testamento dare: tantumque concessum patri sibi testamentum facienti, simul filio impuberi prospicere. Ex quo efficitur, testamentum patris principale esse, filii accessorium & paterni appendicem; ac proinde hoc sine illo non consistere, extrinseca juris regula, l. nihil dolo. 129. §. 1. de reg. jur. c. accessorium. 42. cod. in. 6. Ceterum hoc in paganis obtinet: militi enim ex privilegio indultum, ut soli filio heredem facere possit, tamen

sibi non fecerit, d. l. 2. §. 1. l. in fraudem. 15. §. pen. de test. mil.

Nisi & sibi faciat] Immo nisi sibi prius faciat, deinde filio: nec converso modo à filii testamento incipiat, d. l. 2. §. prius. 4. & §. ult. Quippe hic ordo naturæ est, ut sit & precedat aliquid principale, cui quid accedere volumus, quod per se solum subsistere nequit. Filii autem testamentum sequela est & accessio paterni, ita ex paternis tabulis pendens, ut sine illis non subsistat. Merito itaque Juliani sententia rescripto Imperiali comprobata est, patrem prius sibi debere, deinde filio heredem scribere, neque hunc ordinem convertendum esse, incipiendumve à testamento filii, d. l. 2. §. 4. Minimeque audiendus est Goveanus, qui lib. 1. var. lect. 8. in d. §. 4. pro comprobata reponit improbatam, motus ratione, quia Ulpianus mox utitur, quia constat, unum esse testamentum. Nam ista ratio non evertit Juliani sententiam, ut Goveano videtur, sed confirmat. Obijci quippe poterat, duo hic testamentum esse, unum patris, alterum filii, §. 2. sup. cod. ac proinde parum referre, ab utro incipiatur. Cui objectioni occurrit Ulpianus tacite significans, si revera duo diversa hic essent testamentum, facile se concessurum, nihil interesse, utrum prius posteriusve factum sit: sed quia unum dumtaxat revera testamentum est, quod duas quidem partes habeat, sed quarum illa, qua heres instituitur filio, pendeat ex altera, qua heres instituitur patri, rationem exigere, ut ea pars precedat, quæ principalis est, sequatur altera, quæ ex priori dependet, & sine ea consistere non potest. Atque hæc ita obtinent, si ex intervallo diversisque tabulis pater sibi heredem scribat, & filio substituat. Si vero conjunctim eodem tempore ac contextu utrumque fiat, placet substitutionem valere, licet conversa scriptura filii testamentum factum fuerit. Veluti si quis ita scripserit, *Si filius meus intra pubertatem decesserit, Sejus heres esto. Filius heres esto*, d. l. 2. §. sed & si. 5. & merito, quia in conjunctionibus nullus ordo est, nec quicquam interest, utrum prius, utrum posterius dicatur scribaturve, teste Alfenor, l. cum quidem. 14. de pecul. leg. fac. l. si fil. 28. de her. inst. Ad hunc modum hæc explicant Zas. ad d. l. 2. §. 4. n. 8. Duar. in comm. ad hunc tit. c. 14. Vigl. hic, citans Rason. & DD. ultramontanos. Angelus etiam communem hanc esse sententiam testatur.

Nec filii quidem valebit] Nam, ut dictum est, cum principalis causa non subsistit, ne ea quidem, quæ sequela & accessionis vicem obtinent, consistere possunt, l. nihil dolo. 129. §. 1. l. cum principalis. 178. de reg. jur. c. accessorium. 42. cod. in. 6. Hinc fit, ut non tantum ab initio pupillares tabulae non subsistant, si patris testamentum ab initio nullum sit, verum etiam corruant, si patris testamentum, quod recte factum erat, postea infirmetur, puta aut

rumpatur agnatione vel quasi agnatione sui hæredis, l. 2. in pr. hoc sit. aut inofficiosum in totum pronuntietur, l. 8. §. sed nec. 5. in fin. de inoff. test. aut irritum fiat testatore capite minuto, aut non adita ex testamento hæreditate, d. l. 2. §. 1. l. 10. §. 4. eod. Planè si suus hæres testamento patris sit institutus, puta pupillus ipse, nihil amplius ad confirmationem testamenti desideratur, quàm ut is mortuo patri sit superstes, licet se abstineat: nam vel nudæ sui hæredis existentia hæc vis est, ut confirmet tabulas pupillares, l. 12. h. sit. de quo plenè scripsimus ad pr. hujus sit. Illud alicui mirum videatur, quod cum, rescisso per querelam testamento, substitutio pupillaris concidat, eam tamen placet valere, cum præterito filio contra tabulas bonorum possessionis petita est, l. ex duob. 34. in fin. & l. seq. eod. non enim minus sic testamentum rescinditur, reditque res ad causam intestati, quàm ex causa inofficiosi, l. ut liberis. 17. C. de collat. Ego hoc ex eo esse puto, quod querelæ inofficiosi hic color prætextitur, quasi testator sanæ mentis non fuerit, cum testamentum ordinaret, l. 1. l. 13. de inoff. test. ut proinde, eo rescisso perinde omnia haberi debeant, ac si testamentum nullum factum esset, aut ab eo factum, qui testamenti factionem non habuit, nihil ut ex eo testamento valeat, l. 8. §. pen. l. cum mater. 28. d. sit. Hoc autem prætextu non petitur aut conceditur contra tabulas bonorum possessio. Occurrit etiam, quod prætoris remedia non ultra operantur, quàm prætor voluit, l. in konvensional. 52. de verb. obl. Cumque prætori hoc curæ sit, ut beneficii sui fines sic regat, ut quam potest minimum detrahat juri civili, & omnino ne cui noceat, credibile est, ob hanc causam noluisse eum vim auxilii sui porrigi ad tabulas pupillares, ne, dum aliis opitulatur, utilitatem impugnet pupilli. Ad hæc nec prætor ipse omnino pro nullo habet testamentum, contra quod bonorum possessionem pollicetur: nam si hoc septem testium signis signatum sit, etiam scriptis in eo hæredibus, dat bonorum possessionem secundum tabulas, scil. si liberi præteriti, quorum causa potior est, non petant, l. 2. in pr. secund. tab. Ut adeo nihil mirum sit, substitutionem pupillarem, quæ edictum prætoris non offendit, salvam manere. Qua de re vide quæ superius disputavimus sub sit. de exher. lib. Hodie ex novella Justiniani lege, etiam si per querelam inofficiosi testamentum patris expugnatum fuerit, pupillaris substitutio salva manebit, quemadmodum & legata cæteraque capita firma manent præter institutionem. Nov. 115. c. 3. in fin. unde auth. ex causa. C. de lib. præ. & ibi com. DD. Equidem scio, Dynum & Petrum à Bellapert. contendisse, ea tantum ex novella ista lege rescisso testamento salva manere, quæ institutionem hæredis non desiderant, veluti legata, fideicom-

Finis in Distinct.

missa, libertates, tutorum donationes: secus adhuc esse in iis, quæ hæredis institutionem requirunt, ut pupillaris substitutio; idque & Covaruvæ probari in cap. Rayn. §. 6. nu. 3. Cæterum mihi verba illa Novellæ, & alia capitula, non ob aliam causam videtur addidisse Justinianus, quàm ut omnia capita comprehenderet extra institutionem: ac licet pupillaris substitutio & ipsa sit institutio, palam tamen est, illic per institutionem, quæ irrita esse jubetur, intelligi institutionem primam, qua scil. pater sibi hæredem scripsit, non qua filio, quæ tantum pars est & sequela paterni testamenti: pertinet denique etiam ad utilitatem pupilli, ut salva maneat substitutio, ob quam causam & olim everso per bonorum possessionem cont. tab. testamento patris conservata fuit; l. ex duobus. 34. in fin. cum l. seq. hoc sit.

T E X T U S.

Quot liberis substituitur,

6. Vel singulis autem liberis, vel ei, qui eorum novissimus impubes morietur, substitui potest. Singulis quidem, si neminem eorum intestatum decedere voluerit: novissimo, si jus legitimarum hereditatum integrum inter eos custodiri velit.

C O M M E N T A R I U S.

- 1 An postquam mater una cum fratribus defuncti ad legitimam hereditatem vocata est, adhuc locus sit dispositioni hujus §.
- 2 An non saltem, quo mater excludatur, dici possit, fratres per fideicommissum mutuo substitutos esse?

Quæ plures liberos impuberes habet, si neminem eorum intestatum decedere velit, potest singulis, quos voluerit substituere, aut ipsos invicem & reciprocè, eique, qui novissimè impubes mortuus fuerit, substituere alium aliquem, l. si pater. 25. hoc sit. Quod si uni tantum substituit, hic solus testatus decedet, cæteri intestati. Unde si postremo morituro tantum substituerit, jus legitimarum hereditatum inter fratres conservare voluisse intelligitur, l. vel singulis. 37. eod. unde hic locus sumptus est.

[Intestatum decedere] Nota, impuberes etiam dici intestatos decedere, etsi ipsi testamentum facere non possunt; sicut vice versa testati decessisse dicuntur, cum pater eis testamentum fecit. Porro an propriè vox intestatus impuberibus, furiosis & similibus personis attribuantur, ita ut statuta de successione intestatorum loquentia ad eas quoque personas intelligi debeant pertinere, tractamus inf. sit. 1. lib. 3. in pr.

[Jus legitimarum hereditatum] Nam cum cæteris n. c. pater testamentum fecerit, nec ipsi sibi

De 3

sibi in ætate pupillari facere possint, necessario evenit, ut præmorientium fratrum impuberum hæreditates ex lege 12. tabb. ad superflices perveniant: quorum tandem omnium bona in ultimi defuncti hæreditate reperta substitutus ejus consequetur. Unde queritur, cum hodie ex Nov. 118. cap. 2. mater defuncti una cum fratribus ad legitimam hæreditatem vocetur, adeoque fratres consanguineos tantum, sive *quædam* excludat, utrum nihilominus adhuc in casu proposito novissimo morienti substitutus bona etiam cæterorum integra consequatur, an mater partem eorum auferat, easque dumtaxat partes seriatim substitutus, quæ morte fratrum ad impuberem pervenissent, nulla facta substitutione? Prius illud dicere non possumus, nisi fingamus, substitutionem novissimo factam ad omnes pertinere, singulosque invicem tantum substitutos, & postremum morientem prædefuncto. At hoc vetat hic ipse locus. Ait enim Imp. cum novissimo tantum substituitur, jus legitimarum hæreditatum inter fratres integrum custodiri. Si verò mutua hic fingatur substitutio, priorum morientium superflices non legitimi hæredes, sed ex testamento essent, omnesque decederent testati. Proinde dicendum, ut olim in casu proposito inter fratres, quippe qui soli à lege vocabantur, legitimæ hæreditates salvæ manebant, ita hodie etiam matri, postquam ex una cum defuncti fratribus admissa est, jus legitimæ successionis integrum manere, atque ad substitutum eas dumtaxat partes pertinere, quæ in hæreditate ultimi defuncti reperiuntur. Sed dixerit adhuc aliquis, quidni hic fideicommissum inducimus, ut ipsi fratres, si non directo, saltem per fideicommissum invicem substituti videantur? Ita enim Paulum in specie non dissimili respondisse, l. Titia. 87. §. 2. de legat. 2. Species hujusmodi est, de qua consultitur; Testator certum fundum legavit Titio & Maxio, fideique eorum ita commisit, ut qui ex eis ultimus decessisset, eum fundum, cum moreretur, restitueret Sempronio. Respondet Jurisconsultus, in eo fideicommissio testatorem duos videri gradus substitutionum fecisse, unum, ut is, qui ex duobus prior moreretur, alteri restitueret, quod colligit ex verbis, qui ultimus decessisset; alterum, ut novissimus restitueret Sempronio. Sed non est hæc species similis nostræ. Rectè Jurisconsultus in d. l. Titia. 87. §. 2. ex eo, quod testator proponitur eum, qui ex duobus, quibus fundum legaverat, posterior moreretur, rogasse, ut eum fundum alii restitueret, colligit alterum fideicommissum: non enim rogatus proponitur de restituenda dumtaxat parte sua, sed de toto fundo, ac proinde etiam de parte collegatarii præmortui. Jam verò quia hoc facere non potest, nec implere fideicommissum expressum, nisi collegatarii quoque pars ad eum pervenerit, appareret, eam defuncti fuisse voluntatem, ut qui

ex collegatariis prior moreretur, superflicem partem suam restitueret. In casu vero nostro nihil est, quamobrem præter substitutionem novissimam aliam aut fideicommissum inducamus; non enim in universa hæreditate, sed ultimi morientis tantum bonis substitutio facta proponitur.

T E X T U S.

De substitutione nominatim aut generaliter facta.

7. Substituitur autem impuberi aut nominatim, veluti, Titius hæres esto: aut generaliter, ut Quisquis mihi hæres erit. Quibus verbis vocantur ex substitutione, impubere mortuo filio, illi, qui & scripti sunt hæredes, & extiterunt, & pro qua parte hæredes facti sunt.

C O M M E N T A R I U S.

1. Generali formula substitutionis solos illos vocatos intelligi, quos hæredes nominatim scripti sunt.
2. Ex eadem formula solos venire, qui pars hæredes extiterunt.
3. Eiusdem formula hunc effectum esse, ut substituti eandem ex substitutione partes consequantur, quas in partis hæreditate habuerunt.

Substitutio pupillaris vel specialiter & nominatim concipitur, puta hoc modo, *Filius meus hæres esto. Si filius impubes decesserit, Titius hæres esto.* Vel generaliter, veluti, *is pluribus hæredibus institutus, testator his verbis filio substituat: Quisquis mihi hæres erit, idem filio meo impuberi hæres esto, l. 3. l. 8. l. 10. hoc tit. l. ult. C. cod.* Ad quem modum vulgaris substitutio non rectè conciperetur, nam hæc formula, *quisquis mihi hæres non erit, &c.* in infinitum produciatur. Non est verò eadem vis generalis & specialis substitutionis, ut in calce exercitios hujus §. ostendimus, cum cognita nobis erit potestas clausulæ generalis sive horum verborum, *quisquis mihi hæres erit, &c.* quam solam hic explicat Justinianus.

Qui & scripti sunt hæredes & extiterunt, & pro qua parte. Paucissimis verbis triplicem comprehendit effectum horum verborum, *quisquis mihi hæres erit.* Primus hic est, quod his verbis vocati intelligantur illi soli, qui hæredes nominatim scripti sunt, non alii, qui forte per eos, qui scripti sunt, hæredes extiterunt, itaque nec dominus, qui per servum, nec pater, qui per filium hæres extitit, ex hac clausula ad hæreditatem impubertis admittitur: quippe quibus non iudicio defuncti, sed vi potestatis vel dominicæ vel patris hæreditas obvenit, l. 3. l. 8. §. 1. cod. Eademque ratione nec hæredis hæres admittetur, d. l. 8. §. 1. licet alias hæredis appellati ne etiam hæres hæredis

ut contineatur, l. *heredis*. 65. l. *sciendum*. 70. de verb. sign. l. *qui per successionem*. 194. de reg. jur. l. ult. c. de *her. inst.* nec is, cui ex fideicommissio hereditas restituta est, ut recte docet D. Vigl. *hic*. Ceterum quod diximus, dominum non admitti, id intelligendum est, si hoc solo obtentu hereditatem pupilli ex substitutione ad se pertinere contendat, quod patris bona jam apud se per servum quaesita habeat. Non enim inspicitur, apud quem patris hereditas sit, sed quis à patre expressè & immediate ad hereditatem vocatus. Ideoque, si servus quaesita domino ex institutione hereditate, antequam ex substitutione adiret, à potestate ejus exierit, non poterit dominus ex substitutione impuberi haeres effici: sed servus vel ipse sibi hereditatem impuberis acquireret, si forte manumissus fuerit; vel si alienatus, novo domino, cujus jussu adierit. At verò, si existente conditione pupillaris substitutionis adhuc in ejusdem domini potestate sit, nihil prohibet, quominus jussu ejus nunc item ex substitutione pupilli hereditatem adeat, eamque novo hoc suo facto acquirat domino; ut post Io. Fab. *hic*. & DD. comm. in l. *filiofam.* 11. de *legat.* 1. docent Vigl. & Bachov. *hic*. Duar. in comm. ad hunc tit. cap. 15. & fac. l. 3. hoc tit. junct. §. 1. sup. de *her. inst.* Simili igitur modo, si filiusfam. emancipatus fuerit, ipse ex substitutione haeres fiet: si in potestate manserit, patrem heredem faciet.

- 2 Alter effectus substitutionis generaliter factae est, quod ex ea soli veniant illi, qui patri haeredes extiterunt: proinde si haeres scriptus paternam hereditatem repudiaverit, nihil ei proderit ad hereditatem pupilli consequendam, quod testamento patris haeres scriptus est: nam alias horum verborum, *Quisquis mihi haeres erit*, &c. nulla vis esset, cum à testatore jam ante haeredes scripti sint, qui ea conditione substituuntur, d. l. 8. in fin. pr. hoc tit.
- 3 Tertius effectus est, quod generali formula substituti easdem ex substitutione partes consequuntur in bonis pupilli, quas in ipsius patrisfam. hereditate habuerunt, d. l. 8. §. 1. in fin. Ut hic quoque locus sit regulariter tradit in §. 2. *prae. tit.* testatorem eas videri in substitutione partes cuique dedisse, quas in institutione expressit. In substitutione nominatim facta, siue speciali, converso fere modo haec se habent. Nam primo necesse non est, ut is, qui nominatim substitutus pupilli hereditatem vindicat, haeres à patre scriptus sit. Deinde etsi haeres ex parte scriptus est, non eo tamen minus ex substitutione admittitur, quod patris hereditatem repudiavit, modo utramque nunc amplectatur, nisi sub ea conditione substitutus sit: *Si haeres erit*, d. l. 8. in pr. junct. l. 10. §. 3. *cod.* Postremo nominatim substituti, non hereditatis partes, id est, quae singulis adscriptae sunt in institutione, sed viriles siue aequales habebunt, per ea, quae tradimus sub §. 2. *tit. prae.*

TEXTUS.

Quomodo substitutio pupillaris finitur?

8. *Masculo igitur usque ad quatuordecim annos substitui potest: foemina usque ad duodecim annos. Et si hoc tempus excesserint, substitutio evanescit.*

NOTA.

8. *Evanescit substitutio*] Quamvis longius tempus comprehensum fuerit, l. 14. *cod.* quod autem evanescit, nec ad causam fideicommissi proficit.

COMMENTARIUS.

1 *Pupillarem substitutionem extinguere anno quatuordecimo aut duodecimo completo, licet non superato.*

2 *Si longius tempus comprehensum fuerit, an post pubertatem substitutio valeat jure fideicommissi?*

3 *An ad causam fideicommissi trahatur, si deum à pubertate substitutio incipiat?*

Dictum supra est, pupillarem substitutionem introductam esse ex hac causa, quod cum liberi in ea aetate essent, ut ipsi sibi testamentum facere non possent, utile atque ex re ipsorum visum fuerit, ut parentes eis facerent. Quamobrem cum ad eam aetatem pervenerunt, qua jam ipsi testari possunt, cessante fine substitutionis, merito placuit, eam extinguere: alias, quod iniquissimum est, civi Romano puberi testamenti factio auferretur, l. *ex facto*. 43. hoc tit.

Usque ad quatuordecim annos, &c.] Masculi enim anno quatuordecimo, foeminae duobus annis maturius puberes sunt, sup. quib. mod. *int. fin.* à qua aetate jam ipsi testamentum facere possunt, l. 5. *qui test. fac.* Ait, usque ad quatuordecim annos, quibus verbis significat, omne spatium, quod est intra pubertatem, liberum esse patri ad substituendum filio, finem autem hujus arbitrii esse pubertatem. Quapropter si quis verbi causa ita substituit: *Si filius meus intra decimum annum decesserit, &c.* pupillusque ad eos annos pervenerit, expirat substitutio, licet postea decesserit intra annum decimum quartum, leg. si *ita*. 21. d. l. *ex facto*. 43. §. 1. *cod.* At si in substituendo annos pubertatis egressus sit, finietur nihilominus substitutio pubertate, l. in *pupillari*. 14. *cod.*

Si hoc tempus excesserint] Liberi nimirum, quibus facta est substitutio, masculi annos quatuordecim, foeminae duodecim: neque enim patitur contextus, ut ad parentes, qui substituerunt, haec referantur. Quod verò ait *excesserint*, id verbum non puto praecise hic accipiendum esse, quasi non satis sit annum quatuordecimum aut duodecimum complexisse, eo-

que non completo, sed superato demum extinguatur substitutionem: sed potius explicandum ex iis locis, ubi ex professo agitur de ætate, qua cives testamentum facere possunt. Atqui ex quo quis incipit testamentum facere posse, finem capere debet hæc substitutio, utpote quæ hoc uno fundamento nititur, quod si, quibus sit, sibi non possint hæredem facere. Aliud tamen D. Viglio visum.

Evanesceit] Etiamli longius tempus comprehensum fuerit, d. l. 14. hoc tit. Sed longiore tempore comprehenso, an non saltem post pubertatem substitutio valebit jure fideicommissi? Finge ita factam, *Si filius intra annum vice-
simum decesserit, Titius hæres esto*. Ex hac substitutione constat, filio intra pubertatem defuncto, directo jure succedi, post id tempus non item. Sed quæritur, an non saltem post pubertatem proficiat ad causam fideicommissi, ut perinde ex eo tempore haberi debeat, ac si filius post pubertatem intra annum vice-
simum moriens rogatus esset hæreditatem patris substituto restituere? Communis sententia est, testibus Zas. c. 5. de subtit. compend. Covar. in c. Raynus. de testam. §. 9. n. 29. Ias. in l. precibus. 8. C. hoc tit. n. 11. ejusmodi substitutionem pubertate ita finiri, ut nulla ejus vis amplius supersit. Quæ sententia mihi verissima videtur. Etenim inconueniens omnino est, ut una substitutio diverso jure pro diversitate temporis censeatur, scilicet ut valeat intra pubertatem directo, & bona tam patris quam filii, ex quibus una facta est hæreditas, complectatur, post pubertatem jure fideicommissi, & sola patris bona contineat. Nec Jurisconsultus in d. l. 14. scribit, substitutionem impuberis, in qua longius pubertate tempus comprehensum est, post pubertatem ad fideicommissum trahi, sed pubertate finiri: quod Justinianus hic expressit verbo significantissimo *evanescere*. Quod si ne illa quidem substitutio, quæ demum à pubertate incipit, jure fideicommissi valet, multo minus ullo jure valere poterit, qua etiam ætas pupillaris comprehenditur: nam, ut bene disputant Mantie. 7. de conj. ult. vol. tit. 3. n. 9. Gomez. 1. res. 7. n. 2. Cristin. vol. 4. decis. 16. n. 5. facilius ad fideicommissum trahi potest post pubertatem facta verbis directis in secundum casum substitutio, quam ea, quæ annos pupillares simul complexa pubertatem certis annis excedit. Sed quoniam iidem DD. & cum his commun. interpretes non concedunt, quod nos pro vero & certo assumimus, nimirum, ne illam quidem substitutionem, quæ à pubertate incipit hoc modo, *Si filius meus post quartumdecimum annum decesserit; ad casum fideicommissi proficere, id nobis prius quam hinc abeamus probandum est*. Non valere quasi fideicommissum, argumento sit l. si servus legat. 108. §. si servus alienus. 9. de legat. 1. l. 9. C. de test. man. quibus in locis servo alieno directa libertas

frustra dari dicitur. Quod si favor libertatis verbum directum ad fideicommissum non trahit, nulla res omnino trahet. Et cur testatoris voluntatem, quæ contra leges est, adjuvemus, ut benigna interpretatione inducamus fideicommissum, de quo non apparet testatorem cogitasse? Neque enim, ut quid valeat jure fideicommissi, sufficit, tale id esse, quod jure fideicommissi valere posset, si testator voluisset, nisi & voluerit, l. 1. l. 13. §. 1. de jur. cod. l. ex ea scriptura. 29. qui test. fac. l. quærebatur. 19. de test. mil. l. cohæredi. 41. §. 3. h. tit. Sed quid opus est argumentis? Papi-
nianus l. 17. cod. omnem dubitationem tollit, cum sic scribit, *Verbis civilibus substitutionem post quartumdecimum annum frustra fieri convenit*, neque enim frustra fieri diceret, aut rectè diceret, si post id tempus quasi fideicommissum valeret, & verba directa inflecterentur. Non obstat huic sententiæ l. Scævola. 76. ad Trebel. quoniam quod Scævola ibi respondet, id in casu illic proposito favore pupilli benignè receptum est, ut ipse significat, & tamen simul ex conjectura voluntatis paternæ. Proponitur enim substitutio facta in codicillis: qui locus est obliquarum non directarum dispositionum. Proponitur pupillus, cui ita substitutio facta, in ætate pupillari decessisse: atque in hac specie respondet Jurisconsultus, benigna interpretatione placere, ut quod valere non potest, ut testamentum pupilli, valeat saltem quasi codicillus ab intestato; cùmque ratio juris non patiat, ut ex hac substitutione hæredem habeat directo, ut habeat saltem ex fideicommisso, postquam patri concessum, legitimum filii hæredem fideicommisso obstringere. Cæterum sustinebitur hoc fideicommissum usque ad tempus pubertatis: cùm verò pupillus adoleverit, evanescet, ne, quod propter utilitatem impuberis introductum est, puberi jam facto oblit in libertate testandi, arg. l. si fundum. 93. §. 2. junct. l. quod fideicommissi. 93. de leg. 1. l. cohæredi. 41. §. 3. hoc tit. l. ex facto. 43. §. 1. cod. junct. d. l. Scævola. 76. ita ferme & plerique recentiores. Cujac. 11. obs. 25. Govean. ad d. l. 7. Paul. Bus. ad l. centurio. 15. cod. Duar. comm. in hunc tit. c. 16. Vasq. l. 1. de succ. progr. §. 1. n. 118. Ant. Fab. 15. comm. 12. & 14. Fachin. 4. contr. 44. add. Menoch. de præsumpt. part. 2. lib. 4. som. 1. præf. 34. & 55. & quæ nos sub §. seqq. VINN. Nec tamen omnes. Nam sunt, quibus contraria sententia videtur probabilior: quia quidquid in fideicommissum legitime flecti potest, facile flecti solet. §. 3. Inst. quib. mod. test. inf. l. 2. C. comm. de leg. l. 69. præf. de leg. 2. l. 15. C. de testam. Quæ attulit Vinnii, ad jus vetus pertinent, quum nondum tantum auctoritatis tribueretur fideicommissis tacitis. Vinnii principia in foro vix admittuntur. HEIN.

TEXTUS.

Quibus pupillariter non substituitur.

9. *Extraneo vero, vel filio puberi heredi instituto ita substituere nemo potest, ut si hæres extiterit, & intra aliquod tempus decesserit, alius ei sit hæres: sed hoc solum permixtum est, ut cum per fideicommissum testator obliget alii hereditatem ejus vel totam, vel pro parte restituere: quod jus quale sit, suo loco trademus.*

NOTÆ.

9. *Vel filio puberi*] L. 7. *cod. ubi Papinian. scribit, verbis civilibus substitutionem post quartum decimum annum frustra fieri: ac proinde talis substitutio ne jure quidem fideicommissi valebit; nam quod frustra fit, nullo genere valere intelligitur.*

Nemo potest] Nemo scilicet paganus: nam militi hæc concessa sunt, l. 5. l. 41. §. 4. *de test. mil. l. 15. h. t. l. 8. c. cod. ut & alia, quæ in paganis non obtinent, l. 1. §. 1. h. t. l. 15. §. pen. de test. mil.*

Suo loco trademus] In fin. hujus lib. tit. 23.

COMMENTARIUS.

1. *Militum privilegia circa directam substitutionem in casum pupillarem.*
2. *Apud Batavos & plerosque alias Belgii populos pupillarem substitutionem locum non habere; & an locus sit exemplari.*

Quæ hoc §. traduntur, omnia consequentia sunt iis, quæ relata sunt initio hujus tit. Nam si parentibus tantum permixtum est, liberis impuberibus, & iis dumtaxat, quos in potestate habent, ita substituere, ut si hæres extiterint, & intra pubertatem moriantur, alius sit eis hæres; ex eo omnino efficitur, neque parentes posse ita substituere liberis, quos in potestate non habent, nec si in potestate habeant, & puberes sint. Postremo nec omnino quemquam alium posse vel impuberi extraneo, vel puberi hoc modo substituere, ut si hæres extiterit, & intra aliquod tempus vita decesserit, alius ei hæres sit: in tantum, ut nec jure fideicommissi talis substitutio valeat, ut modo probavimus, & hic locus insuper confirmat, cum dicat Justinianus, neminem posse extraneo aut filio puberi, in casum, quo hæres futuri sunt, substituere: sed tantum permixtum esse testatori, ut hæredem institutum per fideicommissum obliget, &c. Cur enim requireret expressum fideicommissum, si ipsa directa substitutio in proposito jure fideicommissi defendatur, quod totidem verbis indicare poterat? ut bene disputat D. Viglius hic, & Ant. Fab. 15. *con. 12.* contra DD. vulgo, quos sequuntur Gomez & Mantica. ubi supra. Solis mi-

litibus concessum est, ut etiam liberis emancipatis, aliisve extraneis, qui hæreses extiterint, directo substituatur: sed hoc jus in his exercetur, quæ à milite ad eum, cui substituit, pervenerunt, non quæ aliunde, l. 5. l. miles tit. 41. §. 4. *de testam. mil. tit.* Ejusdem privilegii est, quod miles liberis suis etiam post pubertatem directo substituere potest, sive compendio sive expressa certa post pubertatem ætate; ut utraque substitutio intra pubertatem valeat jure communi sive directo, l. *centurio. 15. h. t.* post eam ætatem ex privilegio militis jure fideicommissi, l. *precibus. 8. c. cod. & bona dumtaxat patris contineat cum fructibus inventis in hereditate, d. l. 15. id est, ut recte Govean. & Bas. ibid. Perez. ad tit. c. *de imp. & al. subst. n. 27. & 28.* cum fructibus pendencibus, & maturis tempore mortis ipsius militis. Nam hi fructus augent hereditatem, l. 9. *ad l. Falc.* ac per consequens in fideicommissariam hereditatis restitutionem venire potest: neque ad hos fructus pertinet l. *in fideicommissaria. 18. in pr. ad sen. Treb.* idque etiam crebrius placuit; licet Ant. Fab. d. loc. Duar. d. *comm. c. 23. Hotom. 1. amicab. 17. Don. in d. l. precibus. 8.* contendant, hujusmodi substitutiones à milite factas etiam post pubertatem valere jure directo. Vinn. Nec male hi interpretes, ex mea quidem sententia. Favent enim iis l. 5. ff. *de testam. mil. tit.* & l. 15. ff. *h. t.* Ubi substitutus dicitur capere bona patris, Capi autem dicuntur ea, quæ jure directo valent, uti legata per vindicationem. Ulpian. tit. 24. §. 2. *sequ.* Ita fere Merrill. *Obs. lib. 6. cap. 5.* ubi & argumenta ab aliis in contrarium adlata eleganter diluit. Hæren. Porro de fideicommissaria substitutione tractatur in fin. hujus lib. tit. 23. Apud Batavos & Zelandos substitutioni pupillari locum non esse, utpote quæ originem trahit à singulari illa Romanorum in liberos potestate, quæ nobis incognita, tradit D. Grot. lib. 1. *manud. ad Batav. jur. c. 6. & lib. 2. c. 19. in fin.* & secundum eum judicatum est. De cætero quoque Belgio (excipienda tamen Frisia) idem refert D. Gudelin. lib. 2. *de jur. noviss. c. 5. sub fin.* Nam et si nos quoque potestatem in liberos nostros habemus, non talem tamen habemus, qualem Romani, quæ etiam ad bona liberorum propria se extendat: atque inauditum est, tantam nunc esse patriam potestatem, ut pater filio hæredem dare queat, qui succedat in universa filii bona, non solum quæ à patre ipso, sed etiam quæ aliunde accepit, atque adeo dare etiam exhæredato: sed utimur substitutione fideicommissaria. Idem quoque tradunt, pari ratione mores hodiernos nec quasi pupillarem substitutionem agnoscere, inauditumque esse, patrem filio mente capto ea substitutione, quam ad exemplum pupillaris Justinianus introduxit, testamentum facere, eique dare hæredem, Grot. & Gudelin. ubi sup. Groenew. *de leg. abr. hic.* Cæterum hoc non obstante nuper Curia Hollandiæ hujusmodi testamentum rescindere noluit, eo quod, ut allegabatur, exemplaris substitutio neque libera sit, nec avi patris potestatis,*

statis, ut superius illa pendeat; sed in sola humanitate fundata sit: idemque matri & avo materno hic concessum, quod patri, nec patri minus circa liberos emancipatos, quam in potestate constitutus, vid. *sup. §. 1. cod.* Quamquam mores nostri totum hoc aversari videntur, dare alii, quantumvis filio, heredem: & admissa exemplari substitutione in liberis mente captis, ex ratione constitutionis Justiniani eadem potrigenda erit etiam ad liberos impuberes, etiam si sanæ mentis sint, per ea, quæ d. §. 1. num. 3. Curiam tamen pro testamento pro-

nuntiasse, postea intellexi. Sed & gentis nostræ simplicitati conveniens esse multi existimant, ut substitutiones directis verbis in secundum casum factæ, puta si heredi instituto, & in casum, si heres erit, & intra certum tempus decesserit, alius directo substituatur, valeant jure fideicommissi, quasi factæ in codicillis, arg. l. Scævola. 76. ad Sen. Trebell. & exemplo substitutionum militarium, l. centurio. 15. ff. junct. l. præcibus. 8. C. hoc tit. Gudelin. libr. 2. de jur. noviss. cap. 5. Cyprian. cens. Belg. hic. Groenevv. tract. de legib. abrog. cod.

TITULUS DECIMUSSEPTIMUS.

QUIBUS MODIS TESTAMENTA INFIRMANTUR.

Dig. Lib. 28. Tit. 3.

Ratio ordinis.

EXPOSITA sunt ea omnia, quæ ad constitutionem testamenti necessaria diximus initio tractatus de testamentis ordinandis. Sunt autem hæc tria; ut persona testantis talis sit, quæ testamenti factionem habeat; ut testamentum fiat adhibitis solemnitatibus tum communibus & externis, videlicet præsentibus sepeem testibus idoneis, &c. tum internis & quorundam testatorum propriis, scilicet ut pater testaturus liberos, quos in potestate habet, hæredes instituat, aut nominatim exhæredet. His rebus aut una earum deficientibus, testamentum ab initio nullum est, l. 1. de injust. rupt. irr. fact. irr. Ubi autem hæc omnia concurrunt, habemus id, quod hæcenus quæsitum est, justum sive jure factum testamentum, l. 4. qui test. fac. Quia verò non satis est ad deferendam ex testamento hæreditatem, id ab initio justum esse, nisi & tale ad extremum perseveret, rectè atque ordine Imperator facit, quod prius nobis proponat modos, quibus testamenta rite facta infirmantur, quam progrediatur ad disputationem de acquirenda vel omittenda hæreditate.

TEXTUS.

Quibus modis Testamenta infirmantur.

Testamentum jure factum usque eo valet, donec rumpatur irritumve fiat.

NOTÆ.

Donc rumpatur irritumve fiat] Rumpi & irritum fieri privationem significant, & ideo propriè non nisi de iis, quæ jure subsistunt, prædicantur, l. 5. hoc tit. de injust. rupto, &c. privatio enim, ut in scholis dicitur, præsupponit habitum. Quæ verò testamenta non jure facta sunt, injusta & nulla

dicuntur, veluti ubi solemnia defunt, aut filius in potestate præteritus est, l. 1. l. 3. §. 4. l. 6. §. 1. cod.

COMMENTARIUS.

Donc rumpatur irritumve fiat] Ratio infirmandi testamenti non una est: nam & sententia judicis rescinditur, si querela instituta inofficiosum pronuntiatum fuerit, de quo *tit. seq.* & à prætore data bonorum possessione contra tabulas, *tit. de bon. poss. cont. tab.* & citra factum judicis aut prætoris infirmatur sola potestate juris: idque iterum duobus, iisque discretis modis, quorum altero *rumpi* dicitur, altero *irritum fieri*. De testamento rupto disputatur usque ad §. 4. inde de irritato, adjectis in calce aliquot declarationibus. Quia verò Justinianus rem totam non plenè explicat, nos operam dabimus, ut quicquid hujus rei est, penitus percipi possit ex nostra in singulos hujus *tit. §§.* explicatione. De bonorum possessione contra tabulas, qua & ipsa jure prætorio testamentum rescinditur, de mum dicemus in secunda specie acquisitionis per universitatem, *infr. lib. 3. tit. 10.*

TEXTUS.

Quando testamentum dicatur rumpi.

Primum de adoptione.

1. *Rumpitur autem testamentum, cum in eodem statu manente testatore ipsius testamenti ius vitatur. Si quis enim post factum testamentum adoptaverit sibi filium per Imperatorem eum, qui est sui juris, aut per prætorem, secundum nostram constitutionem, eum, qui in potestate parentis fuerit, testamentum ejus rumpitur quasi adgnatione sui heredis.*

COMMENTARIUS.

Cum in eodem statu manente testatore] Toties rumpi testamentum dicitur, quoties evenitur manente testatore in eodem statu: cum vero statum mutat, id est capite minuitur, non rumpi, sed irritum fieri testamentum proprie dicitur, §. 4. *inf. eod.* Apparet igitur, in eodem statu hic dici oppositive respectu ejus modi, quo testamentum infirmatur ob id, quod testator in eodem statu non mansit: quare expungenda est à paraphrasi Theophili negatio, & pro *ut nunciat*, legendum *mutante* *ut si aut exarsit*: quomodo & in duobus regis codicibus legi testatur Fabrotius. Porro ut testatoris statu non mutato testamentum infirmetur, uno verbo ut rumpatur, bifariam contingit, agnatione sui hæredis, & mutatione voluntatis: ille modus hoc §. alter sequenti, uno uterque exemplo declarat. *Adrogaverit sibi filium per Imperatorem*] Id est adrogaverit; est enim periphrasis adrogationis, quæ species adoptionis est, per quam interveniente Principis auctoritate eum in filium adsciscimus, qui sui juris est. Stante repub. populum auctorem fieri necesse erat, ut annotatum est, lib. 1. tit. de adop.

Secundum nostram consuetudinem] L. pen. C. de adop. vide sup. §. 2. *ead.* qua disponit, ut si filius extraneæ personæ in adoptionem daretur, jura patris naturalis integra servarentur, si vero persona non extraneæ, puta avus, n. potest ex filia aut filio emancipato in adoptionem acciperet, solvi jus patris naturalis, & transire adoptivum in potestatem & familiam hujus patris adoptivi. Significat igitur, hoc casu per adoptionem testamentum rumpi, quasi agnatione sui hæredis, illo non item: cum olim indistinctè quavis adoptione, sicuti adrogatione, rumperetur, l. 8. de *injust. rupt. test.* Cæterum hi ita rumpunt, si præteriti sint: nam si qui hæres antea institutus erat, postea à testatore adrogetur, vel adoptetur, potest dici, ei satisfactum esse, l. si quis. 18. *ead.* l. filio. 23. §. 1. de lib. & posthum. Quid si exheredatus sit? Et Ulpianus Marcelli & Papiniani sententiam probat, ut exhereditatio extraneo scripta ei postea adoptato non nocet, nocet autem filio emancipato, qui postea adrogatus sit, l. 8. §. si quis. 7. & seq. cont. tab. de l. 23. in pr. de lib. & posth. credo, quia in persona extranei exhereditatio inepta & nulla est, de qua consule Vigl.

Quasi agnatione sui hæredis] L. verum. 8. de *injust. rupt.* multoque certius sui hæredis agnatione vera & naturali, cum scilicet post testamentum factum testatori filius ex uxore nascitur, l. 3. §. 1. de *injust. rupt.* Similiter si nepos, qui tempore testamenti facti suus hæres avo non erat, patre remoto, in locum sui hæredis vivo avo successerit, quasi agnascendo testamentum avi, quo præteritus est, rumpit, l. posthumorum. 13. d. 11. quæ species forte hic ideo non repetuntur, quia alibi propositæ sunt, §. 2. & 2. sup. de *exher. lib.* Huc etiam pertinent liberi naturales suscepti ex

concubina, & post factum testamentum legitimi, sive insequenti matrimonio, sive curiæ oblatione, sive per rescriptum Principis. Nam cum hi etiam jura suorum hæredum consequantur, §. 2. *inf. de her. que ab int.* Nov. 89. c. 8. & 9. necesse est, ut & ipsi à patre præteriti testamentum rumpant quasi agnatione.

TEXTUS.

De posteriori testamento.

2. *Posteriore quoque testamento, quod jure perfectum est, superius rumpitur: nec interest, extiterit aliquis hæres ex eo, an non. Hoc enim solum spectatur, an aliquo casu existere potuerit. Ideoque si quis aut noluerit hæres esse, aut vivo testatore, aut post mortem ejus, antequam hereditatem adiret, decesserit, aut conditione, sub qua hæres institutus est, defectus sit; in his casibus præteritam. intestatus moritur. Nam & prius testamentum non valet ruptum à posteriore; & posterius aequè nullas vires habet, cum ex eo nemo hæres extiterit.*

NOTÆ.

2. *Superius rumpitur*] Etiam si nominatim non revocetur, l. 1. l. 2. *ead.* l. 27. C. de *testam.* Ea quippe voluntas rata esse debet, quæ novissima, l. 4. de *adim. leg.* sic etiam leges posteriores & pacta novissima derogant prioribus. Rumpitur quoque testamentum corruptis tabulis, puta deleris, incisis, cancellatis, &c. l. ult. h. l. l. 1. §. pen. l. pen. §. 2. *sec. tab.*

Aut conditione defectus] Etenim tam solemne riteque per omnia factum testamentum habetur, quo hæres institutus est sub conditione, quàm quo purè, §. 9. sup. de *her. inst.*

COMMENTARIUS.

1. *Via & effectus incisionis testamenti, deletionis scripturæ, cancellationis, &c.*
2. *Inciso, deletis, cancellatis, &c. testamento, utrum hereditas sibi applicetur, an deferatur hæreditibus legitimis?*
3. *An jura de incisione, inductione, &c. agentis accommodari debeant & ad testamenta novæ patris, de quibus instrumentum conficitur, ut nunc moris est?*
4. *Cur prius testamentum etiam tabulis manentibus integriti semper rumpatur à posteriore?*
5. *Ad infirmandum prius testamentum necesse non esse, ne id in posteriore nominatim revocetur.*
6. *Error Bachovii notatur & corrigitur.*
7. *Quid si prius testamentum continet clausulam derogatoriam posterioris voluntatis?*
8. *Prius testamentum per posterius tolli, etiam si ex posteriore nemo hæres extiterit.*
9. *Quibus modis fiat, ut hæres deficiat, & testamentum deficiatur?*

Secundus modus, quo testamentum initio rite factum postea rumpitur, est mutatio voluntatis testatoris. Hic modus iterum duplex est; nam & corruptis tabulis ita rumpitur, & integris manentibus. Corruptis, si testator testamentum incidit, laceraverit, scripturam induxerit, deleverit, cancellaverit, signa amoverit aut turbaverit, *ut de his que in testam. delent. l. ult. de injust. rupt. test. l. ad testum. 22. §. 3. qui test. fac. l. 1. §. pen. l. pen. §. 2. de bon. poss. sec. tab. l. 12. l. pen. C. de testam. nisi forte non consulto, sed incaute quid horum fecerit, aut ignorante eo contigerit: nam tunc si legi adhuc quod scriptum est utcumque poterit, ratum manebit testamentum, l. 1. de his que in test. del. d. l. pen. C. de test. Planè inductio aut cancellatio non ultra operabitur, quam scriptura inducta aut cancellata est, l. 2. & 3. d. cit. de his que in test. del. Neque ex pluribus testamenti codicibus uno deleto aut inciso, testamentum sublatum esse intelligitur, nisi hi, qui ab intestato venire desiderant, probaverint, id ideo à patrefam. factum esse, ut intestatus moreretur, l. ult. cod. r. His autem modis testamento rupto, hæreditas non applicabitur fisco, sed deferetur hæredibus ab intestato, d. l. pen. C. de testam. l. 1. §. pen. unde *liberi. l. ult. de his que in test. del. nisi speciall odlo hæredum inductio facta probetur, quo in casu tamquam ab indignis hæreditatem fiscus aufert, l. 3. d. cit. l. cum tabulis. 16. §. 2. de his que ut indign. Clar. §. Testamentum. q. 93. num. 2. Mantie. de conj. ult. vol. lib. 12. tit. 1. n. 31. Paul. Buf. ad l. 1. & seqq. de his que ut indign. Quæ de incisione aut cancellatione testamenti dicuntur, ea constat ad testamentum nuncupativa, qua talia sunt, applicari non posse. Sed an his modis item rumpantur, quæ, uti hodie moris est, per nuncupationem quidem fiunt, sed ita ut voluntas suprema jussu testatoris scripto comprehendatur à Notario in scheda, unde mox diligentius describatur & in formam redigatur instrumenti, quæritum est. Julius Clarus d. loc. existimat, incisionem aut cancellationem instrumenti ad cassationem & annulationem talis testamenti non sufficere, si protocollum Notarii integrum relictum sit, quod & Viglio placere videtur, in §. pen. hoc sit. cum ait, non minus talia testamenta ex verbis & voce substantiam capere, quam quæ scripta non sunt, & ideo discriptis scripturis nihilominus permanere: cujus auctoritatem Senatus hujus provincie in judicando aliquando secutus est, decis. Cur. Holl. 1. eandemque sententiam & Peckius probat lib. 1. de test. conjug. cap. 4. Sed videamus, an non & hæc testamenta in hoc, de quo quærimus, jure scriptorum censenda sint, cum Paul. Castrensi. in l. pen. C. de testam. n. 7. Valq. lib. 2. de success. creat. requir. 8. n. 62. & requir. 17. n. 63. Grass. §. Testamentum. quæst. 85. num. 2. Bachov. in Frentil. vol. 2. dispur. 1. d. hof. 7. Utrique enim ex incisione aut deletionem actus colligitur, testatorem noluisse testamentum amplius valere: neque ratio patitur, ut destructo defetove instrumento, in quo tota vis probationis consistit, dicamus, testamen-**

tum nihilominus robur suum retinere. Sciendum namque est, postquam ex voluntate testatoris quæ scheda continebantur, in instrumentum collata sunt, simul omnem illius vim in instrumentum collata esse censi: ac proinde, cessante jam officio schedulæ, totam vim depositionis à solo instrumento dependere, adeo ut mortuo testatore nihil amplius ad probationem ultimæ voluntatis desideretur, uti post Gloss. & Bart. in l. hæredes. 21. de testam. plerique tradiderunt. Sichert. in l. hæc consultißima. 22. §. per nuncupationem n. 1. C. cod. Mantie. de conj. ult. vol. lib. 1. tit. 6. n. 6. Afflic. decis. 166. n. 2. Neque obstat huic sententia l. ult. de his que in testam. del. quoniam textus ille procedit, quando ex pluribus unius testamenti instrumentis æquæ principalibus unum forte testator deleverit aut incidit, non omnia, uti species proponitur, & in terminis respondet Cast. ubi sup. Est autem protocollum Notarii integrum relictum sit, ex eo tamen voluntas ultima conservata intelligi non debet: quoniam protocollum nihil ad testatorem, sed Notarius ex officio illud conscribere tenetur si dei & collationis gratia, & quia instrumentum amitti potest. Cæterum priorem sententiam & Senatus Sabaudie probavit. Ant. Fab. C. suo de testam. decis. ult. Integris tabulis manentibus testamentum rumpitur ob mutationem voluntatis, si testator aliud testamentum fecerit: qui modus proponitur hoc §. & hanc rationem habet, quod unumquodque testamentum plenam universi juris successionem continet; ac proinde quicumque testamentum facit, censetur de omnibus bonis disponere, ut non magis duo testamenta simul consistere possint, quam duo domini ejusdem rei in solidum constitui. Igitur cum ex pluribus testamentis unum tantum consistere possit, id valere debet ex voluntate ipsius defuncti, quod novissime factum est, per vulgata. Non obstat, quod sententia judicis prima, non postrema, rata habetur. Non enim ut testantis voluntas ambulatoria est, ita & judicis: sed judex simul ac sententiam dixit, officio suo functus est; & ideo iterum de eadem re pronuntiandi potestas non habet, l. judex. 55. de re jud. Planè ut priores tabulæ jure factæ tollantur, oportet sequentes quoque jure ordinatas & perfectas esse, de quo plenius sub §. pen. inf. cod.

Superius rumpitur l. 1. l. 2. de injust. rupt. test. & quidem ob hoc solum, quod aliud testamentum postea factum est, quod Justinianus significat, l. sancimus. 27. C. de testam. cum ait, secundo testamento perfecto, prius tolli ipso jure. Non est igitur necesse, ut posteriore testamento mentio fiat prioris, nominatimve id revocetur, quod ipsius rei natura satis demonstrat: ac proinde supervacua est notariorum clausula, quam posterioribus tabulis inscribere solent, nimirum testatorem revocare, cassare, & annullare testamenta antea à se facta. His autem consequens est, & codicillos, si qui facti fuerint, per posterius testamentum everti, quamvis expresse revo-

carum non sint: cum enim testamento facto codicilli jus ejus sequantur, eo infirmato, simul concidant necesse est, l. 3. §. ult. l. ab intestato. 16. de jur. cod. l. 1. c. cod. tit. Vinn. Hujus juris elegans ratio reddi potest ex ipsa natura testamenti. Testamentum olim erat lex. Hinc condebatur in comitiis calatis: hinc utendum erat verbis directis & legislatoriis: *heres esto, damnas esto, capito, finis*: &c. hinc ipsum vocabulum XII. tab. LEGARE, quasi *legem dicere* nuntiavit. Quemadmodum itaque lex posterior tollit priorem: l. ult. ff. de const. princ. consequens videbatur, ut & testamentum posterius sine nova revocatione rumpere prius. Et id principium, uti alia retinere veteres Jcti, quum jam obsolevisset ritus testandi in comitiis, & testamenta jam formam mancipationis per as & libram induissent. Hein. Quamobrem non rectè Bachovius scribit, generalem clausulam, qua revocatur omnis præcedens dispositio, supervacuum quidem esse, quod attinet ad infirmationem prioris testamenti, cum id hoc ipso, quod aliud conditum est, eveniatur; non autem quoad codicillos antea factos, quippe qui alias cum testamento consisterent. Hoc enim falsum esse, & sublato priore testamento per consequentiam etiam codicillos corrumpere, etiam si nulla revocatio prioris voluntatis facta sit, ex locis modo allegatis perspicue patet. Planè si nullum testamentum, sed codicilli tantum antea facti proponantur, testamento postea facto, hujusmodi clausula otiosa non erit, postquam placuit, codicillos, qui testamentum præcedunt, facto postea testamento vim suam non amittere, nisi appareat, testatorem à voluntate, quam in codicillis expresserat, recessisse, §. 1. inf. de codicill. Et fortassis hoc etiam sensit Bachovius. Sed quid si prius testamentum contineat clausulam derogatoriam posterioris voluntatis? Interpretes comm. censent, prius testamentum habens talem clausulam per posterius quantumvis numeris omnibus absolutum non tolli; ac ne tunc quidem, quando posterius continet revocationem generalem præcedentium omnium dispositionum: sed omnino ad infirmationem primi testamenti derogatorii necessarium esse, ut illius specialis mentio & expressa revocatio fiat in secundo, per l. si quis. 22. de legat. 1. Gomez. ad l. Tauri. 3. num. 92. Covar. de test. p. 2. rubr. n. 5. Valsq. de success. res. lib. 1. §. 1. num. 29. & seqq. Clar. d. §. testamentum. q. 99. Mantie. de conj. ult. vol. lib. 1. tit. 8. Peck. 1. de testam. conjug. c. 10. Grass. §. testamentum. quest. 86. & seq. Jac. Vervvey ars. test. cap. 13. Quæ sententia rationi juris parum convenire videtur, arg. d. 6. §. 2. de jur. Cod. l. ult. in pr. de legat. 2. d. l. 22. de legat. 3. l. 4. de adm. legat. cum siml. Notatur à Cujac. 14. obs. 7. Ant. Merend. lib. 4. contr. sap. 49. Ant. Faber eam numerat inter gravissimos errores, quos antiqui Glossatores invexerunt, decis. 37. err. 7. & seqq. & dec. 38. err. 1. & dec. seq. In foro tamen recepta ac præjudiciis supremorum tribunalium comprobata est, Guid. Pap. quest. 127. Papon. lib. 2. tit. de re-

stam. arrest. 4. & 5. Ant. Fab. Cod. suo tit. de test. defin. 9. & seqq. Joan. à Sande lib. 4. tit. 1. defin. 10. Nec deest color, quo tegi possit Grot. 2. manuduct. cap. 24.

[Nec interest, existerit aliquis heres ex eo, &c.] Quæ sequuntur, continent ampliationem quamdam regulæ initio positæ, nimirum, prius testamentum tolli per posterius, non tantum cum ex posteriore heres existerit, sed etiam eo destituito, l. 1. d. 16. de injust. rupt. test. l. 7. de lib. & posth. Quod hanc rationem habet, quod aditio hereditatis ad substantiam aut perfectionem testamenti, quæ sola hic requiritur, non pertinet; nec prioris testamenti sublatio pendet ab eventu aliquo, aut casu contingente post mortem testatoris, sed illud statim vivo adhuc testatore, ipso jure per posterius rumpitur; ut proinde si posteriores tabulæ jure ordinatæ sint, ut ex iis hereditas adiri potuerit, etiam si contingat, ex iis hereditatem non adiri, priores tamen tabulæ utpote semel ruptæ non restituantur. Pari ratione, si posthumus priori testamento institutus, vel exheredatus sit, posteriore præteritus, & nato posthumo posterius rumpatur, nihilo magis restituetur prius: quod exemplum hic profert Bachovius.

[Si quis aut noluerit, &c.] Enumeratio modorum, quibus sit, ut heres deficiat, & testamentum destituatur. Id fit in summa dupliciter, vel quia heres scriptus non vult heres esse, repudiatque hereditatem: vel quia heres esse non potest; quod contingit, si vel decesserit vivo adhuc testatore, aut post mortem ejus, antequam hereditatem adiret, (neque enim hereditas non adita ad instituti hæredes transmittitur, exceptis personis comprehensis l. un. C. de his qui ant. ap. tab. l. un. §. in novissimo. §. C. de ead. toll.) vel quia conditio, sub qua heres institutus erat, defecit. Hinc autem apparet, prius testamentum non eo minus rumpi per posterius, quod in priore heres purè, in posteriore sub conditione scriptus est, quamvis in uno eodemque testamento subjecta puræ institutioni conditio nihil operetur, l. si se. 27. §. 1. de her. inst. Etenim tam solemne riteque per omnia factum habetur testamentum, quo heres institutus est sub conditione, quam quo purè, §. heres. 9. sup. de her. inst. pendetque hoc totum à sola voluntate testatoris. Contractus verò purus per conditionales non resolvitur, mirum non est, veluti si id, quod purè emi, rursus etiam sub conditione: nam posteriore emptione ideo nihil agitur, quia jam mihi quæsitæ est actio ex emptione priore, l. 7. in pr. de resc. vend.

[His casibus paterfam. intestatus moritur] Id est, exitum intestati facit, res redit ad causam intestati: nemine enim hereditatem adeunte vis omnis testamenti solvitur, adeo ut nihil intersit, utrum aliquis testatus non sit, an hærede destituatur, l. si nemo. 181. de reg. jur. Sed de hoc ex professo inf. tit. de her. que ab int. def. in pr.

TEXTUS.

De posteriore, in quo hæres certæ rei instituitur.

3. Sed & si priore testamento iure perfetto posterius eque iure fecerit; etiamsi ex certis rebus in eo heredem instituerit; superius testamentum sublatum esse, divi Severus & Antoninus Augusti rescripserunt: cuius constitutionis verba & hic inferi iussimus, quum aliud quoque præterea in ea constitutione expressum sit. Imperatores Severus & Antoninus Augusti Cocceio Campano. Testamentum secundo loco factum, licet in eo certarum rerum hæres scriptus sit, perinde iure valere, ac si rerum mentio facta non esset: sed & teneri heredem scriptum, ut contentus rebus sibi datis, aut suppletur quarta ex lege Falcidia, hereditatem restituat his, qui in priore testamento scripti fuerant, propter inserta fideicommissi verba, quibus ut valeret prius testamentum expressum est, dubitari non oportet. Et ruptum quidem testamentum hoc modo efficitur.

NOTÆ.

Ex certis rebus.] Nam non minus rectè instituitur hæres ex re certa, puta ex fundo, quàm ex parte hereditatis, l. 1. §. 4. l. 9. §. 13. l. 10. de her. inst.

Ac si rerum mentio facta non esset.] Rei enim mentio potestate juris detrahitur, ad illam quia contradictionem implicat, heredem esse rei singularis. Itaque universa bona obtinebit, nisi coheredem simpliciter aut ex parte scriptum acceperit: tunc enim legatarii loco est, l. 41. in fin. de vulg. & pup. l. 23. C. de her. inst.

Ut valeret prius testamentum.] Hæc clausula eum hoc efficere nequeat, ut prius testamentum in suo robore duret, & ita duo sine unus testatoris testamenta, sic accepta est, quasi vim prioris testamenti in causam fideicommissi & codicillorum convertere testator voluerit, l. 19. de testam. mil.

COMMENTARIUS.

1. Appellatione quarta Falcidia veteres passim & quartam Senatusconsulti intelligere.
2. Fideicommissa quandoque induci & sine verbis fideicommissorum propriis ex voluntate testatoris.
3. Doctrinam huius §. ad testamentum militum non pertinere, ut nec superioris.

ETiamsi ex certis rebus.] Alia ampliatio præcedentis doctrinæ ex Marciano, l. si quis. 29. ad sen. Treb. descripta, quæ docetur, testamen-

tum prius rumpi per id, quod secundo loco factum est, etiam tunc, cum in posterioribus tabulis hæres ex certis rebus, aut una aliqua re singulari, veluti fundo, institutus est: idque efficitur certissima juris ratione. Nam non minus rectè instituitur hæres ex re certa, quàm simpliciter aut ex parte hereditatis; placetque huiusmodi institutionem valere perinde ac si rei mentio facta non esset, ut si quis solus ita institutus sit, is omnium bonorum hereditatem consequatur, l. 1. §. 4. de her. inst. l. coheredi. 41. in fin. de vulg. & pup. Cum igitur tale testamentum iure consistat, necesse est, ut si secundo testamento hæres certæ rei scriptus fuerit, prius rumpatur juxta regulam.

Ac si rerum mentio facta non esset.] Si quis ex re certa hæres institutus sit, valet institutio, non ut ex ea re hæres fiat; (nam heredem esse rei singularis contradictionem implicat, cum hæres sine universitate bonorum intelligi non possit:) sed ut rei mentione potestate juris detracta perinde habeatur, quasi simpliciter hæres scriptus esset; l. 1. §. si ex fundo. 4. l. 9. §. si duo. 13. l. 10. de her. inst. & proinde nisi coheredem habeat, universam hereditatem obinebit, l. coheredi. 41. in fine de vulg. & pup. Vide, quæ scripsimus sub §. hereditas. 5. & §. si plures. 8. sup. de her. inst.

Suppletur quarta ex lege Falcidia.] Id est, ex Senatusconsulto Pegasiano, quo quartæ ex fideicommissis hereditatis retentio aut suppletio, si minus relictum esset, qui casus hic proponitur, permittitur: aut potius juxta mentem Justiniani, ex Senatusconsulto Trebelliano: postquam Pegasianum aboluitur, & vis ejus omnis in Trebelliano translata est, §. sed quia. 7. inf. de fideicommissis her. Familiare autem & perpetuum veteribus est, ut etiam eam quartam, quæ ex Senatusconsulto deducitur, quartam Falcidiæ appellent, uti videre est in l. ratione. 30. §. tametsi. 7. l. Titia. 86. l. accipis. 91. ad leg. Falc. l. mulier. 22. §. 2. l. deducta. 8. §. 2. ad sen. Treb. l. 2. in fin. de iur. cod. l. 10. C. ad l. Falc. cum simil. Quamobrem nescio quid sibi velit Pacius, in margine lectorem monens, ne quartam Falcidiæ hoc loco pro quarta Trebellianæ positam somniet. Quin illa potius somniculus hominis monitio est. In analysi sua cautior fuit VINN. Ideo autem quarta hæc vocari aliquando videtur Falcidia, quia SCta sæpe legum nomine veniunt earum, ad quas facta sunt. SCtum autem Pegasianum videtur factum ad l. Falcidiam, & quartam quam illo à legatariis detrahi concesserat, ad fideicommissa protulisse. Rectè Jac. Gothofredus ad l. Pap. popp. c. 17. p. 332. Quæ SCta ad legem sequuntur, ea isti ipsis legibus tribuere solent. Exemplum est in l. 27. C. de mon. ubi legi Julia & Papia tribuitur, quod est ex SCtis Perficiano & Claudiano, & Calvisiano, ad illam legem factis, teste Ulpiano Pragm. 11. 16. §. 3. HEIN.

Quibus valet prius testamentum.] Propter hanc clausulam potissimum verba constitutionis Severi & Antonini iussu Justiniani hic inserta sunt.

sunt. Certi juris est, posse testatorem ab eo, quem heredem instituit, fideicommissum relinquere, eumque rogare, ut hereditatem alteri restituat; proinde et si quis in re certa institutus est, quia valet institutio, etiam fideicommissum hereditatis utiliter ab eo relinquatur. Ut autem fideicommissum utiliter relictum intelligatur, non precise requirimus expressionem verborum, quæ fideicommissorum propria sunt, ut, *peto, volo, rogo, fidei sue commisso*: sed plerumque etiam sine his verbis admittitur ex sententia, & voluntate testatoris, *l. ubi 19. §. 1. ad sen. Trebell.* Quod etiam accidit in proposito, cum testator posteriore testamento cavet, ut prius quoque testamentum valeat: desunt enim hic verba fideicommissi, sed optima ratione ex eo, quod cautum est, colligitur. Voluit testator, cum secundum testamentum ordinaret, prius nihilominus valere. Id inutiliter

3 hætenus cavetur, ut ad hæredes priore testamento scriptos directo hereditas perveniat, ne duo sint testamenta ejusdem testatoris: sed ut manifesta voluntas defuncti, quoad per jus licet, conservaretur, verba directa istius clausulæ ad causam fideicommissi tracta sunt, & benignè sic accepta, quasi hæres posteriore testamento scriptus rogatus esset hereditatem restituere his, qui scripti sunt in priore. Doctrina hujus & superioris, §. ut hoc in transitu moneam, ad testamenta militum non pertinet. Nam militi licet plura testamenta facere, sive simul, sive separatim: nec prius per posterius rumpitur, si hoc animo miles fuerit, ut utrumque valeret. Quamobrem si in posteriore testamento expressè caverit, ut prius quoque valeat, per hoc efficitur, ut duo sint testamenta, & tam prior, quam posterior voluntas valeat jure directæ institutionis. Sed si posteriore testamento verbis precariis usus fidei hæredis commiserit, ut priores tabulæ valerent; in causam fideicommissi & codicillorum vim prioris testamenti intelligitur convertisse, *l. querebatur. 19. de testam. mil.*

TEXTUS.

De testamento irrito; & quibus modis sit irritum?

4. Alio autem modo testamenta jure facta infirmantur, veluti cum is, qui fecit testamentum, capite diminutus sit: quod quibus modis accedat, primo libro retulimus.

COMMENTARIUS.

Hætenus de primo modo infirmandi testamenti ipso jure, quo scilicet infirmatur salvo statu testatoris, & rumpi in specie dicitur. Sequitur alter, quo infirmatur statu testatoris mutato: qua mutatione superveniente in usu juris propriè dicitur irritum fieri, *l. 6. §. irritum. §. l. 12. in fin. pr. de injust. rupt. test.*

Capite diminutus] Nec interest, qualis capitis diminutio intervenerit: omnibus enim modi capitis diminutionis status hominis mutatur, *sup. de ca. dem. lib. 1.* & testamentum non est, nisi hominis liberi, civis Romani, & patrisfam. quæ tria duobus temporibus in testatore requiruntur, testamenti facti & mortis, §. non tamen. 6. inf. eod. Si verò quid postea supervenerit, quod statum & conditionem personæ testatoris non mutet, veluti si post testamentum factum in furorem inciderit, aut bonis ei interdictum fuerit, aliud juris est, & testamentum ratum manet. De quo actum *sup. sit. quib. non est perm. fac. test.* Et primum igitur irritum fit testamentum capitis diminutione maxima, quia per eam testator in servitutem redigitur, *d. l. 6. §. irritum. §.* Excipitur tamen quod factum est ab eo, qui ab hostibus captus est ante captivitatem: quippe quod juris postliminii aut legis Corneliæ commento sustinetur, *d. l. 6. §. pen. l. 12. qui test. fac. §. ult. sup. quib. non est perm. fac. test.* ubi latius hoc explicatur. Secundo capitis diminutione media; puta si testator in insulam deportatus sit: quoniam hoc modo è numero civium Romanorum tollitur, & ea omnia, quæ juris civilis sunt, amittit, §. 1. *sup. qui. mod. jur. pat. pos. solv. l. sunt quidam. 17. §. 1. de pen.* Quod autem Jurisconsultus *d. l. 6. §. ejus. 7.* ait, testamentum ejus, qui deportatur, non statim irritum fieri, sed tunc demum, cum factum princeps comprobavit, id explicandum ex *l. 2. §. 1. de pen. l. 6. §. 1. de interd. & releg.* atque ad præsidem referendum est, qui jus deportandi non habet: proconsul enim & præfectus urbi habent, *dd. l. 4.* Postremo & minima capitis diminutione testatoris testamentum ejus irritum fit, puta si se adrogandum dederit, *l. pen. §. 2. de bon. poss. sec. tab. §. non tamen. 6. inf. hoc tit.* quoniam filiusfam. nec facere testamentum, nec cum testamento decedere potest. An autem emancipatione filiusfam. veterani testamentum de bonis castrensibus factum irritum fiat, quod negat Jurisconsultus, *d. l. 6. §. ult.* alibi tractatum est, §. denique. 5. *sup. de mil. test.* Atque hic casus à testatore venit. Est & alius, qui venit ab hærede, quo & ipso superveniente testamentum irritum fieri dicitur, scilicet si ex testamento nemo hæres existerit: defectu enim hæredis etiam irritum dicitur fieri testamentum, *l. 1. de injust. rupt. irrit. fo. Et test. l. filium. 20. de bon. poss. cons. tab. & in fragm. Vlp. tit. 23. §. 3.* & rectè quidem: nam in hæredis additione atque existentia consistit vis omnis atque effectus testamenti. Cæterum sæpius hoc casu testamentum dicitur destitui, aut deseri, §. cum autem. 7. & seqq. *de her. quæ ab int. l. 9. §. 2. de l. b. & post. l. ult. de cond. inst.* Nonnumquam etiam distinguitur hic casus à testamento irritato facto, restricto scilicet irriti vocabulo ad ea testamenta, quæ infirmantur statu testatoris mutato, *l. 1. in pr. de suis & legis. her. infr. de her. quæ ab int. in pr.* Nec videtur hic modus proprius esse hujus loci, in quo id solum quaeritur, an idoneum sit testamentum ad deferendam hereditatem. Raro etiam hodie contingit, ut testamentum destitua-

situatur, postquam Justinianus aliis etiam personis potestatem adeundi fecit, Nov. 1. ca. 1. de quo D. Grot. lib. 2. *manuduct. cap. 24. vers. 300. Vinnier. Vinn.* Accedit & alia ratio, quod ejus novum invexerit beneficium inventarii. l. ult. §. 4. C. de jur. delib. Quum enim inventarii rite confecti is sit effectus ut hæres non teneatur ultra vires hæreditatis. §. 15. Inst. de hæ. qual. & differ. non temere quis repudiabit hæreditatem, sine periculo à se adeundam. HEIM.

TEXTUS.

Cur dicatur irritum.

5. Hoc autem casu irrita fieri testamenta dicuntur, quum alioqui & qua rumpuntur irrita fiant, & ea, que statim ab initio non jure fiunt, irrita sunt. Sed & ea, que jure facta sunt, & postea per capitis diminutionem irrita fiunt, possumus nihilominus rupta dicere. Sed quia sanè commodius erat, singulas causas singulis appellationibus distinguere; ideo quadam non jure facta dicuntur, quadam jure facta rumpi vel irrita fieri.

NOTÆ.

5. Hoc casu irrita] Etiam irritum fieri testamentum dicitur, si ex eo nemo hæres extiterit: l. 1. hoc tit. l. 20. cons. tab. Ulp. d. loc.

COMMENTARIUS.

Non est novum in artibus & præsertim in hac nostra disciplina, ut verba, quæ vi sua generalia sunt, doctrinæ & distinctionis causa contrahantur ad significandam certam speciem, quo magis singulæ res singulis verbis ad certam speciem traductis intelligantur; ut hic ostenditur exemplo rupti & irriti facti testamenti. Sic adoptio, cognatio, pactio, contractus, actio, &c. nomina sunt, quæ per se generalem significationem habent; sæpe tamen his certa species ex instituto loquentis denotatur; quod tunc maxime fit, cum junguntur nominibus cognatæ significationis.

Et qua rumpuntur, irrita fiunt] Rarissime autem hæc à nostris confunduntur, quamquam tamen aliquando. Ita non attenta hac distinctione usuve speciali horum verborum, irritum testamentum fieri dicitur, cujus tabulæ incisæ aut inductæ sunt, l. 3. circa fin. l. ult. de his quæ in test. del. l. in fraudem. 15. §. 1. de test. mil. quo tamen casu testamentum propriè rumpi dicitur, si specialem verborum significationem spectamus.

Quæ ab initio non jure fiunt, irrita fiunt] Testamentum, quod ab initio non jure factum est, injustum nostri appellant, ut apparet ex inscriptione & l. 1. tit. de injust. rupt. irrit. fact. test. Hoc rectè quidem & irritum dici potest, at ruptum nequaquam. Et notandum quoque quod ait, quæ ab initio non jure fiunt, irrita esse, non irri-

ta fieri: nam irrita esse ea rectè dicimus, quæ numquam constiterunt; irrita fieri, ut & rumpi, ea demum, quæ cum antea constarent, eversa sunt. Privationem enim significant: privatio autem, ut in scholis loquuntur, præsupponit habitum. Allegatur à nostris in eam rem l. 5. de injust. rupt.

Singulas causas,] Εἰς τὰς πάλαι, singula vitia, ut hæc appellant juris auctores, l. 1. §. 3. de tab. exhib. l. 2. C. de edict. D. Hadr. coll. l. 11. C. de probat.

TEXTUS.

Quibus modis convalescit.

6. Non tamen per omnia inutilia sunt ea testamenta, quæ ab initio jure facta, per capitis diminutionem irrita facta sunt. Nam si septem testium signis signata sunt, potest scriptus hæres secundum tabulas testamenti bonorum possessionem agnoscere: si modo defunctus, & civis Romanus, & sue potestatis mortis tempore fuerit. Nam si ideo irritum factum sit testamentum, quia civitatem, vel etiam libertatem testator amisit, aut quia in adoptionem se dedit, & mortis tempore in adoptivi patris potestate sit, non potest scriptus hæres secundum tabulas bonorum possessionem petere.

NOTÆ.

6. Irrita facta sunt] Sed neque in causa testamenti rupti semper obstat vitium, quo minus ex eo bonorum possessio peti possit, veluti si posthumus præteritus vivo testatore decesserit, l. 12. de lib. & post. item si testator supremas tabulas incidit, ut priores supremas relinqueret, l. pen. §. 2. sec. tab. Sed & si filius præteritus abstineat, voluntas ex æquo & bono sustinetur, l. 17. hoc tit. Non idem est, si testamentum non consistat propter inhabilitatem personæ testatoris aut defectum solemnium, l. 1. §. 8. sec. tab. l. 12. C. de testam.

Et sue potestatis] In eo qui testamento facto se adrogandum dedit, non satis est ad obtinendam ex eo bonorum possessionem, quod postea sui juris effectus decesserit, sed requiritur etiam nova aliqua voluntatis, à qua in alienam familiam transeundo recessisse videtur, confirmatio, d. l. pen. §. 2. sec. tab.

COMMENTARIUS.

1 Notatur Triboniani negligentia.

2 Testamentum ruptum natiuitate posthumi præteriti, eodem ante patrem mortuo, vires recipere.

3 Cancellatione, incisioneve posterioris testamenti resistens prius, cujus tabula integra manserint.

4 Te-

et Testamentum irritum factum maxima & maxima capitis diminutione testatoris, et restituito convalescere etiam absque nova voluntatis declaratione: sicut si testator se adrogandum dederit, & postea, sui juris factus, decesserit.

Hic locus declarationem continet §. quarti. Meretur autem Tribonianus duplici nomine hic reprehendi: primum quod quæ rupti & irriti facti testamenti communia sunt, ita tradit, quasi unius & nimirum irriti facti essent propria: deinde quia simpliciter scribit, testamenta per capitis diminutionem irrita facta jure prætorio convalescere, si testator civis Rom. & sui juris decesserit; cum in quibusdam tantum hoc solum sufficiat, in quibusdam nova præterea declaratione voluntatis opus sit, uti mox demonstrabitur.

Per capitis diminutionem irrita facta] Quæ testamenta ab initio propter inhabilitatem personæ testantis non consistunt, ea ex postfacto vires nullo jure capiunt, veluti si impubes, aut furiosus, aut filiusfam. testamentum fecerint, & deinde testamenti factionem habentes decesserint; hoc testamentum ne jure quidem prætorio sustinetur, ut ex eo bonorum possessio secundum tabulas peti possit, l. 1. §. exigit. & sec. tab. Idemque est, si testamentum nullum sit ob defectum solemnium juris; puta quia pauciores quam septem testes adhibiti, aut ex septem adhibitis quidam non signaverint, l. 12. C. de testam. De testamento autem in quo filius, qui fuit in potestate, præteritus est, non convenit, an quemadmodum id jure civili nullius momenti, ita quoque omnino nullum sit & maneat jure prætorio. Sed verius est, tale testamentum jure prætorio omnino nullum non esse, scriptosque in eo hæredes, si præteritus se bonis paternis abstinuit, posse accipere bonorum possessionem secundum tabulas, arg. l. posthumus. 12. in fin. pr. l. filio. 17. de injust. rupt. l. si duobus. 12. §. 1. cont. tab. l. 2. in pr. sec. tab. quod prolixè contra communem defendimus sub tit. de exher. lib. Hæc autem non sunt propria hujus loci: quippe in quo agitur de testamentis, quæ ab initio rectè facta deinde infirmata sunt; queriturque, an postea, sublata causa infirmationis, jure aliquo convalescant. Imperator quidem hoc in una tantum specie proponit, quando testamentum irritum factum est, sive infirmatum ob id, quod testator capite minutus sit; attamen ad aliam quoque speciem eadem questio pertinet, cum scilicet ruptum est, seu eversum, testatoris statu non mutato. Videamus ergo de rupto, & de eo prius: postea cognituri de altera specie, qua de hic agitur. Didicimus, testamentum rumpi duobus modis, agnatione sui hæredis, & mutatione voluntatis. Fingamus igitur, posthumum præteritum vivo patre decessisse; queritur, an testamentum ruptum natiuitate posthumi, eo vita deinde ante patrem functo, vires recipiat? Et responsum est, si testamentum signatum fuerit, posse hæredem

Papinianus in Instit.

scriptum bonorum possessionem secundum tabulam accipere eo effectu, ut rem obtineat, licet scrupulositas juris restitueretur, l. posthumus. 12. de injust. rupt. Unde intelligimus, jure quidem civili testamentum non restitui, sed tamen prætorum ex bono & æquo voluntatem testatoris tueri. Additur in responso, hoc ipsum etiam confirmatum esse rescriptis Imperatorum: quæ confirmatio ideo fortassis accessit, quia potestatem prætoris excedere videri poterat, quod ex testamento intrinsecus vitioso defenderet hæredi scripto bonorum possessionem cum re contra eos, qui alioqui rem ab intestato auferrent. Planè si posthumus præteritus nascatur post mortem testatoris, licet illico decedat, testamentum non constituitur, nec omnino cum decedit patre jam mortuo: nam cum suus hæres sit pater, statim patri ipso jure hæres existit, & moriens hæreditatem sibi jure quæsitam transmittit ad quosvis hæredes legitimos; ad cujusmodi speciem pertinet l. 2. C. de posth. her. inst. Cujac. ad l. 7. de lib. & post. Fingamus rursus, testatorem testamentum, quod secundo loco fecerat, ac proinde quo prius ruptum erat, incidisse aut cancellasse; queritur, an restitueretur prius, cujus tabulæ interpretæ manserunt? Papinianus respondit, si id hoc animo à testatore factum sit, ut priores tabulas supremas relinqueret; voluntatem quæ defecerat recenti judicio rediisse, & posse secundum tabulas priores bonorum possessionem peti, l. pen. §. 2. sec. tab. At inquires, an non sic testamentum citra ullam solemnitatem nuda voluntate constituitur? Negat hoc Jurisconsultus d. loc. atque hanc objectionem sic removet, ut dicat, non queri hic de jure testamenti, sed de viribus exceptionis. Quo significat, recenti isto judicio & simplici voluntate testatoris non constitui novum testamentum; sed si scriptus priore testamento hæres agat & hæreditatem vindicet, ei que obijciatur exceptio mutata voluntatis, posse eum hanc exceptionem elidere replicatione voluntatis revertere, si constet, testatorem hoc animo posterius testamentum incidisse, ut prius iterum valere vellet. Utique enim hic animus ab hærede scripto omnino probandus est, per codicillos puta, aut alias litteras, quibus testator palam declaraverit, se velle priores tabulas valere, alioqui eum, tamquam quem utriusque voluntatis penituerit, intestatum potius decedere voluisse interpretabimur, d. l. pen. §. 2. Unum tamen adhuc obstat, quod prius testamentum dicitur rumpi ipso jure, l. sancimus. 27. C. de testam. Quomodo ergo agi poterit ex eo, quod ipso jure ruptum est? Resp. quod ipso jure prius rumpi dicitur, id dici certo respectu, quoniam rumpitur hoc solo quod aliud factum est, etiam si testator prius non revocaverit. Et licet quatenus posterius testamentum consideratur ut adhuc consistens & validum, prius ita sublatum intelligatur, ut nihil in eo scriptum valeat, nec quisquam ipso jure agere, aut quid petere ex eo possit; non ideo tamen absurdum videi debet, quod posteriore inciso aut deleto

Ec

ea

ea mente, ut prius iterum valeat, prius quoque vires recipiat: quippe cuius tabulæ integræ relictæ sunt, & utique jam postremæ: nam quod jus extinctum reviviscere negatur, id non obtinet, cum à re, quæ, ut DD. nostri loquuntur, essentiam suam formalem & materiale retinuit, remouetur impedimentum: D. Menoch. *conf.* 176. lib. 1. Fachin. *5. cont.* 93. D. Tulden. *comm. hic cap. 5.* Jo. Decker. 2. *diff.* 3. num. 30. Ac proinde putarem, testamentum hoc casu valere etiam jure civili. Jam tempus est, ut ad textum §. nostri accedamus, in quo tractat de convalescentia testamentorum, quæ per capitis diminutionem testatoris infirmata sunt, uno verbo, irrita facta.

Si septem testium signis signata] Hoc enim solum, semper tamen in danda bonorum possessione juxta tabulas prætor spectat, an testamentum septem testium civium Romanorum signis signatum sit, l. *posthumus*. 12. in *pr. de injust. rupt.* Vlp. *tit.* 23. §. 5. & *tit.* 28. §. 5. Ita enim obsignatum esse oportet, ut jure prætorio valeat, seu eo jure, quo obsignatio introducta est, §. 2. *sup. de test. ord.*

Si modocivis Romanus & sue potestatis mortis tempore] Nihil amplius exigit ad petendam bonorum possessionem ex eo testamento, quod per capitis diminutionem irritum factum erat, quam ut testator mortis tempore civis Romanus & sui juris fuerit, ommissa eleganti distinctione, quam nobis suppeditat Papinianus l. *pen.* §. 2. *sec. tab.* 4. Etenim interest, an ei, de cuius integri capitis postea mortui testamento quaeritur, maxima mediae, an minima contigerit capitis diminutio. Si maxima aut media, verbi gratia si capite damnatus sit, & Princeps damnatum in integrum restituerit, quia nullum hic factum intervenit, ex quo colligi possit mutatio voluntatis testatoris, nihil causæ est, cur ad convalescentiam testamenti plus desideremus, quam ut testator pristinum statum receperit l. 6. §. *pen. de injust. rupt.* Putarem etiam, testamentum damnati capitis indulgentia Principis postea restituti ita convalescere, ut non solum jure prætorio valeat, sed jure etiam civili propter comparisonem horum testamentorum cum eorum testamentis, qui capiti ab hostibus postliminio redeunt, aut ibi decedunt, quorum testamenta jure civili vires recipere beneficio postliminii aut confirmatione legis Cornelie constat, d. l. 6. §. *pen.* nisi quis putet, comparisonem istam pertinere dumtaxat ad ipsam convalescentiam, non ad modum convalescendi. At verò si minima capitis diminutio intervenierit, puta si quis testamento facto se adrogandum dederit, non satis est ad restitutionem testamenti, obtinendamque ex eo bonorum possessionem quod postea sui juris effectus decesserit: sed præterea requiritur, ut recenti aliqua voluntate testamentum confirmatum sit. Et merito: quoniam qui se dat in adrogationem, non obscure à priori voluntate recedit, cum sciat, se una cum capite fortunas quoque suas in alienam familiam transfer-

re, ut disputat Papin. d. l. *pen.* §. 2. *sec. tab.* ex quo loco explicandum quoque, & supplendum est, quod simpliciter item Paulus scripsit, testamentum valere, l. 8. §. 3. *de jur. cod.* ita ferme & Bart. in d. l. 6. §. *pen.* Myus. & Schneid. *hic.* Connan. 9. *comm.* 7.

Et tempore mortis in adoptivi patris familia] Supple, aut in servitute, aut conditione peregrinantis. Omnino enim prætor exigit, ut is, cuius bonorum possessio datur, utroque tempore jus testamenti faciendi habuerit, & cum facit testamentum, & cum moritur: intermedium autem tempus non curat, l. 1. §. *exigit.* 8. *de bon. poss. sec. tab.* Vlp. *in fragm. tit.* 23. §. 5.

TEXTUS.

De nuda voluntate.

7. *Ex eo autem solo non potest infirmari testamentum, quod postea testator id noluerit valere: usque adeo, ut & si quis post factum prius testamentum, posterius facere ceperit, & aut mortalitate præventus, aut quia eum eius rei pœnituit, id non perfecit, divi Pertinacis oratione cautum sit, ne aliq̃s tabula priores jure facta irrita fiant, nisi sequentes jure ordinata & perfecta fuerint: nam imperfectum testamentum sine dubio nullum est.*

NOTÆ.

7. *Id noluerit valere*] Nisi post lapsum decennii à condito testamento voluntatem revocaverit, ad minimum coram tribus testibus, l. 27. *de testam.*

Usque adeo] l. 2. *hoc tit.* l. 18. *de leg. 3.* l. 21. §. 2. *C. de testam.* Excipe imperfecta testamenta militum & parentum inter liberos, item nisi in posteriore testamento imperfecto scripti, qui ab intestato veniunt, d. l. 2. *hoc tit.* d. l. 21. §. 1. *cum auth. seq. & §. 2. C. de testam.*

COMMENTARIUS.

1. *Nuda contraria voluntate testamentum rite factum non infirmari, quantumvis coram septem testibus declarata.*
2. *Redditur hujus juris ratio.*
3. *An plus hic operetur revocatio causata, quam simplex?*
4. *Cur ne novi quidem testamenti inceptio vim prioris corrumpendi habeat?*
5. *Temperamentum superioris doctrinae.*

Hic §. rectius in continenti subiectus fuisset §. secundo aut tertio, quorum continet declarationem. Docuit ibi Imp. prius testamentum rumpi per posterius, quod jure perfectum est. Unde etsi per se satis intelligitur, neque nudam revocantis voluntatem ad infirmationem testamenti sufficere, neque adeo prius rumpi, etiam si secundum fieri coeptum sit, nec absolutum, latius

tamen utrumque explicare voluit, & omnino latius adhuc à nobis explicandum est.

- Quod testator id noluerit valere*] Si quem prioris voluntatis poeniteat, malique nunc intestatus decedere; parata ei est expeditissima ratio, tabulas incidat, deleat, cancellet, signa revellat, l. 1. §. pen. unde lib. majorem enim vim facta habent, quam verba, integrisque tabulis relictis nulla contrariae voluntatis declaratio testamentum solemniter factum non infirmat. l. militis. 36.
- 1 §. 3. de testam. mil. l. sancimus. 27. C. de testam. In tantum, ut etiam si testator coram septem testibus dixerit, nolle se testamentum, quod fecit, valere, nihilo tamen magis illud infirmetur, ut ex recepta sententia tradunt Clar. §. testamentum. quest. 91. Grassi. §. testamentum. quest. 84. num. 1. Jac. Vervvey. art. test. cap. 13. Angél. Vigl. Mynf. Schneid. hic. Et rectè. Nam si ne tunc quidem testamentum antea factum infirmatur, cum ad aliud faciendum testator processit, quod tantum non consummavit; quanto minus infirmabitur sola revocatione verbali? utique enim factum accedens ad voluntatem potentius operari debet simplici voluntatis declaratione. Hoc ipsum quoque manifestè probat l. sancimus. 27. C. de testam. ubi Justinianus sancit; ut demum post lapsum decennii, seu cum à condito testamento decem anni effluerint, revocatione voluntatis testamentum infirmetur. Neque hic mihi quis dixerit pertinere istam constitutionem ad eum casum, quo tribus tantum testibus revocatio munita est: nam ex hoc ipso quod Justinianus exigit, ut non pauciores, quam tres testes ad revocationem adhibeantur, ut valida sit ad infirmationem testamenti post fluxum decennii, satis intelligitur, non aliud eum esse voluisse, si forte plures testes intervenerint, sive quinque, sive septem: quo enim plures adhibentur, eo verius est non esse pauciores tribus adhibitos. Et sciendum est, Imperatorem illic abrogare constitutionem Honorii & Theodosii, quae extat in l. 6. C. Teod. de testam. qua cautum erat, ut solo lapsu decennii testamentum revocatum intelligeretur, hoc est, si testator post conditum testamentum integros decem annos supervixisset, quamvis nulla secuta esset contraria voluntas. Hoc enim Justinianus haecenus mutavit, ut noluerit ex solo lapsu decennii testamentum evanescere, sed tunc, cum ad lapsum tanti temporis expressa accederet revocatio: quam etiam revocationem non paucioribus, quam tribus testibus muniri voluit, cum alias ad probationem voluntatis, quae testamentum non est, ordinarius testium numerus sufficiat.
- 2 Quotquot igitur testes intervenerint, adhuc cursus decennii necessarius est ad sustinendam verbalem testamenti solemnem revocationem. Quæritur autem hujus juris ratio. Nam iniquum videtur, eum bona defuncti obtinere, quem ea habere noluit: ac proinde etsi concedamus, ex summi juris ratione hæredes scriptos bona vindicare posse, cur tamen non dicimus, eos repelli posse exceptione finitæ defuncti voluntatis? Resp. Pe-

riculosum est, æquitatem prætexere contra expressam juris auctoritatem; quod hanc dubiè harratione nititur, quod non videatur satis serio improbasse voluntatem solemnem testamento comprehensam, qui nudè eam revocavit, tabulis testamenti integris servatis. Si enim testamentum omnino valere noluisse, poterat tabulas incidere, delere, poterat aliud testamentum condere; quod cum non fecerit, præsumere licet, eum revocationis poenituisse; ut non sine ratione defendatur, majorem oportere vim esse testamenti, quod integrum & in suo statu testator reliquit, quam nudæ illius declarationis contrariae. fac. l. militis. 36. §. 3. de test. mil. Ex quo loco simul discimus, ita jus esse, cum quæritur de institutione hæredum; legatarios autem revocata voluntate exceptione doli mali removeri. De cujus loci sententia vid. Ant. Fab. dec. 39. err. 8. His ita constitutis, videamus, an non falsa sit opinio Bartoli in l. si jure. 18. de legat. 3. & DD. quos allegant & sequuntur Clarus §. testam. quest. 92. Vigl. Mynfig. Schneid. hic. qui interesse putant, quæ formula testator in revocando testamento usus sit, utrum simpliciter dixerit, nolo testamentum à me factum valere: an causam adjecerit & hæc verba, quia volo decedere intestatus. Nam etsi simplicem revocationem non sufficere fateantur, causam tamen valere volunt, modo facta sit coram septem testibus. Quo jure etiam nos uti refert Grot. lib. 2. introd. cap. 24. Verum nihil interesse, hac an illa formula testator utatur, aperte evincit d. l. militis. 36. §. 3. de test. mil. Et verò si hoc ipso quod quis testamentum revocat, tacitè & per quamdam necessariam consequentiam intelligitur velle decedere intestatus, causæ illa adjunctio (quippe quæ non impedit, quominus aliud testamentum postea condatur) facere non potest, ut majorem vim revocatio habeat, quam si causa adjuncta non esset. Et rectè Mantie. lib. 2. de conj. ult. vol. 11. §. num. 19. ex Socino refert, distinctionem istam Bartoli captiosam esse vulgaribus testatoribus, qui causam nesciunt dicere, quia intestatus decedere volo, arbitranturque; id necessario ex hoc ipso sequi, quod testamentum revocant. Sed non debebat vir alias incomparabilis hoc argumento moveri, ut statueret cum eod. Socino, Bald. Salic. in d. l. sancimus. 27. C. de testam. & aliis, quos allegat, ad revocandum testamentum sufficere quamlibet simplicem voluntatis contrariae declarationem factam coram septem testibus; quam sententiam abunde jam confutavimus. Unicum supradictæ distinctionis firmamentum affertur l. 1. §. pen. si tab. test. null. ext. ex verbis, Vel quia alia ratione voluntatem testator mutavit, voluitque intestato decedere. Sed nemo, opinor, tam infans est, qui non videat, Jurisconsultum ibi loqui non de simplici mutatione voluntatis, sed quæ declarata sit facto aliquo simili illis, quæ antea expresserat, incisioni, aut cancellationi, puta si testamentum induxerit, laceraverit, resignaverit, &c. Habemus hujus sententiæ defensores Ant. Fab. dec. 93. err. 6. Bachov. in Tract. volum. 2. disp.

30. *l. inf. 7. Ant. Merend. 3. contr. 45.* Plane ad infirmationem testamenti nuncupativi putarem sufficere simplicem voluntatis revocationem factam coram legitimo testium numero, *arg. l. nihil. 39. de reg. jur. cum Connan. 9. comm. 7. Vvesemb. in hunc §. Groeneve. de legib. abrog. hic.*

[§. Quo adeo.] Amplificatio. Dixerat modo, nuda voluntate testamentum infirmari non posse; id nunciusque adeo verum esse pronuntiat, ut nec cum voluntate revocandi concurrens novi testamenti inceptio vim corrumpendi prioris habeat: sed ita demum superius testamentum rite factum tollatur, si inferius æquè jure perfectum fuerit.

Hic verò itidem ut in casu precedenti æquum esse videri potest, ut saltem hæredibus ab intestato detur exceptio adversus priore testamento scriptos hæredes. quos utique voluntate testatoris aliud testamentum facere aggressi mortuique antequam illud perficeret, destitui constar, *per l. pen. §. 2. sec. 1. ob.* Verum obstat hic quoque legum auctoritas, *l. 2. l. 1. de injust. rupt. l. si jure. 18. de legat. 3. l. hac consulsissima. 21. §. 3. C. de testam. & hic sex.* Quid quod in proposito nec voluntatem defuncti ab intestato venientes habent? ponimus enim in secundo testamento, quod imperfectum est, scriptos esse extraneos. Quamobrem cum illi, quos postremo testator voluit, hereditatem ex imperfecto testamento obtinere non possint, ne convellantur jura omnia, quæ de ordinandis testamentis tam diligenter constituta sunt; & quævis voluntas vim testamenti habeat, quos aliquando hæredibus ab intestato prætulit, eos etiam adhuc eisdem præferri voluisse existimandus est; æque in hunc eventum tabulas priores integras reliquisse, ut si posteriores non consistèrent, ex prioribus hereditas adiri possit. Acque hoc est, quod scribit Pomponius *d. l. si jure. 18. de legat. 3.* credibile esse, testatorem ita demum à priore testamento velle recedi, si posterius validum sit.

[Mortalitate preventus.] Hujusmodi testamentum imperfectum dicitur ratione voluntatis. Quippe duplex est imperfectio testamenti; una ratione solemnium, puta si pauciores quàm septem testes intervenerint, aut si testes non signaverint subscripserintve, vel quid aliud, quod ad solemnitatem ordinationis pertinet, omissum sit: altera, ratione voluntatis, veluti si eum plura ordinare testator vellet, morte interceptus fuerit, aut in ipso actu testandi furore correptus, *l. si is qui. 25. qui test. fac. l. 9. C. eod. Bald. in l. hac consulsissima. 21. §. 1. n. 1. 2. 3. C. de testam. Sichard. ibid. n. 2.* Quo loco uterque etiam notat, testamentum, quod ratione voluntatis & dispositionis imperfectum est, nec inter liberos valere. Quod & Cujac. in *d. l. 25.* notavit ex Accursio: estque communis hæc & recepta sententia. Vsq. *lib. 3. de succ. creat. §. 21. num. 62.*

[Divi Pertinacis oratione.] Solebant olim Principes orationes in Senatu habere, aut scriptas ad Senatum mittere, in quarum sententiam Senatusconsulta concipiebantur; *l. oratione. 16. de ris.*

nupt. Tacit. lib. 11. Annal. c. 25. Oratione principis facto patrum consulto, primi Adui senatorum in urbe jus adepi sunt. Atque hæc Principum orationes etiam Senatusconsulta nominantur, quandoque etiam leges. Sic oratio Divi Hadriani de petitione hereditatis, *l. & si rem. 22. de her. pet.* Senatusconsultum passim appellatur, *l. item veniunt. 20. §. præerea. 6. & multis seqq. eod. tit. Jul. Capitolinus* hanc ipsam orationem Pertinacis legem, mox etiam Senatusconsultum nominat in Pertinace, *cap. 7. Legem sanè tulit, inquit, ut testamenta priora non prius essent irrita, quàm alia perfecta essent, ne ob hoc fiscus aliquando succederet.* Et paulo post: *Addiditque Senatusconsulto, &c.*

[Jure ordinata & perfecta fuerint.] Quæ legitimo modo sunt, legitime quoque solvi debent, *l. 35. de reg. jur.* Hac ratione utitur etiam Harin. *§. 11. §. 17.* Ab hac tamen regula excipienda sunt ea testamenta, quæ quamvis imperfecta, jure tamen singulari valent, ut testamenta militum & parentum inter liberos. Testamentum factum jure militiae inter imperfecta numeratur, *l. 2. de injust. rupt.* atque ideo etiam imperfecto quovis posteriore solvitur, *l. ejus. 34. §. 1. de test. mil. & tamen per id, quod jure militari secundo loco factum est rumpitur præcedens perfectum, hoc est, factum jure communi, d. l. 2. & d. l. 34. §. ult.* Sed nimirum hoc ex eo est, quod testamentum militis jure privilegiario pro perfecto est, ac vim perfecti testamenti habet: quod autem rumpitur posteriore jure communi non rite facto, mirum videri non debet, quia etiam post missionis annum irritum constituitur. Testamentum imperfectum factum à parente inter liberos & ipsum non minus ex privilegio valet, quàm militis, *l. hac consulsissima. 21. §. 1. C. de testam.* Quare si pater, qui testamentum prius jure fecerat, postea aliud fecerit inter liberos, quamvis posterius hoc imperfectum fuerit, tamen rumpitur prius. Illud etiam favore liberorum Justinianus constituit, ut tale testamentum non aliter rumpatur posteriore, quàm si posterius modis omnibus perfectum fuerit, & prius nominatum revocatum, *Nov. 107. auth. hoc inter C. de testam.* Præterea si cum in priore testamento perfectio scripti essent extranei, in posteriore autem imperfecto instituti sint, qui ab intestato venire possunt, dummodo non minus quàm quinque testes intervenerint, placet, infirmato priore testamento, posteriorem hanc scripturam valere, non eam tamquam testamentum, sed tamquam voluntatem ultimam intestati, *d. l. hac consulsissima. 21. §. 3.* cujus voluntatis hic erit effectus, ut nulla quarta deducta ab hæredibus, priore testamento, quod infirmatum est, scriptis, ad hereditatem admittantur scripti posteriore, easque portiones per arbitrium familiæ eriscundæ singuli consequantur, quæ cuique adscriptæ sunt. Sed quid est, quod Jurisconsultus in *d. l. 2. de injust. rupt.* simpliciter scribit, prius testamentum per posterius imperfectum rumpi, si in eo scriptus est, qui ab intestato venire potest? Nimirum si in posteriore imperfecto, in quo

quo scripti, qui ab intestato rem habere possunt, omissa sit aliqua solemnitas, quæ tantum jure civili præcisè requiritur, non item jure prætorio, veluti si testes non subscripserint, si filius institutus aut exheredatus non sit: nam etiam hac ratione testamentum imperfectum rectè dicitur. Atque ita appellatur in l. 12. §. 1. *cons. tab.* quoniam inter cetera, quæ testamentum jure civili perficiunt, etiam hæc requiruntur. Rumpi igitur eo casu testamentum prius dicimus, non jure civili, sed honorario, data secundum tabulas posteriores, quæ modo septem testium signis signatæ sunt, cum re & effectu bonorum possessione, *arg. d. l. 12. §. 1. cons. tab.* quem locum diligenter & accuratè hic interpretatus est D. Bachovius.

TEXTUS.

Si Princeps litis causa, vel in Testamento imperfecto institutus fuerit.

8. Eadem oratione expressit, non admisit se hereditatem ejus, qui litis causa Principem reliqueris heredem: neque tabulas non legitime factas, in quibus ipse ob eam causam heres institutus erat, probaturum, neque ex nuda voce heredis nomen admisit: neque ex ulla scriptura, cui juris auctoritas desit, aliquid adepturum. Secundum hoc divi Severus & Antoninus sapissime rescripserunt. Licet enim, ut quimus, legibus soluti simus, attamen legibus vivimus.

NOTÆ.

8. *Litis causa Principem, &c.* Capitol. ubi *sup.* hoc enim invidiosum est, *l. pen. de her. inst. Plin. Paneg. cap. 43.* Non in falsis, non in iniquis tabulis advocatis.

Ob eam causam Quod tabulæ non essent legitime factæ, ut rectè Cujac. & Fabrot. quod non percepit Th. nec Accurs. nam Princeps nec legitime factas probat, in quibus ipse litis causa heres scriptus est.

Legibus soluti Princeps legibus civilibus solutus est, l. 31. de legib. l. 3. C. de testam. Dio. lib. 53.

Attamen legibus vivimus Impp. l. 2. C. Th. de cond. & proc. dom. Aug. Scribimus quidem leges, sed sequimur. Plin. Paneg. cap. 65. Ipse se legibus subiecit Vid. & l. 23. de leg. 3. l. 4. C. de legib. l. 3. C. de testam.

COMMENTARIUS.

1. An Princeps Romani legibus soluti fuerit? & in unum versum, an & quatenus sine Princepe, qui absoluta jura majestatis habens?

Eadem oratione expressit Ipseque, inquit de Pertinace loquens Capitolinus d. loc. cap. 7. professus est, nullius se aditum hereditatem, quæ aut adulatione alicuius delata esset, aut lito perplexa, ut legitimi heredes & necessarij privarentur. Addiditque Senatusconsulto hæc verba: *Pianius in Instit.*

Sanctius est, P. C. inopem rempub. obistere, quam ad divitiarum cumulum per discriminum atq; dedecorum vestigia pervenire. Procul dubio hac oratione sanctissimus senex senatui declarare voluit, se longè alia ratione temp. temperaturum, quàm antecessor ejus Commodus Princeps flagitiosissimus fecerat: quem credibile est exemplum secutum fuisse sui simillimi Imperatoris Domitiani de quo Sueton. cap. 22. sic scribit: *Confiscabant alienissima hereditates, vel existente uno, qui diceret, audivisse se ex defuncto, cum viveret, heredem sibi esse Casarem.* Extat adversus hujusmodi improbitatem edictum Honorii & Theodosii in *Inolument. 20. C. de test. VINN.* Meretur hujus juris historia paullo accuratius tractari. Primus Augustus flagitare solebat ab amicis hoc benevolentia testimonium, & eorum suprema judicia morosissima pensabat, neque dolore dissimulato, si parcius, aut citra honorem verborum; neque gaudio, si gratè pieque quis se prosequutus fuisset. Suet. Aug. cap. 66. Hinc idem Suetonius cap. 101. refert, viginti proximis ante obitum annis eum quatuordecies milles ex testamentis percepisse. Ne tamen captare videretur hereditates, aut parum honesta institutionis causa subesset: nec ab ignotis admittēbat hereditates, nec à parentibus, sed eas cum incremento liberis restituebat. Suet. cap. 66. Idem fere exemplum sectatus Tiberius. Tacit. Anal. II. 48. Primus Caligula hereditates avidissimè captavit, testamenta, in quibus nulla sui mentio, rescidit, testatores paullo diutius superstites interemit, & testes, qui se Casarem heredem dictum, audivisse adseverarent, subornavit. Suet. cap. 38. Hinc imitati Nero, Tacit. lib. 16. Ann. cap. 43. Vitellius, Suet. cap. 14. Domitianus, Suet. cap. 12. Trajanus exactè Augustum imitabatur, Plin. paneg. cap. 43. nec non Hadrian. Spartian. cap. 18. & Antoninus Pius, Jul. Capit. cap. 8. Postea quum Commodus malum de quo principem egerat, huic malo non tantum exemplo, sed & lege lata repugnaret Pertinax. Jul. Capitol. Pertin. cap. 7. Ad quam legem respicere videtur Alexander l. 3. C. de test. Immo quum nec id sufficeret refrændæ principum aviditati: Theodosius M. l. 2. C. Th. de test. & codicill. omnes hereditates planè respuit. Conf. Symmach. lib. 2. Epist. 13. idemque edicto monuit Theodosius junior, l. 5. C. Theod. cod. Rem omnem accuratissima diligentia exposuit V. illustris Nic. Hier. Gundlingius Diss. de principe herede, cap. 4. HERN.

Quiliter causa Principem Lex est, non debere cuiusquam conditionem deteriore fieri facto alieno, nec cuiquam obijci duriorē aut potentiorē adversarium, *tot. titul. de alien. jud. m. ca. & sit. C. ne lic. potens.* Huic legi se submisit Imp. Pertinax, profusus hoc amplius, se non admitturum hereditatem, quæ litis causa Principi delata esset, minus hinc sibi permittens, quàm cuiquam privato, l. 8. §. 3. de alien. jud. m. ca.

hic 3 Quip

Quippe invidiosum esse existimavit, Principem
suis causa, hoc est, in re controversa & perple-
xa heredem institui, quo alii, nomine principis
territi jus suum indefensum relinquunt, ac ne-
fas esse, calumniæ facultatem ex Principali ma-
jestate capere, l. pen. de her. inst. Paul. 5. sent. 12.
Plin. Panegy. cap. 43. Non tu falsis, non tu iniquis
tabulis advocaris.

Neque tabulas non legitime factas.] Lex est, hæ-
redem iusto testamento instituendum esse, ne-
minemque posse ex tabulis non legitime factis
hæreditatem obtinere. Hanc legem etiam adver-
sus se valere optimus Princeps voluit, atque in
sua etiam persona tabulas non legitime factas im-
probavit. Secundum quod sæpissime constitu-
tum est, ex imperfecto testamento nec Imperato-
rem hæreditatem vindicare posse, l. 3. C. de test.
Ait, in quibus ipse, ob eam causam. Nempe
quod tabulæ non essent legitime factæ, ut re-
ctè Cujac. Quod non percepit Theoph. nec Ac-
curs. nam Princeps nec legitime factas probat, in
quibus ipse litis causa scriptus est. Ait, neque ex
nuda voce. Non quasi Princeps hæres nuncupa-
ti non possit, aut hæres esse ex & ἀγέδου διαβί-
αι, ut somniat Theoph. sed ex nuda voce, id est,
ex nuda voluntate sine juris solemnibus.

Neque ex ulla scriptura, cui juris auctoritas de-
fer.] Clausula generalis, legata quoque & fidei-
commissa non legitimo testamento relicta com-
plectens. Ex imperfecto testamento, ait Paulus
l. 23. de legat. 3. legata vel fideicommissa Impera-
torem vindicare invecundum est. Huc etiam
referendum, quod idem Paul. 4. sent. 5. & Vlp.
l. 8. §. 1. de inoff. testam. scribunt, testamentum,
in quo Imperator hæres scriptus est, inofficio-
sum argui posse.

Licet legibus soluti simus.] Principes Romanos
legibus solutos esse, scribit Dio lib. 53. atque id
ipse sic interpretatur, ut dicat, eos liberos esse ab
omni legum coactione, nec ulla scripta lege te-
neri. Apparetque ex eodem loco, quemadmodum
temporibus liberæ reipub. aliquando usurpatum,
ut populus aut senatus civem aliquem ob heroi-
cam indolem ac singularem virtutem una aliqua
lege solveret, puta, ut ante ætatem legitimam
magistratum gerere, aut intra tempora constituta
eundem repetere liceret, sicut de Pompejo, Afri-
cano, Octavio, aliisque permultis factum legi-
mus: ita Principem postea, cum civibus omni-
bus excellentior haberetur, legibus omnibus so-
lutum fuisse, lege in eam rem semel expressè la-
ta, quæ lex regia in l. 1. de const. Princ. lex impe-
rii in l. 3. C. de testam. appellatur. Quod etiam si-
gnificare arbitror Vlp. in l. Princeps, 31. de legib.
Quamquam necesse non erat, hoc caput legi re-
giæ inferere: quandoquidem ex hoc ipso quod
alio capite ejusdem legis populus jura maiestatis
omnia abdicative in Principem transfudit, d. l. 1.
de const. Princ. necessario sequitur, Principem le-
gibus non obligari. Etenim Princeps, qui absolu-
ta jura maiestatis habet, nihil supra se cernere
potest, neque hominem neque legem, ut ait Al-

ber. Gentilis in questionibus regis. Deus, inquit
Justinianus, leges ipsas Principi subiecit, eumque
legem animas am misit hominibus. Nov. 105. c. 2. in
fin. Jam verò qui supra leges est, cui leges subje-
ctæ sunt, is necessario legibus est solutus, id est,
legibus non tenetur, alioqui non illi leges, sed ille
legibus subicitur, & qui ipse lex est, in eum lex
ferri non potest. Unde Plinius in panegy. cap. 65.
Leges, inquit, Principi nemo scripsit. Neque cum
hoc dicimus, intelligimus solum cum D. Thoma
9. 96. art. 5. par. 1. quem multi sequuntur, Principem
legibus solutum esse quoad vim coactivam,
sed etiam quoad vim directivam. Quin ad hanc
solam quæstio pertinet: cum si neges, secundum
vim dirigentem Principem legibus solutum esse,
statuas, Principem legibus obstringi, tamquam
quæ ipsi quoque latæ sint. Alia autem quæstio est
de modo coercendi & puniendi non obedientes.
Cæterum totum hoc pertinet ad leges civiles
dumtaxat, non ad leges naturæ aut divinas, qui-
bus cum omnes homines subiciantur, quatenus
homines nati sunt, omnino efficitur, aut Reges
homines non esse, aut illos etiam his legibus tene-
ri. Non pertinet etiam hoc axioma ad leges im-
perii fundamentales, maxime cum in eas quo-
que ipsi Principes regnum ineuntes jurare so-
leant. De quibus legibus Bodinus lib. 1. de repub.
c. 8. sic scribit: Quantum ad leges imperii attinet,
cum sint cum ipsa maiestate consuetæ, Princeps
nec eas abrogare, nec eas obrogare potest. Cuiusmodi
inquit, est lex Salica regni huius firmissimum fun-
damentum.

Assamen legibus vivimus.] Etsi hoc jus Prin-
cipis est, si dignitatem spectes & imperii potesta-
tem, ut legibus omnibus civilibus sit solutus;
tamen officium imperantis est, legibus vivere,
usque parendo suo exemplo præire illis, quibus
solis latæ sunt. Quod significat Paulus l. ex im-
perfecto. 20. de legat. 3. his verbis: Decet enim san-
ctæ maiestati, eas servare leges, quibus ipse solutus
esse videtur. Et Imp. Alexander l. 3. C. de testam.
cum ait, nihil tam proprium imperio esse, quam le-
gibus vivere: eodemque modo explicanda, digna
vox. 4. C. de legib. & illud Plinii in Panegy. ad Tra-
jan. cap. 65. Legibus et subiecit, quas nemo Prin-
cipi scripsit. Item illa, Non esse Principem supra le-
ges, sed leges supra Principem. Nimirum Princeps
imperio maximus, maior est exemplo, ut ait Patercu-
lus, lib. 11. cap. 126. & Plin. ibid. cap. 45. Vita Prin-
cipis, inquit, perpetua censura est: ad hanc diri-
gimur: nec tam imperio nobis opus est, quam exem-
plo. Τίς δὲ ὁ βίβλος ἀνδρῶν, ὅς τινος βασιλέα
πυθόμενος: inquit Xenophon in laudib. Agesilai.
cap. 7. §. 2. Claudianus in Panegy. v. 307. de quan-
to consulum Honoris, his verbis Principem hu-
jus officii commonefacit:

In commune iuber si quid, censeo tenendam,
Primus iussa subi: tunc observantior equi
Fit populus, nec ferre negat, cum videris ipsum
Auctorem parere sibi. Componitur orbis
Regis ad exemplum: nec sic inflectere sensus
Humanae edicta valent, ut vita regens.

DE INOFFICIOSO TESTAMENTO.

Dig. Lib. 5. Tit. 2. C. Lib. 3. Tit. 28.

Continuatio, & argumentum tituli. Unde nomen inofficiosi: tam, quorum de hac questione cognitio.

EXPLICATUR hic altera ratio infirmandi testamenti, cum scilicet non ipso jure, sed per sententiam judicis rescinditur: ex causa de inofficioso contra testamentum promittantis: quod est illud administratum, quod superius dixi paulo post nobis manifestum fore, in calce *sic. de exhered. lib.* Locum hic late patet, quamquam concisus est Justinianus ut passim in hoc libello. Initio indicat ille causam introducendam de inofficioso querelæ, & quo colore proponatur: mox quibus ea competat, aut non competat, ostendit: sequuntur postremo nonnulla, quibus intervenientibus testamentum inofficiosum argui; atque ex ea causa rescindi non potest. Nobis, quibus propositum est rem totam planam facere, licebit in explicando esse prolixiores. Memini etiam, nonnulla mercepisse interpretantem, *Sult. d. tit. de exher. lib.* quæ in hoc tempore dilata, nunc exsolvenda sunt. De nomine inofficiosi hoc primum monendi sumus, quamvis omne testamentum inofficiosum recte dicatur, in quo testator contra officium, quod alteri debebat, fecit, quemadmodum scimus, hominem inofficiosum dici, qui officium prætermittit, aut contra officium, quod alter debet facit; & ideo si, verbi causa, testator, cognatis suis, aut personis de se bene merentibus, quibus ob id remunerationem debet, nihil in testamento suo reliquerit, huic etiam testamento appellatio ista conveniat: tamen per excellentiam ea demum testamenta inofficiosa dicta sunt, quibus officium in liberos, parentes, & fratres neglectum est, seu in quibus liberi, aut parentes, aut fratres, vel exheredati sunt immerito, vel immerito præteriti. Quocirca his etiam solis potestas permittitur de inofficioso querendi, postulandique, ut si officium violatum esse constiterit, testamentum rescindatur. Cognitionem hujus questionis ad centumviros pertinuisse constat ex *Cic. lib. 1. cap. 38. de orat. Val. Max. lib. 7. cap. 7. & 8. l. Titia. 13. d. qui repudians. 17. hoc tit. uti & simplicis petitionis hereditatis, l. ult. in pr. C. de per. her. quod tamen non usque adeo perpetuum fuit, quin partes aliquando, negotio ita ferente, à prætoribus remissæ fuerint ad judicem pedaneum, ut liquet ex *l. 8. §. pen. hoc tit. l. 3. §. si emancip. §. de hor. poss. cont. tab. VINN.* Quæ hic de nomine inofficiosi monet Auctor, plenius poterant exponi. Dicitur hæc Actio QUERELA, quia propinqui non accusari & litigare, sed inter se conquiri dicebantur. *Voss. Inst. Orat. lib. 1. cap. 6. §. 2. Inofficiosum autem opponitur officio, quod vo-**

cabulum ita accurate exponit Seneca de *Benef. lib. 3. c. 18.* quod ut beneficia sint alienorum; ita officia eorum, quos necessitando susceperis, & opem ferre jubeas. *HEIN.*

TEXTUS.

Ratio hujus querelæ.

Quia plerumque parentes sine causa liberos suos exheredant, vel omittunt, inductum est, ut de inofficioso testamento agere possint liberi, qui queruntur, aut inique se exheredatos, aut inique præteritos; hoc colore, quasi non sana mentis fuerint, cum testamentum ordinarent. Sed hoc dicitur, non quasi verè furiosus sit, sed recte quidem testamentum fecerit, non autem ex officio pietatis. Nam si verè furiosus sit, nullum testamentum est.

NOTÆ.

Sine causa] Ex justis causis permittitur exhereditatio, *l. 7. de bon. damn.* quas causas ex arbitrariis certas fecit & nominatim ad 14. complexus est Justin. *Nov. 115. cap. 3.* voluit autem unam saltem ex his inferi testamento, eamque ab herede probari; secus ac jure veteri, *l. 5. §. 1. hoc tit. l. 28. C. cod.*

Exheredans vel omittens] Illud ad parentes omnes & propriè ad patrem pertinet, hoc ad matrem, cujus silentium pro exheredatione est, *§. ult. sup. de ex. lib. & ita intellige l. 3. h. t. d. Nov. 115. c. 3.* Exhereditatis igitur omnibus, à matre etiam præteritis hoc remedium necessarium. Ex privilegio autem est, quod de inoff. militis testamento nemo queri potest, *l. 8. §. 4. l. 27. §. 2. hoc tit. l. 9. l. 24. C. cod.*

Quasi non sana mentis] *l. 2. l. 5. §. 1. cod.* ac proinde quasi testamentum facere non potuerint *l. 17. §. 1. cod.* Hoc colore seu titulo quæsitio tegitur iniquitas exheredationis: & quidem ob hanc causam olim rescisso per querelam testamento nihil ex eo valebat, *l. 8. §. pen. l. 28. cod.* hodie autem quantum ad institutiones solummodo evectur: legata & cætera capita salva manent, *Nov. 115. cap. 3. in fin. auth. ex causa. C. de lib. præs.*

COMMENTARIUS.

1. Quibus liberis & quando querela necessaria?
2. Etiam ob causas non nominatim expressas, *Nov.*

115. c. 3. *dammodo* æquè graves aut graviores, exheredationem rectè fieri.

3. *Quamvis* exheredatio facta sit sine elogio, tamen testamentum adhuc ipso jure hodieque subsistere, atque ad id rescindendum opus esse querela, contra eorum.
4. *Præteritionem* matris & avi materni etiam jure novissimo vim exheredationis habere.
5. *Contraria* obiter repulsa, addita jure patris.
6. *Utrum* querela ipsa sit actio seu petitio, an remedium aliquod ab actioe separatum?
7. *An* liberis à patre præteritis, legata & cætera capita, præter institutionem, beneficio novæ legis conserventur?
8. *Cur* querela inofficiosi colore dementia veteris prætexatur: & cum idem adhuc hodie?

Quia plerumque] Rectè monet D. Pacius in margine, particulam *plerumque* non afficere verbum *exheredant*, sed verbum *sine causa*; ut hic sit sensus: cum parentes liberos suos exheredant vel omittunt, id eos plerumque facere sine causa: puta falso instigatos, novercalibus delinquentis, instigationibusque corruptos, l. 3. & 4. *hoc sit*.

Sine causa liberos suos exheredant vel omittunt] Ait, *sine causa*; nam ex justis & meritis causis exheredatio semper permittitur, l. 7. de bon. damn. Ait, *exheredant vel omittunt*, illud ad parentes omnes & propriè ad patrem avumque paternum, hoc ad matrem & avum maternum pertinet: nec supervacuo hic expressum, ut censet D. Vvesemb. Et si enim matris præteritio vim & effectum exheredationis habet; non est tamen revera exheredatio. *S. ult. sup. de exher. lib.* In patris exheredatio necessaria est, ut querela locum sit: si enim pater filium, quem in potestate habet, præterierit, testamentum ipso jure nullum est; si emancipatum, datur præterito bonorum possessio contra tabulas, *sup. d. sit. in pr. & §. 3. & 5.* Quin nec quævis exheredatio querelæ locum facit; sed ea demum, quæ rite facta est: quæ scilicet facta, id est, non nominatim, non purè, non à tota hereditate, pro præteritione censetur, l. 8. *§. non queris. 2. de bon. poss. cons. tab.* Matre autem live prætereunte live quovis modo exheredante, semper ad infirmandum testamentum querela opus est, cum & jure civili firmum sit, nec à prætore infringatur; quippe qui exheredatione, cujus vicem etiam præteritio matris obtinet, notatos non putavit ad contra tabulas bonorum possessionem admittendos, d. l. 3. *in pr. cons. tab. d. S. ult. sup. de exher. lib.* Et igitur exheredatis omnibus, à matre etiam præteritis, hoc remedium necessarium est. Causæ exheredationis jure antiquæ certæ legibus definitæ non erant, sed ab arbitrio pendebant iudicum, qui de inofficioso cognoscebant, quorum erat merita exheredati perpendere, l. 3. *§. si emancipatus. 5. cons. tab. Val. Max. lib. 7. c. 8.* Justinianus ex arbitrariis eas certas fecit, & nominatim Nov. 115. c. 3. complexus est ad quatuordecim: cumque antea eorum sum-

plici exheredatione facta, permittum esset hæredes instituto allegare & docere ingratitudinem, id idem Imp. primum hæcenus mutavit, ut non aliter liceret hæredi ingratitudinis quaestionem movere, quàm si testator expressè addidisset, se ideo filium exheredare, quia fuerit ingratus, l. *omni modo. 30. in pr. C. hoc sit*. Postea ne hoc quidem satis ei visum, sed insuper voluit, testatorem justam aliquam ingratitudinis causam, & saltem unam ex illis, quas ipse recenset, testamento exprimere, imposito quoque hæredi onere elogium probandi, cum olim ita jus esset, ut nisi hæres altro probationem suscepisset, causam aliquam certam allegando, (quo refer l. 22. & d. l. 30. *cod.*) ipsi liberi docere tenerentur, se morigeros atque obsequentes semper fuisse, l. 5. *§. 1. cod. l. liberi. 28. C. cod.* Hinc duplex exorta quaestio 1. An nullas alias ob causas, quantumvis pares aut majores, quam quæ d. Nov. 115. c. 3. expressè sunt, exheredatio permittenda? 2. Utrum si exheredatio facta sit sine elogio, id est, sine causæ expressione, testamentum ex d. constitutione ipso jure nullum sit, an jure adhuc subsistat, atque ad illud rescindendum querela etiamnum sit opus? Primum questionem quod attinet, quamvis sententia Connari lib. 9. *comm. 10. Viglii ad S. ult. sup. de exher. lib.* aliorumque, qui eos sequuntur, negantium, ob alias causas, licet æquè graves aut graviores, exheredationem fieri posse, verbis d. Nov. convenire videatur, tamen mihi persuadere non possum, eam fuisse mentem Justiniani, quam illi esse censent; & summa ratio suadet, ut contra sentiam. Etenim si, verbi gratia, manus parenti filius ipse non intulerit, secundum d. Nov. cap. 3. §. 1. sed inferre passus sit, cum facile prohibere posset; idemque finge de injuria, §. 1. Patrem ipso non accusaverit, juxta §. 3. sed accusationem instruxerit, juverit pretio, consilio, probationibus. Insidiatus ipse patri non sit, §. 4. insidias autem, cum posset, non detexerit. Falsum testimonium ipse non dixerit, *sec. §. 8.* at qui dicerent, subornavit. Quid si thorum fratris violare ausus sit? Quid si lenocinio palam questum faciat? &c. Quia hæc aut atrociora filium patrantem dignum noget, quæ fulmine feriatur exheredationis? At, inquit, odiosa est exheredatio, ac proinde interpretatione non est adjuvanda, l. *cum quidam. 19. de lib. & post. cap. adia. 15. de reg. jur. in 6.* Immo contra vel magis odiosum, patrem eogi, ut impio & indigno filio bona sua relinquat. Equidem concedo, ubi de hypothese quaeritur, de scriptura testamenti, de facto exheredati, de voluntate exheredantis, cum similibus, exheredationem adjuvandam non esse, ceterum ubi *divinæ* de legis vi atque interpretatione disputatur, hoc semper legibus inesse ex mente conditorum credi oportet, ut quia omnes casus, qui quandoque incidere possunt, comprehendere nequeunt, ad eas quoque res & causas pertineant, quæ quandoque similes erunt, l. 10. *cum. 3. seqq. l. ideo. 27. de leg. 1.* Neque hinc excipiuntur leges penales: nam & illæ atque leges sunt; & obvia passim responsa Jurisconsultorum,

utrum, etiam leges publicorum judiciorum ad hunc, quem, diximus, modum interpretantur, l. 11. de pen. l. 13. de testib. l. 7. §. 2. de jurisd. l. 7. ad leg. lul. maj. §. 3. Tuld. 1. Jurisp. extemp. c. 5. pag. 202. ubi distinguit, utrum par & eadem sit ratio, an similis tantum, l. 3. de leg. Pomp. l. 2. §. 28. & seqq. ad Terrull. junct. l. ult. §. ult. qui per. int. l. 8. de sepulcr. viol. l. 1. de aleat. Dixeri, hoc admissio, Imperatorem non assequi scopum suum, sed causas adhuc incertas manere, nec quatuordecim tantum, sed infinitas fore. Respondeo, ex his constitutionis verbis, ut prater ipsas nulli liceat ex alia lege ingratitudinis causas opponere, nisi quae in hujus constitutionis serie continentur, satis patet, quis Justiniano scopus propositus fuerit. Horum enim verborum non alius sensus, quam quod non liceat ex legibus antiquis causas opponere, quae in d. constitutione non continentur. At tales causas non sunt, quae vel majores sunt, vel pares expressis, sed leviores dumtaxat, aut dispares: quippe cum de similibus semper ut de expressis habendum: facit huc c. 1. §. 2. vers. sed quia natura. l. 2. feud. tit. 24. quae fuit prim. ca. bon. amicis. Atque hac sententia etiam communis est, usque apud omnes recepta DD. in auth. non licet. c. de lib. prae. Clar. §. testamentum. quest. 41. n. 2. Gomez. 1. res. 11. Schaeid. hic n. 15. Gudel. lib. 2. de jur. noviss. cap. 8. Christin. vol. 4. dec. 19. n. 5. Grot. lib. 2. manud. cap. 18. ubi notat, in his regionibus illud quoque semper obtinuisse, ut filia minor 10. annis nubens citra consensum patris aut matris ab eodem patre aut matre ob hanc causam exheredari possit: convenit art. 25. cap. 2. stat. Zeland. In altera quaestione numero vincunt qui ad validitatem testamenti negant sufficere exheredationem simplicem seu factam sine causae interpositione, & ad hoc omnino requirunt qualificatam: quod si verum est, nullus usus querelae relinquitur in linea recta, praeterquam unico illo casu, cum exheredationi aut praeteritioni additum est elogium: quae sententia fuit Joannis, relata à Glossa in l. 5. hoc tit. probata plerisque interpp. in auth. ex causa. c. de lib. prae. Clar. d. §. testamentum. quest. 40. Gomez. d. c. 11. Covar. in c. Raynuttus. p. 1. n. 7. cap. 16. Uvemb. par. hoc tit. n. 7. & novissime late defensa à D. Bachovio hic. Ceterum ut pluribus hac sententia placeat, non desunt tamen, qui eam taxent, ut constitutioni Justiniani minimè consentaneam: & sanè non immerito, meo quidem iudicio. Nam qui diligenter eam constitutionem evolvit, comperiet ex tenore, Imperatorem non agere de iis, quae ad internam testamenti solemnitatem ritumque exheredationis pertinent, sed de causis, ob quas facta exheredatio iuste vel iniuste facta intelligatur: at iniustitia exheredationis non vitiat testamentum ipso jure. Et vide quaso, quae illi sententiae hinc consequentia. Efficitur ex ea,

ut testamentum nullum sit, etiamsi praeteriti sint liberi emancipati; etiamsi praeteriti sint liberi sine elogio; qui numquam in potestate fuerunt, ut posthumi exheredati natiuitate rum-patur testamentum, ut infantium atque adeo impuberum fere omnium exheredatio nullius momenti sit: denique ut tantum non liberi matribus, parentes liberis sui haeredes fiant. Atque ita deletur bonorum possessio contra tabulas: deletur §. in emancipatos. 3. item §. sed hac quidem. 5. & §. ult. sup. de exhar. lib. delentur maxima ex parte tit. Pand. C. & Instis. de inoff. test. item l. ult. C. de lib. prae. Quis verò credat, tot capita juris veteris à Justiniano tacite abrogata, qui numquam solet quicquam ex jure veteri mutare, nisi cum expressa mentione ejus juris, quod abrogare constituit, & commendatione novi? Refragantur etiam verba d. constitutionis. a. 3. circa fin. & c. 4. ubi cum jussisset Imperator, si exheredatio aut praeteritio facta esset cum elogio, idque elogium probassent haeredes, firmum manere testamentum, sive, ut est in authentico, à ti ista lxxi duxerim, tibi istas lxxi lxxi, subjicit, si hoc observatum non fuerit, testamentum irritum reddi atque everti: videtur enim verbis duxerim & duxerim, quae de iis tantum praedicari constat, quae ab initio constituerunt; & quod notandum, everti non in totum, sed quoad institutionem dumtaxat, cetera capita firma manere. Ergo in totum ab initio subsistit. At quo remedio evertetur? Non alio haud dubie, quam querela inofficiosa, quae una exheredatis supererat. Arguit hoc accurata illa causam ingratitudinis, de quibus in querela judicio agitur, definitio, quae causam novae constitutioni dedit. Ad hanc si dicimus, liberis omnibus sine elogio exheredatis aut praeteritis, testamentum potestate d. constitutionis nullum esse, non liberis tantum consulimus, sed extraneis etiam defuncti legitimis haeredibus: quippe ad quos tum, liberis aut repudiantibus, aut ante parentem, aut priusquam haereditatem adierint, mortuis, haereditas defuncti ab intestato perventura sit, exclusis scriptis haeredibus, qui alioqui ex testamento iisdem rebus intervenientibus venturi essent. Justinianus autem liberis dumtaxat prospicere voluit, ne his noceret exheredatio, non consulere aliis contra scriptos testamento haeredes. Postremo, ut ex dictis liquet, non fuit ei propositum tollere inofficiosam querelam, sed prioriem atque expeditiorem ei viam facere: sive uniusque potissimum rei asserere remedium, ne scilicet liberi exheredati aut praeteriti ob difficultatem probandi se semper inofficiosos fuisse, parentum haereditate exciderent. Cum ergo duplicem effectum exheredatio jure veteri habeat: unum hunc, ne absolutam internam testamenti paterni solemnitatem, ne nullum sit ob praeteritionem, ad quod sufficitur

factum

factam esse, etiamsi injusta sit: alterum ut exheredatum submoveat ab hereditate, ad quod insuper exigitur, ut facta sit iustis de causis: posteriorem effectum tantum Justinianus restringere voluit, priori in suo statu relicto. Sive igitur nulla causa à testatore expressa sit, sive aliqua, quæ tamen non sit ex iis, quæ d. Nov. 115. c. 3. continentur, aut ex iis quidem, sed in cuius probatione hæres deficiat, utiliter & cum effectu exheredatus de inofficioso hodieque ager, & postulabit, ut testamentum rescindatur, resque redigatur ad causam intestati. Idemque erit, si liberi præteriti sint ab iis sc. parentibus, quorum præteritio pro exheredatione est, ut matris & avi materni, licet causa adjecta non sit: & falsum est, quod plerique pro vero nobis obtrudunt, præteritionem maternam pro exheredatione amplius non haberi, sed ex hac causa æquè nullum esse testamentum, ac si pater præterisset, nisi præteritioni addita sit causa ingratitudinis: necessitatem quodammodo exheredandi contrariationem juris illic introducentes, ubi non est suitas, l. 11. de lib. & posth. l. 4. §. 2. cont. tab. Ita concludimus cum Fulgos. & Don. in d. auth. ex causa. Vigl. ad rubr. hic. Duar. c. 3. ad hunc tit. Cujac. ad Nov. 18. Fachin. 4. cont. 9. Vasq. lib. 2. de succ. creat. §. 20. n. 161. & seqq. Perez. ad Cod. de lib. præ. n. 13. Gudeh. lib. 2. de jur. nov. c. 4. Atque ita in utraque Curia Hollandiæ iudicatum refert Neotlad. dec. sup. sen. 99. contra quam Curia Frisicæ apud Sand. lib. 4. tit. 2. def. 2. Argumentis, quæ pro contraria sententia afferuntur, ex his, quæ dicta sunt, nullo negotio occurrere potest: & sunt pleraque ex eorum genere, quæ Græci ἀντιστροφή vocant, id est, quæ in ipsos auctores retorqueri possunt. Postremo minimi pretii sunt, quæ illi putant esse maximi; quale est, quod sexto loco adducit Bachovius, frustraneam agens esse eam actionem, in qua actor non potest succumbere, &c. Ergo frustra est, quod posthumis aut infantibus exheredatis, §. 2. inf. l. si quis. 33. §. 1. C. hoc tit. item ex constitutione Justiniani l. omnimodo. 30. C. cod. liberis omnibus exheredatis, non addito, quia ingrati fuerunt, actio de inofficioso datur: quoniam nunquam non possunt vincere? Considerare debuerant, non frustra esse, quod leges testamentum consistere volunt, ut saltem iis casibus, quos modo commemoravi, incidentibus, voluntas defuncti exitum habeat. Eiusdem ponderis est argumentum, quod Bachovius producit vice corollarii, nempe legitimam relinquendam esse liberis titulo institutionis. Ne sit relicta isto titulo, an propterea sequitur, testamentum ipso jure nullum esse? Sed de eo plura inferius. In hisce regionibus passim necessitatem exheredandorum liberorum, si hæredes non instituantur, non agnoscimus: utpote quæ suorum tantum hæredum propria est, quales hæredes nos

non habemus, sed præteritio non matris tantum, verum etiam patris pro exheredatione habetur, exemplo militarium testamentorum, §. sed si. 6. sup. de exh. lib. Intelligo, ut ipso jure valeat testamentum, non quin tamquam inofficiosum rescindi possit, & res ad causam intestati pronuntiatione iudicis redigi. Nam querelam inofficiosi modis omnibus etiam nos retinemus, si iniquè & contra officium pietatis exhereditio facta proponatur, vid. Gudeh. l. 2. de jur. noviss. c. 5. Grot. l. 2. manud. ad jurispr. Bat. c. 18. Crislin. vol. 4. dec. 20. n. 8. Groen. de lib. abrog. hic.

Inductum est] Verbum *inducere* plurimum refertur ad jus non scriptum, aut ad id jus, quod ex interpretatione prudentum profluxit, l. 2. §. 5. de orig. jur. l. de quibus. 32. de legib. l. Gallus. 29. de lib. & posth. l. 2. de vulg. & pup. Unde existimare licet, querelam inofficiosi testamenti non lege aliqua scripta introductam esse, sed moribus, aut, quod probabilius est, interpretatione consultorum. D. Cujacius lib. 2. obs. 21. ex lege Glicia eam deducit: sed hoc ideo probabile non est, quoniam nullis certis personis nominatim potestas experiundi hoc iudicio concessa fuit, l. 1. hoc tit. à lege autem si foret, certæ personæ expressæ essent, quibus hæc actio competere. Ad hæc si lex aliqua de hoc iudicio lata esset, nihil opus fuerat, colorem aliunde querere, cujus prætextu testamentum quasi ab homine non sanæ mentis factum everteretur: quippe quod tunc vigore & auctoritate solius legis rescindi oportuerit. Color autem iste dubium non est quin inventus atque excogitatus sit ab iis, à quibus alia id genus commenta & fictiones omnes manarunt, hoc est, à Jureconsultis. Denique si lege aliqua hoc iudicium constitutum esset: procul dubio mentionem illius legis fecisset Val. Max. lib. 7. cap. 7. VINN. Adde, quæ eam in rem disputavimus in Antiq. Rom. lib. 2. h. 2. §. 5. p. 360. edit. nov. Nam in priore s. quæramus sententiam summi Cujacii. HEIN.

Ut de inofficioso agere possint] Pro eodem Jurisconsulti dicunt, agere, queri de inofficioso, arguere, accusare, dicere inofficiosum; quæ legentibus passim in tit. hujus argumenti occurrunt, ut & nomina querelæ, actionis, accusationis: nullo tamen nomine frequentius hoc iudicium designatur, quàm querelæ. Estne ergo querela & ipsa actio, an remedium aliquod ab actione separatum, sive imploratio tantum officii iudicis nobilis, ut loquuntur, eo pertinens, ut testamentum rescindatur, quo rescisso demum agi & hereditas peti possit? Non est, quod dubitemus affirmare, quod tot locis manifestè traditum est, querelam ipsam actionem & petitionem esse, perque eam sic impugnari testamentum, ut simul vindicetur hereditas. Qui dicit inofficiosum, cum Papinianus ait hereditatem petere, l. 8. §. quoniam. 8. hoc tit. Scævola petitionem hereditatis exercere, l. qui

qui de. 20. cod. Paulus l. cum qui. 22. §. ult. cod. ait, per querelam inofficiosi evinci hereditatem. Ulpianus vindicari facultates, l. si instituta. 27. §. 3. cod. Triphonius l. pen. in fin. cons. tab. filium exheredatum ex causa querelæ inofficiosi movendæ admitti ad petitionem hereditatis. Justinianus, hereditatis petitionem ex nomine de inofficioso constituit, l. si quis. 34. C. cod. Unde quoque est, quod is, qui querelam moturus est, agnoscere debet bonorum possessionem litis ordinandæ gratia, l. 6. §. ult. l. 7. l. 8. in pr. cod. l. 2. C. cod. Hoc enim non alio pertinet, quam ut is, qui ex causa inofficiosi hereditatem petit, hæres esse videatur: quamquam in suis hæc possessio non est necessaria, d. l. 7. uti nec aditio, l. 14. de suis & legitimis. de quo consule Vigl. in rubr. & §. 2. hoc tit. Duar. cap. 8. ad hunc tit. Govean. l. var. lecti. c. 5. Vasq. lib. 3. de succ. resol. ad l. 2. C. cod. Vaud. 2. quest. 24. Don. 19. com. cap. 3. Interpretes comm. & cum his Sichard. in rubr. C. hoc tit. num. 3. existimant, querelam esse iudicium preparatorium, quo aditus pateat ad iudicium universale seu petitionem hereditatis, sicut actio ad exhibendum preparatoria est rei vindicationis: atque ita duo hic esse iudicia, quorum alterum, scilicet querela, præcedat; alterum, petitio hereditatis, sequatur: quod falsum est; Nam ipse titulus inofficiosi causa est, ex qua vindicatur hereditas, l. 3. C. de pet. hæ. neque duo hic iudicia sunt, sed unum, quo & testamentum impugnatur, & simul petitur hereditas; sicut per actionem usucapionis rescissoriam & usucapio rescindi petitur, & simul res vindicatur: de quo sub §. 5. inf. de actionib. Planè et si querela quoque petitio hereditatis est, in multis tamen differt à petitione hereditatis simplici, de qua post tit. de inoff. test. in Pand. & C. generalis titulus datur, quæ hic congerere nimis longum foret. Duo solum argumenta refellam, quibus effici videtur, querelam inofficiosi hereditatis petitionem non esse. Primum tale est, Petitio hereditatis datur solum adversus eum, qui cum hæres non sit, pro hærede prove possessore possidet, nunquam adversus hæredem, eumve, qui pro hærede sit, bonorum scilicet possessorem aut fideicommissarium, l. 9. cum seqq. de her. At querela datur adversus hæredem scriptum contra fideicommissarium, l. 1. C. hoc tit. contra præteritum, qui accipit bonorum possessionem contra tabb. l. pen. cons. tab. Respondeo, scriptum testamento inofficioso hæredem, hæredem non esse, utique cum eo agi, tamquam qui hæres non sit, utpote scriptus ab eo, qui testamenti factionem non habuisse iudicatur, l. qui repudiantis. 17. §. 1. hoc tit. & proinde cum teneri, quasi pro hærede aut pro possessore consideret, ut disertè rescriptum est de eo, cui ex testamento inofficioso restituta est hereditas, l. 1. C. cod. Alterum est huiusmodi.

Omnis petitio hereditatis aut ex testamento sit oportet aut ab intestato, l. 1. 2. & 3. de her. pos. querela autem inofficiosi ex neutra causa est: non ex testamento; quia datur iis, qui testamento exclusi sunt; non ab intestato, quia quamdiu testamentum extat, causæ intestati non est locus, l. quamdiu. 39. de acq. her. Sed patet ex responsione ad objectionem præcedentem, querelam inofficiosi esse petitionem quamdam hereditatis ab intestato, quia prætenditur color dementiæ testatoris; uti & revera si iudex contra testamentum pronuntiaverit, res ad causam intestati redit, retroque versus perinde omnia habentur, ac si hereditas nunquam adita fuisset, l. 6. §. 1. l. cum quis. 21. §. 2. hoc tit. Stet igitur hæc sententia, querelam etiam ipsam esse actionem, & nimirum speciem quamdam petitionis hereditatis, qua vindicatur hereditas tamquam ab intestato delata ex causa inofficiosi testamenti: cum qua sententia ferè vi ipsa convenit, quod Jo. Fab. & alii hic norant, posse querelam cum petitione hereditatis cumulari. Obiter addo, & per modum contradictionis seu exceptionis querelam induci posse, veluti si exheredatus sit in possessione hereditatis, & hæres scriptus hereditatem petat, l. 8. §. si filius. 13. cod. adeoque liberum etiam esse exheredato, simplici petitione hereditatis experiri, deque titulo excipienti reponere, se queri de inofficioso, atque ita querelam inducere per modum explicationis. Paul. 4. sent. 5.

Aut iniquè se exheredatos, aut iniquè præteritos Rursus hæc duo conjungit, exheredare & præterire, ut paulo ante & Marcell. l. 3. cod. nimirum quia non exheredatis solum, sed etiam præteritis de inofficioso agere licet; præteritis sc. ab iis parentibus, quorum præteritio vim exheredationis habet. Et igitur horum alterum, exheredatos, nemo est, qui non videat ad patrem referri, alterum, præteritos, ad matrem & avum maternum. Quod ideo iterum hic moneo, ut appareat, nullam esse causam, cur interpp. vulgo ex eo, quo auth. ex causa. C. de lib. præ. generaliter & indefinite ab Imerio concepta est hoc modo, *Ex causa exheredationis vel præteritionis irritum est testamentum, quantum ad institutionem; cætera namque firma manens*, collegerint, id jus ad præteritionem quoque paternam pertinere, ut quamvis tale testamentum ab initio nullum sit, etiam jure novo, tamen hoc jure dumtaxat nullum esse quoad institutionem, non quoad cætera capita, puta legata, libertates, dationem tutorum: atque hætenus etiam in proposito jus vetus mutatum, l. 1. l. filio. 17. de inoff. rupt. cum similib. Etenim animadvertere debebant, Justinianum in Nov. 115. c. 3. unde dicta auth. sumpta est, non aliter loqui, quam hoc ipso loco. Sancit enim, non licere patri vel matri liberos suos exheredes facere aut præterire, nisi forsan probabuntur ingrati, &c. quæ prædicata

cata propriis subjectis attribuenda sunt, ut exheredes facere non liceat patri, matri non liceat præterire; quemadmodum hoc loco alterum propriè ad patrem, alterum ad matrem referri constat. Liqueat hoc ex eo, quod d. Nov. c. 5. apertè proficitur, hoc solum sibi propositum esse, ut injuriam exheredationis & præteritionis à liberis avertat. Jam verò injuria ea propriè est, quæ vel exheredatione vel ea præteritione infligitur, quæ vim exheredationis habet, l. 8. in pr. hoc tit. l. 4. vers. quod si fuisset. circa med. c. de lib. præ. Præteritis à patre cum effectu non inferebatur injuria; quippe qui testamentum nullum dicebant: exheredatis & à matre præteritis inferebatur: quæ etsi vindicabatur judicio de inofficioso, tamen si legitima portio quovis titulo relicta fuerat, quantumvis liberis obsequentissimis, injuria illa manebat. Cui rei occurrere voluit Justinianus, atque ea de causa constituit, ut non sufficeret in posterum ad excludendam querelam, legitimam quolibet titulo relictam esse: sed necesse esset, liberos vel hæredes institui vel exheredari. Cæterum quia illata per exheredationem aut præteritionem injuria satis tollitur rescissa institutione, sufficere etiam ei visum fuit, institutionem solam rescindi, salvis cæteris capitibus, cum olim querela omnia rescinderet. Nihil hoc pertinet ad præteritionem paternam, ex qua causa testamentum aut ab initio nullum est, aut rumpitur agnatione sui hæredis, aut per bonorum possessionem contra tabulas evertitur; neque ad eam produci sine insigni liberorum læsione potest. Atque hanc sententiam Azoni & plerisque veterum probatam fuisse, testatur Ias. in d. auth. ex causa. num. 1. sequitur Cujac. in l. filio. 17. de injust. rupt. Govean. in l. 1. de vulg. & pup. num. 27. Uvesemb. ad §. 5. sup. de exher. lib. dis. vulgo DD. & ex recentioribus Duar. in tit. de injust. rupt. cap. 3. Don. in d. auth. num. 6. & 7. Connan. 9. comm. 8. Sunt, qui interesse existimant, utrum præteritio ignoranter à patre facta sit, an scienter: illo casu totum testamentum corrumpi, nisi adjecta sit clausula codicillaris; hoc autem sive posteriore casu legata & fideicommissa firma manere: quæ sententia à præjudiciis curiarum supremæ jurisdictionis robur accepit, Ant. Fab. c. suo de lib. & post. desin. 1. Christ. vol. 4. dec. 9. & probatur D. Tuldeno in comm. hic. c. 1. Cæterum vide, quæ sup. n. 5.

Hoc colore quasi non sanæ mentis fuerint] L. 2. §. 1. l. Titia. 13. cod. ac proinde quasi testamenti factionem non habuerint, l. qui repudiantis. 17. §. 1. cod. Unde etiam est, quod cum contra testamentum pronuntiatum esset, nihil ex eo testamento valebat, l. 8. §. pen. d. l. Titia. 13. l. cum mater. 28. cod. Quæsitus autem hic color fuit, ne sani hominis testamentum impugnari videretur contra auctoritatem legis duodecim tabb. quæ liberam un-

dequaque potestatem testandi patrifam. concedit, l. verbi. 120. de verb. sign. Maxime autem liberis hoc colore iniquitatem exheredationis tegere convenit ob verecundiam. Bartolus in d. l. Titia. 13. putat, colorem istum dementiæ jam non amplius prætexi posse, quia demens videri non potest, qui filium ex justa causa exheredat: præsupponit enim, non aliter querelæ locum esse. Sed ut ita sit, quid si fallum sit elogium? quod præsumitur, si ab hærede non probetur. Numquid falsam causam objicere filio immerenti contra officium pietatis prope furiosi hominis esse videtur? Planè dicendum hodie est, colorem istum furoris tantum prætendi ad rescindendam institutionem, quod testamenti principale est, cum cætera capita tamquam à sano homine facta beneficio novæ legis conserventur, d. auth. ex causa. Ita contra Bart. Viglius & Myns. hic disputant. VINN. Quum ipse Vinnius fateatur, quæsitum fuisse hunc colorem, ne sani hominis testamentum contra auctoritatem legis XII. Tab. impugnari videretur: consequens omnino esse videtur, ut is color hodie cesset. Olim licebat parentibus impune liberos & præterire, & exheredes scribere: nullaque prodita erat actio, qua liberi testamenta paterna impugnarent, quamvis iniquissimè essent hæreditate exclusi. Id quum durum videretur Jctis, callidè reperere modum juvandi injustè exheredatos. Quum enim furiosorum testamenta non valerent, impugnabant tabulas tam inhumani parentis, tanquam ab homine emotæ mentis factas: eam autem dementiam colligi posse existimabant ex filiæ morigeri exheredatione vel præteritione. Si itaque colore illo opus fuit, quia nulla actio legibus prodita erat: hodie sanè eo non erit opus, postquam hæc querela legibus probata est. HEIN.

Non quasi verè furiosus sit] Cujus testamentum inofficiosum arguitur, quasi demens, non verè demens dicitur, l. 2. l. 5. §. 1. hoc tit. nam qui filium immerentem exheredat, patrem qui præterit, prope à furioso abesse fingitur, eo quod non sentiat, sibi se esse injurium, cum liberis aut parentibus injuriam facit. Quod verò testamentum à verè demente factum est, id inofficiosum accusari non potest, quia nullum est, factum quippe ab eo, qui testamenti factionem non habet: ac proinde hoc non attempto recta succeditur ab intestato.

Non ex officio pietatis] Καὶ αὐτὸς ὁ φερόμενος ἐξ αὐτοῦ ἀποδείξει τὴν πᾶντες, καὶ φερόμενος, καὶ φερόμενος, &c. Ipsamque deferens naturam, ex his nomen patris, &c. quod prope à furore abest.

TEXTUS.

Qui de inofficioso agunt.

1. Non autem liberis tantum permissum est, testamentum parentum inofficiosum accusare.

cusare, verum etiam liberorum parentibus. Soror autem & frater turpibus personis scriptis heredibus ex sacris constitutionibus prelati sunt. Non ergo contra omnes heredes agere possunt. Ultra fratres igitur & sorores cognati nullo modo aut agere possunt, aut agentes vincere.

NOTÆ.

1. *Inofficiosum accusare*] Pro eodem dicunt nostri, agere, queri de inofficioso, arguere, accusare, dicere inofficiosum. Una autem eademque actione & rescindi testamentum petitur, & vindicatur hereditas tamquam ab intestato, l. 8. §. 8. l. 20. l. 21. §. ult. l. 27. §. 3. eod. Cujac. par. C. eod.

Etiā parentibus] l. 1. eod. quippe quibus turbato ordine mortalitatis, non minus, quam liberis pie relinqui debet, l. 15. eod. l. 7. §. 1. si tab. test. Datur autem querela non patri solum, sed etiam matri, d. l. 1. l. 14. & seq. eod. nec interest, exheredati sint, an præteriti, dummodo injuste. Nam ex justa causa, una illarum octo, quæ enumerantur Nov. 117. cap. 4. cum effectu exheredari possunt, modo exheredationi addatur elogium.

Soror & frater] Hebræorum jure uterini pro fratribus non habebantur. Mos. Maimonid.

Aut agentes vincere] Si tamen egerint, & nemine eos repellente obtinuerint, prodest eorum victoria proximis ab intestato, l. 6. §. 1. eod.

COMMENTARIUS.

- 1 Quid liberi de inofficioso agere possint?
- 2 Cur placeat etiam parentibus querelam dari, & quibus quando desur?
- 3 Contra rationem juris tam veteris, quam novi, esse videri, quod statim post liberos ad querelam admittantur parentes; quam difficultatem pauci cernant.
- 4 An jure novissimo fratres una cum parentibus ad querelam admittendi, aut illis saltem propter horum victoriam?
- 5 An fratres uterini hodie cum consanguineis concurrere debeant, aut his vincensibus illi quoque ad successionem ab intestato veniant?
- 6 An spiritus in questione proposita pro turpibus personis habendi?

Non autem liberis tantum] Querela inofficiosi testamento primo competit liberis: & merito, quoniam prima eorum causa est in successione ab intestato: utpote quibus ratio naturalis, quasi lex quædam tacita, parentum hereditatem addicit, velut ad debitam successionem eos vocando, l. 7. de bon. damn. daturque liberis omnibus cujuscumque sexus aut

gradus sint, & tam emancipatis, quam in potestate constitutis, l. 7. hoc tit. l. 8. in pr. cont. tab. item qui numquam in potestate fuerunt, §. ult. sup. de exher. lib. tam adoptivis, quam ex nuptiis quæsitis; servata tamen distinctione, l. pen. C. de adopt. In impubere arrogato speciale est, quod queri non potest, quia quartam habet ex constitutione D. Pii l. 8. §. si quis. 15. hoc tit. Datur & legitimatis per §. 2. inf. de her. qua ab int. Nov. 89. Datur non tantum liberis jam natis, verum etiam posthumis, & tam alienis, quam suis, l. 6. in pr. eod. §. seq. in fin. ubi plura. Illud pæne supervacuum monere, querelam competere iis liberis dumtaxat, qui jus succedendi habent: nam qui non habent, cum iis neque legitima debeatur, de inofficioso queri non possunt. Proinde liberi illegitimi, sive vulgo quæsit, sive nati ex concubina patris, testamentum inofficiosum non dicunt: de matris autem agere possunt, l. si suspecta. 29. §. 1. eod. vid. Bart. Salic. Castr. in l. pen. C. ad sen. Orfic. Ex privilegio est, quod de inofficioso testamento militis nemo queri potest, l. Papinianus. 8. §. si quis. 4. l. si instituta. 27. §. 2. eod. l. 9. l. testamentum. 24. C. eod. DD. plerique in d. l. 9. tradunt, hodie etiam militum testamenta querelæ esse obnoxia, & ita usque servari. Autumn. ibid.

Liberorum parentibus] Post liberos secundo loco querela datur parentibus. Nam etsi parentibus non deberetur filiorum hereditas propter votum parentum & naturalem erga filios charitatem; turbato tamen ordine mortalitatis non minus parentibus, quam liberis pie relinqui debet: ut bene & pie Papinianus in l. nam est. 15. hoc tit. Id autem hanc habet sententiam: etsi naturæ ordo parentumque affectio & votum hoc sit, ut liberi supervivant & succedant parentibus, atque ideo non sic parentibus, quos sola ratio miserationis admittit, liberorum debeatur hereditas, uti liberis parentum, quos admittit naturæ simul & commune parentum votum, ut idem Papinianus scribit in l. 7. §. 1. unde lib. tamen turbato ordine mortalitatis, id est, si contingat liberos prius ex hac vita evocari, & præpostera atque immatura morte abripi, vivis adhuc parentibus, rationem pietatis seu miserationis exigere, ut ne parentes à luctuosa liberorum suorum hereditate excludantur. Ex quo porro intelligimus, contra officium pietatis facere liberos, qui parentes suos sine causa exheredant aut prætereunt, atque ob eam causam parentibus quoque actionem de inofficioso dari. Datur autem parentibus itidem omnibus sive masculis sive feminis, l. 1. l. 14. & seq. eod. l. cum filium. 17. C. eod. qui modo ad successionem liberorum vel legitimo jure vel honorario venturi fuissent; de quo statuendum ex iis, quæ de liberis dicta sunt. Exheredati sint parentes, an præteriti, nihil interest: nam

hæc in linea adscendentium & collateralium non differunt. Cæterum ut effectum habeat exheredatio aut præteritio, tutumque sit testamentum ab expugnatione, cum elogio hic quoque facienda est, & vel una saltem ex causis, ob quas parentes exheredari aut præteriri permittit Justinianus, testamento inferenda. Nov. 115. c. 4. Causæ autem hujusmodi admittæ octo tantum, quæ ordine enumerantur d. c. 4. §. 1. & seqq. Nimirum pauciores hic causæ sunt, quam in liberis, propterea quod parentibus multa conceduntur in liberos, quæ à liberis in parentes commissa penam merentur. Illud difficultate non caret, quod parentes statim post liberos ad querelam admittimus, sive veteris juris rationem consideramus, sive novi Justiniani. Nam ante novellam Justiniani legem fratrum prior atque potior in querela, quam parentum causa fuisse videtur, arg. l. 4. C. de bon. quæ lib. l. 2. C. ad Tertull. l. ult. C. comm. de succ. pr. sup. quib. non est perm. fac. testam. vers. si vero. quibus locis ad successionem ab intestato demum post fratres patrem vocari legimus. Jam verò ratio juris postulat omnino, ut quo quisque ordine ad successionem à lege vocatur, eodem ordine admittatur ad querelam, per quam res ad causam intestati redigitur; quo enim quisque potiore jure est in causa successionis, eo majorem exheredatus aut præteritus patitur injuriam. Fac ergo, verbi causa, Titium, cum patrem & fratrem haberet, utroque præterito heredem instituisse in bonis castrensis: quid tam absurdum est, quam si dicamus, patrem solum queri de inofficioso posse, exclusoque fratre hereditatem consequi, ad quam testamentum non facto solus frater venisset excluso patre? d. pr. vers. si vero. sup. quib. non est perm. fac. testam. Ego non dubito, quin à posterioribus Principibus istud constitutum sit, non animadvertentibus, quæ inde consecutura esset veteris juris perturbatio. Nam si de jure, quod in Pand. relatum est, queratur, filiusfam. heredem ab intestato habere non poterat, sed pater jure peculii bonæ, quæ filii fuerant, (alia autem quam castrensis & quasi castrensis non erant) occupabat, l. 2. l. 9. de cast. pr. Quod si filius de his bonis, quod ipsi permittum erat, testamentum fecisset, id testamentum querelæ non erat obnoxium; atque id ius etiam Justinianus confirmavit, l. ult. C. hoc tit. Cæterum sustulit Nov. 115. cap. 4. in pr. ut verba illa, in quibus habent testandi libertatem, manifestè ostendunt. In successione autem filii emancipati pater manumissor præferebatur defuncti fratribus, & omnino jure patris potior erat, ut mirum non sit, in querela quoque fratribus prælatum fuisse: quæ omnia à me copiosius tractata sunt sub §. ult. inf. de leg. agn. success. Mater ex Senatufconsulto Tertulliano ad legitimam hereditatem liberorum vocata fuit, ita tamen, ut fratres

consanguinei matrem excluderent, §. 3. inf. de sen. Tertull. Unde sequi videtur, eos etiam ad querelam ante matrem admissos fuisse. Nihil tamen definitio. Novissimo jure, postquam placuit fratres defuncti una cum parentibus admitti ad hereditatem, Nov. 118. cap. 2. dicendum videtur, etiam simul eos cum parentibus admitti ad querelam: aut si hoc minus placet, dicam, fratres saltem admittendos parente repudiante, utique si turpis persona instituta sit: quippe cum tunc ex sua persona frater querelam movere possit. Utur est, illud extra controversiam positum esse debet, victoriam parentum fratribus quoque prodesse cum nulla sit ratio, cur rescisso testamento, & re ad causam intestati deducta, fratres excludantur. Et ita quoque sentiunt Ioan. Fabian. Aug. Baro & Mynsing. hic. licet aliud Viglio & D. Tuldeno ad tit. de hered. quæ ab int. cap. 8. videatur, putantibus, hoc pacto fraudem legi fieri: sed falso, cum maximè sit ex sententia legis ut fratres una cum parentibus ab intestato succedant, d. Nov. 118. cap. 2. Neque novum est, ut quis aliquid commodi propter tertium percipiat, quod per se ipse non habuisset, l. cum hereditate. §. de acquir. hered. l. 10. §. ult. cont. tab. l. 3. in fin. quæ res pigndar. l. 10. quemad. serv. am. l. 5. §. 2. ad SC. Tertull. Apud nos iis demum in locis parentes ad querelam admittuntur, ubi vocantur ad successionem: de quo sub d. tit. de her. quæ ab int. add. D. Coren. observ. 10. n. 8. & seqq. Soror autem & frater] l. 1. hoc tit. l. fratres. 27. C. eod. Fratres autem & sorores hic intelliguntur germani aut consanguinei sive iurati; nam uterini ab actione de inofficioso contra testamentum fratris aut sororis penitus arcentur, l. fratres. 27. C. eod. Hodie verò cum fratres uterini in successione concurrant cum fratribus consanguineis, consequens est, ut etiam in querela cum iisdem concurrant, aut saltem vincentibus illis, simul ad successionem intestati veniant.

Turpibus personis] d. l. fratres. 27. C. hoc tit. l. 3. C. Theod. eod. Itaque fratribus querela datur, non simpliciter ut præteritis, se ut postpositis turpi personæ; atque adeo odio scripti hæredis. Cum autem turpis persona definiatur à Constantino, quæ vel turpitudinis, vel infamiae, vel levis nota macula aspergitur, d. l. fratres. quæsitum est de spuris, num & illi talium personarum numero habendi? Spuriarum causam cum DD. comm. defendunt Gabriel Palæot. tract. de notis spurisq. lib. c. 55. & seqq. Hartm. Pistor. lib. 1. quæst. 30. n. 26. & seq. D. Tulden hic. c. 3. quia, ajunt, neque jure infames sunt, neque ipsi quicquam admiserunt, quod existimationem eorum lædat apud bonos viros: crimen autem paternum nullam maculam filio infligere posse, l. crim. 26. de pan. nativitatem, quæ vitio aut culpa recte nemini potest, pena esse non debere: undecumque

*homines nascuntur, si parentum vitia non seque-
tur, honestos esse, Augustin. cap. undecumque,
dist. 56. Ceterum ut hæc vera sint, negari ta-
men non potest, quin labes aliqua & macula
spuriis adhæreat, non quidem ex facto sic na-
scentium, seu poena iniusta; sed ex vitio ac
defectu natalium contracta: unde eos oppro-
bria per omnem vitam comitantur, quæ nullo
modo elui possunt, ut scribit Plutarch. lib. de
educ. lib. vixque est, ut defendi possit, eum,
qui ex vulgivaga Venere & improbata genti-
bus omnibus conjunctione natus est, qui nec
gentem, nec familiam, nec patrem habet,
pro integra & legali persona, ut loquuntur,
habendum esse. Qua de re eleganter discit
vir doctissimus Arniseus lib. 2. de repub. c. 2.
sect. 13. Illud equidem minime concedo, quod
Cov. 2. de spons. 8. n. 11. Card. Tusc. concl.
454. n. 17. statuunt, meretricem, quæ postea
nupsit, pro persona infami habendam non
esse, propterea quod præcedens dedecus pur-
getur matrimonio. Non enim aboletur turpi-
tudo, quæ postea intermittitur, l. 43. §. 4. de
vis. nups. utique manet adhuc lizura prostitu-
tæ quondam pudicitiz; at excluduntur à fra-
tre, qui vel levis notæ macula adsparguntur.
Pœnitentia quidem & vitæ emendatio abolent
delicti notam coram Deo: at non in hujus
 sæculi tribunalibus, l. 65. de furs. l. 5. vi bon.
rapt. Ut autem turpis persona instituta sit;
non tamen statim frater ad querelam admittit-
tur. Quid enim si ipse eadem turpitudine,
qua hæres scriptus, laboret? Nihil hic habet
frater, quod hæredi objiciat, arg. l. 11. C. hoc
tit. l. cum mulier. 47. sol. matr. Removet præ-
terea fratrem & ingratitudo ex tribus causis
expressis Nov. 21. c. 47. easque causas opponi
ab hærede & probari sufficit, etiam si à testa-
tore objectæ non fuerint. Nihil enim juri ve-
teri in hoc derogatum est. Gudelin. de jur.
nov. lib. 2. c. 8. VINN. Alii Spurius tamen haut
intelligi in l. 27. C. h. t. singulari dissertatio-
ne de levis notæ macula demonstrari a nobis
meminimus. HEIN.*

*Plura fratres & sorores, &c.] Cognatos,
qui sunt ultra fratrem, Ulpianus in l. 1. hoc
tit. hortatur, ne se sumptibus inanibus ve-
xent, eo quod in lite de inofficioso obtinere
spem non habeant. Ex quo explicandum est,
quod Justinianus hic simpliciter ait, eos nullo
modo agere posse aut agentes vincere: item
quod Dioclet. & Maxim. rescribunt, in l. fra-
tris. 21. C. eod. neminem eorum qui ex trans-
versa linea veniunt, exceptis fratre & sorore,
ad inofficiosi querelam admitti; nimirum non
admitti, agere aut agentes vincere, suoque jure
testamentum evertere non posse, si exceptio
iis objiciatur non competentis querelæ. Pla-
ne enim si egerint, & nemine forte eos repel-
lente obtinuerint, testamentum jure rescissum
manet, remque proximi ab intestato auferunt,
l. 6. §. 1. eod. Similem superioribus questio-*

*nem peperit constitutio Justiniani, Nov. 118.
c. 3. ubi cum fratribus defuncti ad successio-
nem admittit fratrum demortuorum filios: de
hac autem questione idem quod de præceden-
tibus judicium esto. VINN. Est hoc ex jure
novo, investito, ut videtur, postquam portio
legitima investita est. Jure enim antiquo & alios
agnatos cognatosque remotiores, immo & ami-
cos extraneos inofficiosi querelam instituisse,
clarissime patet ex Valer. Max. lib. 7. cap. 6.
Conf. Aniqu. nostr. Rom. h. t. §. 7. HEIN.*

T E X T U S.

Qui alio jure veniunt, de inoffi-
cioso non agunt.

2. *Tam autem naturales liberi, quam
secundum nostræ constitutionis divisionem
adaptati, ita demum de inofficioso testa-
mento agere possunt, si nullo alio jure ad
defuncti bona venire possunt. Nam qui ad
hereditatem totam vel partem ejus alio
jure veniunt, de inofficioso agere non pos-
sunt. Posthumi quoque, qui nullo alio jure
venire possunt, de inofficioso agere possunt.*

N O T A.

2. *Naturales liberi]* Id est, justis nuptiis
quæriti: v. sup. de adopt. in pr. quibus ex-
quari & qui postea facti legitimi. Nov. 89.
Matris autem testamentum etiam spurii inoffi-
ciosum dicunt, l. 29. §. 1. eod.

Nostræ constitutionis divisionem] Adoptati ab
ascendente queri possunt, ab extranea perso-
na non possunt. Constitutio est l. pen. C. de
adopt.

Alio jure veniunt] Igitur impuberes adro-
gati queri non possunt, quia quartam habent
ex constitutione D. Pii, l. 8. §. 15. hoc tit. nec
sui nec emancipati præteriti à patre, quia il-
lorum præteritio patrem intestatum facit, hi
habent contra rabb. sup. de exhib. lib. quam ob
causam querela dicitur ultimum adiutorium,
l. ult. C. de lib. præter. iuxta Boetium. Theoph.

Posthumi qui nullo alio jure] Ac proinde
non aliter quam si sint exheredati: nam &
posthumi sui & quasi posthumi præteriti, agna-
scendo aut quasi agnascendo testamentum rum-
punt: ex filio concepti post emancipationem
bonorum possessores efficiuntur, l. 1. §. 1. l. 3.
pr. cont. tab. §. 1. 2. & §. sup. de exhib. lib.
Ceteri posthumi alieni aliud remedium non
habent, l. 6. hoc tit.

C O M M E N T A R I U S.

- 1 *Quam rationem habeat, quod qui alio jure ve-
nire possunt, ad querelam non admittantur?*
- 2 *Cum parenti manumissori querela detur, cum
contra tabulas petere possit?*

3 *Quan-*

3 Quando posthumis querela necessaria: & nūm idem adhuc hodie?

Secundum nostræ constitutionis divisionem] Intelligit constitutionem, quæ extat in l. pen. c. de adopt. cujus crebra in hisce libris mentio, §. 2. sup. de adopt. §. 5. sup. de exher. lib. §. 1. tit. præc. §. sed ea. 14. inf. de her. que ab int. Significat autem, ex sua constitutione eos dumtaxat liberos à patre naturali in adoptionem datos queri de inofficioso patris testamento posse, qui dati sunt personæ non extraneæ, puta avo aut proavo materno. Illud sæpe monuimus, perpetuum esse in jure nostro, ut cum liberi naturales opponuntur liberis adoptivis, per eos significantur liberi ex justis nuptiis procreati, l. 1. §. liberos. 6. unde lib. l. 1. §. 2. desuis & legit. sup. de adopt. in pr. §. 2. inf. de her. que ab int. quamquam matris testamentum etiam naturales illegitimi, adeoque spurii, inofficiosum dicunt. l. si suspecta. 29. §. 1. hoc tit.

X Qui ad hereditatem, &c. alio jure veniunt, de inofficioso agere non possunt] Hoc, credibile est, introductum esse, ut quoad fieri posset, salvo jure exheredati aut præteriti, existimationi testantium parceretur, quos querela, dum quaesito colore cæcitatem mentis obtrahit, revera nec humanè, nec piè fecisse arguit. Estque querela remedium extraordinarium ac subsidiarium; cujusmodi concedi non solet ei, qui communi & ordinario auxilio munitus est, l. in causa. 16. de minorib. Proinde qui testamentum nullum, ruptum aut irritum dicere potest, inofficiosum non dicit; nisi forte justa causa sit dubitandi, an alio remedio æquè cautum sit agenti: tunc enim eligere licet, l. 8. §. si quis. 12. hoc tit. fac. l. 7. §. 3. de dolo. & si quis, exempli gratia, nullum dixerit, nec obtinuerit, non prohibetur postea de inofficioso queri, l. contra. 16. & ibi Sicheard. c. eod. Pari ratione liberi emancipati præteriti, quia jure honorario ad bonorum possessionem contra tabulas admittuntur, de inofficioso agere non possunt, l. si ponas. 23. eod. In summa de inofficioso agere non potest, nisi qui omni alio auxilio tum civili tum prætorio destitutus est: quam ob causam querela inofficiosi ultimum dicitur adjutorium, l. ult. vers. nam cum ultimum. c. de lib. præc. iuxta Sordana, Theoph. Sed hinc jam quæret aliquis, curigetur patri à filio emancipato præterito querela datur inofficiosi, cum bonorum filii possessionem contra tabulas petere possint: tit. si à par. quis man. In promptu responsio est, hanc bonorum possessionem non dari patri tamquam patri, sed tamquam manumissori & patrono: nam emancipatus à parente in ea causa est, ut in contra tabulas bonorum possessione liberi exitum pariat, l. 1. in pr. d. tit. Ut patronus igitur contra tabulas agit, ut pater, querela inofficiosi. Et longè diversa est ista

bonorum contra tabulas possessio ab ea, à qua excluduntur exheredati, & similes exheredatis, præteriti l. 8. in pr. cont. tab. quæ ad parentes non pertinet, sed tantum ad liberos à patre præteritos & maxime emancipatos, l. 1. & pass. d. tit. Considerandum quoque est, bonorum possessionem, quæ ad exemplum patroni patri datur, non esse remedium ejusdem potestatis, nec æquè plenum, ac querela: cum querela totum testamentum rescindat, bonorum autem ista possessio constitutæ tantum partis plerumque detur, l. 3. si à par. quis man. Nocere autem parenti non debet, quod jura patronatus habeat, cum sit pater, uti disputat Jurisconsultus d. l. 1. §. ult. eod. & translaticium apud nostros est, posse cum ordinario remedio concurrere extraordinarium, quoties hoc plenius est, atque expeditius. Planè qui de inofficioso acturi erant, accipiebant quidem etiam bonorum possessionem, sed eam, quæ litis ordinandæ gratia querentibus erat necessaria, ut justo titulo niti, & hereditatem petere viderentur, l. 6. §. ult. l. 7. l. 8. in pr. hoc tit. Cæterum ea bonorum possessio sine re & effectu erat: neque enim ideo scriptis heredibus bonorum possessio auferbatur, l. 2. c. eod. cujus rei etiam supra meminimus ad §. pr. huius tit.

Posthumi quoque, qui nullo alio jure] Constitat, jure veteri liberos omnes exheredatos pari hac in re conditione fuisse, ut nec jure civili, nec prætorio testamenta parentum turbarent, unamque tantum illis superfuisse querelam inofficiosi testamenti, l. 8. in pr. cont. tab. Idque ita erat, siue causæ ingratitudinis testamento adscriptæ essent, siue non essent: siue constaret liberos ingratos non fuisse, siue constaret ne ingratos quidem esse potuisse: ideoque in infante quoque exheredato valebat testamentum, necessariaque erat exheredato inofficiosi querela: quod jus à Justiniano quoque confirmatum, l. si quis. 33. §. 1. c. hoc tit. Posthumus non tantum exheredato, verum etiam præterito valebat ab initio testamentum: sed præteritus alio jure veniebat, quia natiuitate ejus rumpebatur testamentum: exheredatus non rumpebat, sed ad rescindendum testamentum non ei minus quam cæteris liberis exheredatis querela opus erat. Hoc itidem jus confirmavit Justinianus l. omnimodo. 20. §. 1. c. eod. & hoc nostro §. Pro exheredatione reputamus etiam eam præteritionem, quæ à matre ut avo materno facta est, §. ult. sup. de exher. lib. Cæterum non persistisse in eo jure Imperatorem, totumque hoc abrogasse, Nov. 115. c. 3. plerisque interpretum nostrorum visum fuit: qui sic ratiocinantur: si ex diff. Nov. testamentum ipso jure nullum est; cum liberi, in quos cadere potest ingratitudo, exheredati sunt sine expressione justæ causæ ingratitudinis, multo magis ubi nulla esse potest exheredationis causa, ut in infante & posthumus, testa-

testamentum his exheredatis nullum erit, aut agnatione posthumi rumpetur: ac proinde cum alio jure ex d. Nov. veniant, ad querelam non debent admitti. Mihi verò contra videtur sententia ista constitutioni Justiniani planè adversari. Jubet quidem Justinianus, liberos exheredari jussis de causis, easque adscribi; ceterum non ut testamentum ab initio constet, sed ut si contra factum sit, rescindatur, ne exheredatio noceat; caveaturque nominatim, ne noceat solis liberis, non ut aliis ea proficit: quod futurum est, si testamentum non rescindi, sed nullum esse dicimus. Quamobrem statuiimus etiam post d. Nov. dummodo liberi, quicumque erunt, rite sint exheredati secundum formam juris veteris, quantumvis nulla sit causa exheredationis, aut non sit adscripta, jus antiquum manere, & querelam solam exheredatis dari, etiam posthumis & infantibus. Pluribus argumentis, quibus hæc sententia stabilitur, usus sum ad pr. hujus tit.

TEXTUS.

De eo, cui testator aliquid reliquit.

3. Sed hæc ita accipienda sunt, si nihil eis penitus à testatoribus testamento relictum est. Quod nostra constitutio ad verecundiam naturæ introduxit. Sin verò quantacumque pars hereditatis, vel res, eis fuerit relicta, de inofficioso querela quiescente, id quod eis deest usque ad quartam legitimæ partis repleatur; licet non fuerit adjectum, boni viri arbitratu debere eam compleri.

NOTÆ.

3. *Nostrea constitutio ad verecundiam naturæ*] Ipsorum parentum gratia: nam cujus testamentum inofficiosum dicitur, ejus opinio læditur & pudor suggillatur, dum insimulatur dementiæ. Plin. 5. *Epist.* 1. constitutio est, l. 30. C. hoc tit.

Quod deest repleatur] Conditione ex d. l. 30. quæ actio diversa est ab illa de inofficioso. Condicio illa perpetua est, atque ad hæreses transmittitur; querela finitur quinquennio, l. 8. §. ult. & l. seq. cod. l. 34. C. cod. nec transmittitur, nisi præparata, l. 6. §. ult. cum 2. ll. seqq. cod. illam excludit agnitio relicti, hanc non item.

Licet non fuerit adjectum] Quod adjici olim ad excludendam querelam necessarium, l. 25. cod. l. 4. C. Th. cod. Alioqui etiam hæres in minore parte institutus queri poterat, l. 3. C. cod. excepto quod fratribus cohæredibus adjectis quartæ petebat suppletionem. Paul. 4. tit. 5.

Vinnius in Institut.

1. *Is vetuit, & quatenus ab eo paulatim recessum constitutionibus Justiniani?*
2. *Auctio portionis legitimæ, & an ea quoque ad parentes & fratres pertineat?*
3. *An ut augeri & minui legitima potest, ita & in totum tolli?*
4. *Si minus legitima relictum, qua actione quod deest, petatur? & quibus rebus ea actio deferat à querela inofficiosi?*

IN hoc loco explicando multum operæ VVembecius posuit: alii, ut Vigl. Myns. Hot. leviter tantum eum perstrinxerunt. Difficilem sanè reddit crebra juris mutatio. Veteres juris auctores putaverunt, testamentum, in quo debita legibus portio iis, qui queri possunt, relicta esset, pro inofficioso aut contra pietatem factò habendum non esse. Ceterum ut id ab expugnatione immune esset, totam legitimam, id est, quartam integram debitæ portionis ab intestato, ex judicio defuncti, eos habere voluerunt, sive in hæreditate, sive in legato aut fideicommissò, l. 8. §. si quis. 6. & §. 8. h. t. Si minus relictum esset, querela iis non denegabatur, nisi judicium defuncti agnitione relicti aut quavis ratione comprobassent, d. l. 8. §. conditioni. 10. l. si pars. 10. §. ult. l. nihil. 12. l. filius. 22. l. pen. §. 3. & 4. l. ult. cod. Planè si expressè in hoc aliquid datum fuisset, ut in quartam haberetur, neque id quartam æquaret, boni viri arbitratu repleari poterat, l. si non mortis. 25. cod. Paulus quoque lib. 4. sens. 5. scribit, filium ex minore parte institutum, cui fratres cohæredes dati sunt, jure desiderare, ut portio debita suppleatur citra inofficiosi querelam, unde simul apparet, adjectis extraneis secus fuisse. *fac. l. 3. C. hoc tit.* Illud omnino certum est, quando testator nominatim cavisset, ut si minus relictum esset, suppletio ad modum quartæ fieret, tunc cessante querela id ipsum boni viri arbitratu hæredem supplere debuisset, l. 4. C. Thod. cod. Illud igitur hic apprimè notandum, olim ita jus fuisse, ut non tam ipsa exhereditatio aut præteritio querelæ faceret locum, quàm quartæ sive legitimæ portionis per exheredationem aut præteritionem ademptio: atque hinc evenisse, ut & is, cui exhereditato pars legitima relicta esset, à querela repelleretur, & is, qui ex minore parte, quàm quæ legitimam conficeret, hæres institutus esset, datis cohæredibus, admitteretur ad querelam, ut perspicuè probat d. locus Pauli & Ulpiani quoque in d. l. 8. §. quarta. 9. quod quia in principio omissum est, hic annotare libuit. Videamus nunc, quatenus Justinianus ab hoc jure recesserit ea constitutione, cujus hic meminit, & quæ extat in l. omnimodo. 30. C. hoc tit. Is vetera jura intacta servari expressè voluit, id est, querelam inofficiosi locum habere, cum nihil exheredatis aut præteritis

FF testa-

testamento relictum est, §. 1. d. l. omnimodo. & l. seq. At si ei, qui queri poterat, aliquid relictum sit, vel in hereditate, vel in legato aut fideicommissio, id satis Imperatori visum est ad excludendam querelam confirmandumque testamentum; jubetque hoc casu id, quod deest, usque ad portionem legitimam suppleri, licet testamento adjectum non fuerit, ut boni viri arbitratu suppleretur, d. l. omnimodo. in pr. quod etiam repetit l. quæ nuper. 31. & aliquot seqq. C. eod. & exprimit hoc §. Loquitur generaliter, proficiturque, se hoc constituisse, ut amputaret innumerabiles occasiones subvertendi ultimas hominum dispositiones, atque in eo respexisse ad verecundiam naturæ. Ac proinde Uvesembecio assentiendum non est, qui arbitratur, in una tantum specie, cum scilicet nominatim aliquid in quartam seu pro legitima relictum est, correctioni constitutionis & suppletioni locum esse: sin autem simpliciter quid relictum sit, queri etiamnum exheredatis licere, nec de constitutionem refragari. Alia constitutione Imperator sancivit, ut etsi quis relictum aut inter vivos sibi donatum, ut id ei in quartam imputaretur, post obitum defuncti agnoverit, aut retinuerit, non ideo tamen impediretur actione expletoria id quod legitimæ deest, persequi; nisi agnoscens adjecerit, nullam sibi superesse de repletionem questionem, l. si quando. 35. §. 2. & §. 3. C. eod. Novissimo jure non tam debite portionis per exheredationem ademptio, quam ipsa exheredatio per se querelam inducit: adeo ut quamvis quartam liberi aut parentes habeant, si tamen immerenter reperiantur exheredati, conqueri non prohibeantur. Nov. 115. c. 3. 4. & 5. De quo accuratius sub §. ult. inf. eod.

[Ad verecundiam naturæ] Ne scilicet temere atque irreverenter liberi profiliant ad impugnanda ac rescindenda testamenta parentum, quorum ut persona, ita & voluntas sancta iis esse debet: & in universum, ut aliorum quoque pudori consulatur, nec tam crebra sit occasio suprema hominum iudicia evertendi, tamquam impia atque inhumana, quasi colore ac prætextu futuri, d. l. omnimodo. in pr. C. hoc tit. Nam is, cujus testamentum inofficiosum dicitur, dementiæ videtur insimulari: ejus certe opinio læditur, & pudor suggillatur. Plin. 5. ep. 1. Igitur post introductam actionem ad supplementum, neque institutis in parte aliqua hereditatis, neque iis quibus exheredatis per legatum aut fideicommissum aliquid relictum esset, quantumvis minus legitima portione, querela amplius comperit; sed iis solum, quibus nihil omnino relictum erat neque in hereditate, neque in re alia, d. l. omnimodo. & l. seq. C. eod. Nemo verò putet, si testator filio, quem in potestate habet aut habuit, præterito, quartam partem, verbi causa, legaverit, prohiberi constitutione Justiniani

testamentum nullum dicere, aut bonorum possessionem contra tabulas accipere: nam ad ea tantum patrum testamenta constitutio pertinet, quibus filii in potestate constituti aut emancipati legitime exheredati sunt, ut alio remedio attentari aut infirmari non possint, quam subsidatio querelæ. §. 2. præc.

[Ad quartam legitimæ partem] Legitimam partem hic vocat totam illam portionem, quæ jure legitimæ successionis ex bonis defuncti liberis, parentibus, fratribus debetur. Plerumque tamen ipsa quarta, ad quam in proposito repletionem fieri vult, legitima dicitur, item debita portio & debitum bonorum subsidium, l. 8. §. unde. 11. hoc tit. l. 5. C. de inoff. don. Græcis τὴν τέταρτην μέρος. Atque adhuc hodie quarta passim appellatur, nimirum quia jure antiquo quarta pars fuit ejus, quam dixi, portionis, scilicet quæ ad eum, qui queritur, perventura fuisset, si paterfam. intestatus decessisset, l. 8. §. si quis mortis. 6. eod. Quo prius tempore aut qua lege modus hujus portionis definitus sit, non liquet. Justinianus quantitatem auxit in liberis, proque quarta substituit tertiam, in liberis pluribus quatuor etiam semissem, Nov. 18. quod augmentum etiam ad parentum legitimam ratione trientis pertinere statuunt comm. DD. hic & in eubd. novissima. Cod. hoc tit. Grals. §. legitima. quest. 9. & Magister apud Harmen. lib. 5. tit. 9. §. 14. Nonnulli etiam ad fratres totum incrementum proportionaliter porrigunt: quos sequitur Fachin. 4. contr. 28. quamquam neutrum horum aut inscriptioni tituli, aut præfationi constitutionis, aut rationi constituentis mentive convenit; neque tenere admittenda videtur extensio, cum utique major sit ratio liberorum. Neque verò verbis generalibus, quibus clauditur cap. 1. dist. Nov. 18. comprehenduntur parentes & fratres, sed div. sse liberorum personæ designantur, videlicet filii, nepotes, pronepotes, posthumi omnes, cum in paternam tum in maternam lineam, adeoque in hac etiam liberi naturales, uti titulus aperte significat, & bene observavit Vaudus lib. 1. var. quest. 50. Usus tamen augmentum admisit in parentibus. Porro hæc constitutio Justiniani occasio- 3 nem DD. dedit querendi, utrum quemadmodum legitima augeri & minui lege civili potest, ita possit & in totum tolli? Vulgo sic censent, liberorum & parentum legitimam mutari tantum posse, tolli non item; fratrum posse & tolli: utunturque hoc argumento, quod liberis & parentibus legitima debeatur jure naturæ, fratribus ex sola dispositione juris civilis. Myns. obs. 43. & 6. observ. 41. Gail. 2. obs. 122. Covar. in 4. decretal. p. 2. cap. 8. §. 6. num. 5. Grals. §. legitima. quest. 1. Chiffet. de parr. leg. cap. 3. Schneid. hic, n. 10. Sed primum insubtile est, quod questionem proponunt de ipsa legitima: siquidem quod legitima proprie & formaliter dicitur, nempe certa illa

illa & definita quantitas, cum sit ex jure civili, eodem jure quoque tolli potest, id est, sanciri, ut nomine legitimæ non amplius talis portio, sed alia veniat ideoque potius de jure succedendi in universum querendum fuerat. Quod etiam ipsos sensit existimo, siue, quod res ipsa ostendit, cum legitimam ajunt humanis legibus tolli non posse, id sic capiendum est, quatenus in legitima insunt alimenta necessaria. Nam utique quod supra est, tolli potest, non repugnante natura. Deinde male in proposito parentes liberis exequant. Tota igitur disputatio & questio huc redit, an lege civili effici possit, ut ne liberi parentibus, parentes liberis, fratres fratribus succedant; idque duobus modis intelligi potest: primo, an effici possit, ut non succedant omnino? id est, etsi quis ex his personis intestatus decederet; secundo, an posito, quod ab intestato succedant, à successione ista excludi possint per exheredationem, aut præteritionem? In utroque autem alia liberorum, alia parentum & fratrum ratio est. Et ad primum quod attinet, perspicue palam est, liberis naturæ lege parentum deberi hereditatem. Ratio naturalis, hinc Paulus Jurisconsultus, quasi lex quædam natura liberis parentum hereditatem addicit, velut ad debitam successionem eos vocando; l. 7. de bon. damnat. Cui simile est, quod Plutarchus in libello elegantissimo de proli amore scriptum reliquit, liberos hereditatem ut sibi debitam, ut doctrina, expectare. *Sanguinis honoris reliquit*, ait Val. Maximus de Q. Hortensio, qui filiam sibi minus probatam heredem scripserat, lib. 5. c. 9. Papinianus in l. 7. in fin. unde lib. scribit, liberis parentum hereditatem deb. si propter naturam simul & parentum commune votum; id est, liberos sequi hereditatem partim ob præcisum debitum naturale, partim ex conjectura naturali, qua parentes creduntur id velle, ut liberis quam optime prospiciant: sic nimirum creduntur parentes liberis, ut corporis sui partibus, non tantum de necessariis, sed & de his, quæ ad vitam suavius honestiusque transigendam pertinent, quam uberrime voluisse prospectum. Quæ cum ita sint, lex civilis efficere non potest, ut liberi in totum & simpliciter à successione parentum excludantur. Cæterum non est iniquum, ut hic tribuatur aliquid rationi civili & studio familiarum conservandarum, & propterea alii aliis potiore conditione in successione censeantur, & masculi, feminis, agnati liberis emancipatis, & liberis in successione matris anteposantur, dum ne liberi fraudentur necessariis alimentis, quæ præcisè natura debentur. Parentes verò, quos ad bona liberorum non naturæ & liberorum commune votum, sed sola ratio misericordie admittit, ad l. 7. in fin. unde lib. l. 1. in pr. de inoff. test. facilius excludi possint. Nam & ante Senatusconsultum Tertullianum mater non admitteretur;

& post id Senatusconsultum eam excludebant fratres consanguinei, & parentibus omnibus aliis quando fratres prælati, non consanguinei tantum, verum etiam uterini, l. 4. Cod. de bon. qualib. l. 2. Cod. ad Senatusc. Tertull. Et apud nos in parte Hollandiæ australi, altero parente mortuo, parens superstes excluditur à successione liberorum à cognatis per defunctum parentem, juxta illud, quod vulgo dici solet, *Paterna paternis, materna maternis*. Similiter & fratres removeri à successione possum, admissis aliis, sicut pater olim non tantum ut manu missor, sed etiam ut pater, in successione filii emancipati fratribus prælati fuit: quæ de re uberius agemus inf. lib. 3. tit. 1. & 3. seqq. De altero sic censeo, poteritale jus constitui, ut parentes & fratres, quamvis ad successionem ab intestato vocentur, impune præteriti aut summoverti possint, neque necesse esse, his aliquid pro legitima aut in alimenta relinquere, nisi lex aliqua humana id jubeat: quippe cum hæc non sic parentibus & fratribus, ut liberis, debeantur; sed tantum ratione officii & commendatione pietatis. Neque verum est, quod post DD. vulg. Myas. 6. obs. 44. assertum, parentum legitimam ita causam habere radicant in jure naturali, ut lege humana tolli nequeat. Liberorum verò legitima civili lege in totum tolli nequit, hoc est, jus civile efficere non potest, ut liceat parentibus liberos suos sine justa causa à tota sua successione repellere, ad quam lex naturalis quasi debitam, & quidem præcisè ratione alimentorum, eos vocat, arg. dist. l. 7. de bon. damn. junct. l. 6. de inoff. & iur. add. Ofsvald. Hilig. in lib. 19. comm. Don. cap. 4. & ibi alleg. Paul. Buf. ad l. 3. §. si quis mortis. num. 11. & seqq. hoc tit. Grot. 2. de jur. bell. & pac. cap. 7. num. 4. & seqq.

Repleatur. Qua verò actione repletio ejus, quod deest petetur, utrum actione ex testamento, an qua alia, puta petitione hereditatis, aut judicio familiarum exerciscundæ, aut potius conditione ex lege Justiniani? Et siquidem filium ponimus exheredatum, adscripto legato, certum est actionem familiarum exerciscundæ aut petitionem hereditatis hic competere non posse. Probabiliter autem defendi potest, agi posse ex testamento, & quod deest tamquam legatum peti, maxime si testator id suppleri juberit: quamquam, etsi nihil dixerit, idem probari potest, quasi id potius voluerit, quam testamentum rescindi. At si institutus sit filius, quod ad excludendam querelam hodie necessarium esse docebimus, §. ultim. inf. eod. hic si ex parte aliqua hereditatis institutus sit, poterit & petitione hereditatis & judicio familiarum exerciscundæ nomine supplementi experiri, quia scilicet pro parte hæres est: si institutus sit in re certa, quod eodem loco ostendimus nunc sufficere ad excludendam querelam, hic non videtur locus esse judicio peti-

tionis hereditatis aut familiae creseundae, sed tantum actioni ex testamento: quoniam qui certae rei haeres scriptus est, dato coherede, legatarii loco habetur, l. 13. *Cod. de her. inst.* Ceterum dubitationis omnis tollendae causa, tutius fortassis eris admittere conditionem ex lege. Quod etiam crebrius placuit. Vulgo conditionem hanc actionem ad supplementum vocant, notantque triplicem inteream & querelam de inofficioso differentiam. Prima est, quod querela taciturnitate quinquennii ab adita hereditate computandi extinguitur, l. 8. §. ult. & l. seq. *hoc tit. l. 16. l. si quis. 34. l. pen. §. 2. C. cod.* Hæc actio sive conditio ex lege, ut favorabilis, perpetua est, id est, durat annos triginta; qui terminus est actionum omnium in personam, l. 3. *C. de præsc. 30. ann. dec. 3. Cur. Holland.* Altera, quod querela (quippe quæ instat est actionis injuriarum, l. 8. *in princ. hoc tit.*) excepto casu d. l. si quis. 34. *C. cod.* in heredem non transmittitur nisi præparata; actio hæc etiam non præparata transeat. Tertia, quod qui agnoscit, quod sibi testamento relictum est, querelæ renunciassè intelligitur, l. 10. §. 1. l. 12. *in princ. cod.* non autem huic actioni ad supplementum, l. si quando. 35. §. 2. *C. cod.* Primam differentiam non admisit Bartolus, sed reliqui omnes admiserunt, testibus Vigil. Mynd. & Uvseleb. *hic, Gail. lib. 2. obs. 120.*

T E X T U S.

Si tutor, cui nihil à patre relictum,
pupilli nomine legatum
acceperit.

4. Si tutor nomine pupilli, cujus tutelam gerebat, ex testamento patris sui legatum acceperit, cum nihil erat ipsi tutori relictum à patre suo; nihilominus poterit nomine suo de inofficioso patris testamento agere.

N O T A.

4. Si tutor, &c. legatum acceperit] Repellitur ab inofficiosi querela, qui exheredatus legatum ex testamento percepit, aut petenti advocacy præbuit. Agnovisse enim judicium defuncti videtur, l. 8. §. 10. l. 10. §. 1. l. 12. l. ult. *cod. l. 8. §. 1. C. cod.* Tutorem autem necessitas officii excusare debet, qui id totum alii administravit d. l. 10. §. 1. l. 22. *de his quæ indign.*

T E X T U S.

Si de inofficioso nomine pupilli
agens succubuerit.

5. Sed si è contrario, pupilli nomine, cui relictum fuerat, de inofficioso egerit, & su paratus est; ipse tutor, quod sibi in testamento eodem legatum relictum est, non amittit.

N O T A.

5. Sed si è contrario] Qui voluntatem defuncti sive suo sive alieno nomine dicit inofficiosam, legatum sibi relictum perdit: impugnavit enim judicium defuncti, l. 8. §. 14. h. 1. sed necessitas officii & fides tutoris hic etiam excusata. l. 30. §. 1. *cod.* Qui negat testamentum patris jure factum esse, non intelligitur judicium impugnare, & ideo retinet defuncti voluntatem, l. 24. *de his quæ ut ind.*

C O M M E N T A R I U S.

1. Effecta agnationis & oppugnationis judicii defuncti.
2. Hæc effecta ad eos non pertinere, qui ex necessitate officii alieno nomine agnoscunt aut impugnant.
3. Collatio juris veteris & novi, atque in hac parte differentia.

Qui judicium defuncti agnoscit, puta, quod sibi datum est, percipiendo, hoc ipso testamentum comprobare intelligitur, & querelæ renunciare, l. 8. §. si conditioni. 10. l. 10. §. 1. l. 12. l. si ponat. 13. §. 1. l. pen. §. 3. & 4. l. ult. *hoc tit. l. 8. §. 1. C. cod. l. 5. in princ. de his quæ ut indign.* Atque ex contrario, qui voluntatem defuncti impugnat ut inofficiosam, is legatum sibi relictum perdit, & id sibi vindicatur, quasi indigno ablatum, d. l. 8. §. meminisse. 14. Nec interest, utrum quis nomine proprio judicium agnoverit, inofficiosumve dixerit, an alieno, dummodo id fecerit sponte, nec ulla necessitate officii cogente, veluti si advocacy præbuerit, d. l. ult. *in princ.* Cui non obstat, quod filius patroni, qui advocacy accusatori liberti præstitit, non repellitur à bonorum possessione liberti; l. qui cum. 14. §. si patroni. 9. *de bon. libert.* Nam jus bonorum possessionis liberti, quod patrono & liberis ejus ex edicto competit, non aliter patronus aut liberi ejus amittunt, quam si ipsi libertum accusaverint. Quod intelligitur ex ratione, quæ Jurisconsultus dicto loco utitur; neque enim, inquit, advocatus accusat. Legatum verò amittit advocatus exheredatus, non quia accusare testamentum intelligitur, sed quia accusationem opera juvando intelligitur improbare judicium defuncti; quod satis esse visum est ad amissionem legati advocato relicti ab eo quem furoris arguit. Cur

Cur verò non similiter placeat, eum, qui legatum accepit, non admitti ad arguendum testamentum falsum, aut non jure factum, & qui non jure factum contendit, nec obtinuit, non repellatur ab eo quod meruit? *l. 5. in pr. & §. 1. de his quæ ut indign.* Hanc rationem reddit Papin. *l. si testamentum. 24. cod. tit.* quoniam qui testamentum jure factum negat, de jure disputat, non impugnat aut accusat judicium. VINN. Sed hæc rectè intelligenda. Qui testamentum jure factum negat, de jure disputat, an scilicet ea sint observata solemnia, quæ jus exigit? non autem impugnat judicium, eo colore, quod testator fuerit emoræ mentis, adeoque nec ulla injuria adficiat defunctum, quem admodum ille, qui inofficiosi instituit querelam. HEIN. Quod si quis ex necessitate officii, ea, quæ diximus, fecerit nomine alieno, excusatus est. Exemplum hoc §. proponitur in tutore: sed ad omnes hoc pertinet, qui ex officio alios defendere, aut agentes consilio & opera sua juvare tenentur; ac proinde etiam ad advocatum, cui clientis causam agere publice impositum, *arg. d. l. 5. §. advocatum. 23. de his quæ ut indign.* Sive igitur tutor, cum ipse exheredatus esset à patre, legatum petierit aut perceperit ex testamento nomine pupilli, cujus tutelam gerit, sive è contrariopupilli exheredatus nomine de inofficioso egerit, & victus sit, neque hoc casu, quod ad se attinet testamentum improbat, neque illo probasse intelligitur, sed hæc fecisse ex necessitate officii & fide, quæ excusata esse debet: ac proinde illo casu non prohiberi suo nomine de inofficioso agere, hoc casu legatum sibi relictum petere, *l. adversus. 30. §. 1. h. r. l. tutorem. 22. de his quæ ut indign.* Similis prioriculus est in *l. cum quadam. 26. C. de admin. tut.* Porro autem quod antediximus, agnitionis judicii defuncti hanc vim esse, ut querela amittatur, hoc etiam pertinet ad petitionem reliqui. Sed tenor juris antiqui novis subinde constitutionibus mutatus est. Quod miror neminem interpretum hoc loco annotasse. Olim quacumque in re judicio defuncti agnito & querela amittebatur, & jus petendi reliqui, non solum in hæredis institutione, sed etiam in legato, sive id tamquam sibi legatum exheredatus peteret, sive relictum alii, illius nomine, peteret defenderetve, sive relictum à legatario acciperet, aut etiam aliquid caperet mortis causa: nec referebat, per se caperet, an per alium, per textum *supra allegat.* Constitutionibus Justiniani nihil quidem mutatum in institutione hæredis, sed si is, qui queri potest, hæredem scriptum pro hærede agnovit, puta res hæreditarias ab hærede emendo conducendove, aut solvendo quod defuncto debuit: cujus generis item est, si quid conditionis implende causa ab hærede acceperit; & quibus omnibus factis hæres scriptus pro hærede agnoscitur, *l. 8. §. si conditioni. 10. l. si Pinnius in Instit.*

ponas. 23. §. 1. hoc tit.) querelam & jus petendi, quod sibi relictum, aut quod reliquum est, perinde amittit, ut jure antiquo. In legato verò prioribus Justiniani constitutionibus jus vetus hætenus immutatum, ut quicumque alias queri potuissent, hoc ipso excludantur, quod legatum illis relictum sit, quamvis illud non agnoverint: cæterum accepto eo quod relictum est, ad supplementum ejus, quod legitimæ deest, agere possunt, *l. omnimodo. 30. cum seqq. Cod. eod.* Itaque jam non agnitio legati, sed ipsum legatum querelam excludabat. Novissimo autem jure ad excludendos à querela liberos & parentes iterum agnitio legati desiderari coepit, si nihil iis titulo institutionis relictum esset, salva tamen, si quid debite portioni deesset, actione ad supplementum, *Nov. 115. cap. 5. D. Tulden. hic cap. 5. & 6.* Ut igitur semel complectar omnem juris veteris & novi in hac parte differentiam, triplex discrimen observetur. Primum hoc est. Olim si minus legitima relictum esset, licebat repudiato legato agere de inofficioso: hodie non licet, sed legato admisso, agitur ad supplementationem. Secundum est. Olim agnitio legati etiam rei minime excluderat non tantum querelam, sed omnem etiam petitionem reliqui: hodie ita querelam excludit, ut salva maneat ejus, quod legitimæ deest, petitio: nisi agnoscens profiteatur, se relictum contentum, de reliquo quæstionem remittere, *l. si quando. 35. §. pen. & ult. C. eod.* Postremum est. Olim qui rogatus erat legatum alteri restituere, non prohibebatur eo agnito & restituto de inofficioso queri: hodie quiescente querela, id onus subducitur, proinde quasi ad modum legitimæ nec restituere jussus sit, *l. 10. in fin. hoc tit. junct. l. quoniam. 32. C. eod.* Quod si quis in eo, quod alteri relictum erat, voluntatem defuncti approbasset, puta advocationem præstando aut aliis modis, placebat olim cessare querelam, quasi judicio defuncti etiam in institutione comprobato: quippe qua sublata, ut tunc jus erat, cætera quoque corruerant, *l. pen. §. 3. l. ult. in pr. & §. 1. hoc tit. junct. l. 9. de test. tut. l. eam quam. 14. C. de fideicom.* Verum commutata est ratio juris, posteaquam placuit, rescisso quoad institutionem testamento, legata posse consistere, *auth. ex causa. C. de lib. prat.* Hoc enim jureposito, dicendum omnino videtur, sola legati, quod alii relictum est, agnitionem non comprobari institutionem hæredis, *arg. l. 10. C. de prob. ac proinde non prohiberi eum, qui in alieno legato judicium agnovit, de inofficioso suo nomine queri, ut bene disputat Don. 19. com. 6.*

T E X T U S.

De quarta legitimæ partis.

6. Igitur quartam quis debet habere, ut de inofficioso agere non possit, siue jure hereditario, siue jure legati vel fideicommissi, vel si mortis causæ ei quarta donata fuerit, vel inter vivos in iis tantummodo casibus, quorum mentionem nostra facit constitutio, vel aliis modis, qui in nostris constitutionibus continentur. Quod autem de quarta diximus, ita intelligendum est, ut siue unus fuerit, siue plures, quibus agere de inofficioso testamento permittitur, una quarta eis dari possit, ut ea pro rata eis distribuatur, id est, pro virili portione quarta.

N O T A.

6. *Quartam quis debet habere*] Id est, portionem legitimam, quæ olim erat quarta debita ab intestato portionis, l. 8. §. 8. cod. Justinianus quantitatem auxit, substituto pro quarta triente; in liberis pluribus, quàm quatuor, semisse, Nov. 18. qua constitutione & parentum quoque legitimam ad trientem auctam censet Magister apud Harmen. lib. 5. tit. 9. §. 14. Theodorus Diaconus auctam & ad auctam, argum. cap. 2. d. Nov. 18.

Siue jure legati, &c.] Novissimo autem jure, ut testamentum ab omni impugnatione tutum sit necesse est, ut boni liberi & parentes honorentur titulo hæredis, Novel. 115. c. 3. §. 5. Unde vulgo ajunt, legitimam titulo institutionis esse relinquendam, in qua sententia & Græci ad l. 8. h. t. Sufficit autem vel in particula aliqua assis vel etiam in re certam institutos esse, & si quid ad portionem legitimam deerit, id querela cessante condicetur actione suppletoria, d. §. 5.

In tantummodo casibus] Cujac. huc trahit duos casus l. pen. §. 1. C. de collat. sed ex vitiosa, ut Bachovio videtur, collectione. Constitutio est l. 30. C. hoc sit.

In nostris constitutionibus] Non extant. Et forte nostris irreptitum est, fac. l. 17. C. de coll. junct. l. 29. C. h. t. quarum altera Leonis, altera Zenonis est.

Pro virili portione quarta] Hodie tertia, aut dimidia pro numero liberorum, Nov. 18. Igitur si verbi causa duo sint liberi, singulorum portio legitima erunt duæ uncie: si sex, uncia.

C O M M E N T A R I U S.

- 1 Resellitur insignis quorundam error.
- 2 Iure Digesti & C. querela locum non patuisse, legitimam quocumque titulo relicta.
- 3 Ius novum a veteri discrepare in casu, quo quid

inter vivos donatum est ex contemplatione, ut in quartam habeatur.

4 Iure novissima legitimam titulo institutionis relinquendam: & quomodo hoc accipiendum?

5 Quid intersit, titulo institutionis legitimam relinquatur, an quo alio?

Intolerabilis eorum error est, qui ex hoc colligunt, filium etiam non legitime exheredatum, modo ei quocumque titulo legitimam relicta esset, jure antiquo queri debuisse de inofficioso, nec alio jure ad bona patris venire potuisse. Quid enim certius, quàm præterito filio, qui erat in potestate, testamentum ipso jure nullum fuisse; emancipato præterito datam bonorum possessionem contra tabulas? Nec eo minus pro præterito habebatur, testamentumve nullum erat, aut per bonorum possessionem everti poterat, quod quarta debita portionis, aut etiam multo amplius, præterito legatum fuerat. Nam utrum filius præteritus esset, necne non ex legati datione, sed ex institutione aut exheredatione aestimabatur, omnesque præteriti censebantur, qui neque hæredes instituti erant, neque ut oportet, exheredati, §. eadem. 12. inf. de her. qua int. Itaque quod Ulp. ait, in l. 8. §. si quis. 6. hoc int. securè eum testari, qui mortis causa filio quartam donavit, non sic accipiendum est, posse, patrem isto casu securè filium præterire, sed posse securè exheredare, hoc effectum, ut & testamentum jure consistat, nec per querelam rescindatur. Atque ex hoc jure nihil mutavit Justinianus: tota enim hæc disputatio, ut apparet, pertinet ad liberos, quibus jure civili & prætorio à patris hereditate exclusis unicum remedium superest, querela inofficiosi; ac proinde non ad alios, respectu patris, quàm qui legitime exheredati sunt: matris enim & per matrem adscendentium præteritio pro exheredatione reputatur, ut sæpe dictum est.

Siue jure hereditario, siue jure legati, &c.] In explicatione hujus tituli excusata esse debet ejusdem rei inculcatio. Jure veteri, liberis exheredatis aut præteritis, non tam ideo querela dabatur, quia exheredati aut præteriti erant, quàm quod per præteritionem aut exheredationem privati quarta seu legitima portione. Ea autem relicta, ut nulla amplius censebatur iniquitas, ita cessabat querela, manebat efficax exheredatio & firmum testamentum. Cui erat consequens, ut querela excluderetur, non tantum si quarta relicta foret titulo hereditario, sed etiam si titulo legati aut fideicommissi. Et quia mortis causa donationes legatorum instar obtinent, l. & si. 17. in fin. de mort. caus. don. supr. de donat. §. 1. placebat etiam, si quis ei, qui queri poterat, quartam mortis causa dedisset, eum securè testari, d. l. 8. §. si quis. 6. quod jus in codice suo, item Nov. 18. c. 1. unde anteq. m. v. f.

novissima. C. hoc tit. Justinianus integrum reliquit: novissime vero ab eo recessit Nov. 115. c. 3. & 4. Ceterum de eo plura inferius.

Vel inter vivos iis tantummodo casibus, &c.]

Si quid inter vivos simpliciter donatum fuerat, etiam si quartam adæquaret, per hoc non excluderetur querela: contra vero si hac contemplatione datum erat, ut in quartam haberetur, *l. si non mortis. 25. hoc tit.* Hoc abrogavit Justinian. ea constitutione, cujus hic meminit, nimirum *l. si quando. 35. §. 1. C. cod.* Sanxit enim, ut si quid liberis à patre inter vivos donatum sit, etsi ea lege ut hoc in quartam reputent, atque adeo ut renuntient querelæ, & renuntiaverint, nisi tamen patris judicium post mortem ejus agnoverint, aut cum scriptis hæredibus transegerint, manere nihilominus jus integrum testamentum patris arguendi, nec pactum cum patre factum nocere liberis, qui ex sententia Papiniani meritis magis ad obsequia paterna provocandi, quam patrimonibus adstringendi sunt. D. Cujacius putat intelligi *l. pen. §. 1. C. de collat.* ubi Justinianus sancit, ut duobus casibus donatio simplex in collationem veniat; si ea lege à patre facta sit, ut conferatur; si facta sit in compensationem dotis aut donationis propter nuptias, quam unus è liberis accepit: ex quo colligit Cujacius, donationem inter vivos duobus istis casibus in quartam imputari. Sed vitiosa omnino est hæc collectio, atque è diametro pugnat cum *d. l. si quando. 35. §. 1. C. hoc tit.* Ac tamen verum est, omnia, quæ in quartam imputantur, in collationem venire: non ideo tamen è converso quæcumque veniunt in collationem, computantur in quartam: quod perspicue ostendit *d. l. pen. in pr. C. de coll.* ut adeo ead. *l.* quam Cujacius adducit, refellatur ipsius collectio. Et nimirum collatio facilius admissa est, ut æqualitas inter liberos in successione ab intestato servaretur, quam filii exheredati exclusio à querela: quem ob casum Justinianus expresse noluit per donationem inter vivos, licet ea conditione factam ut in quartam computaretur, filium à querela excludi, nisi judicium patris post obitum ejus agnovisset, *d. l. si quando. 35. §. 1. & 2. C. hoc tit.*

Vel aliis modis, qui in nostris constitutionibus]

Hæ constitutiones fortassis priori Codici insertæ fuerunt: in posteriore enim, quem solum habemus, nulla Justiniani reperitur constitutio, quæ huc pertineat: nisi dicimus, verbum nostris irreptitum esse & delendum. Sane Cujac. & Hotom. id non agnoscunt, & à plurimis libris abesse testatur Pacius. Fac igitur hic ita scriptum esse, *aliis modis qui constitutionibus continentur.* Quinam ergo isti modi sunt præter legatum, fideicommissum, & donationem mortis causa, quibus liberi quarta à parentibus accepta constitutionibus à querela repelluntur? Dos & donatio propter nu-

prias, quam utramque cum Leo confecti à liberis jussisset, *l. ut liberis. 17. C. de collat.* utramque etiam in quartam imputari præcepit Zeno, *l. quoniam. 29. C. hoc tit.* Novissimo jure, ut supra memini, tota hæc ratio mutata est. Nam ex Nov. 115. c. 3. & 4. non sufficit ad excludendos à querela liberos & parentes legitimam eis quovis titulo relictam esse: sed ut testamentum ab omni oppugnatione tutum sit, necesse est, ut boni liberi & parentes honorentur titulo hæredis; ut jam non tam queratur, an legitimam habeant, quam an instituti sint, aut jussu à successione summoti. Patet hoc primum ex *d. Nov. c. 3.* ubi Justinianus expressissimis verbis sancit, non licere penitus parentibus liberos suos præterire vel exheredes facere, nec si quovis titulo particulari eis reliquerint legibus debitam portionem. Deinde ex *c. 5. ejusdem Nov.* ubi testatur, hanc suæ serenitatis intentionem esse, ut à liberis & parentibus injuriam exheredationis & præteritionis auferat. Atqui non auferatur ista injuria, sed manet adhuc, si adhuc liceat immerentes liberos & parentes exheredare aut præterire, etiam si eis legitima titulo aliquo particulari relinquatur. Tunc solum nulla injuria manet, si aut instituuntur aut meritis de causis exheredentur: unde DD. vulgo ajunt, legitimam hodie titulo institutionis esse relinquendam, Clar. *§. testamentum. q. 38. Grafr. §. legitima. q. 32.* At enim verò necesse non est, ut institutio fiat in universa legitima, sed sufficit vel in particula aliqua assis, vel etiam ex rebus certis hæredes nuncupatos esse, aut institutos simpliciter, jussosque certis rebus esse contentos: quibus casibus, etsi minus relictum portione legitima, cessat tamen querela, & competit actio ad supplementum: quod si quid aliud insuper relictum, id in legitimam imputatur secundum priores Justiniani constitutiones: *d. cap. 5. l. omnimodo. 30. cum seqq. C. hoc tit.* cum contra jure veteri etiam institutus queri non prohiberetur, si ex institutione totam legitimam non obtineret, ut sup. notatum ad *§. 3.* At, inquires, hoc posito aberravit Justinianus à scopo suo. Nam ex veritate juris, atque ipsius etiam constitutione Justiniani, qui certæ rei hæres institutus est datis aliis cohæredibus, aut qui simpliciter institutus jussus est, certis rebus deductis, hæreditatem restituere, non hæredis, sed legatarii loco habetur, nullasque actiones hæreditarias aut exercet aut excipit, *l. 13. C. de her. inst. §. si quis. 9. inf. de fideic. her.* Jam verò si nihil refert, legatum alicui detur, an in certa hæres instituatur addito vero hærede, nec magis hoc, quam illo modo fiat, ut hæres sit, fallus Justinianus fuit existimans, injuriam præteritionis aut exheredationis tolli, si modo hæres quis nuncupetur vel ex re certa, vel simpliciter & certis rebus deductis, rogetur hæreditatem restituere. Nam si hæres

non sit, si nihil amplius ea res efficit, quam si legatum accepisset, certè pro præterito habendus erit, quomodo ratiocinatur & Glossa in l. si quis priore. 29. ad Treb. Ex quo etiam sequitur, inane esse, sine re atque effectu, quod jactatur de honorifico titulo institutionis. Et sciendum est, hoc postulare rationem juris, atque oportuisse, si revera splendidiore ac lautiore titulo officiosos liberos ac parentes decorari volumus, constitui, ut saltem in parte aliqua assis hæreditarii licet minima, vel utique in ipsa legitima, quam pro triente, semisse, aut quadrante nihili accipi verat, hæredes instituuntur. Sed tamen Justinianus hoc non exigit, cui visum est, satis tolli injuriam præteritionis per solam hæredis nuncupationem, eumque, qui vel in re certa institutus esset, justam causam non habere conquerendi se esse præteritum: quod ne videatur sine ullo juris effectu constitutum, defendi potest cum Synchron. post Bart. Ias. & DD. in l. 13. c. de hæc. inst. eum, qui in re certa institutus est, mixtæ cujusdam conditionis & naturæ esse, medietate inter hæredem & legatarium; unde & hæredis nomen retineat, & rem, in qua institutus est, propria auctoritate apprehendere possit; quodque præcipuum est, jus etiam accrescendi habeat, hoc est, deficiente cohære simplici institutione, ipse universam hæreditatem solus consequatur, peninde ac si ab ini-

tio solus ex re certa institutus esset: licet aliud videatur Ant. Fab. dec. 15. err. 5. D. Corn. Syvanenb. tract. de jur. acer. c. 8. Bartolus d. loc. ait, in re certa institutum, rei illius respectu, pro legatario censeretur, respectu personæ ipsius, pro hærede: quod satis Justiniano visum ad eum excludendum à querela vid. Synchron. d. loc. n. 3. Gudel. lib. 2. de jur. noviss. c. 7. d. dec. 7. cur. Holland. Grals. §. hæreditas. q. 8. n. 3. Deckher. lib. 1. diff. 8. n. 21. Crist. vol. 4. dec. 11. n. 5. & vol. 2. dec. 170. Bachov. vol. 2. disp. 12. thes. 1.

¶ Et ea pro rata distribuatur] Itaque si unus sit filius, is habere debet quartam partem totius substantiæ, id est, tres uncias: si duo, singuli sequeunciam, & sic porro, ut virilis singulorum portio sit quarta ejus partis, quam ab intestato habituri essent, l. 8. §. si quis. 6. & §. quoniam. 8. hoc sit. Jure autem novissimo ex Nov. 18. cap. 1. si unus sit filius, is tertiam totorum honorum partem habere debet, id est, uncias quatuor: si duo, singulis uncias duas: & ita deinceps, ut virilis singulorum portio sit triens illius partis, quam ab intestato latori fuerant. Si verò plures sint liberi, quam quatuor, semis omnibus relinquendus, id est, dimidia ejus partis, quæ jure legitimæ successionis debetur. Quare si verbi causa sex erunt liberi, legitima singulorum erit uncia.

TITULUS DECIMUS NONUS. DE HÆREDUM QUALITATE ET DIFFERENTIA.

Dig. Lib. XXIX. Tit. II. C. Lib. 6. Tit. 31.

Continuatio, & argumentum tituli.

SI testamentum ab initio rectè factum fuerit, neque postea infirmatum, secundum ea, quæ superioribus titulis exposita sunt, incipit post mortem testatoris deferri testamentum hæreditas, ut jam ad acquisitionem ejus nihil super sit præter suspensionem; quæ ex duabus partibus, quibus acquisitionem hæreditatis constare diximus, sub §. ultim. sup. per quas pers. cui acq. altera est. Quamvis autem eadem sit ratio acquirenda hæreditatis ab intestato delatæ, atque ex testamento: tamen cum diservisset Imperator de deferenda hæreditate ex testamento, partem alteram, quæ est de delata acquirenda, divellere noluit, licetque hinc petere, quod illo pertinet. Sunt autem duo hujus tituli capita, quorum alterum inscriptio indicat; alterum est de acquirenda vel omittenda hæreditate. Posterioris cognitio à priori dependet. Nam cum varia sit hæreditatis acquisi-

tio, eam varietatem efficit diversa qualitas & conditio hæredum. Quamobrem rectè primum indicantur genera & differentia hæredum, deinde demum disputatur de acquirenda vel omittenda hæreditate.

T E X T U S.

Divisio hæredum.

Hæredes autem aut necessarii dicuntur, aut sui & necessarii, aut extranei.

C O M M E N T A R I U S.

1 In his regionibus hæredes omnes esse voluntarios.

Trimembris hæc hæredum divisio ex duabus bimembribus constata est, more nostris usitato. Sic autem revocabitur, ut dicamus, hæredum alios esse necessarios, alios voluntarios;

rios; & illorum alios necessarios simpliciter, alios necessarios & suos. Rectius verò necessariis hæredibus opponimus voluntarios, quàm extraneos, arg. l. 12. de cond. inst. l. 15. & seq. de acq. her. l. 3. §. 3. de her. inst. quippe extranei ad distinctionem suorum magis dicuntur, non considerata in eis necessitate, l. si alienum. 49. §. 1. de her. inst. l. 6. in pr. de injust. rupt. l. 6. de vent. in post. miss. §. cum autem. 7. inf. de her. que ab int. §. posthumo. 16. tit. seq. Est autem hæc distributio ex jure civili: nam prætor suos hæredes ex necessariis vi ipsa fecit voluntarios, dato beneficio abstinendi, §. 2. inf. inf. In hæc regionibus præter voluntarios hæredes alios nullos agnoscimus: non necessarios, quia neque servos habemus, neque habemus filios cum servili illa qualitate: quippe quæ effectus est veteris illius juris patri dominico similis, apud nos, ut sæpe dictum est, incogniti. Non suos: quia sine litione domini rerum paternarum, ejusque post mortem patris continuatione in persona filii, fuitas intelligi non potest; cujusmodi Romani juris subtilitates nostræ gentis simplicitas respuit.

TEXTUS.

De hæredibus necessariis.

1. *Necessarius hæres est servus hæres institutus: ideoque sic appellatur, quia sive velit, sive nolit, omnino post mortem testatoris protinus liber & necessarius hæres fit. Unde qui facultates suas suspectas habent, solent servum suum primo aut secundo, aut etiam ulteriore gradu hæredem instituere: ut si creditoribus satis non fiat, potius ejus hæredis bona, quàm ipsius testatoris, à creditoribus possideantur, vel distrahantur, vel inter eos dividantur. Pro hoc tamen incommodo illud ei commodum præstatur, ut ea, quæ post mortem patroni sui sibi acquisierit, ipsi reserventur. Et quamvis bona defuncti non sufficiant creditoribus, iterum tamen ex ea causa res ejus, quas sibi acquisierit, non veniunt.*

NOTÆ.

Pro hoc tamen incommodo] Pro aspersione hujus notæ, quod bona ipsius nomine à creditoribus possideantur, vel distrahantur.

Illud ei commodum præstatur] Μὴδὲ τ' ἰσχυρὸς ἄσπιος, merces hujus injuriæ. Theoph.

Ex ea causa res ejus] Cujac. Fabrot. ex alia causa quas sibi res acquisierit, & ita quoque Theophil. VINN. Sed nihil tamen mutandum. Ostendit enim Justinianus servum factum hæredem necessarium, melioris esse conditionis quàm eum, qui bonis cessit: non posse enim ex ea causa res ejus, quas sibi postea aliunde adquisi-

vis, venire, quod fieri potest, si quis bonis cessit, ad meliorem fortunam pervenerit, salvo licet beneficio competentis. l. 4. l. 6. l. 7. ff. de cess. bon. HEIN.

COMMENTARIUS.

Necessarius hæres est servus, &c.] Necessitatis hujus causa est dominica potestas. Cur enim non liceret hæredem necessarium facere, quem licebat occidere? arg. l. in suis. 11. de lib. & posth. Non ait, institutus cum libertate; quod olim ex plurium sententia necessarium erat, ut valeret institutio: sed simpliciter, institutus: quia etiam omiſſa datione libertatis à domino institutum, liberum & hæredem necessarium esse voluit, l. pen. c. de nec. serv. her. inst. §. 2. sup. qui & ex quib. ca. man. & sup. de her. inst. in pr. Absolute igitur necessarius hæres est servus à domino hæres institutus; sed, scilicet, si in eadem causa manserit. Nam si à vivo testatore manumissus fuerit, sua voluntate hæres fit: si alienatus, novum dominum adeundo hæredem facit, §. 1. sup. de her. inst.

Sive velit, sive nolit, omnino post mortem testatoris protinus] Hæc verba textus evidentissimè ostendunt, non ideo servum hæredem dici necessarium, quod nolenti imponitur necessitas adeundi: sed quia protinus, idest, statim à morte testatoris, hæres fit, solaque juris potestate citra ullam additionem creditoribus hæreditariis obligatur, perinde ac sui hæredes & necessarii. Unde & si furiosus sit, necessarius domino hæres exiſſit, l. furiosus. 63. de acq. her. Et vel hoc solum, quod abstinendi facultas ei denegatur, l. necessarii. 57. in fin. d. tit. certum argumentum est, ipso jure eum hæredem fieri. Cui jam consequens, statim quoque eum & simul liberum fieri: quod significat Jurisconsultus in l. 6. §. ult. de her. inst. cum ait, servum hæredem institutum à semetipſo libertatem accipere; idemque traditur in l. ex parte. 58. de acq. her. Perspicuus ergo Giphani error est, qui scribit, ante additionem neque liberum fieri, neque hæredem. Et verò hoc ita constitui necesse fuit, ut invitum obligaretur creditoribus hæreditariis: siquidem ut quis præcisè adeat hæreditatem, cogi non potest, ne servus quidem à domino, l. 3. c. de her. inst. Observandum autem est, eum demum servum necessarium hæredem fieri, cui non aliunde debetur libertas. Nam si quis eum, quem ex fide commissio manumittere debebat, testamento suo liberum & hæredem esse jussit, placet, hunc necessarium hæredem non esse: quia libertatem non tam beneficio testatoris, quàm alieno & debitam sibi accepit, l. si servus. 84. de her. inst.

Unde qui facultates suas suspectas] Indicat præcipuam utilitatem, eamque secutam consuetudinem instituendorum servorum. Utilitas in eo consistit, ut bona dominorum, qui solvendo non sunt, post eorum mortem, non ipsorum, sed servi hæredis necessarii nomine à creditoribus

bus possideantur vel distrahantur. Hinc orta consuetudo, ut qui facultates suas suspectas haberent, infamiam auctoris metuentes, eam hoc pacto in servos derivarent; quos pro honore delatae sibi hereditatis conjuncto cum beneficio manumissionis æquo animo asperionem huius notæ ferre convenit, uti supra quoque notatum est sub §. 1. *qui & ex quib. ca. man.*

Hoc commodum praestatur] *Μαδός τ' οὐδὲν ὀφείλει*, Theoph. Duriusculum enim fuisse, ut si quid post mortem testatoris non ex causa hereditaria, sed vel sua industria, vel ex aliorum liberalitate acquisivisset, ejus quoque distrahendi potestas creditoribus fieret. Cæterum prius quam bonis testatoris se immisceat, cave attingat, petere debet à prætorè horum bonorum separationem, quam & hoc casu impetrat, l. 1. §. ult. de separ. bon. Quo loco, quod notandum est, separari etiam id dicitur, quod servo à testatore deberetur, quasi hoc etiam dici possit à patrono non perfectum: quæ singularis est humanitas.

TEXTUS.

De suis hæredibus.

2. Sui autem & necessarii hæredes sunt, veluti filius, filia, nepos neptisve ex filio, & deinceps ceteri liberi, qui in potestate morientis modofuerint. Sed ut nepos neptisve sui hæredes sint, non sufficit, eum eamve in potestate avimortis tempore fuisse: sed opus est, ut pater ejus, vivo patre suo, desierit suis hæres esse, aut morte interceptus, aut qualibet alia ratione liberatus à patria potestate: tunc enim nepos neptisve in locum patris sui succedit. Sed sui quidem hæredes ideo appellantur, quia domestici hæredes sunt, & vivo quoque patre quodammodo domini existimantur. Unde etiam si quis intestatus moriatur, prima causa est in successione liberorum. Necessarii vero ideo dicuntur, quia omnino, sive velint, sive nolint, tam ab intestato, quam ex testamento, ex lege duodecim tabularum, hæredes sunt. Sed his prætor permittit volentibus abstinere hereditate, ut potius parentis quam ipsorum bona similiter à creditoribus possideantur.

NOTÆ.

2. *Qui in potestate morientis*] *Εἰς τὴν ἀρχὴν τῆς τοῦ πατρὸς ἐξουσίας*. Th. atque hoc in liberis primi gradus perpetuum est: nam filius, qui in potestate est, non potest non esse suus hæres: in cæteris non item, ut mox sequitur.

Non sufficit in potestate, &c.] Ex his, qui in potestate sunt, sui hæres proprie dicitur, quem nemo in suo ordine antecedit, l.

33. §. 1. de testam. mil. l. 6. de injust. rupt. §. 1. sup. de exh. lib.

Aut qualibet] Est tamen casus, quo nepos, qui tempus mortis avi suus hæres non erat, propter præcedentem personam patris destituto avi testamento suus hæres avo ab intestato existit, §. 7. & seq. inf. de hæ. quæ ab int.

Prima causa liberorum] Suorum scilicet hæredum. §. 2. inf. de hæ. quæ ab int. Hodie autem liberorum omnium, Nov. 118. c. 1.

Sive velint, sive nolint] Necessitas hæc à jure patriæ potestatis, l. 4. de cond. & dem. quæ & ipsa est ex lege decemvirali. Dion. Halicarn. l. 2. pag. 96.

Prætor permittit volentibus abstinere] Quo beneficio utentes hoc consequuntur, ut quamvis creditoribus hereditariis jure civili teneantur, tamen in eos actio non detur, l. 57. de acq. hæ. Itaque vi ipsa prætor ex necessariis voluntarios fecit, non tamen extraneos, quia, quod ipsis commodum, sui adhuc manent, §. 3. inf. de hæ. red. quæ ab int.

COMMENTARIUS.

1. *Plinius & planius, quam vulgo, sui hæredes describuntur.*

2. *Verbum hoc suus hæres non esse popolare & oratorium, sed forense & disciplinæ juris proprium: deque eo nonnulla non passim obvia.*

3. *Exponitur latissime hujus nominis ratio.*

4. *Unde altera horum hæredum qualitas, nempe necessitas: & quid ea operetur?*

5. *Prætorèm dato beneficio abstinendi necessitatem sustulisse, sed salvo jure suitatis: & quem effectum ea res habeat?*

Veluti filius, filia, nepos, &c.] Qui sint & dicantur sui hæredes, licet non definitione aliqua, sed exemplis hic declaretur, facile tamen ex his, quæ traduntur, quivis per se brevem & explicandæ rei idoneam definitionem extruxerit. Nam si non alii sui hæredes sunt quam liberi defuncti, & è liberis soli illi, qui in potestate morientis fuerunt, atque ex his, qui in potestate fuerunt, soli, quos tempore mortis nemo in familia antecedeat; hæc inductio nos quasi manu ducit ad hanc definitionem: Sui hæredes sunt liberi defuncti, qui, quo tempore is moritur, in potestate ejus sunt, primumque ab eo locum in familia obtinent. Non est tamen hæc definitio modis omnibus absoluta. Nihil in ea desideraremus, si idem semper mortis tempus & delata hereditatis esset: at hæc tempora non semper concurrunt; ex quo aliquando fit, ut qui, moriente eo de cujus successione queritur, suus hæres non erat, postea tamen ei suus hæres existat. Planè neque ex testamento quicumque suus hæres existere potest, nisi qui tempore mortis in familia testatoris proximus est, neque ab intestato, si aut nullum testamentum factum proponatur, aut quod factum erat, vivo testato-

re

re sumptum, aut vitiatum; quippe in his casibus aliud tempus, quo deferatur hæreditas, nullum est, quàm tempus mortis. At si proponas, patrem factò jure testamento, quod eo vivo infirmatum non sit, decessisse, hic evenire potest, ut qui tempore mortis suus hæres non erat, postea suus hæres existat, non utique ex isto testamento, sed eo destituto ab intestato; ut ecce: pater filio exheredato extraneum hæredem instituit: deliberante hærede scripto filius moritur; mox scriptus omittit hæreditatem: nepos ex illo filio susceptus avo suus hæres erit ab intestato; & hic tamen tempore mortis avi suus esse non potuit propter præcedentem personam patris, l. 7. unde lib. 5. cum autem. 7. & seq. inf. de hæ. que ab int. ubi hoc pluribus illustratur. Ut igitur perfecta sit definitio, pro tempore mortis ponatur tempus delatæ hæreditatis, hoc modo suus hæres est, qui in potestate morientis fuit, & tempore delatæ hæreditatis in familia proximus est.

Aut qualibet alia ratione] Puta emancipatione aut deportatione. Nam si quis ex suis hæredibus qualibet ratione suus hæres esse desierit, statim liberi ejus gradum occupant, & succedendo in sui hæredis locum quasi agnascendo sunt avo aut proavo sui hæredes, §. 2. sup. de exher. lib. 5. 2. inf. de hæ. que ab int. l. Gallus. 29. §. & videtur. 12. cum seq. de lib. & posth. Enim vero hodie occupatio loci paterni atque in sui hæredis locum successio ex causa emancipationis nihil operatur quoad effectum succedendi ab intestato, postquam placuit, etiam filios emancipatos jure civili ad successionem ab intestato admitti, atque in ea successione præferri nepotibus ex senatis, licet retentis in potestate avi, Nov. 118. c. 1. Ex quo etiam intelligimus, hodie edictum de conjug. cum emancip. lib. inutile esse.

Sed sui quidem hæredes] Nomen suorum hæredum ex jure civili descendit, l. ult. de bon. damnat. hoc est, ex lege duodecim tabularum, l. liberorum. 20. de verb. sign. Vlp. iii. 26. estque verbum forense ac proprium Jurisconsultorum, non populare aut oratorium, de quo Hotom. 9. obs. 10. Quod ut intelligatur, sciendum est relativum suus non eodem modo ac sensu in proposito apud nostros usurpari, quo apud grammaticos & in sermone populi. Popularis locutio est, cum ea dictione ut relativa & reciproca sic utimur, ut referatur & redeat ad eam personam, quæ præcessit; veluti cum nostri dicunt, *Mulier suos filios in potestate non habet*, l. 5. C. de adopt. Pater agnovit suum partum, aut filium suum, l. 1. §. Julian. 23. cum seqq. de agn. & al. lib. Cajus Sejus testamento uxorem suam hæredem instituit, l. Titia. 34. §. 3. l. ultim. de legat. 2. In his enim locutionibus vox suus ad præcedentem personam refertur, scil. ad matrem, ad Cajum Sejum. Atque hic usus hujus vocis, quem pueri docentur in scholis, citato vulgato illo, *Rogat te Caesar, ut suas partes sequaris*. Ex eadem consuetudine & more vulgari nostri quoque loquimur, cum utramque vocem,

hæres & suus, conjungunt: sed ita, ut suus sequatur veluti in his: *Testator à Titio hærede suo centum legavit. Titia ita fideicommissi hæredis sui. Stipulatus est sibi hæredique suo, ire agere licere*, l. 2. §. ult. de verb. obl. *Si quis uti frui liceat sibi hæredique suo stipulatus sit*, l. stipulatio. 38. §. sed si. 12. d. sis. Quintil. lib. 5. cap. 16. *Quem quis hæredem suum esse voluit, charum habuit*. At cum ex usu juris peculiari loquuntur, verbum suus refertur ad eum ipsum, qui hæres est, & quod diligenter observandum, tunc perpetuo id verbum præcedit; ut in his, *Mulier suum hæredem paritura est*, l. 31. §. 1. de acquir. hæred. *Famina suum hæredem non habet*, l. 4. §. 2. contr. sab. Spes est, suum hæredem defuncto existere l. pen. §. 1. unde legit. *Filius patri suus hæres est*, l. 45. §. 1. de neg. gest. *Mortuo filio nepos ex eo sit avo suus hæres*, l. 13. de injust. rupt. cum sexcentis similibus. Et igitur cum dico, *Mulier suum hæredem non habet*, intelligor loqui ex usu juris peculiari: cum ajo, *Sempronia hæredem suum rogavis, ut partem hæredis sis restituat Titio*, ex usu communi. Rationem nominis mox audiemus.

Quia domestici hæredes sunt] Theoph. circa hoc, eadem fere significatione, quæ domesticum testimonium §. in testib. 9. sup. de test. ordin. aut quasi exordium 2. de iur. test. exortis, τὸ ἀπορρητικόν. Οἱ ἀπορρητικοὶ, vernæ hæredes, qui non aliunde acciti, sed dominati sunt. Ita & Plin. Panegy. cap. 37. *domesticos hæredes opponit extraneis*, eosque ait bona non ut aliena & speranda, sed ut sua semperque possessa capere.

Et vivo patre quodammodo domini] Sui hæredes ideo dicuntur, quia non alienam, sed jam quodammodo suam hæreditatem accipiunt, & non magis alteri, quàm sibi ipse ipsi hæredes sunt: unde Græcis dicuntur αὐτοκληρονομοί, quod eleganter ad Phœnicem suum Lactantius accommodat hoc versu:

Ipsa sibi proles, suus est pater, & suus hæres.

Atque hoc nomine non magis post mortem patris appellantur, quàm eo adhuc vivo & superstiti, & quod singulariter notandum, etiam vivo adhuc patre, dicuntur desinere sui hæredes esse, puta si capite minuti fuerint, l. 1. §. 4. l. 11. de suis, & legit. l. 13. de injust. l. 29. §. 12. & seq. de lib. & posth. nimirum ideo, quia vivente adhuc patre, jam quasi quodammodo domini, patrique socii, participes, & cohæredes sunt, testimonio non solum nostrorum, Pauli, l. 11. de lib. & posth. Justiniani hoc text. & §. 3. inf. de hæ. que ab int. verum aliorum etiam scriptorum. Terent. *Heus adest. scilicet. Donec salvis redieris meus particeps*. Aufon. *Idyll. 3.*

Iusta quidem series patri succedere: verum

Esse simul dominos, gratior ordo patris.

Unde passim in comædiis servi filios dominorum heros minores, νεώτεροι δαίμονες, vocant. Telemachi subuleus dicitur, qui erat Ulysses, *Odys. 1.* Servus Abrahami Isaacum vocat dominum suum,

Gen. 24. v. 65. Atque hinc est, quod patre mortuo, non tam novam & alienam hereditatem percipere existimetur, quam plenioris & liberioris veterum bonorum administrationem, statimque à morte parentis quasi continuatur dominium, d. l. 11. de lib. & post. quo fit, ut ubi suus hæres est, numquam jacere hereditas dicatur: nimirum quia nullum inter defuncti mortem & existentiam sui hæredis intervallum est, l. 1. §. qui sunt. 7. si quis omiffica. test. Ex eo item est, quod sui hæredes ipso jure hæredes existant, citra ultimum vel suum vel alterius factum, sine additione, sine cretione, sine gestione pro hærede, d. §. 3. inf. de her. que ab int. l. in suis. 14. de suis & leg. adeoque ante apertas tabulas, l. 3. C. de iur. delib. tametsi ignorent patrem decessisse: ac proinde etiam furiosi sint, aut alias voluntate careant, d. §. 3. l. furiosi. 63. de acq. her. Cujus rei hic effectus, ut paternam hereditatem tamquam jam sibi quaesitam ad quoscumque hæredes transmittant, d. l. 3. C. de iur. delib. Hinc denique est, quod cum extranei dicantur acquirere, adire, repudiare hereditatem, sui dicuntur hæredes existere, (quod Græci interpretantur ἀναλαμβάνειν) retinere, immiscere, abstinere: quasi qui rebus jam olim suis, ut domini utantur, easve retineant aut derelinquant. Postremo ex his etiam liquet cur sui hæredes, si non instituantur, exheredandi sint, atque in his solis exheredationem propriè dici, quidam. 132. v. 1. de verb. obl. add. Hotom. 9. obs. 10. VINN. Similia fere sunt apud Oiscl. ad Cas. Inst. lib. 1. §. 1. §. 6. Sed incommodior tamen videtur ratio, filios esse hæredes vivo patre, quum viventis nulla sit hereditas. Hinc verosimilius videtur, filios dici suos hæredes, quasi proprios, & in patris potestate dominioque Quiritario constitutos. Ita Jan. à Costa ad pr. Inst. hoc tit. & V. C. Schulzing. ad Cai. l. c. p. 166. HERN.

Si quis intestatus] De hac re agimus infr. §. 2. de her. que ab int. Discretè autem ait intestatus: nam lex duodecim tabularum liberam civibus Romanis testandi facultatem concessit; cuius vi legis patri licuit, filium quem in potestate habebat exheredare, aliumque sibi hæredem facere. Sed & hoc ipsum, quod hic refert, ex jure civili est, & illo antiquo: quippe jure honorario postea etiam liberorum emancipatorum ratio haberi coepit, perindeque hi liberi ad bonorum possessionem & vi ipsa ad hereditatem à prætoribus admissi, ac si capite minuti non fuissent, l. 6. §. 1. de bon. poss. §. emancipati. 9. infr. de her. que ab int. Hodie autem liberi emancipati non minus, quam sui, etiam jure civili ab intestato succedunt, Nov. 118. c. 1. quamquam in modo acquirendæ hereditatis diversitas mansit: de quo alibi.

Necessarii ideo dicuntur, quia sive velint, sive nolint] Necessitas hæc à jure patriæ potestatis est, l. 5. de cond. & dem. quæ similis dominicæ fuit, ut ostendimus in §. 2. sup. de par. par. liberosque hæc in causa redigebat ad instar servorum:

unde & commune iis cum servis hæredibus à domino institutis nomen necessariorum hæredum, l. 11. de cond. inst. l. necessarii. 57. de acq. her. & passim. Licet autem suitaris cohæreat necessitas; est tamen diversa qualitas à suitate. Ex eo quod quis suus est, ipso jure hæres fit, bonaque paterna penes eum remanent: ex eo quod necessarius, ea retinere cogitur, creditoribusque paternis, velit nolit, respondere, d. l. necessarii. quamquam hic etiam suum confert suitas. In suitate jus liberorum magis, in necessitate solius patris vertitur; cui ob id liberum fuit necessitatem hanc remittere, atque ex necessario hærede facere voluntarium, d. l. 12. de cond. inst. l. jam dubitari. 86. de her. inst. Neque unquam pater dicitur suum sibi hæredem facere, sed bene necessarium: & cum impuberi filio fratrem necessarium hæredem facit, suum tamen hæredem non facit, ut rectè Govean. d. l. 2. §. 5. num. 35. & in l. 10. §. 1. num. 2. de vulg. & pupil. contra Bart.

Prætor permisit volentibus abstinere hereditate] Cum quaestio hereditatis hæc vis sit, ut nos obliget æri alieno, licet solvendo non sit, l. 8. de acq. her. suisque hæredibus ipso jure acquiratur hereditas, consequens quidem est, ut creditoribus hereditariis respondere teneantur, quamvis bona paterna non sufficiant, iisque se bonis abstinere parati sint: humanitas hinc postulare videbatur, ut eo onere, qui id non sponse suscepissent, liberarentur. Verum tantum abest, ut jus civile iis subvenerit, ut eodem jure etiam necessitas ista comparata sit & annexa suitati. Et quid mirum, si lex, quem occidere patri permittebat, eundem necessarium hæredem patri fecerit, aut permiserit patrem sibi facere? Ceterum acerbiterat juri civilis prætor mitigavit data suis & necessariis hæredibus potestate abstinendi: quo beneficio qui ex his uti volunt, hoc consequuntur, ut necessitate subeundorum onerum hereditatorum non adstringantur, d. l. necessarii. 57. de acq. her. Ex eo autem quod prætor hic dicitur liberis necessariis hæredibus volentibus potestatem facere abstinendi hereditate, & alibi eos liberare oneribus hereditariis, si velint derelinquere hereditatem, d. l. necessarii, rectè colligitur, prætoris ex necessariis vi ipsa fecisse voluntarios, quamquam non extraneos: necessitatem tantum à prætoris sublatam, non suitaris: quippe cuius maxima pars ad utilitatem liberorum pertinet, quibus prodesse, non nocere prætori propositum fuit, l. 12. de vulg. & pupil. Quamobrem etiamnum & ipso jure & ignorantes hæredes sunt, & obligantur creditoribus hereditariis, §. 3. inf. de her. que ab int. l. 2. de cond. inst. diff. l. necessarii. 57. quamvis respectu beneficii prætorii, quo fit, ut in eos actio non detur, idem jus habere dicantur, quod futurum esset, si liberum arbitrium adeundæ hereditatis haberent, l. nam nec. 89. de legat. 1. Manebit igitur adhuc idem suitaris effectus, quem supra indicavi, ut à morte

decesserit, cum vel ignoraret patrem mortuum esse, vel sciret & quidem, sed nondum declarata voluntate de retinenda aut de relinquenda patris hæreditate, eam hæreditatem, utpote ipso iure sibi jam quasitam, ad hæredes quoslibet transmittat. Rectène dicatur, ius suætatæ tolli per exhæredationem, aut vulgarem substitutionem, alibi disputavimus. Clarius verò adhuc apparet, suætatem non esse sublatam à prætor ex eo, quod etiam post abstentionem nudum illud nomen hæredis non est sine effectu; nam & sola sui hæredis existentia confirmat tabulas pupillares, ut docuimus supra sub *pr. de pup. subst. & libertates sustinet, l. cum quasi. 30. §. sed etsi. 10. de fid. lib.* quo loco disertè pro ratione hoc assert Jurisconsultus, *quod non sit sine hærede, qui suum hæredem, licet se abstinentem, habet: & operatur confirmationem fideicommissi, ut restituta hæreditate ex Senatusconsulto Trebell. transeant actiones, l. ita tamen. 27. §. 3. ad Sen. Treb.* Postremo inde est, quod hæreditas pupilli, quantumvis abstinentis, potestate juris civilis cum hæreditate patris confusa censetur, *l. paterfam. 28. de reb. auct. iud. poss.* licet hoc casu substitutus pupilli separationem bonorum patris & filii petere possit ex sententia Marcelli probata ab Ulpiano *l. Julianus. 42. de acq. her.*

Ut potius parentis, quam ipsorum bona] Species ignominie est, bona alicujus à creditoribus propter res alienum possideri aut publicè distrahi. Itaque ne id fiat, etiam mortuorum interest; atque ob eam causam placuit, non minus ignominiam istam, quam hæreditatem servis relinqui posse: nec causam prætor habuit, cur servo necessario hæredi potestatem daret abstinenti, *d. l. necessariis. 37. §. ult. de acq. her.* qui tamen liberorum pudori ac famæ parcendum existimavit, *l. paterfam. 28. de reb. auct. iud. poss.* hoc est, satius putavit, ut ex duobus, qui pari conditione sunt, potius patris defuncti nomine quam filii viventis; non sentientis, quam sentientis se hac affici injuria, bona possideantur aut dividantur.

T E X T U S.

De Extraneis.

3. *Ceteri, qui testatoris iuri subiecti non sunt, extranei hæredes appellantur. Ita que liberi nostri, qui in potestate nostra non sunt, hæredes à nobis instituti extranei hæredes nobis videntur. Qua de causa & qui hæredes à matre instituuntur, eodem numero sunt: quia femina in potestate liberos non habent. Servus quoque hæres à domino institutus, & post factum testamentum ab eo manumissus, eodem numero habetur.*

N O T A.

3. *Hæredes à matre*] Sicut femina liberos in potestate non habet, ita nec suos hæredes habere potest, *l. 4. §. 2. cont. tab.* Multo magis huc pertinent parentes, fratres, &c. Et sic quidem ad discretionem suorum hæredum. Nam alias omnes legitimi & honorarii successores ab extraneis rectè secernuntur.

Eodem numero] Extraneorum videlicet: quoniam utrumque ex defuncti testamento consecutus non est, libertatem scil. & hæreditatem, *§. 1. sup. de her. inst.*

C O M M E N T A R I U S.

1 *Extranei hæredes quotuplici sensu dicantur.*

Sequitur tertium genus hæredum, extranei, qui iidem & voluntarii hæredes dicuntur, propterea quod his hæreditas voluntate acquiritur, ut si velint, liceat suscipere, *§. ult. inf. cod.* si nolint, non cogantur, *l. nec emere. 16. C. de jur. del.* eaque appellatione commodius in distributione necessariis oppositi fuissent, ut initio monuimus. Sunt autem extranei seu voluntarii hæredes in liberis hominibus omnes, qui non sunt sui & domestici; ac proinde qui ad hæreditatem sive ex testamento sive ab intestato vocati in potestate morientis non fuerunt, aut non proximo in familia gradu: ex servis, qui utrumque ex domini testamento non consequuntur, libertatem scil. & hæreditatem. *§. 1. sup. de her. inst. & hoc textu in fin.*

Qui in potestate nostra non sunt] Liberos intelligit emancipatos, quos constat per emancipationem à familia exire, & extraneos nobis fieri, *l. quoniam etiam. 55. §. 1. de rit. nupt.* Itaque sive hæredes à patre instituti sint, sive ab intestato ad bonorum possessionem à prætor vocentur, non efficiuntur ipso iure hæredes aut bonorum possessor: sed sua voluntate aut hæreditatem ad eundo, aut bonorum possessionem agnoscendo. Sed & hodie, etsi iure civili quoque ab intestato succedunt, *Nov. 118. cap. 1.* non aliter tamen, quam si voluerint, & adierint hæreditatem, hæredes fiunt, ut ex communi sententia hic notat Vvesemb. & suo tempore à nobis confirmabitur.

Qui hæredes à matre instituuntur] Quemadmodum femina liberos in potestate non habet, ita nec suos hæredes habere potest, *l. 4. §. 2. cont. tab.* Huc igitur multo magis pertinent parentes & fratres. Illud singulare est, quod frater impuberi fratri à patre substitutus necessarius fratri hæres sit. Etenim patri concessum est, quos sibi facit necessarios, eosdem & filio facere, *l. 2. §. primi. 4. in fin. l. 10. §. 1. de vulg. & pup. l. Julian. 42. de acq. her.* Suum tamen hæredem hunc fratri non fieri, contra Bart. probat Govean. in *d. l. 2. §. 4. & 9.* Omittendum verò hic non est, verbo extraneorum hæredum non semper intelligi omnes, qui sunt voluntarii, aut omnes designa-

si, qui non sunt sui. Nam & filius emancipatus ab extraneis discernitur, l. filiusfam. 114. §. sed & ff. de legat. 1. l. peto. 69. §. pen. & ult. de legat. 2. atque in l. unic. C. de impon. lucrat. descripti. appellatione extraneorum significantur soli, qui in numero descendantium non sunt: & patrono legitimo hæredi extraneus opponi videtur in l. libertus. 36. de bon. lib. Sanè cum de jure succedendi ab intestato quæritur, pro extraneis simpliciter habendi non sunt, qui præteriti aut exheredati jure civili aut prætorio testamentum rescindere possunt. Quo in genere sunt liberi emancipati, quibus & exheredatis querela de inofficioso, & præteritis bonorum possessio contra tabulas datur, ac jure novissimo etiam successio ab intestato una cum suis hæredibus defertur. Item liberi, qui numquam in potestate fuerunt; qui & ipsi exheredati matris aut avi materni testamentum inofficiosum dicere possunt. Quibus accedit, quod ex constitutione Theodosii liberi omnes à parentibus instituti hereditatem etiam non aditam, & ante apertas tabulas morientes, transmittant ad eos, qui ex se descendunt, l. unic. C. de his qui ante ap. tab. qui effectus quidam est fuitatis: & sui hoc amplius tantum habent, quod hereditatem ignorantes transmittunt ad hæredes quosvis. Sed neque parentes proflus extranei hæredes habendi, cum & ipsis præteritis querela inofficiosi competat. Quin etiam omnes, qui ab intestato sive à lege sive à prætore ad successionem vocantur, suo sensu possunt dei non extranei, nimirum ad differentiam eorum, qui ab intestato venire non possunt: eoque sensu Casus lib. 2. tit. 3. in fin. extraneos hæredes definit, qui nullo propinquitatis gradu testatori junguntur: quamvis infertur eo loco, ubi extraneos & suos invicem in dividendo opponit. Ex his vero intelligi potest, quid sibi velit Baldus in l. 9. col. 1. 2. 3. opp. C. de collat. cum ait, extraneum dici tripliciter, à fuitate, à filiatione, & à cognatione.

TEXTUS.

De testamenti factione.

4. In extraneis heredibus illud observatur, ut sit cum eis testamenti factio, sive hæredes ipsi instituantur, sive ii qui in potestate eorum sunt. Et id duobus temporibus inspicitur: testamenti quidem facti tempore, ut constiterit institutio: mortis vero testatoris, ut effectum habeat. Hoc amplius & cum adit hereditatem, esse debet cum eo testamenti factio, sive pure, sive sub conditione heres institutus sit. Nam ius heredis eo maxime tempore inspicendum est, quo acquirit hereditatem. Medio autem tempore inter factum testamentum & mortem testatoris, vel conditionem institutionis existentem, mutatio juris non nocet heredi:

quia, ut diximus, tria tempora inspicere debent. Testamenti autem factionem non solum is habere videtur, qui testamentum facere potest; sed etiam qui ex alieno testamento vel ipse capere potest, vel alii acquirere, licet non possit facere testamentum. Et ideo furiosus, & mutus, & posthumus, & infans, & filius familias, & servus alienus, testamenti factionem habere dicuntur. Licet enim testamentum facere non possint; attamen ex testamento vel sibi, vel alii acquirere possunt.

NOTÆ.

4. In extraneis] Ex Florent. l. 49. §. 1. de hered. inst. ait in extraneis, quia in suis hæredibus vix est, ut locus sit quæstioni de capacitate.

Qui in potestate eorum] Ratio est, quoniam institutio servorum, qui per se sunt incapaces, sustinetur ex persona domini, quocumque testamenti factio est, l. 31. d. tit.

Ut effectum habeat] Id est, ut dies ejus utiliter cedat: quod fit, si quis sit mortis tempore, cui hereditas utiliter deferatur, & qui eam ad eundem possit consequi, l. 52. de leg. 2.

Et cum adit hereditatem] Ita & Flor. d. l. 49. §. 1. Cæterum non sufficit hoc tempore capacem esse, si qua mutatio juris heredi contingat post mortem testatoris aut conditionis eventum.

COMMENTARIUS.

1 In successione ab intestato de capacitate heredum diversis temporibus spectanda queri non posse de qualitate posse.

2 Quid in successione ex testamento circa suos hæredes.

3 Notatur & refellitur insignis error Prosemericii.

4 Cum de capacitate inspicienda queritur, nihil interesse, dominum an eorum servi instituti sint.

5 Non satis subtiliter tempus ad eundem hereditatis in consideranda capacitate heredis constitui terminum distinctum à tempore mortis.

6 Probatur invictis rationibus, tempus ad eundem hereditatis neque in pura institutione terminum, neque in conditionalis quartum terminum constituere.

7 In pura institutione ut duo sunt extrema, ita tantum tantum esse medium tempus, quod non nocet; in conditionalis uti extrema tria, ita duo tantum media.

Expositis generibus & differentiis hereditum, pergit ad id, cujus cognoscendi causa differentiarum istarum præcipue tradite fuerunt, videlicet ad ipsam hereditatis jure delatæ acquisitionem: & quia

& quia in extraneis hæredibus (in aliis enim, ut mox ostendemus, disputatio proposita inepta est) ad acquirendam hæreditatem necessario requiritur, ut sint hæreditatis capaces; merito primum docet, quibus temporibus capacitas illa inspicienda sit, ut hæreditatem sibi delatam obtinere possint. Quæ de re ut habeamus quod certo statuere liceat, primum distinguendum est inter successionem ab intestato, & successionem ex testamento: deinde inter qualitatem hæredis, & ejusdem capacitatem. In successione ab intestato de capacitate hæredum diversis temporibus spectanda disputari non potest; cum nemo ad successionem ab intestato vocetur, qui non sit capax tempore mortis ejus, de cujus hæreditate agitur. De qualitate autem queri potest, puta quo tempore spectandum, an quis suus sit, aut proximus agnatus. Placuit autem, in eo inspicere tempus, delatæ hæreditatis: quod tempus plerumque quidem idem est cum tempore mortis, sed tamen non semper, §. cum autem. 7. *infr. de hæred. quæ ab int.* §. proximus. 6. *infr. de leg. agnat. succ.* quibus locis diligenter hoc à nobis exponitur. In successione ex testamento in suis hæredibus vix est, ut locus sit questioni de capacitate, cum non possit non esse cum suo hærede testamenti factio. Cæterum quod ad qualitatem, hoc est, suavitatem pertinet, queri potest, utrum necesse sit eos utroque tempore suos esse & testamenti facti & mortis testatoris; an satis sit, tales fuisse saltem altero, id est, tempore mortis. Sed verius est, sufficere, tales esse tempore mortis, etsi tempore testamenti non fuerint, per l. si quis. 18. de *injust. rupt.* l. 23. §. 1. de *lib. & poss.* ut tamen & testamenti tempore capaces fuerint, omnino necesse est: alioqui Catoniana regula impedietur institutio. Notandus autem hic est insignis error Vvesembecii, qui scribit, non fuisse necesse, ut de suis & necessariis eadem moneremur, propterea quod ex persona testatoris testamenti factionem habeant. Quis enim umquam fando audivit, quemquam habere testamenti factionem ex persona testatoris? cum servo testamenti factio est ex persona domini, & suscipitur servi alieni institutio, si cum domino testamenti factio est, quasi ipse dominus mediatè per servum institutus esset, l. non minus. 31. de *hæred. inst.* l. 10. §. 1. de *acquir. rer. dom.* Sed hoc ad servum necessarium hæredem qui applicari potest? aut qui potest domini persona accommodari servo, ubi idem dominus est & testator? Sed valet hæc institutio ex persona ipsius hæredis, quatenus consideratur ut jam liber & civis Romanus, quo tempore testamento deferri incipit hæreditas. Dicere verò, filiumfam. hæredem institutum aliunde personam mutuari, siue ab extero hæres institutus sit, siue à patre, intolerabile est. Ut ad rem redeam, tota fere questio de inspicienda diversis temporibus capacitate, ad extraneos hæredes, eosque testamento institutos pertinet, quemadmodum etiam hæc de extraneis hæ-

redibus proposita est ex Florentino l. si alienum. 49. §. 1. de *hæred. inst.* Quàm rectè dicatur, & quam rationem habeat, quod tria tempora hæc observentur, tempus facti testamenti, mortis testatoris, & hæreditatis adeundæ, ex progressu liquebit.

Sive ii qui in potestate eorum sunt] Cum extranei hæredes alias capaces sint, alias incapaces, & eorum qui sunt capaces, non minus servi, quàm illi ipsi hæredes institui possint; queri poterat, an quibus temporibus capacitas eorum spectatur, cum ipsi hæredes instituti sunt, iisdem etiam eadem spectetur, cum instituti sunt eorum servi? Ait autem Imp. hic post Florent. d. l. si alienum. 49. §. 1. nihil in proposito interesse, utrum ipsi domini hæredes instituti sint, an servi eorum. Et rectè: nam cum servorum, qui ipsi per se incapaces sunt, institutio sustineatur ex persona domini, quocum testamenti factio est, l. non minus. 31. de *hæred. inst.* l. 12. §. 2. de *legat.* 1. consequens omnino est, testamenti factionem iisdem temporibus cum domino esse oportere, servo ejus hærede instituto, quibus oporteret, si ipse hæres institutus esset: proinde & facti testamenti tempore & mortis testatoris. Huic tamen parti contradicere videtur Terentius Clemens l. servus. 82. de *acq. hæred.* Ait enim, servum ejus, qui capere non potest, & hæredem institui posse, & eum ipsum, si, antequam jussu domini adeat manumissus sit, ad hæreditatem admitti. Verùm ut totus iste locus & loci inscriptio ostendunt, non loquitur Clemens de servo ejus, qui omnino non est capax, aut cum quo simpliciter non est testamenti factio, qualis est peregrinus aut deportatus: (nam & hunc nihil prohibet servum habere, l. 7. de *legat.* 3.) sed de servo ejus, cum quo quidem ut cive Romano testamenti factio est, sed qui capere non potest ex ejus testamento, qui servum instituisse proponebatur. Erant enim inter cives, qui ex quorumdam testamentis aut nihil aut partem tantum capere poterant, ut cælibes, orbi, vid. §. p. pr. de *hæred. inst.* Alii respondet Cujac. ad d. l. si alienum. 49. §. 1. de *hæred. inst.*

Duobus temporibus, testamenti facti, & mortis testatoris] Mox tamen adjicit & tertium tempus, scilicet quo adeunda hæreditas; uti & Jurisconsultus d. l. si alienum. §. 1. De duobus temporibus testamenti & mortis testatoris, res expedita est. Nam testamenti tempus ideo necessario inspiciendum est, ut constet institutio, nimirum propter regulam Catonianam, quæ initium spectari vult, nec patitur institutionem, quæ ab initio non valuit, ex postfacto convalescere, l. si quis. de *reg. Caton.* Mortis verò ideo, ut effectum habeat institutio; hoc est, ut dies ejus utiliter cedat. Quod sit, si quis sit eo tempore, cui hæreditas utiliter deferatur, quique jam adeundo sibi à quærere possit, l. non oportet. 52. de *legat.* 2. Quod verò duobus istis temporibus Imp. & Jurisconsultus d. l. si alienum. §. 1. tertium adjungunt, tempus scilicet ad unde hæreditatis, eoque tempore non minus quàm

quàm superioribus, atque ut distinctio à tempore mortis capacitem hæredis inspiciendam ajunt, idque sive purè, sive sub conditione institutus sit, satisne subtiliter aut consideratè ab iis dicatur, merito dubitaveris. Mihi enim, ut dicam quod sentio, Jurisconsultus, cujus verba descripsit Tribonianus, non satis cautè eo loco locutus videtur: neque id temere à me dictum mox fatebere.

Hoc amplius & cum adit hereditatem, &c. sive purè, sive sub conditione institutus sit] Ita quoque Jurisconsultus in *d. l. si alienum. §. 1.* nimirum ergo Imp. & Jurisconsultus hoc ajunt, præter priora duo tempora, testamenti sc. & mortis testatoris, etiam adeundæ hereditatis tempus circa capacitem hæredis spectari, sive purè, sive sub conditione instituti. Mihi verò hoc inconsideratius dictum videtur, & sive pura sit institutio, sive conditionalis, tempus adeundæ hereditatis in considerata capacitate hæredis non bene constitui terminum distinctum à tempore mortis aut conditionis existentis. Primum enim ubi pura institutio est, nego plura tempora in proposito spectari, quàm duo illa, testamenti facti, & mortis testatoris: tempus autem adeundæ hereditatis à tempore mortis ajo distingui non oportere. Quod sic demonstro. Hæres purè institutus aut incapax tempore mortis invenitur, aut capax. Si incapax, frustra quæritur de ejus capacitate tempore aditionis hereditatis, cum qui capax non est tempore mortis, & si postea capax fiat, hereditatem acquirere non possit: quod ipsum etiam hoc loco & *d. l. si alienum. 49. §. 1.* aperè significatur, cum ad hoc ut effectum habeat institutio, requiritur, ut institutus capax sit tempore mortis; neque ratio juris aliud patitur. secundum quam constet, tempus aditionis cum tempore mortis conjungi, *l. hæres. §. 4. de acq. hered. l. omnia. 93. de reg. jur.* Si est capax, & deinde hereditate nondum adita incapax factus, post aliquando in pristinam causam restitutus sit, hic quidem temporis adeundæ hereditatis tamquam tertii extremi ratio aliqua haberi poterat; cæterum non haberi, ac ne sic quidem hereditatem instituto acquiri posse, ex eo evincitur, quod in pura institutione unum tantum tempus intermedium est, quo hæredi mutatio juris non noceat, tempus scilicet, quod intercedit inter factum testamentum & mortem testatoris; ex quo porro hoc sequitur, in pura institutione duo tantum esse extrema quæ circa capacitem hæredis considerentur, tempus testamenti conditi, & mortis testatoris: per hunc *text. vers. medio autem, & d. l. si alienum. §. 1. vers. eod.* Denique certum est, non tantum mortuo hære de instituto, sed etiam eo deportato aut servo facto ante aditam hereditatem, statim locum fieri substitutis aut hæredibus ab intestato, *l. Gallus. 29. §. 1. & quid. §. de lib. & post. l. 3. §. 1. de his quæ pro non script.* Sed nec in conditionalis institutione rectè dicitur, circa capacitem hæredis inspicitur tempus aditionis; sed præter duo priora inspicitur etiam tempus exi-

stentis conditionis, ita ut tria quidem hic sint extrema, sed præter tempus testamenti & mortis, tum inspicitur existentia conditionis, non etiam tempus adeundæ hereditatis; alioqui enim dicendum foret, quod inauditum est, in conditionalis institutione quatuor tempora distinctè consideranda esse, testamenti, mortis, conditionis existentis, & quo aditur hereditas: siquidem conditio existens hæredem scriptum jure hæredem non facit; sed tantum institutionem purificat, ut ad acquirendam extraneo hereditatem nihilominus adhuc opus sit aditione. Quid quod nec Imperator ipse aut Jurisconsultus *dist. loc.* plura tempora in conditionalis institutione agnoscunt, quàm tria ista, quæ diximus? Ajunt enim, medio tempore inter factum testamentum & mortem testatoris, vel conditionem institutionis existentem, mutationem juris non nocere hæredi. Quod si tempus adeundæ hereditatis quoque eodem modo spectaretur, addere debebant, æquè medio tempore inter conditionem existentem & aditionem hereditatis mutationem juris hæredi non obesse. Effectum igitur est, tempus aditionis hereditatis neque in pura institutione constituere terminum tertium, neque in conditionalis quartum; ac proinde parum consideratè tempus illud hoc loco confertur cum prioribus. Et omnino existimo, eo quod hic traditur de inspicienda capacitate hæredis etiam quo tempore de adeunda hereditate agitur, nihil aliud significari, quàm eum, qui isto tempore capax non est, licet cæteris temporibus capax fuerit, hereditatem adeundo acquirere non posse: & quamvis hæc monitio pæne inepta videatur, cum contradictoria sint, incapacem esse, & posse acquirere hereditatem, tamen non alium illorum verborum sensum esse patet ex eo, quod cum de extremis agitur & intermediis, quæ non nocent, temporibus, tempus adeundæ hereditatis inter ea extrema non agnoscitur, utpote quo capacem esse hæredi nihil profit, si aliquando aut post mortem testatoris aut post conditionis existentiam incapax fuerit.

Medio tempore inter factum testamentum & mortem testatoris, vel conditionem] Hic expressa habemus tempora omnia, & quæ considerantur ut extrema, & quæ insuper habentur ut intermedia. In pura institutione extrema duo sunt, testamenti, & mortis testatoris; medium unum, quod inter duo ista interjectum est. In institutione conditionalis extrema tria; nam tertium in ea facit existentia conditionis: media, quæ non nocent, duo. Quippe secundum medium in ea est, quod intercedit inter mortem testatoris & conditionem institutionis existentem. Præter hæc neque aliud extremum, neque intermedium numeratur. Unde apparet, verba, quæ sequuntur, quia, ut diximus, tria tempora inspicere debent, eadem, quæ supra, inconsiderantia prolata esse, & vel non attento tempore conditionis existentis, vel duobus temporibus, mortis, & existentis conditionis, pro uno computatis, forte

forte quod posterius retrotrahitur, & coniungitur cum priore. Illud nullam rationem habet; quod Jo. Faber contendit, in conditionali institutione non esse necesse, ut hæres capax sit tempore mortis testatoris. Nam si tempore testamenti facti id exigitur, fortiore ratione idem exigeretur tempore mortis, quod, quoniam morte testamentum confirmatur, magis principale habendum est; & jam dictum est, tempus conditionis existentis retrotrahi ad tempus mortis & cum eo coniungi, uti & tempus aditæ hereditatis; atqui hoc fieri non potest, si tempore mortis cum hærede non fuerit testamenti factio. Itaque nullius momenti est argumentum Fabri, quod tantum facit in conditionali institutione tempus existentis conditionis, quantum in pura tempore mortis. Nam etsi ex conditionalis institutione non deferatur hereditas tempore mortis, sed demum existente conditione; quam ob causam etiam in capacitate hæredis inspicienda illius temporis ratio habetur: nihilominus tamen & tempus mortis in eodem negotio spectandum est; quia existente conditione ad id tempus statim recurritur, & perinde habetur, ac si purè institutio facta esset: nec verò ob aliam causam institutio conditionalis sustinetur, quam quod, conditione quandoque existente, eventus ejus ad tempus mortis retrotrahitur, & pro eo res habetur, ac si purè hereditas relicta sit. De quo ex professo *supr. §. hæres. 9. de hæ. inst.* Sed & aperte satis hoc ipsum significat Justinianus, cum ait, tria tempora inspicere debere: hoc enim tam de conditionalis, quam pura institutione dici palam est. At ex tribus istis temporibus unum est tempus mortis: refert enim se ad tria illa, quæ antea enumeraverat; ut verò extrema habilia sint necesse est. Hæc plerisque aut ignota, aut intacta, ut Viglio, Myns. Hotoman. Vvesemb. &c.

Ex alieno testamento capere] Testamenti factione duplex jus continetur, faciendi testamentum, & ex testamento capiendi. Hinc vulgo DD. testamenti factionem dividunt in activam & passivam. Quamvis enim propriè is solus testamenti factionem habere dicatur, cui testamenti faciendi jus est; videmus tamen nostros aliquando pinguius ita loqui, ut eos quoque dicant testamenti factionem habere, qui tantum capere ex testamento possunt, *l. filiusfam. 16. qui test. fac. ult. pro hæred.* cum quibus esse testamenti factio rectius dicitur & usitatus, ut alibi ostendimus.

Furiosus] Marcellus *d. l. filiusfam. 16. §. 1. qui test. fac.* scribit, furiosum ideo testamenti factionem habere, quia potest sibi acquirere legatum vel fideicommissum. Non addit, hereditatem; quoniam eam hæres scriptus, donec resipiscat, nec sibi nec alii acquirere potest, extra quam si patri necessarius hæres existat, *l. furiosus. 63. de acq. hæ.* Planè curator furiosi bonorum possessionem ejus nomine agnoscere potest, *l. ultim. §. si autem. 3. C. de cur. fur. l. 1. de bon. poss. fur. infam. &c.*

Pinnius in Instit.

T E X T U S.

De jure deliberandi, & de beneficio inventarii.

5. *Extraneis autem heredibus deliberandi potestas est de adeunda hereditate, vel non adeunda. Sed si ve is, cui abstinendi potestas est, immiscuerit se bonis hereditatis; si ve extraneus, cui de adeunda hereditate deliberare licet, adierit, postea relinquenda hereditatis facultatem non habet, nisi minor sit XXV. annis. Nam hujusmodi ætatis hominibus, sicut in cæteris omnibus causis; deceptis, ita & si temere damnosam hereditatem susceperint, prætor succurrit. Sciendum est tamen, divum Hadrianum etiam majori XXV. annis veniam dedisse, cum post aditam hereditatem grande es alienum, quod aditæ hereditatis tempore latebat, emerisset. Sed hoc quidem divus Hadrianus cuidam speciali beneficio præstitit. Divus autem Gordianus postea militibus tantummodo hoc concessit. Sed nostra benevolentia commune omnibus subiectis imperio nostro hoc beneficium præstitit; & constitutionem tam æquissimam, quam nobilissimam scripsit, cujus tenorem si observaverint homines, licet eis adire hereditatem, & in tantum teneri, quantum valere bona hereditatis contingit: ut ex hac causa neque deliberationis auxilium sit eis necessarium, nisi omissa observatione nostra constitutionis & deliberandum existimaverint, & sese veteri gravamini aditionis supponere maluerint.*

N O T Æ.

5. *Extraneis heredibus*] Ex Florent. *l. 49. §. 1. de hæ. inst.* Hæc extraneis, quia deliberatio extraneorum hæredum propria est. Cæterum postquam suis hæredibus à prætore concessa facultas abstinendi, etiam deliberandi eis data, *l. 8. & seq. de jur. del. l. 1. 19. C. cod.*

Deliberandi potestas] Si creditores, legatarii, &c. non urgeant, potest hæres vel intra 30. annos adire: si instant, aut statim adire debet, aut tempus ad deliberandum petere, *l. 9. C. cod.* ut interim instrumenta hereditaria & rationes defuncti inspiciat, *l. 5. D. cod. l. 28. de acq. hæ.* à Principe annus conceditur, à iudicibus novem menses, *l. ult. §. 13. C. d. tit.* olim id fuit arbitrium, *l. 1. §. 2. D. cod.*

Immiscuerit se] Sui non dicuntur adire, prove hærede gerere, aut repudiare, quæ iis solis conveniunt, quibus hereditas tantum oblata est; sed immiscere, aut abstinere, quæ propriè di-

G g cun-

cuntur de rebus parvis & jam nostris, l. 14. §. 1. de relig. l. 11. l. 57. l. 71. §. 1. l. 87. de acq. hered. quamquam interdum hæc accuratio negligitur, l. 7. §. 10. de minor. l. 6. C. de leg. her.

Nisi minor 25. annis l. 7. §. 5. de minor. ex generali nimirum illo edito, propter inconsultam hujus ætatis facilitatem.

Damnosa hereditatem Et ex contrario, si lucrosam tempore repudiaverint, l. 2. C. si ut em. her.

COMMENTARIUS.

- 1 *Hæredem tam in onera, quam in commoda hereditaria succedere.*
- 2 *Jus deliberandi quorum causa & cuius rei gratia comparatum; quiseius effectus, & quid hic de suo contulerit Justinianus.*
- 3 *Etiam suis heredibus jure prætorio deliberandi facultatem esse.*
- 4 *Post aditionem autem immixtionem hereditatem derelinqui non posse, nisi à minore 25. annis per restitutionem in integrum.*
- 5 *Majoribus ex clausula generali vix esse ut hic succurratur.*
- 6 *Beneficium inventarii.*
- 7 *Quæ neglecti hujus beneficii pœna.*
- 8 *Jus hodiernum circa adeundam sub beneficio inventarii hereditatem.*

HÆres suscepta hereditate in jus & locum defuncti succedit, eumque in omnibus, quæ personæ non coherent, repræsentat, l. hæres. 37. de acq. her. l. nihil. 24. de verb. sign. l. hereditas. 62. de reg. jur. junct. l. 8. §. 3. de lib. leg. Hoc autem cum dicimus, intelligimus, hæredem succedere non tantum in jus, quod defunctus habuit adversus alios; verum etiam in id jus, quo defunctus aliis tenebatur: in summa, hæredem tam onerum & incommodorum successorem esse, quam commodorum hereditariorum; ac proinde obligari eum etiam æri alieno defuncti, eoque nomine à creditoribus hereditariis conveniri posse, conventum iis respondere, eorumque actiones, quæ ex contractibus defuncti descendunt, suscipere cogi, etiam si hereditas solvendo non sit, l. 8. de acq. her. l. 2. C. de her. vel ass. vend. l. ult. C. de her. ass. §. 1. inf. de perp. & temp. ass. Quæ cum ita sint, periculosum sane atque anceps est, hereditatem aut adire statim, aut statim repudiare; illud, ob periculum æris alieni, quod initio latere potest; hoc, ne temere repudiando lucrosam hereditatem amittamus. Cæterum adversus hujusmodi periculum duo remedia heredibus cunctantibus comparata sunt, sive ex testamento sive ab intestato ad hereditatem vocatis; ac proposita non extraneis tantum de adeundo aut repudiando, sed etiam suis heredibus de immiscendo aut abstinendo cogitantibus. Unum vetus est, jus deliberandi, de quo in pr. hujus §. alterum novum à Justiniano primum introductum, beneficium scilicet inventarii, quod indicatur vers. *Sed nostra*. Quod attinet ad jus deliberandi,

sciendum est, id non tantum heredis gratia comparatum esse, sed eorum quoque, quorum interest, hereditatem statim aut adiri aut repudiari, puta creditorum, substitutorum, eorumve, qui ab intestato venire possunt. Quin etiam hoc remedium, si nemo istorum sit, qui urgeat, non admodum heredi opus est: quippe cui liberum, tamdiu hereditatem amplecti, quamdiu eam non recusaverit, l. 9. Cod. de jur. del. neque enim tempus ullum adeundæ hereditati legibus præstitutum est; & si aliquo tempore, solum longissimo, id est, præscriptione 30. annorum, jus heredis excluditur. DD. comm. per l. 3. C. de præscr. 30. ann. Jas. in l. 8. C. de jur. del. Coras. 6. misc. 21. Cæterum si sint qui urgeant, hic prædictum remedium heredi necessarium est, nisi paratus sit statim aut hereditatem suscipere, aut possessionem bonorum pati, aut aliorum successionem, l. si quis. 23. §. 2. de her. inst. l. quamdiu. 69. de acq. her. Hæc enim tunc ei optio datur, ut aut statim respondeat, hæres necne esse velit, aut tempus ad deliberandum petat, l. 9. C. de jur. del. Tempus hoc olim positum erat in potestate jus dicentis, qui pro arbitrio suo deliberationem petenti diem præstuebat, l. 1. inf. d. tit. non utique ut ex libidine sua id faceret, sed ut pro prudentia sua statueret tempus moderatum, d. l. 9. C. cod. quantum scilicet sufficere videretur ad cognoscendas facultates defuncti: nec pauciores daret, quam centum dies, l. 2. Cod. tit. Justinianus summum tempus, si à Principe deliberatio petatur, annum esse voluit: si à iudicibus, novem menses, l. ult. §. & si quidem. 13. C. cod. Impetrato tempore ad deliberandum, licet heredi interea explorare vires patrimonii defuncti, petere ut rationum defuncti & instrumentorum hereditariorum inspiciendorum sibi copia fiat; ut instruere se possit, atque apud se constituere, expediat nec ne agnoscere hereditatem, l. 5. Cod. l. Anisso. 28. de acq. her. Quod si intra diem præstitutum hereditatem non agnoverit, respectu substituti aut heredis legitimi hereditas pro repudiata habeatur, l. quamdiu. 69. de acq. her. Creditoribus autem obligatur perinde ac si adiisset, d. l. ult. §. pen. C. de jur. del. nimirum prout utile ei est, ad cujus instantiam tempus est præfixum, ita silentium deliberantis pro aditione aut repudiatione haberi debuit. A Justiniano hoc etiam heredibus tributum, ut intra annum ex quo hereditatem sibi delatam esse cognoverint, decedentes, cum ipsi eam nec adiissent nec repudiassent, jus deliberandi atque adeundi intra tempus quod ex eo anno reliquum est, in quosvis heredes transmittant, l. cum in antiquioribus. 19. C. de sis. eoque jure etiam nunc utimur. Grot. lib. 2. manuduct. c. 21.

Extraneis heredibus Jus deliberandi de adeunda vel repudianda hereditate extraneorum & voluntariorum heredum proprium est. Nam in suis heredibus, si jus civile sp. statum, quo etiam sunt necessarij, locus esse deliberationi non potest: quippe cum sine ullo suo facto, ipso jure

jure statim hæredes existant, nec potestatem habeant hæreditatem ita quæsitam derelinquendi.

- 3 Ceterum postquam prætor suos ad instar voluntariorum redegit, dato beneficio abstinendi, consequens fuit, ut etiam jus deliberandi eis daret exemplo extraneorum hæredum voluntariorum: ut quemadmodum extraneis jus est deliberandi, utrum adeant, an repudient, ita suis deliberandi jus sit, utrum immiscere se paternæ hæreditati, an ea abstinere, consultius putent, l. 8. *de iur. delib. l. cum in antiquioribus 19. C. cod.*

Postea relinquenda hæreditatis facultatem non habent, nisi minor sit] Tempus deliberandi ab hærede prius petendum est, quam hæreditatem adeat, aut se immisceat. Regula enim juris est, neminem posse hæreditatem semel sibi quæsitam, five per additionem five per immixtionem, relinquere aut repudiare, l. 4. *C. de repud. her. l. 10.*

- 4 *C. de iur. delib.* Neque prætor cuiquam post additionem aut immixtionem subvenit per in integrum restitutionem, nisi minor sit 15. annis, qui temere & inconsulta facilitate lapsus damnosam hæreditatem adiisse aut appetiisse proponatur: quippe ejus ætatis hominibus prætor ex generali edicto, quod est de minoribus, subcurrit, ut etiam post agnitam hæreditatem se possint abstinere, l. 7. *§. sed & si. §. de minoribus. l. necessariis. §. 7. §. 1. de acq. her.* quemadmodum ex contrario quoque, si quis juvenili levitate ductus omiserit aut repudiaverit hæreditatem aut bonorum possessionem, aliquando à prætore restituitur, ut eandem agnoscere liceat, videlicet si omnia sint in integro, l. quod si minor. 24. *§. 2. de minoribus. l. 1. C. de si ut omitt. her.* Liberis impuberibus hoc amplius concessum, ut omnimodo se abstinere possint, id est nec adito prætore, five se immiscuerint five non immiscuerint, l. 11. *d. l. necessariis de acq. her.*

- Veniam dedisse] Quod jus cum singulare fuerit, uni ex singulari gratia à Principe concessum, ut mox sequitur, ad consequentias produci non debuit. Et ideo existimo, contra quam Vvesemb. & Bachov. nec prætorem in proposito majoribus 25. annis subvenire solitum ex clausula generali edicti, item si qua alia mihi iusta causa esse videbitur. Merito namque his objicietur, quod cum possent, spatium ad deliberandum non petierint. Aut enim contempserunt beneficium juris, & indigni sunt auxilio; aut stultè omiserunt, id est, in iure errantes, quibus succurri non solere constat, l. pen. in pr. *§. ult. de iur. & fact. ign.* Planè si nihil sit, quod hæredi imputari queat, non negaverim, causa cognita audiendum; veluti si emerferit postea res alienum, quod toto tempore deliberationis latuerat, nec sciri ab hæredibus, quamvis omnia diligenter explorante, potuit, per d. l. 8. *de iur. del.* Neque enim simplex facti ignorantia cuiquam nocere debet.

Gordianus postea militibus] De jure, quod Gordianus militibus concessisse dicitur, sic scribit Ju-

stinianus l. ult. *C. de iur. delib. Sed & veterum consuetudinem non ignoramus, quam D. Gordianus ad Platonem scripsit de militibus, qui per ignorantiam hæreditatem adierunt, quasenus pro his tantummodo rebus conveniantur, quas in hæreditate defuncti invenerint: ipsorum autem bona à creditoribus hæreditariis non inquietentur.* Et hoc jus constitutionemque Gordiani postea *§. ult. ejusd. l.* confirmat, hoc addito, propterea à se introductum, ut etsi milites inventarium non fecerint, non ampliore tamen summa teneantur, quam in hæreditate invenerint.

Sed nostra benevolentia commune omnibus hoc beneficium, &c.] Poterat tam paucis verbis, quam quibus benevolentiam suam commendat, ipsum beneficium explicare. Est autem illud, quod vulgo appellatur beneficium inventarii; propterea quod confectio solemnium rerum hæreditariarum inventario hæres hoc beneficium consequitur. Summa fere constitutionis Justiniani, quæ extat in l. ult. *C. de iur. del.* hæc est, ut hæres intra 90. dies, ex quo sibi delatam esse hæreditatem sciet, si res propinquæ sint, intra annum, si longius absint, inventarium rerum omnium hæreditariarum, præsentibus tabulariis ac testibus non minus tribus, ceterisque, qui ad hujusmodi confectioem necessarii sunt, puta creditoribus, legatariis, eorumve procuratoribus, Nov. 1. *cap. 2.* conficiat, ipse sua manu id subscribat, aut à tabulario testibus præsentibus subscribendum curet. Quo ita legitime confecto, consequitur beneficium Justiniani, ut ne ultra vires hæreditarias teneatur, neve actiones, quas ipse contra defunctum habuit, additione confundantur; sed ut possit non minus quod sibi debebatur retinere, quam creditores extranei suum exigere: quorum neutrum hæredi tribuebatur jure veteri, l. 8. *de acq. her. l. fides. 75. de solut. l. 7. C. de pass.* Confectum ab hærede fideicommissario cedi, cessumque ei prodelle; aut si hæres non fecerit, ipsum sibi fideicommissarium rectè facere, post Bart. in l. qua ratione. 11. *§. quod vulgo. §. numer. 9. C. 10. ad leg. Falc. tradit Jaf. in add. ad Porc. §. sed quia. 7. infr. de fideic. her.*

Nisi omitta observatione nostræ const. deliberandum existimaverint] Etsi Justiniano visum est, post introductum à se beneficium inventarii antiquum jus deliberandi penitus esse supervacuum; tamen, ut ipse testatur, motus plerorumque supplicationibus, veteri remedio adhuc uti cupientium, jus illud liberum reliquit, d. l. ult. *§. & hæc quidam. 13. Cod. de iur. del.* Et verò cur relinqueret, magna causa fuit. Habet enim confectio inventarii hoc incommodum, quod necesse est detegi defuncti facultates; quod plerique omnes, si liceat, minimè volunt. Deliberationem autem ita admisit, ut eam petentibus, & intra præinitum tempus hæreditatem aduentibus, hæc duo onera imposuerit, tamquam poenam contempti beneficii sui: primum, ut creditoribus in solidum tene-

nerentur, quantvis inventarium cum omni subtilitate, ut ipse loquitur, fecerint: alterum, ut si non fecerint inventarium, etiam beneficio Falcidiae privarentur, d. l. ult. §. pen. Novissimè hoc insuper cavet, ut hæres inventarium non conficiens solida legata præstet, et si vires patrimonii excedant, Nov. 1. cap. 2. Plura ad inventarium pertinentia qui nosse desiderat, adeat DD. in d. l. ult. Clar. §. testamentum. quæst. 46. Grass. lib. 2. art. inventarium. per tot. Apud Burgundiones, & in universa Gallia, item in hisce regionibus invaluit, ut jus pro hærede gerendi cum beneficio inventarii pro speciali gratia habeatur, ac propterea id à Principe impetrandum sit, aut à Curia ultimæ jurisdictionis, quemadmodum apud nos, art. instr. cur. sup. 23. Impetrato autem beneficio tenetur hæres per apparitorem aliove ad hoc publicè constitutos, præsentibus duobus testibus, intra dies 40. inventarium omnium bonorum hæreditariorum conficere: dein curare, ut res mobiles æstimentur, ac tum demum præstita cautione reddendarum rationum, possessio administratioque bonorum ei permittitur, uti cautum uberius constitutione Caroli Quinzi, edita anno 1544. Sande lib. 4. tit. 12. defin. 2. Sed & ita demum hoc beneficium conceditur, si non alius de cognatione defuncti purè & simpliciter omissoque beneficio hæreditatem adire paratus sit: quod & diplomati siue mandato inferi solet. Hoc autem procul dubio institutum est, parvum propter utilitatem creditorum, ut ab eo, qui simpliciter adit, solidum consequantur; partim ut honori defuncti consulatur; qui si nemo sine cautione inventarii bona ejus suscipere velit, vulgo creditur solvendo non fuisse. Qua de re adeundi Chaff. ad consuet. Burg. tit. 7. §. 13. Baro ad hunc §. Peck. lib. 1. de test. conjug. cap. 35. Gudelini. de jur. nov. lib. 2. cap. 18. Groti. 2. manud. cap. 21. Christin. vol. 4. decis. 22. Planè extranei idem offerentes non audiuntur, ac ne maritus quidem aut uxor, dec. supremi apud nos Senatus. 7. Peck. d. cap. 35. Zypæ. not. jur. Belg. 6. de jur. delib.

T E X T U S.

De acquirenda vel omittenda hæreditate.

6. Item extraneus hæres testamento institutus, aut ab intestato ad legitimam hæreditatem vocatus, potest aut pro hærede gerendo, aut etiam nuda voluntate suscipiendæ hæreditatis, hæres fieri. Pro hærede autem gerere quis videtur, si rebus hæreditariis tamquam hæres utatur, vel vendendo res hereditarias, vel predia colendo, locandove: & quoquo modo voluntatem suam declaret, vel re, vel verbo, de adeunda hæreditate: dummodo sciat, eum, in cujus bonis pro hærede gerit, testatum in-

testatumve obijisse, & se ei heredem esse. Pro hærede enim gerere est pro domino gerere. Veteres enim hæredes pro dominis appellabant. Sicut autem nuda voluntate extraneus hæres fit; ita contraria destinatione statim ab hæreditate repellitur. Eum, qui surdus vel mutus natus, vel postea factus est, nihil prohibet pro hærede gerere, & acquirere sibi hæreditatem; si tamen intelligit quod agit.

N O T A.

6. Tamquam hæres utatur] Potest enim quis res attingere hæreditarias, ut tamen id non faciat quasi hæres: puta si quid pietatis aut custodiæ causa fecerit, aut si suum putavit, l. 10. pr. & §. 1. de acq. her.

Vendendo res hereditarias, &c.] Nisi contra doceat, se nihil horum quasi heredem fecisse, d. l. 10. §. 1. l. 1. C. de rep. her. l. 1. C. de jur. del. Quædam etiam sunt, quæ citra nomen & jus hæredis nemo facere potest. Exempl. in d. l. 20. §. 4. l. 42. §. 2. eod.

Dummodo sciat] Vid. l. 19. l. 22. l. 32. §. ult. eod.

In cujus bonis pro hærede gerit] Hic verbunt pro hærede gerere latius videtur accipi, quam in pr. §. Nam horum verborum pro hærede gerere, & adire, etiam generalis significatio est, alterumque pro altero, & unum pro utroque interdum usurpatur, l. 12. de inter. in jur. l. 88. de acq. her.

Contraria destinatione] Sic tamen, ut declaret se heredem esse nolle vel verbis, vel scripto nuntio, l. 95. eod. aut re aliqua & facto, unde ea voluntas colligatur. Exempl. in l. 17. §. 1. l. 77. eod. l. 23. §. 1. de inoff. test.

C O M M E N T A R I U S.

- 1 Doctrinam hujus §. propriè pertinere ad hæredes extraneos.
- 2 Duo dumtaxat esse, distincta tamen inter se, genera acquirendæ hæreditatis, aditionem, & pro hærede gerensionem.
- 3 Qui plura genera statunt, eos egregiè imponere studiosis disciplina juris.
- 4 Cretionem nihil aliud fuisse, quam solemnem quandam aditionem contra quam Joseph. Scaliger; & cur nulla hic cretionis mentio.
- 5 Quibus ex rebus in eo, quod geritur, animus pro hærede gerendi deprehendatur.
- 6 Porcii, Angeli, & Bachovii opinio de nuda animi destinatione notata.
- 7 Vt quis adeundo aut pro hærede gerendo hæres fiat, quarum verum eum gnatum esse oporteat.
- 8 Variæ circa etymologiam hæredis opiniones.
- 9 In repudiante hæreditatem eadem ex contrariis quæ in admittente requiruntur.
- 10 Etiam surdos & mutos pro hæredi gerere posse.

24 *Quid si hereditas delata sit furioso, impulsari, infanti.*

Hic §. ad suos hæredes non pertinet, sed ad extraneos dumtaxat. Explicantur enim hic rationes proximæ seu modi, quibus hereditas acquiritur, aut ejus acquirendæ jus amittitur: quorum neutrum in suis hæredibus locum habet, quippe cum in hos dominium rerum paternarum quod jam ante habebant, morte patris continetur, dici non possunt aut acquirere hereditatem, aut jure acquirendi excidere. Sanè postquam prætor his abstinendi facultatem dedit, desierunt quidem jure honorario esse necessarii; sui tamen hæredes patri esse non desierunt, & ipso momento mortis paternæ hæredes apparere, ut superius demonstravimus, & arguunt nomina, quibus in proposito prætor & prudentes utuntur. Sui enim non dicuntur adire, cernere hereditatem, aut pro hærede gerere, hereditatemve repudiare; quæ iis solis conveniunt, quibus res siue hereditas tantum oblata est: sed hereditatem retinere, immiscere se, aut abstinere, derelinquere; quæ non dicuntur nisi de rebus partis & jam nostris, l. 14. §. plerique. 3. de relig. l. 7. de jur. del. l. 12. §. ult. de bon. lib. l. 11. l. necessariis. 87. l. si servum. 71. §. si quis. l. cum bonis. 87. de acq. her. & passim eod. tit. Nam cum hæc, quod raro fit, nostri confundunt, ut in l. ult. de success. edict. l. 4. §. 1. de fideic. lib. l. 21. §. ult. de jur. patron. in fin. l. 1. §. 10. ad Tersul. l. 6. C. de legis. her. minus accuratè loquuntur. Non plures autem modi, quibus extraneis acquiritur hereditas, hic proponuntur, quam duo, aditio, & pro hærede gestio siue geritio: sic enim appellatur à Jurisconsulto in d. l. 14. §. plerique. 8. de relig. Utrum autem hi modi, ut nominibus, ita & re ipsa inter se distincti sint, necne: item an non plures sint, quam hi duo, videbimus in sequenti textus.

Aus pro hærede gerendo, aut etiam nuda voluntate. Omnis hereditas, siue testamento delata, siue ab intestato, hæredi extraneo acquiritur sola voluntate & animo, ut quisque hanc voluntatem de suscipienda hereditate declaraverit. Declaratur autem hæc voluntas vel verbis, vel re aliqua, & factio: quorum prius qui facit, adire, qui posterius, pro hærede gerere in usu juris dicitur.

2 Unde duo genera acquirendæ hereditatis, aditio & pro hærede gestio, l. si quis mihi. 25. §. sed quid. 7. l. quamdiu. 69. de acq. her. d. l. 14. §. 8. de relig. l. 19. C. de jur. del. Quibus in locis observare licet, genera hæc sic appellationibus distinguui, ut neque qui adit dicatur pro hærede gerere; neque qui pro hærede gerit dicatur adire: quemadmodum etiam hoc loco ut diversa apertè distinguuntur, pro hærede gerere, & nuda voluntate hereditatem suscipere: ut proinde minimè assentiendum sit Vvesembecio asserenti, nihil inter hæc duo interesse. Equidem fateor nihil obitare verborum significationem, quominus qui pro hærede gerit dicatur adire: & qui adit pro hærede se gerere; ut hæc etiam postea confundere videtur

Pinus in Instit.

Justinianus, & Jurisconsultus in l. 12. de interr. in jur. Sed distinctionis causa usus veterum hæc ita trivit, ut in diverso genere ponerentur, & adire diceretur qui nuda testatione hæredem se profiteretur; pro hærede gerere, qui facto aliquo eadem voluntatem declararet. Neque hoc negat Ulp. l. pro hærede. 20. de acq. her. cum ait, pro hærede gerere non tam facti esse, quam animi. Hoc enim solum significat, ut quis pro hærede gessisse videatur, in eo non tam quid factum sit, quam quo animo factum sit, spectandum esse, ut locus ipse ostendit. Magis Paulus id negare videri potest l. gerit. 88. de acq. her. ubi definit, eum pro hærede gerere, qui animo agnoscit successionem, licet nihil attingat hereditarium. Sed apparet jurisconsultum verbum attingendi strictius eo loco usurpare, negareque eum attingere, qui retinet domum pignori obligatam ut hereditariam: quem tamen revera attingere constat; eoque tamquam facto aliquo, non nudis verbis, voluntatem declarari. Hoc ita constituto, videamus an non plura sint genera acquirendæ hereditatis quam duo illa, de quibus diximus, & quæ sola hic ab Imperatore proponuntur. Et plura non esse omnino statuendum est, cavendumque ab iis, qui scribunt hereditatem acquiri quinque modis, cretione, aditione, pro hærede geritione, immixtione, & agnitione, egregiè studiosis hujus disciplinæ imponentes. Nam primum immixtio tota hinc aliena est: quoniam sui hæredes, quorum propria est, hoc facto nihil novi acquirunt, quod antea non habuerint, sed quæsitum jam ab initio attingentes id se retinere velle declarant, ut supra abinde probatum est. Agnitionem verò statuere modum acquirendæ hereditatis diversum ab aditione, magnæ inscitæ est. Quid enim est aliud agnoscere hereditatem, quam declarare, se velle hæredem esse? & hoc quid aliud, quam adire? Quod si tot species acquirendæ hereditatis facere liceat, quot diversis verbis in hac re veteres utuntur, jam non modo quinque, sed vel octo aut plures etiam erunt. Non enim tantum agnoscere hereditatem à veteribus dici legimus, sed etiam hereditatem amplecti, suscipere, admittere, l. 6. §. 1. l. quæsitum. 40. in fin. l. cum bonis. 87. de acq. her. Sed pura scilicet hæc verba sunt, res ubique una & eadem. Cretio quoque olim nihil aliud fuit, quam solemnitas quidam aditio; idque ostendit formula cretioneis relata apud Ulpian. tit. 22. §. cretio. 23. his verbis: Cum me Lucius Titius hæredem institueris, eam hereditatem adeo cernoque. Et Festus, Crevi, inquit, modo significat hereditatem adii, in quem locum quod Josephus Scaliger notat, crevi non propriè significare hereditatem alii, errorem esse convincit prædicta formula, & quod Festus dicit, crevi hereditatem adii, id Ulpianus d. l. §. 21. & §. 26. sic exprimit, cernendo si hæres, Varro lib. 5. de ling. Lat. Cernito in testamento, id est, facito videant se esse hæredem. vid. Pet. Fabr. 2. semestr. 22. Hic autem consulto mentio cretioneis omiſsa, quia sublata solemnitate, quam olim desiderabat l.

Gg 3 170

cretionum. 17. *C. de iur. del.* hæreditas etiam cum cretione delata acquiri posse cœpit, an aditione simplici, id est, quavis aperta testatione voluntatis de suscipienda hæreditate, aut etiam pro hæredegeritione: quod olim secus erat, Ulp. d. loc. Atque hoc illud est, quod paulo post Justinianus ait, *Et quoquo modo voluntatem suam declarat, vel re, vel verbo.* Sed quid laboramus? non tantum loci omnes, in quibus ex professo de modis acquirendæ hæreditatis agitur, uti in *l. quamdiu. § 9. de acq. her. l. 14. §. plerique. 8. de relig. l. cum in antiquioribus. 19. C. de iur. del.* ostendunt, pluribus quàm duobus distinctis modis hæreditatem non acquiri: sed etiam res ipsa evincit, non posse pluribus modis acquiri. Illud enim palam est, voluntatem suscipiendæ hæreditatis hic totum facere; tantum relinqui, ut illa declaratur. Acqui pluribus modis declarari non potest, quàm his duobus, aperta testatione, aut aliquo facto: illud autem veteres aditionem, hoc pro hæredegeritionem sive geritionem appellant. De cretione antiquitatis amantes plura inveniunt apud Brisson. *lib. 7. de formul. Rævard. de auct. prud. c. 8. Gregor. Tholos. 4. syntagm. 2. n. 6.*

Si rebus hæreditariis tamquam hæres utatur] Diximus, hæreditatem extraneis hæredibus non acquiri, nisi voluntate & destinatione animi: eum autem animum qui aperta testatione declarat, dici adire; qui facto aliquo, dici pro hærede gerere. Adire cum sit apertæ testationis, nemo dubitare potest, quid hac testatione hæres voluerit. At si quid hæres gesserit, ambigi potest, quo gesserit animo: quoniam facta non loquuntur, & exerceri possunt alio animo, quàm pro hæredegerendi. Potest enim quis attingere res hæreditatis, ut tamen id non faciat quasi hæres, *l. pro hærede. 20. in pr. & § 1. de acq. her.* Quibus igitur ex rebus in eo, quod ab hærede geritur, animus pro hæredegerendi deprehenditur? Ex multis sanè. Finge, hæredem quid fecisse, quod citra nomen & jus hæredis facere non potuit, veluti si conditionis implendæ causa quid acceperit ex iudicio testatoris, *d. l. pro hærede. 20. §. Papi- nianus. 4.* aut gessisse aliquid, quod non nisi hæres utiliter & cum effectu gerere potuit, puta servos hæreditarios manumississet, *l. Julianus. 42. §. 2. cod. 1.1.* eum qui hæc facit, perspicuum est quasi hæredem facere, eoque & pro hærede gerere videri. Quid si rebus hæreditariis usus sit, ædes inhabitaverit, agros coluerit, aut locaverit, servis cibaria præbuerit, pecora, jumenta paverit, æs alienum solverit, res quasdam hæreditarias distraxerit? Creditur, suo potius nomine, quàm alieno hæc fecisse, & in his omnibus gessisse pro hærede, nisi contra doceat, se nihil horum quasi hæredem fecisse; sed vel ut custodiat, aut quia sua putavit aut quia quid fecit, dum deliberaret, ut res salvæ essent: ideoque in huiusmodi factis consultum est, initio hæredem testari, se quod facturus est, non facturum ut hæres esse velit, *d. l. pro hærede. §. 1. C. de iur. del.* Planè si defunctum funeravit, ex eo solo non videbitur

pro hærede gessisse: quia id officium humanitatis jure cuius præstari potest. Majoris tamen cautionis est, si hic quoque protestetur, *l. 14. §. plerique. 8. de relig.*

Es quoquo modo voluntatem declarat, vel re, vel verbo] Aut pro oratione disjunctiva hæc accipienda sunt, in qua repeti intelligatur quod prius dictum est, hæreditatem acquiri vel pro hæredegerendo, quod nunc dicatur re voluntatem declarando: vel nuda voluntate; quod nunc dicatur verbo voluntatem declarando: aut fatendum est, quod supra dixi, Justinianum verbum pro hærede gerere hic latius accipere, quàm in pr. §. eoque comprehendere utrumque acquirendi modum, tam verbis, quàm re. Utrumque sit voluntas amplectendæ hæreditatis aut facto aliquo, aut apertè verbis declaranda est: siquidem, ut vulgo dicitur, propositum in mente reterentum nihil operatur. Ideoque quod Accursius in *l. 2. de in- terr. in iur.* ait, hæreditatis aditionem consistere in occulta voluntate; non sic accipiendum est, eum, qui nudè destinavit & apud se constituit hæreditatem adire, hac destinatione hæreditati obligari: sed ita neminem obligari ut hæredem, nisi qui ea mente quid gessisse aut protulisse probetur, ut hæres fieret. Id autem in occulto positum esse, ac proinde probatu difficillimum. Neque verò etiam Porcio & Angelo assentior, qui existimant, nuda animi destinatione hæredem aliquem fieri & obligari in foro conscientiarum, quo etiam inclinare videtur D. Bachovius: nam, ut rectè Bartolus in *l. gerit. 88. de acq. her.* nemo velle videri debet, quod non aliquo modo declaraverit; & prudentissimus simul ac doctissimus Viglius hic, *Varia*, inquit, sunt humane mentis inclinationes, ut nunc ad adeundum, nunc ad repudiandum propendeant; & tunc demum velle aliquid videmur, cum animum nostrum exteriore aliquo signo confirmavimus. Alioqui quid est humanis cogitationibus vel inconstantiis vel mutabilibus? Nec Deum, inquit, velle arbitror, ut huiusmodi indiscreta voluntate illaqueamur. Illud in transitu monco, purè hæreditatem adeundam esse, non sub conditione: nam si quis, verbi causa, dixerit; *Si solvendi hæreditas est, eam adeo;* nulla aditio est, *l. eum. qui. §. 1. ult. de acq. her.* quo jure etiam hodie utimur.

Dummodo sciat, testatum intestatumve obisse, & se si hæredem esse] Duo requirit Imp. ut quis adeundo aut pro hæredegerendo heres natiunum est, ut sciat, defunctum aut testatum aut intestatum decessisse. Et prius igitur est, ut certus sit, tum decessisse: neque enim viventis ulla est hæreditas, *l. qui hæreditatem. 19. l. neminem. 27. l. heres. 32. l. qui supersistis. 94. de acq. her.* Ponamus ergo, agnatum proximum, cum ignoraret, se hæredem scriptum, hæreditatem tamquam lege sibi delatam adjisse, prove domino bona administrasse, hæres non erit: nam ut pro hæredegerendo se quis obstringat hæreditati, scire debet, quæ ex causa hæreditas ad eum pertineat, auctore Paulo *l. si is. 22. cod.* Alterum est, ut sciat, se hære-

hæredem esse, id est, hæreditatem aut testamento aut ab intestato sibi delatam: & proinde etiam certus esse debet de conditione testatoris, paterf aut filiusfam. sit, & generaliter, testamenti factio- nem habuerit, necne, *l. hæres. 32. §. ult. eod.* Ad hæc etsi sciat, se hæredem institutum, sed utrum purè, an sub conditione, ignoret, non poterat adire hæreditatem, *d. l. hæres. 32. §. 1.*

Heredes hæredes pro dominis appellabant] Sic etiam Festus, *Hæres*, inquit, apud antiquos pro do- mino ponebatur, quod & Plauti confirmat aucto- ritas, apud quem Menæchmus peregrinus de palla sic loquitur, *Menach. Act. 3. sc. 2. v. 11.*

Prandi, posavi, seorsum accubui, abstuli

Hanc, cuius hæres numquam eris post hunc diem. Atque hinc est, quod pro hærede gerere & pro domino gerere, hæreditas & dominium à nostris promiscuè usurpetur, *l. si is 22. de acq. hæ. l. 2. §. ult. de bon. poss. sec. tab.* Quæ res eos juvare vi- detur, qui hæredem à verbo *herus* dictum existi- mant; licet ratio prioris syllabæ repugnare vi- deatur, quæ in *herus* corripitur, in *heres* produ- cta est: quam ob causam Viglius & Hotomannus potius ab *herro* deduci putant, ut *heres* dicatur, quasi *herens*, eo quod proximus defuncto in bo- norum dominio hæreat. Sed hic obstat, quod *he- res* & *hereditas* sine diphthongo scribi in M. Tul- lii libris annotavit P. Victor, & in Pandectis Flo- rentinis Cujacius. Atque ideo Hotomannum exi- stimo maluisse derivare hanc vocem ab *hæra*, quod terram significat, unde sit *hæredium*, Varro- ni agellus, qui hæredem sequebatur. Cæterum non sunt hæc magni momenti: nec quantitas syl- labæ semper in derivatis retinetur, quod vel pue- ri in scholis sciunt, & docet Gellius *lib. 12. c. 3.* quamquam ille exemplis ad id demonstrandum parum aptis utitur.

Contraria destinatione statim ab hæreditate re- pellitur] Eadem autem omnia in repudiante re- quiruntur, quæ in hæreditatem admittente; ut voluntatem declaret aut apertè verbis, puta ut dicat, se hæredem esse nolle, scriptove aut nutu id testetur, *l. recusari. 95. de acq. hæ. aut re ali- qua & facto*, unde ea voluntas colligatur: cu- jusmodi est, si hæres institutus idemque legiti- mus de testamentaria hæreditate nihil apertè sta- tuens legitimam aut adjerit aut repudiaverit: ereditur enim, qui hoc fecit, eodem momen- to testamentariam repudiassè, *l. ne is qui. 17. §. 1. l. illud. 77. eod. tit.* Item si præteritus aut exhæredatus ab hærede instituto, cùm sciret eum hæredem esse, emit aliquid, aut prædia con-

duxit, vel ei solvit quod testatori debebat. His enim factis & iudicium defuncti agnoscere in- telligitur, & jus suum repudiare, *l. si ponat. 23. §. 1. de inoff. test.* Scire item debet qui repudiat, vivat is, de cuius hæreditate agitur, necne; testatus an intestatus decellerit; hæres necne ei sit; purè an sub conditione sit hæres in- stitutus. Postremo de sua quoque & defuncti conditione certus esse debet: alioqui uti adun- do ita repudiando nihil agitur, *l. 13. l. 15. §. 4. l. seqq. l. hæres. 32. l. qui superstitis. 94. de acq. hæ.*

Qui surdus vel mutus natus vel postea factus 7 Mutus, nec non surdus, etiam ita nati, pro hæred x gerere & obligari hæreditati possunt, *l. 5. d. pater. 93. in fin. d. tit.* Disertè autem dicitur, pro hæ- rede gerere; quia hi voluntatem verbis declara- re nequeunt. Et pertinet hoc utique etiam ad sur- dos, qui natura tales sunt, quos loqui non pos- se constat. Enim verò si quis casu aliquo sur- dus factus sit, quin, ut loquendo, ita & ver- bis voluntatem declarando, hæres fieri possit, non est ambigendum. Sed & qui mutus non na- tus, sed factus est, licet verbis voluntatem de- clarare non possit, poterit tamen vel scripto, vel alio indicio eam significare, *arg. l. recusari. 95. eod.* Quod si hæreditas delata sit ei, cuius nul- la voluntas est, qualis est furiosus, curatori tradetur hæreditas administranda ea lege, ut si furiosus postea ad se redierit, ipse de ea susci- pienda aut omittenda statuat: & omissa ad eos revertetur, ad quos remoto furioso perventura fuisset, uti etiam si in furore decellerit, *l. ult. §. 3. & seqq. C. de cur. fur.* Quid si impubes sit, cui delata hæreditas? Quod huius iudicio deest, supplebit tutoris auctoritas, *l. pupillum. 49. de acq. hæ. l. 9. §. 3. de auct. tut. l. 5. C. de iur. del.* In infante novum jus à Theodosio constitutum est, ut ipse tutor nomine infantis hæreditatem adire possit, *l. si infanti. 18. C. d. tit.* Quod si impubes in potestate sit, hic auctore patre re- cte adibit, *l. 8. §. ult. de acq. hæ.* neque obstat quod impubes, qui in potestate parentis est, ne auctore quidem patre obligatur, *§. pupillus. 9. in fin. inf. de inut. stip. l. ult. §. 2. de verb. oblig.* quia in proposito non obligatur ipse impubes, sed pater, cui hæreditatem acquirit. Cæterum in adventicia hæreditate dicendum est, ab illa regula recessum esse juniorum Principum constitutionibus, *d. l. si infanti. 18. §. ult. C. de iur. del. l. ult. §. ubi autem. 6. C. de bon. qua l. Don. ad d. l. ult. §. 2. n. 7. de verb. oblig.*

TITULUS VIGESIMUS.
DE LEGATIS.

Dig. Lib. 30. 31. 32. C. Lib. 6. 37.

Ratio ordinis cum summa eorum, quæ hic explicantur.

Cognita ratione deferendæ hereditatis ex testamento, restat procedendum videbatur ad partem alteram, quæ docet, quomodo deferatur hereditas ab intestato, ac sine flexu iter institutum continuandum, donec omnes per universitatem acquisitiones percursæ forent. Eo enim nos ipse rerum ordo & dispositio partium deinceps tractandarum, facta §. ult. super quas pers. cuiq. aeq. quasi manu ducit. Sed Imp. hic aliquantum à cæpto desleat propter legata & fideicommissa; nec absque ratione. Nam cum legata & fideicommissa non minus testamento relinquuntur, quam hereditas, & vix ullum testamentum condatur, in quo non aliquis legato aut fideicommissio honoretur: hæc causæ communio, simul quod legata sunt partes, hoc est, accessiones & appendices testamenti, exigit, ut hoc loco maxime de his disputetur, atque ob hanc etiam causam in hunc locum collatum est, d. §. ult. cum alioqui legata & fideicommissa sint modi, in quibus non universitas, sed res singulæ acquiruntur. Hoc titulo disputatur de legatis; atque ordine hæc docentur, quid sit legatum, quotuplex olim fuerit, & quæ nunc natura atque effectus omnium; quibus rebus olim legata distabant à fideicommissis, & quæ postea secuta exæquatio; quæ res dari legari possint, vel non possint, quibus rectè legetur aut contra; postremo quidam, quæ ad veterem formam legandi pertinebant, mutantur.

TEXTUS.

Continuatio.

Post hæc videamus de legatis, quæ pars juris extra propositam quidem materiam videtur: nam loquimur de iis juris figuris, quibus per universitatem res nobis acquiruntur: sed cum omnino de testamentis, & de heredibus, qui in testamento instituuntur, loquuti simus, non sine causa sequenti loco potest hæc juris materia tractari.

COMMENTARIUS.

DE iis figuris, quibus per universitatem] Figuris, id est, causis, modis, rationibus. Docemus, quibus modis res universæ acquiruntur: legatis autem acquiruntur res singulæ; quorum idcirco tractatio hinc aliena videatur. Repetenda verò est memoria ejus, quod notavimus in ex-

positione, §. ult. sup. per quas pers. cuiq. aeq. in hac distinctione acquisitionum non solum objecti rationem haberi, verum etiam ipsorum modorum & causarum acquirendi: legatum esse modum & titulum acquirendi singularem, hoc est, comparatum ad acquirendum res singulas, non universas: & ideo licet universitas, pars bonorum aut hereditatis alicui legata sit, quod fieri posse constat, l. si quis. 23. l. non amplius. 26. §. 2. de legat. 1. l. cum pater. 39. de vulg. & pup. Vlp. 118. de legat. §. si quis. 23. tamen hunc legatarium non fieri juris successorem, d. l. non amplius. 26. §. 2. proinde nec ulla actiones hereditarias aut active aut passive in eum transire: ob quam causam olim factum, ut stipulationes partis & pro parte inter huiusmodi legatarium & heredem interponerentur, §. sed quia. 5. inf. de fid. her. Quod autem parte hereditatis legata non deducuntur impensæ, puta pretiæ servorum manumissorum, aut sumptus funeris, l. 8. §. ult. de legat. 2. hoc non tribuit legatario successionem juris; sed tantum dicitur ad differentiam ejus, quod observatur, cum pars bonorum, quæ tempore mortis fuit, legatur, quo casu impensæ deduci placet, l. 9. d. 118. Sic cum in specie l. cum filius. 76. §. 1. d. 118. de legat. 2. Lucio Sempronio legata proponitur hereditas Publicii Mævii, eam Sempronius non suscipit ut hereditatem, sed ut bona, quæ à Mævio ad testatorem pervenerunt.

TEXTUS.

Definitio.

1. Legatum itaque est donatio quædam à defuncto relicta, ab herede præstanda.

NOTÆ.

1. Donatio quadam] Quadam orationis genere additum, quia legatum propriè donatio non est; in orani enim donatione res inter duos agitur, nec ulla est donatio sine acceptione, r. sup. de don. Florent. delibatio hereditatis, l. 116. de legat. 1. l. si quis. 23. d. 118. de legat. 2. Basil. 44. tit. 1. c. 1.

À defuncto relicta] Modest. l. 36. de leg. 2. testamenti relicta. Sed Tribonianus videtur verbo generaliore usus, ut serviret constitutioni Justiniani de exæquatione legatorum & fideic. l. 2. c. commun. de legat.

Ab herede præstanda] Desunt hæc apud Modestin. nec Theoph. Cujac. Hor. agnoscunt, neque ad definitionem sunt necessaria. Sæpe tamen nostri definitionibus aliquid adjiciunt, plenioris explicationis gratia.

Cui

COMMENTARIUS.

- 1 Legatum unde dictum.
- 2 Cur particula quædam donationi in definitione adjecta?
- 3 Consulto pro testamento relicta, ut est in definitione Modestini, hic positum pro a defuncto relicta.
- 4 Verba ab hærede præstanda, non videri otiosa, ut quidam censent.

Legatum, inquit Ulpianus in *fragm. hoc tit.* est quod legis modo, id est, imperativè testamento relinquitur; quæ notatio quædam est & ratio nominis: cæterum quia hoc longiusculè petiit videtur, aliis potius legare dictum putant à legando, quatenus hoc verbum diligere & decerpere significat, quod & Florentinus existimasse credibile est, ac proinde legatum definivisse *delibationem hereditatis*, l. *legatum*. 116. in *pr. de leg. 1.* Nam deliberare decerpere est. Cic. in *orat. pro Sext. cap. 56.* omnes undique flosculos carpere atque delibare. Quæ autem decerpuntur, leguntur. Virg. *Eclog.* 3. v. 92.

Qui legis flores & humi nascentia fraga.
Nec dissimili admodum ratione Varro lib. 4. de *ling. Lat.* legatos à legendo appellatos tradit, quia scilicet publice lecti sint, ut mittantur. Cæterum etymologia Ulpiani convenientior videtur latitudini significationis verbi legare, in qua usurpatur in illo legis duodecim tabularum, *ut quisque legasset*, &c. ubi hoc verbo *legasset* continentur etiam hæredum institutiones, denique quicquid verbis directis paterfam. in testamento caverit, confirmatur, l. *verbis legis*. 120. de *verb. sign.* VINN. Immo etymologia Ulpiani nihil est verius. Legare enim prima producta non significat deliberare, vel decerpere, sed mandare, jubere, legem dicere. Unde & legare dicitur paterfamilias etiam, quando hæredem ex asse instituit. Placuit verò hoc vocabulum veteribus, quia, ut supra monuimus, testamenta legis modo condebantur in comitiis calatis. Quare nec legata aliter relinqui poterant, quam verbis directis & ut ita dicamus, legislatoriis, e. g. *habeto, hæres, damnas esto, finito*, &c. Plura eam in rem diximus in *Antiquit. Rom.* h. 1. HEIN.

Donatio quædam] Particulam quædam Modestinus in sua legati definitione non addidit, l. *legatum*. 36. de *legat. 1.* Non est tamen omnino supervacua, ut quidam putant. Quippe legatum propriè donatio non est: in omni enim donatione res inter duos agitur, nec ulla est donatio sine acceptione, ne mortis quidem causa, ut supra demonstravimus sub §. 1. & 2. de *donat.* Legatum autem sola testatoris voluntate constat, atque ita tamen, ut suspendatur, & post mortem testatoris adhuc pendeat ab

additione hereditatis: quod iterum secus in donationibus etiam iis, quæ mortis causa sunt, l. 5. §. *qui mortis*. 17. de *his quæ ut indign.* Quapropter nec inter genera donationum, ubi de his ex professo agitur, legatum numeratur. Est verò nihilominus peculiaris quædam & quasi proprii generis donatio: proficiscitur enim totum à liberalitate testatoris, estque titulus merè lucrativus: quam ob causam etiam separatur ab hereditate, quæ onera quoque continet, & interdum damnosa est, l. *si hereditatem*. 32. *mandat. l. hereditatis*. 119. de *verb. sign.* Additum igitur generi est *ὡς κληρονομία* quædam, ut sciamus, genus hoc non simpliciter, sed quadantenus & ratione analogica speciei definitæ convenire. Neque quicquam hætenus contra legem aut modum definiendi. vid. Goclen. de *trop. defin. can. 9. except. 1.*

A defuncto relicta] Directio scilicet & proximè à defuncto, non per interpositam mediam personam; ut excludatur fideicommissum; quod quidem etiam relinquitur à defuncto, sed *in ultimus* atque ita, ut relictum prius alteri quærat, atque in hujus persona consistat. Videtur autem Tribonianus pro eo, quod est in 3 definitione Modestini, *testamento relicta*, consulto usus verbo generaliore, *a defuncto relicta*, ut serviret constitutioni Justiniani de exæquatione legatorum & fideicommissorum, quæ est l. 2. C. *comm. de leg. & fid.* Post hanc enim exæquationem non minus legata, quàm fideicommissa, non testamento tantum, sed etiam ab intestato relinqui posse ceperunt, aut codicillis testamento non confirmatis: quod secus fuit jure veteri, quo legata tantum ex testamento valebant, §. *præterea*. 10. *inf. de fid. her.* Id quod Modestinus indicare voluit, & Florentinus significat, cum legatum sic describit, ut sit *delibatio hereditatis*, (*ὡς κληρονομία*, Basil. 44. tit. 1. c. 1.) qua testator ex eo, quod universum hæredis fores, alicui quid collatum velit. l. *legatum*. 116. in *pr. de legat. 1.* Eadem differentia indicatur ab Ulpiano in *fragm. tit. de fideicom.* §. 3. & 6.

Ab hærede præstanda] Hæc verba non agnoscunt Theoph. Cujac. Hotom. Uvesemb. Baro à sciolo aliquo adjecta, ac proinde inducenda putat. Et fatendum sanè est, non esse hæc verba ad definitionem legati necessaria: quippe in qua quæritur, quid sit legatum; non à quo relinquantur, aut præstandum sit; quod pertinet ad executionem. Cæterum causam nullam admodum video, cur cum extant in vulgatis codicibus, deleri atque ex iis expungi debeant. Sæpe enim nostri latioris explicationis præterea quædam definitionibus adjiciunt, quæ ad essentiam rei definitæ non pertinent; ut videre est in definitione tutelæ l. 1. de *tut.* item furti, l. 1. §. 3. de *furt.* quod & hic factum videtur. Sed dixeris, vel ideo delenda esse, quia post exæquationem legatorum & fideicommissorum

missorum non tantum ab hærede, sed etiam à legatario legari potest. Ego verò nego, quod ita relictum est propriè legatum esse, licet concedam jure legati censerè: de quo nonnihil iterum infra *de fideic. her. in pr.* Illa autem leviuscula sunt, ob quæ nonnulli clausulam hanc inducendam putant, primum quia legatum ab ipso testatore nonnumquam præstetur, l. *Lucius. 22. de legat. 2.* deinde quod quæ legantur, recta dicuntur transire ad legatarium, l. *à Titio. 64. de furt.* Nam ad primum quod attinet, constat, legatum omne sic relinqui, ut præstetur post mortem testatoris, & proinde ab hærede. Quod si testator antevertat, & ipse præstet, dum vivit, mutatur voluntate testatoris, quod legatum erat, in donationem inter vivos, per l. *huiusmodi. 84. §. si Titio. 11. de legat. 1.* Quod verò legatum recta à defuncto transire dicitur in legatarium, id tantummodo pertinet ad rei legatæ dominium: nam possessio nihilominus ab hærede petenda & præstanda est. Neque enim potest quisquam sibi jus in rem dicere, aut legatarius privata auctoritate occupare legatum: alioqui hæredi potestas est id revocandi interdicto quod legatorum, l. *1. §. 2. quod legat. de quo vid. Clar. §. testamentum. quasi. 63. Peck. 1. de testam. conjug. 48. Christin. vol. 4. dec. 36.* Sed & translatio illa domini ficta potius est, quàm vera, & ideo introducta maximè, ut legatarius post diem legati cedentem decedens ad hæredem legatum transmittat, l. *2. l. 5. quand. dies leg.* Porro notanda obiter triplex legati significatio. Nam & actum ipsum legandi denotat, ut hic & in definitionibus Modestini & Florentini; & nonnumquam titulum seu causam, ut *tit. pro legat.* Frequentissimè autem designat rem ipsam legatam.

TEXTUS.

De antiquis generibus legatorum sublatis.

2. Sed olim quidem erant legatorum genera quatuor: per vindicationem, per damnationem, sinendi modo, per præceptionem: & certa quadam verba cuique generi legatorum assignata erant, per quæ singula genera legatorum significabantur. Sed ex constitutionibus divorum Principum sollemnitas huiusmodi verborum sublata est. Nostra autem constitutio, quam cum magna fecimus lucubratione, defunctorum voluntates validiores esse cupientes, & non verbis, sed voluntatibus eorum faventes, disposuit, ut omnibus una sit natura: & quibuscumque verbis aliquid relictum sit, liceat legatariis id persequi, non solum per actiones personales, sed etiam per in rem, & per hypothecariam. Cujus constitutionis

perpensum modum ex ipsius tenore perfectissime accipere possibile est.

NOTÆ.

2. *Certa quadam verba*] Vidi Ulp. tit. 24. Cajum lib. 2. tit. 1. Notæ juris; D. D. E. *Dare damnas esto.* Per præceptionem solummodo legatur uni ex hæredibus. Cajus d. lib. & tit. §. ult. Th. hic. Formula: *Lucius Titius mihi ex parte hæres rem illam præcipito.* Hæc capiendi figura præceptio dicitur, prælegatum, & præcipuum, Græc. *ἐκπύριον δέν.*

COMMENTARIUS.

- 1 Pro formularum diversitate olim quatuor genera legatorum fuisse, non solum nominibus distincta, sed etiam natura & jure.
- 2 Primum Iustinianum effecisse, ut omnium eadem vis esset, salva tamen manifesta voluntate defuncti.
- 3 Explicatur vetus differentia circa potestatem agendi inter legatum vindicationis & damnationis, sublata constitutione Iustiniani.
- 4 Hypothecariam beneficio Iustiniani accepto ferendam: qua de re, adversus quos ea competat; aliaque nonnulla eodem pertinentia.

PER vindicationem, per damnationem, sinendi modo, per præceptionem] His nominibus sic genera hæc distincta atque appellata fuerunt à verborum formulis cujusque generis propriis, aut earum una aliqua. Per vindicationem his verbis legabatur, *Do, lego, capito, sumiso, tibi habeto, vindicato.* Per damnationem ita, *Hæres meus damnas esto dare, dato, facio, hæredem meum dare jubeo.* Sinendi modo sic, *Hæres meus damnas esto sinere* l. *Titium sumere illam rem sibi habere.* Per præceptionem uni ex hæredibus legabatur hac formula, l. *Titius mihi ex parte hæres illam rem præcipito, aut præcipuum habeto.* In formula legandi per vindicationem & præceptionem verba testatoris ad legatarium diriguntur: in legato damnationis ad hæredem; in sinendi modo formula mixta videtur. Non tantum autem hæc genera verborum formulis, sed natura quoque & jure distincta fuerunt. Per vindicationem & præceptionem legari solum poterat res testatoris propria; sinendi modo etiam hæredis; per damnationem etiam aliena. In duobus prioribus, genere legato, aut duabus rebus disjunctim, electio erat legatarii: idque puto etiam obtinuisse in relicto sinendi modo: quia in hoc quoque genere verba executiva, ut loquuntur, diriguntur ad legatarium. In damnationis autem legato hoc casu electio erat hæredis. Quod per vindicationem relictum erat, petebatur actione in rem: quamquam eo nomine & in personam ex testamento agi poterat: quod per damnationem, id actione in personam ex testamento persequendum erat. Nominè quoque ejus quod

finendi modo relictum erat, non aliam actionem quam ex testamento competuisse, post Theoph. Bachovius scribit: Cajus etiam vindicari potuisse, *lib. 2. hoc tit. §. pen.* quod ego locum habuisse puto, cum res testatoris propria hoc genere legati relictæ esset. Quod per præceptionem cohæredi datum erat, eo nomine familiæ eriscundæ agebatur in cohæredes. Hæc fere, & quædam alia hujusmodi reperiuntur apud Ulp. *tit. 24. Cajum lib. 2. r. 5. Paul. 3. sent. 6. Theophil. hic.* Si cui vacat, etiam per me licet, adeat Ant. Fab. *6. con. eff. 1.* cautè tamen, VINN. Rectè Cajum interpretatur Vinnius. Si enim res propria hæredis vel testatoris alicui finendi modo fuerat relictæ, & legatarius eam vindicabat; tunc hæres non contra vindicare, nec dicere poterat: *Es ego ajo illam rem meam esse*: quia jussus erat sine re, ut legatarius rem sibi haberet. Præclare hoc observavit V. C. Ant. Schulting. *ad Caj. lib. 11. tit. 6. §. 6. p. 120* Cæterum septendecim horum legatorum differentias ex jure antiquo eruditè erutas exhibuit Merill. *Qus. lib. 6. cap. 32. p. 175. HEIN.*

Constitutionibus DD. Principum verborum solemnitas sublata] Significatur *l. in legatis. 21. C. hoc tit.* quæ una quidem constitutio est, sed trium Imp. Constantini, Constantii & Constantis, quos si singulos spectes, totidem dici possunt Imperatorum constitutiones. Hi iidem Imp. etiam verborum solemnitatem & observantiam sustulerunt in institutionibus hæredum, & in amplectenda bonorum possessione, *l. quoniam. 15. C. de testam. l. ult. C. qui admitt. ad bon. poss.*

Nostri autem constitutio] Est *l. 1. C. comm. de legat.* Sublata in legatis verborum solemnitate, etsi licebat aliis verbis, idem quod typica significantibus, in unoquoque genere uti; nec Latino tantum, sed etiam Græco, aut Gallico, aut cujuscunque alterius gentis sermone legatum relinquere, quod antea non licuisse pacta formularum verba arguunt, & testatur Ulp. *tit. 25. §. 7.* manebat tamen adhuc vetus naturæ & effectorum in singulis generibus diversitas: verbi causa, nihilo magis res aliena per verba vindicationis legari poterat quam antea: aut legatum per damnationem relictum in rem actione peti. Hanc generum differentiam primus sustulit Justinianus, omniumque legatorum unam voluit esse naturam, hoc est, unam omnium vim atque effectum, *d. l. 1. C. comm. de leg.* Quod si qua adhuc veteris discriminis vestigia in libris nostris tibi occurrerent, scito, Tribonianum hæc per incuriam reliquisse, qui dum responsa Jurisconsultorum ad constitutionem Justiniani accommodare studuit, verba quidem hæc, *per vindicationem*, aut *per damnationem*, ubique sustulit: rem autem ipsam & effectum reliquit. VINN. Id negari vix potest. Nam sic e. g. in legato per vindicationem portio deficiens conjuncto accre-

scere dicitur *l. 16. §. ult. & l. 34. ff. de legat. 1. l. 31. §. 1. ff. de statulib.* Contra in legato per damnationem illa deficiens portio non accrescit conjuncto. *l. 16. pr. ff. de legat. 1. l. 61. de legat. 2.* Non itaque dicendum cum Cujacio in *Paratit. C. ad l. un. de cad. tollend. sub fin.* hanc differentiam non esse sublatam, sed Pandectarum compositores festinantius agentes vestigia omnia juris antiqui, quod Justinianus immutavit, non delevit. Vid. Merill. *Variant. Cuiac. lib. 11. cap. 10. p. 241. HEIN.*

Non verbis, sed voluntatibus] Ætiologia hujus exæquationis: quæ talis tamen est, ut quis facile intelligat, Imperatorem noluisse quicquam statuere, aut exæquationem istam valere contra manifestam voluntatem testatoris. Quamobrem si testator, verbi causa, generaliter quid legaverit, aut hoc vel illud disjunctim, verbis executivis ad hæredem directis, non dubitarem respondere, in hujusmodi legato electionem tribuendam esse hæredi, cum DD. comm. & Zas. in *l. legat. 37. n. 22. de legat. 1.*

Non solum per actiones personales] In *d. l. 1. C. comm. de legat.* Utitur numero singulari. Intelligit autem actionem, quæ veteribus dicitur actio ex testamento, *l. servo. 69. §. ult. l. non quocumque. 82. in pr. l. questum. 91. §. ult. de legat. 1. l. qui concubinam. 29. §. 3. de legat. 3. l. 6. de in lit. jur. §. si res aliena. 6. inf. cod.* Hæc actio in personam est ex obligatione. Nam cui legatum datum est, is de eo præstando obligatum habet hæredem, à quo relictum est. Obligatio est quasi ex contractu: quippe cum hæres adit aut agnoscit hæreditatem, intelligitur eam agnoscere cum sua conditione atque onere; scilicet ut præstet, quod testator injunxit; atque hoc factò quodammodo cum legatariis contrahere videtur, *§. hæres. 5. inf. de obl. que quas. ex contr.* Ex quo apparet, tertium possessorem hac actione conveniri non posse, hæredem posse, etsi non possideat, per *actionem. 25. de obl. & act.*

Sed etiam per in rem] Etiam olim legati ob-
tinendi causa actio in rem prodita legatariis fuit, sed non omni legato; ut ecce, de eo, quod per vindicationem legatum erat, præter actionem in personam competebat etiam in rem seu rei vindicatio: de re per formulam damnandi legata una erat actio in personam, in rem non erat: quæ juris diversitas ex alio diverso inter hæc jure nascebatur; ex eo nimirum, quod rei per vindicationem legatæ dominium rectè à testatore in legatarium transibat, *l. legatum. 80. de legat. 2. l. à Titio. 64. de furt.* Quod autem per damnationem relinquebatur, ejus rei dominium transibat ad hæredem, & in hoc tale legatum simile erat fideicommisso, quod ipsa formula evidenter ostendit, & quod etiam res aliena per hanc formulam rectè legabatur. Jam verò certum est, actionem in rem omni domino competere, & soli, *l. in rem.*

rem. 23. in pr. de rei vind. fierique consequens ut in qua specie ad obligationem hæredis accedit dominium legatarii, ibi legatario non tantum personalis, sed etiam in rem actio datur; ubi autem sola hæredis obligatio locum actioni facit, ibi non alia quam in personam actio competere possit. Ex constitutione vero Justiniani etiam pro legato damnationis consequendo actio in rem legatario datur: quippe jure legatorum omnium exæquato, tam ex legato damnationis, quam vindicationis dominium rei legatæ recta ad legatarium transit. Illud forte aliquem turbabit, quod eidem ejusdem rei nomine duæ contrariæ actiones conceduntur, quarum altera intendat sibi dari oportere, altera se dominum esse contendat, contra §. sic itaque. 14. inf. de act. Respondent nonnulli, speciale hoc esse in legatario, propterea quod tantum jure civili dominus factus sit, non etiam jure gentium, quod non placet. Nihil enim refert, quo jure dominium agentis quæsitum sit, d. l. in rem. 23. de rei vind. & in promptu alia responsio est, descendere nimirum hæc actiones ex diversis causis; in personam ex obligatione hæredis; in rem ex jure domini, quod statim à morte testatoris in legatarium transfertur: quamobrem agentem legatarium actione personali ex testamento, petentemque ut res sibi detur, non considerari ut dominum, sed tantum ut creditorem, qui hæredem quasi ex contractu sibi obligatum habet. Rursus agentem in rem non considerari ut creditorem, sed ut dominum rem suam ab hærede, non ut obligato, sed ut possessore vindicantem: nam & contra alios possessores sic in rem ageret. Concursum autem duarum harum actionum non cumulativus est, sed electivus, hoc est, non ita simul competunt, ut liceat experiri utraque, sed ut una, utra legatarius velit: una autem electa, altera consumitur, l. cum filius. 76. §. variis. 8. de legat. 2. l. huiusmodi. 84. §. ult. l. si servus. 103. §. 2. de legat. 1. Porro ut legati nomine etiam in rem actioni locus sit, ponendi sunt termini habiles: primum, ut legata sit certa species aut corpus; neque enim quantitate, aut nomine legato, vindicatio locum habere potest: deinde ut res, quæ legata est, propria testatoris fuerit: nam quod testatoris non est, id ab eo non potest recta transire ad legatarium, l. nemo plus parit. 54. de reg. jur.

4 Et per hypothecariam] Priores duæ actiones etiam veteribus, secundum ea quæ diximus, in usu fuerunt. Hypothecaria, de qua hoc loco, tota beneficio Justiniani accepto ferenda est. Nam quod legimus apud Papinianum, legatarios causam pignoris habere, l. 4. §. 1. de separ. id, ut locus ipse indicat, junct. l. 1. §. sciendum. 3. cod. tit. accipiendum est de specie pignoris prætorii, quod jure separationis creditores hæreditarii in bonis defuncti habent, & post hos in eo quod superest legatarii, qui

separationem impetraverunt. Agi potest hac actione hypothecaria in quascumque res à defuncto relictas, adversus quosvis earum rerum possessores: Ajo, à defuncto relictas; siquidem non res hæredis propriæ, sed hæreditariæ ex hac causa pignoris sunt legatariis ex d. constitutione Justiniani. Neque tamen in his rebus numeranda videtur res testatoris, quæ legata sit: quippe quæ statim fit legatarii; rei autem nostræ pignus non consistit, l. neque pignus. 45. de reg. jur. Actionem hypothecariam cum personali cumulari posse, receptum est, Myns. 1. observ. 58. Charond. 4. respons. 52. cum vindicatione autem adversus eundem cumulari non posse tradit Bald. in auth. contra. n. 11. C. ad sen. Treb. sed Cyn. in d. l. 1. nu. 10. C. comm. de legat. etiam harum cumulationem admittit: quem sequitur Bachov. in Treutl. vol. 2. disp. 13. thes. 7. Ut sit, certi juris est, actiones, quæ se invicem non consumunt, successive intentari posse, nimirum ut etiam post sententiam in una latam altera in judicium deducatur: ratio autem non patitur, ut per hypothecariam aut actio in personam consumatur, aut rei vindicatio: ut proinde simpliciter verum esse non possit, quod nonnulli simpliciter tradunt, tres hæc actiones electivè concurrere, non cumulativè: sed nec pignus liberari debitor ad solvendum condemnato responsum est, l. quamvis. 8. C. de pign. Illud pæne supervacuum monere; actionibus hæc locum non esse, nisi adita ex testamento hæreditate. Nam si hæreditas adita non fuerit, nihil eorum, quæ testamento scripta sunt, valet, l. si nemo. 9. de test. int. l. eam. 14. C. de fideicom. nisi forte testator voluerit scripturam testamenti etiam pro codicillis valere, sive quod testamento reliquitur etiam ab hæredibus legitimis præstari, l. ex ea scriptura. 29. §. 1. qui test. fac. l. ex testamento. 29. C. de fideic. l. ult. §. 1. C. de codicill. de quo plura Ias. in d. l. 14. & post eum Sichard. n. 6. 7. & 9. Don. num. 9. & seqq. Illud in transitu monere non inutile visum, actionem hypothecariam, quam Justinianus pro legatis aut fideicommissis concessit, ex constitutione ipsius inter plures hæredes ipso jure divisam esse, d. l. 1. in fin. C. comm. de legat. quod speciale est, & contra ordinariam naturam actionis hypothecariæ, quæ alias semper individua est, l. rem hæreditariam. 65. de evict. introductum. Ac proinde hoc non obtinebit in hypotheca aut pignore expresso, quod testator legati aut fideicommissi nomine constituit, l. non est mirum. 26. de pign. act. cum in dubio credendum sit, testatorem se conformare voluisse ad jus commune, l. ult. C. de verb. sign. Atque hinc intelligimus, etiam post hanc constitutionem Justiniani adhuc utiliter pignus testamento constitui, add. Christin. vol. 4. decis. 47. n. 3. & 4. Donellus tamen nihil in hoc putat esse singulare, in d. l. 1. nu. 12. VINN. Atqui de cumulatione actionum frustra quæ-

ritur,

ritur, si ex principiis juris Romani decidenda sit quaestio. Nam id jus cumulationem ignorare, & ab ea planè abhorreere videtur. l. 6. ff. de except. rer. jud. Nec contrarium liquet ex l. 1. §. 4. de edendo. & l. 12. §. 1. ff. de acqu. vel amitt. poss. quatum altera ad primam editionem, altera ad mutationem actionis pertinet. Poterat itaque actor duas edere actiones, protestatus, ex altera se velle consequi, quod se contingat: potest & relicta actione petitoria ad possessorem confugere, sed non duas actiones cumulare. Totum id jus ex jure canonico videtur proficisci, quod praxis sequitur. Cæterum hæc docet, frequenter cumulari actionem personalem ex testamento & hypothecariam, (modo non agatur adversus tertium possessorem, contra quem ex testamento agi nequit,) non autem rei vindicationem & hypothecariam, quum alterutra sufficiat. HEIN.

TEXTUS.

Collatio legatorum & fideicommissorum.

3. Sed non usque ad eam constitutionem standum esse existimavimus. Cum enim antiquitatem invenimus legata quidem strictè concludentem; fideicommissis autem, quæ ex voluntate magis descendebant defunctorum, pinguiorem naturam indulgentem: necessarium esse duximus, omnia legata fideicommissis exequare, ut nulla sit inter ea differentia: sed quod deest legatis, hoc repleatur ex natura fideicommissorum: & si quid amplius est in legatis, per hoc crescat fideicommissorum natura. Sed ne in primis legum cunabulis permixtis de his exponendo studiosis adolescentibus quamdam introducamus difficultatem, opera pretium esse duximus, interim separatim prius de legatis, & postea de fideicommissis tractare: ut natura utriusque juris cognita, facile possint permissionem eorum eruditi subtilioribus auribus accipere.

NOTÆ.

3. Pinguiorem naturam indulgentem] Vid. Ulp. d. 111. 25. Caj. lib. 2. tit. 7. Theoph. hic. Necessarium esse duximus] l. 2. comm. de legat. Nulla sit inter ea differentia] Scil. in ipsa re. Ait enim, se non verbis, sed rebus leges imponere, d. l. 2. Itaque essentialis differentia legati & fideicommissi sublata non est: sed quod verbis directis & imperativis legis modo est relictum, adhuc legatum; & quod precariis, fideicommissum est. Sed neque ea differentia sublata, quam facit manifesta voluntas

testatoris: cujus rei exemplum habemus §. pen. inf. de sing. reb. per fid. rel.

COMMENTARIUS.

1. Auctorem exæquationis legatorum & fideicommissorum isdem esse Justinianum.
2. Cur stricta legatorum natura, & quibus casibus circumscripta fuerit?
3. Cur pinguior ac laxior fideicommissorum, & quibus in rebus?
4. Exæquatione hac non esse sublatam utriusque relicti differentiam essentialem.
5. Quando amplius fuerit in legato, quam in fideicommissis?

Superiore §. didicimus, legata omnia inter se exæquata esse, hic docetur ea etiam omnia & in omnibus exæquata esse fideicommissis, hoc est, communicatam ac confusam invicem etiam legatorum omnium & fideicommissorum naturam. Auctor hujus exæquationis isdem Justinianus est, l. 2. c. comm. de legat. quod hoc loco expressè profitetur. Et verum esse vel ex eo liquet, quod veteres inter legata & fideicommissa differentiam, quas Ulpianus in fragm. & Cajus lib. 2. commemorant, certè maxima earum pars usque ad tempora Justiniani permanserunt. Quamobrem dubitandum non est, quin illud, quod apud Ulpianum l. 1. de legat. 1. legimus, per omnia exæquata esse legata fideicommissis, Triboniano acceptum ferri debeat, qui verba Ulpiani interpolando ea traxerit ad constitutionem Justiniani, jam triennio fere ante editionem Pandectarum evulgatam. Etenim concessu Principis hanc potestatem compilatores Pandectarum habuerunt, ut pro arbitratu suo & adjicere quædam & detrachere scriptis veterum possent. l. 1. c. de ver. jur. encl. Idque in plurimis locis ab iis factum esse animadvertere licet. vid. Govean. 1. var. lect. 19. Duar. 2. disp. 9. Don. 8. comm. 2. Baron. Hotom. Uvesemb. hic. Covar. in c. Raynaldus. §. 1. p. 3. c. de testam. Aliter & diversimodè hoc expediunt Cujac. 8. obs. 4. Rævard. 3. var. 4. Robert. 2. sent. 23. quorum explicationes etiam non probo, confutare tamen nolo, quia res non meretur ullam operam. Illud autem monendi sumus, hanc legatorum & fideicommissorum exæquationem pertinere tantum ad fideicommissa specialia, quibus scilicet res singulæ relinquuntur; ad universalis sive ad hæreditates fideicommissarias non pertinere. Is enim, cui ex fideicommissis restituitur hæreditas, hæredis loco habetur. De quo uberius inf. de fideic. her.

Strictè concludentem] Id est, strictam legatis naturam attribuentem, eaque cogentem intra verborum ac formularum angustias, & voluntates testantium juris subtilitati subjicientem. Quippe in legatis, utpote quæ ex legibus & jure civili ortum ducebant, certis quibusdam & solemnibus ac præscriptis verbis

exteris sublata voluisse. Veluti in §. *præterea*. 10. *infr. de fideic. her.* ubi ait, legata nisi ex testamento non valere. Et in *pr. 1. de sing. reb. per fid. vel. sic loquitur*, quasi à legatario etiamnum legari non liceret.

TEXTUS.

De re legata. Et primum de re Testatoris, hæredis, aliena, cuius non est commercium.

4. Non solum autem testatoris vel hæredis res, sed etiam aliena legari potest, ita, ut hæres cogatur redimere eam, & præstare; vel si eam non potest redimere, æstimationem ejus dare. Sed si talis sit res, cuius commercium non est, vel adipisci non potest, nec æstimatio ejus debetur; veluti si quis campum Martium, vel basilicas, vel templa, vel quæ publico usui destinata sunt, legaverit. Nam nullius momenti tale legatum est. Quod autem diximus, alienam rem posse legari, ita intelligendum est, si defunctus sciebat, alienam rem esse, non si ignorabat. Forsitan enim si scivisset, alienam rem esse, non legasset, & ita divus Pius rescripsit. Et verius est, ipsum, qui agit, id est, legatarium, probare oportere, scivisse alienam rem legare defunctum; non heredem probare oportere, ignorasse alienam. Quia semper necessitas probandi incumbit illi, qui agit.

NOTÆ.

Cuius commercium non est] Ejus rei, quæ absolute commercio exempta, legatum prorsus inutile est: cujusmodi sunt, quæ hic & in l. 39 §. 8. & seqq. *cod. 1. memorantur*. Sed nec earum rerum legatum regulariter consistit, quæ ædibus junctæ sunt, l. 41. *cum. 2. seqq. cod.* Quid si vel testator, vel hæres commercium rei non habeant? Resp. Si legatarius habeat, utile esse legatum, l. 49. §. 3. *cod. 1. fac. l. 34. de verb. obl. in minus, non valere, d. l. 49. §. 2. d. l. 34. Non obstat l. 114. §. 5. cod. 1. neque l. 11. §. 16. cod. 3. illa tibi quod respondeas ipsa subministrat; in hac agitur de legato militiæ, cujus naturæ æstimatio continetur, d. l. 49. §. 1. in l. 40. cod. delenda videtur secunda negatio: alioqui illa abundant, cujus commercium legatarius non habeat. Cujac.*

Legatarium probare] Hoc idem iisdem verbis Marcian. tradit l. 21. *de prob. fac. l. 23. C. cod.*

COMMENTARIUS.

- 1 Quorum rerum legatum consistat, aut non consistat.
- 2 Legem 12. Tab. non impedire, quominus rei

aliena legari possit. Et num jus Canonici-

- 3 Quid juris sit in legato rei communis? Quæstio subtilis & elegans.
- 4 Effectus legati rei alienæ.
- 5 Legatum rei simpliciter exempta commercio, quæ usibus Principis deservientis, prorsus inutile esse. Ut & regulariter earum rerum, quæ ædibus junctæ.
- 6 Rei exempta commercio certæ personæ legatum valere, si legatarius commercium habeat; sin minus, secus; subiecta plenissima solutione omnium quæ obstat videantur.
- 7 Quid juris, si feudum legatum sit?
- 8 Legatum rei alienæ, nisi singulari conjectura adjuvetur, cur demum valere placeat, si testator sciverit, alienam esse: & cur legatario ejus rei probatio incumbat?

Inchoatur hic tractatio de rebus, quæ legari possunt, aut non possunt: qui locus maximam hujus tit. partem occupat; nec est sine multiplici distinctione præviis. Primum hoc in genere teneamus, non solum res speciatim sic dictas, sed etiam facta legari posse, ut qui iussus est facere, parere debeat: nec solum res corporales, sed etiam incorporales, puta usumfructum, servitutem, nomen. Deinde posse legari non modo res, quæ actu sunt in rerum natura, verum etiam quæ futuræ sperantur: quæ non sunt, nec esse possunt, earum legatum inutile esse. De quibus omnibus accuratius agemus suis locis. Porro interest, utrum res legata sit in commercio, an non sit: & si extra commercium, utrum simpliciter atque in totum, ut sunt res publicæ, sacræ, sanctæ, religiøsæ, liber homo; quarum rerum legatum nullius momenti est: an verò res talis sit certo respectu, & vel ob specialem circumstantiam commercio exempta, cum alioqui per se & conditione sua sint in commercio, cujusmodi sunt marmora, columnæ, tigna ædificiis junctæ, quæ inutiliter itidem uno atque altero casu excepto legantur: vel exempta commercio quorundam, non omnium ut mancipium Christianum, cujus commercium non habent hæreticus, Judæus, paganus, *ut. C. ne mancip. Christ. item militia*, hoc est, officium alicujus eorum, qui in aliqua schola seu ordine inter statutos relati sunt, ex quo salaria à Principe consequuntur; cujusmodi officiorum constat quoque non omnes jure capaces esse. Vid. Cujac. in l. 3. §. si quid minori. 7. *de minorib.* Sic prædii provincialis cum aliis commercium est, cum præside non item. Atque hujus generis res aliquando utiliter, aliquando inutiliter legantur: de quo uberius paulo post. Quæ res legata in commercio est, ea vel est testatoris propria, vel non est: & hæc iterum vel hæredis, vel legatarii, vel tertii alicujus, quæ in hoc argumento specialiter dici solet res aliena. De re hæredis scriptum hic est, tam,

eam non minus quam rem testatoris legari posse: neque ullam hoc dubitationem habet; adeo ut huiusmodi legatum valeat, etiamsi testator existimaverit rem suam se legare, *l. unum. 67. §. si rem. 8. de legat. 2.* De re legatarii legata distinctè dicitur *inf. sub §. sed si rem. 10.* De re aliena hic itidem traditum est, eam utiliter legari: cum ea tamen distinctione, quam legatum rei testatoris aut hæredis propriæ non recipit. Postremo illud quoque generaliter tenendum est, nullius esse momenti legatum earum rerum, quæ legatæ nihilo molumenti aut commodi legatario afferunt, quamvis sint in commercio: de quo etiam inferius præcipietur diligentius *sub §. ex contrario. 14.*

Sed etiam aliena] Etiam res alienas legari posse, semper constitit, & posse, etiamsi difficilis earum paratio sit, ut ait Jurisconsultus *l. cum servus. 39. §. constas. 7. de legat. 1.* Nec obstat lex duodecim tabularum, quæ tantum de suo legandi potestatem facit, *l. verbis. 126. de verb. sign.* Nam qui legat rem alienam, de suo legare intelligitur. Onerat enim hæredem, ut rem redimat, & redemptam præstet. Olim hoc proprium fuit legatorum, quæ per damnationem relinquebantur: sicut indicat *l. qui quatuor. 30. §. ult. de legat. 3.* & expressè testatur Ulpian. *in fragm. sub tit. de legat.* Hodie autem licebit in hac re etiam verbis legati vindicationis propriis uti, ut puta, *do, lego*, aut similibus. Sed & rem hostium legari posse placuit, si modo in ea causa sit, ut aliquo casu emi possit, & jure commercii comparari, *l. ab omnibus. 104. §. 2. de legat. 1.* Ejus rei, quæ apud hostes est, bello scilicet capta, legatum omnimodo consistit jure possiminii, *l. 9. l. si servus. 98. cod.* An autem jure quoque Canonico legatum rei alienæ valeat, dubitatur propter *cap. filius. 5. c. de testam.* ubi videtur ejusmodi dispositio improbari. Covarruvias putat, speciem *d. e.* esse singularem, quod res alterius Ecclesiæ legata proponeretur sepulture causæ: & ideo extra speciem illic propositam etiam jure Pontificio alienæ rei legatum consistere: & ita quoque Mantica *9. de conj. ultim. vol. 10. Fachin. 5. contr. 38.* At enim negari non potest, quin Pontifex in *d. e.* ostenderit, sibi displicere rei alienæ legatum, cum id magis *seculi legibus* quam *legi Dei* convenire significet. Quamobrem D. Tulden. *hic c. 5.* faceret quidem, improbari à Pontifice hanc juris civilis dispositionem: cæterum cum eam expressè non abroget, merito eam adhuc obtinere debere contendit: maximè cum probabili nitatur ratione, prolixius indulgendi supremis hominum desideriis, & eo tantum pertineat, ut hæres rem à domino redemptam, aut eo nolente vendere, iustam rei æstimationem legatario præstet. Crediderim, Pontificem opinionis errore deceptum putasse, rei alienæ legatum legibus sæculi ita sustineri, ut eam rem, velit nolit, dominus suo pretio vendere teneatur: nam ut

hæres aut redemptione rei alienæ, aut pretii illius præstatione oneretur, constat, legi divinæ minime repugnare. Quæsitum est, quid juris sit in legato rei communis? Finge testatorem fundum Sejanum, quem cum Titio communem habebat, legasse Sempronio non adjecta portione. Res dubitationem non habet, si testator sic dixerit *fundum meum*. Hic enim portionem tantum deberi, id est, partem, quæ testatoris fuit, non alienam, diserte respondet Paul. *l. 5. §. ult. de legat. 1.* & addit, hoc constare, ut ostendat, certi juris esse, non controversi. Quippe & verba & mens testatoris hic pro hærede faciunt. Verba, quia *fundum meum* rectè interpretamur, quatenus meus est: nam *meum* rectè dicitur, quod pro parte *meum* est; *l. in re communi. 26. de serv. præd. urb. l. si quis. 74. de legat. 3. l. 2. de cond. inst.* quamvis totum *meum* esse non rectè dicatur, *l. rectè. 25. de verb. sign.* Mens testatoris, quia etiamsi res dubia esset, non facile crederetur testator onerare hæredem suum voluisse necessitate redimendi, *l. unum. 67. §. si rem. 8. de legat. 2.* Sed dubitatur, si testator non dixerit, *fundum meum*, aut *qui meus est*, sed simpliciter fundum sibi cum alio communem legaverit, utrum totus debeat, an ea tantum portio, quæ testatoris fuit? Accursius existimavit, totum deberi, quoniam legatum rei alienæ, quam testator scivit alienam esse, valet, & in proposito fundus, si in totum esset alienus, totus deberetur. Quod & Donello visum in *l. 10. Cod. de legat. num. 2.* Sed contrariam sententiam, quam probant Bartol. Bald. las. Ang. Zas. Duar. in *d. l. 5. §. ult. de legat. 1.* Mant. *9. de conj. ult. vol. tit. 1. num. 12.* veram esse existimo, partem tantum deberi. Quippe longe diversa ratio est in casu proposito rei in totum alienæ & pro parte meæ. Si res legata tota aliena est, non potest videri testator revocasse modum legati ad partem aliquam suam, quam nullam in ea re habet; nullaque alia conjectura capi potest, quam voluisse legare totam. At cum pars tantum testatoris fuit, omnino credibile est, eum potius de sua illa parte cogitasse, quam voluisse hæredem suum ita onerare, ut partem alienam redimat; quæ conjectura efficacissima est, *l. unum. 67. §. si rem. 8. de legat. 2. l. Stichus. 36. in fin. de usufruct. legat.* Eandem rationem habet, quod in specie fundi vestigialis legati responsum est, non videri proprietatem legatam, sed jus, quod in eo testator habuit, *l. si domus. 71. §. ultim. de legat. 1. fac. l. 24. de instrum. vel instr. leg. l. 30. §. 4. de legat. 3.* Planè si testator nominatim dixerit, se legare fundum Sejanum totum vel omnem, responderent, utramque partem & tam alienam, quam testatoris deberi, *argum. l. Iuliano. 68. in pr. de legat. 3.* Fusius hanc quæstionem tractamus *lib. 2. select. quæst. cap. 26.*

Si eam non potest redimere, æstimationem ejus dare] Effectus legati rei alienæ hic est, ut hæres eam

eam rem teneatur redimere & prestare, aut si redimere non possit, quod dominus eam vel nolit vendere, vel non nisi immodico pretio vendere velit, justam æstimationem inferre, *l. si domus. 71. §. 3. de legat. 1. l. non dubium. 24. §. ult. l. qui quatuor. 30. §. ult. de legat. 3.* & competit legatario eo nomine actio personalis ex testamento. In rem hoc casu competere non potest, quoniam fieri nequit, ut re aliena legata, dominium ejus rei recta à morte testatoris ad legatarium transeat. Hæc verd ita obtinent, si testator rem alienam legavit sciens; secus est si ignorans, ut paulo post audiemus.

- 9 Si talis sit res, cujus commercium non est, nec æstimatio debetur] Ejus rei, quæ simpliciter atque absolute extra commercium est, legatum inutile proflus atque inane est, ut nec æstimatio debeat. Cujus generis sunt res sacræ, sanctæ, religiosæ, usibus publicis destinatæ, *l. cum servus. 39. §. pen. de legat. 1.* Idem est, si legata sit res, quæ usibus Principis deservit, veluti horti Salustiani, fundus Albanus, aut prædia, quæ in patrimonio Cæsaris sunt: quippe quarum rerum commercium non est sine jussu Principis, & furiosus est talia legata adscribere, *d. l. cum servus. §. antepen. & ultim.* Sed neque earum rerum legatum regulariter consistit, quæ ædibus junctæ sunt, ut puta columnæ, marmora, tegulæ, aut alia id genus: quamobrem nec his rebus legatis æstimatio debetur, *l. caetera. 41. cum. 2. ll. seq. d. 118.* Excepiuntur duæ causæ, in quibus harum etiam rerum legatum valere placet: quarum una est in *d. l. caetera. §. sed si quis. §. altera* in *l. 11. §. si quis illicite. 14. de legat. 1.* nimirum quia in utraque ea specie cessat ratio, ob quam hæ res legari, aut negotiandi causa eximi prohibentur, quæ hæc est, ne ruinis deformetur aspectus publicus, *l. 2. c. de adif. priv.* Hæc omnia liquida sunt & cunctis probata. Quod si certæ alicujus personæ commercio res exempta est, refert, testator is, aut hæres sit, an legatarius. Si testator, utile nihilominus est legatum, si legatarius commercium habeat: nam & utilis est stipulatio, si rei in stipulatum deductæ commercium habeat stipulator, licet promissor non habeat *l. multum. 34. de verb. obl.* Idemque est, si hæres non habet, legatarius habeat: neque enim hic persona hæredis, utpote à quo res mox abitura est, considerari debet. Textus est in *l. mortuo bove. 49. §. sed Præculus. 3. de legat. 2.* Hæc quoque extra dubitationem posita sunt, & usu, uti & superiora, recepta. Grot. 2. *manuduct. 22. vers. pen.* Quod si legatarius commercium non habeat, traditum est, legatum non valere, *dist. l. mortuo bove. §. 2. cui simile est. quod is, qui rei commercium non habet, eam inutiliter stipulatur, dist. l. 34. de verb. obl. & quod donari non potest, quod donatario acquiri non potest, l. 9. §. ultim. de donat.* *See Justinian's Institutes in Institut.*

Justinian's Institutes sequens, ut ibi Græci. Cæterum non est hoc æquè expeditum ac præcedentia. Nam primum ob stare videtur, quod responsum est, militia servo alieno legata, domino æstimationem deberi, modo testator sciens eam servo legaverit, *l. 11. §. si servo. 16. de legat. 3.* Atqui servus militiæ capax non est. Respondeo, servis ademptam esse totius juris civilis communionem. Sed sciendum, testamenti factionem cum servis ex persona dominorum introductam, ut proinde si domino militia relinqui potuit, & servo possit, atque in persona servi ipsi domino relicta videatur, *l. non minus. 31. de hered. inst.* Eo fit, ut si testator servo alieno militiam legaverit, legatum utile sit, & æstimatio quæ natura legati militiæ continetur, *d. l. 49. §. 1. de legat. 2.* debeat domino, qui militiæ commercium habuit. Utique si testator non ignoraverit servum esse: nam si liberum putavit, scriptura est in *d. l. 11. §. si servo. 16.* denegari fideicommissi petitionem, addita hac ratione, quia si scisset servum, non reliquisset. Itaque nec dominum quicquam isto casu ex legato aut fideicommissio redire voluit, reperiturque res relicta ei solùm, qui commercium ejus non habet. Quod distinctionem nostram confirmat. Secundo refragari putatur *l. si filiusfam. 114. §. si quid alicui. §. de legat. 1.* Sed hic locus ipse tibi quod respondeas subministrat. Ait Jurisconsultus, si quid alicui licite fuerit relictum, quod ipse quidem propter corporis sui vitium, vel propter qualisatem relictæ, aliamve probabilem causam, habere non potest, alius tamen habere potuit, æstimationem deberi. Proponitur legatum licite relictum: ergo relictum capaci, non ei, cui commercium rei relictæ interdictum est. Nemo enim dicet, prædium provinciale licite legari prædidi, aut mancipium Christianum Judæo. Proponitur relictum ei, qui casu aliquo & probabili ex causa rem habere non potest, non ei, qui jure capere prohibetur. Finge, surdo, muto, aut cæco militiam legatam aut per fideicommissum relictam, hoc casu æstimatio debebitur: at non deberetur, si ea res relicta esset incapaci, *arg. d. l. 11. §. si servo. 16. de legat. 3.* Postremo hic objicitur *l. sed si res. 4. de legat. 1.* qui locus plus difficultatis habet: scriptum enim illic expressè est, utile esse fideicommissum, & æstimationem deberi etiam eo casu, quo fideicommissarius jus possidendi non habet. Donellus in *d. leg. multum. 34. de verb. obl.* distinguit inter impedimentum possidendi & incapacitatem legatarii, vulque, aliud esse non habere jus possidendi, aliud non habere rei commercium. Verùm ista distinctio locum habet, ubi quæstio est de conditione personæ legatarii, non de capacitate ejus aut incapacitate, ut jam intellectum est. Robertus. 3. *animadvers. 11.* & alii, interesse putant, sciverit testator legatarium, sive fideicommissarium incapacem esse

an ignoraverit: priore casu æstimationem deberi, posteriore non item. Non displicet, quod Cujacius in *d. l. nullum*. 34. contendit redudare in *d. l. sed si res*. 40. secundam negationem, eamque demendam, ut hic sit sensus, æstimationem deberi, si res, ejus commercium legatarius non habet, ab eo per fideicommissum relinquatur; ei, qui commercium ejus rei habet. Quæ sententia verissima est. Nam persona legatarii in hujusmodi specie quasi subducitur, perindeque habetur, ac si fideicommissum recta ab hærede relictum esset: estque casus hic simillimus ei, qui proponitur in *d. l. mortuo bove*. 49. §. *pen. de legat. 2.* Secunda autem negatione retenta sit scriptura inepta, & illa abundante, *cujus commercium legatarius non habet*. Quid enim refert, legatarius, à quo res per fideicommissum relicta est, commercium ejus rei habeat, nec ne, si fideicommissarius non habeat; aut non habeat jus possidendi? Non placet hæc confidentia Cujacii Duareno in *d. l. sed si res*. 40. Sed cui placere poterit Duarem explicatio, verba illa, *cui jus possidendi non est*, referentis ad legatarium, qui Duareno idem est ac ille, cui per fideicommissum relinqui dicitur? Quis non videt, tunc totum illud, *cui possidendi jus non est*, abundare? Existimat autem Duarenus, in quaestione proposita distinguendum esse ex ratione juris veteris inter legatum & fideicommissum. Legatum rei, ejus legatarius commercium non habet, eo jure inutile esse: fideicommissum, in quo benignior admittebatur interpretatio, utile, atque ex eo æstimationem fideicommissario deberi. Argumento esse, quod in iis locis, ubi negatur deberi æstimatio, agatur de legato, ut in *dist. l. mortuo bove*. 49. de leg. 2. §. *pen.* contra ubi æstimatio dicitur deberi, de fideicommissio, ut in *d. l. 11.* §. *si servus*. 16. de legat. 3. & *d. l. si filiusfam.* 114. §. *si quid alienus*. 5. de legat. 1. Bachovius etiam, qui idem in hac re quod Duaren. sentit, non inelegantem sibi hujus differentie rationem reddere videtur, nimirum quia legatum recta transit in legatarium, fideicommissum primo consistit in persona ejus, à quo relinquitur Ego verò non magni hæc æstimo. Nam si tam insignis hoc in casu differentia fuisset inter legata & fideicommissa, utique ejus meminissent Ulpian. & Cujas sub *tit. de fideicommissis*. ubi harum rerum differentias, si non omnes, saltem plerasque & præcipuas recensent. Quin contra ex Ulpiano didici, legatum damnationis de quo fere hic quaeritur, & fideicommissum ejusdem esse: hætenus naturæ, ut eadem res, quæ per unum relinqui possunt, possint & per alterum, *d. tit. de fideicommissis*. §. 4. Sed nec magis ex legato damnationis dominium recta in legatarium transit, quam ex fideicommissor ex quo apparet, rationem illam differentie, quam Bachovius profert, non esse usque adeo elegantem. Quid 7- si feudum legatum sit? Hic æstimationem de-

beri negant Gail. 2. obs. 154. num. 13. Fachinus 5. consr. 37. Vult. 1. de feud. cap. 9. num. 722 Petr. Greg. 42. syntagm. 32. Ajunt Peregrin. de fideic. art. 11. num. 103. & seq. Matheac. lib. 29. epis. legat. cap. 19. num. 4. Quorum sententia probabilior videtur Bachov. in *Treasl.* vol. 22. dispus. 13. thes. 5. Sed prior apud nos obtinet, sive testator de suo feudo disposuerit non interveniente domini consensu, D. Grot. 2. manduct. 42. si de alieno, nisi aliunde liquido constet, testatorem & æstimationem præstari voluisse, uti supremam apud Mechliniensis Curiam censuisse refert D. Christin. vol. 6. dec. 28.

[Si scibat alienam rem esse] Non semper res aliena legata debetur: sed ut superius diximus, interest, utrum quis rem alienam legans sciverit rem alienam esse, an ignoraverit: si scivit, debetur, si ignoravit, non item, *l. cum alienam*. 10. C. de b. s. l. unum. 67. §. *si rem*. 8. ed. 2. quod etiam nunc docet Imperator, addita hujus rei ratione, *forſitan enim*, inquit, *si scivisses alienam rem esse, non legasset*. Sed unde illud colligimus, testatorem legaturum non fuisse? Ex eo nimirum, quod nemo facile credendus sit, hæredem suum onerare voluisse redemptione rei alienæ, *d. l. unum*. 67. §. *si rem*. 8. l. Stichus. 36. in fin. de usufr. leg. Atque hinc intelligere licet, distinctionem istam ad rem hæredis legatam non pertinere, sed eam omnino deberi, etiam si testator eam suam existimans legaverit: nempe cui rei legatæ dominium apud hæredem est, tam facile eam hæres præstare potest, quam rem quæ defuncti fuit, *d. l. si unum*. §. *si rem*. Pland aliquando conjectura voluntatis efficit, ut etiam res aliena legata indistincte debeatur; veluti si relicta sit personæ proximæ, puta parenti, uxori, alicui ex cognatis, aut amico singulari, aliive tali personæ, cui verisimile est testatorem quovis modo legaturum fuisse, *d. l. 10. C. de edend.* quod ad legata in piam causam relicta traducuntur Tiraq. *priv. pie caus.* 66. Valq. lib. 3. de succ. progr. §. 27. n. 41.

[Legatarium probare oportere] Quia fere in casu legati rei alienæ quaestio inter hæredem & legatarium nasci solet, dum ille contendit ignorasse defunctum rem alienam esse, hic contra scivisse; quod porro aliud dubium parit, utri scilicet necessitas incumbat probandi, hæredine ignorasse defunctum, an legatario scivisse: ideo Imperator, quid in hac re juris esset simul definire voluit. Ait autem ab hærede nullam in proposito probationem exigi, sed legatarium probare oportere, scivisse defunctum rem alienam esse adjecta hac ratione ex notissima juris regula, *l. actor*. 27. C. de prob. l. 4. C. de edend. quia necessitas probandi incumbit ei, qui agit: qui hic legatarius est, non hæres. Hoc idem iisdem verbis & Marcianus tradidit *l. verius*. 21. de prob. Accedit tamen huc etiam alia ratio, eaque fortior, quod

quod hæres præsumptione juris adjuvatur, quæ eui actoris partes hæres sustineret, onus tamen probandi rejiceret in legatarium, l. 8. & 9. cod. tit. Planè potest hoc jus ex circumstantiis variari: nam si apud alium rei legata possessio sit, neque in ea defunctus quicquam juris habuit, aut sibi asseruit, magna causa est præsumendi pro legatario, scivisse defunctum rem alienam esse, add. Gomez. 1. ref. 11. num. 13. Christin. vol. 4. dec. 32. n. 5. & seqq.

TEXTUS.

De re pignorat,

5. Sed & si rem obligatam creditori aliquis legaverit, necesse habet hæres eam luere. Et in hoc quoque casu idem placet quod in re aliena, ut ita demum luere necesse habeat hæres, si sciebat defunctus rem obligatam esse: & ita divi Severus & Antoninus rescripserunt. Si tamen defunctus voluerit legatarium luere, & hoc expresserit, non debet hæres eam luere.

NOTÆ.

5. Si rem obligatam] Fac. l. 57. de legat. 1. l. 15. de dot. præl. l. 6. C. de fideic.

Hæres eam luere] In d. leg. 15. liberare. Luere est pignus solutione vel satisfactione liberare.

Et hoc expresserit] In testatoris certa & expressa voluntate conjecturis non est locus, l. 33. cod. 1.

COMMENTARIUS.

1. *Essentia hujus §. non obstat quod alibi traditur, si res certa legata sit, talem dari debere, qualis est.*

2. *Interdum etiam tunc cum testator nescivit rem obligatam esse, heredem eam luere debere, & quibus casibus.*

3. *Quid juris sit pignore distracto?*

Res pignori obligata quodammodo aliena est, utpote cujus pretium nobis absit, quod pro ea liberanda præstare cogimur, arg. l. Labeo. 14. de verb. sign. unde & pignoris obligatio species quædam alienationis habetur, l. ult. C. de reb. al. non alien. Atque hinc est, quod in re pignori obligata idem placet quod in re aliena, ut quemadmodum hæres rem alienam legatam cogitur redimere, ita & rem pignori obligatam quæ legata sit, luere, id est, nexu pignoris liberare, soluta creditori pecunia, hoc text. l. si res. 57. de legat. 1. l. licet. 19. de dot. præl. l. prædia. 6. C. de fideic.

1. Non obstat, quod alibi traditur, si res certa legata est, talem dari debere, qualis est; verbi causa, si fundus, qui legatus est, servitutem debet, eum cum servitute rectè præstari,

l. servus. 69. §. 3. de legat. 1. si servus statuliber legatus est, statuliberum rectè dari, l. servum. 44. §. pen. & l. seq. §. ult. cod. Nam hoc quod de re testatoris legata dicitur, ad rem alienam aut ex parte alienam non pertinet, qualis merito habetur res opposita pignori quoad quantitatem æris alieni. Eadem ratione responsum est fundo legato, cujus usufructus alienus est, heredem hunc usufructum redimere debere; quoniam scilicet & in usufructu res aliena legata videtur: nam est usufructus non in parte, sed in jure consistit, emolumentum tamen rei continere, & ideo instar obtinere portionis, l. Marius. 66. §. pen. l. cum filius. 76. §. dominus. 2. de legat. 1. Planè si quis prædium legavit obligatum pro annuo redditu, hoc casu non esse cogendum heredem prædium liberare, post Joan. Fab. D. Tuldenus hic cap. 11. annotavit, & ita observari ait quoniam ejusmodi onera plerumque perpetua sunt, instar servitutis rei inhærentia, ut proinde non sit præsumendum, testatorem cogitasse de liberatione. Decis. Cur. Holland. 11. in fin.

Ita demum, si sciebat defunctus] Si ignorabat, valet quidem adhuc legatum: ceterum tunc res à legatario luenda est, dd. loc. Duo sunt casus, quibus placet, etiam tunc cum ignoravit defunctus rem obligatam esse, heredem pignus luere debere. Unus est, si testator eam rem vel aliam non minoris pretii æquè legaturus fuisset, si scisset, obligatam, d. l. si res. 57. de legat. 1. d. l. prædia. 6. C. de fideic. de quo constare poterit, si vel testator id aliquando aperte professus sit, aut si rem conjunctæ personæ legaverit, ut supra in re aliena, arg. l. cum alienam. 10. C. de legat. Alter casus est, cum debitum exæquat aut superat pretium rei pro eo obligatæ: quoniam hoc casu legatarius ipse rem liberans nihil reliqui habiturus esset, atque inani legato, quod verisimile non est defunctum voluisse, ludificaretur, d. l. si res. 57. in pr. ubi ita legendum est, vel nisi non potest aliquid esse superfluum ex soluto ære alieno: ut editiones Roberti Stephani, Petri Baudozæ, & nonnullæ aliz habent, & in sua notat Jul. Pacius: non ut vulgo legitur, vel potest aliquid esse superfluum, &c. Nam hac lectione retenta, hic Jurisconsulti sensus fuerit, ut rectè Fachin. lib. 12. cons. 43. quotiescumque plus est in re legata, quàm in debito, pro quo obligata est, heredem eam luere debere, etiam ubi nescivit testator obligatam esse: quod & verum esse existimat Fachin. d. loc. & D. Tulden hic. c. 11. Atqui tunc regula convergenda erit: quoniam rarissimè fit, ut creditores pignus accipiant, cujus æstimation non superet quantitatem crediti. Donnellus 8. comm. 19. alium sensum vulgatæ lectioni affingit, nimirum cum debitum excedit pretium rei legatæ, quam testator obligatam nesciebat, pro ea quidem quantitate, quæ rei

pretio respondeat, legatarium luiturum: ceterum quod restat adhuc exsolvendum, ut pignus in totum liberetur, id ab hærede præstandum: quam interpretationem verba ista, si potest esse aliquid superfluum exsoluto ære alieno, minime ferunt. Illud hic monendi sumus, tunc solam hæredem posse pignus luere, cum id nondum à creditore legitime distractum est.

3 Distracto pignore res in priorem speciem rei alienæ legata incidit, utpote dominio pignoris iure in alium translato, l. non est novum. 46. de acq. rer. dom. l. ult. C. si vend. pign. agat. Proinde hoc casu id superest, ut hæres aut redimat, aut si redimere non possit, æstimationem ejus præstet; nisi contraria defuncti voluntas ab hærede ostendatur, d. l. prædia. 6. C. de fideic. Vinn. Quum venarissima sit l. 57. ff. de leg. 1. Stephani autem & Baudonæ lectio & violenta videatur, nec præsidium in vetustis Codicibus MSS. reperiat; omnino videtur Donelli sententia liquidissima. Ponit primo Ulpianus regulam bimbrem. Si testator scivit, rem obligatam, tunc hæres luit, nisi alio animo fuerit. Sin nescivit testator, tunc luit fideicommissarius. Jam sequuntur exceptiones aliquot ad posterius membrum pertinentes: [1] si nisi vel hanc vel aliam rem relicturus fuisset, si scilicet. [2] vel potest aliquid esse superfluum exsoluto ære alieno, id est, nisi exsoluto ære alieno nihilominus aliquid superfluum manet, quod solvendum, e. g. usura diu non soluta, tunc id quod solvendum superest, ab hærede solvendum. Ad hunc casum etiam pertinent verba sequentia, in quibus frustra Ant. Fab. lib. 11. Conj. cap. 10. & Donell. lib. 8. cap. 19. pro nolueris legunt volueris. Quæ emendatione non opus esse, si vericulus ille ad hunc casum referatur, jam offendit Oliv. Hillig. Donell. Ennel. ib. lib. 2. HAIN.

Volueris legatarium luere, & hoc expresseris] Ratio manifesta est, quia in certa voluntate testatoris conjecturis non est locus; sed simpliciter standum est voluntati, defuncti, l. si pluribus. 33. de legat. 1.

T E X T U S.

De re aliena post testamentum à legatario acquisita.

6. Si res aliena legata fuerit, & ejus rei vivo testatore legatarius dominus factus fuerit, siquidem ex causa emptionis, ex testamento actione pretium consequi potest; si vero ex causa lucrativa, veluti ex donatione, vel ex alia simili causa, agere non potest. Nam traditum est, duas lucrativas causas in eundem hominem & eandem rem concurrere non posse. Hæc ratio si ex duobus testamentis eadem res eidem debeat, increscit, utrum rem an æstimationem ex testa-

mento consequutus sit. Nam si rem habet, agere non potest, quia habet eam ex causa lucrativa: si æstimationem, agere potest.

N O T A.

6. Traditum est, duas lucrativas, &c.] Omnes debitores, qui speciem ex causa lucrativa debent, liberantur, cum ea species ex causa lucrativa ad creditores pervenit, l. 17. de obl. & act. fac. l. 108. §. 4. de legat. 66. §. 1. cod. 2. l. 83. §. 6. de verb. obl. l. 61. de solut. Ratio est, quia cum creditoris jam res esse coeperit, in eum casum devenit obligatio, à quo incipere non potuit, §. 10. infr. cod. §. 2. inf. de inut. stip. §. 14. inf. de act. Diversa ratio est causæ onerosæ; quia cui pretium abest, ei adhuc res ipsa abesse videtur, l. 14. de verb. sign.

C O M M E N T A R I U S.

- 1 Distinctionem hoc §. traditam locum habere etiam cum res legata mortuo testatore ad legatarium pervenerit.
- 2 Duarum causarum lucrativarum in eandem rem & personam concursum esse speciem liberationis; & quo ea pervineat?
- 3 Quid si eadem res eidem saepius legata sit eodem testamento?
- 4 Quid si eadem quantitas eidem legata, vel unius testamento vel duorum?
- 5 Si duorum testamentis eadem res relicta sit, cum, qui rem nactus est, posse ex altera adhuc æstimationem petere: non contra, & cur tam variè?

SI res legata tempore facti testamenti legatarii fuit, legatum inutile est, ut docetur inf. §. sed si rem. 10. Quod si eo tempore aliena est, & legatarius postea ex alia causa dominium ejus nactus sit, placet, inspiciendum esse, quali ex causa nactus sit, ex onerosa, an lucrativa: Si ex causa onerosa, actione ex testamento eum agere posse, & pretium consequi: contra si ex lucrativa, non posse, propter regulam, quæ definit, duas causas lucrativas in eandem rem & personam concurrere non posse: quam statim explicabimus. Causa onerosa est, ex qua rem ita accipimus, ut pro ea aliquid vicissim præstemus: quod accidit in emptionibus & permutationibus. Dotis etiam causa onerosa intelligitur, l. ex promissione. 19. de obl. & act. Lucrativa causa est, propter quam accipienti nihil abest, quales sunt legatum, fideicommissum, donatio, l. 4. §. si quis. 29. de dol. mal. exc. l. inter. 83. §. si rem. 6. de verb. obl. l. in perpetuum. 61. de solut. l. un. §. lucrativas. C. de imp. lucrat. descript.

Si res aliena legata fuerit.] Ab eo scilicet, qui sciebat, rem alienam esse: alioqui legatum inutile est, nisi singulari conjectura voluntatis sustineatur, ut ostensum supra in explicatione §. 4.

Hito

Vivo testatore] Exempli causa hoc dictum putant Gloss. & DD. idemque obtinere, quamvis id contingerit testatore mortuo; quibus assentior. Nam etsi hæreditatem aditam ponamus, ex quo hæres debitor efficitur; idem tamen dicendum esset, nempe hæredem liberari, si antequam rem redimere & præstare posset, ea ex alia causa lucrativa ad legatarium pervenerit, juxta regulam generalem traditam in *l. omnes. 17. de obl. & ass.* Proinde frivolum est, quod objicit Bachov. diem legati cedere à morte testatoris, Sed quid si legatarius eandem rem iterum vivo testatore alienaverit, an legatum convalescet? Negant comm. DD. Sed ego subsisto propter *l. non quocumque. 82. in pr. de legat. 1.* qui locus arguere videtur, cum effectu obligationem in proposito non extinguì, nisi die legati cedente, dominium rei adhuc apud legatarium existat.

Ex causa emptoris &c. pretium consequi potest] *l. planè. 34. §. quod si. 7. de legat. 1. add. l. si à substituto. 45. l. hujusmodi. 84. §. qui servum. 5. cod. tit. & quidem si rem totam emit, aliove oneroso titulo acquisivit; pretium totius; si non totam sed partem, pretium partis, quam emit, consequetur, d. l. non quocumque. 82. §. 3.*

Duas causas lucrativas in eundem hominem & eandem rem] Definitio generalis, cui locus est non tantum, si ex causa legati aut fideicommissi res debeatur, *l. si servus. 108. §. Stichum. 4. de legat. 1. l. Marini. 66. §. 1. de legat. 2. l. nuda. 21. §. 1. de legat. 3.* sed etiam si ex aliis causis similiter lucrativis, *d. l. omnes. 17. de obl. & ass. l. inter stipulantes. 83. §. si rem. 6. de verb. obl. l. in perpetuum. 61. de solut.* Est enim duarum lucrativarum causarum circa eandem rem & personam concursus species liberationis, *d. l. omnes. 17. de obl. & ass.* quæ ut ego existimo, referenda est ad eas causas, in quibus res incidit in eum casum, unde incipere non potuit, *§. 2. infr. de inut. stip.* Cum enim res, quæ ex lucrativa causa debetur, ad creditorem pervenit ex alia causa lucrativa, coepit res ejus esse, ut jam amplius ejus fieri non possit, *§. sic itaque. 14. inf. de ass.* Dices, idem contingere, si res ad creditorem pervenit ex causa onerosa: cur igitur pariter hoc casu non accidit, ut alius liberetur, qui eandem rem ex causa lucrativa debet? Nimirum quia cum ex causa onerosa creditor rem nactus est, licet domini jure non minus quam si ex causa lucrativa nactus esset, rem habeat; emolumento tamen non videtur habere, eoque nec ad eum pervenisse secundum veterum doctrinam, qui sic definiunt, rem abesse videri ei, cui pretium abest, *l. Labeo. 14. de verb. sign.* Porro locus est propositæ regulæ, si certa res sit aut species, quæ debeatur; nam si certa quantitas aut summa bis, verbi causa, legata sit, non potest dici eandem rem deberi, *l. planè. 34. §. 3. de legat. 1. l. Titia. 87. de legat. 2.*

Transit in Institut.

quamvis, si ab eodem, multiplicatio legati non præsumatur, *d. l. si planè. 34. §. 3.* Exigit regula, ut ea species ad creditorem pervenerit, *d. l. omnes. 17. de obl. & ass.* quæ verba cum effectu accipienda sunt, si sic pervenerit, ut sic mansura: alioqui si in ea causa sit, ut avocari possit, aut ea lege legata, ut alteri restitueretur, definitio locum non habet, *l. non quocumque. 82. in pr. & §. 1. de legat. 1. l. in perpetuum. 61. de solut. fac. l. aliud. 71. de verb. sign.*

Si ex duobus testamentis eadem res] Ait duobus, id est, duorum testamentis. Nam si eadem res eidem sæpius legatur eodem testamento, amplius quam semel peti non potest, sufficitque, vel rem consequi vel rei æstimationem, *l. planè. 34. §. 1. de legat. 1.* Quippe sæpius idem legando non ampliat testator legatum, *l. si alii. 42. de usufr.* nec tam legasse sæpius, quam sæpius locutus creditur, *l. Marini. 66. §. eum. 5. de legat. 2. l. si tibi. 86. §. 1. de legat. 1.* nisi manifestè constet ampliandi legati causa sæpius legasse; ut in hac specie: Dupò quis scripsit hæredes, & damnavit unumquemque solidum legatario præstare; hic idem esse responsum est, atque si duobus testamentis legatum esset, *l. quid ergo. 53. §. 2. de legat. 1.* Ait eadem res, id est, eadem species, idem corpus; nam si eadem quantitas eidem duorum testamentis relicta sit, puta centum aurei, solidum legatum ex utriusque testamento peti potest: quamvis si in eodem testamento non aliter placeat legatum sæpius præstandum, quam si legatarius doceat testatorem multiplicare summam voluisse: præsumitur enim potius repetiisse legatum, quam voluisse multiplicare, *d. l. planè. 34. §. 3.* nisi forte diversis scripturis legaverit, puta testamento & codicillis: tunc enim nisi hæres contrarium ostendat, legatum duplicatum præsumitur, *l. 12. de probat.* & ibi Gloss. & comm. DD. Duar. ad *d. l. planè.* ubi occurrit argumentis Zassii hanc distinctionem impugnantis: aut si variaverit testator modum legandi in quantitate vel qualitate, conditione, tempore, loco, vel causa: nam & tunc ampliassse legatum creditur, nisi contrarium doceatur, per *l. cum centum. 9. de adm. leg. Bald. Castr. Raphael. Ias. in d. l. planè. §. 1. Gomez. 1. resol. 12. n. 38.*

Utrum rem, an æstimationem] Igitur quod scriptum est in *d. l. planè. 34. §. 1.* Si duorum testamentis mihi eadem res legata sit, bis petere me posse, ut ex altero testamento rem consequar, ex altero æstimationem, id cum distinctione accipiendum est, ut si prius æstimationem ex altero consecutus sim, ex altero rem adhuc petere possim: non autem, ut possim de æstimatione agere, si rem antea consecutus fuero: eoque jure utimur, Grot. 2. *manuduct. 22.* Non obstat huic distinctioni *l. hujusmodi. 84. §. 2. de legat. 1.* ubi per exceptionem repelli dicitur, qui pretium rei legatæ accepit. Nam in specie *d. l. hæres Titius id*

Hh 3

dumtaxat legasse intelligitur, quod ipse in re legata habuit, videlicet jus per biennium retinendi, ut eo legato nihil præter commodum representationis contineatur. Rationem propositæ distinctionis suppeditat *l. tantum. 88. de verb. sign.* ubi docet Jurisconsultus, cum, qui rem habet, & æstimationem habere intelligitur, contra qui æstimationem habet, non videri habere rem ipsam: re enim æstimationem contineri, æstimatione rem non contineri: ut proinde si is, qui rem habet, æstimationem petat, id petere intelligatur, quod jam habet: qui æstimationem adeptus est, si rem petat, id petere, quod non habet. Ad hæc etiam affectio ad rem esse potest supra æstimationem, *l. si in emptorem. 35. de minorib.*

T E X T U S.

De his quæ non sunt in rerum natura.

7. Ea quoque res, quæ in rerum natura non est, recte legatur, veluti fructus, qui in illo fundo nati erunt; aut quæ ex illa ancilla natum erit.

C O M M E N T A R I U S.

1. Purumne sit legatum, de quo hic agitur, an conditionale? & plenius num. 2.

Q Uæ in rerum natura non sunt nec actu nec potentia, frustra & inutiliter legantur, veluti si hippocentaurus legatur, aut homo, qui mortuus sit; quemadmodum & stipulatio harum rerum inutilis est, *§. 1. inf. de inst. stip. fac. l. servus. 108. §. qui quinque. 10. de legat. 1.* Quod verò in rerum natura nunc quidem non est, sed futurum est, aut futurum speratur, legari potest, licet fieri possit, ut actu in rerum natura nunquam existat: veluti si fructus legentur, qui in fundo Tusculano nascentur, vel quod ex Arescusa natum erit, aut insula in flumine nascitura, *l. quod in rerum. 24. in pr. de legat. 1. l. etiam ea. 17. de legat. 3. l. 1. §. ult. de cond. & dem.* Cujusmodi tamen rerum legatum olim per damnationem tantum relinqui potuisse docet *Cajus lib. 2. inf. de legat. §. 3.* De eo quaeritur, 1. purumne sit hujusmodi legatum, an conditionale? Dicendum est pro puro haberi, quoad transmissionem; pro conditionali, quoad obligationem: cum *Gloss. & DD. comm. ad l. cum illud. 25. §. 1. quand. dies legat. eod. ced. Gomez. 1. ref. 12. n. 24.* quod mox perfectius intelligitur.

Fructus, qui in illo fundo Ille casus huc non pertinet, quando quis simpliciter legat certam quantitatem frumenti, vini, aut olei; quæ omnino præstanda est: sed quando legantur fructus aut certa quantitas fructuum, qui nati erunt in hoc vel illo fundo; puta hoc modo, *fructus qui nascentur in fundo Tusculano, heres datus, vel sic expressa certa quantitate, census amphoras vini ex eo, quod natum erit in fundo*

Semproniano, heredem meum dare iubes, d. l. quod in rerum. 24. de legat. 1. l. §. de inst. 71. leg. Ex his autem legatis, si nihil natum sit, nihil debetur; si non tantum quantum legatum, non amplius debetur, quam quantum natum est, proinde quasi testator per modum taxationis legasset, *si hoc vel tantum natum fuerit, d. l. §. de inst. leg. l. 8. §. 2. de legat. 2.* Et hoc est, quod Pomponius significat, cum ait, inesse hujusmodi legatis conditionem, *l. 1. §. ult. de cond. & dem.* ex natura nimirum ipsius rei, *l. interdum. 73. in pr. de verb. obl. extrinsecus,* non ex testamento venientem. Hujusmodi autem generis conditiones, cum non impediunt, quominus dies legati à morte testatoris cedat, mortuoque, licet nondum natis fructibus, legatario, spes legati transmittatur ad heredem, *l. cum illud. 25. §. ult. junct. l. 6. §. 1. quand. dies leg.* inde dictum est, tales conditiones non facere legata conditionalia, *l. condiciones. 99. de cond. & dem.* quia nimirum præcipuus hic est legatorum conditionalium effectus, ut non transmittantur pendente conditione, *l. 4. l. 5. §. 2. quand. dies leg.* Non obstat *l. cum ea. 16. eod. tit.* loquitur enim de legato alternativo & tali specie, in qua duplex est dubium, & quid nasciturum, & quid hæres electurus sit, nondum autem edito partu, electionis locus non est. Utique verò legatum futurorum fructuum, earumque rerum, quæ postea nascentur, pro conditionali hætenus habentur, ut nulla eo nomine obligatio aut actio esse intelligatur, antequam res nate sint, & tunc demum actio incipiat, cum per rerum naturam præstari possunt, *d. l. interdum. 73. de verb. obl.* Obiter & illud hic monendus est, non pertinere huc legatum certæ quantitatis fructuum, etiam si fundus adjectus sit, non taxationis, sed demonstrationis causa, eoque casu integrum legatum deberi, etsi ex fundo adjecto tantum percipi non possit, *l. Lucius. 12. de alim. leg. 1. l. Paula. 27. §. ult. de legat. 3.*

T E X T U S.

De eadem re duobus legata.

8. Si eadem res duobus legata sit, sive conjunctim, sive disjunctim, si ambo perveniunt ad legatum, scinditur inter eos legatum, si alter deficiat, quia aut spreverit legatum, aut vivo testatore decesserit, vel alio quoquo modo defecerit, totum ad collegatarium pertinet. Conjunctim autem legatur, veluti si quis dicat, Titio & Sejo hominem Stichum do, lego, Disjunctim ita, Titio hominem Stichum do lego: Sejo hominem Stichum do, lego. Sed & si expresserit eundem hominem Stichum, æque disjunctim legatum intelligitur.

No-

NOTA.

8. Si aliter deficiat, totum ad collegatarium] Si plures sint vel conjuncti vel disjuncti, pars deficiens omnibus accrescit ex æquo. Si permixti conjuncti & disjuncti, conjuncti in parte conjunctorum ceteris anteferuntur, disjunctorum partes accrescunt omnibus, sic tamen, ut conjuncti unius personæ potestate fungantur, l. 34. ad l. 1. l. 89. l. 3. l. un. §. 10. C. de cad. toll. Conjunctis autem accrescit cum onere, disjunctis sine onere: illis non nisi volentibus, his etiam invitis; d. l. un. §. 11.

Tertio & Sexto huiusmodi Stichum do, lego] Hic re & verbis conjuncti dicuntur, l. 142. de verb. signif. Quod si testator adjecerit, æquis partibus, tum verbis conjuncti erunt duntaxat, d. l. 142. d. l. 89. inter quos tamen & ipsos juri accrescendi locus, ut evincit d. l. 89. nam jus prælationis, quod illic eis tribuitur, necessario præsupponit jus accrescendi.

Disjunctim] Separatim, pluribus orationibus. Sunt tamen & hi conjuncti respectu rei, ad quam vocantur: unde & re conjuncti dicuntur; triplex enim conjunctio est, d. l. 142. d. l. 89.

COMMENTARIUS.

1 Quid sit jus accrescendi?

2 In hereditatibus id jus valere ex necessitate: unde ea necessitas, & quis ejus effectus?

3 Deficientium heredum portiones quibus pro qua parte accrescant?

4 Valere idem jus & in legatis, sed ex sola præsumpta voluntate testatoris: unde dissimilia effectus, & quæ?

5 Retius inter genera legatorum circa jus accrescendi differentia.

6 Locus accrescendi locum non esse, nisi inter conjunctos: & genera conjunctorum exposita.

7 Qui hic & passim disjuncti dicuntur, eos & ipsos verò conjunctos esse. & n. 10.

8 Quibus pro quatra parte defecta pars collegataria accrescat?

9 Inter legatariorum diversarum rerum jus accrescendi non esse.

10 Singulis tam conjunctorum, quam disjunctorum diversa consideratione, rectè & solum haberi dici & partes.

11 Quid sit partes ab initio facere, notat Gouffredo & Goveano?

12 Locus Vlpiani in l. planè 34. §. si conjunctim. 9. de legat. 1. exposuit, rejecta interpretatione Ant. Fabri.

13 An partem facias, qui è conjunctis tempore testamenti mortuus est, aut incapax?

14 An conjuncti post obitum testatoris mortui portio conjunctio accrescat?

15 An inter verbis conjunctos jus accrescendi locum habeat?

16 Quibus argumentis probari videatur, verbis

conjunctos re conjunctos non esse: quibus item contra?

17 Communis sententia, quod etiam inter verbis conjunctos jus accrescendi valeat, plenissima defensio.

18 Quid hic juris apud nos, & quid in legato alimentorum?

Tangitur hic disputatio de jure accrescendi, quæ nulla in toto jure nostro creditur esse vel subtilior, vel perplexior. Jus accrescendi est, quo deficientium heredum ejusdem hereditatis, aut collegatariorum ejusdem rei portiones adjiciuntur iis, qui suam portionem agnoverunt. Appellatione heredum & bonorum possessores intelligimus, l. 3. §. ult. de bon. poss. junct. l. hereditatis. 38. de verb. signif. & l. 2. d. ult. de bon. poss. & eos quoque, quibus ex fideicommissis restituta est hereditas, l. Papin. 43. cum l. seq. §. 1. l. antepen. ad Trebell. l. si totam. 83. de acq. her. Gomez. 1. resol. 1. n. 19. Appellatione legatariorum etiam fideicommissarios singulares & donatarios mortis causa, l. ult. §. n. C. de cad. toll. Valet hoc jus in hereditatibus ex necessitate. Necessitas nascitur ex duobus juris principiis: unum hoc est, Neminem hereditatis sibi delata partem semel quasitam repudiare posse, l. 4. C. de rep. her. Alterum, Neminem ejusdem hereditatis, quæ alium heredem non habet, partem habere posse, partem repudiare, l. 1. & l. 2. de acq. her. l. quidam. 10. C. de jur. del. l. un. §. his ita. 10. C. de cad. toll. Quia nec ipsum testatorem hoc jus in heredibus prohibere posse, demonstravimus sup. in §. hereditas. 9. de her. insti. Si verò non prohibuerit, interpretatione juris etiam quasi ex voluntate ejus inducitur tamquam ex tacita substitutione, l. si Titia. 61. §. 1. de legat. 2. Vid. Osse. Hille in not. ad Don. lib. 7. c. 12. & 26. Ergo qui ex aliqua parte heres extitit, sive ex testamento sive ab intestato, ei invito etiam & ignoranti deficientium portiones accrescunt, l. heredi. 31. l. qui ex duobus. 53. §. 1. de acq. hered. l. 9. de suis & leg. her. & accrescunt semper cura suo onere, aris scilicet alieni & legatorum, d. l. un. §. his ita. 10. C. de cad. toll. Si plures sint, qui portionem suam agnoverunt, defectæ partes accrescunt omnibus, qui agnoverunt, si omnes conjuncti aut disjuncti sint: si promiscuè conjunctim disjunctimque instituti, aut ab intestato vocati, deficientis disjuncti portio omnibus, conjuncti solis conjunctis accrescit ex tacita voluntate testatoris aut legis. Accrescit verò singulis non ex æquo, sed pro portionibus hereditariis: & in distributione, si permixtim instituti sint disjuncti & conjuncti, placeat, conjunctos unius potestate personæungi, ut non plus universi auferant, quam singuli disjuncti, l. planè. 34. in pr. de legat. 1. d. l. un. §. his ita. 10. Eademque ratio est heredum legitimorum, cum alii conjunctim seu no-

H h 4 mine

mine colectivo, alii separatim vocantur: quod fit, cum quidam in stirpes, alii in capita veniunt, ut filii & nepotes, §. cum filius. 6. inf. de her. que ab int. fratres & fratrum filii, Nov. 118. §. 3. Valet idem jus & in legatis inter collegatarios ejusdem rei; verum effectu non nihil dissimili: namque in legatis locum habet non ex necessitate aliqua aut dispositione juris, sed ex sola præsumpta voluntate testatoris eandem rem pluribus legantis: quippe quos singulos partem quidem habere velle intelligitur, & legatum scindi, si concurrant: si vero non concurrant, solidum, postposito hærede. Proinde & inter collegatarios ejusdem rei prohiberi accretio potest, & si singulis res singula relictae sunt, uno deficiente, portio ejus non accrescit collegatariis, sed in hæreditate manet, augetque jus hæredis, cui & ab initio relinqui potuisset, l. hujusmodi. 84. §. pen. de legat. 1. Deinde cum deficientis hæredis portio nem coheredes etiam invitus & cum onere semper accipit, collegatarius ut plurimum nec invitus, nec semper cum onere partem accipit deficientis collegatarii. In quo hæc distinctio Justiniano probata videtur, ut siquidem conjunctim eadem res duobus legata est, portio deficienti tantum, sed cum onere accrescat; si separatim, invito quidem, sed sine onere, l. un. §. ubi. 11. C. de cad. toll. Ratio est, quia cum conjunctio ex persona deficientis portio defecta deferatur, potest eam non admittere, quoniam deficientis potuit ea autem admissa, etiam onus ei adjunctum subire debet, arg. l. qui in jus. 127. de reg. jur. Utrumque contra in disjuncto, quia ex sua ipsius persona solidum habet, suumque magis non diminutum retinet, quam consequitur alienum, ut huic potius non deascere, quam portio deficientis accrescere videatur; sic enim Justinianus disputat in d. l. un. §. ubi. 11. res. in vero. & facit l. 4. de legat. 2. add. Gomez. 1. resol. 10. nu. 42. Bart. & comm. DD. in d. l. un. & in l. re conjuncti. 89. de legat. 3. Duar. 1. de jur. accresc. 11. Jure veteri fuit in hac questione nonnulla in legatis ipsis differentia: nam si conjunctim eadem res per vindicationem legata fuerat, pars deficiens accrescebat; si per damnationem, manebat penes hæredem: at utroque casu post legem Juliam Papiam fiebat caduca. Si disjunctim, singulis solidum debebatur, sed in legato vindicationis concursu partes fiebant, & altero non concurrente totum collegatarius auferbat, si jure accrescendi sive non decrescendi: in legato damnationis unus rem, alter pretium rei ab hærede percipiebat, ut in hoc genere legati nullo casu locus pateret juri accrescendi testes Ulp. tit. 14. Cajus lib. 2. tit. 5. atque ex parte Justinianus d. l. un. §. ubi. 11. Hæc differentia est novo jure una cum caducis sublata est, & jus accrescendi admissum inter omnes, quibus eadem res quocumque genere legati & quocumque modo relicta; ideo tamen notanda fuit,

quia passim vestigia ejus adhuc apparent in responsis veterum, quæ non satis accurate ad normam novi juris à Compilatoribus descripta sunt: quod est maxime, quod hanc questionem tam perplexam facit. VINN. Nec tamen in universum per legem Papiam sublatum jus accrescendi, quod visum Est. Merill. Par. Cujac. lib. 1. cap. 39. Noluit enim, si post apertas tabulas aliquid deficeret: valuit si collegatarius haberet liberos: valuit in usufructu, aliisque casibus, de quibus Jan. à Costa ad §. ut. Inst. de Scio. Orphis. & Jac. Gothofr. ad L. Jul. & Pap. Caduc. c. 29. HEIN. Porro autem cum non nisi inter conjunctos (nam & disjuncti qui dicuntur, ratione rei conjuncti sunt) locus sit juri accrescendi, nec olim etiam fueris, inde nata questio de conjunctis eorumque differentia, quem locum tractat Paul. l. triplici. 142. de verb. sign. & l. re conjuncti. 89. de legat. 3. ex cuius disputatione discimus, conjunctos generaliter dicimus, qui ad eandem hæreditatem aut rem vocantur, siue uno sermone siue diversis; & in proposito quibus eadem res ab eodem testatore legata est. Cæterum hoc solos, non alios, ac proinde nec eos, quibus res diverse, quamvis una ratione, l. hujusmodi. 84. §. pen. de legat. 1. nec quibus res eadem à diversis testatoribus, l. si sub conditione. 16. quib. mod. usufr. am. nec quibus separatim partes ejusdem rei legatæ sunt, l. 1. in fin. pr. de usufr. accresc. jus conjunctionis aut accrescendi habere. Cæterum licet conjuncti omnes conjuncti sint in eadem rem, ex verborum tamen forma & conceptione dividuntur d. l. triplici. 142. & d. l. re conjuncti. 89. in tres species, ut alii dicantur re conjuncti tantum, quorum scilicet singuli separatim, seu diversis orationibus ad eandem hæreditatem aut rem vocantur, ut Titius hæres esto; Sejus hæres esto. Titio fundum Tusculanum do lego; Sejo fundum Tusculanum, aut eundem fundum do lego; alii re & verbis simul, quos scilicet & nominum & rei complexus jungit, ut, Titius & Sejus hæredes sunt. Titio & Sejo fundum Tusculanum do lego; alii denique verbis tantum, qui eadem oratione ad eandem successionem aut rem vocantur, additis his verbis, aquis partibus; veluti, Titius & Sejus hæredes sunt aquis partibus. Titio & Sejo fundum illum aquis partibus do lego. Hæc divisio primum eo comparata est, ut intelligamus in omni specie harum conjunctionum jus accrescendi valere: nam ubi jus conjunctionis est, ibi jus est accrescendi, & contra, l. si sub conditione. 16. quib. mod. usufr. am. nec disputatio de conjunctis ob alium finem instituta est, quam ut sciremus, inter eos, qui conjuncti sunt, jus accrescendi esse, inter alios non esse, quamvis sint, qui verbis conjunctos excludant, de quo plenius postea. Deinde ex ea quoque discimus, omnes conjunctos non æquè conjunctos esse, sed alios aliis conjunctiores: & nimirum eos, quos etiam oratio conjungit, magis conjunctos, quam quos conjungit res

tantum, oratio separat: unde est, quod hi cum illis comparati disjuncti passim appellantur; illi soli conjuncti, *l. planè. 34. in pr. de legat. 1. l. heredes. 63. de her. inst. l. un. §. 10. & seq. C. de cad. toll. & apud Ulp. & Cai.* Etque arctioris hujus conjunctionis effectus insignis in eo, quod utroque modo conjuncti in portione deficientis potiores habeantur & oratione separatos excludant, *d. l. re conjuncti. 89. de legat. 3. d. l. heredes. 63. de her. inst. d. l. un. §. his ita. 10. vers. fin. verò.* ubi etiam hujus rei ratio affertur. Planè si testator plures una oratione comprehenderit, non eo animo, ut eos conjungeret, quod plerumque fit, sed brevitatis studio celerius loquens, deque eo constet, tum si quis ex his defecerit, ceteri non plus in hujus portione juris habebunt, quam alii, qui aperte oratione sejuncti sunt, *l. si quis. 66. de her. inst.* Quicquid autem & hic accrescit, nulli accrescit, nisi qui portionem suam agnovit; si plures agnoverint, singulis accrescit pro virilibus & æquis portionibus, quemadmodum & ab initio omnibus in casum concursus æquæ & viriles partes datæ intelliguntur, *d. l. un. §. ubi autem. 11. l. legata. 19. §. ult. l. servum. 67. §. 1. de legat. 1.* Si conjuncti & disjuncti commixti sint, conjuncti in divisione unius personæ vicem sustinent, nihilo plus ut accipiant omnes, quam unus ex disjunctis, *l. planè. 14. in pr. d. l. un. §. his ita. 10.* Exempla jam sibi quisque sine negotio formare poterit. In accretione usufructus quædam sunt peculiaria, quæ à nobis notata sunt sub §. ult. sup. de usufr. Attingi strictim pleraque omnia, quæ in hac materia visa sunt cognita maximè necessaria, quibusque perceptis res tota utcumque, intelligi, & de plerisque controversiis judicari poterit; nonnulla etiam latius declarabo inferius.

Eadem res] Quod obiter antea tetigimus, hic prolixius explicandum est, nimirum non esse jus accrescendi, nisi ad eandem rem plures vocati sint, aut, quemadmodum hic dicitur, nisi eadem res pluribus legata sit; inter diversarum rerum legatarios non esse, siue singulis legetur separatim, puta hoc modo, *Tizio Stichum do lego: Marcio Pamphilum do lego*, siue etiam una oratione conjunctim, ut, *Tizio, & Marcio singulos servos do lego*, *l. hujusmodi. 84. §. pen. de legat. 1.* Sed et si singulis partes ejusdem rei legatas proponas hoc pacto: *Marcio fundi illius partem dimidiam, Sejo partem dimidiam do lego*, non intelligitur res eadem legata, sed altera atque altera, & diversæ singulis; ac proinde cessat jus accrescendi, unoque deficiente pars ejus non ad collegatarium, sed ad hæredem pertinet, *l. 1. in fin. pr. de usufr. accr.* Non enim quia partes istæ indivisæ sunt & inter se confusæ, eo minus sunt divisæ, quarum una sit unius, altera alterius, *l. §. de stip. serv.* Neque obstat, quod ex duobus hæredibus, quorum unus institutus sit ex parte dimidia, alter ex altera dimidia, uno deficiente pars ejus accrescit alteri, qui ex sua parte hæres exiit: quoniam conditio hæreditatis non patitur, ut qui solus sit hæres, ejusdem hæreditatis partem habere possit, partem non habere, *l.*

1. l. 2. de acqu. her. l. un. §. his ita. 10. C. de cad. toll. At nihil prohibet, ejusdem fundi partem dimidiam alicui legari, ut altera dimidia remaneat apud hæredem. Illud frustra objicitur, quod nemini concessum est ejusdem rei sibi legatæ partem vellet, partem nolle, *l. 4. de legat. 2.* Nam in proposito cum pars tantum singulis legata sit, qui partem suam agnoscit, totum quod sibi legatum est, agnoscit: quod si partem tantum partis suæ amplecti vellet, & reliquum repudiare, hic ei obstareretur juris ista ratio. Sed et si duobus res eadem & solida conjunctim legata sit, potest nihilominus deficientis portio repudiari, *d. l. un. §. ubi autem. 11.* Hoc igitur ratum sit, necesse esse, ut iis, inter quos jus accrescendi esse volumus, una atque eadem res legata sit, & quidem solida singulis; hoc enim est, quod Ulpianus ex Celsi sententia refert, toties jus esse accrescendi, quoties ex duobus, qui in solidum habuerunt, concursu res diversa est, *l. 3. in pr. de usufr. accr.*

Sive conjunctim sive disjunctim] Conjunctim legari dicitur, quando una oratione una eademque res pluribus legatur: disjunctim seu separatim, quando singulis orationibus singuli ad eandem rem vocantur: ut hic sint plures enuntiationes, illic una copulata, *d. l. un. §. his ita. 10. & §. seq. l. 1. §. 3. de usufr. accr. l. si pluribus. 33. de legat. 1.* indeque est, quod alii conjuncti, alii disjuncti passim dicuntur. Ceterum conjunctio hæc & disjunctio ex verbis potius quam ex re æstimatur, ¹⁰ cujus respectu omnes conjuncti sunt, quibus res eadem legata, licet disjunctim: & hi sunt, qui in specie re conjuncti appellantur, *l. si pluri. 142. de verb. sign. l. re conjuncti. 89. de legat. 3.* quod & supra notatum est, & simul observata nonnullæ inter hæc genera differentie, cum de onere partis accrescentis quaeritur, itemque de prærogativa & partibus faciendis, cum permixti sunt.

Scinditur inter eos legatum] Hoc alibi sic dicitur, concursu partes faciunt, aut concursu partes habent, *l. 3. de usufr. accr. l. planè. 34. §. sed si. 10. de legat. 1. l. conjunctim. 80. de legat. 3. l. 7. C. de legat.* Estque hoc certissimum argumentum, in utroque hoc genere legati, hoc est, siue conjunctim, siue disjunctim eadem res duobus legata sit, non partes ab initio factas, sed solidum singulis relatum intelligi. Quod tamen cum dicimus, non hoc significamus, singulos simpliciter habere solidum, aut unumquemque solidum petere posse; non expectato casu, quo alter deficiat; aut alterum rent, alterum æstimationem consequi; quod olim in una specie legati per damnationem inter disjunctos obtinebat, hodie non obtinet, nisi manifestissimum sit ex scriptura, testatorem solidum ad utrumque pervenire voluisse, *l. un. §. ubi autem. 11. C. de cad. toll. l. si pluribus. 33. de legat. 1.* quo in loco valde conspicua sunt emblemata Tribonianæ: sed habere solidum, considerato eventus alterius deficientis: idque ex voluntate testatoris. Omnino enim credibile est, testatorem ad hunc eventum respexisse, atque ideo re communxisse singulos, seu singulis eandem rem legasse, ut altero deficiente alter in solidum eam haberet,

omn

cum absque eo foret, ut pars deficientis rediret ad heredem. Contrario autem respectu, si nimirum consideramus casum utriusque concurrentis, partes habere recte dicuntur: easque etiam in hunc eventum habent ex voluntate testatoris, quæ hic manifesta est, cum utroque concurrente, quod utrique futurum speravit testator, totum singuli habere non possint. Licet autem diversa consideratione & totum & partes singuli habere videantur, tamen totum habere passim dicuntur ad differentiam eorum; qui simpliciter & omnimodo partes habent, nec eas demum concursu faciunt; quales sunt, quibus partes tantum ab initio assignatae. Ceterum quod tam conjunctos, quam disjunctos solidum ab initio habere dicimus, id non caret omni scrupulo. Nam contra Ulpianus d. l. plane. 34. §. si conjunctim. 9. de legat. 1. expresse scribit, si conjunctim res legetur, partes ab initio fieri; nec solum partem facere eos, in quorum persona constitit legatum, verum eos quoque, quorum in persona non constitit. Hunc locum ob stare non putant, qui non intelligunt quid sit partem ab initio facere. Quod tamen nimis obscurum est. D. Gothofredus in notis ad d. §. si conjunctim. 9. scribit, partem facere, non quorum persona in divisione partem accipiunt, sed cum ejus, qui deficit, aut incapax est, pars conjuncto accrescit, contra manifestam d. §. sententiam & perpetuum usum juris auctorum, quibus partem facere est facere, ut quis partem tantum habeat in eo, quod totum habiturus esset, si solus esset, aut impedire, ne totum ad alterum pertineat, ut constat ex l. 8. §. quoniam. 8. l. qui repudiantis. 77. de inoff. test. l. 7. de reb. dub. l. hujusmodi. 84. §. si Titio. 8. de legat. 1. cum simil. Et igitur perspicue etiam errat Goveanus, qui lib. de jur. accer. n. 6. §. 7. scribit, eos qui partes faciunt ab initio, partes non habere. Ut autem jus accrescendi excludatur, necesse esse partes ab initio habere legatarios. Facere autem ab initio partes eos dici, non quia pro parte ab utroque legatum vindicetur; sed quia utroque solidum vindicante res inter eos scinditur. Tot errores, & errores conspicui, quot pæne dixerim verba. Nam primo qui partes ab initio non habent, in his dici non potest, partes ab initio fieri, sed tantum concursu; quæ perpetuo inter se opponuntur. Deinde quid aliud est partes habere ab initio, quam partes ab initio fieri? Utroque enim significatur, alterum hoc casu solidum habere nunquam posse, seu quod idem est, juri accrescendi non esse locum: & quamvis qui partem facere dicitur, non concurrat, aut concurrere non possit, certissimo tamen jure perinde habetur, ac si concurrisset, suamque partem abstulisset. Confundit Goveanus & proinde habet, siue dicas partes ab initio fieri, siue partes fieri concursu: quod in tanto viro vix ferre possum. Postremo illud quoque falsum est, posse in concursu vel singulos conjunctos solidum vindicare, vel unum eorum, quamdiu alter adhuc concurrere potest. Non enim amplius vindicare licet, quam d. latum est: ac in eventum, quo uter-

que concurrat, singulis non solidum, sed partes relicte intelliguntur, quod pluribus confirmat Ant. Faber. decad. 49. err. 9. Quamobrem miror, si D. Svanemburgium locum hunc Goveani notatum tam dignum existimasse, ut eum integrum verbis Goveani describeret cap. 8. tract. de jur. accrescend. Quid ergo respondemus ad d. locum Ulpiani in l. plane. 34. §. si conjunctim. 9. de legat. 1. ubi tam disertè Jurisconsultus ait conjunctis partes ab initio fieri Ant. Faber. id, quod generaliter Jurisconsultus definit de conjunctis, restringit ad verba conjunctos tantum, qui effectum ne conjuncti quidem, si Fabro credimus, in hac disputatione habeantur. Sed perperam, meo quidem iudicio. Rectius autem locus ille refertur ad legata per damnationem, aut potius ad legem Julianam Papiam & jus caducorum; ut adeo dicamus, de iis ibi agi, qui vel ante mortem testatoris vel ante apertas tabulas defecerunt, quibus quod adscriptum erat, caducum fiebat, ut in favorem ficti hi partes facerent, quæ alioqui vel in hereditate mansissent, vel accrevissent conjuncto; nam ex lege Julia Papiæ conjunctis nihil accrescebat nisi post diem legati cedente (cedebant autem demum ab apertura tabularum) legatarius decessisset, aut tempore facti testamenti non fuisset in rerum natura, cui quod relictum erat, pro non scripto habebatur, l. unica. §. 1. §. siqq. C. de cad. toll. Eodem referendum, atque eodem modo explicandum, quod est in l. hujusmodi. 84. §. si à Titio. 8. de legat. 1. Plane illud concedo, disjunctis apertius atque expressius solidum ab initio assignari, quam conjunctis, utpote quibus ipsa conjunctione quodammodo partes attribui videantur; quod confiditavit Justinianus d. l. unica. §. ubi autem. 71. sed tamen nec disjunctis solidum simpliciter datum dici potest; alioqui non concursu res divideretur, sed alter rem, alter estimationem consequi deberet.

Si alter deficiat] Non potest dici deficere, in cuius persona legatum nunquam constitit veluti si quid ei datum sit, qui quo tempore testamentum condebatur, in rebus humanis non erat, puta diem suum fundus, cum id testator ignoraret: aut ei, quicumque testamenti factio non est, siue incapax, puta deportatus aut peregrinus. At igitur si alter de conjunctis aut testamenti tempore jam mortuus sit, aut capere ex testamento nequeat, partem alteri faciet, an totum ad alterum pertinebit? Et cum quidem, qui tempore testamenti non fuit in rerum natura, partem nec olim fecisset, testatur Justinianus d. l. un. §. 3. C. de cad. toll. Puto autem, & quod ei, qui capere non poterat, conjunctum cum alio relictum erat, in eadem causa fuisse, ut & hoc conjuncto totum cederet, quoniam & quæquam illud pro non scripto habebatur, arg. l. 1. C. de her. inst. quod tamen non aliter processisse, quam si alter simpliciter & omnino incapax fuerat, evincitur ex verbis d. l. plane. 34. §. si conjunctim. 9. de legat. 1. ubi Jurisconsultus ait, etiam servum proprium, cui sine libertate quid legatum est,

est, quamvis id in persona servi non consistat, conjuncto partem facere, innuens, ut paulo ante hoc interpretati sumus, in fisci favorem partem ejus ex lege Julia Papia caducam fieri.

[*Aut spreveris legatum*] Post legem Juliam Papiam si eadem res duobus conjunctim legata erat, etiam partem repudiantis caducam factam colligitur ex loco Ulpiani in *fragm. tit. 24. §. 11. & seq.* ubi scribit, partem non concurrentis conjuncti, quæ in legato vindicationis jure civili accrescebat, in legato damnationis in hereditate remanebat, ex lege Papia caducam fieri: nunc autem certum est, in utroque genere legati accrescere, atque hæcenus etiam conjunctos & disjunctos esse pares.

[*Vivo testatore decesserit, vel alio quoquo modo*] Ad illius quoque partem lex Papia pertinebat, qui è conjunctis vivo testatore decesserat, vel quolibet alio modo defecerat, puta damnatione in metallum, aut deportatione, ut ex d. loco Ulpiani manifestum est: idque quod huic relictum erat, dicebatur esse in causa caduci, d. l. un. §. 2. C. de cad. toll. sed nunc certo jure conjunctis in eandem rem accrescit sine discrimine generis legati aut modi legendi, d. l. un. §. 4. §. 10. & seq. Verum quid si unus decesserit testatore jam mortuo? Ego existimo, hoc casu nihil conjuncto accrescere; sive legem Papiam spectes, sive jus novum Justiniani. Nam aut ante apertas tabulas decessit, & pars ejus ex lege sit caduca; aut post aperturam tabularum, ex quo legati dies ex lege cedit; & hic quidem, quod ei adscriptum est, non sit caducum; jam enim ei deberi cepit: cæterum nec accrescit collegatario, sed ad heredem deficientis transmittitur, qui effectus est cessionis diei in legatis & fideicommissis, l. 5. & pass. quaud. di. leg. cod. & textus est in l. 4. in fin. pr. de alim. leg. Ex constitutione autem Justiniani, cui placuit 14 diem legatorum statim cedere à morte testatoris, effectum est, ut idem juris nunc sit etiam in parte decedentis ante aperturam tabularum, ut scilicet nec ea caduca fiat, nec tamen accrescat collegatario, sed ad heredem similiter transmittatur, quemadmodum, si solus esset, totum transmitteret, per d. l. un. §. in novissimo. 5. Non frustra igitur dixit, vivo testatore.

[*Tantum ad collegatarium pertinet*] Si plures sint, omnes autem vel conjuncti tantum, vel tantum disjuncti, pars deficientis accrescit omnibus ex æquo: si permixti conjuncti & disjuncti, conjuncti in parte conjunctorum cæteris anteferuntur; disjunctorum partes accrescunt omnibus sic ut in divisione omnes conjuncti pro una persona habentur, d. l. planè. 34. in pr. de legat. 1. l. re conjuncti. 89. de legat. 3. d. l. un. §. his ita. 10. C. de cad. toll. Quod autem conjunctis accrescit, accrescit cum onere; quod disjunctis, sine onere, d. l. un. §. ubi autem. 11. sub fin. de quibus etiam dictum superius.

[*Titio & Sejo hominem Stichum do lego*] Quod in his, quibus quid conjunctim legatur, Justinianus solidum utitur exemplo re & verbis conjun-

ctorum, id inter alia multos movet, ut neque, inter verbis tantum conjunctos esse jus accrescendi: quo in numero sunt Govean. n. 26. Horom. 6. obs. 12. Ant. Fab. 6. conj. 1. & dec. 49. err. 4. D. Svva-nemb. de jur. accresc. cap. 3. Sed sanè hoc argumentum perexiguum ad illud probandum pondus habet. Nam ut taceam, quo nihil certius & notius est, exemplis neminem uti solere ad restringendam regulam, nulla hoc loco est conjunctorum inter se oppositio; sed conjunctorum, id est, eorum omnium, quibus res eadem legatur una oratione, & disjunctorum, quibus quid legatur orationibus diversis, ut licet in exemplo proposito Titius & Sejus sint re & verbis conjuncti, tamen ut tales hic non considerentur, sed ut conjuncti simpliciter: ac proinde hic locus potius contrariam sententiam juvat, quæ etiam in sola verbalis conjunctione juri accrescendi locum tribuit. Sed tamen utra sententia verior sit, operæ pretium est penitus inquirere. Illud pro confesso habendum, atque omnino retinendum est, nullos esse conjunctos, ad quos quidem jus accrescendi pertineat, nisi qui re sint conjuncti, sive quibus relicta eadem res. Proinde neque ii, quibus res diversæ relicte sunt, quamvis una oratione pro conjunctis hic habentur, veluti si ita dixerit testator, *Titio & Mevio singulos servos do lego*: ut ut verbis conjungantur, l. hujusmodi. 84. §. pen. de legat. 1. neque ulla, id est, ne rei quidem conjunctio esse intelligitur, ubi partes tantum ejusdem rei singulis simpliciter datæ: ut proinde hoc etiam casu sine dubio jus accrescendi cesset, l. 1. in fin. pr. l. pen. de usu accresc. Hinc jam de questione proposita judicandum est. Nam si verbis tantum conjuncti, qui dicuntur in distinctione generum conjunctorum, non sint simul re conjuncti, ex superiore definitione jus accrescendi ad eos non pertinebit: contra pertinebit, si iidem re quoque conjuncti sunt; ut ecce in hoc exemplo, *Titio & Sejo fundum Tusculanum æquis partibus do lego*, constat, Titium & Sejum verbis conjunctos esse & appellari: sed jus accrescendi inter eos verborum conjunctio parere non potest, si non etiam accedat conjunctio ipsius rei. Non esse re conjunctos, ipsa appellatio statim à principio indicare videtur. Dicuntur enim verbis tantum conjuncti, l. triplici. 142. de verb. sign. item verbis conjuncti, non etiam re, l. re conjuncti. 89. de legat. 3. Idem videtur ostendere expressio partium singulis attributarum: nam ut hæc partes indivisæ sint; sunt tamen diversæ, ut dici non possint re conjuncti, aut singulis relicta eadem res. Denique non est realis conjunctio, nisi inter eos, qui solidum ex judicio defuncti habent: verbis autem conjuncti non solidum, sed partes habent, easque expressas verbis testatoris, ut proinde & partes ab initio facere, l. planè. 34. §. si conjunctim. 9. §. de legat. 1. & semper partes habere dicantur, l. re conjuncti. 89. de legat. 3. Sed his non obstantibus verius existimo, verbis conjunctos, quos hic vocamus, etiam re conjunctos esse. Etenim qui sic legat, *Titio & Sejo fundum Tusculanum do lego ex æquis partibus*, is utique utrumque con-

conjungit in eandem rem, dum simul & semel eundem fundum ambobus legat. Nec mutat hanc conjunctionem partium æqualium expressio: nam etsi hæ partes non exprimuntur, tacite tamen significantur enumeratione personarum; *l. cui fundus. 56. de cond. & dem.* Quæ autem non expressa intelliguntur, tamen si exprimantur, pro supervacuis habentur, *l. Cornelius. 69. de her. inst.* ut omnino verum sit, quod Baro ait, non aliter differre verbis conjunctos à conjunctis re & verbis, quam quod in illis partes æquæ exprimantur, in his non item: iudicio autem defuncti pariter censeri, *arg. l. 16. in fin. de legat. 1.* Sed cur igitur dicuntur verbis tantum conjuncti, conjuncti verbis, non re? Non quia verè verbis tantum conjuncti sunt, re planè disjuncti: sed quia tales videntur in comparisonem re & verbis conjunctorum, inspecta forma & conceptione verborum, quæ sola hæc genera separat, & adscriptis æquis partibus in verbis conjunctis, qui dicuntur, res diversas facere videtur; quod tamen non ita est, si rem ipsam spectamus & sententiam testatoris, cujus iudicio cum pariter ad eandem rem vocentur, pariter pro re & verbis conjunctis habendi sunt. Ex quo porro sequitur, si re & verbis conjuncti solidum ab initio ex voluntate testatoris habere intelliguntur, & solidum habere eodem modo intelligi singulos verbis conjunctorum: idque adeo verissimum esse ostendit *l. conjunctim. 80. de legat. 3.* ubi Celsus scribit, conjunctim legare, esse tota legata singulis dare, partes autem concursu fieri. Quæ definitio, cum generalis sit, dubitandum non est, eam ad verbis quoque conjunctos pertinere, & quod expressè partium in hac conjunctione testator meminit, id ex mente ejus sic à prudentibus acceptum, non quod duobus, verbi gratia, ita conjunctis, simpliciter velic singulas partes adscriptas atque in omnem eventum habere, etiam si non concurrant; sed quod cum sciret, si concurrerent ambo, quod & futurum speravit, singulos totum habere non posse, istis verbis demonstrare voluerit, quid in hunc eventum singuli habituri essent. At si unus deficiat, etiam in verbali conjunctione sic mentem testatoris acceptam, quasi in hunc casum alterum solidum habere voluerit, nec ob aliam causam ad eandem rem utrumque vocaverit, quam quod eam rem vel alterum eorum magis habere voluit, quam hæ redem suam. Sed inquis, verbis conjuncti dicuntur semper partes habere, *d. l. re conjuncti. 89.* Ergo omni casu habent, & ab initio & ex postfacto. Respondeo; id quoque dici ex comparisonem re & verbis conjunctorum. Nimirum Jurisconsultus eo loco, docendi gratia, distinguit verbis conjunctos à conjunctis re & verbis simul, non ex eo, quod re ipsa est, sed ex eo, quod videtur: quia verbis conjuncti partes habent externa forma verborum; re & verbis conjuncti non habent. Neque alia ratione hæc genera secerni possunt. Quod verò apud Ulpianum scriptum est, si conjunctim res legetur, partes ab initio fieri, *d. l. planè. 34. §. si conjunctim. 9. de legat. 1.* id tam

ad verbis & re simul conjunctos pertinet, quam ad conjunctos verbis tantum: ac proinde locus iste vel ad legatum damnationis referendus est, vel ad legem Juliam Papiam & jus caducarium juri & *l. hujusmodi. 84. §. si Titio. 8. cod. de legat. 2.* aperte Jurisconsultus loquitur de legato damnationis: eodemque pertinere principium *l. 16. de legat. 1.* arguit ejusdem *l. §. ult.* Concludendum igitur est, etiam inter verbis conjunctos jus accrescendi locum habere; quippe cui toties locus est, quoties res eadem duobus in solidum legata est, sic ut partes concursu habeant, sive eas habeant ex voluntate testatoris expressa, sive ex tacita, *l. 3. de usufr. accr.* Atque hæc communis est sententia, probata quoque Duareno *lib. 1. de jur. accr. c. 10.* Baroni *in comm. ad hunc §. Donello 7. comm. 13. & 8. comm. 21.* Goed. *ad l. triplici. 142. de verb. sign. num. 12.* Confirmatur hæc sententia prius 17 m. aperto textu *l. 16. §. ult. de legat. 1.* ubi non solum qui re & verbis conjunctus est, sed etiam cui virilis portio data, id est, conjunctus verbis tantum; *arg. d. l. triplici. 142.* non concurrente altero, totum vindicare dicitur. Deinde ex eo, quod verbis conjunctus etiam potior dicitur esse in hoc jure quam is, qui re tantum conjunctus est, *d. l. re conjuncti. 89. de legat. 3.* siquidem jus prælationis necessario præsupponit jus accrescendi & conjunctionem realem: & præposterum est, quod Ant. Fab. *dec. 49. err. 8. 9.* respondet, verbis conjunctos, licet per se re disjuncti sint, ex accidenti tamen & postfacto etiam re conjunctos fieri, concurrente tertio aliquo, qui illis re jungatur. Nam conjunctionem non concursus efficit, sed dispositio testatoris ad eandem rem plures vocantis, ut necesse sit, eos, quos in parte deficientis concurrere, aut aliis præferri volumus, considerari ut ab initio sententia testatoris conjunctos. Nihil pro sententia Fabri facit, quod à Javoleno responsum est, in hac specie, si testator Mævio fundi partem dimidiam, Sejo partem dimidiam, & eundem fundum Titio legaverit, Sejo deficiente, partem ejus pro portione legati non Mævio solum, sed etiam Titio accrescere, *l. Mævio. 41. in pr. de legat. 2.* Nam Mævius & Sejus in hac specie verbis conjuncti non sunt, sed conjuncti re tantum, verbis inter se separati: quod ipse Jurisconsultus expressè testatur. Ait enim, separatim & partes fundi & totum legatum esse: apparetque, legatum hoc sic à Jurisconsulto acceptum ex sententia testatoris, quasi Mævius & Sejus sint in unam dimidiam inter se conjuncti: Titius autem cum his in eandem dimidiam, quia cui totus fundus legatus est, utique & eadem dimidia legata intelligitur, cum verbo totius ambæ dimidiæ ei legatæ sint: similiter ut in usufructu conjunctos esse dicimus, quorum uni fundus, alteri usufructus ejusdem fundi legatus est, *l. si alii. 19. de usufr. leg.* quod plenius & eleganter explicat Don. in *epist. ad Alber. Gentil.* inserta opusculis Donelli posthumis. Postremo cum nullus alius conjunctionis in hac questione sit effectus, quam ut jus accrescendi conjunctus habeat, cur si verbis conjuncti

ab

ab hoc jure removendi sunt, conjunctos tamen eos, non disjunctos, appellamus? Non obstat communi sententiae, quod Celsus l. 6. Proculo. 20. de legat. 2. respondit, servo communi quod legatum est, id si alter dominorum omitteret, alteri non accrescere. Nulla enim omnino in tali legato conjunctio est, ut ipsa textus verba evincunt; & ratio est, quia partes dominicae semper pro inaequalibus habentur; fortuitumque est, quod aequales singuli habeant. At verò non est jus conjunctionis nisi inter eos, quos testator in eandem rem conjunxit aequaliter. Magis obstat videtur l. pen. de usufr. accr. ubi minime obscure Papinianus pronuntiat, re separatos videri, quibus eadem res aequis portionibus relicta est. Loquitur quidem de usufructu ejusdem rei aequis portionibus legato: sed vel magis idem obtinere debet in simili casu legata proprietate: utpote quae difficilius accrescit, quam usufructus, l. 1. §. 3. d. 111. Sed bene mihi videtur respondere Donellus, id quod in d. l. pen. dicitur de aequis portionibus, accipiendum esse non de portionibus rei, cujus usufructus relictus est, sed de portionibus singulorum haeredum, à quibus relictus est: quam interpretationem & initium d. l. pen. juvat, & planè confirmat ratio reddita ab Ulpiano in fragmento sequenti in hæc verba, cum alius ab alio haerede usufructum vindicer. Bene autem Papinian. negat, in hujusmodi specie legatarios in eandem rem conjungi, cum partes hereditariae prius divisae sint. Bachovius d. l. pen. accipit de eo casu, quo dimidia singulis separatim seu diversis orationibus relicta est: sed hoc verbis Papiniani minime convenit. In hereditate huic questioni non est locus: quippe in qua, ut initio monuimus, jus accrescendi ex dispositione juris profisciscitur, quod neminem ejusdem hereditatis, quæ alium heredem non habeat, partem habere, partem repudiare permittit: & ideo portio occupata necessario vacantem ad se trahit: quamquam illud etiam in hereditate quæri potest, ex pluribus diversis generis conjunctis quis cui præferatur. Reliqua per se quisque nunc facile expediet: plura tamen qui desiderabit, adire poterit DD. in d. l. re conjuncti. 89. Gomez. 1. ref. 10. Grass. §. jus accrescendi. Ant. Fab. dec. 49. & 50. Christin. vol. 1. dec. 312. & 2. seqq. & qui propriis tractatibus hanc materiam explicarunt, Duar. Govean. Ant. Fumatum, Jo. Suev. Corn. Svanemb. D. Grotius lib. 2. manduff. 23. scribit, apud nos in toto hoc argumento non usque adeo subtilitatem juris civilis attendi, sed ejus præcipuè rationem haberi, quod propius abesse videtur à sententia & mente testatoris: idque æstimari non ex verbis tantum & rei pretio, verum etiam ex conditione & qualitate personarum testatoris tum legatariorum. In legatis alimentorum, ut hoc obiter addam, juri accrescendi non est locus, l. 57. §. ult. de usufr. l. 16. §. 2. de alim. leg. nimirum quemadmodum in agris limitatis cessat jus alluvionis, l. 16. de acq. rer. dom. quod comparatur cum jure accrescendi, l. 33. in fin. de usufr. ita & in usufructu limitato ad

finem alimentorum jus accrescendi cessare placuit; ut rectè Cujac.

TEXTUS.

Si legatarius proprietatem fundi alieni sibi legati emerit, & usufructus ad eum pervenerit.

9. Si cui fundus alienus legatus sit, & emerit proprietatem deducto usufructu, & usufructus ad eum pervenerit, & postea ex testamento agat, rectè eum agere & fundum petere, Julianus ait: quia usufructus in petitione servitutis locum obtinet; sed officio judicis continetur, ut deducto usufructu jubeat æstimationem præstari.

NOTÆ.

9. Quia usufr. servitutis locum] Poterat objici, appellatione fundi plenam proprietatem contineri, l. 10. l. 19. de usufr. leg. l. 98. de verb. obl. R. in casu proposito eo verbo nudam dumtaxat proprietatem significari, ut usufr. intellectu à fundo separatur, & tamquam servitus consideretur: quoniam proprietas, quæ adest ex causa onerosa, adhuc abesse intelligitur, l. 14. de verb. sign. fac. l. 25. cod. junct. l. 66. de judic.

Jubeat æstimationem præstari] Judex tanti rem æstimabit, quantum actori aberit, d. l. 82. §. 2. Itaque habemus hic casum, quo condemnatio fit in rei petitiæ æstimationem: quod interdum necessarium aut humanum.

COMMENTARIUS.

- 1 Speciem hoc loco propositam pertinere ad do. Tri-
nam traditam §. 6. sup.
- 2 Quæ sit hujus loci sententia, & quæ colore defen-
datur?
- 3 Interpretum error circa ejus explanationem nota-
mus.
- 4 Ant. Fabri opinio consuetæ.
- 5 Non esse novum, ut interdum condemnatio fiat in
rei petitiæ æstimationem.

Hic locus, ut ex argumento intelligitur, sub-
jungendus potius fuerat §. si res aliena. 6. ubi dictum est, si res aliena legata ex alia causa ad legatarium pervenerit, interesse, utrum pervenerit ex causa onerosa, an ex causa icidem lucrativa: illo casu legatum non extinguì, sed posse legatarium nihilominus adione ex testamento pretium consequi; hoc casu contra, legatum penitus evanescere, eo quod duæ causæ lucrativæ in eandem rem & personam concurrere non possunt. Quod autem de toto ibi traditum est, id etiam valet in partibus, ut, si quis rei sibi legatæ partem unam ex causa onerosa, alteram ex causa lucrativa nactus sit, legatum pro ea parte extinguatur, quantum adeptus est ex causa lucrosa, pro altera consistat, & pretium ejus consequi possit.

possit, *l. non quocumque. 82. §. 3. de legat. 1.* Unde etiam si quis fundi sibi legati proprietatem emit, detractio usufructu, & usufructus postea ad eum pervenit, puta mortuo fructuario aut capite minuto, atque ita ex causa lucrativa, perinde hoc habendum, ac si pars rei ex causa onerosa, pars sine onere ad eum pervenisset. Nam et si usufructus non in parte, sed in jure consistit; tamen quia emolumentum rei continet, merito vicem partis obtinere placet, *l. Marcius. 66. §. pen. l. cum filius. 76. §. dominus. 2. de legat. 2. l. qui usufructum. 58. de verb. oblig.* Ceterum in hac specie nihilominus fundum rectè peti, nec plus quàm oportet, ea petitione contineri intelligi, tradit hic Justinianus post Julianum in *d. l. non quocumque. 82. §. 2. de legat. 1.*

2. *Rectè cum agere & fundum petere*] Rectè, idest, impune, sine metu cadendi causa; quæ poena est eorum, qui plus petendo perperam agunt, *§. si quis agens. 33. inf. de act.* Sensus igitur horum verborum est, posse legatarium agentem ex testamento cum hærede simpliciter intendere, fundum sibi dari oportere, etiamsi nudam dumtaxat proprietatem emerit, usufructum adeptus sit gratis; neque hac intentione sua plus eum complexum videri debere, quàm oporteat. Fundum inquam, ipsum, non *pari portionem*, æstimationem, ut male Theoph. & Pac. quod arguunt sequentia.

Quia usufr. in petitione servitutis locum obtinet] Poterat objici, immo perperam in casu proposito agere legatarium, ac re ipsa atque aperte plus petere, si simpliciter fundum petat; quippe appellatione fundi plenam proprietatem significari, *l. 10. l. si alij. 9. de usufr. leg. l. qui usufructum. 58. de verb. obl.* ac proinde tanto plus, quàm oportet, eam petitionem complecti, quanto pluris æstimari constat plenam proprietatem, quàm nudam, pro qua sola pretium numeravit. Huic objectioni occurrens Justinianus ait, usufructum in proposita petitione servitutis locum obtinere. Quod paulo obscurius dictum hanc sententiam habet, eum qui fundum petit, etsi regulariter plenam proprietatem petere intelligitur, tamen in casu præsentis fundi verbum sic accipi oportere, ut eo nuda tantùm proprietates designata intelligatur, seu fundus, quatenus petenti involumento abest, ut usufructus intellectu ab eo separatur, & ob id tamquam servitus in hac petitione considerari debeat, hoc est, ut nec petitus censeatur: cum & alias cum usufructus separatus est, appellatione fundi nudam proprietatem significari constet, *l. rectè. 25. de verb. sign.* Hæc interpretatio cum petitori necessaria sit, ne alioqui formula excidat, si cum plus debito intentione sua complexum dicamus, omnino hic recipienda est: quoniam in ambigua intentione id semper accipere jubemur, quod petitori utile est, *l. si quis. 66. de judic.* Scio, longè aliter hunc locum ab aliis explicari: sic enim fere ceteri existimant, quod Justinianus hic ait, legatarium rectè agere & fundum petere, id hanc ha-

bere sententiam, legatarium rectè, idest, strictè rationi juris convenienter, ac proinde sine periculo amissionis causæ, fundum petere, ut ea petitione & proprietatem & usufructum comprehendat, aut posse eum ipso jure petere solidi fundi æstimationem; & quod mox pro ratione Justinianus affert, usufructum in ea petitione locum servitutis obtinere, id sic accipiunt, quasi dixisset, quia usufructus non jure partis, sed servitutis in petitionem deducitur. Sed ego fateor, me hæc capere non posse. Neque enim intelligo, quo colore defendi possit, legatarium in proposito rationi juris convenienter agere hoc modo, *Ajo, te mihi fundum Sempronii, legatum mihi à Titio, dare oportere*; ut hæc sit formulæ illius intentio, *Ajo, te mihi dare oportere & proprietatem fundi & usufructum, aut solidi fundi æstimationem*. Sive in ea intentione consideretur usufructus ut consolidatus & conjunctus cum proprietate, sive ut à proprietate separatus & tamquam servitus. Nam si illo modo accipias, manifestum est, petitione id contineri, quod jam habet ex causa lucrativa, & ita obstare regulam juris, quæ non patitur, duas causas lucrativas circa eandem rem & personam concurrere: si hoc modo, adhuc dico, id ipsum eum petere, quod sine onere habet, licet habeat sub alia qualitate: aut si tu neges, fatendum tibi erit, peti quod legatum non est. Immo verò nego, unquam eum, qui fundum petit, posse intelligi usufructum jure servitutis petere. Quicumque enim fundum petit, eum necesse aut solidam proprietatem intelligere, *l. 5. in pr. si usufr. pet. aut nudam, l. rectè dicimus. 25. de verb. sign.* Denique non rectè in specie proposita solidum fundum aut solidi æstimationem peti, satis apertè, ut mihi videtur, probat, quod apud Julianum in *d. l. non quocumque. 82. §. 3. de legat. 1.* notat Marcellus; ait enim, si partem fundi alieni mihi legati redemero, pars mihi legata sit, aut donata idem esse, quod in specie proposita à Juliano, & ideo me partem dumtaxat petere debere. Quibus verbis non obscure innuit, nec in præcedenti specie Juliani solidum rectè peti alioqui species, quam proponit Marcellus, ut similem Juliani, longè esset dissimilis. Ant. Faber *6. cont. 8.* nec hoc quidem concedit, in casu proposito simpliciter fundum rectè peti, ut ut ea intentione nuda proprietates petita esse intelligatur: quoniam ait, nec apud Julianum, nec alibi hoc traditum, & quod meum est, amplius meum fieri non potest. Sed ut supra in §. 6. ostendimus, quod ex causa onerosa ad creditorem pervenerit, interpretatione juris perinde habetur, ac si non pervenisset, propter pretium, quod ei abest, *l. 14. de verb. sign. & refellit Fabrum l. ex promissione. 19. de obl. & act. ubi diserte* Julianus scribit, eum, qui non ex causa lucrativa rem habere cepit, non prohiberi eandem ex causa lucrativa petere: tum etiam manifestè locus Marcelli modo citatus. Nam si partem fundi, quam ex causa onerosa consecutus sum, rectè peto, cur prohibear proprietatem petere,

quæ

quæ ex tali eadem causa apud me est? Cætera, quæ eodem loco Faber adversus hanc sententiam, & adversus ipsum adeo Tribonianum disputat, assis non æstimo.

5 *Sed officio iudicis continetur, &c.* Quamvis ratio iudicii hoc exigit, ac proinde regulare sit, ut condemnatio fiat in rem ipsam, quæ petitam & in iudicium deducta est, l. ut fundus. 13. tom. div. evenit tamen nonnumquam, ut necesse sit, aut æquum & humanum, condemnationem fieri in rei petitæ æstimationem: veluti si res petita culpa debitoris aut post moram perempta sit, l. si ex legati. 23. de verb. obli. item si res aliena, quæ petitur, domino venalis non sit, aut vehalis quipem, sed immenso pretio, l. 14. §. ult. de legat. 3. vel si ea ex causa onerosa ad creditorem pervenerit, l. ex promissione. 19. de obl. & act. l. huiusmodi. 84. §. qui servum. 5. de legat. 1. §. si res. 6. sup. eod. Idemque est, si creditor partem, quam ex simili causa nactus est, petat, l. non quocunque. 82. §. 3. de legat. 1. & in casu proposito, ubi fundo alieno legato fundi proprietas, quæ ex causa onerosa apud legatarium est, petitur, d. l. non quocunque. 82. §. 2. Hic igitur iudicis officio incumbit, ut reum condemnnet, non in rem petitam, puta ut fundum præstet deducto usufructu; nam proprietatem fundi jam vera petitor habet: sed ut præstet fundi deducto usufructu æstimationem; hoc est, ut tantam pecuniam legatario det, quantum ille venditori pro fundi nuda proprietate persolvit. Julianus hoc sic expressit, *Judex tantilitem æstimabit, quantum auctori abest, d. l. non quocunque. 82. §. 2.*

TEXTUS.

De re legatarii.

10. *Sed si rem legatarii quis ei legaverit, inutile est legatum; quia quod proprium est ipsius, amplius ejus fieri non potest. Et licet alienaverit eam, non debetur, nec ipsa res, nec æstimatio ejus.*

NOTÆ.

10. *Licet alienaverit eam* Propter definitionem regulæ Catonianæ, d. l. 41. §. 2. cui obstat l. 1. §. 2. de reg. Cat. nisi dicamus verbis illis, *si cum vivo testatore alienaverit*, conditionem significari, ad cuiusmodi legatum regula non pertineat, l. 3. & 4. eod. l. 98. de cond. & dem.

COMMENTARIUS.

1 *Celsum videri à cæteris dissensisse circa casum, quo legatarius rem suam sibi legatam vivo testatore alienaverit: tentatur tamen conciliatio.*

2 *Quomodo emperandum, quod dicatur rem suam nemini esse legatam.*

Sed si Particula hæc videtur arguere, hunc §. esse appendicem disputationis habitæ in

§. præc. & §. si res aliena, §. 6. d. d. Nam ut illic tractatur de re, quæ post testamentum conditum legatarii propria facta est; ita hic de ea, quæ jam ejus est tempore scribendi testamenti. Quid servari placeat, si res quæ legatarii propria est, non ipsi legatario, sed alteri legata aut potius per fideicommissum relicta sit, docebitur *inf. §. 1. de sing. reb. per fideic. relict.* Hic illud quaeritur, an utile sit legatum, si quis legatario ipsi rem, quæ jam ejus est legaverit. At autem Justinianus, tale legatum inutile esse, propterea quod fieri non potest, ut quis duabus ex causis dominium acquirat, l. 3. §. ex pluribus. 22. de acq. poss. quæ ratione nec stipulatio rei suæ, nec emptio valet, l. nemo. 82. de verb. obli. 1. 16. de contr. empt. Idem r. scriptum est in l. proprias. 13. c. de legat. & responsum ab Ulpiano l. cætera. 4. §. 1. de legat. 1. Quamobrem nec res nec æstimatio rei in proposito peti poterit, ut est in *fin. hujus §.*

Et licet alienaverit eam Ampliatio superioris definitionis. Est is, cui res sua legata est, eam post testamentum factum & vivo etiamnam testatore alienaverit, nihilo tamen magis legatum convalescit. Quod sumptum ex definitione regulæ Catonianæ, quæ non paritur, legatum ex post facto convalescere, quod initio vires non habuit, l. 1. in pr. de reg. Caton. quæ ratio etiam in terminis redditur ab Ulp. d. l. cætera. 41. §. 2. Aliud tamen Celsi iudicium fuisse, eumque in hac questione dissensisse à cæteris, existimant Cujac. Hotom. Bachov. per d. l. 1. §. 2. ubi sic Celsus scribit: *Item si tibi legatus est fundus, qui scribendi testamenti tempore suus est, si cum vivo testatore alienaveris, legatum tibi debetur. Quod non deberetur, si testator statim decessisset.* Et sanè locus ita scriptus est, ut parum absit quin idem sentiam. Sed tamen videamus, quid obstat, quominus verba illa, *Si cum vivo testatore alienaveris*, dicamus esse testatoris, non Jurisconsulti, & postea conditionaliter. An quia tum diverso charactere scribenda fuerant, uti mos est Jurisconsultorum, quoties verba testamenti aut stipulationum recitant? At hoc negligi potuit à librario: nec perpetuo observatur, l. si stipulatus. 76. in pr. & §. 1. de verb. obli. 1. §. in honorariis. 10. de extraord. cog. 1. An quia regula Catoniana ad conditionalia non pertinet? l. 4. de reg. Cat. d. l. cætera. 41. §. de legat. aut propterea non debuerit exemplum conditionalis legati à Celso proponi tamquam exceptio regulæ, & in quo definitio Catonis falsa sit. Acqui etiam præcedens species in §. 1. d. l. eod. exemplum continet legati conditionalis, quod tamen & ipsum ab eadem regula Celsus excepit. Denique difficulter adduci possum, ut credam, in diversis Jurisconsultorum sententiis aut Ulpianum aut Celsum suam simpliciter prompt uros fuisse, quasi in re certa minimeque dubia. Sed tamen inquires, fatendum tunc erit, ineptè Celsum facere, quod excipit de regula, quod ad regulam non pertinet. Fatere igitur & tu, æquè ineptè & prius exemplum à Celso excipi. Verum ego puto, quod nescio, an quisquam alius animadvertit, Cel-

Celsum peculiari quadam ratione duas illas species, quas proponit, quasi hæc etiam verbis regulæ contineantur, excipere: quia cum conditio in utroque specie adscripta talis sit, ut deficiat, si statim testator decedat, si longiusculè vivat, impleri possit, fieri utroque casu potest, ut contra quam regula definit, legatum, quod non valuisset, si statim decessisset testator, valeat, si diutius vixerit. Ad cætera autem legata conditionalia nec verba regulæ pertinent. Cæterum meminerimus quod initio dictum est, rem suam nemini rectè legari, sic accipiendum esse, primum si ea res perfectè legatarii sit; hoc est, ita ut advocari nequeat. Nam si rem ex bonis ejus, qui reipub. causa aberat, usu acquisierim, & ea antequam evinceretur, mihi legata sit, postea evincatur, rectè ex testamento petam, eam mihi dari oportere, *l. non quocumque. 82. §. 1. de legat. 1.* Deinde si res legata legatarii sit pleno iure: nam si quid iuris in ea re aut testator aut alius habet, placet valere legatum, & utile esse in eo, quod iuri legatarii deest. Pone, emphyteusim, superficiem, aut pignus testatori aut alii in re legatarii constitutum; rectè ea legatur, & proficit legatarius legatum in eo, quod iuris alieni fuit, *l. senatus. 43. §. ult. l. si domus. 71. §. pen. l. si tibi 36. in pr. & §. ult. de legat. 1. l. 1. §. 1. de lib. leg.* Nec dubito, quin idem dicendum sit, si alius in ea re usumfructum habeat, *arg. l. cum filius. 76. §. 2. de legat. 1.* licet dissentiat Accurs. propter textum in *l. Mevius. 66. §. pen. in fin. de legat. 2.* Quo in loco vitiosè legitur propter istas causas, cum legendum sit præter, ut bene Cujac. *lib. 5. ad Afric. in l. cisi. 5. de vulg. & pup. subst.* observavit. Et nonnullis in exemplaribus legi testis est Donell. 8. *comm. 11.* In quibusdam editionibus præter in margine adscriptum vidi. Postremo si nec ea res testatori debita sit; nam debitori quod debet, rectè legatur, licet dominus eius rei sit, *l. 1. in pr. de lib. leg. vid. inf. §. si quis debitor. 13. Vinn.* Sed in dubio facile vincit lectio Florentina. Videtur hic sensus esse. Dixerat Papinianus, fundo legato etiam usumfructum rectè peti, itemque tuendum fundum, si oppignoratus sit, præstandam possessionem, si alius possideat. Ne quis autem existimaret, idem etiam locum habere, si res nostra nobis legata sit, addit; *Sin autem res mea legatur mihi, legatum propter istas causas non valabit.* Id est, uti rectè interpretatur Osyv. Hilliger. Donell. *Enucl. Lib. 8. cap. 2.* non licebit ex superioribus argumentum ducere. Et hinc assentiri non dubito Accursio. Inter pignus enim & usumfructum multum interest. Rem meam oppignoratam recipere non possum, nisi soluto ære alieno: usumfructus ad me redit, mortuo usufructuario, vel ex aliis causis. Hæm.

T E X T U S.

Si quis rem suam quasi non suam legaverit.

11. Si quis rem suam quasi alienam legaverit, valet legatum: nam plus valet quod in veritate est, quam quod in opinione. Sed & si legatarii esse putavit, valere constat: quia exitum voluntas defuncti habere potest.

N O T A E.

11. Plus valet, quod in veritate] Ratio hæc potius ad casum sequentem pertinet: nam hoc priore casu etiam verum esset, alienam rem legatam esse, tamen legatum valeret: quoniam si suam esse testator scivisset, multo facilius eam legasset, per ea, quæ sup. §. 4. cod.

C O M M E N T A R I U S.

- 1 Male ad priorem speciem huius §. accommodari regulam, Plus valere, quod in veritate, &c. & qua ratione isto casu sustineatur legatum.
- 2 Prædictam regulam pertinere ad casum posteriorem, atque eos actus tantum, in quibus error gerenti non obstat, quominus velis & possit, in quo errat. In aliis contrariam regulam probari.

Supra §. 4. audivimus, si testator rem alienam suam eam esse putans legaverit, legatum non valere, nisi singulari conjectura voluntatis adjuvetur. Quæ exceptio in exegefi posita & declarata. Quod si quis rem hæredis legaverit, quam existimabat suam esse. Papinianus docet utile esse legatum, *l. unum. 67. §. si rem. 8. de legat. 2.* Hic ex converso docemur, quid juris sit, si testator rem suam legavit quasi alienam: item quid si legavit suam, cum crederet eam esse legatarii, placere autem, utroque casu valere legatum. Et valebit igitur vel magis, si suam rem legaverit quasi hæredis, *arg. d. l. unum. 67. §. si rem. 8.*

Nam plus valet, quod in veritate, &c.] Puto rationem hanc, quod præter Bachovium nemo animadvertit, male accommodari ad hunc priorem huius §. casum, & omnino pertinere ad sequentem, cum quis rem suam quasi legatarii legavit. Nam non rectè hic dixeris, ideo valere legatum, quia contra quam opinabatur, verum est, testatorem rem suam legasse; quoniam etiam opinionem attendas, aut quod opinabatur verum esset, rem scilicet alienam esse, legatum tamen valeret. Est verò in promptu alia ratio, ob quam in proposito falsa testatoris opinio non obstat legato; nimirum quoniam, si alienam rem credens, eam nihilominus legavit, hæredemque suum onerare voluit alienæ rei redemptione, multo magis eam legaturus fuisset presumitur, si scivisset suam esse, *d. l. unum. 67. §. si rem. 8. de legat. 2.*

Sed

Sed & si legatarii esse putavit, valere constat.] Ad hunc casum rectè accommodabimus regulam, Plus valere, quod in re & veritate est, quàm quod in opinione. Nam si hic opinionem spectari placeret, nullum esset legatum, quia quod legatarii est, inutiliter ei legatur, §. præc. Est autem regula ista ex earum genere, quæ ad certos dumtaxat casus & actus pertinent: locum enim tantum in iis habet, in quibus error gerenti non obstat, quominus velit & possit id, in quo errat. Ut ecce, in casu proposito falsa testatoris opinio non impedit, quominus rem suam legare potuerit: neque etiam quominus velle eam legatam existimari debeat; nisi quis dicat, quotiescumque res sua legatario legatur, ideo legatum non valere, quia animus legandi desit: quod verum non est. Neque enim ideo tale legatum inutile, quia voluntatem legandi testator non habuit: sed quia voluntas ejus effectum sortiri non potest, cum quod alicujus jam est, id ejus amplius fieri non possit, §. præc. Hæc verò ratio cum cesset, si non legatarii, quod testator falso existimabat, sed ipsius testatoris res esse deprehendatur, cessare quoque debet ista dispositio. Quod & ipsum Justinianus non obscure significat, cum ita infert, quia exiit voluntas defuncti habere potest. Ejusdem generis exemplâ, atque ad ea eandem hanc regulam applicatâ videmus in l. 4. §. 1. de man. vind. l. pen. §. qui ignoravit. 4. de jur. & facti. ign. In iis verò actibus, qui ab animo existimantur & pendent, certumque propositum gerentis requirunt, cujusmodi sunt aditio & repudiatio hereditatis, contraria regula probata est, placetque, plus valere, quod est in opinione, quàm quod in veritate, l. is qui. 15. & l. seq. junct. l. qui hereditatem. 19. de acq. her. nimirum quia in his error impedit quominus fiat, quod fieri verè poterat, si quis sciret, quod in re est; ac proinde quod verum est, procedere non sinit. D. Hotomannus sic generaliter definit, in errore facti prevalere veritatem; in errore juris plus posse opinionem. Quod ego falsum esse puto. Nam etsi testator rem suam tamquam legatarii in jure errans legaverit, valebit haud dubiè legatum: è contra si in facto errans rem legatarii legaverit tamquam suam, non valebit: ut proinde & in errore juris plus interdum valeat veritas, & in errore facti plus opinio.

TEXTUS.

De alienatione & oppignoratione rei legatæ.

12. Si rem suam legaverit testator, posteaque eam alienaverit, Celsus putat, si non adimendi animo vendidit, nihilominus deberi: idemque divi Severus & Antoninus rescripserunt. Idem rescripserunt, eum, qui post testamentum factum prædia, quæ legata erant, pignori dedit, ademisse legatum non videri; & ideo legatarium Pinnius in Institut.

cum hærede ejus agere posse, ut prædia à creditore luantur. Si verò quis partem rei legatæ alienaverit, pars, quæ non est alienata, omnino debetur: pars autem alienata ita debetur, si non adimendi animo alienata sit.

NOTÆ.

12. Si non adimendi animo.] Quod colligitur ex causa alienandi: nam si ea necessaria fuit, puta ex causa æris alieni, non creditur animo adimendi facta alienatio, l. 11. §. 12. eod. 3. si libera fuit, contra. Quomodo accipiendi textus in l. 8. eod. 1. l. 15. de adim. leg. l. 1. & 3. de pecul. leg. & c. aut si donaverit, nam in donationem non cadit istiusmodi distinctio, l. 18. de adim. leg. l. 34. in fin. de aur. arg. leg.

COMMENTARIUS.

- 1 Quibus ex rebus conjiciatur, utrum res legata adimendi legati causa alienata sit, nec ne?
- 2 Responsum quoddam Sævole cum aliis locis conciliatum.
- 3 Oppignoratione rei legatæ non videri legatum ademptum.

Pertinet hic locus ad tit. seq. de adempt. leg. est enim rei legatæ alienatio species tacitæ ademptionis: quoniam hoc ipso quod testator rem in alium transfert, recedere à priore voluntate videtur. Cæterum quia etiam legatum rei alienæ consistit, potest hic oriri voluntatis quæstio, an res adimendi legati animo alienata sit, nec ne, ut si non sit, legatum adhuc peti possit. Quod hic docet Justinianus.

Si non adimendi animo.] Sed unde hunc animum aut contrarium colligimus? Ex causa nimirum alienandi, quæ si libera planè fuit, id est, si testator nulla necessitate compulsus rem alienaverit, puta donaverit, aut cum necesse non erat vendiderit eam, animo adimendi id eum fecisse creditur, l. rem legatam. 18. l. legatum. 24. §. 1. de adim. leg. ac de hoc casu accipiendi textus in l. 8. pr. de legat. 1. l. cum servus. 15. de adim. leg. l. 1. & 3. seqq. de pec. legat. §. si quis ancillas. 17. inf. item l. 6. de legat. 1. Falluntur enim, qui putant, hac in re quicquam interesse inter legatum purum & conditionale. In quo errore etiam Mynsingerus est. Quod si causa alienandi necessaria fuit, id est, si testator rem legatam vendiderit urgente rei familiaris necessitate, hic contra creditur id animo adimendi legati ab eo factum non esse: & ideo legatum peti potest, nisi probetur, etiam in hac necessitate adimere ei testatorem voluisse. Probatio autem mutatæ voluntatis hic ab hæredibus, quamvis reis, exigitur, l. 11. §. si rem. 12. de legat. 3. quoniam præsumptio pro legatario eodemque actore facit, quasi non videatur extinguendi legati causa alienare, qui etiam si maximè legatum valere velit, tamen alienare cogitur. Ceterum

terum distinctioni propositæ non parum ob stare videtur responsum Scævolarum in l. prædia. 27. §. liberti. 3. de instr. legat. Patronus liberti, quem ex parte heredem scripserat, per præceptionem fundum legavit cum instrumento, & his, quæ in eo fundo futura erant, cum moreretur. Respondet Jurisconsultus sine distinctione etiam vinum in eo fundo repertum, quod vivus testator vendiderat, & ejus pretii partem tertiam acceperat, ad libertum ex causa præceptionis pertinere, nisi contrariam voluntatem heredes approbent. At verò si alienatio extra causam necessitatis facta argumentum est mutatae voluntatis, dicendum erat, id vinum pertinere ad cohæredes, nisi de contraria voluntate doceat libertus. Respondent nonnulli, in ea specie Scævolarum venditionem vini factam ante factum testamentum. Ego magis Ant. Fabro assentior, qui lib. 1. conj. 6. respondet, non debere videri adhuc alienatum vinum, quoad effectum ademptionis legati, quod nondum traditum est; & maximè ejus nomine venditori pretium nondum numeratum, aut eo nomine ei satisfactum est, arg. l. quod vendidi. 19. de cont. empt. §. venditæ. 41. sup. de rer. div. Planè pro qua parte pretium testator accepit, difficile dictum est, eam quoque partem legato præceptionis contineri: & ego dixerim, petentem pro ea parte exceptione summo vendum esse.

Divi Severus & Antoninus rescripserunt] Neque responsum Celsi extat, neque hoc Imp. Severi & Antonini rescriptum. Fuisse tamen quod hic traditur, recepti juris, patet ex l. rem legatam. 18. de adim. leg. junct. l. fideicommissa. 11. §. si rem. 12. de legat. 3.

Qui prædia pignori dedit, ademisse legatum non videri] Pignori datio etsi propriè alienatio non est, quippe cum res pignori data in dominio debitoris manet, eique soluto debito restituenda sit, tamen pro specie alienationis habetur, l. ult. c. de reb. al. non al. Cæterum ipsum nomen pignoris satis indicat alienationis necessitatem: neque enim pignus dari solet nisi ab eo, qui necessitate adductus est. Ut proinde rectè & superiori sententiæ convenienter Imp. Severus & Antoninus rescripserint, cum, qui rem legatam oppignorat, adimendi animo hoc facere non videri; sive ut ipsi loquuntur, non videri voluntatem suam circa legataris personam mutare. Extat rescriptum in l. 3. c. de legat. Enimverò audiendum nihilominus heredem existimem, si paratus sit ostendere, animo adimendi rem à testatore pignori datam.

Cum herede agere, ut prædia luantur] Hoc est, ut hæres de suo tantam pecuniam creditori solvat, in quantam prædia obligata sunt, atque ita ea prædia obligatione liberata ac redempta legatario præstet, d. l. 3. c. hoc tit. quod tamen accipiendum est secundum distinctionem traditam sub §. sed etsi. §. eod.

Si verò quis partem rei alienaverit, &c.] Hoc omnino præcedentibus est consequens: nam quod juris est in toto quoad totum, idem etiam valere debet in parte quoad partem, l. quæ de so-

12. 76. de rei vind. l. 82. §. 3. eod. Et ideo si pars tantum rei legatæ alienata sit, pars, quæ non est alienata, semper debetur, l. 6. l. 8. in pr. de legat. 1. quæ alienata est, debetur, aut non debetur, pro ut eam animo adimendi aut non adimendi alienatam esse constabit.

T E X T U S.

De liberatione legati.

13. Si quis debitori suo liberationem legaverit, legatum utile est: & neque ab ipso debitore, neque ab herede ejus potest heres petere, neque ab alio, qui heredis loco sit. Sed potest à debitore conveniri, ut liberet eum. Potest etiam quis vel ad tempus jubere ne heres petat.

N O T Æ.

13. Neque ab herede] Nisi legatum personæ debitoris cohæreat, l. 8. §. 3. de lib. leg.

Petere] Cum effectu scilicet quia petens exceptione doli repelli potest: ipso enim jure legato liberationis non dissolvitur obligatio, dist. l. 3. §. 3.

Vel liberet eum] Nempe per acceptilationem, d. l. 3. §. 3. l. 22. eod.

Ad tempus] Cujus legati quæ sit vis, disce ex Pomp. l. 8. §. 1. eod.

C O M M E N T A R I U S.

1 Liberationem debitori jam certo jure rectè legari.

2 Quis liberationis legatæ effectus?

3 Quis ejus legati, quo damnatur heres ad tempus non petere?

Q Uod Titius mihi debet, id & Sempronio rectè lego; & ipsi Titio debitori meo. Illud legatum est, quod dicitur nominis, de quo plura inf. sub §. tam autem. 21. eod. hoc, quod appellatur liberationis, deque hujus legati effectu agitur in præfati §. Respondet tit. Pand. de lib. leg. ubi varix hujus legati formulæ occurrunt. Is quoque qui chirographum debitori legat, liberationem legare videtur, l. 3. §. 1. d. tit. fac. l. qui chirographum. 59. de legat. 3. l. servum. 44. §. eum. 5. de legat. 1.

Legatum utile est] Liberationem debitori posse legari, jam certum est, ait Jurisconsultus in l. 3. pr. de lib. leg. quæ verba arguunt, id aliquando controversum fuisse. Cur verò fuerit, significare videtur idem Jurisconsultus l. 1. pr. eod. ubi ait, debitoribus ea quæ debent, rectè legari, licet domini eorum sint. Quippe nostrum propriè non est, quod est in credito, l. 27. §. 2. l. 34. de aur. arg. leg. Boeth. in Top. Pecunia, quæ est in nominibus, non est nostra. Ex eo enim suspicari licet, fuisse antea, qui negarent ipsi debitori, quod debet, rectè legari: quia scilicet nemini res suas legari potest. Sed eorum opinio merito explosa est; nihil enim quod debitoris sit, hoc legato contineri intelli-

gunt,

gitur, sed jus tantum quod creditor habet, seu obligationem debitumve remissum.

2. *Neque ab ipso debitore*] Legato liberationis non dissolvitur ipso jure obligatio, aut proxinus ipso jure debitor liberatur: sed potest liberationis sibi legatz fructum duplici ratione consequi; excipiendo, si debitum hæres petat; si non petat, ultro ex testamento agendo, ut liberetur, l. 3. §. nunc. 3. l. quod mihi. 22. l. legavi. 25. in pr. cod. Quamobrem quod alibi dicitur, hæredem petere non posse, l. 2. §. 1. l. si quis. 15. cod. & hoc ipso in textu, id sic accipiendum est, non posse eum petere efficaciter: nam petentem exceptione doli mali repelli.

Neque ab hærede ejus, neque ab alio, qui hæredis loco] Qualis est bonorum possessor, & is, cui ex fideicommissio hæreditas restituta est. Interdum tamen effectus hujus legati intra personam solius debitoris consistit, veluti si quis ita dixerit, *Hæres meus à solo Lucio Titio ne petito*: vel, *A Lucio Titio, quamdiu vivit, hæredem meum petere nolo*. Quoties enim legatum cohæret personæ legatarii, ad hæredem ejus non transit, sicut nec ullum aliud jus personale ad hæredem transmittitur, l. 8. §. 3. l. Aurelius. 20. cod. sis.

3. *Ad tempus jubere, ne hæres petat*] Potest hæres damnari, ut ad certum tempus non petat. Cujus legati hic effectus est, ut hæres intra id tempus petens à debitore hæredeve ejus exceptione summoveatur. Ceterum debitor agere non potest, ut liberetur, d. l. 8. §. 1. nec per acceptilationem, quoniam acceptilatio in perpetuum obligationem tollit; nec pacto, quod exceptionem perpetuam parit, cum temporalem tantum ex testamento habeat. Ut autem hæres paciscatur cum debitore, ne intra id tempus petat, intra quod testator peti vetuit, ne hoc quidem requirendum est, quia debitori inutile, nihil amplius in eum conferens, quam quod jam habet, exceptionem scilicet temporalem. VINN. Quin & is præcipuus hujus legati effectus est, quod interea usuræ promissæ non debentur. l. 88. ff. de R. J. l. 117. ff. de F. O. HEIN.

TEXTUS.

De debito legato creditori.

14. *Ex contrario si debitor creditori suo quod debet, legaverit, inutile est legatum: si nihil plus est in legato, quam in debito: quia nihil amplius per legatum habet. Quod si in diem, vel sub conditione debitum est pure legaverit, utile est legatum propter representationem. Quod si vivo testatore dies venerit, vel conditio extiterit, Papinianus scripsit, utile esse nihilominus legatum, quia semel constitit; quod & verum est. Non enim placuit sementia existimantium, extinctum esse legatum, quia in*

eam causam pervenerit, à quo incipere non potest.

NOTÆ.

14. *Si nihil plus in legato*] Nam ut legatum consistat, necesse est in eo aliquid utilitatis ab initio versari, l. 29. de leg. 1. l. 1. §. 10. ad leg. Falc. Alias non ex testamento agitur, sed ex pristina obligatione, de *ἡσὺς ἀπαρτίται*, Schol. Theoph. *In diem, &c.*] Vel si alio quocumque modo accidat, ut plus sit in legato, quam in debito, v. l. 28. & seq. de leg. 1. aut creditoris intersit, ex testamento potius agere, quam ex pristina obligatione, l. 11. de lib. leg.

Quia in eam causam pervenerit] In hac sententia videtur & Paulus fuisse, l. 82. cod. 2. qui tamen alibi fatetur, novum non esse, ut quod semel utiliter gestum est, duret, licet ille casus extiterit, à quo initium capere non potuisset, l. 85. §. 1. de reg. jur.

COMMENTARIUS.

1. *Quot modis accidat, ut plus sit in legato rei debite, quam in debito?*
2. *Taxatur Ans. Fabri nimia confidentia.*
3. *Quando locus sit regule, Quod semel utiliter constitutum est, durare, licet ille casus extiterit unde incipere non potuisset? & quando locus regule contraria?*
4. *Pauli à Papiniano dissidentis sententiam à Justiniano improbari.*
5. *Jure C. & Inst. vix esse, ut non sit plus in legato, quam in debito.*

UT consistat legatum, necesse est in eo aliquid utilitatis aut commodi ab initio versari, quemadmodum sub §. 4. generaliter definivimus; ex quo judicandum de legato, quod hic proponitur, si quis creditori suo quod debet legaverit; ut scilicet, si nihil utilitatis aut commodi ex eo legatarius capere possit, uti non potest; si nihil amplius est in legato, quam in debito, legatum non valeat: sin verò emolumenti quid contineat, aut quacumque ratione plus in legato sit, quam in debito, utile sit legatum, l. si creditori. 28. cum l. seq. de legat. 1. l. Marcius 66. de legat. 2. l. legavi. 25. sub fin. de lib. leg. l. 1. §. si quis. 10. ad leg. Falcid.

In diem vel sub conditione debitum pure legatur] Hæc exempli tantum causa proferuntur: nam longè pluribus modis, quam his duobus accidit, ut plus sit in legato rei debite, quam in debito; & totidem modis sit, ut legatum sit utile. Videamus ergo, quot modis id fiat. Ut plus in legato sit, quam in debito, primum efficitur debiti representatione, puta si id quod sub conditione aut in diem debetur, pure legetur: sic enim sit ut in legato plus sit tempore, l. sin autem. 29. de legat. 1. & hoc text. Secundo si quod loco longinquo aut minus commodo debebatur, legetur loco citiorem aut commodiorem: hoc enim loco plus est in legato, quam in debito, d. l. 29. Tercio ut plus sit in legato, sæpe efficit nova actio ex te-

non possit, ac ne hæredem quidem omnino, §. 4. *sup. quib. mod. test. inf. l. 6. §. irritum. 5. & seqq. de in iust. rupt. l. 6. §. 1. & seqq. qui test. fac. l. pen. §. 2. de bon. poss. sec. tab. Finge, servo alieno quid legatum esse, eumque servum postea à testatore redemptum; dicimus similiter, legatum extinguí, quia id quod accidit, impedit ne legatum exitum habere possit, l. 3. §. ult. de his quæ pro non script. Eiusdem generis exempla occurrunt, l. inter. 83. §. sacram. 5. de verb. obl. §. 2. inf. de inut. stip. §. pen. inf. de noxal. act. l. falsus. 43. §. ult. de furt. l. pro parte. 11. de servis. l. si à mr. 11. de iudic. l. huic scriptura. 15. in fin. junct. l. seq. ad leg. Aquil. Sed finge, testatorem post testamentum factum incidisse in furorē aliamve mentis abalienationem, aut amississe facultatem audiendi, loquendi, aut bonis ei interdictum. Hic contra dicimus, testamentum, quod antea rectè factum erat, nullo horum casuum infirmari; quippe quia nec furor interveniens, nec auditus sermonisve amissio, nec bonorum adempta administratio impedit, quominus testamentum exitum habeat, atque ex eo hæreditas cæteraque relicta obtineantur, ut potestatum & fortunas suas testatore retinente, §. 1. & 2. seqq. *sup. quib. non est perm. fac. test. l. 6. §. 1. l. is cui. 18. qui test. fac. l. iusd. Don. post. DD. vulg. in d. l. pen. §. ult. de verb. obl.* Cæterum non idem omnes in omni ejusmodi specie sensisse apparet ex l. existimo. 98. de verb. obl. Atque in casu hic proposito, cum quis quod in diem aut sub conditione debebat, creditori suo purè legavit, & vivente testatore dies supervenit aut conditio extitit. Paulus in l. debitor. 81. de legat. 2. aperit dissentit à Papiniano in l. 5. ad leg. Falc. Si demum jam mortuo testatore dies venerit, aut impleta sit conditio, concedit Paulus durare petitionem legati: si vivo adhuc eo, ait legatum inutile effici, quamvis ab initio constituerit. Contra Papinianus etiam si vivo testatore dies venerit, &c. utile esse hujusmodi legatum scribit, quia semel constitit. Paulus igitur ad jus hujus legati requirit, ut etiam antequam dies aut conditio existat, testator mortuus sit: Papinianus unum tantum hic tempus testamenti spectandum, atque ex eo de vi & jure relicti statuendum existimat, quod consentaneum videtur regulæ Catonianæ. Papiniani sententiam rejecta Pauli Justinianus hic amplexus est. Tota disputatio hujus §. 1. quod Compositores ipsi non animadverterunt, hodie inutilis pæne & supervacua videtur: vix enim est, ut legatum debiti jam non sit utile creditori, postquam Justinianus etiam actionem hypothecariam legatariis dedit, & jus taciti pignoris in bonis defuncti, l. 1. c. comm. de legat. ut proinde uno tantum casu nunc accidere possit, ut legatum rei debiti nihil utilitatis contineat, videlicet quando legatarius creditor etiam extra causam legati jus pignoris habet, constitutum sibi jam ante vel à debitore, vel à lege, ut in speciē §. proximè sequentis. VINN. Nemo hanc rem accuratius tractasse videtur Viro eximio, Jac. Gothofredo in *Comment. ad l. 85. §. 1. ff. de R. J. p. 321.* ubi regulas has ita conciliat: 1. *Paulus in Institut.**

Quæ ex præsentis vires capiunt, quæque non tantum ab initio semel constituerunt, verum etiam utiliter constituta sunt, quorumque DIES utiliter ante casum existentem CESSIT, ea duram, etsi casus constituerit, à quo initium capere non possent, nisi rei aut personæ status essentialis ita mutatus fuerit, ut jam adimpleri res nequeat. 2. Quæ ex præsentis vires non capiunt, vel quamvis constans, non tamen CONSTITUTA sunt ante casum existentem, denique quorum DIES nondum CESSIT, ea evanescent, emergente casu, à quo initium capere non potuerunt. Ex his duabus regulis egregiè solvi quæstiones singulares, idem Gothofredus, per inductionem ostendit, simulque docuit, dissensum veterum, quem jam Cujacius observavit, inde esse, quod non satis distinxerint illam: negotium consistit & negotium utiliter constitutum est: quæ diversa admodum esse, nemo non videt. HEIN.

TEXTUS.

De dote uxori legata.

15. *Sed si uxori maritus dotem legaverit, valet legatum: quia plenius est legatum, quam de dote actio. Sed si, quam non accepit, dotem legaverit, divi Severus & Antoninus rescripserunt, siquidem simpliciter legaverit, inutile esse legatum: si vero certa pecunia, vel certum corpus, aut instrumenta dotis in prælegando demonstrata sunt, valere legatum.*

NOTÆ.

15. *Plenius est legatum*] Propter representationem in dote pecuniaria, quæ annua, bima, trima die, *in annis, bima, trima*, id est, tribus annuis pensionibus reddebatur. Ulp. *tit. 6. §. 5.* Hodie autem dos rerum mobilium annua die præstatur, l. un. §. 7. c. de rei ux. act. In legato immobilium etsi non est representatio, Ulp. d. loc. & d. l. un. valet tamen legatum propter commoditatem novæ actionis. vid. in comment.

COMMENTARIUS.

- 1 *Jure antiquo in relegatione dotis semper plus fuisse, quam in obligatione.*
- 2 *An novo jure adhuc aliquid in ejusmodi legato commodi?*
- 3 *Quid juris, si, quæ non accepta est, dos aut simpliciter legata sit, aut demonstrata certa quantitate vel corpore?*

S *Uxori maritus dotem legaverit*] Exemplum legati rei debiti; proinde quid hic statuendum sit, discamus ex superiore regula, ut si plus sit in legato, quam in debito, legatum valeat; si nihil amplius, legatum sit inutile.

Quia plenius est legatum, quam de dote actio] 1. Hæc verba arguunt, veteres semper existimavisse, 11 3 se,

co, & Jurisconsulti d. l. si quis inquilinos. 112. §. 1. Et d. l. heres. 28. nominatim loquuntur de servo hæredis proprio: Nimirum quia hæres servum testatoris à se legatum aut per fideicommissum alteri relictum ne manumittere quidem potest, sicut nec quamvis aliam rem, quam restituere iussus est, alienandi potestatem habet, l. ult. §. 2. C. comm. de legat. Quin et si sub conditione servus testatoris legatus fuerit, licet pendente conditione pleno jure hæredis sit, placet tamen, libertatem ab hærede consequi non posse, l. generaliter. 29. §. 1. qui & à quib. man. Sed quid est igitur, quod Paulus in l. si servum. 92. §. 2. de verb. obli. scribit, Julianum putasse, teneri hæredem, qui, cum nesciret, à se petijtum codicillis ut restitueret, manumisit? nam libertate non procedente, non potest dici manumisisse. Responsum ipsum Juliani, quod extat in l. quidam. 25. §. 2. ad sen. Treb. rem expediet. Non ait Julianus servum hæreditarium ab hærede legatum, aut quem nominatim hæres restituere rogatus est, posse manumissione hæredis liberum fieri: sed posse hæredem, qui hæreditatem restituere iussus est, servum, qui ex ea hæreditate sit, manumittere, ut tamen obligatus maneat, pretiumque servi fideicommissario præstet. Inter quæ multum interest. Nam cum servus hæreditarius cyrtus specialiter legatus est, manifestum est, testatorem velle hunc ipsum servum præstari, non æstimationem ejus. At in fideicommissio hæreditatis potest favore alicujus rei, quæ in ea hæreditate sit, alia interpretatio voluntatis recipi, quasi ad sensum testatoris nihil intersit, utrum res ipsa, an æstimatio præstetur.

Sed & si alii donaverit, & is eum manumiserit, &c.] Hæres, qui servum proprium à se legatum alteri donavit, quamvis eum à se legatum ignoret, tamen si is, cui donatus est, eum manumiserit, tenetur in servi æstimationem, d. l. si quis inquilinos. 112. §. 1. de legat. 1. Ratio eadem, quæ in specie præcedente, quia factò hæredis accidit, ut servus commercio sit exemptus; quod alteri damnum asserre non debet. Tantum hic non proxima, sed remota causa hæres est.

TEXTUS.

De interitu quarundam ex pluribus rebus legatis.

17. Si quis ancillas cum suis natis legaverit, etiam si ancilla mortua fuerint, partus legato cedunt. Idem est & si ordinarii servi cum vicariis legati fuerint: quia licet mortui sint ordinarii, tamen vicariis legato cedunt. Sed si servus fuerit cum peculio legatus, mortuo servo, vel manumisso, vel alienato, peculii legatum extinguitur. Idem est, si fundus instructus, vel cum instrumento legatus fuerit: nam fundo alienato, & instrumenti legatum extinguitur.

NOTÆ.

17. Idem est, si ordinarii cum vicariis] Nam vicarii hic non considerantur, ut pars peculii ordinariorum, sed ut eorum conservi, ut & revera sunt, l. 9. d. tit. itaque etiam in hac specie duo sunt legata separata, l. 4. d. tit.

Sed si servus cum peculio, &c.] l. 1. d. 1. Ratio est, quia peculium accessionis locum obtinet, cujusmodi, perempta re principali, & ipsa extingui solent, l. 2. d. 1. l. 178. de reg. jur.

Idem est, si fundus instructus] Quia nec hic duo sunt separata & principalia legata, sed unum rei principalis, alterum accessionis: spectanda tamen mens testatoris, l. 2. §. 1. l. 5. de instr. vel instrum. leg.

COMMENTARIUS.

- 1 Si ancilla cum suis natis legata sit, duo intelligi legata separata & æque principalia.
- 2 Idem esse, si servus cum vicariis suis legatus sit.
- 3 Secus, si servus cum peculio, aut penus cum vasis.
- 4 Aut si fundus instructus, vel cum instrumento.
- 5 Paulus cum Justiniano concilians.

Hoc §. & 3. seqq. docetur, quid juris sit, si res legatæ vivo testatore vel decesserit aliquid vel accesserit. Si aliquid decesserit, ita jus est, ut neque legatum extinguatur, nisi quod decessit, sit principale, reliquum accessorium; neque hæres teneatur supplere, quod decessit, sed præstatione ejus quod superest, liberetur. Hæc res quatuor exemplis declaratur; legati ancillæ cum suis natis; servorum ordinariorum cum vicariis, hoc §. legati gregis, §. seq. legati ædium, §. 20. Cæterum, ut dixi, ita quod superest legato cedit, si id quoque principaliter legatum sit, non si ut accessio ejus, quod decessit: nam perempta re principali etiam legatū accessionis extinguitur; quod ostenditur hoc §. exemplo legati servi cum peculio; item fundi cum instrumento legati. Si quid accesserit, placet etiam illud legato cedere: cujus rei tria exempla proferuntur, legati gregis, cui postea adjecta plura capita, §. seq. legati ædium, quibus adjectæ columnæ & marmora, §. 19. legati peculii, cui deinde aliquid accessit, d. §. 20. Eandem autem hic locus patet. Nam huc etiam pertinent fructus, usuræ, pensiones prædiorum, partus, fœtus, alluvio, insula in confinio nata, & plura alia, quæ hic non tangit Justinianus, l. 8. l. quod in verum. 24. §. 2. & 3. l. cum servus. 39. §. 1. de legat. 1. l. 10. l. si si arca. 39. de legat. 2. l. sepe. 16. cod. 3.

Partus legato cedunt] l. si ancilla. 62. cum l. seq. de legat. 1. Poterat videri unum hic esse legatum principale, alterum, natorum scilicet, accessorium: quod etiam Servio visum fuit, qui ob id, mortua ancilla, negabat partum deberi. Sed revera liberi matris accessio non sunt; statim enim ut sunt editi, separatam planè habent existentiam: & ideo rectè Paulus scribit, duo hic esse legata sepa-

separata, hoc est, æquè principalia, l. 3. de pec. leg. & Celsus in l. si ancilla. 63. de legat. 1. sententiam Servii ut falsam nec voluntati defuncti accommodatam rejicit. Ego quoque sententiam Jo. Fabri & Aretini falsam esse puto, & voluntati testatoris minimè consentaneam, qui existimant, si pecudes cum sortu legata fuerint, morte pecudum legatum foetus tamquam accessorium extinguì. VINN. Genuina ratio, cur nec ancillæ partus, nec foetus animalis hic pro accessione ancillæ, vel animalis haberentur, hæc esse videtur, quia post partum non pertinent ad ancillam vel animal, sed ad dominum, adeoque hujus respectu utraque res erat separata, utraque principalis, nullaque remanebat inter matrem & sortum connexio. HEIN.

Item est, si ordinarii cum vicariis] Hic eadem dubitatio occurrit, quæ in casu præcedenti: nam ut peculium servi accessio est, ita & servi vicarii, qui sunt in peculio ordinariorum, l. 17. de pecul. etiam horum accessio videntur, ac proinde, his mortuis, illos ex legato non deberi. Illud utique certum est, mortuo servo ordinario, qui cum peculio legatus est, peculii legatum ita extinguì, ut nec vicarii, qui in ejus peculio sunt, debeantur. Et sanè fatendum est, servos vicarios accessionis locum obtinere, quatenus considerantur ut pars peculii ordinariorum: cæterum ex se non sunt, sed revera ordinariorum conservi, l. 9. de pec. leg. Atque ut tales considerantur in casu proposito, cum disertè cum ordinariis & ipsi legantur, ut hic quoque sint duo legata separata, & vicarii æquè principaliter ut ordinarii legati intelligantur, l. 4. d. tit.

Sed si servus cum peculio] Servo legato cum peculio, & alienato vel manumisso, aut mortuo legatum etiam peculii extinguitur, l. 1. de pec. leg. Cur tam variè? quia peculium accessionis locum obtinet: cujus conditionis quæ sunt, extingui solent, cum principales res peremptæ fuerint: ratio reddita à Cajo in l. 2. d. tit. Eadem ratione placet, & penu certa cum vasis legata & consumpta, ne vasa quidem deberi, l. 2. l. 4. in pr. de pen. leg. Hoc tamen inter peculium & vasa penuraria interest, quod peculium non est simplex & mera accessio, quæ necessario servum sequatur: quippe si simpliciter servus legatus sit, peculium legato non cedit, l. si legatus. 24. de pec. leg. Sed vasa penuraria pura puta sunt accessio: & ideo penu simpliciter legata, vasa quoque, sine quibus rectè penus haberi non potest, legato continentur, l. 3. §. ult. d. l. 4. pr. de pen. legat.

Si fundus instructus, vel cum instrumento] Exemplum simile proximè præcedenti: ideo enim fundo cum instrumento legato & alienato etiam legatum instrumenti extinguitur; quia hic non sunt duo diversa & separata legata, sed unum rei principalis, alterum acces-

sionis & sequela. Nam instrumentum fundi accessio est. Et siquidem sic aliquis legaverit, *fundum cum instrumento*, alienato fundo instrumentum peti non posse semper constitit, l. 1. §. 1. l. 5. de instr. vel instrum. leg. Cæterum an idem sit, si sic legaverit, *fundum & instrumentum*, aut, *fundum instructum*, non satis convenit. Labeo lib. 1. pishan. putat, inter omnes hæc scripturas nihil interesse, l. 5. de instrum. leg. Justinianus quoque hoc loco idem prædicat de legato fundi instructi & legato fundi cum instrumento. Denique & Paulus eadem duo ut eandem vim habentia conjungit, d. l. 1. in pr. cod. tit. Verùm idem Paulus in notis ad Labeonem d. l. 5. hanc scripturam, *fundum cum instrumento*, à cæteris disertè separat sic ut dicat, ex illa scriptura, fundo alienato, nihil deberi: ex duabus reliquis posse instrumentum esse legatum. Eguivarius Baro existimat, Paulum cum Justiniano nullo modo conciliari posse. Hotomannus etiam secum pugnare, atque ex insita sibi cum Labeone similitudine solo Labeonis redarguendi studio contrarium respondisse. Verum ego, ut fatear, Paulum eo genere morbi laborasse, eoque correptum aliquando non satis bona fide cum Labeone agere, ut videre est in l. pen. §. 1. & 2. de acq. rer. dom. l. ult. de usuc. & fortassis sic etiam Labeonem ab eo tractari, in d. l. 5. non arbitror tamen aut secum cum pugnare, aut cum Justiniano. Labeo dixerat, inter superiores scripturas omnes nihil interesse. Paulus ait, interesse: nam ex hac scriptura, *fundum cum instrumento*, alienato fundo, nihil deberi: ex his *fundum & instrumentum*, vel *fundum instructum*, posse instrumentum esse legatum. Quasi dicat, in hac specie, cum fundus cum instrumento legatus est, tam perspicuum est, testatorem instrumentum accessionis loco habuisse, ut alienato postea fundo, frustra de mente testatoris, quod ad legatum instrumenti attinet, disputetur: quod ipse d. l. 1. §. 1. de instrum. leg. sic expressit, *fundo cum instrumento legato & alienato, instrumentum non vindicabitur ex sententia defuncti*. Cum autem fundus & instrumentum, aut fundus instructus legatus est, licet regulariter etiam utroque hoc casu legatum instrumenti pro accessorio habeatur, eoque alienato fundo legatum instrumenti evanescat; tamen quia mens testatoris hic non tam plana ac perspicua est, quàm in specie superiore, ideo admitti posse questionem voluntatis, & tentari fundo alienato nihilominus instrumentum, tamquam separatim atque æquè principaliter legatum, ex sententia testatoris deberi, eoque probato, legatum vincere. Non pugnat igitur secum Paulus, cum in d. l. 1. in pr. ait, siue cum instrumento fundus legatus sit, siue instructus, duo legata intelligi: nam in illa specie alterum semper accessorium est, in hac potest utrumque esse principale. Sed nec cum Justi-

Celsum peculiari quadam ratione duas illas species, quas proponit, quasi hæc etiam verbis regulæ contineantur, excipere: quia cum conditio in utroque specie adscripta talis sit, ut deficiat, si statim testator decedat, si longiuscule vivat, impleri possit, fieri utroque casu potest, ut contra quam regula definit, legatum, quod non valuisset, si statim decessisset testator, valeat, si diutius vixerit. Ad cætera autem legata conditionalia nec verba regulæ pertinent. Cæterum meminimus quod initio dictum est, rem suam nemini rectè legari, sic accipiendum esse, primum si ea res perfectè legatarii sit; hoc est, ita ut avocari nequeat. Nam si rem ex bonis ejus, qui reipub. causa aberat, usu acquisierim, & ea antequam evinceretur, mihi legata sit, postea evincatur, rectè ex testamento petam, eam mihi dari oportere, *l. non quocumque. 82. §. 1. de legat. 1.* Deinde si res legata legatarii sit plano iure: nam si quid iuris in ea re aut testator aut alius habet, placet valere legatum, & utile esse in eo, quod iuri legatarii deest. Pone, emphyteusim, superficiem, aut pignus testatori aut alii in re legatarii constitutum; rectè ea legatur, & proficit legatario legatum in eo, quod iuris alieni fuit, *l. senatus. 43. §. ult. l. si domus. 71. §. pen. l. si tibi. 86. in pr. & §. ult. de legat. 1. l. 1. §. 1. de lib. leg.* Nec dubito, quin idem dicendum sit, si alius in ea re usumfructum habeat, arg. *l. cum filius. 76. §. 2. de legat. 2.* licet dissentiat Accurs. propter textum in *l. Merius. 66. §. pen. in fin. de legat. 2.* Quo in loco vitiosè legitur propter istas causas, cum legendum sit præter, ut bene Cujac. *lib. 5. ad Afric. in l. essi. §. de vulg. & pup. subst.* observavit. Et nonnullis in exemplaribus legi testis est Donell. 8. comm. 11. In quibusdam editionibus præter in margine adscriptum vidi. Postremo si nec ea res testatori debita sit; nam debitori quod debet, rectè legatur, licet dominus eius rei sit, *l. 1. in pr. de lib. leg. vid. inf. §. si quis debitori. 13. VINN.* Sed in dubio facile vincit lectio Florentina. Videtur hic sensus esse. Dixerat Papinianus, fundo legato etiam usumfructum rectè peti, itemque tuendum fundum, si oppignoratus sit, præstandam possessionem, si alius possideat. Ne quis autem existimaret, idem etiam locum habere, si res nostra nobis legata sit, addit; *Sin autem res mea legatur mihi, legatum propter istas causas non valebit.* Id est, uti rectè interpretatur Osvv. Hiliger *Donell. Enucl. Lib. 8. cap. 2.* non licebit ex superioribus argumentum ducere. Et hinc assentiri non dubito Accursio. Inter pignus enim & usumfructum multum interest. Rem meam oppignoratam recipere non possum, nisi soluto ære alieno: usumfructus ad me redi, mortuo usufructuario, vel ex aliis causis. HAIN.

TEXTUS.

Si quis rem suam quasi non suam legaverit.

II. Si quis rem suam quasi alienam legaverit, valet legatum: nam plus valet quod in veritate est, quam quod in opinione. Sed & si legatarii esse putavit, valere constat: quia exitum voluntas defuncti habere potest.

NOTÆ.

II. Plus valet, quod in veritate] Ratio hæc potius ad casum sequentem pertinet: nam hoc priore casu etsi verum esset, alienam rem legatam esse, tamen legatum valeret: quoniam si suam esse testator scivisset, multo facilius eam legasset, per ea, quæ sup. §. 4. cod.

COMMENTARIUS.

1 Male ad priorem speciem huius §. accommodari regulam, Plus valere, quod in veritate, &c. & qua ratione isto casu sustineatur legatum.

2 Prædictam regulam pertinere ad casum posterioriorem, atque eos casus tantum, in quibus error gerenti non obstat, quominus velis & possit, in quo errat. In aliis contrariam regulam probari.

Supra §. 4. audivimus, si testator rem alienam suam eam esse putans legaverit, legatum non valere, nisi singulari conjectura voluntatis adjuvetur. Quæ exceptio in exegefi posita & declarata. Quod si quis rem hæredis legaverit, quam existimabat suam esse. Papinianus docet utile esse legatum, *l. unum. 67. §. si rem. 8. de legat. 2.* Hic ex converso docemur, quid iuris sit, si testator rem suam legavit quasi alienam: item quid si legavit suam, cum crederet eam esse legatarii, placere autem, utroque casu valere legatum. Et valebit igitur vel magis, si suam rem legaverit quasi hæredis, arg. *d. l. unum. 67. §. si rem. 8.*

Nam plus valet, quod in veritate, &c.] Puto rationem hanc, quod præter Bachovium nemo animadvertit, male accommodari ad hunc priorem huius §. casum, & omnino pertinere ad sequentem, cum quis rem suam quasi legatarii legavit. Nam non rectè hic dixeris, ideo valere legatum, quia contra quam opinabatur, verum est, testatorem rem suam legasse; quoniam etsi opinionem attendas, aut quod opinabatur verum esset, rem scilicet alienam esse, legatum tamen valeret. Est verò in promptu alia ratio, ob quam in proposito facta testatoris opinio non obstat legato; nimirum quoniam, si alienam rem credens, eam nihilominus legavit, hæredemque suum onerare voluit alienæ rei redemptione, multo magis eam legaturus fuisset præsumitur, si scivisset suam esse, *d. l. unum. 67. §. si rem. 8. de legat. 2.*

Sed

Sed & si legatarii esse putavit, valere constat.] Ad hunc casum rectè accommodabimus regulam, *Plus valere, quod in re & veritate est, quam quod in opinione.* Nam si hic opinionem spectari placeret, nullum esset legatum, quia quod legatarii est, inutiliter ei legatur, §. *præc.* Est autem regula ista ex earum genere, quæ ad certos dumtaxat casus & actus pertinent: locum enim tantum in iis habet, in quibus error gerenti non obstat, quominus velit & possit id, in quo errat. Ut etce, in casu proposito falsa testatoris opinio non impedit, quominus rem suam legare potuerit: neque etiam quominus velle eam legatam existimari debeat, nisi quis dicat, quotiescumque res sua legatario legatur, ideo legatum non valere, quia animus legandi desit: quod verum non est. Neque enim ideo tale legatum inutile, quia voluntatem legandi testator non habuit: sed quia voluntas ejus effectum sortiri non potest, cum quod alicujus jam est, id ejus amplius fieri non possit, §. *præc.* Hæc verò ratio cum cesset, si non legatarii, quod testator falso existimabat, sed ipsius testatoris res esse deprehendatur, cessare quoque debet ista dispositio. Quod & ipsum Justinianus non obscurè significat, cum ita infert, *quia exitum voluntas defuncti habere potest.* Ejusdè generis exempla, atque ad ea eandem hanc regulam applicatâ videmus in l. 4. §. 1. *de man. vind. l. pen. §. qui ignoravit. 4. de jur. & facti. ign.* In iis verò actibus, qui ab animo æstimantur & pendent, certumque propositum gerentis requirunt, cuiusmodi sunt aditio & repudiatio hæreditatis, contraria regula probata est, placetque, plus valere, quod est in opinione, quam quod in veritate, l. *si quis. 15. & l. seq. junct. l. qui hæreditatem. 19. de acq. hæc.* nimirum quia in his error impedit quominus fiat, quod fieri verè poterat, si quis sciret, quod in re est; ac proinde quod verum est, procedere non sinit. D. Hotomannus sic generaliter definit, *in errore facti prævalere veritatem; in errore juris plus posse opinionem.* Quod ego falsum esse puto. Nam etsi testator rem suam tamquam legatarii in jure errans legaverit, valebit haud dubiè legatum: è contra si in facto errans rem legatarii legaverit tamquam suam, non valebit: ut proinde & in errore juris plus interdum valeat veritas, & in errore facti plus opinio.

TEXTUS.

De alienatione & oppignoratione rei legatæ.

12. *Si rem suam legaverit testator, posteaque eam alienaverit, Celsus putat, si non adimendi animo vendidit, nihilominus deberi: idemque divi Severus & Antoninus rescripserunt. Idem rescripserunt, eum, qui post testamentum factum prædia, quæ legata erant, pignori dedit, ademisse legatum non videri; & ideo legatarium Pannius in Instit.*

cum hærede ejus agere posse, ut prædia à creditore luantur. Si vero quis partem rei legatæ alienaverit, pars, quæ non est alienata, omnino debetur: pars autem alienata ita debetur, si non adimendi animo alienata sit.

NOTÆ.

12. *Si non adimendi animo.]* Quod colligitur ex causa alienandi: nam si ea necessaria fuit, puta ex causa æris alieni, non creditur animo adimendi facta alienatio, l. 11. §. 12. *ead. 3. si libera fuit, contra.* Quomodo accipiendi textus in l. 8. *ead. 1. l. 15. de adim. leg. l. 1. & 3. de pecul. leg. & c.* aut si donaverit, nam in donationem non cadit istiusmodi distinctio, l. 18. *de adim. leg. l. 34. in fin. de aur. arg. leg.*

COMMENTARIUS.

- 1 *Quibus ex rebus conficiatur, utrum res legatæ adimendi legati causa alienata sit, nec ne?*
- 2 *Responsum quoddam Sævole cum aliis locis conciliatum.*
- 3 *Oppignoratione rei legatæ non videri legatum ademptum.*

Pertinet hic locus ad *tit. seq. de adempt. leg.* est enim rei legatæ alienatio species tacitæ ademptionis: quoniam hoc ipso quod testator rem in alium transfert, recedere à priore voluntate videtur. Cæterum quia etiam legatum rei alienæ consistit, potest hic oriri voluntatis quæstio, an res adimendi legari animo alienata sit, nec ne, ut si non sit, legatum adhuc peti possit. Quod hic docet Justinianus.

Si non adimendi animo.] Sed unde hunc animum aut contrarium colligimus? Ex causa nimirum alienandi, quæ si libera planè fuit, id est, si testator nulla necessitate compulsus rem alienaverit, puta donaverit, aut cum necesse non erat vendiderit eam, animo adimendi id eum fecisse creditur, l. *rem legatam. 18. l. legatum. 24. §. 1. de adim. leg.* ac de hoc casu accipiendi textus in l. 8. *pr. de legat. l. cum servus. 15. de adim. leg. l. 1. & 3. seqq. de pec. legat. §. si quis ancillas. 17. insitem l. 6. de legat. 1.* Falluntur enim, qui putant, hac in re quicquam interesse inter legatum purum & conditionale. In quo errore etiam Mynfingerus est. Quod si causa alienandi necessaria fuit, id est, si testator rem legatam vendiderit urgente rei familiaris necessitate, hic contra creditur id animo adimendi legari ab eo factum non esse: & ideo legatum peti potest, nisi probetur, etiam in hac necessitate adimere ei testatorem voluisse. Probatio autem mutatæ voluntatis hic ab hæredibus, quamvis reis, exigitur, l. 11. §. *si rem. 12. de legat. 3.* quoniam præsumptio pro legatario eodemque actore facit, quasi non videatur extinguendi legati causa alienare, qui etiam si maximè legatum valere velit, tamen alienare cogitur. Ceterum

terum distinctioni propositæ non parum ob stare videtur responsum Sævolæ in l. prædia. 27. §. liberto. 3. de instr. legat. Patronus liberto, quem ex parte heredem scripserat, per præceptionem fundum legavit cum instrumento, & his, quæ in eo fundo futura erant, cum moreretur. Respondet Jurisconsultus sine distinctione etiam vinum in eo fundo repertum, quod vivus testator vendiderat, & ejus pretii partem tertiam acceperat, ad libertum ex causa præceptionis pertinere, nisi contrariam voluntatem hæredes approbent. At verò si alienatio extra causam necessitatis facta argumentum est mutatae voluntatis, dicendum erat, id vinum pertinere ad cohæredes, nisi de contraria voluntate doceat libertus. Respondent nonnulli, in ea specie Sævolæ venditionem vini factam ante factum testamentum. Ego magis Ant. Fabro assentior, qui lib. 1. conj. 6. respondet, non debere videri adhuc alienatum vinum, quoad effectum ademptionis legati, quod nondum traditum est; & maxime ejus nomine venditori pretium nondum numeratum, aut eo nomine ei satisfactum est, arg. l. quod vendidi. 19. de cont. emp. §. venditæ. 41. sup. de ver. div. Planè pro qua parte pretium testator accepit, difficile dictum est, eam quoque partem legato præceptionis contineri: & ego dixerim, petentem pro ea parte exceptione summovendum esse.

Divi Severus & Antoninus rescripserunt] Neque responsum Celsi extat, neque hoc Imp. Severi & Antonini rescriptum. Fuisse tamen quod hic traditur, recepti juris, patet ex l. rem legatam. 18. de adim. leg. junct. l. fideicommissa. 11. §. si rem. 12. de legat. 3.

Qui prædia pignori dedit, ademisse legatum non videri] Pignoris datio etsi propriè alienatio non est, quippe cum res pignori data in dominio debitoris manet, eique soluto debito restituenda sit, tamen pro specie alienationis habetur, l. ult. c. de reb. al. non al. Cæterum ipsum nomen pignoris satis indicat alienationis necessitatem: neque enim pignus dari solet nisi ab eo, qui necessitate adductus est. Ut proinde rectè & superiori sententiæ convenienter Imp. Severus & Antoninus rescripserint, cum, qui rem legatam oppignorat, adiuvendi animo hoc facere non videri; sive ut ipsi loquuntur, non videri voluntatem suam circa legatarii personam mutare. Extat rescriptum in l. 3. c. de legat. Enimverò audiendum nihilominus hæredem existimem, si paratus sit ostendere, animo adimendi rem à testatore pignori datam.

Cum hærede agere, ut prædia luantur] Hoc est, ut hæres de suo tantam pecuniam creditori solvat, in quantam prædia obligata sunt, atque ita ea prædia obligatione liberata ac redempta legatario præstet, d. l. 3. c. hoc sit. quod tamen accipiendum est secundum distinctionem traditam sub §. sed etsi. §. eod.

Si verò quis partem rei alienaverit, &c.] Hoc omnino præcedentibus est consequens: nam quod juris est in toto quoad totum, idem etiam valere debet in parte quoad partem, l. quæ de to-

ta. 76. de rei vind. l. 82. §. 3. eod. Et ideo si pars tantum rei legatæ alienata sit, pars, quæ non est alienata, semper debetur, l. 6. l. 8. in pr. de legat. 1. quæ alienata est, debetur, aut non debetur, pro ut eam animo adimendi aut non adimendi alienatam esse constabit.

T E X T U S.

De liberatione legati.

13. Si quis debitori suo liberationem legaverit, legatum utile est: & neque ab ipso debitore, neque ab hærede eius potest hæres petere, neque ab alio, qui hæredis loco sit. Sed potest à debitore conveniri, ut liberet eum. Potest etiam quis vel ad tempus jubere ne hæres petat.

N O T A E.

13. Neque ab hærede] Nisi legatum personæ debitoris cohæreat, l. 8. §. 3. de lib. leg.

Petere] Cum effectu scilicet quia petens exceptione doli repelli potest: ipso enim jure legato liberationis non dissolvitur obligatio, dist. l. 3. §. 3.

Vel liberet eum] Nempe per acceptilationem, d. l. 3. §. 3. l. 22. eod.

Ad tempus] Cujus legati quæ sit vis, disce ex Pomp. l. 8. §. 1. eod.

C O M M E N T A R I U S.

1 Liberationem debitori jam certo jure rectè legari.

2 Quis liberationis legatæ effectus?

3 Quis ejus legati, quo damnatur hæres ad tempus non petere?

Q Uod Titius mihi debet, id & Sempronio rectè lego; & ipsi Titio debitori meo. Illud legatum est, quod dicitur nominis, de quo plura inf. sub §. tam autem. 21. eod. hoc, quod appellatur liberationis, deque hujus legati effectu agitur in præsentī §. Respondet sit. Pand. de lib. leg. ubi variae hujus legati formulæ occurrunt. Is quoque qui chirographum debitori legat, liberationem legare videtur, l. 3. §. 1. d. tit. fac. l. qui chirographum. 59. de legat. 3. l. servum. 44. §. eam. 5. de legat. 1.

Legatum utile est] Liberationem debitori posse legari, jam certum est, ait Jurisconsultus in l. 3. pr. de lib. leg. quæ verba arguunt, id aliquando controversum fuisse. Cur verò fuerit, significare videtur idem Jurisconsultus l. 1. pr. eod. ubi ait, debitoribus ea quæ debent, rectè legari, licet domini eorum sint. Quippe nostrum propriè non est, quod est in credito, l. 27. §. 2. l. 34. de aur. arg. leg. Boeth. in Top. Pecunia, quæ est in nominibus, non est nostra. Ex eo enim suspicari licet, fuisse antea, qui negarent ipsi debitori, quod debet, rectè legari: quia scilicet nemini res suas legari potest. Sed eorum opinio merito explosa est; nihil enim quod debitoris sit, hoc legato contineri intelligitur,

gitur, sed jus tantum quod creditor habet, seu obligationem debitumve remissum.

2. *Neque ab ipso debitore*] Legato liberationis non dissolvitur ipso jure obligatio, aut protinus ipso jure debitor liberatur: sed potest liberationis sibi legatæ fructum duplici ratione consequi; excipiendo, si debitum hæres petat; si non petat, ultro ex testamento agendo, ut liberetur, l. 3. §. nunc. 3. l. quod mihi. 22. l. legavi. 25. in pr. cod. Quamobrem quod alibi dicitur, hæredem petere non posse, l. 2. §. 1. l. si quis. 15. cod. & hoc ipso in textu, id sic accipiendum est, non posse eum petere efficaciter: nam petentem exceptione doli mali repelli.

Neque ab hærede ejus, neque ab alio, qui hæredis loco] Qualis est bonorum possessor, & is, cui ex fideicommissio hæreditas restituta est. Interdum tamen effectus hujus legati intra personam solius debitoris consistit, veluti si quis ita dixerit, *Hæres meus à solo Lucio Titio ne petito*: vel, *A Lucio Titio, quamdiu vivit, hæredem meum petere nolo*. Quoties enim legatum cohæret personæ legatarii, ad hæredem ejus non transit, sicut nec ullum aliud jus personale ad hæredem transmittitur, l. 8. §. 3. l. Aurelius. 20. cod. tit.

3. *Ad tempus jubere, ne hæres petat*] Potest hæres damnari, ut ad certum tempus non petat. Cujus legati hic effectus est, ut hæres intra id tempus petens à debitore hæredeve ejus exceptione summoveatur. Ceterum debitor agere non potest, ut liberetur, d. l. 8. §. 1. nec per acceptilationem, quoniam acceptilatio in perpetuum obligationem tollit; nec pacto, quod exceptionem perpetuam parit, cum temporalem tantum ex testamento habeat. Ut autem hæres paciscatur cum debitore, ne intra id tempus petat, intra quod testator peti vetuit, ne hoc quidem requirendum est, quia debitori inutile, nihil amplius in eum conferens, quam quod jam habet, exceptionem scilicet temporalem. VINN. Quin & is præcipuus hujus legati effectus est, quod interea usuræ promissæ non debentur. l. 88. ff. de R. J. l. 117. ff. de V. O. HEIN.

TEXTUS.

De debito legato creditori.

14. *Ex contrario si debitor creditori suo quod debet, legaverit, inutile est legatum: si nihil plus est in legato, quam in debito: quia nihil amplius per legatum habet. Quod si in diem, vel sub conditione debitum ei pure legaverit, utile est legatum propter representationem. Quod si vivo testatore dies venerit, vel conditio extiterit, Papinianus scripsit, utile esse nihilominus legatum, quia semel constitit; quod & verum est. Non enim placuit sententia existimantium, extinctum esse legatum, quia in*

eam causam pervenerit, à quo incipere non potest.

NOTÆ.

14. *Si nihil plus in legato*] Nam ut legatum consistat, necesse est in eo aliquid utilitatis ab initio versari, l. 29. de leg. 1. l. 1. §. 10. ad leg. Falc. Alias non ex testamento agitur, sed ex pristina obligatione, *ἀπὸ τοῦ ἀπαράτου*, Schol. Theoph.

In diem, &c.] Vel si alio quocumque modo accidat, ut plus sit in legato, quam in debito, v. l. 28. & seq. de leg. 1. aut creditoris interfit, ex testamento potius agere, quam ex pristina obligatione, l. 11. de lib. leg.

Quia in eam causam pervenerit] In hac sententia videtur & Paulus fuisse, l. 82. cod. 2. qui tamen alibi faceret, novum non esse, ut quod semel utiliter gestum est, durer, licet ille casus extiterit, à quo initium capere non potuisset, l. 85. §. 1. de reg. jur.

COMMENTARIUS.

1. *Quot modis accidat, ut plus sit in legato rei debite, quam in debito?*
2. *Taxatur Ans. Fabri nimia confidentia.*
3. *Quando locus sit regula, Quod semel utiliter constitutum est, durare, licet ille casus extiterit unde incipere non potuisset? & quando locus regulae contraria?*
4. *Pauli à Papiniano dissensientis sententiam à Justiniano improbari.*
5. *Jura C. & Inst. vix esse, ut non sit plus in legato, quam in debito.*

UT consistat legatum, necesse est in eo aliquid utilitatis aut commodi ab initio versari, quemadmodum sub §. 4. generaliter definivimus; ex quo judicandum de legato, quod hic proponitur, si quis creditori suo quod debet legaverit; ut scilicet, si nihil utilitatis aut commodi ex eo legatarius capere possit, uti non potest; si nihil amplius est in legato, quam in debito, legatum non valeat: sin vero emolumentum quid contineat, aut quacumque ratione plus in legato sit, quam in debito, utile sit legatum, l. si creditori. 28. cum l. seq. de legat. 1. l. Marcius 66. de legat. 2. l. legavi. 25. sub fin. de lib. leg. l. 1. §. si quis. 10. ad leg. Falcid.

In diem vel sub conditione debitum pure legatur] Hæc exempli tantum causa proferuntur: nam longè pluribus modis, quam his duobus accidit, ut plus sit in legato rei debite, quam in debito; & toridem modis sit, ut legatum sit utile. Videamus ergo, quot modis id fiat. Ut plus in legato sit, quam in debito, primum efficitur debiti representatione, puta si id quod sub conditione aut in diem debetur, pure legetur: sic enim sit ut in legato plus sit tempore, l. sin autem. 29. de legat. 1. & hoc text. Secundo si quod loco longinquiore aut minus commodo debebatur, legetur loco citiore aut commodiore: hoc enim loco plus est in legato, quam in debito, d. l. 29. Tertio ut plus sit in legato, sæpe efficit nova actio ex te-

testamento; nempe si ea vel efficacior sit vetere, vel plenior. Efficacior est, si vetus removeri poterat exceptione; quæ exceptio legato debito remissa creditori intelligitur, *d. l. 28. de legat. 1.* Plenior est, si vel diuturnior; ut si verus actio est honoraria; ubi ideo legatum valet, quia honoraria actio saepe temporaria, ex testamento civilis est & perpetua, *d. l. 28.* vel alias uberior; ut est actio ex testamento, quamvis alia actione stricti juris, propter incrementum usurarum & fructuum, *l. 3. f. usurae. 34. junct. l. videamus. 38. §. si actionem. 7. de usur. l. 3. c. eod.* proinde si id, quod ex stipulatu debebatur, legatum fuerit creditori, legatum utile est, *d. l. 28. §. 1.* Et generaliter toties valet hoc legatum, quoties creditoris interest, ex testamento potius agere, quam ex pristina obligatione, *l. 11. de lib. leg.* Erratque adeo perspicue Vvesemb. cum negat, ex eo solo videri plus esse in legato quam in credito, quod nomine legati pinguior actio sit. Sed & in eo nonnihil commodi est, quod speciei à debitore eodemque domino legatæ dominium statim in creditorem transeat, & pro sola actione personaliter etiam in rem habere incipiat, *l. 3. §. 2. de legat. 3.* Cæterum etsi hæc legata ob commoditatem novæ actionis sustinentur; quia tamen hereditatem non minuunt, neque ipsa minuuntur lege Falcidiae, nec in his creditoris legatarii fideicommissi potest, *d. l. 28. §. 1. d. l. 3. §. 2.* Ubi verò commodum est representationis, pro modo istius commodi Falcidia inducitur, & fideicommissum valet, *l. 1. §. si quis. 10. ad leg. Falc. l. 2. de dos. præleg.* Si exceptio metuebatur creditoris, fideicommissi potest, *l. 7. §. ult. de legat. 3.* VINN. Potest & eatenus pinguius videri legatum, quam debitum, quod quum ex hoc actio duntaxat personalis competat, ex legato etiam nascitur actio hypothecaria, ob hypothecam legatario competentem in rebus defuncti. *l. 1. c. comm. de legat. HEIN.*

Propter representationem Id est, quia ex testamento præstenti die debetur. Representare est ante diem aliquid præstare aut solvere, vel antequam aliquid debeatur solvere. Sueton. *August. c. ult. l. 1. §. 2. de dos. præleg. l. Publius. 36. §. 1. de cand. & dem. Cicero epist. ad fam. lib. 16. ep. 14. Dies promissorum adesset quem etiam representabo, si advenieris. Seneca epist. ad Lucil. 95. Petis à me, ut id, quod in diem suum dixeram debere referri, representem. Gloss. ver. representare, *ἐπὶ τὴν προσηγορίαν*, representatio, *ἐμπροσθεν*. Theoph. omnemque accelerationem significat; ut in illis Ciceronis: *representare improbitatem*, lib. 16. ad Attic. epist. 2. *representare libertatem*, 2. Philipp. cap. 46. Sic Curtius lib. 6. cap. 11. *representare consilium* dixit pro ante diem exequi.*

Papinianus scripsit, utile esse nihilominus legatum Scilicet ut nihilominus id totum, quod debetur, jure legati peti possit: non ut in eo Falcidia adhuc locus sit, aut fideicommissum creditori impositum exigere liceat; utpote sublata jam utilitate representationis, quæ sola legi & oneri locum facit, *l. 1. §. si quis. 10. ad l. Falcid. l. 7.*

§. ult. de legat. 3. l. 2. de dos. præleg. Quod visum monere propter confidentiam Anton. Fabri, qui *lib. 4. conj. 12.* contra manifestam & auctoritatem juris & rationem affirmare ausus est, etiam in hoc nostro casu, cum dies venit, aut conditio exitit, & Falcidia locum dari, & fideicommissum deberi. Falso nimirum ille contendit, cum dies aut conditio legatum facit, Falcidiam non in commodo representationis duntaxat, sed in toto legato locum habere, legatariumque ratione totius legati fideicommissio gravari posse, temere id colligens ex verbis Papiniani in *l. 5. ad leg. Falcid.* eumque cum Paulo in *d. l. 1. §. si quis. 10. eod. & Ulp. in d. l. 7. §. ult. de legat. 3. l. 2. de dos. præleg.* qui id disertè negant, nulla necessitate committens. Utiq; nec rationi convenit, ut Falcidiam partiatur legatarius creditor, aut fideicommissum præstet, qui ex legato præter commoditatem novæ actionis nihil consequitur, nullumq; omnino commodum in re sentit, *fac. l. si creditori. 28. §. 1. de legat. 1. d. 3. §. 2. de legat. 3.* Extat responsum Papiniani in *l. 5. ad leg. Falcid.*

Existimantium extinctum esse legatum, quia in eam causam &c. Hic iterum, ut sup. §. 11. occurrunt duæ regulæ contrariæ, quarum una definit, *Quod semel utiliter gestum est, durare, etiam si ille casus extiterit, à quo initium capere non potuisset.* Altera contra, *Negotium extinguatur, cum is casus postea incipit, unde incipere non poterat.* Hæ duæ propositiones, ut constat, non possunt simul esse veræ simpliciter & in universum. Immo neutra earum perpetua est, aut verarum omnibus causis, *l. in ambiguis. 85 §. 1. de reg. jur. l. pen. §. ult. de verb. obl.* In negotiis omni ex parte perfectis, id est, quæ nihil futuri ad consummationem desiderant, sine exceptione valet prior definitio, nunquam ea, quæ utiliter sic gesta & consummata sunt, infirmari ob eam causam, quod ille casus evenierit, à quo consistere non poterant. Idque & apud omnes nunc in confesso est, & semper constitit; exempla suppetunt *l. 8. de his qui sui vel al. jur. l. oratione. 16. §. ult. de rit. nupt. l. donationes. 31. in pr. de don. l. pen. §. ult. de verb. obl.* Quod si negotii gesti jus adhuc pendeat, & ad plenam perfectionem ejus adhuc aliquid amplius desideretur, hæc aliud atque aliud pro conditione casus postea incidentis placet. Nam si quod postea intervenit, tale sit, ut impediat, quominus negotium rectè cœptum ad finem perducatur, placet, quod ante gestum est, resolvi: si non impedit, durare quod bene gestum est, exitumque suum sortiri. Ut ecce, testamentum, legata, fideicommissa, etiam si ab initio utiliter constituta sint, non statim tamen ita plenè perficiuntur, ut nihil amplius ad consummationem voluntatis desideretur: reliquum enim adhuc est, ut hæres ex testamento existat, ut legatarius legatum consequatur. Pingo nunc, eum, qui testamentum jure fecerat, capite postea minuzum esse, servum scilicet factum, aut deportatum, aut adrogatum. Dicimus, irritum fieri testamentum; nempe quia superveniente servitute, deportatione, adrogatione, conditio personæ testatoris sic mutatur, ut testamentum habere

non possit, ac ne heredem quidem omnino, §. 4. *sup. quib. mod. test. inf. l. 6. §. irritum. 5. & seqq. de in iust. rupt. l. 6. §. 1. & seqq. qui test. fac. l. pen. §. 2. de bon. poss. sec. sab. Finge, servo alieno quid legatum esse, cumque servum postea à testatore redemptum; dicimus similiter, legatum extinguí, quia id quod accidit, impedit ne legatum exitum habere possit, l. 3. §. ult. de his que pro non script. Eiusdem generis exempla occurrunt, l. inter. 83. §. sacram. 5. de verb. obl. §. 2. inf. de inus. stip. §. pen. inf. de noxal. act. l. falsus. 43. §. ult. de furt. l. pro parte. 11. de servit. l. si à me. 11. de iudic. l. huic scriptura. 15. in fin. junct. l. seq. ad leg. Aquil. Sed finge, testatorem post testamentum factum incidisse in furorē aliamve mentis abalienationem, aut amisisse facultatem audiendi, loquendive, aut bonis ei interdictum. Hic contra dicimus, testamentum, quod antea rectè factum erat, nullo horum casuum infirmari; quippe quia nec furor interveniens, nec auditus sermonisve amissio, nec bonorum adempta administratio impedit, quominus testamentum exitum habeat, atque ex eo hereditas ceteraque relicta obtineantur, ut potestatum & fortunas suas testatore retinente, §. 1. & 2. seqq. *sup. quib. non est perm. fac. test. l. 6. §. 1. l. is cui. 18. qui test. fac. tunc Don. post. DD. vulg. in d. l. pen. §. ult. de verb. obl.* Ceterum non idem omnes in omni ejusmodi specie sensisse apparet ex l. existimo. 98. de verb. obl. Atque in casu hic proposito, cum quis quod in diem aut sub e conditione debebat, creditori suo purè legavit, & vivente testatore dies supervenit aut conditio exitit. Paulus in l. debitor. 81. de legat. 2. aperè dissentit à Papiniano in l. 5. ad leg. Falc. Si demum jam mortuo testatore dies venerit, aut impleta sit conditio, concedit Paulus durare petitionem legati: si vivo adhuc eo, ait legatum inutile effici, quamvis ab initio constiterit. Contra Papinianus etiam si vivo testatore dies venerit, &c. utile esse hujusmodi legatum scribit, quia semel constitit. Paulus igitur ad jus hujus legati requirit, ut etiam antequam dies aut conditio existat, testator mortuus sit: Papinianus unum tantum hic tempus testamenti spectandum, atque ex eo de vi & jure relicti statuendum existimat, quod consentaneum videtur regulæ Catonianæ. Papiniani sententiam rejecta Pauli Justinianus hic amplexus est. Tota disputatio hujus §. 1. quod Compositores ipsi non animadverterunt, hodie inutilis pæne & supervacua videtur: vix enim est, ut legatum debiti jam non sit utile creditori, postquam Justinianus etiam actionem hypothecariam legatariis dedit, & jus taciti pignoris in bonis defuncti, l. 1. c. comm. de legat. ut proinde uno tantum casu nunc accidere possit, ut legatum rei debiti nihil utilitatis contineat, videlicet quando legatarius creditor etiam extra causam legati jus pignoris habet, constitutum sibi jam ante vel à debitore, vel à lege, ut in speciè §. proximè sequentis. VINN. Nemo hanc rem accuratius tractasse videtur Viro eximio, Jac. Gothofredo in *Comment. ad l. 85. §. 1. ff. de R. J. p. 321.* ubi regulas has ita conciliat: 1. *Primus in Institut.**

*Quæ ex præsentis vires capiunt, quæque non tantum ab initio semel constiterunt, verum etiam utiliter constituta sunt, quorumque DIES utiliter antea casum existentem CESSIT, ea durant, etsi casus constiterit, à quo initium capere non possent, nisi rei aut personæ status essentialis ita mutatus fuerit, ut jam adimpleri res nequeat. 2. Quæ ex præsentis vires non caperunt, vel quamvis constiterint, non tamen CONSTITUTA sunt ante casum existentem, denique quorum DIES nondum CESSIT, ea evanescent, emergente casu, à quo initium capere non potuerunt. Ex his duabus regulis egregiè solvi quæstiones singulares, idem Gothofredus per inductionem ostendit, simulque docuit, dissensum veterum, quem jam Cujacius observavit, inde esse, quod non satis distinxerint illam: *negotium consistit & negotium utiliter constitutum est*: quæ diversa admodum esse, nemo non videt. HEIN.*

TEXTUS.

De dote uxori legata.

15. *Sed si uxori maritus dotem legaverit, valet legatum: quia plenius est legatum, quam de dote actio. Sed si, quam non accipit, dotem legaverit, divi Severus & Antoninus rescripserunt, siquidem simpliciter legaverit, inutile esse legatum: si vero certa pecunia, vel certum corpus, aut instrumenta dotis in prælegando demonstrata sunt, valere legatum.*

NOTÆ.

15. *Plenius est legatum*] Propter representationem in dote pecuniaria, quæ annua, bima, trima die, *triens, bimens, mensis*, id est, tribus annuis pensionibus reddebatur. Ulp. *tit. 6. §. 5.* Hodie autem dos rerum mobilium annua die præstatur, l. un. §. 7. c. de rei ux. act. In legato immobilium etsi non est representatio, Ulp. d. loc. & d. l. un. valet tamen legatum propter commoditatem novæ actionis. vid. in *comment.*

COMMENTARIUS.

- 1 *Jure antiquo in relegatione dotis semper plus fuisse, quam in obligatione.*
- 2 *An novo jure adhuc aliquid in ejusmodi legato commodi?*
- 3 *Quid juris, si, quæ non accepta est, dos aut simpliciter legata sit, aut demonstrata certa quantitate vel corpore?*

Si uxori maritus dotem legaverit] Exemplum legati rei debiti; proinde quid hic statuendum sit, discamus ex superiore regula, ut si plus sit in legato, quam in debito, legatum valeat; si nihil amplius, legatum sit inutile.

Quia plenius est legatum, quam de dote actio] 1. Hæc verba arguunt, veteres semper existimavisse, Ii 3 se,

si plus esse in legato quam in obligatione dotis, ut proinde relegatio dotis non potuerit non jure veteri valere, *fac. tit. de dot. præleg.* Ut autem legatum plenius esset, faciebat aut utilitas representationis in dote pecuniaria, cujus repetitio dilationem habebat, ut annua, bima, trima die, *etiam de dot. præleg.* id est, tribus annuis pensionibus redderetur, legatum autem statim peti poterat, *l. 1. §. 2. l. 2. d. tit. Vlpian. tit. 6. §. 5.* aut commoditas novæ actionis: nam et si ceteræ dotes statim reddebantur, teste Vlpian. *d. loc.* tamen dote prælegata hoc commodum sentiebat uxor, quod dominium rei dotalis statim ad eam redibat, actionemque in rem consequabatur, cum pro dote repetenda personalem tantum actionem rei uxoriæ haberet, *arg. l. 3. §. 2. de leg. 3.* aut si dote sibi reddi stipulata fuerat, quod pro actione ex stipulatu consequabatur actionem ex testamento, imitantes in plerisque naturam actionum bonæ fidei: per *l. si creditor. 28. §. 1. de legat. 1.* Ad hæc varix olim actioni de dote objiciebantur exceptiones & retentiones; sæpe etiam dos lucro mariti cedebat, vid. Vlp. *d. tit. 6. l. 1. §. 1. sol. matr. l. un. §. accedat. §. et seq. C. de rei ux. act.* quibus locus non erat dote relegata. Justinianus verò jus & petitionem mulieris sic auxit, *d. l. un. & l. in rebus. 20. C. de jur. dot.* ut non videam, quid commodi nunc ex relegatione dotis capi possit; nisi quod jure legati etiam res dotales mobiles statim reddendæ sunt, quarum alioqui præstatio animi dilationem ex constitutione Justiniani habet, *d. l. un. §. cum autem. 7. vers. ex alio.* Tentari tamen potest cum plerisque interpretibus, etiam post constitutiones Justiniani relegationem in universum utilem censi debere, propterea quod agenti ex testamento non potest obijci exceptio, quam vocant competentia. Tamen si enim non omnibus hæredibus mariti conventis actione de dote hoc beneficium competit, *l. sciendum. 25. de re ind.* sufficit tamen, communi filio, qui patri hæres extitit, competere, *l. etiam filius. 18. solut. matr.* atque ita aliquando legatum utile esse posse, & solidum obtineri, ubi alias in id tantum fieret condemnatio, quod reus facere posset. VINN. Sed hæc commoda legati non adeo magni momenti sunt. Actionem enim realem uxor soluto matrimonio habet tamquam domina dotis. Actio ex stipulatu de dote æquè bonæ fidei & pinguis est, ac actio ex testamento, excepta representatione. Denique merito dubites an liberi beneficium competentia ob legatum hoc amittant. vid. *l. 12. l. 13. l. 18. ff. sol. matr. l. 25. de re jud. junct. l. 67. §. 8. de legat. 2.* observavit id contra Lauterbachium celeberrimus Pagenstech. in *Admonit. ad ff. Part. 5. §. 116.* HEIN.

Si quidem simpliciter, inutile est legatum] Si dos uxori prælegata sit non designata certa quantitate aut certo corpore demonstrato, & dos nulla data sit, legatum inutile est: quia apparere non potest, quid aut quantum fuerit legatum. Neque hoc tantum in dote non accepta & simpliciter legata obtinet; sed etiam in omni

simili legato incertæ rei aut quantitatis, *l. si sit legatum. 75. §. 1. de legat. 1. l. legavi. 25. sub fin. de lib. legat. fac. l. cum poss. 69. §. gener. 4. de jur. dot.*

Si vero certa pecunia, vel certum corpus, aut instrumenta] Veluti, Centum quæ in dotem acceptæ aut, fundum Tusulanum, nisi in dotem datum, uxori do lego, aut, Centum, quæ instrumento dotali consecrata sunt, *l. 3. l. ult. C. de fals. ca. adi. leg.*

Valere legatum] *d. l. legavi. 25. in fin. de lib. leg. d. l. 3. & ult. C. de fals. ca. adi. leg. d. l. si sit legatum. 75. §. 1. in fin. de legat. 1.* Ratio aperta est, & expressa dictis locis: quia falsa demonstratio legatum non vitiat; de quo plura *inf. §. hinc proxima. 30. cod.* Eadem ratione si major quantitas legato comprehensa sit, quam in dotem accepta, valebit legatum etiam in id, quod acceptam excedit, *l. 6. de dot. præleg.* Obstat tamen his, quæ diximus, videtur, quod Ulpianus scribit, *l. 1. §. sed & si. 7. cod. tit. si quis ita legaverit, Centum, quæ in arca habeo, aut, quæ ille apud me deposuit, & nihil in arca sit, aut depositum fuerit, nihil deberi; ac commodans hoc ipsum ad casum dotis non acceptæ & prælegatæ. Sed rectè responder Jo. Faber. Referres, utrum legetur certa quantitas ut quantitas, an ut certum corpus aut species, veluti Centum, quæ in arca habeo, *l. planè. 34. §. sed hoc 4. l. sed si. 51. de legat. 1.* Priore casu falsam demonstrationem non nocere legato: posteriore idem juris esse, quod certo corpore, quod non extat, demonstrato, ut si quidem extet quantitas sic designata, legatum valeat; si non extet, inutile sit, *l. si servus. 108. §. qui quinquaginta. 10. de legat. 1. l. omnia. 32. §. speculo. 5. de legat. 2.**

TEXTUS.

De interitu & mutatione rei legatæ.

16. *Si res legata sine facto hæredis perierit, legatario decedit; Et si servus alienus legatus sine facto hæredis manumissus fuerit, non tenetur heres. Si vero hæredis servus legatus sit, & ipse eum manumiserit, teneri eum, Julianus scripsit: nec interest sciverit, an ignoraverit, à se eum legatum esse. Sed & si alii donaverit servum, & is, cui donatus est, eum manumiserit, tenetur heres: quamvis ignoraverit, à se eum legatum esse.*

NOTÆ.

16. *Sine facto hæredis*] Sive naturali interitu, v. c. si servus legatus *id est* dardro, sua morte, ut Suet. in Jul. c. ult. defunctus sit, sive facto alieno; nisi mora hæredis intervenierit, *l. 36. §. ult. l. 47. §. ult. de leg. 1. l. 23. de verb. obl.* Vide in comment.

Legatario decedit] Et heres liberatur, ut & ceteri debitores, qui certam speciem debent, *d. l. 23.*

Sine

Sine facto heredis manumissus] l. 35. de leg. 1. hæc enim manumissio morti proxima est, l. 92. de solut.

Nec interest sciverit, &c.] l. 112. §. 1. cod. 1. l. 28. qui & a quib. man. l. 91. §. 2. de verb. obl. Ratio est in l. 25. §. 2. in fin. ad Treb.

COMMENTARIUS.

- 1 *Servi alieni qui legatus sit, manumissione heredem ita liberari, ut nec æstimationem debeat & quid si res legata evicta sit?*
- 2 *Heredem, qui servum proprium à se legatum resignans manumissit, obligatum remanere & cur nominatim hoc pronuntietur de servo heredis proprio?*

HUJUS §. doctrina pertinet ad locum communem de liberatione debitorum, quæ contingit interitu rei debitæ. Sic enim in universum jus est, ut rei debitæ interitu, qui sine facto aut culpa debitoris contingit, obligatio extinguatur, ita ut nec ulla æstimationis petitio supersit, l. si ex legati. 23. de verb. obl. l. in ratione. 37. §. res tamen. 6. ad leg. Falc. l. cum res. 47. §. ult. de legat. 1.

Si res] Id est, res certa, species, seu certum corpus, l. non amplius. 26. §. 1. de legat. 1. d. l. si ex legati. 23. de verb. obl. d. l. in ratione. 30. §. certis. 4. ad leg. Falc. idque ex prædicato, perierit, satis intelligitur, quod in res certas seu species solum cadit. Nam cum res incerta, puta homo generatim, aut centum aurei, legata aut in obligationem deducta est, numquam dici potest res legata aut alias debita perierit; quoniam omnes homines vocabulo hominis, & quicumque aurei generaliter & infinite centum legato aut obligatione continentur: eoque fit, ut in his nullo rerum casu sive hæres sive quis alius debitor liberetur, d. l. in ratione. 30. §. incerta. 5. ad leg. Falc. l. incendio. 10. C. si cert. per. Utrum autem certa species legata sit, an quantitas instar certæ speciei, veluti centum aurei, qui in area sunt, nihil interest, d. l. in ratione. 30. §. certis. 4. l. si certis. 37. de verb. obl.

Sine facto heredis perierit] Sive naturali interitu, sive facto alieno, puta si servum legatum alius occiderit, l. arbitrio. 18. §. ult. de dol. Nam si ipsius heredis facto res perit, non magis id legatario nocere debet, quam ceteris creditoribus, quæ facto debitorum contigerunt. Sed & si res naturali facto perierit, ceterum post moram ab hærede factam, heredis id detrimentum erit, l. cum servus. 49. §. 1. de legat. 1. Certa enim est juris regula, mora interveniente, perpetuari obligationem, ut post moram re perempta nihilo secius teneatur debitor, quam si res adhuc extaret, d. l. si ex legati. 23. de verb. obl. l. nemo. 82. §. 1. l. si servum. 91. §. sequitur. 3. cod. l. 53. de reb. cred. de quo commodius infra in materia obligationum. Ait, perierit. Perierit non tantum res intelligitur, cum in rerum natura esse desiit: verum etiam cum commercio exempta est, §. 1. & 2. inf. de inno. sup. l. inter. 83. §. sacram. 5. de verb. obl. l. si mihi. 92. de solut.

Legatario decedit] Hoc locis compluribus traditum, l. non amplius. 26. §. 1. l. Titia. 36. §. ult. l. cum res. 47. §. ult. l. si quis inquilinos. 112. §. 1. de legat. 1. d. si ex legati. 23. de verb. obl. atque, ut superius diximus, jus est commune omnium debitorum, qui certam speciem debent.

Sine facto heredis manumissus] Etiam servi alieni legati manumissione hæres liberatur, si nulla ejus culpa argui potest, l. si hæres. 35. de legat. 1. l. si servum. 91. §. 1. vers. fin. autem de verb. obl. l. si mihi. 92. de solut. ubi Paulus hanc manumissionem ait morti similem esse; scilicet quia manumissione servus commercio eximitur. Quare nec æstimationem præstare hæres tenetur, quam præstare cogitur, cum res adhuc extat, eamque dominus non vult vendere, §. 4. sup. Quid si res legata non perempta, sed legatario evicta sit? Et si quidem ex causa pignoris evicta sit à creditore, hæres obligatus manet: nec interest, generaliter res legata sit, an una aliqua specialiter & certa; nam nec illo casu sufficit rem talem dare qualis est; sed ita dare oportet; ut eam habere liceat, l. qui concubinam. 19. §. pen. de legat. 3. l. si à substituto. 45. §. 1. cod. 1. & hoc casu tenetur hæres rem obligatam nexu pignoris liberare, §. 5. sup. Sin autem evicta fuerit à domino ut res aliena, hic interest, in genere res legata sit, an in specie: nam si in genere, & hæres rem unam aliquam ex eo genere dederit, quæ postea à domino evincatur, non liberabitur, ob eandem scilicet causam, quam modo dixi: si verò in specie, puta Stichus aut Pamphilus, sic distinguendum est; ut si testator eam rem tanquam alienam legaverit, teneatur hæres eam redimere, aut æstimationem ejus dare, §. 4. sup. si tanquam suam, placet heredem liberari, modo præstet rem talem, qualis apud testatorem fuit, l. cum pater. 77. §. evictis. 8. de legat. 2.

Heredis servus legatus, & ipse cum manumissus] Si hæres servum proprium à se legatum manumiserit, obligatus remanet, & tenetur in ejus æstimationem, perinde quasi occidisset; nec refert, sciverit, an ignoraverit, à se legatum esse, l. si quis inquilinos. 112. §. 1. de legat. 1. l. hæres. 28. qui & a quib. man. quippe etiam manumissione res interire intelligitur, quia desinit esse in commercio, & nemo suo se facto obligatione liberare, alterique damnum asserere potest, l. quidam. 25. §. 2. in fin. ad sen. Trebell. l. si servum. 91. de verb. obl. Quod ergo dicitur in d. l. hæres. 28. qui & a quib. man. heredem servum proprium, quem testator legaverat, manumittendo nihil agere, ad effectum liberationis, non ad effectum libertatis referendum: ut nihil agere dicatur, quia manumittendo non efficit, quominus obligatus maneat, quod etiam Accurs. observavit. Non obstat huius sententiæ, quod excusatur ignorantia ejus, qui servum indebitum sibi datum manumissit, l. in summa. 65. §. pen. de cond. ind. Nam indebiti conditio, utpot. quæ ex bono & æquo introducta est, nihil revocare consuevit, præter iniquum lucrum, l. pen. cod. tit. Cur verò Justinianus hoc lo-

co, & Jurisconsulti d. l. si quis inquilinus. 112. §. 1. et d. l. heres. 28. nominatim loquuntur de servo hæredis proprio? Nimirum quia hæres servum testatoris à se legatum aut per fideicommissum alteri relictum ne manumittere quidem potest, sicut nec quamvis aliam rem, quam restituere iustus est, alienandi potestatem habet, l. ult. §. 2. C. comm. de legat. Quin et si sub e conditione servus testatoris legatus fuerit, licet pendente conditione pleno jure hæredis sit, placet tamen, libertatem ab hærede consequi non posse, l. generaliter. 29. §. 1. qui & à quib. man. Sed quid est igitur, quod Paulus in l. si servum. 91. §. 2. de verb. obli. scribit, Julianum putasse, teneri hæredem, qui, cum nesciret, à se peritum codicillis ut restitueret, manumisit? nam libertate non procedente, non potest dici manumisisse. Responsum ipsum Juliani, quod extat in l. quidam. 25. §. 2. ad sen. Treb. rem expediet. Non ait Julianus servum hæreditarium ab hærede legatum, aut quem nominatim hæres restituere rogatus est, posse manumissione hæredis liberum fieri: sed posse hæredem, qui libertatem restituere iustus est, servum, qui ex ea hæreditate sit, manumittere, ut tamen obligatus maneat, pretiumque servi fideicommissario præstet. Inter quæ multum interest. Nam cum servus hæreditarius certus specialiter legatus est, manifestum est, testatorem velle hunc ipsum servum præstari, non æstimationem ejus. At in fideicommissio hæreditatis potest favore alicujus rei, quæ in ea hæreditate sit, alia interpretatio voluntatis recipi, quasi ad sensum testatoris nihil intersit, utrum res ipsa, an æstimatio præstetur.

Sed & si alii donaverit, & is eum manumiserit, &c.] Hæres, qui servum proprium à se legatum alteri donavit, quamvis eum à se legatum ignoret, tamen si is, cui donatus est, eum manumiserit, tenetur in servi æstimationem, d. l. si quis inquilinus. 112. §. 1. de legat. 1. Ratio eadem, quæ in specie præcedente; quia factò hæredis accidit, ut servus commercio sit exemptus; quod alteri damnum asserre non debet. Tantum hic non proxima, sed remota causa hæres est.

T E X T U S.

De interitu quarundam ex pluribus rebus legatis.

17. Si quis ancillas cum suis natis legaverit, etiam si ancilla mortua fuerint, partus legato cedunt. Idem est & si ordinarii servi cum vicariis legatis fuerint: quia licet mortui sint ordinarii, tamen vicarii legato cedunt. Sed si servus fuerit cum peculio legatus, mortuo servo, vel manumisso, vel alienato, peculii legatum extinguitur. Idem est, si fundus instructus, vel cum instrumento legatus fuerit: nam fundo alienato, & instrumenti legatum extinguitur.

N O T A.

17. Idem est, si ordinarii cum vicariis] Nam vicarii hic non considerantur, ut pars peculii ordinariorum, sed ut eorum conservi, ut & revera sunt, l. 9. d. tit. itaque etiam in hac specie duo sunt legata separata, l. 4. d. tit.

Sed si servus cum peculio, &c.] l. 1. d. 1. Ratio est, quia peculium accessionis locum obtinet, cujusmodi, perempta re principali, & ipsa extingui solent, l. 2. d. 1. l. 178. de reg. jur.

Idem est, si fundus instructus] Quia nec hic duo sunt separata & principalia legata, sed unum rei principalis, alterum accessionis: spectanda tamen mens testatoris, l. 1. §. 1. l. 5. de instr. vel instrum. leg.

C O M M E N T A R I U S.

1 Si ancilla cum suis natis legata sit, duo intelligo legata separata & æque principalia.

2 Idem esse, si servus cum vicariis suis legatus sit.

3 Secus, si servus cum peculio, aut penus cum vasis.

4 Aut si fundus instructus, vel cum instrumento.

5 Paulus cum Justiniano concilians.

Hoc §. & 3. seqq. docetur, quid juris sit, si res legatæ vivo testatore vel decesserit aliquid vel accesserit. Si aliquid decesserit, ita jus est, ut neque legatum extinguatur, nisi quod decessit, sit principale, reliquum accessorium; neque hæres teneatur supplere, quod decessit, sed præstatione ejus quod superest, liberetur. Hæc res quatuor exemplis declaratur; legati ancillæ cum suis natis; servorum ordinariorum cum vicariis, hoc §. legati gregis, §. seq. legati peculii, §. 20. Cæterum, ut dixi, ita quod superest legato cedit, si id quoque principaliter legatum sit, non si ut accessio ejus, quod decessit: nam perempta re principali etiam legatæ accessionis extinguitur; quod ostenditur hoc §. exemplo legati servi cum peculio; item fundi cum instrumento legati. Si quid accesserit, placet etiam illud legato cedere: cujus rei tria exempla proferuntur, legati gregis, cui postea adjecta plura capita, §. seq. legati ædium, quibus adjectæ columnæ & marmora, §. 19. legati peculii, cui deinde aliquid accessit, d. §. 20. Latè autem hic locus patet. Nam huc etiam pertinent fructus, usuræ, pensiones pro diorum, partus, fœtus, alluvio, insula in confinio nata, & plura alia, quæ hic non tangit Justinianus, l. 8. l. quod in verum. 24. §. 2. & 3. l. cum servo. 39. §. 1. de legat. 1. l. 10. l. si si area. 39. de legat. 2. l. sape. 16. cod. 3.

Partus legato cedunt] l. si ancilla. 62. cum l. seq. de legat. 1. Poterat videri unum hic esse legatum principale, alterum, natorum scilicet, accessorium: quod etiam Servio visum fuit, qui ob id, mortua ancilla, negabat partum deberi. Sed revera liberi matris accessio non sunt; statim enim ut sunt editi, separatam planè habent existentiam: & ideo rectè Paulus scribit, duo hic esse legata sepa-

separata, hoc est, æquè principalia, l. 3. de pec. leg. & Celsus in l. si ancilla. 63. de legat. 1. sententiam Servii ut falsam nec voluntati defuncti accommodatam rejicit. Ego quoque sententiam Jo. Fabri & Aretini falsam esse puto, & voluntati testatoris minime consentaneam, qui existimant, si pecudes cum foetu legatæ fuerint, morte pecudum legatum foetus tamquam accessorium extinguui. VINN. Genuina ratio, cur nec ancillæ partus, nec foetus animalis hic pro accessione ancillæ, vel animalis haberentur, hæc esse videtur, quia post partum non pertinent ad ancillam vel animal, sed ad dominum, adeoque hujus respectu utraque res erat separata, utraque principalis, nullaque remanebat inter matrem & foetum connexio. HEIN.

Item est, si ordinarii cum vicariis] Hic eadem dubitatio occurrit, quæ in casu præcedenti: nam ut peculium servi accessio est, ita & servi vicarii, qui sunt in peculio ordinariorum, l. 17. de prehl. etiam horum accessio videntur, ac proinde, his mortuis, illos ex legato non deberi. Illud utique certum est, mortuo servo ordinario, qui cum peculio legatus est, peculii legatum ita extinguui, ut nec vicarii, qui in ejus peculio sunt, debeantur. Et sanè fatendum est, servos vicarios accessionis locum obtinere, quatenus considerantur ut pars peculii ordinariorum: ceterum ex se non sunt, sed revera ordinariorum conservi, l. 9. de pec. leg. Atque ut tales considerantur in casu proposito, cum discretè cum ordinariis & ipsi legantur, ut hic quoque sint duo legata separata, & vicarii æquè principaliter ut ordinarii legati intelligantur, l. 4. d. sis.

Sed si servus cum peculio] Servo legato cum peculio, & alienato vel manumisso, aut mortuo legatum etiam peculii extinguuitur, l. 1. de pec. leg. Cur tam variè? quia peculium accessionis locum obtinet: cujus conditionis quæ sunt, extingui solent, cum principales res peremptæ fuerint: ratio reddita à Cajo in l. 2. d. sis. Eadem ratione placet, & penu certa cum vasis legata & consumpta, ne vasa quidem deberi, l. 2. l. 4. in pr. de pen. leg. Hoc tamen inter peculium & vasa penuria interest, quod peculium non est simplex & mera accessio, quæ necessario servum sequatur: quippe si simpliciter servus legatus sit, peculium legato non cedit, l. si legatus. 24. de pec. leg. Sed vasa penuria pura puta sunt accessio: & ideo penu simpliciter legata, vasa quoque, sine quibus rectè penus haberi non potest, legato continentur, l. 3. §. ult. d. l. 4. pr. de pen. legat.

Si fundus instructus, vel cum instrumento] Exemplum simile proximè præcedenti: ideo enim fundo cum instrumento legato & alienato etiam legatum instrumenti extinguuitur, quia hic non sunt duo diversa & separata legata, sed unum rei principalis, alterum acces-

sionis & sequelæ. Nam instrumentum fundi accessio est. Et siquidem sic aliquis legaverit, fundum cum instrumento, alienato fundo instrumentum peti non posse semper constitit, l. 1. §. 1. l. 5. de instr. vel instrum. leg. Ceterum an idem sit, si sic legaverit, fundum & instrumentum, aut, fundum instructum, non satis convenit. Labeo lib. 1. pithan. putat, inter omnes hæc scripturas nihil interesse, l. 5. de instrum. leg. Justinianus quoque hoc loco idem prædicat de legato fundi instructi & legato fundi cum instrumento. Denique & Paulus eadem duo ut eandem vim habentia conjungit, d. l. 1. in pr. cod. sic. Verum idem Paulus in notis ad Labeonem d. l. 5. hanc scripturam, fundum cum instrumento, à cæteris discretè separat sic ut dicat, ex illa scriptura, fundo alienato, nihil deberi: ex duabus reliquis posse instrumentum esse legatum. Eguinarius Baro existimat, Paulum cum Justiniano nullo modo conciliari posse. Hotomannus etiam secum pugnare, atque ex insita sibi cum Labeone similitudine solo Labeonis redarguendi studio contrarium respondisse. Verum ego, ut fatear, Paulum eo genere morbi laborasse, eoque correptum aliquando non satis bona fide cum Labeone agere, ut videre est in l. pen. §. 1. & 2. de acq. rer. dom. l. ult. de usuc. & fortassis sic etiam Labeonem ab eo tractari, in d. l. 5. non arbitror tamen aut secum eum pugnare, aut cum Justiniano. Labeo dixerat, inter superiores scripturas omnes nihil interesse. Paulus ait, interesse: nam ex hac scriptura, fundum cum instrumento, alienato fundo, nihil deberi: ex his fundum & instrumentum, vel fundum instructum, posse instrumentum esse legatum. Quasi dicat, in hac specie, cum fundus cum instrumento legatus est, tam perspicuum est, testatorem instrumentum accessionis loco habuisse, ut alienato postea fundo, frustra de mente testatoris, quod ad legatum instrumenti attinet, disputetur: quod ipse d. l. 1. §. 1. de instrum. leg. sic expressit, fundo cum instrumento legato & alienato, instrumentum non vindicabitur ex sententia defuncti. Cum autem fundus & instrumentum, aut fundus instructus legatus est, licet regulariter etiam utroque hoc casu legatum instrumenti pro accessorio habeatur, eoque alienato fundo legatum instrumenti evanescat, tamen quia mens testatoris hic non tam plana ac perspicua est, quàm in specie superiore, ideo admitti posse questionem voluntatis, & tentari fundo alienato nihilominus instrumentum, tamquam separatim atque æquè principaliter legatum, ex sententia testatoris deberi, eoque probato, legatarium vincere. Non pugnat igitur secum Paulus, cum in d. l. 1. in pr. ait, siue cum instrumento fundus legatus sit, siue instructus, duo legata intelligi: nam in illa specie alterum semper accessorium est, in hac potest utrumque esse principale. Sed nec cum Justi-

na-

niano, quippe qui quod regulare est, hic tantum proposuit: quod & fecit Labeo d. l. 5. quem idcirco explicari potius à Paulo, quam taxari oportuit. Ad hunc ferme modum hæc quoque componunt Cujac. Uvesemb. post Bart. d. l. 5. aliter. l. 30. *ibid.* Myns. Balduin. *hic*. Quanto plenius sit legatum fundi instructi, quam fundi cum instrumento, docet Ulpian. l. *quæsitum*. 12. §. *si suppellex*. 15. & §. *sed si fundus*. 27. cum *seqq.* de *instrum. vel instrum. legat.*

T E X T U S.

De grege legato.

18. Si grex legatus fuerit, & postea ad unam ovem perveneris, quod supersueris vindicari potest. Grege autem legato etiam eas oves, quæ post testamentum factum gregi adjiciuntur, legato cedere, Julianus ait. Est autem gregis unum corpus ex distantibus capitibus; sicut adium unum corpus est ex coherentibus lapidibus.

N O T A E.

18. Si grex legatus, &c. quod supersueris vindicari] Quamvis grex esse desierit, quæ ratio est dubitandi, l. 22. de *legat.* 1. Sed nimirum qui gregem legat, etiam singula capita, quæ in eo grege sunt, ut partes totius legare intelligitur, per l. 113. de *reg. jur.* Aliud juris est in legato usufr. gregis, l. ult. *quib. mod. us. am.* quia usufructus rei mutatione extinguatur, v. *sup.* §. *pen. de usufr.*

Unum corpus] De generibus corporum vid. l. 30. de *usurp.* & *usu.*

C O M M E N T A R I U S.

1 Ratio dubitandi circa priorem speciem huius §. & cur non idem in legato usufructu gregis remissum.

2 Ratio exempli posterioris.

1 GRege legato, si numerus ovium decreverit, tamen quæ supersunt capita debentur, etiam si unica tantum ovis reliqua sit, l. si *grege*. 22. de *legat.* 1. Quo loco Pomponius etiam dubitandi causam significat: quæ hæc esse poterat, quod rei legatæ interitu legatum extinguatur, §. si *res*. 16. *sup. eod.* Etenim grex etsi neque accretione neque decrectione mutetur, sed idem maneat, l. si *cum*. 21. §. 1. de *exc. rei ind.* tamen ubi decrevit usque ad numerum minorem decem, interiisse censetur, quia iste numerus gregem non constituit, l. ult. de *abig.* l. ult. *quib. mod. us. am.* vid. l. 65. §. 1. de *leg.* 2. Fabrot. ad *Th. h.* l. 79. de *leg.* 3. Gregem autem legavit testator, non separatim singula capita, quæ aliud sunt, quam grex, l. 1. in *fin.* de *rei vind.* Dicendum est, eum, qui

gregem legat, omnia capita, quæ in eo grege sunt, legare intelligi, atque ideo quicquid ex grege superest, die legati cedente, legatario deberi. Licet enim capita, quæ supersunt, pauciora sint, quam ut per se gregem constituent, tamen quotquot supersunt, pars sunt aut fuerunt illius gregis, qui legatus est; ac proinde etiam legato continentur, l. *intoto*. 113. de *reg. jur.* Nam nec area insula est: & tamen si insula legata combusta sit, responsum est, aream adhuc vindicari posse, d. l. si *grege*. 22. Nimirum quia area pars est aut fuit rei legatæ, id est, insulæ, l. qui *res*. 98. §. *aream*. §. *vers. non est. de solus*. Nec est contrarium, quod traditur in l. ult. *quib. mod. us. am.* usufructum gregis legatum, si in eum numerum pecus reciderit, quod grex constare non potest, perire. Aliud enim longè juris est in legato gregis, aliud in legato usufructu gregis. Diversitatis rationem alibi diligenter exposui sub §. *pen. sup. de usufr.*

Ad unam ovem] Quamvis enim unica hæc ovis gregem non constituat, id est, universitatem multorum capitum; est tamen unum ex capitibus illis, quæ gregem constituebant, ac proinde pars rei legatæ. vide & l. *peculium*. 63. §. 1. de *leg.* 2. l. si *chorus*. 79. de *leg.* 3. Fabrot. ad *Theoph.* *hic*.

Post testamentum gregi adjiciuntur] Exemplum contrarium, cum rei legatæ vivo testatore aliquid accessit. Cui grex legatus est, ad eum etiam omnia capita pertinent, quæ postea gregi adjecta sunt, l. *grege*. 21. de *legat.* 1. Ratio est, quia testator non illum gregem, quantus tunc erat, sed planè quantuscumque erit, cum dies legati cederet, legasse intelligitur. In summa grex legatario crescit & decrescit. Eademque ratio legati armenti & equitii.

Unum corpus ex distantibus capitibus] Ut adium, sic etiam gregis unum corpus est: verum illud *universum*, id est, *connexum*, atque ex pluribus partibus inter se coherentibus constans; hoc *diversum*, *disjunctum*, constans ex pluribus corporibus distantibus, ut populus, legio, collegium, l. in *rem*. 23. §. *item quæcumque*. §. de *rei vind.* l. *rerum*. 30. de *usu.*

T E X T U S.

De ædibus legatis.

19. Aedibus denique legatis, columnas & marmora, quæ post testamentum factum adjecta sunt, legato dicimus cedere.

C O M M E N T A R I U S.

1 Si area legata domus imposita sit, superficiem simul cum solo deberi. Et quid si res legata in aliam speciem mutata sit?

A Aliud exemplum argumenti rei legatæ. Per columnas autem & marmora quælibet ad-

ditamenta intelligenda sunt, l. *causa*. 41. §. *item*. 9. & *seqq.* de *legat.* 1. Sed & si area legata domus imposita sit, placet domum, hoc est, & solium & superficiem deberi, ut diserte traditum est in l. *si area*. 39. de *legat.* 2. & l. *si servum*. 44. §. *si area*. 4. de *legat.* 1. ubi hæc quidem additur exceptio, nisi testator mutavit voluntatem: sed exceptio illa confirmat, solo eo facto testatorem voluntatem mutasse non videri; ac proinde in dubio aream cum superficie deberi. Quippe cui superficies etiam alias jure accessionis cedit; ut res aucta potius, quam mutata videatur, §. *cum in suo*. 29. & *seqq. sup.* de *rer. div.* l. *qui rei*. 98. §. *ult.* de *solut.* Non est contrarium, quod apud Cajum scriptum est, si domo, quæ legata erat, destructa, aliam eodem loco testator ædificaverit, legatum non deberi, l. *si ita legatum*. 65. §. *ult.* de *legat.* 1. quia destructione rei legatæ legatum interit, veluti si domum legatam testator diruat, navem legatam dissolvat, l. *lana*. 88. §. 2. de *legat.* 3. Nova autem domus non debetur, quia non intelligitur legata; nisi aliud testatorem sensisse fuerit approbatum. Magis obstat locus Celsi in l. *si chorui*. 79. §. *pen.* de *legat.* 3. & omnino adversatur, nisi hæc Celsi verba *quamquam tunc peti non poterat*, per concessionem accipiantur: ut sit hic sensus, quamvis ponatur is casus, quo tunc, id est, stante ædificio, legatum peti non potuit, uti non potest, cum constat testatorem sic ædificasse, ut nollet domum deberi; quæ exceptio est d. l. *servum*. 44. §. *si area*. 4. de *legat.* 1. tamen nunc, id est, ædificio destructo, posse aream peti: quia mutatio voluntatis tantum in eo fuit, ne domus deberetur: ita Duar. ad l. 8. de *leg.* 1. Don. 8. *comm.* 17. Quod si res legata in aliam speciem mutata fuerit, si quidem ea species ad pristinam materiam redire non potest, veluti si ex marmore statua, ex lana legata vestis, ex materia legata navis facta sit, legatum intercidit, l. *quisitum*. 78. §. *illud*. 4. d. l. *lana*. 88. *pr.* & §. 1. de *legat.* 3. Si verò species, in quam res translata est, in suum initium redigi potest, veluti si massa legata, scyphi ex ea facti sint, placet consistere legatum, atque in hujusmodi materiam prævalere, d. l. *quisitum*. 78. §. *illud*. 4. d. l. *lana*. 88. §. *ult.* *fac.* §. *cum ex aliena*. 25. *sup.* de *rer. div.* nisi tamen aut hic hæres probet, testatorem à legato recessisse, aut illic legatarius probet, non recessisse: quomodo accipi debet Ulp. in d. l. *servum*. 44. §. *si pecula*. 2. de *legat.* 1. adi. Don. d. *cap.* 17. Cujac. 5. ad *African.* in l. *qui usumfructum*. 36. de *usuf.* & 23. *obs.* 22.

TEXTUS.

De peculio.

20. Si peculium legatum fuerit, sine dubio quicquid peculio accedit, vel decedit

vivo testatore, legatarii lucro vel damno est. Quod si post mortem testatoris ante aditam hereditatem aliquid servus adquisierit, Julianus ait, siquidem ipsi manumisso peculium legatum fuerit, omne quod ante aditam hereditatem acquisitum est, legatario cedere; quia hujusmodi legati dies ab adita hereditate cedit: sed si extraneo peculium legatum fuerit, non cedere ea legato, nisi ex rebus peculiaribus auctum fuerit peculium. Peculium autem, nisi legatum fuerit, manumisso non debetur: quamvis si vivus manumiserit, sufficit, si non adimatur, & ita divi Severus & Antoninus rescripserunt. Idem rescripserunt, peculio legato, non videri id relictum, ut petitionem habeat pecunia, quam in rationes dominicas impenderit. Idem rescripserunt, peculium videri legatum, cum rationibus redditus liber esse jussus est, & ex eo reliqua inferre.

NOTÆ.

20. Sufficit, si non adimatur] Hoc enim ipso, quod dominus peculium apud jam liberum factum manere patitur, non obscure id ei donat, l. 53. de *pecul.* l. *nn.* C. de *pec. ejus*, qui *lib. mer.*

Quam in rationes dominicas] Hoc ideo, quia quod dominus servo debet, verum debitum non est, quamvis peculium augeat, l. 6. §. 4. de *pec. leg.* l. 7. §. *pen.* de *pecul.*

COMMENTARIUS.

- 1 Cujus lucro vel damno sit, quod peculio legato, vivo testatore accedit aut decedit?
- 2 Cur placeat, si servo manumisso peculium legatum sit, etiam quod post mortem testatoris ante aditam hereditatem extrinsecus accesserit, legato cedere: si extraneo, non isem?
- 3 Explicatur l. 8. §. *ult.* de *pecul. legat.*
- 4 Cur servo testamento manumisso peculium non debeat, nisi legatum sit: inter viros manumissum sequatur, nisi ademptum fuerit?
- 5 Legato peculii non contineri, quod servus domino expensum tulit.
- 6 Peculium legatum videri ei, qui rationibus reliquisque redditus liber esse jussus est.

Multa ex hoc §. discimus. Primum, cujus lucro vel damno cedat augmentum vel deminutio peculii legati: deinde servo, qui peculium habet, manumisso, quem peculium sequatur: tum legato peculii an contineatur, quod expensum in rationes dominicas: postremo, qui rationibus reliquisque redditus liber esse jussus est, an peculium ei legatum intelligatur.

Accedit vel decedit vivo testatore] Peculium est instar universi alicujus patrimonii, in quo sunt corpora & nomina ac jura, seu credita & debita. Passim *tit. de pecul.* unde fit, ut facile & diminutionem & incrementum recipiat, *l. peculium. 65. pr. de legat. 2.* Papyrius Fronto dicebat peculium simile esse homini: quippe nasci, crescere, decrescere, mori, *l. peculium. 40. de pecul.* Ait, *vivo testatore.* Neque hic distinguitur, utrum ipsi servo manumisso peculium legatum sit, an extraneo: neque etiam, utrum ex rebus peculiaribus auctum sit peculium, an extrinsecus. Ratio est, quia quamdiu testator vivit, nullo casu dies legati cedit, id est, nihil dum deberi intelligitur.

Quod si post mortem testatoris, &c.] Si post mortem testatoris ante aditam hereditatem auctum fuerit peculium, hic interest, ipsi servo manumisso peculium legatum sit, an extraneo: deinde si extraneo, utrum auctum sit peculium ex rebus ipsis peculiaribus, puta ex partu ancillarum, vel sœtu pecorum; an quid aliunde peculio accesserit, puta ex operis aut quæstu servi, ex donationibus aut legatis. Si ipsi servo manumisso peculium legatum sit, placet, omne argumentum legato cedere: si extraneo, incrementa ex rebus peculiaribus dumtaxat; cætera non deberi, sed ad heredem pertinere, *l. 8. §. ult. de pec. leg. & hoc nostro text.* Rationem diversi juris mox audiemus.

Quia hujusmodi legati dies ab adita hereditate cedit] Ratio cur placeat in casu, quo ipsi servo peculium legatum est, etiam id, quod jacente hereditate ex operis ejus vel ex alia re non peculiari accedit, ipsius lucro esse. Unde quoque simul intelligimus, cur in casu opposito penes heredem illud maneat. Nimirum sic in universum jus est, ut cum quæritur, quantum sit in legato, id tempus inspicitur, quo dies legati cedit, *l. 8. §. ult. de pec. leg.* id est, cum res legata deberi incipit, *l. cedente. 213. de verb. sign.* neque enim ante ad legatarium quicquam pertinere potest. Proinde si ante diem legati cedentem quovis modo auctum fuerit legatum, etiam augmentum illud legatario debetur: si post diem cedentem; id solum, quod res ipsa ex se producit. Jam verò quando ipsi servo manumisso peculium legatum est, tam peculii legati, quam libertatis dies ab adita demum hereditate cedit, *l. 7. in fin. cum l. seq. quand. dies legat.* quando autem extraneo, cedit statim à morte testatoris, sicut in cæteris omnibus legatis, exceptis conditionalibus, & quæ ad heredem non transeunt, *l. 2. cum. 3. seqq. d. sis. l. un. §. in novissimo. 5. & §. seq. C. de cad. toll.* Consentaneum igitur omnino est, ut peculium legatum servo crescat, eumque sequatur cum omni augmento usque ad aditam hereditatem: extraneo augeatur quovis quidem modo usque ad tempus mortis testatoris; cæterum quod jacente hereditate extrinsecus accedit, hæredis lucro sit.

Quod tamen diximus, peculii legati diem extraneo cedere ex mortis testatoris tempore, ei apertè adversatur, quod ex Juliani sententia Ulpianus in *l. denique. 8. §. ult. de pecul. legat.* scribit, si ipsi servo peculium legetur, *tempus spectandum quo dies legati cedit*: si verò extraneo, *mortis tempus.* Ergo in extraneo mortis tempus non est illud, quo dies legati peculii cedit. Paucissimi sunt interpretes, qui hoc animadvertunt: & tamen locus iste cum aliis omnibus, quibus pro certo jure traditur, diem legati cedere à tempore mortis testatoris, tam manifestè pugnat, ut sine incusatione Compilatorum pugna hæc sedari non possit. Quid ergo dicimus? Nimirum Ulpianum cum Julia-
no respondisse secundum jus suorum temporum & senatusconsulta, quæ circa legem Papianam facta sunt, ex quibus dies legatorum non à morte testatoris, sed ab apertura tabularum cedebat, *d. l. un. §. 1. C. de cad. toll.* Quam ob causam etiam aliam hujus differentie rationem afferunt petitam à conjectura voluntatis testatoris. Id verò antiqui juris vestigium oculos ac manus consarcinatorum fugisse. VINN. Id & alibi factum, veluti in *l. 104. & l. 31. ff. de condit. & demonstr. l. fin. ff. de donat. mort. caus. l. 3. §. ult. & l. 42. ff. de hered. inst.* Quæ loca jam notavit Cujac. ad Ulpian. *Fragm. tit. 24. §. 31. HEIN.*

Nisi ex rebus peculiaribus] Puta ex partu peculiarium ancillarum sœtue pecorum, *d. l. 8. §. ult. de pecul. leg.* Hoc enim cum accedit, ipsum peculium ex se augetur atque amplificatur: ut hujusmodi augmentum etiam post diem legati cedentem contingens merito legatarium sequatur, *arg. §. item ea. 19. sup. de rer. div. l. 6. de acq. rer. dom.*

Peculium autem nisi legatum, &c. quamvis si inter vivos] Servo testamento manumisso peculium, nisi nominatim ei legatum fuerit, non debetur, *l. si legatur. 24. de pec. leg.* At eum, qui inter vivos manumittitur, placet peculium sequi, si non adimatur *l. si Stichus. 53. de pecul. l. un. C. de pecul. eius qui lib. mer.* Quæritur ratio differentie. Glossa ex Joanne hanc affert, quod inter vivos manumissus operas patrono debeat, in quorum compensationem peculium ei relictum credendum sit: libertus autem Orcinus neque hæredi neque ulli alii operas præstare teneatur. Schneidevvinus ex Jo. Fabro hanc, quod dominus servum, quem inter vivos manumittit, majori affectione prosequatur, quam quem testamento; ac proinde etiam majorem erga illum exercere intelligatur liberalitatem, quam erga hunc, cui libertatem in id tempus confert, quo rebus suis amplius uti non potest. Hinc esse, quod plus
mereri dicatur, qui vivens dat elemosynam,
quam qui moriens, &c. Sed quid nodum in scirpo quærimus? Peculium servo vindicta, verbi causa, manumisso relictum, eum neque ut compensatio operarum sequitur; quippe quas
etiam

etiam adempto peculio præstaret: neque quia major putatur esse affectio domini erga servum, quem vindicta, quam quem testamento manumittit: licet enim hoc verum sit, tamen cum morientes longè simus liberaliores, quam vi-ventes & adhuc valentes, liberalior quoque ac prolixior interpretatio convenit voluntati morientium, quam viventium, l. in testamentis. 12. de reg. jur. Denique & cum testamento & cum vindicta servus manumittitur, manumissio ipsa præter libertatem nihil ei tribuit: est enim manumissio non peculii datio sed libertatis. Sed quod vindicta manumissum peculium sequi placet, si id ei non adimatur, hanc rationem habet, quod duplex in tali casu donatio est; una expressa, libertatis; altera tacita, minimè tamen obscura, peculii. Etenim cum dominus manumisso peculium non adimit, sed id eum jam libertum sibi habere permittit, hoc ipso non obscure id ei donat ac concedit, cum si donatum noller, posset adimere. Hoc verò in manumissum testamento quadrare non potest, qui non nisi post mortem testatoris libertatem consequitur, hoc est, eo tempore, quo qui libertatem dedit, peculium liberto relinquere non potest: & quia cum poterat, nominatim non reliquit, ideo id apud heredem suum cum cætero jure manere voluisse censetur. fac. d. l. si Stichus. 53. de pecul. d. l. un. de pecul. ejus qui lib.

Pensionem pecunie, quam in res dominicas]
 5 Quamvis, quod servus domino expensum tulit, id est, quod ei dominus debet, peculium servi augeat, veniatque in actionem de peculio, l. 7. §. pen. de pecul. tamen quia verum debitum non est, nec ex ea causa actio servo competere potest, placet peculio legato id non contineri, l. 6. §. si quis. 4. de pecul. leg. Quin etiam responsum est, si servo inter vivos manumisso peculium ademptum non sit, ac proinde concessum, tamen eum debitores peculiales convenire non posse, nisi mandatis sibi actionibus, d. l. si Stichus. 53. de pecul. adeoque verum videtur, quod Theophilus scribit, peculio legato, *ut si ex hoc dicitur, ut si in promptu & parato sunt, dumtaxat dominum legasse censei.*

Et ex eo reliqua inferre] Ex eo solo quod quis servum suum liberum esse jussit, si rationes reddidisset, peculium ei legatum defendi non potest: nam nec si vetuisset testator rationes ab eo exigere, peculium ei legatum censeretur, l. dominus. 23. §. 2. de pec. leg. Cæterum si rationibus redditus, reliqua, id est, quæ putatis rationibus domino eum debere compertum fuerit, de peculioolvere, aut certam summam hæredibus inferre jussus sit, ei quod in peculio superest, legatum intelligitur, l. 8. §. interdum. 7. d. 118. Nam qui servum ex peculio, quod debet, aut partem peculii inferre jussit, non potest non videri de cætero aliter sentisse, per l. quæsitum. 12. §. idem respondit.

43. vers. denique *Nervius. de instut. vel instut. legat.*

TEXTUS.

De rebus corporalibus & incorporalibus.

21. *Tam autem corporales res legari possunt quam incorporales: & ideo quod defuncto debetur, potest alicui legari, ut actiones suas hæres legatario præstet; nisi exegerit vivus testator pecuniam. Nam hoc casu legatum extinguitur. Sed & tale legatum valet: Damnas esto hæres meus domum illius reficere: vel, illum ære alieno liberare.*

NOTÆ.

Actiones legatario præstet] d. l. 43. §. 6. d. l. 75. §. 2. cod. 1. Sed & non expectata cessione actionum directarum utilibus suo nomine experiri potest, l. 18. C. cod.

COMMENTARIUS.

- 1 Legato nominis quid contineatur?
- 2 Extingui hoc legatum, si dum vivis testator, debitum exactum fuerit, aut etiam ultro solutum; & quare?
- 3 Admissi tamen hic probationem non mutatam voluntatis ex facti circumstantiis.
- 4 Quid juris, si cum debitum peti ceptum esset, testator inter moras iudicis, aut nondum facta solutione decesserit?
- 5 Etiam facta legari posse, ut qui jussus est facere, parere debeat; & quibus conditionibus?

Concludi hic videtur locus de rebus, quæ rectè legentur. Duo autem sunt, quæ hoc §. docemur. Unum est, posse legari tam res incorporales, quam corporales. In textu tractatio est. Alterum, non solum res, quæ propriè & specialiter dicuntur, legari posse, sed etiam facta.

Quam incorporales] Non modo res corporales, ut fundus, ædes, homo, vestis, aurum, argentum, pecunia numerata, &c. legari possunt: sed etiam incorporales, ut usus, usufructus, servitutes prædiorum, pars hæreditatis, aut bonorum liberatio, actio, seu nomen debitoris. Et hoc est, quod Jurisconsultus ait, & corpora omnia & jura & servitutes legari posse, l. cætera. 41. in pr. de legat. 1. Quid usu, usufructu, quid servitute legata legato contineatur, explicatur propriis tit. in 4. quid legata parte hæreditatis, l. 8. §. ult. de legat. 2. l. mulier. 22. §. ult. ad sen. Treb. quid parte bonorum, l. 9. de legat. 2. l. non amplius. 26. §. 2. l. si quis. 23. de legat. 1. De liberatione legata, & quid eo legato contineatur, diximus sup. §. si quis debitori. 13. agiturque de

eo item tit. proprio in *¶*. Hic de legato nominis agendum est.

Quod defuncto debetur, potest alicui legari]

Quod mihi debetur, & debitori meo recte lego, legatum dicitur liberationis, & tertio alicui. Veluti, *Centum, quæ mihi Sejus ex causa mutui debet, Titio do lego, l. si sit legatum. 75. §. 1. & 2. l. non quocumque. 82. §. pen. de legat. 1.* estque id legatum, quod passim nominis appellatur, *l. servum. 44. §. sed etsi. 6. de legat. 1. l. 11. §. ergo. 13. l. nomen. 34. l. qui chirographum. 59. de legat. 3. l. ex legato. 18. C. de legat.* Qui chirographum legat, debitum quoque seu nomen aut actionem legare intelligitur, non tabulas solum, *d. l. servum. 44. §. cum. 5. de legat. 1. d. l. qui chirographum. 59. cod. 3.*

1 *¶ Ut actiones legatario præstet*] Legato nominis nihil amplius continetur, quam ut actiones suas hæres præstet, *d. l. servum. 44. §. sed & si. 6. d. l. si sit legatum. 75. §. 2. l. legatum. 105. de legat. 1.* Ex quo intelligere possumus, nomine legato neque pecuniam ab hærede posse exigi, neque periculo ejus nomen esse: sed cessione actionum, licet inaniurn, si forte debitor solvendo non sit, hæredem defungi: tum etiam nullum esse tale legatum, si nihil debeatur, & vel eo etiam casu, quo certam quantitatem testator expressit, veluti si dixerit, *Decem, quæ mihi Sejus debet, Titio lego, d. l. si sit legatum. 75. §. 2.* Atque olim quidem sive nomen legatum fuerat, sive venditum aut donatum, nulla actio legatario venditori, aut donatario prodita erat, qua suo nomine cum debitore experirentur; sed expectandum iis erat, donec hæres aut creditor actiones suas mandaret: quibus mandatis, non suo, sed mandantis nomine & procuratores in rem suam experiebantur. Postea verò his utiles actiones adversus debitores tribui cœperunt, quas sub nomine, non expectata cessione directarum, exercerent, *l. ex legato. 18. C. hoc tit. l. 5. & l. 7. C. de her. vel ass. vend. l. si cum. 16. in fr. de pass.* Quod ideo videtur constitutum esse, quia cessio actionum sæpe protraheretur, & interdum nec cedit actio potest, ut in specie *l. 1. C. de obl. & ass.*

2 *Nisi exegerit testator pecuniam*] Nominis legatum ita demum effectum habet, si debitum à vivo testatore exactum non fuerit; cæterum si testator post factum testamentum pecuniam à debitore exegerit, legatum extinguitur, teste Ulp. *d. l. si sit legatum. 75. §. 2. de legat. 1.* Quod hic confirmat Justinianus. Ratio hujus rei est, quia testator exacto debito, quod legaverat, ademisse legatum videtur: quemadmodum & ille, qui rem legatam postea alienavit, *l. fideicommissa. 11. §. si rem. 12. & seq. de legat. 3.* Quin alia etiam ratione, eaque fortiore id hic efficitur, quam ubi res legata postea alienatur. Nam res tamen alienata est, durat, legatumque consistere potest, licet res

aliena facta sit: at cum nomen exactum est, extinguitur ipsa substantia debiti, & *etiam res* xatur, hoc est, illud ipsum, quod legatum est, perimitur, ut frustra desideraturus sit legatarius, actiones sibi ab hærede præstari, quæ nullæ supersunt. Hæc differentie ratio indicatur, *d. l. fideicommissa. 11. §. ergo. 13. & d. l. si sit legatum. 75. §. 2.* nec absurdum est, quod traditur in *l. 7. §. liberatio. 4. de lib. leg.* legatum liberationis evanescere, si dum vivit testator, debitum exactum fuerit. Sed & si ultro, quod debebatur, solutum est, vel acceptilatione aliave qualibet ratione debitor liberatus, legatum nominis, sicut & liberationis, extinguitur, *l. si id. 21. de lib. leg.* Enimverò etiam hic admittitur probatio non mutatae voluntatis ex facti circumstantiis, *l. pen. §. ult. de adim. leg.* Finge, ideo nomen exactum esse, quia forte debitor ad inopiam vergebat, & pecuniam pro deposito testatorem habuisse; poterit legatum aut fideicommissum peti, quasi non hoc animo testator debitum exegerit, ut legatum adimeret, *d. l. fideicommissa. 11. §. ergo. 13.* Petetur autem hoc casu legatum recta ab hærede; nam frustra etiam hic legatarius ageret cum hærede, ut actiones sibi cedantur: quippe quæ debitore liberato nullæ supersunt. Similiter si debitor ultro pecuniam obtulit, & acceptam item pro deposito testator habuit, placet, legati aut fideicommissi petitionem superesse, quasi voluntate non mutata, *d. §. ergo. 13. l. fideicommissa. 11.* Exigi verò etiam in hoc casu videtur, ut in deposito sit habita pecunia: secus autem esse, si ut in solum data, ita simpliciter in solum accepta sit, *arg. d. l. fideicommissa. 11. §. ergo. 13. d. l. si id. 21. de lib. leg.* ubi simpliciter Jurisconsultus respondet, solutione debiti extingui legatum nominis. Glossa tamen distinguendum putat inter debitorem, qui ultro solvit, & qui à creditore conventus: quam distinctionem Scheneidevino probari video. Ait, *nisi exegerit.* Quid ergo, si cum pecunia peti cœpta esset testator inter moras judicii, aut etiam post sententiam nondum facta solutione decesserit? Bart. in *l. nepos. 6. de instrum. vel instrum. leg.* eumque secuti Ang. & Myns. hic. putant, eo casu petitionem legati superesse, nec intelligi ademptum legatum quamdiu res non desit esse planè integra. Et verò si rem legatam vendidisset testator, eaque nondum tradita decessisset, legatum pro extincto non esse habendum probat textus in *l. pradia. 27. §. libertio. 3. de instrum. vel instrum. leg.* Quod etiam nobis videri supra diximus in *§. si rem. 12.* Sed non sunt hæc prorsus similia. Et alienatio rei legatæ non necessaria, & petitio debiti, argumenta sunt mutatae voluntatis. Cæterum nuda venditio seu quæ traditione consummata non est, pro alienatione non habetur, quod effectum attinet ademptionis; ideo scilicet, quia traditio arbitrii venditoris ejusdemque testatoris est, qui

rei

NOTÆ.

rei dominio, quod transferre poterat, retento, & maximè si nec pretium acceperit, non videtur protinus legatum ademptum voluisse. Non debet autem legatario prodesse, quod moras nectit debitor, aut iudex sententiam differt. Adde quod actio in iudicium deducta consumitur, licet nova nascatur iudicatio. Nihil sanè pro Bart. sententia facit d. l. 6. de instr. leg. Nam in specie illic proposita vel maximè debetur quod exactum est, idque pro confessio sumitur: sed dubitatur, an si debitor condemnatus vivente testatore non satisfacit, etiam ejus petitionem legatarius habeat, quod ex sententia iudicis debitum necdum solutum est, propter verba legati, *Quod meum eris*: quibus testator usus proponitur.

5 *Damnata esto hæres meus domum illius reficere*] Etiam facta, ut diximus, rectè legantur, aut in fideicommissum deducuntur. Id est, damnari potest hæres, aliufve, qui testamento obligari potest, rogari, ut aliquid in gratiam alterius faciat, vel non faciat; & qui iussus aut rogatus est, parere debet, modo ne quod fieri scriptum est, contra jus vel bonos mores sit, l. si quis. 112. §. pen. de legat. 1. aut æstimationem non recipiat, veluti si hæres liberos suos emancipare iussus sit, aut extraneum aliquem adoptare, l. filiusfam. 114. §. sed si. 8. de legat. 1. l. uxorem. 41. §. ejus hæres. 8. de legat. 3. junge tamen l. si cui. 92. de cond. & dem. Facere jubetur hæres & licitè in exemplis hic propositis, cum damnatur domum alicujus reficere, vel aliquem ære alieno liberare & similibus, veluti si jubeatur alteri domum vel monumentum extruere, aut fundum vendere. l. moruo. 49. §. ult. de legat. 2. l. si cui. 49. §. antepen. & seqq. cod. 1. l. fideicommissa. 11. §. ult. cod. 3. Paul. 3. sent. 6. Non facere, veluti si vetetur fundum aut domum aliamve rem alienare extra familiam, d. l. filiusfam. 114. §. cum pater. 15. de legat. 1. l. peto. 69. §. fratre. 3. cod. 2. Planè si id, quod fieri iussum est, ad nullius utilitatem pertineat, veluti si testamento quid vetitum alienari, nec causa expressa sit, & persona ignoretur, propter quam testator id fieri velit, placet scripturam, quasi nudum præceptum contineat, nullius momenti esse, d. l. filiusfam. 114. §. Divi. 14. l. pater. 28. §. Julius. 4. l. Lucius. 93. in pr. de legat. 3. Eiusdem generis sunt, quæ à Papiniano dicuntur ineptæ defunctorum circa sepulturam voluntates, veluti ut vestes aut ornamenta in funus impendantur, l. servo. 113. §. ult. de leg. 1. l. ult. §. 2. de aur. leg.

TEXTUS.

De legato generali.

22. Si generaliter servus, vel res alia legetur, electio legatarii est, nisi aliud testator dixerit.

22. Si generaliter] Valet legatum generis, cum corpora ei subjecta sunt uniusmodi, eadem forma interna & natura constante, veluti si homo, equus aut bos legetur: alias inutile est, v. g. si animal legatum sit. Sed & si domus legata sit aut fundus, nec fundum ullum aut domum testator habeat, magis derisorium, quam utile legatum est, l. 69. §. 4. de jur. dot. fac. l. 71. de leg. 1. nimirum, quia ista certam determinationem à natura non habent, & nimum quàm utilitate distant, l. 24. §. 2. cod. 1. l. 2. §. 1. de opt. leg. ut & in rebus disjunctim legatis, l. 34. §. pen. cod. 1. l. 23. cod. 2. Aliud est in contractibus, §. 33. vers. Huic autem. infr. de act. l. 10. in fin. de jur. dot. Neque enim tam largam contractus, quam ultimæ voluntatis interpretationem recipiunt, l. 12. de reg. jur. Non est autem electio hæc planè libera, v. l. 37. de leg. 1.

Aliud testator dixerit] Aut sermonem ad hæredem dixerit, ut in formula legati damnationis: nam per exæquationem legatorum nihil derogatum voluntati testatoris, §. 2. sup. cod. Vvff.

COMMENTARIUS.

- 1 Quid prudentibus sit genus, quid species?
- 2 Definitionem huius §. ad genera summa aut subalterna non pertinere, sed tantum ad genus infimum: nec tamen aliter, quàm si species huius generi subjecta certam à natura habeant determinationem.
- 3 Si res generi legato subjecta natura determinata non sunt, legatum inutile esse, nisi testator res ex eo genere habeat: & num hoc etiam in fundo simpliciter legato obtineat?
- 4 Vbi utile est legatum generis, regulariter electionem esse legatarii.
- 5 Vetus & speciosa inter genera legatorum circa potestatem eligendi differentia.
- 6 An ipsius differentia ratio adhuc habenda, postquam legatorum omnium una capis esse natura?
- 7 Quibus casibus hæredis sit electio, etiam si testator id non expresserit?
- 8 Electionem in casu nostro non esse usquequaque liberam: & quid hic jure patrio?

INSIGNIS hic locus est & difficilis. Illud primo notandum, genera à nostris dici ea omnia, quæ sub appellatione communi plures res huic appellationi subjectas continent, etiam ea, quæ plerique Dialecticorum species esse ajunt, genera esse negant; cujusmodi sunt, verbi causa, homo, equus, bos: species autem nostris esse, quæ Dialectici vulgo vocant individua, & non esse species contendunt, ut Stichus, hic equus, hic bos. In quo nostri communem usum loquendi sequuntur; veluti cum

cum dicunt, in mutuo recipi non eandem speciem, sed genus; pro quo in scholis dicerent, non idem numero, sed idem specie. Quin etiam ex sententia quorundam philosophorum revera quæ de individuis prædicantur, genera sunt, scilicet infima, individua ipsa species, nempe specialissimæ; atque adeo ab ipso etiam Aristotele sic appellantur, ut videre est *l. 2. philos. c. 3. & lib. 3. c. 4. item lib. 1. de part. animal. cap. 4.* Deinde non omne legatum generis valere. Interpretes primum & rectè hinc remonent genera summa & subalterna, veluti si quis substantiam, corpus, aut animal simpliciter leget: quia in his ea est infinitas generis, ut rem levissimam ex eo genere & vel minimam de mundo, ut loquuntur, hæres præstando liberaretur. Dein in genere infimo, quod uti diximus, in scholis est infima species, rectè distinguunt inter res huic generi subjectas, ut, si tales sint, quæ certam determinationem habeant à natura, ut homo, equus, bos, earum rerum generaliter relictarum legatum valeat, *l. 12. l. legato. 37. in pr. l. si servus. 108. §. 2. de legat. 1. l. hæres. 25. §. si incerto. 17. fam. erisc.* Si verò natura determinatæ non sint, ut fundus & domus, (quippe quæ non natura, sed destinatione hominis constituuntur, *l. 14. §. quod si. 3. de legat. 1. l. locus. 60. de verb. sign.*) in eo omnes consentiunt, ut si testator nullas ædes aut fundos habuerit, ex simplici harum rerum legato nihil debeatur, magisque derisorium tale legatum sit, quàm utile, *l. si domus. 71. de legat. 1. l. cum poss. 69. §. gener. 4. de jur. dos. l. ita stipulatus. 115. in pr. de verb. obl.* utpote quod à superiore nihil aut parum utilitate distet; aut, quod magis puto, quia his rebus simpliciter legatis, nullisque à testatore relictis, tanta est incertitudo, ut nullo modo definiri possit, quantum præstari debeat, ac proinde similiter habendum, ac si corpus ignotum legatum sit, *d. l. cum poss. 69. §. gener. 4.* Quod si testator fundos aut ædes habuerit, ædibus simpliciter legatis, omnes consentiunt, legatum esse utile, unaque ex his, quas testator reliquit, deberi: estque in eam rem textus apertus *in d. l. si domus. 71. in pr.* At si fundum in genere legaverit, alii non magis hoc casu legatum valere putant, quàm si nullos fundos testator habuisset: alii tam fundi legatum utile esse, quàm domus, unumque ex fundis, quos testator regionibus distinctos habuit, præstandum. Pro illis facit, quod generaliter traditum est, fundo non demonstrato, nec legatum ullum nec stipulationem esse, *d. l. cum poss. 69. §. genera. 4. d. l. ita stipulatus. 115. in pr.* pro his exemplum ædium legatarum, *d. l. si domus. 71. de legat. 1. quarum & fundi hætenus eadem ratio videtur, argum. d. l. 14. §. pen. de legat. 1.* Tum quod cum testator generaliter rem aliquam legat, dari jubet, de suis eum rebus sensisse existimandus sit, uti responsum est, si quis

hæredem damnaverit, vinum, oleum, frumentum dare, non adjecta quantitate, hoc legatum sic esse accipiendum, quasi testator legasset vinum, oleum, frumentum suum, & tantum, quantum ex his generibus habuit, *l. 7. de vit. vin. al. leg.* Cui sententiæ, quæ est Petri de Bellapert. *in d. l. ita stipulatus. 115.* ego quoque accedo; quamvis contraria pluribus probata dicatur: quod tamen & ipsum incertum est, vel teste Gomezio & ipso contrariæ sententiæ assertore, *1. resol. 12. n. 32. & 2. resol. 11. n. 9. consul. D. Don. in d. l. ita Stipulatus. 115. n. 13. & seqq.* ubi simul docet, stipulationis & legati non eandem per omnia in proposito rationem esse: quod & verum esse, vel ex sola collatione *d. l. 7. de vitic. vin. leg. & l. viticium. 94. de verb. obl.* apparet. Quinimmo, etsi nullum fundum nullasve ædes testator habuerit, ex æquitate tamen juris Can. atque ex verisimili mente defuncti simplex harum rerum legatum sustinendum esse, & pro modo facultatum ejus, dignitate, ac charitate, vel necessitudine legatarii statuendum, quales præstari debeant, post Archidiaconum Panorm. Felin. & Alexandrum censet idem Gomezius *d. loc. n. 10.* ac moribus quoque id receptum tradunt Autum. confer. *du droit, ad d. l. 71. Grot. 2. introd. 22.*

Electio legatarii est } Ubi utile est legatum generis, placet, electionem non hæredi, sed legatario dari, ut hic scriptum est, *in l. 2. §. 1. de opt. leg.* idemque est, si plures res disjunctim legatæ sint, veluti Stichus aut Pamphilus, *l. planè. 34. §. pen. de legat. 1. l. si is cui. 19. l. Lucio. 23. eod. 2.* aut si ex duabus pluribusve rebus nominatis una legata fuerit, puta si sic testator dixerit, *Ex duobus servis meis unum Titio do lego, l. qui duos. 20. de legat. 1.* Diversi autem casus sunt, qui proponuntur *in l. si quis. 32. §. 1. l. cum servus. 39. §. scio. 6. eod.* Cæterum additur hic exceptio, *nisi aliud testator dixerit.* Addamus & alteram, *nisi sermonem ad hæredem direxerit;* nisi potius dicimus, hoc etiam verbis illis, *nisi aliud dixerit,* significari. Sed etsi testator aliud non dixit, magna tamen adhuc cautione, quod hic simpliciter definit Justinianus, in legato generis legatarii electionem esse, indiget. Jure veteri etiam, cum genere legato, aut duabus rebus disjunctim, de jure eligendi quæritur, differentia erat inter genera legatorum. In legato vindicationis legatario, in damnationis hæredi electio mittebatur: cujus differentię testimonia non obscura videmus *in l. planè. 34. §. pen. l. si à substituto. 45. §. 1. l. si hæres. 110. de legat. 1. d. l. si is cui. 19. d. l. Lucio. 23. l. si ita. 43. §. ult. eod. 2. l. qui concubinam. 29. §. 1. eod. 3.* Hoc autem & voluntas testatoris exigere visa est, & ratio juris. Voluntas testatoris: quippe qui in legato vindicationis sermonem confert ad legatarium, ei dans, legans, cum sumere, capere, sibi habere jubens. In legato

legato autem damnationis heredem alloquitur, damnans, jubensve eum dare aut facere. Ratio juris, quia is, cui per vindicationem res legata erat, non tantum eam actione in personam ex testamento petere poterat, sed etiam jus eam vindicandi habebat, & petendi actione in rem. Par autem est, ei electionem tribui, qui rem vindicare potest, quod significat Africanus. l. si servus. 103. §. 2. de legat. 1. ubi ait, ejus electionem esse oportere, cui potestas sit, qua actione uti velit. At cui per damnationem quid relictum erat, is eam rem vindicare non poterat, sed tantum in personam ex testamento agere, heredemque ut debitorem quasi ex contractu obligatum convenire hujusmodi puta formula, *Ajo, se mihi servum dare oportere*, aut hac, *Ajo, se mihi Stichum aut Pamphilum dare oportere*. Itaque juris ratio postulabat, ut hic heredi concederetur electio exemplo ceterorum debitorum, quorum regulariter electionem esse in debito generis, aut pluribus rebus disjunctim promissis, constat, §. si quis agens. 33. res. hinc autem. inf. de act. l. plerumque. 10. in fin. de jur. dot. l. ubi autem. 75. §. qui illud. 8. de verb. obl.

6 Quæritur verò, an hodie distinctionis istius ulla porro ratio habenda sit. Nam postquam Justinianus differentiationem generum legatorum sustulit, legataque omnia sic exæquavit, ut etiam jus vindicandi, à quo jus eligendi pendere videretur, per d. l. si servus. 108. §. 2. de legat. 1. ex omnibus concessit, l. 1. c. comm. de legat. multis visum est, electionem legatarii factam perpetuam, neque ex modo legandi amplius æstimandam. Verum ego eorum sententiam venor, qui negant, legatorum illam exæquationem ad effectum, de quo hic agimus, trahi oportere; quippe quæ, ut supra quoque monui, sic semper accipienda sit, ut ne quid admittatur contra voluntatem testatoris. Utri autem electionem tributam testator velit, legatione, an heredi, non potest apertius declarare, quam cum jubet, aut legatarium vindicare, aut heredem dare. Illic enim, cum verba executiva, ut loquuntur, ad legatarium dirigit, apertissime significat, se eligendi quoque potestatem ei facere: hic verò cum eadem verba ad heredem refert, hoc ipso contra ostendit, se heredis arbitrio permittere, quam rem velit dare. Et igitur si ita testator legaverit, *Hæres meus damnas esto hominem dare*; vel sic alternativè, *Hæredem meum Stichum aut Pamphilum dare jubeo*: in his legatis dicimus, etiam nunc heredi electionem concedendam, non obstante supra dicta exæquatione. Nihil enim magis rationi repugnat, quam ut ibi electionem tribuamus legatario, ubi eam testator tam manifestè permittit heredi. Quamobrem nec vindicationem legatario ante dari oportebit, quum hæres declaraverit, quid ex genere aut rebus disjunctim hoc modo legatis præstare velit. Atque hanc sententiam post Gloss. Bart. & comm. DD. in l. Lucio. 23. de legat. 2. & in l. legato. 27. cod. 1. probat Gossinius in Institut.

mez. 2. var. resol. 12. num. 43. nec non summæ viri Covar. in c. indicante. num. 3. c. de testam. Ant. Faber. 6. conj. 1. Uvesemb. & Bachov. hic.

Nisi aliud testator dixerit] Aliud dixisse testator intelligi debet, non tantum si expressis verbis heredi electionem permiserit, l. servo. 12. de op. leg. l. hujusmodi. 84. §. Stichum. 9. de legat. 1. l. 11. in fin. cod. 2. verum etiam si verba legati executiva ad heredem direxerit, ut sit, cum quid per damnationem ab herede legatur, ut jam dictum & demonstratum est. Planè enim cum ex voluntate testatoris tota hæc res æstimanda sit, parum interest, verbis, an per modum legandi voluntatem suam declaraverit. Sed et si testator aliud non dixerit, opus tamen hic est non una cautione. Nam neque ad res omnes generaliter legatas definitio Justiniani pertinet, & ad quas pertinet, in his electio legatarii non est infinita. Sciamus igitur primum, definitionem tantum pertinere ad eas res, quas ex eo genere testator habuit: si nullas habuit, placere, heredis arbitrio potius rem permitti, quam legatario infinitam electionem dari, de qua verisimile non est testatorem sensit cum tam insigni onere heredis, arg. l. unum. 67. §. si rem. 8. de legat. 2. Et quod de vino certæ quantitatis expressè traditum est l. 3. de rit. vin. leg. non est dubium, quin ad ceteras quoque respiciat, idemque dicendum sit, non solum si certæ quantitas, verum etiam si corpus in genere legatum fuerit, puta servus, nec ullum servum testator reliquerit. Id quod etiam ex eo efficitur, quia rei, quæ testatoris non fuit, vindicatio legatario competere non potest: at illa cessante nulla electio, d. l. si servus. 108. §. 2. de legat. 1. Deinde nec pertinere definitionem ad res omnes, quas testator ejus generis habuit, sed ad corpora tantum, aut species, non ad quantitatem: quippe quæ undecumque sumi & solvi potest, l. 4. de rit. leg. l. Titia. 35. §. 1. de aur. arg. leg. & qua legata, ut quantitate, nec actionis electio nec vindicatio est. Sed & cum corpora genere legato contenta certis finibus natura circumscripta non sunt, qualia sunt domus, navis, fundus, non legatarii, sed heredis electio est, qui rem unam, quam volet, ex his, quas testator habuit, legatario dabit. De domo legata hoc apertè scriptum est in l. si domus. 71. in pr. de leg. 1. quapropter dubitandum non est, quin idem obtineat, si navis simpliciter legata sit, aut fundus, posito, quod non putamus, fundi legatum valere, si testator fundos habuit. Ratio est non ea, quam vulgo afferunt, quod hæres præsumatur melius scire, de qua re testator senserit; nam hæc ratio in heredibus extraneis, in impuberibus, furiosis, &c. locum non habet, & si vera esset, heredi indistinctè tribui debere electio: sed ne, si legatario hic electionem concedimus, heredem, supra quam credibile est testatorem voluisse, oneremus, quæ conjectura legis est, d. l. unum. 67. §. si rem. 8. de legat. 2. Mantica de conject. ult. vol. lib. 3. tit. 1. n. 26. Nam inter ædes & ædes, inter navem & navem, inter fundum & fun-

fundum fieri potest ut nulla sit proportio, & major distantia, quàm inter Mantuam & Romam, inter viburnum & cupressos: quam ob causam, etiam his rebus generaliter legatis, si testator nullas ejus generis habuit, legatum inutile habetur. Estque hæc etiam interpp. nostrorum communis opinio, teste Gomez. quam & ipse probat. 2. var. res. 11. n. 9. Auctoritas Pandectarum Florentinarum, (in quibus hæc scriptura est in *pr. d. l. si domus. 71. Si domus alicui simpliciter legata sit, cogentur heredes quam vellet domum ex his, quas testator habuit, legatario dare*) me aliquando movit, ut etiam domo aut re alia ejusdem conditionis indistinctè legata, putarem legatario electionem competere: sed plus apud me nunc valet consensus reliquorum omnium exemplarium, in quibus constanter legitur, *cogentur heredes, quam domum vellet, &c.* ob rationem allegatam; & scriptura Florentina orationem efficit duriorem. In editione Haloandri legitur, *cogentur heredes, quam domum vellet, &c.* quæ scriptura etiam certius, quàm vulgata, heredi electionem tribuit. VINN. Sed magis est, ut servetur lectio Florentina. Haloander enim ex ingenio scripsit *volens*, nec consensus reliquorum exemplarium opponi potest Florentinæ, reliquorum fonti. Vid. Cl. Henr. Brenckmanni *Hist. Pandect. lib. 3. cap. 11.* Si ergo plures hujus generis res reliquit testator, omnino electio erit legatarii. Nec obstat l. 37. §. 1. ff. de legat. 1. quippe ubi magis species certa legata, quam genus. Denique præsumptio quidem est, testatorem voluisse, quam minimum onerare heredem suum, l. 67. §. 8. ff. de leg. 2. sed & fortior militat præsumptio pro legatario, quod ei electionem concedere voluerit testator, dum speciem certam non expressit.

- 8 HEIN. Postremo sciendum est, etiam tunc cum legatario electio datur, non dari infinitam & per omnia liberam, ut possit ex genere legato quodcumque velit etiam optimum eligere; puta verbi causa, homine generaliter legato, actorem; sed conclusum intra modum, ut ne optimum accipiatur, l. legato. 37. de legat. 1. Unde apparet, veteres in tota hac electione id semper egisse, ne immensum quid tribueretur legatario, neve hæres nimis oneraretur. Illud expeditum est, si de certo servo, aut re alia testator senserit, nec appareat de qua, hæredis electionem esse, d. l. legato. 37. §. 1. fac. l. si quis. 32. §. 1. l. cum servus. 39. §. scio. 6. eod. Secundum jus harum regionum sic in dubio, genere legato, circa electionem definiendum censet Grotius lib. 2. *manud. ff. cap. 22.* Si ejus generis; quod legatum est, res sint in bonis defuncti, legatario electionem permittendam, siue res ista naturalem determinationem habeant, ut equus, siue arbitriam, ut domus, navis. Sin autem defunctus nullas ex eo genere res habuerit, aut si res pondere mensurave constans simpliciter legata sit; tum hæredi permittendum unde velit, hujus generis rem sumere & præstare: id enim voluntati defun-

cti, cujus solius apud nos ratio habetur, maxime videri consentaneum. Cæterum neque posteriore hoc casu heredem defungi pessimum dando; neque priore illo legatarium posse optimum vindicare, extra quam si duæ tantum species istius generis in hereditate defuncti reperiantur.

T E X T U S.

De optione legata.

23. Optionis legatum, id est, ubi testator ex servis suis vel aliis rebus optare legatarium jusserat, habebat olim in se conditionem: & ideo nisi ipse legatarius vivus optasset, ad heredem legatum non transmittibat. Sed ex constitutione nostra & hoc in meliorem statum reformatum est, & data est licentia heredi legatarii optare servum, licet vivus legatarius hoc non fecerit. Et diligentiore tractatu habito, & hoc in nostra constitutione additum est, siue plures legatarii extiterint, quibus optio relicta est, & dissentiant in corpore eligendo; siue unius legatarii plures heredes sint, & inter se circa optandum dissentiant, alio aliud corpus eligere cupiente, ne pereat legatum, (quod plerique prudentium contra benevolentiam introducebant,) fortunam esse hujus optionis judicem, & sorte hoc esse dirimendum, ut, ad quem fors pervenerit, illius sententia in optione præcellat.

N O T A.

23. Habeat in se conditionem] ΣΥΝΘΕΤΗ; quod tamen à Theophilo additum non est, ut quidam falso tradunt.

Constitutione nostra] Extat in l. ult. C. comm. de legat.

Sorte esse dirimendum] Frequens admodum etiam apud veteres fortis judicium, l. 14. de judic. l. 5. fam. erc. l. 24. §. 14. de fideic. lib. ubi sc. animi judicio negotium explicari non potest: alias fortis res non committitur, l. 8. de pact. §. 1. sup. de satisd. tut. l. 47. in fin. pr. C. de episc. & cler.

C O M M E N T A R I U S.

- 1 Legatum electionis idem esse, quod optionis; diversum autem à simplici legato generis & alternativo.
- 2 Legatum generale & alternativum, quantumvis cum jure eligendi, non esse idem cum eo, quod optionis dicitur.
- 3 Optionis legatum habuisse olim in se conditionem, eamque coherentem personæ legatarii, ita ut ad heredes non transmittere.
- 4 Explicatur l. si sic legatum. 75. §. pen. de legat. 1. rejecta interpretatione Donelli.

5. Notatur in *considerantia* Bachovii.

6. In l. ult. C. comm. de legat. nihil cautum de jure optandi transmittendo: sed temere diversos casus misceri.

7. Frequens fuisse apud veteres iudicium sortis; qui & micassione digitorum usi.

1 Quidam putaverunt, aliud esse legatum optionis, aliud electionis; quod falsum esse, atque utroque vocabulo significari specialem ac solemnem electionem, manifestè apparet ex l. 5. de legat. 1. l. 1. l. 2. in pr. & §. ult. l. 4. l. si tibi. 8. in pr. & pass. sit. de opt. vel elect. leg. Ceterum legatum optionis seu electionis diversum esse à simplici legato generis aut alternativo, certum est, d. l. 2. in pr. & §. 1. l. cum ita. 9. §. 1. d. sit. Nec una inter hæc differentia est. Nam primum in legato optionis sollemnis est & expressa electio; in legato autem generis & alternativo inest quidem etiam electio, sed tacita & simplex, non sollemnis. Deinde optionis legatum semper relinquebatur per vindicationem: generis aut
2 alternativum sæpe per damnationem. Hinc est, quod in legato optionis electio sit essentialis, atque ea, legata optione, non possit non esse legatarii; in legato autem generali & alternativo nonnunquam hæredi electio competit; vel quia expressè ei data est, vel quia forma legandi tacitè in eum collata. Præterea generis legatum purum est, ac proinde si antequam vindicaret, legatarius decellerit, ad hæredem transmittitur, l. nec semel. 12. §. pen. quan. dies leg. ced. at optionis legatum habebat olim in se conditionem, scilicet si ipse legatarius optasset, ut hic ait Justinianus: eratque adeo jus hoc optandi merè personale, ut in hæredem transferri non potuerit. Ad hæc cui genus legatum est, ei optimum ex eo genere eligere non licet, l. legato. 37. de legat. 1. ei autem licet, cui legata est optio, l. si quis. 9. §. 1. de dol. mal. Grot. 2. manuduct. cap. 22. excepto casu speciali l. ult. §. 1. C. comm. de leg. Denique optio sollemnis numeratur inter actus legitimos, l. actus. 77. de reg. jur. quo sanè referri non potest simplex, quæ legato generis inest, electio. Planè in d. sit. de opt. leg. occurrunt quidam etiam loci, in quibus tractatur, genere legato, cui arbitrium eligendi permittendum sit, ut in l. 2. §. 1. l. servo. 12. l. si Pamphilo. 10. sed aliter fieri non potuit propter affinitatem, quam alterum legatum cum altero habet. Est enim in utroque electio: & in eo quoque conveniunt, quod semel dumtaxat optare aut ligere licet, l. 5. de legat. 1. l. apud Aufidium. 10. de opt. leg. fac. l. huiusmodi. 84. §. Stichum. 9. de leg. 1. l. statu liberum. 11. in fin. cod. 2. Idem in his, quod in utroque legato singulæ res quodammodo sub conditione legata intelligantur, l. 3. qui & à quib. man. quod res omnes, quarum aut genus aut optio legata, exhibendæ, l. 4. de opt. leg. l. §. item si. 6. ad exhib. Quin amplius, etiam si in legato generis aut alternativo nominatim facultas eligendi legatario data sit,

veluti si ita testator dixerit, *Tisio servum, quem volueris, do lego, vel; illud aut illud, utrum elegeris*, puto tamen nihilo magis optionem legatam; sed pro simplici legato generis aut alternativo hoc etiam habendum, arg. l. illud aut illud. 19. de opt. leg. Propriè enim optio legata dicitur, cum ipse electio, in *optatione*, legatur; veluti si dicat testator, *Tisio opinionem servorum meorum do lego*: quo casu tres servos eligi posse rescriptum est, l. 1. cod. vel sic: *Tisius ex servis meis, quem vult, optato*: vel, *Ex scyphis meis, quem velit, eligito, sibi que habeto*. Julianus in l. si Pamphilo. 10. cod. verbum optionis in generaliore significatione accepit pro quavis electione.

Habebat in se conditionem] *Συνεχόμενος*. Veteres, 3 ut hic commemorat Justinianus, credebant, legatum optionis in se habere hanc conditionem, si ipse legatarius optasset. Quæ quidem conditio etsi tacitè inerat, cujus generis conditiones non solent facere legata conditionalia, l. conditiones. 99. de cond. & dem. tamen quia ex voluntate testatoris videbatur proficisci, eamdem vim atque effectum habebat, quam habent conditiones cæteræ, quæ ex testamento veniunt, scilicet ut legatum efficeret conditionale. Sed & ipsa conditio legati quasi personæ injuncta ab alio quàm à legatario ipso impleri non poterat, ut proinde jus eligendi in optionis legato personale esset, & vel ideo ad hæc redem mortui ante electionem legatarii transferri non potuerit. Non obstat, l. si sic legatum. 4 75. §. pen. de legat. 1. ubi sic scribit Ulp. *Si quis ita stipulatus, Stichum aut decem, utrum ego velim, legaveris, quod ei debebatur, tenebitur hæres ejus, ut præstet legatario actionem, electionem habituro, utrum decem an Stichum persequi malis*. Nam ut superius diximus, legatum generale aut alternativum, licet cum jure eligendi, non est idem aut ejusdem prorsus naturæ cum legato, quod in specie dicitur optionis. In legato hujusmodi, illud aut illud, utrum elegerit legatarius, est quidem etiam electio personalis, sed hætenus ut servo aut filio cohareat, l. si stipulatus. 76. de verb. obl. non ut nullo electo, decedente legatario, post diem legati cedentem ad hæredem jus electionis non transmittatur: transmitti enim expressè scriptum est à Paulo in l. illud. 19. de opt. leg. nec illa est inter tale legatum & ejusdem generis stipulationum differentia. Jam verò si stipulatus fuerim illud aut illud, quod ego voluero, mortuo me ante electionem, in hæredes obligatio transit, ut idem Paulus respondet in d. l. si stipulatus. 76. de verb. obl. Nec est admittendum, quod Donellus in d. l. existimat, obligationem transire, electionem non transire; quo nomine etiam reprehenditur à Bachovio hic: nam Donelli illam opinionem cum ipse locus satis refellit, tum perspicuè species paulo ante proposita ex d. l. si sic legatum. 75. §. pen. de legat. 1. Nisi enim una cum obligatione ipsum etiam jus eligendi, quod ex stipulatione testatori quæsitum erat, in

hæredem ejus translatum fuisse ponamus, hæres cedendo actionem, id jus transferre in legatarium non potuit: quippe quod nec ipse habuit. In consideratè autem Bachovius jus electionis ex contractu quaesitum in quaestione proposita distinguit ab eodem jure delato ex testamento, quasi illud non impediatur conditione, quominus ad hæredem transeat, hoc contra. Nam etsi verum & notissimum est, legatum conditionale, mortuo pendente conditione legatario, intercideret; stipulationem autem sub conditione contractam, mortuo ante conditionem stipulatore, non extingui, sed spem obligationis transmitti in hæredem, §. *sub conditione*. 2. *inf. de verb. obl. l. 4. l. 5. §. 2. quand. dies leg. l. 1. is cui. 42. de obl. & act.* hæc tamen differentia non pertinet ad conditiones, quæ personis injunguntur: qualis sit omnino necesse est in memorata stipulatione, si eam conditionalem facimus, & nempe eadem, quæ in legato optionis, si ipse stipulator elegerit. Condicio omnis in personam certam collata personam non egreditur, deficitque, nisi in persona ejus impleta fuerit, *l. qui hæredi. 44. l. si ita. 69. de cond. & dem.* Hinc jam opinor intelligimus, non temere credendum iis esse, qui pro certo tradunt, apud Paul. in *d. l. illud. 19. de opr. leg.* scriptum fuisse, *transmissi non placuit*: Tribonianum autem responsum Pauli ad jus novum & constitutionem Justiniani in *l. ult. C. comm. de leg. accommodasse sublata negatione.*

Ex constitutione nostra data est licentia hæredi legatarii optare. Ubi Justinianus caverit, quod hic se cavisse dicit, ut legatum optionis ad legatarii, qui non optavit, hæredem transmittatur, non invenio. Interpretes omnes intelligunt *l. ult. C. comm. de leg.* & sanè ea, quæ mox sequuntur de dissensione plurium hæredum circa electionem sorte dirimendam, arguunt, eam constitutionem hic significari. Etenim, quod interpretes non animadvertunt, nihil amplius ea constitutione sancitur, quam ut si hæredes legatarii inter se de electione non conveniant, controversia sorte dirimatur: de jure verò optandi ad hæredes legatarii ante electionem mortui contra rationem juris veteris transmittendo, planè nihil ibi cavetur. Immo verò constitutio sic scripta est, ut ex ea nihil aliud colligi posse videatur, quam quod etiam apud veteres jam olim sic obtinuerit, ut legata optione, si legatarius ipse non optasset, ad hæredes ejus jus optandi traduceretur. Memorat enim, inter veteres dubitatum fuisse, quid statuendum foret, si plures legatarii, quibus optio legata esset, vel unius legatarii plures hæredes circa electionem corporis dissentirent. Ineptæ profecto dubitatio, si electio in legato optionis merè personalis fuit, hoc est, ita personæ legatarii cohaerit, ut nec ad hæredes ejus transferat. Quid dicam non habeo, nisi quod Tribonianus diversos casus temere videtur miscuisse, & casum plurium legatariorum de electione disputantium inconsideratè confudisse

cum casu plarium hæredum unius legatarii, quod & Bachovius existimat. VINN. At tanta oscitatio cadere non videtur in Tribonianum. Ex nostro §. patet, primo conditam constitutionem, eaque cautum, ut & hæredes legatarii optare possent, deinde diligentiore habito tractatu, ei constitutioni aliquid additum esse. Prior constitutio priori inserta Codici perijt, additamentum migravit in codicem repetita prælectionis, habeturque *l. ult. C. comm. de legat. & fideic.* Nec est quod aliquem turbet, quod Tribonianus ibi speciem proponat, ubi legatarii hæredes dissenserint circa electionem. Nam hujusmodi speciei & jure veteri locus esse potuit, si testator ita legaverit: *Tizio, aut ejus mortuo: ejus hæredibus servum, quem optaverint, do lego.* Itaque ex *d. l. ult.* non sequitur, ut jam ante Justinianum legatarii hæredibus jus optandi fuerit. HEIN.

Optare servum] Quod de servo hic dicitur, exempli id causa dictum intelligimus, atque ad rem quamlibet, cujus optio legata sit, pertinere, *d. l. ult. C. comm. de leg.* Sic passim videmus, in optionis legato tantum servorum mentionem fieri: & Papinian. in *l. actus. 77. de reg. jur. servi* optionem refert inter actus legitimos, non quod non idem fuerit in aliarum rerum optione legata, sed quia plerumque servorum potius, quam aliarum rerum optio legari solita erat: unde & de eo sæpius Jurisconsulti & confulebantur & scribebant, id quod manifestè apparet ex lectione totius *tit. de opr. legat.*

Sorte hoc esse dirimendum] Si plures legatarii, vel unius plures hæredes in optando dissentiant, unus sorte qui optet, constitui, cujus optionem cæteri ratam habeant, expresse cautum est *d. l. ult. C. comm. de legat.* Frequens autem admodum etiam apud veteres fuisse sortis & fortunæ judicium, ex variis Jurisconsultorum responsis elucet: *l. sed cum. 14. de judic. l. generaliter. 24. §. quid ergo. 17. de fideic. lib.* quamquam vix, ubi negotium animi judicio explicari potest: de quo nos *lib. 1. select. quaest. c. 35.* Utebantur antiqui & micatione digitorum: Varro, *Asticandum erit cum Græcorum utrum ego illius numerum, an ille meum sequatur.* Cicero *1. de offic.* Sed quasi aut sorte aut micando victus, alteri cedat alter. Suet. in *August. c. 13.* Patrem & filium pro vita rogantes sortiri aut micare jussit. Quando autem & quibus casibus res dubia sorti permittenda sit, ab hoc loco alienum est quaerere. VINN. In loco Suetonii alii legunt *sortiri aut dimicare*: Sed *micare* habuit Codex MSC. Salmasianus. Sic res olim in foro, sic carnes de lanio micando emebantur. Quod Turcium Apronianum, V. C. Præfectum urbi, utilitate suadente sustulisse, ex marmore veteri intelligimus. Vide plura apud Casaub. in not. ad Sueton. *l. c.* HEIN.

TEXTUS.

Quibus legari potest.

24. Legari autem illis solum potest, cum quibus testamenti factio est.

COMMENTARIUS.

TRANSIT hic Imperator ad partem principalem hujus tituli secundam, in qua agitur de personis, quibus legari potest. Sic autem initio definit, legari illis solum posse, cum quibus testamenti factio est. Non ait, qui testamenti factionem habent; quo soli proprie significantur, qui testamenti faciendi ius habent; ut ostendimus supra in §. testes autem. §. de test. ord. sed cum quibus testamenti factio est: quo continentur etiam qui ipsi testamentum facere non possunt, modo ius capiendi ex alieno testamento habeant. Quinam autem isti sint, docetur §. extraneis. 4. præ. sis. De iis, qui capere non possunt, dictum est in hæredum institutione. Olim hac in parte nonnulla inter legata & fideicommissa differentia fuit, poteratque quibusdam incapacibus fideicommissum relinqui, quibus legari non poterat, vel propter conditionem libertinitatis, vel propter leges Voconiam, Juliam, Papiam, aut similes quibus capere, aut totum capere vetabantur: qua de re forte uberius infra sub sis. de fideic. hæ. Illud nunc sciamus, legibus istis & differentiis incapacium sublatis, nullum amplius hac in re discrimen inter legata & fideicommissa superesse.

TEXTUS.

Jus antiquum de incertis personis.

25. Incertis verò personis neque legata neque fideicommissa olim relinqui concessum erat. Nam ne miles quidem incerta persona poterat relinquere, ut divus Hadrianus rescripsit. Incerta autem persona videbatur, quam incerta opinione animo suo testator subiciebat, veluti si quis ita dicat, Quicumque filio meo filiam suam in matrimonium dederit, ei hæres meus illum fundum dato. Illud quoque, quod is relinquebatur, qui post testamentum scriptum primi consules designati essent, æque incerte persone legari videbatur: & denique multe aliæ hujusmodi species sunt. Libertas quoque incerte persone non videbatur possideri; quia placebat, nominatim servos liberari. Sub certa verò demonstratione, id est, ex certis personis incerta persona relictæ legabatur: veluti, Ex cognatis meis, qui nunc sunt, si quis filiam meam uxorem duxerit, ei hæres meus illam rem

Figinius in Institut.

dato. Incertis autem personis legata, vel fideicommissa relictæ, & per errorem soluta, repeti non posse, sacris constitutionibus cautum erat.

NOTÆ.

25. Incertis personis] Receptum tamen fuit, ut pauperibus, l. 24. C. de episc. & cler. civitatibus, l. 26. ad SC. Trebel. l. 22. de leg. 1. corporibus & collegiis licitis, l. 12. C. de hæ. inst. l. 1. §. 15. ad Treb. relictæ, rata essent.

COMMENTARIUS.

- 1 Exponuntur aliquot loci, ex quibus falso quidam colligunt, etiam jam olim hæreditatem legatumve incertis personis relinqui potuisse.
- 2 De legatis relictis civitatibus, municipiis, collegiis, pauperibus.
- 3 Cur ejus, quod incertæ personæ relictum erat, per errorem soluti non esset repetitio.

INCERTÆ personæ olim neque hæreditas, neque legatum, aut fideicommissum relinqui poterat. Ulp. sis. 22. §. 3. & sis. 24. §. incertæ. 13. Paul. 3. sent. 6. Ratio hæc erat, auctore Ulpiano d. sis. 22. §. 3. quoniam certum esse debet testantis consilium. Sic enim verba legis duodecim, *Uti quisque legassit*, veteres interpretati sunt, ut quisque certo consilio ac solido iudicio statuerit, &c. At hæreditatem bonave suæ magno sæpe labore quæsitæ relinquere incertæ personæ, tam certi consilii non est, ut potius species quædam dementiæ esse videatur. Non est contrarium, quod Marcianus scribit, tale legatum utile esse: *Illis, qui testamentum meum obsignaverint, hæres meus decem dato*, l. si quis. 14. de reb. dub. Nam quod futuris signatoribus seu testibus legatur, id non incertis, sed certis personis relinqui intelligitur. Etsi enim tunc incerti & testatori ignoti sunt, cum is privatam voluntatem suam scribit, tamen non possunt non esse certi eo tempore, quo proprie testamentum fieri dicitur, hoc est, cum solemnita peraguntur, quibus adhiberi testes nisi sciente testatore & rogante non possunt. Non obstat quoque l. in tempus. 62. §. 1. de hæ. instit. agitur enim ibi expresse de institutione certæ personæ, quam & testator proprio nomine designavit: sed quia plures erant testatori eodem nomine amici, non apparebat, de quo sensisset: cujusmodi in casu audienda est probatio voluntatis; & qui probare poterit, de se sensisse defunctum, admittendus, arg. l. falsa. 33. §. 1. de cond. & dem. quamvis totam exceptionem illam, nisi ex aliis apertissimis probationibus fuerit revelatum pro qua persona testator senserit, responso Jurisconsulti adjectam à Triboniano nullus dubitem, add. Ant. Fab. 5. conj. 19. Magis videtur ob stare l. 5. de reb. dub. Respondet Donellus, proponi illic legatum aut fideicommissum relictum

incertæ quidem personæ, sed ex certis tamen; quod etiam olim licuit, ut statim audiemus: quippe verba illa fideicommissi, *Sive quis alius restitutionem mihi impetraverit*, cum Juliano & Cajo sic interpretanda, si quis alius ex amicis quorum testator mentionem non fecit. Alii putant, etiam si quis alius curaverit testatorem restitui, non minus fideicommissum deberi, quasi pro beneficio, quod speratur, datum. Porro ex hoc jure manavit, quod nec civitates, nec municipia aut collegia hæredes institui aut legatum capere potuerunt, Ulp. d. tit. 22. §. 4. Plin. lib. 5. epist. 7. ad Calvisium: *Nec heredem*, inquit, *instituit, nec percipere posse tempub. constat*. Cæterum postea, ut hæc corpora legatum capere possent, permissum fuit, etiam tempore mediæ jurisprudentiæ, l. si quis. 37. in fin. l. si hæres. 73. §. 1. l. si quid. 117. l. civitatibus. 122. de legat. 1. l. cum senatus. 20. de reb. dub. l. omnibus. 26. ad Treb. A Nerva hoc primum introductum, post deinde à senatu auctore Hadriano diligentius constitutum fuit, Ulp. tit. 24. §. civitatibus. 28. Paulus Marco id tribuit, d. l. cum senatus. 20. In propriis nominibus facilis est auctorum lapsus. Tandem etiam concessum, ut civitates & municipes hæredes institui possent, l. hereditatis. 12. C. de her. inst. quod ætate Ulpiani & Pauli nondum obtinebat, ut liquet ex fragmentis ejusdem Ulpiani tit. 22. §. 4. & d. l. omnibus. 26. ad Treb. quibus locis hoc tantum traditur, fideicommissam hereditatem municipibus restitui ex Senatusconsulto Aproniano. Eandem denique rationem habuit, quod legatum pauperibus relictum non valebat: quod nunc firmum ratumque omnibus modis habetur, daturque jus & nomen hæredis episcopis, æconomis, xenodochis: nomen, ut sint hæredes: jus, ut debita exigant, creditoribus hereditariis respondeant, pauperibus relictæ dividant, l. id quod. 24. l. si quis. 49. §. 1. & seqq. C. de Episc. & Cler. Cyn. Bald. Salic. in d. l. id quod. 24. Bart. in l. 5. de reb. dub. Tulden. ad tit. C. de incert. VINN. Hujus juris historia non satis accuratè exponi videtur à Vinnio. Quamvis enim Ulpianum sequutus, à Nerva antiquum jus primum mutatum esse existimet; id tamen non satis conciliari posse videtur loco Plinii, qui sua ætate nondum capere potuisse res publicas tradit, idque sub Trajano, ut videtur. Nam in eadem epistola 7. lib. 5. liberalitatis ac munificentiae erga Novocomensis mentionem facit, quam jam post consulatum ostendisse videtur, uti ex marmore apud Gruter. P. CCCCLIV. & MXXVIII. adparet. Primum ergo SC. permissum videtur ut caperent civitates fideicommissa, idque sub Hadriano, consule Apronio, anno Christi 117. vel 123. Sub eodem & legata civitatibus relictæ SCto firmata. Ulp. Fragm. tit. 24. §. 28. Unde legati hujusmodi exemplum exstat in l. 101. ff. de leg. 3. Postea D. Marcus id jus etiam ad collegia, l. 20. ff. de reb. dub. immo etiam ad vicos protulit, l. 73. §. 1. ff. de legat. 1. Deni-

que & hæredes institui potuere civitates non demum per Constitutionem Leonis Thracis. l. 12. C. de her. inst. sed jam temporibus Pauli, id est Severi & Caracallæ, cu ex l. 121. ff. de legat. 1. colligimus. HEIN.

Quam incerta opinione] Incerta persona hic dicitur, quam testator animo suo incerta & cæca opinione subjicit, id est, cum mens & cogitatio testatoris nullis certis finibus circumscripta tamquam in immenso atque infinito vagatur: nam si mens ejus certo numero personarum, quas omnes novit, terminetur, incertitudo personæ legatarii legatum non vitiat, ut exempla subjecta demonstrant.

Qui primi consules designati] Puto, hoc exemplum ad eum pertinere, qui vel ante candidatorum numerum constitutum, vel cum eos non nosset, incertissima opinione dixit, *qui primi consules designabuntur*. Quod si è constituto jam candidatorum numero, quos testator novit, ei qui primus consul designatus fuerit, centum legaverit, magis est ut hoc legatum valeat, ut relictum uni ex certo personarum numero cum certa demonstratione.

Libertas quoque incerta personæ] Antea dixit, ne militem quidem legatum aut fideicommissum incertæ personæ relinquere potuisse, etsi militum testamenta nullis adstringebantur juris civilis subtilitatibus: cujus tamen generis unum hoc fuit, quod incertæ personæ legari non potuit. Aliam nunc subjicit ejusdem juris ampliatiqnem, quod nec libertas, cujus summus alioqui favor semper fuit, incertæ personæ dari potuerit, addita ratione, *quia placebat nominatim servos liberari*, quod videtur cautum fuisse lege Fulsia Caninia. Ulp. tit. 1. §. ult.

Sub certa verò demonstratione] Ex certo personarum ordine aut numero cum certa demonstratione legari incertæ personæ etiam olim jus fuit, veluti: *Ex collegis meis, qui nunc sunt*, aut: *Ex cognatis meis, qui primus ad funus meum venerit*, aut: *Qui filiam meam uxorem duxerit, ei hæres meus illud dato*. Ulp. tit. 24. §. incertæ. 18. Et notandum in exemplo proposito demonstrationi expressè addi hæc verba, *qui nunc sunt*: alioqui incerta adhuc foret demonstratio.

Per errorem soluta repeti non posse] Hic locus 3 confirmat id, quod antediximus, ex subtilitate quadam juris civilis hoc esse, quod incertæ personæ legari non potest. Neque enim ratio naturalis impedit, quominus, verbi causa, ei qui filiam meam aliquando uxorem ducturus est, hæredem meum aliquid dare jubeam. Proinde ex hujusmodi relicto etiam olim nascebatur debitum naturale, id est, hæres ex tali voluntate naturaliter obstringebatur, quæ causa est, quod Imperatorum constitutionibus cautum fuerit, ne ejus, quod incertæ personæ legatum erat, soluti per errorem repetitio esset: quippe naturalis obligationis hic certissimus jure quoque civili effectus est, ut impediatur ejus, quod ex ea causa solutum est, repetitionem, l. 13. l. si

*pena. 19. de cond. ind. l. 10. de obl. & aff. Chri-
stin. vol. 4. dec. 50. num. 4. erratque adeo mani-
feste Pacius, hunc locum restringens ad lega-
ta, quæ pietatis aut religionis intuitu relin-
quuntur: quo in errore Mynsing. non fuit, ut
falso existimat Bachovius.*

TEXTUS.

Jus antiquum de posthumo alieno.

26. *Posthumus quoque alieno inutiliter an-
tea legabatur. Est autem alienus posthu-
mus, qui natus inter suos heredes testatori
futurus non est: ideoque ex emancipato filio
conceptus nepos, extraneus erat posthumus
avo.*

NOTÆ.

26. *Ex emancipato filio conceptus*] Alienorum
posthumorum diversa sunt genera, & varii gra-
dus: v. Cujac.

COMMENTARIUS.

1 *Posthumus esse similes incertis personis: cate-
rum non per omnia eodem jure cum his cen-
seri.*

2 *Posthumi alieni qui? & eorum diversa gene-
ra.*

QUI in utero sunt, sive posthumi, & tam ali-
eni quam sui, in hereditate legitima semper
pro jam natis habiti sunt, & capaces hereditatis
sibi ab intestato delatæ, l. pen. de stat. hom. l. pen.
de leg. 1. Verùm in hereditatibus testamentariis
& legatis nemo posthumus pro nato, initio habi-
tus fuit, propter verba legis duodecim tabula-
rum, *Uti quisque legasset, &c. quæ* sic à pruden-
tibus, ut etiam antea diximus, accepta sunt, uti
quisque certo consilio ac judicio decreverit, &c.
1 *Cum enim posthumi omnes incertæ sint perso-
næ, aut incertis personis similes, contra legem
fieri visum est, si aut heredes instituerentur, aut
legatum iis daretur, quasi non solido consilio id
à testatore factum esset, ignorante, & an nasci-
turi sint, & quales nascituri, & quot nascituri.
Paulatim tamen disputatione fori propter utilita-
tem & non sine magna ratione receptum, ut post-
humi sui rectè heredes instituerentur, & legatum
ex testamento caperent. In posthumis alienis
interpretatione prudentum nihil mutatum; qua
de re fusius disputavimus sub §. 2. sup. de exher.
lib. Non in omnibus tamen eandem rationem
posthumi alieni & cujusvis alius incertæ personæ
fuisse, ex eo apparet, quod fideicommissum post-
humo alieno inutiliter relinquebatur, l. 5. in fin. de
reb. dub. l. 2. de jur. cod. ceteris incertis personis
inutiliter. Et verò non est posthumus planè simi-
lis tali personæ, quam testator omnino incerta
& cæca cogitatione animo suo subiecit: sed ma-
gis & quodammodo similis iis, quos nunquam
vidimus qui etiam heredes institui possunt, §. ult.*

sup. de her. inst. Cæterum quod hic Justinianus
ait, posthumus alieno jure antiquo inutiliter le-
gari, ei obstat l. 6. de reb. dub. nam in calce præ-
cedentis l. 5. proponitur quis rogatus hereditatem
restituere posthumus suo vel alieno: & mox continen-
ter in l. 6. seq. posthumus hæres institutus, vel
cui legatum relictum est. Respondeo, sunt loci
isti diversorum auctorum: ac proinde necesse non
est, ut quod in uno dicitur de posthumus vel suo
vel alieno, cui hereditas restitui jussa est, repeta-
tur in altero, in quo simpliciter proponitur post-
humus hæres institutus, aut legatum posthumus
datum: nec illud etiam eo loco quaeritur, an
cum posthumus, & cum quo testamenti factio sit,
sed an & quando posthumus partem faciat?

Inter suos heredes testatori futurus non est] Post-
humus suus & alienus sic inter se opponuntur, ut
suus posthumus dicatur, qui si vivo testatore nas-
ceretur, in potestate ejus esset, primumque ab
eo gradum in familia obtineret, uno verbo, qui
nasceretur testatori suus hæres: qualis est is, qui
in utero uxoris testatoris est, aut uxoris filii ejus
præmortui, aut emancipati, postquam uxor jam
conceperat, §. pen. sup. de tut. §. 2. tit. præc. Post-
humi alieni omnes, qui, si vivo testatore nascan-
tur, aut in ejus potestate familiæ non nascun-
tur, aut non nascuntur proximo ab eo gradu, uno
verbo, qui sui aut inter suos non nascuntur. Ho-
rum autem diversa sunt genera & varii gradus.
Primum posthumus alienus avo est nepos natus
ex filio, etiam quem superstitem in potestate ha-
bebat: quamdiu enim filius in familia manet,
nepos ex eo suus hæres avo non agnascitur, §. 2.
sup. de exher. lib. d. §. 2. præc. tit. §. 2. de her. ab in-
test. At enim quia aliquando fieri potest, ut hic
nepos posthumus suus hæres testatori agnasca-
tur, puta si filius vivo testatore decesserit, pro
suo hætenus habitus, atque ex formula Galli
hæres institui potuit, l. Gallus. 29. de lib. & post.
Magis alienus posthumus est nepos, conceptus
ex filio emancipato, hoc text. in quo etiam ob cau-
sam jam dictam hujus tantum nepotis posthumi
fit mentio: item qui in utero est uxoris filii, qui
in adoptiva familia est, l. 1. §. si filius. 8. de vent. in
poss. l. miss. & qui nasci speratur ex testatoris filia,
§. ult. sup. de pat. pot. Eadem porro ratione post-
humus matri alienus est posthumus, puta si ex so-
utero extractus fuerit, l. 6. fin. pr. de inoff. test. &
avix, qui in ventre est filix, aut uxoris filii:
& adhuc magis alieni, qui nascituri sunt ex agna-
tis aut cognatis, l. pen. de leg. 1. dist. l. 6. de inoff.
Postremo alienissimæ & maximè extranei, qui
neque legitimi futuri sunt, neque cognati, l. 6.
de vent. in poss. miss. Hos autem omnes Justi-
niani definitio complexa est.

TEXTUS.

Jus novum de personis incertis &
posthumus alieno.

27. *Sed nec hujusmodi species penitus est
sine iusta et necessaria ratione, quoniam in no-*

stro Codice constitutio posita sit, per quam & huic parti medemur, non solum in hereditatibus, sed etiam in legatis & fideicommissis: quod evidenter ex ipsius constitutionis lectione clarescit. Tutor autem nec per nostram constitutionem incertus dari debet: quia certo iudicio debet quis pro tutela sue posteritati cavere.

NOTÆ.

27. *In nostro Codice constitutio*] Desideratur hæc Justiniani constitutio. Ex verbis autem huius textus hoc constat Justinianum cavisse, ut incertitudo personæ, cui aliquid legatum est, non vitiet legatum, si vel in præsens, vel ex futuro eventu certitudo aliqua appareat possit.

COMMENTARIUS.

Huiusmodi species sine iusta emendatione] Dubium est, utrum indistinctè hoc referendum sit ad speciem de incertis personis, de quibus superius egit, an verò tantum ad speciem de alieno posthumo, cuius proximè meminit in §. præc. Sed rectè plerique interpp. sentiunt, Justinianum loqui in universum de specie incertarum personarum, quas hæcenus commemoravit, atque hoc dicere, constituisse se, ut & posthumo alieno & cæteris personis incertis, quas modo eventus postea demonstravit, legatum relictum valeat. Atque hoc ex eo satis intelligitur, quod scriptum est in §. incertis. 25. incertis personis legari olim concessum non fuisse: quod stultè diceretur, si ne nunc quidem id concessum esset constitutione Justiniani. Habemus etiam certissima huius rei argumenta in hoc ipso §. quæ in progressu indicabimus. Hoc tamen dubii adhuc relinquitur, quatenus scilicet ius illud, quod de incertis personis recensuit, emendavit. Non enim dicit, se id ius penitus sustulisse, sed non penitus reliquisse inemendatum. Ex verbis quidem Justiniani nihil hæc colligere possumus, quàm hoc cum constitutione sua cavisse, ut incertitudo personæ, cui quid legatum est, non amplius vitiet legatum, si ulla ratione vel nunc, vel ex futuro eventu certitudo aliqua apparere possit. Sed tamen non semper id admittendum videtur. Quid enim si eventus inciderit in eas personas, mortuo aut ignorante testatore, quibus verisimile non est, specialiter eum legaturum fuisse? Finge sic esse legatum, *Qui filiam suam filio meo collocaverit, ei hæres meus centum dato*: eamque collocasse ignorante testatore, qui inimicus testatori fuerit, qui pessimè de eo meritis, qui sit infamis aut vitæ flagitiosæ: non putarem, huic quicquam ex huiusmodi legato deberi, ne nunc quidem post constitutionem Justiniani. Certius verò de re tota constitui posset, si constitutio, ad quam hic relegamur, extaret: sed in Codice, quo nunc vivimus, desideratur. Græcam fuisse

verisimile est, omissamque à Latinis descripto-ribus intercidisse.

Non solum in hereditatibus] Ergo olim nec hæres institui incerta persona potuit: quod etiam disertè scriptum est ab Ulp. sis. 22. §. 3. De posthumo tamen alieno testatur ipse Justinianus §. seq. potuisse eum & antea hæredem institui. Cæterum hoc quomodo accipiendum sit, ibi declarabimus.

Et fideicommissis] De fideicommissis cautum propter personas incertas, §. incertis. 25. sup. eod. nam posthumo alieno etiam antea fideicommissum relinqui potuisse evincitur ex l. 2. de jur. cod. l. 5. §. ult. de reb. dub. Et hoc certum argumentum est, Justinianum non solum de posthumo alieno cavisse, sed de cæteris quoque personis incertis.

Tutor autem nec per nostram const. incertus dari] Hic iterum locus ostendit, verum esse, quod diximus, Justinianum in constitutione, cuius hic meminit, emendasse ius de personis incertis, non solum posthumis: male enim alioqui in ex tutorem incertum exciperet. Quod autem exceperit tutorem incertum, atque in eo ius veteris conservari voluerit, l. tutor. 20. de test. tut. ad cautionem pupilli pertinet: quippe cuius interest, ne incerti aut ignoti, de quorum fide & diligentia ac moribus testatori constare non potuit, ad tutelam admittantur, maximè sine satisfactione, à qua tutores testamentarii immunes sunt. Cui adde, quod in delatione tutelæ nullum lucrum vertitur, quod ea suscepta tutor consequatur.

TEXTUS.

De posthumo alieno hærede instituto.

28. *Posthumus autem alienus hæres institui & ante poterat, & nunc potest: nisi in utero ejus sit, quæ jura nostro uxor esse non potest.*

COMMENTARIUS.

1. *Quomodo accipiendum, quod hic ait Justinianus, posthumum alienum etiam antea hæredem institui potuisse?*

2. *Consulantur Alciatus & Bachovius, qui putant hunc loco deesse negationem.*

Eti, ut superius dixi, antea ita ius fuit, ut posthumo alieno inutiliter legaretur: nihilominus tamen, ut nunc hic ait, hæres institui is posthumus etiam antea potuit. Hoc autem non videtur convenire cum iis, quæ supra relata sunt de inutili institutione posthumus alieni, & de emendatione juris veteris etiam hac in parte à Justiniano facta. Tum si antea posthumus alienus hæres institui potuit, quid opus fuit addere, etiam nunc eum institui posse? An quia constitutione sua ius vetus in eo confirmavit? nullo modo: profiteretur enim expressè, se antiqui juris ob-

servationem circa incertas personas & posthumos alienos emendasse etiam in hæreditatibus, significans, sua demum illa constitutione effectum, ut etiam posthumus alienus rectè hæres instituat. Sed sciendum est, neutrum jure civili in persona posthumi alieni valuisse; si hæres institutus esset, si legatum ei datum: ceterum legatum etiam jure prætorio insuper habitum, cum eo jure institutio posthumi alieni, ut favorabilior, sustineretur, institutumque prætor adjuvaret dando ei bonorum possessionem secundum tabulas, *infra de bonor. poss. in pr. l. posthumus. 6. de inoff. testam. l. 1. §. si filius. 12. de vent. in poss. miss. l. 3. de bonor. poss. sec. tab.* Quamobrem interpp. fere omnes hæc verba Justiniani, & ante poterat, & nunc potest, sic acceperunt, ante poterat jure prætorio, nunc potest etiam jure civili ex constitutione scilicet Justiniani, ut cum utrumque intelligi non possit de eadem juris specie, accipiat de eodem juris effectum, cum parum referat ad vim tabularum, utrum hæreditas ex his adiri, an bonorum possessio peti possit; quod ego verissimum esse arbitror. Neque obstat, quod Justinianus loquitur de hærede instituto, quod verbum est juris civilis: sic enim loqui cum necesse fuit, ut ostenderet differentiam institutionis & legatorum, de quibus antea egerat. Et quid prohibet, quominus dicatur jure facta institutio, quæ jure prætorio sustinetur? Sanè Ulp. in *d. l. 6. de inoff. test. l. 1. §. si filius. 12. de vent. in poss. miss.* cum de posthumo alieno loquens eum hæredem scriptum aut hæredem institutum, natumque secundum tabulas habere scribit, nihil aliud significat, quam posthumum alienum jure prætorio rectè hæredem institui. Quin etiam Paulus simpliciter respondet, hujusmodi institutionem jure fieri, *l. Titius. 25. §. 1. de lib. & posthum.* cujus species huc quoque pertinet, ut bene contra Cujacium observavit Ant. Fab. 9. con. 2. D. Bachovius tamen contra omnium exemplarium & Græcarum Institutionum fidem existimat, huic loco deesse negationem, & legendum, *Posthumus autem non alienus*, id est, *suus*: quod jam olim etiam tentavit Alciatus 9. parerg. 1. Sed errare eos apertè ostendit subjecta exceptio, *nisi in utero ejus sit, quæ jure nostro uxor esse non potest*: quæ exceptio necessario intelligenda est de posthumo alieno, si eam accipias de posthumo, qui in utero sit ejus mulieris, quicum omnino nullum connubium est, ut sunt Vestales, Sanctimoniales seu Ascetræ, quæ perpetuam voverunt castitatem; si eam de eo posthumo, qui ex ea muliere & testatore nasciturus est, quæ illius uxor esse prohibetur, propter cognationem puta, aut affinitatem, aut quia alii nupta: quippe quod ex his nascitur vivo testatore, in potestate ejus nasci non potest; estque turpis hujusmodi institutio, ipsoque jure non valet, *l. 9. §. 1. de lib. & posth.* Jam verò subtilissimè exciperetur posthumus alienus, si id quod præcedit, ad posthumum alienum non pertinet, sed ad non alienum siue suum duntaxat.

Mirorque adeo Judicium Bachovii, qui hæc exceptionem etiam confirmari putat suam illam & Alciati emendationem. Cæteris Bachovii argumentis quivis facile occurret, qui modo hæc nostra attentè legerit.

TEXTUS.

De errore in nomine legatarii.

29. *Siquidem in nomine, cognomine, prænomine, agnomine legatarii testator erraverit, cum de persona constet, nihilominus valet legatum. Idemque in heredibus servatur; & rectè. Nomina enim significandorum hominum gratia reperta sunt: qui, si alio quolibet modo intelligantur, nihil interest.*

NOTA.

29. *Cum de persona constat* Id est, dummodo certum sit demonstratione testatoris, de quo ille senserit. Et par ratione quamvis testator erraverit in nomine proprio rei legatæ, veluti si secundum Cornelianum pro Semproniano nominaverit, utile est legatum, & debetur Sempronianus *l. 4. de leg. 1.* Secus est si erraverit in nomine rei appellativo, puta si cum vestem legare vellet, supellectilem scripserit: quia rerum vocabula naturæ consona, publica & immutabilia sunt, *d. l. 4. l. 7. §. 2. de supel. leg.*

COMMENTARIUS.

- 1 Subtilius ac diligentius, quàm passim, explicatur differentia nominum propriorum.
- 2 Cur error in nomine legatarii non vitiet legatum, cum de persona constat? & n. 5.
- 3 Nec errorem in nomine proprio rei legatæ vitare legatum: & cur vitiet error in nomine appellativo?
- 4 Quid si testator rem oculis subjectam alieno nomine appellaverit?

TRACTATIONI de incertis personis ea de errore nominis, item de falsa demonstratione & falsa causa ideo subjungi videtur, quia hæc quoque quodammodo personarum legatarii incertam reddunt. Pertinet huc titulus Pand. de cond. & demonstr. item *tit. C. de fals. caus. adi. leg. cum 2. seqq.* ad quos vid. D. Tuld. & Perez. add. Christin. vol. 4. decis. 49. Nos etiam quædam subtilius atque accuratius, quàm illi fecerunt, explicabimus.

In nomine, cognomine, prænomine, agnomine. Hæc quatuor nomina etiam Imp. Gordianus distinctè expressit, *l. 4. C. de test.* & Charisius Grammaticus sic scribit: *Propria nomina in quatuor species dividuntur, prænomen, nomen, cognomen, agnomen, ut Publius, Cornelius, Scipio, Africanus. Prænomen est, quod nomini præponitur, ut Publius. Nomen, quod familiae originem declarat, ut Cornelius.*

fius. Cognomen, quod nomine subiungitur, ut *Scipio*. Agnomen, quod extrinsecus adici solet, ut *Africanus*. Hæc ille. Plura etiam ejusmodi apud Romanos videmus, ut *Marcus Licinius Crassus Dives*, *Marcus Porcius Cato Sapiens*, *Quintus Fabius Maximus Allobrox*, *Lucius Cornelius Scipio Asiaticus*. Charisius autem non satis distinctè videtur rem ipsam explicasse. Prænomen erat nomen cuiusque proprium; ut *Marcus*, *Lucius*, *Paulus*, *Publius*. Nomen totius gentis commune erat, hoc est, omnes, qui ex eadem gente erant, eodem nomine appellabantur, verbi causa, qui ex gente *Cornelia*, omnes *Cornelii*, qui ex gente *Valeria*, omnes *Valerii* nominabantur. Cognomine singulæ familiæ in quaque gente distinguebantur, idemque omnium, qui ejusdem familiæ erant, cognomen erat: ut in gente *Cornelia*, qui ex familia *Scipionum*, *Scipiones*, qui ex familia *Lentulorum*, omnes *Lentuli*, &c. Agnomen dicebant, quod ab eventu alio ducebatur, ut *Publ. Scipio ex Africa*, *Lucius ex Asia* oppressa agnomen acceperunt, quamquam ejusdem essent familiæ, teste *Cicerone pro Maren.* quo tamen loco non agnomen illud, sed cognomen vocat. Idem *lib. 2. de offic. c. 16. Divitem Crassi, & libro de amicis. c. 2. Sapientem M. Catonis cognomen fuisse scribit.* Apud nostros quoque tantum nominis, prænominis, & cognominis mentionem fieri reperio *l. 1. de lib. & post. d. heredes. 21. §. 1. qui test. fac. d. 8. §. 2. sec. 3. ab.* Unde apparet, veteres appellatione cognominis etiam agnomen complecti, etsi hæc interdum distinguant. *Cicero lib. 1. de invent. c. 9.* Nomen cum dicimus, inquit, cognomen quoque & agnomen intelligatur oportet. Non fuere autem apud Romanos agnomina aut frequentia aut necessaria, quippe quibus plerisque caruisse constat. At his tribus, prænomine, nomine, cognomine perpetuo uti consueverant: ut *L. Cornelius Sylla*; *C. Julius Caesar*; *M. Tullius Cicero*. Theophilus hanc rem Græcis parum cognitam, ut potest, declarat, scribens, nomen esse τὸ ὀνόμα, prænomen, quod nomini præponitur, à majoribus vel benefactoribus assumptum. Hodie in toto orbe Christiano præter nomen familiæ sive cognomen hæreditarium, à parentibus aut amicis proprium nomen mutuamur, quod nobis imponitur, cum Sacramento Baptismi iniciamur, & in Ecclesiam recipimur. VINN. Omnibus Romanis fuisse cognomen, haud facile demonstraveris. Aliud de *C. Mario*, *Q. Sertorio* & *L. Mummi* observavit *Plutarchus in vita Marii ab init.* Sic & femine, eodem teste, nomen quidem habebant gentile, ut *Tullia*, *Fulvia*, *Livia*, immo & prænomen, ut à *Perizonio*, *Spanhemio* aliisque demonstratum est, sed nullo cognomine. Sed & id observandum, genti *Sulpitiæ* bina semper fuisse prænomina: alterum commune *SERVIVS*: alterum proprium, ut *Cajus*, *Marcus*, &c. Adoptivi plerumque retento prænomine, adsumebant nomen patris adoptantis, & cognominis loco addabant nomen gentis, ex qua

prodierant, inflexum in *ANUS*. e. g. *M. JULIUS OCTAVIANUS*. Sed hæc tamen non semper ita se habuisse permultis exemplis ostendit vir summus *Ez. Spanhemius de usu & præst. numism.* HEIN.

Cum de persona constat] Sive quis hæredem instituit, sive alicui quid legat, personam hæredis & legatarii demonstrare oportet. Demonstrantur personæ citra controversiam suo nomine, ceterum & aliis rebus demonstrari possunt, & si aliis demonstrantur, valet institutio & legatum perinde, ac si proprio nomine demonstrata essent, *l. quoties. 9. §. si quis. 8. de her. inst. d. 8. §. 2. de bon. poss. sec. tab. l. 4. C. de testam. & generaliter in omnibus partibus juris demonstratio vice nominis fungitur, l. 6. de reb. cred. d. nominatim. 34. de cond. & dem. d. 2. de lib. & posth.* Cui jam & illud consequens est, ut si falsum nomen adjectum sit, errante in nomine testatore, nihilominus & institutio & legatum valeat, perindeque habendum sit, quasi nomen omnino adjectum non esset: dummodo certum sit demonstratione testatoris, de quo ille senserit. Ut enim cetera omittantur, personam tamen necesse est ita demonstrari à testatore, ut certo appareat, quem ille intellexerit, *d. l. quoties. 9. §. si quis. 8.* Pro non dicto enim est, aut pro non scripto, quod ita dictum scriptumve est, ut non intelligatur, *l. 2. de his, quæ pro non script. hab.* Finge ergo, hoc modo vel instituisse; *Cornelia, sororis meæ, filius hæres esto*, vel legasse, *Cornelia, sororis meæ, filio fundum illum do lego*, si soror unum tantum filium habeat, hic quia satis apparet quem testator designavit, valet institutio & legatum. Idemque est, si sic dixerit; *Cornelius, sororis meæ Cornelia filius, hæres esto*: aut, *Cornelio, sororis meæ Cornelia filio, centum lego*: etiam si ei non *Cornelio*, sed *Sempronio* nomen sit. Porro dum certa sit demonstratio, unde ea ducatur, nihil interest. Nam & sic rectè hæres nuncupatur indicio digiti, *Hic mihi hæres esto*, cum præsens est, qui ostenditur, *l. nemo. 58. de her. inst.* Denique & sic quoque rectè demonstratur; *Cujus nomen in codicillis scripsero, ille mihi hæres esto*, *l. 10. de cond. inst.* cujusmodi demonstrationes in legatis vel magis valere debent. Pari ratione etsi testator erraverit in nomine rei legatæ, veluti si fundum *Cornelianum* pro *Semproniano* nominaverit, utile est legatum, & dabitur *Sempronianus*, si constet hunc legatum esse, *l. 4. de legat. 1.* Et convenienter, si quis, cum unum tantum servum haberet, dixerit; *Servum meum Ssichum do lego*, valebit legatum, licet servo *Davus*, notæ *Ssichus*, nomen sit arg. §. seq. Planè si quis cum vestem legare vellet, suppellectilem scripserit putans vestem appellatione suppellectilis contineri, placet, nec suppellectilem nec vestem deberi, quasi n. utrum legatum sit, *d. l. 4. de legat. 1.* ubi *Jurisconsultus* differentiam hanc rationem reddit, quod rerum vocabula immutabilia sunt, hominum mutabilia. Rerum vocabula vocat, quæ Grammatici appellativa; hominum, quæ illi propria,

pria, eo quod rei sive personæ tantum singularis designandæ causa reperta sunt. Hæc mutabilia esse ait, quia scilicet privata sunt, & pro arbitrio singulorum & imponuntur, & mutantur: illa immutabilia, quia publica & communia, l. *Labeo*. 7. §. 2. de *supell. legat.* ut proinde error in his tolerabilis sit, in illis stultus & intolerabilis. Et est sanè ingens inter hæc discrimen. Propria nomina omnia *seu* constant, & ita, ut pro arbitrio cuiusque privati & citra considerationem naturæ rei imponantur: unde nec rei *aislar*, sed tantum differentiam *inter se* indicant. Appellativa autem fere *quæ* constant, id est, à natura vim suam habere videntur, saltem prima, quæ sunt *aislar* & *seu*, idest principia & elementa reliquorum. Sanè Cratylus apud Platonem existimat, maiorem quamdam vim, quam humanam prima rebus nomina imposuisse. Sed & flexa, etsi imposititia sunt, publica tamen & ipsa sunt ac communia, & sive prudenter, sive temere & *non si autem* imposita sunt, non sunt tamen arbitraria, ut ex singulorum opinione exaudiri debeant, sed ex communi usu. In summa eorum impositio naturæ consona habetur, nec minus hæc, quam prima, ipsam rei substantiam indicant. VINN. Sed non temere hodie quisquam cum Cratylo apud Platonem existimabit, vocabula *quæ* significare, non ex impositione hominum. Nec opus tam subtili ratione, quum prior reddi possit. Nomen proprium uni datur, adp. llativum pluribus commune est vel personis vel rebus. Si quis itaque per errorem supellestem pro veste scripserit, neutrum debetur, non vestis, quia huius non fit mentio, non supellex, quia de hac non sensit, vocabulo hoc pluribus rebus quam vestibus conveniente. Ast si Davum pro Stichum dixit, & unus tantum servus adsit, facile adparet de quo senserit testator, quia nomen proprium servile non nisi uni servo suo competere potest. HEIN. De illo quæsitum est, an non saltem valeat legatum, si res, cum oculis subjecta esset, à testatore demonstrata sit, utut alieno nomine eam appellaverit: veluti si, cum equus præsens esset, ita legavit, *Hunc bovem Titio lego*. DD. comm. probant sententiam Accursii in l. *quæ extrinsecus*. 65. de *verb. obl.* existimantis valere, atque equum deberi: quod tamen mihi minime consentaneum videtur ei, quod scribit Paulus l. 3. de *reb. dub.* eum, qui aliud dicit, quam vult, neque id dicere, quod vox significat, quia non vult, neque id, quod vult, quia id non loquitur: convenienter planè sententiæ sive Servii sive Celsi, non videri quemquam id dixisse, cuius non suo nomine usus sit, aut, quod idem valet, neminem videri sensisse, quod non dixit: quamquam Tubero plus hic tribuebat volutati. l. 7. §. 2. de *sup. leg.* Quamobrem magis est, ut tale quoque legatum inutile haberi debeat, atque æquè stultum ac derisorium, ut illa de quibus in l. 4. de *legat.* 1. quod etiam Mynfingero verius videtur. Sanè si quis chartas librorum appellatione, aut contra, complexus esse dicatur, locus esse potest quæstioni voluntatis pro-

pter rerum affinitatem, l. *librorum*. §. 2. §. *quod tamen*. 4. de *legat.* 3. Quin etiam generaliter id admittendum putem, si aliquo colore usuve loquendi vocabulum, quo testator usus est, ad id, quod voluisse dicitur, extendi potest, arg. l. 9. de *ver. vin. ol.* l.

Significandorum hominum gratia] Ratio elegans, si enim nomina in hoc inventa sunt, ut per ea commodius personæ designentur, profecto nec omisio nominis, nec error in nomine legatarii, si aliunde de persona ejus certo constat legatum vitiare debet: & rectè Pedius nihil referre dicebat, proprio nomine res appellatur an digito ostendatur, an vocabulis quibusdam demonstratur: quoniam vice mutua fungantur, quæ tantundem præstant, l. 6. de *reb. cred.*

TEXTUS.

De falsa demonstratione.

30. *Hinc proxima est illa juris regula, falsa demonstratione legatum non perimi. Veluti si quis ita legaverit: Stichum, servum meum vernam, do lego. Licet enim non verna, sed emptus sit; sitamen de servo constat, utile est legatum. Et convenienter, si ita demonstraverit: Stichum servum, quem à Sejo emi, sique ab alio emptus; utile est legatum, si de servo constat.*

COMMENTARIUS.

1 Regulam hoc loco traditam sic esse temperandam, nisi quid aliud legato obstat, præter falsitatem demonstrationis; quod variis exemplis declaratur.

Quod in errore nominis personæ legatarii, aut proprii vocabuli rei legatæ custoditur, ut etsi falso huiusmodi nomine testator usus sit, legatum tamen ob id non vicietur, modo de persona aut re aliunde constet: id etiam obrinet in demonstratione, hoc est, adjectione omni, quæ extra nomen personæ aut rei designandæ gratia adhibetur, ut etsi vel in persona legatarii, vel in re legata demonstranda aliquid erratum sit, tamen perinde legatum valeat, ac si nullus error intervenisset: dummodo constet, cui legare, aut quam rem legare testator voluerit, l. *demonstratio*. 17. in *pr.* & §. 1. l. *falsa*. 33. cum l. *seq. de cond. & dem.* Ratio est, quia nomen & demonstratio mutua vice funguntur, aut demonstratio vice nominis, l. 6. de *reb. cred.* l. *nominatim*. 34. de *cond. & dem.* Eoque respicit Justin. in *p. huius* §. cum ait, proximam esse superiori hanc juris regulam, *falsa demonstratione legatum non perimi*. Habet autem hæc regula suas nonnullas exceptiones, & in universum sic temperanda est, nisi quid aliud legato obstat præter falsitatem demonstrationis. Etenim si demonstratio certam rem aut summam indicet, sed

sed circumscriptam certo loco, eaque res illo loco non reperitur, inutile hoc esse legatum traditum est. Ut ecce, testator, ita legavit: *Centum, quae in arca habeo, Titio lego*. Si haec in arca nulla sint, placet nihil deberi, quasi certum corpus, quod in rerum natura non est, legatum sit, *l. si servus. 108. §. qui quinque. 10. de legat. 1. l. 1. §. sed & si. 7. de dor. prael. juncta l. plane. 34. §. 4. de legat. 1.* prius enim esse debet, quod legatur, quam legatum valeat, aut dici possit falsa demonstratione non perimi, *l. quibus. 40. §. pen. de cond. & dem.* Item si quis ita legaverit: *Quod mihi Titius debet, Sempronio lego*, sine adiectione corporis aut quantitatis, neque Titius quicquam debeat, placet nullum legatum esse, non propter vitium demonstrationis, sed alia evidenti ratione, quia non apparet, quid quantumve legatum sit, *l. si sic legatum. 75. §. 1. de leg. 1.* Et eadem igitur ratione inutile erit & hoc legatum: *Quod Titio debeo, ei lego*, si testator neque debeat, neque quantitas adiecta sit; quamvis si ita dixerit: *Decem, quae Titio debeo, ei lego*, nec quicquam Titio debeatur, legatum sit utile: quia sola falsa demonstratio legatum non vitiat, *d. l. si sic legatum. 75. §. 1. de legat. 1. §. sub fin. de lib. leg.* Sed & amplius licet quantitas adiecta sit, tamen nec si quidem semper utile legatum in superioribus speciebus. Finge, testatorem ita legasse; *Centum, quae Titio debeo, Sempronio lego*, constat, hoc legatum inutile esse, etiam si verum sit, centum Titio deberi, quoniam debitor id quod ipse debet, alii quam creditori legare non potest. Quam ob causam nec si falsum erit, legatum valebit: nam quod inutile foret legatum detracto vitio demonstrationis, id adiecta vitiosa demonstratio utile efficere non potest. Finge iterum legasse hoc modo; *Titio centum, quae mihi debet, lego*, cum Titius nihil deberet, responsum est, nihil hic item esse in legato, multumque interesse inter falsam demonstrationem & falsam conditionem sive causam, *d. l. si sic legatum. 75. §. 2. d. l. legat. 25. vers. quod si sic.* Nimirum etsi hic centum verbo legata sunt, revera tamen nihil aliud legatum, quam liberatio: quo legato hoc continetur, ut si haeres petat, exceptione removeri, si non petat, ultro pulsari possit, ut debitorem liberet, *l. 3. §. 3. de lib. leg.* Neutri verò horum locus esse potest, ubi nulla est obligatio. Pari denique ratione si testator centum, quae Titius ei debebat, legaverit Sempronio, dicendum erit, inutile esse legatum, si nihil Titius debeat, *d. l. si sic legatum. 75. §. 2.* quippe nec hic legantur centum, quae haeres det, sed actio, quam praestet adversus Titium: hoc enim legato nominis continetur, ut haeres actiones suas praestet, nullas verò habere aut praestare potest adversus eum, qui nihil debet; quod Jurisconsultus in *d. l. si sic legatum. 75. §. 2.* breviter his verbis significat; *Esse enim debitor debet.*

Stichum servum meum vernam] Exemplum falsae demonstrationis. Est autem verna servus domi ex ancilla natus, *οικονομος, οικονομος*. Quod nomen Festus à vere deductum putat, quod id

semper ducere natura factura est. Hinc vernaculus, ut vernacula lingua, *υμε vernacula*, id est, *οικονομος*. Cicero 5. in *Ver. c. 61.* Vernaculum crimen pro domestico. *Auctor incert. de bello Hispan. cap. 7.* Vernaculas Pompeii legiones pro propriis dixit.

Stichum servum, quem à Sejo emi] Aliud ejusdem generis exemplum ex *l. demonstratio. 17. §. 1. de cond. & dem.* ubi & aliud occurrit, veluti si ita servus demonstratus sit: *Stichum suorem, Stichum cocum Titio lego*. Licet enim neque sutor, neque cocus sit, ad legatarium pertinere dicitur, si de eo lenuisse testatorem appareat. Exempla autem haec sunt falsae demonstrationis adiectae rei legatae: idem verò etiam obtinet, si in persona legatarii designanda quid erratum sit, aut falso demonstratum, puta circa corpus, vel artificium, vel officium, vel patriam, vel necessitudinem, vel affinitatem, dummodo de persona ejus constet, cui testator legaverit, *d. l. 17. §. 1. l. falsa. 33. & l. seq. eod.* Quod tamen & ipsum semper sic accipiendum est, dum nihil amplius obstat legato, quam falsa demonstratio; non etiam error, qui obstat voluntati: qualis plerumque nascitur ex errore sanguinis. Nam si quis propter hanc opinionem aliquid alicui legaverit, ut sanguine conjuncto, qui non erat, legatum non valebit, *arg. l. 4. & l. 7. C. de her. inst.*

TEXTUS.

De falsa causa adiecta.

31. *Longè magis legato falsa causa adiecta non nocet; veluti cum quis ita dixerit: Titio, quia me absente negotia mea curavit, Stichum do lego; vel ita; Titio, quia patrocínio ejus capitali crimine liberatus sum, Stichum do lego. Licet enim neque negotia testatoris umquam gesserit Titius, neque patrocínio ejus liberatus sit, legatum tamen valet. Sed si conditionaliter enunciata fuerit causa; aliud juris est, veluti hoc modo, Titio, si negotia mea curaverit, fundum meum do lego.*

NOTA.

31. *Legato non nocet*] Quia ait Papinianus: ratio legandi legato non cohaeret, *l. 71. §. 6. de cond. & dem.* id est, quia legatum constat etiam citra rationem adiectam legato, ideo falsa causa non nocet, quia vera quoque necessaria non est. At citra nomen aut demonstrationem legari non potest.

COMMENTARIUS.

- 1 Cur longè minus falsa causa legato adiecta nocere dicatur, quam falsa demonstratio?
- 2 Causam in futurum collatam fere modum huc non pertinere?
- 3 Qua ratione legatum in proposito sustineatur?

4 Insigne hujus juris temperamentum.

5 Qua in re conditio & modus conveniens, & discrepans?

Quod juris est, ait Cajus, in falsa demonstratione, hoc vel magis est in falsa causa, l. demonstratio. 17. §. 2. de cond. & dem. Causa nostris dicitur causa præterita; seu ratio, propter quam aliquid datur aut fit. *J. damus. 52. de cond. ind.* causa irritatrix, quam dialectici *αἰτία* vocarent, alias *αἰσίνη*, occasio, causa impellens dicitur. Igitur causa, id est, ratio legandi, etiam si falsa sit, legato non obest. Sed cur ait, longè minus falsam causam legato adjectam nocere, quàm falsam demonstrationem? Puto idcirco, quia nomen & demonstratio cum legato coherent; adhibentur enim ad personam legatarii aut rem legatam designandam: causa autem legandi à legato separata est, & sine ulla causa legari & potest & solet. Hanc differentiam indicat Papinianus l. cum tale. 72. §. falsam. 6. de cond. & dem. cum ideo ait falsam causam legato non obesse, quia ratio legandi legato non coheret. Causa, quæ in futurum confertur, modus appellatur; veluti, *Centum lego ut opus extruatur*, &c. d. l. 17. §. ult. de cond. & dem. tit. C. de his quæ sub mod. elg. Ea autem huc non pertinet: quia quod sub modo legatum est, perinde fere habetur, ac si sub conditione relictum esset, l. si cui. 91. de cond. & dem. d. l. C. d. tit.

Legatum tamen valet.] Donare enim nihilominus testator voluit, aut saltem voluisse præsumitur. Quippe qui sciebat, se ob negotia sua gratis gesta aut patrocinium sibi præstitum nulla necessitate remunerandi teneri, arg. *J. donari. 82. de reg. jur. J. damus. 52. l. in summa. 65. §. 2. de cond. ind.* Cum igitur gratuitam merèque voluntariam exercuerit liberalitatem, non debet hanc event re falsitas occasionis, qua primum provocatus ad legandum fuit. Nam & si quis inter vivos ob hanc causam quid dederit, quod negotia sua adjecta putabat, falsa licet persuasione, datum consistit, nec repeti potest, *d. J. damus. 51. de cond. ind.* redditurque hæc ratio in d. *l. in summa. 65. §. 2. eod.* quia qui dedit, donare voluit. Et vel magis igitur id valere debet in ultimis voluntatibus, arg. l. in testam. 12. de reg. jur. VINN. Accedit & alia ratio legatis propria. Legare, ut supra ex Ulpiano demonstravimus, est legis modo aliquid relinquere. Testator itaque est instar legislatoris. Hujus autem lex obligat, tamen si falsa ratione munita: quia jam ipsa legislatoris voluntas pro ratione est. Recte Pufendorff de I. N. & G. lib. 1. cap. 6. §. 1. Lex licet & ipsa suis non debeas carere rationibus, hæc tamen propriè causa non sunt, quare ipsi obsequium præstetur, sed potestas præcipientis, quæ ubi voluntatis suæ decretum significavit, obligationem subito adfert, omnino juxta præscriptum suum faciendi, etsi fors ipsæ rationes præcepti hanc ita liquido adpareant. Ita ergo & hæredi necessitas imponitur, voluntati testatoris, tanquam legislatoris, adimplendi, si

vel maximè hic rationem vel nullam vel falsam adjecerit legato. Hæc. Ceterum insigne hujus juris temperamentum Papinianus addit, l. cum tale. 72. §. falsam. 6. de cond. & dem. nisi hæres probet, testatorem legaturum non fuisse, si causam, quam adjecit, falsam esse scivisset. Verba Papiniani sunt, Sed plerumque doli exceptio locum habebit, si probetur, alias legaturum non fuisse. Quasi dicat, etsi falsa causa adjecta legatum numquam ita viciat, quin summo jure peti possit, propter regulam de falsa causa; tamen plerumque fieri, ut petentem legatarium hæres summoveat exceptione doli mali, docens, testatorem solius causæ, quæ adjecta est, gratia legatum reliquisse, alias non fuisse legaturum. Id verò sæpe probatu non est usque adeo difficile. Quid enim si testator aliquando apud amicos apertè dixerit, se, si verbi causa Titius negotia sua non curasset, nihil habere, cur ei quicquam relictum vellet; vel se facere non potuisse, quin egregium officium sibi à Titio præstitum legato aliquo remuneraretur, aliam legandi causam non habuisse; vel hoc unum se movisse, ut Titium legato honoraret, quia restitutionem sibi à Principe impetrasset, alias nihil se illi legaturum fuisse? Denique quotiescunque probari potest, tamquam pro compensatione accepti beneficii legatum datum esse, locus erit exceptioni doli: quippe quæ omnibus obstat, qui non ex voluntate defuncti aliquid petunt, l. 3. §. ult. de adim. leg. l. 4. §. præterea. 10. de dol. mal. exc. Et ideo si quis cum Titio quædam sua negotia peregre curanda commisisset, atque existimans ea diligenter curata esse, centum eidem Titio legaverit cum adjectione hujus causæ, quam falsam esse & negotia illa neglecta hæres doceat; putarem hic etiam petenti legatario obstituram doli mali exceptionem.

Conditionaliter enunciata.] Si causa conditionaliter hoc modo enunciata fuerit: Titio, si negotia mea curaveris, fundum lego, causa legato ipsa conceptione coherent, & si falsa est, fit, ut voluntas legato desit, & legatum sit inutile, l. demonstratio. 17. §. pen. de cond. & dem. nam conditiones, quæ in præsens aut præteritum tempus conferuntur, si falsæ sint, statim vi sua inanem & inutilem actum reddunt, §. pen. inf. de verb. obl. Itaque hoc casu legatum non debebitur ipso jure, eoque nec exceptio adversus petentem considerabitur. Conditioni affinis est modus: utrumque enim futurum aliquid spectat; nam si hac legandi formula testator utatur: Titio centum do lego, ut mihi monumentum facias, legatum est sub modo, d. l. demonstratio. 17. §. ult. si ita dixerit, Do lego, si monumentum facias, est conditionalis. Effectus autem inter hæc multum interest: nam legatum sub modo relictum purum est, & statim peti potest, præstita scilicet cautione de re restituenda, si modus non impleatur: sub conditione autem relictum non debetur ante eventum conditionis, & si conditio defecerit, extinguitur, l. 3. l. 4. C. de cond. inst. quamquam non omnium conditionum eventus perpetuo

tuo expectatur. Nam si qua earum, quæ in non faciendo consistunt, collata sit in potestatem legatarii, desiderante eo statim representatur relictum, dum is caveat, nihil se ejus facturum, quod testator vetuit: si contra fecerit, rem una cum fructibus restitutum ei, ad quem jure civili, deficiente conditione legatum pertinere potest. Quæ cautio, quod à Q. Mucio inventa est & composita, Muciana dicta: atque in hæreditatibus quoque locum habet, l. 7. l. is qui. 18. de cond. & dem. Plura de conditionibus insertis D. Tulden. & Perez. ad tit. de fals. ca. adj. & 2. seqq. Christin. vol. 4. decis. 49. 5

T E X T U S.

De servo hæredis.

32. *An servo hæredis rectè legemus, quaeritur. Et constat, purè inutiliter legari, nec quicquam proficere, si vivo testatore de potestate hæredis exierit: quia quod inutile foret legatum, si statim post factum testamentum decessisset testator, hoc non debet ideo valere, quia diutius testator vixerit. Sub conditione verò rectè legatur servo, ut requiramus, an quo tempore dies legati cedit, in potestate hæredis non sit.*

C O M M E N T A R I U S.

HUjus & sequentis §. exiguus hodie usus est servitute jam sublata. Proponuntur duæ quæstiones contrariæ, una hoc §. an servo hæredis rectè legatur? altera §. seq. an rectè legatur domino servi hæredis instituti?

Purè inutiliter legari] Quod servo legatur, ipsi domino legari intelligitur, l. non minus. 31. de hæv. inst. proinde si servo legatur, vel ipsa hæredi à semetipso legatur: quod à juris ratione alienum est, l. & quidem. 18. l. legatum. 116. §. 1. de legat. 1. Ulp. tit. 24. §. 20. neque natura patitur, ut idem sibi & creditor sit & debitor; quod fieri necesse est, si servo hæredis legari volumus: nam hæres hic & creditor sit oportet, quia dominus legatarii, & debitor, quia hæres testatoris. Hinc quotiescumque accidit, ut creditoris & debitoris jura in eandem personam concurrant, confunditur obligatio, & necessario extinguitur: quia nemo sibi obligatus esse potest, l. sicut. 75. de solut. l. 7. C. de pact.

Si vivo testatore de potestate] Utrum quod purè relictum est, valeat, nec ne, ex tempore facti testamenti æstimandum, juxta præscriptum regulæ Catonianæ, quæ quod legatum inutile foret moriente statim testatore, ex postfacto convalescere non patitur, l. 1. de reg. Cat. Atqui in proposito, si statim testator decedat, vires habere legatum non potest. Eadem ratione supra dictum est, cum res sua alicui legatur, quia hoc legatum ab initio non consistit, ideo non convalescere, etiamsi legatarius eam

rem vivo testatore alienaverit, §. sed si rem. iod. sup. cod.

Sub conditione verò rectè] Quod legatum per conditionem suspenditur, id in incerto est, aliquando valitutum sit, nec ne, ut dici non possit tempore testamenti valere aut non valere: & ideo placet, Catonis regulam ad legata conditionalia non pertinere, l. 4. de reg. Cat. quæ ob hoc amplius non pertinet ad legata, quorum dies non mortis tempore, sed post aditam hæreditatem cedit, l. 3. cod.

An quo tempore dies legati cedit] Dies legati sub conditione relictæ ante eventum conditionis non cedit, l. 5. §. 2. quand. dies leg. id est, legatum sub conditione datum non ante deberi incipit, quàm conditio extiterit, l. cedere diem. 213. de verb. sign. atque ex eo demum tempore vires hujusmodi legatum capit; ut proinde etiam satis sit, cum conditio existit, rem in eo statu esse, ut possit vires capere; quemadmodum in proposito potest, si scilicet eo tempore servus non sit in potestate hæredis. Quod si tempore conditionis existentis adhuc in hæredis sit potestate, procul dubio legatum nullum est. Sed inquires, etiam in casu præcedenti contingere potest, ut die legati cedente servus non sit in potestate hæredis; potest enim ante mortem testatoris, ex quo tempore dies legati purè relictæ cedit, ab hærede manumitti aut alienari. Respondet, quod attinet ad utilitatem legati puri, ita spectari tempus mortis, ut id tempus vi & potestate regulæ Catonianæ jungatur cum tempore testamenti facti, perindeque omnino habeatur, licet diutius testatorem vivere contingat, ac si statim testamenti facti tempore decessisset. Ex quo est, quod nec ad ulla legata regula pertineat, quorum dies non cedit tempore mortis, l. 3. de reg. Cat.

T E X T U S.

De domino hæredis.

33. *Ex diverso, herede instituto servo, quin domino rectè etiam sine conditione legatur, non dubitatur. Nam etsi statim post factum testamentum decesserit testator, non tamen apud eum, qui hæres sit, dies legati cedere intelligitur, cum hereditas à legato separata sit, & possit per eum servum alius hæres effici, & si prius, quàm jussu dominæ adeat, in alterius potestatem translatus sit, vel manumissus, ipse hæres efficitur: quibus casibus utile est legatum. Quod si in eadem causa permanserit, & jussu legatarii adierit, evanescit legatum.*

C O M M E N T A R I U S.

HÆc species superiori contraria est. Ait, ei, cujus servus hæres institutus est, etiam si

ne conditione rectè legari hac ratione, quia etiam si statim decedat testator, tamen hoc casu dies legati apud eum, qui hæres sit, non cedit: innuens, legatum quidem cedere domino, ac proinde eo mortuo ante aditam hæreditatem ad hæredem ejus transmitti; sed non cedere apud hæredem, ut in casu superiori, cum domino hærede instituto servo ejus legatur. Quippe dominum non recta per servum hæredem fieri, sed ita, si jussu ejus hæreditatem adierit: posse autem fieri, ut servus institutus, priusquam jussu domini hæreditatem adeat, vel manumittatur, vel alienetur, atque ita vel sibi, vel alteri domino, cujus jussu adierit, hæreditatem acquirat, maneatque sic hæreditas à legato separata. Cum itaque hic legatum & hæreditas decedente testatore statim in eandem personam non concurrant, neque ita necessario sequatur hæreditatis cum legato confusio, ut superiore casu legati cum hæreditate, placet, legatum interim in suspenso esse; & siquidem servus, antequam jussu domini hæreditatem adierit, manumissus vel alienatus fuerit, utile esse legatum: si verò in eadem causa manserit, & jussu legatarii adierit, evanescere propter confusionem cum hæreditate, quo fit, ut in eum casum deducatur, unde incipere non poterat. Eadem ratione responsum est, à filio hærede patri etiam purè legari posse, l. à filio. 25. l. quæsitum. 91. in pr. de legat. 1.

TEXTUS.

De modo & ratione legandi. De ordine scripturæ.

34. *Ante hæredis institutionem inutiliter antea legabatur, scilicet quia testamentaria vim ex institutione hæredis accipiunt, & ob id veluti caput atque fundamentum intelligitur totius testamenti hæredis institutio. Pari ratione nec libertas ante hæredis institutionem dari poterat. Sed quia incivile esse putavimus, scriptura ordinem quidem sequi, (quod & ipsi antiquitati vituperandum fuerat visum,) sperni autem testatoris voluntatem; per nostram constitutionem, & hoc vitium emendavimus, ut liceat & ante hæredis institutionem, & inter medias hæredum institutiones, legatum relinquere, & multo magis libertatem, cujus usus favorabilior est.*

NOTÆ.

34. *Superni testatoris voluntatem*] Quæ etiam ex veterum sententia totum in testamento facit, l. 35. §. 3. de hæred. inst. l. 12. in fin. de leg. 1.

Es ante hæredis institutionem] Nam in actu continuo & unius temporis nihil *esse* videri debet; manetque hæredis institutio sem-

per caput & fundamentum testamenti, sive sequatur, sive antecedat. Vvff.

COMMENTARIUS.

1 *Veteres non satis idoneam rationem habuisse improbandi legata ante hæredis institutionem relicta; & num. 2.*

Sequitur hujus tituli caput ultimum, in quo abolentur quædam juris veteris scrupulositates, quæ circa formam legandi observabantur: & nimirum hæ tres, quod ante hæredis institutionem, quod post mortem hæredis, quod pœnæ nomine legari non poterat.

Ante hæredis institutionem] Olim si ab institutione hæredis initium testamenti factum non esset, legata ante institutionem hæredis relicta inutilia erant: veluti si quis in ordinando testamento ita primo loco dixisset: *Tisio centum do lego*; deinde loco secundo: *Sempronius mihi hæres esto*; legatum hoc, ut præpostero ordine ante hæredis institutionem relictum, non valebat. Ulp. tit. 24. §. ante. 14. Paul. 3. sent. 6. §. 1. Cujus rei rationem hanc affert Ulp. *quia potestas testamenti ab hæredis institutione incipit*. Id est, quia per institutionem hæredis demum vires, robor, ac firmitas testamentum accipit: ut proinde hæredis institutio veluti caput ac fundamentum totius testamenti præcedere debeat: & quod ante relictum est, tamquam extra testamentum relictum videatur, *inter & diabolus*; ut ait Theophilus. Cæterum hæc ratio Justiniano tanti visa non est, ut propter eam ordo scripturæ necessario sequendus sit, sprete testatoris voluntate. Et merito. Sit enim institutio hæredis caput & fundamentum testamenti, ex ea testamentum vires accipiat, uti revera accipit, *quod per manus. 10. de jur. cod.* non ideo tamen legatum institutioni hæredis præpositum perinde habendum, quasi extra testamentum relictum sit: quoniam cum unus continuus testandi actus sit, nihil in eo *esse* videri debet: & proinde sive antecedat legatum, sive institutionem hæredis sequatur, institutio semper manet caput ac fundamentum testamenti. Nec scio. an aliam rationem habeat, quod olim etiam ante hæredis institutionem fideicommissum dari potuit: Ulp. tit. 25. §. 6. & l. tutor. §. ad certum. 3. sup. qui test. tut. dar. & quod licebat testamentum ordiri ab exhæredatione, l. 1. de hæred. inst. qua de causa Jurisconsultus ibi non simpliciter dicit, eum, qui testatur, ab hæredis institutione debere initium facere testamenti, sed, plerumque debere.

Nec libertas hæredis institutionem] Quasi dicat, quamvis libertatis magnus semper fuerit favor; tamen hac in re non plus licuisse circa libertatis dationem, quam cætera legata. Excipit Ulpian. testamentum militis, tit. 1. de libert. §. post mortem 15.

Et ipsi antiquitati] Ipsi etiam veteres in plerisque potiore rationem ducunt voluntatis, quam ordinis scripturæ. Cujus rei exempla passim

sim occurrunt; ut in l. 14. de pec. leg. l. cum pater. 77. §. fidei. 12. de legat. 2. l. 6. de solut. l. si idem. 14. de legat. 2. Et identidem pronuntiant, voluntatem testatoris in testamento totum facere, l. ex facto. 35. §. rerum. 3. de her. inst. l. si nihil. 12. in fin. de legat. 1. At enim in hac specie, quæ non tam ab ordine scripturæ, quam à juris ratione dependere visa est, non sunt ausi idem definire. Quæ tamen profecto nimia fuit scrupulositas. Nam cum illud admiserint, ut fidejussor præcedere posset principalem obligationem, §. 3. inf. de fidejuss. nulla idonea ratio dari posse videtur, cur non etiam hoc receperint, ut legata præcedere possent institutionem hæredis. Neque enim magis fidejussio sine principali obligatione consistere potest, quam legatum sine hæredis institutione. Denique cum, ut antea diximus, actus testandi sit continuus, in eo considerari non oportet, quid prius aut posterius fiat, cum totum illud, quod sit, unus sit unius temporis actus, l. hæredes. 21. §. ult. qui test. fac. quod & D. Vvesembecius notat.

Per nostram constitutionem] Non extat alia, quæ hujus rei meminit, quam illa ad Mennam Præfectum prætorio in l. ambiguitates. 24. C. de testam. qua tamen nihil aliud cavetur, quam ut ne vitia in scribendo commissa imperitia tabellionum obsint testatoris voluntati. Unde plerique putant, & est verisimile, constitutionem, qua primum atque ex professo jus vetus abolitum est, desiderari. Cæterum quod Baro existimat, constitutione illa sic cautum fuisse, ut ordo, qui hic commemoratur, à testatore observari debeat, & tantum inversio ordinis in scribendo à tabulario facta non vitaret testamentum falsum esse, arguunt verba hujus textus, quæ manifestè indicant, Justinianum sua illa constitutione totam hanc rem arbitrio testatoris simpliciter permisisse, ut nihil interfit, veterem ordinem servet, an à legatis initium sumat.

Et inter medias] Hoc etiam jure veteri licitum fuisse, testis est Paul. 3. sent. 6. §. 1. Nostri notarii ineptiam suam produnt, dum semper fere à legatis & fideicommissis testamentum incipiunt, quasi putent, inverti rerum ordinem, si hæredis institutio, quæ tamen caput est & basis totius rei, primo loco scribatur. Gomez. 1. var. ref. 2. n. 5. Jac. Vervvey. art. test. c. 16.

TEXTUS.

De legato post mortem hæredis, vel legatarii.

35. Post mortem quoque hæredis aut legatarii simili modo inutiliter legabatur; veluti si quis ita dicat: Cum hæres meus mortuus fuerit, do lego. Item: Prædie quam hæres aut legatarius morietur. Sed simili modo hoc correximus, firmitatem hujusmodi legatis ad fideicommissorum similitudinem præstantes: ne in hoc casu deterior causa

legatorum, quam fideicommissorum inveniat.

NOTÆ.

35. Quam fideicommissi.] Jam olim enim benignè receptum erat, ut fideicommissa post mortem hæredis relinquere liceret, l. 5. §. 1. de leg. 3. Ulp. tit. 25. §. 6.

COMMENTARIUS.

- 1 Cur post mortem hæredis aut legatarii legare non liceat?
- 2 Cur liceat in tempus mortis?
- 3 Legatum filio emancipato post mortem patris relictum conferri: cum pater morietur, non item.

Hæc item mera quædam subtilitas fuit, quod olim post mortem hæreditas aut legatarii legare concessum non erat, testibus Ulpiano tit. 24. §. post mortem. 15. & Paulo 3. sent. 6. §. 4. quam ob causam hunc quoque juris articulum emendavit Justinianus.

Inutiliter legabatur] Ulp. d. loc. Post mortem hæredis, inquit, legari non potest, ne ab hærede hærede legari videatur: quod juris civilis ratio non patitur: & Paul. similiter d. loc. Post mortem hæredis legari non potest: quia nihil ab hæredibus hæredis relinqui potest. Credo, quia incertum est, quinam illi futuri sint; deinde quia mandare alieno hæredi non licet. In universum verò post mortem hæredis aut legatarii ideo legare non licebat, quoniam vetus erat regula juris, ut obligatio, quæ non coeperat à defuncto vel contra defunctum, in persona hæredis vel contra hæredem non inciperet, §. post mortem. 12. inf. de inut. stip. Jam verò si quod post mortem hæredis legatur, valere volumus, necesse est obligationem, quæ contra defunctum non incepit, adversus hæredem transire: si quod post mortem legatarii, necesse est, ut obligatio, quæ à defuncto non incepit, ad hæredem ejus transcat. Cur igitur, inquires, fideicommissum post mortem hæredis relinqui potuit? Ulp. tit. 25. §. 6. Resp. Benignè id receptum fuit, ut fideicommissum relinqui posset ab hæredis vel legatarii hærede, salva in cæteris superiore regula, l. 5. de legat. 3.

Cum hæres meus mortuus] Aut, Titio, cum mortuus fueris, do lego. Enimvero quamvis post mortem legari non potuit, in tempus tamen mortis tam legatarii, quam hæredis legatum conferri poterat, puta hoc modo: L. Titio, cum morietur, do lego, vel: Hæres meus, cum morietur, damna esto dare. Pand. d. loc. §. 5. & Ulp. eod. l. si pecunia. 12. §. 1. de legat. 2. l. hæres. 79. §. 1. de cond. & dem. quemadmodum & stipulatio in mortem promissoris aut stipulatoris utiliter concipiebatur, §. ita autem. 14. inf. de inut. stip. Nimirum moriendi momentum vitæ attribuitur: quoniam viventes morimur; & mors si non

non semel tota est, non est: unde fit, ut in tempus mortis collata obligatio, ante mortem in persona morientis incipiat, & coepta ad heredem transmittatur. Hinc etiam illud est, quod et si filius emancipatus non tenetur conferre legatum post mortem patris ei relictum, l. pen. de collat. l. nec emancipati. 15. C. cod. conferre tamen teneatur, quod ei legatum est, cum pater morietur: quia id non post mortem patris demum acquisivisse, sed moriente patre, manenteque adhuc vita, eum habuisse interpretamur. Constat autem, emancipatum juberi ea omnia conferre fratribus, qui in potestate manserunt, quae moriente patre habuit, l. 6. C. d. tit. Ulp. tit. de poss. dand. §. 3. add. Cujac. 3. obs. 34.

Pridie quam heres aut legatarius morietur] Existimaverunt veteres, hoc legatum incidere in speciem praecedentem & eum casum, quo post mortem heredis aut legatarii legatur. Nam cum illud *pridie* ante mortem incertum sit, & non nisi postquam jam mortuus est heres aut legatarius, sciri possit, quis ille dies fuerit, non magis hic obligationem ante mortem incipere posse crediderunt, quam si expressè post mortem legatum esset. Quam ob causam stipulatio quoque hujusmodi: *Pridie, quam moriar, vel: Pridie, quam morieris, dare spondes?* inutilis erat, d. §. post mortem. 12. inf. de ius. stip. Ecce sollicitam veterum diligentiam.

Correimus] Ex constitutione Justiniani etiam post mortem heredis aut legatarii legare licet, uti & stipulatio in tempus post mortem stipulatoris aut promissoris concepta ex ejusdem constitutione valet, l. scrupulosam. 7. C. de contr. stip. Idem alia constitutione antiqui juris regulam abrogavit, permisitque, actiones ab heredibus & contra heredes incipere, l. un. C. ut act. ab her. Mutandi juris veteris hanc causam habuit, quod illud in pura puta subtilitate consistebat. Cur enim, cum legatum in tempus mortis conferre liceat, non liceat in tempus post mortem, aut in ante diem mortis? Meræ subtilitatis est, momentum mortis vitæ in hac causa attribueret, atque hoc solo colore defendere legatum: aut propter illud verbum *pridie*, voluntatem testatoris infirmari.

Quam fideicommissorum] Nam fideicommissa etiam olim post mortem heredis rectè relinquebantur, teste Ulp. tit. 25. §. 6. & in l. 5. §. 1. de legat. 3.

TEXTUS.

Si pœnæ nomine relinquatur, adimatur, vel transferatur.

36. Pœna quoque nomine inutiliter antea legabatur, & adimebatur, vel transferebatur. Pœna autem nomine legari videtur, quod coercendi heredis causam relinquitur, quomagis aliquid faciat. aut non faciat, veluti si quis ita scripserit; Hæres

Pinnius in Insistent.

meus si filiam suam in matrimonium Titio collocaverit; vel ex diverso, Si non collocaverit, dato decem aureos Sejo: aut si ita scripserit: Hæres meus si servum Stichum alienaverit, vel ex diverso; Si non alienaverit, Titio decem aureos dato. Et in tantum hæc regula observabatur, ut quamplurimis principalibus constitutionibus significaretur, nec Principem agnoscere, quod ei pœnæ nomine legatum sit: nec ex militis quidem testamento talia legata valebant, quamvis alie militum voluntates in ordinandis testamentis valde observabantur: quin etiam nec libertates pœnæ nomine dari posse placebat: eo amplius nec heredem pœnæ nomine adjici posse, Sabinus existimabat: veluti si quis ita dicat, Titius hæres esto: si Titius filiam suam in matrimonium Sejo collocaverit, Sejusque hæres esto. Nihil enim intererat, qua ratione Titius coerceretur, utrum legati datione, an coheredis adiectione. Sed hujusmodi scrupulositas nobis non placuit: & generaliter ea, quæ relinquuntur, licet pœnæ nomine fuerint relicta, vel adempta, vel in alium translata, nihil distare à cæteris legatis constitimus, vel in dando, vel in adimendo, vel in transferendo: exceptis videlicet iis, quæ impossibilia sunt, vel legibus interdicta, aut alias probrosa. Hujusmodi enim testatorum dispositiones valere secta meorum temporum non patitur.

NOTÆ.

36. Quod coercendi heredis causa] Addit Ulp. d. loc. non ut quid ad alium pertineat, id est, non ut legatum facilius à legatario obtineatur. Itaque tale legatum, Hæres uxori meæ penum dato: si non dederit, centum dato, l. 1. de pen. leg. & si quæ similia, non est exemplum legati pœnæ: et si enim & hic constringitur hæres, id tamen non fit heredis puniendi, sed legati juvandi causa. Locus Africani in l. 1. de his, quæ pen. caus. interpolatus videtur à Tribon.

Secta meorum temporum] Ratio, disciplina, justitia, l. ultim. Cod. de pact. Alex. l. 2. C. ad leg. Jul. maj. Trajan. ad Plin. 10. 56. Igitur tale legatum; Hæres meus nisi mare obiberis, aut, nisi uxorem propositueris, centum Titio dato, nullius momenti est: quia pœnæ causa heredi quod impossibile aut turpe est, injungitur. At cum impossibilitas imponitur legatario, puta hoc modo: Titio, si mare obiberis, &c. centum lego, valet legatum, & conditio hujusmodi pro non scripta habetur, ut §. propon. sup. de her. inst. quod notandum.

COMMENTARIUS.

- 1 *Veteris juris, quod hic refertur, variae rationes.*
- 2 *Quid sit pœnæ nomine legare?*
- 3 *Abrogatio hujus juris cum causa abrogandi.*
- 4 *Interpp. plerisque circa hunc articulum errasse, eo quod non satis intellexerint, quid sit, pœnæ nomine legare?*
- 5 *Notatur Bachovii & Sutholii insignis error.*

Tertia hæc species est; in qua jus vetus circa formam legandi à Justiniano mutatum. Olim quod pœnæ nomine relictum erat, in ea causa fuit, ut quaecumque hoc esset, in totum non valeret. Ulp. *tit. 24. §. pœnæ. 17. fac. l. 12. de cond. & dem. l. 2. de his quæ pen. nom.* Jul. Capitolinus in *Anton. c. 8. Primus confisus, ne pœnæ causa legatum relictum maneret.* Neque alia in hac re fideicommissorum, quam legatorum causa fuit, 1 Ulp. *tit. 25. §. 11.* Hujus autem juris duplicem rationem fuisse Theophilus memorat. Primum, quoniam in hæredis arbitrium hoc legatum confertur; sic autem juris constitutio est, ut legatum in potestate hæredis poni non possit, *l. senatus. 43. §. pen. de legat. 1.* Deinde, quia finis legandi hujusmodi legato obstat; quippe legata ex animo & benevolentia erga legatarium proficisci debere, non puniendi, aut territandi hæredis causa relinqui: pœnæ verò causa quod legatur, non beneficentia erga legatarium exercendæ gratia relinqui; sed contra naturam legati odio hæredis; ut sit pœna, non præmium, non honos. Quin & tertia ejusdem juris ratio dari potest, quod scilicet per ejusmodi legata infringebatur libertas faciendi, quod jure cuique facere licet, & licere debet: quod & ipsum jus civile improbat, *l. Titio. 71. §. 2. de cond. & demonstr. atque hanc quoque rationem videtur significare Theophilus, cum ait, hoc genus legati modum quemdam præscribere hæredibus, καὶ ἐν τῷ αὐτῷ πρὸς τὸν δίδω.*

Adinebatur vel transferebatur] Exemplum sit: *Titio centum do lego. Titius filiam suam Sejo in matrimonium ne colloces. Si Titius filiam suam Sejo collocaveris, quod Titio legavi, non do non lego; vel, Quod Titio legavi, Sempronio do lego.*

- 2 *Quod coercendi hæredis causa relinquitur*] Vel etiam quod coercendi legatarii causa adimitur aut transfertur, ut in exemplo modo proposito. Plenius aliquanto definit Ulp. *tit. 24. §. pœnæ. 16. pœnæ, inquit, causa legatur, quod coercendi hæredis causa relinquitur, ut faciat quid, aut non faciat, non ut quid ad alium pertineat: id est, non ut legatum, quod alicui relictum est, facilius à legatario percipiatur aut obtineatur. Quæ nos definitio docet, non omnem eum pœnæ nomine legare intelligi, qui coercendi hæredis gratia legat; sed eum solum, qui nullam aliam causam legandi habet, quam ut hæres coarceetur: quod diligenter notandum est, ut scilicet intelli-*

gamus, legatum pœnæ nomine non relictum videri, non solum cum hæres non constringitur ullo modo, sed etiam cum constringitur aut coarceatur, sed alius rei gratia, legati scilicet, quod datum est, juvandi, aut voluntatis testatoris confirmandæ.

Et in tantum hac regula observabatur] Amplificat veterem regulam quatuor modis. 1. quod etiam Principes in eo, quod pœnæ nomine ipsis relictum erat, huic se juri subiciebant. 2. quod nec ex testamento militis hujusmodi legata debebantur. 3. quod ne liber as quidem pœnæ causa dari poterat. 4. quod placebat, nec hæredem pœnæ causa adjici posse. Quibus & quintum adjici potest, quod nec fideicommissa, quorum longè laxior natura, quam legatorum erat, pœnæ nomine dari poterant. Ulp. *tit. 25. §. pœnæ. 11.*

Hujusmodi scrupulositas nobis non placuit] Justinianus etiam in hoc articulo juris veteris observationem ut nimis scrupulosam abrogandam putavit, idque effecit constitutione ea, quæ extat in *L. un. c. de his, quæ pen. nom.* ut jam, quæ pœnæ nomine relinquuntur, vel adimuntur, aut transferuntur, non minus valeant, quam cætera, quæ jure relicta sunt. Et profecto nemini iniquum videri debet, eum, qui hæres instituitur, aut legato honoratur, pro modo relictum à testatore gravari, aut constringi, ut aliquid faciat, quod possit facere, & honestè possit: præsertim cum voluntatem defuncti legis instat observari etiam veteres voluerint, *l. ex facto. 35. §. verum. 3. de her. inst.* Humanum tamen esse plerisque visum est, ut hæres ob justam ac probabilem causam saltem excusetur à pœna, Covar. *inc. Rainaldus. §. 1. n. 7. Pand. de testam. Peregrin. lib. 3. de jur. fisc. cap. 18. nu. 108. Sand. lib. 4. tit. 6. def. 1.* Ex his verò perspicuum est, errare interpretes, qui putant, jam tum tempore mediæ jurisprudentiæ pœnæ nomine legare licitum fuisse, & Justinianum hic intelligere jus quoddam antiquius eo, quod relatum est in Pandectas. Causam errori præbuit, quod non intellexerunt, quid sit, pœnæ nomine legare. Putant, tale legatum: *Hæres uxori meæ penum dato: si non dederis, centum dato;* quale legatum citra controversiam semper valuit, *l. 1. de pen. leg. l. 1. §. item si 18. ad leg. Falc. l. cum sine. 19. quand. d. leg. exemplum esse ejus, quod pœnæ nomine relictum est. Verum ex definitione Ulp. paulo ante à me relata atque illustrata facile apparet, hoc exemplum ad legata pœnæ causa relicta non pertinere; quippe in quo nihil proponitur relictum aut cautum odio hæredis, aut ob eam causam, ut hæres coarceatur: sed totum appareat relictum & cautum uxoris gratia. Manifesta igitur illa ignoratio est elenchi. Neque necesse est, ut cum Cujaci o tract. 5. ad Afric. in l. 1. de his, quæ pen. nom. excipiamus de regula hanc speciem, *Hæres meus tale monumentum mihi adificatio: si non adificaverit, centum Titio dato, l. 6. l. in testamento. 27. de cond. & dem.* Nam ne hoc quidem legatum pœnæ*

pœnæ nomine relictum dici debet ex superiore definitione, quod præcipue testatoris causa relictum est, & quo hæres provocetur ad faciendum, quod testator sibi fieri voluit. Justius movere interpretes potuit d. l. 1. de his, quæ pæn. nom. Sed jam docti omnes vident, locum istum esse interpolatum, Tribonianumque de suo hæc verba illicitè, vel probrosè responso Africani inseruisse, atque in calce item adjecisse verbum *alem*, ut subserviret constitutioni Justiniani, quæ quidem sublato jure veteri, permittit pœnæ causa legari, sed excipit, quæ illicita, probrosa, vel impossibilia sunt. Vinn. Immo id non adeo exploratum est eruditis, leg. 1. ff. de his, quæ pæn. caus. esse a Triboniano interpolatam. Potius Vir Illustris, Corn. van Bynkersh. de legat. pæn. nom. reliff. cap. 4. inde colligit, ea tantum legata visa olim pœnæ nomine relinqui, quibus testator hæredem ad probrosum aliquid faciendum cogere vellet. Quæ si vera sunt, non potest quidem Tribonianus argui, quod constitutioni Justiniani subserviens responsum Africani interpolavit: ast erit tamen tunc ejus culpæ reus, quod non intelligens naturam horum legatorum Justiniano auctor fuerit legata pœnæ nomine relictæ confirmandi, & excipiendi tamen legata, quibus hæres ad turpe facinus impellatur, quum tamen hæc sola sint legata pœnæ nomine relictæ. Ita aliquid concessit Justinianus, quod semper concessum fuit, prohibuit quod semper prohibitum, id est, actum egit. Si cui & id difficile creditu videatur, quia & Ulpian. sit. 24. §. 17. legata pœnæ nomine relictæ fere eodem modo definit, ac hic Justinianus; is cogitet velim, an non legata pœnæ nomine fuerint omnia, quæ ab hærede ejus vexandi causa relinquebantur, quibusque sæpe adigebantur ad ridiculas condiciones. Et tale fons fuit testamentum illud Staberii apud Horat. lib. 11. serm. sat. 3. v. 84.

Hæredes Staberii summam incidere sepulcro,

Ni sic fecissent, gladiatorum dare centum

Damnati epulo, atque epulum arbitrio Arri.

Frumentum, quantum moris Africa.

Justinianus ergo has tricas sustulit, iussitque rata esse hæc legata, dum ne quid turpe & bonis moribus adversum hæredi injungeretur. Conf. V. C. Nic. Hieronym. Gundl. Diss. de principe hærede cap. 6. §. 3. Hæc.

Impossibilia vel probrosa interdita] Impossibilia, vel probrosa interdita legat; *Hæres meus, nisi digito calum tetigeris*, aut, *nisi mare ebiberis*,

Tisio centum dato. Legibus interdicta & probrosa, veluti si ita leget; *Nisi amisam uxorem duxeris, dato*; vel, *Si parenti alimenta præsiteris*; *Si patrem ab hostibus redemeris, dato*, l. condicione. 9. de cond. inst.

Hujusmodi dispositiones valere secta meorum temporum non patitur] Merito hujusmodi dispositiones ne nunc quidem valere patitur: quippe pœnæ locus dari non debet, ubi nullum delictum, nulla fraus aut culpa est, l. aliud est fraus.

131. de verb. sign. Quæ verò culpa aut fraus in eo qui non facit, quod vel natura impossibile est, vel legibus aut bonis moribus contrarium? Igitur hujusmodi legatum: *Hæres meus, nisi mare ebiberis, nisi matrem domo expuleris, centum Tisio dato*, nullius momenti est, ut bene Glossa in d. l. un. Cod. de his, quæ pæn. nom. notat, & disertè scriptum est in d. l. 1. Pand. eod. Mirorque adeo judicium Bachovii in Treutl. vol. 2. disp. 13. thes. 6. & Sutholti, qui hoc à præceptore hausit, diss. 11. n. 59. contendendum, in proposito non vitiari legatum, sed vitiari illud ipsum, & pro non adjecto haberi, quod adjectum, impossibile aut legibus interdictum est, arg. §. impossibilis. 10. sup. de hæ. inst. l. ab omnibus. 104. §. 1. de legat. 1. d. 3. de cond. & dem. cum simil. quibus locis traditur, conditionem impossibilem aut turpem legato adjectam legatum non vitiare, sed ipsam vitiari & pro non scripta esse. Quis enim non videt, quantum interfit, utrum simpliciter quis centum leget sub conditione impossibili aut turpi, puta hoc modo: *Tisio, si digito calum tetigeris, si uxorem suam præsiteris, centum do lego*, an centum leget pœnæ causa, eo hæredi injuncto, quod impossibile aut probrosum est; veluti si ita dicat; *Hæres meus, nisi digito calum tetigeris, nisi uxorem suam præsiteris, centum dare damnat esse*? Illic legatum non vitiatur, sed favore ultimæ voluntatis ejusmodi condiciones detrahuntur aut remittuntur, ne legatario, cui nihil imputari potest, fraudi sit, quod non pareat conditioni, cui per rerum naturam aut leges parere non potest. Hic legatum nullius momenti est, non quia legato adjecta impossibilis aut turpis conditio; sed quia relictum est puniendi hæredis causa, si ipse conditioni non pareat, id est, non faciat, quod natura aut jure facere non potest. Hic, inquam, tale legatum inutile esse placet, ne puniatur, qui pœnam non meretur. Atque hanc esse mentem Justiniani ex hoc ipso loco satis intelligitur, cum legatis, quæ pœnæ nomine reliquuntur, confirmatis, excipit ex eo genere, quæ impossibilia aut turpia sunt. Vidit tandem hoc etiam D. Bachovius; & verum esse confessus est in comment. ad hunc §.

DE ADEPTIONE LEGATORUM ET TRANSLATIONE.

Dig. Lib. 34. Tit. 4.

Continuatio. Quam variis modis ademptio legatorum fiat.

Distum haftenus est de iis, quæ ad constitutionem legati pertinent: nunc, utimos est Jurisconsultorum, exponitur, quomodo rectè ab initio constituta infirmantur. Id fit, cum aliis modis, tum maximè ademptione aut translatione; de quibus etiam hic Justinianus solum agit. Est autem hæc facultas liberrima, ut quod testator semel alicui legavit, id ei adimere, aut in alium transferre possit, voluntasque defuncti ambulatoria est usque ad vitæ supremum exitum, l. 4. hoc tit. Ademptione legati, vel ipso jure legatum extinguitur, vel ope exceptionis enervatur. Ipso jure legatum ademptum intelligitur, si testator declaraverit contrariam voluntatem: idque vel verbis, siue directo contrariis, dum testatur se adimere quod dedit, siue aliis quibuscumque, ex quibus apertè intelligatur, penituisse eum prioris voluntatis; arg. l. Divi. 13. eod. vel rebus & factis: veluti si legatum consulto induxerit, l. nihil interest. 16. eod. aut rem legatam destruxerit, l. si ita. 65. §. ult. de legat. 1. l. lana. 88. §. 2. de legat. 3. aut in novam speciem transulerit, quæ ad primitivam materiam reduci non possit, d. l. lana. 88. in pr. & §. 1. vel nulla necessitate adductus alienaverit; de quo actum sit. præc. §. si rem. 12. vel denique si quis nomen debitoris sui alteri legatum exegerit, de quo sub §. sam autem. 21. eod. sit. Ope exceptionis ademptio introducitur, si quid intervenierit, ex quo mutata voluntas testatoris colligi possit, eum neque verbis, neque facto aliquo palam declaraverit, se legatum adimere: veluti si graves inimicitie inter testatorem & legatarium intercesserint, nec reconciliatio sequuta sit, hic petenti legatario obitabit exceptio doli ex auda eaque præsumpta contraria voluntate, l. 3. §. ult. junct. l. seq. h. 1. Proinde omnino assentior Bartolo in l. si ita. 14. de legat. 1. Ant. Myns. & Schneid. hic, posse legatarium opposita exceptione doli submoveri, etiamsi imperfecto testamento legatum ademptum esse proponatur: quippe cum hæc exceptio obstat omnibus, qui voluntate testatoris destituuntur, l. 4. §. præterea. 10. de dol. mal. exc. l. militis. 36. §. 3. de testam. mil. Præter hæc, quod hic non tangit Justinianus, legata etiam casu intercidunt, videlicet si testamentum, quo aliquid relictum est, rumpatur aut irritum fiat, l. filio. 17. de injust. rupt. l. 8. §. pen. de inoff. testam. l. si nemo. 181. de reg. jur. l. 1. C. de poss. her. inst. Unatamen hic exceptio est ex jure novissimo; nisi testamentum rescissum sit ex causa præteritionis aut exheredationis: quod cum incidit, sola institutio irrita esse jubetur, cætera autem capita rata manere, auth. ex causa. C. de lib. præ. vid. sup. tit. de inoff. testam. Porro eadem libertate,

qua legatum adimitur, etiam in alium transferri potest; de quo in §. 1. seu parte hujus tit. altera.

TEXTUS.

De ademptione.

Ademptio legatorum, siue eodem testamento adimantur, siue codicillis, firma est. Sed & siue contrariis verbis fiat ademptio, veluti si, quod ita quis legaverit; Do lego, ita adimatur; Non do, non lego, siue non contrariis, sed aliis quibuscumque verbis.

NOTÆ.

Siue codicillis] Testamento confirmatis ipso jure, Ulp. tit. 24. §. 27. fac. l. 43. de man. test. d. l. 16. de vulg. & pup. non confirmatis tutione prætoris, opposita petenti doli mali exceptione, l. 4. §. 10. de dol. mal. exc.

Firma est] l. 17. C. de legat. Quippe voluntas defuncti ambulatoria est usque ad vitæ supremum exitum, l. 4. h. 1.

Aliis quibuscumque verbis] Ut in l. 3. §. 8. l. 13. eod. vel si facto aliquo contrariam voluntatem declaraverit, cujusmodi exempla habes l. 16. eod. l. 65. §. 2. de leg. 1. l. 88. eod. 3. §. 12. sup. tit. præc. Ope etiam exceptionis ademptio introducitur ex nuda contrariæ voluntatis præsumptione, veluti si graves inimicitie inter testatorem & legatarium exortæ fuerint, nec reconciliatio secuta, l. 3. §. ult. cum l. seq. hoc tit.

COMMENTARIUS.

Siue eodem testamento] Meminit tantum ejusdem testamenti, propterea quod si aliud testamentum factum fuerit, hoc ipso legata priore testamento relicta infirmantur, unaque cum testamento, in quo relicta sunt, citra ullam aliam revocationem corruunt. Et igitur, quod priore scriptura testamento datum est, id posteriore adimi potest, l. Divi. 13. l. nihil prohibet. 17. hoc tit. l. si quis. 16. de vulg. & pup. Atque adeo etiam statim & continenter, ut opinor, revocari; puta hoc modo; *Censum Titio do lego: immo non do, non lego.* Neque obstat, quod traditur in l. ubi. 188. de reg. jur. ubi pugnantium in testamento jubetur neutrum valere; quod Græci reddiderunt *καὶ ἐν τῷ αὐτῷ ἀλλὰ καὶ ἐν τῷ ἄλλῳ*, quoniam regula ista procedit in perplexis atque inter se collidentibus; cujusmodi speciem habemus in l. Titius. 16. de cond. inst. non ubi prior scriptura posteriore corrigitur, commutatur, aut rescinditur, d. l. nihil. 17. prohibet. & ibi Gloss. & Bart. h. 1.

Siue codicillis] Intellige testamento confirmatis, ut bene Martin. & Placent. teste Accurs. hic & in

Et in prefat. Nov. 159. vers. manifestum. Quippe cum codicillis testamento non confirmatis nihil directo dari potuerit, l. libertates. 43. de man. test. §. praterea. 10. inf. de fideic. her. consequens est, & arguit l. si quis. 16. de vulg. & pup. nec quod testamento datum erat, codicillis non confirmatis potuisse adimi, ita quidem certè, ut ademptio ipso jure valeret: nam quin petens legatarius per exceptionem doli hoc casu repelli potuerit, non est dubitandum, l. 4. §. praterea. 10. de dol. mal. exc. Errat igitur & Accurs. dd. loc. & Bart. in l. si ita. 14. de legat. 1. quorum ille contendit, ne confirmatis quidem codicillis ipso jure legatum adimi; hic contra, ipso jure adimi codicillis etiam non confirmatis: quod tamen novo jure defendi poterit. Quoniam autem olim legata ab intestato dari non poterant, quæri non potuit, an ita data aliis codicillis potuerint adimi? sed huic questioni locus erat in fideicommissis. Hodie tamen etiam in legatis est, post eorum cum fideicommissis exequationem: cumque dari legata codicillis & ab intestato possint, consentaneum est posse etiam ipso jure similiter adimi: eoque jure utimur.

TEXTUS.

De Translatione.

1. Transferri quoque legatum ab alio ad alium potest; veluti si quis ita dixerit: Hominem Stichum, quem Titio legavi, Sejo do lego: sive in eodem testamento, sive codicillis id fecerit; quo casu simul & Titio adimi videtur, & Sejo dari.

COMMENTARIUS.

Alio ad alium] Ex Cajo l. 5. hoc sit. Potest verò & aliis modis translatio fieri. Paulus l. 6. cod. quatuor modos commemorat. Aut enim, inquit, a persona in personam transfertur: ad quem modum pertinet species hic proposita: aut ab eo, qui dare iussus est, transfertur, ut alius dei; aut cum res pro re datur, pro fundo decem aurei; aut quod purè datum est, transfertur sub conditione. Adjiciatur & quintus, cum quod prius sub conditione datum est, deinde purè legatur, l. non ad ea. 89. de cond. & dem.

Hominem Stichum, quem Titio legavi, Sejo do lego] Videtur hæc formula similis esse formulæ conjunctionis, quæ re fieri dicitur, cum disjunctim eadem res duobus legatur; qualis illa: Titio hominem Stichum do lego; Sejo eundem do lego; qua nil Titio adimi, sed Sejus in eandem rem cum Titio vocari intelligitur, §. si eadem. 8. sis. præc. nisi evidenter appareat, adimere testatorem voluisse, l. si pluribus. 33. de legat. 1. Sed diversæ omnino sunt hæc formulæ; & cum quis ita dicit, Quod Titio legavi, id Sejo do lego; ex ipsa conceptione perspicuè apparet, Titium & Sejum non conjungi in eandem rem, sed adimi Titio, quod ei legatum erat, & Sejo dari. Quam ob causam etiam si persona legatarii non mutetur, sed verbi gratia ita testator scripserit, licet ex continenti: Stichum, quem Titio legavi, hæres meus illi dato, si illud aut illud factum erit: legatum sub conditione translatum videri responsum est, eo quod commemoratione prioris legati posterius scriptum sit, l. non ad ea. 89. de cond. & dem. Obstat tamen videtur, quod ex Juliano Ulpianus & Paulus referunt in hac specie, Ex qua parte Sejum institui, ex eadem parte Sempronius hæres esto: Sejum & Sempronium conjunctim intelligi institutos, l. Julianus. 15. in pr. de her. inst. l. triplici. 142. in fin. de verb. sign. Sunt qui in institutione hæredum sic jus esse arbitrantur, in legatis contra: quod ego falsum puto, & diversas esse formulas, Stichum, quem Titio legavi, Sejo lego; & Stichum, quem Titio legavi, eundem Sejo lego: illa enim aperte adimitur Titio, quod Sejo datur; hæc uterque in eandem rem manifestè conjungitur, cum idem utrique legatur. VINN. Alioquin dari solet regula: Ex repetitione nominis primi legatarii præsumi translationem; ex non repetita legatarii commemoratione conjunctionem. e. g. Stichum, quem Titio legavi, Cajo do lego. Titio Stichum do lego, eundem Cajo do lego. Nec obstat exemplum ex l. 15. pr. ff. de her. instit. Nam si Stichus pro eadem parte legatur Cajo & Sejo; res ipsa docet, hic non translationem esse, sed conjunctionem. Regula autem nostra indicat, quid in dubio sit præsumendum. Conf. celeb. Pagenstech. Admonit. ad Pand. Part. 5. §. 148. p. 581. HEIN.

TITULUS VIGESIMUS SECUNDUS.
DE LEGE FALCIDIA.

D. Lib. 35. Tit. 2. C. Lib. 6. Tit. 50. Nov. 1.

Ratio ordinis, & argumentum tituli.

IN disputatione de legatis omitti non debuit de lege Falcidia, qua novissimè antiqua legandi licentia repressa, & modus legatorum constitutus est. Indicatur hic primum occasio hujus legis ferendæ: inde summa juris lege constituti proponitur. Tertio docetur, quo tempore visum sit spectari modum patrimonii in ponenda ratione legis. Postremo, quæ res ante rationem Falcidix deducantur, ostenditur, & quomodo porro in reliquo ratio legis ineatur.

T E X T U S.

Continuatio. Ratio & summa
hujus legis.

Supereſt, ut de lege Falcidia diſpiciamus, qua modus novissime legatis impositus est. Cum enim olim lege duodecim tabularum libera erat legandi potestas, ut liceret vel totum patrimonium legatis erogare: quippe cum ea lege ita cautum esset Uti quisque legasset suæ rei, ita jus esto: visum est hanc legandi licentiam coarctare: idque ipsorum testatorum gratia provisum est, ob id quod plerumque intestati moriebantur, recusantibus scriptis heredibus pro nullo aut minimo lucro hereditates adire. Et cum super hoc tam lex Furia, quam lex Voconia latae sunt, quarum neutra sufficiens ad rei consummationem videbatur, novissime lata est lex Falcidia, qua cavetur, ne plus legare liceat, quam dodrantem totorum bonorum: id est, ut siue unus heres institutus sit, siue plures, apud eum eoque pars quarta remaneat.

N O T A.

Ipsorum testatorum gratia] Non singulorum; sed in genere & quasi in abstracto consideratorum. Nam singulorum potius heredum gratia leges hæc latae, l. 71. hoc tit.

Tam lex Furia, quam Voconia] Quarum illa cavebat, ne supra mille asses legare liceret. Ulp. in fragm. pr. Hæc, ne quis census plus cuiquam legaret, quam ad heredem perveniret. Cic. 1. in Verr. cap. 43. Theoph. hic. add. Cujac.

Siue unus, siue plures] Hoc tamen sic temperandum est, ut procedat, si legata simpliciter

ab omnibus relicta sint; aliud, si unus gravetur nominatim, §. seq.

C O M M E N T A R I U S.

- 1 *Occasio legis hujusmodi ferenda.*
- 2 *Exponuntur verba legis duodecim Tabb. uti quisque legasset suæ rei.*
- 3 *Quo aspectu leges Furia, Voconia, Falcidia testatorum gratia latae dicantur?*
- 4 *Lasas esse hæc leges heredum potissimum causa, non singulorum testatorum.*
- 5 *Quid à quo cautum lege Furia?*
- 6 *Quid à quo lege Voconia?*
- 7 *Quando à quo lata lex Falcidia, & quid in ea cautum?*
- 8 *Ad quæ vel statim, vel sensim virtus legis producta?*

L Ege duodecim tabularum libera erat legandi potestas] Causa seu potius occasio rogandæ hujus legis. Lege duodecim tabularum licebat testatoribus universum patrimonium suum in legata consumere, nihil ut hæredi relinqueretur, præter onus, & molestiam æris alieni. Sic enim ea lege simpliciter cautum erat, uti quisque legavisset, ita uti jus esset, l. verbis. 120. de verb. sign. Hac licentia cum testatores usi essent, eveniebatur plerumque, ut suprema eorum judicia destituerentur, recusantibus scriptis heredibus nullo suo, aut quàm minimo lucro hereditatem adire, atque aliena dumtaxat gratia maximis se pe oneribus minimèque necessariis se implicare. Quod cum & ipsis testatoribus inutile esset, & publicè interesse existimaretur supremas hominum voluntates conservari, l. §. test. quem. aper. visum est ex usu esse reip. hæredes justo aliquo lucro ad adeundam hereditatem invitari, quo suprema morientium judicia retinerentur. Id quod ita commodè fieri posse creditum est, si libertas illa legandi intra certum modum ac finem cohiberetur, ut cum non totum patrimonium legatis exhaustum foret, esset aliquid videlicet, quod hæredes ex testamento caperent. Quæ res cum primum lege Furia, deinde Voconia tentata esset, tandem lege Falcidia perfecta est.

Uti quisque legasset suæ rei] Ita quoque verba legis duodecim referuntur in l. verbis. 120. de verb. sign. Legasset suæ rei dictum pro super pecunia & re sua: quomodo auctor ad Heren. lib. 1. & Ulp. in fragm. tit. 11. §. testamento. 13. legis verba referunt, quasi dictum esset, pro commodo & utilitate rei suæ; ut sit dativus acqui-

acquisitivè positus, ut loquuntur Grammatici. Illud enim minimè convenit, ut hæc verba *res sua*, non ad verbum *legasset*, sed ad illa, *jus esto*, referantur, atque ita legamus, *Vti legasset, ita ut res sua jus esto*; quod voluit Alciat. ad d. l. *verbis*. 120. & Baro hic. Primum quia verba illa, *ita jus esto*, absolute ponuntur. Deinde, quia etsi transitum in rem aliam haberent; tamen nemo ita loqueretur, *ita jus esto illius rei*, sed *de illa re*. Denique non dicimus, si quis quid legaverit, *ita jus esto de re sua*, sed *de re ejus*, utentes pronomine demonstrativo, non reciproco: quia legans de se prius locutus non est. VINN. Legem hanc decemviralem, jam alio loco exposuimus uberius. Conf. & *Antiqu. nostr. Rom. lib. 11. tit. 15. §. 2. nota p. 456. edit. nov. HEIN.*

- 3 *Ipsorum testatorum gratia*] Ait, leges Furiam, Voconiam, Falcidiam ipsorum testatorum gratia latas, ne scilicet, ut subjicit, voluntas eorum destituito testamento periret. Forte etiam hæc ratio fuit, quod qui substantiam omnem legatis erogant, credibile sit, errore ductos id facere, existimantes, plus se in bonis habere, quam habent, arg. l. *in fraudem*. 25. *qui & a quib. man.* Quamquam autem etiam retenta plena legandi licentia, & secundum eam exhausto legatis patrimonio, legatarii adhuc facere possunt, ut voluntas fervetur: quippe qui ne deserto testamento nihil consequantur, potius cum hærede paciscuntur, partemque remittunt, §. 2. *inf. in fin. eod.* tamen facilius hæredem inductum iri, ut hæreditatem adeat, legumlatores putaverunt, si jure suo & beneficio legis partem aliquam haberet, quam si beneficio legatariorum. Licet autem hinc intelligere, leges hæc rogatas non esse singulorum testatorum gratia, sed tantum in genere & quasi in abstracto testatores à latoribus consideratos, tamquam omnes ita affecti sint, ut malint partem legatariis detrahi, quam voluntatem suam in totum perire. Etenim singulorum testatorum favore si hæc leges introductæ essent, licuisset singulis, & verbi causa; Titio testatori huic suo favori renunciare, & testamento cavere, ne hæres aliqua harum legum uteretur: quod non licuisse certum est, sed contra etiam invito testatore, contra sententiam ejus, eoque prohibente, vim suam illas exercuisse, ut de lege Falcidia expressè traditum est l. *quod bonis*. 15. §. 1. & ult. l. *Titia*. 86. *in fin. hoc tit.* convenienter capiti secundo ejusdem legis, quo nemini plus legare permittitur, quam dodrantem bonorum, l. 1. *in pr. vers. secundo eod.* Hujus rei etiam fortissimum argumentum est, quod placet, in testamento militis legi Falcidiae locum non esse, l. 7. c. *eod. l. 12. c. de test. mil.* Nam si ex voluntate testatoris induceretur, vel magis valere deberet in testamento militis, utpote cujus voluntati multo plus, quam ceterorum tribuitur. Illud enim planè à ratione juris nostri alienum est, quod cum Portio Mynsingerus

tentat, ideo in testamento militis cessare Falcidiam, quod hoc ipso quod cautum est, ne legi Falcidiae locus esset in testamento militis, cautum quoque intelligatur, ut hæres à milite institutus, velit, nolit, hæreditatem adeat, compellente eum, si nolit, magistratu: & adhuc magis, quod illi magis placet, dum existimat cum Corasio, eo, quem miles hæredem instituit, repudiante, proximos, qui ab intestato veniunt, legati præstatione obstringi. Et quid si illi quoque repudient? Denique ex eo quoque perspicue apparet, Falcidiam non induci ex voluntate singulorum testantium, quod laudatur hæres, qui solida legata præstat quasi plenioris officio fidei fungens, & apud quem plus valeat defuncti voluntas, quam beneficium legis, l. 1. & ult. *Cod. hoc tit. l. 5. §. si quis. 15. de don. int. vir. & ux.* Porro ex his simul intelligimus, latas esse superiores leges in hæredum potissimum gratiam, & nominatim Falcidiam, de qua sola nunc quaeritur: quod etiam disertè traditum est in l. *possest. 71. hoc tit.* ac proinde toto cælo errant, qui asserunt, hæc leges principaliter & potissimum introductas esse testatoris causa; secundum autem testatorem causa hæredis, quo in numero etiam D. Hottomannus est.

Lex Furia] Primus C. Furius Tribunus plebis liberam illam legandi potestatem coangustavit, lege perlata, ne cui supra mille asses legare liceret, constituta quadrupli poena adversus eum, qui plus cepisset, Ulp. *tit. 1. & Theoph. hic.* qui tamen non asses, sed *quarta* habet, id est, aureos seu solidos. Et forte hæc eadem lex est, quam intelligit M. Tullius *pro Corn. Balb. cap. 8. Tulit*, inquit, *apud maiores nostros legem C. Furius de testamentis*, sed tamen non ausim hoc certo affirmare; quia quid ea lege, quam memorat, cautum fuerit, non exprimit: atque ex solo Ulpiano & Theophilo discere possumus, quid lege Furia testamentaria, cujus hic meminit Justinianus, cautum, tentatumque sit coercendæ licentiæ legandi gratia, videlicet, ne legare liceret ultra mille asses. Qua quidem re etiam modus aliquis legatis imponitur, finis tamen non sit legandi: & cum de singulis dumtaxat legatariis lex caveret, facile evenire poterat, uno atque altero, itemque tertio legato, hæreditas, præsertim non opulenta, tota absumeretur, atque hoc modo res ad vetus incommodum recideret.

Lex Voconia] Cum usu omnium rerum magistro compertum esset, lege Furia superius incommodum nequaquam esse sublatum, Q. Voconius tribunus plebis aliud remedium adhibendum esse existimavit. Igitur abrogata lege Furia, ipse aliam tulit, ne quis census plus cuiquam legaret, quam ad hæredem hæredesve pervenerit, ut ex Verrina de prætura urbana intelligitur; ubi duo hujus legis capita memorantur, quorum altero coercitæ mulierum hæreditates, altero cautum (quod etiam Theophilus scribit) ne plus haberet

legatarius, quàm hæres. Verùm ne hac quidem lege finis legandi factus, cum & ipsa de singulis tantum caveret legatariis. Quid enim si numerus legatariorum tantus sit, ut in singulos singulis sextulis erogatis, una quoque tantum sextula & forte unus aureus hæredi relinquatur? Quis spe tantuli lucelli hereditatem alicujus cernat? Sed & lex illa de eo tantum cavebat, qui census esset: ei verò, qui census non esset, licebat per eandem legem plus legare, quàm ad hæredem perventurum erat, ut ex eodem loco Ciceronis intelligi potest.

7 *Lex Falcidia*] Quæ & ipsa plebiscitum est. Latæ est à Pub. Falcidio tribuno plebis, temporibus Augusti, Cn. Domitio Calvino & C. Asinio Pollione Coss. anno ab urbe condita DCCXLV. teste Dione lib. 48. p. 430. Hac demum lege certis terminis circumscripta est legandi licentia, dum non de singulis legatariis, sed de cunctis cavet, ne ultra dodrantem in legata consumatur, l. 1. hoc tit. Quare, ut maximè legeretur multis, semper tamen quadrans totorum bonorum post hanc legem latam hæredis lucro cedat necesse est. Superiores igitur leges, etsi modum legatis imponebant, nullum tamen faciebant legandi finem: hæc & modum & finem fecit; quam ob causam & ipsa sola superioribus antiquatis recepta, atque in hoc usque tempus retenta est.

8 *Ne plus legare*] Lex Falcidia nominatim de legatis locuta videtur. Cæterum & ad alia producta est, & statim quidem ut opinor, interpretatione prudentum ex legis sententia ad fideicommissa singularum rerum. Neque enim persuadere mihi possum, id primum factum Senatufconsulto Pegasiano centum demum annis post legem latam; quamvis fere omnes sic sentire videam, motos §. sed quia. §. seq. tit. vers. ex singulis. Nam cum utique hoc lex velit, & caveat, ne minus, quàm quarta pars bonorum hæredibus relinquatur; ut proinde directo ea pars nec auferri, nec minui à testatore poterit, l. quod bonis. 15. §. 1. & ult. hoc tit. quis credat, oblique id fieri potuisse, licitumque fuisse tam longo tempore legis sententiam circumvenire, patrimonium fideicommissis onerando aut exhauriendo? Neque in d. vers. ex singulis. expressè dicitur, retentionem quartæ partis ex singulis rebus per fideicommissum relictis permissam esse Senatufconsulto Pegasiano, sed simpliciter, permissam esse, non addito, quo jure permissa sit. Quamquam etiam alia istius loci interpretatio est. Quin etsi Tribonianus expressè hoc affirmaret, mihi tamen id suspectum foret. Sanè in libris nostris promiscuè, quantum ad hanc rem attinet, de legatis & fideicommissis singularibus tractatur, l. 5. l. si facitum, 13. l. quod bonis. 15. l. filiusfam. 18. & passim hoc tit. l. 2. & l. 3. C. cod. Porro lex Falcidia producta etiam est ad donationes mortis causa, idque constitutione l. 5. C. cod. l. 2. C. de don. mort. ca. Quod si quis dicat, etiam per mortis causa donationes fraudem legi fieri potuisse, is cogitet, ante hanc constitutionem eandem rationem harum dona-

tionum & inter vivos fuisse: quippe sic donatæ placebat antea in computationem Falcidiæ non venire; propterea quod vivo testatore exibant ex bonis ejus: siquidem etiam quod mortis causa donabatur, statim transferebatur in donatarium. Cæterum quoniam revocare hujusmodi donationem licebat, nec ante plena, ac perfecta censebatur, quàm mors insecuta fuisset, l. non videtur. 32. de mort. caus. don. ob hanc causam Severo visum est, id etiam quod ita donatum est, hastenus in patrimonio computari, ut de eo quarta Falcidiæ nomine detrahi posset. Ac fideicommissa omnimodo in bonis relinquuntur, ut demum post mortem ab hærede præstentur. Exemplo donationum mortis causa admissa etiam est Falcidia in donationibus inter virum & uxorem, quæ morte confirmantur, l. in donationibus. 12. C. hoc tit. propter fideicommissa quoque introducta est in intestatorum successionibus. Quod à Divo Pio factum scribit Paulus in l. filiusfam. 18. hoc tit. Denique vis legis Senatufconsulto Pegasiano tracta est etiam ad fideicommissarias hereditates, de quo seorsum tit. seq. VIIN. Id adeo, ex Pauli Rec. Sent. lib. 111. tit. 8. §. 1. constare, jam ista ætate legem Falcidiam etiam ad fideicommissa portectam fuisse. Ait enim: Exhausta legis aut fideicommissis aut mortis causa donationibus hereditate, auxilio Falcidiæ institutus hæres quadrantem retinere potest. Quumque idem Paulus l. 8. ff. h. t. referat, jam sub D. Pio hanc legem prolatam esse ad fideicommissa ab intestato; verosimillimum sanè est clam ante eandem valuisse in fideicommissis testamento relictis. An autem jam ante SC. Pegasianum, non magis liquet, quàm illam interpretationem hoc SCto fuisse invecam. HEIN.

Sive unus, sive plures] Interest verò, utrum legata simpliciter ab omnibus hæredibus relictæ sint, an ex pluribus hæredibus ex certis partibus institutis aliqui nominatim gravati. Illo enim casu sufficit, ut solida legata præstentur, dodrantem hereditatis ea non excedere: hoc casu non item; quia sur quisque partis, ex qua institutus est, quadrantem habere debet. De quo §. seq.

Parti quarta remaneat] Nec solum hæres, si possidet, quartam partem retinere potest, aut errore facti non retentam repetere, l. 1. §. si legatarius. 11. hoc tit. l. 9. C. cod. sed etiam si non possidet, portionem suam à quovis possessore vindicare, l. lineam. 26. cod. Putat D. Cujacius, à Justiniano id primum constitutum esse, l. pen. C. cod. verùm hoc vel ex eo refellitur, quod placet, legata pro rata portione ipso jure per legem Falcidiam minui, l. in quantitate. 73. §. ult. cod. vid. Ant. Fab. lib. 4. conject. 1. & lib. 6. c. 2.

TEXTUS.

De pluribus hæredibus.

1. Et cum quaesitum esset, duobus hæredibus institutis, (ut in Titio & Sein) si

Titii

Titii pars aut tota exhausta sit legatis, que nominatim ab eo data sunt, aut supra modum onerata: à Sejo vero aut nulla relicta sint legata, aut que partem ejus dumtaxat in partem diminuant; an quia is quartam partem totius hereditatis, aut amplius habet, Titio nihil ex legatis, que ab eo relicta sunt, retinere liceat, ut quartam partem sue partis salvam habeat: placuit posse retinere. Etenim in singulis heredibus ratio legis Falcidie ponenda est.

NOTA.

1. *Exhausta, aut supra modum onerata*] Per legem Falcidiam delibari hereditas potest, onerari aut exhausti non potest. Cujac.

Placuit posse retinere] Ratio dubitandi, quod videri potest legi satisfactum, cum quarta pars apud alterum maneat illibata.

In singulis heredibus] Ratio decidendi ex l. 77. cod. Nam cum lex omnibus & singulis heredibus consultum velit, apparet legi non satisfacere, nisi singulis quoque heredibus suae cujusque partis quarta intacta servetur.

COMMENTARIUS.

1. *Cur dubitatum, an in specie hic proposita Falcidiae locus esset? & cur esse placeret?*

2. *Quando in portionibus defectis ratio legis habetur?*

Lege Falcidia potestas facta est patrifamilias, tantam pecuniam testamento dandi legandi, quantam volet; dum ita detur legetur, ut ne minus, quam quartam partem hereditatis heredes capiant. In uno heredem instituto res expedita est: nam si is, solutis legatis, quartam totius hereditatis integram habet, legi satisfactum est: eaque portione contentus esse debet, siue semel ex toto esse institutus sit, siue ex pluribus partibus, ex una purè, ex altera sub conditione, ex una legatis onerata, ex altera illibata, l. 1. §. id quod. 13. l. in ratione. 11. §. pen. hoc tit. cujus rei ratio peti potest ex l. cum heres. 52. §. 1. de acq. her. Manifesta quoque est legis sententia ubi plures quidem heredes, sed sine partibus omnes instituti sunt, aut legata simpliciter ab omnibus relicta. Sed quaesitum est, duobus aut pluribus heredibus ex certis partibus institutis, si unius dumtaxat portio nominatim onerata sit aut exhausta, an legi satisfactum videri debeat, si apud cohæredes pars quarta hereditatis maneat intacta? Placuit autem satisfactum non videri, idque hac ratione, quod lex non de uno aliquo heredem caveat, sed ex æquo omnibus consultum velit, l. in singulis. 77. cod. & hoc text. in fin.

Duobus heredibus institutis] Testator cum non amplius, quam centum in bonis haberet, duos heredes, puta Titium & Sejum, utrumque ex

semisse heredes instituit. A Titio quadraginta aut quinquaginta legavit: à Sejo vero nihil, aut minus viginti quinque, ita ut apud Sejum quarta totius hereditatis pars, vel etiam amplius, atque adeo semis integer maneat. Quaeritur, an mortuo testatore Titius integra quadraginta aut quinquaginta, quæ ab eo nominatim relicta sunt, legatariis solvere teneatur, an nihilominus quartam partem suæ partis possit retinere? Videri poterat, legi Falcidiae satisfactum esse, cum quarta pars apud alterum maneat illibata; utique satis esse ad intentionem legis, hoc est, ad sustinendum testamentum, si vel unus suo quadrante contentus hereditatem adjerit. Placuit tamen in proposito Titium quartam partem ejus partis, ex qua institutus est, retinere posse. Quippe legem non simpliciter cavere, ut quarta pars hereditatis salva maneat, sed nominatim ut heredes quartam partem ex testamento capiant. Quibus verbis cum non uni alicui heredi tantum, sed omnibus & singulis consultum velle intelligatur, apparet legi non satisfacere, nisi singulis quoque heredibus suæ cujusque partis quarta pars intacta servetur. Et hoc est, quod dicitur, in singulis heredibus rationem legis Falcidiae ponendam esse, l. in singulis. 77. hoc tit.

In singulis heredibus ratio legis ponenda] Hoc tamen ita est, si omnes, qui instituti sunt, heredes extiterint: nam si quidam defecerint, in portionibus defectis non semper separatim ratio legis Falcidiae habetur; sed aliquando hæc confunduntur cum portionibus aliorum, qui hæreses extiterunt. In quo hæc distinctio probata est, ut si verbi causa, ex duobus heredibus institutis alter deficiat, à quo aut nihil, aut parum relictum erat, atque ita hujus portio vel substitutionis vel accretionis jure ad cohæredem, cujus portio onerata est, pervenerit, placeat legatarios per deficientem portionem adjuvari, videlicet ut integra legata præstentur, quæ non præstarentur, si is, qui defecit, hæres extitisset. Quod si pars, quæ accessit, exhausta sit aut onerata; ejus verò, qui accessit, integra aut tantum delibata, tum perinde in deficientis portione ratio Falcidiae ponatur, ac si ad eum, qui suam portionem omisit, pervenisset. Extat hæc distinctio in l. quod si alterutro. 73. hoc tit. eademque à contrario sensu colligi potest ex l. 4. C. ad sen. Treb. in fin. quamquam variasse Jurisconsultos, apparet ex l. 1. §. si cohæres. 14. hoc tit. de cujus §. lectione vide Cujac. 4. obs. 35. Et hanc rationem habere videtur, quod is cujus portio onerata est, uti ex sua persona legata præstet, ita & ex sua persona tantum Falcidia utitur: qui verò suam portionem integram habet, legata præstat ex persona deficientis; cujus proinde jure eum uti æquum sit, argum. l. 10. l. qui in jus. 177. de reg. jur. Inducitur hæc ratio non obscurè in l. qui fundum. 87. §. qui filium. 4. l. 1. §. id quod. 13. hoc tit. Cæterum in parte onerata, quæ defecta est, sententia superior sic accipienda ac temperanda, si cohæres deficiens testatori supervixerit,

ut dici possit moriente testatore fuisse institutus. Nam si vivo testatore decesserit, quia isto modo fit, ut alter solus tempore mortis testatoris reperiatur institutus, ex sua parte purè, ex defectu, quasi sub conditione, quæ jam exstitit, solida legata præstanda erunt, satisque tunc est, ut legi satisfiat, hunc alterum totius assis quadrantem consequi, auctore Juliano in *d. l. qui fundum. 87. §. 4.* nam ut legata in ea specie repetita esse dicamus cum Cujacio 4. *obs. 35.* ratio decidendi, qua Jurisconsultus utitur, non finit: qui etiam disertè sententiam suam sic restringit, ut dicat, eam tunc procedere, cum cohæres vivo testatore decessit. Quod etiam Paulus non obscurè significat in *d. l. 1. §. id quod. 13.* sic enim ait, legata per oneratam deficientis portionem non augeri, si is omiserit hæreditatem, add. *Don. 8. comm. 23. Cujac. 4. obserr. 36. & 15. obs. 14. & 25. obs. 23. Ant. Faber. 4. conj. 13. & 18. conj. 14. & seqq.* mirè variant, nec sibi constant. Est verò universæ superiori distinctioni locus in legatis uno eodemque testamento relictis; ad ea legata, quæ pater primis tabulis ab impubere, secundis à substituto reliquit, non pertinet: siquidem vetus est juris regula: *In tabulis patris & filii unam Falcidiam servari, l. in ratione. 111. §. quod vulgo. 5. & pen. l. in duplicibus. 70. d. l. qui fundum. 87. §. ult. hoc tit.* quasi legata secundis tabulis relictæ primis sub conditione data videantur.

T E X T U S.

Quo tempore spectatur quantitas patrimonii, ad quam ratio L. Falcidiae redigitur?

2. *Quantitas autem patrimonii, ad quam ratio legis Falcidiae redigitur, mortis tempore spectatur. Itaque verbi gratia si is, qui centum aureorum patrimonium in bonis habeat, centum aureos legaverit, nihil legatariis prodest, si ante aditam hæreditatem per servos hereditarios, aut ex partu ancillarum hereditariarum, aut ex fœtu pecorum, tantum accesserit hereditati, ut sentum aureis legatorum nomine erogatis, hæres quartam partem hæreditatis habiturus sit: sed necesse est, ut nihilominus quarta pars legatis detrahatur. Ex diverso, si septuaginta quinque legaverit, & ante aditam hæreditatem in tantum decreverint bona, (incendiis forte, aut naufragiis, aut morte servorum,) ut non amplius quam septuaginta quinque aureorum substantia, vel etiam minus relinquatur, solida legata debentur. Nec ea res damnoſa est hæredi, cui liberum est non adire hæreditatem: quæ res efficit, ut sit necesse legatariis, ne desituito*

testamento nihil consequantur, cum hærede in portione pacisci.

N O T A E.

2. *Solida legata debentur*] Nempe si damnum circa rem aliam, quàm quæ legata est, incidit. Nam damnum circa rem ipsam seu speciem legatam contingens legatarium sequitur, hæresque interitu rei legatæ liberatur, §. 16. *sup. de legat. ex jure scilicet communi omnium debitorum tertæ rei, l. 23. de verb. obligat. add. l. 30. hoc tit.*

Cui liberum est non adire hæreditatem] Neque enim legatarii aut fideicommissarii particulares hæredem cogere possunt, ut hæreditatem adeat, quod solis permissum fideicommissariis universalibus, propterea quod in hos etiam onera ex Sc. transferuntur, *l. 14. §. 5. & seqq. ad Sc. Treb.*

Ne nihil consequantur] *d. l. 73. in fin. pr. hoc t.* Nam desituito testamento, id est, hæreditate ex testamento non adita, legata extinguuntur, *l. 14. c. de fideic.*

C O M M E N T A R I U S.

1 *Exceptio regula hic proposita.*

2 *Ejusdem regula declaratio.*

3 *Hæredem à legatariis cogi non posse, ut adeat.*

IN quantitate patrimonii exquirenda circa deductionem Falcidiae visum est mortis tempus spectari, exinde neque accessione legata augeri, neque decessione minui; sed incrementum omne & damnum, quod jacente hæreditate contingit, hæredem sequi, *l. in quantitate. 73. l. quod bonis. 15. §. 3. in fin. l. cum quo. 56. pr. hoc tit.* Cujus rei ratio est, primum quoniam hæres quartam partem ex bonis hæreditariis habere debet: at ea propriè sunt, quæ tempore mortis cujusque inveniuntur. Deinde, quia legatorum dies ex tempore mortis testatoris cedit, hoc est legata ex eo tempore deberi incipiunt, *l. un. §. 3. c. de cad. toll.* Adde quod per legem Falcidiam legata ipso jure minuuntur, *d. l. in quantitate. 73. §. ult.*

Nihil legatariis prodest, si ante aditam hæreditatem, &c.] Postquam placuit, à morte testatoris legata deberi pro eo modo patrimonii, qui tunc fuit, accessio ante aditam hæreditatem contingens legatariis prodesse non debet, *d. l. in quantitate. 73. l. in ratione. 30. hoc tit.* Excipiendum tamen hic est, si quid accesserit ratione facti præcedentis aut obligationis à defuncto contractæ; veluti si debitoris, qui solvendo non erat, facultates post mortem creditoris ampliatæ fuerint, aut conditio crediti tunc extiterit: nam istis modis placet, ex postfacto uberiorem videri fuisse hæreditatem commodo legatariorum, *l. cum quo. 56. §. 1. cod.* eandemque rationem habet, quod responsum est, si pater, cum quo ex contractu filii de peculio agi poterat, à creditore filii hæres institutus sit, & legis Falcidiae ratio ponatur, peculii quantitatem,

NON

non quod mortis, sed quod aditæ hæreditatis tempore fuit, in quadrantem patri imputari, d. l. cum quo. 56. §. 1. l. si creditor. 83. eod. quamvis peculio post mortem creditoris deminuto, juxta regulam spectetur tempus mortis, neque legatariis id noceat: quasi nihil intersit, peculium post mortem creditoris deminutum sit, an debitor pauperior factus, d. l. cum quo. 56. in pr. 2 l. eo tempore. 50. §. 1. de pecul. Quamobrem quod vulgo dici solet, eandem rationem esse damni & commodi, id intelligamus locum habere in iis, quæ primum emergunt, & accedunt post mortem, veluti si quid accesserit hæreditati ex fructibus, ex partu ancillarum, aut per servos hæreditarios quæsitum: hoc text. & d. l. in quantitate. 73. d. l. in ratione. 30. hoc sit. non in iis, quibus causam dedit præcedens factum testatoris. Quinimmo hæc, si subtilius res examine- tur, non post mortem demum accedunt, sed omnino ad tempus mortis sunt referenda: quoniam ratione principii & fundamenti jam tum in bonis fuerunt: quemadmodum & servi, qui apud hostes sunt, post mortem testatoris reverts, quod ad Falcidiam pertinet, locupletio- rem faciunt hæreditatem, l. servi. 43. eod. ita ferme & Bachov. hic.

In tantum decreverint] d. l. in ratione. 30. d. l. in quantitate. 73. Sunt verò hæc sic accipienda, si damna circa res alias, quàm quæ legata sunt, inciderint: nam si res ipsa legata perierit sine culpa hæredis, id non hæredi, sed legatariis nocet secundum tenorem perpetui juris, quo traditum est, omnes debitores, qui speciem aliquam, id est, rem certam debent, liberari, si ea res ante moram sine facto eorum perierit, l. si ex legati. 23. de verb. obl. l. 5. de reb. cred. Sciamus igitur, tunc periculo hæredis esse res hæreditarias, cum res incerta legata est, veluti homo in genere, aut quantitas, puta centum aurei, & ceterum modii frumenti. Hic enim et si res omnes hæreditariæ perierint, dici tamen nunquam potest, rem, quæ legata est, periisse, l. 11. C. si cert. per. eleganter Marcian. in d. l. in ratione. 30. §. 2. & aliquos seqq. vid. sup. §. si res. 16. de legat.

Cum hærede in portione pacisci] In fideicommissariis hæreditatibus proviſum est Senatusconsulto Pegasiano, ut si scriptus hæres nolit adire hæreditatem, jussu prætoris adeat, & restituat. 3 Hoc verò beneficium neque legatariis, neque his quibus singulæ res per fideicommissum relicte sunt, tributum est, l. si quis. 17. si quis om. ca. test. l. nam quod. 14. §. non omnis. 5. & 2. seqq. ad SC. Treb. Quo loco Hermogenianus etiam differentiam rationem reddit, nimirum nullam habere iniquitatem: quod fideicommissi hæreditatis servandi causa hæres adire cogatur, postquam S. natusconsulto Trebelliano cautum est, ut omnia onera hæreditatis transferantur in eum, cui ex fideicommissio hæreditas restituta est, l. 4. eod. tit. legati verò aut fideicommissi particularis causa hæredem compelli adire hæ-

reditatem, æquum non esse; propterea quod in hos onera hæreditaria transferri non possunt, neque admittendum est, ut quis alieni dumtaxat emolumenti causa se æri alieno & litibus, vexationibus, aliisque molestiis implicare cogatur. Proinde hoc solum relinquitur, ut legatarii cum hærede in portionem paciscantur: quod illi facile facturi, & potius aliquid remissuri, quàm ut patiantur testamentum destitui, totumque, quod legatum est, sibi perire, d. l. in quantitate. 73. in fin. pr.

TEXTUS.

Quæ detrahuntur ante Falcidiam.

3. Cum autem ratio legis Falcidie ponitur, ante deducitur æs alienum, item funeri impensa, & pretia servorum manumissorum: tunc demum in reliquo ita ratio habetur, ut ex eo quarta pars apud hæredem remaneat, tres verò partes inter legatarios distribuuntur, pro rata scilicet portione ejus, quod cuique eorum legatum fuerit. Itaque si fingamus, quadringentos aureos legatos esse, & patrimonii quantitatem, ex qua legata erogari oportet, quadringentorum esse, quarta pars singulis legatariis debet detrahi. Quod si trecentos quinquaginta legatos fingamus, octava debet detrahi. Quod si quingentos legaverit, initio quinta, deinde quarta detrahi debet. Ante enim detrahendum est, quod extra bonorum quantitatem est, deinde quod ex bonis apud hæredem remanere oportet.

NOTÆ.

3. Deducitur æs alienum] l. 6. C. eod. id est, omne, cujus præstandi necessitate defunctus obstrictus fuit, l. 54. D. eod. Nam Falcidia detrahitur ex bonis: bona autem non intelliguntur, nisi quæ defuncto ære alieno supersunt, l. 39. §. 1. de verb. sign.

Si fingamus quadringentos] l. 37. §. ult. hoc tit. Legata ad contributionem dodrantis pro rata suæ cujusque quantitatis revocantur, l. 1. l. 6. §. 2. C. eod. Nota, Falcidiæ locum non esse in testamento militis, l. 7. C. eod. ex novo jure nec in legato in pios usus relicto, Nov. 131. c. 12. auth. similiter C. eod. nec in ea re, quæ ita relicta, ne alienetur, auth. sed & ea. C. eod. nec cum hæres inventarium facere neglexit, l. ult. §. pen. C. de inv. del. nec cum testator expressè prohibuit hæredem beneficio legis uti, Nov. 1. cap. 2. auth. sed cum testator. C. hoc tit.

COMMENTARIUS.

- 1 In bonis defuncti quæ numerantur, cum de lege Falcidia questio est.
- 2 An hæres, quod sibi à defuncto debetur, detra-
ducatur;

1 ducat: & quid si rogatus, ne id legatariis imputet.

3 Quibus casibus lex Falcidia cesset.

1 **A** Nequam summa constituatur, unde quarta Falcidiæ deducenda sit, necesse est exquiratur, quid in patrimonio defuncti sit habendum? ex eo enim quartam hæres habere debet. Patrimonio cujusque dici scimus, cujusque facultates aut substantiam, sive quod quisque in bonis habet, *l. nam quod. 14. §. ult. l. cogi. 16. ad Senatusconsultum Treb.* Bona cujusque intelliguntur, quæ deducto ære alieno supersunt, *l. subsignatum. 39. §. 1. de verb. sign.* Nimirum ergo in bonis seu patrimonio defuncti sciamus non numerari omnia, quæ cum moreretur habuit, sed id solum, quod hæreditariis oneribus deductis superest. Cujusmodi onera sunt, æs alienum hæreditarium, funeris impensæ, & pretia servorum manumissorum: quæ omnia idcirco in ponenda ratione legis Falcidiæ deduci placuit, uti hoc loco docetur. Cætera, quæ appellatione bonorum continentur, in patrimonio quantitate esse intelliguntur, si modo ejus naturæ sint, ut & ad hæreses certo mansuræ transeant, (nam contra est, si vel non transeant, ut actio injuriarum, usufructus, *l. 38. hoc tit.* vel ita transeant, ut non sine mansuræ: exempl. in *l. 11. §. 1. & 2. l. si statuliber. 38. eod.*) & ex iis hæres aliquid commodi percipere potuerit. Non enim computatur nomen inane, quod tantum ex eventu hæreditatem auget, *l. Nescennius. 22. §. pen. l. cum quo. 56. §. 1. eod.* neque debitum naturale nondum solutum, *l. 1. §. id quod. 17. eod.*

Æs alienum] Primum in hanc deductionem venit æs alienum, id est, id omne, cujus præstandi necessitate defunctus obstrictus fuit, *l. pater. 54. hoc tit.* Sed & æris alieni loco habetur, si quid est, cujus præstandi causa mortuo testatore ante aditam hæreditatem nata est, tamquam contractum ab hæreditate, *l. æris. 39. eod.*

2 Illud quæsitum circa hanc deductionem, an etiam hæres quod sibi à defuncto debetur, detrachere possit. Subtilitas rationis facere videtur, ne possit: quippe cum aditione hæreditatis confundatur obligatio, atque ita fiat, ut quod prius ei debebatur, deberi desinat, *l. sicut. 75. l. Ssicum. 95. §. 2. de solut.* Sed nihilominus placuit deduci posse, *l. 6. C. hoc tit.* idque ob hanc procul dubio causam, quoniam in ratione legis Falcidiæ, cum de æstimatione patrimonii agitur, mortis tempus spectatur, quo tempore nondum est ulla actionum confusio. Hodie hoc amplius à Justiniano tributum hæredi, qui inventarium confecit, ut nec adita hæreditate actiones ejus confundantur, sed ut similem cum creditoribus extraneis fortunam habeat, *l. ult. §. in computatione. 9. C. de jur. delib.* Quid si hæres rogatus sit, ne creditum legatariis imputet? Ratione doli mali exceptionis apud arbitrum Falcidiæ voluntas defuncti servabitur, *l. si de-*

bitor. 12. hoc tit. sic ut debito fini quadrantis compensato, superfluum æris alieni tantum dodranti detrahatur, *l. quod bonis. 15. §. cum fideicommissum. 4. eod.* Exemplum esto. Quadringenta sunt in bonis: hæredis debita ducenta; legata trecenta. Hæres compensabit cum quadrante centum: reliqua centum de dodrante detrahet. Hodie de hoc supervacue quæritur: quoniam Falcidiæ detractio nominatim vetari potest, *Nov. 1. cap. 2.*

Impensa funeris] Ea est, quæ sit causa funeris, hoc est, ut funus ducatur, mortuus effretur & sepeliatur, & sine qua neque funus duci, neque mortuus sepeliri honestè potuisset. Quare etiam id, quod erogatum est in locum, in quem mortuus infertur, funeris causa impensum videri debet, *l. & si quis. 14. §. funeris. 3. de vel. & sumpt. fun. l. 1. in fin. cum l. seq. hoc tit.* Hæc autem impensa semper ex hæreditate deducitur, quæ etiam omne creditum solet præcedere, cum bona solvendo non sunt, *l. pen. de relig. & sumpt. fun.*

Pretia servorum manumissorum] Nec tantum eorum, qui testatoris proprii fuerunt, verum etiam quos hæres, cum alieni essent, redimere & manumittere rogatus est, *l. ejus. 37. §. 1. eod.* Aliarum quoque impensarum, quæ modo hæreditatis suscipiendæ causa factæ sint, deductionem permittit Justinianus, *l. ult. §. in computatione. 9. C. de jur. delib.* Quæ sequuntur, 3 interpretem non desiderant. Illud sciendum est, beneficium legis Falcidiæ non esse perpetuum. Et jam olim etiam cessabat in testamento militis, *l. 7. C. hoc tit. l. 12. C. de test. mil.* item in dote mulieri relegata, propterea quod suam rem mulier recipere videtur, *l. sed usufructus. 81. §. 1. hoc tit.* in commodo tamen præsentationis legi patuisse locum non dubito, *arg. l. 2. in pr. de dos. pral. l. 1. §. si quis. 10. hoc tit.* Libertates quoque datæ per Falcidiam non minuebantur, *l. si servus. 23. eod. l. 8. §. quarta. 9. de inoff. test.* Hodie cessare creditur in legato in pios usus relicto, *per auth. similiter. C. hoc tit.* quamquam in *Nov. 131. c. 11.* unde *d. auth.* sumpra est, hoc non dicatur absolute, & contra sæpe judicatum, *Sand. lib. 4. tit. 7. defin. 10. Christin. vol. 1. dec. 320. in fin. Fachin. 5. contr. 17.* si testator rem legatam vetuerit alienari, *Nov. 119. cap. 12. unde auth. sed & ea. hoc tit.* & in universum si prohibuerit expressè, hæredem Falcidia uti, *Nov. 1. c. 2. auth. sed cum testator. C. hoc tit.* item si hæres inventarium facere neglexerit, *l. ult. C. de jur. delib.* Indignus etiam olim beneficio legis Falcidiæ visus est, qui id egerat, ut fideicommissum intercederet: & qui non capienti rogatus erat restituere, per Senatusconsultum Plancianum quartam retinere non poterat, *l. beneficio. 59. pr. & §. 1. hoc tit.* Postremo qui sciens aut errore juris totum legatum solvit, nullam quartæ nomine conditionem habet, *l. 9. C. hoc tit.* Circa deductionem Falcidiæ nihil apud nos servatur alie-

alienum à jure Romano. Vid. Grot. 2. *mann-
duet.* 23. Gudelin. *lib.* 2. *cap.* 11. VINN. Addi
potest, cessare quartam Falcidiam, si liberis
suppleatur portio legitima. *l.* 36. *C. de inoffic.*

sestam. item si legata sponte soluta integra.
Nov. 1. *c.* 2. *l.* 9. §. 3. *de jur. & facti ign.* denique
si instrumenta legata, quamvis eo casu vix qua-
stio quidem nasci possit. *l.* 15. *C. h. r.* HEIN.

TITULUS VIGESIMUSTERTIUS. DE FIDEICOMMISSARIIS HÆREDITATIBUS.

Dig. Lib. 36. tit. 1. C. Lib. 6. tit. 42. & 49. Novell. 39. 108.

Ratio ordinis: tum quid sit fideicommissum.

Supra titulo de legatis §. 3. promisit Im-
perator, se separatim de jure legatorum
& fideicommissorum tractaturum, ne
scilicet permitta utriusque juristractatio
rem ipsam redderet difficiliorem aut magis la-
boriosam. Exposito igitur jure legatorum, quæ
ratione obligationis & tempore & jure anti-
quiora sunt fideicommissis, superest nunc, ut
de fideicommissis instituatür disputatio: quod
alterum est partitionis antepositæ membrum.
Fideicommissum est, auctore Ulp. *in fragm. tit.*
25. quod non civilibus verbis, sed precativè re-
linquitur, nec ex rigore juris civilis proficiscitur,
sed ex voluntate datur relinquentis. Igitur sic re-
ctè definiveris: *Fideicommissum est id omne, de*
quo quis suprema defuncti voluntate rogatus est,
ut daret vel faceret.

TEXTUS.

Continuatio.

*Nunc transeamus ad fideicommissa. Sed
prius est, ut de hereditatibus fideicommissa-
riis videamus.*

NOTÆ.

Fideicommissa] Fideicommissum est, quod
non civilibus verbis, sed precativè relinquitur.
Ulp. *tit.* 25. Legatum autem relinquitur legis
modo, id est, imperativè, *dato, capito, sumi-*
to, damnas esto dare. Idem *tit.* 24.

COMMENTARIUS.

1 *Fideicommissi divisio: & summa eorum, quæ
hic explicantur.*

2 *Cur prius de fideicommissis hereditatis, quàm
singularum rerum agatur?*

1 **F**ideicommissum aut universale est, aut par-
ticulare seu potius singulare. Universale,
quod hereditatem vel totam vel partem ejus con-
tinet. Particulare, quo non hereditas aut pars
hereditatis, sed res singulæ relinquuntur; quod
proximè rectius dixeris singulare, aut specia-
le. De fideicommissis rerum singularum agitur
proximè; de universalibus, live fideicommissa-
riis hereditatibus, hoc præsentis titulo: in quo

Justinianus, ostensa prius communi fideicom-
missorum origine & incremento, disserit de
forma relinquendi fideicommissum hereditatis
ab hærede scripto, deque restitutæ hereditatis
effectu: tum de Senatusconsultis Trebelliano
& Pegasiano, ac mox de Pegasiani in Trebel-
lianum transfusione: inde docet, qui restituere
rogari possint. Ad extremum aliquid de suo
adspergit ad probationem fideicommissi in ge-
nere pertinens.

Prius est] Quemadmodum prius egit de hæ-
reditatibus instituendis & deferenda testamento hæ-
reditate, quàm de legatis testamento dandis,
acquisitionem universitatis ut digniorem præpo-
nens acquisitioni rerum singularum; ita etiam
hic prius agere voluit de fideicommissis univer-
salibus, quæ vi & effectû idem sunt quod hæ-
reditas: postea de fideicommissis singularibus,
quæ respondent legatis: de quibus alioqui prius
dicendum fuerat juxta §. 3. *de legat.* Nam uti
quoque monuimus in explicatione d. §. 3. ex-
tractio legatorum & fideicommissorum, de qua
illic agitur, ad fideicommissariam, heredita-
tem minimè pertinet; quoniam fideicommissa-
ria restituta hereditate hæredis loco habetur:
sed ad specialia fideicommissa dumtaxat. Potest
& hæc ratio dari, quod cum antequam de le-
gatis disserteret, egerit de deferenda directo hæ-
reditate, tum hæredem instituendo tum substi-
tuendo, rectè quoque nunc atque ordine fa-
ciat, quod antequam disputet de fideicommissis
rerum singularum, doceat, quomodo hereditas
deferatur indirecto atque obliquè, live quomo-
do per fideicommissum hæredes substituantur.
Vide quæ notavimus sub §. *ult. per quas pers. cur-*
que acq. & ad rubr. de vulg. subst.

TEXTUS.

Origo fideicommissorum.

1. *Sciendum itaque est, omnia fideicom-*
missa primis temporibus infirma fuisse: quia
nemo invitus cogeatur prestare id, de quo
rogatus erat. Quibus enim non poterant hæ-
reditatem vel legata relinquere, si relin-
quebant, fideicommittebant eorum, qui ca-
pere ex testamento poterant. Et ideo fidei-
commissa appellata sunt, quia nullo vinculo
juris,

juris, sed tantum pudore eorum, qui rogabantur, continebantur. Postea divus Augustus primus, semel iterumque gratia personarum motus, vel quia per ipsius salutem rogatus quis diceretur, aut ob insignem quorundam perfidiam, iussit consulibus auctoritatem suam interponere. Quod quia iustum videbatur & populare erat, paulatim conversum est in assiduam jurisdictionem, tantusque eorum favor factus est, ut paulatim etiam prator crearetur, qui de fideicommissis jus diceret, quem fideicommissarium appellabant.

NOTÆ.

1. *Quibus non poterant hereditatem*] Quales proscripti, deportati, &c. Exemplum habes apud Cic. lib. 1. in *Verr.* & ex parte, orbi, cælibes. Ulp. *tit.* 22. §. 1. & *tit.* 15. cum seqq. item scæminæ ex lege Voconia. Hujus generis exempla apud eundem 2. *de finib. cap.* 58. VINN. Addi potest Quintilian. *Decl.* 324. item Valer. Max. lib. 4. cap. 2. §. 7. HEIN.

Sed tantum pudore] Fidei religione, probitate. Id enim, qui tum pudor erat hominum, videbatur vinculum satis validum implendæ voluntatis defuncti.

Et populare] Theoph. *χαλκὸν τὸ δῆμον*. Plin. Paneg. non quia populare gratumque audientibus.

In assiduam jurisdictionem] Ita tamen, ut extra ordinem ipsi magistratus de fideicommissis cognoscerent, non more usitato formulam & judicem darent. Ulp. *tit.* 25. §. 10. l. 178. §. 2. de verb. sign.

Prætor proprius] Claudius duos creavit. Suet. in Claud. c. 23. ex quibus unum Titius detrahit, l. 2. §. 31. de orig. jur. Cæterum prætor ad certam summam cognoscebat, de majore consules jus dicebant. Quint. lib. 3. c. 6. unde lucem accipit Ulp. d. loc. §. 12. VINN. Adde omnino Cujac. lib. 21. obs. cap. 34. HEIN.

COMMENTARIUS.

- 1 Ante D. Augusti tempora fideicommissa vim obligandi non habuisse: notat Mynsingerus.
- 2 Genera incapacium, & in his gratificandi fideicommissorum usus.
- 3 Lege Voconia mulieres hæredes institui non potuisse.
- 4 Accurata in hoc legis caput inquisitio.
- 5 Legem istam postea in desuetudinem abiisse.
- 6 De fideicommissis extra ordinem jus dici solitum, & quorum ea jurisdictio? n. 8.
- 7 Quod in l. 1. junct. l. 2. C. comm. de leg. disponitur, non pertinere ad fideicommissa universalia.

1 *Primis temporibus infirma*] Olim ante D. Augusti tempora fideicommissa nullam vim ob-

ligandi habebant, sed eorum præstatio fidei, religione, ac probitate pendebat ejus, qui rogatus erat. Nam quemadmodum quod precario alicui utendum conceditur, totum pendet à liberalitate & voluntate ejus, qui concessit, sine ulla necessitate obligationis, l. 1. & 2. de precar. ita nec ex precibus testatoris quemquam invitum obstringi debere existimabant non magis, quam ex commendatione, l. 11. §. 2. de legat. 3. Nam quod potestati & arbitrio alicujus relinquitur, cujusmodi est, quod rogatur, non inducit obligationem, l. in venditoris. 13. C. de contr. empt. Mynsingerus primis temporibus sic interpretatur, ante legem duodecim tabularum, suavissimo utens argumento, quod utique sub Numa Pompilio fideicommissa viguisse verisimile sit, utpote sub quo Rege vel maxima vis fidei fuerit. Quæ insignis est *discrepantia*. Sic enim ille differt, ut videatur existimasse, jam ante urbem conditam decemviros legem tulisse, aut post legem latam regnasse Pompilium.

Qui capere ex testamento poterant] Duplex olim usus fideicommissorum fuit: unus in morientibus in peregrinatione, ubi sæpe eveniebat, ut testamentum facere non possent propter penuriam testium civium Romanorum: quæ res etiam usum codicillorum invehit, *infr. de codic. in pr.* alter in gratificandis incapacibus, cum scilicet hæres clam fidem accommodabat, ut incapaci restitueret: quod fideicommissum tantum dicitur, l. 103. de legat. 1. Gloss. Bas. *tacitum*, *οὐκ ὁμολογῶν τὴν ἐξουσίαν*, domestica cautione vel chirographo promissum, d. l. 103. l. 10. de his quæ ut indign. Incapacium autem olim duo fuere genera: unum eorum, qui conditione personæ capere non poterant, quo in numero erant proscripti, deportati, item dediticii & Latini Juliani, omnesque, qui cives Romani non erant: alterum eorum, qui cives erant, sed propria & civili ratione aut nihil, aut non solidum, aut non ex omnium testamentis poterant capere, quales ex lege Voconia virgines, mulieres; ex lege Julia demaritandis ordinibus, cælibes, orbi. Quæ diligentius executus sum in explicatione principii *tit. de hæred. inst.* Exemplum fideicommissi prioris generis incapacibus relictæ in proscripto habemus apud Ciceronem lib. 1. in *Verr.* qui de prætura urbana dicitur; ubi de P. Trebonii testamento commemorat, qui cum Aulum fratrem proscriptum haberet, scripsit ut hæredes jurarent, se curaturos, ut ex sua cujusque parte ne minus dimidia ad fratrem proscriptum perveniret. Alterius generis apud eundem lib. 2. *de finib. cap.* 58. ubi refert, P. Sextilium Rufum rogatum à Qu. Fabio Gallo, ut omnia hæreditas ad filiam perveniret, eamque rem Rufum ad amicos detulisse. Idem *eod. lib.* memorandum fidei exemplum narrat de Sex. Peduceo, qui rogatus hæreditatem restituere uxori testatoris, cum sciret nemo eum rogatum esse, ultro ad mulierem venit, eique nihil opinanti viri mandatum exposuit.

3 fuit, hæreditatemque reddidit. Ostendunt hæc exempla, lege Voconia mulieres hæredes institui non potuisse, non uxorem à marito, non filiam à patre. Atque hinc porro hoc quoque certo colligitur, nec ad patris legitimam hæreditatem filias à lege admissas fuisse, multoque minus consanguineas ad successionem fratrum: ac proinde quod Paulus *l. 4. sent. 8. de rogatione*: Voconia scribit, esse ἀπαράμιτον μνηστῆρα, quod pluribus confirmamus *inf. tit. de leg. agn. succ. §. 3.* Multorum lex Voconia scriptis celebrata est. Meminerunt Cic. *dd. loc. & in orat. pro Corn. Balb.* Livius *lib. 41.* (in epitome Flori mendosè legitur *Volumnius pro Voconius*) Quintil. *declam. 264.* Dio *lib. 56. p. 662.* Gell. *lib. 17. cap. 6. & lib. 20. cap. 1.* Ascon. Pedian. *in orat. de prat. urban.* Augustin. *lib. 3. de civ. Dei, cap. 21.* Latam esse eodem loco scribit Augustinus inter secundum & postremum bellum Punicum: quod verum esse liquet ex eo, quod apud Ciceronem *lib. de senect.* M. Cato gloriatur se eam legem fuasisse, cum jam natus esset annos LXX. sic enim legendum arbitror, non ut vulgo legitur, *v. & LX. annos.* Lata enim est, ut eodem loco indicatur, Q. Marcio Philippo iterum & Cn. Servilio Cæpione Coss. quorum consulatus incidit in annum ab urbe condita 595. qui est à consulatu M. Catonis & L. Valerii Flacci 26. ut patet ex chronologia r. r. Rom. Ubbonis Emmii. Legis duo fuere capita, forte etiam plura, quæ ignoramus. Nam & infinitam legandi licentiam lege 12. tabularum concessam, exemplo legis Furia, coercuit, ut *tit. prec. demonstratum* est: & quod præcipuum est, sanxit, ne quis virginem neve mulierem hæredem faceret, auctore Cicerone *d. lib. 1. in Verr. cap. 43.* Floro *dist. epitom.* ac ne filiam quidem, testibus Ascon. *d. loc. & Augustin. d. lib. 3. cap. 21.* Utrum autem simpliciter & à tota successione mulieres remotæ fuerint, an partem aliquam saltem per legem adhuc capere potuerint, incertum est. Et filias quidem certè non in totum exclusas fuisse, ostendit locus Ciceronis *2. de finib. cap. 58.* ubi ait, amicos Sextilii, quem rogatum scribit hæreditatem restituere filia testatoris, censuisse, non plus filia dandum, quam posset ad eam lege Voconia pervenire. Lucium quoque Lentulum temporibus Augusti, cum adhuc vigeret lex Voconia, filiam suam ex parte hæredem scripsisse, intelligere licet ex *princ. inf. de codicill.* Dio verò *lib. 56. p. 662.* de scæminis in universum refert, eas lege Voconia prohibitas ἀπαράμιτον ὄντας, supra 25. millia substantiæ. Ego, utut ad filias aliquid lege pervenire potuerit, non puto tamen quod Dio scribit, ipsa lege Voconia tantum fuisse, argumento eorum, quæ ex Cicerone, Ascon. Floro, Augustino protulimus: sed postea legem, ut nimis rigidam, ita mitigatam, ut saltem partem aliquam mulieribus capere liceret, idque Dionem sic accepisse quasi eam à Voconio legis auctore, ut alias fieri solet. Illud tamen parum

adhuc constat, quantam partem postea mulieribus percipere permissum. Quintilianus *d. decl. ait, lege Voconia cautum, ut ne mulieri plus quam semissem relinquere liceret*: sed hoc, ut in scholasticis exercitationibus fere fit, à Quintiliano confictum esse existimo cum Cujacio. Ipse autem Cujacius putat, lege cautum, ut ne quis census mulierem hæredem faceret ultra quadrantes, accommodans eo locum Dionis, quem accipit de 25. millibus sestertium: quippe quæ fuerit quarta pars bonorum ejus, qui census dicebatur, nempe, qui centum millia sestertium possidebat, quod Asconius prodidit in *d. lib. 1. in Verr.* Nam vetus ratio postea valde mutata fuit, auctisque civium opibus, sestertii in locum assium surrogati videntur: liquidem initio, ut ex Livio & Dionys. Halicarn. constat, maximus census erat centum millium æris seu assium: quam summam æquant 25. mille sestertii, quippe quorum singuli quatuor assibus postea æstimati sunt. Bachovius censet, locum Dionis rectius accipi de 25. mille assibus, qui census initio quartæ classis fuit, & quarta census maximi pars. Interpres Dionis vertit centum millia nummum: sed ille haud dubiè nummum pro asse accepit, quamvis perperam: sestertium enim nummum, non assem, dicimus. Utut sit, illud constat, licet fideicommissum aliquod contra legem Voconiam aut similem relictum fuisset, ac proinde hæres nulla necessitate obstringeretur ad illud præstandum; veteres tamen existimasse, contra officium boni viri hæredem facere, fidemque violare, qui voluntati testatoris non pareret, ut perspicuum est ex eo, quod de Sext. Peduceo commemoravimus ex *lib. 2. de finib. cap. 58.* & quod Cicero eodem loco refert de Sextilio rogato omnem hæreditatem restituere filia testatoris; Tenuit, inquit, Sextilius permagnam hæreditatem, unde si secutus esset eorum sententiam, qui honesta & recta emolumentis omnibus & commodis anteponebant, ne nummum quidem attigisset. Notatur & à Val. Maximo avaritia Cornelie, quod fideicommissa prædia filio Q. Pompejo publica quæstione prostrato non redderet, *lib. 4. c. 2. in fin.* Ex libris nostris manifestum est, legem Voconiam postea planè in defuetudinem abiisse, & jam tum sua ætate oblitteratam fuisse testatur G. Ilius *lib. 20. c. 7.* Eo verò jure, quod post secutum est, nec licitum hæredi fuisse videtur, hæreditatem incapaci restituere: argumento est, quod favore fisci constitutum fuit, ut si hæres hujusmodi fideicommissum tacitè fidem suam accommodasset, hæreditas ei auferretur & vindicaretur fisco, *l. 1. l. 2. de iur. fisci.* Ad fiscum quoque pertinuisse fideicommissum deponato relictum, constat ex *l. 7. de legat. 3.* Denique Ulp. *tit. 25. §. fideicommissa. 5.* cum generaliter definivisset, fideicommissum non aliis dari posse, quam quibus legari potest, solos mox excipit Latinos Junianos. Vinn. Multa hic Vinnius: quæ dici potuissent accuratius. Nos more nostro pauca. Fru-

Frustra in Paulli loco *lib. 4. Sent. tit. 8. §. 12.* castigatur ἀπαρτῶν μακροτέρως. Paullus enim docet, feminas ultra consanguineas successiones non admitti ad legitimas hereditates. Addit rationem: idque jure civili Voconiana ratione (non Voconiana rogatione) videtur effectum. Lex Voconia ea de re nihil sanxerat. At ex ratione hujus legis strictè veteres interpretabantur jus mulierum ab intestato succedendi. Idque mansit, etiam postquam ex Voconia civitatis opulentia fuerat oblitterata. Vid. Doct. Schuldingii Annor. ad Paull. *ibid. p. 412.* Deinde quod ad locum Dionis attinet, eum accuratissime exposuit V. C. Jac. Perizonius *diff. de lege Vocon. p. 144.* ubi docuit, in textu Dionis intelligi drachmas, ad quas plerumque Græci rationem inibant pecuniæ Romanæ. (Vide Jo. Fr. Gronov. *de pecun. vet. III. 16.*) XXV. ergo millia drachmarum sunt CM. sestertium. HEIN.

Gratia personarum motus] Igitur Augustus non confirmavit fideicommissa certa & perpetua lege: sed cum unum atque alterum fideicommissum confirmasset ob causas, quæ hic memorantur, consules demum auctoritatem suam interponere jussit, id est, consulibus cognitionem de fideicommissis singulis annis aut in singulis negotiis mandavit. Ait, *gratia personarum*. Ipse Augustus relictum à se fideicommissum L. Lentuli gratia, qui rogaverat, præstitit, *infr. de codic. in pr.* Potuit & eorum gratia moveri, quibus fideicommissum relictum dicebatur, puta personæ sanguine aliave necessitudine defuncto conjunctæ, aut singulari conditione aliisve raris animi dotibus præditæ.

Per ipsius salutem] Antiquissimum genus jurisjurandi, aut potius vehementioris asseverationis etiam sanctis viris usurpatum, *Genes. cap. 42. 15. μὴ τὸν ὄψον φάγω*, per salutem Pharaonis.

6 *In assiduam jurisdictionem*] Ut jam non amplius cognitio de fideicommissis speciatim in singulis negotiis aut quotannis Magistratibus mandaretur, sed ut perpetuo vi & potestate magistratus sui de fideicommissis omnibus jus dicerent, quamquam extra ordinem, ut scilicet ipsi magistratus cognoscerent, non more judiciorum usitato formulam & judicem darent, Ulp. *tit. 25. §. 10.* unde fideicommissi persecutio extraordinaria dicitur, *l. 178. §. 2. de verb. sign.* Justinianus quidem, ut monuimus, *sup. §. 3. de legat.* in eo quoque fideicommissa exæquavit legatis, ut iisdem ordinariis actionibus, quæ pro obtinendis legatis olim competebant, quasque ipse postmodum pro legatis omnibus concessit, *l. 1. c. comm. de legat.* liceret persequi & fideicommissa, *l. 2. c. eod.* Verum hoc ad fideicommissa rerum singularium dumtaxat sicut & universa exæquatio pertinet; erratque perspicue Myningerus, dum id transfert ad fideicommissa hereditatis.

Prætor proprius crearetur] Pomp. *l. 2. §. capta. 32. ac orig. jar. tradit*, Claudium duos

Prætores creasse, qui de fideicommissis jus dicerent, ex quibus unum D. Titus detraxerit. Sueton. in *Claud. c. 23.* *Jurisdictionem*, inquit, de fideicommissis quotannis & tantum in urbe Magistratibus delegari solitam in perpetuum, atque etiam per provincias potestatibus demandavit. Quod etiam Ulp. *d. loc.* confirmat scribens, cognitionem de fideicommissis in provinciis fuisse præsidum provinciarum: item *l. 5. c. de reb. cred.* Prætoris fideicommissarii mentio fit in *l. questum. 78. §. pen. de legat. 3. l. pen. in fin. quib. ad lib. proclam. l. si cui. 92. in pr. de cond. & dem. l. 2. c. qui pos. in pign.* Neque tamen solius prætoris in urbe jurisdictio de fideicommissis propria tunc esse cepit, sed ita partita est, ut prætor ad certam summam cognosceret, de majore consules jus dicerent. Fab. *lib. 3. c. 6.* Non debes, inquit, apud prætorem petere fideicommissum, sed apud consules, major enim prætoris cognitio summa est. Atque ita accipiendum quod Ulp. *d. tit. 25.* scribit, cognitionem de fideicommissis Romæ esse consulum, aut prætoris, qui fideicommissarius vocatur. VINN. Immo ipsos Imperatores extra ordinem aliquando de fideicommissis cognovisse comperio. Exemplum est in *l. 16. ff. de prob.* HEIN.

TEXTUS.

De fideicommissio hæredis scripti.

2. *In primis igitur sciendum est, opus esse, ut aliquis recto jure testamento hæres instituitur, ejusque fidei committatur, ut eam hereditatem alii restituat: alioqui inutile est testamentum, in quo nemo hæres instituitur. Cum igitur aliquis scripserit: Lucius Titius hæres esto, potest adicere, Rogo te, Luci Titi, ut cum primum poteris hereditatem meam adire, eam Cajo Sejo reddas, restituas. Potest autem quisque & de parte restituenda heredem rogare: & liberum est, vel purè, vel sub conditione relinquere fideicommissum, vel ex certo die.*

NOTÆ.

2. *Recto jure testamento*] Scilicet cum quis testamento fideicommissum vult relinquere: nam sine institutione hæredis testamentum consistere non potest, §. 34. *sup. de legat.* Cæterum potest & ab intestato fideicommissum codicillis relinquere, §. 10. *inf. eod.* Recto jure id est, directo jure, Schol. Theoph. ὁβὴς, ἢ ὁβελος, sic relictum judicium pro directo, *l. 18. §. ult. commod. recta vindicatio pro directa, l. 9. §. 2. de acq. rer. dom.*

COMMENTARIUS.

1 *Quis, cui, à quo fideicommissum hereditatis rectè relinquitur?*

2 *Ex*

1 Ex certo die aut in diem cur fideicommissum restitui deus hereditas non item?

Obligua acquirendæ hereditatis ratio iisdem illis rebus constat, quibus directam constare diximus *sup.* §. ult. per quas pers. videlicet delatione fideicommissi, & delati susceptione. 2 Deserte seu relinquere fideicommissum hereditatis possunt, qui & testamentum facere, L. 2. de legat. 1. l. 1. in pr. & seqq. §§. de legat. 3. L. 6. §. 3. de jur. cod. Relinqui iis potest, qui qualemque testamenti factionem habent, id est, vel passivam, ut loquuntur, arg. §. legat. 24. *sup.* de legat. L. 1. de legat. 1. Neque ulla nunc est in hac parte differentia inter hæredum institutione aut legata & fideicommissa, sive universalis sive specialia. Ab iis relinqui potest, ad quos hereditas nostra perventura est, sive directo sive oblique, sive ex testamento sive ab intestato, sive jure civili sive jure honorario, §. *præterea*. 10. *inf. cod.* In modo relinquendi nihil interest, utrum testamento relinquatur, an codicillis: ac testamento à solo hærede institutione relinqui potest, codicillis etiam à legitimo. Susceptio utriusque factum & voluntatem desiderat & hæredis fideicommissum restituentis, & fideicommissarii restitutum accipientis: de quibus omnibus, aut maxima eorum parte, amplius in progressu.

Resto jure testamento hæres instituitur] Cùm quis testamento fideicommissum vult relinquere, necesse omnino est, quod hic traditur, ut testator directo aliquem testamento hæredem instituat, eumque roget, ut hereditatem alii restituat: quippe cùm sine institutione hæredis testamentum consistere non possit, §. *anse*. 34. *sup.* de legat. Utrum autem hæres institutus eodem testamento rogetur, an codicillis, nihil refert, §. 1. & 2. *inf. de cod.* l. 8. *cod.*

2 *Vel ex certo die*] Fideicommissum hereditatis hoc cum legatis & fideicommissis rerum singularum commune est, ut non tantum pure aut sub conditione, quomodo etiam directo potest hæres institui, verum etiam ex certo die aut in diem relinqui possit, sicut legata & singulæ res per fideicommissum, l. 1. & *pass. sis. de cond. & dem.* quamvis directo hereditas ita dari non possit. Nimirum diem hæredis institutioni adjectum pro supervacuo haberi placet, ne testator post tempus aut medio tempore, atque ita pro parte intestatus decedat, quod juris civilis subtilitas non patitur, §. *hæres*. 9. *sup.* de hæred. *inst.* l. 7. de reg. jur. At in restitutione hereditatis hoc jus non ostenditur, cùm is, qui restituit, nihilominus hæres maneat, §. *seq.*

TEXTUS.

Effectus restitutionis hereditatis.

3. Restituta autem hereditate, is quidem qui restituit, nihilominus hæres permanet: is vero, qui recipit hereditatem, Pinnius in Institut.

aliquando heredis, aliquando legatarii loco habetur.

COMMENTARIUS.

Regula est juris antiqui, Qui semel hæres existit, non potest desinere hæres esse, l. ei qui. 88. in fin. de hæred. *inst.* l. 7. §. sed quod. 10. in fin. de minor. Quæ regula ex eo sumpta est, quod placeat, obligationem & actionem à persona ejus, cui aut adversus quem semel quaesita est, avelli non posse: de quo diligentius, Deo volente, præcipiemus *inf. sub* §. 1. de actionib. Hoc igitur jure constituto, consequens est, nec eum, qui rogatus defuncti hereditatem alii restituit, hæredem esse desinere, ac proinde ipsum nihilominus tanquam hæredem & experiri actionibus hereditariis & conveniri posse. Cæterum Trebelliano Senatusconsulto effectum est, ut restituta hereditate, is qui restituit, nudum tantum nomen heredis retineat, atque ut agens exceptione restituta hereditatis repelli, & conventus alios repellere possit, l. 1. §. 4. ad Sc. Treb.

Aliquando heredis, aliquando legatarii loco] Loco heredis habebatur, si restituta esset hereditas ex Senatusconsulto Trebelliano; loco legatarii, si ex Pegasiano restitutio fieret, ut mox declarabit, & Ulpianus ostendit *tit.* 25. §. 12. Nam quod Giphanius scripsit, fideicommissarium legatarii loco habitum, si pars tantum hereditatis ei restituta esset, falsum esse apparet ex §. *ergo*. 6. *inf. cod.*

TEXTUS.

De Senatusconsulto Trebelliano.

4. Et Neronis quidem temporibus, Trebellio Maximo, & Annæo Seneca Coss. Senatusconsultum factum est, quo cautum est, ut si hereditas ex fideicommissi causa restituta sit, omnes actiones, quæ jure civili hæredi & in heredem competere, ei & in eum darentur, cui ex fideicommissi restituta esset hereditas. Post quod Senatusconsultum prætor utiles actiones ei & in eum, qui recepit hereditatem quasi hæredi, & in heredem dare cepit.

COMMENTARIUS.

- 1 Cur in Catalogo consulum non recensentur Trebellius & Seneca?
- 2 Quæ incommoda huic Senatusconsulto causam dederint?
- 3 Cur eum Senatusconsulta sint pars juris civilis, senatus eum, cui restituta est hereditas, heredem non fecerit, eire & in eum non dederit actiones directas?
- 4 Quid juris, si debitor hæredi, aut hæres creditori solverit post factam restitutionem?

Trebellio Maximo & Annæo Seneca Coss.] Hoc idem testatur & Ulp. l. 2. ad Treb. Cæterum

M m

rum

rum hi consules non reperiuntur in Fastis, seu indice consulum: quare credendum est eos, non fuisse ordinarios sive initio anni creatos, sed suffectos in locum demortuorum aut remotorum: quippe, ut Dio lib. 43. & 48. refert, anni consulum ab his duobus, qui primis duobus mensibus creati essent, nomen acceperunt; qui reliquis creabantur mensibus in Senatusconsultis & auctoritatibus scribebantur, quod confirmat hic locus: cui similis est in §. seq. nam neque Pegasi & Pusionis Fasti meminerunt: & in l. cum vero. 26. §. subventum. 7. de fideic. libert. ubi mentio fit Senatusconsulti Rubriani, quod factum dicitur temporibus D. Trajani Rubrio Gallo & Caelio Hispione Coss. qui & ipsi in catalogo consulum non recensentur, ut suffectos eos fuisse oporteat. Igitur cum multi consules Romæ sub Imp. fierent per suffectionem, nemo ex suffectis in Fastos referebatur, sed soli duo, qui anni initio magistratum auspicati essent. Quamobrem excusandus est Ausonius, qui in gratiar. act. ad Gratianum negat, Senecam consulem fuisse. VINN. Immo vix excusandus, quia suffectus Cōs. etiam consul est. Consularis Senecæ & Trebellii incidit in ultimos menses anni ab U. C. DCCCXIV. Quærit Marcilius ad §. 6. Inst. h. t. cur SC. hoc dicatur Trebellianum, ac non potius Annæanum, quum tamen L. Annaus Seneca fuerit Cōs. major. Respondet, videri hoc SC. omnino initio nomen Annæani tulisse, sed translatum postea ad nomen Trebelliani, quia Senecæ, perduellionis rei memoria damnata fuerit. Sed nec apud Tacitum, cui Marcilius testimonium denunciat, hoc reperio, nec semper SCtis à majore consule nomen inditum, sed ab eo, qui tum ad Senatum retulerat. Sic SC. anno U. C. 931. Juliano Ruso & Gavio Orphito Coss. factum, non à Cōs. majore Julianum, sed ab Orphito Orphitianum dictum est. Aliud Nerone & Pifone Coss. anno 810. Pisonianum vocatur l. 8. ff. ad SC. Silan. Omittimus exempla alia. HEIN.

[Si hæreditas ex fideicommissi causa restituta sit] In omni legato & fideicommissio inest hæc conditio, si hæres, à quo relicta sunt, hæres exiterit: quod in fideicommissis ex restituendi verbo satis intelligitur. Qua de causa si hæres aut adire hæreditatem noluerit, aut antequam adeat mortuus sit, aliave ratione defecerit, hic eveniet, ut destituto testamento fideicommissum quoque pereat, uti cætera, quæ in testamento scripta sunt, non adita hæreditate irrita fiunt, l. 9. de test. tut. l. eam quam. 14. C. de fideic. l. 13. §. quid ergo. 3. l. ita tamen. 27. §. quotiens. 6. ad sen. Trebell. Cum autem hæredes, qui rogati erant hæreditatem restituere, aut metu litium, aut prætextu metus hæreditatem adire plerumque recusarent: cumque esset æquisimum, eos onera subire, in quos jus fructusque transferretur, potius quam cuiquam fidem suam esse periculosam; Senatusconsulto Trebelliano dubitatio hæredum cum metu incom-

modi sublata est, cautumque, ut quæ actiones in hæredem competunt, darentur in eum, cui ex fideicommissio restitueretur hæreditas, quo magis in reliquum confirmarentur supremæ defunctorum voluntates, l. 1. §. 2. & 3. eod.

[Actiones, quæ jure civili] Senatus loquitur de transferendis iis actionibus, quæ jure civili hæredi & in hæredem competunt: transeunt tamen ex senatus sententia & actiones honorariæ, veluti actio ex constituto, ex jurejurando, & similes: immo & causam naturalium obligationum transire placet, l. quamvis. 40. l. ff. ejus. 64. in pr. eod.

[Ei & in eum] Quemadmodum Senatus hæredibus subventum voluit in eo, quod actiones, quæ in hæredem competeant, dari voluit in fideicommissarium, ut posset hæres, si à creditoribus hæreditariis conveniretur, uti exceptione restituta hæreditatis; ita & subvenit fideicommissariis in eo, quod actiones, quæ hæredi competeant fideicommissario dari voluit, cui soli ob hoc agendi efficaciter facultas competit; hæres autem agens per exceptionem à creditoribus hæreditariis repelli potest, d. l. 1. §. 4. Planè non ultra actiones ex Senatusconsulto transeunt, quam pro ea parte hæreditatis, quæ rogatu testatoris restituta est, §. 6. inf. eod.

[Prætor utiles actiones] Licet Senatusconsultus pars sint juris civilis, ac proinde per Senatusconsultum hæres effici possit, ut efficitur Senatusconsultis Terrylliano & Orficiano, cum tamen, cui ex fideicommissio restituta est hæreditas, senatus hæredem non fecit, propterea quod jam alius jure civili per aditionem hæres factus locum obtinet, quem stricta juris ratio non patitur desinere hæredem esse: quæ eadem porro ratio efficit, ut nec directæ actiones ad fideicommissarium transire queant, sed ut semel hæredi quæsitæ sunt, ita perpetuo apud eum maneant, neque à persona ejus possint separari. Cum igitur actiones directæ non possint & apud hæredem manere & simul pari jure fideicommissario aut in fideicommissarium dari, prætor ex auctoritate senatus utiles ei & in eum tamquam hæredi & in hæredem actiones dedit, ut hic scriptum est: convenit l. filiusfam. 18. §. ult. ad leg. Falc. & l. sen. in fin. C. hoc tit. Neque injuria fit creditoribus hæreditariis, quod actiones eorum directæ mutantur in utiles: nam nova utilis, quæ succedit, ejusdem cum vetere potestatis est, eundemque effectum habet, l. propon. de neg. gest. In summa Senatusconsulto Trebelliano hoc effectum est, ut actiones, quæ hæredi & in hæredem jure civili competunt, post restitutionem hæreditatis in persona hæredis inutiles sint, utque agens exceptione repelli, conventus, alios repellere possit. Contra verò in persona fideicommissarii sint efficaces, ut is solus & agat efficaciter & conveniatur. Sed quid si debitor post restitutionem hæreditatis hæredi solverit? Aut quid si hæres post restitutionem factam solverit creditori? Poterit solum per con-

conditionem indebiti repeti, l. si ejus. 64. in pr. cod. quippe cum post restitutionem inutilis planè atque inefficax per Senatusconsultum in persona hæredis obligatio fiat, & vinculum quoque æquitatis tollatur, ita ut nuda tantum civilis obligatio remaneat. Enimverò si hæres aut debitor solverint, cum scirent, se tutos esse exceptione, cessabit conditio, l. si non sortem. 26. §. 3. de cond. ind. quoniam donare voluisse præsumuntur, l. cujus. 53. de reg. jur.

TEXTUS.

De Senatusconsulto Pegasiano.

5. Sed quia hæreses scripti, quum aut totam hereditatem, aut pene totam plerumque restituere rogabantur, adire hereditatem ob nullum vel minimum lucrum recusabant, atque ob id extinguiebantur fideicommissa; postea Vespasiani Augusti temporibus, Pegaso & Pufione Coss. Senatus censuit, ut ei, qui rogatus esset hereditatem restituere, perinde liceret quartam partem retinere, atque ex lege Falcidia ex legatis retinere conceditur. Ex singulis quoque rebus, quæ per fideicommissum relinquuntur, eadem retentio permessa est. Post quod Senatusconsultum ipse hæres onera hereditaria sustinebat: ille autem, qui ex fideicommissis recipiebat partem hereditatis, legatarii partiarum loco erat, id est, ejus legatarii, cui pars bonorum legabatur; quæ species legati partitio vocabatur, quia cum hærede legatarius partiebatur hereditatem. Unde quæ solebant stipulationes inter hæredem & partiarum legatarium interponi, eadem interponebantur inter eum, qui ex fideicommissis recepit hereditatem & hæredem, id est, ut lucrum & damnum hereditarium prorata parte inter eos commune esset.

NOTÆ.

5. Partiebatur hereditatem] Id est, res hereditatis: neque enim legatarius, partiarum efficiatur successor juris, ullæve actiones hereditariæ ei, inve cum dabantur.

COMMENTARIUS.

- 1 Quæ incommoda Pegasiano Senatusconsulto causam dederint?
- 2 Hoc Senatusconsultum vim legis Falcidiae producit ad fideicommissa hereditatis.
- 3 Discrimen legis & Senatusconsulti circa res, quæ imputantur.
- 4 An hoc demum Senatusconsultum Falcidia producit ad fideicommissa singularia?
- 5 Trebelliani & Pegasiani differentia.

6 Legatarius partiarum, & stipulationes pavis & pro parte.

TAmetsi Senatusconsulto Trebelliano cautum erat, ut omnia onera hereditaria in eum, cui ex fideicommissis restituta esset hereditas, transferrentur, id tamen nondum sufficiebat ad invitandum hæredem ad adeundam hereditatem. Quamvis enim nullum damnum post hoc Senatusconsultum hæredi adempti & restituenti immineret, tamen, ut est ingenium humanum, recusabant adhuc plerumque hæreses scripti adire hereditatem alieni emolumentum causa, unde ipsi nullum, aut exiguum lucrum percepturi erant: atque ita fiebat adhuc, ut fideicommissum hereditatis sæpe intercideret. Huic igitur incommodo occursum est Senatusconsulto Pegasiano, cautumque, ut ei, qui rogatus esset hereditatem restituere, perinde liceret quartam partem retinere, atque ex lege Falcidia legatis conceditur.

Perinde, &c. atque ex lege Falcidia] Quod lex Falcidia in legatis, illud ipsum valet Senatusconsultum Pegasianum in restituenda hereditate. Quin potius hoc Senatusconsultum vis legis producta est ad fideicommissa hereditatis. Justinianus orat. ad Senat. Pegasianum factum esse ait *ut si quædam res pueri*. Atque hinc est, quod veteres etiam quartam hujus Senatusconsulti, quam nunc vulgo Trebellianicam vocant, non quartam Pegasiani, sed quartam Falcidiam, aut commodum Falcidiam perpetuo appellarint, ut videre est in l. cohæredi. 41. §. 3. de vulg. & pup. l. 2. §. ult. de jur. cod. l. 18. l. in variatione. 30. §. tametsi. 7. l. 47. §. 1. l. Titia. 86. l. acceptis. 93. ad leg. Falc. l. 2. l. 3. l. mulier. 27. §. 2. l. si patroni. 55. §. 2. l. deducta. 58. §. 3. hæresis. ad Senatusconsultum Trebell. l. 1. l. 10. l. 11. C. ad leg. Falc. Ulp. tit. 25. §. 12. sup. quib. mod. test. inf. §. 3. Est tamen adhuc aliquod discrimen circa res, quas in hæc quartas imputari placet. Nam in Falcidiam, quæ ex legatis deducitur, ea tantum imputantur, quæ jure hereditario hæres capit: in quadrantem verò Pegasianam etiam ea, quæ hæres fiduciarius capit jure legati vel fideicommissi, aut implendæ conditionis causa, l. quod autem. 74. l. id autem. 76. l. in quartam. 91. ad leg. Falc. Quæ differentia, inde nata videtur, quod lex Falcidia ultra dodrantem legari vetat, ut proinde apud hæredem quarta pars non quaruntlibet rerum, sed hereditatis manere debeat: non prohibet autem senatus ultra dodrantem hæredis fideicommissum: tum etiam, quod Falcidia voluntati testatoris subservit, quem verisimile non sit legatis patrimonium suum exhaurire voluisse, sed potius, opinioni ejus non respondere calculum facultatum: at Senatusconsultum manifestè testatoris voluntati adversatur, quæ hæc est, ut restituta hereditate, apud hæredem nihil præter nudum nomen hæredis remaneat. Planè nec pars ea prælegati, quæ à cohærede accipitur, hæredi fiduci-

ciario in quartam imputatur, l. 18. §. ult. hoc tit. l. Titia. 86. d. l. in quartam. 91. ad leg. Falc. l. filium. 24. C. fam. etc. sorte quod verisimile non sit, testatorem, qui portionem cohæredis hæcenus imminuit, voluisse, ut alteri id in quartam partem ejus partis, quam restituere jussus est, imputaretur. Variant tamen in hac re interpretes: videbis Don. 7. comm. 30. & 8. c. 26. Ant. Fab. 6. conj. 3. 4. & 5. Cujac. 8. obs. 4. Fachin. 5. contr. 12. & 16. qui & alios cit. Bachov. in Treutl. vol. 2. disp. 13. thes. 3.

4. *Ex singulis quoque rebus*] Hinc plerique colligunt, ante Senatusconsultum Pegasianum non licuisse hæredi quartam partem de singulis rebus per fideicommissum relictis retinere, atque hoc demum Senatusconsulto legem Falcidiam productam etiam ad fideicommissa particularia: quod quamobrem mihi non probetur, & cur hoc jus antiquius Senatusconsulto existimem, exposui sup. tit. prox. in pr. Illa etiam ratio nunc me movet, quod utrumque Senatusconsultum circa idem subiectum versetur. Nam etsi non idem Senatusconsulto Pegasiano cautum est, quod antea cautum erat Senatusconsulto Trebelliano, de eodem tamen utroque cautum esse constat, videlicet de hærede rogato restituere hæreditatem, non de eo, qui oneratus sit fideicommissis particularibus. Verba Trebelliani referuntur in l. 1. §. 2. hoc tit. Igitur quarta de singulis rebus per fideicommissum relictis detractio Pegasiano Senatusconsulto accepta ferri non debet, sed juri antiquiori, & ipsi legi Falcidie ex interpretatione prudentum. Neque obstant verba hujus textus: quippe quibus hoc solum significari existimo cum Bachovio, ut si hæres & hæreditatem partemve hæreditatis restituero jussus est, & insuper ab eo particularia fideicommissa relictæ sunt, non tantum quartam deducere possit ex fideicommissis hæreditatis, sed pro rata etiam ex particularibus relictis; quemadmodum eodem modo pro rata quoque detraheretur ex legatis, si quæ testator simul reliquisset, l. 3. §. 2. hoc tit. ad Senatuscons. Treb. Quis sit hujus disputationis fructus, intelliges ex his, quæ n. 3. add. Vaf. de succoss. resoli lib. 2. §. 1. D. Tulden. comm. in tit. seq. c. 4.

5. *Ipsæ hæres onera sustinuit*] Trebellianum transferbat onera in fideicommissarium; retentionem autem nullam permittebat. Pegasianum retentionem quartæ partis concedebat; onera verò nulla transferbat, quasi sufficere hæredibus deberet, quod quarta pars ipsorum lucro cederet: ob cuius commodi perceptionem onera & judiciorum molestias subirent, nomina hæreditaria persequerentur, sicut juris erat ex lege antiqua 12. tabb. l. ea. qua. 6. C. fam. etc. Igitur restituta ex Senatusconsulto Pegasiano hæreditate, id est, quarta ex auctoritate hujus Senatusconsulti contra voluntatem testatoris retenta, ipse hæres solus atque in solidum onera hæreditaria sustinebat, cessante videlicet Senatusconsulto Trebelliano; utpote cui locus non erat, nisi ubi secundum voluntatem defuncti hæres restituisset §. 1. seq.

Legatarii partiaris loco eras] Universitatem & alicui legari posse, id est, partem dimidiam, tertiam, aut quartam bonorum aut hæreditatis, docuimus sup. delegat. in pr. Neque tamen hunc legatarium, quem partiarium appellabant fuisse successorem juris, ullasve actiones hæreditarias ei inve eum datas, sed partem bonorum sibi legatam sine ullo incommodo obtinuisse: id quod verum esse hic locus clarè ostendit: nam si actiones in hujusmodi legatarium transisissent, quemadmodum ex Senatusconsulto Trebelliano transiunt in eum, qui recepit hæreditatem, non magis opus fuisset interpositione stipulationum partis & pro parte, quarum hic fit mentio, inter hæredem & legatarium partiarium, quam inter hæredem & eum, cui ex Trebelliano restituitur hæreditas.

Partitio vocabatur] Is, cui pars bonorum legata erat, legatarius partiaris dicebatur, atque hæc legati species partitio, Ulpian. tit. 24. §. 23. & tit. 25. §. 13. Meminit & Cic. 2. delegib. Rationem appellationis hanc esse ait Justinianus, quoniam cum hærede legatarius partiebatur hæreditatem, id est, res hæreditarias seu universa bona: quomodo & hæreditas vendi dicitur: neque enim legatarius partiaris efficiebatur successor juris, ut jam dictum est.

Unde quæ solebant stipulationes, &c.] Inter hæredem & legatarium partiarium solebant interponi stipulationes de lucro & damno communicando, quæ propriè dicebantur partis & pro parte, §. seq. quippe hæres, sive quid deberet hæreditas, solvebat, sive quid deberetur, idem exigebat: sed antequam hæreditatem adiret, stipulabatur à legatario partitio, Si quid à me solutum sit, ejus te partem redditurum spondes? & vicissim alter ab hærede: Si quid exegeris, ejus partem mihi daturum spondes? Quæ stipulationes postea inter hæredem quoque, & eum, cui deducta quarta ex Senatusconsulto Pegasiano restituebatur hæreditas, interponi coeperunt, ut remedio harum stipulationum lucrum & damnum pro rata parte communicaretur: nam solus hæres hoc casu actiones & exercebat & excipiebat, vid. Paul. 4. sena. 3. Ulp. tit. 25. §. 13. Theoph. hic.

TEXTUS.

Quibus casibus locus est SC. Trebell. vel Pegasiano.

6. Ergo, siquidem non plus, quam dodrantem hæreditatis, scriptus hæres rogatus sit restituere, tunc ex Trebelliano Senatusconsulto restituebatur hæreditas, & in utramque actiones hæreditarie pro parte rata dabantur: in hæredem quidem jure civili; in eum verò, qui recipiebat hæreditatem, ex Senatusconsulto Trebelliano tamquam in hæredem. At si plus, quam dodrantem, restitueretur

totam hereditatem restituere rogatus esset, locus erat Pegasiano Senatusconsulto: & heres, qui semel adierat hereditatem, (si modo sua voluntate adierat,) sive retinuerat quartam partem, sive retinere noluerat, ipse universa onera sustinebat. Sed quarta quidem retenta, quasi partis & pro parte stipulationes interponebantur, tamquam inter partiarium legatarium & heredem: si vero totam hereditatem restitueret, emptæ & venditæ hereditatis stipulationes interponebantur. Sed si recusabat scriptus heres adire hereditatem, ob id, quod diceret, eam sibi suspectam esse, quasi damnosam, cavebatur Pegasiano Senatusconsulto, ut, desiderante eo, cui restituere rogatus esset, iussu prætoris adiret, & restitueret hereditatem: perindeque ei & in eum, qui reciperet hereditatem, actiones darentur, ac iuris est ex Trebelliano Senatusconsulto: quo casu nullis stipulationibus est opus; quia simul & huic, qui restituit, securitas datur, & actiones hereditaria ei & in eum transferuntur, qui recipit hereditatem: utroque Senatusconsulto in hac specie concurrente.

COMMENTARIUS.

- 1 An heres, qui ultro totum quod rogatus est, restituit, solus onera subeat ex Pegasiano?
- 2 Stipulationes emptæ & venditæ hereditatis.
- 3 Caput Senatusconsulti de coactione recusantis adire.

Non plus quam dodrantem] Senatusconsulti Pegasiani duo principalia capita suere, quorum uno cavebatur de hærede rogato totam hereditatem aut plus quam dodrantem restituere: alter de eo hærede fiduciario, qui adire hereditatem recusabat. Nihil autem hoc Senatusconsulto cautum de hærede, qui ex voluntate defuncti quartam aut amplius habens ultro hereditatem adiit. Itaque hoc casu restitutio fiebat ex Senatusconsulto Trebelliano, & pro rata actiones transferebantur in fideicommissarium sine ope stipulationum. Ulp. tit. 25. §. si quis. 12.

Pro parte rata] V. c. Hæres rogatus, quarta parte retenta reliquam hereditatem restituere, fidem præstitit. Existit creditor hereditarius, cui centum debentur: huic in 75. utilis ex Trebelliano adversus fideicommissarium actio datur, in reliqua 25. directam habet jure civili adversus heredem.

Si modo sua voluntate] Nam si à prætore coactus adierat, transferebantur actiones omnes in fideicommissarium, ut cautum erat Senatusconsulto Trebelliano: de quo mox plura.

Ipse universa onera sustinebat] Ait, heredem Vinnius in Institut.

rogatum totam hereditatem aut super dodrantem restituere, si modo sua sponte hereditatem adiisset, etiam si eam secundum voluntatem defuncti restituisset; id est, sine deductione quartæ universa onera hereditaria sustinisset, atque ita nec hoc casu actiones in eum, qui recipiebat hereditatem, post Senatusconsultum Pegasianum fuisse translatas; quod perquam absurdum videtur. Utiq; enim propter commodum, quod hæres ex eo Senatusconsulto consequeretur, ut contra voluntatem defuncti quartam partem retinere posset, vicissim senatui visum est, ipsum solum onera hereditaria sustinere; quo casu etiam necessario cessat Senatusconsultum Trebellianum. At ut hæres eo etiam casu, quo ultro voluntati defuncti paret, totumque quod rogatus est restituere restituit, onera hereditaria solus subeat, nulla ratio esse videtur: quippe cum hæc non minus restitutio fieri possit ex Senatusconsulto Trebelliano, atque actiones ex eo transferri, quam cum hæres ex voluntate testatoris quartam integram habet, & reliquum restituit; quo casu actiones pro rata in fideicommissarium dari, in pr. hujus §. dictum est. Finge heredem rogatum dextrantem restituere, eumque plenam fidem defuncto præstare malle, quam contra ejus voluntatem aliquid retinere potestate Senatusconsulti Pegasiani. Cur hoc casu non æquè fieri possit restitutio ex Senatusconsulto Trebelliano, & actiones pro dextrante transferri in fideicommissarium, quam cum ubi dodrantem restituere iussus est, & restituit, transferuntur pro dodrante? Diverſi juris non alia fuisse videtur ratio, quam quod cum hæres saluum habet quadrantem ex judicio defuncti, Senatusconsulto Pegasiano uti non potest, etiam si maxime velit: nam ad hunc casum Senatusconsultum illud non pertinet, sed intacta hætenus prioris Senatusconsulti manſit auctoritas. At verò cum plus quam dodrantem rogatus est restituere, tum uti potest posteriore Senatusconsulto, quod in hunc casum prospexit, & prioris vim ac potestatem quodammodo sustulit. Quamobrem si is, qui beneficio Pegasiani juvari poterat, eo usus non sit, remiſſe illud, atque in hoc hæredi fideicommissario gratificari voluisse censetur, ut tam oneribus hereditariis obstrictus maneat, quam si detracta quarta reliquum dumtaxat restituerit. Facit eo quod scribit Paulus 4. sent. 3. §. ult. qui totam hereditatem restituit, cum quartam retinere ex Pegasiano debuisset, repetere eam non posse. Caterum, ut arbitror, aut summi juris ratio hoc efficiebat, aut, quod magis puto, pertinuit ad eum casum, quo hæres, qui Pegasiano uti poterat, totam hereditatem simpliciter restituit. Quod si enim nominatim testatus fuisset, velle se hereditatem restituere ex Senatusconsulto Trebelliano actionum transferendam causa, non video cur hoc admitti non deberit. Immo restitutionem ita ex Trebelliano solitam fieri, expresse tradit Paul. d. lib. & tit. §. 1. & Modestini, l. qui totam. 45. hoc tit. quo tam

Alm 3 men

men loco consultius putat, suspectam ut hæres dicat hereditatem, coactusque à prætoris restituat; quo & ipso casu ex Trebelliano restitutio fieri intelligitur, & actiones transferuntur: atque hoc etiam Cujacius observasse videtur, qui in *not. ad Paul.* scribit, eum qui totam hereditatem restituere rogatus est, si Falcidiam omittat fidei explendæ gratia, vel ex Senatusconsulto Pegasiano restituere debere, interpositis emptæ & venditæ hereditatis stipulationibus, vel quod expeditius est, ex Senatusconsulto Trebelliano aut vi prætoris ex Pegasiano, coactus nullis interpositis stipulationibus.

Quasi partis & pro parte] De quibus dictum §. præc. Nam ad exemplum partis & pro parte stipulationum, quæ de lucro & damno communicando interponi solebant inter hæredem & legatarium partiarium, hæc quoque in causa interponebantur inter hæredem & fideicommissarium, ut inter illum pro quadrante & hunc pro dodrante comoda & incommoda communicarentur, Ulp. *tit. 25. §. 13. Paul. d. lib. & tit. in pr. Theoph. hic.*

- 2 *Emptæ & venditæ hereditatis*] Cum tota hereditas rogatus defuncti sponte restituebatur, emptæ, & venditæ hereditatis stipulationes interponebantur. Quales illæ stipulationes fuerint, nusquam discretè traditum est, nisi quadantenus apud Ulp. *l. in illa. §. 1. de verb. oblig.* ubi hæc ex parte emptoris profertur: *Quanta pecunia ad te pervenerit, dolore malo tuo factum est, erisve, quo minus pervenias, subaudiendum, tantam dari spondes?* Ex quo cum Hotomanno suspicari licet, hanc fere contrariæ stipulationis formulam fuisse: *Quantam pecuniam hereditatis causa præstitero, solvero, tantam dari spondes?* Etenim inter emptorem & venditorem hereditatis id agi constat, quod Ulp. scribit, *l. 2. de her. vel act. vend.* ut neque amplius neque minus juris emptor habeat, quam apud hæredem futurum esset, effectu scilicet: neque enim vi istarum stipulationum actiones hereditariæ in emptorem transferri potuerunt. At enim verò, ut non multo ante probavimus, potuit hoc casu & ex Trebelliano nominatim restitutio sic fieri, ut actiones transferrentur sine interventu hujusmodi stipulationum.

- 3 *Si recusabas hæres scriptus*] Alterum hoc principale caput Senatusconsulti Pegasiani fuit, ut si hæres recusaret adire hereditatem, jussu prætoris adire & restituere cogeretur, *l. 4. l. 6. §. 2. l. 14. §. pen. & passim hoc tit. l. si quis. 17. si quis om. ca. test. Ulp. l. 25. §. 14.* At inquires, cum adire facti sit, ad quod nec servus à domino precisè compelli potest, *l. 3. C. de her. inst.* quomodo ad id compelletur hæres? Compelli præcisè posse, non existimo, sed contumaciam hæredis pro aditione habendam, *l. pen. §. 1. C. hoc tit.*

Quasi damnosam] Sufficit autem hoc ab hærede allegari: neque enim inquiritur, solvendo sit hereditas, nec ne. Sed neque præscribitur hæredi, cur metuat hereditatem adire, vel cur

nolit: cum variae sint hominum voluntates, quorundam negotia timentium, quorundam vexationem, quorundam æris alieni cumulum, tamen locuples videatur hereditas, quorundam offensas vel invidiam, quorundam gratificari volentium his, quibus hereditas relicta est, sine onere tamen suo, *d. l. 4. hoc tit.*

Quo casu nullis stipulationibus est opus] Jussu prætoris adita & restituta hereditate, ei & in eum, qui recepit hereditatem, actiones dantur perinde, atque si ex Trebelliano Senatusconsulto restituta fuisset, idque ut ita fiat, Pegasiano Senatusconsulto cautum esse scribit Ulp. *d. tit. & §. Quamobrem nullis hic stipulationibus opus erit. Ut autem restituenti hoc casu prospectum, ne ullum damnum sentiat, ita vicissim omne commodum amittit, quod si copii se passus non esset, vel beneficio Pegasiani, vel ex voluntate defuncti, percipere potuisset, d. l. 4. d. l. 14. §. qui compulsi. 4. l. ita. 27. §. 2. & §. præceptis. 14. hoc tit.*

Porroque Senatusconsulto concurrente] Nam quod hæres invitatus cogeatur adire à prætoris, id erat ex Senatusconsulto Pegasiano: quod actiones transferrentur in eum, qui recipiebat hereditatem, ex Trebelliano.

T E X T U S .

Pegasiani in Trebellianum transfusio.

7. *Sed quia stipulationes ex Senatusconsulto Pegasiano descendentes & ipsi antiquitati displicuerunt, & quibusdam casibus captiosas eas homo excelsi ingenii Papinianus appellat; & nobis in legibus magis simplicitas, quam difficultas placet; ideo omnibus nobis suggestis tam similitudinibus, quam differentiis utriusque Senatusconsulti, placuit, expulso Senatusconsulto Pegasiano, quod postea supervenit, omnem auctoritatem Trebelliano Senatusconsulto præstare, ut ex eo fideicommissariæ hereditates restituantur: sive habeat hæres ex voluntate testatoris quartam, sive plus, sive minus, sive nihil penitus: ut tunc, quando vel nihil, vel minus quarta apud eum remanet, liceat ei vel quartam, vel quod ei deest, ex nostra auctoritate retinere, vel repetere solum, quasi ex Trebelliano S. C. prorata portione actionibus tam in heredem, quam in fideicommissarium competentibus. Si verò totam hereditatem sponte restituerit, omnes hereditariæ actiones fideicommissario, & adversus eum competant. Sed etiam id, quod præcipuum Pegasiani Senatusconsulti fuerat, ut quando recusaret hæres scriptus sibi datam hereditatem adire, necessitas ei imponeretur totam hereditatem volenti fideicommissario*

missario restituere, & omnes ad eum, & contra eum transferre actiones. Et hoc transposuimus ad Senatusconsultum Trebellianum, ut ex hoc solo necessitas hæredi imponatur, si ipso nolente adire, fideicommissarius desideret restitui sibi hereditatem, nullo nec damno nec commodo apud heredem remanente.

NOTÆ.

7. *Vel repetere solum*] Solutum scilicet errore facti, non juris, l. 9. C. ad leg. Falc. v. gr. Qui 100. in bonis habebat, 100. legavit. Hæres integra legata solvit. Si errore facti, credens eam esse quantitatem patrimonii defuncti, ut exolutis legatis adhuc abunde sibi ad quartam Falcidiz superfluit, repetitionem habet: si errans in jure, non habet. Id est, si non ignorabat quantitatem substantiæ: putabat autem se quartam retentionem non habere. Idemque juris est in restitutione fideicommissi, ut hic.

Pro rata portione] l. 1. C. h. t. Onera tamen legatorum ad solum fideicommissarium spectant, l. 1. §. ultim. D. cod. & ibi Accurs. DD. in l. 2. & ult. C. cod. Nisi minus dodrante restituere hæres rogatus sit: tunc enim pro eo, quod ultra quartam habet, etiam legatorum onera ad eum pertinent, l. 1. §. pen. cod. Gloss. & DD. ubi sup.

Totam hereditatem sponte] Dum fidum obsequium defuncti precibus præbere desiderat, l. 45. ad SC. Treb. & pleniori officio fidei præstandæ fungi, l. 5. §. 15. de don. int. vir.

COMMENTARIUS.

- 1 Cur stipulationes ex Senatusconsulto Pegasiano descendentes captiosæ visæ?
- 2 An hæres, qui non confecit inventarium, amittat quartam Senatusconsulti? & an testator deductionem hujus quartæ retare possit?
- 3 Duplex deductio juxta c. Raynutius. 16.
- 4 Pro qua parte actiones transcant aut remaneant?
- 5 Explicantur l. 5. C. hoc tit.
- 6 Legatorum onera ad solum fideicommissarium pertinere.

TRansfunditur hoc loco vis omnis Senatusconsulti Pegasiani in Trebellianum, ut jam ex solo Senatusconsulto Trebelliano restituatur hereditas. Itaque hæres nunc quasi ex hoc Senatusconsulto quartam, vel quod quartæ deest, retinere potest: ex eodem actiones pro rata communicantur: si hæres adire & restituere nolit, ex hoc Senatusconsulto cogitur: restituta tota hereditate sive sponte sive jussu prætoris, actiones omnes in fideicommissarium transeunt, nullusque jam amplius usus stipulationum, quarum antea meminit.

Ex Pegasiano Senatusconsulto descendentes] Stipulationes partis & pro parte emptæ & venditæ hereditatis non sunt Senatusconsulto Pegasiano

primum introductæ, sed sunt antiquiores. Dæcantur autem hic ex Pegasiano descendere, quia eo Senatusconsulto translatae sunt ad restitutionem hereditatis, locum non habente Trebelliano. Hotomannus hinc colligit, nominatim Senatusconsulto mentionem harum stipulationum factam fuisse.

Captiosas] Captiosæ fuerunt stipulationes emptæ & venditæ hereditatis, itemque partis & pro parte, quia salvæ nihilominus hæredi & adversus heredem actiones manebant. Neque enim ob harum stipulationum interpositionem cogebantur creditores fideicommissarium convenire, sed hæres lites excipiebat, & solum creditoribus à fideicommissario repetebat; sicut è diverso fideicommissario cum hærede agendum erat, ut quod à debitoribus exegisset, redderetur. Ob has difficultates & litium anfractus facile eveniebat, ut alter damnum pateretur, vel propter calumniam, vel propter inopiam alterius: quod, cum ex Trebelliano restituatur hereditas, commodè potest vitari. Nam quatenus hereditas est, eatenus hæres si conveniatur, exceptione restitutæ hereditatis se tueri potest: & vicissim si ipse experiatur, eadem exceptione repelli. Captiosas igitur hasce stipulationes Papinianus appellat, non quia callidæ aut argutæ, sed quia captioni & damno obnoxie, plenæque difficultatibus: quia captiosæ propter has stipulationes Senatusconsulti Pegasiani ambages, auctore Justiniano l. 1. §. 6. C. de vet. jur. enucl. Captiosum enim nostris etiam id dicitur, quod alicui fraudi aut damno est, l. 5. de transact. l. 14. §. aliquando. 5. vers. unde quidam. quod met. ca. l. 6. §. si quid. 10. quæ in fraud. cred. Rectè igitur Theophilus reddidit *ἀνταρτίαι*, id est, damnosas: neque causam video, cur Bachovio hæc ratio appellationis non placeat.

In legibus magis simplicitas] Laudat in §. ceterorum. 3. inf. de legitt. agn. success. legem 12. tabularum, quod simplicitatem legibus amicam amplexa sit in legitima agnatorum successione. Quod autem legumlatoribus in condendis legibus placere videmus, id etiam in earum interpretatione nobis sequendum est, vitandæque argutæ, subtilitates, scrupulositates, obscuritates, distinctiones ac differentie nimie.

Senatusconsulto Trebelliano præstare] Quod planius erat, & citra captiosos circuitus, ipso jure quoad vim & effectum transferebat id, quod non nisi per stipulationes interpositas longoque & captiosos ambitus Pegasianum exsequeretur.

Vel quartam, vel quod deest] Hinc interpretes quartam hanc dixere Trebellianicam. Veteribus autem numquam alio nomine, quam Falcidiz appellatur, ut ostendi sup. §. 5. nimirum quia Senatusconsulto Pegasiano non tam nova quarta introducta fuit, quam quarta Falcidiz producta ad fideicommissa universalia. Ex quo porro intelligitur, appellatione quartæ 2 Falcidiz etiam propriè hanc quartam contineri,

& proinde positus terminis habilibus, atque in dubio, ubi expressè nulla differentia constituta est inter quartam, quam hæres de singulis rebus detrahit, & quam retinere potest ex fideicommisso hæreditatis, quicquid de Falcidia jure nostro cautum est, ex æquo ad utramque quartam pertinere. Veluti quod Justinianus constituit, ut hæres, qui inventarium facere neglexit, beneficium Falcidiæ amittat, *l. ult. §. pen. C. de jur. delib.* item quod Falcidiæ locus non est, si testator expressè vetuerit hæredem ea uti, *Nov. 1. cap. 3.* Omnino enim verisimile est, Justinianum perpetuum omnium auctorum juris usum secutum, utramque quartam uno Falcidiæ nomine comprehendisse. Atque hoc si animadvertissent interpretes, nemo eorum repertus esset, qui ausus fuisset hoc negare. At nunc tanta frequentia in contrarium itum est, ut difficile dictu sit, utra sententia majori numero & rerum judicatarum auctoritate nitatur, vid. Ferrar. *in form. libell. pro leg. rei sing. n. 5. Gom. 1. resol. 5. num. 12. & 12. Everh. in Top. à Falc. ad Trebell. loco. 34. Gail. 2. observ. 138. n. 16. Clar. §. testam. quest. 62. Mantica. 7. de conj. ult. vol. 11. & 12. Fach. 5. cont. 4. Perez. ad tit. C. de jur. del. num. 14. & C. ad Senatuscons. Trebell. n. 20. Christin. vol. 1. dec. 316. & vol. 4. dec. 25. 51. & 52. D. Tuld. comm. in tit. præc. cap. 3.* Apparet tamen ex allegatis à Christino, sic ferè ulu receptum esse, ut etiam detractio quartæ Senatusconsulti expressè prohiberi possit, præterquam in liberis primi gradus, quod etiam apud nos obtinere refert Grot. 2. *manud. 20.* Intellige autem per liberos primi gradus non tantum filios sed etiam nepotes, &c. quos nemo in suo ordine antecedit. Ob inventarium verò non confectum hæredem non amittere quartam Senatusconsulti: & ita sæpius judicatum: *Myns. 3. obs. 60. Gail. d. obs. n. 3. & 6. Dec. Cur. Holl. 3. add. citatos à Christin. d. decis. 51. n. 3.* Jure Canonico liberis

3 universali fideicommisso gravatis duplex detractio permixta est, legitimæ & Trebellianicæ, cap. Raynurius. 16. *c. de testam.* quod quamquam legibus civilibus incognitum est, vid. Cujac. 8. *obs. 5. Horom. illust. quest. 43.* usu tamen etiam in toto civili per totum mundum receptum esse, & tamquam Evangelium prædicari, testantur Bald. & Jas. *in aush. res quæ. C. comm. de legat. Caltr. in l. jubemus. 6. C. ad Senatuscons. Trebell.* Christin. vol. 1. *decis. 245. & dec. 315.* eoque jure etiam nos utimur. Grot. 2. *manuduct. 20. dec. Cur. Holl. 3. & 17.* In cæteris, quod ad hunc juris articulum attinet, sequimur in his regionibus jus commune. Grot. *d. loc. Gudelin. lib. 2. de jur. nov. c. 11.* ubi tamen dubitari posse scribit, an in locis, in quibus hæres instituti pro legatariis habentur, ut apud Gandavenes & Contracenses, admittenda sit Falcidiæ aut Trebellianicæ detractio: & magis existimat admittendam non esse, *arg. l. lex Falcidia. 47. §. 1. ad leg. Falc. VINN. Jus, capitulis Raynurius & Rainaldus c. de test. invecum,* jure civili inco-

gnitum esse plerique statuunt cum Cujacio & Vinnio nostro. Sed non ineptè id negaveris. Nam [1] dum jus civile jubet ante computationem quartæ Falcidiæ, (adeoque & Trebellianicæ,) deduci æs alienum; profecto etiam deduci voluit portionem hæreditatis legitimam, quippe quæ rectè æri alieno accensetur. *l. 8. §. 8. ff. de inoff. test. l. 67. §. 1. ff. de legat. 2.* Deinde [2] in *l. 6. C. ad Sc. Trebell.* disertè Zeno: Idem, inquit, in retinenda legis Falcidiæ portione, observare jubemus: & si pater vel mater filio, seu filia, institutis hæredibus, legaveris, eos easque nepotibus vel neptibus, proneptibus vel proneptibus suis, ac deinceps restituere hæreditatem. Permittit ea lex liberis, fideicommisso obstrictis, ut possint detrahere quartam pro auctoritate Trebelliani Senatusconsulti; sed addit, in eam quartam nec redditus, nec quartam Falcidiam imputari. Quartam autem Falcidiam non aliam hic esse quam portionem legitimam, acutè observavit Vir Clarissimus A. A. Pagenstecher *in Aphorism. h. t. §. 164.* Sanè & alibi portio hæc vocatur quarta Falcidia, ut *l. 8. §. 9. & 14. ff. de inoff. test. l. 31. C. cod. & apud Paull. Recept. Sent. lib. 4. tit. 5. §. 5.* Quin jam ab aliis observatum, portionem hanc vel lege Falcidia, vel ex ejusdem rationibus fuisse introductam. Vid. Jan. à Cost. *ad pr. Inst. de inoff. test. & V. C. Schulting. Jurisp. ante Justin. p. 381.* Ex quo patet, Pontificem in istis capitulis interpretem magis juris civilis, quam legislatorem egisse. Dissentit D. Harprecht. *Diss. de jure deducendi duas quartas,* cujus argumentis tamen facile satisfieri posset, si id jam ageretur. HEIN.

Vel repetere solum] Solutum scilicet errore facti, l. error. 9. C. ad leg. Falc. Repetitur autem hoc non beneficio Senatusconsulti, sed jure communi, quo ejus, quod per errorem quicumque ex causa solum est, omnibus repetitio conceditur. De quo diligentiis suo loco.

Pro rata portione] Si pars tantum hæreditatis restitui iusta est, pro parte non restituta actiones apud hæredem remanent, pro restituta transeunt in fideicommissarium. Si tota hæreditas, aut integra alicujus hæredis portio, si hæres eam totam restituit, (sponte, an coactus nihil refert) transferuntur actiones omnes: si dodrantem recentra quarta ex Senatusconsulto, pro dodrante transferuntur, pro quadrante remanent, l. 1. C. hoc tit. Atque in hoc differt hæres fiduciarius ab eo, qui legatis oneratus est, qui solus cogitur respondere creditoribus. Dividuntur autem actiones pro competenti cujusque parte simul atque facta est restitutio, id est, si hæres verbo dixerit se restituere, aut per epistolam vel nuntium restituerit, quamvis fideicommissarius nondum nactus sit rerum possessionem, l. restituta. 37. l. facta. 63. in pr. hoc tit. Quod autem etiam in ponenda ratione Senatusconsulti deduci dicitur æs alienum, l. 5. C. cod. eo nihil aliud significatur, quàm quod

T E X T U S.

De quibus hæredibus & in quibus fideicommissariis supradicta locum habeant.

8. *Nihil autem interest, utrum aliquis ex asse heres institutus, aut totam hereditatem, aut pro parte restituere rogatur; an ex parte heres institutus, aut totam eam partem, aut partem partis restituere rogatur. Nam & hoc casu eadem observari præcipimus, quæ in totius hereditatis restitutione diximus.*

C O M M E N T A R I U S.

Sententia hujus loci satis plana est. Non tantum qui ex asse institutus est & rogatus aut totam hereditatem aut partem ejus restituere, potest, vel ultro adeundo & restituendo, partem quartam aut quod quartæ deest retinere, remanentibus & migrantibus pro rata actionibus creditorum; vel suspectam hereditatem dicendo, exonerari, totamque transferre in eum, qui adire cogit, l. cogi. 16. §. si quis. 4. hoc tit. verum etiam, si quis ex parte & verbi causa si ex semisse heres institutus sit, rogatusque partem illam restituere, potest quartam partem hujus partis, & in proposito sesquiunciam retinere, ut actiones hereditariæ pro rata remaneant & transeant. Potest & partem totam ultro restituendo, aut adire recusando, prætorisque jussu adeundo, omnes actiones abs se removere, & transferre in fideicommissarium. Denique qui partem partis, ex qua institutus est, restituere rogatur, potest similiter, si quartam partem suæ partis salvam judicio defuncti non habeat, quod ei deest, retinere; & recusans adire, desiderante fideicommissario cogi à prætore, ut adeat, totamque illam partem restituat cum omni onere & commodo ei adjuncto. Nimirum hic etiam locum habet vulgata regula: *Quod juris est in toto quantum ad totum, idem juris est in parte quantum ad partem*, l. quæ ad tota. 76. de rei vind. l. 3. pro derel. §. si rem. 12. in fin. sup. de legat. Simile est, quod sup. §. 1. de leg. Falc. docuit in singulis hæredibus rationem legis Falcidie poni. Ex. g. Si quis ex semisse heres institutus sit, rogatusque partem illam restituere, potest quartam partem hujus partis retinere.

T E X T U S.

De eo, quod heres voluntate testatoris deducit, præcepitve.

9. *Si quis una aliqua re deducta, sive præcepta, quæ quartam continet, (veluti fundo vel aliare,) rogatus sit restituere hereditatem, similimodo ex Trebelliano Senatufconsulto restitutio fiet, reverinde ac si quarta*

Mm 5 parte

quod in constituenda summa bonorum ineatur etiam ratio æris alieni, idque de bonis deducatur, ut sciri possit, quantum æris alieni in fideicommissarium cum portione restituta transeat, quantum apud hæredem cum portione retenta maneat. Fingamus, quingenta in bonis esse: ex his centum deberi. Hic fideicommissario restituentur cccxxv. ac pro hac portione, id est, pro novem uncis, transferetur in eum onus æris alieni. cxxv. retinebit heres, pro quarta parte ipse à creditoribus conveniendus erit. Sic enim omnino res transigenda est, postquam placuit, actiones pro rata parte in utrumque dari. Quod non satis rectè mihi explicuisse videtur Uvesemb. & post eum Chrillin. vol. 4. dec. 53. n. 5. Quamvis autem heres fiduciarius pro parte sua onus æris alieni subeat: onera tamen legatorum ad solum fideicommissarium spectare, communiter placuit. Accurs. in l. 1. §. ult. hoc tit. DD. in l. 2. & l. ult. c. eod. Tholosan. 42. synagm. 31. num. 3. D. Talden. comm. in hunc tit. cap. 4. Quæ sententia, etsi Donello in d. l. 2. falsissima, mihi tamen vera videtur. Nam cum quarta pariter ex legatis & fideicommissis detrahatur, l. 3. §. 2. eod. utique ex residuo dodrante, quem totum heres restituit, legatariis satisfaciendum: alioqui non habiturus esset heres quartam integram; nisi dicamus, hæredem nihilominus à legatariis rectè pro sua parte conveniri, & quod solvit à fideicommissario eum repetere debere, sibi que imputare, quod portionem de dodrante non retinuerit. Sed hoc in proposito dici non potest: quoniam auctoritate senatus, dodrante, unde omnia legata præstanda sunt, restituto, actiones legatariorum in fideicommissarium transferuntur, qui conventus, quod sibi detractum legatarii pro rata imputabit, argum. l. 3. in pr. eod. Planè si antequam restitutio facta est, legatarii petant; puto, hæredem exceptione adjuvari non debere, cum, si solvat, hoc minus ex causa fideicommissi restituat, argum. l. ita tamen. 27. §. qui ex Trebell. 7. in fin. eod. Quod si heres minus dodrante restituere rogatus est pro eo, quod ultra quartam habet; etiam legatorum & fideicommissorum specialium onera ad eum pertinere, certum est, l. 1. §. pen. eod. Salic. in d. l. 2. & l. ult. c. eod. Grot. 2. manud. 20. Myns. Schneid. hic. Ad quem casum plerique Glossa etiam referunt dist. l. 2. Bachovius in nos. ad Treutl. vol. 2. disp. 14. thes. 9. putat, hanc d. l. sententiam esse, quod fideicommissarius cogatur pati, ut tam de sua parte, quam de legatis quarta detrahatur, cum concurrentibus legatariis de restituenda hereditate agitur.

Nec damno nec commodo] Quod merito placuit. Nam neque damnum ullum hoc casu sentire hæredem æquum est, propterea quod coactus contemplatione alterius adit; neque commodo aliquo frui debet, ne quartæ quidem, quoniam adit periculo alieno, l. 4. hoc tit. de quo etiam dictum §. proximè præced.

Vinnius in Institut.

parte retenta rogatus esset, reliquam hereditatem restituere. Sed illud interest, quod altero casu, id est, cum deducta sive precepta aliqua re restituitur hereditas, in solidum ex eo Senatusconsulto actiones transferuntur, & res, quae remanet apud eum heredem, sine ullo onere hereditario apud eum remanet, quasi ex legato ei acquisita. Altero vero casu, cum quarta parte retenta rogatus est heres restituere hereditatem, & restituit, sciuntur actiones, & pro dodrante quidem transferuntur ad fideicommissarium, pro quadrante remanent apud heredem. Quin etiam licet una aliqua re deducta aut precepta, restituere aliquis hereditatem rogatus sit, in qua maxima pars hereditatis contineatur, aequè in solidum transferuntur actiones. Et secum deliberare debet is, cui restituitur hereditas, an expediat sibi restitui. Eadem scilicet interveniunt, & si duabus pluribusque rebus deductis preceptisve, restituere hereditatem rogatus sit. Sed etsi certa summa deducta preceptave, quae quartam vel etiam maximam partem hereditatis continet, rogatus sit aliquis hereditatem restituere, idem juris est. Quae autem diximus de eo, qui ex asse institutus est, eadem transferimus & ad eum, qui ex parte heres scriptus est.

NOTAE.

9. *Vna aliqua re deducta*] Qui certa aliqua re aut summa deducta rogatus est hereditatem restituere, similis est heredi, cui ex re certa instituto cohæres simpliciter datus; nam & illum & hunc pro legatario haberi placet, l. 1. §. ult. h. t. l. pen. C. de her. inst.

In qua maxima pars hereditatis] Nam pretium rei non mutat rationem juris: onera autem non patitur, nisi qui partem jure hereditario retineat, d. l. 30. §. 2. Quod si res deduci iussa quartam partem non exæquet, poterit hæres quod deest, jure hereditario retinere, per l. 1. §. 16. eod.

Duabus pluribusve] Ratio, quia semper inspicitur, utrum qua pars jure hereditario heredi tribuatur, an in rebus singulis.

Qui ex parte heres] Ut si precepta re aliqua rogatus sit restituere, res illa apud eum sine onere remaneat.

COMMENTARIUS.

1. *An & quatenus in casu propositio, consumpta portione restituta, legatarii & creditores cum herede agere possint?*

Supra tit. de her. inst. sub §. & si plures. 8. docuimus, si quis solus ex re certa institu-

tus fuerit, eum perinde heredem fieri, omniumque bonorum hereditatem obtinere, ac si simpliciter sine ulla mentione rei scriptus esset, ex l. 1. §. si ex fundo. 4. d. tit. l. cohæredi. 41. §. ult. de vulg. & pup. At si plures instituti sint, quidam ex re certa, alii simpliciter aut ex parte hereditatis, tum eos solos hæredes effici, qui simpliciter aut ex quota scripti sunt; qui ex certa re aut summa, pro legatariis haberi, l. pen. C. de her. inst. nisi hæredes partis universa defecerint: tum enim idem juris esse, ac si instituti in re singulari ab initio soli fuissent. Huic posteriori speciei similis est, quæ hoc loco proponitur, videlicet cum quis, deducta certa re vel summa, rogatus est hereditatem restituere. Restituta enim in proposito hereditate, fideicommissarius instar cohæredis est, hæres instar ejus, qui ex re certa institutus, cohæredem habet scriptum simpliciter. Quamobrem recusante quidem fideicommissario hereditatem recipere, solus qui rogatus est & adiit, hæres erit: at hereditate recepta, jam solum fideicommissarius hæredis locum obtinet, alter tamquam cohæres ex re certa vicem subit legatarii.

Vna aliqua re] Quæ præced. §§. dicta sunt de scissione actionum hereditariarum inter heredem fiduciarium, qui parte reliqua ex voluntate defuncti retenta, aliquam hereditatem restituit, & fideicommissarium Trebellianum, ea tunc obtinere hic docemur, quando quis rogatus est hereditatem restituere retenta parte aliqua hereditatis seu assis, sive, ut vulgo interpretes loquuntur, deducta quota. Aliud autem longè esse, si quis præcepta re aliqua, veluti fundo, aut summa, puta centum aureis, restituere rogatus sit, quamvis ea res vel summa quartam partem vel amplius contineat. Nam etsi hic quoque similiter restitutio ex Senatusconsulto Trebelliano fiat, actiones tamen nullas pro parte retenta, nullave onera hereditaria apud heredem remanere, sed hæc omnia transire ad fideicommissarium, heredemque præceptum habiturum jure legatarii, id est, sine ullo onere hereditario, quo constat legatarios non premi, l. si hereditatem. 31. mand. l. ult. C. de her. aff. Mæcianus breviter & dilucidè rem totam proponit in l. si legatus. 30. §. 3. hoc tit. Multum interest, inquit, utrum qua pars jure hereditario retineatur, an verò in re vel pecunia: nam superiore casu actiones dividuntur inter heredem & fideicommissarium; posteriore verò apud fideicommissarium sunt actiones. Huc pertinet, l. 1. §. ult. eod. Quod si hæres coactus à prætore adjerit, etiam commodò præceptionis privabitur, l. ita. 27. §. si præceptis. 14. eod.

Quæ quartam continet] Quod si res deduci iussa quartam partem non exæquet, tum hæres vel ad supplementum agere poterit, vel quod quartæ deest, jure hereditario retinere. Gloss. & DD. hic. arg. §. sed quia. 7. hoc tit. l. 1. §. si heres. 16. eod. Aequum autem tunc esse, ut hæres saltem pro ratione istius supplementi creditorum actiones

nes excipiat, utique in subsidium censent Glossa in d. l. 1. §. ult. Cantiunc. & Myns. hic.

Ex Senatusconsulto Trebelliano] Ante transfusionem Pegasiani in Trebellianum, si hæres non ultra dodrantem restituere iustus erat, restitutio fiebat ex Senatusconsulto Trebelliano. Hoc cum nostri dicunt, perpetuo significant, actiones pro parte transferri. Si amplius dodrante, restitutio fiebat ex Pegasiano. Quo casu actiones apud hæredem remanebant, & stipulationes interponebantur, secundum ea, quæ tradita sunt, §. ergo. 6. eod. Hodie remoto Pegasiano distinctè pro parte restituta actiones transiunt. In casu autem proposito etiam antea restitutio fiebat ex Trebelliano, l. 1. §. si hæres. 16. eod. actionesque in solidum transferebantur: quoniam hæres, apud quem nulla pars iure hæreditario remanet, similis est legatario.

In qua maxima pars hereditatis] Finge, eum, qui quadringenta possidebat, rogasse hæredem, ut præcepto fundo, qui trecentorum erat, hæreditatem Titio restitueret. Hic etiam si fundus iste maximam partem hereditatis, id est, dodrantem contineat, nihilominus tamen reliquo restituto in solidum actiones in Titium transferuntur. Neque enim pretium vel rationem juris mutat, aut efficit, quominus res sit singularis.

Cæterum hoc casu consumpta portione restituta, fideicommissario subveniendum esse, hæredemque pro eo, quod ultra quartam habet, legatariis respondere debere, tradunt Cantiunc. & Myns. hic. Et multo ergo magis pro eadem quantitate tenebitur creditoribus: quippe quibus in subsidium etiam pro tota ea parte, quam præcepit, teneatur, si hæreditas solvendo non sit, ut vult idem Mynsing. & Gotofr. in annot. marg. ad Schneid. quod etiam tamquam certum atque apud nos quoque receptum tradit D. Grot. 2. manud. cap. 20. Et si autem forte rationi juris veteris hæc non satis conveniunt, & fortassis nec novo, si fideicommissarius inventarium facere neglexerit, quo casu obligatur ultra vires receptæ hereditatis; novo tamen juri consentanea videntur, ubi fideicommissarius inventarium ex præscripto Justiniani fecit, aut hæres à se factum ei cessit. Quorum alterutrum satis est ad exonerationem æris alieni, quatenus modum hereditatis excedit, per ea, quæ habet Bart. in l. in ratione. 11. §. quod vulgo. §. ad leg. Falc. num. 9. & 10. Quamquam Bachovius putat, etiam si ipse fideicommissarius solvendo non sit, hæredem tamen in subsidium conveniri non posse, cum aliud remedium creditoribus paratum sit, & præcipue hoc, ut si putent hæredem non esse solvendo, bonorum separationem petant.

Et secum deliberare debet] Cautius faciet, si jure deliberandi non utatur, sed novo beneficio inventarii, quod à Justiniano datum omnibus, quibus deliberandi potestas est de adeunda aut suscipienda hereditate, §. extraneis. §. sup. de her. qual.

Si duabus pluribusve] L. ita tamen. 27. §. si præceptis. 14. hoc tit. Quippe non multitudo rerum relictarum, sed modus relinquendi juris differentiam inducit, inspiciturque semper, utrum qua pars in hereditate seu jure universo hæredi attributa sit, an in rebus singulis hæreditariis. Mynsingerus imperitè rem hereditariam cum quota hereditaria confundit.

Sed est certa summa] Huc ergo pertinet l. 1. §. 17. eod. quem locum perperam DD. comm. alio trahunt, nimirum ut probent, etiam retenta quarta parte hereditatis, actiones legatorum in solidum in fideicommissarium dari: quamquam vera mihi videtur propositio.

Ad eum, qui ex parte] Pone, eum, qui quadringenta habebat, duos hæredes instituisse, singulos ex semisse: alterumque rogasse, ut deducto fundo, qui centum valet, aut deductis centum, partem suam restitueret L. Titio. Titius recepta hereditate solus pro semisse actiones excipit; cum, ubi partis dimidiæ hæres rogatus est, ut retenta parte quarta aut quadrante suæ portionis restituat, atque restituit, pro sextante obnoxius maneat.

TEXTUS.

De fideicommissis hæredis ab intestato.

10. *Præterea intestatus quoque moriturus potest rogare eum, ad quem bona sua vel legitimo jure vel honorario pertinere intelligit, ut hereditatem suam totam partemve ejus, aut rem aliquam, veluti fundum, hominem, pecuniam, alicui restituat: cum alioqui legata nisi ex testamento non valeant.*

NOTÆ.

10. *Intestatus moriturus*] Poterat dubitari, quia legitimi & honorarii hæredes nihil à defuncto accipiunt, sed illos lex, hos prætor vocat, ejus autem, qui à defuncto nihil accipit, fideicommissi non potest, l. 9. C. de fideic. Sed huic dubitationi occurrit Paul. l. 8. §. 1. de jurr. eod. Ulp. l. 1. §. 6. de leg. 3. Nimirum etiam his hereditatem tacitè à defuncto relinqui, dum eos non excludit alios instituendo; quod pro jure suo facere poterat.

COMMENTARIUS.

- 1 Ratio cur etiam à legitimis & honorariis hæredibus fideicommissum relinqui possit.
- 2 An fideicommissum à legitimo hærede relictum, successione propter repudiationem primi gradus agnati ad sequentem devoluta, debeatur?

Fideicommissum tam hereditatis, quam singularare, non solum testamento, verum etiam

codicillis relinqui potest. Quid ei observandum sit, qui testamento relinquere fideicommissum hereditatis velit, didicimus §. 2. *sup. hoc tit.* nimirum ut directo testamento heredem instituat, atque ab eo relinquat. Codicillis potest quidem & ab hærede testamentario relinqui, l. 3. §. 2. l. 8. in *pr. cod. Ulp. tit. 25. §. 9.* Cæterum potest & ab eo, qui ab intestato venturus est, sive legitimus sit, sive honorarius successor, d. l. 3. *pr. d. l. 8. §. 1.* Unde quamvis de instituto tantum hærede senatus loquatur, l. 1. §. 2. *hoc tit.* tamen ad legitimum quoque & honorarium per interpretationem consulum senatus extensum est, *dist. l. 1. §. 5. & §. 7. l. 6. §. 1. cod.*

Intestatus mortuus] Dubitari potuit, an à successore legitimo aut honorario fideicommissum rectè relinquatur. Sic enim jus est, ut ab eo, qui nihil à defuncto accipit, nihil per fideicommissum relinqui possit, l. 9. *C. de fideic.* Legitimi autem hæredes aut honorarii nihil à defuncto accipiunt, sed illos lex 12. tabularum ad hereditatem vocat, hos prætor ad bonorum possessionem. Verùm hæc dubitatio facile tolli potest. Quamvis enim in casum non ademptæ hereditatis legitimi hæredes à lege, honorarii à prætore vocentur; tamen cum defunctus eos testamento factore excludere potuisset aliis hæredibus institutis, (salva utique portione liberis & parentibus debita) hereditatem ipsis tacite relinquere videtur, dum non adimit, quod pro jure suo facere poterat. Atque hoc est, quod Jurisconsultus significat in l. 1. §. sciendum. 6. *de legat. 3.* cum ait, fideicommissi eorum posse, ad quos aliquid perventurum est, vel dum ipsis datur, vel dum non adimitur: in quam sententiam eleganter Paulus l. 3. §. 1. *de jur. cod. Ideo,* inquit, fideicommissa dari possunt ab intestato succedentibus, quoniam creditur paterfam. sponte suis his relinquere legitimam hereditatem. Ex quo etiam hoc efficitur, neminem posse fideicommittere hæredi ab intestato, nisi qui testamentum facere potest, l. 3. in *pr. de jur. cod. Ulp. d. tit. §. 3.* Estque hoc juris explorati, eos, qui testamentum facere non possunt, nec codicillos posse, l. 6. §. 3. l. 8. §. 3. *de jur. cod.* De illo quaesitum est, si quis intestatus decedens ab eo, qui primo gradu ei succedere potuit fideicommissum reliquerit, si illo repudiante, ad sequentem gradum devoluta sit successio, an fideicommissum debeat. Negat Ulp. d. l. 2. §. *pen. de legat. 3.* quod tamen idem affirmare videtur l. si *Titio. 61. §. 1. de legat. 2. & Julian. l. 3. de jur. cod.* Doctores vulgo cum Accurs. & Bart. ad *dd. ll.* interesse respondent, utrum simpliciter hæredes ab intestato venientes gravati sint, an aliquis nominatim: illo casu fideicommissum à quolibet succedente deberi; hoc casu non deberi, nisi à cohærede gravati portionem suam repudiantis; quoniam is in portione accrescente similis est substituto, *argum. d. l. 3. de jur. cod. junct. l. pater meus.*

29. §. 1. *de legat. 2.* add. Bart. in l. cum *pater. 77. §. cum existimaret. 29. de legat. cod.* quæ distinctio rationem habet. Ant. Faber 4. *conj. 15.* contendit, vitiosam esse lectionem d. §. *pen. l. 1. de legat. 3.* legendumque dempta negatione, fideicommissum debere. Mihi tam periculosa confidentia non placet.

Legata nisi ex testamento] Legatum olim non nisi testamento aut codicillis testamento confirmatis dari potuit: credo quia civilibus verbis atque imperativis legis modo relinquebatur. Ulp. *tit. 24. fac. l. si ita. 38. de cond. & dem.* quibus tantum in testamento locus erat. Unde definitur legatum, donatio testamento relicta, l. 36. *de legat. 2.* Scilicet inconveniens visum est, pro imperio aliquid mandare ei, quem non defunctus, sed lex hæredem facit. Probabile tamen est, legata codicillis ab intestato data, interpretatione plerumque adjuncta, atque ut vim fideicommissi haberent, benignè recepta fuisse, *arg. l. Scævola. 76. hoc tit.* Hodie autem postquam constitutione Justiniani confusa est legatorum & fideicommissorum natura, l. 2. *C. comm. de legat.* hanc etiam differentiam sublatam esse tenebimus, & legata quoque ab intestato relicta directo valere, contra Jo. Fabrum, Angel. & Giphm.

NOTÆ.

De fideicommissio relicto à fideicommissario.

II. Eum quoque, cui aliquid restituitur, potest rogare, ut id rursus alii, aut totum, aut partem, vel etiam aliquid aliud restituat.

COMMENTARIUS.

Non modo hæres de restituenda hereditate aut parte ejus rogari potest, verum etiam fideicommissarius, ut vel totum, vel partem ejus, quod accepit, rursus alii restituat: atque in hac etiam restitutione placet actiones ex Senatusconsulto transferri in fideicommissarium, secundum l. 1. §. *de illo. 8. hoc tit.* posse & cogi primum fideicommissarium, qui totam hereditatem, cum suspecta diceretur, recepit, totam restituere, l. si *patroni. 57. §. 2. cod.* Solum autem hæres beneficio legis Falcidæ utitur, id est, jus quartæ retinendæ habet, l. *lex Falcidia. 47. §. 1. ad leg. Falcid.* Etenim cum semel adita est hereditas, omnis defuncti voluntas rata constituitur, d. l. 55. §. 2. Proinde ceteri, quatenus ceperunt, & rogati sunt restituere, fideicommisso obstringuntur, l. *Lucius. 78. §. hæres. 11. hoc tit.* similiter ut legatarii, à quibus fideicommissum relicum est, l. *panales. 32. §. si Titio. 4. ad leg. Falcid.* Planè si hæres, ut priori fideicommissario donaret, jure suo usus non sit, posse quartam secundo fideicommissario detrahi, responsum est, l. 1. §. *inde Neratius. 19. hoc tit.*

T

TEXTUS.

De probatione fideicommissi.

12. Et quia prima fideicommissorum enabula à fide heredum pendent, & tam nomen, quam substantiam acceperunt, ideo D. Augustus ad necessitatem juris ea retraxit. Nuper & nos eundem Principem superare contententes, ex facto, quod Tribonianus vir excellentissimus, Quæstor sacri palatii, suggessit, constitutionem fecimus, per quam disposuimus, si testator fidei heredis sui commisit, ut vel hereditatem, vel speciale fideicommissum restituat; & neque ex scriptura, neque ex quinque testium numero, qui in fideicommissis legitimus esse noscitur, possit res manifestari; sed vel pauciores, vel nemo penitus testis intervenerit; tunc siue pater heredis, siue alius quicumque sit, qui fidem heredis elegerit, & ab eo restitui aliquid voluerit; si heres perfidia tentus adimplere fidem recusat, negando rem ita esse subsecutam; si fideicommissarius ei iusjurandum detulerit, cum prius ipse de calumnia iuraverit; necesse eum habere, vel iusjurandum subire, quod nihil tale à testatore audiverit, vel recusantem ad fideicommissi vel universalis vel specialis solutionem coartari; ne depereat ultima voluntas testatoris fidei heredis commissa. Eadem observari censuimus, etsi à legatario, vel fideicommissario aliquid similiter relictum sit. Quod si is, à quo relictum dicitur, (postquam negaverit) confiteatur quidem, aliquid à se relictum esse, sed ad legis subtilitatem recurrat, omnino solvere, cogendus est.

COMMENTARIUS.

- 1 Quando dispositioni h. §. locus.
- 2 Non mutari constituta l. ult. §. ult. C. de codic. nec l. 23. C. de fideic.
- 3 Heredem in specie proposita non posse iusjurandum referre.
- 4 Glossa in fine textus observatum.

AUdivimus supra, fideicommissorum originem, nomen & substantiam à fide heredum manasse. Hinc Justinianus argumentum sumit mirifici in fideicommissa favoris, ut quemadmodum ex sola fide heredum ab initio pendebant, ita & sola religione heredum, quorum præsentium fidei aliquid commissum est, nunc constant, nec ordinariam probationem desiderant. Constitutum hoc à Justiniano, l. ult. C. de fideic.

Neque ex scriptura, neque ex quinque testium numero] Quando testator, contempta omni alia probatione scripturæ vel testium, fidei solius heredis committit, ut aliquid præstet, placet Justiniano, fideicommissum ab herede præstandum, idque siue neget heres, fideicommissum à se relictum, & iusjurandum super ea re sibi delatum subire recuset, siue ultro fateatur, esse à se relictum, sed dicat, se non teneri, quia non solemniter relictum sit, d. l. ult. Prius verbis constitutionis expressum est; alterum ex prior colligitur. Cur enim heres jurare recusans fideicommissum solvere cogitur? Non aliam utique ob causam, quam quod recusatio iurisjurandi tacitam confessionem habet, l. manifeste. 38. de iureiur. ut proinde multo magis fideicommissum eum obstringi oporteat confessione aperta. Quia autem & prior casus nonnihil iniqui habere videtur, & utroque jus novum, ac contrarium ei, quod de numero testium in ultima voluntate adhibendo placitum est, continetur; ideo constitutionem suam adversus tacitas objectiones munivit. Si quis enim forte objiciat, iniquum esse, ab herede fideicommissum exigi citra ullam probationem, respondet, illud hac in re iniquum non esse, ubi heres iurejurando sibi delato in sua causa constituitur testis & iudex, ut sit in ejus potestate, non teneri, jurando se nescire quicquam relictum esse. Si quis dicat, in omni suprema voluntate ad minimum requiri quinque testes, l. ultim. §. ultim. C. de codic. respondet, id iustum esse, cum res per testes probanda est, ne quid falsitatis admittatur, cujus nihil in specie proposita metui potest: quoniam testimonium ab ipso herede, eodemque debitore, exigitur. Quod ergo traditum est in l. si veritas. 23. C. de fideic. cum similib. ex imperfecta scriptura nihil deberi, hoc etiam nunc manet; & nisi de fide scripturæ, quam testator servari voluit, iusto numero testium constet, fideicommissum exigi non poterit. Confule Mantie. de conject. ultim. volunt. lib. 2. tit. 15. nu. 9. Qua autem ratione motus ius hoc introduxerit Justinianus, in calce constitutionis exponit.

Qui in fideicommissis legitimus] Hoc à Theodosio primum constitutum est, d. l. ult. §. ult. C. de codic. Antea enim cum numerus testium in codicillis definitus non fuerit, vel duos idoneos sufficere arbitror, arg. l. ubi numerus. 12. de testib. de quo plenius sub §. ult. inf. de codic. Manet autem nunc etiam ius constitutum d. l. ult. §. ult. C. de codic. ut ex hoc loco intelligitur. Nam quod hic & d. l. ult. C. de fideic. Justinianus sancit, tunc solum obtinet, cum defunctus rem, quam præstari voluit, fidei heredis præsentis commisit extra testamentum aut codicillos.

Cum prius ipse de calumnia iuraverit] id est, se non calumniandi seu vexandi, heredemque religione urendi animo iusjurandum deferre; sed quia ita se rem habere sibi planè persuasum sit: quod ius-

jusjurandum, licet alias in usu esse deserit; tamen in omni judicialis jurisjurandi delatione, si exigatur, est præstandum, juxta *l. jusjurandum. 34. §. 4. de jurejur.* Damhoud. *prax. civ. c. 151.* Merul. *lib. 4. dist. 4. sect. 3. tit. 8.*

Vel jusjurandum subire] Conditione jurisjurandi in judicio delata, regulariter reus jurare cogitur, aut referre, aut solvere, *l. 9. C. de reb. cred.* Manifestæ enim confessionis esse creditur, nolle jurare, aut jusjurandum referre, *l. manifestæ. 38. de jurejur.* At in proposito ne referre quidem hæres potest: quippe cum hic agatur non de eo, quod uterque scire potest, sed quod solus hæres, & cuius actor ignarus est: quo casu relationi non est locus, *l. Martellus. 11. & seqq. rer. amot. d. l. jusjurandum. 24. in pr. de jurejur.* & ita rectè Mynsing. Schneid. Vvesemb. *hic.* mirumque est, veteres interpretes in re tam manifesta variare.

Postquam negaveris] Hæc verba neque in ipsa constitutione Justiniani reperiuntur, & testibus Cujacio, Ruffardo, Hotomanno, Contio, Fabroto, delunt in veteribus codicibus, neque Theophilus

ea agnoscit: & Jo. Faber quoque refert, se Bononiæ aliquot codices vidisse, à quibus aberrant. Quare suspicari licet, glossæ esse. Si verò retineantur, non ita accipienda sunt, quasi non alia conditione hæres in specie proposita fideicommissio obligetur, quam si prius negaverit, & ad jusjurandum actus jurare recuset: sed ideo posita, quia hic casus solum verbis expressus fuit. Cæterum simpliciter, quisquis confitebitur, de fideicommissio obligabitur: neque enim pœnæ causa hic quidquam constitutum, ut hæredis inficiatio coerceatur, in quo falluntur DD. comm. Bar. Salic. Castr. Scharf. *ad d. l. ult. Mynsing. Schneid. hic.* sed totum voluntatis testatoris servandæ causa, ut disertè scriptum est in extremo *d. l. ult.* & tenent Jo. Fab. & Jas. in *d. l. ult.* quos etiam ex facto consultus, non attenta communi opinione, in respondendo secutus est quondam Curia nostræ Coryphæus, Reinerus ab Amsterdam. Atque hæc sententia probatur etiam à Vvesembec. *hic.* Donello in *d. l. ult.* nec alienus Mantica *d. lib. 2. tit. 13. n. 5.*

TITULUS VIGESIMUS QUARTUS. DE SINGULIS REBUS PER FIDEICOMMISSUM RELICTIS.

Continuatio, & argumentum tituli.

HActenus de fideicommissis universalibus, quibus scilicet hæreditas aut pars hæreditatis relinquitur; quæ à legatis multum differunt: sequuntur nunc fideicommissa specialia, quibus relinquuntur res singulæ, quorumque & legatorum eadem ex constitutione Justiniani natura est, idemque effectus: nam exæquatio illa legatorum & fideicommissorum, de qua agitur *§. 3. sup. de legat. & l. 2. C. comm. de legat.* ad sola fideicommissa particularia pertinet, ut demonstravimus in explicatione *d. §. 3. & pr. tit. præc.* Docet hic Imperator, à quibus fideicommissa singularum rerum relinqui, tum quæ res per ea relinqui possunt; postremo in genere, quibus maxime verbis fideicommissa relinqui solent.

TEXTUS.

Summa.

Potest tamen quis etiam singulas res per fideicommissum relinquere; veluti fundum, argentum, hominem, vestem & pecuniam numeratam; & vel ipsum heredem rogare, ut alicui restituat, vel legatarium, quamvis à legatario legari non possit.

NOTÆ.

Vel legatarium] interdum & in contractibus fideicommissum constituitur, exempl. in *l. 26. pr. de pos. l. 77. de leg. 1.*

A legatario legari non possit] Hoc etiam ad jus vetus referendum. Ulp. *tit. 24 §. 19. C. jus lib. 2. tit. 7.* Nam hodie hæc quoque differentia sublata, utique quod à legatario legatum est, valebit nunc jure fideicommissi, *arg. l. 2. C. comm. de legat.*

COMMENTARIUS.

1. Cur olim à legatario legari non potuerit, & an hodie possit?

Fundum, argentum, hominem, vestem] Hæc nomina generalia quidem sunt, verum specificè hic sumuntur: intelligitur enim certa species ex eo genere relicta, *l. legato. 37. de legat. 1.* Cæterum & si quis fundos suos omnes, omne argentum, vestem omnem, omnes servos per fideicommissum reliquerit, nihilominus tale fideicommissum speciale est, & simile legato.

Vel legatarium] Singulæ res per fideicommissum non solum ab heredem relinqui possunt, verum etiam à legatario. Possunt & ab heredem hæredis vel legatarii, *l. 5. §. 1. de legat. 3.* Idem juris est de fideicommissario etiam rei singularis, *§. 1.*

hoc

hoc tit. l. ab eo. 9. c. de fideicommissis. & donatario mortis causa, l. cum pater. 77. §. 1. de legat. 2. l. 8. §. 2. de transact.

1. *A legatario legari non possit*] A legatario legari non posse, quamvis fideicommissa ab eo recte dentur, discimus etiam ex Ulp. l. 24. §. 2. *de legatario. 19. & Cajo lib. 2. tit. 7. §. 3.* Cujus differentie hæc ratio esse videtur, quod legata verbis civilibus & imperativis relinquuntur, quibus uti in eum solum liceat, quem universi juris successorem esse volumus, & locum nostrum subire. Dissertit autem ita Justinianus, quasi hæc differentia etiamnum obtineret, quod etiam Giphano videtur, eo quod hæc differentia naturalis sit, quoniam nulla legandi à legatario formula dari potest. Ego verò à communi & recepta interpretum sententia non recedo, qui censent, etiam hanc differentiam una cum ceteris hodie sublatam esse, legataque non minus quam fideicommissa à legatario relinqui posse, *per l. 2. c. comm. de legat.* Equidem concedo, non omnibus legandi formulis, cum à legatario legatur, locum esse: sed quod Giphanius ait nullum dari posse, id nego. Per præceptionem hæredi à cohæredibus dumtaxat legari constat. Non video etiam, quomodo per vindicationem possit à legatario legari. Etenim si testator, postquam legavit, *Titio fundum Tusculanum do lego*, mox eundem fundum Sejo leget hac formula, *Sejo eundem fundum Tusculanum do lego*, aut sic, *Sejus fundum Tusculanum sibi habeto*; aut conjunctio erit, aut ademptio. At damnationis formulæ hic usus esse potest, *Titius damnas esto partem dimidiam fundi, quem ei legavi, dare Sejo*; *Titium legatarium meum centum Sejo dare jubeo*. Nam & olim magna erat legatis per damnationem cum fideicommissis affinitas, & nonnulla verba communia utriusque generis, ut jubeo, volo, impero, damno, vid. *inf. §. ult.* Quin etiam sinendi modo à legatario recte legari, defendi potest; veluti si testator dicat, *L. Titius legatarius meus damnas esto sinere C. Sejum sibi habere partem fundi, quem ipsi legavi*. Non obstat, quod Justinianus simpliciter scribit, a legatario legari non posse; nam præcedenti quoque titulo §. *præterea. 10.* simpliciter scripsit, legata nisi ex testamento non valere. Omnes quippe §§. in quibus observat differentiam inter legata & fideicommissa, ex constitutione sua emendationem recipere voluit: quamvis separatim ita tractet, quasi differentie adhuc manerent, id quod se facturum antea testatus est §. 3. *sup. de legat.* quo permixtio & similitudo noviter introducta clarior esset & facilior. VINN. Quin hodie legata etiam à legatario relinqui possint, dubitandum non videtur. Vix tamen arbitror ex principiis juris veteris locum fuisse legato damnationis. *Damnus esto* formula est legislativa. Testator autem erat quasi legislator non ratione legatarii, quem non damnare sed locupletare debebat, sed ratione hæredis, tanquam successoris singularis. Ergo hujus juris ratio reddenda non est ex natura formularum. Nam revera for-

mula nulla legato à legatariis relicto quadrabat, sed ex generali illo principio, quod hodie legata & fideicommissa ejusdem naturæ esse censeantur. HEIN.

T E X T U S.

Quæ relinqui possunt.

1. *Potest autem non solum proprias res testator per fideicommissum relinqueret; sed & heredis, aut legatarii, aut fideicommissarii, aut cujuscunque alterius. Itaque & legatarius & fideicommissarius non solum de ea re rogari potest, ut eum alicui restituat, quæ ei relicta sit; sed etiam de alia, siue ipsius, siue aliena sit. Hoc solum observandum est, ne plus quisquam rogetur alicui restituere, quam ipse ex testamento ceperit; nam quod amplius est, inutiliter relinquitur. Cum autem aliena res per fideicommissum relinquitur, necesse est, ei qui rogatus est, aut ipsam rem redimere & præstare, aut estimationem ejus solvere.*

C O M M E N T A R I U S.

- 1 Jam olim communia fideicommissis cum legatis.
- 2 Declaratio regulæ, Neminem posse rogari, ut plus restituat, quam ipse cepit.

M Ultra etiam jam olim fideicommissis communia cum legatis fuere; quale est hoc, quod hic traditur de re, quæ testatoris propria non sit, per fideicommissum relicta. Res, quæ, cum in commercio sit, testatoris propria non est, eam necesse est vel hæredi esse, vel legatarii, aut fideicommissarii, vel tertii alicujus, quæ sola in hac tractatione plerumque aliena dicitur, ut notavimus §. 4. *sup. de legat.* Quemadmodum igitur non solum res testatoris legari potest, sed etiam heredis, d. §. 4. ita sciamus, non solum rem testatoris, sed etiam heredis per fideicommissum relinqui posse; & quod responsum est, valere hujusmodi legatum, etiam si testator existimaverit rem suam esse, *l. unum. 67 §. si rem. 8. de legat. 2.* id ad hujus generis fideicommissum quoque pertinere. Contra, quemadmodum res, quæ legatarii est, ei inutiliter legatur, §. *sed si rem. 10. sup. de legat.* ita & fideicommissario rem, quæ ipsius sit, inutiliter relinqui. De re legatarii aut fideicommissarii alteri legata quæ olim non potuit, quia ab his legari non licebat, sed tantum fideicommissum dari. Nunc verò etiam in legatis huic quæstioni locus est. Sed hoc præterit Justinianus; quippe cui hic sermo est de fideicommissis, non considerata legatorum cum his exæquatione. Ait, per fideicommissum relinqui posse etiam rem legatarii, aut fideicommissarii, à quo scilicet relinquitur, non cui relinquitur. Sed quid si in proposito defunctus putave-

rit rem suam se relinquere? Dicemus, nihilominus valere fideicommissum eadem ratione, qua, si res hæredis esset, valeret, *argum. d. l. unum. 67. §. si rem. 8. de legat. 2. d. §. 4. sup. de legat. cum ibi notat*. Porro illud quoque commune est, quod hic ait Justinianus, etiam rem cujuslibet alterius, quæ uno nomine in hoc argumento aliena dicitur, per fideicommissum relinqui posse: nam legari posse docuit *d. §. 4*. Denique illud etiam, quod eodem loco & plenius à nobis in commentariis relatatum est, legatum rei alienæ non semper deberi, sed interesse, utrum testator sciverit, an ignoraverit, esse alienam; atque illo demum casu, non hoc, valere legatum, nisi conjectura voluntatis aliud suadeat, sciendum est, ad fideicommissum quoque rei alienæ pertinere, *l. 10. C. de legat.*

Etiā de alia, sive ipsius] Legatarii scil. qui rogatur, aut fideicommissarii primi: nam per fideicommissum non modo reddendi onus imponi potest, sed etiam dandi. Ipsi verò fideicommissario rem suam inutiliter relinqui ex ultimo, *arg. §. sed si rem. 10. sup. de legat. & mutua ex æquationis legatorum & fideicommissorum, quicquid contra disputet Bachovius.*

Ne plus rogetur quisquam restituere] Hoc summam rationem habet. Ut enim liceat morientibus eam legem, quam velint, suis rebus dare; tamen hoc licere nemini debet, ut aut alium, cui nihil dedit, oneret, aut oneret quemquam supra id, quod ei reliquit, & disponat de alieno, *l. 1. §. si is qui. 37. ad sen. Treb. l. 1. §. sciendum. 6. de legat. 3. l. filius. 114. §. 3. de legat. 1. l. 9. C. de fideic.* Hujus autem regulæ complures traduntur exceptiones; quæ tamen non tam exceptiones sunt, quàm declarationes regulæ. Cujusmodi est, quod, si alicui centum legata sint, & is duplum post tempus restituere rogatus sit, placeat, valere fideicommissum etiam ultra summam legatam, quatenus intermedio tempore usuræ perceptæ eam excedunt, *l. imperator. 70. §. 1. de legat. 1.* Tale item est illud, quod, qui acceptis centum rogatus sit rem propriam, quamvis majoris pretii, restituere, is, agnito legato, fideicommissio obstringitur: quoniam agnoscendo legatum non majoris rem suam æstimasse videtur, *d. l. imperator. 70. §. 1. in fin.* Item hoc quod traditum est, si cui fundus legatus sit, atque is eum fundum restituere sit rogatus, & centum dare, valere fideicommissum, si legatarius interim centum ex fructibus perceperit, *d. l. filiusfam. 114. §. 3. de legat. 1.* Denique etiam illud, quod duabus rebus disjunctim legatis, atque ea, quæ pretiosior est, restitui jussæ, fideicommissum debeatur, licet legatarius vilior rem elegerit, propterea quod eam, quæ pluris erat, eligere potuisset, *l. plant. 24. §. 2. de legat. 1.*

Redime. & prestare, aut æstimationem ejus solvere] Re aliena per fideicommissum relicta, is, qui rogatus est, vel redimere eam debet & prestare, vel si dominus eam non vendat, æstimationem ejus inferre, perinde ac juris est in rei alienæ legato, *l. non d. ibrum. 14. §. 2. l. qui quatuor. 30. §.*

ult. de legat. 3. quod latius explicatum sup. §. 4. de legat.

TEXTUS.

De libertate.

2. *Libertas quoque servo per fideicommissum dari potest, ut hæres eum rogetur manumittere, vel legatarius, vel fideicommissarius: nec interest, utrum de suo proprio servo testator roget, an de eo, qui ipsius hæredis, aut legatarii, vel etiam extranei sit. Itaque & alienus servus redimi & manumitti debet. Quod si dominus eum non vendat, (si modo nihil ex iudicio ejus, qui reliquit libertatem, perceperit,) non statim extinguatur fideicommissaria libertas, sed differtur, quoad possit tempore procedente, ubicumque occasio servi redimendi fuerit, prestari libertas. Qui autem ex fideicommissi causa manumittitur, non testatoris fit libertus, etiam si testatoris servus sit, sed ejus, qui manumittit. At is, qui directo ex testamento liber esse jubetur, ipsius testatoris libertus fit; qui etiam Orcinus appellatur. Nec alius ullus directo ex testamento libertatem habere potest, quàm qui utroque tempore testatoris fuerit, & quo faceret testamentum, & quo moreretur. Directo autem libertas tunc dari videtur, cum non ab alio servum manumitti rogat, sed velut ex suo testamento libertatem ei competere vult.*

COMMENTARIUS.

- 1 *Liberti orcini, & numquid juris in eos familia?*
- 2 *Differentiam libertatis directæ & per fideicommissum datæ non tolli l. 2. comm. de legat.*
- 3 *L. 58. de man. test. cum aliis locis conciliata.*

Etiā libertates per fideicommissum dari possunt, & quidem largius, quàm directo, cum non tantum propriis servis, sed etiam alienis per fideicommissum libertas dari possit, modo vulgaribus atque evidentibus verbis voluntas testatoris exprimatur, teste Licinio in *l. libertates. 16. de fideic. libert.* Quod ait, non tantum propriis sed etiam alienis, ex eo intelligitur, directo servis alienis libertatem dari non posse, quod etiam expressè rescriptum est in *l. 9. C. de testam. man.* Putaverit tamen quis, etiam in casu libertatis servo alieno directo datæ favore libertatis defendi ei posse fideicommissariam, *arg. l. generaliter. 24. §. si quis. 10. l. de fideic. libert. l. 10. §. ult. de testam. tus.* Sed obstant memorati textus, & maxime *l. 9. C. de testam. man.* quo loco rescribitur,

nec

nec hæredis servo directo libertatem dari posse. Quod si directo data saltem in vim fideicommissæ valeret, id utique Imperatores consulti non dissimulassent, & in *l. si servus. 108. §. si servus. 9. de legat. 1.* tale legatum dicitur esse nullius momenti. VINN. Nec obscura est ratio. Nam si hæres directo damnatus esset, servum alienum manumittere, istud legatum frustraneum fuisset, si dominus eum liberum fieri noller, adeo ut nec æstimatio legatario præstari potuisset. Non poterat autem res aliena aliter legari, quam ut, domino eam vendere nolente, legatario æstimatio præstaretur. §. 4. *Inst. de legat.* Fideicommissorum autem quum esset benignior interpretatio, judicarunt veteres, illis & servo alieno libertatem relinqui posse, eatenus ut expectetur emendi opportunitas. Et hinc etiam reddi poterit ratio, cur in *l. 30. ff. de manum. testam.* servo proprio, qui apud hostem est, servitus directo relinqui potest, quia quamvis huiusmodi servus in præsens non sit testatoris, tamen vel æstimatio præstari potest, id est *ἀντις*, vel, si id repudietur, spes superest servum postliminii jure in potestatem hæredis rediturum. HEIN.

Vel legatarius vel fideicommissarius] Qui, si testatoris servus est, ab hærede eum rediment & manumittent: si modo quod à defuncto iis relictum est, agnoverint.

Aut legatarii] Quo casu legatarius accepto legato cogetur servum manumittere, etiam si fortasse minus sit in eo, quod accepit, quam in pretio servi, *d. l. generaliter. 24. §. si quis. 12. de fideic. libert.* quia non pluri servum suum æstimasse videtur, *l. sed si. 36. ad leg. Falc.*

Aut etiam extranei] *l. 6. C. de fideic. libert.* Ceterum legatarius alienum servum manumittere rogatus, non alias erit cogendus, quam si tanti possit redimere, quanti est id, quod ex judicio defuncti consecutus est, *d. l. generaliter. §. si quis.*

Non statim extinguitur libertas] Si dominus servum suum, cui libertas per fideicommissum relicta est, vendere nolit, non ideo protinus fideicommissum extinguitur: sed expectanda est emendi opportunitas, *d. l. 6. C. de fideicomm. libert.* equidem æstimatio hic præstari non potest, ut in casu §. *præc. in fin.*

Ejus, qui manumissus] Cui per fideicommissum libertas relinquitur, is ejus libertus efficitur, à quo manumissus est, *l. 7. C. de fideic. libert.* Ceterum hic manumissor jus patronatus in eo tantum acquirit, ut contra tabulas & ab intestato ad bona ejus venire possit: at non ut etiam operas ei possit imponere, aut impositas ab eo petere, *l. qui ex causa. 29. de bon. libert.*

Ipsius testatoris] Directa libertas ipso jure statim ab adita hæreditate competit, *l. 10. C. de test. man. l. testamento. 23. & l. 25. D. de man. test. l. quare. 32. §. ult. de test. tut.* Itaque is, qui directo testamento liber esse jubetur, testatoris libertus sit, ut hic ait Justinianus: quam ob causam libertus *Orcinus* appellatur, quasi *Orci libertus*, ante ejus,

qui ad *Orcum* demissus est: *Acheronticus* à Cujacio, *Χαυριανός* à Theophilo vocatur eadem forma, qua *Orcini* senatores, quorum in *Augusto cap. 35.* meminit Suetonius, à Plutarcho in *M. Antonio Χαυριανός* dicuntur. Orcinorum crebra in libris nostris mentio est, *l. 3. §. 3. de legis. tur. l. 8. de hæ. inst. l. dominus. 22. de pecul. leg. l. 1. alias 2. §. per contrarium. 12. de dot. præl. l. 2. de statulib. l. 4. §. hi qui. 12. de fideic. lib. l. 10. C. de testam. man. l. 8. C. de jur. & fact. ign.* Orcini etiam liberti efficiuntur, qui latitante hærede vel legatario rogato manumittere, ad libertatem perducuntur, quique ob necem domini detectam præmium libertatis consequuntur, *l. cum quasi. 30. §. querendum. 12. l. si is. 49. de fideic. libert. l. 5. qui sine man.* Igitur Orcini cum eum patronum habeant, qui esse desit, non male dicuntur liberti nullius esse, *l. 4. in pr. de bon. libert.* Legimus tamen, Orcinos ad familiam testatoris pertinere, *l. 3. §. 3. de legis. tur. libertos familie fieri, l. si socius. 48. de manum. test. liberos & cognatos jus patronatus in Orcino habere, l. un. §. sed etsi. 7. C. de latin. lib. toll.* Qua de causa suspicari licet, quamvis familia plenum jus patronatus in Orcino non habuerit, quædam tamen jura, ut in liberto habuisse. Porro hæc differentia etiam post constitutionem Justiniani, quæ directo & per fideicommissum data exæquata sunt, *l. 2. C. comm. de legat.* retinenda est: quippe quam voluntas testatoris facit, & quæ tolli sine injuria ejus, qui à testatore rogatus est manumittere, non potest; cui alioqui eriperetur jus patronatus, quod defunctus eum habere voluit: in quo consentiunt omnes interpretes paucis retentionum exceptis.

Quo faceret testamentum & qui moreretur] Hoc item traditur in *l. Servius. 35. de man. test.* Neque obscuram rationem habet. Nam cum alieno servo inutiliter libertas directo ab initio datur, ex postfacto ea datio convalescere non potest propter regulam Catonianam; & quamvis servo proprio data sit, si tamen is servus tempore mortis in aliena potestate est, vindicare libertatem nequit. Proinde quod apud Marcianum *l. verum. 58. de man. test.* legimus, eum, qui libet esse jussus est, alienatum à testatore, si ante aditam ejus hæreditatem rursus hæreditarius factus sit, hæreditate adita ad libertatem pervenire, sic omnino accipiendam est, si superstiti testatore in potestatem redierit: nam jacente hæreditate, qui mortis tempore testatoris non fuit, hæreditarius fieri nequit. Planè, si servus testatoris, qui apud hostes sunt, libertas directo data sit, placet, hos libertatem consequi, quandocumque ab hostibus reversi sint, licet neque testamenti, neque mortis tempore testatoris fuerint, *l. si servi. 30. de man. testam.*

Velut ex suo testamento] *Απὸ τῆς*, protinus ex testamento: cum testator servum suum se mortuo simpliciter liberum esse jubet, nec ab alio libertatem dari mandat.

TEXTUS.

De verbis fideicommissorum.

3. *Verba autem fideicommissorum hæc maxime in usu habentur: Pero, rogo, volo, mando, fidei tuæ committo: quæ perinde singula firma sunt, atque si omnia in unum congesta essent.*

NOTÆ.

3. *Peto, rogo, &c.*] Hæc verba dicuntur precaria & precativa, opponunturque civilibus, directis & imperativis; vid. Ulp. *tit. 25. Paul. 4. sent. 1.* Hodie autem de verbis laborandum non est, postquam Justinian. verbum omne significans legitimum sensum testatoris, legare aut fideicommittere volentis, utile atque validum esse iussit, *l. 1. C. comm. de leg.*

COMMENTARIUS.

1 *Verba imperativa interdum vim habere preciorum.*

Recensentur hic à Justiniano verba fideicommissorum maxime usitata, & quæ vulgaria dicuntur in *l. libertate. 16. de fideic. lib.* nam incrementum progressu temporis favore fideicommissorum longè plura recepta sunt, placuitque, fideicommissum etiam aliis verbis relictum valere: veluti his, *cupio des, opto des, credo se daturum, exigo, desidero ut des, volo hereditatem meam Titii esse, scio, non dubito, te hereditatem meam restitutum Titio, lesiam. 115. l. 1. & 118. de legat. 1. l. unum. 67. §. ult. de legat. 2. l. Pamphilo. 39. de legat. 3. Paulus 4. sent. 1.* scribit, his omnibus verbis fideicommitteri posse, *Rogo, peto, mando, deprecor, cupio, injungo, desidero quoque, & impero.* Quod Paulus *impero* quoque inter verba fideicommissi numerat, id non videtur convenire differentie, quam Ulp. *tit. 24. & 25.* facit inter legata & fideicommissa; legatum definiens, quod imperativè relin-

quitur, fideicommissum, quod precativè: petinde enim hoc est, ac si diceret, legatum esse, quodcumque verbis imperativis, quæ alias directæ & civilia vocantur, relinquitur; fideicommissum, quod verbis precativis sive precariis. Sed sciendum est, verba imperativa sæpe vim habere preciorum, quod ex objecto & voluntate testatoris æstimandum est. Etenim si sic dicat; *L. Titio heredi meo impero, ut servum meum Stichum manumittat*, procul dubio hic per fideicommissum libertas data intelligitur. Idemque est, si dixerit, *Jubeo, aut heres damnas esto manumittere.* Similiter si imperaverit heredi, ut hereditatem aut rem aliquam restituat, valebit hoc jure fideicommissi, tamquam verbo precario relictum. Et cur minus eo verbo relictum valeat, quàm si dicat, *jubeo*? quod etsi directum est, Ulp. *d. tit. 24. §. 3. l. 1. C. comm. de legat.* vim tamen precarii habere constat, quoties quid restitui jubetur, *l. Lucius. 88. §. quisquis. 10. de leg. 2. l. Aurelius. 28. §. ult. de lib. leg.* aut minus etiam quàm *volo*: quod cum imperativum sit, tamen in fideicommissis est usitatissimum. Quod si ita dixerit, *Impero tibi heres, ut L. Titio centum des*; hoc jam non fideicommissum erit, sed legatum. Nihil enim interest, *impero*, quis dicat, an heredem meum dare jubeo, aut heres damnas esto dare. Ulp. *d. tit. 24. §. 3.* Verba *relinquo & commendo* negat Paulus *d. loc. ult.* iam fideicommissi actionem parere. De verbo *commendo* constat, *l. 11. §. 2. de legat. 3. l. 12. C. de fideic. libert.* Ac ex verbo *relinquo* videtur fuisse petitio fideicommissi, *l. Lucius. 78. §. filiam. 8. ad sen. Treb.* Sed de eo nunc laborandum non est, postquam Justinianus omne verbum significans testatoris legitimum sensum, legare vel fideicommittere volentis, utile atque validum esse iussit, *l. 2. comm. de leg.* Sæpe enim, quod notandum est, ex conjectura voluntatis fideicommissum inducitur, cum verba fideicommissi non sunt, aut sunt fideicommissi inutilis, si sola spectantur exim. in *l. ex facto. 17. in pr. l. si quis. 29. ad Treb.* cum proponebatur. *64. l. peto. 69. in pr. de legat. 1. l. 11. §. si quis ita. 4. l. ult. §. 3. de legat. 3.* Constat etiam Mattheac. *epis. legat. lib. 1. c. 3. Chifflet. lib. 2. de jur. deic. 18. & 20. Mant. lib. 7. & 8. de conj. ult. vol. D. Tuiden. comm. in tit. præc. c. 3.*

TITULUS VIGESIMUS QUINTUS.

DE CODICILLIS.

Dig. Lib. 29. Tit. 7. C. Lib. 6. Tit. 36.

Ratio ordinis. Codicilli unde dicti? eorum definitio, & divisio.

Summa tituli.

Videri alicui poterit disputatio de codicillis non rectè subjecta tractationi de successione ex testamento: quippe cum si codicilli tantum facti sint, succedatur ab intestato. Verùm Justiniano, ut apparet, propositum hic maxime fuit agere de codicil-

lis à testato factis, qui pars sunt testamenti, ejusque juxta sequuntur. Sed & codicilli ab intestato facti speciem quamdam testamenti exhibent, *l. ab intestato. 16. hoc tit.* Codicilli dicti sunt parvi codices, id est, tabellæ ex codicibus, aut ligno. Itaque quemadmodum testamentum codex appellatur,

latur, *Joven. sat. 10. Codice sacro Hæredes veras esse suos*, quia testamentum in codicibus tantum scribebat, sive tabulis grandioribus; ita voluntas suprema minus solemnis aut plena, codicilli, & aliquando numero unitatis codicillus, l. si ita. 38. de dona. & dem. hoc sit. l. 14. C. de testam. propterea quod scribi solita erat in codicillis, id est, tabulis brevioribus & tenuioribus, ita factis, ut facile, quo cuicunque commodum esset, circumferri atque in sinu gestari possent. Est igitur codicillus *codicillus* à codice: quamquam obtinuit, ut etiam nuncupata imperfecta voluntas codicillus dicatur, l. 13. C. de sacrosanct. eccles. l. ult. C. de bon. libert. l. ult. §. ult. C. de codic. quemadmodum hæredi nuncupato dari dicitur bonorum possessio secundum tabulas, licet tabulæ nullæ sint, l. 2. C. de bon. poss. sec. tab. Codicilli igitur sunt supremæ voluntatis testatio minus solemnis: eorumque, ut & testamenti, duo sunt genera: scripti, in quibus voluntas scribitur; & non scripti, in quibus nuncupatur. Primum hic commemorat Justinianus, a quibus, & quam ob causam usus codicillorum introductus comprobatusque sit: deinde modum ordinationis, & quæ res codicillis relinqui possint, ostendit. VINN. Non opus est ambagibus circa vocis *Codicillus*, originem. Codicilli veteribus sunt Epistolæ, vel scripturæ ad alios missæ. Vid. Cic. ad Fam. IV. 12. VI. 18. ad Attic. lib. 12. Ep. 8. ad Quint. Frat. lib. 11. Epist. 10. Imprimis ita vocatæ litteræ ad præsentis missæ. Sen. Epist. 55. Quia ergo codicilli plerumque perscribebantur in forma epistolæ, l. 56. ff. de fideic. libert. l. 37. §. 2. l. 32. §. 3. ff. de legat. 3. l. 30. §. 1. ff. de adim. vel transf. leg. Brillon. de Formul. lib. 8. p. 686. hinc & nomen retinuerunt. HEIN.

TEXTUS.

Origo.

Ante Augusti tempora constat, codicillorum jus in usu non fuisse: sed primus Lucius Lentulus, ex cujus persona etiam fideicommissa esse coeperunt, codicillos introduxit. Nam cum decederet in Africa, scripsit codicillos testamento confirmatos, quibus ab Augusto petiit per fideicommissum, ut faceret aliquid. Et cum D. Augustus voluntatem ejus impleffet; deinceps reliqui ejus auctoritatem sequuti, fideicommissa præstabant: & filia Lentuli legata, quæ jure non debebat, solvit. Dicitur autem Augustus convocasse sapientes viros, interque eos Trebarium quoque, cujus tunc auctoritas maxima erat, & quasisset, an posset recipi hoc, ne absonans à juris ratione codicillorum usus esset: & Trebarium suavisasse Augusto, quod diceret, utilissimum & necessarium hoc civibus esse, propter magnas & longas peregrinationes, quæ

apud veteres fuissent; ubi, si quis testamentum facere non posset, tamen codicillos posset. Post quæ tempora, cum & Labeo codicillos fecisset, jam nemini dubium erat, quin codicilli jure optimo admitterentur.

NOTÆ.

Codicillorum jus] Codicilli sunt supremæ voluntatis testatio minus solemnis, non in hoc comparata, ut testamentum sit, l. 1. l. 13. §. 1. h. t. Et possunt quoque confici ab intestato, §. seq. Imperfecta igitur est definitio Græcorum Theoph. hic. Harm. lib. 5. tit. 7. §. 3. in Basil. lib. 36. tit. 1. *ἰσχυρὸς ἐν διαθήκῃ γινώσκων ἀναπλήρωσις*, aut *ἐν δόξῃ* & *διὰ βίαν*, testamenti suppletio aut correctio.

Jure optimo admitterentur] Eorumque recepta duo genera, scripti, in quibus voluntas scribitur; & non scripti, in quibus nuncupatur, l. 13. C. de SS. Eccles. l. ult. §. ult. C. hoc sit. quamquam obstat nominis ratio, vid. Hotom. & nostra in comm.

COMMENTARIUS.

Lentulus, ex cujus persona etiam fideic. Quod ait, a persona Lentuli & fideicommissorum & codicillorum usum coepisse, non sic accipiendum est, quasi primus hic Lentulus fidei hæredis aliquid commiserit, aut primus fecerit codicillos: sed quod ille primus occasionem præbuerit, ut fideicommissa, quæ antea nullo juris vinculo continebantur, rata esse coeperint, iisque hæredes obligari; tum ut etiam codicilli, quibus antea nihil efficaciter dari poterat, recepti sint, & fideicommissa quoque codicillis relicta peti potuerint. Quis ille Lentulus fuerit, non constat, & parum refert. VINN. Immo constat, intelligi hic L. Lentulum quem cum M. Valerio Messala consulem fuisse anno U. C. DCCCL. ex marmore apud Reinshum *Inscript. class. 10. 3. p. 597.* discimus. Ei Pighius falso tribuit Cossi prænomen, quod ex marmoris istius fragmento Reinshus restituit. HEIN.

Testamento confirmatos] Testamento scilicet, quod antea Romæ aut in Italia fecerat, cum in eo scripsisset, se ab hæredibus suis petere, ut si quid postea codicillis relicturus esset, id bona fide præstarent. Exemplum testamenti, quo futuri codicilli confirmantur, habemus apud Marcellum l. ult. de fideic. libert.

Quibus ab Augusto petiit] Indicio hoc est, Augustum testamento Lentuli hæredem institutum fuisse saltem ex aliqua parte: & frequens erat illis temporibus, ut viri primarii Principem ex portione aliqua hæredem seriberent.

Deinceps reliqui] An reliqui testamento Lentuli Augusto cohæredes dati, ut vult Vvesembec. Theophilum secutus? An potius alii aliorum codicillis rogati, ut fere amant subditi

diti exemplum Principis sequi ? quod magis placet.

Et filia Lentuli legata, quæ jure non debebat] Non quia relicta incapacibus τὸς μὴ δυνάμενοι λαμβάνειν, sed quia relicta codicillis, qui tunc temporis adhuc firmitudinem nullam juris habebant. Non est igitur hæc ratio, quod legata codicillis dari non poterant, in quo fallitur Vvesembecius; sed quod nihil eorum, quæ codicillis, licet testamento confirmatis, scripta erant, valeret. Et præcedentia arguunt, legata hic positum pro fideicommissa. Planè postea receptum fuit, ut etiam legata codicillis testamento confirmatis dare liceret, l. 2. §. 2. hoc tit. l. 8. §. ult. cod. Apparet autem ex hoc loco, filiam quoque Lentuli ex parte hæredem à patre scriptam fuisse, cum tamen eo tempore vigeret adhuc lex Vocònia; quod argumento est, filias partem aliquam hæreditatis patris per legem capere potuisse, atque ex ea parte etiam directo hæredem institui; quæ de re scripsimus fusius supra ad §. 1. de fideic. her. Nulla igitur causa est, cur cum Hotomanno pro filia restituamus filie.

Convocasse sapientes viros] Augustus, ut erat Princeps prudentissimus, non temere aut inconsulto irrepentem in Rempub. novum codicillorum usum confirmandum sibi putavit; sed prius explorare voluit iudicium & sententiam virorum sapientum, censerentne illi, posse hunc usum recipi salva ratione juris constituti: tum an in eo tam evidens & iusta civium utilitas versaretur, ut auctores sibi essent ejus moris comprobandi; exemplo suo docens, nihil novi juris sine consilio prudentum ac manifesta civium utilitate constituendum esse, juxta illud quod præclare ab Ulpiano dictum est, in rebus novis constituendis evidens esse utilitas debet, l. 2. de const. princ.

Vbi si quis testamentum facere non posset] Propter civium Romanorum, qui ad testimonium necessarii erant, penuriam. De facto enim loquitur non de jure, uti Jurisconsultus in l. 8. §. 2. hoc tit. nam testamenti factio loco alligata non est, DD. comm. in l. 1. c. de SS. Eccles. Cæterum & illud palam est, eum qui testamentum facere non potest, nec codicillos posse, l. divi. 6. §. 3. d. l. 8. §. 2. hoc tit.

Cum & Labeo] Qui eodem tempore maximæ auctoritatis fuit, & à Trebatio institutus est, auctore Pomponio in l. 2. §. post hunc. 47. de orig. jur. VINN. Conferendi hic omnino Tacit. lib. 3. Annal. cap. 75. & Gell. lib. 13. cap. 12. Nos quoque de diverso Antistii Labeonis & Ateii Capitonis ingenio & prudenti Augusti consilio Labeonem sibi conciliandi nonnulla monuimus in Antiqu. Rom. lib. 1. tit. 2. §. 39. p. 68. HUBN.

TEXTUS.

Efficiens.

1. Non tantum autem testamento facto potest quis codicillos facere, sed & intestatus quis decedens fideicommittere codicillis potest. Sed cum ante testamentum factum codicilli facti erant, Papinianus ait, non aliter vires habere, quam si speciali voluntate postea confirmantur. Sed divi Severus & Antoninus rescripserunt, ex iis codicillis, qui testamentum præcedunt, posse fideicommissum peti, si appareat, eum, qui testamentum fecit, a voluntate, quam in codicillis expresserat, non recessisse.

NOTÆ.

1. Sed & intestatus] Codicilli ab intestato facti vicem testamenti exhibent, suisque ipsi viribus nituntur. Proinde quicumque intestati successor erit, etiam postea natus, codicillis relicta præstabit, l. 3. l. 8. pr. & §. 1. l. 16. cod. nisi voluntas in hoc parata sit, ut testamentum esset, l. 1. l. 13. §. 1. cod. l. 14. C. de test. non adjecta scil. clausula codicillari, l. propen. qui test. fac. l. 41. §. 3. de vulg. & pup. l. ult. §. 1. C. h. r. Testamento autem facto codicilli vires ex testamento capiunt, & jus ejus sequuntur, l. 3. §. ult. d. l. 16. cod. l. 1. C. cod.

Papinianus ait] l. 5. cod. & hæc Papiniani sententia receptissima erat Plinii temporibus, ut constat ex lib. 2. epist. 16.

COMMENTARIUS.

- 1 Voluntatem in hoc paratam, ut testamentum sit, ne jure quidem codicillorum valere, nisi adjecta sit clausula codicillaris.
- 2 Testamento facto, codicillos quoscunque & quocunque tempore factos jus testamenti sequi.
- 3 Differentia inter codicillos confirmatos & non confirmatos; cæterum hodie sublata.
- 4 Quatenus ex his, quæ testamento cauta, mutare quid liceat?
- 5 Sententia extremorum verborum hujus §.

Codicilli & ab intestato confici possunt & facto testamento. Ab intestato facti suis ipsi viribus nituntur, & vicem testamenti exhibent. Proinde quicumque intestati successor erit, sive legitimus sive honorarius, etiam postea natus, codicillis relicta præstabit, l. 3. l. 8. in pr. & §. 1. l. ab intestato. 16. hoc tit. Hoc unum exigimus, ut codicilli valeant, ne voluntas defuncti in hoc instituta sit, ut testamentum esset; quod eo pertinet, ut sciamus, eam voluntatem, quæ in codicillis valere potuit, si defunctus codicillos facere instituisset, non valere jure codicillorum ut voluntatem intestati, si in hoc parata sit, ut testamentum.

mentum esset. Neque enim ad validitatem actus civilis sufficit forma, si agentis deest intentio, ut bene D. Tuld. *hic. c. 2.* Itaque si quis, verbi causa, codicillis scripserit, hanc voluntatem suam esse testamentum, aut caverit, quæ sunt testamenti propria, nihil à legitimo peti poterit, *l. 1. l. 2. l. 3. §. 1. h. t. l. propen. qui test. fac. l. non codicill. l. 14. C. de test. nisi adjecerit, velle se eam voluntatem, si jure testamenti non possit, valere saltem vice codicillorum; quæ cautio vulgo clausula codicillaris dicitur: aut valere quacumque ratione poterit, sive, ut nunc fere, omni meliori modo, d. l. propen. qui test. fac. l. cohæredi. 41. §. 3. de vulg. & pup. l. 3. in fin. de test. mil. l. Tisia. 13. de inoff. test. l. Lucius. 88. §. ult. de legat. 2. l. ult. §. 1. C. h. t. de cujus clausulæ vi ac potestate, & an clausula codicillaris à testatore omissa, quibusdam casibus subintelligi debeat, denique an præsumendum sit, ex stylo & consuetudine notarii eam clausulam adscriptam esse, an ex voluntate & scientia testatoris; vid. Mant. de conjeç. ult. vol. lib. 1. tit. 9. & 19. add. Gail. 2. obs. 114. Chifflet lib. 3. de jur. fideic. Schneid. hic. cap. de claus. codic. & eruditissimum Jo. Decherum lib. 1. differ. 8. n. 27. & seqq. Chrisun. vol. 4. dec. 32. Ant. Fab. Cod. suo. h. t. fere per tot. Testamentum autem condito codicilli, quocumque tempore facti fuerint, ad testamentum pertinent, viresque ex eo capiunt, etiam si in eo confirmati non sint, *l. 3. §. ult. diff. l. ab intestato. 16. hoc tit.* denique infirmato testamento & codicilli concidunt, *l. 1. C. rod. diff. l. 3. §. ult.* Illud interest inter codicillos testamento nominatim confirmatos & non confirmatos, quod illis relicta etiam directo jure valent, veluti legata, & libertates directo data, *l. libertates. 43. de man. testam.* perindeque omnia habeantur, ac si in testamento scripta essent, excepta causa hæreditatis, *l. 2. §. 2. hoc tit.* quo loco palam est, Julianum agere de codicillis confirmatis. At quæ codicillis non confirmatis relicta sunt, sive verbis directis sive precariis, debentur jure fideicommissi, *argum. diff. l. 2. §. ult. l. illud. 13. §. 1. hoc tit. l. Scavola. 76. ad senat. Treb.* Illud enim dicere nolim, ea sola, quæ verbis precariis codicillis non confirmatis relicta sunt, valere; neque cum Ant. Fabro 15. conj. 15. potentius esse jus codicillorum, qui ante testamentum facti sunt, quam eorum, qui postea scripti, quasi in illis, post rescriptum Imperatorum Severi & Antonini, etiam quæ directo relicta sunt, jure fideicommissi valeant, in his nihil nisi precariis verbis utiliter relinquatur. Quod perquam mihi absurdum videtur. Sed non est, quod de his amplius laboremus: cum enim confusa nunc sit legatorum & fideicommissorum natura, *l. 2. C. comm. de legat.* dubitandum non est, quin legata codicillis etiam non confirmatis data directo nunc valeant.*

Ante testamentum] Mentitur tantum codicillo-
rum factorum ante testamentum, quoniam quin
codicilli post testamentum conditum scripti et-
iam sine confirmatione valerent, non videtur fuisse

se dubitatum, cum quod quisque postremum ca-
vet, id ratum esse velle satis constet. Fuit quidem
usitatum, ut etiam futuri codicillis testamento
confirmarentur, ut apparet ex *l. quidam. 7. §. l.*
seq. §. ult. l. Plautiana. 18. de fideicomm. libers. l. 6.
l. ult. C. cod. sed id fieri solitum majoris securita-
tis gratia: nam ad validitatem codicillorum spe-
ciale hanc confirmationem non fuisse necessa-
riam, patet ex *l. 3. §. ult. h. s. nisi ad hoc, ut legata*
& libertates datæ directo valerent. Illud quæri-
tur, quatenus codicillis posterioribus ex his, quæ
testamento cauta sunt, mutare quid aut collere
liceat. Hæreditatem codicillis adimi non posse,
translativum est. Quam ob causam nec conditio
hæredi instituto codicillis adjici potest, *§. seq.* At
potest hæres testamento scriptus codicillis roga-
ri, ut hæreditatem restituat, *l. 2. C. h. s.* Possunt
& fideicommissa testamento relicta codicillis adi-
mi: quinimmo & legata, utique hætenus, ut le-
gatus ex testamento agens repelli possit excep-
tione doli mali, arg. *l. 4. §. præterea. 10. de dol.*
mali. except.

Quàm si speciali postea voluntate] Papinianus existimabat, codicillos ante tabulas testamenti factos non aliter valere, quàm si testamento, quod postea factum est, vel codicillis confirmarentur, aut prior voluntas quocumque iudicio retineretur, l. 5. hoc tit. motus, ut credibile est, hac ratione, quod qui post codicillos à se factos testamentum facit, mutat causam successionis, transiens à causa intestati ad causam testati. Quo facto videtur codicillos istos revocare una cum voluntate habendi hæredem ab intestato.

Diui Severus & Antoninus contra] Contra sententiam Papiniani, qui exigebat, ut voluntas codicillis expressa saltem novo aliquo iudicio retenta probaretur. Imperatores ergo ne illud quidem in proposito exigunt, sed retentam voluntatem interpretantur, quæ mutata non ostenditur: ut jam mutata voluntatis probatio incumbat heredi, cum ex sententia Papiniani retentæ voluntatis probatio exigeretur ab eo, qui ex codicillis quid peteret: atque ut nunc præsumptio sit pro codicillis, cum antea contra esset.

Si appareat eum, &c. non recessisse] Hoc omnino sic accipiendum est cum clarissimo D. Tuld. cap. ult. hic. ac si scriptum elset, *nisi appareat, eum, qui testamentum fecit, à voluntate, quam in codicillis expresserat, recessisse*. Satis enim apparet non recessisse ex eo ipso, quod non apparet recessisse. Alioquin dici non potest, quid novi circa jus codicillorum rescripto Severi & Antonini introductum sit, cum ipsi Papinianus suffecerit, voluntatem codicillis declaratam quocumque iudicio retentam probari, ut bene disputat Ant. Faber. l. 5. *conject.* l. 5. Similis loquendi formula in eodem sensu etiam apud veteres occurrit, ut in l. *dissem.* 30. de *jur. dot.* l. *generaliter*. 24. §. *sed etsi*. 8. de *fideicom.* *liberi*. l. 8. §. 2. de *novat.* neque enim semper æquè accuratè auctores juris loquuntur.

Estque hæc communis usque recepta sententia, codicillos, nisi testamento postea facto revocati probentur, tacite confirmatos intelligi. Gloss. & Bart. in l. 5. hoc tit. Mantica lib. 1. de coniect. ult. volunt. r. 8. Myns. Schneid. Vvesemb. hic. Totoque iudicio fallitur Hottomannus, qui scribit, hoc iure nos uti, ut nisi retenta voluntas probetur, codicilli per testamentum revocati videantur.

TEXTUS.

Materia.

2. Codicillis autem hereditas neque dari neque adimi potest, ne confundatur ius testamentorum & codicillorum: & ideo nec exhereditatio scribi. Directo autem hereditas codicillis neque dari, neque adimi potest: nam per fideicommissum hereditas codicillis iure relinquitur. Nec conditionem heredi instituto codicillis adicere, neque substituere directo quis potest.

NOTÆ.

2. Hereditas neque dari] l. 10. eod. l. 3. C. eod. l. 67. ad SC. Treb. neque confirmari, l. 2. §. ult. h. t. l. pen. §. 1. C. de nec. serv. her. quamvis cetera codicillis testamento confirmatis etiam directo dari possint, l. 3. de test. tut. l. 43. de man. test. l. 2. §. 2. h. t. Non obstant l. 77. de her. inst. l. 10. de cond. inst. Nam illic non proponuntur species hereditatis codicillis datæ aut confirmatæ, sed datæ testamento, quod codicillis declaratur.

Neque adimi] Quæ testamento data aut lege debita, l. 4. C. de his quæ ut indign. Hoc autem superiori consequens est ex doctrina contrariorum, l. pen. §. 1. de cond. inst. l. 2. C. h. t. & ideo liberi codicillis frustra exheredantur hoc tex. fac. l. 14. §. de testam.

Ne confundatur ius testam.] L. 7. C. eod. aliam rationem affert Papin. l. 10. eod.

Per fideicommissum] Seu verbis precariis, l. 2. C. h. t. quo casu hæres scriptus aut legitimus quartam partem sibi retinere potest ex SC. sup. de fideic. her.

Nec conditionem adicere] Neque detrahere: qui adicit, in defectum conditionis de ademptione hereditatis cogitat: qui detrahit, de purè danda, quæ prius in defectum conditionis data non erat, l. 6. hoc tit. l. pen. §. ult. de cond. inst.

COMMENTARIUS.

1 Hereditatem codicillis dari aut adiri non posse, nec si testamento confirmati sint: & quæ huius iuris ratio?

2 Regulam hanc intelligi de hereditate directo

danda, non per fideicommissum. Et quid intersit hæc intersit?

3 Consequens esse superiori regule, instituto heredi codicillis neque conditionem rectè adici, neque detrahi, neque directo substitui.

UT cetera omnia codicillis vel ab intestato factis, vel à testato, licet testamento non confirmatis, relinqui possint, maxime novo iure post exequationem legatorum & fideicommissorum; hereditas tamen codicillis dari non potest, nec si testamento confirmati sint, l. quod per manus. 10. h. t. l. 2. C. eod. l. Scævola. 76. ad SC. Treb. & militis in hoc privilegium agnoscimus, quod codicillis heredem facere possit, l. militis. 36. de test. mil. Datur enim hereditas per institutionem heredis aut substitutionem directam, quod solius testamenti proprium est, neque in ullum alium actum sive inter vivos sive ultimæ voluntatis aut donationis mortis causa conferri potest, l. 7. C. hoc tit. l. liter. 19. C. de pass. l. cum donationis. 34. C. de transact. l. 5. C. de pass. conv. tam sup. dor. l. 3. C. de inut. stip. Non obstant species propositæ in l. affe. 77. de her. inst. l. 10. de cond. inst. illic enim non proponitur hereditas data aut confirmata codicillis, sed data testamento, quod codicillis declaratur, aut purificatur, ut loquitur Baldus. Hoc autem posito, hereditatem codicillis dari non posse, consequens est ex doctrina contrariorum, nec codicillis posse adimi, scilicet his, qui vel in testamento scripti sunt, vel ex lege sunt hæredes, l. pen. §. 1. de cond. inst. l. 2. C. hoc tit. l. 4. C. de his quib. ut indign. & ideo liberi codicillis frustra exheredantur, fac. l. non codicillum. 14. C. de test.

Ne confundatur ius testamentorum] Et ne alioqui, quod absurdum & præposterum est, per codicillos, qui ex testamento vim sumunt, ipsum testamentum, quod vires per institutionem heredum accipit, confirmari videretur, ut Papinianus disputat in d. l. quod per manus. 10. hoc tit. Nimirum si hereditas codicillis vel dari vel adimi posset, sequeretur, & confirmari testamentum & revocari per codicillos posse: denique idem posse, idem esse codicillos, quod testamentum. Cur ergo hæc distinguerentur? Cur diversam nomen inderecuriis rebus, quas vis ac potestas una sociasset? collectio est Constantini in l. 7. C. hoc tit.

Directo autem hereditas, &c. nam per fideicommissum] Quod totiens traditum est, hereditatem codicillis nec dari nec adimi posse, sic accipitur, ut directo non possit dari, puta hærede codicillis instituto aut substituto, diff. l. 7. C. hoc tit. nec directo codicillis adimi, puta quæ aut testamento datæ est, aut lege debita, l. 4. C. de his quib. ut indign. Ceterum per fideicommissum seu verbis precariis etiam codicillis hereditas iure relinquitur, l. 2. C. hoc tit. daturque & adimitur, Dari

Dari intelligitur ei, cui hereditas restitui rogatur: adimi ei, qui rogatur restituere. Nam licet is ipso jure adhuc hæres maneat, manet tamen nomine tantum, effectu autem is hæres fit, cui hereditas restituitur. Multum verò interest, utrum dicamus codicillis directo hereditatem relinquere posse, an per fideicommissum duntaxat: nam directo relicta semper tota capitur ab instituto, relicta per fideicommissum non capitur à fideicommissario, nisi imminuta detractioe quartæ Falcidiz, his, qui rogatus est restituere, jure suo uti velit, qui pro ea parte etiam effectu tum hæres manet. Porro cum confirmatio quoque in speciem directæ donationis cadat, negat Jurisconsultus in l. 2. §. ult. *hoc tit.* hereditatem testamento inuiciliter datam posse codicillis quasi hereditatem confirmari: sed tantum ex fideicommissio peti salva ratione legis Falcidiz. Unde Justinianus secundum veteres leges sic definit, hereditatem codicillis neque dari neque confirmari posse, l. pen. §. 1. C. de nec. serv. her. inst.

3. *Nec conditionem adjicere*] Hæredi purè instituto conditio codicillis adjici non potest, l. Divi, 6. in pr. *hoc tit.* quia scilicet conditione adjecta testator in defectum conditionis de ademptione hereditatis cogitasse intelligitur, l. quidam, 27. §. ult. de cond. inst. Quod si codicillis adjicere conditionem institutioni non licet, multo minus licebit detrachere, cum hoc casu purè hereditas detur, quæ prius in defectum conditionis data non erat.

Neque substituere directo] Nam qui directo substituit, in defectum prioris heredis alium heredem instituit. Est enim species institutionis substitutio, l. 1. de vulg. & pup. planè interdum directis verbis facta in codicillis substitutio ad fideicommissum trahitur benigna interpretatione, l. Scævola, 76. ad Treb. In universum autem si constet, aliquem, qui testamentum non habebat, codicillos, non testamentum facere voluisse, in ea scriptura directa institutionis verba ex voluntate defuncti, quamvis clausula codicillaris adjecta non sit, in vim fideicommissi valere placet, perindeque haberi, ac si legitimus hæres rogatus esset scripto in codicillis hereditatem restituere, l. 13. §. 1. *hoc tit.* & ibi Bart. Bald. & alii, & in l. 7. de vulg. & pupill. eoque jure utimur.

TEXTUS.

Numerus & solemnitas.

3. *Codicillos autem etiam plures quis facere potest: & nullam solemnitatem ordinationis desiderant.*

COMMENTARIUS.

1. *Cur cum plura testamenta unius hominis esse non possint, plures possint esse codicilli?*

2. *Codicillos non esse omnino sine aliqua solemnitate ordinationis: quod tamen non perineat ad confirmatos testamentis.*

3. *Verum mulier in codicillis recte testis adhibeatur.*


NOtantur hic & aliz differentiæ inter testamentum, & codicillos. Plura testamenta unius hominis esse non possunt, quamvis pluribus codicibus seu exemplis unum idemque testamentum fieri possit, §. pen. sup. de test. ord. Nam cum unumquodque testamentum universam successionem contineat, si novissimum testatoris voluntatem servari placet, prius semper per posterius rumpatur necesse est, §. 2. sup. quib. mod. test. inf. Codicillos autem plures non modo pluribus exemplis quis facere potest, sed etiam diversos & diversarum rerum, l. 6 §. 1. *h. tit.* nec quicquam per posteriores de prioribus detrahatur, nisi sine contrarii, l. 3. C. eod.

Nullam solemnitatem ordinationis] Existimo, hoc e veteris alicujus Jurisconsulti commentariis sumptum, qui ante Theodosium vixit, & forte ex Marciano d. l. 6. §. 1. *hoc tit.* Nam Theodosius quinque testes in codicillis requirit, atque ut uno eodemque tempore, hoc est, uno actionis contextu, coram iis negotium absolvatur, & si in scriptis fiant, etiam testium subscriptionem desiderat, l. ultim. §. ult. C. *hoc tit.* Quæ sanè declarant, codicillos nunc non omnino esse sine solemnibus & subtilitate ordinationis, fac. l. ult. C. de fideic. §. ult. sup. de fideic. her. & jejuna illa quorundam distinctio est inter solemnitatem ordinationis & probationis. Nam solemnitas omnis, etiam in testamento non alia de causa requiritur, quam ut certo de voluntate defuncti constare possit. Eum verò in codicillis testamento confirmatis non puto necesse esse ea adhiberi, quæ à Theodosio præcipiuntur. Quippe quod his codicillis relictum est, perinde habetur, ac si ipso testamento relictum esset, l. 2. §. 2. *hoc tit.* ut proinde ad horum relictorum vim solemnitas testamenti sufficere debeat, argum. l. affe. 77. de hered. inst. l. 1. de cond. inst. atque etiam secundum ipsam constitutionem Theodosii. Quæsitum est, an etiam mulier in codicillis testis adhiberi possit? 3. vulgo placet posse, propterea quod non uti in testamento, ita in codicillis expressè prohibita est testimonium dicere. Gloss. & DD. comm. in d. l. ultim. §. ult. C. *hoc tit.* Grass. §. testamentum. quest. 57. num. 4. Mynsing. Schneid. hic. Cæterum mihi non sit verisimile, ullos actus solemnnes adhibitis mulieribus apud veteres expediri potuisse: & Theodosius non qualitate & sexu, sed numero tantum testes codicillarios à testamentariis distinguit. Revise ad ea, quæ scripti ad §. testes. 6. sup. de testam. ord. Apud nos codicilli, item ut testamenta passim confici solent coram duobus testibus & Tabulario, Jusque & nomen testamentorum ac codicillorum fere confusum. D. Coren. obs. rer. jud. 31. sect. pen. Grot. 2. introduct. 22. Groen. vv. de

de legib. abrog. hic. VINN. Defendit Vinnii sententiam satis operose V. C. Reinold. in *Var. cap. 5.* Sed res clara videtur. In testamentis condendis testibus opus erat talibus, quibus cum olim fuerat testamenti factio in comitiis calatis, quia is actus jure vetustissimo lex erat populi suffragiis perita, jure novo solemnitas mancipatio hereditatis. Omnia ergo hic solemnitas. At codicilli erant epistolæ, ut supra ostendimus. Quis epistolis testes adhibet? quis in iis solemnitatem requirit? Valebat hujusmodi epistola, etiam non obsignata, dum de ejus fide constaret. l. 89. pr. ff. de legat. 2. quia enixæ voluntatis preces ad omnem successione speciem porrectæ videbantur. l. 77. §.

23. ff. eod. Testes ergo adhibebantur ab iis, qui nuncupativè fideicommittebant. Et ita intelligenda l. 22. C. de fideicomm. Postea etiam in scriptis codicillis intestatorum testium opus erat presentia per l. 1. C. Theod. de test. & codicill. non solemnitatis causa, sed ut testamentum successiones sine aliqua capione serventur. Ergo non solemnitatis causa adhibendi, sed probationis causa. Nec aliud voluit Theodosius, dum in omnibus codicillis testes requisivit. l. ult. C. h. t. Acqui & seminarum testimonium fidem facit in his, ubi solemnitatum deest scrupulosa observatio. l. 20. §. 6. ff. qui test. fac. poss. l. 18. ff. de test. Quare à testamentis ad codicillos collectio non procedit. HERN.

Finis Libri Secundi.



ز

